


續修四庫全書

《續修四庫全書》編纂委員會編

續修四庫全書



上海古籍出版社

二九九·史部·正史類

清史稿五百三十六卷(卷二百八十六至卷四百四十九)

趙爾巽等撰

.....

一

2287/09

清史稿

郎坦

薩布素

朋春

瑪拉

列傳六十七

郎坦瓜爾佳氏滿洲正白旗人內大臣吳拜子年十四授三等侍衛順治六年進二等從端重親王博洛討叛將姜瓖次渾源圍城賊渡濠來犯郎坦射其酋貫心殛遂敗賊師還進一等八年以吳拜附和內大臣洛什等獲罪並奪郎坦官尋復之康熙二年代吳拜管佐領遷護軍參領從定西將軍圖海討李自成餘黨李來亨等於茅麓山深入賊巢獲所置官十一四年襲一等精奇尼哈番十二年京師有張三道者設壇以邪教惑眾命郎坦與諸侍衛捕治十三年命行邊獲通盜張飛飯等擢正白旗蒙古副都統調本旗滿洲順治中俄羅斯東部人犯黑龍江邊境時稱為羅剎九年駐防寧古塔章京海塞遣捕性翼長希福率兵與戰師敗績世祖命誅海塞鞭希福百仍駐寧古塔十一年固山額真明安達里率師討之敗敵黑龍江羅剎未大創復侵入精奇里江諸處上命大

清史稿

列傳六十七

理寺卿明愛等諭令撤回遷延不即去據雅克薩城於其旁耕種漁獵又過牛滿恒浚侵擾索倫赫哲飛牙喀奇勒爾諸部二十一年秋道郎坦及副都統朋春等率兵往索倫比行諭曰羅剎犯我境特雅克薩城為巢穴歷年已久殺掠不已爾等至達呼爾索倫遣人往諭以來捕鹿因詳視陸路遠近沿黑龍江行圍運薄雅克薩城勘其形勢度羅剎不敢出戰如出戰姑勿交鋒但率眾引退朕別有區畫賜御用裘服弓矢以行及冬郎坦等還京師疏言羅剎久踞雅克薩恃有木城若發兵三千與紅衣喇嘛二十即可攻取陸行自興安嶺以往林木叢雜冬雪堅冰夏雨泥淖惟輕裝可行自雅克薩還至愛琿城於黑龍江順流行船僅須半月逆流行船約須三月期倍於陸行於運糧餉軍器輜重為便現有大船四十小船二十六宜增造小船五十餘應用上諭曰郎坦等奏取攻取羅剎甚易朕亦以為然第兵非善事宜暫停攻取調烏拉寧古塔兵千五百人并製造船艦發紅衣喇嘛教之演習於愛琿呼瑪爾二地建木城與之對壘相機舉行所需軍糧取諸科爾沁十旗及錫伯烏拉官屯約得一萬二千石可

清史稿 卷二八六

清史稿

列傳六十七

支三年愛琿城匪索倫五宿可至其間設一驛俟我兵將至精奇里烏拉令索倫供牛羊如此則羅剎不得納我通逃而彼之通逃且絡繹來歸自不能久存矣尋擢郎坦前鋒統領二十二年命與黑龍江將軍薩布素會議駐兵額蘇哩事還奏額蘇哩七月即經霜雪宜乘春和以寧古塔兵分為三班更番戍守上以吏番戍守非久長策不允二十三年甄別八旗管兵官罷郎坦前鋒統領以世職隨旗行走二十四年命都統朋春率師征羅剎郎坦以副都統隨征師薄雅克薩城羅剎酋額里克舍請降郎坦宜宥其罪引眾徙去毀木城是冬羅剎復來踞雅克薩築城二十五年命郎坦偕副都統班達爾沙携紅衣喇嘛藤牌兵百人往會將軍薩布素進兵上以郎坦諳悉地勢即令參贊軍務六月薄其城壘壕築壘賊出拒擊敗之斬額里克舍尋俄羅斯察罕汗上書請釋雅克薩圍上許之令郎坦撤軍還駐寧古塔尋擢正白旗蒙古都統二十八年上遣內大臣索額圖等與俄羅斯使人費耀多囉等會於尼布楚立約定界命郎坦與議乃毀所築城徙去二十九年古北口外盜起命郎坦偕侍衛赫濟爾音等督兵捕勦盡殲之三十一年噶爾丹侵喀爾喀部擾及邊境授郎坦安北將軍率師駐大同疏請出邊駐喀喇穆倫偵寇昭暫駐歸化城尋擢領侍衛內大臣兼火器營總管列議政大臣三十二年授副都統將軍率師駐甘肅二十三年移駐寧夏與甘肅提督孫思克分道偵寇上聞噶爾丹將逼圖拉命郎坦移兵禦勦以圖拉無警引還仍任領侍衛內大臣列議政如故三十四年往盛京巡閱邊隘還入塞疾劇遣太醫馳驛往視尋卒賜祭葬

朋春棟鄂氏滿洲正紅旗人何和禮四世孫何和禮子和碩圖進爵二等公子何爾本哲爾本蘇布遜襲至袁布以恩詔進一等朋春哲爾本子也順治九年襲封康熙十五年加太子太保授正紅旗蒙古副都統調本旗滿洲二十一年偕郎坦率兵至黑龍江規羅剎形勢賜御用裘服弓矢與郎坦還奏上命寧古塔將軍巴海副都統薩布素建木城於黑龍江呼瑪爾調取所部兵一千五百人往駐焉又命尚書伊桑阿赴寧古塔督造戰船尋擢朋春正紅旗滿洲副都統二十四年詔選八旗及安置山東河南山西三省福建投誠藤牌兵付左都

督何祐率赴盛京命朋春統之進勦羅利以副都統班達爾沙副都統銜瑪拉
參儀使建義侯林興珠護軍統領修實參贊軍務祐與珠皆鄭氏將來降者也
師既行上遣侍衛關保至黑龍江傳諭曰兵凶戰危朕以仁治天下素不嗜殺
以我兵馬精強器械堅利羅利勢不能敵必獻地歸誠爾時勿殺一人俾還故
土宜朕柔遠至意五月師薄雅克薩城遣人諭降不從分水陸兵為兩路列營
夾攻復移紅衣廠於前積薪城下示將焚焉羅利頭目額里克舍詣軍前乞降
乃宥其罪釋還俘虜額里克舍引六百餘人徒去毀木城以歸附巴什里等四
十五戶及被掠索倫達呼爾百餘戶安插內地二十九年厄魯特與喀爾喀構
釁命裕親王福全為撫遠大將軍出邊勦噶爾丹以朋春與都統蘇努參贊軍
務蘇努率左翼朋春率右翼至烏爾布通噶爾丹依山列陳朋春所部為泥淖
所阻蘇努督兵衝擊大破之噶爾丹乞和夜自大嶺山遁走部議朋春坐奪
官上命寬之降級留任三十一年命解職赴西路軍前管隊三十五年復授正
紅旗蒙古都統旋以費揚古為撫遠大將軍朋春仍參贊軍務出西路破噶爾

清史稿

列傳六十七

三

丹於昭莫多師還以本隊護軍驍騎十八人戰死未收其骸下部議以師有功
免罪仍錄戰績增注敕書三十八年因病解職尋卒子增壽改襲三等公
薩布素富察氏滿洲鎮黃旗人四世祖充順巴本以勇力聞世為岳克通鄂城
長太祖時其後人哈木都率所部來歸屯吉林遂家焉薩布素自領催授驍騎
校邊協領康熙十六年聖祖遣內大臣覺羅武默訥等瞻禮長白山至吉林欲
得識路者導引齊古塔將軍巴海令薩布素率兵二百携三月糧以從水陸行
至長白山麓成禮而還事具武默訥傳十七年授薩布素齊古塔副都統羅利
據雅克薩二十一年詔率兵借耶坦等勦視雅克薩城形勢並往視自額蘇哩
至黑龍江及通齊古塔水陸道尋耶坦還奏羅利可圖狀命建木城於黑龍江
呼瑪爾兩地以巴海與薩布素統齊古塔兵千五百人往駐造船備礮二十二
年疏言黑龍江呼瑪爾距雅克薩尚遠若駐兵兩處則勢分道阻且過雅克薩
有尼布楚等城羅利倘水陸運糧增兵救援更難為計宜乘其積貯未備速行
征勦俟造船畢度七月初旬能抵雅克薩即統兵直薄城下疏下王大臣議如

所請上不許尋命巴海留守吉林以薩布素借齊古塔副都統瓦禮帖率兵駐
額蘇哩額蘇哩在黑龍江呼瑪爾之間為進攻雅克薩要地有田圃舊迹薩布
素因移達呼爾防兵五百人赴其地耕種並請調齊古塔兵三千更番戍守上
念兵丁更成勞苦命在黑龍江建城備攻具設斥堠計程置驛連糧積貯設將
軍副都統領之權薩布素為黑龍江將軍招撫羅利降人授以官職更令轉相
招撫上命都統瓦山侍郎果丕與薩布素議師期薩布素請以來年四月水陸
并進攻雅克薩城不克則刈其田禾上謂攻羅利當期必克倘謀事草率將益
肆猖狂二十四年以朋春等統兵進攻薩布素會師克雅克薩城乃命薩布素
移駐墨爾根建城防禦二十五年疏言羅利復踞雅克薩請督修戰艦俟冰泮
進剿上遣耶中滿不往謂得實乃命薩布素暫停墨爾根兵丁遷移家口速修
戰艦率齊古塔兵二千人往攻又命耶坦達爾沙會師抵雅克薩城城西瀕江
薩布素令於城三面掘壕築壘為長圍對江駐水師未冰時泊舟東岸截尼
布楚援兵冰時藏舟上流泅港內馬有疲羸者分發墨爾根黑龍江餉秣計持

清史稿

列傳六十七

四

久上因荷蘭貢使以書諭俄羅斯察罕汗答書請遣使畫界先釋雅克薩圍上
允之命撤圍二十八年俄羅斯使臣費羅多囉等至尼布楚命內大臣索額圖
等往會令發黑龍江兵千五百人為衛護議以大興安嶺及格爾必齊河為界
毀雅克薩城徙其人去二十九年薩布素入覲賜資優渥命坐內大臣班尋命
總管索倫等部貢物疏陳各部生計土俗採捕之事擬為則例以上上悉允行
三十一年奏建齊齊哈爾及白都訥城以科爾沁部獻進錫伯卦爾察達呼爾
壯丁萬四千有奇分駐二城編佐領隸上三旗並設防守尉防禦等官噶爾丹
入犯疏陳進兵事宜略言興安嶺北形勝地以索約爾濟山為最已遣識路官
兵自盛京吉林墨爾根審度至山遠近分置驛站其無水處掘井以待山之東
北呼倫貝爾等處有警與臣駐軍地近即率墨爾根兵先進吉林盛京繼之山
之西烏勒輝等處有警則盛京兵先進臣率部下及吉林兵繼之皆會於索約
爾濟山上可其奏二十五年上親征噶爾丹自獨石口出中路大將軍費揚古
自歸化城出西路命薩布素扼其東路督盛京齊古塔科爾沁兵自索約爾濟

山冠期進勦四月上次克魯倫河噶爾丹西竄爲費揚古所敗詔分薩布素所部兵五百人隸費揚古軍三十六年召至京師尋命回任初邊境有墨爾哲勒屯長累世輸貢康熙初屯長札努喀布克托請率衆內移寄古塔將軍巴海安輯於墨爾根編四十佐領號新滿洲薩布素奏於墨爾根兩翼立學設助教選新滿洲及錫伯索倫達呼爾每佐領下幼童一教習書義是爲黑龍江建學之始三十七年上幸吉林褒其勤勞予一等阿達哈哈番世職并御用冠服於崇前宜諭賜之尋疏言黑龍江屯堡因災荒積欠米石請俟年豐交倉上以薩布素曾奏革任總督蔡毓榮經理十二堡著有成效嗣因官堡荒棄請停止屯種將壯丁改歸驛站存貯倉米支放無餘致駐防兵餼匱乏責令回奏薩布素具疏引罪請以齊齊哈爾墨爾根駐防兵每年輪派五百人往錫伯等處耕種官田穫穀運齊齊哈爾交倉詔侍郎滿不等往按以薩布素將荒廢地妄報成效並浮支穀石應斬命罷任奪世職在佐領上行走尋授散秩大臣三十九年卒乾隆間敕修盛京通志列名宦且稱薩布素諳練明敏得軍民心其平羅刹及

清史稿

列傳六十七

五

黑龍江興學有文武幹濟才云

瑪拉那喇氏滿洲鎮白旗人尙書尼堪從子尼堪卒無子瑪拉與叔阿穆爾圖阿錫圖及弟兆資分襲尼堪世職瑪拉襲三等阿達哈哈番初任理藩院筆帖式順治五年英親王阿濟格征叛將姜瓖圍大同令瑪拉調蒙古兵以從累遷理藩院副理事官康熙十四年察哈爾布爾尼叛聖祖命信郡王鄂札帥師討之瑪拉自陳久任理藩院習知蒙古狀願赴軍前效力遂命與員外郎色梭赴科爾沁諸部調選兵馬協剿師還擢通政使邊禮部侍郎十六年擢工部尙書借內大臣喀岱往科爾沁諸外藩宣諭禁令瑪拉初受任上誠以工部積弊宜殫心釐剔十九年坐不能清積弊議降五秩詔從寬留任復以鑿殿器用修造疏忽奪尙書仍留世職二十二年上以俄羅斯數犯邊擾及索倫飛牙喀諸部命集兵黑龍江將進討道瑪拉往索倫儲軍實尋疏言索倫總管博克所獲俄羅斯人及軍前招降者皆迫於軍威不宜久留索倫應移之內地詔允行復言雅克薩尼布楚二城久爲羅刹所據臣密調雅克薩惟耕種自給尼布楚歲捕

貂與喀爾喀貿易資養瞻請飭喀爾喀車臣汗禁所部與尼布楚貿易並飭黑龍江將軍水陸並進示將攻取雅克薩因刈其田禾則俄羅斯將不戰自困上然之即以瑪拉所奏檄示喀爾喀二十四年遣都統朋春等帥師往黑龍江議進兵授瑪拉副都統銜參贊軍務遣蒙古兵三十調雅克薩城生擒羅刹七人得城中設備及乞援各部狀是年夏朋春等攻羅刹克之逐其人瑪拉在事有功二十五年黑龍江佐領鄂色以耕牛多斃農器損壞奏請備命瑪拉往黑龍江督理農務諭曰農事關軍饑令嚴督合力播種值歲豐收穫甚稔二十七年授護軍統領二十九年噶爾丹侵掠喀爾喀命瑪拉偕都統額赫納前鋒統領碩爾等率兵往討之賜內廐馬以行未幾噶爾丹掠烏珠穆沁命裕親王福全等分統大軍出塞擊之噶爾丹敗遁師旋三十年復來犯至阿爾哈查無所掠而遁時土謝圖汗車臣汗率所部來歸上幸塞外撫輯瑪拉扈從旋命偕都統瓦岱等率兵赴圖拉偵噶爾丹抵克魯倫河聞其遠竄乃還授西安將軍三十二年準噶爾和碩特部吉巴圖爾額爾克濟農來降上以其人未可信命瑪

清史稿

列傳六十七

六

拉徙入內地母令復逸瑪拉疏言巴圖爾額爾克濟農率所屬二千餘口窮乏來歸揆其情狀富不復逸遂遣官護送并其子台吉雲木春來朝優賞遣之未幾瑪拉卒於官賜祭葬諡敏恪

論曰俄羅斯之爲羅刹譯言緩急異耳非必東部別有是名也初遣兵調敵耶坦主其事取雅克薩城朋春薩希素迭爲將而耶坦與瑪拉質佐之尼布楚盟定開市庫倫是爲我國與他國定約互市之始用兵當期必克我苟草率彼益猖狂聖祖諭薩布素數言得取夷之要矣

清史稿

列傳六十八

費揚古

馬斯喀

修國綱

阿南達

吉勒塔布

殷化行

潘育龍

額倫特

費揚古棟鄂氏滿洲正白旗人內大臣三等伯鄂碩子狀貌魁異年十四襲爵康熙十三年從安親王岳樂率兵徇江西討吳三桂三桂將黃乃忠糾眾萬餘自長沙犯袁州費揚古與副都統沃赫總兵趙應奎擊敗之克萬載十五年擊走夏國相於萍鄉進圍長沙累戰皆捷十八年復敗吳國貴於武岡師還擢領侍衛內大臣列議政大臣噶爾丹劫掠喀爾喀遣使諭罷兵不從數擾邊境二十九年授裕親王福全為撫遠大將軍率師討之命費揚古往科爾沁徵兵參贊軍事秋擊敗噶爾丹於烏爾布通二十二年歸化城增戍兵以費揚古為安北將軍駐焉三十三年噶爾丹遣使至請入貢費揚古發兵迎護偵其眾男婦

清史稿

列傳六十八

千五百有奇留之歸化城疏聞上察噶爾丹意叵測陽為修好潛遣入內地窺探命侍郎滿不諱責其使遣之還七月聞噶爾丹將窺圖拉詔費揚古偕右衛將軍希福率軍往禦希福請益兵上責其疑沮令勿偕往尋以圖拉無警噶爾丹將趨歸化城詔費揚古旋師三十四年噶爾丹至哈密費揚古往禦乃自圖拉河西窺尋授右衛將軍仍兼攝歸化城將軍事疏言聞噶爾丹據巴顏烏爾距歸化城約二千里宜集兵連糧於來年二月進勦詔授費揚古撫遠大將軍以都統伊勒慎護軍統領宗室費揚古瓦爾達副都統碩岱將軍舒恕參贊軍事尋召入覲授以方略三十五年二月詔親征三路出師以黑龍江將軍薩布素出東路費揚古出西路振武將軍孫思克西安將軍博齊自陝西出鎮彝並進上親督諸軍自獨石口出中路上與費揚古期四月會師圖拉費揚古師自翁金口進次烏爾厄爾幾再進次察罕河朔與孫思克師會而上已循克魯倫河深入五月費揚古師至圖拉疏言西路有草之地為賊所焚我軍每迂道秣馬又遇雨糧運遲滯師行七十餘日人馬疲困乞上緩軍以待上進次西巴

爾台再進次額爾德尼拖洛海噶爾丹屯克魯倫河聞上親督師至升孟納爾山遙望見御營大營盡棄其廬帳器械遁去上命馬思喀為平北大將軍逐噶爾丹並密諭費揚古要擊親督大軍躡其後次中拖陵費揚古偵知噶爾丹走特勒爾濟道前鋒統領碩岱副都統阿南達阿迪等率兵先往挑戰且戰且却誘至昭莫多昭莫多者蒙古語大林也在肯特嶺之南土臘河之北費揚古分兵三隊東則京城西安諸軍及察哈爾蒙古兵屯山西則右衛大同諸軍及喀爾喀蒙古兵沿河列陣孫思克率綠旗兵居其中並遵上方略令官兵皆步戰俟敵卻乃上馬衝擊噶爾丹眾猶有萬餘人冒死鏖鬪自未至西戰其力費揚古遙望噶爾丹後陣不動知為婦女駝畜所在麾精騎襲其輜重敵大亂乘夜逐北三十餘里至特勒爾濟口斬級三千餘俘數百人獲駝馬牛羊廬帳器械無算噶爾丹妻阿奴喀屯素悍能戰亦殲於陣噶爾丹引數騎遠竄費揚古令阿南達詣御營奏捷上乃班師令費揚古駐守科爾沁尋命移駐喀爾喀郡王善巴游牧地調噶爾丹所往甫至噶爾丹潛使台吉丹濟拉率千五百人入掠

清史稿

列傳六十八

喀爾喀牲畜糧糈遺諸都統祖良璧禦却之追至翁金河丹濟拉敗遁尋以馬疲請移軍駐喀喇穆倫會噶爾丹使其宰桑格畢沽英等來請納款上再幸塞外駐蹕東斯核召費揚古至行在入對上褒其功奏曰軍中機務皆遵皇上指授並未有所效力况西路糧價馬乏不能前進及聞駕至克魯倫官兵無不奮發不俟督責力戰破敵奈臣庸劣皇上窮追困蹙之寇臣不能生擒以獻賢臣罪也上曰噶爾丹窮蹙朕不忍悉加誅戮不如撫而活之對曰此天地好生之仁非臣等所能測也賜御佩藥鞭弓矢命還軍三十六年春正月阿南達自肅州奏哈密回人擒獻噶爾丹子塞下騰巴爾珠爾等上以其疏錄示費揚古並賜胙肉鹿尾關東魚諭曰時當上元令節眾蒙古及投誠厄魯特等齊集暢春園適阿南達疏至眾皆喜悅爾獨居邊塞不得在朕左右故以疏示並問爾無恙即如與爾相見也二月上復親征自榆林出塞詔費揚古密籌進剿費揚古以去歲未生擒噶爾丹請解大將軍任上不允令便宜調遣軍馬費揚古進次薩奇爾巴爾哈孫丹濟拉使來言噶爾丹至阿察阿穆塔台飲藥自殺欲携其

尸及其女鍾齊海率三百戶來歸費揚古以聞上乃班師令費揚古駐察罕諾爾以待六月丹濟拉至哈密費揚古有疾詔昭武將軍馬思喀代領其軍還京師仍領侍衛內大臣進一等公仍以未生擒噶爾丹疏辭不允因諭曰昔朕欲親征噶爾丹衆皆諫止惟費揚古與朕意合遂統兵西進道路遠兼乏水草乃全無顧慮直抵昭莫多俾奸狡積寇挫大敗累年統兵諸將未有能過之者又曰屢出征知爲將甚難費揚古相機調遣緩急得宜是以濟事四十年從幸索約勒濟中途疾作上駐蹕一日親臨視疾賜御帳蟒緞鞍馬帑銀五千遣大臣護之還京師尋卒賜祭葬諡襄壯以子辰泰襲一等侯兼拖沙喇哈番費揚古樸直有遠慮昭莫多破賊費揚古令幕府具疏滅斬賊之數備言師行迷道絕糧皆臣失算賴聖主威福微幸成功非意料所及幕府或咎其失體費揚古曰今天子親御六師如見策勳易啟窮兵黷武之漸非國家福也及還京師上嘗命大臣校射費揚古以臂痛辭出語人云我嘗爲大將軍一矢不中爲外藩笑損國家威重故不敢與角耳滿不伊爾根覺羅氏滿洲正藍旗人世管佐

清史稿 列傳六十八 三

領自贊禮郎累遷御史兼管佐領以事奪官從都統耶坦赴尼布楚與俄羅斯使臣議界還授理藩院郎中二十九年借員外郎鄂齊爾查敷宣示噶爾丹時大將軍裕親王福全統師往烏爾布通上親臨邊指授方略滿不以噶爾丹奏書至因言賊距大軍僅百里請往擊之上許之遂赴烏爾布通督火器營擊敗噶爾丹得頭等功牌累擢理藩院侍郎三十三年費揚古進軍圖拉尙書阿喇尼率蒙古兵爲前哨命滿不協同經理驛站三十四年命往歸化城協理軍務三十五上年親征命將兩藍旗兵赴費揚古軍自翁金趨圖拉破賊昭莫多奉詔還歸化城察視凱旋官兵行糧及撫輯降人旋仍赴費揚古軍移駐喀爾喀游牧界外塔拉布拉克偵防噶爾丹收降其部人札木素等未幾噶爾丹竄死召還京列議政大臣予拖沙喇哈番世職三十九年命往四川勸撫番蠻同提督唐希順攻復打箭鑪於是雅隴江濱瞻對喇索革布什咱綽斯甲布諸土目各率所屬戶口投誠奏請授五品安撫司其副爲六品土百戶從之擢正藍旗蒙古都統以疾乞能尋卒碩岱喜塔喇氏滿洲正白旗人先世居片雅滿山有

昂郭都哩巴顏者歸太祖碩岱其五世孫也初授二等侍衛兼甲喇領員世祖幸南苑碩岱與一等伯巴什泰及蒙古侍衛素尼並從素尼猝拔刀殺巴什泰碩岱即舉所執長槍擊素尼立仆禽之置諸法上嘉其勇敢予世職拜他喇布勒哈番兼拖沙喇哈番授巴牙喇甲喇章京從將軍卓布泰南征渡盤江擊敗李成蛟復進攻李定國度磨盤山遇伏力戰破之又從將軍濟席哈討定山東土寇于七康熙初擢前鋒統領吳三桂反命率兵先諸軍發駐守荊州尋命參贊順承郡王勒爾錦軍務未幾能參贊從將軍穆占等攻長沙三桂將馬寶胡國柱等犯永興碩岱往援失利棄營入城穆占劾之還京師罷官奪世職二十九年起爲正白旗滿洲副都統從定北將軍瓦岱征噶爾丹至克魯倫河偵賊遠遁遂還尋借都統噶爾瑪率兵駐大同三十五年大將軍費揚古出師西路命碩岱署前鋒統領率大同護軍二百八十人爲前鋒噶爾丹遁往西路命費揚古要擊偵賊至特勒爾濟口令碩岱率前鋒挑戰誘至昭莫多合圍奮擊斬獲無算師還擢內大臣復世職進三等阿達哈哈番五十年卒子海綬於雍

清史稿 列傳六十八 四

正七年以護軍校隨大將軍傅爾丹征準噶爾擊賊和通呼爾哈諾爾陣沒議卹予世職拖沙喇哈番素丹富察氏滿洲正黃旗人費雅思哈子襲世職授護軍參領從裕親王擊噶爾丹戰烏爾布通中箭傷擢護軍統領命帥師駐大同三十五上年親征噶爾丹命素丹發兵與費揚古刻期並進尋召赴行在統前鋒兵爲導上次克魯倫河素丹請俟費揚古軍至夾擊師還賜內廐馬改授前鋒統領以疾解任雍正初命大將軍年羹堯征青海起素丹參贊軍務西寧郭隆寺喇嘛助亂素丹與提督岳鍾琪討平之授正黃旗蒙古都統署固原提督尋改正紅旗滿洲都統列議政大臣仍駐守陝西七年師征噶爾丹命素丹將西安滿洲兵出涼州卒於軍賜祭葬諡勤儉

馬斯喀富察氏滿洲鎮黃旗人米思翰長子初授侍衛兼佐領康熙二十七年自護軍參領授武備院卿二十八年遷鎮黃旗滿洲副都統尋擢內務府總管領侍衛內大臣兼管火器營三十五上年親征噶爾丹馬斯喀率鎮黃旗烏槍兵以從先期命與諸大臣議定出征營陳隊伍序次上駐郭和蘇臺命閱留牧

馬羣議分馬羣為七擇水草佳處為牧地上進駐西巴爾台距克魯倫河已近而費揚古軍未至圖拉諭王大臣集行營議信郡王鄂札請駐師以待馬斯喀與內大臣蘇勒達明珠請進薄敵營上從之復進次克魯倫河噶爾丹望見御營嚴整遂驚遁上親統師逐之至拖諾山授馬斯喀平北大將軍率師進至巴顏烏爾噶爾丹敗於昭莫多北走所部丹巴哈什哈等詣馬斯喀軍降馬斯喀與費揚古師會收集降人遣兵衛送至張家口外乃還師列議政大臣復從上出塞率師駐大同三十六年春授昭武將軍移師駐寧夏都統巴澤博齊世將軍薩布素都統兼前鋒統領領軍統帥副總統兵王化行並參贊軍務尋命與費揚古會師馬斯喀以將軍參贊費揚古軍務初伊拉克古三胡圖克圖盜馬歸噶爾丹及噶爾丹死復投策妄阿拉布坦費揚古令馬斯喀率師追之次摩該圖不能及引師還上遣侍郎常綬等諭策妄阿拉布坦得伊拉克古三胡圖克圖以歸誅之馬斯喀坐追勦遲緩當奪官上命留內務府總管及佐領四十四年授鎮白旗蒙古都統四十二年卒賜白金千遺內大臣奠茶酒發引

清史稿

列傳六十八

五

命皇子往送賜祭葬諡襄貞
 修國綱修佳氏滿洲鎮黃旗人修國賴子初隸漢軍領牛彙額貢授侍衛康熙元年襲三等精奇尼哈番授內大臣十四年察哈爾布爾尼為亂授安北將軍率師駐宣府布爾尼亂定引還十六年推孝康章皇后外家恩贈修國賴一等公仍以國綱襲二十年授鎮黃旗漢軍都統疏陳世系請改入滿洲下部議許以本支改入滿洲二十八年命與內大臣索額圖等如尼布楚與俄羅斯使臣費羅多羅等議立約定界二十九年大將軍裕親王福全率師討噶爾丹以國綱參贊軍務八月己未朔師次烏蘭布通噶爾丹屯林中臥駝於前而兵伏其後國綱奮勇督兵進擊中烏槍沒於陳喪還命皇子迎奠將葬上欲親臨國綱弟國維及諸大臣力阻乃命諸皇子及諸大臣皆會賜祭四壇諡忠勇上以翰林院撰進碑文不當意乃自為製文有曰爾以肺腑之親心膂之寄乃義存奮激甘蹈艱危人盡如斯寇奚足珍惟忠生勇爾質兼之雍正初加贈太傅邁圖亦修佳氏滿洲正白旗人父烏進國初自哈達來歸邁圖初授侍衛從信郡王

多尼下貴州破明桂王將李成蛟於涼水井李定國於雙河口於魯噶從康親王傑書徇福建討耿精忠授行營總兵戰黃巖克建陽從將軍拉哈達破鄭錦將何祐於太平山復興化拔泉州從將軍賚塔破錦將劉國軒吳淑於蜈蚣山復長泰皆有功康熙二十五年授正白旗蒙古副都統兼佐領尋署前鋒統領從征厄魯特戰烏爾布通陳沒益忠毅進世職三等阿達哈哈爾泰瓜爾佳氏滿洲鎮白旗人先世居瓦爾喀父赫勒歸太祖從伐明攻獻縣先登入關西討李自成破潼關下江南徇浙江破明兵嘉興城下以牛彙額貢授拜他喇布勒哈番格羅斯泰初為睿親王護衛從大將軍伊爾德克舟山從都統瑪奇下雲南破賊石門坎黃草壩克雲南會城皆有功累擢前鋒參領兼管佐領從國綱戰烏爾布通國綱戰沒格羅斯泰直入賊營左右衝擊出而復入者再乘勝追賊至河岸阻於淖賊膺集格羅斯泰力戰與邁圖等皆歿於陣陳師將發上賜之馬格羅斯泰請自選得白鼻或言白鼻古所忌格羅斯泰曰效命疆場吾夙願也何忌師還裕親王奏方戰時親見一將乘白鼻馬三入敵陳眾皆識為格羅斯泰也賜

清史稿

列傳六十八

六

祭葬視副都統子世職拜他喇布勒哈番
 阿南達烏彌氏蒙古正黃旗人祖巴賴都爾莽泰初事察哈爾林丹汗林丹汗敗走率所部二百三十餘戶保哈屯河遼東歸太宗授一等梅勒章京從攻寧遠敗明兵復從攻錦州戰死贈三等昂昂章京父哈岱年十七從父攻寧遠敵矢斃父馬且踏哈岱不遑甲馳入陳下馬掖其父超乘步從擊敵與俱還太宗嘉其勇厚賞之父死襲世職屢從伐明敗明兵入關定江南徇浙江擊騰機思討姜瓖取舟山皆在行間康熙間授內大臣討吳三桂命與侍衛阿喇尼徵喀喇沁翁牛特蘇尼特諸部兵分駐大同河南兗州備調發卒諡勤壯阿南達哈岱次子也以一等侍衛兼佐領康熙八年襲拜敗坐黨附罪斬聖祖特寬之二十七年噶爾丹侵掠喀爾喀諸部命偕喇嘛商南多爾濟齋救罷兵噶爾丹遣使人朝而侵掠如故二十九年命往會喀爾喀諸部兵討噶爾丹以尚書阿喇尼都統額赫納等先後率師出塞阿南達還奏言噶爾丹為托多額爾德尼擊收偵卒還報有二人共一騎者有削木為兵者狀至窮蹙請發兵討之上命

選察哈爾兵六百率以赴圖拉益額赫納軍尋阿喇尼請移西路軍會勦阿南
達率兵渡瀚海會大將軍裕親王福全敗賊於烏爾布通三十一年命赴寧夏
招和碩特部台吉巴圖爾額爾濟農來降擢正黃旗蒙古都統三十二年間
噶爾丹將取糧哈密授耶坦爲昭武將軍召阿南達還三十五上年親征噶爾
命阿南達如喀爾喀諸部求習塞外途巡者二十人爲導上次克魯倫河噶爾
丹將走還特勒爾濟阿南達方從費揚古自圖拉向昭莫多費揚古令阿南達
等先擊噶爾丹僞敗以致敵至昭莫多縱擊敵事具費揚古傳阿南達赴行
在奏捷上召詢戰狀對曰噶爾丹聞上親征惶駭竄走不虞我兵絕其歸路突
然交戰擒斬過半死傷枕藉風下人多怨懟降者甚衆噶爾丹深以爲悔費揚
古慮涉於張疏報捷特約略言之上乃班師命阿南達駐守肅州尋移軍邊境
詢噶爾丹蹤跡阿南達遣兵分駐昆都倫額濟內諸處復與提督李林隆移職
赴布隆吉爾度要隘留軍策應乃還肅州上以其章示議政諸臣獎阿南達防
邊能稱職也噶爾丹自昭莫多敗後部衆多離散噶爾丹多爾濟者其妻弟也

清史稿

列傳六十八

七

陰持兩端阿南達至布隆吉爾獲其羅卒縱歸招之降遂遣使通款阿南達因
其使檄哈密回部噶爾丹且至當禽獻即傳語噶爾丹多爾濟噶爾丹至哈密
哈密且禽獻當爲哈密助未幾噶爾丹遣族子顧孟多爾濟等與達賴喇嘛青
海諸台吉通聲聞阿南達復至布隆吉爾偵知之率兵追及於素爾河擒其使
人以其書十四函馳奏三十六年哈密回部擒噶爾丹子色下騰巴爾珠爾及
其從者徹特和碩齊等送阿南達繼又獲厄魯特土克齊哈什喀土克齊實戕
我使臣馬迪至是始就擒先後檄送京師尋復疏言厄魯特皆巴徹爾貝來降
詢知噶爾丹窮促狀是歲上復親征命與林隆率甘州兵二千出布隆吉爾次
塔爾河聞噶爾丹已死所部台吉丹濟拉將寶巴里坤依噶爾丹從子策妄阿
喇布坦因往追之未及上命還駐布隆吉爾丹濟拉詣哈密乞降阿南達護使
謁上行在敘昭莫多功予拖沙喇哈番世職尋奉命率兵駐西寧四十年卒賜
祭葬雍正二年追諡恪敏阿喇納阿南達長子少襲其祖哈岱世職授三等侍
衛累進散秩大臣策妄阿喇布坦繼噶爾丹爲寇侵哈密五十四年上命尙書

富寧安視師屯巴爾庫爾五十五年授阿喇納參贊大臣選八旗察哈爾勁卒
及營從阿南達出塞者得四百人率之以行五十六年授富寧安靖逆大將軍
令阿喇納將一千三百人自烏爾蘇蘇深入烏魯木齊至通俄巴錫搜山俘一
百數十人收駝馬牛羊其稼乃還五十九年師入西藏富寧安復令率四千
人自吐魯番出邊至齊克塔木破賊敵壘進至皮禪回民三百餘以城降師遂
會富寧安於烏爾蘇引還六十年上命率師進取吐魯番因留駐其地策妄
阿喇布坦來犯阿喇納行與遇令分兵爲三突入陳策妄阿喇布坦敗入林中
棄馬步戰我師發槍擊殺準噶爾兵百餘乃敗走逐北數十里俘獲甚衆授協
理將軍築城屯壘爲持久計阿喇納久居邊塞悉敵情疏請進兵伊犁下議政
大臣議以賊已遠竄暫緩進兵雍正元年擢鎮紅旗蒙古副都統師征青海命
率兵二千駐布隆吉爾賊酋阿喇布坦蘇巴泰來襲遣師追至推默爾大敗之
未幾卒於軍遺疏爲父請諡上特許之賜白金千兩官護喪歸諡恪加拜他
勒布喇哈番以其子伍彌泰兼襲合爲三等伯乾隆間定封號曰誠毅伍彌泰

清史稿

列傳六十八

八

自有傳
吉勒塔布李佳氏滿洲正紅旗人覺善第三子初授侍衛兼前鋒參領康熙十
一年授正紅旗蒙古副都統十三年耿精忠叛命偕副都統拉哈率師駐江寧
尋令援浙江從將軍貝子傅喇塔攻嶧縣與精忠將曾養性等戰於黃瑞山督
兵乘夜分兩翼衝擊又遣兵循山麓疾上以烏槍旁擊之養性敗潰克仙居十
四年養性與叛將祖宏勳犯台州吉勒塔布與都統沃申赴援戰於平山嶺瘴
賊四千餘奪梁蓬隘道遇賊伏盡殲之直趨黃巖副都統穆赫林督兵夾擊養
性夜走溫州克黃巖復戰於上塘嶺攻溫州久未下十五年養性復以四萬餘
人來犯吉勒塔布遣兵分道逆擊進剿處州過三角嶺循江度師養性以百餘
丹屯江上陸兵屯得勝山下據險拒我師吉勒塔布與總兵陳世凱分道拔賊
壘又以礮擊賊舟沈諸江師次溫溪渡口擊敗精忠將馬成龍等斬千餘級遂
與康親王師會衢州偕都統查塔等擊精忠將馬九玉戰於大溪灘吉勒塔布
督兵踰三溪進焚木城克江山九玉敗遁遂度仙霞嶺進克浦城建陽諸縣從

康熙王進次福州精忠降十六年擊鄭錦同安十八年與錦將劉國軒戰於下坑於歐溪頭於郭坑皆勝斬二千餘級收海澄與沃中駐師漳州二十一年師還累擢護軍統領正紅旗蒙古都統二十七年授兵部尚書列議政大臣噶爾丹侵喀爾喀上命吉勒塔布與都統巴海等徵科爾沁諸部兵備邊尋命往蘇尼特度水草佳處為喀爾喀牧地二十九年命與尚書阿喇尼出塞自歸化至圖拉置臺站率師會喀爾喀諸部自洮灑河進攻噶爾丹噶爾丹掠烏珠穆秦部至烏勒輝河我師與遇分兵乘夜挑戰喀爾喀兵違節度亂陳戰失利吉勒塔布當奪官命留佐領率兵駐呼魯固爾河旋命與內大臣阿密達同駐克勒待裕親王師至分三隊以進吉勒塔布為第一隊大敗噶爾丹於烏爾布通三十年詔移喀爾喀土謝圖車臣兩部歸附人牧近邊上出塞撫綏令吉勒塔布與尚書馬齊班第等先期集歸附人於上都河額爾屯河以待上慮巴圖爾額爾克濟農掠喀爾喀命吉勒塔布督喀爾喀諸部兵為備三十一年巴圖爾額爾克濟農降罷兵歸三十五年擢都統三十六年卒賜祭葬

清史稿

列傳六十八

九

殷化行字熙如陝西咸陽人初以王姓成康熙九年武進士十三年從經略莫洛討吳三桂授守備會王輔臣叛莫洛遇害化行被脅羈秦州稱病不為賊用逾年自拔歸總督哈占奏復原職補火器營守備從振武將軍佛尼勒戰牛頭山攻克上下嶺三桂將王屏藩據漢中以二萬人犯寶雞大將軍圖海檄化行赴援破敵解西山堡圍復自大泥峪取兩河關復與安州城十九年佛尼勒援永甯化行為前鋒敗敵托川擊走三桂將胡國柱於安甯橋調援敘州與西甯總兵李芳述守城賊分三路來攻擊卻之圖海哈占合疏陳化行奮戰狀特擢漢中城守營副將二十年逐國柱迭戰安邊敘馬連峯石盤關諸處屢克要隘復馬湖府城二十二年追議輔臣叛時被脅坐奪官哈占以化行未為輔臣用從征有勞奏復原職授直隸三屯營副將二十三年敘功加一等授都司僉書兼管副將事二十五年上幸畿東化行扈從行圍賜上用佩刀二十六年擢福建臺灣總兵賜貂裘白金時議城臺灣化行言地皆浮沙難以鞏固令部下人致樹一植為城數日而成諸部亦各植木城繕治甲兵防禦以固三十年移襄

陽陝西旱米價騰貴民多流移詔發襄陽米二萬石水運至商州改陸運至西安命內閣學士德珠與化行及總督丁思孔往督水陸輓運並護流民還里三十二年移登州復移甯夏三十五年上親征噶爾丹三路出師發陝西兵當西路遣刑部尚書圖納會將軍督撫及河西提鎮議進兵事化行陳方略詔報可時綠旗兵統於振武將軍孫思克率涼州總兵董大成肅州總兵潘育龍及化行自甯夏出塞會大將軍費揚古進剿化行領所部兵二千至翁金河簡精卒前進遇敵昭莫多山崖峻削其南漸陲有小山橫互化行急據其巔麾軍士畢登敵猝至山腹發砲擊之噶爾丹率眾死鬪鋒甚銳化行使告費揚古曰賊陳堅宜遣一軍衝其脅賊婦女輜重俱在後陳劫之必亂費揚古從之化行望山下兩軍將薄陳鼓行而下敵披靡死傷枕藉噶爾丹敗遁詔班師是役化行功最三十六年疏請率兵二千至郭多里巴爾哈孫偵禽噶爾丹會西巡將幸甯夏化行迎謁奏請行圍花馬池觀軍容上曰師行賴馬力今噶爾丹未滅甯夏兵至花馬池往來七八日馬必疲獵細事耳罷獵而休馬以獵噶爾丹何如

清史稿

列傳六十八

十

乃令化行率所部兵五百人從昭武將軍馬思喀復出塞尋命化行參贊軍務諭謂綠旗總兵官未有授參贊者並賜孔雀翎師次郭多里巴爾哈孫會大將軍費揚古兵進至洪郭羅阿濟爾罕噶爾丹死詔班師化行還甯夏三十七年請復本姓敘昭莫多功予拖沙喇哈番世職擢廣東提督三十九年瓊州營游擊詹伯彥等擾黎人黎人王鎮邦為亂以化行約束不嚴降級留任四十年連陽務為亂里入喇油嶺二排尤凶橫化行率總兵劉虎駐師里入崗遣副將林芳入排使執為亂者以獻務人戕芳及所從兵役上命尚書高祝為將軍令化行及廣西湖南提督各發兵討之四十一年夏會師連州分扼要隘務人懼縛獻為亂者李貴鄧二等置諸法餘悉就撫尋追按芳被戕化行虎不能救虎奪官化行休致四十二年上幸西安化行迎謁授其子純四等侍衛四十九年卒潘育龍字飛天甘肅靖遠人初入伍從征李來亨等於茅麓山有功康熙十四年王輔臣叛育龍從副將圖攻三水淳化復從揚威將軍阿密達戰涇州甯夏道梗大將軍董額使育龍赴提督陳福軍自紅河川白馬城請要隘轉戰七

晝夜達甯夏駐靈州招撫散卒總督哈占調援山陽賊於甘溝口十五年從撫遠大將軍圖海奪平涼城北虎山墩累擢守備十七年吳三桂兵犯牛頭山香泉育龍從總兵王好問等出問道擊破之十八年克梁河關斬三桂將李景才景文略等薄興安三桂將謝泗王永世以城降敘功擢都司僉書叛將譚宏據川東育龍從哈占進剿復大竹渠縣邊游擊二十七年以總督噶思泰薦擢甘州副將學士達瑚等自西藏使旋至嘉峪關外為西海阿奇羅卜藏所掠將軍孫思克使育龍借游擊韓成等搗其巢斬級四百有奇阿奇羅卜藏遁事聞詔嘉獎三十年赴甯夏防勦噶爾丹時改肅州協為鎮即以育龍為總兵二十一年降番罕篤與羅卜藏額林臣奇齊克等復叛育龍追至庫列圖嶺斬四十餘級獲百二十人三十四年噶爾丹屬回塔什蘭和卓等五百餘人入犯度三岔河育龍擊禽之三十五年從征噶爾丹遇賊昭莫多飛礮中育龍右頤益力戰賊敗遁師還召至京師上撫視其創命御醫診視賜衣一襲移鎮天津敘功予拖沙喇哈番世職四十年擢陝西提督賜孔雀翎四十二年上西巡育龍迎

清史稿

列傳六十八

十一

謁山西賜御書榜驛涇南閱固原將卒校射顧大學士馬齊等曰朕巡歷諸省綠旗無如潘育龍兵者命加秩尋特授鎮毅將軍領提督如故四十九年上幸五臺育龍迎謁賞資優渥親製詩章寵之時有陳四等率妻子游行鬻技走馬上竿繩索算卦俗名曰卦子人既眾遂為盜育龍捕得五百九十餘人有司職鞫因疏請飭各省督撫責所屬鄉村堡寨遇令改業編戶為民給荒地開墾馬騾牲畜變為牛種載入賦役全書下部議行尋以病累疏乞休詔輒慰留五十八年卒贈太子少保賜祭葬謚襄勇孫紹周改籍陝西西安襲世職授二等侍衛累遷廣西慶遠協副將雍正初總督鄂爾泰奏開古州都江河道以定且來牛二寨苗梗路撤紹周統廣西兵赴古州諸葛營與貴州副將趙文英會剿盡平賊寨擢雲南提督賜花翎調古北口以病解任乾隆十八年卒高宗追念育龍軍功特予恩騎尉世職以紹周子忱嗣之善育龍從孫仍籍甘肅靖遠初從育龍征噶爾丹昭莫多之役力戰中槍詔來京師醫治四十二年上幸西安之善迎謁臨潼授藍翎侍衛賜孔雀翎補肅州鎮標游擊策妄阿喇布坦以二

千人侵哈密之善率兵二百擊敗之上嘉其勇超擢陝西潼關副將從靖逆將軍富密安擊準噶爾於烏魯木齊多俘獲雍正初青海台吉羅卜藏丹津叛安之善以邊外邊關當設卡路杜窺伺乃遣兵於沙州西路伊遜察罕齊老圖及察罕烏蘇諾爾分路偵禦並以住牧熟夷數百戶分置諸要隘調敵情督修西安城及沙州五堡以二千四百戶屯田沙州籌牛種建房舍疏開上深嘉之命署固原提督諭曰此軍乃汝叔祖潘育龍所整理為天下第一營伍流風餘韻至今可觀若不能企及何顏以對朕耶尋以目昏解任十一年卒

額倫特科奇哩氏滿洲鎮紅旗人佛尼埒子也佛尼埒卒官家貧不能還京四川總督哈占請留額倫特西安效力部議不許上特允之康熙二十三年授西安駐防佐領三十年從將軍尼雅翰逐厄魯特巴圖爾額爾濟農又從將軍耶坦赴克錫圖額倫皆有勞三十五年上親征噶爾丹從大將軍費揚古出西路破敵昭莫多以功授世職拖沙喇哈番擢協領四十三年上幸西安閱武設宴

清史稿

列傳六十八

十二

特命額倫特近御座親賜之飲諭曰爾父宣力行間爾亦入伍能效力故賜爾飲尋遷西安副都統調荆州副都統四十九年擢湖廣提督五十二年授湖廣總督尋命履勘湖南諸州縣荒壤得四萬六千餘頃疏請聽民開墾六年後以下則起科五十四年命往按太原知府趙鳳詔貪墨狀論罪如律厄魯特策妄阿拉布坦犯哈密上遣尙書富密安等率師討之五十五年命額倫特署西安將軍主軍餉策妄阿喇布坦自噶順汛山後道沙拉侵青海執台吉羅卜藏丹濟布以去命額倫特率師駐西寧為青海諸部應援五十六年策妄阿拉布坦遣其將策凌敦多布侵西藏命額倫特移軍青海與青海王台吉等議屯軍形勝地額倫特疏言西寧入藏道有三庫庫賽爾領拜都領道皆寬廣請與侍衛色楞分道進兵五十七年策凌敦多布入西藏破布達拉城戕拉藏汗執其子蘇爾咱遂據有其地六月額倫特與色楞分道進兵額倫特出庫庫賽爾領七月至齊諾郭勒策凌敦多布遣兵夜來侵擊之退次日復至額倫特親督兵緣山接戰賊潰遁追擊十餘里多所斬獲疏入上深嘉其勇俄策凌敦多布遣兵

潛出喀喇烏蘇額倫特率所部疾趨渡河扼狼拉嶺據險禦敵比至喀喇烏蘇色楞以兵來會合力擊賊賊敗萬環攻額倫特督兵與戰被重創戰益力相持者數月九月復厲兵進戰射殺賊甚衆矢盡持刀麾兵斫賊賊益兵合圍額倫特中傷猶力戰遂沒於陳五十八年喪還上命諸王以下迎城外內大臣侍衛至其家奠茶酒世宗卽位進世職三等阿達哈哈番賜祭葬諡忠勇額倫特與川陝總督晉泰皆自行伍中爲上所識拔額倫特以廉潔著上嘗與張伯行並稱謂在督撫中操守最優也康泰甘肅張掖人初入伍累擢至游擊從將軍孫思克擊噶爾丹以功授世職拖沙喇哈番四遷四川提督額倫特駐西甯泰率松潘兵千餘出黃勝關爲應援兵謀奪官命自具鞍馬從軍從額倫特入藏戰喀喇烏蘇羅馬殺賊矢集於臂叱其子拔矢裹臂復戰陳沒贈都督同知諡壯勇弟海陝西涼州總兵將所部從額倫特同時戰死贈世職拖沙喇哈番論曰厄魯特亦出於蒙古析爲四衛拉特其一曰維羅斯牧伊犂噶爾丹戕兒子自立乃號準噶爾移帳阿爾泰山兼有四衛拉特北侵喀爾喀南侵衛藏聖

清史稿

列傳六十八

十三

祖再親征乃摧敗以死烏闌布通之役噶爾丹敗遁我軍亦重創修國綱以元勇死級及戰昭莫多費揚古麾飢疲之衆當困門之寇蹈瑕以破堅則謀勇勝也馬斯喀阿南達吉勒塔布化行育龍先後在事有勞額倫特孤軍殉寇青海之師準部之滅皆於是乎起謹書之以著其本末

清史稿

列傳六十九

姜希轍

余 縉

德格勒

陳紫芝

任宏嘉

高層雲

沈愷曾

雙翔麟

高退昌

姜希轍字二濱浙江會稽人明崇禎間舉人順治初除溫州教授五年以瑞安知縣缺員令暫攝鄭成功兵來犯攻城希轍督民守遇事立應援至破成功兵齊雲江上九年遷直隸元城知縣畿北饑流民至者日以萬計逃人令方嚴民慮溺入爲累輒拒不予食希轍令察非逃人使墾縣中荒田田闢饑民以活善決獄民稱之十五年授工科給事中吏得盜自列義王孫可望家人爲買馬鐵白旗丁爲之因緣希轍疏言可望來歸本朝勦擒不暇尙敢收亡命相關通身爲旗丁豈復應榮榮爵法網夫盜有根柢有黨羽臣請收義王家人及旗丁窮

清史稿

列傳六十九

一

治之上下其疏罪人皆抵法國初考功法獲逃人闕荒田督運漕糧皆躡等陞擢希轍疏爭非政體不當開倖進上方嚴罪官吏吏往往曲法罰緩希轍疏言例贖杖分有力無力所輕重不過銖兩間今乃倍五倍十不拘成數不應則敲朴隨之是昔以罰省刑今以罰濟刑也命仍如定例十七年上詔求言希轍疏言臣聞君臣一德原未嘗以憂勞之任獨歸之君父爲人臣諉卸責地也臣觀今日積習病根大要有二巧於卸肩者假詳慎以行推諉畏於任事者飾持重以蹈委靡請進一德之箴爲中外諸臣誡師自江西下廣東州縣供億繁重南贛巡撫報曲江始興兩知縣同時自戕希轍疏言大兵所集米豆草束槽餽釜鑊自所必需然先時傳檄使之預備供億雖艱何至捐債行兵不嚴責在總督立法不預責在巡撫二者必居一於是請飭察究尋更歷兵禮二科時會計法嚴錢糧完欠每項各限十分定考成條例繁賸有司救過不給希轍疏請總歸十分以一歲之徵收計一歲之款項起訖既清稽核亦便自此部計稍紓有司得久任康熙元年考滿內陞回籍待闕九年詣京師復授戶科都給事中具三

疏請增科員請令巡撫得轄兵防地方竊發請緩奏銷之期使催科不迫遂順天府丞遭父喪歸十七年授奉天府丞乞養母歸三十七年卒於家

余縉字仲紳浙江諸暨人順治九年進士授河南封邱知縣兵後流亡未復棄地彌望朝議與屯設道廳董之民田徵賦屯田徵租租賦爲重民棄屯不耕府縣吏急考成以屯租散入田賦民失業總督李蔭祖行部至縣縉導觀民間困苦狀蔭祖疏聞與屯道廳悉罷十七年行取授山西道御史乞養歸起河南道御史康熙初鄭成功已死其子錦屯廈門有議棄舟山者縉上疏爭之略謂浙江三面環海海波尤孤懸海隅以舟山爲外藩不知行間諸臣何所見而倡捐棄之議江海門戶斂手委之逆豎夫閩海祇一廈門數萬之衆環而攻之窮年不能下奈何以已克之舟山增其巢穴福建總督李率奏議遼海濱居民縉復疏爭之略謂海濱之民與賊狎處一二其頑貪狡嗜厚利通消息以相接濟者固未必無之但據所稱排頭方田諸處民或盜牧馬或縛窮民潛送廈門當此兩軍相望巡徵嚴密雖有好宄安能飛渡是其號令不肅已可概見又云派

清史稿

列傳六十九

二

撥舵工水手公然不應海上舵工名曰老大其人必少長海舟內外洋島嶼徑路靡不熟歷而後駕風使舵操縱自如奈何責之素不練習之民視同里役橫加僉派彼即勉強應役技既不精心復巨測萬一變從中起將置數十萬奮戈持滿之士於何地兩疏語皆切至聖祖親政順治間建言諸臣坐遷謫者次第枚還惟議及逃人不在赦例居數年詔寬逃人禁縉疏請敕部察當日建言被請諸臣存者召還錄用歿者歸葬贈卹尋命巡視長蘆鹽政以改葬乞歸二十八年卒於家縉廉而能治事尤持正妖人朱方日言禍福朝士多信之縉曰此妄男子耳於法當誅方日卒坐死

德格勒滿洲鑲藍旗人康熙九年進士選庶吉士授編修累擢侍讀學士充日講起居注官掌院學士李光地亟稱其賢聖祖時召見講論經史嘗扈從巡行大學士明珠柄政務結納士大夫將餽金爲治裝德格勒以裝具固辭不受會久早上命德格勒筮遇火問其占曰澤上於天將降矣而卦義五陽決一陰小人居鼎鉉故天屯其符決去之即兩上愕然曰安有是德格勒遂以明珠對明

清史稿 卷二八八

珠聞大惡之時以蜚語上聞謂德格勒與侍講徐元夢互相標榜徐元夢亦不附明珠者也故並嫉之二十六年光地乞假歸入辭面奏德格勒徐元夢學博文優逾月上召尙書陳廷敬湯斌等及德格勒徐元夢試於乾清宮閱卷畢諭曰朕政暇好讀書然不輕評論古人評論古人猶易評論時人更難如德格勒每評論時人朕心不謂然故召爾等而試妍媸優劣今已判然學問自有分量毋徒肆議論爲也二十七年明珠能未幾掌院學士庫勒納勅德格勒私抹起居注並與徐元夢互相標榜下刑部論罪故事起居注數易籤然後登籍德格勒勒所刪易者實未定籤也諭上論斬命改監候秋後處決徐元夢亦坐讒語詳徐元夢傳光地還京師上命尙書張玉書等以德格勒試卷示九卿並詰光地於是玉書等奏稱德格勒文實鄙陋光地亦以妄奏引罪命從寬免究德格勒尋遇赦釋歸本旗卒

陳紫芝字非園浙江鄞縣人康熙十八年進士選庶吉士改陝西道御史力持風紀絕外僚僥遺巡視南城捕大猾鄧二寘諸法疏言朝章國典宜畫一民間冠昏喪祭未有定制請編纂禮書頒行天下又請裁屯衛以屯務屬州縣則田賦可覈逃盜可清詔並允行時督撫監司皆山廷臣保舉湖廣巡撫張汧大學士明珠所私也恃勢貪暴言路莫敢捕發二十六年紫芝上疏劾之言汧莅任未久黷貨多端凡地方鹽引錢局船埠靡不搜括甚至漢口市肆招牌亦按數派錢當日保舉之人必有賄囑情弊請一併敕部論罪上命奪汧官遣直隸巡撫于成龍山西巡撫馬齊副都御史開音布往按治復諭廷臣謂汧貪婪無人敢言紫芝獨能彈劾即予內陞成龍等按得汧以前官福建布政使虧帑令屬吏彌補又派收鹽商銀九萬上荆南道祖澤深婪取於民又八萬職上諭較保舉汧爲巡撫者侍郎王遵訓學士盧琦大理寺丞任辰且皆坐奪官擢紫芝大理少卿每獄獄稍涉矜疑即爲駁正多所平反紫芝以峭直受上知同朝多側目無何卒或傳紫芝一日詣朝房明珠延坐進茗飲之歸遂暴卒云首重光字

清史稿

列傳六十九

三

在辛江南句容人順治九年進士自刑部郎中考選御史巡按江西與明珠忤罷歸初鄭成功犯鎮江重光縋城乞援事不賜御書榜卒祀鄉賢

任宏嘉字葵尊江南宜興人初以舉人官行人康熙十五年成進士十八年考選江南道御史巡南城疏言各州縣宜有講堂書院庶人知嚮學又言學道不惟受制藩司抑且受制知府蓋府道階級不甚懸無以資表率部郎聲望不其重又無由達封章求其公明實不可得乞重其選改巡北城疏陳五城應行事謂盜風未靖由保甲不行稽察未清由旗民雜處司坊未潔由勸懲不當又言州縣昏夜比較鄉民既宿無地飢寒受杖往往殞命又或因分釐火耗之輕受簽役橫索之累又言朝廷清丈所以為民而藩府駁冊上下動費累百津梁有關所以禦暴今水泄皆設巡欄旱路亦行堵截檢索至負擔稅課編雜豚所言皆痛切宏嘉一日巡城有錦衣駿馬突其前訶叱之隸卒白曰此王府優也宏嘉趨王府索優出杖之四十上聞直宏嘉由是貴戚歛跡毋敢玩法尋掌山東道兼江南道如故上十漸疏一曰朋黨交結之漸始因交際為餽遺漸以愛憎成水火二曰奢侈僭踰之漸物力既殫等威亦紊三曰文武訐訕之漸督撫提鎮挾私互訐小吏效尤何以使民無訟四曰紳士吹求之漸有司視如仇讐茲

清史稿

列傳六十九

四

民以為魚肉五曰上下奉違之漸國家良法美意奉行有虛文過當者反成弊政六曰名器混淆之漸為生養萬民計守令宜用正途七曰常平侵漁之漸貯穀久易滯損又難盤察不若聽民輸錢數易稽而無朽蠹八曰河工興建之漸從古無不徙之河治河惟去其太甚不必議開議塞借一勞永逸之辭為逐利倖功之術九曰積習膠固之漸升遷則趕缺壓缺處分則忽重忽輕視為故平枉誣尤甚十曰積習膠固之漸升遷則趕缺壓缺處分則忽重忽輕視為故常營競特甚復疏論銓政不平並下部議行三十二年遷奉天府府丞兼學政轉通政司參議署通政使丁母憂歸服闋病目卒於家宏嘉素慎疏上言過直輒戰慄或曰子慈若此何如不言曰宏嘉之戰慄氣不足也然知其當言不敢欺吾心尤不敢負吾君耳

言謂天潢貴胄大臣禮當敬獨集議國政無弗列坐所以重君命尊朝廷也況水康左門乃禁門重地太皇太后在殯至尊居廬天威咫尺非大臣致敬諸王之地大學士為輔弼大臣固當自重諸王亦宜加以禮節不可驕恣倨慢坐受其跪失藩臣體疏入上曰朕召大臣議事如時久每賜墊坐語今大臣為諸王跪於禮不合下宗人府吏禮二部議嗣後大臣與諸王會議不得引身長跪著為令二十八年京師早詔求言層雲疏論江淮間行屯田擾民請急停蘇民困上嘉納之遷通政司參議二十九年遷太常寺少卿卒官

清史稿

列傳六十九

五

命奪情視事光地請給假九月言路大譁曾疏言學臣關繫名教表率士子使衰經者衣錦論文其何以訓宜令終喪以隆孝治閣臣職司票擬理應委曲奏請始不當有在任守制之票既不當有仍遵前旨之擬科臣職司封駁閣臣票擬不當科臣繳旨覆奏固其職也乃亦復默然不知其所謂封駁者何在也臣不敢以妄擬閣臣為嫌劾奏同列為咎疏入下九卿議尋用彭鵬言令解任在京守制陝西提督孫思克請令富民納粟佐軍糧曾論奏乞敕部停止上是之入臺七年疏數十上伉直敢言歷掌山西江南浙江河南道事管登聞院三十八年巡兩廣鹽課多惠政商民德之報滿留任一年還京復掌山西道丁父憂以廣東運使畢誤事連坐罷官四十四年上南巡召試行在稱旨賜御書尋卒

熊翔麟字衡圃浙江仁和人父佳育字祖錫自龍驤衛經歷出知安定縣又自兵部郎中出為分巡通水道僉事擢江南布政使所至有聲績入授光祿寺卿命修賦役簡明書未竟卒翔麟自副貢生授兵部主事出權廣東關稅沿海諸

稅口遠者去省二千里吏役苛索商民重困翔麟嚴其禁並移行府縣察究康熙三十三年考選陝西道御史遂疏請以諸稅口交府縣徵收著為令尋命巡視西城大學士熊賜履以誤擬旨罷復起為吏部尚書翔麟疏劾賜履竊講學虛聲前因票擬錯誤毀草籤卸過同官皇上從寬放歸田里旋賜起用晉位冢宰毫無報稱其弟賜瓚包攬捐納奉旨傳問賜履不求請處分猶泰然踞六卿之上乞賜罷斥右通政張雲翮故靖逆侯勇子勇妻李卒雲翮不居喪翔麟疏劾雲翮縱非李出嫡母繼母並制三年豈可視為陌路乞嚴加議處以儆敗類雲貴總督趙良棟討吳三桂定雲南以敘功未允為部下乞恩屢有求請翔麟疏劾良棟効力行間悉由皇上指授方略蕩平後敘功既經廷議重以睿裁輕重無不允當事閱十年而良棟猶曉曉不已妄肆薦揚市恩於眾借矜己功且越例求賜莊田房屋言詞狂悖大不敬乞下所司定罪賜履雅負清望良棟功臣雲翮功臣子翔麟論列無所避以是得直聲俄又劾賜履及侍郎趙士麟亂銓政條列以上官御史十年乞歸貧至不能舉火蕭然不改恒度尋卒

清史稿

列傳六十九

六

高遐昌字振聲河南淇縣人康熙十五年進士授湖南龍陽知縣以屯賦重請減與民田同額父憂去服闋補廣東東莞知縣歷茂名信宜護高州知府皆有聲行取擢刑部主事累遷戶部郎中四十六年授戶科給事中時提督九門步軍統領託合齊恃權不法給事中王德列款疏劾上方幸熱河遐昌詣行在繼劾之略言託合齊欺罔不法經德列參劾又何敢置喙伏念其所以橫恣皆緣握權太過自督捕裁而所轄三營改歸提督悍將驕兵毫無忌憚請仍歸兵部擇司官督率考勤惰禁勒索營務防汎晝夜巡邏即有好匪不得妄牽無辜私刑酷訊提督干預詞訟奸民構弁兵擇人而噬民不聊生請仍歸大宛二縣五城司坊巡城御史以及府尹治中逃盜命案歸於刑部一秉國法提督管理街道縱其兵丁肆為貪噬勢壓官民請五城分治仍歸司坊每年工部保題司官督理庶法官守制無復越越此皆本朝舊例當歸所司防微杜漸不致成積重之勢疏上上以巡捕三營併步軍統領非自託合齊始司坊管街道畏懼顯要止知勒索舖戶故亦歸併步軍統領今既累商民即以遐昌兼管期一年

責以肅清遐昌既任事革除陋規街道溝渠次第平治兵民以安兩屆報滿仍命接管託合齊陰圖報復欲伺隙中傷五十年上自暢春園還見內城街道被侵占甚窄召託合齊詰責之託合齊奏外城尤窄命尚書赫碩色等察勘託合齊故引視僻巷民居占官街得三百餘間謂皆遐昌任內所造逮下刑部獄尚書齊世武託合齊黨也將刑訊主事蔣晟持不可乃議遐昌以官街邀民譽應發奉天安置託合齊黨復詳言遐昌受賂嚴訊家屬定爰書謂據供雖未受賂但風聞街道舊規舖戶修房每間與胥役錢二三百以此例之房三百餘間計錢七百五十千當枉法贓律處絞朝審具寃狀尚書王掇李天馥謂遐昌廉能為上知宜從寬典當安贊之獄乃緩會託合齊以病乞假降科多攝其職因言託合齊罔上行私橫恣貪婪及誣陷遐昌狀上命釋遐昌都人爭赴獄昇之出擁赴闕謝及出都送者填溢釀金完懸賑遐昌歸未幾卒

清史稿

列傳六十九

七

甚高若德格勒紫芝重光忤明珠愷曾彈李光地翔麟論熊賜履趙良棟遐昌抗託合齊雖所糾細賢不肖不同奪奪匪躬不為名愷不為勢撓證為遺直殆無愧歎

清史稿

列傳七十

覺羅武默訥

舒蘭 何國宗

圖理琛

何國宗

覺羅武默訥正黃旗人景祖第三兄索長阿四世孫也順治四年授世職拖沙喇哈番累進三等阿達哈番擢一等侍衛康熙六年授內大臣管佐領十六年命借侍衛費耀色塞護禮索爾瞻禮長白山諭曰長白山祖宗發祥之地爾等赴吉林選識路之人瞻視行禮並巡視寧古塔諸處於大暑前馳驛速往五月己卯武默訥等發京師己丑至盛京東行戊戌至吉林詢土人無知長白山路者得舊居額赫訥股獵戶俗穆布魯言其父曾獵長白山麓負鹿歸道經三宿似去額赫訥股不遠自吉林至額赫訥股陸行十日舟行幾倍之寧古塔將軍巴海令運米十七艘詣額赫訥股先發並令協領薩布素護武默訥等行六月丁未武默訥等携三月糧陸行經溫德亨河庫塔訥嶺奇爾薩河布爾堪河納丹弗塔城輝發江法河卓隆鄂河抵訥股江干米亦至乃乘小舟與薩布素

清史稿

列傳七十

分道行派訥股江逆流上丙寅會於額赫訥股一望深林無路薩布素率衆前行伐木開道遣人還告行三十里得一山升其巔綠木而望長白山乃在百餘里外片片白光如積玉視之甚晰戊辰武默訥前行己巳遇薩布素於林中壬申黎明大霧莫辨山所向聞鶴唳聲往遇鹿蹊循行至山麓見周遭密林中問平迤回繞有草無木前臨小林盡處有白樺木整若栽植及旋行林外仍瀾漫無所見跪誦敕旨拜畢霧開峯巒歷歷在目登陟有路遙望之山修而扈既近則堂平而宇圓向所睹積玉光冰雪所凝也山峻約百餘里巔有池環以五峯其四峯臨水拱峙正南一峯稍低分列雙闕池廣袤約三四十里夾山澗水噴注自左流者為松花江右流者為大小訥股河繞山皆平林武默訥瞻拜而下峯巔羣鹿奔逸仆其七墜武默訥等前時登山者正七人方乏食謝山靈賜御行未里許歎然霧合癸酉還至前望處終不復見山光七月庚辰至恰庫河馬疲甚甲申自恰庫河乘舟還經色克騰圖伯赫噶爾漢噶達渾薩穆薩克錫法克什多理諸河至松花江八月丁未還吉林巡視寧古塔諸處乙丑還京師

疏聞詔封長白山之神秩祀如五嶽十七年命武默訥齋敕往封歲時望祭如典禮十九年召人養心殿命工繪其像以賜諭曰以此像俾爾子孫世世供享以昭恩寵二十九年卒賜祭葬

舒蘭納喇氏滿洲正紅旗人父敦多哩官刑部侍郎兼佐領坐鞫總督蔡毓榮罪附和尙書希福從輕比奪官戍黑龍江舒蘭自理藩院筆帖式遷主事康熙三十八年從侍郎滿不都統烏達禪等招降巴爾瑚三千餘人安置察哈爾游牧地編隸佐領未幾巴爾瑚佐領額克圖叛戕察哈爾副總管阿必達驍騎校班第掠馬駝以遁上命喀爾喀公錫卜推哈坦等率蒙古兵追勦舒蘭持檄傳示蒙古諸貝勒台吉并徵察哈爾厄魯特兵從烏達禪會勦禽其渠邊內閣侍讀四十年命借侍衛拉錫往探河源諭曰河源雖名古爾班索里瑪勒其發源處人跡罕到爾等務窺其源察視河流自何處入雪山邊內凡經流諸處宜詳閱之四月辛酉舒蘭等發京師五月己亥至青海庚子至庫庫布拉克貝勒色卜騰札勒與偕行六月癸亥至鄂稜諾爾甲子西行至札稜諾爾鄂稜周二百餘里札稜周二百餘里二諾爾距三十里許乙丑至星宿海蒙古名鄂敦塔拉星宿海之源小泉萬億歷歷如星衆山環之南有山曰古爾班圖勒哈西南有山曰布瑚珠勒赫西有山曰巴爾布哈北有山曰阿克塔齊勒東北有山曰烏爾都什蒙古總名曰庫爾坤即崑崙也山泉出自古爾班圖勒哈者為噶爾瑪瑯出自巴爾布哈者為噶爾瑪楚木朗出自阿克塔齊勒者為噶爾瑪沁尼三山之泉溢為三支河即古爾班索里瑪勒也三河東流入札稜諾爾札稜一支入鄂稜諾爾黃河自鄂稜出其他山泉與平地水泉淵淪滌繞不可勝數悉歸黃河東下丁卯舒蘭等自星宿海還舍故道循河流東南行己巳登哈爾吉山見黃河折而東至庫庫陀羅海山又南繞薩楚克山復北流經巴爾陀羅海山之南庚午達阿木尼瑪勒占穆遜山山最高雲霧蔽之不可端倪蒙古人言長三百餘里有九高峯積冰終古不消常雨雪一月得晴僅三四日舒蘭等自此返壬申至錫喇庫特勒又南過僧庫爾高嶺更百餘里至黃河岸見黃河自巴爾陀羅海山東北流經歸德堡北達喀山南兩山峽中流入蘭州自京師至星

清史稿

列傳七十

二

宿海七千六百餘里寧夏西自松山至星宿海天氣漸低地勢漸高人氣閉塞行多喘息九月還京師具疏述所經並繪圖以進上諭廷臣曰朕於古今山川名號雖在邊徼遐荒必詳考圖籍廣詢方言務得其正故遣使至崑崙目擊詳求載入輿圖即如黃河源出西塞外庫爾坤山之東衆泉煥散燦如列星蒙古謂之鄂端塔拉西番謂之索里瑪勒中華謂之星宿海是爲河源匯爲札稜鄂稜二澤東南行折北復東行由歸德堡積石關入蘭州其原委可得而縷晰也舒蘭累擢內閣學士四十五年命往西藏封拉藏爲翊法恭順汗回京得風疾遣太醫診視越二年疾復發乞休許解任調治五十二年疾愈起故官是年以萬壽恩典復其父敦多哩故秩尋遷工部侍郎未幾坐事降三秩調用五十九年卒拉錫圖伯特氏蒙古正白旗人自親軍校三遷二等侍衛借舒蘭窮河源進一等雍正初累擢本旗都統以治事明敏予拜他喇布勒哈番世職授議政大臣拉錫語習旗務奏事輒稱旨累被褒嘉加授拖沙喇哈番四年以隱匿烏梁海事盡削官職降授一等侍衛管太僕寺卿尋仍擢鎮白旗滿洲都統迭署

清史稿

列傳七十

三

江甯將軍天津滿洲水師都統領領侍衛內大臣卒子旺札爾初授侍衛襲世職使從侍郎阿克敦與噶爾丹定界如蘇州如浙江按事累遷鎮白旗滿洲都統領藩院侍郎御前大臣命赴金川察沿途驛站金川平擢領侍衛內大臣卒諡恪慎子博靈阿襲世職初授侍衛累遷正藍旗蒙古副都統從征金川攻當噶爾拉撲喇受創卒贈都統銜進世職一等輕車都尉圖形紫光閣乾隆四十七年高宗命侍衛阿彌達詣西寧祭河神再窮河源還奏星宿海西南有水名阿勒坦郭勒更西有巨石高數丈名阿勒坦噶達素齊老蒙古語阿勒坦爲黃金噶達素爲北極星郭勒爲河齊老石也崖壁黃金色上有池池中泉噴涌醴爲百道皆黃金色入阿勒坦郭勒迴旋三百餘里入星宿海爲黃河眞源高宗命四庫館諸臣輯河源紀略識其事阿彌達更名阿必達大學士阿桂子附見阿桂傳

圖理琛阿爾覺羅氏滿洲正黃旗人以國子生考授內閣中書遷侍讀坐事奪職康熙五十一年特命復職出使土爾扈特初土爾扈特汗阿玉奇從子阿喇

布珠爾假道準噶爾赴西藏謁達賴喇嘛準噶爾台吉策妄阿喇布坦與阿玉奇構怨阿喇布珠爾不得歸款關乞內屬詔封貝子賜牧嘉峪關外黨色爾騰嗣阿玉奇遣使入貢上欲歸阿喇布珠爾命圖理琛借侍讀學士殷札納郎中納顏齋救諭阿玉奇假道鄂羅斯五月圖理琛等自京師啟行七月至鄂羅斯境楚庫柏興以假道故待其國察罕汗進止五十二年正月許假道乃行還鳥的柏興越柏海爾湖而北抵厄爾庫庫鄂羅斯託波爾噶噶林遣其屬博爾科尼來迎噶噶林者彼國所稱總管也圖理琛等欲行博爾科尼言噶噶林令天使當白水路行而昂噶拉河冰未泮請稍駐俟之三月自昂噶拉河乘舟抵伊聶謝柏興登陸五月抵麻科斯科復乘舟自揭的河順流行經那里穆柏興蘇爾呼特柏興薩瑪爾斯科狄穆演斯科諸地七月至託波爾其地噶噶林名馬提飛費多里魚赤迎至解留八日仍遣博爾科尼護之行抵瑪班沁登陸自費耶爾和土爾斯科越佛落克嶺抵索里喀穆斯科以路渾守凍十日復行經改郭羅多黑林諾付喀山西穆必爾斯科諸地十一月至薩拉託付是爲鄂羅斯與

清史稿

列傳七十

四

土爾扈特界水自東北來折而南鄂羅斯號爲佛爾格土爾扈特號爲額濟勒阿玉奇汗駐牧地曰瑪努託海距此十日程以雪盛不能行五十二年四月阿玉奇遣台吉祥偉徵等來迎五月圖理琛等渡額勒河阿喇布珠爾之父納札爾瑪穆特遣獻馬御之六月朔至瑪努託海阿玉奇擇日聽宣敕圖理琛等以上意諭之曰阿喇布珠爾已賜爵優養欲遣歸爾牧地以策安阿喇布坦方與爾交惡恐爲所戕爾若欲令阿喇布珠爾歸當自鄂羅斯來迎阿玉奇曰我雖外夷然冠服與中國同鄂羅斯乃嗜欲不同言語不通之國也天使歸道當察其情狀鄂羅斯若以往來數故不假道則我無由入貢矣阿喇布珠爾荷厚恩與歸土爾扈特同復何疑慮阿玉奇及納札爾瑪穆特等各贈馬及方物圖理琛等以越境無私交卻不受阿玉奇待之有隆禮留十四日筵宴不絕復附表謝奏圖理琛等遂行由舊路歸鄂羅斯遣護如初五十四年三月還京師是役也往返三載餘經行數萬里蓋土爾扈特爲鄂羅斯所隔遠阻聲教而鄂羅斯又故導我使紆道行圖理琛奉使無辱命既歸國入對述往還事狀並撰異域

錄首冠輿圖次為行記呈上覽上嘉悅尋授兵部員外郎阿喇布珠爾亦遂留
牧黨色爾騰不復遣再傳至其子丹忠雍正中遷牧額濟內河圖理琛邊郎中
世宗即位命赴廣東察藩庫就擢廣東布政使調陝西三年擢巡撫五年召為
兵部侍郎調吏部借喀爾喀郡王額駙策凌等往定喀爾喀與鄂羅斯界仍調
兵部六年追議前定界時與鄂羅斯使臣薩瓦噶爾謝天私立木牌並擅納鄂
羅斯貿易人入界又前任陝西巡撫時將天下兵數繕摺私給將軍延信逮問
論斬詔宥免遣築札克拜達里克城高宗即位授內閣學士遷工部侍郎乾隆
元年以老解侍郎任仍為內閣學士二年引疾去五年卒

何國宗字翰如順天大興人康熙五十一年進士改庶吉士命直內廷學算法
五十二年命編輯律歷淵源未散館授編修三遷至庶子雍正初授侍讀學士
再遷至內閣學士三年命視黃運河道奏請增築戴村石壩疏濬東昌城南七
里河北魏家灣及德州城南減河又以汶泗泉源紆遠請專設管泉通判又
請修高家堰石隄上皆允其請並以高家堰石隄工衝要命發帑興修復奏言

清史稿

列傳七十

五

運河自臨清以上賴衛水以濟衛水發源百泉益以丹洹二水其流始盛請疏
百泉為三渠洹河亦築壩開渠引水一分灌田三分濟運上從其議旋以山東
巡撫塞楞額奏言國宗等奉使所經州縣供億白金七千六百有奇上責國宗
不惜物力責任使坐降調五年授大理寺卿六年復擢內閣學士遷工部侍郎
六年命與侍郎牛鈕督修北運河減水壩並濬引河國宗等議捍護河西務北
堤及要兒渡魚鱗壩別開壩河淀下流賈家沽洩水河建築三里淺筐兒港張
家莊諸處挑水壩上命如議速行九年兼河東河道總督田文鏡奏戴村初建
亂石滾水三壩汶水盛漲自壩面流入鹽河歸海國宗等增築石壩水不能過
濼河連年被患請毀石壩復為亂石滾水壩上責國宗勘工錯誤貽害民間奪
官乾隆初起充算學館律呂館總裁九年賜秩視三品尋授左副都御史十年
兼領欽天監正十三年遷工部侍郎康熙間聖祖命製皇輿全覽圖以天度定
準望一度當二百里遣使如奉天循行混同鴨綠二江至朝鮮分界處測繪為
圖以鴨綠圖門二江間未詳晰五十年命烏喇總管穆克登偕按事部員復往

詳察國宗弟國棟亦以通歷法直內廷五十三年命國棟等周歷江以南諸行
省測北極高度及日景五十八年圖成為全圖一離合凡三十二幅別為分省
圖省各一幀命將廷錫示羣臣諭曰朕費三十餘年心力始得告成山脈水道
俱與禹貢合爾以此與九卿詳閱如有不合處九卿有知者舉出奏明乃鐫以
銅版藏內府高宗既定準噶爾二十一年命國宗偕侍衛努克三哈清阿率欽
天監西洋人往伊犁自巴里坤分西北兩路測天度繪圖既還報命署左都御
史二十二年授禮部尚書以京察舉弟國棟坐徇庇奪官尋授編修直上書房
二十八年復授內閣學士是歲上以諸回部悉定復遣尚書明安圖等往測天
度繪圖是為乾隆內府皇輿圖二十六年遷禮部侍郎二十七年以老休致三
十一年卒

清史稿

列傳七十

六

論曰國家撫有疆宇謂之版圖版言乎其有民圖言乎其有地聖祖東訪長白
山西探河源北撫土爾扈特武默訥舒蘭圖理琛奉使稱職觀所還奏曲折詳
盡歷歷如繪國宗以明算事聖祖又幸老壽迨高宗朝請新測繪康熙乾隆
兩內府圖皆躬與編纂揆之於古其裴秀賈耽之倫歟

清史稿

覺羅滿保

藍廷珍

歐陽凱

施世驄

林亮

列傳七十一

覺羅滿保字覺山滿洲正黃旗人康熙三十三年進士選庶吉士授檢討累遷國子監祭酒擢內閣學士直經筵五十年授福建巡撫疏言福建興化泉漳等屬十六州縣皆瀕海要地請揀選直省卓異官除授御史驟廷祐論其不可部議以為然詔下九卿等再議卒從滿保言五十四年擢福建浙江總督命巡海議自乍浦至南澳沿海五千餘里建臺寨百二十七所礮位一千一百七十有八別疏言鹿耳門為臺灣咽喉澎湖為廈門藩衛安平鎮為水師三營重地及海洋各口岸宜分極衝次衝築墩臺設汛巡守並嚴察海船出入禁漁船私載米糧軍器又言淡水雞籠山為臺灣北界其澳港可泊巨艦百餘更進為肩豆門沃野百里番社交據請增置淡水水營設官駐防為後蔽皆報可六十年鳳山民

清史稿

列傳七十一

朱一貴為亂臺灣知府王珍苛稅濫刑鳳山民黃殿李勇吳外等集數百人謀變一貴素販鴨託明裔以為渠劫岡山塘橫榔林二汛掠軍器眾益聚遂破縣城進陷臺灣總兵歐陽凱等率兵禦賊師敗績死之臺廈道梁文煊等走澎湖滿保疏聞督兵趨廈門值淫雨乘竹兜從數騎行泥淖中比至籍丁壯剽悍能殺賊者悉充伍嚴申軍令禁舟師毋登陸民以不擾淡水水營守備陳策使詣廈門乞援滿保移會巡撫呂猶龍遣兵自閩安渡淡水未幾南澳鎮總兵藍廷珍率舟師至滿保命統水陸軍會提督施世驄於澎湖剋期進勦六月世驄廷珍攻鹿耳門賊安平鎮遂克臺灣上以臺灣民附亂非本意救滿保招撫尋諸羅民楊旭等密約壯丁六百入擒一貴及其黨十二人獻世驄軍前檻送京師傑於市是役自出師迄事平凡七日上嘉滿保調度有方加兵部尚書尋疏言賊起惟守備陳策鼓勵兵民堅守汛地待大兵進援奮力效忠命擢臺灣總兵復疏劾珍縱役需索致一貴乘機倡亂文煊及所屬官吏一無備禦退回澎湖應奪官逮問從之文煊等論罪如律秋臺澎興作滿保以聞諭臺灣有司平日

清史稿 卷二一九〇

貪殘激變及大兵進勦殺戮之氣上干天和令速行賑卹上杭民溫上貴往臺灣從一貴得偽元帥札印還上杭煽鄉人從賊聞一貴誅走江西結棚匪數百謀掠萬載知縣施昭庭集營汛勦捕擒上貴及其黨十數人並伏法大學士白潢等條奏禁戢棚匪滿保疏言閩浙兩省棚民以種麻澆造紙燒灰為業良莠不一令鄰坊保結棚長若有容庇匪類依律連坐有司於農隙遍履各棚嚴加稽察浙江鄞奉化等二十七縣福建閩龍巖等四十州縣皆有棚民宜如沿海州縣例揀員題補詔從之雍正三年卒官遺疏言新任巡撫毛文銓未至總督印信交福州將軍宜兆熊署理並留解任巡撫黃國材暫緩起程如督辦事認嘉其得體下部議卹時尙書隆科多獲罪鞫訊得滿保餽金交通狀世宗諭責滿保詔隆科多年羹堯命母賜卹予諡策字鍾侯福建晉江人由銅山守備調淡水一貴陷臺灣策孤軍力守一隅姦人范景文入境煽誘禽誅之師下臺灣滿保檄勦北路復南嶺竹塹中港後壘吞香大甲諸社以功擢臺灣總兵加左都督卒

清史稿

列傳七十一

施世驄字文秉靖海侯煊第六子康熙二十二年世驄年十五從煊下臺灣委署守備臺灣既定以功加左都督銜授山東濟南城守參將三十五年聖祖親征噶爾丹天津總兵岳昇龍薦世驄從軍召試騎射命護糧運至奎素從大將軍馬斯喀追賊至巴顏烏爾師還假歸葬上褒世驄勤勞命事畢仍還任累遷浙江定海總兵四十二年上南巡賜御書彰信敦禮榜時海中多盜世驄屢出洋巡緝先遣裨將假商船創盜擒獲甚眾斬盜渠江崙四十六年上南巡詢及擒斬海盜事溫諭嘉獎賜孔雀翎四十七年擢廣東提督五十一年調福建水師提督六十年朱一貴為亂陷臺灣世驄聞報即率所部進扼澎湖總督滿保檄南澳總兵藍廷珍等以師會眾議三路進攻世驄謂南路打狗港在臺灣正南南風盛不可泊北路清風隙去府百餘里連餽艱度賊必屯聚中路宜直搗鹿耳門時臺地諸將吏皆退次澎湖惟淡水水守備陳策堅守汛地世驄遣游擊張賊等赴援自統師出中路選勁卒乘小舟載旗幟分伏南北港六月抵鹿耳門賊踞礮臺以拒世驄登樓船督戰發礮中敵貯火藥器火大熾賊驚潰眾軍

一七

齊進兩港悉樹我軍幟賊不敢犯揚帆直渡鯤身鯤身者海沙也水淺大舟不能過是日海水驟漲八尺餘舟乘風疾上遂克安平鎮翌日破賊賊悉聚來犯世驃遣守備林亮等進西港游擊朱文等越七鯤身自鹽埕大井頭分道登陸趨臺灣世驃督將士指揮布陣擊賊賊潰遂復臺灣一貫走諸羅諸羅民縛以獻賊黨擒斬略盡臺灣南北兩路悉平詔優敘賜世驃東珠帽黃帶四團龍補服未幾以疾卒於軍遺疏乞從父煥葬福建留妻子守墓上悉許之贈太子太保諡勇果雍正元年世宗命予一等阿達哈哈番世職以其子廷勇嗣世驃和易謙雅治軍嚴明與煥先後平臺灣皆以六月乘海潮異漲度師遂以成功藍廷珍字荆璞福建漳浦人少習騎射從祖理器之入伍自定海營把總累遷溫州鎮標左營游擊巡外洋屢獲盜盜皆畏避以是為諸將所忌議於總督滿保將効之會關東大盜孫森等竊遼陽巨礮戰艦逸入海聖祖震怒責沿海疆吏嚴緝廷珍出巡海至黑水外洋與遇力戰盡獲森等九十餘人及其船艦礮械滿保按部至溫州廷珍迎謁以告滿保嘆曰幾失良將召入舟厚撫之亟疏

清史稿

列傳七十一

三

馮超擢福建澎湖副將未幾遷南澳總兵六十年朱一貴為亂廷珍上書滿保策破賊狀滿保令統戰船四百將弁一百二十官兵一萬一千會提督施世驃於澎湖剋期進剿廷珍至澎湖言於世驃曰賊皆烏合不足憂惟脅從至三十萬人請撤示止殲渠魁餘勿問則人人有生之樂無死之心可不血刃乎也世驃從之師至鹿耳門賊扼險拒守諸將林亮董芳當前鋒殊死戰廷珍率大隊繼之連戰皆捷賊大潰退保府治世驃遣亮等自西港仔暗度廷珍以大軍躡其後賊在蘇厝甲與亮等決戰廷珍分兵馳赴之賊望見旗幟戰稍卻乘勝追逐遂大潰夜駐紮頭標設伏以待賊果至四面突擊賊大亂自相攻殺追敗之本棚仔復敗之葛松溪遂入府城秋毫無所犯民大悅一貴及其黨李勇吳外等皆就擒分遣諸將復南北二路署臺灣總兵秋南路阿猴林餘孽復起討平之招降陳福壽等十數人皆渠魁也未幾世驃卒廷珍攝提督餘賊黃殿等以次擒滅六十一年授臺灣總兵雍正元年擢福建水師提督加左都督賜孔雀翎子三等阿達哈哈番世職世宗褒廷珍忠赤惟屢勉以操守二年入覲命赴

馬蘭峪謁景陵賞賚稠疊七年病聞遣醫診視尋卒贈太子少保諡襄毅子日龍嗣世職官銅山營參將孫元枚自有傳族弟鼎元字玉霖力學負才廷珍統師入臺灣鼎元參軍事著平臺紀略雍正元年詔舉文行兼優之士貢入太學有司以鼎元薦大學士朱軾器之用薦得召見上書陳時政上嘉納授廣東普甯知縣居官有惠政長於斷獄性伉直坐事劾總督鄂彌達白其誣召詣京師旋署廣州知府甫一月卒鼎元嘗論臺灣善後策謂諸羅宜畫地更設一縣總兵不可移駐澎湖後諸羅析縣曰彰化更設北路二營總兵官仍駐臺灣皆如鼎元言

清史稿

列傳七十一

四

屬登岸令政言退廈門者斬時糧絕饑民亮輸賈買穀米給軍製戰攻器械俟師至提督施世驃總兵藍廷珍以亮忠勇令當前鋒領舟師五百七十人抵鹿耳門一貴黨蘇天威據礮臺以拒亮率六艦直進發礮中敵火起斃賊無算乘勝進攻安平鎮亮先登樹幟賊潰走翌日鏖戰鯤身駕舟衝賊陣復大敗之賊退至府城世驃令亮分兵自西港仔暗度拊其背廷珍以軍繼進大戰賊死傷遍野遂克府治亮功最遷臺灣參將雍正元年敘平臺灣功加都督同知子一等阿達哈哈番世職是年秋入京上深嘉之擢水師副將賜孔雀翎二年授臺灣鎮總兵亮以臺灣初被兵加意撫綏整水陸兵防又招撫生番一百八社男婦一萬八百餘人亮因番嗜色布鹽糖遺吏歷各社勸賜之因宣布德意羣番悅服五年移浙江定海卒於官賜祭葬何勉字尚敏福建侯官人初授督標把總康熙五十八年薛彥文等聚後洋山為匪勉奉檄捕擒之六十年從提督施世驃討朱一貴勉攻南路擒其黨杜台三蘇清等又於北路獲黃潛等二十六人明年遷臺灣鎮標千總時一貴餘黨王忠等出沒內山巡視臺灣御史

吳達禮督捕治總兵藍廷珍檄勉偵緝遣降卒爲導入鳳山深箐中獲賊黨劉富生思拒捕立擒之擢北路營參將予拖沙喇哈番世職雍正四年水連沙等社叛番蠢動總督高其倬檄從臺灣道吳昌祚按治勉攻北港番請降水連沙二十五社悉平遷湖廣洞庭協副將十年貴州九股苗作亂詔發湖廣兵二千協勦提督張正興檄勉領兵五百赴貴州進攻汪寨勉乘霧夾擊苗敗遁復據蓮花峯築屯時貴州提督哈元生自台拱移軍至令勉攻其東勉先登奪軍賊竄走掩擊之陣斬其渠餘衆就擒擢雲南鶴麗鎮總兵調臨元復調廣東左翼五年調臺灣尋又移南澳署福建水師提督乾隆十年以疾乞休詔解任回籍調治尋召詣京師以篤老命原品休致十七年卒賜祭葬子思和嗣世職二十七年復官臺灣總兵陳倫炯字次安福建同安人父昂字英士弱冠買海上習島嶼形勢風潮險易施煇征臺灣徵從軍有功授游擊累遷至碣石總兵擢廣東右翼副都統嘗上疏言西洋治法者宜定員毋多留留者勿使布教又以沿海居民困於海禁將疏請弛之會疾作命倫炯以遺疏進詔報可倫炯初

清史稿

列傳七十一

五

以蔭生授三等侍衛雍正初授臺灣總兵調廣東高廉坐事降臺灣副將復授總兵歷江南蘇松狼山諸鎮擢浙江提督卒昂疏並言臣詳察海上諸國東海日本爲大次則琉球西則暹羅爲最東南番族文萊等數十小國惟噶囉吧呂宋最強噶囉吧爲紅毛一種中有英圭黎干絲蟻和蘭西荷蘭大小西洋各國和蘭西最兇狠與澳門種人同派習廣東情事請敕督撫關差諸臣防備於未入港之先取其火礮另設所關束每年不許多船並集下兵部但令沿海將吏晝夜防衛寢昂議倫炯爲侍衛時聖祖嘗召詢互市諸國事對悉與圖籍合時互市諸國奉約束惟謹獨昂倫炯父子有遠慮憂之最早云歐陽凱福建漳浦人起行伍累官江南蘇松水師營總兵康熙五十七年調福建臺灣鎮以功加左都督六十年朱一貴作亂官軍遇賊於赤山千總陳元戰死賊進攻鳳山把總林富戰死守備馬定國自殺凱率所部守備胡忠義千總蔣子龍把總林彥禦之春牛埔參將羅萬倉遊擊孫文元城守遊擊許雲守備游崇功千總趙奇奉林文煌把總李茂吉率水師來會力戰破賊次日賊大至

凱力戰與忠義子龍彥俱沒於陣賊截凱首去雲崇功奇奉文煌同日戰死茂吉被執不屈死賊陷府治萬倉戰死文元奔鹿耳門投海死同死者游擊王九人守備吳泰嵩又有把總石琳自汀州被擄至臺灣遇變被圍死之六月師克臺灣一貴既誅獲其黨黃殿等械送福州獄雍正元年二月賊破械斬關出至下渡尾都司閻威守備楊士虎逐捕殺數賊被創死先後議卹凱贈太子少保廢守備雲以下皆贈官子世職有差羅萬倉甘肅甯夏人官北路參將凱戰死賊攻府城萬倉督將卒登埤發大礮擊賊仆賊旗賊大至萬倉出城與賊踰溝墜馬賊以竹篙刺其喉猶揮刀殺賊乃死妾蔣聞報自經殉游崇功字仲嘉福建漳浦人材力雄健從總兵蔡元鎮襄陽補右營把總累遷福建長福營守備分防長樂縣濱海有磁澳賊艘所出沒崇功廉得狀以兵二百伏隘口入澳捕之賊棄舟登岸伏發擒十七人自是島澳肅清長樂水災崇功聞巡撫滿保請發粟平糶民食以濟調臺灣北路營守備巡緝外洋擒海賊陳阿尾等六十餘人遷水師游擊一貴作亂崇功方出洋巡哨聞報率兵還赴安平至則賊已熾

清史稿

列傳七十一

六

崇功急登岸赴敵其婿蔡章琦叩馬請一過家門區處眷屬崇功不顧躍馬揮衆殺賊其衆五月朔賊數萬戰於春牛埔凱戰死崇功突圍衝擊馬被創遂歿於陣章琦國子監生聞崇功戰沒赴海死論曰國家承平久禁網疏闊官吏緣爲奸措克衆歛以取怨於民臺灣懸海外一夫發難郡縣皆不守鎮將戰死滿保聞亂投袂即行世職廷珍皆名將能盡其材遂以成功有將將之略焉世職上承煇廷珍下啟廷枚並爲將門致果克敵謀勇兼之亮以裨佐効死不去繫民望勉入險禽渠先後繼廷珍後當干城之任厥績懋哉

清史稿

列傳七十二

王紫綬

袁州佐

黎士宏

多宏安

王 縉

張孟球

王紫綬字金章河南祥符人順治三年進士選庶吉士散館授編修乞養歸僑寓蘇門山中從孫奇逢講學居十有七年母歿服闋康熙十二年授江西贛南道副使吳三桂反贛南總兵劉進寶有謀略紫綬推誠結納預籌防禦既而江西降衆屯壘者相繼叛惟贛南尚未動紫綬與進寶謀圖粵反已見端贛南扼其間應援前朝故事設巡撫以資鎮攝中疆吏上請允之十四年賊勢益熾山寇盜起鎮兵疲於奔命乃練鄉勇以輔之屢殺賊有功十五年巡撫白色純及進寶先後卒官參將周球領鎮兵三桂將高得捷韓大任據吉安餉道絕屬縣相繼陷大任屢致書勸降送偽署巡撫劉紫綬斬其使球以乏餉爲難紫綬集士商勸輸開架稅得白金四萬界球餉以無缺鎮南將軍覺羅舒恕率禁旅下

清 史 稿

列傳七十二

一

廣東爲尙之信將嚴自明所敗兵退距贛州三十里自明約得捷由吉安會師夾擊紫綬薦降將許盛率所部潭州水兵五百人益師夜泅江斫賊營禁旅繼之擊敗自明得捷等勢孤不敢復窺贛鎮兵出勦土寇掠村民紫綬曰鄉民脅從若並以賊論贛南二府十六縣將無子遺戒鎮將毋妄發兵飭有司招撫分別留遣賑濟難民境內稍安乃規復萬安泰和兩縣自螺山間道達墨潭可登舟於是南昌道始通運餉銀十萬至又發附近倉穀贍軍人心大定巡撫修國禎亦自問道至始知紫綬已擢浙江督糧道參政贛南久不通驛報大學士李蔚言於朝曰紫綬死守危疆三年於茲爲國惜才援而出之猶可大用故有是擢紫綬聞命泣下十六年上官察積弊嘆曰糧官不可爲也漕截減而軍困白折浮而民困吾安忍竭東南之澤而漁之一月卽引疾去迨開博學鴻詞科魏象樞以紫綬與湯斌同薦入試放還卒
袁州佐字左之山東濟甯人順治十二年進士授陝西乾州知州入爲工部員外郎遷郎中有清直聲胥吏不敢牟利時山陵工巨經費浩穰州佐曰民困極

矣寸縑尺縷皆閭閻膏血力清乾沒司焚帛省金錢鉅萬出爲陝西甘山道僉事青海蒙古諸部覬得大草灘爲牧地康熙九年偕提督張勇度地畫界堅拒寢其議自後青海蒙古諸部人不敢復窺邊歲協西甯餽運負載千里甘州民苦之州佐力請得能甘州駐兵數千待饑急力爲籌備軍得宿飽十年遷直隸口北道參議地確民貧通課積累倉儲歷歲侵漁耗蝕無算州佐請按籍覈實清宿蠹大吏懼以失察得罪陽蹇而陰沮之州佐壁畫盤錯致疾乞休未去官卒州佐在甘州久言邊境要害戰守狀原委親然謂邊地民稀宜用開中法分河東鹽引三之一輸粟河西資軍食又宜簡練鄉勇拔置卒伍不待召募可坐收精銳時詔簡監司具才望者入爲卿貳州佐在選會卒未及用

黎士宏字魏晉福建長汀人少讀書山中二十年篤於孝友順治十一年舉順天鄉試授江西廣信府推官勦強糾貪奸宄欽哉理獄脫無罪數百人時爲語曰遇黎則生署玉山縣事兵後城中草三尺不辨街巷居民纔三十二家士宏立學建治招集流亡墾田定賦民復舊業裁缺改授永新知縣政清獄簡與

清 史 稿

列傳七十二

二

民休息舊例二月開徵五月解其半士宏陳於上官曰縣小民窮二月寫租十石貸銀一兩三月可減至六石四月則三石請以四月開徵五月解展兩月之徵已爲窮民留數萬之糧布政使劉樵素寬仁即允之甲訴乙悔婚鄉俗婚書各裝爲卷書男女生辰兩造固隣舊女生辰所素悉僞爲卷爲證士宏先問媒證乙得甲聘禮若干行聘時有何客媒證出不意妄舉以對復問甲所對各異擘視卷軸竹猶青笑詰之曰若訂婚三載卷軸竹色猶新此非臨訟僞造者乎甲乃服罪縣吏左梅伯有叔富而無子梅伯糾賊劫殺之獲賊而梅伯逃士宏抵任叔妻哭訴陰迹梅伯匿安福勢宦家故緩詞曰此舊事前官不了余安能按之數月梅伯歸叔妻復訴置不問梅伯且出收叔遺產叔妻號於庭曰公號廉明今寬殺人者罪且占寡婦田何得爲廉明陽怒批其牘曰止問田土不問人命梅伯益自得赴縣訴理乃笑謂曰候汝三載矣批其牘曰止問人命不問田土梅伯遂伏法其善斷獄多類此考最擢陝西甘州同知復考最擢江南常州知府吳三桂亂起關隴震動大吏疏請擢洮西道副使未到官而洮岷陷邊

外羣番乘亂內犯肆剽掠調署甘山道王輔臣叛河東失守士宏以兵集當謀帥言於巡撫謂恢復河東非用河西兵不可用河西兵非責之提督張勇不可疏入授勇靖逆將軍節制諸鎮復蘭州士宏贊畫功爲多署甘肅按察使按失守官吏罪務平允寧夏兵叛殺提督陳福調寧夏道嚴守禦安反側免衛所通糧七萬五千石康熙十六年寇平以功進布政使參議母老乞歸家居幾三十年卒年八十七宏備兵甘山時取晉辛憲英語軍旅之間可以濟者惟仁與恕因以名其堂

多宏安字君修直隸阜城人順治五年選拔貢生康熙初授廣東嶺山知縣兵後荒殘居無衙舍宏安請免積年逋賦招撫流移捐給牛種民得安耕稼葺城垣創學宮繕官廨捕除盜賊靈山大治士民刊石紀其績七年遷奉天承德知縣旗民抗法者送部懲治皆懾服十年擢陝西延安靖邊同知十六年補江南淮安山旰河務同知時高堰長隄潰決淮水注資應高郵不復出清口敵黃黃水直注裏河運道淤淺復隨淮入堰無由會清口下雲梯關入海近海口盡淤

清史稿

列傳七十二

三

整宏安與河督靳輔策築高堰東淮敵黃治爛泥淺諸故道導清水入裏河運道乃通修築兩岸及清口清江大閘與淮工相表裏清河達雲梯關數百里葺葦榛蕪塞故道用以水攻沙法塞周橋高澗諸閘使清淮無旁洩蓄全力攻積沙十七年大雨淮盛漲與黃並入海治淮治黃治運並收成效十九年擢淮安知府二十年擢淮揚道二十四年擢安徽按察使時方議浚下河治高堰宏安入覲疏陳高堰宜急治無論下河開浚與否治堰法砌石先安地釘湖底水深費帑甚繁如用板若掃水勢蕩掣尤易摧殘惟密釘排椿內實以碎石庶可敵風浪省金錢十餘年後黃河刷深則湖河水俱卑高堰既固下河亦漸就理二十八年遷江西布政使乞歸後值黃連兩河潰溢起用宏安會病卒祀靈山名宦修國聘字君莘奉天人以廢生補吏部筆帖式康熙十年授江南碭山知縣縣當黃河衝研求治河方略擢歸仁隄同知調宿桃同知擢貴州平遠知府河督靳輔疏留任十餘年倚如左右手塞楊家莊蕭家渡決口建朱家堂溫家廟二石壩浚白洋引河九道築黃河南北兩岸隄浚中河廢役不從久之擢

山東濟甯道副使道地爲漕運樞紐恤夫役減苛稅除冗費能舉其職復調監督高堰工程三十八年卒於官

王縉字慎夫河南睢州人少學於湯斌康熙二十五年以歲貢生授直隸東明知縣縉賦多欺隱易甲長大戶使族長督之飛流不行流亡來歸民間養官馬爲累力除之撫盜魁責以緝捕盜跡逃人誣累良民雪之民有繼妻素淫欲併亂前妻女不從狀之死縉謂母道絕當故殺妻前夫子律論斬報可因著爲例母憂去服闋補獲鹿治驛有法民不累於供億內遷戶部員外郎擢郎中三十八年出爲江南糧儲道道舊有倉規銀鉅萬緡一擯勿取將徵漕扁舟行縣懲其濫收者至宜興宜興民曰吾民四十年不見糧道今飛來耶號曰飛糧道道庫歲收銀八十五萬兩爲修船及弁丁運費運丁預支行糧例扣月息丁益困縉悉罷之四十年擢江蘇按察使治獄仁恕多所平反宿州生携妻子出客授妻兄女來視居數日妻子並中毒死妻兄素有隙疑其女置毒告官被刑誣服縉疑之問其室來往復何人得十二歲學徒畏師嚴置礮食中狀事乃白無

清史稿

列傳七十二

四

錫民毆攻皮匠匠死僧與民仇證爲鬪毆殺縉察鬪毆日月在保辜限外詰曰傷重何不醫出醫方則匠死於傷寒僧乃服上南巡入覲顧宋桀曰朕聞縉督糧時官聲甚好時縉已病道御醫視之賜德里雅噶藥一器溫旨慰諭復賜御書縉曰按察任大責重臥治即辜恩引疾歸年甫五十久之卒於家田呈瑞字介璞山西汾陽人康熙中仕爲中書舍人出襄南河事有隄當水衝曰此隄一壞萬家其魚矣土隄易修易敗宜更以石家素豐出私錢成之以功擢大名道未之任調陝西臨洮道遇饑治賑策馬行郡縣山谷間豪右胥吏不敢爲奸弊呈瑞念救荒無善策於蘭州西石佛灣鑿渠教民造水車引以溉田歲增粟十餘萬石民爲建生祠調浙江金衢嚴道署糧儲道徵漕積弊盡洗滌之值旱冒暑省荒感疾乞歸不得五十九年卒於官

張孟球字夔石江南長洲人康熙二十四年進士授山東昌樂知縣入爲工部主事累遷禮部郎中出督雲南學政父憂去服闋補福建糧驛道駐防軍食取給於漕上游四郡阻灘險故事征解折色官爲探置輒抑勒病商孟球於延建

產米地平價購米賦民船運省城不假吏胥諸弊盡絕地多山嶺官吏濫用驛夫孟球禁革私冒遇大徭預期發履值終其任無擾驛者調河南糧儲道河南漕糧就衝輝水次收兌舊無倉版又無額役運船調之他省天寒水涸糧不時至宿河干以待遇雨雪則米濕霉變又患盜竊孟球始以羨餘建倉署布政使西藏用兵調河南馬騾萬几騾馬三需一夫剋期兩月孟球止宿郊外躬自檢閱西路近陝諸郡遣吏往督之盡除需索留難諸弊凡五十四日馬騾如數遣赴軍而民不擾擢按察使蘭陽民朱復業附白蓮教自稱明裔煽惑數縣孟球檄杞縣知縣齊君佐馳往捕治盡獲其黨上命尙書張廷樞往按從孟球議誅其與逆謀者愚民被誘悉釋之浙川營兵博知縣崔錫執而罪之兵譁執南陽知府沈淵衆辱之總兵高成不能治時巡撫張聖佐坐譴孟球護巡撫曰南陽地連襄陽急則鉅而走險事未可知密令附近諸縣嚴守禦諭止誅首惡自首免罪得倡亂者七人誅之不數日而事定康熙末乞歸不復出乾隆初卒年八十

清史稿

列傳七十三

五

論曰官監司卓卓有名氏即平進至督撫易耳如紫綬等皆早退遂以監司終紫綬崎嶇兵間捍偏隅爲民保障州佐士宏勤勤重民事宏贊治河繕善斷獄孟球能應變使得爲督撫其績效當有大於是者時方承平仕得行其意知止知足必有說以自處矣

清史稿

列傳七十三

王棐

勞之辨

朱天保

陶彝

王棐字藻儒江南太倉人明大學士錫爵孫康熙九年進士選庶吉士授編修爲掌院學士熊賜履所器遷左贊善充口講起居注官以病告八年起右贊善提督浙江學政嚴剔積弊所拔多宿學寒賤龍泉知縣茅國璽以印揭薦武童揆疏劾國璽坐譴別疏陳別除積弊報聞累遷侍讀學士三十年超擢內閣學士三十三年遷戶部侍郎直經筵三十八年調吏部禁革臨選駁查臨聖買籤諸弊銓政以肅借尙書范承勳王鴻緒督修高家堰河工四十二年擢刑部尙書刑部奏讞無漢字供狀揆言本朝官制兼設滿漢欲其彼此參詳今獄詞不錄漢語是非曲直漢司官何由知之若隨聲畫諾幾成虛設嗣後定讞當滿漢

清史稿

列傳七十三

一

稿並具詔報可著爲令累歷工兵禮諸部務總紀綱持大體五十一年授文淵閣大學士兼禮部尙書直經筵如故五十二年典會試其冬以疾疏辭閣務溫旨慰留越年春疾愈仍入直孝惠章皇后附太廟議者欲附於孝康章皇后之次揆曰孝康章皇后雖母以子貴然孝惠章皇后章皇帝嫡配也上聖孝格天曩者太皇太后附廟時不以躋孝端文皇后之上今肯以孝康章皇后躋孝惠章皇后上乎禮部不從上果以爲非令改正時上春秋高皇太子允初既廢儲位未定揆年七十餘自念受恩深又以其祖錫爵在明神宗朝以建儲事受惡名欲幹其蠱五十六年密奏請建儲疏入留中是年冬御史陳嘉猷等八人復以爲言上不悅遂并發揆疏命內閣議處忌揆者欲置重典揆止宮門外不敢入上顧左右問王棐何在李光地奏揆待罪宮門上曰王棐言甚是但不宜令御史同奏蹈明季惡習汝等票擬處分太重可速召其來揆聞命趨入免冠謝上招揆跪御榻前語良久秘人不能知六十年春羣臣請賀萬壽上勿許揆復疏前事請釋二阿哥語加激切既而御史陶彝等十二人連名入奏上疑出揆

意大怒召諸王大臣降旨責挾植黨希榮且謂錫爵在明神宗時力奏建儲泰昌在位未及數月天啟庸懦天下大亂至愍帝而不能守明之亡錫爵不能辭其罪挾以朕為神宗乎朕初無誅大臣之意大臣自取其死朕亦無如何令王大臣傳旨詰挾令回奏時舉朝失色無敢與筆硯者挾就宮門階石上裂紙以唾濡墨奏言臣伏見宋仁宗為一代賢君而晚年立儲猶豫其時名臣如范鎮包拯等皆交章切諫鬚髮為白臣愚信書太篤安思效法古人實未嘗妄嗾眾臣共為此奏奏上越五日詔緩議罪與諸御史俱赴西陲軍前效力因挾年老責其子奕清代往為父贖罪先是挾嘗密奏請減蘇松浮糧言至剴切疏久留中至是忤旨乃與建儲奏疏一並擲還是年冬上自熱河還京師挾迎駕石槽上望見遣內侍慰問六十一年元且諸大臣表賀未列挾名上發表命列名以進翌日賜宴太和殿再召見西煖閣賜坐慰諭有加尋起原官視事如故雍正元年以老乞休世宗降旨褒嘉以原官致仕仍留京師備顧問三年上諭閣臣云王挾向人言曾在聖祖前奏免蘇松浮糧未蒙允行朕查閱宮中並無此奏

清史稿

列傳七十三

二

因責挾藉事沽名並涉其子奕清奕鴻附年羹堯目為姦巧乃遣奕鴻與奕清同在軍前效力六年挾卒年八十四乾隆二年奕清始請卹於朝賜祭葬如制奕清字幼芬康熙三十年進士選庶吉士歷官詹事代父赴軍歷駐武斯阿達拖羅海奕清體弱善病處之晏然雍正四年命赴阿爾泰坐臺又十年乾隆元年召還仍以詹事管少詹事乞假葬父尋卒奕鴻字樹先康熙四十八年進士授戶部主事歷湖南驛鹽糧儲道奕清赴軍奕鴻盡斥其產與俱後命赴烏里雅蘇臺效力居邊十年與奕清同釋還官四川東道引疾歸卒勞之辨字書升浙江石門人康熙三年進士選庶吉士授戶部主事遷禮部郎中出為山東提學道僉事報滿左都御史魏象樞特疏薦之遷貴州糧驛道參議師方下雲南羽書旁午之辨安設驛馬以利塘報復以軍米運自湖南苦累夫役白大府停運就地採購供億無遺二十四年擢通政使參議遷兵部督捕理事官連遭親喪服闋起故官游擢左副都御史數有建白四十七年皇太子允祜既廢上日夕憂恚既有復儲意王大臣合疏保奏命留中旋諭廷臣俟廢

太子疾瘳教養有成朕自有旨諸王大臣不得多瀆十二月之辨密奏曰皇上之於皇太子分則君臣親則父子皇太子初以疾獲戾今疾已平復孝友之本懷固山至性肅雍之儀表久繫羣心乞速煥新輪收回成詔敕部擇吉早正東宮布告中外俾天下曉然知聖人舉動仁至義盡大公無私事莫有重於此者今八荒清晏一統重書值星紀初週光華復旦七廟將行大貽萬國於以朝正皇上以孝慈治天下方且稱壽母萬年之觴集麟趾繁昌之慶而願使前星虛位震子未甯聖心得無遺憾乎臣年已七十報主之日無多知無不言統望乾斷速行自此以往皇上待皇太子與諸皇子尤願均之以恩範之以禮則宜君宜王之美不難上趨成周遠超百代至萬不得已而裁之以法則非臣之所敢言也疏入上不懌斥為奸詭命奪官逮赴刑部笞四十逐回原籍五十二年赴京祝萬壽復原秩逾年卒於家

清史稿

列傳七十三

三

皇太子時允祜廢已久儲位未定貝勒允禩覬覦得立挾殺王鴻緒等左右之欲陰害允祜朱天保憂之具疏上略曰阿哥雖以疾廢然其過失良由習於驕抗左右小人誘導之故若遺碩儒名臣為之羽翼左右佞幸盡皆罷斥則潛德日彰猶可復問安侍膳之歡儲位重大未可移置如基恐有藩臣傍為覬覦則天家骨肉之禍有不可勝言者疏成以父在慮同禍徘徊未即上朱都訥察其情趣之入告時上方幸湯山朱天保早出德勝門羣鴉阻馬前朱天保揮之去疏上上歎歎久之阿靈阿允禩黨也媒孽之曰朱天保為異日希寵地上怒於行宮御門召問曰爾云二阿哥仁孝何由知之朱天保以聞父語對上曰爾父在官時二阿哥本無疾學問弓馬皆可觀後得瘋疾舉動乖謬立朕前辱罵徐元夢於伯叔之子往往以不可道之言肆置爾知之乎爾又云二阿哥聖而益聖賢而益賢爾從何而知朱天保亦以父問之守者對詰其姓名不能答上曰朕以爾陳奏此大事遣人傳問或將爾言遺漏故親訊爾爾無知稚子數語即窮必有同謀者朱天保對父與婿戴保同謀遂逮朱都訥戴保上復御門召

問曰二阿哥因病拘禁朕猶望其痊愈故復釋放父子相見教訓不悛始復拘禁二阿哥以琴水作書與普奇屬其保舉為大將軍並謂齊世札拉克圖皆當為將軍朕遣內侍往詢自承為親筆此事爾知之否朱都訥自稱妄奏應萬死上曰爾奏引朕太子為比朕太子父子間隔朕於二阿哥常遣內監往視賜食賜物今二阿哥顏貌豐滿其子七八人朕常留養宮中何得比朕太子爾又稱二阿哥為費揚古陷害費揚古乃功臣病篤時朕親臨視沒後遣二阿哥往奠爾何得妄言爾希僥倖取大富貴以朕有疾必不親訊今爾始知當死乎辭連朱都訥婚常資及金寶齊世萃泰等並逮訊議罪朱天保戴保皆坐斬朱都訥與常資金寶皆免死荷校齊世拘禁萃泰奪官

陶舜順天大興人康熙三十九年進士授戶部主事再遷郎中選廣西道御史巡視兩浙鹽政六十年三月舜與同官任坪范長發鄒圖雲陳嘉猷王允晉李允符范允鎬高份高怡趙成穰孫紹曾合疏奏曰皇上深恩厚德浹洽人心茲逢六十年景運方新普天率土歡欣鼓舞而建儲一事尤為鉅典懇獨斷宸

清史稿

列傳七十三

四

衷早定儲位疏入下內閣時大學士王揆正密疏請建儲後數日舜等疏又上上震怒斥揆植黨希榮於是王大臣奏請奪揆及諸御史官從重治罪越日諭廷臣曰王揆及御史陶舜等妄行陳奏俱稱為國為君今西陲用兵為大臣者正宜汲此朝食可暫緩議罰如八旗滿洲文官例俱委署額外章京遣往軍前效力贖罪雍正四年世宗以諸御史不諳國體心本無他詔釋歸以原職休致還籍坪字坦公山東高密人康熙三十年進士自刑部郎中選山西道御史轉掌陝西道赴軍駐武斯河大漠荒寒盛夏冰雪坪處之怡然及歸閉戶讀書終老於家長發字廷舒浙江秀水人康熙三十三年進士授南城知縣行取禮部主事考選廣西道御史轉掌浙江道遣戍予額外主事銜隨都統圖臘赴征西將軍營還駐歸化城後命赴察漢新臺歸以原職休致圖雲字偉南江西南城人康熙三十六年進士授大竹知縣行取禮部主事考選河南道御史轉掌山東道巡視東城嘉猷字叔江南溧陽人康熙三十九年進士自吏部員外郎考選山西道御史五十六年王揆密請建儲未幾嘉猷與同官八人亦合疏

陳請上疑之揆幾獲罪事具揆傳至是嘉猷復與舜等申請獲咎允晉直隸清苑人康熙四十五年進士自戶部員外郎考選陝西道御史允符字揆山浙江嘉善人康熙二十六年舉人授什邡知縣行取江西道御史允鎬字用賓浙江錢塘人康熙三十九年進士授安平知縣行取工部主事考選山東道御史瑒字荆襄河南柘城人康熙二十七年進士自禮部郎中選廣東道御史巡視東城謫戍武斯軍營運糧西藏居塞上六年著出塞集備言屯戍之苦釋歸終於家怡字仲友浙江武康人康熙二十七年進士授長洲知縣善聽訟吏皆憚之尚書韓奕怡帥也其姻黨繫獄以奕故請恕怡怒杖之遷鄞州知州行取工部主事考選山東道御史謫戍時年逾六十以原職釋歸成穰字德培江南吳縣人康熙四十七年舉人授內閣中書累遷兵部郎中選福建道御史紹曾字二乾浙江山陰人康熙二十五年舉人授開縣知縣行取戶部主事授四川道御史赴軍駐歸化城地當孔道故事務役供張取給於成員紹曾清介無餘資困其迨釋還卒於途又有邵塔亦以疏請建儲獲罪璿字璣亭江南無錫人

清史稿

列傳七十三

五

自拔貢生授芮城知縣行取工部主事授江南道御史掌登聞院巡視北城六十年遣戍軍前時同謫者十三人圖雲允符成穰塔皆死於塞外而給事中劉堂御史柴謙吳鎬程鏞續以言事謫同時釋還仍為十三人世稱十三官堂彭澤人謙仁和人鎬漢陽人鏞錢塘人論曰理密親王在儲位久未聞顯有失德而終遭廢黜聖祖手詔若有深痛鉅惡至不可言者夫以聖祖之仁明而不克全監撫之重終父子之恩謫人罔極靡所不至甚矣揆力主復故聖祖雖深罪之固諒其無他心勞之辨諫於初廢大臣拜杖已非故事朱天保爭於再黜遂以誅死罪及其親一則但責其沽名一則深疑其受指故譴有重輕歟舜等但坐謫戍已為寬典拳拳效忠固人臣之義也

清史稿

列傳七十四

修國維

馬齊

鄂倫岱

揆敘

修國維滿洲鑲黃旗人修國賴次子孝康章皇后幼弟孝懿仁皇后父也順治間授一等侍衛康熙九年授內大臣吳三桂反子應熊以額駙居京師謀為亂以紅帽為號國維發其事命率侍衛三十人捕治獲十餘人械送刑部誅之二十一年授領侍衛內大臣議政大臣二十八年推孝懿仁皇后恩封一等公二十九年師征噶爾丹命參贊大將軍裕親王軍務次烏爾布通與兄都統國綱並率左翼兵進戰國綱戰沒國維自山腰出賊後擊之潰遁師還以未窮追部議當奪官命能議政大臣鑄四級留任三十五年從上征噶爾丹出獨石口以駝運糧遲請罪上貫之三十六年復從上征噶爾丹噶爾丹竄死敘功還所鑄級四十三年以老解任四十七年皇太子允禩以病廢幽禁上鬱怒成疾國維

清史稿

列傳七十四

一

奏皇上治事精明斷無錯誤此事於聖躬關係甚大請度日後若易於措置祈速賜睿斷若難於措置亦祈速賜睿斷總之將原定意指熟慮施行為是上命諸大臣保奏諸皇子中孰可為皇太子者諸大臣舉皇子允禩上愈不懌旋以皇太子病愈命釋之四十八年正月召諸大臣詰孰先舉允禩實出大學士馬齊上召國維舉國維前奏語問爾既解任事與爾無與乃先舉陳奏何意國維對臣雖解任蒙皇上命為國舅冀聖躬速愈故請速定其事上曰將來措置難易至時自知之人其可懷私而妄言乎次日復諭曰爾每言祝天求佛願皇上萬歲嗣後惟深念朕躬謂諸皇子皆吾君之子不有所依附而陷害其餘是即俾朕易於措置也閱月上已定復立允禩為皇太子又諭曰爾乃國舅又為大臣皇太子前染風疾朕為國家計安可不行拘執後知為人鎖魔調治全愈又安可不行釋放朕拘執皇太子時並無他意不知爾肆出大言激烈陳奏果何心也諸大臣聞爾言衆皆恐懼遂欲立允禩為皇太子列名保奏朕臨御已久安享太平並無所謂難措置者臣庶亦各安逸得所今因爾言羣小復肆為妄

語諸臣俱終日憂慮若無生路此事關係甚重爾既有此奏必有確見其何以令朕及皇太子諸皇子不致股憂衆心亦可定其明白陳奏國維引罪誅戮上復諭曰朕特為安撫羣臣非欲有所誅戮爾初陳奏衆方贊爾謂如此方可謂國家大臣今爾情狀畢露人將謂爾為何如人朕斷不加爾誅戮爾其無懼但不可卸責於朕觀爾言迷妄其亦為人鎖魔歟五十八年卒賜祭葬雍正元年贈太傅諡端純世宗手書仁孝勤恪勝命表於墓道子隆科多自有傳

馬齊富察氏滿洲鑲黃旗人米斯翰子由廕生授工部員外郎歷郎中遷內閣侍讀學士康熙二十四年出為山西布政使擢巡撫馬齊入覲上褒其居官勤慎勉以始終如一久之上命九卿舉督撫清廉如于成龍者以馬齊及范成勳姚締虞對尋命借成龍開音布往按湖廣巡撫張沂貪黷狀初命侍郎色楞額往按上荆南道祖澤深並令察沂色楞額曲庇不以實陳馬齊與成龍覆按具得沂澤深貪墨狀並色楞額論罪如律二十七年遷左都御史時俄羅斯遣使請定界詔遣大臣往議馬齊疏言俄羅斯侵據嶺土我師困之於雅克薩城本

清史稿

列傳七十四

二

可立時勦滅皇上寬容不忍加誅今悔罪求和特遣大臣往議垂之史冊關係甚鉅其檔案宜兼書漢字使臣并參用漢員詔如議行尋命借尚書張玉書等勘閱河工二十九年列議政大臣都御史與議政自馬齊始尋邊兵部尚書時喀爾喀諸部避噶爾丹侵掠舉族內嚮詔沿邊安插命馬齊偕侍郎圖布等先期檄左右翼部長至上都河額爾屯河兩界以待上出塞喀爾喀諸部朝行在定諸王貝子公等爵秩牧地烏珠穆沁台吉車根等叛附噶爾丹命馬齊往按宣諸法調戶部尚書三十年上親征噶爾丹命馬齊檄喀喇沁翁牛特兵備戰還京師兼理藩院尚書噶爾丹旋敗遁詔來春復親出塞命先期往甯夏安設驛站三十八年授武英殿大學士賜御書永世翼戴榜四十七年冬皇太子允禩既廢儲位未定修國維奏請速斷上召滿漢文武諸大臣集暢春園議諸皇子中孰可為皇太子者上意在復立皇太子而諸皇子中貝勒允禩覲為皇太子最力諸大臣揆敘王鴻緒及修國綱子鄂倫岱等為之羽翼集議曰馬齊先至張玉書後入問衆意誰屬馬齊言衆有欲舉八阿哥者俄上命馬齊毋預議

馬齊避去阿靈阿等書八字密示諸大臣遂以允禩名上上不擇明年正月召諸大臣問其日先舉允禩者為誰羣臣莫敢對上嚴詰羣指都統巴理岱上曰是必佟國維馬齊意也馬齊奏辨巴理岱言漢大臣先舉上以問大學士張玉書玉書乃直舉馬齊語以對上曰馬齊素謬亂如此大事尚懷私意謀立允禩豈非為異日恣肆專行計耶馬齊復力辨辭窮先出翌日上諭廷臣曰馬齊效利用久朕意欲保全之昨乃拂袖而出人臣作威福如此罪不可赦遂執馬齊及其弟馬武李榮保下獄王大臣議馬齊斬馬武李榮保坐罪有差盡奪其族人官上不忍誅命以馬齊付允禩嚴錮李榮保馬武並奪官四十九年俄羅斯來互市上念馬齊習邊事令董其事李榮保馬武皆復起尋命馬齊署內務府總管五十五年復授武英殿大學士世宗即位降敕褒諭予一等阿達哈哈番尋命襲其祖哈什屯一等阿思哈尼哈番進二等伯加太子太保雍正元年改保和殿進太保三年復降詔褒其忠誠加拜他喇布勒哈番以其子富良襲十三年引疾乞罷許致仕乾隆四年病篤高宗諭謂馬齊歷相三朝年逾大

清史稿

列傳七十四

三

聖舉朝大臣未有及者命和親王及皇長子視疾尋卒年八十八贈太傅諡文穆子富興襲爵坐事黜以富良襲進一等伯十五年加封號曰敦惠富良自散秩大臣授鑾儀衛鑾儀使累遷西安將軍兼領侍衛內大臣卒諡恭勤馬武馬齊弟初授侍衛兼管佐領累擢鑾儀衛副都統因馬齊得罪奪官旋起內務府總管遷鑾儀衛副都統世宗即位授領侍衛內大臣雍正四年卒命視伯爵賜卹授三等阿達哈哈番賜祭葬諡勤恪馬武子保祝初授侍衛累遷直隸提督以病解任起正紅旗蒙古都統卒諡恭簡

阿靈阿鈕祜祿氏滿洲鑲黃旗人遇必隆第五子初任侍衛兼佐領康熙二十五年襲一等公授散秩大臣擢鑾儀衛副都統阿靈阿女兄上冊為貴妃貴妃薨殯朝陽門外阿靈阿學家在殯所持喪與兄法略素不睦欲致之死乃播蜚語誣法略法略以聞上震怒奪阿靈阿職仍留公爵尋授一等侍衛累遷正藍旗蒙古都統擢領侍衛內大臣理藩院尚書四十九年與揆敘王鴻緒等密議舉允禩為皇太子上以馬齊示意諸大臣子嚴譴不復窮治與大獄五十五

年卒子阿爾松阿降襲二等公擢領侍衛內大臣刑部尚書雍正二年世宗召諸大臣諭曰本朝大臣中居心奸險結黨營私惟阿靈阿揆敘為甚當年二阿哥之廢斷自聖衷豈因臣下蜚語遂行廢立乃阿靈阿揆敘為己力要結允禩等造作無稽之言轉相傳播致皇考憤懣莫可究詰阿靈阿子阿爾松阿柔奸狡猾甚於其父令奪官遣往奉天守其祖墓並將阿靈阿墓碑改鑄不臣不弟暴悍貪庸阿靈阿之墓以正其罪四年命誅阿爾松阿妻子沒入官乾隆元年以阿靈阿墓碑立祖塋前墓已遷而碑尚存命去之妻子釋令歸旗

揆敘字凱功納喇氏滿洲正黃旗人大學士明珠子康熙三十五年自二等侍衛授翰林院侍讀充日講起居注官累擢翰林院掌院學士兼禮部侍郎奉使册封朝鮮王妃尋充經筵講官教習庶吉士遷工部侍郎初明珠柄政勢焰薰灼大治園亭賓客滿門下揆敘交游既廣尤工結納素與允禩相結皇太子既廢揆敘與阿靈阿等播蜚語言皇太子諸失德狀杜其復立四十七年冬上召滿漢大臣問諸皇子中孰可為皇太子者揆敘及阿靈阿鄂倫岱王鴻緒等私

清史稿

列傳七十四

四

與諸大臣通消息諸大臣遂舉允禩事具馬齊傳五十二年遷左都御史仍掌翰林院事疏言近聞外省塘報故摭拾大小事件名曰小報駭人耳目請飭嚴禁庶好事不端之人知所懼詔允行五十六年卒諡文端雍正二年發揆敘及阿靈阿罪狀追奪揆敘官削諡墓碑改鑄不忠不孝陰險柔佞揆敘之墓鄂倫岱滿洲鑲黃旗人佟國綱長子初任一等侍衛出為廣州駐防副都統康熙二十九年擢鑾儀衛副都統襲一等公三十五年上親征噶爾丹鄂倫岱領漢軍兩旗火器營出古北口蹙蹙北巡塞外三十六年擢領侍衛內大臣坐事降一等侍衛尋授散秩大臣四十六年復授領侍衛內大臣五十九年命出邊管蒙古驛站世宗立召還授正藍旗漢軍都統雍正三年諭曰鄂倫岱與阿靈阿皆黨於允禩當日允禩得罪皇考時方駐蹕遙亭命執允禩門下宦者刑訊具言鄂倫岱等黨附狀鄂倫岱等色變不敢置辨四十九年春皇考自朔州回變途中責鄂倫岱等結黨鄂倫岱愕然不顧又從幸熱河皇考不豫鄂倫岱日率乾清門侍衛較射游戲皇考於行圍時數其罪命侍衛鞭撻之鄂倫岱頌

悍怨望雖置極典不足蔽辜朕念爲皇祖妣皇妣之戚父又陳亡不忍加誅令往奉天與阿爾松阿同居四年與阿爾松阿並誅仍諭不籍其家不沒其妻子子補熙自廢生授理藩院員外郎襲國綱拜他喇布勒哈番世職官至綏遠城將軍卒諡溫僖

論曰理密親王既廢自諸皇子允禩允禩輩及諸大臣多謀擁允禩聖祖終不許誠以儲位至重非可以覬覦攘奪而致也修國維陳奏激切意若不利於故皇太子語不及允禩而意有所在馬齊遂示意諸大臣然一人者皆非出本心聖祖諒之世宗亦諒之故能恩禮勿替賞延於後嗣若阿靈阿父子揆敘鄂倫岱王鴻緒固擁允禩最力者世宗既譴允禩諸臣生者被重誅死者蒙惡名將安所逃罪鴻緒又坐與徐乾學等比被論事別見故不著於此篇

清史稿

列傳七十四

五

清史稿

列傳七十五

鄂爾泰 字和布 蒙古 乾隆 功臣 一等公

鄂爾泰字毅庵西林覺羅氏滿洲鎮蓋旗人世居汪欽國初有屯泰者以七村附太祖授牛錄額貢子圖們事太宗從戰大凌河擊明將張理陳沒授備禦世職雍正初祀昭忠祠鄂爾泰其曾孫也康熙三十八年舉人四十二年襲佐領授三等侍衛從聖祖獵和詩稱旨五十五年遷內務府員外郎世宗在藩邸偶有所屬鄂爾泰拒之世宗即位召曰汝爲郎官拒皇子其執法甚堅深慰諭之雍正元年充雲南鄉試考官特擢江蘇布政使於廉中建春風亭禮致能文士錄其詩文爲南都耆獻集以應得公使銀買穀三萬二千四百石有奇分貯蘇松常三府備賑貸察太湖水利擬疏下游吳淞白茆役未舉三年遷廣西巡撫甫上官調雲南以巡撫治總督事貴州種家苗爲亂二十餘年巡撫石禮哈提督馬會伯請用兵上未即許巡撫何世璜疏言種家苗樂箭鋸利地勢險阻用

清史稿

列傳七十五

兵不易上卽命世璜招撫久未定詔諸鄂爾泰四年春疏言雲貴大患無如苗蠻欲安民必制夷欲制夷必改土歸流而苗疆多與鄰省相錯即如東川烏蒙鎮雄皆四川土府東川距雲南四百餘里去冬烏蒙攻掠東川滇兵擊退而川省令箭方至烏蒙距雲南省城亦僅六百餘里錢糧不過三百餘兩取於下者百倍一年四小派三年一大派小派計錢大派計兩土司娶子婦土民三載不致婚土民被殺親族尙出犂刀數十金終身不見天日東川雖已改流尙爲土目盤據文武長寓省城膏腴四百里無人敢擊若改隸雲南俾臣得相機改流可設三府一鎮此事連四川者也廣西土府州縣峒寨等一百五十餘員分隸南寧太平思恩慶遠四府其爲邊患自泗城土府外皆土目橫於土司黔粵以牂牁江爲界而粵屬西隆州與黔屬普安州越江互相斗入苗寨峒將吏推諉應以江北歸黔江南歸粵增州設營形格勢禁此事連廣西者也滇邊西南界以瀾滄江江外爲車里緬甸老撾諸境其江內鎮沅威遠元江新平普洱茶山諸夷巢穴深遂出沒魯魁哀牢間無事近患腹心有事遠通外國論者謂江

外宜土不宜流江內宜流不宜土此雲南宜治之邊夷也貴州土司向無針束羣苗之責苗患甚於土司苗疆四圍幾三千餘里千三百餘寨古州踞其中羣寨環其外左有清江可北達楚右有都江可南通粵蟠據梗隔遂成化外如欲開江路通黔粵非勒兵深入徧加勦撫不可此貴州宜治之邊夷也臣思前明流土之分原因煙瘴新驅未習風土故因地制宜使之鄉導彈壓今歷數百載以夷治夷即以盜治盜苗猥無追賊抵命之憂土司無革職削地之罰直至事上聞行賄詳結上司亦不深求以爲鎮靜邊民無所控訴若不剷蕪源縱兵刑財賦事事整理皆非治本改流之法計擒爲上兵勦次之令其自首爲上勦獻次之惟勦夷必練兵練兵必選將誠能賞罰嚴明將士用命先治內後攘外實邊防百世之利疏入上深然之會石禮哈疏報遣兵擊破谷隆長寨者貢羊城重諸隘擒其渠阿革阿給及諸苗之從爲亂者上命交鄂爾泰按讞五月鄂爾泰遣兵三道入一自谷隆一自焦山一自馬落孔破三十六寨降二十一寨撫苗民五百餘戶二千餘口察出荒熟田地三萬畝又以鎮遠土知府刁澣密

清史稿

列傳七十五

二

益上知州安於藩素凶詐計擒之者樂向土司刁聯斗乞免死改土歸流鄂爾泰疏報種家苗悉定上嘉其成功速令議敘旋條上經理種苗諸事報可十月眞除雲貴總督四川烏蒙土司祿萬鍾爲亂侵東川鄂爾泰請以東川改隸雲南上從之仍命會四川總督岳鍾琪按治招其渠祿鼎坤出降鄂爾泰令鼎坤招萬鍾數往不就撫乃檄總兵劉起元率師討之破其所居寨萬鍾走匿鎮雄土司隨慶侯所五年萬鍾詣鎮雄降慶侯亦詣鎮雄請改土歸流上命鍾琪以萬鍾慶侯交鄂爾泰按讞敘功授世職拜他喇布勒哈番三月鎮沈傑刁如珍等戕官焚掠遣兵討平之獲汝珍泗城土知府岑映宸縱其衆出掠又發兵屯者相立七營鄂爾泰疏劾令諸道兵候檄進討映宸乞免死存祀改土歸流鄂爾泰請映宸送浙江原籍留其弟映翰奉祀七月發兵與湖北師會討定謬沖花苗獲其渠降其餘衆威遠保札鐵匠等新平保李百登等應如珍爲亂九月鄂爾泰檄臨元總兵孫宏本率師討之獲札鐵匠降李百登威遠新平皆定十一月招降長寨後路苗百八十四寨編戶口定額賦得旨嘉獎進世職一等阿

達哈哈番十二月攻破雲南猓窩泥種取六茶山地千餘里劃界建城置官吏雲南南徼地與安南接前總督高其倬疏言安南國界應屬內地者百二十里請以賭咒河爲界安南國王黎維禔奏辦上命鄂爾泰清察鄂爾泰請與地八十里於鉛廠山下小河內四十里立界上從之敕諭安南六年維禔表謝上嘉其知禮命復與四十里旋討擒東川法夏土目祿天佑則補土目祿世豪按治米貼土目程永孝論斬永孝妻陸氏結猓獾爲亂檄總兵張耀祖討之攻克門坎山師入獲陸氏米貼平廣西八達寨猓獾光色等爲亂提督田峻不能討鄂爾泰遣兵往獵殺光色以降上命鄂爾泰總督雲貴廣西三省發帑十萬犒師旋又撫貴州拜克猛長寨古羊等生苗百四十五寨十月萬壽節雲南卿雲見鄂爾泰疏聞七年正月命超授三等阿思哈尼哈番雲貴兩省巡撫提督總兵文知縣武千總以上皆加級三月令按察使張廣泗率師攻貴州丹江雞溝生苗破其寨種人悉降上下九股清水江古州諸地以次定下部議敘鄂爾泰疏辭而乞予曾祖圖們封典俾昭忠祠位得改書贈官列大臣之末上允其請仍

清史稿

列傳七十五

三

命議敘七月招安順高耀等寨生苗及猓種諸種人內附十月雲南趙州醴泉出鄂爾泰疏聞上褒鄂爾泰化民成俗格天致瑞特加少保八年五月招黎平都勻等寨生苗內附鄂爾泰既討定羣苗爲亂者諸土司備軍威納土疆理其地置郡縣設營汛重定三省及四川界域而諸土司世守其地一旦歸版籍其渠誅夷遷徙皆無倖屬苗內憤吳烏蒙猓獾最狡悍總兵劉起元移鎮其地恣爲貪虐六月祿鼎坤及其族人鼎新萬福遂糾衆攻城劫殺起元及游擊江仁知縣賽枝大等盡戕其孥鄂爾泰疏聞請罷斥上慰諭之烏蒙既陷江外涼山下方阿驢江內巧家營者家海諸寨及東川祿氏諸土目皆起而應之又令則補以址諸寨要截江路以則以擢諸寨窺伺城邑東川境內空泥矣氏歹補阿汪諸寨東川境外急羅管施魯古牛畢古諸寨及武定尋甸威寧鎮雄所屬諸夷遠近嚮應殺塘兵劫糧運堵要隘毀橋樑所在屯聚爲亂鄂爾泰集官兵萬數千人土兵半之分三路進攻總兵魏嘉國攻東川哈元生攻威寧副將徐成貞副之參將韓勳攻鎮雄嘉國師行土目祿鼎明道行刺被創以總兵官祿代

將師進焚苗寨十三遺游擊何元攻急羅符殺二百餘降一百三十餘游擊紀龍攻者家海被寨盡殲其衆勦與苗兵遇於莫都戰一晝夜破寨四殺數百人進攻至鄉戰三日殺二千餘元生成貞自威寧攻烏蒙射殺其渠黑寡來連破寨八十餘擊敗其衆數萬遂克烏蒙鄂爾泰檄提督張耀祖督諸軍分道窮搜屠殺列腸腹分懸崖樹間羣苗驚慄上獎鄂爾泰及諸將以元生成貞勦爲功首發帑犒師隨慶侯庶母二祿氏四川沙馬土婦沙氏以不從亂給誥命賞銀幣於是苗疆復定鄂爾泰令於雲貴界上築橋命曰庚戌橋以年紀其績也是歲永昌邊外孟連土司請歲納餉課六百鶴慶邊外德子請歲貢土物鄂爾泰疏聞上以邊外野夷向化命減孟連餉課之半德子入貢犒以鹽三百斤九年疏請重定烏蒙鎮遠東川威寧管汛別疏請興雲南水利濬嵩明州楊林海開翠周圍草塘疏宜良尋甸諸水耕東城北漫海築浪穹羽河諸隄修臨安諸處工暨通粵河道皆下部議行十年召拜保和殿大學士兼兵部尚書辦理軍機事務敘定苗疆功部議進世職一等精奇尼哈番上特命授一等伯爵世

清史稿

列傳七十五

四

襲師討準噶爾六月命鄂爾泰督陝甘經略軍務九月師破敵額爾德尼昭鄂爾泰檄大將軍張廣泗遣兵截殺塔馬哈戈壁斷敵北遁道尋疏請屯田十一年六月還京師入對言準部未可驟滅用兵久敵中國無益上頗然之十三年台拱苗復叛上命設辦理苗疆事務處以果親王寶親王和親王鄂爾泰及大學士張廷玉等董其事苗患日熾焚掠黃平施秉諸地鄂爾泰以從前布置未協引咎請罷斥並削去伯爵上曰國家錫命之恩有功則受無功則辭古今通義允其請予休沐仍食俸尋命留三等阿思哈尼哈番八月世宗疾大漸鄂爾泰仍以大學士與莊親王允祿果親王允禮大學士張廷玉內大臣豐盛額訥親海望同被顧命鄂爾泰與廷玉捧御筆密詔命高宗爲皇太子俄皇太子傳旨命鄂爾泰等輔政世宗崩宜遺詔以鄂爾泰志乘忠貞才優經濟命他日配享太廟高宗即位命總理事務進一等精奇尼哈番乾隆二年十一月辭總理事務授軍機大臣又辭兼管兵部上不許加拜他喇布勒哈番合爲三等伯賜號襄勤迭主會試充領侍衛內大臣議政大臣經筵講官四年南河河道總

督高斌請開新運口河東河道總督白鍾山請復漳河故道命鄂爾泰按視尋加太保七年副都御史仲永檀以密奏留中事告鄂爾泰長子鄂容安命王大臣會鞠請奪鄂爾泰官逮問上不許十年以疾乞解任上慰留加太傅卒命遺詔配享太廟並祀賢良祠賜祭葬諡文端二十年內閣學士胡中藻以詩辭忤逆獲罪中藻出鄂爾泰門下鄂爾泰從子甘肅巡撫鄂昌與唱和並坐譴上追咎鄂爾泰植黨命撤出賢良祠鄂爾泰弟鄂爾奇康熙五十一年進士改庶吉士散館授編修雍正中四遷至侍郎歷工禮二部署兵部五年擢戶部尚書兼步軍統領十一年直隸總督李衛論劾壞法營私案制擾民諸狀鞠實當治罪上推鄂爾泰恩宥之十三年卒鄂爾泰子鄂容安鄂實鄂弼鄂寧鄂圻鄂誠鄂容安自有傳鄂實與高天喜同傳鄂弼初授三等侍衛遷正紅旗漢軍副都統出爲山西巡撫調陝西署西安將軍擢四川總督未上官卒賜祭葬諡勤肅鄂寧舉人初授戶部筆帖式屢以員外郎署副都統復自郎中擢禮部侍郎出爲湖北巡撫調湖南再調雲南師征緬甸雲南總督楊應琚戰失利鄂寧以實

清史稿

列傳七十五

五

疏聞明瑞代應琚深入戰死鄂寧勳參贊額勒登額提督譚五格逗遛失機上獎鄂寧加內大臣銜即命代明瑞爲雲貴總督尋以與參贊舒赫德合疏議撫失上指奪內大臣銜左授福建巡撫迭降藍翎侍衛卒張廷玉字衡臣安徽桐城人大學士英次子康熙三十九年進士改庶吉士散館授檢討直南書房以髮歸服除遷洗馬歷庶子侍講學士內閣學士五十九年授刑部侍郎山東鹽販王美公等糾衆倡邪教巡撫李樹德令捕治得百五十餘人上命廷玉與都統托賴學士登德會勘戮七人戍三十五人而讞定旋調吏部世宗即位命與翰林院學士阿克敦勳廷儀應奉几筵祭告文字賜廢生視一品擢禮部尚書雍正元年復命直南書房借左都御史朱軾充順天鄉試考官上嘉其公慎加太子太保尋兼翰林院掌院學士調戶部疏言浙江衢州江西廣信贛州毘連閩粵無藉之徒流徙失業入山種麻結棚以居號曰棚民歲月既久生息日繁其強悍者輒出剽掠請敕督撫慎選廉能州縣嚴加約束其有讀書向學努力技勇察明考驗錄用庶生聚教訓初無歧視下督撫議

行命署大學士事四年授文淵閣大學士仍兼戶部尚書翰林院掌院學士五年進文華殿大學士六年進保和殿大學士兼吏部尚書七年加少保八年上以西北用兵命設軍機處廷王定規制諸臣陳奏常事用疏自通政司上下內其事嗣改稱辦理軍機處廷王定規制諸臣陳奏常事用疏自通政司上下內閣擬旨要事用摺自奏事處上下軍機處擬旨親御硃筆批發自是內閣權移於軍機處大學士必充軍機大臣始得預政事日必召入對承旨平章政事參與機密廷王周敏勤慎尤為上所倚上偶有疾獎廷王等翊贊功各予一等阿達哈哈番世襲廷王請以子編修若需承襲十一年疏言諸行省例凡罪人重者收禁輕者取保獨刑部不論事大小人首從皆收禁累無辜請如諸行省例得分別取保刑部引律例往往刪裁但用數語即承以所斷罪甚有求其彷彿比照定議者高下其手率由此起請敕都察院大理院駁正扶同草率併予處分命九卿議行大學士英祀京師賢良祠復即本籍諭祭命廷王歸行禮並令子若需從弟廷路督江蘇學政亦命來會發帑金萬為英建祠並賜冠帶衣裳

清史稿

列傳七十五

六

及貂皮人參內府書籍五十二種十二月廷王疏言行經直隸被水諸縣已予賑尚有積潦不能種麥請救加賑一月並議以工代賑得旨允行十二年二月還京師上遣內大臣耶海望迎勞蕭溝橋賜酒膳十三年世宗疾大漸與大學士鄂爾泰等同被顧命遺詔以廷玉器量純全抒誠供職命他日配享太廟高宗即位命總理事務予世職一等阿達哈哈番合為三等子仍以若需襲乾隆元年明史成表進命仍兼管翰林院事二十一年十一月辭總理事務加拜他喇布勒哈番特命與鄂爾泰同進三等伯賜號勤宣仍以若需襲四年加太保尋諭本朝文臣無爵至侯伯者廷王為例外命自兼不必令若需襲又諭廷王年已過七十不必向早入朝炎暑風雪無強入十一年若需卒上以廷王入內廷須扶掖命次子庶吉士若澄直南書房十三年以老病乞休上諭曰卿受兩朝厚恩且奉皇考遺命配享太廟豈有從祀元臣歸田終老廷王言宋明配享諸臣亦有乞休得請者且七十懸車古今通義上曰不然易稱見幾而作非所論於國家關休戚視君臣為一體者使七十必令懸車何以尚有八十杖朝之典武

侯鞠躬盡瘁又何為耶廷王又言亮受任軍旅臣幸得優游太平未可同日而語上曰是又不然皋夔龍比易地皆然既以身任天下之重則不以艱鉅自諉亦豈得以承平自逸朕為卿思之不獨受皇祖皇考優渥之恩不可言去即以朕十餘年眷待亦不當言去朕且不忍令卿去卿願能辭朕去耶朕謂致仕之義必古人遭逢不偶不得已之苦衷為人臣者設預存此心必將漠視一切泛泛如秦越年至則奉身以退誰復出力為國家治事是不可以不辨因命舉所諭宣告朝列並允廷王解兼管吏部廷王自是不敢言去然廷王實老病十四年正月命如宋文彥博十日一至都堂議事四日一入內廷備顧問是冬廷王乞休沐養病上命解所兼領監修總裁諸職且令軍機大臣往省廷王言受上恩不敢言去私意願得暫歸後年上南巡當於江甯迎駕上乃許廷王致仕命待來春冰泮舟行歸里親製詩三章以賜廷王入謝奏言蒙世宗遺命配享太廟上年奉恩諭從祀元臣不宜歸田終老恐身後不獲更蒙大典免冠叩首乞上一言為券上意不憚然猶為頒手詔申世宗成命並製詩示意以明劉基

清史稿

列傳七十五

七

乞休後仍配享為例次日遣子若澄入謝上以廷王不親至遂發怒命降旨詰責軍機大臣傳恒汪由敦承旨由敦為乞恩旨未下又次日廷王入謝上責由敦漏旨降旨切責廷臣請奪廷王官爵能配享上命削伯爵以大學士原銜休致仍許配享十五年二月皇長子定安親王薨方初祭廷王即請南還上愈怒命以太廟配享諸臣名示廷王命自審應否配享廷王惶懼疏請罷配享治罪上用大學士九卿議罷廷王配享仍免治罪又以四川學政編修朱荃坐罪荃為廷王姻家嘗薦舉上以責廷王命撤繳歷年頒賜諸物二十年三月卒命仍遵世宗遺詔配享太廟賜祭葬諡文和乾隆三年上將臨雍視學舉古禮三老五更詔鄂爾泰及廷王廷王謂無足當此者撰議以為不可行四十三年上撰勒碑其次並題其後謂廷王有此卓識乃未見及朕必遵皇考遺旨令其配享古所謂老而戒得朕以廷王之戒為戒且為廷王惜之終清世漢大臣配享太廟惟廷王一人而已子若需字晴嵐雍正十一年進士廷試世宗親定一甲三

名拆卷知爲廷玉子遣內侍就直廬宣諭廷玉堅辭乃改二甲一名授編修直南書房充軍機章京乾隆間屢遷至內閣學士若鶴工書畫內直御府所藏令題品鑒別詣益進十一年扈上西巡感疾歸卒若澄字鏡察乾隆十年進士改庶吉士直南書房累遷至內閣學士卒若澄亦工畫亞若鶴若淳字聖泉入資授刑部主事充軍機章京再遷郎中出爲雲南澂江知府四川建昌道內擢太僕少卿五遷至侍郎歷工刑戶諸部嘉慶五年授兵部尙書調刑部七年卒贈太子少保賜祭葬諡勤恪從子若淮字樹穀雍正八年進士授兵部主事考選江西道御史擢鴻臚寺少卿六遷刑部侍郎擢左都御史上命旌郵勝朝節節諸臣若淮請遍行採訪下大學士九卿議以爲明史外兼採各省通志專設通諭已至千五六百人不必更行採訪若淮以老乞休上南巡屢迎謁五十年與千叟宴御書勝以賜歸又二年卒

論曰世宗初即位擢鄂爾泰於郎署不數年至總督廷玉已貳禮部內直稱旨不數年遂大拜軍機處初設職制皆廷玉所定鄂爾泰稍後委寄與相埒庶政清史稿 列傳七十五 八

清史稿

列傳七十五

八

清史稿

列傳七十六

朱軾

徐元夢

蔣廷錫

邁柱

田從典

尹泰

朱軾字若瞻江西高安人康熙三十二年舉鄉試第一三十二年成進士改庶吉士散館授湖北潛江知縣潛江俗傲賦繁軾令免耗美川法必持平有鬪毆殺人獄上官改故殺軾力爭之卒莫能奪四十四年行取授刑部主事累遷郎中四十八年出督陝西學政修橫渠張子之教以知禮成性變化氣質訓士故事試册報部科富有公使錢軾獨無坐迎誤被劾士論爲不平會有以其事聞上者上命軾畢試事五十二年擢光祿少卿歷奉天府尹通政使五十六年授浙江巡撫五十七年疏請修築海塘北岸海甯老鹽倉千三百四十丈南岸上虞夏蓋山千七百九十丈並議開中鹽淤沙復江海故道又疏言海甯沿塘皆浮沙雖長椿巨石難期保固當用水櫃法以松杉木爲櫃實碎石用爲塘根上

清史稿

列傳七十六

一

施巨石爲塘附塘爲垣坡亦用水櫃外砌巨石二三重高及塘之半用護塘址塘內爲河名曰備塘河居民築壩積淤應去壩濬河卽以其土培岸俱下部議行杭州南北兩關稅例由巡撫監收軾以稅口五十餘稽察匪易請委員兼理部議以杭州捕盜同知監收仍令巡撫統轄五十八年疏劾巡鹽御史哈爾金索商人賄上命尙書張廷樞學士德音按治論如律五十九年擢左都御史六十年遭父喪命在任守制疏辭上不許請從軍自效上以山陝旱災發帑五十萬命軾與光祿寺卿盧詢分往勸糶治賑軾往山西疏請令被劾司道以下出資贍饑民富民與商人出資於南省糶米暫停淮安鳳陽等關米稅饑民流徙令所在地方官安置能出資以贍者得題薦饑民羣聚易生瘟疫設廠醫治又疏言倉庾積貯有司平日侵蝕遇災復假平糶借貸煮粥爲名以少報多有名無實請敕詳察虧空少則勒限補還多則嚴究治罪至因賑動倉穀輒稱捐俸抵補俸銀有限倉穀甚多借非實借還非實還宜併清覈皆從所議行別疏請令山西各縣建社倉引泉溉田上謂社倉始於朱子僅可行於小縣鄉村若奏

為定例官吏奉行久之與民無益山陝山多水少間有泉源亦不能暢引溉田
賦既以為請即令久駐山西鼓勵試行賦自承冒味乞寢其議上不許未幾川
陝總督年羹堯劾西安知府徐谷鳳翔知府甘文煊虧帑請特簡親信大臣會
鞠上命賦往勘得實論如律六十一年乞假葬父歸世宗即位召詣京師充聖
祖實錄總裁賜第雍正元年命直南書房予其母冷氏封加吏部尚書銜尋復
加太子太保充順天鄉試考官嘉其公慎進太子太傅二年兼吏部尚書命勘
江浙海塘三年還奏浙江餘姚游山鎮西至臨山衛舊土塘三道本為民備修
築今民窳無力應動帑興修自臨山衛經上虞烏盆村至會稽瀝海所土塘七
千丈應以石為基就石累土又海甯陳文港至興山土塘七百六十六丈應就
塘加寬覆條石於巔塘外以亂石為子塘護塘址當修砌完固至子塘處依式
興築海鹽秦駐山至演武場石塘圯八十丈潰七十丈均補築都計工需十五
萬有奇江南金山衛城北至上海華家角土塘六千二百餘丈內三千八百丈
當改為石塘上海汛頭墩至嘉定二千四百丈水勢稍緩土塘加築高厚足資

清史稿

列傳七十六

二

捍禦都計工需十九萬有奇下部議行拜文華殿大學士兼吏部尚書上命怡
親王胤祥總理畿輔水利營田以賦副之四年請分設四局各以道員領其事
二月賦遭母喪命馳驛回籍諭曰賦事母至孝但母年八十餘祿養顯揚俱無
餘憾當節哀抑勵護惜此身為國家出力賜內帑治喪敕江西巡撫侯軾至家
賜祭軾奏謝乞終制上允解任仍領水利營田期八月詣京師九月軾將至遣
學士何國宗副都統永福迎勞許素服終喪上以浙江風俗澆漓特設觀風整
俗使軾疏言風俗澆漓莫甚於爭訟臣巡撫浙江知杭嘉湖紹四府民最好訟
請增設杭嘉湖巡道而以紹興屬甯台道民間詞訟冤抑准巡道申理上從其
請六年以病乞解任上手詔留之八年怡親王薨命軾總理水利營田尋兼兵
部尚書署翰林院掌院學士十三年議築浙江海塘軾請往董其役上俞之敕
督撫及管理塘工諸大臣咸聽節制高宗即位召還命協同總理事務予拜他
喇布勒哈番世職時治獄尚刻深各省爭言開墾為民累軾疏言四川丈量多
就熟田增加錢糧廣西報墾田數萬畝其實多係虛無因請通行丈量冀求

熟田弓口之餘以補報墾無著之數大行皇帝洞燭其弊飭停止丈量而前此
虛報升科入冊輸糧小民不免苦累河南報墾亦多不實州縣田地間有未能
耕種之處或因山區礮斫旋墾旋荒或因江岸河濱東坍西漲是以荒者未盡
開墾墾者未盡升科至已熟之田或糧額甚輕亦由土壤瘠瘠數畝不敵腴田
一畝非欺隱者比不但丈量不可行即令據實首報小民惟恐察出治罪勉強
報升將來完納不前仍歸荒廢請停止丈量飭禁首報詳察見在報墾之田有
不實者題請開除又疏言法吏以嚴刻為能不問是非曲直刻意株連惟逞鍛
鍊之長希希明察之號請救督撫諭有司獄務虛公詳慎原情酌理協於中
正刑具悉遵定制不得擅用夾棍大枷上深嘉納之乾隆元年充世宗實錄總
裁九月病篤上親臨視疾軾力疾服朝服令其子扶掖迎拜戶外翌日卒遺疏
略言萬事根本君心用人理財尤宜慎重君子小人公私邪正判在幾微當審
察其心迹而進退之至國家經費本自有餘異日倘有言利之臣倡加賦之稅
伏祈聖心乾斷永斥浮言實四海蒼生之福上震悼輟朝復親臨致奠發帑治

清史稿

列傳七十六

三

喪贈太傅賜祭葬諡文端軾誠事主純修清德負一時重望高宗初典學世
宗命為師傅設席懋勤殿行拜師禮軾以經訓進講並稱賈董宋五子之學高
宗深重之懷舊詩稱可亭朱先生可亭軾號也子必培以蔭生官至大理寺卿
璉進士官至右庶子必坦舉人製騎都尉
徐元夢字善長舒穆祿氏滿洲正白旗人康熙十二年進士改庶吉士散館授
戶部主事二十二年遷中允充日講起居注官尋復遷侍講徐元夢以講學負
聲譽大學士明珠欲羅致之其遷詞曹直講筵明珠嘗薦於上徐元夢以明珠
方擅政不一至其門而掌院學士李光地亦好講學賢徐元夢及侍講學士德
格勒亟稱於上前二人者每於上前相推獎明珠黨輩語謂與光地為黨二十
六年夏上御乾清宮召陳廷敬湯斌徐乾學耿介高士奇孟亮揆徐潮徐嘉炎
熊賜瓚勳杜訥及二人入試題為理學真偽論方屬草有旨詰二人德格勒於
文後申辨徐元夢卷末竟上閱畢於德格勒及賜瓚有所譙讓命同試者互校
斌仍稱徐元夢文為是是時斌被命輔導皇太子尋亦命徐元夢授諸皇子讀

秋上御瀛臺教諸皇子射徐元夢不能挽強上不懌責徐元夢徐元夢奏辨上益怒命朴之創遂籍其家成其父母其夜上意解令醫為治創翌日命授諸皇子讀如故徐元夢乞赦其父母已就道使追還冬掌院學士庫爾納奏劾德格勒私抹起居注並言與徐元夢互相標榜奪官逮下獄二十七年春獄上當德格勒立斬徐元夢絞上命貸徐元夢死荷校三月鞭百入辛者庫上徐察徐元夢忠誠三十二年命直上書房仍授諸皇子讀尋授內務府會計司員外郎四十年充順天鄉試考官五十年諭曰徐元夢繙譯見今無能過之授額外內閣侍讀學士五十一年充會試考官五十二年擢內閣學士歸原旗五十二年授浙江巡撫上諭之曰浙江駐防滿洲兵爾當與將軍協同訓練錢糧有虧空爾宜清理無累百姓至於用人當隨材器使不可求全賜御製詩文集及鞍馬以行五十四年疏言杭州紹興等七府旱潦成災已蒙蠲賑並截漕平糶未完額賦尚有十三萬餘兩請秋成後徵半餘俟來歲上允之又疏陳修復萬松嶺書院上賜浙水敷文勝因請以敷文名書院五十六年左都御史及翰林院掌

清史稿

列傳七十六

四

院學士缺員吏部以請上曰是當以不畏人兼學問優者任之以命徐元夢上諭科場積習未除命甄別任滿學政及考官不稱職者皆劾罷之五十七年遷工部尚書仍兼掌院學士六十年上賜以詩謂徐元夢乃同學舊翰林康熙十六年以前進士祇此一人世宗即位復命直上書房授諸皇子讀雍正元年命與大學士張鵬翮等甄別翰詹各官不稱職者勒令解退回籍大學士富常安出視師命徐元夢署大學士尋復命兼署左都御史充明史總裁調戶部尚書四年以繙譯本章錯誤奪官命在內閣學士之列效力行走仍司繙譯八年復坐前在浙江失察呂留良逆書命同繙譯中書行走十三年充繙譯鄉試考官高宗即位命直南書房尋受內閣學士擢刑部侍郎以衰老不能理刑名疏辭調禮部充世宗實錄副總裁詔輯八旗滿洲氏族通譜命與鄂爾泰福敏董其事復命直上書房課皇子讀乾隆元年乞休命解侍郎任加尚書銜食俸仍在內廷行走領諸館事二年上臨雍疏請以有子升堂配享改宰我冉求兩廡而進南宮適處不齊升配下大學士九卿議以有子升祀位次子夏餘寢未行復

乞休上曰徐元夢年雖逾八十未甚衰憊可量力供職四年正月召同諸大臣賦柏梁體詩尋加太子少保六年秋疾作遣太醫診視賜藥冬十一月疾劇上諭曰徐元夢踐履篤實言行相符歷事三朝出入禁近小心謹慎數十年如一日壽逾大素洵屬完人命皇長子視疾疾革復遣使問所欲言徐元夢伏枕流涕曰臣受恩重心所欲言口不能盡使出呼曾孫取論語檢視良久翌日遂卒年八十七上復命和親王及皇長子奠茶酒發帑治喪贈太傅賜祭葬諡文定孫舒赫德自有傳

將廷錫字揚孫江南常熟人雲貴總督陳錫弟初以舉人供奉內廷康熙四十二年賜進士改庶吉士四十二年未散館即授編修屢遷轉至內閣學士雍正元年擢禮部侍郎世宗賜詩賢之廷錫疏言國家廣設序設廩膳以興文教乃生員經年未嘗一至學宮請教學臣通飭府州縣衛教官凡所管生員務立程課面加考核講究經史學臣於歲科考時以文藝優劣定教職賢否會典載順治九年定鄉設社學以胃濫停止請教督撫令所屬州縣鄉堡立社學擇生員

清史稿

列傳七十六

五

學優行端者充社師量給廩餼鄉民子弟年十二以上二十以下有志者得入學下部議從之二年奏請續纂大清會典即命為副總裁調戶部三年命與內務府總管來保察閱京倉尋疏言漕運全資水利宜通源節流以濟運道山東漕河取資汶濟洸泗四水而四水又賴諸泉助成巨流山東一省得泉百有八十其派有五分水天井魯橋新河沂水是也五派合為一水是名泉河舊設管泉通判今雖裁汰仍設泉夫請飭有泉州縣督率疏濬濟南兗州二府為濟水伏流之地若廣為濬導則散涇沙礫間者隨地涌見應立法泉夫濬出新泉優資銀米歲終冊報為州縣課最諸泉所匯為湖十五各設斗門為減水閘以時啓閉漕溢則減漕入湖漕涸則啟湖濟漕號諸湖為水櫃其後居民壅水占耕壩地開塞低處多生茭草高處積沙與漕河隄並請察勘未耕之地就低處挑深即以挑出之土築隄復水櫃之制諸湖開支河以承諸泉之入益漕河之流建閘以時減放舊制運河於每歲十月築壩分洩諸湖來春三月冰泮開壩受水法久玩生築壩每至十一月則失之遲開壩在正月初旬又失之早請飭所

築司必十月望前開必二月朔後以循舊制汝水分流南北運道攸賴明宜德
 間築戴村壩於汝水南以遏汝水入洸建坎河壩於汝水北以節汝水歸海嘉
 靖時復堆積石灘水溢縱使歸海水平留之入湖歲久頽廢萬一汝水北注挾
 湖泉盡歸大清河四百餘里運道所關非小請飭總河相度形勢修復舊石灘
 改建滾水石壩以為蓄洩上命內閣學士何國宗等携儀器與圖會總河齊蘇
 勒巡撫陳世倌履勘請如廷錫奏下九卿議行四年遷戶部尚書充順天鄉試
 考官既入閣諭曰廷錫佐怡親王董理戶部諸事秉公執正胥吏嫉妒懷怨今
 廷錫典試或乘此造作浮言妄加謗議令步軍統領順天府尹五城御史察訪
 捕治尋命兼領兵部尚書遭母喪遣大臣奠茶酒予其母封誥發帑治喪命廷
 錫奉母喪還里葬畢還京在任守制六年拜文華殿大學士仍兼領戶部充聖
 祖實錄總裁七年加太子太傅命與果親王允禮總理三庫予世職一等阿達
 哈哈番九年廷錫病上遣醫療治十年夏病復作上命日二次以病狀奏聞五
 月卒上為輟朝遣大臣奠茶酒賜祭葬諡文肅廷錫工詩善畫事聖祖內直二
 清 史 稿 列傳七十六 六

十餘年世宗朝累遷擢明練恪謹被恩禮始終子溥字質甫雍正七年賜舉人
 八年進士改庶吉士直南書房襲世職廷錫卒溥奉喪歸命葬畢即還京供職
 十一年授編修四遷內閣學士乾隆五年授吏部侍郎疏言凡條奏發九卿會
 議主稿衙門酌定准駁會議日書吏誦稿以待商度其中原委曲折一時難盡
 請於會議前二日將議稿傳鈔俾得詳勘暢言至命盜案刑部例不先定稿俟
 議時平決不關命盜各案亦宜先期傳知庶為審慎下部議如所請八年授湖
 南巡撫九年疏言永順及永綏乾州鳳凰諸處苗民貪暴之習未除城步綏甯
 尤多狡惡臣整飭武備漸知守法諭曰取苗以不擾為要次則使知兵威不敢
 犯此奏得之旋劾按察使明德不詳鞠盜案奪官驛鹽道謝濟世老病休致給
 事中胡定奏請湖南濱湖荒土勸民修築開墾令溥察議溥奏言近年湖濱淤
 地築墾殆徧奔湍東為細流洲渚悉加堵截常有衝決之慮沅江萬子湖湘陰
 文洲圍土民請修築開墾臣親往履勘文洲圍倚山面江四圍俱有舊隄已議
 舉行萬子湖廣袤八十餘里四面受水費大難築並於上下游水利有礙臣以

為湖地舉築已多當防湖患不可有意勸墾上覽之十年授吏部侍郎軍機處
 行走十二年擢戶部尚書命專治部事十五年加太子少保十八年命協辦大
 學士兼禮部尚書掌翰林院事二十年兼署吏部尚書二十四年授東閣大學
 士兼領戶部二十六年溥病上親臨視及卒復親臨奠贈太子太保發帑治喪
 賜祭葬諡文恪子興進士自編修累遷兵部侍郎賜榮初授雲南楚雄知府再
 至戶部侍郎並坐事奪官左授光祿寺卿復奪官以世職守護裕陵
 邁柱喜塔拉氏滿洲鑲藍旗人初授筆帖式三遷戶部員外郎授御史康熙五
 十五年巡視福建鹽課雍正元年巡視甯古塔三年命如荆州會將軍武納哈
 籍前任將軍阿魯家償侵蝕兵餉議荆州近縣民有願墾地者官購俾兵耕種
 或招田徵租兵婚喪量飲之下部議行擢工部侍郎調吏部命如江西按治德
 安知縣肅彬武甯知縣廖科齡虧帑並命察通省錢糧積弊尋命巡撫疏請
 以江西額徵丁銀攤入地糧從之五年授湖廣總督命俟江西事畢赴任邁柱
 疏陳江西倉穀虧缺弊在無穀無銀虛報存貯及至交代又虛報民間借領後
 清 史 稿 列傳七十六 七

任徵追悉歸無著又或出糶倉穀得價侵用及至交代以二錢一石折價後任
 不敷補補又或因不敷之故併此折價而亦侵用及至交代復稱民欠多方掩
 飾皆因前任巡撫裴律度布政使陳安策張楷徇庇所誤上為奪律度等官察
 究追完又言江西通省公用需款請視河南湖廣諸省例提州縣耗羨二分充
 用另提充各員養廉多至一分五釐少至四釐餘仍留州縣養贍巡撫及司道
 亦於所提一分五釐內量行支用又言江西被災州縣設廠煮賑米價石至一
 兩三四錢請於未被災州縣發銀預購平糶又言南安贛州閩廣交界及鄱陽
 湖濱最易藏奸萬載甯州等地棚民聚集素好多事已飭嚴整埔汛操練標兵
 豫為之備得旨嘉其條畫詳晰令新任巡撫照行尋議定彬等俱論斬並請令
 徇庇之上官分償虧帑上命自雍正六年起著為例獎邁柱秉公持正下部議
 敘乃赴湖廣任湖廣瀕江州縣頻年被水邁柱令民間按糧派夫修築江隄議
 定確估土方夫數及加修尺寸並歲修搶險諸例疏聞上發帑六萬命視工多
 寡分給鎮草苗最俾屢入內地剽掠邁柱疏言臣聞雲南提督張國正先任鎮

軍總兵以鷓鴣則法治苗聞有警調爲何種苗所屬何寨即携兵馳往圍寨搜擒如鷓鴣之捕鳥取其速而鳥可必得臣今與總兵周一德循行此法但期得罪人而止不敢多爲殺戮居數年又疏言收繳六里鎮軍士司所藏鳥鎗完整者俾兵充用餘改造農具給土苗耕作土苗所用環刀標鎗亦令給價收繳上諭曰所奏深得實刀買饋之意環刀標鎗自當收繳可順其願不宜強迫疏定苗與民爲市於分界地設市一月以三日爲期不得越界出入民以物往市預報地方官知會塘汛查驗苗州縣立苗長選良苗充民壯備差遣訪緝鄂爾泰督雲貴建策改土歸流邁柱亦行之湖廣收水順保靖桑植三土司永順設府縣仍其名又於府西北設縣曰龍山保靖桑植各設縣仍其名收容美土司設州曰鶴峯所屬五峯所設縣曰長樂並改彝陵州爲府曰宜昌領新設州縣收第岡土司改永定衛爲縣以其地屬焉上命通察湖廣積欠錢糧都計銀三十餘萬令與巡撫馬會伯王國棟同董其事逾年報湖南已完六萬有奇湖北已完八萬有奇尋察出沔陽積欠內爲官侵役他包攬未完者三萬有奇其質欠在

清史稿

列傳七十六

八

民者三萬二千有奇上以沔陽常被水民欠命予豁除七年邁柱疏請以湖廣額徵丁銀攤入地糧從之邁柱督湖廣數年聲績顯著他所區畫如以漢陽通判移漢口荊州通判移沙市又裁施州大田二衛所合爲縣曰恩施復請改爲府曰施南設縣四曰宣恩來鳳咸豐利川宜昌既爲府設附郭縣曰東湖又以歸州及所領長陽興山巴東諸縣隸焉道州及甯遠永明江華諸縣隸廣西請以永州同知移江華並分設游擊守備調駐兵千五百與廣西桂陽營月三次會哨永順保靖桑植三營新立月餉給米折永順石折一兩保靖桑植石折六錢以苗疆米貴不與他營同上悉如所請十三年召拜武英殿大學士兼吏部尚書乾隆元年兼管工部二年以病乞解任三年卒賜祭葬諡文恭同時督撫入爲大學士者又有白潢趙國麟漢字近徵漢軍鎮白旗人初授筆帖式考授內閣中書遷侍讀授福建糧驛道會事以父憂去官服闋除山東登萊青道會事遷貴州貴東道參議以巡撫劉蔭樞薦就遷按察使潢操守廉潔聞於聖祖擢湖南布政使未上官蔭樞以請緩西師命詣軍前察視潢護貴州巡撫貴

州山多田少諸鎮營兵餵米於徵米諸州縣支發以運道艱阻改徵折色遲至次年春夏米值昂不足以糴諸驛例設夫百馬四十五而巡撫以下私函付驛謂之便牌役夫至數百潢奏請兵米於藩庫借支州縣徵解歸項並檄諸驛禁便牌兵民困皆蘇又以貴州僻遠官於外商於外皆不肯歸潢奏請勒限回籍貴州民初以爲不便久之文物漸盛乃思潢惠焉蔭樞還貴州調潢江西入覲至熱河謁上即擢江西巡撫潢革諸州縣漕節陋例並令火耗限加一舊加至三四者悉罷除之不率者奏劾湖口關地險港窄潢度關右武曲港山勢開闊可容千艘乃濬江口建草壩使估舟得乘泊建亭頌潢德會城西南有袁贛二江至臨江合流舊有隄久圯春夏水發往往壞田慮潢奏請重建九閱月而成民自是無水患號爲白公隄五十九年奏請補京職授戶部侍郎擢兵部尚書六十年世宗即位命協辦大學士尋授文華殿大學士疏辭不許充聖祖實錄總裁雍正三年以疾乞解任許之潢撫江西時南昌吉安撫州饒州四府舊有落地稅千三百兩有奇設大使徵收潢以官役苛徵令停收巡撫司道公捐

清史稿

列傳七十六

九

代納僑編納稅人名冊報部王金峭裴倬度代爲巡撫皆如潢例及汪隆至以其事聞且請裁大使上曰國家經制錢糧豈可意爲增減若此稅不當收潢當請豁免何得以公捐代完佔名邀譽下部議奪潢官漕亦坐左遷稅如舊例徵收乾隆二年潢卒命還大學士銜國麟字仁圃山東泰安人祖瑗手書春秋內外傳史漢蒙文授之篤志於學以程朱爲宗康熙四十五年進士五十八年授直隸長垣知縣當官清峻以禮導民民戴如父母世宗聞其賢雍正二年擢永平知府三遷福建布政使調河南擢福建巡撫調安徽御史蔣炳奏請州縣徵收錢糧依部頒定額刊印單申布政使覈發國麟以安徽通省數百萬由單由司覈發恐誤徵收疏請停止內閣學士方苞疏言常平倉穀原定每年存七糶三南省地卑濕應令因地制宜下督撫詳覈國麟疏言安徽所屬州縣濱江湖者當改糶半存他州縣仍循舊例並下部議行乾隆三年擢刑部尚書調禮部兼領國子監四年授文華殿大學士兼禮部尚書六年御史仲永檀疏劾內閣學士許王猷邀九卿至京師民愈長庚家弔喪國麟亦親往下王大臣勘

不實國麟乞引退上留之俄給事中盧秉純復論國麟當上舉永檀疏而詰陽若不知出告其戚光祿寺卿劉藩長被命休致國麟又告以為侍郎蔣炳所劾上命大學士鄂爾泰張廷玉召國麟及藩長相質藩長力辨上命毋深究令鄂爾泰張廷玉諭國麟引退國麟疏未即上上降詔詰責左授禮部侍郎七年擢尚書國麟乞引退不許逾數月復以請上不悅命奪官在咸安宮効力八年乃許其還里十五年詣京師祝上壽賜禮部尚書銜明年卒

田從典字克五山西陽城人父雨時明諸生寇亂挈子及兄之孤徙避度不能兼顧棄子負兄子以走賊退求得子草間即從典也從典篤學以宋五子為宗康熙二十七年成進士旋居父喪事必遵家禮服終就選二十四年授廣東英德知縣縣地瘠賦籍不可稽詭寄逋逃民重困陋例兩加至八九錢名曰均平從典盡革之清其籍四十二年行取四十二年授雲南道御史疏言督撫不拘成例請調州縣有秉公者即有徇私者州縣求調其弊有三圖優缺避衝繁預為卓薦地督撫濫調其弊亦有二徇請託得賄賂引用其私人名為整頓地方

清史稿

列傳七十六

十

簡拔賢良實乃巧開捷徑屢經敗露有駭聽聞嗣後請除江浙等省一百一十餘縣錢糧雜徵及邊遠瘴瘴地仍舊例調補其他不准濫調又疏言京官考選科道令部院堂官保送恐平日之交結臨時之營謀在所難免請敕吏部遇考選科道凡正途部屬及自知縣升任中行評博與翰林一體論俸開列聽候考選均下部議行巡視西城能鋪墊費察通州倉儲儲神祠以居廟祝不受值不入也四十九年擢通政司參議屢遷轉授光祿寺卿寺故有買辦人虧戶部帑至四十一萬餘從典請限年帶銷遷左副都御史再遷兵部侍郎並命兼領光祿寺五十八年遷左都御史兩江總督常鼎疏言安徽布政使年希堯鳳陽知府蔣國正婪取為屬吏所訐命從典與副都御史居沂往按國正坐斬希堯奪官五十九年擢戶部尚書雍正元年調吏部二年協辦大學士三年授文華殿大學士兼吏部尚書六年三月乞休優詔褒許加太子太師致仕賜宴於居第令部院堂官並集發帑治裝行日百官祖餞馳驛歸里驛道二十里內有司送迎入辭賜御膳聯並冠服朝珠四月乃行甫一舍次良鄉病大作遂卒年七十

八上聞以從典子懋幼道內閣學士一侍讀學士一為治喪散秩大臣一侍衛六奠茶酒並命地方官送其喪歸里賜祭葬諡文端懋自廢生授刑部員外郎世宗命改吏部遷郎中授貴州道御史乾隆初遷禮科給事中疏言河南秋審寬縱巡撫尹會一按察使隋人鵬下吏議又劾工部尚書趙宏恩受賄奪官成軍臺遷鴻臚少卿高宗獎懋政言超擢副都御史遷刑部侍郎調吏部十一年上責懋奏事每漏言且嗜酒務博命解任歸里讀書二十二年卒高其位字宜之僕從門毆傷人責懋舊習未悛仍命歸里讀書家居二十年卒高其位字宜之漢軍鎮黃旗人父天爵語在忠義傳其位初隸鎮白旗自筆帖式管佐領康熙間以署參領從軍駐襄陽叛將楊來嘉王會等以二萬人出掠將攻南漳其位率二十騎規敵與遇越敵隊入南漳與共守敵圍攻不能下叛將譚宏以三萬人犯南陽其位將百人扼楊谿鋪與相持七十餘日糧盡煮馬糲以食副都統李麟隆援至合擊大敗之尋追論禦敵穀城失利奪官久之授火器營操練校尉襲其祖尚義二等阿達哈哈番從大將軍裕親王福全討噶爾丹戰於烏蘭

清史稿

列傳七十六

十一

布通破駱駝營擢參領授甘肅永昌副將明法令築堡塞邊境肅清遼湖廣襄陽總兵擢提督賜孔雀翎雙鞭鞍馬調江南兩江總督常備有疾上命其位署理世宗即位召入親旋命回提督任奏請保護聖躬上褒其有愛君之心溫詔嘉許雍正二年秋奏飛鴉食蝗秋禾豐茂上以蝗不成災傳示王大臣賜詩褒之冬奏進黃浦漁人網得雙龍紐未刻玉印上賜以四團龍補服三年授文淵閣大學士兼禮部尚書加太子少傅以衰老辭不許改隸鎮黃旗賜壽資勝聯及白金千屢乞休乃命以原官致仕五年卒賜祭葬諡文恪子高起以廢生授四川茂州知州累遷兵部尚書坐事奪官逮治乾隆初戍軍臺釋回卒遜柱棟鄂氏滿洲鎮紅旗人曾祖耶色太祖時從其兄耶格來歸遜柱初授筆帖式擢工部主事再遷戶部郎中授御史歷翰林院侍讀學士內閣學士盛京工部侍郎召改吏部擢兵部尚書雍正五年署大學士旋授文淵閣大學士仍兼兵部尚書遜柱長兵部十六年屢陳奏部政多所駁釐正十年以老命不必兼兵部十一年致仕卒年八十四諡褒遜柱醇厚和平賜祭葬

尹秦章佳氏滿洲鎮黃旗人初授翰林院筆帖式再遷內閣侍讀康熙二十七年授翰林院侍講充日講起居注官三十四年授國子監祭酒三十七年改錦州佐領五十二年以病罷遂居錦州世宗在藩邸奉命詣奉天謁陵過錦州宿焉與語奇之見其子尹繼善雍正元年召授內閣學士遷工部侍郎再遷左都御史疏言六科書吏賄通提塘造為小鈔晚帖內開口傳諭旨或誤繕清文甚至偽造上有賜予及與諸臣問對應請禁止二年充會典總裁三年命以原品署盛京侍郎兼領奉天府尹疏言承德等九州縣原徵豆米多貯無用請自雍正四年始停徵黑豆按畝徵米按丁徵銀而以原貯米豆視時價出糶又言關東風高土燥請掘地窖藏存穀以節建倉工費四年山海關總管多索禮疏言應交莊頭餘地尹秦不即派官丈收命侍郎查耶阿往按坐解府尹任仍以左都御史協理奉天將軍將軍噶爾弼議設外海水師尹秦以為旅順天津俱有水師錦復蓋諸州亦可更番巡察增設需費浩繁於巡察無益別疏以聞下議政王大臣議如尹秦言六年坐遺漏入官財產奪官尋命復官七年正月與尚

清史稿

列傳七十六

十二

書陳元龍同授額外大學士尋授東閣大學士兼兵部尚書十三年高宗即位充世宗實錄總裁乾隆元年以老病乞罷上留之尹繼善自兩江總督入覲授刑部尚書俾使朝夕侍養三年復乞罷命以原官致仕尋卒賜祭諡文恪尹繼善自有傳陳元龍字廣陵浙江海甯人康熙二十四年一甲二名進士授編修直南書房郭琇劾高士奇辭連元龍謂與士奇結為叔姪招納賄賂命與士奇等並休致語互詳士奇傳元龍奏辨謂臣宗本出自高譜牒炳然若果臣交結士奇何以士奇反稱臣為叔事得白命復任累遷侍讀學士元龍工書為聖祖所賞當命就御前作書深被獎許上御便殿書賜內直翰林諭曰爾等家中各有堂名不妨自言當書以賜元龍奏臣父之闈年逾八十家有愛日堂御書勝賜之四十二年再遷詹事以父病乞養歸賜葭時正編賦彙令携歸校對增益上南巡元龍迎謁御書勝賜之闈及元龍母陸之闈卒喪終召元龍授翰林院掌院學士五十年遷吏部侍郎授廣西巡撫值廣東歲歉廣西米價高元龍遣官詣湖南採米平糶五十四年修築興安陡河開護兩廣運道並於省城擴

清史稿

列傳七十六

十三

清史稿

列傳七十七

楊名時

黃叔琳

方苞

王蘭生

胡煦

魏廷珍

蔡世遠

沈近思

雷鏞

楊名時字寶實江南江陰人康熙三十年進士改庶吉士李光地為考官深器之從受經學散館授檢討四十一年督順天學政用光地薦也尋遷侍讀四十二年上西巡肥鄉武生李正朝病狂衝突儀仗光地時為直隸巡撫請罪正朝因劾名時上斥名時督學有意棄富錄貧不問學業文字但不受賄屬從寬恕宥四十四年任滿命河工効力旋連遭父母喪以憂歸五十一年服除候補五十二年命直南書房名時不投牒吏部因不得補官上特命充陝西考官五十六年授直隸巡道時沿明制直隸不設兩司以巡道任按察使事政劇吏為姦

清史稿

列傳七十七

名時革宿弊殆盡五十八年遷貴州布政使五十九年擢雲南巡撫師征西藏留駐雲南名時為營館舍明約束無敢叫囂名時疏言雲南兵糧歲需十四萬九千餘石俱就近支放兵多米少諸州縣例四年折徵一次請改每年給本色三季折色一季部議如所請行雍正元年名時奏請安世宗諭曰爾向日居官有聲茲當加勉莫移初志尋疏言雲南巡撫一切規禮臣一無所取惟鹽規五萬二千兩除留充恤備修井諸用餘四萬六千兩累年供應在職官兵軍需賞資撥補銀廠缺課及公私所用皆取於此藏兵撤後請仍留臣署若干餘悉充公用上諭曰督撫羨餘豈可限以規則取所當取用所當用全在爾等揆情度理而行無煩章奏也名時迭疏請調劑鹽井改行社會皆下部議行雲南自亂後田賦淆亂往往戶絕田去而丁未除至有一人當數十丁者累代相仍名曰子孫丁名時疏請照直隸例將通省丁額攤入田糧完納雲南舊例地方應辦事皆取諸民間謂之公伴胥役科斂指一派十重為民累名時議核實州縣需款酌定數目徵收不得再有加派檄行所屬諸州縣核數開報三年擢兵部尚

書改授雲貴總督仍管巡撫事時上令諸督撫常事疏題要事摺奏名時洩密摺上令悉用題本名時乞遇事仍得摺奏許之四年轉吏部尚書仍以總督管巡撫名時具題本誤將密諭載入上嚴責命解任以朱綱代為巡撫未至仍令名時暫署俄綱上官劾名時在任七載徇隱廢弛庫帑倉穀借欠虧空上命名時自陳綱代名時奏謝罪上責其巧詐諭總督鄂爾泰嚴訊名時自承沾名邀譽斷不敢巧詐諛上部議以名時始終掩護朦朧引咎無人臣事君禮坐挾詐欺公當斬上命寬免復遣侍郎黃炳會綱按治炳等欲刑訊鄂爾泰持不可乃坐名時得鹽規八萬除捐補銀廠缺課應追五萬八千餘兩上令名時留雲南待後命高祖即位召詣京師乾隆元年名時至賜禮部尚書銜兼領國子監祭酒兼直上書房南書房名時以前在雲南令諸州縣核實需款定數徵收去公伴之弊事未竟而去奏請下督撫勘定總督尹繼善巡撫張允隨奏請以額編條糧重輕與原定公伴多寡兩相比並就中攤減下部議行視未定議前取諸民者去十之七雲南民困以蘇苗疆用兵久名時疏言御夷之道貴在羈縻未

清史稿

列傳七十七

有怨毒猜嫌而能長久寄貼者貴州境內多與苗疆相接生苗在南漢人在北而熟苗居中受雇直為漢人傭相安已久生苗所居深山密箐有熟苗為之限常聲內地兵威以備之故亦罔敢窺伺自議開拓苗疆生苗界上常屯官兵干戈相尋而生苗始不安其所至熟苗無事則供力役用兵則為嚮導軍民待之若奴隸生苗疾之若寇讎官兵勝則生苗乘間抄殺以洩忿官兵敗又或屠戮以冒功由是熟苗怨恨反結生苗為亂如台拱本在化外有司迎合要功輒謂苗民獻地上官不察竟議駐師遂使生苗煽亂屢陷官兵蹂躪內地間有就撫熟苗又為武臣殘殺賣其妻女是以賊志益堅人懷必死為今日計惟有棄苗疆而不取撤重兵還駐內地要害築城俾民有可依兵有可守來則禦之去則舍之明懸賞格有能擒首惡及率眾歸順者給與土官世襲分管其地更加意撫綏熟苗使勿為生苗所劫掠官兵所侵陵庶有倭首向化之日不然臣恐兵端不能遽息也二年卒贈太子太傅賜祭葬諡文定

黃叔琳字崑圃順天大興縣人康熙三十年一甲三名進士授編修累遷侍講

丁父憂服除起原官遷鴻臚寺少卿五遷刑部侍郎雍正元年調吏部命借兩淮鹽政謝賜履赴湖廣與總督楊宗仁議鹽價革除陋規從所請疏言各省支撥兵糧布政使糧道為政先期請託方撥近營否則撥遠汛加運費民既重累輸輓兵亦苦待饑請救督撫察兵數先撥本州縣衛所不敷於附近州縣撥運下部議行旋授浙江巡撫時御史錢廷獻請濬浙江東西湖蓄水灌田命叔琳會總督總保勘議叔琳等奏言西湖居會城西周三十餘里南北山泉入湖處舊皆設閘以阻浮沙水得暢流又有東湖為之停蓄湖水分出上下塘農田資以灌溉自開廢土淤民占為田築堤圍蕩栽荷蓄魚請照舊址清釐去埂建閘濬城內河道並疏治上塘各支港及自會城至江南吳江界運河港汊壩堰部議從之叔琳疏薦人才有廷臣嘗言於上者上疑叔琳請託先容諭戒鄭重會有言叔琳赴湖廣時得鹽商賄俾充總商及為巡撫庇海甯陳氏僕其弟御史叔琳巡視臺灣過杭州僕聞於市叔琳皆以罪商有死者商為罷市上命解叔琳任遣侍郎李周望與將軍安泰分案按治安泰等奏叔琳以陳氏僕與商爭

清史稿

列傳七十七

三

毆逮商杖斃事實無與叔琳事亦未嘗罷市周望等奏叔琳貸金鹽商非行助上命毋窮究二年命赴海塘効力乾隆元年授山東按察使疏言舊例州縣命案印官公出由隣封相驗嗣廣西巡撫金鉞奏請改委佐雜資緣助屬難成信讞又言審案舊有定限逾限議處嗣河東總督田文鏡題定分立解府州司院限期雖意在清釐適啟通融挪改之弊請皆仍舊為便從之二年遷布政使四年丁母憂服除授詹事以在山東誤揭屬吏諱盜奪官叔琳登第甫二十六年重遇登第歲命給侍郎銜二十一年卒年八十三叔琳富藏書與方苞友苞治諸經叔琳皆與商榷子登賢字筠盟乾隆元年進士授戶部主事累遷左副都御史督山東學政康熙間叔琳來督學立三賢祠祀胡瑗孫復石介以式諸士後六十年登賢繼之訓士遷才皆循叔琳訓四十九年卒方苞字靈皋江南桐城人父仲舒寄籍上元善為詩苞其次子也篤學修內行治古文自為諸生已有聲於時康熙三十八年舉人四十五年會試中式將應殿試聞母病歸侍五十年副都御史趙申喬劾編修戴名世所著南山集子遺

錄有悖逆語辭連苞族祖孝標名世與苞同縣亦工為古文苞為序其集並逮下獄五十二年獄成名世坐斬孝標已前死成其子登輝等苞及諸與是獄有干連者皆免罪入旗聖祖夙知苞文學大學士李光地亦薦苞乃召苞直南書房未幾改直蒙養齋編校御製樂律算法諸書六十一年命充武英殿修書總裁世宗即位敕苞及其族人入旗者歸原籍雍正二年苞乞歸里葬母三年還京師入直如故居數年特授左中允三遷內閣學士苞以足疾辭上命專領修書不必詣內閣治事尋命教習庶吉士充一統志總裁皇清文穎副總裁乾隆元年充三禮義疏副總裁命再直南書房擢禮部侍郎仍以足疾辭上留之命免隨班行走復命教習庶吉士堅請解任許之仍以原銜食俸苞初蒙聖祖恩宥舊欲以學術見諸政事光地及左都御史徐元夢雅重苞苞見朝政得失有所論列既命專事編輯終聖祖朝未嘗授以官世宗敕出旗召入對慰愈之並曰先帝執法朕原情汝老學當知此義乃特除清要馴致通顯苞屢上疏言事嘗論常平倉穀例定存七糶三南省旱濕存糶多寡應因地制宜不必固

清史稿

列傳七十七

四

成例年饑米貴有司請於大吏定植開糶未奉檄不敢擅自後各州縣遇穀貴應即令定植開糶仍詳報大吏穀存倉有鼠耗盤量有折減移動有運費糶糶守局有人工食用春糶值有餘即留充諸費廉能之吏遇秋糶值賤得穀較多應令詳明別貯備款歲發賑下部議行又言民生日廣請禁燒酒禁種烟草禁米穀出洋並議令佐貳官督民樹畜士紳相度溶水道又請矯積習興人才謂上當以時延見廷臣別邪正示好惡內九卿外督撫深信其忠誠無私意者命各舉所知先試以事破際徇繩職私厚俸而久任著聲績者賜金帛進爵秩尤以六部各有其職必慎簡卿貳使訓厲其僚屬以時進退之則中材咸自矜奮乾隆初疏謂救荒宜豫夏末秋初水旱豐歉十已見八九舊例報災必待八九月後災民朝不待夕上奏得旨動經旬月請自後遇水旱五六月即以實奏報並言古者城必有池周設司險掌固二官恃溝樹以守請飭及時修舉通川可開支河沮洳可興大圩及諸塘堰宜剏宜修若鎮集宜開溝渠築垣堡者皆造冊具報待歲款興作以工代賑下部議以五六月報災慮浮冒不可行溝樹塘

限諸事令各督撫籌議高宗命也選錄有明及本朝諸大家時藝加以批評示
學子準繩書成命為欽定四書文苞欲仿朱子學校實舉議立科目程式及充
教習庶吉士奏請改定館課及散館則例議格不行也老多病上憐之屢命御
醫往視苞以事忤河道總督高斌疏發苞請託私書上稍不直苞苞與尚
書魏廷珍善廷珍守護秦陵苞居其第上召苞入對苞請起廷珍居無何上召
廷珍為左都御史命未下苞移居城外或以訐苞謂苞漏奏對語以是示意庶
吉士散館已奏聞定試期吳喬齡後至復補請與試或以訐苞謂苞移居喬
齡宅受請託上乃降旨詰責削爵仍命修三禮義疏苞年已將八十病日
深大學士等代奏賜侍講銜許還里十四年卒年八十二苞既罷祭酒缺員上
曰此官可使方苞為之旁無應者苞為學宗程朱尤究心春秋三禮篤於倫紀
既家居建宗祠定祭禮設義田其為文自唐宋諸大家上通太史公書務以扶
道教裨風化為任尤嚴於義法為古文正宗號桐城派苞兄舟文百川諸生與
苞同負文譽嘗語苞當兄弟同坐不得以妻附苞病革命從舟遺言並以弟林

清史稿

列傳七十七

五

早卒未視飲飲祖右臂以自剖

王蘭生字振聲直隸交河人少穎異李光地督順天學政補縣學生及為直隸
巡撫錄入保陽書院肄業教以治經並通樂律歷算音韻之學光地入為大學
士薦蘭生直內廷編纂律呂正義音韻圖徵諸書康熙五十二年賜舉人以父
憂歸服除仍直內廷六十年應會試未第上以蘭生內直久精熟性理學問亦
優賜進士殿試二甲一名改庶吉士雍正元年散館授編修三年署國子監司
業四年真除督浙江學政五年遷侍講六年轉侍讀時查嗣庭汪景祺以誹謗
得罪停浙江士子鄉會試蘭生奏言諸生當立品奉公如有潛通背役欺隱錢
糧察出黜懲臣按考所至嚴加曉諭並令地方官開報必使輸糧乃得入試上
深嘉之命浙江士子准照舊鄉會試七年擢侍讀學士督安徽學政九年遷內
閣學士仍留學政十年命再留任三年尋充江南鄉試考官調陝西學政十三
年以所舉士得罪左授少詹事高宗即位召入都復授內閣學士乾隆元年遷
刑部侍郎兼署禮部侍郎二年春二月上奉世宗葬泰陵蘭生扈行次良鄉發

病遽作卒於肩輿中賚白金五百治喪涿州待家人奔赴賜祭葬如例蘭生為
學原本程朱光地授以樂律與共校朱子琴律圖說刻本多謬誤以意詳正遂
可推據既入直聖祖授以律管風琴諸解本明道程子說以人之中聲定黃鐘
之管積黍以驗之展轉生十二律皆與古法相應又至郊壇親驗樂器推匏土
絲竹諸音與黃鐘相應之理其說與管子淮南子相合音韻亦授自光地謂邵
子經世詳等而略韻顧炎武音學五書詳韻而略等兼取其長以國書五字類
為聲韻之元以定韻又用連音為紐均之法以定等皆發前人所未及聖祖深
賞之禁中夜讀書惟蘭生侍左右巡幸必以從並稱其賢留保字松喬完顏氏
滿洲正白旗人祖阿什坦字金龍順治初授內院六品他救哈番繙譯大學
中庸孝經通鑑總論諸書九年成進士授刑科給事中留保康熙五十二年舉
人六十年與蘭生同賜進士改庶吉士雍正元年散館授檢討累遷通政使六
年廣東巡撫楊文乾劾總督阿克敦侵蝕粵海關火耗並令家人索運羅米船
規禮諸事上命總督孔毓珣及文乾按治尋文乾卒改命留保及耶中喀爾吉

清史稿

列傳七十七

六

善會毓珣按治毓珣以上怒將刑訊留保爭之乃免讞定阿克敦罪當死尋復
起語詳阿克敦傳留保遷侍郎歷禮吏工三部乾隆初乞病致仕卒年七十七
胡煦字澹曉河南光山人初以舉人官安陽教諭治周易有所撰述康熙五十
一年成進士散館授檢討聖祖問煦通易理召對乾清宮問河洛理數及卦爻
中疑義煦繪圖進講聖祖賞之曰真苦心讀書人也五十二年命直南書房上
方纂周易折中大學士李光地為總裁命煦分纂尋命直蒙養齋與修卜筮精
蘊五十七年遷洗馬與修卜筮彙纂轉鴻臚寺少卿六十年遷光祿寺少卿
再遷鴻臚寺卿雍正元年擢內閣學士命與刑部侍郎馬晉泰如盛京按鞠私
創人獲錄囚百五十八人論罪如律煦還奏創獲俱貧民羈候按鞠自春夏至
九月十月往往疲斃請歸盛京刑部及將軍府尹以時定讞上如所請命嗣後停
遣部院堂官按鞠五年擢兵部侍郎兼署戶部時諸部院每於員外增置佐正
員治事煦協理副都御史又協辦禮部侍郎八年命直上書房充明史總裁九
年授禮部侍郎旋以衰老尋官十年河東總督田文鏡劾煦長子孟基本邱氏

子冒姓以官卷得鄉舉下部議黜乾隆元年煦詣闕召見命還原銜復孟基舉人賜其幼子季堂廕生煦疾作卒於京師資銀五百治喪賜祭葬煦正直忠厚所建白必歸本於教化嘗奏請敕州縣歲舉孝子悌弟督撫旌其門免徭役見長官如諸生其有慈惠廉節篤於交友下逮僕婢行有可稱皆得申請獎勵庶化行俗美人知自愛又請敕州縣勸農桑或別設農官以專其任又言督撫於命盜重案每用自行招認四字援以定罪夫民奸黠者抵死不服愚懦者畏刑自誣請嗣後必證據確然後付法司閱實一有不當旋即駁正庶得慎刑之意他所陳奏如廣言路裕積儲汰浮糧省冗官平權量多切於世務乾隆間高宗詔求遺書徵煦著述時季堂官江蘇按察使以煦著周易函書進五十九年特命追諡文良季堂自有傳

魏廷珍字君璧直隸景州人李光地督學招入幕閱卷旋以舉人薦直內廷與王蘭生梅穀成校樂律淵源五十二年成一甲三名進士授編修五十四年遷侍講直南書房五十六年轉侍讀五十九年轉擢詹事復遷內閣學士六十一

清史稿

列傳七十七

七

年命領兩淮鹽政雍正元年授偏沅巡撫世宗諭曰爾清正和平但不肯任勞怨今為巡撫宜剛果嚴厲不宜因循退縮二年以辰谿諸生黃先文故殺人讞門殺擬絞遇赦請免會同民諱子壽等因姦斃三命擬斬候皆失出又以撥發旗兵餉未具題部議降調上諭廷珍學問操守勝人乃料理刑名錢穀非過則不及召回京授盛京工部侍郎三年授安徽巡撫又以按治涇縣吏王時瑞等假印徵賦寬徇為部駁上戒其母姑息廷珍疏言清釐錢糧官吏侵蝕往往匪民欠中不易清察請視民欠多少多限一年少限半年分別詳察官吏侵蝕循例責償如實欠在民督徵催解州縣有通賦繼任受代許以時察報詔如所請行嗣以清察限促敕部更定廣東總督孔毓珣入對言道經宿州靈璧積潦妨稼上責廷珍怠玩令出俸疏浚廷珍乞內補上不許八年調湖北九年召回京授禮部尚書十年授漕運總督著兩江總督十二年授兵部尚書十三年仍調禮部高宗即位命以尚書銜守護泰陵乾隆三年授左都御史四年遷工部尚書五年以老病乞休上以廷珍在世宗朝服官中外不克舉其職屢奉印誠今

以老病乞休似此因循懈怠持祿保身之習斷不可長命奪官時方苦旱太常寺卿陶正靖謝上入對上問今苦旱用人行政或有闕失宜直言正靖因奏廷珍負清望無大過近日放還天語岐厲非所以優老臣上齊顏聽之後數日上以語禮部尚書任蘭枝蘭枝言正靖其門生也上知蘭枝與廷珍為同年進士因不憚諭朝臣師友門生援引標榜其端不可開命蘭枝書上諭戒正靖蘭枝書上諭言上問正靖知為蘭枝門生上詰蘭枝蘭枝對年老耳聾一時誤聽上愈怒責蘭枝詐偽對稱老以舊臣自居下吏議蘭枝正靖皆奪官上命留蘭枝正靖降調十三年上東巡過景州廷珍迎謁命還原銜賜以詩有句曰皇祖栽培士於今賸幾人並書林泉耆碩榜贊之十六年又賜詩予其子錫麟廢生二十一年復東巡廷珍迎謁年已將九十又賜詩予錫麟員外郎銜尋卒賜祭諡文簡任蘭枝字香谷江蘇溧陽人康熙五十二年一甲二名進士授編修雍正元年命直南書房累遷內閣學士五年與安南定界借左副都御史抗奕祿齋詔宣諭語詳抗奕祿傳使還邊兵部侍郎命如江西按南昌總兵陳玉章校

清史稿

列傳七十七

八

饒調吏部高宗即位命充世宗實錄總裁擢禮部尚書歷戶兵工部復調禮部十年以老致仕十一年卒
蔡世遠字聞之福建漳浦人父璧拔貢生官羅源訓導有學行巡撫張伯行延主進峯書院招世遠入使院校訂先儒遺書世遠康熙四十八年進士改庶吉士大學士李光地以宋五子之書倡後進得世遠深器之四十九年乞假省親五十年遭父喪服除赴京師以假逾期於例當休致世遠不欲以父喪自列會上命纂性理精義光地充總裁薦世遠分修書成世遠不欲以編輯敘勞辭歸巡撫呂猶龍延主進峯書院以正學教士居久之雍正元年特召授編修直上書房侍諸皇子讀詩選侍講四年遷右庶子再遷侍講學士五年遷少詹事再遷內閣學士六年遷禮部侍郎七年上將設福建觀風整俗使諮世遠命與同籍京朝官議之僉謂福建自海疆平定後泉漳將吏因功驟擢通顯子弟驕悍無所懷畏皇上飭官方興民俗上年學政程元章奏以泉漳風俗未醇責成巡道整飭自此益加儆戒但人有賢愚士或鄙劣薄行民又多因怒互爭未必洗

心滌慮應請設觀風整俗使防範化導於風俗人心有益得旨允行八年福建總督高其倬劾世遠長子長漢違例私給給照上以疏示世遠世遠奏言臣子長漢見在京邸此所給照不知何人所為但有臣官衙圖書非臣族姓即臣戚屬請敕治部議坐失察降調十年特旨復原職十二年卒世遠侍諸皇子讀講四子五經及宋五子書必引而近之發言處事所宜設誠而致行者於諸史及他載籍則即興亡治亂君子小人消長心迹異同反覆陳列十餘年來寒暑無或間十三年高宗即位贈禮部尚書諡文勤所著二希堂集御製序并首二希者謂功業不敢望諸葛武侯庶幾范希文道德不敢望朱子庶幾真希元上製懷舊詩稱為聞之蔡先生六十年上將歸政釋奠於先師禮成推恩舊學加贈太傅子長漢諸生乾隆三年以學行兼優薦發江南以知縣用歷甘泉石埭句容無錫諸縣兩江總督德沛稱其廉明再遷江甯知府調廬州松江諸府遷四川按察使二十七年特擢兵部侍郎逾年卒上屢念世遠舊勞推恩其諸子觀瀾長汭及孫本崇皆賜舉人

清史稿

列傳七十七

九

沈近思字位山浙江錢塘人康熙三十九年進士四十五年授河南臨潁知縣潁水經許州東入臨潁許州孔家口下距臨潁境僅百餘步隄屢圯水入臨潁害禾稼近思請築隄臨潁任夫十之七士民爭輸穀日役千三百人人穀二升二十日而隄成水至不為患歲大熟近思立紫陽書院教士以正學縣西葛岡村俗最惡近思為置塾課村童立書程簿躬教督之化行於其鄉俗日馴五十二年巡撫鹿祐薦卓異遷廣西南甯同知病告歸五十九年以浙江巡撫朱軾薦敕部調取引見命監督本裕倉浙江福建總督滿保奏請以知府揀發福建檄署臺灣知府近思議析置數縣道鎮俾府治駐兵三千分佈營汛收材勇入行伍嚴加操練以漸移充內地各標流民至者必審籍貫稽家口方授以田土否則悉驅過洋議未即行雍正元年召授吏部文選司郎中賜第資幣金四百尋授太僕寺卿仍兼領文選司事二年超授吏部侍郎命與尚書阿爾松阿如河南按治諸生王遜等糾眾罷考論如律四年充江南鄉試考官例以鄉試錄進呈上嘉近思命題正大策問發揮性理論獎之時侍郎查嗣庭舉人汪景

祺以誹謗獲罪停浙江人鄉會試近思疏言浙省乃有如嗣庭景祺者越水增羞吳山蒙恥因條列整飭風俗約束士子凡十事上曰浙省有近思不為習俗所移足為越水吳山洗其羞恥所陳委曲詳盡下巡撫李衛觀風整俗使王國棟如議施行五年擢左都御史仍兼領吏部事卒命平郡王福彭往奠加禮部尚書太子少傅以其子方幼令吏部遣司官為治喪賜祭葬諡端恪近思少孤貧為僧靈隱寺世宗通佛理嘗以問近思近思對曰臣少年潦倒時嘗逃於此幸得通籍方留心經世事以報國家亦知皇上聖明天縱早悟大乘然萬幾為重臣願皇上為堯舜不願皇上為釋迦即有所記安敢妄言以分睿慮上為改容及耗羨歸公議起上意在必行近思獨爭之言耗羨歸公即為正項今日正項之外加正項他日必至耗羨之外加耗羨臣嘗為縣令故知其必不可行上一再詰之近思陳對侃侃雖終不用其言亦不以為忤也子玉璉世宗命地方官加意撫養成立乾隆中授廣西桂林同知

雷鉉字貫一福建寧化人為諸生究心性理庶吉士蔡世遠主龍峯書院從問

清史稿

列傳七十七

十

學雍正元年舉於鄉世遠時為侍郎薦授國子監學正十一年成進士改庶吉士乞假歸十三年高宗即位召來京命直上書房乾隆元年散館以病未入試特授編修二年大考二等一名賜筆墨硯紗葛同直編修余棟以憂歸端慧皇太子喪入臨上欲留之鉉疏言侍學之臣當明大義篤人倫使棟講書至宰我問三年喪何以出諸口楊名時亦諍之事遂寢四年遷諭德尋以父憂歸九年召來京仍直上書房賞額外諭德食俸十年三遷通政使上以言事者多沽直名自規便利詔訓飭鉉疏言皇上裁成激勸俾以古純臣為法意至深厚然臺諫所得者名政事所得者實論臣子之分不惟不可計利並不可好名而在朝廷樂聞讜言不必疑其好名不必疑其計利孔子稱舜大知曰隱惡揚善則知當時進言者不皆有善無惡惟舜隱之揚之所以嘉言罔攸伏成執兩用中之治得旨嘉獎十四年乞假省母十五年還京命督浙江學政十六年上南巡賜以詩謂浙江近福建為汝便養母也尋調江蘇十八年擢左副都御史仍留督學復調浙江杭州嘉興災致書巡撫周人驥議蠲賑人驥以時已隆冬例不

得補報難之鉉遂疏聞上命蠲賑二十一年乞養母歸二十二年上南巡鉉迎謁上書賜其母二十二年丁母憂二十三年鉉未終喪卒年六十四鉉和易誠篤論學宗程朱督學政以小學及陸隴其年譜教士與方苞友爲文簡約沖夷得體要

論曰聖祖以朱子之學倡天下命大學士李光地參訂性理諸書承學之士聞而興起苞與光地誼在師友間名時蘭生廷珍世遠皆出光地門煦亦佐光地修書得受裁成於聖祖叔琳苞友鉉又出世遠門淵源有自獨近思未與光地等游而學術亦無異雍正初與世遠苞先後蒙特擢壽考作人成一時之盛聖祖之澤遠矣

清史稿

列傳七十七

十一

清史稿

列傳七十八

海望

莽起立

杭奕祿

傅鼎

陳儀

劉師恕

王國棟

海望字雅氏滿洲正黃旗人初授護軍統領雍正元年擢內務府主事累遷郎中充崇文門監督八年擢總管內務府大臣兼管戶部三庫賜二品頂戴九年遷戶部侍郎仍兼管內務府授內大臣十一年命偕直隸總督李衛勘浙江海塘與衛議奏在海甯尖塔兩山間建石壩使海潮外趨並在仁和海甯兩縣境改建大石塘上命浙江總督程元章相度遊行又奏請設專官總轄令駐防將軍副都統協同監修及議敘在工人工價以銀米兼發並從之十三年振武將軍傅爾丹虐兵婪索事發命海望赴北路軍營速治尋命辦理軍機事務世宗疾大漸召同受顧命是時辦理軍機事務鄂爾泰張廷玉訥親班第索柱豐盛額莽鵠立納延泰及海望凡九人高宗即位命尚書徐本入直旋設總理事務處命鄂爾泰廷玉總理本訥親及海望協辦班第納延泰索柱差委辦事尋命海望署戶部尚書海望還自軍前奏言鄂爾泰遣罪人種地無實效且恐生事當改發他處世宗謂鄂爾泰方駐兵當可彈壓海望奏非是高宗以海望奏下總理事務處議議上上諭曰海望奏前奉皇考中飭朕推皇考之意蓋以發遣罪人皆身獲重罪今令軍前種地乃所以保全之其中若有冤抑自應聲明具奏寬釋如但以不善開墾遂爾改發內地此曹既獲重罪又不肯急公趨事轉得遂其僥倖之心且如以兵代之兵若以不能力田爲辭則將移內地之民耕邊塞之地乎此事之斷不可行者海望心地純良但識見平常所奏豈可盡以爲是議覆觀望游移後當以此爲戒乾隆二年泰陵工成授拖沙喇哈番世職尋能總理事務處復設辦理軍機處海望仍爲辦理軍機大臣敘勞復加拖沙喇哈番世職四年加太子少保初上命停捐例廷臣議但留收穀捐監俾各省積穀備荒六年御史趙青藜請並停之復下廷臣議請仍其舊海望奏外省

清史稿

列傳七十八

一

收捐繁難原議各省捐貯穀數三千餘萬石今報部者僅二百五十餘萬石不足十之一不若停各省捐穀令在部交銀轉撥各省買穀俟倉貯充盈請旨停止上命在部交銀在外交穀聽士民之便諭謂地方積穀不厭其多賑卹加恩亦所時有正未易言倉貯充盈也海望久充崇文門監督御史胡定奏言崇文門徵稅有挂鍾頂稱名百斤作百四五十斤稅額雖未增實已加數倍雜物自各門入恣意需索更數倍於稅額外省各關如杭州北新關自南而北十餘里稽察乃有七處留難苛索百倍於物價益由官吏務欲稅課浮於舊額吏胥藉得恣睢無忌請敕嚴禁上曰海望領崇文門稅務儘收儘解盡行入官因而見其獨多如定所奏種種苛索朕信其必無外省關課應令督撫嚴察海望旋調禮部尚書十年上以海望精力漸衰罷理軍機十四年復調戶部尚書十七年以建築兩郊壇宇發帑過多與侍郎三和等自行奏請嚴議當奪官上寬之二十年卒遣散秩大臣博爾木查奠茶酒賜祭坐設動恪三和納喇氏滿洲鑲白旗人初授護軍校累遷一等侍衛乾隆六年授總管內務府大臣遷戶部

清史稿

列傳七十八

二

侍郎調工部復調還戶部十四年擢工部尚書尋降授侍郎調戶部復調還工部三十二年授內大臣三十八年卒賜祭葬諡誠毅
莽鵠立字樹本伊爾根覺羅氏滿洲鑲黃旗人曾祖富拉塔居葉赫天聰時來歸隸蒙古正藍旗祖莽吉圖從睿親王伐明徇山東圍錦州擊敗洪承疇援兵入關遂李自成至慶都又從下雲南累擢正藍旗滿洲梅勒額真授世職三等阿達哈哈番莽鵠立事聖祖初授理藩院筆帖式累遷員外郎迭充右翼監督濟寧關監督世宗即位命協理藩院侍郎旋擢御史莽鵠立精繪事令恭繪聖祖御容雍正元年改入滿洲以本族別編佐領俾莽鵠立世管出巡長蘆鹽政疏言長蘆諸商行鹽地有額引不能銷者有額外多銷者請通融運銷量增引目從之二年疏請元年積引寬限分銷部議不允再疏請特許之又疏言山東加增引日州縣多寡不均請減多增寡以避商困又疏言增復引目視見辦商人按名均分上允之三年疏言山東竄丁避康熙五十二年恩詔審丁不加賦下部議行又疏請清察鹽地敕直隸山東督撫遣員清丈遷大理寺卿再遷

兵部侍郎領鹽政如故天津改衛為州初議隸河間府莽鵠立請改為直隸州以武清靜海青縣屬焉併丁入地議起莽鵠立以山東竄丁丁多地少請以其半入地其半仍按丁徵賦下部議從之四年以御史顧琮巡視鹽政仍命莽鵠立監理尋調禮部令與顧琮監造天津水師營房工久未竣上以責莽鵠立調刑部召還京五年復調禮部仍署長蘆鹽政授甘肅巡撫六年師入西藏諭莽鵠立赴西甯料理西甯道劉之珍等誤軍興總督岳鍾琪疏劾上以責莽鵠立解巡撫召還京署正藍旗滿洲副都統兼管理藩院侍郎七年擢正藍旗蒙古都統八年命協同辦理直隸水利營田十年調鑲白旗滿洲都統十三年與都統製英誠公豐盛額並命辦理軍機事務高宗即位改設總理事務處莽鵠立與豐盛額能直回本任尋署工部尚書又調正藍旗滿洲都統乾隆元年卒賜祭葬諡勤敏

清史稿

列傳七十八

三

疏言此為未有殊恩有田納賦既邀蠲免無田而佃種人田者納租業主亦宜酌減俾貧富均霑實惠上謂此奏甚公下廷臣議定業戶免額一錢佃戶免租穀三升上命如議速行擢左副都御史仍兼管光祿寺五年命與內閣學士任蘭枝使安南宣諭初雲南總督高其倬奏安南國界有百二十里舊屬內地應以賭咒河為界安南國王黎維禔奏辨上命雲貴總督鄂爾泰覆覈予地八十里以鉛廠山下小河內四十里為界維禔復奏辨上敕維禔毋以侵占內地為嫌疑懼中辨至是復命杭奕祿等往諭意未至維禔上表謝罪六年命鄂爾泰以鉛廠山下地四十里予安南別頒敕命杭奕祿等齎往宣諭杭奕祿至鎮南關維禔使出關迎進次貂瑤營維禔復使迎勞請儀注議行其國禮五拜三叩杭奕祿等持不可乃請聽命渡富良江至長安門維禔跪迎杭奕祿等捧敕入自中門維禔率將吏等聽宣敕敕曰朕前令守土各官清理疆界未及於安南也總督高其倬職任封疆考志乘訪輿論知開化府與安南分界常在逢春里之賭咒河乃奏聞設汛王疏陳復命總督鄂爾泰秉公辦理鄂爾泰體朕懷遠

之心定界於鉛廠山下小河縮地八十里誠爲仁至義盡此皆地方大臣職分所當爲朕統馭寰區凡屬臣服之邦皆隸版籍安南既列藩封尺地莫非吾土何必較論此區區四十里之地若王以至情懇求朕何難開恩賜與祇以兩督臣定界時王激切奏請過於朕望失事上之禮朕亦無從施惠頃鄂爾泰以王本章呈奏詞意虔恭王既知盡禮朕自可加恩將此地仍賜王世守並遣大臣前往宣諭王其知朕意宣畢維禱行三跪九叩禮杭奕祿等復宣諭恩德維禱誓世世子係永矢臣節杭奕祿等使還維禱送至長安門餽贖杭奕祿等不受至鎮南關維禱使齋謝表請轉奏杭奕祿等還京師疏聞請宣付史館允之授刑部侍郎署吏部尚書六年湖南靖州諸生曾靜遣其徒張熙變姓名投書川陝總督岳鍾琪略言清爲金裔鍾琪乃鄂王後勅令復金宋之仇同謀舉事鍾琪大駭勸熙不肯言其實乃置熙密室陽與誓將迎其師與謀始得熙及靜姓名奏聞上命杭奕祿及副都統覺羅海蘭如湖南會巡撫王國棟捕靜嚴鞫靜言因讀呂留良評選時文論夷夏語激烈道熙求得留良遺書與留良子毅

清史稿

列傳七十八

四

中及其弟子嚴鴻遠鴻遠弟子沈在寬等往還沈瀾其說妄生異心留良浙江石門諸生康熙初講學負盛名時已前死上命逮靜熙毅中鴻遠在寬等至京師靜至廷鞫自承迂妄爲留良所誤手書供辭盛稱上恩德上命編次爲大義覺迷錄令杭奕祿以靜至江甯杭州蘇州宣講事畢命并熙釋勿誅戮留良尸誅毅中並鴻遠在寬等成留良諸子孫高宗即位乃命誅靜熙七年授杭奕祿鑲紅旗滿洲副都統八年命解部事尋復補禮部侍郎署前鋒統領上命杭奕祿偕侍郎衆佛保宣諭準噶爾九年師征準噶爾上慮陝甘民或以用兵爲累命杭奕祿與左都御史史貽直署內務府總管鄭渾寶率庶吉士六部學智主事國子監肄業拔貢生等宣諭化導尋命杭奕祿協辦軍需十年命署西安將軍授欽差大臣察閱甘涼及山西近邊營伍十一年諭責杭奕祿驕奢放縱擾累兵民奪官在肅州荷校乾隆元年召至京師授額外內閣學士補工部侍郎充世宗實錄副總裁遣駐西藏辦事四年奏言西藏西南三千里外巴爾布國有三汗一曰庫庫木一曰顏布一曰葉楞雍正十一年嘗通貢近三汗交惡貝

勒頗羅爾宣諭罷兵三汗聽命使呈進部落戶口數並貢金銀絲綉珊瑚念珠諸物報聞尋召還調刑部五年擢左都御史列議政大臣十年以老乞休諭留之十一年上察其老憊命致仕十三年卒

傅鼎富察氏字開峰滿洲鎮白旗人初授侍衛雍正二年授漢軍鑲黃旗副都統兵部侍郎三年調盛京戶部侍郎世宗在潛邸夙知傅鼎好事既即位令隆科多察其爲人隆科多稱傅鼎安靜傅鼎在上前嘗言隆科多子岳興阿甚怨其父謂我家受恩深當將生平行事據實奏聞若稍有隱飾罪更不可道及隆科多被譴追贖岳興阿隱其父財產上以與傅鼎言不符疑傅鼎與隆科多交結慮且敗預爲岳興阿地會傅鼎任侍衛時浙江糧道江國英被劾爲關說得銀萬餘事發上命奪官械繫逮詣京師下刑部按治獄上免死發遣黑龍江九年召還赴大將軍馬爾賽軍營効力尋予侍郎銜授參贊大臣十年準噶爾台吉噶爾丹策零入寇額駙策凌之額爾德尼昭噶爾丹策零大敗自推河鼠走時馬爾賽駐拜里城有兵萬三千策凌機速發兵斷噶爾丹策零歸路馬爾

清史稿

列傳七十八

五

賽不能用傅鼎進曰賊敗亡之餘可唾手取也請發輕騎數千俾率以戰事成功歸大將軍事敗願獨受其罪馬爾賽默然再三言不應至長跪以請終不許傅鼎憤甚將所部出城逐敵噶爾丹策零已遁走得輜重牛羊萬計事聞上誅馬爾賽寶傅鼎花翎平郡王福彭代爲大將軍傅鼎參贊如故噶爾丹策零既大創不敢深入師亦未能遠征上召策凌及大將軍查郎阿詣京師廷議莊親王允祿及策凌等主進討大學士張廷玉等言不若先撫之不順則進討兩議上上問傅鼎傅鼎贊撫議降旨罷兵遣傅鼎偕內閣學士阿克敦副都統羅密諭噶爾丹策零噶爾丹策零欲得阿爾泰山故地傅鼎力折之十三年使還子都統銜食俸高宗即位命署兵部尚書尋授刑部尚書仍兼理兵部乾隆元年疏言刑罰世輕世重我朝律例頒布於順治三年酌議於康熙十八年重刊於雍正三年臣伏讀世宗遺詔曰凡諸條例或前本嚴而朕改從寬此乃昔時部臣定議未協朕與廷臣悉心斟酌而後更定應照更定之例行若前本寬而朕改從嚴此以整飭人心風俗暫行一時此後遇事斟酌若應照舊例者仍照舊

例行臣思聖心惓惓於此蓋必有所軫念而未及更正者也皇上以世宗之心為心每遇奏議斟酌詳慎臣見大清律集解附例一書見今不行之例猶載其中恐刑官援引舛錯吏胥因緣為奸請簡熟悉律例大臣詳加駁議律文律注當仍其舊所載條例有今已斟酌改定者應從改定有應斟酌而未逮者悉照舊章務歸於平允逐條繕摺恭請欽定纂輯頒布得旨允行又疏言斷獄引用律例宜審全文若摘引律語入人重罪是為深文周內律職官吏懷挾私仇故勘平人致死者斬監候又載若因公事干連在官事須問鞫依法拷訊邂逅致死勿論律意本極平允數年來各督撫遇屬員誤將在官人犯拷訊致死輒摘引故勘平人一語擬斬監候尙書張照又奏准如將管杖人犯故意夾拷致死二命以上及徒流人犯四命以上俱以故勘平人論不思既非懷挾私仇於故勘之義何居若謂在官之人本屬無罪則必有誣告之人應照律抵罪若謂輕罪不應夾訊命盜等案當首從未分安能預定為管杖為徒流若謂拷訊不依法自有決罰不如法律在致死二人四人以上當議以加等請敕法司酌改

清史稿

列傳七十八

六

平允下部議行是秋以勸借商銀回奏不實奪官尋命暫署兵部尙書二年授滿洲正藍旗都統三年坐違例發俸發往軍臺効力尋卒

陳儀字子翹順天文安人康熙五十四年進士改庶吉士散館授編修為古文辭治經世學大學士朱軾器之雍正三年直隸大水諸河泛濫壞田廬世宗命怡親王允祥偕軾相度溶治王求諸習機輔水利者軾以儀對延見諮治河所宜先儀曰朱子言治河先低處天津為古渤海逆河之會百川之尾閘今南北二運河東西兩淀盛漲爭趨三岔口而強潮復來拒之抵滄瀾澗而不時下下隘則上溢其勢宜然故欲治河莫如先擴達海之口欲擴海口莫如先減入口之水入口之水減則達海之口寬北永定南子牙中七十二沽皆得沛然入三岔口而東注矣四年春從王行視水利教令章奏皆出儀手軾以髮歸王薦於朝命以侍講署天津同知轉侍讀擢庶子仍署同知如故五年王奏設水利營田四局儀領天津局兼督文安大城隄工二縣地卑下積潦不消是秋復大水隄內外皆巨浸儀購秫稻十餘萬束立表下隄以禦水隄本民工儀言於王請

發帑興修招民就工代賑隄得完固南運河長屯隄地隄靜海吏舞法歲調發新州文安大城民協修百里裹糧成以為苦儀為除其籍畿輔大小諸河七十餘疏故濬新儀所勘定殆十六七云八年擢侍講學士時議設營田觀察使二員分轄京東西以督率州縣命儀以僉都御史充京東營田觀察使營田於天津傲明汪應蛟遺制築十字圍三面開渠與海河通潮來渠滿閉渠蓄水以供灌溉白塘葛沽間斥鹵盡變膏腴豐潤玉田地多沮洳儀教之開渠築圩皆成良田十一年大雨山水暴發沒田廬儀疏聞諭籌賑即命儀董其事凡賑三四萬餘口十二年轉侍讀學士尋罷觀察使還京師儀篤於內行先世遺田數百畝悉推以讓兄既仕分祿畀昆弟周諸故舊有故人子貧甚屬門生為謀生業事為人所訐吏議當降調乾隆二年授鴻臚寺少卿儀以老乞歸七年卒年七十三子玉友雍正八年進士官臺灣知府勤其官有惠政

清史稿

列傳七十八

七

劉師恕字艾堂江南寶應人父國獻康熙二十一年進士改庶吉士授戶科給事中歷督捕理事官在戶科建言民田畝有大小地有上中下請具載簡明賦役全書明示天下在督捕詳考則例刊布之往時以逃人為根以一累百十以逃案為市取所歷州縣官職名待劾弊不勝詰皆剔除之乃裁併兵部改授鴻臚寺卿師恕三十九年進士選庶吉士授檢討累遷國子監祭酒雍正元年授貴州布政使四年遷通政使轉左副都御史擢工部侍郎上以宜兆熊署直隸總督調師恕禮部協理總督事五年奏獲交河妖民孫守禮嚴鞠治罪上獎其遇事直達不稍隱諱師恕與兆熊議裁學政陋規學政孫嘉淦言學政舊規日得五十五兩今減半即足用師恕言減至一兩亦不可行當另奏撥解公費師恕與兆熊奏已與嘉淦會商裁革嘉淦以實奏上諭曰孫嘉淦非曠獲貪饕者比爾等何不量至此可仍循舊例而行嘉淦端士也宜作成之初夏保定諸府少兩上以為髮師恕等言今歲遇閏此後得兩不遲上責其怠忽尋奏裁驛站夫馬工料羨餘銀上諭曰陋規自應裁第當量情酌理為之母過刻令後來地方諸事難於措辦也調吏部仍留協理大名諸生寶相可訴知府曾逢聖貧劣布政使張廷杖殺之以獄斃報兆熊師恕匿不以聞上命尙書福敏等按治得

實兆熊坐降調上寬師恕諭責其徇隱命何世琪署直隸總督仍令師恕協理七年命師恕以內閣學士充福建觀風整俗使八年疏言海澄公舊以轄兵給印後兵裁而印未繳今海澄公黃應繼濫行印文非所宜當令繳銷並言外省世襲武職年及二十當令各部引見分京外學習部議從之十一年師恕以病告省觀風整俗使不復設乾隆七年實應災治賑非貧民例不給師恕族人諸生啗喉不得賑者閱堂罷市上責師恕不能約束奪官南巡迎謁賜侍讀學士銜二十一年卒是時廣東湖南皆置觀風整俗使焦祈年字毅貽山東章邱人雍正元年進士改庶吉士授編修考選雲南道御史擢順天府丞權府尹遷右通政八年命充廣東觀風整俗使修葺十府二州書院延通人為之師濱海多盜設策鉤捕得劇盜百餘置諸法盜差熄奸民以符割感眾擒治之赦其株連者西洋人置天主堂使徙歸澳門簡閱營伍軍政以肅擻光祿寺卿召為順天府尹旋調奉天行次山海關疾作乞歸卒於里李徵字元綸山西崞縣人康熙五十二年鄉試舉第一雍正元年進士改庶吉士散館刑部主事尋復授檢討

清史稿

列傳七十八

八

考選浙江道御史是時遣御史巡察順天直隸諸府順天永平宣化為一員保定正定河間為一員順德廣平大名為一員徽巡察順德廣平大名三府曾靜張熙事起上慮湖南士民為所惑議遣使循行訓迪以大學士朱軾薦遣徵勸諭化導尋授倉部御史充湖南觀風整俗使徵在官四年察吏安民能稱其職坐事降授倉監督高宗即位命復官遷卒廣西學政衛昌績請設觀風整俗使御史陳宏謀繼請上諭宏謀等曰廣西通籍者本少乃已有狂悖如謝濟世陸生柘者風俗薄劣可見爾等不能端本激源躬先表率而望秉鐸司教之官家喻戶曉易俗移風所謂逐末而忘其本也議寢未行王國棟字左吾漢軍鑲紅旗人康熙五十二年進士改庶吉士授檢討累遷光祿寺卿雍正初查嗣庭汪景祺坐文字謗訕見法上謂浙江士習澆漓四年設浙江觀風整俗使以授國棟國棟至官巡行宣諭清逋賦懲唆訟飭營伍嚴保甲次第疏聞上溫諭獎之遷宗人府府丞五年上以浙江被水米貴命國棟同巡撫李衛發庫帑四萬於杭州嘉興湖州三府修城濬河築隄俾饑民就備食

力國棟奏杭州至海甯塘河淤當濬治太湖隄閘及嘉興石塘多傾圮當修理冬春雨雪工作多費請俟九十月水落興工上韙之尋擢湖南巡撫以許容代為浙江觀風整俗使上諭國棟曰初欲令爾在浙整飭數年俾收成效但湖南廢弛久今以命爾爾其勉之上命湖廣總督邁柱修兩省隄工國棟疏言湘陰巴陵華容安鄉澧武陵龍陽沅江益陽九州縣環繞洞庭居民築隄堵水而耕地勢卑下江漲反灌入湖隄岸衝決見有四百餘處正飭刻期完築務加高培厚工程堅固倉部御史申大成奏貴州屯田民間賤價頂種易啓紛爭請做民田買賣納稅五錢給照為業並推行各省國棟疏言湖南屯田瘠薄應分別差等徵價頂種令完稅五錢給照如時價平買未過戶者視屯糧石稅五錢已過戶者二錢龍陽武陵長靖請屯賦重按券值兩稅三分均下部議行曾靜張熙事起上令侍郎杭奕祿至湖南會鞠國棟聽靜自列未窮究黨羽允禩禘禘門下太監以罪徙廣西流言於路直隸河南督撫俱疏上聞國棟奏言湖南監送兵役未聞一語又茶陵民陳蒂西傳播流言救國棟按鞫亦不得實證坐是

清史稿

列傳七十八

九

失上指奪官召還京八年命治刑部侍郎事署山東巡撫九年河南祥符封邱等縣水災命往治賑迭署江蘇浙江巡撫十年仍還刑部十二年以議福建民藍厚正殺兄獄失當吏議降調十三年復命署刑部侍郎卒許容河南虞城人康熙五十年舉人授陝西府谷知縣內遷工部員外郎考選廣西道御史雍正元年改會考府郎中仍兼御史出為直隸口北道遷陝西按察使劾河東巡鹽御史馬喀以積鹽變價入己上奪馬喀官命兼管河東巡鹽御史按治尋聞容刑逼商人解容任令總督岳鍾琪覆按鍾琪言容無刑逼商人事上擢浙江布政使五年代國棟為浙江觀風整俗使尋借廣東巡撫楊文乾清察福建倉庫六年遭母喪給假治喪畢命仍還浙江旋擢甘肅巡撫以蔡仕舳代為浙江觀風整俗使容疏議更正律例出贖過付人宜視完贖減二等得贖者完贖減一等倍完方減二等連贖二命宜加等上皆謂不當責容愚妄八年師征噶爾丹上以容治軍需多推諉命尚書查弼納赴陝西為之董理及事竟上諭容曰此次軍需朕為挽將覆之輟回已和之波救汝身家性命較自御史五年內擢至

巡撫之恩大矣汝當知之上聞容追通賦抵兵餉限一年全完民以大擾諭曰朕念甘肅自軍興以來輓運轉輸資於民力特將雍正八年額徵錢糧蠲免容何得於蠲免之年行催徵之舉令即停止九年復以容查核錢糧過刻諭母累民十二年疏劾丁憂知府李綺虧空軍需綺衛兄也上知容與衛有怨戒容毋遷怒報復容旋奏檄給赴蘭州虧空七千有奇限半年回籍措繳上諭曰所虧既有田房可抵但當速還回籍折變完補何須勒限逼迫乾隆元年固原環二縣歉收容請借給貧民三月口糧大口日三合小口日二合高宗諭曰政莫先於愛民甘肅用兵以來百姓急公踴躍今值歉收當加恩賑恤汝治事實心而理財過刻國家救濟貧民非較量錙銖時也尋專筭軍儲大臣劉於義奏請加賑兩月上責容編隘卑庸命解任於義及陝西總督查郎阿劾容匿災殃民奪官逮詣京師論罪赦免二年署山西布政使三年調江蘇署巡撫四年遭父喪去官五年命署湖南巡撫請終喪不許服闋真除八年以劾糧道謝濟世狂縱營私失實奪官發順義城工効力事互詳濟世傳九年復命署湖北巡撫御史

清史稿

列傳七十八

十

陳大珩等疏評謂容既以欺罔得罪不當復用上命能之十五月上巡中岳迎謁復原銜授內閣學士以病乞歸卒蔡仕舳福建南安人康熙三十二年舉人五十八年自刑部主事考選御史出為浙江糧道雍正六年授僉都御史充浙江觀風整俗使七年署巡撫八年坐事降調上諭曰浙江風俗已漸改移又有總督李衛善於訓導不必再遣觀風整俗使仕舳旋卒論曰海望莽鶴立皆速事聖祖雍正乾隆間參與政事海望聞世宗末命在軍機處較久雖建樹未宏要為當時親信大臣杭奕祿使安南傅鼎諭噶爾丹策棱皆不辱君命傅鼎尤知兵儀領屯田有惠於鄉州師恕國棟等使車問俗與民為安靜以皆世宗特置之官特謹而書之杭奕祿又與史貽直宣諭陝西非專官貽直相高宗故不著於斯篇

清史稿

列傳七十九

高其倬

楊宗仁

孔毓珣

裴緯度

唐執玉

楊永斌

高其倬字章之漢軍鑲黃旗人父慶爵官口北道其倬康熙三十三年進士改庶吉士散館授檢討尋兼佐領五遷內閣學士五十八年河南南陽鎮兵挾忿圍辱知府沈淵命偕尚書張廷樞按治誅首事者總兵高成等論罪有差五十九年授廣西巡撫鄧橫苗叛其倬親撫之降六十年世宗即位擢雲貴總督疏言土司承襲向有陋規已嚴行禁革咨部文册如無大舛錯請免駁換旨嘉獎青浦台吉羅卜藏丹津叛侵西藏其倬以中甸為入藏要道檄諸將劉宗魁劉國侯等嚴為備並遵上指令提督郝玉麟將二千人自中甸進駐察木多副將孫宏本將五百人赴中甸為聲援雍正二年師定青海中甸喇嘛番僧等率三千五百戶納土請降上嘉其倬能子世職拜他勒布喇哈番其倬規畫安撫

清史稿

列傳七十九

一

中甸疏請設同知以下官番僧營官外又有神翁列寶諸號聽堪布喇嘛指揮請改授守備千把總劄付聽將吏統轄僧喇嘛以三百為限收兵械入官沿江數百里及山谷曠土招民開墾舊行演茶視打箭爐例設引收課魯魁山者自國初為盜藪夷裸雜處推揚方普李四姓為渠有方景明者挾裸夷掠元江其倬遣兵擊破之擒景明殲裸夷數百疏請於其地駐兵號普威營參將駐普洱守備駐威遠茶山改威遠歸流設同知以下官土官刁光煥及其孥移置會城而以新開二鹽井充新設兵餉設義塾教夷人子弟元江府學額外增額二名待其應試勸夷人墾田旱田十年後水田六年後升科貴州仲家苗曾阿近及其弟阿臥為亂其倬使撫定傍近諸苗寨阿近等失援遣兵擒戮之並按治定番廣順諸苗曾不順命者疏請改設定廣協分置營汛防定番廣順及西猛西藤斷杉樹長寨遮貢羊城重諸地又移都勻守備駐獨山改湖廣五開衛為縣移隸黎平並言貴州地連川楚奸人掠販貧家子女為民害請飭地方官捕治歲計人數為課最貴州民間陋俗被人劫殺力不能報則掠質他家人畜令

轉爲報仇不應則索贖謂之孛白放黑請加等治罪土司貧困田賦令屬苗代納請清察責執業者完賦土司下設權口人等請令報有司有罪併懲詔悉如所請三年進兵部尙書銜加太子少傅調福建浙江總督瀕行疏言鄧川嵩明騰越太和浪穹諸州縣土軍丁銀起明嘉靖萬歷間遣民防夷立太和風梧二所丁徵賦一兩是於本貫已完民賦請除軍糧詔從之四年疏言福興漳泉汀五府地狹人稠無田可耕民且去而爲盜出海貿易富者爲船主爲商人貧者爲頭舵爲水手一舟養百人且得餘利歸贍家屬者設禁例如虛盜米出洋則外洋皆產米地如虛漏消息今廣東估舟許出外何獨嚴於福建如虛私販船料中國船小外國得之不足資其用臣愚請弛禁便下怡賢士會大學士九卿議行五年臺灣水連社番爲亂其倖遣兵討之擒其渠骨宗等諸社悉降尋以李衛爲浙江總督命其倖專督福建迭疏請整飭鹽政改造水師戰船釐定營汛並下部議行入覲加太子太保上以其倖通堪輿術命詣福陵相度其倖還奏陵前左畔水法因溢流更故道弓抱之勢微覺外張當順導河流

清史稿

列傳七十九

二

方爲盡善下大學士等如所議修濬八年調江南江西總督復召至京師令從怡賢王勘定太平峪萬年吉地進世職三等阿思哈尼哈番命署雲貴廣西總督十一年普洱思茅土把總刁國興糾苦楚蠻及元江夷爲亂攻普洱通關大寨羈夷復附苦楚蠻度阿墨河攻他郎其倖檄提督蔡成貴等分道捕治擒其酋並所屬五百餘亂乃定是歲春命其倖回兩江總督秋命以總督銜領江蘇巡撫十二年坐徇知縣趙崑理債海塘工欵部議降調卽授江蘇巡撫乾隆元年召還京師復授湖北巡撫調湖南討平城步級甯二縣搖亂三年擢工部尙書調戶部其倖詣京師過寶應疾作卒於舟次賜祭葬諡文良金鉞字震方漢軍鑲白旗人世居登州父延祚從世祖入關官至工部侍郎銜初自監生授江西廣昌知縣洊升山西太原知府雍正五年擢廣西按察使尋遷布政使六年就擢巡撫討平西隆州八達寨叛苗以汛兵少粵土蕪不治奏開屯田與民牛招之耕教以技勇每名給水田十畝一畝爲公田旱田二十畝二畝爲公田存公田租於社倉行之數年闢田數萬畝倉廩亦實又奏請召商開桂林風諸

鐵及探梧州金砂供鼓鑄乾隆元年提督霍昇劾言躁氣浮失封疆大臣之體高宗召入京授刑部侍郎銜瀕行裝不治以印券屬蒼梧道黃岳牧借銅務充公銀千二百巡撫楊超曾論劾奪官交刑部嚴訊上以非正項錢糧鑄以印券支借岳牧以印册申解非侵蝕比命免罪毋追所借銀五年授河南布政使而銜已卒銜才通敏自太原入覲方議耗羨歸公銜奏曰財在上不如在下州縣親民官當使留其有餘養廉不能肯足一遇公事動致俯張上意豈不曰凡是官辦皆許開支正供但從司院按覈以至戶部層層報銷甚難從此州縣恐多苟且之政上意在必行臣請養廉外多增公費或存縣或存司庶於事有濟上乃救直省釐定公費及爲廣西布政使奏請州縣分衝繁疲難四項許督撫量才奏補上嘉納之州縣缺分四項自此始

清史稿

列傳七十九

三

甘肅西甯道五十二年授浙江按察使丁父憂歸五十七年起廣西按察使署巡撫旋擢廣東巡撫聖祖以各省錢糧多虧空諭督撫清理宗仁疏言廣東虧空見正嚴飭追完至防杜將來惟有督撫司道府廳交相砥礪勿藉事勒索州縣正雜錢糧當責知府不時察覈毋許虧缺倘敢徇縱本官治罪上司從重議處庶上下皆知儆惕地方有不得已事當以督撫等所得公項抵補不敷則濟以公捐必不使課帑虛懸下部議如所請六十一年世宗卽位授湖廣總督雍正元年丁母憂命在任守制宗仁疏停本身封廢爲父母求諭祭許之仍給封廕尋賜孔雀翎疏言湖廣舊習文武大吏收受所屬規禮致州縣橫徵私派將弁虛兵冒餉兵民挾比逞私不敢過問臣今概行禁革庶驕兵玩吏鋼習潛消各官貪得鹽規鹽價增長民間嗟怨總督鹽規漸次加至四萬臣亦行禁革令商平價以惠窮民上深嘉之又疏言官有俸役有工朝制也湖廣州縣以上俸工報捐已十餘年官役枵腹安能禁其擾民請自雍正元年起俸工如額編支從前有公事令州縣分捐實皆轉派於民令州縣於加一耗羨內節省二分

交藩庫充用此外絲毫不得派捐上諭曰所言皆是勉之尋薦廣東南海知縣宋璋擢湖南寶慶知府廣州左衛守備范宗堯改湖北漢陽知縣上允之命後勿踵行宗仁病作請以子檢林道文乾自侍上加文乾按察使銜馳驛往並遣御醫診視宗仁力疾視事飭諸州縣編保甲立社倉能荆州關私設口岸百五十處三年加太子少傅尋卒贈少保子拜他喇布勒哈番世職賜祭葬諡清端宗仁砥節矢公始終一節上為製象贊謂廉潔如冰耿介如石嘗言士當審其所當為嚴其所不可為其取屈吏寬平忠厚務安上全下使各稱其職而止又乾字元統以監生效力永定河工康熙五十三年授山東曹州知州遷東昌知府舉卓異遷陝西榆林道雍正元年加按察使銜命侍宗仁任所三年宗仁病有間入謝上問湖廣四鎮營制及設鎮始末文乾具以對上嘉其詳審擢河南布政使未幾遷廣東巡撫入謝賜孔雀翎冠服鞍馬宗仁卒命在任守制廣東省城多盜文乾令編保甲以滿洲兵與民連居會將軍編察疏聞上嘉之廣東歲歉米貴文乾令吏詣廣西買穀平糶滿洲兵聞尚義等聚掠殺文乾令

清一史 稿

列傳七十九

四

捕治將軍李枚庇兵文乾請遣大臣按治上命侍郎塞楞額阿克敦往勘枚及尚義等論罪如律文乾莅政精勤多所釐正疏言廣東民納糧多用老戶臣令改立的名杜詭寄飛瀝諸弊民以為便丁銀隨糧辦者十四五餘令布政使確核盡歸地糧得旨嘉獎又疏言廣東地狹人眾見存倉穀一百六十餘萬石為民食久遠計應加貯二百餘萬石擇地建倉貯穀下廷議令於海陽潮陽程鄉饒平海豐瓊山加貯穀三十四萬石從之又疏言廣東公使銀歲六七萬取諸火耗臣為裁省歲計需四萬餘擬以民間置產推糧易戶例納公費及屯糧陋規兩項充用州縣火耗每兩加一實計一錢三四分有奇十之五六留充州縣養廉十之七八為督撫以下各官養廉上諭之曰但務得中為是民不可令騷慢屬吏亦不可令窘乏天下事惟貴平當做始終籌畫慎毋輕舉五年乞假葬父福建巡撫常寶劾文乾征粵海關稅設專行六得銀二十餘萬又疏劾文乾匿粵海關羨餘銀五萬餘縱綱緞出洋得銀萬餘番銀加一扣收得銀四萬餘選洋船奇巧之物入署令專行代價又銀二萬餘又以銀交鹽商營運上嚴諭

文乾令愧悔痛改尋以福建倉庫虧空命文乾與浙江觀風整俗使許容等往按而移常寶署廣東巡撫文乾令分路察核官虧民欠分別追納不敷責前巡撫毛文銓偵補上獎文乾秉公無隱願文乾疏言福建福州縣各官都計八十員前後効罷五十餘員新補各官守倉庫有餘理繁劇不足請選熟諳民事者詣福建補繁要州縣上為救各督撫各選謹慎敏練之吏咨送福建文乾強幹善折獄初知曹州有婦告夫為人殺者文乾視其屨白問曰若夫死若預知之乎曰今日乃知之曰然則汝何辨白屨之風也婦乃服以姦殺夫五人者同宿其一失金訟其四文乾令坐於庭視久之曰吾已得盜金者非盜聽去一人欲起執之果盜金者曹民有偽稱朱六太子者挾妖術惑愚民朝命侍郎勒什布湯右曾按治檄至文乾秘之密捕得送京師在東昌請運糧饋軍出西甯先期至以是受知於世宗然頗與同官多齟齬赴廣東途中疏劾布政使朱絳倚總督孔毓珣有連虧帑三萬餘毓珣疏先入上命文乾毋聽屬吏離間既上官疏言盜案屢積請概為速結上諭曰孔毓珣緝捕盜賊甚盡力彼擒之汝縱之恐

清一史 稿

列傳七十九

五

汝不能當此言縱虎歸山豈為仁政宜加意斟酌在福建毓珣入覲上命侍郎阿克敦署兩廣總督文乾疏言盜劫龍門營軍器阿克敦令從寬結案將軍標兵窩盜將軍石禮哈祖兵謂告者誣良既上命常寶還福建而以阿克敦署廣東巡撫六年文乾還廣東劾阿克敦勒索暹羅商船規禮布政使官達縱幕客納賄皆奪官命文乾與毓珣會鞠未及訊文乾卒賜祭葬子應珣自有傳孔毓珣字東美山東曲阜人孔子六十六世孫父恩洪福建按察使康熙二十三年上幸曲阜釋奠毓珣以諸生陪祀賜恩貢生二十九年授湖廣武昌通判舉卓異遷江南徐州知州徐州民敵於丁賦毓珣在官七年拊循多惠政二十九年河道總督張鵬翮以毓珣熟於河務薦授邳睢同知四十三年遷山西平陽知府未上改雲南順甯四十六年調開化以母憂去官五十年服終除四川龍安毓珣歷守邊郡皆因俗為治弊去其太甚邊民安之再舉卓異五十五年遷湖廣上荆南道築隄捍江民號曰孔公隄五十六年遷廣西按察使廣西地瘠民悍犛獠為民害靈川種會廖三屢出焚掠毓珣自巡撫陳元龍遣兵捕得

寅諸法諸苗服五十七年授四川布政使西藏方用兵統帥轉饒出察木多不以勞民重築灌江口堰四川民尤德之六十一擢廣西巡撫雍正元年加授總督廣西提鎮標空糧統帥飭募補疏言各官俸不足自贍請於定例外量加親丁名糧上命酌中爲之廣西諸州縣舊有常平倉統帥議春耕借於民秋收還倉年豐加息歉免息荒緩至次年還本日久穀多分貯四鄉建社倉擇里中信實者爲司出入又言地多盜猛難處保甲不能偏立諸鄉多有團練令選誠幹者充鄉勇得盜者賞怠惰者罰又言廣西邊遠鹽商多滯運民憂淡食請發藩庫銀六萬官爲運銷行有贏餘本還藩庫並可量減鹽價並從之柳州孺莫貴鳳出掠馬平柳城永福諸縣統帥遣兵捕治毀其寨莫貴鳳於法來賓撞單扶成等出掠未傷人統帥命予杖荷校滿日充撫標兵散其黨類疏聞上嘉其寬嚴兩得二年授兩廣總督上諭之曰廣東武備廢弛劫掠公行舉劾官吏百無一公爾當盡心料理統帥疏請釐定鹽政丁鹽價船戶水脚增十之一並免埠商羨餘設潮州運同鹽運司經歷大金蕉木兩山產礦砂東隸開建

清史稿

列傳七十九

六

連山西隸賀縣懷集舊制懷集汛屬潯州協統帥請改屬梧州協賀縣開建連山並增兵設汛廣東香山澳西洋商船統帥請以二十五艘爲限皆下部議行潮州田少米貴民賴常平倉穀以濟統帥請提鎮各營貯穀借兵散餉時買還概免加息上特允之三年加兵部尚書銜四年統帥請入覲上以統帥習河事令詳勘黃運諸河水勢協同齊蘇勒酌議統帥疏言宿遷縣西黃河與中河相近舊有汰黃壩運河水大引清水刷黃河水大引黃水濟運舊時黃水入中河不過十之一二今河南岸沙漲逼水北行水流甚急齊蘇勒議收小汰黃壩口以束水勢臣詳勘南岸漲沙曲處宜濬引河以避此險仍俟齊蘇勒相度定議又陳江南水利言吳淞劉河七浦白茆諸閘宜令管閘官役隨潮啟閉江蘇地形四高中下宜令力勸築區立圩濱河諸地民占爲田廬其無甚害者姑從民便餘宜嚴禁支河小港宜令於農隙深濬即取土培圩並敕部議行又言道經宿州靈壁見溝洫不通積雨成潦請飭安徽巡撫疏濬上嘉統帥實陳五年還廣東巡撫楊文乾劾署巡撫阿克敦布政使官達上命通政使留保等往按

統帥失察當下吏議上命寬之尋調江南河道總督上以天然壩洩水慮溢放民田命統帥相度築隄東水歸湖統帥疏言天然南北二壩分洩水勢年年開放隄口殘缺當如上指築隄東水請於南岸王家庵至趙家莊築新隄一道舊隄尾距湖尚二十餘里請於南岸馬家圩至應家集北岸周家圩至李君橋各築新隄一道並將南北舊隄加培高廣庶兩隄夾束湍流無患旁溢上又以高家堰爲蓄清敵黃關鑿發帑百萬命統帥籌畫統帥疏言高家堰石隄自武家墩至黃莊地高土固惟侯二門等四壩及小黃莊至山盱古溝東壩當一律加高又言各隄加培高廣宜視地勢緩急舊隄厚薄分年修增期三年而畢嗣後仍按年以次加培又請修築宿遷鈔關前桃源沈家莊河隄瓜洲由關上游潞越河一道並建草壩束水諸疏入並報可統帥積瘁遺疾上賜以藥餌命其子刑部郎中傅煊偕御醫馳驛往視未至統帥卒賜祭葬諡溫僖

清史稿

列傳七十九

七

觀聖祖聞其能詩命題應制稱旨五十五年遷河東鹽運使尋改兩浙海甯築塘巡撫徐元度檄徐元度董其事潮大至撼塘塘欲裂徐度據地坐督役力護久之乃定徐元度自是中濕病重履終其身五十九年遷湖北按察使六十年遷貴州布政使雍正元年擢江西巡撫九江舊設關稅後徙湖口湖口當江湖衝水急商舟時覆溺徐疏言九江舊關上有龍關河官牌夾下有老鶴塘白水港地勢寬平泊舟安穩離湖四十里曰大姑塘爲商舟所必經水漲則有女兒港張家套皆可泊舟水落則平湖一綫夾岸泥沙無風濤礁石之險請仍移關九江而於大姑塘設口分抽上令會同總督查覈納料理南昌袁州瑞州三府賦額明沿陳友諒之舊視他府偏重順治間減袁瑞二府賦額而南昌未及徐度疏言常賦未易更同省實難歧視請將南昌賦額視袁瑞二府同予核減下部議減南昌浮額七萬五千五百兩有奇福建廣東流民入江西就山結棚以居敕嚴禁煙草謂之棚民往往出爲盜萬載溫上貴甯州劉允公等皆以棚民爲亂徐度捕治論如律上令編保甲徐度疏言棚民良莠淆雜去留無定或

散居山管或為土民傭工墾地臣飭屬嚴察凡萬五千餘戶編甲造冊按年入籍上獎勉之上開江西里長催徵累民多徇邪教諭律度禁革律度疏言臣察知里長累民已勒石永禁令糧戶自封投櫃距城較遠崎嶇寒小戶願輸雇交納者聽其便仍嚴防不得干累邪教自當捕治醫卜星相往往假其術以惑民雖非邪教亦當以時嚴懲上深嘉之總督查納誠開廣信封禁山諭律度酌度律度疏言封禁山舊名銅塘山相傳產銅然有名無實故自明封禁至今順治間有議採木者郡縣力陳不便勒碑永禁臣揆查納誠或以棚民巢穴在此山中故為破巢樹穴之計此山荆棘充塞穢毒滋穢並非有梗化頑民盤踞在內臣詳度此山開則稅案封則安甯成案具存確有可據論曰當開則不得因循當禁則不宜依違但不存貪功之念實心為地方興利除害何事不可為在卿等秉公相度時宜而酌定之仍封禁如初四年遷戶部侍郎擢左都御史上遣侍郎邁柱勘江西諸州縣倉穀命律度留任邁柱疏言倉穀虧空甚多例定穀一石折銀二錢州縣交代按此數接收不敷補上奪律度及歷任布政

清史稿

列傳七十九

八

使張楷陳安策官命以所存折價買穀還倉十年事畢釋還里乾隆五年卒子宗錫入資為同知十五年授山東濟南同知屢遷轉二十八年授直隸朔州道遷直隸按察使疏言古北口外山場產蒺藜樹此即橡樹葉可飼蠶臣在濟東飭屬通裁頗有成效請令用東省養蠶法廣裁試養命交總督方觀承試行三十二年以母憂去官宗錫在任誤應驛站車馬部議當降調總督楊廷璋咨部言宗錫嘗自行檢舉上諭曰宗錫朕知其為人頗可造就按察使管理驛站偶有一二誤應原屬公過今已丁憂安得自行檢舉延璋乃令作此趨避愛之適以害之也三十五年宗錫服將闋仍授直隸按察使俄擢安徽布政使就遷巡撫疏言安慶瀕江舊有漳葭港上通潛山太湖望江三縣下達江漕艘商船往來停泊淤久漸成平陸前巡撫張楷於上游別開新河地高水急重載逆上遇風每虞覆溺請仍濬漳葭港故道命總督高晉履勘如宗錫議行又疏言鳳泗所屬州縣高地宜多作池塘低地宜厚築圩圍以備灌溉資捍禦鳳陽地多高岡曠野不宜五穀令視土宜種樹諭獎其留心本務四十年調雲南旋命署貴

州疏言貴州地處邊圉請敕部撥銀三十萬貯司庫從之又疏請增設鎮遠稅口上嚴斥不許又疏言貴州額輸京師及湖廣白鉛歲七百餘萬斤鉛廠僅三處年久產絀臣察知松桃廳巴塘山遊義縣新寨產鉛近水次已飭設廠歲各得鉛百餘萬斤分撥京師湖廣歲節省運費銀四萬三千有奇得旨嘉允又疏言貴州古州有牛皮大箐巨數百里列屯軍應將箐內平曠之土開墾成田寓防於屯安屯養軍丹江雷公院地平衍可墾四五百畝歐收而荒高箐二地崎畧可墾三四百畝應令附近震威堡屯軍派撥試墾並於丹江營移撥千總一兵五十人箐設卡駐守時上已命宗錫還雲南命交後政圖思德如所議行四十四年以病乞解任旋卒賜祭葬

唐執玉字益功江南武進人康熙四十二年進士授浙江德清知縣德清盛科第多鉅室執玉執法無所撓將編審吏以例餽金執玉卻之而罪其吏召縣民親勘有田無糧者令自首有糧無田者除之富無隱糧貧無賸累行取工部主事考選戶科給事中五十八年疏言戶部錢糧款項最易作弊當先驅除作弊

清史稿

列傳七十九

九

之人乃有所謂缺主者或一人占一司或數人共一省占為世業句通內外書吏舞文弄法當嚴行查禁因劾山西司缺主沈天生包攬捐馬事例下九卿議逮治六十年遷鴻臚寺卿歷奉天府府丞大理寺少卿雍正二年歲三遷禮部侍郎五年擢左都御史七年命署直隸總督執玉治事勤州縣稍歉收必籌畫賑卹隆平報產瑞禾三十三本執玉於報秋成摺附奏上嘉之適貢荔支至命以賜執玉方有疾治事如常時宗人府府丞冀棟以醫進上命視執玉疾賜人葆諭令愛養精神量力治事若欲棟料量方藥保定咫尺可再命之來也熱河徵落地稅司其事者議增歲額並於榜什營等地設口徵稅下執玉議執玉言商稅多寡視歲收豐歉故止能折中定額榜什營距一百八十餘里已收落地稅又抽進路鈔銀恐商賈不前正稅反缺請如舊便議乃寢長蘆巡鹽御史鄭禪寶以商人虧帑請增鹽價上以詢執玉執玉言上於商民無歧視諸商不謹身節用先公後私乃至虧帑欲增鹽價厲民臣以為非宜亦罷不行八年春入覲深慮龍遷安撫甯昌黎樂亭諸州縣米貯喜峯口倉虧二千五百餘石執玉

請視通州中西二倉例免追償部議不許上特允之密雲城臨白河舊築土木
隄壩盡圯僅存石隄上游有積土斜出激水使怒俗謂之土嘴執玉疏請疏治
使水得暢流仍築土隄務堅厚用榆園載石爲基使輔石隄護縣城上褒其妥
協命於夏月水漲前竟工遂兵部尚書仍著總督是歲秋積雨永定滹沱諸水
皆盛漲執玉疏報災上命侍郎牧可登副都統阿魯等分往治賑執玉奏言諸
州縣被水消長不一有上諭所及而水消未成災者有上諭所未及而水大成
災田廬被淹急須拯卹者請飭治賑諸臣勘實上特允之國初以民地予滿洲
將士謂之圈地民地既圈以隣近州縣地撥補糧額從舊貫於是寄糧佃租
戶移新地於是有寄莊歷年既久百弊叢起上令執玉勘察更除改正並舉懷
安宣化萬全寶坻豐潤三河諸縣爲例執玉奏言此外所在皆有如晉州武邱
村孔口莊趙州馬園村糧有在贊皇者蔚縣夾道溝細賢莊糧有在宣化者宣
化井頭莊糧有在西甯者官苦追呼民勞跋涉凡地在此處糧寄彼處皆令從
地所在糧隨產轉此收彼除不使有交錯之病亦無庸存代徵之名經界各正

清史稿

列傳七十九

十

田賦悉清直隸驛馬一每歲雜支大率至十兩執玉奏定馬一每歲雜支三兩
六錢昌平延慶宣化諸驛事煩撥僻地馬協濟而牧養仍責原驛執玉奏請改
隸受協州縣牧養皆下部議行直隸耗羨歸公自雍正三年始部議元二年耗
羨在三年補納者州縣充公用仍當追償朔文安等七州縣民借倉穀通米二
萬一千石穀一萬六千石各有奇部議責州縣追償執玉言元二年耗羨在未
著令歸公以前前督臣許州縣充公用今欲追償是爲小費而失大言又言倉
穀民欠歷年已久人產皆絕今欲追償此數十年官州縣者無慮百數悉迷其
子孫而加以追比於情可憫上並如執玉議寬之九年以病甚乞解任許之十
年病少瘳命領刑部尚書十一年春復命署直隸總督力辭上勉之行三月卒
於官賜祭葬執玉重民事每請從寬大疏入輒報可執玉嘗曰吾才拙政事不
如人可自力者勤耳勤必自儉始養廉歲用十三四餘歸之司庫
楊永斌字壽廷雲南昆明人康熙三十八年舉人以知縣發廣西補臨桂知縣
以廉能聞遭喪去服除授直隸阜平知縣署平山調大城皆有惠政以捕治內

監陳永忠未即獲奪官大城民乞巡撫疏留會世宗即位知永斌賢許復官邊
涿州知州三年特諭永斌才守俱優授貴州威甯知府威甯界滇蜀諸土司虐
使其衆時出掠境外烏蒙祿萬鍾鎮雄隨慶侯尤強悍永斌被檄定界單騎入
諭其渠陰使人僞爲商賈分道圖地形鄂爾泰督雲貴永斌以圖上且曰二酋
不懲終爲邊患萬鍾幼諸土司未附今四川總督劾萬鍾不職請發兵壓境召
萬鍾出就質不出以兵入烏蒙平鎮雄勢孤亦且降鄂爾泰從之召萬鍾不至
令游擊哈元生與永斌督兵入萬鍾走鎮遠與慶侯同詣四川降凡三十三日
而事定米貼土婦陸氏爲亂鄂爾泰遣兵討之永斌語元生曰賊以冤山巴補
爲後路事急則渡金沙江而逸以重兵扼其前奇兵越江攻之賊可殲也元生
用其策克米貼鄂爾泰疏薦永斌可大用擢貴東道旋調糧驛道署按察使朝
議加稅軍田畝五錢永斌議曰軍田糧以屯租爲準已數倍於民田且今轉相
授受與民田交易無異名爲軍屯實皆民產而畝稅之是重科也民必不服當
多事之秋增剝膚之患驅之爲亂耳鄂爾泰以聞事乃寢七年遷湖南布政使

清史稿

列傳七十九

十一

湖南方議清察軍田計畝未定永斌援貴州議以請亦得免九年調廣東十年
奉命署巡撫是秋兵除廣東生齒繁民不動稼穡米值高永斌飭諸州縣勸墾
高亢不宜不令藝豆麥諸山坡麓裁所宜木又以惠潮兩府民最悍招墾官田
租入充粵書院膏火奏聞嘉獎命勘明墾地畝數尋又奏言勘明可墾地六
千八百餘頃此外或山深箬密或夾沙帶鹵體察民情恐墾地薄收糧賦無出
臣思瘠田產穀雖少若多墾數十萬畝年豐可得數十萬石即歉歲亦必稍有
所獲事益於民察通省糧額新甯斥鹵輕則畝徵銀四釐有奇米四合有奇擬
請凡承墾瘠瘠之地概準此例十年起科下部議行於是墾田至百十八萬餘
畝乾隆元年兼署兩廣總督上命除落地稅因請併免漁課埠稅革粵海關贏
餘陋例未盡汰者上悉從之永斌在廣東數年坦懷虛已泮厲諸將吏獲劇盜
余猊陳美倫數十輩置之法收曲江乳源諸峒獠歸化西洋估船互市至者悉
令寄棧澳門不得泊會城下粵民頌其績二年調湖北兼署湖廣總督令嚴保
甲繕城堡課農桑實社倉興學校諸政舉未幾調江蘇按行奉賢南漕上海

寶山四縣海塘以築塘取土成渠塘根浸損議於塘內開河南接華亭運河北達寶山高橋又察華亭金山嘴倪家路寶山楊家嘴地當衝要議視地所宜或增築石塘或就舊塘加築寬厚或改築石塘又請於寶山建海神廟並從之三年以老病乞休召詣京師署禮部侍郎尋授吏部四年致仕五年卒孫蓮廢生初授主事官至江蘇按察使

清史稿

列傳七十九

十二

清史稿

李紱

蔡廷

列傳八十

謝濟世

李紱字巨來江西臨川人少孤貧好學讀書經目成誦康熙四十八年成進士改庶吉士散館授編修累遷侍講學士五十九年擢內閣學士尋遷左副都御史仍兼學士六十年充會試副考官出榜日黃霧風霾上語大學士等曰此榜或有亂臣賊子否亦當有讀書積學之士不得中式怨氣所致命磨勘試卷劣者停殿試又賜滿洲舉人留保直隸舉人王蘭生進士下第舉子羣聚絀門投瓦石喧闐御史舒庫疏劾下部議責紱匿不奏奪官發永定河工效力雍正元年特命復官署吏部侍郎赴山東催漕尋授兵部侍郎上令截留湖南等省漕糧於天津收貯旋又命估價出糶二年四月授廣西巡撫奏言廣西賀縣大金蕉木二山產礦砂五十里外為廣東梅峒汛又數里為宿塘寨礦徒盤據時時竊發臣方擬嚴禁聞總督孔毓珣條陳開採因而中止將來或恐滋事毓珣奏同時至廷議寢其事上命以諭毓珣者示紱令協力禁止紱疏陳練兵列舉嚴賞罰演陳法習用鎗礮豫備帳房鑼鍋諸事上嘉其留心武備康熙中巡撫陳元龍奏請開捐都計收穀百十七萬石有奇石折銀一兩一錢而發州縣買穀石止三錢不足以糶至紱上官尙虧四萬餘石紱奏請限一月補足會提督韓良輔條奏墾荒下紱議紱請以桂林柳州梧州南甯四府收貯捐穀動支為開墾費上曰朕觀紱意不過借開墾以銷捐穀當時陳元龍等首尾不清朕知之甚詳應令元龍等往廣西料理並諭紱詳察毋隱諱瞻徇自承虧空尋紱奏察出督撫司道府廳分得羨餘銀八十二萬有奇勒限分償上嘉紱秉公執正紱在吏部時年羹堯子富等指造營房下部議紱不肯從優為羹堯所嫉及上命天津漕漕估糶盈餘銀五千交守道桑成鼎貯庫紱至廣西成鼎使齋以界紱紱具摺送直隸巡撫李維鈞會奏維鈞匿不上紱乃奏聞先是羹堯朝京師入對舉此訐紱謂紱乾沒上以問維鈞維鈞言紱取數百金治裝餘尙貯庫紱奏至上謂維鈞與羹堯比欲陷紱諭獎紱命留充公川三年六月紱奏言太平思

恩府界流言安南內亂有潘騰龍者自言為莫姓後其黨黃托勢陳亂彈等煽誘為亂嚴飭將吏捕治上諭曰封疆之內宜整理振作至於安邊柔遠最忌貪利圖功當慎之又慎九月奏孫錫頌梗修仁十排天河三曠為尤甚常出劫掠臣遣吏入十排捕得其渠三曠阻萬山中所種田在隘外臣發兵守隘斷其收穫其渠今亦出自歸上獎其辦理得宜旋授直隸總督四年絀入覲初左都御史蔡珽薦起其故吏知縣黃振國授河南信陽知州忤巡撫田文鏡文鏡取吏嚴尤惡科目劾振國貪劣絀過河南詰文鏡胡為有意踐踐士人入對因極言文鏡貪虐且謂文鏡所劾屬吏如振國及邵言繪汪誠皆枉振國已死獄中文鏡因絀語先密疏聞謂絀與振國同年袒護絀疏辨上不直絀而振國實未死逮至京師上更謂絀妄語良輔奏雲南廣西所屬土司與貴州接壤者皆改歸貴州安籠鎮節制命絀往與雲貴總督高其倬會勘疏請循舊制從之絀還直隸時上譴責諸弟允禩允禩等更允禩名塞思黑幽諸西密復移置保定命胡什禮監送絀語胡什禮塞思黑至當便宜行事胡什禮以聞上以為不可命諭

清史稿

列傳八十

二

絀初無此語塞思黑至保定未幾絀以病聞尋遂死是冬御史謝濟世劾文鏡貪虐仍及誣劾振國等上奪濟世官下大學士九卿會鞫成濟世阿爾泰軍前上以濟世奏與絀語同疑絀與為黨召絀授工部侍郎絀在廣西捕亂苗莫東旺置天河縣獄未竟絀移督直隸去久之蠻獠集眾破獄劫東旺去五年春良輔署廣西巡撫奏聞上以詰絀下部察議會都察院奏廣西州判程且詣院訴土司羅文剛掠村落抗官兵上責絀與繼任巡撫甘汝來遊巡貽害命絀與汝來至廣西捕治不獲當重譴絀至廣西東旺聞而自歸文剛亦捕得直隸總督宜兆熊劾知府曾逢聖知縣王游虧空錢糧上以逢聖游皆絀所薦命詰絀戶部議覆絀在直隸奏報懷來倉圯穀為小民竊食當下直隸總督詳察上曰穀至六千餘石豈能竊食至盡明係絀市恩為縣吏脫罪當責絀償補以成其市恩兆熊又劾知縣李先枝私派累民上以先枝亦絀所薦責絀欺罔奪官下刑部議政大臣等會鞫絀罪凡二十一事當斬上諭曰絀既知悔過情詞懇切且其學問尚優命免死繫修八旗通志効力七年又以順承郡王錫保奏

濟世在阿爾泰供言劾文鏡實受絀及珽指下絀等刑部會曾靜張熙獄起上召王大臣宣諭並命絀入諭曰朕在藩邸初不知珽絀姓名有馬爾齊哈者能醫朕問更有能醫者否以珽對召珽來見珽謂不當與諸王往來辭不至以是朕重之年羹堯來京亟稱珽朕告以嘗招之不來羹堯以語珽珽復辭不至以是朕益重之及出為四川巡撫詣熱河行在始與相見為朕言李絀朕知絀自此始既即位延訪人才起絀原官旋自侍郎出撫廣西至為直隸總督徇私廢公沽名邀譽致吏治廢弛人心玩愒又如塞思黑自西大通調回令暫住保定未幾絀奏言逆病不數日即死姦黨遂謂朕授意於絀使之戕害今絀在此試問朕嘗授意否乎塞思黑罪本無可赦豈料其遽死絀不將其病死明白於眾致生疑議絀能辭其過乎田文鏡公忠而絀與珽極力陷害使濟世誣劾必欲遂其私怨此風何可長也復下絀刑部嚴鞫獄上請治罪上寬之高宗即位賜侍郎銜管戶部三庫尋授戶部侍郎乾隆元年方開博學鴻辭科絀所舉已眾又以所知屬副都御史孫國璽薦舉事聞上詰絀絀自承妄言上謂絀乃妄

清史稿

列傳八十

三

舉非止妄言避重就輕降詹事二年以母憂歸六年補光祿寺卿遷內閣學士絀偉岸自喜其論學大指謂朱子道問學陸九淵尊德性不可偏廢上聞而疑之八年以病致仕入辭上問有欲所陳否絀以慎終始始對賜詩獎及之十五年卒孫友棠乾隆十年進士自編修累遷至工部侍郎新昌舉人王錫侯撰字貫坐悖逆死友棠有題詩並奪官賜三品卿銜卒

蔡珽字若璞漢軍正白旗人雲貴總督毓榮子康熙三十六年進士改庶吉士散館授檢討洊擢少詹事進翰林院掌院學士兼禮部侍郎時世宗在潛邸聞其能醫欲見之珽謝不往六十年四川巡撫年羹堯入覲世宗命達意仍堅辭六十年年羹堯授川陝總督以珽代為四川巡撫觀聖祖熱河行在世宗方扈從乃詣謁而去雍正二年羹堯請川陝開採鼓鑄珽疏言四川不產鉛開採非便羹堯劾珽阻撓下部議當奪官珽辱重慶知府蔣興仁憤自殺珽以病卒聞羹堯劾之上詰責再三始自承下部議擬斬昭逮至京師召入見具言羹堯貪暴及所以抗拒羹堯狀上諭曰珽罪應如律然劾之者羹堯人將謂朕以羹堯

故殺斑是羹堯得操威福柄也其免斑罪特授左都御史兼正白旗漢軍都統
 尋進兵部尚書仍兼左都御史會羹堯得罪直隸總督李維鈞隱其財產上命
 斑偕內大臣馬爾賽往按得實奪維鈞官以斑署總督直隸方被水議蠲賑復
 發帑修河間靜海諸城俾饑民就備受食斑奏言省會米貴令按察使浦文焯
 至天津運截留漕米二萬石以萬石運保定平糶留萬石賑經過諸地上如所
 請救再運通倉米十萬石往天津加賑一月斑奏請察地方官侵冒懲督役虛
 報訪給棍挾制貧民戶給印券每村給村名紙旗以次給領賑滿續修城工卹
 以賑時所給印券交驗受備從之調補吏部尚書仍兼領兵部都察院及都統
 事四年以斑所領事多先後解左都御史都統吏部尚書專任兵部尚書旋以
 在直隸時徇庇昌平營參將楊雲棟坐奪官上命降授奉天府尹初上以岳鍾
 琪代年羹堯為川陝總督斑入對言鍾琪匪測鍾琪入覲過保定斑方署直隸
 總督造蜚語冀以撼鍾琪事聞上嚴旨詰責五年召回京按訊上閱羹堯幕客
 舉人汪景祺所著書載斑撫四川時得夔州府知府程如絲賄保治行第一如

清史稿

列傳八十

四

絲守夔州蠶私鹽而捕湖廣民竄私鹽者得輒殺之為羹堯劾罷斑入對言其
 寃上命免如絲罪且擢為四川按察使至是上頗疑景祺言會巡撫馬會伯劾
 如絲營私網利疏至命侍郎黃炳如四川按其事以斑偕炳還奏事實下法司
 策識尋議斑挾詐懷私受夔關稅銀富順縣鹽規冒銷庫帑並得如絲銀六萬
 六千金九百錢毀鍾琪交結查嗣庭凡十八事應斬決妻子入辛者庫財產沒
 入官命改斬監候六年管理正白旗信郡王德昭又奏斑家藏硃批奏摺三十
 件未繳進大不敬應立斬詔逮至京師初斑故吏知縣黃振國坐事奪官斑薦
 起河南信陽知州巡撫田文鏡劾貪劣不法李紱自廣西巡撫遷直隸總督入
 對力陳振國無罪御史謝濟世劾文鏡亦及之言與紱合上疑紱與濟世為黨
 召紱還京師成濟世及斑至諭暴斑等結黨欺罔傾陷文鏡諸罪狀命斬振國
 斑仍改斬監候下獄十三年高宗即位赦免乾隆八年卒
 謝濟世字石霖廣西全州人康熙四十七年舉鄉試第一五十一年成進士改
 庶吉士授檢討雍正四年考選浙江道御史未浹旬疏劾河南巡撫田文鏡營

私負國貪虐不法列舉十罪上方倚文鏡意不憚命還濟世奏濟世堅持不可
 上諭曰文鏡秉公持正實心治事為督撫中所罕見者貪贓壞法朕保其必無
 而濟世於督撫中獨劾文鏡朕不知其何心朕訓誡科道至再至三誠以科道
 無私方能彈劾人之有私者若自恃為言官聽人指使顛倒是非擾亂國政為
 國法所不容朕豈不知誅戮諫官史書所戒然誅戮諫官之過小釀成人心世
 道之害大禮義不愆何恤於人言朕豈恤此區區小節哉奪濟世官下大學士
 九卿科道會鞠濟世辨甚力刑部尚書勵杜訥問指使何人對曰孔孟問何故
 曰讀孔孟書當忠諫見姦弗擊非忠也職上以濟世所言風聞無據顯係聽人
 指使要結朋黨擬斬文鏡劾屬吏黃振國邵言綸汪誠等李紱訟言其枉並謂
 河南諸吏張球最劣文鏡縱弗糾入對其為上言之上先入文鏡言不直紱而
 濟世罪狀文鏡又及枉振國言綸誠庇球諸事上召大學士九卿科道等入見
 舉前事謂濟世言與紱奏一一脗合今詰濟世劾文鏡諸事濟世皆茫無憑據
 俯首無詞是其受人指使情弊顯見命奪濟世官往阿爾泰軍前効力贖罪濟

清史稿

列傳八十

五

世至軍大將軍平郡王福彭頗敬禮之濟世講學著書不稍輟七年振武將軍
 順承郡王錫保以濟世撰古本大學注毀謗程朱疏劾請治罪上摘見賢而不
 能舉兩節注有拒諫飾非拂人之性語責濟世怨望謗訕下九卿翰詹科道議
 罪有陸生相者自舉人選授江南吳縣知縣引見上有所詰問不能對改授工
 部主事復引見上見其傲慢以其廣西人疑與濟世為黨命奪官發軍前令與
 濟世同効力生相撰通鑑論十七篇錫保以為非議時政別疏論劾上並下九
 卿翰詹科道議罪尋議濟世詆訕怨望怙惡不悛生相憤激猖狂悖逆恣肆皆
 於軍前正法上密諭錫保誅生相縛濟世使視生相既就刑宣旨釋之濟世在
 戍九年高宗即位詔開言路為建勳將軍欽拜草奏請責成科道嚴不言之罰
 恕妄言之罪上嘉納焉旋召濟世還京師復補江南道御史濟世以所撰大學
 注中庸疏進上略言大學注中九卿科道所議諷刺三語臣已改刪惟分章釋
 義遵古本不遵程朱習舉業者有成規講道學者無厲禁千慮一得乞舍其瑕
 而取其瑜得旨嚴飭還其書二年濟世疏曰臣今所言者有一二曰去邪勿疑

一日出令勿貳有罪而復用如程元章哈元生者輿論猶有怨詞至於隆昇國
人皆曰不可猶未罷斥不惟不能斥降昇而已如王士俊以加賦爲弊荒庶毒
中州又請爲田文鏡立賢良祠皇上既深惡之乃調回而仍居速勒而復赦乃
者清問及之議者謂將用爲藩臬藩臬總一省刑名錢穀豈辜恩負罪之督撫
所能勝任乎易言渙汗禮稱綸信而已矣今則元年諭旨二年即廢格或改
易矣特諭停止在任守制近日督撫又漸次請行天下之大何患無才記曰金
革無辟又曰君子不奪人之親安用此食祿忘親者爲哉特諭監生准入場不
准考職昨世宗升廟恩詔監生仍准考職考職者入仕之門既准准監又准考
職復開捐例之張本也即止給虛銜不准實授而後命前命相違亦不宜如此
臣聞不遠不遠大學所護世間君子少小人多已敗露者不行放流未敗露者
益無忌憚若發號施令小人得以搖奪君子無所適從國事未有不隳者也
年疏言母將年七十一行動艱難耳目昏聩臣欲歸養則貧不能供甘旨欲迎
養則老不能任舟車欲歸省則往返動經半年在家不過數月午逢又別既別

清史稿

列傳八十

六

難逢慈母之涕淚轉添游子之方寸終亂臣才不稱道府例又從無自請遷轉
乞敕部以州縣降授湖南廣東量予近地臣得母子聚首無任哀懇上特授濟
世湖南糧儲道八年濟世聞衡陽知縣李澎徵賦縱丁役索浮費易服僞爲鄉
民納賦者以往察得實善化知縣樊德貽與同弊濟世詳劾巡撫許容庇德貽
等以濟世蕩檢檢閱列狀入告上命解任交總督孫嘉淦會鞠濟世捕衡陽丁
役下長沙知府張琳識得徵收浮費有據容令岳常禮道倉德代濟世布政使
張璨附容指貽書倉德令更易長沙府詳牒倉德初官給事中嘗劾濟世奏事
失儀至是不直璨所爲發其書上嘉淦及漕運總督顧琮嘉淦庇容寢其事諭
倉德委曲善處琮咨都察院奏聞御史胡定糾容挾私誣劾探湖南民謠斥容
與璨等朋謀傾濟世上命侍郎阿里袞加湖南台嘉淦按治而倉德以嘉淦寢
其事復揭都察院奏聞上責嘉淦草率扶同召還京師解容璨任奪琳德貽澎
官阿里袞尋奏濟世被誣劾請復官容璨及按察使王玠皆坐奪官上命并能
嘉淦而獎倉德及定調濟世驛鹽道將溥代爲巡撫曠濟世密進所著書斥爲

離經畔道上曰朕不以語言文字罪人置不問未幾復言其老病乃命休致歸
家居十二年卒年六十有八陳學海字志澄江西永豐人康熙五十二年進士
改庶吉士與濟世友授山東恩縣知縣行取刑部主事遷員外郎文鏡劾振國
等上遣侍郎海壽史貽直往按請以學海從得文鏡欺罔狀將以實入告繼乃
反之學海爭不得使還擢御史嘗以語濟世濟世用是劾文鏡既譴學海不自
安次年以病告都察院劾僞病並及與濟世交關狀奪官命與濟世同効力軍
前雍正七年召還授檢討十一年卒
論曰田文鏡與鄂爾泰李衛同爲世宗所激賞高宗謂三人者文鏡爲最下允
枉者爲礙所薦吏濟世又繼以爲言世宗疑礙使絀入告不納又曠濟世露章
論劾互相結務欲傾文鏡獄遂不可解然終未即誅死高宗嗣服諸人皆得前
祓絀復起濟世亦見用孰謂世宗嚴不肯戮諫臣固明言之矣

清史稿

列傳八十

七

嘉淦而獎倉德及定調濟世驛鹽道將溥代爲巡撫曠濟世密進所著書斥爲

清史稿 列傳八十一

李衛 田文鏡 諾岷

憲德 陳時夏 王士俊

李衛字又玠江南銅山人入資為員外郎補兵部康熙五十八年遷戶部郎中世宗即位授直隸驛傳道未赴改雲南鹽驛道雍正二年就遷布政使仍管鹽務三年擢浙江巡撫四年命兼理兩浙鹽政疏言浙江戶口繁多米不敷食請撥鹽政歸公銀十萬委員赴四川採運減糶款歸司庫有餘以修理城垣衛整理鹽政疏言諸場有給丁灘蕩者以丁入地計畝徵收無給丁灘蕩者暫令各丁如舊輸納又言浙省私販出沒以海甯長安鎮為適中孔道請設兵巡隘又言江南蘇松常鎮四府例食浙鹽鎮江接壤准鹽偷渡請常鎮道及京口將軍標副將城守參將等督飭將吏水陸巡緝五年奏修海甯海鹽蕭山錢塘仁和諸縣境海塘尋授浙江總督管巡撫事六年奏言江浙界上盜賊藏匿浙

清史稿

列傳八十一

省究出從盜咨江南震澤縣捕治竟以替身起解案中諸盜江南督臣范時繹留以待讞今察出有舉人金士吉等徇庇當請褫奪並提江南所留諸盜窮究黨羽剪除巢穴得旨嘉獎溫台接壤瀕海有玉環山港與平衍土性肥饒前總督滿保因地隔海設禁民開墾衛遣吏按行其地奏請設同知置水陸營汛招民墾田於本年起科設館煎鹽官為收資漁舟入海給牌察驗魚鹽徵稅充諸項公用衛經畫浙東諸縣水利郵縣大嵩港溉田數萬畝歲久淤淺衛令疏濬築塘設閘開支河溉田鎮海靈巖大邱二鄉有浦口通海舊有閘已圯衛令修築定海多曠土衛令察丈清理上虞瀕海潮汐沒民田衛為奏請除額縣有夏蓋湖積淤多已成田衛令察丈許民承業升科上以江南多盜時繹及巡撫陳時夏非戢盜之才命蘇松等七府五州盜案令衛兼領將吏聽節制時繹增築松江海塘並以舊塘改土為石上復以時繹未能董理令衛勸諭衛詣奏言松江海塘已築二千四百餘丈未築者當令仿倣海鹽舊塘石塘後附築土塘宜一例高厚歲派員修治上從之仍令衛會時繹時夏董理上以衛留心營務

江南軍政舉劾復命衛會同考核尋遣侍郎彭維新等如江南清察諸州縣積欠錢糧亦令衛與聞七年加兵部尚書入覲遭母喪命回任守制尋復加太子少傅江甯有張雲如者以符呪惑民衛遣調察得其黨甘風池陸同庵蔡思濟范龍友等私相煽誘狀八年衛令游擊馬空北往捕時繹故與雲如往還與按察使馬世疇庇不遺賄空北還稟衛衛疏劾上遣尚書李永升會鞠時繹奪官世疇空北皆坐譴雲如等論斬九年疏請改定蘇州府管制衛在浙江五年蒞政開敏令行禁止上以查嗣庭汪景祺之獄停浙江人鄉會試衛以文告嚴督逾年與觀風整俗使王國棟疏言兩浙士子感恩悔過士風丕變乃命照舊鄉會試上督責各直省清釐倉庫虧空錢糧通欠衛召屬吏諭意簿書期會吏事皆中程民間亦無擾十年召署刑部尚書授直隸總督命提督以下並受節制

十一年疏劾步軍統領鄂爾奇壞法營私素制擾民上為奪鄂爾奇官命果親王及侍郎莽鵠立海望按治得實請罪鄂爾奇上以鄂爾奇為鄂爾泰弟曲宥之獎衛命議敘乾隆元年命兼管直隸總河裁營田觀察使救衛嚴議衛請以營田交諸州縣收管分轄通永霜易天津清河大名五道統率經理下部如所議二年疏發誠親王府護衛庫克與安州民爭淤池赴州屬託上命治庫克罪嘉衛執法秉公賜四團龍補服三年疏劾總河朱藻貪劣藻弟衛衛挾制地方官干預賑事上命尚書訥親孫嘉淦按治奪藻官並罪衛衛在直隸六年蒞政如在浙江時屢奏請審正府縣疆界改定營汛增置將吏衛尤長於治盜盜匿山澤間調得其蹤跡遣將吏捕治必盡得乃至以是所部乃無盜病作乞解任遣御醫診視卒賜祭葬設敏達世宗在藩邸知衛才眷遇至厚然察衛尚氣屢教誡之其在雲南或有覬於衛衛又令製欵用牌入儀仗上諭之曰聞汝恃能放縱操守亦不純川馬骨董俱當檢點又製欵用牌是不可以已乎爾其謹慎毋忽衛奏言受恩重當不避嫌怨上又諭之曰不避嫌怨與使氣凌人驕慢無禮判然兩途汝宜勤修涵養勉為全人方不負知遇及赴浙江時河決朱家海上命中途與河道總督齊蘇勸議施工衛見齊蘇勸決口已合龍議頗不相協衛錄問答語以聞會衛族弟懷謹等居鄉放縱衛令淮徐道捕送拘禁族人

清史稿

列傳八十一

騰謗南疏言臣開罪范時繹又與齊蘇勒不無芥蒂皆臣本籍大吏恐因家事心迹難明上諭之日時繹不足論齊蘇勒與有芥蒂或汝禮貌疏慢所致咎不在齊蘇勒凡審事辨公私最爲不易向日於鄰里鄉黨間先存嫌怨則又當別論朕每言公中私中公樞機正在於此及在直隸上復諭之日近有人謂卿任性使氣動輒肆詈丈夫立身行己此等小節不能操持尙何進德修業之可期當時自檢點從容涵養高宗南巡見西湖花神廟衛自範象並及其妻妾號湖山神位諭曰衛仰借皇恩存任性驕縱初非公正純臣託名立廟甚爲可異命撤象燬之

田文鏡漢軍正黃旗人康熙二十二年以監生授福建長樂縣丞遷山西寧鄉知縣再遷直隸易州知州內擢吏部員外郎歷郎中授御史五十五年命巡視長蘆鹽政疏言長蘆鹽引缺額五萬七千餘道商人願先輸課增復原引自五十六年爲始在長清等縣運行得旨加引雖可增課恐於商無益下九卿議行山東巡撫嚴定題覆如所議尋擢內閣侍讀學士雍正元年命祭告華嶽是歲

清史稿

列傳八十一

三

山西災年災荒入覲請賑上諭巡撫德音德音無災及文鏡還入對備言山西荒歉狀上嘉其直言無隱令往山西賑平定等諸州縣即命署山西布政使文鏡故有吏才清釐積積別除宿弊吏治爲一新自是遂受世宗眷遇二年調河南旋命署巡撫疏請以陳許禹鄭陝光六州升直隸州尋命與除文鏡希上指以嚴厲刻深爲治督諸州縣清通賦闢荒田期會促迫諸州縣稍不中程譴謫立至尤惡科目儒緩小忤意輒劾能疏劾知州黃振國知縣汪誠卻言綸關陳等上遣侍郎海壽史貽直往按諭如文鏡奏四年李紱自廣西巡撫召授直隸總督道開封文鏡出逐紱責文鏡不當有意蹂躪讀書人文鏡密以聞并謂紱與振國爲同歲生將爲振國報復紱入對言振國誠言綸被論皆冤抑知縣張球居官最劣文鏡反縱不糾上先入文鏡言置不問球先以盜案下部議文鏡引咎論劾是冬御史謝濟世劾文鏡營私負國貪虐不法凡十事仍及枉振國言綸誠庇球諸事與紱言悉合上謂濟世與紱爲黨有意傾文鏡下詔嚴詰奪濟世官遣從軍振國誠論死成言綸撤於邊振國故蔡珽屬吏既罷官以

珽薦復起及珽得罪上益責紱珽濟世勾結黨援擾國政誣大臣命斬振國文鏡疏請以河南丁銀均入地糧紳衿富戶不分等則一例輸將以雍正五年始部議從之五年疏言黃河盛漲險工迭出宜暫用民力每歲夏至後將距隄一二里內村莊按戶出夫工急搶護事竟則散若非計日可竣者按名給工食下部議行尋授河南總督加兵部尚書文鏡初隸正藍旗命擢入正黃旗六年上褒文鏡公正廉明授河南山東總督諭謂此特因人設官不爲定例文鏡疏言兩省交界地易藏匪類捕役越界奸徒奪犯每因拒劫致成人命彼界有司仍復徇庇請嗣後越界捕盜有縱奪徇庇者許本省督撫移咨會劾上從之文鏡先以河南漕船在衛輝水次受兌道經直隸大名屬滏滑內黃三縣隔省呼應不靈請以三縣改歸河南既又以河南徵漕舊例河北三府起運本色餘皆徵折在三府探買偏重累民請以儀封考城及新改歸河南滏滑內黃等五縣增運本色距水次最遠靈寶閻鄉二縣減辦米數歸五縣徵輸南陽汝南諸府光汝諸州永甯嵩盧氏諸縣皆以路遠停運分撥五縣協濟按道路遠近石加五

清史稿

列傳八十一

四

分至二錢三分各有差又疏言山東倉庫虧空那新掩舊請如河南交代例知府直隸州離任所轄州縣倉庫令接任官稽察如有虧空責償其半方得赴新任道員離任所轄府直隸州倉庫亦視此例又疏言山東錢糧積虧二百餘萬雍正六年錢糧應屆完全之限完不及五分由於火耗太重私派太多請敕山東巡撫布政使協同臣清察期以半年參追禁革毋瞻徇毋容隱上皆用其議七年請設青州滿洲駐防兵屯府北東陽城址下議政王大臣議行尋加太子太保疏請以高唐濮東平莒四州升直隸州改濟甯直隸州降兗州府旋命兼北河總督是歲山東水災河南亦被水上命蠲免錢糧文鏡奏今年河南被水州縣收成雖不等實未成災士民踴躍輸將特恩蠲免錢糧請仍照額完兌部議應如所請上仍命文鏡確察歉收分數照例蠲免現兌正糧作下年正供九年諭曰上年山東有水患河南亦有數縣被水朕以旧文鏡自能料理未別遣員治賑近聞祥符封邱等州縣民有鬻子女者文鏡年老多病爲屬吏欺誑不能撫綏安集而但禁其鬻子女是絕其生路也豈爲民父母者所忍言乎並

令侍郎王國棟如河南治賑文鏡以病乞休命解任還京師病痊仍命回任十年復以病乞休尤之旋卒賜祭葬諡端肅命河南省城立專祠又以河道總督王士俊疏請祀河南賢良祠高宗即位尙書史貽直奏言士俊督開墾開捐輸累民滋甚上諭曰河南自田文鏡爲督撫苛刻搜求屬吏競爲剝削河南民重受其困即如前年匪災不報百姓流離蒙皇考嚴飭遣官賑恤始得安全此中外所共知者並命解士俊任語詳士俊傳乾隆五年河南巡撫雅爾圖奏河南民怨田文鏡不當入河南賢良祠上諭曰鄂爾泰田文鏡李衛皆皇考所最稱許者其實文鏡不及衛衛又不及鄂爾泰而彼時三人素不相合雅爾圖見朕以衛祀賢良借文鏡之應撤明衛之不應入當日王士俊奏請奉皇考允行今若撤出是翻前案矣朕雅爾圖奏不行

憲德西魯特氏尙書明安達禮係也父善官頭等侍衛憲德初以廕生授理藩院主事再遷刑部郎中雍正四年授湖北按察使時布政使張聖弼坐虧空論罪憲德上官聖弼請憲德下諸獄疏聞上獎其能執法尋就遷巡撫五年調

清史稿

列傳八十一

五

四川張獻忠之亂四川民幾盡亂初定吳三桂叛其將吳之茂王屏藩等入川與我帥久相持民受其害土曠人稀康熙間休養久墾漸廣經界未正田糧多不實巡撫馬會伯奏請清丈以調湖北未行上以諮憲德德奏四川昔年人民稀少田地荒蕪及至底定歸復祖業從未經勘丈故多所隱匿歷年既久人丁繁衍奸猾之徒以界畔無據遂相爭訟川省詞訟爲田土者十居七八亦非勘丈無以判其曲直上復諮川陝總督岳鍾琪奏與憲德略同乃下九卿議行遣給事中高維新馬維翰御史吳鳴虞吳濬如四川會同松茂建昌川東永甯四道分往諸州縣丈量維新永甯道維翰建昌道鳴虞松茂道濬川東道鳴虞先期示復明舊額憲德阻止之他道凡民間屋基墳墓界埂水溝園林皆不入勘丈鳴虞獨不然民驚擾又需索文費憲德疏請能鳴虞維新事先竟上令繪勘松茂道濬治事迂鈍維翰事亦竟憲德請以佐濬萬縣民怨濬丈量不公懸旗聚衆熱江忠州民亦以爲言維新松茂道事又竟憲德又疏請能濬以維新維翰分勘川東道七年十一月通省勘丈畢舊册載上中下田地都計二十

三萬餘頃丈得四十四萬餘頃增出殆及半而諸土司地納糧以石計亦次第具報視原額加增戶部奏請視丈出田地照則徵糧上諭曰從前隱瞞科則止據實更定毋追咎至額糧稍重諸州縣即比照就近適中科則核減俾紓民力憲德奏各屬徵糧科則輕重懸殊原重通江諸縣額請減輕原輕郫灌溫江三縣亦據實呈請願增臣等擬原重田地令與接壤地方相等比照科算原輕田地亦應按則加增不致小民偏枯委曲於是成都華陽新津郫溫江長壽諸縣俱增上則灌縣增中則綿州緜州改分上中下三則江油增下則瀘州屏山雅州名山榮經蘆山義眉夾江通江賦偏重均視鄰縣量減巴縣賦最輕上田不及一分以地瘠不增他州縣皆仍舊則其有丈見田少糧多經原戶聲請皆予開除上命招他省民入川開墾丈增田畝憲德奏請以丈增地畝分科則編字號計數均分戶給水田三十畝或旱地五十畝有餘丁增水田十五畝或旱地二十五畝丁多不能養贍臨時酌增或有多餘三五畝亦一併給墾奇畝不成邱段者酌量安置給以照票並牛種口糧分年升科皆下部如所議行八年整

清史稿

列傳八十一

六

江忠州民楊成勳等羣聚爲亂署川陝總督查郎阿遣兵捕治成勳自經死獲其徒陳文魁楊成祿等得所爲怨白言禍起戊申年奉旨清丈科派需索累民查郎阿疏聞諭曰四川清丈之議始於馬會伯而成於憲德朕慎選科臣前往料理誠以剔除積弊安插善良並非爲加增賦稅而起勘丈造册各官供應皆令勒帑支給不使幾微煩擾我民今年事竟憲德具本代川民謝恩謂通省土民咸稱清理疆界使強無兼併弱無屈抑又將田不數糧之戶悉予開除疆界既已分明額賦尤爲公溥朕以爲經理得宜矣豈意奸民嘯聚竟以清丈苛虐爲言怨白稱奉旨清丈豈憲德等但以清丈稱爲奉旨於前者奏請未曉諭於衆耶陳文魁訴狀並稱頌川省上司是必憲德等沽譽于名何不將朕德意宣播而乃蒙混含糊使奸民得以藉口耶憲德既稱通省士民歡呼感戴何以尙有陳文魁等暗結邪黨肆行誹謗可見平日化導未周董戒不力令憲德將朕此旨刊布曉諭憲德撫四川七年屢請更定州縣疆界有所省置收天全土司改流設州並升雅州爲府隸焉憲德議開紫古鑛廠會兒斯堡生番入邊殺掠

商民上令封閉憲德以川省米貴請暫停商販逾年歲稔上令弛禁毋過難初
上官以四川驛鹽茶三政皆屬按察使兼領未足司稽覈請增設驛鹽道專司
其事從之及清丈事將竟奏言鹽茶積弊請令清查地畝科道諸員兼司搜查
上諭曰川省鹽茶既特設道員自有責成如不能勝任當予參劾別擇賢能鹽
茶積弊相沿已久應從容清理安可如此嚴急奏請搜查更屬謬妄汝諸事料
理過於促迫不肯實心任事於此奏畢見後當深戒十一年憲德奏鹽道曹源
鄧混發引日累商諭日鹽課引務汝有督率之責曹源鄧混不法當列款糾參
若止改撥不當何難商酌更正今但請敕部察議將嵯政視如無涉誠不知汝
何意朕其部汝玷督撫統轄訓飭之任也尋召還京授工部尚書十二年調刑
部仍兼工部署滿洲正紅旗都統乾隆元年命赴泰陵督工五年卒子夢麟自
有傳

諾岷納喇氏滿洲正藍旗人先世居輝發祖恩國泰習漢書天聰八年舉人直
秘書院授禮部理事官海撥尚書父那敏官鑲黃旗滿洲都統諾岷自帖帖式
清史稿 列傳八十一 七

授戶部主事再遷郎中雍正元年擢內閣學士授山西巡撫各直省徵賦正供
外舊有耗羨數多寡無定州縣以此供上官給地方公用而私其餘上官亦往
往藉公用檄州縣提解因以自私康熙間有議歸公者聖祖慮官俸薄有司失
耗羨虐取於民地方公用無從取辦疑其議不行諾岷至山西值歲屢歉倉庫
多虧空諾岷察諸州縣虧空尤甚者疏劾奪官離任勒追餘州縣通行調任互
察倉庫並慮州縣不得其人請敕部選賢能官發山西補用二年諾岷疏請將
通省一歲所得耗銀提存司庫以二十萬兩留補無著虧空餘分給各官養廉
各官俸外復有養廉自此起布政使高成齡奏言直省錢糧向有耗羨百姓既
以奉公即屬朝廷財賦臣愚以為州縣耗羨銀兩自當提解司庫恐大吏酌量
分給均得養廉且通省遇有不得已例外之費即以是支應至留補虧空撫臣
諾岷先經奏明臣請敕下各直省督撫俱如諾岷所奏將通省一歲所得耗銀
約計數目先行奏明歲終將給發養廉支應公費留補虧空各若干一一陳奏
則不肖上司不得借名提解自便其私上司命總理事務王大臣九卿集議議略

謂提解火耗非經常可久之道請先於山西試行上諭曰州縣火耗原非應有
之項因通省公費各官養廉不得不取給於此朕非不願天下州縣毫毫不取
於民而勢有所不能州縣徵收火耗分送上司州縣藉口而肆貪婪上司瞻徇
而為容隱此從來之積弊所當削除者也與其州縣存火耗以養上司何如上
司撥火耗以養州縣至請先於山西試行此言尤非天下事惟有可行不可行
兩端譬如治病漫以藥試之鮮有能愈者今以山西為試朕不忍也提解火耗
原一時權宜之計將來虧空清楚府庫充裕有司皆知自好各省火耗自漸輕
以至於盡革此朕之深願各省能行者聽不行者亦不强也自後各直省督撫
以次奏請視山西成例提解耗羨上以諾岷首發議諭獎其通權達變於國計
民生均有裨益上屢飭各省督撫有司耗羨既歸公不得巧立名目復有所取
於民給養廉資公用尚有所餘當留備地方公事河南耗羨餘款最多特免地
丁錢糧四十萬即以所餘抵補上諭謂此項出自民間若公用充裕仍當加恩
本地官民不令歸入公帑也三年諾岷以病乞假命回旗調理初貝子允禩以

清史稿 列傳八十一 八

罪徙西寧道出平定太監李大成毆諸生諾岷按獄以大成方病置未深究上
責諾岷瞻徇命繼任巡撫伊都立覆讞罪大成奪諾岷官十二年卒
陳時夏字建長雲南元謀人康熙四十五年進士考授內閣中書三遷工部郎
中考選廣西道御史雍正元年授河南開歸道仍帶御史銜尋奏河北連年歉
收請發帑治賑蠲免錢糧上嘉允之二年遷湖北按察使以在開歸道任封邱
生員能考坐不能彈壓奪官三年授直隸正定知府四年遷長蘆鹽運使加布
政使銜署江蘇巡撫疏陳蘇松水利請發帑興工命副都統李淑德原任山東
巡撫陳世倌會勘議先濬婁江常熟福山塘昭文白茆河太倉七浦河上海嘉
定吳淞江武進孟瀆德勝新河丹陽九曲河次第疏治時夏復疏言江南錢糧
請視直隸河南正耗統解布政使督撫以下各給養廉地方公事用耗銀報銷
從之上知時夏有老母命雲南督撫贈資斧護至蘇州復賜人獲六年江蘇布
政使張坦麟調山東時夏以坦麟任內錢糧未清疏請停赴新任坦麟亦奏時
夏令新任布政使趙向奎勒捐交代上責時夏編淺才識不足不能勝巡撫命

改署山東布政使即以坦麟署江蘇巡撫是時江蘇巡撫所屬七府五州自康熙五十一年至雍正四年積虧地丁錢糧至八百十三萬有奇巡撫張楷請分年帶徵及時夏至江蘇催迫迫民艱於輸納事久未竟上命時夏留江蘇會辦虧空時夏請以舊欠均派新糧分年徵收上諭曰舊欠自有本人舍此不追而均派新糧是刁民因積欠而得利良民因先輸而倍徵從此人人效尤誰復輸供正賦且舊欠派入新糧必致舊欠未完新糧又欠時夏因朕留之在蘇乃欲藉此草率完結命暫停徵比交新任巡撫尹繼善清察上又遣侍郎彭維新等佐尹繼善察出積欠實一千萬有奇上命以其中侵蝕包攬四百數十萬分十年帶徵民欠五百數十萬分二十年帶徵並令視直隸河南諸省已行例每歲帶徵若干次年免正賦若干諭謂通賦使頑戶偏蒙其澤不若免新徵使眾民普受其惠也七年尹繼善劾時夏所舉知縣蔡益仁貪黷不職下部議降調八年以母憂歸十二年詣京師命以會都御史銜授霸州營田觀察使奏文安大城兩縣界內修築橫隄請於隄東南向家村建閘隄內濬河引子牙河水

清史稿

列傳八十一

九

地試行皆從之授內閣學士三年卒
 王士俊字灼三貴州平越人康熙六十年進士改庶吉士雍正元年上特命以知州發河南待闕除許州田文鏡為巡撫惡以科第起家者有意督過之士俊懼將及文鏡增賦地稅民不堪士俊具牒爭冀以是劾罷遂名布政楊文乾奇士俊曲護之二年文乾遷廣東巡撫奏以士俊從四年題授肇高廉羅道五年署巡撫阿克敦察士俊所轄黃江稅廠虧稅銀千餘疏劾上諭之曰王士俊尚有用小過猶可諒當嚴飭令改尋召士俊詣京師士俊發黃江廠庫官為布政使官達索規禮阿克敦即令官達按鞫士俊請改員嚴訊阿克敦令按察使方願瑛會鞫士俊即以阿克敦官達方願瑛朋謀徇私揭吏部奏聞會文乾亦以他事劾阿克敦官達上命解官達願瑛任令總督孔毓珣及文乾會鞫並令士俊署布政使士俊行至曲江聞命還廣東上官會文乾卒上命傅泰署巡撫復遣通政使留保等如廣東會鞫阿克敦等皆坐謫六年實授廣東布政使九

年擢湖北巡撫十年文鏡解任還京師擢士俊河東總督兼河南巡撫十一年疏劾學政俞鴻圖納賄行私命侍郎陳樹萱按鞫得實鴻圖坐斬文鏡在河南督州縣開墾士俊承其後督促益加嚴又令州縣勸民間捐輸高宗即位戶部尚書史貽直奏言河南地勢平衍沃野千里民性純樸動於稼穡自來無土不耕其不耕者大都斥鹵沙磧之區臣聞河南各屬廣行開墾一縣中有報開十頃十數頃至數十頃者積算無慮數千百頃安得荒田如許之多推求其故不過督臣授意地方官多報開墾屬吏迎合指稱某處隙地若干某處曠土若干造冊申報督臣據其冊籍報多者超邊議敘報少者嚴批申飭或別尋事故桂之彈章地方官畏其權勢冀得歡心詎恤後日官民受累以致報墾者紛紛其實所報之地非河灘沙磧之區即山岡墾地之地甚至墳墓之側河隄所在搜剔石田以上稅小民將有鬻兒賣女以應輸將者又如勸捐乃不得已之策今則郡縣官長驅車郭門手持簿籍不論鹽當紳民慰以好言令其登寫旋索資

清史稿

列傳八十一

十

繼地方官一年數換則籍簿一年數更不惟大拂民心亦有損國體請敕廉明公正大臣前往清察上諭曰田文鏡為總督苛創嚴厲河南民重受其困士俊接任不能加惠惠養借墾地之虛名成累民之實害河南民風淳樸竭蹶以從甚屬可嘉然先後遭苛政其情亦至可憐矣河南仍如舊例止設巡撫以傳德代士俊至京師命署兵部侍郎乾隆元年復命署四川巡撫士俊在河南上蔡知縣費金馬奉檄開墾迫縣民加報地畝錢糧武生王作孚等詣縣辨訴貴金馬以眾眾闕堂揭士俊士俊諭定讞毋及開墾妄坐作孚等勸減鹽價擬斬傳德疏劾下部議士俊當奪官上命仍留任士俊密疏陳時政略言近日條陳惟在翻駁前案其有對眾揚言只須將世宗時事翻案即係好條陳傳之天下其駭聽聞又言大學士不宜兼部又言各部治事私揣某省督撫正在憂嘉其事宜准某省督撫方被詰責其事宜駁不論事理當否專以逢合為心又言廷臣保舉率多徇情甚或藉以索賄上覽奏怒其發王大臣公閱御史舒赫德因劾士俊奸頑刻薄中外共知其為河南總督勒令州縣虛報墾荒苦累小

民近日巡撫傅德論劾外間傳說士俊已命速治皇上猶冀其改惡向善曲賜
矜全乃士俊喪心病狂妄發悖論請明正其罪上召王大臣九卿等諭之曰從
來爲政之道損益隨時寬猛互濟記曰張而不弛文武弗能弛而不張文武弗
爲堯因四岳之言而用鯀鯀治水九載績用弗成至舜而後殛鯀當日用鯀者
堯誅鯀者舜豈得謂舜翻堯案乎皇考即位之初承聖祖深仁厚澤休養生息
物賦而豐皇考加意振飭使紀綱整齊此因勢利導之方正繼志述事之善迨
雍正九年以來人心已知法度吏治已漸澄清又未嘗不致崇寬簡相安樂易
朕繼承不緒泣奉遺詔向後政務應從寬者悉從寬凡川人行政兢兢焉以皇
考誠民育物之心爲心以皇考執兩用中之政爲政蓋皇祖皇考與朕之心初
無絲毫間別今王士俊嘗爲翻駁前案是誠何心朕躬有闕失惟恐諸臣不肯
盡言至事關皇考而妄指前愆謂有意更張實朕所不忍聞至謂大學士不宜
兼部大學士兼部正皇考成憲士俊欲朕改之是又導朕以翻案也彼不過爲
大學士鄂爾泰而發士俊河南墾荒市與利之善名行剝民之虐政使敗露於

清史稿

列傳八十一

十一

皇考時豈能寬宥彼欲掩飾從前之罪且中傷與己不合之人其機詐不可勝
詰至謂部件題駁懷挾私心保舉徇情資緣賄屬諸臣有則痛自前除無則益
加詈勉母爲士俊所訕笑以全朕委任簡用之體可也解士俊任速下刑部王
大臣等會鞠請用大不敬律擬斬立決命改監候二年釋爲民遣還里六年以
爭估邊安縣民羅氏墓地縱僕毆民自經死民子走京師叩關命副都御史
仲永檀如貴州會總督張廣泗鞠得實論罪如律二十一年卒
論曰世宗以綜覈名實督天下肅吏治嚴盜課實倉庫消通賦行勸丈墾荒土
提耗羨此其大端也術文鏡受上眷最厚術以敏集事文鏡以驕府怨然當時
謂術文鏡所部無盜賊斯亦甚難能矣勸丈激亂四川爲最著耗羨歸公山西
爲最先田賦懸通江蘇爲最鉅開墾害民河南爲最劇世宗親決庶政不歸罪
臣下故諸岷峩褒而意德不尸其咎時夏才短事未克竟亦不深責也士俊及
高宗初政繼而猶用乃創翻案之說欲以榮主聽翁朝議心險而術淺其得謂
宜哉

清史稿

隆科多

年羹堯

列傳八十二

隆科多佟佳氏滿洲鑲黃旗人一等公佟國維子孝懿仁皇后弟也康熙二十
七年授一等侍衛擢鑾儀使兼正藍旗蒙古副都統四十四年以所屬人違法
上責隆科多不實心任事罷副都統鑾儀使在一等侍衛上行走五十年授步
軍統領五十九年擢理藩院尚書仍管步軍統領六十年十一月聖祖大漸
召受顧命世宗即位命與大學士馬齊總理事務襲一等公授吏部尚書旋以
總理事務勞加一等阿達哈哈番以其長子岳興阿襲次子玉柱自侍衛授鑾
儀使雍正元年與川陝總督年羹堯同加太保二年兼領理藩院事務聖祖
實錄大清會典並充總裁監修明史復與羹堯同賜雙眼花翎四團龍補服黃
帶紫轡三年解步軍統領玉柱以行止甚劣奪官交隆科多管束羹堯得罪上
以都統范時捷疏劾欺罔貪婪諸狀及妄劾道員金南鍊等並下吏部議處上
諭曰前以隆科多年羹堯頗著勤勞予以異數乃交結專擅諸事欺隱命繳上

清史稿

列傳八十二

十一

所賜四團龍補服並不得復用雙眼花翎黃帶紫轡及議上以時捷劾請罷羹
堯任以妄劾南鍊請嚴加治罪上以前議徇庇後議復過當責隆科多有意擾
亂削太保及一等阿達哈哈番世職命往阿爾善等處修城墾地諭曰朕御極
之初隆科多年羹堯皆寄以心腹毫無猜防孰知朕視爲一德彼竟有二心招
權納賄擅作威福欺罔悖負朕豈能姑息養奸耶向日明珠索額圖結黨行私
聖祖解其要職置之閒散何嘗更加信用隆科多年羹堯若不知恐懼痛改前
非欲如明珠等萬不能也殊典不可再邀覆轍不可屢蹈各宜警懼毋自干誅
減四年隆科多家僕牛倫挾勢索賄事發逮下法司鞠得隆科多受羹堯及總
督趙世顯滿保巡撫甘國璧蘇克濟賄獻上上命斬倫罷隆科多尙書令料理
阿爾泰等路邊疆事務尋命勸議俄羅斯邊界初隆科多與阿爾泰阿揆敘相黨
附既又與羹堯交結至是上盡發阿爾泰阿揆敘及羹堯罪狀宣示中外又侍郎
查嗣庭爲隆科多所薦坐悖逆誅死上詰隆科多隆科多不以實對五年宗人
府復奏劾輔國公阿布蘭以玉牒與隆科多藏於家阿布蘭坐奪爵幽禁上命

奪降科多爵召還京命王大臣會鞫以聖祖升遐隆科多未在上前妄言身藏
匕首以防測又自擬諸葛亮奏稱白帝城受命之日即死期將至之時躬祀
壇廟妄謂防刺客令於案下搜查上謂陵妄奏諸王心變其獄辭大不敬之罪
五欺罔之罪四紊亂朝政之罪三竊姦之罪六不法之罪七貪婪之罪十六凡
四十一款當斬妻子入辛者庫財產入官上諭曰隆科多罪不容誅但皇考升
遐大臣承旨者惟隆科多一人今以罪誅朕心有所不忍可免其正法於暢春
園外築屋三楹永遠禁錮妻子免入辛者庫岳興阿奪官玉柱發黑龍江六年
六月科布多死於禁所賜金治喪

年獎堯字亮工漢軍鑲黃旗人父遐齡自筆帖式授兵部主事再遷刑部郎中
康熙二十二年授河南道御史四遷工部侍郎出為湖廣巡撫湖北武昌等七
府歲徵匠役班價銀千餘戶絕額缺為官民累遐齡請歸地丁徵收下部議從
之疏劾黃梅知縣李錦虧賦奪官錦清廉得民民爭完通賦諸生吳士光等聚
眾閉城留錦事聞上命調錦直隸士光等發奉天遐齡與總督郭琇俱降級留

清史稿

列傳八十二

二

任四十三年遐齡以病乞休獎堯康熙三十九年進士改庶吉士授檢討迭充
四川廣東鄉試考官累遷內閣學士四十八年擢四川巡撫四十九年幹偉生
番羅都等掠番番衛戍游擊周玉麟上命獎堯與提督岳昇龍勦撫昇龍率兵
討之擒羅都獎堯至平番衛聞羅都已擒引還川陝總督晉泰疏劾部議當奪
官上命留任五十六年越舊衛屬番與普雄土千戶那交等為亂獎堯遣游擊
張玉勦平之是歲策妄阿喇布坦遣其將策凌敦多布襲西藏拉薩汗四川
提督康泰率兵出黃勝關兵譁引還獎堯遣參將楊盡信撫諭之密奏泰失兵
心不可用請親赴松潘協理軍務上嘉其實心任事遣都統法喇率兵赴四川
助勦五十七年獎堯令護軍統領溫普進駐裏塘增設打箭爐至裏塘驛站尋
請增設四川駐防兵皆允之上嘉獎堯治事明敏巡撫無督兵責特授四川總
督兼管巡撫事五十八年獎堯以敵情叵測請赴藏為備廷議以松潘諸路軍
事重要令獎堯毋率兵出邊撤法喇進師法喇率副將岳鍾琪撫定裏塘巴塘
獎堯亦遣知府遲維德招降乍丫察木多察哇諸番目因請召法喇師還從之

五十九年上命平逆將軍延信率兵自青海入西藏授獎堯平西將軍印自拉
里會師並請獎堯孰可署總督者獎堯言一時不得其人請以將軍印畀護軍
統領噶爾弼而移法喇軍駐打箭爐上用其議巴塘裏塘本雲南麗江土府屬
地既撫定雲貴總督蔣陳錫請仍隸麗江土知府木興獎堯言一地為入藏運
糧要路宜屬四川從之興率兵往收地至喇皮擊殺番酋巴桑獎堯疏劾上命
速興囚雲南省城八月噶爾弼延信兩軍先後入西藏策凌敦多卜敗走西藏
平上諭獎堯護凱旋諸軍入邊召法喇還京師獎堯尋遣兵撫定裏塘屬上下
牙色上下雅尼巴塘屬桑阿壩林卡石諸生番六十年入覲命兼理四川陝西
總督辭還鎮賜弓矢上命噶爾弼率兵駐守西藏行次瀘定橋噶爾弼病不能
行獎堯以聞上命公策旺諾爾布署將軍額駙阿寶都統武格參贊軍務駐西
藏青海索羅木之西有郭羅克上中下三部為唐古特種人屢出肆掠阿寶以
聞上命獎堯與鍾琪度形勢策進討獎堯疏言郭羅克有隘口三悉險峻宜步
不宜騎若多調兵塞上傳聞使賊得為備不如以番攻番臣素知瓦斯雜谷諸

清史稿

列傳八十二

三

土司亦憾郭羅克肆惡願出兵助勦臣已移鍾琪令速赴松潘出塞督土兵進
勦尋鍾琪督兵擊敗郭羅克下番寨四十餘獲其渠餘眾悉降六十一年獎堯
密疏言西藏喇嘛楚爾齊木臧布及知府石如金呈策旺諾爾布委糜副都統
常齡侍讀學士滿都員外郎巴特瑪等任意生事致在藏官兵不睦因請撤駐
藏官兵下廷臣議以獎堯擅議撤兵請下部嚴議上原之命召滿都巴特瑪石
如金楚爾齊木臧布等來京師遣四川巡撫色爾圖陝西布政使塔琳赴西藏
佐策旺諾爾布駐守自軍與陝西州縣饋餉供億庫帑多虧缺獎堯累疏論劾
州縣吏嚴督追償陝西巡撫噶什圖密奏虧項不能速完又與獎堯請加徵火
耗墊補上諭曰各省錢糧皆有虧空陝西尤甚蓋自用兵以來師所經行資助
馬匹盤費衣服食物倉卒無可措辦勢必挪用庫帑及撤兵時亦然即如自藏
回京將軍以至士卒途中所得反多於正項各官費用動至萬金但知取用不
問其出自何項也獎堯等欲追虧項以充兵餉追比不得又議加徵火耗火耗
止可議減豈可加增朕在位六十一年從未加徵火耗今若聽其加派必致與

正項一例催徵肆無忌憚矣著傳旨申飭命發帑銀五十萬送陝西資餉世宗即位召撫遠大將軍允禔還京師命奕堯管理大將軍印務雍正元年授奕堯二等阿達哈哈番世職並加遐齡尚書銜尋又加奕堯太保詔撤西藏駐防官軍奕堯疏陳邊防諸事請於打箭爐邊外中渡河口築土城移嵐州守備駐守大河南保縣移威茂營千總駐守越嶲衛地方塞關禁禦出沒改設游擊增兵駐守松潘邊外諸番阿樹為最要給長官司職銜大金川土目莎羅奔從征羊崗有功給安撫司職銜烏蒙蠻目達木等凶暴土舍祿鼎坤等請禽獻侯其至給土職分轄其地下部議從之論平西藏功以奕堯運糧守隘封三等公世襲青海台吉羅卜藏丹津為顧實汗孫糾諸台吉吹拉克諾木齊阿爾布坦溫布藏巴札布等劫親王察罕丹津叛掠青海諸部上命奕堯進討諭撫遠大將軍延信及防邊理饑諸大臣四川陝西雲南督撫提鎮軍事皆告奕堯十月奕堯率師自甘州至西寧改延信平逆將軍解撫遠大將軍印授奕堯盡護諸軍奕堯請以前鋒統領素丹提督岳鍾琪為參贊大臣從之論平郭羅克功進公爵

清史稿 列傳八十二 四

二等奕堯初至西寧師未集羅卜藏丹津調知之乃入寇悉破傍城諸堡移兵向城奕堯率左右數十人坐城樓不動羅卜藏丹津稍引退圍南堡奕堯令兵斫賊壘敵知兵少不為備騙菓子山土番當前隊敵發土番死者無算鍾琪兵至直攻敵營羅卜藏丹津敗奔師從之大潰僅率百人遁走奕堯乃部署諸軍令總兵官周瑛率兵截敵走西藏路都統穆森駐吐魯番副將軍阿喇納出噶斯暫駐布隆吉爾又遣參將孫繼宗將二千人與阿喇納師會敵侵鎮海堡都統武格赴援敵圍堡戰六晝夜參將宋可進等赴援敵敗走斬六百餘級獲多巴囊素阿旺丹津羅卜藏丹津攻西寧南川口師保中堡敵圍堡堡內囊素與敵通欲擊牆而入守備馬有仁等力禦可進等赴援夾擊敵敗走諸囊素助敵者皆殺之奕堯先後疏聞並請副都統花色等將鄂爾多斯兵副都統查克丹等將歸化土默特兵總兵馬觀伯將大同鎮兵會甘州助戰從之西寧北川上下北塔蒙回諸眾將起應羅卜藏丹津奕堯遣千總馬忠孝撫定下北塔三十餘莊上北塔未服忠孝率兵往勦擒戮其渠餘眾悉降察罕丹津走河州羅

卜藏丹津欲劫去奕堯令移察罕丹津及其族屬入居蘭州青海台吉索諾木達什為羅卜藏丹津誘擒脫出來歸奕堯奏聞命封貝子令奕堯撫慰敵掠新城堡奕堯令西甯總兵黃喜林等往勦斬千五百餘級擒其渠七得器械駝馬牛羊無算以天寒奕堯令引師還西甯尋策來歲進兵疏請選陝西督標西安固原甯夏四川大同榆林綠旗兵及蒙古兵萬九千人令鍾琪等分將出西甯松潘甘州布隆吉爾四道進討分兵留守西甯甘州布隆吉爾並駐防永昌巴塘裏塘黃勝關察木多諸隘軍中馬不足請發太僕寺上都打布係腦兒等生馬三千巴爾庫爾駝一千仍於甘涼增買千五百糧米臣已在西安豫買六萬石軍中重火器請發景山所製火藥一百駝駝以一百八十斤計下廷議悉如所請馬加發千火藥加發倍所請察罕丹津屬部殺羅卜藏丹津守者來歸奕堯宣上指安置四川邊外尋爾根戴吉拉查下與羅卜藏丹津合力劫察罕丹津其子察罕喇卜坦等來歸奕堯令招拉查下內附又有堪布諾門汗察罕丹津從子也為塔兒寺喇嘛叛從敵糾眾拒戰至是亦來歸奕堯數其罪斬之

清史稿 列傳八十二 五

羅卜藏丹津使布隆吉爾繼宗與副將潘之善擊敗之西甯南川塞外郭密九部屢出為盜奕堯招三部內附餘部行掠如故呈庫沃爾買二部尤暴戾奕堯令鍾琪率瓦斯維谷二土司兵至歸德堡撫定上下寺東策布督兵進殲庫部眾擒戮沃爾買部酋餘並乞降二年上以羅卜藏丹津負國叛不可宥授鍾琪奮威將軍趣奕堯進兵西甯東北郭隆寺喇嘛應羅卜藏丹津為亂奕堯令鍾琪及素丹等督兵討之賊屯哈拉直溝以拒師奮入度嶺三毀寨十可進喜林及總兵吳正安皆有斬馘復毀寨七焚所居室至寺外賊伏山谷間聚薪縱火賊殲焉殺賊六千餘燬寺誅其渠青海貝勒羅卜藏察罕貝子濟克濟札布台吉滾布色卜騰納漢將母妻詣奕堯請內屬奕堯予以茶葉大麥令分居邊上奕堯遣鍾琪正安喜林可進及侍衛達鼎副將王嵩紀成斌將六千人深入留素丹西甯佐治事二月鍾琪師進次伊克喀爾吉搜山獲阿爾布坦溫布喜林亦得其曾巴珠爾阿喇布坦等師復進奕堯詢知阿岡都番助敵別道涼莊道將洞等督兵攻之戮其渠蘇復擊破石門寺喇嘛殺六百餘人焚其寺鍾琪

師復進次席爾哈羅色道兵攻噶斯遂吹拉克諾木齊三月鍾琪師復進出布哈屯羅下藏丹津所居地曰額納布隆吉鍾琪督兵直入分兵北防柴日木斷往噶斯道羅下藏丹津走烏蘭穆和兒復走柴日木師從之獲其母阿爾太哈屯及其戚屬等並男婦牛羊駝馬無算分兵攻烏蘭白克獲吹拉克諾木齊及助亂八台吉時藏巴札布已先就擒羅下藏丹津以二百餘人遁走青海部落悉平論功進獎堯爵一等別授精奇尼哈番令其子斌襲封退齡如獎堯爵加太傅並授素丹可進三等阿達哈哈番喜林二等阿達哈哈番按察使王景瀨及達爾漢嵩成斌拜他喇布勒哈番提督郝玉麟及正安拖沙喇哈番阿拉布坦蘇巴泰等截路行劫獎堯令繼宗往勦遂至推墨爾阿拉布坦蘇巴泰將妻子遁走成斌等搜戮餘賊至梭羅木擊斬堪布夾木煤垂扎木素獎堯遣達爾及成斌攻布哈色布蘇獲台吉阿布濟車陳又遣副將岳起龍討平河州塞外鐵布等八十八寨殺二千一百餘人得人口牲畜無算獎堯執吹拉克諾木齊阿爾布拉溫布藏巴扎布檻送京師上祭告廟社景陵御午門受俘獎堯策防

清史稿

列傳八十二

六

邊諸事以策旺阿喇布坦遣使乞降請罷北征師分駐巴里坤吐魯番哈密城布隆吉爾駐兵守焉轄以總兵每營撥餘丁屯赤金衛柳溝所墾田設同知理民事衛守備理屯糧游牧蒙古令分居布隆吉爾迤南山中霄夏邊外阿拉善以滿洲兵駐防上悉從所請莊浪邊外謝爾蘇部土番據桌子碁子二山為巢皆穴地而居官軍駐其地奴使之兵或縱掠番禦之盡殲置不問番始橫涼州南崇寺沙馬拉木扎木巴等掠新城張義諸堡又有郭隆寺逸出喇嘛與西寧納朱公寺朝天堂加爾多寺諸番相結糾謝爾蘇部土番謀為亂獎堯遣鍾琪等督兵討之納朱公寺喇嘛降師進次天堂遣成斌喜林及副將張玉等四道攻加爾多寺殺數百人餘衆多入水死焚其寺游擊馬忠孝王大勳戰和石溝王序吉范世雄戰石門口洞戰喜達堡蘇丹師次旁伯拉夏口土番偽降謂之方置伏縱兵擊之所殺傷甚衆洞搜勦碁子山逐賊巴洞溝土司魯華齡逐賊天王溝先密寺喇嘛縛其渠阿旺策凌以獻師入轉戰五十餘日殺土番殆盡獎堯以先密寺喇嘛反覆不常併焚其寺徙其衆加爾多寺外桌子山餘衆

降獎堯令隸華齡受約束條上青海善後諸事請以青海諸部編置佐領三年一入貢開市那拉薩拉陝西雲南四川三省邊外諸番增設衛所撫治諸廟不得過二百楹喇嘛不得過三百西南北川邊外築邊牆建城堡大通河設總兵鹽池保安堡及打箭爐外木雅吉達巴塘裏塘諸路皆設兵發直隸山西河南山東陝西五省軍罪當遣者往大通河布隆吉爾屯田而令鍾琪將四千人駐西甯撫綏諸番下王大臣議行十月獎堯入覲賜雙眼花翎四團龍補服黃帶紫轡金幣敘功加一等阿思哈哈番世職令其子富慶襲獎堯才氣凌厲恃上眷遇師出屢有功驕縱行文諸督撫書官斥姓名請發侍衛從軍使為前後導引執鞭墜鎗入覲令總督李維鈞巡撫范時捷跪道送迎至京師行絕馳道王大

清史稿

列傳八十二

七

臣郊迎不為禮在邊蒙古諸王公見必跪額爾阿寶入謁亦如之嘗薦西安布政使胡期恒及景瀨可大用勦四川巡撫蔡廷選治上即以授景瀨又擢期恒甘肅巡撫獎堯僕乘成鼎魏之耀皆以從軍屢擢成鼎布政使之耀副將獎堯請發將吏數十從軍上許之親還即勦罷驛道金南鎮等而請以從軍主事丁松著糧道上責獎堯題奏錯誤命期恆率所劾官吏詣京師三年正月班速至上召入見備言獎堯暴食誣陷狀上特宥班罪二月庚午日月合璧五星聯珠獎堯疏賀川夕惕朝乾語上怒責獎堯有意倒置諭曰獎堯不以朝乾夕惕許朕則獎堯青海之功亦在朕許不許之間而未定也會期恒至入見上以奏對悖謬奪官上命更定打箭爐外增汰官兵諸事不用獎堯議四月上諭曰獎堯舉劾失當遣將士築城南坪不惜番民致驚惶生事反以降番復叛具奏青海蒙古饑饉不上聞怠玩昏愎不可復任總督改授杭州將軍而以鍾琪署總督命上撫遠大將軍印獎堯既受代疏言臣不敢久居陝西亦不敢遽赴浙江今於儀徵水陸交通之處候旨上益怒促獎堯赴任山西巡撫伊都立都統前山西巡撫范時捷川陝總督岳鍾琪河南巡撫田文鏡侍郎黃炳鴻臚少卿單疇書原任直隸巡撫趙之垣交章發獎堯罪狀侍郎史貽直高其佩赴山西按時捷劾獎堯遣兵圍邵陽民堡殺戮無辜亦以謝辭入奏上命分案議罪罷獎堯將軍授閒散章京自二等公遞降至拜他喇布勒哈番乃盡削獎堯職十二

月逮至京師下議政大臣三法司九卿會鞠是月甲戌具獄辭堯堯大逆之罪五欺罔之罪九僭越之罪十六狂悖之罪十三專擅之罪六忌刻之罪六殘忍之罪四貪黷之罪十八侵蝕之罪十五凡九十二款當大辟親屬緣坐上諭曰堯堯謀逆雖實而事蹟未著朕念青海之功不忍加極刑遣領侍衛內大臣馬爾賽步軍統領阿齊圖齎詔諭堯堯獄中令自裁還歸及堯堯兄希堯奪官免其罪斬其子富諸子年十五以上皆戍極邊堯堯幕客邵魯汪景祺先後皆坐斬親屬給披甲為奴又有靜一道人者四川巡撫憲德補送京師亦誅死五年赦堯堯諸子交還齡管束還齡旋卒還原職賜祭希堯初自筆帖式累擢工部侍郎既奪官復起內務府總管命權稅淮安加左都御史十三年為江蘇巡撫高其倬劾乾隆三年卒胡期恒字元方湖廣武陵人祖統虞明崇禎末進士國初授檢討官至秘書院學士父獻徵自蔭生授都察院經歷官至湖北布政使期恒康熙四十四年舉人獻徵與還齡友歎若弟昆期恒少從堯堯游上南巡獻詩授翰林院典簿出為夔州通判有恩信民為建生祠堯堯為巡撫薦期

清史稿

列傳八十二

八

恒遷夔州知府再遷川東道堯堯兼督陝西復薦遷西安布政使期恒通曉朝章國故才敏善理繁劇堯堯深倚之堯堯挾貴而驕惟期恒能以微言救其失堯堯奴辱咸陽知縣期恒執而杖之自是諸奴稍斂戢嘗諷堯堯善持盈堯堯勿能用及堯堯敗諸為堯堯引進者爭劾堯堯以自解期恒惟引咎終不言堯堯乃下獄頌繫至高宗即位始得釋僑居江南久之卒論曰雍正初隆科多以貴戚年羹堯以戰多內外夾輔為重臣乃不旋踵幽囚誅夷亡也忽諸當其貴盛侈汰隆科多恃元舅之親受顧命之重羹堯自代允稱為大將軍師所向有功方且憑藉權勢無復顧忌即於覆滅而不自休臣罔作威福古聖所誠可不謹歎

清史稿

列傳八十三

岳鍾琪

策凌

岳鍾琪字東美四川成都人父昇龍初入伍授永泰營千總康熙十二年吳三桂反水泰營游擊許忠臣受三桂劄昇龍使詣提督張勇告變密結兵民執忠臣殺之十四年從西寧總兵王進寶克蘭州先登被創遷莊浪守備從克臨洮平關隴加都督僉事銜累擢天津總兵三十五上年親征噶爾丹昇龍將三百騎護糧上命昇龍及馬進良白斌副將以次有違令退怯者得斬之乃聞昭莫多之捷授拖沙喇哈番擢四川提督初西藏營官入駐打箭爐上使勘界四川巡撫于養志言營官貿易不與地方事居數年營官喋吧昌側集烈發兵據瀘河東諸堡昇龍以五百人防化林營養志反劾昇龍擅發兵昇龍亦許養志上使勘界養志坐斬昇龍亦奪官喋吧昌側集烈擊殺明正土司蛇蜡哈吧傷官兵提督唐希順討之上命昇龍從軍事定希順以病解任仍授昇龍提督四

清史稿

列傳八十三

一

十九年乞休昇龍本貫甘肅臨洮以母年逾九十乞入籍四川許之逾二年卒雍正四年追設敏肅鍾琪初入資為同知從軍請改武職上命以游擊發四川旋授松潘鎮中軍游擊再遷四川永甯協副將五十八年準噶爾策妄阿喇布坦遣其將策凌敦多布襲西藏都統法喇督兵出打箭爐撫定裏塘巴塘檄鍾琪前驅至裏塘第巴不受命誅之巴塘第巴懼獻戶籍乍了察木多察哇諸番目皆順命五十九年定西將軍噶爾弼師自拉里入仍令鍾琪前驅鍾琪次察木多選軍中通西藏語者三十人更衣間行至洛隆宗斬準噶爾使人番眾驚請降噶爾弼至軍用鍾琪策招西藏公布以二千人出降鍾琪遂督兵渡江直薄拉薩大破西藏兵禽喇嘛為內應者四百餘人策凌敦多布敗走西藏平六十年師還授左都督擢四川提督賜孔雀翎命討郭羅克番部鍾琪率師並督瓦斯維谷諸土司兵自松潘出邊郭羅克番兵千餘出拒鍾琪擊破之取下郭羅克吉宜卡等二十一寨殲其眾乘夜督兵進至中郭羅克納務寨番兵出拒鍾琪奮擊未終日連克十九寨斬三百餘級獲其渠醜他爾肆索布六戈復督

兵進攻上郭羅克押六寨番目日增縛首惡假磁等二十二人以降郭羅克三部悉定予拜他喇布勒哈番世職六十年討平羊喇番於其地設南坪營雍正元年師討青海撫遠大將軍年羹堯請以鍾琪參贊軍事鍾琪將六千人出歸德堡撫定上寺東策卜下寺東策卜諸番部南川塞外郭密九部屢盜邊而呈庫活爾買二部尤橫鍾琪移師深入擄其巢壘平之二年授舊威將軍趣進兵郭隆寺喇嘛應羅卜藏丹津為亂鍾琪會諸軍合擊殲其衆燬寺擒戮其渠達克瑪胡土克圖羅卜藏丹津居額穆納布隆吉爾其大曾阿爾布坦溫布吹拉克諾木齊分屯諸隘鍾琪與諸將分道入鍾琪及侍衛達爾出南路總兵吳正安出北路黃喜林宋可進出中路副將王嵩紀成斌搜山師進至哈喇烏蘇方黎明番衆未起即縱擊斬千餘人番衆驚走逐之一晝夜至伊克喀爾吉獲阿爾布坦溫布復進次席爾哈羅色遣兵攻噶斯復進次布爾哈屯額穆納布隆吉爾羅卜藏丹津西竄鍾琪逐之一晝夜馳三百里其曾彭錯等來降鍾琪令守備劉廷言監以前驅鍾琪繼其後其曾吹因來降言羅卜藏丹津所在

清史稿

列傳八十三

二

距師百五六十里鍾琪令暫休薄暮復進黎明至其地羅卜藏丹津之衆方散就水草即縱擊大破之禽諸台吉並羅卜藏丹津母阿爾泰哈屯及女弟阿寶羅卜藏丹津易婦人服以遁廷言等亦得吹拉克諾木齊等鍾琪復進至桑陀海不見虜乃還出師十五日斬八萬餘級大曾助羅卜藏丹津為亂者皆就擒青海平上授鍾琪三等公賜黃帶莊浪邊外謝爾蘇部土番據棹子基子二山為亂納朱公寺朝天堂加爾多寺諸番與相糾合羹堯遣鍾琪等督兵分十一路進剿凡五十餘日悉討平之命兼甘肅提督三年復命兼甘肅巡撫四月解奠堯兵柄改授杭州將軍命鍾琪亦上舊威將軍印署川陝總督盡護諸軍河州松潘舊為青海蒙古互市地羹堯奏移於那喇薩喇鍾琪奏言青海部長察罕丹津等部落居黃河東請仍於河州松潘互市額爾德尼額爾克托克托爾等部落居黃河西請移市西塞塞外丹噶爾寺蒙古生業全資牲畜請六月後不時交易四川雜谷金川沃日諸土司爭界羹堯令金川割美同等寨界沃日致警殺不已鍾琪奏請還金川而以龍堡三歌地沃日上皆許之尋真除川

陝總督疏言土司承襲文武吏往往索費封其印數年不與致番目專恣警殺請定限半年仍令應襲者先行署理土司有外支循謹能治事者許土官詳督撫給職銜分轄其地多三之一少五之一使勢相維情相安入覲加兵部尙書銜疏言察木多外魯隆宗察哇坐爾剛柔鳴吹宗袁卓諸部距打箭爐遠不便遙制請宜諭達賴喇嘛令轄其地中甸裏塘巴塘及得爾格特瓦舒霍耳諸地並歸內地土司又言巴塘隸四川中甸隸雲南而巴塘所屬木咱爾宗拉普維西諸地偏近中甸總會於阿墩子實中甸門戶請改隸雲南與四川裏塘打箭爐互為犄角下王大臣議如所請四年春請選西安滿洲兵千人駐潼關冬請以陝甘兩省丁銀撥入地畝征收自雍正五年始著為定例逾年復疏言甘屬河東糧輕丁多河西糧多丁少請將二屬各自均派河東丁隨糧辦河西糧照丁攤下部議行四川烏蒙土知府祿萬鍾擾雲南東川鎮雄土知府隨慶侯及建昌屬冕山涼山諸苗助為亂上命鍾琪與雲貴總督鄂爾泰會師討之五年春擒萬鍾慶侯亦降烏蒙鎮雄皆改土歸流冕山涼山亦以次底定鍾琪督

清史稿

列傳八十三

三

三省天下勁兵處疑忌衆成都訛言鍾琪將反鍾琪疏聞上諭曰數年以來謠鍾琪者不止謗書一篋甚且謂鍾琪為岳飛裔欲報宋金之仇鍾琪懋著助勞朕故任以要地付之重兵川陝軍民受聖祖六十餘年厚澤尊君親上衆共聞知今此造言之人不但謗大臣並誣川陝軍民以大逆命巡撫黃炳提督黃廷桂嚴鞠尋奏胡廣人盧宗寄居四川因私事造蜚語無主使者論斬六年疏請以建昌屬河西寄番兩土司及阿都阿史紐結歪溪諸地改土歸流河東宣慰司以其地之半改隸流官升建昌為府領三縣並釐定營汛職制及善後諸事下部議如所請定新設府曰甯遠縣曰西昌冕寧鹽源又請改岷州兩土司歸流尋分疏請升四川達州陝西秦階二縣為直隸州七年又分疏請升甘肅肅州為直隸州陝西子午谷隘口增防守官兵裏塘巴塘諸地置宣撫安撫諸司至千百戶視流官例題補俱議行雷波土司為亂遣兵討平之靖州諸生曾靜遣其徒張熙投書鍾琪勸使反鍾琪與設誓具得靜始末疏聞上褒鍾琪忠遣侍郎杭奕祿等至湖南逮治語詳杭奕祿傳羅卜藏丹津之敗也走投準噶

爾其曾策安阿喇布坦納之策安阿喇布坦死子噶爾丹策零立數枝掠喀爾喀諸部上命傅爾丹為靖邊大將軍屯阿爾泰山北路鍾琪為寧遠大將軍屯巴里坤出西路討之加鍾琪少保以四川提督紀成斌等參贊軍務鍾琪率師至巴里坤築東西二城備儲備卒伍為深入計八年五月召鍾琪及傅爾丹詣京師授方略鍾琪請以成斌護大將軍印科舍圖嶺者界巴密巴里坤間鍾琪設牧廠於此準噶爾聞鍾琪方入覲乘間以二萬餘人入犯盡驅駝馬去成斌使副參領查原以萬人護牧廠寇至不能禦走過總兵曹勳壘呼救勳以輕騎往赴戰敗亦走總兵樊廷及副將冷大雄等將二千人轉戰七晝夜總兵張元佐督所部夾擊殺出兩卡倫官兵還所掠駝馬強半成斌欲罪查原既而釋之以捷聞上已遣鍾琪還鎮上謂當於卡倫外築城駐兵出游兵擊敵俾不敢深入令鍾琪詳議尋諭獎廷大雄元佐功賜金子世職遣內務府總管鄂善齋銀十萬犒師立祠安西祀陳亡將士上以酒三爵遙酌亦俾鄂善齋往設祭九年春鍾琪請移兵駐吐魯番巴爾庫爾為深入計上諭曰鍾琪前既輕言長

清史稿

列傳八十三

四

驅直入又為敵盜駝馬既恥且憤必欲進剿直搗巢穴能必勝乎九年正月鍾琪部兵有自敵中脫歸者言噶爾丹策零將移駐哈喇沙爾以大隊赴西路而令其將小策零多敦卜犯北路鍾琪以聞並言敵將自吐魯番侵哈密擾安西肅州邊界我軍聚莫敵當持重堅壁固守告北路遺兵應援並調兵自無克克嶺三面夾擊上諭曰前以鍾琪軍寡諭令持重堅守今已有二萬九千人樊廷馬步二千敵彼二萬轉戰七晝夜猶足相當乃以二萬九千人而云眾寡莫敵何懦怯至此且前欲直搗伊犁豈有賊至數百里內轉堅壁而不出乎賊果至巴爾庫爾即敗逃亦從科舍圖直走伊犁布爾和邵而遁無克克嶺相去二三百里安所得夾擊鍾琪於地勢軍機茫然不知朕實為煩憂二月準噶爾二千餘犯吐魯番成斌遣廷將四千人赴援敵引退四月又以千餘人犯吐魯番別以二百餘人犯陶賴卡倫六月又以二千餘人圍魯谷慶城吐魯番回目額敏和卓等率所部奮擊殺二百餘人鍾琪議令元佐勳及張存孝將三千人赴援提督顏清如將二千人屯塔庫成斌將四千人防陶賴俟我軍進擊烏魯木

齊移回民入內地上諭鍾琪今年秋間襲擊是第一善策援吐魯番乃不得已之舉若但籌畫應援而不計及襲擊是舍本而逐末也魯谷慶城圍四十餘日不下準噶爾移攻哈喇火州城以梯登回民擊殺三百餘人元佐等兵將至敵引退七月準噶爾大舉犯北路傅爾丹之師大敗於和通腦兒鍾琪請乘虛襲擊烏魯木齊上諭鍾琪賊既得志於北路今冬仍往西路且增添賊眾更多於侵犯北路俱未可知當先事圖維臨時權變勿貪功前進勿坐失機宜並令略行襲擊即撤兵回營鍾琪自巴爾庫爾經伊爾布爾和邵至阿察河遇敵擊敗之遂至厄爾穆河敵踞山梁以距鍾琪令元佐將步兵為右翼成斌將馬兵為左翼勳及總兵王緒級自中路上山參將黃正信率精銳自北山攻敵後諸軍奮進奪所踞山梁敵敗走謀言烏魯木齊敵帳盡徙乃引兵還疏聞上獎鍾琪進退遲速俱合機宜十二月上追舉科舍圖之役責成斌怠忽降沙州副將十年正月鏡兒泉避卒遇敵殺其二掠其一以去鍾琪劾副將馬順上併以鍾琪下部察議俄準噶爾三千餘人犯哈密鍾琪令勳成斌將五千人自回落兔大

清史稿

列傳八十三

五

坂總兵紀勳將二千人自科舍圖嶺分道赴援又令副將軍石雲倬常贊鎮安將軍卓爾分地設伏待敵占天生圍山口顏清如屯塔爾沁遣參將米彪副將陳經綸分道禦戰敵引去勳等將至二堡遇準噶爾五千餘人即縱兵奮戰一晝夜敵登山勳督兵圍山力戰至午敵潰遁勳自二堡至柳樹泉與經綸及副將焦景茲軍會乘夜追勳鍾琪使告雲倬等遣兵至無克克嶺待敵疏聞上獎慰之鍾琪議城穆聖駐軍並命乘勝興工雲倬等至無克克嶺鍾琪令速赴梯子泉阻敵歸路卓爾繼其後雲倬連發一日敵自陶賴大坂西越向納庫山遁去師至敵駐軍處餘火猶未息雲倬又令毋追襲鍾琪劾雲倬偵事奪官逃京師治罪以張廣泗代為副將軍上諭曰岳鍾琪素諳軍旅本非庸才但以懷朕猶深望之大學士鄂爾泰等劾鍾琪專制邊疆智不能料敵勇不能殲敵降三等侯削少保仍留總督銜護大將軍印六月鍾琪疏報移軍穆壘尋召鍾琪還京師以廣泗護印廣泗劾鍾琪調兵籌餉統馭將士種種失宜穆壘形如釜

底不可駐軍議分駐科舍圖烏蘭烏蘇諸地上命還軍巴爾庫爾蓋鍾琪官
 爵交兵部拘禁十一年以查郎阿署大將軍又諭鍾琪驕蹇不法且劾成斌元
 佐疏防上命斬成斌元佐降調又劾縱賊上命斬勳十二年大學士等奏擬
 鍾琪斬決上改監候乾隆二年釋歸十三年師征大金川久無功三月高宗命
 起鍾琪予總兵銜至軍即授四川提督賜孔雀翎時經略大學士訥親視師而
 廣泗以四川總督主軍事大金川曾莎羅奔居勒烏圍其兄子耶卡居噶拉依
 鍾琪至軍訥親令攻黨壩上以軍事諮鍾琪鍾琪疏言黨壩為大金川門戶礪
 卡嚴密漢土官兵止七千餘臣商諸廣泗請益兵三千廣泗不應廣泗專主自
 昔嶺卡撤進攻此二處中隔噶拉依距勒烏圍尚百餘里黨壩至勒烏圍僅五
 六十里若破康八達即直搗其巢臣商諸廣泗廣泗不謂然而廣泗信用土舍
 良爾吉及漢奸王秋等恐生他慮訥親亦劾廣泗老師糜餉詔速治亦罷訥親
 大學士傅恆代為經略鍾琪奏請選精兵三萬五千人出黨壩及瀘河水陸
 並進萬人自甲索攻馬牙岡乃當兩溝與黨壩軍合直攻勒烏圍卡撤留兵八

清史稿

列傳八十三

六

千侯克勒烏圍前後夾攻噶拉依黨壩留兵二千護糧正地留兵千防瀘河餘
 四下往來策應期一年擒莎羅奔及耶卡臣雖老請肩斯任命傅恆籌議傅恆
 用其策鍾琪自黨壩攻康八達山梁大破賊師進戰塔高山梁復屢破賊鍾琪
 初佐年羹堯定西藏莎羅奔以土目從軍及為總督以羹堯所劾金川屬塞還
 莎羅奔且奏給印信號紙莎羅奔以是德鍾琪師入莎羅奔懼遣使詣鍾琪乞
 降鍾琪請於傅恆以十二騎從入勒烏圍開諭莎羅奔請奉約束頂經立誓次
 日率耶卡從鍾琪乘皮船出詣軍前降上諭獎鍾琪加太子少保復封三等公
 賜號曰威信入覲命紫禁城騎馬免西征追償銀七十餘萬官其子泐勞侍衛
 賜詩褒之尋命還鎮十五年西藏珠爾默特為亂鍾琪出駐打箭爐事旋定十
 七年雜谷土司蒼旺為亂鍾琪遣兵討擒之十九年重慶民陳瑛為亂鍾琪力
 疾親往捕治還卒於資州賜祭禮設襄勳上以所封公爵不世襲予一等輕車
 都尉令其子漸襲鍾琪沈毅多智略御士卒嚴而與同甘苦人樂為用世宗屢
 獎其忠誠遂命專征終清世漢大臣拜大將軍滿洲士卒隸麾下受節制鍾琪

一人而已既廢復起大金川之役傅恆倚以成功高宗御製懷舊詩列五功臣
 中稱為三朝武臣巨擘云超龍昇龍弟初冒劉姓名曰傑入伍屢建建昌左營
 守備引見聖祖垂詢乃復本姓名超龍東川營游擊以避鍾琪改西南左營雍
 正二年授河州協副將勦定鐵布等寨亂番又以避鍾琪改張家口協六年遷
 天津總兵八年擢湖廣提督烏蒙亂超龍令總兵張大有率副將何勉參將母
 椿齡討平之尋遣兵分防貴州界上以深合機宜嘉之十年卒鍾瑄超龍子雍
 正七年以鍾琪奏赴西路軍効力授藍翎侍衛除鑾儀衛治儀正乾隆初擢四
 川威茂鎮參將再遷總兵歷建寧南贛開化昭通諸鎮擢廣西提督鍾琪卒代
 為四川提督疏言松潘總兵例出塞化番三年一度番性多猜調集守候彼此
 互防甚非所願又見小道遠費鉅託病不至惟附近土司領賞有名無實請停
 止以節勞費上從之金川土舍耶卡侵革布什咱土司革布什咱合九土司兵
 攻金川相持數年未決耶卡乞令能兵鍾瑄率兵出塞至拉必斯滿安營召耶
 卡出令還所侵地及所掠糧糈津圖諸土司番民九土司之兵悉罷旋卒賜祭

清史稿

列傳八十三

七

葬諡莊恪溶鍾琪子以二品廕生授安西同知擢口北道再擢山東布政使六
 年調山西署山東巡撫鍾琪出師命溶送至肅州八年召鍾琪詣京師命溶就
 省乾隆元年請免鄆城蘭山諸縣水衝地應徵丁米尋調江西三年請免南昌
 府屬浮糧三萬七千餘兩復疏請發帑修築豐城江隄濬江關河口議行社倉
 皆允所請兩江總督楊超曾劾溶與屬吏朋比納賄坐奪官六年授光祿寺卿
 出為福建按察使再遷廣東巡撫調雲南兩廣總督陳大受劾溶誤舉糧道明
 安以婪贓敗又採木修隄任屬吏作弊召還京師十八年授鴻臚少卿轉通政
 使參議卒溶在巡撫任虧庫項鍾琪請以公俸按年扣還上特命免之
 策棱博爾濟吉特氏蒙古喀爾喀部人元太祖十八世孫圖蒙肯號班珠爾與
 黃教西藏達賴喇嘛賢之號曰賽音諾顏其第八子丹津生納木札勒納木札
 勒生策棱康熙三十一年丹津妻格勉勒哈屯自塔密爾携策棱及其弟恭格
 喇布坦來歸聖祖授策棱三等阿達哈哈番賜居京師命入內廷教養四十五
 年尚聖祖女和碩純慈公主授和碩額駙尋賜貝子品級詔携所屬歸牧塔密

爾五十四年命赴推河從軍出北路防禦策妄阿喇布坦五十九年師征準噶爾策楞從振武將軍傅爾丹出布拉克至格爾額爾格慶破準噶爾獲其宰桑貝坤等百餘人俘馘甚衆戰烏蘭呼濟爾焚敵糧師還道遇準噶爾援兵復擊敗之授札薩克策楞生長漠外從軍久習山川險易慎喀爾喀爲準噶爾凌藉銳自磨厲練猛士千餘帳下爲親兵又以敵善馳突而喀爾喀無紀律節制每游獵及止而駐軍皆以兵法部勒之居常欽欽如臨大敵由是賽音諾顏一軍雄漠北雍正元年世宗特詔封多羅郡王二年入覲命偕同族親王丹津多爾濟駐阿爾泰並授副將軍詔策楞用正黃旗繼五年偕內大臣四格等赴楚庫河與俄羅斯使瓦薩立石定界事畢陳兵鳴礮謝天議罪當削爵上命改罰俸九年從靖邊大將軍順承郡王錫保討噶爾丹策零偵賊自和通呼爾哈諾爾窺圖學茂海奎素諸界借翁牛特部貝子羅卜藏等分兵擊卻之準噶爾諸酋有大策零敦多卜小策零敦多卜皆噶爾丹策零同族最用事噶爾丹策零遣大策零敦多卜將三萬人入掠喀爾喀聞錫保駐察罕度爾振武將軍傅爾

清史稿 列傳八十三 八

丹軍科布多乃遣其將海倫曼濟等將六千人取道阿爾泰進東分擾魯克倫及鄂爾喀喇烏蘇留餘衆於蘇克阿勒達呼爲聲援策楞偕丹津多爾濟迎擊至鄂登楚勒道台吉巴海將六百人宵入敵營誘之出追伏兵突擊斬其驍將餘衆驚潰大策零敦多卜及海倫曼濟等遁去詔進封和碩親王賜白金萬尋授喀爾喀大札薩克十年六月噶爾丹策零遣小策零敦多卜將三萬人自奇爾至額爾德畢喇色欽策楞偕將軍塔爾岱偕於本博圖山未至準噶爾掠克爾森齊老分兵襲塔密爾掠策楞二子及牲畜以去策楞不及援侍郎綽爾鐸以轉餉至語策楞曰王速率兵退敵歸路當大破敵策楞還軍馳擊距敵二日程初招丹津多爾濟赴援不至準噶爾兵趨額爾德尼昭八月策楞率兵追敵十餘戰敵屢敗小策零敦多卜據杭愛山麓逼鄂爾坤河而陳策楞令滿洲兵陳河南而率萬人伏山側蒙古諸軍陳河北遂戰敵見滿洲兵背水陳兵甚弱意輕之越險進滿洲兵卻走準噶爾兵逐之策楞伏起自山下如風雨至斬萬餘級谷中尸爲滿獲牲畜器械無算小策零敦多卜以餘衆渡河蒙古兵待

其牛渡擊之多入水死河流盡赤錫保馳疏告捷首表策楞功上嘉悅賜號超勇錫黃帶諭此次軍功非尋常勞績可比隨征兵弁著從優加倍議敘上以策楞牧地被寇資馬二千牛千羊五千白金五萬賑所屬失業業者並命城塔爾密建第居之十二月進固倫額爾時純愨公主已薨追贈固倫長公主十一年定邊大將軍平郡王福彭統軍駐烏里雅蘇臺詔策楞佩定邊左副將軍印進屯科布多尋授盟長十二年五月召來京諮軍務六月移軍察罕度爾十二年準噶爾乞和請以哲爾格西喇呼魯烏蘇爲喀爾喀游牧界上諸策楞策謂向者喀爾喀游牧尙未至哲爾格西喇呼魯烏蘇此議可許惟準噶爾游牧必以阿爾泰山爲界空其中爲甌脫準噶爾不從乾隆元年師還命策楞將喀爾喀兵千五百人駐烏里雅蘇臺分防鄂爾坤上以策楞母居京師策楞在軍久不得朝夕定省命送歸游牧並賜白金五千治裝二年準噶爾策零貽書策楞稱爲車臣汗中前請策楞以聞上命策楞以已意爲報書書曰阿爾泰爲天定邊界爾父理台吉時阿爾泰進西初無厄魯特游牧自滅噶爾丹我來建城駐兵

清史稿 列傳八十三 九

其地衆所共知其不令爾游牧者原欲以此爲隙地兩不相及以息爭端今台吉反云難以讓給試思阿爾泰爲誰地誰能讓給爾誠遵上指定議我必不爲爾始亦不復居科布多又謂我等哨兵逼近阿爾泰宜向內撤哨兵乃聖祖時舊例即定界豈能不設台吉其思之冬準噶爾使達什博爾濟奉表至命策楞偕詣京師三年春至京師噶爾丹策零表請喀爾喀與準噶爾各照現在駐牧上召達什博爾濟入見諭曰蒙古游牧冬夏隨時遷徙必指定山河爲界彼此毋得踰越遣侍郎阿克敦等使準噶爾與達什博爾濟偕往冬噶爾丹策零復使哈柳從阿克敦等奉表至請循布延圖河南以博爾濟昂吉勒圖無克克嶺噶爾喀諸地爲界北以邁多爾庫奎多爾輝庫奎至哈爾奇喇博木喀喇巴爾楚克諸地爲界準噶爾人不越阿爾泰山蒙古居山前亦止在扎卜堪諸地兩不相接并乞移托爾和布延圖二卡倫入內地上以所議準噶爾不越阿爾泰山定界已就範惟移托爾和布延圖二卡倫不可許四年春賜敕遣還哈柳詣策楞哈柳曰額爾喀游牧部屬在喀爾喀何弗居彼策楞答曰我主居此子惟

隨主居喀爾喀特子游牧耳哈柳又曰額駙有子在準噶爾何不令來京答曰
子蒙恩尚公主公主所出乃子他子無與也即爾送還子必請於上誅之冬
噶爾丹策零使哈柳復奉表至始定議準噶爾不過阿爾泰山梁不復言徒卡
倫事自雍正間與準噶爾議界策零三詣京師準噶爾憚其威重卒如指上
獎策校忠子陷準噶爾不復以為念乃用宗室親王例封其子成衮扎布世子
五年命勘定喀爾喀游牧母越扎布堪齊克慎哈薩克圖庫克嶺諸地與準噶
爾各守定界六年上以策校老命移軍駐塔密爾初喀爾喀凡三部及是土謝
圖汗十七旗滋息至三十八旗乃分二十旗與策校為賽音諾顏部以鄂爾昆
河西北烏里雅蘇河為游牧為三部屏蔽自此喀爾喀為四部十五年病篤上
遣其次子車布登扎布還侍使侍衛德山等往存問尋卒遺言請與純愨公主
合葬喪至京師上親臨奠命配享太廟諡曰襄御製詩輓之子八最著者長子
成衮扎布次子車布登扎布成衮扎布初授一等台吉乾隆元年封固山貝子
四年封世子賜杏黃轡十五年襲扎薩克親王兼盟長授定邊左副將軍十七

清史稿

列傳八十三

十

年入覲十八年杜爾伯特台吉車凌等內附成衮扎布遣兵赴烏里雅蘇臺防
準噶爾追兵準噶爾宰桑禡木特以二百人追入邊上命母縱使還禡木特逸
去詔以責成衮扎布十九年命移軍烏里雅蘇臺尋能定邊左副將軍命赴額
爾齊斯督屯田二十年師定伊犁屯田兵撤還仍駐烏里雅蘇臺二十一年和
托輝特青衮咱卜謀為亂成衮扎布發其謀八月亂作仍授定邊左副將軍率
師討之賜三眼孔雀翎十二月獲青衮咱卜賜杏黃帶二十二年輝特巴雅爾
為亂正月授定邊將軍率師赴巴里坤捕治十二月入覲復授定邊左副將軍
駐烏里雅蘇臺二十六年以準噶爾及回部悉平請展喀爾喀界下軍機大
臣議以附近烏魯木齊四汛令索倫綠旗兵駐防自蘇伯昂阿至烏拉克沁伯
勒齊爾十一汛令成衮扎布督理二十八年入覲二十九年以烏里雅蘇臺城
圯請築城舊址外立木柵內實以土引水環之報聞三十六年卒子七獲青衮
咱卜封其第四子占楚布多爾布為世子代掌扎薩克卒命其長子輔國公額
爾克沙喇代掌扎薩克卒命次子輔國公伊什扎布楚代掌扎薩克及成衮扎

布卒以第七子拉旺多爾濟襲扎薩克親王拉旺多爾濟尚高宗女固倫和靖
公主授固倫額駙從征臨清石峯堡有功嘉慶八年閏二月仁宗乘輿入順貞
門有陳德者伏門側突出侍衛丹巴多爾濟禦之被三創拉旺多爾濟投其腕
乃獲而誅之賜御用補褂封其子巴彥濟爾噶勒輔國公車布登扎布初授一
等台吉額爾德尼昭之役力戰被創封輔國公賜雙眼花翎十七年成衮扎
布請析所部授車布登扎布自為一旗上允之別授扎薩克十九年督兵剿撫
烏梁海獲準噶爾宰桑賜貝子品級二十年師征伊犁車布登扎布將三百騎
自察罕呼濟爾疾馳至集賽擒宰桑齊巴漢偵達瓦齊所在奪舟渡伊犁河遂
達瓦齊封多羅貝勒阿睦爾撒納謀以伊犁叛車布登扎布首發其奸密以告
將軍班第師還命招降烏梁海部落即以隸焉二十一年烏梁海會郭勒卓輝
偽言哈薩克汗阿布查與阿睦爾撒納連和上命率師討之有宰桑固爾班和
卓者攜千餘戶赴烏梁海謀借遁車布登扎布麾兵捕治殲其眾遂進兵哈薩
克界會尙書阿里衮自伊什勒諾爾轉戰至汗扎爾會斬獲無算封多羅郡王

清史稿

列傳八十三

十一

成衮扎布討青衮咱卜召車布登扎布還烏里雅蘇臺為佐二十二年代成衮
扎布署定邊左副將軍尋命兆惠代成衮扎布為定邊將軍而以車布登扎布
為之副二十三年正月授定邊右副將軍從兆惠出巴里坤遣兵赴喀什噶格
斯搜逸寇尋命赴博羅塔拉捕布庫察罕哈薩克錫喇等哈薩克部人擒布庫
察罕哈薩克錫喇及宰桑鄂哲特等走和洛霍斯車布登扎布督兵逐之哈薩
克錫喇度不得脫悉眾據高岡拒戰部將以兵寡請待其走擊之車布登扎布
持不可廢兵急進擒鄂哲特哈薩克錫喇僅以身免詔以其父超勇號賜之鄂
哲特械至京師言車布登扎布身先士卒所向無前上益嘉歎賜金黃帶車布
登扎布進次阿布勒噶爾哈薩克縛布庫察罕以獻因請赴阿克蘇與將軍兆
惠會上命還伊犁進親王品級尋以在軍久令歸游牧休息二十四年令佐將
軍兆惠進葉爾羌討霍集占旋復命還伊犁二十七年使西藏三十六年代成
衮扎布為定邊左副將軍授盟長以牟利被訐能左副將軍擅請展牧界創親
王品級命以郡王兼扎薩克世襲四十七年卒子三不勒多爾濟襲

論曰世傳鍾琪長身頰而隆準而駢脅臨陳挾二銅鑊重百餘斤指麾嚴肅不可犯軍西陲久番部皆畏其名其受莎羅奔降也傳恆升帳坐鍾琪戎服佩刀侍莎羅奔出語人曰我曹仰岳公如天人乃傳公傲然踞其上天朝大人誠不可測也策棧白哲微髯善用兵所部多奇士有脫克渾者日行千里登高張兩手若雕鼓翼詎敵敵不之察事定策棧欲官之辭資以千金酌酒勞之脫克渾請出侍姬舞起而歌慷慨策棧大悅卽以姬及所乘馬賜之載籍言名將往往舉其狀貌及其軼事使讀者慕焉鍾琪忠而毅策棧忠而勇所請衛霍郭李之倫毋謂古今人不相及也

查郎阿

傅爾丹

馬爾賽

慶復

張廣泗

查郎阿字松莊納喇氏滿洲鑲白旗人曾祖章泰以軍功授拖沙喇哈番祖查爾海復以軍功進一等阿達哈番父色思特死烏蘭布通之戰查郎阿襲世職兼佐領遷參領雍正元年授吏部郎中二年超擢侍郎署鑲黃旗滿洲都統五年遷左都御史仍治吏部事是歲冬西藏噶布倫阿爾布巴等爲亂戕總理藏務貝子康濟爾扎薩克台吉頗羅鼐馳聞上命查郎阿偕副都統邁祿率兵入藏六年擢尙書秋師至藏駐藏副都統馬喇等已擒阿爾布巴卽按誅之並殲其餘黨查郎阿奏移達賴喇嘛暫居裏塘留兵二千交駐藏大臣調遣又奏請以頗羅鼐總理後藏而前藏達賴喇嘛未還畢昭新授噶布倫虛未妥協並令頗羅鼐兼領皆從之七年命查郎阿至西安留佐川陝總督岳鍾琪專理軍需鍾琪授大將軍出師令署川陝總督兼西安將軍加太子少保八年命往肅州專理軍需九年析置四川陝西兩總督查郎阿改署陝西總督十年召鍾琪還京師以查郎阿署甯遠大將軍命大學士鄂爾泰馳驛往肅州授方略並賜白金萬十一年疏劾副將紀成斌防庾集總兵張元佐防無克克嶺敵入掠糧車漫無偵察上命斬成斌元佐坐降調又劾總兵曹勳防哈密縱賊妄報上命斬勳又劾副都統阿克山觀音保牧馬多死玩愒軍事下部議當斬查郎阿復奏阿克山觀音保所部兵久居南方不知牧馬法視退縮竊換者有問請暫免死令於通衢荷校徧示諸軍十三年噶爾丹策凌乞和命查郎阿撤兵奏請留兵戍哈密及三堡沙爾圖塔勒沁諸城並於南山大坂無克克嶺塔勒沁沁河源分設斥埃又奏於安西及赤金靖逆柳溝布隆吉爾橋灣五處分兵駐防部議如所請授文華殿大學士兼兵部尙書仍改陝西總督爲川陝總督乾隆元年疏言甘肅地瘠請撥陝西倉糧預籌協濟命會巡撫劉於義確議尋請撥陝西倉糧八萬石運貯慶陽涇州靜甯固原諸處從之疏劾甘肅巡撫許容匿

災營私上命奪官速治秋入覲諭速回任奏言軍中馬駝被竊當責大將軍
偵補雍正十年以前岳鍾琪任之十一年臣任之惟鄂爾多斯牧廠所失及歷
年馬駝多斃請免追償上許之三年奏劾肅州道黃文煒軍需道沈青崖等侵
帑並及於義徇庇遣左都御史馬爾泰會鞠論罪章嘉呼圖克圖請以裏塘巴
塘界達賴喇嘛查郎阿奏聖祖時克西藏收裏塘巴塘內屬章嘉胡圖克圖以
日用不敷為辭蔽中大小廟千餘常住喇嘛四十餘萬需用良鉅請視裏塘巴
塘諸地每歲徵收數目以打箭爐商稅撥予達賴喇嘛地仍內屬如故上嘉納
之甯夏地震查郎阿馳往賑撫五年命還京入閣治事加太子太保六年命與
侍郎阿里衮清察黑龍江吉林烏喇開墾地畝十二年以衰病命致仕尋卒
傅爾丹瓜爾佳氏滿洲鎮黃旗人費英東曾孫倭黑子也康熙二十年襲三等
公兼佐領授散秩大臣四十二年上西巡駐驛祁縣鄭家莊於行宮前閱太原
城守兵騎射有卒馬驚逸近御仗傅爾丹直前勒止之掉其人上下悅諭獎傅
爾丹賜貂皮褂尋授正白旗蒙古都統四十八年授領侍衛內大臣五十四年

清史稿

列傳八十四

二

以託疾未入直罷領侍衛內大臣命率土默特兵千赴烏蘭固木等處屯田五
十六年復授領侍衛內大臣師討噶爾丹授富甯安靖逆將軍出西路傅爾丹
振武將軍出北路駐軍阿爾泰五十七年疏請與富甯安分路進兵諭定師期
傅爾丹請與征西將軍祁里德將萬二千人以七月出布魯爾直抵額爾齊斯
河會策妄阿喇布坦使來乞和令暫停進取繕兵防守上欲於烏蘭固木科布
多築城衛喀爾喀游牧命傅爾丹相度具奏五十八年春傅爾丹疏請築城鄂
勒齊圖郭勒上以鄂勒齊圖郭勒距師遠命更於科布多築城傅爾丹復疏言
科布多阻大河材木難致請築城察罕庚爾距鄂勒齊圖郭勒千里中設十一
站上從之五十九年將八千人自布拉罕進次格爾額爾格准噶爾兵潰擊斬
二百餘級擒宰桑等百餘盡降其衆又焚烏蘭呼濟爾敵糧引還雍正元年命
兼統祁里德軍分兵駐巴里坤三年召還授內大臣四年授黑龍江將軍六年
授吏部尚書賜雙眼孔雀翎初青海羅卜藏丹津敗走準噶爾策妄阿喇布坦
納之上屢遣使索獻策妄阿喇布坦亦遣使請和上罷兩路兵久之議未決策

安阿喇布坦死子噶爾丹策零嗣屢犯邊七年二月上命廷臣集議大學士朱
軾左都御史沈近思皆言天時未至副都統達福亦言不可惟大學士張廷玉
贊用兵上意乃決復出師命傅爾丹為靖邊大將軍出北路發京師八旗兵六
千車騎營兵九千奉天等處兵八千八百以巴賽為副將軍順承郡王錫保掌
振武將軍印陳泰袁泰石禮哈岱蒙達福覺羅海蘭為參贊定壽將前鋒魏麟
閃文總將軍騎營納泰將奉天兵塔爾岱西彌賴將索倫兵費雅雅思哈將古
塔兵阿三將右衛兵素圖將寧夏兵承保常祿將察哈爾兵馬爾齊袁布將土
默特兵丹巴沙津達賴將喀喇沁土默特兵法敏伊都立巴泰西琳傅德理饒
永國護印上祭告太廟幸南苑閱車騎營兵御太和殿行授銀禮賜傅爾丹御
用朝珠黃帶紫轡白金五千加少保出駐阿爾泰八年噶爾丹表請執羅卜藏
丹津以獻上命緩進兵尋召與鍾琪同詣京師議軍事遣還軍九年疏言科布
多為進兵孔道請仍於此築城下廷議如所請六月傅爾丹移軍科布多噶爾
丹策零遣所部喀蘇爾海丹巴為間為守卡侍衛所獲詰之曰噶爾丹策零發

清史稿

列傳八十四

三

兵三萬使大策零敦多卜小策零敦多卜分將犯北路小策零敦多卜已至察
罕哈達大策零敦多卜以事宿留未至傅爾丹信其語計及其未集擊之令選
兵萬人循科布多河西以進素圖岱豪為前鋒定壽等領第一隊馬爾賽等領
第二隊傅爾丹舉大兵繼其後令袁泰護築城陳泰屯科布多河東斷奇蘭道
六月庚子師發科布多定壽等進次雅克賽河獲準噶爾進卒言距察罕哈達
止三日程準噶爾兵不過千人未立營傅爾丹命乘夜速進行數日不見敵戊
申獲諜言準噶爾兵二千屯博克托嶺傅爾丹遣蘇圖岱豪將三千人往擊之
敵出羸兵誘師而伏二萬人谷中已酉定壽師次庫列圖嶺遇敵斬四百餘級
敵驅駝馬踰嶺遁庚戌傅爾丹師至蘇圖定壽皆會辛亥遂敵入谷伏發據高
阜衝擊傅爾丹督戰殺敵千餘塔爾岱馬爾齊督兵奪西山敵據險師攻之不
能克壬子傅爾丹令移軍和通呼爾哈諾爾定壽素圖覺羅海蘭常祿西彌賴
據山梁東塔爾岱馬爾齊據其西承保居中馬爾薩出其東達福岱豪當前舒
楞額沙津達賴等護後師甫移敵力攻山梁東西二軍定壽等奮戰大風雨雹

師爲敵所圍傅爾丹遣兵援塔爾岱出又令承保授定壽日暮圍未解癸丑海
蘭突圍出定壽蘇圖馬爾齊皆自殺西彌賴令索倫兵赴援兵潰亦自殺甲寅
敵環攻大營傅爾丹督兵禦之殺敵五百餘科爾沁兵潰沙津達賴奮戰入敵
陳師望見其難曰土默特兵陷賊矣遂大潰乙卯永國海蘭岱豪皆自殺傅爾
丹雜士伍中以出敵大集查弼納巴賽達福馬爾薩舒楞額皆戰死傅爾丹率
殘兵渡哈爾噶納河敵追至擊殺五百餘人七月壬戌朔還至科布多收餘兵
僅存二千餘方戰科爾沁蒙古兵先敗傅爾丹聞人言謂先敗者土默特兵也
劾沙津達賴斬歸化城土默特副都統袁布降敵戮其孥傅爾丹疏請罪上
諭曰損兵誠有罪朕因爾等竭蹶力戰特寬恕之痛惻難忍不覺淚下解朕親
束帶賜傅爾丹爾等毋妄動敵至能堅守即爾等之功科布多不能守可還軍
察罕庚爾爾丹復疏請罪上諭曰輕信賊言冒險深入中賊詭計是爾之罪
至不肯輕生自殺力戰全歸此爾能辨別輕重事定朕自有處置尋命以錫保
爲靖邊大將軍傅爾丹掌振武將軍印協辦軍務十年七月準噶爾侵烏遜珠

清史稿

列傳八十四

四

勅錫保令傅爾丹將三千人禦之敗績錫保疏劾能領侍衛內大臣振武將軍
削公爵十一年錫保再疏劾傅爾丹上察傅爾丹兵寡原其罪命留軍効力十
三年伊都立等侵軍饑事發辭連傅爾丹命侍郎海望逮詣京師下獄並追論
和通呼爾哈諾爾及烏遜珠勒失機罪王大臣等依律擬斬命未下世宗崩高
宗即位命改監候乾隆四年與岳鍾琪並釋出獄十三年師討大金川未下授
內大臣護軍統領赴軍尋命署川陝總督與鍾琪治軍事大學士傅恒出爲經
略奏傅爾丹衰老惟熟於管理滿洲兵請令專治營壘諸事十四年命爲參贊
大金川師罷授黑龍江將軍十七年卒賜祭葬謚溫愨子兆德襲爵哈達哈自
有傳傅爾丹頹然樹立面微頰美鬚其爲大將軍廷玉實薦之鍾琪嘗過其
帳見壁上刀梨森然問安用此傅爾丹曰此吾所素習者懸以勸衆鍾琪出曰
爲大將不恃謀而恃勇敗矣
馬爾賽馬佳氏滿洲正黃旗人大學士二等公圖海孫馬爾賽襲爵康熙間迭
授護軍統領黃旗蒙古都統領侍衛內大臣掌鑾儀衛事雍正二年加贈圖

海一等公號曰忠達仍以馬爾賽襲調鑲藍旗滿洲六年授武英殿大學士兼
吏部尚書八年命與大學士張廷玉蔣廷錫詳議軍行事宜尋以翊贊機務加
一等阿達哈哈番世職九年靖邊大將軍傅爾丹討噶爾丹策零師敗績授撫
遠大將軍調西路副將軍覺羅伊禮布爲參贊率師駐圖拉馬爾賽師行聞準
噶爾將犯科布多奏請暫駐第十五臺俄聞準噶爾兵屯科布多近處又奏請
進駐察罕度爾既又聞準噶爾兵至奎素復奏請調蒙漢兵七千人赴推河上
責馬爾賽輾轉不定命駐第十四臺待命旋命將蒙漢兵五千人駐翁蘇上解
傅爾丹靖邊大將軍印授順承郡王錫保諭馬爾賽蒙古諸扎薩克俱遵靖邊
大將軍調遣不得以撫遠大將軍印有所徵發尋改授撫遠將軍駐扎克拜達
里克十年秋準噶爾大舉內犯掠喀爾喀諸部喀爾喀親王策棱與額爾德
尼昭大破之餘衆循鄂爾尼河源走推河錫保制馬爾賽令與建勳將軍達爾
濟合軍截擊喀爾喀親王丹津多爾濟亦馳報促馬爾賽發兵馬爾賽集諸將
議諾爾琿曰我等當速發兵迎截遲且將不及諸將皆和之獨都統李杕以爲

清史稿

列傳八十四

五

但當守城馬爾賽以杕言爲然諾爾琿博爾屯等力請傅爾丹至跪求馬爾賽持
不可達爾濟遣使約會師馬爾賽終不應士卒登城見敵過奮欲出擊參贊胡
琳傅爾不待馬爾賽令將所部以出馬爾賽乃與偕行至博木喀拉令欽拜將
七百人逐敵馬爾賽引還準噶爾兵去已遠欽拜等亦無所獲而返胡琳欽拜
博爾屯諾爾琿等先後疏報上命奪馬爾賽官爵治罪錫保等請誅馬爾賽及
杕部議當貶誤軍機律斬十二月遣副都統索林赴扎克拜達里克斬馬爾賽
李杕漢軍鑲藍旗人李國翰四世孫降襲三等伯累擢至廣州將軍坐駐防兵
閩巡撫官解逮京師論斬上貸之復授都統仍令襲爵至是責其一言債事罪
與馬爾賽等奪官爵論斬
慶復字瑞蘭佟佳氏滿洲鑲黃旗人修國維第六子雍正五年襲一等公授散
秩大臣遷鑾儀使兼領武備院事七年授正白旗漢軍副都統八年遷正藍旗
漢軍都統九年列議政大臣十一年授工部尚書署刑部調戶部十二年授領
侍衛內大臣十三年高宗即位命代平郡王福彭爲定邊大將軍出北路乾隆

元年準噶爾乞和罷兵慶復請沿邊設卡倫以待衛或護軍一專管喀爾喀台吉一協理發士謝爾賽因諾顏扎薩克圖車臣四部兵合三千人歲六月集鄂爾坤出巡九月能歸牧詔如所請召還京署吏部尚書兼戶部尋員除刑部二年授兩江總督劾江西巡撫俞兆岳貪鄙營私奪官論如律疏言蘇常揚鎮通泰諸屬例徵麥二萬餘石請改徵米從之移督雲貴四年加太子少保五年疏言雲南府屬縣引南汁等六河溉田山溪皆涸水發不常沙石壅遏堤埝易決請以時修治上嘉之又言滇黔粵蜀四省接壤搖苗雜處往往爭界構訟積案莫結如廣西鎮安屬小鎮安土州與雲南廣南屬土目爭剝頭者賴二村臣令詳勘以村入廣西境應歸廣西而廣西又議以小鎮安土州歸雲南蓋昭陽關為界雲南四川於金沙江分界雲南屬江驛七夏則補普毛諸地越在江外兩省駐汛分防犬牙互制而四川又欲劃江分界見在民夷甯帖應仍舊貫不必紛更其或田在彼境糧在此境當以糧從田俾免牽混下軍機大臣議行又疏言錢價日昂請省城增十爐臨安增五爐發餉銀七錢三下部議行又分疏請

清史稿

列傳八十四

六

開姚州暨井南安州屬焉嘉大小猛光回子門諸地招墾浚治金沙江旋移督兩廣疏劾粵海關監督鄭伍賽需索侵他擬罪如律又疏言瓊州四面環海中有五指山黎人所居請設義學俾子弟就學應試別編黎字州縣額取一名八年又疏言廣西東蘭州自雍正初改土為流置兵二百戍守水土毒惡山路崎嶇民病於運糧請以其半改駐三旺均從之復移督川陝郭羅克土番處青海界上地寒不能畜牧屢出為夾埔夾埔華言盜也慶復令捕其酋林噶架立誅之番眾頂經誓奉約束慶復令番番三百餘戶授地課耕歲五六月許出獵限一次寨限十五人要隘設汛置兵松潘鎮總兵歲出巡駐阿壩番人訟不決詣總兵剖晰上中下三部置土千戶一十百戶二種人為盜責三土目捕治疏聞下軍機大臣議行又有瞻對公司在打箭爐邊外處萬山中恃險肆劫掠及臺站兵有司捕治上瞻對土目四朗下瞻對土目班液匿罪人不出十年慶復偕巡撫紀山提督李質粹疏請發兵進剿上命宜妥協周詳毋少疏忽慶福遂發兵質粹進駐東俄洛扼兩瞻對總隘夔州副將馬良柱出裏塘為南路松潘總

兵宋宗璋出廿枚為北路建昌總兵袁士弼出沙普隆為中路刻期並發四朗請宗璋軍降士弼自據城頂越納爾格與番人戰加社丁卡諸地屢勝良柱攻噶嗎所焚其寨三地雷發番人死甚眾上下瞻對夾江而居四朗居江西地曰撤憾其從子肯朱居江東地曰孺耳班液亦居江西地曰如郎江東木魯工為要隘四朗既降宗璋兵越撤憾駐阿賽去如郎數十里良柱亦逼進如郎質粹發兵往應班液力拒宗璋分兵自然多會士弼克臘蓋破底朱良柱亦撫定番寨四十六班液請降慶復不許疏入上命毋恃勝輕敵尋授慶復文華殿大學士仍留總督十一年春慶復進駐東俄洛奏言前克底朱班液母率頭人至軍前請降質粹遣令歸臣咨詢質粹令速進兵上責質粹失機慶復又疏劾士弼意主招降請奪官仍戴罪効力尋自東俄洛進駐靈雀以明正土司汪結及降人騷達那俄木丁等為導自如色以皮船渡破十餘卡逼如郎攻泥日寨圍之數日焚礮質粹咨慶復言班液已焚死又言焚礮時火光中望見番酋懸縊慶復詢於眾俄木丁於爐中得烏槍銅碗謂班液物也遂以班液焚斃疏聞上察

清史稿

列傳八十四

七

慶復師逼如郎時嘗奏班液走沙加邦河土目姜錯太迎入寨未言至泥日諭慶復班液渠魁斷不可漏網母留遣孽母嚼狡計尋加慶復太子太保慶復又劾士弼怯懦乖張奪官逮下刑部論罪十二年大金川土酋沙羅奔為亂上授張廣泗川陝總督召慶復入閣治事命兼管兵部尋廣泗奏言訊土司汪結言班液尚匿如郎未死慶復得班液子沙加七立為更名德昌喇嘛令仍居班液大礮冒稱經堂上責慶復欺罔奪官待罪欽差大臣尙書班第奏言師克如郎班液已逃僅得空寨上逮質粹下刑部獄召宗璋與質粹言曩報班液焚斃實未親見後聞藏匿山洞亦未告慶復追捕上命下慶復刑部獄令軍機大臣會訊按律定擬坐貽誤軍機律論斬十四年九月賜自盡李質粹漢軍正白旗人雍正初自把總擢藍翎侍衛嘗從年羹堯出師累擢陝西固原提督丁憂命署四川提督附和慶復妄言班液死慶復死之明年斬質粹張廣泗漢軍鎮紅旗人以監生入貫授知府康熙六十一年選貴州思州雍正四年調雲南楚雲貴總督鄂爾泰討亂苗以廣泗佐其事奏改調黎平五年

擢貴州按察使六年廣泗率兵赴都勻黎平鎮遠清平諸地化導羣苗相機剿撫超授巡撫清平屬丹江苗最悍廣泗遣兵分道攻克小丹江大丹江及雞溝等寨鎮遠屬上九股諸寨與接壤亦次第降下九股清水江古州諸苗悉定疏聞上命與鄂爾泰詳議善後諸事語詳鄂爾泰傳十年廣泗疏言清水江及都江爲黔楚粵三省通流當設哨聯絡聲勢古州應貯米資成同知以下董理譯人分別勤惰予精並授土官制付宣布條約化導苗民下部議行敘功授拜他喇布勒哈番世職准噶爾邊甯遠大將軍岳鍾琪率師出西路上授廣泗副將軍召詣京師授方略廣泗至軍鍾琪方自巴爾庫爾移軍穆壘廣泗將四千人出鄂隆吉與鍾琪會於科舍圖至穆壘上召鍾琪還京師命廣泗護大將軍印廣泗疏言穆壘地處兩山間築城其中形如釜底非屯兵進取之地今築城未竟臣與副將軍常賚兩營當要衝兵止二三百即鍾琪營亦僅數百遇警何以抵禦準噶爾專用馬我兵必馬步兼用而鍾琪立意用車沙磧殊非所宜至馬步兵弓箭鳥鎗之外止擗木棍全無刀戟官兵莫不駭議穆壘又無牧地

清史稿

列傳八十四

八

鍾琪留馬二千餘悉就牧馬蘭烏蘇科舍圖兩地敵人窺伺可虞駐兵數萬人糧運最要地多叢山大嶺車駝分運必繞出沙磧鍾琪聞寇至輒令停運以此遲緩鍾琪張皇剛復號令不明題奏奉到諭旨臨時宣傳莫測誠爲上奪鍾琪官命廣泗還軍巴爾庫爾廣泗奏軍還巴爾庫爾分兵防洗賚無克克嶺斷敵南走道防度集察罕哈馬爾斷敵西來道巴爾庫爾北爲銳兒泉噶順烏卜圖克勒克諸地東北爲圖古里克特爾庫勒諸地敵自沙磧來處處可通皆置兵守他諸要隘並設卡倫巡護牧廠哈密塔勒沁皆增兵爲備尋以查郎阿爲大將軍授廣泗正紅旗漢軍都統留軍十一年廣泗將萬餘人分駐北山十二年調寇至烏圖河檄副都統班第達什降調總兵張元佐及提督樊廷逐捕越噶順至鄂隆吉大坂擊破之斬四百餘人獲三十六人捷聞命議敘十二年準噶爾乞和師還授湖廣總督自鄂爾泰定苗疆至是九股苗復爲亂尙書張照偕將軍哈元生副將軍董芳率兵討之久無功高宗即位授廣泗經略赴貴州將軍以下聽節制廣泗疏劾阻撓軍機徵集兵數萬元生沿途分布用以攻

剿者不過三千顧此失彼芳駐守八已僅事招撫巡撫元展成治賑條款紛錯官民並困上爲奪照芳展成等官命廣泗兼領貴州巡撫龍元生將軍以提督聽廣泗驅策十二月廣泗至凱里分兵三道進剿副將長壽出空裨總兵王無黨出營廣泗督兵出清江地日難擺尾刻期並進破上九股卦丁等寨燬其巢餘苗走入牛皮大箐乾隆元年正月廣泗令諸軍合圍獲其渠包利等斬萬餘級諸苗悉定授廣泗雲貴總督兼領巡撫進三等阿達哈哈番世職奏定鎮遠安順大定平遠諸營制增貴州兵額都計二千九百有奇三年復請溶治清水江都江增爐鑄錢皆下部議行五年請入覲會湖廣城步橫嶺等寨紅苗糾粵爲亂命廣泗往勸九月授欽差大臣楚粵提鎮以下受節制十一月亂定六年正月至京師乞歸聖賜其父母祭貴州黎平黑苗復糾粵爲亂命廣泗還貴州按治獲苗酋石金元等置之法十年加太子少保十一年大金川土司莎羅奔爲亂調川陝總督廣泗至軍小金川土司澤旺土舍良爾吉來降八月遣總兵宋宗璋許應虎分道攻勸烏圖副將馬良柱攻噶拉依副將張興參將

清史稿

列傳八十四

九

買國良繼進山險礮擊轉戰逾二年師無功十三年疏劾良柱自丹噶撤軍失礮械命速詣京師上授大學士訥親略出視師並起岳鍾琪赴軍詔責廣泗師老氣怯調度失機宜廣泗奏報攻克戎布寨五十餘礮論曰此亦小小攻克耳佇待捷音以慰西顧訥親初至督攻礮師收績總兵任舉爲驍將戰沒乃議令官軍築礮謂與賊共險上以爲非策責廣泗附和推諉嚴詰難訥親劾廣泗分十道進兵兵力微弱老師糜餉鍾琪亦劾廣泗玩兵養寇信用良爾吉及漢奸王秋洩軍事於敵上責廣泗貽誤軍機奪官逮至京師上御瀛臺親鞫廣泗極言其任命用刑辨不已上諭曰金川用兵張廣泗訥親前後貽誤廣泗初至軍妄爲大言既久無成效則諉過於部將及訥親往乃復觀望推諉見訥親種種失宜無一語相告見其必敗訥笑非議備極險伎蓋恐此時奏聞猶或諛責不若坐視決裂爲得計也朕詳悉推勘如見肺腑訥親且在其術中而不覺矣廣泗熟嫻軍旅與訥親並爲練達政事之大臣乃自逞其私罔恤國事今朕明正其罪以彰國憲下軍機大臣會刑部議罪當失誤軍機律斬十二月斬廣

泗後十日諭並誅訥親

論曰爲三軍擇將豈易言哉查郎阿臨邊未遇敵按殺成斌勳世謂與查廩有連爲修怨甚矣其枉也傅爾丹中敵間師徒撓敗世宗特寬之高宗時復起至與岳鍾琪同視何其倖歟若馬爾賽之畏縮慶復之欺誑當其罪廣泗傾鎮琪効照知訥親不可憾乃坐視其敗以伎殺其身雖有勞不能道吁可畏哉

清史稿

列傳八十四

清史稿

列傳八十五

常寶

查克丹

董芳

哈元生

鳴爾弼

查弼納

鳴爾弼納喇氏滿洲鎮紅旗人父額爾德赫爲敬謹親王尼堪長史屢從征伐順治十六年署護軍統領偕安南將軍達索等師下廈門擊鄭成功額爾德赫將右翼獲其將周序命署領海將軍康熙元年還京尋卒雍正間以鳴爾弼疏乞補諡諡果毅鳴爾弼初授前鋒參領累遷鎮紅旗護軍統領準噶爾策妄阿喇布坦遣策零敦多卜襲據西藏康熙五十八年命鳴爾弼馳赴四川佐總督年羹堯治軍事鳴爾弼調知策零敦多卜與其副三濟不睦謂其隙可乘疏請招策零敦多卜降五十九年二月上命平逆將軍延信自青海入西藏而授鳴爾弼定西將軍偕都統武格將四川雲南兵出拉里策零敦多卜自將拒延信而遣其黨春不勒宰桑將二千六百人自章米爾戎拒鳴爾弼鳴爾弼取間道

清史稿

列傳八十五

至莫珠貢喀集皮船渡河直趨西藏八月克之鳴爾弼集西藏大小第巴頭目及諸寺喇嘛宣上指安撫封達賴喇嘛倉庫遣兵守隘截準噶爾糧道擒斬策零敦多卜所署置總管喇嘛五策策敦多卜爲延信所破遁走西藏平捷聞上諭曰鳴爾弼等遵朕指行師絕域各自奮勵撫定唐古特人民命優敘延信留駐西藏六十年以病召還命鳴爾弼佩定西將軍往代尋授鎮藍旗蒙古都統行至瀘定橋託病不行年幾竟以聞命奪官還邇不敢詣京師論斬雍正元年世宗貫其罪賜都統銜從軍迭署固原提督布隆吉爾副將軍授鑲紅旗漢軍都統三年擢奉天將軍五年疏言奉天金銀銅鉛諸鑛雖開採有禁而竊掘尙多惟盃犀湖產鐵爲民間農器所需遼陽黃波羅哈開原打金廠請視錦州大悲嶺例永禁開採下部議行旋卒法喇那木都魯氏滿洲正白旗人父敦泰從達索擊鄭成功戰死母喜塔臘氏守節撫孤法喇初授筆帖式康熙三十三年以護軍從討吳三桂自廣東下雲南三十五年以署驍騎參領從征鳴爾丹累擢鎮白旗蒙古都統護軍統領準噶爾策妄阿喇布坦遣其族兄策零敦多卜攻

西藏四川提督康泰率師次黃勝關兵譚潰上命法喇馳赴四川佐年獎發治軍事並按提督標兵譚潰狀法喇察知泰偏信守備汪文藻尅饒請斬文藻及倡亂兵以徇上從之並奪泰官五十七年策岑敦多卜戕拉藏汗幽達賴喇嘛遂據有其地法喇遣員外郎巴特瑪等赴裏塘傳諭又令前鋒參領伍林葩化林協副將趙宏基將滿漢兵五百與之偕疏言西藏資養生應令松潘禁茶出口裏塘巴斯番寨所需當開具戶口定數買運下所司議行五十八年命法喇出駐打箭爐令副將岳鍾琪率師徇裏塘番曾達瓦喇扎木巴第巴賽卜騰阿珠不從命縛送法喇軍斬以徇進次巴塘第巴喀木布等請降命法喇進駐巴塘五十九年策岑敦多卜戕拉藏汗幽達賴喇嘛定西將軍率師入西藏令法喇還駐打箭爐六十年還京師尋以護軍有自戕者不以實奏坐奪官六十一年與千叟宴賜復原銜雍正十三年卒

查克丹博爾濟吉特氏滿洲正黃旗人奉義公恩格德爾曾孫自官學生襲三等阿達哈哈番授頭等侍衛累遷正黃旗護軍統領鎮藍旗蒙古都統雍正三

清史稿

列傳八十五

二

年署甘肅將軍準噶爾使至守備馬德仁等供應失時查克丹疏劾並陳花馬池至甘州驛馬疲羸狀命總督年羹堯嚴察四年還京師授正黃旗滿洲都統五年命率番代兵出北路九年振武將軍順承郡王錫保出北路討準噶爾命查克丹參贊軍務授內大臣十年準噶爾將小策零敦多卜入邊掠喀爾喀諸部查克丹偕額駙策凌等赴奔博圖山敵越察罕度爾入掠杭愛山師逐之至額爾德尼昭大戰破敵查克丹督兵奮擊敵自推河遁走復追至察罕托輝斬敵殆盡以功進二等阿達哈哈番錫保代傅爾丹為靖邊大將軍仍以查克丹參贊軍務十三年還京師調正紅旗蒙古都統乾隆四年以病再疏乞休命致仕十一年卒賜祭葬諡敏恪欽拜瓜爾佳氏滿洲鎮紅旗人曾祖羅豐勞薩弟也偕來歸有功授一等阿達哈哈番以兼襲兄子程尼世職合為一等公欽拜改襲一等伯授頭等侍衛累遷正黃旗蒙古副都統雍正元年授兵部侍郎四年以引見失儀上詰責巧辯奪官戍軍臺九年召還復官撫遠大將軍馬爾賽出北路討噶爾丹命欽拜將右衛兵以從參贊軍務授內大臣駐扎克拜達里

克十年振武將軍順承郡王錫保駐察罕度爾奏請移欽拜相佐上諭曰馬爾賽治事甚不愜朕意扎克拜達里克軍中侍欽拜一人當仍留北路準噶爾將小策零敦多卜等自推河走欽拜等力請追擊馬爾賽聽敵過師乃出既至博木喀喇令欽拜將七百人進不及敵而還欽拜等疏聞上誅馬爾賽尋署綏遠將軍十一月復署建勳將軍平郡王福彭代為定邊大將軍命軍事諮於欽拜乾隆元年還京師出為青州將軍還在內大臣上行走十二年卒賜祭葬諡肅敏

常贊納喇氏滿洲鎮白旗人鎮安將軍瑪奇子事世宗雍正元年授工部員外郎遷郎中二年調戶部三年授廣東布政使四年擢福建巡撫廣東巡撫楊文乾言福建倉庫虧空上命文乾清理即移常贊署廣東巡撫疏言廣東地卑苦夏秋潦漲廣州肇慶二府尤甚請以廣州通判管南海三水隄工肇慶通判管高明四會隄工歲冬督隄長修築定保固賞罰水漲護防仍以鴨埠魚多諸稅充用尋赴福建六年調雲南常贊在廣東盜竊奏摺匣鎖鑰令工私製將軍標兵匿盜徇不治電白從化盜發隱不奏又與將軍石禮哈等評文乾上諭曰常贊朕藩邸微員以其謹慎擢至巡撫乃盜失摺匣鑰不奏尚得謂無欺乎且與石禮哈等黨同伐異其罪不可貸奪官赴廣東待鞠論斬上推瑪奇下雲南舊功特赦之令從尚書查弼納往陝西治饑八年授刑部侍郎署甯夏將軍九年授鎮安將軍將肅甘涼三州兵五千人自為一隊備警援尋授西路副將軍十年準噶爾侵哈密常贊與都統良敦總兵張存孝將滿漢兵二千二百駐無克克嶺禦之旋授內大臣從大將軍岳鍾琪移軍穆壘復從護大將軍張廣泗移軍巴爾庫爾十一年冬署大將軍查弼阿奏方冬雪深請分兵駐防廣泗將萬人駐北山常贊將九千人駐南山十三年命統綠旗兵萬人駐巴爾庫爾提督顏清如尚書馬會伯為副準噶爾乞和乾隆元年率兵還京師五年以疾致仕子牛倬十一年卒賜祭葬

清史稿

列傳八十五

三

哈元生直隸河間人康熙間入伍授把總累遷建昌路都司坐失察私木過關奪官雍正二年命引見發直隸以守備用補撫標右營守備貴州威甯總兵石

禮哈請以元生從勦仲家苗有勞三年補威甯鎮中軍游擊烏蒙土知府祿萬鍾使東川鎮雄土知府隨慶侯助為亂鄂爾泰檄元生會四川兵討賊據險拒戰元生冒矢石奮攻克之鄂爾泰上其功上獎元生取仲家苗克烏蒙能効力命以副將參將題用尋授尋常營參將六年米貼苗婦陸氏為亂鄂爾泰令元生往勦破險設伏擄其巢獲陸氏率師赴阿驢破雷波土司以其助陸氏劫糧也賚白金四千遷元江副將師還阿驢夷日從坐事元生鞭之其人大譟圍元生元生率游擊下萬年等與戰兩晝夜賊敗卻元生督兵奪據赤衣臺鶴崖總兵張耀祖赴援元生出小溜筒江搜斬餘賊阿驢人空寨遁拉金者呢諸寨助為亂並討平之鄂爾泰具以聞上諭曰野夷性反覆即無鞭責事亦未必帖然元生効力多功過相當置不議七年調黎平副將擢安籠總兵八年烏蒙復為亂鄂爾泰令元生督兵出威甯破賊數萬射殪其渠黑寡暮來連躡賊壘八十里遂克烏蒙賜孔雀翎及冠服賚白金萬九千擢雲南提督上以元生母逾八十子封誥尋調貴州十年召詣京師入對解御衣以賜命在辦理軍機處行

清史稿

列傳八十五

四

走旋令回籍省親貴州九股苗為亂命還貴州督勦遭母喪賜祭令在任守制率兵攻九股苗獲悍苗百餘俘斬甚眾餘悉請降十二月進新開苗疆圖志命巡撫元展成勘訂十三年古州苗為亂擾黃平元生遣兵擊之總督尹繼善奏調湖廣廣西兵會剿上授元生為揚威將軍統兵進討而以湖廣提督董芳為之副尋遣尙書張照為撫定苗疆大臣元生與之忤乃議劃施秉以上為上游用雲南貴州兵隸元生施秉以下為下游用湖廣廣西兵隸芳元生與芳議界詳述村莊道路文移辨論日久師無功經略張廣泗至勦元生徒事招撫奪官逮京師坐貽誤軍機論斬乾隆元年上命貸其死賜副將銜赴西路軍營効力三年卒上深惜之加總兵銜賜祭葬子尙德初從元生至雲南入伍授千總烏蒙既克齋疏奏捷上命以游擊題補雲南鶴麗右營游擊遷奇兵營參將乾隆元年廣泗奏尙德奉檄從征因父獲譴屢勉自效擢貴州清江協副將調定廣協三年討平定番州屬姑盧寨苗以父憂歸起湖南辰州副將遷總兵歷宜昌涼州臨元古州諸鎮十三年討大金川命從軍尋為總督張允隨勦擾民虐

兵坐奪官二十二年賜副將銜赴西路軍營効力以送羊赴軍多斃奪官責償遣回籍卒

董芳陝西咸甯人初入伍隸督標中式武舉補千總雍正二年師征青海從副都統達爾等追獲丹津琿台吉及其孥並羅卜藏丹津女兒四年超授三等侍衛出為直隸正定鎮標游擊累遷雲南臨元鎮總兵十一年思茅土酋刁興國等為亂芳與提督蔡成貴等率師討之擒興國及助亂土目楊昌祿等斬三千六百餘人降四萬二千六百餘人總督高其倬留芳搜餘黨悉平之十二年擢湖廣提督十三年貴州九股苗為亂授雲南提督哈元生揚威將軍芳副將軍率師討之尋命尙書張照總理撫定苗疆亂未定高宗即位授張廣泗為經略視師廣泗勦芳駐軍八弓依附張照與元生互訐師集數月勦撫初無端緒奪芳官逮京師乾隆元年王大臣會鞫擬發邊遠充軍上命寬之以副將發雲南遭父憂服除署劍川協副將擢總兵歷楚姚昭通二鎮遭母憂十三年召赴京師賜孔雀翎命從征大金川即授四川重慶總兵經略訥親徵芳助總兵莽阿

清史稿

列傳八十五

五

納等攻克普隆左梁及阿利山梁礮卡又從提督岳鍾琪攻木耳金剛奪土卡三水卡一十四年大金川事定芳赴鎮疏陳考察營汛修補器械並以地當黔楚要衝密訪喇嘛邪教復發存庫米折借濟貧兵上命諸事盡心料理尋調建昌鎮欽平大金川功加左都督十五年西藏朱爾墨特那木扎爾謀叛既誅其黨羅布藏札什等為亂總督策楞提督岳鍾琪師入藏命芳督兵策應十九年調松潘鎮標貴州提督二十二年卒

查弼納完顏氏滿洲正黃旗人祖愛音布事世祖為戶部理事官考滿授拖沙喇哈番以其孫觀音保襲恩詔進三等阿達哈番查弼納觀音保弟也襲世職管佐領康熙四十七年授吏部郎中三遷兵部侍郎六十年授江南江西總督雍正元年臺灣朱一貴餘黨溫上賈糾江西棚民掠萬載新昌亂定大學士白潢尙書張廷玉並疏議安輯棚民下查弼納詳議查弼納奏江西界連福建湖廣廣東諸省地曠山深民無力開墾招流民藝麻種靛以其棚居名曰棚民安業日久騙令回籍必且生事當編保甲千戶以上駐將吏稽察編冊後結

到流移不得容隱其讀書向學及有膂力者得入籍應試下部議行二年奏言私鹽賣所在州縣嚴捕停駐防兵巡緝又奏言太湖跨數郡為盜藪請移參將駐洞庭東山周村鐵橋鮎魚口馬跡山龜山鳳山吳溜設汛駐兵又奏言江南賦重事繁請改六安太倉潁泗廬邳海通諸州為直隸州蘇松常三府增設元和震澤昭文新陽寶山鎮洋奉賢金山福泉南匯陽湖金匱荆溪諸縣上既譴廢親王允禩以貝勒蘇努尙書隆科多等結黨亂政詢查弼納詔八至查弼納不以實奏四年召詣京師上親詰之猶堅執不肯言命奪官下王大臣會鞫乃具言蘇努與阿靈阿揆殺鄂倫岱阿爾松阿結黨欲戴允禩致大位及隆科多交結揆殺阿靈阿狀王大臣擬查弼納罪斬上諭曰查弼納本後進畏附權勢朕昨言及聖祖查弼納痛哭不止尙有良心可免其罪尋授內務府總管鑲紅旗漢軍都統擢吏部尙書協理兵部五年以濫保郎中舒仲降級旋授兵部尙書七年師征準噶爾靖邊大將軍傅爾丹出北路甯遠大將軍岳鍾琪出西路查弼納赴肅州督西路軍需八年召入覲授副將軍佐傅爾丹出北路九

年傅爾丹出師使達福借定壽領第一隊及移軍和通呼爾哈諾爾查夜力戰殺敵千餘敵益大集軍方移達福殿敵三萬餘環攻之力戰復殺敵千餘沒於陳定壽赫舍里氏滿洲正黃旗人初襲三等阿達哈哈番世職授三等侍衛累遷正黃旗蒙古副都統五十六年以傅爾丹為振武將軍出阿爾泰討策妄阿喇布坦定壽將盛京吉林兵千人當前鋒屢破賊博囉布爾哈蘇烏魯木齊雍正二年授鎮黃旗蒙古都統策妄阿喇布坦使乞和定壽率兵還駐巴爾庫爾部議阿爾泰當駐軍授定壽阿爾泰駐防將軍尋改命穆克登而令定壽以都統銜參贊軍務四年率兵往扎布罕召借穆克登還京師定壽奏留察罕蒐勒軍中自劾七年大將軍傅爾丹自北路出師命定壽仍以都統銜為軍營前鋒統領八年傅爾丹令定壽以二千人駐伊克斯諾爾護阿濟必濟卡倫九年傅爾丹將出師集諸將議定壽曰噶爾丹策零聞我師至斂兵觀變是有謀也不可信俾言輕進傅爾丹責其懦侍郎永國副都統覺羅海蘭皆持不可弗聽師遂行以定壽領第一隊至雅克賽河獲準噶爾兵二千餘及至庫列圖嶺攻不

軍尋命率西安滿洲兵二千從傅爾丹出北路授參贊大臣及庫列圖嶺之戰素圖與副都統岱蒙殺敵四百餘移軍和通呼爾哈諾爾索圖與定壽及副都統常祿等據山梁之東敵大至素圖常祿與歸化城副都統馬爾齊力禦之沒於陳侍郎永圖副都統覺羅海蘭岱豪帳中自經死時諸將惟副都統德祿承保從傅爾丹得出伯都訥副都統塔爾岱中鎗穿脛蒙古醫蒙以羊皮三日始蘇上令還伯都訥塔爾岱言願從軍勦賊雪恥若負罪而還何顏見七十有七之老母上深嘉之並賜塔爾岱及其母各白金千參贊都統陳泰屯科布多河岸聞敵至退駐扎布韓上命斬之議郵查弼納馬爾薩素圖覺羅海蘭皆授拜他喇布勒哈番兼拖沙喇哈番達福信豪西彌賴常祿定壽永圖授拜他喇布勒哈番餘並授拖沙喇哈番查弼納達福定壽素圖舊有世職查弼納合為三等阿達哈哈番定壽素圖皆合為三等阿思哈尼哈番達福以其孫別襲巴賽追封簡親王見鄭親王濟爾哈朗傳

論曰西藏之師噶爾弼深入奮戰而功獨歸主將番代遠成快快不欲行殆以清 史 稿 列傳八十五 八

此欺查克丹與額爾德尼昭之戰常資佐巴爾庫爾之師元生芳屢定亂苗而元生尤著卒以牽制坐使遷延查弼納別懸已久晚乃從軍和通腦兒之敗一軍盡覆而主將獨道重誅抑又何也

清史稿

馬會伯 字伯 路振揚
韓良輔 字伯 楊天縱
王郡 宋愛

列傳八十六

馬會伯陝西寧夏人康熙三十九年一甲一名武進士授頭等侍衛四十五年授直隸昌平參將累遷雲南永北總兵五十九年師入西藏會伯與總兵趙坤率綠旗兵會都統法喇從征西藏定敘功加左都督雍正元年入覲世宗書榜資焉曰有儒將風並賜貂冠孔雀翎其從弟觀伯以山西大同總兵率師駐山丹衛命會伯代鎮賜白金五百二年還鎮永北三年擢貴州提督疏言貴州土瘠兵貧臣捐穀千石所屬四營將備捐千石貯以濟兵來歲續捐增貯上善之初廣順屬長寨神苗最悍總督高其倬奏移兵設汛是歲建營房狎苗出阻會伯會總兵石禮哈率兵捕治得其酋阿革阿紀及川販為主謀者李奇悉誅之餘眾詣軍前聽命會伯復赴宗角者貢谷隆關羊城等諸地督建營房得旨

清 史 稿

列傳八十六

嘉獎四年調甘肅未至又調署四川旋授四川巡撫五年疏劾按察使程如絲營私網利遣侍郎黃炳按鞫得實論罪如律會伯疏言四川巡撫舊有稅規耗銀三萬九千有奇令併入正項富順鹽規一萬有奇令改增引課仍留丁糧鹽茶耗規等一萬七千有奇為巡撫養廉及犒賞之用報聞又疏請清察隱糧爭控田地按名丈量四川清丈自此起調湖北疏請整飭庶獄重校刻洗冤錄頒發州縣議如所請七年命往肅州督西路軍需並權肅州總兵上諭之曰此任朕屢經斟酌用滿員恐與岳鍾琪掣肘用文吏則能諳軍機實心任事者甚少委託於汝慎毋負任用尋擢兵部尚書仍督兵需並領肅州總兵如故八年上責會伯貽誤奪職仍署總兵効力乾隆元年卒際伯會伯從兄初入伍從勇略將軍趙良棟討吳三桂復略陽敗敵陽平關下四川奪小關山克建昌遂定雲南敘功授千總累加參將銜又從振武將軍孫思克征噶爾丹破敵昭莫多敘功加副將銜康熙三十六年授甯夏鎮標前營游擊從總兵殷化行擊噶爾丹至洪敦羅阿濟爾罕累遷四川建昌總兵遭母喪巡撫能泰請留任上命在任

守制四十六年入覲調西甯賜孔雀鞍馬五十年授四川提督卒贈右都督
賜祭塋諡襄毅見伯際伯弟康熙三十年武進士洪敦羅阿濟爾罕之役見伯
在行敘功授守備累遷山西太原總兵上西巡賜貂褂袍母喪並命在任守
制上復西巡賜孔雀翎上命弁兵內通曉文義者得應武鄉會試見伯疏言武
經七書註解互異請教儒臣選定下部議駁上諭曰見伯此奏亦是武經七書
文義駁雜朕曾躬歷行間知用兵之道七書所言安可盡用耶命再議乃議武
試論一一以論語孟子命題一以孫子吳子司馬法命題見伯並請祭孔子副
將以下皆陪祭上特允之旋調天津五十八年擢陝西固原提督五十九年上
命貝子延信爲平逆將軍率兵定西藏以見伯參贊軍務屢破敵師還次打箭
爐卒賜祭塋觀伯見伯弟康熙四十二年武進士選二等侍衛授巡捕南營參
將累遷大同總兵策妄阿喇布坦侵哈密觀伯率師出駐推河雍正元年入覲
賜孔雀翎命移軍駐山丹衛二年還鎮三年上諭之曰爾前入見朕命爾受巡
撫諾岷教導近聞爾等俱聽年羹堯指排此甚非是嗣後諸事當商諸巡撫

清史稿

列傳八十六

二

伊都立尋追議在軍時因事與將軍爭競奪官命轄鄂爾坤圖拉屯川五年獻
瑞麥一莖十五穗上諭曰今歲各省產嘉禾觀伯復獻瑞麥帝王本不以祥瑞
爲尙恐有司借端粉飾致早潦不以上聞雍正五年以後各省產嘉禾停其進
獻乾隆元年卒

路振揚陝西長安人初入伍拔補把總累遷漢中副將康熙五十一年擢四川
松潘總兵五十六年策旺阿喇布坦侵西藏命四川提督康泰率兵往青海禦
之至黃勝關柏木橋兵譁潰振揚往鎮撫事定以振揚署提督疏言松潘迤南
雜谷土司種繁俗悍土司良爾吉子班第爾吉臣密令防隘頗稱勤順請襲職
並予賞賚又加渴瓦寺安撫土司桑耶溫僧募衆運糧漳臘營轄旗命上下包
坐司土兵習戰鬪諳邊情臣備兵候調咸知踴躍亦請予賞賚皆如所請雍
正元年調重慶總兵四年遷陝西固原提督疏言國家設祿以養廉立法以懲
貪例定以財行賅及說事過錢人審實計贓同科罪未發而自首者免罪猶徵
正賊竊思官吏營私彼此容隱不易收賂或有告發猶必互相掩飾臣請開自

首之路凡上司保題屬吏並大計軍政卓異薦舉人員以財行求彼此皆應治
罪如受者自首免追贓及應得之罪如與者自首則照原贓倍追給主亦免應
得之罪或說事過錢人自首免罪給賞如是庶彼此皆存顧慮未事則畏懼不
敢爲既事則爭首惟恐後是或除貪之一法奏入上嘉之曰向聞振揚操守廉
潔今覽此奏非一塵不染者不敢言也下部議行並命優敘六年上念振揚老
召詣京師授兵部尚書振揚以病固辭上疑其憊外任懷怨望命停俸旋改鑾
儀使八年署直隸古北口提督九年上以古北口宣化大同沿邊要地當增兵
獨石口西至殺虎口當增兵並修邊牆敕御史舒喜天津總兵補熙會振揚詳
勘振揚等奏請改設副將以下官增兵千四百有奇於各鎮營抽撥邊牆傾圮
用木柵鹿角堵塞從之乾隆元年回鑾儀使任旋卒賜祭葬

韓良輔字翼公陝西甘肅人父成字君輔康熙中官重慶總兵在任十七年有
威惠民德之卒祀名宦祠葬合州遂入籍重慶良輔多力有膽氣年十五卽隨
父殺賊補縣學生員棄去肆武康熙二十九年中式武舉第一三十年成一甲

清史稿

列傳八十六

三

三名進士選二等侍衛出爲陝西延綏游擊邊宜君參將境多盜有爲之主者
捕得必連坐又多虎造虎槍教士卒刺虎法殺虎百餘患遂息遷神木副將調
直隸大名又移石匣五十九年率古北口兵五百赴西甯軍前聽調雍正元
年遷天津總兵賜孔雀翎授廣西提督廣西多山林宜藤牌挑刀良輔令步兵
弓箭輕弱者皆改肆牌刀並增製軍械買馬以壯易羸二年署廣西巡撫奏言
廣西土曠人稀多棄地其故有六山谿險峻犛犛雜處田距村遠穀熟慮盜割
一也民樸愚但取濱江及山水自然之利不知陂渠塘堰可資蓄洩二也不得
高卑宜植糧種三也不知耕耨四也所出祇米穀納賦必用銀且徭隨糧起恐
貽後累五也良懦墾熟豪猾勢佔六也宜選大員督率守令度地居民立茅舍
貸牛種粟與陂渠塘堰嚴督估之禁寬催科之期使民知有利無害皆奮興從事
邊徼可成樂土上命李紱爲巡撫令良輔協同料理三年良輔以天河三曠犛
犛時出劫掠柳慶副將孫士魁率兵捕治並曉以利害上曠莫旺東等中曠
賈貴翁來下曠單明甲等皆出降師還復撫定宜山屬那隘三岔諸寨四年復

署巡撫趙炳母喪命在任守制五年實授巡撫疏言廣西撫提鎮三標歲需兵糧七萬六千石有奇各屬糧餉數有無多寡不同撥運供支有司既苦繁費兵士又虞乏食請酌水道遠近糧額多少勻給撥運並多徵折色以給舟楫不通之地下部議行上命紱以侍郎奉使與良輔赴貴州安撫與總督鄂爾泰議分界事畢還廣西坐前官提督奉議士民羅文剛抗阻設汛未早捕治奪官七年卒良輔既以兵略顯子弟多肆武季弟良卿長子勳尤知名良卿字省月康熙五十一年武進士授侍衛出為陝西西南甯守備再遷莊浪參將師討謝爾蘇部土番從涼州總兵楊盡信擊敵碁子山功多賜孔雀翎賞白金千累遷甯夏中衛副將廣西碣石總兵移肅州乾隆五年擢甘肅提督卒賜祭葬設勳毅勳字建侯年十九中式武舉康熙五十六年祖成請効力命在內廷行走五十九年師征西藏勳隨良輔赴噶斯應援雍正元年授三等侍衛出為貴州威遠游擊未赴改鎮遠五年從提督楊天縱擊仲苗遷雲南鎮雄參將八年烏蒙獯為亂撥鎮雄永善總督鄂爾泰分兵三道進攻令提督張耀祖總兵哈元生各

清史稿

列傳八十六

四

出三路而以勳將四百人出鎮雄奎鄉進次莫都都裸數千出拒力戰一晝夜殺二百餘破寨四翌日裸復犯奎鄉勳擊之戰三日殺二千餘盡焚其寨時元生已克烏蒙探屯魯甸拒大關以守耀祖軍次東川不進鄂爾泰復撥勳自鎮雄夾攻循途搜斬破寨百餘克發烏關至黃水河環攻敵壘大破之克大關小關鎮雄永善相繼下捷聞上諭曰參將韓勳領兵四百破賊數千以寡敵眾鼓三軍之氣喪賊人之膽較諸路為獨先命優敘超擢貴州安撫總兵九年移古州討定稿平苗十二年疏言古州苗寨接壤郡縣請視湖廣例得與內地兵民聯姻庶彼此感喻習知禮義可底善良從之清江諸苗犯王嶺汛勳率兵擊之苗退踞台拱勢猶熾率副將王濤截擊破烏公八妹諸寨進屯朗洞乾隆元年從經略張廣泗進攻牛皮大管自朗洞旋師途燬二十餘寨三年按治定番州姑盧等寨苗四年疏言古州西北地名滾縱臨容江接牛皮大管實為要隘當設兵防守允其請六年粵猪挾黎平黑洞苗入境焚劫擊走之禽其首惡石金元等寘之法擢貴州提督八年卒贈右都督賜祭葬諡果壯

楊天縱字景聖陝西渭南人年十七父母相繼沒遂入伍嘗從勇略將軍趙良棟下雲南冒矢石負重創補四川提標把總邊戍邊管千總康熙三十九年打箭爐西藏營官喋吧昌側集烈為亂天縱從提督唐希順討之易服入敵中數往返希順用其言為攻取計四十年攻二道水磨岡磨西面諸地爭先摧敵克打箭爐敘功加游擊銜授浙江處州都司三遷署山東沂州副將五十七年授貴州定廣副將入覲上命加總兵銜留沂州任山東鹽梟勢張甚天縱按行各汛行至費縣聞有聲自遠至勢且數百人正夕天縱令從騎伏路旁俟其近驟出擊之皆驚潰逐之及於柱子村擒其渠俘數百又擊之於蒙陰於泰安餘眾悉解散五十九年調廣東雷州副將山東巡撫李樹德以沂州險要請仍留任許之加都督僉事雍正元年遷雲南臨元總兵魯魁獯夷方景明等恃眾據險恆出掠天縱借布政使李衛率兵捕治悉殲焉四年授貴州提督五年疏言各省考察軍政所劾多千總把總至一二十員不等千把總雖微員有防汛護餉解逃捕盜之責如有偷惰應不時斥革何待此時蓋緣提鎮以是塞責且有所

清史稿

列傳八十六

五

勳即有所擢祇圖可得錙銖上負君恩下屈末弁請救提鎮嗣後千把總有劣員即時斥革上覽之諭兵部著為令總督鄂爾泰討平長寨仲苗環其地東西南皆生苗獯悍不受約束內地仲苗以為通逃數天縱從鄂爾泰招撫遣參將劉成謨率熟苗頭人推誠勸諭生苗有求見令雞髮予以衣冠酒食使轉相化導受撫者百四十八寨五千六百餘口敘功子拖沙喇哈番世職巡撫張廣泗清理苗疆丹江苗糾眾抗拒天縱遣兵助勳疏言舊存大礮過重餘礮力不及遠臣以己意製礮大者曰靖蠻大礮能及數里小者曰過山鳥攻遠便捷選兵送廣泗行營聽用並調安籠安南大定黔西長寨諸營兵攜礮赴凱里一路分布進攻上嘉天縱料理合宜七年疏劾前署巡撫祖秉圭不諳事機廣泗未至日在教場閱操言將盡勸諸苗以致頑苗抗拒勞師動衆臣不敢隱諱上諭曰生苗必經此懲創方可久安朕以祖秉圭不勝任已予罷退此類情事焉能逃朕嚴察耶九年以老致仕加太子太保十年請改籍四川成都旋卒賜祭葬諡襄壯

王郡陝西乾州人康熙三十年陝西饑就食福建以李姓入伍補臺灣鎮標把總遷延平城守千總六十年臺灣民朱一貴爲亂總督滿保檄郡赴援自廈門渡海一晝夜至淡水佐守備陳策固守與策安集民番師至諸羅往會從克臺灣二歲中四遷雍正元年擢浙江嚴州副將奏復姓尋又遷江西南贛總兵六年調臺灣九年上以郡在臺灣三年任滿例當調內地命總督劉世明選代郡者世明舉海壇總兵呂瑞麟令赴臺灣就郡諮度兵民風土乃調郡潮州十年擢福建提督臺灣北路社番爲亂瑞麟與臺灣道劉象愷往剿郡赴臺灣鎮撫南路亂渠吳福生等竊發郡率兵於虎頭山亦山碑頭諸地逐捕擒福生餘黨悉平加都督同知尋北路大甲西沙轆牛罵諸社番殺掠兵民郡自鹿仔港偵知阿東一社有北崙西崙東崙惡馬諸地爲亂番所聚令游擊邱有章李科等攻西崙參將李蔭樾游擊林黃彩等攻東崙惡馬而游擊黃貴守備蔡彬蔡榮等攻北崙亂番設伏拒我師督兵奮擊悉討平之加左都督十一年調水師提督十二年疏言廈門環海地少人多需米不貲加以營兵赴雜難免匱乏水師

清史稿

列傳八十六

六

提督公廩舊有官房魚池賃於民歲得息五千餘請買穀貸於兵俟穀熟買補數年內可得數萬石孤島兵民庶無虞艱食上諭曰郡將應得租息籌濟兵食甚可嘉也命議敘尋入覲途次遘疾遣太醫診視賜藥餌二子守乾守坤隨侍召入見賜守乾守備衛守坤戶部主事乾隆元年復入覲賜鞍馬弓矢時部議許民間得製烏槍防盜郡言臺灣遠在海表番漢雜處禁例一開恐火器充斥小則侵界擾番大則偶遇水旱羣不逞藉以爲亂臺灣民居多平衍山箐中皆生番各險要皆置兵戍守民間不需烏槍懇仍舊例禁止從之十一年請老加太子少保食全俸二十一年卒於家賜祭葬諡勤毅守乾官至南昌總兵宋愛字體仁陝西靖遠人父可進雍正初以京營參將從撫遠大將軍年羹堯討羅卜藏丹津敵攻鎮海堡遣赴援擊殺六百餘人敵敗走敵又攻西甯南川口圍中堡復遣赴援堡兵出夾擊敵敗走擢副將從提督岳鍾琪攻郭隆寺燬寨七焚其屋宇七十餘所旋與鍾琪分道深入定青海擢涼州總兵授三等阿達哈哈番世職復從鍾琪攻謝爾蘇土番戰桌子山圍之七晝夜一日數接

戰可進受重創奮進破其巢遂討平之擢甘肅提督愛雍正元年武進士授三等侍衛二年命省可進軍中桌子山之戰愛從可進奮戰有功河南河北總兵紀成斌請以愛授河南開封都司上疑成斌受羹堯指允其請即令愛傳諭詰成斌成斌奏開封都司省會重地去年勦桌子山親見愛奮不顧身極有膽氣且代可進料理營務頗有才幹知其能勝任故冒昧陳請臣實未受人屬託即可進亦不過同在軍中相識素無交情上諭之曰朕原不過揣度之辭近年年羹堯握兵柄若爾等蔑國恩重私誼甚非朕保全功臣之意今既無別故意在爲地得人朕甚嘉賞再遷浙江紹興副將命署總兵歷南陽永州天津定海諸鎮乾隆六年擢襄陽總兵七年調安籠十年貴州總督張廣泗奏言古州新闢苗疆諸鎮中惟愛詳慎周密年力正壯請以調補上從之丁母憂命暫署服闋後員除十八年擢貴州提督前提督丁士傑奏言古州苗因公役使不從恐激成騷抗諭將吏彈壓愛奏古州苗於應備夫役一呼卽至初未見遲延所屬新疆苗民亦不至騷抗苗性難馴惟在有司善於約束平時不煩苛有事不姑

清史稿

列傳八十六

七

息務使懷德兼知畏法上褒勉之十九年總督碩色劾愛馬政廢弛又爲故鎮遠總兵吳三傑劾資治喪會愛卒寢其奏論曰雍正間文武多通用高其位以提督選授大學士爲最著會伯振揚皆長兵部然會伯未上官振揚不久改右班其績仍在專閫良輔爲疆吏卓卓有建自家世出將與會伯略同天縱都凱等弭亂綏氓因事有功年羹堯部將如宋可進黃喜林吳正安周瑛王嵩馬忠孝岳鍾琪部將如紀成斌曹勳張元佐皆相從轉戰惟可進以有子愛名字猶可見他皆不具始末成斌勳且以微罪死是亦重可哀已

清史稿

列傳八十七

沈起元

何師儉

唐繼祖

馬維翰

余甸

王葉滋

劉而位

沈起元字子大江南太倉人康熙六十年進士選庶吉士改吏部主事擢員外郎以知府發福建用總督高其倬令權福州調興化時世宗聞福建倉穀虧空遣廣東巡撫楊文乾等往按被劾者半受代者爭為煩苛起元獨持平苗山民因訟互鬪其倬恐釀亂令捕治起元責兩人而釋其餘報曰罪在王者餘不足問也尋攝海關裁陋規萬餘金巡撫常安有奴在關以索費困商船起元聞立督收稅如額令商船行自常安斥奴自是人皆奉法其倬奏開南洋報可已復令商出洋者必戚里具狀限期返諭者連坐起元曰人之生死貨之利鈍皆無常戚里豈能預料且始不聽出洋則已今聽之商造船集貨費不貲奈何忽撓

清史稿

列傳八十七

以結狀若令商自具狀過三年不歸勿聽回籍不猶愈乎其倬從之調臺灣臺灣田一甲準十一畝有奇賦三則上則一甲穀八石中則六石下則四石視內地數倍然多隱占民不甚困時方清丈占者不得匿其倬欲使臺灣賦悉視內地則恐不及額致部詰起元令著籍者仍舊額丈出者視內地則俟隱占既清更減舊額重者均於新額賦不虧而民無累起元在福州以辨冤獄忤按察使潘體豐體豐中以他事鐫四級遂告歸高宗即位起江西驛鹽道副使乾隆二年擢河南按察使會久雨被災者四十餘縣饑民四走或議禁之起元謂民飢且死奈何止其他徙令安置未被水諸縣給以糧遂無出河南境者巡撫雅爾圖檄府縣修書院以起元總其事乃教群士省身克己之學立章善坊書孝子悌弟義夫貞婦名採訪事實為章善錄版行一時風動七年遷直隸布政使大旱議賑總督高斌欲十一月始行起元力請先普賑一月俟戶口查竣再分別加賑有倡言賑戶不賑口者起元曰一戶數口止賑一二是且殺七八人矣檄各屬似此者罪之戶部尚書海望奏清理直隸旗地有司遠限旨飭責斌

將劾數州縣應命起元不可曰旗地非旦夕可清州縣方賑災何暇及此獨劾起元可也乃止九年內轉光祿寺卿十三年移疾歸起元自少敦厲廉恥晚歲杜門誦先儒書臨沒言平生學無負得年來靜中自檢仰不愧俯不作或庶幾焉

何師儉字桐叔浙江山陰人以納質於康熙六十年選授兵部員外郎奉職勤懇常數月不出署雍正元年遷廣西右江道僉事部請留任一年世宗命以升銜留任賜人獲貂皮師儉以執法卻重賄忤要人因誣以避瘴故留部侍郎李紱昌言曰今部曹不名一錢才者尤勞瘁苟得郡爭趨之況監司耶期滿復請留加按察司副使銜司疏奏皆出其手他司事難治者亦時委之三年出為江南驛鹽道副使上召對勉以操守復賜人獲貂皮許上疏言事四年調廣東糧驛道副使歲大稔師儉以存留米五萬石給餉所屬緩徵或疑專擅獲咎師儉曰請而後行民已苦筮楚矣總督孔毓珣與巡撫楊文乾不相能以師儉著鹽法道欲引以為助文乾疑為毓珣黨令賞銅將以賠累困之明年文乾入覲

清史稿

列傳八十七

二

上示以毓珣彈事亦及師儉乃知師儉非阿毓珣者令署按察使毓珣又疑師儉隱文乾及文乾卒劾師儉違禁開礦侵蝕銅價逾年署巡撫傅秦會鞫事始自上知其無罪命往陝西佐治軍需師儉在兵部諳悉諸邊形勢扼塞戰守機宜芻餉緩急至涼州每集議指畫如素習總督查那阿深重之署涼莊道參政師過涼州檄至肅州支餉兩路遙遠師儉即以涼州所蓄給之師行無乏一日羽書數過師儉策必調取生兵時銀以待已而果然肅州師將行飛檄令截取公私贏馬官民皇皇師儉曰在道官商皆赴肅者若官頓於途貨棄於地非軍前所宜進勦未有定期何如聽其至肅釋所載而後供役軍前得人與貨亦省芻蕘解送之煩是獲兩利也檄雖嚴吾自當之於是官商皆安軍事亦無誤尋調補西安鹽驛道副使關中旱詔以湖廣米十萬石自商州龍駒寨運陝西師儉董其役未半大雨豁漲驛馬少不足供轉輸商於山中無頓積所水次隘運艘不齊師儉以秋穀將登請止運民亦不饑軍中馬缺檄取驛馬師儉謂置郵傳命如人身血脈不能一日廢拒不可事竟寢擢按察使數平疑獄吏有故人

人罪者必按如法雖貴勢賢親不徇縱十三年以目疾乞休高宗即位赦詔至時日已失明令吏誦案牘聽得邀赦典者立出之而後上陳留兩月畢其事始歸後卒於家陝西祀名宦

唐繼祖字序皇江南江都人康熙六十年進士選庶吉士雍正元年散館授編修轉禮部員外郎五年考選浙江道御史七年授工科給事中命察八旗虧帑律侵挪皆不赦犯者貧羈獄二三十年不結繼祖為核減開除奏請豁免積贖一清命巡西城回民聚居頑獷不法嚴治之有犯必懲悉欽輯建倉東便門外多發冢墓毀祠宇繼祖陳其不便改地營建冢墓祠宇並修復南漕愆期命赴淮安巡視繼祖馳至不更張成法惟選幹吏催督懲其疲惰兩閱月糧艘悉抵通州條上漕務利病下部釀行七年命往湖南獄並巡察湖南湖北兩省稟糧出有餽餉酒肉皆却之令行禁止與巡撫趙申喬同按永順苗變獄羣情帖服苗疆以安湖南捕役多通盜奏請捕役為盜加重治罪報可入新例八年擢通政司參議九年擢鴻臚寺卿尋命以本銜署河南按察使旋授湖北按察

清史稿

列傳八十七

三

使繼祖在兩湖久熟知吏民情偽楚俗刁健黠吏與姦豪通伺官喜怒訟益難治繼祖閉諸胥於一室不令與外通訟風衰減雪監利女子冤獄按鍾祥民變皆為時所稱世宗取吏嚴內外大僚凜凜救過不暇繼祖一意展舒所陳奏無不允上欲大用之出巡察賜以摺匣許奏事曰朕於督撫賢者始賜摺匣汝宜好為之調江西未之任以疾乞歸病愈將出遽卒

馬維翰字學麟浙江海鹽人康熙六十年進士雍正元年授吏部主事甫視事杖姦銜銓政清肅轉員外郎考選陝西道御史遷工科給事中監督倉場所至有聲六年命赴四川清丈田畝時同奉使者四維翰分赴建昌道屬具有條理糧浮於田者必請減逾年事竣御史吳濤在川東丈田不實以維翰助之至則發其弊遂以維翰代任巡撫憲德荐可大用八年留補建昌道副使疏陳二事四川俗好訟州縣斷獄苟簡案牘不具姦民輒翻控淆亂是非請設幕職以襄治理又民鮮土著多結草屋輕於遷徙焚劫輒致災請發官款造磚甃勸民多建瓦屋上斥其非政要以其疏示憲德謂汝薦可大用者乃若此然維翰勇於

任事相度要害改黎州千戶所設清溪縣烏蒙苗亂出師會剿維翰治軍需供糗糧芻蕘營雪通道與斯卒同甘苦論剿撫悉中機宜事乃定涼山地震數百里勘災散賑民感之鐵廠撥登起為亂方進剿維翰力陳營兵不輯及各廠病瘳狀請罷撤撤兵撫各番止誅其魁在川七年不阿上官旋被構維翰部請解職赴質時親王總部事特威重梓使免冠維翰以手按冠抗聲曰奉旨不免冠誰問故則又抗聲曰旨解職非革職也部乃疏請奪官事旋白乾隆二年授江南常鎮道參議丁父憂歸卒於家

余甸字田生福建福清人康熙四十五年進士居鄉勸名節巡撫張伯行重之延主德峯書院授四川江津知縣民投牒者片言立決遺訟為之簡日與諸生誦說文藝疏解性理所徵賦即儲庫不入私室時青海用兵巡撫年羹堯督餉多額外急徵徵再三至甸不應乃使僕持檄告諭自朝至晡甸不出使者譁甸坐堂皇命反接將杖之丞簿力為請久之乃釋其縛越日使者索檄甸曰汝還報我閉門待劾檄已達京師矣羹堯亦置之行取吏部主事時尚書張鵬翮侍

清史稿

列傳八十七

四

郎湯右曾皆以餘濟名甸遇當爭辨者侃侃無所撓主選二年權要富人請託多格不行將告歸條文書已駁議未奏者十餘事曰此皆作姦巧法易為所蒙必上聞吾乃去父憂免喪猶廬墓以河道總督陳鵬年疏薦擢山東兗甯道釐工別弊一祛積習甚得士民心鵬年卒齊蘇勸為河督以工事劾甸行河至濟甯士民羣來乞還甸齊蘇勸疏陳召入見雍正二年四月授山東按察使擢二僕買驢之官務崇禮教輕刑罰政化大行十一月召詣京師三年擢順天府丞甸歷官盡革陋規為按察使懲囚不能日衣食取鹽商歲饋三之一以資給之兼完固修學宮書院委有司出入注籍既去官上命內閣學士繆沅清察山東鹽政諸弊舉是劾甸奪官歸甸用唐人詩語為人書楹帖其人有怨家託於有司以為怨望有司以甸所書也并下甸於獄事白遽卒

王葉滋字槐青江南華亭人弱冠補諸生浙江巡撫朱軾辟佐幕器其才雍正元年重開明史館軾薦之引見稱旨命入館纂修順天鄉試福敏督湖廣世宗命葉滋往贊其幕五年應禮部試甫畢上召見問湖廣吏治民生利弊奏對

其悉趣馳傳還湖廣榜發中式未與殿試賜二甲進士即授常德知府常德例知府至行戶更新照規費四千金葉滋革其例境數被水災請帑增築花貓新陂隄堰豁被水荒田額糧民德之辰州關木稅為利數時議移常德葉滋恐累民拒之請仍舊制行法不避豪貴興學造士薦舉優行諸生陳悌為武平知縣貴金馬為上蔡知縣劉樵為清平知縣並為良吏署岳州辰州二府攝岳常道副使久之授辰沅靖道副使時苗疆初闢清林箐增汛墩規模肅然所屬綏甯城步與黔蠻犬牙錯愕率數騎持酒肉鹽菸循行苗箐羣苗迎拜謂上官親我召諸頭人集校場賜花紅銀牌宣上德意勸以禮義因偕總兵閱兵耀軍容羣苗帖服署按察使調糧儲道舊有酒費悉歸公用值貴州苗亂師進剿葉滋駐辰州治軍需寇期辦綏苗蠢動為貴州苗應葉滋條上剿撫事悉中窳要大吏令駐綏甯指揮積勞疾作卒於山中葉滋初以文學受知及官於外所至有聲績卒時年僅五十五世咸惜之

清·史·稿

列傳八十七

五

產構訟十餘年者為據理剖解至淚下皆叩頭求罷案順遂稀雍正中遷福建泉州知府再遷興泉道參議鹽政嚴敵商居奇案高直民苦淡食不獲已增價以市既而鹽不足民惡其壟斷聚而殿之海舶私梟動逾千百往捕則持械拒大獄迭興羅織牽連數歲不息而位創議裁引革商歲額課稅歸完納如農完賦任人轉運聽其所之則諸弊可革而國賦不乏巡撫趙國麟心韙之格於例不行未幾引疾歸乾隆三年起官四川鹽茶道副使劉鹽產於井課由井納民使之雍正中有請設引招商增課者四川鹽政自此壞商無餘資運不足額民持錢不得鹽而非鹽滯積不售因以致訐而位欲事釐剔大吏畏難不可力爭愈嫉之改松茂道調水甯道參議居常鬱鬱不得行其志惟與諸生講學尋卒於官而位生平服膺王守仁曰尊所聞行所知須不流於弊尊陽明而不知其流弊非善學陽明尊朱子而不知其流弊亦非善學朱子蓋謂王氏高明弊在躐等朱子格物弊恐拘而不化著省克引劉氏家訓為學者所稱論曰起元深於經術當朝政尙嚴能持以平恕師儉以勤敏繼祖以明肅並見

重於時維翰有幹局句尤能澤以儒效葉滋撫循苗疆未竟其用而位議變鹽法亦不得申其志而但以學術名國家重視監司所以擴循良之績儲封疆之選若諸人者可謂無忝矣

清·史·稿

列傳八十七

六

清史稿

列傳八十八

訥親

傳恒

子

孫

曾

孫

訥親鈕祜祿氏滿洲鑲黃旗人額亦都曾孫父尹德附見其父遇必隆傳訥親其次子雍正五年襲公爵授散秩大臣十年授鑾儀使十一年十二月命在辦理軍機處行走十三年世宗疾大漸訥親預顧命高宗即位莊親王允祿果親王允禮鄂爾泰張廷玉輔政號總理王大臣授訥親鑲白旗滿洲都統領侍衛內大臣協辦總理事務十二月敕獎訥親勤慎因推孝昭仁皇后外家恩進一等公乾隆元年遷鑲黃旗滿洲都統二年遷兵部尚書十一月莊親王等請罷總理事務訥親授軍機大臣叙勞加拖沙喇哈番世職三年二月領戶部三庫九月命協辦戶部直隸總督李衛劾總河朱藻詐欺貪虐命訥親與尚書孫嘉淦勘議藻坐流訥親因與嘉淦條上永定河南北岸建築閘壩諸事十二月遷吏部尚書四年五月加太子太保訥親貴戚動舊少侍禁近受世宗知以為可大用迨高宗恩眷尤厚訥親勤敏當上意尤以廉介自教人不敢干以私其居

清史稿

列傳八十八

第巨整縛屏側絕無車馬跡然以早貴意氣驕溢治事務刻深左都御史劉統勳疏論訥親領事過多任事過銳上諭曰訥親為尚書模稜推諉固所不可但治事未當亦所不免朕時時戒毋自滿今見此奏益當自勉語詳統勳傳九年正月命訥親閱河南江南山東諸省營伍並勘海塘河工時直隸天津河間二府方以災治賑令順道先往察覈疏請展限一月從之訥親使事既竣分疏上陳其勘諸省營伍言備閱三省督撫河漕提鎮為標者十七優細互見惟河南南陽江南蘇松水師二鎮最劣請下部覈賞罰其勘江浙海塘言舊日浙江潮自蜀山中小壘出入近海寧為北大壘近蕭山為南大壘張沙寬闊為杭州紹興二府保障迨中小壘漸湮潮趨蜀山北震盪為患若濬中小壘故道減大壘潮力上下塘工悉可安堵即中小壘未可遽復則當擇險要為坦坡木石戢壩俾水積淤資以禦潮至諸處築塘停沙阻水無煩議改石工入江南境地平而湖緩華亭舊塘堅緻寶山新塘尺度參差工作又不中程金山奉賢南匯上海皆土塘距海稍遠所司守護如法當無他虞其勘洪澤湖請濬鹽河俾通

江疏串場河俾達海並停天然三壩高堰下游二隄其勘南旺湖請以湖中涸地貧民耕稼別疏言各省政事督撫下司道司道下州縣州縣官惟以簿書錢穀為事戶口貧富土地肥瘠物產豐蓄民情向背風俗美惡以及山川原隰橋梁道路皆漫置不省官但有條教民惟責納賦浮文常多實意殊少請敕

各直省督撫令州縣官備歷境內何事當與舉何事當整飭行之有無治效以實報長官長官即是為殿最以實達朝廷似亦崇實效去虛文飭吏治厚民生之一端也皆下部議行十年三月協辦大學士五月授保和殿大學士仍兼吏部尚書十二年四月命如山西會巡撫愛必達識萬全民張世祿安邑民張遠等挾眾抗官狀論如律愛必達及總兵羅俊蒲州知府朱發等皆坐誅黜十三年正月命如浙江會大學士高斌覆勘巡撫常安貧婪狀未至高斌鞫得常安實受賂訥親與共奏論如律三月復命如山東會巡撫阿里衮治賑時大金川土司莎羅奔攻革布什咱土司犯邊上命川陝總督張廣泗討之大金川地絕險阻山為石壘名曰喇師進攻弗克四月召訥親還京師授經略大臣率禁旅

清史稿

列傳八十八

出視師六月訥親至軍下令期三日克噶拉依噶拉依者莎羅奔結寨地也師循色爾力石梁而下攻礮未即克署總兵任舉勇敢善戰為諸軍先沒於陳訥親為氣奪乃議督諸軍築礮與敵共險為持久疏入上重失任舉又以築礮非計手詔戒訥親因時度勢以為進止訥親與廣泗合疏言天時地利皆賊得其長我兵無機可乘冬春間當減兵駐守明歲加調精銳三萬於四月進勦足以成功至遲亦不逾秋令訥親又別疏言來歲增兵計需費數百萬若俟二三年後有機可乘亦未可定疏入上諭曰卿等身在戎行日擊情狀不能確有成算游移兩可朕於數千里外何從遙度我師至四萬彼止三千餘何以彼應我則有餘我攻彼則不足卿等當審定應攻應罷毋為兩歧語上知訥親不足辦敵諭軍機大臣議召訥親還又念大金川非大敵重臣視師無功而還傷國體為四夷笑密以諭訥親冀激奮克敵居數月師雖有小勝卒未得尺寸地訥親惟請還京面對乃召訥親及廣泗詣京師以岳鍾琪攝經略傅爾丹攝川陝總督復遣尚書班第同治軍事尋奪訥親官令自具鞍馬從討噶爾丹贖罪速廣

泗九月命大學士傅恒代為經略別遣侍衛富成速納親責置對並令富成錄
 訥親舉止言語以聞上前後手詔罪訥親恒數千百言略謂訥親受命總戎乖
 張畏縮疏言軍夜攻燭自帳中望見火光知未嘗臨敵又言督軍攻阿利山既
 回營我軍數千人各鳥獸散知偶臨敵又先士卒退富成疏訥親語金川事大
 難不可輕舉此言不敢入奏訥親受恩久何事不可言如固不能克富實陳請
 罷兵乃事敗欲以不可輕舉歸過朝廷狡詐出意外又值續調兵過轍言此皆
 我罪令如許滿洲兵受苦滿洲兵聞調鼓舞振躍志切同仇訥親以為受苦實
 嫉他人成功搖衆心不顧國事孤恩藐法罪不可道十月諭訥親先世以軍功
 封二等公為孝昭仁皇后戚屬供職勤慎進一等公獲罪應仍以二等公俾其
 兄策楞襲爵訥親恃上恩尚冀入見上自解上復迭降手詔謂軍旅事重平日
 治事詳慎操守潔清舉不足言又謂訥親小心謹密而方寸一壞天奪其魄雖
 欲倖免而不能十二月廣泗既誅上封退必降遺刀授侍衛鄂實監訥親還軍
 誅以警衆十四年正月上命傅恒班師復諭鄂實即途中行法是月戊寅鄂實

清史稿

列傳八十八

三

監訥親行至班欄山聞後命遂誅訥親

傅恒字春和富察氏滿洲鑲黃旗人孝賢純皇后弟也父李榮保附見其父米
 思翰傳傅恒自侍衛擢戶部侍郎乾隆十年六月命在軍機處行走十二年
 擢戶部尚書十三年三月孝賢純皇后從上南巡還至德州崩傅恒扈行典喪
 儀四月敕獎其勤恪加太子太保時訥親視師金川解尚書阿克敦協辦大學
 士以授傅恒並兼領吏部訥親既無功九月命傅恒暫管川陝總督經略軍務
 尋授保和殿大學士發京師及諸行省滿漢兵三萬五千以部庫及諸行省銀
 四百萬供軍儲又出內帑十萬備犒賞十一月師行上詣堂子告祭遣皇子及
 大學士來保等送至良鄉傅恒既行上日降手詔褒勉傅恒道陝西言驛政不
 修誤軍興上命協辦大學士尚書尹繼善攝陝西總督主饋餉入四川境馬不
 給上又命尹繼善往來川陝督察旋以傅恒師行甚速紀律嚴明命議叙部議
 加太子太傅特命加太保固辭不允發京師及山西湖北馬七千佐軍傅恒發
 成都經天赦山雪後道險步行七十里至驛上聞賜雙眼孔雀翎復固辭初小

金川土舍良爾吉問其兄澤旺於沙羅奔奪其印即悉於嫂阿扣沙羅奔之犯
 邊也良爾吉實從之後詐降為賊謀張廣泗入奸民王秋言使領糧兵我師舉
 動賊輒知之傅恒途中疏請誅良爾吉等將至軍使副將馬良柱招良爾吉來
 迎至邦噶山正其罪併阿扣王秋悉誅之事聞上褒傅恒明斷命拜前賜雙眼
 孔雀翎母更固辭十月至卡撒以屯軍地狹隘與賊相望且雜處番民市肆中
 乃相度移營前令總兵冶大雄監營壘十四年正月上疏言臣至軍察用兵
 始末當紀山進討之始馬良柱轉戰而前踰沃日收小金川直抵丹噶其鋒甚
 銳彼時張廣泗若速進師賊備未暇殄滅尚易乃坐失事機宋宗璋宿留於雜
 谷許應虎敗於的郊賊得盡據險要增礮備禦親親初至督戰甚急任舉敗
 沒銳挫氣索軍無門志一以軍事委張廣泗廣泗又為奸人所愚專主攻礮先
 後殺傷數千人匿不以聞臣惟攻礮最為下策礮礮不能洞堅壁於賊無所傷
 賊不過數人自暗擊明礮不虛發是我惟攻石而賊實攻人賊於礮外為濠兵
 不能越賊伏其中自下擊上其礮銳立高於浮屠建作甚捷數日可成旋缺旋

清史稿

列傳八十八

四

補且衆心甚固礮盡碎而不去礮方過而復起客主勢佚形勢迥殊攻一礮難
 於克一城即臣所駐卡撒左右山巔三百餘礮計日以攻非數年不能盡且得
 一礮輒傷數百人得不償失兵法攻堅則瑕者堅攻瑕則堅者瑕惟使賊失
 所恃我兵乃可用其所長擬俟諸軍大集分道而進別選銳師旁探間道裹糧
 直入踰礮勿攻繞山其後番衆不多外備既密內守必虛我兵既自捷徑深入
 守者各懷內顧人無固志均可不攻自潰卡撒為進噶拉依正道嶺高溝窄臣
 當親任其難黨壩隘險亦幾同卡撒酌益新軍兩道並進直搗巢穴取其渠魁
 期四月間奏捷上以金川非大敵勞師兩載誅大臣失良將內不憚及是聞其
 地險難下益不欲竟其事遂以孝聖憲皇后諭命班師而傅恒方督總兵哈喇
 龍哈尚德等攻下數礮上以金川水土惡賜傅恒人蔘三斤並及諸將有差履
 詔召傅恒還又以孝聖憲皇后諭封一等忠勇公賜寶石頂四圍龍補服傅恒
 奏言金川事一誤今復輕率蒞事賊愈張衆士司皆罹其毒邊宇將無寧日
 審度形勢賊礮非盡當道其巢皆老弱我兵且戰且前自昔嶺中峯直抵噶拉

依破竹建誦功在垂成棄之可惜且臣受詔出師若不掃穴擒渠何顏返命並力辭封賞上不允手詔謂匈奴未滅無以家為乃驍姚武人銳往之概大學士并誠實化豈與兜鑿圖帥爭一日之績反復累數千言復賜詩喻指時傳恒及提督岳鍾琪決策深入涉羅奔道頭人乞降傳恒令自縛詣軍門涉羅奔復介紳斯申等詣岳鍾琪乞貸死鍾琪親入勅烏圍擊涉羅奔及其子耶吉詣軍門語詳鍾琪傳恒遂受涉羅奔父子降涉羅奔等焚香作樂誓六事無犯鄰比諸番反其侵地供役視諸土司執獻諸酋抗我師者還所掠內地民馬納軍械鎗礮乃承制赦其罪涉羅奔獻佛像一白金萬傳恒卻其金涉羅奔請以金為傅恒建祠翌日傳恒率師還上優詔嘉獎命用揚古利故事賜豹尾槍二桿親軍二名三月師至京師命皇長子及裕親王等郊迎上御殿受賀行飲至禮傳恒疏辭四圍龍補服上命服以入朝復命用額亦都魯圖維故事建宗祠祀會祖哈什屯以下並追予李榮保賜賜第東安門內以詩落其成十九年準噶爾內亂諸部台吉多內附上將用兵詔廷臣惟傳恒贊其議二十年師克伊犁俘

清史稿

列傳八十八

五

達瓦齊以歸諭再封一等公傳恒固辭至泣下乃允之尋圖功臣象紫光閣上親製贊仍以爲冠舉蕭何不戰居首功爲比二十一年四月將軍策楞追捕阿睦爾撒訥未獲上命傳恒出視師赴額林哈畢爾噶集蒙古諸台吉飭軍事傳恒行日策楞疏至已率兵深入復召傳恒還三十三年將軍明瑞征緬甸敗績二月授傳恒經略出督師時阿里袞以副將軍軍事上並授阿桂副將軍舒赫德參贊大臣命舒赫德先赴雲南與阿里袞籌畫進軍三十四年二月傳恒師行發京師及滿蒙兵一萬三千六百入從征上御太和殿賜敕資御用甲胃四月至騰越傳恒決策師循曼鳩江而進大兵出江西取道猛拱猛養直搗木梳水師沿江順流下水陸相應偏師出江東取猛密夾擊老官屯往歲以避瘴九月後進兵緬甸得爲備傳恒議先數日出不意攻其未備水師當具舟上初命阿里袞造舟濟師阿里袞等言岸險澗窄不宜舟傍江亦無造舟所上又命三泰傳願往視言與阿里袞等同及傳恒至軍諮土司頭人知蠻彝有山曰翁古多木旁有地曰野牛壩野人所居涼爽無瘴即地伐木造舟野人樂受值

執役甚謹傳恒即使傳願佐蒞事舟成督滿漢兵並從行奴僕更番轉般又得茂隆廠附近礦工令範銅爲礮狀聞輒降旨嘉獎爲賦造舟行焉傳恒初議自將九千三百人渡曼鳩而西師未集七月將四千人發騰越上以經略自將師寡促諸軍速集如初議八月傳恒自南軒趨曼鳩奏至上方行圍木蘭入圍獲磨昇福降安以賜傳恒傳恒道南底壩至允帽臨曼鳩江時猛拱大頭人脫猛烏猛頭人賀丙等詣傳恒請降師至脫猛烏猛將夾江諸夷寨頭人來迎與賀丙具舟傳恒命分兵徐濟夾江爲寨猛拱後土司渾覺亦請降獻馴象四上賚三眼孔雀翎傳恒疏辭師復進取猛養破寨四頭人拉匿拉賽設臺站令瑚爾起以七百人駐守遂至南董于攻南準寨獲頭人木波猛等三十五人進次暮臘再進次新街傳恒自渡曼鳩江未嘗與緬甸兵戰刈禾爲糧行二千里不血刃而士馬觸暑雨多疾病會阿桂將萬餘人自虎踞剛出野牛壩造舟畢成徵廣東福建水師亦至乃合軍並進哈圖興將水師阿桂阿里袞將陸師阿桂出江東阿里袞出江西緬甸兵壘金沙江兩岸又以舟師扼江口阿桂先與緬兵

清史稿

列傳八十八

六

遇騰步兵發銃矢又以騎兵陷陳緬兵潰哈圖興督舟師乘風賊緬兵舟相擊死者數千阿里袞亦破西岸緬兵傳恒以所獲獻進上復爲賦詩阿里袞感瘵而病改將水師旋卒十一月傳恒復進攻老官屯老官屯在金沙江東東猛密西猛密北猛拱猛養南緬都阿瓦爲水陸通衢緬兵伐木立寨甚固哈圖興督諸軍力攻未即克師破東南木寨緬兵夜自水寨出傳恒令海蘭察禦之又令伊勒圖督舟師掩擊復獲船糧緬兵潛至江岸築壘又自林箐中出海蘭察擊之屢有斬馘師久攻堅士卒染瘴多物故水陸軍三萬一千至是僅存一萬三千傳恒以入告上命罷兵召傳恒還京傳恒俄亦病阿桂以聞上令即馳驛還而以軍事付阿桂會緬甸會稽駁遺頭人諾爾塔爾蕭葉書乞罷兵傳恒奏入上許其行成傳恒附疏言用兵之始衆以爲難臣執意請行負責任請從重治罪上手詔謂用兵非得已如以爲非是朕當首任其過皇祖時吳三桂請撤藩諮於羣臣議撤者惟米思翰明珠數人及三桂反衆請誅議撤諸臣皇祖深謂其非朕仰紹祖訓傳恒此事可授以相比傳恒收猛拱當賜三眼孔雀翎疏

辭侯功成拜賜今既未克賊巢富饒進賜餽以稱其請罪之意暫駁遣頭人詣軍獻方物十月傳恒還駐虎踞關上命傳恒會雲貴總督彰寶議減雲南總兵知府員缺釐正州縣舊制三十四年二月班師三月上幸天津傳恒朝行在既而緬甸曾謝罪表久不至上謂傳恒方病不忍治其罪七月卒上親臨其第酌酒命喪葬視宗室鎮國公諡文忠又命入祀前所建宗祠其後上復幸天津念傳恒於此復命又經傳恒墓賜奠皆紀以詩及賦懷舊詩許為社稷臣嘉慶元年以福康安平苗功贈貝子福康安卒推恩贈郡王銜旋並命配享太廟傳恒直軍機處二十三年日侍左右以勤慎得上眷故事軍機處諸臣不同入見乾隆初惟訥親承旨迨傳恒自陳不能多識乞諸大臣同入見上晚膳後有所諮訪又召傳恒獨對時謂之晚面又軍機處諸大臣既承旨退自屬草至傳恒始命章京具稿以進上倚傳恒為重臣然偶有小節疏失即加以戒約傳恒益謙下治事不敢自擅敬禮士大夫翼後進使盡其才行軍與士卒同甘苦卒時未五十上尤惜之子福靈安福隆安福康安福長安福康安自有傳福靈安多羅

清史稿

列傳八十八

七

額駙授侍衛準噶爾之役從將軍兆惠戰於葉爾羌有功于雲騎尉世職三十二年授正白旗滿洲副都統署雲南永北鎮總兵卒福隆安尚高宗女和嘉公主授和碩額駙御前侍衛三十三年擢兵部尚書軍機處行走移工部尚書三十五年襲一等忠勇公三十六年用兵金川總兵宋元俊劾四川總督桂林命福隆安往讞福隆安直桂林抵元俊罪四十一復授兵部尚書仍領工部金川平畫像紫光閣四十九年卒諡勤恪子豐紳濟倫初以公主子命視和碩額駙品秩授鑲藍旗漢軍副都統奉宸苑卿四十九年襲爵累遷兵部尚書領鑾儀衛嘉慶間再坐事官終盛京兵部侍郎十二年卒子富勒渾翁珠襲爵福長安自藍翎侍衛累遷至正紅旗滿洲副都統武備院卿領內務府四十五年命在軍機處學習行走累遷戶部尚書五十二年臺灣平五十七年廓爾喀平諸功臣畫像紫光閣福長安皆與焉嘉慶三年俘王三槐福長安以直軍機處得侯四年高宗崩大學士和珅得罪仁宗以福長安阿附逮下獄奪爵籍其家諸大臣議用朋黨律坐立斬上命改監候而賜和珅死使監福長安詣和珅死所跪

視旋遣往裕陵充供茶拜唐阿就選員外郎六年以請還京奪職發盛京披甲旋自驍騎校履邊再為圍場總管一為馬蘭鎮總兵再署古北口提督屢坐事譴謫二十一年授正黃旗滿洲副都統二十二年卒論曰高宗初政寬大而清明舉國熙熙樂見太平是時鄂爾泰張廷玉負夾輔之重然居中用事為天子喉舌厥惟訥親繼之者傳恒也高宗手詔謂富鄂爾泰在朝培養陶成得一訥親訥親在朝培養陶成得一傳恒又謂訥親受恩第一次則傳恒訥親視師失上指坐誅終不沒其勤廉傳恒再以受降還師德心孚契自以其謹慎非徒藉賞戚功閹重也

清史稿

列傳八十八

八

清史稿

列傳八十九

徐本

汪由敦

來保

劉綸

劉統勳

徐本字立人浙江錢塘人尚書湖子本康熙五十七年進士改庶吉士授編修雍正五年提督貴州學政授贊善遷侍讀七年擢貴州按察使八年調江蘇遷湖北布政使十年擢安慶巡撫奏定比組盜賊章程竊案責府州盜案責臬司案多而未獲巡撫親提比立限定勸懲上嘉之十一年疏言雲貴廣西改流土司安置內地例十人給官房五楹地五十畝安慶置二十一人地遠在來安請變價別購俾耕以食又疏言州縣徵糧例由府道封糧請改州縣自封完糧十截串票改仍用三連由票客戶銀以下以十錢當一分又疏言壽州濱淮聚族而居假捕魚為業每出劫掠已次第捕治令漁船編甲孫平焦鄧諸姓設族正有盜不時舉發皆下部議行召授左都御史十二年遷工部尚書協辦大學

清史稿

列傳八十九

士浙江衢州民王益善邪教惑眾命本會總督程元章按治請改設衢州總兵金衢嚴巡道以下官并更定營制下部議行十三年五月命同寶親王果親王大學士鄂爾泰張廷玉等辦理苗疆事務高宗即位命在辦理軍機處行走調刑部尚書尋命協辦總理事務乾隆元年授東閣大學士兼禮部尚書充世宗實錄總裁二年直南書房以協辦總理事務予拖沙喇哈番世職三年授辦理軍機大臣四年加太子太保七年兼管戶部尚書九年六月以病乞休加太子太傅致仕遣御前侍衛永興齋賜御用衣冠內府文綺貂皮上親臨其第慰問賜詩命其子侍講學士以煩送歸里在籍食俸明年上念本歸將一載復賜詩十二年本卒加少傅發白金千治喪浙江巡撫顧琮往祭諡文穆上南巡所經郡縣道祭舊臣禮部奏請未及本上特命遣祭祀京師賢良祠以煩進士官至禮部侍郎

汪由敦字師茗浙江錢塘人原籍安徽休甯雍正二年進士選庶吉進士父喪以襄修明史命在館守制喪終三遷內閣學士直上書房二年廷臣妄傳除目

為言官執奏語連由敦未得旨由敦具疏辨上詰由敦何以先知足見有為之

耳目者其人必不謹左授侍讀學士累遷工部尚書調刑部兼署左都御史十一年命在軍機處行走十四年金川平加太子少師是歲命協辦大學士由敦出大學士張廷玉門其直軍機處廷玉薦也時軍機處諸大臣鄂爾泰已卒廷玉為班首而訥親被上眷日入承旨出令由敦屬草慮不當上意輒令易稿至三四不已傅恒為不平和訥親誅傅恒自金川還朝引諸大臣共承旨以為常廷玉致仕將歸以世宗遺詔許配享太廟乞上一言為券謝恩未親至傅旨詰責傅恒與由敦承旨由敦免冠叩首言廷玉蒙恩體恤乞終始於全若明旨詰責則廷玉罪無可道次日廷玉早入朝上責由敦漏言徇師生私恩不顧公議解協辦大學士并罷尚書仍在尚書任贖罪十五年命復任上閱永定河工令由敦同大學士傅恒總督方觀承會勘南岸建壩請於張仙務營舊壩二馬家鋪及冰窖以東增新壩亦二如所議四川學政朱荃以匿喪贖賄得罪由敦所薦舉吏議奪職上以由敦謹慎長於學問命降授兵部侍郎俄永定河堤

清史稿

列傳八十九

決復命赴固安監寨日有請別開新河者由敦主仍沿舊河亦如所議十六年調戶部侍郎命同大學士高斌勘天津等處河工請濬永定河下流疏王慶坨引河增鳳河堤壩培東岸隄障東淀十七年授工部尚書十九年加太子太傅兼刑部尚書二十年準噶爾平軍機大臣得議叙二十一年調工部尚書二十二年授吏部尚書二十三年卒上親臨賜奠贈太子太師諡文端由敦篤內行記誦尤淹博文章典重有體內直幾三十年以恭謹受上知乾隆間大臣初入直軍機處上以日所製詩用丹筆作草或口授令移錄謂之詩片久無誤乃使撰擬諭旨由敦能強識當上意上山謁陵及巡幸必從入承旨耳受心識出即傳寫不遺一字其卒也諭稱其老誠端恪敏慎安詳學問淵深文辭雅正並賦詩悼之又以由敦善書命館臣排次上石日時晴齋法帖上賦懷舊詩列五詞臣中稱其書比張照云子承沆承需承需字春農由敦既卒喪終承需以賜祭葬入謝傅恒為言承需書類由敦授兵部主事充軍機處章京累遷郎中除福建邵武知府時母年八十請軍機大臣為陳情留京供職復補戶部郎中

三十六年師討小金川上命戶部侍郎桂林出督餉以承需從三十七年阿爾泰宋元俊劾桂林以金與土酋賄所掠軍士辭連承需命逃治俄事白仍以郎中充軍機處章京累遷工部右侍郎甘肅冒賑事發部議凡在甘肅納捐監生應禁革毋許應試及自別途出身承需奏人數甚多乞開自新之路令納金如例許考試及自別途出身得旨允四十年上校射承需進發中的賞花翎調戶部右侍郎五十四年坐監臨順天鄉試失察左遷通政使累遷復至侍郎嘉慶五年授左都御史遷兵部尚書兼領順天府尹六年永定河水溢上命治賑得旨獎叙七年上將幸木蘭承需請罷停園不許尋改左都御史署兵部尚書北城盜發上責承需不稱職以二品冠服致仕十年卒詔視尚書例議卹

來保字學圃喜塔臘氏滿洲正白旗人初隸內務府康熙中自庫使授侍衛再奪職五十七年復授三等侍衛雍正初擢內務府總管坐內務府披甲裁額衆閱廉親王允禩第來保等奏不實復奪職起景陵掌關防郎中再遷復爲內務府總管署工部尚書疏言滿洲騎射較優沿邊古北口諸處提鎮以下請兼用

清史稿

列傳八十九

三

滿洲資控制從之乾隆元年十二月大學士管浙江總督嵇曾筠江蘇巡撫邵基疏請停辦戊午銅運下部議來保奏積欠數盈六百萬應停辦一年以清舊款但已未以後仍招商採買行之數年積欠復多又當停辦請敕部並下各直省督撫曉諭聽商具資本出洋採買不必先給價值隨到即收不拘多寡但不得尅扣抑勒重滋商累總理王大臣議覆允行二年六月以上以運河水淺糧船至臨清以北尤多阻滯由於衛河上游各渠口居民私洩過多敕直隸河南督撫等照前河臣靳輔題准定例稽查嚴禁來保奏育水淺運阻查禁不得不嚴但衛水發源河南至臨清五百餘里沿河居民不知幾千萬家待漕之地不知幾千百頃今秋成在望已非漕漑之期所慮者有司奉行過當後雖運河未至淺阻而一入五月渠口盡行堵塞坐使有用之利置之無用恐不無廢時失業者不稱仁育萬民之意當使漕運不致淺阻民田亦得灌溉或暫禁於淺阻之年而不禁於深通之歲應令督撫河道諸臣悉心調劑以期兩便疏入上命侍郎趙殿最侍衛安南會同督撫查勘請於漕船將抵臨清視連河水盈縮定渠

開啓閉十二月授工部尚書兼議政大臣四年病請解任上不許十二月授內大臣賜紫禁城內騎馬五年調刑部尚書上以來保奉職勳命改隸滿洲正白旗所立佐領准世襲六月御史沈世楓奏來保誠懇有餘習練不足不勝刑部繁要之任諭曰來保人實可信然世楓所言頗中其病憊因此自知省惕則心志虛公而才識亦將日進此聞過而喜所以稱賢也九年命如奉天按察軍額洛圖侵餉納賄狀論如律十年調禮部尚書加太子太保授領侍衛內大臣尋授吏部尚書協辦大學士十二月授武英殿大學士十三年九月命爲軍機大臣十四年金川凱旋進太子太傅兼管兵部刑部事十五年三月來保年七十六上製詩賀之十六年兼管吏部事二十五年來保年八十復賜御製詩二十六年兼管禮部事二十九年卒年八十四贈太保祀賢良祠諡文端四十四年御製懷僑詩列五閣臣中來保能知人舒赫德官烏里雅蘇台將軍疏請徒阿睦爾撒納眷屬於邊上以其傷遠人心震怒遣使封刀斬之來保爭甚力以爲才可大用上亦悔第曰已降旨來保曰即上有恩命臣子成麟善騎追前使還

清史稿

列傳八十九

四

上尤之歸召成麟使齋詔追前使還成麟日夜馳三百餘里先使三日到舒赫德賴以爲來保善相馬上嘗爲相馬歌賜之

劉翰字春涵江蘇武進人少雋穎六歲能綴文長工爲古文辭乾隆元年以廩生舉博學鴻詞試第一授編修預修世宗實錄遷侍講進太常寺少卿四遷擢內閣學士十二年扈蹕木蘭奏秋郊大獵哨鹿二賦稱旨十四年直南書房授禮部侍郎調工部十五年命軍機處行走十六年土默特貝子哈木噶巴雅斯呼朗圖不按原議年限驅種地流民命翰借侍讀學士獻麟保往勸六月疏言出口民價典旗地應遵原議三年五年限外撤還原主其領地耕種爲佃戶受雇力作爲傭工皆浮寄謀生初無佔地意應許力耕餬口至領地墾荒積累辛勤始得成熟不同價典年滿先還原主所需自種地有贏仍給種以償前勞木頭城三坐塔居人稠密許照常居住設三坐塔巡檢一資彈壓詔從其議父憂歸服闋十八年除戶部侍郎十九年兼順天府尹故事順天府公牘治中通判不署名翰請以錢穀屬治中獄訟屬通判先署牘呈尹可否之大軍西征準噶

爾師行役車供侍切辦治無誤二十年準鳴爾平子獎叙浙江按察使富勒
渾勃巡撫鄂樂舜授意布政使同德勅派商銀命諭如浙江借兩江總督尹繼
善等會訊二十一年復奏鄂樂舜受銀屬實擬絞候同德未知情富勒渾勃
擬杖流上以富勒渾參款已實不應議罪責論等失當部議奪官有旨從寬留
任罷直軍機處二十二年命仍入直二十四年六月奏薊州寶坻等縣贖子萌
動州縣官事繁督捕未能周備飭千把外委同佐維分捕叅將借監司巡察動
情報可進左都御史二十五年借侍郎伊祿順赴西安勅將軍嵩阿禮剋兵糧
勒餽送等款得實論如律二十六年進兵部尚書二十八年調戶部協辦大學
士加太子太保三十年母憂歸甫除喪詔起吏部尚書仍協辦大學士三十六
年授文淵閣大學士兼工部尚書三十八年卒命皇子臨其喪贈太子太傅祀
賢良祠諡文定輪性至孝親喪三年不御酒肉直軍機處十年與大學士劉統
勳同輔政有南劉東劉之稱器度端凝不見有喜愠色出入殿門進止有恒處
自工部侍郎歸買宅數椽後服官二十年未嘗益一椽半雙衣履垢敝不改作

清史稿 列傳八十九 五

朝必盛服曰不敢褻朝章也侍郎王利充軍機處章京嘗嚴冬有急奏具草夜
半詣輪起然燭操筆點定寒甚呼家人具酒脯而厨傳已空僅得白聚十數
枚侑酒其清儉類此校士尤矜慎嘗曰衡文始難在取繼難在去文佳劣相近
一去取間於我甚易獨不為士子計乎較量分寸輒至夜分不勅為文法六朝
根柢漢魏於詩喜明高啟謂能入唐人門闥子躍雲宇服先乾隆三十一年進
士及第授編修累遷禮部侍郎六十年充會試副考官以校閱失當下吏議左
遷奉天府府丞罷歸嘉慶四年召為大理寺少卿遷工部侍郎上御門躍雲誤
班未至左遷內閣學士復授兵部侍郎休致卒殿試例糊名躍雲對策高宗親
置上第喜曰此劉綸子不意朕竟得之及視學江西有清名高宗意嚮用以忤
和珅主會試坐浮言黜仁宗召起老矣終不竟其用子逢祿見儒林傳
劉統勳字延清山東諸城人父榮官四川布政使統勳雍正二年進士選庶吉
士授編修先後直南書房上書房四遷至詹事乾隆元年擢內閣學士命從大
學士嵇曾筠赴浙江學習海塘工程二年授刑部侍郎留浙江三年還朝四年

母及歸六年授刑部侍郎服闋詣京師擢左都御史疏言大學士張廷玉歷事
三朝遭逢極盛然晚節當慎責備恒多竊聞輿論動云張姚占二姓半部籍紳
張氏登仕版者有張廷璐等十九人姚氏與張氏世婚仕宦者姚孔鋞等十人
二姓本桐城巨族其得官或自科目薦舉或起襲廢議叙日增月益今未能遽
議裁汰惟稍抑其邊除之路使之戒滿引嫌即所以保全而造就之也請自今
三年內非特旨擢用概停升轉又言尚書公訥親年未強仕綜理吏戶兩部典
宿衛贊中樞兼以出納王言時蒙召對屬官奔走恐後同僚亦爭避其鋒部中
議覆事件或輾轉駁詰或過目不留出一言而勢在必行定一毫而限逾積日
殆非懷謙集益之道請加訓示俾知省改其所司事或量行裁減免曠廢之虞
兩疏入上諭曰朕思張廷玉訥親若果擅作威福劉統勳必不敢為此奏今既
有此奏則二臣並無聲勢能箝制寮案可知此國家之祥也大臣任大責重原
不能免人指摘聞過則喜古人所尚若有幾微芥蒂於胸臆間則非大臣之度
矣大學士張廷玉親族甚衆因而登仕籍者亦多今一經察議人知謹飭轉於

清史稿 列傳八十九 六

廷玉有益訥親為尚書固不當校核推諉但治事或有未協朕時加教誨誠令
毋自滿足今見此奏益當自勉至職掌太多如有可減候朕裁定尋命以統勳
疏宣示廷臣命勸海塘十一年署漕運總督還京十三年命同大學士高斌按
山東賑務並勘河道時連河盛漲統勳請濬聊城引河分運河水注海德州哨
馬營東平戴村二壩皆改令低沂州江楓口二壩俟秋後培高俾水有所洩遷
工部尚書兼翰林院掌院學士改刑部尚書十七年命軍機處行走十八年以
江南邵伯湖減水二閘及高郵車邏壩決命偕署尚書策楞往按合疏言河員
虧帑誤工詔奪河督高斌協辦河務巡撫張師載窮治侵帑諸吏九月銅山
店汎河決統勳疏論同知李焯守備張寶呈報稽誤上以焯寶平日侵帑聞且
窮治自知罪重河漲任其衝決立命誅之並繫斌師載令視行刑統勳駐銅山
督塞河十二月工成統勳借策楞疏陳稽察工料諸事詔如所議行大學士陳
世倌疏言黃河入海套櫃增多致壅塞命統勳往勘統勳疏言海口舊在雲梯
關今海退河淤增長百餘里櫃套均在七曲港上河流無所阻遏上又命清察

江南河工未結諸案統動疏言未結欸一百一十一萬有奇請定限核報又以河道總督顧琮請於祥符榮澤諸縣建壩並濬引河命統動往勘統動議擇地培隄壩引河上無來源中經沙地易淤墊當能上從之十九年加太子太傅五月命協辦陝甘總督賜孔雀翎時方用兵準噶爾統動請自神木至巴里坤設站一百二十五並裁度易馬運糧諸事命如所議速行二十年廷議駐兵巴里坤哈密命察勒統動至巴里坤阿睦爾撒納叛攻伊犁伊犁將軍班第死事未得報定西將軍永常自木壘引師退統動疏請還守哈密上責其附和永常置班第於不問命並永常奪職逮治其子班亦奪職與在京諸子皆下刑部獄籍其家旋上怒解諭統動所司者糧餉馬駝軍行進止將軍責也設令模稜之人緘默不言轉可不至獲罪是其言雖謬心尚可原永常尚不知死綏何怪於統動統動在漢大臣中尚奮往任事從寬免罪發往軍營交班第等令治軍需贖罪釋其諸子二十一年六月授刑部尚書尋命勘銅山縣孫家集漫工解總河富勒赫任即命統動暫攝是冬工竟二十二年命赴徐州督修近城石壩加太

清史稿 列傳八十九 七

子太保二十三年調吏部尚書二十四年命協辦大學士二十六年拜東閣大學士兼管禮部兵部八月借協辦大學士兆惠查勘河南楊橋漫工十二月工竟二十七年上南巡復命偕兆惠勘高資河湖入江路疏請開引河擇地築閘壩上諭謂所議甚合朕意又以直隸景州被水命勘德州運河疏請移吏董理四女寺哨馬營兩引河毋使淤闕二十八年充上書房總師傅兼管刑部教習庶吉士三十三年命往江南酌定清口疏濬事宜三十四年復勘疏運河三十八年十一月卒是日夜漏盡入朝至東華門外輿微側啓帷則已瞑上聞遣尙書福隆安齋藥馳視已無及贈太傅祀賢良祠諡文正上臨其喪見其儉素為之慟回蹕至乾清門流涕謂諸臣曰朕失一股肱既而曰如統動乃不愧真宰相統動歲出按事如廣東按糧驛道明福違禁折收如雲南按總督恒文巡撫郭一裕假上貢押屬吏賤值市金如山西按布政使蔣洲抑屬吏補虧帑如陝西按西安將軍都資侵餉如歸化城按將軍保德等侵帑如蘇州按布政使蘇崇阿誤論書吏侵帑如江西按巡撫阿思哈受賄皆論如律其視楊橋漫工也

河吏以芻茭不給為辭月餘事未集統動微行見大小車載芻茭凡數百輛皆弛裝困臥有泣者問之則主者索賄未遂置而不收也即令縛主者至數其罪將斬之巡撫以下為固請乃杖而荷校以徇薪芻一夕收立盡逾月工遂竟方金川用兵統動屢議撤兵及木果木軍覆上方駐熱河統動留京治事天暑甚以兼上書房總師傅檢視諸皇子日課廷寄急召比入對上曰昨軍報至木果木軍覆溫福死綏朕煩懣無計用兵乎抑撤兵乎統動對曰日前兵可撤今則斷不可撤復問誰可任者統動頓首曰臣料阿桂必能了此事上曰朕正欲專任阿桂特召卿決之卿意與合事必濟矣即日令還京師戶部疏論諸行省州縣倉庫多空闕上欲盡罷州縣吏不職者而以筆帖式等官代之召統動諭意且曰朕思之三日矣汝意云何統動默不言上詰責統動徐曰聖聰思至三日臣昏耄誠不敢遽對容退而熟審之翌日入對頓首言曰州縣治百姓者也當使身為百姓者為之語未竟上曰然事遂寢上為懷舊詩列五閣臣中稱其神敏剛勁終身不失其正云子二壩壩壩字崇如乾隆十六年進士自編修再遷

清史稿 列傳八十九 八

待講二十年統動得罪並奪壩官下獄事解實編修督安徽學政疏請州縣約束貢監責令察優劣督江蘇學政疏言府縣吏自瞻顧畏刁民畏生監兼畏吏胥聞允怠玩上嘉其知政體飭兩江總督尹繼善等淳厲除舊習授山西太原知府擢冀甯道以官知府時失察僚屬侵帑發軍臺効力踰年釋還命在修書處行走旋推統動恩命仍以知府用授江蘇江南知府有清名再遷陝西按察使丁父憂服闋授內閣學士直南書房遷戶部吏部侍郎授湖南巡撫遷左都御史仍直南書房命偕尙書和坤如山東按巡撫國泰食縱狀得實授工部尙書充上書房總師傅著直隸總督授協辦大學士五十四年以諸皇子師傅久不入書房降為侍郎尋授內閣學士三遷吏部尙書嘉慶二年授體仁閣大學士命偕尙書慶桂如山東讞獄並按行河決疏請寬濬下游四年加太子少保疏陳漕政僉丁不慎途中盜米致有鑿舟自沈或罵及橫舵舟存而不可用請飭各行省僉丁宜求殷實皆如所議行九年卒年八十五贈太子太保祀賢良祠諡文清壩工書有名於時鑽之統動次子堪之子也乾隆五十四年進士

自檢討案遷至戶部尚書兼領順天府尹嘉慶二十二年上自熱河還京師
鑲之入見上以順天府奏事稀捕教匪不時得詰鑲之不能對但言方旱災不
敢急捕賊上又問振災當設粥廠幾所需米若干鑲之又不能對上降旨責其
玩愒命以待郎候補復累遷吏部尚書加太子少保道光元年卒諡文恭
論曰明內閣主旨擬承旨撰敕其在唐宋特知制誥之職以王命所出入密勿
獻替遂號為宰相軍機處制與相類世謂大學士非兼軍機處不得為真宰相
勝此任者非以其慎密則以其通敏慎密則不泄通敏則不滯不滯不泄樞機
之責盡矣本世宗舊臣由敦來保綸統勳次第入直由敦左遷而未能直統勳
罷而復入尤以決疑定計見契於高宗許為有古大臣風亮哉

清史稿

稿

列傳九十九

九

清史稿

福敏

史貽直

孫嘉淦

陳世倌

阿克敦

梁詩正

列傳九十

福敏字龍翰富察氏滿洲鑲白旗人康熙三十六年進士選庶吉士散館以知
縣待銓時世宗在藩邸高宗初就傅命福敏侍讀及世宗即位擢內閣學士兼
禮部侍郎三年遷吏部侍郎出署浙江巡撫四年擢左都御史兼翰林院掌院
學士復出署湖廣總督沔陽潛江等十州縣水災疏請發帑平倉穀治賑謬紳
花苗叛福敏檄貴州兵截後路以湖廣兵搗其巢討平之安陸荊州被水疏請
老弱婦女治賑如常而以丁壯修隄俾民得食而隄亦完上眷福敏厚嘗手詔
諭曰朕令爾暫攝總督苟得其人即命往替近日廊廟中頗乏才皇子左右亦
待爾輔翼留爾湖廣非得已宜體朕意勉為之五年召還京授吏部尚書六年
以巡撫浙江時徇布政使佟吉圖動庫銀奪職八年命協理兵部侍郎遷左都

清史稿

稿

列傳九十九

九

御史十年署工部尚書協辦大學士旋署刑部尚書乾隆三年擢武英殿大學
士兼工部尚書翰林院掌院學士四年加太保六年七月高宗初幸木蘭行圍
福敏疏言行圍邊外內外章奏按期馳送較宮廷清穆勞逸迥殊宜朝乾夕惕
清明在躬從容應之留京百官必因事警察勿使偷惰者得行其私巡行之日
言路宜舉大利害不當瑣細瀆陳傷政體聖祖於獵地平易險阻無不了然故
周旋中度馳射如神願皇上籌度於先弁兵布圍未必無參差乞少加從容俾
隄勉從事弁兵從行日久查斧不繼量加恩澤費無多而惠無窮上諭曰覽大
學士所奏老成忠懇補資陳善朕皆嘉納焉八年疏陳時政言河防事重請如
災民請賑例便宜處置以時上聞災民流移情非得已若有司不善拊循徒禁
越境致輾轉溝壑宜加以玩視罪江南湖廣偏災請留南漕賑濟定數多寡當
出上裁庶上不虧儲下足濟食疏入從之十年以疾乞解任溫詔如所請加太
傅二十二年卒年八十四福敏嘗有疾上臨視及聞其卒復親奠賜祭葬祀賢
良祠諡文端福敏性剛正廓然無城府直內廷與蔡世遠雷鏞善尤服膺朱軾

既乞休詔曰此位豈易稱我浮沈其間君不我嘔耶四十四年上製懷舊詩於舊學諸臣皆稱先生字而不名言於軾得學之體於世遠得學之用於福敏得學之基六十年二月上丁釋奠禮成贈福敏太師詔言冲齡就傅時啓迪之力多也

陳世倌字秉之浙江海寧人父說自有傳世倌康熙四十二年進士改庶吉士自編修累遷侍讀學士督順天學政父髮歸起督江西學政疏乞終制得請二年服闋擢內閣學士出爲山東巡撫時山東境旱蝗糧運淺阻世倌單車周歷密察災輕重吏能否乃視事趣捕蝗略盡並疏治運道世宗書扇以賜世倌疏言社會通有無濟豐歉古今可行宜令各鄉勸富民輸穀不限多寡量予獎勵舉公正鄉約三人司其出入官爲稽覈貧民春貸秋償石納息二斗秋則減之十年後納息一斗請飭諸行省先就數州縣行之俟有成效然後推廣下所司議行又疏請禁回教上以回教其來已久限於種人非蔓延難量無故欲禁革徒紛擾非治理罷其議又疏上沿海防衛五事報可四年母憂歸命治江南水

清史稿

列傳九十

利坐運使奪職並命赴曲阜督修孔子廟高宗卽位起左副都御史乾隆二年授倉場侍郎再遷工部尚書六年授文淵閣大學士是年秋准徐鳳泗等處被水上命侍郎周學健會總督高斌屯工役世倌屢疏陳行水郵災諸事上卽命乘傳往會學健等察勘世倌言水勢高下必當親勘請以通測量術者偕往從之十二月偕學健等疏陳籌畫工役請待來歲二三月水涸施工上曰世倌臨行奏言歲內可疏積水盡消今疏言仍待來歲二三月其所籌畫皆不過就高斌周學健所定規模而潤色之別無奇謀碩畫何必多此往返乎九年予假回籍請致仕不許疏言道經山東聞有劇盜就逮因案關數省遷延待質劇盜既鞠得實宜速誅請飭山東巡撫定讞毋使久稽顯戮上聽其言假滿還職加太子太保雲南巡撫勅屬吏例當令總督覆讞世倌擬旨誤下吏議奪職上斥世倌卑瑣不稱大學士宜如議奪職又別敕略謂朕斥世倌卑瑣卽如世倌與孔氏有連乃於兗州私營田宅冀分其餘潤此豈大臣所爲今既奪職下山東巡撫毋令居兗州十五年入京祝嘏賞原銜十六年命入閣辦事兼管禮部事二

十二年以老病乞休詔從其請加太子太傅二十二年春陞辭御製詩賜之謂皇祖朝臣無幾也資銀五千兩在家食俸未行卒諡文勤世倌治宋五子之學廉儉純篤入對及民間水旱疾苦必反覆具陳或繼以泣上輒警顏聽之曰陳世倌又來爲百姓哭矣雖中被譴詞終亮其端謹其後南巡猶遣官祭其墓云史始直字傲茲江蘇溧陽人父夔康熙二十一年進士官至詹事始直少嫻掌故三十九年成進士年十九自檢討五遷侍讀學士雍正初命在南書房行走再遷吏部侍郎歷工部戶部命如河南按總督田文鏡劾信陽知州黃振國等定讞入告上蔡知縣張球文鏡所嘗薦始直等發其諱盜下吏議文鏡疏自劾復命如山西按前總督年羹堯領河東鹽政私其子挽鹽法七年復命如福建按巡撫朱綱劾按察使喬學尹等並論如律上獎其公富命署福建總督福建水師巡海挾市易物蝕關稅始直爲申禁福州興化泉州漳州四府以米少倉穀不如例糶易始直請以臺灣應輸兵米易穀運四府以次糶舊存新內地兵戍臺灣往還撥番社貽直請下臺灣總兵戍兵往還遣裨將檢押皆如所議行

清史稿

列傳九十

八年調署兩江總督以本籍疏辭勿許授左都御史仍留兩江九年召還時師征準噶爾陝西甘肅當師行道任餽餉命偕侍郎杭奕祿等宣諭化導旋命協理陝西巡撫擢兵部尚書仍留陝西十年署巡撫廷議禁燒鍋下諸行省貽直疏言年豐糧美燒鍋亦民間謀生之一事當視年事豐歉審民力盈虛加以董勸上許爲得因時制宜之意湖廣總督邁柱請疏湖廣荆子關至陝西龍駒寨水道便轉饒貽直疏言荆子關至龍駒寨舊有丹河行兩山間紆折三百七十里夏秋間民引以溉田築堰蓄流涓滴必爭雨後山水驟至絳路輒斷實不宜於輓運臣察湖廣轉饒難當於河南府陝州傍河諸州縣積穀行轉般之策浚治丹河宜若可緩上聽貽直言格邁柱議不行旋授戶部尚書總理陝西巡撫十三年七月召還八月世宗崩高宗卽位貽直入對高宗出世宗遺念衣賜貽直勛以始終一致貽直泣上亦泣不止貽直疏言科道及吏禮二部宜循舊制用科目官吏遷擢捐乘階資倖進者不以爲公沈滯者不勝其怨宜亦循舊制存階級河南各州縣報擊砂礫山岡按畝升科小民鬻兒女以應輸將州縣

官勸指有損國體請簡廉明公正大臣撫綏其地則情弊立見事下總理事務王大臣議行尋命署湖廣總督乾隆元年疏言舊制州縣倉穀議罪穀一石當銀一兩時值實不及諸雜糧皆視穀尤失平部議米一石當銀一兩穀及諸雜糧皆當銀五錢著為令武昌城西南當江漢合流處舊有長隄貽直令所司履勘重築自王惠橋至土城磯隄千三百餘丈期三歲而畢湖廣為兩淮行鹽地而地錯入川粵凡巴東歸州道州寧遠等九州縣民私食川粵鹽兩淮鹽政尹會一以為言貽直言湖廣行兩淮鹽歲七十餘萬引諸州縣僻遠兩淮鹽不至強而行之官商且交困部議如貽直奏湖南城步等縣苗曾蒲寅山鳳老一等為亂貽直與巡撫高其倬等討平之上嘉其勞召還歷工刑兵吏諸部尚書七年命署直隸總督復召還協辦大學士九年授文淵閣大學士十一年加太子太保貽直子奕昂官山東運河道以巡撫鄂昌薦命署甘肅布政使二十年鄂昌坐事籍沒得貽直請託狀上念貽直勤慎不深罪令致仕回籍召奕昂還京二十二年上南巡貽直迎駕沂州令在家食俸尋召還仍授大學士途中病

清史稿

列傳九十

四

作遺御醫就視至京命領工部加太子太傅二十五年上以貽直成進士已六十年賜詩獎為人瑞尋命遇祀典不必隨班行禮以肩輿入直二十七年貽直乞致仕命不必兼攝工部歲加俸五百金二十八年卒年八十二贈太保祀賢良祠諡文靖直貽為政持大體不苟為異同性強記飭舉止善為辭今年羹堯既誅世宗問貽直汝亦羹堯耶貽直免冠對曰薦臣者羹堯用臣者皇上及事高宗羹堯嘗奏事拜起舒遲高宗問卿老憊乎貽直對曰皇上到臣年當自知之高宗為羹顏子奕簪乾隆十年進士官左春坊左贊善奕昂以舉人授刑部員外郎自署甘肅布政使召還京旋授福建按察使再遷兵部侍郎以口語罷奕昂官山西瀋安知府高宗命留京侍貽直授四品京堂阿克敦字仲和章佳氏滿洲正藍旗人康熙四十八年進士改庶吉士授編修五十二年充河南鄉試考官五十三年上以阿克敦學問優典試有聲名特擢侍講學士五十五年轉侍讀學士五十六年朝鮮國王李焯病目使求空青命阿克敦齋賜之遂辭事五十七年樞內閣學士六十年朝鮮國王李昀請立

其吟為世弟命阿克敦借侍衛佛倫充使册封擢兵部侍郎世宗即位兼翰林院掌院學士充聖祖實錄副總裁雍正元年命專管翰林院掌院學士充國史會典副總裁復借故秩大臣舒穆魯册封朝鮮國王李吟三年授禮部侍郎兼兵部四年調兵部兼國子監祭酒兩廣總督孔毓珣入覲命阿克敦署總督兼廣州將軍奏劾石總兵陳良弼索漁船陋規左翼總兵藍奉以二子冒補把總倚勢累兵上嘉阿克敦實奏命擇勝任之人具本題參高要高明四會三水南海等五縣民漸江築圩開寶建廂引水溉田謂之圍基江漲多潰決巡撫楊文乾奏請以最衝改石工次衝改椿埭計費數十萬借帑修築且議以開捐補款阿克敦意與相左五年疏言高要等縣沿江圍基俱係土工歲十一月後有司督率鄉民按畝分工加單培薄民不為苦官無所費江漲不免衝決但水性不猛非必石工椿埭方能抵禦請仍循舊法令有司於農隙督民修補倘江水盛漲道吏巡行防衝決無煩改築費帑上為寢文乾議尋與毓珣合疏請遣廣南韶道肇高廉羅道督修諸縣圍基報聞蒼梧李英山礦民羣聚竊發阿克敦令

清史稿

列傳九十

五

捕得其渠上諭嘉之調吏部署廣東巡撫劾肇高廉羅道王士俊侵稅羨上以士俊尚可用命訓飭邊改改署廣西巡撫文乾劾阿克敦聞盜不嚴緝新會縣得盜授意改職以竊賊詳結侵粵海關耗銀令家人索還羅米船規禮毓珣亦劾侵太平關耗銀六年命奪阿克敦官下毓珣文乾會鞠文乾卒上遣通政使留保郎中喀爾吉善會毓珣及署廣東巡撫傅泰嚴鞠以諱盜侵耗輕罪不議坐令家人索還羅米船擬絞士俊復揭告阿克敦庇布政使官達婪贓加擬斬監候七年山東巡撫費金吾以疏濬江南徐州沛縣及濟甯嘉祥諸縣水道請派員督修上命釋阿克敦往江南河工効力自贖九年上命撫遠大將軍馬爾賽率師討準噶爾授阿克敦內閣額外學士協辦軍務十一年命駐扎克拜達里克督饒十二年召還命借侍郎傅爾丹都統羅密使準噶爾宣諭噶爾丹策零議罷兵息民喀爾喀與準噶爾以阿爾泰山梁分界噶爾丹策零欲以杭愛為界收阿爾泰山為游牧地阿克敦與議三日不決噶爾丹策零遣使吹那木喀從阿克敦等詣京師請以哲爾格西喇呼魯烏蘇為喀爾喀游牧地界十三

年阿克敦等至京師上以阿克敦等奏及地圖密寄北路副將軍策稜令熟籌定議策稜言準噶爾游牧不得令過阿爾泰山議中駁命阿克敦著鑲藍旗滿洲副都統工部侍郎高宗即位命守護泰陵三年復命阿克敦使準噶爾以侍衛旺扎爾台吉額默根為副齋敕諭噶爾丹策零議界噶爾丹策零使哈御從阿克敦等詣京師請準噶爾游牧不越阿爾泰山而乞移布延圖托爾和二卡倫入內地土謂游牧不越阿爾泰山已可定議而移二卡倫不可許命哈御齋敕還授阿克敦工部侍郎五年調刑部復調吏部八年授鑲藍旗滿洲都統十年兼翰林院掌院學士十一年授刑部尚書十三年命協辦大學士尋解以授傅恒四月翰林院進孝賢皇后册文清文譯皇妣為先太后上以為大誤召阿克敦詢之阿克敦未候旨已退上怒謂阿克敦以解協辦大學士故怨望奪官下刑部當大不敬律擬斬監候六月命在內閣學士上行署工部侍郎七月擢署刑部尚書授鑲白旗漢軍都統十月兼翰林院掌院學士十二月復命協辦大學士十四年金川平加太子少保連歲上幸木蘭幸河南幸盛京皆命留

清史稿

列傳九十

六

京辦事迭署左都御史步軍統領二十年以目疾乞假上遣醫視疾屢乞休命致仕二十一年卒賜祭葬諡文勤子阿桂自有傳阿克敦居刑部十餘年平恕易簡未嘗有所瞻顧一日阿桂侍阿克敦曰朝廷用汝為刑官治獄宜何如阿桂曰行法必當其罪罪一分與一分法罪十分與十分法阿克敦怒索杖阿桂惶恐求教阿克敦曰如汝言天下無完人矣罪十分治之五六已不能堪而可盡耶且一分罪尚足問耶阿桂長刑部屢舉以告僚屬云

孫嘉淦字錫公山西興縣人嘉淦故家貧耕且讀康熙五十二年成進士改庶吉士授檢討世宗初即位命諸臣皆得上封事嘉淦上疏陳三事請親骨肉停捐納罷西兵上召諸大臣示之且曰翰林院乃容此狂生耶大學士朱軾侍徐對曰嘉淦誠狂然臣服其膽上良久笑曰朕亦且服其膽擢國子監司業四年遷祭酒命在南書房行走六年正月署順天府尹丁父憂服未闋召還京仍授府尹進工部侍郎仍兼府尹祭酒十年調刑部侍郎尋兼署吏部侍郎嘉淦為祭酒薦其弟揚淦為國子監丞教習宋鏞方從仁等期滿引見嘉淦言鏞等

皆可用上詰之又言從仁實不堪用上乃大怒斥嘉淦反覆欺罔奪職交刑部治罪當挾詐欺公律擬斬上語諸大臣曰孫嘉淦太懇然不愛錢命免罪在戶部銀庫効力行走嘉淦出獄徑詣庫果親王允禮時領戶部疑嘉淦故大臣被黜不府會計事又聞蜚語謂嘉淦沽名收銀皆不足乃莅視嘉淦方持衡稱量與吏卒雜坐均勞苦詢所收銀則別置一所覆之無絲毫贏細事上聞上愈重嘉淦十二年命署河東鹽政十三年八月高宗即位召嘉淦來京以侍郎候補九月授吏部侍郎十一月遷都察院左都御史仍兼吏部嘉淦以上初政春秋方盛上疏言臣本至愚荷蒙皇上聖恩畀以風紀重任日夜悚惶思竭一得之慮而每月以來捧讀聖訓切周詳仁政固已舉行臣愚更無可言所欲言者皇上之心而已皇上之心仁孝誠敬明恕精一豈復尚有可議而臣猶欲有言者正於心無不純政無不善之中竊思私憂過計而欲預防之也治亂之循環如陰陽之運行陰極盛而陽生陽極盛而陰妬事當極盛之地必有陰伏之機其機藏於至微人不能覺及其既著積重而不可返此其間有三習焉不可

清史稿

列傳九十

七

不慎戒也主德清則臣心服而頌仁政行則民身受而感出一言而盈廷稱聖發一令而四海謳歌在臣民本非獻諛然而人主之耳則熟於此矣耳與譽化非譽則逆始而匡拂者拒繼而木納者厭久而頌揚之不工者亦絀矣是謂耳習於所聞則喜諛而惡直上愈智則下愈愚上愈能則下愈畏趨諛諂諂而皆然免冠叩首應聲而即是此在臣工以為盡禮然而人主之目則熟於此矣目與媚化非媚則觸故始而倨野者斥繼而嚴憚者疏久而便辟之不巧者亦忤矣是謂目習於所見則喜柔而惡剛敬求天下之事見之多而以爲無足奇也則高己而卑人慎辨天下之務閱之久而以爲無難也則雄才而易事實之人而不聞其所短返之己而不見其所失於是乎意之所欲信以爲不踰命之所發概期於必行矣是謂心習於所是則喜從而惡違三習既成乃生一弊何謂一弊喜小人而厭君子是也今夫進君子而退小人豈獨三代以上知之哉雖叔季之君孰不思用君子且自智之君各賢其臣孰不以爲吾所用者必君子而決非小人乃卒之小人進而君子退者無他用才而不用德故也德者

君子之所獨才則君子小人共之而且小人勝焉語言奏對君子酌而小人佞
諛則與耳習投矣奔走周旋君子拙而小人便辟則與目習投矣即課事考勞
君子孤行其意而恥於言功小人巧於迎合而工於顯勳則與心習又投矣小
人挾其所長以善投人主溺於所習而不覺審聽之而其言入耳諦觀之而其
顏悅目歷試之而其才稱乎心也於是乎小人不約而自合君子不逐而自離
夫至於小人合而君子離其患可勝言哉而揆厥所由皆三習為之蔽焉治亂
之機千古一轍可考而知也我皇上聖明臨御如日中天豈惟並無此弊抑且
並無此習然臣正及其未習也而習之設其習既成則或有知之而不敢言抑
或言之而不見聽者矣今欲預除三習永杜一弊不在乎外惟在乎心故臣願
言皇上之心也語曰人非聖人孰能無過此淺言也夫聖人豈無過哉惟聖人
而後能知過惟聖人而後能改過孔子謂五十學易可無大過文王視民如傷
望道如未之見是故賢人之過賢人知之庸人不知也聖人之過聖人知之賢
人不知也欲望人繩愆糾謬而及於其所不知難已故望皇上聖心自懷之也

清史稿

列傳九十

八

反之已真知其不足驗之世實見其未能故常欲然不敢自是此不敢自是之
意流貫於用行政之間夫而後知諫爭切磋愛我良深而諛悅為容者愚已
而陷之阱也夫而後知駁讎匡拂益我良多而順從不違者推己而墜之淵也
耳目之習除取舍之極定夫而後樂正盈朝太平可觀矣不然自是之根不拔
則雖欽心為慎慎之久而覺其無過則謂可以少寬厲志為勤勤之久而覺其
有功則謂可以少慰此念一轉初亦似於天下無害而不知嗜欲燕安功利之
說漸入耳而不煩而便辟善柔便佞者亦熟視而不見其可憎久而習焉或不
自知而為其所中則黑白可以轉色而東西可以易位所謂機伏於至微而勢
成於不可返者此之謂也大學言見賢而不能舉見不賢而不能退至於好惡
拂人之性而推所由失皆因於驕驕驕泰即自是之謂也由此觀之治亂之機
轉於君子小人之進退進退之機操於人主之一心能知非則心不期敬而自
敬不見過則心不期肆而自肆敬者君子之招而治之本也肆者小人之媒而
亂之階也然則沿流溯源約言蔽義惟望我皇上時時事事常守此不敢自是

清史稿 卷三〇九

之心而天德王道舉不外乎此矣疏上上嘉納宣示邊刑部尚書總理國子監
事河南鄭州有疑獄命使者往勘仍不得實上命嘉澍往訊得其冤狀十餘人
盡脫之三年四月遷吏部尚書仍兼管刑部事九月直隸總督李衛劾總河朱
藻貪劣誤工命借尚書納親往鞫得實論如律十月授直隸總督時畿輔酒禁
甚嚴罹法者眾嘉澍疏言前督李衛任內一年中獲私釀三百六十四案犯者
千四百餘名臣抵任一月獲私釀七十八案犯者三百五十餘名此特申報者
耳府廳州縣自結之案尚復不知凡幾吏役兵丁已獲而賄縱者更不知凡幾
此特犯者之正身耳其鄉保鄰甲沿途店肆負販之屬牽連受累者又復不知
凡幾一省如是他省可知皇上好生恤刑命盜案自罹重辟尚再三酌議求一
緩可原之路今以日用飲食之故官吏兵役以私釀為利較百姓弱者失業強
者犯令鹽泉未清酒泉復起天下騷然殊非政體臣前言酒禁宜於歉歲不宜
於豐年猶屬書生謬論躬茲其事乃知奪民之貲財而狼藉之毀民之肌膚而
敲撲之取民之生計而繫網之饑饉之餘民無固志失業既重何事不為歉歲

清史稿

列傳九十

九

之不可禁乃更甚於豐穰周禮荒政舍禁去譏有由然也且也酒禁之行無論
適以擾民而實終不能禁借令禁之不擾且能永禁而於貧民生計米穀蓋藏
不惟無益抑且有損夫作酒以糜穀此為黃酒言也其麴必用小麥其米則需
稗稷皆五穀之最精若燒酒則用高粱佐以豆皮黍殼穀糠麴以大麥為之本
非朝夕所食而豆皮黍殼穀糠之屬原屬棄物雜而成酒可以得價其糟可飼
六畜化無用為有用非作無益害有益也今欲禁燒酒而並禁黃酒則無以供
祭祀賓客養老之用若不禁黃酒止禁燒酒省大麥高粱之粗且賤者而倍費
小麥稗稷之精且貴者臣所謂無益於蓋藏也百工所為皆需易之以粟太貴
則病末太賤則傷農得其中而後農末俱利故農有歉荒亦有熟荒十年以內
歉歲三而豐歲七則粟宜有所洩非但積之不用而已今北地不種高粱則無
以為薪薪屋墻之用種之而用其糶糶則其顆粒宜有所售燒鍋既禁富民不
買高粱貧民獲高粱雖賤價而不售高粱不售而酒又為必需之物則必買米
穀以買黃酒向者一歲之內八口之家買高粱之價可得七八兩今止二三兩

一〇一

矣而買黃酒之價則需費七八兩所入少而所出多又加以批練等物堆積而不能易錢自然之利皆失日用所需惟糶米麥糶而售則家無蓋藏糶而不售則百用皆絀臣所謂有損於生計者此也小民趨利如水就下利所在雖實不為利之所在雖禁彌甚燒鍋禁則酒必少酒少則價必貴價貴而私燒之利什倍於昔什倍之利所在民必性命爭焉孟子曰君子不以所養人者害人本為民生計而滋擾乃至此則立法不可不慎也疏上詔弛禁民王宰謀得諸生馬承宗產賄太監劉金玉等投獻貝勒允祐門下嘉淦疏請交刑部具職上嘉其能執法民無輟被誣坐邪教株連者數百人嘉淦白其枉民紀懷讓食料豆汁染衣會村有賊殺人偵者以為血誣服決有日正定知府陳浩廉得冤狀嘉淦親鞠雪懷讓尋命兼管直隸河工嘉淦議治永定河初至官即請於金門開上下多建草壩使河流漸復故道四年正月復疏請於金門開下增設草壩一引永定河歸故道自中亭王帶連天津歸海得旨借總河顧琮悉心經理嘉淦復疏言天津南北運河與淀河會於西沽以入於海河南運河水濁久必淤墊

清史稿

列傳九十

十

況通省之水皆匯於此秋潦時至宜洩不及大學士鄂爾泰會奏准於靜海獨流疏引河質下游治水之關鍵但開河易達海難設中途梗阻必更漫溢為患且海口開深又恐潮水倒灌臣等見勘通省水道凡衆河交會及入淀入海之路有急宜修濬者即於今夏與修報聞五月晉太子太保五年九月疏言直隸經流之大者永定子牙南運北運四河與東西兩淀治永定河擬於葉淀之東疏引河由西沽北入海治子牙河擬濬新河引上游諸水入淀開舊河東隄使漸由西沽南入海治北運河兩岸去沙截直濬減河培隄岸治南運河兩岸築遙隄濬河使行正溜安陵鎮建閘濬減河三十餘里入老河口達於海治西淀擬開白溝河故道以入中亭九橋南別疏一河並濬清門河別派分流下游已暢達復將金門開西引河改由東道於苑家口疊道建木橋五使濬水通行治東淀擬濬上游三岔河令寬深揚家河下家河窪諸處疏引河並行而東會於西沽庶使四河順軌兩淀暢泄又引永定河改歸故道各工俱全上嘉之時江南總督高斌入都上命會同嘉淦議河務十月合疏言永定河當於固安南新

州北順流東下接東淀達西沽入海則上游漲水自消霸州北營築隄護城保定縣西新莊至城東路障村隄根逼溜應加寬厚其路障村東至艾頭村接管田圍埝約五十餘里擬築月隄作重障嘉淦方銳意引永定河歸故道河溢傍河諸州縣被水六年正月諭曰朕聞永定河經理未善固安良鄉涿州雄縣霸州諸州縣田畝往往被淹係嘉淦不能辭其責也於是命大學士鄂爾泰蒞勘請暫塞金門開上游放水口嘉淦奏旋開旋築實與放水本意相左將來泥沙積入王帶恐為患更大諭曰此奏固是然鄂爾泰慎重欲籌萬全卿不必固執已見卿此事自任甚力而料理未善朕不能為卿諱然朕終以卿為是者不似顧琮為游移巧詐之計耳其後上巡天津閱中亭河工賦詩紀事猶病嘉淦之失計也是年八月調湖廣總督七年五月疏言內地武弁不得干預民事苗疆獨不然文員不敢輕入苗寨但令差役催科持票滋擾而已爭訟規殺之案皆委之於武弁威權所及攤派隨之於是因公科斂文武各行其令因事需索兵役競逞其能甚至沒其家貲辱及婦女苗民不勝其忿與之併命而嫌衅遂成

清史稿

列傳九十

十一

為大吏者或則或撫意見各殊行文查勘動經數月苗得聞風豫備四處旬連飲血酒傳木刻亂起甚易戡定實難幸就削平而後之人仍蹈前轍搜捕株連滋擾益甚苗無所告訴乘隙復動惟力是視歷來治苗之官既無愛養之道又乏約束之方無事恣其侵漁有事止於剿殺剿殺之後仍事侵漁侵漁既久勢必又至剿殺長此循環伊於胡底語曰善為政者因其勢而利導之苗人散居各有頭人凡作奸窩匪之處兵役偵之而不得者頭人能知之門爭規殺之事官法繩之而不解者頭人能調之故治苗在治頭人令各寨用頭人為寨長一崗之中取頭人所信服者為崗長使各約束寨長而聽於縣令寨苗有事寨長處之不能以告崗長又不能以告縣令如是則於苗疆有提綱繫領之方於有司自收令行禁止之效且崗長數見牧令有爭訟可告官區處而無仇殺之舉牧令數見崗長有條教可面飭遵行而無吏役焚敵之患擾累既杜則心志易孚所謂立法簡易因其俗而利導者也八年正月命署福建巡撫未赴湖南糧道謝濟世劾善化知縣樊德貽衡陽知縣李澎浮收漕米巡撫許容庇德貽

等疏劾濟世下嘉洽察職長沙知府張琳按衡陽丁役得淨收狀申署糧道倉德布政使張燦致書倉德請易府糧倉德持不可以其實揭報嘉洽及漕運總督顧琮嘉洽欲寢其事而顧琮以上聞御史胡定復論劾倉德又揭都察院上遣侍郎阿里賓往按直濟世上責嘉洽徇庇奪官責修順義城工九年授宗人府府丞十年遷左副都御史十二年以老乞休許之十四年召來京直上書房十五年正月授兵部侍郎八月擢工部尚書署翰林院掌院學士十七年進吏部尚書協辦大學士十八年十二月卒年七十有一謚文定嘉洽居官爲入約曰事君篤而不顯與人共而不驕勢避其所爭功藏於無名事止於能去言刪其無用以守獨避人以清賈廉取用以自戒既以直諫有聲乾隆初疏匡主德尤爲時所慕四年京師市井傳嘉洽疏稿論劾大學士鄂爾泰張廷玉等高宗諭步軍統領巡城御史嚴禁十六年或又傳嘉洽疏稿斥言上失德有五不可解十大過雲貴總督碩色以聞命求所從來遣使者督諷轉相連染歷六省更三歲乃坐江西衙千總鳳魯生僞爲罪至死高宗知無與嘉洽事眷不替嘉洽

清史稿

列傳九十一

十二

益自抑著書述春秋義自以爲不足燬之子孝愉以廕生授刑部主事官至直隸按察使

梁詩正字養仲浙江錢塘人雍正八年進士及第授編修累遷侍講學士二十三年以母憂歸高宗卽位召南書房行走乾隆三年補侍講學士累遷戶部侍郎詩正疏言八旗除各省駐防與近京五百里俱聽屯種餘並隨旗駐京皇上爲旗人資生計者委曲備至而旗人仍不免窮乏蓋生齒日繁若不使自爲養而常欲官養之勢有不能臣謂非屯田不可今內地無閒田興盛二京膏腴未盡闢世宗時欲令黑龍江甯古塔等處分駐旗人耕種已有成議未及舉行今不早爲之所數百年後旗戶十倍於今以有數之錢糧贖無窮之生齒使取給於額餉之內則兵弁之關支不足供閒散之坐食使取給於額餉之外則民賦不能加國用不能缺戶口日繁待食者衆無餘財給之京師亦無餘地處之惟有酌派戶口散列邊屯使世享耕牧之利以時講武亦以實邊諸行省綠營馬步兵訓練康熙年間漸增至五六百萬在各標營鎮協每處浮數十百名不覺其

多在朝廷合計兵餉則先額歲不下數十百萬各省錢糧大半留充兵餉其不敷者隣省協撥而解部之項日少向來各營多空糧自雍正元年清查此弊盡除是近年兵額但依舊制已比前有虛實之別况直省要害之地多滿洲駐防與各標營鎮協聲勢聯絡其增設兵額可以裁汰者宜令酌定數目遇開除空缺卽停止募補庶將來營制漸有節省而見在兵丁無苦裁汰十年擢戶部尚書詩正疏言每歲天下租賦以供官兵俸餉各項經費惟餘二百餘萬實不足備水旱兵戈之用今雖府庫充盈皇上宜以節儉爲要勿與土木之工贖武之師庶以持盈保泰十三年調兵部尚書十四年加太子少師兼刑部尚書翰林院掌院學士協辦大學士十五年調吏部尚書御史歐堪善疏劾詩正徇庇行私上召諸大臣及堪善廷詰所劾皆無據惟翰林院翰班引見偶有越次上諭曰梁詩正職在內廷不過文學供奉朕何如主而謂諸臣能恣行其胸臆乎至小小賸徇私情則不獨詩正諸大臣恐俱未能盡絕如張廷玉掌院三十年引見越次不知凡幾何以未聞論劾詩正有此一二可議卽被論劾得以知所做

清史稿

列傳九十一

十三

省未始非福堪善之言當以爲感不當以爲怨也會御史儲麟趾劾四川學政朱荃匿喪上詢詩正詩正對失指下吏議當奪職命留任十六年從上南巡詩正父文濂年八十子封典十七年疏乞終養二十三年丁父憂召署工部尚書二十四年調署兵部尚書二十五年服闋眞除仍命協辦大學士兼翰林院掌院學士二十八年授東閣大學士加太子太傅尋卒諡文莊子同書舉人賜進士官至翰林院侍讀教書官至兵部右侍郎論曰福敏以謹厚爲高宗師世伯始直立朝有風節雖坐譴皆近私大德不踰卒不以相掩阿克敦悼大而清介嘉洽諂諂陳善閉邪一朝推名疏詩正論八旗當行邊屯綠營當停募補掌國計雖歲有餘愴愴惟懼不足其慮遠矣

清史稿

列傳九十一

張照

甘汝來

陳惠華

王安國

劉吳龍

秦蕙田

彭啓豐

夢麟

張照字得天江南婁縣人康熙四十八年進士改庶吉士授檢討南書房行走雍正初累遷侍講學士聖祖訓士民二十四條世宗爲之註題曰聖諭廣訓照疏請下學官令學童誦習復三遷刑部侍郎十一年授左都御史遷刑部尚書疏請更定律例數事大學士鄂爾泰初爲雲貴總督定亂苗稍收其地置流官既而苗復叛揚威將軍哈元生副將軍董芳討之不以時定上責鄂爾泰措置不當照素忤鄂爾泰因請行十三年五月上命照爲撫定苗疆大臣照至貴州議畫施乘以上爲上游用雲南貴州兵專屬元生以下爲下游用湖廣廣東兵專屬芳令諸軍互易地就所畫元生芳遂議村落道路皆別上下界文移辨難

清史稿

列傳九十一

照致書元生等令劾鄂爾泰會高宗卽位召照還以湖廣總督張廣泗往代上怒照挾私誤軍興廣泗復劾照謬妄元生等並發照致書令劾鄂爾泰事遂奪職逮下獄乾隆元年廷議當斬上特命免死釋出獄令在武英殿修書處行走二年起內閣學士南書房行走五年復授刑部侍郎照言律例新有更改校刻頒行諸行省期以一年舊輕新重者待新書至日遵行不必駭改舊重新輕者刑部卽引新書更正庶一年內海內外早被恩光特旨允行上以朝會樂章句讀不協節奏慮壇廟樂章亦復如是命莊親王允祿及照遵聖祖所定律呂正義考察原委尋合疏言律呂正義編摩未備請續纂後編壇廟朝會樂章考定官商字譜備載於篇使律呂克諧尋考易曉民間俗樂亦宜一體釐正下部議行七年疏請矜恤軍流罪人妻孥罪人發各邊鎮給旗丁爲奴其在籍子孫到配所省視旗丁不得並沒爲奴尋擢刑部尚書兼領樂部民間錢徵息子母互相權謂之印子錢雍正間八旗佐領等有以印子錢賒所部旗丁者世宗諭禁革都統李禧因請貸錢者得自陳免其償並治貸者罪至是照言印子錢

宜禁如止重利放債依違禁取利本律治罪贖所讓宜罷不用從之九年十二月父榮卒於家照方有疾十年正月奔喪上勉令節哀毋致毀瘠至徐州卒加太子太保吏部尚書諡文敏照敏於學富文藻尤工書其以苗疆得罪高宗知照爲鄂爾泰所惡不欲深罪照滋門戶恩怨重惜照才復顯用及照卒見照獄中所題白雲亭詩意怨望又指照集憤嫉語論諸大臣以照已死不追罪後數年一統志奏進錄國朝松江府人物不及照上復命補入謂照雖不醇而資學明敏書法精工爲海內所共推瑕瑜不掩其文采風流不當泯沒也

甘汝來字耕道江西奉新人康熙五十二年進士以教習授知縣補直隸涑水知縣涑水旗丁與民雜居汝來至請罷雜派以火耗補之禁莊田無故增租易佃旗丁例不得行汝來請以柳棍約束三等侍衛畢里克調鷹至涑水居民家僕推民幾斃訴於汝來畢里克率其僕圍於縣庭汝來逮畢里克械其僕於獄事聞下刑部議奪汝來職畢里克罰俸聖祖命奪畢里克職汝來無罪汝來自是負循吏名移知新安縣鑿白楊浣隄溉田數千頃又移知雄縣懲姦吏復

清史稿

列傳九十一

請罷雜派雍正初授吏部主事擢廣西太平府知府三遷至廣西巡撫五年遷都察院左副都御史汝來爲按察使時李紱爲巡撫奉議州土司羅文剛糾衆阻塘汛吏請兵捕治紱與汝來持不許事聞世宗命紱汝來如廣西捕文剛廣西巡撫韓良輔如雲南與總督鄂爾泰計事上令汝來署巡撫泗城府土司岑映宸所部民相仇汝來與鄂爾泰良輔設謀繫映宸隸其土流官汝來請於鎮安土府置學官上以非苗疆急務責其沽名又以汝來謝恩疏言曲賜寬容上詰之曰人君持國法當行直道曲則不直汝來語何意召還京六年良輔獲文剛汝來坐疎縱奪職在咸安宮官學行走山東巡撫劉世明奏請濟南嘉祥沛縣等處水道命汝來効力九年起直隸霸昌道丁母憂令在任守制再遷禮部侍郎高宗卽位議行三年喪諮於諸大臣汝來曰三年之喪無貴賤一也皇上法堯舜之道宜行周孔之禮立萬年彝倫之極或言二十七月中朝祭大典若有所妨汝來曰墨纒視事越縉以祭禮固言之夫何疑乃考載籍上儀制援古證今具有條理遷兵部尚書疏言廣東海濱微露灘形民間謂之水坦漸生

青草謂之草坦徐成耕壤謂之沙坦坦初見沿海民報圍築者當先令立標定四至毋於圍築後爭控民有田十頃以上毋許圍築以杜豪占即貧民圍築限五頃其出工本牛種助他人圍築量取租息者聽陸地開墾例六年升科海田浮脆當寬至十年潮大至坦沒蠲一歲糧圍毀則免升科原額疏入勅廣東督撫議行復疏言海濱居民單桅船採捕魚蝦例不輸稅近聞各海關監督與雙桅船同令領牌納鈔又聞廣間貧民有置罟取魚者有就埠育鴨者吏或按罟按埠私徵稅請通行嚴禁從之乾隆三年調吏部尚書仍兼領兵部加太子少保四年七月汝來方詣廉治事疾作遂卒大學士訥親領吏部與共治事親送其喪還第至門訥親先入嫗縫衣於庭訥親謂曰傳語夫人尚書暴薨於廨矣嫗愕曰汝誰也訥親具以告嫗汪然而泣始知即汝來妻也訥親因問有餘貲否嫗曰有持囊出所餘俸金訥親為感泣奏上上獎其寒素賜銀千兩命吏經紀其喪證莊恪嘉慶間汝來曾孫紹烈應順天鄉試以懷挾得罪仁宗猶念汝來居官持正有紹烈命仍得原名應試

清一史稿

列傳九十一

三

陳憲華字雲倬直隸安州人雍正二年一甲一名進士授修撰再遷侍讀學士提督廣東肇高學政旋調廣韶學政遭母喪歸未終制召充一統志館副總裁官遷詹事上書房行走再遷刑部侍郎四年遷戶部尚書七年調兵部尚書八年以弟惠正為陝西按察使職獄用酷刑為巡撫塞楞額所劾惠正具密摺擬揭部科為書告惠華惠華沮之未奏聞上以惠華既知惠正事非是當奏聞乃為隱匿非大臣體且曰父為子隱子為父隱直在其中朕非不知以此風天下然君臣之倫實在兄弟之上下部議奪職命左邊兵部侍郎十二年以議處江西總兵高琦武備廢弛違例邀譽奪職十四年起為左副都御史上書房行走以督諸皇子課怠屢詰責奪俸二十二年遷工部侍郎二十三年遷禮部尚書二十九年致仕三十六年皇太后萬壽詔繪九老圖以憲華入致仕九老中四十四年卒年八十三憲華性篤儉緝袍蔬食蕭然如寒素立身循禮法而不自居道學嘗謂士大夫之患莫大於近名求以立德名則必有迂怪不情之舉而實行荒求以立言名則必有異同勝負之論而正理晦求以立功名則必務見

所長紛更舊制立一法反生一弊而實行無所裨方為尚書時京師富民貧民殉死諸大臣皆往弔上聞察未往者惠華與焉

王安國字春圃江南高郵人雍正二年一甲二名進士授編修再遷侍講提督廣東肇高學政復再遷左僉都御史乾隆二年疏請禁官吏居喪詣省會謁大吏下部議行復三遷左都御史五年兩江總督馬爾泰論廣東巡撫王蔭桓命安國往按即命以左都御史領廣東巡撫安國曰吾奉命勘事而即得其位古所譏蹊田奪牛者非歟疏力辭上不許廣東俗奢靡安國事事整肅倉有餘粟故事自總督以下皆有分安國獨以非制止之九年正月就遷兵部尚書尋遭父喪廣州將軍策楞疏言安國孤介廉潔歸葬無資與護理巡撫託庸等具題歸之報聞十年召為兵部尚書調禮部安國疏乞終喪居廬營葬服闋乃入朝十四年六月安國入對言諸行省方科試諸學臣尚有未除積弊上令具疏陳安國疏言上科鄉試後頗聞諸學臣因錄科例嚴轉開僥倖或於省會書院博督撫之歡或於所屬義學徇州縣之請或市恩於朝臣故舊或縱容子弟家

清一史稿

列傳九十一

四

人乘機作弊致取錄不其公明上召安國詢所論諸學臣姓名安國舉尹會一陳其疑孫人龍鄧釗等上以會一釗已物故其疑人龍皆坐事黜因責安國賂徇手詔詰難二十年遷吏部尚書二十一年疏乞假為父改葬上以來年當南巡諭俟期屆行冬病作子假治疾二十二年春卒賜白金五百治喪諡文肅安國初登第謁大學士朱軾軾戒之曰學人通籍後惟留得本來面目為難安國誦其語終身至顯仕衣食器用不改於舊深研經籍子念孫孫引之承其緒成一家之學語在儒林傳

劉吳龍字紹聞江西南昌人雍正元年進士授庶吉士二年以朱軾薦改吏部主事六遷至光祿寺少卿嘗視獄贖有以欲劫行舟定罪者吳龍曰欲劫二字豈可置人於死論釋之十一年出為安徽按察使十三年內遷光祿寺卿命管理北路軍需乾隆元年召還疏言北路軍需有輸送科布多截留察漢度爾諸處應就車駝戶追繳腳價尚有通負請量予豁免上從其議三遷左都御史疏言步軍統領衙門番役私用白役生事害民宜令具冊考覈有所追捕官界差

票詣有司呈驗步軍統領衙門族人會本族都統民人會順天府尹巡城御史互相覺察疏入議行又疏言諸行省州縣董理訟獄其有外誤小民無所申訴宜令督撫道監司按行稽考以申民隱旋劾罷浙江巡撫盧焯論如律違刑部尚書七年卒賜白金五百治喪諡清愨吳龍簡重不苟言笑為政慎密持重得大體督學直隸江蘇士循其教乾隆初楊汝毅張泰開與吳龍先後為左都御史皆以篤謹被上眷楊汝毅字令貽江南懷甯人康熙三十九年進士授浙江浦江縣知縣行取授禮部主事三遷監察御史河南南陽鎮標兵以知府沈淵禁博劫濶圍諸教場三日汝毅論劾上遣尚書張廷樞等往按議總兵高成誅標兵之首事者別疏言選人待闕輒言出為人後或值遠缺報治喪冀更選請飭選人具三代已選復稱出為人後報治喪以不孝論下部議行六邊兵部侍郎兼署左副都御史疏言直隸被水災請運關東米十萬石至天津留南漕十萬石存河間保定適中地分貯備賑下部議行高宗卽位調戶部侍郎疏言河南榮澤地濱黃河康熙三十六年河勢南侵縣地多傾陷民困虛糧流亡遠徙

清史稿

列傳九十一

五

上命河南巡撫察議刪賦額尋遷左都御史乾隆三年以老乞休命本省布政使給俸五年卒年七十六謚勤恪張泰開字履安江南金匱人乾隆七年進士改庶吉士命上書房行走旋自編修五遷禮部侍郎十九年國子監學錄缺員泰開舉同部侍郎鄒一桂子志伊上責其賄徇部議奪職予編修仍在上書房行走二十年内閣學士胡中藻為詩謗朝政坐誅泰開為詩序授刻部議奪官治罪上特宥之仍在上書房行走尋復授編修二十二年擢通政使三遷左都御史三十一年授禮部尚書三十二年復授左都御史三十三年以老乞休上獎其勤慎加太子少傅賦詩餞其行三十九年卒年八十六謚文恪泰憲田字樹峯江南金匱人祖松齡順治十二年進士官左春坊左諭德本生父道然康熙四十八年進士官禮部給事中與貝子允禩善為其府總管允禩得罪逮下獄憲田往來省視世宗貸道然死而獄未解乾隆元年一甲三名進士授編修南書房行走乃上疏言臣本生父道然身罹重罪蒙恩曲宥以追銀未完繫獄九年已八十衰朽不堪本年五月六月間侵染暑溼瘡痍時作奄奄

一息幾至痰斃情關骨肉痛楚難忍臣雖備官禁近還顧臣父老病拘幽既無完解之期更無生存之望方寸昏迷不能自主誠不忍昧心竊祿內慚名教伏惟皇上矜慎庶獄一線可原概予寬釋當此聖明孝治天下惟有乞恩臣父八十垂死之年得以終老願下臣願奪職効奔走以贖父罪高宗命宥道然並免所追銀憲田累遷禮部侍郎丁本生父憂服將闕命仍起禮部侍郎二十二年遷工部尚書署刑部尚書二十三年調刑部尚書仍兼領工部加太子太保疏請諸行省流囚遞籍編甲收管上諭曰憲田所奏甚是為清獄訟弭盜賊之良法但此輩輾轉流徙城市村落所在皆有必一一收捕傳送令原籍保甲監察事理繁瑣不若就所在地察禁當令有司遇流囚強悍不法卽時捕治二十九年以病乞休上不允再請上命南還謁醫不必解任九月卒於途諡文恭明年上南巡幸無錫賦詩猶及憲田憲田通經能文章尤精於三禮撰五禮通考首探經史次及諸家傳說儒先所未能決者疏通證明使後儒有所折衷以樂律附吉禮以天文曆法方輿疆理附嘉禮博闡遠條貫賅備又好治易及音韻律呂算數之學皆有著述子泰鈞乾隆十九年進士翰林院編修彭啓豐字翰文江南長洲人祖定求康熙十五年會試殿試皆第一官至翰林院侍講啓豐雍正五年會試第一殿試置一甲第三世宗親拔第一授翰林院修撰南書房行走三遷右庶子乾隆六年充江西鄉試副考官再遷左僉都御史疏言臣驛路經宿州宿州方被水蒙恩賑卹知州許朝棟任甲長胥吏索費饑民戶籍登記不以實鳳陽知府梅毓健不親詣察賑下兩江總督那蘇圖嚴察七年遷通政使督浙江學政三遷刑部侍郎疏言浙省吏民占官湖為田餘杭南湖發源天目下注蒼溪溉杭嘉湖三郡自巡撫朱軾濬治今已沙淤其他會稽餘姚慈谿等湖皆僅存其名請敕次第開濬江南漕米每石收錢五十四半給運丁半歸州縣為公使錢杭嘉湖運丁有漕截而州縣無漕費石米私加一二升至五六升請敕如江南例石米收錢二十四為州縣修倉舖墊費而禁其浮收浙江額設均平夫銀供差徭差簡可以敷用差繁每苦賠墊本省官吏來往任意多索請敕部按官吏尊卑差役繁簡定人夫名額俾為成例浙省黃

清史稿

列傳九十一

六

上命河南巡撫察議刪賦額尋遷左都御史乾隆三年以老乞休命本省布政使給俸五年卒年七十六謚勤恪張泰開字履安江南金匱人乾隆七年進士改庶吉士命上書房行走旋自編修五遷禮部侍郎十九年國子監學錄缺員泰開舉同部侍郎鄒一桂子志伊上責其賄徇部議奪職予編修仍在上書房行走二十年内閣學士胡中藻為詩謗朝政坐誅泰開為詩序授刻部議奪官治罪上特宥之仍在上書房行走尋復授編修二十二年擢通政使三遷左都御史三十一年授禮部尚書三十二年復授左都御史三十三年以老乞休上獎其勤慎加太子少傅賦詩餞其行三十九年卒年八十六謚文恪泰憲田字樹峯江南金匱人祖松齡順治十二年進士官左春坊左諭德本生父道然康熙四十八年進士官禮部給事中與貝子允禩善為其府總管允禩得罪逮下獄憲田往來省視世宗貸道然死而獄未解乾隆元年一甲三名進士授編修南書房行走乃上疏言臣本生父道然身罹重罪蒙恩曲宥以追銀未完繫獄九年已八十衰朽不堪本年五月六月間侵染暑溼瘡痍時作奄奄

嚴太平地多斥鹵民家稍餘鹽兵并藉以婪索婪索不遂指為私鹽其或以數家數人之鹽合併誣報請敕文武大臣申禁下部議行尋以憂去十五年授吏部侍郎十八年調兵部侍郎二十年疏乞養母允之二十六年復授吏部侍郎二十七年以京察注考吏部郎中阿敏爾圖諸尙書侍郎皆列一等啓豐獨列二等上責其示異市名旋遷左都御史二十八年遷兵部尙書三十一年上以史奕昂為侍郎入對諭加意部事奕昂遂自恣而斥啓豐不稱尙書侍郎期成額以是計奕昂上詰啓豐啓豐力言無之詢侍郎鍾音鍾音對如期成額啓豐語乃塞上為罷奕昂因謂啓豐學問尙優治事非所長今乃異懷模稜奏對不以實失大臣體卽降侍郎三十三年命原品休致四十一年上東巡迎駕予尙書銜四十九年卒年八十四子紹升語在文苑傳孫希濂乾隆四十九年進士官至刑部右侍郎左邊福建按察使曾孫章自有傳

清史稿

列傳九十一

七

七年湖北羅田民據天堂寨謀亂夢麟以河南商城羅田馳往捕治上嘉之疏言商城界江楚峻嶺深巖易蔽奸宄請增兵巡察下河南巡撫議移駐守備增兵百十八年署戶部侍郎充江南鄉試考官卽命提督江蘇學政二十年授工部侍郎代還調署兵部兼蒙古鑲白旗副都統二十一年命在軍機處學習行走大臣在軍機處資望少淺者曰學習行走自夢麟始是歲河決孫家集二十二年河道總督白鍾山奏請開荆山橋河命夢麟馳勘趣卽興工工竟議叙上南巡閱河以六塘河以下積潦桃源宿遷清河諸縣卑成浸令夢麟勘治尋奏六塘河上承駱馬湖至清河分兩派由武障義澤等河匯湖入海長三百餘里中間淤淺數十處已令速疏濬南北兩堰並去年水壞宿遷堰工及諸缺口俱加修築諸縣積水開濬十五設涵洞五建閘四俾得宣洩工既竟又奏荆山橋河道經銅沛邳睢四州縣分設四汛黃水自丁家樓匯入蘇家閘荆山橋正當其衝應令堵築徵山湖至荆山橋河下游王母山紆長灣曲每歲霜降後應令疏濬居民就灣築堰捕魚渡口疊石為步皆阻河道應令嚴禁上命如所

議行山東巡撫鶴年奏金鄉魚臺濟寧諸州縣水患命侍郎袁日修偕夢麟馳往相度合疏言諸縣久為徵山湖水所浸當籌分洩之路韓莊開南伊家河至江南梁旺城入運今已久淤當開濬引積水東注從之兩江總督尹繼善以沂水入運為害奏建湖口閘命夢麟與在工諸臣分任其責合疏言沂水自盧口傍洩淹民田阻運河當築壩堵截使不得入運毋礙徵山諸湖入河歸海之路六塘河在駱馬湖下游為沂水疏洩要道宿遷桃源諸水自沐入運歸海並宜疏治宜通兼濬六塘河出口使無淺阻此治沂水之概要也夏邑永城諸水自睢河下注洪澤湖出口清口會黃入海近歲河道多淤董家溝諸地尤宜急治兼濬洪澤湖出口清口東水二壩遵旨撤除各閘口門亦宜加寬此治睢河之概要也疏入上許為頗得要領調戶部冬工竟還京師二十三年復調工部署翰林院掌院學士卒賜祭葬

清史稿

列傳九十一

八

論曰照緝於盤錯而優於詞翰高宗知之審矣汝來以清節著惠華等以文學庸而安國博辨羣書好學深思自為家法憲田治禮綜歷代政事學術貫串會通體大思精尤彬彬名世之大業也夢麟早歲負清望參大政方駕遠稅借哉

清史稿

列傳九十二

錢陳羣

沈德潛

金德瑛

齊召南

董邦達

謝堉

王和

錢陳羣字主敬浙江嘉興人父綸光早卒母陳翼諸孤以長語在列女傳康熙四十四年聖祖南巡陳羣迎駕吳江獻詩上命俟迺蹕召試以母陳病不赴六十年成進士引見上諭及前事改庶吉士授編修雍正七年世宗命從史貽直杭奕祿赴陝西宣諭化導陳羣周歷諸府縣集諸生就公廨講經反覆深切有聞而流涕者使還上諭獎為安分讀書人五遷右通政督順天學政乾隆元年以母喪去官服除高宗命仍督順天學政除原官陳羣以母陳夜紡授經圖奏上上為題詞疏請增順天鄉試中額上以官制有定取者多用者益遠國家不能收科目取人之效寢其議三遷內閣學士陳羣歷有建白嘗疏請嚴治匿名

清史稿

列傳九十

揭帖無論事鉅細非據實首告而編造歌謠詩詞匿名粘貼閭巷街衢當下刑部依律治罪疏請廣勸植樹木官地令官種州郡吏種至千本以上予紀錄受代時具冊備地方公用民地令民種至五六百本者予扁額獎賞成材後聽取用疏請備災蠲免分數分別貧富富者按例定分數蠲免貧者被災幾分即蠲免幾分使之相等及救詢州縣耗羨疏言康熙間州縣官額徵錢糧收耗羨一二錢不等陸續其知縣定縣止收四分清如隴其亦未聞全去耗羨也議者以康熙間無耗羨非無耗羨也特無耗羨之名耳世宗出自獨斷通計外吏大小員數酌定養廉而以所入耗羨按季支領吏治肅清民亦安業特以有徵報支收之令不知者或以為加賦皇上詢及盈廷臣請稍為變通凡耗羨所入仍歸藩庫各官養廉及各州縣公項如舊支給其續增公用名色不能盡一多寡亦有不同應令直省督撫明察某件應動正項某件應入公用分別報銷各省州縣自酌定養廉榮悴不一其有支絀者應令督撫確察量增俸稍寬裕仍飭勿得耗外加耗以致累民則既無加賦之名并無全用耗羨辦公之事州縣各

有贏餘益知鼓勵至於施從其厚歛從其薄古之制也及此倉庾充裕民安物阜之時大臣悉心調劑使養廉之人不為素餐元氣培扶帑藏盈溢然後以三十年之通制國用宋太祖能罷羨餘臣固知皇上之聖不必廷臣建白如張全操其人者而德音自下也七年擢刑部侍郎上令廷臣議州縣常平倉應行諸事諸臣皆議歲減價陳羣疏言成熟之年出陳易新倉米必不及市米而民以米值納倉銀色當高於市易擬令石減一錢二分還倉時加穀四五升以為出入耗費十七年患反穀疾連疏乞解職許之命其子編修汝誠侍行且賜詩以寬其意陳羣進途中所作詩上為答和時有偽為孫嘉淦疏稿語謗上令窮治陳羣自家密疏語省株連上嚴飭之而事漸解二十二年上南巡令在籍食俸二十五年上為橋梓圖寄賜陳羣二十六年借江南在籍侍郎沈德潛詣京師祝皇太后七十壽命與香山九老會加尚書銜上諭明歲南巡諸臣今年已赴闕毋更遠迎二十七年南巡陳羣偕德潛迎駕常州上賜詩稱為大老三十年南巡復迎駕是歲陳羣年八十加太子太傅賜其子汝器舉人汝誠恩澤

清史稿

列傳九十二

命從還省視三十一年陳羣復進其母陳畫冊有綸光題句上題詩以趙孟頫管道昇為比三十五上年六十萬壽命德潛至嘉興勸陳羣毋詣京師陳羣獻竹根如意上批削云未頒僧緇之賜恰致公遠之貢文而有節把玩良怡今賜卿木蘭所獲鹿服食延年以俟清曆三十六年上東巡陳羣迎駕平原進登岱祝釐頌是冬復詣京師祝皇太后八十萬壽命紫禁城騎馬賜人使再與香山九老會陳羣進和詩有句云鹿馴巖畔當童扶上賞其超逸復為國賜之南歸以詩餞陳羣里居每歲上錄寄詩百餘篇陳羣必廣和親書冊以進體兼行草屢蒙獎許三十九年卒年八十九上諭謂儒臣老輩中能以詩文結恩遇備商榷者沈德潛卒後惟陳羣加太傅祀賢良祠諡文端四十四年上製懷舊詩列五詞臣中子汝誠字立之乾隆十二年進士改庶吉士授編修命南書房行走四遷至侍郎歷兵刑戶諸部再典試江南上命寄諭尹繼善招陳羣遊攝山父子可相見汝誠試畢迎陳羣入試院居數日乃還三十年乞養歸四十一年父喪終授刑部侍郎仍在南書房行走四十四年卒汝誠子豫字潤齋自兵馬

司副指揮授河南鄧州知州累遷江西糧道左授山西平陽知府復累遷直隸布政使嘉慶二十一年授江西巡撫江西南昌諸府食准鹽而與福建浙江廣東三省毗連私販侵引額臻議疏綱緝私販尋移山東巡撫竟曹沂諸府民素悍染邪教盜甚熾臻請就諸府增設參將以下官上皆採其議入覲以衰老左授湖南布政使休致十九年卒陳羣詩純慤樸厚如其為人廢唱既久亦頗數御製詩體貳刑部十年慎於庶獄虛衷詳鞠高宗嘗以于定國期之汝誠繼貳刑部奉陳羣之教持法明允臻亦善治獄在平陽介休民被盜殺其母搜劍去民言姻家嘗貸劍備或竊劍逃鄰家子左右之縣捕三人榜掠誣服他日獲盜得劍民乃言非其母物獄不能決臻微服訪得實撫山東清庶獄雪非罪二十餘人禽教訟者置於法

沈德潛字碭士江南長洲人乾隆元年舉博學鴻詞試未入選四年成進士改庶吉士年六十七矣七年散館日誦高宗莅視問孰為德潛者稱以江南老名士授編修出御製詩令廣和稱旨八年即擢中允五遷內閣學士乞假還葬命

清史稿

列傳九十一

三

不必開缺德潛入辭乞封父母上命予三代封典賦詩餞之十二年命在上書房行走遷禮部侍郎是歲上諭諸臣曰沈德潛誠實謹厚且憐其晚遇是以稠疊加恩以勵老成積學之士初不因進詩而優擢也十三年德潛以齒衰病啞乞休命以原銜食俸仍在上書房行走十四年復乞歸命原品休致仍令校御製詩集畢乃行諭曰朕於德潛以詩始以詩終且令有所著作許寄京呈覽賜以人後賦詩寵其行德潛歸進所著歸愚集上親為製序稱其詩伯仲高王高王者謂高啓王士禎也十六年上南巡命在籍食俸是冬德潛詣京師祝皇太后六十萬壽十七年正月上召賜曲宴賦雪獅與聯句又以德潛年八十賜額曰鶴性松身並寶藏佛冠服德潛歸復進西湖志纂上題三絕句代序二十二年復南巡加禮部尚書銜二十六年復詣京師祝皇太后七十萬壽進歷代聖母圖冊入朝賜杖上命集文武大臣七十以上者為九老凡三班德潛為致仕九老首命游香山圖形內府德潛進所編國朝詩別裁集請序上覽其書以錢謙益為冠因諭謙益諸人為明朝達官而復事本朝草昧締構一時權宜要其

人不得為忠孝其詩自在聽之可也選以冠本朝諸人則不可錢名世者皇考所謂名教罪人更不宜入選慎郡王朕之叔父也朕尚不忍名之德潛豈宜直書其名至世次前後倒置益不可枚舉命內廷翰林重為校定二十七年南巡德潛及錢陳羣迎駕常州上賜詩並稱為大老三十年復南巡仍迎駕常州加太子太傅賜其孫維熙舉人三十四年卒年九十七贈太子太師祀賢良祠諡文愨御製詩為輓是時上命燬錢謙益詩集下兩江總督高晉令察德潛家如有謙益詩文集遵旨繳出會德潛卒高晉奏德潛家並未藏謙益詩文集事乃已四十二年東臺縣民計舉人徐述夔一柱樓集有悖逆語上覽集前有德潛所為傳稱其品行文章皆可為法上不憚下大學士九卿議奪德潛贈官罷祠削謚仆其墓碑四十四年御製懷舊詩仍列德潛五詞臣末德潛少受詩法於吳江葉燮自盛唐上追漢魏論次唐以後列朝詩為別裁集以規矩示人承學者效之自成宗派

清史稿

列傳九十一

四

金德瑛字汝白浙江仁和人乾隆元年進士廷對初置第六高宗親擢第一授修撰是歲舉博學鴻詞科德瑛以薦徵既入翰林不更試旋命南書房行走充江南鄉試考官德瑛以原籍休甯辭不許再遷右庶子督江西學政任滿上特諭德瑛甚有操守取士公明命留任德瑛疏言翰林為儲才地庶吉士宜求學有根柢器量明達庶可備他日任使每科命大臣教習大臣政事甚繁但能總大綱舊有分教例但由掌院選任時設時止乞令掌院於翰詹中擇品學優贍資俸較深者引見簡畀分教得旨允復四遷太常寺卿命祭告山西諸行省帝王陵寢疏言女媧氏陵寢殿塑女象旁侍嬪御民間奉為求嗣之神實為贗製請毀象立主下部議行督山東學政十九年歲饑上發帑治賑而鄒滕諸縣災尤重有司格於例限不敢以請德瑛任滿還京師入對具言狀上特命展賑遷內閣學士二十一年遷禮部侍郎充江西鄉試考官使還經徐州時河決係家集微山湖暴漲入連河江南山東連壤諸州縣被水德瑛訪形勢入陳於上前上嘉德瑛誠實不欺旋命尚書劉統勳董治疏築二十三年督順天學政疏言八旗諸生遇歲試輒稱病諉避甚至病者多於與試者請下八旗都統考

駁二十六年擢左都御史疏言秋審舊例凡已經秋審者謂之舊事見入秋審者謂之新事當九卿集議時書吏宣唱名册繁重淹滯其實商榷輕重多在新事積年緩決之案自按察使上巡撫更三法司初獄已致慎矣况三審緩決久成信讞諸囚偷生罔辜待十年慶典得蒙恩赦然亦裁自聖心諸臣無與焉舊事名册宜罷宣唱陳案既省近事得以從容往復盡心詳審九卿兼有餘督治其本職上聽其言下大學士會刑部議請如德瑛言十二月命稽殿通州倉儲中寒病作二十七年正月卒德瑛端平簡直無有偏黨為上所知名為少詹事入對上曰汝元年狀元尚作四品官耶數日擢太常寺卿及病上每見廷臣問狀且曰德瑛辛巳生長三十歲及病革上方出巡幸將啓蹕猶曰德瑛久不入值病必重德瑛即以其日卒三十一年德瑛子潔成進士引見上曰汝金德瑛子耶德瑛卒已將十年上猶惓惓如是錢載字坤一浙江秀水人雍正十年副榜貢生舉博學鴻詞舉經學就試皆未入選乾隆十七年成進士改庶吉士授編修七遷內閣學士直上書房四十一年督山東學政四十五年

清史稿

列傳九十二

五

命祭告陝西四川嶽瀆及帝王陵寢尋擢禮部侍郎充江南鄉試考官舉顧問為第一四書文純用排偶上以乖文體命議處呂氏春秋堯熱毅林史記不書其地乾隆元年以山東巡撫岳濟奏自東平改祀濮州四十一年大理寺卿尹嘉銓疏言當在平陽下部議駁載督學山東講濮州堯陵自四川還道平陽得堯陵州東北及江南典試歸又至東平求舊時所祭堯陵參互考訂以為在平陽者是史記湯武皆未著葬地蓋都於是葬於是則不書堯亦其例因疏請釐定下大學士九卿議駁載奏辨復議仍寢不行上諭曰經生論古反覆辨證原所不禁但既陳之奏屢並經廷臣集議即不當再執成見載斥呂不韋門下客浮說不韋即不足取亦尚不可以人廢言况其門下客所著書所謂懸之國門不易一字豈能謂不足為據其時去古未遠或尚有所承述乃欲在數千年後虛揣翻駁有是理乎載本晚達且其事只是考古是以不加深問若遇朝廷政治亦似此曉曉不已朕必重治其罪命傳旨申飭載疏累數千言語有未明復為自注時謂非章奏體上亦未深詰也四十八年休致五十八年卒年八十有

五子世錫入翰林時侍郎英廉及載充教習庶吉士英廉語世錫曰君家仍世入翰林而上命父教其子當勉為環顧以報上恩世錫子寶甫初名昌齡避仁宗陵以字行亦以編修官至雲南布政使德瑛論詩宗黃庭堅謂當辭必已出不主故常載初與訂交晚登第乃為門下門生詩亦宗庭堅險入橫出嶄然成一家同縣王又曾萬光泰輩相與唱酬號秀水派語互詳文苑傳載又為陳羣族孫從陳羣母陳受畫法蒼秀高勁亦如其詩

齊召南字次風浙江天台人幼而穎敏鄉里稱神童雍正十一年命舉博學鴻詞召南以副榜貢生被薦乾隆元年廷試二等改庶吉士散館授檢討八年御試翰詹各官擢中允遷侍讀九年以父喪去官時方校刻經史召南分撰禮記漢書考證命卽家撰進服除起原官十二年遷侍讀學士十三年復試翰詹各官以召南列首擢內閣學士命上書房行走遷禮部侍郎上於甯古塔得古鏡問召南召南辨其款識具陳原委上顧左右曰是不媿博學鴻詞矣上西苑射發十九矢皆中的顧尚書蔣溥及召南曰不可無詩召南進詩上和以賜十四

清史稿

列傳九十二

六

年夏召南散直隨馬觸大石顛幾裂上聞遣蒙古醫就視賜以藥語皇子宏瞻汝師傅病如何當頻使存問幸木蘭使賜鹿脯十五束及冬入謝上慰勞召南因乞歸固請乃許及行賜紗葛各二端上南巡屢迎駕輒問病狀出御製詩命和上嘗詢天台雁宕兩山景物召南對未嘗游覽上問名勝在鄉里間何以不往召南對山峻溪深臣有老母怵古人登高臨深之誠是以未敢往上深嘉之既而以族人周華為書誦上速詣京師吏議坐隱匿當流籍其家上命奪職放歸還其產十三四召南歸遂卒召南易直子諒文辭渾雅著水道提綱具詳源委脈絡歷代帝王年表舉諸史綱要並行於世陳兆崙字星齋浙江錢塘人亦幼慧雍正八年進士福建卽用知縣舉博學鴻詞詣京師試授內閣中書充軍機章京乾隆元年廷試二等授檢討十七年上御經筵以撰進講義稱旨擢左中允御試翰詹各官復擢侍講學士再遷順天府府尹值大水兆崙心計指畫撫綏安集無不得所畿輔役繁舊設官車疲敝議命富戶應役兆崙奏罷之時方西征發禁旅兆崙經畫宿頓儲蓄井井有緒軍民晏然二十一年遷太常寺

卿上謁陵以同官迎駕失儀左授太僕寺少卿再遷太僕寺卿三十六年卒兆
崙精六書之學尤長經義於易書禮均有論述為詩文澹泊清遠孫桂生字堅
木嘉慶初自優貢生授知縣揀發湖北時教匪為亂桂生從廣州將軍明亮擊
賊破孝感殲魯惟志戰歸州與齊王氏屢有功授大冶知縣再遷安陸知府九
年遭母喪湖北巡撫章煦疏請留軍喪終除荆州知府三遷再轉為江甯布政
使署江蘇巡撫初彭齡劾桂生徵賦不力奪職復劾察庫帑不實上命大學士
托津戶部尚書景安按治疏言桂生察庫帑無弊徵賦亦逾十之七召詣京師
旋授甘肅布政使再轉復遷江蘇巡撫上六十萬壽額各行省民間通賦桂生
疏言曠典殊施當令澤及於民請自嘉慶元年起至二十二年詳察民間通賦
毋令官吏因緣為姦二十二年清項例至二十四年奏銷民通請併蠲除又言
民間通賦有由州縣移他款代納者今既蠲通當令見任州縣期十年償所移
款皆議行命署蘇州織造兼領浙甯關兼署兩江總督宣宗即位召詣京師以
三品京堂待闕旋命休致二十年卒桂生子憲曾進士官至詹事

清史稿

列傳九十二

七

董邦達字孚存浙江富陽人雍正元年選拔貢生以尚書勳廷儀薦命在戶部
七品小京官上行走十一年成進士改庶吉士授編修乾隆三年充陝西鄉試
考官疏言官卷數少以民卷補中報聞授右中允再遷侍讀學士十二年命直
南書房擢內閣學士以母憂歸逾年召詣京師命視梁詩正例入直食俸十五
年補原官遷侍郎歷戶工吏諸部二十七年遷左都御史擢工部尚書二十九
年調禮部三十一年調還工部三十二年仍調還禮部三十四年以老病乞解
任上諭曰邦達年逾七十衰病乞休自合引年之例惟邦達移家京師不能即
還里禮部事不繁給假安心調治不必解任尋卒賜祭葬諡文恪邦達工山水
蒼逸古厚論者謂三董相承為畫家正軌目源其昌與邦達也子誥自有傳錢
維城字宗盤江南武進人乾隆十年一甲一名進士授修撰功令初入翰林分
習清漢文維城習清文散館列三等上不懌曰維城豈謂清文不足習耶傳恒
為之解命再試漢文上謂詩有疵賦尚通順仍留修撰是歲即遷右中允命南
書房行走三遷再轉為刑部侍郎疏請申明律例事主殺盜賊移尸有司輒置

勿論本律科移尸罪反至流徒請凡殺人律得勿論者雖移尸仍用本律殺姦
之獄姦夫拒捕有司輒用門殺律定讞殺姦拒捕者反重於殺不拒捕者請
用殺拒捕罪人律勿論下部議行三十四年命偕內閣學士富察善如貴州會
湖廣總督吳達善按治威甯州知州劉標虧帑巡撫良卿前巡撫方世儒等皆
坐譴三十五年古州苗香要為亂復命偕吳達善及巡撫宮兆麟督剿香要多
力而狡苗女迫根為羽翼煽旁寨出掠維城如古州督總兵程國相破烏牛佳
居諸寨獲迫根維城乃自烏牛如佳居官諭解脅從督兵破朋論大菁香要獨
身跳去乃令先撤兵遣調香要卒禽而殲之亂定論議叙三十六年雲南龍陵
成卒四十去伍走既就獲大吏請悉誅之維城入對言伊犁成卒荷校一月今
用法過重且戮於獲所邊兵何由知不如械至龍陵倍其罰荷校三月足以儆
衆上從之三十七年丁父憂歸以毀卒論文敏維城工文翰畫山水幽深沈厚
錢陳羣謂維城通籍後畫益工蓋得益於邦達云鄒一桂字原衷江南武進人
祖忠倚順治九年一甲一名進士官修撰一桂雍正五年二甲一名進士改庶

清史稿

列傳九十二

八

吉士授編修十年授雲南道監察御史疏禁官媒苦婦女為姦利乾隆七年轉
禮科給事中疏言刑部諸囚已結入北監未結羈南所今察視監所已未結雜
收請如何分禁又言奉命下部議諸事科道職於部議未上之先撓越履陳請
申飭上趨其言湖南巡撫許容坐誣劾糧道謝濟世罷復命署湖北巡撫一桂
與給事中陳大玠具疏論列謂容狡詐欺公僅予奪職已邀寬典今復任封疆
何以訓天下乞降旨宣示臣民俾曉然於黜陟之所以然斯國法昭而吏治有
所率循上為罷容十年遷太常寺少卿疏言律載獄具全圖鐵索鉗鍊俱有定
式獄官以防範為辭匣牀以束其身鐵箠以直其項觀音圈以繫其手足部議
禁非刑日久復期新制令諸囚排頭仰臥橫穿長木壓其手足與匣牀無異請
敕嚴禁從之四遷為禮部侍郎同部侍郎張泰開舉一桂子志伊為國子監學
正又坐徇尚書王安國左都御史楊錫紱祀其父鄉賢屢下部議二十一年左
授內閣學士二十三年乞致仕三十六年詣京師祝上壽加禮部侍郎銜在籍
食俸三十七年歸卒於東昌道中加尚書銜一桂畫工花卉承格後為專家

管作百花卷花題一詩進上上深賞之為題百絕句晚被薄譴歸猶賦詩之饒云

謝埔字崑城浙江嘉善人乾隆十六年上南巡埔以優貢生召試賜舉人授內閣中書十七年成進士改庶吉士授編修坐撰閩浙總督喀爾吉善碑文語失當下部議降調二十四年回部平埔擬饒歌上上命復官直上書房五遷工部侍郎督江蘇學政四十四年調禮部四十五年調吏部廣西全州知州彭日龍坐縱革役復充官詣部請捐復大學士阿桂領吏部將許之埔以為不可時有山東商河教諭侯華指復方讓駁埔援以例曰龍阿桂疑埔為華地奏聞上命訊華力言無屬託乃用埔議不許曰龍捐復四十八年復督江蘇學政五十一年任滿還京師上問洪澤湖運河勞埔奏洪澤湖漸高民間傳說苦如釜今如盤請加疏濬五十二年以上以總督李世傑奏洪澤湖水注清口暢流命埔往與世傑勘湖水淺深尋奏湖水深至十丈淺亦在一二丈間埔自請議處上以湖水前年較淺埔得自傳聞據以入告茲既已勘明免其議處埔兩任江蘇

清史稿

列傳九十一

九

學政士有不得志者以偶語譏訕阿桂偶以聞上命巡撫閩粵元訪察鄂元言埔初任聲名平常後任頗為謹飭上命降授內閣學士五十四年上察直上書房諸臣多曠班埔七日未入直復降編修在修書處効力五十六年復命直上書房六十年休致尋卒埔在上書房久仁宗方典學肄習詩文高宗命埔講授嘉慶五年加恩舊學贈三品卿銜賜祭葬子恭銘進士改庶吉士散館歸班是歲授內閣中書埔以督學蒙謗然江南稱其得士尤賞江都汪中嘗字之曰予上容甫爵也若以學予於容甫北面矣乾隆中直上書房諸臣以學行稱者又有金甡莊存與劉星焯姓字兩叔浙江錢塘人初以舉人授國子監學正乾隆七年舉禮部試第一廷試復第一授修撰三遷侍講學士二十二年直上書房擢詹事再遷禮部侍郎三十八年上幸熱河從方入直遷疾遽仆大學士劉統勳以聞命予假姓乞休允之明年秋疾間乃得歸四十七年卒年八十有一姓在上書房十七年直諫誠敬所陳說必正義法言諸皇子皇孫皆愛重之存與字方耕江南武進人乾隆十年一甲二名進士授編修四遷內閣學士二十一

年督直隸學政按試滿洲蒙古童生嚴不得傳遞羣閱御史湯世昌論劾命奪存與官上惡滿洲蒙古童生縱恣親覆試搜得懷挾文字臨鞠童生海成最狡點言何不殺之上怒立命誅之閔堂附和者三人發拉林種地四十人令在旗披甲不得更赴試並以存與督試嚴密仍命留任擢禮部侍郎遭父喪服除補內閣學士仍授原官直上書房遭母喪服除補原官五十一年以衰老休致五十二年卒存與廉鯁典浙江試巡撫餽金不受遺以二品冠受之及塗從者以告曰冠頂真珊瑚直千金存與使千餘里返之為講官上御文華殿進講禮畢存與奏講章有外誤臣意不謂爾奉書進復講盡其旨上為留聽之弟培因字本清乾隆十五年一甲一名進士官至內閣學士劉星焯字映樞江南武進人乾隆十三年進士改庶吉士授編修遷侍講督廣東學政疏言鶴山立縣初有廣州民一百五戶請修城入籍緣是開冒考之弊請以有廬墓田廬在縣者為限丁毋喪去服闋補原官督安徽學政請童生兼試五言六韻詩童試有詩自此始累遷侍讀學士二十九年直上書房再遷禮部侍郎卒

清史稿

列傳九十一

十

王和字德甫江蘇青浦人乾隆十九年進士南巡召試授內閣中書充軍機章京三遷刑部郎中三十二年察治兩淮運鹽提引前鹽運使盧見曾坐得罪和嘗客授見曾所至坐是漏言奪職雲貴總督阿桂帥師討緬甸疏請發軍前自効上命大學士傅恒出視師嗣以理藩院尚書溫福代阿桂皆以和佐幕府溫福移師討金川和實從疏請叙和勞授吏部主事既復從阿桂定兩金川再遷郎中刑部侍郎袁守侗按事四川上命察軍中事還奏言和治軍書有勞四十二年帥凱還擢和鴻臚寺卿仍充軍機章京三遷左副都御史外授江西按察使數月以憂歸起直隸按察使未上移陝西按察使在陝西凡十年值回田五為亂軍興和繕守具佐治軍需疏請清釐保甲禁民間蓄軍器遷雲南布政使河南伊陽民戕知縣竄匿陝西境未獲和如商州督捕上命俟得賊詣京師親見和既得賊入謁上自陳疲憊乞改京職上溫旨慰遣乃上官以雲南銅政事重撰銅政全書求調劑補救之法旋調江西布政使五十四年內遷刑部侍郎屢命如江南湖北讞獄五十八年以老乞罷上許之方歲暮論俟來歲春融歸

里和歸遂以春融名其堂嘉慶元年詣京師賀內禪與千叟宴四年復詣京師謁高宗梓宮十一年卒和工詩古文辭通經讀朱子書兼及薛瑄王守仁諸家之學蒐采金石平選詩文詞著述傳於世

論曰國家全盛日文學侍從之臣雍容揄揚潤色鴻業人主以其閒暇偶與廣和一時稱盛事未有彌歲經時往復酬答君臣若師友如高宗之於陳羣德潛嗚呼懿矣當時以儒臣被知遇或以文辭或以書畫錄其尤著者視陳羣德潛恩禮雖未逮文采要足與相映不其盛歟

清史稿

列傳九十三

十一

清史稿

曹一士

胡定

柴潮生

李慎修

仲永檀

儲麟趾

列傳九十三

清史稿

列傳九十三

今世亦不少其人而督撫薦剗曾未及此毋亦輕視賢而重視能之故耶抑以能吏即賢吏耶臣恐所謂能者非真能也以趨走便利而謂之能則老成者為遲鈍矣以應對捷給而謂之能則木訥者為迂疏矣以逞才喜事而謂之能則鎮靜者為怠緩矣以武健嚴酷不恤人言而謂之能則勞於撫字拙於鍛鍊者謂之沽名釣譽才力不及而捭拾細故以罷黜之矣至於所取者潰敗決裂則曰臣不合誤舉聽部議而已夫有誤舉必有誤劾誤舉如此則誤劾者何如誤舉者猶可議其罪誤劾者將何從問乎臣以為今之督撫明作有功之意多而惇大成裕之道少損下益上之事多而損上益下之義少此治體所關也皇上於凡丈量開墾割裂州縣改調牧令一切紛更煩擾皆行罷革為督撫者度無不承流宣化所慮者彼或執其成心飾非自護意為迎合姑息偷安臣敢請皇上特頒諭旨剖析開導俾於精明嚴肅之中布優游寬大之政所屬守令敕於保題薦舉時分列賢員能員然後條疏實事於下能員有敢行許自行檢舉賢員著劣跡則從重處分倘所舉皆能而無賢則非大吏乏正己率屬之方即賢

者有瘳於上聞之患督撫之賢否視所舉而瞭如矣疏入上為通諭諸督撫一
士又請寬比附妖言之獄並禁挾仇誣告疏言古者太史采詩以觀民風藉以
知列邦政治之得失風俗之美惡即虞書在治忽以出納五言之意使下情之
上達也降及周季子產猶不禁鄉校之議惟是行僻而堅言偽而辨雖屬聞人
聖人亦必有兩觀之誅誠恐其惑眾也往者造作語言顯有背逆之迹如罪人
戴名世汪景祺等聖祖世宗因其自蹈大逆而誅之非得已也若夫賦詩作文
語涉疑似如陳鵬年任蘇州知府游虎邱作詩有密奏其大逆不道者聖祖明
示九卿以為古來誣陷善類大率如此如神之哲洞察隱微可為萬世法比年
以來小人不識兩朝所以誅極大惡之故往往挾睚眦之怨借影響之詞攻訐
詩文指摘字句有司見事風生多方窮鞠或致波累師生株連親戚破家亡命
甚可憫也臣愚以為井田封建不過迂儒之常談不可以為生今反古述懷咏
史不過詞人之習態不可以為援古刺今即有序跋偶遺紀年亦或草茅一時
失檢非必果懷悖逆敢於明布篇章使以此類悉皆比附妖言罪當不赦將使

清史稿

列傳九十三

二

天下告訐不休士子以文為戒殊非國家義以正法仁以包蒙之意伏讀皇上
諭旨凡奏疏中從前避忌一概掃除仰見聖明廓然大度即古敷奏采風之盛
臣竊謂大廷之章奏尚指忌諱則在野之筆札焉用吹求請教下直省大吏察
從前有無此等獄案現在不準援赦者條列上請以俟明旨欽定嗣後凡有舉
首文字者苟無的確蹤跡以所告之罪依律反坐以為挾仇誣告者戒庶文字
之累可蠲告訐之風可息矣上亦如其議雍正間督各省開墾督撫以是為州
縣課最頗用以厲民一士疏言開墾者所以慎重曠土勸相農夫本非為國家
益賦起見也臣聞各省開墾奉行未善其流弊有二一曰以熟作荒州縣承上
司意旨並未勘實荒地若干預報畝數邀急公之名速明知荒地不足即責之
現在熟田以符報額小民畏官俯首而從之咸曰此即新墾之荒地而已一曰
以荒作熟荒地在河壩者地低水溢即成沮洳在山麓者上土下石堅不可掘
州縣悉入報墾之數民貧乏食止貪官給牛種草舍餬旦夕之口不顧地之不
可墾也十年之後民不得不報熟官不得不陞科幸而海收完官不足稍遇歲

歉卒歲無資逃亡失業之患從此起矣然且賦額一定州縣不敢懸欠督撫不
敢開除飛灑均攤諸弊又將以熟田當之是名為開墾有墾之名無墾之實也
茲二弊者緣有司但求地利罔惜貽害大吏惟知慮始不暇圖終是以仁民之
政反啓累民之階臣請教下直省督撫凡開墾地畝無論已未陞科俱令州縣
官覆勘內有熟田混報開墾舉首除額免其處分如實為新墾具印結存案少
有虛偽發覺從重治罪則以熟作荒之弊可免矣新墾應陞科督撫遵員覆勘
饒納瘠薄即與免賦倘因報墾在先必令起賦以貽民累發覺從重治罪則以
荒作熟之弊亦可免矣乾隆元年遷工科給事中故事御史遷給事中較資俸
深淺一士入臺僅六月出上特擢尋疏劾原任河東河道總督王士俊疏未下
語聞於外上疑一士自洩之召對詰責下吏議當左遷仍命寬之一士復疏請
復六科舊職專司封駁巡視城倉清鹽等差皆不當與又疏論各省工程報銷
諸弊請教凡有營造開濬以所須物料工匠遵例估定榜示工作地方又疏論
州縣官職獄省吏上下其手竄改獄詞請飭申禁又疏論鹽政諸弊請毋令商

清史稿

列傳九十三

三

人公指禁司鹽官吏與商人交結小民肩挑背負戒毋苛捕大商以便鹽船阻
通行水道戒毋堵截皆下部議行一士病啞啞即以是年卒一士晚達在言官
未一歲而所建自皆有益於民生世道朝野傳誦聞其卒皆重惜之
李慎修字思永山東章邱人康熙五十一年進士授內閣中書遷主事出為浙
江杭州知府雍正五年入為刑部郎中歷十餘年治獄多所平反有侵帑獄初
議以挪移從未減慎修執不可或諷以上意亦不為動乾隆初出為河南南汝
光道移湖北武漢黃德道以憂去服除授江南驛鹽道引見高宗曰李慎修老
成直爽宜言官特除江西道監察御史疏論戶部變亂錢法苛急煩碎歷舉前
代利害並言錢值將騰貴窮極其弊上元夜賜諸王大臣觀煙火慎修上疏諫
以為玩物喪志上喜為詩嘗召對問能詩否因進言皇上一日萬幾恐以文翰
妨政治祈不以此勞聖慮上聽之載其言於詩嘗謂慎修曰是何少小丈夫乃
能直言若此慎修對曰臣面陋而心善上為大笑復出為湖南衡州水道十二
年乞病歸卒高密李元直為御史在其前以剛直著慎欲與齊名為山東二李

京師稱元直慤李慎修短李元直字象山康熙五十二年進士改庶吉士散館授編修雍正七年考選四川道監察御史八閱月章數十上嘗歷詆用事諸大臣謂朝廷都俞多吁咈少有堯舜無皋夔上不憚召所論列諸大臣大學士朱軾張廷玉輩並及元直詰之曰有是君必有是臣果如汝所言無皋夔朕又安得為堯舜乎元直抗論不撓上謂諸大臣曰彼言雖野心乃無他次日復召入獎其敢言會廣東貢荔枝至以數枚賜之未幾命巡視臺灣疏請增養廉絕饋遺並條上番民利病數十事臺灣居海外巡視御史至每自視如客事一聽於道府元直悉反所為時下所屬問民疾苦欲有所措督撫劾其侵官遂錮級去家居二十餘年卒世宗嘗曰元直可保其不愛錢但慮任事過急又嘗諭諸大臣曰甚矣才之難得元直豈非真任事人乃剛氣逼人太甚元直晚年言及知遇輒泣下初在翰林與孫嘉淦謝濟世陳法交以古義相勗時稱四君子及嘉淦總督湖廣治濟世獄徇巡撫許容意為時論所不直元直遂與疏焉法字定齋貴州安平人康熙五十二年進士自檢討官至直隸大名道講學宗朱子

清史稿

列傳九十三

四

著明辨錄辨陸王之失莅政以教養為先手治文告辭意懇摯既久人猶誦之胡定宇登賢廣東保昌人雍正十一年進士改庶吉士授檢討乾隆五年考選陝西道監察御史七年湖南巡撫許容劾糧道謝濟世下湖廣總督孫嘉淦按治將坐濟世罪八年二月定疏陳容陷濟世嘉淦袒容狀錄湖南民揭帖謂布政使張燦按察使王玠長沙知府張琳衡州通判方國寶善化知縣樊德貽承容指朋謀傾陷並述京師民謠目容為媼謂其妬賢嫉能如婦人之陰毒疏入上命戶部侍郎阿里衮如湖南會嘉淦覆勘並令定從往會湖南岳常道倉德密揭都察院發燦請託私改文牘狀阿里衮至湖南雪濟世枉上奪嘉淦容等職諭謂定為官言事不實自有應得之罪譴今既實矣若止為濟世白冤抑其事尚小因此察出督撫等扶私誣陷徇隱扶同使人人知所做戒此則有裨於政治為益良多至諸行省督撫舉劾必悉秉公心方為不負委任若以愛憎為舉劾如嘉淦容居心行事豈不抱媼大廷負慚夙夜諸督撫當深自儆省以嘉淦容為戒定於是負敢言名轉兵科給事中巡視西城求居民善惡著稱者

皆榜姓名於衢民有訟者即時傳訊判結西山臥佛寺被竊同官以僧自盜奏定廉得真盜僧得雪旋以母老乞歸養服除復授福建道御史疏論內務府郎中某廢民為私利按治事不實奪職下刑部久之職定罷歸二十二年上南巡定迎駕杭州復原銜卒年七十九著有雙柏廬文集

仲永懷字襄西山東濟寧人乾隆元年進士改庶吉士授檢討五年考選陝西道監察御史疏請酌減上元燈火聲樂略言人君一日萬幾一有暇逸之心即啟怠荒之漸每歲上元前後燈火聲樂日有進御願酌量裁減豫養清明之體上降旨謂書云不役耳目詩云好樂無荒古聖賢垂訓朕所夙夜兢兢而不敢忽者惟是歲時譏賞慶典自古有之況元正獻歲外藩蒙古朝覲有不可缺之典禮朕踵舊制而行之未嘗有所增益至於國家政事朕仍如常綜理並未略有稽遲永懷胸有所見直陳無隱是其可嘉處朕亦知之京師民愈君弼者為工部器匠富無子既死其賊許秉義謀爭產內閣學士許王猷與同族屬招九卿會其喪示聲氣且首君弼有藏鐵步軍統領鄂善以聞詔嚴鞫秉義論罪如律並奪王猷職旨戒飭九卿六年永懷奏風聞鄂善受俞氏賄萬金禮部侍郎吳家駟赴弼得其資又聞赴弼不備九卿大學士張廷玉以東往徐本趙國麟俱親會詹事陳浩為奔走謹據實密奏備訪查又言密奏留中事外間旋得消息此必有私通左右賄為宣洩者權要有耳目朝廷將不復有耳目矣疏入上疑永懷妄言命怡親王和親王大學士鄂爾泰張廷玉徐本尚書納親來保按治捕永懷奏宣洩密奏留中果何事又謂權要私通左右此時無可私通之左右亦無能私通左右之權要詰何所見命直陳鄂善僕及居間納賂者皆承鄂善得俞氏賄和親王等以聞上召和親王鄂爾泰納親來保同鄂善入見上溫諭導其言鄂善乃承得白金千上諭鄂善曰汝罪於律當絞汝嘗為大臣不忍棄諸市然汝亦何顏復立於人世乎汝宜有以自處既又下和親王等會大學士張廷玉福敏徐本尚書海望侍郎舒赫德詳議如上諭乃命納親來保持王大臣奏示鄂善鄂善乃言未嘗受賂上因怒責鄂善欺罔奪職下刑部又命福敏海望舒赫德會鞫論絞上仍令賜死家駟浩並奪職永懷答上詢宣洩留中

清史稿

列傳九十三

五

律並奪王猷職旨戒飭九卿六年永懷奏風聞鄂善受俞氏賄萬金禮部侍郎吳家駟赴弼得其資又聞赴弼不備九卿大學士張廷玉以東往徐本趙國麟俱親會詹事陳浩為奔走謹據實密奏備訪查又言密奏留中事外間旋得消息此必有私通左右賄為宣洩者權要有耳目朝廷將不復有耳目矣疏入上疑永懷妄言命怡親王和親王大學士鄂爾泰張廷玉徐本尚書納親來保按治捕永懷奏宣洩密奏留中果何事又謂權要私通左右此時無可私通之左右亦無能私通左右之權要詰何所見命直陳鄂善僕及居間納賂者皆承鄂善得俞氏賄和親王等以聞上召和親王鄂爾泰納親來保同鄂善入見上溫諭導其言鄂善乃承得白金千上諭鄂善曰汝罪於律當絞汝嘗為大臣不忍棄諸市然汝亦何顏復立於人世乎汝宜有以自處既又下和親王等會大學士張廷玉福敏徐本尚書海望侍郎舒赫德詳議如上諭乃命納親來保持王大臣奏示鄂善鄂善乃言未嘗受賂上因怒責鄂善欺罔奪職下刑部又命福敏海望舒赫德會鞫論絞上仍令賜死家駟浩並奪職永懷答上詢宣洩留中

事舉吳士功密劾史始直以對和親王等諮察大學士趙國麟等赴俞氏會喪雖無其事然語有所自來上乃獎永檀擢奸發伏直陳無隱擢會都御史國麟獨奏辨言永檀風聞言事以蒙恩坐論之崇班而被以跪拜細人之醜行事有流弊宜防其漸數有往復當保其終明季言路與政府各分門戶互相擠排綱紀寢以大壞在今日權無旁撓言無偏聽甯為未然之慮不弛將至之防乞特降諭旨明示天下以超擢永檀為獎其果敢宥其冒昧嗣後凡詆斥大臣按之無實者別有處分則功過不相掩而賞罰無偏曲如以臣言過懇乞賜罷斥或容解退以全初心上手詔謂超擢永檀亦善善欲長惡惡欲短之意大學士所云老成遠慮朕甚嘉納其入閣視事毋違朕意而國麟求去益力給事中虞秉純劾國麟謂上詢國麟嘗會俞氏喪否出以告其戚休致光祿寺卿劉藩長語無狀上召藩長令鄂爾泰張廷玉徐本訥親來保按其事因謂藩長市井小人國麟與論姻又嘗奏薦事非是遣鄂爾泰等諭意令請退居數日國麟疏不至乃特詔左遷留京師待闕秉純語過當藩長刺探何緣被譴不謹皆奪職又擢

清史稿

列傳九十三

六

永檀副都御史貴州甯安民羅尙珍詣都察院訴家居原任四川巡撫王士俊侵其墓地命永檀如貴州會總督張廣泗按治士俊論罪如律河南巡撫雅爾圖劾永檀自貴州還京師道南陽縱其僕撻村民下部議罰俸七年十二月命如江南會巡撫周學健治賑未行永檀以密奏留中事告大學士鄂爾泰子鄂容安上命奪職下內務府慎刑司令其親王履親王和親王平郡王大學士張廷玉徐本訥書訥親來保哈達哈按其事鄂容安永檀自承未奏前商謀既奏後照會王大臣等用洩漏機密事務律論罪上責其結黨營私用律不合令會三法司覆讞王大臣等因請刑訊並奪大學士鄂爾泰職逮問上謂鄂爾泰受遺大臣不忍深究下吏議示薄罰永檀鄂容安亦不必刑訊永檀受恩特擢乃依附師門有所論劾無不豫先商酌暗結黨援排擠異己罪重大鄂容安罪亦無可道但較永檀當未減命定擬具奏奏未上永檀卒於獄鄂容安論戍上寬之語在鄂容安傳

柴湖生字禹門浙江仁和人雍正二年舉人授內閣中書充軍處章京累遷工

部主事乾隆七年考選山西道監察御史是歲早上降詔求言湖生疏言君咨臣儆治世之休風益謙虧盈檢身之至理臣伏讀上諭有云爾九卿中能責難於君者何人陳善閉邪者何事此誠我皇上虛懷若谷從諫弗咈之盛心也今歲入春以來近京兩澤未經霑足宵旰焦勞無時或釋惟是天時雨暘難以窺測而人事修省不妨過為責難修省於事為者一動一言純難易見修省於隱微者不聞不見朕兆難窺君心為萬化之源普天率土百司萬姓皆於此託命焉皇上萬幾餘暇豈無陶情適興之時但恐一念偶動其端甚微而自便自恕之機或乘於不及覺遂致潛滋滋暗長而莫可遏則俄頃間之出入即為皇功疏密所關伏乞皇上於百爾臣工所不及見左右近習所不及窺朝夕愈加勉豈特隨時修省致感召之休徵已哉八年天津河間二府大旱九年湖生復疏言河間天津二府經流之大河三日衛河曰漳沱河曰漳河其餘河間分水之支河十有一瀾水之泥泊十有七蓄水之渠三天津分水之支河十有三瀾水之泥泊十有四受水之沽六水道至多向若河渠深廣蓄洩有方旱歲不能全

清史稿

列傳九十三

七

收灌溉之功亦可得半即不然而平日之蓄積亦可支持數月以需大澤之至何至拋田棄宅挈子携妻流離道路哉水利之廢即此可知矣甘霖一日不足則賑費固不可已臣竊以為徒費之於賑恤不如大發帑金遣遣大臣經理畿輔水利俾以濟饑民消旱潦且轉貧乏之區為富饒救時之急務籌國之遠謀莫以易此臣考漢張堪為潁陽太守於狐奴開稻田八千頃狐奴今昌平也北齊裴延儒為幽州刺史修古晉亢坡溉田萬餘畝晉亢今涿州也宋何承矩為河北制置使於雄鄭新州興堰六百里灌田明汪應蛟為天津巡撫捐俸開二千畝收四五石今東西二淀即承矩之塘濼天津十字圍即應蛟水田之遺址國朝李光地為巡撫請興河間水田言涿州水佔之地每畝售錢二百開成水田畝易銀十兩上年總督高斌請開永定河灌田亦云查勘所至衆情欣悅臣聞石景山有莊頭修姓自引渾河灌田比常農畝收數倍蠶絲亦有富戶自行鑿井旱歲能收其利漸州知州朱一蜚勸民開井二十餘口民頗賴之證之近事復確有據則水利之可興也決矣今請特遣大臣齎帑金數十萬兩往河

問天津二府督同道府牧令分委佐貳雜職除運道所關及漳沱正流水性暴
急慎勿輕動其餘河渠淤泊凡有故蹟可尋者皆重加疏浚又於河渠淤泊之
旁各開小河小河之旁各開大溝皆務深廣度水力不及則止節次建立水門
遞相灌注旱則引水入溝以溉田潦則放開歸河以洩水其離水遼遠之處每
田一頃掘井一口十頃掘大塘一口亦足供用其中有侵及民田並古陂廢堰
爲民業已久者皆計畝均分撥還即將現在受賑饑民及外來流民停其賑給
按地分段就工給值酌予口糧甯厚無減一人在役停其家賑糧二口二人在
役停其家賑糧四口其餘口及一戶皆不能執役者仍如例給賑其疏浚之處
有可耕種即借予工本分年徵還更請別簡大臣齎帑金分巡直隸各府一如
河間天津二府次第舉行或曰北土高燥不宜稻種土性沙礮水入即滲挖掘
民地易起怨聲前朝徐貞明行之而立敗怡賢親王與大學士朱軾之經理亦
垂成而坐廢可爲明鑒臣按九土之種異宜未聞稻非冀州之產玉田豐潤稅
稻油且今第爲之興水利耳固不必強之爲水田也或疏或浚則用官資可

清史稿

列傳九十三

八

稻可禾聽從民便此不疑者一也土性沙礮是誠有之不過數處耳豈徧地皆
沙礮乎且即使沙礮而多一行水之道比聽其沖溢者不猶愈於已乎此不疑
者二也若以溝渠爲地尤非知農事者凡力田者務盡力而不貴多壑今使
十畝之地捐一畝以蓄水而九畝倍收較十畝皆薄入孰利况捐者又予撥還
此不疑者三也至前人屢行屢罷此亦有由貞明所言百世之利其時御史王
之棟參劾出於奄人動戚之意其疏亦第言漳沱不可開未嘗言水田不可行
也但其募南人開墾即以地予之又許占籍左光斗之屯學亦然足奪北人之
田又塞其功名之路其致人言也宜矣至營田四局成結具在當日効力差員
不無舉行未善所以賢王一沒遂過而廢之非深識長算者之所出也非常之
原黎民所懼所貴持久乃可有功秦開鄭白之渠利及百世而當時至欲殺水
工鄭國漢河東太守番係引汾水灌田河渠數徙田者不能償種至唐長孫恕
復鑿之畝收十石凡始事難成事易廢續以終之則是中道而棄之則非此不
疑者四也至水利既興招募農師造作水器逐年作何經理俾永無涇塞應聽

在事大臣詳加籌畫皇上視民如子凡有賑恤千萬帑金亦無屯惜卽如開通
京師溝道估費二十餘萬以視興修一省水利輕重較然況此舉乃以阜財非
以資財天災國家代有荒政未有百全何如擲百萬於水濱而立收國富民安
之效縱有堯災湯旱亦可挹彼注茲是謂無弊之賑恤連年米價屢屢墜懷盡
停採買豈可久行指監輸倉亦非上策若小民收穫素裕自然二福有資臣訪
問直隸士民皆云有水之田較無水之田相去不啻再倍是謂不竭之常平近
畿多八旗莊地直隸亦京兆股肱皆宜致之富饒始可居重馭輕漢武帝徒豪
民於關中明成祖遷富家於帝里固非王政不失深謀若水利既興自然軍民
兩利是謂無形之帑藏且兩者水土之氣所上騰而下澤也土氣太甚則水氣
受制直隸近年以來閩雨者屢矣但使水土均調自可兩陽時若是謂有驗之
調燮且水性分之則利合之則害用之則利棄之則害故周用有言人人皆治
田之人卽人人皆治水之人張伯行亦主此論陸隴其爲靈壽令督民濬衛河
其始頗有怨言謂開無水之河以病民既而水潦大至獨靈壽有宣導歲竟有

清史稿

列傳九十三

九

秋貨殖者早則資舟爲國者備斯無患是謂隱寓之河防今生齒日繁民食漸
細臣愚以爲盡興西北之水田則東南之荒地則米價自然平減但事體至大
請先以直隸爲端行之有效次第舉行樂利萬年庶其在此十年疏陳理財三
策言治天下要務惟用人理財兩大事承平日久供億浩繁損上益下日厲宸
衷而量入爲出似尙未籌至計禮曰財用足故百志成若少有窘乏則獨微平
賦恤災厚下之大政俱不得施遲之又久則一切苟且之法隨之以起此非天
下之小故也頃見臺臣請定會計疏言每年所入三千六百萬出亦三千六百
萬就今日計之所入僅供所出就異日計之所入殆不足供所出以皇上之仁
明國家之閒暇而不籌一開源節流之法爲萬世無弊之方是爲失時臣等荷
恩備官臺省不能少竭涓埃協贊遠謨是爲負國以臣之計一曰開邊外之屯
田以養閒散一曰給數年之俸餉散遣漢軍一曰改捐監之款項以充公費三
者行而後良法美意可得而舉也滿洲蒙古漢軍各有八旗丁口蕃昌視順治
時蓋一衍爲十而生計艱難視康熙時已十不及五而且仰給於官而巳局

於五百里之內而不使出則將來上之弊必如北宋之養兵下之弊亦必如有明之宗室此不可不籌通變者也臣聞奉天沿邊諸地水泉肥美請遣幹略大臣分道經理視可屯之處發帑建堡墩起屋廬置耕牛農具令各旗滿洲除正身披甲在京當差其次丁餘丁力能耕者前往居住所耕之田即付為永業分年扣完工本更不陞科惟令農隙操演數年之後皆成勁卒逐年發往軍臺之人令其分地指貨効力此後有願往者令其陸續前往此安頓滿洲開散之法也漢軍八旗已奉勅其出旗之旨以定例太拘故散遣寥寥今請不論出仕與否概許出旗其家現任居官者給三年俸餉無居官者給六年俸餉其家產許之隨帶任其自便則貧富各不失所而五年以後國帑節省無窮即一時不能盡給分作數年以次散遣都統以下京以上各官改補綠旗提鎮將弁此安頓漢軍之法也臣又按耗羨歸公天下之大利亦天下之大弊也康熙間法制寬略州縣於地丁外私徵火耗其陋規匿稅亦未盡釐剔自耗羨歸公一切弊竇悉濼而清之是為大利然向者本出私徵非同經費其端介有司不肯妄取

清史稿

列傳九十三

十

上司亦不敢強賢且能者則以地方之財治地方之事故康熙間循吏多賢績可紀而財用亦得流通自耗羨歸公輸納比於正供出入操於內部地丁公費除官吏養廉無餘剩官吏養廉除分給幕客家丁修脯工資及事上接下之應酬與馬蔬薪之繁費亦無餘剩地方有應行之事應興之役一絲一忽悉取公帑有司上畏戶工二部之駁詰下畏身家之賠累但取其事之美觀而無實濟者日奔走之以為勤故曰天下之大弊也夫生民之利有窮故聖人之法必改今耗羨歸公之法勢無可改惟有為地方別立一公項俾任事者無財用窮乏之患而後可課以治效之成臣請將常平倉儲仍照舊例辦理捐監一項留充各省公用除官俸兵餉動用正項餘若災傷當拯恤孤貧當養贍河渠水利當興修貧民開墾當借給工本壇廟祠宇橋梁公廨當修治採買倉穀價值不敷皆於此動給以地方之財治地方之事如有大役大費則督撫合全省而通融之又有不足則移鄰省而協濟之稽察屬司道核減屬督撫內部不必重加切核則經費充裕節目疏闊而地方之實政皆可舉行設官分職付以人民只可

立法以懲貪不可因噎而廢食唐人減劉晏之船料而漕運不繼明人以周忱之耗米歸為正項致通負百出路多饑殍大國不可以小道治善理財者固不如此此捐監之宜充公費也三法既行則度支有定經費有資當今要務無急於此者伏乞皇上深留睿慮敕公忠有識大臣詳議施行尋選兵科給事中巡視北城乞歸侍母孝養施至貧以醫自給久之卒

清史稿

列傳九十三

十一

也皇上至聖極明豈復有纖芥之事足以召禍而致災者但愚臣蠶測管窺以為自古人主患不明惟皇上患明之太過自古人主患不斷惟皇上患斷之太速即如擢一官點一差往往出人意表為擬議所不及此則皇上意見之稍偏而愚臣所謂聖明英斷之太過者也史臣之贊堯曰乃聖乃神宋儒朱子曰聖人神明不測之號夫所貴乎不測者錯綜參伍與時偕行而非於彼於此不可思議之謂也此雖不足上累聖德萬分之一然臣尤願皇上開誠布公太和翔洽要使天下服皇上用人之至當不必徒使天下驚皇上用人之甚奇若云防微杜漸不得不爾則國法具在試問諸臣行事邪正又誰能欺皇上之洞鑒者抑臣又聞之唐臣韓愈曰獨陽為旱獨陰為水君陽臣陰有君無臣是以久旱今皇上宵衣旰食焦勞於法宮之中而王公大臣拱手備位不聞出其謀畫上贊主德輔宣聖化是君勞於上臣逸於下天道下濟而地道不能上行其於致旱理或宜然臣區區之忱願皇上虛中無我一切用人行政不改鑿空衡平之體又於一二純誠憂國之大臣時賜召對清宴之餘資其輔益必能時雨時風

消殄旱災矣麟趾累遷太僕寺卿移宗人府府丞引疾歸家居十餘年卒年八十二
論曰諫臣之益人國最上匡君德次則綱繆軍國百年之利害若夫擊邪誌
忠獄獄不避權要固亦有不易言者高宗嗣服虛己納諫一士慎修潮生麟趾
其所獻替合陳善責難之前潮生所論理財三策尤闕遠惜不能用也定劾許
容水檀彈鄂善皆能舉其職者水檀乃以漏言敗異哉

清史稿

列傳九十三

十二

清史稿

尹繼善

劉於義

列傳九十四

陳大受

張允隨

陳宏謀

尹繼善字元長章佳氏滿洲鑲黃旗人大學士尹泰子雍正元年進士改庶吉
士授編修五年遷侍講尋署戶部郎中上遣通政使留保等如廣東按布政使
官達按察使方願瑛受賂狀以尹繼善借餉實印以尹繼善署按察使六年授
內閣侍讀學士協理江南河務是秋署江蘇巡撫七年真除疏禁收清規費定
石米費六分半給旗丁半給州縣使無不足然後裁以法平糶盈餘非公家之
利應存縣庫常平倉捐穀聽民樂輸不得隨漕勒徵命如議行又疏請崇明增
設巡道兼轄太倉通州並釐定永興牛羊大安諸沙分防將吏福山增隸沙船
與京口狼山諸汛會哨又請移按察使駐蘇州蘇州道駐上海皆從之旋署河
道總督九年署兩江總督十年協辦江南將軍兼理兩淮鹽政疏言鎮江水兵
駐高資港江軍水兵駐省會各增置將吏狼山復設趕緝大船與鎮江江軍水
兵每月出巡察庶長江數千里聲勢聯絡上嘉之尹繼善請清察江蘇積欠田
賦上遣侍郎彭維新等助為料理又命浙江總督李衛與其事察出康熙五十
一年至雍正四年都計積虧一千一萬上命分別吏蝕民欠逐年帶徵尹繼
善等並議叙又請改三江管同知為鹽務道並增設緝私將吏十一年調雲貴
廣西總督思茅土酋刁興國為亂總督高其倬發兵討之擒興國餘黨未解尹
繼善至諮於其倬得竅要檄總兵楊國華董芳督兵深入斬其酋三及從亂者
百餘元江臨安悉定分兵進攻攸樂思茅東道撫定攸樂三十六寨西道攻六
圍破十五寨降八十餘寨疏聞上諭曰勦撫名雖二事恩威用豈兩端當撫者
不妨明示優容當勦者亦宜顯施斬賊俾知順則利逆則害今此攻心之師即
出將來善後之舉是乃仁術也識之十二年奏定新開苗疆諸事請移清江鎮
總兵於台拱並移設同知以下官增兵設汛從之又奏雲南潘土黃河自土黃
至百色袤七百四十餘里得旨嘉獎尋詔廣西仍隸廣東總督十三年奏定貴

州安籠等營制貴州苗復亂尹繼善發雲南兵並徵湖廣廣西兵策應道副將紀龍勦清平參將哈尚德收新舊黃平二城合兵徇重安副將周儀等復餘慶獲苗酋羅萬象等總兵王無黨韓勦勦八寨總兵譚行義勦鎮遠又令無黨合廣西湖南兵與行義會破苗寨斬千餘級獲苗酋阿九清等苗亂乃定乾隆元年貴州別設總督命尹繼善專督雲南二年奏給雲南軍丁銀萬二千二百有奇入覲以父尹泰老乞留京侍養授刑部尚書兼管兵部三月丁父憂四年加太子少保五年授川陝總督郭羅克部番復為亂尹繼善檄諭番酋執為盜者以獻事旋定六年奏陳郭羅克善後諸事請設土目打牲子號片寬積案撤戍兵上皆許之七年丁母憂八年署兩江總督協理河務疏言毛城鋪天然壩高郵三壩皆宜仍舊上諭令斟酌因時制宜九年銜入覲還上命俾旨開天然壩且曰衛奏河水小壩宜開尹繼善覆奏略言衛不問河身深淺但問河水大小非知河者也河淺壩開宜流太過湖弱不敵黃強為害滋甚上卒用尹繼善議十年實授兩江總督十二年疏言阜寧高寶諸地圩岸分年修治務令圩外取

清史稿

列傳九十四

二

土挑濬成溝量留油洞使旱澇有備鳳顧泗三屬頻遭水患河渠次第開濬而田間圩墾實與為表裏亦陸續興修俟有成效推行遠近上諭曰此誠務本之圖實力為之十二年入覲調兩廣未行授戶部尚書協辦大學士軍機處行走兼正藍旗滿洲都統未幾復出署川陝總督嗣以四川別設總督命專督陝甘大學士傅恒經略金川師經陝西上獎尹繼善料理驛站馬匹諸事調度得宜十四年命參贊軍務加太子太保十五年西藏不靖四川總督策楞統兵入藏命兼管川陝總督十六年復調兩江十七年尹繼善以上江頻被水疏請濬宿州唯河彭家溝泗州謝家溝虹縣汴河上游築宿州符離橋靈璧新馬橋砂礮河尾黃疇橋祖家橋詔如所請羅田民馬朝柱為亂檄總兵牧光宗捕治並親赴天堂寨獲朝柱家屬徒黨得旨嘉獎召詣京師十八年復調署陝甘總督雍正間開哈密蔡伯什湖屯田乾隆初以畀回民貝子玉素富以屢歉收請罷尹繼善奏言從前開渠引水幾費經營回民不諳耕作頻歲歉收萬畝屯田棄之可惜請選西安兵丁子弟或招各衛民承種上聽其言調江南河道總督十九

年疏言河水挾沙而行停滯成灘有灘則水射對岸即成險工銅沛邳睢宿虹諸地河道多灘宜遊聖祖融於曲處取直開引河導溜歸中央借水刷沙河隄歲令加高務使穩固而青黃不接亦寓賑於工詔如議行命署兩江總督兼江蘇巡撫二十一年疏請濬洪澤湖入江道開石羊溝引東西兩壩所減之水疏芒稻開達黃家溝引河引金灣開壩所減之水加寬廖家溝河口引壁虎風颶兩橋所減之水並濬各河道上游修天妃青龍白駒諸閘從之實授兩江總督二十二年疏言沛縣地最卑陷陽微山諸湖環之濟泗汶膠諸水奔注請於荆山橋外增建閘壩使湖水暢流入運又沂水自山東南入駱馬湖出盧口入運阻荆山橋出水當相度堵修上以所言中形勢嘉之旋與侍郎夢麟等會督疏治淮揚徐海支幹各河暨高寶各工是冬事竟議叙二十五年上命增設布政使尹繼善請分設江寧蘇州二布政使而移安徽布政使駐安慶二十七年上南巡命為御前大臣二十九年授文華殿大學士仍留總督任三十年上南巡尹繼善年七十御書勝以賜召入閣兼領兵部事充上書房總師傅三十四

清史稿

列傳九十四

三

年兼翰林院掌院學士三十六年上東巡命留京治事四月卒贈太保發帑五千治喪令皇八子永璇奠醴永坂尹繼善塔也賜祭葬諡文端尹繼善釋褐五年即任封疆年纔三十餘莅政明敏遇糾紛盤錯紆徐料量靡不妥貼一督雲貴三督川陝四督兩江在江南前後三十年最久民德之亦最深世宗最賞李衛鄂爾泰田文鏡管諭尹繼善謂當學此三人尹繼善奏曰李衛臣學其勇不學其粗田文鏡臣學其勤不學其刻鄂爾泰宜學處多然臣亦不學其憤世宗不以為忤高宗嘗謂我朝百餘年來滿洲科目中惟鄂爾泰與尹繼善為真知學者御製懷舊詩復及之子慶桂自有傳

劉於菺字喻旂江蘇武進人康熙五十一年進士改庶吉士授編修在翰林文學其著凡有撰擬輟稱旨雍正元年命直南書房遷中允再遷侍講督山西學政三年遷庶子上諭以留心民事歲飢無積貯奏請歲以耗羨四萬於太原平陽潞安大同買米貯倉春糶秋補上命巡撫伊都立酌量舉行四年一歲四遷擢倉場侍郎倉吏習習正米以購節糜耗米抵額於義嚴出入稽餘米定數

宿弊一清七年命察燬西甯軍需八年遷吏部侍郎命與侍郎牧可登如山東
察賑並按察史唐綬祖勛濟南知府金允彝祖都平知縣袁舜裔虧空論如
律九年授直隸河道總督奏天津截留漕糧省津貼諸費但給地方官耗米百
之一又奏吉龍灣諸地侍郎何國宗議建雞心閘十四阻水當停並請展墻面
使無礙水道均如議行擢刑部尚書仍理河務尋署直隸總督直隸盜犯依律
不分百從皆斬大名劫盜十餘案每案數十人於義以凶器祇田具贓物僅米
穀乃饑民借糧爭奪非盜奏請得末減直隸盜案視各省分首從此始十年
署陝西總督十一年授吏部尚書仍署總督累疏言甘涼為軍需總匯糧草價
昂兵餉不敷養贍請酌借籽糧農器於瓜州諸地開墾屯種耕犁以馬代牛並
募耕夫二百教回民農事又於赤金靖逆之北洋帶湖及十八塔兒灣築塼堡
為保障安家窩鋪口別開渠供灌溉又疏請甘涼設馬廠牧長牧副視太僕寺
條例歲十一月察馬匹孳生多寡為弁兵升降賞罰均如所請行十三年命大
學士查那阿代於義領陝甘總督予於義欽差大臣關防留肅州專筭軍儲乾

清史稿

列傳九十四

四

隆元年奏言蘭州浮橋始於前明用二十四艘兩埠鐵纜百二十丈自有司遞
減四舟纜僅七十丈於是埠基側入河心水益湍急衝潰屢見請動用公帑改
復原式庶河寬水緩以便行旅得旨允行查那阿入覲於義仍署陝西總督二
年召還京三年查那阿劾承辦軍需道沈青崖等私運侵帑辭連於義上遣侍
郎馬爾泰會查那阿按治於義坐奪官並責償麥稈價銀三萬餘兩甘肅自康
熙末至雍正初虧帑金一百六十餘萬又書散缺於義奉命察發連任總督部
署西師往返凡四年屯田築堡安集流移輸送軍糧戰馬其勞最多以簿領過
繁得過亦由此五年起署直隸布政使七年授福建巡撫疏請裁減閩鹽課外
加派漳州民陳作謀臺灣民王永興等謀為亂道將吏捕治八年調山西召補
戶部尚書九年調吏部尚書協辦大學士御史柴潮生請修治直隸水利命同
直隸總督高斌勘察議濬牛河開白溝河支流西淀亦開支河東淀河道裁
濬取直子牙河疏河口築隄界別清渾疏鳳河濬塌河淀引唐河入保定河濬
正定諸泉引以溉田並修復營田舊渠開是為初次應舉各工十年署直隸總

督加太子太保是冬報初次工竟復議還鄉河裁濬取直築運甯河西隄挑張
青口支河新安新河拓廣利渠望都至安肅開溝並裁永定河兜灣是為二次
應舉各工引塌河淀漲水入薊運河疏天津買家口靜海蘆北口諸河及慶雲
馬頰河鹽山宣惠河是為三次應舉各工又令署直隸河道總督疏請減慶雲
賦額上命減地丁十之三著為令十二年夏報二三次工竟召還十二年二月
奏事養心殿跪久致仆遂卒賜祭葬諡文恪

陳大受字占咸湖南祁陽人幼沈敏初授內則即退習其儀既長家貧躬耕山
麓同舍漁者夜出捕魚為候門讀書不輟雍正十一年成進士選庶吉士乾隆
元年授編修二年大考爾登諸臣日午上御座以待大受奏先奏列第一超擢
侍讀五遷吏部侍郎四年授安徽巡撫初視事決疑獄老吏駭其精敏慮風頑
諸府時多盜有司多諱匿大受定限嚴緝月獲盜五十輩得旨褒美淮南北海
饑發倉穀賑之穀且盡繼以麥又告糶江南廣東且發且儲時類歲饑民掠米
麥以食有司以盜論哀其情奏原六十餘人麥熟禁燒麩造酒及大商囤積又

清史稿

列傳九十四

五

以高阜斜陂不宜稻麥福建安溪有旱稻名畚粟不須灌溉前總督郝玉麟得
其種教民試藝有獲因令有司多購分給各州縣俾民因地種植事聞上諭曰
語凡如此留心甚慰朕懷是年調江蘇疏請飭糧道較定各州縣漕斛及先冬
令民搜蠅子屢諭嘉獎並以搜蠅子法令直隸總督高斌仿行常州鎮江太倉
三府州被水災發倉治賑江南舊多借堰圩塘或有久廢者被水後尤多潰敗
工鉅費重民力不能勝大受出官粟借之召民興築計時而成於江浦繕三合
永豐北城諸圩於句容復郭西塘黃堰蘇州太倉疏劉家河灌漑諸工畢
舉七年秋黃河決古溝石林高寶興泰徐諸州縣罹其患大受馳視以聞上命
截漕米協濟大受乃命多具舟候水至分載四出舳舻數百里一日而徧丹陽
運河口藉潮水灌漑淤沙需疏濬大受奏定六年大修每年小修後高宗南巡
御製反李白丁都護歌曰豈無疏濬方天工在人補輪年大小修往來通商賈
蓋嘉其奏定歲修法利於漕運也十年有旨蠲明年天下錢糧大受疏請核準
漕項科則曉諭周知彙數地丁耗羨同漕項并完酌定某戶減租分數通飭遵

行得旨嘉獎戶部議禁商人貯米大受謂商人貯米得少利即散貯不過一歲
民且利焉請弛禁便又言城工核減意在節用省而工惡再修且倍之上皆
聽其言常州俗好佛家設靜堂自立名教江甯松江太倉漸染其習大受疏請
飭有司防禁移佛入廟堂內人田屋產量為處置上諭曰此等事須實力不可
欲速不然則所謂好事不如無也十一年加太子少保調福建十二年疏言近
海商民例許往暹羅運船販米內渡時若有船無米應倍稅示罰部議從之疏
言巡臺御史巡南北二路臺灣鳳山諸縣彰化四縣具厨傳稿實往往濫准詞
訟又於額設胥役外俾奸民注籍侍符生事上命自乾隆五年起巡臺御史均
下部嚴議又疏言臺灣番民生業艱難向漢民重息稱貸于女田產每被盤折
請撥臺穀六萬石分貯諸羅彰化淡水諸縣視鳳山例接濟其不願借者聽報
可臺灣民番雜處土音非譯不通有奸民殺人賄通事移坐番罪疑之再鞠竟
得白或言海上有島十四為田萬餘畝可開墾前政以入告大受以島地久在
禁令一旦開禁聚人既多生奸尤易設兵彈壓為費彌甚利不敵害輒奏罷之

清史稿

列傳九十四

六

召授兵部尚書十三年調吏部協辦大學士軍機處行走十四年金川平晉太
子太傅秋署直隸總督十五年授兩廣總督陸辭請訓上曰汝直軍機處兩年
萬幾之事皆所目擊即朕訓也何辭惟中外一心足矣尋命協理粵海關兩
粵去京師遠吏檢民曉大受以猛治之舉劾不法吏政令大行十六年以病乞
解任溫詔慰留未幾卒賜祭葬諡文肅祀賢良祠大受眉目皆上起豐蔀有威
清節推海內以徵時極貧祿不逮親養自奉如布衣時子輝祖自有傳
張允隨字觀臣漢軍鑲黃旗人祖一魁福建邵武知府有政績祀名宦允隨入
資為光祿寺典簿遷江南寧國同知擢雲南楚雄知府雍正元年調廣南丁母
憂總督鄂爾泰等請留司銅廠二年授曲靖知府擢糧儲道鄂爾泰復薦可大
任上召入見五年擢按察使未幾遷布政使雲南產銅供鑄錢寶泉二局
需銅急責委員領帑採洋銅洋銅不時至允隨綜銅廠事察知舊廠產尚富增
其值民樂於開採舊廠復盛又開大龍湯丹諸新廠歲得銅八九百萬斤供用
乃停採洋銅國帑省官累亦除八年調貴州未幾授雲南巡撫允隨官雲南久

熟知郡國利病山川險要苗夷情狀十一年思茅土酋刁興國糾散外苦煎蠻
等為亂蔓延數州縣允隨與總督高其倬遣兵討之思茅圍解亂苗遁攸樂知
縣章綸以事詣會城至曼蚌村遇寇死允隨趣兵進擒興國餘衆走臨安復擊
破之允隨疏以鎮沅思樂府縣皆新改土為流請立學設教職定學額又疏以
雲南各府州或兵少米多請以額徵秋米石折銀一兩或兵多米少請以額徵
條銀兩收米一石十二年疏請於廣西府開爐鼓鑄皆下部議行十三年疏報
蒙化墾田二十六頃有奇乾隆二年署雲南總督疏言雲南水利與他省不同
水自山出勢若建瓴大率水高田低自上而下當濬溝渠使盤旋曲折承以木
規石槽引使溉田偶有田高水低則宜車戽又或兩後水急則宜塘蓄低道小
港水阻恐傍溢則宜疏水口使得暢流山多沙積水發嫌迅激則宜築隄埭俾
護田畝臣等有司勘修工小令於農隙按田出夫督率興作工稍大者出夫外
應需工料令集士民公議需費多寡有田用水者按田定銀數借庫帑興工工
畢分年還款工大非民力能勝詳情覆勘以官莊變價留充工費報聞三年請

清史稿

列傳九十四

七

停鑄錢運京是冬入覲四年正歲上宴廷臣賦拍聚體詩允隨與焉五年疏言
雲南鹽不敷民食安甯得洪源井試煎年獲二十一萬餘斤麗江得老姆井試
煎年獲十八萬餘斤分地行銷定為年額上獎為有益之事著貴州總督六年
廣東妖民黃順等遁匿貴州境有司捕得奏聞上諭曰汝不以五日京兆自居
盡心治事可嘉復著雲南總督兵部議各省有增設兵額量加裁減允隨奏雲
南昭通普洱二鎮有增設兵額地處邊要未可裁減惟有通駁合省標鎮營協
按額均減分計則兵裁無幾合計則餉省已多標鎮營協應裁兵一千一百六
十先裁餘丁四百四十八餘俟缺出停補從之允隨請清金沙上命都統新柱
四川總督尹繼善會勘疏言金沙江發源西域入雲南經麗江鶴慶永北姚安
武定東川昭通七府至叙州入川江東川府以下南岸隸雲南北岸隸四川營
汛分布田廬相望至大井壩以上南岸尚有田廬北岸皆高山山後沙馬阿都
兩土司地從前舟楫所不至自烏蒙改流設鎮雲南兵米每歲輾自四川皆自
叙州新開灘至永嘉黃草坪五百八十里沂流而上更上自黃草坪至金沙廠

六十里商船往來臣等相度內有未漢清四崖三腔鑼錫耳諸灘險惡應行修
理更上自金沙廠至濫口壩二百二十七里十二灘流田壩最險次則小溜筒
臣等相度開鑿子河更上自雙佛灘至蜈蚣嶺十五灘相接石巨工艱臣等令
改修陸路以避其險雲南地處極邊民無蓋藏設遇水旱米價增昂今開通川
道有備無患上諭曰既可開通妥協爲之以成此善舉尤隨主辦其役計程千
三百餘里費帑十餘萬經年而工成八年疏言大理洱海發源鶴慶瀨沮河至
大理合蒼山十八溪匯而成海下自波羅甸出天生橋趨瀾滄江海袤百二十
里廣二十餘里而天生橋海口寬不及丈每致倒流淹浸濱海民田臣飭將海
口疏治寬深自波羅甸下達天生橋分段開濬壘石爲隄外栽茨柳爲近水州
縣祛漫溢之患海口洞出山萬餘畝令附近居民承墾卽責墾戶五年一大修
按田出夫合力疏濬雲南總督兼管巡撫九年疏報東川河壩租得銅礦試
煎月得銅四萬餘斤十年加太子少保十二年授雲貴總督疏言苗獠種類雖
殊皆具人心如果撫取得宜自不至激成事變臣嚴飭苗疆文武毋許私收濫

清史稿

列傳九十四

八

派並禁背役滋擾至苗民爲亂往往由漢奸勾結臣飭有司嚴察捕治又疏言
貴州思州諸府與湖南相接今有辰沅餓民百餘入貴州境採蔴而食臣已飭
貴州布政使糧驛道以公使銀振濟如有病至一體散給安置諸疏上並嘉獎
十五年入覲授東閣大學士兼禮部尚書加太子太保十六年卒賜祭葬諡文
和
陳宏謀字汝咨廣西臨桂人爲諸生卽留心時事聞有邸報至必借觀之自題
座右謂必爲世上不可少之人爲世人不能作之事雍正元年恩科世所謂春
鄉秋會宏謀舉鄉試第一成進士改庶吉士授檢討四年授吏部郎中七年考
選浙江道御史仍兼郎中監生舊有考職多以人代世宗知其弊令自首而州
縣吏藉察訪爲民擾宏謀疏請察將來寬既往召見徵詰再三申論甚晰乃允
其奏以是知其能授揚州知府仍帶御史銜得便宜奏事丁父憂上官留之辭
不許遷江南鹽運使仍帶御史銜攝安徽布政使又丁母憂命留任因乞假歸
報十一年擢雲南布政使初廣西巡撫金鉉奏令廢員墾田報部以額稅抵銀

得復官報墾三十餘萬畝宏謀奏言此曹急於復官止就各州縣求有餘熟田
量給工本卽作新墾田不增而賦日重民甚病之請罷前例上命雲南廣西總
督尹繼善察實尹繼善請將虛墾地畝冒領工本數實追繳乾隆元年部議再
救兩廣總督鄂彌達會銜詳勘宏謀劾其欺欺公累民開指報墾不下二十餘萬
畝實未墾成一畝請盡數除時饑內遷刑部侍郎具疏辨上命鄂彌達會巡
撫楊紀曾確勘二年宏謀復密疏極論其事高宗責宏謀不待議覆又爲是瀆
奏粵人屢陳粵事恐啓鄉紳挾持朝議之漸交部議降鄂彌達等會奏報
墾田畝多不實請分別減豁鉉以下降黜有差三年授宏謀直隸天津道五年
遷江蘇按察使六年遷江南布政使到官擢甘肅巡撫未行調江西九年調
陝西十一年復調回江西尋又調湖北十二年川陝總督慶復劾宏謀在陝西
愛憎任情好自作聰明不持政體部議奪官上命留任未幾復調陝西上諭曰
此汝駕輕就熟之地當秉公持重毋立異毋沽名能去此結習尙可造就也署
陝甘總督十五年加兵部侍郎其冬河決陽武調河南巡撫十七年調福建十

清史稿

列傳九十四

九

九年復調陝西二十年調甘肅再調湖南疏勅布政使楊瀨侵扣穀價上嘉其
不賂徇論瀨罪如律二十一年又調陝西二十二年調江蘇入覲上詢及各省
水災奏言皆因上游爲衆水所匯而下游無所歸宿當通局籌辦上以所言中
肯察命自河南赴江蘇循途察勘十二月遷兩廣總督諭曰宏謀籍廣西但久
任封疆朕所深信且總督節制兩省專駐廣東不必迴避二十三年命以總督
銜仍管江蘇巡撫加太子少傅二十四年坐督兩廣時請增撥鹽商帑本上責
宏謀市恩沽名病習未改下部議奪官命仍留任又以督屬捕蝗不力奪總督
銜仍留巡撫任二十六年又以失察游擊關侵漁弊議罷任詔原之諭責宏
謀模稜之習一成不變調撫湖南二十八年遷兵部尚書署湖廣總督仍兼巡
撫召入京授吏部尚書加太子太保安謀外任三十餘年歷行省十有二歷任
二十有一遊官無久暫必究人心風俗之得失及民間利病當興革者分條鈎
考次第舉行諸州縣村莊河道繪圖懸於壁環復審視興作皆就理察吏甚嚴
然所劾必擇其尤不肖者一二人使足悚衆而止學以不欺爲本與人言政輒

引之於學謂仕仰學也蓋吾心焉而已故所施各當人咸安之在揚州值水災
奏請遣送飢民回籍官給口糧得補入賑册報可鹽政令准商於稅額外歲輸
銀助國用自雍正元年始積數千萬率以空數報部及部檄移取始追徵實陰
虧正課宏謀奏停之在雲南方用兵禦夷運糧苦道遠改轉般遞運民便之增
銅廠工本聽民得駕餘銅民爭趨之更鑿新鑛銅日盛遂罷購洋銅立義學七
百餘所令苗民得就學教之書刻孝經小學及所輯綱鑑大學衍義分布各屬
其後邊人及苗民多能讀書取科第宏謀之教也在天津屢乘小舟咨訪水利
得放淤法水漲挾沙行導之從隄左入隄右出如是者數四沙沈土高治景諸
州悉成沃壤按察江蘇設引盜之法重誣良之令嚴禁淹親柩及火葬者在江
西歲饑告糶於湖廣發帑繕城垣築堰堵圩隄開墾以工代賑南昌城南羅
絲港為鹽水所趨善衝突建石隄捍之左蠡朱磯當衆水之衝亦築隄百丈水
患以平又以錢貴奏請俟雲南銅解京過九江留五十五萬五千斤開爐鼓鑄
並以舊設爐六請增爐四詔並許之又以倉儲多虧缺請令民指監於本省收

清史稿

列傳九十四

十

穀以一年為限限滿上命再收一年又以民俗尚氣好訐訟請令各道按行所
屬州縣察有司自理詞訟毋使延擱滋累上命實力督率毋徒為具文在陝西
募江浙善育蠶者導民蠶久之利漸著高原恒苦旱勸民種山薯及雜樹鑿井
二萬八千有奇造水車教民用以灌溉陝西無水道惟商州龍駒寨通漢江灘
險僅行小舟宏謀令疏鑿行旅便之又以陝西各屬常平倉多空版亦令以捐
監納穀並請開爐鑄錢如江西例戶部撥運洋銅鑄幣採雲南銅應用錢價以
平請修文武成康四王及周公太公陵墓即以陵墓外餘地召租得息歲葺治
皆下部議行在河南請修太行隄又以歸德地窪下議疏商邱豐樂河古宋河
夏邑響河永城巴溝河民力不勝請發帑濬治既至福建歲歉米貴內地仰食
臺灣而商船載米有定額奏弛其禁以便民又疏言福建民黨競多訟立限月
為稽覈以已未結案件多寡課州縣吏勤惰又言福建地狹民稠多出海為商
年久例不准回籍請令察實內地良民或已死而妻妾子女願還里者不論年
例許其回籍從之在湖南禁洞庭濱湖民墾水為田以寬湖流使水不為患歲

大熟江南災奏運倉穀二十萬石濟之仍買民穀還倉再至陝西聞甘肅軍需
缺錢撥局錢二百萬貫濟餉上嘉其得大臣任事體疏請與關外水利浴赤金
靖逆柳溝安西沙州諸地泉源上命後政議行又以準噶爾既內附請定互市
地以茶易馬充軍用詔從之其治南河大要因其故道開通淤淺俾暢流入海
督民治溝洫引水由支達幹時其蓄洩徐海諸州多棄地遇雨輒淫溢課民開
溝仰以土築圩多設涵洞為旱潦備低地則令種蘆葦薄其賦其在江蘇尤專
意水利疏丁家溝展金灣壩濬徐六涇白茆口洩太湖水築崇明土塘禦海潮
開各屬城河又疏言蘇州向設普濟育嬰廣仁錫類諸堂收養貧獨老病並及
棄嬰請將通州崇明濱海淤灘除附近民業著聽升科餘撥入堂又通州崇明
界新漲玉心洲兩地民互爭請併撥入以息爭競上諭曰不但一舉而數善備
汝亦因此得名也及督湖廣疏言洞庭湖濱居民多築圍墾田與水爭地請多
掘水口使私圍盡成廢墾自不敢再築上諭曰宏謀此舉不為煦嫗小惠得封
疆之體速入長吏部疏言文武官井均有捕盜之責乃州縣捕役平時參盜營

清史稿

列傳九十四

十一

兵捕得就職時任其發展或且為之開脫嗣後應令原獲管員會訊上嘉其所
見切中事理又疏言河工辦料應令管河各道親驗加結失事例應文武分償
而參游例不及應酌改畫一下河督議行又言匿名揭帖循例當抵罪所告欺
內有無虛實仍應按治則宵小不得逞奸有司亦知所警上亦聽之二十九年
命協辦大學士三十二年授東閣大學士兼工部尚書三十四年以病請告迭
諭慰留三十六年春病甚允致仕加太子太傅食俸如故賜御用冠服命其孫
刑部主事爾森侍歸詔所經處有司在二十里內料理護行上東巡觀天津行
在賜詩寵其行六月行至兗州韓莊卒於舟次年七十六命祀賢良祠賜祭葬
諡文恭宏謀早歲刻苦自勵治宋五子之學宗薛瑄高攀龍內行修飭及入仕
本所學以為設施在政必計久遠規模宏大措置審詳嘗言是非度之於己毀
譽聽之於人得失安之於數輯古今嘉言懿行為五種遺規尚名教厚風俗親
切而詳備奏疏文檄亦多為世所誦曾孫繼昌字蓮史嘉慶二十四年鄉試二
十五年會試廷試俱第一授修撰歷官至江西布政使

論曰乾隆間論疆吏之賢者尹繼善與陳宏謀其最也尹繼善寬和敏達臨事恒若有餘宏謀勞心焦思不遑夙夜而民感之則同宏謀學尤醇所至惓惓民生風俗士所謂大儒之效也於義督軍儲策水利皆秩秩有條理大受剛正屬吏憚之若神明然論政重大體非苟為苛察者比允隨鎮南疆久澤民之尤大者航金沙江障洱海去後民思與江南之懷尹繼善陳宏謀略相等懿哉

清史稿

列傳九十四

十二

清史稿

列傳九十五

那蘇圖

楊超曾

徐士林

尹會一

王恕

方顯

楊錫紱

潘思穎

胡寶瑗

那蘇圖戴佳氏字義文滿洲鑲黃旗人康熙五十年襲拖沙喇哈番世職授藍翎侍衛雍正初四遷兵部侍郎二年出為黑龍江將軍八年調奉天將軍乾隆元年擢兵部尚書二年調刑部授江南總督協辦吏部尚書顧琮請江浙沿海設塘堡復衛所下督撫詳議三年那蘇圖奏明沿海衛所武事廢弛我朝裁衛改營江南有金山柘林青村南匯川沙吳淞劉河諸營提督駐松江控制崇明狼山二鎮對峙海口塘汛聲勢連絡無庸復設衛所瀕海曠曠應改建者一華亭崇缺墩應增建者二柘林南門福山挑山嘴應移建者一吳淞王家嘴應修

清史稿

列傳九十五

者一劉河北七丫口並請改舊制撤墻設堞置木蓋留貯藥之屋並請城西涇設兵崇明西南二條監河顧四房港堂沙頭港諸地下部議行江南早上命撥福建倉穀三十萬石治賑那蘇圖奏言江廣諸省買米次第運至無災州縣本年漕糧全數截留兩江不患無米福建海疆重地且不產米請留十萬石分撥災區以二十萬石運還福建上嘉其得封疆大臣之度四年詔免兩江地丁錢糧奏言向例蠲免不分貧富但富戶遇歉未傷元氣貧民素乏蓋藏多免一分即受一分之惠請以各州縣實徵冊為據額根五錢以下者全蠲五錢以上者酌量蠲免五兩以上者無庸議蠲上諭曰卿能如此酌議如此擔當誠為可嘉古人云有治人無治法當訪察胥役毋令因事擾民則全美矣以憂去五年授刑部尚書旋出署湖廣總督六年調兩江七年調閩浙疏裁閩省鹽場浮費場員受年節規禮以不枉法職論罪八年疏言溫台二洋漁船汛兵向有陋規總督李衛奏改塗稅稅稽曾筠又請減半徵收漁船出洋海關徵樑頭稅有司徵漁課不當復加塗稅命永遠革除九年疏言臺灣孤懸海外漳泉潮惠流民聚居

巡警御史熊學鵬議令開荒臣思曠土久封遽行召墾恐匪徒滋事已令中止
報聞旋調兩廣十年條奏兩廣鹽政請以商欠鹽價羨餘分年帶徵商已承替
令承替者慎官或侵漁令使漁者慎埠商占引地通成本斥逐另募鹽課外加
二五加一並屬私派悉行禁革又調直隸十一年條奏八旗屯田章程十二年
上東巡那蘇圖從至通州資白金萬條奏稽察山海關諸事並如所奏議行加
太子少傅十三年加太子太保授領侍衛內大臣仍留總督任那蘇圖請赴金
川軍前佐班第治事上不許十四年命暫署河道總督卒賜祭葬諡恪勤

楊超曾字孟班湖南武陵人康熙五十四年進士改庶吉士授編修雍正四年
直南書房時湖南北南分闈命充湖北鄉試考官旋督陝西學政再遷左庶子
六年疏陳鎮安山陽商南平利紫陽石泉白河諸縣土風衰落西安漢中各屬
冒考號為寄籍諸弊叢生請就本籍量取甯闕無濫並改寄籍者歸本籍廩增
俱作附生議行調順天學政遷侍讀學士九年擢奉天府尹疏言奉天各屬科
派多於正供造册有費考試有費修廨宇治保甲有費長官取之州縣州縣取

清史稿

列傳九十五

二

之民間衙書里書指一派十嬰害尤劇已嚴飭所屬檄石禁上體之下其奏
永爲例十年疏言秋收稍歉明春米穀勢必騰貴請停商運下部議行十一年
疏言州縣所收加一耗羨自錦州甯遠外俱留充州縣養廉府尹以下養廉以
中江等稅羨支給部議卽以是年始著爲令內務府准御史八十條奏增錦州
莊頭百戶撥民種退園地畝超會奏地給民種立業已久今增莊頭百戶戶給
六百五十响响六畝都計三十九萬畝開民萬戶無地可耕一時斷難安輯且
正值春耕清丈動需時日舊戶新莊俱不能播種本年賦必兩懸請緩俟秋收
查丈事遂寢遷倉場侍郎十二年擢刑部額外侍郎仍督倉場如故旋授刑部
侍郎乾隆元年署廣西巡撫二年實授疏請除桂林等府縣各城及賀縣花
麻地租雜稅初巡撫金鉉奏令廢員官生墾荒報捐有司因以爲利搜民間有
餘熟田量給工本卽作新墾雲南布政使陳宏謀疏陳其弊下總督鄂彌達及
超會駁覆會疏陳捐墾不實田畝應減應豁及官生短給工本諸事上命豁加
賦虛田凡數萬畝鉉及布政使張鉞皆奪官三年召授兵部尚書五年夏著兩

江總督秋授吏部尚書仍署總督疏勸江西巡撫岳濬及知府董文偉劉永錫
徇情納賄遺侍郎阿里袞會江南河道總督高斌按治濬等坐謫六年疏請裁
太通道揚州鹽務道以通州隸常鎮道轄餘如舊可其奏兼署安徽巡撫秋大
風雨濱江海諸州縣皆被水超曾令先以本州縣所存銀米撫卹並發司庫銀
八萬未被水諸州縣倉米十萬賑上江各州縣又發司庫銀十萬各縣穀百餘
萬賑下江各州縣疏入上諭曰料理賑卹頗爲得宜當以至誠惻怛爲之庶可
稍救災黎也通州鹽河亦以水發輟工督治水利大理寺卿汪澂副都御史德
爾敏合開唐家崗洩水民慮淹及麥田紛集欲罷市侍郎楊嗣瑗疏勸命超曾
按其事超曾奏民無挾制阻撓情狀似可無事深究上從之復疏薦江蘇巡撫
徐士林處已儉約安徽巡撫陳大受虛中無滯江西巡撫包括性情和平惟吏
玩民刁鮮所整頓上諭曰此至當至公之論與朕見同也尋內召視部事以父
憂歸籍憂喪次病作七年卒賜祭葬諡文敏

清史稿

列傳九十五

三

徐士林字式儒山東文登人父農也士林幼聞鄰塾讀書聲慕之跪母前曰願
送兒入塾乃奮志勵學康熙五十二年成進士授內閣中書再遷禮部員外郎
雍正五年授江南安慶知府十年擢江蘇按察使坐在安慶失察私鑄左遷福
建汀漳道漳州俗好鬪殺人捕之輒聚衆據山拒或請用兵士林不可命壯丁
分扼要隘三日度其食且盡遣人深入好語曰垂手出山者免如其言果逐隊
出伏其仇於旁仇舉爲首者擒以徇衆驚散自此捕殺人者無敢據山拒乾隆
元年遷河南布政使以父病乞歸侍旋居父喪命著江蘇布政使士林以母病
父未葬辭四年命以布政使護江蘇巡撫復奏母病篤不能行是年夏詣京師
高宗召對問道所經山東直隸麥收若何曰早且萎問得雨如何曰雖雨無益
問何以用人曰工獻納者雖敏非才味是非者雖廉實益上深然之眞除江蘇
布政使五年湖廣道山東流民還里道經江南特其衆擾民士林疏言眞確災
民或有田可耕或無田而佃素皆力穡時值春融自富資送復業至若游惰無
業漂泊日久彼固非能耕之人亦不盡被災之民應請停資送或謂無籍窮民
恐流而爲匪終年搜查遞送不得休臣未聞不爲匪於本籍獨爲匪於鄰封者

亦未聞真爲匪者遞回本籍卽能務本力田而不復潛至鄰封者也安分則撫之犯法則懲之在地方官處置得宜而已上是其言下九卿議行秋授江蘇巡撫湖北巡撫崔紀以湖廣食准鹽自雍正元年定值遞年加增爲民累疏請核減命士林會鹽政準泰核議士林奏鹽爲民食所資貴固累民賤亦累商今確核成本每引賤價以五兩三錢餘爲率貴價以五兩七錢餘爲率商人計子母若令按本出售恐商力日絀轉運不前民亦所未便請每引酌給餘息二三錢疏下戶部議成本如所定至餘息已在成本內無庸酌給士林奏商人牟利運鹽不時至市值卽因之而長鹽政三保原議每引賤至六兩三錢餘貴至六兩五錢餘是實有餘息今臣所議已將餘息減除僅加息二三錢計售於民每斤增不過以毫計利已至薄祇以商本饒裕常年通算積少成多今不給餘息商情必生退阻倘漢口運鹽不繼恐准商困而楚民亦病也上特從之是歲徐海水災士林疏請治賑六年春復疏請酌借貧民穀麥汕縣災最重請發藩庫餘平銀糴米續賑別疏言江蘇社穀積貯無多去年秋成惟徐海被災餘俱豐稔

清史稿

列傳九十五

四

臣飭諸州縣勸捐十餘萬石仍戒勿強派勿限數勿差役滋擾上深嘉之尋以病請告溫旨慰留遣醫診視又疏言淮北被水二麥無收急宜撫卹臣不敢泥成例已先飭發庫帑賑濟俟察實成災分數具題上諭曰如此料理甚副朕視民如傷之念及秋病益甚疏請乞假且言母年八十三未能迎養睽違兩載寢食靡寧上允之行至淮安卒遺疏入上諭曰士林忠孝性成以母老遠離不受妻孥之養鞠躬盡瘁遂致沈疴及得假後力疾旋里以圖侍母臨終無一語及私勸朕以憂感危明之心爲長治久安之計此等良臣方資倚任乃今溘逝朕實切切含悲不能自己者也命祀京師賢良祠賜祭葬遺疏言故父之准母鞠氏孝養祖母侍病二十餘年歷久不懈懇賜表揚命予旌如例士林善治獄爲巡撫守令來謁輒具獄命擬判每誡之曰深文傷和姑息養奸夫律例猶本草其情事萬端如病者之經絡虛實不善用藥者殺人不善用律者亦如之凡讞定必先揣大略牌示始發繕文册吏不得因緣爲奸日治官文書至夜坐白木榻一燈熒然手批目覽雖除夕元辰弗輟愛民憂國惟日不足江南民尤德

之九年請祀蘇州名宦祠都縣部基臨汾王師與士林先後撫江蘇有清名基字學陞康熙六十年進士改庶吉士雍正三年授編修考選福建道御史巡中城止司坊官饋遺商市月椿錢釐積案奸宄惕息巡直隸順德大名廣平三府以廉勤飭使事遷戶科給事中命在上書房行走四遷國子監祭酒立教術五條勉生徒以正學歷右通政左僉都御史並仍兼祭酒十二年遷右副都御史擢吏部侍郎疏言強梗屬員以上官將子參劾輒先發制人往往參本未到揭帖已至質訊虛誣按律治罪上官已被其累請嗣後上官侍勢屬員受屈仍許直揭部科其有誣揭者於本罪外加重科斷議行尋兼翰林院掌院學士乾隆元年充博學鴻詞閱卷官出爲江蘇巡撫二年疏言江蘇各屬江海交錯全資水利運道官河及湖海鉅工自當發帑官修其支河汊港蓄水灌田向皆民力疏濬近悉請官帑似非執中無弊請將運河及江河湖海專資通洩之處仍發帑帑估修其餘河港圩岸令有司勸民以時疏濬修築庶公私兩益下部議從之時以治賑收捐基疏爭略言天下傳皇上新政首罷捐例今爲樂善好施之

清史稿

列傳九十五

五

例是開捐而巧更其名也周官荒政十二未聞乞靈于貨郎上命停止戶部持不可卒行之上以基題補按察使戴永椿知府王喬林石杰皆同鄉道員李梅實盧見曾皆同年不知避嫌嚴旨詰責基旋卒子鐸官檢討早卒孫洪賜舉人官至禮部侍郎亦有清名師字貞甫雍正八年進士以知縣發直隸十一年授元城知縣王勝疇蕪田數百畝歲有徵請除其累導民樹藝沙壤成沃歲稔不待請而賑調清苑遷冀州知州州民被誣爲殺人已定讞民所聘女警同死廉得實覆鞠雪其枉俾完娶累遷清河道從大學士高斌等規費直隸水利周歷保定河間天津正定諸地所學畫多被採用擢直隸按察使十一年遷浙江布政使調江蘇巡撫安甯劾解任又以按察使任內失察邪教降補天津道再授浙江布政使十五年擢江蘇巡撫免浦縣昭陽湖海地老荒麻地徵課尋卒子寶望自有傳

尹會一字元孚直隸博野人雍正二年進士分工部學習授主事選員外郎五年出爲襄陽知府漢水暴漲壞護城石堤會一督修建分極巡功民忘其勞朔

八蜡廟表諸葛亮所居山復為茅廬其上署荊州石首饑民聚衆揚言將劫倉穀會一單騎往諭繫其強悍者發倉穀次第散予之衆悅服九年調江南揚州知府治新舊城市河通舟楫濬城西蜀岡下河灌田疇十一年遷兩淮鹽運使新安定書院士興於學高宗即位就加僉都御史銜擢兩淮鹽政乾隆二年入覲命署廣東巡撫以母老辭調署河南巡撫河南方閔兩疏請緩徵並發倉平糶不拘存七糶三舊例視緩急為多寡上從之尋疏言力田貴乘天時河南民時宜播種尙正舉耜時宜耘耔始行播種臣擬分析種植先後刊諭老農督率勸勉如工本不敷許借倉穀秋後補還北方地闊一夫所耕自七八十畝至百餘畝力散工薄臣勸畝田主授田以三十畝為率分多種之田給無田之人則游民亦少河南多鹹鹼沙地墾去三尺則鹹少而潤澤臣責成鄉保就隙地植所宜木則地無曠土河南產木棉而商賈販於江南民家有機杼者百不得一擬動公項製造給領廣勸婦女互相仿倣上諭之曰酌量而行不可欲速不可終忘若民不樂從尤不可繩以法也旋命實授三年上以河南歲稔救籌備倉

清史稿

列傳九十五

六

穀會一疏言河南歲豐直隸江南歲歉商販紛集米價日昂臣飭有司本地價高於鄰縣買補鄰縣價高報明不數銀在各屬盈餘款內均撥河南民食麥為上高粱蕎麥豆次之臣並令參酌糶貯來春先儘糶借上嘉之四年黃河沁水共漲瀕河四十七州縣成災會一定賑恤規條十六無食者予一月之糧無居者予葺屋之資緩徵減糶留漕運貸倉米不足移他郡之粟助之富民周濟並假餘屋以棲貧竇建棚舍安流亡免米稅興工代賑種薯菁助民食助籽種施藥餌延諸生稽察又令離鄉求食者有司隨在廩給開以作業俟改歲東作資送還鄉御史宮煥文劾會一本年報盜百六十餘案秋審招册駁改至三十餘案疲玩貽誤上以會一忠厚謹慎非有心誤公召授左副都御史疏陳人主一言天下風耳目今方甄別年老不勝任之員而饒州知府張鍾以年老改部屬旬日間前後頓殊墜下無所法守上嘉納之會一母年七十餘疏請終養上知會一孝母母李先以節孝旌有賢名賜詩褒之會一在官有善政必歸美於母家居設義倉置義田興義學謂皆出母意母卒會一年已逾五十居喪一遵

古禮十一年服闋召授工部侍郎督江蘇學政十二年上敕各省學政按試時以御纂四經取與舊說別異處發問答不失指者童入學生補廩會一請令生童册報考試經解別期發問不在册報者不概補經解下部議行會一以江南文勝風以質行嘗謁東林道南祠刻小學頌示士子處士是鏡廬墓際舜山親訪之薦於朝侍郎方苞屏居清涼山徒步造訪執弟子禮校文詳慎上林悅服十三年轉吏部仍留學政任力疾按試至松江卒遺疏請任賢納諫巡撫雅爾哈善奏准入名宦祠子嘉銓自舉人授刑部主事再遷郎中授山東濟東道再遷甘肅布政使改大理寺卿休致乾隆四十六年上巡幸保定嘉銓遣其子齋奏為會一乞諡又請以湯斌范文程李光地顧八代張伯行及會一從祀孔子廟上責其謬妄逮至京師親鞠之坐極刑改絞死上以嘉銓自著年譜載與刑部簽商緩決並稱大學士為相國又編本朝名臣言行錄屢降旨深斥之王恕字中安四川銅梁人康熙六十年進士改庶吉士雍正元年吏部以員外郎缺員請以庶吉士揀補恕與焉旋自員外郎遷郎中考選廣西道御史轉兵

清史稿

列傳九十五

七

科給事中出為江南江安糧道再遷廣東布政使乾隆五年署福建巡撫上諭之曰勉力務實勿粉飾外觀封疆大吏不可徒自立無過之地遂謂可保祿全身也旋奏臣到任數月官方民俗積儲兵防已得其大略漳泉素刁悍已嚴諭有司動為聽斷力行整刷民俗尚華靡督臣德沛以儉樸化民臣更當倡導為助合省常平倉穀至四年歲終共存一百三十四萬又收捐監穀十五萬委道府切實察覈報聞六年奏言漳各縣最稱難治於繁缺知縣內揀選調補多以處分被駁請嗣後調補官員雖有經徵承追各案准予題調上諭曰用此定例則不可隨本奏請則可又奏各鄉社穀向俱借存寺廟請於四鄉村鎮適中處分建倉房工費即以社穀撥充俟將來續收補項又奏免崇安無田浮賦一千二百五十一頃及閩縣加徵無著學祖又奏福建多山田零星合計成畝嗣後民間開墾不及一畝與雖及一畝而地角山頭不相毗連者免其升科均從之實授巡撫江蘇布政使安擬條奏賑務上發各督撫察閱恕疏言救災之法有三曰賑曰糶曰借此三者實心辦理則益民奉行不善則害政以賑而論地

方有司於倉猝查報時分極貧次貧一有差等便啓弊端里甲於此酬恩恐肯役於此得上下而民之莫幸而生缺望者更不待言蓋貧富易辨極次難分如以有田爲次貧無田爲極貧一遇旱澇顆粒皆無有田與無田等也如以有家爲次貧無家爲極貧則無從得食相忍守饑完聚與焚獨同也與其倉猝分別開爭競之門莫如一視同仁絕覬覦之望臣愚以爲初賑似應一律散給加賑再行分別庶杜爭端以糶而論定例石減時價一錢俾小民升斗易求牙商居奇無望誠接濟良法乃有司每多請過減倘輕聽準行勢必希圖多糶規利者雲集喧囂且米價太賤商販不前臣請嗣後平糶仍照定例酌辦理使災民實沾升斗之惠而杜徒囤戶難行冒濫之姦以借而論動公家之銀爲百姓謀有無通匱乏此周官恤貧遺法也然使辦理未協則官民交累假如荒年田土無力耕種有司借給籽種猶可稔時即償若告貸銀米以給口食則必計其能還而後與之狡黠之流遂謂官有偏私不免造謠生事有司不得已略爲變通而無力還官差拘徵比民無安息是始則借不能遍因爭鬩而被刑繼則還不

清史稿

列傳九十五

八

能清迫追呼而更因名爲利民實爲病民且年久不清蒙恩豁免帑項終歸無著臣以爲與其借而無償莫如賑而不借此皆當先事而熟籌者也報聞旋以官按察使時刪改因供下吏部召詣京師上以恕居官賢否詢閩浙總督策楞又命新任巡撫劉於義考察策楞言恕操守廉潔老成持重惟職力不能堅定於表亦言恕廉潔百姓俱稱安靜和平絕無擾累惟不能振作上謂兩奏皆至公之論尋補浙江布政使旋卒恕治事不苟初授湖北糧道押運赴淮以船戶挾私讎自請總督糾劾任江安糧道整飭漕務尤有聲充福建鄉試監臨武生邱鵬飛以五經舉第一士論不平奏請覆試尋察出實使其弟代作更議降調上特寬之子汝璧字鎮之乾隆三十一年進士授吏部主事累遷郎中出爲直隸順德知府調保定因承審建昌盜馬十未親鞫奪官戍軍臺尋准贖罪降授同知署直隸宣化府同知累擢大名道嘉慶四年擢山東按察使五年遷江蘇布政使六年護理巡撫旋授安徽巡撫七年請增設潁州督捕同知湖廣總督吳熊光等奏湖廣需兵米請於安徽糶十萬石上以安徽方缺兩令酌量汝璧

奏湖廣軍需事要當如數撥運請視嘉慶二年例先運六萬石如所請尋奏太湖續報成災請緩徵並劾府縣勘報遲延上以督撫查辦災賑於奏報後續行查出災區往往廻護屬吏將小民疾苦置之不問汝璧獨據實參奏因深嘉之八年召授內閣學士擢禮部侍郎旋復授安徽巡撫九年召授兵部侍郎調刑部因病請解任十一年卒汝璧兄汝嘉後汝璧六年成進士官檢討方顯字周謨湖南巴陵人自歲貢生授湘鄉教諭稍遷廣西恭城知縣雍正四年詔諸行省舉賢能吏布政使黃叔琬以顯應超擢貴州鎮遠知府值歲饑捐俸煮粥食饑民頌之總督鄂爾泰議開苗疆改土歸流雲南東川烏蒙鎮雄諸土府既內屬貴州苗未服貴州苗大者南曰古州曰八寨西南曰丹江東北曰九股曰清水江九股清水江界鎮遠丹江界凱里八寨界都勻古州界黎平參錯萬山中地方三千里衆數十萬恒出剽掠鄂爾泰召顯問狀顯力言宜如雲南例改土歸流則與撫宜孰施對曰二者宜並施第先撫後剿既則仍歸於撫耳因條上十六事曰別良頑審先後禁騷擾耐繁難防邀截戒姑息宥

清史稿

列傳九十五

九

脅從除漢奸繳軍器編戶口輕錢糧簡條約設重兵建城垣分塘汛疏河道各爲之說甚備鄂爾泰聽之檄按察使張廣泗招撫古州丹江八寨諸苗而以九股清水江諸苗屬顯六年顯自梁上進次挨磨者磨再進次柏枝坪宣諭諸苗撫定清水江生苗七寨九股屬陶賴生苗十三寨施乘有盜匿台拱農二寨副將張尙謨捕不得欲屠之苗懼逃林谷將爲變顯聞之曰如此則諸苗人人自危獨馳入苗寨寨空無人顯則宿寨中翌旦張蓋出令從者繞林谷呼苗出撫諭之曰汝曹速歸寨即良民天子必不殺良民苗感泣相率歸寨顯宿寨中三日苗縛施乘盜以獻七年三月廣泗以清水江南岸諸寨尙懷觀望檄顯與尙謨率兵循北岸徵巡次柳羅南岸公鵝柳利雞擺尾諸寨苗渡江來攻顯督兵禦之殺數十人苗衆帥寡尙謨欲引退顯不可固守待援廣泗師至圍乃解廣泗用顯議散諸寨專攻公鵝破之諸寨皆聽命鄂爾泰奏置貴東道即以命顯仍駐兵清江顯申軍令誓將士毋掠毋淫毋踐田殺苗民有來愬者爲處其曲直

乃益築城郭建官廨治嚴營房苗民競來助役九年諸工竟顯巡行視塘汛黔楚商船上下相接苗民皆悅服事粗定尋授顯按察使台拱者苗中扼要地也鄂爾泰議置營於此十年巡撫張廣泗奏請顯董其事秋羊翁烏羅桃賴諸寨苗為亂九股諸苗附之攻台拱顯與總兵趙文英嚴為備擊走之進破羊翁寨苗夜至顯以兵少令人懸兩柱香手之為火繩狀以怖苗苗走退踞排略排略者台拱隘我師餉道所必經台拱師僅二千五百人苗數萬援兵再敗自賊始攻或欲棄之走顯拒之及圍久糧盡幸馬以食迫冬寒眾洶洶不自保議潰圍退保下乘顯曰台拱失古州清江諸寨皆煽動苟免失臣節機敗損國威事急死此耳眾感奮會總兵崔昇援至苗奪我後山樵路絕顯夜出兵奪以還苗攻益急顯怒馬擊之眾殊死戰苗敗走乘勝拔烏孟井底二寨取米穀餉軍昇兵亦克大關入顯率兵出夾擊苗大潰凡堅守六十九日而圍解提督哈元生師繼至破蓮花聖悍苗九股苗復定自鄂爾泰議開貴州苗疆事發於廣泗而策決於顯卒終始其事崎嶇前後七年而事集乾隆元年丁母憂去官三年服

清史稿

列傳九十五

十

除授四川布政使四年署巡撫大小金川雜谷梭磨沃日革什咱諸土司相仇殺顯遣人諭之和解議者欲乘此視雲南貴州例令改土歸流顯疏言雜谷梭磨吐番後裔其巢穴在唐為維州戶口十餘萬金川與接壤戶口不過數萬雜谷懽金川之強金川則畏雜谷之眾彼此制邊境又安固不可任其爭競亦不可強其和協沿邊生番留之可為內地捍衛從前川省調用土兵亦供發至其同類操戈原未擾及內地前經化誨亦尚稟遵設欲改土歸流非惟彈丸土司無裨尺寸且所給印信號紙一經追取即成無統屬之生番稍有違抗又費經營奏入上以所見甚是褒之寢前議未行旋與總督鄂爾達提督鄭文煥疏言小金川與雜谷梭磨畫界以所侵必色多六寨歸雜谷梭磨又與沃日畫界以隴堡等三寨隸沃日美因等二寨隸小金川大金川與革什咱二土司構爭檄建昌道李學裕開諭革什咱建轉經樓訊大金川令即燬除大金川亦歸所侵蓋古地邊外諸土司亂悉平鄂爾泰克番為亂走匿色利溝遣兵圍捕土酋蒙柯縱使走顯令總兵潘紹周按治奏聞上諭曰此等事汝固應就近料理

亦當與總督熟商總督黃廷桂也四川亂民號囓嚙子為民害顯疏言四川自明末兵燹屠戮殆盡我朝戡定後各省移民來者多失業之民奸頑聚集有所謂囃嚙子結連黨羽暗藏刀斧晝夜盜劫臣嚴諭捕治並令編保甲整塘汛以清其源得旨實力奉行母視為虛文五年授廣西巡撫時顯方病目聞命赴新任上嘉其急公旋請回籍調理上慰留之六年顯病目未愈命太醫院選眼科馳往醫治尋以疾亟請告回里卒顯莅政明而恕文煥嘗奏顯爽直坦白政治勤敏遇事彼此悉心商榷推誠共濟上嘉文煥論甚正顯嘗奏薦學裕因及夔州知府崔景俊賦性巧滑以其悛改姑從寬恕上諭曰似此考察屬吏且有過錄長得用人之要矣桂顯子字友蘭從顯平貴州苗有功議叙父喪終以知縣發廣東補英德調潮陽以善折獄名舉卓異擢雲南昆陽知州署安甯乾隆二十年擢臨安知府署江蘇調東川丁母憂服除授甘肅鞏昌知府鞏昌及平涼慶陽三府饑詔發西安藩庫銀六十萬治賑大吏檄桂任其事至平涼饑民待食急適部撥城工銀三十萬先至桂以便宜留治賑饑民賴以全二十三年遷

清史稿

列傳九十五

十一

浙江軍紹台道故事定海戰艦九歲更造則移致甯波船廠取其值輸之官名曰折變奉檄裁戰艦桂請視時值倍之部駁坐短估成伊黎三十七年放還卒馮光裕字叔益山西代州人康熙五十年舉人雍正元年以薦授雲南大姚知縣大姚賦少而耗重積逋數萬光裕不取耗視負尤多者誨責之逋賦悉清民以耗重故輒寄大戶造偽券占田吏毀其籍光裕檢毀未盡者贖之按牒辨其偽歸田故主民尤頌之遷貴州銅仁同知赴闕引見時古州苗方亂世宗詢及之光裕對苗不可盡殺宜隨機化導令歸版圖上聽其言既行擢思州知府未任改雲南永北永北介金沙江外與四川連界苗獠窟其中有事則兩界相誘總督鄂爾泰命往勘光裕輕騎往獠從谷中出挺刃相向光裕策馬前諭以利害獠雜拜聽命各散去鄂爾泰疏請改知麗江仍兼理永北事未幾擢驛鹽道八年東川烏蒙獠叛鄂爾泰檄光裕會鎮將討平之擢按察使烏蒙俘七千人語不可通譯者而謾莫能詰光裕集羣譯於使院分室居之訊一人經數譯乃得其情獠姓名多同為編次年覘驗決無誤省釋者甚衆廣西州民李天保以

邪教聚衆殆千人檄光裕按治光裕曰愚民茹蔬奉佛非有異志薄其罪焚籍置不問十一年擢貴州布政使十三年古州苗叛都江清江入寨丹江台拱諸新附苗皆應師討之光裕督餉令民應役厚與直行得械自衛募熟苗爲助畀以木符戒官兵無妄殺皆踴躍應募師集十餘萬皆得宿飽軍罷民被兵者無所棲止給草舍居之賦以衣食復業者二十餘萬戶貴州賦銀八萬八千米十五萬五千光裕奏請蠲免高宗卽命被兵地停徵三年又奏古州丹江諸苗勦除殆盡荒田空蕪遠近相望當募民居苗寨墾苗田設屯置衛行保甲法授降苗所納軍器俾農隙講肄以壯聲援省餉餉得旨允行乾隆四年擢湖南巡撫鎮守紅苗叛光裕督兵捕治不三月而平疾乞假聞城步綏甯苗復勾結粵僮爲亂密咨兩廣總督籌協捕尋卒遺疏猶言二縣困於兵請免今年租上從其請子祁乾隆二年進士官編修係廷承舉人以廕生授光祿寺署正官至湖北按察使

清史稿

列傳九十五

十二

楊錫綬字方來江西清江人雍正五年進士授吏部主事累遷郎中考選貴州道御史十年授廣東肇羅道肇慶瀕海藉團基衛田歲親蒞修築終任無水患乾隆元年署廣西布政使尋實授請禁州縣以土產餽上官六年授廣西巡撫貴州土苗石金元爲亂焚永從縣治會貴州湖廣兵勦擒之既而遷江土苗復爲亂謀犯思恩府檄兵往捕得其渠李尙彩及其黨八十餘七年奏言廣西未行保甲苗獠雖殊種多聚族而居原有頭人略諳事體請因其舊制寓以稽覈苗獠狎獵各就其俗爲變通詔嘉之尋又奏言設兵以衛民乃反以累民城守兵欺凌負販攫取薪蔬塘汛兵驅役村莊恣爲飲博臣於撫標訪察懲治請敕封疆大臣共相釐剔得旨允行八年梧州知府戴肇名僮人蔭詭其名曰長生果卻之具以聞上諭曰汝可謂不愧四知矣廣西民有逃入安南者捕得下諸獄疏聞上命重處錫綬卽杖殺之上諭曰朕前批示令其具職明正典刑乃錫綬誤會卽斃杖下此皆當死罪人設使不應死者死則死者不可復生矣下部議處九年授禮部侍郎十年授湖南巡撫奏言周禮遂人治野百里之間爲澗者一爲澗者百爲澗者萬指管隸之地以爲溝澗誠以蓄洩有時則旱潦不爲

患所乘小所利大也後世阡陌既開溝澗雖廢然陂澤池塘尙與田畝相依近水則腹遠水則瘠湖南濱臨洞庭愚民昧于遠計往往廢水利而圖田工甚至數畝之塘培土改田一灣之澗絕流種畝徒狃於兩陽時若以爲無害不知偶值旱澇得不償失且溪澗之水遠近所資若截壑爲田則上溢下漫無不受累官吏以改則陞科爲勳墾之功亦復貪利忘害溝澗遂致盡廢臣以爲關係水利當以地予水而後水不爲害田亦受益請敕各省督撫凡有池塘陂澤處所嚴禁改壑上以各省米價騰貴諭各督撫體察陳奏錫綬疏言米貴由於積漸上諭謂處處積貯年年採買民間所出半入倉庾此爲米貴之一端臣生長鄉村世勤耕作見康熙間石不過二三錢雍正間需四五錢今則五六錢戶口多則需穀多價亦逐漸加增國初人經離亂俗尙樸醇數十年後漸習奢靡揭借爲常力田不給甫屆冬春農糶於市穀乃愈乏承平既久地值日高貧民賣田既賣無力復買田歸富戶十之五六富戶穀不輕售市者多而售者寡其值安得不增臣以爲生齒滋繁無可議者田歸富戶非均田不可今難以施行風

清史稿

列傳九十五

十三

俗奢靡止可徐徐化導不能遽收其效至常平積貯當以足敷賑濟而止不必過多目今養民之政尤宜專意講求水利使蓄洩有備偏災不能爲患以期產穀之多未必非補救米貴之一道也疏入上均嘉納焉丁父憂服闋十五年授刑部侍郎仍授湖南巡撫丁母憂服闋十八年仍授湖南巡撫擢左都御史十九年署吏部尙書禮部侍郎張泰開保同部侍郎一桂子志伊爲國子監學錄下吏部議處議未當責錫綬曲庇下都察院議奪官命留任二十年復署湖南巡撫授禮部尙書二十一年署山東巡撫二十二年授漕運總督疏請豁興武江淮二衛旗丁欠繳清項上責其沽名命以養廉代償二十三年疏言屯田取贖宜寬年限價百金以上許三年交價價足田卽歸船旗丁交兌不足名曰掛欠應由坐糧廳限追懲治督運官以下有一丁掛欠卽停其議叙旗丁改倉新丁但交錢糧槓索價值舊丁公私欠項不得勒新丁接受水次兌清令倉役執斛旗丁執槩江淮興武二衛連丁運糧快丁駕船應循例並僉不得避運就快上諭曰此奏確有所見下部議從之二十五年疏言自開中河漕艘得避黃

河之險獨江北長淮等幫以在徐州交兌不能避險請令改泊阜河并丁詣徐州受兌州縣代雇制船轉運過壩上從之尋以錫紱實心治事命免以養廉代償清項二十六年疏言運前州糧船自甯河轉入寶坻由白龍港劉家莊達蘇州水道淤淺請責成官為疏濬又疏言板開臨清天津三關尚沿明制漕艘給發限單應請裁革州縣收漕如有撓難潮潤糧道察出本管知府視徇庇劣員例議處軍丁兼充書役一體句僉頭舵水手受雇領費輒復潛逃請發邊遠充軍上諭曰所奏俱可行從之加太子少師二十八年加太子太保二十九年疏言軍民戶籍各分既隸軍籍即應聽命辦運乃官家富戶百計圖避所僉皆無力窮民情理未得其平嗣後如僉報後辨訴審虛參劾治罪上諭曰錫紱此奏破略徇之習如所議行並下部議叙又疏言糧艘例禁私鹽道經揚州總督鹽政及臣各專委督察乃又有淮揚道揚州游擊守備江都甘泉兩縣各差兵役搜查糧艘因之羸阻如江廣幫為通漕殿後過揚州已在冬令尤為苦累臣思事權宜歸於一請專聽總督鹽政委員督察餘悉停止上諭曰所奏是下部議

清史稿 列傳九十五 十四

行三十年疏言駱馬湖蓄水相傳專濟江廣重運今歲幫船阻滯先開柳園隄口運河水長江浙得遂得進行次開王家溝口江廣幫至湖水未嘗告竭每歲沂水自湖而下為海州沭陽水患若於四五月間引湖濟運亦減海州沭陽水患一舉兩利從之二十三年卒賜祭葬諭勤懇錫級官漕督十二年編輯漕運全書黃登賢代為漕督表上之自後任漕政者上輒命遵錫級舊章

潘思榘字絮方江南陽湖人雍正二年進士改庶吉士三年分刑部學習六年補主事累遷郎中八年授廣東南雄知府驟雨水溢郊野成巨浸露宿於野督吏卒治役拯溺出金燧死贈生生活民無算十二年遷海南道滑瓊州西湖深入五指山安輯黎衆勦守將之殘黎民者調糧驛道乾隆四年遷按察使懲貪鉅猾理冤獄尤多民以早糾衆入市掠奪思榘方被疾強起坐堂皇立捕數十人杖以徇事乃定疏言廣東有狼狽黎二種狼世居茂名今附民籍讀書應試如平民狽亦輸稅歸誠設孺童義學為訓課惟黎僻處海南崖嶺萬陵水昌化感恩定安七州縣為最多生黎居深山熟黎錯居民間相往來語言相習請於此

七州縣視孺童例設義學擇師教誨能通文義者許應試部議從之七年遷浙江布政使八年疏言常平倉穀春發秋歛但收成有遲早俗所謂青黃不接有司不接緩急甫春開糶牙行囤積吏胥侵漁民未嘗實惠而穀已出逾額且減價過多迨秋成買補非存價觀望冀省耗折即抑派爭買致昂市價請定浙東諸府以四月浙西諸府以六月發糶價平即止上以因時制宜許之又疏言浙江土狹民稠全資溪湖容蓄灌溉乃民間占墾甚多如餘杭南湖會稽鑑湖上虞夏蓋湖餘姚姚汝仇湖慈谿湖向稱巨浸今已彌望山疇殊妨水利嗣後報墾田地當責有司親勘果非官湖方准升科查勘不實嚴定處分下廷臣議行秋金衢嚴三府被水旁溢抗湖紹三府漂流人畜無算思榘出臨江千處分賑事蕭山民洶洶欲渡江思榘曰民饑當哺則亂民耳嚴治之自是無敢譁者思榘再疏聞上諭曰今歲浙江災巡撫常安有諱災之意汝為其難矣十一年授安徽巡撫河決鳳陽頻測諸府州災尤重思榘請加賑按行督察犯風渡洪澤舟艘覆十二年疏請調濟災區略言鳳嶺民習惰惰臣上年徧歷查勘方冬水

清史稿 列傳九十五 十五

落二麥已播種而民不知糶勸培壅所過村落林木甚稀蔬圃亦少臣令有司審察桑麻蔬麻凡可佐小民日食之用者隨宜試種鳳嶺地分三等岡地最高湖地稍低灣地最下灣地連大河水發難施人力湖地則外仰中低積潦為湖下流疏洩即可洩出栽種岡地水雖不及而絕少灣池交秋缺雨即患曠乾間有傍山麓而為陂塘如壽州安豐塘懷遠郭陂塘鳳陽六塘均應及時修築與其因災動帑鉅萬何如平時酌動數百金陸續培治民間減荒歉多收成朝廷亦省帑金縱遇偏災亦可以工代賑鳳嶺民好轉徙豐年秋成事畢二麥已種輒攜家外出春熟方歸遇災留一二人在家領賑餘又潛往鄰境俗謂在家領賑為大糧在外留養為小糧沿途資送為行糧至有一家領三糧者本業拋荒人無固志應令有司嚴察流民過境實係被災方准資送藉端生事者究懲奏入上諭曰此乃固本之事歷來無有言及此者朕甚嘉悅為尋調福建巡撫未行疏請安徽學田四田義田三項視江蘇免學租例子以蠲免下軍機大臣察議以江蘇無免學租例上責思榘沽名干譽博去後之恩命出資修涿州城工

示罰十三年疏言福建自乾隆元年至十一年積欠錢糧正設法清釐民間田業授受往往不及推勘過割糧從田出既有賠糧之戶卽有無糧之田豈可使得業者任其脫漏無業者代其追比當飭有司確察務使糧歸於田十四年復疏言臣清察積欠一在屯田戶名不清一在寺田租賦不一自順治間裁併衛所名雖軍戶實係民耕乃糧册仍列故軍姓名致難催比應令嚴實更正寺田始自明季僧民相雜輒稱寺廢僧逃藉詞通賦應令分析寺已廢者官爲經理上命實力爲之別疏言福州城外西湖爲東晉郡守嚴高所開周二十餘里蓄水溉田年久淤墊臣勸導疏濬並築堤建閘又福清郡官港法海埔俱有海灘淤地臣令築堤招墾得地二千一百餘畝上獎諭之思渠蒞政精勤盡見官屬夜披案牘早潦必撫恤民賑以關訟相尙多去爲盜廉得名飭有司捕治又以農隙巡行海防周閱戰艦朔望入書院與諸生講說經藝如是者以爲常積勞疾作不少止十七年卒上命用江蘇巡撫徐士林例祀京師賢良祠予卹視一品賜祭葬諡敏惠

清史稿

列傳九十五

十六

胡寶瑒字泰舒江南歙縣人父廷對管官婁縣訓導因居青浦寶瑒雍正元年舉人乾隆二年考授內閣中書充軍機處章京六年大學士查郎阿侍郎阿里衮清察黑龍江吉林烏喇開墾地畝以寶瑒從八年遷侍讀考選福建道御史是歲直隸旱上命治賑寶瑒疏言直隸被旱民多流亡請敕總督宣示上意使民靜以侍賑流民願歸耕而無力得歸者資送還里俾及時藝麥於來歲民食有益九年上命大學士訥親閱河南山東江南諸省營伍寶瑒疏言營伍積玩器械堅脆糧馬盈虧各處不一勢必聞風修整買補不肖營員或藉端苛派或坐扣月糧請敕督撫提鎮嚴飭查察十年山東江南水災寶瑒疏言方冬水涸應勸諭農民引流赴壑俾田不久浸以便春耕尤當預防蟄子諸疏皆議行十一年轉戶科給事中遷順天府府丞大學士傅恒視師金川以寶瑒從授府尹歷宗人府承左副都御史擢兵部侍郎兼府尹如故河南民傳訛告張天重謀逆遣寶瑒按治械俊服誣論如律十七年署山西巡撫十八年實授撫饑民理冤獄劾貪吏整關隘防諸政並舉尋調湖南十九年奏言郴桂二州銅鉛

礦委員董理一年而代礦爲弊較代者必數月乃能明察此數月中欺蒙隱漏已自不少請做臺灣瓊州例令新舊協辦數月得旨允行二十年調江西二十一年疏言廣信銅塘山勘明無可鑿之地無可用之材無可煎之礦請永行封禁二十二年疏言豐城隄工最要石隄官修土隄民修向設里夫行之已久黠者避役貧者誤工復改爲折徵請按田均隄附清糧徵收有田始有糧有糧始有夫圩長無從侵冒工程乃可永固均如所請行復調河南河隄決山東河南安徽諸州縣多積水上遣侍郎裘曰修會諸省督撫疏治寶瑒與曰修會勘疏言河南幹河有四賈魯惠濟滑河巴溝巴溝在商邱爲豐樂河在夏邑爲響河在永城爲巴河今擬疏濬加寬深以最低處爲率惠濟上游在中牟祥符諸縣下游在柘城鹿邑諸縣今亦擬加寬深以六七丈爲率賈魯自中牟以下有惠濟分流自朱仙鎮以下截沙灣塞決口拓舊隄滑河自通許青岡爲燕城河上游應加寬下游應加深鹿邑以下本已寬深當增築月隄支河應濬者商邱北沙洪溝二河爲支中之幹餘大小支河分要工次工緩工次第興修二十三年

清史稿

列傳九十五

十七

上諭曰河南災區積困寶瑒不辭勞瘁能體朕意盡力調劑以蘇窮民甚可嘉也尋加太子少傅諸工皆竟上御製中州治河碑褒寶瑒曰修語並見曰修傳二十五年疏言河北諸水衛河爲大雍正間河督嵇曾筠於汲淇滑湯陰內黃諸縣建草壩二十六今已漸次淤墊臣相度疏築俾一律深通請定爲三年一小修五年一大修上可其奏是冬調江西二十六年河決楊橋復調還河南疏言賈魯惠濟二河在中牟境內逼近楊橋買魯受黃水南徙至祥符時家岡仍入故道今已成河當將分者截之使合淺者疏之使深兩岸多挑渠港增築隄堰自成河道惠濟自兩閘至岡頭橋已淤斷而岡頭橋至十里坡買魯河不過四五里卽於十里坡建滾水壩導由岡頭橋入惠濟以分賈魯之勢而惠濟已復故道上褒爲事半功倍二十七年寶瑒疾作請解任上諭曰此奏甚非朕之所望安心靜攝以慰屢念遣醫馳驛診視疏言溝渠與河道相爲表裏臣於二十三年河工告竣卽督令州縣經理溝洫每一州縣中開溝自十數道至百數十道長自里許至數十里寬自數尺至數丈皆以足資善洩爲度驛路通衢並

北巡撫張楷互調時報新開井七萬餘上令楷察勘楷言民間食其利者三萬二千餘遇旱井效乃見民益私鑿井歲歲增廣矣紀至湖北自陳不職部議降調上諭曰紀在陝西鑿井灌田料理未善致反貽民累惟其本意為民命從寬留任五年總督德沛劾紀以公使錢界護糧道崔乃鏞上又聞紀以准鹽到運令民間暫食私鹽諭紀自列紀疏辨下部議降調六年再授祭酒九年督江蘇學政以父喪歸十四年起授山東布政使以東省貧民借官穀累百萬石請視部定價石六錢收折色紆民力十五年命以副都御史銜再督江蘇學政力疾按試旋卒紀潛心理學上亦聞之再任祭酒召見命作太極圖說歷官所至以教養為先遇事有不可輒輒然曰士君子當引君當道奈何若是

喀爾吉善字濟園伊爾根覺羅氏滿洲正黃旗人先世居瓦爾喀有赫臣者當太祖創業時來歸授牛永額真使葉赫葉赫部長金台石使人戕之太祖滅葉赫令其子克宜福手刃其仇以祭克宜福從軍有功世職至三等阿達哈哈番克宜福子喀爾吉善至正黃旗副都統孫凱里布官至吏部尚書皆襲世職喀

清史稿

列傳九十六

十一

爾吉善降襲拜他喇布勒哈香授上駟院員外郎歷工部郎中兼襲世管佐領雍正六年命借通政使留保如廣東按察巡撫阿克敦等被劾狀八年擢兵部額外侍郎九年授侍郎十三年以驗馬不實奪官令往盛京收糧乾隆元年超廢籍命管團圍八旗兵丁復往盛京收糧奏禁八旗臺站官兵與朝鮮貿易上諭曰官兵不暇貿易亦不諳貿易當令商民與互市務均平交易毋抑價母強索三年擢內閣學士遷戶部侍郎協理步軍統領利名事務調吏部四年命兼管三庫五年授山西巡撫上聞山西布政使薩哈訥等政哈爾欽皆貪婪詢喀爾吉善喀爾吉善疏劾命侍郎楊嗣瑗會鞠論如律上以喀爾吉善不即劾下部議奪官命寬之又劾河東鹽政白起圖貪婪白起圖疏辨命副都統塞楞額往鞠論如律七年調安徽八年復調山東疏言山東歲饑民多流亡而鄰省貧民亦有轉入山東覓食者請飭官吏勸各回故土以待治賑上諭曰所見甚得體各省督撫當於平居無事時委曲開導使知敦本務實力田逢年若輕棄其鄉本業既荒無所依倚卽國家收養資送亦不得已之舉非可恃為長策也

又以濟南武定東昌三府遇旱濟南東昌府倉存穀糧急可相通武定無倉請撥登萊二府倉穀以濟民食九年疏言方春糧價賤貴貧民艱食請酌量減糶又言山東兵米本折兼支春季價昂支折色秋季價減支本色請春秋二季本折更換又請修德州海豐惠民樂陵城工以代賑復以濟南武定諸屬縣麥復不登令於曹沂諸府豐收之區採買接濟上皆允之直隸藁城知縣高對請開臨淄卽墨平陰泰安沂費滕嶧諸縣銀銅鉛鐵各礦事下喀爾吉善勸奏言東省拱衛神京地跨四府八縣形勢聯屬礦利久經封禁未便開採利之所在眾必共趨恐濟武災區沂曹盜賊別生事端應仍封禁上亦如其請十一年遷閩浙總督臺灣生番為亂遣兵討之奏言臺灣流民口多匪類肆竊甚或恣行不法民間謂為閩棍請令竊案再犯及閩棍治罪後並逐回內地又請在臺人民迎取眷屬限一年給照過臺浙江處州總兵苗國琮請於官山種樹儲戰船桅木之用下喀爾吉善勸奏言令有司種樹須先糜帑且必百十年後始中繩墨日久稽察非易不若許民自種在官不費經營而巨材可獲實用從之疏

清史稿

列傳九十六

三

劾浙江巡撫常安貪婪命大學士訥親往鞠得實論如律詔嘉其公道加太子少保疏言甯海東湖舊與海通宋後失修飭府縣察形勢土性導士民輸資築堤撥為世業定限升科上諭曰勸課農桑興修水利務本之圖也欣悅覽之十五年加兵部尚書銜十六年上南巡巡江蘇積逋二百餘萬浙省無通賦亦特蠲本年正賦三十萬製詩褒之十七年以年老乞休溫詔慰留疏言閩省產米少本歲豐稔宜為儲備前見存倉穀不及半者令購足數已及半而本地穀賤亦以原存贖價買補上是之漳州民蔡榮祖謀亂事泄捕獲實之法與議叙十九年加太子太保上以八旗生齒日繁許在京漢軍改入民籍推行於各省喀爾吉善與福州將軍新柱疏言漢軍願為民無問世族別散許入民籍如別無生計坐補綠營糧缺所遺馬步甲以滿洲兵坐補二十二年秋病瘍遣醫借其子定敏馳視賜人蔭未幾卒賜祭葬諡莊恪定長喀爾吉善子初授內閣中書遷侍讀擢江南徐州知府四遷至巡撫歷安徽廣西山西貴州諸省十八年湖廣總督永常奏請於鄰省會酌定長奏貴州與鄰省聯界苗夷環處遠行會哨

苗性多猜或滋事變請停止從之二十年題請原任黔西知州黃秉忠入祀名
官上以秉忠為總督廷桂父際徇市恩降旨嚴斥二十二年上南巡請入覲命
便道省喀爾吉善賜詩褒寵尋命與尚書劉統勳按雲貴總督何文食雙狀即
命署雲貴總督調山西巡撫未之任丁父憂旋授副都統銜往西路軍管督屯
田事補兵部侍郎授福建巡撫遼湖廣總督二十三年卒諭部議卹尋署總督
高晉劾荆州副都統石亮衰庸上責定長徇庇罷卹典鄂雲布喀爾吉善係初
授筆帖式三邊工科給事中嘉慶元年授陝西漢中知府上以鄂雲布喀爾吉
善係家風具在卽擢甘肅西甯道再遷江蘇布政使護安徽巡撫旋以秋審諸
案原擬擬決刑部多改情實責鄂雲布寬縱下吏部議降調命留任尋遷貴州
巡撫年老召還鄂雲布聞命卽行上聞之不懌下吏部議奪官授筆帖式賞藍
翎侍衛充葉爾羌辦事大臣旋卒

雅爾圖蒙古鑲黃旗人雍正四年自筆帖式入資授主事分工部再遷郎中十
三年授鑲藍旗滿洲副都統乾隆元年疏言京員無養廉請將戶部餘平銀給

清史稿

列傳九十六

四

部院辦事官八旗參佐等員視步軍營例子空糧知所議師征準噶爾授參贊
大臣三年命暫管定邊副將軍印四年召授左副都御史邊兵部侍郎河南新
鄉民及伊陽教匪為亂命往按治就授河南巡撫疏言河南多盜不逞之民陰
為之主俗謂窩家保甲甲長等畏窩家甚於官法大河以南深山遂谷民以防
鳥獸為名皆有刀械惑於邪教懷私角鬪何所不為如梁朝鳳梁周張住等輩
黨類甚多愚民易遭煽惑與其發覺後盡置諸法何如於未發覺前設法銷散
文武會遣兵役搜查仍令自首免罪又言各省提鎮以下官皆有伴檔兵丁及
各色工匠一營有數名虛糧印少數名額兵請照官級核定數目不得虛估兵
額俱下部議行五年奏報捕得女教匪首一枝花命議叙尋諭河南止設河北
南陽二鎮與巡撫不相統屬視山西例兼提督銜疏陳整飭營務足兵額勤差
操明官訓練技藝整軍械重兵食驗馬匹謹守望嚴約束並請以州縣民壯之
半交駐防汛弁操練並戒兵民和衷不得偏袒平時試習騎射期於嫻熟俱如
所請行三年疏言河南上年雨省城多積水臣令淺處浚深窄處開寬為合

城受水之區通溝建閘時其蓄洩養魚植木以利民用又言河南上年被水奉
命省城乾河灘及淮頓汝蔡各水目前二麥成熟農務正殷餘請概停開浚
上從之又奏言現獲盜百餘多係鄰省人臣迭飭員弁分路訪緝出省捕盜例
須赴地方官挂號盜聞而潛逃請得逕行往捕上命勉為之六年又奏言河南
界連五省西南伏生嵩山桐柏等山支幹交錯地多林木易於藏盜請每歲秋
冬與聯界各省文武訂期巡察上命如所請行七年奏言開歸等處積水無妨
田畝上責其掩飾尋又奏河南地卑土鬆水利誠不如東南之通達開歸等處
地當下游夏秋大雨澗水匯注積水未消多係鄰近黃河州縣歷來豁免錢糧
於民生並無妨礙且土性鹹鹼難以種植未便一律疏洩以損田廬上諭曰實
難宜洩朕不怪汝若避而為飾辭則不可八年奏自陳懇直致被人言上諭曰
汝必欲以豐年為政效水旱漠不關心此奏殊屬客氣命來京改授鑲藍旗滿
洲副都統授刑部侍郎調吏部十二年命往山西按治安邑萬泉民亂中途稱
病上責其逗遛命解任尋起授內閣侍讀學士復擢兵部侍郎十三年調倉場

清史稿

列傳九十六

五

侍郎兼正紅旗滿洲副都統迭署戶部侍郎步軍統領十八年因疾解任三十
二年卒
晏斯盛字虞際江西新喻人康熙五十九年舉鄉試第一六十年成進士改庶
吉士雍正元年授檢討五年考選山西道御史鑲紅旗巡役以斯盛從騎驚突
拘辱之斯盛以聞命治罪疏言各州縣立社倉原以通濟豐歉貧民借穀石收
息十升如遇歉當不取其息從之九年督貴州學政遷鴻臚寺少卿乾隆元年
擢安徽布政使奏言各省水旱災督撫題報應卹遺員發倉穀治賑仍於四十
五日限內題明應否加賑其當免錢糧將丁銀統入地糧數算限兩月題報或
分年帶徵或按分蠲免請旨遵行三年疏言安徽被災州縣倉儲不敷賑糶請
留未被災州縣漕米備賑四年言江北向多遊食之人每遇歲歲輕去其鄉惟
寓賑於工人必爭趨鳳陽宿州以淮水為經廬州以巢湖為緯六安滁泗舊有
隄堰請援淮揚水利例動帑修濬皆從之七年擢山東巡撫山東有老瓜賊巡
撫朱定元令汛兵巡大道斯盛疏言賊情狡獪大道巡嚴必潛移僻路或假僧

道技流伏匿村落應令州縣督佐維分地巡察又奏邪教惑民莫如創立教會
陽修善事此倡彼和日傳日廣大為風教之害盡法深求株連蔓延恐生事端
請將叔教授徒為首者如法捕治被誘者海懲出首者免究上從其請尋以萊
州被水請暫禁米出海上諭曰此不過屬吏為一郡一邑之說汝等封疆大吏
不可存過轍之心若無米可販百姓自不運何待汝等禁乎又言兗沂等府州
被水而江南饑民復至疏請無災州縣留養限五百人有災州縣限二三百人
上命實力料理八年調湖北巡撫九年遷戶部侍郎仍留任斯盛究心民事屢
陳救濟民食諸疏以社會保甲相為經緯因言周禮族師遂人之法稽其實則
井田為之經蓋就相生相養之地而行政教法令於其中是以習其事而不覺
久於其道而不變周衰管子作軌里連鄉小治而未大效秦漢隋唐龐雜無紀
宋熙寧中編閭里之戶為保甲事本近古然亦第相保相受而未得其相生相
養之經臣前奏推廣社會之法請按堡設倉使人有所恃安土重遷保甲聯比
相為經緯顧欲各堡一倉倉積穀三千一時既有難行而入穀之數則變通於

清史稿

列傳九十六

六

額賦之中別分本折稍覺紛更雖然社會保甲原有相通之理亦有兼及之勢
求備誠難試行或易加意倉儲既慮貴糶妨民停止采買又慮積貯無資詳加
酌劑擬請停戶部指銀之例令各省指監于本地交納本色以本地之穀實本
地之倉備本地之用不采買而倉儲自充誠為兼濟之道竊謂常平之積便於
城未甚便於鄉城積多則責之也專而無能之吏或以為累鄉積多則守之者
眾而當社之民可以分勞且社會未有實際以倉費無所出也名有社會而倉
不在社實無倉往往然矣今捐穀多在於鄉而例又議有倉費擬請將此項
捐納移入社會捐多則倉亦多取鄉保穀數而約舉之大州縣八十堡四堡一
倉倉一千二百五十石總二萬五千石中小州縣以此類推儲蓄之方莫便於
此方今治平日久一甲中不少良善四堡之倉輪推甲長遞管互相稽覈年清
年款則社長累弊自除而官考其成隱然有上下相維之勢矣奏入上嘉納之
十年進喜雨詩四章用其韻賜答京師錢貴上令廷臣議平市值下各督撫做
行斯盛疏請視京師例禁民間銅鋪燬錢又令州縣每歲秋以平糶錢市穀時

設局令商民以銀平易又疏請捕私錢並禁民私剪錢緣限民間用銀二三
兩以上糶米二三石以上皆不得以錢準銀下廷臣議行尋以母老請終養回
籍十七年卒斯盛著楚蒙山房易經解唐鑑稱其不廢象數而無技術曲說不
廢義理而無心性空談在近日易家猶為篤實近理云

瑚寶伊爾庫勒氏滿洲鑲白旗人雍正五年武進士授三等侍衛補陝西永興
堡守備八年準噶爾二萬餘犯科什圖卡倫從總兵樊廷進勦遇于尖山獲駝
九十又進敗之于北山又遇于烏素達阪擊之退翌日分七隊迎戰瑚寶督兵
奮擊自辰至申至科什圖殲敵無算敵圍峨嵋磯瑚寶赴援乘夜來襲領先鋒
轉戰雪中七晝夜奪波羅輒並白墩紅山鏡兒泉諸地得其渠六敵潰遁九年
準噶爾復犯吐魯番瑚寶從廷進勦以勞賜白金三百累遷肅州鎮右營遊擊
高宗即位復累遷山西大同總兵賜孔雀翎十二年遷固原提督上諭之曰固
原兵驕縱犯上不法瑚寶當加意整飭使兵知畏法漸次轉移又諭之曰固
城內外兵多民少回民過半私立掌教等名應時時體訪期杜竄端回人充標

清史稿

列傳九十六

七

兵應留意分別豪悍者懲黜怯弱者淘汰使營伍肅清旋疏請營兵互結以
弓箭為鎗技藝三項輪操冬季借支春餉次年四季扣除下部議行師征金川
調固原步兵二千瑚寶請駁載軍裝以二騾代三馬可省費三分一從之十三
年署甘肅巡撫兼辦總督奏言陝西歉收師行采買草料為難將甘肅倉貯豆
石撥用俟兵過照買還倉上以通融協濟有益軍需溫諭嘉勉召授兵部尚書
尋署陝甘總督調湖廣又改授漕運總督坐失察盧鴉生偽造奏稿事奪官仍
留任尋卒諡恭恪

衛哲治字我愚河南濟源人雍正七年以拔貢生廷試優等發江南委用初署
贛榆知縣調鹽城值蝗災設六條附循優禮德望餉高年旌一義經理災
獨譏警游惰約束過犯縣北有司河匯上游七縣水入海夏旱水弱海潮至鹹
苦不可食甚乃浸溢民田秋水盛又患河寬流緩入海不速哲治建閘立斗門
蓄洩有備斥鹵化膏腴歲有潤出地給無業民承耕田沈沒而糧未除者悉請
豁免循海築土墩九十餘潮大漁者得就墩逃溺號救命墩乾隆二年補長洲

兼攝吳縣請給明荒通賦十餘萬八年遷海州知州歲歉治賑全活二十萬人
 流民有自山東就食者撫淮安知府十年河決陳家堡漂溺男女田廬無算
 治遣小舟載餅餌救之躬涉風濤往來存問山東復災流民南下哲治捐俸益
 以勸募葺草屋自清江浦屬魚溝以北銜接二百餘里所在給粥糜衣藥十三
 年山東又災兩江總督尹繼善令哲治運賑米至臺莊上聞哲治善治賑調山
 東登萊青道居數月擢布政使十四年授安徽巡撫奏言歙縣馬田地在休寧
 請折徵充餉又言廣德催糧每圖有單頭數圖有經催前巡撫潘思璉改行順
 莊轉有未便請得仍舊舊下部議行旋召詣京師十五年令回任上諭之曰汝
 不滿朕意以一時無人故仍留汝宜奮勉改過調廣西入覲哲治具言親老不
 便迎養命仍留安徽尋丁憂十八年服闋署兵部侍郎暫管戶部事復授安徽
 巡撫疏建歙縣惠濟倉再調廣西二十年内擢工部尚書因病乞回籍二十一
 年卒

清史稿

列傳九十六

八

蘇昌伊爾根覺羅氏滿洲正藍旗人滿丕子康熙五十九年自監生考取內閣
 中書遷侍讀考選浙江道御史乾隆元年命巡察吉林奏言船廠舊古塔三姓
 白都訥阿爾楚喀等處滿官不知律例訟案稽延累民請自京師遣官往理三
 年轉禮科給事中屢擢至奉天府尹十一年奉天被水蘇昌請設廠四鄉增辦
 賑官吏公費又請禁止游民往來奉天等處十四年擢廣東巡撫十六年署兩
 廣總督廣西巡撫舒輅請於思陵土州沿邊種竹杜私越土目因以侵夷地
 致毀蘇昌奏鎮安太平南甯等沿邊二千餘里無論種竹難徧料理稍疏事端
 轉啓請更正上責舒輅率寢其事蘇昌奏瓊州海外瘠區貧民生計艱難有
 可墾荒地二百五十餘頃請招民開墾免其升科從之召來京十九年授吏部
 侍郎二十四年署工部尚書授湖廣總督在籍御史孫紹基稱與按察使沈作
 朋偕爲同官因以取賂蘇昌劾奏抵罪並請定回籍之員與有司交結處分蘇
 昌劾湖北巡撫周琬乖張掩飾上調蘇昌兩廣命繼任總督愛必達察琬愛必
 達發琬匿災徇劣吏狀奪官成巴里坤蘇昌至廣東又劾石總兵王陳榮貪
 竄奪官論如律加蘇昌太子太保二十九年奏言廣東產米不敷民食宜多貯

社穀以補常平不足請嗣後息穀統存州縣備賑免其變價從之調閩浙總督
 在兩廣應運使王際榮以贓敗下吏議御史羅選春因劾蘇昌際榮糊塗不
 堪節制海疆上曰蘇昌不能辭失察之咎節制海疆乃朕所簡用非御史所宜
 言蘇昌別疏劾知縣劉紹汜下刑部上以選春與紹汜同爲江西人疑選春劾
 蘇昌爲紹汜地詰責選春改主事命蘇昌留任三十年臺灣淡水番爲亂焚
 燬莊民死者五十餘蘇昌檄按察使余文儀會臺灣總兵督兵討平之三十
 二年入覲卒諡愍勤子富綱官雲貴總督蘇昌在兩廣有巨室橫斃人母誣其
 子獄久具勾決本已下蘇昌疑其冤親鞠之得實疏自劾上獎諭之實知縣於
 法時論稱焉

清史稿

列傳九十六

九

州南倉建自明天順間後併入中倉雍正間復分爲二與西倉分貯漕白米臣
 見中西倉足敷收貯請裁南倉歸併中西倉從之十九年授廣東巡撫奏陳平
 米價嚴保甲緝竊盜案禁私鑄私離諸事上諭曰諸凡行之以實持之以久勉
 之尋復疏請以化州石城官租穀碾給海安營兵米又奏海陽蔡家園土堤改
 築灰墻出俸倡修二十一年奏言番禺花陽春諸縣徵收兵米有所謂厨房米
 官谷米相傳起於明代藩府後爲旗營武職俸米凡萬二千餘石必細長潔白
 產少價昂甚爲民累應請禁革上嘉之調山東巡撫奏言濟寧魚臺金鄉滕嶧
 諸州縣積水爲災上命加意賑卹二十二年上南巡迎蹕奏言海豐地處海濱
 東北鄉尤低下易罹水患積年通賦請豁免乾隆十一年至二十年舊欠並改
 用下則復奏濟寧等五州縣積水尙未盡涸上以江南宿虹靈壁河南永城夏
 邑皆有積水命侍郎裘曰修會諸督撫籌度疏消七月擢兩廣總督奏東省水
 患頻仍正與裘曰修商度擬濬伊家河洩微山湖水河自韓莊迤西至江南梁
 旺城入運河計程七十里需銀十三四萬一切正須經理又與河臣張師載商

溶運河前及建隄事不容已懇留任督辦上諭曰覽奏具見良心然朕以無人不得不用汝汝仍遵前命十月復命以總督銜管山東巡撫事綜理工程奏言溶運河必先溶伊家河以洩積水使久淹地畝漸次涸出然後履勘估修庶工實費省請俟春暖鳩工不致有誤新運又借師載疏言運河淤墊口甚尋常修治非經久之策應自濟寧石佛開起北至臨清開逐一探底以深八尺為度俾河身一體平坦上應其言十二月伊家河工竟又奏言運河淤淺處分段築壩測量絳路多民居草土屋願售給價拆除瓦屋不願售量將絳路加寬被水民田速為疏消俾為種麥應修橋梁察有解江餘石應用不使估報買採上以實心經理不負任便嘉之尋卒贈太子太保兵部尚書銜祀賢良祠賜祭葬諡文勤子桂林自有傳

吳達善字雨民瓜爾佳氏滿洲正紅旗人陝西駐防乾隆元年進士授戶部主事累擢至工部侍郎領紅旗滿洲副都統二十年授甘肅巡撫赴巴里坤督理軍需以勞賜孔雀翎二十二年疏言軍糧自肅州運哈密至軍石需費十二三

清史稿

列傳九十六

十

兩凱旋官兵糧口糧製履請改二成本色八成折價既得隨時支用亦可稍省運費從之加太子少保二十四年代黃廷桂為陝甘總督尋復以命楊應琚改總督銜管巡撫事奏言夏橫城堡河漲城圯相度水勢分別添築草壩俾大溜北注化險為平旋以總督銜調河南巡撫奏改延津封邱昨城榮澤盧氏靈寶諸縣營制議行授雲貴總督二十七年奏言雲南貴州各鎮協營每兵千設藤牌兵百少不適用請以七成改習鳥鎗三成改習弓箭從之尋兼署雲南巡撫二十九年奏改都勻銅仁二協營制調湖廣總督兼署湖北巡撫巴陵民熊正朝偽稱縣人巡撫方顯子居省城與紳士交結乘間盜竊捕得實諸法三十一一年調陝甘總督奏言木壘地廣土沃請將招集戶民編里分甲里選里長百戶選渠長鄉約保正訟獄守備審理命盜案守備驗訊巴里坤同知審解從之三十三年復調湖廣總督兼署荊州將軍命赴貴州借內閣學士富察善侍耶錢維城按巡撫良卿按察使高積營私飭法論如律三十五年兼署湖南巡撫三十六年復調陝甘總督值土爾扈特部內附上命分賚羊及皮衣

料理周妥上嘉其能以病乞解任尋卒贈太子太保祀賢良祠賜祭葬諡勤毅崔應階字吉升湖北江夏人父相國官浙江處州鎮總兵應階應生初授順天府通判遼西路同知雍正中擢山西汾州知府乾隆十五年授河南驛鹽道擢安徽按察使丁母憂服闋補貴州按察使二十一年擢湖南布政使署巡撫總督碩色勅應階子甘肅東樂知縣秀附驛寄家書應階不檢舉上特命降調二十二年補江南常鎮揚道再遷山東布政使二十八年遷貴州巡撫調山東疏請溶荆山橋舊河洩積水二十九年疏言武城運河東岸牛蹄窩祝官屯西岸蔡河陂水匯注俱為隄隔浸灌民田請各建閘啓閉均如所議三十一年疏言各州縣民壯有名無實飭屬汰老弱選精壯改習鳥鎗與營伍無二不增糧餉省得精壯三千三百餘名得旨嘉獎三十二年疏言武定濱海屢有水患一在徒駭尾閘不暢一在鈎盤淤塞未開徒駭上游寬百餘丈至密化入海處僅十餘丈紆回曲折歸海遲延徒駭舊有漫口徑二十五里寬至四五十丈水漲賴以宣洩若就此開濬庶歸海得以迅速又有八方泊為衆水所匯伏秋霖雨下游阻滯淹及民田泊東北為古鈎盤河經一百三十餘里久成湮廢若就此開濬引水入海則上游不致停蓄積水亦可順流而下旨如所請調福建三十三年擢閩浙總督加太子太保三十四年勅興泉永道蔡琛資鄙論如律調漕運總督奏糧道專司漕務無地方之責令親押赴淮不得轉委丞倅召授刑部尚書調左都御史四十五年以原品休致尋卒

清史稿

列傳九十六

十一

王檢字思及山東福山人父符官太常寺卿檢雍正十一年進士改庶吉士乾隆元年授編修大考四等休致十三年上幸闕里召試復授編修十四年授直隸河間知府遷甘肅涼州道以官河間有政聲即調直隸霸昌道累擢安徽按察使奏外任官員眷屬外定例州縣家人二十名府道以上遞加十名違者降級定額本寬近則州縣一署幾至百人毋論招搖滋弊即養廉亦不足供請申明定例違數詳參又奏皖城濱臨大江歲多劫案請加重沿江乘危搶奪舊例邊海有犯視此均得旨允行調直隸又調山西二十八年遷廣西布政使調甘肅奏各省大計舉劾例由藩司主稿請嗣後藩司新任得援督撫例展限三月

以重考核二十九年擢湖北巡撫署湖廣總督以前巡撫愛必達請於沔陽新
 隄設文泉縣治地處低窪城倉庫俱未興工且於民情未便奏請裁撤移沔
 陽州同駐新隄下部議行調廣東巡撫秋審刑部進湖廣招冊檢所定擬多自
 緩決改情實或可矜上殿刑部九卿所改皆允諭檢秋審大典宜詳慎持平
 失出入厥過維均傳旨申飭三十一年奏凡盜出洋肆劫夥黨器械招買皆
 自內地如果保甲嚴查豈能藏匿請嗣後洋盜案發詢明山某地出口將專管
 及兼轄統轄各員照保甲不實力例議處從之廣東有名竹洲艇者其製上寬
 下銳行駛極速海盜用以行劫追捕為難檢令凡船皆改平底瓊州地懸海外
 黎人那隆等劫商劫法為諸盜最親督勦捕決遣如律又以民多聚族而居
 置祭田名曰管租租穀饒裕每用以糾眾械鬪奏請管租自百畝以上者留供
 每年祭祀餘田歸本人其以租利所置按支均派俾貧民有田以資生凶徒無
 財以滋事上諭曰所奏意在懲凶息訟惟恐有司奉行不善族戶賢否不齊難
 免侵漁攘奪嗣後因侍祠產豐厚糾眾械鬪按律懲治即以祠田如檢所請分

清史稿

列傳九十六

十二

給族人俾凶徒知所警懼而守分善良仍得保其世業三十二年因病請假有
 詔慰問旋卒子啟緒自編修官河南開歸陳許道燕緒自編修官侍講孫慶長
 內閣中書官福建按察使

吳士功字惟亮河南光州人雍正十一年進士選庶吉士改吏部主事累遷郎
 中考選御史奏言部院大臣簡用督撫調所屬司員以道府題補恐滋偏聽交
 結諸弊請照雍正舊例停止從之御史仲永檀言密奏留中近多洩漏敕王太
 臣詰問舉士功效尙書史貽直疏以對上出士功疏戒以不悛改當重譴七年
 授山東濟東泰武道丁憂服闋調直隸大名道改山東兗沂曹道屬縣饑上南
 巡迎駕召對以聞為截留糧米六十萬石賑之命士功董其事旱蝗為災督吏
 捕治晝夜巡閱未及旬蝗盡調湖南糧道巡撫阿克敦疏留調山東糧道再遷
 湖北按察使二十二年謫巡撫河南饑救湖北發兗連州縣倉米運河南即留
 本年應運漕糧歸倉士功奏湖北地卑澤米難久貯請以一米改收二穀還倉
 報聞遷陝西布政使護巡撫疏言宜君榆林葭州懷遠府谷神木靖邊寧遠諸

州縣先早後潦撥糶夏米麥五萬石分賑懷遠靖邊諸縣中阻黃河河冰即難
 挽運臣飭先期速運撥穀德等四州縣米二萬石協濟榆林葭州山路崎嶇臣
 飭添雇騾駝速運俾民早霑實惠諭令竭力妥為之調直隸奏請撫藩離任將
 庫項有無虧空奏明新任撫亦於交代限內另摺奏聞仍照例出結保題以
 除挪借積弊上以所奏簡而易行命著為例二十三年復調陝西護巡撫疏言
 延安府兵米各縣運府倉弁兵赴府支領路遠費倍耗損過半請甘泉宜川延
 川延長四縣本縣徵放支給又奏隴州汧陽縣跬步皆山歲徵屯豆請改折色
 解司充餉俱從之擢福建巡撫二十四年奏請捕私鑄按錢數多寡治罪又奏
 獲南洲盜八十餘人與總督楊廷璋疏請改定南洲塘汛又奏福建九府二州
 常平缺額穀三十一萬石有奇臺灣積年平糶未買穀十五萬石有奇皆令補
 足浙西歉收請撥臺灣穀十萬石聽浙商販運風汛不便先發內地沿海府縣
 倉穀撥給俟臺灣穀運到還倉一轉移間無妨於閩有益於浙上嘉之二十五
 年奏寄居臺灣皆閩粵濱海之民乾隆十二年復禁止移眷民多冒險偷渡內

清史稿

列傳九十六

十三

外人民皆朝廷赤子向之在臺灣為匪者均隻身無賴若既報墾立業必顧惜
 身家各思保聚有的屬在內地者請許報官給照遷徙完聚又條奏稽查濱海
 漁船令取船主澳甲保結出口逾期不還責成澳甲船主查報稽察攜帶多貨
 帆船編字號書姓名免匪舟漏跡均從之尋以福建民多械鬪由大族欺凌小
 族疏請大戶恃強糾眾擬情實小戶被欺抵禦擬緩決刑部擬駁上諭曰福建
 械鬪最為惡俗士功乃欲以族大族小分立科條是使械鬪者得以趨避其詞
 司職者因而高下其手士功夙習沽名宜刻自提撕勿自貽伊戚二十六年廷
 璋劾提督馬龍圖擲用存管公項命士功嚴諭會奏龍圖借用公項已於盤查
 時歸補撥自首例減等擬徒上以龍圖敗露後始行歸補且將登記數簿焚燬
 又增舞文之罪不得以自首論因究詰出何人意尋覆奏士功主政上奪士功
 官發巴里坤効力自贖二十七年廷璋奏閩縣民楊魁等假造敕書承襲世職
 投撫標効力上命巴里坤辦事大臣詰責士功並令自揣應得處分贖罪自效
 士功輸銀贖罪命釋回旋卒子玉綸二十六年進士自檢討累遷兵部侍郎督

福建學政復降檢討

論曰興政首重宜民紀督鑿井反貽怨讟略爾吉善遂阻開曠種樹之議興利誠不易言也雅爾圖應階治水斯盛治社會哲治治賑才有洪纖效有巨細要皆有益於民蘇昌劾大吏頗見風力瑚寶等亦各有建樹自古未有不盡心民事而可以稱善治者也

清史稿

列傳九十六

十四

清史稿

列傳九十七

齊蘇勒

嵇曾筠

高斌

完顏偉

顧琮

白鍾山

齊蘇勒字篤之納喇氏滿洲正白旗人自官學選天文生為欽天監博士遷靈臺郎擢內務府主事授永定河分司康熙四十二年聖祖南巡閱河齊蘇勒扈蹕至淮安上諭黃河險要處應下挑水埽壩命往煙敦九里岡龍窩修築齊蘇勒於回鑾前畢工上嘉之游擢翰林院侍講國子監祭酒仍領永定河分司事河決武陟奉命同副都御史牛鈕監修隄工疏言自沁河隄頭至榮澤大隄十八里擇平衍處築遙隄使河水趨一道專力刷深不致旁溢六十一年世宗即位擢山東按察使兼理運河事命先往河南籌辦黃河隄工時河南巡撫楊宗義請於馬營口南舊有河形處濬引河齊蘇勒同河道總督陳鵬年疏言河不兩行此洩則彼淤馬營口隄甫成若開引河慮旁洩侵隄事乃寢雍正元年授

清史稿

列傳九十七

一

河道總督既上官疏言治河之道若瀕危而後圖之則一丈之險順成百丈千金之費糜至萬金惟先時豫防庶力省而功易就及言各隄壩歲久多傾圮弊在河員廢弛冒銷帑金宜嚴立定章示懲勸並允行乃周歷黃河運河凡隄形高卑濶狹水勢淺深緩急皆計里測量總河私費舊取給屬官歲一萬三千餘金及年節餽遺行部供張齊蘇勒裁革始盡舉勦必當其能否人皆懷懷奉法陽武祥符商邱三縣界黃河北岸有支流三逼隄繞行五十餘里南岸青佛寺有支流一逼隄繞行四十餘里齊蘇勒慮刷損大隄令築壩堵禦并接築子隄九千二百八十八丈隔隄七百八十八丈又以洪澤湖水弱慮黃水倒灌奏築清口兩岸大壩中留水門束高清水以抵黃流及淮水暢下壩在波濤中又慮壩為水蝕遣員弁駐工湖漲下掃防壩黃漲則用混江龍鐵篋子諸器駕小舟往來疏濬不使沙停水患始緩詔豫籌山東諸湖蓄洩以利漕運疏言兗州濟寧境內如南旺馬場蜀山安山馬場昭陽獨山微山稀山等湖皆運道資以蓄洩昔人謂之水櫃民乘湖占種湖身漸狹宜乘水落除已墾熟田丈量立界禁侵

越謹淳蓄當運河盛漲引水使與湖平即築堰截堵如遇水淺則引之從高下注諸湖或宜隄或宜樹或宜建閘啓閉令諸州縣量事程功則湖水深廣漕艘無阻矣二年廣西巡撫李紱入對上諭及淮揚運河淤墊年久水高於城危險可慮紱請於運河西別濬新河以其土築西隄而以舊河身作東隄東岸當不至潰決上命與齊蘇勒商度齊蘇勒奏言淮河上接洪澤下通江口西岸臨白馬寶應界首諸湖水勢汪洋無際若別挑新河築西隄於湖水中不惟糜費巨金抑且大工難就上是其言是秋颶風作海潮騰踊丈餘黃河入海之路二水衝激歷三晝夜而濱海隄岸屹然上嘉其修築堅固賜孔雀翎并予拜他喇布勒哈番世職三年副總河稽曾筠奏於祥符縣回塞濬引河事將竣齊蘇勒奉命偕總督田文鏡察視齊蘇勒奏言濬引河必上口正對頂衝而下口有建甌之勢乃能吸大溜入新河借其水力濬刷寬深今所濬引河與見在水向不甚相對當移上三十餘丈對衝迎溜復於對岸建挑水壩挑溜順行以對引河之口俟水漲時相機開放庶河流東注而南岸隄根可保無虞上命內閣學士

清史稿

列傳九十七

二

何國宗等以儀器測量命齊蘇勒會勘齊蘇勒奏儀器測度地勢於河工高下之宜其有準則今洪澤湖淤水壩舊立門檻太高不便於洩水請教諸臣繞至湖口用儀器測定將門檻改低庶宜防有賴又奏言治河物料用葦柳而柳尤適宜今飭屬於空閒地種柳沮洳地種葦應請凡種柳八千株葦二頃者予紀錄一次著爲例均稱旨尋又奏言供應節禮並已裁革河標四營舊有坐糧歲千餘金以之修造墩臺製換衣甲器械鹽商兩規歲三千金爲出操驗兵賞功犒勞之用每年往來勘估伏秋兩汛出駐工次車馬舟楫日用所需拮据實甚河庫道收額解錢糧向有隨平餘銀五千餘除道署日用工食請恩准支銷上允之四年以堵築睢寧朱家口決口加兵部尚書太子太傅五年疏言黃河斗岸常患衝激應改斜坡俾水隨坡溜坡上懸密柳抵之既久溜入中泓柳枝密泥併成沙灘則易險爲平從其請五年齊蘇勒有疾上遣醫往視尋入覲命歲支養廉萬金六年兩江總督范時繹江蘇巡撫陳時夏濬吳淞江上命齊蘇勒料理築壩陳家渡松江知府周中錄千總陸章乘舟督工下埽潮迴壩陷溺焉

齊蘇勒往視察下爲土壤中有停沙因督令疏濬壩工乃竟復借曾筠會勘河南雷家寺支河是秋事畢於是黃河自碭山至海口運河自邳州至江口縱橫綿亘三千餘里兩岸隄防崇廣若一河工益完整七年春疾甚上復遣醫往視尋卒賜銀三千兩爲歸槨資進世職三等阿達哈哈番賜祭葬諡勤恪上又以靳輔齊蘇勒實能爲國宣勞有功民社命尹繼善等擇地令有司春秋致祭齊蘇勒久任河督世宗深器之嘗諭曰爾清勤不待言而獨立不倚從未聞貪緣結交尤屬可嘉又曰隆科多年夤緣作威福攬權勢隆科多於朕前謂爾操守難信年羹堯前歲數詆爾不學無術朕以此知爾獨立也又曰齊蘇勒歷練老成清慎勤三字均屬無媿八年京師賢良祠成復命與靳輔同入祀

清史稿

列傳九十七

三

二年春奏言黃沁並漲漫溢鑄期營秦家廠馬營口諸隄循流審視窮致患之由見北岸長沙灘逼水南趨至倉頭口繞廣武山根逶迤屈曲而下官莊峪又有山嘴外伸河流由西南直注東北秦家廠諸地頂衝受險請於倉頭口對面橫灘開引河俾水勢由西北而東南毋令激射東北並培釘船幫大壩更於上下增築減水壩秦家廠諸地險勢可減又與河督齊蘇勒會奏培兩岸隄北起榮澤至山東曹縣南亦起榮澤至江南碭山都計十二萬三千餘丈皆從之授河南副總河駐武陟疏言鄭州大隄石家橋迤東大溜南趨應下埽簽椿復於埽灣建礮壩壩一中牟拉牌寨黃流逼射應下埽護岸建礮壩挑水壩二穆家樓隄工坐衝亦應下埽加鑲陽武北岸祥符珠水牛趙二處工隄近因中牟迤下新長淤灘大溜北趨成衝應順埽加鑲又言小丹河自辛甸口至河內清化鎮水口二千餘里昔人建閘開渠定三日放水濟漕一日塞口灌田日久開夫賈水阻運請嚴飭仍用官三民一之法遵治其罪又言祥符南岸回回塞對面淤灘直出河心致河勢南趨逼省城請於北岸舊河身濬引河導水直行上諮

蘇勅用曾筠議四年奏衛河水盛請於汲汲陰內黃大名諸縣築草壩二十七
又請培鄭州薛家集諸處埽壩五年命兼管山東黃河堤工尋轉吏部侍郎仍
留副總河任六年疏言儀封北岸因水勢衝急雷家寺上首灘岸刷成支河請
將舊堤加幫接築土壩跨斷支河以防擊流侵堤青龍岡水勢繁紆將上灣洶
作深兜與下灣相對請乘勢開引河導水東行尋擢兵部尚書調吏部仍管副
總河事奏請培蘭場耿家寨北隄下埽簽椿築壩七年授河南山東河道總督
疏請開荆隆口引河八年署江南河道總督疏言山水異漲離歸駱馬湖溢連
浮黃河湖合一請於山盱周橋以南開壩洩水並啓高寶諸堰分水入江海高
堰山盱石工察有椿腐石欲順砌卑矮者應築月壩加高培實其年久傾圮者
全行改築與工之際築壩攔水留舊石工爲障俟新基築定再除舊石仍留舊
底二層以禦風浪又奏禹王壩壩工爲江南下游保障洩水長性猛壩工受
衝請於見有竹絡壩二十七丈外依頂衝形勢建石工六百餘丈接連岡阜仍
築土隄並洩流河口門使循故道直趨入海十年奏揚州稻芒河開商工草率

清史稿

列傳九十七

四

改歸官轄並增設副官十年加太子太保十一年四月授文華殿大學士兼吏
部尚書仍總督江南河道予一品封典十二月丁母憂命在任守制曾筠奏懇
回籍終制溫詔許之以高斌暫署仍諭曾筠本籍距淮安不遠明歲工程就近
協同經理十二年四月同高斌奏增築海口辛家蕩隄開同副總河白鍾山奏
修清江龍王閘通風陽廠引河十三年諭曾筠葬母事畢赴工高宗御極命
總理浙江海塘工程乾隆元年兼浙江巡撫尋命改爲總督兼管鹽政曾筠條
奏鹽政請改商捕爲官役嚴緝私販定緝私賞罰地方有搶鹽奸徒官吏用盜
案例參處又疏請於海軍築尖山壩建魚鱗石塘七千四百餘丈入覲加太子
太傅二年疏請築滔安滔河石壩三年疏請修樂清濱海隄又疏請發省城義
倉運漕台諸縣平糶並從之尋召入閣治事以疾請回籍調治上令其子璜歸
省又遣醫診視卒贈少保賜祭葬諡文敏祀浙江賢良祠又命視斬輔齊蘇勒
例一體祠祀曾筠在官視國事如家事知人善任恭慎廉明治河尤著績用引
河殺險法前後省庫帑甚鉅第三子璜亦由治河有功官大學士繼其武璜字

尙佐幼讀禹貢曰禹治水皆自下而上蓋下游宜通水自順流而下長老咸驚
異雍正七年賜舉人八年成進士選庶吉士年裁二十授編修再遷諭德乾隆
元年命直南書房三年丁父憂服闋擢庶子兩歲四遷左僉都御史九年奏督
撫閱兵祇就趨走應對定將弁能否請近省命大臣邊省命將軍副都統簡閱
行伍是歲令大學士訥親閱河南山東江南三省行伍此奏發之也璜侍曾
筠行河習工事奏河工疏築諸事請浚毛城鋪壩下引河並於順河集諸地開
河引溜修築黃河岸留新黃河韓家堂諸地舊口洩盛漲議行授大理寺卿累
遷戶部侍郎十八年十月黃淮並漲璜疏請濬銅山以下清口以上河身並仿
明劉天和製平底方船用鐵耙疏沙修補高堰石工歸仁隄開酌復江南境內
減水閘壩尙書舒赫德等被命視河奏請派熟諳工程大員董理堤防因令璜
偕工部侍郎德爾敏督修璜奏高堰工程有甌石之殊年分有新舊之異今當
修甌石工隄外築攔水壩並將舊有甌工盡改石工石較甌重椿木應培增舊
修石隄用石二進石後用甌二進甌與土不相融結久經風浪根空基圯令於

清史稿

列傳九十七

五

甌石後加築灰土三尺以禦衝刷又奏申場河爲諸水總匯請自石碓閘南更
建閘二並就舊河道疏濬直達海口十九年奏高堰高湖龍門古溝四處深塘
兜澗請修復草壩皆從之十九年隄工竟議叙轉吏部二十年以母病乞假歸
二十二年春上以璜母病愈授河南副總河並諭曰璜侍父曾筠久任河工見
聞所及諳練非難母雖年近八十常准帶水儘可輕舟迎養固無異在家侍奉
也四月上南巡臨視高堰清口及徐州諸工以伏汛將至近河諸地歲類歉貧
民甚多諭疏築諸工同時並舉以工代賑因璜前奏請於昭關增滾壩濬支河
南關舊壩改建滾水石壩卽命璜董其事璜奏運河東隄減水入下河經劉莊
伍祐新興諸場分注門龍新洋二港歸海但劉莊大團閘至新興石碓閘相距
較遠請於伍祐沿窪口蔡家港各增建石閘引水出新洋港並疏射陽湖港口
使之徑直濬串場河以西孔家溝岡溝河皮家河支流凡三此皆下河歸海之
路也湖河諸水歸海紆迴歸江逕直多一分入江卽少一分入海應挑河築壩
使湖河水勢相平乃將各壩開放則湖水既減可爲容納來水地伏秋水盛洩

高郵湖引入運河出車邏南關二壩則歸海水少下河田廬可無慮矣上諭曰
 橫此奏分別緩急因勢利導會全局而熟籌之改紆為直移遠為近濬淺為深
 具有條理即令尹繼善白鍾山等會橫次第興舉十一月高郵運河東壩新建
 石壩工成奏請酌定水則車邏南關二壩過水至三尺五寸開五里中閘至五
 尺開新建石壩又奏車邏南關壩脊高於高郵湖面二尺七寸芒稻開為湖水
 歸江第一尾閘請常年啟放俾江湖脈絡貫通上深嘉之從所請並降旨命勒
 石開昨二十三年正月擢工部尚書五月上旬江諸工皆竟九月調禮部二十
 四年四月請在籍終養二十五年詣京師祝上壽歸至清江浦奏言歸江之路
 尚有應籌請於金灣壩下開引河並濬董家溝又以廖家溝石羊溝三壩改低
 三尺使與芒稻開相準上命交尹繼善等勘議二十九年丁母憂三十二年服
 闋署禮部尚書旋實授七月授河東河道總督奏楊橋大壩為河南第一要工
 雖已堵閉時輒滲漏而北岸河灘順直既不能挑引河分溜大壩迤東又遍地
 飛沙不能建越隄請將壩身裹戝培厚用資完固橫每巡河不避艱險身先屬

清一史稿

列傳九十七

六

吏一夕聞虞城工險馳往天甫曉兩奄交下榻岌岌欲崩從者失色勸橫姑
 退橫立隄上叱曰掃去我與俱去兩奄息隄卒無恙三十三年九月召授工部
 尚書罷直南書房尋以在河督任未甄別佐雜左遷左副都御史三十六年遷
 工部侍郎三十八年擢尚書調兵部四十年復調工部四十四年調吏部協辦
 大學士初橫議挽黃河北流仍歸山東故道入對督及之是歲河決青龍岡大
 學士阿桂視工上以橫議諮阿桂及河督李奉翰會謂地北高南低水性就下
 欲導河北注揣時度勢斷不能行上復命廷臣集議仍謂黃河南徙已久不可
 輕議改道寢其事四十七年加太子太保在上書房總師傅上行走並以橫年
 老諭冬令日出後入朝賜元狐端罩五十年正月與千叟宴為漢大臣領班五
 十一年以老乞休賜詩慰留上幸避暑山莊命留京辦事五十五年四月以橫
 成進士逾六十年重與恩榮宴橫年八十與高宗同歲生生日在六月奏改萬
 壽節後上嘉其知禮代定八月十九日賜詩及聯勝上方珍玩寵之五十六年
 復賜肩輿入直五十九年七月卒年八十有四命皇八子奠醑贈太子太師賜

葬祭諡文恭子八長承謙進士官至侍讀先橫卒族子承恩舉人累官至河東
 河道總督

高斌字右文高佳氏滿洲鑲黃旗人初隸內務府雍正元年授內務府主事再
 遷郎中管蘇州織造六年授廣東布政使調浙江江蘇河南諸省九年遷河東
 副總河十年調兩淮鹽政兼署江甯織造十一年署江南河道總督十二年回
 鹽政任復署河道總督培范公隄六萬四千餘丈十三年回鹽政任旋授江南
 河道總督乾隆元年疏請河工搶修工段需用土方令河兵挑運十之四用民
 工十之六又請葺蕩管採柴均歸廠運又請各州縣河工外解各項悉歸河庫
 道河南永城江南蕭縣頻年被河患上命高斌會兩江總督趙宏恩河南巡撫
 富德籌疏通之策高斌等奏黃河南岸碭山毛城舖向有減水石壩一蕭縣王
 家山有天然減水石壩一睢甯縣峯山有減水壩四建自康熙間誠分黃導淮
 以水治水之善策年久淤淺水發為患毛城舖舊有洪濟巴河二河為減洩黃
 水故道開下地勢東北偏高水向南行漫入祝家口請俟水涸疏濬二河並於

清一史稿

列傳九十七

七

二河上游開蔣溝河築祝家口潘家口二壩漳水南流使盡入蔣溝洪濟巴河
 分流下注永城碭山諸縣當無水患王家山天然開減水會入徐溪口舊有引
 河間有淤淺峯山減水四圍歷年既久引河亦有淤淺均應疏濬又奏准揚運
 河自清口至瓜洲三百餘里其源為分洪澤湖水入天妃閣建領而下經淮安
 寶應高郵揚州以達於江惟借東西漕隄為障請於天妃正越兩閣之下相距
 百餘丈各建草壩三壩下建正石閘二越河石閘二又於所建二閘尾各建草
 壩三重重關鎖層層收蓄則水平溜緩可禦洪澤湖異漲亦可減運河水勢湖
 水三分入運七分會黃山疇尾間天然南北二壩非洪澤湖異漲不可輕開使
 清水全力禦黃而高寶諸湖所受之水循軌入口不至泛溢下河則高寶興鹽
 諸縣民田可免洪湖洩水之患疏入均議行御史夏之芳等疏言毛城舖引河
 一開則高堰危淮揚連道民生可慮命高斌會大學士嵇曾筠副總河劉永澄
 等詳度安徽布政使晏斯盛廣東學政王安國復請濬海口又命高斌與宏恩
 及江蘇巡撫邵基會勘二年三月高斌請入覲趙宏恩內擢戶部尚書亦詣京

師上命王大臣集議並召之芳等皆與高斌言毛城鋪減水壩康熙十七年斬
輔所建減水歸洪澤湖助清刷黃六十年來河道民生均受其益見滄毛城鋪
乃因壩下舊河量加挑浚使水有所歸並非開壩況減下之水紆回曲折六百
餘里經徐肅惟宿靈虹諸州縣有楊疇等五湖爲之停蓄入湖時卽已澄清無
挾沙入湖之患亦無湖不能容之慮之芳等仍執所見議未決御史甄之璜奏
毛城鋪開河准揚百萬之衆憂慮惶恐鍾衡條奏亦及之上卒用高斌議斥之
璜衡之芳等高斌復請別開新運口堵塞舊運口以避黃河倒灌三年正月准
揚運河工竟有旨嘉獎四年上聞時論議高斌所改新運口離黃稍遠而上游
水勢遇黃河異漲仍不見倒灌命大學士鄂爾泰乘驛往勘鄂爾泰仍主開新
運口如高斌議八月高斌入覲命便道與直隸總督孫嘉淦總河顧琮會勘直
隸河道六年奏言黃河自宿遷下至清河河流湍急內逼運河唇齒相依請培
運河南岸纒隄作爲黃河北岸遙隄又言江都瓜河地勢卑下請量改口門別
潞越河以減淮水入瓜河分數又言鎮江南岸埭工宜改甌工均下部議行調

清史稿

列傳九十七

八

直隸總督兼管總河奏言永定河惟在尾閘通暢請於三角淀旁開引河下接
大清河老河頭上接鄭家樓水口挑去積土卽於北岸圍築坡埝以防北軋南
岸亦量爲接築以遏南溜下口河唇隨時疏通至上游應籌分洩請於南岸雙
營北岸胡林店小惠家莊各增建三合土滾壩一並減隄高使卑於壩南岸郭
家隄舊草壩應一律修築如式七年准揚水災上命高斌及侍郎周學健會總
督德沛等治賑事畢還直隸復奏言永定河上游爲桑乾河自山西大同至直
隸西甯兩岸可各開渠灌田自西甯石崗村入山經宣化黑龍灣懷來和合堡
宛平沿河口兩山夾峙一線中趨若於山口取巨石錯落堆疊仿竹絡繹之意
爲玲瓏水壩以殺其洶湧則下游河患可減疏上均議行十年三月加太子太
保五月授吏部尚書仍管直隸水利河道工程十二月命協辦大學士軍機處
行走十一年御史楊開鼎劾南河道總督白鍾山河決罹災不報命高斌往
江南會總督尹繼善按治白鍾山坐奪官疏言准黃二潰每年伏秋水漲以老
壩口水誌爲準則乾隆七年最大水誌連底水一丈四尺七寸當以此較量每

年水勢各處開壩閉應以就近石工水漲尺寸爲度運河水漲又命高斌往
勘疏陳培六塘河謝家莊龍溝口諸處隄堰濬中墩河項家衝東門河又疏請
豁免海州沐陽嶺諸縣通賦及板浦徐濱中正莞濱臨洪興莊諸場折價帶
徵銀並從之高斌管謂黃水宜合不宜分清水宜蓄不宜洩惟規度湖水勢
視其縮盈以定蓄洩方不至泛溢阻礙爲民害諸所籌畫皆可循守十二年三
月授文淵閣大學士四月命往江南同河道總督周學健督理防汛五月直隸
水利工竟十三年命偕左都御史劉統勳如山東治賑又命偕總督顧琮如浙
江按巡撫常安焚賄狀高斌等頗不欲窮治上又遣大學士訥親往按責高斌
模稜下吏議奪官命留任閏七月周學健得罪命兼管江南河道總督尋以籍
學健家產徇私贖顧奪大學士仍留河道總督十六年三月上南巡命仍以大
學士銜管河道總督事閏五月暫管兩江總督八月時南陽武漫工未合龍詔
往相度修築命未下高斌奏請馳赴協辦上獎其急公任事得大臣體十一月
工竟命同侍郎汪由敦勘天津諸處河工十七年七十賜詩十八年洪澤湖

清史稿

列傳九十七

九

溢邵伯運河二閘衝決高郵寶應諸縣被水下部嚴議學習河務布政使富勒
赫奏劾南河總督命著尚書策楞尚書劉統勳往按策楞等疏發外河同知陳
克濟海防同知王德宣虧帑狀並及洪澤湖水溢通判周冕未爲備水至不能
禦不卽奏劾狀上責高斌徇縱與協辦河務張師載並奪官留工効力贖罪九
月黃河決銅山張家路南注靈虹諸縣歸洪澤湖奪准而下上以秋汛已過何
至衝漫河隄責高斌命往銅山勒限堵塞策楞尋奏同知李燾守備張寶發帑
誤工狀上命斬燾寶發高斌張師載使視行刑仍傳旨釋之二十年三月卒於
工次子內大臣銜發內庫銀一千治喪二十二年上南巡諭曰原任大學士內
大臣高斌任河道總督時頗著勞績卽如毛城鋪所以分洩黃流高斌設立徐
州水誌至七尺方開後人不用其法遂致黃弱沙淤隱貽河患其於黃河兩岸
汕刷支河每歲冬季必率廳汛填築近年工員疏忽因有孫家集奪溜之事至
三滾壩洩洪湖盛漲高斌堅持堵閉下游州縣屢獲豐收功在民生自不可沒
癸酉張家路及連河河開之決則其果於自信抑且年邁自滿之失在本朝河

臣中即不能如靳輔較齊蘇勒格曾筠有過無不及可與靳輔齊蘇勒格曾筠同祀使後之司河務者知所激勸二十三年賜諡文定御製懷舊詩列五督臣中命祀賢良祠子高恒高恒子高樸皆坐事獲譴自有傳上復錄高恒孫高杞授內務府郎中從子高晉高晉字昭德父述明涼州總兵高晉初授山東泗水知縣累遷安徽布政使兼江甯織造乾隆二十年擢安徽巡撫二十二年上南巡視河命高晉協辦徐州黃河兩岸隄工高晉奏言鳳類災區諸工並舉米價日昂動工程銀三萬兩購米尙慮不敷上念淮徐海道諸工截漕二十萬石平糶請分五萬濟上江各工從之工竟加太子少傅二十六年遷江南河道總督奏言高寶興秦積年被水上命封南關車運等壩於金灣壩下濬引河洩水歸江便洪澤湖運河之水不致漫壩東注下河各縣支河汊港及田間積水均匯入串場河北至鹽城石碇天妃等閘出新洋港又自興化白駒青龍八社大關等閘出門龍港分二道歸海惟下河形如釜底積滂驟難消涸請浚興化迤南丁溪小梅二閘引河使王家港興化迤北上岡草堰陳家衝三閘引河使匯

清史稿

列傳九十七

十

射陽湖增二道歸海俾數州縣積水節節流通沮洳漸成沃壤從之二十七年授內大臣奏言運河歸江邵伯以下舊設六閘自鹽河分流下注請將六閘金門量爲展寬又鹽河舊設中南北各二閘應留北二閘以濟鹽運南中二閘過水遲滯應添建石壩接長土隄酌挑引河俾高寶湖水歸江益暢二十八年加太子太傅二十九年奏言清口以上桃宿等廳專受黃水清口東壩以下淮黃合流至雲梯關迤東歸海北岸五套南岸陳家浦頂衝入溜議培築舊隄臣以雲梯關外近海與其築隄束水不若於舊隄上首作斜長子堰使水匯正河入海上均是之三十年遷兩江總督仍統理南河事務三十一年按蘇州同知段成功縱僕擾民高晉以成功方病擬寬之上責其祖庇三十三年署湖廣總督兼攝荊州將軍事三十四年回任兼署江蘇巡撫上命採洋銅鑄錢高晉請收小錢並運雲南銅供鑄省於洋銅上用其議三十六年兼署漕運總督督授文華殿大學士兼禮部尚書仍任總督如故尋命同侍郎裘曰修總督楊廷璋籌勘永定河工事竟還江南四十年河東河道總督姚立德奏請以蜀山湖收蓄

伏秋汛水工部以舊例蜀山湖於十月後收蓄汶河清水議駁上命高晉會勘尋奏蜀山湖周六十五里在汶河南運河東爲第一水櫃向定蓄水限九尺七八寸請改以一丈一尺爲率兼蓄伏秋汛水從之四十一年河督吳嗣爵奏黃河淤高命高晉與總督薩載籌議請浚清口以內引河停淤使清水暢出與黃河匯流東注並力剔沙則黃河不濬自深海口不疏自治上諭曰此奏甚合機宜形勢爲治淮黃一大關鍵屆時妥爲之是冬入覲上以高晉年七十書勝以賜四十二年命赴浙江會巡撫王賢望相度海塘又命赴河南堵築儀封漫口秋河決時利驛高晉請議處命寬之冬時利驛工竟儀封新修掃工墊陷部議奪官仍命留任十二月卒賜祭葬諡文端懷舊詩并列五督臣中子書麟廣興自有傳

清史稿

列傳九十七

十一

河就掘河道總督高郵南關五里車運三壩值河湖盛漲洩水輒浸下河州縣民田上命閉洪澤湖天然壩及三壩不使水入下河知州沈光曾以上河淤湖灘地被水議以濟運餘水由三壩減洩並易芒稻河開爲壩疏實應高郵甘泉諸湖南注之路偉勳其擾亂河工光曾坐奪官初上以黃河大溜逼清口命循康熙舊迹開陶莊引河導使北注大學士鄂爾泰與河道總督高斌合勘甫定議會暴汛積淤工遂停高斌亦去任復命偉勳相度偉勳自清口迤西黃河南岸設木龍挑溜使漸趨而北七年疏言淮源上游雨多水發買魯河盛漲由過達淮匯于洪澤湖三石滾壩減歸高寶邵伯等湖而古溝東壩漫刷過水又自白馬湖來會水勢益大臣督築子堰捍禦並開高郵老土壩及南關等三壩水勢始定上嘉之是歲黃河亦盛漲石林口減水過多沛縣及山東魚臺濰嶧諸縣皆被水偉勳疏請罪御史吳焯劾偉勳用人不得當偉勳辨上不深責調河東河道總督九年奏言山東歷年被水由於上游散漫下游梗阻運河東接汶泗沂濟諸水洩入微山蜀山南旺馬踏諸湖北接漳衛二水洩入鹽河徒駭馬頰鈞

盤諸河遇伏秋異漲宣洩不及應於連河內增開壩以分其勢疏下河以暢其流其經由各州縣凡溝渠淤狹者浚之隄堰殘缺者修之報可十年以母老乞回京有旨慰留十三年授左副都御史旋卒

顧琮字用方伊爾根覺羅氏滿洲鎮黃旗人尚書顧八代孫父顧儼歷官副都統顧琮以監生錄入算學館修算法諸書書成議叙康熙六十一年授吏部員外郎雍正三年授戶部郎中遷御史四年巡視長蘆鹽政八年遷太僕寺卿九年授朔州營田使十一年協理直隸總河遼太常寺卿署直隸總督尋授直隸河道總督十二年奏報永定河口深通上流始得暢注入淀近因淤議濬引河自然開刷不勞民力號為天賜引河上令報祀疏請更定管河廳汛增設員缺下部議行乾隆元年署江蘇巡撫丁父憂回旗二年命協辦吏部尚書事永定河決命借總督李衛督修旋署河道總督三年正月改授朱藻命協同辦理奏畿輔西南諸水匯於東西兩淀淤墊漫溢為患請設堡船撈泥以三角淀通判清河同知司其事藻罷去復授河道總督五年清濟縣興濟滄州捷地兩減河

清史稿

列傳九十七

十二

疏陳善後諸事請疏海口築遙隄多設涵洞六年請改定子牙河管河官制尋以裁缺回京六年授漕運總督七年奏言清江以上運河兩岸向來只知束水濟運未知借水灌田坐聽萬頃源泉未收涓滴之利同此田畝淮南淮北腴瘠相懸或疑運河洩水於濟運有妨不知漕艘道經淮徐五月上旬即可過竣稻田須水正在夏秋間若屆時始行宣導是祇借閉蓄之水為灌溉之資於漕運初無所妨况清江左右所建涵洞成效彰彰推此仿行萬無疑慮請特遣大臣總理相度會同督撫河臣詳酌興工議未及行八年以督運詣京師入對請行限田上斥其擾民十年六月疏請於馬莊集曹家店各建石閘束上游之水並將駱馬湖入運處改在阜湖以上駝車頭建閘挑渠引水濟運十字河竹絡壩開放後黃水湍激橫截運河糧艘提溜為難當於竹絡壩下東黃壩迤東接堤堵截別於蘇家閘南濬河越黃入運從之十一年署江南河道總督十二年命偕大學士高斌按浙江巡撫常安貪婪狀坐未窮治奪官命留任尋調河東河道總督十七年疏言運河隄未設堡房請視黃河例每二里建堡房都計四百

餘座十九年坐江南總河任內浮費工銀奪官旋卒顧琮內行嚴正嘗入對值早多風世宗以為憂顧琮引洪範謂蒙風若慮臣或蔽君上為之動容世宗崩顧琮方喪偶逾三年乃續娶方苞以為合禮

白鍾山字毓秀漢軍正藍旗人雍正初自戶部筆帖式遷江南山清裏河同知累擢江蘇布政使奏狼山蘇松二鎮駐地距蘇州俱遠軍糧輓運維艱請就所駐及附近州縣配給崇明孤懸海外地不產米請由江廣採運撥萬石貯崇明倉備平糶海濱漲出沙洲民人占居當築土墩以避潮患從之十二年授南河副總河旋擢河東河道總督乾隆元年奏河標兵駐濟甯無倉儲每稱貨貴難請以生息銀二千七百有奇買穀四千石設倉存貯春借秋收又奏豫東河防水落時富堵塞支河伏秋水漲購料募夫每慮不及請發河南山東司庫銀分存鄭州及武涉封邱曹單諸縣永遠貯備皆從之四年疏言漳水舊自直隸入海康熙四十五年引漳入衛濟運故道漸淤全歸衛河勢難容受嗣於德州馬營建滾水壩開引河洩衛水山鈞盤河達老黃河入海然漳衛二水隨時淤

清史稿

列傳九十七

十三

塞盧厯俗金漳水舊有正河支河應擇易浚者復其故道於館陶建閘衛水大聽漳入海以防漲衛水小分漳入衛以濟運奏人命大學士鄂爾泰詳議議在邱縣東和爾寨村承漳河北折之勢接開十餘里至漳河村入舊河因於新河東流入衛處建閘以時啓閉上從之時漕運總督補照請造十丈大船運河當以水深四尺為則白鐘山謂隔河無源之水兩至而後泉旺泉旺而後河盈上隔閉下隔啓則下隔倍深上隔倍淺各隔相距遠近不均水近者深則遠者必淺以人役水以水送舟必不能均深四尺侍郎趙殿最又請於館陶臨清各立衛河水則白鐘山謂尺寸不足將衛輝民田渠隔盡閉致妨灌溉事既難行尺寸既足將官渠官隔盡閉來源頓息下流已逝運河之水亦立見涸涸二者均屬非計議並寢八年調江南河道總督疏言石林口堵築堅固大溜直趨下流黃村韓家塘等處新築子堰恐不足抵禦於對岸濬引河導溜南注並加厚子堰派兵駐防又奏言葦蕩左右兩營歲輸柴二百二十五萬束積久生弊輸運不齊請禁兵民雜採定採葦期限濬運柴溝渠編柴船幫號皆允行十一年御

史楊開鼎劾白鍾山出納愷各任情駁減用損工偷縱僕役婪索陳家浦決七百餘丈止稱二十餘丈興築延緩阜甯鹽城二縣受其害命高斌會尹繼善按治以開鼎從尋覆奏駁減婪索無實據惟陳家浦漫口衝刷貽害累民上召白鍾山詣京師奪官效力河工總河顧琮復論白鍾山措處失當上命籍其資逾十萬以償十五年授永定河道十八年河決張家路命從尚書舒赫德往勘旋命以按察使銜協辦南河事十九年復授河東河道總督二十年署山東巡撫請罷孔氏世襲曲阜知縣上命改授世襲六品官尋奏濟甯以南積水未消請緩開汶河大壩疏濬下游河道上命白鍾山往勘南河文武各官聽調遣二十二年調江南河道總督疏言自河決張家路沙停河淤下流不暢南高北窪迨孫家集復決河底益高黃河受病率由水勢側注北岸冲刷溝槽惟有南北分籌南宜疏北宜築築則支河不致奪溜疏則稍分有餘之水勢庶徐州得以少安臣與河臣張師載商榷以為南岸長灘較北岸更險必於橫亘處濬引河導溜歸中岸隄益加厚北岸無隄漫水如梁家馬路徐家山等處支河數十道

清史稿

列傳九十七

十四

及黃家莊郭家堂等處漫槽矮灘宜築土壩水平則收束以刷正河水漲則平漫平消不至冲槽奪溜並於孫家集培隄增壩以為重障駱馬湖北受蒙陰山水西受微山湖水其尾閘在六塘河上游湖隄在在殘缺亟應修補捍防皆從之荆山橋工竟議叙奏言甯夏上游河水陡漲急報下游防範正陽關為淮水上下關鍵應仿甯夏水報法派員專司其事又奏上江諸水皆歸安河以達洪澤湖安河間段淤淺連年水患由此宜多募漁船伐蘆撈泥俾尾閘一通上游皆有去路又歸仁隄下舊有涵洞穿鮑家河以達安河久經湮塞擬開浚分林子河一支則安河進水之地亦有所分患可漸減報聞二十三年加太子少保二十六年卒贈太子太保賜祭葬諡莊恪

論曰自靳輔治河淮繼其後者疏濬修築守成法惟謹世宗朝齊蘇勒最著格曾筠高斌皆仍世繼業與靳輔同河上有功德於民克應祭法完顏偉顧琮白鍾山隨事補苴不負當官之責高斌任事二十年疏毛家鋪引河排衆議行之民蒙其利奪准之役縛赴工次待決雷霆不測之威赫矣哉

清史稿

列傳九十八

哈攀龍

任舉

治大雄

馬良柱

本進忠

劉順

哈攀龍直隸河間人其先出回部乾隆二年一甲一名武進士授頭等侍衛以副將發福建除興化城守副將遷總兵歷河南南陽福建海壇漳州諸鎮以母喪去官十三年高宗東巡攀龍迎鑾命往金川隸總督張廣泗軍署松潘鎮總兵出美諾溝取撤臥山大松林噶達諸寨分兵出馬溝右梁察形勢得其險要搜截松林賊蔽松設卡毀其二徑左梁山溝斃賊數十進克渴足寨焚燬寨四水城一殺賊二十餘尋與署重慶鎮總兵任舉合兵攻色爾力石城舉沒於陣攀龍入林殲賊三十餘奪舉尸回復借都統班第署重慶鎮總兵段起賢侍衛富成分道夜襲色爾力焚木卡三殺賊五十餘進破石梁雙溝諸壘經略訥親總督張廣泗勦攀龍攻色爾力不能下兵部議左遷上責攀龍自陳攀龍言

清史稿

列傳九十八

屢克卡殺賊報廣泗廣泗不以入告會訥親廣泗皆得罪去上知攀龍狂命罷議尋從經略大學士傅恒夜攻色爾力先登拔石卡殲賊數十十四年金川事定命署固原提督十六年移湖廣提督陳整飭弁兵諸事上嘉勉之尋命員除復移貴州提督入陞見病留京師卒子國興乾隆十七年武進士授三等侍衛出為雲南督標右營遊擊遷東川營參將緬甸頭人召散據孟良為亂總督楊應瑞檄國興佐軍戰楞木進克猛卯督戰被鎗創右輔及臂應瑞以聞賜孔雀翎尋署騰越營副將時副將趙宏榜以偏師深入與緬人戰於新街師敗績國興師至蠻莫訓新街無備督兵潛入緬人乃引退從將軍明瑞進克木邦戰於蠻莫大破之復借侍衛莽克察擊斬守隘賊六十餘擄楚姚鎮總兵入陞見命在乾清門行走資銀幣還軍移普洱鎮總兵邊貴州提督經略傅恒議用水師令國興赴銅壁關外野人山督造船移雲南提督加太子少保船成從傅恒出猛拱孟養南豐猛烈猛場次老官屯緬人水陸備甚固攻之不時下頭人諾爾塔以其酋贊駁命遣使得魯蘊詣軍乞解兵傅恒令國興出見曉以利害令具

約十年一貢母更撥邊歸所掠內地人緬人誓奉約時傳恒方病將軍阿桂召從征諸大臣議皆言許之便遂與定約解兵既而貢弗至總督彰寶遣都司蘇爾相諭意留不遣揚言國興許以木邦猛拱蠻莫三土司予緬人請如議彰寶効國興與緬人議具約不以實上召國興至京師詰國興與自陳未嘗有此議上責國興遷就畢事奪太子少保左授貴州古州鎮總兵移雲南臨元鎮後二年得魯蘊復至老官屯請如前誓三事時師征金川上命國興從將軍溫福進討三十七年遷西安提督命盡護陝西甘肅從征諸軍尋令借總兵董天弼自會頭溝取底木達布朗郭宗溫福以國興能軍令自策卜丹徑取美洛當一面國興自阿喀木雅山溝紆道徑瑪爾迪克山寨察策卜丹地勢林深徑狹不宜於行師乃將二千人佐海蘭察攻瑪爾迪克溫福再疏聞上金川賊千餘屯貢噶山左謀劫糧國興馳擊賊敗匿師還經瑪爾迪克賊自林中出復擊敗之上賚荷包四進攻貢噶山設伏斬賊百餘搜奪礮卡九月金川酋索諾木使詣國興請獻鄂克什地以降國興令併割南北兩山美美卡木蘭壩及瑪爾迪

清史稿

列傳九十八

二

克越日賊盡撤諸柵國興以兵入鄂克什舊寨賊退守路頂宗十月使歸墨壘溝師敗時所掠外委斌儒且言營勸僧格桑同降溫福以聞上令國興檄諭索諾木聲其罪時國興及海蘭察將五千人屯貢噶山謀攻策卜丹阻水雪未進上命還師攻路頂宗路頂宗山麓有巨溝溝源出南山海蘭察紆道出山後侍衛額森額爾自小徑為應國興前越溝攻砲師繼進遂克路頂宗破卡五十餘砲三百餘俘獲甚衆復自喀木色爾北山攻穆拉斯郭大寨進據兜烏山嶺與總兵馬彪軍合奪附近碉卡克額爾莽木柵復將千人渡水自南山鄂爾齊仰攻克諸寨與大軍會進攻明郭宗別以兵襲擊公雅山克木爾古魯寨並奪據嘉巴山麓廷議既定小金川分命將帥三道進討金川上曰國興雖綠營漢員熟軍事又嘗為乾清門侍衛與滿洲大臣無異授參贊大臣佐副將軍豐昇額是月克明郭宗焚念經樓整兵進取日果爾烏山麓攻美諾上嘉國興功官其子文虎守備攻克布朗郭宗僧格桑通金川我軍直抵底木達僧格桑父策旺出降小金川平國興卒於軍賜白金千存恤其家加贈太子太保諡壯武祀昭忠

祠圖形紫光開文虎授陝西提標右營守備從軍攻木果木陣沒從祀昭忠祠復官次子文彪千總

任舉山西大同人雍正二年武進士以守備發陝西累遷固原提督左營遊擊署城守營參將乾隆十一年二月固原兵變夜攻提督許仕盛毀轅門將入舉聞亂單騎詣鼓樓鳴角招營兵未變者纔五十人部勒使成列變兵懼退掠市屢舉追及手刃五十餘人禽四十餘人變兵出城南門還攻東西二門舉守東門右營遊擊鐵保守西門禦戰變兵潰事定總督慶復以聞擢中軍參將十二年命征金川隸總督張廣泗軍尋授西鳳協副將舉至軍與總兵許應虎副將高宗瑛參將賈國良攻色底賊礮擊以礮二百餘發礮一角比礮擊孔發礮密如鱗比舉度我軍礮小不能下將移軍退守賊出戰再設伏敗之十三年上諭謂在軍諸將狃於瞻對之役庸懦欺蒙已成夙習今別用舉等皆未從征瞻對無所掣肘宜鼓勵勇往廣泗亦奏在川鎮將忠誠勇幹無出舉右者令率漢土兵三千取道攻音嶺尋又奏令署重慶鎮總兵舉與參將王愷自牛廠至素可

清史稿

列傳九十八

三

尼山時五月遇大雪關道以行經撤烏山至昔嶺山梁山北曰木岡孤峯當道賊置城卡守隘舉督兵攻卡憑高發礮洞其垣令土兵緣溝潛進燬賊礮師循出山腰克賊卡遂陟中峯以千人駐守進攻木岡時總兵哈攀龍帥至馬溝右梁阻松林不得進廣泗令自納喇溝出昔嶺右與舉合攻木岡賊所置城卡力戰未即下舉察昔嶺左有道通卡撤中經得思東木達溝賊皆置礮焉總兵冶大雄方自卡撤進舉與合軍焚木達溝諸礮圍得思東斷其汲道督兵挾斧斫賊賊墮巖遁得大小礮三進攻色爾力石城分兵為三道舉督兵直攻石城攀龍出其右副將唐開中及國良出其左越溝度林攻賊所置木城國良戰死六月己巳舉與攀龍開中合攻石城城堅甚我師方力攻賊三百餘自西南林內出舉督兵與賊被創戰益力槍復中要害遂率攀龍入林殺賊以其尸還時上方命舉兵除經略大學士訥親以舉死事聞上閱疏為泣下並諭舉忠憤激發甘死如飴而朕以小醜跳梁用良臣於危地思之深惻命視提督例賜卹加都督同知諡勇烈祀昭忠祠官其子承恩都司承緒千總承恩喪終入謝上以尚

幼命傳諭其母善教之二十四年授三等侍衛累遷福建陸路提督五十二年臺灣林爽文為亂承恩請往討之師無功逮詣京師罪當死上寬之五十三年救出獄五十五年復授巡捕營參將遷副將卒承緒官巡捕營遊擊市中火赴救被創卒上之赦承恩謂其未有子承緒又死勤事不可使舉無嗣也

冶大雄四川成都人康熙季年入伍從征西藏克裏塘巴塘降結敦落籠宗說板多打籠宗諸寨獲為亂喇嘛五雍正初從軍出松潘黃勝關剿撫熱當十二部落攻郭隆寺攻嶺三破寨十五追斬康布喇嘛於西海又從征卓子山蒼子山戮頭人追剿羅卜藏丹津擒丹津瑯台吉川陝總督岳鍾琪疏薦引見特授藍翎侍衛累遷陝西莊浪營參將加副將銜賜孔雀翎命赴巴里坤軍機署川陝督標中軍副將準噶爾犯克什圖喇嘛諸卡倫大雄偕總兵樊廷以二千人當賊二萬轉戰七晝夜拔守卡倫兵以出與總兵張元佐等師會力戰殺賊賜拜他喇布勒哈番世職賞白金五千尋授直隸山永協副將命署湖北彝陵鎮總兵上言彝陵距省千餘里兵饑歲以四季支給請改夏秋冬春二次彙支

清史稿

列傳九十八

四

下督撫議行尋調署山西大同鎮總兵與前任總兵李如栢互劾均奪職乾隆元年以副將發湖廣尋授衡州協副將城級苗搖為亂大雄駐長安堡焚賊寨戮其渠餘相率就撫擢鎮總兵總督孫嘉淦劾大雄貪縱奪職湖南巡撫蔣溥言謙無貪縱迹引見復授雲南昭通鎮總兵叙剿苗功加都督僉事銜十三年從征金川至卡撤統雲南貴州諸軍進攻色底光多諸寨引兵出昔嶺中峯之西與署總兵哈攀龍任舉師會克大小碉十石城一墮礮百三十同攻克昔嶺溝底石城水卡經略大學士傅恒奏大雄歷戰陣令總理營壘措置妥協賜孔雀翎金川頭人莎羅奔等乞降師還授雲南提督加左都督銜入覲官其子繼鈞藍翎侍衛命送大雄上官疏言西藏喀拉烏蘇諸地與準噶爾連界盜竊紛擾是其故習今藏北鄙即我邊地防邊自可弭盜請駐藏大臣仍設重兵循大道置驛站以資防守上嘉其留心繼鈞至常德迎家中途假回民金大雄以聞上以大雄知事不可掉乃始奏劾左授哈密總兵命署安西提督赴巴里坤驗馬駝疏報四千餘會總督方觀承核參將鍾世傑等至巴里坤領馬千

九百餘途中馬多死論罪上以大雄疏不實下部議總督黃廷桂復劾大雄命奪官逮京師治罪二十一年四月行至西安卒三十二年上以緣營世職不得世襲罔替下兵部察諸將有功者俟襲次畢賜恩騎尉世襲罔替大雄與焉

馬良柱甘肅張掖人其先本回部康熙季年從軍征吐魯番雍正初將軍阿爾那撒赴插漢麥里干討賊皆有功復從安西鎮總兵孫繼宗攻羅卜藏丹津降台吉三十三戰於哈馬兒打布罕噶斯禽其渠授藍翎侍衛賜白金百遷二等侍衛外授四川提標遊擊賜貂皮數珠命將兵屯西藏旋以兵擾民左降聽四川巡撫提督調遣八年瞻對土司為亂提督黃廷桂檄良柱討之賊堅守石碉督兵仰攻槍礮所乘馬易馬進再殪乃步行督戰礮上投石如雨傷面搏賊益奮火其碉並焚撥馬擦牙諸寨殲賊無算側冷邦諸頭人皆降復授松潘鎮左營遊擊三遷夔州協副將乾隆十年師復征瞻對破直達松多諸寨奪碉七十餘進攻下密左山梁獲頭人噶籠丹坪再進克下密等百餘寨獲頭人塔巴四交渡了魯河遂破瞻對焚其寨其渠姜錯太死於火十二年大金川曾沙羅奔

清史稿

列傳九十八

五

改革什咱土司並掠明正土司所屬密章谷諸地巡撫紀山移良柱威茂協副將督兵防禦沙羅奔糾小金川土司澤旺侵沃日各寨都司馬光祖赴援賊大至光祖困於熱籠良柱率輕騎馳救賊敗巴納山進克石卡二百二十三光祖等出應賊潰圍解澤旺降並還所侵沃日三寨詔嘉其奮勇遷重慶鎮總兵再進復孫克宗官寨攻江卡戰屢勝克大小碉寨百餘降二十餘寨進克丹噶山分兵焚撤籠等七寨噶固等寨先後降賊守石達大碉良柱冒雨進數十戰賊乘夜來撲營設伏殲焉馬邦頭人思錯已降總兵許應虎馭之不道復叛團應虎於的交良柱馳救賊退入戎布寨攻之未下旋復犯馬邦副將張興被團良柱請移戎布師赴援總督張廣泗不許興陷於賊侵噶固守兵叛附賊奪卡倫七廣泗令良柱往攻力戰賊未卻值大雪二十餘日糧匱煮鎧弩以食力不支廣泗撤退師倉卒移營賊為賊得廣泗勅之命逮詣京師良柱陳糧絕狀上特原之命在香山教禁軍雲梯親臨觀之良柱起舞稱旨賜大緞荷包命仍赴金川軍以副將參將等官酌量委用尋授泰寧協副將大學士傅恒視

師檄良柱攻昔嶺克之涉羅奔請降良柱以十餘騎入其營宣諭授建昌鎮總兵賜孔雀翎母憂去官召入京師仍令教禁軍習雲梯服閱授松潘鎮總兵雜谷土司蒼旺爲亂借提督岳鍾琪討平之尋請老改籍四川華陽卒年八十一良柱頗驍然大目虬髯邊人畏之號爲獅子頭善戰臨陣手鐵鞭一馬上旋轉如飛其攻噶固廣泗不爲策應屢又不時至上知廣泗忌其成功故特輕其罰云子應詔官直隸河間副將孫瑜自有傳

本進忠甘肅西寧人初入伍冒姓名曰張元吉尋請復姓名雍正中從揚武將軍張廣泗援吐魯番屯魯克沁準噶爾來侵邀擊禽賊七復追敗之哈喇和卓乾隆十三年檄赴金川從征獲得山梁攻喇先登奪矛中石傷從攻普沽擲火彈入礮焚礮十三奪木城進戰於樂利噶爾隄克殄賊攻礮右股中槍傷錄功擢四川威茂協右營都司引見賜大緞雜谷土司蒼旺爲亂提督岳鍾琪檄進忠討之奪銅礮一斬敵數十生禽二十五降茶堡番民二千餘自角木角溝入雜谷獲蒼旺累擢永寧協副將三十年從將軍明瑞征緬甸進攻蠻結克木卡

清史稿

列傳九十八

六

十六嶺賊三傷額明日仍裹創出戰事聞賜孔雀翎號法式善巴圖魯擢雲南臨元鎮總兵明瑞令將五千人屯龍陵關備調遣召詣熱河行在入見命乾清門行走賜貂皮銀幣令還軍旋移普河鎮總兵擢雲南提督卒加太子太保諡勤毅

劉順順天人雍正五年武進士授藍翎侍衛以守備發陝西累遷至金塔協副將乾隆十三年令將千五百人赴金川偕副將高維自甲索攻囊得道松林賊百餘出戰擊之遁燬賊礮從大軍自卡撤左山梁進諸礮以次皆下惟普瞻雙單二礮守甚堅日暮將收兵順潛率所部逼單礮縱火攻之賊潰並奪雙礮師繼進遂克色底普瞻西有山曰阿利賊礮林立順冒雨奮攻奪山梁木卡破礮發礮殲賊數十復破大礮一石卡四經略納親履奏順奮勇金川平擢貴州威寧鎮總兵上以順熟邊情移甘肅西寧鎮總兵入見賜孔雀翎擢安西提督病乞罷卒加太子太保諡壯靖

論曰初征金川攀龍舉大雄皆以勇略著舉尤驍榮爲軍鋒納親張廣泗督戰

急鼓銳攻堅遂以身徇傷已良柱善戰又以廣泗奉制不能盡其材進忠順力戰破堅礮亦攀龍輩之亞也

清史稿

列傳九十八

七

清史稿

列傳九十九

傳清

拉布敦

班第

鄂容安

納穆札爾

三泰

傳清富察氏滿洲鑲黃旗人李榮保次子傳恒弟也雍正間授侍衛乾隆初累遷至直隸天津鎮總兵康熙中定西藏留兵鎮撫以大臣駐藏辦事為員二嗣省其一足時駐藏副都統索拜當代命傳清以副都統往十一年疏言西藏處微外西北界準噶爾北通青海為四川西南外郭自雍正十二年設塘汛不特傳送官文書且以聯絡聲氣上年索拜以節費議撤汛使藏人任郵遞謂之番塘未幾輒被盜今準噶爾富入藏然番塘恐滋誤請自打箭鎗至藏復置塘汛酌衝僻遠近當得兵千人以內議如所請十二年西藏郡王頗羅鼐卒頗羅鼐愛其次子珠爾默特那木扎勒請以為嗣遂襲爵為郡王上諭傳清曰頗羅鼐更事多黽勉事中國珠爾默特那木扎勒幼傳清宜留意如珠爾默特那木

清史稿

列傳九十九

一

扎勒思慮所未至當為指示傳清疏言頗羅鼐在時長子公珠爾默特策布登出駐阿克夏富令珠爾默特那木扎勒帥師出駐騰格里諾爾喀喇烏蘇諸處今仍遣珠爾默特策布登駐阿克夏富令別道宰桑駐騰格里諾爾喀喇烏蘇諸處又以準噶爾入藏煎茶請增兵分路防護上命與珠爾默特那木扎勒商權毋涉張皇十三年命以提督拉布敦代傳清還復授天津鎮總兵遷古北口固原提督珠爾默特那木扎勒請撤留藏兵上從之旋以副都統紀山代拉布敦十四年紀山疏言珠爾默特那木扎勒與達賴喇嘛有隙請移達賴喇嘛置秦寧上知珠爾默特那木扎勒乖戾且為亂命駐藏大臣復舊置二員子傳清都統銜自固原復往紀山復疏謂珠爾默特那木扎勒言其兄珠爾默特策布登將舉兵相攻上命傳清途中詞虛實傳清疏言珠爾默特策布登未嘗構兵特珠爾默特那木扎勒妄言藉以奪其兄分地臣至藏即將珠爾默特那木扎勒懲治是時上已遣侍郎拉布敦代紀山因諭傳清珠爾默特那木扎勒乖戾且為亂令執計密奏十五年傳清與拉布敦先後至藏珠爾默特那木扎勒

迫其兄珠爾默特策布登至死遂逐其子遣使通準噶爾叛益有迹上命副都統班第赴西藏與傳清拉布敦密謀取進止仍詔傳清拉布敦毋輕發並密諭四川總督策楞勒兵為備珠爾默特那木扎勒謀愈急絕塘汛軍書不得達傳清與拉布敦未得上詔計以為珠爾默特那木扎勒且叛徒為所屠亂既成吾軍不得即進是棄兩藏也不如先發雖亦死亂乃易定十月壬午召珠爾默特那木扎勒至通司問駐藏大臣署言有詔使登樓預去其梯若將宣詔珠爾默特那木扎勒方拜跪傳清自後揮刀斷其首於是其黨羅卜藏札什始率眾圍樓數重發鎗縱火傳清中三創度不免自剄死拉布敦死樓下主事策塔爾參將黃元龍皆自殺通判常明中矢石死從死者千總二兵四十九商民七十等伯諡烈旋命立祠通司問喪還上臨奠其子孫以一等子世襲賜白金萬班第至藏戮羅卜藏札什等疏陳珠爾默特那木扎勒自立名號通款準噶爾稱策旺多爾濟那木扎勒為汗請其發兵至札達克為聲援上復降詔褒傳清

清史稿

列傳九十九

二

拉布敦建祠京師命曰雙忠子明仁以待衛襲子爵從征金川卒於軍拉布敦棟鄂氏滿洲鑲紅旗人其先對齊巴顏於太祖時率所部來歸語見阿蘭珠朗格諸傳父錫勒達事聖祖自贊禮郎累遷吏部尚書出署川陝總督還京師以鎮守苗為亂命偕副都統圖斯海徐九如帥師討之降三百一寨勦十五寨錫勒達與荆州副都統珠滿湖廣提都俞益謨所設者天星龍椒洞排六梁等三寨亂定與總督于成龍巡撫趙申喬議立營汛增設官吏為撫綏復還京師卒拉布敦其第六子也生有力能彎十力弓左右射工詩文習外國語言康熙間襲叔祖勒爾圖三等阿達哈哈番世職雍正朝從傳爾丹討準噶爾戰於和通呼爾哈訥爾又從策凌討準噶爾戰於額爾德尼昭皆有所斬敵授世管佐領上命軍中舉驍勇之士拉布敦與焉賜孔雀翎乾隆初累遷正紅旗滿洲副都統八年復討準噶爾授參贊大臣出北路九年授定邊左副將軍其冬疏言厄爾特宰桑額勒慎等內牧布爾吉推河烏梁海得木齊札木禪內牧布延圖河源布爾吉推河在阿爾台山梁外布延圖河源在阿爾台山梁內距

下倫不遠已割坐卡侍衛等嚴防十年冬疏言烏梁海得木齊烏爾巴齊等遊
雪內牧黃加書魯克距卡倫不遠託爾和烏爾布延圖哈瑪爾沙海諸卡倫外
皆有準噶爾人蹤跡仍割坐卡侍衛等嚴防尋召還京師授正白旗滿洲副都
統復出署古北口提督十三年駐藏副都統傳清當代命拉布敦往十四年召
還以紀山代授工部侍郎未終歲上徵紀山還復命赴藏十五年授左都御史
尋與傅清謀誅珠爾默特那木扎勒其黨羅卜藏扎什圍樓拉布敦挾刃躍下
樓擊殺數十人自剖其腹死上聞贈爵賜金立祠如傅清命以拉布敦之族升
隸正黃旗諡壯果子隆保以侍衛襲子爵誤班奪官爵除

班第博爾濟吉特氏蒙古鑲黃旗人康熙間自官學生授內閣中書五遷雍正
初至內閣學士四川雲南徵外與西藏定界命偕副都統鄂齊如西藏宣諭邊
理藩院侍郎坐事左遷在內閣學士上行走十一年命在軍機處行走乾隆三
年授兵部侍郎外擢湖廣總督勦鎮寧永綏亂苗兩閱月而畢上嘉焉五年以
憂還京師六年命仍在軍機處行走授兵部尚書十三年師征金川授內大臣

清史稿

列傳九十九

三

出督軍饒加太子少保尋按四川巡撫紀山加徵累民狀命即著巡撫時訥親
張廣泗師久無功上詔班第但言廣泗罪狀語不及訥親上諭曰班第雖職饒
然為本兵軍機大臣軍事及將弁功罪皆職掌所在不得以督饒一切置不問
左遷兵部侍郎十四年予副都統銜赴青海辦事西藏郡王珠爾默特那木扎
勒有叛迹駐藏辦事大臣傅清拉布敦疏聞上移班第代拉布敦未至珠爾默
特那木扎勒謀益急傅清拉布敦召至解誅之其徒卓呢羅卜藏扎什等遂叛
傅清拉布敦死之公班第達執卓呢羅卜藏扎什等班第至按訊又得其黨德
什奈等凡二十七人悉誅之上以藏酋授王爵名位過重命班第達以公爵管
格隆事令班第宣諭班第又疏陳珠爾默特那木扎勒與準噶爾通書謀叛狀
上命誅珠爾默特那木扎勒妻子四川總督策楞等以師至會議西藏善後諸
事西藏大定十六年授都統銜十七年還京師仍在軍機處行走授正紅旗漢
軍都統出署兩廣總督十九年師征準噶爾復授兵部尚書署定邊左副將軍
出北路準噶爾內亂輝特台吉阿睦爾撒納來降詔以明歲進兵諭班第籌畫

班第以軍中駝馬牛羊宜牧地得扎布堪呢圭諸處冬令暖富水草合喀爾喀
親王額琳沁多爾濟等往督牧遣兵擒烏梁海宰桑車根赤倫等收其眾數千
戶復令參贊大臣薩喇爾將兵擒準噶爾宰桑庫克新瑪木特通瑪木特收其
眾得牲畜無算上獎班第奮勇果斷予子爵世授正黃旗領侍衛內大臣賜白
金千十二月授定北將軍召來京示方略二十年正月大舉討準噶爾班第出
北路阿睦爾撒納授定邊左副將軍為副永常以定西將軍出西路薩喇爾授
定邊右副將軍為副班第與阿睦爾撒納等議以二月出師阿睦爾撒納將六
千人先行班第將二千人繼其後班第至齊齊克渾爾以馬不給令千五百人
先留五百人待馬再進至喇托輝與阿睦爾撒納軍合上以阿睦爾撒納為準
噶爾人所知令其前行易招撫戒班第仍令阿睦爾撒納先行母合軍班第至
額爾得里克復令阿睦爾撒納先行四月師至博羅塔拉得達瓦齊所遣徵兵
使者知伊犁無備班第謀約西路軍銳進五月遂克伊犁達瓦齊以萬人保格
登山侍衛阿玉錫以二十餘騎擊之將走上獎班第功封一等誠勇公賜寶石

清史稿

列傳九十九

四

頂四團龍補服金黃纓朝珠班第以伊犁厄魯特生計甚艱不足供大兵六月
疏請留察哈爾兵三百喀爾喀兵二百移駐伊犁河北尼楚資治事諸軍次第
遣還是月獲達瓦齊獻俘京師軍初出上察阿睦爾撒納有異志令班第嚴約
束及伊犁既定上令和碩特四部置汗將以阿睦爾撒納為輝特汗阿睦爾
撒納覬覦統四部意不懷置副將軍印不用用故準噶爾台吉噶爾丹策凌蒞
形小印檄諸部諱其降言以中國兵定亂叛迹漸著上召阿睦爾撒納以九月
至熱河行在行飲至禮與他部汗同受封參贊大臣色布騰巴爾珠爾率遣還
諸軍以歸阿睦爾撒納乞代奏冀總統四部期七月俟命色布騰巴爾珠爾歸
不敢聞以班第趣阿睦爾撒納詣熱河令參贊大臣額林沁多爾濟與俱阿睦
爾撒納快快就道而上念阿睦爾撒納終且叛諭班第宜乘其未發討之母滿
忍貽後患諭至阿睦爾撒納已行上又命鄂容安等擒治八月阿睦爾撒納行
至烏龍古解副將軍印還額林沁多爾濟走額爾齊斯遂叛伊犁道梗阿睦爾
撒納之黨克什木巴朗敦克多曼集烏克圖等作亂班第與鄂容安以五百人

拒戰自固勒扎赴空格斯轉戰至烏蘭庫圖賊大至圍合班第拔劍自刎鄂容安同殉上初聞班第等陷賊令參贊大臣策楞自巴里坤間使傳諭母以身殉策楞聞訛傳班第等自賊中出以聞上解所佩荷包為賜既聞班第等死事狀降詔謂班第鄂容安見危授命固為可憫然於事無補非傳清拉布敦為國除兇者比二十一年師復定伊犁喪還上親臨奠並令執克什木巴朗等戴耳以祭又以薩喇爾同陷賊不能死令監往旁視尋視班第義烈仍如傳清拉布敦故事京師建祠亦曰雙忠旋復命圖形紫光閣子巴祿初以察哈爾總管從軍襲一等誠勇公授鑲紅旗蒙古都統從定伊犁師討霍集占授參贊大臣援將軍兆惠有功命駐軍和闐戰伊西洱庫爾淖爾屢敗霍集占師還加雲騎尉世職圖形紫光閣為後五十功臣首出為涼州級遠城將軍察哈爾都統卒

鄂容安字休如西林覺羅氏滿洲鑲藍旗人大學士鄂爾泰長子雍正十一年進士改庶吉士世宗命充軍機處章京乾隆元年授編修南書房行走再遷五年授詹事府詹事鄂爾泰承旨固辭上曰鄂容安與張廷玉子若鶴皇考命在

清史稿

列傳九十九

五

軍機處行走本欲造就成材朕茲擢用鄂爾泰母以己意辭是時直軍機處大臣與章京皆曰行走無異辭也尋又命上書房行走七年以與聞左副都御史仲永檀密奏留中事奪職語在永檀傳八年命仍在上書房行走授國子監祭酒十年襲三等伯爵後五年加號襄勤十二年授兵部侍郎十三年出為河南巡撫賜孔雀翎河南境伏牛山界陝西湖北二省委延八百餘里鄂容安行部入山親勘又以界上諸關通大道易蔽姦宄飭行保甲入奏上嘉焉衛輝參將阮玉堂督操鞭所部兵兵譁鄂容安疏請先治譁兵罪然後罷玉堂母令兵驛亦當上指鄂容安又令補諸州縣常平倉穀都二十九萬石有奇浚治開封歸德陳州三府幹枝諸水以慎蓄洩廣灌溉上獎其留心本務十五年上巡幸河南鄂容安疏言河南士民樂輸銀五十八萬七千有奇上曰朕巡幸方岳從不以絲毫累民曾何藉於輸將且省方問俗勸恤民隱尚慮助之弗周豈容供用轉資於下鄂容安此奏失政體其以輸銀還之士民鄂容安疏請罪又言士民輸銀出本願還之恐不免胥吏中飽仍請允其奏上意終不憚還幸保定

鄂容安入見不引謝上詰責令痛自改悔不得有絲毫糜費粉飾為補過之地十六年移山東巡撫濟南被水米貴鄂容安請用乾隆十三年例暫弛海禁招商往奉天糴運旋與東河總督顧琮規塞張秋挂劍臺河決培築運河隄自臺兒莊至德州千有餘里循隄建堡房塞太行隄涵洞以紓甯陽等縣水患十七年疏陳山東州縣吏交代庫銀倉穀多有虧缺下各府考覈又移江西巡撫十八年授兩江總督十九年疏言江南地廣事繁皆役弊滋甚淮安等府藉賑為弊蘇州等府藉濟為弊徐州府藉應需為弊當嚴懲治令各屬胥吏遵經制原額禁偽冒及額外無名白役是年考績加太子少傅上將用兵準噶爾取達瓦齊以鄂容安年力方盛勇壯曉暢召授參贊大臣二十年永常以定西將軍出西路薩喇爾以定邊右副將軍為副鄂容安實從諫曰漢西域塞外地甚廣唐初都護開府擴地及西北今遺址久湮鄂容安在軍凡準噶爾所屬及回部諸地有與漢唐史傳相合可援據者並漢唐所未至處當一一諮詢記載旋借薩喇爾入告途中撫降諸部落並檄諭達瓦齊齊齊荷包鼻煙壺及師定伊犁是

清史稿

列傳九十九

六

胡中藻以賦詩誹上誅中藻為鄂爾泰門生鄂爾泰從子鄂昌與唱和連坐上責鄂容安不為陳奏行賞獨不及命與班第駐守伊犁阿睦爾撒納叛迹漸著鄂容安入告上令與薩喇爾率師至塔爾巴哈臺相機捕治阿睦爾撒納入覲中途遂叛伊犁諸宰桑應之鄂容安與班第力戰不支相顧曰今日徒死於事無濟負上付託矣班第自到鄂容安腕弱不能下命其僕刺刃於腹乃死故事大臣子諡者內閣擬二諡請上裁以翰林起家者例諡文至是擬文剛文烈上抹二文字諡剛烈圖形紫光閣上親為贊有曰用違其才實予之失蓋重惜之也以次子鄂津襲爵官至伊犁領隊大臣坐事奪官以鄂容安長子鄂岳襲爵納穆扎爾圖伯特氏蒙古正白旗人都統拉錫子納穆扎爾圖散授藍翎侍衛累遷工部侍郎鑲藍旗滿洲副都統乾隆十五年西藏珠爾默特那木扎勒之亂既定命偕班第駐西藏議增設噶卜倫皆予扎薩克銜自喀喇烏蘇至庫車增設八設兵準噶爾通藏凡阿里那克桑騰格里淖爾阿哈雅克四路各於隘口設卡倫又有勒底雅路為準噶爾犯藏時間道亦駐兵防守迭疏陳請皆

如議行十九年杜爾伯特諸部來降命赴北路料理游牧借喀爾喀親王得親
扎布規畫安置輝特和碩特十三旗於固爾班舒魯克杜爾伯特十旗於鄂爾
海西喇烏蘇分界駐牧設卡倫防範納穆扎爾撫降人願至富夏慮赴京領饌
不耐炎暑請遣使轉饌至張家口散給及秋杜爾伯特諸旗遇霜雪損畜入告
予米五百石賑撫輝特和碩特諸旗生計細奏濟以糧畜阿睦爾撒叛命駐
烏里雅蘇特旋移戶部侍郎二十一年和托輝特台吉青滾雜下亦叛納穆扎
爾慮喀爾喀諸部爲所動傳檄諭以利害上嘉之授參贊大臣從將軍成袞扎
布率索倫兵追捕青滾雜下十一月師至杭哈獎噶斯已近俄羅斯境捕得青
滾雜下檻送京師上獎納穆扎爾勇往封一等伯世襲號曰勳襄二十二年授
工部尚書正紅旗滿洲都統命駐科布多旋又命移駐布延圖十月署定邊左
副將軍二十三年議烏梁海降人曾曰察達克所屬鄂拓克置得木齊收榜額
治庶事請以得木齊改佐領收榜額改驍騎校歲貢貂皮送烏里雅蘇特以
緞布疏入如所議師討霍集占復授參贊大臣出西路尋授靖逆將軍會雅爾

清史稿

列傳九十九

七

哈善攻庫車及兆惠代雅爾哈善將師自阿克蘇進逼葉爾羌至喀喇烏蘇爲
霍集占所圍納穆扎爾及參贊大臣三泰先奉命帥師濟兆惠軍兆惠遣副都
統愛隆阿侍衛奎瑪岱來迎納穆扎爾道遺愛隆阿先還而與三泰奎瑪岱將
二百騎夜進遇賊三千餘圍數重力戰矢盡遂沒於陳上聞追封三等義烈公
諡武毅祀昭忠祠回部平圖形紫光閣子保甯自有傳保泰自拜唐阿累遷察
哈爾都統與雅滿泰同爲駐藏大臣廓爾喀侵藏保泰坐請達賴喇嘛班禪額
爾德尼避兵又匿廓爾喀未構兵前表貢方物及遣使有所請不以入奏上改
其名曰俘習渾與雅滿泰同奪職荷校先後予杖者四藏事定成俘習渾黑龍
江赦還雅滿泰復授侍衛

三泰石氏漢軍正白旗人都統石文炳孫也父觀音保官至都統三泰自藍翎
侍衛累遷正紅旗漢軍副都統吏部侍郎乾隆二十三年命軍機處行走調戶
部侍郎命以參贊大臣行走從納穆扎爾出西路七月命納穆扎爾三泰率健
銳營及索倫察哈爾兵應兆惠夜進期以黎明至兆惠軍遇賊衆寡勢不敵力

戰三泰墜馬徒步擊賊中創死三等侍衛彰武藍翎侍衛班泰管站四品花翎
西拉布護軍校委署章京齊旺扎布及兆惠所遣迎師三等侍衛奎瑪岱皆死
上聞追封三等子諡勇石廷柱之裔本以散秩大臣世襲至是別授其兄祥
泰散秩大臣回部平圖形紫光閣上追悼納穆扎爾三泰死事爲賦雙義詩以
傳清拉布敦殉西藏班第鄂容安死伊犁相擬謂此六人者事異心同皆與國
休戚之盡臣也子佛柱襲子爵散秩大臣官阿克蘇領隊大臣
論曰高宗朝徵外諸叛霍集占最桀驁耐戰方其困兆惠保葉爾羌非師武臣
力幾不能克阿睦爾撒納既叛師未接輒遠竄非霍集占比也珠爾默特那木
扎爾欲背中國乃汗準噶爾尤愚妄殆不足數六臣所遇異故其效亦殊大殊
既加罪人斯得成屢屢稱義烈矣

清史稿

列傳九十九

八

清史稿

列傳一百

兆惠

舒赫德

兆惠字和甫吳雅氏滿洲正黃旗人孝恭仁皇后族孫父佛標官至都統兆惠以筆帖式直軍機處七遷至刑部侍郎正黃旗滿洲副都統鎮紅旗護軍統領十三年命兼領戶部侍郎赴金川督糧運疏論糧運事並言請將惟烏爾登哈舉龍勇往並及諸行省遣兵多不實上命告經略傅恒駁實師還命駁軍需調戶部侍郎赴山東按傳鈔尚書孫嘉淦偽疏稿暫署巡撫十八年命赴西藏防準噶爾十九年議用兵命協理北路軍務並督精進二十年命駐烏里雅蘇臺準噶爾台吉噶勒藏多爾濟降命兆惠界以牲畜是歲阿睦爾撒納叛陷伊犁命兆惠移駐巴里坤兼督額林哈畢爾噶臺站二十一年師收復伊犁上以定西將軍策楞不勝任召兆惠還京授方略未行命速策楞並解扎拉豐阿定邊右副將軍以授兆惠時阿睦爾撒納北遁哈薩克定西將軍達爾黨阿逐捕未

清史稿

列傳一百

得上命還師厄魯特諸宰桑從軍者謀為亂結噶斯汗噶勒藏多爾濟告兆惠巴雅爾入掠其牧地兆惠令宿復將軍和起將百人徵厄魯特兵往禦而噶勒藏多爾濟從子扎那噶爾布及宰桑呢嗎哈薩克錫喇達什策等陰通巴雅爾中途變作和起死之兆惠自伊犁將五百人逐捕經濟爾哈朗至鄂壘扎拉圖與達什策等戰大敗之逐賊於庫圖齊再戰於達勒奇殺賊數千二十二年正月至烏魯木齊噶勒藏多爾濟扎那噶爾布等諸賊皆會日數十戰馬且盡師步行冰雪中至特納格爾遂被圍巴里坤辦事大臣雅爾哈善先遣侍衛圖倫楚將兵八百益兆惠軍會兆惠遣軍校雲多克德榜徹自圍中出詣雅爾哈善言轉戰事聞上嘉兆惠奮勇封一等武毅伯授戶部尚書鑲白旗漢軍都統領侍衛內大臣及圖倫楚兵至圍解兆惠得新兵復逐捕巴雅爾至穆壘河源巴雅爾已徙牧他處乃還師巴里坤上以兆惠遠道旋師遂賊不怠資御用玉鑲荷包彝燧壺命同定邊將軍成袞扎布分路剪除厄魯特兆惠旋借參贊大臣鄂寶等自額林哈畢爾噶進勦時扎那噶爾布已殺噶勒藏多爾濟會

清史稿

列傳一百

阿睦爾撒納自哈薩克盜馬竄還伊犁掠扎那噶爾布牧地兆惠察回部頭人布拉呢敦霍集占叛有迹令參贊大臣富德逐捕阿睦爾撒納而駐師濟爾哈朗以待上責兆惠與成袞扎布急回部緞阿睦爾撒納失輕重兆惠乃率師繼富德以北遣使宣諭左右哈薩克師復進次額密勒西岸富德師至塔爾巴哈台獲逃渠巴雅爾及其孥檻送京師語詳富德傳哈薩克汗阿布賽使獻馬並具表請入覲上降敕宣諭阿布賽使言阿睦爾撒納以二十騎來投約詰朝相見令先收其馬並及牛羊阿睦爾撒納驚走獲其從子達什車凌宰桑齊巴罕縛送兆惠兆惠以聞命檻車致京師兆惠分遣諸將圖倫楚三達保愛隆阿擊敗阿睦爾撒納屈眾降其渠納木奇父子送京師兆惠復進與富德軍合調阿睦爾撒納已入俄羅斯上命還師旋授兆惠定邊將軍討布拉克呢敦霍集占兆惠奏請屯田烏魯木齊以來春進討倘不能即入回部則且積穀市馬為持重上責其怯懦二十三年正月兆惠以厄魯特人在沙喇伯勒尚萬戶當先剿除乃專力回部上授雅爾哈善靖逆將軍趣進師命兆惠剿厄魯特事竟別道合攻並諭兆惠厄魯特性反覆往往自殘殺母以其烏合稍眾過疑慮兆惠與副將軍車布登扎布等分四道進勦兆惠趨博羅布爾噶蘇車布登扎布趨博羅塔拉副都統喇爾起等趨尼勒勒哈爾善等趨齊格特皆會於伊犁厄魯特眾紛紜潰竄遂盡殲焉上以賊渠哈薩克錫喇達什等十餘人皆未獲命兆惠等加意奮勉四月兆惠獲鄂哲特送京師疏言準噶爾事將竣請自伊犁移師合攻回部上仍責兆惠俘哈薩克錫喇等既又令赴庫車察軍事還京師詔未至而兆惠師已發會雅爾哈善圍庫車霍集占突圍走上逮雅爾哈善以兆惠代將兆惠中途疏言將八百人赴庫車當與雅爾哈善協力剿賊不願觀顏遽還上獎其肫誠勇往賜雙眼孔雀翎既至軍調霍集占自庫車出入葉爾羌城守乃帥師往捕道阿克蘇頭人頗拉特降和闐頭人霍集斯故擒達瓦齊有功至是亦來附並招烏什頭人俱降遂薄葉爾羌兆惠兵止四百自烏什至此千五百里馬行乏樁要隘屯兵霍集占出戰三敗保城不復出兆惠遣副都統愛隆阿以八百人扼喀什噶爾來路阻賊援而率師臨嶺南河為陳惠嶺

南河者即喀喇烏蘇譯言黑水故時謂兆惠軍為黑水營兆惠念兵寡而城大不任攻謀言賊牧羣在城南英奇盤山乃帥輕騎躡其牧地且致賊為野戰渡黑水縱四百騎而橋坻霍集占挾數千騎出師戰且戰且涉水士卒殊死戰五晝夜殺賊數千人諸將高天喜鄂寶三格特通額皆戰死兆惠馬再踏而及膠皆傷乃收兵築壘掘濠以為衛賊亦築壘與我師相持布拉呢敦自喀什噶爾至助霍集占因我師靖逆將軍納穆扎爾等帥師赴援中途遇回兵力戰皆死之上先事發索倫察哈爾健銳營及陝甘綠旗兵濟兆惠師聞兆惠被圍促富德赴援又命阿里袞選戰馬三千送軍前兆惠發阿克蘇令舒赫德駐守至是遣使令以被圍狀入奏上獎兆惠統軍深入忠誠勇敢進封武毅謀勇一等公並賜紅寶石帽頂四圍龍補服霍集占既逼我師為長圍相持數月賊自上游引水謀灌我師壘我師於下游溝而洩之我師壘迫深林賊發鎗彈著林木中我師伐為薪得彈用以擊賊常不匱水不給賊引水反得飲又掘井恒得泉發地得藏粟一百六十窖掠野得馬駝千餘迫歲暮圍合已三月軍中糧漸盡上

清史稿

列傳一百

三

卒義較革甚或掠回民以食布拉呢敦霍集占以圍久不下會布魯特掠英吉沙爾而兆惠即以是日率師焚賊壘所殺傷過當疑兆惠與布魯特相約因遣使入我師請和兆惠因其使射書諭以納款當入覲二酋亦射書請撤圍相見兆惠置不更答而二酋自此攻稍緩二十四年正月富德帥師至呼爾璦遇回兵轉戰五晝夜阿里袞送馬至合軍復戰布拉呢敦山戰中彈傷還喀什噶爾師至葉爾羌河岸阿里袞與愛隆阿合軍為右翼富德及舒赫德為左翼遂賊以次徐進兆惠自圍中望見火光十餘里馬駝羣器塵上知援集乃率餘軍破壘出與諸軍相合引還阿克蘇上為賦黑水行紀其事兆惠疏辭進封及章服諭母辭並以其母老時遣人存問霍集占之黨攻和闐上以兆惠富德既合軍急引還謂富德不得以援兆惠為畢事兆惠為帥被圍待援尤不當遽引師退諭趣富德援和闐兆惠當就見在兵力加意奮勉以竟全功兆惠督諸將分道進攻布拉呢敦葉喀什噶爾霍集占亦棄葉爾羌同遁兆惠師至喀什噶爾定餘衆富德亦收葉爾羌為畫疆界定貢賦鑄泉幣並分屯滿漢兵駐守富德

師復進追及霍集占戰於阿勒楚爾再戰於伊西洱庫爾布拉呢敦霍集占竄入巴達克山師從之巴達克山汗素勒坦沙初言霍集占中彈死生獲布拉呢敦復言兩酋已皆死獻霍集占首上加兆惠宗室公品級鞍轡並授其子侍衛兆惠復撫定霍罕額爾德尼伯克所屬四城並齊哩克布魯特額德格納布魯特阿濟畢部眾請留兵分駐葉爾羌喀什噶爾諸城復定各城伯克更番入覲例二十五年二月師還上幸良鄉於城南行郊勞禮兆惠入謁賜朝珠及馬從上還京飲至寶銀幣圖形紫光閣二十六年七月命協辦大學士兼領刑部旋令偕大學士劉統勳按楊橋河決二十七年復偕統勳勘江南運河二十八年直隸水災命勘海口疏天津靜海諸縣水道復命偕兩江總督尹繼善籌濬荆山橋河道二十九年十一月卒上臨其喪贈太保益文襄嘉慶元年十一月命配享太廟子扎蘭泰尙高宗女和碩恪公主襲爵授額駙

清史稿

列傳一百

四

增如山東勘巡撫領色報歉收失實狀疏言蘭山郟城被水最甚請緩徵新舊賦而以官帑市穀補社倉復命與江南河道總督高斌如江西勘巡撫岳浚等徇情納賄狀鞫實濬坐黜六年侍郎梁詩正奏八旗兵丁當分置邊屯復命與大學士查郎阿如奉天相度地勢上言地宜耕者吉林烏拉東北拉林阿爾楚克阿爾楚哈東飛克圖齊齊哈爾東南呼蘭西南黑爾蘇站刷煙站白都納東八家子至登瀛爾者庫皆沃壤呼蘭東佛忒喜素素富林木惟地高下各異墨爾根寒暑早齊齊哈爾砂磧吉林烏拉無餘地齊古塔山深烏蘇里產蔴皆不宜耕議政王大臣用其議移屯自拉林阿爾楚哈始八年命如湖南勘巡撫許容劾糧道謝濟世狂縱狀白濟世枉命即著巡撫歷河南山西山東諸省十四年訥親誅令分任訥親償幣旋以兄弟不相及命免之上將巡五台阿里袞疏請於彙懷建行宮太原就巡撫著增建學堂上不許阿里袞別疏薦參將傅謙大學士傅恒弟也上責其不當詔切責十五年授湖廣總督湖北巡撫唐紹祖為前總督永興劾罷阿里袞白綏祖無受狀狀永興坐黜十六年移兩廣總督

東莞民莫信豐謀為亂討平之尋居母憂還京師授戶部侍郎擢尚書歷刑工戶三部兼鑲白旗漢軍都統二十一年四月命軍機處行走時上方責諸將遂捕阿睦爾撒納定西將軍達爾扎阿出西路五月命阿里衮佐達爾扎阿在領隊大臣上行走九月師至雅爾拉遇賊再勝十月命與達爾扎阿還京師二十二年正月上以成衮扎布為定邊左副將軍會師巴里坤阿里衮仍在領隊大臣上行走二月達爾扎阿以失阿睦爾撒納創爵阿里衮亦坐降戶部侍郎旋兼正白旗蒙古副都統時回部大和卓木布拉呢敦小和卓木霍集占分據葉爾羌喀什噶爾為亂於是沙拉斯瑪呼斯諸部游牧與相應九月阿里衮與都統滿福自阿斯罕布拉克和什特克取道至哈喇沙爾搜山殺敵復進至塔本順和爾納木噶仔男婦二百餘十二月滿福為郭多克哈什哈誘殺沙拉斯瑪呼斯遁庫車諸處阿里衮復進次哈喇沙爾西南庫爾勒二十三年正月復進逐敵至呼爾塔克山獲瑪呼斯得木齊額默根等四月阿里衮自魯克察還師駐巴里坤上先得伯克素資瑪奏阿里衮方搜捕瑪哈沁將還師與阿里衮疏

清史稿

列傳一百

五

言師向呼爾塔克山不相應上因責阿里衮中途延罷侍郎以副都統革職留任六月靖逆將軍雅爾哈善攻庫車霍集占赴援入城守已復走還葉爾羌上為罷雅爾哈善而督定邊將軍兆惠攻阿克蘇遂進逼葉爾羌十一月命阿里衮選馬三千駝七百益兆惠軍兆惠攻葉爾羌不克瀕黑水結寨霍集占為長圍困之上聞授富德定邊右將軍阿里衮參贊大臣授兆惠是月命襲封二等公十二月授兵部尚書正紅旗蒙古都統二十四年正月富德師至呼爾瑞霍集占出戰五日四夜未決阿里衮以駝馬至乘夜分師為兩翼斫陳斬千餘級布拉呢敦中創與霍集占並敗走援兆惠全師以還上以阿里衮送馬濟軍如期集事且殺賊多加雲騎尉世職例進一等公七月霍集占走巴達克山部阿里衮與富德等帥師從之降其眾萬二千有奇阿里衮以五百人駐伊西勒庫爾淖爾西截隘復分兵出其南遇敵奪其家屬輜重降二千有奇復將選兵二百餘嶺逐敵克巴達山部旋納款以霍集占首獻行賞賜阿里衮雙眼花翎翎二十五年召還京師六月自喀什噶爾行次葉爾羌會雅木扎爾回會邁喇

木煽訛謂阿睦爾撒納復入阿克蘇羣起為亂乃復還喀什噶爾率八百人出至伯什克勒木邁喇木等以千餘人拒戰阿里衮督所部擊破之賊入城堅守麾兵合圍夜四鼓城人呼號乞降邁喇木遁去上獎阿里衮應機立辦授其子拜唐阿豐昇額藍翎侍衛阿里衮旋捕邁喇木等送京師復進豐昇額三等侍衛授其次子倭盛額藍翎侍衛十月阿里衮還京師授領侍衛內大臣圖形紫光閣二十八年加太子少保二十九年授戶部尚書協辦大學士時緬甸亂南徵兵連數歲三十一年春將軍明瑞深入上授阿里衮參贊大臣馳傳至軍二月明瑞戰死猛臘大學士傅恒出為經略授阿里衮及阿桂為副將軍并令斬領雲貴總督率師駐永昌朝議明年進兵今歲秋夏疫退先收普洱思茅邊外諸小部落阿里衮疏言邊外十三板納皆內屬不為亂惟召散整貝猛勇三部附緬甸當用兵時刑部尚書舒赫德在軍與雲南巡撫鄂寧密疏議撫六月緬甸使頭人請款阿里衮拒之以聞上命置母答並請舒赫德等七月阿里衮疏請絕緬甸貿易並治雲南省城至永昌道撫慰沿邊諸土司借帑俾市籽種

清史稿

列傳一百

六

牛具皆得會旨十二月阿桂至兵共發兵出邊未深入而還三十四年二月上摘雲貴總督明德疏語以軍中馬賊責阿里衮等下部議奪職命寬之三月傅恒至軍與阿里衮等議進兵渡曼鳩江西攻猛拱猛養兩土司向阿瓦阿瓦緬甸都也偏師至猛密夾江而下造舟蠻驛往來七月師行初阿里衮病場上遣醫就視良愈至是復大作傅恒令留永昌治疾阿里衮堅請行師進緬甸兵不出十月傅恒還師蠻驛復進攻老官屯駐曼鳩江口緬甸兵水陸並至傅恒阿桂軍江東阿里衮軍江西迎戰敵結寨自固阿里衮率兵七百攻之敵百餘棄寨走把總姚卓殺敵奪其旗師銳進敵四百餘亦遁復戰會日暮敵不能堅守皆引去凡破寨三殺敵五百餘傅恒亦避疾諸將議母更進兵阿里衮曰老官屯賊寨前歲額爾登額攻未克距此僅一舍不破之何以報命策馬行傅恒以下皆從之寨堅攻不克阿里衮疾甚猶強起督攻視鎗斃最多處軀身當之傅恒慮其傷令將舟師母更與攻寨十二月卒於軍諡襄壯祀賢良祠以豐昇額金川功追加封號為果毅繼勇公子豐昇額倭輿額色克精額布彥達資豐

昇額自三等待衛襲封一兵公擢領侍衛內大臣署兵部尚書廂蓋旗蒙古都統三十五年八月命在軍機處行走金川再用兵定邊左副將軍溫福為帥劾參贊大臣伍岱乖謬上命豐昇額往勘因授豐昇額參贊大臣五月豐昇額攻東瑪賽偽退以致敵令章京佛倫泰富爾賽突起偽寨侍衛仲達蘇發鉅礮敵驚卻多墜崖死遂克東瑪六月攻固卜濟山梁師至色爾渠令烏什哈達三泰等左右進攻豐昇額出中路發礮墮礮烏什哈達等引兵出巖下豐昇額自山徑策應慶戰敵大奔七月復克色爾渠大礮及卡房百餘卡房敵所置墩也旋與溫福大軍合十月克路頂宗喀木色爾渠復進克兜烏山梁及附近諸寨十一月克博爾根山奪瑪覺烏大寨再進克明郭宗下礮卡九十餘克嘉巴山焚經樓語詳溫福傳十二月授豐昇額副將軍三十八年正月與將軍溫福副將軍阿桂議分道並進溫福自功噶爾拉進攻噶爾薩爾阿桂自僧格宗經納團納扎木至當噶爾拉待溫福軍至與合攻噶爾拉依豐昇額自章谷吉地經納斯甲布溫福分道參贊大臣舒常駐軍於此與合攻勒烏圖豐昇額駐軍宜喜

清史稿

列傳一百

七

於其地設糧臺規進取四月考績加太子少保溫福師銳進六月次木果木阿桂亦克當噶爾拉上令豐昇額攻大板昭命未至木果木師潰溫福死之上聞敗命豐昇額引兵自黨壩三維谷至巴朗拉為阿桂聲援既聞阿桂自當噶爾拉全師而出屯翁古爾聖諭豐昇額仍駐宜喜為犄角豐昇額初未移軍分兵駐智固山防後路阿桂以定西將軍為帥十一月收小金川全境豐昇額自宜喜攻克沙壩山梁礮卡分敵勢十二月阿桂定策自取谷噶而令豐昇額攻凱立葉進兵上命豐昇額以五千人往攻三十九年正月師次薩爾赤鄂羅山占其南雪山又分兵屯孟拜拉山梁阿桂遣納木扎等將二千人與合軍二月晦夜半豐昇額帥師自達爾扎克北山溯越石關雪以進次日黎明至凱立葉山麓山絕險凡大峰各置礮見我師至且近鎗石並發豐昇額督師直前衝擊與侍衛彰靈明仁取第二峯瑪爾占伊達里取第三峯令領隊大臣五岱營第三峯下捷聞上以礮礮峯顛仰攻不易克命留五岱於此而移軍谷噶與阿桂合軍攻勒烏圖阿桂遣謀告豐昇額達爾扎克面當莫爾敏山山旁地曰迪噶拉

穆扎師得此繞出凱立葉後夾攻易為力豐昇額即遣兵占莫爾敏山敵力爭絕我師前後不相屬卒敗敵取迪噶拉穆扎豐昇額尋從上命移軍谷噶六月克色爾渠破礮十一七月克該布達什諾大礮十月自開道克墨格爾陟曰爾巴富噶西峯破礮寨二百餘得凱立葉山梁之半命議叙寶玄狐帽貂馬褂十一月攻格魯古了口通黨壩遂進逼勒烏圖四十年正月克甲爾納堪布卓沿河諸礮寨四月破噶爾丹寺及噶朗噶木柵十七五月克了口石礮八木城四再進盡墮邊克爾宗諸礮寨救獎其奮勉命封號加繼勇字七月師至章噶礮甚堅礮外為濠三重濠外立木柵海察攻其中豐昇額督官達色仁和等攻其左右毀柵濠濠以度師緣礮側直上自其巔俯攻遂克之並得其旁木城八月與阿桂合克勒烏圖九月復進向噶爾拉依十二月克格隆古科布曲山梁四十年正月克瑪爾古當噶山梁金川全部悉定師圍噶爾拉依上命加豐昇額一等子以其弟布彥達寶慶爵尋移戶部尚書賜雙眼孔雀翎二月金川會索諾木出降致京師四月師還寶慶馬具鞍轡圖形紫光開四十二年十月卒贈

清史稿

列傳一百

八

太子太保諡誠武布彥達寶自三等待衛累遷武備院卿嘉慶間授戶部尚書正白旗滿洲都統步軍左翼總兵署統領五年卒贈太子太保諡恭勤布彥達寶女為宣宗元妃道光元年册諭孝穆皇后禮成追封三等公舒赫德字伯容舒穆魯氏滿洲正白人徐元夢孫也舒赫德自筆帖式授內閣中書累遷御史充軍機處章京乾隆二年疏言八旗生齒日繁盛京黑龍江軍古塔三省土沃可耕請將閒散移屯並條議設公庫以各省稅務專屬旗員贖旗地典於民者以官地界無地旗丁以十年為期次第施行上以稅務專屬旗員為非於諭曰舒赫德此議但知旗人生計艱難不知國家設關欲稽察姦宄非為收稅之員身家計也朕日以砥礪廉隅勉臣工尚恐其不能遵奉而可以謀利導之乎况各省稅務本未分滿漢旗員有廉潔者何嘗不可派委大抵為上者施速下之仁惟有勵以忠勤示以節儉為下者皆當早作夜思宣力供職以永受國家惠養方可謂之計長久蓋厚其生計不可不思而長貪以為惠下則未見其利而且貽害非所以教旗員亦非所以愛旗員也初雍正間京師設

官米局收旗丁餉米存儲平糶舒赫德疏請復設從之五遷至兵部尚書移戶部尚書十三年命從經略大學士傅恒征金川授參贊加太子太保十四年師還留辦軍需奏銷命往雲南湖廣河南查閱營伍並勸雲南金沙江運銅水道舒赫德疏言金沙江下游銅運無阻上游四十餘灘多峻險仍當陸運總督張允隨言上下游皆疏通語不實古州總兵哈尙德因古州被水請移城上令舒赫德相度舒赫德請城內外疏積水無待移建十月復移兵部尚書十五年疏言定例額兵百人闕二謂之名糧為軍中公使錢惟繕治軍器巡防路費每不給於用馬兵不宜於東南其在西北十居其八亦可量減騰牌兵全無實用擬於馬兵騰牌兵內加增名糧以備公用廷議允行十二月命如浙江勘海塘十六年命勘永定河工又命如浙江按杭州覺羅額爾登受賄狀十七年命借侍郎玉保赴北路軍防準噶爾十八年以準噶爾內亂撤防召還命如江南塞銅山張家馬路河決時準噶爾達瓦齊復為台吉所部杜爾伯特台吉車凌等來降準噶爾宰桑瑪木特烏梁海得木齊扎木參瑚圖克等追車凌先後闖入北

清史稿

列傳一百

九

路卡倫上命舒赫德如鄂爾坤治軍事而令侍郎玉保前鋒統領努三散秩大臣薩喇爾佐定邊左副將軍成衮扎布十九年春舒赫德至軍參贊大臣達清阿誘致瑪木特將檻送京師疏聞上以瑪木特聞召即至命釋使還既薩喇爾努三帥師出邊獲扎木參瑚圖克舒赫德等復疏請檻送京師上以瑪木特誘致扎木參等乃逐捕所得事不同責舒赫德謬誤命以扎木參等囚置軍中軍中方傳達瓦齊遣其將扎努噶爾布以五千人犯邊成衮扎布等致書達瓦齊言瑪木特扎木參等以入邊被捕本末上以為太懦諭舒赫德等上方以準噶爾內訌將乘時收烏梁海以薩喇爾本蒙古頭人習邊事將倚以招致舒赫德等疏言達瓦齊復為台吉烏梁海等未易招致令薩喇爾駐軍卓克索待後舉上責舒赫德畏怯使薩喇爾擊肘蒙古貝勒額琳沁公格勒克巴木丕勒以赴軍邊延得罪舒赫德等疏言其至軍後勉請贖罪上下詔責其外謬並及行文達瓦齊事下部議奪官得旨寬免上幸熱河召舒赫德詣行在示方略旋解成衮扎布將軍以授策楞七月輝特台吉阿睦爾撒納來降舒赫德與策楞議

留阿睦爾撒納及諸頭人軍中待命以其符移置蘇尼特阿睦爾撒納有兄為瑪木特所獲乞資以行糧俾赴援舒赫德不許是時上方欲倚阿睦爾撒納擒達瓦齊事聞上盛怒詔罪狀策楞舒赫德略謂阿睦爾撒納初來降乃以其眷屬移置戈壁南相距數千里使其父母妻子分析離居失遠人歸附心準噶爾內亂所部叩關內附正可示以懷柔永綏邊境策楞舒赫德顛倒外謬至於此極皆奪職以開散在參贊大臣上效力贖罪並籍其家罪及諸子二十二年正月上命阿睦爾撒納佐班第師討達瓦齊阿睦爾撒納請移游牧於烏里雅蘇臺上許之命領隊大臣兆惠駐軍於此子舒赫德章京銜佐兆惠六月師已定伊犁諭曰策楞舒赫德軍前効力今大功已成本欲施恩開其自効策楞已子都統銜駐軍巴里坤檢舒赫德筆札雖無怨望語乃效漢人習日必記事作詩嗣宜痛自改悔令仍以章京留烏里雅蘇臺上分準噶爾故地本衆建諸侯意四衛拉特各為汗阿睦爾撒納求為總統上不許遂叛其妻子在烏里雅蘇台舒赫德借兆惠收送京師二十一年喀爾喀台吉青滾雅下叛驛道中梗會

清史稿

列傳一百

十

察哈爾兵數百送羊至舒赫德留之分布諸台站軍報乃通行邊至努兒木倫護厄魯特人掠馬者烏梁海人入邊竄匿俄羅斯馳檄往索上嘉其治事尚協機宜召還授正黃旗漢軍副都統二十二年正月上命成衮扎布為定邊將軍逐捕阿睦爾撒納授舒赫德參贊大臣尋擢兵部尚書兼鑲黃旗漢軍都統三月以舒赫德在軍獨具疏奏事責其放縱罷尙書七月疏請防範沙喇斯遊牧內移上斥其藉作歸計嚴諭申戒十二月上以成衮扎布師久無功詔罪狀舒赫德略言舒赫德起自廢籍初赴軍授方略令傳諭成衮扎布並戒其母更懼怯乃至軍後諸事皆失機宜即如招服克特烏魯特等遊牧當收其馬以佐軍乃任令屯駐山中致兵過復叛及朕有旨詰責始東遮西露往來道途疲馬力於無用之地舉此一端可見諸事皆無成算此實舒赫德未將朕旨宣示成衮扎布之所致也舒赫德罪不勝誅朕念成衮扎布去年擒青滾雅下之功賞舒赫德以不死令奪職為兵從軍贖罪二十三年子頭等侍衛銜駐阿克蘇十月將軍兆惠逐捕雀集占深入被圍命定邊右副將軍富德往援授舒赫德參

賀大臣會於巴爾楚克舒赫德以阿克蘇通葉爾羌喀什噶爾要隘當設卡倫
上嘉之擢吏部侍郎遷工部尚書鑲紅旗滿洲都統賜孔雀翎十二月簡阿克
蘇銳卒諸路兵先至者馳援兆惠二十四年正月與富德合軍解兆惠圍于雲
騎尉世職七月命移駐葉爾羌旋命仍駐阿克蘇先後奏定回城賦稅台站酌
設伯克阿克蘇鑄騰格以四存公六畀回人阿克蘇庫車哈喇沙爾烏什和闐
置文武吏皆得旨議行尋以回部平圖形紫光閣二十八年加太子太保二十
九年命如福建按提督黃仕簡劾廈門洋行陋規總督楊廷璋以下皆得罪語
詳廷璋傳三十一年署陝甘總督旋署戶部尚書三十二年如湖南北獄獄三
十三年將軍明瑞征緬甸收績死之上命大學士傅恒為經略授舒赫德參贊
大臣先赴雲南籌畫進軍舒赫德密疏議巡忤上旨下部議奪官並削雲騎尉
世職命以都統銜參贊大臣出駐烏什三十六年土爾扈特汗渥巴錫等自俄
羅斯來歸衆疑其偽降舒赫德力白無他志命如伊犁宣撫尋授伊犁將軍十
一月授戶部尚書三十八年加太子太保授武英殿大學士九月命如江南監

清史稿

列傳一百

十一

黃河老壩口隄工壽張民王倫叛破臨清命督師進剿克之倫自燔死賜雙眼
孔雀翎復予雲騎尉世職寶貂冠黑狐褂四十一年金川平圖形紫光閣初舒
赫德為伊犁將軍子舒甯在京杖斃二奴得罪上命發伊犁交舒赫德約束及
是又以爭煤礦為山東民所訟舒赫德縛舒甯送刑部疏請罪下部議奪官命
寬之四十二年四月卒贈太保諡文襄祀賢良祠子舒常始為侍衛舒赫德議
移置阿睦爾撒納妻子得罪舒常亦奪官發黑龍江披甲及舒赫德召還為副
都統授舒常三等侍衛舒赫德以佐成衮扎布無功再得罪舒常復發黑龍江
乾隆二十三年二月命釋還累遷至鑲藍旗護軍統領三十七年將軍溫福征
金川授參贊大臣金川平圖形紫光閣與舒赫德父子並列前五十功臣舒赫
德卒令還京治喪授工部侍郎出為貴州巡撫遷湖廣兩廣總督入為工部尚
書復出署江西巡撫復為湖廣總督荆州漢水決奪官授一等侍衛擢都察院
左都御史改鑲黃旗蒙古都統嘉慶初署刑兵二部尚書卒諡恪靖
論曰兆惠再就圍中受得援師克竟其功而為之援者前則雅爾哈善後則

富德順坐法不克有終訥親之誅也高宗謂策楞達爾黨阿皆愧奮阿里賓獨
內疑遇事畏葸然策楞達爾黨阿先後偵事奪封阿里賓以戰闕承世祚豐昇
頡繼之慶延於後嗣舒赫德初為御史有直聲後出視軍高宗屢言其懦再被
謫謫終致台司功名始終之際蓋亦有天焉然其要必歸於忠謹茲非彰彰可
視者歟

清史稿

列傳一百

十二

清史稿

列傳一百零一

策楞

王保

達爾黨阿

哈達哈

永常

覺羅雅爾哈善

富德

薩賴爾

策楞鈕祜祿氏滿洲鑲黃旗人尹德長子乾隆初為御前侍衛二年秋永定河決上出帑命策楞如蘆溝橋賑災民累遷為廣州將軍授兩廣總督廣東巡撫託庸劾布政使唐綏祖職私下策楞勸謙策楞雪綏祖枉上嘉其秉公尋加太子少傅移兩江總督其弟訥親承父爵進為一等公以征金川失律坐譴十三年十月命策楞襲爵仍為二等公復移川陝總督旋以川陝轄地廣析置二督策楞專領四川時大學士傅恒代訥親為經略命策楞參贊軍務傅恒受金川降班師行賞策楞加太子太保西藏郡王珠爾默特那木札勒狡暴謀為亂上命策楞戒備十五年冬駐藏大臣傅清拉布敦誅珠爾默特那木札勒為其黨

清史稿

列傳一百零一

所戕西藏亂上命策楞及提督岳鍾琪督師數難時西藏公班第達獲逆渠卓呢羅卜藏扎布戕兵侍命策楞以聞請率八百人以往留軍駐打箭爐待徵發策楞至西藏與鍾琪及侍郎兆惠駐藏大臣納穆扎爾班第等審定規制為西藏善後章程語詳西藏傳雜谷土司蒼旺浸侵磨卓克基二土司為亂策楞與鍾琪發兵討之上以川兵弱當對金川用兵後元氣未復誠慎重師戰勝獲蒼旺收其地內屬策楞丁母憂解官還京師江南淮揚水災命借尚書劉統勳往勘因疏河工積習總督高斌以下皆坐黜即令策楞署南河總督河決銅山張家馬路上以河工非所習改授兩廣總督時準噶爾酋達瓦齊庸備所部內訂上銳意用兵十九年二月召策楞命出視師授定邊左副將軍阿睦爾撒納之降也尚書舒赫德在軍察其狙詐慮且復叛策楞與共議以所攜部族置戈壁南而留阿睦爾撒納及諸頭人丁壯勝兵者從軍上聞阿睦爾撒納降將倚以取達瓦齊得策楞等疏怒甚命削職以閑散在參贊上效力贖罪發諸子各行省駐防披甲上遂用阿睦爾撒納為定邊左副將軍導我師討達瓦齊二十

年五月師定伊犁上降詔猶責策楞舒赫德恇怯乖張幾值事旋以師有功子策楞副都統銜令率偏師戍巴里坤九月阿睦爾撒納叛去上以永常為定西將軍命策楞參贊大臣上行走既聞當阿睦爾撒納叛時永常引師自穆里左次巴里坤能永常將軍以命策楞旋詔速永常授扎拉豐阿為將軍策楞疏言待軍士器械隨將軍進兵詔併速策楞謂懲其懦也尋以罪在永常貸策楞令屬扎拉豐阿督饗會準噶爾宰桑克什木等陷伊犁定北將軍班第等死事策楞馳疏聞請合兵進討上復授策楞副都統銜參贊大臣扎拉豐阿未至攝將軍策楞與喀爾喀諸部貝勒合兵擊敗準噶爾部落授內大臣員除定西將軍上督諸將逐捕阿睦爾撒納甚急二十一年二月策楞聞台吉諾爾布等已得阿睦爾撒納贖章奏捷上告於陵廟進策楞一等公賜雙眼花翎寶石帽頂四團龍補服三月策楞復疏言前奏非實上命停封賞嚴促進兵逐捕是月復克伊犁阿睦爾撒納走哈薩克四月命大學士傅恒視師速策楞及參贊大臣王保旋得策楞奏方督兵壓哈薩克境令擒阿睦爾撒納以獻上乃令傅恒還

清史稿

列傳一百零一

京師時達爾黨阿出西路哈達哈出北路與策楞合軍以進師久次不得阿睦爾撒納蹤跡九月達爾黨阿哈達哈引兵還屯哈薩拉克十一月復命速策楞王保極送京師途遇準噶爾兵為所戕子特通額初發黑龍江披甲二十三年以侍衛從將軍兆惠討霍集占戰黑水與總兵高天喜等同戰死圖形紫光閣列後五十功臣特請額初發杭州披甲自上虞備用處拜唐阿十一遷至嘉慶間授成都將軍營兩攝四川總督會有為蜀都賦許長吏者給事中胡大成以聞仁宗命工部尚書託津光祿寺少卿盧蔭溥詣勘特清額坐徇隱降三級留任未幾卒特成額初發西安披甲自黏竿處拜唐阿再遷三等侍衛師討大金川曾索諾木高宗命特成額從征轉戰兩年自資理北山下克美美卡諸地攻榮噶爾博最高峯奪康薩爾山牛石碾破密拉噶拉木山果木城特成額皆有功授貴州威寧鎮總兵乾隆四十二年上以勳舊世家有世為領侍衛內大臣因以豐昇額遺缺授特成額三遷授禮部尚書為成都將軍三攝總督尋除湖廣總督五十年歲旱湖北江浙浙江皆饑特成額疏請發湖南倉穀賑湖北有

餘平值以糶使商自四川販米至者見湖北穀值低得輸以濟江浙上獎其不分畛域得大臣體尋移雲貴總督以李侍堯代督湖廣侍堯疏發上年旱饑孝感民無食掠富家儲穀諸生梅調元者糾眾與抗生瘞二十三人上震怒速特成額籍其家旋予副都統銜充烏什辦事大臣又坐在湖廣失察屬吏侵帑案積重積屢被譴責及荆州隄決復逮下獄論絞久之赦授頭等侍衛烏魯木齊辦事大臣嘉慶初自科布多參贊大臣授兵部侍郎未上卒

玉保烏朗罕濟勒門氏蒙古鑲白旗人自理藩院筆帖式三遷郎中乾隆三年擢侍郎八年率準噶爾使者入藏熬茶賜孔雀翎十二年復率準噶爾使者入藏熬茶疏言前次入藏自巴延喀喇納木齊圖穆倫至穆魯烏蘇渡口道甚險時方秋冬間少雪行旅尚便今冬大雪擬改道踰哈什哈嶺左巴延喀喇巴山後自布魯爾仍至穆魯烏蘇渡口報可十六年遷正黃旗蒙古都統十七年達瓦齊為亂命偕尚書舒赫德赴北路防邊十八年杜爾伯特台吉策凌等來降命馳赴犒勞上以玉保習準噶爾事命以參贊大臣佐軍事十九年輝特台吉

清史稿

列傳一百零一

三

阿睦爾撒納來降復命馳赴犒勞率以入覲二十年阿睦爾撒納叛命仍以侍郎參贊大臣出北路師次哈齊克遣兵至鄂什默納河收阿睦爾撒納所屬三百餘戶搜山獲阿睦爾撒納黨得木齊班咱等進次安集雅哈爾阿巴噶齊所屬三百餘戶圍班雅遊牧尋從逆喇嘛達什藏布並收其妻子擢內大臣二十一年策楞疏報已獲阿睦爾撒納行賞玉封保三等男世襲玉保獲從賊達永阿言阿睦爾撒納相距僅一日玉保執送策楞又得從賊烏遜言阿睦爾撒納方出痘所部尚有厄魯特兵八千哈薩克兵三千亦執送策楞上責玉保退縮玉保師復進遣諸將烏爾登等追至庫爾喀嶺得從賊額林沁言阿睦爾撒納已踰嶺入哈薩克境引還次固勒扎上怒策楞玉保不得阿睦爾撒納策楞又疏言玉保馳檄謂阿睦爾撒納即日就禽無煩大軍深入因是勅兵未進遂命併逮詣京師旋命姑寬之玉保疏辨未嘗馳檄阻策楞進兵上謂玉保即未阻策楞進兵阿睦爾撒納脫於誰手因斤其畏忌欺飾削男爵奪參贊大臣改授領隊大臣玉保疏言阿睦爾撒納僅餘從賊二三人投哈薩克汗阿布賚正督

兵往索上以玉保明知叛賊子身無助始直前追逐斥其取巧命尚書阿里衮詣軍速策楞並諭玉保已率兵向哈薩克免其罪未行則併逮尋達爾黨阿疏報玉保師已臨哈薩克命授頭等侍衛旋以師久次不得阿睦爾撒納命仍速治與策楞同送京師道死

達爾黨阿鈕祜祿氏滿洲鑲黃旗人理藩院尚書阿靈阿次子初襲曾祖額亦都一等子爵累官吏部尚書訥親得罪請從軍師還加太子少保十九年出為黑龍江將軍策楞得罪命襲封二等公是年十二月上用阿睦爾撒納討達瓦齊以班第為定北將軍授達爾黨阿參贊大臣二十年正月命將索倫巴爾呼兵詣軍五月定伊犁師還命協辦大學士及阿睦爾撒納叛授定邊左副將軍借贊大臣哈達哈出北路率師逐捕十月改授右副將軍出西路而以哈達哈當北路十二月復以將印授扎拉豐阿達爾黨阿仍為參贊大臣二十一年正月又以鄂勒哲依薩賴爾同掌將印達爾黨阿帥師至珠勒都斯迎薩賴爾及策楞報獲阿睦爾撒納達爾黨阿亦賜雙眼孔雀翎尋自特納格爾赴安集海分

清史稿

列傳一百零一

四

兵略唐古特游牧旋以阿睦爾撒納竄入哈薩克上命西路專任達爾黨阿北路專任哈達哈督兵壓哈薩克境使擒阿睦爾撒納以獻五月復授右副將軍時策楞駐登努勒台令達爾黨阿還師達爾黨阿不從上即解策楞定西將軍以命達爾黨阿八月師次雅布拉克汗阿賚遺頭人和集博爾根率四千騎分二隊從阿睦爾撒納走魯臘而自率千餘騎西行會於毫阿臘克山下達爾黨阿師至遇和集博爾根前隊自山谷中誘使出突其中堅斬五百七十餘級獲頭人楚魯克逐敵至努喇遇和集博爾根後隊復戰陷陳得其纛斬三百四十餘級阿睦爾撒納部宰桑言阿睦爾撒納易藍纛以戰戰敗易服遁哈達哈亦擊破阿布賚軍獲頭人昭華什兩軍合遣楚魯克昭華什還諭其渠時阿睦爾撒納走不過一二里許遇楚魯克等使還報偽為哈薩克頭人語待其汗阿布賚至且執阿睦爾撒納以獻達爾黨阿信之按兵以待阿睦爾撒納從容捆載去上聞不得阿睦爾撒納命繳雙眼翎召還京師罷協辦大學士二十二年二月奪爵左授正白旗滿洲副都統八月軍中俘阿睦爾撒納從子達什策

榜檄致京師上始聞達爾黨阿哈達哈綏追逸賊狀俱奪官發熱河披甲二十三年授三等侍衛率西安駐防兵赴軍師有功進二等侍衛卒

哈達哈瓜爾佳氏滿洲鑲藍旗人黑龍江將軍傅爾丹子傅爾丹初襲曾祖費英東二等信勇公乾隆元年退論失律罪黜以哈達哈襲是時哈達哈已自侍

衛累遷領侍衛內大臣兼勳舊佐領既襲爵復遷鑲紅旗滿洲都統工部尚書加太子少保署兵部尚書步軍統領十九年師討達瓦齊授參贊大臣佐定北

將軍班第山北路尋改領隊大臣二十年達瓦齊就俘再出師討阿睦爾撒納復授參贊大臣佐定邊左副將軍達爾黨阿出北路哈達哈請將索倫喀爾喀

兵為前鋒上獎其奮勉尋命代達爾黨阿為定邊左副將軍當北路移軍布延圖南自伊克斯淖爾北至烏哈爾哈及烏里雅蘇台割下堪諸形勝地皆分兵

列戍二十一年命自阿爾泰進兵詔以北路專任哈達哈特楞古特宰桑敦多克圖爾班和卓等與我師遇偽請降哈達哈察其詐斬敦多克圖爾班和卓

等殪其衆上嘉其勇再授領侍衛內大臣賜雙眼孔雀翎師至嵩哈薩拉克山

清史稿

列傳一百零一

五

遇哈薩克汗阿布資擁衆自巴顏山西行與戰敗之復遣諸將勦起鄂博什奇徹布等追擊斬百餘級獲馬二百哈達哈不知阿布資在軍未窮追而達爾

黨阿與阿睦爾撒納遇戰既勝縱使脫去兩軍合引還奪雙眼孔雀翎命以參贊大臣屯科布多尋論失阿布資罪奪爵能領侍衛內大臣左授兵部侍郎旋

就進尚書徙屯烏里雅蘇台二十二年八月詔罪狀達爾黨阿哈達哈謂二臣皆勤舊子孫襲爵專闕而因循觀望坐失軍機若此盡奪其官發熱河披甲二

十三年與達爾黨同授三等侍衛從軍回進二等侍衛子哈寧阿自藍翎侍衛累遷寧夏副都統哈達哈為定邊左副將軍哈寧阿為領隊大臣尋命以參贊

大臣佐定西將軍達爾黨阿出西路旋命詣伊犁伊黎佐定邊右副將軍兆惠兆惠

困濟爾哈喇力戰突圍出哈寧阿與焉子三等輕車都尉世職又從兆惠擊巴雅爾功最賜玉鑲荷包鼻煙壺哈達哈奪爵以哈寧阿襲擢鑲黃旗漢軍都統

二十三年復授參贊大臣佐靖逆將軍雅爾哈善討霍集占圍庫車霍集占脫去與雅爾哈善同速送京師二十四年正月雅爾哈善乘市上以哈寧阿為參

贊責海於將軍又念濟爾哈喇力戰有勞命襲秩待秋決十一月富德師至巴達克山遣使令縛送霍集占上以達爾黨阿哈達哈皆在軍不自請行詔詰

責因言哈寧阿秋職本當決哈達哈稍有事效尚當寬宥今豈可曲貸重念費英東勤勞不忍刑諸市命賜自盡且令駭諭哈達哈哈達哈已先以十月卒於

軍永常董鄂氏滿洲正白旗人自三等侍衛累遷鑲紅旗滿洲都統乾隆五年命

如安西按事即授安西提督屯哈密賜孔雀翎紅絨結頂冠十五年授湖廣總督羅田民馬湖杜為亂討平之十八年上將征準噶爾命為欽差大臣駐安西

旋移陝甘總督加太子少保兼特台吉阿睦爾撒納來降言達瓦齊昏暴上決策用兵召永常詣京師諭行軍機宜遂以內大臣授定西將軍時上倚阿睦爾

撒納及來降宰桑薩賴爾取達瓦齊以阿睦爾撒納副定北將軍班第山北路以薩賴爾副永常出西路仍諭阿睦爾撒納薩賴爾為軍鋒敕永常督軍鋒先

發永常令諸道軍兼程進上責其誤永常師次巴里坤命還肅州永常還督

清史稿

列傳一百零一

六

饒有所計畫上皆不謂然師定伊犁俘達瓦齊詔責永常但知師行糧隨沾沾讓接濟今功已成何慮糧不足因糧於敵從來勝算如永常奏輾轉挽運動逾

數十日庸有濟乎因左授吏部侍郎阿睦爾撒納叛犯伊犁永常師左次上責其怯懦罷內大臣定西將軍以副都統銜為參贊厄魯特諸台吉有不從阿睦

爾撒納叛者宰桑扎木參等率數千人詣永常請附屯永常疑其詐挾宰桑為質兼程卻走恐賊逼其後徵策楞赴援並檄阿敏道引還同駐巴里坤上命奪

官逮京師行至臨潼道卒仍籍其家成其子拉林

覺羅雅爾哈善字蔚文滿洲正紅旗人雍正三年繙譯舉人自內閣中書四遷乾隆三年授通政使御史邱玖華疏論九卿議事不公別疏請錄用賢良祠大

臣子孫雅爾哈善劾玖華為原任侍郎勦宗萬門生宗萬祖杜訥為賢良祠大

臣玖華劾九卿議事不公示剛正實為起宗萬地上謂錄用賢良祠大臣子孫不過虛銜微秩視其材可用然後用之豈有嘗為侍郎獲罪因賢良祠大臣子孫而輒起者勦宗萬雖愚計不出此玖華所論九卿議事不公切中時弊諸臣

見之宜深自儆省若遷怒建言者是為不知恥命解雅爾哈善任令莊親王允祿平郡王福彭會大學士以下嚴鞠雅爾哈善言語得之右通政陳履平因請皆奪官上責王大臣議不當命奪雅爾哈善官履平下吏議四年特起四川龍安知府五年以憂去六年授江南松江知府移蘇州知府九年遷福建汀漳道雅爾哈善在松江蘇州皆有聲績其去民思之十三年以福建按察使署江蘇巡撫上元民燬制錢雅爾哈善論如律復以數少乞原上責其寬縱命奪職留任十五年雅爾哈善議經徵未完不及一分知縣許惟枚等皆劾總督黃廷桂劾不當下吏議當奪官仍命留任尋入為戶部侍郎十六年復出為浙江巡撫十九年復入為戶部侍郎命軍機處行走旋授兵部侍郎二十年師討阿睦爾撒納授參贊大臣出北路二十一年命改赴西路令駐巴里坤辦事疏請徒布庫努特降人於烏蘭烏蘇與前降噶勒維特人同牧未幾結羅斯汗噶勒藏多爾濟叛噶勒維特人哈薩克錫喇等與為響應回部降人莽噶里克亦從之雅爾哈善擒其黨並其子白和卓十二月上獎雅爾哈善實心治軍事加內大清

清史稿

列傳一百零一

七

臣銜和碩特降酋沙克都爾曼吉不與阿睦爾撒納之亂率所部徙巴里坤附城為牧地以居噶勒藏多爾濟巴雅爾之叛上寄諭雅爾哈善令密察沙克都爾曼吉蹤跡雅爾哈善方內疑又以饑不時至沙克都爾曼吉請糧不能給乃使裨將閻相師將五百人入其壘若迷途借宿者夜大雪相師吹笛督兵襲其壘沙克都爾曼吉驚起其妻與相抱持至死不釋其衆四千餘人殲焉雅爾哈善疏報沙克都爾曼吉與綽羅斯叛黨扎那噶爾布相通戮以杜後患又遣兵赴魯克察克剿莽噶里克上嘉其往二十二年春定邊右副將軍兆惠自伊犁率師逐捕噶勒藏多爾濟等雅爾哈善遣侍衛圖倫楚將八百人益兆惠軍提督傅魁師至鹽池遇莽噶里克率三十二人入塞探白和卓消息傳魁執而殺之雅爾哈善疏聞上以莽噶里克為叛首當議定行誅命速傳魁送京師兆惠師自濟爾哈朗至特納勒爾為敵圍得圖倫楚援乃解尋召雅爾哈善還京師戶部侍郎四月復授參贊大臣令駐濟爾哈朗九月擢兵部尚書十二月令移駐魯克察克總理屯田二十三年二月命為靖逆將軍帥師討霍集占五月

師至庫車霍集占所屬頭人阿卜都克勒木城守雅爾哈善督師合圍斷其水草城賊出戰屢敗之六月收援賊於托木羅克霍集占自將八千人具最精巴拉烏槍行阿克蘇戈壁來援雅爾哈善督兵戰庫車南斬千餘級霍集占負傷入庫車獲其蘇庫車依岡為城以柳枝沙土密築甚堅賊攻不能入提督馬得勝策穴地入城距城北一里為隧已及城雅爾哈善督之急我兵夜乘燧入穴城賊見火光於城內為橫溝水入隧我兵皆沒頭人鄂對告雅爾哈善曰庫車食且盡霍集占必出走城西鄂根河水淺可涉北山通戈壁走阿克蘇宜分兵屯此二隘霍集占可擒也雅爾哈善以鄂對新降不可信越八日霍集占乘夜引四百騎啓西門涉鄂根河遁又數日阿都卜克勒木復夜遁餘頭人阿拉雅爾等率老弱出城降雅爾哈善雅爾哈善訊城人謂沙呢雅斯等五人為阿都卜克勒木死黨因殺之疏入上聞不得霍集占盛怒奪雅爾哈善官雅爾哈善劾副都統順德訥疎縱又劾馬得勝失機上曰雅爾哈善始劾順德訥繼劾馬得勝無一語引罪不思身任元戎指麾諸將者誰之責歟此而不置之法國憲安在命

清史稿

列傳一百零一

八

兆惠至軍斬順德訥以徇速雅爾哈善及得勝送京師二十四年正月逮至命王公大臣會鞠以雅爾哈善老師糜餉失機事論斬遂見法後二日並斬得勝自雅爾哈善死高宗知沙克都爾曼吉無叛狀賦詩斥其殺降富德瓜爾佳氏滿洲正黃旗人駐防吉林乾隆初自護軍擢至三等侍衛十三年從經略大學士傅恒征金川擒賊黨阿扣達二等侍衛師還累遷副都統二十年師征準噶爾命送船羅斯台吉噶勒藏多爾濟等赴軍擢參贊大臣督西路驛站阿睦爾撒納所屬唐古忒部見阿睦爾撒納入伊犁謀遁去二十一年富德帥師至鄂塔穆和爾遇唐古忒衆千餘營樹林蒲葦中擊殺二十餘人追至色白口山內賊據險分隊抵禦奪寨六斬獲無算唐古忒部遁伊犁追至察罕鄂博復遇哈薩克兵千人與唐古忒隊合富德奮勇衝擊斬百餘級奪回被掠集賽噶雜特三十餘戶擒台吉恩克巴雅爾等四十餘人上獎富德奮勉授正黃旗蒙古都統二十二年定邊將軍成衮扎布赴巴里坤以富德為參贊大臣定邊右副將軍兆惠疏報與成衮扎布分道進兵命富德從兆惠軍阿睦爾

撤納還掠扎那噶爾布游牧富德追剿收復巴爾達穆特各鄂拓克得叛會巴雅爾蹤跡遂深入逐捕奪隘五至愛登蘇哈薩克汗阿布資遣使降阿睦爾納納逃入俄羅斯尋死叛會哈薩克錫喇布庫察罕未獲命富德逐捕二十三年招右部哈薩克圖里拜及塔什罕回人圖爾占俱來降遣使入覲上以富德在軍久招撫西哈薩克有勞予雲騎尉世職是時雅爾哈善討霍集占無功兆惠代將師銳進被圍命富德為定邊右副將軍赴援二十四年正月軍次呼爾璦遇賊騎五千轉戰五日四夜會參贊大臣阿里衮送馬至分翼馳突賊衆大潰殺巴爾圖十五人大伯克數十人賊千餘會布拉克呢敦中鎗傷劇昇入城旋遁喀什噶爾兆惠解圍出以功封三等伯師進次葉爾羌河岸復戰賊進封一等成勇伯霍集占黨侵和闐富德赴援破賊進攻葉爾羌霍集占兄弟棄城遁追敗之于阿勒楚爾又敗之於伊西洱庫爾淖爾寶巴達克山軍從之令擒獻巴達克山汗素勒坦沙獻霍集占首師還進封一等靖遠成勇侯賜雙眼孔雀翎官其子侍衛授領侍衛大臣二十五年復授御前大臣圖形紫光閣賜紫禁

清史稿

列傳一百零一

九

城騎馬命軍機處行走尋授理藩院尚書正黃旗蒙古都統副都統老格盜官駝事發鞠實言寄馬富德牧廠有牲畜數千上以富德暴貴安得有牧廠命都統巴爾品勘驗旋奏富德家產攤資至三萬餘命和親王等會鞠得富德出兵時留官馬索蒙古王公牲畜並攜緞布煙茶牟利狀下獄吏議當斬上命改監候二十八年赦授散秩大臣三十三年將軍明瑞征緬甸死綬參贊大臣額勒登額坐逗遛得罪額勒登額亦吉林駐防與富德有連富德坐誤舉罷散秩大臣下獄吏議當斬上命入緩決二十六年赦授二等侍衛二十八年將軍溫福征金川軍潰木果木發健銳火器兩營兵益阿桂軍授富德頭等侍衛為領隊大臣從副將軍明亮出南路富德自眞登梅列舊卡進兵克得布喇喇嘛寺得里兩面山梁日寨策爾丹色木諸隘復進克僧格宗馬奈絨布察卡卡角諸隘授副都統待闕復進克沙錫理穆當噶爾瑪卡羊圍河橋四十四年請撥兵三千往宜喜助明亮尤之攻噶喇普得妻奪卡五攻布喇喇尼山梁奪沿河卡五攻庚額特山梁奪大碉三十八攻噶喇普得爾窩賊棄碉竄追至馬爾邦乞降

富德從軍二年未能大有摧破屢下詔敦責之至是命下部叙功金川平阿桂勦富德濫賞侵土兵鹽菜銀兩彈不足下桂林嚴實復命袁守伺如川會阿桂具獄富德密上清字疏訐阿桂上命檻送京師廷訊乃具服濫賞並以銀六錠入己又受知府曾承謨餽金五十兩並劾副將廣著不待命卽令其充兵廣著自戕死清字疏復稱阿桂手持黃帶語不遜坐誣告大逆例當斬遂見法薩賴爾蒙古正黃旗人本厄魯特頭人隸準噶爾台吉達什達瓦為宰桑乾隆十五年準噶爾內亂薩賴爾率所屬四十七戶降安置察哈爾命入旗授散秩大臣準噶爾台吉喇嘛達爾扎請遣薩賴爾歸不許授參贊大臣出北路十九年烏梁海得木齊扎木參入邊薩賴爾以五百人禦之擒扎木參而遣收凌剽岱訥庫勒等十人還事聞授內大臣既遣還諸人來告宰桑雅爾都得木齊阿茂海欲來歸乞駐牧烏蘭固木克木克木齊克薩賴爾言雅爾都等親阻許駐特斯河否則驅之阿爾台山外並請發厄魯特兵聽調尚書舒赫德以為未便上諭薩賴爾相機而行命舒赫德會同薩賴爾及車凌等選台吉宰桑可信任

清史稿

列傳一百零一

十

者將兵二百人並令侍衛永柱會總管阿敏道選察哈爾八旗兵五百交薩賴爾為招諭驅逐之川薩賴爾兵至卓克索烏梁海宰桑雅爾都車根赤倫察達克圖布慎瑪濟俗各鄂拓克竄徙阿爾台山外薩賴爾奏烏梁海等已遠通但貪戀故土必仍回牧彼時整兵速出易於收服請暫撤兵還允之輝特台吉阿睦爾撤納來降命薩賴爾迎勞頒賞旋偕喀爾喀貝子車木楚克扎布等以千八百人擊雅爾都車根赤倫察達克四宰桑於察罕烏蘇敗之獲牛馬無算初有扎哈沁宰桑庫克新瑪木特者犯卡倫偽追之弗獲達青河誘執之上責其不武令縱之去瑪木特移牧布拉罕託輝不卽降道遇通瑪木特被擒繫之諾海克卜特勒薩賴爾詢知之自烏蘭山後掩擒通瑪木特並獲庫克新瑪木特送軍營安置其戶畜於庫卜克爾克勒上嘉之授子爵世襲正白旗領侍衛內大臣時定議征達瓦齊命薩賴爾為定邊右副將軍二十年正月率師偕參贊大臣鄂容安等山西路師行厄魯特降者於途中肆劫上戒鄂容安以己意諭薩賴爾使自斂賊阿睦爾撤納請移牧烏里雅蘇台招輝特部衆上察其意

一第... 冊... 頁... 2 反反內

臣測諭薩賴爾令防範並促其進兵薩賴爾等疏報扎哈沁得木齊巴哈曼集以三百餘戶宰桑敦多克以千餘戶來降復遣侍衛胡集圖招諭達瓦齊同族台吉噶勒藏多爾濟尋率台吉諾海奇齊等三十餘人來降詔封爲綽羅斯汗上諭獎薩賴爾解所佩荷包以賜並賜雙眼孔雀翎三月薩賴爾與諸將和起齊努渾自羅克倫督兵赴博羅塔拉與北路班第等軍合疏言招撫倬羅斯台吉袞布扎卜等皆率所屬來降凡四千餘戶葉爾羌哈什哈爾和卓木獻玉盤請降令各回原牧降人請與地耕牧令往吐魯番莽噶里克處受地阿睦爾撒納屬人二百餘及額林哈畢爾噶窮夷八百餘戶令附屬扎哈沁宰桑有牲畜者畀籽種令其耕牧並自羅克倫啓行馳檄達瓦齊曉諭利害上獎其籌畫妥協以御用寶石朝珠賜之薩賴爾兵至登努勒台將軍班第等亦至尼楚亥兩軍合達瓦齊居伊犁河西格登不設備五月西路軍自固勒扎渡口越推墨爾里克嶺直抵格登達瓦齊驚遁未幾就擒伊犁平詔封薩賴爾一等超勇公賜寶石頂四圍龍服六月軍還徵阿睦爾撒納入覲薩賴爾同班第鄂容安駐守

清史稿

列傳一百零一

十一

伊犁留兵五百爲衛七月阿睦爾撒納謀叛返途中班第等屢疏入告薩賴爾亦以爲言上密諭諸臣擒治弗能決阿睦爾撒納遂遁其徒克什木等爲亂班第鄂容安死之薩賴爾更衣降十二月薩賴爾遣使詣巴里坤辦事大臣和起以阿睦爾撒納蹤跡告請發兵往擊和起以聞上令將軍策楞傳諭慰勞資荷包鼻煙壺俟其至賜之又命理藩院員外郎唐喀祿董其游牧二十一年正月薩賴爾脫出至吐魯番巴里坤參贊大臣達爾黨阿率兵往會薩賴爾疏請罪上令駐特納格爾仍授定邊右副將軍三月策楞疏言侍衛巴爾阿自伊犁歸言克什木之亂將軍班第等自固勒扎赴喀格斯禦之賊甫至薩賴爾欲奔鄂容安曰賊來當戰胡急走薩賴爾答言爾何知遂策馬去衆從之班第等僅餘司員侍衛及衛卒六十人夜賊至班第等遂自殺上命逮薩賴爾入都鞠實以薩賴爾降人貸其死命錮之獄班第等喪還執克什木誠以祭令薩賴爾觀之尋以叛黨漸次就擒釋出獄二十四年授故秩大臣鑲白旗蒙古副都統乾清門行走旋擢內大臣復封二等超勇伯卒圖形紫光閣

論曰國重有世臣然承平久富貴宴安恆不足任使出任軍旅兵未接將已內怯幾何不偵事耶策楞輩擁兵玩寇其病正坐此雅爾哈善文墨吏其殺降亦獨以降人蒙寬典幸矣

清史稿

列傳一百零一

十二

清史稿

列傳一百一

高天喜

和起

唐喀祿

阿敏道

滿福

豆斌

端濟布

高天喜甘肅西甯人天喜本準噶爾人雍正中爲我師所俘高氏撫爲子因從其族籍從軍累擢保宿堡守備乾隆二十二年副將軍兆惠擊伊犁天喜從參將邁斯漢赴援遇噶勒雜特賊百餘擊殺之獲其駝馬既聞兆惠被困濟爾哈朗議馳救邁斯漢怯不進巴里坤辦事大臣雅爾哈善以聞上卽奪邁斯漢官以命天喜尋遷金塔協副將再遷西甯鎮總兵授領隊大臣二十三年十月師攻葉爾羌兆惠議出間道襲取賊輜重渡黑水天喜督兵修橋度師未及半賊大至天喜聞兆惠陷賊陳舍橋亟赴之奮與賊戰與鄂實三格特通額俱沒於陳上賦詩惜之諡果義又賜其家白金千鄂實西林覺羅氏滿洲鑲藍旗人大

清史稿

列傳一百一

一

學士鄂爾泰第二子出爲叔父鄂禮後自廕生授三等侍衛累遷本旗副都統左翼前鋒統領兄鄂容安死阿睦爾撒納之亂鄂實請從軍授參贊大臣佐定邊將軍成衮扎布出西路二十二年夏成衮扎布令逐捕扎那噶爾布鄂實以地險馬疲中道引還上手詔詰責曰若謂地險賊何以能行若謂馬疲賊馬何獨能壯健左授藍翎侍衛是冬鄂實逐扎哈沁賊斬一百四十餘級獲牲械上謂今當大雪馬力應疲乏尙能勦賊彼時鄂實爲參贊大臣有事但諉諸將軍茲以負罪乃直前勦賊朕知其隱矣量遷三等侍衛死事上令仍視前鋒統領賜卹諡果壯三格棟鄂氏滿洲正白旗人自諸生授藍翎侍衛累遷黑龍江副都統命將索倫巴爾呼兵三千佐參贊大臣策楞出西路爲領隊大臣策楞以怯懦逮三格亦坐奪官旋復授正白旗蒙古副都統攻呼爾璦台吉賽音伯勒克等再戰掠其牧地子三等輕車都尉世職二十二年春定邊將軍成衮扎布令逐捕扎那噶爾布未得秋師至博羅和羅遇叛黨額林沁達瓦等百餘戶三格與戰會布魯古特台吉瑯齊呼爾璦台吉達瓦斬扎那噶爾布偽請降並請

招額林沁達瓦三格信之遽引師還瑯齊等旋遁去坐奪官並削世職以兵伍自效死事上命仍視副都統賜卹諡剛勇天喜鄂實三格並祀昭忠祠子騎都尉兼雲騎尉世職回部平圖形素光閣特通額策楞子也附見策楞傳

和起馬佳氏滿洲鑲藍旗人其先世阿音布國初以軍功授拜他喇布勒哈番世職和起襲職授盛京協領累擢副都統乾隆十九年命與侍衛海福將千人佐定西將軍永常討達瓦齊遷軍夏將軍永常劾和起兵不及額而和起先疏言將九百人以往留百人護輜重上得永常疏不之罪也尋又命借提督豆斌爲巴里坤辦事大臣策楞代永常爲定西將軍復劾和起送兵馬遲誤當奪官留任旋復官授欽差大臣關防召詣京師諮軍事達什達瓦所屬宰桑訥默庫曼集烏達喇們都在軍私還游牧命和起嚴鞠得實以降人請予寬典上不許命正軍法二十一年十一月頗特台吉巴雅爾叛掠扎哈沁五百餘戶定邊右副將軍兆惠令和起將索倫兵百人往按撥吐魯番伯克莽阿里克等集崗展而噶勒雜特宰桑哈薩克錫喇布魯特台吉尼瑪陰應巴雅爾詭以兵

清史稿

列傳一百一

二

五百會和起望兵至疑之令莽阿里克詢之給告曰我兵也逾時尼瑪等操戈前莽阿里克自後謀賊衆集和起所將兵僅百人負重創手刃數賊股中槍徒步轉戰至夜力盡和起垂死命索倫侍衛努古德彰全布突圍出以所戴孔雀翎爲識報兆惠遂死之諡武烈追封一等伯以一等子世襲祀賢良昭忠二祠二十三年師還獲尼瑪及其子檻送京師命戮於和起墓前子和隆武自有傳

唐喀祿他塔喇氏蒙古正藍旗人自筆帖式再遷理藩院員外郎乾隆十九年賜副都統銜命赴北路軍董理新降輝特台吉阿睦爾撒納班珠爾等游牧地唐喀祿疏言班珠爾所屬多老稚不能耕慮飢餓上以距耕時尙遠責其瑣屑命撤還扎薩克林不勒多爾濟初命董理游牧將軍別有指揮唐喀祿疏請留上責其不當左遷理藩院筆帖式尋復授員外郎命送濟隆呼圖克圖自巴林赴伊犁董理定邊右副將軍薩喇爾游牧復賜副都統銜授領隊大臣將駐防扎布堪兵千人從定邊右副將軍哈達哈赴哈薩克逐捕阿睦爾撒納賊渠

固爾班和卓遁入烏梁海唐喀祿報哈達哈督兵擒之賜孔雀翎阿睦爾撒納令其徒達瓦藏布入掠唐喀祿令索倫總管鄂博什將五百人禦之降其衆三百尋命屯科布多授理藩院侍郎鑲藍旗蒙古副都統唐喀祿行按諸部頗特降人屯扎克賽每自相劫奪請移屯呼倫貝爾齊齊哈爾諸地喀爾喀俘獲扎哈沁特楞奇爾奇爾烏爾罕濟蘭諸部人萬餘請以扎哈沁人移駐卡倫內特楞奇爾奇爾烏爾罕濟蘭人給東三省兵丁爲奴杜爾伯特游牧請移烏爾固木上並從其請師出西路擊哈薩克錫喇圖唐喀祿屯額爾齊斯爲聲援阿睦爾撒納敗走唐喀祿詢知杜爾伯特貝勒巴圖博羅特台吉阿喇善等潛與相結遣兵攻之輝巴朗山禽阿喇善等並戮烏梁海五十餘戶遂赴塔爾巴哈台逐捕阿睦爾撒納及哈薩克錫喇圖御用荷包鼻煙壺師至塔爾巴哈台糧罄馬乏唐喀祿引師退疏言遵旨撤兵上怒左授藍翎侍衛佐定邊左副將軍納穆扎爾出北路降人和碩齊上擢用至散秩大臣至是令護哈薩克來使入邊上命納穆扎爾遣唐喀祿將二百人迎之阿睦爾撒納竄俄羅斯上

清史稿

列傳一百一

三

命唐喀祿偕和碩齊駐額爾齊斯偵禦二十三年三月土爾扈特舍稜等謀走俄羅斯上命偕和碩齊逐捕四月師次布固圖河獲舍稜弟勞章扎卜勞章扎卜詭爲兄乞降唐喀祿未敢信和碩齊遠縱之還越日舍稜詭約降獻酒和碩齊飲之邀唐喀祿過其營賊噪而起唐喀祿及侍衛富錫爾穆保保佛爾慶額力戰均遇害和碩齊更衣降事聞賜騎都尉世職祀昭忠祠富錫爾佛爾慶額皆滿洲鑲黃旗人穆倫保滿洲正白旗人皆賜雲騎尉世職
阿敏道圖爾格期氏蒙古鑲紅旗人世居察哈爾父阿吉斯康熙間討噶爾丹以員外郎從軍中道糧匱兵苦飢阿吉斯言於衆曰我等官兵世受國恩甘斃道路誓竭力前進衆皆諾於是昭莫多之勝聖祖嘉其能予拖沙喇哈番世職卒阿敏道襲職雍正初累遷二等侍衛九年命將巴里呼兵百人自固爾班塞堪赴巴爾坤佐軍又命偕侍讀學士查克丹調喀爾喀兵三千率之往尋復偕護軍統領費雅思哈赴烏爾輝音扎罕練兵乾隆元年準噶爾乞和撤軍阿敏道還京授鑲藍旗察哈爾總管十九年師收烏梁海將察哈爾兵以從加副

都統銜二十年遷所獲巴爾沁人等於齊拉罕師定伊犁定北將軍班第奏以阿敏道督臺站是年阿睦爾撒納叛班第陷賊阿巴噶斯哈丹附逆肆掠台站中斷阿敏道職督兵巡徼使驛遞恒得相續會定西將軍永常自木壘退駐烏爾圖布拉克撤阿敏道還上永奪常官以策楞代將命阿敏道將精騎詣伊犁求班第消息策楞不即遣上詰責之尋將千人捕阿巴噶斯哈丹賊衆二十一年授鑲藍旗蒙古副都統時回曾布拉呢敦霍集占有異志定邊右副將軍兆惠訓知之阿敏道將索倫兵百厄魯特兵三千赴葉爾羌喀什噶爾慰撫且使致二渠至庫車霍集占在焉閉城拒我師阿敏道斬游騎四十餘圍之城人詭言曰厄魯特吾仇慮爲害撤還即納降阿敏道遂命厄魯特兵退僅留索倫兵百或慮有變阿敏道曰吾招撫回衆惟期於國有濟何暇他慮遂入爲霍集占所執二十二年上諭諸將檄霍集占送阿敏道還不從謀加害庫車伯克呼岱巴爾以告阿敏道謀脫歸不克死之二等男署察哈爾管總旺扎勒及諸裨將棚科爾金吹扎木蘇七巴克薩恰並索倫兵百人皆從死事平諸有功者圖形

清史稿

列傳一百一

四

紫光開阿敏道列後五十功臣加世職爲騎都尉兼一雲騎尉祀昭忠祠旺扎勒加雲騎尉棚科爾等皆予雲騎尉世職
滿福瓜爾佳氏滿洲鑲藍旗人自世管佐領累擢拉林副都統乾隆二十二年遷都統駐巴里坤命將吉林兵千人屯吐魯番尋授領隊大臣定邊將軍成良扎布出珠勒都斯令滿福將三百人巡視阿勒輝至烏納哈特十二臺站搜勦嗎哈沁沙拉斯嗎噶斯既降復叛掠臺站上命滿福自阿勒輝往勦又令巴里坤辦事大臣阿里衮帥師與會阿里衮未至滿福師次背色嶺與賊遇擊之賊敗走爲遣人乞降且言賊渠已就縛請除道迎滿福信之行次哈喇和落徑險林密下臨深溝滿福悟爲賊所紿急麾前隊返賊千餘突自林中出圍我師滿福厲聲督兵力戰被創墜溝死之上以滿福雖爲賊所愚惑其捐軀命如陣亡例議卹諡武毅祀昭忠祠圖形紫光開
豆斌陝西固原人初以馬兵入提標累遷肅州鎮標中軍守備雍正間從征準噶爾力戰受創賜白金四百邊川陝督標前營游擊準噶爾犯科舍圖率兵擊

走之乾隆初累遷提督自廣東移廣西疏言各營鳥槍舊式大小參差坐臥倚伏不能應手又質薄易熱難收實用請照陝西威字號總絲鎗式改製下兩廣總督議行俄調還固原又命以提督銜領湖北宜昌鎮總兵事尋復歷甘肅安西提督命討準噶爾師將標兵出駐巴里坤以輸軍馬後時下吏議旋乞病罷居數月復授安西提督仍令赴巴里坤兆惠師師攻霍集占於庫車命斌將所部從充領隊大臣徵巡魯克察克圖庫車諸地驛路兆惠被圍黑水城從副將軍富德自阿克蘇兼程赴援師次呼爾璊集占以五千人迎戰我師分兩翼賊據高岡斌率中軍火器進攻賊知我師馬力乏擁眾相逼阿里袞解馬至斌借眾將夾擊脇中創仍力戰賊大敗創甚遂卒諡壯節祀昭忠祠予騎都尉兼雲騎尉上製詩惜之回部平圖形紫光閣係瀋襲世職官至山東登州鎮總兵端濟布瓜爾佳氏滿洲鑲黃旗人自前鋒累遷頭等侍衛鑲黃旗察哈爾總管乾隆二十二年上令選兵千佐定邊將軍兆惠出西路自朱爾圖斯赴瑪納斯獲得木齊鄂羅斯並所部三百人馬駝牛羊二千餘扎哈沁頭人巴哈曼集叛

清史稿

列傳一百一

走端濟布借侍衛奎瑪借追捕至小衛和勒津降所部二百戶又得涼臺站賊札木布師捕治厄魯特頭人噶爾藏多爾濟扎那噶爾布等布魯古特台吉理齊呼爾璊台吉達瓦斬扎那噶爾布詣端濟布軍請降端濟布遣引師還理齊達瓦復叛去上懲端濟布惟事姑息命端濟布將軍雅爾哈善按治師至羅克倫孟古圖嶺獲噶爾藏多爾濟宰桑羅卜札尼瑪得木齊敦多克權送巴里坤上聞命貸端濟布罪扎哈沁得木齊哈勒拜等謀掠臺站參贊大臣哈密阿穆端濟布往捕至瑪納斯得間諜十餘渡河至美羅托山賊遁收其游牧牲畜師圍庫車端濟布將吉林厄魯特兵以從霍集占將三千人自賽里木來援屯高阜端濟布借侍衛順德納等奮擊斬二千餘級師攻葉爾羌霍集占築臺城東北黑水端濟布從定邊左副將軍富德赴援十餘戰至呼爾璊與兆惠軍會賜三等輕車都尉世職授鑲紅旗滿洲副都統師遂賊戰於阿爾楚爾再戰於伊西河庫爾淖爾端濟布將二百人截賊逃路偵山有賊寨越嶺攻之被創賜號塔

什巴圖魯師還圖形紫光閣列前五十功臣卒贈都統益壯節祀昭忠祠諡以端濟布力戰受傷與陣亡者無異也諾爾本吳機格忒氏滿洲正藍旗人以前鋒從軍富德獲宰桑烏巴什遣諾爾本送兆惠軍道遇賊力戰賜號克籌巴圖魯師圍庫車霍集占來援諾爾本偕公袞楚克侍衛齊凌札卜齊努渾等擊賊右翼賊敗走逐之六十餘里至鄂根河口斬獲甚眾賊逃入蘇巴什山復偕齊努渾入山搜戮溫詔嘉焉師攻葉爾羌借端濟布戰城東賊師還命在乾清宮行走資銀帛賜騎都尉加一雲騎尉世職圖形紫光閣擢頭等侍衛從明瑞征緬甸擊賊被創尋令將兵屯騰越還京擢團場總管加副都統銜卒諡曰高天喜驍勇善戰與鄂實三格奮門破陳死事為最烈和起等倉卒為賊陷慷慨授命斌與端濟布以力戰受創得與戰死者同其血食旌勇勳忠當如是也

清史稿

列傳一百一

清史稿

列傳一百三

瑚爾起

愛隆阿

舒明

福祿

齊里克齊

閻相師

伊柱

努三

瑚爾起瓜爾佳氏滿洲銀藍旗人自筆帖式累遷協領乾隆十三年從征金川邊呼倫貝爾總管二十年從征準噶爾加副都統銜二十一年從參贊大臣達爾黨阿自珠爾都斯逐捕阿睦爾撒納調知阿睦爾撒納竄哈薩克從定邊左副將軍哈達哈以師臨之哈薩克汗阿布資拒戰擊敗之斬百餘級得馬二十餘獲其頭人言阿睦爾撒納方在泥雅斯圖山檄阿布資禽獻杜爾默特貝勒巴圖伯羅特等潛通阿睦爾撒納起與戰輝巴朗山執伯羅特盡燬其部眾及阿睦爾撒納所留烏梁海五十餘戶沙喇斯瑪呼斯既降復叛掠驛站而布魯古特台吉璋齊等戕察哈爾總管巴寧阿以叛上命瑚爾起借鄂實三格

清史稿

列傳一百三

副哈寧阿將千人駐濟爾哈朗巴里坤適中地捕璋齊及沙喇斯瑪呼斯部眾瑚爾起借鄂實追勦札哈沁逃賊又借副都統巴圖濟爾噶勒自呼斯坦至尼勒喀河偵理齊等百餘戶逃牧突擊執之尋從師自伊犁逐勦諸回部至善塔斯巔招降布嶺特頭人圖魯啟拜鄂庫及其部眾搜捕阿里瑪圖河逸賊上以索倫兵從征久召瑚爾起及副都統鄂博什率以還瑚爾起等仍請從軍將軍兆惠攻霍集占於葉爾羌被圍定邊右副將軍富德檄瑚爾起及巴圖濟爾噶勒率索倫兵自伊拉里克赴援以馬駝未至負糧械步行戈壁中上獎諭即授正白旗蒙古副都統師至巴爾楚克兆惠圍已解與富德軍合霍集占之徒阿卜都克勒木等侵和闐攻哈拉哈什侍衛齊凌扎卜請援兆惠令瑚爾起與巴圖濟爾噶勒督兵赴援齊凌扎卜馳告夜行至伊立齊賊聞兵至引退詢知賊騎七百餘屯博爾齊天大霧瑚爾起督兵突擊賊潰走追至烏窪勒河斬百餘級收回人四千餘戶和闐遂平上賦博羅齊行紀事賜瑚爾起雲騎尉世職師自喀喇烏蘇逐捕霍集占至阿爾楚爾賊設伏兩山間我軍張兩翼擊之賊敗

走三十里負山而屯瑚爾起等自山麓衝入陳師夾擊賊大敗越山遁師從之至伊西洱庫爾淖爾瑚爾起等為伏東山側擊賊復大敗霍集占竄入巴達克山巴達克山汁素勒坦沙獻霍集占首瑚爾起將索倫兵還資銀幣圖形紫光閣列前五十功臣瑚爾起疏言呼倫貝爾多水泉可耕請選塔雅沁降回百戶往耕上命瑚爾起以副都統為呼倫貝爾總管董其事移黑龍江副都統從征緬甸收猛拱猛養諸地卒於軍賜騎都尉併前世職為一等輕車都尉祀昭忠祠

愛隆阿覺爾察氏滿洲正黃旗人自前鋒侍衛累遷齊齊哈爾副都統乾隆二十一年授領隊大臣赴巴里坤軍營借參贊大臣富德逐捕巴雅爾至愛登蘇遇阿布資部眾突出數與戰却之自巴爾楚克至濟爾哈朗置驛站逐賊沙喇博和什嶺遇都爾伯特納木奇游牧乞降旋遁去愛隆阿追及之殺千餘人納木奇遂納款師至察罕烏蘇收厄魯特宰桑烏魯木游牧百餘戶師屯濟爾哈朗命愛隆阿駐守濟爾哈朗巴里坤適中地尋從靖逆將軍雅爾哈善討霍集

清史稿

列傳一百三

占先是愛登蘇之戰侍衛奇微布戰沒至是愛隆阿上言前擒巴雅爾奪還奇微布尸富德未及疏列定邊將軍兆惠疏言愛隆阿原報所無事後追論顯為爭功請嚴議詔原之師圍庫車賊來之援愛隆阿等與戰於戈壁殲賊甚眾霍集占將五千人積至愛隆阿等率吉林及索倫兵千騎逐賊至鄂根河側與戰迫賊入水死者三千餘人拔其羸驛致京師上為賦回蘇行獎其能戰旋從將軍兆惠至葉爾羌與霍集占部眾戰富德左翼兆惠被困逆將軍納穆札爾赴援愛隆阿將兵截喀什噶爾賊援路微巡驛站至托罕塔罕遇賊勦殺百餘人上授愛隆阿參贊大臣令與定邊右副將軍富德援兆惠愛隆阿戰呼爾瑪再戰葉爾羌河遂與兆惠軍合尋引兵駐烏什兼防喀什噶爾予雲騎尉世職復從富德逐霍集占戰於伊西洱庫爾淖爾微巡驛站值噶喇斯賓巴等謀劫察罕烏蘇驛站以兵追襲斬獲殆盡進騎都尉世職師還授正白旗護軍統領兼鑲白旗蒙古副都統圖形紫光閣列前五十功臣再進一等輕車都尉兼一雲騎尉世職授伊犁參贊大臣卒巴爾楚克自親軍校累遷二等侍衛授察哈爾

總管賜坤都爾巴圖名號授領隊大臣博羅齊搜捕厄魯特部眾遇伏戰死賜
雲騎尉卅職圖形紫光閣列後五十功臣

舒明烏梁海濟勒莫特氏蒙古正黃旗人自二等侍衛累遷都察院左副都御
史正黃旗護軍統領命赴北路軍為諸部降人董理游牧授吏部侍郎調知
降人納默庫戕臺站侍衛謀以所部叛馳奏勅參贊大臣阿蘭泰往捕治阿蘭
泰請益兵上責其紛擾納默庫就擒上以舒明籌策得宜而阿蘭泰推諉遲誤
奪阿蘭泰三等男爵舒明舒明在邊諸部降人至者為之拊循噶雜特宰桑
根敦降上授佐領使與丹畢游牧同處都爾伯特台吉伯什阿噶什烏巴什降
上授伯什阿噶什親王烏巴什貝子游牧額爾齊斯舒明為陳請留屯哈達青
吉勒達什達瓦部降編為三旗移阿爾台其續至者使處扎哈沁舊游牧地策
凌烏巴什巴圖博羅特及達瑪林等部眾貧甚疏請賑上為發米六百石上聞
和托輝特吉凌雜下將叛命舒明詞之舒明言叛已著命會將軍成衮札布等
捕治授參贊大臣成衮札布令將科布多兵二百以往上命侍衛巴賽阿勒泰

清史稿

列傳一百三

三

將三百人為舒明佐旋命偕成衮札布駐烏里雅蘇臺授理藩部侍郎再遷級
遠城將軍兼領歸化城都統二十七年卒子雅滿泰襲三等男累遷正白旗蒙
古副都統坐事左授頭等侍衛與保泰同充駐藏大臣廓爾喀侵後藏與保泰
同得罪荷校被杖復起至頭等侍衛卒
福祿旺察氏蒙古正白旗人自護軍校累遷福建甯鎮總兵內移正藍旗蒙
古副都統外授直隸宣化廣東右翼諸鎮總兵又內移正紅旗漢軍副都統乾
隆二十三年授參贊大臣駐烏里雅蘇臺旋命將索倫兵二千人赴巴里坤時
定邊左副將軍成衮札布與參贊大臣阿桂會討舍楞福祿請具三月糧自科
布多輸送從之至海拉爾與御前侍衛敦察會師進旋佐將軍兆惠討霍集占
偕定邊右副將軍富德帥師次呼爾璜集占以五千餘人來犯福祿偕領隊
大臣永慶率索倫察哈爾兵擊之自己至申與賊戰十餘次賊潰去進次葉爾
羌河岸賊突圍出富德與福祿等領中軍自右進追賊渡河賊屢敗兆惠自
葉爾羌出至阿爾吉什偵鄂斯璜方侵和闐疏請富德福祿帥師策應上命福

祿偕策布登札布以兵塔霍集占竄俄羅斯路旋命駐軍和闐子雲騎尉世職
遷杭州將軍準噶爾平圖形紫光閣上巡浙江福祿督駐防兵肄武製閱武詩
獎之調西安將軍授領侍衛內大臣以老乞休卒

齊里克齊蒙古鑲黃旗人初為額魯特人以地為氏乾隆二十年師征準噶爾
來降準噶爾平從定邊將軍兆惠擊霍集占戰於霍爾果斯霍集占敗走降頭
人圖魯啟拜等授藍翎侍衛護哈薩克使臣詣京師遷三等侍衛復從定邊右
副將軍富德擊霍集占至色勒庫爾敵踞山以拒齊里克齊偕前鋒參領喀木
齊布督健銳營兵自山陰擊登仰擊霍集占敗遁降所部二千餘人獲軍器駝
騾賜布哈巴圖魯勇號師還命在乾清門行走圖形紫光閣再遷頭等侍衛子
雲騎尉世職三十二年從將軍明瑞征緬甸遇賊於底麻敗之賜副都統銜召
回京再遷鑲黃旗蒙古副都統三十七年師征金川命督健銳營從參贊大臣
阿桂出南路授領隊大臣攻美諾克之金川平師還領健銳營嘉慶初教匪起
送察哈爾馬如湖北軍事竟即還上以未滿從軍詔詰責奪官創世職尋授鑲

清史稿

列傳一百三

四

黃旗蒙古副都統卒
閻相帥字渭陽陝西高舉人入伍累遷安西前營遊擊雅爾哈善謀誅厄魯特
降人沙克都爾曼吉天大雪相帥將五百人偽為失道求寄宿其壘夜分鳴笳
驟起殺沙克都爾曼吉殲其部眾四千餘人尋偕副將丑達將千人赴魯克察
克同額敏和卓逐回酋莽阿里克錄功遷金塔寺營副將屯田吐魯番擢甘肅
肅州鎮總兵賜花翎從雅爾哈善討霍集占授領隊大臣圍庫車力戰被創師
克阿克蘇以相帥駐守已復隨勦霍集占於葉爾羌授安西提督駐喀什噶爾
未幾改甘肅提督移駐庫車上命屯田烏魯木齊凱旋入覲賞銀幣圖形紫光
閣引疾罷予食全俸旋卒贈太子太保諡桓肅相師軀幹修偉有至性既貴念
親不逮養每食泣下得俸與兄弟不問出入所居鎮夷堡地萬畝為潄渠灌溉
數百家利賴之
伊柱薩克達氏滿洲正白旗人父塔勒馬善雍正間以副都統將歸化城兵從
征噶爾丹策凌將軍達爾濟駐伯格爾世宗命塔勒馬善參贊軍務署前軍統

領逐賊至額得爾河源駐軍烏里雅蘇臺乾隆初權定邊左副將軍召還師復
征准噶爾命赴額爾齊斯屯川二十一年授北路參贊大臣復召還授護軍統
領卒伊柱自佐領再遷索倫總管借副都統濟福侍衛德爾森保赴喀爾喀車
臣部捕盜得通賊二十四年從將軍兆惠討霍集占霍集占之棄葉爾羌走也
副將軍富德等逐之至阿爾楚爾賊設伏兩山間師分三隊奮擊伊柱領右翼
戰自辰至午賊大潰翼日至巴達克山界伊西洱庫爾淖爾賊據險守師分道
進攻樹回蘇降賊萬餘伊柱偕巴圖濟爾噶勒等塔山後策應富德遣侍衛賽
普圖等諭巴達克山汗使禽霍集占以獻伊柱駐兵卡倫為聲援瓦罕伯克率
所部降尋巴達克山汗素勒坦沙函獻霍集占首回部平伊柱將千人駐喀什
噶爾護諸降人屯田伊犁師還上御豐澤園宴勞賜伊柱緞十二白金五百伊
柱復出領屯田為置臺守望渠灌溉農隙督佃伐木作屋以居上諭令加意
開拓遷鑲藍旗蒙古副都統從將軍明瑞征緬甸擊賊老官屯卒於軍進三等
輕車都尉世職

清史稿

列傳一百三

五

努三瓜爾佳氏吉林滿洲正黃旗人自前鋒再遷頭等侍衛御前行走乾隆十
一年四川總督慶復勦下瞻對頭人班滾命努三如慶復軍慶復疏報班滾焚
死罷兵張廣泗代慶復言班滾現在慶復坐得罪努三罷御前行走尋授鑲白
旗蒙古副都統正藍旗護軍統領十八年師征準噶爾命從湖廣總督永常籌
軍事旋帥師駐鄂爾坤準噶爾宰桑瑪木特闖入卡倫授參贊大臣命會將軍
成衮札布逐捕努三與參贊大臣薩賴爾護軍統領烏勒登合軍軍不戰難取
牲畜努三獲逃人特赫拜哈都未聞上烏勒登收烏梁海縱逃人巴朗上詰責
努三烏勒登下定北將軍班第等按治努三烏勒登自陳收牲畜匿以自私事
始薩賴爾上以薩賴爾新降不知法度責努三等不得以此誘過尋謙上坐失
巴朗罪當斬詔錄其前勞恕死留軍仍籍其家旋授藍翎侍衛再遷頭等侍衛
命與左都御史何國宗赴伊犁測天度繪地圖送兵詣巴里坤請回京左授藍
翎侍衛留巴里坤差遣招撫巴爾達穆特各鄂拓克有勞三遷鑲藍旗護軍統
領督巴里坤屯田兆惠被圍黑水努三從定邊左副將軍富德往援至呼爾璊

分兩翼擊賊與兆惠軍會賜騎都尉世職師還賜銀幣累遷領侍衛內大臣正
藍旗滿洲都統卒諡恪靖烏勒登烏禮蘇氏滿洲正白旗人自前鋒累遷鑲黃
旗蒙古副都統護軍統領乾隆十三年從征金川經略大學士傅恒至軍令駐
軍馬奈十八年師征準噶爾授參贊大臣駐烏里雅蘇臺扎哈沁宰桑瑪木特
等闖入卡倫烏勒登借喀爾喀副都統策登扎卜將五百人與參贊大臣努三
分道捕治參贊大臣薩爾賴收烏梁海烏勒登自索郭克策應俘獲甚眾尋坐
縱逃人巴朗並與努三匿所獲烏梁海牲畜罪當斬貸死從軍尋授頭等侍衛
命選厄魯特宰桑厄勒錫音等兵赴伊犁討賊加副都統銜授領隊大臣進勳
阿巴噶斯哈丹等遊牧阿睦爾撒納噶克定西將軍策楞遣烏勒登將千
人從參贊大臣玉保逐捕玉保中道引還烏勒登師至庫爾喀嶺阿睦爾撒納
脫走逮詣京師廷鞫言初聞阿睦爾撒納通請發兵速追之策楞玉保俱不允
後從玉保往復請追擊玉保止發兵五十至庫爾喀嶺僅餘二十人駝復乏阿
睦爾撒納於師行日已過嶺噶克薩克上以其言實貸死授三等侍衛在乾清

清史稿

列傳一百三

六

門行走尋仍遣赴軍定邊將軍兆惠招降布勒特部頭目圖魯啓拜令烏勒登
自珠木罕至圖固斯塔老宜詔護降人入覲擢頭等侍衛授參贊大臣令捕瑪
哈沁並截霍集占逃路尋以捕瑪哈沁不力令在領隊大臣上行走師還累遷
鑲黃旗蒙古都統左翼前鋒統卒
論曰從兆惠富德討霍集占有功諸將校若瑚爾起愛隆阿燄敵率旗見於詠
歌厥績懋焉舒明逐叛拊降以勞受爵福祿努三與呼爾璊之役齊里克齊佐
色勒庫爾之戰相師助庫車之圍伊柱收伊西洱之降錄功皆居最抑亦其次
也

清史稿

列傳一百四

王無黨

吳進義

譚行義

樊廷

武進陞

范毓琦

王無黨直隸萬全人康熙五十一年武進士授藍翎侍衛累遷廣西梧州協副將貴州台拱九股苗爲亂無黨率師討定之擢左江鎮總兵九股苗復爲亂無黨馳抵古州分兵赴八寨督剿經略張廣泗檄無黨分攻台拱大台雄克之平交上等三十餘寨禽其渠巴利會收牛皮大箐乾隆元年署貴州提督從廣泗撫定上下九股諸苗從爲亂者二年真除疏陳黔省急務請籌積貯築城垣整墩臺塘房禁掠賣人口下部議行定番州屬姑盧寨苗恃險肆廣泗與無黨遣漢土官兵三千餘分道燬寨搜禽其渠老排十餘日而定上褒其妥協四年陞見賜孔雀翎六年移湖廣提督黑崗苗爲亂大學士鄂爾泰以無黨在貴州久熟苗事留使戡定乃上官八年以上以湖廣軍政廢弛無黨至官未有所整

清史稿

列傳一百四

一

理下詔詰責十三年坐提標兵救火攘衣物兵部論無黨徇庇當奪官命詣京師引見左授湖南沅州協副將遷雲南楚姚鎮總兵內擢總兵使復外授福建漳州鎮總兵遷浙江提督以目疾乞罷卒諡壯愨吳進義字子恒陝西寧朔人父開圻康熙二十七年一甲三名武進士官至雲南元江副將進義入伍從振武將軍孫思克征噶爾丹割署守備發江南借補千總累遷江南壽春鎮總兵擢江南提督疏言太湖界江浙漁船姦良難辨請照海洋例巡哨支河小汛飭兩省陸路兵巡查則聲勢聯絡姦宄飲亦有旨嘉獎久之移浙江再移福建復還浙江時有僞爲孫嘉淦疏稿語訐上進義與浙閩總督喀爾吉善以聞上令究所從來語連提督解職解職後喀爾吉善勸進義隱諱命解官聽職進義力辨未嘗隱諱其幕客證進義已見稿浙江巡撫雅爾哈善論進義當重辟上怒其老命貴罪復以疏稿未得作僞主名令江蘇巡撫莊有恭會鞠有恭疏陳進義實未見稿浙江承審諸吏牽合附會事下軍機大臣覆訊得實上以進義無辜廢斥召來京命以提督銜署直隸宣化鎮總兵未幾

授古北口提督進義請限操演火葯增設河屯協弓兵皆允行二十三年加太子少保二十七年卒年八十四加太子太保諡壯愨進義家世多武功從祖坤貴州永北總兵嘗征四川苗及金川有功坤子開增自武舉官至浙江溫州總兵

譚行義四川三臺人康熙時以武舉授陝西西甯衛千總雍正初從軍平青海再遷河南城守營參將河東總督田文鏡劾行義送陝西軍馬疲瘦奪官上令來京引見召對稱旨賜編刻上諭貂皮香珠復原官再遷廣東高雷廉總兵總督鄂爾達檄行義將五千人協剿貴州亂苗進擊滾縱高表諸寨經略張廣泗令赴援上江攻烏渡擺弔諸險要地搜牛皮大箐獲其魁歷福建漳州湖南鎮軍諸鎮乾隆四年授廣西提督帥會討楚粵亂苗宜山縣土蠻恃險劫掠行義與總督馬爾圖署巡撫安圖合游擊楊剛討之破白土邱索二村執其渠斬以徇忻城土縣外八堡有劇盜曰藍明星恃險焚劫行義檄副將畢映捕治明星遁入山搜捕得之有黃順者匿湖北廣東錯壤處謀爲亂貴州人黎阿蘭與

清史稿

列傳一百四

二

相應散旗印將起事行義調知之督兵攻克賊巢擒斬首從七十餘事乃定柳州兵皆居草舍患火行義請發白金四千貨兵建瓦屋分三年還帑從之又有李彩者糾衆聚遼江石版村謀犯縣城行義既捕治誦城北設汛尋以擅發倉穀貸於兵左授登州鎮總兵十一年遷江南提督十四年移浙江提督十六年再移福建陸路提督十八年卒諡恭愨李勳貴州鎮遠人入伍稍遷守備從征台拱九股生苗廣泗檄同剿羊弔洞里羊色諸地搜牛皮大箐動亦在行間累遷湖廣提督緬甸亂移雲南提督疏請自普洱馳往孟良捕治亂渠召散上以其老不勝瘴癘命還普洱動已至孟良督總兵劉德成華封等首堡寨防要隘得召散兄猛養等勳還卒於途加太子太保諡莊毅樊廷陝西武成人初入伍更姓名王剛從征烏蒙青海西藏積功累遷甘肅肅州鎮總兵自陳復姓名改籍四川潼川縣準噶爾犯科舍圖卡倫盜駝馬其衆二萬餘廷率副將冷大雄等將二千人禦之轉戰七晝夜與總兵張元佐等軍合殺賊無算盡還所盜時提督紀成斌護甯遠大將軍印聞上詔褒廷以寡敵

衆忠勇冠軍賜白金萬一等輕車都尉世職授陝西固原提督都督僉軍入覲請從軍命從署甯遠大將軍查郎阿出師屯南山副將軍張廣泗偵賊伏鳥爾圖水撤廷將千五百人自礮泉子進剿至哈洮遇賊奪據山梁連敗之越嶺順抵鄂隆吉大坂殺賊四百餘三十六收其糧械乾隆初上從查郎阿請發甘涼諸鎮兵五千人駐哈密置總統提督以授廷廷至軍疏言烏爾克爲極西第一要隘兵出偵洮賴大坂北蘆草溝順溝東亂山子及烏爾圖水夜輒有火光守隘兵寡請量增又疏言哈密兵在南山燧墩溝諸地牧駝馬請分山北防兵巡護皆用其議在邊二年以病乞罷命還固原治疾遣醫往診尋卒於哈密遺疏論防邊事甚切上深愍之命查郎阿經紀其喪歸葬涼州贈都督同知諡勇毅子經文官至廣東右翼總兵經文子繼祖官湖北副將繼祖子從典請改籍湖北恩施從典子煢官湖南永州鎮總兵同治中坐事罷

武進陞山西甯鄉人其後改籍江南甯初以張姓入伍稍遷浙江溫州鎮標守備雍正初閩浙總督滿保疏薦引見授三等侍衛屬怡親王允祥尋外授江甯游擊累遷福建陸路提督甯閩省不習騎射加意督率弓力漸增馬兵出馬收馬較前改觀高宗諭以如此方不負任使然亦不可欲速尤貴爲之以實要之以久進陞與總督喀爾吉善忤疏言喀爾吉善外似和平心實剛愎令臣密察水師提督張天駿營伍臣辭以水師非所轄督臣正言厲色必令臣密察及察知水師陋規告之督臣督臣置不問反與天駿契合臣察漳州營馬值總兵馬負書爲督臣舊部巧爲徇私令臣無地自容又疏言喀爾吉善衰頹狀上斥進陞支離狂率喀爾吉善亦劾進陞徇所屬縱兵行竊因左授江南狼山鎮總兵進陞疏謝諭曰汝無他過祇好勝多事故左授示薄懲若不知改或遂委靡一切姑息皆不可也居數月擢江南提督以老罷再起終浙江提督卒年八十餘諡良毅馬負書漢軍鑲黃旗人乾隆元年一甲一名武進士授頭等侍衛累遷福建漳州鎮總兵疏言漳州民好鬪有所謂闖棍結黨肆行土豪養爲牙爪請嚴治之上下其章喀爾吉善令體察懲治歷瓊州金門臺灣狼山諸鎮著古北口提督疏言兵習陳法無濟實用應於秋冬收穫後擇地成列爲仰攻旁擊

清史稿

列傳一百四

三

勢分合進退以金鼓爲節常月教場演習仍依營制得旨允行授福建陸路提督卒諡昭毅

范毓琦山西介休人范氏故巨富康熙中師征準噶爾輸米餽軍率以百二十金致一石六十年再出師毓琦兄毓積請以家財轉餽受運值視官運三之一雍正間師出西北二路怡親王允祥薦毓琦主餽計穀多寡程道路遠近以次受值凡石米自十一兩五錢至二十五兩有差累年運米百餘萬石世宗特賜太僕寺卿銜章服同二品寇犯北路失米十三萬餘石毓琦斥私財補運凡白金百四十四萬師既罷米轉運近地戶部按近值核銷故所受遠值責毓琦追繳凡白金二百六十二萬復出私財探葭市銅供鑄錢以償毓琦以武舉授衛千總以駝佐軍擢守備累遷直隸天津鎮總兵自河南河北移廣東潮州疏請令潮州營兵如河北例兼習長槍短棍棍連接棍諸藝世宗命與總督鄂彌達提督張溥商確鄂彌達等上言廣東山海交錯軍械惟烏槍最宜次則弓箭藤牌挑刀大礮毓琦所議與廣東不甚宜上雖鄂彌達等議仍諭毓琦初至富嘉其

清史稿

列傳一百四

四

肯言嘉應潮陽遇颶海岸決毓琦以聞命加意撫綏乾隆初署廣東提督故事市舶至詣海關納稅或遇風未至所往地中道暫泊亦論稅如例毓琦慮民避屢稅遇風不敢泊致傾覆疏請商舟寄泊非卽地市易不徵稅上命待審察毓琦以憂歸服終授直隸正定鎮總兵湖廣總督阿爾賽請移任苗疆上不允諭以毓琦富家子弟謹慎無過苗疆事重不能勝也上巡五臺毓琦言兄毓積子清注具羊千馬十備賞資上却之尋以老罷卒

論曰提鎮雖專閫然受制於督撫所轄兵散處諸營汛都試肆武虛存其制耳無黨進義皆能勤其官者行義捕盜廷屢從戰皆有勞進陞斷不欲曠其職毓琦與其兄出私財助軍興幾傾其家而不悔求諸往史所未有也

清史稿

列傳一百五

阿桂

阿桂字廣庭章佳氏初為滿洲正藍旗人以阿桂平回部駐伊犁治事有勞改隸正白旗父大學士阿克敦自有傳阿桂乾隆三年舉人初以父蔭授大理寺丞累遷吏部員外郎充軍機處章京十三年從兵部尚書班第參金川軍事謁親張廣泗以無功被罪岳鍾琪劾阿桂結張廣泗劾親速問十四年上以阿克敦年老無次子治事勤勉阿桂罪與貽誤軍事不同特旨宥之尋復官擢江西按察使召補內閣侍讀學士二十年擢內閣學士時方征準噶爾命阿桂赴烏里雅蘇台督台站逾年父喪還京旋復遣赴軍授參贊大臣命駐科布多授鎮紅旗蒙古副都統二十二年秋授工部侍郎輝特頭人舍楞約降唐喀祿以兵往會為所襲阿桂率兵策應上嘉之賜花翎上命阿桂與策布登扎布合軍擊舍楞毋使逃入俄羅斯阿桂言得降賊謂舍楞將逃土爾扈特或不達且復回準噶爾邀之中路可禽獻上責其觀望召還京是年準部平復命赴西路與

清史稿

列傳一百五

一

副將軍富德追捕餘賊集占叛二十四年命赴霍斯庫魯克從富德進討八月遂賊至阿勒楚爾又至伊西洱庫爾爾回衆降集占走拔達克山是年回部平上以阿克蘇新附為回部要地命阿桂駐軍綏撫二十五年移駐伊犁阿桂上言伊犁屯田阿克蘇調兵諸事上嘉其勇往命專司耕作營造務使軍士回民皆樂於從事時西域初定地方萬餘里伏莽尚衆與俄羅斯鄰上詔統兵諸大臣議咸謂沙漠遼遠牲畜凋耗難駐守阿桂疏言守邊以駐兵為先駐兵以軍食為要伊犁河以南海努克等處水土沃衍宜屯田請增遣回民墾耕作者往屯增派官兵駐防協同耕種次第建置城邑預籌馬駝置台站運沿邊米赴伊犁簡各省流人墾工藝者發備任使又奏定山川土穀諸祀典上用其議阿桂造農器督諸屯耕獲歲大豐二十六年疏言伊犁牧羣蕃息請停內地購馬駝增招葉爾羌喀什噶爾阿克蘇烏什回民詣伊犁廣屯田皆稱旨送授內大臣工部尚書鑲藍旗漢軍都統仍駐伊犁奏瑪納斯庫爾喀喇烏蘇晶河三地屯田人授十五畝二十七年疏定約束章程建綏定安遠二城兵居民房

次第一如內地數千里行旅宴然予騎都尉世職召還賜紫禁城騎馬命軍機處行走調正紅旗滿洲都統加太子太保二十九年命署伊犁將軍尋調署四川總督時金川土司耶卡與斯甲布等九土司構殺阿桂巡邊盡得耶卡狡獪怙惡狀並悉其山川形勢入奏是冬召還京三十年上南巡命留京治事烏什回賴黑木圖拉作亂詔馳赴烏什與將軍明瑞攻之賴黑木圖拉中矢死衆伯克復推賴木色圖拉抗我師自三月至八月攻城不下明瑞軍其北阿桂軍其南作長圍困之絕其水道賊糧盡內訌沙布勒者擒賴木色圖拉以獻烏什平上責其遲延示怯損威部議奪官命留任駐雅爾城旋復奪尚書命還伊犁助明瑞治事阿桂疏請移雅爾城於楚呼楚從之三十二年授伊犁將軍請自楚呼楚至烏爾圖布拉克設三臺以通雅爾下部行緬甸邊總督劉藻楊應昭先後得罪去上命明瑞率師討之至猛育糧盡戰沒大學士傅恒自請行三十三年以傅恒為經略阿桂及阿里衮為副將軍仍授阿桂兵部尚書雲貴總督三十四年以明德為總督令阿桂專治軍事阿桂請由銅壁關抵巂暮伐

清史稿

列傳一百五

二

木造舟俟經略至軍進攻老官屯且言軍糧不給上以為畏怯罷副將軍改授參贊大臣九月舟成傅恒亦分三路進傅恒出萬仞關由大金沙江西經猛拱暮魯至老官屯阿里衮率舟師循江下阿桂率機擘新舟出江會之先伏兵甘立寨緬人從猛魯來拒寨兵出擊沉三舟舟師嘆應之緬人大潰殲其渠遂與西岸軍合老官屯守禦堅軍士多病瘴阿里衮卒於軍復授阿桂副將軍傅恒亦病上命班師而緬會稽駭亦懲甘立寨之敗遣使議受約束乃召傅恒還命阿桂留辦善後授禮部尚書三十五年兼鎮紅旗漢軍都統命赴騰越待緬人入貢遣都司蘇爾相賚徵至老官屯緬人拘之索還土邦等三土司疏入上命罷尚書都統以內大臣留辦副將軍事三十六年疏請大舉征緬入覲陳機密上手詔詰責命奪官留軍效力是時金川會耶卡已死其子索諾木及小金川會澤旺子僧格桑擾邊四川總督阿爾泰征之無功上命阿桂隨副將軍尚書溫福進討十二月署四川提督克巴耶拉達木巴宗各寨三十七年二月克資哩山進克阿喀木雅松潘總兵宋元俊亦復革布什咱兩金川勢日蹙合謀

抗我師上命溫福等三路進討阿桂出西路阿喀木雅攻喇卜楚克克之奪普爾瑪塞進逼美卡澤旺爲子謝罪索諾木亦代僧格乘請還侵地上不許時侍郎桂林代阿爾泰爲總督並領其衆至黑龍溝失利副將薛琮死之阿爾泰勳能桂林上授阿桂參贊大臣命赴南路接勦僧格宗者小金川門戶也甲爾木山梁爲僧格宗要徑阿桂乘賊怠潛赴黑龍溝夜半大霧襲據之進逼僧格宗突入毀其礮城賊無算上授溫福定邊將軍豐昇額阿桂俱授副將軍分道取美諾阿桂克美都喇嘛寺俯瞰美諾僧格桑遁布郎郭宗而溫福亦克西路來會進勦布郎郭宗僧格桑送罕金川而遁底木達求見父澤旺澤旺不納渡河走金川澤旺降械送京師小金川平於是議討金川金川賊巢二曰噶拉依曰勒烏圍溫福山功噶爾拉阿桂由富噶爾拉合攻噶拉依豐紳額由結斯甲布徑攻勒烏圍復授禮部尚書三十八年正月朔冒大雪進奪富功噶爾拉諸礮而溫福至木果木索諾木誘降番叛襲軍後斷登春糧道我師潰溫福死之小金川與美諾等相繼陷阿桂悉收降番械毀礮寨分置其人章谷打箭爐斬

清史稿

列傳一百九

三

其桀鶩者親殿軍退駐達河事聞上怒甚命發健銳火器兩營黑龍江吉林伊犁額魯特兵五千授阿桂定西將軍明亮豐仲額副將軍舒常參贊大臣整師再出十月攻下資哩用番人木塔爾策分師由中南兩路進潛軍登北山巔遂取美諾明亮等亦克僧格宗來會凡七日小金川平三十九年正月朔阿桂抵布郎郭宗人裹十日糧分三隊進轉戰以前克穆喇穆左右二山贊巴拉克山色依谷山二月克羅博瓦山烏勒圍門戶也賊退守喇穆山部將海蘭察從問道破色湖普寨繞山後賊退守薩甲山嶺海蘭察奪其峭壁大礮諸寨奪氣同時下乘勝臨遜克爾宗僧格桑死於金川金川曾獻其尸而死守遜克爾宗十月阿桂用策先克默格爾山及凱立葉於是日爾巴當噶諸礮反在我師後遂悉平之賊退守康薩爾山時豐仲額出北路師至凱立葉望見煙火以師來會而明亮出南路阻於庚額山阿桂令移軍冒雨破宜喜與明亮軍隔河相望十一月克格魯克古丫口金川東北之賊殆盡四十年正月克康薩爾山梁二月克沿河斯莫思達寨四月克木思工噶克丫口五月克下巴木通及勒吉爾

博山梁進據得式梯復克噶爾丹寺噶喇等寨進攻巴占屢攻不下分兵從舍圖任卡繞擊牽賊勢七月克昆色爾及果克多山進克拉克寺苗則大海山梁旋克章噶八月克隆期得寨遂克烏勒圍捷聞上遣阿桂子阿必達齋紅寶石頂賜之九月克當噶克底諸寨十月克達噶木十一月克西里山雅瑪朋寨十二月克薩爾蓋諸寨進據噶占四十年正月克瑪爾古富噶礮寨五百餘遂圍噶拉依索諾木母先赴河西集餘衆大兵合圍與其子絕遂降阿桂令作書招索諾木而其頭目降者相繼索諾木乃率衆降金川平安置降番設副將同知分駐其地詔封一等誠謀英勇公進協辦大學士吏部尚書軍機處行走四年班師上幸良鄉城南行郊勞禮賜御用鞍馬還京獻俘御紫光閣行飲至禮賜紫輜四開襖袍初阿桂去雲南緬甸遣使議入貢械送京師下獄至是誅索諾木母子頭人上命釋緬使令觀譯告以故縱之歸冀以威武風動之四十二年署雲貴總督圖思德奏檜駁已死子贊角牙立輸誠納貢願歸中國人請開關通市上以事重當有重臣相度受命阿桂往蒞五月授武英殿大學士

清史稿

列傳一百九

四

管理戶部兼正紅旗滿洲都統緬甸使不至遣蘇爾相等歸遂召阿桂還未幾緬甸內亂又十餘年國王孟昂具表祝上八旬聖壽定十年一貢南徼始安四十四年河決儀封蘭陽奉命往按阿桂令開郭家莊引河築欄黃壩又於下流王家莊築順黃壩蓄水勢逼溜直入引河四十五年三月隄工蒞還京兼翰林院掌院學士旋命勘浙江海塘築魚鱗石塘柴塘及范公塘四十六年工成命順道勘清江陶莊河道高堰石工甘肅撤拉爾新教蘇四十三與老教仇殺狀官吏總督勒爾謹捕教首馬明心下獄同教回民二千餘夜濟洮河犯蘭州噪索明心布政使王廷贊誅明心賊愈熾上命阿桂視師時阿桂猶在工命和坤往督戰失利賊據龍尾華林諸山道險隘阿桂至設圍絕其水道進攻之賊大潰殲蘇四十三餘黨奔華林寺焚之無一降者甘肅冒賑事發命按治盡得大小官吏舞弊分贖狀肅定疏請增設倉廩儲糧石以濟民食秋河決河南青龍岡命自甘肅赴河南會河道總督李奉翰督塞河故事河決當決處兩端築壩漸近漸合謂之合龍十二月兩壩將合副將李榮吉謂水勢盛宜緩阿桂督

之急既合屬吏入賀榮吉獨不至召之則對使者曰為榮吉謝相公壩不可恃不敢離也越二日果復決阿桂馳視榮吉已墮水懸千金賞救之起解御賜黑狐端罩覆之因上疏自劾請別簡大臣董其役上詔答略曰近年諸臣中能勝治河任者舍阿桂豈復有人惟當安心靜鎮別求善策四十七年奏請於下游疏引河上游築大隄並於北岸建壩迫溜南趨四十八年工始竟詣熱河行在復命仍赴工次審定章程浙江布政使盛住疏論總督陳輝祖籍王賈望家有私命阿桂如浙江按治還又命勘江南鹽河水道又命勘河南蘭陽十二堡隄工並於戴村建閘四十九年甘肅鹽茶廳回民張阿渾據石峯堡以叛上遣福康安海蘭察等討之復命阿桂視師兩月餘破堡戮張阿渾等加一等輕車都尉世職又命督河南睢州隄工五十年舉千叟宴阿桂領班又命勘河南睢州河工並察洪澤湖清江形勢五十一年又命勘清江堤工並如浙江按倉庫虧缺勘海塘又命勘江南桃源安東河決再如浙江按治平陽知縣黃梅重徵論如律五十二年又命督塞睢州十三堡河決時臺灣民林爽文叛上命福路

清史稿

列傳一百五

五

安討之詔阿桂軍軍阿桂疏論師當扼要害分道並進先通諸羅道廓清後康自大甲溪進兵諭曰所見與朕略同已諭福康安奉方略睢州工竟又命勘江南臨湖甄石隄工五十三年又命按湖北荆州水災請疏籌金洲以導水修萬城隄以護城五十四年命再勘荆州隄工嘉慶元年高宗內禪阿桂奉冊寶再舉千叟宴仍領班於是阿桂年八十矣疏辭領兵部二年八月卒仁宗臨其喪贈太保祀賢良祠諡文成阿桂屢將大軍知人善任使諸將有戰績獎以數語或資酒食其人輒感激效死終其身臨敵夜對酒深念得策輒持酒以起且必有所號令方溫福收受命代將一日曰欲募率十數騎升高阜規賊營賊望見驍騎數百環阜上阿桂令從騎皆下馬解衣裂懸林木乃令上馬徐下阜賊迫阜從落日中視旂幟疑我師衆方遣騎出偵阿桂已還軍矣師薄噶拉依索諾木約以明日降城柵盡毀日暮諸將謁阿桂謂今日必生致索諾木不然慮有他阿桂不答入帳臥明日索諾木自縛詣帳下阿桂謂諸將曰諸君昨日語蓋慮索諾木他竄或且死我已得險要竄安之且能死豈至今日故吾以為無慮

諸將皆謝服及執政尤識大體康熙中諸行省提鎮以次卽有空名坐糧雍正八年著為例乾隆四十七年詔補實額別給養廉阿桂疏言國家經費驟加不覺其多歲支則難為繼此新增之餉歲近三百萬二十餘年卽需七千萬請除邊省外無庸概增上不從是時帑藏盈溢其後漸至虛匱此其一端也乾隆末和坤勢漸張阿桂遇之不稍假借不與同直廬朝夕入直必離立數十武和坤就與語漫應之終不移一步阿桂內念位將相受恩遇無與比乃坐視其亂政徒以高宗春秋高不敢遽言遂未竟其志高宗圖功臣於紫光閣前後凡四舉列於前者親為之贊定伊犁回部五十人大學士傅恒將軍兆惠班第納木扎爾副將軍策布登扎布富德薩拉爾大學士總督黃廷桂參贊大臣親王色布騰巴爾珠爾貝子扎拉豐阿郡王羅卜藏多爾濟額敏和卓尙書舒赫德阿里袞總督鄂容安侍郎明瑞阿桂三泰鄂實領隊大臣內大臣博爾奔察提督豆斌高天喜副都統端濟布護軍統領愛隆阿前鋒統領瑪琿副都統巴圖濟爾噶爾散秩大臣齊凌扎布噶布舒郡王霍集斯貝子鄂對內大臣鄂齊爾散秩

清史稿

列傳一百五

六

大臣阿玉錫達什策凌副都統鄂博什溫布由屯三格侍衛奇徹布老格達克塔納薩穆坦璉綽爾圖塔瑪爾富錫爾海蘭察富紹扎奇圖阿爾爾丹察五十保定金川五十人將軍阿桂副將軍豐昇額明亮大學士舒赫德于敏中尙書福隆安參贊大臣親王色布騰巴爾珠爾副都統海蘭察護軍統領額森特舒常領隊大臣都統奎林和隆武福康安副都統普爾普荆州將軍興兆參贊大臣提督哈圖興領隊大臣提督馬彪馬全書麟副都統三保烏什哈達瑚尼爾圖珠爾格德阿爾都阿爾薩朗舒亮科瑪伊爾保佛倫泰富興德赫布莽喀察總兵海祿放成官達色成德欽保曹順保寧特成額烏爾納總兵敦柱侍衛額爾特托爾托保泰斐英阿柏凌達爾泰薩爾吉岱佐領特爾輝副將興奎定臺灣二十人大學士阿桂和坤王杰協辦大學士福康安領侍衛內大臣海蘭察尙書福長安董誥總督李侍堯孫士毅巡撫徐嗣曾成都將軍鄂輝護軍統領舒亮普爾普提督蔡攀龍梁朝柱許世亨總兵穆克登阿張芝元普吉保散秩大臣穆塔爾定廓爾喀十五人大學士福康安阿桂和坤王杰孫士毅領侍衛內

大臣海蘭察尙書福長安董誥慶桂和琳總督惠齡護軍統領台斐英阿領勒登保副都統阿滿泰成德功稍次者列於後儒臣爲之贊惟阿桂與海蘭察四次皆前列阿桂定金川元功定臺灣首輔皆第一定廓爾喀以爵復第一讓於福康安道光三年二月宣宗命配饗太廟子阿迪斯阿必達阿迪斯初以三等侍衛坐阿桂征緬甸無功奪職發遣廣西右江鎮逾年赦復官累遷兵部侍郎襲一等公復累遷成都將軍以川西盜發逮問發遣伊犁赦歸卒阿必達初名阿彌達高宗命更名阿桂得罪藍翎侍衛發遣廣東雷瓊鎮赦歸復官擢二等侍衛命赴西寧祭告河神探黃河真源上命輯入河源紀略累遷工部侍郎卒阿必達子那彥寶官至成都將軍那彥成自有傳

論曰將者國之輔智信仁勇合羣策羣力治而用之是之謂大將由是道也佐天子辨章國政豈有二術哉乾隆間國軍屢出熊熊之士因事而有功然開誠布公謀定而後動負士民司命之重固無如阿桂者遠領樞密決疑定計際言百里非同時諸大臣所能及豈不偉歟

清史稿

列傳一百五

七

清史稿

于敏中

和珅

列傳一百六

于敏中字叔子江蘇金壇人乾隆三年一甲一名進士授翰林院修撰以文翰受高宗知直懋勳殿敕書華嚴楞嚴兩經累遷侍講典山西鄉試督山東浙江學政十五年直上書房累遷內閣學士十八年復督山東學政擢兵部侍郎二十一年丁本生父憂歸宗持服逾年起署刑部侍郎二十三年嗣父枋歿回籍治喪未幾丁本生母憂未以上聞御史朱嵇疏劾敏中兩次親喪蒙混爲一忽然赴官並言部臣與疆臣異不宜奪情任事詔原之尋實授調戶部管錢法堂事二十五年命爲軍機大臣敏中敏捷過人承旨得上意三十年擢戶部尙書子齊賢鄉試未中式詔以敏中久直內廷僅一子年已及壯加恩依尙書品級子廕生又以敏中正室前卒特封其妾張爲淑人三十三年加太子太保二十六年協辦大學士三十八年晉文華殿大學士兼戶部尙書如故時下詔徵遺書安徽學政朱筠請開局搜輯永樂大典中古書大學士劉統勳謂非政要欲

清史稿

列傳一百六

寢其議敏中善筠奏與統勳力爭於是特開四庫全書館命敏中爲正總裁主其事又充國史館三通館正總裁屢典會試命爲上書房總師傅兼翰林院掌院學士敏中爲軍機大臣久頗接外吏通聲氣三十九年內監高雲從漏洩硃批道府記載下廷臣鞠治雲從言敏中管向詢問記載及雲從買地涉訟嘗乞敏中屬託府尹蔣賜榮上面詰敏中引罪詔切責之曰內廷諸臣與內監交涉一言及私卽當據實奏聞朕方嘉其持正重治若輩之罪豈肯轉奏參者于敏中侍朕左右有年豈尙不知朕而爲此隱忍耶于敏中曰蒙召對朕何所不言何至轉向內監探詢消息自川省用兵以來敏中承旨有勞大功告竣朕欲如張廷玉例領以世職今事垂成敏中乃有此事是其福澤有限不能受朕深恩寧不痛自愧悔免其治罪嚴加議處部議革職詔從寬留任四十一年金川平詔嘉其勞動過失可原仍列功臣給一等輕車都尉世襲罔替四十四年病喘遣醫視賜人養卒優詔賜卹祭葬如例祀賢良祠諡文襄子齊賢前卒孫德裕襲世職以主事用敏中從姪時和擁其貨回籍德裕訟之江蘇巡撫吳壇察

治罪時和成伊穆所侵奪者還德裕三萬兩餘充金壇開河用蘇松糧道章奉桂為敏中營造花園事覺其攀桂職敏中受地方官逢迎以己卒置不詢既而浙江巡撫王賈望以貪敗上追咎敏中五十二年詔曰朕幾餘詠物有嘉靖年間器皿念及嚴嵩專權煬蔽以致國是日非朝多裨政取閱嚴嵩傳見其賄賂公行生死予奪潛竊威柄實為前明奸佞之尤本朝家法相承紀綱整肅太阿從不下移本無大臣專權之事原任大學士于敏中因任用日久恩眷稍優無識之徒心存依附敏中亦遂時相招引潛受苞苴其時軍機大臣中無老成更事之人福康安年輕未能歷練以致敏中聲勢略張究之亦止侍直承旨不特非前朝嚴嵩可比並不能如康熙年間明珠徐乾學高士奇等即寵眷亦尚不及鄂爾泰張廷玉安能於朕前竊弄威福淆亂是非耶朕因其宣力年久身故仍加恩飾終準入賢良祠迨四十二年甘肅捐監折收之事敗露王賈望等侵欺貪贓罪不容誅因憶此事前經舒赫德奏請停止于敏中於朕前力言甘肅捐監應開部中免撥解之煩聞閣有驕販之利一舉兩得是以準行詎知勒爾

清史稿

列傳一百六

二

謹為王賈望所愚通同一氣肥瘠殃民非于敏中為之主持勒爾謹敢遽行奏請王賈望豈敢肆無忌憚于敏中擁有厚貲必出王賈望等賄求酬謝使于敏中尚在朕必嚴加懲治今不將其子孫治罪已為從寬賢良祠為國家風勵有位盛典豈可以不慎廉隅之人濫行列入朕久有此心因覽嚴嵩傳觸動鑑戒恐無知之人將以明世宗比朕朕不受也于敏中著撤出賢良祠以昭儆戒六十年國史館進呈敏中列傳詔曰于敏中簡任綸扉不自檢束既向宦寺交接復與外省官吏資緣舞弊即此二節實屬辜恩非大臣所應有若仍令濫邀世職何以示懲其孫于德裕見官直隸知府已屬格外恩施所製輕車都尉世職即撤革以為大臣營私玷職者戒和珅字致齋鈕祜祿氏滿洲正紅旗人少貧無籍為文生員乾隆三十四年承襲三等輕車都尉尋授三等侍衛挑補黏竿處四十年直乾清門擢御前侍衛兼副都統次年遂授戶部侍郎命為軍機大臣兼內務府大臣駁駁需用又兼步軍統領充崇文門稅務監督總理行營事務四十五年命借侍郎喀凝阿往

雲南按總督李侍堯貪私事侍堯號才臣帝所倚任和珅至詢其僕得侍堯婪索狀論重辟奏雲南吏治廢弛府州縣多虧帑亟宜清釐上欲用和珅為總督嫌於事出所按劾乃以福康安代之命回京未至擢戶部尚書議政大臣及復命而陳雲南鹽務錢法邊事多稱上意並允行授御前大臣兼都統賜婚其子豐紳殷德為和孝公主額駙待年行婚禮又授領侍衛內大臣充四庫全書館正總裁兼理藩院尚書事寵任冠朝列矣四十六年甘肅撤拉爾番回蘇四十三等叛逼蘭州額駙拉爾旺濟領侍衛內大臣海蘭察護軍額森特等率兵討之命和珅為欽差大臣偕大學士阿桂往督師阿桂有疾促和珅兼程先進至則海蘭察等已繫賊勝之即督諸將分四路進兵海蘭察逼賊山梁殲其伏賊掘溝坎深數丈並斷小道不能度總兵圖欽保陣亡後數日阿桂至和珅委過諸將不聽調遣阿桂曰是宜誅明日同部署戰事阿桂所指揮輒應如響乃曰諸將殊不見其慢當誰誅和珅志甚上徵察之詔斥和珅圖欽保死事不上聞赴師遲延而劾海蘭察額森特先戰顛倒是非又謂自阿桂至軍措置始有

清史稿

列傳一百六

三

條理一人足辦賊和珅在軍事不歸一海蘭察等久隨阿桂易節制命和珅速回京和珅用是銜阿桂終身與之齟齬尋兼署兵部尚書管理戶部三庫四十七年御史錢澧劾山東巡撫國泰布政使于易簡貪縱營私命和珅偕都御史劉庸按鞫澧從往和珅陰袒國泰既至盤庫令抽視銀數十封無闕即起還行館澧請封庫明日盡發視庫銀得借市銀充抵狀國泰等罪皆鞫實會加恩中外大臣加太子太保充經筵講官四十八年賜雙眼花翎充國史館正總裁文淵閣提舉開事清字經館總裁甘肅石峯堡回匪平以承旨論功再予輕車都尉世職併前職授一等男爵調吏部尚書協辦大學士管理戶部如故五十一年御史曹錫寶劾和珅家奴劉全奢僭造屋踰制帝察其欲劾和珅不敢明言故以家人為由命王大臣會同都察院傳問錫寶使直陳和珅私弊卒不能指實和珅亦預使劉全毀屋更造察劾不得直錫寶因獲譴諭戶授和珅文華殿大學士詔以其管崇文門監督已閱八年大學士不宜兼權務且錫寶劾其家人未必不因此遂罷其監督部員洪壽擢廣信州府上見其年幼不勝方面斥

和坤濫保又兩廣總督富勒渾縱容家人婪索和坤請調回富勒渾不與大獄京師米貴和坤請禁囤積逾五十石者交廠減糶商民以爲不便廷臣遂就原議上並切責之五十三年以馮灣逆匪林爽文平首封三等忠襄伯賜紫纁五十五年賜帶四圍楔袍上八旬萬壽命和坤偕尚書金簡專司慶典事內閣學士尹壯圖疏論各省庫藏空虛上爲動色和坤請卽命壯圖往勸各省庫以侍郎慶成監之慶成每至一省輒擊肘待挪移既足然後啓樞迄無虧絀壯圖以妄言坐黜五十六年刻石經於辟雍命爲正總裁時總裁八人尚書彭元瑞獨任校勘編石經考文提要事竣元瑞被優賚和坤嫉之毀元瑞所編不善且言非天子不考文上曰書爲御定何得目爲私書耶和坤乃使人撰考文提要舉正以攻之冒爲己作進上嘗提要不便士子請銷毀上不許館臣疏請頒行爲和坤所阻中止復私使人磨碑字凡從古者盡改之五十七年廓爾喀平予議叙兼翰林院掌院學士六十年充殿試讀卷官教習庶吉士時朝審停勾情重者請旨裁定和坤管理藩院於蒙古重獄置未奏鑄級留任又廷試武舉

清史稿

列傳一百六

四

發策上命檢實錄故事實錄不載武試策問和坤率對不以實詔斥護過飾非革職留任先是京察屢激議叙是年特停罷之嘉慶二年調管刑部尋以軍需報銷仍兼管戶部三年教匪王三槐就擒以襄贊功晉公爵和坤柄政久善伺高宗意因以弄竊作威福不附己者伺隙激上怒陷之納賄者則爲周旋或故緩其事以俟上怒之齊大僚恃爲與援剗其下以供所欲置政河工素利數以徵求無厭日益敝川楚匪亂因激變而起將師多倚和坤糜餉奢侈久無功阿桂以勳臣爲首輔素不相能被其梗軋入直治事不與同止直廬阿桂卒益無顧忌於軍機寄諭獨署己衙同列稽瑛年老以讒數被斥責王杰持正恒與忤亦不能制朱珪爲仁宗傅在兩廣總督任高宗欲召爲大學士和坤忌其進用密取仁宗習詩白高宗指爲市恩高宗大怒賴蕭誥諫免尋以他事降珪安徽巡撫屏不得內召言官惟錢澠勳其黨國泰得直後論和坤與阿桂入直不同止直廬奉命監察以勞瘁死曹錫寶尹壯圖皆獲遣無敢昌言其罪者高宗雖遇事裁抑和坤巧彌縫不悛益恣仁宗自在潛邸知其姦及卽位以高宗

春秋高不欲遽發仍優容之四年正月高宗崩給事中王念孫首劾其不法曰仁宗卽以宣遺詔日傳旨速治命王大臣會鞠俱得實詔宣布和坤罪狀略狀朕於乾隆六十年九月初三日蒙皇考册封皇太子尚未宣布和坤於初二日在朕前先遞如意以擁戴自居大罪一騎馬直進圓明園左門過正大光明殿至壽山口大罪二乘椅橋入大內肩輿直入神武門大罪三取出宮女子爲次妻大罪四於各路軍報任意壓擱有心欺蔽大罪五皇考聖躬不豫和坤毫無憂戚談笑如常大罪六皇考力疾批答奏字跡間有未真和坤輒謂不如撕去另擬大罪七兼管戶部報銷竟將戶部事務一人把持變更成例不許部臣參議大罪八上年奎舒奏循化貴德二廳賊番肆劫青海和坤駁回原摺隱匿不辦大罪九皇考升遐後朕諭蒙古王公未出痘者不必來京和坤擅令已未出痘者俱不必來大罪十大學士蘇凌阿重聽衰邁因與其弟和琳姻親隱匿不奏侍郎吳省蘭李潢太僕寺卿李光雲在其家教讀保列卿階兼任學政大罪十一軍機處記名人員任意撤去大罪十二所鈔家產楠木房屋僭侈踰制

清史稿

列傳一百六

五

仿照帝宮制度園屬點綴與圓明園蓬島瑤臺無異大罪十三蘇州墳塋設享殿置隧道居民稱和陵大罪十四所藏珍珠手串二百餘多於大內數倍大珠大於御用冠頂大罪十五寶石頂非所應用乃有數十整塊大寶石不計其數勝於大內大罪十六藏銀衣服數逾千萬大罪十七夾塔藏金二萬六千餘兩私庫藏金六千餘兩地窖埋銀三百餘萬兩大罪十八通州薊州當舖錢店資本十餘萬與民爭利大罪十九家奴劉全家產至二十餘萬并有珍珠手串大罪二十內外諸臣疏言和坤罪當以大逆論上猶以和坤嘗任首輔不忍令肆市賜自盡諸劾和坤者比於操莽直隸布政使吳熊光舊直軍機上因其入覲問曰人言和坤有異志有諸熊光曰凡懷不軌者必收人心和坤則滿漢幾無歸附者卽使中懷不軌誰肯從之上曰然則治之得無太急熊光曰不速治其罪無識之徒觀望資緣別滋事端發之速是義之盡收之速是仁之至上既誅和坤宣諭廷臣凡爲和坤薦舉及奔走其門者悉不深究勉其悛改咸與自新有言和坤家產尙有隱匿者亦斥不問和坤在位時令奏事者具副本送

軍機處早進方物必先關白擅有準殿遇不全納者悉入私家步軍統領巡捕營在和坤私宅供役者千餘人又令各部以年老平庸之員保送御史至是悉革其弊吏戶兩部成例為和坤所變更者諸臣奏請次第修正初乾隆中命和坤改入正黃旗及得罪仍隸正紅旗子豐紳殷德尚固倫和孝公主累擢都統兼護軍統領內務府大臣和坤伏法廷臣議奪爵職詔以公主故留襲伯爵尋以籍沒家產正珠朝珠非臣下所應有鞠家人言和坤時於燈下懸掛臨鏡自語仁宗怒褫豐紳殷德伯爵仍賜舊職三等輕車都尉嘉慶七年川楚陝教匪平推恩給民公品級授散秩大臣未幾公主府長史牟福詳豐紳殷德演習武藝謀為不軌欲害公主廷臣會鞠得詳言狀詔以豐紳殷德與公主素和睦所作青蠅風憂謾畏譏無怨望違悖推坐國服內侍妾生女罪褫公銜罷職在家圈禁十一年授頭等侍衛擢副都統賜伯爵銜十五年病乞解任賜公府銜尋卒無子以和琳子豐紳伊綿賜輕車都尉和坤伏法後越十五年國史館以列傳上仁宗以事跡疏略高宗數加譴責嗣而未載無以信今傳後編修席煜

清史稿

列傳一百六

六

職特詔申成弟和琳自筆帖式累遷湖廣道御史劾湖北按察使李天培私交糧艘帶運木植鞠得兩屆總督福康安寄書索購狀帝嘉和琳仗直下部議叙由是遂見擢用自吏部給事中起擢內閣學士兼禮部侍郎銜尋授兵部侍郎正藍旗漢軍副都統廓爾喀後藏將軍福康安往勦帝命和琳督辦前藏以東藏站烏拉等事尋命與鄂輝更番照料糧餉工部尚書疏陳賊酋拉特納巴都爾悔罪狀詔令福康安受降借和琳妥善後未幾授鑲白旗漢軍都統命借係士毅志齡殿辦察木多以西銷算事仍理藏務五十八年子雲騎尉世職五十九年授四川總督六十年貴州苗石柳鄧叛擾正大噴腦松桃湖南苗吳半生石三保應之圍永綏帝命雲貴總督福康安往勦和琳時方入京至邛州松桃匪已闖入秀山境和琳聞警馳往督參將張志林都司馬瑜擊走之後復敗賊屢農進攻木山黃陂通道松桃兩雙眼花翎時福康安已解正大噴腦松桃圍攻石柳鄧於大塘汛和琳率兵會之遂命參贊軍事克蝦羹喇烏龍嚴降七十餘寨封一等宣勇伯復攻下巖碧山賞上服貂褂又以降吳半生

功賞黃帶龍角銅鴨保天星諸寨大捷加太子太保賞元狐端罩嘉慶元年克結石岡廖家冲連峰均諸隘賞用紫韁福康安卒命和琳督辦軍務時石三保已就獲石柳鄧尚據平隴奪尖雲山礮臺復乾州賞三眼花翎八月進圍平隴卒於軍晉贈一等公諡忠壯賜祭葬命配饗太廟祀昭忠賢良等祠准其家建專祠四年和琳誅廷臣論和琳籍勢邀功上亦追咎其會勦苗匪牽掣福康安師無功命撤出太廟毀專祠奪其子豐紳伊綿公府改襲三等輕車都尉蘇凌阿滿洲正白旗人乾隆六年繙譯舉人自內閣中書累遷江西廣饒九南道左遷五十年自吏部員外郎超擢歷兵工戶三部侍郎遷戶部尚書出為兩江總督嘉慶二年授東閣大學士兼署刑部尚書和琳誅休致守護裕陵卒論曰高宗英毅大臣有過失不稍假借世傳敏中以高雲從事失上意有疾令休沐遽賜陪羅尼經被遂以不起聞觀罷祠之詔至引嚴嵩為類傳聞有無未可知矣和琳繼用事值高宗倦勤怙寵貪恣卒以是敗仁宗嘗論唐代宗殺李輔國謂代宗為太子不為輔國所護者幾希及即帝位正其罪而誅之一獄吏

清史稿

列傳一百六

七

已辦蓋即為和坤發也

清史稿

列傳一百零七

三寶

永貴

蔡新

梁國治

英廉

彭元瑞

紀昀

三寶伊爾根覺羅氏滿洲正紅旗人乾隆四年繙譯進士授內閣中書襲世管佐領遷內閣侍讀出為湖北驛鹽道入補戶部郎中師征準噶爾命赴北路董達什達瓦游牧擢直隸布政使二十六年上幸熱河坐蹕路不修命以道銜駐哈密二十九年四川布政使更湖北湖南貴州諸省三十七年擢山西巡撫明年移浙江四十二年擢湖廣總督閱兵衡州協副將福海沅州協副將洪昌運皆衰老三寶請以福海內授旗員昌運令休致上以偏護滿洲顯分軒輊拒不允四十四年授東閣大學士兼禮部尚書督湖廣如故旋移閩浙總督浙江海塘自老鹽倉以上皆柴塘上南巡諭改築石塘三寶疏言時方大汛未宜更動當於柴塘內下椿築石而以柴塘為外護會上亦降旨令留柴塘為重關保障與三寶議合旋命入閣治事巡撫王賢望以職敗三寶坐未舉劾部議當奪職上命留任尋復令在上書房總師傅上行走四十九年扈蹕熱河以疾還京師卒諡文敬三寶喜讀宋諸儒書大節不苟為直隸布政使時高宗幸熱河至密雲值大霖雨水盛漲上欲策騎亂流渡三寶諫曰千金之子坐不垂堂今以萬乘輕狎波濤使御駟有失臣等雖萬段何可追悔上曰滿洲舊俗宜親習勞勤顧不可耶三寶復曰上方奉太后乘輿同臨幸即上渡河安便不職奉太后何所上動容為之回轡其為上書房總師傅輯古今儲貳事曰春華日覽授諸皇子論者謂其得師保之體云

永貴字心齋拜都氏滿洲正白旗人父布蘭泰自雲騎尉世職授理藩院員外郎雍正間為江西巡撫治嚴刻世宗召還京師面詰之對曰臣治事從嚴待上改正俾恩出自上世宗不憚奪職尋復起至古北口提督卒諡愨愨永貴自筆帖式授戶部主事乾隆初累遷郎中出為湖南辰沅永靖道擢雲南布政使移

清史稿

列傳一百零七

一

清史稿

列傳一百零七

二

浙江署巡撫前總督李衛領鹽政發帑收餘鹽名曰帑鹽令武職任緝私其制未善永貴條上八事俾文武互任其責下部議行居三年命真除溫台諸縣早永貴令知府金洪銓治賑不稱職永貴論劾請休致總督喀爾吉善再勅上為奪洪銓職御史范廷楷因劾永貴瞻徇上難其代命寬之永貴請留本省及江蘇漕八十萬借撥江蘇等省米五十五萬又請開事例補倉儲上責其張皇既又聞永貴陳災狀有所諱飾乃命奪職赴北路軍董理糧餉居三年賜按察使銜著甘肅臨洮道仍赴巴里坤主餉二十一年加副都統銜兼參贊大臣是歲冬厄魯特宰桑達什策凌等為亂定邊右副將軍兆惠駐伊犁辦賊永貴既抵巴里坤具以軍事上聞上嘉其奮勉予三等輕車都尉世職令從兆惠自額林沁畢爾罕進兵命署西安巡撫未之任令赴魯克察克屯田二十三年以侍郎銜留軍因授刑部侍郎董屯田烏魯木齊闢展托克三哈喇沙爾昌吉羅克倫皆駐兵營墾秋穫得穀三萬五千八百餘石是時兆惠兵次葉爾羌命永貴駐阿克蘇主餉軍二十四年還至庫車布政使德舒為囑哈沁所戕永貴與護軍

統領努三協殲逆眾回部平移倉場侍郎擢左都御史二十六年命赴克什噶爾辦事旋授禮部尚書鑲紅旗漢軍都統仍駐克什噶爾疏請疏濬渠興耕稼議自赫色勒河東南浚渠四十餘里引水入赫色勒布伊材托庸河湍急宜增隄壩鑿山石弱水勢召還京師三十年烏什回人為亂復命赴哈什哈爾事平移駐烏什二十三年署伊犁將軍移吏部再移禮部坐厄魯特兵盜哈薩克馬轉誣哈薩克辦事大臣巴爾品斷獄未得其實永貴論劾語有所諱飾又以涼州莊浪滿洲兵損馬當償誤扣熱河兵餉召還京師命授左都御史命不得用翎頂旋移禮部尚書得用頂帶仍不得戴翎四十二年命署大學士題孝聖憲皇后神主尋補吏部尚書在阿哥總諸達處行走賜花翎初山東民王倫為亂給事中李湊方陳奏饑民餓殍坐妄言左授禮部主事及是吏部請以湊芳升授員外郎上責永貴市恩削職奪花翎令以三品頂帶赴烏什辦事詔詰責甚至且言回永貴烏什如不實心任事必在彼處正法先是葉爾羌辦事大臣侍郎高樸役回民採玉並婪取金珠為諸伯克所訟永貴如葉爾羌訊得實聞上

上為誅高樓手詔嘉永貴持正並謂永貴罪不至貶今命西行適以發高樓之奸潛銷禍萌此天啓朕衷也仍授吏部尚書賜花翎尋授參贊大臣四十四年召還京師授鑲藍旗滿洲都統四十五年協辦大學士四十八年卒諡文勤永貴端謹初直軍機處與阿桂齊名時稱二桂其撫浙江有廉聲子伊江河官至山東巡撫高宗崩伊江河因奏事附書和珅勸節哀和珅已下獄仁宗得其書詔詰責奪職既又追論在山東日佞佛寬盜命戍伊犁尋授藍翎侍衛古城領隊大臣卒

蔡新字次明福建漳浦人贈尚書世遠族子乾隆元年進士選庶吉士授編修入直上書房試御史第一辭授侍講纂遷工部侍郎移刑部十八年以母老請歸省賜其母貂緞旋乞終養允之卽家命為上書房總師傅辭高宗諭之曰非令汝卽來供職待後日耳二十五年上五十壽入京師祝嘏二十六年南巡親行在母喪終授刑部侍郎三十二年擢工部尚書三十八年移禮部四十五年命以吏部尚書協辦大學士四十六年乞假修墓四十八年還朝拜文華殿大

清史稿

列傳一百零七

三

學士兼吏部尚書五十年與千叟宴上臨雍講學新以大學士領國子監講易天行健君子以自強不息賜茶並文綺新操履端謹言行必衷於禮法上眷之厚賦臨雍詩注謂今羣臣孰可當三老五更獨新長朕四歲或可居兄事然恐其局促勿敢當舉王導對晉元帝語以謝耳新上疏乞致仕語切至上許其歸加太子太師三賦詩以饒既歸上每製文屢以寄新且曰在朝無可與言古文者不可阿好徒稱頌五十五上八十壽詣京師祝嘏賜宴同樂園賜人蔭一斤及歸命歸途所經有司具舟車護行上仍以詩文寄新諭將以驗學詣戒詩母和約五十七年重赴鹿鳴宴六十年上御極六十載諭新不必入賀新奏言上九旬萬壽冀再詣闕祝嘏上諭之曰覽奏字字出誠心我君臣共勉之若天恩得符所願實佳話也嘉慶元年新年九十賜額曰綠野恒春侑以諸珍物四年高宗崩奔赴至福州病不能進巡撫汪志伊以聞溫詔止其行是冬卒贈太傅諡文端新學以求仁為宗以不動心為要嘗輯先儒操心養心存心求放心諸語曰事心錄直上書房四十二年培養啓迪動必稱儒先高宗以新究心根

祗守世遠家法深敬禮之既歸福建督撫坐食贖虧倉庫得重譴上責新知而不自比寒蟬無體國公忠之意新上疏請下吏議卒以篤老寬之嘉慶初海盜方肆新子本俊官京師御史宋澍疏言新家書及海盜事不以聞上為詰本俊本俊言新已具疏令磨真入奏上亦不之責仍諭新毋畏新家居謙慎遇丞尉執禮必恭或問之曰欲使鄉人知位至宰相亦必敬本籍官吏庶心有所不敢犯法者鮮耳著有緝齋詩文集景伊字聘三江南武進人乾隆四年進士改庶吉士授編修再遷侍讀學士命在尚書房行走復三遷兵部侍郎景伊致人書言承乏中樞晨夕內廷多曠廢今秋未與木蘭之役稍得專心職業為上聞責其就逸解尚書房行走歷禮工諸部三十四年擢工部尚書歷刑吏諸部三十八年協辦大學士四十一年上東巡回鑾駐蹕黃新莊景伊與在京王大臣迎駕未召見卽退班命奪職仍留任四十四年授文淵閣大學士四十五年上南巡命景伊留京治事上還京師入對以景伊病後衰弱命安心調理勿勉強行走七月卒諡文恭

清史稿

列傳一百零七

四

梁國治字階平浙江會稽人乾隆十三年一甲一名進士授修撰遷國子監司業充廣東鄉試正考官復命奏對稱旨命以道員發廣東待闕旋除惠嘉潮道移署糧驛道卓異引見擢署左副都御史遷吏部侍郎廣東總督楊廷璋等追論國治著糧驛道時失察家人舞弊讞實奪職起授山西冀甯道三遷湖北巡撫三十三年命署湖廣總督兼荊州將軍時湖北頻歲水旱治賑缺倉穀四十八萬餘石國治議發司庫白金二十萬俟秋穫易穀來歲春夏間出糶石溢銀一錢行之數年倉穀得無缺三十六年移湖南巡撫師征金川治軍械造藥彈費不給國治請以司庫儲備軍興白金十餘萬照一年應扣各糧通行借給仍分三年扣還歸欵國治又以出征將弁例軍中墜用本管缺出仍係照常拔補循資按格者轉得坐致陞遷冒敵衝鋒者專待軍管缺出無以鼓勵戎行請嗣後本管缺出與出征將弁一體論陞皆從其請三十八年召還京師命在軍機處行走直南書房三十九年授戶部右侍郎四十二年遷尚書四十七年加太子少傅四十八年命協辦大學士五十年晉授東閣大學士兼戶部尚書五

十一年卒加太子太保諡文定國治父文標官刑部司獄恤囚有惠政國治篤孝友與兄孿生兄蚤卒終生不稱壽事嫂如母治事敬慎慎密生平無疾言遽色然不可以私干門下士有求入按察使幕主刑名者戒之曰心術不可不慎其人請改治錢穀則曰刑名不慎不過殺一人所殺必有數且爲人所共知錢穀庶人十倍刑名當時不覺近數十年來遠或數百年流毒至於無窮且未有已卒不許著有敬思堂集

英廉字計六馮氏內務府漢軍鑲黃旗人雍正十年舉人自筆帖式授內務府主事乾隆初命往江南河工學習補淮安府外河同知累遷永定河道河決總督方觀承劾英廉淤溝鑿埽衝陷水上月隄匿不以聞遂誤要工奪職逮治英廉抗辨逾年未決觀承請遣大臣莅其事上命尙書舒赫德會鞠言英廉申報不以實且未將淤溝先事預防堵築經費當責出私財以償上諭言英廉上官未及兩月淤溝失防咎實在前政然觀承以總督劾屬吏不敢率意入罪讞逾年未定請遣大臣莅其事是其所警畏亦朕明慎庶政之効仍從其請

清史稿

列傳一百零七

五

未幾命在高梁橋迤西稻田廠効力尋復自筆帖式授內務府主事累遷內務府正黃旗護軍統領外授江寧布政使兼織造英廉以父老乞留京師賜二品銜授內務府大臣戶部侍郎三十四年征緬甸師行命尙書托庸等董其事遷刑部尙書仍兼戶部侍郎正黃旗滿洲都統三十九年侍郎高樸劾左都御史觀保侍郎申保倪承寬吳壇交內監高雲從洩道府記載上問英廉英廉謝不知詔詰責命奪職從寬留任京師商人投呈皇六子有所陳請事下內務府上召內務府諸大臣問收呈者誰也英廉金簡皆謝不知邁拉遜乃言六阿哥收呈上責英廉金簡隱諱下部議命寬之仍註冊四十二年協辦大學士移四十四年暫署直隸總督四十五年大學士于敏中平上以英廉本漢軍協辦有年特授漢大學士漢軍授漢大學士自英廉始尋授東閣大學士仍領戶部四十六年復署直隸總督疏請清州縣虧帑四十七年加太子太保復署直隸總督直隸災治賑疏請以截存漕米補各倉儲穀又疏請獨未完耗羨三萬餘兩皆從其請尋以病乞罷命以大學士還京師養病卒賜白金五千治喪祀賢良

祠諡文肅

彭元瑞字芸樵江西南昌人乾隆二十二年進士改庶吉士散館授編修直懋勤殿大考以內直不與遷侍講擢詹事府少詹事直南書房遷侍郎歷工戶兵吏諸部高宗六十壽次聖教序爲讚以進上嘉之上製全韵詩元瑞重次周興嗣千字文爲跋上手詔獎諭稱爲異想逸材賜貂裘硯墨敕撰壽宮皇極殿鐘聯稱旨賜以詩碑雍成釋奠講學又繼以耕藉上三大禮賦擢尙書禮禮兵吏三部五十五年上八十壽以歲陽在庚進八庚全韵詩上以庚韵字數奇易首句用韵去一聯末句乃諧律親爲裁定尋加太子少保協辦大學士五十六年以從孫冒入官御史初彭齡論劾左授禮部侍郎命仍直南書房尋復授工部尙書嘉慶四年高宗奉安禮成元瑞撰祝文仁宗嘉其得體加太子太保元瑞子翼蒙官江南鹽巡道坐事免元瑞自劾又坐誤舉編修修晉下吏議上皆寬之修高宗實錄命充總裁八年以疾乞罷慰留久之乃許命仍領實錄總裁旋卒贈協辦大學士諡文勤元瑞以文學被知遇內廷著錄藏書及書畫彝鼎

清史稿

列傳一百零七

六

輯秘殿珠林石渠寶笈西清寶鑑等書鑑古天祿琳瑯諸書元瑞無役不與和章獻頌履荷褒嘉所著有經進藁知聖道齋跋尾諸書高宗實錄成推恩賜祭並祀賢良祠官翼蒙員外郎紀昀字曉嵐直隸獻縣人乾隆十九年進士改庶吉士散館授編修再遷左春坊左庶子京察授貴州都勻府知府高宗以昀學問優加四品銜留庶子尋擢翰林院侍讀學士前兩淮鹽運使盧見曾得罪昀爲姻家漏言奪職戍烏魯木齊釋還上幸熱河迎鑾密雲試詩以土爾扈特全部歸順爲題稱旨復授編修三十八年開四庫全書館大學士劉統勳舉昀及郎中陸錫熊爲總纂從永樂大典中搜輯散逸盡讀諸行省所進書論次爲提要上之擢侍讀上復命輯簡明書目坐子汝侏積逋被訟下吏議上寬之旋遷翰林院侍讀學士建文淵閣藏書命充直閣事累遷兵部侍郎四庫全書成表上上曰表必出昀手命加資遷左都御史再遷禮部尙書復爲左都御史畿輔災饑民多就食京師故事五城設飯廠自十月至三月昀疏請自六月中旬始廢日煮米三十石十月加煮米

二石仍以三月止從之復遷禮部尚書仍署左都御史疏請鄉會試春秋罷胡安國傳以左傳本事為文參用公穀從之嘉慶元年移兵部尚書復移左都御史二年復遷禮部尚書疏請婦女遇強暴雖受污仍量予旌表十年協辦大學士加太子少保卒賜白金五百治喪諡文達均學問淵通撰四庫全書提要進退百家鉤深極際各得其要指始終條理蔚為巨觀懲明季講學之習宋五子書功令所重不敢顯立異同而於南宋以後諸儒深文詆譏不無門戶出入之見云陸錫熊字健男江蘇上海人乾隆二十六年進士召試授內閣中書累遷刑部郎中與均同司總纂旋並授翰林院侍讀五遷左副都御史旋以書有謬謬令重為校正寫官所費錫熊與均分任又令詣奉天校正文溯閣藏書卒於奉天陸錫坤字丹叔浙江桐鄉人陸錫為複姓錫坤乾隆三十一年進士改庶吉士授編修充四庫全書館總校用均錫熊例擢侍讀累遷禮部侍郎書有謬謬上謂均錫熊專司其事而錫坤咎尤重文溯閣文宗三閣書面葉木匣實擗出資裝治仍下吏議奪職旋卒上命籍錫家留千金贖其孥餘充三閣裝治之用

清史稿

列傳一百零七

七

論曰乾隆中年後多以武功致台鼎若三寶永貴國治英廉皆先陟外臺駁歷著聲績國治直樞廷十餘年先後與于敏中和珅未嘗有所阿新元瑞均起侍從文學負時望新誦厚承世遠之教均校定四庫書成一代文治允哉稱其位矣

清史稿

列傳一百八

袁日修

吳紹詩

閻循琦

曹秀先

周煌

曹文植

金簡

袁日修字叔度江西新建人乾隆四年進士改庶吉士自編修五遷至侍郎歷兵吏戶諸部胡中藻以賦詩誚上罪殊死事未發日修漏言於鄉人上詰日修不敢承逮所與言者實實上謂日修面欺二十年五月下部議奪職左授右中允十二月擢吏部侍郎二十一年令在軍機處行走師討準噶爾命如巴里坤董軍儲二十二年疏言西陲回民數十部落厄魯特人介其中當策安阿喇布坦時恣殺掠回民久切齒請敕伯克額敏和卓厄魯特軍入境當擒戮予賞資勿被煽生疑懼尋還京師河屢決山東河南安徽境積水久不去是歲上南巡往視既返蹕命日修會山東河南安徽諸巡撫周行積水諸州縣畫疏濬之策

清史稿

列傳一百八

一

日修至安徽借巡撫高晉疏言安徽宿靈壁虹三州縣頻年被水上承河南虞城夏邑商邱永城四縣積水下注畢匯於宿州宿州有睢河虹縣有潼河泗洲與宿遷桃源接壤處有安河皆境內大水與靈壁虹縣諸支港當次第疏濬俾入洪澤湖洪澤以清口為出路上令去草埔使暢流江南之民仰頌聖明宜令每歲應期開放日修至河南借巡撫胡寶瑤疏陳黃河南岸自榮澤以下諸水東入睢東南入淮皆淺阻不能宣洩東境幹河在商邱為豐樂河在夏邑為豐河在永城為巴河實即一水次則賈魯河又次則惠濟河渴河皆當疏濬自永城至汝寧府支河當施工者凡十二導積水自支河入於幹河其不能達者或多作溝渠或停為數澤潢汗野潦有所約束而不為民害日修至山東借巡撫鶴年疏請培培陶臨清滋運河諸州縣民均官給夫米令實力修補復借巡撫蔣洲疏言山東當疏濬諸水以兗州為要曹州次之兗州宜治者九水曹州西南境當濬順隄河東北境當於八里廟建壩俾沙河趙王河水入運賴以節宜日修諸議皆稱上意命及時修築日修復至安徽議濬潁州府境與河南連界

者六水在府境者四水加疏宿州境睢河並寬留清口壩口門上獎所議甚合
機宜還河南諸幹河工竟議續商邱遂平上蔡新蔡諸支流凡五水並築諸
隄堰調戶部侍郎二十三年諸水畢治御製詩褒之疏言諸行省偏災米豆例
免稅但以免稅故稽查密欲通商而商反以爲累卻顧不前請如常收稅下
九卿議行京師平糶曰修言糶價過減適合商家乘機居積請石減百錢數日
後市價稍平以次漸減會天津民訟鹽商牛兆泰兆泰與曰修有連曰修嘗寄
書上命不必在軍機處行走二十五年授倉場侍郎二十六年河決楊橋命如
河南勘災賑並議疏洩曰修請廣設粥廠饑民便就食量增料價料易集工可
速歲上皆可其奏上遣大學士劉統勳兆惠督塞河曰修勸下游疏言黃水悉
入賈魯惠濟二河二河倘不能容爲患滋大宜察隄埝爲河水所從入悉堵禦
俾中流不至復決曰修還楊橋疏言河流逼北岸當挽行中道又請培補沁水
隄並賑流民得旨嘉允曰修子編修驛卒於京師上念曰修所領事將竟有子
喪母老召還京師工竟上製中州治河碑褒曰修及寶璣不惜工不愛勞不勞

清史稿

列傳一百八

二

民上源下流以次就治旋居母喪歸二十八年上以直隸連年被水曰修服將
除召來京督直隸水利署吏部侍郎河渠工畢曰修請迎生母就養上令會高
晉籌濟睢河曰修言當厚蓄清水以刷淤泥秋冬水弱南北築壩堵截至四月
水漲啓壩分洩上採其議二十九年福建提督黃仕簡疏論總督巡撫得廈門
洋行歲餽命曰修借尙書舒赫德往按並命曰修暫署福建巡撫繼定還京師
署倉場侍郎三十年授戶部侍郎三十一年上以江南淮徐諸河隄前令曰修
等經營修築爲時已久復命曰修及高恒往勘山東河南毗連處並令巡視曰
修等疏言諸水自二十二年大治後歲於農隙疏濬隄岸亦以時培補見無淤
勢殘缺報聞遷尙書歷禮工刑三部三十三年丁生母憂歸三十四年召授刑
部尙書初江南山東蝗起命曰修捕治是歲畿南蝗復命捕治曰修至武清令
順天府尹寶光熊行求蝗起處上責曰修不親勸左授順天府府尹尋遷工部
侍郎三十二年命如滄州勘運河疏請改低壩基殺水勢疏下流引河移捷地
開裁曲就直疏減河使順流達海上從之遷工部尙書命南書房行走命督濬

北運河三十七年又命督濬永定北運諸河疏言治河不外疏築而築不如疏
直省近水居民與水爭地水退卽占耕升科築埝有司見不及遠以爲糧地自
當防護逼水爲隄埝水乃橫決爲災請敕所司浚泊毋得報壅升科橫加隄埝
使水有所歸上降旨嚴禁三十八年四月曰修病瘳乞歸上以錢陳羣嘗病此
以老許其歸今日修方六十不當如陳羣之引退賜詩慰之屢遣存問御醫視
疾旋加太子少傅卒諡文達子行簡自有傳

吳紹詩字二南山東海豐人諸生雍正二年世宗命京官主事以上外官知縣
以上舉品行才猷備任使卽親戚子弟不必引避時紹詩世父象寬官湖北黃
梅知縣遂以紹詩應詔引見分刑部學習十二年授七品小京官乾隆初累遷
至郎中外擢甘肅鞏昌知府遷陝西督糧道總督永常劾紹詩採兵米侵帑奪
職下巡撫鍾音勳治紹詩以市米貴賤不齊爲中價具報非侵帑狀聞發軍台
効力以母病許贖二十二年高宗南巡紹詩迎蹕起貴州督糧道遷雲南按察
使調甘肅按察使就遷布政使疏言軍夏駐防將軍以下官祿應給糶米請改

清史稿

列傳一百八

三

征諸民應納粟米石者改交糶米七斗上命軍夏駐防官祿如涼州莊浪例改
折價又疏鎮番縣柳林湖招墾地請如安西瓜州屯田例升科納賦較前此徵
租歲計有盈且民戶世業俾可盡心耕耨下總督楊應琚等議行甘涼諸縣早
紹詩復疏言張掖永昌鎮番礦伯高臺五縣舊無城撫彝廳德涇州城已損
壞請以時修築使飢民就工授食下巡撫常鈞議行旋以憂歸三十一年服除
擢刑部侍郎出爲江西巡撫以南昌九江二衛屯山租過重贛州袁州鉛山三
衛所租重而田缺疏請減租下總督高晉詳勘量減上猶產鐵砂民爭取滋事
疏請募民淘探募商設廠收鎔爲之條例九江關監督舒善建昌府知府黃肇
隆皆以不職爲上聞責紹詩不先事論劾部議奪職命寬之三十四年召爲刑
部尙書未上調禮部尙書是歲南昌等縣被水十月紹詩將受代始奏請緩征
上諭曰災地收薄小民豈能復事輸將紹詩遷延不問直至開征將及一月始
以一奏塞責見雖傳諭停緩急公者納糧不免拮据疲窘者徒受催科之累此
皆紹詩全不知以民事爲重有以誤之也紹詩累經部議降革並從寬留任此

則玩視民疾難復曲貸因命奪職三十五年起刑部郎中三十六年擢侍郎皇太后八十萬壽列香山九老賜以宴資三十七年調吏部侍郎三十九年乞致仕四十一年上東巡迎蹕加尚書銜卒年七十八諡恭定子垣增垣自舉人入資授兵部郎中三十五年特命調刑部三十六年紹詩為侍郎上以垣本特調命母迴避三十七年弟垣為侍郎乃調吏部邊監察御史以憂歸服除補原官遷給事中以弟增為巡撫例不為言官署吏部郎中增卒復為給事中五遷為吏部侍郎四十九年外授廣西巡撫五十年入覲與千叟宴調湖北巡撫江夏等州縣旱疏請緩征平糶募商赴四川買米五十一年卒上賜卹猶獎其實心治災賑也垣二十六年進士授刑部主事再遷郎中二十一年紹詩為侍郎上以垣治事明敏母迴避三十二年超授江蘇按察使就遷布政使江甯蘇州兩布政所屬互支官俸兵米垣疏請更定江蘇賦重中諸行省每遇奏銷款目繁複增疏請分別總案專案以便察覈皆議行三十七年內擢刑部侍郎三十九年太監高雲從以洩道府記載誅京朝諸臣從問消息者皆奪職垣亦與上謂

清史稿

列傳一百八

四

不意增竟至於此念其練習刑名廢棄可惜左授刑部主事遷郎中四十四年授江南河道總督江蘇布政使四十五年擢巡撫疏言吳縣舊有公田萬二千五百畝銀漕外歲納租息佐轉漕運租其銀以非正賦遇蠲免不得與請併予豁免除災歉隨賦蠲緩又疏言江河險處設救生船五十六今裁存二十八請增募四十分泊京口瓜州金山諸處並從之旋卒紹詩父子明習法律為高宗所器紹詩兩為侍郎垣增先後在郎署特命母相避及紹詩移吏部以垣繼其後父子相代尤異數乾隆初重修大清律例紹詩充纂修官綱目二卷實所釐定增復著大清律例通考三十九卷

閻循琦字景韓山東昌樂人乾隆七年進士改庶吉士散館授工部主事三遷廣東道御史仍兼工部行走疏言江南諸行省水災治賑應照戶口秤定銀封主其事者每假手胥吏不能無扣減甚或私用輕毀宜令督撫派專員監封仍令道府以時抽驗貧民以銀易錢買米當禁奸民剝削富家積錢亦應令其散易以平市價上曰循琦所言頗中情弊但若明降諭旨不肯者未必畏憚本無

此弊者或轉因此啓其舞弊當抄循琦奏寄諸行省督撫令加意體察又疏言八旗義學教習多不實心督課請歲派大臣會禮部堂官嚴察上為罷八旗義學令董理各官學大臣盡心教育邊轉吏科掌印給事中三十四年特命兼吏部文選司郎中遷內閣侍讀學士仍兼吏部行走京西門頭溝煤窰歲久淤塞有議他處管採者因緣為利命循琦會勘謂舊窰產煤本旺鑿溝墜疏積水淤去而煤暢他處有可採當以時招商議上大學士傅恒覆奏如循琦言三十六年超擢工部侍郎會試知貢舉事舉入對上問諸臣知貢舉每有條奏汝獨無何也循琦對科場條例已甚詳備諸臣實力奉行自足不敢毛舉一二端自謂曉事也上曰汝言是凡事皆當如此非獨知貢舉而已三十八年遷工部尚書四十年卒贈太子太保諡恭定王際華字秋瑞浙江錢塘人乾隆十年一甲三名進士授編修十三年大考翰詹擢侍讀學士上書房行走廣東舊設兩學政十五年以侍讀程嚴督廣政際華督肇高學政旋用嚴議裁併以憂歸服除起原官三遷至侍郎歷工刑兵戶吏諸部在兵部疏言武鄉會試舊例外場

清史稿

列傳一百八

五

挑雙好單好合式三類入內場雙單好列東號合式列西號不肯者見列西號知不能倖中紛紛求出即有歸號終日喧嘩請嗣後武鄉會試但挑雙單好母更挑合式在吏部疏請在京文武官吏議處及各部會議外省文武官吏議處當分別定限皆如所議三十四年遷禮部尚書三十八年加太子少傅調戶部尚書四十一年卒贈太子太保諡文莊官其子朝梧內閣中書官至山東兗沂曹道程嚴字巨山江西鉛山人以檢討督廣東肇高學政移督廣政建議裁併即以命嚴官至禮部侍郎

曹秀先字恒所江西新建人乾隆元年舉博學鴻詞未試成進士改庶吉士授編修十年遷浙江道御史十七年八月舉恩科會試秀先從子詠祖坐關節誅秀先當奪職上以秀先初不與知但失察命寬之十八年近畿蝗秀先請御製文以祭舉蜡禮州縣募捕蝗母藉吏胥上曰蝗害稼惟實力捕治此人事所可盡若欲假文辭以期感格如韓愈祭鱸魚鱸魚遠徙與否究亦無稽朕非有泰山北斗之文筆好名無實深所弗取下部議能結餘如所請七遷至侍郎歷

工戶吏諸部三十九年遷禮部尚書上書房行走命為總師傳四十六年禮部議四十七年祀祈穀壇日川次辛上日朕御極來遇正月上辛在初三日前當隔歲齋戒改川次辛其有初四日上辛亦改次辛者以為聖母皇太后祝釐朕率王公大臣拜賀東朝禮不可闕至明歲正月上辛則非向年可比矣如謂不敢輕易朝正令典亦當備稽往例具奏請旨乃遵行題違何味味至此禮部堂官悉下部議秀先當奪職復命寬之四十七年罷上書房總師傳四十九年卒贈太子太傅諡文恪秀先少孤事母胡孝嘗為吮疽母卒庶母龔為携持事如母學於兄茂先事之如嚴師既貴收宗族弭鄉里水忠莅政動慎廉儉吏議數四輒命減免秀先顏其堂曰知恩紀上卷也子師竹自兵部郎中屢遷至侍郎歷禮兵二部嘉慶二十五年以兵部失行在印左授太常寺少卿道光初再遷太常寺卿請修墓歸卒

周煌字景垣四川涪州人乾隆二年進士改庶吉士散館授編修二十年命偕侍講全魁册封琉球國王尚穆尋遷右中允再遷侍講二十二年使還奏上琉

清史稿

列傳一百八

六

球國志略命以武英殿聚珍板印行以從兵在琉球失約束下吏議當奪官上以煌遠使且在姑米山遇風險命寬之仍留任二十三年大考二等開復尋遷左庶子命上書房行走累遷兵部侍郎三十八年五月命如四川按壁山民訟武生勅派十月復命如四川按蓬溪諸生訟縣吏勅派俱鞫虛罪如律四十四年擢工部尚書四十五年調兵部尚書四十六年上幸熱河煌詣行在入對四川方多盜號為咽喉子總督永綬疏報遺將吏捕治上以諸煌煌對咽喉子所在多有縣轍百十人其渠號朋頭白日劫掠將吏置不問甚且州縣胥役亦為之大竹縣役子為盜渠號一隻虎上為罷文綬調福康安督四川命防護煌所居村四十七年命為上書房總師傳未逾年以煌不勝總師傳罷之四十九年調左都御史五十年以病乞休詔以兵部尚書加太子少傅致仕尋卒進太子太傅賜祭葬諡文恭子興岱字冠三乾隆三十六年進士改庶吉士散館授編修累遷侍講學士超授內閣學士擢侍郎歷禮吏戶諸部命在南書房行走嘉慶四年祭告川陝嶽瀘川楚教匪亂方急上命興岱經被寇州縣宣諭慰郵並

傳詔招撫復以軍中諸將勇怯詔與岱奏臣行次廣元民言總兵朱射斗在高院場戰敗總督魁倫未遣兵應援又不嚴守潼關賊夜掠太和鎮焚殺甚酷行次梓潼賊正擾縣境民紛紛徙避臣在縣督率嚴防駐二日乃行途中宣上指慰諭民言川軍逐賊德楞泰最奮勇且能於臨陳廣布德意解散脅從但賊勢方張一人不能兼顧請救督兵諸大臣同心協力上奪魁倫官遠詣成都命興岱會勒保按勦事畢還京師煌管兩使四川按事興岱復繼之時以為榮六年充江西考官坐受餽並索取衣裘命退出南書房左授侍讀學士八年大考以老乞休上從之旋復授編修遷侍講擢內閣學士復再遷左都御史十四年卒

曹文植字竹虛安徽歙縣人乾隆二十五年二甲一名進士改庶吉士授編修直懋勤殿四遷翰林院侍讀學士命在南書房行走再遷詹事府詹事居父喪歸四十二年詣京師謁孝聖憲皇后梓宮喪終仍在南書房行走授左副都御史遷侍郎歷刑兵工戶諸部兼管順天府府尹軍機章京員外郎海昇殿殺其

清史稿

列傳一百八

七

妻以自縊報其妻弟貴甯爭非是命左都御史紀昀等驗尸仍以自縊具獄貴甯復爭言海昇與大學士阿桂有連驗不實更命文植與侍郎伊齡阿覆驗得毆殺狀以聞上獎文植等不徇隱公正得大臣體阿桂以贊奏及語袒海昇坐罰俸均下吏議刑部侍郎景祿杜玉林及郎中王士荃等皆遣戍擢文植戶部尚書復命與伊齡阿如通州督漕清船回空較早命議叙五十一年命如浙江察倉庫虧缺旋復命阿桂會文植董理浙江濱海建石塘外積柴為障是為柴塘外又築土為坡以護是為坦水巡撫福崧疏請籌歲修命文植併按文植言柴塘日受潮汶往來汕刷勢不能無踣躓今既為坦水若不時補修不足當潮勢而為石塘之保障得旨如所議文植還京師上以阿桂及文植鞫平陽知縣黃梅未得實下部議降二級命寬之五十二年文植以母老乞歸養命其請加太子太保御書賜其母五十四年上以明年八十萬壽命文植母詣京師文植疏言母健在明年當詣京師祝嘏至時如未能遠離當自審度上體聖意下順親心諸事皆從實得旨卿能來朕誠喜但母稍勉強五十五年文植詣京

師祝殿上賜文植母大緞貂皮五十六年御試翰詹文植子編修振鐸列三等
 上以才可造又為文植子撰侍講奇賜文植御製文勒石拓本六十年以上御
 極周甲子文植詣京師賀上復賜文植母御書文綺貂皮嘉慶三年卒高宗方
 有疾卹典未行五年仁宗命子卹諡文敏並賜文植母大緞人參乾隆之季和
 珅專政嫉阿桂功高位其上海昇妻之獄辭述阿桂和珅妄謂文植能立異同
 欲引以為重文植特持正故非阿和珅母老決引退恩禮弗替子振鐸自有傳
 杜玉林字凝齋江蘇金匱人乾隆十九年進士授刑部主事再遷郎中外授江
 西南康知府三遷四川布政使四十四年內擢刑部侍郎四十五年命如四川
 按會理州沙金鳳訴其兄土司金龍佔田獄讞定金鳳復詣京師呈訴覆讞如
 玉林議分田惟獄情未盡又知州徐上勳當劾玉林以同鄉置不問吏議當左
 遷上授玉林工部侍郎仍領刑部事旋復還刑部迭使湖南北江南讞獄尙書
 福隆安侯晉殺役夫賄他人自代玉林不能察降三品冠服旋命復本秩五十
 年坐海昇妻獄戍伊犁明年召還授刑部郎中行至涇州卒玉林善治獄嘗曰

清史稿

八

刑一成而不變治律例猶善醫貴不泥於方書而察其受病之實不如是無以
 臨民王士葵字蘭圃陝西華州人乾隆十九年進士改庶吉士授刑部主事再
 遷郎中和珅為步軍統領龍其役役占通州車行州民訴刑部士葵為定讞成
 其役黑龍江上詣碧雲寺禮佛誚池潤問其故僧言寺後開煤礦引水別流上
 怒逮主其事者下刑部則和珅奴也諸曹憚和珅不欲竟其獄士葵復為定讞
 上責和珅而誅其奴五十年四月海昇妻之獄刑部侍郎杜玉林坐贖尸不以
 實當讞上欲以士葵代而士葵亦佐贖上諭曰王士葵在刑部年久前因召對
 觀其人尙有才方欲量加擢用乃覆驗題護逢迎阿桂罪無可道遂與玉林成
 伊犁明年召還授刑部員外郎五十二年六月特擢江蘇按察使五十五年高
 郵州吏以偽印徵賦事發巡撫閱賜元以下皆坐重讞上以按察使得奏事士
 葵見巡撫以下互相徇隱置若罔聞士葵本起廢籍尤負恩命奪職總督書麟
 等請遣戍上許納贖尋復授刑部員外郎五十七年以病乞歸嘉慶元年卒士
 葵治獄虛公周密每有所平反章邱民辛存義索逋於屠者死於途旁置屠刀

縣吏坐屠殺人士葵奉命詣讞躬訪於村女別得罪人遂乃雪旗丁有兄弟異
 母而同居者兄鰥弟有婦夜為人戕母訴長子姦殺士葵蒞視長子伏地哭無
 一語在側指畫者母之姪也一葵審視良久吐其姪曰殺人者汝也姪股栗具
 伏泰安燧顏氏富而子幼夫弟強之嫁走訴部或醜士葵白金五千士葵拒之
 卒論如律邳州民有舅訟甥者謂其發母墓罪殊死士葵疑之為覆讞蓋甥為
 前母子舅則後母兄後母憎長子舅誑之曰汝母墓有蛇迹甥與其妻往視舅
 同叢墓間執詣縣士葵得其情白長子枉士葵嘗曰刑官之弊莫大於成見聽
 訟有成見強人從我不能盡其情是客氣也斷罪有成見或偏於嚴明因求能
 折獄名或偏於寬厚自以為陰德皆私心也高宗知其才屢坐讞終不使廢棄
 仍俾為刑官世傳其再起復欲用為侍郎和珅實尼之云
 金簡賜姓金佳氏滿洲正黃旗人初隸內務府漢軍父三保武備院卿金簡乾
 隆中授內務府筆帖式累遷奉宸院卿三十七年授總管內務府大臣監武英
 殿刻書充四庫全書副總裁專司考覈督催三十九年授戶部侍郎管錢法堂

清史稿

九

鑲黃旗漢軍副都統賜孔雀翎四十年奏京局鼓鑄每年七十五卯錢九十二
 萬七千三百五十千歲餘二萬餘千加以節年餘存遇閏價可抵放請裁去閏
 月四卯從之四十三年命纂四庫書要署工部尙書命赴盛京察平允庫項虧
 短關防拉薩禮等治罪如律奏定盛京銀庫章程下部議行四十六年命總理
 工部四十八年擢工部尙書鑲黃旗漢軍都統四十九年請疏濬蘆溝橋中泓
 五孔水道並請定三四年疏濬一次五十年與千叟宴四庫全書成議叙命修
 葺明陵請加築思陵月臺並拓享殿宮門五十六年故安南國王黎維那聽所
 屬黃益曉黎光燁等稟請歸國命金簡察治益曉黎光燁等並發遣五十七年調
 吏部尙書五十九年卒令皇孫絲繆奠醑賜祭葬諡勤恪金簡女弟為高宗貴
 妃嘉慶初仁宗命其族改入滿洲賜姓紐布金簡子初授拜唐阿擢藍翎侍衛
 乾隆四十八年授泰甯鎮總兵六十年召授總管內務府大臣嘉慶三年授鑲
 紅旗漢軍副都統四年授工部侍郎賜孔雀翎奏請增設內務府養育兵上斥
 其例外乞恩意在沽名俄以清字措誤書孝聖憲皇后徽號奪官予四品頂帶

留佐領旋復授正紅旗蒙古副都統總管內務府大臣五年授兵部侍郎六年擢工部尚書鑲紅旗漢軍都統九年署戶部尚書十四年卒論曰日修奉使治水利澤施於生民紹詩疏律義尚平恕皆有子克承厥緒循琦際華秀先迥翔臺省以篤謹被主知文壇眷尤厚不阿時相潔其身以去皆彬彬平世令僕才也乾隆之季民窮盜起煌父子言鄉里民間疾苦高宗不以爲忤金簡起戚曉所論鑄錢資明陵及黎維祁乞歸國並關國故故比而次之

清史稿

列傳一百八

十

清史稿

列傳一百九

寶光鼎

李淑芳

曹錫寶

錢澧

尹壯圖

寶光鼎字元調山東諸城人乾隆七年進士選庶吉士散館授編修大考四等罰俸高宗夙知光鼎居數月擢左中允累遷內閣學士二十年授左副都御史督浙江學政上南巡臨海縣訓導章知縣將獻詩光鼎以詩拙阻之知縣欲訐光鼎光鼎以聞上召知縣試以詩詩甚拙且言願從軍上斥其妄命奪職戍關展後數年上欲殺知縣還而知縣妄爲悖逆語欲以陷光鼎上乃誅之光鼎學政任滿還京師秋讞光鼎以廣西囚陳父悔守田禾殺賊不宜入情實貴州囚羅阿扛逞凶殺人不宜入緩決持異議簽商刑部語忿激刑部遽以聞上命大學士來保史貽直協辦大學士梁詩正覆駁請如刑部議且言光鼎先已盡題何得又請改擬上詰光鼎光鼎言兩案異議本屬簽商並非固執因會議時言

清史稿

列傳一百九

一

詞過激刑部遽將簽出未定之稿先行密奏臣未能降心抑氣與刑部婉言答實難辭請交部嚴加議處上以會讞大典光鼎意氣自用甚至紛囑謾罵而不自知設將來豫議者尤而效之於國憲朝章不可爲訓命下部嚴議當左遷仍命留任光鼎疏言事主殺竊盜律止杖徒近來各省多以竊盜拒捕而被殺比罪人不拒捕而擅殺皆以門論寬竊盜而嚴事主非禁暴之意應請遵本律議行二十七年上以光鼎迂拙不勝副都御史命署內閣學士授順天府府尹坐屬縣蝗不以時捕左遷四品京堂仍留任旋赴三河懷柔督捕蝗疏言近京州縣多旗地嗣後捕蝗民爲旗地佃富一體撥夫應用上從所請以諭直隸總督楊廷璋廷璋言自方觀承始設護田夫旗民均役上復以詰光鼎召還京師令從軍機大臣入見問民爲旗地佃不肯撥夫應用屬何人莊業光鼎不能對請徵東北二路同知及三河順義知縣質證退又疏請罷護田夫別定派夫捕蝗事例上以光鼎所見迂鄙統繆下部議奪職居數月諭光鼎但拘鈍無能無大過左授通政司副使再遷宗人府府丞復督浙江學政擢吏部侍郎浙江州縣

倉庫多虧缺上命察燬光龍疏言前總督陳輝祖巡撫王賈望貪墨敗露總督富勒渾未嚴察臣聞嘉興海鹽平陽諸縣虧數皆逾十萬富察數分別定擬上嘉其持正命尚書曹文植侍郎姜晟往會巡撫伊齡阿及光龍察燬旋疏劾永嘉知縣席世維借諸生穀輸倉平陽知縣黃梅假彌虧苛歛且於母死日演劇仙居知縣徐延翰斃臨海諸生馬寅於獄並及布政使盛佳上年詣京師攜賫過豐召物議總督富勒渾經嘉興供應浩煩餽餉役數至千百上命大學士阿桂如浙江按治阿桂疏言盛佳詣京師附攜應解參假銀三萬九千餘非私賫平陽知縣黃梅母九十生日演劇即以其夕死仙居諸生馬寅誣寺僧博復與門毆因下獄死光龍語皆不警光龍再疏論梅事言阿桂遣屬吏詣平陽諮訪未得實躬赴平陽覆察伊齡阿再疏劾光龍赴平陽利迫求佐證諸狀上責光龍乖張脅亂命奪職逮下刑部光龍尋奏親赴平陽士民呈梅派捐單票田一畝指大錢五十又勒捐富戶數至千百貫每歲採買會穀不予值梅在縣八年所侵穀值及指錢不下二十萬母死不欲發喪特令演劇上以光龍呈單票有

清史稿

列傳一百九

二

據時阿桂已還京師令復如浙江秉公按治並命江蘇巡撫閔鶚元會繼以光龍質証阿桂鶚元疏言梅婪索事實論如律上以光龍所奏非妄命署光祿寺卿阿桂文植晟伊齡阿皆下部議旋擢光龍宗人府丞遷禮部侍郎復督浙江學政再遷左都御史六十年充會試正考官榜發首歸安王以銜次王以銜兄弟聯名高第大學士和珅素嫉光龍言於上謂光龍送為浙江學政事有私上命解任聽部議及廷試和珅為讀卷官以銜復以第一人及第事乃解命予四品銜休致卒

李漱芳字藝圃四川渠縣人乾隆二十二年進士授吏部主事再遷郎中二十三年授河南道監察御史巡視中城尚書福隆安家奴藍大恃勢縱恣挾無賴酗酒橫行市肆問漱芳捕治論奏高宗深嘉之命成藍大以福隆安下吏議尋擢工科給事中三十九年壽張民王倫為亂漱芳疏陳奸民聚眾滋事為饑寒所迫又言近畿亦有流民扶老攜幼遷徙逃亡有司監釐溝橋阻不使北行給事中范宜寶亦以為言請增設粥廠上命侍郎高樸袁守侗率宜寶漱芳往釐

溝橋及近畿諸城鎮省視初無流民偷亂定俘其徒盡致京師廷鞠命漱芳旁視無言為饑寒迫者問歲事對秋收尚及半上責漱芳妄言代奸民解說心術不可問不宜復居言路為世道人心害若罪降禮部主事四十二年禮部請以漱芳升授員外郎故事郎中員外郎員闕選應升授者擬正陪上請至是獨以漱芳請上不憚責尚書永貴擅專遂舉沙明季黨援朋比之習奪其職漱芳久之乃遷員外郎卒范宜寶漢軍鑲黃旗人大學士文程後也以廕生官戶部郎中歷御史給事中累遷太常寺少卿出為安徽布政使與巡撫胡文伯不相能兩江總督高晉以聞上召宜寶還授左副都御史宜寶奏言屬縣蝗見屢請捕治文伯執不可上為黜文伯而宜寶亦以捕蝗不力下吏議當左遷上以宜寶舊為御史尙能勉命仍為御史宜寶疏言滿桌有所陳奏輒呈稿督撫當禁飭上以整飭吏治要在朝廷綱紀肅清自無扶同蒙蔽之事不在設法較防置其議不行及與漱芳同被譴上以宜寶漢軍世僕乃敢妄言干譽特重其罰奪職成新疆

清史稿

列傳一百九

三

曹錫寶字鴻書一字劍亭江南上海人乾隆初以舉人考授內閣中書充軍機處章京資深當摺侍讀錫寶辭大學士傅恒知其欲以甲科進乃不為請遂二十二年成進士改庶吉士以母憂歸病瘵數年乃愈三十一年散館改刑部主事再遷郎中授山東糧道衛千總將廷言子惠以索通殺千總張繼渠錫寶下部議上巡山東召見命來京以部屬用以大學士阿桂奏令入四庫全書館自効書成以國子監司業升用居三年上以錫寶補司業無期特授陝西道監察御史時協辦大學士和珅執政其奴劉全恃勢營私衣服馬車居室皆踰制錫寶將論劾侍郎南匯吳省欽與錫寶同鄉里聞其事和珅方從上熱河行在馳以告和珅令全毀其室衣服車馬有踰制皆匿無跡錫寶疏至上詰和珅和珅言平時成約嚴或扈從日久漸生事乞嚴察重懲乃命留京辦事王大臣召錫寶問狀又令步軍統領道官從錫寶至全家察視無跡錫寶自承冒昧上召錫寶詰行在面詰錫寶奏全倚勢營私未有實蹟第為和珅杜漸防微乃有此奏復諭軍機大臣大學士梁國治等覆詢錫寶又承杜漸防微語失當請治罪下

部議當左遷上手詔略言平時用人行政不肯存逆詐僥不信之見若委用臣工不能推誠布公而猜疑防範據一時無根之談遽入人以罪使天下重足而立側目而視斷無此政體錫寶未察虛實以書生拘迂之見託爲正言陳奏姑寬其罰改革職留任五十七年卒仁宗親政誅和坤並籍全家乃追思錫寶直言諷曰故御史曹錫寶特劾和坤奴劉全倚勢營私家貨豐厚彼時和坤聲勢薰灼舉朝無一人敢於糾劾而錫寶獨能抗辭執奏不愧諍臣今和坤治罪後並籍全家貨產至二十餘萬是錫寶所劾不虛宜加優獎以旌直言錫寶贈副都御史其子江視贈官子應錫寶一十從子再世居嶺省敢言名家有變焚諫草江管乞諸能文者爲詩歌傳一時云謝振定字一齋一字蘇泉湖南湘鄉人乾隆四十五年進士改庶吉士散館授編修五十九年考選江南道監察御史巡視南漕漕艘阻瓜洲振定禱於神風轉順漕艘人稱謝公風六十年遷兵科給事中巡視東城有乘逆制車駟於衢者執而訊之則和坤妾弟也語不遜振定命痛笞之遂焚其車曰此車豈復堪宰相坐耶居數日給事中王鍾健希和

清史稿

列傳一百九

四

坤意假他事劾振定奪職和坤敗嘉慶五年起授禮部主事選員外郎充坐糧廳監收漕糧裁革陋規兌運肅然十四年卒道光中振定子興嶼官河南裕州知州以卓薦引見循例奏姓名里貫宣宗問爾湖南人乃能爲京師語何也興嶼對言臣父振定官御史臣生長京師上曰爾乃燒車御史子耶因褒勉甚至明日語軍機大臣朕少聞燒車御史事昨乃見其子命擢興嶼叙州知府錢澧字東注雲南昆明人乾隆三十六年進士改庶吉士散館授檢討四十六年考選江南道監察御史甘肅冒賑折指事發主其事者爲甘肅布政使王賈望時已遷浙江巡撫坐誅總督勒爾謹及諸府縣吏死者數十人事具賈望傳陝西巡撫畢沅管兩省陝甘總督獨置不問澧疏言冒賑折指固由賈望執法但賈望爲布政使時沅兩省總督近在同城豈無聞見使沅早發其奸則播惡不至如此之甚卽陷於刑辟者亦不至如此之多臣不敢謂其利令智昏甘受所餌惟是瞻徇回護不肯舉發甚非大臣居心之道請比捏結各員治罪上爲詰責沅降秩視三品事具沅傳四十七年澧疏劾山東巡撫國泰布政使子易

簡吏治廢弛貪婪無厭各州縣庫皆虧闕上命大學士和坤左都御史劉墉率澧往按和坤庇國泰怙澧澧不爲撓至山東發歷城縣庫驗帑銀故事帑銀以五十兩爲一錠市銀則否國泰聞使者將至假市銀補庫澧按問得其狀召商還所假庫爲之空復按章邱東平益都三州縣庫皆虧闕如澧言國泰易簡罪至死和坤不能諶也上旌澧直言擢通政司參議四十八年遷太常寺少卿再遷通政司副使出督湖南學政澧持正得士爲盛五十一年任滿命留任湖北荊州水壞城郭孝感士豪殺饑民上責澧在鄰省何不以聞下部議諸生或匿喪赴試又有上違禁書籍者澧按治未竟聞親喪去官以事屬巡撫浦霖霖遂併劾澧坐奪職上命左授六部主事五十八年澧服除詣京師授戶部主事引見卽擢員外郎復除湖廣道監察御史時和坤愈專政大學士阿桂王杰尙書董誥福長安與同爲軍機大臣不相能入直恒異處澧疏言我朝設立軍機處大臣與其職者皆萃止其中庸以集思廣益仰贊高深地一則勢無所分居同則情可共見卽各司咨事畫寔亦有定所近日惟阿桂每日入止軍機處和坤

清史稿

列傳一百九

五

或止內右門內直廡或止隆宗門外近造辦處直廡王杰董誥則止於南書房福長安則止於造辦處每日召對聯行而入退卽各還所處雖亦有時暫至軍機處而事過輒起各司咨事畫寔趨步多歧皇上乾行之健離照之明大小臣工戴德懷刑決於肌髓決不至因此遂啓朋黨角立之漸然世宗憲皇帝以來及皇上御極之久軍機大臣萃止無渙未嘗纖芥有他由前律後不應聽其輕更內右門內切近禁殺向因有養心殿帶領引見事須先一兩刻預備恩加大臣不令與各官露立是以設廡許得暫止不應於未辦色之前一大臣入止而隨從軍機司員亦更入更出爲日既久不能不與內監相狎萬一有無知如高雲從者雖立正刑辟而所絀已多杜漸宜早至南書房備幾暇顧問俟軍機事畢入直未遲若隆宗門外直廡及造辦處則各色應差皆得覘聽於外大臣於中治事亦屬過濶請敕諸大臣仍照舊規同止軍機處庶匪懈之忱各申五夜協恭之雅共勵一堂其間開治事和坤福長安止於如意門外南順橋東向直廡王杰董誥止於南書房直廡並請敕更正上爲申誠諸大臣並命澧稽察

軍機處和坤素惡禮至是尤深嘆之上夙許其持正度未可遽傾凡遇勞苦事多委之禮貧衣裘薄背輿歸遂得疾六十年卒或謂禮將勳和坤和坤實欣之

尹壯圖字楚珍雲南昆明人乾隆三十一年進士改庶吉士散館授禮部主事再遷郎中三十九年考選江南道監察御史轉京畿道三遷至內閣學士兼禮部侍郎高宗季年督撫坐譴或令繳罰項貸罪壯圖以為非政體五十五年上疏言督撫自蹈愆尤聖恩不即罷斥罰銀若干萬充公亦有督撫自請認罰若干萬者在桀驁者藉口以快其饕餮之私即清廉者亦不得不望風員之仗助日後遇有虧空營私重案不容不曲為庇護是則銀難數不惟無以動其愧懼之心且潛生其玩易之念請永停此例如才具平常者或即罷斥或用京職毋許再膺外任上諭曰壯圖請停罰銀例不為無見朕以督撫一時不能得人聚瑕錄用酌示薄懲但督撫等或有昧良負恩以措辦官項為辭需索屬員而屬員亦藉此飲派逢迎此亦不能保其必無壯圖既為此奏自必確有見聞令指

清史稿

列傳一百九

六

實獲奏壯圖覆奏各督撫聲名狼籍吏治廢弛臣經過地方體察官吏實否商民半皆蹙額興歎各省風氣大抵皆然請旨簡派滿洲大臣同臣往各省密查虧空上復諭曰壯圖覆奏並未指實至稱經過諸省商民蹙額興歎竟似居今之世民不堪命此聞自何人見於何處仍令指實覆奏壯圖再覆奏自承措語過當請治罪上命戶部侍郎慶成偕壯圖赴山西察倉庫始大同府庫次山西布政使庫皆無虧壯圖請還京治罪上命慶成偕壯圖再赴直隸山東江南諸省慶成所至輒游宴數日乃發倉庫校數歷直隸布政使及正定蘭山山陽諸府縣皆無虧上寄諭壯圖問途中見商民蹙額興歎狀否壯圖覆奏言目見商民樂業絕無蹙額興歎情事上又令慶成傳旨令其指實三三人母更含糊支飾壯圖自承虛誑奏請治罪尋復察蘇州布政使庫亦無虧還京下刑部治罪比挾詐欺公安生異議律坐斬決上謂壯圖造謠妄言亦不妨以誘為規不必遽加重罪命左授內閣侍讀繼又以侍讀缺少改禮部主事壯圖以母老乞歸嘉慶四年仁宗親政召詣京師壯圖仍以母老乞歸上賜其母大緞兩端加壯

圖給事中銜賜奏事摺即命得上章言事壯圖未行復上疏請清覈各省陋規明定科條上以為不可行既歸疏請拔員才儲實用大要謂保舉未定處分當下吏部嚴立科條科場或通關節當將房考落卷送主司搜閱其尤要者謂六部滿洲司員彙案文義多未曉暢當嚴督令習經書通文理鄉會試加廣名額司員先儘科甲挑補下軍機大臣議奏謂惟房考落卷送主司搜閱事近可行補入科場條例雲南巡撫初彭齡乞養歸壯圖疏請留上不允別疏復申前議謂滿洲子弟十五六歲前專習經書通文理再習騎射繙譯上謂壯圖以前嘗駁飭之事復行演陳更張本朝成法下雲南巡撫伊桑阿傳旨申飭八年疏言天下萬幾皆皇上獨理內外諸臣不過浮沈於進旅退之中無能匡扶弼亮請於內之卿貳翰詹科道外之藩臬道府慎選二十人輪直內廷每日奏章論旨盡心檢校有疎忽偏倚之處許就近詳辨可否上責壯圖言皆迂闊紕繆斷不可行若如所奏直於軍機大臣外復設內軍機成何政體因及雲南布政使陳孝昇道員薩榮安方以冒銷軍需被罪令巡撫那彥寶詰壯圖何無一言奏

清史稿

列傳一百九

七

及壯圖言以不得孝昇等確據未敢入告仍請議處上命寬之十三年卒論曰高宗中年後遇有言事者遣大臣按治輒命其參與光館既將坐譴卒得自白阿桂之賢也禮劾國泰發庫藏掩覆論者謂劉坤密與禮商權蓋亦有力焉淑芳錫寶壯圖皆不能質其言大臣怙寵亂政民迫於饑寒卒成禍亂嗚呼古昔聖王兢兢重畏民艱良有以也

清史稿

列傳一百一

黃廷桂

郭彌達

楊廷璋

莊有恭

李侍堯

伍彌泰

黃廷桂字丹崖漢軍鑲紅旗人父秉中官福建巡撫廷桂初襲曾祖志章拖沙喇哈番世職康熙五十二年授三等侍衛遷參領聖祖幸熱河屢扈從世宗在潛邸知其才雍正三年授直隸宣化總兵五年擢四川提督疏言四川三面環夷軍械多缺現飭修補川馬本不高大又日繁情多願斃令在豐樂場後荒山督牧士卒駱奢飭服用母僭官制歲十月番入內地傭工名曰下場次年夏初始歸以禁攔婦女致成羣肆惡飭攜家屬方許就履成都屬德陽仁壽二縣南北距數百里駐一把總永寧協駐貴州永寧城中隔河東隸黔西隸蜀兵民歧視應更定汛守命會總督岳鍾琪議行又奏請嚴捕竊賊及博奕之具上諭曰禁令弗行咎在不明不在不嚴法猶樂也取攻疾而已過峻厲則傷元

清史稿

列傳一百一

氣徒猛不足貴也又奏嚴治建昌降番劫掠又奏省城設防火堆棚管置救火兵二十上並嘉之六年請於提標及城守等營各設義塾上諭曰文武不可偏重少年聰穎稍通文墨勢必流為怯懦不願為兵則營伍所餘皆魯鈍一流是非興文實乃廢武邀虛名而無實益將焉用之烏蒙米貼苗婦陸氏為亂發永甯遵義兵援勦四川雷波土司楊明義陰助陸氏誘附近結覺阿路阿照平底諸苗劫糧陸氏既擒請勦明義令廷桂率總兵張耀祖率兵往軍至拉密擒明義並獲造謀人卑租及結覺曾雙尺阿路曾魯佩及阿不羅曾覺過斬賊近萬上諭曰覽奏斬賊何啻獵人弋獸傷兵退仍復如故豈有盡行殺戮之理當詳思善於措置之道師復進攻確里密阿都阿驢諸苗賊殘確里密曾利耶阿都苗擒其酋阿必以獻阿驢苗降七年奏軍事竟上以効忠奮勇嘉之尋疏陳苗疆地方諸事上命籌善後復奏湖北容美土司田雯如在四川界徵花絲銀咨湖北察院上諭曰楚蜀諸土司容美最富強越分僭禮應曉以大義漸令革除又奏籌勦賊對土司上諭曰賊對雖微亦不可輕視凡事概以敬慎出之奏請

清史稿 卷三二一九

一九五

開採黃銅等處銅鉛以資鼓鑄上諭曰黃銅雷波與新撫涼山諸夷錯壤第宜示以靜鎮胡可興起利端若聽民開採流亡無籍之徒必羣相趨赴釀生事故速會同巡撫憲德將金竹坪白蠟山諸地銅鉛礦廠概行封禁脫至粉紅黃廷桂憲德之身家性命不足贖其辜也廷桂奏引罪復以詳慎申戒之尋奏捕得妖言罪人楊大銘等言其渠楊七匿西陽土司所已檄令擒獻上諭曰此事尤宜詳慎朕料西陽土司未必為此事八年奏於楊隘嘴獲楊七非西陽境內上諭曰朕非有過人技但較汝等克誠克公耳人有利害是非之心遇事接物非過即不及惟公與誠為對證之藥十二月奏禦亂發兵攻克金鎖關黑鐵關黃草坪諸地恢復永善得旨獎許上嘗諭憲德令密陳廷桂為人奏稱多疑偏聽好勝於人是其病痛上終以實心任事嘉之九年師討噶爾丹策零分設四川總督即以命廷桂仍兼領提督奏請將四川常平倉指穀改銀上諭曰四川本產米地積貯尚易遽請開指誤矣且欲改穀作銀又將銀買穀更轉輸滋弊當另議增貯十年六月奏建昌鎮轄竹核富涼山之中為苗疆腹心要地請於附

清史稿

列傳一百一

近各險隘增兵設鎮上命大學士鄂爾泰詳議詳議兵力宜合不宜分疊巢宜遠不宜近但使我勢聯絡不必隨處設防請於竹核設兵三千分駐岷姑格落魚紅大赤口阿都沙馬普諸地救下廷桂行之八月兒斯番為亂奏遣總兵趙儒勦捕上責廷桂從前未料理妥協十月廷桂奏言雍正五年兒斯番為亂臣檄副將王剛按治時臣甫到川地利夷情尚未諳習今凶鋒既肆由臣撫馭無方已遵旨密諭趙儒潔選料理十二月擒兒斯曾並勦定河東各寨勾結諸番復奏言王剛前所懲創不過兒斯一堡今仰蒙指示趙儒督勦將士一切險巖重地深林石穴悉行蕩平上深獎之十三年奏貴州古州苗亂四川建昌永寧俱與連界已飭將吏加意撫輯上諭以不動聲色靜鎮慎密乾隆元年裁總督缺廷桂仍為提督十二月召詣京師二年授鑾儀使尋授天津總兵五年遷古北口提督六年上幸熱河道古北口閱兵營伍整肅賜廷桂馬並上用緞尋授甘肅巡撫十二年署陝甘總督十三年授兩江總督疏言江西俗悍有司因循姑息動輒喧鬧飭嚴捕究治又言南方晴少雨多各營操練開曠令於陰雨

時擇公所或寬敞寺宇操練上諭曰汝至江南整飭振作但不可欲速要之以久可也十五年加太子少保疏劾江蘇巡撫雅爾哈善以奏銷錢糧奉旨訓飭知縣許惟枚等經徵未完不及一分例止罰俸忽奏請奪官人必以為出自上意居心巧詐雅爾哈善下吏議十六年調陝甘總督時四川復分設總督十八年仍以命廷桂奏四川歲豐穀賤上命轉輸二十萬石振淮揚被水州縣御製詩紀其事進吏部尚書留總督任四川濱江諸縣引江水溉田餘多山田每苦旱廷桂奏飭通省勸修塘堰新都蘆山等十州縣及青神蓮花壩樂山平江鄉三臺南明鎮次第修舉悉成朕壞二十年奏請增爐鑄錢為通省修城上諭曰有益地方之事詳妥為之授武英殿大學士仍領總督事打箭爐徵外孔撤麻書兩土司構殺金川韓斯甲布和麻書革布什和德爾格忒祖孔撤互攻殺廷桂偕提督岳鍾琪飭諭解散六月復調陝甘總督師討阿睦爾撒納陝甘當轉輸孔道廷桂途次以軍中調取營馬並令州縣採買馬駝即飭各驛馬十調五六得馬數千匹佐軍尋奏軍中文報責成沿邊提鎮料理如所請二十一年

清史稿

列傳一百一

三

四月命駐肅州督辦軍需奏言各處調解軍馬口外嚴寒自安西至哈密經戈壁十餘站餉不時每致疲斃現派專官分站料理積貯草豆經過匹數住歇時刻行走膳分按日呈報又奏山西解脫先留安西牧放陝西解馬亦先調甘肅餉資陸續前進以濟實用先後送軍前駝馬七萬餘又言西北兩路軍營向通商販後因撤兵禁止巴里坤軍營應用牛羊諸物專自肅州販往路遠價昂難資接濟請照舊通商上命籌濟庫車阿克蘇蘇輪運廷桂奏夾山一路可自哈密直趨關展吐魯番其間駝駝通行水草饒裕較繞行巴里坤為近擬即運糧貯吐魯番轉運軍營往返更加迅速又發銀二十萬解阿克蘇買回城米運糶十萬儲巴里坤凡所經費屢合上指十二月上諭曰廷桂於西陲用兵雖未身歷行陣而籌辦軍需每有朕旨未到旋即奏至與所規畫不約而同體國奉公精詳妥協而又毫不累民內地若無兵事其功最大積功自太子太保進少保自騎都尉進三等忠勤伯先後賜雙眼孔雀翎紅寶石帽頂四團龍補服白金二萬二十四年正月駐涼州以病劇聞命領喇嘛隆安率御醫診視甫行廷

桂卒上即命福隆安奠醴御製詩輓之賜祭葬諡文襄喪還上復親臨奠醴二十五年凱宴成功將士追念廷桂復賦詩惜之尋命圖形紫光閣御製懷舊詩列廷桂五督臣首孫檢官副都統乾隆四十九年以刻廷桂奏疏載兩朝批答被殿旨申飭曾孫文煜自侍衛累擢副都統調馬蘭鎮總兵鄂彌達鄂濟氏滿洲正白旗人初授戶部筆帖式雍正元年授吏部主事累遷郎中五年命同廣東巡撫楊文乾等如福建察倉庫六年擢貴州布政使八年遷廣東巡撫疏言烏鎗例有禁瓊州民恃槍禦盜請戶得藏一多者罪之梧州民陳美倫等謀亂捕治如法十年署廣東總督疏言總督舊駐肇慶所以控制兩粵令專督廣東應請移駐廣州不武舉余猊等謀亂捕治如法尋實授總督安南民鄧文武等遇風入銅鼓角海面鄂彌達昇以資送歸國國王以伽南沈香諸物為謝卻之疏聞上獎其得體先後疏請移設將吏又疏請於三水西南鎮建倉貯穀並以米貴會城設局平糶又請升程鄉縣為直隸州名曰嘉應皆報可十三年命兼轄廣西仍駐肇慶貴州台拱苗亂鄂彌達發兵令左江總

清史稿

列傳一百一

四

兵王無黨率以赴援復發兵駐黔界上諭獎之乾隆元年高宗命近鹽場貧民販鹽毋禁鄂彌達疏言廣東按察使白映棠未遵旨分別老幼男婦發粟稱四十斤以下不許緝捕致奸徒借口成羣販私上獎鄂彌達洞悉政體解映棠任尋奏廣東鹽由場配運省河及潮州廣濟橋轉兌各埠請令到埠先完餉銀開倉後繳鹽價下部議行御史薛福泰奏廣西團練鄉勇並設義學下鄂彌達議二年奏言團練鄉勇不若訓練土司兵於邊疆有益裔童義學詔連等屬已有成效應如所奏尋又疏言惠潮嘉應三府州民多請州縣給票移家入川臣飭州縣不得濫給並遣吏於界上察驗又疏言貴州新闢苗疆總督張廣泗奏設屯軍墾田臣以今苗威安貼將來生齒漸繁地少人多必致生怨又恐屯軍虐苗激變請撤屯軍於附近防守其田仍給苗民上諭曰所見甚正廣西首尾承辦此事持之甚力朕則以為終非長策也四年調川陝總督疏言榆林邊民歲往鄂爾多斯種地牛籽具種日用皆資於鄂爾多斯秋收餘糧易牛羊皮入內地變價重息還債請於出口時視種地多寡借以官銀秋收以糧抵

俾免借貸折耗之苦倉儲亦可漸充上從之又請發司庫銀十萬買穀分貯沿邊又請修甯夏渠道並加築沿河長隄又奏安西鎮遠兵駐防哈密承種屯田在城兵僅數百年來商民日增請視涼州柳林湖例募流民及營兵子弟墾田撤兵回城差操均如議行五年兩廣總督馬爾泰劾知府袁安煜放債病民並及鄂彌達縱僕占煤山事上解鄂彌達任召詣京師請授兵部侍郎六年授鄂古塔將軍調荆州九年授湖廣總督疏言武漢濱江城郭民田賴有堤以障請於武昌蒔麥灣增築大隄安陸沙洋大隄增築月隄襄陽老龍石隄加備歲修銀十一年上以鄂彌達不稱封疆召詣京師十五年授吏部侍郎十六年授鑲藍旗漢軍都統二十年授刑部尚書著直隸總督二十一年兼管吏部尚書協辦大學士二十二年加太子太保二十六年卒予白金二千治喪賜祭葬諡又恭

楊廷璋字奉峨漢軍鑲黃旗人世襲佐領雍正七年自筆帖式授工部主事再遷郎中授廣西桂林知府乾隆二年擢左江道十五年擢按察使二十年遷湖

清史稿

列傳一百一

五

南布政使二十一年授浙江巡撫上南巡諭曰西湖水民開藉以溉田今聞沿湖多占墾湖身漸狹田畝咸涸竭已開墾成熟者免其清出不許再侵占廷璋因奏此類田地多礙水道請概令開濬歸湖沿岸栽柳俾根株盤結亦可固隄又請帑疏濬湖州七十二澗洩水入太湖免田地被淹又奏仁和錢塘蕭山三縣江塘視海塘例以二十丈爲準按段編號立石仁錢二縣江塘民房堤岸外餘二十餘里視海塘例每里設堡夫一建堡分防均從之又請開台州黃巖場沿海地近場歸甯近縣歸民戶以百畝爲率分限起科得稅產十萬畝奏入嘉許二十四年授閩浙總督請改設螺洲大頭崎烏龍江諸地塘汛又奏內地商船出洋發給船照又奏甯波穀賤內地歉收民每偷渡就食請酌寬米禁往來寧波橫洋船准運米二百石塘船六十石自鹿耳門出至廈門入皆給照察驗寧波與生番接壤前總督楊應琚勸屬勘界挑溝築土牛以杜私墾至是廷璋議彰化淡水與生番接壤依山傍溪挑溝築土牛爲界並於沿邊設隘分兵駐守二十六年同福建巡撫吳士功奏劾提督馬龍圖借用公使錢並以龍圖

已歸款請用自首例減等上責其錯謬下吏議奪官士功成巴里坤廷璋留任二十八年加太子太保旋授體仁閣大學士留總督任二十九年廷璋入覲福建水師提督黃仕簡奏廈門商船出入官署受陋規上命尚書舒赫德侍郎裘日修往按具得廷璋令歷任廈門同知代市人蔭珊瑚珍珠未發價狀命解任下吏議奪官上以廷璋平時尚能任事授散秩大臣未幾授正紅旗漢軍都統工部尚書三十年命署兩廣總督三十一年安南捕盜竄入小鎮安土司怕懷隘官兵捕得廷璋照會安南遣頭人視行誅安南復報其國隘口盜發請遣兵堵截廷璋遣兵守隘事上聞具言防邊宜鎮靜上戒以邊地夷情富審度事理因時制宜若專務持重養難貽害弊不可勝言也夏畦州安岐黎爲亂擾客民廷璋檄鎮道捕治並奏客民編保甲禁放債黎民市易設城場熟黎令雜髮民出入黎喇必護以杜後患上從之又奏小鎮安改設通判南界接安南於那波者賴者欣三村建卡設兵怕懷隘爲小鎮安門戶設兵巡緝打面聚與雲南接界建卡防守下部讓行師征緬甸雲貴總督楊應琚以疾聞上令廷璋赴永昌

清史稿

列傳一百一

六

佐應琚治軍三十二年疏報應琚病愈仍回廣東任尋召授刑部尚書三十三

年授直隸總督加太子少保秋潭沱水盛漲廷璋請於正定西南築隄築城西北築埽並以護城又奏勸任邱濱淀諸地以楊各莊諸地最低請改種稻田文安窪修築隄埽並於龍潭灣諸地開隄洩水並從之三十四年請撥通倉米十二萬運各災區平糶又奏乾隆二十四年潭沱南徙舊河淤墊上年大漲河行故道東鹿木邱傾井諸村遂成巨浸請裁灣取直並修築護城隄埽報聞三十四年復召授刑部尚書預香山九老會十二月卒年八十四贈太子太保賜祭葬諡勤愨

莊有恭字容可廣東番禺人乾隆四年一甲一名進士授修撰直上書房後三年弟有信成進士引見有恭以起居注侍直上問及之有恭選庶吉士兄弟同請告省親有恭累遷侍講學士擢光祿寺卿以父憂歸服除擢內閣學士遷戶部侍郎督江蘇學政充江南鄉試考官復督江蘇學政十六年授江蘇巡撫十七年署兩江總督疏言太倉鎮洋沿海田廬賴海塘保障前巡撫高其倬議自

寶山湖口港至昭文福山港築土塘三萬四千七百餘丈僅築湖口港至劉河南岸土石塘今年秋令風潮劉河南賴以無恙其北頗致損傷士民自請挑築惟恐一時難集工不速竟應築土塘九千丈有奇請借庫銀一萬六千兩令自募夫役於伏汛前畢工按畝扣輸二年清款如所請行有恭督學政時浙人丁文彬獻所著文武記太公望傳等有恭以為病狂置不問至是文彬以書上衍聖公孔昭煥昭煥告巡撫楊應琚以聞有恭疏請罪坐刑學政養廉銀十倍十九年御史楊開鼎條奏江南收清諸弊救有恭覆奏尋疏言江南收清諸弊以蘇常松鎮太五屬為尤甚已酌定條例勒石清倉遇收清飭糧道以下官周巡察訪開鼎言需索不遂借詞米不如式勒令曬晾篩漚糧上供天庾自應乾圓潔淨庶不如式不堪久貯必致貽誤倉儲糧戶良項不等每次青腰白臍潮嫩雜碎諸米強交如令更易即造作浮言挾制自應分別察究不得但責官吏取悅刁民上獎其言公正二十一年丁母憂命予假百日回籍治喪於伏汛前至淮安署江南河道總督秦興縣有朱鼎者坐主使殺人罪至絞乞贖罪有恭

清史稿

列傳一百一

七

許之臨行疏聞上責其專擅令家居待罪總督尹繼善又言有恭監臨鄉試察出有賄謀聯號者復有以鬪蟻蟻致訟者皆令罰鍰以罰上命奪有恭官逮詣京師下大學士九卿論罪當絞上以贖不入己責之令護母喪回籍後赴軍臺効力方語謫所命戴罪著湖北巡撫二十四年調浙江二十五年勅杭州將軍伊領阿副都統劉揚達違例乘橋上奪伊領阿等官獎有恭命議叙三月疏言紹興南塘嘉興乍浦塘並屬要工臣赴山陰勘得宋家樓為三江曹娥二水交會又適當湖汝之衝為南塘首險已改建石塘鞏固復至蕭山龜長等山越南大壑至海甯中小壑登文堂葛皋諸山勘海甯南門外西過戴家石橋東至陳文港工長五千丈有奇根址堅實不須重建其必當修築者千六百餘丈內七百七十餘丈殘缺過甚作為要工餘次第興修自陳文港東至尖山下有韓家池柴塘四百丈有奇亦應重築復循海而北自海鹽至平湖循歷乍浦塘海鹽東臨大海南有台駐北有乍浦諸山山趾角張縣城以一面富潮汝城外石塘最為險要間有沖損已令隨時修補六月又疏言西塘胡家兜至海甯南門外

湖退沙漲長十八里前請辦戴家石橋要工既有新沙外護應先就進東工段趨辦再審量沙勢分別緩急九月又疏言緩修各工陳文港十丈令用魚鱗式逐層整砌四通巷前十丈仍如式堅築廿里亭西二十五丈修整坦面加用排椿令緊貼塘身二十六年十二月又奏言海甯西塘老鹽倉諸地經零伏兩汛老沙汕刷宜先事預防先後拆鑲二百丈自霜降後臣往來察勘見柴工兩塘交接處水已臨塘自此進西老沙仍多坍塌請將接連前工七十丈從速鑲辦均從之二十七年上南巡臨視老鹽倉尖山諸地令修築柴塘並設竹簷坦水諸工九月疏報海甯塘工竟上嘉有恭能盡心命議叙是秋多雨水漲有恭以嘉湖兩府水歸太湖河道多淤下流尤壅劇因請浚烏程長興境內七十二澗並遣吏至江南按行三江故道九月調江蘇巡撫上命浙江海塘工程仍責成有恭專司其事並免學政任內應罰銀二十九年擢刑部尚書留巡撫任有恭疏請大修三江水利略言太湖北受荆溪百瀆南受天目諸山之水為吳中巨浸而分疏之大幹以三江為要三江者吳淞江婁江東江也東江自宋已湮明

清史稿

列傳一百一

八

永樂間別開黃浦寬廣足當三江之一今亦謂之東江三江分流經吳江震澤吳元和崑山新陽青浦華亭上海太倉鎮洋嘉定十二州縣境其間港浦縱橫湖蕩參錯大概觀之無處不可分洩然百節之通不敵一節之塞太湖出水口不特寶帶橋一處如吳江十八港十七橋吳縣鮎魚口大缺口為湖水穿運河入江要道今不無淺阻又如入吳淞之龐山湖大斜港九里湖澱山湖漉浦向來寬深近以小民貪利徧植菱蘆圍築魚蕩亦多侵佔劉河古婁江也今河形大非昔比舟楫來往必艱舟待潮崑山外濠為婁江正道淺狹特甚蘇州婁門外江面僅寬四五丈偶遇秋霖衆水匯集江身淺窄先為淤水所占俟其稍退然後湖水得出為之傳送而上游已漫淹矣東南財賦重地水利民生大計若及早為之車牛功倍今籌治法當於運河西凡太湖出水之口皆為清釐占塞俾分流無阻其運河東三江故道惟黃浦現在深通但於泖口挑去新漲蘆墩足資宣洩吳淞江自龐山湖以下婁江自婁門以下凡有淺狹阻滯之處宜浚治寬深令上流所洩之數足相容納其江身所有植蘆插蕩及冒占之區盡數

剷除嗣後仍嚴爲之禁則水之停蓄有所傳送以時並即以挑河之土加培岸見在橋座去海太近難於啓閉者酌量改移庶渾潮不入清水盛強而海口之淤亦將不挑而自去總計所需經費浩繁然散在十二州縣通力合作實亦無多民間聞有此舉咸樂趨事願以民力爲之但分段督修仍須官董其成且工費繁多若待鳩財而後興工稍稽時日懸發帑興工仍於各州縣分年按畝徵還則民力既紓工可速集奏入報可於是選紳耆賦工役先疏橋港次及河身麥蘆魚蕩之園占者除之城市民居之不可毀者別開月河以導之工始於二十八年十二月至二十九年三月告竟用公帑二十二萬有奇三十年正月命協辦大學士仍暫留巡撫任南巡復賜詩褒勉八月召詣京師有恭勅蘇州同知段成功縱役累民奪官職未定巡撫明德察成功實受賄詐稱病按察使朱奎揚知府孔傳柯皆知之不以言上命奪奎揚等官逮訊三十一年正月罷有恭協辦大學士又遣侍郎四達按治得有恭授意奎揚等有意從寬狀並奪有恭官下刑部獄軍機大臣會鞫並追繳學政任內應罰銀二月軍機大臣等

清史稿

列傳一百一

九

議上有恭罪應斬諭改監候八月命原之授福建巡撫三十二年卒仍免追繳學政任內應罰銀

李侍堯字欽齋漢軍鑲黃旗人二等伯李永芳四世孫也父元亮官戶部尚書諡勤恪侍堯乾隆初以廕生授印務章京見知高宗累遷至正藍旗漢軍副都統十七年調熱河副都都二十一年擢工部侍郎調戶部署廣州將軍勅前將軍錫特庫廢弛馬政錫特庫下吏議奏定廣州滿洲漢軍駐防官制兵額二十一年署兩廣總督奏廣東各屬買補倉穀兼雜上中下三等而報以上價應碾米用上穀應借贖用中下穀上諭以所言洞悉情弊諭各省督撫嚴飭州縣買補當碾試務得上穀又請禁廣東制錢攪和古錢並吳三桂偽號錢事上諭以前代錢仍聽行用吳三桂利用偽號錢令民間檢出官爲收換供鼓鑄之用又奏廣州駐防出旗漢軍官兵曠米平糶便民上從之二十三年守備張彬佐禁村兵演劇被毆奏請飭職上謂未得懲創惡習之意應先治刁民後議劣弁庶刁悍之徒知畏懼二十四年實授總督奏廣東各國商船所集請飭銷貨後依

期回國不得任冬商館毋許私行交易毋許貸與內地行商資本毋許履內地廝役二十五年又奏粵海關各國商船出入例於正稅船鈔外有各種規禮應請刪除名色併爲歸公銀若干各口候役飯食舟車諸費於此數銷並下部議行廣西巡撫鄂寶以貴縣獠民章志剛不法知縣石崇光察報避重就輕請奪官上以事由崇光察報命毋奪官侍堯奏先經面諭崇光體勘始行察報上令速崇光按鞠又奏志剛實無不法事崇光猜疑妄報仍奪崇光官上以侍堯與鄂寶各懷意見飭以秉虛公除習氣二十六年召授戶部尚書正紅旗漢軍都統襲勳舊佐領二十八年授湖廣總督奏湖廣行銷准鹽價病民請酌中定價命兩淮鹽政高恒赴湖廣會議奏請按准商成本酌加餘息明定限制從之加太子太保二十九年調兩廣總督右江鎮總兵李星垣坐婪賄得罪命侍堯按鞠擬絞上以侍堯管應星垣今擬罪輕縱責侍堯回護坐降調以愛遠京師署工部尚書三十一年調署刑部三十二年回兩廣總督任襲二等昭信伯三十四年師征緬甸命侍堯傳檄暹羅時暹羅方爲甘恩勅所據侍堯以爲不宜

清史稿

列傳一百一

十

傳檄以己意宣諭暹羅各夷目密偵緝甸苟入境令擒以獻上雖之豐順民朱阿妻謀爲亂督吏捕治三十八年授武英殿大學士仍留總督任安南內亂令廣西鎮道嚴防入覲賜黑狐端罩四十年兵部以廣東民糾黨結盟不數月至五起當追論武職弛縱罪侍堯奏言武職既協緝復追論弛縱罪則規免處分必致陪爲消弭兇徒轉得漏網請寬之上從其請並諭曰侍堯此奏意在挽回積習然亦惟侍堯向不姑息屬僚朕所深信始可爲此言若他人未可輕爲倣效也四十二年雲貴總督剛思德奏緬甸投誠籲請納貢上命大學士阿桂往莅其事並調侍堯雲貴總督緬甸頭人孟幹請侍堯請緩貢侍堯偕阿桂奏孟幹等語反覆違旨斷接濟絕偵探示以威德不予遷就上召阿桂還緬甸歸所留守備蘇爾相侍堯遣詣京師乞遣孟幹等還侍堯諭令歸所留按察使衙楊重英上嘉其合機宜四十三年奏獲緬甸道越州民入關爲謀送京師尋奏永昌普洱界連緬甸每歲派兵五千五百在張鳳街三臺山九龍口諸地防守上諭以揆度邊情不值如此辦理侍堯復請於杉木隴設大汛撥騰越兵

五百千崖設小汛撥南甸兵二百輪駐巡防並分守虎踞銅壁等關從之四十五年雲南糧儲道海寧訴侍堯貪縱營私狀命尚書和坤侍郎喀爾喀阿按治侍堯自承得道府以下餽賂不諱上震怒諭曰侍堯身為大學士歷任總督負恩婪索狀夢想不到奪官逮詣京師和坤等奏擬斬監候奪爵以授其弟奉堯又下大學士九卿議改斬決上心欲寬之復下各直省督撫議各督撫多請照初議定罪獨江蘇巡撫閔元迎上意奏侍堯歷任封疆幹力有為請用議勳議能之例寬其一綫上乃下詔謂罪疑惟輕朕不為已甚改斬監候四十六年甘肅撤拉爾回蘇四十三為亂上遣大學士阿桂視師特旨侍堯三品頂戴孔雀翎赴甘肅治軍事甘肅冒賑事發總督勒爾謹得罪命侍堯領總督事會阿桂按治勒爾謹及前布政使王賢望布政使王廷贊蘭州知府蔣全迪皆坐斬上命諸州縣侵冒二萬以上擬斬決一萬以下斬候於是泉蘭知縣程棟等二十人皆坐斬四十七年奏泉蘭等三十四廳州縣虧庫帑八十八萬有奇倉糧七十四萬有奇請於現任總督以下各官養廉扣抵歸補上命寬免又請給

清史稿

列傳一百一

十一

免節年民欠三十萬兩旋命子見任品級頂帶加太子太保四十九年廣東鹽商譚達元訴侍堯任兩廣時總商沈冀州欽派公費餽送上命尚書福康安按鞫請罪侍堯上責侍堯償繳公費免其罪蘇四十三亂既定上屢諭侍堯密察新教回民至是鹽茶應回田五等復為亂侍堯會固原提督剛塔捕田五田五自戕得其孥誅之無何田五之徒復攻靖遠侍堯駐靖遠令剛塔督兵往亂久未定上命大學士阿桂尚書福康安視師渭城陷西安副都統明善戰死賊據石峯堡上責侍堯玩延怯懦奪官仍在軍効力督饒侍堯旋督兵赴伏羌福康安至軍發侍堯玩愒貽誤諸罪狀速熱河行在大臣按鞫擬斬決上仍令從寬改監候五十年諭釋之署正黃旗漢軍都統著戶部尚書湖北江陵民訴知縣孔毓檀侵賑命侍堯往按奏言毓檀未侵賑但治賑遲緩坐奪官命著湖廣總督奏上年孝感被災饑民劉金立等掠穀生員梅調元糾眾毆殺金立並生瘞二十三人上逮前總督特成額及知縣秦橫等治其罪未幾實授五十二年入覲臺灣民林爽文為亂調侍堯閱浙總督駐甯江時前總督常青督兵渡臺

侍堯以兵力不足調廣東浙江兵濟師又慮賊據笨港劫糧械撥船分防鹿耳門鹿仔港上獎以籌濟有方亂久未定上以常青非將才命福康安為將軍督師並寄諭常青全師以歸侍福康安至再籌進取侍堯恐常青宣露上旨人心惶惑節錄發寄并具疏請罪上大悅獎以深合機宜得大臣體賜雙眼孔雀翎福康安劾提督柴大紀上責侍堯徇隱五十二年侍堯亦奏大紀貪劣諸狀自請治罪上寬之臺灣平命仍襲伯爵建福康安等生祠於臺灣命侍堯居福康安海蘭察之次復命圖形紫光閣列前二十功臣侍堯短小精敏過目成誦見屬僚數語即辨其才否擁几高坐語所治利弊利害或其陰事若親見人皆悚懼屢以貪黷坐法上終憐其才為之曲救五十二年疾聞命其子侍衛毓秀往省旋卒諭恭毅弟奉堯自官學生襲勳舊佐領授藍翎侍衛累遷江南提督四十五年襲伯爵四十六年調福建陸路提督以漳泉累有械鬥左授馬蘭鎮總兵五十二年署直隸提督山東學政劉權之移家舟經靜海被盜下吏讓上以署事未久且隨扈熱河寬之五十三年侍堯還襲伯爵加奉堯提督銜

清史稿

列傳一百一

十二

五十四年卒諡慎簡子毓文乾隆六十年侍堯督雲貴與局員通同偷減錢法事發奪毓秀伯爵命毓文承襲
 伍彌泰伍彌氏蒙古正黃旗人副將軍三等伯阿喇納子伍彌泰以雍正二年襲爵授公中佐領擢散秩大臣遷鑲白旗蒙古副都統十五年賜伯號曰誠毅二十年授涼州將軍旋命以將軍銜駐西藏辦事二十四年代還授正藍旗蒙古都統出為江甯將軍二十七年上以伍彌泰不勝任召還仍為散秩大臣命協辦伊犁事務哈薩克越境游牧師逐之出塞上以伍彌泰不諳軍務令隨行學習二十八年命往烏魯木齊辦事築精河屯堡上賜名曰綏來三十一年代還署鑲黃蒙古正白漢軍兩旗都統授內大臣三十五年命往西甯辦事郭羅克土番劫洞庫爾種人行李伍彌泰遣兵逐捕得行李以還奏聞上以未痛剿責伍彌泰怠忽三十八年改駐西藏辦事四十一年代還擢理藩院尚書兼鑲白旗漢軍都統出為綏遠城將軍調西安四十三年伊犁將軍伊勒圖請以屯田無眷屬之兵次第撤回下伍彌泰議選陝甘綠營兵三千携眷屬以往四十

五年班禪額爾德尼詣京師命伍彌泰護行仍還西安四十六年撤拉爾回蘇四十三等爲亂陷河州上命伍彌泰選兵千人備徵發伍彌泰奏提督馬彪已率兵赴河州擬選滿洲兵千繼往上以所奏與諭旨合深嘉之上命大學士阿桂視師督軍攻華林山梁命伍彌泰駐龍尾山爲聲援回亂旋定捕得阿渾五有海潮宗者嘗出降彪遣往開諭遂留從亂上責伍彌泰等不先奏聞下吏議奪官上寬之四十八年授吏部尚書協辦大學士鑲白旗蒙古都統充上書房總詣達四十九年上巡江浙命留京辦事授東閣大學士上以伍彌泰年逾七十命與大學士嵇璜蔡新俱日出後入朝風雪返寒免其入直五十年預千叟宴五十一年卒贈太子太保賜祭葬諡文端伍彌泰治事知大體班禪額爾德尼至京師王大臣多和南稱弟子伍彌泰護行與抗禮官保烏雅氏滿洲正黃旗人初授刑部筆帖式擢堂主事累遷郎中乾隆七年授江南江寧知府十一年總督尹繼善奏官保不宜外任復授刑部員外郎轉郎中改御史擢刑科給事中巡視臺灣二十二年擢鎮黃旗漢軍副都統往西藏辦事二十六年授刑

清史稿

列傳一百一十

十三

部侍郎三十年調工部三十二年復往西藏辦事察知糧務通判吳元澄以庫銀貿易上以官保初至藏即察奏嘉其急公職實論斬歷正紅旗蒙古滿洲都統理藩院刑禮戶諸部尚書三十四年協辦大學士上幸熱河命留京辦事三十八年調吏部四十一年以年逾八十乞休命致仕卒賜祭葬諡文勤論曰廷桂嘗言事英主有法若先有市惠好名黨援諸病上所知便一事不可行其言深中高宗之隱被眷遇宜矣侍養眷遇尤厚屢坐職敗屢屈法貸之蓋特憐其才非以其工進獻也阿彌達廷璋皆以不謹聞亦未竟其罪有恭撫江浙治海塘重水利有惠於民其被謫尚非有所私視侍養輩故富勝伍彌泰雖未嘗領疆寄久於邊徼恩被延登在當時亦勞臣也因附著之

清史稿

列傳一百一十一

方觀承

富明安

周元理

李瀚

李世傑

袁守侗

劉峨

陸燿

管幹貞

胡季堂

方觀承字遐毅安徽桐城人祖登輝官工部主事父世濟康熙四十八年進士官內閣中書僑居江甯坐職名世南山集獄並成黑龍江觀承尙少寄食清涼山寺歲與兄觀永徒步至塞外營養往來南北枵腹重游數年祖與父皆沒益困然因是具知南北阨塞及民情土俗所宜厲志勤學爲平郡王福彭所知雍正十年福彭以定邊大將軍率師討準噶爾奉爲記室世宗召入對賜中書銜師還授內閣中書乾隆二年充軍機處章京累遷吏部郎中七年授直隸清河道署總督史貽直奏勘永定河工上諭之曰方觀承不穿鑿而有條理可與詳

清史稿

列傳一百一十一

一

酌八年遷按察使九年命大學士訥親勘浙江海塘及山東江南河道以觀承從尋擢布政使十一年署山東巡撫十二年回布政使任十三年遷浙江巡撫十四年擢直隸總督兼理河道十五年加太子少保二十年加太子太保署陝甘總督二十一年回直隸任觀承撫山東時議以安山湖畀民承墾升科奏言湖中尙有積水但二麥布種於水已涸之後收穫於水未發之先故雖有水患民願承墾升科升科後官徵民納例重秋禾秋禾被水請蠲請賑請豁徒致紛繁卽如南旺湖亦經臺臣條奏畀民承墾臣從訥親履勘見卑處水涸高處如屋如巖意謂水不能及臣至山東方知夏秋間運河及汶水暴漲賴以分減運道得保無虞凡大川所經衆水所注其宜洩瀦蓄之區恒閱數年數十年有若開置一旦實得其用未可以目前忘久遠安山湖亦運河洩水地應視南旺湖例夏麥秋禾分季收租除去升科名目應徵應免悉從其宜國利而民亦不病又奏義倉與社倉同爲積貯但社倉例惟借種義倉則借與賑兼行而尤重在賑設倉宜在鄉不宜在城積穀宜在民不宜在官秋稔告豐勸導輸納歲終將

殺數奏明不必聞其管收除在則其數不在官法可行久無浙江海塘引河出
 中小登安流北大登沙漲成陸觀承履勘丈出地三十五萬餘畝界民承墾又
 以引河既出中小登民間失地以附近村地二萬餘畝撥補復察各地鹹氣未
 除民不能即耕合墾戶以未種地交民承佃使墾戶得租貧民得地分疏以聞
 上嘉之督直隸二十年治績彰顯以兼理河道治水尤著勞勩直隸五大河永
 定河渾流最難治觀承初上官即疏言永定河自六工以下河形高仰請就舊
 有北大隄改移下口庶水行地中暢下無阻上諭以改移下口不可輕言明年
 春上臨視永定隄御製詩示觀承大指謂河隄但可培厚不可加高略移下口
 取易於趨下亦補偏救弊之策是夏永定河南岸三工汗溝奪溜上以江南河
 道總督高斌豆熿集漫口圖示觀承觀承奏豆熿集為中河餘水漫溢故可於
 水緩處施工永定河若但堵月隄溢水無歸路仍塞漫口偏溜入引河復故道
 上議之又明年春疏言永定河下口掣溜出冰窖壩口請即於坦坡坳尾東北
 斜穿三角淀開引河入葉淀自鳳河轉入大清河廷議以時初過凌汛慮盛漲

清史稿

列傳一百一

二

挾沙淤淀令觀承覆奏言冰窖壩口聖溜在上七工尾低於正河丈二三尺
 南距南坦坡北距北大隄有漫衍而無衝溢此地勢之順也水由壩出非衝決
 亦非開放民情不怨此人事之順也凌汛改移經理有限此天時之順也今日
 必應改移不復稍存歧見至慮盛漲挾沙淤淀渾水至三十里外水渙沙停當
 無此慮且臣亦嘗計及故不使東循龍尾直入鳳河而引入葉淀迂其途而廣
 其地更可經久無患上命尚書舒赫德河東總督顧琮會勘如觀承議自是永
 定河下口出冰窖居二年復疏言永定河下口漸淤請於北岸六工尾開隄放
 水至五道口導歸沙家淀仍自鳳河入大清河廷議以甫改冰窖下口何以又
 請於北岸六工開隄放水令觀承覆奏言冰窖改口後水勢暢順上年盛漲
 下口十里內淤阻今請於北岸六工放水循南坳而行仍以鳳河為尾閘實於
 見在情形為便自是永定河下口又改自北岸六工入鳳河旋請以鳳河東隄
 及韓家坳隄永定河道又請於下口北坳外更作遙坳為勻沙散水之用並加
 築鳳河東隄與遙坳相接觀承治永定河凡再改下口相時決機從之觀利河

決長垣東明命觀承往勘疏言二縣以太行隄為衝其地南高北下河南陽武
 諸縣水北注賴此隄捍之康熙六十年後屢被衝決請於隄西開新引河導水
 入舊引河東注即以所起土別築新隄命如所議觀承疏請治子牙河自楊家
 口至閻兒莊改支河為正河復於閻兒莊北循隄濬新引河接黑港舊引河俱
 於子牙橋北入正河疏請治漳河自晉州張岔山口改流南出甯晉入滏陽
 河當順新道疏請治漳河自臨漳東南改流越大名分支一出城北一流入河
 間當於河口築壩斷水南流疏淤滏河引水歸故道皆如議行又疏滏易州安
 國河開渠灌田賜名曰安河上以河南巡撫胡寶瑔督民開繕治道路溝洫令
 觀承仿行觀承方令諸州縣以工代賑修隄培壩濬減河築壘道凡三十二州縣
 既奉命奏言正定順德廣平大名等地民力易集近年滄漆淤涸諸水疏通他
 處亦先後開工要使滌水有歸農田杜患逾年疏報自大興宛平東至撫甯西
 至易涿西南至望都東南至阜城復循運河自武清至吳橋凡二十二州縣築
 壘道開溝渠諸工皆竟直隸北境東自熱河西至宣化皆接蒙古界流民出塞

清史稿

列傳一百一

三

耕蒙古地永定河改道冰窖之歲土默特貝子哈木噶巴和斯呼朗圖議驅民
 收地觀承疏言貧民無家可歸即甘受驅逐而數萬男婦內地亦難於安置請
 簡大臣按治上遣侍郎劉綸等往勘議仍用原定期年限語詳綸傳是歲理藩院
 尚書納延泰議撤多倫諾爾舖司毋占蒙古游牧觀承奏多倫諾爾自設舖司
 文移資送郵解餉得棲止行旅亦堪投宿並無礙於游牧今於南茶棚上渡轉
 山子水泉子諸地量留屋宇如或藏匿匪類資所司究治觀承復請熱河編立
 煙戶令有司稽察附近救漢委曼翁牛特土默特諸部副都統歲周巡理藩院
 議商人領票赴恰克圖庫倫貿易不得往喀爾喀各旗私與為市並禁張家口
 設肆觀承疏言禁張家口設肆商人赴恰克圖庫倫者日少內地資蒙古馬羊
 皮革蒙古亦需內地茶布有無不能相通未見其益請令商人領票赴恰克圖
 庫倫仍許經過喀爾喀各旗相為交易但不得久居放債礙蒙古生計御史七
 十五請於多倫諾爾收稅觀承奏內地茶布自張家口往毋庸重徵惟恰克圖
 庫倫等地互市及克什克騰木植當於多倫諾爾徵稅右衛兵移駐張家口觀

承疏言歲支米粟不敷一萬四千餘石請以宣化懷來懷安蔚西甯五州縣徵
豆改粟米出糶至張家口糶米可得八千餘石又以領催前鋒馬兵歲米五之
一改折加給俾兵食有資而轉輸可省兵部議以張家口副將隸察哈爾都統
觀承疏請將邊外七汛隸都統左衛懷安仍隸宣化鎮清船自清江至通州天
津爲南北運河樞紐二十二年漕船遲至上命觀承督民船起剝觀承於北倉
設席囤貯米令交兌船泊北倉南起剝船泊北倉北皆傍東岸一幫限二里同
時起米不相妨西岸行空船計日畢事疏請發庫帑給脚價明歲新清歸款二
十四年上以北運河水淺截先到漕艘留米四十萬石貯北倉觀承疏言前幫
截留後幫繼進爲日無多請以剝爲截令先到各幫每船剝若干使得輕便餘
米仍抵通州交兌應截五六百船全米勻爲千船半米俟河水漲發繼進之船
浮送無阻諭獎其妥協上以各省錢貴用山東布政使李渭議禁富民積錢家
限五十串觀承奏富民積錢勢不能按戶而察之與其限所積不能稽所入請
令交易在三十兩以下者許用錢過是卽用銀違者收以官價富民積錢諭令

清史稿

列傳一百一十一

四

易銀違者以十之二入官至尋常出入應各從其便上問成效若何觀承言富
戶錢漸出市值亦平減廷議各省糶米商人往往藉口昂值下觀承駁議觀承
疏請需米省分具款交產米省分令有司代購則牙僧不敢抗地方官教令操
縱自如疏並下部議行觀承督陝甘董理儲背送駝馬運糧茶上救以妥速爲
要方冬疏言哈密至巴里坤大坂積雪道兵剝除請日加剝四兩在陝甘四閱
月卽返直隸觀承莅政精密機輔事繁重乘輿歲臨幸往來供張值西征師行
具營幕芻糧未嘗少乏軍興而於民無擾尤勤於民事嘗請以永定河淤灘墾
內外留十丈備栽柳取土餘畀守隄貧民領耕輪租又請以永定河葦地改藝
秋禾又以麥田牧羊奏請申禁又舉木棉事十六則爲圖說以進上爲題詩滿
渠登道工竟又請將樂城柏鄉內邱定興安肅望都諸縣改築甌城涿州拒馬
河橋圯令改建石橋又重建衡水縣西橋請賜名安濟政無鉅細皆殫心力赴
之二十八年上命勘天津等處積水責觀承玩誤下部議奪官命寬之御史吉
夢熊朱緒經交章劾觀承上諭曰觀承在直久存息事甯人之見前以天津等

處積水未消予以懲儆而言者動以爲歸過之地直隸事務殷繁又值災歉措
置不無竭蹶言易行難持論者易地以處恐未必能如觀承之勉力支持也三
十年上南巡賜詩三十三年病瘧遺醫診視八月卒賜祭葬諡恪敏御製懷舊
詩入五督臣中子維甸自有傳

富明安富察氏滿洲鑲紅旗人初授筆帖式累遷戶部郎中乾隆十一年授廣
東惠潮嘉道歷廣東高廉糧驛廣西蒼梧諸道福建廣西按察使二十六年遷
江西布政使請以南昌同知通判二員定一員爲滿缺專司繙譯清文上以江
西無駐防滿洲兵不允二十八年命往巴里坤辦事三十二年廣東巡撫明山
劾富明安官糧驛道浮收倉米奪官逮京師鞫治事白復官命署山西布政使
三十三年護巡撫劾雁平道時廷萬縱僕擾民坐奪官擢山東巡撫疏言高密
百脈湖受五龍河膠河諸水夏秋常苦泛溢請濬引河引膠河北入膠萊運河
涸出新地得四百餘頃上嘉之太僕寺少卿范宜賓奏請裁減東省閉場後驛
夫工食富明安疏言水驛夫役終歲在驛閉場多在十一月開場有早至正月

清史稿

列傳一百一十一

五

者中間相距兩月餘而銅鉛諸船守凍尙須守護節省無多窒礙轉甚非政體
所宜從之三十五年疏言小清河行章邱鄒平長山新城高苑博興樂安七縣
六百餘里源出章邱東至新城高苑間分支北爲支脈溝又東至博興分支南
爲豫備河至樂安入淄水歸海比年湖泊淤塞春夏水漲民田常被其害現就
樂安境內挑淤培隄並疏濬南北支渠使支幹流通流建領而下博興樂安可復
膏腴章邱鄒平長山新城高苑諸縣附近湖泊涸出有益於民民咸願出力興
工毋庸動帑論曰有利於民事在應爲但不可滋弊耳三十六年又奏濟甯西
北當運河西岸受上游曹州境內諸水以運河勢高不能洩水入運遂至間段
停積飭濬舊有五渠使南匯昭陽湖並同時修治沂水凍水墨水響水諸渠二
十餘處及運河東岸徒駭馬頰諸河洩漲水入海上以知勤民之本嘉之三十
六年授閩浙總督調湖廣三十七年京山民嚴金龍父子爲亂捕得置諸法卒
贈太子太保諡恭恪

周元理字秉中浙江仁和人乾隆三年舉人十一年以知縣揀發直隸補茲縣

調清苑以總督方觀承薦廣東萬州知州改霸州以修城未竣留清苑會有部旨持偽劄馳傳者察其奸詰問具服事上聞上才之調易州擢宣化知府母憂歸上屢出巡幸畿輔當其衝官館驛傳車馬多牧諸役主辦非其人往往為民厲奏起元理董其事服闋補廣平調天津又調保定擢清河道遷按察使再遷布政使三十六年命從尚書裘曰修總督楊廷璋勸青縣滄州減河用元理議請撤同改用滾水壩並定每歲測量疏濬從之旋授山東巡撫奏小清河發源章邱長白山至樂安淄河門入海章邱至博興有濟山清河諸泊為納水之區請先將二泊濬深開廣遇水發時有所停蓄然後聽其入河分注歸海並於每年農隙疏濬下游各河未半載擢直隸總督三十七年疏言直隸兩多河漲行潦無歸行旅多滯民間隄壩衝決田廬受患請用以工作賑例勸修衝途諸州縣叠道並濬良鄉茨尾雅河新城雄縣盧州河修新城清河雄任邱獻諸縣隄壩上遺尚書裘曰修按行直隸河工元理與合疏言直隸諸水千丈萬派總由三汊河為入海之道全資西岸叠道置橋穿運而東匯入海河口西岸舊

清史稿

列傳一百一十一

六

有橋十一今擬添建橋九俾無壅遏上游不至受害格從自當城以下改為叠道酌添涵洞使行水暢順子牙河下游澄清不使清河受淤詔如所請雄縣民訴知縣胡錫瑛私置倉穀上遣曰修及侍郎英廉按治得實論罪上諭曰直隸治賑周元理奏言有司料理妥實今有雄縣事所稱妥實者安在下吏議奪官命留任三十八年加太子少保三十九年八月山東壽張民王倫為亂破壽張堂邑陽穀犯東昌及臨清奪糧艘為浮橋欲渡運河上以畿南地相接敕守要害元理馳至故城令布政使楊景素總兵萬朝興副將瑪爾清阿以兵千二百駐臨清西岸遏其衝大學士舒赫德率禁旅討賊賊渡西岸犯我師瑪爾清阿擊敗之賊潰復合又為我師所敗進奪浮橋賊退保臨清舊城元理令朝興督兵助攻倫自焚死亂旋定尋與侍郎兼順天府尹蔣賜棨勸八旗在官荒地請招佃承墾八年後起租沮洳庫下之區並為開溝洩水下部議行四十年元理年七十召至京御書勝賜之四十一年與學政羅源漢請熱河增建學校四十二年上命改熱河為承德府令元理籌畫疏請改設州一縣五增置官吏如

制並請開附近潘家口汛煤窯四十四年坐井陘知縣周尚親勒派累民民上訴元理請罪民上命尚書福隆安按治責元理祖護奪官予三品銜令修正定隆興寺自贖尋授左副都御史仍著直隸總督四十五年遷兵部左侍郎擢工部尚書四十六年引疾歸四十七年卒令江蘇布政使致祭元理為治舉大體泛愛兼容時以有長者行重之為方觀承所識拔時同入薦劾者曰李湖亦有名湖字又川江西南昌人乾隆四年進士初授山東武城知縣調郟城累遷直隸通永道調清河河道總督按察使再遷江蘇布政使三十六年擢貴州巡撫三十七年調雲南四十年總督彰寶以貧婪得罪責湖隱忍緘默不先劾奏奪官予布政使銜往四川軍營會辦軍需奏銷四十二年授湖南巡撫四十五年調廣東湖敏於富官在貴州規畫鉛運在雲南釐剔銅政均如議行所至以清嚴為政其治廣東以廣東風多盜番禺沙灣菱塘近海為盜藪密詢姓名居址及出入徑途知辜盜以七月望歸設祀飭文武吏圍捕旬日間誅為首者二百有奇而釋其餘從盜風以息旋條奏申明員弁責成編船移汛設施其備令行

清史稿

列傳一百一十一

七

法立民咸頌之贈尚書銜諡恭毅祀賢良祠李瀚字文瀾漢軍鑲黃旗人少孤母苦節食貧撫以成立瀚選入咸安宮肄業雍正十年舉人充景山官學教習乾隆十二年授山東榮城知縣二十三年遷膠州知州在官八年民頌其惠案隄曰李隄立石紀焉三十一年擢武定知府大水乘小舟勘賑幾溺卒竟其事徒駭河久塞請發帑治自是連歲無水患三十四年擢充沂曹道嚴防河諸費歲節以萬計而隄益堅三十六年擢江西布政使奏請停編審上諭曰丁銀既攤入地糧滋生人丁遵康熙五十二年聖祖恩旨永不加賦各省民穀細數督撫年終奏報五年編審不過沿襲虛文應永行停止謹巡撫戶部用湖南布政使吳虎炳議禁小錢並及古錢瀚奏收買小錢二千四百餘斤古錢僅四十餘斤前代流傳銷磨殆盡應援兩江總督高晉奏准例聽民間行使如有私鑄古錢仍與小錢一例查禁從之又奏言時憲書按省刊載太陽出入晝夜節氣時刻今江南分江蘇安徽湖廣分湖北湖南陝西分甘肅請添註省名分晰開載如所請行四十年授雲南巡撫行至貴州

道卒

李世傑字漢三貴州黔西人少儻喜騎射年二十餘折節改行乾隆九年入
貴爲江蘇甯熟黃泗浦巡檢知縣李永書引與同堂聽訟縣人稱其平總督尹
繼善巡撫莊有恭薦卓異遷金匱主簿有恭檄充巡捕官爲入賞以知縣留江
蘇二十二年除泰州知州始至訟未結者四百餘案晝夜據案視事不五月報
結巡撫陳宏謀荐堪勝知府二十七年擢鎮江知府上命裁京口駐防漢軍世
傑捐廉集資人予爾三月衣一襲裁者三千人皆分界職役三十年擢安徽寧
池太廣道丁父憂服闋三十六年授四川鹽驛道未幾擢按察使師征金川總
督桂林檄世傑駐打箭爐督約哨路軍雷木果木之敗副將軍阿桂全師暫退
軍中餉銀數萬巨錠募運還無應者世傑令曰委于賊寧散于民從軍貿易者
數萬人爭取立盡世傑督隊護其後密檄關吏見持餉銀入口者皆令還官錢
酬以給銀五兩幣獲全師復進鑄鐵缺炭檄世傑營辦世傑令伐樹剗木城卡
衛掘地爲大窖數十復伐樹而薪焉不旬月炭足供鑄守禦備格宗發敵伏俘

清史稿

列傳一百一十一

八

十六人以還阿桂以聞賜孔雀翎四十年擢湖北布政使仍留軍督餉四十二
年金州平乃上官四十四年擢廣西巡撫丁母憂四十六年命署湖南巡撫服
闋員除四十七年調河南大學士阿桂督塞青龍岡決口疏引河上命占用民
田當安頓調濟世傑尋奏請以北岸湖出地畝劃給南岸占用民田四十八年
奏引河新築南堤捐廉種柳別疏釐定防護新河將吏官制遷四川總督四川
自軍興後徵調賦斂無藝倉庫如洗世傑潔己率屬休養生息俾漸復舊觀上
嘗舉世傑功風厲諸省世傑疏劾酉陽知州吳申州民入湖廣界爲盜不卽捕
治上諭曰四川盜匪前此大加懲創地方安靜乃復有焚殺搶劫之事皆世傑
因循玩愒所釀成傳旨申飭甘肅回復亂世傑奏遣川北總兵富祿率兵赴接
建昌總兵魁麟防昭化廣元上以回亂漸定諭世傑鎮靜五十年世傑年七十
入覲與千叟宴州縣捕金川逃兵不力例奪官仍留任准調不准升世傑奏請
准令捐復上嚴斥之下吏議旋又允陝西巡撫何裕城請命世傑免議湖廣饑
告羅於四川世傑請以近水次諸州縣常平倉穀碾米三十萬石既浙江亦告

難世傑以浙江視湖廣遠運米濟賑緩且不及又請以備應湖廣糶米撥十萬

石先濟浙江上嘉世傑得封疆大臣體命議叙五十一年調江南總督世傑避
疾乞解任上不許秋大雨河決司家莊偕安徽巡撫書麟河道總督李奉翰籌
工費請開捐例上諭之曰戶部庫銀尙存七千餘萬帑藏充盈足敷供億世傑
何必爲此總總言利之舉捐納未嘗無人才而庸流因之並進博騰仕一二年
後得廉俸過於所出國家並無實際銓政官方兩無裨益此奏不可行尋復命
大學士阿桂莅工及冬工乃竟五十二年狼山鎮陳杰疏言各營火藥短少上
命察數世傑奏鎮屬鹽城等五營硝磺缺額礦產山西例二年一次採運近因
運使歲需烟盒銀催解不前不能如例以致支絀上諭曰硝磺軍火要需向
俱採辦足額以兩江而論安徽據奏足額何獨江蘇短缺兩淮年例歲不過烟
盒七架大小爆竹一萬所需能幾有司採運遲延以此卸罪世傑以此率涉支
飾令兩淮鹽政徵瑞會同料理世傑尋劾江甯布政使袁鑒於各屬礦價尙未
解齊誤將運使烟盒價牽叙下吏議又以河督題報葦蕩營新淤灘地產柴數

清史稿

列傳一百一十一

九

與案不符責世傑未察嚴世傑復借徵瑞奏言硝磺缺額由採運稽遲請將歷
任布政使議處上諭曰世傑等本當治罪但事涉上供從寬降鑒江甯知府
停世傑養廉三年并能兩淮例進烟盒爆竹復調四川總督五十三年巴勒布
夷爲亂據西藏屬拉木濟囉上命世傑撥駐防綠營及明正巴塘裏塘德爾
革爾諸土司兵赴西藏而世傑得駐藏大臣慶林牒已發駐防綠營兵及屯練
降番合三千人令提督成德等率以行奏入上命毋發明正巴塘裏塘德爾革
爾諸土司兵世傑奏奉諭已令諸土司發兵諸土司近尙安靜既調復停恐番
性生疑仍令備調上嘉世傑相機妥辦不拘泥遵旨解御佩大小荷包賜之世
傑又奏發米萬三千三百石運西藏足敷兵食上褒世傑盡心命移駐打箭爐
迭疏報成都將軍鄂輝率兵千二百入藏副將那蘇圖率屯練五百駐打箭爐
尋以巴勒布夷遠遁諭世傑還成都五十四年秋審四川原定緩決刑部改情
實者凡七案上責世傑寬縱以其老且平日治事覈實免議世傑薦川北道明
安引見上以其年衰改主事世傑下吏議世傑以病請解任上令侍衛慶成借

際診視賜人葭並令自審病輕則來京重則回籍五十五年三月入覲授兵部尚書賜紫禁城乘肩輿江蘇句容吏侵蝕錢糧清米上責世傑在兩江未覺察命以原品休致回籍五十九年卒年七十九賜祭葬諡恭勤世傑仕而後學摘發鈎距必得要領上每言其不通文理然履歷其能事禮遇優厚世傑長子漳州知府華國早卒上降詔慰勉其孫舉人再瀛會試未中式令一體殿試授禮部主事及世傑入為尚書再瀛病卒召其次子知州華封授員外郎俾奉侍華封官至兩廣鹽運使

袁守侗字執冲山東長山人乾隆九年舉人入資授內閣中書充軍機處章京遷侍讀再遷吏部郎中考選江西道御史授浙江鹽運道二十八年遷廣西按察使奏言煙瘴充軍人皆凶悍請分被泗城鎮安甯明東蘭諸地解役疏脫斬絞重囚短解問徒長解問流各署書役貼寫幫差濫收滋弊請量定多寡分別汰留又言卓異官滿泉道府未到任未三月停止出結部議均從之三十四年丁父憂服闋命以三品京堂仍充軍機章京補太僕寺卿遷吏部侍郎調刑部

清史稿

列傳一百一十一

十

命如雲南按布政使錢度貧婪狀論如律三十八年兼署禮部命在軍機大臣上學習行走兼管順天府尹復命如雲南按保山知縣王錫供給總督彭寶虧空兵糧論如律調吏部又命如貴州按總督圖思德劾遠知府蘇瑤貪婪狀罪至死暫署貴州巡撫又如四川按松岡站員冀谷錫侵蝕軍米論如律四十年遷戶部尚書復命如四川按富德濫用犒軍銀即監詣京師賜黑狐端罩四十二年調刑部命如甘肅勘驗指收監糧復命借兩江總督高晉籌堵儀封漫口四十四年奏言遵兜袖法築兩壩以期迴溜分入引河又與高晉會奏引河頭去口門稍遠開引溝三百餘丈直達引河繪圖奏聞上所擬引河向南恐紆迴不能得勢於圖內依筆標識令向北改直尋奏壩工墊陷兩壩鑿築兜收遊諭將引河頭西首淤灘切去俾溝口向西北開寬引溜下注四十四年授河東河道總督調直隸總督四十五年疏請修築北運河筐兒港減水石壩四十六年甘肅監糧弊成大獄上以守侗勘驗不實下吏議奪官命留任丁母憂去官四十七年諭勘浚伊家河疏山東積水守侗詣勘奏請自善橋以北抵

楊家樓長七千餘丈展寬浚深塔築缺口拆改礙水橋座諭速行辦理尋復授直隸總督四十八年卒贈太子太保賜祭葬諡清愨鄭大進字退谷廣東揭陽人乾隆元年進士授直隸肥鄉知縣累遷山東濟東道二十九年山東淫雨高唐茌平諸縣水漲阻道大進相度宣洩水不為患巡撫崔應階薦其能遷兩淮鹽運使三十六年丁父憂去官服除上召至熱河命署浙江按察使尋授湖南按察使四十年遷貴州布政使四十二年授河南巡撫四十四年調湖北旋署湖廣總督奏安陸荊州二府濱臨江漢以堤為衛今夏漲發鍾祥潛江荊門江陵隄決已一律修復惟潛江長一坵地窪沙積築隄難固應擇地勢較高處築月隄鍾祥永興保安諸坵地當衝亦應築月隄俾水發江寬不致出險又有劉家巷隄應併修築四十五年奏武昌沿江上游諸水匯流繞城而東江漲衝刷隄根虛懸見修武昌城畢請併修隄毋使水蓄城均從之又奏言湖廣邪教為害總督班第奏請枷責發落俾免株連牧令遂視為自理詞訟率不通詳請自今以後據實呈院司嚴辦詳匪徇縱者劾之上聽其言四十六年授直隸總督

清史稿

列傳一百一十一

十一

命勘永定河工奏言六工以下河身內舊有民居乾隆十五年給價遷移又以下口改流奏令暫回繳原給房價減糧田畝依舊徵收今勘南北兩岸自頭工至六工部落已盡遷移六工以下水勢湍急常累將北坵改築展寬南北兩堤並隔五十餘里其中居民五十餘村水漲以船為家應令遷移永清柳坵諸村東安孫家坵諸村居民二百八戶已勘定地址令陸續移居河身較遠之村仍准暫住禁築壩房以杜占居報開四十七年二月賜孔雀翎黃馬褂五月奏保定九龍河經清苑安州至任邱入淀年久積淤請舊有望都橋開股家管高嶺村三閘外於望都樊村建石閘一清苑冉村鄧村營頭建石閘三並修整諸舊閘開濬安州新安任邱諸縣河皆稱旨加太子少傅卒賜祭葬諡勤恪劉峨字先資山東單縣人入資授知縣乾隆二十三年選直隸曲陽知縣調宛平廣溝橋有逆旅多陰戕過客沒其財峨發其奸西山煤礦多藏匿亡命峨散其黨與先後捕治實諸法三遷通水道以母憂歸起天津道仍調通水道以父憂歸未一年上命署清河河道服闋真除四十五年遷湖北按察使石首有寡婦兄

公謀其產誣之死於獄峨治官書發其枉逮其兄公至親鞠論如律四十六年
遷安徽布政使調山西四十八年擢廣西巡撫兩月遷直隸總督輔國公弘
景遣僕至靜海冒佔入官地事聞上諭峨遇王公以下私遣人干有司無問是
非曲直即據實奏聞長蘆鹽政徵瑞奏清艘至楊村以民船剝運鹽運誤上
謂非特鹽運遲誤且恐商貨壅滯令峨赴天津與徵瑞議民船編號輪履照例
發價並定赴通回空限期下部議行分疏劾中倉監督趙元摺峨毆民至死三
河知縣王治岐那用旗租並論如律謁避暑山莊祝嘏賜孔雀翎黃馬褂南宮
民魏玉凱訴縣人李存仁習邪教上遣侍郎姜晟會鞠存仁坐誅玉凱妄及無
辜論成四十九年上遣尙書金簡會勘蘆溝橋下游沙淤請於中泓五孔抽溝
三道以上以抽溝水緩命中泓五孔全行疏濬徵瑞請指銀三十萬造剝船濟運
上以直隸木材少命湖廣江西二省分造峨奏言北倉存漕四十餘萬俟新造
剝船到齊先行運通上許之五十一年七月廣平民段文經元城民徐克展爲
亂夜入大名成大名道熊恩緘峨奏聞即督兵馳往捕治得從亂者王國柱等

清史稿

列傳一百一十一

十二

自列向習八卦教及文經克展蓄謀爲亂狀上令峨捕文經克展久之未獲累
降旨詰責十月河南巡撫畢沅奏於亳州獲克展檻送京師而文經終未能得
五十二年命停義本年廉俸山東學政劉權之迎眷屬赴官途遇盜賊坐奪官
命留任五十三年命偕山東巡撫長麟等勘議糧艘在德州剝運五十五年巡
城御史穆克登額等獲建昌盜自列營劫建昌錢鋪有同爲盜者繫清苑獄二
年未決上責峨廢弛遣侍衛慶成速清苑知縣米復松詣京師下刑部論罪奪
峨孔雀翎黃馬褂降調兵部侍郎未幾擢尙書五十六年命如河南按察城民
訴縣役事又如江西按察武弁包清崇義民發冢棄骸事並訊明論如律峨
至崇義入深山中勘冢地江西民稱之五十七年從上幸熱河賜還孔雀翎黃
馬褂六十年以疾乞解任加太子少保原品休致卒賜祭葬諡恪簡
陸燿字吉來江南吳江人乾隆十七年舉人十九年考授內閣中書充軍機處
章京奉職勤慎有急務立辦大學士傅恒深器之上出巡幸俱令扈從累遷戶
部郎中三十五年出爲雲南大理知府以親老請改補近省調山東登州府三

十六年調濟南上書巡撫徐績請留南漕廣積貯三十七年授甘肅西甯道燿
乞績代奏乞假送母居京師上命改授運河道上書河道總督姚立德言兗州
泰安二府泉四百七十八當濬渠導泉俾由高趨下其流不絕又言運河例歲
冬閉壩春挑濬天寒晷短民役俱憊宜修復南旺濟寧臨清月河並於彭口南
岸亦開月河歲九月十月漕艘商船皆從此行以其時疏濬運河皆用其議又請
修河渠成運河備考三十九年壽張民王倫爲亂去濟寧二百里有欲閉城者
燿不可曰寇未至閉城示之怯也且何忍拒吾民使散逸被賊害且曾誘耶乃
募鄉兵助守坐城闈任稽察事旋定四十年擢按察使燿議以流犯罪輕請免
其解司四十二年擢布政使燿議流外壅積請停分發皆從之燿母老病狂疾
奉乞解任終養上許之四十六年丁母憂運河案隄上以燿習河務命往山東
會運河道沈啓震重其役四十八年命署布政使服闋除四十九年擢湖南
巡撫湖南鹽商例有餽餒卻之命平鹽價如其數疏請增獄麓城南二書院膏
火又疏請申親老告養例請敕各督撫不論現任試用通飭呈明終養又奏湖

清史稿

列傳一百一十二

十三

南社會前巡撫劉墉令湖陰等四十五縣勸捐得穀十二萬勸限嚴催僅耒陽
等十五縣交齊餘未足數者十七縣全未交者十三縣如湖陰巴陵武陵諸縣
濱臨江湖地多瘠瘠桂陽瀘溪辰谿諸縣介在山僻民鮮蓋藏若執前捐數目
責令全完民間未嘗借貸之益轉受追呼之擾請凡現在未收者停止催繳上
允其奏燿以病請解任旋卒燿自幼立志以古人自期學兼體用居官廉儉入
覲門吏留裝物索資燿乃置衣被城外而假於友親已還之初至長沙總督特
昇額以閱兵至見燿方午食惟菽乳蔬蔬訝之燿曰天不雨方齋故所食止此
特昇額怒其奴曰吾館舍酒肉臭何不以祈雨告還館舍命悉撤去
管幹貞字松崖江南陽湖人乾隆三十一年進士改庶吉士授編修考選貴州
道御史巡視西城訟牒皆親判周行郊內外捕治諸不法者先後命巡漕天津
瓜儀凡十二年累遷至光祿寺卿幹貞以漕船回空多守凍打冰令先通下游
免上游冰下注益增堅厚後遂守其法疏言運河以諸湖爲水櫃誠使節節疏
通雖遇旱澇可以節宣否則兩少無籌濟之方兩多無容水之地至引黃入運

係一時權宜苟疏濬得宜黃河全力下注運河自不致停沙又奏請治駱馬湖使運河水有所蓄洩並得旨議行邊內閣學士五十二年擢工部侍郎五十四年授漕運總督糧艘至天津楊村每以水淺須起撥運丁不能給舟值例由長蘆鹽運使以鹽錢貸運丁借直隸藩庫銀歸款運丁分年繳納其後議停運丁多不便幹員請如舊例又疏陳江西軍丁疲敝請籌款增補行月二糧折價借官銀代償積逋令分年輸納寬限清釐屯田俾藉以調劑並從之五十五年賜孔雀翎黃馬褂疏言漕艘百餘艘役夫數萬人最易藏奸生事上年新漕飭嚴立規條行必按伍止則支更親行督察乃知別有奸人隨運潛行督飭捕治數十人交州縣確擬嚴懲得旨嘉獎五十八年疏言蘇州太倉押運官例抵淮後改委赴通中途分更互相推諉請自水次抵通始終其事庶官有專司又請河南豁免緩征停運減存船隻就近赴山東受雇撥運又請各幫水手短絳責成頭舵工丁以素誠誠實之人充補免聚眾竊盜諸累皆報可各省開兌多至春初又在在逗遛遇水淺或河溢有在河北度歲者幹員嚴飭弁丁修船受兌

清史稿

列傳一百一

十四

復冬兌春開舊制糧艘起運每策馬督催風雨不避或不歸所乘舟支帳露宿微弁出力必親慰勞運丁舟人不用命立予懲罰當時或苦其苛急及回空省費無絲毫派累咸大悅服高宗嘗召見褒其能謂可亞楊錫綬五十九年以疾乞假命兩江總督書麟攝其事疾愈任事如故幹員成進士時禮部改貞為珍六十年命仍原名嘉慶元年戶部議江浙白糧全運京倉以羨米為耗浙江運丁如議交運幹員以江南餘米較少執議不行交部嚴議奪官三年卒子藩羣官浙江巡撫將兆奎字聚五陝西渭南人自副貢生補甘肅張掖縣教諭乾隆三十一年成進士三十三年教諭俸滿授四川合江知縣調灌縣丁憂師征小金川攻熱耳總督富勒渾奏留兆奎從軍駐烏圍治饑既破熱耳移饜往俄桂才兆奎使駐日隆治饑兼司令礮局旋調署華陽加知州銜四川盜賊囂子擾尤溪兆奎捕得盜渠獲首犯服闋遷山西澤州同知擢太原知府以巡撫農起薦擢河東鹽運使五十四年遷按察使仍兼理鹽務尋遷甘肅布政使越

五十六年高宗八旬萬壽兆奎入祝嘏時河東商困兆奎議改鹽課歸地丁上命如山西同巡撫馮光熊勸議旋議山西陝西河南三省應納正雜課四十八萬餘兩均入三省行鹽完課納稅百七十二廳州縣地丁兩加九分有奇下部議行五十七年上以河東鹽價減銷暢兩三月內發販鹽數倍於往年商民交便褒兆奎始終承辦收效甚速賜孔雀翎旋授山西巡撫五十九年迎蹕賜黃馬褂六十年以山西錢賤請停寶晉局鑄錢從之嘉慶元年詔與千叟宴尋命母詣京師仍加恩資奏劾汾州知府張力行挾訟事婪索冀寧道鄧希曾等廻護回官奪力行官命兆奎按鞠又發力行侵帑狀坐斬二年以病乞解任歸四年高宗崩兆奎入臨卽授漕運總督固辭不許旋奏言整頓漕運要在郵丁今陋規盡革旗丁自可節費而生齒日繁諸物昂貴旗丁應得之項實不敷用急須調劑前議上諭有漕州縣無不浮收江浙尤甚每石加至七八斗歷來交納視為固然今若割出一斗津貼旗丁餘悉革除所出有限所省已多不特千萬旗丁藉資濟運卽交糧億萬花戶皆沾恩無窮疏入上嫌事近加賦飭與有漕

清史稿

列傳一百一

十五

省分各督撫另議調劑兆奎疏言各督撫所議調劑有名無實兩江費漕所奏不敷運費江蘇擬四升七合安徽擬二升焉能有濟因力請罷斥上責兆奎粗率並諭加賦斷不可行此外如何設策善後令再發議兆奎奏請每船借給銀百兩於各糧道庫支領分三年以旗丁應領之項扣還山東河南兩省路途較近減借五十兩有漕各省本有輕齋原應米斗折銀五分請仍徵本色按照旗丁米數分給白糧無輕齋請通融勻給上所擬損民益丁巧避加賦之名仍在數十年前之前今物價數倍費用不敷近年旗丁尙可支持者以州縣浮收向索兌費並折收行月等米以之貼補一切經費今革除漕弊浮費可省兌費不能減臣才識短淺惟恐貽誤求上別簡賢員原從小心敬畏而來不敢氣質用上卽命鐵保代兆奎召授工部侍郎尋授山東巡撫御前侍衛明安奏山進香還京師奏山東有司私餽銀八百並及途中營汛墩房坍塌上以詰兆奎兆奎復奏辯且稱老病求去上怒其忿激念廉名素著降三品卿銜休致七

年卒

胡季堂河南光山人侍郎熙子初以廕生授順天府通判改刑部員外郎遷郎
中山為甘肅慶陽知府再遷甘肅按察使調江蘇江蘇按察使移駐蘇州而獄
猶在江甯季堂請更置報可乾隆三十九年擢刑部侍郎四十四年遷尙書季
堂屢奉使諸省讞獄直隸吉林江蘇皆一至山東四至河南再至察得峻訟者
嚴治之有誣訴論如律不稍貸初使河南按商邱獄上諭之曰季堂河南人按
本省事尤當秉公持正勿以事涉大吏慮將來報復稍為瞻顧商邱民湯乘五
迫婦婦劉為妻劉絕食死其獄已題旌劉父猶陳訴並及順刀神拳會民事察
得峻訟者罪之使山東按平度獄州民羅有良與人鬪誤蹴其母死萊州知府
徐大榕原勘無誤乃坐是奪官當平反得旨嘉獎再使山東暫署巡撫山東災
請截本省漕米治賑還京師加太子少保再兼署兵部尙書嘉慶三年授直隸
總督賜孔雀翎四年仁宗親政季堂疏發和坤罪狀尋請以籍沒其僕呼什圖
米麥萬餘石分借文安大城被水村民長新店監發上責季堂廢弛劾太子太

清史稿

列傳一百一十一

十六

保奪孔雀翎下吏部議奪官去頂帶留任河南內黃知縣陶象柄獲長新店首
盜季堂奏聞上嘉季堂不邀功還頂帶又獲從犯還孔雀翎是時川楚陝教匪
為亂五年季堂奏教匪稽誅臣聞經略額勒登保贊德榜秦等由川而楚而
陝而甘數千百里窮追接戰輒勝是教匪所持不在勢衆而在得間能逃也川
楚陝連界崇山峻嶺斷澗溪溝在在險阻教匪竄匿其間劫掠而食不煩裹糧
迫民前驅不煩招集官兵至轍翻山越澗而逃官兵必先運糧又須探路諸費
周章卽道路可通餼糧可繼而日夜追躡奔走其勢必疲是教匪逸而兵勞也
臣愚以為當先嚴守要隘俾教匪無路可奔乃宣上德意散其脅從然後隨之
以兵分道進剿教匪途窮食盡計日可平聞陝省有團練鄉勇或一二村或數
村聯合築堡為聲援川楚可推而行之令各守本境俾自護其田廬婦子則教
匪難多驟難肆擾官兵勦撫兼施無顧此失彼之慮上諭曰所論極是總之能
堵方能剿能剿方能撫大端不外乎此尋以病乞解任還太子太保卒贈太子
太傅遺御前侍衛豐仲濟倫奠醴諡莊敏子鈺進士直隸清河道鑄湖南鹽法

道

論曰牧民於平世自庶而求富修水利飭農功其先務也觀承殫心力於是政
行畿甸富明安元理瀚皆以此為急各著績效幹貞籌運道尤重行水世傑起
下僚介而能想燼以學為政所施未盡其蘊季堂論治教匪後來堅壁清野之
議已發其端我有先正言明且清諸臣所論列足當之矣

清史稿

列傳一百一十一

十七

清史稿

列傳一百一十一

李清時

李宏

何焯

吳嗣爵

韓載

蘭第錫

韓錄

李清時字授侯福建安溪人大學士光地從孫乾隆七年進士選庶吉士授編修十四年授浙江嘉興知府上南巡或議自嘉興至杭州別開道行民舟清時於官塘外求得水道相屬上通吳江平望下達杭州壩子門號為副河丁父憂去官服除授山東兗州知府二十二年擢運河道二十六年河決孫家集運河由夏鎮至南陽兩隄俱潰清時督修築議者或擬用椿掃費以六十萬計或擬建石隄費以三百萬計清時少時行瀕海間見築隄捍海為田者擲碎石積水中潮退則以木闌之填土其上堅築成隄因參用其法以河東西兩岸皆水得土難令以石壘兩旁積葑其中水涸募夫起土置積葑上費帑十四萬有奇而兩隄成曹縣溢水瀉入微山湖出韓莊湖口開溢水不得洩合於開北毀石隄掘地深之以洩水事上聞上命於其地建滾水壩高一丈二尺餘清時請減低為一丈令湖水落至丈乃閉閘蓄水泗水經兗州西流入府河濟甯城東舊有楊家壩遇水使入馬場湖蓄以濟運遇伏秋水漲不能洩淹民田令改壩為閘視水盛衰為啓閉汶水分流入蜀山馬蹕兩湖舊制引水使南行少北行多後乃反之清船經袁口斬口淺澗不能進清時規分水口令南壩加長北壩收短以為節宣並減低何家壩使汶水南弱而北增蜀山湖出口為利運金綫二閘舊制開金綫資南運清時令移金綫在利運北使蜀山湖水先濟北運壽張境有沙趙二水阻運河不得入海舊於運河東岸建三空五孔橋又於八里廟建平水三橋使二水盛漲有所洩清時議減低三空五孔橋又於八里廟增建滾水壩使漲未盛即洩不為范濬壽張東阿諸縣民田害總督方觀承行河用其議二水始宣暢衛水自館陶至臨清與汶會舊有閘盛漲不能禦清時令於閘南當汶衛交流處築壩仍歲加高厚又議拓四女寺滾水壩尚書袁日修行河

川其議衛河得安流二十九年調江南淮徐道三十年擢河東河道總督賜其母大緞貂皮清時以河隄歲修司其事者每不度形勢過高糜帑而卑薄者不能大有增益乃飭所司當水漲各具隄高水面尺寸呈報擇隄最薄者培之迨伏秋水發耿家寨稱十四堡水及舊堤上賴豫增新築以免清釐河工徵料諸弊歲減派料至千餘萬斤三十一年運河東岸漫口自請議處原之三十二年七月授山東巡撫高苑博興樂安三縣被水清時謂小清河下流隘故上游溢檄所司勘驗遠疾作乞解任不許三十三年卒清時治水善相度情形窮源竟委每乘小舟出入荒陂叢澤支流斷港中或徒步按行諮訪必得要領乃見諸建甯姚立德字次功浙江仁和人祖三辰官吏部侍郎立德以廕生授主事乾隆十二年外授江寧通判遷知直隸景州州俗有人市竄奴婢牽就牙僧估其值如牲畜然親死三日祭城隍廟獄曰哭廟立德諭禁之陋俗以革累遷山東按察使者河東河道總督按行工次見陽武汛十七堡諸地土鬆浮疏請築牛餓培堤使堅山東運河兩岸蜀山南旺馬場昭陽微山諸湖每伏秋盛漲水不能容為豫籌蓄洩壩開塞尚啓閉惟其時三十九年實授加兵部尚書銜高雲龍者內監高雲從弟也立德入雲從言薦之臨清州為僕從坐遠依結交近侍律論斬命奪官仍留任陽穀民王倫為亂立德分守東昌城圯難守引運河水繞城壕恃以為固檄發倫先墓礫其屍四十四年饑封河決屢築屢衝命奪官仍留工効力自贖四十五年責令回籍旋發往南河補淮安裏河同知四十八年卒

李宏字濟夫漢軍正藍旗人監生入資授州同効力河工授山陽縣外河縣丞累遷宿虹同知乾隆十六年授河庫道尚書劉統勳劾河員虧帑事連宏解職事白留工二十二年發直隸以河務同知用總督尹繼善疏請留南河侍郎夢麟勸治六塘河以下以宏從尋復補河庫道丁父憂命在任守制二十七年調淮徐道二十九年擢河東河道總督奏言山東運河資湖水接濟今秋雨少飭早閉臨運各閘又言微山湖蓄水濟運韓莊湖口閘水深與滾水壩有相平空船足敷浮送即應堵閉泗河會合諸泉收入獨山湖僅濟南運應請於兗州府

清史稿

列傳一百一十一

二

金口壩截築土假俾達馬場湖俾濟寧上下河道並資其益蜀山馬場二湖專
濟北運亦須築壩收蓄又請增募夫役挑濬沙趙漳衛汶泗韓馬諸水均報開
又奏黃河北岸歇家寨婦工爲豫東第一險要自乾隆九年下帑修防歲費帑
料去冬於對岸引渠冀分溜勢今秋全河暢分入渠險工淤閉得旨嘉獎三十
年調江南河道總督上以宏初自監司擢用道廳以下多同官慮有隙徇命高
晉統理南河留宏協理河東總河奏言黃河至河南武陟榮澤始有隄防丹沁
二水自武陟木欒店匯入伊洛瀘澗四水自鞏縣洛口匯入設諸水並漲兩岸
節節均須防守臣咨飭陝州於黃河出口處鞏縣於伊洛瀘澗入河處黃沁同
知於沁水入河處各立水誌自桃汛迄霜降長落尺寸逐日登記具報如遇陡
漲飛報江南總河嚴督修防大丹河至河內縣丹谷口舊築欄河石壩令由小
丹河歸衛濟運請不時察驗疏令暢達衛河輝縣百泉爲衛河之源蘇門山下
匯爲巨浸南建三斗門中爲官渠濟運東西爲民渠灌田向例重運抵臨清閉
民渠使泉流盡入官渠五月後插秧一日濟運一日灌田惟民渠石壩失修泉

清史稿

列傳一百一十一

三

水旁洩應令修砌堅實均如議行上以清口節宣未暢下河田廬易涇特定高
堰五壩水誌水高一尺清口壩拆展十丈三十一年三月宏奏言清口水門因
上年霜降後湖水大消祇留十四丈桃汛將屆應預將東壩拆展使口門寬二
十丈俾洪湖及早騰空預留容納之地嘉之夏秋間湖水盛漲續展至五十
三丈八月河溢徐州韓家堂宏與高晉分駐兩壩堵築逾月工竟奏言平時大
展清口騰空湖面乃得葺工迅速冬以湖水漸落請接築東西壩仍留口門二
十丈酌量收束蓄清抵黃三十三年河溢王家田頭下吏議降調寬之二十四
年奏言洪澤湖水大將清口東西壩遞展宣洩適黃水驟長灌入清口隨閉惠
濟通濟福興三閘俾併力敵黃黃水消退報聞三十六年卒宏嘗以明汶上老
人白英立祠戴村子孫向有廢毀請旨仍給八品世職上從之李奉翰宏子入
資授縣丞補沂水累遷江蘇蘇松太道坐事罷復入資還原官發江南河工効
力奏署河庫道上以奉翰宏子習河事命員除四十四年署江南河道總督四
十五年二月授河東河道總督河溢考城芝蔴莊張家油房奉翰督吏塞芝蔴

莊工竟上諭曰勉爲之莫以水弱而弛其敬謹旋命仍署江南河道總督奉翰
奏張家油房工未竟較南河惟寧工爲要請留河東俾蒞其役報可九月張家
油房工亦竟上爲欣慰四十六年正月調江南河道總督二月奏請重定南河
汛員額闕酌增河兵移改運河副官運河汛員視缺簡要更定品秩下大學士
九卿議行七月河決青龍岡命偕大學士阿桂馳赴河南會河東河道總督韓
鏞督辦東西兩壩下帑甫合龍壩墊陷乃與阿桂等議寬濬青龍岡迤下至孔
家莊榮華寺楊家堂諸地引河並於黃河下游北岸疏濬潘家屯張家莊二引河
蘇家山水綫河宿遷十字河桃源顧家莊引河五道洩水四十八年春青龍岡
工竟方壩陷奉翰督吏搶護墮入金門格於纜傷焉河工謂兩壩間爲金門纜
所以引壩者事聞上四十九年上南巡奉翰親行在上獎其勤勞賜騎都尉世
職五十年坐清口東西兩壩不早收束致運道淺阻降三品頂帶尋命復之秋
河水大至奉翰督吏晝夜填築塞李家莊煙墩頭司家莊湯家莊諸漫口五十
四年調河東河道總督五十八年命赴浙江會巡撫吉慶會勘海塘奏請以范

清史稿

列傳一百一十一

四

公塘及海甯石壩改築柴盤頭並於石塘前修補坦水三官塘柴工後加培土
飲從之五十九年漳水溢臨漳三臺漲發命馳往勘察奏漳河兩岸沙土浮鬆
水勢驟長驟落向無隄堰上年大雨漫溢應將下游淤墊處疏濬深通再將三
臺壩基填築俾歸故道從其議嘉慶二年正月加太子太保授兩江總督兼
領南河事三年河決睢寧四年正月與河道總督康基田督塞睢州決口工竟
二月卒李亨特奉翰次子入資授布政司理問發河東委用補兗州通判累遷
雲南迤西道嘉慶初佐平苗禦賜孔雀翎加按察使銜累遷調授江蘇按察使
九年擢河東河道總督十一年河南巡撫馬慧裕劾亨特索屬吏賂不得迫令
告養諸狀上命侍郎托津等往按奪官發伊犁十三年釋還令至南河候差委
十四年以河決荷花塘追督亨特不善料理復發熱河効力未幾復釋還授主
事十五年選戶部主事擢直隸永定河道未幾復授河東河道總督十六年奏
南糧到通州剝運不能迅速請在楊村全數起剝下倉場侍郎玉甯戴均元等
議駁上責亨特冒昧下吏議降調命留任十八年秋河溢甯甯坐奪官命留工

効力十九年河道總督吳璥奏微山湖存水僅一二尺南陽昭陽獨山諸湖淤成平陸無水可導上責亨特在官不能預籌又聞亨特既奪官居濟甯仍用總河儀制斥亨特玩誤縱恣命逮下刑部治罪籍其家刑部議發新疆上命在部荷校半年發黑龍江効力二十年卒於戍所

何焯字謙之浙江山陰人先世籍湖南靖州雍正中入資授州同効力江南河工從大學士河道總督嵇曾筠修浙江尖山海塘請補杭州東塘同知避本籍仍發江南河工乾隆初權豐碭通判授桃源同知十五年擢河庫道十六年遷兩淮鹽運使特敕兼管河務以母憂去官十九年尚書劉統勳等奏論河庫帑項不清奪焯官擬徒追償拘留工次久乃繳完免罪二十二年仍發南河以同知用從侍郎夢麟疏濬潯荆山橋河工從副總河嵇璜治淮揚河務超擢淮揚道二十三年丁父憂總督尹繼善奏留在任守制許之二十六年以郎中內調會河決中牟楊橋上命大學士劉統勳等莅工以焯從工竟留焯駐工防護旋授開歸陳許道調山東運河道三十年調河南河北道擢按察使上以焯習河事

清史稿

列傳一百一十一

五

命兼領河工焯信浮屠說獄輒從輕比睢州民劉玉樹謀殺人鞠實擬斬候刑部改立決上責焯寬縱諮巡撫阿思哈阿思哈稱其能勝任其冬擢布政使仍兼理河務兩權巡撫三十六年授巡撫兼河務如故尋又命兼領山東河道三十七年浙川內鄉被水正陽確山風災疏請撫卹緩徵上賜詩褒以愛民知政三十八年上巡天津閱永定河工焯迎駕賜孔雀翎黃馬褂尋命與工部尚書裘曰修直隸總督周元理勘永定河上游疏言永定河挾沙而行散漫無定水性就下本無不同而地有高卑沙有通塞情因時而或異永定河遷徙不定其情也非其性也察其情導其性先宜後防千古極則雖起神禹無以易之永定河下口蒙皇上指示疏導既不阻下達之勢更免浸潤之虞其法固當常守所慮數十年後妄生異論別聘新奇勢且變亂舊章貽河防巨患請將聖諭并議言條款勒碑垂久遠報聞三十九年疏請各州縣常平倉溢額以四千石為限餘循例變價又奏河南漕穀七十九萬石米二十九萬分存各州縣界鄰省安陽等五州縣限二萬石近水次祥符等三十五州縣限一萬石均如所擬

加總督銜仍領河南巡撫又進兵部尚書銜其秋會勳王倫事平道內黃病作遣醫往視未至卒焯贈太子太保祀賢良祠賜祭葬諡恭惠裕城焯子字福天自貢生入資授道員乾隆四十二年除山東督糧道調河南河北河道溢儀封大學士高晉莅工以裕城從儀封婦工墊陷坐奪官命留任四十六年調江南河庫道裕城侍焯治河嘗著全河指要謂治河當節宣並用不當泥河不兩行之說偏於節束並上書當事指陳南北岸諸險工未幾河決青龍岡注微山湖衝運河四十七年七月河東河道總督韓鐸丁憂青龍岡工未竟上特命裕城署理大學士阿桂視工曲家樓請自蘭陽至商邱別築新隄裕城奏蘭陽新開引河其上游素稱險要必須內有重障外有挑護大隄後舊有越隄相去遠恐不足恃請向東添築格隄臨河近溜處加築挑水壩上從之又奏兗州伊家河在運河八閘之西以分洩運河及瀕湖諸水應挑展寬深上命速興工又奏伊家河興工後即往河南勘驗引水子溝仍往來山東河南督察上嘉之並諭曰汝若能不自滿而加以勤學或可繼汝父也伊家河工竟四十八年賜孔雀翎

清史稿

列傳一百一十一

六

四十八年青龍岡工竟請修築運河隄岸詣濟甯勘估奏需帑六十四萬有奇得旨允行授河南巡撫以秋審多失出降三品頂帶停支養廉四十九年運河隄岸工竟命議叙師討石峯堡亂回道河南裕城佐軍興復頂帶養廉五十年調陝西巡撫朝邑被水上諭裕城就被水處將淤積泥沙建築河隄尋奏勸建護城隄下部議行調江西巡撫五十二年奏江西河路二千四百餘里請以所獲盜舟改設巡船上嘉之又奏豐城鎮平隄中段水勢衝激不足捍禦請改建石隄從之五十五年調安徽巡撫命來京祝八旬萬壽行次合肥卒

吳嗣爵字樹屏浙江錢塘人八歲而孤母錢督之嚴雍正八年成進士授禮部主事大學士張廷玉奏改吏部再遷郎中嗣爵曠職嬾故事乾隆六年授常州知府再授保寧皆奏留部旋命視學湖北調福建十二年授淮安知府遷淮揚道洪澤湖盛漲例當開天然壩嗣爵曰開壩減暴漲如下河州縣生靈何持之力卒無恙十六年調兩淮鹽運使十八年復授淮陽道遭母憂上諭曰防河官吏叢弊故特山運使調用河工與地方官吏不同畀假兩月治喪畢在任守制

擢江蘇按察使遷布政使調湖南未行奏江甯等三十五州縣積欠應徵口糧請特旨緩徵上諭巡撫託恩多託恩多奏江甯等州縣年豐不當再請緩徵上責嗣爵籍緩徵卸過並為有司催徵不力地命發江甯南河工以同知用二十五

年補宿虹同知仍授淮陽道移准徐道黃河盛漲逼徐家莊縷隄嗣爵督吏指護命署理河東河道總督旋坐官運使時商人侵蝕提引公費坐降調命改奪官仍留任三十四年奏請修補丁廟六口南旺荆門戴村諸閘壩並言運河兩岸土工臨清以北為民堰南旺以南為官隄自臨清至南旺官隄民堰交錯請凡民堰卑薄殘缺處督令修築官隄酌緩急次第培修上嘉之署河南巡撫三十五年奏南旺湖北高南下在運河西岸值分水口之衝伏秋汶水發自關家常鳴等斗門灌入祇能收水入湖不能出水濟運請於南旺下游土地廟前增建石閘一以時啓閉三十六年遷江甯河道總督四十年奏丁家集黃河自北趨南北岸新灘插入河心致沖漫南岸民堰五百餘丈毛城鋪過水較大下流亦不能容今收正河頭測量河唇引渠築子壩於北岸旁黃河故道滑引河

清史稿

列傳一百二十一

七

來春相機開放俾河改由北岸東下不使旁注丁家集諸地又奏裏河廳運口本設惠濟通濟福興三閘惠濟尤為准水入運關鍵請俟春融修築四十一年又奏清口通湖引河凡五為洪澤湖尾閘並分別籌措運道以濟尋奏五引河中張家莊張家場二河水洩應潛使寬深從之四十一年上東巡嗣爵親行在入對不能與左右掖以出改吏部侍郎四十二年乞罷歸四十四年卒年七十有三子敬自有傳

薩載伊爾根覺羅氏滿洲正黃旗人父薩哈岱官鑲藍旗滿洲副都統薩載繙譯舉人授理藩院筆帖式累遷江蘇蘇松太道管蘇州織造果親王弘瞻短價令製緙緞朝衣事發奪官召還京予主事銜尋授薩哈岱蘇州織造命薩載侍行為佐逾年改授普福命交兩江總督差委旋授松江知府三十年加道銜復署蘇州織造三十四年擢江蘇布政使仍兼織造三十五年署巡撫巡撫永德請以華亭寶山土塘改建條石薩載言條石易傾圮按察使吳壇請裁巡檢弓兵增州縣捕役薩載言不便皆寢其議三十六年與總督高晉奏濬海州河道

又奏江蘇社穀積至三十七萬六千餘石請察驗報聞三十七年真除江蘇巡撫上命察屯田薩載奏江安糧道屬江淮興武等六衛蘇州糧道屬蘇州太倉等四衛令清查冊報循新例四年一編審加給江淮興武二衛屯丁墾田運丁快丁終歲輪輸請加給津貼太倉鎮海二衛田不隨船私相售典循舊例借項贖回從之三十九年河溢外河廳老壩口借河道總督吳嗣爵董工事未兩旬工竟議叙四十一年上東巡親行在授江甯河道總督命與高晉察黃河海口淤沙薩載先至奏海口前在王家港自雍正時接湧淤灘長四十餘里南岸為新淤尖為尖頭洋北岸為二泓三泓四泓二泓四泓寬二十餘丈潮至深二三丈三泓寬四十餘丈潮至深三四丈河底有高低河唇又漸遠淤積已久難以施工上諭曰此海口自然之勢難以人力勝之尋與高晉奏請以清口東西壩移建平城壩於陶莊迤上別開引河是夏運河及駱馬湖水漲薩載督吏防護上嘉其妥協尋開陶莊引河四十二年二月工竟上諭曰朕屢次南巡臨閱清黃交匯慮其倒灌思引向陶莊北流歷任河臣未有能任此者昨歲薩載奏

清史稿

列傳一百二十一

八

請施工與朕意合據奏工竟自此黃河離清口較遠既免黃河倒灌之虞並收清水刷沙之益實為全河一大關鍵視齊蘇勅例子騎都尉世職入覲上命於攔黃壩迤上加築壩為重門保障並於舊有木龍三架迤上增設木龍薩載回任奏遵上指料理上嘉之冬復奏新河河面首尾寬窄不同請於北灘順水勢抽槽酌留土格俟來年水漲放溜衝刷使河面首尾寬闊相若繪圖以進上覽圖中北岸有新淤因慮北淤則溜必南趨識以朱筆命薩載疏治四十三年奏高家馬頭新淤已刷動寬深彭家馬頭新淤前作柴枕土壩茲於灘面抽槽候水漲衝刷旋著兩江總督四十四年奏欄黃壩外舊河露淤灘請於灘面築束水隄為新河保障尋實授兩江總督先是高晉奏中河口門淤阻議移下游李家莊上命薩載勘奏薩載請將清口東西壩移築惠濟祠前上從之四十五年大學士阿桂奏陶莊引河首尾寬而中窄河身雖已刷深水勢尚嫌束縛伏秋汛漲恐宣洩不及命偕薩載勘覆尋奏請河寬六十餘丈處展十餘丈河寬不及六十丈處展二十餘丈又奏雲梯關外二套以下河流現行之道道遠而水

淺請於四泓以下增設開壩二套上迤西馬港河舊隄殘缺應行修復並於舊無隄處補築新隄下接北潮河西堰上從之夏河溢郭家渡命薩載與河道總督陳輝祖督護是歲河水盛漲初開毛城舖蘇家山峯山頭諸開次將清口東西壩全行拆展薩載奏諸州縣被水惟甯泗州為重邳州宿遷靈壁五河次之見在撫恤窮貼上諭曰實在無善策祇可盡力撫恤以期補過復命引河水入陶莊新河尋奏豐碭銅沛險工俱次第搶護下游洪澤高寶諸湖亦俱平定俟水落堵築得旨覽奏深慰先是上臨高堰閱洪澤湖甄石諸工諭薩載石工卑者增高甄工悉改用石薩載奏請酌量緩急分三年修築八月丁父憂命百日滿後仍署兩江總督四十六年奏請自李家莊至臨河築北濬引河上命速為之六月河溢魏家莊水大至薩載奏全河奔注歸入洪澤湖清口展寬至八十八丈山圩五壩已開智義二壩而高堰諸地水勢未消盈隄推岸未開三壩及車邏昭關二壩或堅守或酌開俟察勘後續奏上命堅守尋續奏洪澤湖浪湧山圩五壩所存仁禮二壩擊通過水續開車邏昭關二壩上以各開壩俱開下河

清史稿 列傳一百一十一 九

民田被淹令察災狀疏奏八月魏家莊工竟山東巡撫國泰奏運河積淤水不能暢行議於劉老澗壩旁開水口分洩上命薩載往勘薩載奏運河水宜暢已開駝車頭竹篴壩洩水入駱馬湖劉老澗九孔石閘亦過水若議別開水口不使使無水之區再受水患上慰其言又奏微山湖東南兩面水色澄清沂河及駱馬湖水不使涓滴入運為運河騰空去路永濟橋孔亦無橫壩攔截水勢暢消上稱為有條理命國泰聽其指授母持已見十二月兼署安徽巡撫四十七年奏請濬泗州謝家溝洩唯河及楊疇諸河水入洪澤湖又承上命濬銅山潘家屯引河四月河南青龍岡漫口既堵復墊大溜下注上命寬濬潘家屯劉老澗諸河洩水歸海薩載請開張家莊引河與潘家屯引河分流使湖洩入黃又多一路上諭曰籌洩水之路為今日急務宜妥為之加太子少保江蘇巡撫吳壇議開金壇漕河自丹徒穿句容境分水脊達江甯薩載奏分水脊即茅山之麓地峻土堅勢不能開鑿請濬七里橋至巷口橋河道與上下河道寬深一律又請自鎮江錢家港至江甯龍潭濬開新河及修濬金山對渡瓜洲城河上

嘉之又奏請濬漕河展駱馬湖六塘河鹽河口門均如議行四十八年正月服閱實授兩江總督河南青龍岡工竟薩載奏黃河歸故道入江南境流行迅速得旨欣慰覽之上命移建沛縣城薩載奏請移舊城西南戚山並修夏鎮文武官署豐沛二縣漕倉四十九年江西巡撫郝碩坐婪賄得罪責薩載未奏劾下吏議奪官命留任罰養廉三年五十年漕艘北行以運中河淺阻至天津誤期上責薩載開運中河不知建開水勢一洩無餘又清口東西壩不能及早收束預為蓄水致運道淺阻降三品頂帶五十二年足疾請解任遣醫往視命復原品尋卒贈太子太保賜祭葬諡誠恪祀賢良祠子薩騰安襲騎都尉官至廣西按察使薩雲安官雲南迤西道坐事戍軍嶺第錫山西吉州人乾隆十五年舉人授鳳喜教諭擢順天大興知縣三十四年總督楊廷璋請以第錫升補永定河北岸同知吏部以大興非沿河州縣議駁再請上特許之再遷永定河道四十八年署河東河道總督奏請河隄分界栽柳並禁近隄取土又奏儀封六堡三堡灘面淺狹水力較悍請於新隄南築月隄為障皆從之四十九年奏河

清史稿 列傳一百一十一 十

工綢繆防護全在平時隄有深淺水有變遷及車馬踐踏窟鼠洞穴必朝夕在隄始能目視親切至冬末凌汛春初桃汛尤應晝夜巡邏應令駐工各員移至隄頂禁勿私下如有曠誤文武得互舉令以隄為家庶不至疏防均如所請行五十年奏北岸黃沁等廳南岸上南等廳舊隄及蘭儀等廳新隄各增卑培濬并加築舊壩添作挑水上命速行五十二年上以第錫署任三年勤奮妥協命實授旋兼兵部侍郎河溢唯州十三堡疏請罪上以其地原無壩工原之工竟議叙五十四年調江南河道總督河溢唯甯周家樓疎請罪上以河水異漲原各工不草率五十七年請自淮安移駐清江浦改建衙署尤之五十九年奏豐北汛接築土壩過多上游水勢不能暢達有礙曹單河去路自請下吏議奪官上命留任嘉慶元年河溢豐北汛疏請罪論俟工竣覈功過工竟賜黃綬荷包仍以不能先事預防停叙二年卒三年第錫以河溢當償帑二十萬餘兩上以第錫尚廉潔慮不能勝諸山西巡撫伯麟伯麟奏第錫遺田舍價值一百

四十餘兩上獎第錫清慎論道廳以上及曾任總河各員分別代償

韓鏞順天大興人原籍貴州畢節入資授通判揀發山東授上河通判累擢江南淮徐道四十六年授河東河道總督奏言山東運河賴汶泗來源及各湖接濟汶河上游東平戴村等處民堰對岸沙淤應鑿灘抽溝以展河勢泗河下游卽爲府河自安居十里二斗門入運河淺堰卑亦當疏治蜀山馬場馬場南旺諸湖現當濟運洩水堰根顯露正可取土培堤七月河決祥符焦橋疏請罪上原之工竟命優叙未幾河又決儀封曲家樓青龍岡大李家莊孔家莊凡溢四口上令江南河道總督李奉翰赴工會督水全出青龍岡而孔家莊等三口皆塞又命大學士阿桂履勘又令山東巡撫國泰赴工會督工垂竟壩墊復潰大學士嵇璜議引河北流復故道上以賂阿桂李奉翰及鏞鏞疏言青龍岡始漫勢甚洶湧是以倒漾北行分入沙趙二河穿運歸海未久旋卽斷流仍行南注地勢北高南下若於南岸建堤堵截欲迴狂瀾使之北注誠如聖諭必不能行水性就下未便輕議更張阿桂等所奏亦略同乃寢璜議惟以河水北行既已

清史稿

列傳一百一十一

十一

斷流責鏞何不卽時具奏四十七年正月壩復墊上聞運道河以南深通河以北多淤墊命鏞往徵山湖北運河察勘二月赴濟甯會國泰及巡漕御史毓奇察勘請自濟甯在城崗至嶧縣黃林莊築土堰柴壩橋樑設水站置絞關鏞並請察勘畢還青龍岡工次上命鏞往來督察復勘伊家河荆山橋諸地水勢請濬銅山潘家屯引河益使寬深並濬駱馬湖六塘河及濟甯南北徒駭馬頰伊家等河時青龍岡壩屢築屢墊鏞遵上指迅籌宣洩使黃水漸消復還青龍岡工次會阿桂等於蘭陽三堡改築大隄濬渠導水出商邱七堡入正河故道鏞旋以父憂去四十八年三月青龍岡工始竟四十九年服闋授工部侍郎部議鏞任河督時應償帑十四萬餘兩詔免十之七五十四年命會勘通惠溫榆二河及朝陽門外護城河調戶部五十五年命往江南會同江南河道總督蘭第錫督防汛嘉慶三年調兵部四年三月命守護裕陵六年以年老休致九年卒

論曰世業尙矣於河事尤可徵前乎此者嵇曾筠有子璜高斌有從子高晉若

李氏何氏吳氏皆繼之而起宏及子奉翰焯及子裕城並有名乾隆朝嗣爵子敬則下逮嘉慶奉翰子亨特貪侈隕績忝祖父矣清時以誠篤名第錫以廉潔著青龍岡塞河決歷兩載工始竟阿桂主之薩載韓鏞佐之詳具其始末見成功之難也

清史稿

列傳一百一十一

十二

清史稿

列傳一百十三

開泰

阿爾泰

桂林

溫福

開泰烏雅氏滿洲正黃旗人雍正二年進士改庶吉士授編修九年遷侍講上御門開泰未入侍班黜令乾清門行走十三年復編修乾隆元年遷國子監司業八年遷祭酒督江蘇學政再遷內閣學士三遷兵部侍郎仍留學政任十年授湖北巡撫疏言社會較常平尤近於民而弊亦易滋湖北社會穀麥五十二萬石有奇散在諸鄉恐多虧缺應飭道府按部所至便宜抽驗調江西十三年又調湖南疏言戶部咨各省常平倉穀以雍正舊額為準湖南溢額數五十五萬餘石令糶價儲庫臣維維正舊額七十餘萬石湖南夙稱產米乾隆二年至八年諸省赴湖南購米先後計百七十五萬有奇中間又撥運福建江蘇若盡糶溢額之穀遇本省需用或鄰疆告糶必致倉儲缺額買補不易疏上以留心積貯嘉之十五年有壽倫元者自言南河同知赴湖南採木布政使孫瀨諭永

清史稿

列傳一百十三

一

多布歸樂上諭曰番民挾仇攻擊不必繩以內地官法宜以番攻番處以靜鎮旋加太子太保二十四年松潘鎮總兵楊朝棟入覲開泰與鍾琪奏朝棟衰老難期勝任上責開泰何以不先奏下吏部議奪官命仍留任二十七年莎羅奔死耶卡應襲例土司承襲鄰封諸土司具結開泰以耶卡與諸土司皆不協令毋取結疏聞上許之命嚴諭耶卡知恩守法未幾耶卡侵丹壩取所屬瑪讓開泰檄韓斯甲布往援使守備溫欽等赴金川詰責上諭曰耶卡狼子野心即使詰責伏罪豈肯永守約束諸土司援兵既集能協力剿除分據其地轉可相安若諸部不能并力勦除而耶卡怙惡不悛亦非開泰岳鍾琪四川綠營兵能任其事應隨時奏請進止二十八年六月開泰奏九土司大舉擊破金川上聞耶卡使人詣成都開泰許進謁撫慰之而陰令九土司進兵諭曰耶卡於韓斯甲布等屢肆欺凌眾土司合力報復開泰既聞其事惟應明白宣示諭令悉銳往攻而於耶卡來人嚴為拒絕且諭以爾結怨鄰境誰肯甘心斷不能曲為庇護如此則耶卡既不敢逞強韓斯甲布等亦可洩忿乃既用謠以籠絡耶卡又隱

清史稿

列傳一百十三

二

為各土司援助耶卡素狡豎豈能掩其耳目殊非駕馭邊夷之道命奪官以頭等侍衛赴伊犁辦事尋卒

阿爾泰伊爾根覺羅氏滿洲正黃旗人雍正間以副榜貢生授宗人府筆帖式乾隆中屢遷至山東巡撫以山東產山綢疏請令民間就山坡隙地廣植柁權免其升科歲大水阿爾泰先後濬兗州沂州支渠三十有九曹州單縣順隄河二百餘里培南旺湖山湖民墾導章邱珍珠麻塘二泉新城五龍河漑民田並及高苑博興惠民諸縣近水地皆令栽稻築泲河隄至於馬場湖以衝濟寧州城析白馬湖引入獨山湖以疏洩水開汶上稻田數百頃濟東諸州縣漸徙駭馬類兩河支流相貫注及哨馬營四女寺支河皆次第疏治濬衛河自德州至於館陶凡三百餘里洩濬張積水自沙趙二河入運洩東平積水入會泉大清諸河洩濟南東昌諸州縣積水開支河三十餘循官道為濬引水自濬入支河自支河入徒駭大清諸河濬汶合流開引河增子埝以防盛漲阿爾泰撫山東七年治水利有績擢四川總督加太子太保阿爾泰至四川議平治道路陸道

北訖廣元西達松潘東抵夔州護其傾頡補其缺落兼葑大渡河瀘定橋水道自萬縣入湖廣境整治險灘凡一百有奇議以牧廠餘地招佃爲田議置義倉指穀千餘石以倡議開南川金佛山礦議築都江大堰議松潘雜谷打箭爐三廳置倉儲麥稞備邊儲上皆從其請初征金川以頭人耶卡出降罷兵三十一年復爲亂掠丹壩巴旺阿爾泰策以番攻番令旁近紳斯甲布諸土司攻之秋出行邊至雜谷腦耶卡使請還所侵丹壩卡復與提督董天弼進至康巴達耶卡出謁阿爾泰許如所請並畀以新印疏聞上戒毋遷就苟安三十五年小金川頭人僧格桑掠鄂克什阿爾泰赴達木巴宗僧格桑出謁還侵地尋授武英殿大學士仍領總督三十六年召還京入閣治事既復令出領總督金川頭人索諾木攻革布什咱僧格桑亦圍達木巴宗侵明正土司阿爾泰疏言兩金川相比如議出師需兵既多糜餉亦鉅茲令董天弼臨之以兵仍使游擊宋元俊宣諭索諾木上責阿爾泰議非是決策用兵令定邊右副將軍溫福視師佐以侍郎桂林諭斥阿爾泰掩飾偷安奪大學士總督留軍治饑以桂林代爲

清史稿

列傳一百十三

三

總督師克約咱上以阿爾泰鑄大廠利軍行予散秩大臣銜三十七年與總兵宋元俊劾桂林覆軍諱敗上爲罷桂林卽命阿爾泰攝總督俄移督湖廣阿爾泰疏言各路轉餉當招商承運西路去內地近南路山險途長商不肯應募當增運值火藥已運罄當令雲南陝西協助上謂阿爾泰專領轉餉何不早籌畫今福隆安阿桂皆至南路始以一奏塞責命母往湖廣仍以散秩大臣留軍督餉未幾阿桂疏言軍至卡了無五日之糧又言紳斯甲布轉餉將一月猶未至阿爾泰亦自陳請奪職從軍上責其倚老負恩始終不肯以國事爲念命速問阿爾泰初至四川上以天壇立燈竿下四川求楠木阿爾泰附運木材以進言出養廉探獻既乃私語人謂他日且以此負累語聞上上心慊之至是詔罪狀阿爾泰猶及此事斥爲味良飾詐川東道托隆入見發阿爾泰賊私下繼任總督富勒渾嚴鞫三十八年獄具擬斬上命賜自盡

桂林伊爾根覺羅氏滿洲鑲藍旗人兩廣總督鶴年子桂林自廩生入貲爲工部主事累遷山西按察使三十六年三月擢戶部侍郎軍機處行走九月命佐

定邊右副將軍溫福討金川十一月授四川總督小金川頭人在卡外投文俛土宜桂林卻不受檄罪狀其僧僧格桑旋督兵收約咱進克其東山梁大小碉五石卡二十餘疏請添調黔陝兵五千益師上許益陝廿兵三千桂林旋督總兵宋元俊攻卡了進據墨爾多山梁上嘉其措置合宜手詔謂無意中用汝竟能得力亦賴在軍機處半年日聆朕訓也三十七年克卡了復破克郭松甲木噶爾金進克噶爾金後山梁分兵攻東山梁襲阿仰自墨墨溝進取達烏圍是時大金川僧索諾木攻陷革布什咱屯兵其地桂林議乘索諾木兵力未備革布什咱人心未定與元俊分兵五道並進并約將軍溫福合擊密令革布什咱降曾旺勒丹等約其賊加理爾爲內應遂收革布什咱寨落七十餘里旋令元俊及守備陳定國率紳斯甲木土兵屯甲爾壘壘進攻默資濟吉地斷其水道進攻丹東上獎桂林甚合機宜促元俊乘勝深入取索諾木桂林遣裨將自東山梁壘溝越嶺進攻別遣兵出問道自札哇窠山梁壘崖設伏師既度東山梁壘溝札哇窠伏兵亦起賊敗竄克大碉一石卡二十一別遣參將常泰環

清史稿

列傳一百十三

四

攻黨哩都司李天貴等攻沙衝革布什咱頭人爲內應賊盡殲黨哩沙衝地並復總兵英泰等復攻克達烏官寨上嘉其功賜御用玉韉再進攻克格烏巴桑及那隆山嶺元俊別攻克丹東及覺拉喇嘛寺誅賊渠三百番衆百三十餘革布什咱地盡復桂林檄定國將所調紳斯甲布兵駐界上聽調上以革布什咱既復正當乘勝進勦金川攻其無備責桂林失算桂林復督兵攻達烏東岸山梁參將薛琮戰沒琮驍將深入糧盡桂林既失期不會師又不以時遣援軍盡覆疏請治罪述戰狀不敢盡元俊與散秩大臣阿爾泰刻其虛誑並言桂林在卡了建屋宇以居迫屬僉供應與副都統鐵保提督汪騰龍等終日酣飲諸將罕得見密令騰龍界總兵王萬邦白金五百贖被掠官兵希圖掩飾上奪桂林職命額駙尙書公福隆安馳往按治尋奏所劾皆虛惟官兵傷損不卽奏奏屬實至贖被掠官兵乃在軍戶部郎中汪承霖聞巴旺布拉克底土兵歸失道官兵告桂林發白金五百交騰龍備賞事爲元俊構陷請分別治罪上以桂林在軍日親勦賊止圖安逸不能與士卒同甘苦致北山梁傷損多兵不得爲無罪

命成伊黎三十八年七月予三等侍衛銜仍詣軍前督糧運四十年授頭等侍衛尋授四川提督遷兩廣總督卒加太子太保銜諡莊敏

溫福字履綬費莫氏滿洲鎮紅旗人文華殿大學士溫達孫也自繙繹舉人授兵部筆帖式乾隆初累遷戶部郎中外擢湖南布政使歷四年移貴州布政使亦四年坐平遠民閩訟庭按治草率奪職戍烏里雅蘇臺二十三年起內閣侍讀學士從定邊將軍兆惠討霍集占戰葉爾羌鎗傷額擢內閣學士遷倉場侍郎子雲騎尉世職外授福建巡撫內遷吏部侍郎軍機處行走進理藩院尙書

三十六年師征金川授定邊右副將軍以侍郎桂林佐之共討賊溫福自汝川出西路桂林自打箭爐山南路時小金川頭人澤旺子僧格桑割地乞援於大金川頭人索諾木索諾木遣兵助之上命先勦小金川且勿聲大金川罪溫福至打箭爐分兵三道入溫福出巴朗拉提督董天弼自甲金達援達木巴宗總督阿爾泰自約咱攻僧格桑十一月擢武英殿大學士十二月至巴朗拉戰三晝夜賊敗去三十七年正月取達木巴宗進攻斯庫葉安而分軍出別斯滿

清史稿

列傳一百十三

五

瑪爾瓦爾濟兩路夾擊進克資哩再進克東瑪再進克路頂宗及喀木色爾取諸碉寨再進得博爾根山梁並攻克得瑪覺烏寨落攻公雅山十二月授定邊將軍以阿桂豐昇額副之進克明郭宗再進克底木達底木達者僧格桑父澤旺所居寨也師至俘澤旺極致京師誅於市而僧格桑奔大金川溫福檄索諾木令縛獻僧格桑不應上將進討大金川溫福等疏言前此張廣泗征金川十路七路分合不常實祇有六路皆以抵勒烏圍噶爾依爲主一爲卡撒正路自美諾至噶爾依約五程爲傳信進兵路一爲丹壩自維州橋紅番地抵勒烏圍約二十餘程中有穆津岡天險爲岳鍾琪進兵路一地名僧格桑自美諾抵噶爾依六七程仰總兵馬良柱所行路一爲革布什咱一爲馬爾邦皆距噶爾依六七程險狹難行一爲緝斯甲寨至勒烏圍三程至噶爾依亦三程均隔大河噶爾林立難攻此外又有俄城一路從緝斯甲寨至勒烏圍僅二程路較平今當由卡撒正路進兵其俄城一路既有緝斯甲土司願出兵復其侵地可爲犄角其餘各路分兵牽制使不能兼顧於是溫福自功噶爾拉入阿桂自當噶爾

拉入豐昇額自緝斯甲布入溫福性剛愎不廣咨方略惟襲訥親張廣泗故事以碉卡攻碉卡修築千計所將兵二萬餘強半散在各碉卡每逾數日當奏事即督兵攻碉卡卒多傷亡咨怨無聞志溫福日置酒高會參贊伍岱曰焉有爲帥若此而能制勝者因密疏聞上溫福亦疏劾伍岱上命豐昇額及額駙色布騰巴勒珠爾按治溫福又言色布騰巴勒珠爾朋比傾陷上爲奪伍岱職令噶爾拉賊阻險不得進別取道攻黃嶺駐軍木果木令提督董天弼分軍屯底木達木果木底木達皆故小金川地索諾木陰使小金川頭人煽諸降番使復叛諸降番以師久頓不進遂驚起應之先攻底木達天弼死之次劫喇嘛溝襲木果木溫福不嚴備山後要隘賊突薄大營奪砲局斷汲道時大營兵尙萬餘運糧役數千爭避入大營溫福堅閉壘門不納糧而潰聲如城堤於是軍心益震賊四面蹂入溫福中槍死各卡兵望風潰散參贊海蘭察聞警赴援殿餘兵自問道出小金川地盡陷上初聞溫福死詔予一等伯爵世襲罔替祀昭忠祠

清史稿

列傳一百十三

六

既劉秉恬海蘭察高勒津各疏言溫福債事狀命奪伯爵予三等輕車都尉世職四十一年命併罷之子勒保永保皆有傳
論曰金川再亂開泰阿爾泰皆主以番攻番遲迴坐誤桂林有宋元俊不能用反饋乞之擁兵不進阿爾泰與元俊劾桂林此其意以軍國爲重不屑屑阿貴近疏卑遠宜若可成功乃坐蜚語敗溫福銳進似勝開泰輩乃又剛愎有董天弼不能用予兵至少令僻處軍後卒致債潰徒以身殉豈不惜哉

清史稿

列傳一百十四

劉藻

楊應琚

明瑞

劉藻字素存山東荷澤人初名玉麟以舉人授觀城教諭乾隆元年薦舉博學鴻詞試一等授檢討更名累遷左僉都御史圓明園工興疏言園工不過少加補葺視前代飾臺榭之觀者度越何啻萬萬臣愚以為奢靡之漸不可稍開乞皇上慎始慮終為天地惜物力為國家培元氣來歲諸工酌量停減上嘉納遂通政使六年擢內閣學士督江蘇學政尋以高郵諸生求賑而閩左授宗人府府丞藻居揚州候代有吳之勳者以文求教藻行饋精魚受之中途發視得白金四百藻畀兩淮運使朱纘暉還之勳上聞諭曰如此方不愧四知旋乞養歸孝賢皇后及長皇子定安親王喪藻詣闕入見會大學士張廷玉乞歸失上指因獎藻謂其知君臣休戚相關大義以媿廷玉加藻內閣學士銜賜人蔭二斤命歸養母喪終二十一年授陝西布政使二十二年擢雲南巡撫加太子少

清史稿

列傳一百十四

保兼領貴州巡撫二十九年例行大計巡撫圖爾炳阿未至藻疏請先期舉行上嘉之旋授雲貴總督三十年疏言年來木梳野匪與緬甸所屬木邦構對又與耿馬土司毗連自木邦至滾弄江應設卡防守請於各土司就近派撥詔如所請三十一年移湖廣總督未行尋奏副將趙宏榜等赴孟連耿馬勦逐莽匪鎮臣烏爾登額赴滾弄江口臣於普洱思茅各隘調度又奏言由小猛崙進攻九龍江橄欖場諸寨多斬獲惟參將何瓊詔遊擊明浩派赴整控江防禦冒昧渡江遇賊敗沒尋奏瓊詔等未死請治貪功輕進之罪上以瓊詔明浩等遇賊敗逃又復妄言敗沒此法所難宥藻反稱冒昧貪功輕進何憤憤乃爾詔言藻本書生軍行機宜非其所習朕不責以所不能至調度賞罰並可力為籌辦乃外謬若此豈堪復勝總督之任因左授湖北巡撫命楊應琚代往復諭應琚未至藻當寔力經理若自以為五日京兆致誤事機必重治其罪部議奪職留雲南効力藻聞上怒惶迫自殺巡撫常鈞疏報上令應琚至普洱為求醫治療傷平傳旨速問常鈞旋奏藻死上復詔責其張皇畏葸旅櫬歸葬不得葬其家立

碑書歷官事實三十二年巡撫鄂軍奏言緬甸本非瑞體之後乾隆十八年木梳頭目變籍牙逐其酋莽打喇而自立夷人遂呼緬甸為木梳或呼緬或呼莽非二種也

楊應琚字佩之漢軍正白旗人廣東巡撫文乾子應琚起家任子乾隆初自員外郎出為河東道調西寧道巡撫黃廷桂薦其才高宗曰若能進於誠而擴充之正未可量也累遷至兩廣總督先後疏請練水師籌軍食修灘水陡河堤壩貯柳桂慶梧餘鹽皆如所請行進羅貢使毀傷通事其國王鞠實擬罰錢遣使牒禮部應琚曰屬國陪臣無上交好語諭遣之稱旨二十二年移閩浙總督二十三年加太子太保二十四年移陝甘總督疏言伊犁底定宜先屯田留兵五千擊特諾果爾長吉羅克倫復以陝甘非一督能治請更西安總督為川陝總督四川總督為巡撫甘肅巡撫為總督上遂命應琚督甘肅陝西提鎮受節制進太子太師嘗募巴爾楚克回戶治多蘭溝渠擊喀喇沙爾以西各臺又增置兵備道總兵分駐阿克蘇葉爾羌二城遂為重鎮應琚奏辦屯墾遣兵購畜部

清史稿

列傳一百十四

署紛煩至是疏自言其非請因利乘便規久遠帝嘉納下其疏示中外二十九年移駐肅州拜東閣大學士三十一年緬甸大入邊滇事棘緬酋莽達拉自為木梳長所篡擊敗貴家木邦貴酋官裏雁奔孟連時應琚子重毅為永昌知府誘殺之木曾亦走緬益橫入犯思茅上移應琚雲貴總督視師應琚至楚雄緬人漸退師乘間收復應琚往孟良整頓正經界集流亡釐戶口定賦稅而令召丙叭先俸分據之請賞給三品指揮使上以為能賜珍物官其孫茂齡藍翎侍衛又使人誘致孟密孟養蠻暮令獻地實則地懸緬境內附特空言諸將希應琚指爭謂緬勢孤易攻取應琚初猶弗聽曰吾官至一品年踰七十復何所求而以貪功開邊衅乎副將趙宏榜怨思之遂下道鎮府州合議亦謂寇勢大邊衅不可開總兵烏爾登額阻尤力應琚滋不憚永昌知府陳大呂懼更初議應琚迺往永昌受降並為文檄緬修言水陸軍五十萬陳境上不降即進討緬遂大發兵溯金沙江而上其時宏榜頓新街卻走應琚聞警即遣疾上命楊廷璋往代遣侍衛傳靈安攜御醫往診並諭其子江蘇按察使重其寶慶知府重毅

省視比廷璋至而疾已愈乃令諸軍進擊總兵朱崙出鐵壁關攻楞木不克寇勢益張提督李時升告急應瑞不報緬陽議款遂以楞木大捷入告而緬已漸入戶撤時總兵劉德成擁兵于岸飲酒高會時升屢趣應瑞遣緬甯通判富森持令箭督戰德成始抵番遠緬懼擊其後潛引去應瑞仍以捷聞緬甸復入猛卯參將哈國興等引瀾砲械多遺失應瑞又報捷並傳令朱崙兼勦撫陰示以和議事緬果累乞和諭歲奏言緬甸曾弟下坑率新涉逃乞款附懇子費暮新街互市上察其偽數詞責嗣木邦告警國興軍抵蠻寇欲退應瑞又以復新街奏上視所進地圖疑寇既屢敗何以尙據內地土司境降旨駁詰會福靈安先被命廉軍事具言宏榜諸人失守狀應瑞亦勸德成等遲留不進於是俱逮問而以楊甯爲提督且以應瑞不勝任召明瑞代統其軍明瑞至首發其欺因罪謂誤木緬別爲一事尤妄誕鄂甯亦糾其掩敗爲勝應瑞恐遇上言大舉征緬調湖廣川滇軍五萬五路並進請救選羅夾攻朝論皆斥之未幾詔速問賜死重毅亦坐管殺人棄市重英初至雲南隱以監軍自居嗣爲鄂寧所劾

清史稿

列傳一百十四

三

命以知府從軍明年軍士患飢緬味詐媾和參贊珠魯訥遣重英往報被執上以重英且降緬下其子長齡獄已緬歸俘卒寶貝葉書附重英書乞罷兵拒弗納四十一年緬出都司蘇爾相議和仍弗許五十二年緬聞暹羅受封乃款關求貢並還重英重英陷緬後獨居佛寺踰二十年未改中國衣冠上大悅進道員釋長齡出獄比以蘇武之節御製蘇楊論旌之俄病卒蘇爾相甘肅靈州人自行伍從征緬甸金川有勞累遷雲南奇兵營都司三十五年雲貴總督彰寶以緬甸表貢久不至遣爾相齎檄往諭被留迫使上書阿桂中表貢之議上謂爾相且降緬命甘肅巡吏執爾相妻致京師子一女二死於獄妻死於道四十年緬始送爾相還上命阿桂傳諭令其詣京師引見授游擊賜詩亦比以蘇武累遷騰越鎮總兵兼署雲南提督卒

明瑞字筠亭富察氏滿洲鑲黃旗人承恩公富文子自官學生襲爵乾隆二十一年師征阿睦爾撒納明瑞以副都統銜授領隊大臣有功擢戶部侍郎授參贊大臣於公府加毅勇字號承恩毅勇公二十四年師征霍集占復有功賜雙

眼花翎加雲騎尉世職師還圖形紫光閣擢正白旗漢軍都統二十七年出爲伊犁將軍進加騎都尉世職三十年二月烏什回爲亂駐烏什副都統素誠自戕亂回推小伯克賴黑木圖拉爲渠拒守明瑞遣副都統觀音保往討而帥師繼其後烏什回二千餘出禦明瑞與觀音保力戰破之奪砲台七賊入城師合圍明瑞疏陳素誠狂縱激變及參贊納世通唐回民阻援師副都統弁塔哈掩敗妄奏諸狀上尙書阿桂至軍按誅納世通弁塔哈賊夜襲我軍我軍詢知之預爲備射賴黑木圖拉殪賊擁其父額色木圖拉爲渠明瑞以兵六百餘夜携雲梯薄其城不克則毀其堞且斷汲道賊待阿富汗援不至乃縛獻額色木圖拉等四十二人降明瑞悉斬之其脅從及婦稚萬餘送伊犁烏什平上以明瑞得渠魁未詳嗣爲亂狀亂回至圍急始縛獻首惡不可輕宥所措置皆不當與阿桂同下部議奪職命留任旋條上善後事如所請是時緬甸爲亂犯邊總督劉藻戰屢敗自殺大學士楊應瑞代爲總督師久無功賜死三十二年二月命明瑞以雲貴總督兼兵部尙書經略軍務明瑞議大軍出永昌騰越攻宛頂

清史稿

列傳一百十四

四

木邦爲正兵遣參贊額爾登額出北路自孟密攻老官屯會於阿瓦十一月至宛頂進攻木邦 迺留參贊珠魯訥按察使楊重英守之率兵萬餘渡錫滄江攻蠻結寇二萬立十六寨寨外浚溝溝外又環以木柵列象陣爲伏兵明瑞統兵居中領隊大臣札拉豐阿李全據東山梁觀音保長青據西山梁賊突陳西出觀音保長青力戰明瑞督中軍進殺賊二百餘賊退保柵明瑞令分兵爲十二隊身先陷陣目傷猶指揮不少挫賊陣中羣象反奔我兵毀柵進無不一當百有貴州兵王連者舞藤牌躍入陣衆從之縱橫擊殺賊二十餘俘三十有四賊遁走捷聞上大悅封一等誠毅毅勇公賜黃帶寶石頂四團龍補服原承恩公昇其弟奎林札拉豐阿觀音保勸明瑞乘勝能兵明瑞不可師復進十二月次革龍地逼天生橋渡口賊踞山巔立柵明瑞令別軍出大道若將奪渡口而督軍從間道繞至天生橋上游乘霧徑渡進據山梁賊驚潰俘賊二千餘復進至象孔糧垂罄欲退慮額爾登額師已入聞猛籠土司糧富且地近猛密冀通北路軍消息乃移軍猛籠賊尾我軍後至章子壩我軍且戰且行明瑞及觀

音保等殿日行不三十里至猛籠已歲際土司避匿發密粟二萬餘石駐三日復引軍趨猛密人持數升粟焚其餘積賊隨我軍行至夕駐營初相距十餘里賊詢我軍飢疲經營化我軍屯山嶺賊即營山半明瑞謂諸將曰賊輕我甚不一死戰無噍類矣賊識我軍號明日我軍傳號若將起行則盡出營伏簪待明且賊聞聲蟻附上山我軍突出發槍砲賊反走乘之斬四千有奇自此每夜遁屯二十里外明瑞令休兵六日賊柵於要道我軍攻之不能拔得波竜人引自桂家銀廠舊址出上聞明瑞深入命全師速出詔未達二十三年正月賊攻木邦副都統珠魯訥師潰自戕執重英以去額爾登額出猛密阻於老官屯月餘引還繞從小龍川緩行巡撫鄂寧檄援不應於是明瑞軍援絕而賊自木邦老官屯兩道並集二月至小猛育賊屬聚五萬餘我軍食罄殺馬以食火藥亦竭槍礮不能發明瑞令諸將達與阿本進忠分隊潰圍出而自爲殿血戰萬寇中札拉豐阿親音保皆死明瑞負創行二十餘里手截髮授其僕歸報而縊於樹下其僕以木葉掩尸去事聞上震悼賜祭葬諡果烈建旌勇祠京師諸將

清史稿

列傳一百十四

五

死事者札拉豐阿親音保李全王廷命並祀珠魯訥以自戕不與額爾登額及提督譚五格坐失機陷帥速詣京師上廷鞠用大逆律磔額爾登額囚其父及女並族屬戍新疆譚五格亦乘市而以其明日祭明瑞及札拉豐阿親音保上親臨奠明瑞無子以奎林子惠倫爲嗣襲爵自侍衛累遷奉宸院卿嘉慶初勦教匪湖北自荆門宜城遂賊入南漳山中賜玉搬指荷包復逐賊至長坪射賊渠殪餘賊兢集中鎗死賜白金三千

論曰豫起詞科以廉被主知陟歷中外應昭持節臨邊著聲績要皆不習軍旅措注失條理事敗身殉明瑞深入度敵不可勝遺諸軍徐出而躬自血戰誓死不反顧功雖不成忠義凜烈足以警敵矣

清史稿

列傳一百十五

常青

藍元枚

鄂輝

舒亮

常青佟佳氏滿洲正藍旗人父安國官至江西巡撫常青自寧郡王府長史累遷察哈爾都統杭州福州將軍五十一年署閩浙總督諸羅縣民楊光勳與其弟爭家業糾眾立會縣吏捕治不服常青令按察使李永祺往按上以尋灣在海外不可輕縱諭勿使蔓延疏脫尋實授閩浙總督十二月林爽文亂起陷彰化知縣俞峻死之常青檄水師提督黃仕簡自鹿耳門進副將丁朝雄從海壇鎮總兵郝壯猷自淡水進都司馬元勳屯鹿仔港分道部署復如泉州會陸路提督任承恩調度令金門鎮總兵羅英策詣廈門彈壓尋復令承恩自鹿耳門繼進五十二年奏賊陷諸羅尋灣鎮總兵柴大紀堵賊勢稍沮爽文漳州人其徒率漳籍移會兩廣督臣防範上責其張皇授李侍堯閩浙總督而移常青

清史稿

列傳一百十五

一

湖廣既又命常青渡臺視師四月至尋灣勦任簡承恩遠延觀望擁兵自衛壯猷守鳳山賊至棄城走諭承恩罷任簡候命而誅壯猷遂授常青爲將軍賊攻府城常青督諸軍禦戰有所俘賊賊攻桶盤棧令遊擊蔡攀龍等分駐力禦奏入上以常青年逾七十能如此勇往督戰手詔嘉獎授其子刑部筆帖式喜明三等侍衛馳驛往省並賜御用搬指旋奏爽文還大里杙舊巢其徒莊大田等萬餘人分擾南路擬先南勦大田乃北取爽文上陸之下部優叙旋奏勦賊南潭殲賊六百餘爽文之徒莊錫舍出降擒僞軍師番婦金娘請檻軍送京師上命授錫舍守備又奏進勦鳳山出城未十里賊三面並進官兵奮勇擊退賊勢蔓延請厚集兵力遣大臣督戰上命陝甘總督福康安往視師旋奏賊犯府城爲丁朝雄擊退官軍攻莊大田於南潭殺賊二百餘大營距府城未遠勢相犄角無後顧之虞得旨嘉獎賜雙眼孔雀翎旋迭奏鹽水港笨港均爲賊據糧道既斷諸羅勢甚危令總兵魏大斌赴援戰失利又令遊擊田藍玉援大斌上以兵分力薄飭常青調度失當又諭常青駐軍桶盤棧距南潭不過五里不

將賊目莊大田先行剿除乃結膏自守肘腋之間任其逼處八月命福康安為將軍督諸將海蘭察普爾普等大出師討爽文諡常謂非責其師無功特以年已七十軍旅非所素習福康安未至仍當相機進剿旋奏賊自南漳來攻侍衛烏什哈達等擊敗之因雨後路滑收兵又進攻南漳焚草寮數百間以天晚山徑偏仄不便深入諡謂賊所居草屋也上以其屢稱遇雨路仄收兵傳旨嚴飭上又聞賊洞知軍中暑濕多病常青機事不密又不督兵深入屢詰責旋奏總兵梁朝桂勦賊多斬獲提督柴大紀報諸羅圍急令副將蔡攀龍赴援上諭令親授大紀待福康安至合軍進攻旋奏同江寧將軍永慶等在竹筴厝等處殲賊甚眾山猪毛社義民尤捷獲礮一生擒賊目張招又奏總兵普吉保克月眉莊距諸羅五里令與大紀并力固守又令諸生劉宗榮等給番社土目札諭防賊竄匿屢得旨嘉許福康安渡臺灣上授常青福州將軍留辦善後令從將軍戴單眼孔雀翎福康安劾大紀貪劣狀上責常青徇隱奪職交福康安嚴鞠福康安旋以常青自承徇隱請交部治罪上特宥之召詣京師署鑲紅旗

清史稿

列傳一百十五

二

蒙古都統五十四年授禮部尚書鑲藍旗漢軍都統五十八年卒諡恭簡子明喜官至徐州鎮總兵常青初視師福州將軍恒瑞水陸二提督任承恩黃仕簡皆在行戰無功承恩仕簡以誤軍機坐斬臺灣平救出獄仕簡至狼山鎮總兵承恩亦至副將恒瑞自有傳

藍元枚字簡候福建漳浦人提督廷珍孫父曰龍官福建銅山營水師參將元枚襲三等輕車都尉世職乾隆三十一年命發廣東以外海水師參將用補海門營參將累遷總兵歷臺灣金門蘇松三鎮四十九年授江南提督五十二年正月臺灣民林爽文為亂命元枚馳驛往泉州署福建陸路提督駐紮江策應至福州奏言師渡臺灣亂民潰散慮入內山與生番勾結上諭令速捕治俾盡根株水師提督黃仕簡率兵討爽文坐逗留奪官以命元枚並賜孔雀翎授參贊趣率兵渡鹿仔港會總督常青進討六月元枚率兵次鹿仔港與總兵普吉保師會即夜師分道自柴坑仔大武壠入殺賊甚眾上嘉之賜雙眼孔雀翎元枚所將止浙江兵二千奏請益師上命總兵李侍堯發福建兵二千廣東兵二

千益元枚時總兵柴大紀堅守諸羅元枚使告大紀期會兵攻斗六門戰阿棟社戰埤頭莊大肚溪屢殺賊復進攻西螺焚條圳塘中蒲厝諸地賊莊元枚族人啓能等七十九人自賊中出使為導元枚奏聞並言如察出啓能等已從賊當立誅上嘉其公當賜緋絲蟒袍上佩荷包並諭啓能等既來歸前此已否從賊不須追詰諸羅被圍已兩月大紀屢就告急上屢趣元枚赴援諭廷珍平朱一貴七日而事定元枚當效法其祖母負委任七月元枚病作八月賊自竹子脚大肚溪柴坑仔三道來攻元枚力疾出戰病益劇越十日卒於軍贈太子太保發白金千兩治喪賜祭葬諡毅元枚諡同廷珍時稱小襲殺以別之蔡攀龍福建同安人自行伍屢遷至福建澎湖右營遊擊乾隆五十一年林爽文為亂巡撫徐嗣曾檄詣軍五十二年賊破鳳山總兵柴大紀令督兵捕治賊攻臺灣府城攀龍出戰屢破賊屯西園莊攀龍率諸將瑚圖里丁朝雄分道攻之殺賊三百賊復攻府城總督常青令攀龍率諸將孫全謀黃象新等禦賊賊乘東南二門攀龍等力戰殺賊數百奪九節礮論功擢北路協副將賜孔雀翎

清史稿

列傳一百十五

三

翎賊復至攀龍督戰復殺賊三百餘子強勝巴圖魯名號七月常青令攀龍授柴大紀諸羅上命授海壇鎮總兵攀龍師至鹽水港分八隊以進兩大至賊乘兩合圍諸將賞林揚起麟杭富皆戰死會大紀以師來迎攀龍及全謀兵不及千人偕運饑民三千人入諸羅復出城殺賊總督李侍堯聞攀龍兵建諸羅未知賞林等戰死狀謂諸羅圍已解入告上擢攀龍陸路提督參贊軍務賞林起麟全謀並遷官俄侍堯復疏陳上命郵戰死諸將福康安既解嘉義圍疏勦大紀因言攀龍軍嘉義西門外並無出城殺賊事自請奪職擬請令還海壇本任上謂攀龍屢戰有功其過尙可寬五十二年速大紀治罪移攀龍水師提督師攻大武壠令攀龍駐紮臺灣溪文既擒其弟勇及賊渠莊大田猶窺伺府城攻灣裏溪斷斷府城道福康安遣攀龍分道進攻頗有斬獲事平圖形紫光閣列前二十功臣上自為贊許為臺灣戰將中巨擘師還諸將賞攀龍平庸福康安亦言未能勝任左遷江南狼山鎮總兵嘉慶二年卒梁朝桂甘肅中衛人乾隆三十七年以中衛營外委從征金川先後攻克路頂宗布朝郭宗及功噶爾拉

了口昔嶺阿喀木雅三十九年克湖普進攻喇嘛山梁奪日了口四十年
剿勒吉爾博塞先登被創四月攻木思工噶克山潛師入盡克其城喇嘛薩
爾玉了口山十月克西里山錄功賜孔雀翎累陞陝西潼關協副將金川平列
五十功臣圖形紫光閣累陞甘肅肅州鎮總兵坐事罷復起自福建福寧鎮移
廣東高廉鎮五十二年臺灣林爽文爲亂莊大田應之別爲南路賊朝桂率兵
敗大田於葛松斬馘二百餘賊衆數千犯大營擊却之斃賊三百將軍常吉慮
南路賊北擾諸羅檄朝桂堵禦連敗之南潭中州十三里莊殲數百人九月常
吉移師北路剿爽文以朝桂守臺灣府城賊來犯擊走之其冬援參贊恒瑞於
鹽水港燬賊寮賜號奮勇巴圖魯復同恒瑞自鹿仔草進剿鎮平莊受創力戰
敗賊時提督柴大紀被圍諸羅急朝桂欲馳援恒瑞不聽大紀以聞帝令將軍
福康安察奏會福康安抵鹿仔港檄朝桂仍駐守鹽水港及鹿仔草五十二年
春就擢福建陸路提督檄麻豆莊大武隴屯賊通郡城要道大田時據大武
隴拒守朝桂自茅港尾繞至阿里港迎截復赴打狗竹仔各港口截其走路大

清史稿

列傳一百十五

四

田力不支自牛莊竄極南之耶嶠負山阻海福康安自鳳港進至柴城分六隊
直逼海岸與朝桂環攻之大田及他賊目四十餘悉就擒臺灣平再圖形紫光
閣金門巡洋艦被劫以朝桂不能戢盜移廣西再移湖廣卒普吉保札庫塔氏
滿洲正黃旗人乾隆三十年以藍翎侍衛從軍征烏什有功補三等侍衛三十
七年從參贊大臣舒常攻日旁有功三十九年從副將軍豐昇額攻凱立葉山
進抵迪噶拉穆札山賊分三隊普吉保偕侍衛瑪爾占等夾攻斃賊無算賜衝
捷巴圖魯名號四十年攻噶爾丹寺諸地連破木城石碉上獎普吉保勇往累
擢福建汀州鎮總兵林爽文爲亂總督常青檄普吉保會勦五十二年率水師
渡臺灣迭破賊鹿仔港八卦山上嘉其奮勉爽文見師至退守斗六門大里社
普吉保以師進爽文攻諸羅赴援抵笨港率遊擊海亮等殲賊數百燬賊莊七
得旨嘉獎賜玉搬指荷包蟒袍笨港潰賊糾衆截我兵普吉保擊斬甚衆嗣以
駐兵元長莊月眉莊不進旨嚴飭尋攻大埔林收復斗六門爽文竄內山普吉
保從諸將徒步陟山搜捕五十三年以兵扼料仔坑口合圍俘爽文南路莊大

田亦就擒臺灣平圖形紫光閣普吉保初克鹿仔港以福康安疏薦授臺灣總
兵明年上念臺灣定初慮普吉保不能勝命解任尋授廣西左江鎮坐責把總
黎振乾投水死戌伊犁卒

丁朝雄字伯宜江蘇通州人自行伍累擢福建臺灣水師副將乾隆五十一年
以任滿赴部引見至省城聞林爽文亂起朝雄策東港與鳳山犄角爽文所必
爭白總督常青請兵屯東港斷其糧道常青不能用遣朝雄還臺灣佐海壇鎮
總兵郝壯猷討爽文五十二年春壯猷偕朝雄率兵二千餘擊賊三百俘二
十五日將暮賊復來攻朝雄復殺賊百餘賊始去攻鳳山朝雄乘東門首諸軍
入鳳山遂復黃仕簡檄朝雄守安平海口賊攻府城朝雄偕知府楊廷樺督兵
民力禦賊攻桶盤棧朝雄爲前鋒出戰臺灣道永福同知楊廷理率兵民繼復
殺賊百餘賊敗走冬朝雄偕遊擊倪寶率兵千二百義民二千餘攻東港東港
賊數萬其渠吳豹以海岸淺度舟不能至不爲備朝雄遣謀以水注賊壘乘兩
至水漲遣兵民分道登岸殺賊俘豹以兵寡不能克報常青請益兵常青令駐

清史稿

列傳一百十五

五

港口護餉道既令攻竹仔港燬賊舟五十二年春復攻東港仍遣謀以水注賊
壘督兵攻渡口賊驚竄逐三十餘里乃倚山而軍賊夜來犯朝雄戒勿動及曉
賊倦掩擊大破之爽文遣其徒來援朝雄築壘困之賊潰圍出設伏斷其歸路
而自將追之大破賊遂復東港福康安上其功授海壇鎮總兵既福康安劾柴
大紀受陋規言朝雄爲安平協副將時亦有此當奪職戍軍臺上以朝雄攻東
港戰有功命留任林朝雄林明灼者海盜渠也五十四年朝雄巡洋至汜澳破
盜巢得船舵等而明港拒殺參將張殿勳上責總督伍拉納伍拉納以屬朝雄
督舟師出海遇諸大麥洋俟其近發大礮斃數艘明港窮蹙躍入海官軍鈞致
俘以歸五十五年追諭朝雄在臺灣失察天地會邪教當奪職上諸伍拉納朝
雄在官狀伍拉納言朝雄督水師捕盜有勞命還任五十八年攝水師提督五
十九年入覲至清江浦病篤乞罷歸卒於上海舟中

鄂輝碧魯氏滿洲正白旗人自前鋒分發四川試用守備七遷建昌鎮總兵從
大學士阿桂定蘭州回亂子法什尙阿巴圖魯名號再遷成都將軍五十二年

署四川總督將軍福康安討葛灣亂民林爽文上命鄂輝率四川屯練降番濟師尋授參贊從渡海援嘉義鄂輝屯東莊溪橋攻克牛欄山竹柵嘉禾圍解逐賊至大排竹殲之師攻斗六門賊自山下撲鄂輝督兵衝賊奔逃攻克大埔林大埔尾二莊賊潰爽文自所居大里杙奔內山番界鄂輝逐之至集埔五十二年春調知爽文所匿地曰東勢角福康安督鄂輝及舒亮追捕自歸仔頭至麻著社分軍鄂輝自撰仔離東山路進舒亮直取東勢角是役遂俘爽文亂乃定上命葛灣嘉義立諸將帥生祠鄂輝與焉師還圖形紫光閣賜雙眼孔雀翎雲騎尉世職鄂輝朝熱河行在廓爾喀侵西藏據濟噶拉木諸地上促鄂輝還四川與提督成德帥師赴援又命侍郎巴忠往按巴忠先嘗為駐藏大臣習藏事示意噶布倫令路廓爾喀返侵地鄂輝等遂與議和疏陳善後事尋授四川總督五十六年廓爾喀渝復侵濟噶拉木諸地上命將軍福康安督師討廓爾喀責鄂輝誤用巴忠議致復生事奪官予副都統銜駐藏總福康安指揮福康安令督餉工部尚書和琳劾鄂輝得廓爾喀貢表不以上聞命奪副都

清史稿

列傳一百十五

六

統銜速赴前藏荷校示罰五十八年命還京師授拜唐阿加員外郎銜遷熱河總管嘉慶初命以待衛詣荆州從勦教匪戰有功以都統銜加太子少保授湖南提督屢破賊與額勒登保等攻克石隆山斬賊渠石柳鄧封三等男二年擢雲貴總督三年卒諡恪靖祀賢良祠四年追論在湖北軍中受餽白金四千罷祀

舒亮蘇佳氏滿洲正白旗人自前鋒累遷參領師征金川舒亮從副都統齊里克齊率健銳營為裨將攻穆谷舒亮伏山下待賊殺賊甚眾攻卡角賊匿山溝舒亮於密箐中望見火光以火器就擊之賊驚潰以功累遷鑲黃旗滿洲副都統從克噶拉依賜穆騰額巴圖魯名號師還圖形紫光閣四十六年大學士阿桂討撒拉爾亂回蘇四十三舒亮從初至破賊華林山賊掘濠設卡以自固阿桂令海蘭察自山西攻賊卡舒亮自南山進當賊鋒賊競山射舒亮傷左股舒亮拔箭裹創復戰奪賊卡四殺賊百餘又與海蘭察調賊不備以土囊填濠度軍殲守濠賊復奪十餘卡蘇四十三既誅復勦華林寺餘匪事平還京師林爽

文之亂福康安出視師舒亮以正黃旗護軍統領為領隊大臣至嘉灣福康安軍道笨港救嘉義令舒亮出別道分賊勢賊方據北大肚山拒我舒亮迎擊敗之連破南大肚王田瀨酒半山坑子諸莊遂克烏口莊會福康安軍夾擊解嘉義圍五十三年爽文竄匿東勢角福康安督舒亮等追速令舒亮直取東勢角山徑峻險將卒皆步上殺賊二千餘爽文復走老衢崎舒亮督諸軍急進獲之亂遂定上以葛灣遠在海外主客民難處風俗素悍命於府城及嘉義立諸將帥生祠示威德祠成命並在事疆吏首福康安次海蘭察李侍堯普爾普鄂輝徐嗣曾而以舒亮殿焉尋授鑲紅旗蒙古都統師還命監爽文及其徒賴大等生致京師賴大道病舒亮令誅之不稱上意命仍為護軍統領叙功子雲騎尉世職再圖形紫光閣出為荆州黑龍江將軍在黑龍江坐私市貂皮奪官削斬賊渠攻當陽先登額中鎗奮進殺賊千餘獲其酋遂克當陽賜孔雀翎授鑲藍旗漢軍副都統自銷祥分竄唐鄧設伏呂復驛西竄賊殲焉乃合兵逐東竄

清史稿

列傳一百十五

七

賊戰草店復中鎗資銀絲合荷包旋以縱賊渡滾河奪孔雀翎巴圖魯二年坐賊渡漢江降三品頂戴三年復以總督勒保勦賊不力奪官以兵丁留軍尋卒

論曰林爽文亂起常青及福州將軍恒瑞並水陸二提督躬率師東渡徘徊禁誤高宗府柴大紀誅郝壯猷欲以激勵諸將繼以元枚代功未竟而卒終煩禁旅始克底定承平久水陸諸軍不足用不得獨為大紀罪也鄂輝舒亮從福康安出師與攀龍朝雄皆有戰績然大紀力保危城當時聲譽遠出諸將上功名之際有幸有不幸固如是夫

宋元俊字旬芳江南懷遠人以武進士授四川成都營守備遷懷遠營都司乾隆二十年孔撤麻書兩土司構殺金川納斯甲布兩土司乘隙為亂元俊為撫定集孔撤麻書金川納斯甲布革布什咱額沃白立章谷騰對諸土司斷曲直使頂經立誓累遷早和營游擊二十九年金川土司郎卡侵丹壩納斯甲布兩土司請土司請兵署總督阿桂提督岳鍾琪奏令元俊偕署副將長清諭各土司合兵進剿移涼臘營參將坐事左遷三十五年小金川土司澤旺之子僧格桑掠鄂克什阿桂檄元俊宣諭僧格桑還侵地及所掠番民復補早和營游擊三十六年革布什咱額沃人結郎卡子索諾木據革布什咱官寨戕土司策楞多布丹總督阿爾泰復令元俊往宣諭小金川圍鄂克什達木巴宗侵明正土司據納頂寨元俊與參將薛琮都司李天佑率兵討之收納頂寨進攻索布大寨

琮率兵自山梁潛度元俊與天佑渡河夾擊獲石卡十八屢戰皆捷明正土司碉寨七百餘盡復師入小金川境取噶中拉莫如納扎功拉等地進克納阿爾泰及侍郎桂林以聞擢松潘鎮總兵師攻印木賊據喇嘛寺為固元俊及守備陳定國攻破之盡收所屬城卡碉寨據喇嘛多山梁師復進天佑定國攻西山梁元俊同侍衛六十一參將巴克坦布等自喇嘛寺繞攻郭松參領普甯自西山麓沿河攻印木侍衛哈青阿及琮自東山麓攻卡了師行以夜半戰自卯至己卡了郭松印木皆克賜元俊孔雀翎三十年師改革命什咱元俊請於桂林分兵為五道一自郭宗濟野宗攻木巴拉博租一自章谷渡河夾攻俾賊前後受敵兩軍既合先據默資溝截金川來路進取吉地官寨一自巴旺之高石嘉舉諸山分道攻薩瑪多監藏布覺取吉地一自茂紐攻沙衝一自喀勒塔爾攻黨哩會兵取丹東策定元俊及游擊吳錦江等自章谷渡河據格藏橋哈青阿天佑出郭宗濟野宗兩隊軍夾攻賊斃潰透克木巴拉博租薩瑪多監藏布覺諸地進克吉地官寨及默資溝參將常泰等克黨哩都司李天貴等克沙衝

元俊復克丹東復革布什咱地三百餘里民戶二千餘桂林遣陳定國調納斯甲布兵駐軍界上備調遣上責桂林不令元俊乘勝取金川元俊旋與散秩大臣阿爾泰劾桂林欺誑及諸罪狀上為奪桂林職令阿爾泰署四川總督命額駙尚書公福隆安按治未至詔元俊督兵赴納斯甲布率土兵進攻金川元俊奏自戰失利士氣消沮見在兵力不足并按兩金川請救調湖南湖北山西甘肅兵二萬分三道進軍計兩月可竟事上以元俊請益師未免張皇令福隆安會阿爾泰阿桂與元俊詳悉嚴計上諭軍機大臣謂元俊能治事熟番情但其人似狡猾好事當留意駕馭尋福隆安疏陳所劾桂林狀不實上以方進兵元俊熟番情諸事不必窮究惟言桂林以白金買金川贖被掠官兵罪最重今汪承需自承出其意承需以曹司從軍不當與其事當詰汪騰龍成信謙福隆安復疏言騰龍以金鳳王萬邦待巴旺布拉克歸迷道官兵予金為賞元俊誘萬邦令其札言桂林使贖被掠官兵事為元俊陷上乃怒責元俊狡負恩命奪職逮問籍其家參贊阿桂疏言元俊在川日久熟番情為近邊土司所信服諸將能取番無出其右臣遇事多與詢商冀收指臂之效乞恩仍留軍中倘奮勉出力使詐使貧原所不廢如剛愎逞私印據實嚴劾上命留總兵還所籍財產元俊同副都統永平博靈阿等潛赴墨壩進至羣崢乘月督軍登山薄賊卡正大霧我師騰躍入卡克山梁三道碉卡二十有四進克格魯克古金川曾圍佔丹壩官寨納斯甲布土司發兵往助阿桂奏令元俊增兵往勦未行卒于軍元俊在邊久善馭諸土司往時資諸土司繕帛輒獻元俊必以善者諸土司皆喜元俊出行邊諸土司率妻子出謁界以茶菸簪珥視若家人稍不循法度即詞譴皆悚息聽命打箭鎗外夾壩出沒元俊至無敢犯行李者諸番小有動靜爭來告以故元俊諸所措置皆中窺要其得罪上亦知其枉既卒其子猶成邊四十一年金川平元俊部將張芝元請於阿桂謂元俊有功無罪徒以忤專閫被羅織語甚切阿桂為疏請赦其子還薛琮陝西咸甯人父翼鳳河南陽鎮總兵琮以廢生入巡捕營累遷四川涼州營參將阿爾泰討金川以琮從克納頂邊谷諸碉寨溫福代阿爾泰視師攻巴朗拉琮戰最力又克卡了取

通甲木攻阿仰東山總督桂林與都統鐵保提督汪騰龍將兵取墨壘溝令琮將三千人自甲木噶爾金後繞山道應大軍夾擊桂林中道引還卡了又撤鐵保騰龍令退琮深入糧盡待桂林不至桂林令都司廣著赴援賊據高峯曰博六古通險阻廣著師不得度琮督兵直進燬柵十餘每燬七十餘賊力拒琮督兵仰攻中槍沒於陳軍盡覆同死者都司張清士陳定國等二十五人阿桂破翁古爾壘立祠戰地祀琮等琮在諸將中號能戰元俊與最厚嘗與期且日會師孰後至當斬琮至後二刻元俊遺騎持刀呼取薛參將頭琮望見笑曰琮頭當與賊不與公也奮前奪數碼反元俊猶為琮請罪以功論贖乃已及桂林誤琮戰沒元俊憤激論劾卒以是得罪張芝元四川清溪人以千總從副將軍明亮征金川有功積官至越雋營參將金川會以番僧調軍事芝元言於明亮曰軍事每為賊知非去其謀賊無日矣會大風雪明亮命芝元率數十人偽若以他事出者宿番僧寺中芝元故通番語與僧飲甚歡僧醉眠芝元出寺乘柴焚之僧皆死賊謀斷因招降其衆尋從成都將軍特成額駐兵江卡捕夾壩圍

清史稿

列傳一百十六

三

肯本賊寨焚其燭燧賊甚衆擄懋功協副將聶淵林爽文為亂芝元率屯練降番佐軍參贊海蘭察等分攻大埔林中林大埔尾三莊芝元為策應賊據小半天山將軍福康安等自前山進芝元與領隊大臣普爾普領兵別為一隊夜半先發繞大山夾攻賊後黎明諸軍同抵山麓攀援上賊力拒芝元先登拔其柵斬獲無算并堵賊去路未幾爽文就擒聶淵林平擄建昌鎮總兵圖形紫光開列前二十功臣尋調松潘鎮總兵廓爾喀掠西藏濟喇拉木上命芝元率屯練降番往討之芝元至值大雪山谷皆滿芝元手大刀指揮士卒皆感激用命賊敗走廓爾喀再叛芝元借提督成德督兵攻聶拉木守拍甲嶺隘口斷賊援聶拉木遂下乘勝攻濟喇復克之賊懼乞降未幾卒五十八年論平定廓爾喀功再圖形紫光開列後十五功臣芝元少以小校事元俊後乃雪元俊任人以是多芝元亦益賢元俊能知人也

董天弼字霖蒼順天大興人自武進士授四川提標前營守備乾隆初師征金川天弼在軍有功累遷維州協副將金川會耶卡攻丹壩土司天弼偕游擊宋

元俊諭耶卡歸所掠毀所築碉兵罷還松潘鎮總兵旋擢四川提督郭羅克部劫西藏入貢喇嘛上命天弼按治未得其渠詔責其苟且三十五年小金川土司澤旺子僧格桑為亂攻鄂克什土司色達克拉圍其寨天弼督兵駐達木巴宗檄僧格桑飲兵退色達克拉以其寨糧盡乞徒達木巴宗天弼與總督阿爾賽議留兵戍焉三十六年僧格桑復圍達木巴宗並略木耳宗巴朗拉諸地天弼自打箭鎗山邊徵省標及松潘雜州諸鎮協兵行至眠龍岡賊已得巴朗拉築抗卡為久守計且斷我兵路天弼議襲山神溝以解達木巴宗圍尋將四百人自山神溝至德爾密克碉七賊竄走再進取畢旺拉賊乘霧來犯土兵驚潰德爾密畢旺拉皆陷天弼疏請罪上以天弼所將兵本少總督阿爾賽不預策應援宥其罪諭以當奮勉再不努力獲罪滋重矣天弼復將五百人自木坪陟覽碩順山攻甲金達對面山梁取碉二天弼以鄂克什牛廠當要道分兵戍守廠賊駐軍其地乘勝上下截擊木坪鄂克什諸土司錯壤要隘皆為我軍有未幾賊復襲據牛廠上以阿爾賽師久無功奪官因責天弼始終貽誤與阿爾賽

清史稿

列傳一百十六

四

同罪奪官留軍中充伍如更退縮正軍法尋命下成都獄詔未至天弼以甲金達山峻不可上求間道得溝在兩崖間會大風雪天弼率兵自溝中潛度遂至達木巴宗擊僧格桑色達克拉潰圍山並克木耳宗迎溫福師與會上聞命貨死留軍中阿桂令天弼監火藥軍械三十七年師克資哩阿桂令天弼將五百人駐焉尋予副將銜授重慶鎮總兵命督兵赴會頭溝進至核磨後磨土婦請以千人從事聞賜花翎天弼督兵攻堪卓溝自問道出納雲達深入賊境五十餘里克山梁三破碉卡三十餘木城三迎溫福師會於布朗郭宗克大板昭木了寨得碉三十六卡十六上以溫福已得布朗郭宗進克底木達天弼所克不過空寨疏語頗鋪張手救戒之尋授領隊大臣三十八年復為四川提督時小金川已定溫福督師進討大金川令天弼以五百人守底木達溫福進駐木果木號大營底木達當賊來路為要隘溫福檄三百人益大營又去其後援時溫福以軍屢勝不以賊為意金川頭人七圖葛拉爾思甲布等以千餘人詐降溫福使與斯養雜處因誘諸降人為變趁底木達兵弱無後援六月乙丑朔潛自

山後擁衆攻底木達天弼率所部二百人抽刀力戰至夜半賊以烏槍數百環擊殺之越九日却大營溫福亦死焉上先命天弼駐丹墀旋命移駐布朗郭宗軍中傳賊來犯時天弼方屯美諾上命奪官速治總督劉秉恬疏言天弼自美諾馳赴底木達途遇賊右脅中槍死仍以貽誤軍事籍其家成其子舉人聯發伊犁金川既平獲七圖葛拉爾思甲布傳送熱河行在廷訊具言天弼死事時力戰狀乃敕聯發還授內閣中書

柴大紀浙江江山人自武進士授福建守備累擢至海壇鎮總兵移澎湖鎮乾隆五十一年十一月林爽文亂起爽文漳州人徙彰化所居村曰大里村時姦民相聚號天地會漳州人莊燦爲之魁爽文與相結謀爲變臺灣知府孫景燧馳詣彰化督知縣俞峻副將赫生額游擊歐世文捕治焚數小村以怵之爽文因民怨夜糾其徒來襲赫生額等皆戰死明日遂破彰化景燧亦殉焉傍攻諸羅鳳山皆陷大紀時以總兵守府城賊分道來攻大紀出駐鹽堤橋禦之擊沈賊舟數十鹹千餘五十二年春水師提督黃仕簡陸路提督任承恩先後赴援

清史稿

列傳一百十六

五

大紀出攻諸羅克之卽移軍守諸羅旋以守府城功賜花翎上以仕簡承恩師久無功授總督常青將軍渡臺灣視師爽文攻諸羅自二月至四月凡十至大紀督游擊楊起麟守備邱能成等出戰殺賊數千爽文之徒張慎微僞降大紀察其詐實諸法臺灣諸府縣皆編竹爲城不耐攻大紀以忠義率兵民誓堅守上嘉大紀勞賜荷包餅下部議叙六月授福建陸路提督仍兼領臺灣總兵鹽水港者諸羅通府城糧道也賊來攻大紀力禦之上促常青赴援予大紀壯健巴圖魯名號參贊軍務八月上以常青衰老不能辦賊命福康安爲將軍仍令大紀參贊而常青令總兵魏大斌援諸羅賊遂退駐鹿仔草復令總兵蔡攀龍援諸羅大紀出戰迎入城共守上移大紀水師提督而以陸路提督授攀龍十一月加大紀太子少保上以諸羅被圍久縣民困守奮力向義更縣名爲嘉義賊攻城益急上密諭大紀不必堅執與城存亡如遇事急可率兵力戰出城再圍進取大紀疏言諸羅居臺灣南北之中縣城四周積土植竹環以深濠濠上爲短垣置礮防衛堅固一旦棄之而去爲賊所得慮賊勢益張鹽水港

運道亦不能守且城廂內外居民及各莊避難入城者共四萬餘人助饑協守以至於今不忍將此數萬生靈付逆賊毒手惟有竭力保守以待援兵上手詔謂所奏忠肝義胆披覽爲之墮淚大紀被圍日久心志益堅勉勵兵民忍飢固守惟知以國事民生爲重古之名將何以加之因封爲一等義勇伯世襲罔替並命浙江巡撫琅玕予其家白金萬兩促福康安赴援十一月福康安師至嘉義圍解大紀出迎自以功高拜母賞又在圍城中空憊不具裝饘禮福康安銜之遂劾大紀詭詐深染綠營習氣不可倚任上諭謂大紀駐守嘉義賊百計攻圍督率兵力爲捍衛朕諭以力不能支不妨全師而出大紀堅持定見竭力固守不忍以數萬生靈委之於賊朕閱其疏爲之墮淚福康安乃不能以朕之心爲心乎大紀嘗奏賊以車載槍礮攻城今福康安言得賊攻城大車又委棄槍礮爲我軍所得足見大紀前奏不虛大紀又奏縣城食盡地花生俱罄以油糗充食當時義民助饑未必遽至於此但大紀望援心急以食油糗爲詞普吉保恒瑞兩軍尙復觀望不進若云猶有餘粟則兩路赴援更緩此時縣城存亡

清史稿

列傳一百十六

六

未可知安怪大紀過甚其詞耶大紀屢荷褒嘉在福康安前禮節或有不謹致爲所憎直揭其短福康安當體朕心略短取長方得公忠體國之道侍郎德成自浙江奉使還受福康安指訐大紀上命福康安李侍堯徐嗣曾琅玕按治福康安臨致書軍機大臣言大紀縱兵激民爲變其守嘉義皆義民之力大紀聞命欲引兵以退義民不令出城乃罷事聞上諭謂守諸羅一事朕不忍以爲大紀罪至其他聲名狼藉縱兵激變諸狀自當按治命奪大紀職速問福康安尋以大紀縱弛貪黷貽誤軍機議斬送京師上命軍機大臣覆議大紀訴冤苦並言德成有意周內迫嘉義民證其罪下廷訊大紀猶力辨五十二年七月辛巳命如福康安議棄市其子發伊犁爲奴論曰元俊天弼在邊久熟情僞習形勢諸番仰其威惠元俊既於桂林激而欲自白不得直徵阿桂右之罪且不測天弼又見嫉於溫福驅至寡之兵以投方張之寇既死猶尙以爲罪若大紀有功無罪爲福康安所不容高宗手詔可謂曲折而詳盡矣乃終不能貸其死軍旅之際捐肝腦冒鋒刃求尺寸之效困於

媚嫉功不成而死於敵若功成矣而又死於法嗚呼可哀也已

清史稿

列傳一百十七

福康安

孫士毅

明亮

福康安字瑤林富察氏滿洲鑲黃旗人大學士傅恒子也初以雲騎尉世職授三等侍衛再遷頭等侍衛擢戶部侍郎鑲黃旗滿洲副都統師征金川以溫福為定邊將軍阿桂豐昇額為副將軍高宗命福康安齎印往授之即授領隊大臣三十八年夏至軍阿桂方攻噶爾拉山留福康安自佐木果木師敗溫福死事復命阿桂為定西將軍分道再舉攻喇穆喇穆福康安督兵克其西各碉與海蘭察合軍克羅博瓦山北攻克得斯東樂賊夜乘雪陟山襲副將常祿保營福康安聞槍聲督兵赴援擊之退賊屯山麓乘雨築兩碉福康安夜率兵八百冒雨踰碉入殺賊毀其碉上手詔嘉其勇進克色湖普山破堅碉數十殲賊數百又與額森特海蘭察合軍攻下色湖普山南賊碉遂盡破喇穆喇穆諸碉卡並取日則了口再進克嘉德古碉攻邁爾克宗西北寨賊潛襲我軍後福康

清史稿

列傳一百十七

安擊之退賊以距勒烏圍近屢夜出擊我師福康安與戰屢勝阿桂慮賊守隘不時下改道自日爾巴當噶路入檄福康安攻下達爾扎克山諸碉再進攻格魯克古率兵裹糧夜踰溝壑崖自山隙入當噶海塞克陡烏當噶大碉桑噶斯瑪特木城石卡再進克勒吉爾博塞阿桂令福康安將千人從海蘭察赴宜喜自甲索進攻得楞山焚薩克薩古大小寨數百渡河取斯年木哈爾斯二寨再進次榮噶爾博山棚內大臣賜號嘉勇巴圖魯再進至章噶福康安偕額森特攻巴木圖登直古腦山拔木城碉寨五十焚冷角寺遂克勒烏圍阿桂令取道達烏圍進攻噶拉依分其軍為七隊福康安率第一隊奪達沙布爾當噶克底納爾丹諸寨為木柵斷科思果木走雅瑪朋道進克達噶木碉二阿稱曲前峯碉木城各二十焚奔布魯木獲起寨取舍勒圖租魯傍碉一寨二格什格章寨一薩爾歪碉寨三阿結占寨二陟科布曲山梁盡得科布曲諸寨四十一年春再進克舍齊雅中二寺自拉古爾河出噶拉依之右移礮擊其寨噶拉依既下金川平論功封福康安三等嘉勇男師還郊勞賜御用鞍轡馬一飲至賜緞

清史稿

列傳一百十六

七

十二端白金五百圓形紫光開賜雙眼花翎授正白旗滿洲都統出為吉林盛京將軍授雲貴總督南掌黃象自陳為交趾所侵乞以餘象易職福康安諭以國家法例有定還其象不予礙疏入上深慰之移四川總督兼署成都將軍四川恭民為寇盜號匪命福康安捕治逾年福康安疏言盜已餘戢陳善後諸事擢御前大臣加太子太保召還京署工部尚書授兵部尚書總管內務府大臣四十九年甘肅回田五等立新教糾眾為亂授參贊大臣從將軍阿桂討賊旋授陝甘總督師至降德田五之徒馬文燾出降攻雙峴賊卡賊拒戰阿桂令海蘭察設伏福康安往來督戰殲賊數千遂破石峯堡擒其渠以功進封嘉勇侯轉戶部尚書協辦大學士五十二年臺灣林爽文為亂命福康安為將軍而以海蘭察為參贊大臣督師討之時諸羅被圍久福建水師提督柴大紀堅守上褒大紀改詔羅為嘉義以旌其功陞路提督蔡攀龍督兵赴援圍未解福康安師至道新埤援嘉義與賊戰奇仔頂克俾長等十餘莊會日暮雨大至福康安令駐師土山巔賊經山下昏黑無所見發銃仰擊福康安戒諸軍士毋

清史稿

列傳一百一十七

二

動既署兩廣海蘭察已自他道入師與會圍解進一等嘉勇公賜紅寶石帽頂四團龍補服大紀以方在圍中謁福康安未具裝禮福康安銜之疏論大紀執法牟利諸罪狀並及攀龍陳狀不實上以大紀困危城久攀龍亦有勞意右之詔謂二人或稍涉自滿在福康安前禮節不謹為所憎遂直揭其短戒福康安宜存大臣體然大紀卒以是坐死時論冤大紀亦深非福康安嫉能不若傅恒遠也福康安復劾攀龍左遷而福州將軍恒瑞師逗遛不進福康安與有連力庇之詔亦斥其私福康安既解嘉義圍令海蘭察督兵追捕爽文檄致京師復得副賊莊大田臺灣平賜黃腰帶紫韁金黃辦珊瑚朝珠命臺灣嘉義皆建生祠塑象再圖形紫光開疏請募熟番補屯丁並陳善後諸事要在習戎事除奸民清吏治肅郵政上悉從之旋授閩浙總督五十四年安南阮惠攻黎城係十毅師退上移福康安兩廣總督詔未至福康安疏請往莅其事上獎福康安忠謂大臣視國如家休戚相關當若此也惠更名光平乞輸款福康安為疏陳請罷兵上允之御史和琳劾湖北按察使李天培為福康安致木材令湖廣

糧船運京師福康安疏請罪上手詔謂阮光平方入朝特寬之命奪職留任仍罰總督俸三年公俸十年五十五年福康安率光平朝京師以獲盜免罰總督俸五十六年廓爾喀侵後藏命福康安為將軍仍以海蘭察為參贊大臣督師討之免罰公俸五十七年三月福康安師出青海初春草未盛馬瘠糧不給督諸軍速進行四十日至前藏自第理浪古如絨轄拉木察地勢疾行向宗喀至轄布基諸道兵未集督所部分六隊趨標木潛登山賊前後二礮殲賊渠三賊二百餘擒十餘進次瑪噶爾轄爾甲山梁賊渠手紅旗擁眾登令設伏誘賊進至山半伏起橫擊率旗賊盡殲進攻濟隴濟隴當賊要隘大礮負險旁列諸礮卡相與為犄角乃分兵先剿其旁諸礮卡併力攻大礮縛大木為梯督兵附礮登毀礮自辰至亥克其寨斬六百擒二百捷聞上為賦誌喜詩書扇並解御用佩襲以賜六月自濟隴入廓爾喀境進克索勒拉山度熱索橋東越峨線山自上游潛渡越密里山攻旺噶爾克作木古拉載山梁攻噶勒堆補木諸山破甲爾古拉集木集兩要寨轉戰深入七百餘里六戰皆捷上詔褒福康安

清史稿

列傳一百一十七

三

勞授武英殿大學士福康安恃勝軍稍怠督兵冒雨進賊為伏以待台斐英阿戰死廓爾喀使請和福康安允之廓爾喀歸所掠藏金瓦寶器合大頭人噶木第馬達特塔巴等齎表進象馬及樂工一部上許受其降師還加賜福康安一等輕車都統其子德麟授領侍衛內大臣視王公親軍校例置六品頂戴藍翎三缺官其僱從復圖形紫光開大學士阿桂讓福康安居首福康安初征金川與海蘭察合軍討亂回同為參贊及征臺灣定廓爾喀皆專將海蘭察為參贊師有功受殊賞上手詔謂福康安能克陽布俘拉特納巴都爾巴都爾薩當酬以王爵今以受降班師不克副初願然福康安孝賢皇后姪大學士傅恒子進封為王天下或議朕厚於后族富察氏亦慮過盛無益今如此歲事較蕩平廓爾喀倍為欣慰陽布廓爾喀都城拉特納巴都爾等其渠名也五十八年疏陳西藏善後十八事詔從之安南國阮光平卒上慮其國且亂命福康安如廣西福康安母卒於京師令在任守制福康安途中病命御醫往視福康安疏言安南無事乞還京師冀得廬墓數日詔許之加封嘉勇忠銳公移四川總督

旋又率金川土司入覲恒秀時為吉林將軍以采參虧庫帑累民命福康安並
 讞擬罪輕上責福康安袒賊詎復移雲貴總督方寒賜御服黑狐大褂掛六十
 年貴州苗石柳鄧湖南苗吳牛生石三保等為亂命福康安討之柳鄧圍正大
 營噴腦營松桃廳三城福康安師至力戰次第解三城圍賜三眼花翎福康安
 率貴州兵破老虎岩賊寨詢得柳鄧蹤迹和琳時為四川總督將四川兵來會
 攻滿華寨焚賊寨四十柳鄧入湖北投三保三保方圍永綏福康安督兵赴
 援師當渡賊築卡拒守分兵出上流縛獲民牧牛設伏待賊至掠牛伏起奪
 賊船所縛復亦順流至師盡濟攻石花寨越得山拉戰殺賊甚衆令總兵花連
 布問道援永綏師從之戰三日圍解進次竹子山賊屯蘭草坪西北岸以板為
 寨樹旗東南山闕乃設伏對山仍督兵若將自山闕入賊來戰伏兵發賊潰
 退保榔木陀山再進克之山西為登高坡與黃瓜山對分兵出五道冒風雨克
 黃瓜山焚寨五十六攻荊麻寨奪大小喇耳山焚寨四十牛生三保悉衆拒戰
 分兵攻雷公山阻其援兵擊破西梁山中下三寨再進至大烏草河循河克沙

清史稿

列傳一百十七

四

兜寨盤基坳山戰於板登寨再戰於雷公灘賊屢敗取右哨營渡河於羣山中
 越險進克馬蝗衝等大小寨五十至狗腦坡山益險兵皆附葛藤冒矢石行陟
 其巔破賊寨再進克蝦蟆嶼烏龍巖攻茶它降者七十餘寨上移福康安閩浙
 總督進封貝子再進克嚴碧山焚巴溝等二十餘寨再進攻鷹手寨山總兵花
 連布將廣西兵克苗寨四十賜貂尾掛圍高多寨吳牛生窮蹙出降上官福康
 安子德麟副都統在御前侍衛上行走再進攻鴨保寨鴨保右天星寨為賊中
 奇險處督兵自雪中求道進取木城七石卡五克垂藤董羅諸寨賜御服黃裏
 元狐端罩旋克大小天星寨進攻爆木營乘風雪夜進拔地良八荆桃花諸寨
 自平甯復乾州盡克擒頭坡騾馬嶺諸隘焚其寨三百嘉慶元年再進克吉吉
 寨大隴峒等寨戰於高吉陀再戰於兩岔溪屢敗賊賊襲爆木營攻擒頭坡皆
 以有備敗走克結石岡焚牧牛坪等大小寨七十進克官道溪再進攻大麻營
 石城至廖家衝奪山嶺石卡夜間道出連峯劫奪山梁七上褒福康安命贈傅
 恒貝子福康安染疾病作猶督兵進五月卒於軍仁宗製詩以誄命加郡王銜

從傳恒配太廟諡文襄子德麟襲貝勒遜降至未入八分公世襲罔替福康安
 受高宗殊寵師有功在軍中習奢侈福軍金幣輒巨萬治饑吏承意指糜濫滋
 甚仁宗既親政屢下詔戒諸將帥毋濫賞必斥福康安德麟迎喪歸將吏具賄
 四萬有奇責令輸八萬德麟旋坐等壇視牲誤班降貝子

孫士毅字智治一字補山浙江仁和人少穎異力學乾隆二十六年進士以知
 縣歸班待銓二十七年高宗南巡召試授內閣中書充軍機章京遷侍讀大學
 士傳恒督師討緬甸以士毅典章奏叙勞邊戶部郎中擢大理寺少卿出為廣
 西布政使擢雲南巡撫總督李侍堯以賊敗士毅坐不先舉劾奪職遣戍伊犁
 錄其家不名一錢上嘉其廉命纂校四庫全書授翰林院編修書成擢太常寺
 少卿復出為山東布政使擢廣西巡撫移廣東初上官疏言廣東海洋交錯奸
 宄易藏惟有潔以持身嚴以察吏不敢因循諱飾上諭以勉效李湖湖為廣東
 巡撫以風厲有聲為上所深賞也尋署兩廣總督陝甘總督福康安議練兵詔
 下雲貴四川兩廣福建諸行省令仿行士毅疏請廣東練水陸兵二萬八千五

清史稿

列傳一百十七

五

百三十二人廣西練兵一萬一千二百九十六人選人材精壯技藝嫺習責督
 撫提鎮實心訓練請嚴立科條以懲積習上諭曰此可徐徐為之而必以實尋
 還巡撫任廣東民悍多通賊州縣吏當上計或以私財應冀課最民谷延抗為
 得計士毅詳數積通遺幹按治通賊最多諸州縣自乾隆四十年後具冊督追
 州縣吏以私財應計政者察無他私弊以督追所得償之上獎其能惟謂州縣
 吏職催科乃以不能振作民多通賊以私財應計政不罪其誑已為寬典若以
 督追所得償之將何以示儆令續徵通賊當悉入官焚塘者羣盜所聚劫捕傷
 官士毅擒其渠魁以徇上復嘉其能賜花翎兩廣總督富勒渾縱其僕受賄事
 聞下士毅按治得實富勒渾坐譴上以士毅持正即遷兩廣總督富勒渾疏論
 廣東釐政請增運艘按季徵餉價復二十九埠運商清積通士毅受事疏言增
 運艘當去封押之擾定經久之規俾新舊船戶皆各樂從按季徵餉價當復舊
 例歲終奏銷二十九埠運商以通課中鉛山南康上猶英德四埠當先復清
 積通當自三十九埠始皆下部議行五十二年臺灣林爽文為亂士毅詣潮州

戒備師行遣兵助剿芟器械皆立辦加太子太保賜雙眼翎一等輕車都尉世職五十二年臺灣平圖形紫光閣會安南國王黎維祈為其臣阮惠所逐其母妻叩關告變士毅以聞督兵詣龍州防鎮南關帝嘉其識輕重知大體命自廣西入安南別遣雲南提督烏大經自蒙自進阮惠遣將拒於壽昌江又分兵屯嘉觀士毅師至擊破惠所遣將渡壽昌江再進至市球江惠守備甚設士毅令陽於下游為浮橋若將渡密遣總兵張朝龍自上游渡出賊後賊懼擾士毅勒兵乘夜渡賊棄寨走縱擊賊自投江中死尸蔽江游擊張純等亦擊破惠屯嘉觀軍副將慶成等設伏擒惠將師再進至富良江江南即黎城惠令盡收戰艦泊南岸拒守士毅縛筏載兵令提督許世亨將二百人夜過江掠小舟數十更番渡兵黎明兵渡者二千餘惠軍以舟遁張純追及之分焚其舟盡殲之遂復黎城阮惠走富春維祈至軍中士毅承旨封為安南國王捷聞封一等謀勇公賜紅寶石頂上毅辭不許命班師士毅猶豫未即行五十四年春正月阮惠率其徒攻黎城維祈亦挈其孥潛遁士毅引兵退渡市球江駐江北惠軍追至

清史稿

列傳一百十七

六

總兵李化龍殿度浮橋墮水死浮橋斷提督許世亨等皆戰死士毅還入鎮南關維祈與母子偕至置諸南甯上以士毅不遵詔班師有此挫折罷封爵並撤紅寶石頂雙眼花翎解總督任以福康安代之方惠追我師至富良江士毅欲復渡江與決戰世亨力諫謂損大臣傷國體令千總薛忠挽其轡而退至是具疏自劾令駐鎮南關治事惠尋遣使求內附福康安至與士毅嚴斥之既以黎氏背亂不堪復立國遂借奏安南不必用兵狀帝從其議尋召士毅還京師授兵部尚書授軍機大臣直南書房是年冬命署四川總督逾歲員除未幾兩江總督書麟坐高郵書吏偽印冒徵被譴以士毅代之諭以江南吏治廢弛久當臆勉整飭毋徇隱徐州王平莊河決築毛城鋪隄堰賑被水諸州縣俱稱旨五十六年召授吏部尚書協辦大學士廓爾喀用兵命攝四川總督督饟士毅自打箭爐出駐察木多師已入後藏復馳詣前藏饋餉無匱以勞復賜雙眼花翎五十七年廓爾喀平再圖形紫光閣旋授文淵閣大學士兼禮部尚書借福康安和琳駐前藏謀善後福康安率金川土司入覲命士毅再權四川總督福康

安移雲貴總督以和琳代之上令士毅留四川董理討廓爾喀之役軍需奏銷士毅乞留福康安和琳會駁上不許六十年湖南苗為亂入四川秀山境士毅督兵駐守擊賊嘉慶元年湖北教匪為亂侵四川西陽境士毅移軍來鳳戰屢勝封三等男賊屯茶園溪大雨旬日調無備夜擊賊人持短兵空湧入千總張超執長矛先登斬其魁追奔四十餘里賊退據旗鼓寨士毅移軍從之六月卒於軍中贈公府諡文靖以其孫均襲伯爵士毅故善和坤病篤遺書請入旗高宗特許之命均入漢軍正白旗授散秩大臣尋以幼罷十一年自陳廢疾請以同祖弟玉墀襲爵仁宗諡曰士毅克黎城皇考命班師士毅意在貪功遲延失事兵潰入關所奏多有虛飾朕體皇考遺意未予追求今均既病廢士毅原授伯爵當裁撤并令均出旗歸原籍

清史稿

列傳一百十七

七

川為亂命以護軍統領佐四川總督桂林出師明年桂林師出黑龍溝敗績明亮未以聞上責其隱奪職旋授頭等侍衛銜令從軍自効時阿桂以參贊大臣代將令明亮仍出黑龍溝濟雙甲爾木奪第一山梁地高寒不俟令引還阿桂奏勅降二等侍衛銜復攻甲爾木乘雪陡其中峯克所築碉卡授二等侍衛尋攻真登梅列斷賊糧道遷頭等侍衛加副都統銜復自都恭進破噶察丹嘉諸寨與阿桂會於價格宗阿桂授副將軍命明亮為領隊大臣再進自價格宗渡河東攻美諾令侍衛德赫布等為前隊明亮繼逐賊至美都喇嘛寺圍美諾戰一晝夜克之小金川悉定進討大金川溫福出西路豐昇額出北路而阿桂出南路明亮為參贊三十八年正月師次當噶喇山亘二十餘里賊築十四碉拒守明亮攻克第五第四兩碉居數月溫福師敗價格宗美諾皆陷從阿桂飲師退駐翁古爾壘擢廣州將軍十月師再舉阿桂出西路授明亮定邊右副將軍山南路當一面自思紐順河取得里得木甲諸寨破宅壘復取價格宗與阿桂會美諾小金川復定賜御用黑狐冠三十九年正月與阿桂策定進軍道

明亮自己匪布拉克底土司進次馬奈山峻險河南有地曰斯第為賊寨障明亮夜攻馬奈遣參贊大臣富德自駱駝溝出寨後夾攻戰二日克之再進次絨布寨分兵授領隊大臣奎林以皮船渡河取斯第山梁木城二再進攻卡卡角其前地曰庚額特山負河而立危峯護其右勢絕險山腰徑隘賊夾以巨礮屢攻不能下於其右築五礮衝道攻穆谷諸寨賊拒守益力而奎林軍以乏水移駐深嘉卜明亮調得泉使富德奎林移軍就之分道攻斯第賊前後並至斷我軍為數部戰甚力侍衛阿爾都陟險焚賊卡乃破圍出明亮策攻正地深入不遇賊阻險設伏未即進阿桂令改出北路與參贊大臣舒常合軍攻宜喜進克達爾圖山梁賊築十八礮迭戰克其十五復自木克什進次帶石東取谷爾提西攻沙壩山焚礮卡二百餘賊據隘斷我軍道別得道出四十年四月阿桂令參贊大臣海爾察助攻宜喜分兵十餘道攻賊礮明亮與海爾察舒常巡行督戰克薩克薩谷山梁達爾圖得楞沙壩山諸賊皆潰並得日旁諸寨授內大臣再進克基木斯丹當噶山海爾察還佐阿桂明亮軍進次扎烏古攻

清史稿

列傳一百十七

八

礮未即下令奎林以礮擊賊破石真噶北取琅谷移師駐其地阿桂已克勒烏圍進攻噶拉依令明亮攻礮占未即下明亮疏請簡精銳佐阿桂併力出西路上不謂然詔切責乃自琅谷進攻納木迪阿桂遣駐美諾兵千餘助明亮亮策賊守納木迪扎烏古備必疏遣奎林出間道襲破之自日斯滿至阿爾古山梁上下二十餘里諸礮卡盡下納木迪賊焚寨走再進攻日斯滿先取得耳谷斷賊後路令和隆武等夾擊大破賊還攻礮占為乃富山巔其北曰阿爾占其南曰甲雜明亮襲破阿爾占夜督兵縋下峭壁陟山梁盡破諸礮寨遂攻乃富賊潰遁圍甲雜缺一面當水賊走師乘之皆墮水死阿桂軍臨噶拉依明亮獨松趨正地降馬爾邦令奎林等軍於巴布朗谷督兵與阿桂軍會借阿桂疏報噶拉依圍合四十一年春命封一等襄勇伯賜雙眼花翎師克噶拉依金川平時議以成都將軍駐雅州總邊政以授明亮亮以雅州地隘請還駐成都陳善後諸事皆從之夏師還上郊勞賜銀幣鞍馬冬復率諸土司入覲命在軍機處行走四十二年改授四川提督四十五年復率諸土司入覲四十六

年甘肅撤拉爾回亂攻蘭州明亮將四川兵自鞏昌入甘肅合軍討賊上幸木蘭觀行在改授烏魯木齊都統員外郎開泰罪譴命永遠枷號明亮徇協領富通請釋之未以聞四十八年移伊犁將軍而富通當引見開泰懼失庇投水死事聞上逮明亮詣京師獄成罪絞待決四十九年甘肅固原回復亂大學士阿桂出視師命釋明亮賜藍翎侍衛從軍亂定授頭等侍衛累遷鑲紅旗蒙古都統五十五年授刑部尚書五十六年出為黑龍江將軍五十八年移伊犁將軍六十年復入為正紅旗漢軍都統坐在黑龍江令兵輪船予賤值奪職留烏魯木齊自效貴州苗石柳鄧湖北苗石三保等為亂嘉慶元年命明亮出佐湖南軍授頭等侍衛旋以副都統銜署廣州將軍賊久據孝感署湖廣總督永保討之未克明亮將三千五百人以往至潼川鋪賊出戰分兵伏黃金廟攻賊壘伏起賊礮裂斂入城明亮令積柴城門外縱火賊突出皆墮漆三日火始燼城遂破賜輕車都尉世職攻鍾祥得賊渠張家瑞等戰於雙溝屯呂堰賊至擊敗之再進攻平隴破養牛塘剛息衝諸隘圍石隆奮戰斬石柳鄧獲其孥封二等襄

清史稿

列傳一百十七

九

勇伯賜雙眼花翎是時教匪起延及四川陝西湖北三省命明亮督兵赴四川與總督宜綏合軍討賊二年明亮自永綏入四川與宜綏軍合轉戰焚金峨寺破重石子香爐坪克分水嶺火石嶺諸卡賊渠王三槐出戰大破之三槐中槍逸賊死者萬餘人復戰精忠寺俘三槐母襄陽賊渠姚之富齊王氏等竄四川與三槐及達州賊渠徐添德合勢復張之富等據開縣南天洞明亮擊破之遂賊戰於大涼山雲陽賊渠高名貴應賊明亮與宜綏策禽名貴殲其從賊攻白帝城明亮循江下宜昌賊來犯擊破之遂賊至獨樹會湖廣總督景安師至合擊逼賊入南漳山中度賊且渡漢北入河南境令總兵長春屯穀城為備督兵出隆中賊北走擊之潰賜紫帽賊屢敗不能北渡乃自房縣入陝西境明亮逐賊屢戰皆捷先後殺六千餘人賊走紫陽明亮師次白河峽之富等與諸賊渠張漢潮高均德分道竄走明亮逐漢潮均德入漢中上賚明亮不當置羣盜而但逐漢潮均德奪爵及雙眼花翎紫帽之富等亦渡江與均德合走漢陰其徒入城固南鄭乃奪職逮詣京師旋以軍事急命留軍自効督兵逐之富齊王氏

自山陽至鄖西急擊之富齊王氏皆投崖死賜副都統銜花翎命捕治均德師進次西鄉漢湖與諸賊渠詹世爵李槐合萬餘人自竹谿至平利太平明亮追及於池子山戰截世爵槐而漢湖還走南鄉復攻陷西鄉石泉命奪花翎漢湖入河南境攻盧氏明亮赴援漢湖復走陝西攻五郎廳四年上授勅保經略大臣授明亮副都統參贊大臣遂漢湖入漢中勅保弟永保先以孝感誦祥勦賊無功坐譴嫉明亮至是起署陝西巡撫與明亮不相能漢湖往來奔竄不以師應上徵勅保還命明亮代將遷正紅旗漢軍都統明亮勦永保軍久駐不進永保言明亮有手扎尼其移軍上為奪明亮職逮詣京師明亮方追賊入子午谷戰於張家坪殲漢湖師還就逮罪斬待決五年上追錄前功以領催詣湖北從陝甘總督松筠討賊旋授藍翎侍衛領隊大臣敗賊石花街遷二等侍衛再敗賊斑竹園遠安鎮命以五品銜授宜昌鎮總兵賊窺襄明與戰敗之賊欲西走陝明亮守七星關賊復折而東戰於朱家嘴大破賊進秩視三品賊復入陝西境明亮與巡撫倭什布合擊之賊還南竄上命赴四川討賊明亮以陝

清史稿

列傳一百十七

十

西賊渠高二馬五等將至竹谿馳赴迎擊上責明亮不即赴四川復左授藍翎侍衛明亮已擊破高二馬五復擢三等侍衛領隊大臣還師湖北戰於壽陽坪破賊渠徐添德戰於獅子巖余家河破賊渠苟文明復授宜昌鎮總兵時湖北賊漸定上念明亮老召還授二等侍衛七年自副都統外授烏魯木齊都統三省教匪平行賞封一等男九年內授都統遷兵部尚書十年進一等子十四年加太子少保進三等伯十五年賜雙眼花翎命協辦大學士十六年以與夫聚博上聞不以實奏左授副都統十七年出為西安將軍十八年內授都統左都御史十九年復授兵部尚書協辦大學士二十二年授武英殿大學士進太子太保二十四年進三等侯道光元年致仕食全俸二年卒年八十七宣宗親臨奠賜陀羅經被諡文襄祀賢良祠

論曰福康安起戚里然亦自知兵征廓爾喀賊守隘命前軍更番與戰而設伏隘側前軍敗退賊遂出隘伏起賊駭走我軍燧之入隘福康安策騎督戰諸軍悉度隘遂夷賊屯其才略多類此士殺入安南度重險案入其庭是時諸將多

驕侈士殺獨廉蓋亦有不可沒者明亮知兵過福康安廉俸士殺師屢有功輒有齟之者未能竟其積立朝既久躬享上壽進受封拜非倖致也

清史稿

列傳一百十七

十一

清史稿

列傳一百十八

海蘭察

李林

和隆武

額森特

普爾普

海蘭察多拉爾氏滿洲鑲黃旗人世居黑龍江乾隆二十年以索倫馬甲從征準噶爾輝特台吉巴雅爾既降復從阿睦爾撒納叛師索之急遁入塔爾巴哈台山中海蘭察力追及之射墜馬生獲以歸叙功賜號額爾克巴圖魯累擢頭等侍衛子騎都尉兼雲騎尉世職圖形紫光閣三十二年以記名副都統從征緬甸師出虎踞關海蘭察率輕騎先驅至罕塔遇賊殪三人俘七人遂攻老官屯賊二百設伏殲賊四百賊自猛密出襲我師援擊却之三十三年再出師度萬仞關敗賊曼鳩江燬江岸賊居授鑲黃旗蒙古副都統師薄老官屯攻賊於錫箔毀其木柵賊來攻急擊之追戮其強半縛二人以歸既還師命留軍防邊移錄白旗蒙古副都統三十六年師征金川命自雲南赴四川與師會二十七

清史稿

列傳一百十八

年六月參贊大臣豐昇額方攻美美寨賊禦戰甚力海蘭察師至合力奮擊克之乘勝毀賊寨十三克木城師屯其旁山岡築卡以守七月敗賊策卜丹八月賊出貢噶山左謀截糧海蘭察設四伏斬級百餘十月進攻路頂宗及喀木色爾破喇卡三百餘殲賊數百詔嘉獎擢正紅旗蒙古都統十一月進至格實迪自色木僧格山後取瑪覺烏大寨仰攻布喇克及扎喀爾寨得喇卡九十二月進攻明郭宗突入寨門焚轉經樓直搗美諾小金川既定進討大金川授參贊大臣從將軍溫福出西路自功噶爾拉入三十八年二月趨昔嶺道經蘇克奈奪卡二據木果木後山與領隊大臣額森特軍合戰得喇卡五鑿冰開道一日而至固木卜爾山山接昔嶺麓昔嶺多賊洞當道凡十我師遇賊洞若山峯縱橫並列往往為之次第便指目海蘭察與額森特計分兵為六隊力攻第九第十二洞先下進取第七第八兩洞力戰冰雪中及暮陽撤兵賊下追伏起殪二百人第五洞尤堅厚海蘭察運礮轟擊晝夜無稍休洞乃破移軍攻達扎克角山梁奪獲得斯東寨上按地圖示諸將形勢海蘭察復移軍攻功噶爾拉

山口五月還攻昔嶺造礮臺高與山齊痛殲守賊六月後路賊攻陷底木達進據登春海蘭察還禦戰正力俄聞木果木大營有警疾馳次日大營陷將軍溫福歿於陣海蘭察令領隊大臣富興整兵出而為之殿夜半至功噶爾拉總兵牛天昇營度功噶爾拉亦不可守合軍引退令額森特等為前導與富興普爾普及天昇殿是日暮屯崇德次日至美諾與領隊博清額五岱和隆武合軍馳奏請罪上諭以鎮靜鼓士氣圖恢復與五岱共守美諾賊屢來攻均戰退時當新敗綠營兵多潰散海蘭察請遣回怯卒毋使搖亂新兵上從其請尋詢知阿桂方駐軍當噶爾拉乃分兵千人令額森特自南山往迎又令普爾普將三百人巡鄂克什諸隘口七月賊大至美諾明郭宗俱失守海蘭察退保日隆上責其不能禦賊命阿桂按治阿桂至日隆奏海蘭察當兵潰時前後圍截未與懦卒同潰惟平日不能申明軍律咎不能辭命左授領隊大臣停俸十月命以阿桂為定西將軍謀再舉海蘭察借領隊常清等將八千人自達木巴宗北山取道分三路進奪別斯滿大小十餘寨復與富興等攻取昂噶爾角克底木達

清史稿

列傳一百十八

布朗郭宗諸寨師復克美諾上嘉海蘭察奮勉命支俸三十九年正月阿桂令海蘭察將五千人自明郭宗進谷噶山擊賊又令與保甯將二千人自喇穆喇穆橫梁繞八十餘里攻登古山登古山在諸山最峻羅博瓦山與對峙亦賊中奇險處二月令普爾普順山梁進海蘭察出山後自石罅躍登搏賊酣戰額森特保甯至合力擊賊賊少却復分隊冒死衝突射之殪數十人餘賊負矢遁乃還取羅博瓦前山攻第三第四峯而額森特攻第二峯普爾普攻第一峯俱克之上諭羅博瓦為賊險要門戶海蘭察力攻最授內大臣三月從第四峯下進攻得斯東寨克之四月賊乘霧雨於山坡立兩礮海蘭察率兵毀之五月於喇穆喇穆山後築柵賊屢自林中來犯與額森特合擊賊披靡走六月攻色湖普爾普設大礮六互相應額森特克左兩礮烏什哈達克右一礮海蘭察獨克中三礮及附近卡寨七月抵色湖普爾普南崖石壁陡滑督兵手足攀援上殲東西峯守礮賊殆盡又自喇穆喇穆山麓乘勝攻日則了口取喇卡百餘賊堅守該布達什諾木城師循山溝海蘭察出其左額森特出其右官達色出中路三道

並進遂逼邁克爾宗上嘉海蘭察為諸將倡屢克險要賜號綽爾和羅科巴爾
魯並賚白金三百八月借額森特自邁克爾宗峯脊分左右翼仰攻登頂縱
火燬碉卡二百餘又旁出邁克爾宗西逼賊寨督兵踴躍進賊穴地匪不敢出
九月取邁克爾宗水關斷賊汲道乘勝攻官寨賊鎗石如雨督兵奮進額森特
取其右第一寨海蘭察左頰傷裹創力戰克第二寨軍中目賊渠所居大寨為
官寨亦曰正寨示與他碉下別也上以海蘭察傷甫平即督兵攻奪堅碉手救
嘉獎十月克默格爾山梁及密拉噶拉木得大寨一石碉四山後凱立葉官寨
亦下復授參贊大臣又自默格爾西進攻布拉克森及格思巴爾焚寨落數百
於是凱立葉附近碉卡皆盡命在御前侍衛上行走十一月夜度山溝進格魯
克古了口岸礮壁立督兵揉登天明登者六百人賊并力拒奪二碉循山梁下
攻桑噶斯瑪特別遣兵自陡烏富噶山進克沙木拉渠什爾德諸寨復督兵攻
克革什戎岡及作固頂賊寨橫越諸山下溝上梁鼓勇徑度盡克諸寨與丹
壩軍合十二月抵桑噶斯瑪特山賊於碉外設木城為護師自柵隙發矢或拔

清史稿 列傳一百十八 三

柵木撞之城立毀四十年正月自康薩爾分路進剿據山溝寨二月克甲爾
納沿河諸寨進攻勒爾吉博寨海蘭察克山麓二賊自噶爾丹寺來援擊敗
之四月將軍阿桂令往宜喜會明亮調兵入道約期合攻上賜緞二端尋分兵
千人偕福康安赴宜喜先取甲索賊碉進攻得楞山岡皆下焚薩克薩谷大小
寨落數百西北兩路兵合五月攻上下巴木通大碉並克色爾外安吉達佳布
諸寨焚噶爾丹寺六月自榮噶爾博山梁攻巴古寨落賊恃險拒攻未下紆道
繞舍圖枉卡以入海蘭察督兵進據昆色爾山梁果克多爾進至拉枯喇嘛
寺再進經苗則大海又攻章噶上下十餘寨盡克之合諸路兵逼勦烏圖海蘭
察自托古魯驗溝直上山梁八月取隆斯得寨三分地設伏遂克勒烏圖九月
整軍進攻噶拉依初自達思里正路入盧賊防密改自達烏達圍進海蘭察繞
至莫魯古上連奪噶克底結爾丹諸寨又克西里山梁並科布曲諸碉十月攻
達噶自中路入分兵張兩翼出旁徑克兩堅碉下攻雅瑪朋寨閏十月據黃草
坪築柵斷賊援賊起木城海蘭察督兵陟山自上壓下克之十一月分道攻奔

布魯木夜迫山下焚賊木城遂據西里正寨又克舍勒固租魯寨四進攻雅瑪
朋正寨從中路設伏借普爾普等盡克附近寨落十二月克勒隈勒木通石碉
築柵至科布曲海蘭察督鎗石進乘勝克索隆古得木巴爾們都斯諸寨賊又
於布哈爾下積木設伏拒師海蘭察分兵三道並進立時攻破遂取奇石磯又
遣兵悉收庫爾納額木里多諸寨及巴斯科官寨四十一年正月克舍齊雅中
兩寺海蘭察屯兵噶拉依河岸扼要隘尋借福康安普爾普等截噶拉依右路
克大石卡移礮進擊扎木什克寨二月大金川曾索諾木就縛金川平封海蘭
察一等超勇侯賜雙眼花翎師還郊勞賜御用鞍轡馬一飲至賜緞二十端白
金千圓形紫光閣列前五十功臣授領侍衛內大臣補公中佐領四十六年三
月甘肅撤拉爾回蘇四十五爭立新教為亂破河州據華林山命大學士阿桂
視師疏請以海蘭察自佐上已命為領隊馳驛詣軍前四月抵蘭州督兵攻龍
尾山賊伏穴中守阿桂至令海蘭察盡諸軍五月借明亮額森特等分左右
翼陟山殺賊復踰水磨溝奔上華林山賊駭傾穴出師陽退賊來逐還兵擊之

清史稿 列傳一百十八 四

殲賊甚眾賊被創鉅望見海蘭察乘馬出陣輒先驚竄閏五月將阿拉山馬兵
繞出華林山江南潛伏候賊至突出濠殺賊又督屯練兵取賊卡四步戰中鎗
傷上閱其勞諭阿桂撫慰賊據大卡負嶠海蘭察單騎至五泉山審度還向華
林山暫伏濠中調賊還急起猛攻遂克之入賊營焚所居板屋賊退保華林寺
督兵逼寺立柵殲賊眾賊渠傳示各回民賊平上諭獎海蘭察功官其子安祿
三等侍衛四十九年四月甘肅回復私起新教聚眾滋事命尚書福康安視師
授海蘭察參贊大臣賊屯靜甯底店海蘭察督巴圖魯侍衛等進逼賊巢設伏
痛殲之遂破石峯堡禽賊渠張文慶等擢安祿二等侍衛予騎都尉世職五十
二年蘇州林爽文為亂命將軍福康安視師仍授海蘭察參贊大臣十月渡鹿
仔港登岸後三日率巴圖魯二十人至彰化八卦山察地勢賊方於山上築卡
海蘭察躍馬登賊據至發箭殲數賊餘賊遁上以其能用少擊足諭獎之十一
月自采港開道同福康安授嘉義分隊五沿途搜勦自崙仔頂崙仔尾逼至牛
稠山賊萬餘阻溪守海蘭察越溪徑上山梁攻克柵賊遁追至大排竹盡焚

賊察嘉義圍解上嘉海蘭察身先士卒勇略過人進二等超勇公賜紅寶石頂
四團龍補褂十二月勦城西大崙莊及海岸賊又焚城東興化店員林賊莊督
兵直勦北路時賊屯中林尤剽悍海蘭察冒鎗石馳剿克之大埔林大埔尾諸
莊賊俱潰收斗六門抵水沙連賊已遁尋蹤搜捕見賊渠方乘馬執轡射墜馬
獲以歸進攻大里代林爽文起事地也獲賊目數十賊黨二百林爽文逃入番
社即自內山平岩仔逐賊至集集埔賊營前阻大溪海蘭察策馬巡渡盡殲若
中賊追十餘里至浩淮角焚草寮千進勦小半天山寨海蘭察徧歷東勢角山
峯獅子頭打鐵婆蝦骨合歡諸社至極北炭窰捕治餘賊五十二年正月得爽
文於老衝崎檻送京師上念海蘭察功解佩囊賜之二月還兵至南路自博裏
社至極南鄂嶠執賊渠莊大田礫於市臺灣平賜紫羅金黃辦珊瑚朝珠再圖
形紫光閣五十六年廓爾喀侵後藏仍以福康安為將軍海蘭察為參贊大臣
率巴圖魯侍衛及索倫兵千人往討出西寧明年三月抵後藏閏四月抵第哩
浪古與福康安分往絨轄拉木察地勢定策自濟噶進兵海蘭察偕阿滿泰

清史稿

列傳一百十八

五

出中路賊兩端前後相輔師奪前礮賊守後礮不出督兵毀旁垣入短兵接殺
賊目三賊兵二百進屯撥木乘勝克瑪噶爾轄爾甲山梁賊渠率眾陟山我兵
暫伏賊至山半橫擊之賊且戰且退海蘭察疾馳下擊賊斬賊渠七賊二百餘
俘三十海蘭察馬足中鎗上聞戒以接仗時宜持重毋輕冒險師進攻濟噶官
寨海蘭察與台斐英阿督索倫兵往來衝擊自丑至亥克之斬賊六百俘二百
自濟噶進至索喇拉山山下有石卡師直攻之賊棄卡奔逐至熱索橋賊撤橋
攻之不及海蘭察密令阿滿泰等東越峨嶺山自上流潛渡賊駭奔墜河者甚
眾師悉渡遂據熱索橋進至密哩頂越崇山數重抵旺噶爾深入八百七十里
不見賊旺噶爾西南有大川橫亘北曰旺堆南曰協布魯迤東為克堆寨賊各
築卡以守師至旺堆賊扼河抵禦不得渡乃留兵牽賊密從上游縛木以濟出
賊不意直薄克堆寨大敗之六月督兵自協布魯進由噶多東南越雅爾賽拉
山晝夜行至博爾東拉前山賊築木城三石卡七據要隘乃轉從山巖下臨賊
卡與阿滿泰上下夾擊諸城卡盡下乘勝逐賊至瑪木拉殺伏賊百餘人師屯

雍雅山廓爾喀乞降拒不許七月進攻噶勒拉山三道皆勝逐賊至堆補木山
奪其卡山下為帕朗古橫河賊扼橋以拒官兵奪橋渡馳上甲爾古拉山別兵
從上游潛渡抵集木集山合軍賊來往來迎擊戰兩日夜越大山二克木城
四大小石卡十一戮賊目十三斃賊六百俘十七廓爾喀渠畏懼力請降詔許
之進海蘭察一等公五十八年三月卒諡武壯復圖形紫光閣甫成上製贊嗟
惜諭曰海蘭察以病卒例不入昭忠祠念其在軍奮勉嘗受多傷加恩入祀子
安祿襲公爵授頭等侍衛嘉慶四年佐經略勒保征四川教匪戰屢有功賊渠
苟文明等窺開縣安祿與總兵朱射斗合軍逐勦賊不敢東窺十一月與射斗
逐賊枯草坪乘雨登汪家山殺賊多墜崖死安祿望見數十賊匿山溝率數
騎逐之賊潰散獨策馬從其後數賊自林中出安祿倉卒中矛死諡壯毅賜白
金千治喪加騎都尉世職合前賜騎都尉為三等輕車騎尉是時奎林子惠倫
亦戰沒上以二人皆名將子與烏合亂民戰沒於行陳深致惜焉

清史稿

列傳一百十八

六

雲慶使襲承恩公爵授御前侍衛累遷鑲白旗護軍統領管理健銳營三十七
年授領隊大臣從副將軍阿桂征金川與侍衛和隆武攻納蘭山梁攻當噶爾
拉木果木師潰命阿桂為定西將軍召奎林入咨軍事旋命佐副將軍明亮出
南路自墨壘溝進攻得里賊築礮山嶺奎林率兵晝伏夜行至其側突擊破之
攻拉約夜渡河鼓譟克賊壘遂抵僧格宗連破石礮獲軍糧火藥時阿桂復美
諾明亮遣奎林往會師復從明亮攻斯第奎林率第一隊兵先占班得古水泉
與賊持兩晝夜涉險鏖戰飛石傷脊兩賊握利刃突前侍衛珠勒格德射之殲
餘賊驚逸上諭嘉奎林勇猛攻達爾圖賊綢緞巨數里奎林冒雨先登立拔第
一礮官軍乘勢疾擊克礮十五俘賊目八獲糧械無算復自木克什山梁進克
賊礮一中鎗傷頂上諭曰奎林平日戰甚力今頂傷中要害時富德軍於馬爾
那令奎林代防即以富德佐明亮擊賊旋授鑲紅旗漢軍都統傷愈復從明亮
攻宜喜阿桂遣領侍衛內大臣海蘭察會奎林地勢約兩軍隔河夾擊直搗
勒烏圍勒烏圍噶拉依兩金川渠所居地也奎林分攻甲索又自薩克薩谷攻

得楞賊乘隙乘勝追躡墮崖死者相枕籍攻基木斯丹當噶奪碉二十九又奪茹寨麥田十餘里賜瑚武巴圖魯名號復趨噶西喇嘛寺拔沙爾尼溝碉卡阿桂破勒烏圍奎林借明亮和隆武等攻扎烏古山未克請益兵上諭奎林和隆武毋以勇往好勝愧激輕進雖云不入虎穴焉得虎子亦當審度機要權利害而行不可冒昧自旋什扎古進兵借和隆武自山溝潛行登其巔內賊無一脫者上諭明亮奎林和隆武宜罷勉立勳母讓西路專美但當度利害不可但知輕進進克扎烏古山梁再進據納木迪斯底葉安奪三十餘寨又自耳得谷下擊碉賊卡斃賊百餘復自礮占進攻達撒谷拔碉卡三十斃賊百趨獨古木思得賊潰平山上下八十餘寨師經乃富降其渠攻甲雜俘賊酋降其衆千餘克卡拉爾抵舍斯滿賊出降奎林繞山巔行三百里至底角河沿撫定寨落數百遂與阿桂軍合圍噶拉依上加奎林一等男命其子崇倫承襲並賜雙眼花翎遂俘金川酋索諾木師還凱旋上郊勞賜文綺十二銀五百御用鞍轡馬一圓形紫光閣列前五十功臣授右翼前鋒統領藩院尚書四十五年出

清史稿

列傳一百十八

七

爲烏魯木齊都統驍騎校常福杖斃披甲多羅奎林論劾上以多羅不孝罪當死責奎林誤劾改授烏里雅蘇臺將軍坐在烏魯木齊失察各州縣浮報糧值命以公府昇其叔傅玉承襲復授烏魯木齊都統遂伊犁將軍奎林貴戚有軍功嗜酒躁急五十二年參贊海祿疏劾上命烏魯木齊都統永鐸勘奏逮至京師命諸皇子軍機大臣會刑部按治獄成奎林坐擅殺罪人擬杖海祿所劾不盡實亦有罪坐誣告死罪未決擬流帝以奎林孝賢皇后姪而海祿所論動不盡虛擬罪乃反重失平命俱奪職在上虞備用處拜唐阿上効力旋授奎林藍翎侍衛再遷臺灣鎮總兵時林爽文亂甫平多盜爲民害上欲嚴懲之諭奎林勿拘泥勿姑息有犯必懲奎林屢捕治劇盜復論誅裨將坐賊及營兵之爲盜者稱上旨加提督銜五十六年擢福建水師提督師征廓爾喀改授成都將軍參贊大臣帥師入藏五十七年行至江卡疽發於頂遂卒諡武毅珠勒格德鈕帖祿氏滿洲正白旗人以三等侍衛從軍其教奎林也上命擢一等侍衛賜號扎克博巴圖魯戰於木克什據水卡斷賊汲道設伏以待賊乘霧分道來犯守

碉兵禦之伏起賊復自山下援珠勒格德突入陣刃三人大敗之遂克木克什山下下碉復與都統和隆武等襲取日旁山後碉十餘日旁近勒烏圍賊碉寨相望後路必爭地也授正紅旗蒙古副都統奎林攻什扎古珠勒格德與和隆武設伏琅谷奎林兵至夾擊破木城進攻扎烏古克賊碉四卡八自日新滿至巴扎木賊碉林立珠勒格德與和隆武分兵進連克賊碉十七金川平圍形紫光閣御製贊猶及救奎林事尋卒

和隆武馬佳氏滿洲正黃旗人甯夏將軍和起子也初隸鑲藍旗以和隆武功高宗命以本佐領撥入正黃旗凡擢旗或以功或以恩或以佐領或以族或以支皆出特命和隆武襲一等子爵授三等侍衛三十七年從護軍統領明亮征金川自墨壘溝攻甲爾木山梁師分道而進和隆武爲領隊侍衛明亮攻美諾喇嘛寺和隆武傍水夾攻賊潰而復聚盡燬之夜克美諾諸碉寨復分攻納圍正面山梁敗賊於鳩寨奪碉五十餘邊鑲藍旗蒙古副都統旋收僧克宗從富德攻克絨布寨北沃什山摩格孟格穆圖德宗進攻卡角從奎林第取斯

清史稿

列傳一百十八

八

第賊迎戰和隆武屢衆潰決矢盡以矛門被創賜玉搬指荷包進攻克木什克第一碉賜黃馬褂師攻日旁和隆武自周叟繞出其後突入碉賊驚潰槍石不及施短刀相搏循山逐賊碉十餘墮二百餘日旁賊燬焉復借珠勒格德攻谷爾堤諸地碉寨盡克之上屢詔嘉獎授正藍旗蒙古都統進攻得楞以南碉卡又進攻勒爾齊山梁殺賊甚衆石據頭真噶和隆武與奎林乘勝運軍甚夥分隊突出攻據之賊奔潰四十年七月阿桂師逼勒烏圍而和隆武與明亮奎林合軍山北路自扎烏古山進語已具奎林傳四十一年金川平進和隆武三等果勇侯賜雙眼花翎師還賜御用鞍轡一馬並寶銀幣圖形紫光閣列前五十功臣出爲甯夏將軍移吉林將軍卒諡壯毅

額森特台格勒氏滿洲正白旗人以前鋒馬甲從征伊犁右部哈薩克與塔什罕相攻參贊大臣富德使額森特論哈薩克內附使人觀額森特護至京師擢藍翎侍衛遷二等侍衛乾隆三十四年從經略大學士傅恒征緬甸攻老官屯賊出戰額森特率索倫兵擊敗之三十二年從定邊右副將軍溫福征小金川

攻巴朗拉奪其東山峯毀燭賜號丹巴巴圖魯師取達木巴宗額森特由別道
 出山北連破喇卡至寶哩合師奪北山賊乘夜築卡將兵邀擊賊數百踵至三
 卻三進額森特中鎗力擊敗之遂克寶哩復策取普爾瑪塞攻東瑪連戰敗賊
 擄頭等侍衛賊分兩道出戰伏兵逆擊賊大敗薄其燭身被創大呼殺賊遂克
 東瑪進克美美卡拔路頂宗山燭授鑲黃旗蒙古副都統至博爾根奪山巔大
 寨夜渡水仰攻納拉覺山克燭十二卡十五擊格實迪破公雅山踰木爾古山
 籠取溝內寨卡據嘉巴山授領隊大臣小金川平復從將軍溫福至功噶爾拉
 山功噶爾拉者兩金川接壤要隘也峯陡絕積雪封徑賊踞險額森特督兵
 直上副都統烏什哈達繼之漸克旁燭戰于固木卜爾山敗賊從溫福移營木
 果木會攻昔嶺賊燭密布與海蘭察合攻冰雪中相持數十日木果木軍潰副
 將軍阿桂在富噶爾拉全師撤駐翁古爾壘上命阿桂為定邊將軍再進額森
 特與總兵海祿奪北山橋卡總兵成德至三路合攻阿喀木雅山乘勝取木蘭
 壩平鄂克什官寨師至路頂宗額森特越山擊賊入刃賊數十墮崖死進攻

清史稿

列傳一百十八

九

郭明宗遂復美諾授正紅旗護軍統領御用黑狐冠借海蘭察至谷噶山下
 有橫梁曰喇穆峯勢峻險海蘭察與侍衛公保齊從旁進額森特當其前夜乘
 雪影穿符越險直前奮擊賊至黎明已二十餘里始見高峰列大燭九線石
 牆俄雪又作乘晦抵燭趾賊不敢出乃攻取其左右山梁及附近債巴拉克山
 峯夜擊梁東色依谷山與海蘭察兵合海蘭察據登古山與羅博瓦山相對險
 特甚共率兵由石鱗躍登林中礮石如雨及第三峰麓賊數百分隊迎擊卒敗
 之攻克第二峰燭上獎其奮勉授散秩大臣進勳得斯東寨斫寨門縱火賊出
 殺之雪夜賊劫副將常祿保營額森特聞鎗聲赴援賊敗走賊乘雨霧建二燭
 於羅博瓦山額森特與海蘭察率兵八百夜雨中薄燭毀墻入賊窟竄平其燭
 賊夜劫烏什哈達營追擊敗之賊於羅博瓦峰下色湖普大岡置大燭六左右
 相應接海蘭察克其中三燭額森特克其左二烏什哈達克其右一山皆皆平
 上嘉之製詩紀事額森特於大雨中攻色湖普左偏依柵進克二木城遙見該
 布達什諾各若烟起知海蘭察兵至遂乘機奪筆耶納克該筆達烏諸若改墨

爾根巴圖魯賜白金二百師圍達克爾宗額森特與海蘭察燬平房燭卡二百
 餘克水湖攻官寨自蓋木中驟逼寨墻賊死戰額森特傷鼻及足撲第三寨賊
 舉鎗折其弓鎗傷指易弓連斃數賊上以額森特被傷能易弓射賊手詔嘉獎
 賜貂冠捨劍掛掛攻默格爾山與海蘭察共攻克密拉噶拉木燭及凱立葉官
 寨敗勒烏圍援賊百餘授參贊大臣乘勝取布拉克森及格斯巴爾二山燭
 山下羅卜克鄂博溝口七燭於是凱立葉上下及附進寨落皆平上獎其奮勉
 超羣命在乾清門行走復與海蘭察分隊乘月照度山溝入格普古了口得燭
 卡十二抵桑噶斯瑪特破石城木柵奪旗康尼二寨攻上下巴木通克之下
 寨落百餘賊不敢復拒至直古腦山頂與福康安兵合直趨勒烏圍賊巢賊負
 高阻深力戰克之額森特負傷不能乘馬上命駐守勒烏圍額森特隔河見明
 亮兵攻阿爾古發礮助之上聞曰額森特不分畛域無愧為參贊額森特望見
 攻西里官兵得捷率保衛常祿保等攻西里山麓克其木城勒烏圍前山曰克
 爾古什拉斯者取噶拉依正道也賊於山上城燭密布額森特攻克之乘勝取

清史稿

列傳一百十八

十

格隆古師將逼賊巢賊恃布哈爾則朗噶克為門戶斫木寨道額森特率諸將
 烏爾納那木扎影等進攻賊伏積木中發鎗如雨額森特乘柵以登設伏兵
 夾擊賊遂斃潰進克喀爾巴山後燭附近寨落遂薄噶拉依上嘉額森特勇封
 一等勳勇男世襲金川平陽御用鞍馬級二十端白金千圓形紫光閣列前五
 十功臣四十六年循化回蘇四十三因爭立新教為亂破河州命從大學士阿
 桂討之額森特與海蘭察明亮等分攻華林山力戰被傷賊平進三等子四十
 七年卒
 普爾普額爾特肯氏蒙古正黃旗人父巴圖濟爾噶爾本額魯特杜爾伯特部
 宰桑來降隸蒙古正黃旗從征準噶爾討霍集占皆有功官至內大臣賜騎都
 尉世職圖形紫光閣普爾普自閑散再遷三等侍衛從征緬甸擢御前侍衛授
 公中佐領乾隆三十七年命率額魯特兵詣金川從定邊右將軍溫福進討師
 攻達克蘇普爾普奪賊卡斷賊來路從參贊大臣豐昇額攻明郭宗命為領隊
 侍衛借巴雅爾取明郭宗南寨加副都統銜進攻噶爾拉經了口盡得賊卡寨

借副都統海蘭察攻昔嶺克要路二普爾普與海蘭察額森特巴雅爾烏什哈達馬全阿爾納素戰尤力復與諸將攻斯達克阿喇爾布爾碩藏噶爾山梁克之進攻色布色爾山梁得賊四十餘羅博瓦者金川渠所恃為門戶者也師進悉據其諸峯授散秩大臣賊劫副將常祿保援擊敗之與海蘭察合攻喇穆喇穆射殺紅衣賊渠又拔該布達什諾木城二賜御用黑狐冠賊劫我軍所置卡與烏什哈達赴援賊潰攻遜克爾宗中創復攻舍圖旺斷遜克爾宗去路借台斐英阿等攻章噶得賊寨二十餘又克隆斯得寨賊貯鉛丸火藥處也遜借台斐英阿等克勒烏爾賜什勒瑪咳巴圖魯名號進攻阿穆曲強達巴克大碉三木城四仰攻西里山峰賊越碉竄普爾普逐捕所殺傷過當攻舍勒固租魯得碉一攻開布智章得寨一又克薩爾歪阿結占賊寨據勒勒勒木通科布曲山梁斬獲甚衆四十一年正月合諸軍圍噶拉依普爾普出其右與海蘭察築壘逼賊巢遂克之金川平封三等奮勇男世襲圖形紫光閣前列前五十功臣師還上郊勞賜御用鞍轡馬一授正紅旗護軍統領正白旗滿洲副都統賜雙

清史稿

列傳一百十八

十一

眼花翎四十二年恩賜諡泰東陵離營住宿坐奪雙眼花翎林爽文之亂授領隊大臣命從將軍福康安赴台灣援嘉義解圍克大里代爽文逃小半天山頂同海蘭察進攻賊拒戰山路險惡普爾普率廣東兵及屯練降番擊木柵先登賊潰遂擒爽文進軍耶囉迫勦賊目莊大田賊來劫營普爾普於大武壠隘口衝殺敗之諭於臺灣嘉義建生祠事見福康安傳大田就擒臺灣平再圖形紫光閣晉封二等男襲一次以三等男世襲五十五年卒

論曰海蘭察勇而有智略每戰微服策馬觀敵察其瑕集兵攻之輒勝平生惟服阿桂知兵福康安禮先焉乃為盡力師所向有功奎林亦孝賢皇后諸姪剛而不撓動名與羣從並和隆武額森特普爾普皆以克敵功最受封爵乾隆中多將材此尤其魁傑也

清史稿

列傳一百十九

富勒渾

劉秉恬

郭寶

徐績

覺羅圖思德

陳步瀛

徐嗣曾

孫永清

郭世勳

畢沅

富勒渾章佳氏初自舉人授內閣中書累遷戶部郎中乾隆二十八年授山西冀甯道遼山東按察使以在冀甯道失察陽曲知縣段成功虧帑左授山西雁平道再遷浙江布政使三十五年署巡撫奏劾總督崔應階僕誣指錢塘民為賊擅刑致斃論罪如律三十七年調陝西尋擢湖廣總督入覲賜孔雀翎四川總督阿爾賽坐貪贓玩縱得罪上命富勒渾如四川會總督文綬按治阿爾賽縱子明德布與布政使劉益相結受賂明德布在京師上令軍機大臣傳訊自承富勒渾奏論益立斬上以為過重改監候獄速署布政使李本富勒渾奏本

清史稿

列傳一百十九

一

罪富勒渾職劾示不足蔽辜請留軍効力上責其名重實寬意存取巧命劾示期滿留軍効力三十八年師征金川四川總督劉秉恬出駐美諾命富勒渾留署四川總督總理各路軍需秉恬奏揀發往川省各員視軍營為畏途惟恐出口辦差不通問問上以責富勒渾富勒渾奏陳司道公議新到各員出口辦差未免竭蹶請以現任各員調赴而令新到者分別署理上責富勒渾玩公沽譽令勅倡議者富勒渾奏司道公議並無倡始上益不憚謂富勒渾竟敢以罰不及衆嚇朕下吏部奪官命寬之木果木師潰底木達被陷富勒渾率新至貴州兵馳赴蒙固橋防守事聞上嘉之旋奪秉恬官即以富勒渾實授令駐美諾以欽差大臣關防督餉時美諾亦被陷富勒渾屯明郭宗河口據山梁設卡防守復發兵分駐路頂宗巴朗拉將軍阿桂進攻小金川上命富勒渾與提督王進泰統兵策應師克美諾上令富勒渾進泰賊守美諾並分兵駐僧格宗明郭宗阿桂奏富勒渾王進泰過慎而慮於山川形勢行軍機要均未能悉請令副都統成果雲南提督常青駐守後路上從之諭戒富勒渾等勿存畛域奏新開嶽底

至色利溝運道軍糧斷此路運送瑪爾當明郭宗諸地存米借防兵一月糧餘俱運軍前請撤前設驛站又奏分兵駐防大板昭及梭格泊古諸地四十年奏阿桂等督兵進搗賊巢應用糧餉軍火銅片礮料儲備充裕並造皮船濟師又奏調梭格泊古瑪爾當兵分防沙壩三松坪以護餉道皆稱旨上命富勒渾駐布朗郭宗富勒渾奏阿桂明亮合攻甲索山梁布朗郭宗距軍五百餘里虛難於策應上諭曰阿桂進攻烏爾自應隨軍督餉兵事移步換形不必泥前旨也師克勒烏爾奏請撤前設卓克采一路驛站四十一年復授湖廣總督命師還上官金川平議叙四十二年授禮部尚書四十二年調工部授鑲藍旗蒙古都統四十四年復授湖廣總督四十五年調閩浙南巡迎謁時李侍堯以貪縱得罪富勒渾入對上諭及之富勒渾對侍堯實心體國為督撫中所罕見及上命各督撫議罪又請行誅上責其前後歧異浙江巡撫王賈望丁憂留辦塘工攜家居杭州賈望得罪上又責富勒渾未劾大學士阿桂赴浙江閱海塘疏劾杭嘉湖道王燧又責富勒渾徇庇奪孔雀翎降三品頂帶授河南巡撫河溢

清史稿

列傳一百十九

二

萬錦灘富勒渾親赴防護又溢青龍岡四十七年工竟還現任頂帶復授閩浙總督寧漳泉民械鬪勦總兵金蟾桂知府蘇泰等並奪官五十年三月入京與千叟宴調兩廣粵海關監督穆騰額入覲上詢富勒渾操守對未敢深信及命軍機大臣詰之又發富勒渾縱僕股士俊納賄狀下巡撫孫士毅按治士俊常熟人並令江蘇織造四德等藉其家資累萬士毅奏亦發富勒渾與士俊等關通納賄事實上奪富勒渾官遣尚書舒常如廣東會訊大學士阿桂方按事浙江又命士毅速富勒渾監送阿桂鞠治論斬下刑部獄五十二年詔釋之五十二年坐在閩浙失察總兵柴大紀貪劣復下刑部論絞仍釋之五十四年羅源盜發上追諭富勒渾廢弛玩誤成伊黎五十五年釋回六十年又發熱河是年即釋回卒文綬富察氏滿洲鑲白旗人雍正十三年自監生授內閣中書再遷禮部員外郎改內閣侍讀乾隆十一年授甘肅涼州知府累遷轉山西布政使三十一年坐迎合巡撫和其衷徇陽曲知縣段成功虧帑奪官戍軍臺旋授道銜往哈密辦事三十三年授河南巡撫未上官調陝西三十六年署陝西

總督士爾尼特內附命赴齊齊哈爾犒勞授四川總督未行仍調授陝甘師征金川奏陝甘發兵三千延緩鎮總兵書明阿以千人赴維州興漢總兵張大經以二千人入四川從征文綬如鞏昌安定視師行三十七年疏言巴里坤烏魯木齊年來日繁盛招民墾地戶給三十畝並農具籽種視新舊例六年陞科瑪納斯城南可二萬餘畝瑚圖壁城西北可六千餘畝巴里坤城外及傍近諸地五千九百餘畝玉門酒泉敦煌三縣可五千餘畝往時嘉峪關恒閉過者候譏察今關外已同內地請令辰開酉閉兼開烏魯木齊城南七達色巴山梁以利行旅又酌定收指監糧籌備巴里坤移駐滿洲兵糧料並於巴里坤山灣設廠牧羊令滿洲兵子弟取乳剪毛以廣生計均如所請行三十七年調四川總督前政阿爾泰坐誤軍興又縱其子明德布婪索得罪上命文綬察明德布婪索狀文綬言明德布侍阿爾泰日久與屬吏往還尚無婪索事而明德布在京師上命軍機大臣按鞫具服乃責文綬袒護奪官往伊犁効力三十八年木果木師潰總督富勒渾奏報金川酋攻明郭宗河口上授文綬頭等侍衛佐富勒渾

清史稿

列傳一百十九

三

治軍未幾授湖廣總督仍署四川總督借富勒渾奏言增兵需餉請令商民願自湖廣運糧入四川者視乾隆十三年范毓禧助餉加銜例殺一石當銀九錢授以貢監職銜並議行四十一年實授四十四年入覲子國泰官山東巡撫召詣京師相見四十五年疏言雲南昭通東川諸屬改食川鹽應於川滇交界隘口設稽察上可其奏並諭雲貴總督福康安一律嚴防四十六年詔停打箭爐收稅部員由總督委員管理因條奏裁改諸事從之四川多盜民間號囑子闌入鄰近諸省湖廣總督舒常湖南巡撫劉墉貴州巡撫李本先後疏言盜自四川入境遣將吏捕治文綬奏後入上責其玩縱降三品頂帶尚書周焯復陳盜為民害將吏置不問甚或州縣吏胥身為盜擾民上以文綬因循貽患奪官往伊犁効力四十八年釋回四十九年卒子國泰自有傳

劉秉恬字德引山西洪洞人乾隆二十一年舉人二十六年明通榜授內閣中書充軍機處章京再遷郎中三十二年考選福建道御史轉吏科給事中大學士傅恆督師討緬甸以秉恬從擢鴻臚寺少卿師還超擢左副都御史遷刑部

侍郎調工部再調倉場三十七年師征金川大學士溫福出西路總督桂林出南路授秉恬欽差大臣督西路糧運尋以南路徑僻站長輓運尤艱命改赴南路秉恬以西路需餽急請暫留料理上聽之又奏南路運糧人俱畏其難臣非敢言易然天下無必不可辦之事上諭令勉為之尋奏師自甲爾木進攻小金川道路險阻唯羊可陟乃招蠻民販羊至軍以六羊當米一石又奏師攻克僧格宗距達烏圖六十餘里臣往勘擬於策爾丹色木設站其地有喇嘛寺糧至卽貯寺以蔽風雨旋赴美諾督運上嘉秉恬不辭勞瘁賜孔雀翎授四川總督仍留美諾督運三十八年師克小金川溫福督兵進攻昔嶺上命秉恬將美以溝曾頭溝兩路酌量形勢分別駐守赴木果木及功噶爾拉兩地察勘秉恬奏至與上諭正合深嘉之諭謂勤勞軍務與統兵督戰無異命交部照軍功議叙秉恬途中得綽斯甲布土司遣頭人投稟許綽斯甲布與金川親睦雖從征未嘗盡力並請歸金川所侵噶爾瑪六宗諸地秉恬諭師討金川斷不中止噶爾瑪六宗諸地事平後當有公斷爾土司從征未得一地且縱金川人在境內為

清史稿

列傳一百十九

四

盜所謂盡力者在頭人語塞奉檄而去疏聞上嘉秉恬甚合機宜秉恬至木果木復奏臣自崇德抵功噶爾拉地氣極寒四山皆雪甫經設站以篋席支棚使人畜暫有棲止至簇拉角克為布朗郭宗運糧要道兩口東西相距六十七里開修土路通至木波即合帛噶爾角克岡及布朗郭宗大道又自功噶爾拉至木果木路陡雪滑已飭修路鑿冰不致少誤糧道報聞加太子少保木果木師潰以提督董天弼失守底木達布則郭宗責秉恬不先奏劾奪官予按察使銜留軍旋并削銜命佐按察使郝碩督西路運糧三十九年奏勦視米易取糧已由四川採辦十數萬斤又奏修整樹坻至司爾拉薩拉驛道並與總督富勒渾議以北路軍餽歸西路遞運上並嘉納四十年以督運無誤授兵部郎中仍賜孔雀翎以欽差關防督餽未幾擢吏部侍郎以母病召還京師旋丁憂未幾起署陝西巡撫四十五年召入覲調署雲南巡撫四十六年署雲貴總督安南國王以內地人民出邊居住制土民欠稅且動稱內地差委徵索租賦大為民擾咨請防禁秉恬擬照會略謂內地百姓緣爾國需用貨物特准開關通市

為爾國利賴本非在外墾田種地無應納租賦焉有制土民欠稅之理如滋生事端惟有責令爾國察出送回內地究治奏聞上嘉其得體仍令軍機大臣刪改寄秉恬具答累年以運銅安速議叙五十一年召授兵部侍郎五十二年調倉場嘉慶四年復調兵部五年卒查禮字恂叔順天宛平人少劬學乾隆元年應博學鴻詞科報罷入資授戶部主事揀發廣西補慶遠同知舉卓異上命督撫舉堪任知府者巡撫定長李錫秦先後以禮薦十八年擢太平知府母憂去服闋補四川甯遠三十三年擢川北道三十四年調松茂道小金川用兵總督阿爾泰檄禮治餽將軍溫福師進巴朗阿大營以禮從令修建汶川桃關索橋逾月工竟上嘉之命專司督運西路糧餽三雜谷土司為小金川煽惑頗懷疑懼禮諭以利害眾咸服時溫福出雜谷腦道提督董天弼分兵自間道出曾頭溝軍需局以儲米半運雜谷腦曾頭溝軍糧不足禮坐奪官仍留軍效力師克美諾溫福令禮與天弼清察戶口地糧總兵五福自美諾移軍丹塘總督劉秉恬奏禮雖文員頗強幹請番情命署松茂道代五福駐美諾撫降番三十八

清史稿

列傳一百十九

五

年木果木師潰禮偕遊擊穆克登阿赴援至蒙固橋聞喇嘛寺糧站陷士卒狼顧會松茂總兵福昌至遂復進遇伏禮率督兵擊之擒若首餘寇驚遁美諾已陷賊阿桂馳援以達圖乘陷檄禮駐守尋命真除三十九年阿桂師再進令禮專任臥龍關路糧餉阿桂乘上旨以南路陰翳設疑兵奉綴奇兵自北山入禮請自樹坻至薩拉站開日爾拉山山五十里冰雪六七尺故無行徑禮登高相度以火融積凍鑿石為磴不匝月通路二百餘里自樹坻達西北兩路軍管視故道皆近十餘站省運費月以鉅萬計特旨嘉獎郭羅克掠蒙古軍牲畜殺青海公里塔爾富勒渾令禮及遊擊學聖捕治得盜二還牛馬五百餘盜渠未獲富勒渾以禮行後糧運漸遲誤奏促禮還十一年金川平禮留辦兵屯拊循降番叙功賜孔雀翎上遣理藩院郎中阿林知府倭什布參將李天貴出黃勝關捕郭羅克盜渠未得皆坐奪官仍令禮往捕禮調三雜谷土兵四千先令裹糧疾進禮至宣布上意郭羅克會瑪克蘇爾哀布來謁問盜渠所在諉不知禮執送內地責其弟索朗勒爾務捕盜四十二年瑪克蘇爾哀布病死上責禮

失撫馭番夷之道四十四年擢按察使瞻對番劫裏塘熱若麻塘寺禮往按得盜賊於法四十五年遷布政使尋擢湖南巡撫入覲四十六年卒於京師子淳大理寺少卿

鄂寶託氏滿洲鑲黃旗人父西柱官西安將軍鄂寶自官學生授內閣中書再遷戶部員外郎乾隆十六年授奉天府尹二十年署廣西巡撫二十六年總督李侍堯劾陸川知縣應斯鳴等縱賊害民鄂寶奏前後相歧奪官以三品銜往庫車辦事三十一年召還署左副都御史仍授巡撫歷湖北貴州福建廣西山西諸省內遷刑部侍郎金川用兵三十七年七月命侍郎劉秉恬及鄂寶督饒秉恬主西路鄂寶及散秩大臣阿爾泰主南路尋令改主西路鄂寶議人負米五斗日行一站驛負米石日行可二三站改以驛運軍糧得無闕賜孔雀翎三十八年仍授山西巡撫督饒如故溫福師自功噶爾拉入阿桂自富噶爾拉入豐昇額自赫斯甲布入鄂寶駐大板昭主饒溫福軍秉恬駐底木達主饒阿桂軍而豐昇額軍出赫斯甲布南路自打箭爐往秉恬兼任之西路自三雜谷

清史稿

列傳一百十九

六

丹墻往鄂寶兼任之木果木師潰底木達大板昭皆陷賊上命阿桂整兵復進鄂寶仍駐覺木交督餉旋進翁古爾壘疏調副將董果護後路上又命原任江西布政使顏希深馳驛往佐之副將軍明亮等又請令鄂寶駐丹東上念鄂寶兵少命以湖廣續調兵千人屬鄂寶阿桂又疏請桂林李世傑主南路令鄂寶主西路丹墻至赫斯甲布糧運鄂寶請以丹東屬桂林兼領旋詣丹墻置台站副將軍豐昇額自凱立葉進兵鄂寶請自三雜谷後應卓克采轉輸凱立葉較丹墻道為近豐昇額進攻谷噶鄂寶請自梭落柏古轉輸色木多凱立葉留少兵即裁站夫省糜費會明亮自宜喜進兵既克達爾圖兩路軍合師沙壩克勒烏圍鄂寶請將西路台站以次裁撤四十一年金川平軍功加一級七月調湖南巡撫仍留辦軍需奏銷十月授漕運總督四十四年大學士于敏中等議報銷四川軍需不符請令鄂寶等分償得旨豁免四十八年授盛京戶部侍郎兼奉天府府尹五十二年卒子文通官內閣侍讀學士兼公中佐領顏希深字若愚廣東連平州人入資授山西太原同知累遷山東泰安知府建考棚書院

清察徵清浮收諸弊高宗東巡召對褒以他時可大用二十七年授四川按察使入覲上以希深母老尚欲隨任希深亦不敢奏請改補近地母子知大義命調希深江西二十八年遷福建布政使三十二年調江西丁母憂去三十四年仍授江西布政使又丁父憂去三十八年詣京師命赴金川軍佐鄂寶治餉授河南布政使仍留軍疏言糧台設木池因限於山與軍營相隔將山地開平安營臣與黃巖總兵李時擴督兵防護時令將弁操演不但技藝熟練而槍聲遠近相聞亦可牽縱賊勢又言覺木交深林密箝賊易以藏身臣督兵斬伐林木使附近賊窺有徑可通處絕無遮蔽藉免竊發皆稱旨賜孔雀翎木池站焚燬火藥希深請與時擴分償師深入山重雪積希深摧督拊循恆終夜露宿四十二年擢湖南巡撫旋入為兵部侍郎四十五年復出署貴州巡撫調雲南卒徐績漢軍正藍旗人乾隆十二年舉人入資授山東兗州河通判累遷山東濟東泰武道三十四年擢按察使丁父憂命以按察使銜往哈密辦事賜孔雀翎三十五年擢工部侍郎烏魯木齊辦事大臣三十六年奏瑪納斯在伊犁塔

清史稿

列傳一百十九

七

爾巴哈臺之間請駐兵使聲勢聯絡從之授山東巡撫三十八年上幸天津迎謁賜黃馬褂三十九年壽張民王倫為亂績率兵捕治次臨清城南為倫所圍總兵惟一赴援戰敗上遣左都御史阿思哈率兵援績並令大學士舒赫德視師諭曰績為巡撫地方有此奸民不早覺察不為無罪但以民亂將巡撫治罪適足長其刁頑事定功過自不能掩尋事定命解任責捕餘黨捕得倫弟柱林等二十餘人上嘉績勉授河南巡撫仍繳進孔雀翎示儆四十二年奏按察使趙銓健忘上責績於銓應否去留不置一辭下吏議奪官命寬之召授禮部侍郎四十七年坐學祭禮器誤奪官以三品頂帶往和闐辦事召授正黃旗漢軍副都統遷正紅旗漢軍都統六十年上詢前政弘旺在官事績奏不實奪官以六品頂帶往和闐辦事嘉慶元年授三等侍衛烏什辦事大臣召授大理寺少卿還孔雀翎再遷宗人府府丞十年以病乞休十二年重與鹿鳴宴賜二品銜十六年績子銀授建甯總兵入覲上以績年逾八十調銀直隸正定總兵俾就養平銀官至直隸提督

覺羅圖思德滿洲鐵黃旗人初自諸生授光祿寺筆帖式累遷戶部員外郎外授江南常鎮道再遷貴州布政使乾隆三十七年擢巡撫疏言貴州威寧瑪姑柞子廠水城福集廠產黑白鉛歲供京局及各省鼓鑄廠員營私滯運請立條欵嚴處分並下部議行三十九年署雲貴總督上令出駐永昌並諭以防邊事重視前政彰寶舊日章程益加奮勉抵任後疏言清釐彰寶移交文牘永昌軍需造銷牽混應請各歸各款以清眉目造解京箭各領協稱現多損壞與彰寶原奏不符又有批准保山等廳縣添買倉穀亦滋疑義尋劾保山知縣王錫永平知縣沈文亨侵虧倉穀請奪官鞠治上命侍郎袁守侗馳驛往按錫言彰寶勒索供應四萬餘致虧短兵糧上震怒速彰寶治罪圖思德以箭二十萬解四川軍營上嘉之十一月兼署雲南巡撫自傳恆征緬甸還師緬甸貢使久不至閉關絕市年久圖思德奏言偵知緬民亟盼開關緬甸亦窘迫有投誠意惟風聞難信但當簡練軍實使聞風生畏上聽之及兼署巡撫自永昌還會城令提督錦山等董理邊防疏報佛上意嚴旨促仍赴永昌督辦邊防四十一年復奏

清史稿

列傳一百十九

八

偵知緬甸曾戰已死子贊角牙嗣立方幼頭人得魯藉將遣使叩關納貢上以緬甸初無悔罪輸誠之意諭勿輕聽尋奏得魯藉遣使投稟願送還內地官人貢象乞開關已飭龍州將吏與以回文上以圖思德示緬甸有遷就結案之意斥為大謬四十二年又奏得魯藉欲將所留楊重英蘇爾相多朝相等送還並叩關納貢上念受降事重圖思德不能勝其任命大學士阿桂赴雲南主持調李侍堯雲貴總督圖忠德回貴州巡撫任四十四年擢湖廣總督卒賜祭葬諡恭愍彰寶鄂謨託氏滿洲鐵黃旗人乾隆十三年自繙繹舉人授內閣中書十八年授江蘇淮安海防同知累遷江寧布政使三十年授山西巡撫陽曲知縣段成功虧帑事發具得巡撫和其衷畀銀五百為彌補及布政使文綬等知情狀奏聞上遣侍郎四達會鞠得實其衷成功論斬文綬等戍軍臺安邑知縣馮兆觀揭河東鹽政達色累商及受賄禮門包又遣四達會鞠並得河東運使吳雲從因被四達糾參嗾兆觀揭發狀達色論死雲從兆觀治罪如律三十二年調江蘇兩淮鹽政尤拔世奏繳本年提引徵銀上以此項歷年均未奏明自乾

隆十一年起應有千餘萬命彰寶會同詳察前任鹽政高恒普福運使盧見曾均坐是得罪又發前任監掣同知楊守英詐取商銀並論如律三十四年命馳驛往雲南省巡撫師征緬甸署雲貴總督命出駐老官屯督餉加太子太保三十五年奏永昌沿邊千餘里山深徑僻應於裁宋關緬箐山隴川龍陵姚關及順寧箐箐橋設卡駐兵上令實力督率又奏貴州調至兵間有老弱現加甄汰上責彰寶現為總督兩省皆所轄何不勦奏三十七年劾雲南巡撫諾木親才識不能勝任召還又奏車里宣慰土司刀維屏逃匿請裁土缺設專營上從其議定營名曰普安尋寶授雲貴總督三十九年以病請解任王錫事發奪官逮京師論斬四十二年卒於獄

清史稿

列傳一百十九

九

大紀貧劣狀上責嗣曾平日緘默不言尋疏言大紀廢弛行伍貪婪營私事迹昭著又奏撫恤被難流民給銀折米福建舊例石準銀二兩今以米貴請改為三兩上以福康安奏晴雨及時歲可豐收仍令視舊例借福康安等奏清察積弊籌酌善後諸事均得旨允行嘗以臺灣吏治廢弛不能早行覺察自動上原之命臺灣建福康安海蘭察生祠以嗣曾並列尋奏臺灣海疆刁悍治亂用嚴民為盜及殺人者役殃民兵冒糧及助戰守義民或挾嫌害良皆立置典刑以是稱上旨嘉嗣曾不負任使事功定命內渡尋又命侯總兵奎林至乃行莊大田者與爽文同亂坐誅嗣曾捕得其子天畏及用事者黃天養送京師又得海盜立誅之五十四年賜孔雀翎大小荷包圖象紫光閣請入覲未行安南阮光平據黎城福康安督兵赴廣西嗣曾著總督福康安瀕行奏福建文武廢弛宜大加懲創上諭嗣曾振刷整頓嗣曾奏許琉球市大黃限三五百斤諭不可因嗜廢食又奏福建民多聚族而居有為盜竊族正舉首教約有方給頂帶盜但附從行劫未殺人拒捕自首擬斬監候三年發遣免死上諭曰捕盜責在將吏

令族正舉首設將吏何川族正皆土豪假以事權將何所不為福建多盜當嚴治若行劫後尚許自首免死何以示儆二條俱屬錯謬五十五年高宗八旬萬壽壽灣生番頭人請赴京祝嘏嗣曾以聞命率詣熱河行在瞻觀十一月回任次山東壽莊病作遂卒

陳步瀛字麟洲江南甯人乾隆二十六年會試第一選庶吉士改兵部主事累擢郎中授河南陳州知府再遷山西按察使尋以山西獄訟繁多改命長麟仍留步瀛蘭州道旋授甘肅按察使薩拉爾回蘇四十三亂既定四十九年鹽茶廳回田五復據石峯堡為亂總督李侍堯率兵討之以步瀛從捕治諸亂回家屬旋奏令赴安定會甯督餉行次隆德聞副都統明善戰死高廟山步瀛以靜甯隆德平涼諸州縣當下隨要衝靜甯駐兵三百請益兵步瀛調固原兵五百赴平涼隆德守為犄角復往甯靜收明善餘兵守隘上獎許之尋諭步瀛兵事徑行陳奏不必拘體制步瀛奏臣收明善餘兵尚存九百有奇石峯堡回越隆德犯靜甯平涼知府王立柱督兵民擊之回退據翠屏山靜甯距省五百

清史稿

列傳一百十九

十

餘里中間會甯安定為糧運要道慮回自靜甯南竄襲我師之後已稟督臣發重兵防護旋疏報甯剛解並籌濟南西三路官軍糧餉樂稱上旨上命大學士阿桂視師以福康安代侍堯為總督上諭以軍事諸步瀛擢布政使福康安奏步明瀛白誠實督餉甚力但才具不如浦霖命調安徽布政使事定論功賜孔雀翎江淮大饑民飢殍劫奪步瀛行縣督吏賑卹而捕治其不法者自夏迄秋事漸定步瀛以勞瘁致疾五十四年擢貴州巡撫疾大作卒

孫永清字宏度江南金匱人乾隆三十三年舉人授內閣中書永清未入官嘗佐廣東布政使胡文伯幕士司以爭鬪相訐驗文牒皆明印大吏欲以私造符信罪之永清具稿請文伯力陳得免者二百餘人旋充軍機處章京撰擬精當事至輒倚以辦遷侍讀四十二年雲南總督圖思德奏緬甸將遣使入貢上遣大學士阿桂往莅以永清從緬甸使不至阿桂令永清撰檄諭之送所留守備蘇爾相還四十四年授刑部郎中考選江西道監察御史四十五年超授左副都御史授貴州布政使奏言梓子廠產黑鉛課餘三十餘萬斤請以十萬斤運

廣四十九年署巡撫又奏梓子廠黑鉛例於四川永寧設局收發課餘三百萬斤請歲以五十萬運存永寧五十年擢廣西巡撫劾新寧知州金垣等道稅按察使杜琮鹽道周延俊等並坐奪官五十二年臺灣民林爽文為亂徵廣西兵永清奏兵出征在例馬兵賞借銀各十兩步兵賞借銀各六兩請於借銀留三兩為製衣命議叙五十二年餘縣獄繫盜案美煥謀穴墻逃捕得永清令立誅之奏聞上諭曰獄囚反獄劫獄當立誅若鑽穴越墻祇求苟免不得與此同科今之督撫皆好殺弄權永清失之太過安南阮惠為亂國王黎維那山亡其臣阮輝宿護維那母妻宗族至龍州永清及總督孫士毅疏聞士毅尋發兵討惠永清出駐湖將奏太平設軍需局以福建延建邵道陸有仁桂林知府查淳董其事五十四年維那復國使迎其母妻宗族永清為具行李並傳上旨賞錦緞綢布及白金四百諭獎永清自駐南甯彈壓邊關籌辦糧措置得宜賜孔雀翎士教師收還福康安代為總督永清與福康安奏安南用兵關內外支放銀百萬米八萬餘逐款詳數例可用而未用或用不及數者以實用之數具報如

清史稿

列傳一百十九

十一

有軍行緊急略有變通與例不符者仍如例發減上諭令以實為之秋以廣西秋審冊自緞決改情實凡三案諭責永清寬縱東蘭州安置臺灣降人鄭管陳廷乘舟走迫捕以溺水報上命奪知州黃圖等官逮訊永清坐降調命留任是時阮惠更名光平上封為安南國王請以來年詣京師祝萬壽使阮宏匡等叩關入貢永清令在太平候旨疏聞上令光平使臣於來年燈節前至京師與外藩蒙古等一體入宴責永清拘泥永清旋奏光平使臣自桂林北行上察廣西學政潘曾起不稱職以諮永清永清言曾起性情褻急未愜士心上責永清不先奏劾以方料理安南內附光平將入覲不遠易人罰養廉二年五十五年春光平又以新賜印並御製詩使叩關入貢永清疏以應否令光平使詣京師請旨上諭曰光平遣使陳貢自應令詣京師何必奏請永清又奏太平南甯鎮安三府與安南接壤請屯兵防隘立柵開濠分隸龍巖二營管轄報聞四月光平入關以其子光垂臣吳文楚從奏聞上嘉之尋卒弟藩監生以四庫館議叙授中書科中書官至安徽布政使子爾準自有傳

郭世勳漢軍正紅旗人初自筆帖式擢吏部主事遷福建龍巖知州五遷湖南布政使乾隆五十四年擢貴州巡撫調廣東上諭曰廣東有洋商鹽務爲腥煎之地世勳操守廉潔治事勤實務慎持素履監臨鄉試奏額送科舉多取數百名經費由督撫指撥辦諭國家無此政體不允奏禁大黃出洋西洋各國歲不過五百斤瓊州臺灣亦如之暹羅安南貢船至亦五百斤五十五年總督福康安入覲命世勳署兩廣總督劄雷瓊鎮總兵葉至剛誤民爲匪左江鎮總兵普吉保濫刑斃命皆論罪如律參將錢邦彥巡洋崖州遇盜被戕以上福康安詣京師後世勳不能整飭嚴斥之暹羅國王鄭華咨乾隆三十一年被烏圖構兵圍城國君被陷其父昭克復舊基十僅五六裔有丹著氏麻叨塗坯三城仍被佔據請代奏令烏圖割還三城烏圖即緬甸世勳以其非禮妄干留其使廣東奏聞上命軍機大臣擬檄略謂緬甸曾悞與暹羅詔氏構兵非今國王孟隕事暹羅又係異姓繼立不宜追問詔氏已失疆土天朝撫馭萬國緬甸固新封暹羅亦至華嗣掌國始加封爵宜釋嫌修好共沐寵榮不得以非分干求

清史稿

列傳一百九

十二

妄行瑣瀆命世勳與福康安聯銜照會並告來使但云孔商福康安未經代表五十六年世勳奏洋船准備內地商船不准携械上諭之曰商船出洋携械禦盜不特各國來船未便禁止即內地商船遇盜不能禦豈有束手待斃之理祇令海口將吏察驗不可因噎廢食以上廣東多械關諭世勳稽察化導有步文斌者以罪配德慶州傳習邪教世勳捕得四十餘人送京師上諭以其渠送京師餘令世勳繫獄候刑部擬罪五十七年安南國王阮光平咨言國境嵩陵等七州毗連雲南開化莫氏舊人黃公瓚父子據守黃緣內附籲懇代奏詳察使至龍州龍州通判王撫棠以所請非分發書駁還世勳奏聞上嘉撫棠賜大緞獎之光平又以黎維那弟維祇結土酋農福福爲亂遣兵勦滅具表獻捷表內並言維祇爲亂因維那從人丁逆衡等爲維那通消息請按治維那罪世勳以光平所言臆度無憑對揚失體照會令將表文刪節繕正奏聞上已先得巡撫陳用敷奏令諭光平具確據並通消息者何人送京師按治命世勳遵前旨照會光平五十八年暹羅安南貢使至世勳遣吏伴送詣京師上以所派職卑

才庸虛爲外藩所輕降旨申飭湖州總兵託爾歡請覲例具清字摺併批令來見世勳委署總兵譯漢文爲俾語上賜荷包愧之英吉利遣使入貢請遣人留京居住上不許慮英吉利貢使還經廣東復多所陳乞時已授長麟兩廣總督命與世勳和衷商榷尋奏英吉利貢使請在黃埔蓋房居住已嚴行拒絕並禁內地奸民指引勾結上賜荷包獎之五十九年入覲途次病作至京師卒賜祭葬

畢沅字纘荀江南鎮洋人乾隆十八年舉人授內閣中書充軍機處章京二十年一甲一名進士授修撰再遷庶子三十一年授甘肅鞏秦階道從總督明山出關勘屯田調安肅道擢陝西按察使上東巡覲行在備言甘肅旱諭治賑並免通賦四百萬擢布政使屢護巡撫師征金川遣沅督餉軍無既授巡撫河洛渭並漲朝邑被水治賑全活甚衆募民墾興平蓋屋扶風武功荒地得田八十餘頃涇陽陽龍洞渠溉民田嘉峪關外鎮西迪化士子赴鄉會試者奏請給驛馬置姬氏經五博士奉祀文武成康四王及周公陵墓修華嶽廟暨漢唐以來名蹟收碑碣儲學宮屢署總督四十一年賜孔雀翎四十四年丁母憂去官四十五年陝西巡撫缺員諭沅在西安久守制將一年命往署理非開在任守制例也四十六年甘肅撤拉爾回蘇四十三爲亂沅會西安將軍伍爾泰提督馬彪發兵討之事平論功賜一品頂帶甘肅冒賑事發御史錢澧劾沅賂降三品頂戴四十八年復還原品尋實授巡撫四十九年甘肅鹽茶廳回田五復亂沅遣兵分道搜勦上命大學士阿桂視師沅治軍需及驛傳供億屢得旨獎勵沅先後撫陝西十年嘗奏足民之要農田爲上關右大川如涇渭灃澧瀉涼

清史稿

列傳一百九

十三

瀋河洛漆沮汧汭諸水流長源遠若能就近疏引築堰開渠以時蓄洩自無水旱之虞古來雲中北地五原上郡諸處畜牧爲天下饒若酌籌開款市牛羊駝馬爲界民試牧俟有孳生交還官項餘則畀其人以爲資本耕作與畜牧相兼實爲邊土無窮之利議未行五十年調河南巡撫奏河北諸府患旱各屬倉儲蠲緩賑卹所存無多請留漕糧二十萬備賑既又請緩徵民欠錢糧並展賑上溫諭嘉之命詣胎簪山求准水真源御製准源記以賜五十一年賜黃馬褂授

湖廣總督伊陽盜秦國棟戍官上責沉捕治未得命仍回巡撫五十二年復授湖廣總督江決荆州發帑百萬治工沅奏江自松滋下至荆州萬城堤折而東北流南逼容金荆水至無所宣洩請築對岸楊林洲土壩鷄背石壩通溜南趨刷洲沙無致壅遏又請修襄陽老龍堤常德石櫃堤潛江仙人堤鑿四川湖北大江險灘使雲南銅運五十九年陝西安康四川大甯邪教並起稱傳自湖北沅赴襄陽鄖陽按治降授山東巡撫上以明年歸政令督撫察民欠錢糧豁免奏蠲山東積逋四百八十七萬常平社倉米穀五十萬四千餘石六十年仍授湖廣總督湖南苗石三保等為亂命赴荆州常德督餉以運輸周妥賜孔雀翎嘉慶元年枝江民岳人傑等挾邪教為亂破保康來鳳竹山圍襄陽沅自辰洲至枝江捕治當陽又陷復移駐荆州命解沅總督旋克當陽獲亂渠張正諤等復命沅為總督如故予二等輕車都尉世職尋奏亂渠石三保吳牛生吳八月等皆就獲惟石柳鄧未獲請撤各省兵留二三萬分駐苗疆要隘上諭曰撤兵朕所願但平亂未克石柳鄧未獲豈能遽議及此尋獲石柳鄧上命沅馳赴

清史稿

列傳一百十九

十四

湖南鎮撫疏言樊城為漢南一都會請建凱城以工代賑二年請以提督移辰州增設總兵駐花園汛尋報疾作手足不仁賜活絡丸旋卒贈太子太保四年追論沅教匪初起失察貽誤濫用軍需帑項奪世職籍其家沅以文學起愛才下士職事修舉然不長於治軍又易為屬吏所蔽功名遂不終論曰富勒渾秉恬鄂寶輝金川之軍績富臨清之亂圖思德招緬甸之使步瀛禦石峯堡之變嗣曾肅臺灣之政永清受安南之降世勳屢卻暹羅安南干請若英吉利入貢中外交涉於此萌芽川楚教匪沅當其始久而後定諸人者皆身膺疆寄與兵事相表裏功罪不同賞罰或異欲求其事始末固不可略焉故類而錄之

清史稿

列傳一百二十

五岱

五福

海祿

成德

馬彪

常青

官達色

敖成

圖欽保

木塔爾

岱森保

翁果爾海

珠爾阿

哲森保

五岱瓜爾佳氏黑龍江人乾隆十八年命隸滿洲正黃旗初以前鋒從征準噶爾授三等侍衛賜墨爾根巴圖魯名號戰葉爾羌復建二等侍衛霍罕使者至命往宣諭授正黃旗漢軍副都統賜騎都尉世職三十六年從將軍溫福討金川授參贊大臣攻巴朗拉克之授正黃旗蒙古都統京旗目吉林黑龍江諸部人為烏拉齊郎之不與為伍溫福以是輕五岱五岱密疏言溫福在軍好安逸

清史稿

列傳一百二十

一

不親督戰自以為是寒將士之心溫福亦劾五岱剛愎自用自成都至軍途中奪驛馬騷擾方攻巴朗拉綏營兵驚退五岱不能禁詐言被創昏暈上命豐昇額色布騰巴勒珠爾詣軍中按治色布騰巴勒珠爾等疏言鞫五岱俱不承請奪其職留軍前自効上責色布騰巴勒珠爾等所論列不得要領復疏言溫福輕五岱致起變溫福疏辨謂五岱與色布騰巴勒珠爾朋比謀傾陷上命色布騰巴勒珠爾等逮五岱詣熱河行在是時尚書福隆安奉使如四川疏言五岱無奪驛馬及攻巴朗拉詐言被創事色布騰巴勒珠爾亦未嘗袒五岱五岱至熱河軍機大臣廷鞠成伊犁居數月授藍翎侍衛命從阿桂出南路聽差遣阿桂令率土兵赴美諾明郭宗諸地相機夾擊尋授頭等侍衛木果木師潰阿桂駐宜喜命五岱為領隊侍衛率貴州兵防後路阿桂為定西將軍授五岱正藍旗蒙古副都統復為參贊大臣從副將軍豐昇額自丹壩進攻凱立葉山峻未深入上命豐昇額佐阿桂合軍進而以五岱駐凱立葉率賊賊屢來攻屢擊敗之五岱疏言軍中護軍校等缺當擇應升人員請上命上以參贊佐將軍治

軍事不得自專責五倍非是阿桂豐仲額自日爾巴當噶進攻五倍自凱立葉督兵夾擊進逼勒烏圍阿桂令五倍移駐日則了口尋率兵協攻珠寨及噶朗噶各寨師攻勒烏圍五倍率所部自東北入合攻克之金川平圖形紫光閣列後五十功臣出為塔爾巴哈台領隊大臣四十九年自塔爾巴哈台詣京師至蘭州聞石峯堡回為亂請從軍上諭陝甘總督李侍堯以五倍嘗從征金川知軍事令率兵進攻侍堯令偕副都統永安提督剛塔討賊自馬家堡逐賊至鹿鹿山大霧駐軍數日詢賊出後山分軍捕治命署固原提督戰伏羌城外殺賊三百餘賊遁入山遣兵搜捕俘二百三十餘復逐賊至秦安縣擬進攻底店上令尙書福康安視師五倍從克底店進攻石峯堡率兵搜捕黑塔白楊嶺餘匪毀牀子灘禮拜寺回亂平上以五倍自塔爾巴哈台班滿還京道聞回亂自請從軍福康安未至轉戰擊賊獲劬予騎都尉世職尋擢藍旗蒙古都統充上書房總譜達授領侍衛內大臣卒

五福富察氏滿洲鑲白旗人自世襲佐領累遷四川維州協副將乾隆三十五

清史稿

列傳一百二十

二

年小金川土司澤旺與鄂克什土司色達克拉搆兵五福請於總督阿爾泰檄澤旺責使服罪澤旺子僧格桑尤桀驁漸侵明正土司乃令五福將五百人屯梭磨界樸頭擺松潘鎮總兵如美諾護糧道小金川平借松茂道查禮按行邊徵屯練及新附汗牛十四寨時僧格桑竄大金川大金川土司索諾木與同為亂上慮兩酋逃往鄂羅克命五福駐丹壩丹壩往鄂羅克道所必經也賊襲攻底木達及大板昭師自登春入五福自後路會攻尋請以副將西德布率兵還丹壩而躬巡梭磨土婦卓爾瑪初附加以駕馭上命五福事畢仍還屯丹壩五福旋自丹壩進攻穆爾津山再戰陟其岡燬賊燬賊師進攻五福以三百六十人為應令官兵作攻撲狀縱賊土兵伏作固頂水卡旁賊至伏發殲其頭人遂進攻山半賊燬五福督兵斫礮門殺賊將軍阿桂等師克格魯克古了口將達丹壩五福隔山見師至即督兵攻普籠籠瑪讓諸礮同時盡燬於作固頂以下傍水設營卡師進攻勒烏圍五福自陡烏當噶夾攻斃賊甚眾進攻榮噶爾博燬賊燬一師屯巴克圖仰木山巔五福克薩木卡爾山下諸礮卡與大軍

會自達烏達圍進攻五福同總兵常祿保等為應既克黃草坪賊自山後出五福夾擊敗之師自奔布魯木進攻為三隊五福與副都統烏什哈達率第三隊圍賊燬賊越礮竄與第一二隊合至西里正寨賊潰遁分攻瓦爾占舍勒固租魯夜移礮轟燬之進攻薩爾歪賊復為三隊五福與都統海蘭察自中路進賊棄寨竄復繞出寨後殲賊甚眾賊寨皆下金川平圖形紫光閣列後五十功臣師既還以兩金川地勢寥闊命五福將三千人屯美諾尋擢廣西提督卒

海祿齊普齊特氏蒙古正藍旗人以前鋒從征伊犁定邊右副將軍兆惠屯濟爾哈朗副將軍富德攻葉爾羌攻伊西洱庫爾淖爾海祿皆在軍中賜花翎並號噶卜什海巴圖魯又以邊功擢二等侍衛溫福討金川海祿將四百人攻斑爛山及斯當安攻日耳東瑪美美諸寨及固卜濟山梁又克路頂宗喀木色爾諸寨破明郭宗滿內圖卡自前鋒參領攝陝西固原鎮總兵溫福師敗績海祿自美諾退巴朗拉定西將軍阿桂論勳富奪職命寬之師自責理南山入得阿喀木雅山上礮一至路頂宗山陡峻夜半潛入賊營殲賊三十餘孽崖死者相

清史稿

列傳一百二十

三

枕籍遂拔路頂宗即督兵進攻明郭宗克之直抵美諾賊驚潰獲大礮十餘米糧百餘石擄固原鎮總兵從阿桂自薩爾亦鄂羅山攻克登古礮卡復自喇穆喇穆迤西進得石卡一攻得斯東寨色湖普喇穆山梁屯日則了口要路又攻該布達什諾木城連克喇穆宗賊出伏兵擊之潰旋偕副都統富興進至沙爾達朗克大礮五並克伊格爾瑪迪等礮卡再進偕副都統烏什哈達奪羅卜克鄂博溝內礮寨攻克格魯克古山梁再進攻康薩爾督兵躡濠入賊軍再進攻克勒吉爾博山梁乘勝沿河擊賊大破之師攻木思工噶克了口海祿以兵應殲賊甚眾攻克邁過爾山梁復偕烏什哈達攻了口左木城石礮拔之又自舍圖枉卡分攻巴占攀藤扶石自山腰斜上遂奪據昆色爾進攻章噶大礮克之並奪木城一借襄陽鎮總兵官達色攻黃草坪占其地移直隸天津鎮總兵旋率土兵奪兜窩礮卡復奪取莎羅奔甲爾瓦沃雜爾所居之拉布泊占又偕副都統書麟等攻則朗噶克焚噶爾噶木勒烏果木得克斯烏諸賊寨金川平圖形紫光閣賜騎都尉世職擢雲南提督四十六年入覲至湖南

聞薩拉爾回蘇四十三叛請從軍賊佔華林山海祿從海蘭察攻之多所斬獲旋進至華林寺煨賊巢燬焉授烏魯木齊都統海祿刻覈吏事在邊禁古城迤北湖圖斯金廠重定新疆屯田徵租功過視舊例為苛追論文武吏士剝下營私狀領隊大臣圖思義提督彭廷棟以下皆坐譴又請裁汰經費視內地編保甲臺灣民坐械門戍邊入烏魯木齊鐵廠輸作予巴里坤諸地戍兵為奴皆議行復疏請自哈密至精河設臺車三百五十烏魯木齊設臺車一百五十定值視雇商車減三之二烏什辦事大臣額克托塔爾巴哈台辦事大臣惠齡陝甘總督福康安皆言車值過薄福康安並力陳設臺車不若雇商車便上為罷海祿議造臺車糜帑令責償伊犁將軍伊勒圖又疏請罷海祿所議屯田徵租功過及戍邊入鐵廠例左授伊犁額魯特領隊大臣五十二年劾將軍奎林毀佛像辱職官折罪人手足擲水中得遣戍罪人賊又於哈薩克以羊易布私其美金上奪奎林職令海祿並詣京師命諸皇子軍機大臣會刑部廷鞫奎林承毀佛像殺罪人餘事皆無據上命並奪海祿職在上虞備用處拜唐阿上效力行

清史稿

列傳一百一十

四

走尋授藍翎侍衛累遷至福建陸路提督卒

成德鈕祜祿氏滿洲正紅旗人初入健銳營充前鋒從征準噶爾葉爾羌俱有功征緬甸從將軍明瑞自錫箔進兵攻賊舊小蒲坡中槍傷戰猛拜天生橋猛城諸地從副將軍阿里衮攻順揚燬其寨從經略大學士傅恒渡曼鳩江自猛拱猛養進兵敗賊於新街定邊右副將軍溫福征小金川成德從攻斯當安襄創力戰進攻巴朗拉再進克資哩古布濟八角寨諸地復被創自空卡昔嶺進兵屢捷累遷四川北鎮總兵木果木大營陷溫福死之成德時將別軍駐美諾亦陷於賊命奪官仍留任將軍阿桂令自南山攻取阿喀木雅會領隊大臣額森特總兵海祿三道並進擊東溝賊礮殲賊甚眾路頂宗明郭宗諸營卡皆下復美諾賜黑狐冠小金川平復官師自谷噶入大金川抵羅博瓦山成德借總兵特成額等分兵綴賊復會克色湖普山奪堅礮數十進攻喇穆喇穆東面山礮賊分兩路襲師後擊敗之借散秩大臣普爾普等奪石礮四又借總兵官達色攻克該布達什諾木城會內大臣海蘭察進圍逸克爾宗賜號賽尙阿巴

圖魯進攻甲爾納寨圍急賊潛以皮船渡成德擊破之賊據赤布寨其北為得思古寨循溝下有噶朗噶噶爾噶諸寺礮寨繁密師循溝進破最東水礮成德乘勝奪大礮五木城二直抵瀕河噶爾丹寺賊奔潰師克舍圖枉卡成德潛師至日則了口與遊擊普吉保上下合擊破石礮八木城四遂克爾宗賊退勒烏爾復進會師破之進克甘都瓦爾黃草坪等處遂克噶拉依金川平圖形紫光閣列前五十功臣署四川提督三陪巴番渠安錯煽亂督兵捕治命員除五十二年廓爾喀侵後藏命成德為參贊大臣督兵借總督鄂輝駐藏大臣侍郎巴忠會剿巴忠授意噶布倫丹津旺珠爾與廓爾喀議歲費還侵地成德爭不獲即以此議入奏師還授成都將軍後藏不如約斬歲費不與廓爾喀復來犯巴忠自經死上命鄂輝成德督兵定藏自贖復以滯滯失機奪將軍予副都統銜以領隊大臣屬將軍福康安調遣攻拉木與穆克登阿夜督兵進成德攻寨西北穆克登阿西南擲火彈殺賊破寨盡殲守寨賊無一得脫者福康安自濟喇進兵令成德等分道進屯德親鼎山克敵卡自俄瑪措山進迭克果

清史稿

列傳一百一十

五

果薩喇嘛寺乘夜取札木鐵索橋又自江各波邁山梁趨離岡與彥吉保會逐賊至利底與福康安師會所向克捷廓爾喀乞降師還命成德以副都統銜充駐藏辦大臣圖形紫光閣前十五功臣以成德為殿尋命署杭州將軍仁宗即位移署荊州將軍教匪起成德借總督惠齡攻賊宜都灌灣腦山擒賊首張正謨尋以縱賊竄逸奪勇號四年致仕卒以曾孫女配宣宗為孝全皇后追封三等承恩公諡威恪子穆克登布自有傳

馬彪甘肅西甯人以行伍從軍累遷至四川北鎮總兵高壽縣丞邱天龍私伐巴彥濟魯薩林木貝勒羅卜藏達爾札訴於上嗣連彪奪職尋賜遊擊銜駐雅爾復起除雲南昭通鎮總兵乾隆三十六年師征金川將軍溫福以彪屢出師勇往令將貴州兵三千以從克巴朗拉礮卡賜花翎師自達木巴宗分三道趨資理彪借侍衛額森特等自北山進奪賊礮卡斬賊百餘與師會彪以貴州兵二千駐資理北山梁東西距三十餘里賊夜犯都司黃壯略守備王廷玉營彪與侍衛巴三泰馳援敗賊失礮三上以彪戰甚力不之罪嗣都司徐大勇等

守色布巴爾賊屯十里外高峰參贊五倍檄彪赴援未至副將色倫泰戰沒五倍効彪逗遛當奪職上命留任尋自顧藏喇爾進駐色布色爾阿桂軍次喇卜楚克山麓信木蘭壩令彪伏兵東崖下克其水壩進攻色爾渠彪從參贊豐昇額等擊東瑪若克之乘勝攻哲木克郭羅郭羅美羅喇嘛寺諸寨皆下奪燭五俘敵數十攻美美卡彪率二百人自山梁小徑入賊來援力戰破之美美卡至日喀爾橋有小徑曰兜烏賊毀橋築卡以拒彪伐木爲橋濟兵賊棄卡走又與提督哈國興合克喀木色爾穆拉斯郭塞遠據兜烏尋自達克蘇山後攻明郭宗彪將千人自格實迪下攻賊棄燭窟授西安提督復借侍衛烏爾圖納遜攻達爾圖大燭斃窟賊甚多遂借領隊大臣華善等以六千人駐宜喜賊來犯擊之斬賊三十餘人以三千五百人攻達爾圖燭未下賊自沙壩三道壩宜喜軍又別遣賊夜撲達爾圖軍擊走之師克乃當至獨松彪與賊戰中巴布山下巴布里及瑪雅岡角木賊皆棄寨遁旋與副將欽保克爾瑪及扎烏古山梁與總兵敖成克甲索金川平赴西安任圖形紫光閣列前五十功臣移湖廣提督卒

清史稿

列傳一百二十二

六

贈太子太保益勤襄子雲騎尉世職

常青蘇木克氏滿洲鑲白旗人自前鋒崇濼護軍參領外擢雲南曲尋鎮總兵從將軍明瑞討緬甸戰於蠻結明瑞將中軍常青與領隊大臣觀音保踞西山梁賊突至常青等奮擊賊二百餘賊敗竄又賊二千餘俘三十四再戰天生橋宋寨黃土岡諸地屢敗賊明瑞軍敗績上召常青入對命仍還雲南從副將軍阿里衮山萬勿關經略大學士傅恒令詣野牛壩督造戰船率兵赴新街殺賊奪寨獲敵舟及糧械旋自新街進攻老官屯克毛西寨師還授雲南提督乾隆三十八年師征金川令率雲南兵二千赴打箭爐佐將軍阿桂出西路借都統海蘭察攻斯達克拉克阿喇爾布里碩藏喇爾諸山梁克之留屯美諾師攻布朗郭宗阿桂奏請常青策應常青遣遊擊福敏奏駐木波遊擊保甯駐噶魯什呢守備張啓貴駐美臥溝而與副都統富興率兵爲布朗郭宗聲援西藏語謂爲盜曰放夾壩常青與富興督綠營兵捕盜焚其林阿桂師進攻勒烏圍常青與富勒派護餉道自明郭宗至大板昭兵卒巡視分守小沙壩沙壩三松坪諸地

自開道出功噶爾拉擊賊上嘉之諭以此路官軍久未進攻今自開道出奇足以縶賊惟地勢險峻仍戒其輕舉金川平圖形紫光閣列後五十功臣移古北口提督而以海祿代之疏言緬甸方議撫請暫留張鳳街與海祿相機籌辦上以夷性多疑文檄仍用常青舊銜俟事定赴新任歷浙江江南直隸福建陸路提督又繼海祿爲烏魯木齊都統移西安將軍卒諡莊毅

官達色瓜爾佳氏滿洲正黃旗人以前鋒從征準噶爾將軍兆惠自鄂壘扎拉圖轉戰至特納格爾上方南巡遣官達色及副護軍校兆坦齋疏詣行在召對授藍翎侍衛準噶爾平子雲騎尉世職迭選副參領外擢雲南順雲營參將自陳不通漢文乞遠京師經略大學士傅恒討緬甸以官達色監鑄砲令從軍旋授健銳營前鋒參領乾隆三十六年將軍溫福征金川令將成都駐防兵四百人從攻巴朗拉山梁與烏什哈達督兵自山右登奪卡六再戰官達色發砲毀賊燭戰三晝夜克之賜號巴爾丹巴圖魯昇白金百師逾達木巴宗至斯底葉安賊力拒官達色發砲墮其燭樓命署四川松潘鎮總兵師乘雪擊賊賊引退

清史稿

列傳一百二十二

七

官達色逐賊賊亂流渡竄阿哈木雅移軍逼賊寨官達色發砲擊之寨垂破賊夜遁溫福督師攻南山官達色與總兵牛天昇合軍天昇取第二燭官達色取第三燭復命署湖北襄陽鎮總兵師攻達爾圖賊蔽燭爲固官達色發砲擊之日斃賊數十師進破燭二拔柵殲賊甚衆副將軍豐昇額攻谷噶官達色與侍衛普濟保等以四千人往會旋以將軍阿桂檄從參贊海蘭察攻喇嘛穆魯奪卡三逼燭下擲火彈以雨不然暫引退復以六百人直陟高峰峰有大燭二夜半援石壁蟻附登伏燭旁黎明突起遂破二燭進攻該布達什諾賊爲大燭倚濠輔以木城官達色督兵冒槍石躍濠以度剗燭址成遂援以上賊退保木城阿桂令海蘭察出城後官達色當其前力戰克之再進攻默格爾山梁官達色與額森特等合軍取燭三旋與海蘭察額森特分道裹糧深入攻格魯克了口克當噶海寨及陡烏當噶大燭焚沙木拉渠寨循格魯克古山梁以下賊傍籌置卡督兵攻之下真除襄陽鎮總兵再進攻勒烏圍博戰於山麓破賊燭再進攻榮克爾博克其麓木城督兵陟山巔與普爾普噶滿拔木柵二十六自舍

阿拉卡循混色爾山梁攻據雅木則礪取果克山諸礪寨圖拉枯喇嘛寺盡燬之再進與海蘭察等同攻章噶賊綠礪鑿深溝設柵其上官達色督兵拔柵以覆溝接附至礪下攻賊驚竄遂克之與海蘭察合軍向勒烏圖分攻隆斯得其地有三寨克其二遂潛破後寨寨內蓄鉛子積地二尺許火藥百餘籃悉收以佐軍設礪臺信轉經樓與保甯彰合軍克之勒烏圖亦下與海蘭察等攻達烏連破諸礪寨進攻西里賊四出力禦官達色諭溝與賊戰林逃攻黃草坪海蘭察當其前官達色與海祿拔溝北柵為應攻奔布魯木峯木城亦與海蘭察偕攻瓦喇占發礪破其礪循瓦喇占而下曰薩爾歪有寨三海蘭察當其前官達色與烏什哈達左右合擊賊棄寨走邀殲之攻科布曲木城又與海蘭察偕官達色冒槍石先登攻朗阿古海蘭察自山腰險徑度兵官達色與烏什哈達出其左攻雍中喇嘛寺官達色與普爾普等自右入皆力戰殺賊遂破噶拉依金川平圍形紫光閣列前五十功臣予一等輕車都尉世職移山西大同鎮總兵再移直隸宣化總鎮兵卒烏什哈達吉林滿洲正黃旗人師征緬甸以

清史稿

列傳一百二十

八

前鋒校從有功賜號法福哩巴圖魯師征金川以三等侍衛從其與官達色同克巴朗拉也賊攻據所駐山復力戰破賊奪其山還事聞上以功過足相當宥之戰屢有功累擢正藍旗蒙古副都統師還圖形紫光閣列前五十功臣予騎都尉兼雲騎尉世職外授和闐領隊大臣許辦事大臣德風受賂按治不盡實奪職師征臺灣以頭等侍衛從與普爾普自茅港轉戰通嘉義道尋將水師至瑯嶼獲莊大田還前所賜勇號再圖形紫光閣列後三十功臣師征廓爾喀以鑲紅旗蒙古副都統從先行治道蹟而傷師還賞不及入見以為言上責其巧佞奪職成伊犁嘉慶初救澤師征川楚教匪以頭等侍衛從賊渠王三槐擁眾渡江烏什哈達與戰死之子輕車都尉世職瑚尼勒圖鄂訥氏黑龍江人以護軍入滿洲鑲黃旗累護軍參領從征金川亦與巴朗拉之役賜號多卜丹巴圖魯攻資理南山戰自喇卜楚克山梁繞登高峯奪賊卡二遂陟其巔又奪賊卡二復從海蘭察等攻羅博瓦前山賊二百餘自其右緣山梁斜上瑚尼勒圖擊殺十餘人賊遁走進攻布達什諾克之加副都統銜復進攻邁克爾宗焚賊

寨十餘賊來援却之師攻勒烏圖遺瑚尼勒圖奪據格爾山進占日爾巴當噶爾之西危峯突起海蘭察等更出其西自密拉噶拉木山巔下擊遂克凱立葉諭嘉獎非勝攻克日爾巴當噶爾山陽左右五礪又從海蘭察等攻取桑噶斯瑪特山寨與福康安督兵將出箐見賊礪二奮勇躍入殺賊賊潰擄藍旗蒙古副都統師攻達佳布安吉諸礪督兵自山腰賊礪間攀越而過先入礪皆克之進攻木思工噶克令瑚尼勒圖攻了口潛師而入遊擊梁朝桂等為繼了口崎左右礪十有四同時皆破師次榮噶爾博有山梁曰巴占為勒烏圖門戶賊守禦甚力諸將議自舍圖枉卡間道入而使瑚尼勒圖屯巴占分賊勢師克章噶爾尼勒圖亦取巴占分攻隆斯得寨以斧破寨門獲所儲餉藥遂攻下勒烏圖復攻西里山梁瑚尼勒圖與烏什哈達督兵徑陟克大礪三木城四師攻西里正寨與福康安以火攻破寨又與海蘭察取朗阿古攻克得拉古噶卡復自巴薩沙進取奇什噶官寨與福康安等克雍中喇嘛寺金川平圍形紫光閣列前五十功臣轉鑲紅旗蒙古副都統尋授散秩大臣管理健銳營卒

清史稿

列傳一百二十

九

敖成字丹九陝西長安人入伍從征隨對金川庫車戰略喇烏蘇河攻葉爾羌俱有功乾隆三十八年師再征金川成以廣西右江鎮總兵入覲上詢知成營出師隨對金川賜花翎並昇白金百給驛詣軍前旋移甘肅軍夏鎮以將軍阿桂請復移貴州鎮遠鎮師三道進副將軍明亮出南路請以成駐格宗防後路上慮成未足當一面命從明亮軍進討桂林疏言南路當自塔克撤至宜甯諸地設防成自薩穆果穆渡河經美諾至塔克撤駐軍明亮移軍宜甯攻達爾圖山梁使成偕副都統舒景安率師攻日旁奪賊卡二破礪寨四百餘殲賊甚眾諸軍攻宜甯圍合詞甲索守賊皆老弱當攻其瑕成偕副都統常泰等率土漢兵二千五百分三道進破其要隘先後奪礪十一上嘉其勇賜號僧格巴圖魯復自達爾圖山梁進攻噶爾丹直薄巴布里山脊偵夜大雪潛師出礪後奮擊連克防隘賊卡四守礪賊驚潰追斬無算復偕常泰攻克碾占偕提督馬彪率師至甲雜官營賊棄寨潰竄師三路畢會遂克噶喇依金川平圍形紫光閣列前五十功臣御製贊以乘雪取巴布里比諸李愬之入蔡州擄貴州提督入覲

賜黃馬褂卒贈太子太保諡勇愨予雲騎尉世職

圖欽保瓜勒佳氏滿洲鑲黃旗人以前鋒校從將軍明瑞征緬甸有功授三等侍衛賜號法福禮巴圖魯遷健銳營副前鋒乾隆三十七年從將軍阿桂征金川以皮船濟師襲烏達西山圖欽保與總兵王萬邦自其左進攻其碉復與侍衛三寶等合兵至邦申山梁緣溝以登盡取諸碉卡自山下夾攻賊潰師至納圖納札木副將軍明亮等分兵三道並進圖欽保與游擊谷生炎攻山坡圖卡賊力拒復與侍衛赫赫布三面合圍壘石卡逼賊棄碉夜遁師進至僧格宗圖欽保自河西科多渡橋攻河東至喀咱木籠山梁抵奎壘賊奔美諾復與參領拉布棟阿以五百人取馬奈擢湖南長沙協副將師復進至薩克薩谷其北曰茹寨麥方熟賊設砲以衛圖欽保力攻克之焚沿河各寨賊竄出中矢被鎗及墜河死者無算麥田十餘里皆為我兵所據事聞上手詔獎勵復攻石真噶山下木城燬賊寨再進攻扎烏古山梁功最擢陝西固原鎮總兵事定圖形紫光閣與德赫布並列前五十功臣四十六年撤拉爾回叛圖欽保

清史稿

列傳一百二十

十

將五百人助戰賊退踞八蜡廟水磨溝諸地圖欽保從都統海蘭察率兵越水磨溝自山梁進逼賊巢賊自山坡逆上圖欽保持刀奮戰馬蹶墜山下被創卒賜白金七百

木塔爾小金川人乾隆三十七年小金川頭人僧格桑為亂拒我師木塔爾率親屬及所部降將軍溫福令從軍即率土兵奪八角碉降千餘人復官率攻木果木面中石傷克達鑿谷山梁槍傷額累擢三等侍衛賜孔雀翎僧格桑寬大金川大金川頭人索諾木匿之與同亂將軍阿桂令木塔爾偵路約內應遂克阿不里招其叔朗納降金川山徑歧互阿桂令木塔爾指畫繪圖呈覽又以功噶爾拉賊守堅諸木塔爾言谷噶山路崎嶇樹木深密若密遣精兵晝伏夜行出賊不意亦一策也從之戰有功官兵護台站遇賊稍卻阿桂令木塔爾偕降人廣噶率土兵截擊禽頭人木穆工阿攻庫魯什尼後山及登春諸地禽頭人拉爾甲創僧格爾爾結以功賜緞賊遣別斯滿尼僧布薄偽降私詢木塔爾軍事木塔爾密以聞上嘉其誠累擢頭等侍衛師攻噶拉衣索諾木等出

降賜號贊巴巴圖魯圖形紫光閣列後五十功臣授八角碉屯守備督昂噶爾

角克乃薩納木雅諸地降人屯田四十六年甘肅撤拉爾回蘇四十三攻陷蘭州上命從領侍衛內大臣海蘭察軍討之木塔爾從中槍傷賜銀緞復攻華林寺再受傷賜二品銜以四川管理降番副將題補四十九年甘肅固原回田五等餘黨踞石峯堡上命成都將軍保甯討之木塔爾從力疾赴調賜散秩大臣銜至石峰堡屢有斬獲被石傷五十二年從征臺灣借侍衛博斌等生擒首逆莊大田於那嚕噶灣平復圖形紫光閣列前二十功臣五十六年廓爾喀為亂攻陷聶拉木木塔爾從成德守木薩橋獲頭人格喇達喀噶哈等加副都統銜師攻濟噶木塔爾偕侍衛哲森保先攻克東南山梁移兵逐賊復濟噶噶賊數百殲賊目七師攻雅爾賽拉博爾東拉木塔爾率兵自噶多普紆道渡河奪石卡木城廓爾喀不再圖形紫光閣列後十五功臣上特召慰勞賜酒寶銀緞六十年從征苗匪賊居下石花土空等處循沿河山坡築城卡阻我師總督福康安遣木塔爾於下游河岸設伏賊出卡搶掠突出擊之奪其渡船師進迫之賊

清史稿

列傳一百二十

十一

不能禦連克城卡進攻土空借總兵花連布等連戰三晝夜破之賜荷包以病還師至資陽道卒賜白金百

岱森保庫雅拉闊綽里氏滿洲正紅旗人以勦罕處拜唐阿從征緬甸移師征金川與攻路頂宗喀木色爾授藍翎侍衛戰於昔嶺賊乘高而下以火器奮擊賊潰授三等侍衛戰於博羅瓦城賊數十復奪取喀木喇瑪山碉擢二等侍衛賜號布隆巴圖魯攻勒吉爾博山梁拔鹿角驪濠以火彈擲破之從將軍阿桂攻勒烏圍發礮斷其橋隧以入柵克木城與諸軍合攻勒烏圍遂下授頭等侍衛師還圖形紫光閣列後五十功臣四十四年以護軍參領從征臺灣與侍衛烏什哈達等擊賊沙俄進至葛松城賊二百餘擊賊中州發巨礮殺賊進擊賊南潭賊潰焚賊寨數百再進擊賊三坎店奪賊中礮械尋從閩浙總督常青等援諸羅出鹽水港戰賊屢勝賜副都統銜福康安視師岱森保攻賊牛莊賊阻溪為固督兵險溪擊之俘斬甚眾乘銳抵南潭遂俘莊大田等師旋再圍形紫光閣列後三十功臣擢正黃旗蒙古副都統出為伊犁領隊大臣廓爾喀

為亂上命岱森保將索倫達呼爾兵千人借參贊大臣海蘭察自京師道青海入西藏佐福康安等討之既至福康安令借成都將軍成德將三千人向拉木綴賊分兵自措克沙木間道入自率兵趨親鼎山破賊卡賊敗竄旋借侍衛永德道哈那滾木山克扎木復借成德敗賊多洛卡追至俄賴巴分兵兩路深入廓爾喀會降復圖形紫光閣列後十五功臣嘉慶初教匪起命岱森保討賊陝甘張漢潮侵五郎自盪屋出大建溝擾洵陽借總兵長春副都統綸布春隨所在禦之上責肅清甘肅境與西安巡撫台布選能戰兵四千有奇逐賊轉戰屢有克捷五年秋擊賊沔縣以兵寡未獲窮追還軍駐長寨疾作行至漢中卒

翁果爾海噶巴喀氏滿洲鑲黃旗人初充親軍遷藍翎侍衛乾隆五十二年從福康安征臺灣擊賊八卦山斬賊無算賜號額騰額巴圖魯累遷二等侍衛林爽文逆老衛騎義民高振以告翁果爾海與追擊獲之臺灣平于騎都尉世職五十六年廓爾喀侵後藏從將軍福康安參贊海蘭察往討之賊據擦木其地

清史稿

列傳一百二十

十二

兩山夾峙惟一徑可通夜雨翁果爾海分兵潛進越山直上山梁與師會薄賊寨踰牆入殲賊數百克其碉賊奪據濟隴官寨師圍之翁果爾海直攻東南山梁賊恃調拒師督兵緣峭上殲賊六百餘擄頭等侍衛賊據熱索橋師自擺馬奈撤入與夾河相持翁果爾海自峨綠山紆道出上游斫木編筏潛濟自間道疾馳攻賊寨師悉渡賜副都統銜賊竄協布魯負水築卡為守師不得即渡暮兩伏兵林中夜將半援木涉水進擊師繞出對山併力下攻賊潰走追斬三百餘焚寨五遂進攻東覺道噶多翁果爾海從海蘭察為前鋒紆道出雅爾賽拉博爾東拉穿林越等潛師步行賊為木城三石卡七守甚堅翁果爾海督兵踰險攻之右臂創甚劇援兵至奮勇轉戰殲頭人二餘賊二百有奇賊乃遁悉墮其城卡賜白金五十廓爾喀平圖形紫光閣列後十五功臣授鑲黃旗蒙古副都統嘉慶初卒

杭阿佐軍鄂輝以第理浪窩浪卡兩地當衝要令珠爾杭阿察形勢督兵屯守尋借侍衛永德攻克拉木木皆木塞賜大緞復借將軍福康安自宗略攻擦木與參贊大臣海蘭察合軍自正路攻賊塞克之賜大小荷包復同頭等侍衛阿滿泰等克濟隴頭等侍衛復從海蘭察攻雅爾賽拉博爾東拉毀木城石卡殲賊甚眾又破賊於瑪木拉加副都統銜進攻噶勒推補木大山分兵三路珠爾杭阿借三等侍衛阿哈保等自右路夾擊焚賊卡復自橫河上游修橋渡攻集木集克之尋命為領隊廓爾喀頭人拉特納巴都爾降福康安令珠爾杭阿護貢使詣京師圖形紫光閣列後十五功臣累遷御前侍衛正白旗護軍統領神武門獲為逆者陳德賜騎都尉世職授鑲藍旗滿洲副都統卒

清史稿

列傳一百二十

十三

中石傷擄頭等侍衛授公中佐領從征廓爾喀攻擦木哲森保與翁果爾海各將一隊自東西兩山分進克之攻濟隴首奪東南山梁師繼進遂克濟隴官寨賊斷熱索橋哲森保與阿滿泰山間道越峨綠山自上游斫樹結筏潛渡驟攻賊卡賊駭愕奔竄師得濟賜副都統銜至博爾東拉與賊力戰左膝中槍賜白金百令還濟隴休養至協布魯創發卒廓爾喀平圖形紫光閣列後十五功臣祀昭忠祠賜騎都尉世職子富永亦在軍以戰功累擢三等侍衛襲職官至鑲黃旗蒙古副都統卒

論曰金川地小而險懸崖絕壁壘石為礮師至不能下高宗讀太宗實錄知其時攻城用雲梯命戮其制督八旗子弟習焉師再出攻礮賴是以濟諸將有勞者五福將四川兵彪將貴州兵常青將雲南兵成將綠營木塔爾將土兵餘皆率禁旅而官達色督礮兵圖欽保佐健銳營尤專主攻礮摧堅決險非豫不為功成德岱森保及木塔爾復從征廓爾喀有功翁果爾海等未與金川之役而屢從征伐轉戰立功名亦裨佐之良也

清史稿

列傳一百二十一

馬全

曹順

科瑪

常祿保

扎拉豐阿

許世亨

台斐英阿

花連布

馬全字具堂山西陽曲人初名琮乾隆十七年一甲三名進士自二等侍衛出為福建撫標右營遊擊與同官爭奪職更名寄籍大興二十五年會試再中式上御紫光閣校閱見全識之問曰爾馬琮耶全叩頭謝罪遂成一甲一名進士授頭等侍衛二十七年扈上南巡命署江西南昌鎮總兵賜孔雀翎疏陳校閱各營操練赴禁山隘口巡查防奸民闖入上褒其奮勉授江蘇蘇州鎮總兵擢江南提督請改歸原籍調甘肅提督陞見賜黑狐褂三十八年命從征金川為領隊大臣將軍溫福駐軍木果木全偕都統海蘭察分攻昔嶺奪碉二賊大至慶戰冰雪中一晝夜卒敗賊會日暮撤兵賊後尾追為伏擊敗之搜山麓逸

清史稿

列傳一百二十一

一

賊建柵數十為聲援木果木大營潰全殿後戰竟夜死之事聞上曰提督馬全乃國家出力有用之人今力戰死事實堪軫惜益壯節予騎都尉兼雲騎尉世職同時死事諸將有戰績者牛天昇阿爾素納張大經天昇山西太谷人以武進士授藍翎侍衛累遷四川北鎮總兵征金川天昇率兵赴木坪佐提督董天弼進勦師自達木巴宗分三道趨資理天昇偕侍衛阿爾素納擊賊于瑪爾瓦爾濟山巔戰三晝夜克卡十與大軍會賜孔雀翎師圍資理天昇攻南山參贊五岱攻北山未下上以阿喀木雅地當孔道得此可破資理手敕諭諸將天昇偕侍衛烏什哈達將四百人覓路伏箬中誘阿喀木雅守賊出寨擊之賊敗匿天昇列兵山麓截賊援賊四百餘突出寨援賊二百自得爾蘇山至天昇擊之斬五十餘級參贊大臣阿桂代五岱攻北山賊不支天昇自南山夾擊遂克資理阿喀木雅得爾蘇賊皆潰天昇捕治餘賊嚴洞箬林搜戮殆盡自得爾蘇山巔下至河岸訖北山麓皆屬我師攻喇卜楚克山巔賊守甚密副都統富勒渾出山後奪卡四天昇自前登奪卡一賊自林中出天昇督兵冒槍石縱火焚

賊卡又偕章京德保等進攻布郎郭宗取德木達碉寨三十卡七與大軍會遂

克之進取底木達俘澤旺三十八年師攻功噶爾拉天昇與副都統烏什哈達總兵張大經冒雪陟山前二峰奪其碉賊自山後至擊之走定邊將軍溫福疏陳天昇戰功請署貴州提督木果木大營潰天昇力戰死之諡毅節子騎都尉兼雲騎尉世職子敬一自陳文生不習弓馬賜舉人阿爾素納祿葉勒氏吉林滿洲鑲黃旗人乾隆時以前鋒隨征西域緬甸累遷二等侍衛賜號額騰伊巴圖魯金川叛從征攻巴朗拉與侍衛額森特先登攻資理阿喀木雅美美卡兜烏諸地均有功擢一等侍衛加副都統銜授領隊大臣隨大軍移營木果木履克碉卡授鑲白旗蒙古副都統大營陷率滿洲兵退行至大壩溝遇賊力戰死贈都統銜子騎都尉兼雲騎尉世職大經山西鳳台人乾隆時由武進士歷官陝西興漢鎮總兵三十六年率西甯陝西兵各千人從征金川師圍資理大經出中路進攻兜烏大經以兵千駐阿喀木雅旋移駐木蘭壩鄂克什舊寨從攻明郭宗克之復從攻底木達俘澤旺三十八年溫福進駐木果木大經將五百

清史稿

列傳一百二十一

二

人分駐簇拉角克上以其地在功噶爾拉了口之北形勢險要諭增兵協防四月偕烏什哈達等攻達扎克角山擊敗伏箬賊沿山下攻得斯東寨賊棄寨遁木果木大營潰參贊大臣海蘭察檄大經撤兵出遇賊於乾海子路險不能騎徒步力戰死子騎都尉世職諸將死事皆祀昭忠祠全天昇阿爾素納並圖形紫光閣全列前五十功臣天昇阿爾素納皆列後五十功臣

曹順四川閬中人入伍從將軍溫福征金川師攻固卜濟山梁賊為柵阻木蘭壩路匿柵內發槍石其渠啓柵門出順斬之奪門入焚柵殲柵內賊賜孔雀翎從攻明郭宗自木雅山至木爾古魯山麓奪賊寨卡進克嘉巴賜號扎親巴圖魯順與頭等侍衛烏什哈達督兵至功噶爾拉攻昔嶺又與司魯托爾托保率瓦寺鄂克什土兵先過卡殺賊數十賜緞二匹攻昔嶺第五碉與副都統巴朗普爾普等分兵攀登溝內伏賊起迎擊斬其渠順面中石傷先後叙功遷湖南衡州協副將阿桂策督諸軍攻宜喜先攻木思工噶克及得式梯級賊使不相應令書麟等攻了口碉卡賊赴援順功峰右碉克之師自康薩爾進據了口山

峰悉力拒退復進者七順與侍衛穆哈納等迎擊羣賊悉殲遂克檉庸寨師分道斷賊後路順督士兵縱火與參贊大臣豐昇額為犄角進賊不能支穴寨後宜順奮擊迫賊墜箐死取石碕十二遂克遜克爾宗擢甘肅肅州鎮總兵四十年閏十月攻西里山麓黃草坪順跨木欄指麾賊於暗中發槍被創沒於陳金川平與福建建甯鎮總兵致仕陝西延綏鎮總兵烏爾納並祀昭忠祠同形紫光閣前列前五十功臣敦住瓜爾佳氏滿洲正黃旗人昭勳公圖賴四世孫圖賴曾孫馬爾薩事聖祖自佐領擢至本旗都統雍正初授內大臣佐靖邊大將軍傅爾丹駐和通呼爾哈諾爾城來克馬爾薩力戰殺千餘人大風兩渡哈爾噶河戰沒子騎都尉兼雲騎尉世職敦住其從子也乾隆初襲職累遷頭等侍衛從征金川三十九年令署總兵攻宜喜冒爾克達爾圖城諸噶十一月攻日旁自木克什進短兵搏戰沒於陳烏爾納喇氏滿洲鎮總兵人自護軍累遷至甘肅蘭州城守營參將從征金川克沙場山賜孔雀翎攻遜克爾宗攻甲爾納皆力戰中槍攻榮噶爾敗援賊再遷總兵復克邁過爾進屯凱立葉

清史稿

列傳一百二十一

三

從攻木思工噶克勒吉爾博得式梯諸地累有功師攻勳烏爾納從攻轉經樓盡下諸城寨師征大金川攻西里烏爾納督兵造甲爾日礮浮橋賊至擊敗之力戰至科布曲率前隊渡河克其第四噶四十一一年從攻噶喇依二月噶喇依既克喇嘛寺火起延及火藥房烏爾納往救藥礮石礮中傷死上以烏爾納轉戰甚力功成身殞深嗟惜焉議卹順予世職騎都尉兼雲騎尉敦住進世職三等輕車都尉烏爾納官其子都司科瑪敖拉氏滿洲正黃旗人以三等侍衛從征金川師攻克邦甲山梁科瑪自翁克爾斃力戰至美諾奪碉寨賜號納親巴圖魯攻當噶爾拉山梁科瑪督兵斧斫柵逼燬其垣以入殺賊從克美諾拉約將六百人取卡卡角繞山山後仰攻殲守賊副將軍明亮攻斯第科瑪將三百人陟西岡又克達爾圖第六噶累擢頭等侍衛授領隊大臣將六百人攻谷爾提獲頭人索爾甲木達爾甲等督兵攻沙場擲火彈焚賊寨二百餘加副都統銜四十年四月自得勞力戰至基木斯丹營噶深入賊陳中槍死佛倫泰庫雅拉氏滿洲正白旗人亦以三等

侍衛從師克巴朗拉賜號扎勒丹巴圖魯攻資理衝入石卡殺賊四十餘俘十二遂克之將五百人取哨贊及溝東諸寨攻美美卡佛倫泰自西山下多祈獲從攻路頂宗底木達達爾圖日旁凱立葉皆有功攻遜克爾宗兩日受石傷攻康薩阿克其噶加副都統銜授領隊大臣四十年四月師攻基木斯丹營噶科瑪戰死佛倫泰自薩克薩谷進至榮噶爾力戰亦沒於陳達爾圖泰薩克達氏滿洲鎮總兵人以護軍從征緬甸戰新街老官屯有勞征金川命選年壯得力將士達爾圖泰與焉攻明郭宗昔嶺奪據達扎克角泉水師攻羅博瓦山賊來援達爾圖泰迎擊賊潰督兵殺賊上駐軍山昨賜號領依巴爾巴圖魯累擢二等侍衛攻甲爾納來珠寨賊出我軍後自山梁下達爾圖泰設伏射賊賊負創遁四十年五月擊賊達撒谷被數創卒薩爾吉岱博和爾氏齊齊哈爾鎮紅旗人以藍翎侍衛從克馬奈日旁再進攻該布達什諾色湖普薩爾吉岱衝入賊陳力戰盡克其噶卡賜號善巴巴圖魯從克默格爾凱立葉授三等侍衛攻格魯克古了口賊負險據寨槍石並發薩爾吉岱奮登了口射賊殲賊引退我師從之越山

清史稿

列傳一百二十一

四

滿五奪噶五十寨卡三百餘攻達瑪噶喇山梁克其噶師臨勳烏爾納分道攻轉經樓賊來援薩爾吉岱伏兵橫擊賊潰師自達烏達爾圖向當噶克底薩爾吉岱為前鋒冒雨拔柵以發擊守噶賊盡殲四十年閏十月擊賊阿爾曲磨士卒倚柵射賊中槍死金川平科瑪佛倫泰達爾圖泰薩爾吉岱並圖形紫光閣前列五十功臣當祿保赫舍哩氏滿洲鎮總兵人其先有德祿者以軍功予騎尉世職常祿保襲職自三等侍衛屢遷四川提標左營遊擊從征金川擢成都城守營參將副都統海蘭察等攻得拉密色欽山梁賊潛伏林內常祿保往來搜擊進攻明郭宗取旁近山梁師進攻路頂宗所屬喀木色爾寨常祿保從海蘭察自南山大洞潛越山頂克之復進取博爾根山仰攻克木城受石傷溫福等上其功賜孔雀翎又從副都統阿爾素納等分路進攻昔嶺大噶賊百餘從旁衝出常祿保督兵橫擊敗之進駐日龍旋擢甘肅河州協副將定西將軍阿桂等攻克羅博瓦常祿保駐山嶺賊九百餘乘雪夜分兩隊劫營四面環攻勢甚迫常祿保督

兵力戰禦之被鎗石傷賊竄入卡內者皆殲焉副都統烏什哈達等先後赴援常祿保督兵夾攻賊敗竄賜號西爾努恩巴圖魯白金百尋擢廣東高廉鎮總兵分攻舊則大海諸賊掘濠排松靈鹿角備禦甚嚴常祿保分兵出賊後合攻各碉卡同時皆下又借總兵官達色合攻雅木則碉克之三十八年十一月師攻科布曲山梁賊死拒鎗石交下常祿保被創歿於陣事平祿死事諸將圖形紫光開功稍次者為後五十功臣常祿保及侍衛瑪爾占庫勒德穆哈納參將國興佐領巴西薩普與焉瑪爾占巴爾汗氏察哈爾正自旗人自準噶爾來降以三等侍衛從軍攻日旁馬賊傷仍請從軍擢二等侍衛命創愈仍從軍攻凱立葉力戰賜號拉布巴圖魯頭等侍衛授領隊大臣攻克該布達什諾木城及色湖普前碉先登又被創予副都統銜三十九年攻康薩爾大碉戰沒庫勒德沃姆氏滿洲正藍旗人以藍翎侍衛從軍攻昔嶺及達扎克角木柵累遷二等侍衛攻克默格爾山梁賜號朗親巴圖魯攻邁克爾宗康薩爾被創四十年四月攻木思工噶戰死穆哈納瓜爾佳氏以護軍校從軍攻克默格爾

清史稿

列傳一百二十一

五

山梁及凱立葉碉寨遷三等侍衛攻木思工噶克了口直前奪其碉賊潰攻巴木通正濃霧督兵分道擊賊賊伏深箐中皆殲焉盡克其碉卡賜號巴爾丹巴圖魯四十年八月攻勅烏圖力戰死國興貴州大定人以千總從貴州威甯鎮總兵王萬邦征金川攻巴朗拉溫福疏言貴州綠營將士功多攻資北山與為前鋒進攻墨壘溝甲爾木再進攻東瑪我師為木卡與將三百人為守賊夜至與滅火以待賊逼卡發槍礮賊盡殲又從阿桂攻勅烏圖力雀翎號圖多布巴圖魯累遷副都統四十年四月攻木思工噶克與持斧斫木城率衆擁入克其碉賊來攻與督兵射賊散復聚者七卒不能陷與負創越日卒巴西薩布拉克穆氏索倫正紅旗人以佐領從軍攻羅博瓦山山甚峻巴西薩督兵擊登射賊殲遂取山梁諸碉卡皆下賜孔雀翎號塔爾濟巴圖魯四十年攻康薩爾攻碉迫懸崖賊無路殊死戰巴西薩死焉

俘三十餘師還賜西朗阿巴圖魯名號進一等輕車都尉圖形紫光開擢正白旗漢軍副都統出為烏里雅蘇台參贊大臣旋令赴科布多經理屯田定邊左副將軍成衣札布入覲令署將軍印召還京以正白旗護軍統領從明瑞出師授領隊大臣次豐結戰破賊加都統銜賊圍小猛育中槍死益昭節進封一等男子春甯襲爵官至綏遠城將軍觀音保瓜爾佳氏滿洲正黃旗人初授健銳營前鋒藍翎長再遷前鋒參領從副將軍兆惠戰濟爾哈朗從參贊大臣雅爾哈善攻庫車戰甚力擢正白旗蒙古副都統子騎都統世職圖形紫光開出為伊犁領隊大臣從明瑞攻烏什負創奮進克其城賜錫卓里克圖巴圖魯名號遷鎮藍旗護軍統領署雲南楚雄鎮總兵從明瑞出師為領隊大臣戰於蠻結日昧大霧賊出林中札拉豐阿率衆游賊壘觀音保當賊衝殺賊二百餘乘霧深入破木若師至小猛育賊圍急觀音保發數矢輒殲賊餘僅餘一矢欲復射驟策馬向草深處以其鐵射喉死子二等輕車都尉李全山西陽曲人自行伍拔山西撫標把總累遷雲南永昌鎮總兵從征戰蠻結與札拉豐阿據東山梁

清史稿

列傳一百二十一

六

張犄角破象陳至天生橋乘霧破賊壘至豐化賊大至中槍數日卒王廷甘肅武威人自行伍累遷雲南臨元鎮總兵從征攻老官屯賊據木城拒守王廷親發砲乘霧督攻中槍傷股戰益力賊敗匿不出復自力督戰創發卒益勳義王廷初從討達瓦齊援將軍兆惠黑水營之圍佐雅爾哈善圍庫車又從兆惠攻喀什噶爾皆有戰功至是與全同子騎都尉又一雲騎尉世職珠魯訥那爾氏滿洲鎮白旗人編譯舉人授筆帖式充軍機處章京再遷戶部額料庫員外郎出為荊州副都統入授禮部侍郎調工部兼署兵部明瑞出師授參贊大臣駐雅爾移軍木邦土司變圖降請於清水河招商復業遣兵監焉擺夷猥歇等五十輩僞降斬以徇奏設木邦至阿瓦臺站凡五分兵防衛上嘉之輒旬兵自東西二山來犯遣裨將分禦俄賊焚游擊福珠營夜圍珠魯訥珠魯訥具遺奏遣筆帖式福祿突圍出遂自戕上責珠魯訥怯懦以其情亦可愍賜祭葬祀昭忠祠

授把總累遷守備復從征金川從四川總督阿爾泰攻約咱東西山梁進攻扎口阿仰格藏達烏諸地連拔碉寨復攻甲爾木山梁及岳魯登達諸地拔木城石卡又克多功山坡及日木城碉寨進擊古魯碉賊夜劫營世亨率兵百餘禦戰至曙度賊且去開壁奮呼追擊殺賊無算遂克古魯碉寨賜孔雀翎加勳勳巴圖魯尋累擢參將從參贊大臣副都統明亮攻富噶拉山梁拔第五碉又從參贊大臣富德自墨壘溝進兵克甲爾木日赤爾丹思僧格宗諸寨又從定邊將軍明亮自底旺至馬奈克拉克絨布根扎葛木卡卡角思底喀喇普諸寨又從明亮自宜喜攻達爾圖山梁擒頭人丹巴阿太奪俄城木克什格木勺洛諸碉卡又從領隊大臣奎林攻木克什西南山寨又從副都統三寶攻西郭洛進駐得爾巴克山梁又從明亮攻得楞山梁拔數碉進擊基木及思丹富噶薩谷諸山梁燬其碉俘賊無算克額爾替第一碉殺賊四十餘又克第二碉又克石真噶沙爾尼琅谷岳斯富安諸寨凡七戰皆勝進攻扎烏古時賊踞山巔喇卡連亘世亨冒石矢率兵直上拔數碉卡又克碾占山阿爾古山及平壩

清史稿

列傳一百二十一

七

諸寨又克達撒谷大山梁燬其碉寨又克獨古木上下寨進踞布吉魯達那兩道山梁又克甲雜官寨獨松隘口奪獲大小寨落數十並獲賊渠雍中旺爾結遂西至噶拉依與南路馬爾邦軍會四十一年金川平擢雲南騰越鎮總兵四十九年廿肅回亂世亨奉命往安定捕逸回獲二百餘事竣補貴州威甯鎮總兵五十二年臺灣林爽文叛世亨率兵二千餘赴勦攻克集集堡俘斬甚衆獲偽印器械旗幟進攻小半天賊奔潰追獲至老衢崎俘爽文並頭人何有志又從參贊成都將軍鄂輝自大武隴進攻南路水底荅手殺頭人一時莊大田等敗竄岷嶓衆尙數千世亨率兵與諸軍分隊水陸合攻擒大田並諸賊目臺灣平改賜堅勇巴圖魯名號圖形紫光閣列前二十功臣五十二年二月擢浙江提督未至調廣西提督安南有大酋曰阮惠攻其國都逐其君黎維那兩廣總督係士毅主用兵世亨諫不聽師行將兩廣綠旗兵八千人與總兵尙維昇張朝龍等從出關入安南境至其國都有大川三北曰壽昌江南曰市球江又南曰富良江十一月辛未師渡壽昌江甲戌師次市球江惠兵據南岸山守

甚固朝龍兵自上游渡世亨亦力戰殺賊數千賜御用玉搬指小大荷包越三日丁丑黎明師次富良江南岸即黎城黎城者安南國都以王姓名其城也惠兵盡伐濱江竹木飲舟泊對岸循江岸得小舟載兵百餘夜分至江心奪惠軍舟世亨等親率二百餘人先渡復掠小舟三十餘更番渡兵分擄惠軍惠軍潰焚其舟十餘俘其將數十戊寅日師畢濟黎氏宗族及安南民出迎世亨從士毅入城安撫求維新承制立為王捷聞封一等子疏辭弗許阮惠有分地曰廣南去黎城二千餘里方議進討請益兵籌餉上欲罷兵世亨亦謂士毅曰我兵深入重地惠未戰遽退事巨測及時振旅入關上計也士毅不納五十四年正月戊午朔士毅召諸將置酒高會己未維那告惠兵至士毅蒼皇奪圍出渡富良江浮橋斷世亨與維那朝龍率數百人戰橋南陣沒士毅初奏言惠兵至臣與世亨督兵決戰賊衆圍合臣與世亨不相見乃奪圍出上猶冀世亨全師而還既聞其戰死命予卹副將慶成自軍中還見上言當惠兵攻黎城士毅與世亨退據富良江拒惠士毅欲渡江與惠戰不利以身殉世亨力諫以大臣繫國重輕不可輕入令慶成護士毅還師又命千總薛忠挽士毅馬以退世亨督諸

清史稿

列傳一百二十一

八

將渡江陷陳力戰死上愍世亨知大體進封三等壯烈伯祀昭忠祠諡昭毅福康安師至惠更名光平乞降立祠黎城祀死事諸將世亨居首列子文謨自武舉襲爵命在頭等侍衛上行走期滿以湖廣參將用並賜孔雀翎嘉慶元年枝江教匪番人傑為亂湖北巡撫惠齡令文謨捕治有勞賜繼勇巴圖魯名號擢副將賊黨鄧之學詐降詢知之俟其入壘將半文謨突起擒斬從總兵慶溥防賊黃柏山又從副都統德榜擊冉文僞等大神山邊四川建昌鎮總兵又與總兵德齡副將褚大榮擊賊陳家場德齡戰敗文謨馳救殺賊二百餘又戰大竹梁山忠州屢敗賊擒其渠陳隴光等四十餘防嘉陵江遏賊不令渡加提督銜復督兵捕治川北餘匪擢廣東提督尋調福建水師提督海盜蔡牽為亂文謨渡海討之並焚燬竹園尾太史宮莊諸賊巢再調浙江提督卒諡壯勇尙維昇漢軍鑲藍旗人平南王可喜四世孫自官學生授鑾儀衛整儀尉五遷廣西右江鎮總兵五十二年隨兩廣總督孫士毅出師十一月辛未維昇與副將慶

成以兵千餘至壽昌江阮惠軍保南岸我兵乘之浮橋斷皆超復直上惠軍霧
中自相格殺我任遂盡渡大破賊渡市球江乘筏奪橋奮勇直進賜孔雀翎渡
富良江斬獲甚衆從士殺入黎城士殺敗退維昇戰死諡直烈張朝龍山西大
同人寄籍貴州以馬兵從征緬甸戰老官屯鎗傷左額又從征金川攻阿喀爾
布里布朗郭宗又從參贊大臣海蘭察自大板昭進勦克喇穆穆色湖普朝
龍先登攻邁克爾宗復先登被槍傷攻康薩爾山戰勦吉爾博攻達佳布哈吉
皆有功又從攻勒烏圍克之賜藍翎攻西里阿積曲克木城十餘又攻雅瑪朋
格隆古索隆古諸地砲寨克之金川平叙功賜孔雀翎累擢廣東撫標中軍參
將五十二年臺灣林爽文爲亂朝龍率廣東兵進勦多所斬獲賜勇巴圖魯
名號進攻大里代鎗傷右肩爽文就擒朝龍復與諸軍合攻莊大田于鄂囉擒
之臺灣平圖形紫光閣列後三十功臣擢福建南澳鎮總兵五十二年從討安
南師渡壽昌江朝龍以別軍破阮惠軍於柱石進臨市球江寬南岸羣山綿
亘惠軍據險列礮我師不能結筏諸將督兵陽運竹木造浮橋示且渡而朝龍

清史稿

列傳一百二十一

九

以兵二千循上游二十里求得流緩處小舟宵濟諸將乘筏渡南岸方與惠軍
相持朝龍自上游繞出惠軍後乘高下擊惠軍潰復進薄富良江奪艦渡河入
黎城士殺敗退朝龍戰死諡壯果李化龍山東齊東人自武進士授藍翎侍衛
擢貴州銅仁協都司從大學士傅恒討緬甸師次老官屯化龍以大礮殺賊又
從將軍溫福討金川克固卜濟瑪爾迪克諸碉卡嗣進攻路頂宗明郭宗等處
化龍皆力戰有功明年三月師次昔嶺化龍射賊渠殪征小金川克阿爾克布
里別斯滿諸地從都統海蘭察克兜烏山梁復連克路頂宗明郭宗諸地旋收
美諾征大金川從海蘭察攻克喇穆穆諸地被石傷賜綿甲先後攻克邁克
爾宗格魯古泰尼木思工噶克諸地山梁被槍傷賜孔雀翎金川平累遷廣東
左翼總兵林爽文爲亂率廣東兵赴勦至鹿仔港總兵普吉保令化龍留守爽
文攻諸羅急化龍密令游擊穆騰額率兵自番仔溝至不肚溪爲疑兵而親率
游擊起裴熬等自八卦山抵柴坑賊聚拒化龍督兵力戰賊潰五十二年從討
安南師渡市球江阮惠軍拒戰化龍督兵發礮擊賊造浮橋與張朝龍等率兵

徑渡入黎城士殺敗退至市球江令化龍先渡度浮橋落水死邢敦行直隸安
州人乾隆四十三年一甲一名進士白頭等侍衛累遷廣東三江口協副將阮
惠攻黎城戰死敦行母孝將出戰解衣付其僕使歸告母予卹維昇朝龍三
等輕車都尉化龍敦行騎都尉諸神將同時死者二十一人師還經富良江惠
軍追至戰死者九人又有參將鄧永亮都司盧文魁以出師時戰死

台斐英阿庫雅拉氏滿洲正白旗人自護軍補司嚮長授乾清門藍翎侍衛乾
隆三十九年從征金川命爲領隊與內大臣海蘭察等攻喇穆穆山梁破碉
燬木城復循山梁逐賊至其麓進攻該布達什諾奪賊碉再進圍邁克爾宗燬
碉二百餘再進克默格爾以西及凱立葉前山梁諸碉卡擄三等侍衛復自羅
卜克鄂博險攻格魯克古了口破沙木拉渠革什式圖諸寨復從領隊大臣
福康安攻勒吉爾博山脊克兩碉進攻薩克薩谷山梁及舍圖柱卡再進攻克
覺拉喇嘛寺及所屬卦爾沙巴等寨賜號拉布凱巴圖魯又偕海蘭察攻章噶
山峯進攻托古魯潛師自山嶺涉險攀援而上盡破之再進逐克勒烏圍師自

清史稿

列傳一百二十一

十

達烏達圍攻達思里海蘭察分兵七隊台斐英阿領其一自懸崖下夜半抵達
烏達圍奪碉一及旦至當噶克底乘霧薄圍賊衆皆就戮從攻阿穆曲克大碉
木城各二進攻奔魯木山峰連克舍勒固租魯瓦喇占薩爾克爾古什拉斯等
諸寨又從福康安攻雍中喇嘛寺盡降其喇嘛擄二等侍衛金川平圖形紫光
閣列前五十功臣四十六年從剿撤拉爾叛回敗賊龍尾山梁登華林山殲賊
無算賊平擄頭等侍衛從勦甘肅石峯堡叛回以功加副都統銜補公中佐領
擢御前侍衛旋授正藍旗滿洲副都統擢正紅旗護軍統領調鎮黃旗五十六
年征廓爾喀從福康安分攻擦木克之進攻濟噶率索倫勁騎衝擊轉戰至東
覺山克賊寨十一礮殲賊目二俘七十有六加都統銜授散秩大臣進逼甲爾
古拉山賊三道來犯台斐英阿射斃紅衣賊目二突中槍卒於陣諡果肅賜白
金千兩爾喀平再圖形紫光閣列前十五功臣予騎都尉又一雲騎尉世職阿
滿泰郭佳氏滿洲正白旗人本黑龍江達呼爾披甲從征回疆攻喀什噶爾城
逐賊自阿拉楚爾至巴達克山獲其渠令入旗充護軍三十八年授藍翎侍衛

從征金川攻當噶爾拉山梁賊自庚領特山出阿滿泰與前鋒參領巴克坦布
據險要殘賊攻達爾旺山梁克之攻格木勺載甲索賊來路與侍衛阿爾保等
攻科拉木達撲喇勝援賊擢三等侍衛賜號扎努恩巴圖魯攻扎烏孤山梁加
雜肚絨布巴魯担諸處皆有功金川平圖形紫光閣列後五十功臣擢副帥軍
參領蘭州回為亂從軍攻華林山賊賊百餘身被創擢護軍參領攻石峰堡偵
賊底店奪卡擢頭等侍衛從征廓爾喀自中路被撥木隘口出濟喇破其官寨
進破賊熟索橋渡河至雅爾賽登博爾東拉山巔破木城三石卡七授鑲紅旗
蒙古副都統進至堆補木自帕朗古攻橫河大橋我師臨北岸賊據南岸禦阿
滿泰先登師從之度橋阿滿泰中槍落水死水深戰方急求其尸不可得賜騎
都尉世職祀昭忠祠廓爾喀平再圖形紫光閣列前十五功臣

花連布額爾德特氏蒙古鑲黃旗人性質直少讀書習論語左傳充健銳營前
鋒累遷火器營委署烏鎗護軍參領以參將發湖廣授武昌城守營參將累遷
貴州南籠鎮總兵乾隆六十年福康安征貴州亂苗令將精兵三千為前驅通

清史稿

列傳一百二十一

十一

松桃銅仁兩路餽道援永綏釋正大營圍賜孔雀翎軍自陞喇塘經阿寨營安
靜關轉戰而入經巖板橋收諸寨又經上下麻洲高陂塘上下長坪自嗅腦
至松桃平級道苗卡埋坑谷過大軍上以花連布奮勇賜號剛安巴圖魯賚白
金百又戰卡落塘擊梁帽寨且戰且前時永綏被圍已八十餘日花連布軍至
方戰圍始解苗皆烏合未見大敵相驚為神兵花連布著豹皮戰裙督戰因呼
為花老虎又擊賊小排吾攻巴茅汛鴨西黃瓜諸寨自滾牛坡循崖下攻臘夷
寨槍傷左腕上手詔獎其勇問創已愈未復自蒞蘆坪攻克黨壩三家廟諸寨
焚上下竹排再進破篁子坳屯軍古哨營小梁上錄花連布功授貴州提督福
康安軍至令結壘大營前悉以兵事屬之日置酒高會苗詢知福康安持重不
戰一日數至花連布力禦之晝夜徹循苗屢敗頗畏福康安益易視之苗益
掠焚無忌頭人吳半生集羣苗拒戰花連布與額勒登保會總兵那丹珠等合
軍攻爆木林克苗寨十餘深入自成光寨至上下狗腦坡山峻險冒矢石援藤
葛直陟山巔苗漸卻分兵下攻福康安焚附坡諸苗寨花連布督兵伐竹木熏

窰大小巖洞死者枕藉又自貓頭進克茶林洞上下麻衝諸寨下黃毛山坡遇
苗兵數千額勒登保迎戰花連布出賊後夾擊大破之再進克馬腦猪革殺苗
坪竹子諸寨分兵攻巖板井讓水沱溪頭綠樹衝關鎮坪諸隘皆下吳半生亡
匪高多寨與諸軍分道入環攻之生得半生又有頭人吳八月據平隴自稱吳
三桂後糾黨轉盛福康安令花連布引兵攻鵝洛等二十四寨皆下進攻龍角
嗣奮戰自辰至酉乃克之附近諸苗寨皆降又克大坡腦等三十餘卡攻鴨保
去平隴七十里時已昏風大作山木動搖崖高溝窄花連布督兵攀越縱火痛
擊破木城七石卡五旁收垂藤董羅諸寨遂禽八月其子廷禮廷義猶據險乘
勝克大中大三天星寨再進取黃衝口等十三寨得盤木營兩山梁歲暮雨雪
進圍地良坡收八荆桃花諸寨轉戰連雲山猴子山蛇退嶺壁多山高吉陀
下貴道嶺等四十餘卡抵長吉山圍石城未至平隴三十里所詔責復乾州廳
時福康安感瘴卒和琳代將令花連布率兵攻全壁嶺自馬鞍山入山麓廳城
下瞰大河將濟懼苗涉水相襲花連布分兵勦旁近諸寨大軍遂復乾州會

清史稿

列傳一百二十一

十二

和琳亦卒上諭湖南巡撫姜晟以軍事諮花連布貴州清溪民高承德以邪術
糾眾為亂戕縣吏花連布督軍捕治克槐花坪四寨進攻小竹山破其寨燬承
德及戕縣吏賊再進攻大小鬼出戮餘賊嘉慶元年九月丁卯日加已賊攻夏
家衝花連布令副將海格參將施縉張兩翼擊賊賊數千拒戰花連布出其中
逐賊賊見攻急據坡擲石花連布方上坡中石自巖墮深淵賊欲鈎出之
自力轉入巖下頸折死諸將爭殺賊賊卻出花連布尸骸骨寸寸折失一臂上
愍其死事烈加太子少保賜騎都尉兼雲騎尉世職賚白金八百諭壯節明安
圖博爾濟吉特氏蒙古正紅旗人以雲騎尉授三等侍衛累遷湖南保靖營游
擊從征金川大小戰五十有四叙功累遷鎮總兵貴州湖北苗石柳鄧石
三保等糾眾為亂明安圖督兵禦戰永綏協副將伊薩納赴援同戰死苗攻滾
牛坡劫我軍餉餉雲南鶴麗鎮中軍游擊永舒四川阜和協左營都司班第共
擊之沒於陣
論曰師再征金川歷四年大小數百戰將士夷傷衆矣全順等平時力戰功最

死事尤屢屢扎拉豐阿等死緬甸與明瑞並烈世亨等死安南以全孫士毅賞
尤厚台斐英阿死廓爾喀福康安因以受降還師花連布善戰死不欲爲羣苗
得糜軀矢節其狀視諸死事者尤慘烈矣哉

清史稿

列傳一百二十一

十三

清史稿

列傳一百二十一

富僧阿

伊勒圖

胡貴

俞金鼈

剛塔

富僧阿舒穆祿氏滿洲正黃旗人雍正初授拜唐阿累遷頭等侍衛出爲副都
統歷成都三姓寧古塔諸地擢將軍自荊州移黑龍江黑龍江北鄰俄羅斯康
熙二十九年與定界歲久將吏憚行邊道里不能詳富僧阿遣副都統瑚爾起
等分探諸水源皆至興堪山還報乃上疏言副都統瑚爾起探格爾畢齊河源
自黑龍江至格爾畢齊河口水程一千六百九十七里自河口行陸路二百四
十七里至興堪山其間無人迹協領納林布探精奇哩江源自黑龍江入精奇
哩江北行至托克河口水程一千五百八十七里自河口行陸路二百四十里
至興堪山地苦寒無水草禽獸協領偉保探西里木第河源自黑龍江經精奇
哩江入西里木第河口復過英肯河水程一千三百五里自英肯河口行陸路
一百八十里至興堪山地苦寒無水草禽獸協領阿迪木保探鈕曼河源自黑
龍江入鈕曼河復經西里木第河入烏默勒河口水程一千六百十五里自河
口行陸路四百五十六里至興堪山諸地俱無俄羅斯倫越臣按呼倫貝爾有
額爾古納河西爲俄羅斯界東屬我國自此至珠爾特處設卡今復自珠爾
特至莫哩勒克河口設卡二索博爾罕增立鄂博逐日巡查俄羅斯爾瑪爾斯
難倫越黑龍江與俄羅斯接壤興堪山延亘至海爾後請飭打牲總管每歲六
月遣章京驍騎校兵丁自水路與捕貂人同至托克英肯兩河口及鄂勒希西
里木第兩河間巡察還報三年遣副總管佐領驍騎校於水解後自水路至興
堪山巡察還報黑龍江官兵每歲巡察格爾畢齊河口三年亦至興堪山巡察
還報歲終報部上從之富僧阿治事嚴密疏請罪人子官兵爲奴并其妻子皆
令爲奴又以遺犯脫走出巡並將校婪索皆請速送刑部上不許移西安將軍
西安甯夏移駐滿洲兵復分駐巴里坤富僧阿議定規制皆如所請乾隆四十
年三月卒官

伊勒圖納喇氏滿洲正白旗人乾隆初以世管佐領授三等侍衛累遷鑲紅旗蒙古副都統出駐烏魯木齊移阿克蘇三十二年授伊犁參贊大臣移喀什噶爾內擢理藩院尚書外授伊犁將軍三十四年師征緬甸授副將軍從經略大學士傅恒分道進軍緬甸人拒夏鳩江築寨伊勒圖偕參贊大臣阿里衮與戰奪寨三殺賊五千餘師還授兵部尚書復外授伊犁將軍土爾扈特汗渥巴錫台吉策伯克多爾濟等率所部三萬餘戶來歸先期使至伊犁具書通款伊勒圖以聞高宗命加意撫綏俾得所於是土爾扈特部悉內附薩克布魯特兩部厄魯特降者日衆伊勒圖請增置佐領俾領其衆從之三十六年左授參贊大臣駐烏什移塔爾巴哈台三十八年復授伊犁將軍兵部議禁烏鎗伊勒圖以上爾扈特部新歸附牧馬禦豺虎恃烏鎗不當一體收禁四十八年加太子太保賜雙眼花翎五十年七月卒謚襄武封一等伯祀賢良祠發帑金千遺侍衛豐仲濟倫如伊犁賜奠伊勒圖在邊二十餘年諸所經畫縝密垂久遠其在塔爾巴哈台受代去上諭繼任參贊大臣慶桂循其規制領伊犁尤久伊勒屯

清史稿

列傳一百二十二

二

田請兵得携妻子於塔爾奇溝口外烏爾博蘇克東察罕烏蘇霍爾果斯巴彥借諸地築城堡水足地厚俾得久屯設寶伊局鑄錢採哈爾哈爾銅鑛三年得九千餘斤令加鑄於烏什鑄普爾烏什及庫車哈喇沙爾諸城與伊犁錢並用普爾回錢名也又於喀郭羅鄂博諸地採煤聽商人充窰戶徵其稅都統海祿請令遣犯皆入鐵廠與罪人界官兵爲奴者同例伊勒圖請仍如舊制使遣犯與爲奴者有別其卒上稱其鎮靜妥協各部落皆心服封卹特厚胡貴字爾恒福建同安人少有智略入伍稍遷水師提標右營千總雍正六年齋奏入都世宗召入見再遷後營游擊監修戰艦出巡海坐誤工吏議當左授上特宥之累遷江南蘇松鎮總兵督漕漕糧十萬轉海賑福建道温州鳳凰洋颺作捐米五百餘請出私財以償高宗諭曰冒險已可嘉豈有復令出私財償米之理命罷勿償旋坐廢弛當奪職復特宥之疏言本鎮春秋兩哨中營游擊司糧餉奇兵營游擊職城守例不出巡惟既任水師當知海道應從衆出巡陸路將士願改水師者先令出海演試如有膽略量爲改補並從所請崇明海漲

沒民廬召縣吏議賑吏言當待請貴曰民死在頃刻豈能俟報有譴吾任之卽發倉以賑令所屬爲助衆有難色貴曰設官非以衛民乎賑不周生它變豈能免患疏請發帑金十八萬倉穀二十八萬並留漕米續賑上深嘉之歷廣東潮州瓊州諸鎮擢提督增城民王亮臣爲亂貴勅兵馳赴分遣所屬防隘扼賊走路總督阿里衮軍亦至分道捕治諸賊皆就禽以失察自劾貸勿問仍叙勞入覲賜花翎移福建水師提督復自浙江還廣東二十五年卒謚勤愨子振聲附李長庚傳

俞金鼈字厚菴直隸天津人乾隆七年武進士授藍翎侍衛以守備發山東累遷甘肅肅州鎮總兵命如伊犁董理屯田歲豐伊犁將軍伊勒圖奏發營兵二千二百名人糶米二十八石有奇得旨叙勞移巴里坤總兵擢烏魯木齊提督仍領屯田事奏請移沙州副將駐安西巴里坤迤西至瑪納斯擇有水草地設墩塘皆議行時令移軍成烏魯木齊及瑪納斯得挈妻子以往謂之眷兵金鼈請具一歲糧亦從其請歷江南福建陸路甘肅諸省固原回李化玉與河州回

清史稿

列傳一百二十二

三

田五糾衆爲亂攻靖遠金鼈與涼州副都統圖桑阿合軍討之逐賊馬營街固原提督剛塔亦以師來會多所斬獲土司楊金業以土兵助戰賊憑山設拒土兵敗走金鼈擊賊退夜走石峯堡糾會南諸回勢復張副都統明善戰死金鼈進次烏家坪擊賊斃頭人三禽二十有九轉戰至秦安土鼓山賊敗竄蓮花城師從之至於雙岷從總督李侍堯自中路進攻敗之福康安督兵剿石峯堡令金鼈防底店護餉道回亂定移湖廣復移直隸未行鳳凰廳苗石滿宜糾衆爲亂金鼈聞報馳赴令鎮鎮總兵尹德禧督軍破賊寨生致其渠上以金鼈督苗疆事命仍留湖廣馮灣林爽文爲亂命德禧將湖北兵二千以往金鼈出駐鳳凰廳鎮苗疆旋入覲命在乾清門行走賜紫禁城騎馬引疾乞罷上以金鼈有勞下總督畢沅察病狀乃加左都督允解官歸旋卒金鼈管預千叟宴高宗賜之酒命賦詩紀事金鼈辭不能詩上顧笑曰汝爲香樹妻弟又從受業豈不能詩者香樹錢陳羣字也官湖廣和坤已柄政欲納交焉金鼈謝不可尹德禧鑲黃旗包衣人初名色喀通額以領催從征伊犁遷至防禦開戶出旗更姓名

改籍直隸密雲縣從征金川復六邊至總兵石滿宜據句捕若為亂德禧破若獲滿宜賜花翎上誥德禧當苗亂何不專摺奏德禧請罪命貸之搜捕滿宜餘黨苗疆悉定其出師臺灣師至爽文已就俘福康安令德禧屯竹仔港防賊逸臺灣定召入見令署湖南提督卒遺言請還旗籍復隸黃旗包衣

剛塔烏濟克忒氏滿洲正藍旗人初充前鋒從征準噶爾授雲騎尉世職三遷直隸秦甯鎮中營游擊從克臨清山東巡撫楊景素奏留山東四遷直隸提督兼領馬蘭鎮總兵移陝西固原提督乾隆四十九年鹽茶廳小山回田五糾眾為亂攻破安西州剛塔督兵逐賊殺賊數十射殪乘馬賊渠賜上用玉韞大小荷包復逐賊至浪山田五戰被創自殺其徒竄據馬家堡剛塔督兵合圍賊夜出堡踰山遁瑣壁樹木桿懸衣帽其上給官軍官軍逼壁乃知賊已走剛塔督兵逐賊戰於馬家灣剛塔中矢復進至馬營街殺賊數十得級二十五賊攻陷通渭其徒分據石峯堡西安副都統明善攻之沒於陳上以師無功令大學士阿桂尚書福康安出視師上謂馬營街石峯堡皆通渭地剛塔方逐賊馬營街

清史稿

列傳一百二十二

四

通渭陷不赴援明善又以攻石峯堡戰死詔誥責剛塔疏言獲賊言將自通渭道伏羌秦州攻潼關上賈剛塔信賊妄語搖軍心令福康安傳諭奪剛塔職逮送京師上方幸熱河留京王大臣等讞當斬上以剛塔殲賊渠田五戰馬家灣身被創貨死戊伊罕卒
論曰富僧阿鎮黑龍江察國界定巡徼之制伊勒圖鎮伊罕徠風部著拊循之績建威銷萌邊帥之職舉矣貴定增城金甌剛塔攻石峯堡名位顯晦殊要不謂無功也故類次焉

清史稿

列傳一百二十三

葉士寬

介錫周

方浩

金濬

張維寅

顧光旭

沈善富

方昂

唐侍陞

葉士寬字映庭江蘇吳縣人康熙五十九年舉人授山西定襄知縣求民隱濬煩苛不假胥吏事辦而民不擾雍正八年擢沁州知州署潞安知府除無名諸稅復四門集以便商民歷署平陽太原治行為山西最十二年舉卓異擢浙江紹興知府有惰民格殺士人衆譁將罷試士寬方勘三江開馳歸數言諭解之風潮陷海塘躬任堵築三月而工完乾隆初調金華東陽饑民求賑者以萬計士寬曰按冊施賑是賑冊非賑民也乃召饑者前注名於冊而斥二人衆乃定二人者一婦人曾以訟至官服華服至是易敝衣乞賑士寬識之令褫其敝衣

清史稿

列傳一百二十三

一

內華服如故一男子容甚淨令飲雞羹汁嚼出酒肉衆驚服冒賑者潛散去在金華三年多善政郡人為立生祠擢杭嘉湖道調金衢嚴道衢州地高西安龍游諸縣素築塘蓄水溉田木商入山者私開墾水日涸士寬嚴禁之民皆稱便八年調寧紹台道紹興大水蕭山諸暨民多挾衆詣縣求食巡撫惡之不欲賑士寬曰某來時民饑幾欲死何忍坐視其悉填溝壑耶繼以泣請乃得上聞給賑士寬以待饑而賑常不及議浙紹興之鑑湖甯波之廣惠湖會去官未果者浙東水利書莫後有行之者父憂歸遂不出陳夢說字曉巖山西絳縣人乾隆十三年進士授刑部主事讞決執法不阿上官兼提牢役不能為奸累遷禮部郎中出為浙江甯紹台道台州素廉悍甯海梅村民拒捕提督將以兵往旁村皆驚竄夢說輕騎臨縣縣令已縲繫竄者數十人盡釋之曰吾來捕梅姓數人而已獲誅拒捕者而釋其少子一人台人感之謠其事為存孤記修郵縣錢湖插值上南巡召見素知其刑部有能名賜給貂裘尋以失察屬吏不職罪議仍以道員用授督糧道却餽金漕政肅然時訛言妖人剪髮蕭山捕僧了凡等四

人誣服夢說平反之後或言事由浙見解京訊治無驗抵妄捕者罪以夢說輕比降秩修餘杭南湖隄署嘉興嚴州處州湖州諸府復原官夢說官浙十二年所至有聲尋乞歸

介錫周字鼎下山西解州人康熙六十年進士雍正初授貴州畢節知縣烏蒙土司叛督運軍糧遇苗徒役欲棄糧走錫周厲聲曰失糧法當死犯苗亦死死法毋甯死賊策馬徑前千夫擁糧而進苗哈愕鳥獸散遠平遠知州烏蒙獮夷復叛川滇苗獮應之錫周先往撫大定苗平遠得無患十三年擢大定知府古州苗亂陷黃平清平驛路俱梗塘兵安報土酋安國賢通古州苗剋期犯貴陽大吏發川兵將至國賢轄地九百里衆惶駭錫周甫蒞郡立召國賢至諭以禍福國賢伏地陳無交通古州狀錫周曰汝率衆苗就撫我以百口保汝不死且止川兵時丹江亦被圍乃請以川兵往援丹江圍解而大定安堵南籠民王祖先素無籍以書符惑衆播爲逆詞又粵西獮人王阿耳爲寨長王文甲所執竄入苗寨誣文甲將糾合册亨諸寨叛二獄同時起株連千餘人南籠獄不

清史稿

列傳一百二十三

二

能容滇粵錯壤寨苗多逃錫周奉檄往會鞠敵罪悉當釋文甲及繫累者逃亡並歸邊境以靖攝貴東道筦糧運時軍興歲餽餉金二百四十餘萬兩米八十餘萬石調馬三千夫五千騎集鎮遠漫無紀夫糜廩食馬累里戶復於上游南籠諸府役民夫加運九站下游銅仁諸府則增雇調二千人助役錫周畫三策以馬設驛站運凱里丹江諸路夫按期日運台拱諸路楚粵米皆由水運分清江及古州都江兩路輾轉輸迅速糧乃集上游之加運下游之調夫皆止之省帑數十萬民間亦減勞費之累補貴西道調糧道兵米折色不收餘羨兵民交頌之乾隆中擢按察使錫周在黔中久吏治風土民苗疾苦皆熟習莅之以誠慎刑獄興教化性素耿介不諂於時以老乞休上念其勞勩召入覲授太僕寺少卿閱三年告歸

方浩字孟亭安徽桐城人雍正八年進士授山西太原知縣管知隰平定二州隰民有茹素號爲大乘教者浩召至庭啖以酒肉人莫知其故其後逮捕大乘教人連數郡而隰民獨免平定旱奸民煽譁求糶捕渠魁一人置之法餘悉

不問濬潞安知府會上西巡取道澤潞吏平道及道旁民田浩以糶與未出而民廢耕作非上愛民之意令耕如平時民得收穫而事亦治擢江西廣饒九南道按察副使兼攝九江府事歲旱米商未至他郡縣乏食大吏檄運倉糧往濟浩以郡民咸待食而移粟他往恐生事請獨輸九江倉而屬縣停運違大吏意未幾安仁以阻運成大獄大吏以此重浩旋調吉南嶺道奸民據險爲亂馳詣捕緝比大吏至謀主已就擒其敏捷如此坐事罷循例復職方需次吏部以疾卒

金滂字廣蘊順天大興人雍正八年進士以刑部員外郎擢山東道監察御史高宗卽位詔求直言滂上疏言安民五事一曰開墾之地緩其升科二曰帶徵之項宜加豁免三曰關稅正額之外免報盈餘四曰州縣殿最首重民事不以辦差爲能五曰巡狩之地崇尙樸素不以紛華取媚當是時上命翰詹科道各進經史摺子滂又上疏曰頭會箕歛以裕囊橐者匹夫之富也輕徭薄稅使四海咸甯者天子之富也易卦損下益上上益矣而反名損損上益下上損矣而

清史稿

列傳一百二十三

三

反名益蓋謂百姓足君孰與不足百姓不足君孰與足聖人制卦之意可深長思也乾隆九年湖廣總督孫嘉淦因徇巡撫許容奪職命修順義城滂上疏論曰賞罰者人主御世之大權臣工有罪有罰一例因其素非廉吏使天下曉然知所得者終不能爲子孫計留也孫嘉淦操守不苟久在聖明洞鑒之中而罰令出貸効力恐天下督撫聞之謂以嘉淦之操守尚不免於議罰或不慎也臣當而罰卽相隨勢必墮廉隅預爲受罰之地是罰行而貪風起不可不慎也臣爲嘉淦所取士不敢避師生之嫌而隱默不言奏上部議奪職未幾特起爲福建漳州知府漳俗強悍胥吏千餘交結大吏家奴勢力出長官上有吳成者設局誘博擒治之民稱快華葑村距縣治二百里康熙時嘗議設縣丞以不便於胥吏格不行滂復以請布政使文不下府而直行縣滂大怒嚴訊縣胥得其交通狀乃詳請治罪而設官其父老歎曰微金公吾儕奔馳道路死矣乾隆十三年春閩省旱斗米千錢大府檄滂平糶滂勸富家出糶給印紙令商人赴糶又請寬濬灣米入內地之禁民情帖然其他脩文廟樂器增書院葺火皆次第舉

行邊導道補陝西鹽驛道署布按兩司事調浙江糧道與巡撫陳學鵬抵括
學鵬論漕運緩不任事原品休致卒年七十三

張維寅字子畏直隸南皮人乾隆元年進士授戶部江南司主事江南賦役甲
天下支銷留解端緒毛櫛維寅綜覈精密積吏不能欺遷吏部員外郎考選監
察御史補掌貴州道劾奏閩督誘人受賂而坐之罪失政體上是之爲通行飭
戒簡雲南迤東道至改補驛鹽演鹽無成法維寅一一調之使井官煎戶運夫
鋪商無偏累漢人稱便歲節縮歸公銀七千兩以前官累左邊知府於時東川
官設牛馬站通百色銅往鹽返謂可省費既奏行而路險阻車摧折牛馬多死
銅鹽耗失維寅奉勅得實以事不可已請夷路用車險雇夫役資出儲息無溢
費且不擾民從之獲濟署鶴慶永北補臨安調首郡兼楚雄值地震爲災躬勸
鶴慶劍川浪穹麗江昌門賑活災氓每數萬計遷督糧道整頓銅廠代償前官
虧帑待罪得脫調浙江鹽道未數月調福建汀漳龍道閩俗曠悍痛懲以法擒
巨猾散黨健訟鬪狠之風爲息察冤決疑人稱神明舉卓異入覲上獎慰甚

清史稿

列傳一百二十三

四

至復之官病卒

顧光旭字晴沙江蘇無錫人乾隆十八年進士授戶部主事晉員外郎主鹽筴
兩淮解銀輟挂欠百之十五光旭謂各省庫平皆部較頒何獨兩淮歷久如是
是銀庫多索也白於長官除免之擢御史二十四年直隸山東大水次年春疏
曰上年兩省災截濟發帑加賑近見流民扶老携幼入京春來尤甚五城米廠
飯廠人倍增詢之近京數百里毀屋伐樹賣男鬻女老弱踣頓不可勝記耳目
所及如此其外可知伏思救荒無奇策惟督撫及有司親民之官實心實力方
克有濟各州縣未嘗不賑賑或委任佐貳或假手胥吏或設廠遠離村鎮窮民
奔走待食或得或不得良法美意一入俗吏之手沾實惠者十不及五一二賢
有司撫循周至則他境流民間風畢集轉難措手此督撫不能眞實愛民下亦
以應付塞責一切皆屬具文請勅下隨地撫綏無致流移失所疏導積水以工
代賑借給牛種以資耕作有流民有曠土即重治督撫州縣之罪來京饑民已
領賑賑一年之計在於東作無力自回者給資遣送其本籍無倚賴者歸大興

宛平安輯勿令棲流無著又每遇水旱司道府親勘先以供應煩州縣所委佐
貳亦滋擾累請嚴參重處奏入上善之命赴京畿察勘疏消文安大城積水樂
亭民推閭閻撫定之職章請加賑賑寶坻灤州盧龍兩月竣事遷給事中尋
出爲甘肅夏知府調平涼三十五年大旱請賑初爲上官所格光旭親察災
戶亟發銀米煮粥以賑隣縣饑者率就之時災黎鬻妻子道殣相望光旭巡視
山僻賦詩曰輪蹄烏道半腸路溝壑鳩形鵠面人又曰產破妻孥腹腸枯草木
甘誦者政動自夏至次年三月始雨平涼隆德固原靜甯各股粥廠二饑民日
增慮入夏疫作給每口兩月糧遣使歸耕時已擢涼莊道總督文綬任以河東
賑事一切錢糧聽支取知府以下聽調道分八路比戶清勘刊發三運票備考
嚴發姦竊伏官吏傷息竟事無中飽民獲更生三十七年金川用兵文綬調四
川總督疏請光旭隨往司三路餽餉署按察使蜀民失業無賴者多習拳勇嗜
飲博淫至劫殺號爲囑嚨子至是益衆嚴捕治之改悔者發爲運丁頗收其用
以秋審失出罷職留治糧餉四十年金川平駐西路隊龍關經理凱旋兵十餘

清史稿

列傳一百二十三

五

萬帖然無擾事竣乞病歸年未五十里居遇災助賑一如在官時主東林書院

數十年聚生徒講論道義繼其鄉願憲成高攀龍之緒著繫泉集
沈善富字既堂江蘇高郵人乾隆十九年進士選庶吉士授編修典江西山西
鄉試撰制誥辦院事纂修國史續文獻通考勤於其職出爲安徽太平知府在
官十有六年尤盡心災賑三十四年大水坐浴盆經行村落得賑者五十萬口
富塗官圩決密勸富家出糶禁轉掠使各村自保有告某家不糶者答之曰汝
奉何明令使富家出粟耶民乃定三十六年泗州水大吏檄善富往賑之釐戶
口之弊民受其惠值大疫設局施藥施藥絕重祈禱前後賑賑種柳數百萬
株官路成陰埋暴露十餘萬棺時傳妖人割髮搜捕令下諸郡騷然獨太平不
妄捕一人兄弟訟察其詞出一手杖主訟者兄弟悔悟如初師弟互許陰事取
案前文卷盈尺火之曰爾詞必有稿可上控郡縣守焚案不汝新兩造皆泣訟
乃息貴池有爭地訟於部者視舊牘得成化二十年閏四月官契念愚民安知
閏檢明史七卿表得是年閏四月文據以定讞四十六年擢河東鹽運使鹽池

受淡水秋產商運蒙古鹽多勞費及鹽產復盛弊多商困善富曰鹽池自古為利不當廢革若聽民自販必致蒙鹽內侵商人之力不患寡患不均其弊有三奸商乘瘠據肥一也費浮地遠伏攬其利二也簽代之期貧富倒置三也乃總三省引地為三等均之復以道路遠近順配為五十六路隨分籤掣之於是路絕弊清後乾隆末廢商運蒙鹽果內侵至嘉慶十一年仍復舊制皆如所預計所至興學愛士人文蔚起以母老乞終養居鄉多善舉著錄味齋詩文字

方昂字均堂山東歷城人乾隆三十六年進士授刑部主事累晉郎中會秋職更新例凡金刃殺人概為情實昂分別其輕重固爭不得後高宗特旨改正坐是為同僚所忌淹滯十年又數上書與長官爭長官愠之卒重其人以薦出為江西饒州知府安南阮光平入覬驛傳所經多飾供帳昂曰國家以威德服四夷非誇以威服戒所屬勿與擄江蘇蘇松道已受代將行營弁緝照波及良善衆洶洶不平營弁以民變告且徵兵昂曰新守與民未習民勿信自出曉諭捕倡首者置法申請上官罷營弁職事即定至任有尼之者遂謝病去官病痊復

清史稿

列傳一百二十三

六

出署松太道閩廣洋盜竄入吳淞總督巡撫提督會師於寶山昂建議曰衛山與大小羊山江浙之分界港汊叢雜盜船隨處可寄旋一得風潮之便倏忽出沒猝不及防當其乘風而來迎擊之時彼順而我逆及其趁潮而退追擊之則我後而彼先是使盜常憑勝勢也請於要隘多設伏俟其至則縱使過而躍其後遇其退則扼不使前以待後隊之追則盜雖無能為也從其議盜果大摧補江甯鹽巡道緝訟師剔衙獄強暴弭盜賊尤以砥礪風俗為先并緝酬酢同官聞其風采咸重之嘉慶三年擢貴州按察使八閱月遷江甯布政使未久以病乞歸昂勤勤職其疏也上曰此人可惜尋卒

易擊以逸待勞此上策也於是定計開闢陽引河至商邱歸正河以待陸總其事工成被詔嘉獎擢開歸道時新引河隄初成溜逼甚險復於儀封十六堡增開引河夏汛水至果分為二派一由新引河一由儀封舊城之南達所增引河又於毛家寨增築月隄隄汛七堡建挑水壩水勢乃暢下無潰決五十二年署彰衛懷道洲河勢將有變請於銅瓦廂大隄後增築捍隄總河蘭錫第以無故興大工難之固請乃可次年夏銅瓦工內塌勢岌岌總河李奉錫新至視河曰奈何侍陸曰待其塌多必大決今當於隄之下口新築捍隄內掘開數丈使水迴溜而入入必淤淤則大隄捍隄合為一河直注之力已殺隄乃可保從之隄合險平錫第曰君之出奇制勝者在前之預築捍隄也侍陸前官銅沛時亦用放淤平險之法又在宿虹時夏家馬路黃運交河裏河淤淺水將沒隄效黃河清水龍法疏其淤而隄安於徐州城外增築石工石磯嘴增燭石城乃無患衝河水弱清艘不利掘地引沁挾濟以助衝其應變弭患多類此嘗論治河之道曰河行挾沙治法宜激之使怒而直以暢其勢曲以殺其威無廢工而不可偏

清史稿

列傳一百二十三

七

無爭土而不可讓守此岸則慮彼岸治上游則慮下游世以為名言尋補山東運河道調兌沂曹濟道以失察左遷遂乞病歸侍陸歷官皆有聲有功於河淮者為多先是南汝光道張沖之亦以治河著沖之字道淵順天宛平人雍正初以諸生舉孝廉方正授工部主事遇事奮厲於總理果親王前持議無避忌各行省奏追虧帑積數千萬贖元無實請分別覈免之尋以事被謫乾隆初復原官改刑部累遷戶部郎中治事平恕二十六年擢河南南汝光道是年秋河決楊橋大學士劉統勳兆惠奉命往塞之調沖之襄河事時徵糞粘價騰至一莖兩錢既大集河員猶以多備請官吏在事者羣附和之沖之曰計工需料若干萬今已贏矣災民搜括脂髓來供用忍復乘以為利耶亟白使臣請及時權塞期以某日合龍當有餘料若干萬力持其議卒聽沖之減徵積積六千萬麻六百萬即責沖之董其役果如期合龍仍有餘料殫數給還以紓民力巡撫胡寶瑤喜曰吾為國家得一良總河矣在官三年治羅山獄活誣服者四人修城工務覈實有司不得緣為益民德之以商城獄坐徇庇奪職効力軍臺逾年放歸

論曰諸道本以佐布政按察二使分領郡縣乾隆中能參政參議副使僉事道始爲專官士寬等皆航旣能舉其職侍陞尤以治河著觀其所設施益於國澤於民雖古循吏不是過也

清史稿

列傳一百一

八

清史稿

列傳一百二十四

盧焯

圖爾炳阿

阿思哈

宮兆麟

楊景素

閔錫元

盧焯字光植漢軍鑲黃旗人入資授直隸武邑知縣縣舊有均徭錢供差費遇差仍按里派夫焯革除之又歸火耗於公捕盜尤力雍正六年解爾詣京師世宗特召對遷江南常州知州秦械圖再遷山東東昌知府總督田文鏡遣官弁四出訪事東昌民逮下獄甚衆焯至悉判遣之會有水災焯疏運河築護城長堤動帑賑恤上遣大臣閱視獨東昌得完九年遷督糧道移河南南汝道十年授按察使十一年遷布政使十二年擢福建巡撫賜孔雀翎十三年高宗卽位焯疏言被水州縣不成災上諭曰被水雖不成災仍須加意賑恤毋使小民失所乾隆元年請查丈建陽民田上諭曰小民畏查丈如水火汝初爲加賦起見今又以豁免掩非一存觀望之心所謂無一而可也尋奏減邵武永安所徵浦

清史稿

列傳一百二十四

一

福寧衛屯田徵米科則豁閩侯官諸縣額缺田地又以平和永安清流諸縣田少丁多請減免攤除丁銀又奏教民蠶績疏浚省會城河三年調浙江巡撫兼鹽政奏請停仁和海寧二縣草塘歲修銀減嘉興屬七縣銀米十之二又奏陳鹽政諸事請禁商人短秤飭州縣捕私鹽毋擾民毋捕肩挑小販鹽場徵課不得刑比上諭曰所奏各條皆是汝先過刻茲乃事事以寬沽名過猶不及汝其識之尋請裁鹽場協辦鹽大使改海寧草塘爲石塘既又請浚備塘河運石五年上諭曰盧焯至浙江沽名邀譽舉鄉賢名官絡繹不絕海塘外已漲沙數十里焯既請停草塘歲修又請改建石塘心無定見惟事揣摩已彰明較著矣六年左都御史劉吳韻劾焯營私受賄上解焯任命總督德沛副都統旺札爾按治事皆實請奪官刑訊事連嘉湖道呂守曾嘉興知府楊景震守曾已擢山西布政使逮至浙江自殺杭州民數百爲焯訟冤毀副都統廳前鼓亭德沛等以聞上諭責辦理不公七年上焯景震皆坐不枉法職擬絞八年焯以完賦減等戍軍臺十六年上南巡閱海塘念焯勞召還二十年授鴻臚寺少卿陝西

西安巡撫二十一年調署湖北以陳宏謀代焯宏謀未至上命發歸化城米運金川師軍急驟諭宏謀焯發視奏言歸化城雖產米路遠費重西安有貯米先發以餉軍仍請擅行罪上嘉焯知大體合機宜實授湖北巡撫二十二年西安布政使劉藻入覲言焯在西安入貢方物但量給薄值及調任湖北欲借庫帑未應付上責焯負恩奪官或巴里坤二十六年召還三十二年卒

阿爾炳阿佟佳氏滿洲正白旗人初授吏部筆帖式累遷郎中乾隆三年授陝西甘肅道累遷雲南布政使十二年擢巡撫十五年永嘉知縣楊茂虧銀米圖爾炳阿令後政彌補結案總督碩色論劾上責圖爾炳阿欺隱徇庇奪官逮京師下刑部治罪坐監守自盜擬斬監候十七年上以圖爾炳阿職未入已釋出獄授吏部員外郎未幾授河南布政使調山東又復還河南二十年擢巡撫二十二年上南巡江蘇布政使夏邑彭家屏以病告家居覲徐州行在入對言鄉縣被水上詔圖爾炳阿圖爾炳阿奏收成至九分上責圖爾炳阿文過圖爾炳阿又奏去歲被水尚未成災上斥為怙惡不悛遣員外郎觀音保察災狀得

清史稿

列傳一百二十四

二

實上奪圖爾炳阿官發烏里雅蘇特効力上發徐州夏邑民張欽劉元德詣行在訴知縣係默諱災及治賑不實上親鞠元德言諸生段昌緒指使上復遣侍衛成林會圖爾炳阿至夏邑按治於昌緒家得傳鈔吳三桂檄上諭曰圖爾炳阿察出逆檄緝邪之功大諱災之罪小且以如此梗不知化之民而治其司牧者以罪是不益長澆風乎免圖爾炳阿罪仍留巡撫任治賑圖爾炳阿若因有前此罪斥之旨心存成見或不釋然於災民則是自取罪戾亦不能逃朕洞鑒尋家屏亦以藏禁書罪至死圖爾炳阿仍以匿災下吏議奪官命留任逾數月召詣京師命往烏里雅蘇特治饑二十八年授貴州巡撫二十九年調湖南三十年病作遣醫往視卒

阿思哈薩克達氏滿洲正黃旗人自官學生考授內閣中書累遷刑部郎中充軍機處章京乾隆十年擢甘肅布政使十四年擢江西巡撫疏言各營操演槍礮須實子彈營馬應令騎兵自伺技藝以純熟得用為要步法架勢不必朝更夕改上嘉其言得要旋調山西十六年平陽旱未親往撫卹詔責之十七年蒲

解等處復災請以平陽富民捐款解河東道庫加賑上諭之曰賑濟獨緩重者數百萬少亦數十萬悉動正帑從無顧惜富戶所捐幾何貯庫助賑殊非體制此端一開則偏災之地貧民既苦艱食富戶又令出資國家撫卹災黎何忍出此責阿思哈卑鄙錯謬不勝巡撫任召還奪官尋授吏部員外郎二十年命以布政使銜往準噶爾軍前經理糧運擢內閣學士二十二年命署江西巡撫蒞任清理屯田尋復除學政謝港生劾阿思哈婪賄派累命尚書劉統勳侍郎常鈞等按鞫得實擬絞二十六年詔免罪以三品頂戴發烏魯木齊效力二十八年命往伊犁協同辦事二十九年授廣東巡撫調河南三十年疏言衛河運道淺阻濬縣三官廟老樹背諸地砂礫挺據河心重載尤艱浮送向於上下游淺處建築草壩以東水勢詳考河形夏秋水盛無須草壩冬令源澀草壩亦屬無益不如於上游先期蓄水臨時開放飭府縣督河員於九月望後起至清船出境止暫閉外河以上民集使水歸官渠重運自可疏通鑿去砂礫並集夫疏濬浮沙以利漕運又請借司庫開款委員分購河工料物以除沿河州縣按畝派

清史稿

列傳一百二十四

三

累均報聞三十四年擢雲貴總督師征緬甸阿思哈出銅壁關至蠻暮軍中奏軍中糧馬不敷上責其畏難解任以副都統銜在領隊大臣上行走旋召為吏部侍郎入對失上指奪官或伊黎三十九年釋回仍充軍機章京擢左都御史大學士舒赫德師討王倫命阿思哈借額駙拉旺多爾濟率健銳火營兩營以往事定拉旺多爾濟言城北搜剿王倫餘黨阿思哈未同往下吏部奪官命留任四十一年署吏部尚書旋授漕運總督卒賜祭葬諡莊恪阿思哈初撫江西上眷之獨厚廣西巡撫衛哲治入覲上問各省督撫孰為最劣哲治引罪上謂姑置汝哲治舉阿思哈對時以為難能

官兆麟字伯厚江南懷遠人自貢生授湖北安陸通判累遷至山東糧道乾隆三十一年授湖南按察使桂陽州民侯七耶毆殺從兄嶽添賄其兄學添自承知州張宏燧職上巡撫李因培疑之令兆麟詳鞫得實因培調補赴去巡撫常鈞底宏燧以七耶呼宏劾兆麟兆麟亦入奏上遣侍郎成額會總督定長按治如兆麟職兆麟又發宏燧買金行賄狀成額等奏聞逮訊買金非行賄乃

迎合因培及湖北布政使赫昇額意指代武陵知縣馮其柘補虧空因培赫昇額常鈞宏燧皆坐誼三十三年兆麟調雲南按察使三十三年遷布政使擢廣西巡撫雲南軍營需餉救兆麟籌畫兆麟以廣西存餉七萬七千餘斤運剝隘復撥通省營貯火藥二十萬斤繼運得旨嘉許調湖南三十五年又調貴州桐梓縣民爲亂命速赴任會湖廣總督吳達善捕治亂定古州黨堆寨苗香要等爲亂復借吳達善督兵捕誅之兆麟奏黨堆寨苗老的以阻香要亂被殺令卽寨立廟以祀良苗並將死義被旌及香要等叛逆伏誅狀譯苗語榜廟門俾令警戒並請移駐將吏建下江營土城駐兵鎮撫是夏兆麟奏請於鄰省湖南四川廣西買米運貴州糶濟至秋豐收復奏請停運上斥其冒昧勅令詳慎兆麟復奏請簡發知府三員赴貴州上以此端一開各省效尤妨吏部選法且開倖進之門下旨嚴飭會貴州布政使觀音保入覲計兆麟率喜自誇口給便捷人號爲鐵嘴上曰觀音保人已罷率今尙以兆麟爲盛率則盛率更甚可知諭兆麟猛省痛改詔詣京師降補甘肅按察使三十六年坐貴州任內失察

清史稿

列傳一百二十四

四

廠員虧欠鉛斤奪官四十一年東巡兆麟迎駕詔與三品銜四十六年卒楊景素字樸園江南甘泉人提督捷孫父錫古北口總兵景素孱弱不好章句貧不能自給入資授縣丞發直隸河工效力乾隆三年補蠡縣丞累遷保定知府十八年授福建汀漳龍道漳浦民蔡榮祖欲爲亂景素率營卒禽斬之調臺灣道釐定漢民墾種地並生熟界址革游民爲通譯而不法者代以熟番又禁入山採木借修造船船材爲名累請番三十二年授河南按察使三十五年擢甘肅布政使調直隸命從尙書奏曰修勘察堤埝各工坐失察雄縣知縣胡錫瑛侵蝕賑賑下吏議奪官命留任俟八年無過方准開復三十九年壽張民王倫爲亂大學士舒赫德督兵討之上命景素具車馬濟師令分守河西賊以糧艘結浮橋欲渡景素與總兵萬朝興副將瑪爾當阿等督兵禦之奮勦回民助師夜焚橋賊不得渡事旋定擢山東巡撫疏請編查保甲四十年疏請選京師健銳火器營裨佐發山東司營伍教演四十一年上東巡臨視臨清燬橋斷道及亂民竄據所在景素逃當時戰狀上嘉其勞賜黃馬褂汶上宋家窪

舊渠淤墊瀆水淹民田四十二年景素奏請濬舊渠並開支河二令仍趨南陽昭陽二湖下部議行擢兩廣總督四十二年調閩浙疏言浙西歉收總督楊廷璋請撥臺灣倉穀十萬接濟北風盛發未能卽到請於福州福寧興化泉州四府屬撥倉穀十萬聽商運赴嘉湖出糶仍飭臺灣運歸四府補倉得旨嘉獎四十四年調直隸薦于易簡爲布政使上以易簡爲大學士敏中弟貴景素十二月卒贈太子太保賜卹如例四十五年兩廣總督巴延三奏景素操守不謹並發官兵得賊縱盜狀兩江總督薩載勦有河隄城垣工程罰景素家屬承修福康安又奏景素在兩廣婪索商捐六萬餘責景素子昭限年繳還五十四年以福建吏治廢弛追咎景素成昭伊黎五十九年釋回閩劉元字少儀浙江歸安人乾隆十年進士授刑部主事再遷郎中督山東學政二十七年自學政授山東按察使調安徽遷湖北布政使調廣西江寧四十四年遷安徽巡撫四十四年雲貴總督李侍堯以賊敗罪至斬下大學士九卿議請從重立決復下各省督撫議咸請如大學士九卿議賜元寬上指欲寬侍堯獨奏言侍堯歷任封疆勤幹有爲中外推服請用議勸議能例稍寬一線上從之侍堯得復起四十五年調江蘇四十六年甘肅布政使王賢望坐僞災冒賑得罪事連賜元弟同知鶴元上責賜元隱忍賄徇知其事而不舉降三品頂戴停廉俸四十八年還原品頂戴支廉俸如故五十年江南旱五月賜元奏准徐海三府如得雨二三寸猶可種雜糧上諭曰得雨二三寸未爲霑足焉能種雜糧地方雨水民瘼攸關賜元何得含混入告尋奏請截漕十萬石准徐海三府州被災較重碾米治賑如所議行五十五年高郵巡檢陳倚道察知書吏僞印重徵知州吳瑛置不問牒上賜元亦置不問揭報戶部上諸賜元賜元猶庇瑛不以實陳乃遣尙書慶桂侍郎王昶按治責賜元欺罔奪官逮賜元等下刑部治罪巡撫福崧劾賜元得句容知縣王光陞謀發糧書侵那錢糧但令江寧府察數上責賜元玩視民瘼徇情做法命置重典獄具擬斬立決命改監候五十六年釋還里嘉慶二年卒

清史稿

列傳一百二十四

五

論曰法者所以持天下之平人君取羣臣既知其不肖乃以一日之愛憎喜怒

屈法以從之此非細故也焯阿思哈景素坐食皆勸實猶尙復起爾爾阿匿
災至而設反誅告者兆麟口給鸚元迎上指至不勝疆政而始去之高宗常謂
朕非甚懦弱姑息之主不能執法執法固難自克其愛憎喜怒尤不易言也

清史稿

列傳一百二十四

六

清史稿

列傳一百二十五

塞楞額

鄂昌

彭家屏

李因培

常安

福崧

塞楞額瓜爾佳氏滿洲正白旗人康熙四十八年進士授內閣中書擢翰林院
侍講四遷至侍郎歷刑兵禮諸部雍正二年出署山東巡撫入爲戶部侍郎如
廣東按將軍李林縱部兵毀米廠閩巡撫署事竟仍署山東巡撫疏請以東平
州安山湖官地分畀窮民栽柳捕魚爲業上許之並令發耗羨備用銀爲建屋
製船又疏請浚柳長河開引河二疏積水復入爲工部侍郎緣事奪官乾隆元
年賜副都統銜如索倫巴爾虎練兵尋授鑲藍旗漢軍副都統出爲陝西巡撫
移江西疏請築豐城石隄封廣信府銅塘山均許之再移山東十一年擢湖廣
總督十三年孝賢皇后崩故事遇國恤諸臣當於百日後薙髮錦州知府金文
醇違制被劾逮下刑部擬斬候上以爲不當責尙書盛安沾譽予重譴江蘇巡

清史稿

列傳一百二十五

一

撫安甯舉江南河南總督周學健薙髮如文醇上並命速治因詔諸直省察屬
吏中有違制薙髮者不必治其罪但令以名聞是時塞楞額亦薙髮湖北巡撫
彭樹葵湖南巡撫楊錫紱及諸屬吏皆從之得詔塞楞額具疏自陳上命還京
師待罪諷謂文醇已擬斬決豈知督撫中有周學健則無怪於文醇豈知滿洲
大臣中有塞楞額又無怪於學健因釋文醇寬學健皆發直隸以修城自贖樹
葵錫紱誤從塞楞額錫紱並勸塞楞額檢舉皆貸罪令樹葵分任修城示薄刑
塞楞額至刑部論斬決上謂祖宗定制君臣大義而違蔑至此萬無可恕以尙
爲舊臣令宣諭賜自盡學健江西新建人雍正元年進士改庶吉士散館授編
修五遷至戶部侍郎命如山東按事兩詣上下江會督撫治災振水利出署福
建巡撫浙閩總督加太子少保授江南河道總督坐違制薙髮奪官命江西巡
撫開泰籍其家開泰發其往來私書中有丁憂免沂曹道吳同仁行賂學健乞
舉以自代上爲罷陳舉自代例詔曰朕令大臣舉可以自代之人凡以拔茅茹
顯俊乂之意也今同仁風學健許以兩千朕不解焉問之錢陳羣始知爲昧夫

考績劄記何可爲苞苴之門豈朕若渴之誠尙未喻於三三大臣耶朕甚惡焉其能之別詔又謂學健下急剛愎不料其不勳名檢竟至於此下兩江總督策楞獲勛其得學健營私受贓縱賊風奴僕傲法狀刑部引塞楞額及前步軍統領鄂善例論斬決上謂學健違制罪已貴婪賊黨破薦舉事視鄂善尤重賜自盡

鄂昌西林覺羅氏滿洲鎮藍旗人大學士鄂爾泰從子也雍正六年以舉人授戶部主事七年超擢陝西甯夏道十年遷甘肅布政使十一年陝西巡撫旋授四川巡撫西陽州土司冉元齡老病子廣煇襲土民苦其貪暴鄂昌奏請改土歸流十三年總督黃廷桂劾鄂昌貪縱命奪職以楊秘代之道刑部侍郎申珠渾會秘按治得鄂昌枷斃罪人及受屬吏銀瓶諸狀命逮下刑部論杖徒遇赦免乾隆元年令在批本處行走二年授直隸口北道邊甘肅按察使山西民梁玊等在高臺遇盜死知縣伍昇堂捕良民煇煉論罪鄂昌雪其冤得真盜置之法巡撫黃廷桂疏陳鄂昌平反狀旨嘉獎九年遷廣西布政使十一年署廣

清史稿

列傳一百二十五

西巡撫疏請以鄂爾泰祀廣西名宦上責其私不許十二年疏自陳舉布政使李錫泰自代上復責其朋庇因命督撫不得舉本省藩臬自代著爲例迭移江蘇四川甘肅諸省署甘肅提督陝甘總督復移江西巡撫時傳播尚書孫嘉淦疏稿有誣謗語命諸行省究所從來鄂昌以坐展饒九南道施廷翰子奕度逮下刑部鞫無據雪其枉召鄂昌詣京師待命獄定誅千總盧魯生資鄂昌誤職下刑部論杖徒命貸罪發往軍臺效力十九年閏四月命以甘肅貯官茶發北路軍備用命鄂昌董其事旋授甘肅巡撫理軍需內閣學士胡中藻著堅磨生集文辭險怪上指詩中語訕上坐悖逆誅中藻故鄂爾泰門人鄂昌與唱和上命奪職逮至京師下獄大學士九卿會鞫籍其家得所著塞上吟語怨望又聞鄂容安從軍輒云奈何奈何上責以失滿洲踴躍行師舊俗又得與大學士史貽直書稿知貽直爲其子奕箚請託上爲能貽直諫鄂昌負恩黨逆罪當肆市但尙能知罪又於貽直請託狀直承無諱朕得以明正官常從寬賜自盡中藻江西新建人乾隆元年進士上舉其詩有曰又降一世曰赤天之子曰與一世

爭在醜夷無慮數十事語悖慢又有西林第一門語斥其攀援門戶恬不知恥因及鄂爾泰及張廷玉秉政各有引援朋分角立謂如鄂爾泰猶在當治其植黨之罪命罷賢良祠祀鄂樂舜亦鄂爾泰從子初名鄂敏雍正八年進士改庶吉士授編修秋職侍班刑部侍郎王國棟放縱愆儀上命之退鄂敏未引去因以責鄂敏奪官逾年復編修出爲江西瑞州知府累遷湖北布政使命更名鄂樂舜遷甘肅巡撫請疏茶引備安西五衛積貯移浙江修海塘皆議行尋移安徽又移山東未行浙江按察使富勒渾密劾鄂樂舜在浙江時布政使同德爲婪索鹽商銀八千命侍郎劉綸浙閩總督喀爾吉善按治綸等言鄂樂舜實假公使銀上又命兩江總督尹繼善會鞫得婪索鹽商狀如富勒渾言但無與同德事鄂樂舜論絞富勒渾亦坐誣治罪上以定擬失當擢富勒渾布政使逮鄂樂舜至京師賜自盡時後鄂昌死未一年也

清史稿

列傳一百二十五

彭家屏字樂君河南夏邑人康熙六十年進士授刑部主事累遷郎中考選山西道御史外授直隸清河河道三遷江西布政使移雲南再移江蘇以病乞罷乾隆二十二年春高宗南巡家屏迎謁上諸歲事家屏奏夏邑及隣縣永城上年被水災獨重河南巡撫圖爾炳阿朝行在上以家屏語詰之猶言水未爲災上命偕家屏往勘又以問河東河道總督張師載師載奏如家屏言上謂師載篤實語當不誑飭圖爾炳阿乘公勘奏毋更迴護上幸徐州見飢民困苦狀念夏邑永城壤相接被災狀亦當同密令步軍統領衙門員外郎觀音保徵服往視上北還發徐州夏邑民張欽遮道言縣吏諱災上命圖爾炳阿詳勘次都縣夏邑民劉元德復訴縣吏施賑不實上不懌詰主使元德舉諸生段昌緒命侍衛成林監元德還夏邑按其事而觀音保還奏夏邑永城虞城商邱四縣災甚重積水久田不可耕災民鬻子女人不過錢二三百觀音保收災民子二以其券呈上上爲動容詔舉其事謂爲吾赤子而使骨肉不相顧至此事不忍言因奪圖爾炳阿職成烏里雅蘇台諸縣吏皆坐罪成林至夏邑與知縣孫默召昌緒不至捕諸家於臥室得傳鈔吳三桂檄以聞上上遂怒貸圖爾炳阿遣成及諸縣吏罪令直隸總督方觀承覆按召家屏詣京師問其家有無三桂傳鈔檄

及他禁書家屏言有明季野史數種未嘗檢閱上責其辭遁命奪職下刑部使侍衛三泰按察家屏子傳笏虛得罪焚其書命逮昌緒傳笏下刑部誅昌緒家屏傳笏亦坐斬籍其家分田予貧民圖爾炳阿又以家屏族譜上譜號大彭統記御名皆直書不闕筆上益怒責家屏狂悖無君即獄中賜自盡秋職刑部入傳笏情實上以子為父隱貸其死上既譴家屏等召圖爾炳阿還京師逮默下刑部命觀音保以通判知夏邑手詔戒救謂刁頑既除良懦可憫當善為撫綏毋俾災民失所也

李因培雲南晉甯人乾隆十年進士改庶吉士散館授編修十三年特擢翰林院侍講學士督山東學政十四年再擢內閣學士十八年署刑部侍郎兼順天府尹蝗起因培劾通永道王楷等不力捕皆奪職又劾涿州知州李鍾俾虧倉穀論罪如律衡水知縣劉士玉因培鄉人也以賄敗為直隸總督方觀承論劾冀州知州誇喀因培因培稱士玉冤誇喀因為申布政按察兩司十九年直隸布政使王麟以其事聞因培坐奪職甫三月起光祿寺卿復督山東學政二

清史稿

列傳一百二十五

四

十一年移江蘇二十四年遷內閣學士學政任滿移浙江二十七年任又滿復移江蘇上三巡撫賦詩以賜二十八年授禮部侍郎尋改倉場侍郎皆留督學二十九年授湖北巡撫皆上諭湖廣總督吳達善曰因培能治事學問亦優但未免恃才好居人上今初任民事汝當留意治事有不當善規之不聽即以聞朕久未擢用亦欲折鍊其氣質今似勝於前但恐志滿易盈朕造就耳旋移湖南三十一年又移福建將行常德被水上令速予災民一月糧詔未至因培令秋後勘災如故事上責因培以將受代五日京兆不恤民瘼下部議當降調市兩月授四川按察使因培在湖南日常德知府錫爾達發武陵知縣馮其柘虧庫帑二萬餘時因培報通省倉穀無虧慮以歧誤得罪示意布政使赫昇額令桂陽知州張宏燧代其柘償萬餘不足仍疏劾會宏燧縣民侯嶽添被殺誤指罪人為按察使宮兆麟所糾因培及繼任巡撫常鈞覆讞不能決上命侍郎成額即訊因得宏燧營私虧帑及承因培指代其柘償金諸狀以聞上命奪因培官逮送湖北對簿具服諭曰諸直省倉庫虧缺最為鉅弊昔皇考嚴加

重戒殊批諭旨不啻三令五申人亦不敢輕犯朕御極三十餘年有犯必懲乃近年營私做法屢有發覺豈因稽查稍疏故能復作朕自愧誠不能感人若再不能執法則朕亦非其懦弱姑息之主也期成額奏至因培下刑部論斬決上命改監候秋讞入情實賜自盡

常安字履坦納喇氏滿洲鑲紅旗人以諸生授筆帖式自刑部改隸山西巡撫署雍正初擢太原理事通判世宗時庶僚皆得上章言事常安疏請裁驛站館夫及諸官署鍾夫省科派從之尋擢冀甯道遷廣西按察使移雲南就遷布政使移貴州疏言苗疆多事由於兵役擾累嗣後有擾累事罪該管文武官下雲貴廣西總督議行遷江西巡撫十三年以母喪去官乾隆元年還京師舟經仲家淺其僕迫開官非時啓關越渡高宗聞之諭謂皇考臨御時所未嘗有徒以初政崇尚寬大常安封疆大吏乃為此市井跋扈之舉目無功令下東河總督白鍾山按治奪官下刑部論罪當枷號責命貸之往北路軍營董糧餉四年授盛京兵部侍郎內移刑部侍郎外授漕運總督內閣學士雅爾呼達請增遣

清史稿

列傳一百二十五

五

滿洲兵駐防口外直隸總督孫嘉淦疏請於獨石口張家口外擇可耕地屯兵招墾常安以為侵蒙古游牧地疏請寢其事六年移浙江巡撫謝上因言屬吏賢否視上司為表率惟有身先砥礪共勵清操上諭曰廉固人臣之本然封疆大臣非僅廉所能勝任為國家計安全為生民謀衣食其事正多觀汝有終身誦廉之意則非矣上念浙江海塘為民保障詔近時狀並命閩浙總督那蘇圖杭州將軍傅森會常安詳勘常安等議海甯至仁和原有柴塘塘外臨水仿河工絡繹之法用竹篔簹碎石層層排築外捍潮汛內護塘基水去沙停漸有淤灘再用左都御史劉統勳議改建石塘別疏又言塘工可大可小大則終年興工亦難保其無虞小則應興則興應停則停惟期免於衝決是在因時損益不宜惜費亦不宜糜費乾隆四五年間所修石塘竭力督催明歲可望全完各塘不無闊狹高低必須整齊堅固臣諭督塘兵培補鑲墊俾塘有堅工兵無閒曠海甯塘後舊有土塘以備泛溢令民間栽柳根株盤結塘身枝幹藉資工用八年石工乃成常安在浙江久有惠政嘗用保甲法編太湖漁舟清盜源釐兩

浙離政諸弊蘇商困以溫處二府貧瘠蘇商招商轉江蘇米自海道至佐民食江蘇巡撫陳大受疏論常安輕開海禁常安疏辨謂蘇視溫處彼此雖殊兩地皆皇上赤子大受不當過分畛域上諭曰汝等以此而矛盾皆為民耳出於不得已以後豐年可不須若需穀孔亟當視此行耳常安巡視寧波沿海諸地泛海至鎮海又至定海疏陳內外洋諸島嶼狀謂內洋宜招民墾外洋宜封禁上嘉其衝冒風濤勤於王事嘉湖二府奸民誘民間子女常安督吏捕治悉獲諸奸民上令視探生折割例從重定擬飭常安寬縱尋上疏言州縣親民吏必於轄境事無繁簡地無遠近莫不深知而後有實政以及於民應飭於齋戒停刑暇日親歷鄉村以次而徧引其父老詢以疾苦於地方利弊了然胸中且籍以周知戶口如遇災賑董理易為力上深然之錢塘江入海處近蕭山為南大疊近海寧為北大疊蜀山南別有中小疊舊為江海匯流處漸淤塞水趨南大疊逼海甯九年尚書訥親莅視議復中小疊故道常安令就沙背為溝四引湖刷沙歷數年沙漸去十一年疏言春伏兩汛已過南沙坍卸殆盡蜀山已

清史稿

列傳一百二十五

六

在水中倘秋汛不復湧沙大溜竟行中小疊矣上諭曰此言豈可輕出亦俟三五年後如何耳如能全行中小疊果可喜事也十二年閩浙總督喀爾吉善劾常安多得屬吏金婪索及於鹽政承差海關胥吏縱橫取市肆珍貴物不予值凡十數事上命解任以顧琮代之令大學士高斌會顧琮按治常安亦疏劾布政使唐綬祖徇私狂悖上為下高斌等併按高斌等按常安婪贓納賄狀皆不實惟縱僕得贓常安劾綬祖事盡虛疏請奪常安官上命大學士訥親覆按未至高斌等又言常安歲易鹽政承差有婪索狀訥親至又言常安嘗以公使錢自私按律擬絞下刑部卒於獄常安少受業於尚書韓菼工文辭有所論著多譏切時事其坐譴多舉細故遽從重比時論疑其中菀語以死非其罪也福松烏雅氏滿洲正黃旗人湖廣總督領色係也乾隆中授內閣中書遷侍讀外授四川北道遷甘肅按察使再遷福建布政使未行蘇四十三亂作從總督勒爾謹討賊即移甘肅事定賜花翎勒爾謹坐冒賑得罪命福松從總督李侍堯察通省倉庫虧銀八十八萬糧七十四萬有奇立例清償無力者以責上

官福松亦應分償上特免之四十七年遷浙江巡撫上以王賈望陳輝祖相繼撫浙江皆資吏復命察通省倉庫虧銀一百三十萬有奇立例清償如甘肅桐鄉縣徵漕不如律民聚鬩福松令捕治因疏陳嚴除清弊條四事下部議行四十九年上南巡兩浙鹽商輸銀六十萬以海甯范公塘改築為石福松為請上允之五十一年福松以諸屬吏清償倉庫虧銀未能如期疏請展限並言於正歲集司道以下等官設誓共砥廉隅上以期已三四年乃復請展限非是且設誓亦非政體命尚書曹文植侍郎姜晟伊齡阿如浙江按治會福松請籌柴塘修葺上疑新建石塘無益勞民傷財令文植等併按召福松還京師待命文植等疏陳浙江倉庫實虧數為定善後章程別疏言柴塘坦水為石塘保障宜有歲修上允其請察福松無敗檢事失但在柔佛命署山西巡撫旋以浙江學政寶光劾劾平陽知縣黃梅貪黷論如律實福松未能發左授二等侍衛充和闐幫辦大臣五十二年移阿克蘇辦事大臣五十四年再移葉爾羌參贊大臣五十五年授江蘇巡撫著兩江總督還授浙江巡撫五十七年疏請補修海塘石

清史稿

列傳一百二十五

七

工與前巡撫琅玕改築柴塘異議上命江蘇巡撫長麟往按請如福松議浙江鹽道柴槓遷兩淮鹽運使虧帑私移兩淮鹽課二十二萬補之兩淮鹽政全德疏劾上以福松領兩浙鹽政慮有染奪官以長麟代之命尚書慶桂會鞠謂福松營索槓銀十一萬又侵公使錢六萬有奇獄具論斬遂致京師尋命即途中行法福松飲酢卒福松為巡撫治事明決御屬吏有法度民頌其治行其得罪死頗謂其忤和珅為所陷尤慮至京師廷鞠或發其陰私故以蜚語激上怒迫之死云論曰居喪不沐浴百日雜髮亦其遺意也塞榜額坐是中危法學健難以他事誅然得罪仍在初獄鄂昌以門戶生恩怨家屏以指紳言利病皆足以撥禍羅織文字其借焉者也因培起邊遠受峻擗屢履起乃以欺罔傳重比常安福松死於昧然封疆有政聲論者以為冤事或然歟

清史稿

列傳一百二十六

恒文

高恒

王賈望

國泰

良卿

錢度

覺羅伍拉納

恒文烏佳氏滿洲正黃旗人雍正初以諸生授筆帖式四遷兵科給事中外授甘肅平慶道再遷貴州布政使乾隆初方用兵金川恒文奏言兵貴神速臣官甘肅平慶道時見提督以下諸營或三之一或四之一擇勇健者名為援剿兵將備預定旗幟器械及獎資諸項亦預存貴州乃無此例本年四川調兵二千遲至六日方得起程請假甘肅例預為計提督駐安順設重兵請於府庫貯銀五千待用既又疏上行軍諸節目上嘉其能治事移直隸十六年擢湖北巡撫疏請採淡銅廣鼓鑄請增築武昌近城石隄請停估變省城道倉空厥備貯協濟鄰省米石均得旨允行十八年署湖廣總督移山西巡撫二十一年擢雲貴

清史稿

列傳一百二十六

總督二十二年三月疏劾貴州糧道沈遷婪索屬吏鞫實論斬恒文與雲南巡撫郭一裕議製金爐上貢恒文令屬吏市金減其值吏民怨咨一裕乃疏劾恒文貪污敗檢列欸以上上命刑部尚書劉統勳會貴州巡撫定長即訊得恒文令屬吏市金減金值及巡察營伍縱僕婪索諸事逮送京師上責恒文為大臣以進獻為名私飽己橐篋不飭負恩罪大遣待衛三泰扎拉豐阿乘傳就恒文所至宣諭賜自盡郭一裕湖北漢陽人雍正初入貨為知縣除江南清河知縣稍遷山西太原知府乾隆中累擢雲南巡撫恒文對簿具言貢金爐議發自一裕統勳等察知一裕亦令屬吏市金見恒文以減值飲怨乃先發為掩覆計事聞上謂一裕本庸鄙前為山東巡撫嘗請進萬金上供在官惟以殖產營運為事但上不至如恒文之狼籍命奪職發軍臺効力手詔謂恒文及一裕罪輕重一歸允當毋謂一裕以漢吏劾滿洲終兩敗也一裕呈部請輸金贖罪會蔣洲楊瀕皆以婪索屬吏坐誅洲獄具得同官朋比狀上因謂恒文事發自一裕尚彼勝於此特許其納贖居數年予三品銜授河南按察使以老罷卒蔣洲江

南常熟人大學士廷錫子自主事累擢至山西布政使二十二年就遷巡撫旋移山東以塔永甯代塔永甯劾洲貪縱虧庫帑鉅萬將行令寬甯道楊龍文太原知府七賚扎諸屬吏納賄彌所虧統勳自雲南還上命馳往會塔永甯按治解洲任送送山西殿閣得實誅洲並及龍文七賚論絞候諸屬吏虧帑文職知州朱廷揚等武職守備武璉等皆論罪如律陝西巡撫明德以前官山西嘗取洲及諸屬吏賂亦論絞候上命發甘肅交黃廷桂聽差遣楊瀕直隸曲陽人乾隆中官湖南布政使時以湖南倉穀濟江南當糴補瀕發穀值百取一二得金三千有奇巡撫陳宏謀疏劾瀕實坐斬二十二年秋瀕巡撫蔣炳以瀕限內完贖擬入緩決上怒命誅瀕奪炳官逮京師論罪坐斬上以炳意在沽譽尚未嘗受賄改戍軍臺按察使夔舒亦坐是奪職

清史稿

列傳一百二十六

高恒字立齋滿洲鑲黃旗人大學士高斌子也乾隆初以蔭生授戶部主事再遷郎中出監山海關淮安張家口權稅署長蘆鹽政天津總兵二十二年授兩淮鹽政江蘇巡撫陳宏謀疏言海州產鹽盛請令河東買運配引赴陝西引地行銷准北鹽賤並令淮南商買運適中之地作常平倉鹽備缺額補配命高恒會兩江總督尹繼善覆議尋疏陳海州產鹽盛衰視天時晴雨難定成數距陝西三千餘里黃河逆流而上斷難輾運自海州出場經淮徐海各屬皆准北食鹽口岸徐州以上又係長蘆引地恐沿途挾私淮南額引多鹽場廣有益無絀即准北鹽價稍賤加以脚費折耗亦相等若令淮南銷准北餘鹽尤非商情所便縱發官帑與之收買亦難強其領運疏入上從之湖廣總督李侍堯疏言湖北鹽課貴請飭准商減價命高恒赴湖北會議定湖北鹽價視准商成本每包以二錢三分一厘為制二十九年授上駟院卿仍領兩淮鹽政三十年以從兄高晉為兩江總督當迴避召署戶部侍郎疏陳整頓綱課定分季運清獎勵之制命以告後政普福尋授總管內務府大臣三十二年署吏部侍郎是時上屢南巡兩淮鹽商迎蹕治行宮揚州上臨幸輒留數日乃去費不貲類歲上貢稍華侈高恒為鹽政陳請預提綱引歲二十萬至四十萬得旨允行復令諸商每引輸銀三兩為公使錢因以自私自事皆未報部三十三年兩淮鹽政尤拔世發

其弊上奪高恒官命江蘇巡撫彰寶會尤拔世按治諸鹽商具言頻歲上貢及備南巡差共用銀四百六十七萬餘諸鹽政雖在官久尚無寄商生息事上責其未詳盡下刑部鞠實高恆管受鹽商金坐誅普福及鹽運使盧見曾等罪有差子高樸初授武備院員外郎累遷給事中巡山東漕政三十七年超擢都察院左副都御史值月食救護未至上諭謂高樸年少奮勉是以加恩擢用非他人比乃在朕前有意見長退後輒圖安逸豈足副朕造就裁成之意吏議奪職命寬之邊兵部右侍郎上錄諸直省道府姓名密記治行優絀謂之道府記載太監高雲從偶泄於外廷左都御史觀保侍郎蔣榮吳壇倪承寬管因侍班私論其事高樸聞具疏劾上怒下刑部鞠治尋命誅雲從貸觀保等不竟其事詔謂雲從以賤役無忌憚豈可不亟為整飭以肅紀綱但不屑因此興大獄故不復窮治諸大臣豈無見聞獨高樸為之陳奏內省應自慚若因此圖傾高樸則是自取其死高樸若沾沾自喜不知謹懼轉致妄為則高雲從即其前車朕亦不能曲貸也四十一年命往葉爾羌辦事距葉爾羌四百餘里有密爾岱山產

清史稿

列傳一百二十六

三

王舊封禁高樸疏請開採歲一次四十二年阿奇木伯克色提巴勒底訴高樸役回民三千探玉婪索金寶並盜竊官玉烏什辦事大臣永貴以聞上命奪官嚴鞠籍其家得寄還金玉永貴又言葉爾羌存銀一萬六千餘金五百餘高樸坐誅方上誅高恒大學士傅恒從容言乞推慧賢皇貴妃恩貸其死上曰如皇后兄弟犯法當奈何傅恒戰栗不敢言至是諡曰高樸貪婪無忌罔顧法紀較其父高恒尤甚不能念為慧賢皇貴妃姪而稍矜宥也

王賈望山西臨汾人江蘇巡撫師子自舉人捐納知縣發甘肅知山丹泉蘭諸縣選授雲南武定知府引見命仍往甘肅待闕除甯夏知府累遷浙江布政使暫署巡撫乾隆三十八年上幸天津賈望貢方物範金為如意飾以珠上拒弗納三十九年移甘肅布政使甘肅舊例令民輸豆麥予國子監生得應試入官謂之監糧上令罷之既復令肅州安西收捐如舊例賈望至中總督勒爾謹以內地倉儲未實為辭為疏請諸州縣皆得收捐既又請於勒爾謹令民改輸銀歲虛報旱災妄言以粟治賑而私其銀自總督以下皆有分賈望多取焉議初

行方半載賈望疏報收捐一萬九千名得豆麥八十二萬上謂甘肅民貧地瘠安得有二萬人捐監又安得有如許餘糧今半年已得八十二萬年後一年經久陳紅又將安用即云每歲借給民間何如留於閭閻聽其自為流轉因發四不可解詰勒爾謹爾爾謹備辭具覆上諭曰爾等既身任其事勉力妥為之可也四十二年擢浙江巡撫四十五年上南巡賈望治供張甚侈上謂省方問俗非為游觀計今乃添建屋宇點綴鏡彩華縟繁費朕實所不取戒毋更如是賈望旋居母喪疏請治喪百日後留塘工自效上許之浙江巡撫李質穎入覲奏陳海塘事因及賈望意見不相合遂言賈望不遺妻孥還里行喪上降旨責其忘親越禮奪官仍留塘工自効四十六年命大學士阿桂如浙江勘工阿桂疏發杭嘉湖道王燧貪縱故嘉興知府陳虞盛浮冒狀上諭曰朕上年南巡入浙江境即見其侈靡詰賈望言虞盛所為令燧等借大差為名貪縱浮冒必賈望為之庇護命速燧嚴鞠會河州回蘇四十三為亂勒爾謹師屢敗亦被逮大學士阿桂出視師未即至命尚書和坤先為和坤疏言入境即遇雨阿桂報師行

清史稿

列傳一百二十六

四

亦屢言兩上因疑甘肅頻歲報旱不實諭阿桂及總督李侍堯令具實以聞阿桂侍堯疏發賈望等令監糧改輸銀及虛銷賑粟自私請狀上怒甚遣侍郎楊魁如浙江會巡撫陳輝祖召賈望嚴鞠籍其家得金銀逾百萬上幸熱河逮賈望勒爾謹及甘肅布政使王廷贊赴行在令諸大臣會鞠賈望具服發議監糧改輸銀令蘭州知府蔣全迪示意諸州縣偽報旱災迫所轄道府具結申轉在官尚奢侈泉蘭知縣程棟為支應諸州縣餽賂率以千萬計獄定上命斬賈望賜勒爾謹自裁廷贊論絞併命即蘭州斬全迪遂令阿桂按治諸州縣冒賑至二萬以上皆死於是坐斬者棟等二十二人餘讎黜有差上謂此二十二人之死皆賈望導之使陷於法與賈望殺之何異令奪賈望子裘等官發伊犛幼子逮下刑部獄年至十二即次第遣發逃者斬陝甘總督李侍堯續發得賅諸吏又誅閩粵元等十一人罪董鳳等六人五十九年上將歸政國史館進師傳上覽其治蹟乃赦賈望子還幼者罷勿遣謂勿令師絕嗣也勒爾謹宜特墨氏滿洲鑲白旗人乾隆初以繙譯進士授刑部主事選員外郎外授直隸天津道累

遷陝甘總督四十二年河州回黃國其王伏林為亂馳往捕治誅國其伏林及其徒四百餘人四十六年循化回蘇四十三復起勒爾謹令蘭州知府楊士璣河州協副將新柱率二百人往捕為所殺遂破河州勒爾謹赴援聞賊將自小道徑攻蘭州引還城守上責勒爾謹觀望失機奪官下刑部論斬上命改監候卒坐賈望獄死陳輝祖又以籍賈望家匿金玉器誅輝祖湖南祁陽人兩廣總督大受子也以蔭生授戶部員外郎遷郎中外授河南陳州知府累遷閩浙總督兼領浙江巡撫賈望獄起輝祖弟殿祖為甘肅知縣獄辭連染上以輝祖當知狀詰之不敢言詔嚴切乃具陳平日實有所聞懼殿祖且得罪隱忍未聞上因請罪降三品頂戴留任時安徽巡撫閔元亦坐其弟鶴元與輝祖同譴既布政使盛住疏言檢校賈望家入官物與原册有異同命大學士阿桂按治具得輝祖隱匿私易狀論斬上曰輝祖罪固無可道然與賈望較終不同傳云與其有聚斂之臣寧有盜臣輝祖盜臣耳亦命改監候四十七年浙江巡撫福崧奏桐鄉民因徵清案聚鬧縣庭輝祖寬其罪次年乃復閩浙總督富勒琿

清史稿

列傳一百二十六

五

奏兩省諸州縣虧倉穀福建水師提督黃仕簡奏臺灣民互鬪於是上罪輝祖牟利營私兩省庶政皆廢弛貽誤罪無異賈望賜自裁五十三年又以湖北吏治聞其弊始輝祖為巡撫時成其子伊犂乾隆季諸貪吏首賈望次則鄭源璣源璣直隸豐潤人以貢生授戶部主事累遷湖南布政使仁宗既誅和珅有言源璣貪黷狀下巡撫姜晟按治源璣具服收發庫項加扣平餘數逾八萬署內眷屬幾三百人自蓄優伶服官奢侈上宣示源璣罪狀因言諸直省大吏宴會酒食率以屬首縣首縣復飲於諸州縣率皆朘小民之脂膏供大吏之娛樂展轉苛派受害仍在吾民通諭諸直省令悛改積習尋命斬源璣

國泰富察氏滿洲鎮白旗人四川總督文綬子也國泰初授刑部主事再遷郎中外擢山東按察使遷布政使三十八年文綬官陝甘總督奉命按前四川總督阿爾泰縱子明德布婪索屬吏徇不以實陳成伊犂國泰具疏謝請從父成所贖父罪上諭曰汝無罪何必惶懼四十二年遷巡撫國泰執袴子早貴遇屬吏不以禮小不當意輒呵斥布政使于易簡事之詔至長跪白事易簡江蘇金

壇人大學士敏中弟也大學士阿桂等以國泰乖張請改京朝官四十六年上為召易簡詣京師問狀易簡為國泰力辨上降旨戒國泰馭屬吏當寬嚴得中令警惕改悔會文綬復官四川總督以囑匪為亂再成伊犂國泰未具疏謝居月餘疏謝賜鹿肉上詰責國泰請納養廉為父贖並乞治罪上寬之四十七年御史錢澧劾國泰及易簡貪縱營私徵賂諸州縣諸州縣倉庫皆虧缺上命尙書和坤左都御史劉墉按治並令澧與俱和坤故祖國泰壻持正以國泰虐其鄉右澧驗歷城庫銀色不一得借市充庫狀語互詳澧傳國泰具服婪索諸屬吏數輒至千萬易簡詔國泰上詰不敢以實對獄定皆論斬上命改監候逮繫刑部獄巡撫明興疏言通察諸州縣倉庫虧二百萬有奇皆國泰易簡在官時事上命即獄中詰國泰等國泰等言因王倫亂諸州縣以公使錢佐軍興乃虧及倉庫上以王倫亂起滅不過一月即謂軍興事急何多至二百萬即有之當具疏以實聞國泰易簡罔上行私視諸屬吏虧帑懲置不問罪與王賈望等均命即獄中賜自裁郝碩漢軍鑲黃旗人父郝玉麟官兩江總督郝碩驍都

清史稿

列傳一百二十六

六

尉世職授戶部員外郎直軍機處遷郎中外授山東登萊青道三遷江西巡撫將朝京師以行李不具徵屬吏納賂四十九年兩江總督薩載論劾速京師餉實上謂郝碩罪同國泰小有才地方事尚知料理郝碩嘗朝行在問以地方事不知所對不意復貪婪若是且郝碩託辭求賂正國泰事敗時乃明知故蹈無復忌憚即視國泰例賜自裁因通諭諸直省督撫當持名節畏憲典以國泰郝碩為戒良卿富察氏滿洲正白旗人乾隆七年進士授戶部主事遷郎中外授直隸通永道累遷貴州布政使三十二年命署巡撫師征緬甸良卿董畫站上諭良卿師行供頓有資民力者覈實奏聞良卿疏言此項多鄉保措辦銀數多寡參差無從覈算上謂師行供頓有資民力亦當官為檢覈若以鄉保措辦遂置不問民瘼何所仰賴且吏役因以為姦又何所不至耶良卿以布政使署巡撫何得諉為不知下吏議當降調命改奪官仍留任既上發帑佐軍需良卿請確查散給上詰良卿既言無從覈算何能確查散給命留供糧發官軍良卿又疏良陳貴州兵糧能走險賊請募五千人習槍礮牌備徵發上嘉其盡心

賜孔雀翎尋移廣東以募兵事未竟仍留貴州貴州產鉛歲採運供鑄錢以糧道主其事三十四年良卿疏劾威甯知州劉標運鉛不如額並虧工本運值奪標職令良卿詳讞良卿疏陳標虧項併劾糧道永泰請簡大臣會鞫上為遣內閣學士富察善如貴州會良卿按治永泰揭戶部陳標虧項由長官婪索因及良卿及按察使高積資狀上解良卿職復命刑部侍郎錢維城湖廣總督吳達善即訊故事奏摺置黃木匣外護以黃綾袱至御前始啓上發副將軍阿桂軍中奏於獄內得普安民吳德訴官吏目私派累民狀命吳達善密勘而劉標亦遣人詣戶部訴上官婪索呈簿記上申命吳達善嚴鞫吳達善先後疏言標積年虧帑至二十四萬有奇良卿意在彌補掩覆見事不可掩乃以訪聞奏劾及追繳銀六千有奇令留抵私填公項不入查封始終隱飾又及高積資備庫水銀良卿有袒庇狀良卿長支養廉為前布政使張逢堯及積署布政使時支放普安州民吳國治訴知州陳和籍軍興私派累民良卿即令和會鞫不竟其事乃致使賄賂吏附奏事達御上乃責良卿負恩欺罔罪不止於飲法婪贓

清史稿

列傳一百二十六

七

命卽貴州省城處斬銷旗籍以其子富多富永發伊犛界厄魯特為奴積逢堯標皆坐譴方世佛字毓川安徽桐城人乾隆四年進士授戶部主事累遷太僕寺少卿外授陝西布政使二十九年擢貴州巡撫三十二年調湖南巡撫劉標許發上官婪索言世佛得銀六千有奇上命奪官逮送貴州其僕承世佛得銀千獄成械致刑部論絞決上命改監候秋讞入情實伏法錢度字希裴江南武進人乾隆元年進士授吏部主事累遷廣西道監察御史外授安徽徽州知府累擢至方面其為江安督糧道河庫道皆再任歷十餘年上嘉其久任奮勉二十九年授雲南布政使三十二年遷廣東巡撫師方征緬甸度主餽軍命以巡撫銜領布政使未幾移廣西巡撫乃之官賀縣囚越獄度請寬知縣鄭之紳罪上命奪之紳職責度寬縱學政梅立本按試鬱林索供應民聚闕上命度定學政供應夫船事例度擬從寬備失上指仍左授雲南布政使三十七年監銅廠宜良知縣朱一深揭戶部告度貪婪勒屬吏市金玉上命刑部侍郎袁守侗如雲南會總督彭寶巡撫李湖按治貴州巡撫圖思得奏獲

度僕持金玉諸器自京師將往雲南值銀五千以上江西巡撫海明奏獲度僕携銀二萬九千有奇自雲南將往江南並得度寄子鄂書令為復壁藏金為永久計兩江總督高晉籍度家得窖藏銀二萬七千又奇賴金二千守侗等訊得度刻扣銅本平餘及勒屬吏市金玉得值具服逮送京師命軍機大臣會刑部覆讞以度侵欺勒索贓私具實罪當斬命卽行法子鄂亦論絞上為改緩決尋遇赦仍不令應試出仕嘉慶五年弛其禁

清史稿

列傳一百二十六

八

民散處凡已編甲輸糧者當不在例中上命諸島嶼非例當封禁皆任其居處浙江嘉善縣民訴縣吏徵漕浮收下伍拉納按治論如律伍拉納治尚嚴疏劾金門鎮總兵羅英策巡洋兵船遇盜不以實報英策坐譴又論邵武營守備余朝武等侵餉營吏黃國材等冒餉黃巖右營守備葉起發屬兵遇盜不以實報外委陳學明避盜偽為被創營兵柯大斌誣告營官皆傳重比五十七年同安民陳蘇老晉江民陳滋等為亂設謠會賊黨字安造以代天地伍拉納率按察使戚蓼生赴泉州捕得蘇老等誅一百五十八人成六十九人五十九年義烏民何世來宣平民王元樓德新等為亂立邪教伍拉納率按察使錢受椿赴金華浙江巡撫吉慶已捕誅世來德新伍拉納覆讞諸脅從復誅鮑茂山吳阿成等還福建至浦城捕得元誅之六十年臺灣盜陳周全為亂陷彰化伍拉納出駐泉州發兵令署陸路提督烏蘭保海壇鎮總兵特克什布赴勦彰化民楊仲舍等擊破周全亂已定是歲漳泉被水饑伍拉納至民間集乞賑未以聞上促伍拉納赴臺灣累詔詰責伍拉納自泉州往福州將軍魁倫疏言伍拉納性

急按察使錢受持等迎合治獄多未協滄泉被水米值昂民貧巡撫浦霖等不為之所多入海為盜虎門近在省會亦有盜舟出沒上為罷伍拉納浦霖命兩廣總督覺羅長麟署總督魁倫署巡撫伍拉納至臺灣勅鹿仔港巡檢朱繼功以喪去官賊起即携眷內渡請奪官戍新疆上諭曰伍拉納為總督臺灣賊起陷城戕官朕屢旨嚴飭始行繼功丁憂巡檢轉責其携眷內渡加以遠戍伍拉納畏憚遷延乃欲以此自掩何其不知恥也伍拉納浦霖貪縱婪索諸屬吏州縣倉庫多虧缺伍拉納疏陳清查諸州縣倉庫虧缺六十四萬有奇銀三十六萬有奇限三年責諸主者償納至是魁倫疏論諸州縣倉庫虧缺伍拉納所奏非實數上命伍拉納浦霖及布政使伊轍布按察使錢受持皆奪官交長麟魁倫按讞長麟魁倫勒布政司庫吏周經侵庫幣八萬有奇具獄辭以上上疑長麟等意將歸獄於經斥其徇隱長麟等疏發伍拉納受鹽商賄十五萬霖亦受二萬別疏發受稽讞長秦械關獄斃至十人得賄銷案籍武拉納家得銀四十萬有奇如意至一百餘柄上比之元載胡椒八百斛籍霖家得窖藏金七百銀二十八萬田舍值六萬有奇他服物稱是逮京師廷鞫服罪命立斬伊轍布亦逮京師道死受稽監送還福建夾二次重笞四十乃集在省諸官吏處斬又以長麟主寬貸奪官召還以魁倫代之遂興大獄諸州縣虧幣一萬以上皆斬誅李堂等十人徐謙黜有差霖浙江嘉善人乾隆三十一年進士授戶部主事再遷郎中外授湖北安襄鄖道累遷福建巡撫移湖南復遷福建及得罪上謂伍拉納未嘗學問或不知潔己奉公之義霖以科目進起自寒素擢任封疆乃貪黷無厭罔顧廉恥尚得謂有人心者乎霖及伍拉納伊轍布受稽諸子皆用王賈望例成伊犁嘉慶四年赦還

論曰高宗譴諸貪吏身大辟家籍沒侈及於子孫凡所連染窮治不稍貸可謂嚴矣乃營私做法前後相望豈以執政者尚貪侈源濁流不能清歟仰以坐苞苴敗者亦或論才宥罪執法未嘗無撓然觀其所誅極要可以鑑矣

清史稿

列傳一百二十六

九

清史稿

列傳一百二十七

王杰 朱珪

董誥

王杰字偉人陝西韓城人以拔貢考銓藍田教諭未任遭父喪貧甚為書記以養母歷佐兩江總督尹繼善江蘇巡撫陳宏謀幕皆重之初從武功孫景烈游講濂洛關閩之學及見宏謀學益進自謂生平行已居官得力於此乾隆二十六年成進士殿試進呈卷列第三高宗熟視字體如素識以昔為尹繼善繕疏曾邀宸賞詢知人品即拔置第一及引見風度凝然上益喜又以陝人入本朝百餘年無大魁者時值西陲戡定魁選適得西人御製詩以紀其事尋直南書房屢司文柄五遷至內閣學士三十九年授刑部侍郎調吏部擢左都御史四十八年丁母憂即家擢兵部尚書車駕南巡杰赴行在謝上曰汝來甚好君臣久別應知朕念汝然汝儒者不欲奪汝情歸終制可也服闋還朝五十一年命為軍機大臣上書房總師傅次年拜東閣大學士管理禮部臺灣鄭爾喀先後平兩次圖形紫光閣加太子太保杰在樞廷十餘年事有可否未嘗不委曲陳奏和坤勢方赫事多擅決同列隱忍不言杰遇有不可輒力爭上知之深和坤雖厭之而不能去杰每議政舉默然獨坐一日和坤執其手戲曰何柔羨乃爾杰正色曰王杰手雖好但不能要錢耳和坤赧然嘉慶元年以足疾乞免軍機書房及管理部事允之有大事上必諮詢杰亦不時入告時教匪方熾杰疏言賊匪勦滅稽遲由被賊災民窮無倚賴地方官不能勞來安輯以致脅從日眾兵力日單而賊燄日熾此時當安良民以解從賊之心撫官兵以勵行間之氣三年之內川楚秦豫四省殺傷不下數百萬其幸存而不從賊者亦皆鋒鏑之餘男不暇耕女不暇織若再計敵徵輸甚至分外加派胥吏因緣勒索艱苦情形無由上達聖主之前祈將被賊地方錢糧蠲免不令官吏舞弊重徵有來歸者概勿窮治賊勢或可漸孤矣至於用兵三載未即成功實由將帥有所依恃怠玩因循非盡士卒之不用命也乞頒發諭旨曲加憐恤有驕惰不馴者令經略概行撤回或就近更調召募申明紀律鼓行勦戎庶幾人有挾纊之懼眾有

清史稿

列傳一百二十七

一

成城之志又言教匪之蔓延其弊有二一由統領之有名無實勒保雖爲統領而統兵大員名位相等人人得專摺奏事於是賊至則畏避不前賊去則捏稱得勝即如前歲賊竄興安領兵大員有匪已渡江五日地方官並不稟報之奏此其畏避情形顯而易見又如去歲賊擾西安城南殺傷數萬官兵既不近賊撫臣一無設施探知賊去已遠然後虛張聲勢名爲追賊實未見賊近聞張漢湖蔓延商維高均德屯據洋縣往來衝突如入無人之境秦省如此川省可知實由統領不專實罰不明之所致也一由領兵大員專恃鄉勇鄉勇陣亡無庸報部人數可以虛捏藉鄉勇爲前陣既可免官兵之傷亡又可爲異日之開銷此所以耗國帑而無可稽核也臣以爲軍務緊要莫急於去鄉勇之名而爲召募之實蓋有五利一民窮無依多半從賊苟延性命募而爲兵即有口糧多一爲兵之人即少一從賊之人一隔省徵調曠日持久就近召募則旬日可得一徵兵遠來筋力已疲召募之人不須跋涉一隔省之兵水土不習路徑不諳就近之人則不慮此一鄉勇勢不能敵則逃散無從懲治召募之兵退避則有軍

清史稿

列傳一百二十七

二

法具此五利何不增募一數而殲賊如謂兵多費多獨不思一萬兵食十月之糧與十萬兵食一月之糧其費相等而功可早奏也疏入並被採用二年復召直軍機隨扈熱河未幾因體疾詔毋庸入直先行回京三年秋川匪王三槐就擒封賞樞臣詔杰見雖未直軍機軍興曾有贊畫功並予優叙泊仁宗親政杰爲首輔遇事持大體竭誠進諫上優禮之五年以衰病乞休溫詔慰留許扶杖入朝七年固請致仕晉太子太傅在籍食俸八年春瀕行上疏略謂各省虧空之弊起於乾隆四十年以後州縣營求餽送以國帑爲資緣上司受其挾制彌補無期至嘉慶四年以後大吏知尚廉節州縣仍形拮据由於苦樂不均賢否不分宜求整飭之法又舊制驛丞專司驛站無可誅求自裁歸州縣濫支苛派官民俱病宜先清驛站以杜虧空今當軍務告竣朝廷勤求治理無大於此二者請容裁獨斷以挽積重之勢所言切中時弊上嘉納之陛辭日賜高宗御用玉鳩杖御製詩二章以寵其行有云直道一身立廊廟清風兩袖返韓城時論謂足盡其生平既歸歲時頒賞不絕每有陳奏上輒親批答語如家人九年杰

與妻程並年八十命巡撫方維甸齋御製詩額珍物於生日就賜其家杰詣闕謝明年正月卒於京邸上悼惜賜金治喪贈太子太師祀賢良祠諡文端杰體不踰中人和藹近情而持守剛正歷事兩朝以忠直結主知當致仕未行會有陳德於禁城驚犯乘輿急趨朝請對曰德庖廚賤役安敢妄蓄逆謀此必有元奸大惑主使行明張差之事當除肘腋之患至十八年林清逆黨之變上思其言特賜祭焉孫篤道光二年進士歷編修御史出爲汀州知府廣東督糧道署鹽運使時林則徐爲按察使治海防甚倚之募廣州游手精壯者備守禦以機敏稱擢山東布政使署巡撫失察家人屬官受賂連降罷職歸襄理西安城工卒贈布政使銜

清史稿

列傳一百二十七

三

畫受高宗知誥承家學繼爲侍從書畫亦被宸賞尤以奉職恪勤爲上所眷注累遷內閣學士四十年擢工部侍郎調戶部歷署吏刑兩部侍郎兼管樂部充四庫館副總裁接辦全書會要命輯滿洲源流考四十四年命爲軍機大臣五十二年加太子少保擢戶部尚書臺灣庫爾喀先後底定並列功臣圖形紫光閣嘉慶元年授受禮成詔朱珪來京將昇以閣務仁宗賀以詩屬稿未竟和珅取白高宗曰嗣皇帝欲市恩於師傳高宗色動顧語曰汝在軍機刑部久是於律意云何誥叩頭曰聖主無過言高宗默然良久曰汝大臣也善爲朕輔導之乃以他事罷珪之召時大學士懸缺久雖其人高宗謂劉墉紀昀彭元瑞三人皆資深墉遇事模稜元瑞以不檢獲愆昀讀書多而不明理惟誥在直勤勉超拜東閣大學士明詔宣示俾三人加愧勵焉命總理禮部仍兼管戶部事二年丁生母憂特賜陀羅經被遣御前侍衛領豐紳殷德奠醮誥既以喪歸川楚軍事方亟高宗欲召之每見大臣數問誥何時來逾年誥母畢詣京師和珅遇不上聞會駕出誥於道旁謝恩高宗見之喜甚命暫署刑部尚書素服視事

不預典禮專辦秋賦及軍營紀略且曰誥守制已逾小祥不得已用人之苦心衆當共諒尋以王三槐就擒與軍機大臣同被議叙四年春高宗崩和坤伏誅命誥復直軍機晉太子太保既服闋授文華殿大學士兼刑部尚書如故高宗山陵禮成命題神主晉太子太傅七年三省教匪平予騎都尉世職十二年高宗寶錄告成詔以誥在館八年始終其事特加優獎賜其父邦達入祀賢良祠十四年萬壽慶典晉太子太師充上書房總師傅十七年晉太保十八年扈從秋獵林清逆黨突入禁城時回鑾中途聞變有議俟調大兵成列而後進者誥曰是滋亂也獻俘者行至矣即日扈駕進次人心乃定窮治邪教誥謂燒香祈福愚民無知率所常有惟從逆者不可貸凡論上皆以是定讞林清既誅滑縣逆匪尋平論功迭被優叙賜子滿魯即中二十年因病請致政溫詔慰留改管兵部未幾復命管刑部二十三年再疏乞休許致仕食全俸是年十月卒贈太傅上親奠入祀賢良祠賜金治喪御製詩輓之嘉其父子歷事三朝未嘗增置一畝之田一椽之屋命刻詩於墓以彰忠藎諡文恭誥直軍機先後四十年熟

清史稿

列傳一百二十七

四

於朝章故事有以諮者無不悉凡所獻納皆面陳未嘗用奏牘當和坤用事與王杰楮柱其間獨居深念行處幾失常度卒贊仁宗殲除大憝及林清之變獨持鎮定尤為時稱云

朱珪字石君順天大興人先世居蕭山自父文炳始遷籍文炳官屋蓋知縣曾受經於大學士朱軾珪少傳軾學與兄筠同鄉舉並負時譽乾隆十三年成進士年甫十八選庶吉士散館授編修數遇典禮撰進文冊高宗重其學行累遷侍讀學士二十五年出為福建糧驛道擢按察使治獄平恕以父憂去三十二年補湖北按察使會緬甸用兵以部署驛務詳慎被褒獎調山西就遷布政使署巡撫疏請歸化綏遠二城穀二萬餘石搭放兵糧以省採買免紅朽又免土默特蒙古私墾罪以所墾牧地三千餘頃許附近兵民認耕納租歲六千餘兩增官兵公費又太僕寺牧地苦寒改徵折色以便民除弊皆下部議行珪方正為同寮所不便按察使黃檢奏劾讀書廢事四十年召入覲改授侍講學士直上書房侍仁宗學四十四年典福建鄉試次年督福建學政瀕行上五箴於仁

宗曰養心曰敬身曰勤業曰虛己曰致誠仁宗力行之後親政嘗置左右五十年擢禮部侍郎典江南鄉試督浙江學政還朝調兵部五十五年典會試出為安徽巡撫皖北水災馳驛往振携僕數人與村民同舟渡振宿州泗州碭山靈璧五河盱眙餘災輕者貸以糧種築決隄展春振並躬莅其事民無流亡五十九年調廣東尋署兩廣總督授左都御史兵部尚書仍留巡撫任嘉慶元年授總督兼署巡撫珪初以文學受知泊出任疆寄負時望將大用和坤忌之授受禮成珪進頌册因加指摘高宗曰陳善納諫師傳之職宜爾非汝所知也會大學士缺詔召珪卒為和坤所沮以廣東艇匪擾劫閩浙責珪不能緝捕寢前命左遷安徽巡撫皖北復災親治振官吏無侵蝕三省教匪起安徽亦多伏莽珪曰疑而索之是激之變親駐界上籌防禦徧莅額毫所屬集鄉老教誡之民感化境內迄無事明年授兵部尚書調吏部仍留巡撫任四年正月高宗崩仁宗即馳驛召珪聞命奔赴途中上疏略曰天子之孝以繼志述事為大親政伊始遠聽近瞻默運乾綱滂施渙號隔剛之氣如日重光惻怛之仁無幽不泐修身則嚴誠欺之界觀人則辨義利之防君心正而四維張朝廷清而九牧肅身先節儉崇獎清廉自然盜賊不足平財用不足阜惟願皇上無忘堯舜自任之心臣敢不勉仁義事君之道至京哭臨上執珪手哭失聲命直南書房管戶部三庫加太子少保賜第四華門外時召獨對用人行政悉以諮之珪造膝密陳不關白軍機大臣不沽恩市直上傾心一聽初政之美多出贊助尋充上書房總師傅調戶部尚書詔清漕政禁浮收疆吏以運丁苦累仰給州縣州縣不得取諸民於是安徽加贈銀江蘇加耗米珪謂小民未見清漕之益先受其害力爭能之令曹司凡事近加賦者皆議駁長蘆鹽政請加增鹽價駁曰蘆東因錢價賤已三加價矣且免積欠三百六十萬兩餘欠展三年商力已寬無庸再贖加價廣東請濱海沙地升賦駁曰海沙淤地坍塌靡常故照下則減半賦之今視上中田增賦是與民計微利非政體且民苦加賦別有漲地將不敢報墾不可行倉場請預納錢糧四五十倍準作義監生駁曰國家正供有常經名實關體要於名不正實必傷斷不可行凡駁議每自屬稿奏上皆聽之五年兼署

清史稿

列傳一百二十七

五

身則嚴誠欺之界觀人則辨義利之防君心正而四維張朝廷清而九牧肅身先節儉崇獎清廉自然盜賊不足平財用不足阜惟願皇上無忘堯舜自任之心臣敢不勉仁義事君之道至京哭臨上執珪手哭失聲命直南書房管戶部三庫加太子少保賜第四華門外時召獨對用人行政悉以諮之珪造膝密陳不關白軍機大臣不沽恩市直上傾心一聽初政之美多出贊助尋充上書房總師傅調戶部尚書詔清漕政禁浮收疆吏以運丁苦累仰給州縣州縣不得取諸民於是安徽加贈銀江蘇加耗米珪謂小民未見清漕之益先受其害力爭能之令曹司凡事近加賦者皆議駁長蘆鹽政請加增鹽價駁曰蘆東因錢價賤已三加價矣且免積欠三百六十萬兩餘欠展三年商力已寬無庸再贖加價廣東請濱海沙地升賦駁曰海沙淤地坍塌靡常故照下則減半賦之今視上中田增賦是與民計微利非政體且民苦加賦別有漲地將不敢報墾不可行倉場請預納錢糧四五十倍準作義監生駁曰國家正供有常經名實關體要於名不正實必傷斷不可行凡駁議每自屬稿奏上皆聽之五年兼署

吏部尚書先是彭元瑞於西華門內墜馬珪呼其輿入昇之爲御史周枋所劾尋有珪輿人毆傷禁門兵忌者曠護軍統領許之詔珪素恪謹造次不檢特申戒坐褫官銜解三庫事鑄級留任七年協辦大學士復太子少保尋兼翰林院掌院學士晉太子少傅九年上幸翰林院聯句賜宴御書天祿儲才額刻懸院中以墨書賜珪家十年拜體仁閣大學士管理工部上以是命遵高宗諭遣詣裕陵謝逾歲年七十六以老乞休溫詔慰留賜玉鳩杖命天寒間二三日入直未幾召對乾清宮眩暈扶歸第數日卒上親奠哭之慟贈太傅祀賢良祠賜金治喪詔珪自爲師傅凡所陳說無非唐虞三代之言稍涉時趨者不出諸口啟沃至多揆諸設法足當正字而無愧特諡文正又見其門庭卑隘清寒之況不減儒素命內府備筵遣皇子加奠致殯日遣廣郡王永璘祖奠目送逾年上謁西陵珪墓近蹕路遣官賜奠高宗實錄成特賜祭撰長子錫經爲四品京堂二十年復因謁陵回鑾親奠其墓恩禮始終無與比珪文章奧博取士重經策銳意求才嘉慶四年典會試阮元佐之一時名流搜拔殆盡爲士林宗仰者數十

清史稿

列傳一百二十七

六

年學無不通亦喜道家嘗曰朱子注參同契非空言也

論曰君子小人消長之機國運繫焉王杰董誥朱珪皆高宗拔擢信任之臣和珅一再問沮卒不屈撓一旦共隴伏法衆正盈朝據其忠誠啓沃新主殄寇息民苞桑永固天留數人弼成仁宗初政之盛可謂大臣矣

清史稿

列傳一百二十八

慶桂

劉權之

戴衝亨

戴均元

托津

章煦

盧蔭溥

慶桂字樹齋章佳氏滿洲鑲黃旗人大學士尹繼善子以廕生授戶部員外郎充軍機章京超擢內閣學士乾隆三十二年充庫倫辦事大臣遷理藩院侍郎三十六年授軍機大臣居二載出爲伊犁參贊大臣調塔爾巴哈台哈薩克巴布克詭稱阿布勒畢斯授爲哈拉克齊借阿布勒畢斯之子博普來貢馬慶桂以博普未至巴布克狡詐不可信斥之上嘉其有識曰尹繼善之子能如此朕又得一能事大臣矣四十二年授吏部侍郎調烏里雅蘇台將軍授正黃旗漢軍都統以病回京逾年授盛京將軍調吉林再調福州四十九年入覲授工部尚書仍直軍機調兵部逾年署黑龍江將軍時陝甘總督福康安赴阿克蘇安

清史稿

列傳一百二十八

一

輯回衆上以慶桂練邊事命帶欵差關防馳往甘肅暫署總督尋授塔爾巴哈台參贊大臣五十一年召授兵部尚書歷署盛京吉林烏里雅蘇台將軍五十七年廓爾喀平子議叙圖形紫光閣上親製贊兩淮鹽運使柴植私挪銀彌補浙江鹽道庫藏命借長麟赴浙按治得巡撫福崧婪索侵蝕狀獻上福崧植俱伏法尋授荊州將軍逾年召授正紅旗蒙古都統命勘南河高家堰石工嘉慶四年授刑部尚書協辦大學士復直軍機授內大臣監修高宗實錄加太子太保拜文淵閣大學士總理刑部裕陵奉安禮成晉太子太傅管理吏部理藩院戶部三庫事七年三省教匪平以贊畫功予騎都尉世職賜雙眼花翎九年授領侍衛內大臣高宗實錄成賞紫額晉太子太師十六年屈躡熱河以假疾免從行園子假回京十七年晉太保上念其年老罷直軍機處仍授內大臣慶桂性和平居樞廷數十年初無過失舉趾不離跬寸時咸稱其風度逾年命以原品休致給子全俸二十一年諡卒文恪

劉權之字雲房湖南長沙人乾隆二十五年進士選庶吉士授編修累擢可經

局洗馬四十二年督安徽學政預修四庫全書在事最久及總目提要告成以勞擢侍講五十年大考二等逾年擢大理寺卿遷左副都御史疏言大挑舉人多資緣請於事前一日簡派王大臣聞命即宿朝房以杜弊竇於是命在午門莅事御史監視護正巡察步軍五城一體嚴查著為令尋督山東學政五十六年擢禮部侍郎六十年典江南鄉試留學政嘉慶二年調吏部四年擢左都御史典會試疏言買補倉穀地方官奉行不善在本境採買不論市價長賤發銀四五錢花戶不願納穀惟求繳還原銀加倍交價富戶賄吏飛灑零戶轉得少派善良貧民深受其累官以折價入己仍無存米遇協濟鄰省令米商倉猝購辦發價剋扣起運勒措請飭遇應買補向豐稔鄰縣公平採辦不得於本縣苛派嚴禁胥吏舞弊又言社倉大半借端挪移管理首事與胥吏從中侵盜至歉歲顆粒無存以致股實之戶不樂捐輸老成之士不願承辦請一律查禁昭睦之飭各直省嚴禁民得免累湖湘間尤稱頌焉編修洪亮吉上書王大臣言事懸直成親王徑以上達權之與朱珪未即呈奏有旨詰問自請嚴議上以權之

清史稿

列傳一百二十八

二

人品端正平時陳奏不欺寬其處分尋遷吏部尚書五年典順天鄉試六年命為軍機大臣越一歲會川楚陝教匪戡定權之入直未久上嘉其素日陳奏時有所見登予褒叙在吏部久疏通滯銓政號平九年失察書吏虛選舞弊因兼直樞廷薄譴之調兵部十年以禮部尚書協辦大學士加太子少保軍機章京中書袁煦者故大學士紀昀女夫也入直已邀恩叙權之於昀有舊恩至是復欲以袁煦列薦同官英和議不合已中止英和密請屢見面劾權之瞻徇上不悅兩人同罷直下廷議革職念權之前勞降編修未幾擢侍讀邊光祿寺卿歷遷兵部尚書十五年協辦大學士典順天鄉試是年帝以秋獵幸熱河明年幸五臺並命留京辦事拜體仁閣大學士管理工部復加太子少保十八年目疾乞假遣御醫診視會逆匪林清為變事定朝臣衰病者多罷退詔以原品休致回籍給半俸二十三年卒於家年八十諡文恪

戴衢亨字蓮士江西大庾人父第元由編修官太僕寺卿衢亨年十七舉於鄉乾隆四十一年召試授內閣中書充軍機章京四十二年成一甲一名進士授

翰林院修撰典試湖北叔父均元兄心亨並居館職迭任文衡稱西江四戴尋命仍直軍機秋獵屬蹕射鹿以獻高宗賜詩美之累典江南湖南鄉試督山西廣東學政歷遷侍講學士嘉慶元年授受禮成凡大典撰擬文字皆出其手二年命隨軍機大臣學習行走以秩卑特加三品卿銜累遷禮部侍郎調戶部四年仁宗始親政衢亨以病乞假假滿兼署吏部侍郎六年擢兵部尚書兼管順天府尹戶部三庫川楚陝教匪以次削平以贊畫功屢荷優褒七年大功戡定詔嘉其知無不言言無不盡克盡忠悃加太子少保子雲騎尉世職九年失察順天府書吏盜印罷兼尹十年調戶部兼直南書房典會試十二年協辦大學士兼翰林院掌院學士典順天鄉試十三年偕大學士長麟視南河時河事日敝帝銳意整頓中外臣工議不一特命查勘籌議衢亨均元方以總河謝病家居許便道省視遂與長麟三疏陳治河要義斟酌緩急停修毛城鋪淡水壩復天然開東山鱗開壩以減黃濟運於王營減壩西增築滾壩石壩普培沿河大隄以淮揚境內為尤急雲梯關外八灘以上接築雁翅隄以束水勢高復山

清史稿

列傳一百二十八

三

盱石隄加築後戢土坡為暫救目前之計徐辦碎石垣坡以護石工智禮二壩加高石基四尺以制宣洩疏上帝深韙之命嗣後考覈河工以為標準十四年萬壽慶典晉太子少師衢亨性清通無聲色之好朝退延接士大夫言人人殊不置可否而朝廷設施有見之數月數年之後者柄政既久仁宗推心任之給事中花杰疏論長蘆欠課衢亨方斁戶部議下鹽政覈辦杰乃劾衢亨與鹽商查有圻姻親餽送往來助營第宅不免徇庇又廷試閱卷援引洪瑩為一甲一名有交通情狀薦周系英王以銜席煜姚元之入南書房與英和陰附結黨衢亨疏辨下廷臣察詢命二阿哥監視洪瑩覆寫試策無誤迭詔為衢亨前雪惟斥其令部員劉承澍在園寓具稿致招物議予薄譴繼留任坐杰汚職承澍漏洩降黜有差因調衢亨工部復以凡部臣有直軍機者遇交議同官每向探意旨事後輒相推諉特諭申儆焉十五年拜體仁閣大學士管理工部兼掌翰林院如故十六年春扈蹕五臺至正定病先回京尋卒年五十有七溫詔優卹稱其謹飭清慎實為國家得力大臣親臨賜奠贈太子太師入祀賢良祠諡文

端子嘉瑞年甫十一賜舉人襲雲騎尉

戴均元字修原乾隆四十年進士選庶吉士授編修遷御史迭典江南湖北鄉試督四川安徽學政嘉慶三年由安徽任滿還京兄子衡亨先已超授軍機大臣故事大臣親屬任科道者對品迴避均元例改六部員外郎特命以鴻臚寺少卿候補累擢工部侍郎八年借侍郎貢楚克扎布察視張秋運河及衛家樓決口工程歷戶部吏部侍郎十年南河黃流奪運高堰石工壞特命馳視籌度明年詔以湖河異漲高堰隄工賴先築子履保衛無虞清水暢注河口積淤刷濬已復三分入運七分入黃舊制為河事一大轉機嘉均元盡心宣防特復正副總河舊制授南河總督以舊督徐端副之在任三年堵合黃河周家堡郭家坊王營減壩陳家浦及運河二堡壯原墩築高堰義字壩拆修惠濟閘以減壩合龍加太子少保病乞解任尋愈因事降三品京堂授左副都御史督順天學政未幾遷倉場侍郎十八年秋河決睢州出為東河總督詔以均元曾任南河許便宜調用工員責速堵合明年春以吏部侍郎內召途次擢左都御史尋遷

清史稿

列傳一百二十八

四

禮部尚書調吏部二十年協辦大學士逾年授軍機大臣充上書房總師傅二十三年拜文淵閣大學士督太子太保管理刑部二十四年河決武陟馬營壩自秋徂冬尚未啓工奉命馳視還報購料未集詔嚴斥在事諸臣以示儆二十五年七月從扈熱河甫駐蹕帝不豫嚮夕大漸均元與大學士托津督內侍檢御篋得小金盒啓鑄宣示御書立宣宗為皇太子奉嗣尊位然後發喪泊還京因撰擬遺詔有高宗降生於避暑山莊之語誤引御製詩注樞臣皆被譴鎖級均元與托津並罷直道光二年裕陵隆恩殿柱蠹朽距修建甫二十年承辦工員俱獲罪均元以在事未久從寬罷管部務奪宮銜責同賠修工畢復之漳水北徙命均元馳視次年因漳水下流潰直隸元城紅花隄塞之則元城北境水無所洩不塞則山東館陶受其害復命均元往視議展寬舊有引河俾積水穿隄入衛水別就隄下新刷水溝挑成河道分流洩入館陶境築隄防溢復借巡撫程祖洛勘上游議漳水自乾隆五十一年南徙合洩水後衛水為所格阻頻年衝決由於合則為患今漳水北徙與洩水分流入衛當因勢利導各完隄防

使漳洩不再合疏上詔從之四年予告回籍食全俸先是建萬年吉地於寶華峪均元相度選定帝敦崇儉樸命借莊親王繇謙協辦大學士英和監修而成

子太師及是地宮有浸水上震怒嚴譴在事諸臣均元職速京治罪擬重辟念其耄老免罪釋歸均元歷官五十餘年叔姪繼為樞相家門鼎盛自在翰林數司文柄及躋卿貳典順天鄉試一典會試三晚歲獲咎家居世猶推為耆宿二十年卒年九十有五
托津字知亭富察氏滿洲鑲黃旗人尚書博清額子乾隆中授都察院筆帖式充軍機章京累遷銀庫郎中改御史遷給事中嘉慶元年命解餽銀赴達州五年授副都統留治四川軍需疏請軍餽先一月預撥忤旨召回及至京於餽數軍事無所陳告褫職予頭等侍衛充葉爾羌辦事大臣七年調喀什噶爾參贊大臣復授副都統八年召為倉場侍郎十年吏調部命在軍機大臣上行走借直隸總督吳熊光往湖北按訊鹽法道失察岸商擡價及錢局鼓鑄偷減治如

清史稿

列傳一百二十八

五

律時總督白齡被計在廣東索供應造非刑命托津借總督瑚圖禮治其獄請褫白齡職十一年調戶部借侍郎廣興按東河總督李亨特勒派廳員奪亨特職遣戍十二年借侍郎英和按訊熱河副都統慶傑貪婪褫職遣戍十三年借尚書吳璥勘南河先是雲梯關外陳家浦漫決由射陽湖旁趨海口疆臣河臣請改河道徑由射陽湖入海托津等疏言馬港口張家莊漫水西漾數十里始折歸北潮河如果地勢建頡何以轉向西流北潮河已匯流數月水未消涸顯見去路不暢改道斷不可行請仍修故道接築雲梯關外大隄收束水勢較為得力又言河口高堰各工因運河西岸堵築漫缺頭二壩門口較寬不能擊托暢注請速補築皆如所議行十四年往江南獄獄金山寺僧志學與王兆良爭墾沙地械鬪斃多人依律治罪請以蔣家沙洲歸公佃種歲給寶晉書院及金山寺租銀各千兩倉場書吏高添鳳舞弊通州中西二倉虧缺命借福慶勘訊坐以姦吏劾法罪既而部鞫添鳳復得私出黑糧領米狀托津亦以久任倉場譴責分賠浙江學政劉鳳詒代辦鄉試監臨有聯號弊借侍郎周兆基少卿盧

蔭溥往按得實論風誥遣成山西署布政使劉大觀勅前任巡撫初彭齡任性乖張借侍郎穆克登額往按彭齡大觀俱被嚴議十五年擢工部尚書調戶部兼都統借盧蔭溥往四川按事總督勒保履歷名揭帖據實上聞罷勒保大學士職又借府尹初彭齡往南河清查工帑十六年春兩江總督松筠調任命托津暫代尋回京加太子少保兼內大臣十八年扈蹕熱河教匪林清逆黨闖入禁城命托津回京察治林清就獲詔優獎授協辦大學士時匪黨李文成據河南滑縣山東直隸皆震動那彥成督師遲延未進托津往代既而那彥成連戰皆捷命托津赴開州大名督率提督馬瑜勦匪十九年授正白旗領侍衛內大臣拜東閣大學士管理戶部晉太子太保侍郎初彭齡勅兩江總督百齡江蘇巡撫張帥誠受餽送布政使陳桂生册報蒙混命借尚書景安往按彭齡坐劾未實被譴二十一年那彥成前在陝甘總督任與布政使陳那那賑事覺命托津往按那彥成逮京即代署直隸總督尋回京仁宗綜覈庶政知托津樸誠於行省有重事大獄率以任之無一歲不奉使命二十二年管理理藩院二十四

清史稿

列傳一百二十八

六

年萬壽慶典賜雙眼花翎紫綬二十五年仁宗崩於熱河避暑山莊事出倉猝托津偕大學士戴均元手啟寶盒奉宣宗即位尋因遺詔引事舛誤詔切責托津均元並以年老罷軍機大臣降四級留任道光元年命題仁宗神主晉太子太傅二年與玉潤堂十五老臣宴繪像御製詩有立朝正色之褒調管刑部以子婦乘輿入神武門中門坐治家不嚴奪紫綬雙眼花翎尋復之十一年致仕食全俸十五年卒年八十有一帝親奠賜金治喪贈太子太師祀賢良祠諡文定

章煦字隴青浙江錢塘人乾隆三十七年進士授內閣中書充軍機章京累遷刑部員外郎屢典鄉試督陝甘學政任滿仍留刑部改御史嘉慶六年擢太僕寺少卿詔以軍事方殷照習機務仍留直七年三省教匪平始罷直供本職借侍郎那彥寶往雲南按布政使陳孝昇等冒銷軍需治如律歷太僕寺卿順天府尹十年出為湖北布政使逾年擢巡撫十二年召為刑部侍郎借侍郎穆克登額往雲南按事貢生任樹字誦計官吏冒銷軍需不實論反坐授貴州巡撫

未至調雲南署雲南總督十四年調江蘇巡撫署兩江總督時議行海運下煦籌議疏陳不便履之十七年入覲乞改京秩授刑部侍郎借侍郎景安往直隸謙獄十八年河南教匪起直隸總督溫承惠赴勦命煦代攝尋擢工部尚書調吏部仍留署職捕教匪馮克善械送京師加太子少保十九年回京典會試山東金鄉竊賊聚眾拒捕巡撫同興以邪教餘黨聞煦借那彥寶往鞫得狀依律論罪知州袁潔誣報視其職上知山東吏治廢弛命煦等嚴察以聞遂勅同興玩泄以致地方凋敝倉庫空虛及布政使朱錫爵徇私廢公狀並視職命煦署巡撫清查虧空尋以陳大文調任同治其事責煦議定章程疏言嘉慶十四年清查原奏虧銀一百七十九萬有奇今查十四年以前實虧三百四十一萬有奇十四年以後又續虧三百三十四萬有奇擬請清查藩庫股交代定徵解分數以杜新虧立追繳及分賠限期催徵民欠以懲延宕嚴減提款確查無著之虧以示體恤嚴攤捐案據估變流抵產物扣抵先儘正項倉庫一律籌補軍需墊解查明方許列抵以防朦混凡十四條下部議行二十年借侍郎熙昌往湖

清史稿

列傳一百二十八

七

北廣東江蘇安徽徽徽襄陽人吳煥章誣告易成元易朝登等勾結謀逆反坐論罪襄陽知縣查以焯濫押斃命遣成雷州府經歷李棠誣許兩廣總督蔣攸銛遣成雷瓊道胡大成苛派屬員視職貴縣知縣吳遇坤刊書抵毀上官遣成洋商盧觀恒濫祀鄉賢黜之江蘇知縣王保澄誣許上官諱匿邪書遣成阜陽檢匪糾搶殺人論如律二十一年調禮部尚書授軍機大臣調刑部管理禮部二十二年病免尋授兵部尚書協辦大學士兼管順天府尹事二十三年拜東閣大學士管理刑部萬壽慶典晉太子太保二十五年以足疾累疏乞休予告致仕食全俸居家久之道光四年卒諡文簡煦久任樞曹練習政事敏歷中外敷治大獄晚始參樞務未久病去再起管部以盡心刑事京察特被獎叙焉

盧蔭溥字南石山東德州人祖見曾康熙六十年進士官至兩淮鹽運使父謙漢黃德道見曾起家知縣歷官有聲為兩淮鹽運使以罪遣成復起至原官當乾隆中葉淮鹽方盛見曾擅吏才愛古好事延接文士風流文采世謂繼王士禛在揚州時屢值南巡大典歷年就鹽商提引支銷冒濫官商並有侵蝕至三

十三年事發自鹽政以下多罹大辟見曾已去官逮問論絞死於獄中籍沒家產子孫連坐謙謫戍軍臺蔭溥甫九歲貧困隨母歸依婦翁讀書長山越三年大學士劉統勳爲見曾剖雪乞恩赦謙歸授廣平府同知蔭溥刻苦勵學至是始得應科舉乾隆四十六年成進士選庶吉士授編修阿桂爲掌院激賞其才五十六年大考降禮部主事阿桂言蔭溥能事改部可惜帝曰使爲部曹正以治事也累司文柄典山西鄉試督河南學政嘉慶五年充軍機章京川楚軍事多所贊畫八年孝淑睿皇后奉安山陵故事皇后葬禮無成式禮臣所議未當蔭溥回直儀曹攷定禮文章撰大儀奏上如議行數隨大臣赴各省按事累擢光祿寺少卿十六年大學士戴衢亨卒仁宗以蔭溥諳習樞務數奉使有勞加四品卿銜命在軍機大臣上行走歷通政司副使光祿寺卿內閣學士十八年擢兵部侍郎調戶部扈從熱河會教匪起滑縣林清入犯禁城夜半聞報至行在而進機宜越日從駕還京事平後敘賜子本舉人二十二年擢禮部尙書調兵部上以蔭溥實心任事特加太子少保尋調戶部兼署刑吏兩部尙書二十

清史稿

列傳一百二十八

八

三年館臣撰進明鑑未合上意命蔭溥偕托津章煦英和碩爲總裁選擇翰林才識兼長者重加核改書成詔褒之工部主事潘恭辰監督琉璃窯不受漏規馭吏嚴吏誣許侵冒下獄恭辰貧而無援文書證據不得直罪且不測輿論憤之上微聞命蔭溥詳鞫得其狀釋恭辰實吏於法後恭辰至雲南布政使以清操名二十五年典會試會元陳繼昌故大學士宏謀元孫也鄉試殿試皆第一有清一代科舉得三元者惟乾隆中錢榮及繼昌兩人上製詩命蔭溥等廣和以紀盛事是年秋帝崩因撰擬遺詔不慎降五級留任尋調工部道光元年調吏部兼管順天府尹罷軍機大臣次年猶以直軍機久調任後亦能盡心加恩子優叙七年協辦大學士十年拜體仁閣大學士管理刑部十三年以疾乞休加太子太保食全俸十九年重宴鹿鳴晉太子太傅尋卒年八十贈太子太師諡文肅

論曰仁宗綜覈名實樞臣中戴衢亨最被信用衢亨亦竭誠贊襄時號賢相晚遭彈劾而睦注不移均元繼之卒以願命嫌疑不安於位豈盈滿之不易居耶

慶桂劉權之並以老成雍容密勿托津章煦盧蔭溥則奉使出入數按事決獄寄股肱耳目之任因人倚畀蓋各有所專焉

清史稿

列傳一百二十八

九

清史稿

列傳二百二十九

保甯

松筠

富俊

保甯

保甯圖伯特氏蒙古正白旗人靖逆將軍納穆札勒子乾隆中納穆札勒殉節回疆錫封三等公保甯山親軍襲爵授乾清門侍衛從征金川力戰迭克要隘將軍阿桂薦其才擢陝西興漢鎮總兵金川平綸像紫光閣御製贊其膽勇持重少年如宿將尋調河南南陽鎮直隸馬蘭鎮兼總管內務府大臣擢江南提督四十九年授成都將軍甘肅石峰堡回叛命選屯練番兵赴鞏昌安定助剿平之五十一年授四川總督保甯謹慎有操守盡心邊事邊夷上下孟董九子等塞生齒日繁請增設營員以屯練有勞績者拔補改修打箭爐城扼要築卡駐兵捍衛改梁黃大定白雞白鹿等八寨熟苗編入民戶並協機宜次年調伊犁將軍兼內大臣籌備倉儲疏言伊犁一年支糧十六萬六千餘石不敷二萬三千石歷就舊儲五十餘萬石內填補現贖三十餘萬石雖尚可敷十餘年

清史稿

列傳二百二十九

十

之用地處極邊若不補籌餘糧偶遇歉收或有需糧之事慮難接濟請撥兵丁七百名增開七屯自來年耕種歲可收糧一萬九千餘石永遠備貯從之又奏添設惠遠城烏槍步甲四百名五十五年入覲途次命赴四川暫署總督事次年回任加太子少保授御前大臣惠遠城創立三十餘年戶口日繁於城東展築擴舊城四分之一伊犁無通曉俄羅斯語言者請於京師俄館選派一人來教習官兵子弟五年期滿試最優者充筆帖式俄屬烏梁海潛往哈屯河外汗山地方游牧帝慮其滋事命保甯察視疏言烏梁海居住甚安戢不必驅逐飭邊卡防範無庸添兵察哈爾兵丁及土爾扈特私竊哈薩克馬匹緝獲賞之法帝嘉保甯無偏袒得外藩心子議叙六十年召授吏部尚書兼鑲黃旗漢軍都統甫數月復出為伊犁將軍嘉慶二年協辦大學士尋拜武英殿大學士加太子太保任邊事如故土爾扈特家奴三吉汚主母婦婦伯克木庫殞命特詔予伯克木庫旌表保甯疏陳駐防婦婦守節未舉旌表之典請照內地一體辦理於是採訪各城請旌者凡七十人後著為令七年召還京授領侍衛內大臣管

理兵部兼管三庫八年因孝淑皇后山陵典禮會疏措詞不經被銜銜級留任保甯兩鎮伊犁歷十餘年西陲無事藩部悅服既去任朝廷遇邊疆興革每諸決焉十一年以疾乞休命在家食公爵全俸逾兩年卒賜金優卹諡文端祠祀伊犁子慶祥嗣爵殉回疆之難自有傳次子慶惠由廕生授侍衛歷官侍郎三以罪黜復起道光中官至熱河都統以疾歸卒諡勤僖

松筠字湘浦瑪拉特氏蒙古正藍旗人繙譯生員考授理藩院筆帖式充軍機章京能任事為高宗所知累遷銀庫員外郎乾隆四十八年超擢內閣學士兼副都統五十年命往庫倫治俄羅斯貿易事先是俄屬布哩雅特人劫掠庫倫商貨俄官不依例交犯僅罰償流之遠地檄問未聽命詔停恰克圖貿易松筠至尋充辦事大臣閉關後邊禁嚴而不擾遇俄人皆開誠待之擢戶部侍郎俄羅斯以貿易久停有悔意撤舊官屢請開市未許卡倫兵出巡復為布哩雅特人所殺松筠曰舊事未了又生旁支然亦了事之機也檄俄官縛送三人親訊於界上斬其二流其一請兩案併結詔斥專擅褫職仍留庫倫效力會西路土

清史稿

列傳二百二十九

十

爾扈特喇嘛薩邁林者迷路入哈薩克歸携書信訛言俄人誘致土爾扈特謀亂下松筠察狀疏言俄羅斯實恭順無可疑俄人亦自陳證薩邁林書信出偽造詔賞薩邁林於法許復開市五十七年召俄官會議定約親莅俄帳宴飲諭以恩信大悅服事歷八年然後定召還京授御前侍衛內務府大臣軍機大臣命護送英吉利貢使回廣東凡所要素皆嚴拒五十九年署吉林將軍尋命往荆州察稅務道出衛輝大水環城率守令開倉賑卹詔嘉獎授工部尚書兼都統充駐藏大臣撫番多惠政和珅用事松筠不為屈遂久留邊地在藏凡五年嘉慶四年春召為戶部尚書尋授陝甘總督加太子少保時教匪張漢潮及藍號白號諸黨擾陝甘松筠至駐漢中治糧餉給諸軍自軍興給陝西餵銀一千一百萬兩至是續撥一百五十萬設局清釐按旬咨部命陝諸將優劣密疏言明亮知兵而罔實效恒瑞前戰湖北功最年近六旬精力大減慶成有勇無謀永保無謀無勇不能治兵並不能治民惟額勒登保德楞泰能辦賊仁宗深嘉納之明亮劾永保慶成避賊下松筠速治永保亦與荆州將軍興肇許明亮誑

報軍功詔並職道尙書那彥成赴陝會鞠會明亮已擊斃張漢湖松筠請緩其獄又請留撤拉爾回兵令慶成率以協剿帝不允既而那彥成劾恒瑞乘藍號垂盡之賊折回陝西由松筠所誤詔撤松筠官銜仍留總督任川匪犯南鄭復分犯西鄉沔縣略陽松筠素謂匪多脅從可諭降欲單騎赴之副將韓嘉業固諫曰諭之不從而喪總督大損國威爲天下笑請先往嘉業果被害賊竄徽縣兩當五年春額勒登保那彥成會剿乃分路遁於是命長麟代爲陝甘總督授松筠伊犁將軍未之任暫署湖廣總督自請入覲面陳軍事先在陝上疏言賊不患不平而患在將平之時既平之後請弛私鹽私鑄之禁俾餘匪散勇有所謀生帝以其言迂闊置之至京復以爲請忤旨降副都統銜充伊犁領隊大臣七年擢伊犁將軍乾隆中屢詔伊犁屯田皆以灌溉之水未大興松筠力任其事預計安插官兵惠遠城需八萬畝惠甯城需四萬畝乃於伊犁河北引水開渠逶迤數十里又於城西北導水泉凡兩城有水之地皆開渠授田爲世業給穀種田器馬牛然旗人多驕逸或殺食所給牛馬田器棄不耕反覆曉

清史稿

列傳一百十九

三

諭始聽命比去任凡墾田六萬四千畝甯遠叛兵蒲大芳等譴成塔爾巴哈台其黨馬友元等分戍南路諸城十三年冬大芳復謀逆捕其黨五十餘人誅之次年檄調馬友元等百餘人赴伊犁種地悉斬於途詔斥未鞠而殺失政體降喀什噶爾參贊大臣復授陝甘總督調兩江總督南河自馬港口墊陷黃水倒漾淤阻漕借河督吳璥察勘海口請復故道製疏沙器具試之河口果驗又造撥船千艘改小運船親駐河干督趨渡黃回空皆迅速迭疏論河務宜引沁入衛可利漕運又謂吳璥於黃泥嘴家灘逢灣取直以致停淤爲璥等論駁復密陳吳璥徐端所論不實工程虛捏自請調任總河察其弊又薦蔣攸銘孫玉庭可任帝以松筠忠實治河非所長用攸銘爲河督責令相助爲理尋兼署河督事十六年調兩廣總督協辦大學士兼內大臣召爲吏部尙書十七年命往盛京會勘陵工兼籌移駐宗室事疏請小東門外建屋七十所居閒散宗室七十戶戶給田三十六畝又言西廠大凌河東有可耕地三千頃可移駐二千餘戶東廠周數百里地多積水其水自北山柳條邊來若相地開河可洩出沃

壤又東柳河溝亦多積水若自北山東橫開大渠可得沃壤數千頃續勘彰武臺邊門外迤西牧廠開地橫三四十里縱六七十里並可移駐請於大凌河西廠東界先試墾種詔並允行而試墾事爲將軍晉昌奏罷論者惜之回京授軍機大臣未幾罷改授御前大臣十八年復出爲伊犁將軍拜東閣大學士改武英殿大學士以平定滑縣教匪叙功加太子太保詔借參贊長齡通籌新疆南北諸城出納量減內地償運疏言北路塔爾巴哈台歲需內地銀四萬數千兩南路回疆八城歲需內地銀五萬數千兩地方貢賦皆入經費之內無庸議減伊犁歲需內地經費銀六十萬兩可撥節者無幾惟烏魯木齊爲新疆腹地歲需銀一百一十餘萬兩宜裁減請復屯田廣墾蘆灘荒地開採銅鉛各礦抽收迪化州土魯番木稅又議緣營糧餉凡倉儲充裕改給銀米各半並復乾隆四十六年以前指監之例使邊地就近納粟所議或行或不行於內地歲輸卒未大減喀什噶爾阿奇木伯克玉努斯聽其妻色奇納言多不法私與浩罕會愛瑪爾交通愛瑪爾欲使尊爲汗遣使請自設哈子伯克用浩罕稅例徵安集

清史稿

列傳一百十九

四

延商十九年松筠巡視回疆誅色奇納械玉努斯禁錮伊犁拒浩罕之請斥去其使二十年喀什噶爾回人仔牙敦作亂親往治之仔牙敦就獲與布魯特比圖爾第邁英特並實極刑詔斥松筠不待命創宮銜召還京松筠初任時築四堡於伊犁河北議移置八旗散丁事未竟而去再至乃築室堡中堡置百戶授田三四十畝三時務農冬則肄武規畫粗備以屬代者而代者不置意田遂荒二十二年詔來年幸盛京抗疏諫阻罷大學士出爲察哈爾都統署綏遠城將軍諭年子熙昌歿帝憐之召還爲正白旗漢軍都統尋授禮部尙書調兵部復御前兼職未幾出爲盛京將軍松筠素以忠諫見重在朝時凡燕游費御之事乘間直言無避既屢忤旨二十五年以兵部遺失行印追論降山海關副都統復以事迭降爲驍騎校是年秋仁宗崩於熱河梓宮回京宣宗步行於班寮中見之扶而哭翌日授副都御史擢左都御史其復起也甚負時望然卒不安於位未一月出爲熱河都統道光元年召授兵部尙書調吏部復爲軍機大臣二年暫署直隸總督以代改理藩院奏稿忤尙書禧恩被劾降六部員外郎尋

授光祿寺卿遷左都御史又出為盛京將軍調吉林數年之中兩召還朝為左都御史禮部尚書迭出署烏里雅蘇台將軍熱河都統直隸總督九年調兵部尚書往科布多鞠獄十年往山西按巡撫徐忻被控事回疆方用兵密疏有所論列詔令陳善後方略多被採納是年秋自以衰病請罷數日復請任使詔斥進退自由負優禮大臣之意又以前赴科布多屬道員徐寅代購什物罷職予三品頂戴休致至十二年浩罕遣使進表松筠曾言浩罕通商邊境可靖帝思其言復頭品頂戴署正黃旗漢軍副都統命赴歸化城勸導達爾漢茂明安土默特三部爭地據乾隆朝圖記判定三部皆悅服還授理藩院侍郎調工部進正藍旗蒙古都統十四年以都統銜休致逾年卒年八十有二贈太子太保依例書例賜卹設文清祀伊犁名宦祠松筠廉直坦易脫略文法不隨時俯仰屢起屢蹶晚年益多挫折剛果不克如前實心為國未嘗改也服膺宋儒亦喜談禪尤施惠貧民名滿海內要以治邊功最多子熙昌以廕生官至刑工兩部侍郎署熱河都統兼護軍統領數奉使赴各省按事亦被信用嘉慶二十三年卒於

清史稿

列傳一百二十九

五

長沙帝深惜之贈都統諡敬慎

富俊字松巖卓特氏蒙古正黃旗人繙譯進士授禮部主事歷郎中累遷內閣蒙古侍讀學士內閣學士兼副都統嘉慶元年擢兵部侍郎充科布多參贊大臣四年授烏魯木齊都統調喀什噶爾參贊大臣歷葉爾羌辦事大臣烏里雅蘇台參贊大臣召署鑲紅旗漢軍都統兵部侍郎八年出為吉林將軍調盛京清治民典旗地限年首官不首者治罪追典價租息入官富俊疏言一年之內一千六百餘案應追繳者不下萬人久轉典株連繁多族民多窮苦既獲罪又迫追呼情實可憫請悉免允之十二年考覈軍政以潔己奉公邊陲安輯特詔褒美子謙叙十五年因採獲獲雜受屬員蔽職職遣往吉林効力既而言官論關東三省賭博風熾仁宗念富俊在官時曾嚴禁即起授盛京工部侍郎兼管奉天府尹及六邊邊門事務十八年授黑龍江將軍疏請內外臣工三年更調及禁奢講武數事詔以更調非可限年餘並嘉納又以東三省官兵技藝優嫻每屆五年挑送京營著為令十九年調吉林將軍先是籌籌八旗生計詔

勘吉林荒地開墾移駐京旗將軍賽沖阿言拉林近地開荒可墾未有規畫富俊至疏言乾隆中移駐京旗建屋墾地多藉吉林兵力墾而不種酌留數人教耕一年後裁汰京旗蘇拉不能耕作始而雇覓流民久之田為民有殊失國家愛育旗人之意今籌試墾莫若先辦屯田請發吉林開散旗人一千名為屯丁每丁給銀二十五兩籽種二石官置牛具人給荒地三十畝墾種二十畝留荒十畝四年徵糧每畝一石十年後移駐京旗人給熟地十五畝荒五畝餘十畝荒熟各半給原駐屯丁為恒產免徵其租因利而利糜帑無多將來京旗移得到種熟地與本處旗屯犬牙相錯學耕影種實為有益並詳列屯墾出納設官經理事宜詔如議行二十年富俊親駐雙城子地在拉林河西北橫一百三十里縱七十餘里沃衍宜耕遣員履丈分撥伐木於拉林河上游建立屯屋分五屯設協領一佐領二分左右翼統治之即名屯地曰雙城堡於二十一年一律開墾是年霜早歉收屯丁僅足餬口又墾妻子者不數居住間有逃亡乃展緩徵糧一年添蓋窩棚借給籽種心始安二十二年調盛京疏陳雙城堡餘荒尚

清史稿

列傳一百二十九

六

多續發盛京吉林旗丁各千名往懇分左右二屯舊屯名為中屯遂復調富俊吉林任其事二十四年先到屯丁千名盛京旗人多有親族借來自願入屯惟隸甯古塔者因近地亦可耕荒不願離鄉土聽其還以空額二百名改撥盛京二十五年復續到千名富俊巡歷三屯疏陳比屋環居安土樂業有井田遺風中屯開墾在先麥苗暢發男耕婦織俱極勤勞仁宗大悅報曰滿洲故里佃田宅宅洵善事也續議三屯應增事宜詔嘉贊心任事予議敘道光元年疏言三屯開墾九萬數千畝已著成效可移駐京旗三千戶請自道光四年始每歲移駐二百戶給資裝車馬分起送屯官給房屋牛具報可二年召授理藩院尚書與玉瀾堂十五老臣宴御製詩有勳勞三省不凋松柏之褒四年復出為吉林將軍方雙城堡之興屯也富俊欲推其法於伯都訥圍場以旗戶往往賴幫丁助耕不如巡招民墾前後疏六七上為廷議所格至是復言伯都訥圍場荒地二十餘萬畝募民屯墾較雙城堡費半功倍始允之五年丈地分屯申畫經界名曰新城屯分八旗為兩翼每翼初立二十五屯後定為十五屯每屯三十

戶以治本於農務滋稼穡八字為號以次撥地同時並墾至七年陸續認佃三千六百戶總為一百二十屯與雙城堡相為表裏初議京旗每歲二百戶移駐雙城堡至六年僅陸續移到二百七十戶七年續移八十五戶而地利頓興自此雙城堡伯都訥兩地號邊方繁庶之區焉墾事既定復召為理藩院尚書協辦大學士兼鑲黃旗漢軍都統次年京察以在吉林宣勞予議叙疏言京外競尚浮奢官民服飾及冠昏喪祭任意踰制有關風俗人心請依會典儀制刊布規條宜諭民間詔下有司議行時官俊年逾八年渥被優禮遇常朝免其入直送讞獄盛京吉林俱稱旨十年調工部拜東閣大學士管理理藩院十二年復請禁僭用服色犯者拿捕詔斥徒滋擾累寢其議尋以天時亢旱自稱奉職無狀引年乞罷不許授內大臣疏言科舉保薦並認師生饒通關通成爲陋習請嚴禁以端仕進詔嘉納申誠臣工務除積習十四年卒帝悼惜稱其清慎公勤克盡厥職贈太子太傅親臨奠醑諡文誠入祀賢良祠官俊尚廉節好禮賢士在吉林時請調黑龍江成員馬瑞辰掌教白山書院且被嚴斥其治屯墾專任

清史稿

列傳一百二十九

七

寶心傳卒以成功心傳山西人以進士官奉天寧海知縣坐東巡治御道有誤罷職富俊知其才辟佐墾務規畫悉出手定始終在事以勞復官世比諸陳潢之佐靳輔治河博啓圖一等誠嘉毅勇公明瑞孫嘉慶初襲爵授頭等侍衛歷兵部侍郎察哈爾都統道光七年調吉林將軍繼富俊之後守其成規治邊有法富俊請以屯墾專任之時京旗以邊地早寒又助耕乏人願往者少博啟圖疏請減戶增田許其買僕代耕統居中屯改建住屋俾便禦寒雖得請尋召授工部尚書兼領侍衛內大臣繼任者不果行其議故移駐卒未如額十四年卒贈太子太保諡敬僖

論曰保甯松筠富俊並出自藩族久膺邊寄晉輪屏稱名相伊犛吉林屯田利在百世然限於事勢收效未盡如所規畫甚矣締造之艱也松筠在吉林請開小綏芬屯墾當時以不急之務沮之至咸同間其地竟劃歸俄界苟早經營奚致輕棄實邊之計顧可忽哉

清史稿

書麟

覺羅長麟

百齡

伯麟

費淳

列傳一百三十

書麟字叔齋高佳氏滿洲鑲黃旗人大學士高晉子初授鑾儀衛整儀尉累遷冠軍使擢西安副都統乾隆三十八年大軍征金川命為領隊大臣從參贊大臣豐昇額力戰輒先登克堅礮數十功最金川平加等議叙圖形紫光閣授廣西巡撫以父憂去起署兵部侍郎四十九年出為安徽巡撫歲旱請留漕糧五萬石關稅銀三十五萬兩賑之阜陽有荒地六千餘頃疏請寬限清釐民間交易用官弓丈量以杜欺隱期於漸復舊額帝以書麟盡心民瘼予優叙黃運兩河漫溢帝因兩江總督李世傑未諳河工命書麟佐之與世傑及河督李奉翰讓漫口有四惟司家莊湯家莊兩處分溜急與工堵築又奏桃園境內河流因順黃壩生有淤灘水勢紆折不暢於玉皇閣下挑引河俾黃流東注會清以資

清史稿

列傳一百三十

一

宣洩五十二年擢兩江總督書麟素行清謹出巡屬邑輕騎減從民不擾累特詔嘉之和坤柄政書麟與之忤未幾有高郵巡檢陳倚道揭報書吏假印重徵事遣重臣鞠實坐書麟瞻徇下部嚴議又失察句容書吏侵用錢糧視職遣成伊犛尋起為山西巡撫內閣學士尹壯圖論州縣虧空由於派累疆臣中惟李世傑書麟獨善其身和坤尤忌之命壯圖赴各省清查倉庫自山西始壯圖因獲譴五十六年仍授兩江總督兩淮鹽政巴爾阿交結商人坐書麟徇庇復奪職予三等侍衛赴新嶺効力嘉慶四年和坤敗召授吏部尚書兼正紅旗漢軍都統加太子少保尋協辦大學士授閩浙總督弟廣興以首發和坤奸擢官既得官多所彈擊書麟不善所為嘗於帝前言之至是廣興以掌四川軍需獲咎書麟請嚴治且自引罪詔宥之調雲貴鞠前督富綱得其貪婪狀論如律又按問雲南巡撫江蘭諱災得實礙江蘭職時猥夷不靖疏陳江蘭所奏不實辦理草率帝嘉其公正遂親赴黃草壩督兵分路進剿擒賊首李文明等遣降猥入笮招諭曉以利害夷衆五十二寨悔罪輸誠以土司苛派擾夷立牌申禁優詔

麥賈加太子太保五年調湖廣督師勦襄陽青藍黃三號教匪會長齡等已敗賊瓦房口書麟以東川保豐為糧運要路親往截勦帝念其年逾七旬奔馳山谷間賊情詭詐戒毋冒險輕試六年由竹山房縣進勦徐天德禽斬甚眾疏言勦賊之法以固民心培民氣為要撫輯得宜賊即是民任其失所民即是賊帝俞之川匪苟文明等由陝西平利越老林圍竄房縣借長齡明亮進擊遇賊獅子崖大敗之復分兵伏余家溝高尖山天德等來襲却之疏請於襄陽添設提督移協鎮於鄖陽竹山二處天德等屯聚茅倫山令孫清元等分隊破之因病乞解職遣侍衛率御醫馳視未幾卒於軍帝深惜之贈太子太傅封一等男爵以子吉郎阿爾諡文勤尋以倭什布治饑遲誤詔斥書麟知而不舉念其清廉公正治軍成勞獎酬恩禮仍有加焉弟廣厚乾隆四十三年進士由工部主事歷御史出為江西吉南贛甯道遷甘肅按察使嘉慶初借總兵吉蘭泰擊教匪張映祥楊天柱於鞏昌秦州進躋諸白水江殲焉遷江西布政使調甘肅賊出沒於岷州禮縣間廣厚督兵由岷州遮羊鋪遏其衝保完善之地境內又安調

清史稿

列傳一百三十

二

廣東坐與總督那彥成游宴解職予三等侍衛為庫車辦事大臣調哈喇沙爾官至安徽湖南巡撫卒
 覺羅吉慶隸正白旗父萬福騎都尉官江甯將軍兼散秩大臣吉慶由官學生補內閣中書遷侍讀歷御史乾隆五十年嗣世職擢鑲白旗蒙古副都統累遷兵部侍郎命赴山東湖南湖北河南讞獄均稱旨調戶部五十六年出為山東巡撫歲積穀留漕米三十萬石撥豫東軍船運米振飢調浙江閩海漁船赴浙洋剽掠吉慶於島嶼編保甲禁米出洋嚴緝代賣盜賊兼署提督獲海盜陳言等及臨海邪匪李鶴泉實之法鹽政岳謙執拗病民勦罷之遂兼鹽政嘉慶元年擢兩廣總督劾水師提督路超吉不勝任貶超吉秩二年廣西西隆亞稿寨苗匪句結貴州狃苗竄踞入渡率提督彭承堯進勦克其要隘黔苗潛渡百藥窺泗城令副將德昌等分路攻撲毀苗砦十有九進攻亞稿至憂雄遇賊大敗之永豐百藥等苗目渡江降給酒食令回寨招撫亞稿山路陡峻選精卒由間道潛襲克其巢斬首千級以功加太子太保賜雙眼花翎亞稿之捷投誠者千

餘寨惟附近那地小河廣平蒙里等寨猶恃險抗拒會雲南兵至會勦盡克之賊首龍連登父子乞降粵境悉平六年命協辦大學士總督如故吉慶居官廉而察吏疏博羅縣重犯越獄司府循隱又通省賊罰銀按縣派徵為臬司漏規事並上聞詔斥其因循陳爛展四者於博羅山中糾眾為盜弟會知府伊秉綬請發兵往捕吉慶為提督孫全謀所蔽未許七年陳爛展四果剽掠作亂擾及數縣遣師擒斬之餘黨會鬼六復勾結永安諸賊相繼起吉慶馳往勦捕請調江西兵二千為助詔斥其張皇始疑之尋敗賊於義容墟會清浩率眾四千餘人繳械降全謀禽賊渠薛文勝暨匪眾四百餘悉誅之事聞帝以吉慶奏報前後不符措置失當能協辦大學士留總督任命那彥成往按吉慶復奏永安降匪多請留兵防範詔斥額預結局解任聽勦巡撫瑚圖素與有隙既奉密諭調察遂疏劾其疲軟不職那彥成猶未至獨鞠之據高坐設囚具隸卒故加詞辱吉慶悲曰某雖不肖曾備位政府不可受辱傷國體因自戕帝聞命那彥成陳狀尋以吉慶素廉潔治匪有功無故輕生詔免追論子壽喜仍襲世職坐事

清史稿

列傳一百三十

三

黜以弟常喜嗣
 覺羅長麟字牧庵隸正藍旗乾隆四十年進士授刑部主事貌奇偉明敏有口辯居曹有聲歷郎中出為福建興泉永道累遷江蘇布政使五十一年召授刑部侍郎二年授山東巡撫責所屬濬河道修四十一州縣城工捕鉅野汶上劇盜田玉堂等實之法詔嘉獎劾萊州知府徐大榕治平度州民羅有良獄誤擬大榕訴於京刑部尚書胡季堂等往鞠不直長麟帝以防河有勞特寬之復以審擬濱州舉人薛對元罪失實職留修城工未幾授江蘇巡撫嘗私行市井間訪察民隱治強暴禁革奢俗清漕政斥貪吏為時所稱五十七年調山西入覲時有市人董二誣告逆匪王倫潛匿山西某家和坤於宮門前言務坐以逆黨長麟至官訪悉其實董仇家故傾陷慨然曰吾髮垂白奈何滅人族以媚權相終反坐董二和坤大忤調浙江擢兩廣總督加太子少保整頓水師禽獲海盜六十年調署閩浙會將軍魁倫劾總督伍拉納巡撫浦霖貪縱並閩省庫藏虧細事命長麟按治未得實詔切責乃奏婪索納賄狀伍拉納故和坤姻戚

帝疑長麟瞻徇並斥其平日沽名取巧奪職予副都統銜赴葉爾羌辦事尋授庫爾喀拉烏蘇領隊大臣調喀什噶爾參贊大臣奏減回子王公年班進京行李以恤驛站罷回民土貢有邊警請調兵堵勦詔以張皇后之嘉慶四年授雲貴總督調閩浙五年調陝甘時教匪未靖勦民築堡團練令川陝豫楚交界處一體仿行募精壯難民入伍督師收伍金柱於唐家河又擊於傅家鎮將軍富成來援戰沒復借固原提督慶成擊賊於沔陽乾溝河六年迭敗高天德馬學禮於鐵鑪川舊州鋪編廠武關擒襄陽賊首馬應祥詔嘉獎尋以副將蕭福祿搜捕沂陽僧僧匪濫殺邀功仁宗疑之調察得實斥長麟徇庇停其議叙又以傅家鎮之戰漫無籌措致富成陣亡七年召回京降署吏部侍郎禮部尚書兼都統復命督兩廣以母老留京八年授兵部尚書調刑部兼管戶部三庫十年兼翰林院掌院學士尋協辦大學士十三年命借尚書戴衡亨察視南河長麟至清江浦聞安徽諸生包世臣習河事親訪之同視海口實不高仰用其說罷改道之議與衡亨通籌河工具得要領帝嘉之復借衡亨清查兩淮鹽務

清史稿

列傳一百三十

四

賈鹽政每年雜費悉報部駁銷以息浮議十五年以目昏久在告特詔解職逾年卒諡文敏

費淳字篤浦浙江錢塘人乾隆二十八年進士授刑部主事歷郎中充軍機章京出為江蘇常州知府父憂去服闋補山西太原擢冀寧道累遷雲南布政使有惠政以母老乞終養喪除起故官六十年擢安徽巡撫調江蘇嘉慶二年疏言淮徐揚三府屬被水窪地貴州縣勸植蘆葦以收地利應納錢糧即照蘆課改折徵輸詔議行調福建復還江蘇四年擢兩江總督淳歷官廉謹為帝所重兩淮鹽政徵瑞與淳為姻家免其迴避時南河比歲漫溢淳以江督事繁自陳未諳河務乞免兼管允之命淳與總河詳議河務工程應行分辦事具聞帝密詢漕督蔣兆奎等優劣論曰安民首在任賢除弊必先去貪汝操守雖優察吏過寬去一貪吏萬姓蒙福進一賢臣一方受惠其悉心訪聞慎勿迎合朕意顛倒是非淳具以實聞有匿名訐告常州知府胡觀瀾者下淳按治疏糾觀瀾與江陰知縣楊世綬勒派累民得實請嚴譴詔斥不先劾以平日廉潔覆奏無徇

隱寬之尋劾鹽巡道彭翼蒙奢侈糜費褫職復劾漕運總督富綱私受衛弁餽銀時富綱已調雲貴總督命吉慶殿鞫實諸法漕運旅丁苦累屢議加徵調劑借漕督鐵保疏陳原徵隨漕項下有款可撥以裨運丁又旅丁月米令州縣改給折色應領運費糧道放給以免層層剝削如所請行五年邵家壩河工合龍加太子少保六年以足疾乞歸醫治允之命母解職尋稱足疾已瘳若遵旨回籍轉涉欺蒙詔嘉其得大臣體賜內府藥餌七年宿州土匪王潮名糾眾戕官檄鎮將勦捕事定請於宿之南平集設撫民同知裁甯國府同知移駐其地並調設營汛從之八年召授兵部尚書時河決河南衛家樓橫溢張秋以南由鹽河入海有妨漕運命淳往勘治於張秋西岸加寬裏頭東岸加高長堤以防溜勢北掣南口趁汶水北注之勢引歸河身北口自大溜迤北分導餘流以資挽運並仿南河刷沙法製混江龍鐵籠船以疏淤明年糧運過張秋無阻降詔褒賞調吏部尚書協辦大學士十一年借尚書長麟按問直隸藩司書吏侵冒錢糧獄鞫實論如律十二年拜體仁閣大學士管理工部兼管戶部三庫

清史稿

列傳一百三十

五

十四年以庫銀被竊鑄秩留任已復坐失察工部書吏冒領三庫銀詔切責削官銜左遷侍郎調兵部逾年復授工部尚書十六年卒復大學士諡文恪祀雲南名宦
百齡字菊溪張氏漢軍正黃旗人乾隆三十七年進士選庶吉士授編修掌院阿桂重之曰公輔器也督山西學政改御史歷奉天順天府丞百齡負才自守不干進適開職十餘年仁宗親政後始加拔擢嘉慶五年出為湖南按察使調浙江歷貴州雲南布政使八年擢廣西巡撫武緣縣有冤獄諸生黃萬錫等為知縣孫廷標誣擬大辟百齡下車勅廷標速問帝嘉之賜花翎洎定讞特加太子少保十年調廣東南海番禺兩縣益役私設班館羈留無辜為民害重懲之効能縱容之知縣王軾趙興賊申禁令詔予優叙尋擢湖廣總督兩湖多盜下令禽捕行以便宜江湖晏然未幾王軾計百齡在粵用非刑斃命迺勒供應臨行用運夫二千餘名總督那彥成疏劾並及到湖北後截留廣東會奏批摺命吳熊光等按鞫議褫職遣戍帝原之命効力實錄館尋予六品頂戴赴福建

治糧餉事竣授江漳龍道擢湖南按察使調江蘇以病歸病痊授鴻臚寺卿歷山東按察使就擢巡撫十四年擢兩廣總督粵洋久不靖巨寇張保挾眾數萬勢甚張齡百至撤沿海商船改運由陸禁銷賊接濟水米諸弊籌練水師懲貪去懦水師提督孫全謀失機劾逮治罪每一櫂下耳目震新巡哨周嚴遇盜輒擊之沈海羣魁奪氣始有投誠意張保妻鄭尤點悍遺朱爾廣額溫承志往諭以利害遂勸保降要制府親臨乃聽命百齡曰粵人苦盜久矣不坦懷待之海氛何由息遂單舸出虎門從者十數人保率艦數百轟礮如雷環船跪泣立撫其眾許奏乞貸死旬日解散二萬餘人繳礮船四百餘號復令誘烏石二至雷州斬之釋其餘黨粵洋肅清帝愈嘉異之復太子少保賜雙眼花翎予輕車都尉世職十六年再乞病回京授刑部尚書改左都御史兼都統未幾授兩江總督時河決王家營上游蘇山拐李家樓並漫溢論者謂河患在雲梯關海口不暢多主改由馬港新河入海百齡親勸下游疏言海口無高仰形迹亦無攔門沙隄其受病在上年挑河二段內積淤三千餘丈又親至馬港口以下見

清史稿

列傳一百三十

六

淤沙挑費更鉅入海路窄二者相較仍以修濬正河為便並請加挑龍工尾以下河身兩岸接築新隄於七套增建減水壩修復王營減壩重建磨盤壩詔如議百齡年逾六旬始生子值帝萬壽日聞之賜名扎拉芬以示寵異勉其盡心治河次年春諸工先後竣漕運渡黃較早迭加優賚賜其子六品廕生洪湖連年水漲五壩壞其四詔責急修百齡以禮壩之決由於河督陳鳳翔急開運閉以致棘手奏劾之鳳翔被嚴譴訴道應請開禮壩時百齡同批允又許淮陽道朱爾廣額為百齡所倚司葺蕩營有弊言官吳雲馬履泰並論其舉劾失當命松筠初彭齡往按帝意方嚮用議上專坐朱爾廣額罪以塞眾謗十八年命協辦大學士總督如故十九年初彭齡奉命赴江蘇同查虧帑議不合彭齡為所掣憲甚遂劾百齡受鹽場稅關餽遺按之未得實彭齡坐誣被議會鹽運使廖寅捕逆犯劉第五部鞠為偽百齡亦坐失入視宮銜罷協辦大學士江南秀民散布逆詞連及百齡嚴詔責捕二十年獲首從方榮升等百五十人並抵法復宮銜封三等男爵兼署安徽巡撫是年冬病甚命松筠往代卒於江甯帝聞悼

惜詔復協辦大學士遣侍衛賜奠許柩入城治喪將道皇子奠醢既而以江北災民未能撫卹停其奠醢仍賜祭葬如例益文敏子扎拉芬襲男爵伯麟字玉亭瑚錫哈哩氏滿洲正黃旗人由繙譯舉人授兵部筆帖式擢右春坊右贊善累遷內閣學士乾隆五十七年授盛京兵部侍郎尋授山西巡撫九年擢雲貴總督十年緬甸與暹羅屬夷戛于臘構釁求助於孟連土司刀派功援往遇害失其印伯麟以刀派功禍由自取惟責暹羅繳所得印十一年緬甸請豫期納貢伯麟知其與暹羅構兵為求助地却之後緬甸為戛于臘所敗果來乞援伯麟拒勿應戛于臘旋亦敗走緬兵次車里土司界嚴兵守邊移檄訓戒緬兵遂退迤南江外隸匪入邊劫掠遣普江鎮總兵那林泰勦平之十三年緬甸四大萬頭目來請十三板納地伯麟責其冒昧諭以十三板納為九江土司所轄俱屬內地毋生覬覦詔嘉其得體十四年入覲賜花翎十七年騰越邊外野寨頭目拉幹出擾遣兵禽之緬率騰越要隘舊設土練一千六百名久廢規復其制給曠土耕種僧銅金從猓夷李文明為亂已悔罪投誠更姓名為張

清史稿

列傳一百三十

七

輔國充南興土目至是復勾結猓衆侵擾伯麟赴緬甯督土司會勦十八年正月進逼南興破其巢輔國就戮邊境肅清增設騰越鎮馬鹿塘大壩二汛二十二年臨安邊外夷人高羅衣自稱窩泥王僞署官職糾眾萬餘攻殺土目龍定國擾瓦渣溪處兩土司境渡江窺伺內地伯麟親往勦平之議定善後條規使各土司綏靖夷民以安反側叙功加太子少保尋命協辦大學士仍留總督任二十三年羅衣從姪高老五竄藤條江外復為亂擾及郡城督師勦禽之餘黨悉殲增設臨安江內東西兩路要隘塘汛官兵以江外煙瘴最盛降夷就撫裁撤留防兵練二十五年召授兵部尚書兼都統復疏陳滇黔邊務六事如議行道光元年拜體仁閣大學士管理兵部尋以年老休致仍充實錄館總裁三年萬壽節與十五老臣宴逾年卒諡文慎伯麟任邊圻凡十六年廉潔愛民士林尤感戴之還朝後以旗人生計為憂疏陳調劑事宜深中利弊論者謂有名臣風論曰仁宗倚畀疆臣膺重寄者多參摺席書麟吉慶並勤勞軍事而盡瘁辱身

有幸不幸焉長麟毀溘先後治吳一賤一寬才德互有優絀百齡號能臣之冠
機牙鋒銳凌轍一時晚節乃招物議如伯麟之安邊坐鎮遺愛不涇職量豈易
及哉

清史稿

列傳一百三十

八

清史稿

列傳一百三十一

勒保

額勒登保

德楞泰

勒保字宜軒費莫氏滿洲鑲紅旗人大學士溫福子由中書科筆帖式充軍機
章京乾隆三十四年出爲歸化城理事同知坐事當職職高宗以溫福方征金
川特原之授兵部主事仍直軍機處累遷郎中出爲江西贛南道調安徽廬鳳
道以母憂去官命爲庫倫辦事章京四十五年充辦事大臣累擢兵部侍郎仍
留庫倫五十年內召未幾授山西巡撫五十二年署陝甘總督尋實授五十六
年大軍征廓爾喀治西路駝馬裝糧驛站加太子太保初安徽奸民劉松以習
混元教成甘肅復倡白蓮教與其黨湖北樊學明齊林陝西韓龍四川謝添緒
等謀不軌五十九年勒保捕劉松誅之而松黨劉之協宋之清傳教於河南安
徽以鹿邑王氏子曰發生者詭明裔朱姓煽動愚民事覺被捕詔誅首惡赦餘
黨發生以童幼免死戌新疆之協遠颺不獲各省大索官吏奉行不善頗爲民

清史稿

列傳一百三十一

一

擾武昌府同知常丹葵在荊州宜昌株連數千人川楚民方以苗事困軍興無
賴者又因禁私鹽私鑄失業益仇官亂機四伏矣六十年勒保調雲貴總督湖
南貴州苗疆不靖福康安督師進討勒保赴軍安撫正大銅仁鎮遠降苗並治
軍需雲南威遠匪擾邊勒保將赴勦會謀匪即平福康安和琳相繼卒於軍
命偕明亮鄂輝接辦軍務未至而湖北教匪熾蔓延川陝林之華覃加耀踞長
陽黃柏山福甯攻之不克勒保往會剿嘉慶二年春連戰敗之方乘勝薄其巢
而貴州南籠狎苗王囊仙等叛詔勒保督師討之王囊仙者洞灑寨苗婦當丈
寨章七總賴以囊仙有幻術推爲首分遣其黨大王公李阿六王抱羊圍南籠
府及府屬之永豐黃草壩捧餅新城册亨安順府屬之永甯歸化諸城册亨陷
滇黔道梗三月勒保至令總兵德英額札耶阿袁敏分守東西北三路其南際
滇粵咨兩廣總督吉慶雲南巡撫江蘭防之自率按察使常明副將施縉進克
關嶺抵永甯副將巴圖什里已解其圍都司周廷翰援歸化圍亦解會提督珠
隆阿擊永豐自率總兵張玉龍七格解新城圍進至南籠圍始解詔嘉南籠固

守賜名與義道常明施縉解黃草埔圍賊悉眾圍捧鮮永豐益急分兵援之先解捧鮮圍自率常明施縉攻洞瀧當丈賊巢縱火自焚都司王宏信千總洪保冒烈燄入禽王襄仙章七緒縉旋解永豐圍吉慶亦自廣西至復册亨六月狎苗平詔改永豐曰貞豐錫封勒保一等侯爵號曰威勤九月調湖廣總督時川楚賊氛愈熾立青黃藍白線等號又設掌櫃元帥先鋒總兵等偽稱先命永保總統諸軍易以惠齡又易以宜蘇皆不辦至是宜蘇薦勒保以自代允之三年正月至四川梁山賊曾柳起石壩山而自號王三槐青號徐天德藍號林亮工諸賊聚開縣勒保先破石壩山斬曾柳詔嘉為入川第一功調授四川總督三槐走達州與藍號冉文儼合惟亮工仍在開縣之開州坪勒保令副都統六十七總兵富森布剿之親追三槐九戰皆捷賊走巴州掠閬中蒼溪而西迫之急復東入儀隴勒保以賊蹤靡定所至裹脅乃畫壁野策令民依山險聚寨屯糧團練鄉勇自衛賊由儀隴趨孫家梁欲與白號羅其清合借惠齡恒瑞截剿三槐南竄渠縣文儼遁入其清寨勒保留惠齡恒瑞剿孫家梁仍親臨三

清史稿

列傳一百三十一

二

槐五月三槐犯大竹分竄梁山墊江新甯東奔開縣亮工出為犄角擊走之斬其黨林定相天德來援敗之禽其黨張洪鈞天德奔新甯三槐與冷天祿雲陽安樂坪進圍之七月誘三槐降禽之械送京師詔晉封公爵天祿盡行三槐之眾負隅抗拒圍攻久不下黃號龍紹周張建樊人傑來援擊却之十月天祿糧盡詭請降夜突營大為所挫尋走新甯四年正月天德為額勒登保所敗亦竄新甯仁市壩與黃號王光祖合借額勒登保夾擊天德走墊江天祿走忠州勒保令額勒登保截擊天德總兵百祥追天祿自率大軍策應仁宗以前此諸軍事權不一特授勒保經略大臣節制川楚陝甘豫五省軍務明亮額勒登保為參贊勒保以賊勢重在四川請暫駐梁山大竹等處督師尋破天德天祿分竄隣水長壽復敗之天祿為額勒登保所殲二月移駐達州疏言紫寨圍練行之四川有效請通行於湖北陝西河南又言安民即以散賊請各省被賊之區蠲免今歲應徵錢糧並如議行四月追剿天德紹周建人傑及張子聰等賊遁開縣東鄉旋分竄竹谿關渡口場意圖入陝五月子聰勾合藍號冉天元北竄

道額勒登保兜擊逼回川境子聰竄通江藍號包正洪竄雲陽青號王登廷竄東鄉天德紹周建人傑及線號與文王白號張天倫竄大甯老林勒保檄調諸軍分剿六月總兵朱射斗殲正洪於雲陽七月德榜秦禽文王於大甯八月提督七十五禽建人傑於開縣賊勢衰矣會治饑大臣福甯勸勒保月餼十二萬兩視他路為多所辦賊有增無減而天德復由大甯闖入湖北境總督倭什布飛章告警詔褫職命尙書魁倫赴川勘問以額勒登保代為經略勒保能得軍心而入旗兵素驕稍裁抑之遂騰悲語及就逮所部將士為之訟冤魁倫窺帝怒不測未以上聞稍為申辨糜餼縱賊罪卒坐以明亮恒瑞不聽調度副都統訥音布兵譁聞不據實參奏又賊犯楚境不即馳報玩視軍務論大辟帝念前功改為斬候解部監禁五年春額勒登保等勦賊陝西魁倫專任川事而將士不用命天元子聰合黃號徐萬富青號汪瀛線號陳得俸渡嘉陵江魁倫退守潼河事聞起勒保赴川三月至賊已越潼河赴中江截勦連敗之詔逮魁倫授勒保四川提督兼署總督時德榜秦已大破賊於馬蹄岡冉天元陳得俸雷

清史稿

列傳一百三十一

三

世旺先後殄滅合勦汪瀛於嘉陵江口禽之四月擊敗高天升馬學禮賊遁甘肅番境五月復犯龍安龍提督專任總督六月賊北走甘肅道副都統阿哈保追之自率兵勦川東川北諸賊七月與德榜秦合擊白號苟文明鮮大川於岳池新場敗之大川走死實授總督八月白號賊與青號趙麻花合進擊殲其黨湯思舉麻花復合王珊向陝境欲迎天德入川勒保截之於江口斃麻花珊亦為德榜秦所誅十二月藍號李彬白號楊開第黃號齊開讓自巴州竄儀隴德榜秦擊斃開讓勒保亦斬開第獨彬遁走六年正月移師川東敗藍號楊步青於大甯而樊人傑徐萬富合藍號王士虎冉天士擾廣元蒼溪道阿哈保往援賊偽向儀隴陰沿嘉陵江南下欲潛渡馳至南部與阿哈保合擊殲萬富二月藍號張士龍竄巴州道七十五擊斬之自擊藍號陳朝觀白號魏學盛敗之巫山雲陽間賊北竄入陝楚界追至竹山六月賊回竄東鄉擊敗之禽青號何子魁殲藍號苟文通鮮俸先七月又禽徐天壽王登高八月白號高見奇合魏學盛竄廣元邀擊之追至通江適藍號冉學勝自老林至與合乘夜攻之禽學勝

詔封三等男九月見奇學盛分竄南江及陝西西鄉勒保抵南江聞李彬方掠巴州蒼溪恐踰嘉陵江亟往賊已東竄通江乃移兵大竹勦湯思蛟劉朝選追至太平禽其黨蕭焜是冬借額勒登保德楞額奏疏言勦匪大局已定請酌撤官兵詔以巨賊未盡除遠思將就了事嚴斥之七年正月復疏言川省自築寨練團賊勢十去其九擬分段駐兵率團協力搜捕餘匪道熟諸軍事之道府正佐各員分專責成兵力所不到民力助之民力所不支兵力助之庶賊無所匿詔如議行是月禽青號何贊於忠州二月李彬竄南江為建昌道劉清所禽三月張天倫魏學盛擾川北遣總兵田朝貴往勦不利親率羅思舉等繼進大敗賊於巴州天倫學盛並就戮五月遣羅聲皋達斯呼勒岱勒爾丹白號度向瑞總兵張結勦青號禽徐天培田朝貴勦藍號賊楊步青七月劉朝選糾青藍黃號殘匪竄大甯勒保遣將擊之羅思舉禽朝選達斯呼勒岱勒爾丹等一男一男十月羅思舉禽張簡而湯思蛟敗竄亦就獲十一月思舉禽黃號唐明萬時川中著名逆首率就禽殲餘匪竄老林不復成股在陝楚者亦多為額勒登保德

清史稿

列傳一百三十一

四

楊泰所殲十二月合疏馳奏肅功晉封一等伯爵仍以威勳為號八月搜捕餘匪禽白號苟文富宋國品張順青號王青招降黃號王國賢借額勒登保德楞額奏會奏肅清未幾陝西南山餘孽復起至九年八月始平十年入覲詔曰自嘉慶三年勒保在川省令鄉民分結寨落匪始無由焚劫且助官軍擊賊其後陝楚仿行賊勢乃促今三省閭閻安堵實得力此策為多加太子太保雙眼花翎回鎮四川與民休息時解散鄉勇令入伍為兵十一年秋陝西甯遠鎮新兵倡亂遣總兵唐文淑往援勦叛將蒲大芳縛首逆乞降德楞額奏受之勒保奏勦叛兵罪重於逆匪率以納降不知畏威安能悔罪他兵從而生心益驕難制帝聽其言命赴陝西會治善後事宜尋聞四川綏定新兵亦叛桂滿捕禽首逆磔之餘黨並論如律十三年涼山夷匪擾馬邊廳勦平之十四年拜武英殿大學士仍留總督任十五年召來京供職坐在四川隱匿名揭帖未奏降授工部尚書調刑部十六年出為兩江總督尋內召復授武英殿大學士管理吏部改兵部授領侍衛內大臣十八年充軍機大臣兼管理藩院十九年以病乞休食威勳

伯全俸二十四年卒詔贈一等侯諡文襄勒保短小精悍多智數知其父金川之役以剛愎敗一反所為寄心符於諸將帥優禮察屬俾各盡其長卒成大功晚入閣益斂鋒芒結同朝之歡而內分涇渭既罷相帝眷注不衰命皇四子端親王娶其女以恩禮終子九長英惠科布多參贊大臣襲三等成勳侯卒孫文厚嗣爵第四子英綬工部侍郎孫文俊江西巡撫

額勒登保字珠軒瓜爾佳氏滿洲正黃旗人世為吉林珠戶隸打牲總管乾隆中以馬甲從征緬甸大小金川累擢三等侍衛賜號和隆阿巴圖魯乾清門行走四十九年勦甘肅石峯堡回匪五十二年平臺灣疊遷御前侍衛五十六年從福康安征廓爾喀喀喇喀爾喀功兩次圖形紫光閣尋授副都統兼護軍統領擢都統六十年貴州松桃苗石柳鄧湖南永綏苗石三保相繼叛陷乾州福康安視師請額勒登保借護軍統領德楞額率巴圖魯侍衛赴軍至則松桃圍已解石柳鄧逸入石三保黃瓜寨中額勒登保由松桃進攻解永綏圍克黃瓜

清史稿

列傳一百三十一

五

寨攻賊首吳牛生於蘇麻寨克西梁牛生通高多寨禽之授內大臣又獲乾州賊目吳八月餘黨據平隴進抵長吉山敗之嘉慶元年福康安卒和琳代時石三保就禽石柳鄧在平隴乃進兵復乾州賜花翎署領侍衛內大臣秋和琳卒於軍統兵者惟額勒登保德楞額及湖南巡撫姜晟三人詔將軍明亮提督鄂輝往會勦十月克平隴石柳鄧遁踞養牛塘山梁分兵克之十二月斬石柳鄧苗縛吳八月子廷義以獻軍事告竣詔嘉其功最錫封威勇侯賜雙眼花翎二年移師勦湖北教匪時林之華單加耀踞長陽黃柏山地險糧足總督福甯攻之久不下三月額勒登保至克四方羣賊遁鶴峯芭葉山其險隘曰大垭口六月克之賊竄宣恩建始分兵三路進十月斃之華於大茅田而加耀遁施南山中尋竄長樂朱里寨三面懸崖惟東南一徑十二月遣死士縋登掘地窖火藥轟之賊爭走墜崖坑谷皆滿惟加耀偕賊二百遁歸州終報奏詔斥額勒登保縱賊降三等伯爵三年春加耀始就禽仍以蒞事緩奪爵職花翎予副都統銜命赴陝西協勦襄匪高均德姚之富齊王氏等會李全自盩厔至藍田欲與

諸賊合擊走之姚之富齊王氏失援遂為明亮德榜奏所殲進勦均德於兩河賊分竄商州鎮安四月赴荆州會勦張漢潮敗之竹山追山陝西入四川九月擊漢潮於廣元禽其子正游與德榜奏等合勦川匪羅其清其清踞營山之箕山已為德榜奏所破竄大鵬寨勦登保與德榜奏惠齡恒瑞四路進攻十月合圍其清突走青觀山樹柵距險勦登保鑿於黃柏山芭葉山頓兵之失議主急攻親逼柵前席地坐令楊遇春督兵囊土立營且戰且築諸軍繼之攻擊七晝夜賊不支竄渡巴河賊遂風寨廢堡德榜奏同至圍之數重勢垂克薄暮忽傳令撤圍賊傾巢夜潰迨至黎明始馳追賊四路逃竄至方山坪已散盡獲其清於石穴逸匪數日內並為民兵禽獻是役賊趨絕地無外援開網縱之饑疲就縛士卒不損竟全功焉復花翎十二月追徐天德冷天祿於合州四年春詔以勒保為經略大臣額勒登保與明亮同授副都統為參贊三月追冷天祿於大竹聞蕭占國張長庚山崗州竄營山回軍迎擊賊賊黃土坪臨江負山令總兵朱射斗繞山雞寨截其西自率楊遇春由東襲攻城隍廟賊西走

清史稿

列傳一百三十一

六

為射斗所扼夾擊殲其半越山竄走向數千乘夜圍擊於譚家山隕陸死及生禽幾盡斬占國長庚有冒難民逃出者投冷天祿述兵威天祿曰我曾於安樂坪破經略兵數萬何懼此乎時賊岳池距大軍不遠天祿遣大隊先行自率悍黨八百殿後額勒登保冒雨由間道進至廣安令穆克登布據人頭壩以待楊遇春潛出賊後自將索倫勒勒衝之賊死關天祿斃於箭次日迫其大隊於石筍河斬溺過半先渡者追殲之旬日間連殄三劇賊疊詔嘉寶先封二等男爵晉一等四月追勦白號張子聰于雲陽子聰糾合黃號樊人傑線號蕭焜卜三聘等登敗之寒水壩賊稍散五月子聰復合冉天元窺陝境扼禦之子聰竄通江追敗之於苟家坪又敗天元於木老壩七月天元窺龍關欲與王登廷合登廷屯馬鞍寨擊走之窮追至大竹東鄉接賊牆至分兵進擊禽斬甚眾仍踞登廷額勒登保戰績為諸軍最湖北道員胡齊崙治餉餽送將事發獨無所受詔嘉其忠勇公清為東三省人傑八月勒保以罪逮命代為經略授領侍衛內大臣補都統疏陳軍事曰臣前數年止領一路偏師今任經略當籌全局教

匪本屬編氓宜招撫以散其衆然必能勦而後可撫必能堵而後可勦從前湖北教匪多曾從少四川教匪少曾從多今楚賊盡逼入川其與川東巫山大甯接壤者有界嶺可扼是湖北重在堵而不在勦川陝交界自廣元至太平千餘里隨處可通陝攻急則入川川攻急則入陝是漢江南北勦堵並重川東川北有嘉陵江以限其西南餘皆崇山峻嶺居民近皆扼險築寨團練守禦而川北形勢更便於川東若能驅各路之賊逼川北必可聚而殲旂是四川重在勦而不在堵但使所至堡寨羅布兵隨其後遇賊迎截夾擊以堵為勦事半功倍此則三省所同臣已行知陝楚曉諭修築並定賞格以期兵民同心暨賊至從征官兵日行百十里旬月尚可耐勞若閱四五年之久驟馬尚且踣斃何況於人續調新募者不習勞苦更不如舊兵臣一軍尚能得力者以兵士所到之處亦臣所到之處兵士不得食息臣亦不得食息自將弁以及士卒無不一心一力而各路不能盡然近日不得已將臣兵與各提鎮互相更調以期人人精銳又言軍中出力人員應隨時鼓勵令各路領兵大員自行保奏以免咨送遲延帝

清史稿

列傳一百三十一

七

並贖之時徐天德敗於湖北折回川東漸衰弱而王登廷與冉天元苟文明合阮正游竄廣元賊勢重在川北九月率楊遇春殲正游於雲霧山十一月登廷天德天元及樊人傑會合抗拒疊戰於巴州何家壩東君壩禽賊目賈正舉王國安迫至蒼溪貓兒壩額勒登保以天元善戰令楊遇春穆克登布合左右翼力擊穆克登布輕進為天元所乘傷亡甚眾賊萃攻經略中營血戰竟夜賊始退次日登廷在南江為鄉團所禽額勒登保以實聞詔嘉其不諱敗不攘功不媿大臣天元窺開縣額勒登保病留太平遣楊遇春穆克登布追之將與德榜泰夾擊而楊開甲辛聰王廷詔高天升馬學禮諸賊以川北守禦無所掠乘間由老林竄陝西城固南鄭提督王文雄不能禦前路賊且入甘肅額勒登保疏請以川事付魁倫德榜奏自力疾赴陝而德榜奏先已西行赴援不及回軍五年春天元糾曾日榮乘魁倫初受事遂奪渡嘉陵江朱射斗戰死未幾潼河復失守川中震動詔速魁倫起勒保與德榜奏同辦川賊責額勒登保與那彥成專勦陝賊時那彥成破南山餘賊於隴山伏羌德榜奏追王廷詔楊開甲於

成縣賴勒登保亦至乃令德榜泰回川西自與那彥成分三路退賊入川及北
竄之路楊遇春穆克登布破張天倫於岷州慶成等破張世龍於洮河廷詔開
甲合犯大營擊走之分兵追賊大軍移勦高天升馬學禮迭敗之賊踰渭北竄
尋要之於鞏昌又要廷詔開中於岷州諸賊並逼回渭南而張世龍等走秦州
將越北棧留那彥成追高馬二賊自率楊遇春岱森保回陝令王文雄及總兵
索費英阿等分扼南北棧張漢潮已為明亮所殲餘黨留陝者糾合復眾張世
龍張天倫為大兵所驅竄涼安皆注漢北山中東向商維賊復蔓延詔詰責
召那彥成回京閏四月額勒登保率楊遇春連敗賊於商維兩岔河令遇春扼
龍駒寨使不得犯河南賊乃回竄留後隊緞官軍連破之洵陽大小中溪設伏
溪口禽斬三千餘斃藍號劉允恭劉開玉於是漢潮餘黨略盡晉封三等子楊
開甲辛聰張世龍張天倫伍金柱戴仕傑等皆西竄五月令楊遇春等追擊金
柱等於漢陰手板陣斃賊目龐洪勝等進攻楊開甲等於洋縣茅坪賊踞山
巔誘之出戰伏兵繞賊後夾擊陣斬開甲六月賊竄甘肅徽縣兩當藍號陳傑

清史稿

列傳一百三十一

八

偷越棧道禽之八月遇春斬伍金柱於成縣斃宋麻子於兩當賊復回陝陝境
疏陳軍事略謂賊蹤飄忽時分時合隨殺隨增東西回竄官軍受其牽綴稍不
慎即墮術中堵勦均無速效自請治罪又言地廣兵單請將防兵悉為勦兵防
堵責鄉勇促築陝楚寨堡以絕掠掠溫詔慰勞以勦捕責諸將防堵責疆吏分
專其任會賊逼武關截擊走之六年春奏設甯陝鎮為南山屏障如議行二月
楊遇春禽王廷詔於川陝交界鞍子溝禽高天德馬學禮於甯羌龍洞溪三賊
皆最悍詔晉二等子復雙眼花翎時賊之著者陝西冉學勝伍懷志湖北徐天
德苟文明四川樊人傑冉天泗王士虎等尚不下十餘股四月勦學勝於渭河
南岸又暨之於漢南賊遁平利張天倫糾合五路屯洵陽高嶺劉家河令楊遇
春擊走之五月穆克登布禽伍懷志於秦嶺七月遇春禽冉天泗王士虎於通
江報曉垵徐天德冉學勝並為他師所殲而姚之富子馨佐及白號高見奇辛
斗等方擾甯羌督諸將進勦迨入川北九月總兵楊芳等禽辛斗於通江十月
豐紳桑吉斯爾禽高見奇於達州於是賊首李元受老教首閻天明等各率眾

降賊勢窮蹙條上搜捕事宜詔嘉獎晉封三等伯十一月苟文明合各路殘匪
竄階州裹脅復眾回竄廣元通江十二月敗之於瓦山溪文明竄開縣大甯七
年正月斬黃號辛聰於南江文明由西鄉偷渡漢江額勒登保自請罪降一等
男詔以川匪責德榜泰勒保等額勒登保兼西安將軍仍專辦陝賊二月文明
竄入南山與宋應伏劉永受合督師入山搜勦六月殲其眾於甯家灣文明僅
以身免劉永明潛遁為鄉民所殲七月殲文明於甯陝花石巖晉一等伯疏陳
軍事將竣請撤東三省及直隸兩廣兵遠地鄉勇分別遣留遂窮搜南山餘匪
八月禽苟文明舉斃張芳赴平利與德榜泰會勦楚匪五戰禽斬過牛十月斃青
號熊方青於達州盡殲竹溪股匪十一月令穆克登布追賊通江鐵鏡臺禽景
英蒲添青賴大祥及湖北老教首崔建樂晉三等侯著名匪首率就殲零匪散
竄老林十二月疏告肅功詔嘉額勒登保運籌決策悉中機宜躬親行陣與士
卒同甘苦厥功最偉晉封一等侯世襲罔替授御前大臣加太子太保賜用紫
韁餘論封行賞有差八年春留陝搜捕禽姚馨佐陳文海宋應伏等於紫陽穆

清史稿

列傳一百三十一

九

克登布遇伏戰歿六月移師入川禽熊老八趙金友於大甯熊老八即穆克
登布者疏陳善後事宜各省酌留本省兵勇四川一萬二千湖北一萬陝西一
萬五千分布要地隨征鄉勇有業歸籍無業補兵分駐大員統率七月馳奏肅
清命暫留四川經理善後編閱陝楚營卡事竣振旅還京十二月至行抱見禮
於養心殿獎賚有加命謁裕陵九年春因前遭母憂不獲守制補持服尋命赴
四川借德榜泰殲餘孽十年回京總理行營充方略總裁八月幸盛京額勒
登保以病不克從謁陵禮成特詔加恩晉三等公爵是月卒於京師年五十八
上聞震悼回鑾親奠御製悲詩一章於地安門外建專祠曰褒忠諡忠毅命
吉林將軍修其祖墓立碑焉額勒登保初隸海蘭察部下海蘭察謂曰子將才
宜略知古兵法以清文三國演義授之由是曉暢戰事天性嚴毅諸將白事莫
敢仰視然有功必拊循戰勝餉酒肉賞巨萬不吝人樂為用嘗謂諸將曰兵
條條生路惟舍命進戰是一死路賊條條死路惟舍命進戰是一生路惟有出
其不意攻其不備之一法追賊必窮所向不使休息師行整伍介卒遇賊即擊

每宿四路偵探敵矢石從眉耳過勿動於同列不忌功亦不伐己功尤嚴操
守凱旋過蘆溝橋他將輜重疊疊獨行李蕭然數騎而已歿時子謙爾庶額生
甫數月帝臨奠抱置膝上命襲侯爵尋殤以姪哈爾阿爾承襲一等威勇侯自
有傳額勒登保不識漢文軍中章奏文牘悉倚胡時顯時顯字行楷江蘇武進
人少困科舉乾隆中侍郎劉秉恬治金川糧餉從司文牘獨勤薦授兵部主事
充軍機章京累遷郎中和珅用事數與抗出為廣東雷州知府以親老乞留尋
從福康安征苗有功賜花翎洎額勒登保勦教匪從贊軍務剛直無所徇額勒
登保能容之每日跨馬與諸將偕或有逗留輒叱之遇賊務當其衝諸將無敢
却者回營後凡戰地曲折夷險糧運斷續器械仗敵壞兵卒勞饑及賊出沒情狀
諸將功過一一言之軍中敬畏時顯與經略等陳奏戰事必以實上嘉經略並
嘉時顯貓兒壩之戰及禽王登廷章奏不欺特賜三品卿銜在軍凡五年累擢
內閣侍讀學士鴻臚寺卿以勞卒於興安軍次贈光祿寺卿賜祭葬
德楞泰字惇堂伍彌特氏正黃旗蒙古人乾隆中以前鋒藍翎長從征金川石

清史稿

列傳一百三十一

十

峯堡嶺灣皆有功累遷參領賜號繼勇巴圖魯五十七年從福康安征廓爾喀
冒雨涉險攻克熱索橋賊寨加副都統銜圖形紫光閣尋授副都統邊護軍統
領六十年率巴圖魯侍衛從福康安征湖南苗與額勒登保並為軍鋒福康安
既解松桃永綏圍高宗悅將待以不次之賞於是德楞泰建議深入苗地為犖
庭掃穴計苗酋吳牛生踞大烏草河以抗大兵連克沿河諸寨渡河抵盛華哨
苗於山半立木城堅甚斷其汲路火攻克之又克古文坪進攻摩手寨由間道
出寨後奪據石城遂借額勒登保禽牛生授內大臣進攻鴨保山克木城石卡
三十餘又克天星寨木城七石堡五禽賊目吳八月嘉慶元年福康安和琳相
繼卒於軍先克乾州又從將軍明亮克平隴擢御前侍衛署領侍衛內大臣克
險隘養牛塘山梁賊首石柳鄧就殲苗疆略定錫封二等子爵賜雙眼花翎二
年命借明亮移軍四川勦教匪時賊首徐天德王三槐踞重石子香爐坪南曰
分水嶺北曰火石嶺賊卡林立進戰奪嶺三槐撲營受創逸五月破重石子明
亮亦破香爐坪追殲教首孫士鳳會襄陽賊齊王氏姚之富樊人傑等竄入四

川與徐王二匪合屯開縣南天洞擊破之賊分走雲陽萬縣雲陽教首高名貴
欲與天德合以計禽之盡殲其眾於陳家山七月齊王氏等由奉節巫山東走
湖北與明亮繞出宜昌迎勦賊南趨留明亮屯宜昌自赴荊州解遠安圍八月
賊犯荊門宜城往援之會總督景安以索倫勁騎至合勦大捷二城得全賊欲
北竄河南扼要隘斬賊目袁萬相等截回湖北賜紫綬九月殲賊於房縣竹谿
竹山賊走陝西平利圍入川東敗之澗河口賊北走紫陽又合白號高均德西
走漢中十一月窺渡漢江令副都統烏爾納圖逸突擊於江濱竄入川境三年
正月均德復擾陝西褒城與明亮夾擊連敗之於洋縣城固洵陽齊王氏姚之
富方竄廣元甯羌山中乘虛由石泉渡漢與均德合東走漢陰詔斥明亮戰不
力褫其職嘉德楞泰每戰在前責速勦三月與明亮追齊王二匪由山陽至郿
西日行百七十里連破之於石河甘溝鄉勇遏其前賊無去路踞三岔河左右
兩山盡銳圍攻悉殲之齊王氏姚之富投崖死傳首三省均德由鎮安竄維南
敗之兩岔河餘賊與李全張天倫合五月又敗之五郎關均德走甯羌廣元合

清史稿

列傳一百三十一

十一

龍紹周冉文儔踞渠縣大神山有眾二萬詔斥縱賊奪府職留副都統銜七月
偕惠齡恒瑞攻克大神山賊竄營山暨之黃渡河均德中鎗逸入箕山坪與羅
其清合箕山圍逕百餘里三面陡絕惟東南有路可通徐天德王登廷樊人傑
踞鳳凰寺阻糧道與為犄角八月克鳳凰寺賊奔箕山負固不下十月分三路
進攻克之其清退踞大鵬寨額勒登保自閬州來會勦十一月賊被攻急乘夜
兩撲營德楞泰偵知之潛伏賊寨南門梯而登火其寨額勒登保等亦襲破西
門殲其清父從國合兵窮追禽其清於巴州方山坪復花翎冉文儔竄東鄉
麻壩乘除夕大破之於通江四年元旦生禽文儔盡殲其眾予一等輕車都尉
經略勒保疏陳諸將惟額勒登保德楞泰尤知兵得士心詔德楞泰專勦徐天
德天德與冷天祿竄涪州冒難民入鶴田寨擊走之又敗之於開縣三月天德
自大甯北趨追及於太平又遇龍紹周唐大信等迭擊之賊不得犯陝境既而
天德入大甯老林與紹周大信及樊人傑樊建卜三聘張天倫辛聰等合率綴
大軍天德建竄太平山箐令賽冲阿分兵擊之自擊人傑紹周大信天倫於安

康紫陽連破之驅入川東遂犯湖北七月線號龔文玉亦自夔州至分兵追勦
禽文玉三聘於竹谿加予騎都尉世職八月命額勒登保爲經略德楞額泰爲參
贊赴興山截擊天德逼回川東臨追天倫及聰等入陝十月高均德改名郝以
智率賊萬踞高家營欲由白河窺渡漢紹周及冉天元竄放馬場欲趨紫陽率
賽沖阿溫春同援先破放馬場進攻高家營禽均德檻送京師晉封二等男爵
十一月進兵川北殲白號張金魁於通江禽其黨符曰明等於廣元十二月追
鮮大川苟文明至川東賊喇大兵俱在川境遂先後竄陝甘五年正月借額勒
登保分路抵秦州而冉天元糾合徐萬富汪瀛陳得俸張子聰雷世旺衆五萬
遽乘間渡嘉陵江分擾南部西充魁倫不能制詔促德楞額泰回援二月天元踞
江油新店子乃由間道進勦賊分四路迎戰銳甚賽沖阿溫春深入被圍自馳
援夾擊竟日殺傷相當禽得俸斬冉天恒皆悍賊也轉戰連奪險隘三月天元
屯馬蹄岡伏萬人火石壩後德楞額泰令賽沖阿攻包家溝阿哈保攻火石壩溫
春攻龍子觀自率大隊趨馬蹄岡過賊伏數重始覺俄伏起八路來攻人持束

清史稿

列傳一百三十一

十二

竹溼禦箭銃慶關三晝夜賊更番迭進數路皆挫敗德楞額泰率親兵數十下
馬據山巔誓必死天元督衆登山直取德楞額泰德楞額泰單騎衝賊中堅將士隨
之大呼奮擊天元馬中矢蹶禽之賊遂瓦解鄉勇亦自山後至逐北二十餘里
禽斬無算天元雄魁冠川賊專用伏以陷官軍至是五日四戰致死決勝負血
戰破之羣賊奪氣詔晉三等子是月復大破賊於劍州又破張子聰雷世旺於
蓬溪斬世旺晉二等子授成都將軍魁倫以失守潼河逮問起勒保代爲總督
與德楞額泰合兵勦賊四月賊分擾遂甯安岳通中江欲趨成都與勒保夾擊連
破之邀擊於嘉陵江口俘斬溺斃者數千餘賊渡江爲遂州鄉勇所敗禽汪瀛
潼河兩岸肅清自此德楞額泰威震川中諸將往往假其旗幟賊望見輒走閏四
月追賊至遂州新甯殲劉君聘苟文富而白號苟文明鮮大川樊人傑等復由
陝入川五月移師川北賊走營山渠縣六月敗之恩陽河又與勒保合擊殲苟
文禮於岳池七月大川爲民寨誘斬文明迨八月追勦白號賊於東鄉殲湯思
舉餘賊與趙麻花王珊合九月與勒保夾擊於雲陽麻花珊先後斃十月湖北

黃白藍線四號賊合犯夔巫龍紹周由太平通江北竄兵至賊去兵去賊至樊
人傑冉學勝王士虎遂由川入陝徐天德由陝入楚詔斥德楞額泰堵勦不力降
一等男十二月李彬楊開第李國謨合窺嘉陵江與勒保合擊連敗之於渠縣
安仁河俄隴觀音河斃開第國謨晉三等子六年正月白號高天升自洵陽偷
渡漢江圖竄河南追及於山陽斃溝破之追殲之於野豬坪復一等子二月擊
龍紹周於興安逼入川境連敗之於大甯長壩二郎壩紹周竄湖北竹山房縣
復敗之走太平復雙眼花翎四月徐天德樊人傑合曾芝秀陳朝觀竄陝西白
河分擾民寨遣兵直攻其巢禽朝觀五月大破賊於西鄉天德竄紫陽率賽沖
阿溫春燈之仁和新灘大雨水漲天德溺斃紹周乘虛闖入房縣竹谿截擊之
復回太平禽其黨陳文明八月迨至巫山巴東禽王鳳李天棟九月紹周遁平
利令賽沖阿等追殲之晉封二等繼勇伯仍用巴圖魯舊號也十二月苟文明
西擾甯羌與額勒登保夾擊賊竄川北大敗之於通江走開縣遣兵追之自率
輕騎赴大甯斷其入楚之路七年正月文明復入陝北竄老林至秋乃爲陝軍

清史稿

列傳一百三十一

十三

所殲川東零匪猶四擾詔德楞額泰仍專辦川賊二月破線號餘匪於奉節又破
白號張長青於雲陽時樊人傑及崔宗和胡明遠戴仕傑蒲天寶等廣聚湖北
境四月率精兵間道抵東湖繞出賊前夾攻雞公山賊巢天寶別屯當陽河五
月冒雨進擊天寶負創走又敗之於穆家溝分兵留勦自移師東趨直取人傑
冒雨入馬鹿坪山中出賊不意痛殲之人傑竄竹山投水死人傑倡亂最久諸
賊聽指揮與冉天元埒至是伏誅晉三等侯七月天寶乘間奪歸興山房縣交
界鮑家山死守抗拒以大軍縶其前令總兵色爾滾蒲尙佐率精兵出深箐攻
賊巢截其去路禽斬殆盡天寶遁至竹谿墜崖死時巴東興山尙有餘匪皆百
戰之餘悉官軍號令及老林路巡履合圖輒乘霧溜崖突竄分軍遇之則不利
大隊趨之則免脫所餘無幾而三省不能解嚴與額勒登保吳熊光會於竹谿
議搜勦額勒登保專任陝境德楞額泰專任楚境先後殲戴仕傑趙鑑崔連洛崔
宗和陳仕學熊翠諸賊迨十一月捕斬略盡優詔晉封一等侯加太子太保命
其子蘇沖阿登珍寶至軍宣慰八年駐巫山大甯捕逃匪曾芝秀冉瑤張士虎

趙聰等先後禽獲至冬事竣入覲熱河行在帝大悅御製詩賜之恩賚優渥尋以陝西南山餘孽擾及川境命回鎮成都道將招降數為賊害坐降二等侯九年借額勒登保窮搜老林斬首逆苟文潤餘匪悉平復一等侯十年召授領侍衛內大臣充方略館總裁總理行營事務管理兵部十一年甯陝鎮新兵陳達順東先倫等作亂命馳往勦治叛將蒲大芳等乞降轉獻達順等磔之大芳等遣戍回盪議以降衆歸伍詔斥寬縱奪職尋授西安將軍十三年勦定瓦石坪叛匪十四年晉三等公尋卒樞至京師帝親奠御製詩輓之設壯果詔四川建立專祠入祀京師昭忠祠德榜秦英勇超倫戰必身先陷陣名與額勒登保相亞馬蹄阿之戰轉敗為勝時稱奇結既卒奉詔褒卹特舉是役保陝川西數十萬生靈厥功最偉在軍俘獲必詳訊省釋未嘗妄殺良民婦女保全甚衆蜀民尤感頌焉子蘇冲阿一品蔭生授侍衛每德榜秦戰勝輒擢其官累遷至盛京副都統署黑龍江將軍襲一等侯孫倭什訥杭州將軍曾孫希元吉林將軍並嗣爵次孫花沙納官至吏部尚書自有傳

清史稿

列傳一百三十一

十四

論曰仁宗親政以三省久未定卜於宮中繇曰三人同心乃奏庸功後事平叙勞額勒登保第一德榜秦次之勒保又次之論戰績勒保未足與二人比然當德榜秦倍明亮由楚入陝見民苦虜掠陳堅壁清野策廷議以築堡重勞未之許也勒保至四川始力行之推之三省賊竟由是破滅三人者相得益彰未嘗有所優劣勒保寬能容衆額勒登保忠廉忘私德榜秦仁及俘虜賊量並有過人為國方召延世侯封豈偶然哉

清史稿

列傳一百三十二

永保

惠齡

宜

英善

福甯

景安

秦承恩

永保費莫氏滿洲鑲紅旗人勒保之弟也以官學生考授內閣中書充軍機章京遷侍讀乾隆三十七年父溫福征金川永保齎送定邊將軍印遂隨軍明年溫福戰歿木果木永保冒矢石奪回父尸雙輕車都尉遷吏部郎中泊金川平追論木果木之敗咎在溫福奪世職仍留永保原官出為直隸口北道歷霸昌清河兩道遷布政使調江蘇四十九年擢貴州巡撫歷江西陝西五十二年署陝甘總督尋授塔爾巴哈台參贊大臣五十六年哈薩克汗額里素勒坦遣子入覲詔嘉永保撫綏有方授內大臣賞雙眼花翎五十八年調喀什噶爾參贊大臣授戶部侍郎留駐新疆六十年調烏魯木齊都統嘉慶元年春湖北教匪

清史稿

列傳一百三十二

一

起永保奉詔入京行抵西安命借將軍恒瑞率駐防兵二千調陝西廣西山東兵五千會勦三月至湖北總督畢沅疏陳各路勦殺不下數萬而賊起益熾詔分專責成永保恒瑞任竹山保康一路畢沅舒亮任富陽遠安東湖一路惠齡富志那任枝江一路鄂輝任襄陽穀城均州光化一路孫士毅任西陽來鳳一路永保借恒瑞復竹山進房縣禽賊首祁中權餘賊遁保康白雲寺山復敗之禽賊目曾世興等永保疏言襄陽賊數萬最猖獗首姚之富齊王氏劉之協皆在其中為四方諸賊領袖破之則流賊自瓦解宜俟諸軍大集合力分攻帝聽之五月永保等馳赴襄陽自樊城進取鄧桃湖會軍呂堰賊退屯雙溝分軍五路夾擊殲賊二千餘賊分竄孝感漢陽百餘里幸為潦阻武昌戒嚴時畢沅圍當陽數月不下惠齡勦枝江賊亦無功詔命永保總統湖北諸軍先靖襄陽而後分攻孝感當陽兩路參將傅成明等擊孝感賊遇伏敗歿永保令明亮馳救復請調苗疆防兵助勦六月永保渡漢河破梁家岡張家壩賊營二十餘座賊竄襄陽潛蹤隨州之梓山青潭連破之復借恒瑞慶成破賊於紅土山禽

賊渠黃玉貴於是襄陽呂堰進東百數十里及襄陽隨州宜城無賊氛孝威之賊亦為明亮所殲詔嘉永保調度協宜加太子太保先是命署湖廣總督及畢沅復當陽永保請寢前命允之八月移勳鍾祥明亮以師來會賊自溫漢口至千弓塔依山結營互數十里永保率大軍由西北進擊繪圖陳奏帝方以東南空虛慮賊逃竄適明亮疏言鍾祥為賊巢穴宜四面夾攻以防漏網今永保以九千餘兵由西北追壓而東南要截之兵僅三千餘地闊兵單難杜竄逸帝以永保擁眾自衛切責之明亮敗賊土門冲永保不能夾擊賊轉而北永保借明亮追至襄陽雙溝賊分兩路竄河南東由襄陽趨唐縣西由呂堰趨鄧州官軍蹙西路收諸呂堰獲姚之富母媳及孫而東路賊已入唐縣溝沱鎮疏言追賊經月兵力疲憊難以痛殲請增兵助勳詔斥其無能調山東直隸兵四千復簡健銳火器營各軍赴之十一月新兵既至攻破唐縣賊屯十一姚之富已遁犯襄陽復渡漢河而西既呂堰向光化穀城圍景安於鄧州魏家集越二日援兵始至帝怒永保擁眾萬餘徒尾追不迎擊致賊東西橫斷無忌履職遠京下

清史稿

列傳一百三十一

獄籍其家並褫其子侍衛甯志甫怡職發往熱河三年以兄勳保禽川賊王三槐功推恩宥釋勳保請將永保發軍營效力不許四年勳保為經略大臣予永保監翎侍衛齋經略印赴軍尋擢頭等侍衛署陝西巡撫與明亮會勳張漢潮於終南華林山中遇伏敗績復與明亮不協互攻許詔速問併坐在湖北勳用軍需受饋遺事論大辟詔原之免罪予八品領催自備資斧赴烏里雅蘇台辦事六年充參贊大臣七年授雲南巡撫八年威遠思茅謀匪擾邊永保赴普洱借提督烏士經進討肇亂土弁刁永和聞風遁威遠謀匪亦退禽思茅謀匪扎安波賽因餘匪奔逸南興土司張輔國屢與孟連土司爭界構釁至是勳定之永保疏陳善後事內地雜居夷人不法按律懲治土司夷境滋事但遣兵防範不使內竄詔嘉得大體弭邊欽賞花翎十三年兼署貴州巡撫調廣東尋擢兩廣總督未至卒於途贈內大臣詔念前勞曾籍沒家無餘資賜銀千兩治喪設恪敏孫文慶咸豐中官大學士自有傳

惠齡字椿亭薩爾克圖氏蒙古正白旗人父納延泰乾隆中官理藩院尚書軍

機大臣加太子少保因喀爾喀台吉沁爾多濟規避軍事不効奏罷職復起用終於理藩院侍郎惠齡由繙譯官補戶部筆帖式充軍機章京累遷員外郎緣事奪職起戶部主事仍直軍機乾隆四十年子副都統銜充西甯辦事大臣調伊犁領隊大臣擢工部侍郎調吏部充塔爾巴哈台參贊大臣五十年回京署正黃旗滿洲副都統授湖北巡撫調山東五十六年擢四川總督征廓爾喀命為參贊赴西藏會勳督治糧運事平圖形紫光閣列前十五功臣中五十八年授山東巡撫調湖北再調安徽六十年授戶部侍郎苗疆用兵留署湖北巡撫治糧餉嘉慶元年正月致匪番傑人張正諤等倡亂於枝江宜都率師往勳總兵富志那禽首逆番傑人而襄鄖宜施諸郡賊並起命惠齡專勳枝江宜都一路自春徂夏無功以大兩為解嚴詔切責八月克灌腦灣賊寨禽張正諤等加太子少保署工部尚書予二等輕車都尉世職進攻涼山搗其巢禽首逆覃士潮宜都枝江悉平移軍長陽黃柏山會勳十一月襄陽賊姚之富自黃龍壩偷渡漢河竄河南勳總統永保以惠齡代之馳赴襄陽疏言襄鄖平衍無險可扼

清史稿

列傳一百三十二

賊習地勢必不自趨絕地惟有嚴防漢江潛渡並堰唐河白河移難民於河西守岸團練以蹙賊會之富折回湖北境惠齡迎擊退其西秩敗之茅茨畝分兵五路兜勦二年二月敗賊於鮑家畝禽賊首劉起榮復敗賊於曾家店慶戰於鄭家河獲獲甚眾實雙眼花翎擢理藩院尚書兼鑲白旗蒙古都統惠齡偕恒瑞慶成勦襄陽賊屢破之餘眾僅數千勢甚蹙分路竄河南境官軍疲於尾追不易得一戰先後並入陝西遂復猖獗五月李全王廷詔姚之富合為一路由紫陽白馬石竄渡漢江後五日惠齡始至奪宮銜世職花翎易官繙總統軍務降惠齡為領隊聽節制賊既分竄入川十月王廷詔高均德復北犯窺渡漢江惠齡邀擊敗之斬賊二千詔嘉其僅兵二千當賊二萬以少擊眾復雙眼花翎十一月齊王氏張漢潮姚之富高均德合入漢中南山自黃官嶺至新集連營二十里欲渡漢惠齡軍北岸躡其半濟賊走甯差追敗之折竄漢中因移兵扼漢南賊不得北竄復分道入川惠齡繞由西鄉太平赴大甯夔州兜勦時川匪王三槐徐天德竄梁山羅其清冉文燾分屯營山儀隴三年陝襄諸賊在川境

者俱會於文德而三槐天德自太平走與合勢張甚詔總統勒保會諸將分路進剿惠齡與德榜泰為一路夾攻羅再二賊五月擊文德於儀隴其清及阮正通先後來援皆敗之賊屯大神山連營數十里六月與德榜泰合攻破之斬賊甚衆文德走箕山龍鳳坪與其清相犄角阮正通等又與合帝以首逆稽誅屢詔嚴責於是德榜泰破賊箕山其清奔天鵬寨惠齡分路進攻十二月其清就禽檻送京師四年正月文德就禽予一等輕車都尉世職丁母憂會其清讞詞稱惠齡一軍較弱帝斥其為賊所輕命回京守制降兵部侍郎尋授山東巡撫六年擢陝甘總督專剿南山餘匪復以勦賊遲緩降二品頂戴七年教匪平復頭品頂戴花翎九年卒贈太子少保封二等男諡勤襄子桂斌官和闐營辦大臣

宜縣初名尙安鄂濟氏滿洲正白旗人由兵部筆帖式充軍機章京累遷員外郎從征金川進郎中乾隆四十三年出為直隸口北道擢陝西布政使四十七年擢廣東巡撫以鹽商沈冀川獄賄徇職職成新編壽子四品銜充吐魯番領

清史稿

列傳一百三十二

四

隊大臣石峯堡回亂駐守平涼歷庫車喀什噶爾辦事大臣烏魯木齊都統五十九年入覲道經固關值水災飭官吏賑撫高宗嘉之命改名宜縣六十年授陝甘總督嘉慶元年教匪起湖北陝西戒嚴宜縣駐軍商州令副將百祥勦陽郿西賊克孤山大寨賊首王全禮伏誅漢江以北安堵加太子太保賞雙眼花翎甘肅歲祿命宜縣回蘭州賑撫是年冬四川教匪起由太平入陝境擾安康平利紫陽諸縣宜縣督軍馳勦賊逼興安分踞城南安嶺城北將軍山進攻克之禽其渠王可秀馮得士等復殲漢江北岸大小米溪賊借提督柯藩總兵索曾英阿移攻漢南河汝河諸賊併五雲寨乘雪夜火其寨殲賊甚衆詔宜縣進勦達州二年春攻太平賊於通天觀高家寨南津關連敗之川匪最悍者達州徐天德東鄉王三槐冷天祿巴州羅其清通江冉文爵天德三槐等合陷東鄉踞張家觀其清踞方山坪文爵竄王家寨圖據周家河梗運道且乘間與張家觀合宜縣遣兵攻王家寨分襲張家觀自率隊夜焚曾家山賊棚天德分援兩路遂乘虛下張家觀復東鄉餘賊奔清溪場金嶺寺據險抗拒四月官

軍分五路進克之天德等竄重石子香爐坪將與巴州賊合宜縣潛攻王家寨賊走方山坪天德來援敗之知縣劉清素得民心令招諭諸賊三槐率衆詭降陰圖襲營宜縣覺其詐設伏擊退五月達州賊傾巢出犯有備不得逞宜縣駐軍大成寨遣將襲三槐於毛坪三槐中槍跳免時襄賊由漢江北渡入陝署總督陸有仁以罪逮乃調英善督陝陝甘黜惠齡總統命宜縣代之兼攝四川總督於是令明亮攻重石子德榜泰與鄉勇羅思舉夾擊敗之分二路竄追殲孫士鳳於糜子壩士鳳為四川教首三槐等皆其徒也至是為德榜泰所誅餘賊西走徐家山乘霧夜遁其方山坪賊為百祥所截舒亮圍賊林亮工於巴州白崖山觀成劉君輔破大甯賊圍之於老木園川賊漸蹙而襄陽賊李全王廷詔姚之富等由陝分道入川與之響應勢復熾雲陽賊伏陳家山與襄陽約犯官軍為羅思舉所殲李全等踞開縣南天洞火焰壩旋奔雲安場開萬諸匪應之謀犯夔州附近賊遂起詔責宜縣專剿七月駐軍寶山關開縣東鄉交界地也川賊分立名號羅其清稱白號冉文爵稱藍號踞方山坪王三槐稱白號徐天

清史稿

列傳一百三十二

五

德稱青號踞尖山坪劉清率鄉勇與百祥朱射斗會勦方山坪賊潰圍竄通江巴州與天德合既而天德等竄青杠渡圍巴州其清文爵欲從儀隴南部分犯保甯奪官軍饒道百祥扼其前退走黃渡河旁掠儀隴宜縣扼之官渡口三槐等竄集縣其清文爵走巴州三槐復分攻鄰水陷長壽東趨重慶時齊王氏姚之富已竄湖北李全高均德先後分竄陝西宜縣疏言惠齡恒瑞明亮德榜泰皆入陝惟臣一人在川請賊齊援川東北運道嘉陵江防孔亟欲親赴保甯則川東千里無人調度請別簡總督治理地方而已親督師專一辦賊帝亦以宜縣年老十月命勒保總統軍務宜縣以總督兼理軍需又疏言軍興以來四川調兵一萬九千有奇陝甘合調二萬有奇兩湖更無餘兵可調各省募補者難備攻勦州縣團勇各衛村莊尤難責其長驅赴敵目前賊勢明亮德榜泰至襄陽則賊竄興安宜昌賊回夔巫況雲陽奉節伏莽尚多兵力日分日薄請敕添練備戰之兵四川陝甘湖北各五千至隨營鄉勇與兵等賞過則驕威過則散究非紀律之師不若選充營伍賊平即補營額費不虛糜而驍悍有所約

東詔行之三年春調勒保四川總督宜縣回任陝甘駐陝境辦賊未幾高均德齊王氏竄漢陰襍明亮職命宜縣赴軍督勦而齊王氏姚之富已為德楞泰明亮所殲阮正通張漢潮先後犯陝境川賊劉成棟走與合宜縣自鎮安分路截勦漢湖折向通江巴州正通竄城固李全與高均德合屯五郎鎮安山陽間宜縣偕明亮要之維南慶戰兩河口均德竄秦嶺正通折入川五月賊分股北出鳳縣掠兩當闖入甘境詔斥宜縣疏防既而明亮敗賊於略陽成棟漢湖復由竹谿竄平利命宜縣與額勒登保為一路專勦平利之賊尋敗之於孟石嶺賊遁入川責宜縣嚴遏回竄八月徐天德冉文偉高均德由儀隴竄廣元漢湖北入南江欲還湖北官軍蹙之上游不得渡宜縣檄兵扼甯羌沔縣漢湖竄太平於是川楚匪多流入陝境其魁樊人傑龍紹周李樹阮正濬各擁眾數千迭擾安康平利紫陽諸縣四年漢湖竄五郎詔斥宜縣畏葸避賊命解任來京在散秩大臣上行走既至復斥其辨飾降三等侍衛赴烏里雅蘇臺辦事五年追論軍需冒濫職遣戍伊犁罰銀二萬兩助餉逾兩年釋回及三省教匪平以員

清史稿

列傳一百三十一

六

外郎用後帝閱方略宜縣曾論鄉勇切中時弊追念前勞擢大理寺卿病免十七年卒子瑚素通阿初名瑚圖靈阿乾隆五十二年進士由刑部員外郎改翰林院侍講累遷左副都御史嘉慶初疏陳關稅鹽課積弊又請却貢獻停捐納居官有聲擢盛京刑部侍郎宜縣遣戍瑚素通阿以父老請代行未允在盛京勦將軍琳甯寬縱番役及私葭官吏分肥事侍郎資源查辦不實資源琳甯並黜罷內調刑部侍郎赴河南讞獄漏洩密封降筆帖式後起用終刑部侍郎英善哈爾察氏滿洲鑲藍旗人由親軍補侍衛處筆帖式累遷刑部郎中改御史除甘肅蘭州道以親老留京職乾隆五十年出為直隸按察使遷湖南布政使調江蘇丁母憂歸命署廣西布政使調補四川五十六年護理總督尋擢貴州巡撫調湖北以治西藏軍需未之任嘉慶元年調廣東旋召授刑部侍郎而四川教匪起仍留攝總督初四川自金川木果木之敗逃兵與失業夫役無賴游民散匿剽掠號為囑匪官捕急則入白蓮教為遁逃及湖北襄陽敗匪竄入川一旦揭竿戰鬪如素習至是達州奸民徐天德等激於胥役之虐與太平

東鄉賊王三槐冷天祿等並起英善率兵五百馳勦復調成都駐防兵副都統勒禮善佛住率以往連破賊巢禽賊目何三元等賊竄橫山子據險負隅遣總兵袁國瓚何元卿分路進攻戰三日國瓚元卿並歿於陣尋克馬鞍山賊寨禽賊首徐天富而王三槐徐天德等合陷東鄉佛住戰死賊燬兵單詔責英善固守毋輕進命宜縣赴達州督師二年二月宜縣至英善連破賊於貫子山羅江口通周家河連路偕宜縣克張家觀復東鄉五月命赴甘肅攝總督王三槐等由通江巴州分犯保甯英善赴慶元迎勦偕總兵富爾賽朱射斗擊之於儀隴閬中多所斬獲賊遁蒼溪設伏敗之遂遁三年命與福甯赴達州治四川糧運四年調兵部侍郎充駐藏大臣調吏部駐藏如故五年帝以教匪久未平追論始事諸臣玩寇罪職職以四品頂戴仍留駐藏七年召授頭等侍衛擢刑部侍郎遷左都御史兼正黃旗漢軍都統十一年以駐藏時於福甯私挪庫款徇隱未舉降太常寺卿十四年卒

清史稿

列傳一百三十二

七

三十三年出為甘肅平慶道累遷陝西布政使五十五年擢湖北巡撫抬入鑲藍旗滿洲調山東治衛河運務稱旨五十九年漳衛二河溢疏消積水撫恤災黎曹單漫水下流為豐碭壩所阻馳往會勘酌開壩堰以洩水並協機宜調河南尋擢湖廣總督駐襄陽捕治教匪獲首逆宋之清等實諸法六十年調兩江會黔苗石柳鄧勾結楚苗石三保焚掠辰州命留湖北會勦福甯至鎮守防後路嘉慶元年湖北教匪攻來鳳甚急福甯馳抵龍山擊敗之賊屯旗鼓奏偕四川總督孫士毅合勦士毅卒於軍福甯代之偕將軍觀成總兵諸神保進攻破其寨禽賊首胡正中餘眾窮促乞降誘入龍山城誅二千餘人以臨陣燬戮奏加太子少保移軍勦林之華單加耀於長陽巴東賊竄黃柏山偕觀成惠齡會勦未下惠齡赴襄陽觀成入川二年命額勒登保移師黃柏山福甯以兵隸之地形天險圍攻數月賊竄鶴峰芭葉山繼竄大壩口又竄建始宣恩十一月始殲之華於長陽加耀遁歸州以勦賊不力奪官銜三年禽加耀於終報塞帝猶斥諸將遷延貽誤福甯有地方之責咎尤重職罰銀四萬兩充餼予副

都統衙借英善駐達州治四川軍需四年英善調駐西藏福甯遂專任其事時軍管支用冒濫統兵大員奢糜無度兵勇口糧反多遲延幾致枵腹四川餉數更多於湖北數倍屢詔訓戒福甯不能綜覈以奏報浮泛被詰又奏賊數有增無減勅保疏辨命魁倫赴達州察視覆陳賊數實減而大股分爲小股賊名反多得福甯理饑含混狀詔福甯副都統衙留達州候命尋以旗鼓寨殺降事覺帝方以勦撫資諸路而川賊高均德被禽言賊黨恐投降仍遣誅戮故多觀望詔斥福甯此舉失人心而傷天理速治論罪遣戍新疆尋原之命赴額勒登保軍前効力會賊竄渡嘉陵江由於福甯裁撤鄉勇所致仍成伊犁五年予三等侍衛赴西藏辦事九年召還授正白旗蒙古都統十一年以三品銜休致十九年

追論在西藏擅借庫帑及湖廣任內濫用軍需久不完繳下獄尋卒
景安鈕祜祿氏滿洲鑲紅旗人和珅族孫也由官學生授內閣中書游擢戶部郎中出爲山西河東道累遷甘肅河南按察使河南山西甘肅布政使乾隆五十六年征廓爾喀命治西甯至藏臺站留藏督餉連事平以親老歸未幾擢工

清史稿

列傳一百三十一

八

布侍郎歷倉場戶部六十年授河南巡撫嘉慶元年湖北教匪北犯景安駐軍南陽以籌濟恒瑞軍餉加太子少保十二月姚之富犯鄧州圍景安於魏家集恒瑞援至始解二年浙川教匪王佐臣謀應賊布政使完顏岱捕斬之景安欲攘功躡兵戮難民以捷聞賞雙眼花翎封三等伯時襄陽賊屢爲惠齡慶成等所破窺北面可乘遂分三路犯河南王廷詔出北路竄葉縣焚保安驛圍官軍於裕州總兵王文雄兵至乃引去景安尾追至南召聞桐柏有警馳回防禦李全出西路竄信陽確山羅山浙川趨盧氏出武關慶成追之姚之富齊王氏出中路竄南陽掠嵩縣山陽惠齡追之賊入河南後慶成日衆不迎戰不走平原忽合忽分以牽兵勢先後並入陝西復合景安頓兵內鄉賊入陝後二十餘日始追至盧氏賊尤輕之號爲迎送伯三年春擢湖廣總督四月率師大荆門州劉成棟來犯與布政使高杞分路擊走之六月賊由竹谿竄入陝詔切實四年張漢潮擾陝西五郎洋縣景安屯鄠陽遣總兵王凱扼鄠西漢潮已分路自安康折竄鎮安景安疏稱赴鄠西迎勦詔斥其不實時仁宗初親政以景安塔勒

不力撫治失當解職命治四川軍需尋奪伯爵成伊犁是年冬帝召見惠齡論其愆怯縱寇及浙川冒功事速京讞擬大辟緩刑禁錮七年教匪平得釋發熱河充披甲逾年宥還以六部筆帖式用効力河南河工銜家樓工竣晉秩員外郎授直隸承德知府擢山西按察使陝西布政使十一年授江西巡撫調湖南召爲內閣學士累遷戶部尙書加太子少保二十五年授領侍衛內大臣守護昌陵二十七年休致尋卒景安初附和珅情於軍事然居官廉當其速京值朱珪入見帝曰景安至矣軍事久不定欲去一人以警衆如何珪曰臣聞景安不要錢帝曰若乃知操守耶竟以是獲免後復用之

秦承恩字芝軒江蘇江甯人乾隆二十六年進士選庶吉士授編修擢侍講出爲江西廣饒九南道累遷直隸布政使五十四年擢陝西巡撫嘉慶元年教匪起荆襄承恩率師赴興安籌防至冬四川達州教匪自太平入陝犯興安承恩偕總督宜綏迭擊收之十二月會勦河汝河諸賊二年正月擊安康賊於光頭山首逆劉王氏伏誅陝境略平宜綏進勦川匪承恩專任陝防三月襄匪由

清史稿

列傳一百三十一

九

河南盧氏竄商南勾結陝匪紛起應之承恩移軍商州借恒瑞殲山陽西牛槽賊雒南石板溝奸民起總兵富爾賽捕斬之姚之富由商州犯孝義窺西安承恩扼之於秦嶺惠齡等追擊賊走鎮安與李全王廷詔合掠洵陽安康時陝西兵力僅有鄉勇萬餘人提督柯藩守興安府城兵止二百無力攻勦惠齡恒瑞合擊賊於黃龍鋪賊分竄復合六月由漢陰至紫陽渡漢江詔斥承恩疏防奪翎頂賊走漢南與川匪合八月復入陝竄白河石槽清承恩率鄉勇扼安康要隘賊分路來犯禦之於平利金堂寺既而賊逼興安借惠齡擊走之以功復翎頂二年春丁母憂軍事方亟奪情視事二月高均德齊王氏合竄漢陰觀音河糾李全王廷詔分道由城固南鄭北出寶雞合攻郿縣掠整屋將犯西安承恩懼率師回防總兵王文雄力戰敗賊於焦家嶺圪子村大創之賊復分竄二月文雄復破李全餘衆於翔峪漫峪四月李全糾阮正通折回鎮安西擾漢陰石泉高均德踰秦嶺走老林承恩與文雄扼子午峪既而均德全與徐天倫合爲一路正通由石泉洋縣西竄均德等尋竄入川承恩進兵漢中八月川匪徐

天德再文僞樊人傑襄匪張漢潮先後並入陝境承恩師久無功四年命解職回籍守制會勦張漢潮於鳳翔承恩遺游擊蘇維龍扼東路戰失利漢潮突圍遁祺承恩職逮京論大辟詔以承恩書生未嫻軍事宥歸尋遣戍伊犁七年釋還起主事纂修會典出爲直隸通永道擢江西巡撫遷左都御史仍署巡撫事十一年召授工部尚書調刑部署直隸總督十三年以治宗室敏學獄瞻徇降編修効力文穎館遷司經局洗馬晉秩三品卿十四年卒

論曰方教匪之初起也苗匪軍事未熾楚蜀空虛草澤么嘯燎原莫制永保惠齡號曰總統局於襄陽一隅景安秦承恩不諳軍旅賊遂蹈瑕蔓延豫陝宜縣受事僅顧蜀疆及勁兵移陝束手求退矣英善福甯並皆庸材三年之中防勦無要領如治絲而益紛仁宗親政赫然震怒諸臣相繼罷譴士氣一新事機乃轉廟堂戰勝固有其本哉

恒瑞宗室隸正白旗吉林將軍薩喇善子乾隆中授侍衛赴西藏辦事擢熱河都統遷福州將軍五十二年臺灣林爽文作亂命率駐防兵往勦參贊軍務偕總督常青赴南路鳳山賊勢方熾高宗知常青恒瑞不可恃命福康安督師賊圍總兵柴大紀於諸羅恒瑞駐軍鹽水港逗留不進詔解任福康安至屢爲疏陳戰績帝益怒斥其徇護速恒瑞論罪事平減死戍伊犁尋予副都統銜充伊犁參贊大臣歷定邊左副將軍綏遠城將軍調西安嘉慶元年命率駐防兵三千偕都統永保會勦湖北教匪三月與總兵文圖破賊竹山永保至合師由房縣進勦文圖分勦三里坪喇叭洞諸賊悉盡而恒瑞追賊至保康未大創之賊首姚之富踞襄陽勢甚熾命恒瑞進勦五月偕明亮進次呂堰擊賊岳家溝劉家集禽斬二千餘賊圍襄陽設伏王家岡誘賊敗之又敗之於蔣家壩曲家灣

襄陽圍解賊低降潛襲官軍後路急以後隊爲前隊擊退之賊走丫兒山與張家壩賊相犄角奮擊一晝夜破賊營十餘殲賊甚衆被獎賞七月破賊隨州龍門山與永保會攻鍾祥賊巢連破之鄧家河黑沙河雙溝賊乃分竄唐縣呂堰追至漣沅領復竄倉臺尋之富渡漢河圍景安於鄧州詔斥諸將玩誤速永保責恒瑞戴罪立功二年正月偕惠齡等勦襄陽賊首劉起榮就禽又與慶成敗賊鄭家河禽賊目李潮進勦泰山寺龍鳳溝禽賊目姚爽等賜花翎於是賊分竄由河南入陝恒瑞追賊至山陽遇王廷詔李全等擊走之五月追賊陝南與惠齡夾攻於黃龍壩殲賊三千餘廷詔全復與賊之富合趨紫陽渡漢江恒瑞坐縱賊奪花翎賊遂分路入川廷詔開縣雲陽萬縣犯夔州西與大甯賊響應恒瑞追及連敗之乃竄太平八月當陽逸匪掠白河洵陽命馳赴興安扼勦偕慶成擊賊於張家灘由牛蹶嶺繞出賊前奪賊營九廷詔等奔紫陽與惠齡夾擊敗之恒瑞率師還漢中敗賊西鄉又敗之褒城黃沙鋪十一月之富等西奔將渡漢北竄偕慶成暨諸半渡賊西趨甯沔師進遇高均德於桑樹灣乃

議四面設伏恒瑞令撤拉爾回兵假鄉勇旗幟誘之自由山梁馳下慶成等分路夾擊斬其眾捷開被獲資十二月破王廷詔於保甯進解營山圍三年川匪羅其清犯順慶借慶成往援因賊勢蔓延請勸保宜縣遣兵會勦賊竄蓬州潛結丹文僑擾儀隴恒瑞扼磨盤寨與惠齡等合擊之文僑敗走陝匪龍紹周與合敗之楊柳寨六月與德榜泰夾擊高均德於石人河復借惠齡攻老林場賊卡進逼大神山均德文僑踞險死拒分路進攻賊奔箕山而徐天德樊人傑為將軍富成追擊窮蹙亦入焉惠齡德榜泰攻其前恒瑞攻其後盡破山寨先後斬敵近萬其清李全王廷詔奔大鵬山進圍十一月克之命赴陝與宜縣等會勦張漢湖未幾李全樊人傑竄西鄉帝以恒齡未迎擊嚴斥之四年署陝甘總督赴甯羌擊藍白兩號賊張應祥等竄秦州兩當又擊走張漢湖再學勝股匪五月解署任勦白號賊於白馬關地與川西龍安接壤道將冒雨掩擊賊竄西和禮縣令布政使廣厚總兵吉蘭泰截勦自趨賈家店黑馬關鈔擊藍號賊敗之於老柏樹復花翎賊竄川北至秋折回陝境擊走之乃赴城固洋縣會明

清史稿

列傳一百三十三

二

亮勦張漢湖破之東西又河賊殺馬堽道通老林要之於清水清復乘霧雨徐渡三渡水帝疑諸將縱賊又以恒瑞前勦藍號賊垂盡捨之回陝下尚書那彥成察劾那彥成恒瑞之婿也覆陳回師出總督松筠意得免罪尋明亮殲漢湖恒瑞自五郎追擊餘黨李得士等由大建溝入老林趨秦嶺與那彥成會勦再學勝等賊奔澇谷扼兩岔河追擊於山陽東溝敗之五年川匪二萬餘由略陽寇兩當徽縣恒瑞自襄城入棧賊竄隴州清水秦安借那彥成追至汪家山大敗之總兵雷德戰歿秦安恒瑞赴援復借那彥成敗賊於龍泉溝深都堡總兵多爾濟札普戰歿洵陽詔促恒瑞赴鎮安五郎勦賊三月抵唐藏楊開甲高均德方擾南星留總兵觀祥駐守自赴商州帝疑其趨避累詔詰責乃赴鎮安勦冉文勝等敗之於大中溪會額勒登保破開甲於輝峪恒瑞自龍駒寨鈔截開甲逸走圍副將李天林於漫川關馳援斬賊目羅貴等賊乃分路西竄叙功予雲騎尉世職六月率總兵德忠駐守太渠唐藏時伍金柱高天德馬學禮犯西鄉提督王文雄戰歿乃進兵大石川賊奔灘口為楊遇春所破恒瑞自教匪起

久在行間以偏師數臨大敵至是老病久無顯功帝慮其不任戰詢額勒登保上其狀命回鎮西安逾年卒

慶成孫氏漢軍正白旗人提督思克曾孫都統五福孫也由鑾儀衛整儀尉累遷廣東督標副將乾隆五十三年從總督孫士毅征安南屢禽敵有功賜花翎耶阿巴圖魯勇號內擢正白旗漢軍副都統戶部侍郎御前侍衛正紅旗護軍統領五十七年出為古北口提督嘉慶元年率兵赴南陽襄陽勦賊匪借恒瑞迭敗姚之富劉之協於雙溝張家集賊屯棗陽子兒山分踞張家營連營十餘里遮官軍慶成先進襲其寨大破之禽未廷貴陳正五追敗餘匪於紅土山禽黃玉貴加太子少保之富竄鍾祥合劉起榮張富國等眾五六萬借永保等冒兩攻克之晉太子太保賊遁雙溝擾唐縣滹沱鎮慶成等以久戰兵疲不能圍勦詔嚴斥之賊竄襄陽太平鎮四路合攻斬數千級慶成受矛傷被優資十一月潛渡滾河北竄與永保等並被嚴譴盡奪官銜花翎勇號易惠齡為總統尋借惠齡連破賊於王家城梓山二年正月大戰興隆集斬二千餘級分路追賊

清史稿

列傳一百三十三

三

慶成射中賊首劉起榮禽之在諸將中戰最力高宗以慶成為五福孫不次擢用自縱賊滾河慮其少年自用不能服眾命惠齡察奏至是詔免前罪二月擊賊曾家店胸中矛裹創而戰賊敗竄河南境分數路慶成追李全連破之確山五里川盧氏火燄溝四月李全王廷詔合陷鄆西馳復其城賊不戰分遁未幾之富竄渡漢江降二品頂戴暫留提督任襄匪竄開州借惠齡追敗之南天峒火燄壩復花翎賊趨大甯與川匪合慶成與川軍會勦九月借恒瑞截擊湖北回竄之賊於洵陽而李全王廷詔沿漢東走慶成登舟下漢以要其前惠齡恒瑞從陸路其後至紫陽夾攻之賊竄與安慶成一晝夜追及大破之司渡河川匪王三槐擾保甯羅其清冉文僑分掠川東命移兵赴川與宜縣合勦三年截擊其清骸中槍創甚解任回旅就醫四年創愈仍在御前侍衛行走尋授成都將軍命赴陝西與永保協勦張漢湖會明亮許奏永保慶成失機命那彥成松筠按治視職速問又以在湖北受軍需饋遺籍其家漢湖既殲宥罪成伊犁未行五年正月命仍赴陝軍効力額勒登保檄勦高天德馬學禮連敗之禮辛鎮

何家衝禽斬數千予三等侍衛協勦伍金柱曾柳授陝安鎮總兵七月金柱與
冉學勝張天倫合犯陝扼之渭河賊分竄追天倫於教場塢麻池溝履其黨宋
麻子又敗金柱餘黨曾芝秀於南山兼署固原提督時經略赴川陝甘兵三萬
餘皆歸慶成節制川匪冉天元冉學勝樊人傑先後渡漢江詔斥慶成疏防責
戴罪立功六年徐天德樊人傑復至江岸欲偷渡鄂西擊却之實授提督擊楊
開甲餘匪於廣元獲其子麟生加頭品頂戴苟文明潛入甘肅境擊走之復勇
號追川匪辛聰等於甯河禽其黨曾顯章張溱潮七年敗張天倫餘黨於鳳縣
兩當禽張喜魏洪升賊竄紫柏山老林裹糧入捕悉殄其衆復太子太保先是
慶成父歿軍事方亟不得去至是南山匪漸少乃許回旗守制尋署湖北提督
服闋實授遷成都將軍十一年入覲帝聽其勢問曾戴雙眼花翎否慶成對征
安南蒙賜和珅禁勿用獲劉起榮先帝欲賜復為和珅所阻命軍機處檢稽無
之遂以欺罔視職成黑龍江逾年授圍場總管歷馬蘭鎮總兵湖北提督福州
將軍十七年卒諡襄恪

清史稿

列傳一百三十三

四

七十五瓜爾佳氏滿洲正黃旗人乾隆中以護軍從征緬甸繼赴金川戰輒力
累邊護軍參領授貴州大定協副將總督福康安薦其才四十九年擢宜昌鎮
總兵父憂去官坐事降秩起為健銳營前鋒統領五十七年從征廓爾喀克濟
隨又克熱索橋追賊東覺山雅雅山攻甲爾古拉並有功擢翼長嘉慶元年赴
湖北勦教匪二年四月追賊入陝敗之山陽周家河授西安右翼副都統兼領
健銳營其冬王三槐回竄四川追擊於達州犀峯尖傷右臂踰日賊復至襄創
力戰斬獲甚衆三年擢四川提督敗賊巴州七月戰廣木山克險隘受傷被優
賚九月擊冷天祿於木瓜坪右股中槍創甚就夔州療治四年始瘳六月連破
賊於寶塔蓮花池扼其入楚之路會卜三聘竄大甯追敗之八月禽龔建於開
縣火峯寨十月與穆克登布夾擊樊人傑於通江巴州界上賊走太平他賊自
湖北回竄借朱射斗迎擊於雲陽遂追賊川東時賊聚城北而東路久無軍報
適侍郎廣興疏言七十五駐兵夔州仁宗疑其逗留下經略察狀七十五方以
攻糜子坪受重傷額勒登保為疏辯得自五年二月鮮大川擾蟻蝗坪創發不

能騎昇至軍前督戰冉天元擁衆渡嘉陵江重慶戒嚴魁倫檄令回守病不能
軍遣李紹祖率兵赴川西自就醫順慶帝疑其飾辭詔解任命松筠勒保察驗
得實以提督銜留營差遣五月高天德馬學禮由陝犯川折入番地借阿哈保
夾擊於舊關摩天嶺克新寨進圍鐵鎚寨賊乘雨宵遁追擊之賊棄牲畜仗械
驚竄山谷由草泥土司地走岷州又走秦州七月兵經新甯偵馬驛溝有賊設
伏敗之仍授四川提督賊勢趨重川境德楞額奏勒保方進勦七十五分擊之至
冬諸賊相繼竄漢江德楞額奏擊之南岸而以七十五出廣元三家壩攻其西
北七十五不聽調曰兵深入將逼賊入陝非計也帝聞切責之六年正月率子
武隆阿由廣元趨南江擊張世龍於三臺山後河嶺北溪河陣斬世龍禽其黨
趙建功李大維又追賊至太平華尖山禽邱天富周一洪被優叙三月攻竹園
坪五月賊分竄陝楚七十五追冉天士至平利大渝河間道據後山偪其出隘
伏起邀擊禽斬二千餘特詔嘉寶乘勝追賊入湖北境六月破湯思蛟劉朝選
於羊耳河又敗之於保康殲賊首王鎮賢遂與德楞額奏追龍紹周入川七月借

清史稿

列傳一百三十三

五

李紹祖敗樊人傑於麟水追至開縣復遇思蛟朝選連敗之於馬家亭桑樹坪
山通城進勦苟文懷禽之餘賊與苟文明合將竄陝八月擊之於大甯山殲禽
及牛文明僅身免俘其家屬是年冬留防川北敗賊於南江又與德楞額奏合擊
於廣元蒼溪進搜老林賊多散匿百十為羣時有斬獲十二月苟文明糾各路
餘匪二千餘人乘間西奔七十五與勒保不合追賊入山饒半載不至兵飢疲
就糧太平六日賊已渡嘉陵江上游直趨階州亟借慶成馳擊額勒登保德楞
泰先後劾其頓兵縱寇未幾賊復自廣元渡江入甘肅帝益怒嚴詔褫職速問
七十五故宿將勇而納臨陣輒死鬪身被重創十五次將弁畏其苦戰不樂相
隨自領偏師當艱險數以軍報後時遭譴至是復失機就速一軍皆慟哭額勒
登保等為疏陳戰狀乞恩許留營自贖七年勦張長庚陳自得殘匪於夔州留
防川東舊創發予護軍校還京逾年卒贈副都統銜賜卹如例子武隆阿自有
傳
富志那赫舍哩氏滿洲正紅旗人起健銳營前鋒從征葉爾羌緬甸金川授副

前鋒參領出為湖南永綏協副將乾隆六十年苗叛駐守永綏苗匪張坪亞保阻糧運悉眾來犯富志那擊却之追至獅子山嗣知有伏預為戒備夾攻多所斬獲越日苗復以數千人撲營殊死戰簡精銳迎擊大敗之賜花翎永綏被圍久糧芻且盡居民隨官軍晝夜登陴城賴以固大軍至圍迺解從福康安克高多寨吳牛生就禽福康安薦其老成明幹苗民咸畏擢總兵迭攻高斗山禽頭坡吉吉寨皆捷賜蟒衣一襲嘉慶元年湖北教匪蕭傑人張正諤於枝江宜都倡亂巡撫惠齡駐軍太和山富志那馳赴之進擊鳳凰山禽傑人餘賊乘兩揆營擊却之又敗之於楊白堰正諤踞灌灣腦四面環山富志那自築家坡進冒兩奪卡而伏隊於深菁賊至左右夾擊多墜巖洞死山前設疑兵別由徑道深入出不意擊之大捷賜號法福禮巴圖魯迭克難公山王母河進攻齊箕營正諤勢蹙四出求救富志那與副都統成德分路設伏偽樹白幟為援兵誘賊出大破之遂克齊箕營乘勝取灌灣腦禽正諤枝江宜都悉平命回苗疆治善後二年議開永綏北路留兵二萬分防黔楚授富志那為總兵駐鎮軍與提督分

清史稿

列傳一百三十三

六

領其軍苗疆自同知傅鼎築礮屯田邊備漸嚴而苗未遽服搆眾抗阻大吏駭過於鼎將勅之富志那力爭迺止移軍需助其建設後屯田利興苗患遂息人稱鼎功兼頌富志那不置云五年鎮守金塘黑苗出掠與鼎併力禦擊又襲擊苗黨於狗壩苗焚其寨苗懼乞降八年永綏苗龍六生擾動禽之署湖南提督調授貴州提督軍政肅然時稱名將十五年卒於官亮祿伊爾根魯羅氏滿洲正紅旗人襲輕車都尉世職授密雲協領嘉慶初以參將發河南署游擊五年教匪窺河南巡撫吳熊光駐防盧氏兵多他調寶豐縣賊起掠汝州布政使馬慧裕不嫻軍事亮祿曰兵貴神速今賊初起烏合易滅請兼程往勦賊屯寶豐翟家集東阻大溝恃險不退亮祿聲言京兵且至樹八旗大纛驅馬腹俾騰蹄嘶號聲震數里賊懼夜吹角而進驅馬踰壕火其寨一鼓殲之禽其渠李岳等奏入仁宗大悅立擢副將累遷雲南開化鎮總兵七年卒帝甚惜之論曰恒瑞慶成勳力襄陽勦匪最久後皆獨當一面功過不掩故仁宗始終保全七十五孤軍苦戰徒以失權羣帥未奏顯功論者惜之富志那獨平枝江宜

都一路移鎮苗疆與傅鼎和衷弭亂有足稱焉

清史稿

列傳一百三十三

七

清史稿

列傳一百三十四

楊遇春 字子國 甘肅 華亭 人 官 至 總 兵 羅 思 舉

楊遇春字時齋四川崇慶人以武舉効用督標為福康安所識拔從征甘肅石峯堡臺灣廓爾喀咸有功累擢守備六十年調赴苗疆力戰解吸腦圍進援松桃獨取道樟桂溪山險寨密率敢死四十人為前鋒由間道縱馬入賊屯呼曰大兵至矣降者免死賊相顧錯愕復呼曰降者跪於是跪者數千人直抵城下圍遂解賜花翎復解永綏圍賜號勁勇巴圖魯首逆吳牛生就禽擢游擊額勒登保攻茶山為賊所圍遇春率壯士衝擊奪據對山縱橫決壘當者輒靡福康安望之驚歎立擢參將復乾州擢廣東羅定協副將苗平而教匪起嘉慶二年從額勒登保赴湖北剿覃加耀林之華破芭葉山連敗之長陽宣恩建始恩施加耀竄終報樂崎巖陡絕夜縋而登禽加耀及其黨張正潮三年從額勒登保赴陝敗李全於藍田又敗高均德於紫溪嶺五月還湖北張漢潮竄數城兜擊

清史稿

列傳一百三十四

大敗之又敗之竹山菩提河追躡入陝敗之於平利孟石嶺九月敗高均德李全於廣元吳家河丁父憂賜金治喪命墨絰隨征迭破羅其清於觀音坪大鵬寨青觀山其清就禽擢甘肅西甯鎮總兵四年從額勒登保斬蕭占國張長庚獲王光祖斃冷天祿功皆最威震川陝婦孺皆知其名追勦張子聰自夏徂秋迭敗之於渠山雲陽太平開縣通江間子聰被追急數與樊人傑龔建丹天元合最後欲合王登廷登廷踞馬鞍溝進攻之踣追迭擊禽其黨斬有年於土丫子斬阮正濂於廣元雲霧山至冬登廷由陝入川與冉天元合額勒登保率遇春與穆克登布會擊之於蒼溪貓兒壩穆克登布違約先期進挫敗遇春據廢壘力拒燃草炬擲山下戰徹夜幸得全師迭擊皆獲勝登廷子身至南江為鄉團禽獻斬之五年擢甘州提督借穆克登布破張天倫於兩當又從額勒登保追楊開甲於商維扼龍駒寨殲張漢潮餘黨劉允恭劉開玉子雲騎尉世職遇春與穆克登布為經略左右翼長議每不合自蒼溪戰後益不相能額勒登保等疏言請將中惟遇春謀勇兼優可當一面請益所部兵與經略參贊分路

勦賊遂以提督別領偏師沿渭西上勦汧隴之賊五月擊伍金柱於漢陰手板嚴及銅錢營戰方酣楊開甲從間道突至腹背受敵自午至酉圍愈急有白袍賊手大旗直犯遇春相去咫尺忽墜馬則為後隊護槍所斃乃金柱悍黨龐洪勝也賊驚潰額勒登保兵亦會追賊至洋縣茅坪斬開甲又禽陳傑於大石坂八月斬金柱於成縣峽溝斬宋麻子於鳳縣潘家溝六年破冉學勝於石泉石塔寺高天德馬學禮王廷詔為大軍所驅竄五郎壩遇春方追學勝偵知之乘夜掩擊天德等分竄乃由斜峪關踰擊阻其入甘肅之路復破賊於銅鋪廠一晝夜馳四百里追及廷詔於川陝界鞍子溝禽之天德學禮竄家巖遇春料賊由甯羌奔逸急由斜谷趨二郎壩設伏龍洞溪賊果至俘斬殆盡二賊就禽晉騎都尉世職是役釋降衆健者八百人編為一隊皆願效死會經略檄合勦冉學勝獲謀得賊虛實謂降衆曰汝等立功贖罪此其時矣至紫陽天池山賊於伏莽中突起八百人力戰衝賊為數段遂大捷張天倫糾五路賊聚洵陽學勝復與合大破之於孫家坡追賊入川禽冉天泗王士虎於通江報曉堽士虎

清史稿

列傳一百三十四

故劇盜專劫寨峒避大軍遇春夜往捕適賊由他路襲營遇春不回救伏巢外候賊歸禽斬無遺賊中有名號者勦除幾盡餘匪以老林為藪遇春專任搜勦以遲緩嚴詔切責七年秋殲苟文明調固原提督尋以大功敕定詔遇春功尤著殲首逆獨多晉二等輕車都尉八年丁母憂賜金給假四十日苟文明餘黨苟文潤集千餘人皆獲悍踞漢江左右諸軍久役不振遇春至乃奮連戰紅山寺平溪河殲之賊氛漸清十年凱撤詔許回籍補持母服百日假滿入覲會審陝鎮兵變鎮兵新設入伍者多鄉勇降賊不易制總兵楊芳赴固原攝提督因停給鹽米銀發包穀充糴遂戕副將游擊劫庫獄以叛遇春行至西安聞變借巡撫方維甸馳往詔德楞泰赴陝治其事命遇春扼方柴關賊銳甚兵交數失利賊首蒲大芳望見遇春下馬遙跪哭訴營官餽饌狀遇春曉以順逆知可越數日大芳竟縛倡逆之陳達順陳先倫詣遇春降遂率大芳邀擊餘賊於江口斬其渠朱先貴德楞泰疏陳叛兵窮蹙乞命請釋歸伍詔斥縱叛廢法降遇

春寧陝鎮總兵大芳等二百餘人皆成新疆十三年入覲命兼乾清門侍衛仍授同原提督十八年天理教匪李文成踞滑縣命陝甘總督那彥成討之以遇春為參贊賊萃精銳道口鎮遇春率親兵八十人沿連河西進覘之遇賊數千即突擊賊辟易追渡河禽斬二百收隊少二人復衝入賊陣奪二屍還賊為喪氣遂斷浮橋焚渡船進攻賊望見輒靡尋克道口復擊走桃源輝縣接賊台圍滑城用地隧轟破之文成自焚死十二月滑縣平封二等男爵賜黃馬褂陝西南山賊萬五倡亂十九年正月移師往討斬萬五及其黨凡兩越月賊事皆一等男陞見仁宗慰勞有加命至膝前執其手曰朕與卿同歲年力尚強將來如有軍務卿須為朕獨當一面手賜珍物見遇春長髯稱美者再時遇春弟逢春為曹州鎮總兵命繞道視所練兵宣宗即位加太子少保賜雙眼花翎道光五年署陝甘總督六年回會張格爾叛詔遇春率陝甘兵五千馳赴哈密尋命大學士長齡為揚威將軍遇春為參贊會兵阿克蘇進剿七年二月連收賊于洋阿巴特沙布都爾阿瓦巴特禽斬數萬追至渾河距喀什噶爾十餘里賊悉眾

清史稿

列傳一百三十四

三

抗拒列陣二十餘里曾大風霍前隊迷道未即至將軍欲退屯十餘里須臾而進遇春不可曰天贊我也賊不知我兵多少又虞我即渡時不可失且客軍利速戰難持久乃遣千騎繞趨下游牽賊勢自率大兵乘晦霧驟渡上游敵聲與風沙相併乘勢衝入賊陣賊大奔三月朔遂復喀什噶爾甫旬日英吉沙爾葉爾羌和闐以次復加太子太保張格爾遠遁詔遇春先入關八年正月楊芳禽張格爾於鐵蓋山遇春入覲捷音適至帝大悅賜紫綬實授陝甘總督圖形紫光閣遇春坐鎮陝甘凡十年務持大體不輕更張討蒐軍實鎮馭邊疆皆有法十五年以老子告歸召至京陛辭晉封一等昭勇侯食全俸御製詩書扇賜之十七年卒於家贈太子太傅兵部尚書賜金治喪入祀賢良祠鄉賢祠諡忠武遇春結髮從戎大小數百戰皆陷陣冒矢石未嘗受毫髮傷仁宗詢及歎為福將治軍善於訓練疲卒歸部下即膽壯或精銳改隸他人仍不用命將戰步伐從容雖猝遇伏不至失措俘虜必入賊三月以外始誅老稚皆赦免取降衆有恩尤得其死力操守廉潔治家嚴整子弟皆謹守其家風弟逢春久隨軍中積

功授重慶鎮標游擊後從賽冲阿平陝西洋縣匪累擢山東曹州鎮總兵調充州鎮子國佐四川茂州營都司加副將銜國植字海梁以舉人入貫為戶部郎中出任穎州知府累擢河南布政使洎回疆底定宣宗推恩就擢巡撫疏請留其父部將訓練河南兵武臣父子同時膺疆寄與趙良棟岳鍾琪兩家比盛焉遇春歿襲侯爵服闋授山西巡撫歷官皆有聲道光二十一年擢閩浙總督尋以廢疾乞歸在籍食俸數年卒遇春尤知人獎拔如不及識楊芳於卒伍中力薦之卒為大將勳名與之埒天下稱二楊自有傳部曲多游至專閩著者曰吳廷剛祝廷彪游棟雲廷剛四川成都人由行伍征苗擢守備從遇春勦教匪善偵敵嘉慶四年破王登廷於青龍坪擢都司五年勦楊開甲辛聰於龍駒寨倍道掩襲敗賊輝峪峒伍金柱踞手板巖輕騎往探獲賊諜報得大捷追張天倫至馬桑壩高天升戴仕傑由箭桿山突出迎擊大敗之擢游擊六年孫家坡之戰分追餘賊至關垵奪據山頂賊多墜崖死擢參將追高見奇姚馨佐至通江山徑紆險乘馬行見賊數十人奪路走禽其酋乃辛斗也通江賊李彬夜竄

清史稿

列傳一百三十四

四

熊家灣廷剛先至橫衝賊為二後賊回竄與大軍夾擊大破之禽魏中均苟朝萬王士元七年迭擊辛聰劉永受於老君嶺菜子坪太平峒燕于巖賊四竄併祝廷彪徒步入山追賊田峪將歸隊過桃川沙壩見山樹紅旗疑之偵知賊首苟文明冒官軍奮擊敗之分路要截禽斬數百文明將入川追至花石巖見山上炊烟起麾兵仰攻文明知不能脫擲跳巖下就斬之又禽穢苟七麻子吳廷詔張芳等八年搜勦南山餘匪往來老林九年賊聚川陝邊界廷剛至桃木坪賊乘霧衝撲受矛傷窮追越楚境迭敗之石渣河元喜坡進攻馬鞍山賊伏陸厓徑馳上禽賈燦華苟文華王振謝尚等賊遁老山借祝廷彪選健卒持乾精輕騎踰勦偏歷險僻至十年禽斬殆盡擢甘肅涼州鎮總兵調漢中鎮十八年勦三才峽匪萬五別賊起古子溝分兵克之萬五乘間連踞硤寨敗之於袁家莊平木山梁分兵鈔襲設伏沙壩禽其黨周在庭周之順萬五窮蹙竄盤屋山中為他軍所禽進勦餘黨禽尹朝貴劉功十九年事平詔廷剛首先進勦功最加提督銜尋擢廣東陸路提督未至卒詔念前勞予優卹諡壯勤廷彪四川雙

一第 258 冊 續修四庫全書 史部 正史類

流人山行伍征苗擢守備嘉慶五年從遇春殲劉元恭劉開玉擢都司六年禽王廷詔擢游擊七年勦賊平安寨設伏長溝乘夜掩擊中矛傷裏創力戰斃苟文清於陣借吳廷剛殲苟文明於花石巖禽苟文齊於龍鍋山擢參將又破張世雲於北溝口八年迭擊賊於老林小岔溝白果園禽冉琦九年借羅思舉追賊入界嶺老林攻望都觀賊巢從遇春擊賊鳳凰寨壩口馬鞍山並多斬獲十一年擢漢中協副將值甯陝兵變赴南山截勦甫定瓦石坪周士貴復起借羅思舉合擊禽之賜號迅勇巴圖魯十四年擢甘肅甯夏鎮總兵調陝西西安鎮十九年勦三才峽匪萬五餘黨借吳廷剛禽尹朝貴於木瓜園分路勦賊黃草坪燬其巢追入手板巖老林賊詭降設伏禽其渠陳四擢湖南提督道光三年內召授頭等侍衛仍兼提督銜以熟悉南山情形未幾復授西安鎮總兵在任凡十年擢貴州提督調浙江提督二十年英吉利兵陷定海守招寶山吏議職職詔留任尋以年老休致歸卒於家庭彪果敢力戰善撫士卒當時降衆多生事所部帖然世稱之棟雲四川巫山人寄籍華陽以武舉補把總從征廓爾喀

清史稿

列傳一百三十四

五

苗疆積功累擢甯羌營游擊從額勒登保勦教匪與遇春借後乃爲其部將攻終報寨先登功最嘉慶二年從遇春追張漢潮詹世爵李槐等山溪中入川境諸軍合勦於隘口棟雲據高俯擊斷槐手箭貫世爵胸皆斃漢潮竄梅子關迎擊敗之又連敗之巴東及陝境兩河關設伏王家河賊至痛殲之窮追至河南盧氏漢潮遁四年春敗賊涼沁河兵僅五百斬獲三百餘級賊走龍駒寨屯康家河棟雲蹙之忽山坳突出悍賊中矛傷戰愈力射殲執旗者賊乃却事聞特詔嘉獎四月漢潮踞紅門寺冒雨出問道擊走之扼之黑龍口與明亮與肇爲犄角黔水漲潛涉上游襲擊賊大潰又冒雨克樂家河八月敗賊擊澤坪竄石峽子棟雲設伏野雞溝與大兵夾擊漢潮窮蹙入老林分路追勦禽李潮於張家坪而漢潮已爲明亮擊斃至是獲其屍擢甘肅提標參將五年擢安慶協副將敗冉學勝於沔陽連擊高天德馬學禮於獅子梁櫻桃壩六年春復破之於五郎坪鳳凰山天德學禮爲遇春所禽餘黨踞八斗坪棟雲分隊襲之禽羅鳳友又破伍金柱餘黨於三岔坪至七年春所部凱撤擢狼山鎮總兵父憂去官

十一年授河州鎮西甯番族出擾棟雲專勦貴德一路破賊甘壩山連敗之六哈圖河什尖里幹汪科合山遂克沙卜浪賊巢進至紅露井番僧昂賢率十二族降焚其巢番境悉平以母憂去起補陝安鎮總兵夏鎮十八年從遇春勦南山匪數戰於隴州沔陽禽賊渠二十三年標弁江芝誣誣棟雲侵饒下總督察治得白抵芝罪棟雲坐私役兵丁褫職詔赴遇春軍委用道光初署鹽茶都司乞病歸卒

羅思舉字天鵬四川東鄉人少有膽略驍捷踰屋如飛貧因爲盜秦豫川楚間結客報仇數殺不義者遭厄幸不死久之自悔教匪起充鄉勇誓殺賊立功名王三槐踞東鄉豐城爲巢衆數萬官軍莫敢擊出掠羅家壩團勇不習戰思舉見賊前鋒數百詭呼曰數十人耳衆氣倍擊走之游擊羅定國使偵豐城還報請率死士夜擄之官兵外應可一舉滅定國以爲狂思舉憤獨携火藥往乘烈風燔之賊黑夜相蹂殺走顛巖踏死無算遂奔南壩場是役一夫走賊數萬聲震川東總督英善給七品軍功隸副都統佛住川賊以羅其清冉文燾徐天德

清史稿

列傳一百三十四

六

王三槐爲最強徐王二賊合窺東鄉思舉請佛住嚴備勿聽乃爲知縣劉清說其清降知其詐馳歸則賊已陷東鄉狀佛住清亦拔營去時嘉慶二年正月也調苗疆凱旋兵猶未至總兵索費音阿率甘肅兵來援用思舉策紮營大團堡開壕樹柵埋火藥誘賊入誦之遂奪金峨寺賊巢復東鄉賊竄重石子香爐坪德楞泰明亮並以兵會思舉請仍如破豐城事德楞泰壯之隻身夜入賊營會大雨火藥不燃賊覺懼而遁自是常將鄉勇分路爲奇兵與官軍犄角或爲前鋒殲孫士鳳於淨土庵又敗賊於峨城山皆以火攻劫營獲捷時川賊與襄陽賊齊王氏等合雲陽教黨亦起應獲謀知王三槐將赴陳家山即假所獲賊旗夜馳往聲言白號賊至賊下山迎悉誘殲之禽賊首高名貴其黨張長庚覺而奔追斬甚衆擢千總三年總督勒保誘禽三槐其黨冷天祿踞安樂坪環攻不下召思舉往夜率死士焚其巢將明殿旅出大呼曰我豐城劫寨羅思舉也賊膽落潰圍走思舉戰績至是始上聞擢守備德楞泰圍羅其清等於箕山復召思舉問計思舉相地勢曰賊各隘皆壘石守惟山後懸削數十丈必恃險乏備

若官軍攻於前使不暇他顧我率勇敢者梯而上可擄也如其言夾擊大破之
 徐賊四逸思舉料其必走方山坪率鄉勇先往伏坪後越數日賊為官軍追擊
 果至禽斬幾盡遂獲其清四年其清餘黨踞東鄉四季坪從提督七十五破之
 秋敗賊巴州豆真坡又援田朝貴於鐵爐山五年春德榜奏勦冉天元於川西
 檄思舉率鄉勇三千赴軍戰青龍口賊踞山險選精銳九十人夜薄賊巢破之
 賊分趨農安將入陝思舉獻計請致書額勒登保約守陽平關易裝潛入賊卡
 殺二賊眾追捕乃棄所資書逸出賊果不敢前回竄江油思舉先驅深入伏起
 奮鬪而賊以搖牌禦矢銃困德榜奏於馬蹄岡急趨救使鄉勇人取石亂擊毀
 搖牌會冉天元馬蹶就禽賊瓦解賊旗追逐餘匪斬雷士旺攻鮮大川於天
 寨子山險不能上德榜奏遣箭手五百助之令伏巖下先以鄉勇誘賊俟播石
 且盡仰射箭落如雨賊退避遂克之思舉手禽賊六十餘人德榜奏詞其輕生
 聲色俱厲思舉跪謝良久出則冠上已換花翎由是深感德榜奏樂為盡力尋
 從勒保防嘉陵江七十五以桂涵新收調思舉代領所部鄉勇擢都司六年殲

清史稿

列傳一百三十四

七

張士龍於鐵溪河擊援賊陳天奇陣斬之賜號蘇勒芳巴圖魯擢游擊自是轉
 戰老林饑不時至煮馬糲嚼賊肉以追賊七十五下急屢為賊所窘賴思舉
 援救得捷既而七十五坐事逮德榜奏攻苟文明於瓦山溪賊踞楠木坪三戰
 不克召思舉率鄉勇至皆衣狗皮草履人笑為狗兵夜越後山伏一戰破之
 殲苟朝獻苟文學眾詔曰勾兵破賊矣始補給饜製衣履擢參將七年迭敗度
 向瑤於風峒子萬古樓破齊國點於通江殲張天倫魏學盛於巴州秋擊劉朝
 選於仙女溪遁鞋底山禽之又借羅聲皋禽張簡羅道榮於巴州冬唐明萬軍
 大甯追至石柱坪賊方食奮擊大潰禽明萬仁宗以明萬剿賊久稽誅特詔嘉
 賚諸賊漸就殲除搜捕南山餘孽兩年始清擢太平協副將十年德榜奏勦甯
 陝叛兵檄思舉赴軍尋就撫盡釋歸伍思舉曰兵變殺將陷城破官軍亂無大
 於此者反賞是勸叛也何以懲後請誅首逆以申國法諸將不可後川陝兵果
 數叛十一年思舉攻西鄉叛兵斬首逆於陣風稍息署川北鎮擢涼州鎮總兵
 未之任調重慶鎮二十年中瞻對番酋洛布七力叛夾河築碉總兵羅聲皋不

能克許其降以專擅遣戍命思舉進勦克四峯洛布七力就殲請分其地以賞
 上下瞻對諸出力頭目事乃定道光元年擢貴州提督歷四川雲南湖北提督
 十二年湖南江華錦田寨搖趙金龍為亂與長甯趙福才糾合九冲搖肆掠提
 督海凌阿戰死勢益熾詔總督盧坤偕思舉討之至永州議退賊南竄斷其西
 道州零陵祁陽山徑進兵兜擊於是驅諸搖出山皆東竄甯洋泉鎮檄各路
 進逼合圍四月大破之金龍中鎗死禽其妻子及死黨數十賜雙眼花翎予一
 等輕車都尉世職時命尙書禧恩督師未至軍先三日奏捷禧恩方貴龍用事
 怒其不待盛氣陵之思舉曰諸公貴人多顧忌思舉一無賴受國厚恩至提督
 惟以死報不知其他禧恩無如何則詰金龍死狀虛實思舉獲其屍及所佩印
 劍木偶為證乃止二十年卒於官賜太子太保諡壯勇子本鎮襲世職思舉既
 貴嘗與人言少時事不少諱檄川陝湖北各州縣云所捕盜羅思舉今為國宣
 勞可銷案矣再入覲仁宗問何省兵精曰將良兵自精宣宗問賞罰何由明曰
 進一步賞退一步罰皆稱旨晚年自述年譜川中殄諸劇寇多賴其力功為人

清史稿

列傳一百三十四

八

掩軍中與二楊並稱楊芳於諸將少許可獨至思舉以為烈丈夫嘗酒酣袒身
 示人戰創班班為父母到股痕凡七其忠孝蓋出天性云同時起鄉勇者桂涵
 名與之亞包相卿較後出亦至專閩涵亦東鄉人少恃勇橫行鄉里亡命出走
 繼歸與思舉同應募為鄉勇父天聰聚族黨屯礮子山賊數為涵所窘欲報之
 萬眾來攻涵率壯士伏隘誘賊入空寨痛殲之嘉慶二年從朱射斗攻金峨寺
 賊突出圍涵於山峒火熏水灌皆不傷反多斃賊賊乃走尋戰淨土庵借思舉
 陷陣大破之徐天德黨眾幾盡殲同里聞其屢捷爭來投効德榜奏明亮特編
 涵字營使涵領之擢千總由是知名三年大軍圍安樂坪冷天祿詐降出走涵
 偵知之伏兵於方家壩魚鱗口賊至伏發禽斬甚眾擢守備四年從德榜奏追
 賊入陝每由間道出賊前與官軍夾擊數捷又從朱射斗殲包正洪於雲陽盧
 花嶺從七十五破賊建於開縣火峯寨手禽建以獻擢都司五年復從射斗破
 賊雲陽禽其渠李甲縱歸招出黨眾數百人自是降者日至既而改隸勒保軍
 始與思舉分路轉戰川東西所至有功累擢游擊六年從阿哈保追湯思蛟於

墊江賊夜走涵洞竊寇且死關請先伏魏家溝俟其至突擊大破之又從薛大烈追李彬冉天士於通江至小中河大雪賊不爲備涵率鄉勇夜半薄賊壘與官軍四面乘之賊奔曠野勁騎踏盡殲焉彬遁未幾爲劉清所獲自七年後復偕思舉徧歷老林搜勦匪累遷夔州協副將九年秋從經略參贊圍餘匪於太平火燒梁山峻無路涵議守此相持雖數月無如賊何山下小溪通民峒賊久困必出劫喇糧請以步卒伏山後賊果以驍銳千餘潛出諸將皆死戰半日殲之前山自潰遂殄滅淨盡川陝肅清十一年冬綏定兵叛涵在梁山聞變慮本部兵與通軍騎馳入郡城聲言越兩日出兵密令弟吉出募鄉勇舊部爲一隊約期合攻時賊踞景市廟將往麻柳塢涵至令急赴景市廟中途改趨麻柳塢距賊數里止隊入深箐謀報賊踰千且至吐曰安得有此衆戒毋輕進毋漏言涵至既而賊自山衝下三進三退乃突起擊賊而弟吉已率五百人據山頂賊大潰禽首逆王德先叛兵起事甫五日一鼓平之賜號健勇巴圖魯十三年署重慶鎮尋授川北鎮總兵十九年擊三才峽匪黨吳抓抓等於沔縣走之

清史稿

列傳一百三十四

九

川北獲安道光二年擢四川提督果洛克番匪劫西藏堪布貢物命勦禽首逆曲俊父子被優賞在任十載遇番夷蠢動兵至輒定十三年討越嶲夷匪連戰皆捷忽遘疾卒於軍優卹贈太子太保諡壯勇子三人並晉官秩相卿鄰水人嘉慶六年以鄉勇隸松潘鎮標常從思舉擊陳朝觀於通江龍鳳垭追賊受矛傷裹創力戰七年破張天倫於巴州金子寺相卿斬天倫穀子山下給藍翎八品頂戴又殲張簡唐明萬功皆最十年思舉偵襄賊王世貴謝應洪匿太平老林檄相卿緝捕殲之授千總十二年勦瓦石坪叛兵擢守備累遷廣元營游擊十三年調征臺灣會峨邊越嶲探夷叛命回川從提督楊芳赴勦攻克喇嚕哇夷踞曲曲烏斯坡相卿梯絕壁牽挽負礮而上破之進燬巴姑賊寨擢參將十五年猱夷復叛攻克峨邊十三支夷巢破越嶲沈啞夷抵濠田壩兩廳叛夷悉降累遷懋功協副將勦馬邊夷禽其渠加總兵銜再署建昌鎮總兵總督鄂山寶與皆以邊事倚之十九年病歸卒

論曰川楚之役竭宇內之兵力而後定之材武驍猛萃於行間然攻無不勝攻

無不取者厥惟二楊及羅思舉爲之冠遇春謀勇俱絕劇寇半爲所殲思舉習於賊情地勢險阨強梁非其莫克至於忠誠忘私身名俱泰遇春際遇之隆固爲稀覯而思舉以藪澤巢傑終保令名煥於旂常矣鄉兵出平鉅寇亦自其爲始云

清史稿

列傳一百三十四

十

清史稿

列傳一百三十五

賽沖阿

札克塔爾

薛大烈

馬瑜

賽沖阿赫舍里氏滿洲正黃旗人雙雲騎尉世職充十五善射授健鋒營參領征臺灣力戰賜號斐雲額巴圖魯圖形紫光閣歷吉林三姓副都統嘉慶二年率吉林兵赴四川始終隸德楞額下張漢潮等竄平利敗之澍河口又敗之大甯黑虎廟追齊王氏姚之富入甯羌山中要之羅村壩以勁騎衝賊陣往來擊射大破之三年春破高均德於洋縣金水鋪追至安子溝賊夜突營偕總兵達音泰躍壘而出斬賊千餘齊姚二賊復與均德合擾安康師次判官嶺賊隱深林遣數百人誘戰賽沖阿鼓勇先入敗之賊走山陽截擊於壩店遂與明亮德楞泰三路進逼大破之於郿西三岔河齊姚二賊投崖死叙功被珍寶四月分勦均德於華州連敗之洋縣茅坪關西溝均德合諸賊奔渠縣大神山

清史稿

列傳一百三十五

會諸軍克之自秋徂冬迭克箕山大鵬寨青觀山遂禽羅其清冉文儔功皆最四年夏敗徐天德於開縣旗桿山敗張天倫於太平修溪壩秋龔文玉踞夔州八石坪從德楞泰進攻破賊寨追敗之竹谿大禾田龔文玉冬擊高均德於大市川遂破高家營禽均德進兵川北殲張金魁於通江空水河禽符日明等於廣元野人村復移軍川北迭敗苟文明鮮大川於貓兒梁馬家營五年春從德楞泰由陝回川西擊冉天元於江油新店子又大戰馬蹄岡並深入遇伏先挫後勝天元就擒詳德楞泰傳乘勝破賊劍州李家坪石門寨俄而張子聰雷世旺犯蓬溪圍成谷太和仁和仁義四寨借溫春往援斬世旺破冉天泗王士虎於南江長池壩破鮮大川苟文明於岳池新場擢固原提督命赴陝專勦高天德馬學禮諸賊德楞泰素倚吉林馬隊賽沖阿尤得衆心士卒聞其將去環跪乞留累疏陳狀請權緩急暫留川允之秋從德楞泰擊趙麻花王珊於雲陽寒池壩濫泥溝並殲之冬敗楊開第李彬齊國諷於觀音河六年春破高天升於鎮安野雞坪殲之又破唐明萬等於和岡溪進至黃花廟賊夜犯營奮擊潰走

夏從德楞泰擊徐天德樊人傑等於白河黃石坡禽陳朝觀借溫春破天德於甯陝兩河口暨之於紫陽仁和新灘天德赴水死授西安將軍謀報龍紹周由川入楚率勁騎躡擊先俘其妻子復殲其兄紹華弟紹海至平利岳家坪冒雨雪縱兵衝踏陣斬紹周併蕭四餘匪盡殲之予騎都尉世職冬迭破劉朝選於東鄉土黃壩奉節大甯邊境七年春又大破之潘家槽禽斬殆盡朝選僅以千餘人逸敗宋國品於梁山柏林槽禽席尙文於東鄉袁家壩與勒保部將夾擊陳自得於大竹鄰山大破之調甯夏將軍夏從德楞泰赴楚勦樊人傑人傑與蒲天寶相犄角迭敗人傑於雞公山譚家廟又克天寶於大壩口人傑竄平口河腦自黃茅壩進逼之無去路人傑投河死額勒登保檄赴陝駐太平河截勦川楚竄匪是冬大功戡定詔論諸將戰績以賽沖阿與楊遇春居最予輕車都尉世職九年調西安將軍命偕德楞泰檢捕南山殘匪隨同奏事尋以遲延降騎都尉賊平還舊職調廣州將軍十一年春海盜蔡牽犯臺灣命副德楞泰往討會率李長庚擊走乃專任賽沖阿為欽差大臣提督以下受節制專責專辦陸路至則鳳山已復南北兩路僅餘客匪請停調兩粵福州駐防兵水師責成李長庚陸路責成許文謨詔嘉其曉事調福州將軍秋率復入鹿耳門檄鎮將擊沈賊艦十一獲船十禽賊目林略等十二年蔡牽朱清皆竄甌乃赴本官十四年調西安尋調吉林十六年入覲途見岫巖復州流民奏下副都統松霖安撫會松霖疏請驅逐流民出境詔斥其誤命如賽沖阿所議行十七年調成都將軍二十年勦陝西南山匪連破之木竹壩太陽灘進薄漢北凡兩月肅清封二等男爵賜雙眼花翎二十一年廓爾喀與披楞構兵互請援命賽沖阿行邊防之而已誤會上旨馳檄諭詰復請越境督以兵威詔斥貪功構讒奪雙眼花翎降二品頂戴尋以兩國言和復之二十二年召為正白旗漢軍都統御前大臣領侍衛內大臣尋授盛京將軍二十四年復召為理藩院尚書兼御前諸職如故宣宗即位加太子太保賜紫綬管理咸安宮蒙古唐古忒忒諸學道光元年出為西安將軍三年入祝萬壽賜宴玉瀾堂列十五老臣繪像御製詩褒之四年召授內大臣鑲藍旗蒙古都統充總譜達六年以疾乞休尋卒贈太

清史稿

列傳一百三十五

子太師命皇子賜奠諡襄勤子額圖渾三等侍衛孫特克慎襲男爵坐事除名
曾孫清福襲官四等侍衛溫春默爾丹氏滿洲正黃旗人由拜唐阿累擢三等
侍衛從征廓爾喀乾隆五十九年高宗幸南苑行圍以殺虎超擢頭等侍衛明
年從征苗疆連克蘇麻寨大烏草河賜號克爾巴圖魯大戰尖雲山與總兵達
音泰分將左右軍晝夜鏖鬪遂復乾州苗平從德榜泰赴四川嘉慶二年敗賊
東鄉馬耳溝又敗齊王氏姚之富於夔州白帝城加副都統銜充領隊大臣駐
守竹谿平利賊來犯並却之李潮張世虎餘黨走渡漢率索倫騎兵蹙之於中
流殲賊千三年破高均德殲齊王氏姚之富破羅其清冉文儔四年破張天倫
禽巽文王禽高均德諸役皆與賽沖阿同爲軍鋒名績相埒方高家營之未破
也賊扼大市川倚險抗拒鼓勇先登馬蹶易騎而上殺賊獨多詔特嘉之五年
授正紅旗蒙古副都統江油新店子及馬蹄岡之戰並分當一路瀕危克捷冉
天元餘黨與張子聰度向瑤等合竄潼河西岸追及渡口殲其後隊千餘迭敗
賊於蓬溪中江秋借賽沖阿擊鮮大川於新場借薛大烈擊湯思蛟於倒流水

清史稿

列傳一百三十五

三

從勒保擊度向瑤於長壩皆捷六年借賽沖阿殲徐天德其秋擊龍紹周於湖
北境紹周合衆萬餘已進和岡溪後隊攻天平寨誘戰而伏千賊截官軍後賽
沖阿擊攻寨者溫春扼溪口以要伏賊遂入峽攻其中堅大敗之追斬紹周於
岳家坪子雲騎尉世職七年借賽沖阿敗劉朝選於土黃壩分兵破度久正於
潘家槽禽之又借賽沖阿破樊人傑於平河口腦陣斬其弟人禮及二子人傑
走死是年功茂被優賞凱旋授虎槍長正紅旗護軍統領十一年甯陝兵變赴
陝協助十五年充烏里雅蘇台參贊大臣行抵烏蘭博木圖病卒帝憫之命其
子護喪歸予祭葬子烏凝襲世職官至護軍參領色爾滾莫爾丹氏黑龍江正
黃旗人由打牲兵襲佐領從征廓爾喀以功賜號托默歡巴圖魯總管嘉
慶二年從德榜泰勦教匪三年殲齊王氏姚之富於鄧西受槍傷擢協領合攻
箕山破賊於順水寺郭家廟廖家碛及賊由青觀山敗竄要擊於濠子灘禽羅
其清又敗冉文儔於麻壩寨四年春擢總管從德榜泰入陝破高均德於大市
川禽之色爾滾戰功居最五年從戰馬蹄岡冉天元負創逸追至包家溝天元

就禽又敗賊於石門寨風如井鐵山關加副都統銜夏截擊劉朝選於東鄉茨
竹林躡擊張子聰等於九亭場進搗通江長池壩冉天士賊巢皆敗之秋勦鮮
大川苟文明於巴州元口鎮沿江兜截與大軍合擊斬賊渠吳耀國鮮文炳禽
苟文禮又擊湯思蛟趙麻花於茅坪倒流水冬殲麻花於大禾田被獎叙六年
從德榜泰入陝禽巽如一高天升合擊龍紹周徐天德先後禽殲冬擊苟文明
於槽子溝陷陣被創七年從德榜泰追樊人傑入楚驄三百里繞其前又借蒲
尙佐破蒲天寶於鮑家山徒步入賊巢天寶走死詔嘉其奮勇命在乾清門侍
衛行走又殲戴仕傑於興山施家溝八年搜勦餘匪肅清被優叙歷阿勒楚克
副都統伊犁領隊大臣十四年叛兵蒲大芳等在戍所煽亂將軍松筠令色爾
滾往誅之詔嘉所使得人召京授鑲藍旗蒙古副都統歷伯都訥阿勒楚克副
都統十八年命協勦滑縣教匪李文成遁設伏白土岡敗之賊固守司寨毀垣
入登樓殺賊文成自焚死加都統銜子雲騎尉世職歷黑龍江副都統呼倫貝
爾辦事大臣道光七年乞病給全俸十三年卒賜金治喪諡壯勇子明晉孫濟

清史稿

列傳一百三十五

四

克扎布襲佐領兼雲騎尉蘇爾慎蘇都里氏滿洲正黃旗人黑龍江馬甲從征
廓爾喀嘉慶初從德榜泰勦教匪積功授三等侍衛改隸京旗五年馬蹄岡之
戰初不利德榜泰勸山上賊至馳下奮擊蘇爾慎射冉天元馬應弦倒天元就
禽賊遂大潰論功最擢二等侍衛乾清門行走其冬攻大壩口陷陣被創賜號
西林巴圖魯六年戰紅花塔鱒魚埡追賊至陝境黃石坂首先躍馬衝入賊陣
禽賊渠胤士應方文魁尋殲徐天德樊人傑苟朝獻戰皆力七年破鳳皇山鷄
公梁桂林坪先登奪隘軍中號爲勇敢凱旋擢頭等侍衛十八年林清黨犯禁
城聞警入首先殺賊加副都統銜命爲領隊大臣率巴圖魯侍衛赴山東勦教
匪詔稱其材武出衆可當百人愛惜之戒勿步戰破曹州武定賊巢十一復借
提督馬瑜破賊於滑縣潘章村禽賊目郭明山事定回京授鑲紅旗蒙古副都
統充上書房諸達二十四年上幸熱河乘馬蹶蘇爾慎控止之擢鑲藍旗蒙古
都統道光元年隨扈昌陵馬逸突乘輿降藍翎侍衛逾年以二等侍衛休致未
幾卒贈副都統銜阿哈保鄂拉氏滿洲正黃旗人由司書護軍授侍衛從征臺

灣解諸羅園禽林爽文賜號錫特洪阿巴圖魯圖形紫光開繼從征廓爾喀擢二等侍衛苗疆事起轉戰最力論功居上等迭擢頭等侍衛正黃旗蒙古副都統嘉慶二年命率吉林兵赴襄陽借景安勦教匪擊賊於獨樹塘楓樹坳禽斬甚衆三年追賊入川合攻大神山分克插旗山卡賊盡殲之四年合擊徐天德於渠河又破之於譚家壩賊大潰冬設伏白水稠臘賊千餘被獎叙五年冉天元等犯川西禦之場院失利責領新到貴州兵載罪立功從德楞額擊天元獨富火石壩一路先收後勝冬借薛大烈擊楊開第於安仁溪山梁追越大山數重至兩台山所過賊寨皆下開第伏誅被優擢御前侍衛六年秋復借大烈擊青黃藍三號賊於巴州石梁山分路設伏夜襲之殲賊二千餘授正紅旗護軍統領並賜其子阿顏托克托爲藍翎侍衛搜勦老林禽老教首鄧金祥子雲騎尉世職尋合擊高見奇等於大茅坪因病赴建州醫療七年召回京遣歲以扈駕神武門陳德突御輿失於防護職予副都統銜在乾清門行走歷正白旗蒙古副都統正紅旗護軍統領十年病加都統銜遂卒依都統例賜卹子阿

清史稿

列傳一百三十五

五

顏托克托襲世職兼三等侍衛
 綸布春羅佳氏滿洲鑲白旗人以黑龍江學團駐京授司書從征廓爾喀苗疆賜號色默爾亨巴圖魯累擢二等侍衛嘉慶元年襲創克驪馬阿險隘加副都統銜平隴賊寨尤固綸布春從獅子坡入囊土填壕毀墻柵出間道撫其背大軍進薄石隆遂禽石柳鄧二年苗平從額勒登保勦湖北教匪破林之華於芭葉山追賊紅土溪鐵嶺坡羅錫圍迭敗之授鑲藍旗蒙古副都統三年禽單加耀於終報寨移軍入川敗高均德於野豬坪擊李全等於紫溪嶺賊走湖北額勒登保自漢江下襄陽令綸布春將騎兵由陸出平利遇張漢潮於南漳敗之於菩提河孟石嶺殲賊數千尋漢潮與詹世爵李槐合衆可二萬借明亮扼之清池子山口漢潮先遁世爵槐於隘口抗拒綸布春以勁騎截擊木石並發賊窘多觸崖死世爵槐並殲焉秋從額勒登保擊高均德於吳家河口賊自林中出矛傷左腦力戰敗之進攻張公橋禽漢潮子正澹及劉朝佐等四年春械送諸賊至京命借侍衛十八人解饒回川坐報侍衛等患病失實降黜未幾敗漢

湖於黃牛鋪諸軍合擊之張家坪漢湖就殲綸布春獲其屍擲乾清門侍衛迭破餘賊於教場塢藥塢茨溝板房子那彥成疏陳戰績超衆屢詔褒賞五年隨那彥成出寶雞遇白號賊北犯破之於龍山嶺授鑲黃旗蒙古副都統黃號賊分屯連營十餘里綸布春潛師先破八里灣回擊牛灘嶺賊傍秀金山列隊以拒徑衝入陣手刃數賊遽却進援狼卡寨扼石峽口夾擊大敗之夏借穆克登布擊楊開甲於七盤溝而高天德馬學禮犯漢中提督王文雄戰死詔責綸布春專勦敗之於白溪俄冉學勝渡漢北將與伍懷志合借總兵汪啟邀擊於留壩又會諸軍敗之於太吉河魚洞河六年春以追勦學勝久無功被劾職以馬甲留營効力從穆克登布擊伍懷志於五郎鐵鎖橋率三十人先驅衝敵殺賊數十賊據山拒關躍登橫擊賊衆披靡追擊於紅水河徒步奮戰奪山梁詔嘉其愧奮授藍翎侍衛復借穆克登布驍賊偵知潛匿老林一層窺地險絕督兵接升而上懷志與黨六七十人惶急投崖下爲綸布春所獲授二等侍衛復巴圖魯其冬病卒於漢中依頭等侍衛議卹格布舍鈕祜祿氏滿洲正白旗人父

清史稿

列傳一百三十五

六

薩克丹布以吉林新滿洲留京爲前鋒乾隆中從海蘭察征石峯堡臺灣有功累擢三等侍衛賜號伯奇巴圖魯圖形紫光開又從額勒登保征苗疆擢二等侍衛遂從勦教匪破芭葉山其大金坪抱窩山兩戰尤力以病解軍事久之始卒臨歿仁宗念前勞加副都統銜格布舍亦起前鋒累遷三等侍衛隨父赴苗疆平隴之役從額勒登保克嚴人坡大壩角諸寨賜號庫奇特巴圖魯及赴湖北黃柏山戰頗有功又殲逃賊於巫山嘉慶四年殲冷天祿奏請將功格布舍第一上夙知其將門子善用鳥槍特嘉經略所列公允加副都統銜五年借楊芳夾擊楊開甲於兩岔河陷陣被創墜馬躍上再戰追斬其衆子恩騎尉世職又借楊遇春殲伍金柱宋輔官六年禽王廷詔及高天德馬學禮功皆最晉雲騎尉世職其冬擊辛斗於黑龍洞七年從額勒登保追勦荷文明冒雨深入老林文明就殲留川陝邊界檢捕殘匪凱旋授正黃旗漢軍副都統乾清門行走十二年出爲伊犁領隊大臣尋授甯夏副都統召還授鑲紅旗漢軍副都統十八年命往河南勦教匪將行值匪犯禁城急入捕賊被優獎命充領隊大臣率

火器營赴軍迭敗賊於道口進圍滑縣收援賊於城北掘東門隧道為賊覺復據西南隅穴成火發格布舍仍攻東門以雲梯先登獲賊目徐安國於地窖擢御前侍衛子騎都尉世職遷正藍旗護軍統領坐失察部下私携俘獲子女議褫職帝曰格布舍出兵時聞警由德勝門奔赴大內朕不忍負之改留任子副都統銜頭等侍衛在大門行走既而直乾清門帝閱步射中三矢賞黃馬掛擢甯夏將軍道光初回疆軍事起命駐哈密為聲援調烏里雅蘇台將軍移師守吐魯番八年召為正白旗蒙古都統復出為甯夏將軍十年卒諡昭武子秀倫襲騎都尉

札克塔爾張氏滿洲正黃旗人初金川土番也父為索諾木所殺年未二十密獻入番路徑於將軍阿桂隨征洮羅守備高宗憐之命隸內務府旗籍擢二等侍衛乾清門行走兼正白旗蒙古副都統嘉慶四年從尙書那彥成赴陝軍擊高天德馬學禮於灰峪林又擊川匪於龍草坪五年借給布春夾擊白號賊於秦安龍山鎮禽賊渠余禮等賜號瑚爾察巴圖魯又借擊王廷詔楊開甲於牛

清史稿

列傳一百三十五

七

蹶鎮由山梁馳下馬蹶復起力戰大破之遷鎮白旗護軍統領那彥成破張天倫於岷州林家鋪轉戰鞏昌文縣賊據河岸且擊且濟逼賊郭家山自中路仰攻禽高天德子狗兒又借給布春破伍金柱楊開甲於分水嶺是年夏召那彥成還京札克塔爾留聽額勒登保節制每戰猛銳無前軍中號曰苗張楊開甲等竄湖北問道邀擊於鄖西黃窩鋪禽斬千餘子恩騎尉世職借楊遇春破伍金柱於手板屋銅錢營殲楊開甲於茅坪詔以是役得其分擊之力優予賚敘諸賊循渭東竄札克塔爾邀擊於寬灘乃折趨棧道帝厲陝事急趣其還軍乃借慶成駐襄城西鄉兼顧川楚竄匪高天德馬學禮漢從額勒登保鈔載屢敗之六年元旦破賊五郎坪踞伍懷志餘黨於瓦子溝禽教首彭九泉遇賊南鄭狼渡破躍馬衝賊為二禽其渠王浚高夏追冉學勝於棧東夜襲黃安場賊營破之借楊遇春夾擊於天池山突占山梁禽其黨陳學文追敗之竹谿草鞋峽賊竄陝又借遇春夾擊姚馨佐曾芝秀於南唐嶺劉家河口諸賊尋與學勝合又敗之孫家坡渭子池與遇春同被襲獲七年從額勒登保追剿苟文明

賊匿太白山老林瞭於山巔軍至即遁札克塔爾以圍捕非計撤辛峪口兵勝之果出晝夜追奔扼其三而借楊遇春夾擊於鎮安石門清賊復竄老林屢出屢入詔斥曠日持久被職留任歷數月獲文明妻子始復之八年凱旋充奏事處領班扈駕回宮入神武門有男子陳德突犯御輿札克塔爾手禽之封三等男爵十一年甯陝兵變從德楞額往勦戰於方柴關不利既叛兵就撫德楞額以震懾乞降奏上召札克塔爾詢狀斥其隱飾褫職留男爵回四川以副將用尋予副都統銜充科布多參贊大臣十三年召還授護軍統領兼武備院卿十七年卒賜金治喪子常安襲爵桑吉斯塔爾滿洲正黃旗人亦四川土番應募征金川歷石峯堡廓爾喀之役賜號察爾丹巴圖魯累擢頭等侍衛改隸內務府滿洲嘉慶四年與札克塔爾同赴陝軍迭敗張漢湖於黃牛鋪二郎壩洵陽壩追漢湖就殲加副都統銜連擊教場壩大壩韭菜坪並下之五年隴山鎮林江鋪郭家山諸戰皆與札克塔爾俱又獲劉允恭於陝境大中溪敗伍金柱於鎮安手板屋被優叙尋金柱為楊遇春所殲其餘黨西走要其去路躡追自文

清史稿

列傳一百三十五

八

縣甯羌至龍安擊之賊竄打箭鎗寨山徑險隘棄馬徒步及於窄口子痛殲之分兵擊木蘭溝伏賊僅存二百餘人遁三岔河與冉學勝合詔斥遲留額勒登保為疏辯得自六年借札克塔爾迭敗賊於狼渡礮天池山孫家坡賊自孫家坡敗竄桑吉斯塔爾設伏楊柏坡以待禽斬幾盡高見奇就誅被獎叙是冬召回京八年借札克塔爾捕陳德子騎都尉世職十一年率巴圖魯侍衛赴甯陝勦叛兵及還坐召對遲到降頭等侍衛尋授正藍旗漢軍副都統十八年率火器營赴滑縣勦賊以火攻克城先登復在御前行行走坐軍中携俘童當黜原之又坐事褫副都統仍以頭等侍衛乾清門行走二十三年卒賜金優卹子策楞訥爾三等侍衛襲騎都尉請葬父於近京允之賜葬資焉

馬瑜甘肅張掖人祖良柱官四川松潘鎮總兵遂寄籍華陽瑜少以武生入伍從征廓爾喀苗疆累遷游擊嘉慶元年赴達州勦教匪戰大圍堡安子坪數有功賜號達春巴圖魯三年從德楞額泰燾齊王氏姚之富於鄖西瑜問謀功居多擢參將擊高均德於維南鐵釘壩賊奔就冉文燾合圍大神山諸軍合擊瑜攻

其東克之及攻大鵬寨瑜冒雨燬其南門四年春文儒就禽授四川督標副將從德榜奏入楚禽高均德尋赴援陝廿五年春復從德榜奏回川西擊冉天元戰江油新店子進攻重華堰深入火石埡瑜分路助擊有功追賊石門寨開封廟至嘉陵江岸迭敗之又設伏收藍號匪於七孔溪克長池壩賊巢擢貴州安義鎮總兵調重慶鎮瑜祖故溫福部將勒保與有舊甚倚之又久從德榜奏為翼長軍事多所贊畫八月白號度向瑤竄長壩將渡河瑜率步騎掩至蹙之向瑤赴水逸六年春徐天德自洵陽北竄留後隊於峪河口前隊奪渡漢江追及乾溝禽斬千餘賊奔鎮安雪夜間道出野豬坪要之時龍紹周分黨入太平老林自率大隊赴楚欲與天德合蹙之竹山官渡河夜聞追騎聲爭赴水漂溺泰牛夏從德榜奏追天德破之黃石坂進逼昆河鋪賊勢瓦解天德竄死河灘遂偕賽冲阿等追紹周入川戰菜子埡雲霧溪皆捷賊西趨陝冬殲紹周於平利岳家坪於是黃號略盡又敗賊於通江劉家壩俘獲甚衆七年春師次巫山十二峯檢捕線號殘匪夏擊樊人傑等於東湖鷄公山梁又敗蒲景於大壩口人

清史稿

列傳一百三十五

九

傑走死冬追賊老山施家清山徑險陔徒步而入禽其渠趙鑑殲餘匪於中子洋偵巴巫界上有匪匪月夜擄其巢悉殲之被獎賚時賊勢窮蹙瑜自巫山向北搜剿八年禽王三魁於馬家壩三槐之弟也會楚匪復逼入川借色爾滾破之鎗盡窩餘匪殆盡三省設防瑜駐川界徐家壩擊陝境逸匪殲之九年擢江南提督調雲南皆未之任留辦善後殲湖北竄匪苟文華等被優賚尋坐添紫城疏防奪巴圖魯花翎率兵二千入老林追賊攻克鳳凰寨禽斬數百既而苟文潤就殲復花翎勇號十年赴本官歷江南直隸提督十八年從軍駕幸熱河校射中三矢賜黃馬褂其秋滑縣賊起命借總督溫承惠進剿破南湖北湖賊進擊道口尋赴開州搜捕燬潘章李家莊袁家莊諸賊巢事平優叙十九年調江南坐事左遷徐州鎮總兵調兗州鎮二十四年復任江南提督未幾卒以前勞優卹諡壯勤蒲尚佐四川松潘人由行伍拔補千總從征苗疆累擢游擊嘉慶二年從德榜奏殲齊王氏姚之富於鄖西賜號勁勇巴圖魯克箕山有功擢參將五年偕馬瑜合擊藍號賊於陡坎子山大破之擢四川維州協副將圍趙

麻花於石虎林賊夜突圍者三皆擊却次日盡殲焉被獎叙六年從德榜奏破高天升於洵陽江岸追至二峪河雪夜出山徑進攻天升就誅擢雲南鶴麗鎮總兵敗龍紹周於茅壩迭敗徐天德於廟坪黃石坂又追擊於川陝境上每戰輒獲數百遂躡入楚沿路搜剿及紹周為賽冲阿等所殲其餘黨竄竹山圍剿殲戮無遺七年從德榜奏轉戰川楚謀知樊人傑屯杉木嶺蒲天寶屯代峰別有賊屯雞公山為聲援先破之人傑走霧露河尙佐迎擊轉戰七晝夜斬獲無算天寶走富陽借色爾滾偵蹤追擊賊收殘衆屯興山桂連坪擊破之賊走踞鮑家山德榜奏衝其前尙佐等擊危崖繞出賊巢上痛殲之餘賊狂奔出山僅數百人竄入老林天寶被追急墜崖死被優賚兼乾清門侍衛又偕副都統富僧德殲賊仕傑於興山禽崔連樂崔宗和於房縣斬陳仕學於巴東八年青號富僧德伏兵爭赴水死禽大貴駐巫山搜捕餘匪賊氛遂淨十三年擢湖南提督調甘肅二十年以病解職歸卒

清史稿

列傳一百三十五

十

薛大烈甘肅蘭人由行伍從征臺灣廓爾喀累遷都司嘉慶二年從總督宜絲勦教匪由陝入川數有功擢游擊三年迭克賊於白沙河蘭場時王三槐踞東鄉安樂坪勒保令劉清招降清道劉星渠借二武員往留為質三槐偕至大營星渠密請禽之大烈爭曰舍守備千總二員易一賊要國體失軍心乃止越數日三槐復自來遂羈留而以陣禽上聞勒保受上賞大烈亦賜號健勇巴圖魯擢參將未幾擢四川提標副將充翼長善伺勒保意預請將勦陝軍中屬目焉五年擢川北鎮總兵勒保以罪逮魁倫代之諸將不用命賊益猖獗連渡嘉陵江潼河大烈偕阿哈保等禦之尋復起勒保督師從勦賊於保甯別賊自開封廟截大軍後路大烈擊却之借阿哈保扼嘉陵江賊不得渡被獎叙夏連敗白號賊於龍安鐵籠堡竹子山遂從勒保擊苟文明解高寺寨圍追賊循嘉陵江至石板坨德榜奏躡其後勒保繞其前賊分遁大烈掩擊餘匪於飛龍場盡殲之九月敗賊下八廟進扼倒流水會賽冲阿溫春兵至夾擊大破之殲湯思舉冬偕阿哈保破楊開第於渠縣安仁追奔百餘里至巴州兩臺山禽斬二千

餘開第逃入營山柏林場亂矛斃之六年春勦楊步青於大甯金竹坪乘雪進擊連敗之白馬廟大蓋頂樊人傑徐萬富屯儀隴碑寺寨借阿哈保夜襲之殲萬富賊奔川東追及之人傑跳崖遁散竄老林大烈進勦楊開第張漢湖餘黨拔九杵寨追擊於沙箕灣禽賊目李尊賢藍號曹世倫竄南江九嶺子借田朝貴合擊殲之夏青藍兩號賊竄東鄉犯仁和永興二寨師分三路入大烈由右蹙之華尖壩河濱殲苟文通鮮俸先又擊賊巴州石雙山道兵伏龍鳳埡自與阿哈保奮擊禽賊渠徐天壽王登高等詔獎賚授其子千總白號高見奇魏學盛合竄棧道大烈要之於大茅坪山半借阿哈保夾擊勦保督諸將自山頂下壓賊大潰見奇竄空山壩與冉學勝合屯南江盧家灣乘不備擊之禽學勝子雲騎尉世職冬敗白號賊於於達州盧洞寺又追敗之開縣禽黎朝順賊竄西鄉漁渡壩大烈裹糧追躡由陝入川敗之於通江羅村復借羅聲皋等尾擊之師次八臺山別賊圍趙家寨喇掩擊敗之又殲黃號餘賊於太平邀仙厓乘勝破八卦山殲賊渠李顯林七年搜勦老林連敗苟文明於雙河口圓嶺山禽其

清史稿

列傳一百三十五

十一

黨姚青雲額勒登保徵回勦川賊大烈乞病解職回籍九年病痊命在乾清門行走扈從墜馬道蒙古醫療治給頭等侍衛歲俸尋授天津鎮總兵擢直隸提督賞黃馬褂十一年從德楞額赴甯陝勦撫叛兵調固原提督明年借楊遇春平瓦石坪之亂予優叙調江南復調直隸坐爲子娶所屬守備女降天津鎮總兵尋授廣東提督復坐動用馬乾銀再降漢中鎮總兵調河北鎮二十年以隄工出力加提督銜卒於官錄前勞依提督例賜卹設喪格羅聲皋四川雙流人由行伍授把總從孫士毅赴湖北勦匪克旗鼓寨芭葉山擢守備嘉慶三年勦保調回四川四年從額勒登保破徐天德冷天祿累擢游擊五年授提標中軍參將破冉天士於南江長池壩賜花翎六年借薛大烈殲曹世倫追湯思蛟劉朝選入楚敗之於竹山柳林店青藍號賊擾東鄉借大烈敗之又借擊賊石雙山徐天壽就禽賜號濟特庫勒特依巴圖魯遂合擊高見奇禽冉學勝冬借張績禽蕭焜於太平黃號餘賊屯茨竹溝聲皋自花角圍進攻大軍繼之禽葛士寬等七年遷督標中軍副將充翼長張簡與湯思蛟合擾東鄉敗之於老生園

楊家壩借田朝貴兵合擊蹙之河濱賊爭赴水禽思蛟弟思武追禽汪貴於太平梧桐坪度向瑞竄東鄉鳳皇山借達思呼勒岱合圍殲其衆禽向瑞川匪漸清楚匪被勦急多竄川境借達思呼勒岱合擊殲賴飛龍於雲陽閻王碛又借羅思舉追賊巴州分兩路遁思舉禽簡聲皋獲思蛟於東鄉村店八年搜勦餘匪禽青號張朝龍李明學軍事大定赴達州辦理凱撤兵勇事宜十三年從勦保勦馬邊涼山夷匪克曲曲烏夷寨擢重慶鎮總兵調松潘鎮二十年勦中瞻對叛番克冷龍潘番會洛布七力守險未大創乞降受之以專擅礙職戍伊犁逾三年赦歸卒於家薛陞貴州畢節人以鄉勇勦神苗授把總嘉慶三年從勦保赴四川軍借羅思舉攻安樂坪攀援絕壁入賊營斬賊多進攻祖師觀夜伏手把巖下拔柵而登又從薛大烈設伏破撲營賊常爲軍鋒擢守備四年殲賊文玉包正洪陞皆從戰有功賜花翎五年兜勦川東竄匪陞率兵分駐黃草壩尋擊賊八石坪追至東鄉南壩場敗之軍駐蘆花嶺賊夜撲營先伏兵山洞伺擊賊大潰擢都司借桂涵破猴兒巖賊巢禽唐大魁六年從薛大烈擊賊巴州

清史稿

列傳一百三十五

十二

石雙山分路要截多有斬獲禽徐天壽於王家坪擢游擊七年從勦保殲張天倫遂從田朝貴防川陝邊界禽徐天培於徐羅壩殲楊呂清於白巖壩八年入山搜捕擊走苟朝九股匪於八百嶺擢雲南新營營參將軍事赴本官歷東川尋需參將十八年調勦滑縣教匪攻克南門擢副將尋回雲南二十三年從勦臨安夷匪授永昌協副將道光元年勦大姚夷匪擢鶴慶鎮總兵歷陝西河州鎮直隸大名鎮擢直隸提督調湖南十六年新甯縣生藍正楷習教拒捕犯武岡城鎮守兵滋事狀官事皆旋定吏議請級留任陞年已七十總督林則徐疏論其老於軍事而無振作未幾以楊芳代之調陞廣西提督二十二年英吉利犯廣東赴潯梧治防因病乞假歸尋休致以舊勞予食全俸咸豐元年卒諡勤勇

論曰額勒登保以楊遇春穆克登布爲翼長德楞額以賽冲阿馬瑜爲翼長勒保以薛大烈羅聲皋爲翼長觀偏裨之人材其成功可知矣是諸人者其後多膺軍寄一楊而外亦無赫赫功豈非材器有所限制哉勒保部將差弱蓋賴羅思

舉桂涵等鄉勇之力為多焉

清史稿

列傳一百三十五

十三

清史稿

列傳一百三十六

王文雄

朱射斗

穆克登布

富成

施籍

袁國瑛

惠倫

王文雄

王文雄字叔師貴州玉屏人由行伍從征緬甸金川擢至游擊洊升直隸通州協副將嘉慶元年調勦襄陽教匪從慶成戰劉家集梁家岡張家壩賜號法佛禮巴圖魯秋賊團鍾祥進擊破之擢南陽鎮總兵冬賊分竄河南命率兵二千回境防禦二年春敗賊禹山又敗之鄭家河追勦至裕州四里店值他軍與賊戰夾擊敗之夏息縣姦民張雲路倡亂馳勦即平秋仍赴襄陽時姚之富等逼南漳文雄駐軍五盤山扼其衝擊賊於白虎頭峽口聞賊竄陸坪分兵擊之追至羊角山斬其渠賊乃以數百人縋官軍潛趨南漳城文雄伏兵百步梯火之賊多墜崖死遂赴陝西河南界禦賊且防興安江岸三年春高均德自甯羌渡漢齊王氏姚之富乘官軍往勦借李全自西鄉洋縣分道踵渡掠郿縣盤屋西安戒嚴文雄馳援敗賊焦家嶺追至乾子村猝遇賊萬餘文雄兵不滿二千張兩翼待賊亦分左右來犯為火器擊退復分四路至又敗之遂悉馬步圍官軍數重文雄為圓陣外向賊以千餘騎猛撲令藤牌兵大呼躍出賊馬驚返奔追殺數千人斃其黨王士奇自是賊不敢北犯省城獲安詔以文雄當數倍之賊五戰所殺過當深嘉之立擢固原提督追敗賊於尹家冲其分竄朔峪澗峪者盡殲焉夏敗高均德於盤屋又敗阮正通於南鄭秋張漢湖由南鄭東南竄文雄冒雨疾馳兩晝夜追及於廉水墩賊踞山以礮仰擊之乃分馬步隊潛來鈔截三路迎擊斃賊千餘正通竄西鄉西流河而設伏於銅廠山梁文雄分兵破其伏自攻中堅禽張金等四年命與恒瑞分領總督宜縣所部兵專勦陝境竄匪秋敗苟文明於倒水洞連敗冉天元於沙田壩景山坪皮貨舖川賊龍紹周竄綠池壩欲應天元扼之貫子山別賊冒齊家營者來犯悉殲之黃號伍義蘭

清史稿

列傳一百三十六

一

藍號曾六兒踞老鷹崖分兵進擊禽其黨李智花等餘賊遁入川冬樊人傑唐大信竄西鄉文雄積勞嘔血力疾督戰溫詔慰勞尋黃號諸賊復自川入陝令游擊梁煥擊之遇伏幾殆馳救解其圍疾復作而賊之匿老林者潛出犯南鄭沔縣略陽欲渡嘉陵江詔斥疏防當治罪以病原之五年夏敗楊開甲於土門關唐大信踞西鄉節草埔大祥埔夜襲克之龍紹周與大信合敗之魏家寨又連敗之黑山萬曲灣大石壩山王廟賊遁入川未幾高天德馬學禮及戴家營賊竄西鄉堰口窺縣城迎擊敗之偵賊聚清屯法寶山夜偕副將鮑貴等分三路進賊擲石以拒文雄督眾仰攻突有騎賊從溝中出截其後山上賊出間道撲鮑貴隊急趨救賊乘勢悉眾下山鏖戰至午圍益急文雄被創十餘猶力戰左臂斷墜馬伏地北向呼曰不能仰報君恩矣遂卒仁宗震悼封三等子爵祀昭忠祠諡壯節諭慰其母賜銀千兩逾年獲賊文雄之賊馬應祥命傳首就其家致祭子開雲雙子爵官至山東鹽運使

清史稿

列傳一百三十六

二

朱射斗字文光貴州貴筑人幼讀書入伍從征緬甸金川功多累擢至都司果毅善戰為將軍阿桂所激賞洊升貴州平遠協副將乾隆五十年擢湖南鎮寧鎮總兵調雲南普洱鎮民苗雜處綏撫得宜邊氓翕服從征廓爾喀歷福建福甯鎮四川北鎮苗疆事起率本鎮兵赴勦迭克險隘平隴之戰潛師襲後山貫魚坡賊乃潰借額勒登保攻石隆寨伏溝下竊入斷其要路賊來爭奮擊盡殲遂斬賊魁石柳鄧賜號幹勇巴圖魯嘉慶二年春凱撤回川北王三槐踞金義寺合攻克之連破王家寨茨菇梁富成寨要擊於黃家山三槐中槍墜馬跳免合攻重石子香爐坪賊巢擊秋波梁竄匪殲之借總兵百祥攻羅其清冉文儒於方山坪敗走巴州射斗駐保甯詔以本鎮轄地責嚴守三槐撲天華山營力戰卻之又合徐天德分撲風門鋪角山茶店馳擊賊遁走二年其清竄儀隴雙路場借穆克登布追勦斬七百餘級其清等踞大鵬寨諸軍合攻射斗與恒瑞當其北賊冒雨突營出其後夾擊賊竄伏深溝悉禽之及賊由青觀山逸出追至方山坪奮擊大潰其清旋就禽四年春從德榜泰破賊麻壩寨獲文儒既而蕭占國張長庚竄營山額勒登保迎擊黃土坪令射斗扼其西占國長庚就

殲夏包正洪潛匿隣水連敗之唐家坪趙家場追至開縣九龍山痛殲之窮追及毛坪賊踞山以火槍仰擊斃正洪予騎都尉世職秋破卜三聘於八石坪又截擊高天德馬學禮禽其黨潘受榮五年春張世龍竄南江迭敗之竹壩草廟會額勒登保德榜泰先後赴陝冉天元糾羣賊乘虛入川總督魁倫初任軍事諸將中惟射斗忠勇可恃所部兵僅二千至達州賊已渡嘉陵江乃自順慶渡河迎擊於西充文井場殲賊後隊乘勝至蓬溪高院場賊踞山下撲眾數倍官軍遂被圍魁倫初約自率兵繼進而不至射斗力戰隊伍衝斷手刃十餘人遇坎墜馬歿於陣仁宗悼惜晉二等輕車都尉世職依提督例賜卹勇烈入祀昭忠祠後獲賊李自剛戕射斗者詔磔之設射斗靈致祭復傳首祭墓射斗從軍三十四年受高宗知仁宗尤以宿將重之額勒登保入川數大捷皆倚射斗及楊遇春如左右手賊畏之號曰朱虎在軍得士心尤恤難民前後拯濟不下萬人歿後兵民胥流涕賊既退收遺骸遺左足川民於戰處得之瘞於潼川鳳皇山仙人掌建祠以祀子樹製世職授戶部主事道光中累官漕運總督休致

清史稿

列傳一百三十六

三

歸咸豐中命治本籍團練捐輸事宜同治初卒
穆克登布鈕祜祿氏滿州正紅旗人將軍成德子乾隆中成德駐西藏入覲高宗詢知穆克登布曾從征金川授藍翎侍衛累擢直隸提標游擊嘉慶元年從勦湖北教匪以功賞花翎遷山東參將遂轉戰川陝四年春從惠齡克麻壩寨加總兵銜擢貴州清江協副將從額勒登保殲閩中賊蕭占國張長庚乘勝進勦冷天祿於岳池令穆克登布先據人頭堰與楊遇春夾擊大破賊衆殲天祿賜號濟特庫勒特依巴圖魯於是額勒登保軍威大振遂任經略穆克登布與楊遇春為左右翼長常為軍鋒冬與七十五夾擊樊人傑於通江敗之擢山西太原鎮總兵時川賊徐天德王登廷冉天元合撓官軍阻饒道額勒登保以賊皆勁悍集師合擊於蒼溪縣兒埡議與穆克登布楊遇春分三路進攻穆克登布特勇先期往為賊所乘腹背受敵傷亡副將以下二十四人士卒數百及遇春至據險與賊相持經略中軍亦被攻血戰竟夜黎明賊始卻登廷旋就禽借遇春追天元至開縣與德榜泰會師夾擊賊勢乃蹙五年從經略入陝夏與楊

遇春合擊五金柱於手扳厓銅錢窖追殲楊開甲於茅坪秋要擊張天倫於兩當剪子巖追殺數十里賊折奔階州遇於佛堂寺擊敗之斬其渠首印六年春再學勝將入陝雪夜率勁騎衝之賊潰又收伍懷志於五郎江口擄乾清門侍衛夏伍懷志糾黨由漢北東竄分兵晝夜窮追及之於秦嶺禽懷志餘黨盡殲子雲騎尉世職七年調湖南永州鎮擄甘肅提督勦川東湖北竄匪破王國賢於平利追入川迭敗賊於青岡坪太平坡禽景英是年軍事將蒞錄諸將功擢御前侍衛晉騎都尉世職八年春搜捕餘匪由巴峪關深入禽宋應伏又禽姚馨佐等於南江應伏最悍馨佐乃之富子皆賊之著名者應伏黨尙存馮天保余佐斌熊老八並百戰猶賊熊老八年二十餘死黨百餘皆壯悍矯捷所用矛長數丈出沒老林傷將士甚衆至是誘官軍入林設伏狙伺穆克登布下急輕敵勁卒又爲他將分調倉猝中矛刃於陣加子輕車都尉世職併爲二等男爵諡剛烈嚴詔捕熊老八期必獲武弁陳弼賄降俘取賊屍僞冒以獻立擢弼參將傳首祭穆克登布墓逾年羅思舉始捕得老八磔之軍中不敢上聞子頤

清史稿

列傳一百三十六

四

齡襲爵二等侍衛孝全成皇后之父也道光十四年册立皇后禮成追封一等承恩侯擢入鑲黃旗諡榮僖以孫瑚圖哩兼襲兩爵三十年文宗即位晉封三等承恩公以長子文壽襲次子文瑞襲男爵
富成石莫勒氏滿洲鑲黃旗人起健銳營前鋒從征烏什大小金川積勞至參領歷火器營營總出爲廣西直隸副將擢山西太原鎮總兵坐失察盜馬賊入邊降京營游擊復擢山東兗州鎮總兵嘉慶元年教匪起率本鎮兵赴河南協勦先清鄧州賊巢進勦呂堰驛隨州紅土山黃玉書就禽叙功以提督升用又連收賊於鍾祥鄧家岡香花園南線喉命兼領直隸吉林新調兵二年進攻梁家集總統惠齡與賊戰槐樹岡富成聞礮聲馳往夾擊大敗之偕慶成合擊劉起榮又敗賊於溫峽口襄匪由河南竄入陝境總督宜綏疏調富成赴西安率甘肅兵二千回兵二千助勦夏分兵五路圍賊於大涼山下殲賊千餘禽其集李天德等又連敗賊於雙河口青莊坪放牛坡大石川擄江南提督赴漢中甯羌扼川賊入竄之路循漢南而西與明亮夾攻賊距江近伴引兵入山圍潛渡

富成繞出賊後兜擊之斬獲甚衆被獎資三年春赴達州擊退犯城賊通新甯運道又連敗賊於寶山關木竹坪白山寺擄成都將軍命勦徐天德屢詔責戰甚急冬戰清涼寺殲賊數百四年張映祥竄廣元甯羌擊之毛家山又與恒瑞夾擊於略陽階州經略勒保疏言其兵力不足未能制賊職速問會富成連敗賊於黃家坪大水溝黨家坪蔣家坪詔免治罪以披甲留營効力駐鎮安防勦五年夏總督長麟追勦冉學勝五金柱等而高天德馬學禮亦來犯富成馳援徽縣賊襲長麟營官軍收績於架子山富成力戰被重創遂歿於陣上初以勦張映祥久無功故加重譴至是惜之命入祀昭忠祠子雲騎尉世職子三等侍衛普亮襲時軍事久不定兵多或事剽掠鄉勇尤甚人目爲紅蓮教富成與總兵穆維馭下較駁爲時所稱云維直隸清苑人隸督標乾隆中山東王倫倡亂以陣斬賊渠楊壘功擢千總賊聞京兵南下掠糧艘造浮橋圖西竄維直搏獲賊砲二焚其橋賜號奮勇巴圖魯累擢膠州協副將嘉慶元年借富成赴襄陽恒瑞攻劉家集維率騎兵橫貫賊營大軍蹙其後獲大捷師次滾河賊屯對

清史稿

列傳一百三十六

五

岸董家岡梁家坳維借王文雄選精兵夜潛渡破賊營二年擢登州鎮總兵冬高均德王廷詔分擾班鳩關渡漢江借副都統六十七連敗之雙河塘土門姪被優獎三年春赴四川從勒保收王三槐徐天德於石壩山借富成要賊竹峪關洪口諸隘又敗冉文燾於黑馬山夏賊出李家山西逸要之大完山以砲俯擊賊退他將乘勢追擊維直搗李華寺破賊巢勞甚致疾卒於軍詔視陣亡例賜卹
施籍陝西定邊人由行伍從征緬甸累擢雲貴督標都司苗疆事起應調隨征屢有功賜號毅勇巴圖魯累擢湖南參將嘉慶二年從總督勒保勦貴州狃苗三月連克關嶺巴隴諸要隘進逼永甯克下山塘賊寨解新城圍五月與總兵張玉龍分兩翼進克望城坡碧峯山賊寨攻羊腸山追賊至新店禽其渠梁阿站等擄副將六月從勒保攻克水煙坪借按察使常明設伏八角洞坡進攻阿捧毀寨十一大軍進卡子河籍分克納賴坡雞灣寨攻普坪渡河解南籠圍進攻九頭山禽賊渠陸寶貴焚其巢克馬鞭田山寨七月破章七絡繫於普磨禽

其罕圖阿召山梁李景襄設伏破賊擢臨元鎮總兵借常明攻安有大寨率
勇士攀藤上克之禽賊渠賀阿豆吳阿降九月從勒保洞克瀧賊巢禽首逆章
七綽鬚十一月搜勦上下羅障直達關嶺前後克寨二十調貴州安義鎮十二
月借總兵七格等搜勦各路乘勝擊殲郁嚙喇諸寨自捧鮮至黃草壩賊皆淨
盡松林紅巖石門坎香爐營諸苗尙負固抗拒要擊破之焚寨十九特詔嘉獎
予優叙三年復從總督鄂輝進勦兩薛嚴師趙屯諸苗克寨五十苗境遂平五
年春四川教匪復熾起用勒保會貴州巡撫常明薦率貴州兵往協勦仁宗
知緝勦神苗奮勇冠軍爲勒保舊部兵將相習命所領自爲一軍又慮地利賊
情未悉聽德榜泰節制三月至潼川連破賊於大雙墩潼河岸四月高天德馬
學禮由甘肅竄農安從勒保迎擊龍驤渡河口敗之借阿哈保迎擊於黃連
煙白號藍號衆賊竄合江口奪渡嘉陵江借阿哈保分四路進擊大敗之詔以
嘉陵江西肅清貴州兵新到屢捷特予褒叙時高馬二賊欲與藍白諸號合屯
竹子山勒保以龍安西北兩面俱通番地議分三路兜勦自率一軍出東北一

清史稿

列傳一百三十六

六

軍出西北而以緝軍由南進甫抵山南賊乘高下壓緝軍迎擊奮力急戰賊
來益衆猝受矛傷殞於陣緝最爲勒保所倚至川以不習地勢致敗優詔依提
督例賜卹稱爲驍將予騎都尉兼雲騎尉世職子登襲騎都尉占科襲雲騎尉
李紹祖順天大興人以武進士授三等侍衛出爲山東武定營游擊累遷臨清
協副將嘉慶元年赴襄陽數擊賊有功賞花翎二年從恒瑞赴四川迭敗賊於
田家壩大甯山梁金子梁三年擢甘肅巴里坤總兵秋合攻打石城插旗山古
戰坪皆捷冬從惠齡克馬鞍山賊巢四年夏從德榜泰擊賊於王家壩川壩子
秋借七十五破樊人傑於開縣又敗之臨江市五年春冉天元等渡嘉陵江總
督魁倫調七十五往援會其病以兵付紹祖率赴川西進擊鹽亭南部德榜泰
擊賊於江油白家壩檄紹祖馳赴賊踞營林口宵犯紹祖營擊卻之賊謾詭稱
離民詣營獻計誘官軍往德榜泰知其詐率紹祖掩擊之大捷追敗之於包家
溝進戰火石壩以功被優叙詔以川西略定命紹祖率貴州兵赴陝額勒登保
疏請仍留川遂從德榜泰擊張子聰於中江黃鹿山朱家坪禽斬甚衆調四川

松潘鎮旋調廣東高廉鎮仍留軍夏收張子聰度向瑤於達州土主河又擊劉
朝選於七孔溪山大破之追餘匪至大竹遇苟文明屢夜來撲營擊却之八月
徐萬富竄房縣追敗之兩河口賊竄木瓜舖備近遠安縣城紹祖扼之牛鹿坡
賊分二隊一犯縣城一薄紹祖營紹祖力拒賊伴敗走匹馬追之遇伏被害依
提督例賜卹贈果壯子騎都尉兼雲騎尉世職子霖襲宋延清山東招遠人乾
隆四十六年武進士授藍翎侍衛出爲貴州都司遷游擊從征苗疆迭克喇寨
從額勒登保攻鴨保山率健卒奪賊卡夜大風擊崖縱火克之賜號驍勇巴圖
魯擢參將神苗之役勒保調回貴州率兵爲左翼克關嶺碧峰山諸隘破洞瀧
當丈賊巢論功居最擢大定協副將嘉慶三年從勒保赴四川擊賊董豁口大
元山皆力戰斬敵多乘勝追賊至楊家壩中槍歿於陣延清驍勇出衆勒保常
置左右勦神苗時每戰歸持刀負首級裝藥衣盡赤勒保輒手酌酒慰勞至川
未逾月即戰歿深惜之加等賜卹予騎都尉世職

清史稿

列傳一百三十六

七

達爾圖功皆最洊升游擊金川平擢江南狼山鎮總兵五十三年從征臺灣克
大埔尾斗六門水沙連大里找賜號博齊巴圖魯及林爽文竄匿東勢角山徑
深隘徒步搜捕生禽於老衙崎被優叙病歸起署四川建昌鎮尋授重慶鎮總
兵從征廓爾喀克象巴宗山甲爾古拉卡臺灣廓爾喀兩次論功再圖像紫光
閣六十年從總督孫士毅由川境進勦苗疆數有功被褒賞嘉慶元年四川教
匪蜂起蔓延數縣川兵多赴苗疆署總督英善倉猝借副都統勒禮善佛住馳
往兵僅數千檄國瑛及總兵何元卿進勦達州賊屯天星橋國瑛奮擊斬戮千
餘賊竄橫山子借元卿焚其卡奪據山梁賊自東鄉糾黨數千來犯嚴擊之退
次日復乘迎擊斃賊數百而來者愈衆國瑛苦戰三日力竭陣亡依提督例賜
卹予騎都尉兼雲騎尉世職子起襲何元卿四川華陽人從征金川廓爾喀苗
疆積勞擢副將嘉慶元年從福甯克旗鼓寨擢陝西興漢鎮總兵達州橫山子
之戰與國瑛同遇害子騎都尉兼雲騎尉世職孫勝先襲官至湖南沅州協副
將諸神保馬佳氏滿洲正紅旗人起護軍校出爲四川游擊駐西藏累擢重慶

鎮總兵廓爾喀之役守絨轄要隘賞花翎調建昌鎮從征苗疆嘉慶元年赴湖北勦教匪從福甯破賊來鳳克旗鼓樂賜號喀勒春巴圖魯二年從額勒登保圍攻芭葉山賊夜突營由諸神保汛地逸出坐視職留營自贖尋擊賊紅土溪被創墜馬陣亡依案將例賜卹予雲騎尉世職達三泰原名達音泰呢瑪奇氏滿洲鑲黃旗人由烏槍藍翎長累遷副護軍參領從征石峯堡陝西循化營參將歷甘肅永固協副將署西甯鎮從征廓爾喀有功賜號常勇巴圖魯授四川松潘鎮總兵乾隆六十年湖南苗犯酉陽率屯土兵擊之克砲木山石花諸寨借提督花連布進解永綏圍又借阿哈保塞靈頓攻納共山攀縋而上斬獲甚衆克貴道嶺馬鞍山追賊黃土坡被創力戰大捷特賜蟒服又破貫魚坡苗疆平嘉慶二年移軍湖北勦教匪遂赴四川齊王氏姚之富趨達州欲與王三槐等合達三泰先據白帝城連戰却之進援巫山巴東要擊之小河口又追敗之均州竹溪賊復由陝入川與明亮合擊於黃壩驛三年從大軍逼賊三岔河齊王二賊就殲被獲資尋擊高均德於山陽合圍大神山設伏誘賊敗之略靜

清史稿

列傳一百三十六

八

邊寺禽斬甚衆會諸軍克箕山擢甘肅提督勸保調赴川東助勦冷天祿攻手把嚴奪魚鱗口賊卡遇伏被害優卹設壯節子騎都尉兼雲騎尉世職子呢瑪善襲呢瑪善從父軍中以戰功授藍翎侍衛父歿轉戰三省累擢頭等侍衛授河北鎮總兵歷鄆州南陽諸鎮道光初擢成都將軍平果洛克番匪卒設勦襄德齡納喇氏滿洲鑲白旗人由拜唐阿累擢總領冠軍軍使出爲直隸副將擢山西太原鎮總兵調赴襄陽勦教匪從慶成等轉戰以功賜花翎嘉慶二年駐防夔州三年借觀成合攻老木園賊既殲勦鐵瓦寺餘匪四年秋擊張金魁於岳池場安家山敗之迨至萬縣陳家坡後隊爲賊所襲馳馬回戰歿於陣子騎都尉世職保與承吉氏滿洲鑲白旗人烏槍護軍隊長從征緬甸金川累遷參領出爲陝西神木協副將丁憂回旗甘肅撤拉爾回叛起署河州協兵事初定撫綏有法軍民安之調督標中軍擢直隸宣化鎮總兵歷陝西興漢鎮甘肅河州鎮嘉慶二年赴川陝勦教匪借朱射斗擊賊營山又敗之小埡口王三槐擾大竹廣安要擊之隣水被圍知縣楊爲龍堅守馳援賊始退被優賞借朱射

斗破賊天華山乘勝連奪要隘三年攻彈子壩殲賊渠時王三槐犯開縣繼其清冉文儔合蹙東鄉後河將窺陝保興繞出賊前與楊秀夾擊敗賊於固軍壩賞花翎賊自陝回擾達州保興要擊於龍鳳壩又戰石梯坎徑路紛歧會大風兩賊壓而陣遂遇害子騎都尉世職河州民爲立祠凝德烏雅氏滿洲正黃旗人尚書官保子授藍翎侍衛歷變與衛治儀正冠軍使出爲直隸獨石口副將調督標中軍嘉慶元年赴湖北軍從破黃玉貴於紅土山賞花翎二年赴孤山冲防勦尋入川王三槐擾渠縣扼守紅春壩四年擢甘肅巴里坤總兵從恒瑞勦賊甘肅駐守三曹河賊北走追敗之老柏樹車家壩兩河口五年辛聰餘黨竄秦安訛言伏羌被圍凝德率兵四百赴援未至四十里遇賊衆寡不敵拒戰被害子騎都尉世職多爾濟扎布巴魯特氏蒙古鑲黃旗人由藍翎侍衛累擢湖北鄖陽參將從勦鎮筵苗邊副將嘉慶元年撤防竹山竹谿三年署宜昌鎮總兵從擊張漢湖於山中踞窺窮追被嘉獎五年授廣東碣石鎮總兵二月勦陝匪於洵陽三岔山乘勝深入賊分隊繞襲後路四面受敵揮軍殺賊百餘日

清史稿

列傳一百三十六

九

暮力盡被害子騎都尉世職王凱貴州貴筑人從征金川積勞至游擊累擢浙江定海鎮總兵嘉慶二年以不諳水師降副將命赴貴州從勦保勒神苗補都勻協三年授宜昌鎮總兵駐守鄖縣敗賊於黃龍灘率兵二千分守鄖西巴州防張漢湖四年賊竄房縣擊走之五年復來犯大敗其衆又破賊於東湖夏徐天德窺襄鄖兵單犯當陽遠安踞馬鞍山合諸軍環攻凱傍左麓進賊走馬家營師分三路入賊張左右翼拒戰別遣步隊鈔截後路凱奮擊賊稍却兵進遇伏賊自林中出猝被害優卹設壯節子騎都尉世職王懋賞山東福山人乾隆四十四年一甲一名武進士授頭等侍衛出爲雲南景蒙營游擊累遷廣西潯州協副將從征苗疆克結石岡破尖雲山復乾州皆有功嘉慶二年以勦西陲匪回廣西五年調赴湖北軍六年敗賊余家河茅倫山賞花翎攻鵝坪坡寨家坪擢湖南永州鎮總兵駐守興州房縣大竹防川陝賊七年曾家秀等竄保康倍道窮追賊踞馬鬣嶺拒戰懋賞先登中矛歿於陣子騎都尉世職惠倫富察氏滿洲鑲黃旗人一等承恩公奎林子出嗣伯父一等誠嘉毅勇公

明瑞襲爵擢頭等侍衛尚茶正鑲藍旗護軍統領授奉宸苑卿嘉慶二年命偕副都統阿哈保率東三省兵赴湖北勦教匪時賊氛方熾詔惠倫迅往襄陽如明亮德楞泰猶在賊後即會同王文雄攻勦聽景安調度惠倫至襄陽擊賊小河口偕阿哈保追殺二十餘里大兵適自荊州至乘機夾擊賊大敗竄入南漳山中優詔獎賚又偕德楞泰擊賊耗子溝賊衆猛撲達三泰連射賊惠倫揮軍突進衝入賊陣會明亮自楓樹坳夾攻斬獲甚多賊竄花石嶺總兵長春誘之下山達三泰設伏山半惠倫以勁騎橫擊賊敗竄黃龍灘欲分走鄖陽斗河無船可渡追及草甸賊五路迎拒官軍亦分五隊明亮等據山梁賊上撲擊敗之別賊突出接惠倫等又敗之乃奔陳家山聚乘霧圍遁惠倫渡澗追擊見一賊執旗指揮知爲渠魁追至長坪射之應聲倒餘賊競集連射斃賊猝中槍斃於陣高宗震悼詔惠倫父子效命疆場實爲可憫從優議卹賜內帑三千兩治喪以子博啟圖襲公府在御前侍衛行走博啟圖自有傳安祿多拉爾氏滿洲鑲黃旗人一等超勇公海蘭察子以海蘭察平石峯堡功推恩授二等侍衛乾

清史稿

列傳一百三十六

十

清門行走並予騎都尉世職從征廓爾喀賜號哈什巴巴圖魯五十八年承襲公府擢頭等侍衛嘉慶四年命解饒赴四川遂從額勒登保軍時徐天德敗竄雞公梁額勒登保乘夜迫之黎明賊復拒戰安祿借格布舍以左翼衝賊陣賊竄城隍廟右翼楊遇春伏起前後夾擊殲戮無算又敗王登廷追至西鄉魚渡壩王登明與齊家營股匪合踞青岡嶺安祿等三路競進賊大潰鮮大川苟文明窺開縣借朱射斗敗之於枯草坡乘霧奪汪家山餘賊數千奔下山清安祿率五六騎大呼馳擊賊衆披靡突林中數矛攢刺遂歿於陣事聞優卹賜內帑一千兩諡壯毅加予騎都尉世職仁宗深惜之詔以惠倫安祿皆名將子膺五等之封爲壽民所戕國威大損戒統兵大臣以滿洲東三省兵自爲一隊及鋒而用勿致疏虞子恩特賀莫札拉芬襲公爵兼騎都尉尋議又加騎都尉併爲三等輕車都尉以安祿弟安成襲佛住瓜爾佳氏滿洲正白旗人侍耶三泰子三泰殉難葉爾羌封三等伯佛住襲爵爲散秩大臣世管佐領充阿克蘇領隊大臣授成都副都統嘉慶元年充哈密辦事大臣行抵西安聞達州教匪起白

請借英善往勦尤之時賊撲東山廟與豐城賊合佛住與副都統勒禮善分路進攻冒雪山山路破賊卡扼東山隘口賊自大東林潛渡河率協領塔克慎知縣劉清隔岸砲擊之又借英善勒禮善徐天富被優賚二年正月豐城賊傾巢出游擊范琳守備楊成陣亡賊遂逼東鄉別賊復自張家觀來犯佛住率衆力戰歿於陣詔佛住已調哈密自請回川勦賊今在東鄉捐軀其父三泰亦係陣亡尤爲可憫從優議卹應給世職併爲一等子爵加一雲騎尉子瑞齡襲西津泰和色里氏滿洲鑲黃旗人前鋒侍衛從征臺灣累戰皆捷賜號法爾沙台巴圖魯圖像紫光閣擢護軍參領從征苗疆克榔木陀山大坪山雷公灘木烏草河圍高多寨復連破賊於大坡腦得勝山克垂藤董羅諸寨焚大小天星寨進克馬鞍山擢頭等侍衛加副都統銜從額勒登保克石隆賊巢石柳鄧就殲子優叙嘉慶二年赴四川破王三槐於丹家壩金鞍寺從宜縣擊賊於花潭子又克香鋪坪賊巢迭被優賚進擊安子坪賊退精忠寺圍之傾巢出犯西津泰衝入賊陣手刃十餘賊身受重創陣亡子騎都尉兼雲騎尉世職豐仲布唐古

清史稿

列傳一百三十六

十一

武氏蒙古鑲紅旗人福州駐防由馬甲累擢協領從征臺灣擢西安右翼副都統嘉慶元年率軍駐興安防湖北教匪二年移防商維要隘賊犯雙樹卡又問道攻縣城連卻之賞花翎進駐竹谿遇賊入陝賊掠近地屢擊走高天升大股踞石槽溝率兵千自竹山進勦關廟河要隘也冒雨進扼之賊來爭豐仲布先據山梁賊分兩路猛撲殺傷相當而賊益至集短兵相接豐仲布受創甚至暮大雨息軍山巔以傷殞優卹設壯勇子騎都尉兼雲騎尉世職六年高天升就禽傳首祭墓無子以姪阿克當阿襲職阿爾薩朗賴奇武氏蒙古鑲白旗人以副前鋒參領從征金川迭克山寨堅礮破札古功尤著戰達撒谷受創特詔慰問累擢正紅旗蒙古副都統賜號阿爾杭巴圖魯金川平圖像紫光閣歷喀什噶爾伊犁領隊大臣召回京會甘肅石峯堡回叛自請從勦連破賊於雲霧山田家山進圍石峯堡攻其西北以火攻克之斬虜特多授護軍統領調正藍旗滿洲副都統嘉慶元年率健銳火器營從永保勦教匪轉戰河南湖北屢破賊二年五月駐兵王家坪營壘未定賊自山溝出襲阿爾薩朗力戰猝中槍歿於

陣賜卹子騎都尉世職及高天升傳首京師命祭其墓烏什哈達伊爾根覺羅氏滿洲正黃旗人以前鋒從征緬甸有功賜號法福哩巴圖魯授三等侍衛從征金川屢克堅壁擢二等侍衛正白旗蒙古副都統子騎都尉加一雲騎尉世職充和闐領隊大臣坐與辦事大臣德鳳互訐職効力烏什邊卡尋復起授頭等侍衛虎槍營營長健銳營翼長從征臺灣率水師禽賊渠莊大田於郡嶠復勇號世職授吉林副都統調鎮紅旗蒙古副都統從征廓爾喀烏什哈達臨陣勇敢論功輒最三次圖像紫光閣召對自伐戰績高宗惡之褫職戍伊犁嘉慶元年赦歸請赴湖北軍勦匪自效倍副都統鄂輝敗賊襄陽進戰鍾祥二年駐守宜城西岸賊寇古河口擊走之移防四川石砭攻白巖山克賊卡三年王三槐由梁山整江竄渠口與白巖山賊潛結引之渡江烏什哈達兵少不敵力戰遇害子輕車都尉世職子圖爾弼善襲和興額葛濟勒氏滿洲鑲白旗人以烏槍護軍從征緬甸金川撤拉爾石峯堡賜號佛爾欽巴圖魯累擢廣州右翼副都統坐事降調授頭等侍衛充巴里坤領隊大臣復授廣州左翼副都統嘉

清史稿

列傳一百三十六

十二

慶二年神苗擾及廣西西隆從總督吉慶赴勦收賊於曼雄苗屯亞稱設伏山徑山深箐繞出夾擊殲之進攻那地西隆肅清圍巖場寨連敗之紅水江板蚌板解解册亨圍神苗平調甘肅涼州副都統五年赴陝西防勦冉學勝等由辛峪竄出和興額不能禦奪勇號花翎降為防禦隨營効力尋破賊沔縣乾溝河授佐領六年樊人傑由黑河西竄和興額扼之於五丁關禽斬甚衆擢協領冉學勝屯大壩借總兵楊奎猷擊之和興額先進遇伏歿於陣依副都統例賜卹子騎都尉兼雲騎尉世職子福格襲

論曰教匪之役首尾十年國史忠義傳所載副參以下戰歿至四百餘員其專闕提鎮及羽林宿衛階列一二品者且二十餘人王文雄朱射斗一時名將穆克登布施縉亦號驍勇惠倫安祿並貴胄秀才倉猝摧仆三軍氣燄富寧爲之震側旌卹特示優異餘雖功過相參要皆竭忠行間隕身不顧嗚呼烈已當日巖疆悍寇軍事艱難蓋可見云

清史稿

列傳一百三十七

李長庚

王得祿

邱良功

許松年

黃標

李長庚字西巖福建同安人乾隆三十六年武進士授藍翎侍衛出爲浙江衢州營都司累遷樂清協副將五十二年署福建海壇鎮總兵鄰海有盜誤指所轄界坐視職懈家財募鄉勇捕獲巨盜起用補海壇游擊遷銅山參將自乾隆季年安南內亂招瀕海亡命劫內洋以濟餓爲患粵東土盜鳳尾水澳兩幫附之遂益肆擾五十九年夷艇始犯福建三澎長庚擊走之嘉慶二年遷澎湖協副將擢浙江定海鎮總兵三年迭擊洋匪於衢港及普陀四年鳳尾幫引夷艇入溫州洋敗之賜花翎五年夏夷艇合水澳鳳尾百餘艘萃於浙洋逼台州巡撫阮元奏以長庚總統三鎮水師擊之會師海門賊泊松門山下相持颶風大作覆溺幾盡其泊岸及附敗舟者皆就俘獲安南僞侯倫貴利等四總兵磔之

清史稿

列傳一百三十七

一

以敕印擲還其國是年擢福建水師提督尋調浙江安南烏船船百餘號總兵十二人分前中後三隊所獲四總兵其後隊也未幾安南新阮內附受封守約東艇匪無所巢穴其在閩者皆爲漳盜蔡牽所并有艇百餘艘朱清亦得數十艘牽同安人奸猾善用衆既得夷艇凡水澳鳳尾諸黨悉歸之遂猖獗阮元與長庚議夷艇高大水師戰艦不能制乃集捐十餘萬金付長庚赴閩造大艦三十名曰蓬船鑄大礮四百餘配之連敗牽等於海上軍威大振八年牽竄定海進香普陀山長庚掩至牽僅以身免窮追至閩洋賊船糧盡帆壞乞降於總督王德道興泉永道慶徠赴三沙招撫王德道檄浙師收港牽得以其間修船揚帆去浙師追擊於三沙及溫州毀其船六牽畏蓬船賄閩商造大艇高於蓬船出洋以被劫報牽得之渡橫洋劫臺灣米以饒朱清遂與之合九年夏連勝八十餘人閩戕總兵胡振聲詔治閩將不援罪長庚總統兩省水師秋牽清共犯浙長庚合諸鎮兵擊之於定海北洋衝賊爲二自富牽急擊遂至盡山牽以大艇得遁委敗朱清清怒於是復分十年夏調福建提督牽聞長庚至遂竄

浙追敗之青龍港又敗之於台州斗米洋復調浙江提督十一年正月率台百餘艘犯寧海結土匪萬餘攻府城自號鎮海王沈舟鹿耳門阻援兵長庚至不得入謀知南汕北汕大港門可通小舟遣總兵許松年副將王得祿繞道入攻洲仔尾連敗之二月松年登洲仔尾焚其寮牽反教長庚遣兵出南汕與松年夾擊大敗之牽無去路困守北汕會風潮驟漲沈舟漂起乃奪鹿耳門逸去詔奪花翎頂戴四月蔡牽朱清同犯福甯外洋擊敗之追至台州斗米洋禽其黨李按等長庚疏言蔡逆未能殲禽者實由兵船不得力接濟未斷絕所致臣所乘之船較各鎮為最大及逼近牽船尚低五六尺曾與三鎮總兵願預支養廉捐造大船十五號而督臣以造船需數月之久借帑四五萬之多不肯具奏且海賊無兩年不修之船亦無一年不壞之楫料桅柁折則船為虛器風篷爛則寸步難行乃逆賊在鹿耳門竄出僅餘船三十篷朽缺一回闔地裝篷燻洗煥然一新糧藥充足賊何日可滅詔逮治玉德以阿林保代既至福建請文武吏以未協勦未斷岸奸接濟懼得罪交誼長庚阿林保密劾其逗留章三上詔

清史稿

列傳一百三十七

二

密詢浙江巡撫清安泰疏言長庚熟海島形勢風雲沙線每戰自持柁老於操舟者不及兩年在軍過門不入以捐造船械傾其家資所俘獲盡以賞功士爭效死八月中戰漁山圍攻蔡逆火器瓦石雨下身受多創將士傷百四十人鏖戰不退賊中語不畏千萬兵只畏李長庚實水師諸將之冠且備陳海戰之難非兩省合力不能成功狀時同戰諸鎮亦交章言長庚實非逗留仁宗震怒切責阿林保謂朕若輕信其言豈不自失良將嗣後勦賊專倚長庚儼阿林保從中掣肘玉德即前車之鑒並飭造大同安核船三十未成以前先雇商船備勦長庚聞之益感奮是年秋擊賊於漁山受傷事聞復還翎頂十二年春擊敗牽於粵洋大星嶼十一月又擊敗於閩洋浮鷹山十二月遂偕福建提督張見陞追牽入澳窮其所向至黑水洋牽僅存三艇皆百戰之寇以死拒長庚自以火攻船挂其艇尾欲躍登忽賊中喉移時而殞時戰艦數十倍於賊見陞庸懦遙見總統船亂遽退牽乃遁入安南外洋上震悼褒卹初擬俟寇平錫以伯爵乃追封三等壯烈伯諡忠毅於原籍建專祠長庚治軍嚴信賞必罰自偏

裨下至隊長水手耳目心志如一人人皆可用與阮元同心整厲水師數建功為玉德所忌及阿林保之至閩也置酒款長庚謂曰大海捕魚何時入網海外事無左證公但斬一曾以牽首報我飛章告捷以餘賊歸善後辦理公受上賞我亦邀次功孰與窮年冒風濤倭倖萬一哉長庚謝曰吾何能為此久視海船如廬舍誓與賊同死不與同生阿林保不憚既屢劾不得過則飛檄趨長庚賊所落齒寄其妻志以身殉國既歿詔部將王得祿邱良功嗣任勉以同心敵愾為長庚雪讐二人遵其部勒卒滅蔡牽竟全功焉長庚無子養同姓子廷鈺為嗣襲伯爵授二等待衛道光中出為南昌副將累擢浙江提督因病不能巡洋奪職家居咸豐初治本籍團練迭克廈門金島仙游授福建提督尋以誤報軍情解任仍會辦團練十一年卒孫經寶襲爵胡振聲亦同安人提督貴子起行伍累擢至溫州鎮總兵從長庚大破夷艇於台州松門洋自是屢從長庚擊賊海上九年六月率二十六艘連舟材赴福建至浮鷹洋遇賊與總兵孫大剛夾攻殲賊甚眾而舟為燬焚燬師不能救遂被害優卹諡武壯子騎都尉兼雲

清史稿

列傳一百三十七

三

騎尉世職王得祿字玉峯福建嘉義人林爽文倡亂陷縣城得祿家素豐捐資募鄉勇助官軍復之授把總明年賊復圍城從總兵柴大紀固守及圍解率鄉勇搜捕大坪頂等處餘匪焚琅嶠賊巢渠莊大田就禽臺灣平賜花翎五品頂戴遷千總嘉慶元年巡洋至額竄遇賊得祿先登禽吳興信等歷年出洋捕海盜號勇敢累擢金門營游擊七年從李長庚擊蔡牽於東滬洋禽賊目徐業等百餘人又禽呂送於崇武洋被獎叙九年從總兵羅仁太擊賊於虎頭山洋面獲船械甚多十年擊蔡牽於虎井洋敗之署澎湖協副將九月遇牽於水澳焚其舟禽殲朱列等百餘人十一年春牽入臺灣圍府城李長庚令得祿與許松年駕小舟自安平港入偵之帆檣彌望夜縱火焚賊舟遂入屯柴頭港明日賊自洲仔尾攻府城北門得祿率兵踞其後大呼以前賊驚却城內軍出夾攻大敗之乘勝至洲仔尾破其營賊乃遁五月牽復竄鹿耳門得祿首先衝擊獲船十沈船十一叙功加總兵銜尋擢福甯鎮總兵十二年調南澳鎮七月敗朱清於雞籠

洋獲船十四十一月又敗其黨於古雷洋射殲賊目朱金禽張所被獎叙未幾李長庚戰歿命得祿與邱良功繼任軍事十三年擢浙江提督既而調福建邱良功代之時阮元再任浙江巡撫張師誠為福建巡撫兩省合力得祿與良功同心滅賊十四年八月同擊蔡牽於定海漁山敗之牽東南走追至黑水洋合擊累日良功以浙舟駢列賊舟東得祿率閩舟列浙舟東戰酣良功舟傷暫退得祿舟進附牽舟諸賊驚隔不得援牽鉛丸盡以番銀代得祿額腕皆傷擲火焚牽舟尾樓復衝斷其柁牽知不免舉礮自裂其舟沈於海詔以牽肆逆十有四年渠魁就殲厥功甚偉錫封得祿二等子爵賜雙眼花翎餘黨千二百人後皆降海盜遂息得祿為福建提督歷十載屢疏陳補事宜改定水師船制皆如議行二十五年調浙江提督道光元年乞病歸十二年臺灣張丙作亂得祿率家屬禽賊目張紅頭等加太子少保十八年臺匪沈和肆掠輸糧助守晉太子太保二十一年英吉利犯廈門命駐守澎湖次年卒贈伯爵諡果毅次子朝綸襲子爵官戶部員外郎

清史稿

列傳一百三十七

四

邱良功福建同安人起行伍屢以獲盜功治擢閩安協副將嘉慶十年借許松年會勦蔡牽追至小琉球見臺灣師船二為賊圍赴援松年舉旗招之未至以違調道被劾職逮訊得白復原官署臺灣副將十一年春從李長庚擊蔡牽破洲仔尾賊巢乘間逸奪頂戴五月破牽於鹿耳門賜花翎十二年朱清犯淡水偕王得祿追至雞籠洋連敗之禽獲甚眾被優叙十三年擢浙江定海鎮總兵十四年擢浙江提督偕王得祿合擊蔡牽於漁山外洋乘上風逼之夜半浪急不得進明日復要截環攻牽且戰且走傍午逾黑水洋見綠水良功恐日暮賊遁大呼突進以己舟逼牽舟兩篷相結賊以槓衝船陷入死鬪良功腓被矛傷毀賊梃得脫出閩師繼之牽遂裂舟自沈論功錫封三等男爵次於王得祿或為之不平良功曰海疆肅清已為快事名位軒輊何足計二十二年入覲卒於途賜卹設剛勇子聯恩襲男爵官直隸河間協副將陳步雲浙江瑞安人入伍隸水師數獲盜以勇力稱授溫州營把總從良功追蔡牽步雲以四十人駕舟徑逼牽艦慶蘭舟小不相當見兩提督至亟投火礮焚賊艦以長戟鉤舢

率數卒躍登短兵相搏獲牽妻及其黨賊艦已壞牽猶持利刃踞柁樓顧欲取之良功隔船疾呼船與水平速去放長繩水中援之起而牽船沒矣步雲身被十數創兩提督皆臨慰視事聞賜獎武銀牌擢千總崇遠閩安副將總督孫爾準欲裁減師船步雲言李提督所造船高大堅緻其利遠勝同安夾板快駒諸船裁之緝匪無具有事不能制敵議乃寢爾準薦其才可勝專閩入覲宣宗曰汝即隨邱王兩提督攻沈蔡牽之陳步雲耶詢戰功甚悉遂擢定海鎮總兵歷瓊州福甯金門海壇諸鎮道光十九年以傷發乞解職三十年卒許松年字蒼雋浙江瑞安人以武舉効力水師從李長庚積功至提標參將嘉慶十年護理金門鎮總兵擊蔡牽於小琉球又擊朱清烏石二於宮仔洋從李長庚追敗之於閩粵交界甲子洋又迭擊牽於青龍港斗米洋十一年偕王得祿敗牽於臺灣洲仔尾賊海水而登焚溺無算是年夏李長庚攻牽於鹿耳門松年扼張坑返堦洋面獲賊船一沈船三又於水澳禽蔡三來等李長庚論水師將材舉松年可獨當一面總督阿林保以疏聞十二年從長庚擊蔡牽於大

清史稿

列傳一百三十七

五

星嶼浮鷹洋松年躍入賊船獲之被優叙十三年朱清潛匿東湧外洋命松年躡勦遂移師入粵追至長山尾賊見賊船四十餘知其最巨者為值所乘併力圍攻清受礮傷未幾斃詔嘉松年奮勇克殲渠魁賜花翎子雲騎尉世職粵匪張保仔竄閩洋金門廈門松年遣漁船誘之以舟師圍擊獲船七沈船六被優叙十五年傷發回籍尋丁母憂十九年授甘肅西甯鎮總兵歷延綏漳州天津碭石諸鎮道光元年擢廣東陸路提督調福建水師提督六年臺灣械鬪松年方閱兵弭壓解散總督孫爾準與之不協尋以治理輕縱被議職留臺効力乞病歸卒於家子錫麟襲世職黃標字殿慶廣東潮州人由行伍拔補千總擢守備乾隆五十五年艇匪肆掠總督福康安議練水師募奇才異能者領之標技勇過人生長海濱習知水道險易能久伏水底視物歷歷可數特被識拔以捕獲龍門洋盜及狗頭山匪功擢都司署游擊嘉慶元年勦匪於南澎外洋獲李超勝等三十餘名仁宗素知其名詔嘉績捕勦能擢參將二下俘洋盜胡三臚等復擊斃安南匪首盡獲其

眾被優叙三年遷澄海副將未幾擢廣東左翼鎮總兵命總統巡洋水師責以肅清海盜四年勦匪大放雞山及雙魚桅夾門外洋殲獲甚眾賜花翎命繪像以進尋以盜劫鹽艘被劾詔原之六年復擊賊於南澎外洋獲田亞猛等七年偕提督孫全謀勦博羅會匪連破羊矢坑羅溪營要隘擄其巢事平優叙並被珍賚自將水師飲食寢處與士卒共先後獲匪六百餘名粵海倚為保障八年偕孫全謀出海捕賊賊遁廣州灣標議合兵守隘俟賊糧盡可盡殲全謀慮持久有風濤患乃分兵賊得突圍逃出標歎曰此機一失海警未已憤懣成疾尋坐師久無功吏議奪職留任未幾卒自安南夷艇散後餘黨留粵者分五幫曰林阿發曰總兵保曰郭學顯曰烏石二曰鄭乙提督錢夢虎孫全謀皆庸材不能辦賊標歿後益無良將惟林國良許廷桂以死事聞國良福建澄海人世襲騎都尉授廣東碭石鎮標游擊累遷澄海副將繼標為左翼鎮總兵十三年追勦烏石二於了洲洋擊沈數艘賊艦續至益多國良以傷殞優卹設果壯廷桂廣東歸善人由行伍擢千總乾隆中從征臺灣累遷海門營參將國良歿護理

清史稿

列傳一百三十七

六

左翼鎮總兵十四年擊殲匪首總兵保於外洋圍其餘黨張保仔率大隊來援眾寡不敵廷桂死之賜卹予雲騎尉世職洎蔡率既滅惟粵匪存於是百齡為兩廣總督乃斷接濟整軍紀越一年勦撫以次定東南海氛始靖論曰東南海寇之擾始末十有餘年惟浙師李長庚一人能辦賊以閩帥率擊而阻成功然長庚忠誠勇略聞於海內上結主知廟算既孚乃專倚畀洎閩浙合力賊勢浸衰不幸長庚中列而王得祿邱良功等以部將承其遺志卒殲渠魁粵將惟黃標可用而未盡其才百齡乘閩浙殄賊之後勦撫兼施遂如摧枯拉朽要之海戰惟恃船堅礮利與斷接濟而已循之則勝違之則敗得失之林故無倖哉

清史稿

列傳一百三十八

沈初

金士松

鄒炳泰

戴聯奎

王懿修

黃鉞

沈初字景初浙江平湖人少有異稟讀書目數行下同郡錢陳羣稱為異才乾隆二十七年南巡召試賜舉人授內閣中書明年成一甲第二名進士授編修三十二年直懋勤殿命寫經為皇太后祝釐逾年大考翰詹以直內廷未與試詔廢初學問優美特晉一秩擢侍講三十六年直南書房督河南學政未赴任丁祖母承重憂服闋遷右庶子累擢禮部侍郎督福建學政遭本生父憂服闋起兵部侍郎尋以母病乞歸終養後起故官督順天學政調江蘇任滿回京調吏部又督江西學政初以文學受知歷充四庫全書館三通館副總裁編石渠寶笈秘殿珠林校勘太學石經嘉慶元年與千叟宴充會試知貢舉擢左都御史授軍機大臣遷兵部尚書歷吏戶二部四年以老罷樞務免直內廷充寶

清史稿

列傳一百三十八

一

錄館副總裁未幾卒諡文恪祀賢良祠

金士松字亭立江蘇吳江人寄籍宛平舉順天鄉試改歸原籍乾隆二十五年成進士選庶吉士授編修遷侍讀直懋勤殿寫經典福建鄉試督廣東學政直南書房累遷詹事以生母憂歸服闋會高宗南巡迎鑾道左回京督順天學政以寄籍辭詔免迴避聯任凡七年累擢禮部侍郎調兵部五十年帝御乾清宮賜千叟宴士松年五十七未得與特命詩賞資同一品調吏部直隸經筵校勘石經遷左都御史嘉慶元年再與千叟宴遷禮部尚書二年調兵部能直書房五年屢蹕謁裕陵途次嬰疾遣御醫診視還京卒諡文簡祀賢良祠鄒炳泰字仲文江蘇無錫人乾隆三十七年進士選庶吉士授編修纂修四庫全書遷國子監司業國學因元明舊未立辟雍炳泰援古制疏請四十八年高宗釋奠禮成因下詔增建辟雍逾兩年始舉臨雍禮稱盛典焉尋超擢炳泰為祭酒累遷內閣學士歷山東江西學政嘉慶四年授禮部侍郎調倉場剔除積弊坐糧廳顏培天不職劾去之六年京察特予議叙軍船交糧掛欠已許抵補

後至者復然炳泰虛年積欠與同官達慶意不合自具疏奏詔斥其偏執使
 氣銜級留任又奏監督輪值宿倉倉役出入滋弊宜令於倉外官房居住從之
 十年擢左都御史遷兵部尚書兼署工部管理戶部三庫十一年兼管順天府
 尹事十二年調吏部十四年加太子少保倉吏高添鳳盜米事覺坐久任倉場
 無所覺察褫職宮銜降二品頂戴革職留任久乃復之十六年署戶部尚書尋以
 吏部尚書協辦大學士炳泰在吏部久尤慎餘政十八年銓選兵部主事有誤
 同官瑚圖禮徇司員議迴護堅執炳泰力爭曰吾年已衰何戀戀祿位不可使
 朝廷法自我壞自具疏白其故上聽其言卒罷瑚圖禮既而有降革官捐復者
 二人準駁不當侍郎彭齡論與不合疏聞上斥炳泰無定見鎖級留任又盜
 劫兵部主事姚堃於昌平八仙莊詔以地近京畿官吏聞葺不能治盜罷炳泰
 兼管府尹事及教匪林清變起逆黨多居固安及黃村追論炳泰在官不能覺
 察以中允贊善降補尋休致歸二十五年卒炳泰自初登第不登權要之門浮
 沉館職久之始躋卿貳屢掌文衡稱得士立朝不苟仁宗重之而終黜

清史稿

列傳一百三十八

二

戴聯奎字紫垣江蘇如皋人乾隆四十年進士選庶吉士授編修聯奎少從邵
 晉涵受經學既通籍以清節自厲在翰林久不遷大學士稽璜掌院事將保送
 御史列聯奎名滿掌院學士曰吾未識其人何以論其才否璜以語聯奎使往
 見聯奎漫應之不往及京察舉一等又列聯奎名復言如前終不得與璜乃益
 重之和珅為掌院訪時望傳其子豐紳股德或薦晉涵及聯奎晉涵移病歸聯
 奎亦堅辭循資累遷至內閣學士嘉慶九年遷兵部侍郎歷禮部兵部吏部二
 十一年擢左都御史逾年擢禮部尚書調兵部二十五年失行印坐降三品京
 堂補太常寺卿督浙江學政道光元年擢禮部侍郎又擢兵部尚書召還京未
 至卒

王懿修字仲美安徽青陽人乾隆三十一年進士選庶吉士授編修入直上書
 房授慶郡王永璘讀典陝西廣東江西鄉試督廣西湖北學政洊擢少詹事五
 十四年引病歸終父母喪始出復乞病在告嘉慶元年舉行千叟宴懿修與焉
 被御製詩刻玉鳩杖文綺之賜七年起授通政司副使歷光祿寺卿內閣學士

八年擢禮部侍郎督順天學政十年擢左都御史回京供職尋擢禮部尚書管
 戶部三庫事十二年充上書房總師傅十四年萬壽慶典加太子少保典會試
 懿修持躬端謹制作雅正甚被仁宗眷遇十八年以老致仕逾二年八十賜
 壽謁宮門謝逢上出御經筵親解佩囊賜之二十一年卒諡文僖子宗誠字廉
 甫乾隆五十五年一甲三名進士授編修嘉慶中歷典雲南四川陝西鄉試督
 河南山東江西學政洊擢禮部侍郎歷工部兵部典會試道光二年擢兵部尚
 書歷署禮部工部尚書兼管順天府尹當懿修為侍郎時宗誠已官學士尋隨
 父扈蹕東巡侍宴翰林院父子同席高宗實錄成賜宴禮部懿修以尚書主席
 懿修致仕後宗誠繼直上書房海內推為榮遇上亦以其兩世官禁近皆能清
 慎特優暱焉道光十七年卒

清史稿

列傳一百三十八

三

善入直南書房未補官命與考試差典山東鄉試十年督山西學政案遷庶子
 十五年差滿仍直南書房遷侍講學士十八年復典山東鄉試留學政擢內閣
 學士是年滑縣教匪起蔓延山東効能失察武生習教之荷澤訓導宋璇請卹
 擊匪陣歿之曹州學錄孔毓俊生員孔毓仲獎勵手禽賊巢之金鄉生員李九
 標十九年召回京仍內直擢戶部侍郎尋調禮部充秘殿珠林石渠寶笈續編
 總閱全唐文館總裁書成並邀賞賚復調戶部二十四年擢禮部尚書加太子
 少保二十五年命為軍機大臣尋調戶部尚書受仁宗特達之知久直內廷
 書畫並被宸賞習於掌故持議詳慎宣宗即位始昇樞務甚優禮之四年以年
 老罷直軍機累疏乞休六年始許致仕在籍食半俸二十一年卒年九十二贈
 太子太保諡勤敏

論曰國家優禮詞臣迴翔禁近坐致公卿沈初金士松高宗舊臣獲恩禮終王
 懿修父子同朝尤稱盛事黃鉞以不附和珅特邀殊遇改授館職馴參機務鄉
 炳泰戴聯奎皆有耿介之操晚節枯槁乃殊要不失為端人焉

清史稿

姜晟

金光悌

列傳一百三十九

祖之望

韓對

姜晟字光宇江蘇元和人乾隆三十一年進士授刑部主事累遷郎中擢光祿寺少卿轉太僕寺仍兼刑部行走四十四年出為江西按察使逾年超擢刑部侍郎屢命赴各省按事獄五十二年授湖北巡撫時大軍征台灣晟運米十萬石濟餉需上嘉之予議叙五十三年荆州江隄潰命大學士阿桂等往勘以晟未能疏濬上游漲沙並坐屬吏婪索准贖匪費禱頂帶尋召授刑部侍郎五十六年復出為湖南巡撫芷江境失餽輸久不獲晟捕首犯置之法洞庭湖盜董舒友等積年為商害獲之傳首湖干盜風以靖六十年監苗石柳鄧叛永綏苗石三保應之晟借總督畢沅往勦尋雲貴總督福康安來督師晟駐辰州治軍需分兵屯諸要隘緝獲奸匪百戶楊國安父子解京詔嘉其治軍鎮靜下部議叙三月赴鎮寧查輯邊備並撫難民上以辰州要衝命仍回駐首逆吳

清史稿

列傳一百三十九

一

牛生就獲予優叙嘉慶元年湖北枝江來鳳邪匪起遣副將慶溥擊賊於龍山走之湖南境內獲安是年福康安和琳先後卒於軍晟借額勒登保德楞泰等勦撫加總督銜苗疆漸平駐辰州治善後事宜二年兼署總督三年京察予議叙布政使鄭源琦附和坤以貪著需索屬吏必多金始得赴任屬吏藉胥役為幹辦縱令嚇詐浮收苦累百姓四年和坤敗為言官論劾詔晟平日居官猶能自守因畏和坤不敢參劾尚非通同舞弊命速訊源琦籍其資財澈底根究具得源琦加扣平餘蓄養優伶眷屬多至三百人諸罪狀論大辟晟坐失察當革職留任上特寬之冬鎮寧苗吳陳受倡亂晟督師守隘同知傅鼎以計禽斬之加太子少保五年實授總督尋調直隸六年畿輔久雨永定河決坐奏報遲延職職速問發河工効力工竣予主事銜刑部行走七年授刑部侍郎晟自為曹郎以治獄明慎受知高宗數歷中外至是凡三入佐刑部仁宗尤重刑事晟識鞠務得其平多平反者江西巡撫張誠基勦義甯州匪飾稱自率兵臨陣為屬吏所訐命晟往按得實速誠基遂督署巡撫尋回京九年兼署戶部侍郎命赴

南河查勘清口運道疏言河身淤墊黃水增高致清水不能暢注宜啟祥符五瑞等開以減黃增運口蓋壩以蓄清如議行擢刑部尚書十一年以老疾乞休

溫詔慰留以刑部事繁特調工部章再上乃命解職在京養病尋以前在直隸失察藩庫虛收事降四品京堂歸卒於家

金光悌字蘭畦安徽英山人由舉人授內閣中書乾隆四十五年成進士轉宗

人府主事遷刑部員外郎歷郎中截取京察並當外任仍留部五十五年部臣

奏請以四品京堂用尤之江西舉人彭良彝為子賄買吏員執照光悌與為姻

親御史初彭齡劾光悌瞻徇坐降調仍補刑部員外郎留部覈辦秋審御史張

鵬展復劾之詔光悌在部久平日毀多譽少停其兼部尋兼內閣侍讀學士嘉

慶七年授山東按察使督布政使十年召授刑部侍郎數奉使赴山東直隸天

津熱河勘獄並得實以報十一年授江西巡撫疏言江西積案繁多請設局清

釐十四年擢刑部尚書光悌自居郎曹為長官所倚至是益自力以當時獄

多以寬厚為福往往稍減罪狀上之部臣懸千里推鞠苟引律當毋更議故遇

清史稿

列傳一百三十九

二

事必持律不得減比人咸以光悌用法嚴然亦有從寬者舊例監守自盜限內完贖者減等乾隆二十六年改重不減等光悌奏復舊例後阿克蘇錢局章京盜官錢計贖五百兩以上主者引平人竊盜律當絞情實光悌曰盜官錢當擬斬監追不決絞情實則決矣不得引竊盜律奏平之仁宗覽奏曰官盜較私盜反薄耶對曰與其有聚斂之臣甯有盜臣律意如是卒如其議光悌練習律例議必堅執同列無以奪之然屢被彈劾時論亦不盡以為平允十七年卒於官詔依尚書例賜卹

祖之望字舫齋福建浦城人乾隆四十三年進士選庶吉士散館授刑部主事

游升郎中俸滿當截取外任以諳悉部務留之京察一等以四五品京堂用歷

通政司參議太常寺少卿仍兼部務五十八年出為山西按察使攝律例民間

易犯罪名條列之曰三尺須知錄刊布於眾俾民無誤罹法六十年遷雲南布

政使上以之望親老調湖北俾便迎養嘉慶元年教匪起荆襄蔓延鄖宜施南

諸郡總督巡撫皆統師出之望一人留武昌治事訛言數作時獲賊謀偽檄徧

通衢之望靜定不驚防禦要隘城鄉市鎮設保甲互稽民心帖然賊犯孝威調師剿滅下游五郡皆安塔詔以之望雖未與賊戰坐鎮根本武漢無虞嘉其功賜花翎二年丁父憂命留任素服治事四年安襄鄖道胡齊嵩侵餉事發命之望察治齊嵩侵餉送轉輾猝不易究上切責之命解任來京及職定之望坐徇庇降調上知之望無染指居官有聲素請刑名以按察使降補除月授刑部侍郎子假非父省母五年授湖南巡撫鎮守黑苗出岫焚掠蔓延三廳遣兵擊平之親勘常德隄圍私墾洲地百數十處造册立案永息爭端尋復召為刑部侍郎至京面陳永綏廳孤懸苗境不足資控制請移廳治花園移協營茶洞沿邊偏設碉卡以永綏舊城為汛地使苗弁駐劄約束苗寨下所司議行六年借侍郎那彥寶勘近畿水災又借侍郎高杞監疏長辛店河道七年命赴山東按包役之孫冒考巡撫和瑛誣斷事和瑛譴罷即授之望巡撫尋調陝西大軍勦南山餘孽之望籌備軍食安插鄉勇撫卹災黎借總督惠齡奏籌善後事宜甚悉調廣東乞假省親九年仍授刑部侍郎逾一年以母老乞養歸十四年仁

清史稿

列傳一百三十九

三

宗五旬萬壽之望入都祝嘏其母年八十有三上垂問褒嘉寶子有加尋丁母憂服闋擢刑部尚書十八年以病解職尋卒

韓封字桂齡江蘇元和人父是升客游京師授經諸王邸以名德稱恬少慧能文由拔貢授刑部七品小京官累擢郎中乾隆五十四年出為河南彰德知府遷廣東高廉道坐失察吳川知縣庇縱私鹽事降刑部主事復游遷郎中嘉慶六年授湖南岳常澧道遷按察使調福建署布政使蔡牽方擾臺灣海疆多事對籌軍備杜接濟甚力遷湖南布政使十一年召為刑部侍郎十二年命赴荆州按將軍積拉堪與知府交結事又命勘南河十三年宗室敏學恃勢不法讞擬輕比詔斥部臣屈法縱奸讞責有差對方奉使河間讞獄未與盡諾上以對先於召對面陳意存開脫且部事素由封先覈定迹近專擅降授廣東按察使未幾擢巡撫時英吉利兵船占澳門砲台入黃埔久之始退總督吳熊光不即遣兵驅逐以罪罷命對署總督十四年對查閱澳門夷民安塔因疏陳西洋人於其地舊設砲台六請自伽思蘭砲台迤南加築女牆二百餘丈於前山寨

駐專營蓮花莖增關隔石垣新浦山口築砲臺填蕉門海口以資控制如議行又密陳粵海形勢沿海村落處處可通外洋盜匪易生窺伺必先固內而後可禦外凡屬扼要砲台宜簡練精銳嚴密防守並令沿海紳耆董督率丁壯互相捍護自衛身家較為得力百齡繼為總督會奏華洋交易章程外國兵船停泊外洋澳內華洋人分別稽覈各國商賈止許暫留司事之人經理債務餘俱飭依期回國不得在澳逗留洋船引水人責令澳門同知給發牌照買辦等華人責成地方有司慎選承充隨時稽察洋船起貨時不許洋商私自分撥下軍機大臣採擇議行逾年海盜張保仔就撫烏石二東海漸以次誅降賜花翎十六年復署總督疏請免米稅以通商販裕民食又疏陳潮州多械鬪而營員無協緝之責請令文武會拏距省遠請軍流以下就近由巡道覆覈又言懲治悍匪請如四川例初犯械鬪限一年改行積兩限如故即治以棍徒屢次滋擾律皆允行十八年入覲授刑部尚書對父是升年八十給假三月歸為壽二十一年丁父憂服闋以一品銜署刑部侍郎尋補刑部尚書道光四年平反山西檢

清史稿

列傳一百三十九

四

次縣民閻思虎獄被議叙初思虎強姦趙二姑知縣呂錫齡受賄逼認和姦趙二姑忿而自盡親屬京控命巡撫親提仍以和姦擬結御史梁中靖疏劾提解刑部審得實情是強非和並原審各官賄屬徇縱迴護諸弊狀思虎論斬趙二姑旌表巡撫邱樹棠按察使盧元偉及府縣各官降革遣戍有差詔嘉刑部堂司各官秉公申雪並予議叙梁中靖奏得實亦加四品銜會有官犯侯際清擬流呈請贖罪部議因際清犯罪情重仍以可否並請詔斥含混取巧命大學士托津等查訊侍郎恩銘常英司員恩德等皆有賄屬情事對亦解任就質坐失察司員得賄嗣子知情親屬極屬議奪職遣戍因年老從寬命効力萬年地吉地工程處逾歲召署刑部侍郎六年以病乞歸十四年卒

論曰有清一代於刑部用人最慎凡總辦秋審必擇司員明慎習故事者為之或出為監司數年稍迴翔疆圉入掌邦憲輒終其身故多能盡職仁宗尤留意刑獄往往親裁所用部臣斯其選也姜晟祖之望敷歷中外並有政績金光悌韓封皆筭部務最久光悌治事尤厲鋒鐔號刻深云

清史稿

列傳一百四十

達 椿 子 鐵 保 覺 羅 桂 芳

達椿字香圃烏蘇氏滿洲鎮白旗人乾隆二十五年進士選庶吉士散館授戶部主事遷員外郎歷翰林院侍講侍讀國子監祭酒詹事府詹事大理寺卿二十九年入直上書房充四庫全書總閱累擢禮部侍郎兼副都統四十五年坐會同四譯館屋壞斃朝鮮使臣革職留任五十四年左遷內閣學士達椿直內廷不附和坤數媒孽其短以曠直職仍留上書房効力行走尋授翰林院侍講學士復迭以大考降黜授檢討仁宗知其屈抑至嘉慶四年詔達椿因曠班被譴其過輕當時劉墉亦緣此降官今劉墉已為大學士達椿尚未遷擢加恩補授內閣學士兼副都統子薩彬圖時亦同官命達椿班次列薩彬圖之前歷禮部吏部侍郎兼翰林院掌院學士擢左都御史兼都統遷禮部尚書六年典會試七年卒薩彬圖乾隆四十五年進士授戶部主事遷員外郎典貴州鄉試

清 史 稿

列傳一百四十

一

改歷翰詹累遷內閣學士兼副都統和坤既伏法仁宗不欲株連與獄而薩彬圖屢疏言和坤財產多奇頓隱匿有嘗管金銀使女四名請獨至慎刑司訊鞫詔嚴斥之命從王大臣訊不得實議革職予七品筆帖式効力萬年吉地尋以其父年老召還京授戶部主事累擢倉場侍郎十二年出為漕運總督逾三歲京倉虧缺事覺降光祿寺卿遷盛京戶部侍郎十六年坐奉天災民流徙出邊職尋卒

鐵保字冶亭棟鄂氏滿洲正黃旗人先世姓覺羅稱為趙宋之裔後改今氏父誠秦秦密鎮總兵世為將家鐵保折節讀書年二十一成乾隆三十七年進士授吏部主事襲恩騎尉世職於曹司中自然孤立意有不可爭辯勿撓大學士阿桂屢薦之遷郎中擢少詹事因事罷尋補戶部員外郎調吏部擢翰林院侍講學士仍兼吏部行走歷侍讀學士內閣學士五十四年遷禮部侍郎兼副都統校射中的賜花翎調吏部嘉慶四年奏劾司員帝責其過當左遷內閣學士轉盛京兵部刑部侍郎兼奉天府尹尋復召為吏部侍郎出為漕運總督五年

清史稿 卷三五九

值車駕將幸盛京疏請御道因舊址勿闢新道裁革魄送扈從官員士儀禁從官安車馬上嘉納之七年遷廣東巡撫調山東河決衡家樓詔預籌運道九年三月漕運迅速加太子少保尋以水淺船遲革職留任十年擢兩江總督命覆鞫安徽壽州武舉張大有妒姦毒斃族姪蘇州知府周鈞受賄縱縱及初彭齡為安徽巡撫勸實法鐵保坐失察褫官銜降二品頂戴尋復之十二年疏請八旗兵米酌給二成折色詔斥妄改舊章革職留任先後疏論治河請改建王營減壩培築高堰山旰後土坡及河岸大隄修復雲梯關外海口遺大日壞吏治日弛釀成重獄職遺成烏魯木齊逾年給三等侍衛充葉爾羌辦事大臣尋授翰林院侍講學士調喀什噶爾參贊大臣授浙江巡撫未之任改吏部侍郎擢禮部尚書調吏部請艾吏兵兩部苛例條陳時政多見施行林清之變召對極言內監通賊有據因窮治逆黨內監多銜恨徧騰謗言會伊犁將

清 史 稿

列傳一百四十

二

軍松筠劾鐵保前在喀什噶爾治叛裔玉素普之獄誤聽人言枉殺回民毛拉素皮艾四人上怒追念江南李毓昌之獄斥其屢蹈重咎職發往吉林効力二十三年召為司經局洗馬道光初以疾乞休賜三品卿銜四年卒鐵保慷慨論事高宗謂其有大臣風及居外任自欲有所表見倨傲意為愛憎屢以措施失當被黜然優於文學詞翰並美兩典禮閣及山東順天鄉試皆得人留心文獻為八旗通志總裁多得開國以來滿洲蒙古漢軍遺集先成白山詩介五十七卷復增輯改編得一百三十四卷進御仁宗製序賜名熙朝雅頌集自著曰懷清齋集弟玉保字問峯乾隆四十六年進士入翰林有才子名高宗親試八旗翰詹與兄鐵保並被擢時比以郊祁軾轍官至兵部侍郎究心兵家言川楚教匪起嘗願自効行間會上欲用為巡撫為和坤所阻鬱鬱卒年甫四十

和瑛原名和甯避宣宗諱改字太莽額勒德特氏蒙古鑲黃旗人乾隆三十六年進士授戶部主事歷員外郎出為安徽太平知府調潁州五十二年擢廬鳳道歷四川按察使安徽四川陝西布政使五十八年子副都統銜充西藏辦事

三三三

大臣尋授內閣學士仍留職辦事和瑛在藏八年著西藏賦博採地形民俗物產自為之注嘉慶五年召為理藩院侍郎歷工部戶部出為山東巡撫七年金鄉皂役之孫張敬禮冒考被控知縣汪廷楷置不問學政劉鳳詒以聞下和瑛提鞠誤聽濟南知府德生言誣斷為給事中汪鏞所糾上以和瑛日事文墨廢弛政務即解職命鑄從侍郎祖之望往按得實罷和瑛職又以匿蝗災事覺讞成烏魯木齊尋予藍翎侍衛充葉爾羌幫辦大臣調喀什噶爾參贊大臣九年授理藩院侍郎仍留邊任疏言喀什噶爾英吉沙爾倉儲足供軍食請減運伊犁布疋改徵雜糧四千石減價出糶且請嗣後折收制錢以免運費允之劾略喇沙爾歷任辦事大臣私以庫款貸與軍民及土爾扈特回子取息錢入已降革治罪有差十一年召還京為吏部侍郎調倉場未幾復出為烏魯木齊都統十三年塔爾巴哈台參贊大臣愛星阿欲調瑪納斯戍兵四百人番上屯田和瑛謂瑪納斯處極邊戍兵專事操防不諳耕作咨駁以聞上聽之十四年授陝甘總督坐前在倉場失察盜米降大理寺少卿十六年遷盛京刑部侍郎復州

清史稿

列傳一百四十

三

甯海岫巖饑將軍觀明以罹災罷免授和瑛為將軍廉得邊門章京塔清阿等承觀明意諱災不報降革有差尋以誤捕屯民張建讓為盜鍛鍊成獄刑部覆訊雪其冤議革和瑛職詔寬之留任調熱河都統未上召為禮部尚書調兵部坐失察盛京宗室裕瑞強娶有夫民婦為妾降盛京副都統遷熱河都統二十一年授工部尚書命赴甘肅按倉庫虧缺得總督先福徇庇及貪縱狀治如律二十二年調兵部加太子少保歷禮部兵部二十三年授軍機大臣領侍衛內大臣充上書房總譜達文穎館總裁逾一歲調刑部罷內直道光元年卒贈太子太保諡簡勤和瑛嫻習掌故優於文學著書多不傳久任邊職有惠政後其子璧昌治回疆回部猶歸心焉璧昌自有傳

覺羅桂芳字香東隸鑲藍旗總督圖思德孫嘉慶四年進士選庶吉士授檢討嘗召對仁宗曰奇才也不數年累擢內閣學士十一年入直上書房遷禮部侍郎歷吏部戶部侍郎兼副都統總管內務府大臣翰林院掌院學士迭典順天江南鄉試兼直南書房桂芳家素貧有門生餽納曰執贄禮甚古某忝佐司農

俸入粗給無藉乎此封還之大學士祿康與夫聚博命借侍郎英和按治無所徇上嘉其不避嫌怨十八年教匪林清逆黨攔入禁城桂芳方直內廷借諸王大臣率兵殲捕叙勞加二級上遇變修省訓誡臣工頒御製文七篇示內廷諸臣命各抒所見書以進御桂芳書罪已詔後曰皇上臨御以來承列聖深仁厚澤日以愛民為政四海之內莫不聞視今茲事變豈不怪異而臣竊以為此未足為聖德之累昔孔子論仁至於濟眾論敬至於安百姓皆曰堯舜其猶病諸豈真以堯舜之聖為未至哉夫天下之大萬民之眾而決其無一夫之梗者蓋自古其難之然而揆之人事則實有未盡者夫林清先以習教被繫既釋歸轉益煽亂數年之間往來糾結於曹衛齊魯之間其黨至數千人聞寺職官竟有與其謀者而未事之先曾無一人抉發是吏無政也藏利刃懷白帔度越門關飲於都市無調而知者是進者門者無禁也禁兵千計賊不及百闔門而擊之俄頃可盡乃兩日一夜始悉禽戮是軍無律也夫吏惰卒驕文武弛而法制禁令為虛器則事之可憂豈獨在賊我皇上觀微知著洞悉天下之故詔曰方

清史稿

列傳一百四十

四

今大弊在因循怠玩至哉言乎臣敬釋之蓋因循怠玩亦有所由無才與識則有因循而已無志與氣則有怠玩而已是故得人而任之則因循怠玩之習不患不除儻非其人微獨不能除其習而已就令除之不因循而且為煩苛不怠玩而且為躁競其無裨於治則均耳是在皇上詢事考言循名責實器使之以奏其能專任之以收其効因小失而崇不業在陛下一旋轉聞耳書行實政論後曰實心者何忠是也忠者一於為國而不亟亟於求上之知其所以急於公者如急於己一政而便於民其行之而恐不及也一政而不便於民其去之恐不速也不以避疑謗而易其是非之公不以處疏迷而違其夙夜之志故其於政也籌之至審而不為旦夕之謀行之務當而不揣詔旨之合惟力是視不必其事之諒於人惟善之從不必其謀之出於己若是者謂之實政夫為臣之道時不當忠然而忠之實蓋如此非然者初無寸勞而已為見功之地未必加譴而已存巧避之心取容於唯諾而不以國事為憂快意於愛憎而不以人才為惜如斯人者雖我皇上日討而訓之尚望其能行實政乎夫政者上所以治天

下之具然而行之以實乃能有功不則文具而已官無實政民乃不治非細故也皇上震動恪恭求賢納諫勅中外諸臣改慮易志稍有人心者時敢不勉而臣所欲言者則又在陛下之心矣臣昨歲恭錄乾隆朝臣孫嘉淦三習一弊疏於御製養心殿配册未伏願萬幾之暇時賜觀覽用其說以考諸臣之政因以識諸臣之心則賢才不患其不思奮庶績不患其不成熙較臣管蠡之見似更有助於高深焉又論致變之源由於民窮民窮由於幣輕幣輕則國與民交病論刑用重典而不得其平則不能格姦定亂論民惑邪教由士大夫好言因果利益有以導之因事納規所言多切中時弊於是復條陳時事或見之謂其未必盡合上意桂芳慨然曰此何時尚以迎合為言耶及上嘉納之命暫在軍機處學習行走未幾授軍機大臣十九年軍事竣以贊畫功賜桂芳子炳奎七品小京官尋命往廣西按事授漕運總督未至廣西於武昌途次病疫卒上以桂芳明慎直爽方需用至是優詔褒卹數為良才難得贈太子少保加尚書銜復以曾授三阿哥讀書喪至京師命三阿哥往奠御製詩悼之設文敏著有經進

清史稿

列傳一百四十

五

豪儀儀堂詩存才華豐贍為時所稱

論曰承平既久八旗人士起甲科列侍從者亦多以文字被恩眷達椿梓權相晚乃見用其守正有足稱鐵保和瑛並器識淵雅述作斐然桂芳通達政體建言諤諤最為一時雋才年命不永未竟其用惜哉

清史稿

萬承風

錢樹

李宗瀚

朱方增

周系英

秦瀛

韓鼎晉

列傳一百四十一

萬承風字和圃江西義甯人乾隆四十六年進士選庶吉士授檢討直上書房侍宣宗讀六十年典試雲南時仁宗在潛邸賜詩寵行累遷翰林院侍讀嘉慶三年大考降檢討四年督廣東學政瓊州海寇猝發承風以聞命總督吉慶按治總兵西密揚阿等以惟怯置吏議累遷侍講學士任滿還京直上書房擢詹事督山東學政整厲士習扶持善類洊擢禮部侍郎命還京十二年督學江蘇以清江浦荷花塘河工取勢太直屢築屢圯奏請復舊詔如議行調兵部十四年上五旬萬壽陳請解任還京祝嘏詔嚴斥左遷內閣學士調安徽學政定遠士子與鳳陽胥役有隙至試期輒修怨當事者庇胥役士益憤承風疏請下巡撫嚴治胥役實諸法擢兵部侍郎還京仍直上書房充經筵講官十七年引疾歸尋卒入祀鄉賢祠宣宗即位追念舊學贈禮部尚書銜設文恪道光十二年晉贈太傅子方楨等加恩有差

清史稿

列傳一百四十一

周系英字孟才湖南湘潭人乾隆五十八年進士選庶吉士授編修累遷侍講嘉慶十年督四川學政十四年入直南書房擢太常寺卿尋改直上書房授三阿哥讀上諭不但授讀講習詩文當教阿哥為人居心以忠厚為本系英請加授資治通鑑以知古今治亂興衰之故悉民間疾苦上覽之轉光祿寺卿督山西學政任滿回京仍直上書房十九年擢兵部右侍郎母憂去服闋補吏部侍郎二十四年湘潭民與江西客民鬪相殺傷巡撫吳邦慶亦籍江西陳奏偏袒系英詢齋奏人得事始末於召對時而陳乃調邦慶福建詔以獄事畀總督察治系英素以樸直被眷遇邦慶初與善約地方事有見聞必告至是手書言其曲直系英子汝楨亦致書在籍給事中石承藻詢獄事書並為邦慶得先後以兩書上聞上怒系英庇鄉人部議革職猶命以編修用繼以汝楨致書事職職

回籍道光初以四品京堂召用歷翰林院侍讀學士內閣學士二年遷工部侍郎督江西學政尋調江蘇許密摺言地方利病人才咸否會瀕江大水學政駐江陰系英目擊災狀貽書督撫留官吏素得民者治賑務假庫帑三萬兩購米平糶民感之四年調戶部左侍郎卒於任

錢樾字輔棠浙江嘉善人乾隆三十七年進士選庶吉士授編修典陝西鄉試督四川學政直上書房兩典江西鄉試督廣西學政累擢少詹事嘉慶四年還京仍入直隸遷內閣學士禮部侍郎督江蘇學政時吳縣令甄輔廷治諸生糾控罪過當學政平恕曲徇所請斥革生員二十五人上聞之解平恕任以樾代至則先復諸生名僅坐首事者三人士民稱慶方其赴任途中見行船有大書內廷南府者因上疏劾奸吏詭託上累聖明詔飭關津禁絕嚴罪所司時南河邵壩決口瓜儀私梟充斥為閭閻害命樾密訪以聞疏陳黃河自豫東界至桃宿以上水緩沙停致河高堤淺所在防潰請於霜降後鳩工疏正河並增築堤防先務所急又以私梟為患皆由官竈價貴民利食私若稍平鹽價則私梟自絕疏入俱報可尋調吏部任滿回京調戶部兼管錢法堂事務奏請申禁改漕折色以清弊端復調吏部九年坐失察書吏舞弊以告病治中趙曰濂虛選連同降內閣學士樾上疏置辯議革職加恩賜編修十年擢鴻臚寺少卿督山東學政累遷大理寺少卿內閣學士母憂歸服闋引疾不出二十年卒

清史稿

列傳一百四十一

二

秦瀛字凌滄江蘇無錫人諭德松齡元孫也乾隆四十一年以舉人召試山東行在授內閣中書充軍機章京游邊郎中五十八年出為浙江溫處道有惠政嘉慶五年擢按察使甯紹台三府水災有司匿不報瀛力言於巡撫乃得賑調湖南衡州歲歉有司匿不報方議派濟陝西兵米瀛復力言於巡撫留米平糶七年以病歸逾兩年起授廣東按察使督郡縣治盜禽著盜案修平吳縣寶實諸法撫瓊州黎匪嚴禁賭博白鶴票十年遷浙江布政使入覲乞內用授光祿寺卿轉太常寺卿疏陳廣東治盜事宜略曰海盜始在高廉近則攔入廣州大股如鄭一烏石二總兵寶朱清等聲勢甚張內地順德香山新會三縣連有肆劫以馬觀李英芳為之魁與海盜勾結捕急則遁入海中統將出海藉詞遷延

不能盡力黜提督孫全謀而魏大斌即為之續臣愚以為勦捕之法一曰討軍實水師廢弛則盜匪虛糜洋商鹽商捐輸寬裕經手之員倘有侵漁遺委之將仍復驕惰非立法痛懲徒資耗費一曰樹聲威盜善偵探非先聲擊人盜已輕我兵行之日督撫宜舉薦勳飲有功而歸閩轅行賞不用命者殺無赦一曰戒虛飾禽盜豈能皆真一念邀功講多失實偶有平反不復深咎嗣後總期弋獲真盜毋縱母枉至守禦之法尤宜急講嚴防守口岸口岸多而汛兵少盜船乘間直入巡船復少不能禦盜且為盜資保甲僅屬虛名縱役訛索反成厲政欲行保甲團練先須百姓服從臣以為嚴防守必先澄清吏治澄吏治必先固民心一曰清獄訟粵民好訟大小案件論旨岐飭尚多沈摺殆由案之初起遲延不辦上根訟師從而把持遂至供情屢易莫可窮究惟有督飭州縣有一案即清一案務洗滌偏私之習一曰抑尤濫六計尚廉近海州縣有緝捕解犯之責尤宜撙節庶不虧倉庫而累閭閻一令到任幕友長隨多人坐食勢不能復為廉吏難職武弁惟利是圖稍授以權即挾制文吏難職差委過多亦滋擾

清史稿

列傳一百四十一

三

累一曰懲盜役胥役熟習地方情形串同官親家屬肆為民害廣東胥役每有暗進盜匪收受陋規此尤不可不嚴行懲創也三者既舉而吏治澄吏治澄而民心固於以舉行保甲團練無不可使之民即無不可行之法矣疏上詔下疆吏探行遷順天府尹十二年擢刑部侍郎以宗室敏學獄會擬輕縱議職詔原之左遷光祿寺卿歷左副都御史倉場侍郎詔整頓倉場瀛瀛齒衰以二品頂戴調左副都御史尋授兵部侍郎復調刑部瀛治獄平慎在浙辨定海難民十二人非盜及海盜誣攀族人已入告卒更正省釋在部治運丁盜米許者謂以藥置米中立溢試之不驗仁宗親試明其枉尤為時稱十五年以病解任道光元年卒瀛工文章與姚鼎相推重體亦相近云
李宗瀚字春湖江西臨川人乾隆五十八年進士選庶吉士授編修嘉慶三年大考二等擢左贊善累遷侍講學士充日講起居注官五年典福建鄉試母憂歸服闋補原官轉侍讀學士九年督湖南學政歷太僕寺卿宗人府丞左副都御史二十年丁本生母憂服闋在籍奏請終生祖母養允之道光三年遭祖母

喪先是禮臣建議為父後者為生祖母終三年喪宗瀚幸奉功令既而部議仍改期服宗瀚本生父秉禮已老而有子四人以出繼不得終養五年入都召見詢家世官資甚悉宗瀚具陳終養始末宣宗為之嗟歎遂補原官八年擢工部侍郎典浙江鄉試留學政十一年丁本生父憂哀毀扶病奔喪卒於衢州以衰服殮年六十三宗瀚孝謹恬退中歲以養親居林下十年書法尤為世重

韓鼎晉字樹屏四川長壽人乾隆六十年進士選庶吉士授檢討嘉慶九年改御史疏言天主教流傳之害請申禁以絕根株從之以母老請終養十六年服闋補原官疏陳四川積弊六事曰禁科派以安閭閻除囑匪以防積漸查下房以全民命禁拐騙以警貪頑嚴攤捐以養廉潔嚴戎政以歸實效又言京師賭風大熾多屬王公大臣與夫設局倚勢飲法帝命指實下詔嚴治詎日獲賭案三大學士步軍統領祿康與夫為之魁親貴近臣莫不悚息巡視山東漕務轉工科給事中光祿寺少卿督陝甘學政疏言榆綬諸州縣倉貯空虛宜設法籌補其地資蒙古糧食接濟今腹裏邊外俱荒當分別安置撫恤又言南山善後

清史稿

列傳一百四十一

四

事宜宜行堅壁清野之法山內流民雜處最為姦藪當嚴行保甲使奸宄無所匿軍中擄脅難民子女請嚴禁南山附近及豫東並經兵燹宜慎選牧令以蘇民氣川北荒歉與陝甘昆連鹽梟輒匪多出其中請先事豫防並下疆吏如所請行歷鴻臚寺卿通政司副使太常寺卿左副都御史二十四年命察視近畿水災督黃村賑務督福建學政疏言閩中吏治久窳請不限資格用廉幹吏補汀漳泉三郡望緊要缺久其任以專責成漳泉營伍通盜請責提鎮立予重典勿稍袒庇道光六年遷倉場侍郎以病罷起補工部侍郎京察原品休致卒於家祀鄉賢祠

朱方增字虹舫浙江海鹽人嘉慶六年進士選庶吉士授編修典雲南鄉試遷國子監司業十八年教匪之變方增勅直隸總督溫承惠貽誤地方黜之應詔陳言論用人理財略曰近今大臣中罕有以進賢為務者蓋薦舉之事易於循私黨援交結不得不防而大臣亦遂引嫌自避夫大臣避徇私之名而忘以人事君之責所謂因噎廢食非公忠體國者所宜有也至於任用之方則無過於

考言詢事皇上博訪周諮徐為印證於召對時各就所長論使面陳果能洞悉原委又嘗試之以事以觀其能與否如或敷奏並無條理則其人固不足用而大臣之識見優細心地公私亦可見矣抑臣思臣工居職苟非開其離齷者流孰不思自效况蒙皇上訓飭至再至三而猶故習相仍驟難振拔者良有數端條例過繁文案瑣屑雖有強敏之吏而精神疲於具文其實關於政治民生轉致不能詳覈一也差務絡繹公私賠累身家之恤不遑民物之懷漸忍二也計告之風至今益甚嘗有以田上門毆細故而叩關京控者有司畏其挾制不得不姑息委蛇雖有急公自好者其尋常瑣屑之事豈皆一一可達聖聰甚至匿名揭帖無主名之可指蓋吏猾胥奸民惡僕求謀不遂懲治過嚴皆可造作飛語訐及陰私足使任事之心不寒而栗委曲隱忍奸宄橫行大都由此三也今皇上欲整飭因循積習臣愚以為必先除此三者之弊庶廓然無所疑畏而得專精實政矣經國之方理財尤要古者以三十年之通制國用斟酌盈虛量入為出用能經常不匱今戶部歲入歲出年一彙奏惟中外未合為一條緒繁

清史稿

列傳一百四十一

五

賦極難釐剔且凡撥解即謂之出並未實計所用新舊牽涇洩濇益甚而出納諸欸又因有無定之欸盈蝕參差以故一歲之中所出幾何數之所入贏餘若干不能得其實數請旨敕下戶部歲入歲出宜合中外為一核計贏餘總數仍取前一二歲所贏餘確實比較然後審其輕重緩急舉一切例內例外諸用欸有可裁省停緩者酌加撙節庶合於古人通年制用之法而度支充裕矣二十一年入直懋勤殿編纂石渠寶笈秘殿珠林等書廣西學政累遷翰林院侍讀學士道光四年大考第一擢內閣學士典山東鄉試七年督江蘇學政十年卒方增熟諳朝章典故輯國史名臣事蹟為從政觀法錄行於世論曰萬承風周系英錢樾以侍從之臣輅車所至建白卓然秦瀛之治績李宗瀚之孝行非僅以文藻稱韓鼎晉朱方增侃獻納言有體要皆風采著於朝列矣

清史稿

列傳一百四十二

魁倫

廣興

初彭齡

魁倫完顏氏滿洲正黃旗人副將軍查弼納孫也襲世管佐領兼輕車都尉授四川漳臘營參將累擢建昌鎮總兵管入覲高宗詢家世魁倫陳戰功甚悉乾隆五十三年擢福州將軍喜聲伎制行不謹總督伍拉納欲劾之伍拉納故貪逼勒屬吏財賄復縱洋盜盜艇集五虎門外不問魁倫遂叠疏劾閩省吏治廢弛伍拉納及巡撫浦霖溺職按察使錢受椿等迎合助虐上怒褫伍拉納等職逮問命長麟署總督借魁倫鞫訊得伍拉納等貪婪及庫藏虧絀狀俱伏法伍拉納為和珅姻戚富按治時上切責長麟膽敢去以事由魁倫舉發特寬之代署總督嚴捕海盜屢獲其魁嘉慶元年實授總督三年巨盜林發枝投首海患稍戢以母憂歸自治閩獄以仇直聞於時仁宗尤眷之四年起署吏部尚書魁倫屢於上前自稱昔治四川囑匪功謂賊不難辦請赴軍前時上督責諸將

清史稿

列傳一百四十二

一

平賊甚急經略勒保未稱帝意命魁倫赴四川逮勒保治罪即代署總督駐達州治軍餉勒保獲譴由甚語既就逮所部訴其冤乞代奏魁倫稍為置辯終以玩誤軍務擬重辟軍心因之渙散不為用額勒登保繼為經略與德楞泰先後赴甘肅勦賊魁倫專任四川軍事五年春冉天元糾數路殘匪潛匿大竹魁倫遂巡未發賊脅眾數萬由定遠渡嘉陵江圍擾川西魁倫繞道鄰水自順慶追勦檄總兵七十五還守重慶上以數年來賊氛皆在川東北惟川西完善地為軍餉所出斥魁倫疏防革職留任賊尋渡江掠蓬溪諸將獨總兵朱射斗力戰而兵少魁倫約為接應復不至射斗戰死魁倫退屯潼川降三品頂戴詔責嚴守潼河曰此爾生死關頭也復起勒保為四川提督借德楞泰進剿川西川北四月賊伺川西備嚴乘間竄渡潼河焚太和逼成都上怒魁倫屢失機縱賊破職逮問命勒保代署總督侍郎周興岱往會鞫尋逮京賜死子扎拉芬戍伊犁魁倫居官廉自為尚書時詔寬減關關賠銀六千兩至是醫家產不足償上益憐之給還宅一區俾其妻有所棲止又因其孫幼稚命扎拉芬到成

三年釋歸宣諭廷臣使知法戒焉

廣興字廣虞滿洲鑲黃旗人大學士高晉第十二子入資為主事補官禮部敏於任事背誦案牘如瀉水大學士王杰器其才累遷給事中嘉慶四年首劾和珅罪狀擢副都御史命赴四川治軍需綜覈精嚴月節糜費數十萬金為時所忌以疑擾驛傳被劾上優容之復屢與總督魁倫互劾召還左遷通政副使九年擢兵部侍郎兼副都統總管內務府大臣署刑部侍郎同寮輕其於刑名非素習廣興引證律例屢正誤讞眾乃服十一年奏劾御前大臣定親王蘇恩揀選官缺專擅違例廷臣察詢不直所言降三品京堂罷職補奉宸苑卿擢刑部侍郎復兼內務府大臣上方倚任廣興亦慷慨直言召對每逾晷刻上曰汝與初彭齡皆朕信任之人何外廷怨恨乃爾廣興頓首謝數奉使赴山東河南按事益作威福中外側目內監鄂羅哩者自乾隆中充近侍年七十餘嘗至朝廊與廣興坐語以長者自居廣興輒然曰汝輩閹人當敬謹侍立安得與大臣論世詎乎鄂羅哩恨次骨思以中之十三年冬內庫給宮中綉段不如數且

清史稿

列傳一百四十二

二

竊敗鄂羅哩言由廣興魁滅上即命傳諭出而漫言之廣興不知為上旨坐而與辯鄂羅哩入奏其坐聽諭旨上怒一日面詰廣興廣興言總管太監孫進忠與庫官勾通欲交外省織造藉遂需索規費之計上以其不能指實庫官何人挾詐而欺下廷臣譴罪尋寬之罷職家居於是與廣興不協者繼起媒孽其短上密諭山東河南兩省巡撫察奏遂交章劾其奉使時任意作威苛求供頓收納餽遺諸罪狀下獄議絞上親廷訊尚欲緩其獄廣興未省上意抗辯無引罪語而賊私有實據上益怒遂置之法籍其家子蘊秀成吉林並罪兩省官吏及山東言官各有差廣興仇爽無城府疾惡嚴喜詆人陰私既得志驕奢日甚縱情聲色不能約束奴僕終及於禍

初彭齡字頤園山東萊陽人乾隆三十六年巡幸山東召試賜舉人四十五年成進士選庶吉士授編修五十四年遷江南道御史劾協辦大學士彭元瑞徇私為婿經營事元瑞被劾又江西巡撫陳淮以貪著劾罷之風采振一時累遷兵部侍郎嘉慶四年出為雲南巡撫時總督富綱請罷官鹽改歸民運民銷詔

下彭齡議疏上略曰：滇鹽向例官督釐煎分井定額按月完納省倉行銷之法。按州縣戶口多寡定額地方官備價運銷交課其始釐戶所領官給薪本數裕交足額鹽之外尚有餘鹽官售額鹽扣還脚價之外尚有餘課行之日久不肯州縣勾通井官私買額外餘鹽行銷肥己釐戶利於賣私益滋偷漏前巡撫劉秉恬遂令州縣額銷十萬斤者加銷一二萬以資辦公釐戶薪本不敷無力加煎棧和灰土州縣滯銷因有派累之事乾隆五十六年鹽道蔣繼勳以官銀盡買安甯等井私煎之鹽并發州縣銷售欲以彌縫虧空額鹽積壓愈多於是州縣又有計口授鹽短秤加課之弊煙戶無論男女老幼皆應交課窮困已極迤西一帶遂至聚眾抗官斃差焚屋前年咸遠猥夷滋擾即有此等姦民祿豐一案亦由鹽務起釁江閩並匿情不奏富綱到滇實見有不得不改章以甦民困者竊思滇鹽官運官銷積弊難返應如督臣所奏改為就井收課聽民自便於是損益原奏令釐戶自煎自賣商販領照聽其所之試行二三年再定各井歲額下部議行又籌置堡田免徭役加派滇民咸之効前撫江蘭匪抱母恩耕二

清史稿

列傳一百四十二

三

井水火不奏蘭因黜罷六年自陳親老乞改京職允之以貴州巡撫伊桑阿代途次劾伊桑阿驕奢乖戾苛派屬員勦石峴苗節詞冒功遣使勘實實伊桑阿於法回京授刑部侍郎七年借副都統富尼善往貴州按事劾巡撫常明鉛廠之弊視職治罪即代署巡撫尋調署雲南巡撫劾布政使陳孝昇迤西道薩榮安以維西軍務冒帑治如律八年借侍郎額勒布清查陝西軍需自巡撫秦承恩以下黜罰有差調工部侍郎又調戶部九年誤聽湖北巡撫高杞言劾湖廣總督吳熊光受賄不得實後復以獨對時密諭私告杞事覺下廷臣議罪以大辟上仁宗知彭齡無他不欲因言事加重譴詔斥諸臣所擬過當有意杜言事者之口又念彭齡親老免遠謫罷職家居逾年起授右庶子驟遷內閣學士十一年借侍郎英和往陝西讞獄途經山西命察議河東鹽務尋授安徽巡撫壽州武舉張大有因妒姦毒斃族姪張倫及雇工人總督鐵保徇蘇州知府周錫以自中蛇毒定讞彭齡推鞠得實詔嘉之特予議叙鐵保等降黜有差父憂歸十四年奪情授貴州巡撫固辭不起服闋署山西巡撫遂實授劾前巡撫成齡

清史稿 卷三六一

需索供應又劾布政使劉清著按察使張曾獻及府州縣多人尋調陝西河東道劉大觀揭劾初彭齡任性乖張命回山西聽勘以怒斥前撫金應琦及賸徇知府朱錫庚部議革職詔寬之降補鴻臚寺卿遷順天府尹十六年借尚書托津清查南河工帑劾罷廳營四十八員復借尚書崇祿往福建讞獄遷工部侍郎署浙江巡撫尋命往兩湖按訊湖北按察使周季堂及湖南學政徐松季堂無貪跡惟袒庇屬員視職免治罪松需索陋規出題割裂聖經視職遣成十七年調戶部侍郎時兩江總督百齡劾南河總督陳鳳翔誤啟智禮兩端鳳翔已被譴自訴辯又計百齡信任鹽巡道朱爾辰額督辦葦蕩失當命彭齡松筠往按百齡於收場時實同畫諾遂請薄懲百齡而朱爾辰額被重譴語詳百齡等傳署南河總督尋調倉場侍郎十九年命往廣西按訊巡撫成林以恣意聲色用度多靡視成林職籍其家擢兵部尚書特命署江蘇巡撫清查虧空疏言虧空應立時懲辦而各省督撫往往密奏僅使分限完繳始則屬官玩法任意侵欺繼則上司市恩設法掩蓋是以清查為續虧出路密奏為緩辦良圖請飭禁

清史稿

列傳一百四十二

四

帝聽之劾江甯布政使陳桂生江蘇布政使常格催徵不力並視職尋巡撫張師誠回任仍命彭齡會同清查彭齡與百齡師誠意不合各擬章程上詔斥其不能和衷既而疏劾百齡師誠受關道鹽員饋銀又劾陳桂生弊混命大學士托津尙書景安往按至則百齡師誠嗾屬員多方沮格所劾並不得實上以彭齡性偏急嫉惡過嚴斥其輕躁降內閣學士召回京茅豫者以部員隨赴廣西因留江蘇佐理改知府至是彭齡疏陳豫兩耳重聽代為乞假詔斥越職專擅再降以翰林院侍讀侍講候補百齡復劾彭齡沈湎於酒事一委茅豫致陳桂生之罪私拆批摺挾怨誣參且豫實非耳聾亦徇欺上怒視彭齡職停其母九旬恩資令閉門思過二十一年起為工部主事丁母憂未歸請改注籍順天服闋以員外郎用道光元年授禮部侍郎尋擢兵部尚書三年萬壽節與十五老臣宴繪圖於萬壽山玉瀾堂御製詩稱其耿介優資珍物四年以年老休致食半俸五年卒詔優卹

論曰：甚矣直臣之不易為也。赤心為國，犯顏批鱗，而人主諒之，苟有排異已市

三三七

盛名之心借徑梯榮衆矢集焉况身罹負乘或加之貪婪乎魁倫廣興之所以不得其死也初彭齡雖亦編錄然實政清操躡而復起克保令名宜哉

清史稿

列傳一百四十二

清史稿

列傳一百四十三

洪亮吉

谷際岐

李仲昭

石承藻

洪亮吉字稚存江蘇陽湖人少孤貧力學孝事寡母初佐安徽學政朱筠校文繼入陝西巡撫畢沅幕為校刊古書詞章考據著於一時尤精罕輿地乾隆五十五年成一甲第二名進士授翰林院編修年已四十有五長身火色性豪邁喜論當世事未散館分校順天鄉試督貴州學政以古學教士地僻無書籍購經史通典文選置各府書院貽士始治經史為詩古文有法任滿還京入直上書房授皇曾孫奕純讀嘉慶三年大考翰詹試征邪教疏亮吉力陳內外弊政數千言為時所忌以弟喪陳情歸四年高宗崩仁宗始親政大學士朱珪書起之供職與修高宗實錄第一次稿本成意有不樂將告歸上書軍機王大臣言事略曰今天子求治之心急矣天下望治之心孔迫矣而機局未轉者推原其故蓋有數端亮吉以為勸精圖治當一法祖宗初政之勤而尚未盡法也用人

清史稿

列傳一百四十三

行政當一改權臣當國之時而尚未盡改也風俗則日趨卑下賞罰則仍不賤明言路則似通而未通吏治則欲肅而未肅何以言勸精圖治尚未盡法也自三四月以來視朝稍晏疑恐退朝之後俳優近習之人榮感聖聽者不少此親臣大臣啟沃君心者之過也蓋犯顏極諫雖非親臣大臣之事然不可使國家無嚴憚之人乾隆初年純皇帝宵旰不遑勤求至治其時如鄂文端朱文端張文和孫文定等皆侃侃以老成師傅自居亮吉恭修實錄見一日中硃筆細書折成方寸或詢張鄂或詢孫朱曰某人賢否某事當否日或十餘次諸臣亦皆隨時隨事奏片質語直陳是上下無隱情純皇帝固聖不可及而亦衆正盈朝前後左右皆嚴憚之人故也今一則處事太緩自乾隆五十五年以後權私蒙蔽事事不得其平者不知凡幾矣千百中無有一二能上達者即能上達未必即能見之施行也如江南洋盜一案參將楊天相有功駢戮洋盜某漏網安居皆由署總督蘇凌阿昏憤糊塗貪贓玩法舉世知其冤而洋盜公然上岸無所顧忌皆此一事釀成况蘇凌阿權相私人朝廷必無所顧惜而至今尚擁巨賈

厚自頤養江南查辦此案始則有心為承審官開釋繼則並聞以不寬覆奏夫以聖天子赫然獨斷欲平反一事而尚如此則此外沈寃何自而雪乎一則集思廣益之法未備堯舜之主亦必詢四岳詢羣牧蓋恐一人之聰明有限必博收衆采庶無失事請自今凡召見大小臣工必詢問人材詢問利弊所言可采則存檔冊以記之倘所舉非人所言失實則治其失言之罪然寄耳目於左右近習不可也詢人之功過於其黨類亦不可也蓋人材至今日銷磨殆盡矣以積稜為曉事以軟弱為良圖以鑽營為取進之階以苟且為服官之計由此道者無不各得其所欲而去衣鉢相承牢結而不可解夫此積稜軟弱鑽營苟且之人國家無事以之備班列可也適有緩急而欲望其奮身為國不顧利害不計夷險不瞻徇情而不顧惜身家不可得也至於利弊之不講又非一日在內部院諸臣事本不多而常若猝猝不暇汲汲顧影皆云多一事不如少一事在外督撫諸臣其賢者斤斤自守不肯者亟亟營私國計民生非所計也救目前而已官方吏治非所急也保本任而已慮久遠者以為過憂事與革者以為生

清史稿

列傳一百四十三

二

事此又豈國家求治之本意乎二則進賢退不肖似尚游移夫邪教之起由於激變原任達州知州戴如焯罪不容道矣幸有一衆口交譽之劉清百姓服之教匪亦服之此時正當用明效大驗之人聞劉清尚為州牧僅從司道之後辦事似不足盡其長矣某以為川省多事經略極嚴明勦賊匪用之撫難民用之整飭官方辦理地方之事又用之此不能分身者也何如擇此方賢吏如劉清者崇其官爵假以事權使之一意招徠撫綏以分督撫之權以戢國家之事有明中葉以來鄖陽多事則別設鄖陽巡撫偏沅多事則別設偏沅巡撫事竣則撤之此不可拘拘於成例者也夫設官以待賢能人果賢能似不必過循資格如劉清者進而尚未進也戴如焯雖以別案解任然尚安處川中聞教匪甘心欲食其肉知其所在即極力焚劫是以數月必移一處教匪亦必隨而迹之近在川東與一道員聯姻恃以無恐是救一有罪之人反殺千百無罪之人其理尚可恕乎純皇帝大事之時即明發諭旨數和坤之罪並一指其私人天下快心乃未幾而又起吳省蘭矣召見之時又聞其為吳省欽辨冤矣夫二吳

之為和坤私人與之交通貨賄人人所知故曹錕寶之糾和坤家人劉全也以同鄉素好先以摺奏示二吳二吳即袖其囊走權門藉為進身之地今二吳可雪不幾與褒贈曹錕寶之明旨相戾乎夫吳省欽之傾險秉文衡尹京兆無不聲名狼藉則革職不足蔽辜矣吳省蘭先為和坤教習師後反稱和坤為老師大考則第一矣視學典試不絕矣非和坤之力而誰力乎則降官亦不足蔽辜矣是退而尚未退也何以言用人行政未盡改也蓋其人雖已致法而十餘年來其更變祖宗成例汲引一己私人猶未嘗平心討論內閣六部各衙門何為國家之成法何為和坤所更張誰為國家自用之人誰為和坤所引進以及隨同受賄舞弊之人皇上縱極仁慈縱欲寬宥從又因人數甚廣不能一切屏除微示以善惡勸懲之法使人人知聖天子雖不為己甚而是非邪正之辨未嘗不洞悉未嘗不區別如是而夙昔之為私人者尚可革面革心而為國家之人否則朝廷常若今日清明可也萬一他日復有效權臣所為者而諸臣又羣起

清史稿

列傳一百四十三

三

而集其門矣何以言風俗日趨卑下也士大夫漸不顧廉恥百姓則不顧綱常然此不當責之百姓仍當責之士大夫也以亮吉所見十餘年來有尙書侍郎甘為宰相屈膝者矣有大學士七卿之長且年長以倍而求拜門生求為私人者矣有交宰相之僮隸並與樂抗禮者矣太學三館風氣之所由出也今則有昏夜乞憐以求署祭酒者矣有人前長跪以求講官者矣翰林大考國家所據以陞黜詞臣者也今則有先走軍機章京之門求認師生以探取御製詩韻者矣行賄於門閹侍衛以求傳遞代倩藏卷而去製就而入者矣及人人各得所欲則居然自以為得計夫大考如此何以責鄉會試之懷挾替代士大夫之行如此何以責小民之誇詐資緣輩輩之下如此何以責四海九州之營私舞弊純皇帝因內閣學士許玉猷為同姓石工護喪諭廷臣曰諸臣縱不自愛如國體何是知國體之尊在諸臣各知廉恥夫下之化上猶影響也士氣必待在上者振作之風節必待在上者獎成之舉一廉樸之吏則貪欺者庶可自愧矣進一恬退之流則奔競者庶可稍改矣拔一特立獨行敦品勵節之士則如脂如

韋依附朋比之風或可漸革矣而亮吉更有所慮者前之所言皆士大夫之不務名節者耳幸有矯矯自好者類皆感於因果遁入虛無以蔬食為家規以談禪為國政一二人倡於前千百人和於後甚有出則官服入則僧衣感智驚愚駭人觀聽亮吉前在內廷執事曾告之曰某等親王十人施齋戒殺者已十居六七羊豕鵝鴨皆不入門及此回入都而士大夫持齋戒殺又十居六七矣深恐西晉祖尚元虛之習復見於今則所關世道人心非小也何以言賞罰仍不嚴明也自征苗匪教匪以來福康安和琳孫士毅則蒙蔽欺妄於前宜蘇惠齡福甯則喪師失律於後又益以景安秦承恩之因循畏葸而川陝楚豫之民遭劫者不知幾百萬矣已死諸臣姑置勿論其現在者未嘗不議罪也然重者不過新羅換班輕者不過大營轉讓甚至擊解來京之秦承恩則又給還家產有意復用矣屢奉嚴旨之惠齡則又起補侍郎夫蒙蔽欺妄之殺人與喪師失律以及因循畏葸之殺人無異也而猶邀寬典異數亦從前所未有也故近日輕略以下領隊以上類皆不以賊匪之多寡地方之蹂躪挂懷彼其心未始不自

清史稿

列傳一百四十三

四

計日即使萬不可解而新羅換班大營轉讓亦尚有成例可援退步可守國法之寬及諸臣之不畏國法未有如今日之甚者純皇帝用之兵金川緬甸納親債事則殺納親額爾登額債事則殺額爾登額將軍提鎮之類伏失律之誅者不知凡幾是以萬里之外得一廷寄皆震懼失色則取軍之道得也今自乙卯以迄己未首尾五年債事屢矣提鎮副都統偏裨之將有一膺失律之誅者乎而欲諸臣之不玩寇不殃民得乎夫以純皇帝之聖武又豈見不及此蓋以歸政在即欲留待皇上澁政之初神武獨斷一新天下之耳目倘微平尚無期日而國帑日見銷磨萬一支細偶形司農告匱言念及此可為寒心此尤宜急加之意者也何以言言路似通而未通也九卿臺諫之臣類皆毛舉細故不切政要否則發人之陰私快己之恩恐十件之中幸有一二可行者發部議矣而部臣與建言諸臣又各存意見無不議駁並無不通駁則又豈國家詢及鈔堯詢及瞽史之初意乎然或因其所言瑣碎或輕重失倫或虛實不審而一概留中則又不可其法莫如隨閱隨發面諭廷臣或特頒諭旨皆隨其事之可行

不可行明白曉示之即或彈劾不避權貴在諸臣一心為國本不必避嫌怨以近事論錢澧初彭齡皆常弼及大僚矣未聞大僚敢與之為仇也若其不知國體不識政要冒昧立言或攻發人之陰私則亦不妨使眾共知之以著其非而懲其後蓋諸臣既敢挾私而不為國更可無煩君上之迴護矣何以言吏治欲肅而未肅也夫欲吏治之肅則督撫藩臬其標準矣十餘年來督撫藩臬之貪欺害政比比皆是幸而皇上親政以來李奉翰已自斃鄭元璣已被糾富綱已遭變江蘭已內改此外官大省據方面者如故也出巡則有站規有門包常時則有節禮生日禮按年則又有幫費升遷調補之私相餽謝者尙未在此數也以上諸項無不取之於州縣州縣則無不取之於民錢糧漕米前數年尙不過加倍近則加倍不止督撫藩臬以及所屬之道府無不明知故縱否則門包站規節禮生日禮幫費無所出也州縣明言於人曰我之所以加倍加數倍者實層層衙門用度日甚一日年甚一年究之州縣亦恃督撫藩臬道府之威勢以取於民上司得其半州縣之入己者亦半初行尙有畏忌至一年二年則成爲

清史稿

列傳一百四十三

五

舊例牢不可破矣訴之督撫藩臬道府皆不問也千萬人中或有不甘冤抑赴京控告者不過發督撫審究而已派欽差就訊而已試思百姓告官之案千百中有一二得直者乎即欽差上司稍有良心者不過設爲調停之法使兩無所大損而已若欽差一出則又必派及通省派及百姓必使之滿載而歸而心始安而可以無後患是以州縣亦熟知百姓之技倆不過如此百姓亦習知上控必不能自直是以往往往至於激變湖北之當陽四川之達州其明效大驗也亮吉以爲今日皇上當法憲皇帝之嚴明使吏治肅而民樂生然後法仁皇帝之寬仁以轉移風俗則文武一張一弛之道也書達成親王以上聞上怒其語戇落職下廷臣會鞫面諭勿加刑亮吉感泣引罪擬大辟免死遣戍伊犁明年京師早上禱雨未應命清獄囚釋久戍未及期詔曰罪亮吉後言事者日少即有亦論官吏常事於君德民隱休戚相關之實絕無言者豈非因亮吉獲罪鉗口不復敢言朕不聞過下情復壅爲害甚鉅亮吉所論實足啟沃朕心故銘諸座右時常觀覽勤政遠佞警省朕躬今特宣示亮吉原書使內外諸臣知朕非拒

諫飾非之主實爲可與言之君諸臣遇可與言之君而不與言負朕求治苦心即傳諭伊犁將軍釋亮吉回籍詔下而兩御製詩紀事注謂本日親書諭旨夜子時甘霖大沛天鑿捷於呼吸益可感畏亮吉至成甫百日而赦還自號更生居士後十年卒於家所著書多行世管世銘字緘若與亮吉同里乾隆四十二年進士授戶部主事累遷郎中充軍機章京深通律令凡讞牘多世銘主奏屢從大臣赴浙江湖北吉林山東按事大學士阿桂尤善之倚如左右手時和坤用事世銘憂憤與同官論前代輔臣賢否語譏切無所避會遷御史則大喜夜起傍徨草疏將劾之詔仍留軍機處故事御史留直者儀注仍視郎官不得專達封事世銘自言愧負此官阿桂慰之曰報稱有日何必急以言自見蓋留直阿桂所請隱全之使有待嘉慶三年卒

谷際岐字西阿雲南趙州人乾隆四十年進士選庶吉士授編修與校四庫全書充會試同考官所拔多知名士乞養歸主講五華書院教士有法連丁父母憂服闋起原官嘉慶三年遷御史時教匪擾數省師久無功際岐徧訪人士來

清史稿

列傳一百四十三

六

京者具得其狀四年春上疏略曰竊見三年以來先帝頒師征討邪教川陝責之總督宜縣巡撫惠齡秦承恩楚北賁之總督畢沅巡撫江新諸臣醜釁於先藏身於後止以重兵自衛裨弁奮勇者無調度接應由是兵無鬪志川楚傳言云賊來不見官兵而賊去官兵才出現又云賊去兵無影兵來賊沒蹤可憐兵與賊何日得相逢前年總督勒保至川大張告示痛責前任之失是其明證畢沅汪新相繼殞逝景安繼爲總督今宜縣惠齡秦承恩縱慢於左景安怯玩於右勒保縱能實力勦捕陝楚賊多起滅無時則勒保將聖肘欽惟先帝昔征緬甸見楊應琚挑撥掩覆之罪立予拿問今宜縣等曠玩三年之久幸荷寬典而轉益懷安任賊越入河南盧氏魯山等縣景安雖無吞餞聲名而罔味自甘近亦有賊焚掠襄光各境均爲法所不容况今軍營副封私札商同軍機大臣改壓軍報供據已破雖由內臣聲勢而彼等掩覆偵事情更顯然請旨懲究另選能臣與勒保會同各清本境則軍令風行賊必授首比年發饟至數千萬軍中子女玉帛奇貨錯陳而兵食反致有虧載賊而歸風盈道路嘲之者有與其

請饒不如書會票之語先帝嚴究軍需局察出四川漢州知州與德榜泰互爭報銷及湖北道員胡齊崙侵蝕數十萬一則追賠一則拿究他屬類此者必多尤宜急易新手清盜則侵盜之跡必能破露不但兵饒與善後事宜均得充裕銷算亦不敢牽混矣聞又上疏曰教匪滋擾始於湖北宜都蕪傑人實自武昌府同知常丹葵苛虐逼迫而起當教匪齊麟等正法於襄陽匪徒各皆歛輯常丹葵素以虐民喜事爲能乾隆六十年委查宜都縣境嚇詐富家無算赤貧者按名取結納錢釋放少得供據立與慘刑至以鐵釘釘人壁上或鐵錘排擊多人情介疑似則解省城每船載一二百人飢寒就斃浮屍於江歿獄中者亦無棺斂蕪傑人號首富屢索不厭村黨結連拒捕宜昌鎮總兵突入遇害由是宜都枝江兩縣同變襄陽之齊王氏姚之富長陽之單加耀張正謨等聞風並起遂延及河南陝西此臣所聞官逼民反之最先最甚者也臣思教匪之在今日自應盡蕪梟磔而其始猶是百數十年安居樂業人民何求何憾甘心棄身家捐性命挺而走險耶臣聞賊當流竄時猶哭念皇帝天恩殊一無言怨及朝廷

清史稿

列傳一百四十三

七

向使地方官仰體皇仁察教於平日撫弭於臨時何至如此臣爲此奏固爲官吏指事弊罪亦欲使萬禩子孫知我朝無叛民而後見恩德入人天道人心協應長久昭昭不爽也常丹葵逞虐一時上履聖仁下殃良善罪豈容誅應請飭經略勒保嚴察奏辦又現奉恩旨凡受撫來歸者令勒保傳喚同知劉清同川省素有清名之州縣妥議安插楚地曾經滋擾者亦應安集臣聞被擾州縣逃故各戶之田廬婦女多歸官吏壓賣分肥是始不顧其反終不顧其歸不知民何負於官而效尤視忍至於此極若得懲一儆衆自可羣知洗濯宣奉德意所關於國家苞桑之計匪細也兩疏上仁宗並嘉納施行尋遷給事中稽察南新倉巡視中城雲南鹽法官運官銷日久因緣爲奸按口比銷民不堪命又威遠調取民夫按名折銀折後又徵實夫迤西道屬數十州縣同時閱變解散後不以實聞官吏執法如故際岐上疏痛陳其害下雲南督撫察治總督富綱請改鹽法以便民巡撫江蘭方內召欲沮其事際岐復疏爭初彭齡繼爲巡撫際岐門下士也熱聞其事始疏請鹽由釐煎鹽資民運民銷一祛積弊民大便語詳

鹽法志蔡永清者總督陳輝祖家奴擁厚資居京師以助賑叙五品職銜出入與馬掛議公卿問際岐疏劾自大學士慶桂朱珪以下多所指斥下刑部鞫訊視永清職銜際岐坐論奏未盡實降授刑部主事累遷郎中以老乞休貧不能歸主講揚州孝廉堂垂十年卒自乾隆末雲南之官於朝以直言著者尹壯圖錢謙時以際岐並稱焉

李仲昭字次卿廣東嘉應人嘉慶七年進士選庶吉士授編修遷御史長蘆鹽商偽造加重法馬每引浮百斤損課滯銷商人查有圻家鉅富交通朝貴自給事中花杰劾蘆鹽加價連及大學士戴衢亨不得直且被譴遂無敢言者仲昭疏劾之戶部猶袒商或騰蜚語謂仲昭索賄不遂仁宗方幸熱河命留京王大臣同鞠得舞斃狀有圻論如律在事降革有差人咸側目仲昭又劾吏部京察不公亦鞠實既而赴戶部點卯杖責書吏戶部推其事奏劾下吏部議羣欲以傾仲昭侍郎初彭齡號剛正以妻喪在告語人曰諸人欲報怨加以莫須有之罪李御史有言臆臺中何可無此人部員聞彭齡言遽議降四級甫兩日而奏

清史稿

列傳一百四十三

八

上仲昭竟黜

石承藻字舖庭湖南潭州人嘉慶十三年一甲三名進士授編修遷御史給事中政言有聲王樹勳者江都人乾隆末入京應試不售乃於廣惠寺為僧名曰明心開堂說法假扶乩卜策探刺士大夫陰私揚言於外人益崇信達官顯宦每有飯依受戒為弟子者朱珪正人負重望亦與交接時和珅為步軍統領訪捕治罪以賄得末減勒令還俗遂游蕩江湖值川楚匪亂投効松筠軍中以談禪投所好使易裝入賊寨說降獎予七品官銜游擢襄陽知府數年入覲京師不改故態刑部尚書金光悌延醫子病怵以禍福光悌長跪請命為時所嗤嘉慶二十年承藻疏請澄清清流品劾樹勳下刑部鞫實褫職枷號兩月發黑龍江充當苦差仁宗獎承藻曰真御史也詔斥被惑諸臣有玷官箴其已故者免議侍郎蔣予蒲宋銘以下黜降有差二十四年湘潭有土客械鬪之獄侍郎周系英與巡撫吳邦慶互劾承藻適在籍系英子汝楨致書承藻詢其事為邦慶所發承藻牽連降秩久之不復遷終光祿寺署正

論曰仁宗詔求直言下至末吏平民皆得封章上達言路大開科道中竭誠獻納如衛謀論福康安貪婪不宜配享太廟馬履泰論景安畏縮倫安老師糜餼及教匪宜除難民宜撫又論百齡舉劾失當張鵬展論金光悌專擅刑部戀司職不去周斌論疆臣參劾屬員不舉劣迹恐悞無華者以失歡被劾又論朱珪以肩輿擅入禁門無無君之心而有無君之迹沈琨論宜興庇護屬員致與株繫諸生大獄又諫阻東巡蕭芝論端正風俗宜崇醇樸王甯煒論用人宜習其素不可因保舉遽加升用又論督撫壅蔽之習及士民捐輸之累州縣折收之患游光釋論大臣未盡和衷武備未盡整飭願效魏元成十思疏以裨治化諸人所言雖有用有不用當時皆推諱直又龔懿當松筠因諫東巡獲罪密疏復陳自庀身後事而後上卒蒙寬宥其章疏多不傳稽之史牒旁見紀載嘗謂盈廷稱盛事焉洪亮吉諸人身雖遭黜言多見採可以無憾或猶以時方清明曰亮吉之效痛哭流涕者為多事過矣

清史稿

列傳一百四十三

九

吳熊光

汪志伊

陳大文

熊枚

裴行簡

方維甸

董教增

吳熊光字槐江江蘇昭文人舉順天鄉試乾隆三十七年登中正榜授內閣中書充軍機章京累遷刑部郎中改御史當罷直大學士阿桂素倚之請留直如故阿桂屢奉使出勦匪治河閱海塘讞獄熊光輒從累遷通政司參議嘉慶二年高宗幸熱河夜宣軍機大臣未至命召章京熊光入對稱旨欲擢任軍機大臣和坤稱熊光官五品不符體制因薦學士戴衢亨官四品在軍機久用熊光不如用衢亨詔同加三品卿銜入直居政府六閱月和坤忌之出為直隸布政使四年高宗崩仁宗親政和坤伏誅熊光言和坤管理各部日久多變舊章以營私大惡雖除猾吏仍可因緣為奸亟宜更正上聽之擢河南巡撫教匪逼境

熊光駐防盧氏張漢潮寬商州分掠藍田疏請截留山東兵赴明亮軍協勦復以張天倫宣近鄆陽江岸謀犯豫南調直隸正定標兵備勦上以所見與合詔嘉獎尋漢潮趨維南遣總兵張文奇田永桐擊走之令南汝光道陳鍾琛扼襄河要隘糧道完顏倍率滿營兵協防撥壽春鎮兵五百駐樊城請召募練兵五千並以開封練勇千名改為撫標新兵從之五年楚匪自均州鄭縣窺渡襄河賴預防擊退上念河南兵單命直隸山西遣兵赴援又命添募鄉勇熊光疏言河南盧浙一帶原有鄉勇萬餘而賊竄自如凡游民應募賊至先逃反搖兵心是以上年撤勇添兵賊未敢肆此兵勝於勇之明驗今有直隸等省官兵擇要駐守已足策應無庸募勇七月殲寶豐縣縣潰匪於彭山教首劉之協通葉縣就禽子讓叙六年擢湖廣總督途遇協防陝西兵二百餘人逃回本營廉得其缺饒狀杖首謀者二人餘釋不問房縣鄉勇糾搶民寨縛送三十餘人立誅之提督長齡巡撫全保率師防勦迭敗湯思蛟劉朝選等川匪擾興山竹谿房縣分兵追勦殲獲甚眾平樊人傑餘匪俘賊首崔宗和上以熊光調度供支迭詔

褒獎新設湖北提督改移鄆陽鎮協添兵三千五百名即以無業鄉勇充之又奏定稽查寨勇章程略言寨勇習於戰鬪輕視官兵流弊不可不慮今將寨堡戶口器械逐一登記陽資其力以助此日之軍威默繫其綱以弭將來之民患上聽其言七年三省匪平加太子太保遣撤鄉勇以叛產變價給賞詔嘉其節

九年勦湖南巡撫高杞違例調補知縣杞坐降調未幾侍郎彭齡勦熊光受沔陽知州秦泰金及兩淮厘費上詰彭齡以得自高杞對命巡撫全保按驗無迹彭齡杞俱獲譴傳諭熊光返躬自省平心辦事戒勿躁妄十年調直隸時兩廣總督那彥成與湖廣總督百齡互訐命偕侍郎托津赴湖北按之百齡被訐事有迹方鞫治未定讞那彥成亦以倡撫洋盜逮京調熊光兩廣總督會直隸官吏勾通侵帑事發歷任總督藩司俱獲譴上以熊光任藩司無虛收任總督無失察特詔嘉之十三年八月英吉利兵船十三艘泊香山雞頸洋其酋率兵三百擅入澳門占踞砲臺兵艦駛進黃埔熊光以英人志在貿易其兵費出於商稅惟封關足以制其死命若輕率用兵彼船砲勝我數倍戰必不敵而東

南沿海將受其害意主持重逾月始上聞言已令停止開船俟退出澳門方準貿易上以熊光未即調兵故示弱嚴詔切責洋船遷延至十月始陸續去下吏議職勦力南河百齡代其任疏言熊光意懼上益怒遣成伊豫逾年召還授兵部主事引疾歸道光八年重與鹿鳴宴加四品卿銜十三年卒于家年八十四熊光嘗曰刑賞者聖主之大權而以其柄寄於封圻大吏若以有司援案比例求免駁斥之術處之外矣刑一人而有益於世道人心雖不符於例所必及也不得請必再三爭乃為不負若憂嫌畏譏隨波逐流其咎不止溺職而已當調直隸入覲上曰教匪淨盡天下自此太平熊光曰督撫率郡縣加意撫循提鎮率將弁加意訓練百姓有恩可懷有威可畏太平自不難致若稍懈則伏戎於莽吳起所謂舟中皆敵國也及東巡返迎駕夷齊廟與董誥戴衢亨同對上曰道路風景甚佳熊光越次言曰皇上此行欲稽祖宗創業艱難之迹為萬世子孫法風景何足言耶上有頃又曰汝蘇州人朕少扈蹕過之其風景誠無匹熊光曰皇上所見乃剪綵為花蘇州惟虎邱稱名勝實一墳堆之大者

城中河道逼仄焚船擁擠何足言風景上又曰如汝言皇考何為六度至彼熊光叩頭曰皇上至孝臣從前侍皇上謁太上皇帝蒙諭朕臨御六十年並無失德惟六次南巡勞民傷財作無益害有益將來皇帝如南巡而汝不阻止必無以對朕仁聖之所悔言猶在耳同列皆震悚壯其敢言後熊光告人墳堆糞船兩語乃乾隆初故相訥親奏疏所言重述之耳熊光晚年著伊江筆錄春明補錄葑溪筆錄三書紀所聞名臣言行多可法云

汪志伊字稼門安徽桐城人乾隆三十六年舉人充四庫館校對議叙授山西靈石知縣除徵糧撥累刻木為皂隸書里分糧數以次傳遞民遵輸納調榆次遷霍州直隸州知州代州民孟木成殺人已定讞情實其弟代呼冤巡撫勒保檄志伊往按平反之承審者護前失不決命大臣臨鞠重違眾議志伊堅執與爭孟木成竟得免死志伊以此負強項名擢江蘇鎮江知府調蘇州連擢蘇松糧道按察使乾隆五十八年遷甘肅布政使調浙江江浙漕重積弊由官吏規費多志伊歷任皆先除規費之在官者然後以次裁革嚴設科條嘉慶元年以

清史稿

列傳一百四十四

三

杭州乍浦駐防營養贍錢三月未放被劾議降二級調用詔以志伊平日操守尚好加恩授江西按察使二年遷福建布政使未數月就擢巡撫時海盜方張仁宗於閩事特加意志伊屢疏陳水師人材難得請寬疏防處分變通選補章程副參以上兼用本省之人以下兩省通融撥用又州縣徵糧處分過嚴升調要缺難得合例請人地相需者不拘俸滿參罰皆允行詔飭嚴懲會匪及械鬪惡習五年疏報漳泉一帶匪徒節節捕均知斂迹論曰滋事不法有犯必懲不可無事滋擾責以鎮靜不可姑息養奸亦不可持之太蹙尋奏龍溪詔安馬港海澄四廳縣遵員治理民不械鬪論曰一經良有司整飭改除積習是小民不難化導要在親民之官得人當於平日遴選賢員俾實心任事為正本清源之道志伊薦閩縣知縣王紹蘭上素知其人詔嘉志伊能留心察吏既而借總督王德疏請泉州知府錢學彬改京職上斥疏語矛盾尋究得學彬任聽家人舞弊婪贓事坐察吏不明議革任特寬之六年病請解職八年起署副都御史刑部侍郎授江蘇巡撫給事中蕭芝請就產米之鄉採買由海運京下議志伊

言其不便罷之九年清江浦淤淺糧船停滯上慮京倉缺米詔志伊預籌請碾常平倉穀三千石備撥以新漕減運酌量採買志伊疏言安徽民田有一歲兩收者各令七月完納漕糧九月可運通江西湖廣亦如之上以一歲兩徵近加賦且來歲仍屬短絀斥為迂繆尋奏採米十二萬石搭運報聞時江北淮揚水災徐海苦旱志伊手編荒政輯要頒屬吏為賑濟之法蘇州人文薈萃增設正誼書院課士奏請頒御製詩文集於江南各書院上勿許曰朕之政治即文章何必以文字炫長耶十一年擢工部尚書未幾授湖廣總督川楚餘匪散匿洞庭湖環湖數府州多盜志伊多選幹吏偵訪檄下分捕盜無所匿濱江地自乾隆末大水湮沒民田未復親駕小舟歷勘疏塞建二閘於第江口福田寺以時啟閉十六年調閩浙總督先是湖北應山民喻春謀殺人其母以刑求誣服控於京命志伊提鞠同知劉曜唐等誘供翻案以無辜之葉秀承兇而無左證巡撫同與為之平反奏劾至是入覲召對為劉曜唐等剖辯願代認處分上斥其偏執嚴議革職改留任捕誅海盜黃治其黨吳屬乞降時降盜多授官志

清史稿

列傳一百四十四

四

伊曰是獎盜也仍依律遣戍舊有天地等會匪熊毛者創立仁義會授張顯魯傳煽事覺顯魯伏誅毛遁募甯化生員李玉衡捕殺之奏賜玉衡舉人布政使李廣芸廉吏也為志伊所薦舉至監司會龍溪知縣朱履中以不職劾因許廣芸婪索遽劾訊履中已自承誣告志伊因執駁詰福州知府徐以輔迎合逼供廣芸自經死與論大譁二十二年命侍郎熙昌副都御史王引之往按得其狀詔斥志伊衰邁謬誤職職永不叙用志逾年卒伊矯廉好名自峻岸岸仁宗初甚嚮用時論毀譽參半焉卒以偏執獲咎
陳大文河南杞縣人原籍浙江會稽乾隆三十七年進士授吏部主事典廣東鄉試累遷郎中四十八年出為廣西南甯知府擢雲南迤東道歷貴州安徽按察使江甯布政使皆有聲父憂歸服闋補廣東布政使總督朱珪薦大文操字廉潔化其偏僻可倚用詔人才難得命珪加以勸迪俾成有用才嘉慶二年擢巡撫海盜方熾大文以運鹽為名集商船載鄉勇出洋擊沈盜船六斬獲二百餘人賜花翎屬縣不職者列案劾治詔嘉其捕盜察吏皆有實心予議叙尋兼

署總督四年調山東巡撫濟曹兩府水災興工代賑州縣玩視者立劾有拙於催科而與情愛戴者疏請留任禁漕暫緩丁陋規五年丁母自憂乾隆末山東大吏多不得人吏治日弛大文性深嚴見屬吏溫顏相對使盡言然後正色戒之曰汝某事賄若干吾悉知不速改彈章已具草矣人莫不畏之尤銳剔漕弊杜浮收官吏被告發劾治者三十餘人及去任時其摺印在繫未經奏劾者尚七八人事上聞詔布政使分別省釋六年畿輔大水大文服將閱特召署直隸總督疏請大賑提早一月以救災黎劾查災開賑遲緩之縣令二人以儆其餘逾年因病自乞京職歷署吏部侍郎工部尚書八年授兩江總督劾按察使朱隆阿喜事株累士民多怨調朱隆阿內用江蘇昭文浮收漕糧江西樂平勒折重徵縣民並走訴於京先後下大文鞠實劾府縣官視職究治詔嘉大文秉公不徇庇屬員使小民含冤得白奸胥猾吏不致倖逃法網訓責各督撫力改積習九年召授左都御史未至擢兵部尚書大文赴京病於途詔遣侍衛率醫往視久不痊賜尚書銜回籍既而在直隸失察屬吏侵挪部議革職詔俟病痊

清史稿

列傳一百四十四

五

以四品京堂用遂不出二十年卒於家

熊枚字存甫江西鉛山人乾隆三十五年舉鄉試第一次年成進士授刑部主事斷獄平左翼護軍給餉誤用白片懼賈私補印其長當以盜印罪枚謂知誤更正與盜用異改緩宜城縣吏毆斃社長賄改病死擬緩枚謂關殿情輕舞文情重改實在部八年多所持議選員外郎尚書英廉薦其才出為甘肅平涼知府母憂去服闋補河南汝甯府汝陽有殺人獄已得實控不止枚訊鞫時忽熟視旁吏曰此汝所教也吏色變刑之則稱將嫁禍某富家咸以為神丁生母憂代者未至米價騰長枚於喪次諭縣令治居奇者連米接濟民乃安服闋補直隸順德府擢山東泰武臨道五十八年遷江蘇按察使速治博徒馬修章及竹堂寺僧恒一皆稔惡欲法者吳江太湖濱淫祠三郎神奸民所祀其黨結背吏擾民枚廉知值賽祠舟集爲胆湖密捕得三十八人或以誣良訴尾其舟得盜賊并逮劇盜九人毀三郎像火之盜遂息教匪劉之協傳彌勒教入教者給命根錢安徽民任梓家供彌勒像有簿記六十人奉錢數官吏捕得指爲匪巡撫

已上聞逮至江南枚親訊六十人皆任梓戚友賀昏嫁者乃得釋六十年遷雲南布政使以治劉河工未竣留署蘇江布政使開蘇州城河集銀六萬兩擇郡紳董其役不使縣令與工事嘉慶二年調安徽尋擢刑部侍郎六年直隸大水總督姜晟以辦賑延緩免命枚署總督截留漕糧六十萬石儲天津北倉枚請分儲鄭家口泊頭諸水次便災區輓運條上賑卹事宜災戶仿保甲造冊省覆查杜刁控酌量變通賑期捐賑者分別旌賞各學貧生給口糧綠營兵丁給修房價修火縣監獄以工代賑並如議行借侍郎那彥寶築永定河決口既而調陳大文爲總督詔枚受代後專任查賑巡閱數十州縣舉者五人劾四人玉田令僥爲德清而懸枚初至怒之明日詰賑事指畫悉中即首薦上嘉枚勤事擢左都御史時有劾枚撥驛需索供應者命陳大文察訪自其誣且言枚盡心賑務特詔褒之七年回京典會試復署直隸總督授刑部尚書調左都御史管理三庫十年授工部尚書復命署直隸總督率布政使發行簡清查虧空部議各省賑鐵官爲定額疏上枚面陳鐵爲民間日用所需不能預定多寡官爲查辦

清史稿

列傳一百四十四

六

恐滋流弊上愈其說而斥枚隨同畫諾召對忽有異詞年老重聽不宜部務復調左都御史未幾有山東民婦京控應奏枚意未決副都御史陳嗣龍劾枚模稜且言枚聲名平常詔斥嗣龍見枚左遷揣測妄劾終以枚不能和衷鑄級留任直隸藩司書吏僞印虛收庫銀事覺坐失察議褫職詔以四品京堂用補順天府丞次年充鄉試提調官册券遲誤降五品職銜休致十三年卒

裘行簡字敬之江西新建人尚書曰修子乾隆四十年賜舉人授內閣中書充軍機章京遷侍讀四十九年從大學士阿桂勦甘肅石峰堡回匪復從察治河南睢州河工五十年出爲山西甯武知府調平陽因親老自請改京秩補戶部員外郎仍直軍機累遷太僕寺少卿嘉慶六年命赴陝西犒軍時經略額勒登保駐略陽行簡疏言川陝兵宜扼衝嚴守使陝匪不入川川匪不入陝然後逼使東竄經略以大兵蹙之可計日梟縛又言自寶雞至褒城棧道卡兵宜復設且於要害設大營隔賊路通糧運又以額勒登保方引嫌自請舉劾止及於屢下行簡疏請五路將士皆聽舉劾移書川督勒保陳廉閣相下之義兩帥大和

途次進太僕寺卿賜花翎尋出為河南布政使丁母憂服闋補福建布政使自乾隆末授禮成恩免廢員各州縣錢穀出入登滋糾葛行簡說事清帑司册目十有一創增子目支解毫黍皆見吏不能欺九年入覲會仁宗欲清釐直隸倉庫嘉其成效特以調任行簡澈底清覈逐條覆奏略曰直隸州縣動以皇差為名藉口賠累自乾隆十五年至三十年四舉南巡兩幸五臺六次差務何以並無虧空四十五年至五十七年兩舉南巡三幸五臺差務較少而虧空日增由於地方大吏貪黷營私結交餽送非差務之踵事增華實上司之借端需索近年一不加察任其藉詞影射相習成風試令州縣捫心自問其捐官肥己之錢究從何處此臣不敢代為寬解者也分年彌補則有二難直隸驛務繁多所有優缺祇可調劑衝途又別無陋規可提此為難一也現任虧空革留勒限彼必愛惜官職賈田鬻產亦思全完若責以代前任按年彌補焉肯解囊勢必取給倉庫前欠未清後虧復至此為難二也州縣虧項無著例應道府分賠道府賠項無著例應院司攤賠今直隸未申明定例請於兩次清查應行監追者再

清史稿

列傳一百四十四

七

限一年如財產實屬盡絕著落上司分別賠繳嘉慶十年以後交代虧缺惟有執法從事不得混入清查致有寬縱疏入上嘉其明晰下部議行尋命以兵部侍郎銜署直隸總督十一年察出藩司書吏假印虛收解款二十八萬有奇遣使按訊歷任總督布政使議譴有差行簡任內虛收之數少詔以事由行簡立法清查始得發覺寬之是年秋赴永定河勘工途次感疾卒上深惜之優詔賜卹依一品例諡恭勤賜子元善舉人

方維甸字南桐安徽桐城人總督觀承子觀承年逾六十始生維甸高宗命抱至御前解佩賜之乾隆四十一年帝巡幸山東維甸以貢生迎駕授內閣中書充軍機章京四十六年成進士授吏部主事歷郎中五十二年從福康安征台灣賜花翎遷御史累擢太常寺少卿又從福康安征廓爾喀歷光祿寺卿太常寺卿授長蘆鹽政嘉慶元年坐事奪職吏議遣戍軍台詔寬免降刑部員外郎仍直軍機遷內閣侍讀學士從尙書那彥成治陝西軍務五年授山東按察使遷河南布政使時川楚教匪未靖維甸率兵六千防守江岸疏言大功將成

裁撤鄉勇最為要務宜在撤兵之前預為籌議俟陝西餘匪殄盡酌移河南防兵以易勇可節省勇糧上題之八年調陝西就擢巡撫督捕南山等匪籌撤鄉勇嚴治糧餉並協機宜復賜花翎十一年甯陝新兵叛維甸亟令總兵楊芳馳回借提督楊遇春進山督勦會德榜奏奉命視師賊竄兩河將趨石泉維甸遣總兵王兆夢擊之勦民修寨自衛賊無所掠未幾叛兵乞降德榜奏請以蒲大芳等二百餘人仍歸原伍上責其寬縱命維甸按治疏陳善後六事如議行十四年擢閩浙總督蔡牽甫殲朱渥乞降遣散餘眾臺灣嘉義彰化二縣械鬪命往按治獲犯林聰等論如律疏言臺灣屯務廢弛派員查勘恤番丁苦累申明班兵舊制及歸併營汛地以便操防約束臺民械鬪設約長族長令管本莊本族嚴禁禁殺役黨護把持又商船貿易口岸牌照不符定三口通行章程杜丁役勾串舞弊詔皆允行以臺俗民悍命總督將軍每二年親赴巡查一次著為例十五年入覲以母老乞終養允之會浙江巡撫蔣攸銜疏劾鹽政弊混命維甸按治明年召授軍機大臣維甸疏陳母病請寢前命允其留籍侍養十八年丁

清史稿

列傳一百四十四

八

母憂遣江甯將軍奕劻未幾教匪林清謀逆李文成據滑縣奪情起署直隸總督維甸自請馳赴軍營勦賊會邢彥成督師奏捷允維甸回籍守制二十年卒於家上以維甸忠誠清慎深惜之贈太子少保諡勤襄賜其子傳穆進士

董教增字益甫江蘇上元人乾隆四十五年南巡召試舉人內閣中書五十四年成一甲三名進士授編修改吏部主事累遷郎中嘉慶四年以道員發四川明年授按察使授眉雷波二廳銅鉛各廠毘連夷地姦民與爭界焚夷巢裸夷糾涼山生番為變教增率兵往讓者多主動教增不可廉得漢姦構釁者十一人夷匪首事者六人集衆誅之夷情帖然仁宗以教增不煩兵力而遠夷心服諭獎有加尋調貴州九年遷四川布政使十二年擢安徽巡撫甯國池州廣德各屬舊有棚民植雜糧為業戶部慮妨民田議遣回籍教增言棚民既立室家難復遷徒且所種多隙壤於民田無損於民食有益第約束之而已從之又言徽甯等府巨室向有世僕出戶已久告許類仍請嚴杜妄訟凡世僕以見在是否服役為斷其出戶及百年者雖有據亦開豁為良得旨允行者為例十

五年調陝西興安七屬舊食河東引鹽乾隆間課攤地丁其後復歸商運地介川楚土鹽侵礙運艱費重引課多虧教增請循鳳翔例改食花馬池鹽引歸民運課按丁攤以恤商力又榆林綏德吳堡米脂四州縣向食土鹽官給票銷售前撫方維甸請用部引以二百斤為率凡萬一千三百餘引民力難勝教增規復其舊由州縣頒發小票每票五十斤民皆便之時南山善後倚漢中知府嚴如煜能盡其才不拘文法歲歉請賑逾限破例上陳得允十八年調廣東先是百齡銳意滅海寇曾貽教增詩云嶺南一事君堪羨殺賊歸來啖荔支既而張保仔就撫教增報書曰詩應改一字為降賊歸來也百齡媿之至是承其後諸降人桀驁為閩閩害懲治甚力然未嘗妄殺廣州府有死囚值赦減等改軍而逃獲之論重辟按察使持之堅教增以律不當死斷與辯此囚卒免死二十二年擢閩浙總督先是海寇未平禁商民造船高不得逾一丈八尺小不任重載難涉風濤沿海多失業教增以寇平已久請免立禁限以從民便允之福清武生林彌高者健訟包糧阻眾不納邑令躬緝為其黨激奪官役並傷令文武

清史稿

列傳一百四十四

九

往捕獲彌高賊其黨劫持通縣抗徵教增親鞫得彌高罪狀立斬以徇諸郡懼強宗悍族抗欠者皆輸納如額奏入詔嘉其能臨海民糾眾毆差致釀大獄巡撫楊謙坐視職命教增兼權浙撫鞠治之漳泉兩郡多械鬪殺人官吏往往不能制龍溪令姚瑩捕渠魁五人杖斃之巡撫疑其違制教增曰刑亂國宜用重典優容之悖俗稍戢張保仔就撫後改名寶官至澎湖副將時論猶指斥教增責令捕盜奔走海上盜平而寶亦死二十五年入覲乞病未允道光元年乃得請歸二年卒賜卹諡文恪教增有識量彊毅不阿官四川時力矯豪奢崇節儉宴集不設劇總督勒保以春酒召聞樂而返亟撤樂乃至盡歡嘗言刻於己為儉儉於人為刻時款為名言論曰吳熊光忠謹任重有大臣風汪志伊陳大文矜尚廉厲或矯或偏枚熊勳於民事晚謂模稜名位雖皆不終要為當時倭倭裝行簡方維甸名父之子特被恩知董教增有為有守建樹閩達蓋無間然

清史稿

列傳一百四十五

馮光熊

陸有仁

覺羅琅玕

清安泰

常明

溫承惠

顏檢

馮光熊字太占浙江嘉興人乾隆十二年舉人考授中書充軍機章京累擢戶部郎中三十二年從明瑞赴雲南授鹽驛道母憂歸坐失察屬吏科派奪職服闋以員外郎起用仍官戶部直軍機遷郎中從尚書福隆安赴金川軍授廣西右江道署按察使兼鹽驛道歷江西按察使甘肅布政使四十九年石峰堡回民作亂籌畫戰守儲設餼需具備以前江西巡撫郝碩迫索屬吏事覺同官多獲譴光熊亦緣坐奪官留營効力事平用福康安薦起為安徽按察使洊擢湖南巡撫調山西時議河東鹽課改歸地丁光熊疏言河東鹽行山陝河南三省商力積疲易商加價俱無所濟若課歸地丁聽民販運無官課雜費兵役盤詰

清史稿

列傳一百四十五

一

關津留難較為便宜山西州縣半領引行鹽半食土鹽蒙古鹽仍納引稅其間或引多而地丁少或引少而地丁多徵之三省皆然請將課額四十八萬餘兩通計均攤允之五十七年上幸五臺各疆吏先後奏陳自鹽課改革後價額減落民便安之詔嘉光熊調劑得宜賜花翎黃馬褂署工部侍郎未幾授貴州巡撫調雲南五十九年署雲南總督明年大塘苗石柳鄧叛擾銅仁光熊赴松桃防禦以思州田壩坪鎮遠四十八溪思南大坪密邛楚苗且扼銅仁後路分兵屯守苗匪急攻松桃正大不得逞旋赴銅仁治餉需借總督福康安治軍設防規畫稱旨命留貴州巡撫任嘉慶二年事平奏請銅仁正大改建石城以資捍衛從之會神苗又起借總督勒保督率鎮將聯合演黔楚粵諸軍勦撫事具勒保傳光熊分撥將吏解歸化應圍肅清播西兩路降安順廣順所屬苗寨狎苗平借勒保奏上善後四事請隨征武舉武生及鄉勇就近補充弁兵餘丁給難民棲止牛具費用儲糧備兵民就食清釐田畝靖苗漢之爭自軍興以來凡所措置多邀嘉許勒保移師入川善後專任光熊三年春復疏請申禁漢民

典賣苗田及重債盤剝驅役苗佃禁客民差役居攝苗寨酌裁把事土舍亭長定夫徭工價以利窮苗酌設苗弁以資管束悉報可五年詔光能治理有聲年近八旬召授兵部侍郎尋擢左都御史六年卒上念前勞賜祭一壇

陸有仁浙江錢塘人乾隆三十四年進士授刑部主事累遷郎中四十六年出為廣西梧州知府調太平五十二年安南內訌夷魯來奔有仁處置得宜會擢福建延建邵道總督孫士毅請留防邊尋調督糧道歷山東按察使直隸布政使五十七年坐在山東獄革率降甘肅按察使嘉慶元年擢刑部侍郎留治甘肅賑務宜縣赴陝勸教匪命攝陝甘總督二年匪由河南竄朱陽關逼維南疏請借西甯鎮總兵富爾賽馳赴潼商又調甘涼鎮兵會勦詔軍務責巡撫有仁應駐甘肅親身赴陝跡涉張皇命回蘭州停止所調鎮兵時宜縣檄調撤拉爾回兵二千赴興安有仁并令暫停上以漢中兵單待回兵截勦乃教匪竄漢陰而回兵尚滯循化斥有仁一經申飭于應援之兵亦屢催罔顧詔職鞫訊尋原之發四川効力授陝西按察使遷布政使三年襄陽賊高均德犯陝西叙

清史稿

列傳一百四十五

二

防堵功賜花翎四年擢廣東巡撫五年召為工部侍郎調刑部授陝西巡撫先是那彥成在陝勸民築寨堡計藍田鄠鄠寶雞商州鎮安商南孝義五郎共五百四十一處台布為巡撫復議漢中二棧為軍餉要道於寶雞鳳縣留壩褒城富羌各驛築堡以周三里為度徙民屯糧至是尙未盡實行嚴詔切責有仁疏言川陝情形不同四川地居天險如大成寨大團包方山坪等寨每處可容數萬人小者亦數千人賊據之可抗官兵民守之亦可拒賊如南山內層疊疊嶂無寬敞環抱之所止能於陡險山巔就勢結構每寨止容數百人至千餘人蜀山多膏腴稻田民居稠密其勢易合陝西老林惟柵民流寓零星墾種隔十里數十里始有民居十數戶若糾合數村共築一堡則南村之人欲近南北村之人欲近北惟秦隴以西人皆土著無不踴躍興工秋間賊入西棧每約彼此各不相犯而秦民必乘間截其尾隊奪其牲畜不使晏然空過其西安同州鳳翔三府與漢南附近川省之區皆多土著害每邑結有堡寨或百餘或數百其漢北山內近亦一律興工又恐結寨後民丁但知守寨而於賊出入要隘轉

無堵禦復令於寨堡之外每寨撥數百數十人合力守卡以杜窺伺請分區責成各道刻期完竣疏入報聞有仁與額勒登保規畫築堡團練著有成效撫輯難民無歸者以安康白河等處叛產及南山客民荒田量給安插六年分撥兵勇防守總要隘口奏請於五郎孝義等處專派大員團練堵勦以專責成川匪逼黑河道總兵齊阿通判維昂截擊餘匪東竄牛尾河副將韓自昌殲之被優叙有仁治陝三年經理饒需先事綢繆撙節不濫撻捕餘匪甚力屢詔褒嘉七年卒優卹官其子繼祖主事

覺羅琅玕隸正藍旗捐納筆帖式累遷刑部郎中超擢內閣學士出為江蘇按察使乾隆五十年召授刑部侍郎逾年授浙江巡撫五十二年大兵勦臺灣林爽文琅玕儲穀二十萬石於乍浦甯波溫州由海道輸進高宗嘉之坐審擬海盜失富吏議當革職詔寬免自請罰銀三萬兩嘉善縣吏浮收按問得實上以浙漕積弊琅玕不勝任命解職予頭等侍衛赴哈密辦事五十六年坐監修浙江海塘工程損壞琅玕在任未親勘詔責賠修應銀二十二萬七千有奇免其

清史稿

列傳一百四十五

三

半歷葉爾羌辦事大臣喀什噶爾參贊大臣坐家人販玉解任回京尋予郎中銜為熱河避暑山莊總管嘉慶二年以三等侍衛充古城領隊大臣召授刑部侍郎五年授貴州巡撫勦擒廣順等寨苗楊文泰等詔嘉獎加總督銜未幾就擢雲貴總督六年貴州石叻苗叛巡撫伊桑阿赴銅仁勦治未即平詔琅玕往督師而調伊桑阿雲南伊桑阿因按察使常明攻克石叻有所禽獲遂議奏親往督戰苗皆歸伏軍事已竣及琅玕至難民擁道訴其誣遂督兵進勦攻克上潮下湖諸寨始肅清會初彭齡劾伊桑阿貪劣下琅玕鞫實上尤罪其欺罔誅之詔斥琅玕於伊桑阿未親往石叻避嫌贖降二品頂帶七年維西夷恒乍綳與其黨賸者布作亂禿樹出亨附之琅玕率總兵張玉龍入山勦捕克阿喃多賊寨進攻諸別古山獲禿樹玉龍克小維西夷人縛賸者布獻軍前磔之進攻康普恒乍綳遁瀾滄江外獲其孥分兵攻吉尾樹苗琅玕駐劍川斷賊後路敗之於通甸小川克迴龍廠尋圍勦上江山哥賊殲其渠餘衆乞降琅玕以恒乍綳勞績疏請撤兵提督烏大經率兵二千駐防賊調官軍已退乘水涸潛渡

糾江內降傑復肆劫掠琅玕馳抵劍川恒乍綑遁走八年上以首逆未獲命永保接辦軍務琅玕已禽斬漢奸張有斌臨江紮筏聲言渡兵江外傑震悚請軍門乞降琅玕令誘導諸寨禽賊自效九月恒乍綑潛匿山管官軍搜獲之餘黨盡殲事平予議叙琅玕以維西僻處邊隅各夷雜居江內外稽察難周疏請於維西麗江等五路設頭人給頂帶約束夷衆又以維西南北路及鶴麗鎮劍川諸汛皆要地請裁馬爲步添兵八百分佈要隘邊境遂安九年卒諡恪勤烏大經陝西長安人由武進士授三等侍衛出爲山東德州營參將三十九年王倫倡亂大經助守臨清力戰保危城功最多高宗特獎之立擢臨清副將歷江西南嶺鎮貴州古州鎮總兵廣西提督調雲南五十二年冬率雲南兵從孫士毅征安南至則士毅已克其都城明年春大軍爲阮惠所襲敗績大經所部得嚮導全師而返尋母憂去職起爲甘肅提督復調雲南嘉慶四年僧銅金與孟速土司構難勾結野獠蔓延猛及緬甸內地大經借總兵蘇爾相進剿克緬屬南柯三節石昔木腊南那招霧籠上中下寨安腊東困賽等地破南泗河賊

清史稿

列傳一百四十五

四

卡肅清緬邊署按察使屠述濂由猛猛一路會勦連克大軒山南元寨五年春總督書麟視師用大經計分兩路進攻猛白山等大經由南路連戰渡黑河焚賊寨首逆尋就禽夷衆受撫七年春入覲會維西事起命大經馳回從琅玕進勦大經借總兵書成先清威遠獠匪乃會兵維西克康普上意不欲窮兵命大經留防及匪復肆掠進勦獨村坪及康普小維西連克之八年春與琅玕分駐石鼓橋頭沿江督勦至十月恒乍綑就禽乃班師九年卒

清安泰費莫氏滿洲鑲黃旗人乾隆四十六年進士授刑部主事擢員外郎出爲甘肅涼州知府調署蘭州擢湖南衡永桂郴道六十年苗疆事起奉檄赴保靖撫輯降苗以治餉功賜花翎嘉慶元年械送首逆吳牛生石三保至京擢按察使遷廣西布政使七年署巡撫八年調浙江布政使十年擢江西巡撫調浙江十一年海寇蔡牽犯浙洋赴溫台防勦嚴杜接濟賊樵汲俱窮竄去詔褒之總督阿林保劾提督李長庚因循玩寇下清安泰密察疏言長庚忠勇冠諸將身先士卒屢冒危險爲賊所畏惟海艘越兩三旬若不燬洗則苦黏登結駕駛

不靈其收港非逗留且海中勦賊全憑風力風勢不順雖隔數十里猶數千里旬日尙不能到是故海上之兵無風不戰大風不戰大雨不戰逆風逆潮不戰陰雲霧不戰日晚夜黑不戰颶期將至沙路不熟賊衆我寡前無泊地皆不戰及其戰也勇力無所施全以大礮轟擊船身舢舨中者幾何我順風而逐賊亦順風而逃無伏可設無險可扼必以鈎鏢去其皮網以大礮壞其舵身蓬胎使船傷行遲我師環而攻之賊窮投海然後獲其一二船而餘船已飄然遠矣賊往來三省數千里皆沿海內洋其外洋瀕海則無船可掠無處可依從不敢往惟遇勦急時始問爲遁逃之地倘日色西沉賊直竄外洋我師冒險無益勢必迴帆收港而賊又道誅矣且船在大海之中浪起如升天落如墜地一物不固即有覆溺之虞每遇大風一舟折舵全軍失色雖賊在垂獲亦必舍而收泊易桅竣工賊已遠遁數日追及桅壞復然故常屢月不獲一戰夫船者官兵之城郭營壘車馬也船誠得力以戰則勇以守則固以追則速以衝則堅今浙省兵船皆長庚督造頗能如式惟兵船有定制而閩省商船無定制一報被劫則

清史稿

列傳一百四十五

五

商船即爲賊船愈高大多礮多糧則愈足資寇近日長庚勦賊使諸鎮之兵隔斷賊黨之船但以隔斷爲功不以禽獲爲功而長庚自以己兵專注蔡逆坐船圍攻賊行與行賊止與止無如賊船愈大礮愈多是以兵士明知盜船貨財充積而不能爲禽賊禽王之計且水陸兵餉例止發三月海洋路遠往反稽時而事機之來間不容髮遲之一日雖勞費經年不足追其前效此皆已往之積弊也非盡矯從前之失不能收將來之效非使賊盡失其所長亦無由攻其所短則岸奸濟賊之禁必宜兩省合力乃可期效奏上詔嘉其公正由是益奮用長庚清安泰之力也尋又條上防海事宜沿海居民編造保甲稽覈商販以斷米糧出口禁製火藥透漏斷絕採捕以杜奸宄瀾迹並如議行十二年冬

蔡牽于至普陀寺未獲被譴責尋以阮元代之調河南巡撫十四年卒常明佟佳氏滿洲鑲紅旗人由筆帖式授步軍統領主事出爲湖南桂陽知州擢雲南曲靖知府乾隆六十年從總督福康安征苗疆率兵屢克賊巢賜花翎鎮守苗吳牛生據蘇麻寨自構皮寨進擊敗之復破西梁賊若擢貴州貴東道

掩擊半生於板登寨獲其弟吳老正等半生復來犯設伏大破之乘勝奪賊卡五尋山西梁進攻燬其寨賊糾秀柳苗為援熾戮甚衆乞降拒不受復大挫之擢按察使賜號智勇巴圖魯詔以苗匪每遇敗乞降匪徒離信飭各路將領以常明為法進剿老烏廠斬賊目隴老香與總兵珠隆阿合剿大烏草河西苗連克魚井豆田三十餘寨會大軍於古丈坪半生適至常明冒雨進攻殲賊千餘分兵克烏龍岩茶它山諸寨卡進圍高多寨半生降乘銳克鴨保寨嘉慶元年勦下平隴苗於葫蘆坪母憂留營借副將海格破小竹山賊於墮河坡俘賊目楊通等上嘉常明奮勉仍命署按察使二年春貴州狃苗起從總督勒保討之與施紹並為軍鋒同破賊關嶺復夾攻連拔賊寨八解新城圍再敗之望城坡賊匿岩洞以拒設伏斃賊千餘環攻於卡子河賊大潰解南籠圍加布政使銜時黃草壩被圍久演黔道梗常明援之克九頭山獲偽將軍陸寶貴燬馬鞭田賊柵俘李阿六等連戰皆捷圍乃解尋克馬鞍山繞擊河酒賊巢連攻三晝夜禽賊酋吳抱仙於三隴口授布政使進克安有山擄富丈賊巢獲逆首章七

清史稿

列傳一百四十五

六

緒緒又擒賊目黃阿金梁國珍等於補納山三年連拔兩薛巖等十八寨苗境悉平服闋始莅布政使任是年冬署巡撫疏薦總兵施裕率貴州兵赴四川勦教匪五年因籍戰歿貴州兵不能救常明坐禱翎頂秋入覲詔念前勞予三品頂帶留巡撫署任題銷軍需詔詰貴陽賊蹤未至募鄉勇多至五萬餘名用銀十九萬餘兩命總督琅玕察覈尋奏常明雖無冒帑處置失宜責賠繳賞值銀九萬餘兩六年石覲苗與湖南苗旬結為亂巡撫伊桑阿檄常明率師攻克之復原銜花翎尋授巡撫七年以擲川餉廠帑銀及失察幕僚私售鉛丸抽匿案卷事礙職籍沒家產既而予藍翎侍衛充伊犁領隊大臣調庫車辦事大臣十年授湖北鹽法道累遷湖北巡撫上念常明久於軍事以四川民夷雜處控制不易十五年特擢為總督詔勉其肅賊滅免賠項銀萬五千兩甯遠府屬夷地多募漢人充佃自教匪之亂川民避入者增至數十萬人爭端漸起十七年常明疏請漢民移居夷地及佃種者編查入冊不追既往此後嚴禁夷人招佃與漢民轉佃並編保甲以資約束增文員以便彈壓移營汛以利控制報可又請

川省鹽課改歸地丁聽民與販詔斥其妨礙准網不顧隣省利害降二級留任十八年署成都將軍二十年中瞻對番酋洛布七力為亂借提督多隆阿總兵羅思舉往勦自裏塘進攻破之擣熱龍賊巢洛布七力舉家焚斃詔以未生得逆首不予議叙二十一年成都革兵謀變悉捕之置於法詔嘉其鎮靜二十二年甯越夷擾邊遣將平之尋卒贈太子少保優卹諡襄恪溫承惠字景倚山西太谷人乾隆四十二年拔貢朝考首擢除七品小京官分吏部拔貢內用自是始累遷郎中五十四年出為陝西督糧道母憂歸高宗巡幸五臺迎鑾召對嘉其才服闋補延榆綏道嘉慶元年川陝楚軍事急承惠奉檄治興安漢中團防遭父憂留軍仍攝道事賊犯平利承惠馳勦山水猝漲墜水遇救得免趨扼險隘獲捷服闋命以按察使銜仍補原官五年擢陝西按察使疏言賊擾陝境已歷數年兵為牽綴運饋往往不及則駐兵以待賊得乘間遠逸三省邊境綿長宜扼要駐兵以逸待勞上聽之殲匪首王金柱於安康復破賊洵陽賑撫流亡民心漸定遷布政使仍留防賊屢犯境輒擊却之守禦興

清史稿

列傳一百四十五

七

漢先後凡六年事定優叙八年調河南修伊洛舊渠十年擢江西巡撫十一年調福建兼署總督海寇蔡牽犯臺灣鹿耳門檄總兵許松年赴海壇守塘與提督李長庚會勦三沙為蔡牽鄉里增兵駐守禁沿海接濟詔嘉之尋調署直隸總督十二年上閱古北口兵獎其嫻整命實授潯龍溫榆北運滄陽諸河十三年上幸天津賞黃馬褂尋以巡幸點景科派為肥鄉令所揭花翎黃馬褂旋復之十七年正月以歲除得雪加太子少保鉅鹿縣民孫維儉等傳習大乘教漢州民董懷信傳習金丹八卦教先後發覺失察輕縱緝官銜花翎黃馬褂革職留任復以他事數被譴責十八年河南滑縣教匪起命借提督馬瑜往勦數戰滑縣近地破賊于道口尋命陝甘總督那彥成總統軍務承惠為參贊時匪首林清在京師起事擾及宮禁詔以林清傳教八年承惠不能先事查緝及勦匪逗留罪礙職留治糧餉十九年命以員外郎赴河南睢工效力工竣遷郎中隨尚書戴均元襄理永定河工二十三年授山東按察使承惠前官畿輔不孚眾望及復起頗思晚蓋山東故多盜偵知東平人廣平知府王兆奎三世窩

盜密捕治之期年積案一清措擊貪酷蘇因起敵吏治爲之一變特詔褒獎然卒不安其位先是盜夜劫泰安富民徐文誥家戕其備柏永柱縣以誤殺爲文誥罪實疑獄也按察使程國仁入其言鍛鍊定讞承惠至固疑不實於他獄盜供得其情銳意平反巡撫和舜武惑於浮言尼之及偵獲盜首王壯於吉林具承槍殺永柱狀時國仁已擢巡撫舊與承惠有嫌且護前不欲承惠竟是獄檄勘陞工承惠辭乃劾承惠自以曾官總督橫肆不受節制礙職薦前竟沂道童槐繼爲按察使槐復劾承惠濫禁無辜以罪人充捕擾民譴戍伊犁其去也國仁送於候館居民洵洵醫之不及送而歸既而文誥訴於京命尙書文孚往鞠未至槐倉卒定讞釋文誥二十五年起承惠爲湖北布政使逾年以衰老降戶部郎中尋引疾歸卒於家

清史稿

列傳一百四十五

八

怪東明縣民李車因姦伙傷七歲幼童從重擬絞決永年縣民梁自新勒斃繼妻及媳訊因繼妻虐待前妻子有幅縱媳與人通姦同謀毒斃有幅自新忿將妻媳致死從輕擬杖流兩獄並爲仁宗嘉許特旨依議梁自新加恩再減杖徒先是直隸回贖旗地租銀積欠至十二萬兩前總督胡季堂汪承需屢議調劑未有善策檢疏請復旗租原額以紓民力積欠得全減免焉六年擢河南巡撫七年詔檢前護直督有治績命以兵部侍郎銜署理直隸總督尋賞授賜黃馬褂九年京察子議叙檢歷官總補頗爲仁宗所信任尋以東鹿縣民王洪中與張父觀鬪毆被傷上控承審官偏聽王洪中受責自縊獄經部鞫詔斥檢玩視重案下部議革職改留任又因他獄屢被詰責檢具疏陳謝諭曰方今中外吏治貪墨者少疲玩者多因循觀望大臣不肯實心惟恐朕斥其專擅小官從而效尤僅知自保身家此實國家之隱憂不可不加整頓卿係朕腹心之臣其勉之十年坐易州知州陳漢虧空諭十萬查辦不力降調革任予主事銜効力吉地工程處會永定河隄壞責隨築賠修又以刑部秋審直隸省由緩改實者十

四起革主事銜仍留工次事竣予五品銜發南河委用未幾復因直隸官吏勾通侵帑事覺革職遣戍烏魯木齊十三年釋回十四年命以主事充西倉及大通橋監督十五年授湖南岳常澧道遷雲南按察使十六年擢貴州巡撫尋召來京坐前在直隸失察灤州民董懷信等傳習邪教降二級以京員用又坐涿州知州徐用交代朦混降補工部郎中十九年授山東鹽運使命以三品頂戴爲浙江巡撫奏濬西湖興水利上素稱檢操守才幹而病其不能猛以濟寬屢加訓戒二十年武平民劉奎養聽糾入派弟會傳習徒衆論斬詔斥檢未究編造逆書之人下部議復因西湖厝棺被盜言官劾其謙擬輕縱命侍郎成格等往按坐正犯由賄屬誣認詔切責職職二十四年祝嘏予官補刑部員外郎逾年授福建巡撫道光元年疏陳歲進荔支樹素心蘭採運艱難詔永遠停貢並嘉檢之直二年復擢直隸總督先是蒞司屠之申奏請直隸差徭每地一畝攤徵銀一分以示公平詔俟檢到任定議檢力言其不可行請仍舊制三年以年老內召授戶部侍郎調倉場復出爲漕運總督五年坐河淤滯連降三品銜休

清史稿

列傳一百四十五

九

致尋復以疏請截留漕糧忤旨降五品銜十二年卒
論曰馮光熊治苗疆善後陸有仁興陝境築堡固練琅玕定石嶺苗維西夷清安泰保全良將李長庚常明佐勒保平神苗晚任蜀疆鎮撫番夷皆一時疆臣之能舉其職者溫承惠治畿輔無異結陳泉山東則治盜清獄有聲卒以平反冤獄遭傾陷可謂能晚蓋矣顏檢明於吏事治尙安靜而屢以寬縱獲譴焉

清史稿

岳起

荆道乾

謝啟昆

李殿圖

張師誠

李奕疇

錢楷

和舜武

列傳一百四十六

岳起鄂濟氏滿洲鎮白旗人乾隆三十六年舉人議叙筆帖式累擢戶部員外郎翰林院侍講學士詹事府少詹事五十六年遷奉天府尹前官貪黷岳起至屋宇器用徧洗滌之曰勿染其汚迹也與將軍忤逾年擢內閣學士尋出為江西布政使殫心民事值水灾行勘圩隄落水致疾詔嘉其勤許解任養病嘉慶四年特起授山東布政使未幾擢江蘇巡撫清介自矢僮僕僅數人出屏脚從禁遊船聲伎無事不許讌賓演劇吳下奢俗為之一變疏陳漕弊略曰京漕積習相因惟弊是營米數之盈絀米色之純雜竟置不問旗丁領運無處不以米為挾制即無處不以賄為通融推原其故沿途之抑勒由旗丁之有幫費旗丁

清史稿

列傳一百四十六

之索幫費由州縣之浮收除弊當絕其源嚴禁浮收實絕弊源之首請下有漕各省列款指明嚴行禁革俾旗丁及漕運倉場無從更生觀望冀倖之心詔嘉其實心除弊常州知府胡觀瀾結交鹽政徵瑞長隨高柏林派捐修葺江陰廣福寺岳起疏言觀瀾柏林雖罷逐尚不足服衆心請將錢二萬餘串責二人分償以修蘇州官塘橋路丹徒知縣黎誕登諷士紳贖其政績保留實不職勅罷之五年署兩江總督劾南河工員莊剛劉晉等侵漁舞弊莫溲於任所設店肆運貨至工居奇網利並治如律揚州關溢額稅銀不入私盡以報解駁減兩藩司耗羨開欸實存銀數報部並下部議行六年疏請滄築毛城鋪以下河道隄岸上游永城洪河下游蕭縣境內河堰並借帑舉工分五年計畝徵還允之八年入覲以疾留京著禮部侍郎會孝淑皇后奉移山陵坐會疏措語不經革職留任尋命解署職遂卒帝深惜之贈太子少保賜卹如例無子詔問其家產僅屋四間田七十六畝故事旗員歿無嗣者產入官以岳起家清貧留贍其妻妻歿官為管業以為祭掃修墳之資異數也妻亦嚴正岳起為巡撫時一日親往

籍畢沅家暮歸飲酒微醺妻正色曰畢公耽於酒色不保其家君方畏戒之不暇乃復效彼耶岳起謝之及至京居無邸舍病歿於僧寺妻紡績以終吳民尤思其德呼曰岳青天演為歌謠謂可繼湯斌云

荆道乾字健中西臨晉人乾隆二十四年舉人大挑知縣官湖南歷麻陽龍山東安永順慈利靖州所至有惠政屏陋規平冤獄在靖州賑飢尤多全活屢膺上考四十七年遷甘肅甯夏同知入覲大學士劉墉曾官湖南巡撫稱之曰第一清官也名始著尋署石峯堡同知時方用兵治事不廢修復水利復薦卓異記名五十四年擢安徽池州知府屢署徽甯池太道築蕪湖關廡餘不入己以充賑恤調安慶朱珪為巡撫尤信任之疏薦擢山東登萊青道攝布政使以激濁揚清為己任薦廉吏崔映淮李如珩等而劾不飭者嘉慶二年遷按察使四年遷江蘇布政使先是州縣存留俸薪役食及驛站經費改解藩庫俟奏銷後請支始則防吏侵挪久之解有浮費發有短平或勒抵前官虧空佐雜教官不能得俸驛傳領於臬司或苛駁案牘因索餽遺郵政日弛廢道乾入覲時面

清史稿

列傳一百四十六

陳其弊請悉依定章於州縣徵收時開支省解領之繁仁宗俞可至是疏上施行天下便之上方欲整飭漕政以巡撫岳起及道乾皆有清名責其肅清諸弊到官三閱月擬安徽巡撫疏請禁徵漕浮收舊耗米一斗給運丁五升加給二升運丁所得有據可考其所用沿途浮費探訪知之應禁革詔下所奏於有漕各省永禁又言屯田所以贍運每丁派田若干及應得租籽新倉旗丁不能瞭然令糧道刊刻木榜俾倉丁認田收租運船領欸刻易知單山丁正身親領以杜包領欺壓之弊田冊歸糧道收管另造副冊發各衛以備查驗並允行宿州靈璧泗州水灾道乾親往監視賑廠六年以病乞罷詔許解任調理俟病痊來京候簡次年三月詔詢道乾病狀已先卒於安慶帝悼惜賜祭賜其孫汝舉人道乾由監司不三年擢至巡撫求治益急不避嫌怨自處刻苦臨歿呼舊僚至寢所指床下金示之曰吾受重恩積養廉數千兩足以歸喪諸君素愛我勿為歛賻又呼其兄曰兄仁弱勿聽人聳而受賄違吾意兄如其言謝啟昆字縉山江西南康人乾隆二十六年進士朝考第一選庶吉士授編修

典河南鄉試分校禮闈均得三十七年出為江蘇鎮江知府調揚州明於吏事所持堅正上官異意不為奪治東臺徐述夢詩詞悖逆獄遲緩礙成軍臺尋捐復原官留江南父憂奪情著安徽甯國知府復遭母憂服闋稱病久不出五十五年特擢江南河道總督浙江按察使六十年遷山西布政使州縣倉庫積虧八十餘萬不一歲悉補完高宗異其才以浙江財賦地虧尤多特調任歷三歲亦彌補十之五嘉慶四年擢廣西巡撫上疏略曰各省倉庫積弊有三變始則大吏貪婪者利州縣之餽賂債事者資州縣之攤賠州縣匿其私案以公帑應之繼任則虧空藥業大吏既餽其資助不得不抑勒後任接收此虧空之緣起也繼則大吏庸闇者任其欺蒙姑息者又懼與大獄以敢接虧空為能員以稟揭虧空為多事州縣且有藉多虧挾制上司升遷美缺者此虧空之流禍也近年不職督撫相繼收諸大吏共相灌漑州縣亦爭先彌補但彌補之法寬則生玩胥吏因緣為奸急則張皇百姓先受其累各省貧富不同難易迥別一法立即一弊生惟在因地制宜率定章程又多窒碍請飭下各省先查實虧

清史稿

列傳一百四十六

三

之數原虧之人如律論治其無著者詳記檔案使稽吏無可影射多分年限使後任量力補苴不必展轉株求亦不必程功且夕責成督撫裁陋規以清其源倡節儉以絕其流講求愛民之術以培元氣獎擢清廉之員以勵官常日計不足月計有餘不數年間休養生息不徒倉庫充盈吏治民生亦蒸蒸日上廣西自孫士毅經營安南軍需供億所費不貲米銀裝械毀棄關外令州縣分路逐致通省皆虧本非州縣侵蝕且人已去任接收者正在補苴一經參追難保不勸捐派累惟率司道府省衣節食革去一切陋規俾州縣從容彌補進廉去貪無累百姓計三年之內庫項必可補足惟是數十人補之而不足一二人敗之而有餘是又在知人善任大法小廉不愛逢迎不存姑息庶不致後有續虧之患又言彌補虧空初不為一身免累之計乃有實際臣前歷山西浙江皆未咨部亦未咨追原籍蓋當日之員大半死亡遺戍子孫貧乏者多咨追徒滋紛擾如數完繳者實無二三現任反置身事外廣西庫項未完者三十九州縣覈其庶數多寡分限三年按月交庫於交代時有不足者即以虧空論劾疏入仁宗

嘉納焉時詔買補倉穀取諸豐稔隣縣禁於本境採買啟昆言廣西跬步皆山轉運不減於穀價恐不肖者因採買之難或為勒派請仍聽本境買補便詔如所議廣西土司四十有六生計日細貸於客民輒以田產準折啟昆請禁重利盤剝違者治罪田產給還土司其無力回贖者俟收田租滿一本一利田歸原主五年為斷其不禁客民入苗地者廉土民馴愚物產稀少藉販運以通有無也仿浙江海塘竹筴礮石之法修築興安陡河石隄以除水患河流深通舊銅船過陡河必一月至是三日而畢七年卒於官詔嘉其廉潔於所節省潯梧兩關盈餘項下賜銀三千兩治喪廣西士民請祀名宦祠啟昆少以文學名博聞強識尤善為詩著樹經堂集西魏書小學考晚成廣西通志為世所稱李殿圖字桓符直隸高陽人乾隆三十一年進士選庶吉士授編修典湖南鄉試遷御史督廣西學政遷給事中四十九年甘肅回亂從阿桂福康安赴軍治糧餉臺站授鞏秦階道軍事初竣民回相讐焚掠報復訛言時起殿圖處以鎮靜叛黨緣坐婦稚量情釋宥權害戶口隨宜賑恤流亡漸安卓泥土司與四川

清史稿

列傳一百四十六

四

松潘漳臘各番爭囑囑固山界殿圖輕騎履勘歷小洮河丈八嶺鸚哥口皆人蹟罕到羣番導行片語判決立石達魚山頂而還高宗幾餘考涇渭清濁源流命殿圖親勘自秦州溯流至鳥鼠崕繪圖附說以進詔嘉其詳實六十年遷福建按察使嘉慶三年就遷布政使疏言乾隆中業農家必畜驢馬三四以任耕種嗣後官吏借用應差漸形滋擾應嚴行革除獄訟必速為審結開釋無辜小民始得安業常平倉穀積久弊生民未受益官倉已受其虧無災之年不宜貸假吏役例有定額近則人思託足藉免役徭關津稅口官署長隨呼朋引類並為奸數宜并禁止詔下直省一體察禁閭俗售田田面田根糾纏不決盡吏影射佃戶頑抗錢糧日多脫欠徵收不敷每以虛出通關而致虧缺殿圖奏請嚴治在任逾年庫儲大增撥安徵巡撫七年調福建有林陳藍胡諸大姓糾眾械鬪治如律治海盜三脚虎及蔡牽羽黨請祀海洋陣亡官兵緝匪死事者一體入祀從之十一年蔡牽久未平仁宗以臺灣勦捕事殿圖操守尚好軍務未嫻調江西巡撫尋詔斥殿圖於軍事無所陳奏又不能禁止海口偷漏水米

火藥降四五品京堂又以所屬久羅案犯以中允贊善降補尋遷翰林院侍講引病歸十七年卒光緒初閩浙總督文煜疏陳殿圖前任福建政績昭著設文肅

張師誠字蘭渚浙江歸安人乾隆中南巡召試賜舉人授內閣中書充軍機章京遷吏部主事忤和珅緣事降中書得應會試五十五年成進士改庶吉士授編修嘉慶元年出為山西蒲州知府歷雁平道河南江蘇按察使遷山西布政使州縣倉庫多虧師誠知清查有名無實特嚴於交代之際有虧必完在任三年庫儲充裕十一年擢江西巡撫以兼提督賜花翎遂著為令尋調福建清治淹版疏陳整頓積弊事宜詔嘉勉時海盜蔡牽朱清方猖獗總督王德慶馳勦去阿林保繼任復與提督李長庚不協師誠至始嚴防海口杜岸奸接濟籌備船械長庚得盡力勦捕是年冬長庚追蔡牽於粵洋以傷殞率犯濤灣後山噴仔蘭為生番擊退請收其地入版籍免為賊踞十三年朱清與率有隙獨竄閩洋總兵許松年擊斃之其弟滬勢燧思投首會道員德華由臺灣內渡遇牽黨

清史稿

列傳一百四十六

五

圍劫渥救之藉以通款尋復拒敵粵師不果降十四年阿林保調兩江師誠暫署總督聞蔡牽竄浙洋親駐廈門提督王得祿邱良功合勦毀盜舟牽墮海死朱滬尋率三千餘人歸誠赦其罪海疆以安閩人刊石烏石山以紀功海寇稽誅久由閩浙不能合力自師誠治閩而阮元復莅浙始告成功仁宗嘉其嚴斷接濟為殄寇之本京察特予獎叙十九年調江蘇百齡為總督諸巡撫皆承望風旨師誠獨舉其職初彭齡奉命同查虧帑意與百齡師誠不合遂劾兩人皆受醜遺而不得實詔原之會百齡窮治逆書獄閩懷息巡撫所主五府州得無擾川沙民有燒香傳徒者有司密捕解江甯師誠遣標弁要於途交按察司依律鞠治免辜磔者數十人時以稱之二十一年父病篤不俟代回籍被嚴議褫職尋予編修服闋遷中允歷江西安徽布政使道光元年擢廣東巡撫調安徽繼母憂去官復歷山西江蘇巡撫六年召授倉場侍郎以病乞歸卒於家師誠警敏綜覈在當時疆吏中有能名治福建最著繼之者為王紹蘭紹蘭字南陔浙江蕭山人乾隆五十八年進士授福建南屏知縣調閩縣巡撫汪志伊薦

其治行仁宗曰王紹蘭好官朕早聞其名召入見以知州用擢泉州知府漳泉兩郡多械鬪自紹蘭治泉州民俗漸馴而漳州守令以械鬪獲罪詔舉紹蘭以為法擢興泉永道捕獲蔡牽養子蔡三及其黨蔡昌等子議叙遷按察使母憂去服因起故官就遷布政使嘉慶十九年擢巡撫始終未出福建尋汪志伊來為總督與布政使李庶芸不合因訐告受賂劾治屬吏希指羅織廢芸憤而自縊志伊獲譴紹蘭坐不能匡正牽連罷職少嗜學究經史大義去官後一意著述以許慎鄭康成為宗於儀禮說文致力尤深著書皆可傳

李奕疇字書年河南夏邑人乾隆四十五年進士選庶吉士授檢討大考改禮部主事典貴州鄉試洊遷郎中五十七年出為山西甯武知府調平陽有政聲歷江蘇糧道山東按察使嘉慶十一年坐巡撫保薦屬吏違例牽連被議左遷江南河庫道十三年遷安徽按察使治獄明慎多平反霍邱民范受之者督於顧氏與妻反目外出久不歸縣令誤聽訛言謂其妻私於鄰楊三鍛鍊成獄當顧氏楊三謀殺罪其母與弟及傭工某加功實無左證五人者不勝刑皆誣服

清史稿

列傳一百四十六

六

奕疇閱供詞疑之驟詰曰爾曹言骨已被焚然尚有臟腑腸胃棄之何所囚不能對惟伏地哭奕疇慨然曰是有冤使幹吏偵之至陳姓家言正月十五夜受之曾過宿而讞曰被殺在十三日乃緩繫諸囚嚴緝受之久之受之忽自歸則以負博遠避不敢使家人知所在今始聞大獄起乃歸投案也事得自奕疇故無子獄既解乃生子銘院民間傳頌至演為劇曲就遷布政使十八年擢浙江巡撫時近畿教匪未靖或言嚴懲兩郡匪徒傳習天罡會詔奕疇嚴治奕疇速訊葉機姚漢楫等實止愚民相聚誦經祈福無逆跡坐罪首犯數人株連皆省釋安徽江西游民來浙租山墾種者日衆言官請禁奕疇疏陳勞難遠逐請分年道令回籍上悟曰茲事不易言游民皆無恒產驅之此省又轉徙他省斷不能復歸鄉里命徐謀教養俾流亡者變為土著乃得安尋授漕運總督在任五年運務無誤奕疇固長者待下寬坐濫委運弁降四級命以吏禮二部郎中用復以運弁縱容幫丁索費被劾降主事二十五年宣宗即位命奕疇以尙書守護昌陵道光二年原品休致十九年重宴鹿鳴加太子少保明年會榜重逢子

銘院適登第同與恩榮宴稱盛事焉二十四年卒年九十有一
錢楷字裴山浙江嘉興人乾隆五十四年進士遷翰林院庶吉士散館改戶部
主事充軍機章京嘉慶三年典四川鄉試督廣西學政回京仍直軍機選禮部
郎中調刑部甚被眷遇截取京察當外用予升銜留任十一年詔嘉楷久直勤
勉以四五品京堂用歷太常寺少卿光祿寺卿十二年京師旱疏請循漢書求
雨閉陽縱陰之說停止正陽門外石路工程詔修省在實政無事傳會五行罷
其奏迭命往河南山西鞫獄次第奏結無枉縱授河南布政使十四年護理巡
撫暫署河東河道總督擢授廣西巡撫尋調湖北十六年疏言外洋鴉片煙入
中國奸商巧為夾帶凡粵東西兩省匪類糾結多由於此以致盜風益熾請飭
閩粵各關監督並近海督撫嚴督關員盤檢按律加等究辦內地貨賣一經發
覺窮究買自何人來從何處不得含糊搪塞將失察偷漏監督委員及地方官
一體參處務使來蹤盡絕絕流弊自除乃清理匪源之一端也詔下沿海督撫認
真察辦法戶部侍郎兼管錢法堂事奏陳湖北地方事宜應酌劑者四端請附

清史稿

列傳一百四十六

七

近荆州糧米供支滿營兵食餘俱改歸北漕沿江契買洲地准其耕種納糧無
契者作為官地召佃承種新設提督移駐襄陽府城楚北均食淮鹽襄陽宜昌
等府籌議減價下所司會議惟沿江洲地一事照行餘以窒礙置之復出署河
南巡撫匪徒王勝子句結南陽飢民滋事成大獄楷至任疏言前任巡撫恩長
於南陽匪徒一案前後具奏情節與原報不符辦理過當府州縣等緝犯並未
廢弛平日聲名尚好現擬絞候之二十餘犯明年秋審均應情實不敢知而不
言詔以句決與否臨時自有權衡非臣下所可豫定地方官咎有應得豈能開
復斥楷數陳未富近於喜事調補工部侍郎尋授安徽巡撫以欽縣監生張良
璧探生斃命命楷親訊讞擬未依凌遲律失於輕比部議降一級調用改降二
級留任十七年卒詔以楷直樞曹久有勞自簡封圻治理安靜母程年逾七旬
嗣子尚幼深憫之特賜卹
和舜武伊拉里氏滿洲鑲藍旗人官學生考授太常寺筆帖式累遷步軍統領
衙門員外郎以治獄明獲議叙遷兵部郎中兼公中佐領嘉慶十五年出為江

清史稿 卷三六五

蘇鹽法道累遷山東布政使整飭吏治輿論歸之二十二年擢山西巡撫調河
南會布政使吳邦慶疏請於漳衛合流之處建閘壩和順武謂漳河盛漲湍悍
非一閘所能禦越閘旁趨且停蓄泥沙塞衛水宣洩之路疏請罷之仍舊章每
年挑浚資公河以資鹽運如所議行逾年調山東仁宗聞其前為布政使有聲
故有此授山東民俗好訟又近畿輒走訴京師和舜武再蒞訟頓減特詔褒勉
疏請清理京控積案責巡撫藩臬分提鞫訊月定課程各自陳奏又請酌改竊
盜窩匪條例加重定擬俟盜風稍戢復舊並從之至年終審結積案千餘起予
優叙京察復予議叙二十四年卒上甚惜之優詔賜卹贈總督銜諡恭慎
論曰仁宗初政特重廉吏岳起荆道乾清操實政為之冠謝啓昆張師誠才猷
建樹卓越一時並專圻碩望矣李殿圖李奕疇錢楷亦各以明慎慈惠見稱和
舜武課最簿書遂邀易名曠典王紹蘭一皆坐廢晚成經學殆有幸有不幸哉

清史稿

列傳一百四十六

八

三五五

清史稿

列傳一百四十七

司馬駒

王秉翰

康基田

吳敬

徐端

陳鳳翔

黎世序

司馬駒字雲泉江蘇江甯人乾隆中大學士高晉為兩江總督辟佐幕司章奏習河事以從九品留工効用授山陽主簿累遷淮安同知仍兼幕職從晉塞河屢有功薩載繼任總督亦倚之五十年奏擢江南河道庫道庫歲修六十萬溢額則俟上聞遇險工廳員借帑久輒因緣為弊駒從容籌補公私具舉五十五年遷江西按察使在官七年巡撫蓋鼐不飭被劾多所牽連駒以謹慎獲免嘉慶元年遷山西布政使二年調山東兼管河務是年秋曹州河溢命駒偕兩江總督李奉翰南河總督康基田前山東巡撫伊江阿同任堵塞冬擢河東河道總督曹工尋合龍三年春西壩整葺職留任疏言豫東兩岸隄工卑薄請擇要

清史稿

列傳一百四十七

一

增高以禦汎漲詔以下游不能深通徒事加隄斥其不揣本而齊末曹工之墊由於堵築不堅罰駒等賠修奪翎頂所議工事仍允行九月睢州河溢詔免治罪責速塞四年正月工竣復頂戴議叙免其代賠帑銀尋卒於工次賜卹王秉翰字含谿漢軍鎮紅旗人由舉人授陝西三原知縣累遷河南光州直隸州知州緣事降浙江按察司經歷改雲南知縣累遷山西保德知州有政聲五十五年擢安徽穎州知府因獄遲延罷職詔以原官發江蘇補淮安嘉慶二年復調穎州會教匪犯河南去穎州甚近秉翰慨然曰同為守土臣豈可以眇域遺害乎與壽春鎮總兵定柱團結鄉勇數千勵以忠義助糧餉戰於境上破賊走之時大學士朱珪為安徽巡撫器其才未幾擢廣西左江道復以在穎州失察逸犯罪議鍰級去官留治江南豐碭河工尋署廬鳳道洎仁宗親政朱珪薦之擢奉天府尹遷河南布政使五年擢河東河道總督秉翰老於吏事治河主節費隄掃單薄者擇要修築不以不急之工擾民河北道羅正輝信用劣幕舞弊曹考通判徐鼎張皇糜費並劾治之薪料如額採買河員濫報輒駁斥使

多積土以備異漲於是浮冒者不使其所為言官遠論劾慰勉戒勿偏於節省七年防汎卒於工次秉翰性方正不沽名時疆吏中長麟汪志伊並以廉著秉翰不愜其為人嘗曰長三汪六皆名過其實奚足貴繼其任者為嵇承志承志大學士璜子由舉人官內閣中書累遷長蘆鹽運使五十九年天津海河溢築隄守禦高宗以承志無守土責能盡力特詔嘉之尋病歸嘉慶六年從侍郎那彥寶治永定河復授長蘆鹽運使七年署河東河道總督承志年已老上特以其家世習河事故任之八年河決封邱衝家樓次年塞決工竣召還京授大理寺少卿十年遷順天府尹尋卒

康基田字茂園山西興縣人乾隆二十二年進士授江蘇新陽知縣調昭文為令幾十年遷廣東潮州通判以獲盜功晉秩同知累遷河南河北道調江南淮徐道治河有聲五十二年擢江蘇按察使命每年大汎赴淮徐襄河務六月河南睢州河溢基田奉檄馳往堵築次年遷江甯布政使兼河務如故五十四年署江南河道總督尋回任六月基田防汎睢南值周家樓河溢上游魏家莊大

清史稿

列傳一百四十七

二

掃翻陷基田壓焉援救得生詔嘉其奮勉特加恩資五十五年護理安徽巡撫以高郵糧背偽造印串巡撫閱鸞元被嚴譴褫基田頂戴復以陳奏不實革職逮問遣戍伊犁尋許贖罪以南河同知用五十六年仍授淮徐道五十九年力守豐汛曲家莊隄特詔褒獎擢江蘇按察使調山東仍兼黃運兩河事嘉慶六年南河豐汎河溢基田赴工襄治遷布政使命回山東疏消漫水撫卹災民基田遂往來其間次年春豐工竣賜花翎擢江蘇巡撫秋河溢錫山楊家壩命馳視山東曹縣河亦溢復命往襄同堵築授河東河道總督尋調南河三年曹工合而復墊部議革職詔寬免疏言口門深逾十丈擬就二壩前河勢灣處開引河別築一壩即以舊西壩改作挑水壩俟秋後興工詔責其延玩褫翎頂尋命專任下游挑河事九月河南睢州河復溢水入渦濰諸河正河斷流大工旋合次年春睢工亦竣河歸故道引河通暢復翎頂時有條奏治海口及復舊制混江龍者基田疏言治河之法首在束水攻沙自曹工漫溢溜或旁趨遂致正河淤墊因上決而下淤非先淤而後決今睢工曹工既竣連年黃水漫衍所在停

沙比至清江會淮已成清水海口刷濶寬三百數十丈毋庸疏濬混江龍助水之力甚微不若東水攻沙以水治水之力大而功倍仁宗嘉納之秋河溢邵家壩十二月堵合未旬日壩復墊滲水責基田賠帑五年正月壩工失火積料盡焚革職留工効力基田以下素嚴督率卒守隄動以軍法從事稽延者杖枷不貸人多怨之又官吏積弊懼陰縱火以掩其跡帝亦知基田性剛守潔惟責其苛細仍命隨辦要工欲復用之及邵家壩工竣以知州用補江蘇太倉直隸州逾年擢廣東布政使調江西又調江甯十一年因貴州鉛船遲滯降調授戶部郎中十三年從協辦大學士長麟戴衢亨察視南河基田請修復天然開迤東十八里屯二石崗斬輔所建也足以減黃濟運且山石夾峙無奪溜沖決之患據以入告帝嘉其留心河務加道銜賜花翎尋予太僕寺少卿職銜稽核南河要工錢糧十六年以年逾八旬乞休允之命來京就養以示優卹後議改建山盱五壩特命與議基田疏陳舊制盡善不宜輕改今仁義禮三壩石底損壞跌成深塘不得已為變通之計請將仁義二壩先改其一俟大汎果見順利

清史稿

列傳一百四十七

三

再議添所建擬壩先築草壩非湖水大漲不可輕放奏入報聞十八年鄉舉重逢賜三品卿銜與鹿鳴宴尋卒
吳璣字式如浙江錢塘人吏部侍郎嗣爵子乾隆四十三年進士選庶吉士授編修大考擢侍講學士典陝西鄉試五十四年督安徽學政召見高宗因其父曾為總河詢以河務所對稱旨即日授河南開歸陳許道累遷布政使五十九年巡撫出視賑賑充鄉試監臨聞河水暴漲即出關馳防帝嘉之六十年署巡撫嘉慶二年楚匪齊王氏犯河南擊走之復勦息縣匪賜花翎母憂留任四年署河東河道總督尋實授請增河工料價歸地糧攤徵詔斥其病民革職留任五年調南河堵合邵家壩漫口加太子少保八年秋河決衡家樓命豫籌來年漕運請疏邳州宿遷請開於宿遷桃源交界築束水草壩濬淤淺依議行又言徐州一帶河水寬深而未消落乃海口壅塞所致詔相度治之尋疏陳雲梯關海口暗灘尚非全被阻遏請於黃泥嘴開引河並挑吉家浦于家港倪家灘宋家尖諸灘允之九年秋洪湖水漲未消請緩築仁智兩壩以保堰貯隄工時東

河衛工甫合清江浦河口水淺阻糧船上謂清水力弱由啟放仁智等壩所致命侍郎姜晟往會籌善黃濟運啟與合疏請堵二壩及惠濟閘之鉗口壩使湖水全力東注刷通河口並啟李工口門減掣黃水從之上終以啟多病治河不力雖宥其罪命解職十年授兵部侍郎調倉場侍郎十一年復授河東河道總督因物料例價不敷請依南河按時價折銷允之復請歲料暫歸地糧攤徵被嚴斥革職留任尋又以隄堰工需併入衛工善後題銷上切責之十三年召回京授刑部尚書命偕侍郎托津赴江蘇鞠獄并勘議海口改道請仍復故道接築雲梯關外大隄從之復授江南河道總督十四年疏陳海口應濬而大隄不堅旁洩必淤蓄清為要而隄壩不復遇漲必潰今開壩無減黃之路五壩無節宣之方皆宜急為救治詔題之令盡心經理是冬以海口挑復正河費用浩繁不及於次年挑汎前舉工請權宜仍濬北潮河以通去路十五年春偕兩江總督松筠合疏請修復正河詔允行而斥璣無定見前後矛盾責其認真督治不得以事由松筠主持為推諉之地尋因病乞假詔解職俟病痊以六部尚書

清史稿

列傳一百四十七

四

用璣既去任松筠疏論河工積弊謂璣與徐端治理失宜用人不當墊款九十餘萬恐有冒捏又兩淮鹽政阿克當阿劾揚河通判繆元淳浮冒工款稱駁路過揚州與言廳員營弁不肖者多往往虛報工程且有無工借支前在任六七年用帑一千餘萬今此數年竟至三四千萬詔斥璣知而不奏命尚書托津等往南河按之劾璣失察誤工又濬淮北鹽河未經奏陳濬後復淤詔切責降四級調用與徐端分賠鹽河工款命璣赴南河襄辦王營減壩及李家樓漫口十七年補光祿寺卿累遷吏部侍郎十八年睢州河溢命赴南河察勘湖河十九年授河東河道總督督治隄工次年遷兵部尚書工竣回京歷刑部吏部協辦大學士上以璣練習河務無歲不奉使出勘河二十一年協防東河秋汛二十二年勘隄工及山東運河南河肅南民堰清江浦禦黃束清諸壩二十三年築沁河漫口二十四年築河南蘭陽儀封及武涉馬營壩決口二十五年勘南河東清禦黃諸壩及洩水事宜其間再署河南巡撫一署河東河道總督道光元年以病免二年因侍郎那彥寶治河不職降黜追論璣與同罪雖已致仕家居

視其翎頂尋卒

徐端字維之浙江德清人父振甲官江蘇清河知縣端少隨任習於河事入贊為通判乾隆中河決青龍岡振甲知涉縣分挑引河端佐役大學士阿桂督工見而器之留東河任用授蘭儀通判尋升缺為同知調睢甯又調開封下南河嘉慶三年署山東沂曹道睢州河決端預築曹州隄得無害四年擢江西饒州知府未之任調江蘇淮安七年擢淮徐道丁父憂與假治喪仍回任九年加三品頂戴護理東河河道總督時衡家樓甫築決詔以前官王秉翰借費松承志年衰修防多疏責端通籌全河為未雨綢繆之計端疏陳臨河掃工固緊要無工之地尤須慎防仁宗越之冬清口水淺阻漕船端偕尚書姜晟等往視請展引河啟祥符五瑞壩分河水入洪湖助清敵黃清口乃通尋授江南河道總督十年請疏治雲梯關沙淤培築桃源以下隄工又請移建河口東清壩於迤南湖水匯出之處以資節制挑清壩外築東清壩對岸張家莊增築西壩留口門二十丈視湖水大小為束展詔允行秋築義壩時命侍郎戴均元會籌黃黃

清史稿

列傳一百四十七

五

濟運端與合疏請濬王營減壩以下鹽河遇盛漲相機啟放庶黃減淮強湖水暢出堰工亦免著重從之十一年洪湖異漲高堰賴新築子堰抵禦不為害俄黃水並漲決鹽河民堰運河東岸荷花塘亦決以功過相抵免議舊制南河設正副總河後裁其副至是授戴均元為河道總督端副之秋河決周家樓上游郭家房隄壘命端專治郭家房壩口四閱月工竣時黃水由減壩六塘河入海正河斷流羣議改道上頒示御製黃河改道記命端視察海口尋以六塘河下游水勢散漫難施工作復頒示御製治舊河記命端專駐減壩督工十二年春工竣河循故道加太子少保秋海潮上漾河由陳家浦旁溢入射陽湖歸海請於黃泥嘴建壩擇要疏淤俾仍故道十三年署正總河先是端屢言河淤由於海口流緩宜接築雲梯關外長隄束水攻沙未及舉至是兩江總督鐵保疏申前議並請培高堰土坡修補智禮二壩以備湖淤復毛城鋪石隄王營減壩以節宣黃水端贊其議命協辦大學士長麟戴衡亨察視惟較毛城鋪壩工改建徐州十八里屯雙閘餘依原議行夏湖水漲端啟智信二壩不敷宣洩壞壩工

百餘丈覆翎頂降三級留任尋塔合復之時黃水由馬港口分流經灌河口歸海命尚書吳璣侍郎托津會勘以荷花塘壩工垂成復整降端為副總河十五年復授河道總督裁副總河端始終主復舊海口塔馬港命尚書馬慧裕會同督治兩江總督松筠劾端於河流逢灣取直以致停淤上不直其奏端疏辨詔松筠無預河務資端與慧裕速施工勿游移尋以洪湖風汛壞高堰山旰兩廳工甚鉅革職留任松筠復密陳端祇知工程不曉機宜糜帑千萬迄無成功且恐有浮冒之弊詔斥端不勝河督之任革職留工專任塔築義壩十六年命以通判用復命治李家樓引河十七年工甫竣病卒端治南河七年熟諳工作葦柳積隄一過測其多少與夫役同勞苦廉不妄取河工積弊端知之憚於輕發欲入覲而陳而終不得以至於敗繼之者為陳鳳翔河事遂益敝

清史稿

列傳一百四十七

六

陳鳳翔字竹香江西崇仁人騰錄議叙縣丞發直隸河工累遷永定河道嘉慶六年歲輔大水河決者四鳳翔從侍郎那彥寶塞決為仁宗所知逾年丁父憂賜金治喪後復授永定河道十四年擢河東河道總督逾年調南河時南河敝壞已久河湖受病日深詔以善清敵黃為急務其要在修復高堰之堤責鳳翔尅期工程尤以借黃濟運為戒十六年疏陳急治河口及運河各工高堰二堤亦次第興辦尋借兩江總督勒保奏報塔合禦黃鉗口兩壩疏末微言海口北岸無人烟之地面而皆水俟秋間水落相機辦理以上年塔築馬港兩岸皆新堤北岸地勢尤高明是新決諱飾責令據實奏聞適王營減壩土隄又決詔切責革職留任尋奏王營減壩旁注由海口逼緊水無他路致有漫溢請俟水落修築減壩海口但保南岸勿築北岸以免水逼援引高宗諭旨雲梯關外勿與水爭地詔以從前瀕海沙灘無居民今則馬港口外現有村落非昔可比且水勢散漫河緩沙停弊不勝言又鳳翔等所繪海口圖無村落地名與十三年吳璣所呈圖說不同河形曲直亦異斥鳳翔意存朦混恃才妄作前稱雲梯關外溜勢暢達未挑處刷深至十餘丈可見海口非高仰鳳翔既未身歷其境今因北岸漫溢束手無策反言從前挑築皆屬非計以相抵塞特簡百齡為兩江總督與鳳翔同勘海口鳳翔謂海口不能暢下壘故上潰諉為淮海道黎世序

所言而世序實謂下墜在倪家灘新隄上下非在海口及百齡至親勘海口深
通惟中段湖成平陸乃去歲挑河積土河灘春水漫刷仍歸河內又欄湖壩放
水時壩根起除未淨阻水停淤世序屢請籌辦鳳翔視爲緩圖詔斥因循貽誤
會上游縣山拐李家樓兩處漫口革職留任十七年春禮壩又決百齡勸鳳翔
急開遲閉壩下衝動不早勸堵築用帑二十七萬兩有奇而壩工未竣清水
大洩下河成災嚴詔斥鳳翔貽誤革職罰賠銀十萬兩荷校兩月遣戍烏魯木
齊尋鳳翔訴辨命大學士松筠府尹初彭齡按訊得百齡與鳳翔同時批准開
壩狀鳳翔又託百齡信任鹽運道朱爾府額督辦葦蕩柴料捏報邀功譴百齡
等鳳翔免枷仍赴戍未行病歿

黎世序初名承惠字洪溪河南羅山人嘉慶元年進士授江西星子知縣調南
昌擢江蘇鎮江知府十六年遷淮海道與河督陳鳳翔爭堵倪家灘漫口由是
知名十七年調淮陽道尋鳳翔勸加世序三品頂戴署南河河道總督俟三
年後果稱職始實授疏言自上年大濬千里長河王營減壩及李家樓漫口堵

清史稿

列傳一百四十七

七

合雲梯關外水深二三丈至四五丈爲近年所未有而清江浦至雲梯關一帶
較之河底深通時尙高八九尺此非人力所能猝辦計惟竭力收蓄湖水以期
暢出敵黃蓄清之法在堰貯二隄有旨緩辦今年禮壩跌損宜洩路少二隄尤
應急築以資捍衛允之十八年以仁義禮三壩基壞請於蔣家壩附近山岡移
建三壩挑引河三道詔令詳議並飭填實舊壩尋如議行因全漕渡黃較早議
叙疏請加高徐州護城石工添築越隄於清江浦汰黃隄外加重隄又於駱馬
湖尾間五壩進下添碎石滾壩並允之先是百齡擬於清江浦石馬頭築圍隄
其灣處對王營上起禦黃壩下屬貼心壩河寬千餘丈至此陡束爲二百丈論
者以爲不使得不行世序卒成之是年秋惟南薛家樓桃北丁家莊漫水壞隄
世序躍入河者再會上游河南睢州決口奪溜河水陡落惟桃兩工得補築無
事詔以世序不能先事預防降一級留任睢州決口久未合黃水全入洪湖世
序力籌宣洩滑順清河於清口淤窄處自東清壩起至禦黃壩止挑引河三東
清壩鉗口各壩一律闢展智仁兩壩及蔣壩以南新挑仁義兩壩引河並爲分

減之路至十九年霜降安瀾詔嘉世序修防得宜加二品頂戴二十年疏言徐
州十八里屯舊有東西兩閘金門寬三丈五尺不足減水其西南虎山腰兩山
對峙四處寬二十餘丈山根石脚相連可作天然滾壩北面臨河即十八里屯
山岡淤於土中削平山頂改作臨河滾壩以虎山腰爲重門擊托可期穩固允
之夏洪湖盛漲拆展束清禦黃兩壩啓山盱引河滾壩清水暢出會黃東注刷
河益深特詔嘉獎賜花翎世序治河力舉東水對壩課種柳株驗土掃稽築牛
減漕規例價行之既久灘柳茂密土料如林工修河暢南河歲修三百萬兩爲
率每年必節省二三十萬碎石坦坡自斬輔始用之於高堰後蘭第錫吳歐徐
端偶一用之世序始用之於通工謗言四起世序力持卒獲其效二十一年京
察議叙二十二年因禦黃壩刷深不能施工東清壩擊溜太急亦難穩立請於
舊二壩水淺處添築重壩又於束清壩外添建一壩以爲重門鉗束於是比歲
安瀾奏減料價一成道光元年入覲宣宗嘉其勞勩加太子少保開復一切處
分賜詩以寵之二年京察復予議叙四年卒於官優詔褒卹加尙書銜贈太子

清史稿

列傳一百四十七

八

太保諡襄勤入祀賢良祠江南請祀名宦建專祠帝追念前勞御製詩一章命
勒石於墓賜其子學治主事學淵舉人學溥副榜貢生自乾隆季年河官習爲
奢侈帑多中飽寢至無歲不決又以漕運牽掣當其事者無不譏敗世序潛泊
甯靜一滿靡俗任事十三年獨以恩禮終焉幕僚鄒汝翼無錫人世序倚如左
右手欲援陳潢故事薦之於朝力而辭止涇縣包世臣號知河事世序多用其
說惟築圍堰一事論不合及創虎山腰滾壩世臣阻之曰河以無溜爲至險攻
大壩不與焉湖以淤底爲至險擊石工不與焉公謂減黃入湖爲化險爲平黃
緩湖高吾坐見其積平成險也兩險交至其禍甚烈公意在及身然以憂患貽
後世已世序初奏亦謂壩成過不得已乃敢然後實無歲不敗泊二十五年上
游河南睢州馬營兩口既合閱歲大汛至清河安東阜甯三縣境內河水常平
隄而中泓無溜世序心知其害憂瘁而卒後數月高堰竟決
論曰仁宗銳意治河用人其慎然承積弊之後求治愈殷窟穴於弊者轉益壽
張以爲嘗試海口改道之說起紛紜數載而後定康基田徐端等皆諳習河事

程功亦僅至黎世序宣勤久任南河乃安而減黃病湖遂遺隱思得失之故具於斯焉

清史稿

列傳一百四十七

九

清史稿

列傳一百四十八

劉清

傅鼎

嚴如煜

劉清字天一貴州廣順人由拔貢議叙授四川冕甯縣丞擢南充知縣政聲為一省之冠嘉慶元年教匪起清得民心募鄉勇五百人擊賊人樂為用賊自為民時知其名遇輒避之繼從總督英善勦達州匪徐天德數捷率鄉勇羅思舉赴賊營諭降羅其清未得要領而徐天德與王三槐冷天祿合陷東鄉二年春始復之遂署東鄉進克清谿場禽賊黨王學禮天德之舅也言天德與王三槐皆有歸順意總督宜綏令清往招三槐徧歷諸賊壘迎送奉酒食甚謹宣示招撫皆聽命夜宿其帳中三槐隨至大營約期率所部出降然質藉規虛實非真意屆期三槐詭稱於雙廟投降伏匪為掩襲計官軍預設備擊敗之時羅其清冉文儒併聚方山坪清偕總兵百祥奪多福山賊壘會諸路兵攻方山坪克之賊竄通江巴州徐天德王三槐合清所部鄉勇增至千餘人桂涌李子青等皆驍勇善戰借諸軍擊賊益有殲獲羅冉二匪漸蹙三年署廣元縣事總督勒保攻王三槐於安樂坪未下復令清往招撫三槐恃前此出入大營無忌留隨人劉星渠等為質三槐遂詣軍門勒保奏報大捷俘三槐至京廷訊時言官逼民反仁宗詰之曰四川一省官皆不善耶對曰惟有劉青天一人劉青天者川民以呼清也帝深嘉之特諭曰朕聞劉清官聲甚好每率眾禦敵賊以其廉吏往往退避引去如果始終奮勇民情愛戴著勒保據實保奏尋以清治績戰功奏上晉秩同知直隸州賜花翎於是劉青天之名聞天下四年補忠州知州府銜參贊額勒登保破冉天元張子聰於竹峪關令清於通江巴州招撫餘匪自王三槐被誘諸賊首皆疑懼不敢出然感清無他不忍加害每至賊營必留宿盡禮其脅從者先後投出二萬餘人道散歸農以功加道銜命隨副都御史廣興駐達州治軍餉撥建昌道五年冉天元等合諸路賊渡嘉陵江總督魁倫退守鹽亭鳳凰山令清集民團守潼河上下三百餘里多淺灘盡撤防兵清爭之不可賊果於太和鎮上游王家嘴偷渡委罪於清奪職命以知縣用留營効力既

而德楞泰破賊天元伏誅諸路竄賊旁阜通巴之間勒保以清去歲招降成效
責籌安撫時川匪父子兄弟一家中不盡習教為賊而奔竄往來過鄉里輒歸
視清屯要隘且勦且撫遣人存問賊首家屬有歸誠之意者潛令圖之展轉相
引賊遂瓦解藍號鮮大川巴州人號為狡悍其族人文炳路保及黨楊似山清
皆厚恤其家感恩願效死乃使文炳勦大川降不可且與似山謀殺文炳似山
乘間殺大川與文炳路保同降巴州匪遂滅六年以功復原官仍授建昌道七
年春破賊於南江五方坪禽賊首李彬及辛文等加按察使銜尋授四川按察
使敗藍號齊國典餘匪於兩河口追禽其黨葛成勝諸匪以次平大功告成下
部議叙清在軍七年先後招降三萬餘人有業者歸鄉里無業及有業願從者
為鄉勇後立戰功者三十餘人其中苟崇勳苟文耀李彬辛文李世玉趙文相
皆賊魁也崇勳即苟文通已奏報殲斃而改名及軍事竣當遣清以諸人田廬
焚蕩驟散將復為賊臨行重犒之自向富室巨商貸金人感其誠多響應事畢
積逋負至十萬八年陝西餘匪自南山竄出棧道清馳扼廣元道卒招撫被戕

清史稿

列傳一百四十八

二

詔斥輕信縱賊以前功免罪命理糧饌及按捕餘匪裁撤鄉勇十年事竣入覲
賜御製詩有曰循吏清名遐邇傳蜀民何幸見青天誠心到處能和眾本性從
來不受錢時以異數榮之丁繼母憂去官服闋授山西按察使遷布政使忤巡
撫初彭齡劾其袒護屬吏降四級以從四品京堂用清亦自陳不勝藩司之任
詔斥冒昧降補刑部員外郎熱河新設理刑司員以清往邊方草創多持大體
斷獄平允蒙民亦以青天呼之十七年授山東鹽運使十八年河南教匪起山
東賊黨朱成良等應之陷定陶曹縣巡撫同興懼清自請將兵承平久兵習
晏安清緝草屨先之以五百人敗賊於粵山復定陶又敗之於韓家廟獲賊二
千進攻扈家集縱火焚柵賊突出皆死誅賊首朱成良王奇山自滑縣奔至者
並殲焉兩閱月而事平賊初起時煽惑甚眾清先解散其脅從成良勢孤不得
逞故得速定上嘉其以文職身先士卒特詔褒獎加布政使銜尋授雲南布政
使仍留舊任清性坦率厭苛禮不合於上官又不耐簿書錢穀遂乞病上亦知
之改授山東登州鎮總兵調曹州鎮道光二年以老休致命在籍食全俸八年

卒賜祭葬祀山東名宦官其孫熾昌為兵部主事瑩舉人

傅鼎字重庵順天宛平人原籍浙江山陰由吏員入貲為府經歷發雲南擢甯
洱知縣乾隆末福康安征苗疆調赴湖南軍營司饌運晉秩同知直隸州賜花
翎嘉慶元年授鳳凰廳同知治苗苗衝會大軍移征湖北教匪降苗要求苗地
歸苗苗事議允之鼎知愈撫且愈驕乃招流亡團丁壯於要害築碉堡防苗出
沒苗以死力來攻且戰且修閱三年而碉堡成有哨臺以守望礮臺以禦敵邊
牆相接百餘里每警哨臺舉銃角婦女牲畜立歸堡環數十里皆戒嚴四年禽
苗酋吳陳受加知府銜巡撫姜晟疏薦鼎能勝艱鉅方治鎮守一帶荒田均給
丁壯請俟事竣送部時鎮守左右營黑苗最為邊患五年躡金塘苗出掠澧溪
借總兵富志那夜分三路擣其巢伏兵隘路苟舒嚴要擊痛殲之斃首逆吳尙
保苗始奪氣詔嘉獎命在任食知府俸六年貴州苗復亂湖南環苗地東南北
三面七百餘里其西二百餘里接貴州未設備石峴苗煽十四寨糾湖南苗叛
鼎率鄉勇千五百馳赴銅仁貴州巡撫伊桑阿以招撫戡定上聞各寨寔尚沸

清史稿

列傳一百四十八

三

然槍械未繳總督琅玕至急檄鼎會勦崖屯溝黔兵攻其前鼎夜山山徑入連
破五巢上下湖山峽尤險夜分兵圍攻至次日克之火其寨三日中盡破諸寨
獲苗二千有奇儆湖南法建碉堡守之伊桑阿因冒功誤獲伏法錄鼎功加道
銜總理邊務並命以苗疆道員用七年丁父憂詔鼎辦理邊防善後苗悅服
難易生手命留任初鼎建議遷永綏城於花園副將營於茶洞而貴州方藉永
綏為聲援尼其事至是詔琅玕奏乃赴銅仁而陳永綏孤懸苗中形如釜底
有二難三可慮并請移湖南守備於貴州邊境螺螄堡以為犄角乃決議移之
既而羣苗率眾來爭鼎率鄉勇深入苗大集環之數重以奇計突圍出尋議勒
繳槍械苗酋石宗四等抗命並阻丈田十年與其黨石貴銀糾眾數千來犯敗
之於都河追至孟陽岡殲賊甚眾生擒石宗四石貴銀是役因賊狀良苗故得
用苗兵深入戰月餘破寨十六餘皆乞降永綏苗遂平廳屬高都兩頭羊二寨
皆震懾無敢抗事聞予優叙擢長沅永靖道鼎治苗專用勸法大小百戰所
用僅鄉勇數千苗人於穹山峭壁越越如平地無部伍行列伏菁中從暗擊明

銃銳且長隨山起伏多命中第因苗地用苗技訓練士卒囊沙輕走習藤牌閃躍狹路則用短兵每戰後輒設汰數年始得精卒千號飛隊風雨不亂行列遺資道路無反顧甘苦與共是以能致死先是議興屯田上書巡撫高杞曰防邊之道兵民相輔湖南苗疆環以鳳凰永綏乾州古丈坪保靖五廳犬牙相錯營汛相距各數里元年班師後苗擾如故藉蠲心籌之制勝無如礮堡募丁壯數千與苗從事來則痛擊去則修邊前戈矛後邪許得險即守寸步而前然後苗銳挫望絕湖南自乙卯二載用兵耗帑七百餘萬國家經費有常項苗叛服無定募勇不得不散則礮堡不得不虛後患不得不慮則自圖不得不亟通力合作且耕且戰所以招亡拯患也均田屯丁自養自衛所以一勞永逸也相其距苗遠近礮堡疏密為屯田多少鳳凰廳礮堡八百需丁四千輪守並留千人備戰需田三萬餘畝乾州廳礮堡九十餘守丁八百屯田三千餘畝保靖縣礮堡四十餘守丁三百屯田千五百餘畝古丈坪廳苗馴止設礮堡十餘守丁百屯田五百餘畝永綏廳新建礮堡百餘留勇丁二千亦屯田萬畝而後邊無餘隙

清史稿

列傳一百四十八

四

環苗以成圍圍之勢峻國防省國計也異族逼處非礮堡無以固礮堡非勇丁無以守勇丁非屯田無以贍邊民漸近鋒鏑固願割世業而保身家後路同資屏蔽亦樂捐有餘以補不足所募土丁非其子弟即其親族距邊稍遠者仍佃本戶輪租視古來屯戍以客卒雜處勢燕越矣與其一旦散數千驍健無業子弟流為盜賊何如收駕輕就熟之用而不費大帑一錢惟執事圖之於是收叛產分給無業窮苗佃種自摘石宗四餘匪願返侵地永綏得萬餘畝乾州鳳凰二廳次之乃續墾沿邊隙地二萬畝曰官墾田贖苗質民田萬餘畝曰官贖田以廩屯官授屯長給老幼籌補助備犒賞暨歲修城堡神祠學校育嬰養濟諸費復以兵威勸交苗占民田三萬五千餘畝苗自獻田七千餘畝其經費田則佃租變價屯丁田則附墾躬耕訓練講武設屯田守備草之轄於兵備道屯政舉使兵農為一以相衛民苗為二以相安與官及兵民約曰毋擅入苗寨毋稍役苗夫與苗約曰毋巫鬼椎牛羣飲以糜財毋挾槍矛尋匪毗醜請乾鳳永保四廳編立邊字號廣鄉試中額一名苗生編立田字號加中額一名苗登咸

奮十三年屯務竣入覲詔曰傅鼎任苗疆十餘年勦莠安良興利除弊建礮堡千有餘所屯田十二萬餘畝收郵難民十餘萬戶練兵八千人收繳苗寨兵器四萬餘件又多方化導設書院六義學百近日苗民向學革面革心朕久聞其任勞任怨不顧身家今召見果安詳諳練明白誠實洵為傑出之才堪為嚴疆保障其加按察使銜以風有位十四年擢湖南按察使苗人籲留命每年秋一赴苗疆撫慰邊人鼎在苗疆設木匾於門訴者投牒其中夜出閱之黎明起視事剖決立盡兵民自事直至榻前及為按察使一如同知時下無滯情事無不舉十五年兼署布政使十六年卒於官仁宗深悼惜詔倚畀方隆正欲簡任疆寄加恩贈巡撫銜照贈官賜卹祭一壇苗疆建專祠祀湖南名宦光緒中追諡壯肅初鼎排眾議以事攻勦為大吏所惑將中以開邊設罪監司阿意旁擊其肘鎮守總兵富志那獨保全之富志那從征金川習知山礮設險之利鼎寔從受之卒以成功鼎歿後二妾寡居飭粥不給其廉操尤著云

清史稿

列傳一百四十八

五

尤留心兵事乾隆六十年貴州苗亂湖南巡撫姜晟辟佐幕上平苗議十二事宜宜急復乾州進永綏與保靖松桃鎮軍聲勢可通攻乾州道瀘溪必先得大小章大小章者故土司遺民名曰犵猪驍健與苗世仇如煜募能犵猪語者往開示利害挾其酋六人出推誠與同臥起乃送質率其屬陽投乾州為內應約一舉破賊因黔師牽掣未果次年卒賴其眾救兩鎮兵於河溪後復平隴戰花園皆為軍鋒大小章於大府檄或不受必得如煜手書始行云嘉慶五年舉孝廉方正廷試平定川楚陝三省方略策如煜對幾萬言略謂軍興數載師老財匱以數萬罷憊之眾與猾賊追逐數千里長林深谷中投誠之賊無地安置則已降復亂流離之民生活無資則良亦從亂鄉勇戍卒多游手募充慮一旦兵撤餉停則反思延亂如此則亂何由弭臣愚以為莫若做古屯田之法三省自遭蹂躪叛亡各產不下億萬畝舉流民降賊之無歸鄉勇戍卒之無業者悉編入屯團練捍衛計可養勝兵數十萬餉省而兵增化盜為民計無逾此仁宗親擢第一次日召詣軍機處詢屯政復條上十二事召見以知縣發陝西下其疏

於三省大吏令採行六年補洵陽縣在萬山中與湖北邊界相錯兵賊往來如織時方厲行堅壁清野如煜於築堡練團措置尤力賊至無可掠去則抄其尾又擇堅寨當衝者儲糧供給官軍徐天德樊人傑敗於張家坪因馬鞍寨阻其前故不得竄楊遇春破張天倫亦賴太平寨夾擊之力以功加知州銜賜花翎八年擊湖北逸匪於獨河口斬王祥擒方孝德皆秩同知直隸州新設定遠廳即以如煜補授九年建新城復於西南百餘里築塢漁渡塢築二石城為犄角治團如洵陽賊至輒殲先後禽陳心元馮世周丁毋憂大吏讓留任辭不可服閱十三年補潼關廳尋擢漢中知府兵燹後民困兵驕散勇逸匪心猶未革如煜聯營伍立保甲治堡寨問民疾苦興勸農事行區田法教紡織使務本計修復褒城山河堰及城固五門楊填二堰各灌田數萬畝他小堰百餘皆履勘治水利普興復漢中書院親臨講授於華州渭南開諭悍回縛獻亡命數十人於甯羌解散湖北流民於城固擒教首陳恒義皆治渠魁寬脅從令行禁止人心帖服南山遂大定道光元年擢陝安道會廷議川楚陝邊防建設事宜下三

清史稿

列傳一百四十八

六

省察勘以如煜任其事周歷相度析官移治增營改汛建城口白河甄坪太平佛坪五廳移駐文武奏上報可知煜嘗言山內州縣距省遠多推諉奉掣宜仿古梁州自為一道及明鄧陽巡撫之制專設大員鎮撫劃三省州縣以附益之庶勢專權一可百世無患以更張重大未竟其議三年宣宗以如煜在陝年久熟於南山情形任事以來地方安靖特詔嘉獎加按察使銜以示旌異巡撫盧坤尤重之採其議增廳治於盤屋洋縣界增營汛於商州及略陽檄勘全秦水利於澧涇滻渭諸川鄭白龍首諸渠規畫俱備社會義學亦以次推行五年擢貴州按察使未到官六年入覲仍調陝西抵任數日而卒贈布政使陝民請比朱邑桐鄉故事留葬南山勿得乃請祀名宦湖南亦祀鄉賢如煜自為縣令至臬司皆出特擢在漢中十餘年不調得成其鎮撫南山之功宣宗每論疆吏才必首及之將大用已不及待為人性豪邁去邊幅泊榮利視之如田夫野老於輿地險要如聚米畫沙所規畫常在數十年外措施略見所著書嘗佐邢彥成籌海寇有洋防備覽佐姜晟籌苗疆有苗防備覽佐傅鼎籌屯田有屯防書又

有三省邊防備覽漢江南北三省山內各圖漢中府志及樂園詩文集子正基原名芝字山舫副貢生少隨父練習吏事道光中官河南知縣有聲擢鄭州知州治賈魯河息水患河決開封正基佐守護治河兵獄雪其冤得河兵死力城賴以完母憂歸服闋補奉天復州興屯練捕盜有法民殺盜者勿論奉天治吏素弛府尹下所屬以正基為法盜風為輯引疾去江南大吏疏調擢授常州知府二十九年大水勘災勸至郡人感之輸錢二十餘萬助賑全活甚眾累署淮陽道按察使成豐初侍郎曾國藩呂賢基交章薦之命赴廣西治軍需授右江道擢河南布政使留廣西時粵匪披猖將帥齟齬師久無功正基曲為調和疏論其事謂師克在和事期共濟統兵大帥與地方大吏宜定紛更不齊之勢聯疏關難合之情布德信以服人心明功罪以揚士氣勿因賊盛而生推諉勿因兵單而務自救勿以小忿而不為應援勿以偶挫而坐觀成敗庶逆氣可殄大功可成時以為謠言二年桂林圍解賜花翎尋隨大軍赴湖北時武昌初復命馳往撫卹難民署湖北布政使調廣東復赴廣西清覈軍需內召授通政副使

清史稿

列傳一百四十八

七

遷通政使七年引疾歸卒
論曰亂之所由起與亂之所由平亦在民之能治否耳教匪起於官逼民叛其間獨一得民心之劉清卒賴以招撫助誅勦之成功征苗類煩大兵而未杜亂源傅鼎乃以一廳一道之力勦撫兼施嚴疆綏定南山善後嚴如煜始終其事化榛莽為桑麻此其功皆在一時節鉞之上光於史策矣

清史稿

列傳一百四十九

方積

朱爾漢

楊護

廖寅

陳昌齊

朱爾廣額

查崇華

方積字有堂安徽定遠人拔貢生以州判發四川補中知縣署梁山達州東鄉賊起梁山當其衝賊犯縣境賚白兔山守兵潰積以一百人據小山為疑兵賊不敢進築砦二百餘所令人自為守他縣流民依集者三十餘萬人賊至無所掠食屢出奇兵擊走之堅壁清野之法蓋自梁山始既而萬縣靈寶寺賊起越境勦平之又助大兵殲伍文相於石砦山卻林堯功於望牛埡堯亮功於廷相賜花翎擢甯遠知府仍留駐梁山凡四年至嘉慶六年諸路賊漸平調夔州繼劉清為建昌道涼山生番叛率師討平之未幾襄塘正土司索諾木根登殺副寺奪其印副將德甯兵為所困積單騎往密授舊頭目希拉工布方略以其

清史稿

列傳一百四十九

一

衆破之歷川北道鹽茶道按察使馬邊峨眉嶺諸夷結梁山生番盜邊稍借提督豐紳由馬邊三河口鑿山深入克六拔夷巢遂出赤夷間道進攻嶺夷十二地決旬之間每戰皆捷曲鳥助逆死拒澄師出其後殄之遷布政使積官四川二十餘年馳驅殆徧山川風土瞭然於胸用兵輒獨當一面及任藩司僚屬多故交一無瞻徇清節自勵尤為時稱卒於官祀名宦

朱爾漢字麗江順天大興人少為戶部吏乾隆中官甘肅靖遠典史母憂去官服闋待次時平涼回曾田五作亂爾漢與通判吳廷芳知縣黃家駒守靖遠城賊來攻靖遠回豪哈得成等期夜半為內應爾漢得其情令守者悉登城不得下至哈得成家陽科其穀餽軍因拘之分遣人誘禽城下賊賊之雜守者在城上已數十人縣役鐵克保最為劇賊猝禽之角聲起扼城上賊無脫者外賊覺遂引去由是以知兵聞擢隆德知縣徒底店砦降回擢涇州直隸州知州擒教匪劉松井擢鞏昌知府嘉慶元年教匪起蔓延三省二年四川賊尤熾總統宜縣駐達州檄爾漢參軍事是時王三槐踞方山坪白岩山者地險固賊渠林亮

功樊人傑屯山上與方山坪為聲援將軍舒亮提督穆克登布屯山前之韓彭塢爾漢兵三百鄉勇三千屯山後之排亞口排亞口之下曰金鳳觀曰草店曰鴨坪一日盡攻克之復進有木柵當隘不見賊惟以犬守兵躍攀柵賊自屋旁斫傷之鳴鑼擊旗左右賊大至爾漢慮斷後路退師先是與韓彭塢諸師為期中道而止賊得專力山後故不克既而奉節賊千餘來援敗之禽賊渠邱廣福岩賊久困欲走傾巢來犯戰一晝夜不得路仍退爾漢攻之三閱月搏戰被創乃回鞏昌三年運麥十萬石饑軍行至成縣賊渠高胡德來奪敗之於格樓塢禽其黨李德勝四年張漢潮犯秦州爾漢赴成縣會勦鞏昌警至馳還賊已據城東驚驚河夜掠賊卡而入城守始固以功擢鞏秦階道生番鐵布者居西傾山中衆十餘萬乘教匪猖獗時出盜內地爾漢以鐵布未叛亂且地險一搆兵非數年不能平鐵布奉回教乃召其阿渾諭之於是來首者踵至一日書姓名一紙曰此鐵布黨也又出一圖曰盜巢及要隘盡於此分遣百餘人捕之悉就擒鐵布遂定六年川楚陝賊漸燼餘賊多竄甘肅率兵扼勦凡數十戰皆捷八

清史稿

列傳一百四十九

二

年甘肅匪平上功最賜花翎爾漢有識斷能得人死力奴客悉以兵法部之自出仕即在行間後遂與教匪相終始用兵有法所用鄉勇侯達海侍衛李榮華武舉劉養鵬千總郭坤桂攀桂皆操刺勇健善戰故所至有功尋調廣東肇羅道擢廣西按察使署布政使十二年卒於官

楊護字邁功江西金谿人乾隆四十九年進士授刑部主事總辦秋審執法平內監訟其弟妻護按律杖贖守夫墓和坤方總刑部意有所徇駁詰之護面爭和坤叱曰司員敢爾護厲聲曰司員主稿知為刑獄得其平耳何叱為和坤不能奪及坤敗擢員外郎仁宗召見嘉其有守命解餉四十萬兩赴四川濟軍川陝大吏交章論薦授陝西延榆綏道時三省清釐叛產撫卹難民事方殷詔責疆吏慎選公正大員如護及劉清者任其事護周歷田野綜覈不苟民漸復業巡撫秦承恩檄府縣募民補伍護曰農工商賈各有其業若預選送營曠日失業與抽丁何殊護乃覆調甘肅平慶涇固鹽法道九年擢安徽按察使捕六安州匪劉成巨寶諸法十三年遷江甯布政使准揚大水乘舟歷歷災區訪問疾

苦渡湖幾覆災黎感之尋以失察山陽知縣王仲漢冒職坐視職詔護查賑認
眞平日實心辦事留河工効力復起用歷淮海道浙江按察使江蘇布政使二
十二年擢浙江巡撫未幾坐臨海民毆差釀大獄降四品京堂復不俟代去任
降禮部郎中引疾歸道光五年重宴鹿鳴加四品卿銜卒年八十五

廖寅字亮工四川鄰水人乾隆四十四年舉人家貧不能常試禮部十二年
僅再至都以大挑知縣官河南署葉縣時教匪方熾葉當衝實撫民不擾民有
從逆者捕其魁乃定長子思芳有武略省父至葉任以守衛事詔捕教首劉之
協久不獲一日思芳巡歷近郊見二人繫馬坐樹下語異之歸戒門者伺狀俄
二人入城飲肆中有識之者其一即之協寅趣思芳往與雜坐出不意縛之鞠
得實械至都伏法特擢江蘇鎮江知府潯丹陽九曲河築橋以時收閉民便之
擢江西吉南嶺道兼筭關權正稅外無多取吏胥奉法會南昌煽亂捕首惡寅
法安遠復亂單騎往諭解散黨與耆民等縛其魁以獻事遂平歷署布政使按
察使嘉慶十六年遷兩淮鹽運使郵甌丁治私泉鹽課漸增河北滑縣教匪起

清史稿

列傳一百四十九

三

總督百齡檄寅往徐州協守禦會捕逆匪劉第五誤繫同姓名者坐失察降調
上念其禽劉之協功許捐復原職以老病歸遂卒思芳少時居鄉治團練從軍
數有功官至江蘇候補道在葉手禽劉之協名聞天下後以捕劉第五獲罪下
獄尋赦之

陳昌齊字寶臣廣東海康人乾隆三十六年進士選庶吉士授編修累遷中允
大學士和珅欲羅致之昌齊以非掌院無晉謁禮不往大考左遷編修尋授御
史遷給事中昌齊生海邦習洋盜情狀上疏論勦捕事略曰洋匪上岸率不過
一二百人陸居會匪助兇行劫沿海居民皆採捕爲生習拳勇諳水勢匪以利
誘往往從匪可以爲盜即可用以捕盜宜令地方官明示有能出洋勦捕或遇
匪上岸賊擒送官驗寔者船物一概充賞被誘從匪者能擒盜連船投首免罪
則兵力所未及丁壯亦必圖賞力捕仍令地方各官稽戶口編保甲以清其源
於各埠訪拏濟匪糧物各市鎮嚴緝代匪銷賊俾絕水陸勾通之路庶幾洋面
肅清地方甯謐嘉慶九年出爲浙江溫處道時海寇蔡牽肆擾昌齊修戰艦簡

軍伍募人出海繪圖閩浙海洋全圖纖悉備具每牒報賊情及道里遠近稍有
虛妄必指斥之與提督李長庚深相結納俾無掣肘海盜必詳盡得其情德
楞泰奉命按閱閩浙議中海禁謂不數月盜可盡斃昌齊曰環海居民耕而食
者十之五餘皆捕魚爲業若禁其下海數萬漁戶無以爲生激變之咎誰任之
德楞泰改容稱善在任五年以鞫獄遲延部議鑄級江南福建大吏辟調皆不
往歸里主雷陽粵秀講席修通志考據詳駁著書終老焉

朱爾廣額原名友桂字自泉漢軍正紅旗人裔出明代王父孝純工詩古文有
異才由四川知縣歷官至兩淮鹽運使朱爾廣額納賄爲兵部主事充軍機章
京累遷郎中出爲江安糧道兩江總督蘇凌阿聞人爲和珅舊奴恣睢用事廉
得其狀白而逐之從總督赴安徽察治劉之協逆黨株連數百人多所省釋署
安徽布政使引疾歸以母老乞改京秩授戶部郎中和珅奴劉全之婿號檳榔
蔣者倚勢奪民產訟於部刑責不稍貸西賈利旗產曠言官疏陳使得與漢民
通售買下部議啖以重賄却之持不可大學士朱珪管部聞而重之故事自告

清史稿

列傳一百四十九

四

改京官不外用珪荐其才守可大受復出爲廣東潮州知府海盜方張朱清尤
黠悍乃親歷海埔治鄉團調鎮兵千守沿海斷內奸接濟清糧絕屢敗走臺灣
潮盜膽落因其窮蹙解散之盜魁黃茂高許雲湘王騰魁楊勝廣黃德東關兆
奎受撫選其強幹者編入練勇會匪李崇玉踞惠潮山谷中時游奕海上使降
人招之自首朱清部衆亦有來投者會以母憂去未竟其事服闋補雲南山靖
嘉慶十四年百齡爲兩廣總督疏請調朱爾廣額廣東擢高廉道署督糧道勦
匪事一以倚之勘海口礮臺舊在山上發礮輒從桅頂過悉改建於山麓廢碎
盜艦挫其鋒暫改運鹽山陸撤紅單船入內港以杜接濟戒並海郡縣嚴斷水
米如在潮州時匪勢漸熾用舊降人招郭學顯就撫未幾鄭一妻與張保仔率
衆逾萬泊虎門要總督親至海口面議文武噤莫敢決朱爾廣額獨進曰保仔
自知罪大衆多無糧拂其請將死關請撤兵衛單舟巡詣諭以恩威必可集事
先遣南海番禺兩令往傳命使熟籌而志堅翌晨從百齡登舟行四十里見列
艦數百夾水如雷舉砲迎聲震城中請總督過舟吐之曰保仔當泥首乞命如

仍驕肆遲疑無死所矣迨捕保登舟請留三千人招西路賊烏石二不聽則擒之以自贖許之給米千石慰遣保仔乃使餘眾登岸受撫自起旋出洋羣謂其所散皆罷弱自留精銳得米將不可制笑應之曰此不必以口舌爭至期保仔果誘烏石二至高州誅之海盜悉平以功獲優叙賜花翎尋調署南韶道十六年河決李家樓特命百齡為兩江總督治河事調朱爾廣額為江南鹽巡道至則佐百齡定計接築洪澤湖口東清壩逼溜刷深太平河使水有所歸次年李家樓決口合龍新築格隄退水與大隄平初當事主守格隄奉嚴旨失守者從軍法至是見事危急請改守大隄聽河溜穿格隄而下免旁洩之險又新築減壩受水攻展側上游築斜壩挑水數日壩根掛淤乃穩固所籌措工事悉合機宜葦蕩營久為弊數樵兵空額無人管員領帑臨時雇募弁目專其利又為灘棍所持蕩料歸灘棍者十五六歸弁目者十二三歸工用者十一二歲僅得葦十數萬束百齡檄朱爾廣額督治其事乃請以蕩地不產柴者給樵兵人四十畝給牛具籽種建棚廠以居蕩始有兵濬溝渠便筏出入採運始及遠建衙署

清史稿

列傳一百四十九

五

俾營員常年駐蕩民挾制偷竊者有禁蕩始有官受事之年採足正額二百四十萬束於是灘棍之利盡失廳員得料抵價少所沾潤皆不便之適有船兵中途改束斤重不敷八廳藉欲撼搖全局百齡悉其奸借河督察訊朱爾廣額往勘定十七年新葦每束箍口以二尺八寸為率增舊三寸估右營得葦八百萬束會署江甯布政使未及估左營時河督陳鳳翔為百齡所劾自訴於朝命尙書松筠侍郎彭齡按訊牽及葦蕩事廳員笑說喉尾幫舟載餘葦九百束據其重率以衡已收三百萬束之數斥為不足遂被劾虛糜錢糧苦累樵兵遣戍伊犁時論冤之朱爾廣額因百齡前劾鳳翔詞不盡實獄無結正願以身任遂不辯在戍六年放還久之卒

查崇華字九峯安徽涇縣人少孤游福建備書久之福州將軍魁倫辟佐幕甚見信任魁倫勅總督伍拉納巡撫浦霖即命署總督治其獄閩地瘠苦歷任大吏責供張無藝所屬羅織大戶勒賄民不堪命至是貪酷之吏悉伏辜崇華名聞於時納貨為通判留福建嘉慶十四年海盜蔡牽平以功賜花翎朱渌欲歸

誠未決崇華隻身至海船諭以禍福遂受降十七年署臺灣淡水同知高媽達妖言惑眾捕獲訊得劉林祝現謀以次年閏八月望在京師舉事四方起應之崇華牒請奏聞大吏以其語不經置之僅以傳教罪誅高媽達至十八年九月十五日果有林清祝現之變劉林者即林清別名也自高媽達伏法福建匪黨已解散得無事尋以道員謁選授河南南汝光道教匪鉅魁劉松久在逃懸緝十餘載偵知潛匿安徽宿州傳教捕獲之母憂去官道光二年補陝西鳳郿道值大軍征張格爾爾調駐嘉峪關治軍需自川楚軍興將吏習於糜費崇華一主覈實以內地馬駝出關不耐寒苦關外有臺站應付長雇徒糜芻秣悉罷之節帑甚鉅凡三署按察使治獄明慎以老乞歸卒

清史稿

列傳一百四十九

六

論曰勛平教匪不獨賴將帥戮力一時守土之吏與有勞焉最顯者為四川劉清而方積亦倡行堅壁清野保障一方後復屢定番亂蜀人與清並稱他如朱爾漢之保眾昌楊護之清叛產撫難民廖寅之禽劉之協皆卓有建樹陳昌齊朱爾廣額於治海寇並具謀略而朱爾廣額功尤顯矣查崇華預發林清逆謀為疆臣所格及筦西征軍需以撙節稱故同著於篇

清史稿

曹振鏞

英和

穆彰阿

文孚

王鼎

潘世恩

列傳一百五十

曹振鏞字儵安徽歙縣人尚書文煇子乾隆四十六年進士選庶吉士授編修大考三等高宗以振鏞大臣子才可用特擢侍講崇遷侍讀學士嘉慶三年大考二等遷少詹事父憂歸服因授通政使歷內閣學士工部吏部侍郎十一年擢工部尚書高宗實錄成加太子少保調戶部兼翰林院掌院學士十八年調吏部尚書協辦大學士尋拜體仁閣大學士管理工部督太子太保二十五年仁宗崩樞臣撰遺詔稱高宗誕生於避暑山莊編修劉鳳誥知其誤告振鏞振鏞召對陳之宣宗怒譴罷樞臣尋命振鏞為軍機大臣宣宗治尚恭儉振鏞小心謹慎一守文法最被倚任道光元年晉太子太傅武英殿大學士三年萬壽節幸萬壽山玉瀾堂賜宴十五老臣振鏞年齒居末特命與宴繪像四年充

清史稿

列傳一百五十

一

上書房總師傅六年入直南書房七年回疆平管太子太師八年張格爾就禽晉太傅賜紫鞞圖形紫光開列功臣中振鏞具疏固辭詔凡軍機大臣別給一圖以遂讓功之心而彰輔弼之效御製贊曰親政之始先進正人密勿之地心腹之臣問學淵博獻替精勤克勤克慎首掌絲綸親書以賜之十一年以萬壽慶典賜雙眼花翎十五年卒年八十有一自繕遺疏附摺至十餘事上震悼詔曰大學士曹振鏞人品端方自授軍機大臣以來靖恭正直歷久不渝凡所陳奏務得大體前大學士劉統勳朱珪於乾隆嘉慶中蒙皇祖皇考鑒其品節賜諡文正曹振鏞實心任事外貌訥然而獻替不避嫌疑朕深倚賴而人不知揆諸論法足以當正字而無媿其子諡文正入祀賢良祠擢次子恩溥四品卿振鏞歷事三朝凡為學政者三典鄉會試者各四衡文惟遵功令不取淹博才華之士殿廷御試必預校閱嚴於疵累忌諱遂成風氣凡纂修會典兩朝實錄河工方略明鑑皇朝文穎全唐文皆為總裁駕謁諸陵及秋獵木蘭每命留京辦事臨雍視學命充直講恩眷之隆時無與比數請停罷不急工程樽節糜費世

以鹽筴起家及改行淮北票法舊商受損振鏞曰焉有餓死之宰相家卒贊成世特以稱之

文孚字秋潭博爾濟吉特氏滿洲鎮黃旗人由監生考授內閣中書充軍機章京嘉慶四年從那彥成赴陝西治軍需八年隨扈秋獮校射中四矢賜花翎十一年以在直勳擢四五品京堂授內閣侍讀學士歷鴻臚寺卿通政司副使命履勘綏遠城渾津黑河曠地改徵及大青山牧廠餘地招墾事十三年子副都統銜充西甯辦事大臣疏言青海蒙番重利輕命自來命盜諸案一經罰服怨仇消釋若必按律懲辦不第犯事之家仇隙相尋被害者心反歛望相習成風不可化誨湖蒙番內附以來雍正十一年大學士鄂爾泰等議纂番例頒行聲明俟五年後始依內地律例辦理乾隆年間疊經展限茲復奉命詳議臣以為番民糾結滋擾或情同叛逆或關繫邊陲大局自應從嚴懲辦若其自相殘殺及盜竊之案向以罰服完結相安已久必繼以內地法律轉恐愚昧野蠻羣疑滋懼非殺服邊氓之道疏入下軍機大臣議行十六年召回京授鑲白旗滿洲

清史稿

列傳一百五十

二

副都統借內閣學士阮元勘議山西鹽務疏請停止吉蘭泰鹽官運改併潞商引額以濬引之有餘補吉課之不足吉鹽許民撈販限制水運至皇甫川而止下部議行尋授內閣學士遷刑部侍郎十八年緣事降調子二等侍衛命赴山東治軍需復授內閣學士歷山海關副都統馬蘭鎮總兵錦州副都統二十年召授刑部侍郎二十四年命在軍機大臣上學習行走借侍郎承瀛赴山東鞫獄並勘蘭儀決口督濬引河次年春竣工子議叙調戶部又調工部擢左都御史宣宗即位以樞臣撰擬遺詔不慎先後罷直文孚獨留道光二年命往陝西按鞫渭南縣民柳文壁毆斃人命獄論知縣徐潤受人屬託疏脫正兇事後得贓枷號兩月遣戍伊犁升任西安知府鄧廷楨偏執枉縱訊無貪酷革職免發遣巡撫朱勳失察議革職降四五品京堂四年仁宗實錄成加太子太保南河阻運詔責減黃蓄清至十一月洪湖水多啟壩而高堰山盱石工潰決命文孚偕尚書汪廷珍馳往按治奏劾河督張文浩於禦黃壩應閉不閉五壩應開不開湖水過多致石工墾場萬餘丈請遣戍伊犁兩江總督孫玉庭徇隱回護

交部嚴議於禦黃埔外添建三壩針東黃流埔內外及東清運口各壩兩岸築緯道多作土壩挑沿長河幫培堤身以利消行速挑引河引清入運堵閉東清埔杜黃入湖又議覆侍郎朱士彥條陳五事由河臣勘辦疏上並依議行命文孚等回京責嚴煊魏元煜辦理而引黃濟運仍不得要領河漕交困八年回疆底定首逆就擒晉太子太傅賜紫繪像紫光閣御製贊有和而不同公正以清之衰十一年以吏部尚書協辦大學士十四年拜東閣大學士管理吏部十五年轉文淵閣大學士以疾請解職優詔慰諭許罷直軍機十六年致仕二十一年卒贈太保諡文敬

英和字煦齋索綽絡氏滿洲正白旗人尚書德保子少有雋才和坤欲妻以女德保不可乾隆五十八年成進士選庶吉士授編修累遷侍讀嘉慶三年大考二等擢侍讀學士洎仁宗親政知其拒婚事嘉焉遂擢用累遷內閣學士五年授禮部侍郎兼副都統六年充內務府大臣調戶部以不到旗署為儀親王所糾罷副都統七年直南書房扈蹕木蘭射鹿以獻賜黃馬褂授翰林院掌院學

清史稿

列傳一百五十

三

士九年帝幸翰林院賜一品服加太子少保命在軍機大臣上學習行走時詔稽巡幸五臺典禮英和疏言教匪甫平民未蘇息請俟數年後再議上嘉納之尋自請獨對論大學士劉權之徇情欲保薦軍機章京袁煦上不悅兩斥之遂罷直書房軍機降太僕寺卿歷內閣學士理藩院工部侍郎數奉使出按事河東鹽課歸入地丁而蒙古鹽侵越內地命偕內閣學士初彭齡往會巡撫察議疏言非禁水運不能限制蒙鹽非設官商不能杜絕私販請阿拉善鹽祇由陸路行銷河東鹽仍改商運吉蘭泰鹽池所產亦招商運辦事詳鹽法志兼左翼總兵復為內務府大臣十二年偕侍郎蔣子藩查南河料物加價議准增添仍示限制從之復直南書房十三年命暫在軍機大臣上行走調戶部武英殿進高宗聖訓廟號有誤坐降調內閣學士尋遷禮部侍郎十八年隨扈熱河會林清逆黨為變命先回京署步軍統領禽林清於黃村西宋家莊實授步軍統領工部尚書滑縣平復太子少保十九年將開捐例廷議不一偕大學士曹振鏞等覆議獨上疏曰理財之道不外開源節流大捐為權宜之計本朝屢經舉行

但觀前事即知此次未必大效竊以開捐不如節用開捐暫時取給節用歲有所餘請嗣後謁陵或三年五年一舉行民力可紓木蘭秋獮為我朝家法然蒙古迥非昔比亦請間歲一行於外藩生計所全實大各處工程奉旨停止每歲可省數十萬至百餘萬不等天下無名之費甚多苟於國體無傷不得任其糜費即如裁撤武職名糧未必能禁武官不役兵丁而驟增養廉百餘萬應請敕下部臣詳查正項經費外歷年增出各款可裁則裁可減則減積久之國計日裕至開源之計不得以事涉言利概行斥駁新舊歲支兵餉百數十萬為內地之累其地金銀礦久經封閉開之而礦苗旺盛足敷兵餉各省礦廠亦應詳查興辦又戶部入官地畝請嚴催升科於國用亦有裨益疏入詔以名糧已飭駁辦開礦流弊滋多仍依眾議豫工事例遂開是歲調吏部復命暫在軍機大臣上行走二十五年宣宗即位命為軍機大臣調戶部宣宗方銳意求治英和竭誠獻替面陳各省府州縣養廉不敷辦公莫不取給陋規請查明分別存革示以限制上採其言下疆吏詳議而中外臣工多言其不可詔停其議遂罷直

清史稿

列傳一百五十

四

軍機專任部務道光二年以戶部尚書協辦大學士兼翰林院掌院學士四年仁宗實錄成加太子少保五年洪澤湖決阻運道河漕交敝詔籌海運疆臣率拘牽成例以為不可英和奏陳海運折漕二事為救時之計越日復上疏略謂河漕不能兼顧惟有暫停河運以治河雇募海船以利運而任事諸臣未敢議行者一則慮商船到津難以交卸一則慮海運既行漕運員弁旗丁水手難以安插因陳防弊處置之策甚悉詔下各省妥議仍多諉為未便惟江蘇巡撫陶澍力行之撥蘇松常鎮太五屬漕米以河船分次海運六年八月悉數抵天津上大悅詔嘉英和創議予議叙特賜紫韁以旌異之張格爾犯回疆英和疏陳進兵方略籌備軍需並舉長齡武隆阿可任事多被採用七年奏商人請於易州開採銀礦詔斥其冒昧調理藩院罷南書房內務府大臣未幾坐家人增租擾累出為熱河都統八年命勘南河工程回疆平復太子少保授甯夏將軍以病請解職允之初營萬年吉地於寶華峪命英和監修嘗從容言漢文帝薄葬事上稱善議於舊制有所裁省工竣孝穆皇后奉安優予獎叙至是地宮浸水

譴責在事諸臣詔以英和始終其事實尤重奪職籍其家逮訊得開工時見有石母滴水僅以土欄設龍鬚溝出水英和未允狀擬擬大辟會太后為上言不欲以家事誅大臣乃解發黑龍江充當苦差子孫並褫職十一年釋回復子子孫官二十年卒贈三品卿銜英和通達政體遇事有為而數以罪黜屢掌文衡愛才好士自其父及兩子一孫皆以詞林起家為八旗士族之冠子奎照嘉慶十九年進士歷官至禮部尚書軍機大臣緣事奪職復起為左都御史奎耀嘉慶十六年進士官至通政使後為南河同知奎照子錫祉道光十五年進士歷翰林院侍講學士後官長蘆鹽運使

王鼎字定九陝西蒲城人少貧力學尙氣節赴禮部試至京大學士王杰與同族欲致之不就杰曰觀子品概他日名位必繼吾後嘉慶元年成進士選庶吉士丁母憂服除授編修兩以大考升擢累遷內閣學士十九年授工部侍郎仁宗諭曰朕向不知汝亦無人保薦因閱大考考差文字知汝學問屢次召見奏對知汝品行汝是朕特達之知訓吏部兼署戶部刑部二十三年兼管順天府

清史稿

列傳一百五十

五

尹事復諭曰朕初授汝督撫今管順天府尹猶外任也且留汝在京以備差往各省查辦事件自是數奉使出按事鞫獄二十四年調刑部又調戶部道光二年河南儀工奏銷不實解巡撫姚祖同任命鼎偕侍郎玉麟往按督署巡撫疏陳儀工用款至辦奏銷與部例成規不符乃以歷辦物料土方價值合之豫省成規互相增減於料引河等款增銷一百三十萬夫工麻斤各款減銷一百三十萬雖有通融銀數仍歸實用惟八子錢一款以銀易錢多於舊價每兩提八十文充入經費而於各員應繳之銀一併扣算實違定制疏入命覈實報銷而薄譴祖同是年擢左都御史父憂歸五年服闋以一品銜署戶部侍郎授軍機大臣浙江德清徐氏因姦謀斃徐蔡氏獄三年不決按察使王維詢因自盡巡撫程含章與按察使郝植鞠之甫得情而犯婦在監自縊宣宗特命鼎典鄉試就治其獄廉得徐故富家以獄破其產官吏多受賂勾結賸庇致獄情譎幻悉發其覆實之法浙人稱頌焉六年授戶部尚書八年回疆平以贊畫功加太子太保給像紫光閣廕積疲商累日重命鼎偕侍郎敬徵察辦議以鹽

清史稿

列傳一百五十

六

務首重年清年款先將節年帶徵釐別見年正款不難按數清完道光二年以前未完銀九百餘萬為舊欠三年以後未完銀為新欠緩舊徵新請以煇工加價二文半解部充公半抵完商欠新欠抵完續抵舊欠蘆商生息帑本內直隸水利趙北口兩項非經費歲需請停利三年限滿加一倍利本息同徵舊有撥繳水利帑本一百十七萬兩請停徵三年自道光十一年起歲徵十萬兩五萬完舊本五萬完新本以恤商力近年商力疲乏不能預買生鹽存地新鹽多油耗請每包加鹽十三斤俾資貼補從此款目既清庶經久可行又請免繳嘉慶十七年加價交官半文未完銀一百八十四萬餘兩疏入並允行十年蘆商呈請調劑復命鼎及侍郎寶興往按鼎以前次清查傳集各商詳詢定議皆稱可免虧累積壓雖因銀價漸昂尚不致遽形虧折遂議駁時准鹽尤敵兩江總督陶澍疏陳積弊情形命鼎偕寶興會同籌議中外論鹽事者多主就場徵稅疏言詳覈准綱全局若改課歸場隨向多窒礙惟有就舊章大加釐剔使射利者無可借端欠課者無可藉口似較有往轍可循擬定章程十五條曰裁浮費減窩價刪繁文慎出納裁商總數滯銷緩積欠恤釐丁給船價究淹銷疏運道深岸店散輪規飭紀綱收鹽又請裁撤兩淮鹽政改歸總督辦理以一事權並詔允行陶澍得銳意興革准綱自此漸振鼎之力也十一年署直隸總督十二年管理刑部事務十五年協辦大學士仍管刑部直上書房十八年拜東閣大學士二十年加太子太保二十一年夏河決祥符命偕侍郎慧成往治之尋署河督議者以水勢方張不宜遽塞請遷省城以避其衝鼎持不可疏言河灌歸德陳州及安徽毫穎合淮東注洪澤湖湖底日受淤萬一宣洩不及高堰危淮揚成巨浸民其魚矣無論舍舊址築新隄數千里工費不貲且自古無任黃水橫流之理請飭戶部速具帑期以冬春之交集事不效願執其咎具陳民情安土重遷省垣可守狀初至汴城四面皆水且夕且圯躬率吏卒巡護獲無恙泊工興親駐工次倦則寢肩輿中次年二月工竣用帑六百萬有奇前此馬營工用一千二百餘萬儀封工用四百七十五萬原議以儀工為率及蒞事加增百餘萬然事艱於前微鼎用節工速不能如是叙功晉太子太師積勞成疾命緩

程回京自禁烟事起英吉利兵犯沿海州力主戰至和議將成林則徐以罪譴鼎憤甚還朝爭之力宣宗慰勞之命休沐養病越數日自草遺疏劾大學士穆彰阿誤國閉戶自縊冀以尸諫軍機章京陳孚恩穆彰阿黨也滅其疏別具以聞上疑其卒暴命取原藁不得於是優詔憫惜贈太保諡文恪祀賢良祠後陝西巡撫請祀鄉賢特詔允之鼎清操絕俗生平不受請託亦不請託於人卒之日家無餘資子沆道光二十年進士翰林院編修

穆彰阿字鶴舫郭佳氏滿洲鑲藍旗人父廣泰嘉慶中官內閣學士遷右翼總兵坐自請兼兵部侍郎銜奪職穆彰阿嘉慶十年進士選庶吉士授檢討大考擢少詹事累遷禮部侍郎二十年署刑部侍郎因一日進立決本二十餘件詔斥因循積壓堂司各員並下嚴議降光祿寺卿歷兵部刑部工部戶部侍郎道光初充內務府大臣擢左都御史理藩院尚書以漕船滯運兩次命署漕運總督召授工部尚書偕大學士蔣攸銘查勘南河泊試行海運命赴天津監收漕糧予優叙七年命在軍機大臣上學習行走逾年張格爾就禽加太子少保授

清史稿

列傳一百五十

七

軍機大臣罷內務府大臣直南書房尋兼翰林院掌院學士歷兵部戶部尚書十四年協辦大學士承修龍泉峪萬年吉地工竣晉太子太保賜紫韜十六年充上書房總師傅拜武英殿大學士管理工部十八年晉文華殿大學士時禁烟議起宣宗意銳甚特命林則徐為欽差大臣赴廣東查辦英吉利領事義律初不聽約束繼因停止貿易始繳烟盡焚之責永不販運入境強令具結不從兵燹遂開則徐防禦不得逞於廣東改犯閩浙沿海騷然英艦抵天津投書總督琦善言由則徐敗毀穆彰阿窺帝意移乃贊和議罷則徐以琦善代之琦善一徇敵意不設備所要求者亦不盡得請兵燹復起先後命奔山奔經督師廣東浙江皆挫敗英兵且由海入江林則徐及閩浙總督鄧廷楨臺灣總兵達洪阿臺灣道姚瑩以戰守為敵所忌並被嚴譴命伊里布著英牛鑑議欵二十二年和議成償幣通商各國相繼立約國威既損更喪國權外患自此始穆彰阿當國主和議為海內所叢詬上既厭兵從其策終道光朝恩眷不衰自嘉慶以來典鄉試三典會試五凡覆試殿試朝考教習庶吉士散館考差大考翰詹

無歲不與衡文之役國史玉牒實錄諸館皆為總裁門生故吏徧於中外知名之士多被援引一時號曰穆黨文宗自在潛邸深惡之既即位十閱月特詔數其罪曰穆彰阿身任大學士受累朝知遇之恩保位貪榮妨賢病國小忠小信陰柔以售其姦偽學偽才揣摩以逢主意從前夷務之興傾排異己深堪痛恨如達洪阿姚瑩之盡忠盡力有礙於己必欲陷之者英之無恥喪良同惡相濟盡力全之固寵竊權不可枚舉我皇考大公至正惟以誠心待人穆彰阿得肆行無忌若使聖明早燭其奸必重典斷不姑容穆彰阿恃恩益縱始終不悛自朕親政之初遇事模稜緘口不言迨數月後漸施其伎倆英船至天津猶欲引者英為腹心以遂其謀欲使天下羣黎復遭荼毒其心陰險實不可問潘世恩等保林則徐屢言其柔弱病軀不堪錄用及命林則徐赴粵西勦匪又言未知能去否偽言熒惑使朕不知外事罪實在此若不立申國法何以肅綱紀而正人心又何以不負皇考付託之重第念三朝舊臣一旦責之重法朕心實有不忍從寬革職永不叙用其罔上行私天下共見朕不為己甚姑不深問朕熟

清史稿

列傳一百五十

八

思審處計之久矣不得已之苦衷諸臣其共諫之詔下天下稱快咸豐三年捐軍餉予五品頂戴六年卒子薩廉光緒五年進士由翰林官至禮部侍郎潘世恩字芝軒江蘇吳縣人乾隆五十八年一甲一名進士授修撰嘉慶二年大考一等擢侍讀和坤以其青年上第有厚望欲招致之世恩謝不與通以次當遷和坤抑題本六閱月不上仁宗親政乃擢侍講學士一歲三遷至內閣學士歷禮部兵部戶部吏部侍郎督雲南浙江江西學政十七年擢工部尚書調戶部母憂歸服除以父老乞養會其子登鄉舉具疏謝坐未親詣京降侍郎帝鑒其孝思仍允終養居家十載道光七年父喪服闋補吏部侍郎遷左都御史再授工部尚書調吏部十三年超拜體仁閣大學士管理戶部尋命為軍機大臣兼翰林院掌院學士晉東閣大學士調管工部充上書房總師傅加太子太保十八年晉武英殿大學士二十八年以八十壽晉太傅賜紫韜其明年引疾迭疏乞休溫詔慰留僅解機務三十年文宗即位復三疏始得予告食全俸留其子京邸咸豐二年鄉舉重逢詔就近與順天鹿鳴宴次年復與恩榮宴四年

卒遣親王奠醑入祀賢良祠諡文恭世恩歷事四朝迭掌文衡備叨恩遇筭部務安靜持大體黑龍江將軍請增都爾特六屯議地當游牧開墾非計不可許言官奏山東鹽課請歸地丁讓山東場鹽半毗連淮境一歸地丁聽民自運自銷必為兩淮引課之累不可行在樞廷凡十七年益慎密有所論列終不告人海疆事起林則徐所論奏廷議多贊之及穆彰阿主撫世恩心以為非不能顯與立異迨咸豐初詔舉人才世恩已在告疏言林則徐歷任封疆有體有用請徵召來京備用並薦前任臺灣道姚瑩文宗題之於罪穆彰阿時猶舉其言次子曾瑩道光二十一年進士由編修官至吏部侍郎孫祖蔭自有傳

論曰守成之世治尚綜覈而振敝舉衰非拘守繩墨者所克任也况運會平陂相乘非常之變往往當承平既久萌蘗蠢兆於其間馭之無術措置張皇而庸佞之輩轉以彌縫迎合售其欺其召亂可倖免哉宣宗初政一倚曹振鏞兢兢文法及穆彰阿柄用和戰游移遂成外患一代安危斯其關鍵已矣和才不竟用王鼎忠貞致身文字潘世恩皆恪恭保位者耳

清史稿

列傳一百五十

九

清史稿

阮元

汪廷珍

列傳一百五十一

湯金鉞

阮元字伯元江蘇儀徵人祖玉堂官湖南參將從征苗活降苗數千人有陰德元乾隆五十四年進士選庶吉士散館第一授編修逾年大考高宗親擢第一超擢少詹事召對上喜曰不意朕入旬外復得一人直南書房懋勳殿選詹事五十八年督山東學政任滿調浙江歷兵部禮部戶部侍郎嘉慶四年署浙江巡撫尋實授海寇楊浙歷數年安南夷艇最強鳳尾水澳籌黃諸幫附之沿海土匪勾結為患元徵集羣議為弭盜之策造船礮練陸師杜接濟五年春令黃巖鎮總兵岳璽擊黃幫滅之夏寇大至元赴台州督勦請以定海鎮總兵李長庚總統三鎮水師並調粵閩兵會勦六月夷艇糾鳳尾水澳等賊共百餘艘屯松門山下遣諜問水澳賊先退會颶風大作盜艇覆溺無算餘眾登山檄陸師搜捕禽八百餘人安南四總兵溺斃者三黃巖知縣孫鳳鳴獲其一曰倫利貴礫之九月總兵岳璽胡振聲會擊水澳幫禽殲殆盡土匪亦次第殲撫浙洋漸清而餘盜為蔡牽所併閩師不能制勢益熾復時犯浙李長庚已擢提督元集資與造送船成配巨礮數破牽於海上八年奏建昭忠祠以歷年捕海盜傷亡將士從祀盜首黃葵集舟數十號新興幫令總兵岳璽張成等追勦逾年乃平之借總督王德奏請以李長庚總督兩省水師數逐蔡牽幾獲而王德遇事仍掣肘十年元丁父憂去職長庚益無助復與總督阿林保不協久無成功遂戰歿十一年詔起元署福建巡撫以病辭十二年服闋署戶部侍郎赴河南按事授兵部侍郎復命為浙江巡撫暫署河南巡撫十三年乃至浙詔責其防海殄寇秋蔡牽朱慎合犯定海親駐甯波督三鎮擊走之牽復遁閩洋時用長庚部將王得祿邱良功為兩省提督協力勦賊元議海戰分兵隔賊船之策專攻蔡牽十四年秋合擊於漁山外洋竟殄牽詳得祿等傳元兩治浙多惠政平寇功尤著云方督師甯波時奏請學政劉鳳詒代辦鄉試監臨有聯號弊為言官論劾道使鞠實詔斥徇庇褫職予編修在文穎館行走累遷內閣學士命赴山

清史稿

列傳一百五十一

一

西河南按事遷工部侍郎出為漕運總督十九年調江西巡撫以捕治逆匪胡秉耀加太子少保賜花翎二十一年調河南擢湖廣總督武昌江隄建江陵范家隄沔陽龍王廟石閘二十二年調兩廣總督先一年英吉利貢使入京未成禮而回遂漸跋扈元增建大黃港大虎山兩礮臺分兵駐守迭疏陳預防夷患略曰英吉利恃強桀驁性復貪利宜鎮以威不可盡以德緩彼之船堅礮利技長於水短於陸定例外國貨船不許擅入內洋儻違例禁即宜隨機應變量加懲創各國知彼犯我禁非我輕啓釁也詔易以德威相濟勿孟浪勿蕙懦道光元年兼署粵海關監督洋船夾帶鴉片煙劾行商頂帶二年英吉利護貨兵船泊伶丁外洋與民鬪互有傷斃嚴飭交犯英人揚言罷市歸國即停其貿易久之拆閱多託言兵船已歸俟復來如命乃暫許貿易與約船來不交犯乃停止終元任兵船不至元在粵九年兼署巡撫凡六次六年調雲貴總督滇鹽久敵歲細課十餘萬元効罷蠹吏力杜漏私鹽并衰旺不齊調劑抵補逾年課有溢銷酌撥邊用騰越邊外野人時入內地劫掠西保山等處邊夷曰獠獠以

清史稿

列傳一百五十一

二

擊山射獵為生可用乃募獠獠三百戶屯種山地以禦野人即以溢課充費歲有擴充野人畏威漸有降附者十二年協辦大學士仍留總督任重里士司刀繩武與叔太康爭鬪督官求助檄鎮道擊走之另擇承襲乃安越南保樂州土官農文雲內閣嚴邊防勿使竄入亦不越境生事尋文雲走死詔嘉其鎮靜得大體十五年召拜體仁閣大學士管理刑部調兵部十八年以老病請致仕許之給半俸漸行加太子太保二十六年鄉舉重逢晉太傅與鹿鳴宴二十九年卒年八十有六優詔賜卹諡文達入祀鄉賢祠浙江名宦祠元博學淹通早被知遇敕編石渠寶笈校勘石經再入翰林編國史儒林文苑傳至為浙江巡撫始手成之集四庫未收書一百七十二種撰提要進御補中秘之闕嘉慶四年偕大學士朱珪典會試一時樸學高才搜羅殆盡道光十三年由雲南入覲特命典試時稱異數與大學士曹振鏞共事意不合元歉然以前次得人之盛不可復繼歷官所至振興文教在浙江立話經精舍祀許慎鄭康成選高才肄業在粵立學海堂亦如之並延攬通儒造士有家法人才蔚起撰十三經校勘

記經籍纂詁皇清經解百八十餘種專宗漢學治經者奉為科律集清代天文律算諸家作時人傳以章絕學重修浙江通志廣東通志編輯山左金石志兩浙金石志積古齋鐘鼎款識兩浙輶軒錄淮海英靈集刊當代名宿著述數十家為文選樓叢書自著曰學經室集他紀事談苑諸編並為世重身歷乾嘉文物鼎盛之時主持風會數十年海內學者奉為山斗焉

汪廷珍字瑟庵江蘇山陽人少孤母程撫之成立家中落歲凶體弱或不給不令人知母曰吾非恥貧恥言貧疑有求於人也力學困諸生十年始舉於鄉成乾隆五十四年一甲二名進士授編修大考擢侍讀未幾遷祭酒六十年以事忤旨降侍讀嘉慶元年直上書房大考擢侍讀學士母憂歸服闋補原官七年督安徽學政任滿復督江西學政累遷侍讀學士太僕寺卿內閣學士皆留任廷珍學有根底初為祭酒以師道自居選成均課士錄教學者立言以義法力戒摹擬剽竊之習及官學政為學約五則以訓士曰辨塗曰端本曰敬業曰裁偽曰自立與士語諄諄如父兄之於子弟所刻試牘取易修辭之旨曰立誠編

清史稿

列傳一百五十一

三

士風為之一變萬載棚民入籍舊分學額後裁之士客訐訟久不決廷珍請復分額爭端乃息十六年授禮部侍郎復直上書房侍宣宗學十八年典浙江鄉試留學政任滿回京二十二年署翰林院掌院學士擢左都御史充上書房總師傅二十三年遷禮部尚書二十四年仁宗六旬萬壽慶賀期內遇孝慈高皇后祭辰部臣未援故事疏請服色坐率忽降侍郎逾年復授禮部尚書道光二年典會試教習庶吉士車駕謁陵命留京辦事三年宣宗釋奠文廟禮成臨幸辟雍詔曰禮部尚書汪廷珍蒙皇考簡用上書房師傅與朕朝夕講論非法不道使朕通經義辨邪正受益良多朕親政後畀以尚書之任盡心厥職於師道臣道可謂兼備今值臨雍眷懷舊學加太子太保子報原以員外郎即補用示崇儒重道之意四年仁宗實錄成賜子報閔主事係承佑舉人南河高堰潰決阻漕上以廷珍生長淮揚命偕尚書文孚往勘劾河督張文浩總督孫玉庭譴黜有差疏籌修濬事宜交河督辦理五年回京協辦大學士七年卒上震悼優詔賜卹贈太子太師入祀賢良祠命大阿哥賜奠賜銀千兩治喪諡文端江蘇

請祀鄉賢特詔允之廷珍風裁嚴峻立朝無所親附出入內廷寮案見之莫不肅然自言生平力戒刻薄凡貧冒諂諛有不忍爲皆守母教大學士阮元服其多聞淵博著書廷珍曰六經之奧昔人先我言之更何以長語相瀾讀書所以析義要歸於中有所主而已服用樸儉或以公孫宏擬之笑曰大丈夫不以曲學阿世爲恥而徒畏布被之譏乎後進以文謁言不宗道曰異日恐喪所守屬官有例送御史者持不可曰斯人華而不實何以立朝後皆如所言人服其精鑿

湯金釗字敦甫浙江蕭山人嘉慶四年進士選庶吉士授編修十三年入直上書房金釗端謹自持宣宗在潛邸甚敬禮之母憂服闋擢侍講督湖南學政累遷內閣學士二十一年復直上書房典江南鄉試留學政詔勉以訓士不患無才務培德經學爲本才藻次之金釗開揚詔旨通誠士子會匪以禍福煽惑鄉愚金釗著福善辨刊發曉諭徐州俗悍武生不馴者繩之以法遷禮部侍郎任滿仍直上書房宣宗即位調吏部益需用時用尚書英和議命各省查州縣陋

清史稿

列傳一百五十一

四

規明定限制金釗疏言陋規皆出於民地方官未敢公然苛索者畏上知之治其罪也今若明定章程卽爲例所應得勢必明目張膽求多於例外雖有嚴旨不能禁矣况名目碎雜所在不同檢察難得真確轉滋紛擾無論不當明定章程亦不能妥立章程也吏治貴在得人得其人雖取於民而民愛戴之不害其爲清非其人雖不取於民而民嫉讐之何論其爲清有治人無治法惟在督撫舉錯公明而非立法所能限制會中外大臣亦多言其不便金釗疏入上手批答曰朝有諍臣使朕胸中黑白分明無傷於政體不勝欣悅子讓叙道光元年兼署戶部侍郎兩江總督孫玉庭以南漕浮收不能盡去議請八折徵收學政姚文田御史王家相皆奏言不可金釗既同部臣議復疏爭曰康熙中奉永不加賦之明詔此大清億萬年培養國脈之至計也前有議加耗米及公費銀者戶部以事近加賦議駁今准其略有浮收不肖者益無顧忌而浮收且多於往日雖告以收逾八折卽予嚴參然前此逾額者何嘗不干嚴譴卒不聞爲之減少獨於新定之額恪遵而不取踰此臣之所不敢信也在督撫奏定之後不

慮控告浮收在州縣縱有發覺又將巧脫其罪是限制仍同虛設徒爲盛朝開加賦之端臣竊惜之疏入下江浙督撫妥議事乃履尋以吏部事繁罷直書房典江南鄉試道經銅山見運河支渠爲黃流淤塞歲苦潦回京奏請疏濬如議行二年典會試調戶部父憂歸六年服闋署禮工二部及倉場侍郎仍直上書房授皇長子奕緯讀實授戶部侍郎七年連擢左都御史禮部尚書上方倚畀迭命赴山西直隸四川湖北福建鞫獄按事四年之中凡奉使五次所至持法明慎悉當上意充上書房總師傅調吏部尚書十一年皇長子遼疾不起忌者因以激上怒罷總師傅降兵部侍郎踰兩年復自左都御史授工部尚書轉吏部連典江南順天鄉試十六年陝西巡撫楊名勳被劾命偕侍郎文慶往按暫署巡撫又往四川按事名勳復與臬司互訐得其冒工庇屬狀劾罷會京察以奉使公明予議叙又赴張家口太原鞫獄十八年以戶部尚書協辦大學士仍調吏部十九年命按事安徽江蘇浙江自禁烟議起海疆久不靖林則徐既罷琦善主撫復不得要領金釗素不附和議與穆彰阿等意齟齬一日召對上從

清史稿

列傳一百五十一

五

容問廣東事可付諸何人金釗以林則徐對上不悅至二十一年事且益棘詔予則徐四品卿銜赴浙江軍營亦未果用之未幾有吏部司員陳起詩規避倉差金釗還其呈牘禁勿遞爲所訐坐降四級調用逾年授光祿寺卿以衰老乞罷住京養病許以二品頂戴致仕久之上仍眷念二十九年皇太后之喪具疏上慰賜頭品頂戴咸豐四年重宴鹿鳴加太子太保六年卒詔以尚書例賜卹諡文端金釗自爲翰林布衣脫粟後常不改當官廉察負一時清望雖被排擠卒以恩禮終子修通政司副使

論曰阮元由詞臣出膺疆寄竟殄海寇開府粵演綏邊之績並有足稱晚登宰輔與樞臣曹振鏞異趣惟以文學裁成後進世推耆碩任廷珍湯金釗正色立朝清節並著金釗雖以直言被摺宣宗終鑒其忠誠易名曰端肯無愧焉

清史稿

列傳一百五十二

覺羅寶興

宗室敬徵

宗室禧恩

陳官俊

卓秉恬

覺羅寶興字獻山隸鎮黃旗嘉慶十五年進士選庶吉士授編修累遷少詹事入直上書房十八年仁宗幸熱河林清逆黨突入禁城寶興散直至東華門與賊遇急入告警宣宗方在上書房聞警戒備賊不得逞上還京擢寶興內閣學士十九年授禮部侍郎以事忤旨詔斥寶興不學降大理寺卿罷直書房復坐部刊科場條例誤高宗為高祖降二級調用尋予三等侍衛充吐魯番領隊大臣道光二年召為大理寺少卿復因事降通政司參議歷左副都御史兵部侍郎出為秦甯鎮總兵八年授理藩院侍郎調兵部迭命借戶部尚書王鼎察治長蘆兩淮鹽務籌議整頓詳王鼎傳十年出為吉林將軍疏言松花江西岸輝發河北岸舊例封禁其餘開礦山場均設卡倫惟謂兵丁打捕牲畜以備貢品

清史稿

列傳一百五十二

一

民人無照私出挖葭斫木者查拏治罪又言伯都訥珠爾山荒田先後開墾五千二百六十二晌其租息請自道光十五年為始以其半分賞兵丁半存備報修工程此外尚有可墾荒地五萬六千餘晌作為官荒將來奏請招佃徵租烏拉涼水泉已墾七萬三千九百餘晌請撥二道河東二萬晌以七成給烏拉總管衙門三成給協領衙門資為津貼餘未墾地五萬三千餘晌亦作官荒並從之調盛京又調成都十七年署四川總督逾年實授時馬邊越嶲邊外夷匪數出為患十九年疏言禦邊之策不外勦撫防三者撫之道在施於平時斷無失利之後轉而就撫之理比來勞師糜餉迄無成功為今計者以修邊防為急務陳防邊五事一增兵額請於馬邊增兵千二百雷波普安阜越嶲甯越各增兵八百峨邊屏山各增兵四百一改營制請以綏定協副將移駐馬邊廳城遊擊都司以下各增設移駐有差一築礮堡飭各廳縣因地制宜多修堡寨責令各集團練官給礮礮督率教演擇要隘築礮臺增設大礮一定期巡閱歲春夏之交建昌道赴越嶲峨邊永寧道赴馬邊雷波屏山周歷巡閱各一次秋冬

責成提督與建昌總兵分赴巡行察勘邊隘一優獎邊吏馬邊越嶲兩廳同知

請三年俸滿以題調選缺知府升補疏下議行言官論奏四川提督應如湖南例半年駐越嶲等處寶興議馬邊越嶲相距遠請於春秋夷匪出沒之時提督往駐馬邊峨邊雷波三廳建昌總兵往駐越嶲甯越又言越嶲邊防以大路為重麥子營利濟站均應增駐弁兵乾溝諸汛應酌量移撤分設於馬日栢諸處越嶲甯越兩營相距頗遠聲勢不能相及前請以建昌左營遊擊移駐大菩薩地遠在甯越之東而越嶲營參將復與遊擊不相統屬請越嶲甯越適中之界牌樓以建昌鎮右營都司移駐專管麥子營利濟站兩汛並從之先是寶興以馬邊諸廳縣增設防兵籌議邊防經費請按棉津貼計可徵銀百萬兩以三十萬為初設防兵之需每歲經費即以餘銀七十萬兩生息置田供支上以津貼病民撥部帑銀百萬翰林院侍讀學士王炳瀛奏四川前買義田徧及百餘州縣若更以數十萬帑銀於各州縣買田收租膏腴將盡歸公產請限於四廳近邊地收買安置屯防下寶興妥議疏言邊防完竣用銀二十二萬兩有奇以

清史稿

列傳一百五十二

二

三十七萬發鹽茶各商歲得息三萬七千餘兩足敷增設練勇餉械之需餘銀四十萬聽部撥別用遂罷買田議二十一年拜文淵閣大學士留四川總督任時大學士琦善協辦大學士伊里布相繼罷在朝滿洲大臣鮮當上意故有是授二十六年入覲命留京管理刑部充上書房總師傅兼翰林院掌院學士二十八年元且加恩年老諸臣加太保十月卒年七十二諡文莊宗室敬徵隸銀白旗肅親王永錫子嘉慶十年封輔國公授頭等侍衛兼委散秩大臣副都統十九年授內閣學士兼鑾儀使充總族長二十二年失察宗室海康等習紅陽教褫職請居盛京尋予四等侍衛乾清門行走道光初累遷工部侍郎授內務府大臣調戶部八年借尚書王鼎察治長蘆鹽務奏定歸補帑課章程詳王鼎傳十二年南河奸民陳堂等盜決于家灣官隄命借尚書朱士彥往勘疏陳諸口已合墻下尚未閉氣聞有墊陷陳堂等聽從逸犯陳端糾眾以為從問擬疏防各官遣戍通判張懋祖賠修墻工不實罰賠枷號獲勘湖河各工請擇要興修高堰山旰卑矮石工分年改砌碎石信墻補還石工智墻仁

河義河改修石底裏河福興開場卸急築揚河西岸加高磚工改拋碎石並從之又會同兩江總督陶澍議定准鹽票引兼行官所論官票運私侵礙暢岸爭占馬頭三者皆可無慮詔如原議行十四年授左都御史借侍郎吳椿勘浙江海塘疏言念里亭至尖山柴工尙資禦溜石塘仍當修整鎮海及設家橋汛議改竹筴塊石不如條石坦水舊法爲堅實烏龍廟以東冬工暫緩回京擢兵部尙書調工部十五年以孝穆皇后孝慎皇后梓宮奉安龍泉峪諷日不愼罷尙書都統仍充內務府大臣十六年署戶部侍郎累遷工部尙書兼都統東河總督葉毓美多用甄工御史李蘊言其不使命敬微借錢往勘疏陳已辦甄工尙屬整齊輿論謂保灘護厓可資其力水深溜急之處不及掃工整固搶辦險工未可深恃請停止燒甄改辦碎石從之十八年調戶部二十二年南河揚河漫口水由淮河入海有議即改新河督麟慶以河流未定遽難決議命敬微借尙書廖鴻荃往勘疏言改河之議在因勢利導今查灌河口至蕭莊口門三百六十餘里新河正溜由六塘出達灌口其下游東北一百十里沿溜直注

清史稿

列傳一百五十二

三

惟當潮長時黃水相逼壅閘不前而上游自口門至響水口二百餘里支流忽分忽合必須兩岸築隄束水方免汎濫計工長三百餘里經費難籌且中河運道爲黃流橫截不得不移塘灌運清水本弱仍恃借黃以濟空船引轉需時重運更形艱滯是移塘乃權宜之計常年行之恐妨運道舊黃河自蕭莊迄舊海口四百二十餘里尾閘寬暢自漫口斷流河身益淤若挽歸故道堵口挑河共費五六百萬較改河築隄節省多請定明歲春融興工俟軍船回空後築壩合龍詔如議行尋以戶部尙書協辦大學士二十三年借侍郎何汝霖赴南河勘工又赴河南察視中河應漫口疏陳築壩挑河工費需銀五百十八萬兩較祥符工費爲節省允之二十五年奏河南下北河廠廟工乃北岸七廟適中之所河臣宜常年駐此便於控制詔河督每於伏汛前移駐廟工立冬後仍回濟甯尋坐濫保駐藏大臣孟保降內閣學士未幾復授工部尙書又坐濫保科布多參贊大臣果勒明阿褫職三十年署正白旗滿洲副都統咸豐元年卒詔念前勞予一品銜依尙書例賜卹諡文愨子恒恩左副都御史孫盛昱自有傳

宗室禧恩字仲蕃隸正藍旗容親王溥穎子嘉慶六年賜頭品頂戴授頭等侍衛乾隆門行走十年晉御前侍衛兼副都統慶儀使上駟院卿轉奉宸院卿遷內閣學士十八年擢理藩院侍郎二十年授內務府大臣調戶部侍郎二十五年仁宗崩於熱河避暑山莊事出倉猝禧恩以內廷扈從建議宣宗有定亂勳當繼位樞臣托津戴均元等猶豫禧恩抗論衆不能奪會得秘匣硃諭乃借請臣奉宣宗即位命在御前大臣領侍衛大臣上行走道光二年擢理藩院尙書時哈薩克部衆潛聚烏梁海議遷徙安置增設卡倫吏部尙書松筠請習邊事上每垂詢禧恩因以諮之松筠素坦率遂代刪改疏稿禧恩怒以上聞松筠坐越職干預被譴尋調工部仍兼署理藩院尙書六年調戶部八年加太子少保署吏部尙書九年隨扈盛京詔念容親王多爾袞數定大勳加恩後裔賜禧恩雙眼花翎十二年湖南江華搖趙金龍作亂命禧恩偕盛京將軍瑚松額督師未至總督盧坤提督羅思舉已平之殲金龍禧恩素貴倨奉命視師意氣甚盛廉諸將不待而告捷謂金龍死未可信思舉以金龍焚骸及佩物爲證議始息

清史稿

列傳一百五十三

四

廣東搖匪趙仔青竄入湖南率提督余步雲總兵曾勝追剿之借巡撫吳榮光疏陳善後事湖南既定而兩廣總督李鴻賓勦連山搖匪半年軍屢挫詔速鴻賓以禧恩署總督山湖南進兵遣步雲勝等先後破賊禽首逆鄧三盤文理燬其巢甫一月諸搖乞降詔嘉其奏功迅速賜三眼花翎封不入八分輔國公班師途次丁母憂濫諭慰之十三年孝慎皇后薨命禧恩偕盛京將軍瑚松額御前大臣戶部尙書內務府大臣尋復授理藩院尙書以生日受屬員饋送爲御史趙敦詩所劾疏辯得直敦詩坐譴十四年因相度龍泉峪萬年吉地加太子太保調兵部尙書兼署禮部戶部十八年詔以南苑牲畜不蕃禧恩久管奉宸苑廢弛疏懈罷其兼領尋得員司積弊狀盡罷諸兼職降內閣學士二十二年署盛京將軍授理藩院侍郎留將軍署任英吉利內犯海疆戒嚴命治盛京防務既而和議成疏陳善後十事並巡洋章程如議行二十五年以病解職坐失察內地民人越朝鮮界墾地削公爵降二等輔國將軍三十年起署馬蘭鎮總兵密雲副都統咸豐元年召授戶部侍郎二年擢戶部尙書協辦大學士管

理藩院事尋贈太子太保諡文莊禮恩自道光初被恩眷及孝全皇后被選入宮家故寒素賴其資助遂益用事偏辭禁近要職兼攝諸部淺穢同列人皆側目后晚寵衰禮恩亦數獲譴罷斥文宗即位乃復起不兩年登協揆焉

陳官俊字偉堂山東濰縣人嘉慶十三年進士選庶吉士授編修遷贊善二十一年入直上書房大考二等擢洗馬累遷右庶子典陝西鄉試督山西學政道光元年命各省明定陋規中外臣工多言窒礙官俊亦疏陳不可行詔嘉之子議叙會密諭留心察訪官吏賢否政治得失官俊特旨直內廷為官宗所眷意氣甚張尋遷侍講學士命回京仍直上書房山西巡撫成格追劾官俊在學政任殿差買妾妄作威福大開奔競上以官俊於殿差買妾已自承不諱曾薦舉魏元煊邱名秦人材尚不繆惟所述太監往河東查訪鹽務控案事出無稽解職就質命長齡道出山西傳旨面詰成格亦以不能指實引咎遂兩斥之官俊降編修罷直上書房連典貴州江西鄉試歷中允祭酒侍講學士內閣學士十六年授禮部侍郎調吏部十九年擢工部尚書東陵邸中慶王侵祭籍沒主事

清史稿

列傳一百五十二

五

全孚預告多所寄頓事覺語由官俊開談漏洩回奏復諱飾詔斥失大臣體職二十一年起為通政使歷戶部吏部侍郎管理三庫擢禮部尚書調工部二十四年以吏部尚書協辦大學士官俊再起歷典鄉會試殿廷御試每與銜校充上書房總師傅編修童福承素無行直上書房授皇子讀給事中陳壇勅之語及福承為官俊妻作祭文措詞過當福承譴詘詔斥官俊容隱不奏罷總師傅議降三級調用從寬留任二十九年卒俊詔賜卹稱其心田坦白贈太子太保入祀賢良祠諡文愨賜其孫厚鍾厚滋並為舉人官俊初直上書房授宣宗長子奕緯讀宣宗嘉其訓迪有方後皇長子逾冠而薨上深以為恟故遇官俊特厚屢獲咎而恩禮始終不衰子介祺道光二十五年進士官編修咸豐中助軍餉加侍講學士銜後在籍治團練守城賑飢賜二品頂戴介祺積學好古所藏鐘鼎彝器金石為近代之冠

卓秉恬字靜遠四川華陽人嘉慶七年進士選庶吉士年甫逾冠授檢討典陝西鄉試十八年改御史歷給事中章疏凡數十上論盜風未息由捕役與盜賊

因緣為姦捕役藉盜賊以漁利盜賊仗捕役為護符民間控告官不為理盜賊結恨又召茶毒直隸之大名滄州河南之衛輝陳州山東之曹州東昌武定江蘇之徐州最甚請飭實力禁懲巡漕山東履勘泰安兗州各屬探濬新泉四十三處定名勒石歷鴻臚寺少卿順天府丞二十五年疏言由陝西略陽迄東至湖北鄖西謂之南山老林由陝西甯羌迄南而東經四川境至湖北保康謂之巴山老林地皆磽瘠極微無業游民給地主錢數千即租種數溝數嶺歲薄不收則徙去謂之棚民良莠莫辨攘奪時聞一遇旱澇一二姦民為之倡即蟻附蠶起州縣以地方遼闊莫能追捕遂至互相容隱迨釀成大案即加參劾事已無濟且事連三省大吏往返咨商州縣奉文辦理恒在數月之後與其即一隅而專謀之何如合三省而共議之請於扼要之地專設大員控制宣宗深聽之詔下三省會議未果行僅將邊境文武酌就要地改駐添設道光四年調奉天府丞丁父憂去服闋歷太僕寺大理寺少卿太僕寺卿宗人府丞內閣學士典江南鄉試十五年遷禮部侍郎調吏部督浙江學政擢左都御史召還京

清史稿

列傳一百五十二

六

兼管順天府尹事歷兵部戶部吏部尚書協辦大學士二十四年拜文淵閣大學士督武英殿歷管兵部戶部工部賜花翎咸豐五年卒年七十四贈太子太保諡文端秉恬兼管京尹最久凡十有八年時九卿會議一二王公樞相主之餘率占位畫諾秉恬在列時有辯論不為用事者所喜子樸道光二年進士官至吏部侍郎

論曰自設軍機處閣臣不預樞務始猶取名德較著者表望中朝繼則旅進旅退之流且以年資眷暱馴躋鼎鉉矣寶興號嬭吏事而蒙靈籙不飭之聲敬徵數視河工差著勞勩禮恩陳官俊並恃恩私嚙而復起卓秉恬以言官進視緘默自安者稍表異焉

清史稿

列傳一百五十三

孫玉庭

蔣攸銘

李鴻賓

孫玉庭字寄圃山東濟甯人乾隆四十年進士選庶吉士授檢討五十一年出為山西河東道父憂去服闋補廣西鹽法道嘉慶初就遷按察使歷湖南安徽湖北布政使舉發道員胡齊嵩侵冒軍需詔嘉之七年擢廣西巡撫調廣東安南國王阮光纘為農耐阮福映所逼叩關乞內避命玉庭馳赴廣西察辦福映已滅光纘遣使納款玉庭疏陳其恭順請受之尋福映請改國名曰南越仁宗疑之玉庭言不可以語言文字阻外夷嚮化之心其先有古越裳地繼併安南若改號越南亦與中國南粵舊名有別乃報可廣東海盜日橫玉庭議防急於勦請增兵嚴守口岸禁淡水米糧出海以制之尋調廣西十年復調廣東時總督那彥成專意招撫玉庭意不合疏陳其弊謂盜非悔罪特為貪利而來官吏貪功不惜重金為市陽避盜名陰搜盜寶廢法斂怨莫此為尤上聽其言那彥

清史稿

列傳一百五十三

成由是獲罪十三年英吉利兵船入澳門總督吳熊光但停貿易未遣兵驅逐上斥畏憚熊光調玉庭貴州尋百齡至粵追論熊光且劾玉庭不以實入告坐罷歸已而予官編修在文蔚館行走十五年授雲南巡撫兼署雲貴總督調浙江二十年英吉利貢使不願行跪拜禮廷議以其倔強遣之會玉庭入覲面奏馭夷之道妄有干求當折以天朝之法度歸心恪順不責以中國之儀文反覆開陳上意乃解二十一年擢湖廣總督未幾調兩江漕鹽河為江南要政日臻疲累玉庭久任封圻治尚安靜整頓江西湖北引岸緝私籌款生息津貼屯丁減省漕委隨軍為補苴之計稍稍相安宣宗即位特加太子少保銜時用尚書英和言清查直省陋規立以限制下疆臣議久遠之法玉庭疏言自古有治人無治法果督撫兩司皆得人則大法小廉自不虞所屬苛取病民非然者雖立限制仍同虛設弊且滋甚各省陋規本干例禁語云作法於涼其弊猶貪禁人之取猶不能不取若許之取勢必益無顧忌迨發覺治罪民已大受其累府廳州縣祿入無多向來不能不藉陋規為辦公之需然未聞準其加取於民垂

為令甲者誠以自古無此制祿之經也伏乞停止查辦天下幸甚疏入詔褒其

不媿大臣之言道光元年授協辦大學士仍留總督任是年入覲與王瀾堂十五老臣宴帝詢准鹽疏銷之策玉庭言漢口為淮南售鹽總岸向來船到隨時交易是以暢銷自乾隆中立封輪法挨次輪售私鹽乘間侵越因臆陳六害請復舊章從之又言漕糧浮收不能禁革不如明與八折為使御史王家相奏言事類加賦侍郎姚文田湯金釗亦論之遂寢然州縣困於丁費浮收仍難禁絕胥吏上下其手專累良懦因玉庭議不行疆臣不敢復請至同治初始定漕耗卒如玉庭議四年拜體仁閣大學士留任如故會高家堰決河督張文浩遣成部議上庭革職詔念前勞寬之留任尋復以借黃濟運無效褫職予編修休致戶部復劾其不行海運而河病運阻責償漕漕運費十之七命留漕運河工竣回籍十四年重宴鹿鳴加四品頂戴尋卒年八十有三子善寶以舉人蔭生授刑部員外郎官至江蘇巡撫瑞珍道光三年進士由翰林官至戶部尚書諡文定孫毓滢道光二十四年一甲一名進士官至浙江按察使毓汝亦以一

清史稿

列傳一百五十三

甲二名進士官至兵部尚書自有傳曾孫樹成豐二年進士翰林院庶吉士官至順天府尹四世並歷清要家門之盛北方士族無與埒焉蔣攸銘字礪堂漢軍鑲紅旗人先世由浙江遷遼東從入關居寶坻乾隆四十九年成進士年甫十九選庶吉士授編修嘉慶初遷御史政言有聲受仁宗知五年出為江西吉南嶺道署按察使八年廣昌齋匪廖幹周作亂攸銘率兵平之疆臣上其功會丁母憂去十年特起署廣東惠潮嘉道歷江西按察使雲南布政使十四年調江蘇就擢巡撫調浙江擢江蘇河道總督督以不諳河務辭詔回原任十六年擢兩廣總督嚴於治盜遊動幹文武大員駐廣肇詔連諸郡居中之地分路搜截飭州縣官赴鄉勸導耆老使境內不得藏奸舉劾嚴明吏皆用命歷禽匪盜七百餘名自首者許自新特詔褒獎十八年應詔陳言略曰我朝累代功德在民而亂民慙不畏法變出意外此皆由於吏治不修所致臣觀近日道府州縣貪酷者少而委靡者多夫聞冗之釀患與貪酷等竊以為方今急務莫先於察吏而欲振積習必用破格之勳懲凡貪酷者固應嚴參平庸者

亦隨時勒休改用勿俟大計始行發辦其有勳能者即請旨優獎果道府州縣得人則禍亂之萌自息次年又上疏曰道府由牧令起家者十之二三由部員外擢者十之七八聞近來司員少卓著之才由於滿洲之廢生太易漢員之捐班太多請飭部臣隨時考覈其不宜於部務者以同知通判分發各省使練民事部曹亦可疏通今之人才沈於下位者多矣請飭大臣薦達擇其名實相副者擢用抑臣更有請者任事之與專擅有義利之分若任事而以專擅罪之人皆推諉以自全矣協恭之與黨援有公私之別如協恭而以黨援目之人且立異以遠嫌矣此近今之積習為大臣者當力除之至翰林儒臣務在崇正學黜浮華養成明體達用之才不必以文章課殿最科道為耳目之官數陳能否得體糾劾是否為公詢事考言難逃洞鑒其有卓越清正者當由京堂而擢卿貳與翰詹參用用人之道因才因地因時臣下無可市之恩君上有特操之鑒人無求備政在集思此之謂也疏入上嘉納之英吉利兵船入內洋攸銛飭停貿易乃聽命引去請禁民人為洋人服役洋行不許建洋式房屋舖商不得用洋

清史稿

列傳一百五十三

三

字店號清查商欠不准無身家者濫充洋商及內地人私往洋館並如議行商人負暹羅國貨價以官錢代償既而貢使來繳還攸銛以奉旨頒給乃示懷柔不得復收回却之詔嘉其得體二十二年調四川總督四川兵故驕縱一裁以法民多帶刀劍禁鄉村設鎗製兵刃城市編牌取結有犯連坐以義倉租息助灌縣都江堰歲修禁派捐累民重修文翁石室興學造士言官請禁非刑飭屬銷毀違法刑具而嚴戒縱匪不得博寬厚虛名貽閭閻實害二十四年率土司頭目入都祝嘏賞賚有加時因慶典普免天下積欠錢糧獨四川無欠可免詔嘉其撫綏有方予優叙二十五年仁宗崩入謁梓宮宣宗諭褒為守兼優加太子少保道光二年召授刑部尚書尋授直隸總督值水災請截南漕四十萬石賑款先後二百萬兩踰年賑事竣時方治畿輔水利命侍郎張文浩蒞其事尋以程含章代之攸銛與合疏言東西兩淀大清永定子牙南北運五河及天津海口千里隄不可緩之工請部撥銀一百二十萬兩又疏陳千里隄章程規復兩淀築船移夫移改管河員弁駐所添建巡防堡房並如議行命協辦大學士

仍留總督任五年拜體仁閣大學士充軍機大臣管理刑部以回疆平加太子太保七年授兩江總督疏言總督於河務非專責與河臣同治徒掣其肘請毋庸駐清江浦從之時清水不能敵黃漕運屢阻攸銛初在浙不主海運至是見河漕交困試行海運便利遂請續行並預儲銀六十萬兩備河運盤壩之用廷議方主倒塘濟運法且疑其畏難便私不許攸銛疏辯極言倒塘之不足恃上終不以為然姑許海運而禁言盤壩未幾海運亦能以張格爾就禽追論贊畫功晉太子太傅黃玉林者鹽梟巨魁以儀徵老虎頭為窟穴長江千里呼吸皆通詔責嚴捕玉林投首乞捕私自効十年攸銛病乞假滿召回京供職而玉林復圖販私攸銛疏請嚴治發遣新羅尋復慮其潛回滋事密請處絞詔誅玉林切責攸銛苟且從事嚴議褫職加恩降兵部侍郎未至京卒於途優詔軫恤依尚書例賜卹攸銛精敏強識與人一而一言閱數十年記憶不爽勇於任事不唯阿尤長於察吏薦賢如不及所舉後多以事功名節著于霄遠官至貴州巡撫自有傳

清史稿

列傳一百五十三

四

李鴻賓字鹿華江西德化人嘉慶六年進士選庶吉士授檢討遷御史給事中十八年巡視東漕會林清之變數疏陳時政利弊又以山東河南直隸毗連之地頻年遭兵條上善後事始受仁宗知命借河督吳璥巡撫同興按河督李亨特貪劣不職狀得實以聞十九年超授東河副總河時微山湖蓄水盡涸運河淤塞鴻賓自巡漕時講求疏濬濟運之策至是疏論上游湖水通暢蓄充盈漕運無阻被褒獎命赴睢工會同吳璥察河二十年擢河東河道總督由諫官不三年而膺方面為時所罕尋丁母憂賜金治喪子諭祭異數也服闋署禮部兵部侍郎命赴河南山東讞獄並察黃河運河湖水情形二十三年署廣東巡撫二十四年授漕運總督復調河東河道總督河決蘭陽儀封命偕尚書吳璥治之鴻賓專駐儀封會北岸馬營壩復決合疏言馬營土質沙鬆河溜尚勁未能遽定壩基被詰責遂自陳不勝河督之任詔斥其見吳璥辦事遲緩慮同獲咎預為地步褫職子郎中銜留河南專司大工錢糧二十五年命營山東運河事務兼署山東巡撫專駐張秋籌備糧運事尋授安徽巡撫道光元年調漕運

總督二年擢湖廣總督初湖廣行銷准鹽用封輪法大商壟斷小商向隅甫改開輪又有跌價爭售之害鴻寶請設公司僉商經理無論鹽船到岸先後小商隨到隨售大商按所到各家計引均銷試行兩月後販運踴躍著為令時議折漕以資治河鴻寶疏言徵收折色弊資叢生莫若令民間完交本色由州縣賣米易銀轉解河工詔以易收抑勒提價加收平色諸弊未允行調兩廣總督廣東通商久號為利藪自嘉慶以來英吉利國勢日強漸跋扈故事十三行洋商有缺十二家聯保承充虧帑則攤償英領事類地知洋行獲利厚欲以洋斷容阿華充商諸商不允乃賄鴻寶得之類地曰吾以為總督若何嚴重詎消數萬金便營私耶於是始輕中國官吏容阿華尋以淫侈耗資逃勿獲官帑無著不能責諸商代償乃以抽分法為彌補眾商藉以漁利夷情不服日益多事鴉片流行日廣漏銀外洋鴻寶屢疏陳查禁之法及禁種罌粟並增築虎門大角礮臺以資控御而奉行具文未有實效十年協辦大學士仍留總督任十一年崖州黎匪亂鴻寶駐雷州令提督劉榮慶總兵孫得發勦平之給事中劉光三奏

清史稿

列傳一百五十三

五

廣東匪徒立會滋擾鴻寶疏陳無三點會名目惟搶劫打單勒索民財根株未絕隨時訪拿準自首免罪請廣潮肇嘉諸府州山場荒地令無業游民報墾永不升科庶衣食有資免流匪僻如議行入覲賜花翎十二年春湖南搖趙金龍倡亂廣東連州搖開風蠢動遣兵防勦五月鴻寶赴連州三路進兵雖有斬獲兵弁傷亡多疏請俟湖南事竣進勦詔斥任賊蔓延提督劉榮慶衰庸不早糾劾嚴議革職改留任命尚書禧恩等由湖南移師赴粵勦辦禧恩言粵兵多食鴉片不耐山險鴻寶陳奏不實襁職速治遣戍烏魯木齊十四年釋還子編修家居久之二十年卒

論曰宣宗初政勵精求治係玉庭將攸銛並以老成膺分陝之寄大事多以諮決其時鹽河漕皆積困玉庭持重晚稍模稜攸銛直行己意眷注遂衰然其汲引人才識量遠矣李鴻寶初以建言驟起後乃置簋不飭貽海疆隱患三人皆不能以功名終公私之殊不可概論也

清史稿

長齡

玉麟

那彥成

列傳一百五十四

長齡字懋亭薩爾圖克氏蒙古正白旗人尚書納延泰子惠齡之弟也乾隆中由繙譯生員補工部筆帖式充軍機章京擢理藩院主事從征甘肅廓爾喀累擢內閣學士兼副都統嘉慶四年授右翼總兵五年赴湖北勦教匪為領隊大臣數敗高天升馬學禮於川楚交界授宜昌鎮總兵又敗徐德荷文明等六年擢湖北提督署總督七年敗樊人傑曾芝秀等子雲騎尉世職以病回京歷左翼總兵出為古北口提督九年授安徽巡撫禽蒙城教匪余連十年調山東十二年擢陝甘總督討平西甯叛番十三年坐在山東供應欽差侍郎廣興動用庫帑褫職成伊犁尋子藍翎侍衛充科布多參贊大臣十六年授河南巡撫十八年復授陝甘總督勦禽南山匪首萬五等皆騎都尉世職二十一年予都統銜充伊犁參贊大臣命察治回匪圖爾邁善獄勦能將軍松筠遂代之

清史稿

列傳一百五十四

一

十二年復授陝甘總督道光元年加太子少保協辦大學士留總督任二年署直隸總督會青海野番滋事命回陝甘遣總兵穆爾泰馬騰龍討平之賜雙眼花翎拜文華殿大學士管理藩院事召還京尋以青海奏凱後野番復渡河劫掠奪雙眼花翎三年授軍機大臣管理戶部三庫充總辦達四年出為雲貴總督五年調陝甘改授伊犁將軍初回疆自乾隆中戡定後歲徵貢稅頗約旋懲於烏什之亂山辦事大臣縱肆激變益慎選邊臣回民賴以休息久之法漸弛莅其任者往往苛索伯克伯克又斂之回民嘉慶末參贊大臣斌靜尤淫虐失眾心張格爾者回會大和卓木博羅尼都之孫也博羅尼都當乾隆中以叛誅至是張格爾因眾怨糾安集延布魯特寇邊道光二年逮治斌靜代以永芹亦未能撫馭四年秋五年夏兩次犯邊領隊大臣巴彥圖敗績遂益猖獗六年六月張格爾大舉入卡陷喀什噶爾英吉沙爾葉爾羌和闐四城命陝甘總督楊遇春駐哈密督兵進勦長齡疏言逆會已踞巢穴全局蠢動喀城距阿克蘇二千四回村中多戈壁非伊犁烏魯木齊六千援兵所能克請速發大兵四

萬以萬五千分護糧臺以二萬五千進戰詔授長齡揚威將軍遇春及山東巡撫武隆阿為參贊率諸軍討之十月師抵阿克蘇時提督達凌阿等已敗賊匪巴什河張格爾以眾三千踞柯爾坪令提督楊芳變破之大雪封山兵止未進疏言前奉旨兵分二路正兵由中路臺站奇兵由烏什草地繞出喀城斷其竄遁惟烏什卡倫外直抵巴爾昌山溝險狹戈壁數百里所經布魯特部落半為賊煽未可孤軍深入且留防阿克蘇烏什庫車兵八千餘其延緩四川兵尚未到進剿之步騎止二萬二千兩路相距二十餘站聲息不通喀城賊眾不下數十萬非全軍直搗反正為奇難期無失喀城邊外凡十卡皆接外夷恐賊敗遁已諭黑回約眾邀截七年二月師至巴爾楚軍為喀葉二城分道處復留兵三千以防繞襲進次大河拐賊屯阿爾巴特夜來犯營卻之遂由中路進殲賊萬餘禽五千越三日張格爾拒戰於沙布都爾多樹葦決水成沮洳賊數萬臨渠橫列乃令步卒越渠鑿關騎兵繞左右橫截入陣賊潰追踰渾水河禽斬萬計又越二日進剿阿瓦巴特分三路掩殺俘斬二萬有奇追至洋達瑪河距喀

清史稿

列傳一百五十四

二

城僅十餘里賊悉眾十餘萬背城阻河而陣互二十餘里選死士夜擾其營會大風竄用楊遇春策道索倫千騎繞越下游牽賊勢大兵驟渡上游燬之賊陣亂乃大奔乘勝抵喀什噶爾克之時三月朔日也張格爾已先遁獲其姪與甥及安集延酋推立汗薩木汗分兵令遇春下英吉沙爾葉爾羌芳下和闐於是四城皆復上以元惡漏網嚴詔詰責限速捕獲六月遇春率兵八千出塞窮追遇春屯色勒庫庫阿賴諭各部落禽獻浩罕遣諜誘官軍入伏慶戰幾殆僅得出險詔斥諸將老師糜餉留兵八千餘命遇春率兵入關芳代為參贊當大軍之出密詔詢將軍參贊事平後西四城可否仿土司分封至是長齡疏言愚回崇信和卓猶西番崇信達賴即使張逆就禽尚有兄弟之子在浩罕終留後患八千留防之兵難制百萬犬羊之眾博羅尼都之子阿布都里尙羅在京師惟有赦歸令總轄西四城可以服內夷制外患武隆阿亦以為言上切責其請釋逆裔之繆並革職留任命那彥成為欽差大臣代長齡籌善後張格爾傳食諸部落日窮蹙長齡等道黑回誘之率步騎五百欲乘歲除襲喀城芳嚴兵

以待賊覺而奔追至喀爾鐵蓋山擊斬始盡張格爾僅餘三十人棄騎登山副將胡超都司段永福等禽之八年正月捷聞上大悅錫封長齡二等威勇公世襲罔替賜寶石頂四團龍補服紫綬授御前大臣諸將封賞有差五月檻送張格爾於京師上御午門受俘磔於市營長齡太保賜三眼花翎圖形紫光閣尋回京命親王大臣迎勞行抱見禮於勤政殿授閱兵大臣管理藩院及戶部三庫正大光明殿賜凱宴賜銀幣授領侍衛內大臣恩禮優渥並用乾隆朝故事時稱盛焉十年秋浩罕以內地安集延被驅逐貨產皆鈔沒積怨憤遂挾張格爾之兄玉素普及其黨博巴克等復入邊圍喀什噶爾英吉沙爾二城且犯葉爾羌復命長齡為揚威將軍往督師會葉爾羌辦事大臣璧昌連破賊長齡令參贊哈喇阿提督胡超分路進援喀英二城賊聞風解圍遁出塞於是借伊犁將軍玉麟合疏陳善後事略曰此次入寇與張格爾不同不過烏合夷眾挾騙逐鈔沒之憾虜掠取憤無志於土地人民各自回畏賊騷掠助順守禦亦非上年甘心從逆之比此時戰緩而守急惟兵未至而賊已先逃兵久駐而賊無一

清史稿

列傳一百五十四

三

獲戰守俱無長策諸臣條奏增兵廣屯以省徵調言之似易行之實難即收效亦在數十年之後若仿土司以西四城付阿奇木伯克回性懦弱非浩罕敵苟無官兵守禦賊至必如無人之境臣等再四籌商統兵之人宜立不敗之地斯能制人而不為人制惟有移參贊大臣於葉爾羌其地本回疆都會距喀什噶爾六站在不遠不近之間再移和闐領隊大臣備調遣喀什噶爾留換防總兵一與英吉沙爾領隊為犄角巴楚克駐守總兵一為樹窩子咽喉鎖鑰六城相距均不過數百里於西四城額兵六千之外留伊犁騎兵三千陝甘綠營兵四千量分駐守而以重兵隨參贊居中調度新兵糧餉請於各省綠營兵額內裁百分之二歲省三十餘萬以為回疆兵餉俟屯田有效即以回疆兵食守回疆仍撤回內地餉額又疏請招民開墾西四城間地以供兵精又請添設同知二巡檢五由陝甘選勤能之員任之並下廷議往復再三罷設文員減滿漢兵二千五百名新增餉需不過十萬兩各城額徵糧料可敷供支乃允行以璧昌為參贊大臣各城總節制其辦事領隊各大臣命長齡等保奏任用浩罕懼大軍

出討乞援俄羅斯俄人拒之乃遣頭人詣軍求通商長齡責縛賊目釋還兵民來報願還俘虜復乞免稅並給還所沒貨財上方欲示以寬大且謂賊犯亦不足信一切允之浩罕喜過望進表納貢通商如故邊境乃安長齡駐回疆凡兩載十二年回京晉太傅管理兵部調戶部賜四開襖袍十七年以病乞休上親視其疾溫詔慰留以八十壽晉一等公爵次年卒上震悼親奠賜金治喪入祀賢良祠伊犂名宦祠諡文襄十九年命每次謁陵後賜奠其墓子桂輪襲公爵官至烏里雅蘇臺杭州將軍諡恪慎孫麟興襲爵亦官烏里雅蘇臺將軍那彥成字釋堂章佳氏滿洲正白旗人大學士阿桂孫乾隆五十四年進士選庶吉士授編修直南書房四遷為內閣學士嘉慶三年命在軍機大臣上行走遷工部侍郎調戶部兼翰林院掌院學士擢工部尚書兼都統內務府大臣那彥成三歲而孤母那拉氏守志撫之成立至是三十載仁宗御書勵節教忠額表其門時教匪張漢湖久擾陝西參贊大臣明亮及將軍慶成巡撫永保同勦之互有隙師行不相顧是年秋命那彥成爲欽差大臣督明亮軍慶成永保

清史稿

列傳一百五十四

四

職逮治那彥成以樞臣出膺軍寄意銳甚明亮聞其將至急擊賊敗之漢潮伏誅帝嘉其先聲奪人特詔褒美漢潮黨冉學勝亦狡悍猶在陝冬敗之五郎竄秦嶺老林又迭敗之高關峪夾嶺鳳皇山賊乘間逸入湖北河南境五年春進兵漢中遂入棧勦川匪追出棧大破之隴州隴山鎮俘斬甚衆授參贊大臣會經略額勒登保病上以那彥成隴山捷後軍威已振命兼督各路兵高天升馬學禮陷文縣卡耶塞乘夜渡河破之賊南竄趨松番岷州額勒登保病起合擊敗之餘賊將竄川境即陰平入蜀道也那彥成以地險不利騎兵檄總兵百祥迎擊於農安自率師回陝初那彥成西行以南山餘賊付巡撫台布繼而川賊五家營至與合欲東犯台布遣將扼之賊趨鎮安張世龍張天倫爲經略大兵所驅亦奔鎮安羣賊皆注漢北山內額勒登保追入老林賊向商維爲楊遇春所破始不敢東那彥成與會師鎮安商維賊折犯楚境上以軍事不得要領召回京而詢方略而高馬二賊入川後益張總兵施縉戰歿詔斥那彥成縱賊罷軍機書房一切差使及至召對忤旨再斥在陝漫無布置面詢兵事兩事惟

誘諸劫數未盡且有忌額勒登保戰功意擬尙書講官花翎降翰林院侍講歷少詹事內閣學士七年赴江西按巡撫張師誠被劾事未定謝兩廣總督吉慶以勦會匪被譴自戕命往鞫八年率提督孫全謀平會匪條上善後署吏部侍郎擢禮部尙書九年復授軍機大臣赴河南鞫獄未畢命署陝甘總督治搜捕餘匪善後事宜手詔戒之曰汝誠柱石之臣有爲有守惟自恃聰明不求謀議務資兼聽並觀之益勿存五日京兆之見未幾調授兩廣總督廣東土匪勾結海寇爲患久不靖那彥成以兵不足用乃招撫盜首黃正高李崇玉先後降者五千餘人獎以千總外委銜及銀幣有差巡撫孫庭玉劾其賞盜降藍翎侍衛充伊犁領隊大臣既而李崇玉檻送京師訊得與正高皆受四品銜守備劾職成伊犁十二年復予二等侍衛充領隊調喀什噶爾辦事大臣又調西甯平叛番擢南河副總河以荷花塘漫口合而復決降二等侍衛歷喀什噶爾葉爾羌辦事大臣喀什噶爾參贊大臣十四年復授陝甘總督十八年河南天理會教匪李文成等倡亂陷滑縣直隸山東皆響應林清糾黨犯禁門初命總督溫

清史稿

列傳一百五十四

五

承惠往勦清既誅乃發京兵授那彥成欽差大臣加都統銜督師率楊遇春楊芳等討之迭詔責戰甚急那彥成以小醜不足平惟慮遁入太行勢且蔓延十月至衛輝合師而後進賊踞桃源集道口與滑縣爲犄角連敗之於新鎮丁樂集遇春擊破道口殲賊萬餘焚其巢藪破桃源集追道口餘賊抵滑縣文成遁輝縣司寨楊芳德英阿追破之文成自焚死親督遇春等圍滑城數旬以地雷攻拔之獲首虜二萬餘山東賊亦平捷聞加太子少保封三等子爵賜雙眼花翎授直隸總督賜祭其祖阿桂墓二十一年坐前在陝甘移賑銀津貼脚價職職速問論大辟繳完賠銀改戍伊犁會丁母憂詔援滑縣功免發遣二十三年授翰林院侍講歷理藩院吏部刑部尙書授內大臣道光二年青海野番甫定復授命那彥成往按邊授陝甘總督驅私住河北番族回河南原牧嚴定約東緝治漢奸乃漸平五年調直隸七年回疆四城既復命爲欽差大臣往治善後事先後奏定章程各城積弊諸領隊辦事大臣歲終受考覈於參贊大臣又總考覈於伊犁將軍互相糾察增其廉俸許其携眷久其任期印房章京由京

揀選不用駐防伯克賄補之弊嚴制資格保舉迴避五城叛產歸官收租歲糧五萬六千餘石支兵餉外餘萬八千石為酌增各官養廉鹽米銀之用有餘則變價解阿克蘇探買儲倉改建城垣增卡堡練戍兵浩罕為通逃數所屬八城安集延即其一嚴禁茶葉大黃川卡盡逐內地流夷收撫各布魯特待其款關求貢然後撫之詔悉允行張格爾既誅加太子太保賜紫帽雙眼花翎繪像紫光閣列功臣之末浩罕張格爾妻孥使人投書伺隙那彥成禁不使與內地交接絕其貿易九年使人出卡搜求逆屬上慮其邀功生事召還京仍回直隸總督任未及兩歲西陲復不靖論者謂那彥成騷內地安集延沒貨產絕貿易所致十一年詔斥誤國肇釁職職十三年卒宣宗追念平教匪功賜尚書銜依例賜卹設文毅那彥成遇事有為工文翰好士雖屢起屢墮中外想望風采子容安容照容安應戶部主事雙子爵歷侍衛副都統從長齡征回疆有功歷伊犁參贊大臣亂事再起容安率兵四千五百赴援抵阿克蘇遷延不進由和闐繞道又分兵烏什致喀英二城圍久不解職職速治職大辟尋以以二城

清史稿

列傳一百五十四

六

未失從寬改監候罰繳和闐軍需貸死成吉林父喪釋還數年卒容照以大臣子子侍衛累擢內閣學士亦從征回疆隨父治善後擢理藩院侍郎容安既獲罪雙子爵繼因那彥成被譴同職職起歷馬蘭鎮總兵治獄失入復獲爵職以侍衛從揚威將軍奕經防廣東充庫倫辦事大臣復為馬蘭鎮總兵咸豐中從尙書恩華勦捻匪有功加副都統銜以疾回京卒賜卹孫鄂素襲爵

王麟字子振哈達納喇氏滿洲正黃旗人乾隆六十年進士選庶吉士授編修嘉慶初三遷為祭酒歷詹事內閣學士纂修實錄久特詔充總纂奏事列名總裁後入直上書房歷禮部吏部侍郎典會試奉使鞫安徽壽州獄及湖北官銀匠侵虧錢糧事大吏並被嚴譴後歷赴湖南江西直隸河南按事時稱公正十二年督安徽學政調江蘇十六年兼右翼總兵坐吏部銓序有誤奪職未幾授內閣學士兼護軍統領左翼總兵遼戶部侍郎十八年八月車駕自熱河回謁迎至白溝先還京會林清逆黨犯禁門率所部擊捕坐門禁懈弛職職十九年予三等侍衛赴葉爾羌辦事二十三年加副都統銜充駐藏大臣歷左翼總兵

鑲白旗漢軍副都統遷左都御史禮部吏部兵部尙書道光四年命在軍機大臣上行走六年回疆亂起西四城皆陷阿克蘇辦事大臣長清獨能固守却賊先由王麟論薦詔特嘉之賜花翎七年兼翰林院掌院學士充上書房總師傅加太子少保八年回疆既定晉太子太保繪像紫光閣上方履願西陲以玉麟悉邊務九年特命出為伊犁將軍疏言浩罕將作不靖請緩南路換防阿坦台汰劣克屢請投順包藏禍心添巡邊兵以備禦伊薩克忠勇能事責令乘機謀之近夷布呼等愛曼恭順重賞以固其心則卡外動靜俱悉詔如議行並令喀什噶爾參贊大臣札隆阿為之備札隆阿誤信汰劣克等不之疑也十年秋安集延果引浩罕內犯喀什噶爾辦大臣塔斯哈率兵出禦遇伏陷札隆阿將棄城退守阿克蘇王麟急疏請責長清等速籌糧儲哈豐阿連進攻發伊犁兵四千五百名令容安率之赴援容安至阿克蘇與長清議中途有朵蘭回子梗阻令哈豐阿率順俗由和闐草地進兵王麟疏劾曰喀英兩城被圍兩月賊勢尙單易於援勦由大路直赴葉爾羌二城之圍自解迂道和闐須一月方

清史稿

列傳一百五十四

七

至賊勢漸厚哈豐阿軍未必得力阿克蘇現集兵不下萬人僅以三千人繞路進發留兵坐糜餉糧實屬非計札隆阿數次該大臣等始以糧運遷延後又稱蒙兵民遣皆不足恃計程裹糧二十日足用後路轉運已源源而來前年克復四城民遺得力渾什巴河之捷土爾扈特出力較多近日豐昌以少勝衆豈沿邊零匪轉不能就地殲除請將長清等嚴行申飭上聽其言仍促哈豐阿進兵及長齡督楊芳胡超等大兵至喀英二城賊已遠遁王麟疏言賊勢渙散現調官兵不止四萬月需糧萬五千石運費十餘萬兩請停止續調四川陝甘兵並飭回疆各城採買糧餉較之戈壁轉輸節省不止倍蓰從之初張格爾之就禽也回子郡王銜貝子伊薩克實誘致諸夷忌之亂起兵民謀劫掠事洩誅首犯逐流民怨者謠言伊薩克通賊遂圍劫其家並殺避亂回衆二百餘人札隆阿不能制反附和劾囚之玉麟以伊薩克身膺王封助亂得不償失子孫在阿克蘇家業在庫車豈無顧慮疏陳其可疑命借長齡會鞫得札隆阿懼罪欲殺之以掩迹及委員章京等捏奏迎合誣證狀札隆阿以下坐罪有差復伊薩克爵

職回衆大服時諸臣議回疆事宜玉麟上疏曰閣固原提督楊芳添兵招佃奏稿稱四川總督鄂山有請西四城改照土司之議伏思回疆自入版圖設官駐兵不惟西四城爲東道藩籬南八城爲西陲保障即前後藏及西北沿邊蒙古番子部落皆賴以鞏固若西四城不設官兵僅令回人守土誠恐回性無恒又最畏布魯特強橫轉瞬卽爲外夷所有則阿克蘇又將爲極邊矣其迤東之庫車喀喇沙爾土魯番哈密等城必至漸不安堵以形勢論唇亡則齒寒以地利論喀什噶爾葉爾羌和闐三處爲回疆股實之區捨沃壤而守瘠土是藉寇兵而齎盜糧也楊芳所謂守善於棄實不易之論至請將喀什噶爾參贊移遷阿克蘇殊非善計該處幅員狹隘不足爲重鎮且距喀城二千里有鞭長不及之患其所陳招佃通商各條則爲治邊良法請用之於是詔發長齡密陳十條及中外奏議交玉麟悉心籌畫十一年借長齡會疏上定以參贊大臣移駐葉爾羌暨善後諸政具詳長齡傳十二年事定回伊犁調劑番戍官兵以均勞逸惠遠城南瀕河定歲修之例以待種之地租給回民收租充兵食並爲贍孤寡備

清史稿

列傳一百五十四

八

差操諸用拓敬業官學舍創建文廟宣宗特頒扁額以重其事邊徼士風漸蒸蒸日上三年命回京以特依順保代之行至陝西卒於途次上聞震悼優詔賜卹贈太保入祀賢良祠核至京親臨賜奠設文恭伊鞏請祠祀允之特依順保鈕祜祿氏滿洲正白旗人由吉林前鋒長從征廓爾喀有功嘉慶中從長齡勦教匪屢破高天升馬學禮賜號安成額巴圖魯累擢甘肅西甯鎮總兵十八年從那彥成討滑縣教匪力戰數破賊克司寨殲首逆李文成克滑縣執賊渠子雲騎尉世職移勦陝西三才峽匪事平擢黑龍江將軍調烏里雅蘇臺將軍塔爾巴哈台參贊大臣葉爾羌辦事大臣召授正白旗蒙古都統張格爾之亂命赴阿克蘇尋署甘肅提督兼西甯辦事大臣歷綏遠城黑龍江甯夏西安將軍調伊犁承玉麟之後休息邊氓撫馭夷部巴爾楚克諸地屯田漸興酌撤防兵在任五年邊疆無事道光十八年入覲詔嘉其治邊措施悉當加太子太保授內大臣留京供職尋授領侍衛內大臣二十年病請解職未幾卒賜卹如例論曰回疆之役削平易而善後難長齡持重於始老成之謀那彥成力祛積弊

善矣而操切肇釁未竟厥功玉麟以樞臣自請治邊補救綢繆西陲乃得又安無事紫閣銘勳蓋非倖已

清史稿

列傳一百五十四

九

清史稿

列傳一百五十五

楊芳

武隆阿

慶祥

璧昌

楊芳字誠齋貴州松桃人少有幹略讀書通大義應試不售入伍充書識楊遇春一見奇之薦補把總從征苗匪戰輒摧鋒洊擢台拱營守備嘉慶二年從額勒登保勦教匪敗張漢潮於南漳賜花翎轉戰川陝常充偵騎深入得賊情地勢額勒登保連破劇寇賴其嚮導之力四年殲冷天祿於人頭堰大軍追餘賊芳以九騎前行至石筍河見賊數千爭渡後逼陡崖左右無路芳遣二騎回報自將七騎大呼馳下賊驚潰陷淺洲中其先渡者無由回救五舟離岸羣賊蟻附舟重每發一矢獲一舟五發五覆俄楊遇春穆克登布至浮馬渡追擊賊盡軍中稱為奇捷連擢平遠營都司下江營游擊兩廣督標參將五年楊開甲張

清史稿

列傳一百五十五

一

天倫趨維南芳以千騎扼東路繞出賊前賊折而西黎明追及見馬蹟中積水猶湍急馳之甫轉山灣見賊擁塞平川芳率數十騎衝突後騎至乘勢蹂躪賊倉卒奔潰禽斬無算賜號誠勇巴圖魯擢廣西新泰協副將尋從穆克登布擊伍懷志連敗之成縣階州賊渡白水河窺四川龍安旁入老林冒雨追擊及之於磨刀石手刃十餘賊傷足墜馬徒步殺賊復傷臂射傷伍懷志大軍乘之大破賊眾仁宗聞而嘉之詔問傷狀六年再學勝趨甘肅借札克塔爾要擊於固原賊反奔芳輕騎摧其後隊又敗之於漢江南岸賊由平利走洵陽時張天倫踞高唐嶺芳破之餘賊與學勝合東出楊柏坡芳先至設伏敗之而李彬苟文明高見奇姚馨佐合竄平利彬走南江天倫隨之見奇馨佐入甯羌額勒登保自追之屬芳以南江之賊擊天倫禽其黨張良祖馬德清劉奇復破見奇馨佐於桂門關追及黑洞溝禽其黨辛斗擢陝西甯遠鎮總兵又敗李彬於太平賊乘老弱逸獲彬妻及其悍黨冉天璜七年苟文明犯甯陝其黨劉永受宋應伏分布秦嶺北芳由五郎口進殲應伏之眾過半永受遁為寨民所殺文明尋亦

授首額勒登保入楚檄芳勦陝境餘匪先後禽郭士嘉苟文學等賊黨潰散八年總督惠齡檄芳還勦南山賊芳由洵陽深入冒雨捫崖攀葛獨難無遺遂大搜秦嶺南北陝西賊垂盡忽有李彪者自太白山突出合苟文明潤擾洋縣芳截勦勿及坐奪翎頂賊逼川境德楞額泰至令芳歸防山內苟文明餘黨自竹谿竄陝芳嚴守漢江却之復翎頂是年秋三省悉平凱撤諸軍甯陝鎮標皆選鄉勇精銳充伍凡五千人號新兵芳畷之素寬十一年芳代楊遇春署固原提督去鎮副將楊之震攝以包穀充糧又鹽米銀未時給眾鼓噪營卒陳達順陳先倫遂倡亂戕之震其黨蒲大方護芳家屬出而復從賊芳聞變馳赴石泉詔德楞泰率楊遇春等討之秋賊大掠洋縣留壩營眾盈萬推大方為魁攻孝義窺子午谷圍鄠縣急芳馳救鏖戰終夜傷臂且日賊辨為芳自引去遇春督諸軍戰於方柴關不利芳與遇春計賊尙感舊恩可勸諭單騎入賊曉以順逆利害猶強與語數年共生死情罄淚俱下眾感泣願降遂宿賊壘大方縛達順先倫以獻復率大方追斬不聽命者朱貴等數百人乃定德楞泰疏請降兵歸伍

清史稿

列傳一百五十五

二

被譴責大方等二百餘人免死伊成程芳坐馭兵姑息亦褫職遣戍明年釋還以守備千總用十五年授廣東右翼鎮總兵調陝西西安鎮母憂去官十八年服闋入都至河南會教匪李文成踞滑縣總統那彥成留之勦賊授河北鎮總兵偕楊遇春克道口進薄滑縣巡撫高杞有兵六千與總統不協戰不力芳說杞盡領其眾文成走踞輝縣司寨偕特依順保追擊之賊死關芳手刃退卒大捷以火攻破礮樓文成自焚死子雲騎尉世職大兵墜地攻滑城賊多方禦之歷四十日不得下芳復於西南隅穿穴深入九日而成地雷發城圯殄賊二萬餘滅功優叙調西安鎮移師勦平三才峽匪復勇號調漢中鎮二十年擢甘肅提督道光初歷直隸湖南固原提督六年回疆軍事急芳自請從征許之十月會軍阿克蘇柯爾坪為要衝芳先進一鼓破之焚回莊斬賊酋伊噶及安集延偽帥約勒達什大軍無阻七年二月偕參贊楊遇春武隆阿進師三戰皆捷抵喀什噶爾渾河北合擊大破之遂復其城率兵六千趨和闐三月戰於昆拉滿分軍繞賊後夾擊禽賊酋噶爾勒復和闐加騎都尉世職授乾清門侍衛張格

爾已遁命楊遇春借芳出卡掩捕芳軍阿賴檄諸夷部轉獻芳言賊遁愈遠道險餉艱請夷資實妄報不足信至秋詔班師會芳追博巴克達之衆入險遇伏數戰始拔全軍出協領都清阿死之遇春先入關芳代爲參贊遣黑回用間言大兵全退張格爾侯歲將除率五百騎來襲中途覺而反奔芳急馳一晝夜追及於喀爾鐵蓋山殲其從騎殆盡餘賊擁張格爾登山棄騎走芳率胡超段永福等禽之錫封三等果勇侯賜紫帽雙眼花翎晉御前侍衛賜其子承注舉人張格爾械京伏誅加太子太保九年入覲晉二等侯加太子少傅十年浩罕安集延復擒喀什噶爾葉爾羌等城借長齡往勦仍爲參贊兵至賊已遁疏言移城屯田事下長齡等議行尋回鎮十三年四川清溪越嶲邊諸夷叛提督桂涌卒於軍以芳代之至則清溪越嶲皆平進攻邊賊巢斬其酋十二姓熟夷皆降山內獠夷亦就撫與按察使花木籌治善後晉一等侯逾年請夷復時出擾降二等侯候御前侍衛以甘肅總兵候補引疾歸十六年起爲湖南鎮守總兵撫定變兵歷廣西湖南提督二十年海疆事起定海既陷琦善赴廣東議撫

清史稿

列傳一百五十五

三

英吉利要挾攻奪噶臺二十一年春命奕山爲靖逆將軍芳及隆文爲參贊率師防勦奕山等不知兵惟倚芳先至廣州英兵入犯虎門烏涌提督關天培戰死敵兵逼省城嚴備守禦芳見兵不可恃而洋商久停貿易亦願休戰美利堅商人居間請通商詔不許又借巡撫怡良疏請准港脚商船貿易詔斥有意阻撓怠慢軍心嚴議奪職改留任奕山至戰亦不利四月英艦退收復噶臺奕山等遂請班師芳以老病乞解職溫諭慰之命回湖南本任二十三年許致仕在籍食全俸二十六年卒於家詔念前勞賜金治喪依例賜卹予其諸孫官有差謫勤勇子承注先卒孫恩科襲侯爵芳自勦三省教匪動名亞於楊遇春至回疆之役以生禽首逆先封侯繪像紫光閣論功超列遇春上漢臣同列者凡九人署固原提督胡超貴州提督余步雲直隸提督齊慎安徽壽春鎮總兵郭繼昌陝西西固營都司段永福陝西馬兵升甘肅雷遠堡守備楊發陝西馬兵升撫標左營守備田大武發大武並從禽張格爾以伍卒躋列異數也胡超四川長壽人初讀書應試不售入伍從征苗疆有功嘉慶中川楚陝教匪起率鄉勇

轉戰屢殲悍賊以勇健名案擢都司坐事奪職入都考充國史館供事十八年林清逆黨犯禁城手殺數賊大學士勸保薦赴河南軍營從楊遇春勦賊單騎入賊壘與數十賊搏戰殲其二率旗而出又敗賊於中市率勁騎前驅克道口復原官克滑城禽賊首上功居最十九年從遇春平三才峽匪殲賊目麻大旗劉二禽龔貴等賜號勁勇巴圖魯累擢陝西循化營參將道光元年從征叛番戰博洛托亥烏蘭哈達皆捷夜襲凍雪嶺賊帳擢甘肅永昌協副將駐防西南六年回疆事起楊遇春檄赴軍從楊芳攻柯爾坪先破賊於和色爾湖次日攻北莊持矛步戰殺賊過半陣斬賊首伊爾加總兵銜七年連戰皆捷抵渾河賊夜來與擊敗之遂渡河薄賊壘賊大潰四城既復追和崗逸賊出卡至瑪雜敗之截擊於新地溝盡殲其衆擢四川重慶鎮總兵是年冬追張格爾至喀爾鐵蓋山舍騎步躡山巔張格爾窮蹙欲自剄超與段永福奪其刀生縛之予騎都尉世職授乾清門侍衛與功臣宴御製贊有雄勇超羣名實克稱之褒歷署古北口固原提督授甘肅提督十年浩罕安集延復犯邊超率兵四千馳勦至英

清史稿

列傳一百五十五

四

吉沙爾賊已遁遂解喀什噶爾圍分兵追薩漢莊竄匪俘戮殆盡凱旋調固原提督十六年入覲命在御前行走二十一年命率兵二千赴山海關駐防尋以浙江海防急授參贊大臣赴援未行留防天津從郡王僧格林沁視直隸山東海口防務逾年撤防歸伍尋調甘肅提督二十六年以四甯番叛調援不力職仍留騎都尉乞病歸食半俸二十九年卒齊慎河南新野人以武生率鄉團擊楊遇春甚器之嘉慶十八年滑縣亂檄慎從征賊踞道口遇春初至直前搏戰慎從之賊氣奪入巢明日慎獨破賊於衛河西岸賊掠中市率騎斷其歸路夾擊毀浮橋遂克道口破桃源集援賊進薄滑縣駐營未定賊萬餘由西北門出來犯力戰相持竟夜連明城賊二千餘復出慎躍馬衝賊陣中斷乃大潰又破賊新鄉牛市首逆李文成走踞司寨慎由淇縣大廟山右進鏖戰白土岡會攻司寨克之自道口至此凡十三戰叙功最賜號健勇巴圖魯克滑城先登受傷擢副將遂從遇春平三才峽匪授神木協副將歷西安陝安兩鎮總兵道光

元年擢甘肅提督二年西甯插帳番擾河北慎率本標兵迭戰於烏蘭哈達哈
 錫山落它灘禽斬數百番衆乞降放還河南詔褒獎被珍寶六年從征回疆長
 齡令充翼長駐守阿克蘇父喪留軍特奇里克愛曼布魯特助逆擾烏什慎戰
 廢捷禽其酋庫爾魯克七年出哈爾德卡倫駐倭胡素魯遇賊內犯事平調古
 北口提督改號強謙巴圖魯十二年病歸起授甘肅提督調四川十七年平雷
 波叛夷調雲南復調四川二十一年命率川兵五百赴廣東參贊靖逆將軍奕
 山軍務守佛山鎮楊芳病移守省城會罷戰二十二年赴湖北勦崇陽亂民未
 至已定命赴浙江會辦揚威將軍奕經軍務駐上虞扼曹娥江移防江蘇鎮江
 英兵來犯力戰却敵城卒陷退守新豐山奔經先後被譴憤奪職留任回四
 川二十四年出閱伍卒於馬邊贈太子太保諡勇毅郭繼昌直隸正定人以行
 伍從慶成勦教匪於襄陽繼從恒瑞入川擊羅其清冉文燾等於龍鳳坪殲冉
 文富於馬鞍山功皆最又赴陝甘勦張漢湖擢龍固營都司累遷陝西宜君營
 參將道光元年赴喀什噶爾換防授定邊協副將調安西協六年換防葉爾羌

清史稿

列傳一百五十五

五

抵阿克蘇值亂起駐守托什罕擊敗渡河賊協領都倫布被圍繼昌兵少不能
 救借調額爾古倫騎隊三百夜率馳往突賊營殲其酋庫爾班素皮追及河上
 禽斬千餘擢總兵賜號幹勇巴圖魯七年從大軍戰大河拐夜襲賊營破之從
 復喀什噶爾城追賊至塔里克達坡分兵繞山後狙擊賊營潰授壽春鎮總兵
 調陝西延榆綏鎮十年再赴喀什噶爾勦餘孽還署固原提督十七年調廣東
 陸路提督泊海防急往來廣惠間籌守禦二十一年以勞卒段永福陝西長安
 人原籍四川以鄉勇從征教匪積功至千總嘉慶十八年滑縣教匪起從楊遇
 春轉戰直隸河南克道司乘復滑縣皆有功復從遇春勦陝西郿縣賊率騎
 兵追至柏楊嶺殲賊目麻大旗劉二於陣累擢甘肅張義營都司道光七年從
 楊芳征回疆洋阿爾巴特沙布都爾阿瓦巴特三戰皆力賜號利勇巴圖魯張
 格爾就禽於喀爾鐵蓋山永福從胡超步上山嶺直前奪其刀手縛之予騎都
 尉世職擢參將歷甘肅永固協副將陝西甯夏鎮總兵調貴州安義鎮二十年
 命赴廣東防海英吉利兵艦初至永福扼虎門嚴擊退之二十二年命赴浙江

佐揚威將軍奕經軍審波鎮海已陷令永福分路往攻漏師期他路先挫永福
 師不得進遂無功擢廣西提督未赴調浙江未幾卒諡勇毅

武隆阿瓜爾佳氏滿洲正黃旗人提督七十五子嘉慶初以健銳營前鋒從征
 湖北教匪後隨父勦賊四川功多累擢副都統七十五以病去武隆阿代領所
 部留川為勒保所忌父喪乃還京十年授廣州潮州鎮總兵時海盜充斥仁宗
 以武隆阿勇敢故使治之既而總督那彥成招降盜首李崇玉子四品銜守備
 翁而以武隆阿捕獲聞事覺坐降二等侍衛赴臺灣軍營効力十一年借王得
 祿等擊蔡牽於鹿耳門敗之還頭等侍衛授臺灣鎮總兵二十五年母憂回旗
 尋充喀什噶爾參贊大臣道光元年疏陳八旗生計請以綠營兵半為旗額由
 駐防子弟挑補詔斥奏言亂政降二等侍衛調西甯辦事大臣三年召還授內
 閣學士出為直隸提督授江西巡撫調山東六年臺灣奸民張丙作亂詔武隆
 阿往督師未行而回疆亂急授欽差大臣與楊遇春同參贊揚威將軍長齡軍
 務率吉林黑龍江騎兵三千出關七年二月戰於洋阿巴特武隆阿將右軍扼

清史稿

列傳一百五十五

六

其前賊敗走追至排子巴特又敗之進克沙布都爾回莊乘勝至渾水河悍賊
 數千來接迎擊破之斬其酋色提巴爾第等進次阿瓦巴特賊伏精銳以待遣
 廟師挑戰伴敗武隆阿整隊進以連環槍擊別遣藤牌軍由山谷間道衝山
 賊馬驚却走伏賊自林中出不復成列縱擊之殲賊萬餘斬其酋阿瓦子邁底
 那爾巴特阿渾等捷聞加太子少保賊壘踞渾河南岸列大礮山穴死守以拒
 武隆阿軍至不得進日暮借楊遇春乘風潛渡上游襲賊後賊數進數退卒不
 支始潰走遂復喀什噶爾城張格爾聞敗先遁詔斥將軍參贊不能生致首逆
 並被譴奪武隆阿官銜責禽張格爾以自贖武隆阿病留喀什噶爾參
 贊大臣詔詢善後方略長齡請以逆裔阿布都哈里管西四城回部事武隆阿
 亦疏言留兵少則不敷戰守留兵多則難繼度支前此大兵進剿幸克捷迅速
 奸謀始息臣以為西四城環逼外夷處處受敵地不足守人不足臣非如東四
 城為中路不可少之保障與其糜有用兵餉於無用之地不如歸并東四城省
 兵費之半即可鞏如金甌似無需更守此漏卮詔切責其附和長齡會謀報張

格爾潛居達爾瓦武隆阿率師往擊之待衛色克精阿等歿於陣上愈怒議革職從寬留任尋以病亟請解職允之命在喀城調理病愈仍署原官八年張格爾就禽免前後吏議尋實授喀什噶爾參贊大臣奏招撫歸順部落額提格訥布魯特安置依劣克達坂地詔以受降易安撫難勉之召回京九年陝甘兵凱撤給鹽糧銀依內地防軍舊例軍士意不滿譁噪那彥成疏言武隆阿戰陣勇敢而多疑少斷未洽人心陝軍器爭實其意存節省拘泥成例所致慮不勝參贊任及至京召對語復掩飾降頭等侍衛尋充和闐辦事大臣十年召還逾年卒武隆阿回疆戰功與二楊相埒以言棄地獲譴未膺優賞宣宗念前勞仍列功臣繪像紫光閣八旗諸將同列者都統威勇侯哈喇阿護軍統領阿勒罕保庫爾烏蘇領隊大臣副都統巴哈布副都統蘇清阿阿克蘇辦事大臣副都統長清塔爾巴哈台參贊大臣達凌阿察哈爾都統安福頭等侍衛巴清德吉林副都統吉勒通阿喀什噶爾辦大臣副都統額爾古倫頭等侍衛塔爾巴哈台辦事大臣德勒格爾桑頭等侍衛華山秦甯夏副都統伊勒通阿吉林協

清史稿

列傳一百五十五

七

領壽昌黑龍江協領鄂爾克彥金凌阿黑龍江總管副都統舒凌阿伊犁察哈爾總管烏齊拉爾三等侍衛得勝額吉林佐領烏凌額德成額黑龍江佐領占布阿勒吉訥伊犁錫伯佐領德克精阿伊犁索倫副總管哈丹保伊犁錫伯馬甲防禦衛驍騎校訥松阿舒興阿而回子郡王伊薩克亦與焉哈喇阿瓜爾佳氏滿洲正黃旗人由世襲雲騎尉為伯父額勒登保嗣襲一等威勇侯授頭等侍衛乾隆門行走嘉慶十八年從勦滑縣教匪有功賜號繼勇巴圖魯二十一年曾御前侍衛兼副都統武備院卿歷護軍前鋒統領道光六年從長齡赴回疆充領隊大臣將騎兵連戰洋阿爾巴特沙布都爾阿瓦巴特禽安集延頭目阿瓦子邁瑪底等復喀什噶爾禽逆屬及從逆伯克阿布都拉安集延頭目推立汗從楊芳破玉努斯於昆拉滿復和闐擢鑲紅旗蒙古都統八年檄送張格爾至京獻俘闕下禮成賜蟒袍大緞十年喀什噶爾復被圍授參贊大臣從長齡視師至則賊已遁命借楊芳察各城戰守及回衆助逆者捕誅百餘人被脅免罪獎賞有功並如議行留回疆駐守訓練中兵十二年浩罕遣使進表送

還所掠回民率貿易人進卡哈喇阿受之宣示通商免稅恩詔賜子筵宴事畢還京臺灣匪起授參贊大臣借將軍副都統松額往勦未至事平旋師十五年命赴山陝閱兵擢領侍衛內大臣尋以閱兵不慎降二等侍衛累遷都統二十一年海疆戒嚴駐防山海關復授參贊大臣借奕經赴浙江防勦未幾仍回山海關防守和議成回京授領侍衛內大臣二十五年以病請解職食俸全俸二十九年卒贈太子少保諡剛恪子那銘係榮全襲爵榮全官至副都統自有傳巴哈布伍彌特氏蒙古正黃旗人以健銳營前鋒藍翎長從征教匪又赴臺灣勦賊累遷前鋒參領以克滑縣功授右翼翼長擢鎮藍旗蒙古副都統道光五年出為哈喇沙爾辦事大臣六年率土爾扈特和碩特蒙古兵援阿克蘇賊潛渡渾巴什河犯阿城迎擊殲其渠庫爾班素皮被優叙借提督達凌阿接烏什敗賊於沙坡樹窩尋撤蒙古兵自請留軍前七年和闐回衆縛賊會乞降往撫之洋阿巴特之戰借哈喇阿率勁騎進擊所向披靡沙布都爾阿瓦巴特連戰皆力署葉爾羌幫辦大臣凱旋子雲騎尉世職九年授塔爾巴哈台參贊大臣十

清史稿

列傳一百五十五

八

二年召還京尋擢江甯將軍治軍有聲十七年卒於官優卹諡勤勇長清鈕祜祿氏滿洲鑲紅旗人內大臣策楞係副都統特成額子也以廕生入貫銓授兵部主事累遷郎中嘉慶二十四年出為廣西左江道母憂去官仍為兵部郎中道光五年加副都統銜充阿克蘇辦事大臣六年張格爾入寇西四城相繼陷長清截留各城換防又發銅廠錢局官兵扼渾巴什河參將王鴻儀戰歿於都齊特賊糾衆五六千自葉爾羌來犯屢撲渡皆擊退距城百餘里波斯圖拉哈爾塔兩地多朵蘭回莊附近抗拒分兵進勦賊復由托什罕渡河隔城二十里長清令數十騎馳揚塵鼓噪東來賊疑大軍至退走河南乃進軍渡河結營賊來攻逆敗之禽斬千餘賊始不敢窺河北阿克蘇城小擴開廂開濠築壘為外郭民回安堵遣兵五百助守烏什為犄角東四城恃以無恐宣宗初慮長清未諳軍事命特依順保往領其職而長清副之猶未至至是詔嘉長清防勦深合機宜賜花翎子優叙遂寢前命大軍進討滿漢兵三萬數千皆集阿克蘇長清置局供支餉輸錢增驛規畫甚備授鑲白旗蒙古副都統仍留任七年四

城復詔長清於大軍未到力捍孤城厥功甚偉予雲騎尉世職擢其子富春爲主事八年疏言長齡議於阿克蘇添兵一千柯爾坪添兵五百柯爾坪距阿城三百里回衆數萬兵少無益請歸并阿克蘇練成勁旅可以總治兩路所屬乃塔爾達巴罕及阿爾通霍什皆有小路可通伊犁請並封禁從之張格爾就禽械送至京予優叙十年喀什噶爾諸城復告警容安率伊犁兵赴援命至阿克蘇與長清會商進兵疏請分兵和闐烏什待哈豐阿胡超兩路兵至進勦詔斥容安畏葸長清並下嚴議尋原之降二等侍衛仍留任十二年加提督銜充葉爾羌辦事大臣馭夷開屯措施並稱職十四年授烏魯木齊都統逾年召回京尋授福州將軍加太子太保十七年卒晉太子太傅賜金治喪諡勤毅達凌阿佟佳氏滿洲鑲黃旗人以健銳營前鋒從永保勦湖北教匪繼隨楊遇春戰川陝數有功累擢靜甯協副將署西安鎮總兵三才峽匪起率兵四百禦之勝峪八里坪大敗其衆追尤九餘黨至黑水峪攻克之又敗之傅家河擊萬五於辛峪口連敗之萬五率殘卒遁尋就禽加總兵銜擢巴里坤總兵調西安鎮道光

清史稿

列傳一百五十五

九

二年擢烏魯木齊提督六年率兵四千援阿克蘇軍次庫車遣錫伯兵扼柯爾坪分守庫車烏什九月與賊夾渾巴什河而軍持數日賊分走烏什借巴哈布迎擊敗之於阿拉爾追至沙坡樹窩破伏賊其自托什罕渡河者方圍協領都倫布營遇副將郭繼昌援路達凌阿還軍馳救奮擊敗之賊爭渡死者相藉河水爲之不流迨長齡至河北已無賊被優叙七年從大軍三戰復喀城駐守葉爾羌署辦事大臣子雲騎尉世職是年秋間邊警調防烏什張格爾就禽回本鎮歷塔爾巴哈台參贊大臣西安將軍十年卒優卹諡武壯哈豐阿富察氏滿洲鑲黃旗人嘉慶初以健銳營前鋒從勦襄陽教匪轉戰川陝累遷前鋒侍衛搜捕南山餘匪甚力事平授貴州定廣協副將擢威寧鎮總兵歷浙江處州陝甘涼州漢中諸鎮道光八年擢烏魯木齊提督十年回疆復警命馳赴阿克蘇偕長清防勦十一月進攻葉爾羌賊營潰潛伏哈拉布扎什軍臺分道要擊破之進圍黑色爾禽其酋巴拉特乘勝至英吉沙爾喀什噶爾圍亦解予雲騎尉世職賜號進勇巴圖魯初詔哈豐阿倍道馳援葉爾羌聽容安計繞道和闐

失期議奪職原之責償軍費十之二仍留任擢廣州將軍疏請鑄巨砲百選精銳五百人嚴守望以重海防十四年英吉利兵船二號稱護商入廣州海口縱礮擊之船停黃浦調兵建圍制其出入英曾謝罪事迺解調黑龍江將軍舉發御前大臣高克鼎屬託私書詔獎其持正授內大臣加太子少保請添練馬隊增置官吏補助布特哈生計並允行調西安將軍二十年卒諡愨勤慶祥圖博特氏蒙古正白旗人大學士保甯子授藍翎侍衛嘉慶十三年襲三等公爵授散秩大臣鑲白旗蒙古副都統兼正藍旗護軍參領尋授理藩院侍郎調工部十八年率京營兵從那彥成勦滑縣教匪凱旋擢正黃旗漢軍都統歷熱河烏魯木齊都統二十五年授伊犁將軍八月逆回張格爾優喀什噶爾官軍勦捕乃引去參贊大臣斌靜以聞不言釁由宣宗疑之命慶祥往勘得斌靜縱容家奴凌辱伯克交通姦利狀擬速論罪疏陳善後六事又密請驅廢浩罕部落許遣使入覲以安夷心詔俞之道光五年夏張格爾復擾邊內地回戶多與通習辦大臣巴彥巴圖率兵出塞掩之不遇即縱殺游牧布魯特而還其

清史稿

列傳一百五十五

十

曾汰列克追獲官軍於山谷賊遂猖獗參贊大臣永芹職命慶祥代之慶祥至誤信奸回阿布都拉反爲賊耳目六年夏張格爾遣其黨赫爾巴什潛赴綽勒薩雅克愛曼糾合夷衆復令奇比勒迪至巴雅爾開渠占地遣兵禽斬之張格爾率衆五百由開齊山路突至回城拜其先和卓木之墓回人所謂瑪雜也慶祥令幫辦大臣舒爾哈善及領隊大臣烏凌阿往勦夜雷雨張格爾潰圍走自帽回衆紛起應之張格爾復由大河沿合衆數萬進犯喀城慶祥盡調各營卡兵爲三營令烏凌阿穆克登布分率之迎戰先後沒於陣先是張格爾求助於浩罕約四城破分所掠且割喀城以報及見官軍無援悔欲背約浩罕曾怒自以所部攻城未下尋引去張格爾追擊之收其降衆數千遂益強八月圍喀城凡七十日城陷慶祥自經死事聞贈太子太保晉封一等公兼雲騎尉世職以子文輝嗣贈壯直祀昭忠祠逾年回疆平詔於喀什噶爾建昭忠祠祀之舒爾哈善烏凌阿穆克登布俱從祀御製憫忠詩勒諸石八年張格爾伏誅命其子文輝看視行刑捕心於墓前致祭舒爾哈善葛哲勒氏滿洲鑲白旗人以驍

騎校從征川陝教匪有功子巴圖魯勇號崇擢布特海烏拉協領克滑縣加副都統銜坐事褫職道光初子三等侍衛充庫爾喀喇烏蘇領隊大臣六年張格爾入犯調喀什噶爾幫辦大臣與賊戰身先士卒受槍傷仍磨兵前進殺數百人城陷被戕子騎都尉世職烏凌阿瓜爾佳氏滿洲鑲白旗人山前鋒從征教匪累擢頭等侍衛道光三年授伊犁領隊大臣正紅旗蒙古副都統六年賊逼喀城慶祥檄令回援遇賊於渾河力戰至陣贈都統銜諡莊武子騎都尉雲琦尉世職穆克登布李氏滿洲鑲紅旗人伊犁駐防由委前鋒校累擢協領道光元年慶祥密令誘捕張格爾於托雲山內獲其黨蒙達拉克等子議叙二年充庫爾喀喇烏蘇領隊大臣調伊犁五年率兵至喀什噶爾駐防圖舒克塔什卡倫張格爾犯喀城撤兵回戰於七里河死之贈都統銜諡壯節子騎都尉兼雲騎尉世職多隆武烏素爾氏滿洲鑲白旗人山筆帖式補驍騎校累擢協領道光四年加副都統銜充葉爾羌幫辦大臣六年喀什噶爾被圍急遣兵赴援賊由阿色爾布依岳坡爾湖而南分兵防禦奸回阿布都拉等潛通賊

清史稿

列傳一百五十五

十一

多隆武盡誅之喀英兩城相繼陷賊越葉爾羌參將吳亨佑扼單板橋戰歿遂由黑子鋪入防師盡燬回兵半為賊酋伊犁道梗不能救葉城乃陷多隆武死之依都統例賜卹於葉爾羌建專祠子騎都尉兼雲騎尉世職葉爾羌辦事大臣印登英吉沙爾領隊大臣蘇倫保和崗領隊大臣奔淵幫辦大臣桂斌同殉難追論死事諸臣並贈卹有差惟喀什噶爾幫辦大臣巴彥巴圖坐濫殺陷師奪其卹典

壁昌字東垣額勒德特氏蒙古鑲黃旗人尚書和瑛子由工部筆帖式銓選河南陽武知縣改直隸嶽強擢大名知府道光七年從那彥成赴回疆佐理善後壁昌有吏才以父久官西陲熟諳情勢事多倚辦九年擢頭等侍衛充葉爾羌辦事大臣壁昌至官於奏定事宜復有變通清出私墾地畝新糶萬九千餘石改徵折色撥補阿克蘇烏什喀喇沙爾俸餉餘留葉城充經費以存倉二萬石定為額貯歲出陳易新於是倉庫兩益葉爾羌喀拉布札什軍臺西至英吉沙爾察木倫軍臺中隔戈壁數十里相地改驛於黑色熱巴特增建軍臺開渠

水種甘肅士馬大便所屬塔塔爾及和沙瓦特兩地新墾荒田皆回戶承種奏免第一年田賦以恤窮氓新建漢城始與回城隔別百貨輻輳倍於往時以回城官房易新城南門外曠土葺屋設肆商民便之訪問疾苦聯絡漢回人心益定十年八月浩罕糾諸部寇邊圍喀什噶爾英吉沙爾兩城遂犯葉爾羌容安率援師遷延不至壁昌撫諭回酋同心守禦分扼科熱巴特亮噶爾諸要隘賊萬餘撲城迎戰於東門外擊破之賊宵遁詔嘉其援師未至之先即獲全勝加副都統銜尋授鑲黃旗漢軍副都統自九月至十一月賊復三次來犯迭擊敗走之最後賊攻城相持五日而哈豐阿援兵至賊望風遁追破之於哈拉布札什越數日進兵英吉沙爾而喀什噶爾之賊已飽颺出塞大軍至則無賊矣壁昌素得回衆心是役尤得阿克木伯克阿布都滿之助賴以戰守事定奏請仍襲其祖郡王封爵長齡王麟奉命會籌善後事盡諮於壁昌十一年擢參贊大臣改駐葉爾羌遂專回疆全局興喀拉赫依屯田招練民戶五百人修築築壩以牌博為界不侵回地凡墾屯地二萬二百四十畝十二年和闐回民塔瓦克

清史稿

列傳一百五十五

十二

戕伯克多拉特依斯瑪伊勒等為亂捕其黨盡誅諸法疏言長齡等奏增南路防兵三千屯巴爾楚克因其地築城未竣遂以二千人分屯葉喀二城二城形勝較巴爾楚克尤要請以暫時分屯之兵永為定額喀城更增綠營兵三千五百分屯七里河為犄角葉城增烏魯木齊滿洲兵五百綠營兵一千詔從之十三年召還京十四年復出為烏什辦事大臣歷涼州副都統阿克蘇辦事大臣察哈爾都統緣事降調充伊犁參贊大臣授陝西巡撫擢福州將軍二十三年署兩江總督尋實授英吉利和議初成壁昌奏設福州鎮水師總兵沿江形勢扼險設防請於五龍北固兩山及閩山關鵝鼻嘴修築礮臺礮臺是為籌江防之始言官請團練鄉兵以窒得無益奏寢其議准北已改票鹽御史劉良駒疏請推廣於淮南試行疏言其不便略謂淮南地廣引多價昂課重行銷之不齊堵緝之難易與淮北迥別釐戶成本不能驟減至三四倍民販更非一時可集而課項皆常年要需如改票議行應納課銀孰肯再繳應追積欠亦當豁除此後攤帶錢糧亦將盡停利猶未見害已先形為今之計但能肅清場鹽以杜偷

漏之源整飭口岸以廣行銷之路嚴禁浮濫以除在官之益顧惜成本以冀商
力之紓庶准漸有起色疏入如所請二十七年入覲留京授內大臣復出為
福州將軍數月以疾請回族咸豐三年粵匪北犯逼近畿命為巡防大臣四年
卒贈太子太保諡勤襄子恒福直隸總督孫錫珍同治七年進士由翰林院編
修歷官吏部尚書當壁昌初蒞葉爾羌實繼恒敬之後恒敬原名恒敏伊爾根
覺羅氏滿洲正藍旗人嘉慶初為四川打箭鑪同知治軍需糧餉有功擢綏定
知府累遷江甯布政使道光初授光祿寺卿充哈密辦事大臣大軍征張格爾
命督辦轉運錢糧增設臺站供軍無缺七年調烏什辦事大臣命赴喀什
噶爾辦善後授葉爾羌辦事大臣遷建新城於罕那里克勘墾官荒田歲增
糧供防兵二千口食復於西北隅墾荒地一百餘里水土肥饒疏請試墾壁昌
至始墾成八年乞病歸尋授正白旗漢軍副都統出為西甯辦事大臣十二年
卒

清史稿

列傳一百五十五

十三

論曰平定回疆多用川楚陝舊將百戰之餘以臨犬羊烏合摧枯拉朽旬月而
告功成何其易哉及後海疆事起授鉞分麾莫能禦侮蓋所當堅脆不同而勝
之不可以狃也楊芳一時名將之冠差知彼已晚伍庸帥依違召譏其以恩禮
終猶為幸焉慶祥心知危局身殉孤城壁昌力捍寇氛卒安邊徼回疆安危之
所繫也並著於篇

清史稿

列傳一百五十六

林則徐

鄧廷楨

林則徐字少穆福建侯官人少警敏有異才年二十舉鄉試巡撫張師誠辟佐
幕嘉慶十六年進士選庶吉士授編修歷典江西雲南鄉試分校會試遷御史
疏論福建閩安副將張寶以海盜投誠宜示裁抑以防驕蹇被嘉納未幾出為
杭嘉湖道修海塘興水利道光元年聞父病引疾歸二年起授淮海道未之任
署浙江鹽運使遷江蘇按察使治獄嚴明四年大水署布政使治賑尋丁母憂
命赴南河修高家堰隄工事竣回籍六年命署兩淮鹽政以未終制辭服闋補
陝西按察使遷江甯布政使父憂歸十年補湖北布政使調河南又調江甯十
一年擢河東河道總督疏陳積料為河工第一弊較親赴各廳察驗又言碎石
實足為埽工之輔應隨宜施用十二年調江蘇巡撫吳中漕饒奏免通賦籌撫
郵前在藩司任議定賑務章程行之有效至是仍其法宿弊一清賑饒乃籌積

清史稿

列傳一百五十六

一

穀備荒清釐交代盡結京控諸獄考覈屬吏疏言察吏莫先於自察必將各屬
大小政務逐一求盡於心然後能以驗羣吏之盡心與否如大吏之心先未真
徹何從察其情偽臣惟持此不敢不盡之心事事與僚屬求實際昭嘉之勉以
力行先是總督陶澍奏濬三江則徐方為臬司綜理其事旋以憂去至是黃浦
吳淞工已竣則徐力任未竟者劉河工最要撥帑十六萬五千有奇白茆次要
官紳集捐十一萬兩同時開濬以工代賑兩河舊皆通海易淤且鑿河工鉅改
為清水長河與黃浦吳淞交匯通流各於近海修開建壩潮沙不能壅入
內河漲則由壩洩出歸海復就原河逢淤取直節省工費三萬餘兩用濬附近
劉河之七浦河及附近白茆之徐六潭東西護塘諸河又濬丹徒丹陽運河實
帶橋柳澱諸工以次興舉為吳中數十年之利兩署兩江總督十七年擢湖廣
總督荆襄歲罹水災大修隄工其患遂引整頓鹽課以減價敵私無成效專嚴
緝私之禁銷數大增湖南鎮守兵悍數眾巡閱撫取密屬總兵楊芳擢為提
督移駐辰州慎固苗疆屯防十八年鴻臚寺卿黃爵滋請禁鴉片烟下中外大

臣議則徐請用重典言此禍不除十年之後不惟無可籌之餉且無可用之兵
宣宗深聽之命入覲召對十九次授欽差大臣赴廣東查辦十九年春至總督
鄧廷楨已嚴申禁令捕拿烟犯洋商查順先避回國則徐知水師提督關天培
忠勇可用令整兵嚴備檄諭英國領事義律查繳烟土驅逐船呈出烟土二
萬餘箱親莅虎門驗收焚於海濱四十餘日始盡請定洋商夾帶鴉片罪名依
化外有犯之例人即正法貨物入官責其甘結他國皆聽命獨義律枝梧未從
於是閱視沿海礮臺以虎門為第一門戶橫嶺山武山為第二門戶大小虎山
為第三門戶海道至橫嶺分為二支右多暗沙左經武山前水深洋船山之出
入關天培創議於此設木排鐵練二重又增築虎門之河角礮臺英國商船後
至者不敢入義律請令赴澳門載貨賣烟私販嚴斥拒之滑治尖沙坳外洋
會有英人毆斃華民抗不交犯遂斷其食物撤買辦工人以困之七月義律藉
索食為名以貨船載兵犯九龍山礮臺將賴恩爵擊走之疏開帝喜悅報曰
既有此舉不可再示柔弱不思卿等孟浪但戒卿等畏葸御史步際桐言出結

清史稿

列傳一百五十六

二

徒盧文則徐以彼國重然諾不肯出結愈不能不向索取持之益堅義律洩
澳門洋會轉回願令載烟之船回國貨船聽官查驗九月商船已具結進口義
律遣兵船阻之開礮來攻關天培率游擊麥廷章奮擊敗之十月又犯虎門官
涌官軍分五路進攻六戰皆捷詔停止貿易宣示罪狀飭福建浙江江蘇嚴防
海口先已授則徐兩江總督至是調補兩廣府尹曾望顏請罷各國通商禁漁
船出洋則徐疏言自斷英國貿易他國喜此盈彼絀正可以夷制夷如概與之
絕轉恐聯為一氣粵民以海為生概禁出洋其勢不可終日時英船寄碇外洋
以利誘奸民接濟銷烟二十年春令關天培密裝礮械雇漁船蛋戶出洋設伏
候夜順風縱火焚燬附夷匪船接濟始斷五月再焚夷船於磨刀洋謀知新來
敵船揚帆北嚮疏請沿海各省戒嚴又言夷情詭譎若逕赴天津求通貿易請
優示懷柔依嘉慶年間成例將遞詞人由內地送粵六月英船至廈門為閩浙
總督鄧廷楨所拒其犯浙者陷定海掠甯波則徐上疏自請治罪密陳兵事不
可中止略曰英夷所據在粵而滋擾於浙難變動出於意外其窮蹙實在意中

惟其虛偽性成愈窮蹙時愈欲顯其桀驁試其恫喝甚且別生秘計冀售其奸
一切不得行仍必帖耳俛伏第恐讓者以為內地船礮非外夷之敵與其曠日
持久不如設法驅除抑知夷情無厭得步進步威不能克思無已時他國紛紛
效尤不可不慮因請載罪赴浙隨營自効七月義律至天津投書總督琦善言
廣東燒烟之釁起自則徐及鄧廷楨二人索價不與又遭詬逐故越境呈訴琦
善據以上聞上意始動時英船在粵窺伺復連敗之蓮花峯下及龍穴洲捷書
未上九月詔曰鴉片流毒內地特遣林則徐會同鄧廷楨查辦原期肅清內地
斷絕來源並未斷絕沿海各省紛紛徵調糜餉勞師皆林則徐等辦理不善之
所致下則徐等嚴議飭即來京以琦善代之尋議革職命仍回廣東備查問差
委琦善至義律要求賠償烟價廈門福州開埠通商上怒復命備戰二十一年
春予則徐四品卿銜赴浙江鎮海協防時琦善雖以擅與香港速治和戰仍無
定局五月詔斥則徐在粵不能德威並用覆卿銜遣戍伊犁會河決開封中途

清史稿

列傳一百五十六

三

奉命襄辦案決二十二年工竣仍赴戍而浙江江南師屢敗是年秋和議遂成
二十四年新疆興治屯田將軍布彥泰請以則徐綜其事周歷南八城潯水源
關溝渠墾田三萬七千餘頃請給回民耕種改屯兵為操防如議行二十五年
召還以四五品京堂候補尋署陝甘總督二十六年授陝西巡撫留甘肅備布
彥泰治叛番禽其酋二十七年授雲貴總督雲南漢回互圖焚殺歷十數年會
保山回民控於京漢民奪犯燬官署拆瀾滄江橋以拒饋道不能制則徐主止
分良莠不分漢回二十八年親督師往勦途中聞彌渡客回滋亂移兵破其巢
殲匪數百保山民聞風股栗縛犯迎師誅其首要散其脅從召漢回父老諭以
恩信遂搜捕永昌順甯雲州姚州歷年戕官諸重犯威德震洽邊境乃安加太
子太保賜花翎二十九年騰越邊外野夷滋擾遣兵平之以病乞歸逾年文宗
嗣位疊詔宣召未至以廣西逆首洪秀全稔亂授欽差大臣督師進勦並署廣
西巡撫行次潮州病卒則徐威惠久著南服賊聞其出皆震悚中道遺歿天下
惜之遺疏上優詔賜卹贈太子太傅諡文忠雲南江蘇並祀名宦陝西請建專

祠則徐才識過人而待下虛衷人樂為用所莅治績皆卓越道光之季東南困於漕運宣宗密詢利弊疏陳補救本原諸策上畿輔水利議文宗欲命籌辦而未果海疆事起時以英吉利最強為憂則徐獨曰為中國患者其俄羅斯乎後其言果驗

鄧廷楨字嶠筠江蘇江甯人嘉慶六年進士選庶吉士授編修屢分校鄉會試稱得士十五年授臺灣遺缺知府浙江巡撫蔣攸銜請留浙補甯波母憂歸服闋補陝西延安府歷榆林西安以善折獄稱平反韓城南鄭冤獄又全同州廢婦母子陝民歌頌傳播京師二十五年超擢湖北按察使權布政使沿江民田歷年沈沒而賦額仍在為民累悉請免之道光元年遷江西布政使以前在西安失察渭南令故出縣民柳全璧殺人罪罪誤奪職議戍軍臺宣宗知其無私特免道戍予七品銜發直隸委用尋授通永道四年擢陝西按察使遷布政使六年擢安徽巡撫自嘉慶時安徽多大獄風類兩郡俗尤悍常以兵定責繳兵械私藏尚多廷楨乃立限責成保長逾限及私造者置之法任吏皆得人刁悍

清史稿

列傳一百九十六

四

之風稍戢舊例州屬三人以上凶器傷人者極邊烟瘴充軍僉妻發配廷楨疏言悍俗誠宜重懲婦女顧名節多自殘求免或自盡傷生情在可矜請停其例遇水災親乘舟勘賑修復安豐塘考陂水門濬鳳陽沭河加築隄閘嚴緝捕屢獲劇盜以獲南河掘隄首犯陳端詔嘉獎治皖十載政尚安靜境內大和十五年擢兩廣總督鴉片烟方盛行漏銀出洋為大患十六年英吉利商人以登船載烟廷楨禁止不許進口猶泊外洋嚴旨驅逐沿海奸民勾結禁令猝難斷絕廷楨與提督關天培整備海防迭於大嶼山口急水洋獲蟹艇載銀鉅萬盡數充賞破獲烟煙私販十八年英船載屬番男婦五百餘人赴澳門居住驅令回國詔下禁烟議疏言法行於豪貴則小民易從令嚴於中土則外貨自絀十九年林則徐奉命至廣東廷楨與之同心協力盡獲壘船積烟焚之嚴私販之罪臨以兵威屢戰皆捷事詳則徐傳奸民因失業偏謗廷楨疏陳略曰臣緝懲鴉片三載於茲豪猾之徒刑僇通逃身家既失恐謗遂興查檢為希旨掩捕為貪功值伺為詭謀推鞠為酷罰誣以納賄目以營私譏建議為急於理

財嘗新例為輕於改律狂悖紛焚無非為烟匪洩憤詔慰勉之調兩江雲貴皆未赴閩防方急遂調閩浙總督購洋礮十四連閩以閩洋無內港臺礮建於海灘沙浮不固奏改為礮墩裝沙堆築外護以船募水勇飾商船出洋巡緝二十二年三月英船窺廈門遣提督程恩高等迎敵於梅林澳擊走之奸民勾通出洋運烟分責水陸師嚴緝遇即攻擊迭有殲禽六年敵船駛入廈門求通貿易阻之遂開礮來撲礮臺參將陳勝元守備陳光福奮擊斃其前隊數人發礮傷敵甚眾乃遁其分犯浙洋者陷定海廷楨率師赴勦行次清風嶺詔以閩防緊要止其赴浙遂駐兵泉州招募練勇疏言英船二十餘艘聚泊定海內地師船恐難驟近必改造堅大之船多配礮火間道而進方能制勝九月詔以廷楨等在粵辦理不善轉滋事端與林則徐同奪職二十一年琦善撤沿海兵備虎門失守復追論廷楨久任兩廣廢弛營務與則徐同成伊犁二十三年釋還尋予三品頂戴授甘肅布政使議請查荒地親往歷勘由銀州東盡洮隴西極酒泉得田一萬九千四百餘頃又番貢地一千五百餘頃甯夏馬廠地歸公一百餘頃

熟地升科荒者招墾詔嘉其勳復二品頂戴二十五年擢陝西巡撫署陝甘總督番匪擾蒙部遣兵邀擊於硫磺溝平之尋回任二十六年卒於官廷楨治行早為時稱屢蹟屢起宣宗知之深故卒用之績學好士幕府多名流論學不輟尤精於音韻之學所著筆記詩詞並行世子爾恒亦官至陝西巡撫自有傳當廷楨之去福建也適年英兵復至陷廈門遂窺臺灣總兵達洪阿偕臺灣道姚瑩屢却之及和議成同獲譴達洪阿字厚庵富察氏滿洲鑲黃旗人由護軍海摠總兵道光十五年調臺灣鎮十八年勦嘉義縣匪沈和等賜花翎加提督銜二十一年八月英兵船至雞籠海口達洪阿與姚瑩督兵禦之副將邱鎮功燃巨礮折其桅敵船衝礁破碎擒斬甚眾賜雙眼花翎九月敵船再至雞籠三沙灣復卻之勦平嘉義鳳山土匪予騎都尉世職二十二年敵船犯淡水彰化間之大安港欲入口達洪阿謀於姚瑩瑩曰此未可與海上爭鋒必以計殲之乃募漁舟投敵任鄉導誘令從土地公港入攔淺中流伏發大破之落水死者無算其竄入漁舟者擊斬殆盡詔嘉臺灣三次破敵達洪阿等智勇兼施大揚國

清史稿

列傳一百九十六

五

威賜號阿克達春巴圖魯加太子太保銜敵船游奕外洋乘間掩擊迭有俘獲遂不復至既而英師再陷定海浙江蘇軍屢挫乃議和英將漢鼎查訴稱臺灣所戮皆遭風難民達洪阿等冒功捏奏命總督怡良赴臺灣查辦至即傳旨革職逮問兵民不服勢洶洶達洪阿等撫慰乃散至京下刑部獄尋釋之予三等侍衛充哈密辦事大臣歷伊犁參贊大臣西甯辦事大臣二十六年偕陝甘總督布彥泰勦平黑錯寺番匪三十年授副都統咸豐元年從大學士賽尚阿勦賊居西破紫金山西南礮臺以病回京三年粵匪犯畿輔率八旗兵赴臨洛關進勦從欽差大臣勝保擊賊靜海四戰皆捷追至下西河副都統佟鑑天津知縣謝子澄陳亡詔斥達洪阿先退革職留營効力四年敗賊獻縣復原官尋追賊阜城受傷卒於軍贈都統銜子騎都尉兼一雲騎尉世職諡壯武姚瑩自有傳

論曰林則徐才略冠時禁烟一役承宣宗嚴切之旨操之過急及敵氛蹈瑕他犯遂遭譏屏斥論者謂粵事始終倚之加之操縱潰裂當不致此則徐瀕謫疏

清史稿

列傳一百五十六

六

陳自道光元年以來粵關徵銀三千餘萬兩收其利必防其害使以關稅十分之一製礮造船制夷已可裕如誠為遠論惟當時內治廢弛外情隔膜言和言戰皆昧機宜其禍豈能倖免哉鄧廷楨與則徐同心禦侮克保嚴疆若達洪阿姚瑩邵敵臺灣固由守禦有方亦因敵非專注朝廷皆不得已而罪之諸人卒皆復起而名節播宇內煥史冊矣

清史稿

琦善

伊里布

列傳一百五十七

宗室耆英

琦善字靜庵博爾濟吉特氏滿洲正黃旗人父成德熱河都統以先世格得理爾率屬歸附世襲一等侯爵琦善由廕生授刑部員外郎累遷通政司副使嘉慶十九年出為河南按察使歷江甯河南布政使二十四年擢河南巡撫河決馬營壩借尚書吳璥督工甫塞而俄封南岸又決奪職予主事銜留工尋授河南按察使調山東道光元年就擢巡撫父憂奪職任事襲侯爵捕治臨清教匪馬進忠又籌濟高家堰工費八十萬五年京察詔嘉其明幹有為能任勞怨加總督銜尋擢兩江總督兼署漕運總督時高堰屢決淤漕阻滯琦善請用盤運法並暫行海運如議行七年議改王家營舊減壩大濬正河尋以減壩堵合黃水倒漾復閉禦黃壩漕船倒塘灌放詔斥失機議革職寬之降授內閣學士尋復授山東巡撫九年擢四川總督十一年調直隸十六年協辦大學士十八年

清史稿

列傳一百五十七

一

拜文淵閣大學士仍留總督任琦善久膺顯寄為宣宗所倚任二十年海疆事急駐天津籌辦防務八月英兵船至海口投書乞通商訴林則徐鄧廷楨等燒烟毀毀琦善招宴英領事義律及兵官許以代奏遂入覲面陳授欽差大臣赴廣東查辦諭沿海巡吏但防要隘遇英船毋開礮義律乃率船回粵尋罷則徐廷楨命琦善署兩廣總督兼粵海關監督密疏陳粵事略曰林則徐示令繳烟許以賞犒洋人頗存奢望迨後每烟一箱僅給茶葉五斤所得不及本銀百分之一又勸具再販船貨入官人即正法甘結迄未遵依此費所由起也當義律具稟繳烟距撤退買辦五日非出情願時義律僅止孤身設有黨援未必降心俯首英吉利國王無給林則徐文書之事惟呂宋國王曾有來文或因此誤傳林則徐稱定海陰淫洋人病死甚多查洋人米穀牲畜尚充疫癘病斃者多水手舵工頭目死者不過數人從前外洋來信祇言貿易自林則徐欲悉外情多方購求漁利之人造作播傳真偽互見此時紛紛查探適墮術中林則徐奏各國憤英人阻其貿易美利堅法蘭西將遣船來與理論訪聞各國曾有此

說然迄未見兵船來粵前有美國二船乘英人不備進口至今未敢駛出畏
 如斯縱力足顯頗恐未肯傷其同類虎門燒烟時洋人觀者撰文數千言紀事
 事誠有之但詞含譏刺非心服林則徐稱其結之後查驗他國來船絕無鴉片
 如指上年而言事屬以往船貨無憑若指本年而言來船尚未進口不能知其
 有亦安能信其無並言將軍阿精阿請團練水勇及林則徐請鼓勵員弁俟事
 定再議疏入報聞則徐以是獲罪時廣東撤水師歸營猝被敵艦擊掠去米艇
 兵丁巡撫怡良以聞琦善又陳英人回粵詞氣傲慢我律託疾將回國且兵船
 日增得旨仍暫停貿易一而與議一而籌防義律堅持索煙價並增廈門福
 州通商嚴旨不許十二月義律見防禦漸撤數遣挑戰琦善諭止之義律曰
 戰後再議未為遲也乃犯虎門外沙角大角兩砲臺副將陳連陞力戰死之遂
 陷提督關天培守靖遠砲臺總兵李廷鈺守威遠砲臺並請援琦善不敢明發
 兵夜遣二百人往二十一年正月事聞上震怒下琦善嚴諭命御前大臣貝子
 奕山為靖遠將軍戶部尚書隆文湖南提督楊芳副之率師赴粵協勦義律數

清史稿

列傳一百五十七

二

索香港志在必得琦善當事急許之而不敢上聞至是義律獻出所踞砲臺
 並願繳還定海以易香港全島別議通商章程琦善親與相見蓮花城定議往
 返傳語由差遣之鮑鵬將事同城將軍巡撫皆不預知及英人占踞香港出示
 安民巡撫怡良奏聞琦善方疏陳地勢無可扼軍械無可恃兵力不固民情不
 堅如與交鋒實無把握不如暫事權廢上益怒詔斥琦善擅予香港擅許通商
 之罪褫職逮治籍沒家產英兵遂奪虎門靖遠砲臺提督關天培死之奕山等
 至戰復不利廣州危急許以烟價六百萬兩圍始解而福建浙江復被擾琦善
 逮京讞論大辟釋之命赴浙江軍營効力未至改發軍臺二十二年浙師復
 敗吳淞不守英兵遂入江江甯戒嚴於是著英伊里布等定和議海內莫不以
 罷戰言和歸咎於琦善為作俑之始矣是年秋予四等侍衛充葉爾羌辦大
 臣二十三年以三品頂戴授熱河都統御史陳慶瀾疏論債事諸臣罪狀上重
 違清議再褫琦善職意仍擢用未幾予三等侍衛充駐藏大臣二十六年授四
 川總督二十八年詔嘉其治蜀於吏治營伍實心整頓復頭品頂戴尋協辦大

學士留總督任以平贖對野番功被議叙二十九年調陝甘總督兼署青海辦
 事大臣勦雅沙番及黑城撤拉回匪既而言官勦其妄殺命都統薩迎阿往按
 革職連問咸豐二年定讞發吉林効力贖罪尋釋回時粵匪已犯湖南勢日熾
 屢易帥皆不能制起琦善署河南巡撫駐防楚豫界上以捐餉加都統銜授欽
 差大臣專辦防務湖北省城失守觀望不能救三年春賊連陷安徽江甯省
 城分擾鎮江揚州命琦善借直隸提督陳金綬防江北三月連敗賊於浦口雷
 塘進勦揚州分屯寶塔山司徒廟五戰皆捷秋破浦口援賊合圍揚州十二月
 賊突圍出竄瓜洲以收復揚州入告詔斥勇潰縱賊責令進勦瓜洲儀徵儀徵
 克復四年夏連戰金山瓜洲三汶河屢奏斬獲自琦善與向榮分主大江南北
 軍事攻戰年餘鎮江瓜洲迄未克復無得力水師不能扼賊琦善雖增水師
 亦未果是年秋卒於軍贈太子太保協辦大學士依總督例賜卹文勤子恭
 懿黑龍江將軍孫瑞洵烏里雅蘇泰參贊大臣瑞澂兩湖總督瑞澂自有傳
 伊里布字莘農鎮黃旗紅帶子嘉慶六年進士授國子監學正改補典簿出為

清史稿

列傳一百五十七

三

雲南府南關通判署政江知府遷慶越知州二十四年總督伯麟薦其熟練邊
 務能取土司治緬匪有功以應升用道光元年從總督慶保勦平永北大姚夷
 匪屬花翎署永昌知府擢安徽太平知府歷山西冀甯道浙江按察使湖北浙
 江布政使五年擢陝西巡撫關山東丁父憂署雲南巡撫關乃實授時阮元
 為總督伊里布和而廉有政聲回籍兵事起自請從軍詔斥不諳回情妄行陳
 奏奪職留任尋復之十三年擢雲貴總督京察以久任邊疆無得宜被議叙
 十八年協辦大學士留總督任四川綦江奸民穆繼賢仇殺貴州仁懷武生趙
 應彩遂糾眾踞方家溝為亂伊里布率提督余步雲布政使慶祿等破其巢斬
 獲千餘誅賊首穆繼賢謝法真等餘匪悉平賜雙眼花翎十九年調兩江總督
 二十年秋英兵陷定海命為欽差大臣赴浙江查辦時已有論致寇由斷絕貿
 易燒烟起釁者密諭察訪確情毋迴護尋以琦善代林則徐命沿海遇敵勿擊
 伊里布初至浙駐鎮海籌防疏報擊沈敵船有所禽獲命慰諭英人攻擊出於
 誤會促令退兵交地俘虜俟敵退釋還伊里布遣家丁張喜借員弁赴定海檣

師英人亦答餽奏出諭却勿受請增調安徽兩湖兵尤之裕謙方代署兩江總督疏言各省皆可議守獨浙江必應速戰且言定海西境岑港為第一險要應以精兵先據之下伊里布體察辦理既而琦善在粵議款不得要領兵端又開二十一年正月詔促伊里布進兵規復定海二月義律既踞香港盡調英船赴粵以交還定海告詔斥琦和琦善以兵變未集藉詞緩攻致敵船遁去礙協辦大學士雙眼花翎暫留兩江總督任以裕謙代為欽差大臣督浙師裕謙論勦伊里布遣家丁赴敵船事命解任帶張喜來京下刑部訊鞫礙職遣戍軍臺未幾定海鎮海甯波相繼陷裕謙殉之二十二年春揚威將軍奕經援浙復挫敗巡撫劉韻珂疏陳浙事危急薦伊里布無急功近名之心為一時僅見請發軍營効力贖罪於是予七品頂戴隨杭州將軍著英赴浙密諭相機辦理及英兵犯乍浦著英遣往設計退兵五月署乍浦副都統復令張喜專語英兵遂去乍浦犯吳淞由海入江鎮江失守伊里布奉命偕著英赴江甯議和事詳著英傳和議既成英兵退約於廣東議稅則命偕著英詳慎酌商授廣州將軍欽差大

清史稿

列傳一百五十七

四

臣辦理善後事宜二十三年至粵見民心不服夷情狡橫憂悴逾月病卒贈太子太保諡文敏
宗室英著字介春隸正藍旗父祿康嘉慶間官東閣大學士著英以廕生授宗人府主事遷理事官累擢內閣學士兼副都統護軍統領道光二年遷理藩院侍郎調兵部四年送宗室開散移駐雙城堡五年授內務府大臣歷工部戶部七年授步軍統領九年擢禮部尚書管理太常寺鴻臚寺太醫院兼都統十二年兼輔早疏請察吏省刑嘉納之授內大臣十四年以管理步軍統領勳事被議叙歷工部戶部尚書十五年以相度龍泉峪萬年吉地加太子少保命赴廣東江西按事十七年內監張道忠犯賭博著英隨徇釋放事覺降兵部侍郎尋出為熱河都統十八年授盛京將軍詔嚴禁鴉片無論宗室覺羅按律懲治疏請旗民十家聯保以憑稽察二十年海疆戒嚴疏請旅順口為水路衝衝當扼要籌備英船入奉天洋面先後游弋山海關秦皇島等處錦州山海關皆設防二十二年正月粵事急琦善既調著英廣州將軍授欽差大臣督辦浙江洋

務因御史蘇廷魁奏英吉利為隣國所破詔促著英赴廣州本任乘機進勦尋知其訛傳仍留浙江五月吳淞失守命偕伊里布赴江蘇相機籌辦英兵已入江越關山關陷鎮江踞瓜州著英與揚威將軍奕經先後奏請驅逐英兵七月英兵薄江甯下關伊里布先下英人索烟價商欠戰費共二千一百萬兩廣州福州廈門甯波上海五港通商英官與中國官員用平行禮及劃抵關稅釋放漢奸等款越三日著英至稍稍駁詰之英兵突張紅旗置砲鍾山上臨城急止之遣侍衛咸齡江南布政使恩彤甯紹台道鹿澤良偕伊里布家丁張喜詣英舟許據情奏聞宣宗憤甚大學士穆彰阿以糜餉勞師無效勦與撫費亦相等為言乃允之著英等與英將漢鼎查馬利邊會盟於儀鳳門外靜海寺同簽條約先予六百萬餘分三年給和議遂成九月英兵盡數駛出吳淞授兩江總督命籌辦通商及浙江福建因地制宜之策二十三年授欽差大臣赴廣東議通商章程就粵海關稅則分別增減各口按新例一體開關釐列整頓稅務條款下廷議施行又奏美利堅法蘭西等國一體通商允之美國請入京瞻覲卻不

清史稿

列傳一百五十七

五

許二十四年調授兩廣總督兼辦通商事宜二十五年協辦大學士留總督任比利時丹麥等國請通商命體察約東二十六年京察以殫心竭慮坐鎮海疆被議叙疏上練兵事宜繕呈唐臣陸費守備事宜狀請下各將軍督撫置諸座右英國請於西藏定界通商論著英堅守成約毋為搖惑故事廣東洋商居住澳門貿易有定界赴洋行發貨不得擅入省城自江甯和議有省城設立棧房及領事入城之約粵民猶持舊例怨於大吏不省乃舉團練衆議洵洵不受官吏約束二十三年濮鼎查將入城粵民不可遽巡去二十五年英船復至著英遣廣州知府余保純詣商粵民鼓噪安撫乃罷英人以登岸每遭辱辱貽書大吏請讓群情憤激不可曉諭至二十七年英船突入省河要求登陸著英嚴許兩年後踐約始退自請讓處嚴嚴為防備務出萬全著英知終必有數二十八命赴山東查辦鹽務校閱浙江營伍三十年文宗即位應詔陳言略曰求治莫先於用人理財行政諸大端用人之道明試以功人有剛柔才有長短用違其

才君子亦恐誤事用得其富小人亦能濟事設官分職非為眾人藏身之地實心任事者雖小人當保全不肯任怨者雖君子當委置行政在於得人迂腐之說無裨時務泥古之論難合機宜財非人不理今賦額四千餘萬支用有餘不能如額以致短絀致絀之由非探本窮源不能通盤清釐與其正賦外別費經營不如於正賦中覈實籌畫疏入特諭曰身為端揆一言一動舉朝所矜式者英率意敷陳持論過偏顯違古訓流弊曷可勝言傳旨申飭著英不自安屢稱病是年十月上手詔揭示穆彰阿及著英罪狀斥著英在廣東抑民奉夷謾許入城幾致不測之變數面陳夷情可畏應事周旋但圖常保祿位穆彰阿暗而難明者英顯而易見貽害國家其罪則一猶念其迫於時勢從寬降為部屬尋補工部員外郎三年粵匪北犯著英子馬蘭鎮總兵慶錫奏請父子兄弟同赴軍前命者英隨巡防王大臣効力以捐卹予四品頂戴五年慶錫向屬員借貸被劾者英坐私告革職圍禁八年英人糾合法美俄諸國兵船犯天津爭改條約命大學士桂良尙書花沙納馳往查辦巡防王大臣薦著英熟悉情形召對

清史稿

列傳一百五十七

六

自陳願力任其難予待郎銜赴天津協議初著英之在廣東也五口通商事多由裁決一意遷就七年冬廣州陷檔案為英人所得譯出著英章奏多掩飾不實深惡之及至天津英人拒不見惶恐求去不候旨回通州於是欺謾之迹益彰為王大臣論劾嚴詔速治賜自盡論曰罷戰言和始發於琦善去備媚敵致敗之由伊里布有忍辱負重之心無安危定傾之略且廟謨未定廷議紛紜至江甯城下之盟乃與著英結束和議損威喪權貽害莫挽著英獨任善後留廣州入城之際兵燹再開浸致庚申之禍三人者同受惡名而著英不保其身命宜哉

清史稿

列傳一百五十八

顏伯燾

怡良

祁垣

劉韻珂

牛鑑

顏伯燾字魯輿廣東連平人巡撫希深孫總督檢子嘉慶十九年進士選庶吉士授編修道光二年出為陝西延榆綏道督糧道歷陝西按察使甘肅直隸布政使大軍征回疆以轉運勞賜花翎署陝西巡撫十七年授雲南巡撫改建旗池石插農田賴之兼署雲貴總督伯燾累世膺疆寄嫻習吏治所至有聲二十年擢閩浙總督時定海已陷伯燾至劾水師提督陳階平於英兵前次攻廈門告病規避又論琦善主款債事及林則徐守粵功罪二十二年奏請餉銀二百萬造船募新兵及水勇八千以備出洋禦敵復疏陳廣東兵事略曰閩粵互為唇齒呼吸相通自正月虎門不守粵事幾不可問四月內夷船駛泊省西泥城防勇望風潰遁兵船被焚礮臺棄去當事者以洋銀六百萬元令知府余保純

清史稿

列傳一百五十八

一

重唱敵人始允罷戰猶報勝仗指為就撫以欺朝廷夫撫非不可然必痛勦之後始能帖伏今逆勢方張資之庫藏何不以養士卒如謂曲徇商民所請何不於誓師之始申效死之義與之同守粵民非不可用前有蕭關三元里等鄉數千人圍困義律乃余保純出城彈壓始漸散去保純以議撫之後不應妄生枝節是謂六百萬之資可以求安也奕山隆文已遠避數十里楊芳齊慎亦退入城奕山隆文等閱歷未深楊芳年老耳聾皆不足當重任斯時惟有特簡親信重臣督造船礮用本省之人作本省之兵懸以重賞未有不堪一用者臣移駐廈門督修戰具但使船礮稍備即當奮力攻擊不敢老師糜餉以取咎戾又慮裕謙林則徐可任粵事伯燾主戰甚力欲一當敵七月英兵三十餘艘犯廈門投書索為外埠即駛入攻擊接戰毀敵輪船一兵艇五敵遂聚攻礮臺總兵江繼芸游擊凌志都司張然守備王世俊皆死之伯燾所募水勇以節餉議遣未

能豫防倉猝失事以廈門收復免其治罪議革職從寬降三品頂戴留任尋命侍郎端華至閩察勘坐未能進剿罷職時論仍有之咸豐三年召來京將起用道梗不得至尋病卒子鍾馥宣統初官至浙江布政使

怡良瓜爾佳氏滿洲正紅旗人刑部筆帖式洵升員外郎道光八年出為廣東高州知府調廣西南甯歷雲南鹽法道山東鹽運使安徽江蘇按察使江西江蘇布政使十八年擢廣東巡撫禁烟事起林則徐鄧廷楨主之怡良借預其事二十年兼署粵海關監督及琦善至撤防議撫疏請暫示羈縻怡良及將軍阿精阿皆不列銜二十一年正月沙角大角礮臺既失琦善私許通商並給香港義律行文大鵬協撤回營汛怡良疏陳曰自琦善到粵以後辦理洋務未經知會忽聞傳說義律已在香港出示令民人歸順彼國提臣移咨副將鈔呈偽示臣不勝駭異大西洋自前明寄居澳門相沿已久均歸中國同知縣丞管轄議者猶以為非計今英人竟占踞全島去虎門甚近片帆可到沿海之地防不勝防犯法之徒必以為藏納之數地方因之不靖法律有所不行更恐洋情反覆

清史稿

列傳一百五十八

二

要求不遂之時仍以非禮相向雖欲追悔其何可及聖慮周詳無遠不照何待臣總總過計但忽聞海疆要地外人公然主掌天朝百姓稱為英國之民臣實不勝憤恨一切駕馭機宜臣無從悉其顛末惟上年十二月二十八日欽奉諭旨調集兵丁預備進剿並令琦善同林則徐鄧廷楨妥辦均經宣示臣等請添募兵勇固守虎門防堵要隘今英人窺伺多端實有措手莫及之勢不敢緘默謹以上聞於是詔斥琦善專擅之罪褫職逮治怡良兼署總督英兵尋陷虎門命怡良會同參贊大臣楊芳進勦合疏請許英屬港脚商船貿易詔斥怠慢軍心奪職留任是年秋授欽差大臣會辦福建軍務署閩浙總督尋實授時英兵已去廈門其留泊鼓浪嶼者僅數艘及和議成福州廈門皆開口岸命借巡撫劉鴻翱議善後事宜籌辦通商兼署福州將軍先是臺灣鎮道禦敵迭有禽斬英人追訴其妄殺冒功命怡良渡臺查辦總兵達洪阿道員姚榮遠京當和議初定怡良不能為之剖雪為時論所譏二十三年乞病歸咸豐二年起授福州將軍軍借協辦大學士杜受田治山東賑務三年授兩江總督江甯鎮江已陷

暫駐常州粵匪方熾兵事由欽差大臣琦善向榮主之分駐大江南北上海逆匪劉麗川踞城連陷川沙青浦南匯嘉定寶山麗川粵人商於滬初起冒用洋行公司鈐記出示眾論洵疑有通洋情事怡良疏請閩浙江西絲茶暫行停運使洋商失自然之利急望克復自能嚴斷濟賊巡撫吉爾杭阿率兵進勦諭年乃平時各國因在廣東爭入城與總督葉名琛齟齬每赴上海有所陳議怡良隨時妥辦勿徇要求五年粵匪攻金壇道總兵傅振邦虎嵩林會西安將軍福興漳州鎮總兵張國樑進勦連捷解圍國樑進克東埔福興與之不洽詔怡良密察以聞奏言國樑勇戰福興所不及人皆重張輕福因有芥蒂請分調以免貽誤尋命福興赴江西勦賊大軍圍江甯久無功賊勢益蔓七年以病請解允之同治六年卒

清史稿

列傳一百五十八

三

蒙蔽狀尙書王鼎覆訊如垣議遷貴州布政使九年召授刑部侍郎尋出為廣西巡撫十二年湖南廣東搖匪並起垣遣兵防富川恭城賀縣搜捕竄匪追擊於芳林渡斬禽千餘搖平加太子少保疏陳善後策扼要移駐文武稽查化導如所議行十三年調廣東巡撫時盧坤為總督和衷撫取籌修海防十五年代坤兼署總督十八年召為刑部尙書宣宗知垣習練法律故有此授京察被議叙二十一年靖逆將軍奕山督師廣東命垣往治餉琦善既黜授兩廣總督時英兵踞虎門省城遷避過半垣示以鎮靜稍安集參贊大臣楊芳主持重勿浪戰奕山為其下所聳而商之垣垣以敵方恟唳喝大軍新至乘銳而用翼挫其鋒未阻止遂突攻英艦於省河敵猝未備義律夜遁遲明英兵大至逼礮台守兵潰英兵進踞城北者定臺高瞰城中垣與巡撫怡良亟守西南兩門城外市屋盡燬客兵皆撤入城商民知兵不足恃環請為目前計款議遂決于洋銀六百萬元英艦退出虎門而者定臺兵未去船泊泥城登岸侵擾其兵目伯麥闖入三元里民憤激之義律馳救受圍道廣州知府余保純護之出令率眾盡

退虎門外於是鄉團口盛紳士黃培芳余廷槐等合南海番禺諸鄉立七社萬人一呼而集儲穀十餘萬石不動官帑填川林則徐堵塞省河之法以資守禦是年夏英人交還虎門礮臺借奕山疏陳見練水陸義勇三萬六千餘名並各鄉丁壯分成團練前調各省官兵遵旨陸續分撤詔促規復香港責填與奕山各抒所見培奏欲收復香港必先修虎門礮臺然非設險省河虎門亦難興工先於獅子洋蚶蛇洞諸要隘築堡守成疏上報聞是時粵師實無力進剿英人既得路而去兵勢趨重江浙得以苟安奕山屢被嚴詰麾下招誘海盜獻計嬰攻敵艦奕山又為所動頓勸殺其議二十二年和議成英商開市益驕民怨益深焚其館擲貨於衢漢鼎查責言培撫慰之得無事二十三年虎門礮臺工竣疏言舊式礮臺僅可禦海盜今仿洋法以三合土築人字形礮臺量宜增移改建又請就海墘回沙成田一百六十餘頃可給屯丁二千人且耕且守防禦並陳粵民義奮團練可用狀諭責事期經久俾濟實用以病乞休累疏乃得請二十四年卒優詔依尚書例賜卹諡文恪黃恩彤字石琴山東甯陽人道光六

清史稿

列傳一百五十八

四

年進士授刑部主事治獄數有平反充提牢以疏防越獄降調尋復之充熱河理刑司員邵翁牛特蒙古公賄黜其爵累遷郎中二十年出為江南鹽運道遷按察使署江甯布政使英兵犯江甯者英伊里布令恩彤借侍衛咸齡赴敵艦議款隨同定約事竣復隨伊里布赴廣東籌議通商改番船互市歸官辦增減稅則稽查偷漏悉由恩彤與粵海關監督文豐商定調廣東按察使遷布政使美利堅人願盛請入京恩彤赴澳門辯折止其行賜花翎二十五年就擢巡撫恩彤疏陳洋務略曰欲靖外侮先防內變粵民性情剽悍難與爭鋒亦難與持久未可因三元里一戰遽信為民足禦侮也該夷見難釋怨就撫而一切駕馭之方與防備之具不可一日不講但當示以恩信妥為羈縻一面慎固海防簡練軍實尤必撫柔我民所欲與聚所惡勿施以固人心而維邦本庶在我有隱然之威因以折彼嚮凌之氣疏入上煙之尋屆京察與耆英並被議叙籌備海防裁虎門屯丁以沙田租稅充戰船礮臺歲修之費二十六年英人爭入城議久不決粵民憤不可論恩彤前疏不為時論所與被劾會監臨文武鄉試疏請

年老武生給予武職虛銜詔斥其違例礙職交耆英差遣尋以同知銜選二十九年告養歸咸豐初在籍治團練天津議和命隨耆英往恩彤至則款議已定仍請終養同治中以禦檢匪功予三品封典光緒七年鄉舉重逢加二品銜尋卒

劉韻珂字玉坡山東汶上人由拔貢授刑部七品小京官游遷郎中道光八年出為安徽徽州知府調安慶歷雲南鹽法道浙江廣西按察使四川布政使二十年擢浙江巡撫定海已陷韻珂於甯波收撫難民沿海設防欽差大臣伊里布駐鎮海督師琦善方議以香港易還定海韻珂疏言定海為通洋適中之地英人已築礮臺開河道經營一切彼或餌漁盜為羽翼其患非小浙江為財賦之區甯波又為浙省善華所在宜預杜覬覦詔斥伊里布琦善罷去以裕謙代之命韻珂借提督余步雲治鎮海防務二十一年英兵退出定海仍游奕浙洋裕謙督師赴勦定海再陷鎮海甯波相繼失守裕謙死之韻珂檄在籍布政使鄭祖琛率師扼曹娥江總兵李廷揚按察使蔣文慶道員鹿澤良駐防

清史稿

列傳一百五十八

五

紹興募勇二萬人守省城庇守具清內奸撫沙匪十麻子投誠効用人心以安英艦窺錢塘江尋退去揚威將軍奕經按浙二十二年春規復甯波不克擾及奉化慈谿戰數不利命韻珂借欽差大臣耆英籌辦防務韻珂疏言浙事有十可慮皆必然之患無可解之憂若不早為籌畫國家大事豈容屢誤見在奕經赴海甯查看海口文蔚留駐紹興調置前路防守究竟此後作何籌辦奕經等亦無定見臣若不直陳後日倘省垣不守粉身碎骨難蓋前愆伏乞俯念浙省危急獨操乾斷飭令將軍等隨機應變俾浙省危而復安天下皆受其福又力薦伊里布不貪功不好名為洋人所感戴其家人張喜亦可用儻令來浙或英兵不復內犯疏入上頗採其言命伊里布隨耆英赴浙相機辦理四月乍浦陷伊里布往說英人退兵於是改犯吳淞入大江乃於江甯定和議韻珂貽書耆英伊里布等曰撫局既定後患頗多有不能不慮過慮者英船散處粵閩浙蘇較多其中有他國糾約前來者粵東又有新到倘退兵之後或有他出效尤或即英人託名復出別肆要求變幻莫測此不可不慮者一也洋人在粵曾經

就撫追給銀後滋擾不休反復性成前車可鑒或復稱國主之言謂馬郭辦理不善撤回本國別生枝節此不可不慮者二也上所獲之郭逆義子陳祿皆云雖給銀割地決不肯不往天津而現索馬頭不及天津殊為可疑能杜其北上之心方免事後之悔此不可不慮者三也通商既定自必明立章程各省關口應輸稅課萬一洋人仍向商船攔阻勢不能聽其病商攘課一經阻止又啟釁端此不可不慮者四也民人與洋人獄訟應聽有司訊斷萬一抗不交犯又如粵東林如美之案何以戢外暴而定民心此不可不慮者五也罷兵之後各處海口仍須設防修造戰船礮臺添設兵伍營卡倘洋人猜疑阻擾以致海防不能整頓此不可不慮者六也今日漢奸盡為彼用一經通商須治奸民內地民人投往者應令全數交出聽候安插否則介夫洋漢之間勢必恃洋犯法不逞之徒又將投入官法難施必尋衅隙此不可不慮者七也既定馬頭除通商地面不容泊岸倘有任意闖入取掠牲畜婦女民人不平糾合抗拒彼必歸咎於官而與問罪之師此不可不慮者八也名曰通商本非割地而定海拆毀城垣

清史稿

列傳一百五十八

六

建造洋樓擊眷居住倘各省均如此恐非通商體制腹內之地舉以界人轉瞬即非我有此不可不慮者九也中國漏卮由於漏銀出洋今各省有洋船漏銀更甚大利之源勢將立竭會子交子之弊政將行國用民用之生計已絕此不可不慮者十也至於議給之款各省分撥浙省自軍興以來商民捐餉賑災甯波菁華為洋人搜括歲事款收資以賂敵之款勢必不應若如四川之讓增糧賦江浙萬不能行故勸敵之款可捐賂敵之款不可捐他省完善之地可捐浙省殘破之餘不可捐惟亮營之所言並切利害謂珂機警多智數見浙兵不可恃以戰事委之裕謙奕經專固省防浙人德之及事急再創調停之說而慮成議於浙為天下詬移禍於江蘇然世多譏其巧於趨避二十三年擢閩浙總督疏言浙江舊未與外洋交易與廣東情事不同應於耆英等所議章程稍加變通先申要約又籌海疆善後事宜二十四則下議行二十四年疏報廈門開市鼓浪嶼尚有英兵橫止恐久假不歸請諭禁與領事面訂預杜偷漏稽查洋眾條款又奏天主教流弊請稽查傳教之地不令藏奸或有藉端滋事據事恐辦

不牽及習教俾無藉口二十四年英人始至福州請於南臺及城內烏石山建洋樓謂珂難之士紳見廣東爭議久不決亦援以拒英人訴諸耆英謂不聽原約則鼓浪嶼且不退還往復辯論卒不能阻而閩人歸咎於謂珂三十年文宗即位以病乞假特旨罷職回籍咸豐二年坐泉州經歷何士邪犯賊逃逸論寬縱職同治初召來京以三品京堂候補復乞病歸卒於家

牛鑑字鏡堂甘肅武成人嘉慶十九年進士選庶吉士授編修遷御史給事中道光十一年出為雲南糧儲道歷山東按察使順天府尹陝西布政使與巡撫不合乞病歸十八年起授江蘇布政使署巡撫十九年擢河南巡撫整頓吏治停分發止攤捐籌銀二十萬兩津貼瘡累十五縣築沁河堤濬衛河其有政聲二十一年六月河決祥符水圍省城鑑率吏民資城以守規地勢洩水賑撫災黎時水分二流一環城西南一由東南行均注歸德陳州入江南境鑑以正河斷流決口難遽塞議急衝省城水漲不已西北隅尤當衝城垣墜陷十餘處拋磚石成壘鉅舟以禦之奇險迭出晝夜臨陣民感其誠同心守護有不受雇

清史稿

列傳一百五十八

七

值者當事急河督文沖奏省城卑溼不可復居請擇地遷移鑑疏言一月以來困守危城幸保無虞者實由人心維繫若一聞遷徙各自逃生誰與防守恐遷徙未及水已灌城變生俄頃奸民乘機搶掠法令不行情狀不堪設想節交白露水將漸消惟有殫竭血誠堅忍守禦但得物料應手自可化險為平命大學士王鼎侍郎慧成往勘鑑與合疏言省城可守不可遷決口可堵不可漫並勸文沖膜視延誤狀於是擬文沖職精料大集繕治隄壩水亦漸退守城凡六十餘日而卒完命借王鼎等與工塞決會英兵犯浙江裕謙殉於甯波命鑑代署兩江總督尋實授十月至蘇州受事閱海口借提督陳化成治防繕壘增礮沿海以土塘為蔽駐四營居中策應二十二年四月英兵既陷乍浦遂窺吳淞口五月敵艦七十餘艘來攻鑑偕化成督戰擊沈賊船三四艘臺及戰艦皆被燬敵以小舟載兵由小沙背登陸徐州鎮總兵王志元兵先潰化成死之鑑退嘉定而寶山上海相繼陷又退崑山收集潰兵壽春鎮總兵尤渤守松江敵兩次來犯皆擊卻之英艦聚泊吳淞口外揚言將北犯天津六月突入江乘潮上駛

直越圖山關鑑由京口退保江甯提督齊慎劉允孝迎戰京口不利退守新豐鎮江陷副都統海齡死之敵艦分海瓜洲揚州震動聯運使仰明倫聽商人江壽民計賂以六十萬金遂犯江甯艦泊下關鑑初專防海口倚陳化成沿江鵝鼻翁圖山關諸要隘倉猝調兵益無足恃化成既死事鑑知不能復戰連疏請議撫者英伊里布先後奉命至英人索五處通商及償款諸臣未敢遽允敵兵遂登岸置大礮臨城乃悉許之合疏以保全民命為請略曰江甯危急呼吸可虞根本一摧鄰近皖鄂湘皆可航溯彼所請雖無厭而通市外無他圖與其結兵禍而毒生靈易若捐鉅帑以全大局廈門敵軍雖退尚未收復香港鼓浪嶼定海招寶山仍未退還使任其久踞逡巡不如歸我土地既願循例輸稅即為悔禍嚮風此後彼因自護租界我即以捍蔽海疆未始非國家之福所請平禮虛文不妨假借事定之後亦應釋俘因以堅和好寬脅從以安反側併附詳條日以聞八月和議成英兵悉退出海洋尋以貽誤封疆罪職逮問譴大辟二十四年釋之命赴河南中牟河工効力工竣予七品頂戴以六部主事用回籍咸豐三年粵匪北擾予五品頂戴署河南按察使四年命卸任勸捐募勇赴陳州偕徐廣縉勦捻匪破穎州賊李士林於阜陽方家集焚其巢加按察使銜五年又破之於霍邱三河士林尋於湖北就撫鑑深得河南民心前勸捐中牟大工得錢二百萬緒至是集軍回復及百萬叙功加二品頂戴以病乞歸八年卒

論曰顏伯毅懷抱忠憤而無克敵致果之具怡良不增和琦善亦無建樹補垣依違和戰之間苟全而已劉鄩可以術馭人陰主和議牛鑑以循吏處危軀身敗名裂要之籌邊大計朝廷無成算則膺封圻之寄者為益難况人事之未盡乎嗚呼論世者當觀其微也

清史稿

列傳一百五十八

八

清史稿

列傳一百五十九

裕謙

關天培

陳化成

葛雲飛

裕謙原名裕泰字魯山博羅武氏蒙古鑲黃旗人一等誠勇公班第曾孫綏遠城將軍巴祿孫父慶麟京口副都統裕謙嘉慶二十二年進士選庶吉士散館改禮部主事遷員外郎道光六年出為湖北荊州知府始改今名調武昌歷荆宜施道江蘇按察使十九年就遷布政使署巡撫尋實授二十年英兵陷定海伊里布奉命往勦裕謙代署兩江總督時英艦游奕海門外洋江南戒嚴裕謙赴寶山上海籌防榜徐州鎮總兵王志元佐提督陳化成防海口疏陳規復定海之策可無慮者四難緩待者六謂各省皆可言守浙江必應議戰且應速戰又疏劾琦善五罪略曰英人至天津僅五船耳琦善大張其事遽稱畿疆遼瀋處處可虞後來之艦尚多勢將徧擾南北莫肯聽聞以掩其武備廢弛之咎張皇欺飾其罪一英曾回粵以來驕桀日甚琦善惟責兵將謝過別未設籌將士解體軍心沮喪彼軍乘敵遂颯我師我船礮縱不如彼兵數何曾十倍琦善不防後路事敗委過前人試思琦善未至粵時未聞失機其又何說弛備損威其罪二沙角大角礮臺既失自應迅駐虎門乃其奏中不及勦堵事惟以覆書檢兵為詞且屬浙省勿進兵旋以給香港即日通商定議不俟交還定海後奏尤奉行違例擅權其罪三既昇香港換出定海而英人仍欲通商當波銷鴉片何以不在粵窮斷葛藤將就苟且其罪四義律僅外商首領向來呈願自稱遠商遠職上年在天津浙江僭稱公使大臣琦善不之詳假以稱號失體招蚌其罪五琦善已為英人藐玩各國輕視不宜久於其任疏上宣宗憤琦善受給斥伊里布附和信裕謙忠直可恃二十一年春罷伊里布以裕謙代之裕謙至鎮海英艦已去定海渡海往治善後事宜尋實授兩江總督以浙事付巡撫劉鄩珂提督余步雲自回江南部署防務初英兵在定海殘虐人民既退猶四出游奕裕謙捕獲兵目剝皮抽筋而懸之又掘敵屍焚於通衢英人遂藉口復營大舉再犯浙洋裕謙率江甯駐防及徐州鎮兵千馳至鎮海督戰令總兵葛雲飛

清史稿

列傳一百五十九

一

鄭國鴻王錫朋率兵五千守定海手緘密諭付臨陣敗視退者立斬八月敵艦二十九艘兵三萬來攻三路並進血戰六晝夜三鎮並死之定海陷越數日敵由蛟門島進犯鎮海招寶山為要衝余步雲守之別遣總兵謝朝恩守金雞嶺為犄角裕謙疑步雲懷兩端乃集將士祭關帝天后與眾約毋以退守為詞離城一步亦毋以保全民命為詞受洋人片紙不用命者明正典刑幽遭神殛步雲知其意不預盟誓及戰裕謙登城手援枹鼓步雲詣請遣外委陳志剛赴敵艦暫示羈縻裕謙不許有頃敵登招寶山步雲不戰而退敵復分兵攻金雞嶺謝朝恩中礮殞兩山同陷鎮海守兵望風而潰裕謙先誓必死一日經學宮前見泮池石鵲流芳二字曰他日於此收吾尸也吾曾祖於乾隆二十一年八月殉難今值道光二十一年八月非佳兆預檢硃批寄諭奏稿送嘉興行館處分家事甚悉臨戰揮幕客先去曰勝為我草露布敗則代辦後事至是果投泮池副將豐仲泰等拯之出與至府城皆慙不省人事敵且至以小舟載往餘姚卒於途遂至西興劉部司等視其敘事聞贈太子太保子駒都尉兼一雲騎尉

清史稿

列傳一百五十九

二

世職附祀京師昭忠祠於鎮海建立專祠設節愾至京遣成郡王載銳奠醑當初敗余步雲疏報鎮海大營先潰裕謙不知所往謂珂等奏至上始釋疑予優卹幕客陳若木從兵間代裕謙妻草狀詣闕訟冤步雲論治伏法嗣子德峻襲世職以主事用官至山東候補知府謝朝恩四川華陽人由行伍從將軍德楞額勦教匪積功至都司累擢閩浙督標副將從平臺灣張丙亂道光十四年擢狼山鎮總兵從伊里布防鎮海充翼長裕謙令守金雞嶺力戰禦敵敵別出一隊由沙蟹嶺繞山後夾攻遙見招寶山威遠城已為敵踞兵遂潰朝恩扼礮臺中敵礮墮海尸不獲浙人有親見其死者歌詠傳其事與葛雲飛等同稱四鎮云賜卹予騎都尉世職重祥張氏漢軍正黃旗人世襲一等輕車都尉金華協副將從葛雲飛戰定海受傷復佐守金雞嶺力戰死之處州營游擊托雲保下氏亦漢軍旗人借重祥同殞於陣並予雲騎尉世職關天培字滋圃江南山陽人由行伍游升太湖營水師副將道光六年初行海運督護百四十餘艘抵天津被倭叙七年擢蘇松鎮總兵十三年署江南提督

十四年授廣東水師提督時英吉利通商漸萌跋扈兵船闖入內河前提督李增階以疏防黜天培代之至則親歷海洋扼塞增修虎門南山橫嶺諸礮臺鑄六千斤大礮四十座請籌操練犒賞經費十八年英人馬他倫至澳門託言稽察商務投函不如制天培卻之禁烟事起借總督鄧廷楨債緝甚力十九年林則徐莅廣東檄天培勒獲船繳烟二萬餘箱焚之於是嚴海防橫嶺山前海面較狹可扼鑄巨鐵練橫繫之二重阻敵舟不能逕過礮臺乃得以伺擊則徐倚天培如左右手常駐沙角督本標及陽江碭石兩鎮師船排日操練七月英艦突犯九龍山口為參將賴恩爵擊退九月二艦至穿鼻洋阻商船進口挑戰天培身立桅前拔刀督陣退者立斬有擊中敵船一礮者立予重賞發礮破敵船頭鼻敵紛紛落海乃遁敵艦久泊尖沙嘴踞為巢穴運北山梁曰官浦俯視聚泊之所攻擊最便天培增礮駐營敵屢乘隙來爭不得逞十月敵以大艦正面來攻小舟載兵從側乘潮撲岸殲之於山岡復於進東胡椒角窺伺礮擊走之乃調集水陸兵守山梁參將陳連陞賴恩爵張斌游擊伍通標德連等為五路

清史稿

列傳一百五十九

三

合同進攻敵乘夜來犯五路大礮齊擊敵舟自撞燈火皆滅侵曉望逃者過半僅存十餘舟遠泊次日復有二敵艦潛進隨者十數復諸路合擊毀其頭船遂散泊外洋捷聞詔嘉獎賜號清福靈阿巴圖魯二十年春英艦雖不敢復進猶招奸民分路載烟私售天培沿海搜捕一日數起復飾漁船蟹艇乘間焚毀敵舟英人始改計他犯及林則徐能琦善代之一意主撫至粵先撤沿海防禦僅留水師制兵三分之一募勇盡散而英人要索甚奢久無定議戰復起十二月英船攻虎門外沙角礮臺副將陳連陞死之大角礮臺隨陷並為敵踞虎門危急天培與總兵李廷鈺分守靖遠威遠兩礮臺請援琦善僅遣兵二百二十一年正月敵進攻守臺兵僅數百遣將勸哭請益師無應者天培度眾寡不敵乃決以死守出私財餉將士率游擊麥廷章晝夜督戰敵入三門口衝斷柵練番擊甫退南風大作敵船大隊圍橫嶺永安兩礮臺遂陷進攻虎門自己至西殺傷相當而礮門透水不得發敵自臺後攢擊身被數十創事急以印投僕孫長慶令去行未遠回顧天培已殞絕於地廷章亦同死礮臺遂陷長慶縋崖

出繳印於總督復往尋天培尸牛體焦焉負以出優卹予騎都尉兼一雲騎尉世職設忠節祠祀忠祠建立專祠母吳年逾八十命地方官存問給銀米以養餘年子從龍襲世職官安徽候補同知陳述陞湖北鶴峯人由行伍從征川楚陝教匪湖南廣東逆搖數有功累擢增城營參將道光十九年破英兵於官涌擢三江口副將調守沙角礮臺及英艦來犯述陞率子武舉長鵬以兵六百當敵數千發地雷扛礮斃敵數百卒無援歿於陣長鵬赴水死敵以連陞戰最猛樹其尸事聞詔嘉其父子忠孝兩全入祀昭忠祠並建專祠加等依總兵例賜卹予騎都尉世職子展鵬襲起賜賜舉人祥福瑪佳氏滿洲正黃旗人由親軍累擢冠軍使出為湖南寶慶協副將從提督羅思舉平江華搖有功歷級靖甯夏鎮軍儲總兵二十年率本鎮兵援廣東二十一年守烏涌礮臺與虎門同時陷祥福死之子騎都尉世職祀昭忠祠與關天培同建專祠子喜瀛襲世職天培等皆以琦善不欲戰無援故敗海內傷之而福建總兵江繼芸又以顏伯濤促戰而亡繼芸福建福清人由行伍拔補千總道光六年臺灣張丙

清史稿

列傳一百五十九

四

之亂戰枋樹窩小雞籠以禽賊功擢守備累遷臺灣副將二十年署南澳鎮總兵總督鄧廷楨薦其才尋擢海壇鎮總兵調金門鎮從顏伯濤守廈門二十一年廣東方賊款英艦游奕閩洋伯濤素主戰庇船礮備出擊而新裁水勇未散軍心不堅繼芸以為言伯濤不聽七月英艦泊鼓浪嶼集水陸師禦諸嶼口礮毀敵舟而敵已撲礮登岸陸師先潰繼芸急赴援中礮落海死護理延平協副將凌志淮口都司王世俊同殉凌志富察氏滿洲鎮黃旗人陳化成字蓮峯福建同安人由行伍授水師把總嘉慶中從提督李長庚擊蔡牽數有功以勇聞累擢烽火門參將總督並教增薦其久歷閩粵水師手禽巨盜四百八十餘人勦勞最著請補澎湖副將以籍隸本省格不行遷瑞安協副將道光元年乃調澎湖歷碣石金門兩鎮總兵十年擢福建水師提督十二年英吉利船駛入閩浙江南山東洋面命化成督師巡邏以備不虞同安潘塗宦潯柏頭諸鄉素為盜藪掩捕悉平之二十年英艦犯閩化成率師船擊之於梅林洋尋退去調江南提督江南水師素怯懦化成選閩中親軍教練士氣稍振

籌備吳淞防務修葺礮台沿海塘築二十六堡化成枕戈海上凡二年與士卒同勞苦風雨寒暑不避總督裕謙牛鑑皆倚為長城當定海三總兵戰歿裕謙亦殉化成哭之慟謂所部曰武臣死於疆場幸也汝曹勉之吳淞口以東西礮臺為犄角化成率參將周世榮守西臺參將崔吉瑞游擊董永清守東臺而徐州鎮王志元守小沙背以防繞襲二十二年五月敵來犯泊外洋以汽舟二列木人兩艘繞小沙背西臺欲試我礮力化成知之不發敵舟旋去以水牌浮書約戰牛鑑方駐寶山盧敵鋒不可當化成曰吾經歷海洋四十餘年在礮彈中入死出生難以數計今見敵勿擊是畏敵也奉命討賊有進無退扼險可勝公勿怖鑑乃以化成心如鐵石士卒用命民情固結入告詔特嘉之越數日敵艦銜尾進化成麾旗發礮敵艦三殲斃甚衆鑑聞帥得力親至校場督戰敵以桅礮注擊毀演武廳鑑遽退敵攻壞土塘由小沙背登岸徐州兵先奔東臺亦潰萃攻西臺部將守備章印福千總錢金玉許攀桂外委徐大華等皆戰死尸積於前化成猶擲子藥親發礮俄中彈噴血而殞礮臺既失寶山上海相繼

清史稿

列傳一百五十九

五

陷越八日鄉民始負其尸出殮於嘉定事聞宣宗震悼特詔優卹賜銀一千兩治喪予騎都尉兼一雲騎尉世職設忠愍祠於殉難處所及原籍並建專祠子廷芳襲世職廷芬賜舉人海船郭洛羅氏滿洲鎮白旗人由騎騎校授張家口守備累擢大名正定兩鎮總兵以事降二等待衛充古城領隊大臣歷西安江甯京口副都統英兵既陷吳淞由海入江六月犯鎮江提督齊慎劉承孝敗退遂攻城海船率駐防兵死守二日敵以雲梯入城屠旗民海船與全家殉焉子麟都尉兼一雲騎尉世職設忠節祠入祀昭忠祠並建祠鎮江妻及次孫附祀當城破時海船禁居民不得出常鎮道周頊棄城走事後許海船安殺良民為衆所戕言官亦論奏下獄吏究勘得白詔以闔門死難大節無虧仍照都統例賜卹治項罪如律子宜蘭襲世職葛雲飛字雨田浙江山陰人道光三年武進士授守備隸浙江水師勤於緝捕常微服巡洋屢獲劇盜有名洎擢瑞安協副將十一年署定海鎮總兵尋實授以父憂歸二十年英兵犯定海總兵張朝發戰敗失守巡撫烏爾琿額提督祝

廷彪強起雲飛墨經從軍總督鄧廷楨亦薦其可倚署定海鎮雲飛議先守後戰扼招資金雞兩山列礮江岸築土城集失伍舊兵訓練軍氣始振英人安突得出測量形勢以計禽之敵始有戒心雲飛乘機圖恢復未果二十一年廣東議款以香港易定海欽差大臣伊里布令雲飛率所部渡海收地然後釋俘以二鎮師借往二鎮者壽春鎮王錫朋處州鎮鄭國鴻也既而裕謙代伊里布改議戰守雲飛以定海三面皆山前臨海無敵請於街頭築土城竹山曉峯嶺增礮臺而循頭南五奎山吉祥門毛港悉置防為犄角裕謙以費鉅未盡許則請借三年廉俸與築益竹裕謙尋至定海見雲飛青布帕首短衣草履奔走烈日中又聞其巡洋捕盜傷臂奪盜刃刺之始服其忠勇迨英兵復來犯礮擊敵艦於竹山門東港浦送卻之加提督銜於是雲飛屯街頭土城錫朋國鴻分防曉峯竹山雲飛獨當敵衝敵連橋進突登五奎山礮擊紅衣夷目乃退次日敵蔽山後發礮仰擊亦隔山應之夜敵乘霧至直逼土城礮中載藥敵船轟熾甚眾越日乃肉薄來奪曉峯嶺分攻竹山門錫朋國鴻皆戰歿縣城遂陷敵萃攻土

清史稿

列傳一百五十九

六

城雲飛知不可為出勅印付營弁率親兵二百持刀步入敵中轉關二里許格殺無算至竹山麓頭面右手被斫猶血戰身受四十餘創礮洞胸背植立崖石而死定海義勇徐保夜負其尸浮舟渡海是役連戰六晝夜斃敵千餘卒以眾寡不敵三鎮同殉事聞宣宗揮淚下詔賜金治喪卹典依提督例予騎都尉兼一雲騎尉世職諡壯節賜兩子文武舉人以簡襲世職官至甘肅階州知州以敦官守備雲飛兼能文著有各將錄製械製藥要言水師緝捕管見浙海險要圖說及詩文集事母孝母亦知大義喪歸一慟而止曰吾有子矣錫朋字樵備順天甯河人以武舉授兵部差官遷固原游擊從陝甘總督楊遇春征回疆大河拐洋阿巴特沙布都爾渾河諸戰並有功賜花翎擢湖南臨武營參將十二年從勦江華猺趙金龍賜號銳勇巴圖魯擢寶慶協副將又平廣東連州猺功最擢汀州鎮總兵以憂歸十八年起授壽春鎮總兵二十年借提督陳化成防吳淞伊里布調援甯波尋借葛雲飛等守定海敵至錫朋初守九山門為諸軍應援數獲勝及敵乘霧登曉峯嶺以無巨礮不能禦率兵奮擊並分援竹山所

部裨弁朱匯源呂林環劉桂五夏敏忠張魁甲先後陣歿眾且盡錫朋手刃數人遂遇害久之始得其尸面如生耳際有創巡撫劉沅珂驗實為改殮卹典加等子騎都尉兼一雲騎尉世職諡剛節子承泗承瀚並賜文學舉人承泗襲世職官山西溫州知州承瀚工部主事國鴻字雪堂湖南鳳凰人父朝桂貴州副將伯父廷松鎮守千總殉苗難無子以國鴻嗣襲雲騎尉從傅鼎勳苗授永綬屯守備游撫寶慶副將道光二十年擢處州鎮總兵調防鎮海充翼長定海既還移兵分守要隘敵艦初犯竹山門國鴻發巨礮斷其桅遂以竹山為分汛地戰連日久雨往來泥濘及敵分三路同時來撲國鴻奮擊槍礮皆熱不可用短兵拒戰而土寇導敵奪曉峯嶺險要盡失國鴻單騎衝陣被數十創而殞依總兵賜卹子騎都尉世職追諡忠節子鼎聲已歿賜其孫錫銜並為舉人錫鑄騎都尉七品小京官錫雲騎尉出繼之子鼎臣批驗大使從軍中揚威將軍奕經令募水勇攻敵海山港賜花翎四品頂戴三鎮死事最烈並入昭忠祠定海收復建立專祠合祀雲飛錫朋併許原籍各建專祠當定海之初陷也總兵張

清史稿

列傳一百五十九

七

朝發戰於港口兵敗身受礮傷知縣姚懷祥典史全福皆死之時各朝發不專守陸路巡撫烏爾蒙額疏劾速治朝發已以傷殞卹典不及焉浙中戰事以定海為最力後揚威將軍奕經督師將帥多因葺戰事如兒戲惟金華協副將朱貴稱忠勇貴字勳堂甘肅河州人以武生入伍從征川陝教匪勦藍賊於盧家灣賊渠再學勝伏密營中以長矛刺傷主將貴奪其矛而禽之勇冠軍中滑縣三才峽諸役皆在事有功累擢涼州守備道光初從楊遇春戰回疆擢游擊歷陝西西安參將署察漢托洛亥副將二十一年擢浙江金華協副將揚威將軍奕經督師貴率陝甘兵九百以從時兵多新募惟貴所部最號勁旅二十二年春奕經規復甯波鎮海令貴當鎮海一路行未至甯波已失利止勿進調赴長谿嶺大營遂屯慈谿城西大寶山敵乘勝以二千人自大西壩登岸貴率所部迎擊斃敵四百餘人再部再進自辰至申軍中不得食猶酣戰鄉勇忽亂隊敵由山後鈔襲增者幾倍又三艦自丈亭江直逼山下長谿大營驚潰貴腹背被攻怒馬衝陣中槍馬倒躍起奪敵矛奮鬪傷要害乃踏子武生昭南以身障

父同時陣亡部下遊擊黃泰守備徐官陳芝蘭浙江候補知縣顏履敬等兵卒三百餘人同死詔嘉其忠勇依總兵例賜卹予諡都尉世職子廷瑞與昭南子雲騎尉世職子綱甫四歲命及歲襲職阿木穰世襲土司大金河千總加副將銜巴圖魯勇號哈克里瓦寺土守備率金川屯練赴軍皆趨捷奮勇戰輒爭先冠虎形奕經占有虎頭之兆令赴前敵從提督段永福攻甯波敵已為備至則城門不閉阿木穰率上司兵先入中地雷同沒哈克里攻奪招寶山採升而上拾入威遠城敵艦自金雞山窮江至用礮仰擊遂不支而退後亦殉難浙人哀之自朱貴大寶山之戰敵受創甚鉅遂戒深入慈谿縣城獲完士民思其功為建祠報賽阿木穰哈克里亦附祀焉

清史稿

列傳一百五十九

八

清史稿

宗室奕山

宗室奕經

列傳一百六十一

宗室奕山恂郡王允禔四世孫隸鑲藍旗授乾清門侍衛道光七年從征喀什噶爾擢頭等侍衛御前行走歷伊犁領隊大臣參贊大臣十八年授伊犁將軍二十年偕副都統關保赴塔什圖畢治舉務關田十六萬四千餘畝奏請置回千戶及五品伯克以下官名授正白旗領侍衛內大臣御前大臣二十一年命為靖逆將軍督師廣東尙書降文提督楊芳為參贊副之時英兵已陷虎門楊芳先至聽美利堅人居間乞許通商被嚴斥促奕山速赴軍三月抵廣州英艦橫直省河奕山問計於林則徐則徐議先遣洋商設法驅糜俾英艦暫退塞河道積沙囊於岸以禦礮然後以守為攻奕山不能用且自琦善撤防舊儲木椿鉅石皆為敵移去時以杉板小船游弋以誘我師楊芳主持重以募勇未集不欲浪戰奕山初亦然之既而惑於左右言欲僥倖一試芳止之不可夜進兵乘風燬七艘報捷詰且乃知誤焚民舟而英兵大至連舟抵城下禦於河南互有

清史稿

列傳一百六十

殺傷遂閉城敵以輪船裝泥城副將岱昌等聞礮先遁燬師船六十有奇城外東西礮臺並陷英兵進踞後山四方礮臺奕山居貢院礮火及焉軍民惶懼乃遣廣州知府余保純出城見義律議息兵義律索烟價千二百萬美商居間減其半並許給香港全島英兵乃退奕山偕降文先退屯距城六十里小金山諱敗為勝疏言義律窮蹙乞撫照舊通商改償費為追交商欠由粵海關及藩運兩庫給之宣宗覽奏以夷情恭順詔允所請閩浙總督顏伯濬迭疏劾其欺罔下廣西巡撫梁章鉅察奏乃得其狀報聞英人既得賂於粵移兵犯閩浙奕山等始收回大黃灣獵德虎門諸礮臺填塞省河鄉民於義律未退時困之三元里余保純趨救始得出於是圍練日盛中外皆言粵民可用遂撤客軍改募練勇迭詔趣奕山等規復香港實不能戰惟屢疏陳颶風漂沒敵船毀香港蓬寮藉修礮臺未竣造船未就為詞以塞嚴詔二十二年英人撤義律回國以嚴鼎查代之大舉犯浙江蘇詔斥奕山陳奏欺詐嚴議褫御前大臣領侍衛內大臣左都御史仍留漢軍都統任及和議定追論援粵失機褫職治罪論大辟圈

禁宗人府空室二十三年釋之子二等侍衛充和闐辦事大臣調伊犁參贊大臣署將軍二十七年調葉爾羌參贊大臣安集延布魯特回匪入邊圍喀什噶爾英吉沙爾命陝甘總督布彥泰督師討之奕山爲副連破賊於科科熱依瓦特瓦及蘇噶特布拉克賊遁走論功封二等鎮國將軍賜雙眼花翎尋授內閣學士調伊犁參贊大臣兼鑲黃旗蒙古都統二十九年授伊犁將軍俄羅斯遣使至伊犁請於伊犁塔爾巴哈台喀什噶爾三處通商詔允其二惟喀什噶爾不許咸豐元年俄人復因請仍拒之借參贊布彥泰與定伊塔通商章程十七條祭酒勝保疏論當仿恰克圖通商舊例以時日人數奕山議撫馭外夷以信爲主既已議定章程旋改必有藉口如所請行累授內大臣御前大臣仍留將軍任五年調黑龍江將軍時俄羅斯以分界爲名欲得黑龍江松花江左岸地遣艦入精奇里江建屋於雀爾托庫勒密布雅里奕山疏陳陽撫陰防之策七年俄使請入京拒不許八年俄人借英法美三國合兵犯天津三國窺商利而俄志在邊地於是俄使木里斐岳幅至愛璉堅請畫界奕山允自額爾古

清史稿

列傳一百六十

二

納河口循黑龍江至松花江左岸之地盡屬之俄俄使知奕山昧於地勢駐兵黑龍江口復索綏芬河烏蘇里江地奕山懼其兵威勿能抗疏稱未許然已告俄使可比照海口等處辦理踰年與俄使會於愛璉定約三條鑲滿蒙漢三體字爲界碑大理寺少卿殷兆鏞劾奕山以邊地五千餘里藉稱開曠不候諭旨拱手授人始既輕諾繼復受人所制無能轉圜詔切責之革職留任又以縱俄艦往黑龍江不之阻礙御前大臣召回京十一年聯軍在京定約因奕山前議自烏蘇里江口而南踰興凱湖至綏芬河瑚布圖河口復沿琿春河達圖們江口以東盡與俄人語具邦交志尋復御前大臣補正紅旗蒙古都統同治中封一等鎮國將軍授內大臣以疾罷光緒四年卒諡莊簡子載鑾理藩院侍郎載鑾子溥瀚鑲黃旗蒙古副都統係統照一等奉國將軍隆文伊爾根覺羅氏滿洲正紅旗人嘉慶十三年進士選庶吉士散館改刑部主事坐事罷職捐復授翰林院侍講累擢內閣學士道光中充駐藏大臣歷吏部戶部侍郎左都御史刑部兵部尚書軍機大臣屢奉使出讞獄借奕山督師廣東意不相合甫至病

憂憤而卒諡端毅

宗室奕經成親王永理孫貝勒綿懿子承繼循郡王允璋後鑲紅旗授乾清門侍衛歷奉宸院卿內閣學士兼副都統護軍統領道光三年坐失察停親王肩輿擅入神武中門褫職留內閣學士任五年遷兵部侍郎十年從征喀什噶爾回匪事平回京歷吏部戶部侍郎十四年出爲黑龍江將軍十六年召授吏部尚書兼步軍統領二十一年協辦大學士英兵犯浙江定海鎮海及甯波府城相繼陷陷裕謙死事命爲揚威將軍督師往勦都統哈喇阿提督胡超爲參贊尋易侍郎文蔚都統特依順副之陞辭日宣宗御勤政殿訓示方略特詔申明軍紀凡失守各城逃將逃兵軍法從事發交內庫花翎等件有功者立予懋賞勉以恩威並用整飭戎行大學士穆彰阿奏請釋琦善出獄隨赴軍前効力奕經卻之奕經分屬懿親素謹厚爲上所倚重奉命專征頗欲有爲而不更事尤味兵略奏調陝甘川黔兵一萬人請撥部餉一萬兩倉猝未集駐蘇州以待上以諸將少可恃者命凡文武員弁及士民商賈有奇材異能一藝可取者許

清史稿

列傳一百六十

三

詣軍前投効奕經渡江後於營門設木柵納名即延見且許密陳得失於是獻策者四百餘人投効者一百四十餘人而軍中所辟僚佐多闕尤京員投効者亦無異才惟宿遷舉人臧紆青自負氣節爲言議撫徒損國威始決主戰又勸劾斬失律提督余步雲以立威望疏其而旋寢以浙兵屢潰不堪臨陣召募山東河南安徽義勇浙事日亟巡撫劉祖可促援遲不至遂相惡久駐江蘇以供應之累官吏亦厭之餉需文報皆延擱不時應十二月始抵杭州前泗州知州張應雲獻策規復甯波奕經文蔚皆然之遂令總理前敵營務應雲以重資購甯波府吏陸心蘭爲內應日報機密多虛誑奕經囑於西湖關廟占得虎頭之兆乃議於二十二年正月寅日寅時進兵屢遣諜爲敵所獲漏師期初英兵踞府城僅二三百人艦泊定海至是漢鼎查率十九艘兵二千散泊江岸早爲之備奕經由紹興進曹娥江而慈谿敵兵退應雲請急進遂駐慈谿東關文蔚分屯長裕嶺令提督段永福余步雲等趨甯波游擊劉天保趨鎮海副將朱貴駐大寶山而應雲率所募義勇駐駱駝橋爲諸軍策應約於正月晦數路並舉

而敵已勾結應雲部勇勢且生變不及待期先二日輕軍分襲不携槍礮永福等入甯波南門地雷天保甫及鎮海城下為敵礮擊退皆大敗越日應雲所具火攻船為敵所焚軍中自斃奔大寶山朱貴收集潰兵圍進攻敵兵已至力戰竟日殺傷相當無援貴死之文蔚聞敗亦退軍資器械棄失殆盡奕經留軍紹興回駐杭州自請嚴議詔原之英艦乘勝由海窺錢塘江以尖山海口淺阻尋退去鄒鼎臣者殉難總兵國鴻子曾從父軍奕經予二十四萬金令募水勇規復定海聞甯鎮之敗遂巡海上奕經督之嚴乃報三月三日敗敵於定海十六門洋面燬船數十殲斃數百劉韻珂以為敗因奕經遣侍衛裕照等出洋查勘得焚燬船木及壞械回報乃疏聞賜奕經雙眼花翎鼎臣亦被獎時甯波英兵忽退留艦招寶山海口改犯乍浦陷之奕經不能赴援而以收復甯波奏詔斥不先事預防革職留任既而英兵犯江南陷鎮江逼江甯命奕經赴援尋命駐王江涇防與奕經自甯波慈谿之敗軍心渙散不能復用益為劉韻珂所擲檢議守議撫一不使聞及和議成撤師詔布奕經等勞師糜餉誤國殃民罪狀

清史稿

列傳一百六十一

四

速京論大辟圍禁踰年與琦善同起用予四等侍衛充葉爾羌幫辦大臣為御史陳慶鏞論劾仍褫職未幾復予二等侍衛充葉爾羌參贊大臣關伊犁領隊大臣坐審鞫英吉沙爾領隊大臣齋清額誣捕良回獄不當褫職發黑龍江三十年釋回咸豐初歷伊犁英吉沙爾領隊大臣二年召授工部侍郎調刑部兼副都統三年命率密雲駐防赴山東防粵匪卒於徐州軍次依侍郎例賜卹文蔚費莫氏滿洲正藍旗人嘉慶二年進士授翰林院檢討累擢至兵部工部侍郎兼副都統內務府大臣方其駐長谿嶺也聞諸路軍皆不利欲移營走敵難民潰兵猝至焚燬營帳乃奔曹娥江收集潰兵退保紹興欲渡錢塘江為劉韻珂所阻尋以定海報捷加頭品頂戴軍事竣追論失機褫職下獄踰年釋出予三等侍衛充古城領隊大臣復褫職咸豐初歷喀什密辦事大臣駐藏大臣奉天府尹五年卒特依順他塔喇氏滿洲正藍旗人福州駐防累遷協領道光十三年從平臺灣張丙亂擢荆州副都統歷越鎮總兵密雲副都統密夏將軍二十一年予都統銜授參贊大臣督師廣東尋命改赴浙江辦理軍

務駐守省城署杭州將軍遂寶授乍浦陷坐革職留任和議成命籌辦浙江善後事宜二十六年調烏里雅蘇台將軍二十九年卒余步雲四川廣安人嘉慶中以鄉勇從剿教匪積功至游擊平瞻對叛番累擢重慶鎮總兵道光七年率本鎮兵從楊遇春征回疆破賊洋阿爾巴特莊借楊芳擊賊於昆拉滿大敗之復和闐追禽賊酋玉努斯授乾清門侍衛擢貴州提督調湖南十二年率貴州兵勦江華瑤趙金龍借提督羅思舉破賊巢金龍就殲加太子少保復破粵瑤於永州藍山禽其渠從尙書禧恩赴廣東勦連州瑤平之賜雙眼花翎予一等輕車都尉世職歷四川雲南提督復調貴州十八年禽仁懷匪首謝法真加太子太保調福建提督二十年英兵初陷定海率師赴援調浙江提督二十一年定海既收還步雲駐防鎮海裕謙來督師疏言步雲不可恃未及易而英兵猝至復陷定海三鎮戰歿步雲屯招寶山總兵謝朝恩分守金雞嶺步雲號宿將實巧猾無戰志又曠裕謙剛愎將戰裕謙召與盟神誓師託疾不赴且獻緩敵之策敵攻其前而以小舟載兵由石洞攀援登後山步雲遽棄礮臺走敵乃據

清史稿

列傳一百六十一

五

招寶山俯擊鎮海城金雞嶺及縣城先後陷步雲退甯波敵掩至墜馬傷足僅免府城遂陷步雲疏聞委敗於裕謙裕謙既歿其妻赴京訟之二十二年從奕經規復甯波不克褫步雲職逮京命軍機大臣會刑部訊鞫廷臣爭劾其罪亦有原之者獄久延尙書李振祐堅持讞乃定詔曰余步雲膺海疆重寄未陣獲一賊身受一傷首先退縮以致將士效尤奔潰棄城直同兒戲儻不寘之法不惟無以肅軍政而振人心且何以慰死節諸臣於地下步雲遂棄市論曰奕山奕經天潢貴胄不諳軍旅先後棄師如出一轍事乃益不可為其人皆庸闇不足責當時廷臣不能預計量吏不能匡救可謂國無人焉奕山後復棄東北邊地其貽患尤深余步雲庸懦巧猾卒膺顯戮宣宗於債事諸人皆從寬典仲軍律者僅步雲一人耳

清史稿

列傳一百六十一

姚文田

戴敦元

朱士彥

何凌漢

李振祜

宗室恩桂

姚文田字秋農浙江歸安人乾隆五十九年高宗幸天津召試第一授內閣中書充軍機章京嘉慶四年一甲一名進士授修撰迭典廣東福建鄉試督廣東河南學政累遷祭酒十八年入直南書房會因林清之變下詔求言文田疏陳略謂堯舜三代之治不越教養兩端爲民正趨向之路知有長上自不干左道之誅爲民廣衣食之源各保身家自不致有爲惡之意近日南方患賦重北方患徭多民困官貧急宜省事久督撫任期則州縣供億少寬州縣例議則人才保全多次年復上疏言上之於下不患其不畏而患其不愛漢文吏治蒸蒸不至於姦愛故也秦顧法律衡石程書一夫夜呼亂者四起畏故也自數年來開上控之端刁民得逞其奸大吏畏其京控遇案親提計訴不過一人牽涉常至

清史稿

列傳一百六十一

一

數十農商廢業中道奔波受胥吏折辱甚至瘦死道斃國家慎刑之意亦曰有冤抑耳從前馬謙氏一案至今未有正兇無辜致斃者累累是一冤未雪而含冤者且數十人承審官刑撻橫加以期得實其中冤抑正復不少欲召天和其可得乎頃者林清搆逆搜捕四出至今未已小人意圖見長不能無殃及無辜奉旨嚴禁仰見皇上如天之仁臣以爲事愈多則擾愈衆秀民易逞機謀良善惟增苦累應令大小官吏可結速結無多株引庶上下相愛暴亂不作矣至所謂養民之政不外於農桑本務大江以南地不如此中原之廣每歲漕儲正供爲京畿所仰給者無他人力盡也兗州以北古稱沃衍河南一省皆股周畿內燕趙之間亦夙稱富國今則地成曠土人盡惰民安得不窮困而爲盜賊歲一歉收先請緩征稍甚則加蠲貸又其甚則截漕發粟以賑之所以耗國帑者何可算也運河屢淤東南漕未可恃設有意外何以處此臣見歷來保薦州縣必首列勸課農桑其實盡屬虛談從無過問大吏奏報糧價有市價至四五錢僅報二兩內外其於收成又虛加分數相習成風但使董勸有方行之一方面而收

利自然爭起相效田野皆闕水旱有資豈必盡資官帑善政乃行哉民之犯刑由於不率教其不率教由於衣食缺乏而廉恥不興其次第如此故養民爲首務也奏入仁宗嘉納之特詔飭各省以勸課農桑爲亟速清訟獄懲誣枉二十年擢兵部侍郎歷戶部禮部二十二年典會試二十四年督江蘇學政道光元年江浙督撫孫玉庭等議禁漕務浮收明定八折實許其加二文田疏陳積弊曰乾隆三十年以前並無所謂浮收厥後生齒日繁物價踴貴官民交困然猶止就斛面浮取而已未幾而有折扣之舉始每石不過折耗數升繼乃至五折六折不等小民終歲勤動事畜不贍勢必與官抗官即從而制之所舉以爲民罪者三曰抗糧曰包完曰捏交醜米民間零星小戶貧苦之家拖欠勢所必有若家有數十百畝之產竟置官賦於不問實事所絕無今之所謂抗糧者如業戶應完若干石多齋一二成以備折扣書吏等先以淋尖踢脚灑散多方糜耗是已不敷再以折扣計算如準作七折便須再加三四成業戶必至爭執間有原米運回州縣即指爲抗欠此其由也包完者寡弱之戶轉交有力者代爲

清史稿

列傳一百六十一

二

輸納然官吏果甚公正何庸託人可不煩言而自破民間運米進倉男婦老幼進城守候陰雨溼露猶百計保護恐米色變傷謂其特以醜米捏交殆非人情惟年歲不齊米色不能畫一亦間有之然官吏非執此三者不能相制生監暫革齊民拘禁俟其補交然後請釋不知此皆良民非秀民也此小民不能上達之實情也然州縣亦有不能不爾者自開倉訖兌運修整倉廩席竹木繩索油燭百需幕丁胥役脩飯工食加以運丁需索津貼滋甚甚至其平日廉俸公項不能敷用無論大小公事一到即須出錢料理即如辦一徒罪之犯自初詳至結案約須百數十金案愈巨則費愈多遞解人犯運送糧糶事事皆需費用若不取之於民誰厚者奉身而退貪婪者非向詞訟生發不可吏治更不可問彼思他弊獲咎愈重不若浮收爲上下咸知故甘受民怨而不惜其藉以自肥者固多而迫於不獲已者蓋亦不少言事者動稱不肯州縣州縣亦人耳何至一行作吏便行同苟賤此又州縣不能上達之實情也州縣受指克之名而運丁陰受其益然亦有不能不然者昔時運道深通運丁或藉來往携貨售賣以贖

用後因黃河屢經倒灌運道受害慮其船重難行嚴禁多帶貨物又從前回空帶鹽不甚搜查近因鹽商力絀未免算及項屑而各丁出息遂盡加以運道日淺反多添夫撥淺之費此費不出之州縣更無所出此又運丁不能上達之實情也數年前因津貼日增於是定例只准給三百兩運丁實不濟用則重船不能開州縣必獲咎戾不免私自增給是所謂三百兩者虛名耳頃又以浮收過甚嚴禁收漕不得過八折州縣入不敷出則強者不敢與較弱者仍肆腹削是所謂八折者亦虛名耳然民間執詞抗官官必設法箝制而事端因以滋生皆出於民心之不服若將此不靖之民盡法懲處則既困浮收復陷法網民心恐愈不平若一味姑容隱忍則小民開犯上之風將致不必收漕而亦目無官長其於紀綱法度所關實為匪細疏入下部議時在廷諸臣多以爲言文田持議切中時弊最得其平詔禁浮收裁革運丁陋規八折之議遂寢四年擢左都御史七年遷禮部尚書尋卒依尚書例賜卹諡文僖文田持己方嚴數督學政革除陋例斥偽體拔眞才典試號得士論學尊宋儒所著書則宗漢學博綜羣籍

清史稿

列傳一百六十一

三

兼諳天文占驗林清之變未起彗入紫微垣道光初彗見南斗下主外夷兵事文田皆先事言之

戴敦元字金溪浙江開化人幼有異稟過外家一月盡讀其室中書十歲舉神童學政彭元瑞試以文如老宿面問經義答如流歎曰子異日必爲國器年十五舉鄉試乾隆五十五年成進士選庶吉士散館改禮部主事銓授刑部主事典山西鄉試累遷郎中嘉慶二十四年出爲廣東高廉道道光元年擢江西按察使敦元初外任以情形非素習蘇州多粵商過訪風土利弊久之始去盡得要領至江西無幕客延屬吏諳刑名者以助數月清積積四千餘事二年遷山西布政使單車之任輿夫館人莫知爲達官藩署有陋規曰釐頭銀上下取給敦元革之曰官有養廉僕御官所象何贏餘之有調湖南護理巡撫三年召授刑部侍郎自此歷十年未遷他部專治刑獄剖析律意於條例有罅漏及因時制宜者數奏請更定每日部事畢歸坐一室謝絕賓客十二年擢刑部尚書典會試十四年卒優詔賜卹稱其清介自持克盡職守贈太子太保諡簡恪敦元

博聞強識目近視觀書與面相磨過輒不忘每至一官積積覽一過他日吏偶誤輒摘正之無敢欺者奏對有所諮詢援引律例誦故履一字無舛誤宜宗深重之至老或問僻事指某書某卷百不一爽嘗曰書籍浩如烟海人生豈能盡閱天下惟此義理古今人所談往往雷同當世以爲獨得者大抵昔人唾餘罕自爲文僅傳詩數卷喜天文律算討論有年亦未自立一說卒之日筭無餘衣困無餘粟比其貲不及百金廉潔蓋性成云

朱士彥字修承江蘇寶應人父彬績學通經見儒林傳士彥承家學成嘉慶七年一甲三名進士授編修纂國史河渠志諳習河事大考擢贊善督湖北學政累遷侍讀學士入直上書房歷少詹事內閣學士道光二年擢兵部侍郎四年以南河高堰壞疏陳河工事宜論高堰石工宜切實估修堰內二隄宜培補黃河盛漲宜兩岸分洩山旰五壩宜相機開放黃河下游無隄之處宜接築下勘河大臣文孚籌議酌行尋督浙江學政奏禁諸生包漕開漕以端士習御史錢儀吉劾士彥任性詔嘉士彥能任勞怨惟斥其父彬就養閱卷及命題割裂薄

清史稿

列傳一百六十一

四

謹之九年典會試督安徽學政尋擢左都御史召還京十一年遷工部尚書是秋江蘇大水河淮湖同時漲溢命借尚書穆彰阿往勘穆彰阿先回京遂偕左都御史白鎔察視江蘇安徽水災賑務疏言揚河廳掣卸石工及練隄耳聞應令工員賠修又以淮揚地方官多調署情形未熟請飭江甯布政使林則徐常鎮通海道張岳崧總司江北賑務從之尋奏續查下河積潦之區被災尤重浮開戶口爲辦賑積弊應令委員查明後即於本鄉榜示放賑時州縣官據委員原查總發一榜總查抽查憑以核辦又奏山旰廳屬添建滾水石壩本年放放過水現已無從查驗工員面稱放時石底間有衝裂壩下灰土亦損請俟水落責修完固堰旰兩廳准湖石工掣卸二百餘丈固限未滿應令賠修其石後甄工灰工間有殘缺應令補築又旰堰大隄加幫土工間有墊低浮鬆之處應培補責成河兵種柳護隄其已估未辦之高堰頭二兩堡未估之智信兩壩應卽興辦此項與黃河險要不同向來保固一年請嗣後各廳土隄及運河堤岸均改保固三年運河掃工於經歷一年後再加保固二年驗明堅整始准掃汛

修防安徽無爲州江壩及銅陵縣壩工程緊要均應借款興修並下所司議行
又劾鹽城宿松青陽等縣報災遲延遺漏請懲處捐賑紳民應給議敘禁胥吏
婪索挑剔並從之十二年事竣回京南河于家灣奸民陳瑞等盜挖官隄擊動
河流復借穆彰阿往勘疏言九月初旬清口出水二尺有餘高堰長水二丈一
尺勢至危險其時吳城七堡未開洪湖吃重此時既開放湖水分減現交冬令
一月後即難興工湖多積水風烈堪虞請加緊起辦尋命復借侍郎敬徵往勘
十三年奏于家灣正壩雖合龍請飭加鑲進歷以免出險覆訊挖隄諸犯治如
律又借敬徵覆勘河湖各工請分別緩急以次辦理父憂歸十六年服闋署吏
部尚書借尚書耆英赴廣東江西鞫獄十七年授兵部尚書查勘浙江海塘遂
赴南河驗料墾工程盤查倉庫以庫存與卷冊不符劾河庫道李湘蒞視職又
赴安徽河南按事疏陳常平倉糶買章程請各省凶糧遞糧作正開銷毋動倉
穀平糶必市價在八錢以上始准出糶採買須俟年豐穀賤且必在出糶二三
年後以紓民力而社宿弊如議行十八年兼管順天府尹事典會試調吏部尚

清史稿

列傳一百六十一

五

書士彥以綜覈爲宜宗所知奉使按事皆稱旨尋卒詔嘉其性情直爽辦事公
正贈太子太保賜其四子舉人副榜貢生有差證文定

何凌漢字仙槎湖南道州人拔貢考授吏部七品小京官嘉慶十年一甲三名
進士授編修大考二等擢司業累遷右庶子典廣東福建鄉試留福建學政令
諸生自注誦習何經據以考校所取拔貢多樸學道光六年授順天府尹京畿
獄訟繁多自立簿籍每月按簿催結無留獄遷大理寺卿仍署府尹在任凡五
年歷左副都御史工部侍郎典浙江鄉試留學政命借總督程祖洛按訊山陰
會稽紳幕書役勾結舞弊鞠實請褫在籍按察使李鴻職餘犯軍流有差任未
滿調吏部侍郎召回京兼管順天府尹事調戶部復調吏部仍兼署戶部侍郎
御史那斯洪阿條陳地方官有錢糧處分不准升調及變通雜稅下部議凌漢
兼吏戶兩部駁之謂理煩治劇每難其人若格以因公處分必至以中平無過
者遷就升調且吏治與催科本非兩事未有因循良而帑藏空虛者亦未有因
貪濁而倉庫充盈者是在督撫爲缺擇人不爲人擇缺正不必徒事更張轉滋

空礙又謂地方各稅有落地雜稅及房屋典當等稅已極周密至京師九門外
有鋪稅天津新縣沿濠鋪而有房租因係官地官房也今欲盡天下之府廳州
縣仿照定稅則布帛菽粟民生日用所需市儉將加價而取諸民以輸官水脚
火耗官又將取之於民且閉歇無常稅額難定有歛怨之名無裕國之實前議
遂寢十四年擢左都御史遷工部尚書仍兼管府尹如故累署吏部尚書十七
年吏部因京察一等人員有先由御史改官者議駁凌漢以不勝御史非不勝
外任者比如此苛繩有妨言路御史改部之員例準截取至京察雖無明文從
前有御史降調保送員外郎者援以請旨因面奏現任大員花杰吳榮光皆曾
由御史改降遂奉俞允十九年調戶部尚書四川總督寶興請按糧津貼防邊
經費議駁之略謂川省地丁額徵六十六萬田賦之輕甲於天下現議按糧一
兩加津貼二兩百畝之家不過出銀三兩即得百萬兩小民未必即苦輸將然
較原課幾增兩倍非藏富於民之義軍需藉資民力尤不可率以爲常請於各
省秋撥項下借撥百萬兩以三十萬爲初設邊防經費餘或發商或置田所獲

清史稿

列傳一百六十一

六

息以四萬爲常年經費二萬提還借款於防邊恤民兩有裨益詔允行是年典
順天鄉試子紹基亦典試福建父子同持文柄時人榮之二十年卒贈太子太
保諡文安紹基官編修見文苑傳

李振祜字錫名安徽太湖人嘉慶六年進士授內閣中書典廣西雲南鄉試遷
宗人府主事調兵部選員外郎典陝甘鄉試改御史給事中巡視淮安漕務劾
戶部郎中錢學彬係不勝外任之員違例截取知府詔譴吏戶二部堂官予振
祜議叙又劾都察院京察給事中色成額先經列入六法自赴公堂辯論干求
改列三等反復視若兒戲都御史被嚴議色成額仍列有疾累遷內閣侍讀學
士督山東學政應詔密陳山東積弊四事略曰吏事叢脞莫甚於官民不相安
也詞訟之繁始由於官吏不辦今又變而不辦欲結一案輒慮翻控欲用一
刑輒慮反噬鞫案之時有倚老逞刁者有恃婦女肆潑者有當堂憤起者有抗
不畫供者總由官吏恩信不結於平時明決不著於臨事以畏葸之才識治刁
悍之民風殆於鑿柄不相入矣案牘壅滯半由外府不辦事也各府州案件動

輒提省委交首府其中有不提而輕提者亦有各府州畏難而稟請提省者
濟南府統轄十六州縣自治不暇而舍己芸人勢必兩廢各府州畏難之事輒
以一稟提省卸責轉得遂其取巧偷安之計且疑難案件本地聞見較真遠提
至省則茫無頭緒必致訟師盤踞省城遇事挑唆一事株連數十人一案歷擱
一二載是欲辦案而轉以延案欲弭訟而適以滋訟矣緝捕無策則盜賊充斥
也東省盜賊結黨剽掠處處有之護賊行強雖小竊而情同大盜分肥執法雖
士類亦甘作窩家劫去馬牛定價勒贖明目張膽毫不畏官總緣捕役悉與勾
連平日分贓臨時送信甚至失事者以訴懇官捕為累以備價私贖為便州縣
既吝養捕之資又不講練捕之法既無獲盜之責又不嚴通盜之誅兼以自顧
處分動思諱飾化大為小咸所不免緝捕之弊如此錢糧不清則虧空難杜也
東省州縣正雜錢糧新舊挪挾習為故常其弊由於交代不清自三四任以至
十餘任轉葛不清者比比皆是官虧而外更有書虧查書虧情弊或串通幕丁
朦混本官私雕假印偽造串票有滿其私橐而遠颺者有挾制本官而自供不

清史稿

列傳一百六十一

七

諱者州縣回護處分隱忍代認而奸書遂益以侵蝕為得計錢糧之弊如此疏
入上嘉納之又劾泰安知府延路東昌知府熊方受請飭交撫臣查察嚴參又
劾東昌知府王果陵辱生員擬王果職又察出假印試卷勾結舞弊之人奏請
懲辦道光二年遷太僕寺少卿父憂去官服闋補順天府丞歷通政司副使光
祿寺卿太常寺卿宗人府丞十五年署順天府尹累遷內閣學士十八年授工
部侍郎調吏部兼署倉場侍郎二十一年擢刑部尚書浙江提督余步雲海疆
債事速問治罪廷臣猶有為議輕比者振帖堅持得伸法二十八年元日加恩
年老諸臣加太子太保二十九年因病乞休許之三十年卒年七十四諡莊肅
宗室恩桂字小山隸鎮藍旗道光二年進士選庶吉士授編修九遷至內閣學
士兼副都統十五年授盛京工部侍郎尋召為兵部侍郎調吏部因曠文職六
班降內閣學士歷工部吏部侍郎管理國子監事兼護軍統領左右翼總兵十
九年典順天鄉試偕大理寺卿何汝霖往浙江按學政李國杞被劾事遂查勘
南河東河料堞奏劾虛缺浮用者議譴有差二十年充內務府大臣管理上駟

院議增圓明園丁四百名命偕尚書賽尚阿督率訓練二十一年授理藩院尚
書兼署左都御史劾太常寺丞豐伸及查倉御史廣祜不職並罷之署步軍統
領奏言京城巡捕五營槍兵一千名不足以資捍衛增設一千裁撤藤牌弓箭
等兵改為槍兵不敷者於各營兵丁內揀選足額輪派二百名打靶操演陣式
詔議行二十二年調禮部尚書又調吏部實授步軍統領上御閱武樓親閱圓
明園兵丁槍操步式整齊施放有準嘉恩桂督率有方賜花翎時議節冗費恩
桂先已奏裁上駟院馬六百餘匹又奏言南苑六圍請裁其二並裁各圍及京
圍馬二百餘匹上駟院司鞍司轡蒙古醫士舊支馬乾銀均減半給如議行以
兼攝事繁能管內務府二十五年復之恩桂在吏部嚴杜冒濫兼步軍統領衙
門最久先後逾十年綜覈整頓釐定章程訓練兵卒皆有定效宣宗甚倚之二
十六年京察特予議敘又幸南苑見草木牲畜蕃盛嘉恩桂經理得宜加一秩
迭奉命治倉胥舞弊及戶部捐納房書吏賄充司員收受陋規諸獄並持正不
撓法二十八年卒於官上深悼惜稱其任勞任怨殫竭血誠贈太保賜金治喪

清史稿

列傳一百六十一

八

蓋文肅
論曰姚文田建言切中時弊戴敦元清介幹事其風概越流俗矣朱士彥之治
河何凌漢之掌計李振帖之執法並號稱職恩桂夙積金吾肅清釐穀一時稱
矯矯焉

清史稿

列傳一百六十二

白鎔

史致儼

那清安

昇寅

李宗昉

姚元之

何汝霖

季芝昌

白鎔字小山順天通州人嘉慶四年進士選庶吉士授編修典福建鄉試十八年大考二等擢贊善督安徽學政詔密詢地方利弊疏言安徽錢糧惟鳳陽泗州遭湖河之害積逋較巨遇豐稔之年循例帶徵舊額在小民以一年而輸數年之賦雖樂歲不免拮据而官吏懼譴規避多方積重難返與其存徵之名致小民口受追呼國計依然無補何如核徵之實使官吏從容措理舊額尚可漸清請嗣後二屬錢糧每年祇帶徵一年儻遇歉收再行遞緩民力漸紓催科者自顧考成行之必有效詔允行青陽有孝子曰徐守仁幼孤事母孝母沒廬墓三年鎔造廬贈題請旌表訪求明臣左光斗遺裔取列縣岸按試所至集士

清史稿

列傳一百六十二

一

人講學以正人心厚風俗為本累遷少詹事道光元年督廣東學政歷詹事內閣學士七年擢工部侍郎調吏部九年借尚書松筠赴直隸按外委白勳被誣冤斃獄護理總督屠之申以下降黜有差督江蘇學政尋借侍郎寶興勸視南河堦料舉實以聞十一年擢左都御史召還京未至命查勘江南災賑時尚書穆彰阿朱士彥亦奉命勘湖河汛溢狀穆彰阿先回京鎔遂偕士彥履勘沿河開墾工程與總督陶澍定議以上代賑赴安徽周歷太平甯國池州安慶廬州各郡先後疏劾節災侵賑諸弊次年回京署翰林院掌院學士典順天鄉試十三年擢工部尚書典武會試故事武闈雙好不足額始取單好是科雙好不盡取中坐降大理寺卿十九年乞病歸卒於家年七十四鎔事母孝教子弟嚴宣宗嘗嘉其家法之善以勉朝臣云孫恒宇建侯同治二年進士授吏部主事累遷郎中掌選清嚴慎密吏不能欺為時所稱光緒中擢兵部侍郎綜覈一如為司官時十七年因病乞休尋卒

史致儼字容莊江蘇江都人家酷貧甫冠為諸生學政謝墉器其才給膏火居

清史稿 卷三八一

尊經閣讀書薦預召試未與選嘉慶四年成進士選庶吉士授編修督四川學

政累遷右庶子二十一年督河南學政自滑縣匪平猶有伏莽密詔偵察疏陳彰衛二郡民間習邪教猶眾州縣編查保甲有名無實撰敦俗篇刊布以化導之商邱原生陳忠錦以不濫保被毆知府經歷受賂反加斥責忿而自經疏劾譴罪有差道光元年典湖北鄉試累遷內閣學士三年擢刑部侍郎調禮部五年督福建學政奏分臺灣舉人中額增所屬四縣學額漳泉諸郡習械鬪諸生與者屏不與試悍風稍息九年借侍郎鍾昌赴山西鞫獄平定知州故出人罪鞫實論兇犯如律視知州恒杰職調刑部歷左都御史遷禮部尚書兩典順天鄉試調工部又調刑部勤於其職竟日坐堂上閱案牘罕析論難視司員如弟子任刑部凡四年京察以刑名詳慎被議敘十八年乞解職尋卒年七十九贈太子太保祀鄉賢及名宦祠

清史稿

列傳一百六十二

二

直隸獄獄擢左都御史管光祿寺事兼都統尋遷兵部尚書調刑部四年出為熱河都統借左都御史松筠等赴土默特獄事竣疏言蒙古惡習常有移屍訛詐為害滋甚蒙古律例凡軍流徒犯罪止折枷情重法輕請嗣後遇有假捏人命詐財者所擬軍流徒罪即行實發不準折枷以懲刁惡下所司議行六年召授左都御史逾年復任熱河都統召對詢知其母年老命仍還左都御史任十一年復授兵部尚書典順天鄉試及會試十四年以疾乞解職允之尋卒贈太子太保諡恭勤那清安工為館體應制詩時皆誦習因與穆彰阿同榜成進士晚乃受宣宗知迭乘文衡既卒會兵部以慶廉殘疾扣除上追念其持正予其子史所劾先是那清安為監射大臣曾以慶廉殘疾扣除上追念其持正予其子全慶加二級全慶光緒初官大學士自有傳

昇寅字寶旭馬佳氏滿洲鑲黃旗人拔貢考授禮部七品小京官舉嘉慶五年鄉試累遷員外郎改御史疏言學校為人才根本請嚴課程務實用戒奢靡又疏陳防禁考試八旗生懷挾冒替諸弊從之改右庶子累遷副都御史二十一

四一一

年授盛京禮部侍郎署盛京將軍調刑部召為工部侍郎又調刑部六年出為
 熱河都統以蒙古各旗招內地游民開採煤礦往往生事械鬪疏請諭禁從之
 八年命赴甘肅借總督鄂山按甯夏將軍慶山副都統噶普唐阿互劾事能慶
 山即以昇寅代之歷成都綏遠城將軍命鞫鄂爾多斯京控獄奏言蒙古京控
 日繁請自後各部落封禁地樹立界牌以杜私墾蒙古阿勒巴圖禁止餽贈以
 息爭端扎薩克王貝勒等母用內地書吏以免教唆各旗協理台吉會同盟長
 選舉以昭慎重盟長會盟需用烏拉應明定限制以免浮索庶積弊清而獄訟
 息十一年召授左都御史兼都統十二年署工部尚書京畿旱疏請發米設十
 廠煮粥以濟災民從之十三年借侍郎鄂順安按西安將軍徐錕貪縱得實議
 褫職十四年命閱兵山東河南就鞫桐柏知縣甯飛濱故出人罪治如律命赴
 廣東湖南按事授禮部尚書未至卒於途優詔賜卹稱其老成清介贈太子太
 保諡勤直子寶琳直隸保定知府澄定州泮澤有治績寶印同治中官兵部侍
 郎山海關副都統係紹祺咸豐六年進士由編修官至理藩院尚書紹誠光緒

清史稿

列傳一百六十二

三

山西布政使從治鄭州河工終駐藏大臣紹英宣統初度支部侍郎內務府
 大臣

李宗昉字芝齡江蘇山陽人嘉慶七年一甲二名進士授編修典陝甘鄉試大
 考二等擢贊善督貴州學政累遷侍讀學士督浙江學政歷詹事內閣學士道
 光元年授禮部侍郎次年典會試又典江西鄉試留學政值大水歲饑與巡撫
 籌賑務多所全活調戶部侍郎初宗昉督學貴州時巡撫議丈全省田為增賦
 計民情惶駭會檄學官徵集圖書得御史包承祚奏疏乾隆初學政第一桂請
 丈田而承祚奏駁之極言黔中山多平地少民每虛占不毛之地胥吏高下其
 手以丈高下不可準之田賦未必增民受其害部議停止宗昉持以示巡撫曰
 此事學臣嘗奏之被駁今必解其所駁乃可巡撫亦悟事得寢至是官戶部署
 巡撫麟慶因復奏上其事部援故事詳覆之乃定議不行歷工部吏部侍郎兼
 管國子監順天府尹事自七年至十年典順天鄉試二會試一浙江鄉試一得
 士稱盛擢左都御史禮部尚書二十四年以疾乞休二十六年卒依例賜卹

姚元之字伯昂安徽桐城人嘉慶十年進士選庶吉士授編修典陝甘鄉試入
 直南書房給事中花杰劾戴衢亨英和援引詔元之文字本佳斥杰試尋亦
 罷元之入直十七年大考一等擢侍講復以武英殿刊刻聖訓有誤仍降編修
 十九年督河南學政疏禁坊刻類典等書以杜剽襲又密陳河南與安徽湖北
 交界地多搶匪陳州汝甯鹽運迥殊土匪把持並嘉納之累遷內閣學士道光
 十三年授工部侍郎疏陳臺灣營務積弊窩倡聚賭械鬪殺人操演雇人替代
 詔下閩督嚴察整頓調戶部又調刑部迭典順天江西鄉試督浙江學政未滿
 十八年擢左都御史召回京尋以南昌知府張寅為江西巡撫裕泰劾罷元之
 為寅疏辯贖陳政績請查辦詔斥冒昧降二級調用二十一年海防方亟疏陳
 廣東形勢豫籌戰守下靖逆將軍奕山等探行授內閣學士二十三年京察以
 年衰休致元之學於族祖鼎文章爾雅書畫並工習於掌故館閣推為祭酒愛
 士好事穆彰阿素重之後以論洋務不合乃被黜咸豐二年卒
 何汝霖字雨人江蘇江甯人拔貢考授工部七品小京官中式道光五年舉人

清史稿

列傳一百六十二

四

充軍機章京累遷郎中歷內閣侍讀學士大理寺少卿借侍郎恩桂按事浙江
 查勘南河料墾命在軍機大臣上行走歷宗人府承副都御史二十二年授兵
 部侍郎調戶部借大學士敬徵勘東河工程二十五年擢兵部尚書值太后七
 旬萬壽汝霖母丁年九十五世同堂賜御書扁額尋以母憂歸江蘇大水命在
 籍襄治賑務先是總督陶澍於江甯立豐備倉以備荒縣令虧挪穀價大吏許
 以他款抵汝霖曰倉穀以備凶今荒象如此汝霖不敢欺朝廷當各為奏上乃
 以給賑用服闋命以一品頂戴署禮部侍郎尋署戶部尚書仍直軍機處授禮
 部尚書汝霖久襄樞務資勞已深尚書陳孚恩由章京躋大臣駁用事朕汝霖
 居其前汝霖年逾七十一日在直觸火爐幾仆孚恩笑曰人當避鎚鎚豈能避
 人汝霖知其諷已成豐二年以足疾乞罷直許之未幾卒諡恪慎祀鄉賢子兆
 瀛浙江鹽運使
 季芝昌字仙九江蘇江陰人父麟直隸鉅鹿知縣居官慈惠嘉慶十八年捕邪
 教焚其籍免株連數千人坐捕匪不力戍伊犁芝昌年逾四十成道光十二年

一甲三名進士授編修散館第一未幾大考第三擢侍讀督山東學政十九年大考復第三擢少詹事晉詹事典江西鄉試督浙江學政母憂歸服闋擢內閣學士二十三年授禮部侍郎督安徽學政調吏部又調倉場二十八年命偕定郡王載銓籌辦長蘆鹽務清查天津倉庫疏陳蘆鹽積累各商憚於承運懸岸至四十餘處請將河南二十四州縣做淮南例改票鹽先課後引直隸二十四州縣限半年招商招販無商販即責成州縣領運或由鹽政遴員官運支銷浮費及官役陋規永遠裁汰每年應完帑利攤及通綱額引與正課一律征收其協濟補欠充公等項加價名目概行革除並於各引鹽加斤免課每斤准其減價敵私詔依議行二十九年偕大學士耆英赴浙江閱兵並清查倉庫籌辦鹽務途經東河南河查詢節浮費裁冗員事宜奏減東河正款二十萬兩裁泉河通判歸河通判南河每年用款以三百萬兩為率減省五六十萬兩併揚運通判於江防廳改為江運同知裁丹陽縣丞靈璧主簿呂梁洪巡檢從之耆英病留清江浦芝昌獨赴浙江疏陳變通鹽務章程七事杭嘉紹三所引鹽分別加

清史稿

列傳一百六十二

五

斤止令完交止課松所引鹽酌裁科則虛懸口岸選商接辦並籌款收鹽緝私責成官商由運司審覈緝獲私鹽分別充賞及補課作正配銷禁革引地陋規嚴裁巡驗浮費尋查州縣倉庫統計實虧之數多至三百九十餘萬請將虧數最多之員革職勒追不足則由原任上司按成分賠或由本省各官分成提補其有欠在胥吏者尤嚴補追母任倖免並從之授山西巡撫未一月召署吏部侍郎命在軍機大臣上行走尋授戶部侍郎三十年擢左都御史咸豐元年出為閩浙總督艇匪在浙洋劫掠山東兵船被劫遁閩洋遣水師截擊賊眾畏罪投誠安置二年兼署福州將軍疏請停能捐納舉人附生之例又奏禁鹽商代銷官運以杜取巧並從之尋以疾乞休芝昌以文字受宣宗特達之知嘗曰汝為文行所無事譽之於射五矢無一失及查辦長蘆兩浙鹽務稱旨遂驟進膺樞務甫數月宣宗崩文宗猶欲用之界以外任未一歲謝職歸久之卒於家未予卹典光緒初署浙閩總督文煜奏陳政績追諡文敏子念誥道光三十年進士官編修係邦栢同治十二年進士官至福建布政使

論曰承平士大夫平進而致列卿或以恪謹稱或以文學顯固不能盡有所建樹或餘澤延世子孫復繼譽纓若白鎔那清安昇寅諸人是也季芝昌晚遭殊遇已值宣宗倦勤之年暫任兼圻奉身而退其見幾知止者耶

清史稿

列傳一百六十二

六

清史稿

列傳一百六十三

辛從益

張麟

顧皋

沈維錫

朱為衡

程恩澤

吳傑

辛從益字謙受江西萬載人乾隆五十五年進士選庶吉士授編修遷御史以母老陳請終養嘉慶十七年起復補原官會京畿多雨詔發廩平糶從益在事釐剔弊端實惠及民時稱之疏請飭督撫詳慎甄別以澄吏治略曰外省甄別與京員不同京師耳目其密稍有徇私難逃聖明洞鑒外省督撫權勢既尊操縱甚易豈知州縣有當切責之處亦有當體恤之處偏私則是非倒置刻覈則下情不通臣以為大吏必持廉法之大綱略趨承之末節務幹事之勤能責安民之實效揣時勢之難易量才分之優絀而又常存敬畏之心然後能愛惜人才澄清吏治遷給事中十八年滑縣匪平軍中多携養難民子女從益疏請遣

清史稿

列傳一百六十三

一

送歸家如議行並請領兵大員又而奏正教昌明邪說自息小民不識大義故易為邪教煽惑而選人得官不問風俗淳澆祇計缺分肥瘠何以教民欲厚風俗宜先責成牧令歷光祿寺少卿通政司參議內閣侍讀學士光祿寺卿太常寺卿道光初山西學政陳官俊鑄級回京仍直上書房從益疏劾曰上書房為教習諭德之地視學政為尤重宜慎選德行敦厚器識宏達之儒臣使皇子有所觀法薰陶養其德性陳官俊在學政任不能遠色避嫌愆忿辜欲性行之駁器識之偏不宜仍居授讀之任二年遷內閣學士宣宗溫諭曰爾其樸忠無所希冀亦無所揣摩有所聞見直言無隱朕無忌諱也命偕尚書文孚赴陝西獄獄渭南富民柳全璧殺其備朱錫林而知縣徐潤得免死巡撫朱勳庇之獄久不決從益等鞫得其狀論如法獲命陳陝西馬政之害地方官春秋計里買馬實則民不得直而官亦不需馬第指馬索賕以為民病請禁革三年擢禮部侍郎督江蘇學政於是巡撫陶澍奏禁紳衿包漕橫索漕規下學政稽查懲治從益上疏曰江蘇漕額本重豈堪浮收無節州縣自應調劑閭閻尤宜體恤久懸

定額尚肆苛求明語浮收必滋流弊撫臣之意謂控漕之人即包漕之人臣以為未必盡然官之收漕必用吏役吏役貪狠必圖肥己官既浮收吏又朘削不特小民受害即循謹生監亦被其累激而上控此中固有不得已者撫臣又稱生監需索漕規地方官費無所出乃取償於純謹小民臣伏思吏役貪得無厭縱生監悉循循守法而小民追呼徵比之煩亦斷不能為之少減吏役倚官府為城社倘違例浮收無人控訴將何術以治之夫劣衿律所不宥苛政亦法所必裁矯枉勢必過正創法宜防流弊管見所及不敢不以上聞從益廉靜坦白遇非理必爭不為權要詘八年卒於學政任所著有奏疏詩文內外集公孫龍子注

清史稿

列傳一百六十三

二

張麟字小軒浙江長興人嘉慶四年進士選庶吉士習國書授檢討仁宗臨幸翰林院麟獻詩册被恩賞十七年大考二等遷贊善歷侍講庶子二十年選翰林官入直懋勤殿纂輯秘殿珠林石渠寶笈麟與馬懋侍講學士國子監祭酒二十四年典江西鄉試尋以齋戒未至齋所降授太常寺少卿遷通政使司副使太僕寺卿道光元年命偕太常寺少卿明安泰赴楊村挑驗劍船遂赴東光盧龍兩縣訊鞠京控獄各論如律並劾承審官濫刑巡道徇庇視黜有差三年轉太常寺卿督安徽學政擢內閣學士七年以繼母憂歸服闋補原官擢兵部侍郎督福建學政十三年補戶部又調吏部福建縣丞秦師韓控許總督程祖洛侍郎趙盛奎借麟同案鞫白其誣師韓遣戍麟清廉儉素杜絕干謁兩為學政卻陋規拔寒賤閩人尤頌之衡文力矯通榜之習十五年典會試以校閱勞致疾出闈卒福建士民請祀名宦祠

顧皋字欽齋江蘇無錫人嘉慶六年一甲一名進士授修撰九年督貴州學政釐剔弊竇奏改黎平開泰學額士林頌之超擢國子監司業二十一年直懋勤殿編輯秘殿珠林石渠寶笈懋勤翰林院侍讀左右庶子侍講學士侍讀學士典陝甘鄉試二十四年入直上書房甚被仁宗眷注二十五年扈蹕熱河上升遐之日御筆擢皋詹事次日宣宗即位執皋手大慟道光元年遷內閣學士擢工部侍郎兼管錢法堂二年調戶部連典順天浙江鄉試管理國子監事務皋在

戶部不爲激亢之行考覈利病慎稽出納不可干以私嘗曰學期見諸實用吾久迴翔於文學侍從及任經世理物之責未能壹志專慮以求稱職爲自愧耳八年以病乞歸十一年卒

沈維鏞字子彝浙江嘉興人嘉慶七年進士選庶吉士授編修歷司業洗馬與修全唐文西巡盛典一統志入直懋勤殿纂輯秘殿珠林石渠寶笈二十一年督湖北學政禁習邪教以端士風累遷侍讀學士道光二年典福建鄉試留學政疏陳州縣私設班館之弊請飭嚴禁並禁監生充緝捕催科諸役四年遷大理寺少卿八年督順天學政轉太僕寺卿任滿遷宗人府丞署副都御史尋實授十二年督安徽學政奏請增建壽州考棚與鳳陽分試瀕江水災借蠲吏會需賑撫士民頌之維鏞居官廉履視學所至弊絕風清振拔多知名士宣宗知之期滿連任擢工部侍郎十七年請回籍營葬詔予假三月毋庸開缺事竣回京十八年以耳疾許免職命病痊以聞逾年卒於家維鏞學以宋儒爲歸謂典章制度與夫聲音訓詁當宗漢人而道理則備於程朱務爲身心有用之學校

清史稿 列傳一百六十三 三

刊宋儒諸書以教士時稱其醇謹焉祀鄉賢祠
朱爲弼字右甫浙江平湖入嘉慶十年進士授兵部主事遷員外郎道光元年授御史遷給事中疏請整頓京師緝捕劾倉場覆奏海運倉豆石徵變情形不實命大臣按鞠侍郎和桂張映漢並被譴又疏陳江蘇海口壅塞浙江上游均受其害請疏濬太湖下游劉河吳淞諸水爲一勞永逸之計如所議行四年擢順天府府丞遷府尹有蝗孽單騎馳視卻屬官供張曰吾爲蝗來乃以我爲蝗耶六年復降授府丞歷通政司副使太常寺卿宗人府府丞都察院左副都御史十三年擢兵部侍郎權倉場侍郎尋實授十四年出爲漕運總督時漕船水手恣橫廬州幫在東昌械鬥傷斃多命下爲弼查辦疏言漕督例隨幫尾在前者無從遙制請責成押運官弁會同地方官拿辦並定頭柁十家聯保舉發徇隱賞懲之法奏陳別弊速漕章程八事下所司議行十五年以病乞免允之二十年卒爲弼精學金石之學佐阮元纂鐘鼎彝器款識所著有蕉聲館詩文集程恩澤字春海安徽歙縣人父昌期乾隆四十五年一甲三名進士累官至侍

講學士直上書房恩澤勤學嗜奇受經於江都凌廷堪堪助之曰學必天人而至博而能精所成乃大嘉慶十六年成進士選庶吉士授編修道光元年入直南書房宣宗曰汝父蘭翹先生昔年在南書房朕敬其品學汝之聲名亦所深悉宜更守素行典試四川三年督貴州學政勸民育粟蠶其利大行重刊岳珂五經以訓士鄭珍有異才特優異之餉以學卒爲領儒六年調湖南學政任滿回京游擢國子監祭酒命充春秋左傳纂修官推本賈服不守杜氏一家之言毋愛歸十一年服闋仍直南書房未補官特命典試廣東知南海曾釗名冀得之釗未與試榜發大失望所得多知名士改直上書房授惠親王讀邊內閣學士十四年授工部侍郎調戶部以部務繁罷直書房十七年卒上其惜之優詔賜卹賜其子德威舉人恩澤博聞強識於六藝九流皆深思心知其意天象地輿千通太乙脈經莫不窮究謂近人治算由九章以通四元可謂發明絕學而儀器則罕傳欲修復古儀器而未果詩古文辭皆深雅時乾嘉宿儒多徂謝惟大學士阮元爲士林尊仰恩澤名位亞於元爲足繼之所欲著書多未成惟

清史稿 列傳一百六十三 四

國策地名考二十卷詩文集十卷傳於世
吳傑字梅梁浙江會稽人少能文爲阮元所知以拔貢生應天津名試二等充文穎館臚錄書成授昌化教諭十九年成進士選庶吉士授編修遷御史道光二年督四川學政疏請以唐陸贄從祀文廟下部議行遷給事中出爲湖南岳常澧道歷貴州按察使順天府丞十三年川南叛夷犯邊師久無功傑疏言川夷作亂提督桂滿連戰克捷生禽首逆清溪近邊遂無夷踪楊芳繼任用兵之區僅峨邊一處夷寇不過數部落當易獲勝惟夷集跬步皆山夏令河水盛漲徒涉尤難楊芳自抵峨邊頓兵三月臣思其故必逆夷退伏老巢水潦既降不易深入楊芳不敢以軍情入告但稱督兵進剿實皆游移觀望之辭曠日持久邊事所關非細請敕總督鄂山體察確奏毋得徇隱又疏言馭夷長策當先勦後撫未勦遽撫良莠不分兵至相率歸誠兵退復出焚掠層疊疊嶂我師轉運爲艱夷族因利伺隙倏起倏伏使我猝不及防國家既厚集兵力自當掃穴犁庭除惡務盡使諸夷望風震懾一勞永逸自古馭夷之法討伐易而安撫難善

後之舉至要者二一曰除內奸游手無業之徒潛居夷地為之謀主教以掠人
勒贖案業焚殺及避火器敵官軍之策夷悍而愚得之乃如虎傅翼必應名捕
盡法懲治良民亦驅使回籍毋任逗留異域宜諭土司不得容留漢民營伍避
詰絕其潛入之路則奸人無絲構扇矣一曰分疆界夷族愚惰不諳農事漢民
租地耕作有年既漸闢饒鹵為膏腴羣夷涎其收穫復思奪歸構畔之原不外
於此今當勘丈清查凡漢民屯種夷地強占者勒令退還佃種者悉令贖歸無
主之田墾荒已久聚成村落未便遷移畫為漢界禁其再行侵占庶爭端永息
又奏越嶺設撫民通判止治漢民而熟夷皆受治土司通判無專責且營伍
非其所轄呼應不靈每以細故釀為大衅請改為撫夷通判千把總以下皆受
節制疏上下鄂山議行遷內閣學士十五年擢工部侍郎連典順天鄉試及會
試十六年卒

論曰宣宗最重文學廉謹之臣辛從益直言獻納張麟廉介絕俗沈維鏞服膺
理學程恩澤博物冠時皆負清望顧皋朱為弼吳傑並以雅材迴翔卿貳亦足
清史稿 列傳一百六十三 五

清史稿

鮑桂星

吳孝銘

鄂木順額

顧純

陳鴻

徐法績

列傳一百六十四

鮑桂星字雙五安徽歙縣人嘉慶四年進士選庶吉士授編修遷中允九年典
試河南留學政十三年典試江西十五年督湖北學政累遷至內閣學士十八
年任滿既受代開林清之變疏陳十事急馳至京仁宗嘉之曰汝所奏已次第
施行矣擢工部侍郎充武英殿總裁桂星性質直勇於任事十九年疏陳刊書
及校勘事宜又劾提調劉榮輔等不職命王大臣按之榮輔而訐桂星言滿
總裁熙昌所校不過偏旁點畫修改徒延時日且言近日有旨旗人不足恃故
督撫多用漢人上聞之怒命傳詢桂星對開自侍郎周兆基且言在部與滿員
共事多有徇私背公而兆基不承又指同官熙昌及慶溥屬託部事兩人亦不
承以任性妄言下部嚴議詔斥桂星指訐慶溥熙昌屬託無據其咎小妄言朝
清史稿 列傳一百六十四 一

廷輕滿洲重漢人亂政之大者革職不准回籍令在京閉門思過責五城御史
嚴察如私著詩文有怨望誹謗之詞從重治罪越五年上意解復官編修宣宗
即位召對論曰汝昔所劾今已罷斥擢侍講又擢通政司副使意頗嚮用道光
四年擢詹事未幾卒桂星少從同縣吳定學後師姚鼐詩古文並有法著有進
奉文及詩集又嘗用司空圖說輯唐詩品

顧純字南雅江蘇吳縣人嘉慶七年進士選庶吉士授編修十七年大考一等
擢侍讀督雲南學政道經河南見吏多貪墨奸民充斥密疏陳謂不早根治恐
釀巨患仁宗問樞臣樞臣徵其事不以為意明年遂有滑縣之亂在雲南課士
嚴而有恩以正心術端行誼為首次治經史辨文體按試所至聞賢士必禮遇
之士風丕振任滿充日講官二十五年遷侍講學士值宣宗初政疏請停捐例
再疏陳崇君德正人心飭官方三事上召對嘉納其言故事大臣子弟不得充
軍機章京時值考選許一體與試純謂貴介不宜與聞樞要請收回成命事尋
止左都御史松筠出為熱河都統純上疏謂松筠正人宜留置左右失上意降

編修九歲不調先是嘉慶中純在史館撰和珅傳及進御經他人竄改和珅曾數因事被高宗詰責並未載入傳仁宗怒其失實嚴詔詰問大臣以純原稿進仁宗深是之而奪竄改者官宣宗一日閱實錄至此事嘉純直筆因言前保留松筠必非阿私特擢純右中允未一歲復侍講學士原職時回疆張格爾亂甫定純疏請於喀什噶爾沿邊增重兵以控制安集延杜回人窺伺又其地密邇英吉沙爾葉爾羌和闐皆有水草可耕牧宜募民屯田為戰守備吏請慎選大臣無分滿漢務得讀書知大體有方略者任之而以廉靜明信能拊循民回者為之佐庶可永無事道光十一年遷通政司副使湖南北江兩江浙江大水純疏言饑民與鹽梟糾合易生事鹽梟不盡去終為巨患緩治之則養禍深急治之則召禍速欲禁其妄行必先謀其生路見兩淮鹽場漂沒三江兩湖勢必仰給蘆粳之鹽宜聽民往販隨時納課收課後不問所之俟鹽產盛丁力紓即令課歸丁不限疆域事下所司格未行純性嚴正尚氣節晚益負時望從游者衆類能砥礪自立漁士尤歸之其秀異者至京師多就問業焉十三年卒

清史稿

列傳一百六十四

二

吳孝銘字伯新江蘇陽湖人嘉慶十四年進士選庶吉士散館授工部主事充軍機章京十八年林清之亂甫定大軍會攻滑縣孝銘從大臣行參軍事累遷郎中道光中回疆用兵首逆張格爾潛逃未獲議者欲以克復四城分封回部會長孝銘密言於樞臣曰是可行於乾隆時不可行於今日行之邊患且益甚議中止張格爾旋就俘賜花翎瀕年大水江浙兩湖被災尤數承回疆兵事後度支大細戶部擬議宗室日以奢衍衣食悉仰之官耗財之大者請自系出世祖以上子孫皆改為覺羅為覺羅者以次遞革孝銘曰茲事當密陳不宜顯言法當緩更不宜驟易宗室久受恩養一旦降爵減糧令下即大困因而呼籲朝廷不得已將必復之是良法美意終於不行也部臣是其言即使草奏上之歷鴻臚寺少卿光祿寺少卿通政司參議順天府丞仍留直軍機處十四年擢太僕寺卿再遷宗人府丞孝銘前後在樞廷二十餘年練於掌故持議悉合機宜屢膺文衡有公明稱母憂以毀致疾服闋至京尋乞病歸卒於家

陳鴻字午橋浙江錢塘人嘉慶十四年進士選庶吉士授編修遷御史剛直有

聲典試山西還力陳驛站煩擾請申定例肅郵政二十五年疏陳浙江水利略曰杭城地當省會用上下兩塘之水溉仁和錢塘海甯之田數萬餘頃源出西湖近廢不治水淤葑積塘河津耗夏旱少雨上塘枯涸苗害尤劇海甯長安鎮號產米之鄉許村黃灣場為產鹽之地杭嘉湖甯紹諸郡賴是挽運擬請仿江蘇凌吳淞例歸民間按畝出資並飭鹽臣躬履屬境凡隄塘壩壩悉復舊制俾農田旱潦有備又請北省多闢水田兼收稅稻之利庶使畿輔為沃野無凶年皆被採納道光初年疏陳浙雖不綱請裁鹽政歸巡撫兼理令整頓緝私嚴禁掣規重斤科派供應諸弊如議行糾劾工部弊竇最多不避權貴遷給事中二年奉命稽察銀庫其妻固賢明日今而後可送妾輩歸矣驚問之曰銀庫美差也苟為所染呢者屬至禍且不測妾不忍見君菜市也鴻指天自誓禁絕賂遺中庭已列花數盆急揮去墮地盆碎中有藏錢益發懼遂奏庫衡年久鐵陷請救工部選精鐵易之送庫日責成管庫大臣率科道庫員較驗然後啟用禁挪壓餽銀空白出納及劈鞘諸弊庫吏百計儲之不動復請戶部逐月移送收

清史稿

列傳一百六十四

三

銀總簿別立放銀簿鈐用印信以資考覈先是御史趙佩湘駁其死也論者疑其中毒鴻莅庫勺水不敢飲出督雲南學政奏革陋規嚴束書吏弊風頓革遷通政司參議卒於官

鄂木順額字復亭鈕祜祿氏滿洲正藍旗人父明安泰江蘇按察使鄂木順額嘉慶二十五年進士選庶吉士授編修累遷右庶子道光四年大考一等擢翰林院侍講學士遷少詹事扈從東巡命分視御道內監前驅者多率意馳踐鄂木順額執而鞭之則怒於御前召問鄂木順額對曰關外地與關內異先驅踐踐則路壞慮驚乘輿且御道非大駕不得行臣不敢不執法上韙之命為湖南學政以在母憂引禮力辭服闋督安徽學政遷光祿寺卿十一年大雨江溢學政駐營鄂木順額捐廉以賑督守令勸捐士民踴躍知縣趙汝和盡心民事而慈直忤大吏調為鄉試同考官鄂木順額堅留治賑事得辦後上聞宣宗以為賢期滿留任遷大理寺卿十二年鄉試往江甯考錄遺才卒於試院鄂木順額以氣節自勵在滿洲京僚中稱最大學士松筠尤重之曰君光明挺直行且

大川賴自愛為英和門下士在翰林非有故不通謁及英和謫戍獨送至數十里外英和太息曰吾愧不知人平日何曾好待君耶嘗謁掌院學士王麟閣人弗為通怒叱曰英相國獲罪即若曹為之奈何猶不知傲翼日王麟自往謝徐法績字熙庵陝西涇陽人嘉慶二十二年進士選庶吉士授編修以親老歸養家居十年道光九年遷御史諫臣當識大體不宜毛舉細故積上聽致久沒生厭疏陳求人才指文法重守令繩貪墨四事會直隸河南地震成災劾能監司不職者二人遷給事中稽察銀庫無所染十二年分校會試同官與吏乘隙為姦匿雲南餉銀法績出閣亟按之謀始沮典試湖南其副病歿獨專校閱徧搜遺卷拔取多知名士而得於遺卷者六人大學士左宗棠其首也以薦赴東河學習河工周歷兩岸詳詢利弊著錄為東河要略一篇十四年遷太常寺少卿尋以病乞歸踰二年卒

論曰鮑桂星顧維以鯁直獲譴卒見諒於明主純之建白尤卓卓矣吳孝銘通達政體鄂木順額樸誠持正陳鴻徐法績清操相繼莫挽頹風而庫藏大獄卒

清史稿 列傳一百六十四 四

發於十數年之間其矣實心除弊之罕觀其人也

清史稿 列傳一百六十五

黃爵滋 金應麟
陳慶鏞 蘇廷魁
朱琦

黃爵滋字樹齋江西宜黃人道光三年進士選庶吉士授編修遷御史給事中以直諫負時望遇事鋒發無所回避言屢被採納十五年特擢鴻臚寺卿詔以爵滋及科道中馮贊勳金應麟曾望顏諸人均敢言故特加擢任風勵言官開忠諫之路勉其勿因驟得升階即圖保位並以誥誡臣工焉尋疏陳察天道廣言路儲將才制匪民整飭京城營衛申嚴外夷防禁六事又陳漕河積弊均下行時英吉利船艦屢至閩浙江南山東洋面游奕測繪山川地圖爵滋疏言外國不可盡以恩撫而沿海無備可危十八年上禁烟議疏曰竊見近年銀價遞增每銀一兩易制錢一千六百有零非耗銀於內地實漏銀於外洋也蓋自鴉片流入中國道光三年以前每歲漏銀數百萬兩其初不過執袴子弟習為浮

靡嗣後上自官府指紳下至工商優隸以及婦女僧道隨在吸食粵省奸商勾通兵弁用扒龍快蟹等船運銀出洋運烟入口故自道光三年至十一年歲漏銀一千七八百萬兩十一年至十四年歲漏銀二千餘萬兩十四年至今漸漏至三千萬之多福建浙江山東天津各海口合之亦數千萬兩以中土有用之財填海外無窮之窳易此害人之物漸成病國之憂年復一年不知伊於胡底各省州縣地丁錢糧徵錢為多及辦奏銷以錢為銀前此多有贏餘今則無不賠貼各省鹽商賣鹽得錢交課用銀昔之爭為利數者今則視為畏途若再數年銀價愈貴奏銷如何能辦積課如何能清設有不測之用又如何能支今天下皆知漏卮在鴉片而未知所以禁也夫耗銀之多由於販烟之盛販烟之盛由於食烟之衆無吸食自無興販無興販則外洋之烟自不來矣宜先重治吸食臣請皇上準給一年期限戒烟雖至深之癮未有不能斷絕者至一年仍然服食是不奉法之亂民加之重刑不足恤舊例吸烟罪止枷杖其不指出與販者罪止杖一百徒三年俱係活罪斷癮之苦甚於枷杖與徒故不肯斷絕若罪

清史稿 列傳一百六十五 一

以死論臨刑之慘急苦於斷懸之苟延臣知其願死於家而不願死於市况我皇上雷霆之威赫然震怒雖愚頑沈溺之久自足以發矧振聵皇上之旨嚴則奉法之吏肅犯法之人畏一年之內尚未用刑十已戒其八九已食者藉國法以保餘生未食者因炯戒以全身命止辟之大權即好生之盛德也伏請飭諭各督撫嚴行清查保甲初先曉諭定於一年後取具五家互結准令舉發給予優獎倘有容隱本犯照新例處死互結之家照例治罪通都大邑往來客商責成店舖如有容留食烟之人照窩藏匪類治罪文武大小各官照常人加等子孫不准考試官親幕友家丁除本犯治罪外本管官嚴加議處滿漢官兵照地方官保甲辦理管轄失察之人照地方官辦理庶幾軍民一體上下肅清漏卮可塞銀價不至再昂然後講求理財之方誠天下萬世臣民之福也疏上上深題之下疆臣各抒所見速議章程先是太常寺少卿許乃濟疏言烟禁雖嚴閉關不可徒法不行請仍用舊制納稅以貨易貨不得用銀購買吸食罪名專重官員士子兵丁時皆謂非政體爵滋劾乃濟罷其職連擢爵滋大理寺少卿通

清史稿

列傳一百六十五

二

政使禮部侍郎調刑部十九年廷臣議定販烟吸烟罪名新例略如爵滋所請林則徐至粵盡焚鴉船存烟議外國人販烟罪英領事義律不就約束兵費遂開二十年命爵滋偕左都御史祁寯藻赴福建查辦禁烟與總督鄧廷楨籌備海防泊英兵來犯廷楨屢挫敵於廈門上疑之爵滋與寯藻方至浙江按事復命赴福建察奏疏陳廷楨所奏不誣定海不可不速復水師有專門之技宜破格用人具言戰守方略又言浙江為閩粵之心腹與江蘇為唇齒請飭伊里布不可偏聽琦善信敵必退及回京復極言英人勞師襲遠不足慮宜竟與絕市募兵節餉為持久計以海防圖進既而琦善在粵議撫不得要領連歲命將出師廣東浙江皆不利二十二年英兵由海入江乃定和議於江甯烟禁自此弛矣尋丁父憂去官爵滋為御史時稽察戶部銀庫管疏言庫丁輕收虧帑之弊二十三年銀庫虧空九百萬兩事發追論管庫查庫諸臣罪皆褫職責賠賠既足次第予官爵滋以員外郎候補病足家居上猶時問其何在三十年至京會上崩遂不出逾三年卒爵滋以詩名喜交游每夜閉閣草奏日騎出徧視諸故

人名士飲酒賦詩意氣豪甚及創議禁烟始終主戰一時以為清流眉目所著奏議詩文集行於世

金應麟字亞伯浙江錢塘人以舉人入貢為中書道光六年成進士授刑部主事總辦秋審先後從大臣獄四川湖北山西累擢郎中改御史遷給事中疏請修改刑例於闕報盜劫囚誣告私鑄服舍違式斷罪引律奴婢毆主故禁故勘平人應捕人追捕罪人犯罪存留養親官司出入人罪徒流還徙地方外省駐防逃人逐條論列多被採取改定又論銅船恣橫不法及驛站擾累諸弊並下各省督撫禁革先後封事數十上劾強臣琦善河臣吳邦慶尤為時稱宣宗嘉其政言擢太常寺少卿遭憂歸服闋授鴻臚寺卿疏論水師廢弛漕政類案十九年出為直隸按察使鞫護理長蘆鹽運使楊成業等得贓獄論遣戍前運使陳崇禮等並呈議尋召為大理寺少卿二十二年疏言海疆諸臣欺罔其故由於爵祿之念重而趨避之計工欲破其欺是在乾斷資格不可拘嫌疑不必避舊過不妨有重賞不宜惜近頃長江海口鎮兵足守而敵船深入逃潰時

清史稿

列傳一百六十五

三

聞竭億萬氓庶之脂膏保一二庸臣之軀命議者謂無人無兵無餉無械竊以無人當求無兵當練無餉械亦當計度固有多則持重少則用謀作三軍之氣定邊疆之危在皇上假以事權與任事者運用一心而已復疏進預計度支圖火器圖籌海戰方略甚悉二十二年以親老乞歸省不復出著有薦華堂奏議及駢體文

陳慶鏞字頌南福建晉江人道光十二年進士選庶吉士散館授戶部主事遷員外郎授御史二十三年海疆憤事獲罪諸臣復起用慶鏞上疏論刑賞失措曰行政之要莫大於刑賞刑賞之權操之於君喻之於民所以示天下之大公也大學論平天下之道在於絮矩矩者何民之好惡是已海疆多事以來自總督將軍以至州縣丞倖禽獸奔皇上赫然震怒失律之罪法有莫追於是辱國之將軍奕山奕經參贊文蔚總督牛鑑提督余步雲先後就逮步雲伏法血氣之倫罔不拊手稱快謂國法前雖未伸於琦善今猶伸於余步雲乃未幾起琦善為葉爾光幫辦大臣邸報既傳人情震駭猶解之曰古聖王之待罪人

有投四裔以禦魍魎者皇上之於琦善殆其類是而今且以三品頂戴用為熱河都統矣且用奕經為葉爾羌幫辦大臣文蔚為古城領隊大臣奕琦善於戰事方始首先示弱以惰軍心海內糜爛至於此極既罷斥終身不齒猶恐不足饜民心而作士氣奕經之罪雖較琦善稍減文蔚之罪較奕經又減然皇上命將出師若何慎重奕經頓兵半載曾未身歷行間聽其虛語之氣自詭一鼓而復三城卒之機事不密貽笑敵人覆軍殺將一敗不支此不待別科騷擾供億招權納賄之罪而已不可勝誅臣亦知奕經為高宗純皇帝之裔皇上親親睦族不忍遽加顯戮然即幸邀寬典亦當禁錮終身無為天潢宗室羞豈圖收禁未及三月輒復棄瑕錄用且此數人者皇上特未知其見惡於民之深耳倘俯采輿論孰不切齒琦善為罪魁誰不疾首於奕山奕經牛鑑文蔚而以為投界之不容緩此非臣一人之私言也側聞琦善意侈體汰跋扈如常葉爾羌之行本屬快快今果未及出關即蒙召還熱河密邇神京有識無識莫不撫膺太息以為皇上嚮用琦善之意尚不止此萬一有事則憂感聖聰者必仍係斯人履

清史稿

列傳一百六十五

四

霜堅冰深可憐懼頃者御試翰詹以京阿封印墨命題而今茲刑賞顧如此臣未知皇上所謂阿者何人即墨者何人假如聖意高深偶或差忒而以即墨為阿阿為即墨將毋譽之毀之者有以淆亂是非耶所望皇上立奮天威收回成命體大學絜矩之旨鑒盈廷毀譽之真國法稍伸民心可慰疏上宣宗嘉之諭曰朕無知人之明以致琦善奕經文蔚諸人喪師失律惟有返躬自責不欲諉罪臣工今該御史請收回成命朕非文過飾非之君豈肯回護復革琦善等職令閉門思過於是直聲震海內二十五年遷給事中巡視東城以事註吏議左遷光祿寺署正二十六年乞歸文宗即位以大學士朱鳳標薦復授御史蹶而再起氣不少撓疊上疏多關大計自粵匪起福建羣盜蠢動蔓延泉漳興水諸郡咸豐三年慶鋪疏陳利害命回籍治團練惠安妖婦邱氏煽亂偵獲置諸法賜花翎俄以病請開缺七年逆匪林俊糾蕭陽仙遊永春南安羣賊犯泉州慶鋪激厲士民固守賊攻圍數日而退論功以道員候選八年卒於泉州贈光祿寺卿賜祭葬廢一子知縣祀鄉賢祠慶鋪精研漢學而制行則服膺宋儒文辭

樸茂著有籍經堂文集三家詩考說文釋古籀考等書

蘇廷魁字廣堂廣東高要人道光十五年進士選庶吉士授編修二十二年遷御史海疆兵事方亟迭上疏論列請修築虎門礮臺及燕塘城大沙河龜岡諸要隘以防敵回擾粵既而和議成二十三年春有白氣自天西南隅直掃參旗因災異上疏數千言極論時政乖迕歸罪樞臣穆彰阿等請立罷黜並下罪己詔開直諫之路語多指斥宣宗覽奏動容嘉其切直朝野傾望手采遺憂去官服闋遷給事中咸豐元年上疏始疏請求宏濟之道執勞謙之義防驕泰之萌推誠任賢慎始圖治選擇翰詹為講官嚴取孝廉方正備採用文宗嘉納之養尚阿出督師援引內閣侍讀穆蔭擢五品京堂在軍機大臣上學習行走廷魁疏劾其壞舊制用私親超擢太驟易啟倖進之門請俟賽尚阿還令回章京本任詔斥擅預黜陟猶以素行端方不之罪上先隱其名出疏示賽尚阿賽尚阿退飲壺垣酒問誰實彈我廷魁出席曰公負國某不敢負公再以賽歸咸豐四年廣東紅巾匪起將犯省城或獻議借外兵以鋪捐為餉精力爭能其議八年

清史稿

列傳一百六十五

五

英法聯軍踞廣州廷魁與侍郎羅傳衍等倡設團防局嚴清野絕漢奸招募東莞及三元佛山練勇得數萬人聲言戒期攻城敵師出擊斬百餘級敵始有戒心稍戢連艘北犯既而天津議和廣東敵兵未退民益憤廷魁等請留練局以防土寇敵謂既媾和何復募勇且以懸金購領事巴夏禮為責言議和大臣桂良虛撓成議奏請撤局初擬匪擾廣甯圍四會肇慶兵疲糧罄或勸之去廷魁曰子團防大臣也誓與城為存亡會提督崑壽克梧州以兵來援城得完疆臣屢欲上其功皆固辭同治初以中外大臣薦授河南開歸陳許道歷布政使擢東河總督七年河決榮澤未奪溜革職留任閱三月工竣復之驗年內召去官稱疾歸光緒四年卒

朱琦字伯韓廣西臨桂人父鳳森嘉慶六年進士官河南濬縣知縣有政聲滑縣教匪起率團練禦之屢破賊城守卒完遷河南府通判歿祀名宦琦舉鄉試第一道光十五年成進士選庶吉士授編修慕同里陳宏謀之為人以氣節自勵遼御史值海疆事定禍機四伏而上下復習委靡言路多容默深以為憂著

名實說略曰天下有鄉曲之行有大人之行鄉曲大人其名也攷之其行而察其有用與否其實也世之稱者曰謹厚曰廉靜曰退讓三者名之至美也而不知此鄉曲之行也非所謂大人者也大人之職在於經國家安社稷有剛毅之大節爲人主畏憚有深謀遠慮爲天下長計合則留不合以義去身之便安不暇計也世之指摘不敢逃也今也不然曰吾爲天下長計則天下之費必集於我吾爲人主畏憚則不能久於其位不如謹厚廉靜退讓此三者可以安坐而無患而名又至美也夫無患而可久於其位又有天下美名士何憚而不爭趨於此故近世所稱公卿之賢者此三者爲多矣當其執冠履從容正步趨於廊廟之間上之人不疑而非議不加其沈深不可測也一日遇大利害拍攘無措鉗口播舌而莫敢言而所謂謹厚廉靜退讓至此舉無可用於是始思向之爲人主畏憚而有深謀遠慮者不可得矣且謹厚廉靜退讓三者非果無用也古有負蓋世之功而思持其後挾震主之威而唯恐不終未嘗不斤斤於此故又以鎮薄俗保晚節後世無其才而冒其位安其樂而避其患假於名之至美

清史稿

列傳一百六十五

六

儻然自以爲足是藏身之固莫便此三者孔子之所謂鄙夫也其究鄉愿也是張禹胡廣趙戒之類也甚矣其恥也於是數上疏切論時務皆留中不報時咸推其抗直稱爲名御史琦以言既不見用二十六年告歸越數年廣西羣賊遽起其言皆驗家居治園練助守禦賊中梟傑張家祥者悔罪投誠當事猶疑之琦知其忠勇可用以全家保之乃受降改名國樑卒爲名將琦以守城勞議敘以道員候選咸豐六年再至京師居兩歲從欽差大臣桂良至江蘇無所遇王有齡獨重之有齡撫浙辟贊軍事咸豐十一年粵匪犯杭州總理團練局守清波門城陷死之贈太常寺卿子騎都尉世職祀昭忠祠琦學宗程朱詩古文皆有法著有怡志堂集臺垣奏議

論曰禁烟之議創自黃爵滋行之操切而邊釁遂開繼之游移而國威愈墮誠不可以此歸咎始議之人然謀國萬全決勝千里非恃意氣爲也行固維艱言亦豈易哉金應麟同被拔擢亦始終主戰陳慶鏞蘇廷魁朱琦時稱三直合之應麟又稱四虎所言有用有不用凜凜然有生氣要足以砥頌振懦矣

清史稿

趙慎畛

盧坤

列傳一百六十六

陶澍

趙慎畛字笛樓湖南武陵人爲諸生時學政錢澨器之曰人英也嘉慶元年成進士選庶吉士授編修遷御史給事中條上川楚善後屯田保甲事宜巡通州漕革陋規廉得楊村通判科索劾船奏褫其職湖南學政徐松齡復失士心欲附慎畛自固常列其弟子優等慎畛列款糾劾罷之兩廣總督蔣攸銑薦其才可大用十七年出爲廣東惠潮嘉道嚴治械鬪捕南澳澄海潮陽盜甚衆沿海民寮居爲通逃數悉編入保甲踰年擢廣西按察使天地會匪結黨構亂脅有貨者入其中慎畛惟嚴罪匪首被脅者不坐廣東洋匪投誠後漸入廣西爲盜設水路巡船以護商旅督守令以捕盜多少爲殿最遠郡招解重囚煩費吏因諱盜省文法嚴舉劾緝捕始力二十年遷廣東布政使州縣多積虧展轉相承悉心鉤稽除其糾輻庫儲頓增南海高要瀕河隄防多圯民苦水患籌款生息

清史稿

列傳一百六十六

資歲修屯田五千餘頃賦重爲累請減糧額攤抵於沙坦輕則之地粵俗奢靡刑發陳宏謀行政訓俗遺規躬行節儉以示勸二十三年擢廣西巡撫督知粵西地勢如建瓴旬月不雨卽旱竭勸民修隄塘造龍骨車開蔭井設井筒架皆頒式俾做行地連黔楚羣盜出沒宜山會匪廖五桂藍耀青分踞新舊兩墟糾衆分黨僞立名目勒索股戶爭利相擾親往捕誅之飭屬行保甲置望樓練民壯互相守望縣建卡房數十座府各督屬會營巡緝柳州至省千餘里設水汛四十三所終任凡獲盜千七百餘人盜多出於流匪編客民籍驅其單身游蕩者礦廠竄梓備丁皆立册有保者留否則逐故事梧潯二關巡撫例得動用盈餘慎畛曰吾家衣食雖足身爲大臣取盈將安用之當爲國家布仁澤耳乃於桂林設預備倉增設書院柳州慶遠思恩三府皆創設之繕城濬河廣置棧流所並取給焉道光二年入覲宣宗嘉其誠實不欺溫諭褒勉擢閩浙總督嚴申軍律課諸鎮營汛勸訓練浙江提督沈添華玩縱劾罷之責水師緝海盜盜多就擒上游四府多山客民租山立廠游匪羣聚遣兵搜山捕誅其魁閩安所轄

有琅琦島居民多為奸利擒治之移駐水師建礮臺遂為省城門戶臺灣自來多亂動煩大兵慎眈尤以為慮盡選賢能以治風山秀民楊良斌煽眾起事檄巡道孔昭震知府孔傳穩勦治未一月而定不煩一兵渡海瑤瑯初設治部議賦則較重奏減之民入山伐木歲供道廠船料匠首苛斂激變捕誅首亂更定探木章程乃相安戍兵萬四千更代時皆赴廈門由提督點驗遠者千里改由各提鎮分驗兵困以蘇臺灣產米漳泉數郡仰給商運江浙天津民無蓋藏米貴輒生亂於海口稽米船出數酌豐歉為限制常留餘疏請漳浦明儒黃道周從祀文廟下廷臣議行侯官謝金鑾德化鄭兼才皆以學行著素所敬禮歿而舉祀鄉賢又旌表義烈以振風俗五年調雲貴總督銅鑼積疲疏陳變通整頓之法以邊防莫便於屯田方考訪形勢利便未及議行而疾作病中拜疏劾貪黷不職者數十人未幾遂卒代者急遞追回原疏滇人惜之遺疏上優詔賜卹贈太子少保諡文恪祀名宦鄉賢祠慎眈服膺儒先凡有益身心可致用者皆身體力行好善嫉惡體恤屬僚訓戒懇切如師之於弟子所至於文

清史稿 列傳一百六十六 二

武官吏常能識別其才否人亦樂為之用所著奏議從征錄載年錄讀書日記惜日筆記等書及詩文集凡數十卷
 盧坤字厚山順天涿州人嘉慶四年進士選庶吉士散館授兵部主事海運郎中恩隨木蘭校射賜花翎十八年出為湖南糧儲道丁本生父母憂服闋歷廣東惠潮嘉道山東兗沂曹濟道湖北按察使甘肅布政使道光元年護理陝西巡撫二年擢廣東巡撫未之任調陝西議者謂南山老林易較奸不宜開墾坤歷陳漢蜀唐宋史事及漢李翁郁閣頌以徵墾治之利專任嚴如燬假以便宜墾務大興勸修南山各屬城工漢江隄岸築壩淤審度形勢移駐文武增改官制又修復咸甯長安涇陽墊屋岐山寶雞華州榆林河渠水利籌補榆林綏德兩屬常平倉穀勸民捐建社倉疏陳察吏之要不獨親民官貪廉為民身家所係其勤惰明昧寬嚴皆關民生休戚宣宗深韙之五年以母憂去官六年回疆用兵特起駐肅州借總督鄂山治轉餉以托古遜為運糧首站自烏魯木齊至阿克蘇置三十二站大兵五萬餘日需糧五百石每站備駝五百有奇由山

西陲西探購又蒙古阿拉善都進駝千鳥里雅蘇台調撥官駝四千疏請軍需從寬籌備兵丁量增口糧給皮衣皮帽以禦寒山口駝馬芻秣時給買補缺額營馬預備續調監造軍械務期堅實撥運陝省制錢平市價添設台站夫馬雇用车輛定例價招募護台民丁後路糧台亦添兵守護凡十一事並如議行回疆平加太子少保及張格爾就擒賜頭品頂戴服闋授山東巡撫調山西八年裁撤肅州軍局始抵任尋調廣東巡撫十年又調江蘇未至擢湖廣總督兩湖餉務狃於封輪之例道光初議散輪七年復因加價仍改封輪引滯商疲坤至疏請實行散輪建鹽倉於漢岸俾商船源源運運等量減售價以銷楚岸積鹽設塘角總卡按船編號以杜內私外私之弊復湖南永興粵鹽定額以保准綱湖北水災請免米稅借帑十萬兩購川米平糶疏請兩淮准鹽運使王鳳生綜理水利擇要疏濬河道修築隄堰皆以次舉行十二年湖南江華瑤趙金龍作亂粵瑤應之湖南提督海陵阿及副將游擊等皆戰歿坤親往督師密陳湖北提督羅思舉能辦賊時桂陽常德諸瑤起應賊常德水師荆州駐防兵皆不

清史稿 列傳一百六十六 三

習山戰坤至悉罷之改調鎮守苗疆兵分屯要隘壁清野與賊相持俟兩湖兵大集貴州提督余步雲雲南副將曾勝亦率軍至乘雷兩製擊洋泉街羅思舉督諸將晝夜環攻斃賊數千破其巢擒金龍子女及頭目數百人金龍承間逸為亂軍所殲獲其屍及劍印木偶諸物捷聞賜雙眼花翎世襲一等輕車都尉尚書禮恩將軍瑚松額方奉命視師未至賊已平粵瑤趙仔青糾眾數千入楚界聲言為金龍復仇連敗之於漢江銀江擒仔青磔於市廣東連山黃瓜寨瑤猶猖獗兩廣總督李鴻賓勦治不力以罪逮調坤代之借禮恩等先後往督請將進剿瑤疆悉平合疏陳兩省善後事宜改移文武官制駐所並允行十三年越南盜陳加海結邊地游民嘯聚狗頭山潛入內洋遣水師擊沈八船擒加海誅之尋越南內訌慎固邊防拒其請兵詔嘉得大體英吉利兵船擅入海口要乞推廣通商坤依故事停其貿易領事律勞卑挾二船入虎門礮擊不退且以礮拒進泊黃浦坤設方略扼其歸路斷其接濟集水陸師臨以兵威律勞卑窮蹙引罪求去澳門洋商代請命坤持之良久乃驅之出口疏聞詔嘉獎先奪

宮衙花翎並復之於是嚴海防勤訓練自南山至大虎分三段與沙角大角相
聯絡省河中流沙地增建礮台以資保障夷情斂備坤久任封圻所莅皆有名
績宣宗深倚之十五年卒贈太子太師兵部尚書從優卹諡文肅子端黼襲世
職曾勝廣西馬平人以行伍從勦湖南苗匪川楚教匪積功至都司累遷雲南
參將以計擒梟渠徐黑二及宣威小梁山匪首為時稱選維西協副將將匪趙
金龍之亂率師會勦擄湖南永州鎮總兵殲金龍及擒粵將趙仔青戰皆力尋
赴廣東勦連山瑤迭戰大橫橋分水嶺礮台山火燒坪軍獠里大厓冲上坵園
瑤平論功最加提督銜賜號瑚爾察圖巴圖魯子雲騎尉世職調南韶連鎮擢
廣東陸路提督當英吉利兵船入內河水師提督李增塔不能阻勝獻策以巨
船載石沈塞海口老洲岡隘道聚草船數百橫內河備火攻勝率兵臨之英領
事律勞卑悚懼聽命事乃定十七年卒於官諡勤勇

清史稿

列傳一百六十六

四

陋規請濬京口運河二十四年出為川東道日坐堂皇剖決獄訟如流請減鹽
價私絕課增總督蔣攸銛屬其治行為四川第一歷山西按察使安徽布政使
道光三年就擢巡撫安徽庫款五次清查未得要領謝自為藩司時鉤覈檔案
分別應劾應償應給於是三十餘年之糾葛豁然一清嚴交代禁流攤裁捐款
至是奏定章程俾有司釋累得專力治民瀕江水災購米十萬石勸捐數十萬
金賑務覈實災民賴之無失所治壽州城西湖鳳臺蕪湖陽花源湖又懷
遠新漲沙洲阻水並開引河導之入淮淮水所經勸民修隄束水保障農田各
縣設豐備倉於鄉村令民秋收後量力分捐不經吏役不減糶不出易不假貸
歲歉備賑樂歲再捐略如社倉法而去其弊創輯安徽通志旌表忠孝節烈以
勸風俗五年調江蘇先是洪澤湖決漕運梗阻協辦大學士英和陳海運策而
中外紛議撓之澍毅然以身任奏請蘇松常鎮太五府州漕糧百六十餘萬石
歸海運親赴上海籌雇商船體恤商艱羣情踴躍六年春開兌至夏全抵天津
無一漂損者驗米色率瑩潔過河運數倍商船回空載豆而南兩次得值船餘

耗米十餘萬石發部帑收買由漕項協濟天津通倉之用及調劑旗丁尚節省
銀米各十餘萬事竣優詔褒美賜花翎明年遂借總督蔣攸銛合疏陳海運章
程八條冀重令甲永紓漕累格於部議未果行又以紳衿包完漕米橫索陋規
為漕務之害奏請懲辦學政辛從益意不合爭之澍復疏言陋規日增勢必取
償小民若預計有司不減浮收置陋規於不問非釜底抽薪之計仍執前議治
包抗從嚴焉江蘇頻遭水患由太湖水洩不暢疏言太湖尾閘在吳淞江及劉
河白茆河而以吳淞江為最要治吳淞以通海口為最要於是海運節省銀
二十餘萬興工擇賢任事至八年工竣又以江以南運道徒陽運河最易淤阻
而練湖為其上流孟瀆為其旁支澍自巡漕時條奏利害至是先濬徒陽河將
以次舉劉河白茆練湖孟瀆諸工後在總督任與巡撫林則徐合力悉加疏濬
吳中稱為數十年之利語詳則徐傳十年以捕獲戶部私造假照要犯加太子
少保銜署兩江總督尋賞授時准鹽改壞商困課絀岌岌不可終日澍疏陳積
弊請大刪浮費以為補救議者多主改法課歸場龜命尚書王鼎侍郎寶興赴

清史稿

列傳一百六十六

五

江南查議澍謂除弊即以興利無事輕改舊制借鼎等合疏臚陳利害條上十
五事鼎等復請裁鹽政歸總督管理報可澍受事繳還鹽政養廉五千兩裁減
衙門陋規十六萬兩有奇凡淮南之窩價淮北之壩積兩淮之岸費分別減除
歲計數百萬兩分設內外二庫正款貯內庫雜項貯外庫杜絕挪墊革總商以
除把持散輪規以免淹滯禁糧船回空帶鹽及商船借官行私令行禁止弊
風肅清淮北尤疲累先借款官督商運繼做山東浙江票引兼行之法於海州
所屬中正板浦臨興三場擇要設局給票注明斤數運地無票越境以私論
仍留暢銷之岸江運八州縣湖運十一州縣歸商運十二年奏準開辦越半歲
溢銷逾額復推廣於江運湖運各岸減價裁費商販爭趨而窩商蠹吏壩夫岸
胥一旦盡失其中飽需索之利羣議沸騰言官據浮言屢事彈劾賴宣宗鑒其
忠誠倚畀愈專屢請復鹽政專職皆不許澍益感奮力排眾議毅然持之卒獲
成效道光元年至十年淮南行六綱淮北僅行三綱澍承極弊之後自十一年
至十七年淮南已完六綱有餘淮北率一歲行兩綱之鹽盡完從前帶欠且劑

淮南懸引兩淮共完正雜銀二千六百四十餘萬兩庫貯實存三百餘萬兩兩屆京察並被褒獎優敘晚年將推准北之法於淮南已病風痺未竟其施然天下皆知票鹽減價敵私為正本清源之計後咸豐中乃卒行之十八年卒遺疏上優詔軫惜稱其實心任事不避嫌怨晉贈太子太保依尚書例賜卹賜其子桃主事諡文毅祀名宦祠於海州建專祠謝見義勇為胸無城府用人能盡其長所拔取多至方面節鉞有名在江南治河治漕治鹽並賴王鳳生俞德源姚瑩黃冕諸人之力左宗棠胡林翼皆識之未遇結為婚姻後俱為名臣所著奏議詩文集蜀輶日記陶桓公年譜陶淵明詩輯注並行世

清史稿

列傳一百六十六

六

清史稿

列傳一百六十七

陳若霖

戴三錫

孫爾準

程祖洛

裕泰

賀長齡

陳若霖字宗觀福建閩縣人乾隆五十二年進士選庶吉士散館授刑部主事累遷郎中東鹿縣民王洪中為人聚訟不得直自經死若霖鞫得其實被議敘秩滿當外用仍留部數從大臣赴各省獄以寬恕稱嘉慶十三年出為四川鹽茶道擢山東按察使調廣東署布政使以佐總督百齡平海盜賜花翎調湖北復調四川就遷布政使二十年擢雲南巡撫水尾土州目黃金珠結內地奸民殺副州目李文政掠其家鞠實寘於法歷廣東河南浙江巡撫浙省南北新關科罰無度限以牛正額為止恤商而課裕修蕭山新廟隄建盤頭以禦潮次年新林塘圯親往勘疏言新林塘舊為險工今距海日遠塘以外為甌地外復為牧地中有馬塘足為新林屏蔽宜補築以遏潮汐疏通甌地各溝瀆引入

清史稿

列傳一百六十七

一

牧地之莫家等灣以排洩之即以甌地之土培護新林隄基西築橫塘以禦江水責令甌牧各戶及蕭山山陰會稽三縣分別修築又奏修會稽上虞等縣塘隄並如議行二十四年擢湖廣總督湖南鳳凰等廳屯丁額多為官佔失業者眾悉清釐發還徵租官入苗寨多婪索或冒名詐財嚴禁之又以屯地磽瘠租額重為奏減苗租二萬餘石免通賦七萬餘石苗民感之道光二年調四川中江覃萬典健為道士蕭來修等假神惑眾捕誅首犯不坐株連九姓長官司不諳吏治奏請考試獄訟別由瀘州及州判兼理四年召授工部尚書調刑部兼管順天府尹事文安縣地形如釜底自道光初隄防衝決積水不能耕種議請急行修築七年命勘湖北江黃家陵隄工疏言下游災民籲請修治潰隄上游居民謂口門下游乃襄河故道復請廢之河流經行二百餘年舍此不由而別尋二百年以前故道其說殊謬潛江天門漢川俱屬下游而天門漢川尤當衝要何忍委之巨浸惟有開通江流堵合口門因勢利導胡家灣沙洲當下游之衝以四十餘丈之地束全江之水下壘上潰理有必然今洲已衝潰乘勢挑

濬新灘展寬水道使江流無衝突之患然後增築京江鍾祥口門堤壩再於潰口築石壩二以護陸攻沙庶可經久報可十二年乞休歸卒於途賜卹

戴三錫順天大興人原籍江蘇丹徒乾隆五十八年進士授山西臨縣知縣連丁父母憂嘉慶六年服闋發四川補南充歷馬邊戎邊兩廳通判署資州眉州邛州並有政聲邛州民黃子賢以治病爲名倡立鴻鈞教捕治之事聞仁宗命送部引見擢茂州直隸州知州歷甯遠知府建昌道四川按察使道光二年遷江甯布政使迴避本籍仍調四川三年署總督五年實授兼署成都將軍三錫自牧令沔陽封疆二十餘年未離蜀地盡心民事興復通省書院增設義學三千餘所四川舊有義田積儲備賑穀多則變價添置良田三錫以歲久將膏腴多成官產留穀太多又慮變虧虧差定三千至萬石爲額溢額者出糶價存司庫以備凶歲賑卹之用又以蜀地惟成都附近俱平曠沃野餘多山谷饒瘠遇水衝寒膏腴轉爲砂石因地制宜多設渠堰以資捍衛宣洩新都奸民楊守一倡立邪教造妖書惑衆禽誅之越嵩生番劫奪商旅掠漢民婦女捕駟黠者

清史稿

列傳一百六十七

二

數十人實之法救出被掠男婦給資安撫屢被詔褒獎九年因年老召來京署工部侍郎尋致仕未幾卒詔嘉其官力有年官聲素好贈尚書銜依贈銜賜卹係爾準字平叔江蘇金匱人廣西巡撫水清子嘉慶十年進士選庶吉士授編修十九年出爲福建汀州知府甯化民飲錢集會大吏將治以叛逆爾準訊無他狀論誅首要鮮所株連歷鹽法道江西按察使調福建就遷布政使道光元年調廣東布政使擢安徽巡撫河南邪匪邢名章等糾衆竄穎州檄按察使惠顯率兵馳勦格殺名章殲其餘黨獨緩被災各屬災甚者賑卹之先是有言賑務積弊毋得以銀折錢爾準疏其非使仍循舊章三年調福建巡撫延建各屬山徑叢錯多盜劫以萬金爲緝捕費連獲賊首真之法盜風衰息巡閱臺灣疏言臺灣南北袤延千餘里初抵鹿耳門可行舟楫嗣增設鹿仔港而淺狹多沙內山溪水赴海別開港在嘉彰間曰五條港頗利商船又噶瑪蘭山岐路險負戴難行其地有烏石港加禮遠港可通五六百石小舟皆宜設爲正口五年擢閩浙總督奏請噶瑪蘭收入版籍設官治理彰化匪徒械鬪焚劫旁近竄起全

臺震動檄水師提督許松年勦捕副將邵永福等趨艋舺阻其北竄總兵陳化成以兵渡鹿仔防其入海爾準親駐廈門遣副將修樞等分往彰化淡水搜山圍捕訓知賊黨煽誘日衆移陸路提督馬濟勝守廈門自渡海駐彰化督勦賊首李通通捕得伏誅令各莊舉首事緝餘匪閩人捕閩人粵人捕粵人以免誣累臺人有與生番貿易遂娶番婦者俗名番割其魁黃斗乃等久踞三灣潛出爲盜當亂起時誘生番出山助鬪遣參將黃其漢等分路偵擊番竄後山士卒攀藤躡葛而登禽黃斗乃等二十一人斬以徇爾準疏陳匪徒起事由於造謠焚掠非叛逆當以強盜論淡水以北分黨報復當以械鬪論焚殺有據者始坐辟餘俱未減其脅從旋解散者多所保全又奏臺灣北路至艋舺幾五百里僅有守備一員巡防難周調南路游擊一員駐竹塹並於大甲銅鑼灣斗換坪諸處添駐營汛改建淡水土城頭道溪爲生番出入總路亦建土城以屯丁駐守事平加太子少保七年入覲宣宗嘉其治臺灣匪亂悉合機宜迅速厥功賜其子慧翼官主事木蘭陂者創自宋熙甯間溉民田四十萬畝築石隄千一百餘

清史稿

列傳一百六十七

三

丈以禦海潮歲久傾壞爾準道經莆田親勘修復工蒞以宋長樂室女錢創陂實功首建祠列入祀典爾準治閩最久諳悉其風土人情吏民皆相習政從寬大閩人安之九年坐失察家僕收賄鵠二級留任十一年以病乞休逾年卒贈太子太師賜子慧翼進士慧翼員外郎諡文靖祀福建名宦及鄉賢祠程祖洛安徽歙縣人嘉慶四年進士授刑部主事游邊郎中諳練刑名爲仁宗所知京察記名道府久未外簡以截取銓授甘肅平涼知府部臣請留詔斥規避邊遠撤銷記名留部永不外用久之擢內閣學士尋授江西按察使遷湖南布政使調山東道光二年擢陝西巡撫調河南教匪朱麻子由新蔡竄安徽阜陽捕獲實之法與直隸山東安徽湖北毗連諸縣素多盜撥庫帑五萬兩生息爲緝捕經費漳水決安陽樊馬坊河流北徙命大學士戴均元往會勘祖洛周歷上下游合疏言漳水自乾隆五十九年南徙合洄以來衛水爲所遏每致潰溢今河流既分不可使復合議於樊馬坊上下距洄水最近處及南岸衝決成溝並築土壩使二河分流災減漫溢之勢至四年春積水消涸地形顯露田市

之北漫水與溝隔斷不能引歸正河乃就其上游龍家莊窪地抽溝啟放復於內黃馬家窪開引河添築田家營大壩使溜勢南趨自是漳衛合併之患遂息虞城橫河惠民溝夏邑巴清河水城減水溝舊為豫東宣洩潦水要區迭經黃河漫淤濱河連歲被災並疏濬之初河南安徽治捻匪從重典嗣部議有所減改祖洛疏言匪徒結捻倡劫黨衆一呼而集其謀謀早在結捻之時新例以是否豫謀分別輕重諸多窒礙請復舊例並論匪徒拒捕及捕人治罪各條又言獲盜究出舊案免究從前失察處分請遵嘉慶間諭旨俾除贖順並從之七年丁母憂服闋署工部侍郎尋署湖南巡撫調江蘇十二年擢閩浙總督命查辦浙江鹽務嚴定裁汰浮費章程下部議行臺灣奸民張丙陳辦等倡亂命將軍瑚松額督兵進剿祖洛專治後路軍需十二年提督馬濟勝破賊張丙等就禽赴臺灣籌辦善後事宜勅戰守不力之都司周道龍等褫職有差改營制增防守優敘賜花翎疏陳福建吏治略曰安民必先懲盜不可以迴護贖顧而曲縱奸惡閩省吏治無子惠之政而務寬大之名始因官之庸劣釀成頑梗之風今

清史稿

列傳一百六十七

四

又因民之壽張遂有疲難之勢官曰民刁民曰吏虐互相傳播漸失其真官不執法幕不守法因而愚民犯法書役弄法棍徒玩法必先懲不執法之官然後能治犯法弄法玩法之人於是連劾官吏不職者略無假貸吏治始肅已革縣丞秦師韓京控提督馬濟勝賂奏邀功並許祖洛偏袒欺蒙命侍郎趙盛奎偕學政張麟按鞠白其誣師韓遣成新疆十五年疏陳閩洋形勢以漳州之南澳銅山為藩籬泉之廈門金門為門戶興化之海壇為右翼閩安為省會咽喉福甯之銅山為後戶巡緝守禦全資築城礮臺就最要者四十四處由官民捐資修築十六年丁父憂去官服闋引疾不出二十八年卒宣宗甚惜之贈太子太保諡簡敬馬濟勝山東荷澤人以武生入伍從勦川陝教匪積功累擢江蘇撫標參將嘉慶十八年會勦山東教匪擢河北鎮總兵道光初擢浙江提督調福建陸路提督張丙等倡亂嘉慶臺灣鎮總兵劉廷斌困守孤城濟勝率兵二千渡海赴援戰於嘉義城下大破賊追至笨港尾禽斬甚衆進屯鹽水港分兵搜勦張丙及其悍黨先後就擒時命將軍瑚松額督師猶未至詔褒成功迅速賜

雙眼花翎餘匪萬餘復來犯俟其怠擊之大潰禽頭目賴滿等追勦盡毀其巢賊遂平宣宗深嘉其謀勇錫封二等男爵又以馭兵安靖御書忠勇廉明四字賜之召入覲年逾七旬猶壯健溫詔褒獎晉二等子爵在御前侍衛上行走十六年卒於官贈太子太保諡昭武四子皆予官

裕泰滿洲正紅旗人由官學生考授內閣中書遷侍讀嘉慶末出為四川成綿龍茂道歷四川湖南安徽按察使湖南陝西安徽布政使道光十一年擢盛京刑部侍郎調工部兼管奉天府尹事查勘科爾沁蒙旗荒地奏禁私墾十三年召授刑部侍郎尋出為貴州巡撫十六年古州黎平土匪起禽其渠徐玉貴等誅之調湖南巡撫鎮守標兵滋事勅總兵向遵化辰沅道常慶不職罷之疏言苗疆屯田嘉慶中道員傅鼎所經營寓兵於農籌邊良策治安日久諸弊叢生今鎮守標兵因借餉倡亂苗人遂生觀望重以苗官苛刻屯長侵欺後思堪虞急應清釐損益安章程俾將弁兵練咸知經費有常絕其覬覦仍責成鎮守實力整飭恩威並行尋議定苗疆兵勇不準客民充補預借銀數限以定制裁

清史稿

列傳一百六十七

五

補備弁屯長嚴絕苞苴辰沅道缺以湖南知府題陞並如所議行十七年調江西復調湖南二十年擢湖廣總督二十一年湖北崇陽逆匪鍾人杰作亂踞縣城陷通城裕泰馳駐咸甯檄按察使郭熊飛率都司王貴等進勦崇陽在萬山中賊盡塞孔道築砦抗拒選精銳出賊後夾攻分股犯蒲圻連為官軍所敗踞崇陽西嶺為負隅計提督劉允孝迭敗之石盤山黑橋進毀其巢禽人杰及其黨陳寶銘汪敦族等尋復通城盡俘其孥事平加太子太保賜雙眼花翎時英吉利兵山海入江詔募勇習水戰裕泰做粵艇造大船六快船四簡漢陽水師每船百人按旬操練裁舊有巡船以節經費荆州駐防每出營滋事奏請飭地方官拘拿報將軍秉公嚴懲乾州苗竄擾勦撫解散二十九年李沅發倡亂新甯踞城戕官巡撫馮德馨提督英俊往勦復縣城安傳沅發已死而賊竄山中勾結黔粵交界伏莽勢益蔓延馮德馨速治專任裕泰往督師與黔粵諸軍合擊數捷三十年春搜勦山內禽獲多名賊竄永福草寮塘四面抄圍漸窮登裕泰度賊不南趨廣西全州即入新甯搖尾令提督向榮由武岡進屯廣西懷遠

遇賊擊破之賊退踞金峯嶺分三路進擊於深齊陲石間斬獲殆盡沉發就禽晉太子太傅尋調閩浙總督咸豐元年調陝甘入覲卒優詔以尙書例賜卹諡莊毅子長善廣州將軍長敘侍郎

賀長齡字耦耕湖南善化人原籍浙江會稽高祖上振官湖南司獄卹囚有隱德貧未能歸遂家湖南長齡嘉慶十三年進士選庶吉士授編修遷贊善道光元年出爲江西南昌知府歷山東兗沂曹濟道江蘇按察使就遷布政使佐巡撫陶澍創行海運調山東七年署巡撫臨清州教匪馬進忠爲逆伏誅復有揭帖僞立名號刻期舉事臚列旁州縣民名數百長齡曰謀不軌詎以姓名月日告此移禍也詢知果出邀功者欲藉興大獄遂置不問調江甯布政使乞歸養親十五年母喪服闋補福建布政使調直隸十六年擢貴州巡撫黔民苦訟累而多盜以聽斷緝捕課吏設句報爲考覈十八年仁懷奸民穆繼賢糾四川茶江匪肆劫遣兵與川軍會剿焚其巢首從並就殲禽郎岱普安清鎮諸縣多種器粟拔除申禁勸民種木棉玉屏整川皆有成效黔省安置流犯三千餘人與

清史稿

列傳一百六十七

六

苗民錯處隙易生疏請改發新疆又以鎮遠黎平都勻古州苗俗桀驁以盜爲生州縣差役緝捕難周疏請綠營每百名內精選數名分隸府廳州縣文員管轄勤加訓練專司捕盜並下部議行長齡治黔九載振興文教貴陽銅仁安順石阡四府普安八寨郎岱松桃四廳黃平普定天柱永從甕安清平興義普安諸州縣皆建書院義學省會書院分上內外三舍親試考覈刊刻經籍頒行州縣二十五年擢雲貴總督兼署雲南巡撫漢回連歲互鬪永昌回變敗退後復圖攻城城回謀內應迤西道羅天池悉捕誅之長齡親往督勦擊走叛回以肅清入告二十六年回衆藉口善良不別復叛自請議處撤銷獎敘赴大理永昌督勦匪尋竄散請免投誠張富軍犯王芝異剛練出力亦請釋回詔斥其庸懦降補河南布政使二十七年乞病歸滇回復擾雲州多屬永昌遺孽且得羅天池濫殺狀追論長齡褫職逾年卒

論曰陳若霖戴三錫盡心民事而三錫久任蜀疆治效較多孫爾準程祖洛先後治閩有聲寬嚴殊途其相濟之道乎裕泰兩殄楚寇助施燭然賀長齡儒而

不武不足以戩嚴疆也

清史稿

列傳一百六十七

七

清史稿 列傳一百六十八

帥承瀛 左輔
姚祖同 程含章
康紹鏞 朱桂楨
陳鑾 吳其濬
張澧中 張日昫

帥承瀛字仙舟湖北黃梅人嘉慶元年一甲三名進士授編修累遷國子監祭酒先後督廣西山東學政歷太僕寺卿通政使副都御史署倉場侍郎授禮部侍郎調工部吏部丁母憂服闋補原官調刑部諭劾郎中寶齡婪賄狀仁宗以承瀛到官浹月釐剔宿弊予議叙奉命按山西雁平道福海陝甘總督先福罷之又按山東徐文誥冤獄得平反劾承審官吏降黜有差十五年授浙江巡撫浙鹽疲敝議裁浙江鹽政歸巡撫兼理詔責承瀛整頓疏言浙江運庫尚無虧挪惟多移墊擬以報存餘價追補須足額後撥解至收支數目務劃清綱款即

清史稿 列傳一百六十八

有急務不再以內款墊支每年加價應許停輸向例灑帶鹽引豫估年額愈積愈多請並停止以紓商力又酌改章程十事定鹽務官制裁鹽政養廉革掣規供應竄課由場徵解銷引先正後餘引目通融行銷收支力杜弊混梟私商私並禁掣驗改復兩季申商酌裁節費下部議行浙離自此漸有起色齊波溫台諸府濱海土盜出沒令兵船巡緝以遏其外嚴調口岸以防其內洋面漸安兩江總督孫玉庭上八折收漕之議廷臣多言其不可下疆臣覆議承瀛疏言漕弊始由州縣浮收以致幫丁需索而幫丁沿途用費亦因以漸增迨幫丁用費愈大需索愈多州縣迫於幫費有難循舊例徵收之勢其究耗費歸之小民由此包戶侵漁刁狡挾制積弊至不可回八折之議原以去其太甚補救目前無如因弊立法而弊即因法以生誠有如廷臣所議惟嚴禁官役需索沿途之規費除即幫丁之用費省而州縣浮收勒折之弊亦力絕其萌庶愛民恤丁兩有裨益疏上前議遂寢清釐倉庫虧缺奏請先就現任各官次第彌補又以浙西類遭水患應與江蘇合力疏濬察勘形勢借孫玉庭等疏陳兩省水道原委實

共一流請專任大員綜攬全局詔避之尋去官後陶澍至江蘇乃先治吳淞江為承瀛治浙數年以廉勤著陸名揚者歸安鄉民以抗浮收得一鄉心久為官吏所嫉請兵掩捕鄉民集眾抗拒而名揚逸巡撫陳若霖遽以入告遣兵往治久之名揚始就獲承瀛初至浙誅名揚後乃知由於官吏之釀變深悔之四年丁父艱服闋至京以目疾久不愈乃乞歸二十一年卒於家優詔軫恤總督例加卹賜其孫遠燁舉人尋祀浙江名宦祠遠燁成道光二十七年進士官編修成豐初上書言軍事納質為道員奏留江西勸辦捐輸七年總兵李定為粵匪困於東鄉遠燁募勇往援戰歿子騎都尉世職建專祠設文毅承瀛弟承瀚嘉慶十年進士由翰林院檢討歷官至副都御史方正負時譽名亞於承瀛歿祀鄉賢

左輔字仲甫江蘇陽湖人乾隆五十八年進士授安徽南陵知縣調霍邱勤政愛民坐催科不力免官嘉慶四年復之補合肥復以緝私役為鹽販嚴斃獄坐奪職尋初彭齡為安徽巡撫薦輔人才可用仁宗亦素知輔循名能得民心送

清史稿 列傳一百六十八

部引見復職仍發安徽補懷甯遠泗州直隸州知州河決州境被災輔躬親賑撫民無失所總督百齡疏保潔已奉公政聲為一時最以應升升用擢穎州知府十八年盱眙民係國柱誣周永泰謀逆疆吏以聞詔那彥成侯滑縣匪平移師會剿檄輔先率兵往輔力言泗州屬縣無邪教單騎往按之得國柱誣告狀大獄以息尋捕誅阜陽教匪李珠王三保等予議敘擢廣東雷瓊道遷浙江按察使湖南布政使二十五年就擢巡撫苗疆稅重又苦官役苛擾侍郎張映漢陳其弊命輔借總督程若霖察治奏減租穀二萬餘石籌款買補倉儲六萬餘石免民苗積逋租穀七萬餘石復挑補兵勇裁撤委員禁差役不得入苗寨聽苗食川鹽民苗便之長沙妙高峯有宋儒張杖城城南書院舊址康熙中移建城內已圯規復重建課通省士子疏請御書扁額以示嘉惠士林詔嘉許焉輔官安徽最久時稱循吏晚被拔擢數年中至封圻年已老三年召來京原品休致十三年卒於家

姚祖同字亮甫浙江錢塘人乾隆四十九年南巡召試賜舉人授內閣中書充

軍機章京崇選兵部郎中以纂輯勦平教匪方略擢四五品京堂補鴻臚寺少卿歷通政司參議內閣侍讀學士鴻臚寺卿二十年出爲河南布政使請限制河工提款清釐州縣交代庫儲頓充二十一年調山西又調直隸嚴查虧空令州縣自報虧數凡新任不得私受前任舊虧其新虧者勒停升補倉穀自經饑祲兼軍需支領蕩然無餘祖同飭各屬補數十萬石雄縣安州高陽諸縣水道淤阻連年漫溢並遵員治理相機疏濬二十二年畿輔旱災重者二十有九州縣先令停征截漕備賑備歷災區勸吏辦振不實者發米買囤積數十萬石責令平糶民賴以濟二十三年仁宗東巡濶河漲溢祖同督造橋工成賜花翎而諭曰是非爲橋工因汝能實心辦事耳二十四年擢安徽巡撫會河南大水灌入渦河下游諸縣被災祖同乘小舟巡視賑卹二十五年調河南時儀封大工未竣黃沁並漲漫及馬營工壩尾祖同相機堵禦疏陳政務雖多河工爲重學習河務以履勘爲先宣宗初卽位命祖同每屆旬以大工進占丈尺奏聞及冬日門漸狹而大河冰堅祖同親乘小舟督工鑿冰歲抄大工始告成道光

清史稿

列傳一百六十八

三

元年祖同疏陳河南情形略曰河工之蔽壞顯而易見民生之凋瘵隱而難治河工加價自常賦三百六十餘萬外逾額攤徵工未已工繼之工未已馬工儀工又相繼接徵此外復有各處隄工隨時攤徵之款民力其何以堪請概停緩三年以紓積困從之開封護城大堤河溢時半圯請繕完以資保障二年河督嚴烱奏請馬營壩工拋護碎石已奉命允復命祖同籌度祖同言時當大隄放淤過其奔衝既非順水之性伏秋盛漲壩西水勢加高上游隄埝愈險則河北可虞且慮攔沁轉致攔黃於實事爲未便乃下煇覆議卒如祖同言儀工經費自祖同嚴覈弊資省帑金其鉅迨工員報銷裁長補短漸合成例言官以浮冒入奏二年命左都御史王麟王鼎按之事得白而以八子錢五萬六千餘緡責祖同償補八子錢者工員以難用不敷議以銀易錢銀一兩加扣八十文祖同置弗問卒以呈議降補太常寺少卿五年授陝西按察使請建流芳祠以祀關中士女之死節義者六年詔來京另候簡用七年授廣東按察使尋偕尙書陳若霖赴湖北察勘京山王家營隄工未幾召授通政司副使累遷左

副都御史十八年以年老重聽原品休致二十二年卒

程含章雲南景東人其先佐官吏捕殺土寇懼禍改姓羅乾隆五十七年舉人嘉慶初大挑知縣分廣東署封川坐迴護前令諱盜革職投効海疆屢獲獲劇盜擢知州署雷州府同知率鄉勇破海盜烏石大遷南雄直隸州又坐失察屬縣虧空革職尋復官以勦丈南雄州屬田畝總督蔣攸銑疏薦擢知府補惠州歷山東兗沂曹道按察使河南布政使道光二年疏言欲治河南必以治河爲先務正本清源之道在河員大法小廉實心修築加意隄防自能久安長治宣宗避其言命每屆汛期赴工稽查工料及工員才否擢廣東巡撫入覲面奏請復姓許之調山東又調江西修築德化諸縣被水圩隄設義倉行平糶四年召署工部侍郎治直隸水利上疏略曰雍正乾隆間四次興大工皆歷數年費帑數百萬自此畿內無水患者數十年迨嘉慶六年後河道漸淤道光三兩年淫雨被水者多至百餘州縣治水如治病必先明病之源流急則治標緩則治本循古人經驗之良方參今時變遷之證候然後疾可得而治也天津爲

清史稿

列傳一百六十八

四

衆水出海孔道諸減河皆所以洩水入海東流迴環數百里大清子牙永定南運北運五大川流貫其中西淀容納順天保定河間三府二十餘河之水南北兩泊容納正定順德廣平三十餘河之水各有河道爲傳送之區今則消洩之尾閘無不阻塞停蓄之腹部無不淺溢流貫之腸無不壅滯收納之脾胃無不平淺傳送之機軸無不淤積吐納之咽喉無不填闕流通之血脈無不凝滯加以隄埝開壩橋梁無不殘缺壅滯一至輒虞泛溢此畿輔水道受病之情形也伏思直隸河渠淀泊前代不聞大患自康熙三十九年以後乃恒苦水潦則永定子牙二濁河築堤之所致耳係嘉淦有言永定子牙向皆無隄泥塗得流行田間而水不淤淀自永定築隄束水而勝芳三角淀皆淤自子牙築隄束水而臺頭等淀亦淤淀口既淤河身日高則田水入河之道阻於是淀病而全局皆病即永定一河亦已不勝其弊總因濁水入淀溜散泥沈以致斯疾此又畿輔水道致病之根原也永定河自築隄以來於今百有餘年河身高出平地一丈有餘既不能挑之使平又不能廢堤不用明知痼疾所在無術可治亦惟見病

治病多開閘壩以分其勢高築隄埝以禦其衝使不致潰決為害而已至通省全局工段繁多自不能同時並舉惟有用治標之法先將各河泥挑挖寬深取出之土即以築隄使窪水悉得下注然後廓清中部俟大端就理乃用治本之策諸州縣支港溝渠逐一疏通俾民間灌溉有資旱潦有備三五年後元氣漸復此又辦理之先後次第也遺端宏倍於乾隆時與其緩辦費多不如速辦費少計非一二百萬所能成事請飭部寬籌經費庶不致有始無終又疏陳應修各工略謂治水在一導字欲治上游先治下游欲治旁流先治中流挑賈家口以洩永定子牙北運大清四河之水挑西隄頭引河以洩塌永定之水挑邢家坨以洩七里海之水另開北岸一河以分河口之勢修復減河以宣白榆之源挑滄三河頭水道添建草壩為東流之扼要挑滄馬道河趙北口水道為西流之扼要十二連橋橫互流中亟應興修以利往來修復增河分白溝上游之勢修復窩河分白溝下游之勢則水得就下之性支派旁流乃可次第導引疏上並被嘉納實授工部侍郎尋調倉場侍郎五年授浙江巡撫六年以病辭職

清史稿

列傳一百六十八

五

上以含章精力未衰不許調山東七年因浙江巡撫劉彬士治鹽操切密疏劾其不職命總督孫毓汶按治不實詔斥含章聽不根之言無端入告解職嚴議彬士亦劾含章提用商綱銀額外溢支漏追餘款等事含章疏辨命總督琦善學政朱士彥按之詔以提用綱銀歸還捐舉僅屬見小而先發妄奏之咎重念其居官尚好降補刑部員外郎八年授福建布政使以病乞歸十二年卒

康紹鏞字蘭皋山西興縣人江西廣信知府基淵子嘉慶四年進士授兵部主事充軍機章京累遷郎中擢鴻臚寺少卿十八年滑縣教匪起紹鏞隨扈以畿輔山東河南地形險易將帥賢否各鎮兵籍列冊進御受仁宗知會有大名民人司敬武等十餘人僱工熱河錦州聞畿南寇起馳歸過山海關關吏執之誣其預聞逆謀命紹鏞偕內閣學士文孚往鞫白其誣釋之劾副都統以下論如律歷通政司參議大理寺少卿十九年出為安徽布政使值大水被災者四十餘州縣倉穀缺乏庫儲不給勸紳商輸資各恤其鄉與官賑並舉災民賴之二十三年就擢巡撫宿州靈璧以睢河隄堰崩圯比年患水紹鏞親往相視奏請

修復又築無為州黃絲灘臨江隄千二百餘丈先後捕獲鳳穎等府土匪五十餘人寘諸法二十四年調廣東巡撫道光元年詔各省清查陋規雜稅紹鏞疏陳略曰廣東州縣所資辦公專在兵米折價因產穀少民間皆願折納相沿已久在馴謹良民向依舊規完納而刁生劣監不能無抗欠有於正數之內絲毫無餘者更有於正賦之內收不足數者州縣往往以贏補絀自行償補今若定為折收額數則所浮之價悉為應輸之額其掛欠代償恐較前益甚况貪官汙吏視所加者為分內應得之數以所未加者為設法巧取之數雍正時將地丁火耗酌給養廉議者謂正賦之外又加正賦將來恐耗羨之外又加耗羨八九十年以來錢糧火耗視昔有加不出前人所慮兵米折價與之事實相近即能明察暗訪堅持於數年之間斷難遠慮周防遙制於數十年之後至雜稅及舟車行戶鹽當規禮等款名目不一或此有而彼無或此多而彼寡慮者減其數以求悅聽者浮其數以取贏究之浮者即浮數已定而難改減者非減事甫過而仍加此時豪髮未盡之遺即將來積重難返之漸其中更有強狡之徒向

清史稿

列傳一百六十八

六

不完納平餘致饋規禮今以案經奏定在有司視為當然在小民視為非舊兩相協制互為告許既不能指為官吏分外婪索予以糾彈又不能因民間不繳陋規懲以官法寬嚴兩窮是雜稅諸項之難於清釐較兵米折價尤甚且各項所入既名陋規逐款臚列上瀆聖聽於國家體制亦殊未協事有窒礙不敢不據實密陳疏入與兩江總督孫玉庭所議同其事遂寢二年召署禮部侍郎丁母憂歸服闋授廣西巡撫禁土司科派擾累懲土民刁訟者緝治逸匪邊境稍安五年調湖南編查洞庭湖漁船以軍法部伍之盜無所容澧州諸湖上承澧水下洩洞庭兩岸悉坳田地低下洩水不暢檄道府率屬履勘疏濬得可耕田萬四千餘畝奏蠲淤田賦萬一千餘畝從之九年入覲面陳苗疆設立苗弁額數過多倚勢虐使苗人易滋事端請酌其可併省者缺出不補總督意不合格不行十年召授光祿寺卿尋值京察以在湖南任內廢弛降四品頂戴休致十四年卒

朱桂植字幹臣江蘇上元人嘉慶四年進士授吏部主事累擢郎中遷御史二

十一年出爲貴州鎮遠知府鎮遠民苗雜居無紡績之利募工教織於是始有苗布大旱民饑急發庫藏平糶施粥郡無殍人事畢自請擅動庫帑之罪民感其惠次年歲稔爭釐金還庫黃平州有盜或告變單騎臨之呼衆縛爲首者出不戮一人成五人而已興義苗閩大吏已勒兵桂植曰此苗忿民欺保不爲變使人開諭果服在任三年治行稱最擢陝西潼商道歷浙江按察使甘肅山東布政使道光三年擢山西巡撫丁父憂服闋著禮部侍郎授倉場侍郎嚴治花戶校漁初行海運奏定漕糧到天津起卸撥運收貯章程清覈於到墻之先慎重於入倉之後著爲令九年遷漕運總督疏言漕政之艱困由於旗丁疲累而水手多係無業游民性成強悍無以恤其力而服其心寬猛皆無當欲其不滋事甚難惟密調於未然而重繩其既往請責成督運官弁遇有滋事者立時拿辦者免議日久無獲者重處時漕弊已深桂植力加整頓必究弊源不爲苛刻羣情翁服十一年調廣東巡撫却洋行陋規遇事執法外商獨嚴憚之每有勾捕不動聲色臨事集官弁曰往某所問里不擾考民飲迹以儉素率屬一日微

清史稿

列傳一百六十八

七

服勘災歸至西關見千總與從甚盛叱止之千總叩頭請罪乃已惠潮兩郡多械鬪數興大獄痛繩以法稍輯創議諸郡山場荒地援雷瓊例給照聽民墾種設鄉約義塾教養兼施以引匪僻誠僚屬慎刑獄治民以無冤濫始每屆秋謝多所平反十三年以病乞歸宣宗時詢其病狀冀其出二十年卒詔嘉居官清正勤政愛民依總督例優卹賜其子鎮舉人諡莊恪祀鎮遠名宦祠
陳鑾字芝楣湖北江夏人嘉慶二十五年一甲三名進士授編修道光五年出爲江蘇松江知府創行海運鑾駐上海多所贊助署江甯值下河諸縣水災流民劫掠預設防禁設賑廠郊外議宜散不宜聚分各縣留養大縣二千人小縣千人賑畢資遣竟事無譁調蘇州歷蘇松太道江西糧道蘇松糧道廣東鹽運使浙江按察使署布政使水災治賑勸災湖州諏訪土人知湖高於田淩港宣洩不暢規建隄防修築院岸以保田疇十二年遷江西布政使調江蘇護理巡撫鑾自爲諸生時兩江總督百齡辟佐幕歷官江蘇最久周知利病會陶澍林則徐先後爲督撫百廢俱舉凡治漕治運濬吳淞江劉河白茆河修寶山華

亭海塘鑿並在事謝則徐皆倚如左右手十六年擢江西巡撫明年復調江蘇十九年陶澍以病解職代署兩江總督方殷烟禁籌海防甚被倚畀疏言自嘉慶以來鄉曲細民多受邪教誘脅爲風俗人心之害由於正教不明請敕儒臣闡明聖諭廣訓黜異端之旨撰爲韻言布之鄉塾俾士民童年誦習以收潛移默化之效特詔允之是年冬卒於官贈太子少保依尚書例優卹賜其子慶瀾舉人子慶滋光緒中官至江西按察使

吳其濬字淪齋河南固始人父烜兄其彥並由翰林官至侍郎屢司文柄其濬初以舉人納資爲內閣中書嘉慶二十二年成一甲一名進士授修撰二十四年典試廣東其彥亦督順天學政詞林稱盛事道光初直南書房督湖北學政歷洗馬鴻臚寺卿通政司副使超遷內閣學士十八年擢兵部侍郎督江西學政調戶部二十年借侍郎麟魁赴湖北按事總督周天爵嫉惡嚴用候補知縣楚鍾充督署員製非刑逼供囚多死爲言官論劾大治知縣孔廣義列狀許之訊鞫皆實復得楚鍾權鹽稅貪酷及天府子光岳援引外委韓雲邦爲巡捕

清史稿

列傳一百六十八

八

事天爵論職職成伊犛革光岳舉人鋪荷校期滿發烏魯木齊充苦役巡撫伍長華以下降黜有差命其濬署湖廣總督尋授湖南巡撫二十二年崇陽逆匪鍾人杰作亂進窺巴陵其濬偕署提督台湧赴岳州防勦檄鎮守兵分布臨湘平江諸隘其濬移駐湘陰賊襲平江擊卻之及人杰就禽餘黨竄湖南者以次捕誅被優敘部議裁冗兵其濬疏言湖南地逼苗疆人情易擾裁者無多徒生驕卒之疑而啟苗搖之伺總督裕泰尋定議苗疆近地並仍舊額二十三年調浙江未行武岡匪徒聚眾阻米出境戕知州捕治如律奏請於洪崖洞設巡卡編保甲以靖禍萌尋調雲南巡撫署雲貴總督二十五年調福建又調山西兼管鹽政奏裁公費一萬兩嚴捕烟販時稱其清勤二十六年乞病歸尋卒贈太子太保照例賜卹尋復以其濬在山西裁革鹽規潔已奉公特加恩子孫以彰清節子元禧主簿崇恩 孫榮禧通判皆即選又賜其子承恩洪恩及孫樽讓舉人

張澧中字蘭沚陝西潼關人嘉慶二十二年進士授刑部主事充提牢廳案遷

郎中執法明允數從大臣獄獄黑龍江奉天江南山東道光十二年出為直隸大順廣道奸民倡無生教惑眾禮中率兵役探其巢穴得圖卷及名冊悉焚之歸正者概不株連署按察使遷福建按察使署布政使授直隸布政使未之任調山西署巡撫二十年擢雲南巡撫於刑獄尤矜慎二十三年召署刑部侍郎尋實授二十七年河南海饑頒庫帑百萬命禮中偕尙書文慶治賑務至即飭查造丁口按冊抽查戶口調取藩庫錢抽查賑銀令州縣按旬具報錢價以備考覈劾冒賑之考城令及造報舛錯各員尋授山東巡撫清查交代定追賠章程考察鎮道等官失察盜案多寡分別劾議嚴責捕盜先後獲匪盜七百餘名治如律疏言山東地廣民稠一遇歉歲曹州之搶匪沂州之掖匪幅匪武定臨清屬之梟匪衆衆每至百餘人隨地裹脅蔓延不已羣匪多起於曹沂而兗濟受害為尤甚地方官輾轉稽延不能即正典刑匪徒遂無顧忌惟官不以盜為事民始敢與盜通聲氣殲厥渠魁脅從自散即牧令中亦非無長於緝捕勇敢任事之員惟大法則小廉人存則政舉凶匪之橫行咎在牧令牧令之不職責

清史稿

列傳一百六十八

九

在上司詔嘉勉之尋卒依侍郎例賜卹

張日最貴州貴筑人嘉慶二十二年進士選庶吉士授編修道光九年出為四川敘州知府調成都日最勤於吏職刻樹桑百益書以勸民蠶創勵節堂以瞻節婦貞女之無依者政暇招諸生於署講析經義語錄郡屬馬邊屏山等廳縣毗連猓夷令附近居民建修碉堡編聯保甲民賴以安擢建昌道十九年越福義邊夷匪滋事借總兵包相卿督兵平之招復逃亡編集練勇修築碉堡於要隘建城以資保障遷浙江鹽運使再遷湖北按察使調四川治獄平恕不以平反矜能遇有疑竇飭易緝改辦告戒屬吏以哀矜為重遷河南布政使河決中牟值祥符工甫竣兩次災區二十五州縣附省災尤重每馳詣賑所監視於郊外隙地捐俸構屋安戢災黎遂成村聚二十六年擢雲南巡撫未之任丁母憂服闋仍授雲南巡撫勳於察吏免銅廠民欠工本銀六千餘兩在任一年卒祀四川雲南名宦祠及鄉賢祠

論曰宣宗以恭儉為治一時疆臣多清勤之選帥承瀛等或由卿寺受知或以

守令拔擢雖間有旋偏旋起晚置閒散者其猷為要並可觀焉朱桂植實心實政治績稱最獨膺易名之典蓋非倖云

清史稿

列傳一百六十八

十

清史稿

瑚松額

薩迎阿

列傳一百六十九

布彥泰

瑚松額巴岳氏滿洲正黃旗人西安駐防嘉慶初以前鋒從將軍恒瑞剿湖北教匪後隸那彥成德楞額部下積功擢協領十八年滑縣教匪起瑚松額率馬隊從副都統富僧德戰道口及滑縣城下屢有功賜花翎二十三年擢福州副都統署福州將軍道光三年授察哈爾都統五年擢成都將軍乾隆中西甯王舒巴彥襲謙千戶分三百戶與其弟索諾木旺爾吉為小襲謙由德爾格忒土司居間調處辦事大臣斷定既而索諾木旺爾吉之子諾爾布不能服其屬戶大襲謙欲兼并之諾爾布訴於德爾格忒土司大襲謙復以土司有欺凌小襲謙情事互控不已下瑚松額按之奏請仍遵原斷大襲謙不得覬覦屬戶德爾格忒土司亦毋預鄰封事以杜爭端事乃定七年署四川總督九年調吉林將軍會宣宗東巡扈蹕校射中三矢賜黃馬褂十年母憂回旗尋署盛京將軍

清史稿

列傳一百六十九

十二年命偕尙書禧恩督師剿湖南猪匪趙金龍至則金龍已就戮其黨趙青仔率餘匪竄廣東湖北境督兵剿平之廣東連山排猪亦叛率提督余步雲等進剿禽匪首鄧三盤文理等猪衆投誠全境肅清賜雙眼花翎予一等輕車都尉世職命署福州將軍臺灣土匪張丙等作亂授為欽差大臣偕參贊哈喇阿赴剿及抵福建提督馬濟勝已禽匪首臺灣略定十三年春命仍渡臺搜捕餘黨禽各路匪首二十餘人賊黨三百餘人分別賞之法械送張丙陳辦詹通陳連至京誅之加太子太保復調成都將軍十四年義邊馬邊夷匪勾結焚掠提督楊芳擊斃夷目以肅清入奏既而夷復滋擾瑚松額以芳辦理未善劾罷之自請議處降一級留任十五年授陝西總督疏陳兵丁驕縱應加意訓練駕馭又密陳吏治情形優詔嘉納十七年京察詔嘉其不露鋒鋷細心任事予議敘西藏堪布入貢為四川番匪劫掠瑚松額捕賊數十人得贓物奏請貢道改由柴達木由青海大臣遣兵護送又以野馬川地連野番請於大通河北岸立柵山厓築設墩卡派兵防守提標前後二營廠馬合并以厚兵力並允行二十一

清史稿 卷三八八

年因病請開缺尋致仕許食全俸二十七年卒贈太子太傅賜卹諡果毅

布彥泰顏扎氏滿洲正黃旗人父珠爾杭阿嘉慶初官鎮黃旗滿洲副都統以軍功予騎都尉世職布彥泰由廕生授藍翎侍衛襲世職洊升二等侍衛二十三年充伊犁領隊大臣道光初擢頭等侍衛歷喀什噶爾總兵病歸十年予副都統銜乾隆門行走充哈密辦事大臣調西甯辦事大臣將軍玉麟薦其習邊事調伊犁參贊大臣再調塔爾巴哈台參贊大臣十四年復以病歸十八年署正藍旗漢軍副都統擢察哈爾都統二十年授伊犁將軍入覲命在御前行走及赴任授鎮黃旗蒙古都統二十二年疏陳開墾事宜略言惠遠城三棵樹地方可墾地三萬餘畝請就本地民戶承種輸糧阿勒卜斯地方可墾十七萬餘畝請責成阿奇木伯克等籌計戶口酌量勻撥至二十四年疏報塔什圖畢等處開墾叠著成效詔嘉其忠誠為國督率有方加太子太保又命會勘烏魯木齊未墾之地及各城曠地一律興辦尋疏言惠遠城東阿齊烏蘇廢地前任將軍松筠

清史稿

列傳一百六十九

奏撥八旗餘丁耕種因乏水不久廢棄今欲墾復必逐漸開渠極東且須引哈什河水方可用之不竭經營浩費較前次各案不啻數倍見委員勘估又以伊犁歷屆捐墾成案皆係收工而非收銀蓋辦工以工為主計銀不如計工之直捷亦不如計工之嚴實此次用夫匠五十三萬四千工實墾地三棵樹紅柳灣三萬三千三百五十畝阿勒卜斯十六萬一千餘畝荒地之開墾成田由於渠工之開通水利故不能測出某頃某畝為某員所捐辦者仍請免其造冊報銷從之時前兩廣總督林則徐在成所布彥泰於墾事一以諮之阿齊烏蘇即由則徐捐辦事既上聞命布彥泰傳諭則徐赴南路阿克蘇烏什和闐周勘布彥泰疏留喀什噶爾辦事大臣全慶暫緩更換與則徐會勘凡歷兩年得田六十餘萬畝事具全慶傳二十五年授陝甘總督青海番匪連年肆擾自二十三年總督富呢揚阿奏報進剿驅回河南實僅邀番僧贊撫約不北犯次年復擾河北掠涼州營馬匹戕守備富呢揚阿稔稱匪乃四川果克黑番大雪封山難剿而西甯鎮總兵慶和出口會哨又遇賊被戕惠吉繼任總督檄提督胡超進

四三三

勦肅州兵不聽調譚喇胡超不能制惠吉籌辦未有緒歿於任乃以布彥泰代之未至命林則徐先著總督並授達洪阿西甯辦事大臣同治其事二十六年布彥泰抵任奏劾胡超畏葸能之又論總兵站住攻勦不力職職遺戍達洪阿率兵勦平番莊惟黑錯寺匪眾抗拒攻下之又破果岔賊巢拉布楞等寺僧收合四溝散番乞降事乃定布彥泰以調度有方被優敘親巡邊陲疏陳西甯地勢因河為固扼險設備請於哈拉庫圖爾之南山根南川管之青石坡移建營堡黃河北岸頭信東信忙多各渡口設卡又奏復防河舊章安置營汛並如議行二十七年安集延布魯特糾合同子圍喀什噶爾英吉沙爾詔布彥泰率兵赴肅州授為定西將軍奕山為參贊大臣將大舉出師會奕山率邊兵戰捷賊退二城解圍軍事告竣布彥泰回任二十九年因病請罷許之時為固原知州徐采饒等所許命協辦大學士祁寯藻往會總督琦善按之坐關防不密清查歧誤及失察家人議降調革任尋予二等侍衛充葉爾羌幫辦大臣調伊犁參贊大臣偕將軍奕山會議俄羅斯通商事宜語詳奕山傳咸豐二年授正白旗

清史稿

列傳一百六十九

三

漢軍副都統仍留邊任四年回京命赴王慶坨軍營以疾未行請開缺光緒六年卒年九十詔念前勞依都統例賜卹

薩迎阿字湘林鈕祜祿氏滿洲鎮黃旗人嘉慶十二年舉人兵部筆帖式擢禮部主事洊升郎中道光三年出為湖南永州知府調長沙歷山東兗沂曹道甘肅蘭州道七年就遷按察使以治回疆軍需賜花翎六年擢河南布政使未任予副都統銜充哈密辦事大臣調喀什噶爾辦事大臣十年安集延擾喀什噶爾邊卡薩迎阿赴土爾扈特霍碩特召兵赴援又襄治南路糧運授盛京工部侍郎兼管奉天府尹事十一年留京署鑲白旗漢軍副都統充烏什辦事大臣歷哈密辦事大臣葉爾羌幫辦大臣仍調哈密辦事大臣十五年授盛京禮部侍郎兼管府尹事調戶部二十年召授禮部侍郎兼鑲紅旗漢軍副都統調戶部兼管錢法堂二十三年擢熱河都統二十五年授伊犁將軍烏魯木齊興辦喀喇沙爾渠道隄壩下薩迎阿籌議疏言喀喇沙爾城西開都河道光十七年築護隄有屯田頭工二工兩渠自裁屯安戶後又於上游大河開一大渠嗣頭

二工又各添新渠共有五渠上年大水各渠口衝塌護隄亦壞今擬挑濬北大渠接長二千三百丈共長九千丈修築龍口石工外設木閘自龍口至坡心灘築築碎石長壩四十餘丈中設洩水閘隨時啟閉接長舊隄三十餘里至北大渠口為止其餘諸渠挑濬深通庶期經久又言吐魯番掘井取泉由地中連環導引澆灌高田以備渠水所不及名曰開井舊有三十餘處見因伊拉里克戶民無力飭屬捐錢籌辦可得六十餘處共成百處尋以開墾挑渠辦有成效薩迎阿履勘籌議招種升科疏言墾地在渠水充盈用有餘裕升科不必求急期實有裨益行之久長新疆水利泉水少而雪水多雪水之遲早無定收穫之豐歉難齊請援鎮迪舊例減半升科下部議行英吉沙爾領隊大臣齊清領誤聽伯克言誣指回子胡完為張格爾逆裔薩迎阿平反之詔嘉其詳慎二十七年安集延布魯特回衆入卡圍喀什噶爾英吉沙爾二城薩迎阿檄調諸城兵往勦葉爾羌參贊大臣奕山率諸軍由巴爾楚克進二戰皆捷薩迎阿別遣兵扼樹窩子二城圍尋解時方命陝甘總督布彥泰督師未出關而事平咸豐元年

清史稿

列傳一百六十九

四

召授正白旗滿洲副都統會陝甘總督琦善勦青海番匪言官劾其妄殺命薩迎阿赴西甯按之奏調刑部司員梁照奎椿武汝清隨同鞠訊得番子十四名無辜誣服狀疏陳琦善勦辦黑城撤拉回子及黃喀窪番賊尚非無故與師惟將雍沙番族殺斃多名實係妄加誅戮並及文武妄拿刑求逼供詭譎善職逮京訊治命薩迎阿暫署陝甘總督甘肅營務廢弛雖整頓而番匪時復出擾新授福建巡撫王德德途經金縣士民早控奏下薩迎阿察治屢被詰責二年解任回京自琦善之逮治也刑部尚書恒春以薩迎阿論劾過當欲令原訊司員對簿獨侍郎曾國藩持不可及廷臣會訊上琦善遣戍吉林司道以下文武論罪有差被誣番子免罪略如原諫薩迎阿坐未取應議各員供詞遞行擬罪又因子書紳與司員同坐問供下部議書紳降三級調用薩迎阿降四級留任歷署鑲藍旗正紅旗蒙古都統六年出署西安將軍逾歲卒詔念回疆軍務曾著勞績賜卹諡恪儉

論曰瑚松額川陝舊將屢任專征雖無赫赫功尚持大體晚膺疆寄稱厥職焉

布彥泰新疆開墾西甯平番皆賴林則徐之學蓋薩迎阿平反番獄持正不阿而治番亦無良策蓋番族生計無資營伍廢弛已久議則議撫補苴一時林則徐謂治番自古無一勞永逸之計亦慨乎其言之也

清史稿

列傳一百六十九

五

清史稿

列傳一百七十

張文浩

嚴煥

張井

吳邦慶

栗毓美

麟慶

潘錫恩

張文浩順天大興人入貨為布政司經歷投效東河工竣發南河嘉慶十年授山清外河同知屢以河溢奪職尋復之補外河南岸同知十九年河督吳璥奏調赴睢工委用擢署淮海道二十四年河溢儀封復決武陟馬營壩調辦馬營壩工工竣賜花翎儀封決口猶未塞仁宗以吳璥年老命文浩署河東河道總督專駐工次疏陳築壩挑河估銀四百五十萬報可工竣管二品頂戴兼兵部侍郎銜道光元年春欽天監奏彗星出東壁分野在衛地占主大水敕文浩防範侍郎吳煥請加高河隄文浩疏言河灘高下不齊長隄千餘里未能一律增高請加子堰二三尺從之實授河道總督三年丁母憂服未闋以畿輔連年水

清史稿

列傳一百七十

一

忠召署工部侍郎借三品卿職昌勘南北連河及永定河漫溢詔總昌還文浩駐工會辦工竣與總督將攸銜合疏陳直隸河道漫水未涸無從查勘考詢各處隄埝無不堙塞殘廢每年二月方可動工五月即須停止工繁時促斷難同時興作請於來歲春融周歷履勘分別緩急估辦又言永定河為患固山下口不能暢流亦由上游無所宣洩請修築重門閘添設減水壩又近年河流每多側注北岸宜添築越隄以為重障四年春授江南河道總督其秋糧艘回空黃河高於清水停阻河北者數月詔切責降三品頂戴命設法蓄清以資浮送十一月始全數渡黃會洪澤湖漲水未消高堰十三堡隄潰萬一千餘丈山圩周橋悉浪蕪亦過水八九尺各壩漫溢宣宗怒褫文浩職命尙書文孚汪廷珍馳勘劾文浩禦黃壩應閉不閉五壩應開不開蓄清過旺以致潰決命於工次枷號一月遣戍新疆回疆軍事起隨營効力事平請釋回不許十六年卒於戍所嚴煥字小農浙江仁和人嘉慶中入貨為通判發南河累擢徐州道丁母憂道光元年服闋授河南河北道尋命以三品頂戴署河東河道總督三汛安瀾乃

實授汝水漫決既塞疏言運河北路以蓄汝敵衝為最要機宜必使汝水層層
 擡高然後能敵衝水請加高臨清口磚閘資收蓄從之初黎世序治南河多用
 碎石乃奏請敕東河仿行領取其說請於馬營北岸挑壩仿南河拋護碎石佔
 工需銀十萬兩布政使程含章巡撫姚祖同先後言其不便而馬營既放淤壩
 前水勢已緩煩仍請於壩尾沁水灌注之所拋護碎石從之四年南河高家堰
 潰決調煇江南河道總督五年與尚書文孚汪廷珍合疏陳蓄清敵黃為河務
 第一關鍵蓄清全賴湖隄隄潰則清水洩枯重運經臨無以資浮送擬遵古人
 成法借黃濟運所慮運河窄小黃流湍悍多則不能容納少則必致膠淺議於
 禦黃壩外建壩三道鉗束黃流俾有節制又添築絳道以資束水行經襄陽兩
 廳長河挑挖淤淺幫培隄身並豫儲物料隨時築壩逼溜刷淤禦黃壩未啟則
 先挑高堰引河導清水入運將啟則嚴堵束清杜黃水入湖至修復湖隄必乘
 天寒水涸取土較易擬就近採料限大汛前砌高十層備湖水漸長共需帑銀
 三百萬又議覆侍郎朱士彥條上南河事宜大要拆修高家堰壩工先築越壩

清史稿

列傳一百七十

二

以便工作並於石隄外拋碎石坦坡可期永無塌卸又於王家壩減壩內鹽河
 加築隄婦及仁義禮舊壩處所添建石滾壩以防異漲並如議行於是借係玉
 庭等會辦重運至五月禦黃壩啟後河道仍淺滯漕船不能通行就近盤壩
 刺運難繼玉庭被重譴煇亦鐫級留任煇既因濟運事不敢擅離不能巡河勘
 工兩江總督琦善以為言乃命煇周歷履勘仍諭蓄清足清水為來年敵黃濟運
 之計煇疏言從前黃河底深湖水收至數尺即可外注隄身不甚喫重今則湖
 水必蓄至二丈始可建壩而刷黃以四百里浩瀚之湖水恃一綫單隄為之護
 西風衝擊勢必潰決擬仿成法於隄外築碎石坦坡護隄既固則湖水可蓄又
 借琦善奏陳刷黃必須湖水收至二丈上年湖水丈七寸餘即致失事刻下清
 水萬難蓄足惟有蓄清減黃二法並行碎石護隄所以蓄清改移海口所以減
 黃詔妥籌具奏尋又會陳由王管減壩至灌河口可導黃入海查灌河口外海
 灘高仰轉無把握惟拋碎石坦坡可漸收蓄清刷黃之益需費六百餘萬應分
 年辦理六年洪湖石工既竣煇知工未堅固實不足恃遂堅主碎石之工每年

清史稿

列傳一百七十

三

拋石三十萬方八年始能告成宣宗怒斥煇調任以來一籌莫展禦黃壩至今
 不能啟放辦理不善念在東河修守尚無貽誤降三品頂戴署河東河道總督
 七年實授復二品頂戴以蘭陽柴壩西北頂衝前拋碎石已著成效遇伏秋汛
 漲仍形喫重請加寬坦坡八年請續拋下北蘭儀兩廳碎石並於中河祥河險
 工儲石備防十一年命侍郎鍾昌等抽查東河料採祥河曹考兩廳料採虛鬆
 殘朽煇坐失察降三品頂戴鐫四級留任尋以病請開缺十三年病痊到京疏
 陳浙江海塘事宜十四年命偕侍郎趙盛奎往勘請分別緩急改修柴壩以護
 塘根歲撥銀五萬備修費從之尋命毋庸在工督辦復以病乞歸十五年河東
 河道總督吳邦慶劾煇拋碎石並收受紅封盤費以運同降補二十年卒
 張井字芥航陝西膚施人嘉慶六年進士以內閣中書用改知縣銓授廣東樂
 會引見特命改河南正陽調祥符遷許州直隸州知州襄辦馬營壩大工加知
 府銜署汝甯知府道光四年擢開歸陳許道尋以三品頂戴署河東河道總督
 五年秋汛安瀾乃實受增培黃河兩岸隄工並修泉河隄濬各湖斗門引渠疏
 陳河工久遠大計略曰今日之黃河有防無治每遇伏秋大汛司河各官奔走
 搶救竭蹶情形惟日不足及至水落霜清則以目前可保無虞不復求疏刷河
 身之策漸致河底墊高清水不能暢出並誤漕運又增盤壩起刺及海運等費
 皆數十年來斤斤於築隄鑿婦以防為治而未深求治之之要有以致之也當
 此河底未能疏濬之時惟仍守舊規以隄束水而水不能攻沙河身日形淤墊
 必得有刷深之方始可遂就下之性宣宗聽其言命借兩江總督琦善南河總
 督嚴烜河南巡撫程祖洛籌議遂赴南河會勘六年疏言黃河病在中滿淤墊
 過甚自應因勢利導擬仿前大學士阿桂改河避險之法導使繞越高淤於安
 東東門之北別築新隄以北隄改作南隄中間抽挑引河傍舊河而行至絲欄
 濱以下仍歸海口無淤灘阻隔似可暢順東趨去路既暢上淤必掣深得黃與
 清平立啟禦黃壩挑通清水暢出刷黃自有建壩之勢詔嘉其有識調江南河
 道總督與總督琦善及副總河潘錫恩會議以改河避淤口門有碎石阻遏諸
 多窒碍請開放王管減壩以期減落黃水刷濬河身從之既而給事中楊煇奏

啟放減壩黃流湍急鹽河勢難容納恐滋流弊援嘉慶間減壩兩次漫口情形為證復下詳議并言煊稽考成案於今昔情形似未周知昔年開壩漫口時在五月本年啟放定在霜後來源無慮續漲惟現據委員稟稱去路未見通暢是煊所奏不為無見因思啟壩時水勢或可暢達堵合後全河仍必抬高恐徒深四邑之災無補全河之病請仍改河避淤上斥并持論游移不許是秋開放減壩如期堵合被褒敘七年春汛黃水倒漾仍高於清水禦壩驟啟放漕船倒塘灌運自請治罪降三品頂戴命大學將攸銛尚書穆彰阿往勘會黃水低落啟禦壩運船幸得全渡詔斥并急於求功泥於師古革職留任以觀後效八年疏陳要工四事黃河接築海口長隄並於下游多築埽壩以資刷掣洪澤湖添建滾壩加寬湖隄南運河移建昭關壩加幫兩岸隄北運河修復劉老澗石滾壩補還南岸隄命都統英和會同將攸銛查勘以添築埽壩不能疏通積淤海口築隄可從緩辦餘如議行九年以兩屆安瀾復二品頂戴論相機規復河湖舊制疏言南河利害全係清江必清水暢出助黃刷淤則河與漕兩治惟

清史稿

列傳一百七十

四

黃水積淤必清高於黃數尺又必啟壩時多閉壩時少乃能暢出滌刷現在清水能出僅免倒灌不誤漕行殊未易收刷滌之効十二年桃源縣民聚眾私掘官隄掣溜致成決口革職暫留任効力御史鮑文瀉宗人府丞潘錫恩並言黃水入湖恐妨運道命穆彰阿陶澍會勘籌議疏陳黃水入湖後即由吳城七堡仍入黃河僅淤沿隄不及湖中未入束清壩不致病及運河正河乾涸正可將桃南桃北兩廳間大加挑濬除去中滿之患十三年于家灣合龍予四品頂戴尋引疾歸十五年卒於家并任兩河凡十年初治南河銳意任事洎興大工糜帑三百餘萬而無成效仍為補苴之計用灌塘法較勝借黃之險勤於修守世稱其亞於黎世序云

吳邦慶字齊峯順天霸州人以拔貢官昌黎訓導嘉慶元年成進士選庶吉士授編修遷御史巡視東漕奏請重浚運河並復山東春兌春開舊制數論河漕事多被採用十九年擢鴻臚寺少卿命偕內閣學士穆彰阿督濬北運河累遷內閣侍讀學士二十年出為山西布政使調河南護理巡撫二十三年擢湖南

巡撫調福建未之任湘潭土客民羣鬪死傷甚衆侍郎周系英面陳與邦慶疏奏有異命總督慶保往按邦慶亦發系英私書系英獲譴邦慶鑄級以三品京堂用補通政使二十五年擢兵部侍郎調刑部尋授安徽巡撫黃水注淮鳳穎被災而皖南苦旱親赴災區振撫涇縣民徐飛瀾傷斃邦慶誤聽承審官謂由於徐孝芳捏傷圖賴奏捕之激眾拒捕命兩江總督孫玉庭鞠治得其狀詔斥邦慶幾釀冤獄部議革職予編修累遷少詹事十年授貴州按察使未之任予三品卿銜署漕運總督尋實授禁糧船裝載蘆鹽請緝拿沿河窩頓十一年調江西巡撫十二年授河東河道總督督以不諳河務辭不許初嚴煊在東河多用碎石拋護歷年歲料未有節省詔飭嚴減邦慶疏請酌改舊章每年防料經費四成辦積六成辦石圍儀商虞下北三廳現工險要仍專案請辦碎石所議六成之石積儲數年使各廳皆存二千方緩急可恃則專案之石亦可逐年遞減從之武涉攔黃堰民築民修嗣歸廳管工段歲增十三年奏定畫界立石官民分守如有新生婦工先借帑辦理按河北三府攤徵歸款以山東運河全賴泉

清史稿

列傳一百七十

五

源灌注請復設泉河通判以專責成壽東汛滾水壩外舊有土堰為蓄洩敵衛以利漕運大水鄉民私開釀事奏立志椿濟運之水以七尺為度重運過竣啟堰以利農田如議行初邦慶著畿輔水利叢書後在官考河南通省志乘所載有水田處臚列其水之衰旺溉田多寡之數為渠田說修防之暇率道廳捐資造水車就馬營壩北及蔡家樓大窪積水地七千餘畝試行墾治先是邦慶因碎石工劾嚴煊能之既而給事中金應麟亦劾邦慶保舉過濫動撥過多十五年命大學士文孚山東巡撫鍾祥按之坐違例調地方人員改歸河工及以屬員為幕僚廳員饋銀不奏參職職詔復斥其參劾嚴煊遲至三年之久亦屬取巧念在任三屆安瀾加恩復予編修年已七十遂告歸二十八年卒

栗毓美字樸園山西渾源人嘉慶中以拔貢考授知縣發河南歷署溫孟安陽河內西華補甯陵所至著績父憂歸道光初服闋補武陟遷光州直隸州知州擢汝甯知府調開封歷糧鹽道開歸陳許道湖北按察使河南布政使護理巡撫十五年擢河東河道總督毓美自為令時於黃沁隄工馬營壩工皆親其事

勤求河務時串溝久為河患串溝者在隄河之間始僅斷港積水久而溝首受河又久而溝尾入河於是串溝遂成支河而遠隄十餘里之河變為切近隄身往往潰隄毓美莅任乘小舟周歷南北兩岸時北岸原武汛串溝受水已三百丈行四十餘里至陽武溝尾復灌入大河又合沁河及武陟榮澤諸灘水畢注隄下兩汛素無工無稽石隄南北皆水不能取土築壩毓美乃收買民輒拋成輒壩數十所工甫就而風雨大至支河首尾皆決數十丈而隄不傷於是始知輒之可用疏陳辦理情形以圖說進尋又疏言王屋莊進水之口較前更寬百餘丈由中滋大灘益向南淤溜勢南緩而北緊南股正河成爲迂道北股之溜勢轉建嶺其故由廣武山前老灘坍下餘丈溜趨山根爲山所遏折回東北中滋挺生淤灘水口既日見刷寬從省估計約需銀十餘萬兩至原陽兩岸隄根因沿陂試拋輒塊深資假護月石壩堵合加高幫寬進下楊封封邱二汛灘水已停淤壩下七十餘村莊居民安堵惟串溝分溜關繫北岸全局不能緩至來年興工已借撥銀兩估辦允之是役支河危險賴輒工化險爲平尋借巡撫桂

清史稿

列傳一百七十

六

良勘奏老河分溜已有六分王屋莊口寬勢順輒土各壩未可深恃原武十六堡當其頂衝並有秦家廠鹽店莊各灘水串溝分注十七堡當支河尾閘皆險要請購料豫防如議行十六年擇要挑浚修築魚臺汛隄岸改民堰歸運河廳十八年早漕艘阻滯濬泉源及各湖進水渠道嚴諸閘敞閉又濬曹州濟甯河渠十九年奏定微山湖收納連水章程但計水存丈三尺以內即築壩蓄水加高戴村壩以防旁洩初毓美以輒工屢著成效奏請許設密燒造御史李蕤疏言其不便命尙書敬徵往勘仍請改辦碎石停止設密毓美上疏爭之曰豫省歷次失事皆在無工處所隄長千里未能處處籌備一旦河勢變遷驟遇風雨輒倉皇失措幸而拍護平穩婦工費已不貲鑲埽引溜生工久爲河工所戒味者轉謂非此別無良策查北岸爲運道所關往者原陽分溜幾掣動全河若非用輒拋護費何可數計今祥符下汛陳留一汛灘水串注隄根形勢正與北岸同濱河土民多有呈請用輒者誠有見於輒工得力爲保田廬情至切也夫事之有利於民者斷無不利於國特事近於創難免浮言前南河用石之始衆議

紛如良由工程平穩用料減少販戶不能居奇工簡務開游客幕友不能幫辦謀住是以妄生浮議賴聖明獨斷敕下東河試辦至今永慶平成惟自用碎石請銀幾七十餘萬嗣改辦六成碎石然因購石不易埽段愈深愈多經費仍未節省自試辦輒壩三年未生一新工較前三年節省銀三十六萬蓋豫省情形與江南不同產石祇濟源鞏縣采運維艱輒則沿河民窰不下數十座隨地隨時無悞事機且石性滑入水流轉輒性澀入土即黏卸成坦坡自能挑溜每方輒塊直六兩石價則五六兩至十餘兩不等碎石大小不一堆埽半屬空虛尺輒十塊爲一方平鋪計數堆埽均實每方石重五六千斤而輒重九千餘斤是一方石價購輒兩方面而拋輒一方可當石兩方之用也或謂輒塊入土易損裂不知輒得水更堅拋成輒壩一經淤泥即已凝結或謂拋築輒壩近於與水爭地不知隄前之地尺寸在所必爭自來鑲埽之法隄前必先築土壩數十丈然後用埽鑲設輒壩則無須乎埽師土壩之意不泥其法拋作坦坡大溜自然外移未有可築土壩而不可築輒壩者上年盛漲較二年及十二年尤猛迅輒

清史稿

列傳一百七十

七

壩均屹立不移儀惟中河兩廳河水下卸壩灘濬壩埽旋即走失用輒拋護均能穩定是用輒拾辦險工較鑲埽更爲便捷昔衡工失事因灘陷不能鑲埽馬工失事因補隄不能得碎石使知用埽不如用輒運輒易於運石則費省而工已固見在各廳無工之處串溝隱患必應未雨綢繆若於黃沁下南豫儲輒塊則可有備無患應儲之輒仍令民間採買不必廳員燒造此外別無流弊卒如所議行遂請以四成辦稽之款改辦輒塊又疏言從前治河用埽埽法並有竹絡木困輒石柳葦自用料鑲埽以稽料爲正宗而險無定所亦無一勞永逸之計緣鑲埽立易激水怒其始水深不過數尺鑲埽數段引溜愈深動輒數丈無工變爲險工溜勢上提必須添鑲溜勢下坐必須接鑲片段愈長防守愈難新工既生益形勞費埽工無法減少不得已而減土工少購碎石皆爲苟且因循之計自試拋輒壩或用以杜新工或用以護舊工無不著有成效且輒工不特資經久而堆儲亦無風火堪虞從此工固濶安益復培增土工專用力於根本之地既可免漫溢之患亦保無衝決之虞宣宗深嘉納之巡撫牛

鑑入觀諭以毓美治河得手遇事毋擊其肘二十年京察特予議敘尋卒優詔
褒惜贈太子太保依總督例賜卹賜其子燿進士諡恭勤祀名宦祠毓美治河
風雨危險必躬親河道曲折高下嚮背皆所隱度每日水將抵某所急備之或
以爲迂且勞費毓美曰能知費之爲省乃真能費者也水至乃大服在任五年
河不爲患歿後吏民思慕廟祀以爲神數著靈應加封號列入祀典

麟慶字見亭完顏氏滿洲鑲黃旗人嘉慶十四年進士授內閣中書遷兵部主
事改中允道光三年出爲安徽徽州知府調潁州擢河南開歸陳許道歷河南
按察使貴州布政使護理巡撫十三年擢湖北巡撫尋授江南河道總督丁母
憂改署理服闋乃定授疏陳籌辦南河情形略曰近年河湖交敵欲復舊制不
外蓄清刷黃古人引導清水三分濟運七分刷黃得力在磨盤埽自廢棄後河
務漸壞擬規復磨盤埽舊制洪澤湖水甚寬高家堰工絕險各埽多封柴土蓄
水盛漲啟放輒壞埽底糜費不貲應仿滾水埽成法抬高石底至蓄水尺寸爲
度山埽五埽暨下游揚河境內車漕等埽一遵奏定丈尺啟放水定即行堵合

清史稿

列傳一百七十一

八

至黃河各工當體察平險節可緩之埽段辦緊要之土工一切疏浚器具祇備
運河挑挖若黃河底淤非人力所能強刷惟儲備料工遇險即拾以防爲治而
其要全在得人又以蘆葦爲工程必需右營蕩地荒廢產蘆不足請築圩蓄水
以資灌溉疏入詔嘉其言正當勸慎勉從事十四年以洪澤湖老子山西北挑
砌石埽東西沙路加築碎石高出湖面以便水師巡哨及商民停泊疏請淮海
常鎮等道另案用銀以南河連歲安瀾而上用日增切責之十九年修惠濟
正閘福興越閘會河湖並漲險工疊生請例外撥銀五十萬詔允之戒嗣後不
得援例著兩江總督二十一年河決祥符黃水匯注洪澤湖南河無事詔嘉其
化險爲夷子議敘二十二年英吉利兵艦入江命籌淮揚防務以保運道請以
鹽運使但明倫備防揚州以清江爲後路策應捕內匪陳三虎等誅之秋河決
桃北崔鎮汛值漕船回空改由中河灌塘通行無誤詔念防務及濟運勞革職
免罪二十三年發東河中牟工效力工竣以四品京堂候補尋予二等衛衛充
庫倫辦事大臣乞病未行病痊仍改四品京堂尋卒著有黃運河口古今圖說

河工器具圖說子崇實崇厚並自有傳

潘錫恩字芸閣安徽涇縣人嘉慶十六年進士選庶吉士授編修大考第一超
擢侍讀道光四年復大考一等擢侍讀學士時河患急錫恩上疏條陳河務略
曰蓄清敵黃爲相傳成法大汛將至急堵禦黃壩使黃水全力東趨今年漕艘
早渡因禦黃壩遲堵以致倒灌停淤釀成大患且欲籌減洩當在下游乃輒開
祥符廂減黃入湖壩口已灌於下廂口復灌於上黃水俱無出路湖底淤墊極
高若更引黃入運河道淤滿處處壅溢恐有決口之患宣宗聽其議五年命以
道員發往南河補淮揚道六年加三品頂戴授南河副總河九年母憂去官服
闋授光祿寺卿恩宗人府府丞左副都御史督順天學政擢兵部侍郎調吏部
仍留學政十九年內監狄文學以甥考試被黜至錫恩私宅言所取錄多出請
託挾制訛詐錫恩疏聞特詔論文學大辟二十二年疏言黃河自桃北崔鎮汛
蕭家莊北決口穿運河壞遙隄歸入六塘河東注正河自揚工以下斷流去清
日約有六七十里之遠回空漕船阻於宿遷以上臣前任淮揚道時詳辦屏水

清史稿

列傳一百七十

九

通船之法行之十餘年幸無貽誤今若於中河西口外築箱口壩添設草廂以
爲黃水啓閉之用即將楊家壩攔清堰以爲清水啟閉之用就中河運道爲
一大塘道里長則容船衆兩次啟閉漕船可以全渡惟黃水先已灌入運河中
泓淤墊兩岸綫隄亦恐有衝缺趕緊修濬計需費亦不甚多此時果可回空來
年即可出重則蕭莊決口不妨從緩堵築備此法趕辦不及祇有竟用引黃濟
運之法其臨黃箱口壩草廂照式築作引黃水入壩送船沿途多築對頭小壩
以備溜刷深庶免淤滯之患迨出楊莊匯入清河之水即可牽挽南行蓋南岸
不可借黃者恐其淤湖淤運今所引黃水一出楊莊口仍歸舊河自可用清口
之水以刷滌之應無流弊並以圖說進下河督麟慶議行麟慶亦主用灌塘法
與錫恩言合尋代麟慶爲江南河道總督時揚工漫溢尙書敬徵等查勘堵築
決口開挖引河接挑長河淤墊估銀五百七十萬兩有奇御史雷以誠奏決口
無庸堵合祇須改舊河爲支河以通運道而節糜費下錫恩會議錫恩奏覆灌
口非可行河之地北岸無可改河之理請仍堵築決口漕船回空仍由中河灌

塘命侍郎成剛府尹李德赴工會同錫恩督辦二十三年夫工以下挑河四萬
一百九十餘丈工竣除界壩放水通暢會河南中牟河決黃水注湖請放山
野各壩宣洩湖水並將夫工導出湖水引入中河暫濟鹽柴轉運復以上游河
水陡落間有淤弊請改估工以下未挑之工並挑築大隄單薄卑矮處是秋
湖水接長擊卸高堰石工四千餘丈搶護未決二十四年黃流未復故道急籌
濟運並宣洩湖水請放外南廳屬順清河導引入河歸海軍船抵壩即由其
處放渡並於外南之北欄黃壩址築鉗口土壩以資停蓄尋奏黃河上游六月
間陡長水丈餘山野林家西壩舊義河直壩及仁義河中間攔堰間有壩壩補
修完密裏河揚三廳承受洪湖之水兩岸緯隄舊有護埝者致多刷墊亦擇要
加鎮二十五年中牟工始合龍南河連年無險二十八年以病乞歸咸豐中命
在籍治捐輸團練八年前江西巡撫張沛勅其勸捐無狀礙職同治三年捐京
倉米折復原銜命赴安徽廬州會辦勸捐守禦事五年鄉舉重逢加太子少保
六年卒漕運總督張之萬疏陳錫恩治績賜祭葬諡文慎入祀鄉賢嗣子駿文

清史稿

列傳一百七十

十

入貲為刑部郎中改山東知府咸豐末捻匪犯省城駿文率兵圍擊於段家
店却之署青州平淄川鳳皇山土匪擄道員同治中巡撫閻敬銘丁寶楨皆倚
之從寶楨會勦捻匪塞河侯家林功尤多授兗沂曹道光緒中遷按察使坐事
降調以請省河事仍留山東歷治上下游要工調河南鄭工專任西壩以合龍
愆期革職留工工竣復原官授山西按察使護理巡撫遷福建布政使十九年
卒於官山東士民以其治河功請建專祠
論曰河患至道光朝而愈亟南河為漕運所累愈治愈壞自張文浩蓄清肇禍
高堰決而運道阻礙煨燬首畏尾湖河並不能治張井創議改河而不取執咎
迄於無成灌塘濟運賴以彌縫麟慶潘錫恩循其成法幸無大敗而已吳邦慶
講求水利而治河未有顯績葉毓美實心實力卓為當時河臣之冠不獨碑工
創法為可紀也東河自毓美後朱嬰鍾祥文沖繼之祥符中牟迭決東河遂益
棘矣

清史稿

列傳一百七十一

林培厚

李宗傳

王鳳生

俞德淵

姚瑩

林培厚字敏齋浙江瑞安人嘉慶十三年進士選庶吉士授編修出為四川重
慶知府囑匪帶刀異常製禁鍛者毋製實有犯則坐沿江渡船為盜資籍而稽
其出入刻姓名船側盜為衰息民習天主教搜其書批抉謬妄聞者多悔悟署
川東道所屬雷波廳民夷忿爭或覬覦邀功請發兵培厚不應立縛治其魁餘
悉貸遣總督蔣攸銛器之稱為蜀中良吏之最母憂歸服闋授直隸天津府畿
輔大水天津地窪下災尤劇培厚徧行屬縣賑活饑民七萬有奇奉天臺灣商
米先後抵海口議以官錢收買委曲劑量商民交利而官不費時蔣攸銛移督
直隸詔舉賢吏遂薦之不旬日擢大順廣道畿南滂後大興水利培厚先在天津
治淀河至大名治新衛河洛河浚築悉中程度培厚數以時事利病屬吏賢

清史稿

列傳一百七十一

一

否語攸銛為布政使屠之申所忌及攸銛入相那彥成代之坐河北旱荒施賑
不如法解培厚任宣宗夙知其能改授湖北糧儲道時河患淺澗漕舟數阻攸
銛以大學士出督兩江期八省漕以首夏畢渡河乘清水盛漲浮渡逾利培厚
所部尤速達為嘉慶以來數十年所未有攸銛特疏陳給敘歷三運無誤上意
方嚮用以勞卒於通州運次李象鵬字雲皋湖南長沙人嘉慶十六年進士選
庶吉士授編修道光二年出為直隸宣化知府歲饑禁姦販安屯戶煮粥以賑
民無失所課士有法一變邊郡卑陋之習調正定再調保定蔣攸銛那彥成先
後為總督皆倚如左右手象鵬持正無撓權通水道調河南鹽糧道治漕嚴弁
丁懷懷禁胥役藉雇剝船擾民請濬鹽仍歸商運民便之丁父艱歸服闋補江
西吉南贛甯道轄境與粵東犬牙相錯多伏莽屬縣僻瘁幾不可治象鵬掃除
積弊境內秩然擢江蘇按察使署江甯布政使時陶澍為總督賴其佐理焉調
貴州按察使仁懷奸民為亂株連眾治之無枉縱擢布政使禁漢奸盤剝苗民
多惠政二十四年以假去職洎入覲詔以三品京堂候補未幾乞歸

李宗傳字孝曾安徽桐城人嘉慶二年舉人授浙江上虞知縣先攝麗水平湖瑞安建德平陽所至求民隱鋤豪強平反冤獄在麗水斷積案七百餘事捐資河工敘知府擢浙江督糧道道光三年杭嘉湖三府大水宗傳建議浙西諸水尾閘下由江蘇入海必宜江浙兩省通籌疏濬大吏用其言疏請合治坐事左遷巡撫程含章薦之以知府用授湖南永州葺濂溪書院崇節義勸種植擢四川成綿龍茂道累攝鹽道布政使十三年裁邊屬猥夷降復叛勢甚張總督鄂山既奏劾提督楊芳檄宗傳往察治宗傳上言四廳夷環山爲巢嗜利頑鈍愈撫愈囂去年添兵設防夷轉四出焚掠攻壘窺城略無忌憚雖稜一廳實四廳安危所繫不可姑息貽患乃建三路進剿之策倡助軍需治兵選士聲威大振三路大軍猶未至宗傳先以計誘降十三支夷繫之勒還所掠人口有業者復之無業者給資縱俘歸使諭威德夷猶豫未決大軍由冷蹟關逼老林巢數大破之於石門坎擒斬數百毀賊寨二百餘所夷落悉平論功最擢山東按察使捕大盜劉二鞍子寘之法羣盜遠遁遷湖北布政使年逾七十引疾歸宗傳征

清史稿

列傳一百七十一

二

叛夷出奇有功然居恒時以計取傷仁意不自慊嘗從同縣姚鼎遊能文章王鳳生字竹嶼安徽婺源人父友亮乾隆四十六年進士由中書充軍機章京累遷刑部郎中精究法律治獄矜慎改御史巡城巡漕官至通政司副使有清直聲以詩名鳳生嘉慶中入貲爲浙江通判屢攝知縣事任蘭溪僅數月清積案七百餘事任平湖有民數百戶誦經茹素傳授邪教鳳生憫其愚惑開諭利害治爲首數人罪餘釋之補嘉興府通判道光初浙江清查倉庫以鳳生總其事署嘉興知府遷玉環廳同知會浙西大水江浙兩省議合治調鳳生乍浦同知勘水道乃由天目山歷湖州嘉興沿太湖以達松江計畫甫就事未行值淮南高堰潰決江南大吏疏調鳳生赴南河未幾擢河南歸德知府濬虞城下邑永城二縣溝渠尋擢彰德道鳳河工五廳歲修糜費春秋防汛虛應故事鳳生力矯積習事必躬親以歲修有定例另案無定例在任三年力刪另案以杜弊尋以疾乞歸九年兩江總督蔣攸銜薦起原官署兩淮鹽運使鳳生以淮鹽極敝條上十八事攸銜採其議改竄鹽節浮費濬河道增屯船緝場私隣私

之出入禁江船漕船之夾帶及清查庫款督運淮北諸條疏陳待施行會詔捕鹽梟巨魁黃玉林鳳生計招出首責緝私贖罪攸銜已入告旋因告許置之獄又得玉林所寄其黨私書意反復密疏請處以重法上以前後岐異譴攸銜鳳生亦降調陶澍繼督兩江與尙書王鼎贊與會籌鹽法合疏留鳳生襄議於是大有興革略與鳳生初議相出入又奏以鳳生察湖廣銷引勘議淮北改票事鳳生雖去官仍與鹽事終始十二年湖北大濠總督盧坤疏留鳳生治江漢隄工委互數百里半載告竣秋水至新隄有潰者鳳生引咎乞疾歸尋准北票鹽大暢陶澍以鳳生首議功上聞從之出未行而卒鳳生以仕爲學尤篤好圖志成浙西水利圖說備考河北采風錄江淮河運圖漢江紀程江漢宜防備考准南北場河運鹽走私道路圖每吏一方必能指畫其形勢與所宜興革四方大吏爭相疏調少竟其用惟治淮鹽尤爲陶澍所倚藉焉黃冕字服周湖南長沙人年二十官兩淮鹽大使治淮揚賑有聲初行海運巡撫陶澍使赴上海集沙船與議盡得要領授江都知縣歷元和上海署太倉州擢蘇州府同知晉秩知

清史稿

列傳一百七十一

三

府署常州鎮江有大興作大吏悉倚以辦疏治劉河海口上海滬甯塘常州芙蓉江孟河宛皆躬任之海鹽兵事起從總督裕謙赴浙江裕謙死難冕牽連遣戍伊犁既而林則徐亦至戍議興屯田冕佐治水利有功赦還江蘇巡撫陸建瀛復調冕治海運革漕費歲省銀數十萬爲邑者所中効罷歸咸豐初粵匪圍長沙冕建守禦策及曾國藩治兵討賊冕創釐稅興茶鹽之利軍餉取給焉又開東征局專餉曾國藩一軍起授江西吉安知府復以事劾免歸仍以餉事自任湘軍賴以成功尋授雲南迤西道辭病不赴卒於家冕仕宦初爲陶澍林則徐所知晚在籍爲駱秉章所倚任時稱其幹濟被謗亦甚云

俞德淵字陶泉甘肅平羅人嘉慶二十二年進士選庶吉士散館授江蘇荆溪知縣始至遮謗者百十輩逾年前訴者又易名來控一見卽識之羣驚爲神調長洲甚得民心遷蘇州督糧同知道光六年初行海運以德淵董其役章程皆出手定以憂去八年服闋擢常州知府調江甯十年宣宗以兩淮鹽法大壞授陶澍爲兩江總督命尙書王鼎侍郎寶興赴江南會議改革時議者多主罷官

商鹽歸場竈科稅以德淵有心計使與議德淵具議數千言略謂鹽歸場竈其法有三一曰歸竈丁按繳起科然其中有難行者三一在竈丁之逋欠一在繳錢之私煎一在災祲之藉口二曰歸場官給單收稅難行者亦有三一在額數之難定一在稽查之難周一在官吏之難恃三曰歸場商認繳納課難行者亦有三一在疲商之鑽充一在殷戶之規避一在垣外之私售以上三法共有九難如就三者兼權之則招商認繳猶為此善於彼苟得其人或可講求盡善顧事關開始果欲行之則宜先定章程清竈商改官易制諸事非三年不能就緒此三年中額課未可長懸也場鹽未可停售也各岸食鹽未可久缺也新舊接替之時非熟思審處何能變通盡利乎向來捆鹽之夫淮北永豐有萬餘人淮南老虎頭不下數萬人皆無賴遊民以此為事業一旦失所此數萬眾將安往其患又不止私梟拒捕已也議上陶澍深然之乃與朝使定議不歸場竈仍用官商如故惟奏罷鹽政裁浮費減窩價凡積弊皆除之薦德淵超擢兩淮鹽運使德淵精會計又知人善任諸滯岸商憚往運改以官督辦千里行鹽稽覈

清史稿

列傳一百七十一

四

價用瑣屑悉當每運恆有餘利盡以充庫無私取兩淮本脂膏地運使多以財結權貴及四方遊客餘賒給寒賤取聲譽皆出商資德淵謹守完鑰失望者眾言者時相攻訐不顧也在任五年力崇節儉妻子常衣布素揚州華侈之俗為之一變尚書黃鉞子中民為場大使欲得美職德淵曰美職以待有功中民無功不可得堅不與陶澍益賢之薦其才可大用以循良久在鹽官可惜上亦嘉之未及擢用而卒

姚瑩字石甫安徽桐城人嘉慶十三年進士授福建平和知縣調龍溪俗健悍械鬪仇殺無虛日瑩禽巨惡立斃之收豪猾為用予以自新親巡問疾苦使侵奪者各還舊業誓解仇讐擇強力者為家長約束族眾籍壯丁為鄉勇逐捕盜賊有犯責家長縛送械鬪平盜賊亦糾治行為閩中第一調臺灣署海防同知噶瑪蘭同知坐事落職尋以噶瑪蘭獲盜功復官父憂歸服闋改發江蘇歷金壇元和武進遷高郵知州擢兩淮鹽運使先後臨吏趙慎畛陶澍林則徐皆薦其可大用道光十年特擢臺灣道及海疆戒嚴瑩與總兵達洪阿

預為戰守計達洪阿性剛與同官鮮合瑩推誠相接一日謁謝曰武人不學為子所容久矣自今聽子而行二十一年秋英兵兩犯雞籠海口明年正月又犯大安港瑩設方略與達洪阿督兵迎卻之大有斬獲收前所失甯波廈門礮械甚多敵構奸民煽亂海寇亦竊發皆即捕戮一方屹然詔嘉獎加二品銜子雲騎尉世職洎江甯議款息事遂有臺灣鎮道冒功之獄故事臺灣以懸隔海外加兵備道按察使銜得與鎮臣專奏事鶴籠大安之捷飛章入告總督怡良心不平英兵留駐鼓浪嶼前獲俘欲解內地勢不能達奏請便宜誅之以絕內患已報可怡良仍令解省瑩與達洪阿謀曰大府意欲市德藉以退鼓浪嶼之兵兵不可退徒示弱不如殺之怡良愈怒諸帥並忌之欵議既成交還敵俘以妄殺被劾速聞瑩與達洪阿約義不與俘虜質即自引咎宣宗心知臺灣功入獄六日特旨以同知直隸州知州發往四川効用至則復為總督寶興所忌會西藏兩呼圖克圖相爭檄往平之瑩謂夷人難以德化失職下僚子身往徒指國威不聽及至乍雅果不得要領而返總督劾其畏難規避責再往事竣補蓬

清史稿

列傳一百七十一

五

州在州二年引疾歸文宗即位黜大學士穆彰阿詔宣示中外並及瑩與達洪阿被陷狀於是復起用授湖北武昌鹽法道未行擢廣西按察使命參大學士賽尚阿軍事時廣西寇漸熾諸將不合師久無功瑩至任為翼長大軍圍賊紫金山瑩言流賊如水必環攻以斷其逸不聽賊遂竄永安又上書請斬偵事將復不聽永安城小都統烏蘭泰軍西南提督向榮軍東北合演黔楚蜀兵四萬餘人賊數千壁險死鬪水竄者永安東北之隘也緣山徑可達桂林瑩與烏蘭泰皆主擊水竄絕賊外援向榮不從自由龍寮嶺進而敗乃議開水竄一路縱賊逸尾追擊之瑩力辯其失賽尚阿仍用向榮策賊果突圍出犯桂林烏蘭泰戰死賽尚阿速聞賊勢益熾連陷興安全州犯湖南遂不可制瑩隨軍至湖南巡撫張亮基奏署按察使憂憤致疾卒於官瑩師事從祖翁不好經生章句務通大意見諸施行文章善持論指陳時事利害慷慨深切所著東溟文集奏稿後湘詩集東槎紀略康輶紀行及雜著諸書為中復堂全集行於世子溶昌能繼家學曾國藩以名家子留佐幕官江西安福湖北竹山知縣工詩有五瑞堂

集

論曰林培厚救荒治河有實績而以察吏招是李宗傳便宜平夷功在邊方王鳳生俞德淵佐陶澍治淮鹽尤濟時之才姚瑩保嚴疆挫強敵反遭譏誣然朝廷未嘗不諒其忠勤海內引領望其再用亦不可謂不遇矣

清史稿

列傳一百七十一

六

清史稿

列傳一百七十一

杜受田

祁雋藻

翁心存

彭蘊章

杜受田字芝農山東濱州人父塲嘉慶六年進士由翰林院編修累官禮部侍郎重宴鹿鳴加太子少保卒贈太傅諡文端受田道光三年進士會試第一殿試二甲第一選庶吉士授編修大考擢中允遷洗馬督山西學政十五年特召還京直上書房授文宗讀四遷內閣學士命專心授讀毋庸到閣批本十八年擢工部侍郎調戶部二十四年連擢左都御史工部尚書尋充上書房總師傅文宗自六歲入學受田朝夕納誨必以正道歷十餘年至宣宗晚年以文宗長且賢欲付大業猶未決會校獵南苑諸皇子皆從恭親王奕訢獲禽最多文宗未發一矢問之對曰時方春鳥獸孽育不忍傷生以干天和宣宗大悅曰此真帝者之言立儲遂密定受田輔導之力也三十年文宗即位加太子太傅兼署吏部尚書調刑部尚書協辦大學士受田雖未入樞廷國家大政及進退大臣

清史稿

列傳一百七十一

一

上必諮而後行廣西軍事亟受田數陳方略肅林則徐周天爵先後起用提督向榮老於軍事以同列不和被謗力陳輿論數保全之咸豐元年調管禮部二年因河決豐北久未塞山東江北被災重命偕福州將軍怡良往治賑務疏言災廣民衆賑恤不可緩尤在得人薦山東布政使劉源瀚江甯布政使祁宿藻皆持正有為責成專任請截留江廣漕米六十萬石分給兩省詔並允行受田自侍文宗學未嘗離左右當陛辭不覺感戀流涕在途觸暑染疫力疾治事與源瀚宿藻等屢定施賑章程疏陳而不言病至清江浦遽卒遺疏念賊氛未靖河患未平尤以敬天法祖勤政愛民崇節儉好惡平賞罰為言文宗震悼贈太師大學士入祀賢良祠賜金五千兩治喪遣近臣慰視其父塲擢其子檢討論翰為庶子孫三人並賜舉人復特詔曰杜受田品端學粹正色立朝皇考深加倚重特簡為朕師傅憶在書齋凡所陳說悉本唐虞三代聖聖相傳之旨實能發明蘊奧體用兼賅朕即位後周諮時政利弊民生疾苦盡心獻替啟沃良多援嘉慶朝大學士朱珪故事特諡文正謂其公忠正直足當正字而無愧極至

京上親奠撫棺哭甚哀其父禮部尚書銜明年上臨雍講學復詔褒受田
曩日講貫之功即家賜祭一壇及樞密命恭親王奠送遣官到籍致祭節終之
典一時無與比子翻山翰林院編修累官戶部侍郎督辦山東團練翰字繼園
道光二十四年進士選庶吉士授檢討咸豐三年降服闋補庶子文宗念受田
舊勞數月間迭擢工部侍郎命在軍機大臣上行走辦理京城巡防事宜翰勇
於任事甚被倚任十年隨扈熱河以勞賜花翎上崩於行在穆宗即位御史董
元醇疏請兩宮皇太后垂簾聽政載垣端華肅順等持不可翰附之抗言甚力
遂黜元醇議肅順曰君誠不愧杜文正之子也既而載垣等以竊奪政柄被罪
翰連坐議革職成新疆詔原之視職免其發遣同治五年卒

祁雋藻字春圃山西壽陽人父韻士官戶部郎中以其繫獄雋藻方幼隨侍讀
書不輟賦春草詩以見志嘉慶十九年成進士選庶吉士授編修道光元年直
南書房督湖南學政累遷庶子十年以母病陳情歸養宣宗不許予假省親逾
年回京補原官遷侍講學士尋復予假省母不開缺歷通政司副使光祿寺卿
清 史 稿 列傳一百七十二

內閣學士母憂歸十六年將屆服闋預授兵部侍郎督江蘇學政歷戶部吏部
侍郎留學政任未滿十九年命偕侍郎黃樹滋視福建海防及禁烟事連擢左
都御史兵部尚書迭疏陳總督宜駐泉州治防務改海口礮臺為墩查禁烟販
捕治漢奸並禁漳泉兩府行使夷錢夾帶私鑄者治罪嚴懲械關並得旨允行
在閩牛載遠經浙江按台溫兩府私種粟劾台州知府潘盛又劾溫州知
府劉煜試行票鹽不善被議自呈枉屈成新疆時鄧廷楨奏擊英吉利兵船於
廈門走之忌者謂其不實命雋藻復往按具陳戰勝狀回京仍直南書房二十
一年調戶部命為軍機大臣二十六年偕尚書文慶按長蘆鹽運使陳鑑擢撥
鹽課彌補加價視其職歷任鹽政運司議譴有差二十九年以戶部尚書協辦
大學士命赴甘肅偕琦善按前任總督布彥泰清查外誤縱容家丁下嚴議回
京請使道省墓途次聞宣宗崩過里門不入文宗即位拜體仁閣大學士仍管
戶部雋藻自道光中論洋務與穆彰阿不合至是文宗銳意圖治能穆彰阿黨
藻遂領樞務開言路起用舊臣雋藻實左右之咸豐元年調管工部兼管戶部

三庫事務二年復調戶部廣西匪日熾出湖南遂不可制湖北江南數省先後
淪陷軍興財匱議者試行鈔法又鑄當百當五百大錢皆行之未久而滋弊尚
書肅順同掌戶部事尚苛刻又湘軍初起肅順力言其可用上嚮之雋藻皆意
與齟齬屢稱病請罷溫詔慰留四年冬復堅以為請乃允致仕十年英法聯軍
犯天津軍駕將幸熱河雋藻密疏切諫又言關中形勝可建都釐捐病民北省
尤宜急停並報聞十一年穆宗即位特詔起用疏陳時政六事曰保護聖躬以
崇帝學曰緩輯民心以清盜源曰重守令以固民心曰開制科以收人才曰速
剿山東河南賊匪嚴防山西陝西要隘以衛畿輔曰敦崇節儉以培元氣言甚
切摯並被嘉納次第施行命以大學士銜授禮部尚書同治元年穆宗入學命
直弘德殿借翁心存倭仁李鴻藻同授讀誦錄經史二軼進呈上讀大學畢雋
藻具疏推陳為人君止於仁之義略曰大學一書皇上已成誦凡制治保邦之
道用人行政之源皆在於是為人君之道止於仁而已治國平天下兩章言仁
者六終之以未有上好仁而下不好義蓋仁者必以仁親為寶故能愛人能惡

清 史 稿 列傳一百七十二
人不好仁則好人之所惡惡人之所好仁者必以貪為戒故忠信以得之不仁
者則驕泰以失之矣仁者以義為利不以利為利故以財發身不仁者則以身
發財蓄善並至矣千古治亂之機判於義利而義利之判則由於上之好仁不
好仁也如近日所講帝鑑圖說下車泣罪解網施恩澤及枯骨等事斯即帝王
仁心所見端也若納諫求賢尊儒遠佞則仁親為寶能好能惡之說也露喜能
工裘馬卻獻則以義為利不以利為利之說也帝鑑圖說講畢請進講輿地以
會典諸圖簡明易於指畫又耕織圖及內府石刻宋馬遠幽風圖為農桑衣食
之原皇上讀書之暇隨時講求庶知稼穡之艱難懷守成之不易也二年上服
除雋藻借倭仁李鴻藻上疏曰皇上冲齡踐祚智慧漸開當此釋服之初吉禮
舉行聖心之敬肆於此分風會之轉移即於此始則玩好之漸可慮也游觀之
漸可慮也興作之漸可慮也嗜好之端一開不惟分誦讀之心海內之窺意旨
者且將從風而靡安危治亂之機其端甚微所關甚鉅可無慎乎方今軍務未
平生民塗炭正君臣交儆之時非上下恬熙之日伏願皇上恪遵慈訓時時以

憂勤惕厲爲心以逸樂便安爲戒凡內廷服御一切用項稍涉浮靡概從裁減
向例所有不妨量爲樽節如是則外務之紛華不接於耳目詩書之啓迪益歛
夫心思聖學日新聖德日固而去奢崇儉之風自不令而行矣疏上優詔褒答
焉鶴藻提倡樸學延納寒素士林歸之疏言通經之學義理與訓詁不可偏重
後學不察以訓詁專屬漢儒義理專屬宋儒使畫分界限學術日歧因舉素所
知寒士端木琛鄭珍莫友芝閻汝弼王軒楊寶臣經明行修堪資器使又疏言
軍興以來不講吏治請下中外大臣保舉循吏及伏處潛修之士以備任用自
舉原任同知劉大紳按察使李文耕大順廣道劉煦請宣付史館入循吏傳又
薦直隸知縣張光藻陳崇砥王蘭廣山東知縣蔣慶第山西知縣程豫吳輝祖
及江南優貢端木琛山西舉人秦東來並嘉納允行屢以病乞休三年詔許致
仕食全俸五年卒晉贈太保祀賢良祠命鍾郡王奠醴謚文端擢其子編修世
長以侍讀用世長字子禾咸豐十年進士年十三侍父江蘇學政任幕客愈正
變張穆苗夔諸人並樸學通儒世長濡染有素尤篤守宋儒義理之說同治九

清史稿

列傳一百七十二

四

年服闋補侍讀累遷內閣學士光緒初連督安徽順天浙江學政清勤愛士一
守舊儀舊規歷禮部吏部侍郎擢左都御史十年命偕尙書延煦勘山東河工
疏言非疏海口不能洩盛漲修防以民爲第一層屏障守民爲第一層屏障
巡撫陳士杰築修民埝多在大隄既決之後殊爲失計請乘時興修從之迭疏
陳時務多持正議十六年遷工部尙書兼管順天府尹兩典會試皆得士世長
清操自勵累世官卿貳家如寒素時以稱焉十八年卒優詔賜卹諡文恪賜其
係師曾員外郎子友業主事
翁心存字二銘江蘇常熟人父咸封官海州學正知州唐仲冕見心存有異才
奇之授之學道光二年成進士選庶吉士授編修大考擢中允督江西學政任
滿入直上書房授惠郡王讀尋督江西學政累遷大理寺少卿十七年復直上
書房授六阿哥讀逾年以母老乞養家居十年終喪會子同書督貴州學政
陛辭宣宗命傳諭促之來二十九年入直授八阿哥讀補祭酒歷內閣
學士工部侍郎調戶部江蘇巡撫請蘇州松江太倉漕米改徵折色心存謂二

屬額徵米一百十四萬餘石一旦改折慮京倉不敷支放州縣假折色抑勒倍
徵便民適以累民至殿議事乃寢咸豐元年擢工部尙書三年江南陷心存疏
陳兵事請乘賊勢未定飭向榮渡江陳金綬進屯浦口以上海水師溯流衝其
前江忠源鄧紹良之師掩其後四路進攻增重兵守江淮杜北竄急清兗豫風
類捻匪毋令與粵寇合勢並嚴軍需恤災黎籌京倉積貯整飭紀綱以維根本
疏上多被採用又薦湖北按察使江忠源請昇統帥重任尋卽擢爲巡撫調刑
部再調工部兼管順天府尹粵匪北犯心存疏言賊氛逼近請扼河而守畿南
宜駐重兵河南山西陝西各要隘併力堵截速調駐熱河綏遠之蒙古馬隊進
口內衛京畿京師九門嚴緝奸宄運通倉存糧入城並救琦善鄧紹良規復揚
州鎮江爲會勦江甯之計又疏陳順天防務畫分汛地舉行團練府屬各營舊
隸總督管轄請旨暫歸調遣未幾賊犯天津僧格林沁率師進勦命順天府設
糧臺心存請發內帑三十二萬兩京倉米二千六百石以給軍食添製軍需火
藥又借團防大臣會議京城防守事宜舉光祿寺卿宋晉太僕寺卿王茂蔭綜

清史稿

列傳一百七十二

五

理其事並詔允行時議行鈔幣心存疏言軍營搭放票鈔諸多窒礙鈔幣之法
施行當有次第此時甫經頒發並未試用勢難驟用之軍營詔斥爲阻撓即責
歸次第施行之法俾無阻滯會官論通州捕役勾結土匪行劫命刑部侍郎
文瑞鞫得實心存以徇庇革職四年起授吏部侍郎調戶部擢兵部尙書調吏
部六年疏陳江南軍事略曰蘇松常太三府一州及浙之杭嘉湖三府久爲賊
所窺伺今甯國先陷逼近宜興向榮近守丹陽溧水句容相繼失守宜責向榮
嚴扼丹陽令張國樑率精兵駐宜興扼束塘別簡水師駐太湖庶蘇常兩郡可
保無事又近有按敵捐輸失政體竭民財請查明停止是年冬兼翰林院掌院
學士以吏部尙書協辦大學士尋調戶部八年充上書房總師傅英法聯軍北
犯天津戒嚴心存疏請聖駕還宮以定衆志力言京師重地不可駐外國領事
長江形勢不可失緩募邊地不可捐兵費不可再償傳教不可推廣和議難成
宜速進剿湖北巡撫胡林翼奏除漕務中飽之弊請改徵折色心存力贊其議
由部定章程五事滿漢兵糧折價支給上下衙門一切陋規概行裁革焉拜體

仁閣大學士管理戶部與肅順同官不相能屢乞病不許九年復固請乃予告去職十年戶部迭興大獄肅順主之多所羅織怡親王載垣等會鞫謂司員忠驕王熙震以短號鈔兌換長號會面啟心存回奏部院事非一二人所能專政斷無立談數語改舊章之理載垣等遂請嚴頂帶歸案訊實文宗鑒其誣僅以失察議處免傳訊議降五級改俟補官革職留任復以五字商號添支經費心存駁令議減未陳奏司員即列入奏銷下嚴議革職留任是年秋車駕將幸熱河心存上疏切諫十一年文宗崩於行在梓宮還京心存偕諸臣迎謁特詔起用以大學士銜管理工部疏舉人材詔嘉其不失以人事君之義又疏言東南之民嚮義其堅各郡縣陷後流亡渡江者日夜思招練義勇克復鄉里請救曾國藩擇能辦賊者馳赴通州東臺收拾將散之人心激勵方興之義旅進擄蘇常退保下河上海一隅賦稅所出宜取江海關無窮之利以供曾國藩有用之兵疏上被嘉納同治元年入直弘德殿借祁寯藻等授穆宗讀兩宮皇太后慎重師傅之選倚畀彌篤是年冬寢疾子安徽巡撫同書方緣事繫獄詔暫

清史稿

列傳一百七十二

六

釋侍疾尋卒優詔賜卹稱其品端學粹守正不阿贈太保入祀賢良祠設文端賜其孫曾源進士曾榮舉人曾純曾桂並以原官即用曾翰賜內閣中書逾年文宗實錄告成以心存曾充監修總裁賜祭一壇子同書同歸自有傳同爵官湖北巡撫

彭蘊章字詠莪江蘇長洲人尙書啓豐曾孫由舉人入賞爲內閣中書充軍機章京道光十五年成進士授工部主事仍留直軍機處累遷郎中歷鴻臚寺少卿光祿寺少卿順天府丞通政司副使宗人府丞督福建學政遷左副都御史二十八年疏言漕船衛官需索旗丁日益增多沿途委員及漕運衙門倉場花戶皆有費欲減旗丁幫費宜探本窮源又州縣辦漕應令督撫察其潔已愛民者每歲酌保一二員辦理不善者劾一二員運漕官及坐糧廳如能潔已別弊准漕督倉場保奏不稱職者劾罷下部議行擢工部侍郎仍留學政任咸豐元年命在軍機大臣上行走四年調禮部尋擢工部尙書五年協辦大學士六年拜文淵閣大學士管理工部及戶部三庫事務充上書房總師傅八年京師旱

糧價踴貴旗民生計益艱蘊章奏請撥款採米九之復疏言自改用大錢城中米貴疊荷加恩賑濟又加米折然民生疾苦未見轉機臣聞兵丁所領止有實米二成其餘折色定價每石京錢四千至三千不等大米一石市價京錢三千持此折價買米不過升斗民生之燮不獨在無銀並在無米本年海運多於上年可將兵米酌量加增又各營養育兵及饑寒孤獨小口米不過四萬餘名每名歲支一石六斗擬請此項酌給米毋庸折色自前年以來有提存部庫採買銀又存四川山西河南陝西解京米價銀共有四十七萬餘兩堪以採買米石加放兵米又有河南停運節省運脚銀二萬兩堪爲轉運之用伏飭乞部採買以資搭放實於旗兵生計大有裨益疏入下部議行蘊章久直樞廷廉謹小心每與會議必持詳慎鈔票科場諸大獄婉辭調護與肅順等意忤兩江總督何桂清素以才敏自負蘊章誤信之數於上前稱薦十年江甯大營潰蘊章猶言桂清可恃未幾蘇常相繼陷桂清逃治文宗以蘊章無知人鑒眷注浸衰適有足疾扶掖入直命毋庸在軍機大臣上行走以示體恤尋奏乞罷職出

清史稿

列傳一百七十二

七

都就醫詔曰卿久任樞垣備悉時事見在軍務如有見及並探訪輿論民情隨時具疏交地方官大吏代遞蘊章密陳時務六則報聞十一年病痊署兵部尙書尋兼署左都御史同治元年復以病乞休未幾卒依大學士例賜卹設文敬子祖賢官至湖北巡撫

論曰文宗初政杜受田以師傅最被信任贊畫獨多祁寯藻彭蘊章皆久領樞務翁心存數論軍事久筦度支三人者並與肅順不協先後去位同治初元聯翩復起蘊藻心存三朝耆碩輔導沖主一時清望所歸焉

文慶字孔修費莫氏滿洲鑲紅旗人兩廣總督永保之孫也道光二年進士選庶吉士授編修五遷至詹事府通政使左副都御史內閣學士十二年授禮部侍郎兼副都統十三年總理孝慎皇后喪儀會奏軍民難髮及停止宴會期限疏中誤引百姓如喪考妣四海遏密八音語下諸臣嚴議宣宗以文慶翰林出身隨聲附和獨重譴副都統降三品頂戴尋復之歷吏部戶部侍郎十六年偕尚書湯金釗赴陝西四川按劾巡撫楊名鸞布政使李義文並下嚴議尋復按名鸞被計事褫其職金釗留署陝西巡撫文慶又按河南武陟知縣趙銘彝貪婪狀劾職調戶部侍郎十七年命在軍機大臣上學習行走兼右翼總兵命赴熱河借都統著英按歷任總管虧庫款職職追繳十九年以查辦熱河虧空案內擬罪未晰召問奏對失實下部議罷直軍機二十年典江南鄉試以

上下江中額有誤又私携湖南舉人熊少牧入闈閱卷議職職二十二年子三等侍衛充庫倫辦事大臣二十三年召授吏部侍郎內務府大臣連擢左都御史兵部尚書二十五年命赴四川偕總督將軍按前任駐藏大臣孟保鍾芳等濫提官物効能之二十七年復命為軍機大臣解內務府事務尋署陝甘總督道經河南命察賑務劾玩誤之知縣四人二十八年召授吏部尚書兼步軍統領內務府大臣罷直軍機處兼翰林院掌院學士三十年充內大臣薛執中者甘肅河州人以符咒惑眾至京師藉術醫病朝貴多與往來遂妄議時政談休咎行蹤詭秘為巡城御史曹琳堅捕治中外大臣牽連被誣者眾文慶曾延治病文宗斥其身為步軍統領不能立時捕究有乖職守職職咸豐元年予五品頂戴辦理昌陵工程二年起授內閣學士尋擢戶部尚書復為內大臣翰林院掌院學士五年復為軍機大臣協辦大學士題孝靜皇后神主加太子太保拜文淵閣大學士晉武英殿大學士管理戶部充上書房總師傅文慶謹持大體宣宗文宗知之深屢躡屢起眷倚不衰時海內多故粵匪猖熾欽差大臣賽

尚阿訥爾經瀕先後以失律被譴文慶言當重用漢臣彼多從田間來知民疾苦熟諳情偽豈若吾輩未出國門憤然於大計者乎常密請破除滿漢畛域之見不拘資格以用人曾國藩初任軍事屢戰失利忌者沮抑之文慶獨言國藩負時望能殺賊終當建非常之功曾與胡林翼同典試深知其才略屢密薦由貴州道員一歲之間擢至湖北巡撫凡所奏請無不從者又薦袁甲三駱秉章之才請久任勿他調以觀厥成在戶部閱敬銘方為主事嘗採用其議非所司者亦諒之後卒得諸人力以戡定大難端華肅順漸進用事皆敬憚其嚴正焉六年卒遺疏言各省督撫如慶端福濟崇恩瑛榮等皆不能勝任不早日罷恐誤封疆文宗深惜之優詔賜卹嘉其人品端粹器量淵深辦事精勤通達治體贈太保賜金治喪及親奠見其遺孤幼穉時詔加恩入祀賢良祠命其子善聯俟及歲引見弟文玉以罪遣戍即釋回子諡文端善聯官至福州將軍

文祥字博川瓜爾佳氏滿洲正紅旗人世居盛京道光二十五年進士授工部主事累遷郎中咸豐六年京察記名道府因親老乞留京職歷太僕寺少卿曆事內閣學士署刑部侍郎八年命在軍機大臣上行走授禮部侍郎歷吏部戶部工部侍郎兼副都統左翼總兵十年英法聯軍犯天津僧格林沁密疏請幸熱河文祥以搖動人心有關大局且塞外無險可扼力持不可借廷臣言之復請獨對退偕同直侍郎匡源杜翰具疏請罷所調車馬明詔宣示中外八月敵氛益熾軍駕遽行命文祥署步軍統領司留守從恭親王奕訢議和出入敵營於非分之求侃侃直言折之以理尋以步軍統領領難兼顧疏辭改署正藍旗護軍統領十月和議成疏請回鑾以定人心偕恭親王等通籌全局疏上善後事宜於是設立總理各國事務衙門恭親王領之滿漢大臣數人文祥任事最專時和局甫定髮捻猶熾兵疲餉竭近畿空虛文祥密疏請選練八旗兵丁添置槍礮於是始立神機營尋命管理營務又疏言僧格林沁兵力單薄勝保所部新募未經行陣既恃僧格林沁保障機輔必得良將勁卒為贊助薦副都統富明阿總兵成明鍊其軍又薦江西九江道沈葆楨湖北候補知縣劉蓉堪大用疏上並嘉納焉十一年文宗崩於熱河行在穆宗即位肅順等專政文祥請解

樞務不許十月回鑾借王大臣疏請兩宮皇太后垂簾聽政同治元年連擢左都御史工部尚書兼署兵部尚書為內務府大臣兼都統二年管理藩院事務東南軍事以次戡定江蘇浙江省城克復議加恩樞臣固辭三年江甯復首逆就殲捷至加太子太保子姪凱肇員外郎四年署戶部尚書辭內務府大臣允之是年秋馬賊入喜峰口命文祥率神機營兵防護東陵督諸軍進剿賊遁灤陽疏陳地方官察賊釀患請除積弊清盜源馬賊巢穴多在奉天昌圖廳八面城熱河八溝哈達等處請購線偵察調兵掩捕庶絕根株事定回京文宗奉安山陵賜其子熙聯員外郎尋以母病請假三月回旗迎養奉天馬賊方熾命率神機營兵往剿增調直隸洋槍隊出關約東三盟蒙古王公由北路夾擊破賊於錦州東井子謀知賊將劫奉天獄約期攻城兼程馳援賊退踞城東南圍撫順令總兵劉景芳夜擊破之賊遁出邊遣軍趨吉林五年春解長春廳圍追賊至昌圖朝陽城分三路進擊十數戰皆捷擒斬三千餘賊首馬俊子窮蹙乞降磔之留兵餉授將軍都興阿俾清餘孽請獨奉天地丁銀米停鋪捐回京調吏

清史稿

列傳二百七十三

三

部尚書文宗寶錄成賜子熙治員外郎八年丁母憂特賜諭祭百日假滿病未出天津教案起力疾還朝十年以吏部尚書協辦大學士十一年拜體仁閣大學士文祥自同治初年借恭親王同心輔政總理各國事務以一身負其責洋情諱幻朝論紛紜一以忠信持之無諉卸洎穆宗親政體陳歷年洋務情形因應機宜甚備莫有啟悟既而恭親王以阻圓明園工程忤旨斥罷文祥涕泣偕同列力諫幾同體恭親王尋復職而自屢遭挫折後任事不能如初文祥正色立朝為中外所嚴憚朝局賴以維持不致驟變十三年病久不瘳在告會日本窺臺灣強出籌戰守疏請救下戶部內務府寬籌餉需裁減浮用停不急之工作謀至急之海防俾部臣疆臣皆得專力圖維皇上憂勤惕厲斯內外臣工不敢蹈玩泄之習否則狃以為安不思變計恐中外解體人心動搖其患有不可勝言者言甚切至是年冬穆宗崩德宗繼統即位晉武英殿大學士以久病請罷溫詔慰留解職專任軍機大臣及總理各國事務時國家漸多故文祥深憂之密陳大計疏曰洋人為患中國愈久愈深而其窺伺中國之間亦愈熟

愈密從前屢戰屢和迄無定局因在事諸臣操縱未宜及庚申定約設立衙門專司其事以至於今未見決裂就事論事固當相機盡心辦理而揣洋人之用心求馭外之大本則不係於此所係者在人心而已矣溯自嘉慶年間洋人漸形強悍始而海島繼而口岸再及內地蓄力厲精習機器以待中國之間一逞其欲道光年間肆掠江浙自江甯換約以後覬覦觀望直至粵匪滋事以為中國有此犯上作亂之人心不一得其間矣於是其謀遂洩闖入津門雖經小挫而其意愈堅致有庚申之警然其時勢局固危民心未二動王之師雖非勁旅而聞警借來奸細之徒雖被誘脅而公憤同具以是得受羈縻成此和局十餘年來仰賴皇太后皇上勵精圖治宵旰勤勞無間隙之可尋在事諸臣始得遇事維持未至啟衅偶有干求尚能往返爭持不至太甚非洋務之順手及在事者折衝之力皆我皇太后皇上朝乾夕惕事事期符民隱人心固結有以折外族之心而杜未形之患也然而各國火器技藝之講求益進彼此相結之勢益固使臣久駐京師聞我一政之當則憂一或不當則喜其探測愈精俄人逼

清史稿

列傳二百七十三

四

於西疆法人計占越南緊接滇粵英人謀由印度入藏及蜀蠢蠢欲動之勢益不可遏所伺者中國之間耳所甚者中國大本之未搖而人心之離違耳說者謂各國性近犬羊未知政治然其國中偶有動作必由其國主付上議院議之所謂謀及卿士也付下議院議之所謂謀及庶人也議之可行則行否則止事必合乎民情而後決然行之自治其國以此其觀他國之廢興成敗亦以此儻其國一切政治皆與民情相背則各國始逞所欲為取之恐後矣如土耳其希臘等國勢極弱小而得以久存各大國之間者其人心固也強大如法國而德國得以勝之者以法王窮侈任性負國債之多不可復計雖日益額餉以要結兵心而民心已去始有以乘其間也夫人必自侮而後人侮之物必先自腐而後蟲生焉理之所在勢所必至中國之有外國猶人身之有疾病病者必相證用藥而培元氣為尤要外國無日不察我民心之向背中國必求無事不愜於民心之是非中國天澤分嚴外國上議院下議院之設勢有難行而義可采取凡我用人行政一舉一動揆之至理度之民情非人心所共愜則急止勿為

事係人心所共快則務期於成崇節儉以裕帑需遇事始能有備納諫諍以開言路下情藉以上通總期人心永結大本永固當各外國環伺之時而使之無一問可乘庶彼謀不能即遂而在我亦堪自立此爲目前猶可及之計亦爲此時不能稍緩之圖若待其開而欲爲斡旋補苴之法則和與戰俱不可恃即使仍可苟安而大局已不堪復問則何如預防其間之爲計也咸豐六年王茂蔭奏陳夷務謂海外諸國日趨爭雄自人視之雖有中外之分自天視之殆無彼此之意引書言皇天無親惟德是輔及大學平天下章三言得失首人心次天命而終以君心爲證何其言之危且切歟欲戢夷心莫要於順民心能順民心斯足以承天心固不待著蔡而昭然若睹耳臣受恩最重辦理洋務最久實有見於洋人居心積慮之處而現時尤爲迫切緊要之關外國之求問在此中國之彌問亦在此在事諸臣僅謀其末我皇上實操其本用敢直陳伏乞俯鑒芻言將此摺時置左右力求端本之治以迴隱患之萌天下幸甚先是當臺灣事平文祥即偕恭親王議興海防條上六事曰練兵曰簡器曰造船曰籌

清史稿

列傳一百七十三

五

餉曰用人曰持久各具條目救下中外大臣會議至光緒二年疆臣覆奏將復下廷議文祥已病不能出自知且不起乃密疏上曰馭外之端爲國家第一要務現籌自強之計爲安危全局一大關鍵臣衰病侵尋心長智短知不能永效犬馬以報主知恐一旦填溝壑則平生欲言未言之隱無以上達宸聽下資會議何以對陛下此心耿耿有非總理衙門原奏所能盡者敢竭誠吐赤爲我皇上敬陳之夫敵國外患無代無之然未有如今日之局之奇患之深爲我敵者之多且狡也果因此患而衡慮困心自立不敗原足作我精神惺我心志厲我志氣所謂生於憂患者正在於此至此而復因循泄沓一聽諸數而莫爲之籌卽偶一籌念而移時輒忘或有名無實大局將不堪設想而其幾不待智者而決矣從前夷患之熾由於中外之情相隔和戰之見無定疆吏又遇事粉飾其情形不能上達於朝廷坐是三失而其患遂日久日深無所底止泰西各國官商一氣政教並行各商船遠涉重洋初至中華處處受我侮抑事事被我阻塞其情鬱而不能不發者勢也繼而見中國官之阻之者可以通抑之者可以伸

必不可破之格或取勝於兵力之相迫而卒無不破此中國之爲所輕而各國漸敢恣肆之機也迨至立約通商已有成議而在內無深知洋務之大臣在外無究心撫馭之疆吏一切奏牘之陳類多數衍諱飾敵人方桀驁而稱爲恭順洋情方怨毒而號爲懼怖遂至激成事端忽和忽戰甚且彼省之和局甫成此省之戰事又起賠款朝給捷書暮陳乘遭風之船以爲勝仗執送信之曾以爲擒渠果至兩軍相交仍復一敗不可收拾於是夷情愈驕約款愈肆中外大臣皆視辦理洋務爲畏途而庚申起幾至無可措手自設立總理衙門其事始有責成情形漸能熟悉在事諸臣亦無敢推諉然其事非在事諸臣之事而國家切要之事也既爲國家切要之事則凡爲大清臣子者無人不應一心謀畫以維大局況和局之本在自強自強之要在武備亦非總理衙門所能操其權盡其用也使武備果有實際則於外族要求之端持之易力在彼有顧忌觀亦可潛消事不盡屬總理衙門而無事不息息相關也乃十數年來遇有重大之端安危呼吸之際事外諸臣以袖手爲得計事甫就緒異議復生或轉託於

清史稿

列傳一百七十三

六

成事不說不問事之難易情形若何一歸咎於任事之人是從前之誤以無專責而仔肩乏人今日之事又以有專屬而藉口有自設在事諸臣亦同存此心爭相諉謝必至如唐臣杜甫詩中所謂獨使至尊憂社稷矣夫能戰始能守能守始能和宜人人知之今日之敵非得其所長斷難與抗稍識時務者亦詎勿知乃至緊要關鍵意見頓相背往往陳義甚高鄙洋務爲不足言抑或苟安爲計覺和局之深可恃是以歷來練兵造船習器天文算學諸事每興一議而阻之者多即就一事而爲之者非其實至於無成則不咎其阻撓之故而責創議之人甚至局外紛紛論說以國家經營自立之計而指爲敷衍洋人所見之誤竟至於此今日日本擾臺之役業經議結日本尚非法英俄美之比此事本屬無名之師已幾幾震動全局費盡筆舌戰始就範圍若泰西強大各國環而相伺得中國一無理之端藉爲名義構兵而來更不知如何要挾如何挽回之念及此真有食不下咽者則自強之計尙可須臾緩哉此總理衙門奏請飭令會議諸條實爲緊要關繫不可不及早切實籌辦者也今計各疆吏遵旨籌議指

日將依限上陳如飭下廷議非向來會議事件可比應由各王大臣期定數日詳細籌商將事之本末始終一律貫澈利害之輕重條議之行止辦法切實折中定見無蹈從前會議故習如今日議之而異日不能同心堅持則不如不辦如事雖議行而名是實非徒為開銷帑需增益各省人員差使名目亦不如不辦度勢揆時料敵審己實有萬萬不能不辦之勢亦實有萬萬不可再誤之機一誤即不能復更不辦即不堪設想總理衙門摺內所謂必須上下一心內外一心局中局外一心且歷久永遠一心即此意也而大本所在尤望我皇上切念而健行之總理衙門承辦之事能否維持全視實力之能否深恃必確有可戰可守之實庶可握不戰之勝惟我皇上念茲在茲則在事諸臣之苦心自能上邀宸鑒凡百臣工亦人人有求知此事共籌此事之心其才識智力必有百倍於臣者否則支持既難變更不免變而復合痛心之端必且百倍今日非臣之所忍言矣疏上未幾卒溫詔賜卹稱其清正持躬精詳謀國忠純亮直誠懇公明為國家股肱心膂之臣贈太傅子騎都尉世職入祀賢良祠賜銀三

清史稿

列傳一百七十三

七

千兩治喪遺貝勒載瀛奠醴文忠歸葬盛京命將軍崇實往賜祭十五年皇太后歸政追念前勞賜祭一壇文祥忠勤為中興樞臣之冠清操絕人家如寒素謀國深遠當新疆軍事漸定與俄國議交還伊犁大學士左宗棠引以自任文祥力主之奏請專任文祥既歿後乃遣侍郎崇厚赴俄國為所迫脅擅允條款朝論譁然譴罪崇厚易以曾紀澤往久之乃定議幸免大變法越事起和戰屢更以海防疏不能大創敵遂就結局及興海軍未能竭全力以成之卒挫於日本皆如文祥所慮而朝局數變日以多事矣子熙治以員外郎襲騎都尉世職

寶登字佩衡索綽絡氏滿洲鎮白旗人世居吉林道光十八年進士授禮部主事擢中允三遷侍讀學士咸豐二年粵匪竄兩湖寶登疏請鄰近諸省力行堅壁清野之策四年命往三音諾顏部賜奠謝絕餽贖外藩敬之擢內閣學士五年遷禮部侍郎兼正紅旗蒙古副都統調戶部八年典浙江鄉試以廣額加中官生一名坐違制鵠一級留任文宗諭寶登素以果敢自命亦同階徇特嚴斥

焉十年命赴天津驗收海運漕糧復赴通州察視迭疏請定杜弊章程並勸監督貽誤如所請行任總管內務府大臣署理戶部三庫事務會辦京城巡防時英法聯軍內犯車駕幸熱河既至命提庫帑二十萬兩修葺行宮寶登以國用方亟持不可上怒欲加嚴譴會所管三山被掠詔切責降五品頂戴諭月後以巡防勞動復之兼領紅旗護軍統領復兼署正紅旗漢軍都統左翼前鋒統領十一年文宗崩於行在十月穆宗回京命在軍機大臣上行走並充總理各國事務大臣同治元年擢戶部尚書二年奏劾壽莊公主府首領太監張玉蒼出言無狀嚴旨逮訊玉蒼治如律三年命大臣輪班進講治平寶鑑寶登與焉江甯克復以翊贊功加太子少保賜花翎四年命佩帶內務府印鑰尋以樞務事繁請解內務府大臣職允之自設立總理各國事務衙門始求通知外國語言文字置同文館肄習西學廷臣每以為非六年都察院代奏職員楊廷熙上書請撤同文館語涉恭親王及寶登等專擅挾持於是寶登借恭親王請罷直候查辦溫詔慰留勉以不避嫌疑勿因浮言推諉七年直東捻匪肅清加軍功二

清史稿

列傳一百七十三

八

級十一年調吏部穆宗大婚禮成加太子太保十二年兼翰林院掌院學士以吏部尚書協辦大學士尋調兵部拜體仁閣大學士管理吏部光緒三年晉武英殿大學士四年回疆肅清被優敘寶登自同治初年預樞務借文祥和衷翊贊通達政體知人讓善恭親王資其襄助至是朝列漸分戶門文祥既歿議論益紛編修何金壽因旱災劾樞臣不職請加訓責詔斥恭親王寶登等目擊時艱毫無補救嚴議革職加恩改留任五年以題穆宗神主加太子太傅復以寶錄告成推恩其子景澄晉秩郎中姪景星賜舉人七年庶子陳寶琛以星變陳言專劾寶登請仿漢災異策免三公故事立予罷斥詔曰寶登在軍機大臣上行行走有年尚無過失陳寶琛謂其畏難巧卸瞻徇情面亦不能確有所指惟既有此奏自平時與王大臣等議事未能和衷共濟致啓人言該大學士受恩深重精力尚健自當恪矢公忠勉圖報稱務宜殫精竭慮力戒因循積習用副委任十年三月軍機大臣自恭親王以下同日斥罷詔寶登入直最久責備宜嚴姑念年老特錄前勞全其末路以原品休致十二年皇太后懿旨加恩改以大

學士致仕賞食半俸寶壘退休後時偕恭親王居西山游覽唱和年逾八十恩
賞猶及十七年卒遺疏入詔褒其忠清亮直練達老成贈太保祀賢良祠擢子
景禮四品京堂賜孫蔭桓舉人遣員勅載溥奠醑飾終之典視在位無所減諡
文靖子景禮官至廣州將軍卒諡誠慎孫蔭桓光緒二十四年進士歷官國子
監司業改乾清門頭等侍衛

論曰咸同之間內憂外患岌岌不可終日文慶倡言重用漢臣俾曾國藩胡林
翼等得展經猷以建中興之業其功甚偉文祥寶壘贊恭親王和輯邦交削
平寇亂文祥尤力任艱鉅公而忘私爲中外所倚賴而朝議未一猶不能盡其
規略晚年密陳大計於數十年馭外得失洞如觀火一代興亡之龜鑑也寶壘
明達同之貞毅不及遂無以領紛囂而持國是如文祥者洵社稷臣哉

清史稿

列傳一百七十三

九

清史稿

宗室肅順

穆蔭

列傳一百七十四

陳孚恩

宗室肅順字雨亭鄭親王烏爾恭阿第六子也道光中封三等輔國將軍授
委散秩大臣奉宸苑卿文宗即位擢內閣學士兼副都統護軍統領鑾儀使以
其敢任事漸擢用咸豐四年授御前侍衛遷工部侍郎歷禮部戶部七年擢左
都御史理藩院尚書兼都統時寇亂方熾外患日深文宗憂勤要政多下廷議
肅順恃恩眷其兄鄭親王端華及怡親王載垣相爲附和擠排異己廷臣咸側
目八年調禮部尚書仍管理藩院事又調戶部會英法聯軍犯天津起前大學
士耆英隨欽差大臣桂良花沙納往議約耆英不候旨回京下獄議罪擬絞監
候肅順獨具疏請立予正法上雖斥其言過當即賜耆英自盡大學士柏後與
順天鄉試以縱容家人斬祥舞弊命肅順會同刑部鞫訊謝大辟上念柏後舊
臣獄情可原欲寬之肅順力爭遂命斬戶部因軍興財匱行鈔置寶鈔處行大

清史稿

列傳一百七十四

一

錢置官錢總局分領其事又設官號招商佐出納號乾字者四字字者五鈔幣
大錢無信用以法令強行之官民交累徒滋弊竇肅順察寶鈔處所列字字五
號欠款與官錢總局存檔不符奏請究治得朦混狀礙司員台斐音等職與商
人併論罪籍沒者數十家又劾官票所官吏交通關防員外郎景燾等職籍
沒官吏亦數十家大學士祁寯藻翁心存皆因與意見不合齟齬不安於位而
去心存且幾被重罪肅順日益驕橫睥睨一切而喜延擢名流朝士如郭嵩燾
尹耕雲及舉人王闈運高心夔輩皆出入其門採取言論密以上陳於勳匪主
用湘軍曾國藩胡林翼每有陳奏多得報可長江上游以次收復左宗棠爲官
文所劾賴其調護免罪且破格擢用文宗之信任久而益專自八年桂良等在
天津與各國議和廷議於遣使入京一條堅不欲行迄未換約九年乃有大沽
之戰敵却退十年英法聯軍又來犯僧格林沁拒戰屢失利復遣桂良等議和
敵軍近逼通州乃改命怡親王載垣尙書穆蔭往議誘禽英官巴夏禮置之獄
而我軍屢敗之餘不能戰軍駕倉猝幸熱河廷臣爭之不可事多出肅順所贊

畫遂扈從泊敵軍入京師恭親王留京主和議議即定敵軍漸退留京王大臣
請回鑾肅順謂敵情叵測力阻而罷肅順先已授御前大臣內務府大臣至
是以戶部尚書協辦大學士著領侍衛內大臣行在事一以委之十一年七月
上疾大漸召肅順及御前大臣載垣端華景壽軍機大臣穆蔭匡源杜翰焦祐
瀛入見受顧命上已不能御筆諸臣承寫焉穆宗即位肅順等以贊襄政務
多專擅御史董元醇疏請皇太后垂簾總政肅順等梗其議擬旨駁斥非兩宮
意抑不下載垣端華等負氣不視事相持逾日卒如所擬又屢阻回鑾恭親王
至行在乃密定計九月車駕還京至即宣示肅順載垣端華等不法狀下王大
臣議罪肅順方護文宗梓宮在途命睿親王仁壽醇郡王奕譞往逮捕遇諸密雲
夜就行館捕之咆哮不服械繫下宗人府獄見載垣端華已先在叱曰早從吾
言何至今日載垣咎肅順曰吾罪皆聽汝言成之也獻上罪皆凌遲詔謂擅政
阻皇太后垂簾三人同罪而肅順擅坐御位進內廷出入自由擅用行宮御用
器物傳收應用物件抗違不遵並自請分見兩宮皇太后詞氣抑揚意在構毀

清史稿

列傳一百七十四

二

其悖逆狂謬較載垣端華罪尤重賜載垣端華自盡斬肅順於市肅順攬權立
威數興大獄輿論久不平奏減八旗俸餉尤府怨就刑時道旁觀者爭擲瓦礫
都人稱快肅順既伏法詔逮所與交結之內監杜雙奎袁添喜等置重典其被
威脅者概免株連著英子慶錫呈訴其父為肅順所陷請昭雪詔以著英罪當
死肅順奏過當文宗已斥之特錮肅順子不得入仕以示戒
穆蔭字清軒托和絡氏滿洲正白旗人官學生考授內閣中書充軍機章京遷
侍讀咸豐元年命以五品京堂候補在軍機大臣上學習行走尋除國子監祭
酒故事非科甲不與斯職部臣執奏特旨仍授之歷光祿寺卿內閣學士兼副
都統三年粵匪擾河南直隸京師戒嚴命借僧格林沁花沙納達洪阿辦理京
旗各營巡防事宜遷禮部侍郎著左翼總兵尋調刑部八年擢理藩院尚書兼
都統調兵部十年命偕怡親王載垣赴通州與英法聯軍議和桂良等欽差
大臣關防授之議不諾命禽諸酋獲巴夏禮送京敵軍益逼詔斥穆蔭等辦理
不善撤回扈從熱河丁父憂予假十四日命俟回京補行持服十一年文宗崩

借肅順等同受顧命贊襄政務十月肅順載垣端華等伏法穆蔭與匡源杜翰
焦祐瀛並能直軍機議罪及議上詔曰穆蔭等於載垣等輒奪政柄不能力爭
均屬辜恩瀆職穆蔭在軍機大臣上行走最久班次在前情節尤重王大臣等
擬請將穆蔭革職發往新疆效力贖罪各有應得惟以載垣等兇殘方張受其
箝制均有難與爭衡之勢其不能振作尚有可原著即革職加恩改發軍臺效
力贖罪匡源杜翰焦祐瀛皆革職免其遣戍穆蔭詣戍三年論贖歸歿於家杜
翰附其父受田傳匡源字鶴泉山東膠州人道光二十年進士選庶吉士授編
修累官吏部侍郎咸豐八年入直軍機謙退無所建白罷官後清貧主講濟南
濼源書院以終焦祐瀛字桂樵直隸天津人道光十九年舉人考授內閣中書
充軍機章京累遷光祿寺少卿十年命赴天津靜海諸縣治團練召回從幸熱
河命在軍機大臣上學習行走遷太僕寺卿祐瀛尤諳事肅順等諸詔旨多出
其手為時所指目故同敗

清史稿

列傳一百七十四

三

機章京累遷郎中大學士穆彰阿領樞務深倚之歷太僕寺少卿通政司副使
太僕寺卿皆留直遷大理寺卿左副都御史兼署順天府尹工部侍郎擢倉場
侍郎二十七年調署兵部侍郎在軍機大臣上行走借侍郎柏後赴山東按事
劾巡撫崇恩庫款虧缺捕務廢弛能之所著山東巡撫授刑部侍郎回京面陳
在署任不受公費詔嘉之特加頭品頂戴紫禁城騎馬賜匾額曰清正良臣皆
異數二十九年偕侍郎福濟赴山西按巡撫王兆琛貪婪事得實褫兆琛職逮
京治罪調工部署刑部尚書尋實授三十年宣宗崩遺命罷配郊廟下王大
臣議文宗召對孚恩與怡親王載垣等爭論於上前載垣等以失儀自劾詔原
其小節予薄譴而斥孚恩罪謬降三級留任孚恩尋以母老乞養回籍允之咸
豐元年命在籍幫辦團練三年九江陷巡撫張芾出督師孚恩與司道守省城
既而賊由安徽回竄上游命偕芾籌防賊犯南昌孚恩偕芾固守江忠源援師
至力戰相持九十餘日賊始引去以守城功賜花翎七年母喪畢到京未有除
授八年御史錢桂森疏言孚恩才練誠明在外數年多所閱歷儼仍入直樞廷

或使治洋務必能有濟詔斥朋比罷桂森言職回原衙門久之命孚恩以頭品頂戴署兵部侍郎又署禮部尚書授兵部尚書會鞫順天鄉試關節獄牽涉其子景彥自請嚴議並迴避得旨褫景彥職除涉景彥者仍責會訊僅議失察降一級准抵銷尋兼署刑部戶部尚書調授吏部尚書初孚恩以議禮忤載垣端華肅順等及再起乃囑附諸人冀固位肅順等既敗少詹事許彭壽疏請治黨援論形迹最著莫如孚恩最密莫如侍郎劉崑黃宗漢平日所薦舉者則有侍郎成琦太僕寺少卿德克津太僕補京堂富積等於是諸臣盡黜詔謂孚恩當大行皇帝行幸熱河命諸臣議可否孚恩有竊負而逃避海濱而處之語意在迎合載垣等大行皇帝上賓留京諸大臣中獨召孚恩一人赴行在足證為載垣等心腹革職永不叙用時廷臣議郊壇配位孚恩言前議宣宗配位時大行皇帝有定為三祖六宗之諭出於大學士杜受田所擬非大行皇帝意王大臣等用其言仍請文宗配祀許彭壽復引據文宗御製詩有以後無須變更之句請下廷臣再議議不配祀詔斥孚恩謬妄又以籍肅順家得孚恩私書有暗昧

清史稿

列傳一百七十四

四

不明語乃逮孚恩下獄籍其家追繳宣宗賜額遣戍新疆居數年伊犁被兵將軍常清等奏孚恩籌餉治軍有勞命免戍留助理兵餉同治五年伊犁陷孚恩及妾黃子景和媳徐孫小連同殉難事聞但郵其家屬孚恩不與焉論曰文宗厭廷臣習於因循乏匡濟之略而肅順以宗潢疏屬特見倚用治事嚴刻其尤負謗者殺者英柏俊及戶部諸獄以執法論諸人罪固應得第持之者不免有私嫌於其間耳其贊畫軍事所見實出在廷諸臣上削平寇亂於此肇基功不可沒也自庚申議和後恭親王為中外所繫望肅順等不圖和衷共濟而數阻返蹕文宗既崩冀估權位於一時以此罹罪赫赫爰書其能道乎穆蔭諸人或以愿誦取容或以附和希進終皆不免於斥逐如陳孚恩者鄙夫思失反覆靡常淪絕域而不返宜哉

清史稿

列傳一百七十五

桂良

瑞麟

文煜

桂良字燕山瓜爾佳氏滿洲正紅旗人閩浙總督玉德子入資為禮部主事晉員外郎出為四川順慶知府調成都歷建昌道河南按察使四川廣東江西布政使道光十四年擢河南巡撫嘉慶中林清李文成等以八卦教倡亂既誅而汲縣潞州屯塔塔猶祀其神曰無生老母習教者猶眾御史黃樹滋以為言命桂良察治毀其墳廟廉得河南境內無生廟二十九所並毀之地方官失察譴黜有差十九年擢湖廣總督調閩浙又調雲貴二十年兼署雲南巡撫滇省多盜奏定緝捕章程又請運南運西運東各標營官兵責成巡道就近稽察時貴州諸苗蠢動鎮遠黎平都勻古州苗尤悍州縣不能制疏請邊勁兵專主勦捕二十五年入覲留京署兵部尚書兼正白旗漢軍都統尋出為熱河都統二十八年召來京以其女妻皇六子奕訢授鎮紅旗漢軍都統咸豐元年署吏部尚書出為福州將軍二年召授兵部尚書三年粵匪陷江甯京師戒嚴桂良疏請各城門稽查增派八旗章京兵丁補葺城上兵房從之未幾粵匪竄河北直隸總督訥爾經額出省防勦命桂良駐保定為後路聲援兼防西路要隘望都唐縣土匪起捕誅之是年秋賊由山西犯畿南訥爾經額潰於臨洺關隆平柏鄉相繼陷訥爾經額職逮治授桂良直隸總督詔責借都統勝保速籌防勦布政使張集馨出兵遷延劾罷之賊竄正定定州深州河間天津勢劇甚於是桂良率提督張鼎元守保定科爾沁郡王僧格林沁統大兵駐通州衛京師勝保督師進勦四年大捷於獨流鎮賊走踞阜城又走連鎮僧格林沁勝保會攻賊分竄山東勝保追擊之桂良遣張鼎元赴武邑防堵勦散秩大臣穆裕健銳營翼長雙信縱兵傷官擾民議譴秋英吉利美利堅兩國兵船至大沽時賊氛未靖詔戒張皇命桂良相機辦理尋以前任鹽政崇綸歸調遣令赴天津會議英會哈要索十六條欲遣官駐京及踐廣州入城之約中外官平禮接見通商稅則變通舊約美會麥蓮則僅言通商一端崇綸等駁拒其駐京餘事令赴

清史稿

列傳一百七十五

廣東總督查辦屢議無要領哈等尋去五年僧格林沁連大破賊首林鳳祥李開方先後就禽伏誅繼而清七年召拜東閣大學士管理刑部兼正藍旗蒙古都統八年春英法俄美四國聯軍北犯煙大沽礮臺泊天津城下聲言將犯京師倉猝援軍未集命桂良偕尚書花沙納往議敵情猖肆要求益多以遣官駐京內江通商內地游行兵費賠償後始交還廣東省城四事廷議不允復起故大學士耆英同與議英人尤不悅拒之耆英以擅回京獲罪桂良等議久不決廷臣多主戰實不足恃而敵日以進兵為恐嚇俄美兩國調停其間卒徇所請定議而通商稅則俟於上海詳定之五月簽約退兵遂命桂良偕花沙納赴上海武備院卿明善刑部員外郎段承實副之會同兩江總督何桂清議稅則文宗慎和約之成出於不得已或獻策許全免入口稅以市惠冀改易駐京諸條密授桂良等機宜八月至上海晉文華殿大學士授內大臣桂清力言免稅之不可改約之難成桂良亦贊其議上甚怒必責其補救一二端而各國因廣東民團仍與為難且出示偽載諭旨堅欲罷兩廣總督黃宗漢停撤民

清史稿

列傳一百七十五

二

團桂良等疏聞乃解宗漢通商大臣改授桂清桂良等不敢言罷駐京諸事先議稅則十二月英使額羅金連率兵船赴廣東遂罷議九年回京僅美利堅一國遵換通商之約英軍復犯大沽僧格林沁預設備兵至擊退之十年英法聯軍大舉來犯我師失利七月復命桂良赴天津議和要增兵費入京換約嚴詔拒絕敵陷天津逼京師上幸熱河恭親王奕訢留守主撫議桂良與焉九月於禮部換約視八年原議益增條款事具邦交志尋命督辦各國通商事務十一年穆宗即位回京命在軍機大臣上行走同治元年卒優卹贈太傅祀賢良祠諡文端

瑞麟字澄泉葉赫那喇氏滿洲正藍旗人由文生充太常寺讀祝官補贊禮郎道光二十七年給祭太廟讀祝洪亮宣宗嘉之賜五品頂戴花翎二十八年超擢太常寺少卿又擢內閣學士兼管太常寺三十年擢禮部侍郎咸豐元年兼鎮藍旗滿洲副都統正黃旗護軍統領三年調戶部命在軍機大臣上行走時粵匪竄擾靜海縣及獨流鎮命瑞麟率兵從僧格林沁防剿會攻獨流克

清史稿

列傳一百七十五

三

之靜海賊竄陷阜城又分竄連鎮及山東高唐州瑞麟合擊屢有禽斬五年克連鎮賊首林鳳祥就禽加都統銜賜號巴達琅阿巴圖魯授西安將軍未幾擢禮部尚書兼鎮白旗蒙古都統八年英兵犯天津命馳赴楊村籌防泊撫議定敵退文宗知和不可恃亟治海防命瑞麟赴天津修築大沽礮臺尋署直隸總督增建雙港礮臺調福建建寧船塢增募水師僧格林沁移師天津分駐要隘瑞麟回京調戶部尚書拜文淵閣大學士兼管禮部鴻臚寺太常寺九年管理戶部十年充殿試讀卷官授內大臣六月英法聯軍復犯天津命率京兵萬人守通州僧格林沁屢戰失利敵軍進通州瑞麟借勝保禦之八里橋左右夾擊勝保傷礮墜馬軍潰敵遂逼京師瑞麟迎戰安定門外敗績礮車駕幸熱河命扈從行在是年冬和議成予侍衛銜隨僧格林沁勦山東捻匪攻鉅野羊山集賊巢失利馬蹶被傷退軍濟甯復獲職召回京十一年授鎮黃旗漢軍都統管神機營事同治元年出為熱河都統疏請招佃圍邊荒地八千頃充練餉允之二年調廣州將軍四年兼署兩廣總督信宜化州土匪起遣兵平之粵匪汪

海洋由福建竄廣東大埔遣副將方耀擊走之入閩會勦復詔安和平賊復竄廣東境連敗之於長樂鎮平時賊蹤往來於福建廣東江西界上瑞麟偕左宗棠疏請三省會勦詔提督鮑超由江西來援四面環攻十二月殲偽借王譚體元於黃沙埔禽首逆汪海洋誅之餘賊肅清捷聞優詔嘉獎五年實授兩廣總督廣東素多盜伏莽時起時巡撫蔣益澧號知兵瑞麟部將方耀鄭紹忠皆能戰先後破斬五坑客匪曹溪赤坑及新安東莞諸匪潮州瓊州洋盜土匪九年兼署巡撫十年復拜文淵閣大學士仍留總督任十三年卒詔嘉前勞贈太保祀賢良祠諡文莊子懷塔布由廕生授刑部主事晉員外郎以父卹典擢四品京堂累遷禮部尚書充內務府大臣光緒二十四年主事王照上書言事久之始代奏坐違旨抑格職未幾太后訓政起授左都御史復充內務府大臣遷理藩院尚書二十六年卒贈太子少保諡恪勤

官文字秀峰王佳氏滿洲正白旗人先隸內務府正白旗漢軍由拜唐阿補藍翎侍衛累擢頭等侍衛道光二十一年出為廣州漢軍副都統調荆州右翼副

續修四庫全書 史部 正史類

都統粵匪既陷漢陽將犯荆州咸豐二年將軍台湧駐防德安命官文專統荆州防兵四年擢荆州將軍賊陷安陸荆門宜昌時荆州兵多調赴武昌分屯要隘城中兵僅二千監利又陷官文遣軍復之連復宜昌石首華容於是荆州稍安而武昌被圍急官文遣將沿漢下援六月武昌復失守命官文統籌全局規復武漢因疏言賊情詭譎軍情隨時變幻武漢之賊一日不盡荆州不得安枕賊踞漢陽倚江為險絕我糧道阻我援軍今欲復武昌必先攻漢陽奪賊所恃之險而後武昌可圖也總兵雙保自潛江進勦兵力過單臣已令羅遵殿以戰船百艘自仙桃鎮蔡店巡趨漢陽與撫臣楊需分道夾攻又檄總兵福忻往助雙保知縣吳振鏞進復沔陽以通餉道惟賊踞岳州南北援軍均受牽制尤應先勦岳州之賊曾國藩方統戰船駐湘陰塔齊布之師已入岳州境臣已促其速進分兵阻江路復派同知銜李光榮等率川勇防調絃口張子銘防監利尺八口都司宗維清沿江接應荆州僅餘旗兵分守要隘隨時接應庶幾可進可退不致有顧此失彼之虞疏入報聞尋曾國藩克岳州賊艘悉出大江官文遣

清史稿

列傳一百七十五

四

涼州副都統魁玉總兵楊昌泗赴螺山防江賊甚多八月武昌漢陽相繼復論功被優叙五年總督楊需師潰德安漢陽漢口復陷德安隨州繼之詔需職授官文湖廣總督師次安陸疏言賊自隨州退踞德安兇鋒疊挫惟天門京山道路四通僑竄襄河勾連仙桃鎮以下股匪不獨荆襄在在堪虞上游各處均可北竄見遣兵一由天門阜市進勦一往京山防守臣駐安陸為兩路應援咨固原提督孔廣順伺隙進取署提臣訥欽為後應俟欽差大臣西凌阿入楚即統兵從襄河兩岸水路並進由漢川攻漢陽秋西凌阿戰德安失利乃命官文代為欽差大臣馳援德安賊棄城走躡追之直搗漢陽十二月督兵薄西門橋迭敗賊於龜山尾湖隄五顯廟破賊卡燬東西土城六年賊造浮橋從西門分隊來犯擊却之分兵河口斷其糧道令副都統都興阿攻團風團焚積聚賊勢漸蹙秋破漢陽城外賊營連戰皆捷巡撫胡林翼規復武昌十一月約同日水陸大舉分攻武漢官文督軍分路進水師擊漢陽東門破五顯廟賊卡李孟羣又敗龜山援賊王國才楊昌泗由西門攻入遂復漢陽俘偽將軍等五百餘

人林翼亦復武昌詔嘉獎賜花翎七年借林翼疏言湖北為長江上游要害武漢尤九省通衢自來東南有事必爭之地三次失陷力攻兩載而後克之目前相機防勦不令賊乘間上竄蹈從前覆轍業派李續賓由南岸都興阿孔廣順王國才由北岸楊載福率水師由江路分道進勦見北岸黃州至黃梅南岸武昌至興國均已肅清崇通一帶搜捕殆盡李續賓抵九江與曾國藩會合進攻楊載福破城外賊營惟小池口賊壘未拔派鮑超助攻安徽之英山太湖宿松望江接壤湖北皆為賊藪有窺伺上犯之心飭王國才駐黃梅之大河鋪界嶺嚴孔廣順駐蕪水之孔隴驛巴揚阿率馬隊為各路應援以固楚北門戶道士汛水關溜急田家鎮兩山對峙水師皆難久駐酌留各營游巡江面足備鎮馭通籌大局我軍已據水陸上游實蕃破竹建瓴之勢所慮江西七府未平武昌尚有肘腋之患賊若由通城崇陽興國竄過武昌反出江西各軍之上自當固守武昌以為後路根本相機籌畫節節進取仍步步嚴防庶軍情無返顧擊肘之虞轉餉有源源不竭之利疏入報聞初官文由荆州將軍調總督凡上游荆

清史稿

列傳一百七十五

五

宜襄鄂諸郡兵事餉事悉主之林翼以巡撫駐金口凡下游武漢黃德諸郡兵事餉事悉主之南北軍各領分地徵兵調餉每有違言武昌既復林翼威望日起官文自知不及思假以為重林翼益推誠相結納於是吏治財政軍事悉聽林翼主持官文畫諾而已不數年足食足兵東南大局隱然以湖北為之樞八年四月復九江論功加太子少保皖賊陷麻城黃安圍蕪州先後破走之七月胡林翼丁母憂官文疏請留林翼治軍改為署理從之命官文暫行兼署巡撫尋以湖廣總督協辦大學士李續賓戰歿三河皖鄂震動官文分兵扼蕪州廣濟麻城諸隘固守九江彭澤水師嚴防江而人心始定九年賊竄湖南圍寶慶檄荆宜施道李續宜赴援大破之寶慶圍解十二月復太湖被傷叙十一年拜文淵閣大學士仍留總督任時大軍圍安慶急陳玉成李秀成先後分兵犯湖北境冀擊動局勢遣將迭破之所陷諸郡縣皆復八月克安慶加太子太保是年胡林翼病歿嚴樹森代之降捻苗沛霖據安徽壽州詔顯臣議勦撫之策官文疏陳沛霖包藏禍心罪大惡極請伸天討同治元年遣副將周鳳山等勦捻

於河南信陽羅山敗之又破黃梅擒巢收復十餘寨晉文華殿大學士髮捻合
機楚豫之交勢甚熾荆州將軍多隆阿方督師赴陝西官文以楚兵不敷分布
奏調回援九月多隆阿至屢戰皆捷襄河以北賊皆遠遁二年勅巡撫嚴樹森
把持剛愎黜之六月克復江甯曾國藩奏捷推官文列名疏首詔嘉官文徵兵
籌餉推賢讓能接濟東征不分畛域錫封一等伯爵號果威世襲罔替升入正
白旗滿洲賜雙眼花翎蓋褒其能與胡林翼和衷卒成大功也四年僧格林沁
勦捻戰歿於山東詔追諭前年髮捻擾湖北官文不能就地殲除僅驅出境以
致蔓延益熾下嚴議降三級調用改革職留任視宮銜花翎五年借曾國藩奏
設長江水師如議行湖北巡撫曾國荃劾官文貪庸庸駭命尚書蘇森侍郎譚
廷襄往按坐動用捐款議革職詔念前勞原其尚非貪污欺罔優與保全解總
督仍留大學士伯爵伯俸十年召還京管理刑部兼正白旗蒙古都統尋出
署直隸總督七年捻匪張總愚由西路竄擾畿輔下嚴議尋李鴻章左宗棠等
入援七月捻匪平復官銜花翎八年回京管理戶部三庫授內大臣十年文優

清史稿

列傳一百七十五

六

詔賜卹贈太保賜金治喪遺惠郡王奠醑祀賢良祠諡文恭尋以疆臣請合祀
湖北胡林翼專祠富官文之在湖北事事聽林翼所為惟取財不節
林翼憂之閻敬銘方佐治餉一日林翼與言恐誤疆事敬銘曰公誤矣本朝不
輕以漢大臣專兵柄今滿漢並用而聲績炳著者多屬漢人此聖明大公剷除
畛域之效然湖北居天下要衝朝廷甯肯不以親信大臣臨之夫督撫相勦無
論未必勝即勝能保後來者必賢耶且繼者或厲清操勤庶務而不明遠略未
必不顧己自是豈甘事事讓入官文心無成見兼隸旗籍每有大事正可借其
言以伸所請其失僅在私費奢豪誠於事有濟歲糜十萬金供之未為失計至
一二私人可容容之不可則以事劾去之彼意氣素平必無忤也林翼大悟及
林翼歿督撫不相能官文劾嚴樹森去之而曾國荃又劾官文去之官文晚節
建樹不能如曩時然林翼非官文之虛已推誠亦無以成大功世故兩賢之孫
與恩襲伯爵
文煜字星巖費莫氏滿洲正藍旗人由官學生授太常寺庫使累遷刑部郎中

出為直隸霸昌道四川按察使咸豐三年遷江甯布政使時江甯已陷賊文煜
從琦善江北營四年琦善歿於揚州所部練勇及江北糧臺事宜命文煜接
辦五年春粵匪由瓜洲東竄沙頭港文煜遣勇擊之賊由對岸紮解爭渡借水
師以大礮合擊賊退瓜洲文煜以沙頭港為裏下河門戶賊所必爭築土城礮
臺疏請添募練勇守禦從之既而賊踞揚州窺裏下河文煜擊之於萬安橋大
有斬獲賊勢乃挫七年調江蘇布政使治江南大營糧臺以支給節節為軍中
所不便提督和春劾其拘泥命來京候另簡用尋授直隸布政使九年英兵犯
大沽為僧格林沁擊退戰後將議撫命文煜從總督恒福赴北塘相機辦理尋
擢山東巡撫擒匪圍曹縣分黨擾安陵檄曹州鎮總兵郝上庠合師內外夾擊
解曹州圍安陵賊亦退十年捻匪又竄單縣分擾輝縣得勝肅將擊走之英
法聯軍踞烟臺文煜遣兵扼利津自駐濰縣韓亭以防陸路北犯尋敵船北駛
犯北塘文煜分軍入衛駐通州自率眾赴濟客勦捻匪十一年署直隸總督尋
實授時和議既成穆宗回鑾畿輔馬賊四起久未淨絕屢詔責文煜搜捕同治

清史稿

列傳一百七十五

七

元年坐山東降賊張錫珠等擾畿南督勦不力褫職成軍臺二年僧格林沁奏
調赴營差遣尋授鑲黃旗蒙古副都統三年命赴甘肅慶陽督辦糧臺以病請
解職回旗七年起授正藍旗漢軍都統尋出為福州將軍十年兼署閩浙總督
十三年日本兵船窺伺臺灣借總督李鶴年船政大臣疏陳防務光緒二年入
覲留京授內大臣鑲白旗漢軍都統左都御史擢刑部尚書七年協辦大學士
九年充總管內務府大臣十年拜武英殿大學士以病乞罷尋卒贈太子少保
諡文達兩江總督曾國荃等奏文煜咸豐中孤軍捍賊保全裏下河請於揚州
建專祠允之子志頤理藩院侍郎
論曰桂良以帝室葭莩與聞軍國數膺議和之使無所折衝瑞麟從僧格林沁
勦賊防夷曾著勞勦文煜亦處兵間無功可錄官文雖無過人之才推賢讓能
奠安江漢與曾國藩胡林翼和衷規畫竟完戡定之功茅土同膺旂常並煥豈
諸人所可並語哉

清史稿

列傳一百七十六

柏後

麟魁

全慶

柏後原名松後字靜濤巴魯特氏蒙古正藍旗人道光六年進士選庶吉士授編修累遷內閣學士兼正紅旗漢軍副都統十八年出為盛京工部侍郎調刑部兼管奉天府尹二十年召授刑部侍郎調吏部又調戶部二十三年充諭祭朝鮮正使例有餽贖奏却之二十五年充總管內務府大臣二十六年典江南鄉試疏言徵漕大戶短欠取價小戶劣紳挾制官吏大戶包攬小戶畸輕畸重旗丁需索加增津貼諸弊請嚴禁如議行尋借倉場侍郎陳孚恩盤查山東藩庫劾布政使五篤濫用幕友及地方官縱盜巡撫崇恩以下議譴有差二十六年擢左都御史三十年遷兵部尚書授內大臣尋調吏部管理三庫兼翰林院掌院學士咸豐三年命借侍郎善燾赴盛京按協領塔芬布輕聽謠言調兵護宅幾至激變得質論遣戍將軍奕興坐祖護革任尋以前在鑲白旗蒙古都統

清史稿

列傳一百七十六

一

任揀選承襲有誤罷內務府大臣降授左副都御史未幾出為馬蘭鎮總兵五年擢熱河都統搜捕山匪疏言熱河將惰兵疲州縣不諳吏治行使大錢民皆罷市礦匪占踞山場委員侵蝕商款詔嚴切查辦召授戶部尚書兼正黃旗漢軍都統六年命在軍機大臣上行走兼翰林院掌院學士尋以戶部尚書協辦大學士八年典順天鄉試拜文淵閣大學士柏後素持正自登樞府與載垣端華肅順等不協會御史孟傳金疏劾本科士論未孚命覆勘試卷應議者五十卷文宗震怒視柏後等職命載垣等會鞫得柏後聽信家人斬祥言取中羅鴻繹情事斬祥斃於獄九年諭上上猶有矜全之意為肅順等所持乃召見王大臣等諭曰科場為抡才大典交通舞弊定例甚嚴自來典試諸臣從無敢以身試法者不意柏後以一品大員辜恩執法至於如是柏後身任大臣且係科甲進士出身豈不知科場定例竟以家人干請輒即撤換試卷若使斬祥尚在加以夾訊何難澈情吐露既有成憲可循即不為己甚就所供各節情難可原法難寬宥言念及此不禁垂淚柏後遂伏法十一年穆宗即位肅順等既收御史

清史稿 卷三九五

任兆堅疏請昭雪下禮刑兩部詳議議上詔曰柏後聽受囑託罪無可辭惟載垣端華肅順等因律無僅關囑託明文比賄賂關節之例擬以斬決由載垣等平日與柏後挾有私讐欲因擅作威福竟以牽連蒙混之詞致罹重辟皇考聖諭有不禁垂淚之語仰見不為己甚之心今兩宮皇太后政令維新事事務從寬大平允柏後不能謂無罪該御史措詞失當念柏後受恩兩朝內廷行走多年平日勤慎雖已置重典當推皇考法外之仁於是錄其子候選員外郎鍾濂賜四品卿銜以六部郎中遇缺即選鍾濂後官盛京兵部侍郎

清史稿

列傳一百七十六

二

英兵犯江南疏陳登州突出黃渤三面環海敵兵船艦堅利計難與爭請移兵扼陸路險要尋借侍郎王植赴湖南勦賊並切湖南江蘇山東水災奏請蠲緩如所請行二十三年擢禮部尚書管理太常寺鴻臚寺河決中牟命借尚書廖鴻荃往督工東西兩壩成而屢熱職職子七品頂戴仍留工以料缺水增請緩復職頂戴召還予三等侍衛充葉爾羌參贊大臣調烏里雅蘇臺參贊大臣二十七年召授禮部侍郎調刑部二十八年復授禮部尚書兼翰林院掌院學士以前在山東收受陋規降三級調用予副都統銜充烏什辦事大臣咸豐元年疏陳時事略曰廣西逆匪勞師糜餉其始不過星星之火當時牧令苟安畏事諱盜不言久之蒂固蔓延養成巨患請飭封疆大吏嚴查地方如有教匪土匪眾聚以及搶劫隨時查拏視緝捕之勤惰以為勸懲近開捐例實朝廷萬不得已之舉各省清查屢經申令宜飭部臣按時詳覈徵解多寡實行賞罰章程俾生愧奮否則名託清查事仍敷衍國儲不裕官紀益荒甚非朝廷澄清吏治之意奏入下所司議行授察哈爾都統召為戶部侍郎二年命在軍機大臣上行

四五七

走擯工部尚書三年調禮部充總管內務府大臣罷直軍機調刑部八年復調禮部補內大臣十年因謝恩摺失檢降授刑部侍郎是年秋車駕幸熱河命署右翼總兵充巡防大臣英法兵入京師麟魁部勒保屬戒都人守望相助令家人閉戶厝薪日事急即燔自宿於巡防屏中相持數月和議成赴行在籲請回鑾為戒垣端華肅順等所阻十一年遷左都御史兼正白旗蒙古都統尋授兵部尚書同治元年協辦大學士時方奉命借尚書沈兆霖赴甘肅按事至蘭州數日遽卒詔依大學士例賜卹賜其子恩壽舉人謚文端恩壽同治十三年進士官至陝西巡撫

瑞常字芝生石爾德特氏蒙古鑲紅旗人杭州駐防道光十二年進士選庶吉士授編修大考二等六遷至少詹事二十四年連擢光祿寺卿內閣學士二十五年遷兵部侍郎兼鑲紅旗漢軍副都統二十九年充册封朝鮮正使調吏部歷兼左右翼總兵咸豐元年與江南鄉試就勅徐州豐北河決疏陳災情賑務漕務請飭地方官嚴防匪徒竄擾報聞定郡王載銓管步軍統領越次題升主

清史稿

列傳一百七十六

三

事瑞常力爭不得尋解左翼總兵職七年擢左都御史八年遷理藩院尚書兼正藍旗漢軍都統署步軍統領調刑部尚書十年寶源局監督張仁政因侵蝕畏罪自盡命瑞常借尚書沈兆霖按之得前任監督奎麟瑞琇贓私狀並論大辟追贓後遣戍文宗幸熱河留京辦事督防巡防十一年調工部又調戶部同治元年以吏部尚書協辦大學士皇太后命南書房上書房翰林纂輯史事以昭法戒書成賜名治平寶鑑遷擢大臣輪班進講瑞常與焉四年充總管內務府大臣時陝西巡撫劉蓉驟起膺疆寄為編修蔡壽祺所劾蓉自陳辨疏中引及胡林翼密薦之詞又倚任布政使林壽圖為人所忌言官遂劾壽圖酒廢事舉劾不公並訐蓉漏洩之罪於是命瑞常借尚書羅惇衍往按之疏白其無罪惟坐壽圖演戲及蓉陳奏失當並予薄譴定陵奉安禮成題神主加太子少保歷工部刑部尚書兼翰林院掌院學士管理戶部三庫六年赴天津驗收漕糧復命盤查北新倉得虧米六萬餘石狀論所司罪如律十年拜文淵閣大學士管理刑部瑞常歷事三朝端謹無過累司文柄時稱耆碩十一年卒贈太保

祀賢良祠謚文端子文暉官至盛京禮部侍郎

全慶字小汀葉赫納喇氏滿洲正白旗人尚書那桐安子道光九年進士選庶吉士授編修累遷侍講大考二等擢侍讀學士歷少詹事詹事大理寺卿以誤班鑄級二十一年予頭等侍衛充古城領隊大臣調喀喇沙爾辦事大臣召還未行會回疆興墾伊犁將軍布彥泰疏留全慶借林則徐往勘二十五年至葉爾羌疏言和爾罕地膏腴哈拉木扎什水渠可資灌溉又巴爾楚克為回疆扼要之地道光十二年已奏開墾屯田未種者尚多應先儘安插民戶俾成重鎮詔如所請行先是全慶疏陳喀喇沙爾城荒地及庫爾勒北山根可墾田萬餘畝命辦事大臣常清籌辦至是復借則徐詳勘疏言庫爾勒應於此大渠南岸接開中渠引入新墾之地分開支渠二其北山根展寬開都河龍口別開大渠與舊渠並行再分支渠四別開退水渠一又疏言伊拉里克在吐魯番托克遜軍臺西地平土潤土人謂之板土戈壁其西為沙石戈壁有大小阿拉潭兩水匯為一河此次引水自西而東鑿成大渠復多開支渠以資灌溉伊拉里克

清史稿

列傳一百七十六

四

西南沿山為蒙古出入之路墾地在滿卡南附近東西兩面以人壽年豐四字分號各設正副戶長一鄉約四擇誠實農民充之承領耕種又吐魯番為南北樞紐應安置內地民戶戶領地五十畝農田以水利為首務此次開渠自龍口至黑山頭地勢高低碎石夾沙渠身易淤酌定經久修治章程並如所請行自是回疆南路凡墾田六十餘萬畝回京摺內關學士兼正紅旗漢軍副都統歷刑部吏部戶部倉場侍郎咸豐四年擢工部尚書兼正紅旗漢軍都統七年調兵部九年命赴天津驗收漕糧時英兵犯大沽僧格林沁擊却之全慶疏陳兵事略謂敵軍戰敗之後不進不退心實叵測竊恐別有舉動未必從此就撫而去我之精銳盡萃大沽旁無應援後無擁護雙港之旅已調前敵津門之備但資土練北塘一帶又願空虛應請速簡重臣發勁旅嚴近畿海口之備為價格林沁之援令廣東義勇籌香港以奉其援兵登州水師合旅順以截其歸路然後國威可振撫局可成疏入被嘉納調吏部尚書十年授內大臣兼翰林院掌院學士十一年充總管內務府大臣同治元年追論大學士柏後科場之獄原

謝未允全慶坐附和定讞鑄四級降授大理寺卿歷內閣學士工部侍郎左都御史五年授禮部尚書調刑部十一年協辦大學士兼翰林院掌院學士十二年典順天鄉試以中式舉人徐景春試卷疵謬鑄二級去職全慶敷歷清要累掌文衡更閱四朝雖屢黜尋即錄用光緒元年授內閣學士復歷禮部侍郎左都御史刑部尚書協辦大學士五年鄉舉重逢加太子少保六年拜體仁閣大學士七年致仕食全俸八年卒晉贈太子太保祀賢良祠諡文恪

論曰自道光以來科場請託習爲故常寒門才士爲之抑遏柏後立朝正直且所不免其罹大辟也出於肅順等之構陷然自此司文衡者懷懷畏法科場清肅歷三十年至光緒中始漸弛弊竇復滋終未至如前此之甚者實文宗用重典之效足以挽回風氣也麟魁瑞常全慶皆起家文學游涉綸扉其建白猶有可紀焉

清史稿

列傳一百七十六

五

清史稿

列傳一百七十七

賈植

周祖培

朱鳳標

單懋謙

賈植字筠堂山東黃縣人父允升乾隆六十年進士由檢討歷官兵部侍郎植道光六年一甲二名進士授編修十二年大考一等擢侍講十六年入直上書房授皇六子讀累擢侍講學士十九年大考翰詹命免試歷少詹事內閣學士二十一年遷工部侍郎調戶部二十七年連擢左都御史禮部尚書調吏部咸豐二年協辦大學士三年疏請山東籌辦團練從之題孝和睿皇后神主禮成加太子太保充上書房總師傅兼管順天府尹四年兼翰林院掌院學士順天府書吏范鶴等與戶部井田科銀庫書吏交結營私以鈔票抵庫銀植察舉其弊議定議失察諸官有差植以發覺察議拜體仁閣大學士管理戶部五年兼管工部晉武英殿大學士六年丁母憂命暫開缺給假六月回籍治喪假滿來京植疏言臣兄弟五人諸昆曼故臣幸僅存今不能爲母守制是臣母有子而如無子臣何以爲子力求終制時御史鄒煥杰亦疏請準其開缺守制詔允之八年服闋以大學士銜補吏部尚書仍充上書房總師傅尋復授體仁閣大學士管理兵部兼翰林院掌院學士十年充京城團防大臣是年秋英法聯軍犯京師軍駕幸熱河命植留守日危坐天安門阻外軍不令入及與會議慷慨不屈十一年復晉武英殿大學士以病請開缺不許穆宗回鑾借大學士周祖培尙書沈兆霖趙光上疏曰我朝從無皇太后垂簾聽政之典前因御史董元醇條奏特降諭旨甚明臣等復有何異詞惟是權不可下移移則日替禮不可稍渝渝則弊生皇上沖齡踐阼欽奉先帝遺命派怡親王載垣等八人贊襄政務兩月以來用人行政皆經該王大臣擬定諭旨每日明發均用御賞同道堂圖章共見共聞內外咸相欽奉惟臣等詳慎思之似非久遠萬全之策不能謂日後之決無流弊尋釋贊襄之義乃佐助而非主持若事無鉅細皆由該王大臣先行定議是名爲佐助而實則主持日久相沿中外能無疑慮爲今日計正宜皇太后親操出治威權庶臣工有所稟承命令有所咨決不居垂簾之虛名而

收聽政之實效準法前朝憲章近代不難折衷至當伏查漢和熹鄧皇后順烈
 梁章后晉康獻諸皇后遂晉智蕭皇后皆以太后臨朝史冊稱美至如宋之章
 獻劉皇后有今世任嬖之稱宣仁高太后有女中堯舜之譽明穆宗皇后神宗
 嫡母上尊號曰仁聖皇太后穆宗貴妃神宗生母上尊號曰慈聖皇太后惟時
 神宗十歲政事皆由兩宮決擇命大臣施行亦未嘗居垂簾之名也我皇上天
 賈聰明不數年即可親政而此數年間外而寇難未平內而洋人僞處何以採
 時艱何以飭法紀端以固結人心最為緊要倘大權無所專屬以致人心惶惑
 是則大可憂者請敕下廷臣會議皇太后召見臣工禮節及一切辦事章程或
 仍循向來軍機大臣承旨舊制量為變通條列請旨酌定以示遵守疏入命廷
 臣集議允行同治元年安徽降賊苗沛霖謀分兵一由清江一渡潁而西聲稱
 赴陝西勝保軍營助勦實有異圖植上疏言苗沛霖竊而就撫仍復擁兵觀望
 反覆無常所部素無紀律倘長驅入陝何異引狼入室由潁趨豫尚為道所必
 經繞道清江則去之愈遠意存窺伺西犯山左則北路門戶大開固為腹心之

清史稿

列傳一百七十七

二

患東犯裏下河淮揚通海在在可虞請飭下勝保嚴阻又疏言皖省軍情緊急
 署撫臣李續宜回籍葬親請勿拘百日定制迅飭回任以固疆圉並嘉納之二
 年文宗實錄聖訓告成以監修勞賜花翎六年植年七十賜壽恩禮甚渥尋以
 病乞休不許七年乃允致仕食全俸仍充團練大臣十三年卒詔稱其持躬端
 謹學問優長依大學士例賜卹管贈太保入祀賢良祠設文端子致恩官至浙
 江布政使

周祖培字芝臺河南商城人父鉞嘉慶六年進士歷官鴻臚寺少卿祖培嘉慶
 二十四年進士選庶吉士授編修五遷至侍講學士道光十七年督陝甘學政
 歷侍讀學士詹事內閣學士二十三年擢禮部侍郎調工部又調刑部二十六
 年偕尙書賽尙阿查勘江南江防善後事宜校閱江蘇安徽江西營伍三十年
 文宗即位疏言我朝立政之要用人之法備載列聖實錄請隨時披閱利害所
 關今昔同轍容有昔之所利不盡利於今者未有昔之所害不為害於今者容
 有昔所欲除之害至今猶未盡除者未有昔所應防之害至今轉可不防者惟

清史稿

列傳一百七十七

三

皇上成法在胸以應幾務庶利害瞭如指掌而興廢可決於一心並請責成大
 吏力戒欺飾考察屬吏其徇隱庇護者經言官彈劾即嚴懲督撫整頓營伍責
 令捕盜勿任推諉疏入被嘉納特詔飭行咸豐元年擢刑部尙書二年疏言戶
 部籌餉二十餘條所議之款緩不濟急請照道光二十一年河南河工城工捐
 輸章程變通辦理又謂按戶派捐先斂怨於民請飭各督撫確查巨富之家勸
 諭激發忠愛力圖報効從之三年要犯劉秋貴死於獄承審官未得實情祖培
 坐降三級調用授左副都御史疏言賊匪滋事以來屢諭各省辦剛練築寨浚
 濠仿嘉慶年間堅壁清野之法行無實效賊竄突靡定各州縣毫無豫備賊至
 卽潰請嚴飭督撫責成賢能有司會紳速辦有怠玩從事反滋擾累者予參處
 從之歷工部吏部侍郎四年連擢左都御史兵部尙書兼管順天府尹六年宣
 宗實錄聖訓成加太子太保調吏部八年會辦五城團防以吏部尙書協辦大
 學士兼署戶部九年調戶部兼署吏部京師戒嚴疏陳團防章程六條曰查戶
 口以別良莠勸保衛以聯衆志任官紳以專責成協管汛以聯臂指設水會以
 備不虞增幫辦以資助理車駕幸熱河命留京辦事拜體仁閣大學士管理戶
 部十一年文宗崩命總理喪儀兼辦定陵平安峪工程及穆宗奉兩宮回鑾祖
 培疏言怡親王載垣等擬定祺祥年號意義重複請更正詔嘉其關心典禮又
 言近畿各處抗糧拒捕成風由於州縣不得其人諭各督撫秉公遴選毋稍徇
 隱同治元年調管刑部四年山陵告成賜花翎五年文宗實錄聖訓成賜其子
 文俞員外郎文令舉人六年卒年七十五優卹設文勤

朱鳳標字桐軒浙江蕭山人道光十二年一甲二名進士授編修十九年大考
 二等賜文綺直上書房尋督湖北學政歷司業侍講庶子侍講學士侍讀學士
 二十五年授皇七子讀連擢內閣學士兵部侍郎調戶部二十八年命赴天津
 驗收糧糧尋偕大學士耆英查辦山東鹽務疏勸歷任巡撫運司收受程儀節
 壽論譴有差又言山東鹽政疲敝甚於他省若求裕課暢銷惟除弊糾私最為
 先務會議變通成法請先課後鹽以重帑項下部議行又查運庫出借銀七萬
 餘兩責賠繳藩庫積存減平及扣還軍需行裝等款二十萬兩撥解部庫通省

倉庫正雜未完銀四十一萬兩缺穀三十七萬石命限八個月彌補咸豐元年
擢左都御史歷署工部刑部戶部尚書三年粵匪陷江甯復陷揚州漕督楊殿
邦退保淮安廷議調山西陝西兵七千赴援鳳標與尚書文慶侍郎全慶王慶
雲合疏言淮安賊所必爭萬一賊衆渡河則河南山東民情震動撲滅愈難請
命山東巡撫李德親往淮安扼賊北竄並請敕直隸總督迅派布政使張集馨
率兵扼要駐守以爲京師屏蔽疏入如所請行五月賊陷河南歸德鳳標與大
學士賈植尙書翁心存等條擬防勦六事多被采擇未幾悍賊林鳳祥等竄畿
輔復借植心存等奏陳預籌守城事宜疏入報聞四年授刑部尚書六年宣宗
實錄聖訓告成加太子少保尋調兵部復調戶部八年典順天鄉試因中式舉
人平齡硃墨不符爲言官論劾興大獄大學士柏後論大辟鳳標亦解任聽勘
文宗原其無私從寬坐失察革職逾數月命以翰林院侍講學士銜仍直上書
房授醇郡王讀如故歷大理寺少卿通政使左副都御史署刑部侍郎隨扈熱
河復擢兵部尚書十一年獲送文宗梓宮回京追錄扈從勞加二級調吏部充

清史稿

列傳一百七十七

四

上書房總師傅同治七年以吏部尚書協辦大學士兼翰林院掌院學士未幾
拜體仁閣大學士管理吏部十一年以病乞休命以大學士致仕食全俸十二
年卒於家贈太子太保諡文端子其煊工部郎中官至山東布政使
單懋謙字地山湖北襄陽人道光十二年進士選庶吉士授編修十七年入直
南書房十九年大考二等以贊善升用尋授司業遷洗馬二十年督廣東學政
懋侍讀庶子以病歸父喪服闋請終母養咸豐二年粵匪擾湖北懋謙方居母
憂命在籍治團練六年回京仍直南書房補原官七年督江西學政歷侍讀學
士少詹事內閣學士工部侍郎均留學政任十一年巡撫毓科布政使慶廉爲
言官論劾命懋謙按之疏言毓科非應變之才適當賊擾省防尤重本境兵勇
不敷調遣辦理未能悉合機宜見雖全境肅清善後急宜妥辦籌備浙防接濟
皖餉大局攸關恐未能措置裕如慶廉見未到任無事蹟可考未敢妄陳疏入
報聞任滿回京充實錄館副總裁同治二年調吏部擢左都御史三年偕大學
士瑞常等進講治平實錄授工部尚書四年命赴盛京借侍郎志和等承修太

廟昭陵工程時奉天馬賊猖獗命懋謙就近查察劾將軍玉明府尹德椿下部
議處回京疏陳馬賊難防請籌兵餉出邊會勦以預盜源又請飭奉天所屬各
州縣查勘市鎮鄉村應修堡寨之處勸民作速興築擇錄嘉慶年間興築瀾所
著堅壁清野議刊發各州縣令遵照團練守禦之法量爲辦理疏入均得旨議
行六年管戶部三庫事務七年調吏部十年管國子監事務十一年以吏部尚
書協辦大學士尋拜文淵閣大學士兼管兵部十三年因久病請解職回籍允
之光緒五年卒於家詔依例賜卹有學問優長持躬端謹之褒贈太子太保諡
文恪

清史稿

列傳一百七十七

五

論曰自咸豐初軍事起四郊多壘廟堂旰食京師舉辦團防閣部重臣領之賈
植周祖培朱鳳標皆預其事其時用人猶循舊格按席多由資進至穆宗踐阼
底定東南漢閣臣多取勳望六官中大拜者尠惟單懋謙獨由正卿入閣時以
爲榮遇焉

清史稿

列傳一百七十八

倭仁

李棠階

吳廷棟

倭仁字良峯烏齊格里氏蒙古正紅旗人河南駐防道光九年進士選庶吉士授編修歷中允侍講侍讀庶子侍講學士侍讀學士二十二年擢詹事二十四年遷大理寺卿文宗即位應詔陳言略曰行政莫先於用人用人莫先於君子小人之辨夫君子小人藏於心術者難知發於事蹟者易見大抵君子訥拙小人佞巧君子澹定小人躁競君子愛惜人才小人排擠異類君子圖遠大以國家元氣為先小人計目前以聚斂刻薄為務剛正不撓無所阿嚮者君子也依違兩可工於趨避者小人也諛諂匡謏進憂危之議動人主之警心者君子也喜言氣數不畏天變長人君之逸志者小人也公私邪正相反如此皇上天賢聰明孰賢孰否必能洞知第恐一人之心思耳目揣摩者衆混淆者多幾微莫辨情偽滋紛愛憎稍涉偏私取舍必至失當知人則哲豈有他術在皇上好學

清史稿

列傳一百七十八

一

勤求使聖志益明聖德日固而已宋程顥云古者人君必有誦訓箴諫之臣請命考成之儒講論道義又擇天下賢俊陪侍法從我朝康熙間熊賜履上疏亦以延訪真儒為說二臣所言皆修養身心之要用人行政之源也天下治亂繫宰相君德成就責難推惟君德成就而後輔弼得人輔弼得人而後天下可治疏入上稱其切直因諭大小臣工進言以倭仁為法未幾禮部侍郎曾國藩奏用人三策上復憶倭仁言手詔同褒勉焉尋予副都統銜充葉爾羌幫辦大臣大理寺少卿田雨公疏言倭仁用違其才上曰邊疆要任非投閒置散也若以外任皆左遷豈國家文武兼資內外並重之意乎咸豐二年倭仁復上敬陳治本一疏上謂其意在責難陳善尚無不合惟僅泛語治道因戒以留心邊務勿託空言候補道何桂珍上封事言倭仁秉性忠貞見理明決生平言行不負所學請任以艱鉅未許三年倭仁劾葉爾羌回部郡王阿奇木伯克愛瑪特攤派路費及護衛索贖等罪詔斥未經確訊率行參奏下部議降三級調用四年侍郎王茂蔭等請命會同籌辦京師團練上以軍務非所長寢其議尋命以侍講

候補入直上書房授慎郡王讀五年擢侍講學士歷光祿寺卿禮部侍郎七年調戶部管奉天府尹事劾罷盛京副都統增慶兵部侍郎富呢雅杭阿及頒詔中外命充朝鮮正使召回京授都察院左都御史同治元年擢工部尚書兩宮皇太后以倭仁老成端謹學問優長命授穆宗讀倭仁輯古帝王事蹟及古今名臣奏議附說進之賜名啓心金鑑置弘德殿資講肆倭仁素嚴正穆宗尤敬憚焉尋兼翰林院掌院學士調工部尚書協辦大學士疏言河南自咸豐三年以後粵捻焚掠蓋藏已空州縣誅求仍復無厭朝廷不能盡擇州縣則必慎擇督撫督撫不取之屬員則屬員自無可挾以為恣睢之地今日河南積習祇曰民刁詐不曰官貪庸祇狃於愚民之抗官不思所以致抗之由惟在朝廷慎察大吏力挽積習寇亂之源庶幾可弭是年秋拜文淵閣大學士疏劾新授廣東巡撫黃贊湯貪詐解其職六年同文館議考選正途五品以下京外官入館肄習天文算學聘西人為教習倭仁謂根本之圖在人心不在技藝尤以西人教習為不可且謂必習天文算學應求中國能精其法者上疏請罷議於是

清史稿

列傳一百七十八

二

詔倭仁保薦別設一館即由倭仁督率講求復奏意中並無其人不敢妄保尋命在總理各國事務衙門行走倭仁屢疏懇辭不允因稱疾篤乞休命解兼職仍在弘德殿行走八年疏言大婚典禮宜崇節儉及武英殿災復借徐桐翁同龢疏請勤修聖德停罷一切工程以弭災變並嘉納之十年晉文華殿大學士以疾再乞休尋卒贈太保入祀賢良祠設文端光緒八年河南巡撫李鶴年奏建專祠於開封允之初曾國藩官京師與倭仁李棠階吳廷棟何桂珍寶璋講求宋儒之學其後國藩出平大難為中興名臣冠倭仁作帝師正色不阿棠階廷棟亦卓然有以自見焉倭仁著有遺書十三卷子福成江蘇鹽法道署安徽徽州池太廣道咸豐十年殉難帝贈太僕寺卿騎都尉世職福裕奉天府尹從子福潤安徽巡撫光緒二十六年外國兵入京師闔家死焉李棠階字文園河南內人道光二年進士選庶吉士授編修五遷至侍讀二十二年督廣東學政擢太常寺少卿會巡撫苛恩形奏請予鄉試年老武生職銜嚴旨責譴棠階亦因違例送考議降三級調用遂引疾家居文宗即位復日

講會國藩薦棠階醇正堪備講官召來京既而日講中輟棠階以病未赴咸豐三年粵匪北犯河北土寇蜂起用尙書周祖培薦命治河北團練棠階聯絡村鎮名曰友助社賊踞溫縣東河灘柳林四出焚掠棠階督團練擊之村民未習戰且無火器殺賊數十人卒不敵會山東巡撫李德率兵至賊引去賊自渡黃河始知民間有備稍稍牽綴泊河北肅清敘勞加四品卿銜賜花翎同治元年詔起用舊臣棠階應召至上疏言用人行政惟在治心治心之要莫先克己請於師保匡弼之餘豫杜左右近習之漸暇時進講通鑑大學衍義諸書以收物格意誠之效又言紀綱之飭在於嚴明賞罰凡朝廷通諭諸事務飭疆臣實力奉行庶中外情志可通而禍亂可弭兩宮嘉納焉授大理寺卿先是兩江總督何桂清債事逮治部議從重擬斬決廷臣有右之者言部臣有意畸重仍從本律監候棠階疏謂桂清貽誤封疆罪大不當輕比非公論後桂清卒伏法連擢禮部侍郎左都御史署戶部尙書召對言治天下惟在安民安民必先察吏今日之盜賊即昔日之良民皆地方有司貪虐激之成變爲今日平亂計非輕徭薄賦不能治本然非擇大吏則守令不得其人亦終不能收令行禁止之效因極言河南亂事及諸行省利病其悉命爲軍機大臣具疏力辭弗許二年授工部尙書三年江甯克復論功加太子少保大懋既平上諭中外臣工以兢業交勉棠階語恭親王及同直諸大臣謂當設誠致行久而不懈勿徒以空言相文飾王深然之翼日召對王反復陳君臣交儆之義棠階與同僚繼言之兩宮改容嘉納尋調禮部尙書太后命南書房上書房諸臣纂輯前史事蹟賜名治平寶鑑命諸大臣進講棠階因講漢文帝卻千里馬事反復推言人主不宜有所嗜好以啟窺伺之端自是每進講必原本經義極論史事歸於責難陳善四年恭親王被劾退出軍機棠階謂王有定難功時方多故不當輕棄親賢入對力言王非有心之失會惇醇兩王亦奏言奕訢不可遽罷乃復命入直借格林沁戰歿曹州棠階以朝廷賞多罰少願臣每存戲玩上疏極言其弊於是申飭直省督撫之諭棠階自入直樞廷軍書旁午一事稍有未安輒憂形於色積勞致疾十一月卒年六十八上震悼遣員勅載治奠醑賜金治喪贈太子太保

清史稿

列傳一百七十八

三

文清棠階初入翰林即潛心理學嘗手鈔湯斌遺書以自勵會通程朱陸王學說無所偏主要以克己復禮身體實行爲歸日記自省畢生不懈家故貧既貴儉約無改嘗曰憂患者生之門吾終身不敢忘忍饑待米時也吳廷棟字竹如安徽霍山人道光五年拔貢授刑部七品小京官海運郎中廷棟少好宋儒之學入官益植節厲行蹇蹇自靖咸豐二年京察一等時侍郎書元兼崇文門副監督獲販私釀者三十六人承審者以漏稅擬滿杖已而覆訊得書元家人詐贓狀部臣據以入奏文宗疑書元孤立降旨切責會廷棟召對上詢是獄廷棟從容敷奏且詳陳治道之要言利之害君子小人之辨上首肯獄竟得解因詢廷棟讀何書廷棟以程朱對上曰學程朱者每多迂拘對曰此不善學之過程朱以明德爲體新民爲用天下未有有體而無用者皇上讀書窮理以裕知人之識清心寡欲以養坐照之明痛寐求賢內外得人天下何憂不治上韙之尋出爲直隸河間知府以匪北犯畿輔廷棟練民兵巡防民倚以爲固內閣學士勝保督師至河間責供張甚急知縣王虹迫於應付自刎不殊

清史稿

列傳一百七十八

四

廷棟詣大營陳其事勝保嬰然飭部下聽命連擢永定河道直隸按察使以河間京師門戶廷棟善守禦得民心仍留知府任四年軍事定乃之按察使任六年遷山東布政使時部臣奏請畿內賦稅兼收大錢鈔票各三成上下交病總督譚廷襄不敢言會廷棟入覲面奏大錢鈔票實不流通立法必先便於民方可行必先信於民方能久今條科太多朝夕更改國家先不能自信何以取信於民上首肯者再既而廷襄入朝遂奏能前議山東吏治久廢廷棟獎廉懲貪方議海口立局收貨捐持不可八年坐奏銷遲誤降補直隸按察使十一年復調山東同治二年入爲大理寺卿尋擢刑部侍郎三年江南平廷棟上疏略曰萬方之治亂在朝政百工之敬肆視君心事不貴文賞其實下不從令從所好夫治亂決於敬肆敬肆根於喜懼自古功成志遂人主喜心一生而驕心已伏宦寺有乘其喜而貢諂媚者矣左右有乘其喜而肆蒙蔽者矣容悅之臣有因此而工諛佞者矣屏逐之奸有因此而巧貪緣者矣諂媚貢則柄暗蒙蔽肆則權下移諛佞工則主志惑貪緣巧則宵小升於是受惑感塞聰明遠老成惡

忠鯁從前戒懼之念一喜敗之此後修縱之行一喜開之方且矜予智樂莫違
 逞獨斷快從欲一人肆於上羣小扇於下流毒蒼生貽禍社稷稽諸史冊後先
 一轍推原其端祇一念山喜入驕而已軍興以來十數省億萬生靈慘遭鋒鏑
 即倡亂之奸民何一非朝廷赤子大兵所加盡被誅夷皇太后皇上體上天好
 生之心必有哀矜不忍喜者况旗兵之食根本空虛新糧缺餉邊陲搖動兼之
 強鄰偏處邪教肆行豈惟不可喜而實屬可懼假使萬幾之餘或有一念之肆
 臣工效之視彰瘡為故事輕告戒為具文積習相沿工為粉飾將仍成爲叢脞
 忘荒之局矣是非堅定刻苦持之以恆積數十年恭儉憂勤有未易培國脈復
 元氣者夫上行必下效內治則外安而其道莫大於敬其幾必始於懼懼天命
 無常則不敢恃天懼民畏可畏則不敢玩民懼者敬之始敬者懼之終大智愈
 明神武愈彰紹祖宗富有之大業開子孫無疆之不基是皆由皇心之懼始而
 敬成也易曰危者使平易者使傾懼以終始其要無咎詩曰敬之敬之天維顯
 思可弗以爲永鑒敷疏上優詔嘉納命存其疏於弘德殿以備省覽皇太后召
 清 史 稿 列傳一百七十八 五

對時諡曰皇帝沖齡踐祚國家大事汝宜直言無隱以無負先帝知遇廷棟感
 激出涕五年以衰病乞休許之歸寓江寧十二年卒年八十有一遺疏入詔褒
 其廉靜自持賜卹如例直隸山東皆祀名宦祠廷棟學以不欺爲本官臬司時
 畿輔連有逆倫獄總督慮一月頻入奏于上怒廷棟曰此吾儕不能教化之過
 待罪不暇敢欺飾耶及去官僑居清貧不受餽遺著有拙修集十卷
 論曰倭仁晚爲兩宮所敬禮際會中興輔導沖主兢兢於君心敬肆之間當時
 舉朝嚴憚風氣賴以維持惟未達世變於自強要政鄙夷不屑言後轉爲異論
 者所藉口李棠階吳廷棟正色立朝不負所學翕然笙磬同音而棠階尤平實
 持大體可謂體用兼備矣

清史稿

列傳一百七十九

賽尙阿

訥爾經額

賽尙阿字鶴汀阿魯特氏蒙古正藍旗人嘉慶十一年繙譯舉人授理藩院筆
 帖式充軍機章京宣宗命樞臣甄別所屬賽尙阿列一等子優敘洊遷郎中道
 光十一年擢內閣侍讀學士借將軍富俊按吉林將軍福克精阿剋扣兵餉得
 實劾罷之子頭等侍衛充哈密辦事大臣擢內閣學士丁父憂回旗留京遷理
 藩院侍郎兼副都統調工部迭赴盛京廣東察哈爾按事十五年命在軍機大
 臣上學習行走調戶部推理藩院尙書兼都統調工部二十一年海疆戒嚴詔
 赴天津山海關勘築礮臺復借御前大臣僧格林沁查閱海口二十二年命爲
 欽差大臣赴天津治防和議成撤防回京初京師添設槍隊命賽尙阿偕左都
 御史恩桂司訓練至是上閱武槍隊獨整嘉其督率有方賜花翎二十四年命
 覆訊通州民婦康王氏勒斃親姑獄白其冤論坊官逼供罪如律調戶部尙書
 赴江南查閱江防善後事宜三十年兼步軍統領協辦大學士咸豐元年拜文
 清 史 稿 列傳一百七十九 一

華殿大學士管理戶部時廣西匪亂方熾巡撫周天爵提督向榮會勦不能制
 賊起用林則徐未至道卒李星沅督師請將不用命亦無功文宗深愛之以賽
 尙阿親信近臣命爲欽差大臣赴湖南防堵將以代星沅也特賜邊必隆刀給
 庫帑二百萬兩備軍餉副都統巴清德達洪阿率京軍隨行姚瑩嚴正基參軍
 事又調湖南在籍知縣江忠源赴營未幾星沅卒於軍趨賽尙阿馳往督師授
 內大臣六月至廣西疏陳汝兵勇明紀律購間諜散脅從斷接濟五事詔嘉其
 能通籌全局周天爵與向榮不協解其任以鄒鳴鶴代之又疏陳賊勢略言粵
 西股匪繁多馮雲山洪秀全凌十八等俱奉天主教凶很稱最來往於金田東
 鄉廟旺中坪官兵壁上環觀有無可如何之勢宜先用全力攻勦大股一經得
 手則分兵勦辦方免顧此失彼之虞省垣兵少暫居中調遣分派巴清德達洪
 阿進勦於是向榮連破賊於中坪及桂平新城烏蘭泰設伏殲賊甚衆賊竄踞
 紫荆山以新城雙營隘爲門戶達洪阿烏蘭泰攻雙營燬其巢賊自焚新城而
 逸官軍失利遂陷永安州賽尙阿坐失機降四級留任詔責諸軍併力進攻水

竇爲永安要隘烏蘭泰攻拔之乃合圍向榮任北路烏蘭泰任南路永安城小
而堅環攻四閱月不能下嚴詔趨戰二年正月賽尙阿親往督之用向榮策闕
城北一隅不置兵縱其出因而擊之烏蘭泰爭之不得素與榮不協至是益相
水火二月賊果由此路突出官軍不能禦僅獲洪大全檻送京師以收復永安
上聞而賊遽犯桂林向榮走間道入城守禦烏蘭泰尾追至將軍橋猝被破傷
旋殞於軍總兵長瑞長壽董光甲邵鶴齡亦戰歿賽尙阿自請治罪詔責戴罪
以圖補救命兩廣總督徐廣緒率師赴援賊見桂林守具已完援師漸集解圍
北竄連陷興安全州賽尙阿始入駐省城遣提督余萬清總兵劉長清進攻全
州江忠源破賊於葦衣渡斃悍賊馮雲山賊遂入湖南連陷道州江華永明嘉
禾藍山桂陽賽尙阿尾之抵衡陽賊由郴州分竄醴陵攸縣尋犯長沙勢益熾
張湖南巡撫羅繞典以聞文宗震怒詔斥賽尙阿調度無方號令不明賞罰失
當以致勞師糜餉日久無功褫職逮京治罪命大學士等會鞫賽尙阿伏地流
涕自言不忍殺人辜負聖恩論大辟籍其家三子並褫職未幾釋出獄發往直

清史稿

列傳一百七十九

二

隸交納爾經額差遣調京隨辦巡防五年遣戍軍臺尋釋之命練察哈爾蒙古
兵十年回京總統左翼巡城事宜侍郎銜授正紅旗蒙古副都統以病免光
緒元年卒子崇綺自有傳
納爾經額字近堂費莫氏滿洲正白旗人嘉慶八年繙譯進士授妃園寢禮部
主事調工部洊升郎中道光元年出爲山東兗沂曹道遷湖南按察使丁憂去
職三年起署山東按察使尋實授承勳教匪馬進忠獄得實賜花翎就遷布政
使六年擢漕運總督九年調山東巡撫十二年擢湖廣總督十六年湖南新寧
搖生藍正楷習教傳徒聚衆數千攻武岡州城爲官兵擊退捕獲黨羽而正楷
逃逸詔責納爾經額緝久不獲革職留任十七年京察考績詔斥納爾經額
玩泄無能降湖南巡撫限一年捕正楷尋以正楷已被鄉勇毆斃奏下繼任總
督林則徐確查虛實則徐疏言鄉勇毆斃三賊有正楷在內以衣物爲證詔斥
年首領等侍衛調西甯辦事大臣二十年擢熱河都統俄授陝甘總督未之任

命署直隸總督尋實授二十一年英吉利兵船遊弋秦王島命納爾經額移駐
天津籌防加太子太保時漸多事財政支絀疆臣猶因習承平舊制憚於興革
廷議興屯墾及畿輔水利納爾經額疏言屯田不能行於畿輔先朝試行水利
屢興屢廢良由南北異宜民多未便寢其議又言官請長蘆懸岸懸額如河南
山東改歸官辦納爾經額言懸岸由於私充引滯但使梟販斂迹民販亦可持
久諸商不招自至不必務官辦之虛名徒事更張無裨實用咸豐二年以直隸
總督協辦大學士尋拜文淵閣大學士仍留總督任三年粵匪既踞江甯分黨
由安徽入河南歸德睢州甯陵蘭封相繼陷河南巡撫陸應穀敗績賊窺開封
命納爾經額防守大名遏賊北竄令總兵花里雅遜布屯延津防河雙祿守彰
德爲後繼而賊酋林鳳祥李開芳已自汜水渡河陷溫縣犯懷慶納爾經額檄
總兵董占元赴援自駐臨洛關請增調盛京吉林步騎詔授納爾經額爲欽差
大臣節制河南北諸軍賊圍懷慶久知府余炳燾率紳民固守賊周樹木柵爲
久困計援軍四集惟都統勝保將軍托明阿軍戰最力花里雅遜布董占元等

清史稿

列傳一百七十九

三

隔丹水駐軍畏賊不敢進勝保屢以爲言詔促納爾經額進師夾擊並防賊竄
入山西乃進駐清化鎮八月諸軍五路合擊破賊柵賊大潰圍乃解文宗大悅
賜納爾經額雙眼花翎黃馬褂賞擢諸將有差賊之敗竄也諸軍以久戰疲罷
未能力追山西兵多調援設防不密賊遂由濟源入太行山連陷垣曲陽城曲
沃犯平陽府擾及洪洞並失守追軍皆落後惟勝保先進戰於平陽挫之繞前
扼賊北路賊乃東趨納爾經額回駐臨洛關素不知兵束手無措或告路城黎
城間有孔道循太行東出武安密爾臨洛然險隘可扼納爾經額以非直隸轄
境咨山西巡撫守禦既而賊果破黎潞猶謂賊不能遽至忽有冒欽差大臣旗
幟責州縣供張者蓋賊之前驅已出山矣俄而屬至官軍出不意驚潰納爾經
額以數十人走保廣平府城關防令箭軍書資械委棄皆盡事聞褫職留於直
隸隨同辦理軍務賊遂大熾畿輔半被蹂躪京師震動命惠親王蘇愉爲大將
軍科爾沁郡王僧格林沁副之勝保督師前敵追勦於是逮納爾經額下獄論
監斬候逾年始殄賊先後禽首逆林鳳祥李開芳伏誅畿輔肅清赦納爾經額

出獄遣戍軍臺逾年釋回予六品頂戴命守墓陵尋以四五品京堂候補七年卒子蘊秀衍秀並官內閣學士
論曰清沿故事有大軍事輒以滿洲重臣督師乾嘉時如阿桂福康安勒保額勒登保等皆胸有韜略功在旂常道光以來惟長齡平定回疆差堪繼武其後禧恩之征瑤奕山奕經之防海或以驕侈召謗或以輕率債事至粵匪初起李星沅不勝任易以賽尙阿馭將無方遂致寇不可制訥爾經額庸懦同之幾旬震驚自是朝廷始知其弊惟僧格林沁猶以動望膺其任不復輕以中樞閣部出任師干即有時親藩遙領亦居其名不行其實蓋人材時會使然固不可與國初入關時並論也

清史稿

列傳一百七十九

四

清史稿

列傳一百八十

李星沅

周天爵

勞崇光

李星沅字石梧湖南湘陰人道光十二年進士選庶吉士授編修十五年督廣東學政學士多健訟檄通省籍諸生之干訟者牒報調治之士風以肅任滿授陝西漢中知府歷河南糧道陝西四川江蘇按察使在川陝嚴治刀匪囑匪屢禽其魁寘之法遷江西布政使調江蘇二十二年擢陝西巡撫署陝甘總督二十五年調江蘇巡撫二十六年擢雲貴總督兼署雲南巡撫先是永昌回亂迤西道羅天池濫殺不分良莠衆回益擾總督賀長齡提督張必祿急於主撫降者輒復叛至是緝甯匪首馬國海被勦亡走潛結零州回馬登符海連升等復起事迤西大震星沅追論肇亂之由長齡天池等並獲贖二十七年遣兵進勦解散被脅回衆首逆就殲餘匪肅清詔嘉其功加太子太保銜賜花翎尋調兩江總督星沅未第時客陶澍幕中爲掌章奏又歷官江南督於鹽漕河諸利弊

清史稿

列傳一百八十

一

時度支告匱廷臣主南漕改徵折色解部於北省採買星沅謂折多徵收不易折少採買不敷數賤銀貴民間展轉虧折且州縣藉端浮勒胥吏高下其手防之皆難迭疏論列議遂准鹽自陶澍整頓之後歷年又多積欠星沅疏陳引鹽課積課款支絀情形撥厥所由官以畏難而因仍商以畏難而取巧成本增於難費行銷滯於售私年復一年幾同痼疾先當以內清場私外敵鄰私爲急則治標之計本年回空糧私奏請查禁其川私粵私浙私均各行堵緝又引船夾帶爲害最鉅扼要搜查於揚州仙女廟及江寧下關緝獲百餘萬斤提省審辦他如慎出納提撥派賑引測繁文配運殘引提督新鹽裁浮巡費禁捏報淹銷酌議章程八條以圖整理疏入下部議行舊制總督兼管河務自道光二十二年後停止至是復命兼管會兼署河督疏請嚴禁聽員乘處清江飭各歸工次奏籌外海水師事宜曰磨厲人才曰變通管巡曰嚴實會哨曰扼要堵緝曰配兵足數又請添造戰船勸捐給獎並允行俄羅斯通商舊由陸路忽有商船至上海執約拒之在任兩年宣宗甚加倚任因久病請解職回籍允之

三十年宣宗崩赴京謁梓宮復以母老陳請歸養會廣西匪亂方熾起林則徐督師卒於途命星沅代為欽差大臣是年十二月抵廣西駐柳州時左右江匪氛蔓延諸賊尤以桂平金田洪秀全為最悍巡撫鄭祖琛提督閔正鳳皆以貽誤黜去周天爵向榮縮為巡撫提督二人者並有重名負意氣議輒相左星沅調和之仍不協軍事多牽掣成豐元年春向榮進剿賊由大黃江牛排嶺竄新墟紫荆山星沅檄總兵秦定三李能臣率滇黔兵追躡賊復竄武宣榮天爵各進擊賊踞東鄉兩軍攻之不克星沅以事權不一奏請特簡總統將軍督勦詔斥其推諉尋命大學士賽尚阿率總兵達洪阿都統巴清赴湖南防堵將以代之賽尚阿至湖南遂授欽差大臣赴廣西督師命星沅回湖南治防四月星沅力疾赴武宣前敵督戰至則已德其數日卒於軍遺疏言賊不能平不忠養不能終不孝歿後斂以常服用彰臣答文宗覽而哀之依總督例賜卹賜金治喪存問其母子二人命俟服闋引見設文恭子桓官至江西布政使

周天爵字敬修山東東阿人嘉慶十六年進士歸班銓選道光四年授安徽懷遠知縣調阜陽天爵少以堅苦自立篤信王守仁之學及為令盡心民事廉介絕俗皖北盜賊橫恣與胥吏通天爵極刑痛懲之有勳其殘酷者總督蔣攸銛奏言天爵愛民如子嫉惡如仇古良吏也由是受宣宗之知諭曰不避嫌怨之員最為難得小過可宥之連擢宿州知州廬州知府廬鳳穎泗道所至捕盜魁無漏網者十五年擢江西按察使仍調安徽遷陝西布政使十七年署漕運總督尋實授時漕務積弊連丁水手尤恣悍特用天爵嚴馭之勳衛官十二員以儆眾詔褒勉之十八年調署湖廣總督授河南巡撫擢閩浙總督皆未行調授湖廣總督漢口鎮為商船所聚苦盜川匪充鉛船水手每行劫殺人陝楚交界奸徒掠販婦女並為民害天爵捕治如律効失察有司及承審縱延者悉褫其職荆州沿江舊於冬季委員巡緝盜賊天爵謂屬具文罷之連幹吏暗偵與地方官掩捕以獲盜多寡定功過襄陽匪徒傳習牛八邪教又有天主十字各教捕誅數十人每有疏陳宣宗輒手詔褒嘉連年水災濱江濱漢隄垸多壞疏請依治黃河法遇險立挑壩並以草護隄飭治河州縣有大工解任專治立限

保工限內失事者對紳董亦如之漢水多灣曲立磚石斗門以備蓄洩並如議行天爵駁吏嚴多怨者二十年已革大治知縣孔廣義揭許多欺天爵置不問事上聞嚴斥之議革職留任尋言官劾天爵酷刑與廣義言略同命侍郎麟魁吳其濬往按得天爵信任候補知縣楚鏞用非刑外委黃雲邦誣執良民諸狀上震怒視天爵職成伊等二十一年命赴廣東交靖逆將軍奕山差遣尋免罪留粵効力二十二年予四品頂戴以知府候補調江蘇辦理清江防務海防事竣留治淮揚善後事宜尋予二品頂戴著漕運總督兼署南河總督二十三年因濫刑及失察漕書私鑄關防連被吏議疏請去職命以二品頂戴休致久之廣西賊起日益熾文宗御極求知兵大臣尚書杜受田以天爵對遂起廣西巡撫借欽差大臣李星沅辦賊成豐元年春親率兵與向榮會勦金田匪洪秀全等賊竄武宣東鄉合擊於東嶺村力戰兵有退者天爵手刃之授俘鼓而前賊始却時懷集賀縣及都康下雷土司凌雲東蘭橫州博白並有匪踞檄各屬力行團練合力防勦詔加天爵總督銜專辦軍務以布政使勞崇光攝巡撫事天爵年近八旬每戰親臨前敵惟與李星沅向榮皆不協星沅既疏請特簡總統督師尋病歿命天爵暫署欽差大臣賊由武宣竄象州詔斥天爵等相持日久不能制賊視總督銜解軍務回省暫署巡撫洎賽尚阿至軍議復不合自陳衰病詔命來京既至連召對十一次極言軍事文宗為之動容然方倚賽尚阿亦未盡用其言二年粵匪擾及兩湖天爵僑居宿州命偕安徽巡撫蔣文慶治防務三年疏陳廬鳳為江淮要區赴正陽關撫舊捻張鳳山等一千二百人用之請江蘇山東安徽河南舉行團練未幾安慶陷文慶死之命天爵署安徽巡撫尋實授江甯亦陷天爵請扼黃河杜賊北竄辭巡撫專任兵事命以兵部侍郎銜督師勦宿州懷遠水城靈璧捻匪北路漸清進規廬鳳禽定遠捻首陸遐齡散其眾四千餘被獲資疏論廬州知府胡元煒劣迹請革職逮治巡撫李嘉端置不問元煒通賊內應廬州陷江忠源死之粵匪踞臨淮關天爵外遇來賊內清土匪孤軍支柱方奉命往援廬州以疾卒於軍上震悼詔嘉其秉性忠直勇敢有為心地品行迥超流俗追贈尚書銜依贈官賜卹特設文忠不由內閣擬

清史稿 列傳一百八十 二

清史稿 列傳一百八十 三

上擢其子光碧都司賜光岳舉人

勞崇光字辛陔湖南善化人道光十二年進士選庶吉士授編修二十一年出為山西平陽知府調太原擢翼州道遷廣西按察使二十八年奉使赴越南册封事竣入關值匪亂駐思恩南甯督軍進勦二十九年遷湖北布政使未行而湖南賊李沅發起新甯仍留廣西治防沅發平敘功賜花翎三十年就授廣西布政使慶遠賊竄武緣賓州崇光借提督向榮會勦禽賊首陳勝又平上林遷江甯匪設方略解散匪黨凡數十起撫張家祥收隸部下改名國樑後以戰功顯尋署巡撫副將伊克坦布戰歿於桂平檄總兵周鳳岐赴援時命李星沅督師周天爵為巡撫專治軍崇光仍攝巡撫事會辦軍務咸豐元年大學士賽尚阿代星沅而鄂鳴鶴繼為巡撫崇光會辦如故平西林博白懷集竄賊廣東賊顏品瑤擾南甯太平崇光駐兵南甯與廣東軍合擊屢戰皆捷品瑤就殲又平貴縣賊被優敘借左江鎮總兵谷輜燦平白山賊舉行南太泗鎮四府團練殲顏品瑤餘黨於靈山加頭品頂戴二年駐梧州會廣東軍勦艇匪尋金田賊洪

清史稿

列傳一百八十

四

秀全等永安突圍出犯桂林命崇光回援至則賊已北竄連陷興安全州借總兵和春追擊之賊遂入湖南會雲貴總督吳文鎔疏稱崇光有膽略血性請重其事權就擢巡撫上疏略曰桂林雖解圍賊氛不遠羣情尙復驚疑增兵置防皆非倉卒能辦惟就現有兵力布置省標調赴各處者次第撤回駐防城內邊選練丁分扼城外要隘激勵團練以作民氣招撫流亡以復民力訓練兵勇以肅軍紀搜緝土匪以靖內奸各屬游匪土匪不時蠢動額兵不敷分撥鼓舞團練以資捍衛而備援勦時賽尙阿既勦崇光專任廣西軍務詔以匪難已出粵境舊巢穴慮渠魁踞之為回竄地步責以搜捕黨羽二年洪秀全等既踞江甯分黨北犯中原兵事日棘朝廷不暇顧及邊遠廣西伏莽時起旋滅旋萌餉絀兵單惟恃團練不能大創賊崇光且勦且撫支拄數載泊英人踞廣州後廣東賊氛復熾艇匪竄擾廣西潯州柳州慶遠梧州南甯相繼陷近地土匪益起屢逼桂林軍中多降將心皆回測崇光乞師於湖南七年略乘章令蔣益澧率湘軍赴援屢破賊復興安靈川入屯省城乃誅反側易守軍桂林始安八年奏留

登澧在廣西勦賊連擊艇匪於平樂令公渡五塘大破之斬賊萬餘由是艇匪

始衰慶遠柳州相繼復九年調廣東巡撫兼署兩廣總督英軍猶踞省城前任總督黃宗漢巡撫耆齡等皆駐外縣不敢入崇光至坦然入城與敵軍狎居尋實授總督迭遣將禦湖南江西竄匪擊走之本境土寇時起皆不久撲滅與廣西軍會勦艇匪梧州潯州賊匪漸清至十一年英法聯軍犯京師和議成廣州敵軍始退回治元年以失察都司陶昌培知縣許慶鎔營私納賄降三級調用命仍以一品頂戴赴貴州按事前巡撫耆齡御史華祝三復劾崇光任用非人調度乖方詔命自陳下署總督晏端書提督崑壽察按得免議尋授雲貴總督雲南自總督潘鐸被狀巡撫徐之銘結回曾以自保張凱嵩繼署總督久不至以規避黜命崇光代之崇光至貴州會粵匪石達開餘黨陷綏陽督兵擊走之遂駐貴陽三年春土匪苗匪屢來犯借巡撫張亮基勸兵固守賊敗退時雲南叛回猶雜處省城議者皆言不可遽往崇光巡行軍民父老喜迎於郊回衆始稍斂逆首馬榮馬連升踞曲靖為巢穴崇光知候補道岑毓英降回總兵馬如

清史稿

列傳一百八十

五

龍可用四年春令參將馮世興與二人合師攻克曲靖擒榮連升等斬以徇遂收馬龍尋甸迤東肅清遣提督趙德光克平江外賊巢復廣順進克貴州黔西大定五年復普洱及思茅雲南軍事漸利六年卒優詔賜卹嘉其沈毅有為歷官兩廣雲貴皆不避艱險俾地方日有起色贈太子太保諡文毅廣西請建專祠雲貴祀名宦祠

論曰粵匪之起也始由疆臣玩誤繼復將帥不和李星沅周天爵皆素以忠勤著文宗採時譽而付以重任於軍事皆不得要領及易以賽尙阿而敗壞益甚虎兕出柙遂不可制矣勞崇光久在兵間洪秀全北竄後已不顧舊巢然伏莽四起終賴湘軍之力數年而後克定其於廣東雲南皆受事於萬難措置之時履虎不啞權略有足稱焉

徐廣緒

葉名琛

黃宗漢

徐廣緒字仲升河南鹿邑人嘉慶二十五年進士選庶吉士授編修遷御史道光十三年出為陝西榆林知府歷安徽甯池太道江西督糧道福建按察使擢順天府尹尋出為四川布政使丁母憂服闋補江甯布政使二十六年擢雲南巡撫調廣東二十八年擢兩廣總督兼通商大臣自江甯定約五口通商許廣州省城設立棧房領事入城以平禮相待粵民堅執洋人不准入城舊制眾以抗官不能解總督者英既與英人議緩俟二年之後尋內召廣緒繼任會黃竹岐鄉民毆殺英人六領事德庇時要挾賠償保護廣緒治殺人者罪而拒其非理之求戒諭人民毋暴動事得解德庇時回國文翰代為領事初至請謁廣緒赴虎門閱礮臺延見之遂登其舟示以坦白二十九年文翰以兩年入城之期已屆要踐約廣緒諭以者英所許乃姑為權宜之計民情憤激眾怒難犯

清史稿

列傳一百八十一

十

非官所能禁止文翰則堅持成約且以他省入城相詰難揚言將駕兵船至天津訴諸京師相持不下廣緒疏聞自請嚴議密詔許暫入城一次以踐前言不得習以為常廣緒復疏言入城萬不可行廣東民情剽悍與閩浙江蘇不同阻其入城而有事則眾志成城倘有爪牙之可恃許其入城而有事則人心瓦解必至內外之交訂明知有害無利詎敢輕於一試卒堅拒之英人乃集兵船三於香港放小艇至海口各港測水探路示恫喝廣緒增兵守諸礮臺及要隘嚴備以待時民團數十萬聲勢甚張華商會議暫停各國貿易密告美法兩國領事啟釁實由英人於是諸洋商慮受擾累將以損失歸領事負責士紳聯名致文翰為反覆陳利害甚切文翰內受牽制乃罷入城之議乞照舊通商與要約停市開市皆非由官令不進城即通商後有反覆仍行停止事既定廣緒疏聞宣宗大悅詔曰洋務之興將十年矣沿海擾累糜餉勞師近雖略安謐而取之之法剛柔未得其平流弊因而愈出朕恐瀕海居民或遭蹂躪一切隱忍待之昨英曾復伸入城之請徐廣緒等悉心措理動合機宜入城議寢依舊通商

不折一兵不發一矢中外綏靖可以久安實深嘉悅於是錫封廣緒一等子爵賜雙眼花翎是役商民一心尤得紳士許祥光伍崇曜之力為多二人並被優擢逾數月文翰復言國王以進城未能如約為人所輕似覺報願請為轉奏廣緒以罷議進城之後貿易始復豈可再申前說拒之三十年文翰又遣書大學士穆彰阿著英遣人至上海天津投遞文翰等自赴上海欲有所陳請先後却之乃回香港蓋覬覦未已也時兩廣盜賊蜂起以廣西金田洪秀全為最悍巡撫鄭祖琛柔懦縱賊廣緒疏劾其養癰貽患罷之廣東韶州廉州匪亦蔓延廣緒遣軍扼梧州肇慶詔廣緒赴廣西勦辦尋起林則徐督師命廣緒勦捕廣東游匪咸豐元年出駐高州匪首凌十八陳二吳三何若科羅鏡圩及信宜與洪秀全聲勢相倚廣緒遣兵進擊殲吳三迫何若科至貴縣禽之又破廉州賊顏品瑞禽李士青二年春乘勝進攻羅鏡圩禽凌十八捷聞加太子太保命馳赴梧州而洪秀全大股已犯桂林竄入湖南賽尙阿以罪黜授廣緒欽差大臣署理湖廣總督十月至衡州賊攻長沙甚急駭乘章張亮基力守屢挫賊乃下

清史稿

列傳一百八十一

十一

竄岳州廣緒始抵長沙未幾岳州亦陷直犯武昌廣緒進駐岳州而漢陽武昌相繼陷詔斥廣緒遷延不進調度失機株守岳州擁兵自衛視賊速問籍其家論大辟三年夏粵匪入河南境釋廣緒交巡撫陸應龍差遣責令帶罪自効率兵駐歸德防勦捻匪有功八年命赴勝保軍營尋予四品卿銜留鳳陽從袁甲三勦捻匪未幾卒

葉名琛字昆臣湖北漢陽人道光十五年進士選庶吉士授編修十八年出為陝西興安知府歷山西雁平道江西鹽道雲南按察使湖南甘肅廣東布政使二十八年擢廣東巡撫二十九年英人欲踐入城之約名琛借總督徐廣緒堅執勿許聯合民團嚴為戒備華商自停貿易以制之英人始寢前議論功封一等男爵賜花翎三十年平英德土匪被優敘咸豐元年羅鏡會匪吳三加太子少保二年廣緒赴廣西督師命名琛接辦羅鏡勦捕事宜出駐高州是年秋羅鏡匪首凌十八就殲加總督銜署總督赴南韶一帶督勦尋實授兩廣總督兼通商大臣時廣東盜賊蠢起四年廣州洋匪擾及省城遣將分路進勦連戰

皆捷近省之佛山龍門從化東莞陽山河源增城封川韶州之海豐開建潮州之惠來肇慶府城及德慶並陷先後克復隣省軍務方亟糧餉器械多賴廣東接濟名琛籌供無缺益得時譽五年以總督協辦大學士六年拜體仁閣大學士仍留總督任名琛性木強動吏事屬僚憚其威重初以借徐廣緒拒英人入城被殊眷因狃於前事頗自負好大言遇中外交涉事略書數字答之或竟不答會匪之逼廣州或議借外國兵禦賊者斥之退匪既平按察使沈棟輝功最多列上言紳兵練出力者請獎格不奏兵練皆解體又嚴治通匪餘黨或藉捕匪仇殺從賊逃不收歸其點者投香港勸英人攻廣州會水師千總巡河遇划艇張英國旗搜獲十三人拔其旗英領事巴夏禮索之不得始書名琛責問謂捕匪當移取不當擅執毀旗尤非禮名琛令送十三人於領事不受必欲併索千總遂置之末幾遣通事來告越日月中不如約即攻城至期英兵果奪臘得中流礮臺名琛曰彼當自走令水師勿與戰於是鳳皇山海珠諸礮臺皆被踞發礮擊省城十月朔毀城既入復出遣廣州知府往詰用兵之故英人曰兩國

清史稿

三

官不睦情不款誠恐傳言屢乖和如請入城而議名琛勿許請於城外會議亦不許名琛雖萬來後亦不許名琛民憤甚焚英法美三國居室凡數十家行營燼英兵亦焚民居數千家退泊大黃滯各報其國英遣額羅金來粵聚兵澳門香港貽書索償款名琛以其言狂特不答法美兩國領事亦索賠償且告英兵已決計攻城額羅金問排解名琛慮其合以脅我亦不聽且不設備七年英兵攻東莞總兵董開慶與戰軍潰額羅金遣艇遞照會名琛答以通商而外概不能從累疏言英國主厭兵粵事皆額羅金等所為臣始終堅持彼窮當自伏密詔成勿輕視猶信其事有把握仍憂勉之九月英兵驟至法美兵皆從將軍司道商戰守名琛惟恃通事張雲同為內應待敵窮蹙民間見其夷然不驚事皆秘不宣示轉疑其陽拒陰撫人心益渙十一月敵張榜城外限二十四時破城勸商民遠避礮擊總督署延燒市廛城遂陷巡撫柏貴檄紳士伍崇曜等議和名琛猶持不許入城之議夜避左都統署英人大索得之昇登舟將軍巡撫以聞詔斥名琛剛愎自用辦理乖謬褫其職英人遂踞省城禁巡撫等官不

得出責以安民各集團練設總局於佛山相持數年各國聯師赴天津事乃益棘矣名琛既被虜英人挾至印度孟加拉居之鎮海樓上猶時作書畫自署曰海上蘇武賦詩見志日誦呂祖經不較九年卒乃歸其尸粵人憾其誤國為之語曰不戰不和守不死不降不走相臣度量疆臣抱負古之所無今之罕有

黃宗漢字壽臣福建晉江人道光十五年進士選庶吉士散館改兵部主事充軍機章京歷員外郎郎中遷御史給事中二十五年出為廣東督糧道調雷瓊道歷山東浙江按察使咸豐初巡撫吳文鎔薦宗漢可重用遷甘肅布政使二年擢雲南巡撫未之任調浙江值試辦海運湖郡漕船淺滯改留變價虧銀三十餘萬兩布政使椿壽情急自縊宗漢疏請原米隨新漕運京允之三年粵匪犯江甯調浙江兵二千名赴援江甯尋陷宗漢赴嘉興湖州籌防疏言不可僅於本境畫疆而守於是分兵赴江蘇安徽境內協防詔嘉其妥協尋上海匪起陷城請海運改於劉河受兌時江南大營需餉甚鉅宗漢貽書向榮通盤籌算

清史稿

四

請於江浙浙江江西三省確定每月額數榮據以上聞文宗疑之四年特詔褒宗漢辦理防務海運及本境治匪察吏精詳無贖顧深堪嘉尚特賜御書忠勤正直扁額勉其慎終如始以成一代良臣擢四川總督給事中張修有疏言宗漢治浙布置合宜未可更易詔不允會因數月未奏事降旨詢問以疾為言詔斥之議降三級調用加恩降二品頂戴仍留總督任五年馬邊夷匪為亂平之遵旨遣松潘鎮總兵德恩以兵二千援荊州又調兵四千赴貴州勦苗並協餉十萬兩六年復因久無奏報命將軍樂斌查奏以疾疾聞下部議降調命來京另候簡用補內閣學士兼署刑部侍郎順天府尹廣東軍事起葉名琛被虜授宗漢兩廣總督兼通商大臣時廣州為英人所踞巡撫柏貴在城中為所脅制民團四起文宗因徐廣縉等前拒英人入城賴紳民之力欲復用之命在籍侍郎羅惇衍京卿龍元信給事中蘇廷魁治團練惇衍等號召鄉團得數萬人戒期攻城卒無功又禁華人不得受雇為洋人服役以困之八年春各國遣人赴江蘇投書致京師大學士訴粵事請遣大臣至上海會議且言逾期即赴天津

詔仍回廣東候宗漢查辦而英俄兩國兵船已泊吳淞宗漢過江蘇總督何桂清堅留在上海開議宗漢不可遽去取道浙閩調兵不可得及至廣東敵兵已犯天津宗漢駐惠州惟特聯絡民團出示空言激勵為英人所禁格不能徧及既而天津和約成侯償款六百萬兩分年交舉始退出廣州粵民愈憤英領事宣布和議新安鎮鄉勇殺其張示者數人遂發兵陷新安民團大舉攻城初勝終挫懸賞格購洋官首亦僅時伺隱僻有所殺傷而已宗漢外怵強敵內畏民岳不能有所措施泊大學士桂良等至上海議稅則及換約事宜將與商交還廣州向宗漢詢近狀輒不答而英人以既議和民團復相仇殺來相詰問且揭團紳告示載諭旨有異必欲去宗漢及三團紳桂良等疏聞詔責宗漢捕偽造諭旨之人罷其通商大臣改授何桂清英使羅維金猶不悞遠率艦赴廣東九年遂復有天津之役尋調宗漢四川總督召至京改以侍郎候補十年署吏部侍郎尋實授四川京官呈請飭赴四川督辦團練不許宗漢與載垣端華肅順等交結十一年穆宗即位載垣等獲罪少詹事許彭壽疏劾宗漢與陳孚恩劉

清史稿

列傳一百八十一

五

崑並黨肅順等蹤迹最密詔曰黃宗漢本年春赴熱河危詞力阻迴鑿迨皇考梓宮將回京又以京城可慮徧告於人希冀阻止其意存迎合載垣等衆所共知聲名品行如此若任其濫廁卿貳何以表率屬僚革職永不敘用以爲大僚輕媚者戒並追奪前賜御書忠勳正直扁額同治三年卒
論曰當道咸之間海禁大開然昧於外情朝野一也粵民身創夷患之深目擊國威之墮憤懼交乘遂因拒入城一事釀成大變朝廷誤信民氣可用而不知虛聲之不足恃也徐廣縉操縱有術倖安一時葉名琛狂於前事驕愎致敗宜哉黃宗漢依違貽誤終以依附權要被譴廣縉在粵東勦平羅鏡匪有功及代賽尙阿督師軍事已壞旁皇失措咎無可辭焉

清史稿

列傳一百八十二

常大淳

蔣文慶

陶恩培

吉爾杭阿

羅遵殿

徐有壬

王有齡

常大淳字蘭陔湖南衡陽人道光三年進士選庶吉士授編修遷御史湖南鎮守兵變戕管官鎮道莫敢誰何大淳疏劾之出爲福建督糧道署按察使晉江縣獲洋盜三百八十餘人總督欲駢誅之大淳力爭全活脅從者近三百人司獄囚滿大淳曰囚不皆死罪獄無隙地疫作且死乃分別定擬遺釋圍一清歷浙江鹽運使安徽按察使母憂歸服闋授湖北按察使遷陝西湖北布政使三十年擢浙江巡撫咸豐元年海盜布興肆擾疏勸黃巖溫州乍浦三鎮總兵應調遲延親赴甯波與提督會剿降其渠兒五月事定二年調湖北粵匪犯長沙土匪蜂起或議停文武鄉試大淳不可終事無譴尋調山西未行時總督程

清史稿

列傳一百八十二

一

新采駐防湖南失機獲罪徐廣縉代之駐湖南督師而賊勢益張兩湖集兵長沙防岳州者僅千人大淳奏調陝甘兵未至岳州土匪王萬里等踞桃林檄防兵討之萬里遁而粵匪已走甯鄉破益陽出臨資口先是大淳檄巴陵紳士吳士邁練漁勇防水路扼土星港設柵千人守之商賈民船萬餘皆阻柵不得行及賊至漁勇潰船悉爲賊有水陸並下提督博勒恭武守岳州不戰而走城遂陷武漢大震兵不滿五千奏留江南提督雙福募勇繕城爲守禦計而兩司以下亦少應變才大淳性仁柔但以好語拊循士卒莫能得其死力賊至先陷漢陽作浮橋攻武昌提督向榮自湖南來援距城十餘里阻賊不得前十二月賊由江岸穴地轟城遂陷大淳死之妻劉子集松子婦馬孫女淑英並殉詔贈總督諡文節祀昭忠祠並於湖北建立專祠同城文武被難者提督雙福學政光祿寺卿馮培元布政使梁星源按察使瑞元道員王壽同王東槐林恩熙知府明善董振鐸同知周祖銜知縣繡麟而總兵王錦繡常祿皆以援師入城助守同殉焉馮培元王東槐自有傳雙福他塔拉氏滿洲正白旗人由護軍從征喀

什噶爾海升參領出為湖北副將勦崇陽匪鍾人杰功最賜號烏爾瑪斯巴圖魯累擢河北古州兩鎮總兵江南提督大淳疏請留防改授湖北提督城陷死之子德齡同遇害子騎都尉兼雲騎尉世職設武烈王錦繡廣西馬平人由行伍累擢雲南曲尋協副將率滇兵赴廣西勦匪擢郎陽鎮總兵常祿富察氏滿洲鎮白旗人由護軍校海擢雲南副將勦廣西匪擢河北鎮總兵賜號強謙巴圖魯錦繡常祿轉戰廣西湖南皆有功績及湖北告警偕同赴援戰於蒲圻獲勝遂入武昌嬰城固守城陷巷戰同死之並優卹子騎都尉兼雲騎尉世職錦繡壯節常祿設剛節王壽同江蘇高郵人尙書引之子捐納刑部郎中道光二十四年進士用原官遷御史出為貴州黎平知府擢湖北漢黃德道在黃州募勇令子恩晉訓練得精銳四百人武昌被圍壽同率以赴援衝賊營縋城入任戰守屢擊斬攻城賊以壘聽法知賊由江岸穴地道方鑿穴出擊地雷發壽同率恩晉巷戰同遇害子騎都尉世職祀京師昭忠祠與子恩晉同於本籍建忠孝祠賜兩子恩錫恩炳並為舉人後左都御史單懋謙疏陳壽同治績追諡

清史稿

列傳一百八十二

三

忠介

蔣文慶字蔚亭漢軍正白旗人嘉慶十九年進士授吏部主事遷員外郎出為雲南曲靖知府調雲南府道光十二年擢甘肅甯夏道在邊十年浚渠興水利遷浙江按察使護理巡撫遷安徽布政使文宗即位下詔求賢巡撫王植薦之咸豐元年就擢巡撫奏請鳳鎮所屬宜練團與保甲並行二年粵匪犯長沙命遣安徽兵一千赴援湖北總督陸建瀛慮賊窺吉安請所調兵改赴江西文慶疏言安徽潛山等營已起程者毋庸北還其未出境之徽甯二營改赴江西仍各募足千人俾資接應惟安徽兵僅六千各有分防汛地省垣單危願鳳民團強勁臣擬增募二千如賊氛益熾請調江蘇兵三千統計庫帑撥解甘肅河工及本省兵餉銀五十五萬兩近又以十餘萬解楚實已無餘乞將續收地丁契雜及蕪鳳兩關稅入截留備用建瀛以文慶張皇漸生異議及賊至岳州復申募勇留餉前議始奉總理安徽防勦之命遣按察使張熙宇游擊廣音布扼小孤山自與壽春鎮總兵恩長壽守禦三年正月賊已陷武昌陸建瀛督師迎勦

令福山鎮總兵王鵬飛以二千人防安慶而調恩長為行營翼長鵬飛駐兵北門外以客將馭新兵安慶勢益危文慶母年八十餘久病送之登舟建瀛方溯江而上見之大怒將具疏劾之語頗聞及至文慶稱病不出曰我且夕且得罪去耳建瀛至黃州賊連舟蔽江下恩長戰歿兵潰於武穴建瀛遂返過安慶文慶要入城計事已不及恩字鵬飛皆棄防地走潛督周天爵奉命助守安慶方留勦鳳鎮土匪書抵文慶盡退守廬州之策文慶奏上其書賊遽至城北兵潰而城中譁言將退廬州紛紛縋城下斬之不可止文慶吞金不死飲藥因絕家人與之出遇賊於門遂被害從僕以席覆尸赴桐城呈報漏言自裁事賊既去子長綬集僚屬耆老集視然後殮詔詰遺疏與呈報不符向榮疏陳本末乃賜卹如例子騎都尉世職入祀昭忠祠安慶建專祠諡忠愍

清史稿

列傳一百八十二

三

楚之門戶棄則全楚震矣勿聽乃與約毋撤糧臺得便宜行事恩培誅鋤內奸撫循兵士賊知有備由他道竄陷道州犯長沙所至皆破惟衡州獨完御史黎吉雲以狀聞文宗嘉之三年超擢湖南按察使勦平衡山安仁瀏陽醴陵土匪遷山西布政使巡撫駱秉章以恩培在湖南久疏留襄辦防務尤之尋調任江蘇四年擢湖北巡撫時武漢再復城郭殘破旁近皆賊蹤總督楊需擁兵廣濟按察使胡林翼出省防勦或說恩培曰省城不可守宜遷治他郡恩培斥其非兼程進歲將盡莅任文武員弁不足三十兵不盈千餉不逾萬恩培馳書會國藩乞援檄胡林翼回保省城會楊需敗走蘄州次於德安五年正月漢陽漢口並為賊踞與國通山嘉魚土匪應之武昌益孤恩培盡焚沿江木植盡驅諸船故賊未得渡而道員李孟群知府彭玉舉以水師至胡林翼以陸師至聲勢稍壯賊城沙堆恩培欲先發制之令林翼統諸軍冒雪出不意三路攻賊士卒畏寒不欲戰渡江管沌口師期頗洩賊得為備林翼慮兵力分併為一路舟師先薄小龜山陸師繼進賊出馬步數千從漢口鈔我軍復敗退大軍山城舟大

集晝夜攻城楊藩約三路來援以火為號林翼孟羣整軍以待屢見火起為所
給而藩軍不至二月賊由興國通山來助攻林翼兵隔江為賊所綴不能渡城
中出兵連戰於青山望江樓皆挫直逼大小東門恩培自當之令武昌知府多
山守西北城方戰忽報漢陽門破多山戰死至暮賊屠集士卒死傷略盡恩培
投蛇山紫陽塘殉焉詔優卹子騎都尉兼雲騎世職諡文節祀昭忠祠後在湖
北與吳文鎔合建一祠多山赫舍里氏滿洲鎮藍旗人道光十四年舉人刑部
郎中出為襄陽知府舉行剛練勦賊有功晉秩道員調武昌府署按察使時司
道多駐城外督戰惟多山助城守城陷力戰死之予騎都尉世職諡忠節

吉爾杭阿字兩山奇特拉氏滿洲鎮黃旗人由工部筆帖式海邊郎中充坐糧
廳監督咸豐三年以孝和睿皇后奉安山陵督秩道員揀發江蘇補常領道署
按察使粵匪已踞江寧鎮江會匪劉麗川陷上海巡撫許乃釗檄吉爾杭阿偕
總兵虎嵩林參將秦如虎合師進勦劉麗川者廣東香山人貿易上海習於洋
商與蘇松太道吳健彰有舊素行不法見粵匪勢盛遂倡亂糾客籍粵閩江右

清史稿

列傳一百八十二

四

會黨二千人於三年秋襲上海城狀知縣袁祖惠劫道庫吳健彰遁入領事署
隣境亂民紛起應之寶山嘉定青浦南匯川沙五城連陷蘇紳捐募川勇千人
刑部主事劉存厚領之隸於吉爾杭阿為軍鋒連克青浦嘉定諸軍至五城以
次復合圍上海分南北兩營四年春存厚穴地轟城以援兵不繼退賊由北門
出犯吉爾杭阿親燃礮擊却之賊又劫北營虎嵩林兵挫吉爾杭阿固守得不
潰復擊退西門撲營之賊超擢布政使賜花翎尋擢巡撫復於南門掘地道火
發副將清長先登沒於陣兵又退地鄰租界匪人暗濟餉械久不下乃於洋涇
淤築壘塞濠斷其糧道賊始困負隅已經年洋商貿易不便吉爾杭阿開誠曉
以利害於是法國兵官請助勦英美領事允讓地設防禦築土壘於陳家木橋移
營進逼下令投誠免死縋城出者日以千計賊襲陳家木橋擊敗之禽斬悍黨
偽將軍林阿朋除夕乘賊不備地雷發督兵躍城入麗川縱火逸追禽伏誅餘
賊盡殲捷聞文宗嘉其功加頭品頂戴賜號法施善巴圖魯五年命率得勝之
兵馳往向榮大營幫辦軍務專任鎮江一路鎮江賊酋吳汝孝最桀黠恃金山

為犄角銀山寶蓋山並有伏賊是年秋迭攻鎮江西門南門堵截金山瓜州沿
江援賊累戰皆捷虎嵩林克寶蓋山吉爾杭阿駐營其上乘黃山發巨礮轟城
賊卡盡燬江甯賊集大股由北岸渡江來援吉爾杭阿策高資鎮為賊糧道遣
兵截擊賊退棲復石埠橋借總兵德安扼勦劉存厚率三營守高資烟墩山
六年春賊糾悍黨陳玉成李秀成等來援提督張國樞禦之於倉頭鎮賊潛山
小港出江順流下城賊突出於應官軍為所乘賊遂長驅進金雞嶺逼寶蓋山
大營吉爾杭阿拒賊未得逞乃渡江犯儀徵揚州五月賊數萬復犯高資存厚
告急大營兵僅八千或謂賊眾且銳不可當姑舍高資徐圖大舉為便吉爾杭
阿奮然曰一戰絕賊糧道鎮江且夕且下吾甯以死報國耳遂馳抵烟墩被圍
慶戰五晝夜親執旗指麾碎中礮殞存厚護屍突圍出為賊所要殺於陣並
遺骸失之副都統綉閣投江死鎮江軍亦潰副將周兆熊死之事聞文宗震悼
追贈吉爾杭阿總督予一等輕車都尉世職諡勇烈於殉難地方建專祠上海
亦建專祠子文鈺襲世職賜員外郎存厚字仲山四川榮縣人捐納刑部主事

清史稿

列傳一百八十二

五

好談兵侍郎王茂蔭疏薦命赴江南大營向榮命率勇擊賊輒勝上海之役始
自領一軍吉爾杭阿甚倚之克青浦冒矢石先登海保知府及攻上海誤殺洋
婦洋人憤將發兵相攻存厚單騎往曰此不足啟邊釁請以一身償若欲戰雖
死不相下也卒議償卹而定圍攻凡數月方略多出存厚既克以首功頒賞荷
囊授江甯知府記名道員從攻鎮江奪銀山破瓜洲援賊爭金雞嶺皆功最吉
爾杭阿以存厚有謀略故令守高資及赴援戰歿存厚大勳力戰突圍欲返其
屍中道遇伏殺賊數百人馬陷淖被戕子騎都尉世職諡剛愨綉閣戴佳氏滿
洲正白旗人官頭等侍衛從僧格林沁勦林鳳祥戰連鎮高唐馮官屯積功授
蒙古正紅旗副都統調京口借吉爾杭阿援高資軍潰墮水中從人拯之曰吾
與吉公偕吉公死吾不獨生復投江死諡勇節兆熊四川成都人官副將從攻
鎮江駐軍城南破子岡富賊衝吉爾杭阿既歿破子岡為賊困汲道斷兆熊固
守時以計誘擊賊殺傷甚多乞援於張國樞未至圍益逼素得士心無一逃者
營破燃火藥自焚一軍同死諡果愨

羅遵殿字澹村安徽宿松人道光十五年進士直隸即用知縣歷南樂唐山清苑諸縣冀州直隸州皆有聲績擢浙江湖州知府調杭州擢湖北安襄鄖荆道遵殿在浙以捕盜名至湖北檄所屬治團練楚北民團自此始咸豐二年粵匪陷武昌土匪郭大安謀賊捕斬之三年署按察使會捻匪窺襄樊遵殿還襄陽籌防總督張亮基疏陳遵殿得民心請提標歸其調遣四年武昌再陷賊竄德安安陸荆門遵殿率五千人出屯王家河遏賊衝克潛江賜花翎尋破賊於京山復其城屢遣勇助總督楊需防勦五年春武昌復陷襄陽有備賊不犯境六年遷兩淮鹽運使留湖北治糧臺游勇煽饑民為亂蔓延荆襄即宜四郡遵殿固守待援兵至大破之是年秋武漢克復遵殿力固上游以盜賊起於饑寒勸置義倉七十餘所以稅餘銀修老龍隄捍水患就遷湖北按察使八年遷布政使時胡林翼為巡撫百廢具舉重遵殿清德吏事悉倚之九年擢福建巡撫未之任調浙江自賊踞江甯皖南軍事悉隸浙江屯兵甯國恃為屏蔽及胡興仁為巡撫不欲餉鄰軍又勅統將鄭魁士他調去賊窺浙益急遵殿

清史稿

列傳一百八十二

六

到官痛吏習浮競乃嚴舉劾察營伍或不便其所為多毀之省垣獨總兵李定太軍六千人知不足恃與胡林翼商調楚軍倉猝難應賊已由甯國竄入浙境遣李定太出防湖州而廣德已陷十年二月賊由獨松關逼杭州湖南遣蕭翰慶李元度兩軍來援翰慶戰死元度道阻不得前賊壁城南山上下臨城中乞師江南未至兵少實不能戰浙西初經寇亂人不知兵議戰議守紛紜不定會久兩遵殿徒步泥淖中守泮甸城陷仰藥死妻女同殉詔予優卹尋以御史高延祐奏劾遵殿不能禦賊能其郵典遵殿任外吏二十年廉介絕俗家僅土屋數椽胡林翼集賻乃克歸喪同治初詔允曾國藩之請念其歷官有聲到浙未久追贈右都御史子騎都尉世職壯節城陷時署布政使王友端署按察使繆梓杭嘉湖道葉堃甯紹台道仲孫懋署杭州知府馬昂霄署仁和知縣李福謙同殉節友端安徽婺源人道光二十七年進士戶部主事遷郎中出為浙江糧道署布政使富粵匪之窺浙也言於遵殿曰皖邊軍弱湖州空虛請速備廣德遵殿至事急始遣軍已無及賊遂長驅至城下友端復請列塹湧金清波兩

門為犄角亦不用其言賊穴道攻城友端懸金三千募死士縱擊遇兩火器不燃而敗臨死自書浙江布政使王友端八字於衿上子騎都尉世職設貞介梓江蘇溧陽人道光八年舉人大挑知縣歷署仙居石門奉化諸縣聖誤去官值清查倉庫水災籌賑奉檄佐理皆得其力準捐輸復官晉同知咸豐二年河決阻漕賊策行海運即以任之賊事擢知府上海為賊陷率兵助勦復創設疏濬劉河海口以通漕運歷甯波杭州知府署杭嘉湖道兼鹽運使六年署按察使粵匪由江西窺浙梓統軍駐常山防之授金衢嚴道八年粵匪陷江山犯衢州偕總兵李定太合擊走之再署按察使當賊圍杭州梓署鹽運使兼按察使管營務處城守事專任之臨時調集兵不滿四千城大不敷守堞人心惶懼動輒譁謀或以閉城為張皇繼又謂戰緩為退縮梓奔走籌守禦兩次縋城攻賊皆失利城紳促戰急而民與兵相仇梓知不可為以死自誓守清波門雲居山偵賊掘地道急開內濠未竣地雷猝發城圯軍潰身被數十創死之事聞賜卹巡撫王有齡追論梓創議株守奪卹典及杭州再復舉人趙之謙訴於京下巡撫

清史稿

列傳一百八十二

七

左宗棠確查疏言梓居官廉幹臨難慘烈請還卹典後巡撫李瀚章楊昌濬屢為疏請贈太常寺卿祀昭忠祠並建專祠予騎都尉世職設武烈徐有壬字鈞卿順天宛平人原籍浙江烏程道光九年進士授戶部主事游升郎中出為四川成綿龍道署按察使治咽喉匪禽其魁餘黨解散遷廣東鹽運使署按察使清遠土匪戕官馳勦平之遷四川按察使文宗即位下詔求言司道率引嫌罕所陳奏有壬獨密疏論事切直遷雲南布政使調湖南咸豐五年以母憂回原籍浙江巡撫何桂清奏起有壬治剛防粵匪由甯國窺湖州有壬扼長興設伏敗之賊去八年服闋命筦江蘇糧臺擢江蘇巡撫檣船匪首程鵬士擾嘉興湖州地方官不能制潛至蘇州偵獲之實諸法有壬之起由何桂清所薦及同官江蘇無所阿附十年春粵匪復犯湖州有壬咨商桂清遣游擊曾秉忠率舟師往援水陸夾擊賊被創退尋復出東塘溧陽間道徑趨杭州急請調提督張玉良馳援杭州甫陷旋復桂清奏捷惟言藩司王有齡功得優擢有壬僅予議敘未幾和春等師潰退守丹陽有壬急運糧械濟之而張國棟和春先

後戰歿何桂清棄常州不守四月賊遂長驅犯蘇州有壬移檄責讓桂清抗疏
劾之張玉良自請助守城令屯葑門外忽夜遁明日有壬巡城廣勇通賊開門
納賊短兵巷戰賊矛刺有壬冠抗聲罵賊遇害子震翼與妻女同死詔優卹子
騎都尉世職諡莊愨蘇州建專祠有壬幼時嘗覽族譜得遠祖應鑣闔門殉節
事慨然曰吾他日當如此至是果驗八歲解勾股術父死依叔父於京師師事
姚學煥學必求有用尤精核算著有務民義齋算學行世

壬有齡字雪軒福建侯官人道光中捐納浙江鹽大使改知縣歷慈谿定海鄞
仁和皆有聲以勞晉秩知府咸豐五年授杭州知府巡撫何桂清器其幹略迭
署鹽運使按察使繼雲南糧儲道仍留浙治防桂清總督兩江奏調赴上海議
通商稅則七年擢江蘇按察使遷布政使有齡長於理財桂清素信之深一切
倚畀益得發舒事皆專斷巡撫受成而已十年粵匪陷杭州將以擊動江南全
局故援兵至賊即不戰而走桂清推功於有齡遂擢浙江巡撫詔趣率兵速赴
會辦軍務及善後事宜而賊已回撲江南大營和春等軍潰常州蘇州相繼陷

清史稿

列傳一百八十二

八

進逼嘉興提督張玉良迎擊敗績杭州戒嚴有齡率閩兵屯北新關外遣撫標
兵要賊於寶魚橋夾擊敗之賊乃卻設捐輸局奏請派在籍前左副都御史王
履謙前漕運總督邵燦督同辦理賊衆十餘萬由徽州入浙陷嚴州合嘉興廣
德兩路分撲省城有齡偕將軍瑞昌調兵迎擊走之圍得解復餘杭加頭品頂
戴尋復嚴州十一年復江山常山富陽遂安海寧臨安等縣賊擾太湖東山總
兵王之敬戰失利至夏賊復陷江山常山長興金華遂昌松陽處州永康義烏
革職留任張玉良扼要隘爲諸軍應援兵先潰賊勢益橫檄諸將往援無應者
處州鎮總兵文瑞率江西援兵三千有齡待之素厚乃自請行進駐金華孝順
街聞蘭谿兵敗遽潰退守浦江賊踞之檄師往援半途復潰浦江嚴州相繼陷
總兵劉季三副將劉芳戰死於富陽諸將見賊多走不任戰惟要素軍食富民
捐輸已倦而有司持之急於是團練大臣王履謙劾有齡虐捐遇事多齟齬上
疏互許十月蕭山諸賢及紹興府皆陷餉源遂絕時援軍多不足恃有齡復奏
用李元度爲按察使募湘勇八千人浙至龍游阻不得前賊酋李秀成悉衆圍

杭州城副將楊金榜敗死張玉良攻克羅木營賊學亦中飛礮死城中奪氣且
食盡飢民死者枕籍十二月賊梯城入兵潰有齡服毒不死縊於開秀成見之
爲其棺殮焉事聞言官顏宗儀高廷祐朱湖先後疏劾勸捐斂怨下旨國藩按
奏言有齡在浙官紳不和不能取兵以致偵事仍以糧盡援絕見危授命大節
無虧詔依例賜卹卹設壯愨入祀昭忠祠浙江福建建專祠同殉者學政張錫庚
提督饒廷選總兵文瑞署布政使麟趾按察使甯曾綸督糧道進福仁和知縣
吳保豐錫庚廷選文瑞並自有傳

論曰粵匪自陷岳州勢不可遏及犯武昌援兵雖至無能爲力安慶倉猝籌防
益無措手矣武昌凡三陷湖北兵不可用曾國藩言之痛切杭州初陷由於無
兵後則蘇常已失唇亡齒寒蘇州素倚江南大軍爲屏蔽大軍潰則勢難倖全
常大將文慶陶恩培羅維燾徐有壬諸人皆不失爲承平良吏短於應變或
因受事於己危莫能挽救王有齡素負才略以培克失人心措施亦未盡當焉
吉爾杭阿治兵有法克上海爲全功朝廷倚以規復鎮江使非中道而殞必有

清史稿

列傳一百八十二

九

成效其建樹非諸人所可同語也

清史稿

吳文鎔

潘鐸

列傳一百八十三

吳文鎔字甄甫江蘇儀徵人嘉慶二十四年進士選庶吉士授編修履膺文衡稱得士六遷為翰林院侍讀學士督順天學政別弊清嚴在任累擢詹事內閣學士召回京署禮部侍郎尋實授調刑部兼署戶部侍郎迭命借大學士湯金釗赴安徽浙江江蘇及南河按事十九年出為福建巡撫時方嚴烟禁英吉利窺伺沿海借總督鄧廷楨籌防敵兵至不得逞二十年調湖北巡撫未行暫護閩浙總督明年入覲改江西巡撫值歲祲力籌撫卹裁減漕丁陋規在江西數年舉廉懲貪吏治清明捕教匪戴理釗等及南安贛州會匪並實諸法二十八年調浙江巡撫入境過衢州廉得游擊薛思齊貪劣劾戍新疆又劾不職縣令五人因官多調攝徒煩交代政無考成奏革其弊風氣為之一變以嚴辦清查本省官吏不可信請簡派戶部司員來佐理詔不許未幾命借侍郎季芝昌清查浙江鹽務奏籌變通章程以專責成除浮費為要務鹽課日有起色浙東漁山島為盜藪檄水師捕獲百餘人毀其巢二十九年大水文鎔以遇災恐懼上疏自劾請罷詔以其言近迂嚴斥之文鎔親赴嘉湖諸屬察災輕重力行賑撫秀水令江忠源勸廉稱最治賑治盜及塘工皆倚辦以憂去文鎔歎曰賢如江令可令其無以歸葬乎自支養廉五百兩界之奏辦賑功以忠源首列三十年海塘連決文鎔馳勘落水幾殆自劾疏防革職留任塘工竣復職擢雲貴總督咸豐元年入覲文宗甚重之嘉其忠誠勇於任事勗以察情偽惜身體文鎔益感奮永昌邊外夷匪肆掠久不靖文鎔至檄土守備左大雄深入搜捕禽斬數百匪遁雪山外粵匪日熾文鎔疏論提督向榮冒功託病恐誤軍事詔選將才奏保游擊巴揚阿等九人貴州黎平知府胡林翼治團練勦土匪令得便宜從事疏薦之江忠源在廣西軍中文鎔致書曰永安賊不滅若竄湖南不可制矣二年調閩浙總督未行而粵匪果由湖南北竄破武昌三年春遂踞江甯東南大震雲南永昌回匪亦蠢動文鎔調兵扼險親駐尋甸督勦尋調湖廣總督粵匪方自下游上竄連陷黃州漢陽文鎔九月抵任是日田家鎮諸軍失利武昌

清史稿

列傳一百八十三

一

戒嚴城晝閉居民一夕數驚巡撫崇綸欲移營城外為自脫計文鎔督與城存亡約死守待援議不合賊已逼城文鎔坐城上激厲將士守數旬圍解崇綸轉以閉城坐守奏劾詔促進復黃州文鎔方調胡林翼率勇來會剿又約曾國藩水師夾攻擬俟兩軍至大舉滅賊崇綸屢乞之趣戰益急文鎔憤甚曰吾受國恩厚豈惜死以將卒宜選練且冀黔湘軍至收夾擊之效今不及待矣四年正月督師進薄黃州屯堵城大雪日行泥淖拊循士卒而輜糧不時至賊分路來犯都司劉成富擊却之賊復大至文鎔揮軍力戰後營火起衆潰投塘水死之崇綸奏稱失蹤署總督台湧至乃得實以聞詔依總督陣亡例賜卹予騎都尉兼雲騎尉世職諡文節祀京師昭忠祠逾數月曾國藩進兵黃州訪詢居民備言戰歿狀皆流涕於是疏陳當時無水師不能制賊文鎔籌置之難為崇綸傾陷牽掣以至於敗且諱死狀欲以誣之文宗震怒速崇綸治罪文鎔志節乃大白同治中湖北請建專祠

清史稿

列傳一百八十三

二

潘鐸字木君江蘇甯南人道光十二年進士選庶吉士散館改兵部主事充軍機章京洊升郎中遷御史二十年出為湖北荊州知府擢江西督糧道歷廣東鹽運使四川按察使山西布政使署巡撫二十八年擢河南巡撫時議漕糧酌改折色鐸疏言戶部有南漕折價交河南等省採買之議是他省且須在河南採買若將本省額徵之米分別改徵折色於政體兩歧於倉儲有損無益河南歷年辦運踴躍一經改徵轉滋流弊循舊章為便議遂擬買魯河經祥符朱仙鎮為商賈舟楫所集自黃河決於中牟買魯河淤塞責工員賠濬久未復鐸勸鎮街南北淤最甚議大濬請率屬捐銀五萬兩興辦又奏擇要增培沁河民隄以資捍禦並如所請行咸豐元年坐所薦陳州知府黃慶安犯贓降二級調用授山西按察使二年遷湖南布政使粵匪方由湖南北竄漢陽武昌相繼陷巡撫張亮基擢署總督以鐸暫代之命赴岳州督防二年巡撫駱秉章至乃以病乞罷許之直隸總督訥爾經額疏薦赴山西會辦防勦事宜尋因前在湖南布政使任內岳州等城失守下部議俟補官日降二級調用復以病乞退居山西久之十一年予二品頂戴起署雲貴總督雲南回漢相仇稔亂已久巡撫徐

之銘傾險挾回自重總督張亮基為所齟齬去布政使鄧爾恒擢陝西巡撫行
至曲靖之銘賊副將何有保遣黨戕害以盜殺聞命鐸往治之亮基亦被命赴
滇督辦軍務時之銘已為回衆所挾持所陳奏多夸誕莫可究詰鐸亮基先後
取道四川與駱秉章籌商冀資其兵力以規進取四川亂亦未平遽不得要領
滇將林自清為亮基舊部與回衆不協率所部入川之銘慮亮基至於已不利
嗾回衆揚言拒之亮基益觀望鐸秉性忠正詔屢敦促命赴貴州按事遂由黔
入滇僅從僕數人在途或以危詞相怵不之顧同治元年九月抵任治鄧有恒
被戕之獄何有保已前死捕兇犯誅之見撫局初定省城稍安屢密疏陳徐之
銘尚能撫回被劾各款請俟張亮基到後會同查辦又云馬如龍求撫出於誠
心岑毓英硬直有戰功加以閱歷乃有用之材鐸意欲因勢利導徐圖補救於
是詔亮基移署貴州巡撫滇事專責鐸與之銘蓋顧慮之也回人掌教馬德新
之銘所詔事初見鐸貌為恭順後漸跋扈武職多越級僭用翎頂之銘所擅賞
鐸面斥之元新營參將梁士美乃臨安土豪不與回教聯和馬如龍督欲勦滅

清史稿

列傳一百八十三

三

鐸不可強出師與岑毓英同敗歸欲添調兵練鐸復阻之回紳田慶餘議設公
局通省糧賦稅釐悉歸之文武職官亦由公舉鐸以非政體斥止由是馬如龍
等皆不悅馬榮者迤西回酋杜文秀之黨之銘檄署武定營參將二年正月榮
忽率二千人至省城踞五華書院鐸令出邊延三日乃親往諭遣榮抗恣不聽
其所部回練遠擯刺鐸殞罵不絕口雲南知府黃培林昆明知縣崔怡曾同
被害榮遂縱兵大掠官衙民居悉徧惟岑毓英勒兵守藩署之銘遁往潛匿越
兩日毓英始殮鐸尸回衆擁馬德新為總督馬如龍在臨安聞警馳至馬榮已
率衆攜所掠散去如龍殺餘匪數十人及附亂者百餘謂馬德新不當為總督
取關防授之銘兼署之銘以巡撫讓如龍如龍不受遂令署提督一切拱手聽
之事聞詔嘉鐸萬里赴滇不避艱險見危授命大節凜然依總督陣亡例賜卹
贈太子太保子騎都尉兼雲騎尉世職入祀雲南昭忠祠諡忠毅子四人並錄
授京職富鐸之親諭馬榮也約之銘同往竟不至事定疏奏諡為杜文秀勾結
武定匪犯省城又諱匿馬榮委署參將事論者謂榮之為亂之銘實與知之於

是覆之銘職聽候治罪授勞崇光總督賈洪詔巡撫皆不能至雲南軍事分隸
於馬如龍岑毓英崇光駐貴陽遙制之至五年始入滇履任馬榮已先為如龍
等勦除之銘亦死迄未就逮云鄧爾恆字子久江蘇江甯人總督廷楨子道光
十三年進士選庶吉士授編修出為湖南辰州府知府父憂服闋補雲南曲靖
府平尋旬叛回馬一花彌勒土匪吳美朱順招撫昆陽回匪甚有聲績擢鹽法
道累遷按察使布政使咸豐十一年擢貴州巡撫未行調陝西徐之銘祖回營
將多與通副將何有保者之銘私人尤不法慮爾恆入覲發其罪諷有保害之
以滅口爾恆行次曲靖宿於知府署有保使其黨史榮戴玉棠偽為盜戕之掠
其行囊有保索所劫物不得執拷二人玉棠潛逸糾黨攻殺有保鐸至禽二人
誅之詔爾恆依陣亡例賜卹予騎都尉世職諡文愷

清史稿

列傳一百八十三

四

駐豈非以資鈔制備不虞哉然推諉牽掣因之而生甚且傾軋成釁貽禍封疆
楚演覆轍蓋其昭著者也至光緒中其制始改焉

清史稿

陸建瀛

青雲

列傳一百八十四

何桂清

陸建瀛字立夫湖北沔陽人道光二年進士選庶吉士授編修直上書房海運中尤大考擢侍講侍讀二十年出為直隸天津道累擢布政使時英吉利擾浙江沿海戒嚴徵西北兵聚畿輔建瀛供防軍處善後皆應機宜所歷有名績二十六年擢雲南巡撫俄調江蘇先是南漕缺額部議設局江蘇官民捐米運京以裕倉儲當陶澍撫蘇即以漕河費巨病國議行海運官吏爭撓之暫行罷至是建瀛與兩江總督壁昌主海運甚力合言其便議蘇州松江太倉白糧改由海運從之後復推至常鎮諸府二十九年廷臣會議南漕改折建瀛與總督李星沅極言其窒礙事遂不行擢兩江總督值大水民饑招徠米商籌議撫卹並疏消積水請籌撥帑一百五十萬備賑吳城六堡河決阻運命借侍郎福濟往勘疏陳通籌湖河大勢添塘避廬對壩逼溜攻刷海口各事宜並如議行

清史稿

列傳一百八十四

淮鹽積敝自陶澍創改淮北為票鹽稍蘇息而淮南擅鹽利久官吏衣食於鹽商無肯議改者建瀛悉其弊會淮南鹽大火於武昌官商折閱數百萬課大虧引滯庫絀三十年乃疏請立限清查運庫並統籌淮南大局改訂新章十條務在以輕本敵私力裁繁文浮費鴻臚寺少卿劉良駒亦請變通淮南舊章仿准北行票法與建瀛所議同方施行矣而給事中曹履泰奏請復根窩舊制御史周炳鑑言淮南改票不便併下建瀛議覆疏辨駁詳至文宗題之詔綜輯全局除弊興利以裨國計建瀛議於揚州設局收納以清運署需索之源於九江等處驗發以清楚西岸費之源正雜錢糧並納則課額不虧新舊商販一體則引額無缺竊私場私專責江蘇兩江私隣私兼責各省而以徠商販積帑賦自總其成由是奪官吏中飽歲百餘萬甚謗建瀛自發舒不之恤朝廷信任益專命有掣肘撓法者罪之湖北鹽道鄒之玉沿用整輪江西鹽道慶雲強索月給湖北同知勞光泰作移岸三論刊板傳播並劾罷之咸豐元年河決豐北命建瀛往勘奏請以工代賑借南河總督楊以增督工二年以盛漲停工降四

品頂戴是年秋粵匪洪秀全犯湖南越洞庭而北勢張甚建瀛猶在豐工疏上

戰守事宜文宗嘉之諭以審度軍情如須親往可速籌方略不遠制既而漢陽武昌相繼陷十二月復建瀛頭品頂戴授欽差大臣督師赴九江上游扼守建瀛由工次還江寧徵調倉猝三年正月賊乘武昌蔽江東下建瀛欲行或謂賊鋒銳難驟當建瀛尚輕之檄壽春鎮總兵恩長為翼長領標兵二千當前鋒自率兵千餘進次九江恩長猝與賊遇戰死江中師大潰建瀛遂遠潰卒自收狀從兵盡散江西巡撫張芾壁九江亦引軍退走賊遂陷九江建瀛駕小舟經小孤山不敢留過安慶巡撫蔣文慶邀之不入徑回江寧收蕪湖太平兵屯東西梁山閉城為守禦計布政使祁宿藻故不滿建瀛面責之將軍祥厚兵防內城無任戰守者建瀛大窘稱疾謝客者三日於是祥厚宿藻等疏勸建瀛棄險失機進退無據並及江蘇巡撫楊文定違旨去江寧上大怒諭曰陸建瀛一戰兵潰不知收合餘燼與向榮大軍協力攻擊並不力守小孤山扼賊入皖之路又不親督兵據守東西梁山以障金陵倉皇避歸一籌莫展以致會垣驚擾士民

清史稿

列傳一百八十四

播遷楊文定辭調出省張皇自全罪均難道建瀛已革職交祥厚拿問解刑部治罪尋籍其家革其子刑部員外郎鍾漢職時建瀛收兵乘城閱十三日城破遇害事聞詔建瀛尚不失城亡與亡之義復總督銜如例議卹並還其家產御史方俊論之乃撤卹典建瀛才敏任事喜賓禮名流又善事要津多為延譽由是聞望竊起朝寄日隆乃昧於軍旅略無宿備一敗失措名城陷為賊窟糜爛東南遂獨攬天下之重咎云子鍾漢後官江蘇知府咸豐十年在軍治糧餉遇賊江陰死之贈太僕寺卿楊文定安徽定遠人道光十三年進士由刑部主事洊升郎中出為廣東惠潮嘉道累擢江蘇巡撫咸豐三年文定奏江南兵力柔脆節經徵調城內兵單請濟師命山東兵二千赴援未至奉命守江寧聞建瀛兵敗退守鎮江甯甯陷賊分黨犯鎮江副都統文藝集兵七百守陸路文定自率艇船八艘板十二泊江中賊至不能禦鎮江復陷退江陰詔革職逮治論大辟六年減死遺戍軍臺尋歿

青雲字墨卿閩門氏滿洲正白旗人道光二十一年進士選庶吉士授編修遷

中允大考二等擢侍講五遷至內閣學士督江蘇學政有聲咸豐二年擢戶部侍郎學政任滿命督催豐北塞決工程三年回京復出督湖北學政調禮部侍郎時粵匪由江西回竄湖北青寧按試德安聞警停試督率知府易容之壽鄉勇籌防守府城獲全疏陳軍事請湖北江西安徽三省合剿以期得力四年授湖北巡撫城中兵僅千人荆州將軍台湧署總督未至而賊由黃州進至漢陽漢口渡江欲撲武昌青寧督總兵楊昌泗游擊侯鳳岐與副都統魁玉水陸合擊却之復敗之豹子海魯家港毀賊壘五已而賊撲塘角鮎魚套逼攻省城青寧出武勝門督戰城中忽火起土匪內應兵盡潰遂失守青寧將自經衆擁之趨長沙折赴荆州初文宗聞其出家資犒軍甚嘉之至是憤武昌屢失棄城越境罪尤重詔曰青寧簡任封圻正當賊匪充斥武昌兵單餉匱朕以其任學政時保守德安念其勤勞界以重任省垣布置屢次擊賊獲勝八十餘日之中困苦艱難所奏原無虛假朕方嚴催援兵接應六月初間魁玉楊昌泗等連破賊營但能激厲力戰何致遠陷嬰城固守解圍有日猶將宥過論功縱力盡捐軀

清史稿

列傳一百八十四

三

衷忠有與豈不心迹光明乃倉皇遠避徑赴長沙直是棄城而逃長沙非所轄之地越境偷生何詞以解若再加寬典是疆臣守土之責幾成具文何以對死事諸臣耶朕賞罰一秉大公豈能以前此微勞稍從末減俟到荆州時交官文傳旨正法遂棄市逾數月曾國藩復武昌奉命查歷任督撫功罪疏言武昌再陷實因崇綸台湧多方貽誤百姓恨之極稱吳文鎔忠勤愛國於青寧亦多恕辭查文鎔既沒青寧幫辦軍務崇綸百端阻礙求弁兵以護衛不與請銀兩以製械不與或軍務不使聞知或經旬不得相見自賊踞漢陽漢口縱橫蹂躪廬舍蕩然百姓尙恃有青寧督兵驅逐出示憐民崇綸則並此無之矣疏入乃斥罷台湧論崇綸罪崇綸喜塔臘氏滿洲正黃旗人山內閣貼寫中書充軍機章京海升侍讀出爲陝西鳳邠道調直隸永定河道歷雲南按察使廣東布政使咸豐二年擢湖北巡撫時武昌方爲賊踞次年春賊棄武漢東下分擾江甯江西崇綸始抵任既而賊復上竄陷興國州田家鎮進黃州崇綸疏言武漢民遷市絕餉乏兵單請移內就外以勦爲先未幾賊犯漢陽武昌總督吳文鎔初

至與崇綸意相廷及賊退崇綸遂以閉城株守劾之文宗慮兩人不能和衷且值事命文鎔出勦而責崇綸防守文鎔率師薄黃州崇綸運餉餉械不以時惟促速戰四年正月文鎔兵敗死之崇綸自請出勦謀脫身走避文宗燭其隱不許會丁憂青寧代之仍命崇綸留湖北協防又以病乞罷上怒視其職六月武昌陷崇綸先一日出走徑往陝西及曾國藩論勦命速治服毒自盡以病故聞何桂清字根雲雲南昆明人道光十五年進士選庶吉士授編修遷贊善直南書房五遷至內閣學士二十八年擢兵部侍郎以憂去服闋補原官調戶部咸豐二年督江蘇學政粵匪擾江南桂清疏陳兵事勦疆吏異與偵事侃侃無所避文宗奇之四年調倉場侍郎旋授浙江巡撫自賊踞江甯東南震動安徽徽州寧國二府爲浙江屏蔽桂清嚴防要隘別遣一軍屯守黃池扼蘇浙之衝賊來犯會提督鄧繼良擊卻之五年檄道員徐榮勳賊夥石埭戰頗利賊衆大至徵勇潰走榮衆寡不敵遂戰歿桂清因言徽浙唇齒宜主客一心事乃濟疏入諭戒地方官吏不分畛域時賊陷徽州各屬桂清檄知府石景芬副將魁齡

清史稿

列傳一百八十四

四

等攻復徽州府城及休寧分布所部於昌化於潛淳安杜賊來路安徽巡撫時移駐廬州徵甯二郡懸絕江南不能遙制命桂清兼轄之江西賊侵入浙境陷開化犯遂安桂清檄鄧紹良等合擊之賊退徽境周天受石景芬等連復夥縣石埭桂清疏請添改鎮道員缺俾專責成以石景芬爲徵甯池太道豫祺爲總兵不得力復以江長貴易之又用桂清議命前侍郎張芾駐皖南治團練督辦徵甯防務尋命兼顧浙江衢嚴兩郡與桂清協力制賊六年檄鄧紹良秦如虎都興阿等合攻甯國別遣江長貴擊賊賊之襲太平者連捷克甯國府城朝廷益嘉桂清思大用之杭州知府王有齡最爲桂清倚用擢權運泉兩篆爲通判徐徵許控桂清覆奏辭悻悻被詰責遂以病乞罷詔慰留之會兩江總督怡良解職文宗以籌餉事重難其人大學士彭蘊章薦桂清餉徵軍無闕可勝任七年春命以二品頂戴署兩江總督尋實授力薦王有齡擢任江蘇布政使專倚餉事江甯久爲賊窟總督駐常州軍事由將軍和春主之而提督張國樑爲幫辦前督怡良但任餉餉而已桂清屢疏陳方略稱旨諭飭和春和衷商酌是

年冬克鎮江以濟餉功加太子少保十年春又因克九洑洲晉太子太保桂清意氣發舒倚畀益重甚負時望大軍屢捷合圍江甯賊勢窘蹙四出求援僞忠王李秀成乃謀竄浙分大軍之勢由安徽廣德徑趨杭州倉猝城陷惟將軍瑞昌守駐防內城未下詔促桂清和春遣軍速援於是檄提督張玉良率兵馳赴至則內外夾擊賊遽走臨安孝豐安吉諸城相繼復詔嘉桂清功予優敘時賊已圍金壇陷江陰遣總兵馬得昭熊天喜曾秉忠副將劉成元水陸分路禦賊兵分益單賊乃合衆十餘萬出建平東壩一由東壩趨江甯一由溧陽窺常州桂清聞之幾失所措會馬得昭周天孚分援蘇常賊已趨金壇陷句容句容爲大營後路自此隔絕張玉良回軍抵常州和春飛檄調援大營桂清留勿遣復調馬得昭亦莫之應王有齡已擢浙江巡撫貽書桂清戒勿離常州一步且曰事棘時危身爲大臣萬目睽睽視以動止一舉足則人心瓦解矣蓋規之也會大兩雪大營兵凍餒索餉不得乃譟亂相率盡潰和春張國樑退守丹陽桂清疏陳丹陽以上軍務和春張國樑主之常州軍務臣與張玉良主之部署稍定

清史稿

列傳一百八十四

五

卽進規溧陽而賊已逕犯丹陽國樑死之和春奔常州桂清大驚總理糧臺查文經等希其意請退保蘇州桂清卽疏陳軍事付和春自駐蘇州籌餉將行常州紳民塞道請留從者槍擊死十餘人始得脫張玉良留守尋亦走士民登陴數日城陷屠焉桂清至蘇州巡撫徐有壬拒勿納疏劾其棄城喪師狀和春退至無錫傷殞桂清託言借外兵遂之上海蘇州亦陷有壬殉之遺疏再劾桂清詔褫職逮京治罪會各國聯軍犯京師軍駕幸熱河遷延兩年王有齡及江蘇巡撫薛煥皆其故吏疊疏爲乞恩不許言官數劾奏同治元年始就逮下獄獄擬斬監候大學士祁寯藻等十七人上疏論救尙書李棠階力爭諫乃定桂清按司道稟牘爲詞下曾國藩察奏國藩疏言疆吏以城守爲大節不宜以僚屬一言爲進止大臣以心迹定罪不必以公稟有無爲權衡是冬遂棄市桂清由侍從出任疆事才識明敏在兩江值英吉利構釁迭陳應付之策借大學士桂良等議稅則多中肯綮亦不能盡用其言晚節敗裂誤國殄民雖廷議多有袒之者卒難挽公論云

論曰陸建瀛何桂清皆以才敏負一時之望膺江表重寄建瀛當軍事初起不能預有規畫臨事倉皇桂清無料敵之明又失效死之節二人者身名俱隕罪實難辭青燐受事於危急之秋艱難支柱終以越境被誅論者猶有恕詞焉

清史稿

列傳一百八十四

六

清史稿

列傳一百八十五

宗室祥厚 瑞昌

宗室祥厚隸鎮江都尉世職授鑾儀衛整儀尉累擢鎮江都尉副都統歷山海關熊岳金州副都統道光二十八年擢江寧將軍咸豐三年正月粵匪既陷武昌兩江總督陸建瀛赴上游督師祥厚偕江蘇巡撫楊文定留守江寧賊已蔽江而下壽春鎮總兵恩長戰歿建瀛遽退文定亦不候旨逕赴鎮江祥厚偕副都統霍隆武提督福珠洪阿布政使祁宿藻疏言督臣藉口江寧喫緊趕回布置沿途險要並不屯紮上駛師船一概撤回專守水路之東西梁山蕪湖為江蘇門戶亦不設防十八日隻身抵省遂致圍城驚擾臣等函勸速統舟師迎擊乃督臣晏坐衙齋三日不覆撫臣執意移駐鎮江挽留不顧民情加倍驚惶自今固結民心尚恐緩急難恃若任其紛紛遷徙土匪因而竊發奸細尤易勾結是未禦外侮將成內變見在督撫臣首鼠兩端進退無據以致省城

清史稿

列傳一百八十五

震動雖有旗兵志切同仇無如兵力太單賊船順流下竄朝發夕至守禦萬分緊迫督同道府等官及八旗協領激勵官兵安慰居民竭盡血誠認真辦理請飭琦善陳金綬迅速繞出賊前協力堵剿以固省城根本維持南北大局疏入詔速建瀛治罪命祥厚兼署總督與霍隆武福珠洪阿祁宿藻悉心防禦以在籍前廣西巡撫鄒鳴鶴熱悉賊情命同籌辦江寧城周九十六里合旗漢兵僅五千城外江寧鎮龍江關上河分駐鄉勇不及三千臨時召募皆不足恃賊過蕪湖福山鎮總兵陳勝元率舟師戰歿遂無禦者長驅直抵城下四面環攻守逾旬賊於儀鳳門穴地轟城傾十餘丈復由水西門南門門梯而登城遂陷祥厚偕霍隆武欽兵守駐防城婦女皆助戰逾日亦陷祥厚手刃數賊身被數十創死之事聞贈太子太保子二等輕車都尉世職諡忠勇入祀京師昭忠祠於江寧建專祠死者附祀焉霍隆武鈕祜祿氏滿洲鑲黃旗人福州駐防由武舉前鋒校歷官福建水師旅營協領咸豐元年擢江寧副都統賊圍城借祥厚登陴固守歷十餘晝夜外城陷同守內城策馬督戰受傷墮力竭陣亡

贈都統子騎都尉兼雲騎尉世職諡果毅當時駐防旗兵戰最力錫齡額者事母孝將軍本智異之擢為參領曰求忠臣必於孝子之門事急戒其妻國家養無所報脫不利富圍門死自守城即不返家舉室皆殉炳元官佐領勇力冠軍儀鳳門之陷率死士奮鬪賊為之卻忽有狙擊者殞於陣賊破內城屠戮尤慘男婦幾無子遺福珠洪阿蘇完瓜爾佳氏滿洲正黃旗人副都統佛安子由鑾儀衛整儀尉累擢總兵歷鎮守伊犁西甯天津諸鎮道光末授江南提督調陝西粵匪起江南籌防仍調回舊任駐守省城所部兵僅數百人地雷發迎擊於城缺斬悍賊而諸門先後破賊四面至往來巷戰死之贈太子少保子二等輕車都尉世職設壯敏恩長赫舍里氏滿洲鑲紅旗人由親軍十五善射累遷安徽甯國營副將道光中治江防被獎累擢壽春鎮總兵初率兵守安慶陸建瀛赴九江上游調充翼長為軍鋒與賊戰江中燬賊船三十餘艘衆寡不敵死之贈提督子騎都尉兼雲騎尉世職設武壯陳勝元福建同安人由行伍歷官福建參將捕洋盜有功累擢江南福山鎮總兵率水師防江賊至太平四合山

清史稿

列傳一百八十五

迎擊追至蕪湖中礮落水死之贈提督子騎都尉世職諡剛勇祁宿藻字幼章山西齊陽人大學士宿藻弟也道光十八年進士選庶吉士授編修以召對受宣宗知特簡授湖北黃州知府調武昌連年大水城幾沒堵禦獲全治急賑煮粥施錢及衣棺藥餌全活災民甚衆政聲最超擢廣東鹽運使遷按察使又遷湖南布政使會韶州數縣土匪起詔留宿藻督兵往剿七戰皆捷匪首就禽事平賜花翎調江南布政使咸豐元年河決豐北山東江北皆被水大學士杜受田奉命臨賑疏請以宿藻督辦江北賑務章程出其手定奏頒兩省行之及粵匪將東下宿藻馳返江南括庫儲治軍械盡移兵精及南門外商市圍米入城號召義勇之士備戰守見督撫倉皇失措各存意見勸諫不聽乃偕祥厚等密疏上開建瀛既被罪失衆心宿藻獨任事賊至力疾登陴指揮歷三晝夜城大兵單援師不至知事不可為在城上嘔血數升卒文宗悼惜加等優卹贈右都御史廢一子以知州用同治初江南平兄蕪藻遺孀其遺孀得之城北僻地曾國藩以聞請附祀祥厚專祠追諡文節當城陷時署布政使鹽運道涂文鈞江

安糧道陳克讓江甯知府魏亨達同知承恩通判程文榮上元知縣劉同縷江甯知縣張行澍同死之克讓奉天承德人道光三年進士吏部主事累擢四川綏遠知府調成都咸豐元年擢江安糧道居官清正賊將至或勸以督運出克讓曰江甯東南都會失則大局危去將焉往又請徒其孥其妻泣曰去為民望不如死宿瘼死而不瞑克讓撫之曰庫尚有儲金當募死士以成君志克讓守清涼山督兵戰殞於陣弟克誠子松恩同遇害妻李自經死賜卹予騎都尉世職本籍請建專祠追諡忠節同縷江西石城人拔貢歷官鹽城泰興江浦上元六合江甯諸縣皆有聲江甯治防儲糧練團胥賴其力賊初至假向榮書請入城同縷察其詐却之賊裂城率死士禦擊復完及城陷賊絕命詞投水死卹典加等贈道銜設武烈

瑞昌字雲開鈕祜祿氏滿洲鑲黃旗人六世祖教德以軍功予騎都尉世職瑞昌由拜唐阿授參儀衛整儀尉累遷冠軍使道光二十九年擢正白旗漢軍副都統歷金州吉林副都統咸豐三年擢杭州將軍未之任率盛京兵赴淮徐專

清史稿

列傳一百八十五

三

辦山東防剿尋從僧格林沁勝保剿賊畿輔四年連戰靜海河間東光五年會攻連鎮扼河西毀賊巢木城賊首林鳳祥就禽被詔嘉獎命赴本任十年二月粵匪由廣德入浙境省城兵單分防湖州孝豐餘杭賊分股突犯杭州瑞昌令副都統來存出武林門禦之自守錢塘門偕巡撫羅遵殿布置甯定賊已膺至縱火撲城越十日地雷發城陷瑞昌率旗兵迎擊於湧金門殺傷相當退守駐防子城賊屢攻力拒却之相持六日會張玉良率援兵至夾擊賊棄城走遂復杭州特詔嘉獎賜黃馬褂予二等輕車都尉世職既而江南大營潰常蘇兩郡陷張玉良以罪黜命瑞昌總統江南諸軍江長貴副之規復蘇州而賊已陷長興武康復諭先順杭城再圍進取嘉興尋為賊踞命瑞昌督張玉良往攻亦未果十月賊陷富陽餘杭復撲杭州瑞昌親督副都統傑純副將吳再升擊走之十一年賊勢益張由嘉興進陷石門湖州亦被圍浙東諸郡相繼失守自紹興為賊踞杭州愈危遂被圍瑞昌偕巡撫王有齡嬰城固守逾兩月張玉良戰城下傷殞軍心益渙外援不至糧道皆絕瑞昌憂憤成疾旗兵精壯多傷亡乃集

將校誓死報國家給火藥及城陷瑞昌先舉火自焚圍營次第火起同死者杭州副都統關福及江蘇糧儲道赫特赫納以下男婦四千餘人事聞詔優卹贈太子太保晉一等輕車都尉世職諡忠壯入祀京師昭忠祠杭州建專祠死事者附祀焉同治三年杭州復左宗棠奏瑞昌妻吳於城破時擊兩幼子結成緒恩出走失散事定尋得緒恩護送回京詔念瑞昌忠烈命本旗傳交其長子內閣中書緒光收養飭宗棠購訪緒成下落迄未得後以兩世職併為三等子爵傑純布庫魯氏蒙古正白旗人杭州駐防山驍騎校累遷協領忠勇得士心為瑞昌所倚杭州初破瑞昌欲自剄傑純與副都統來存言賊以偏師疾至未有後繼猶可力保駐防城以待外援瑞昌從之乃登陴守禦傑純當武林門日與賊戰長子前鋒校納蘇輝陣亡不之顧殮其屍不哭曰汝先得所歸矣及援兵至怒馬突出賊披靡追擊出城十里外以復城功賜花翎擢甯夏副都統留浙協同團練大臣統率練勇出省復富陽是年冬賊復犯杭州迎剿於觀音橋手刃數賊率西湖水勇截擊斬賊甚眾又連破撲城之賊追至留下進克餘杭賜

清史稿

列傳一百八十五

四

號額騰伊巴圖魯調授乍浦副都統仍留防省城十一年城再陷傑純戰一晝夜所部傷亡略盡遣次子出避以存宗祀聞門自焚獨策馬入賊陣死之詔嘉其一門忠烈依都統例賜卹予騎都尉兼雲騎尉世職杭州乍浦並建專祠子婦孫僕皆附祀後復加恩入祀京師昭忠祠諡果毅擢次子固魯銜知府改歸京旗錫齡阿扎哈蘇氏蒙古正白旗人荆州駐防以佐領率兵從戰沔陽監利潛江應城漢陽宜昌積功累擢福州副都統調乍浦副都統十一年賊來犯督兵出戰城中內應起折回巷戰全軍皆沒與兩子榮輝榮耀同殞於陣贈都統銜予騎都尉兼雲騎尉世職設武烈入祀京師昭忠祠嗣以荆州紳民感念保境功請建專祠子榮輝榮耀並予雲騎尉世職論曰清制行省要區置旗兵駐防其尤重都會兵額多者以將軍領之蓋監制疆臣備不虞也承平恬嬉非復國初勁旅小有變動可資鎮懾鉅寇燎原力不足以禦之江南之失誤於陸建瀛不預設防詳厚倉猝專任以孤城當方張之寇甯有倖焉杭州初陷賊僅偏師故瑞昌能守內城以待援及蘇常既失輔車

無依終不能保大勢然也然二人者皆能以忠義激勵城亡與亡婦嬰皆知效死烈已而宿孺孤忠盡碎傑純智勇能軍並一時傑出之才矣固同燼世尤惜之

清史稿

列傳一百八十五

五

清史稿

列傳一百八十六

呂賢基

鄒鳴鶴

戴熙

張芾

黃琮

馮培元

孫銘恩

沈炳垣

張錫庚

呂賢基字鶴田安徽旌德人道光十五年進士選庶吉士授編修遷御史給事中持正敢言數論時政得失多所採用文宗即位應詔上封事請懲聖學正人心育人才恤民隱尤被嘉納遷鴻臚寺卿咸豐元年超擢工部侍郎二年以時事可危疏請下詔求言略曰粵西會匪滋事二年以來命將出師尙無成效甚至圍攻省城大肆猖獗南河豐工未能合龍重連阻滯災民屯聚在在堪虞河工費五百萬軍需費一千餘萬部臣束手無措必致掎肘股削邦本愈搖今日事勢譬之於病元氣血脈枯竭已甚外邪又熾若再諱疾忌醫愈難為救惟有

清史稿

列傳一百八十六

開通喉舌廣覓良方庶可補救萬一請特旨令大小臣工悉去忌諱一改泄沓之故習各抒所見以期集思廣益疏入諭部院大臣九卿科道有言責者各據見聞直言無隱三年正月命賢基馳赴安徽會同巡撫蔣文慶及周天爵辦理防勦事宜賢基疏言江寧以東西梁山為要隘必先扼守廬州為江淮門戶宜令重臣駐紮巢湖出江當梁山上游地方匪徒宜招撫免為賊用且可與梁山為犄角上嘉納不及施行而安慶江寧先後陷奏調給事中袁甲三知府趙昉幫辦團練防勦又調編修李鴻章等襄軍事借周天爵疏言事當分任團練專令殲除土匪收令守本境統帥勦賊不得遠駐百里之外以免推諉上聽之安徽境內無大枝勁旅團練亦散漫無可恃七月湖北敗賊竄陷英山擾太湖分犯洪家埠賢基檄游擊廣音太伍登庸擊走之八月賊復自江西竄踞安慶賢基赴舒城桐城勦勢團練為官軍聲援廣音太伍登庸戰歿於集賢關賊犯桐城紳士馬三俊率練勇迎戰失利遂失守已革按察使張熙宇退駐大關賢基抗疏劾之時方駐舒城或告以無守土責未轄一兵賊鋒甚銳可退守以圖再

舉賢基曰奉命治鄉兵殺賊當以死報國敢避寇倖免乎十月賊至登陴守禦城陷死之文宗初聞舒城失守即日賢基素懷忠義必能大節無虧及奏上深悼惜之贈尚書銜加恩於舒城建專祠擢其子編修錦文以待釐用賜銀三千兩命錦文即日回籍治喪子騎都尉世職祀京師及本籍府城昭忠祠後安徽請祀鄉賢特諭賢基品行端正居官忠直名副其實即報可

鄒鳴鶴字鍾泉江蘇無錫人道光二年進士雲南即用知縣親老告近改發河南署新鄭補羅山有惠政母喪去官巡撫程祖洛疏陳鳴鶴政績羅山紳民籲請保留河南特旨允俟服闋以南汝陳光四府州所屬酌補選缺異數也尋補光山調祥符擢蘭儀廳河工同知護開歸陳許道以治河勞晉秩知府歷衛輝陳州開封道光二十一年河決祥符水圍省城鳴鶴露宿城上盡力堵禦有議遷省城於洛陽者鳴鶴上議有六不可欽差大臣王鼎等據以疏陳乃決議堅守凡歷七十餘日水退城安論功晉秩道員二十三年河決中牟職留工工竣復原官仍在工效力丁生母憂服闋署彰衛懷道尋授江西督糧道文宗即

清史稿

列傳一百八十六

二

位詔舉賢才戶部侍郎侯桐兩江總督陸建瀛交章以鳴鶴薦順天府尹咸豐元年擢廣西巡撫匪亂方熾大學士賽尚阿督軍事鳴鶴課吏治治團練撫恤被兵災民二年賊由永安突犯桂林城中兵僅千人倉猝防禦提督向榮馳援民心始定總兵秦定三等續至鳴鶴以諸軍無所統屬自請督戰分遣諸將擊賊相持月餘賊百計攻城屢卻賊遂分竄賽尚阿促向榮追擊鳴鶴堅留防賊回竄互疏爭賊尋陷興安全州入湖南詔讓鳴鶴職以守城功免治罪洎回籍賊已陷武昌三年正月陸建瀛赴九江督師疏請起鳴鶴籌辦沿江防務已病或沮其行曰此吾補過報國之日也建瀛旋退江甯獲罪命鳴鶴與將軍祥厚等籌商守禦建瀛見其病甚欲為奏請還家養病鳴鶴不可及江甯陷書絕命詞曰臣力難圖報稱臣心仰答九重三次守城盡節庶幾全始全終遣人持付其子自率隊出至三山街賊見識之曰此守桂林之鄒巡撫也呼其名詬之鳴鶴亦罵不絕口被支解而死事聞贈道銜賜卹同治初江南既平曾國藩疏陳鳴鶴生平政績及殉節狀請加恩優卹御史朱震言鳴鶴墮民居遇害非臨

陣捐軀者比請罷之編修朱福基等復以鳴鶴被難聞見各殊呈請下兩江總督馬新貽確查新貽覆奏紳耆咸稱鳴鶴協同防守誓以身殉賊被戕無避匿民居之事詔依巡撫例議卹子騎都尉兼雲騎尉世職壯節後祀河南名宦祠

戴熙字醇士浙江錢塘人道光十二年進士選庶吉士授編修大考二等擢贊善遷中允十八年入直南書房督廣東學政任滿請終養二十五年服闋未補官復督廣東學政累遷內閣學士二十八年授兵部侍郎仍直南書房先是廣東因士民阻英人入城相持者數年至二十九年英人傾於民怒暫罷議宜宗嘉悅以為奇功錫封總督徐廣縉子爵巡撫葉名琛男爵會熙召對論及之熙言廣東民風素所諳悉督撫所奏恐涉鋪張非可終恃上不憚尋命書扇有帖體字傳旨申飭越日命南書房書扁額內監傳諭指派同直張錫庚戒勿交寫誤字之戴熙未幾罷其入直熙知眷衰稱病請開缺上登怒降三品京堂休致咸豐初詔舉人才尚書孫瑞珍以熙薦召來京候簡用因病未至粵匪踞江甯

清史稿

列傳一百八十六

三

浙江戒嚴借官紳勸諭捐輸舉行團練八年粵匪由江西擾浙東熙助巡撫晏端書籌調兵食乞援隣境援師至賊未得逞漸退以治團練勞加二品頂戴杭州初有民兵八百人又選鋒數百事緩以資緝減少十年粵匪由安徽廣德入浙連陷數縣犯湖州武康熙以所部練勇付按察使段光清會旗兵防獨松千秋等關賊至斂兵入城守熙謂用兵無獨守孤城之理宜分營城外相犄角又議乘賊初至迎擊皆未行熙與弟壽助守西北隅賊斃黃衣賊一人賊遽退匿山後衆謂賊且遁熙料其詐偵之果轉赴西南晝夜環攻久兩兵疲賊於宋鎮湖門故址穴地轟城遂陷熙赴水死之弟煦媳金及甥王朝榮同殉事聞贈尚書銜建專祠子騎都尉兼雲騎尉世職設文節弟煦精算學自有傳熙雅尚絕俗尤善畫當視學廣東陸辭宣宗諭曰古人之作畫須行萬里路此行徧歷山川畫當益進其見重如此後以直言黜及殉節遂益為世重同時湯貽汾畫負盛名與熙相匹亦殉江甯之難同以忠義顯世稱戴湯云貽汾字兩生江蘇武進人祖大奎官福建鳳山知縣守城殉節父苟業同死見忠義傳貽汾少

有雋才家貧以難廢襲世職授守備累擢浙江樂清協副將歷官治軍捕盜有聲尚氣節工詩畫政績文章為時重晚辭官僑居江甯及粵匪熾始汾見時事日亟語人曰吾年七十有七家世忠孝脫有不幸惟當致命遂志以見先人江甯籌防大吏每有咨詢盡言贊畫城陷從容賦絕命詞赴水死事聞文宗以其三世死事特詔優卹加一雲騎尉諡貞愍

張市字小浦陝西涇陽人道光十五年進士選庶吉士授編修累遷庶子直南書房大考一等擢少詹事超遷內閣學士督江蘇學政二十五年授工部侍郎任滿回京仍直南書房調吏部二十九年督江西學政文宗即位應詔陳言請明黜陟寬出納禁靡費重海防上嘉納命按巡撫陳阡被劾各款得實罷之阡亦許市收受陋規詔免議咸豐二年調刑部侍郎任滿留署江西巡撫尋實授時粵匪方圍長沙詔市偕在籍尚書陳孚恩籌防未幾岳州陷市駐守九江三年正月總督陸建瀛至九江市移守瑞昌賊來犯擊走之而九江遂陷革職留任退守南昌賊既踞江甯分股派江而上市奏調湖北按察使江忠源來援甫

清史稿 列傳一百八十六 四

至而賊船直抵城下市率官紳嬰城固守賊穴道轟城壞而復完總兵馬濟美戰歿城外賴江忠源迭戰卻賊被圍凡三閱月賊乃東走由九江起安徽市以守城勞復原官奏獎將吏猥多部議駁減市疏爭嚴旨切責會因截留演說銅鉛銀又陳孚恩被劫市為申辨上怒視市職市既罷道梗不得歸僑居紹興賊窺徽害急巡撫駐廬州不能兼顧侍郎王茂蔭薦市乃命交和春福濟差遣市至練團勸捐以千人守徽州提督鄧紹良總兵江長貴分扼要隘五年復休甯石埭予六品頂戴六年賊擾婺源祁門連破之於七里橋屯溪口徽境得安加五品頂戴是年冬賊復出江西竄踞休甯擊走之母喪奪情留軍命俟服闋後以三品京堂候補七年鄧紹良戰歿灣沚祁門婺源皆告急遣參將王慶麟破賊於清華街又擊走祁門賊九年復婺源賊西竄授市通政使尋遷左副都御史太平石埭連戰皆捷詔皖南四府一州軍務歸市督辦十年賊復陷涇縣旌德山積溪進犯徽郡市督江長貴及知府蘇式敬道員蕭翰慶連克太平旌德石埭涇縣而賊由江蘇浙江回竄復連陷建平廣德涇縣市先以失機自刻暫

行革職留軍至是復自請治罪遂命以皖南軍事界兩江總督曾國藩召市還京請回籍補持服尤之十一年粵匪捻匪合擾關中起市助治團練禦賊事甫平而回匪亂作連破數州縣逼省城詔市督辦陝西團練會同巡撫瑛榮防勦瑛榮雖備計無所出謂市大臣有厚望諭之宜可解市慨然率數騎往歷高陵臨潼至渭南倉頭頓曉以利害回眾頗感動其曾任老五懼搖眾心瑛榮擁出折辱之市據地大罵不絕口遂被支解時同治元年五月十三日也子師劬往覓遺骸僅得骨數節事聞予騎都尉兼雲騎尉世職諡文毅命於省城倉頭鎮並建專祠隨行遇害之臨潼知縣繆村本山西知縣蔣若訥及家屬在涇陽被害者五十二人從死僕人金榜等六人並附祀賜師劬舉人江西徽州並建專祠後祀江西名宦

黃琮雲南昆明人道光六年進士選庶吉士授編修累擢兵部侍郎以親老乞養回籍咸豐七年雲南回亂方熾命琮偕在籍御史寶瑋治團練時餉絀兵單疆臣主且勦且撫而漢回仇隙素深團練驕悍不聽約束往往撫局將成練勇擅殺降回益紛擾總督吳振斌劾琮及寶瑋辦理失當皆職事稍定振斌疏陳縱容練勇諸事皆出寶瑋主持琮富省城被圍時登陴固守有勞又勸捐出力詔復原官同治二年逆回馬榮詐降入城殺總督潘鐸肆殺掠琮遇害贈右都御史光緒中巡撫潘鼎新為請予諡文潔陶廷杰貴州都勻人嘉慶十九年進士由編修遷御史給事中道光中出為江蘇蘇松糧儲道歷甘肅按察使陝西布政使署巡撫二十五年休致咸豐三年貴州土匪起命廷杰在籍會同地方官辦理團練六年古州黃平都勻先後陷廷杰率團練禦賊死之子騎都尉世職諡文節

清史稿 列傳一百八十六 五

馮培元字因伯浙江仁和人道光二十四年一甲三名進士授編修入直南書房咸豐元年改直上書房授都察院御史二年大考二等擢侍講尋督湖北學政數月中連擢侍講學士光祿寺卿時粵匪已犯長沙人情洶懼培元幼孤家貧母何賢明苦節撫之成立及至湖北將迎養聞岳州陷馳書止母行母報曰如果有變見危授命大節不可奪其遵吾教培元奉書涕泣自矢賊至攻城

培元偕在城文武登陣同守城陷投井死三年正月賊去向榮率兵入城有以告者始出而殮之尸如生事聞文宗以武昌之陷聞城文武殉難卹典特優贈侍郎建專祠予騎都尉世職諡文介後兩子學瀚學澧皆賜舉人

孫銘恩字蘭檢江蘇通州人道光十五年進士選庶吉士授編修累遷詹事丞豐二年與試廣東還京道出九江粵匪已由岳州東下陷漢陽銘恩疏上江防十二事下江南督撫施行三年連擢內閣學士兵部侍郎督安徽學政時安慶已為賊踞故事學政駐太平府銘恩激勵紳民舉行團練捐廉為倡潰兵時至侮官劫市銘恩諭以大義稍定四年以父病請開缺省視會有旨命偕在籍前南河總督潘錫恩防守徽甯銘恩未之知也疏入文宗疑其規避嚴旨切責允其回籍俟假滿以三四品京堂降補未踰月賊犯太平從者請避之銘恩曰城亡與亡以明吾心城陷賊至衣冠坐堂上抗罵被執囚於江甯僕范源從銘恩不食賊脅源勸降源叱之斷其舌同遇害詔嘉其抗節不屈遇害甚慘贈內閣學士入祀京師及安徽江蘇昭忠祠予騎都尉世職諡文節范源同諡卹

清史稿

列傳一百八十六

六

沈炳垣字紫卿浙江海鹽人道光二十五年進士選庶吉士授編修遷中允咸豐四年督廣西學政廣西自洪秀全北犯後羣匪迭起炳垣至與巡撫勞崇光議戰守策崇光深器之七年春按試南甯警報日至居民洶洶避炳垣倡言城險可保條列守禦法捐俸濟餉守三晝夜賊知有備引去潯州陷江路梗塞問道至梧州艇匪陳開等眾數萬突來犯炳垣率知府陳瑞枝等嬰城固守凡三閱月糧盡援絕官吏以炳垣無守土責遣兵衛之出炳垣不可八月城陷仰藥未死賊擁去厚遇之炳垣罵賊求死不得久之乘間為書致巡撫劉長佑請出兵襲城密約城內民夾擊事洩賊恨甚磔而焚之有老卒賭炳垣慘死狀走省城首於官贈內閣學士諡文節建專祠桂林

張錫庚字星白江蘇丹徒人大學士玉書裔孫道光十六年二甲一名進士選庶吉士授編修遷御史擢順天府丞丁父憂服闋補原官疏論綠營冒濫頂名及緝捕諸弊詔下其疏於各直省實力整頓又疏言殿試貢士不限字數聽其發揮刪去頌辭下部議行歷太僕寺卿左副都御史咸豐八年督浙江學政擢

刑部侍郎仍留學政任十年杭州陷而旋復錫庚助城守其子恩然率家屬自焚錫庚以聞予旌卹團練大臣王履謙勸巡撫王有齡籌餉按缺派捐命錫庚訪按錫庚以有齡一月內更易州縣二十餘員非政體請予處分從之十一年任滿代者未至杭州復被圍錫庚同守城城陷或勸之去錫庚曰吾大臣也不可辱國遂自縊賊稱其忠為具棺飲贈尚書銜予騎都尉兼雲騎尉世職祀浙江昭忠祠諡文貞

論曰呂賢基以忠鯁受主知其治兵安徽也志欲大有所為當殘破之餘驟無藉手倉猝殞身文宗惜之鄰鳴鶴久著循聲戴熙亦負清望張希守江西防皖南雖無偉績備歷艱難三人以在籍督紳治團籌防雖久暫不同皆事權不屬或以城亡與亡或以犯難遇害黃琮初因措置失宜獲咎繼亦原之而終不免於難馮培元孫銘恩沈炳垣張錫庚文學之臣職非守土死皆慘烈朝廷報忠之典悉從優渥固不以成敗論已

清史稿

列傳一百八十六

七

清史稿

列傳一百八十七

何桂珍

徐豐玉

溫紹原

金光竝

李孟羣

趙景賢

何桂珍字丹畦雲南師宗人道光十八年進士選庶吉士年甫冠乞假歸發散館授編修督貴州學政入直上書房授學部王讀文宗在潛邸即受知桂珍鄉試出倭仁門與唐鑑曾國藩為師友學以宋儒為宗及文宗即位以所撰大學衍義芻言奏進優詔嘉納敷上疏論時政得失言琦善牛鑑值軍之將不宜任兵事咸豐二年出為福建興泉永道巡防大臣賈楨等奏請開缺留京隨辦城守事宜四年畿輔解嚴授安徽徽甯池太廣道安慶久陷巡撫福濟駐廬州之店埠桂珍所治在江南阻於賊遂留江北徽勇勇從征餉無所出久之得二百人至霍山號召鄉團增為三千人激以忠義破捻匪李兆受於霍城追擊至麻埠進逼流波贖檄商城固始鄉團截其北金寨練勇拒其東自率所部退其西

清史稿

列傳一百八十七

一

兆受大懼與其黨馬超江等同降解散會從萬計民憤呼載道饋糧不絕福濟令桂珍援廬江檄至城已陷馳救不及劾罷職四年曾國藩破賊田家鎮進圍九江桂珍通牒言戰狀國藩以聞袁甲三軍臨淮欲資桂珍兵西與楚師會至蕪水而九江軍失利武昌再陷國藩入江西文報不相聞桂珍乃提孤軍轉戰潛霍間五年春克蕪水英山殲賊首田金爵和春上其功予六品頂戴留駐英山自桂珍受事至是八月僅支餉銀三百兩民團相從者踵至益以李兆受降眾餓不得食五月師遂潰兆受之降也桂珍請福濟釋以官不聽不能無缺望未幾馬超江被殺兆受乞拘仇弗獲則大憲議為超江復仇設位受弔捻黨大集於是安徽河南皆以兆受復叛入告兆受詣桂珍自陳撫慰之稍定會福濟密書屬先發絕其患書由驛遞為兆受所得謂桂珍賣已十月陽置酒伏兵英山小南門外桂珍遂遇害左右四十餘人皆從死事聞依道員陣亡例賜卹贈光祿寺卿子雲騎尉世職同治初江南平曾國藩疏言桂珍率鄉團勦賊饑餓艱難歷人間未有之苦機事不密為叛人所戕天下冤之詔晉世職為騎

都尉子諡文貞建祠英山縣

徐豐玉字石民安徽桐城人父鏞嘉慶十四年進士官至太僕寺卿豐玉少應科舉不遇捐納銓授貴州平遠知州署威寧捕斬大盜總督林則徐嘉異之調黃平苗寨盜魁日保禾聚眾剽掠豐玉清保甲理屯軍請兵會勦巡撫喬用遷慮激變不許既而苗益恣從知府胡林翼往剿保禾通時廣西匪起蔓延貴州境豐玉練民兵入山搜捕多得盜魁誅之雲南巡撫張亮基過黃平悉其狀密疏薦邊郎岱同知署思州府咸豐二年擢湖北黃州知府甫莅任而張亮基調湖南奏調豐玉往襄軍事助守長沙尋從總督徐廣縉赴岳州武昌已陷豐玉請廣縉速移鎮黃州賊賊下竄廣縉不能用得罪去張亮基代之三年擢湖北督糧道署漢黃德道廣濟民變戕縣令黃州知府邵綸及新令鮑開運往撫均遇害豐玉偕按察使江忠源往剿捕斬數百人乃定會粵匪由江寧分竄上游忠源率師援江西亮基令豐玉統湖北防軍駐田家鎮當江北岸後有大山曰黃金塔小山曰磨盤下有河直入江中與南岸牛壁山接山墜水湍舟行必

清史稿

列傳一百八十七

二

循湍繞河乃得過最據形勢豐玉列營諸山於河上聯筏作城列礮以守牛壁山背倚湖湖通與國入湖處曰富池口豐玉欲分營牛壁山上而兵單僅遣兵弁瞭望而已九月賊由南昌退九江遂上犯田家鎮豐玉偕總兵楊昌泗憑礮礮擊沈賊船又斃陸路撲營賊乘勝追壓乃退次日賊船擁至分三路迎擊礮賊甚眾燬其大船賊由富池口分船數百犯與國會江忠源由江西回援賊復由與國會於富池口荆門知州李棟輕軍襲之豐玉遣兵夾擊敗挫極陣歿忠源聞田家鎮危急調九江兵馳援未達忠源獨擊賊兵數十人至見賊眾兵單驚曰不可守矣次晨大風作賊連檣驟至環撲我營豐玉偕漢黃德道張汝瀛督戰夜城被焚營壘皆不守豐玉手佩刀殺賊遂自到汝瀛同殉為忠源親隨僅存數人收集餘眾退駐廣濟事聞子騎都尉世職光緒中大學士李鴻章疏陳豐玉政績死事狀子諡勇烈建專祠張汝瀛山東樂陵人道光元年舉人官廣西知縣歷貴縣蒼梧以勦匪功洊升知府亦為張亮基所薦拔咸豐二年擢漢黃德道甫抵任借豐玉同守田家鎮歿於陣子騎都尉世職追諡勇節金雲

門安徽休甯人道光十三年進士官浙江雲和知縣改湖北歷天門崇陽隨州以禽崇陽匪首鍾人杰功晉知州游擢安陸知府署糧儲道護按察使調署黃州自田家嶺失利賊遂進陷黃州雲門死之贈太僕寺卿予騎都尉世職後京山士民以政績卓越請建祠設果毅唐樹義貴州遵義人嘉慶二十一年舉人官湖北咸豐監利江夏知縣游擢湖北布政使以病歸在籍辦團練張亮基奏調湖北署按察使及田家嶺軍事亟率兵防江北陸路駐廣濟既而黃州漢陽相繼陷樹義剿賊德安進軍滋口四年戰失利職留任率舟師禦賊金口船破死之子騎都尉世職謚威恪岳興阿博爾濟吉特氏滿洲正藍旗人考授內閣中書出為河南南陽知府游擢湖北布政使四年武昌陷死之子騎都尉世職謚剛節易容之廣東鶴山人捐納銓授湖北德安知府四年德安陷罵賊死之子騎都尉世職李棟自有傳

溫紹原字北屏湖北江夏人少負奇略入資為兩淮鹽運司經歷改知縣咸豐二年署六合滅賊役獨荷法民戴之粵匪陷武昌東下紹原以六合為南北要衝勸民積穀儲糧保修城垣治守具團練四鄉合為一氣別募壯勇訓練三年

春江甯陷賊游騎至境輒殲之既而大至禦於龍池以兵單失利練總徐琳達成榮戰死紹原退保南關會日暮賊營火乘亂攻之斬偽丞相一偽統制四餘眾殲焉紹原益增守要隘浚品字坑伏地雷守備秦淮陽千總夏定邦王家幹皆能戰賊屢至隨機禦之每禽斬過當賊懼之不敢逼欽差大臣向榮總督怡良先後上其功以知府升用賜花翎特詔嘉獎並以紳民深明大義獨免六合一年丁漕增廣學額以示旌異四年賊屯九洲洲結陣置砲翼以戰艦順流下至八卦洲紹原夜以小舟襲之縱火焚燬幾盡借總兵武慶江浦知縣曾勉禮分路進攻九洲洲天大霧架浮橋襲賊營大破之平其壘被議敘五年署江甯知府在縣設治督辦府屬團練事宜賊屢糾悍黨自浦口來撲皆不得逞六年大軍攻鎮江瓜洲急賊數路來援其自蕪湖來者紹原要之於江七戰皆捷進剿南岸七里洲賊壘燬其舟賊乃出陸路竄踞高資港下蜀街巡撫吉爾杭阿檄紹原赴援紹原令其弟溫綸率千人往戰數有功江北托明阿軍潰揚州陷

紹原由儀徵往援而賊陷江浦浦口踞六合葛塘集借張國樑馳擊於龍池大破之又破之於盤城集連復江浦浦口捷聞擢道員未幾賊再陷江浦進犯六合紹原合水陸擊走之時軍事分隸江甯江北兩大營六合地居江北紹原以孤城為保障且數出境渡江助大軍攻剿立功向榮深推重令充南軍翼長德興阿督北軍意曠之七年天長來安土匪起遣兵破之列上所部戰績德興阿謂越境邀功置勿錄紹原力爭遂以干預保舉疏劾職仍留六合帶勇防堵尋有旨命兼管江甯江浦團練總督何桂清疏言紹原以一縣倡募水陸各勇激厲紳團屢殲賊衆出奇制勝且餘力上搃江浦下救儀徵北援來安江北大營得免西顧之憂自來安至鹽州尚有一綫運道可通者亦惟紹原是賴才足匡時如紹原者實不多見請復原官以維繫衆心詔允開復知府八年從大軍克來安加鹽運使銜俾曾李秀成陳玉成大舉援江甯先陷江浦德興阿退六合三戰皆敗又退揚州賊久憾紹原合力圍攻文宗恐其有失詔促德興阿勝保速援皆不至紹原堅守幾及一月力竭城陷死之張國樑既克揚州即日

馳赴於城陷次日始至聞者莫不嗟悼詔嘉紹原六載守城久為江北重鎮援師未集力竭捐軀深為憫惜贈布政使銜予騎都尉世職於六合建專祠設壯勇夏定邦六合人王家幹甯甯人從紹原守禦及八卦洲九洲洲江浦諸戰皆有殊績並擢官都司城陷同死難
金光劬字謙石直隸天津人捐納通判分甘肅署巴燕戎格廳改安徽知縣青陽民因歲荒抗徵幾釀變光劬奉檄單騎諭解之補建平調定遠定遠多盜巡緝無間捕土匪陳小喚子實之法又調壽州咸豐三年春粵匪連陷安慶江甯皖北盜竄起光劬集民團備戰守陸遐齡者定遠巨猾繫安慶城陷賊令歸結黨為北路應擾定遠壽州合肥勢甚張巡撫周天爵兵少不能制令光劬圖之先布間諜散其黨然後進攻莊木橋光劬設奇計親率勇士禽遐齡父子及其黨四十餘人戮之天爵特疏薦晉秩知府賜花翎四月賊由江甯揚州分股北竄臨淮擾及鳳陽懷遠光劬於兩河口立水營八公山雜張旗幟為疑兵列礮要隘獲賊謀逃兵並斬之以徇壽州獲安五月賊復由六合撲正陽關光

清史稿 列傳一百八十七 三

清史稿 列傳一百八十七 四

筋訓練勇千屯三十里鋪及兩河口迎擊殲賊二百餘人乃引去招降附近土匪談家寶張茂等黨衆數千皆効用是年冬粵匪陷廬州四年六安繼陷北路擒匪日狃徽和春督大軍規廬州不暇北顧袁甲三剿擒倖得於皖豫之交正陽爲要衝距州城六十里光筋扼關以禦擒黨數來犯五戰皆捷季學盛踞于家園而馬四馬五王亮彩鄧三虎等請擒黨出沒州境先後平之廬州大軍無後顧憂者光筋之力也五年大軍克廬州光筋署知府撫流亡嚴斥倭數殲伏匪六年遂質授尋巡撫福濟疏列其治行上聞以道員記名署廬鳳道時和春移督江南大軍袁甲三再起軍臨淮捻勢南趨光筋甫出兵擒首張洛行已破周鎮王莊犯三十里鋪光筋背水爲陣令曰有進無退分三路擊之以八百人破賊數萬七年春擒匪興德等掠正陽關光筋偕副都統德勳格爾丹渡河襲擊斃賊八百餘追七十里將搗其巢聞六安復爲粵匪所陷回保壽州粵匪驟至圍城破其地雷夜乘霧出城分三路襲賊營鄉團應之賊驚潰追擊斃賊千餘圍立解捷入加按察使銜乘勝合水陸進剿毀賊營四十餘處克正陽關賜號

清史稿

列傳一百八十七

五

鏗色巴圖魯閏五月擒匪復踞正陽關欽差大臣勝保率兵至八里塚光筋請夾擊於沫河口建浮橋先渡馬隊賊忽由後路鈔來光筋立船頭督戰左股中槍猶指揮進擊獲斷溜急舟覆沒於河詔贈布政使銜依贈官賜卹予騎都尉世職設廟於壽州建專祠光筋吏治戰績爲安徽第一嘗言大兵宜攻不宜守郡縣吏宜守四境不宜守孤城皖北倚爲保障及其歿後捻氛乃益熾人尤思之云

李孟羣字鶴人河南光州人父卿毅道光二年舉人四川長甯知縣累擢湖北督糧道署按察使咸豐四年粵匪陷武昌巡撫青寧走湖南卿毅守城殉難贈布政使子騎都尉世職諡愍肅孟羣道光二十七年進士廣西即用知縣歷署雲川桂平以剿匪功擢南甯同知咸豐元年匪首洪秀全犯盤龍河孟羣手執藤牌督戰賊屢戰連日賊不得渡擢知府調赴永安軍營二年授泗城知府賊犯桂林孟羣赴援連戰北門外及古牛山五里墟夾山口陸鄰村迭挫賊鋒圍解加道銜進平潯州艇匪擢道員署潯州知府三年調江西九江府仍留廣

西剿賊四年曾國藩在籍治水師聞孟羣名奏調率千人往借揚載福彭玉慶東下攻拔城陵磯克岳州調廣西平樂府賊陷武昌孟羣聞父殉難誓滅賊復仇仍請終制詔留軍圍藩屯金口塔奇布進扼洪山定三路攻城昌之策孟羣倍載福玉慶中流直下艦分二隊前隊衝圍出賊背後隊自上擊下燬賊船二百餘艘會諸軍剽沿江木柵破漢關及金沙洲白沙洲抵鮎魚套西渡攻漢陽朝宗門賊揚帆下竄屍蔽江燬晴川閣下木柵大別山下木壘武昌漢陽同日收復孟羣奔赴父死所慟哭收殮一軍感動捷聞加按察使銜賜號珠璣阿巴圖魯於是國藩進規江西孟羣率水師抵九江戰兩岸及湖口皆捷五年春師挫於湖口賊派江上犯陷漢陽武昌大震孟羣回援借彭玉慶敗賊漢陽署湖北按察使以在憂辭詔不允武昌尋爲賊陷從胡林芻屯金口改統陸師五月合擊賊四戰皆捷七月賊糾黨撲金口孟羣拒戰失利陸營潰詔以衆寡不敵原之命攻漢陽六年從總督官文迭進攻十一月孟羣據龜山俯擊總兵王國才攻西南各門城中賊亂遂克漢陽加布政使銜以布政使遇缺提奏七

清史稿

列傳一百八十七

六

年安徽北路捻匪方熾粵匪自桐城進陷六安英山霍山廬州危急巡撫福濟請援孟羣率陸師二千五百人赴之途次授安徽布政使進兵英山霍山攻獨山駐軍麻埠霍山復爲賊陷尋復之八年粵匪由潛山太湖竄擾河南固始孟羣自六安赴援借勝保力戰解圍被獎敘勳商城匪黨平之回軍克六安七月福濟卒於軍暫攝巡撫未十日廬州爲粵匪所陷視職留軍効力收集潰軍駐廬州西官亭長城一帶皖北赤地千里協餉不至所部號四千飢疲已甚湘軍李續賓方克桐城舒城飛書乞援而續寶戰歿於三河勢益孤危九年二月六安復陷賊六七萬逼長城營壘被圍死守十餘日壘破手刃數賊受傷被執擁至廬州賊首陳玉成優禮之絕糧不食賦詩四章書於絹付人使出報大營遂死之勝保等先已疏陳孟羣殺賊陣亡詔復原官賜卹卹武愍十年巡撫翁同書以尋獲遺骸入奏命送回籍袁甲三復奏孟羣死事實蹟詔於廬州建專祠依巡撫例優卹予騎都尉兼雲騎尉世職穆宗即位以孟羣父子殉節忠烈萃於一門與賜祭死事諸臣之列焉

趙景賢字竹生浙江歸安人父炳言嘉慶二十二年進士刑部主事歷官湖南巡撫景賢道光二十四年舉人誤註為程籍被黜捐復授宣平教諭改內閣中書豪邁有大略咸豐三年在籍倡團練以勸捐鉅款晉秩知府分發甘肅未往十年尚書許乃普薦之命從團練大臣邵燦治事聞粵匪陷廣德自蘇州馳歸籌布守城總兵李定太參將周天孚先後來援失利景賢收集潰兵為戰守計偵知江南援軍至出城夾擊斬數千立解城圍從張玉良復杭州克長興德清武康既而賊擾嘉興景賢分兵屯南潯扼其衝四月賊由太湖夾浦犯湖州道員蕭翰慶來援戰歿招其潰兵入伍出北門擊賊血戰數晝夜賊遁五月率礮船進攻平望鎮與楚軍合擊克之會賊酋陳玉成由溧水竄浙境景賢回救合民團要擊走之賜號額德木巴圖魯以道員用六月進復廣德交軍機處記名簡放十月賊犯杭州景賢馳援湖州告警速回師賊已至南門外峴山副將劉仁福率廣勇來援有通賊狀誘禽仁福斬之以徇賊奪氣分擾四鄉旋犯西門合水陸擊退盡破附近諸山賊壘圍復解加按察使銜十一年復長興尋賊

清史稿

列傳一百八十七

七

踞洞庭東西兩山長興不能守郡北七十二濶時被擾景賢於大錢口增駐水師聯絡民團分顧各路屢戰皆捷五月賊踞菱湖鎮率水師進攻燬賊舟又破之於澈山溪九月賊又逼都城慶戰五晝夜追奔出境時杭州久被困景賢率兵滾營前進連破賊卡二十餘處賊復乘虛襲大錢口景賢且戰且退掩擊之賊遁聞杭州再陷歎曰湖郡孤注惟當效死弗去以報國恩耳是年冬授福建督糧道同治元年春詔念景賢殺賊守城於團練中功稱最特加布政使銜自賊氛逼城僅大錢口可通太湖糧道會大雪湖凍賊由洞庭東山履冰來犯大錢遂為所踞賊以屢戰傷亡多恨景賢次骨掘其父墓戒不與戰但斷絕糧道以困之景賢迭出戰不利密寄帛書至上海與其叔炳麟訣誓以死守朝廷惜其才命曾國藩左宗棠設法傳諭輕裝出赴任景賢益奮選壯士三千人分出斫賊營奪其糧而還被圍既久兵日給米二合五勺官民皆食粥糜道殣相望五月城陷景賢冠帶見賊曰速殺我勿傷百姓賊首譚紹洸曰亦不殺汝拔刀自刎為所奪執至蘇州誘脅百端皆不屈羈之逾半載李秀成必欲降之致

書相勸景賢復書略曰某受國恩萬勿他說張睢陽慷慨成仁文信國從容取義私心竊向往之若陳節一時貽笑萬世雖甚不才斷不為此也來書引及洪承疇錢謙益馮銓輩當日已為士林所不齒清議所不容純皇帝御定貳臣傳名在首列此等人何足比數哉國家定制失城者斬死於法何若死於忠泰山鴻毛審之久矣左右果然見愛則歸我者之知已不如殺我者尤為知已也秀成赴江北戒紹洸勿殺景賢計欲伺隙手刃秀成秀成去日惟危坐飲酒二年三月紹洸聞太倉敗賊言景賢通官軍將襲蘇州召詰之景賢駭罵為槍擊而殞自湖州陷屢有旨問景賢下落至是死事上聞詔稱其勁節孤忠可嘉可憫加恩依巡撫例優卹於湖州建專祠宣付史館為立特傳子騎都尉世職益忠節長子深彥年十二在湖南聞湖州陷即自斃死先被旌附祀景賢祠次子深彥賜官主事深彥深彥皆以通判用

清史稿

列傳一百八十七

八

奇制勝砥柱狂瀾其有關於江淮全局者大矣李孟舉戰功卓著至皖北兵食俱絀卒不復振父子繼死國事為世所哀趙景賢以鄉紳任戰守殺敵致果繼以忠貞當時團練徧行省自湖湘之外收效者斯為僅見諸人不幸以節烈終未竟其勳略惜哉

清史稿

列傳一百八十八

向榮

和春

張國樞

向榮字欣然四川大寧人寄籍甘肅固原以行伍隸提標為提督楊遇春所識拔從征滑縣青海回疆常為選鋒積功擢至甘肅鎮光營游擊道光十三年直隸總督琦善知其才調司教練累遷開州協副將海疆戒嚴率兵駐防山海關擢正定鎮總兵調通永鎮二十七年擢四川提督三十年調湖南平李沅發之亂調固原廣西匪起巡撫鄭祖琛不能制榮於舊將中最負時望文宗特調為廣西提督倚以辦賊是秋至軍山柳州慶遠進剿以達宜山象州連破賊於索潭城八旺陶鄧城猶山等處賊氛稍輯惟洪秀全等踞桂平金田狡悍為諸賊冠榮移兵往勦賊以大黃江牛排嶺為犄角咸豐元年春攻大黃江賊分出誘戰率總兵李能臣周鳳岐合擊大破之殲千數百人賜號霍欽巴圖魯水陸合攻牛排嶺擒其巢又追擊於新墟紫金山賊乃竄踞武宣東鄉時周天爵為巡

清史稿

列傳一百八十八

撫與榮同勦賊議不合數戰未得利廣州副都統烏蘭泰率兵來會四月賊突圍竄象州榮被譴褫花翎降三級留任天爵亦罷軍事大學士賽尚阿代李星沅督師命榮與烏蘭泰節制領將以下迭詔戒榮同心協力以贖前愆賊踞象州中坪其要路東曰桐木西曰羅秀榮與烏蘭泰分扼之六月榮由桐木進兵借烏蘭泰合勦迭敗賊於馬鞍山及架村黃瓜嶺西安村遂回竄桂平新墟紫金山恃險負嶼榮借烏蘭泰等迭奪豬仔峽雙髻山要隘進破風門坳八月賊冒雨竄逸官軍失利於官村遂陷永安州坐視賊留營十一月合攻永安獲勝復原官初榮所部湖南兵因榮子繼雄用事軍心不服故武宣象州之役戰不力皆歸咎之文宗排衆議仍加倚任而調四川兵以易湖南兵賽尚阿不知兵專倚榮與烏蘭泰二人復不協固永安久不下榮建議缺北隅勿攻伺賊逸擊之二年二月天大雨賊由北突出巡犯桂林榮由間道馳援先賊至賊冒榮旗賊變城擊走之借巡撫郝鳴鶴急治守具屢出奇兵擊賊城下俘斬甚衆經月餘援軍集賊乃解圍北竄詔嘉其保城功已奪職復之予議賊由興安全州

入湖南榮頓兵桂林為總督徐廣縉論勦賊成新疆賽尚阿疏請暫緩發遣令援湖南九月至長沙破賊瀏陽門外又破之於見家河漁網洲嶽麓山至冬圍乃解賊北竄陷岳州入湖北進犯漢陽武昌官軍遙尾之莫敢擊賽尚阿徐廣縉先後罷職諸將無一能軍詔以榮屢保危城緩急尚欲恃之予提督銜幫辦軍務授武昌尋復授廣西提督榮至數奏捷而武昌尋陷職仍留軍調署湖北提督未幾實授命為欽差大臣專辦軍務賊既踞武昌勢益熾不可復制矣三年正月大舉東犯連舟蔽江棄城而去榮以克復聞詔促追榮所部兵多疲弱遣撤六千餘名料簡精銳率總兵和春李瑞秦定三玉山福興沿江

賊已掠安慶陷江寧為久踞計榮至江寧屯孝陵衛時鎮江揚州皆為賊踞詔琦善勦江北榮勦江南分任軍事榮所部一萬七千餘人攻通濟門外及七橋壩賊壘連破之進屯紫金山結營十八座賜黃馬褂江寧城內士民謀結合內應屢爽期迄無成功賊已分股由安徽北擾河南而鎮江揚州南北互應大江

清史稿

列傳一百八十八

上下游賊勢相首尾榮遣提督鄧紹良率兵八千規鎮江總兵和春以舟師伺便夾擊屢戰進壁城下六月紹良軍為賊所襲退守丹徒鎮榮令和春往援遂代領其軍賊注意蘇常諸郡以和春軍相持不得進乃欲取道東場十月賊船入蕪湖陷高淳遣兵擊走之令鄧紹良駐防既而皖北賊熾和春赴援榮請以提督余萬清代督鎮江軍四年七月賊犯東場遣副將傅振邦等協勦賊退高淳進復其城賊乘江寧大營空虛大舉來撲率諸軍拒之禽偽丞相譚應桂俘斬二千餘總兵葉長春吳全美以水師克下關水柵破壘僞燕王秦日綱進扼三山管江路上游賊聚太平府與江寧相應張國樞連克賊壘乘勝復太平殲賊首章得真等江寧賊出營於上方橋三路來撲又撲七橋壩分擊敗之三戰殲賊二萬餘八月燬上方橋賊壘進逼雨花臺其巢迫奔至城下賊復由觀音門出趨栖霞令總兵德安追擊敗之於高資汛又與余萬清合擊於夾江禽斬殆盡萬清亦屢敗賊於鎮江五年春湖北賊入蕪湖鄧紹良禦之於黃池瓜洲賊出鮎魚套犯高資擊走之五月賊由蕪湖犯灣沚却之吳全美率水

師破賊於東梁山德安泰率陸師進攻蕪湖會鄧紹良大破安慶援賊遂復蕪湖餘賊猶濱江結壘以廣福磯弋磯為犄角數路死力來援紹良全美等水陸苦戰迭敗之而不能克也時巡撫吉爾杭阿既克上海詔辦軍務專任鎮江一路督攻甚急江寧賊百計赴援十一月榮督總兵德安張國樑秦如虎等迭擊之於燕子磯觀音門甘家港柘霞街石埠橋等處賊竄回江寧令德安駐軍東陽鎮扼之十二月上游蕪湖兩梁山金柱關及江北瓜洲金山廬州三河諸賊同趨江寧約城中悍賊衝出一由神策門至仙鶴門抄綴大營一由觀音門沿江至柘霞街直趨鎮江一由南路秣陵關來犯榮令張國樑秦如虎迎擊於仙鶴門大捷回擊石埠橋賊亦退又敗之於龍脖子及元山板橋等處檄鄧紹良自蕪湖回援余萬清自鎮江移駐龍潭下獨街六年春賊踞倉頭為往來要道余萬清張國樑迭擊不退鄧紹良至令統前敵諸軍屢戰不利賊日增多蔓延炭渚橋頭改以張國樑為總統國樑力戰連破橋頭下獨街三汊河張揚村諸壘賊始竄走復合鎮江賊入瓜洲將軍托明阿軍潰江北六震榮令紹良

清史稿

列傳一百八十八

三

援揚州借德興阿復其城國樑援六合進克江浦浦口江北稍定四月甯國告陷蘇浙戒嚴令紹良馳禦之江長貴亦退守黃池而鎮江軍事復急國樑進攻小丹陽未下吉爾杭阿戰歿於烟墩山鎮江京峴山營壘皆失榮令余萬清代領其軍明安泰扼小丹陽福興張國樑率兵防勦以固蘇常門戶國樑破賊於丹徒鎮進扼馬陵而賊已陷溧水由高資下蜀街趨江寧分屯太平神策門外五月上游賊膺至屯城北榮大營兵僅數千急促國樑回援賊分十餘路來撲營壘盡失退守滄化鎮再退丹陽自請治罪詔原之職職仍留欽差大臣督辦軍務丹陽當鎮江江甯兩路要衝榮率張國樑虎嵩林扼守令西林防句容明安泰攻溧水江長貴扼溧陽張國樑仍總統諸軍賊更番至恃國樑力禦却之疏請增兵未至榮憂憤成病七月卒於軍遺疏上文宗震悼詔嘉其忠勤雖未恢復堅城數年保障蘇常盡心竭力復原官依例賜卹予一等輕車都尉世職設忠武廟建專祠又入祀江蘇名宦祠克復江甯後賜祭一壇入昭忠祠子繼雄候選道襲世職

和春字雨亭赫舍里氏滿洲正黃旗人由前鋒藍翎長授整儀尉累遷副護軍參領出為湖南提標中軍參將擢水綏協副將咸豐元年從向榮赴廣西勦匪戰武宣東鄉賜花翎破賊於中坪進攻紫金山奪雙髻山豬仔峽要隘功最賜號鏗色巴圖魯又奪鳳門坳克古調村賊巢擢綏靖鎮總兵二年授桂林力戰解圍加提督銜追賊至全州敗之賊入湖南迭戰於道州桂陽遂犯長沙和春從向榮赴援數出奇破賊賊去陷岳州坐追勦遷延緩職留軍三年春會攻武昌賊棄城東下追至九江遇賊襲擊之從向榮抵江甯分軍攻通濟門外賊壘尋借總兵葉長春吳全美等率舟師攻鎮江破賊甘露寺下駐金山扼江路又掠鮎魚套擊敗賊船借總兵翟騰龍攻太平門填壕逼城賊甚眾六月提督鄧紹良師潰於鎮江詔和春著江南提督率所部廣東湖南兵馳援移軍丹徒鎮進復京峴山舊壘賊數千來爭殲戮殆盡賊銳稍挫兩軍相持蘇常得無事尋實授提督是年冬安徽軍事急命和春分兵移防徐州遂進援廬州巡撫江忠源因守危城陝甘總督舒興阿率援軍至不敢戰忠源疏言和春忠勇可恃

清史稿

列傳一百八十八

四

請命總督援軍詔允之而所部僅千人請舒興阿分兵不聽未幾廬州陷忠源殉軍事專屬和春福濟繼任巡撫為之副四年疏言皖省軍情重大兵勇雖有萬餘多未經戰陣請調鎮江舊部湖南兵並撥金陵得力官兵三千交總兵秦定三鄭魁士率之來助勦時廬州屬縣皆陷與安慶踞賊連絡一氣城大賊眾和春駐軍三里岡屢率鄭魁士等進勦賊抗拒不下乃沿河築壘構橋分三路更番攻擊夏知州茅念劬率民團克六安秦定三破賊於二運橋進攻舒城賊由霍山撲六安擊走之紮後載大礮轟廬州城賊分出拒戰迭敗之別遣軍復英山廬江而和州含山一路賊時窺伺疏請飭袁甲三嚴防烏江以斷賊援冬賊紆青劉玉豹由廬南規桐城連奪大關等隘逼城下而紆青戰歿玉豹退保六安和春為賊牽制不能救秦定三攻舒城亦久不下迭詔切責初和春專勦廬州袁甲三扼臨淮軍事多相關而意不合五年借福濟疏勦甲三罷之命和春遣員接統其軍夏秋連擊敗援賊督諸軍急攻廬州至十月克之城陷將兩年矣詔嘉和春功能補過賜黃馬褂予騎都尉世職六年復舒城大破賊於二

河克之再復廬江會向榮卒於軍命和春代爲欽差大臣督辦江南軍務自向榮兵挫退守丹陽江甯賊益驕內閣自相殘殺故榮歿後張國樑等得以撫輯餘軍規復東壩高淳和春至餉械並結詔下各省接濟月餉四十萬兩江蘇糧臺不能時給疏劾總督怡良巡撫趙德轍詔勉其和衷深水句容爲賊精銳所衆力攻數月七年夏先後克之加太子少保圍攻鎮江賊數糾悍黨來援督諸將迭破之十一月克鎮江賜雙眼花翎將軍德興阿督江北諸軍攻瓜洲同日克復軍聲大振進攻江甯東北路奪太平神策兩門外賊壘八年春賊迭出城力鬪却之合水陸諸軍克林陵關加太子太保又破賊三汊河奪要隘江甯之圍漸合賊由皖南犯浙境用以牽掣大軍詔和春兼辦浙江軍務先遣兵二千往援命親往督師以病未行尋浙事緩能其行賊復沿江來援擊走築長圍困之七月賊大舉出撲張國樑破之城下八月陳玉成糾合捻匪犯江浦浦口德興阿兵潰儀徵揚州六合先後陷和春遣馮子材渡江赴援復失利張國樑繼往力戰復揚州儀徵九月和春授江甯將軍江甯賊乘間出撲深水亦陷急調

清史稿

列傳一百八十八

五

國樑回援十月復深水上游賊犯黃池灣止鄧紹良戰沒九年春招降捻首薛之元獻江浦城復約李世忠破賊復浦口因劾德興阿縱寇狀詔能德興阿江北不復置帥諸軍併歸和春節制提督鄭魁士亦克灣止黃池進規蕪湖軍事轉利疏言揆察現勢先盡力於金陵一路絕其根株則枝葉自萎欲破金陵必先斷浦口請添募精銳萬人由張國樑統率一面力攻一面進紮營壘斷賊糧路兼却外援臣當相度事機剋期詔允之是年冬陳玉成由六合犯揚州分黨渡江窺林陵關欲抄大營後路東壩深水皆告警尋大舉犯江浦提督周天培死之遂陷浦口張國樑馮子材援勦獲勝揚州解嚴浦口仍爲賊踞十年春國樑督水陸軍攻九洲洲大捷破其老巢九洲洲爲江甯水陸咽喉既得已成合圍之勢而賊復由皖南犯浙遂陷杭州蘇常震動詔和春仍兼辦浙江軍務先後分兵萬餘提督張玉良總統赴援甫至賊即棄杭州閏二月由廣德分犯建平東壩深陽遂窺常州急調張玉良回援賊已分路逕趨江甯時賊會陳玉成李秀成李侍賢楊輔青糾諸路衆十餘萬力破長圍城賊應之大營軍

清史稿 卷四〇七

心不固惟恃張國樑力禦戰數晝夜諸營同時火起總兵黃靖馬登富吳天爵陣亡全軍大潰退守鎮江和春坐視職留軍又退丹陽賊踵至張國樑死之和春奪圍走常州督兵迎敵被重創退至無錫卒於軍總督何桂清棄城走常州蘇州相繼陷江南軍自向榮始任凡歷七年至是燬爲蘇浙遂糜爛事聞詔念和春前功雖兵機屢挫尙能血戰捐軀復原官依例賜卹子麟都尉兼雲騎尉合前世職併爲二等男爵諡忠壯附祀江甯昭忠祠子霍順武候選參將襲爵張國樑字殿臣廣東高要人初名嘉祥少材武任俠爲里豪所辱毀其家走山澤爲盜不妄殺流入越南後歸鎮南關按察使勞崇光聞其名招降勦匪多得其力咸豐元年破劇賊顏品瑤斬於陣盡殲其黨積功擢守備繼隸向榮軍二年從解桂林圍復全州永興擢都司赴援湖南迭破賊於醴陵益陽湘陰援武昌戰於洪山皆爲軍鋒三年至江甯逼城而軍國樑屯七橋樓攻鍾山賊壘先登受傷溫旨垂問益感奮遇艱險一往直前擢湖南永州營游擊兩花壘爲近城要地屢力攻幾克之賜號霍羅琦巴圖魯四年夏復太平太平在江甯上游

清史稿

列傳一百八十八

六

賊踞之以通糧運府城三面阻水惟東路通陸賊衆千艘結四壘設防甚密國樑分三隊進設伏縱火自率精銳四百人突賊營一戰克之時稱奇捷擢廣西三江協副將又攻兩花壘平賊壘毀臺勦南路竄賊追入林陵關殲戮殆盡五年擢福建漳州鎮總兵大軍急攻鎮江瓜洲江甯賊時出窺伺江北賊亦乘隙進圍奉制國樑隨方截擊奔命不遑六年賊衆倉頭炭塔下蜀街以斷鎮江江甯之師國樑總統諸軍合擊旬日之間殺賊萬餘賊不得過乃渡江犯瓜洲江北諸軍皆潰又陷江浦浦口國樑馳援連破賊於毛許墩葛塘復江浦浦口特詔嘉獎加提督銜未幾巡撫吉爾杭阿戰歿鎮江告急深水被陷國樑回軍克之而賊數路趨江甯夾攻大營向榮不能禦急調國樑回援血戰累日左足被槍傷借榮退保丹陽時大江南北諸軍賊所尤畏者惟國樑一人賊勢忽南忽北多方肆我皆奉制國樑之計果爲所敗榮既病軍事一倚之將軍福興與國樑不協詔福興移軍江西以國樑幫辦江南軍務賊屢至皆挫之榮卒於軍命和春代將未至國樑激厲將士解金壇圍復東壩高淳進攻句容七年擢湖

四九三

南提督克旬容賜黃馬褂督諸軍規復鎮江高資為鎮江江寧要衝兩路悍賊
 磨聚力爭連營二十餘里國樑大破之斬偽安王洪仁等又連破之於龍潭接
 賊盡殲鎮江糧盡援絕遂克其城城陷賊已歷五年捷聞文宗大悅詔嘉國樑
 謀勇超羣予騎都尉世職於是偕和春進規江寧八年克秣陵關賜雙眼花翎
 復薄江甯城下自春徂夏迭戰破賊築長圍至秋乃成皖賊大舉來援江浦浦
 口儀徵揚州六合先後陷國樑渡江援勦復揚州儀徵調江南提督管三等輕
 車都尉然賊仍踵故智國樑兵至則走去則復來九年提督周天培戰死江浦
 國樑坐視世職十年合水陸諸軍克九洲洲沿江賊爭投款約期攻上下兩關
 招撫五千餘人軍中方謂堅城且夕可下而浙江告警兵分益單饋運不繼和
 春用翼長王浚策兵餉三分留一約待克城後補給士卒皆怨國樑力諫不聽
 閏三月賊猝大至四路受敵大營不守和春退丹陽國樑以馮子材在鎮江
 未敢進謀扼守尋率師援丹陽遇賊城外兵忽潰策馬渡河沒於水事聞文宗
 震悼猶冀其不死命軍中偵訪不得踰數月乃下詔優卹追贈太子太保祀昭

清史稿

列傳一百八十八

七

忠祠設忠武子騎都尉兼一雲騎尉世職國樑驍勇無敵江南特為長城其歿
 也數郡遂淪陷士民哀思私立廟祀傳述戰績與古名將同稱往往附會過實
 然益見威烈入人之深同治三年江甯克復偽忠王李秀成就禽言賊中咸重
 國樑禮葬於丹陽尹公橋塔下乃得遺骸焉詔加給三等輕車都尉合前世職
 併為一等男爵祀江甯忠義祠復與向榮合建專祠子蔭清襲男爵
 論曰粵匪初起向榮與諸帥不和致無成功援桂林長沙為時所稱故文宗終
 用之其規江南也近未破鎮江瓜洲犄角之勢遠未清長江上游無以制賊死
 命數年支拄暫保吳疆固味遠猷亦限兵力和春繼克鎮江又以援浙分兵垂
 成之敗禍更烈焉張國樑一時健者使盡其用功不止此善夫胡林翼之言曰
 未扼賊吭江甯原難遽復觀湘軍之所以成功與向榮和春等之所以蹉跌兵
 事固無倖焉者矣

清史稿

列傳一百八十九

烏蘭泰

鄧紹良

周天受

饒廷選

張玉良

雙來

羅騰龍

王國才

虎坤元

戴文英

烏蘭泰字遠芳滿洲正紅旗人由火器營為槍護軍從征回疆有功升藍翎長
 累擢護軍參領管總翼長軍政卓異道光二十七年擢廣東副都統善訓練講
 求火器咸豐元年廣西匪熾詔烏蘭泰幫辦軍務選帶適用器械及得力章京
 兵丁赴軍以廣東綠營精兵五百人隸之四月偕向榮奏定三等團賊於武宣
 賊竄象州自請治罪詔以其初至免議命偕向榮節制領將時軍中將帥不和
 文宗憂之密諭烏蘭泰實陳勿隱上疏略曰周天受向榮曲徇其子致失衆
 心不為無因武宣之役奏定三周鳳岐張敬修連營防禦其堵勦不利追賊遲

清史稿

列傳一百八十九

延咎當同任天爵勅定三鳳岐不及敬修人心不服向榮將官傅春和春失利
 天爵責定三不併力後訪知實非退縮諉為向榮推卸之言因之天爵榮定三
 皆有隙天爵年老直強耳聾其子光岳干預致失人心又言向榮初勦賊屢捷
 未免輕賊及其子招嫌楚兵籍口遂多諉卸然在軍鎮將無及榮者更易其兵
 仍可立功上下其疏命奏尙阿駁奏尙阿請不答既往令烏蘭泰與向榮分
 任軍事以專責成賊踞象州中坪烏蘭泰督貴州三鎮兵由羅秀進梁山村逼
 近賊巢賊乘駐營未定猛撲連擊敗之殄賊千餘是年秋賊竄桂平新城烏蘭
 泰分四路進攻破伏賊於莫村一日七戰皆捷斬級數千賜花翎賊屯紫荊山
 新城為山前門戶雙警山豬仔峽為山後要隘負隅死拒向榮偕巴清德連奪
 雙警山豬仔峽合攻風門均破之進逼新城迭攻不下其附近村落掃蕩幾盡
 閏八月賊編木牌欲渡河烏蘭泰迭擊大敗之詔嘉獎加都統銜於是賊棄新
 墟他竄向榮等追至平南敗績賊遂陷永安州烏蘭泰追至戰於水寶圍嶺皆
 大捷賜黃馬褂永安地險賊皆死黨固結僅烏蘭泰一軍久戰已疲故不能制

之向榮自平南敗後被譴託病逗留梧州平樂者兩月有餘至冬始抵永安攻北路烏蘭泰攻南路水寶賊巢向榮亦進奪嶺要隘合擊迭挫賊寨向阿親莅督戰期在必克江忠源號知兵隸烏蘭泰軍倚其贊助每言賊兇悍久蔓將不可制必聚而殲之烏蘭泰主鎖圍困賊向榮謂圍城缺一面乃古法宜縱賊出擊兩人意不合會榮克城西賊臺二年元日同詣賽尙阿賀歲賽尙阿遇榮特優烏蘭泰憤甚忠源解之然益不相能忠源以母憂辭歸時嚴詔促戰春兩連旬士卒疲困二月賊棄城冒雨夜走北犯桂林烏蘭泰率兵急追至昭平山中路險兩滑爲賊所乘敗績總兵長壽董光甲邵鶴齡死之向榮徑收州城由間道趨桂林先賊至烏蘭泰踵賊後戰於南門外爭將軍橋賊中右營創甚退屯陽朔越二十日卒於軍烏蘭泰忠勇爲諸將冠文宗深惜之賜銀一千兩治喪予輕車都尉世職設武壯長壽瓜爾佳氏滿洲正白旗人父塔思哈道光初官喀什噶爾辦大臣叛回張格爾作亂殉難予騎都尉世職長瑞襲世職授三等侍衛累擢直隸天津鎮總兵長壽以歷授藍翎侍衛累擢甘肅涼州鎮總兵並從賽尙阿赴廣西勦匪同領湖南兵長瑞戰風門均有功新城禦賊失利奪職留營及賊由永安出竄從烏蘭泰躡追至龍寮嶺地險左右止勿進長瑞曰軍令孰敢違者死耳勿復言以母老令長壽母相從長壽泣曰貪生忘國非孝也卒偕行值大霧賊以巨礮扼山間軍士兩日不得食爲賊衝潰踐踏死無算長壽墜馬長瑞挺矛救之身被數十創同遇害文宗以其父子兄弟皆死難深惜之並贈提督予騎都尉兼雲騎尉世職存問其母賜銀三百兩長瑞諡武壯長壽諡勤勇於永安建祠曰雙忠同死者附祀焉董光甲直隸河間人嘉慶十四年武進士授守備累擢河南河北鎮總兵從向榮攻永安奪積嶺摩天嶺天鵝嶺諸要隘追賊至昭平迭擊賊於古東龍寮嶺次黃莊嶺賊反撲力戰死之贈提督予騎都尉兼雲騎尉世職諡勇烈邵鶴齡山東招遠人嘉慶二十五年進士三等侍衛累擢湖北郎陽鎮總兵借長壽等同追賊龍寮嶺隕於陣予騎都尉兼雲騎尉世職諡威確

鄧紹良字臣若湖南乾州廳人由屯弁累擢守備從勦崇陽土匪李沅發率五

百人破賊金峯嶺禽沅發擢都司賜花翎揚勇巴圖魯名號遂從向榮赴廣西勦賊潯州牛排嶺之戰以精騎張左右翼擊兩路賊皆挫之又戰象州永安州皆有功咸豐元年授楚雄協副將二年援桂林屯西門力戰却賊追賊入湖南援長沙入任城守地雷發持刀屹立礮洞左臂不動先登賊城退城復完軍中稱其勇洵賊解圍竄湖北巴陵土匪晏仲武勾結掠紹良借總兵阿勒經阿勒平之三年擢安徽壽春鎮總兵紹率所部從向榮援江南廷臣多薦紹良者尋擢江南提督榮令分剿鎮江踞賊進擊觀音山合攻瓜洲皆捷逼城而軍賊設伏北固山下而自城突出撲營火四起官軍不能禦退守丹陽礮職讓罪仍隸向榮軍帶罪自効賊兩次窺伺東壩榮令紹良擊走之四年克太平紹良移軍駐守又破賊采石向榮疏陳戰功爲乞免罪尤之時賊由蕪湖窺徽州甯國紹良屯黃池賊酋石國宗糾各路賊萬餘來犯紹良兵少設伏山溝多張疑兵誘賊入痛殲之五年春賊復乘夜撲營伏槍礮俟近驟發殲賊無算詔嘉紹良力遏賊鋒保全甚大予三品頂戴復花翎賊既退歸復圖變徽甯以窺浙境

紹良奉命馳往統各路援兵至則簡精銳伏要隘伺擊屢破賊克婺源黔石埭諸縣復提督銜賊聚於蕪湖窺南陵黃池紹良由灣沚進剿連破賊焚其舟遂克蕪湖授陝西提督六年春江南賊上竄踞倉頭嶺勢甚熾向榮令紹良往督戰而諸將意不愜轉不盡力於是戰不利紹良受傷坐視花翎德興阿軍潰揚州陷紹良渡江赴援辦江北軍務破蕪王廟賊壘攻揚州六晝夜克之又追破賊於三汊河會甯國告陷復命幫辦皖南軍務移軍赴援扼金河橋大破賊於東溪橋又迭擊賊於涇縣挫之調浙江提督賊糾黨數萬來援敗之於楊柳舖副將周天受遇賊夏家渡戰未利紹良乘隙縱擊賊大潰遂督諸軍連奪夏家渡團山諸賊壘破七里岡賊巢進攻甯國十二月克之七年丁母憂奪情留軍紹良以甯國爲浙之屏蔽而涇縣爲咽喉要衝屯軍扼之賊屢犯不得逞既而大軍復鎮江瓜洲急攻江甯賊圍牽掣大舉犯南陵紹良擊走之八年進屯灣沚賊合捻匪踞黃池紹良回援出賊不意大破其衆復黃池會浙江軍事日棘分兵赴援十一月賊乘虛悉馬步數萬圍而涉水斷黃池山後接應突

攻灣沚營學總兵戴文英由江甯來援戰歿遂合圍軍中餉絕食盡紹良舉火自燔其營率親兵血戰死之事聞詔念紹良桂林長沙保城前功轉戰徽甯之間凡歷五載力竭捐軀深致憫贈太子少保子騎都尉兼雲騎尉世職諡忠武於殉難地方建專祠並賜其父白金四百兩子亨先候錄用尋以遺骸不得文宗尤憫之賜亨先員外郎銜後湖南巡撫賈章疏請附祀表忠祠尤之石玉龍湖南鳳凰廳人以練勇從征隸向榮鄧紹良軍積功至游擊咸豐六年總兵秦如虎駐防涇縣以憂去代者難其人紹良薦玉龍以游擊充統將玉龍感奮遇戰益力從紹良復灣沚黃池又破賊萬級嶺累擢副將九年冬賊大舉犯涇縣迎擊於藍山嶺初勝賊至益眾圍之數重身被十餘創而殞贈總兵加提督銜諡剛介

周天受字百祿四川巴縣人咸豐初從向榮剿賊廣西轉戰湖南湖北江南積功至游擊賜號沙拉嗎依巴圖魯五年皖南軍事亟前江西巡撫張芾治徽甯兩郡防務乞援於向榮乃令天受率川兵赴援借諸軍克婺源休甯石埭六年

清史稿

列傳一百八十九

四

援太平連破賊於花橋西溪進規涇縣大敗賊於雙坑寺復其城擢副將會休甯復為賊踞官軍戰不利張芾檄天受助勦連捷進燬石嶺萬安街賊壘會攻休甯再復之以總兵記名七年再復婺源授福建漳州鎮總兵賊踞陵陽鎮值中秋令節夜半出不意縱火攻之盡燬賊營復破賊於祁門五里牌擄其巢禽斬甚衆八年援浙江將軍福興令守衢州天受以浙西完善地不可為賊擾主扼樟樹潭賊竄龍游天受留軍守壘自率千人趨湯溪宣平賊引去和春疏言天受知兵能占先著而力單遣其弟天培往助之詔加提督銜督辦浙江防剿事宜天受嚴守金華令天培復武義又會江南軍復永康張芾勦其驕縱縱兵搶掠昭能總統仍責剿賊天受方連克縉雲宣平溫州於是浙江巡撫公端書疏陳援浙功為白被劾之枉詔以浙事漸平命偕弟天培及總兵饒廷選等進援福建連戰皆捷復浦城而賊回竄江西復犯皖南命署湖南提督回軍防徽州節制諸軍從張芾之請也九年進軍甯國賊犯石埭太平涇縣皆遣將擊走之十年春官軍連捷於涇縣旌德賊復入浙境坐防勦不力褫勇號革職留任

時江南大營再潰軍事愈棘張芾疏言甯防將弁大半籍隸湖南皆鄧紹良舊部習氣甚深天受雖力求整頓轉滋疑謗請歸曾國藩節制國藩亦言其兵不可用別調募新軍倉猝不能至天受偕江長貴再復涇縣而賊糾大股犯甯國勢甚張天受激勵軍力禦既而徽州陷餉道梗絕遣去城中居民萬餘誓以身殉八月兵敗於廟埠天受督隊守北門大雨火器不燃城陷巷戰死之詔復天受原官子騎都尉兼雲騎尉世職諡忠壯以其弟天培天孚先皆殉節命於四川省城及本縣合建專祠天培由行伍從征廣西累擢守備隸向榮軍咸豐六年從破高資蔡家窩及塘西賊壘賜號衛勇巴圖魯七年克東壩平寶堰賊巢連戰於鄧山尖山克溧水又破賊於鎮江虎頭山累擢貴州定廣協副將克瓜洲以總兵記名八年授雲南鶴麗鎮總兵先後偕張國樑破賊林陵關及江甯南門外功皆最和春知其善戰令赴浙江援其兄天受迭克武義龍泉追賊入閩克浦城會江南北軍事急天培回援九年春賊分六路攻浦口張國樑督諸軍禦戰天培首先躍馬衝陣各軍乘之殲賊無算賊築壘於雙陽蕭家圩別

清史稿

列傳一百八十九

五

由九洲洲出悍眾來撲天培分兵擊之三戰三捷功出諸將上擢湖北提督遂駐防浦口是年冬匪首陳玉成糾眾十餘萬犯江浦天培乘其初至痛殲之既而賊膺集後路為所抄襲裹創血戰力竭陣亡優詔賜卹贈太子少保子騎都尉兼雲騎尉世職諡武壯天孚從兄天受軍轉戰以功洵保參將留江蘇補用咸豐九年賊犯皖南副將石玉龍戰死涇縣南山嶺天孚屯灣沚馳百里往援要擊於章家渡大破之由是以驍勇名奏援金壇會諸軍連戰解其圍十年江甯大營潰閩三月賊首李世賢大舉復圍金壇天孚偕總兵蕭知音參將艾得勝知縣李准同守之淮素得人心兵民合力屢却賊時江南軍事大壞孤城援絕天孚馳書兄天受始疏聞屢詔促鎮江副都統巴棟阿偕總兵馮子材赴援卒不至凡守百四十餘日糧盡軍無固志知音等願率兵民突圍走鎮江淮不可誓死守乃中止屢獲賊內應斬之城陷先一日偵知將有變竟夜登陴至旦分半隊休息值大霧叛兵遽起先戕天孚賊乃梯登知音得勝突圍出淮死之事聞贈天孚總兵子騎都尉世職諡威毅

饒廷選字枚臣福建侯官人以行伍游升千總道光中從剿臺灣有功擢守備從水師提督黃振彪出洋禽海盜擢章州營都司遷游擊治匪無株連得民心咸豐三年奉檄赴詔安治械鬪而潮州會匪襲漳州伏兵於城中突起鎮道皆遇害廷選聞變間道馳還號召鄉民千餘城民應之賊遁旋復大至廷選率鄉團固守迭戰破賊禽賊首謝厚等遂署漳州鎮總兵外剿內撫期年始平總督王懿德薦其才可大用四年授貴州安義鎮總兵留署福建陸路提督五年粵匪陷廣信浙江戒嚴廷選赴援扼衢州尋楚軍克廣信賊知浙境有備走徽州六年賊曾楊輔清復圍廣信以擾浙廣信兵僅數百知府沈葆楨馳書告急廷選方駐甲玉山曰賊得廣信則玉山不守而浙危矣值大雨水漲駛舟急行抵廣信賊已至城西太平橋初謀城中無兵及見旌旗賊為奪氣廷選所部僅千餘人屢出奇擊賊既而賊大至部將畢廷邦賴高翔皆勇敢獻計曰今賊不知我虛實以我能戰後路必有大兵若稍退賊追我且立盡當速決死戰廷選用其言明日開城奮擊自晨至日暮毀其長圍軍聲大振越二日賊引去賜號西

清史稿

列傳一百八十九

六

林巴圖魯閩浙大吏與江西督防者不憚檄廷選速回師保浙廷選待接防兵至始行廣信民感其義七年調衢州鎮總兵會皖軍克婺源八年賊首石達開大舉犯浙廷選分軍援廣豐自守衢州賊驟至穴地攻城城圯者三皆擊却之守七十餘日巡撫晏端書劾其久未解圍又失江山常山開化三縣奪職未幾圍解三縣皆復授南贛鎮總兵王懿德檄召回援閩境以病未行遽劾革職留營八年會克連城龍巖仍補南贛鎮總兵會國藩奏以代沈葆楨守廣信從民望也十年粵匪復犯浙廷選赴援復淳安擢浙江提督十一年秋攻克嚴州進規浦江賊大至不敵退保諸暨而杭州被圍急巡撫王有齡促回援廷選舊部僅漳勇數百楚軍二千事急收集江南潰卒皆不任戰徒激忠義勉以當賊賊於城外海潮寺鳳凰山為堅壁隔絕內外困守七十餘日糧盡士卒餓餓十一月城陷巷戰死之贈太子少保子騎都尉兼雲騎尉世職諡果壯入祀昭忠祠於杭州建專祠兄廷杰弟廷夔同戰死附祀焉既而會國藩沈葆楨以廷選守廣信功奏請建祠廣信以副將畢定邦賴高翔附祀文瑞克什克特恩氏蒙古鎮藍

旗人荆州駐防由饒騎校從軍轉戰湖北安徽累擢江西撫標中軍參將咸豐十年赴援浙江克餘杭以總兵記名解湖州圍賜號唐木濟特依巴圖魯授處州鎮總兵進剿金華賊圍浦江文瑞嬰城固守屢出奇破賊營逾月乃陷詔免其處分回援杭州入城助守城陷死之子騎都尉兼雲騎尉世職諡果毅彭思舉湖南平江人以團練剿賊從李元度為平江軍營官戰湖口東鄉貴溪安仁玉山積功晉秩知府元度罷去留所部五營隸斯舉始獨將一軍會攻景德鎮饒廷選見而器之調援浙江破賊於淳安復其城擢道員留浙補用駐守千秋關賊大至搏戰竟日潰圍出移防海甯會攻嚴州下之進援廣信而所部留駐常山者索餉譁潰斯舉率親兵赴杭州乞解軍事回籍巡撫王有齡留管營務處斯舉建議省城米糶來自甯紹錢塘江距城三里常築甬道兵護之運道乃無虞未及行而賊至城中竟以絕糧陷斯舉分守湧金門死之

清史稿

列傳一百八十九

七

張玉良字璧田四川巴縣人咸豐初由行伍從征廣西積功至千總四年從向榮至江南戰江甯城外屢有功累擢永州左營游擊六年敗賊於丹陽金壇賜號龍勇巴圖魯又敗賊於溧水西門燬其礮臺擢處州營參將七年克句容加大破江甯援賊擢甘肅巴里坤總兵攻太平金川諸門賊衆突出痛殲之馳援溧水毀紅藍埠賊壘克其城斬賊千餘級加提督銜九月會攻浦口大捷而九洲洲之賊來援王良率後隊截擊賊大潰十年春遂乘勝克九洲洲詔提督缺出題奏尋調肅州鎮總兵江南大營諸將善戰者向榮舊部多蜀將張國傑所部多粵將蜀將以虎坤元為首周天培及王良次之時浙江軍事亟議分軍赴援咸屬望於張國傑而圍攻江甯功在垂成國傑為全軍所繫不克行坤元天培已前歿乃命王良總統援浙諸軍專辦浙江軍務未至而杭州陷將軍瑞昌獨堅守駐防內城與賊相持王良率六百人馳至出賊不意燬武林錢塘諸門外賊壘梯城而上遂復杭州捷聞詔嘉為奇功賜黃馬褂子騎都尉世職擢廣西提督賊之擾浙也原以牽制江南軍故見王良至則不戰遽去由廣德分路趨江甯總督何桂清駐常州檄王良回援而賊別隊已侵江甯大營後路桂

清留玉良於常州以自衛未幾江甯兵潰張國棟和春先後殉詔玉良代節制其軍常州陷禦賊於無錫高橋賊由間道出九龍山襲無錫玉良前後受敵退保蘇州入城計守禦未定潰兵應賊蘇州亦陷玉良奔杭州視職蘇瑞昌軍瑞昌令規復嚴州繼克常山復原官十一年復遂安而嚴州又陷玉良自江南敗馭後兵心已渙不能復振賊再攻杭州馳援軍不用命自知事不可為戰杭州城下輒身臨前敵力鬪中飛礮歿於軍贈太子少保子騎都尉兼雲騎尉世職祀本籍昭忠祠諡忠壯魯占畿四川成都人由行伍官平番營守備從向榮剿賊廣西江南繼從吉爾杭阿克上海攻鎮江戰皆力累擢川北鎮總兵調建昌鎮蘇州陷為賊所執罵賊被割死之贈提督銜子騎都尉兼雲騎尉世職劉季三廣西武宣人以武舉從右江道張敬修戰桂林全州授左江鎮總守備從向榮至江南積功至副將賜號直勇巴圖魯咸豐八年大兵攻秣陵關季三於葛塘寺設伏出賊不意斬關入火之又破六郎橋賊巢功皆最擢直隸通永鎮總兵十年張國棟督諸軍攻江甯季三任上關一路壽德州守賊秦禮國獻壘

清史稿

列傳一百八十九

八

內應破上關拔出難民千餘解散脅從五千餘人從張玉良援浙江克餘杭臨安進秩提督是年秋賊陷嚴州掠富陽季三孤軍往援戰竟日死之子騎都尉兼雲騎尉世職諡忠毅

雙來徐氏漢軍正白旗人由拜唐阿累邊總儀衛治儀正出為甘肅碾伯營都司擢秦州營游擊道光二十七年赴援回疆行至黑孜布依遇賊兵少被圍相持十餘日援至合力破賊方圍急賊塞水源以斷汲路越日泉湧盈塘宜宗聞之嘉歎曰此將士忠義所感也命以參將用賜花翎法福哩巴圖魯勇號尋敗賊於駱駝脖子加副將銜歷靈州營參將永固協副將咸豐二年調赴欽差大臣琦善軍擢肅州鎮總兵三年從琦善攻揚州勇銳為一軍之冠戰輒手執大旗以先迭破賊毀西北隅土城悉奪其營壘賊遁入城死守圍攻兩閱月雙來發礮城垣丈餘作梓渡河逼城布雲梯鼓勇先登縱火賊於城上苦鬪槍彈如雨雙來傷頰折二齒暈跌扶下從卒多傷亡以無繼援而退特詔褒獎加提督銜他將觀望者並被譴越旬日雙來復督隊攻城力戰逾時中礮洞穿右股

猶大呼登城殺賊翌日創甚卒於軍文宗素知其勇事聞震悼手批其疏曰雙來何如是不幸朕隕涕覽奏不勝悲憤然視彼貪生退縮者奚啻霄壤詔依提督例優卹賜銀一千兩命柩歸時專奏入城治喪予騎都尉兼雲騎尉世職諡忠毅後都統德興阿疏言雙來與總兵程騰龍戰績尤異先後於江北陣亡請在揚州建雙忠祠合祀詔允之

程騰龍字在田湖南善化人由行伍補千總剿擒匪趙金龍及乾州苗有功累擢古丈坪營都司署鎮宜鎮標游擊咸豐元年率標兵赴廣西剿匪迭破賊於武宣桐木馬鞍山永安古排塘二年援桂林以巨礮擊賊於文昌門殲斃甚眾賜號莽阿巴圖魯擢永綏協副將追賊入湖南迭戰於甯遠來陽永興安仁賊圍攻長沙騰龍率苗兵千人赴援借鄧紹良破南門外賊柵賊以地雷轟城比十餘丈騰龍守城缺力禦斬悍賊三百餘人城復完加總兵銜三年從向榮戰武昌遂尾賊東下擢湖北鄖陽鎮總兵抵江甯賊已分黨北犯命率所部馳赴山東河南防勦行至高郵琦善疏留其軍會攻揚州騰龍身先士卒與總兵雙

清史稿

列傳一百八十九

九

來並號軍鋒既而雙來以傷殞遂兼領其軍充翼長琦善倚之揚州久不克而賊之踞瓜洲者盡力來援騰龍扼三汊河賊至十倍我軍騰龍下令有進無退回顧者斬下馬持大刀闖入陣士卒皆喋血戰賊退夜乘雷兩突之賊不辨眾寡自相踐殺及曉屍骸狼藉斃賊二千有奇尋賊揚帆巡趨揚州南門登東岸復馳擊走之於是樹巨楛以阻河路賊屢突圍擊退十一月賊全隊衝出併入瓜洲乃復郡城初向榮疏調騰龍回軍江甯不許至是詔率兵援安慶琦善奏三汊河要衝特騰龍力守仍請留賊於運河南岸築數壘以逼三汊河進攻破之四年正月進攻瓜洲設伏誘賊出伏起大破之二月復進攻乘夜雪襲賊連破二壘深入賊傾巢出鈔官軍後圍數重戰竟日被傷下馬步戰力竭死之年六十有四贈提督子騎都尉兼雲騎尉世職諡威壯

王國才字錦堂原姓羅氏雲南昆明人以武舉效力督標游升守備道光末勦彌渡回匪禽賊首海老峽賜號勝勇巴圖魯擢都司從勦廣西賊轉戰大黃江永安州有功尋撤演軍歸伍咸豐二年平尋甸回匪擢山東青州參將三年吳

文銘移督兩湖疏調率所部赴湖北行至天門遇賊以親兵七十人擊走之會文銘戰歿黃梅國才將返演過荊州將軍官文留之子兵千二百練勇五百守城北龍會橋賊萬餘猝至軍士氣沮國才曰賊如潮湧不進何以求生親以烏槍斃執旗賊大呼陷陣賊披靡墜河無算追至馬滄山賊敗竄軍中稱其勇官文令整飭諸縣團練荊州獲安賜花翎以副將升用四年署督標中軍副將從總督楊需防德安會湘軍規大治國才當右路連破賊克蕪州楊需以川練千人益其軍進攻九江五年率部將畢金科戰城下數捷會楊需師潰國才回援武昌夜至城已陷未知也先驅入城始覺賊由漢陽悉眾來拒國才突圍出駐金口進大軍山尋屯沌口借水師合攻漢陽設伏誘賊出殲之賊屢襲金口沌口皆擊退破大別山城學授竹山協副將署鄖陽鎮總兵總督官文進逼漢陽國才屢從破賊六年諸軍合攻國才越漢逼城下一擁而入巷戰殺賊甚眾加總兵銜記名簡放復黃梅守之改隸將軍都興阿七年賊由太湖來犯以空城誘賊入斬獲無算追至九江對岸連破賊段審楓樹坳狗山鎮雲南回匪熾調

清史稿

列傳一百八十九

十

回援官文胡林翼疏留不遣黃梅城僻隘國才謂不足屏蔽請守雙林驛都興阿不許乃屯城西分副將石清吉守城賊屢犯却之授貴州安義鎮總兵六月皖賊陳玉成糾賊數十萬上犯國才被圍力戰歿於陣贈提督予騎都尉兼雲騎尉世職建專祠設剛介

虎坤元字子厚四川成都人父嵩林咸豐初以湖南游擊調廣西剿匪從向榮戰紫金山攻永安解桂林長沙圍並有功從至江南累擢湖北宜昌鎮總兵偕巡撫吉爾杭阿克上海遂從攻鎮江屢破賊於寶蓋山倉頭下獨街高資在江南軍中稱宿將坤元年十七從父軍勇力過人戰先登軍中號曰小虎初至江甯奪鍾山賊壘功最擢守備四年克高淳太平賜花翎鼓勇巴圖魯勇號擢川北鎮標都司五年援澧沅焚賊舟乘勝取蕪湖坤元躍登城殺守賊賊遂克之六年江甯賊出援鎮江坤元日馳至三汊河擊敗之又戰於下蜀街破賊壘追賊直至仙鶴門擢建昌鎮標游擊從總兵秦如虎援浙江而甯國告陷遇賊於宣城紅林橋設伏身率數騎誘賊敗之進攻甯國未下回援鎮江嵩林為

賊所困馳入重圍掖之出會江甯大營潰向榮等退守丹陽賊逼至勢甚張坤元偕張國樞力戰却之遂從嵩林移駐珥陵扼賊犯常州之路未幾國樞戰五里牌傷勝急召坤元夜至簡精銳未曉即出險簡濟河東攻黃土臺賊壘躍上壘牆毀其柵大隊擁入勁騎鈔賊無脫者連破五壘國樞亦破河西賊壘賊勢始挫坤元以是名出諸將上乘勝進兵隘月遂解金壇之圍擢參將進攻東壩填濠登城負創力戰手斬悍賊復之又克高淳以副將儘先升用七年會攻溧水賊屢來援與城賊夾攻官軍坤元迭破之於郎山拓塘博望天里山小茅山凡十餘戰殲戮無算禽偽廷天侯陳士章慶嗣城下四晝夜躍登南門復溧水授貴州定廣協副將又敗賊於高陽橋克湖墅龍都張國樞攻句容賊堅守未下檄坤元往助值賊出撲率數十騎突之進逼南門縱火焚城樓大軍繼之遂克句容叙功以總兵記名簡放從國樞規鎮江時賊由江甯來援蟻聚七星觀倉頭坤元以輕騎誘敵入伏中大敗之追擊立破三壘賊退至三汊河伏兵又起無去路坤元大呼棄戈者免死殺賊首者賞降者數百人是役斬賊及淹斃者三千有奇生禽三百尋敗賊於西堰回援賊復於倉頭顧家壩築壘坤元於山後樹柵為疑兵自率小隊衝鋒殲悍賊而賊以大隊來拒諸軍環擊乘勢全毀賊營鎮江守賊遂遁追至龍潭痛殲之坤元甫授直隸通永鎮總兵文宗手批其謝恩疏曰聞汝父子在軍營甚為奮勇汝年未三十已膺顯秩務勉勵以副朕望至是復下部優叙尋丁母憂奪情留軍八年攻秣陵關逼賊巢為壘賊出關敗之窮追騎獨前惟游擊劉萬清從疑有伏止之勿聽進至石橋中槍而殞萬清奪其屍還和春疏聞言坤元從軍八載忠勇性成善以少擊衆自為都守父子所入之資悉以養勇士故旌旗所指無不披靡歷經頒給御賜金牌六次受二等傷四次頭等傷十二次灼頸落指瀕死者屢矣既歿大江南北同聲悼惜詔從優卹於溧水湖墅及死事地方建專祠設忠壯子騎都尉兼雲騎尉世職未娶無子以弟坤岡襲是年其父嵩林守溧水為賊陷坐視賊以坤元陣亡故獲免治罪嵩林回籍助勦演匪命襄治團練卒於家

清史稿

列傳一百八十九

十一

戴文英廣東羅定人由行伍從勦維鏡凌十八有功擢千總咸豐三年從向榮

援江甯初至進攻文英偕張國樑穿越深林蕘葦十餘處潛襲兩花臺賊營後大敗之賜號色固巴圖魯四年勦賊七橋豐往來衝鋒又偕總兵德安破賊營五年戰高資皆以勇銳稱累擢惠州管都司六年攻鎮江戰於京峴山馳馬入賊陣槍斃悍賊甚多擢南韶營游擊從張國樑援金壇率精銳過河奮擊解金壇之圍兩江總督怡良薦舉將才文英與其選大兵克東塘賊壘平智堰賊巢文英率茅村團練獨當一路斬獲多擢淮安營參將七年從張國樑攻鎮江駐紅花山賊衆來撲文英衝入賊中手刺殺悍酋數人賊大敗擢江南督標中軍副將是年冬攻克鎮江府城記名總兵八年克林陵關授直隸通永鎮總兵時江甯長圍漸合賊百計潰圍屢出衝突文英從張國樑四面兜勦直抵外濠焚燬望樓皖北援賊陷溧水文英偕張玉良馳赴會勦分攻紅藍埠逼河礮擊乘夜渡河踏平賊壘遂復溧水而賊復自西路來援文英自督前隊以勞山礮迎擊騎兵包抄斃賊無算會提督鄧紹良在甯國爲賊所困文英馳援遇賊於灣沚連戰皆捷而賊至愈衆力竭歿於陣文英在軍中以善戰名爲張國樑所倚

清史稿

列傳一百八十九

十二

甫擢專閫而殞文宗惜之優詔賜卹稱其所向有功克溧水破援賊功爲尤著予騎都尉世職設武烈

論曰烏蘭泰忠勇冠軍與向榮不合致無成功時論多右之鄧紹良周天受老於軍事保障皖南軍律不嚴終不能保全浙境張玉良後起號驍健江南師潰之後竟不復振諸人皆當一面以死勤事其成敗有足鑑者雙來瞿騰龍王國才虎坤元戴文英並以善戰名志決身殲時論惜焉

清史稿

列傳一百九十

勝保

托明阿

德興阿

勝保字克齋蘇完瓜爾佳氏滿洲鑲白旗人道光二十年舉人考授順天府教授遷贊善大考二等擢侍講累遷祭酒屢上疏言事甚著風采歷光祿寺卿內閣學士咸豐二年因天變上疏論時政言甚切直略謂廣西賊勢猖獗廣東湖南皆可憂賽尙阿督師無功請明賞罰以振紀綱河決不治河員之罪刑輕盜風日熾應明敕法以肅典常臣工奏摺多留中恐滋流弊一切事務殊批多而諭旨少市井細民時或私論聖德疏入下樞臣傳問疏末兩端令直言無隱覆奏曰殊批因事垂罰臣工奉到遵行他人不與聞非若諭旨頒示天下近日諸臣條奏雖依議而原奏之人不知交部重案覆奏依議外人並不知作何發落古者象魏懸書俾衆屬目似宜通行宣示以昭朝廷之令甲而杜胥吏之蔽欺至愚賤私議或謂皇上勵精之心不如初政或謂勤儉之德不及先皇今遊觀之所煥然一新釋服之後必將有適性陶情之事見在內府已有採辦梨園服飾以備進御者夫鼓樂田獵何損聖德然自古帝王必先天下之憂而憂後天下之樂而樂書曰無于水監當于民監誠不可不察也文宗不憚明諭指駁以其意存諷諫不之罪也尋因自行撤回封奏降四品京堂會粵匪犯武昌勝保疏陳辦賊方略命馳往河南交欽差大臣琦善差遣三年春偕提督陳金綬率兵援湖北安徽而江甯告急至則城已陷駐兵江浦勝保疏陳軍事稱旨命以內閣學士會辦軍務克浦口而賊陷揚州偕陳金綬進勦擊賊鎮海寺南破之薄揚州城下賜花翎又連破賊於天甯廣儲門外奉命赴安徽勦賊而賊已入河南渡河圍懷慶勝保會諸軍進擊將軍托明阿軍其東勝保軍其南時督師大學士訥爾經額進駐臨洺關援軍數路久頓城下惟二軍戰較力命勝保幫辦河北軍務七月分三路進攻賊壘大破之懷慶圍解加都統銜賜黃馬褂予霍鑾巴圖魯名號賊竄山西連陷數縣諸軍遷延惟勝保率善祿西凌阿兵四千尾追一破之封門山口再破之平陽繞出賊前扼韓侯嶺尋復洪洞平陽勦

清史稿

列傳一百九十

一

逗留諸將托雲保董占元烏勒欣泰等罪之詔嘉勝保果勇有為授欽差大臣代納爾經領督師節制各路特賜康熙朝安親王所進神雀刀凡貽誤軍情者副將以下立斬以聞賊既不得北竄轉而南由澤潞間道入直隸境納爾經領師潰於臨洛關賊復猖獗順德趙州正定勝保由井陘一路迎截坐迫賊不力鑄二級命惠親王繇倫為大將軍科爾沁郡王僧格林沁為參贊大臣駐軍涿州直隸軍務仍責勝保專任而以西凌阿善祿副之賊東竄由深州河間窺天津勝保轉戰追賊至靜海賊由獨流分踞楊柳青迭擊之遂聚於靜海獨流負岫久踞詔僧格林沁進軍合勦四年春賊突圍走阜城追擊賊數千陣斃悍酋吉文光而援賊由江北偷渡黃河擾山東命勝保移兵往勦臨清失守坐視職戴罪自效尋破賊克臨清餘賊南走追擊迭破之解散甚眾及賊入豐縣僅千餘人燬之河岸悉數殲除捷聞復職加太子少保僧格林沁圍林鳳祥李開方於連鎮久未下命勝保回軍會勦開方突出分股竄山東勝保親率輕騎追之賊陷高唐踞守圍之數月不能克迭詔詰責職逮京治罪遣戍新疆直

清史稿

列傳一百九十

二

隸山東賊既平子藍翎侍衛充伊犁領隊大臣六年召還發往安徽軍營差遣七年予副都統銜辦河南軍務擒匪方熾勝保至連破之方家集烏龍集柳溝集克三河尖老巢又克河關復霍邱大捷於正陽關斬擒首魏藍奇等加頭品頂戴八年平鄧家集喬家廟趙屯諸擒匪大股圍固始擊破之殲賊萬餘斬偽顯天侯卜占魁等固始圍解詔嘉謀勇兼優遇都統缺出提奏復黃馬褂巴圖魯免其弟廉保遣戍罪匪陳玉成李侍賢合陷廬州鳳陽授勝保鎮黃旗蒙古都統命為欽差大臣督辦安徽軍務連破賊於定遠池河高橋督軍抵三河賊遁走擒首李兆受久踞江淮間與粵匪勾結及見粵匪屢挫漸持兩端勝保親至清流關密招之許歸誠後免罪授官兆受以其部下家屬在江甯請緩發至是進攻天長兆受內應克之遂獻滁州奏授參將職改名世忠安置降衆自為一軍九年克六安擒首張元龍以鳳陽降復臨淮關進克霍山盱眙破賊清水嶺斬其酋吳加孝遂克懷遠而廬州定遠久未下賊仍蔓延丁母憂奪情留軍十年罷欽差大臣命赴河南勦匪御史林之望論劾降授鎮藍旗漢

軍副都統復坐勦匪不力降授光祿寺卿召回京甫至會英法聯軍內犯命率八旗禁軍駐定福莊借僧格林沁瑞麟進戰通州八里橋敗績勝保受傷退保京師停戰議和勝保收集各路潰軍及勦王師續至者共萬餘人疏陳京兵亟應訓練擬議章程以進命兼管圓明園八旗內務府包衣三旗親督操練是為改練京兵之始十一年擢兵部侍郎拾匪擾山東詔分所部五千人畀僧格林沁往勦尋命勝保赴直東交界治防連克邱縣館陶冠縣莘縣破賊老巢招降擒首宋景詩率衆隨軍復朝城觀城命督辦河南安徽勦匪事宜河北肅清予優叙是年七月文宗崩於行在穆宗嗣位肅順賊垣端華等輔政專擅勝保言將入清君側肅順等頗忌憚之洎回鑾上疏曰政柄操之自上非臣下所得專皇上冲齡嗣位輔政得人方足以資治理怡親王載垣鄭親王端華等非不宣力有年赫赫師尹民具爾瞻今竟攬君國大權以臣僕而代輪音挾至尊而令天下實無以副寄託之望而鑿四海之心該王等以承寫殊論為辭居之無疑不知皇上續承大統天與人歸原不以殊論之有無為重至贊襄政務當以

清史稿

列傳一百九十

三

親親尊賢為斷不當專以承寫為憑先皇帝彌留之際近支親王多不在側仰窺顧命苦衷所以未留親筆殊論者未必非以輔政之難得其人待皇上自擇而任之以成未竟之志也嗣聖既未親政皇太后又不臨朝是政柄盡付之該王等數人其託諸聖簡放鈐用符信圖章以此取信於人無如人皆不信民謬可畏天下難欺近如御史董元醇條陳極有關係應准應駁惟當斷自聖裁廣集廷議以定行止乃徑行擬旨駁斥已開矯輻之端大失臣民之望道路之人皆曰此非吾君之言也非母后聖母之意也一切發號施令真偽難分衆情洶洶咸懷不服夫天下者宣宗成皇帝之天下傳之文宗顯皇帝以付之我皇上者也昔我文皇后雖無垂簾之明文而有聽政之實用為今之計非皇太后親理萬幾召對羣臣無以通下情而正國體非特簡近支親王佐理庶政盡心匡弼無以振紀綱而順人心惟有願懇皇上俯察芻蕘即奉皇太后權宜聽政而於近支親王擇賢而任仍秉命而行以成邸治奏上會大學士周祖培等亦以為言下廷議從之肅順等並伏法尋授鎮黃旗滿洲都統兼正藍旗護軍統

領時檢匪肆擾皖豫間以張洛行為最強苗沛霖自踞壽州逼走巡撫翁同書後伴稱就撫陰與粵匪陳玉成勾結署巡撫賈臻被圍於潁州久不解楚軍已克安慶陳玉成退踞廬州朝廷本意安徵軍事屬之李續宜用為巡撫沛霖舊隸勝保部下心憚楚軍揚言勝保來始難髮賈臻以聞詔促勝保援潁州同治元年遣軍先進為賊所挫三月勝保至擊破賊壘圍乃解加兵部尚書銜多隆阿等克廬州陳玉成遁走沛霖誘禽之獻於勝保軍詔於軍前誅玉成赦沛霖罪許立功後復官沛霖擁衆數十萬所屬二百餘圩與張洛行勢敵相仇自請勦之心實回測詔詢曾國藩官文李續宜袁甲三等皆主勦獨勝保一意主撫上疏言事權不一身為客軍地方嗾請以安徽河南兩巡撫辦軍務尤之迭詔訓飭褒其才略戒其驕復卒不援力言沛霖無他而為李續宜所疑恐激變續宜奉旨進駐潁州亦迄不至會陝西回亂賊多隆阿援軍阻隔不能遽達遂授勝保欽差大臣督辦陝西軍務八月轉戰至西安解其圍降捻宋景詩中途率衆叛走東路同州朝邑猶為回踞詔責勝保專勦東路命多隆阿進軍分

清史稿

列傳一百九

四

任西路勝保力不能制賊而忌多隆阿擅調苗沛霖率兵赴陝嚴詔斥阻不聽命價格林沁大軍監制乃止於是中外交章劾勝保驕縱貪淫冒餉賄擁兵縱寇欺罔貽誤下價格林沁及山西巡撫英桂西安副都統德興阿察實奏上密詔多隆阿率師至陝傳旨宣布勝保罪狀褫職逮京交刑部治罪籍其家二年王大臣會鞫勝保僅自承携妾隨營呈訴參劾諸人誣告之罪詔斥其貪汚欺罔天下共知苗沛霖已戕官踞城宋景詩反覆背叛皆其養癰貽患不得謂無挾制朝廷之意念其戰功足錄從寬賜自盡並逮其從官論罪有差當其被逮也降捻李世忠已擢至提督請黜已官為之贖罪不許御史吳台壽疏言勝保有克敵禦侮之功無失地喪師之罪請從末減台壽兄台朗在勝保軍中詔斥黨附褫台壽職

托明阿鄂棟氏滿洲正紅旗人由侍衛擢護軍參領出為山東兗州營游擊從巡撫武隆阿征回疆以功賜花翎累擢曹州鎮總兵調四川松潘重慶二鎮道光二十四年擢四川提督以病去職二十七年起授烏魯木齊提督調陝西擢

綏遠城將軍整飭戎政勤於訓練咸豐三年粵匪林鳳祥等陷揚州逼淮徐命率所部赴江南山東交界防堵進屯清江浦賊竄滁州托明阿赴援與周天爵會勦遂追賊至河南迭戰於睢州杞縣陳留中牟進克汜水殲賊千餘被珍寶命襲辦軍務賊竄河北圍懷慶乃渡河會諸軍分路進攻迭有斬獲賊築土城樹木柵以拒合攻破之禽斬數千賊始遁懷慶圍解論功賜黃馬褂子西林巴圖魯名號追賊山西詔以勝保督師命托明阿襲辦賊竄入直隸境坐降五級留任尋以傷劇解職回旗四年春病痊命赴直隸仍幫辦價格林沁勝保軍務賊方踞阜城堅守不出諸軍圍之托明阿屯東北賊來撲擊退突由東南隅竄出踞連鎮夾運河托明阿與都統西凌阿軍東西兩岸圍復合會琦善督師揚州卒於軍命托明阿為欽差大臣馳往代之授江甯將軍自賊踞江甯鎮江揚州皆陷南北梗阻大軍分兩路向榮軍江南琦善軍江北北軍攻揚州不能克賊棄城去聚於瓜州與南岸鎮江相犄角江甯賊時乘鉅艦順流而下陸師不能扼水師力薄亦不能制賊上游浦口最當衝要賊於沙洲結營時圍進

清史稿

列傳一百九

五

竄恃總兵武慶一軍及道員溫紹原六合練勇為屏蔽亦不能進取托明阿至軍令副將鞠殿華毀運河鐵鎖提督陳金綬循東岸進攻小有斬獲又截擊賊餘斃偽丞相黃起茅自督舟師渡江略北固山金山而還五年瓜洲鎮江賊合犯儀徵令副都統德興阿總兵李志和擊退又進軍三汊河誘賊敗之托明阿見價格林沁於連鎮馮官屯皆以圍堵制賊議仿其法於瓜洲築長圍以困之然瓜洲濱大江江路不斷且地勢表長不易守實無足恃圍成屢借陳金綬進攻無大勝利江甯賊踞江浦石磯橋武慶西昌阿等馳擊克之巡撫吉爾杭阿督師攻鎮江甚急於是議南北同時進勦六年二月江甯賊大舉援鎮江未得逞渡江與瓜洲賊合突越土圍四出縱火官軍戰士橋竟日傷亡多托明阿營壘被燬退三汊河又退秦家橋幾不能軍陳金綬雷以誠等亦退走揚州遂陷諸營潰散惟德興阿猶整軍力戰向榮遣鄧紹良渡江來援越十日復揚州而江浦亦為賊踞詔褫托明阿職留營効力尋以病歸八年予頭等侍衛率兵駐楊村防英兵內犯授直隸提督遷西安將軍同治元年以傷病乞休四年卒陳

金綬四川岳池人從勦教匪授把總積功至都司道光初從征回疆破賊於佳
噶賴功最賜號逸勇巴圖魯擢留壩營游擊十三年直隸總督琦善調司教練
累擢督標中軍副將琦善倚之以堪勝總兵薦擢天津鎮二十二年擢直隸提
督及琦善督師勦粵匪率所部三千以從詔金綬為楊遇春舊部命幫辦軍務
率兵先發又以其不諳文字命勝保偕行咸豐三年春趨援江甯借勝保克浦
口詔責專防江北揚州陷由六合儀徵趨援琦善大軍始至合攻揚州琦善軍
其北金綬勝保軍其西累戰皆捷賊堅守數月不下而瓜洲一路通江兵少不
能合圍賊分犯浦口踞之進陷滁州遂北竄勝保率兵赴安徽援應迭詔以孤
城久抗責攻益急總兵雙來奮進緣梯登城金綬策應兵不聽命雙來以無援
負創退尋歿於軍自此不敢力攻而賊時由瓜洲窺伺來援屢却之十一月賊
陷儀徵兩路同時來犯參將馮景尼守楊子橋先潰諸軍多失利城賊擁重
突出趨瓜洲琦善金綬不能截擊並坐視賊留軍揚州雖復賊久踞瓜洲四年
春琦善卒於軍金綬暫署關防托明阿至借金綬進攻瓜洲毀賊礮臺尋攻新

清史稿

列傳一百九十

六

橋賊聖金綬之姪能義及游擊海明殞於陣江北軍多疲玩金綬年老文宗以
其謹愿姑容之閱時輒報小捷屢以虛飾被斥至托明阿兵潰土橋金綬及雷
以誠駐萬福橋望風而走事後飾辭自辨又奏隨同克復揚州為德興阿論劾
應治罪金綬已先歿於軍矣

德興阿喬佳氏滿洲正黃旗人黑龍江駐防道光末由駐京前鋒授藍翎侍衛
乾清門行走累擢頭等侍衛以善騎射受文宗知曾手禽奔馬賜黃馬褂咸豐
二年命率黑龍江兵赴琦善軍三年從攻揚州屯蔣家廟為通儀徵要路賊賊
竄出奮擊敗之瓜洲援賊進踞虹橋與守備毛三元夾擊於三汊河德興阿單
騎陷陣射殲其酋大破賊加副都統銜別賊破儀徵分兩路來犯德興阿急趨
東石人頭毀賊浮橋而瓜洲賊又進築土城於西河偃三汊河與儀徵賊相持
角德興阿偕總兵瞿騰龍渡河毀賊營賊乃不能西進是年冬賊棄揚州城退
踞瓜洲官軍進復儀徵授正白旗漢軍副都統四年借翟騰龍進攻瓜洲騰龍
深入為賊所襲殞於陣德興阿率勁騎馳援賊敗走軍賴以全賜號博奇巴圖

魯尋復敗賊三汊河賊埋地雷誘官軍德興阿偵知揮軍繞路而前賊伏壘不
出遂分軍兩路夾攻斬賊過當奪獲大礮地雷捷聞普御前侍衛五年迭攻瓜
洲賊壘又被擊竄賊於虹橋入江口等處皆獲勝六年托明阿兵敗於土橋揚
州復陷諸軍渙散獨德興阿軍未動詔勸托明阿以德興阿為欽差大臣加都
統銜敗賊薛家樓進規郡城賊萬人迎敵德興阿身先士卒斬賊酋一諸軍乘
之賊大潰乘勝復揚州同時江浦浦口並為賊踞令總兵武慶攻克之德興阿
戰功素為江北諸軍冠惟不曉漢文命少詹事翁同書為幫辦添調新兵軍聲
稍振進規瓜洲七年參將富明阿破賊於土橋四里鋪水師又擊沈賊船斬偽
將軍陳磊是年夏合水陸諸軍進攻賊艦及礮臺德興阿親督戰更番進逼
至十一月大破之復瓜洲賊負嵎歷四年至是始克詔嘉調度有方賜雙眼花
翎子騎都尉世職乘勝逼金山勦平新河口龍王廟等處餘匪江南軍亦同日
克鎮江專力進攻江甯八年春德興阿進軍江浦獲勝江甯賊勢日蹙悍黨陳
玉成等由安徽糾眾來援德興阿兵敗於浦口退保六合視雙眼花翎革職留

清史稿

列傳一百九十

七

任賊連陷江浦天長儀徵德興阿不能救揚州亦陷視世職尋張國樞率兵渡
江復揚州而德興阿擁兵邵伯觀望不前嚴旨斥責溫紹原守六合歷數年為
江北屏蔽至是亦以援絕被陷紹原死之翌日而張國樞馳至已無及國樞以
江甯軍事急移軍渡江詔責德興阿規復六合軍已不振迄無功何桂清疏劾
德興阿乘性粗率初賴翁同書相助得克瓜洲自同書調任安徽巡撫去後左
右無人毫無謀略貽誤軍事和春亦劾其舉動乖謬難以圖功文宗猶念其前
勞未遽加譴九年以圍攻六合久不下革任召還自此江北不置帥軍務統歸
和春節制尋予六品頂戴交僧格林沁差遣十一年署雲南副都統同治初授
西安右翼副都統留辦山西防務又移駐陝西同朝一帶防勦五年充塔爾巴
哈臺參贊大臣授正紅旗漢軍副都統幫辦新疆北路軍務六年丁母憂回旗
尋卒依都統例賜卹設感格

論曰勝保初以直隸稱及出治軍膽略機警數著功績然負氣凌人雖僧格林
沁不相下自餘疆臣共事無不齟齬互劾文宗殿取之屢置屢起蓋惜其才也

始終以客軍辦賊無自練之兵無治餉之權無用悍寇而紊紀律濫收廢員而通賄賂又縱淫侈不自檢束卒因袒庇苗沛霖與楚軍不相能朝廷苦心調和而不之喻遂致獲罪功過固莫掩也托明阿德興阿皆戰將非獨當一面之才負乘債事宜哉斯又不足與勝保並論矣

清史稿

列傳一百九十

清史稿

列傳一百九十一

僧格林沁

全名 僧格林沁 字 功 貝勒 蒙古 正藍旗 蒙古 都統 總理 行營 調 鎮 白 旗 滿 洲 都 統

僧格林沁博爾濟吉特氏蒙古科爾沁旗人本生父畢啓四等台吉追封貝勒族父索特納木多布齋尙仁宗女公主無出宜宗爲選於族衆見僧格林沁儀表非常立爲嗣道光五年襲封科爾沁札薩克多羅郡王爵十四年授御前大臣補正白旗領侍衛內大臣正藍旗蒙古都統總理行營調鎮白旗滿洲都統出入禁闈最被恩眷咸豐三年粵匪林鳳祥李開方等北犯命僧格林沁偕左都御史花沙納等專辦京師團防八月欽差大臣訥爾經額師潰臨洛關賊竄正定詔授惠親王綿愉爲奉命大將軍僧格林沁爲參贊大臣上御乾清宮親頒關防賜納庫素光刀命率京兵駐防涿州十月賊陷靜海窺天津兵進永清又進王家口賊不得前乃踞獨流鎮四年正月僧格林沁會欽差大臣勝保軍乘夜越濠燔其壘賊西南逸追擊之子牙鎮南禽斬甚衆賜號湍多巴圖魯復連敗賊於河間束城村獻縣單家橋交河富莊驛賊竄踞阜城縣城附城卹堡

清史稿

列傳一百九十一

皆爲賊屯僧格林沁偕勝保率副都統達洪阿侍郎瑞麟將軍善祿等諸軍圍擊毀堆村連村杜場諸賊屯礮聲悍酋吉文元賊猶頑抗攻之累月不下粵匪復自江北豐縣渡河擾山東逼近直隸境欲以牽掣大軍勝保及善祿先後分兵迎勦迭詔責僧格林沁速攻阜城於是穴地爲重濠長圍困之四月賊乘風突圍出竄東光連鎮連鎮跨連河分東西兩鎮村落相錯賊悉踞之僧格林沁自率西凌阿屯河東令托明阿屯河西別遣馬隊扼桑園會勝保已破賊山東回軍合攻連鎮五月賊酋李開方以馬隊二千餘由連鎮東突出趨山東勝保率騎兵追之遂竄踞高唐州詔斥僧格林沁疏防責速攻連鎮自贖會霖兩河漲賊聚高阜官軍屯窪地勢甚棘於是議開濠築隄以水灌賊營隄成蓄水勢如建瓴賊大困屢出撲皆擊退九月東西鎮各出賊數千欲突圍而竄爲官軍所扼糧盡勢蹙附近村莊皆收復合力急攻凡數十戰十二月斃僞檢點黃某悍黨詹啟綸出降焚西連鎮賊巢僅餘死黨二千餘人以大礮環擊五年正月破東連鎮木城賊冒死衝突盡殲之禽林鳳祥檻送京師誅之餘輔肅清錫封

僧格林沁為博多勒噶台親王擢其子二等侍衛伯彥訥謨祜御前行走敕移師赴高唐州督辦軍務先是勝保圍攻高唐久不下密詔僧格林沁查辦至即効罷之賊聞連鎮既下喪膽欲遁大軍數日即至故疏其防賊果乘隙夜走親率五百騎追奔五十里至在平馮官屯賊踞以守合軍圍攻四面礮擊賊掘地為濠盤旋三市穴堀潛藏穿孔伺擊攻者傷亡甚多復議用水攻挑河築壩引徒駭河水灌之賊屢衝突皆擊退四月水入賊營紛紛出降禽李開方及其死黨黃懿端等八名械送京師誅之北路蕩平又宗大悅加恩世襲親王罔替五月凱撤回京上御養心殿行抱見禮賜朝珠及四團龍補褂又御乾清宮恭繳參贊大臣關防賜宴勤政殿從征將士文武大臣並預焉林鳳祥李開方為粵匪悍黨狡很善戰兩年之中大小數百戰全數殄滅無一漏網僧格林沁威名震於海內時英吉利在粵東開釁乘東南軍事方棘多所要挾每思北犯故近歲肅清後命西凌阿分得勝之師赴援湖北而僧格林沁遂留京師六年丁本生母憂予假百日在京持服尋調正黃旗領侍衛內大臣七年四月英吉利兵

清史稿

列傳一百九十一

二

船至天津海口命僧格林沁為欽差大臣督辦軍務駐通州托明阿屯楊村督前路倉猝徵調兵難驟集敵兵已佔海口礮臺闖入內河議掘南北運河洩水以阻陸路別遣議和大臣桂良花沙納赴天津與議條約五月議粗定英兵退未盡事宜桂良等赴上海詳議於是籌議海防命僧格林沁赴天津勘築雙港大沽礮臺增設水師以瑞麟為直隸總督襄理其事奏請提督每年二月至十月駐大沽自天津至山海關海口北塘蘆溝河口蒲河口秦皇島石河口各礮臺一律興修九年桂良等在上海議不得要領五月英法兵船犯天津毀海口防具駛至雞心灘轟擊礮臺提督史榮椿中礮死別以步隊登岸僧格林沁督軍力戰大挫之毀敵船入內河者十三艘持數日敵船引去九年六月英法俄美四國兵百餘艘復來犯知大沽防禦嚴固別於北塘登岸我軍失利敵以馬步萬人分撲新河軍糧城進陷唐兒沽僧格林沁力扼大沽兩岸文宗手諭曰天下根本在京師當守津郡萬不可寄身命於礮臺若不念大局只了一身之計有負朕心蓋知其忠憤慮以身殉也尋於右岸迎戰失利礮臺被陷提

督樂善死之僧格林沁退守通州奪三眼花翎領侍衛內大臣及都統迭命大臣議和不就敵兵日進迎擊獲英人巴夏禮送京師戰於通州八里橋敗績瑞麟又敗於安定門外聯軍遂入京文宗先幸熱河圓明園被燬詔瑞麟僧格林沁辭職仍留欽差大臣九月和議成命遣撤殘軍馳赴行在未行會畿南土匪蜂起山東捻匪猖肆復僧格林沁郡王爵命偕瑞麟往剿師至河間匪多解散詔促赴濟甯兗州督師十一月至濟甯賊已他竄回巢疏陳軍事略曰捻首張洛行襲瞎子孫葵心等各聚匪黨無數此外大小頭目人數不少每年數次出巢打糧輒向無兵處所迨官兵往剿業經飽掠而歸所至搶擄貨財糧米村舍燒為赤地殺害老弱裹脅少壯不從逆亦無家可歸故出巢一次即增添人數無算此捻匪衆多之情形也匪巢四面一二百里外村莊焚燒無存井亦填塞官兵裹糧帶水何能與之久持一經撤退匪踪緊逼往往因之失利此各路官兵僅能堵禦不能進攻之情形也每次出巢馬步數十萬列隊百餘里兵賊衆寡懸殊任其猖獗無可如何前此粵捻各樹旗幟近年彼此相通聯為一氣官

清史稿

列傳一百九十一

三

兵在北粵匪在南捻匪居中以為粵匪屏蔽若厚集兵力分投進剿捻匪一經受創粵匪蠢動非竭力相助即另圖北犯以分我兵勢此剿捻不易之情形也臣原帶馬步六千續調陝甘山東綠營及青州旗兵共一萬二千餘人擬俟齊集會合傅振邦德榜泰二軍相機直擣老巢疏入詔捻匪正圖北犯應坐鎮山東以杜窺伺母輕舉以誤全局尋捻匪由徐州北竄迎擊於鉅野羊山親率西凌阿國瑞當其東瑞麟及副都統格爾頓當其西殺賊甚衆而格爾頓陣亡瑞麟傷退効能之薦西凌阿國瑞督辦軍務又効剛練大臣杜勳不能禦賊供應糧民罷其任團練歸巡撫督辦鄒縣教匪宋紹明集衆數千戕官令國瑞西凌阿擊剿解散十一年捻匪五旗並出僧格林沁率諸將由金鄉迎剿遇賊於荷澤李家莊戰失利察哈爾總管伊什旺布陣亡回師駐唐家口二月令西凌阿馳赴汶上會都統伊興額總兵滕家勝追賊至楊柳集戰殺僧格林沁親駐汶上令西凌阿回守濟甯賊由沙溝渡運河盤踞東平汶上德榜額追擊於小汶河北岸破之賊始東竄四月令舒通額進剿解縣德榜額克沙溝營臨城

驛賊分兩路奔竄其入曹州境者勾結長槍會匪擾郟城鉅野令知府趙康侯集諸縣鄉團禦之教匪宋繼明復糾眾踞鳳凰山令國瑞德榜額攻之連破賊圩繼明尋遁走乞撫六月親赴曹州進剿會匪連破之於曹縣安陵集濮州田潭禽其渠李燦陳懷五等八月擒匪渡運河犯泰安濟南僧格林沁親率大軍追躡敗之於孫家嶺賊走曹州九月襲擊於臨朐縣南沿諸城至沂水黑旗捻黨跨河抗拒分兵擊之追及蘭山蘭溪鎮殲焉捷聞復御前大臣賞還黃韜授正紅旗漢軍都統管理奉宸苑穆宗即位特詔嘉其勤勞復博多勅噶台親王爵是年冬會東軍攻曹郡會匪破濮州紅川口賊圩斬無遺毀劉家橋郭家唐房賊巢又破定陶賊於大張寺復范縣西凌阿等攻擒匪於鉅野境大捷定陶踞匪聞風遁走會匪郭秉鈞自河西來犯連擊之於崔家場至黃河南岸屢挫賊鋒曹郡漸清疏陳軍事略曰擒匪老巢多在宿州蒙城亳州境內其北來每由歸德之虞永夏徐州之豐沛蕭縣直入山東之曹單魚臺或由宿徐北至韓莊八開今領重兵進駐亳州偏於西南一隅北至徐州三百餘里再

清史稿

列傳一百九十一

四

東更慮鞭長莫及如派隊輪轉由西路進攻賊圩即使得手距亳州尚遠東路擒眾豈能坐待勢必由豐碭韓莊鈔襲我軍之後我軍不得不回顧北路一經移動則老東之賊尾隨受其牽掣故屯兵亳州之議在豫省為良策若欲衛東省兼顧北路藩籬則未可行也臣擬俟曹屬肅清移營單縣觀皖捻動靜剿撫兼施鄆縣教匪踞險難攻暫准投誠以示羈縻留兵鎮壓待南擒稍鬆相機辦理膠嶧之匪德榜額招安劉雙印牛際堂等若有反側仍應往剿河北教捻各匪本年兩次鳴張眾不過一二萬臣令西凌阿國瑞兩次會勦勝保等方能得手勝保於此匪尙不能獨力剿除豈能當十餘萬之捻眾壽張及曹屬一帶臣已辦理就緒毋須勝保前來會剿疏上詔從之同治元年正月擒匪二萬餘由江北豐縣犯金鄉魚臺令翼長蘇克金擊走之二月老槍張洛行合長槍會匪西竄勢甚張僧格林沁率馬隊追至河南杞縣許岡賊列隊橫亘十餘里蘇克金等奮擊斃賊二千餘西路援賊至豫軍亦來會剿嬰城而守連日鏖戰以馬隊伏濠邊伺賊懈城中突出勁騎衝賊營伏赴夾擊毀賊壘七斬賊千餘越日

余際昌率步隊至與蘇克金合擊衝賊為兩追殺二千餘於是先破趙圩賊寨合攻焦寨援賊數至皆擊卻賊背遁是役三路合剿殲匪萬餘捷聞特詔褒獎僧格林沁督率諸將窮追窮寇匪破之於尉氏東賊踞民寨堅守圍攻之旋慮東面誘之出至樊家樓盡殲焉五月補正黃旗領侍衛內大臣長槍匪黨董智信竄東明蘇克金馳剿受降營總富和破坦頭集擒匪招撫被脅數十圩寨恒齡破焦桂昌於曹州乞降誅之六月進攻商邱金樓寨教匪郝姚氏及金鳴亭久踞金樓其黨尤本立常立身尤兇悍官軍屢攻不克僧格林沁先遣謀用間諜令投誠金鳴亭潛允降而不出其子線駒居郭家老寨密捕之會有賊黨通教匪以鳴亭稟詞示常立身身遂殺鳴亭賊中自相疑忌至是合兵進攻游擊許得等率降人為導先攻入大軍繼之巷戰斬郝姚氏及其兩子常立身尤本立楊玉聰同授首餘賊盡殲夷其寨乘勢連破援賊於邢家圩吳家廟營廓集前鋒直抵亳州境僧格林沁移駐夏邑疏陳將帥市恩麾下督撫見好屬員保舉允濫吏治廢弛州縣捏災私徵軍餉不足言甚切至詔嘉其公忠命統轄山

清史稿

列傳一百九十一

五

東河南軍務並直隸山西四省督撫提鎮統兵大員均歸節制八月令恒齡卓明阿等追擒匪妻台凌至裕州博望驛大破之餘眾遁入山別股李城趙浩然等乘大軍分隊西行糾眾擾永城復由碭山北竄副都統色爾圖喜追至魚臺羅家屯戰不利僧格林沁促恒齡等回援親督進戰於鉅野滿家洞令馬隊誘賊深入回擊之恒齡國瑞分合衝突斃賊數千復連敗之於子山集賊東南竄老北白旗擒首李廷彥以邢大莊為老巢附近賊圩互相首尾九月僧格林沁自攻盧廟令國瑞恒齡攻邢大莊及張大莊廷彥見事急詐稱投誠誘出誅之黨羽多乞降惟孫老莊匪首孫彩蘭不肯出令降匪李懸奇為導攻入寨禽斬彩蘭諸寨皆下老東黑旗擒首宋喜沅因與蘇添柏相仇殺諸悍黨攻破王大莊劉大莊兩寨來降諸小寨頭目聞風歸順老北肅清於是諸擒擒獲兵威多思反正二年正月馬林橋唐家寨張家瓦房孟家樓董溝集諸賊巢先後剿平著名擒首魏喜元蘇添才趙浩然李大箇子田現李城等或降或遁張洛行為巨魁首惡見勢敗時思竄逸會孫醜劉大劉二楊二等由鹿邑西竄令舒通額

蘇克金等追之戰於魏橋殲其衆洛行欲由宿州趨徐州爲知州英翰所截
又聞西路諸匪被創洛行遂潛回雒河集老巢尹家溝白龍廟與雒河集爲犄
角二月令舒通額等進攻尹家溝賊出撲擊潰遂攻雒河集洛行夜遁追至灑
河北岸拒戰殲賊過千禽斬擒首韓四萬等逸匪多潛匿各莊寨分軍駐索西
洋寨擒首李勤邦投誠誘禽張洛行及其子張憲以獻磔之擒匪自蒙老創亂
已歷十年至是掃除詔嘉僧格林沁謀勇兼備加恩仍以親王世襲罔替並准
服用上賜章服以示優異時北路竄盜與教會各匪勾結肆擾僧格林沁回師
令恒齡蘇克金馳赴直東交界會剿自剿淄川踞匪劉德培六月賊傾巢出撲
追敗之於田莊遂克縣城德培遁大白山禽斬之進攻鄒縣白蓮池匪首宋繼
明屢降屢叛擁衆二萬餘恃險抗拒令總兵陳國瑞郭寶昌猛攻破其山寨敗
竄紅山死守經月糧盡欲遁令舒通額等設伏嶺下陳國瑞於山北攻上焚其
寨殺賊過半其竄山下者伏起並殲禽匪首李九獲宋繼明屍及其家屬留國
瑞暫駐搜緝餘匪即日令陳國瑞赴皖剿苗沛霖沛霖偏強准北當張洛行伏

清史稿

列傳一百九十一

六

誅懼請散練歸農及僧格林沁北行又襲攻蚌埠懷遠壽州圍蒙城皖軍不能
制至是僧格林沁督軍討之陳國瑞先至連戰皆捷匪黨喪膽十月大軍進毫
州連克蔣集楊家寨與陳國瑞合攻絕其糧道破蔡家圩淮河南岸賊壘悉盡
沛霖昏夜越濠出竄爲其黨刺殺總兵王萬清斬首以獻逆黨苗燾開等均伏
法尋破西洋集禽匪首葛春元賴毫壽境圩寨悉定淮甸漸清時擒匪張洛行
之姪總愚擾河南令蘇克金率馬隊往會剿而降擒李世忠官至江南提督素
跋扈盤踞淮南將爲隱患詔曾國藩密爲處置命僧格林沁駐軍鎮儀三年春
世忠自請解兵柄會漢南粵捻諸匪糾合下竄與張總愚相應接將圖南犯爲
江南踞賊聲援僧格林沁乃督師赴許州進南陽與河南湖北諸軍會剿迭破
賊於信陽應山鄖陽之間六月江甯克復大賚諸軍詔嘉僧格林沁轉戰勳勳
加一員勅命其子伯彥訥謨帖受封復以所部蒙古馬隊最得力保舉素無冒
濫命擇尤奏獎賞兵丁銀一萬兩七月粵捻諸匪屠麻城令蘇克金張曜英
翰等分路進擊破賊壘數十擒首陳得才以萬衆來撲戰於紅石堰蘇克金力

戰殲賊甚衆遽病賜卒以成保代之賊竄麻城南境閩家集結壘爲固成保攻
破之總兵郭寶昌克蔡家畝賊竄河南光山羅山僧格林沁親督馬隊追擊戰
於蕭家河援賊大至稍隴地狹馬隊失利自翼長舒通額以下陣亡將領十二
人八月復戰於光山柳林寨先勝中伏爲賊所圍力戰始退總兵巴揚阿死之
九月張總愚東竄與上巴河蘄州之賊勾合踞風火山僧格林沁會鄂軍進剿
連戰破之賊趨安徽境分竄潛山太湖英山十月連破之於土漠河樂兒嶺陶
家河匪目黃中庸率千人來降追至黑石渡令黃中庸爲前鋒襲賊營大軍繼
之衝賊爲兩段賊目溫其玉等率九千餘人投械乞降偵知賊分三路遣兵分
剿擒首馬融和率黨七萬人投誠願爲前敵賊黨甘懷德誘禽偽端王藍成春
出獻磔於軍前餘黨汪傳第吳青泉吳青泰范立川等各率衆乞撫先後受降
十數萬人著名匪首僅存數人陳得才尋亦窮蹙自盡惟張總愚陳大憲西竄
河南湖北境復猖獗十一月僧格林沁督軍追剿敗之於光山境進至甯陽粵
匪賴汝洗邱元才擒匪牛洛紅任柱李九等竄踞襄陽黃龍嶺嶺山官軍進擊

清史稿

列傳一百九十一

七

小挫而張總愚陳大憲乘間與合圍犯樊城大軍追擊於鄧州唐坡賊傾巢出
撲兩面包鈔官軍失利傷亡甚多僧格林沁自請嚴議詔寬之乃駐軍南陽十
二月賊由南召魯山竄踞寶豐張八橋大軍進逼令郭寶昌何建勳分南北兩
路恒齡成保以馬隊護之北路逼賊而營賊來撲成保橫出鈔襲乘勝壓過山
岡南路誘賊深入從旁更番進擊兩路皆捷合軍追擊直抵張八橋賊夜遁入
山北趨河洛僧格林沁督軍由洛陽取道宜陽駐韓城鎮四年正月賊折而南
犯魯山大軍追及戰於城下前鋒得利窮追後路爲賊鈔襲翼長恒齡等陣亡
舒倫保常順馬隊接應陳國瑞橫突扼橋上始得全師退而舒倫保常順亦以
傷殞賊遂竄葉縣襄城陳國瑞乘雪夜襲攻縱火焚之賊東北竄新鄭尉氏追
及於雙溪河翼長諾林不勒等擊走之賊南趨由臨潁鄆城擾西平襄魯愈衆
遂犯汝寧二月僧格林沁進抵汝甯賊由息縣羅山竄信陽大軍抵信陽賊又
北竄追至確山陳國瑞等步隊亦到令與全順何建勳常星阿成保數路合擊
郭寶昌設伏山口僧格林沁登山督戰諸悍賊齊集合力死鬪國瑞鏖戰最力

寶昌伏起衝突賊大敗屍橫遍野由遂平西平鄆城許州扶溝直走睢州官軍追至又奔入山東境渡連河至甯陽折向曲阜官軍馳追而月日行百里往返三千餘里馬力久疲自蘇克金舒通額恒齡等死後得力戰將漸稀朝命先調湘淮軍著名兵將多觀望不至僧格林沁亦不願用之至是匪蹤剽忽盤旋於兗沂曹濟之間由汶上竄郟城水套句結伏莽衆至數萬僧格林沁督師猛進再戰再捷至曹州北高莊賊拒戰軍分三路合擊皆挫敗退紮荒莊遂被圍兵不得食夜半突圍亂戰昏黑不辨行至吳家店從騎半沒僧格林沁抽佩刀當賊馬蹶遇害時四月二十四日也內閣學士全順總兵何建勳同殉於陣事聞兩宮震悼詔嘉其忠勇性成視國事如家事飾終典禮視親王從優議卹命侍衛馳驛迎柩至京上奉兩宮皇太后親奠賜金治喪祀昭忠祠於立功地方建專祠配享太廟諡曰忠預繪像紫光閣七年檢平遺官賜祭一壇光緒十五年皇太后歸政敕於京師安定門內建專祠祠曰顯忠子伯彥訥謨祜襲親王府孫那爾蘇襲封貝勒次孫溫都蘇封輔國公僧格林沁所部騎兵最號勁旅驍

清史稿

列傳一百九十一

八

將以舒通額恒齡蘇克金爲最均先殞及從難僅全順何建勳二人兩次治海防倚提督史榮椿樂善先後死事焉其將勇營者陳國瑞郭寶昌最有名並自有傳舒通額蘇里氏滿洲鎮白旗人齊齊哈爾達呼爾威豐二年以領催從軍江北隸德興阿部下攻江浦矢殫黃衣執纛賊迭著戰功洊升協領賜號圖薩泰巴圖魯九年僧格林沁督師天津調充馬隊管總十年冬從赴山東勦捻匪擒首趙浩然犯濟甯舒通額敗之羊山十一年春戰於荷澤李家莊分三路進擊不利舒通額將右翼獨殺賊多全師而退擄充翼長敗賊於泰安甯陽解縣縣圍掠竄豐沛阻於水復折而西分竄鉅野合長槍會匪甚張舒通額破之斬賊數千擊會匪郭秉鈞劉占考於城武柳林集復破賊徐官莊借協領色爾固善敗擒匪於郟城紅花埠馬陵山禽賊首李燦潭於曹州安陵集復破郭秉鈞田潭老巢追剿擒匪於青沂之間累功記名副都統加頭品頂戴賜黃馬褂敗擒匪劉添祥於滕縣岡山敗會匪劉占考於范縣又破劉添祥於曹州袁家園同治元年授阿勒楚喀副都統從剿商邱金樓寨教匪克之借恒齡平老州張

大莊擒巢借蘇克金敗擒魁張洛行於張橋二年擒匪劉狗孫醜犯鹿邑復與蘇克金要擊於魏橋破尹家溝雉河集賊巢張洛行就禽六月擒首張守義陷淄川他軍戰不利舒通額突擊之衝賊爲四守義棄城遁入鳳凰山白蓮池寨與李成宋繼明劉雙印合衆二萬餘負嶠抗拒舒通額攻其北奪西寨門環圍諸隘總兵陳國瑞由東南登山縱火焚之繼明自殺餘賊奔潰舒通額覆諸山下俘斬數千擄正黃旗漢軍都統從剿苗沛霖平之三年粵捻諸匪合擾豫皖楚三省間八月追至羅山賊退蕭家河舒通額躡其後俾黨四面至援軍阻絕騎兵不得馳騁舒通額下馬持短刀搏鬪突圍不出遂戰死優卹予騎都尉兼雲騎尉世職諡威毅恒齡郭貝爾氏滿洲鎮黃旗人呼倫貝爾達呼爾威豐九年以佐領從提督傅振邦剿擒匪破賊於夏邑李家窪勇常冠軍擢協領十年振邦遣率兵千五百人入衛京畿尋從巡撫文煜折回山東剿擒濟甯圍遂從僧格林沁充管總十一年迭敗賊於東昌青州沂州積功記名副都統賜黃馬褂達春巴圖魯名號是年冬會匪劉占考竄范縣副都統舒明阿戰死恒齡

清史稿

列傳一百九十一

九

突擊走之援賊至賊返嗣恒齡與舒通額夾擊追至嶽箕營舒通額攻其圩恒齡逐逸賊至范縣西斬千餘級同治元年敗長槍會匪於曹州楊家集殲焦桂昌侍郎國瑞攻老州那大莊不下恒齡夜襲克之二年借舒通額破擒匪於鹿邑魏橋借侍衛卓明阿敗賊於杞縣許岡圍其寨賊三路來援借蘇克金卓明阿分擊斬賊二千又追敗之於博望驛賊走山東恒齡回援大戰於鉅野大義渠賊翻山遁借國瑞逐北殲五千人駐軍永城撫定亳北諸圩寨借舒通額蘇克金毀渦河南北擒巢追至肥河北張洛行就禽伏誅時降擒張錫珠宋景詩復叛擾畿南恒齡借蘇克金率馬隊馳援署直隸提督擊散張錫珠黨衆進剿宋景詩於堂邑三路合擊景詩遁走畿輔解嚴從僧格林沁剿苗沛霖奏充翼長會諸軍克蔡圩沛霖就殲三年從剿粵捻諸匪於河南湖北邊境破賊於隨州授正黃旗護軍統領迭戰麻城羅山間賊北趨恒齡與何建勳等敗之張八橋四年三月追賊抵魯山城下賊潮至恒齡將右翼與常星阿成保合蹙賊賊踰沙河走恒齡追之反鬪伏起殞於陣予騎都尉兼雲騎尉世職諡壯烈蘇

克金倭勳氏滿洲正黃旗人愛理駐防威豐初以驍騎校從僧格林沁剿粵匪
克連領馮官屯積功擢佐領五年從都統西凌阿剿賊湖北克德安七年從副
都統德楞額剿額上捻匪轉戰河南肅清河陝汝三郡擢協領加副都統銜八
年阜陽教匪王廷楨擾洛陽新蔡蘇克金破西爐賊巢斃王廷楨於陣會德楞
額疾代領所部追賊塞河集陳家阪盡殲之賜號伊固木圖巴圖魯邀擊捻匪
於夏邑甯陵走之尋又自亳州竄入河南境敗之鄧六莊坐赴援周家口失期
革職留營尋破賊虞城復原官九年克隄州十年僧格林沁調充天津行營翼
長遂從剿捻山東十一年從攻紅川口殲賊巢劉占考梁繼海賜黃馬褂記名
副都統同治元年從剿張洛行於河南杞縣尉氏屢敗之攻金樓寨教匪先登
斬郝姚氏及其二子授福州副都統二年偕舒通額敗捻匪於鹿邑魏橋破尹
家溝賊巢禽擒首韓四萬陳二坎蒙辜悉不加頭品頂戴偕恒齡赴援畿輔駐
防河間時河北多伏莽鄉團跋扈蘇克金附鹽吏姑息所致言於僧格林沁劾
之從剿苗沛霖克淮南北各圩寨餘擒走河南張總愚最狡悍三年僧格林沁

清史稿

列傳一百九十一

十一

督師進剿令蘇克金先驅扼魯山賊畏大軍馬隊盤旋山地蘇克金在諸將中
號持重善審地勢持數月未戰詔屢促之會張總愚出鄧州急起追擊連破之
赤眉城雙橋安春寨總愚負傷遁而粵匪陳得才藍成春等由漢中回竄屬集
麻城蘇克金偕皖豫諸軍進攻力戰兼旬毀賊巢數十七月戰於紅石堰蘇克
金指揮列陣忽中腸疾作墜馬昇歸遽卒詔依都統例賜卹諡壯介何建勳漢
軍鎮紅旗人由武舉補京營把總初從達洪阿赴廣西勦匪繼從僧格林沁戰
阜城連鎮馮官屯積功擢守備回京營供職咸豐七年調赴河南從剿角子山
捻匪阜陽教匪游升游擊九年調守天津大沽擊退英國兵艦加副將銜及從
剿捻匪轉戰山東江北以破曹州紅川口會匪擢副將殲亳州捻首李廷彥記
名總兵平張洛行賜號雄勇巴圖魯授中營副將歷從剿捻豫楚之交常為軍
鋒曹州之敗兵分三路建勳當其西中路失利賊萃於建勳士卒多死退從僧
格林沁守空堡短刀殺賊歿於陣詔嘉其至死不離主帥依提督例優卹予騎
都尉兼雲騎尉世職設果毅全順薩爾圖拉氏蒙古正藍旗人咸豐六年繙譯

進士歷官中九十年僧格林沁治防天津疏調從軍累遷翰林院侍讀學士在
軍充翼長從剿商邱金樓寨亳州邢大莊及平張洛行並著戰績賜黃馬褂擢
內閣學士授西安左翼副都統從僧格林沁陣亡卹典加等依例書例予騎都
尉兼雲騎尉世職諡忠壯舒通額恒齡蘇克金何建勳全順並附祀僧格林沁
專祠史榮椿順天大興人由行伍游升京營參將歷從揚威將軍奕經大學士
賽尚阿軍中繼從都統勝保剿粵匪攻獨流賊壘戰阜城破賊堆村賜號治希
巴圖魯僧格林沁薦其堪膺專閫咸豐五年擢大名鎮總兵洎近畿軍事平都
統西凌阿率師移剿湖北留馬隊千五百人隸榮椿防畿輔尋赴援河南安徽
連破捻匪於鹿邑歸德調徐州鎮破捻匪於宿州又平亳州捻巢八年破捻匪
於渦河南賊首劉狗乞降誅之擢直隸提督從僧格林沁治天津海防九年英
國兵艦犯海口榮椿偕大沽協副將龍汝元力戰中礮同歿於陣予騎都尉兼
雲騎尉世職建專祠諡忠壯樂善伊勒忒氏蒙古正白旗人由拜唐阿游升雲
慶使探發陝甘參將剿番匪有功從勝保剿粵匪戰獨流阜城賜號巴克敦巴

清史稿

列傳一百九十一

十一

圖魯咸豐六年率馬隊剿捻匪河南連破賊於鹿邑潁川七年擢河北鎮總兵
克方家集擒巢從勝保克正陽關解固始圍賜黃馬褂九年命赴僧格林沁天
津軍營擢直隸提督英兵圍入海口樂善扼擊敵不得逞尋退去論功最被優
敘十年七月英兵復至大沽礮臺陷樂善力戰死之贈太子少保子騎都尉兼
雲騎尉世職於海口建專祠諡威毅尋封二等男爵子成友襲
論曰僧格林沁忠勇樸誠出於天性名震寰宇朝廷倚為長城治軍公廉無私
部曲誠服勞而不怨其殄寇也惟以殺敵致果無畏難趨避之心剿捻凡五年
掃穴禽渠餘孽遂為流寇因歐之關勢更棘焉繼事者變通戰略以持重藏功
則僧格林沁所未暇計及者也然燕齊皖豫之間疆思久而不沫於以見功德
入人之深有清濬部建大勳者惟僧格林沁及策凌二人同膺廟廟典後先
輝映旂常增色矣

清史稿

列傳一百九十二

曾國藩

曾國藩初名子城字瀚生湖南湘鄉人家世農祖玉屏始慕儒學父麟書為縣學生以孝聞國藩道光十八年進士二十三年以檢討典試四川再轉侍讀累遷內閣學士禮部侍郎署兵部時太常寺卿唐鑑講學京師國藩與倭仁吳廷棟何桂珍嚴事之治義理之學兼友梅曾亮及邵懿辰劉傳瑩諸人為詞章考據尤留心天下人材咸豐初廣西兵事起詔羣臣言得失奏陳今日急務首在用人人才有轉移之道有培養之方有考察之法上稱其剴切明辨尋疏薦李棠階吳廷棟王慶雲嚴正基江忠源五人寇氛益熾復上言國用不足兵伍不精二者為天下大患於歲入常額外誠不可別求搜刮之術增一分則民受一分之害至歲出之數兵餉為鉅練營兵額六十四萬常虛六七萬以資給軍用自乾隆中增兵議起歲糜帑二百餘萬其時大學士阿桂即憂其難繼嘉道間兩次議裁不及十之四仍宜汰五萬復舊額自古開國之初兵少而國強其後清史稿 列傳一百九十二

兵愈多則力愈弱餉愈多則國愈貧應請皇上注意將才但使七十一歲中有十餘鎮足為心腹則緩急可恃矣又深痛內外臣工諛諛欺飾無陳善責難之風因上敬陳聖德預防流弊一疏切指帝躬有人所難言者上優詔答之歷署刑部吏部侍郎二年典試江西中途丁母憂歸三年粵寇破江甯據為偽都分黨北犯河南直隸天下騷動而國藩已前奉旨辦團練於長沙初國藩欲疏請終制郭嵩燾曰公素具澄清之抱今不乘時自効如君父何且墨絰從戎古制也遂不復辭取明威繼光遺法募農民樸實壯健者朝夕訓練之將領率用諸生統眾數不逾五百號湘勇騰書遐邇雖卑賤與鈞體山野材智之士咸其誠莫不往見人人皆以曾公可與言事四境土匪發聞警即以湘勇往立三等法不以煩府縣獄旬月中莠民稍宵便宜捕斬二百餘人謗聞四起自巡撫司道下皆心誹之至以盛暑練操為虐士然見所奏輒得褒答受主知未有以難也一日標兵與湘勇鬪至闖入國藩行臺國藩親訊諸巡撫巡撫漫謝之不為理即日移營城外避標兵或曰曷以聞國藩歎曰大難未已吾人敢以私憤漬君

清史稿

列傳一百九十二

父平嘗與嵩燾忠源論東南形勢多阻水欲制賊非治水師不可乃奏請造戰艦於衡州匠卒無曉船制者短棹長槳出自精思以人力勝風水遂成大小二百四十艦募水陸萬人水軍以褚汝航楊載福彭玉麟領之陸軍以塔齊布羅澤南領之賊自江西上竄再陷九江安慶忠源戰歿廬州吳文鎔督師黃州亦敗死漢陽失武昌戒嚴賊復乘勢擾湖南國藩銳欲討賊率水陸軍東下舟師初出湖大風損數十艘陸師至岳州前隊潰退引還長沙賊陷湘潭擊靖港又敗國藩憤投水幕下士章壽麟掖起之得不死而同時塔齊布大破賊湘潭國藩營長沙高峰寺重整軍實人人擲楫之或請增兵國藩曰吾水陸萬人非不多而遇賊即潰岳州之敗水師拒戰者惟載福一營湘潭之戰陸師塔齊布水師載福各兩營以此知兵貴精不貴多故諸葛敗祁山且謀減兵損食動求已過非虛言也且古人用兵先明功罪賞罰今世亂賢人君子皆潛伏吾以義聲倡導同履危亡諸公之初從我非以利動也故於法亦有難施其致敗由此諸將聞之皆服陸師既克湘潭巡撫提督上功而國藩譴罪上詰責提督鮑起豹免其官以塔齊布代之受印日士民聚觀歎國藩為知人而天子能明見萬里也賊自岳州陷常德旋北走武昌再失國藩引兵趨岳州斬賊巢將曾天養連戰下城陵磯會師金口謀取武昌澤南沿江東岸攻花園寇屯塔齊布伏兵洪山載福舟師深入寇屯士皆露立不避鉛丸武昌漢陽賊望見官軍盛宵遁遂復二郡國藩以前靖港敗自請奪官至是奏上詔署湖北巡撫尋加兵部侍郎銜解署任命督師東下當是時水師奮厲無前大破賊田家鎮斃賊數萬至於九江前鋒湖口攻梅家州賊壘不下駛入鄱湖賊築壘湖口斷其後舟不得出於是外江內湖阻絕外江戰船無小艇賊乘舢舨夜襲營擲火燒坐船國藩跳而免水師遂大亂上疏請罪詔旨寬免謂於大局無傷也五年賊再陷武漢擾荆襄國藩遣胡林翼等軍還援湖北塔齊布留攻九江而躬至南昌撫定水師之困內湖者澤南從征江西復弋陽拔廣信破義甯而塔齊布卒於軍國藩在江西與巡撫陳啟邁不相能澤南奔命往來上書國藩言東南大勢在武昌請率所部援鄂國藩從之幕客劉蓉諫曰公所恃者塔羅今塔將軍亡羅

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

又遠行脫有急誰堪使者國藩曰吾計之熟矣東南大局宜如是俱困於此無
爲也嵩齋祖饒澤南曰曾公兵單奈何澤南曰天苟不亡本朝公必不死九月
補授兵部侍郎六年賊酋石達開由湖北竄江西連陷八府一州九江賊踞自
如湖南北聲息不相聞國藩因南昌遣將分屯要地羽檄交馳不廢吟誦作水
陸師得勝歌教軍士戰守技藝結營布陳之法歌者咸感奮以殺賊敢死爲榮
願衆寡終不能大挫賊賊者爭請調澤南軍上以武漢功垂成不可棄澤南督
戰益急卒死於軍玉麟聞江西警芒鞋走千里穿賊中至南昌助守林翼已爲
湖北巡撫國藩弟國華國葆用父命乞師林翼將五千人攻瑞州湖南巡撫駱
秉章亦資國荃兵援吉安兄弟皆會行間而國藩前所遣援湖北諸軍久之再
克武漢直下九江李續賓八千人軍城東續賓者與弟續宜皆澤南高第弟子
也載福戰船四百泊江兩岸江寧將軍都與阿馬隊鮑超步隊駐小池口凡數
萬人國藩本以憂懼治軍自南昌迎勞見軍容甚盛益申傲告誠之而是時江
南大營潰督師向榮退守丹陽卒和春爲欽差大臣張國樞總統諸軍攻江甯

清史稿

列傳一百九十二

三

七年二月國藩聞父憂還歸給三月假治喪堅請終制允開侍郎缺林翼既定
湖北進圍九江破湖口水師絕數年復合載福連拔望江東流揚颶過安慶克
銅陵泥以與江南軍通由是湘軍水師名天下林翼以此軍創始國藩楊彭皆
其舊部請起國藩視師會九江克復石達開竄浙江浸及福建分股復犯江西
朝旨詔國藩出辦浙江軍務國藩至江西屯建昌又詔援閩國藩以閩賊不足
慮而景德地衝要遣將援贛南攻景德國荃追賊至浮梁江西列城次第復時
石達開復竄湖南圍寶慶上慮四川且有變林翼亦以湖北餉倚川鹽而國藩
又久治兵無疆寄乃與官文合疏請國藩援獨會賊竄廣西上游兵事解而陳
玉成再破廬州續賓戰歿三河林翼以羣盜蔓廬壽間終爲楚患乃改議留國
藩合謀皖軍分三道各萬人國藩由宿松石牌規安慶多隆阿鮑超以太湖取
桐城林翼自英山壽舒六多隆阿等既大破賊小池復太湖潛山遂軍桐城國
荃率諸軍圍安慶與桐城軍相犄角安慶未及下而皖南賊陷廣德破杭州
李秀成大會羣賊建平分道援江南江南大營復潰常州蘇州相繼失咸豐十

年閏三月也左宗棠聞而歎曰此勝敗之轉機也江南諸軍將蹙兵疲久矣滌
而清之庶幾後來可藉手乎或問誰可當者林翼曰朝廷以江南事付曾公天
下不足平也於是天子慎選帥就加國藩兵部尚書銜署理兩江總督旋即眞
授欽差大臣是時江浙賊氛熾或請撤安慶圍先所急國藩曰安慶一軍爲克
金陵張本不可動也遂南渡江駐祁門江浙官紳告急書日數十至援蘇援滬
援皖援鎮江詔書亦疊下國藩至祁門未數日賊陷甯國陷徽州東南方因兵
革而英吉利復失好以兵至僧格林沁收績天津文宗狩熱河國藩聞警請提
兵北上會和議成乃止其冬大爲賊困一出祁門東陷婺源一出祁門西陷景
德一入羊棧嶺攻大營軍報絕不通將吏慄然有憂色固請移營江干就水師
國藩曰無故退軍兵家所忌卒不從使人間行檄鮑超張運蘭亟引兵會身在
軍中意氣自如時與寶佐酌酒論文自官京朝即日記所言行後履危困無稍
閒國藩駐祁門本資餉江西及景德失議者爭言取徽州通浙米乃自將大軍
次休甯值天雨八營皆潰草遺屬寄家誓死守休甯適宗棠大破賊樂平運道

清史稿

列傳一百九十二

四

通移駐東流多隆阿連敗賊桐城鮑超一軍游擊無定居林翼復遣將助之十
一年八月國荃遂克安慶捷聞而文宗崩林翼亦卒穆宗即位太后垂簾聽政
加國藩太子少保銜命節制江蘇安徽江西浙江四省國藩惶懼疏辭不允朝
有大政咨而後行當是時僞天王洪秀全僭號踞金陵僞忠王李秀成等犯蘇
滬僞侍王李世賢等陷浙杭僞輔王楊輔清等屯甯國僞康王汪海洋窺江西
僞英王陳玉成屯廬州揜首苗需霖出入穎壽與玉成合圖竄山東河南衆皆
號數十萬國藩與國荃策進取國荃曰急擄金陵則寇必以全力護巢穴而後
蘇杭可圖也國藩然之乃以江甯事付國荃以浙江事付宗棠而以江蘇事付
李鴻章鴻章故出國藩門以編修爲幕僚改道員至是令從淮上募勇八千選
良將付之號淮軍同治元年拜協辦大學士督諸軍進討於是國荃有擄金陵
之師鴻章有征蘇滬之師載福玉麟有肅清下游之師大江以北多隆阿有取
廬州之師續宜有援潁州之師大江以南鮑超有攻甯國之師運蘭有防剿徽
州之師宗棠有規復全浙之師十道並出皆受成於國藩賊之都金陵也堅築

據壘餉械足猝不可拔疾疫大作將士死亡山積幾不能軍國藩自以德薄請簡大臣馳赴軍俾分已責上優詔慰勉之謂天災流行豈卿一人之咎意者朝廷政多缺失我君臣當勉圖殲救為民請命且環顧中外才力氣量無逾卿者時勢艱難無稍懈也國藩諒詔感泣時洪秀全被圍久召李秀成蘇州李世賢浙江悉眾來援號六十萬圍雨花臺軍國荃拒戰六十四日解去三年五月水師克九洲洲江寧城合圍十月鴻章克蘇州四年二月宗棠克杭州國藩以江南久不下請鴻章來會師未發國荃攻益急克之江南平天子褒功加太子太傅封一等毅勇侯賞雙眼花翎開國以來文臣封侯自是始朝野稱賀而國藩功成不居粥粥如畏穆宗每節督撫輒密詢其人未敢指缺疏薦以謂疆臣既專征伐不當更分黜陟之柄外重內輕之漸不可不防初官軍積習深勝不讓敗不救國藩練湘軍謂必萬眾一心乃可辦賊故以忠誠倡天下其後又謂淮上風氣勁宜別立一軍湘勇利山徑馳騁平原非所長且川武十年氣亦稍衰矣故欲練淮士為湘勇之繼至是東南大定裁湘軍進淮軍而捻匪事起捻匪者

清史稿 列傳一百九十二 五

始於山東游民相聚其後剽掠光固賴奎淮徐之間捻紙然脂故謂之捻有眾數十萬馬數萬蹂躪數千里分合不常捻首四人曰張總魁任柱牛洪賴文光自洪寇苗練管糾與官軍戰益悉攻嗣勝保袁甲三不能禦僧格林沁征討數年亦未能大創之國藩聞僧軍輕騎追賊一日夜三百餘里曰此於兵法必蹶上將軍未幾而王果戰歿曹州上聞大驚詔國藩速赴山東剿捻節制直隸山東河南三省而鴻章代為總督廷旨日促出師國藩上言楚軍裁撤殆盡今調劉松山一軍及劉銘傳淮勇尚不足當更募徐州勇以楚軍之規模開齊兗之風氣又增募馬隊及黃河水師皆非旦夕可就直隸宜自籌防兵分守河岸不宜令河南之兵兼顧河北僧格林沁嘗周歷五省臣不能也如以徐州為老營則山東之兗沂曹濟河南之歸陳江蘇之淮徐海安徽之廬鳳穎泗此十三府州責之臣而以其餘責各督撫汛地有專屬則軍務乃漸有歸宿又奏扼要駐軍臨淮關周家口濟甯徐州為四鎮一處有急三處往援今賊已成流寇若賊流而我與之俱流必致疲於奔命故臣堅持初議以有定之兵制無定之寇

重迎刺不重尾追然督師年餘捻賊突如故將士皆謂不苦戰而苦奔逐乃起張秋抵清江築長牆馮運河禦之未成而捻竄襄鄧間因移而西修沙河賈魯河開墾置守分地甫定而捻衝河南汛地復突而東時議頗各圖藩計迂闊然亦無他術可制捻也山東河南民習見僧格林沁戰皆怪國藩以督兵大臣安坐徐州謗議盈路國藩在軍久登慎用兵初立駐軍四鎮之議次設扼守黃運河之策既數為言路所劾亦自以防河無効朝廷方起用國荃乃奏請鴻章以江督出駐徐州與魯撫會辦東路國荃以鄂撫出駐襄陽與豫撫會辦西路而自駐周家口策應之或又勸其驕妄於是國藩念權位不可久處益有憂議畏讓之心矣旬病假數月繼請開缺以散員留軍効力又請削封爵皆不許五年冬還任江南而鴻章代督軍時牛洪死張總魁陝西任柱賴文光竄湖北自是有東西捻之號六年就補大學士留治所東捻由河南竄登萊青李鴻章劉長佑建議合四省兵力堵運河賊復引而西越膠萊河南入海州官軍陣斬任柱賴文光走死揚州以東捻平加國藩雲騎尉世職西捻入陝後為松山所敗

清史稿 列傳一百九十二 六

乘堅冰渡河竄山西入直隸犯保定天津松山繞出賊前破之於獻縣諸帥動王師大至賊越運河竄東昌武定鴻章移師德州河水盛漲扼河以困之國藩遣黃翼升領水師助剿大破賊于在平張總魁赴水死而西捻平凡防河之策皆國藩本謀也是年授武英殿大學士調直隸總督國藩為政務持大體規全勢其策西事議先清隴寇而後出關籌演黔議以蜀湘二省為根本皆初立一議後數年卒如其說自西人入中國交涉事日繁金陵未下俄美英法皆請以兵助國藩婉拒之及廷議購機輪置船械則力贊其成復建議選舉童習藝歐洲每定約章輒詔問可許不可許國藩以為爭彼我之虛儀者可許其奪吾民生計者勿許也既至直隸以練兵飭吏治河三端為要務次第興革設清訟局禮賢館政教大行九年四月天津民擊殺法領事豐大業燬教堂傷教民數十人通商大臣崇厚議嚴懲之民不服國藩方病目詔速赴津乃務持平保和局殺十七人又遣成府縣吏國藩之初至也津民謂必反崇厚所為備兵以抗法然當是時海內初定湘軍已散遣天津咫尺京畿民教相聞此小事不足啟兵

端而津民爭怨之平生故舊持高論者日移書譴讓省館至毀所署楹帖而國藩深維中外兵勢強弱和戰利害惟自引咎不一辯也丁日昌因上奏曰自古局外議論不諒局中艱苦一唱百和亦足以焚上聽機大計卒之事勢決裂國家受無窮之累而局外不與其禍反得力持清議之名臣實痛之國藩既負重謗疾益劇乃召鴻章治其獄逾月事定如初議會兩江缺出遂調補江南而以鴻章督直隸江南人聞其至焚香以迎以亂後經籍就增設官書局印行校刊皆精審禮聘名儒為書院山長其幕府亦極一時之選江南文化遂比隆盛時國藩為人威重美鬚目三角有稜每對客注視移時不語見者悚然遇則記其優劣無或爽者天性好文治之終身不厭有家法而不囿於一師其論學兼綜漢宋以謂先王治世之道經緯萬端一貫之以禮惜秦惠田五禮通考關食貨乃輯補鹽課海運錢法河堤為六卷又慨古禮殘闕無軍禮軍禮要自有專篇如戚敬元所紀者論者謂國藩所訂管制營規其於軍禮庶幾近之晚年頗以清靜化民俸入悉以養士老儒宿學羣歸依之尤知人善任使所成就薦拔

清史稿

列傳一百九十二

七

者不可勝數一見輒品目其材悉當時學先世耕讀之訓教戒其家遇將卒僚吏若子弟然故雖嚴憚之而樂為之用居江南久功德最盛同治十二年薨于位年六十二百姓巷哭繪像祀之事聞震悼輟朝三日贈太傅諡文正祀京師昭忠賢良祠各省建立專祠子紀澤襲爵官至侍郎自有傳紀鴻賜舉人精算見疇人傳

論曰國藩事功本於學問善以禮運公誠之心尤足格衆其治軍行政務求蹈實凡規畫天下事久無不驗世皆稱之至謂漢之諸葛亮唐之裴度明之王守仁殆無以過何其盛歟國藩又嘗取古今聖哲三十三人畫象贊記以為師資其平志學大端具見於此至功成名立汲汲以薦舉人才為己任疆臣聞帥幾徧海內以人事君皆能不負所知嗚呼中興以來一人而已

清史稿

駱秉章

胡林翼

列傳一百九十三

駱秉章原名俊以字行改字顯門廣東花縣人道光十二年進士選庶吉士授編修遷御史稽察銀庫卻陋規嚴檢閱吏不便其所為欲齟齬去之會發其奸不得逞歷給事中鴻臚寺少卿奉天府丞兼學政二十三年銀庫虧帑事發生失察褫職罰分賠及憲定宣宗知秉章獨持正無私特旨以庶子用尋丁母憂服闋補右庶子先後命赴山東河南江蘇按察使遷貴州布政使調雲南三十年擢旨二十八年擢侍講學士出為湖北按察使遷貴州布政使調雲南三十年擢湖南巡撫咸豐元年廣西匪賊詔湖廣總督程喬采赴湖南督辦防務秉章及提督余萬清副之大學士賽尚阿督師過境以供張薄有嫌密奏湖南吏治廢弛二年詔秉章開缺來京而粵匪已由桂林北竄入湖南喬采聞警由衡州退長沙尋復往駐萬清守道州被賊陷江華嘉禾桂陽郴州攸縣相繼失萬清逃治秉章坐未能預防革職留任先議修長沙城甫畢工而賊由醴陵突犯長沙

清史稿

列傳一百九十三

秉章嬰城固守悍賊蕭朝貴預誦城壞故以輕軍來襲未得逞尋斃於礮副將鄧紹良赴援最先至入城任戰守賊屢以地雷壞城皆擊卻之新授巡撫張亮基至秉章奉旨暫留同守城及賊首洪秀全大舉來攻援軍向榮和春張國樞等亦並集且守且戰歷八十餘日賊引去陷岳州趨湖北賽尚阿程喬采並坐失機罷譴秉章以守城功免議召來京尋命留湖北襄辦防守事宜未至而武昌陷三年春官軍收復武昌暫署湖北巡撫詔赴徐州完糧臺未行復署湖南巡撫尋實授在籍侍郎曾國藩奉命治團練始立湘軍秉章力贊成之又延湘陰舉人左宗棠襄理戎幕廣羅英俊之士練勇助勦軍威漸振先清境內遣軍分路破江西賊於桂陽破廣西賊於永明零陵江華破廣東賊於興寧又破江西賊於茶陵而常寧永興土匪皆平賊由湖北進陷岳州令王鑫曾國葆水陸截擊敗之岳州遂復令貴州道員胡林翼率勇追賊逼界口四年總督吳文鎔師潰黃州漢陽復陷曾國藩水師成進援湖北前敵失利岳州復陷賊犯靖港及樟樹鎮距長沙數十里並陷寧鄉湘潭秉章調撫標兵益塔齊布軍令偕

楊岳斌彭玉璽同援湘潭國藩親率水師戰靖港復失利布政使徐有壬按察使陶恩培請奏劾罷其軍乘章曰曾公謀國之忠不可以一時勝敗論也會次日塔齊布等大破賊於湘潭復其城靖港賊亦遁走長沙獲安賊繞西湖陷華容龍陽常德令胡林翼專剿此路塔齊布羅澤南進規岳州崇陽通城未幾各城皆復而武昌再陷國藩整軍東征餉械悉力資之無缺十月遂克武昌湘軍之名自此顯五年武昌三陷胡林翼署巡撫飛書告急乘章令鮑超率水師先赴彭玉璽募勇繼之起楊岳斌於家統其衆以固北路而南路廣東廣西羣賊擾境土匪紛起應之令田興恕禦東路王命勳西路先清土匪克東安斬廣西賊首胡有祿餘賊復擾永明江華擊走之克桂陽永興茶陵郴州宜章斃廣東賊首何祿貴州苗犯晃州沅州麻陽並擊走之南路遂定當武昌陷後總督楊需奏飭胡林翼渡江上扼漢川以固荆襄乘章上疏爭之略曰楊需始終堅執防賊北竄然以見在形勢論之江西湖南尙稱完地若使湖北水陸兩軍移駐漢川長江千里盡委之賊其將置東南於不問乎未解者一也移駐漢川祇能

清史稿

列傳一百九十三

二

禦上竄襄陽之路其於荆州並無輕重若賊水陸並進荆州門戶其孰當之未解者二也水陸兩軍相為依附胡林翼既駐漢川則水軍非退守監利即移泊岳州為湖南門戶計尙未為失然武漢門戶豈能度外置之乎未解者三也若謂賊衆兵單不思廣濟失利之初以總督萬餘之兵不能當千餘之賊乃退守黃州未一日即退漢川由此而德安而隨州今又退至棗陽北竄者賊也引之北竄者誰歟未解者四也扼賊北竄必固荆襄欲保荆襄必守武漢一定之局漢陽未復不能繞至漢川况武漢均為賊屯胡林翼縱至漢川以孤軍駐四面皆賊之地又能為荆襄門戶計乎未解者五也需之專防北竄原出迎台上意疏入詔斥所詆需者過當然上意開悟未久能需以官文代之與胡林翼合規武漢乘章悉力資給林翼軍如所以助曾國藩者泊林翼與羅澤南破石達開於咸寧達開折入江西連陷瑞州臨江而吉安撫州建昌屬城多被擄國藩自上年九江之挫久留南昌孤軍難進展乘章至是銳意東援令江忠濟出通城以固岳州令劉長佑蕭啟江率軍分路入江西六年劉長佑等連克萍鄉萬載

進攻袁州江忠濟戰歿通城以王鑫代之連克通城崇陽蒲圻通山諸縣至冬長佑克袁州分宜新喻趙煥聯自茶陵收永寧余星元自酃縣收永新蓮花廳初議規江西分三路北路出瑞州中路出袁州南路出吉安劉長佑袁州一路兵逾九千餉難再籌至是始令周鳳山曾國荃各募勇二千合趨吉安詔嘉乘章不分畛域越境殄寇賜花翎七年武漢既復下游無警湘軍乃四出以蔣益澧率永州軍援廣西以王鑫軍增援江西以兆琛等軍援貴州需餉益鉅湖南自軍興停漕運米賤而徵折猶沿舊價民困賦絀乘章減浮折駁中飽民減納而賦增做揚州例抽收鹽貨釐金歲入百數十萬給軍無缺王鑫戰江西屢破悍寇克樂安尋卒於軍以張運蘭及鑫弟開化分統其衆劉長佑攻臨江至十二月克之八年京察敘功加頭品頂戴劉長佑以疾歸以劉坤一代領其軍進規撫州建昌先後克復八月諸軍齊集克吉安石達開敗竄浙江江西略定乘章以兵合不易應乘勝進取疏請起曾國藩督師援浙留蕭啟江張運蘭兩軍隨征餘軍盡撤蓋自五年援江西糜湖南餉凡二百六十萬協濟之數不預焉

清史稿

列傳一百九十三

三

石達開由浙入閩粵徘徊五嶺之上九年春復由江西入湖南乘章調魏喻義陳士杰扼歸河起劉長佑於家令與劉坤一募勇四萬備迎擊調蕭啟江張運蘭於江西調田興恕於貴州未集而賊至陷桂陽宜章興寧衡州為歸河之軍所扼回竄嘉禾新田臨武寄遠達開大隊竄興永以據上游劉長佑出祁陽與之相持回犯東安新寧劉坤一再挫之乃趨寶慶衆號三十萬多烏合乘章下免死令散數萬人時趙煥聯田興恕等軍先至營城外賊營環二百里包諸軍於中胡林翼遣李續宜率軍赴援乘章令劉長佑劉嶽昭何紹彩分三路進六月戰寶慶城下內外夾擊賊人衆乏食再戰再敗遂東竄蕭啟江軍遇於永州又擊敗之乃由全州竄廣西啟江尾追劉長佑繼進敗之於大榕口又敗之桂林賊竄慶遠乘章令長佑留鎮廣西田興恕回貴州蕭啟江出沅江兼順川黔時廣東賊又擾邊境令張運蘭黃淳熙分擊於江華宜章並殲之十年命赴四川督辦軍務時左宗棠已奉命募勇援浙粵湘鄉劉蓉督軍事湘軍名將多從曾國藩胡林翼惟劉嶽昭黃淳熙在湖南調兩軍隨行受代將發石達開復

由廣東犯湖南境吏民乞留遺獄昭烈會剿賊尋引去十一年正月始啟行抵宜昌聞陳玉成犯湖北分遣獄昭赴援自率五千人入川四川之亂始於咸豐九年滇匪藍大順又名朝柱李短搭又名永和結黨私販鴉片其黨被捕聚衆陷宜賓攻敘州撥嘉定衆數十餘萬羣盜遂四起總督有鳳曾望顏等不能制徵兵湖南先遣蕭啟江一軍赴之啟江尋病歿曾國藩赴川督師中止未行成都將軍崇實署總督兼章奉命後慮客軍易遭顛覆猶觀望崇實馳書促行開誠迎候發夔關稅以給軍軍至乃出望外時賊首李永和卯得與蹇音神藍朝柱圍緜州張第才何國樑順慶蹂躪四十餘縣將逼成都章至萬縣即令黃澗熙援順慶戰於定遠陣斬何國樑賊大敗追至潼川二郎場中伏瀕熙陣亡然賊驚湘軍勇銳引去乘章由順慶進駐潼川令胡中和蕭慶何必勝率蕭啟江舊部曾傳理代領黃澗熙之衆劉德謙率親軍唐友耕率川軍合萬九千人援緜州別以他軍綴青神分扼東北會穆宗即位擢授章章四川總督八月師會緜州城下連破賊十餘壘賊敗退渡涪水屯守官軍作五浮橋以濟

清史稿

列傳一百九十三

四

又擊敗之賊遁走由什邡崇慶趨丹棱章始入成都莅任奏勅布政使祥奎中軍副將張定川不職罷之薦劉蓉昭超擢署布政使軍事吏治振刷一新於是分剿諸賊急攻藍李二股令唐友耕扼眉州洪燾斷青神之援胡中和等諸軍圍丹棱作長濠木城節節進逼賊棄城走追斃藍朝鼎於陣餘賊分路逃散爲民團汛兵截殺幾盡藍朝柱率二百人遁入山尋出合諸匪陷新寧復爲官軍擊散其後陝西整屋匪潰走興安爲民團所獲有自稱爲藍大順及弟三順至九順並戮之李永和見丹棱已克亦遁走分軍追擊圍之於鐵山同治元年京察詔嘉章章診寇迅速整頓地方加太子少保尋克青神李永和卯得與由鐵山遁走追至宜賓禽之道員張由庚克新寧賊分竄張第才遁陝西曹燦章入老林總兵周達武解涪州圍追禽周紹湧於大竹又禽郭刀刀於巴州周駢駢由雲南入岳池合州新寧張由庚擊走之諸城皆復至冬川南北一律肅清詔調度有方予優敘石達開見川中兵事方殷屢由黔楚窺伺來犯是年春陝石柱撲涪州爲劉嶽昭軍所阻嶽昭境尋又入敘永攻江安陷長寧分擾洪

高慶符劉嶽昭曾傳理等擊敗之退滇境分竄銜連高縣官軍扼金沙江以守賊謀三路入川章調諸將及土司兵分防二年正月賴裕新自寧遠犯冕寧至越嶲爲印部土司嶺承恩擊斃餘賊散擾川西十餘縣多爲官軍民團截殺盡殲於平武山谷中三月石達開渡金沙江爲唐友耕等軍所扼由小徑趨土司紫打地大渡河水漲官軍伺半濟擊之退撲松林小河又爲土司王應元所扼嶺承恩夜襲破馬鞍山賊營斷其糧道復連撲兩河皆不得渡糧盡殺馬採樹葉而食唐友耕等漢土官兵合擊焚其巢墮巖落水無數餘七八千人奔老鴉旋復爲土兵所阻連開率一子及其黨三人乞降解散四千餘黨盡誅之五月檄送達開至成都磔於市捷聞詔深嘉之加太子太保將士獎擢有差李幅猷爲達開死黨初約由黔入川令劉嶽昭與黔軍合剿尋於黔境就殲達開餘孽遂盡粵匪擾陝西圍漢中乘章令道員易佩紳率軍解其圍張由庚駐防川境至是復令蕭慶高何必勝赴剿詔擢劉蓉爲陝西巡撫督諸軍乘章病目請告命力疾視事三年江甯克復詔錄前後功子一等輕車都尉世職賜雙眼

清史稿

列傳一百九十三

五

花翎四年陝西粵匪爲諸軍擊敗竄甘肅階州令周達武會剿平之回剿南坪番匪匪首歐利哇降又剿馬邊禽匪首宋士傑邊境悉平令劉嶽昭援黔由綏陽抵遵義道路始通後由黔規演皆乘章遺策也六年夏疾愈視事命以四川總督協辦大學士十一月卒於官優詔賜卹稱其公忠誠亮清正勤明贈太子太傅入祀賢良祠四川湖南建專祠賜其子天保郎中天詔舉人諸孫並賜官諡文忠乘章晚年愈負重望朝廷要政多諮詢決西南軍事倚之所論薦人才悉被任用著勳名川民感其削平寇亂出於水火及其歿巷哭罷市遺愛之深世與漢諸葛亮唐章卓並稱云

胡林翼字潤之湖南益陽人父達源嘉慶二十四年一甲三名進士官至少詹事學宗宋儒林翼少時即授以性理諸書而林翼負才不羈娶總督陶澍女習聞緒論有經世志道光十六年成進士選庶吉士授編修二十年充江南副考官坐失察正考官文慶擢舉人熊少牧入闈降一級調用丁父憂服闋捐納內閣中書改貴州知府署安順鎮遠皆盜藪用明威紀光法練勇士搜捕林箐身

與同甘苦屢禽劇盜靖苗氛以功賜花翎又因防剿新客匪李沅發以道員用
 總督吳文鎔巡撫喬用遷並薦堪大用咸豐元年補黎平實行保甲團練千五
 百餘寨建礮樓四百餘座嚴扼要隘儲備城守地鄰湘桂匪輯而民安三年
 勦粵安鄉匪誅其魁湖南巡撫張亮基駱秉章兩次奏調以貴州留不行御史
 王發桂疏薦林翼剿匪成效詔赴湖北委用四年擢貴東道率騎勇千人行次
 通城而總督吳文鎔戰歿黃州遂進援武昌賊尋犯湖南駱秉章調林翼回防
 平安化土匪擄四川按察使尋調湖北曾國藩既克武昌檄林翼與羅澤南會
 攻九江屯湖口破賊梅家洲五年春擢湖北布政使總督楊岳帥黃梅林翼
 率所部回援武昌別以副將王國才一軍隸之未至漢陽陷會攻不克屯沌口
 武昌復陷潛師渡江規武昌為賊所圍兵少食盡退金口詔林翼署理湖北巡
 撫楊岳奏令上扼漢川林翼疏陳形勢宜急攻武漢方能內固荆襄上諭之時
 武漢黃德四郡皆為賊踞後路崇陽通城多伏莽公私赤立兵餉皆絀林翼馳
 書四出乞貸發家穀給軍添募兵勇兼顧南北兩路凡數十戰時有克捷亦屢
 清 史 稿 列傳一百九十三 六

瀕於危七月攻克漢口領奪大別山賊卡未幾援賊由漢川至焚漢口崇通匪
 旬結武昌城撲金口大營詔念林翼素善用兵勉以重整散卒尋退步山餉
 絕兵潰下部議處林翼移營大軍山收集潰兵駐新堤嘉魚水陸合萬人牛出
 新募賊至常數萬軍中奪氣林翼鎮靜相持以忠義激厲將士始漸定奏調羅
 澤南由江西來援連克通城崇陽林翼自往迎之於蒲圻合破援賊章俊石達
 開於咸甯復其城乘勝進攻武昌自率所部普承堯唐副方軍由中路羅澤南
 當西路楊岳斌以水師會金口總督官文亦令都興阿率騎兵駐北岸林翼和
 輯諸將軍勢遂日振屢戰皆捷六年二月羅澤南急攻城傷於礮驟卒以李續
 寶代領其軍攻戰不少輟石達開自咸甯敗後竄江西連陷數郡曾國藩屢調
 羅澤南回援不克往林翼分遣劉騰鴻普承堯兩軍赴之詔以武漢久不克督
 戰急林翼疏陳略曰臣頓兵城下五月餘矣血肉之軀日當礮石傷亡水陸士
 卒三千餘喪將領羅澤南周得魁百餘人李續寶中丸墮馬者數矣夫兵易募
 而將難求臣觀前史李左車告韓信以頓兵城下情見事拙為戒戰易攻難自

昔已然故臣自四月後乃禁仰攻分兵咸藩以取義者四戰皆捷分水師以清
 下游直達九江臣自率兵五千扼武昌南路李續寶率六千三百扼洪山東分
 勦北路水師六營下駐沙口賊由九江興國分路來援臣撥三千餘人戰於
 百里之外徵臣之志誓與兵事相終始萬一變生意外決不敢退怯苟且自取
 羞辱文宗覽奏特慰勉之五月賊於武昌城外豹子澗等處增壘掘濠林翼抽
 調諸軍擊之遂於要隘掘濠困賊賊屢撲皆擊退諜知九江賊古隆賢來援已
 至樊口先遣黨數千進踞葛店令蔣益澧率精銳迎擊戰於葛店大破賊焚其
 舟追至樊口楊載福水師亦至合擊斃賊數千攻克武昌縣城遂渡江攻黃州
 而石達開由江西竄江甯復糾眾上犯分數路七月急調黃州軍回援賊由金
 牛趨葛店古隆賢亦起應之林翼督水陸軍分禦連戰於油坊嶺魯家港姚家
 嶺竄潛沙子嶺小龜山旬日內二十餘捷禽斬無算解散脅從萬餘追奔百餘
 里至華容賊悉遁九月楊岳斌追賊至蕪州焚其舟直抵田家鎮賊援既絕添
 募陸勇五千水師六營為長圍計十一月咨會官文尅期大舉楊岳斌斷蕪江
 清 史 稿 列傳一百九十三 七

鐵鎖焚賊船盡賊傾城出撲慶戰三時大敗狂奔諸軍逐之遂復武昌禽賊酋
 古文新等駢誅數百人生降四千同日官文亦克漢陽詔實授林翼湖北巡撫
 加頭品頂戴遂分兵收復武昌縣黃州府及興國大冶蕪水蘄州黃梅令李續
 寶乘勝規九江都興阿楊岳斌鮑超屯小池口自駐武昌籌全局上疏論軍事
 吏治略曰湖北軍務不飭已久無論賊之多寡強弱聞警先驚接仗即潰上下
 相蒙恬不知恥誤於使貪使詐而實為貪詐所使川楚河南勇目招合無賴投
 効以一報十冒領口糧交綏即敗又顧之他帑項至艱徒飽無賴慾壑遣散不
 得其方又相乘為盜近年湖北募勇之大患緣營則怯懦若性正額虛浮軍政
 營制蕩然無存此為兵事急應整頓之要自古用武之地荆襄為南北關鍵武
 漢為荆襄咽喉武漢有警則鄰國震四年之中武昌三陷漢陽四陷東南數
 省受害惟武漢為甚夫善鬪者必扼其吭善兵者必審其勢今於武漢設重鎮
 則水陸東征之師恃為根本軍火米糧委輸不絕傷痍疾病休養得所平吳之
 策必先保鄂明矣保鄂必先固漢陽湖北之失在漢陽無備下游小挫賊遂長

驅直入應請於武漢設陸師八千水師二千日夜訓練平時有藜藿不採之威
臨事有千里折衝之勢且東征之師孤軍下剿苦戰必傷久役必疲傷病之人
留於軍中不但戰亦且誤餉若以武漢之防兵更番迭代則士氣常新軍行
必利此武漢宜急設防練之要湖北莠民從賊者多兵勇搜捕徒滋擾害惟有
保甲清釐族戶細獻分別斬釋然收令不得其人則法不能行官吏之舉動爲
士民所趨向紳士之舉動又爲愚民所趨向未有不養士而能致民不察吏而
能安民者五年大熟州縣乃或報災六年大饑州縣轉或徵賦以豐爲歉是病
國計以歉爲豐是害民生而終害於國計款歲官吏私收蠲緩實惠不及於民
有所謂挖微急公等名目無一非蠹國病民凡下與上交接之事務之幕友官
與民交接之事務之門丁詞訟案牘病在積壓盜賊姦究弊在因循州縣之小
事即百姓之大事今日之小賊卽異日之大賊屠火積薪隱憂方大又如捐輸
則有踩堂費見之費牙帖則有勒索之費釐金則有私設之費臣受事以來迭
次特參在國自有刑章在臣甘爲怨府惟思勳賞非難求才爲難前者勳去後

清史稿

列傳一百九十三

八

者踵事而巧避其名弊將不可勝言臣愚以爲必嚴禁官場應酬陋習與軍吏
更始崇尚敦樸屏退浮華行之數年庶可改觀目下州縣懸缺待人請敕下部
臣暫勿拘臣文法資格此吏治急應整飭之要武漢甫經收復人或以爲已治
已安臣竊憂之如以爲治安則前收復已二次矣况江西七府俱淪於賊旁軼
橫出不僅九江安慶爲足慮也未收復之前事勢極難文武尙有懼心收復之
後布置尙易而特恐文武均萌肆志外省粉飾之習久在聖明洞鑒不揣愚昧
用以直陳疏入上嘉納焉於是裁浮勇練新軍獨四十六州縣田賦以蘇民困
設清查局稽核全省倉庫盈虛之數設節義局表彰死難官紳士女設軍需局
以備東征餉械嚴課吏治糾劾文武數十人推廉尙能手書戒勉將吏如子弟
初將吏頗構督撫異同下令曰敢再言北岸兵事吏事長短者以造言論罪官
文亦開誠相與無掣肘軍政吏治皆林翼主稿林翼推美任過督撫大和湖北
振興實基於此襄陽土匪猖獗擾及河南境令唐訓方等勦之七年春禽匪首
高先二等陳玉成由皖北上犯諸軍不能禦林翼赴黃州督師賊衆十餘萬環

踞巴河東會水漲林翼令毀三台河石橋扼河而守潛師出迴龍山遏賊上竄
調李續宜率湖勇馳至督諸軍合擊於孫家嘴馬家河山賊大敗遁走都興
阿李續寶亦連破賊於黃梅宿松楚北肅清遂視師九江定合圍方略而還八
年四月李續寶等攻九江克之傑賊首林啟榮詔嘉林翼調度有方加太子少
保林翼乃急規安慶楊岳斌率水師出九江都興阿出宿松望江逼安慶爲圍
師李續寶規復太湖潛山桐城與都軍爲犄角五月丁母憂詔予假百日治喪
假滿仍署巡撫七月廬州陷李續寶輕軍赴援戰歿三河林翼方奉母柩回籍
詔急起視師林翼聞命病哭起行巡次黃州軍心始定九年進屯上巴河與李
續宜整飭部伍日夜訓練謀大舉會石達開由江西犯湖南圍寶慶林翼令李
續宜率所部赴援舒保馬隊助之又以水師分扼河道寶慶圍得解於是與曾
國藩合力圍復安徽國藩循江而下爲第一路多隆阿鮑超攻取潛山太湖爲
第二路林翼自出英山霍山爲第三路李續宜由松子關山商城固始爲第四
路十月由黃州移營英山陳玉成在賊中最狡悍見太湖圍急糾合捻匪張洛

清史稿

列傳一百九十三

九

行襲瞎子衆數十萬來援林翼集諸軍精銳全力備戰欲一鼓殲之與曾國藩
部署諸將指揮戰略謀前敵總統以多隆阿謀勇兼優而鮑超素不相下手書
勸勉十數往復始定議又備意外令金國琛余際昌以八千人出潛山天堂拊
賊背十二月賊至鮑超營小池驛當其衝賊衆攻之多隆阿慮分兵擊全勢置
不救調唐訓方往助事且急金國琛等由山中鼓行而出賊乃奪氣十年正月
多隆阿攻羅山衝爲西路鮑超出小池驛爲東路朱品隆蔣凝學唐訓方等合
擊金國琛等亦同時並進大破賊殲斃先後二萬餘遂克太湖城潛山亦復是
役爲僅見之大捷安慶之勢遂孤既而江南大軍潰蘇常被陷曾國藩授兩江
總督督師林翼爲畫分路大舉之策國藩不盡用率鮑超等次祁門爲規復江
南計以其弟國荃圍安慶林翼令多隆阿圍桐城李續宜屯青草塢爲兩軍援
都興阿別出師江北分兵濟餉林翼悉任之十月多隆阿李續宜大破賊於桐
城挂車河林翼進駐太湖度賊援安慶不利必深入湖北腹地以分我軍勢令
余際昌屯霍山樂兒嶺成大吉屯羅田松子關戒賊至勿浪戰堅守待援十一

年春賊果合捻匪西犯成大吉破之松子關屢挫渠渠子霍山守者違節度
 為賊所敗遂進陷黃州德安孝感隨州林翼令李繼宜回援賊復分股回略
 黃趨安慶約城賊夾擊檄成大吉下援鮑超亦山南岸至破賊於集賢關禽斬
 數千磔其渠劉瑄林多隆阿亦破援賊於桐城賊計不得逞城中糧將盡勢益
 感南岸之賊復由江西犯興國大冶南及崇通武漢震動林翼方病咯血自率
 師回援而圍攻安慶益急及抵湖北賊已聞風遁八月朔遂克安慶曾國藩推
 林翼為首功詔加太子太保子麟都尉世職桐城廬江舒城以次復黃州德安
 之賊先後禽斬楚境悉平林翼久病聞文宗崩於熱河行在大慟嘔血八月卒
 詔贈總督祀賢良祠湖北湖南並建專祠賜其子子助舉人諡文忠同治元年
 復詔林翼未竟全功遠就渣渣蹟其功助卓越名播寰區至今江鄂士民稱頌
 命於原籍家祠賜祭一壇泊江南平加予一等輕車都尉世職子子助襲後併
 兩世職為男爵光緒中以孫祖蔭襲官都傳部參議林翼貌英偉目巖巖威棱
 攝人事至立斷無留難尤長綜覈釐正湖北漕糧積弊以部定漕折為率因地

清史稿

列傳一百九十三

十

量加輕重民歲減錢百餘萬緡歲增幣四十餘萬兩提存節省銀亦三十餘萬
 兩兩湖自淮鹽阻絕率食川鹽於宜昌沙市武穴老河口設局徵稅視舊課增
 至倍徙時東南各省皆抽釐助餉惟湖北多用土人司權覈實無弊其治軍務
 明紀律手訂營制留意將才嘗曰兵之器者無不能將之食者無不怯觀將知
 兵觀兵知將為統將必明大體知進退緩急機宜其次知陣法臨敵決勝又其
 次勇敢此大小之分也馭將以誠因材而造就之多以功名顯察吏嚴而不沒
 一善手書褒美受者榮於薦剡故文武皆樂為之用士有志節才名不樂仕進
 者千里招致於武昌立資善堂居之以示坊表嘗曰國之需才猶魚之需水鳥
 之需木人之需氣草木之需土得之則生不得則死才者無求於天下天下當
 自求之薦舉不盡相識無一失人曾國藩稱其胸實滿天下非虛語嘗自以聞
 道晚刻自繩檢欲然常若不足家有田數百畝初欲仕嘗先墓不以官俸自益
 父著弟子箴言行世承其志為箴言書院教人務實學病革曰吾死諸君贈吾
 惟修書院無贖吾家所著讀史兵略奏議書牘皆經世精言

論曰略秉章休休有容取人為善胡林翼綜覈名實幹濟冠時論其治事之寬
 嚴疏密若不相侔而皆以長駕遠馭驅策羣材用能不樹偉績所莅者千里方
 圻規畫動關軍事全局使無其人則曾國藩左宗棠諸人失所匡扶憑藉其成
 功且較難緬懷中興之業一人所關繫者豈不鉅哉

清史稿

列傳一百九十三

十一

江忠源字岷樵湖南新甯人道光十七年舉人究心經世之學仗義尚義公車入京初謁曾國藩國藩曰吾生平未見如此人當立名天下然終以節烈死大挑改職回籍察教匪亂將作陰以兵法部勒鄉里子弟既而黃背崗盜雷再浩果勾結廣西秀民為亂一戰破其巢禽再浩戮之以功擢知縣揀發浙江秀水災奉檄往賑遂轉縣事賑務舉禽劇盜十數邑大治巡撫吳文鎔待以國士補麗水檄治海塘文宗即位曾國藩應詔薦其才送部引見尋以父憂去官咸豐元年大學士賽尚阿督師勦粵匪調赴軍前副都統烏爾泰深倚重事必諮而行忠源招舊所練鄉兵五百人使弟忠溶率以往號楚勇賊氛方熾官兵莫禦其鋒忠源勇始至偏賊而壘賊輕其少且新集急犯之堅壁不出逼近始馳突斬級數百一軍皆驚累功賜花翎擢同知直隸州賊聚永安向榮與烏爾泰不協忠源調和勿聽知必敗引疾回籍二年春賊果突圍出犯桂林忠源聞警

增募千人偕劉長佑兼程赴援未至烏爾泰傷歿於軍自是獨領一軍進扼桂林城外鷓鴣洲三戰皆捷圍尋解擢知府賊竄全州將趨湖南忠源偕諸軍進擊賊陷城不守復出竄悉載輜重舟中期中水陸並下忠源發樹塞河截賊資衣渡慶戰兩晝夜悍酋馮雲山中斃死賊棄舟夜遁盡獲其輜重忠源先請扼東岸未用其策賊由東竄入湖南陷道州又讓賊衆不滿萬慮日久襄會衆分防不如合剿遠堵不如近攻於是諸軍合攻道州賊堅壁意在久踞購城中內應約期襲之賊走藍山嘉禾犯桂陽陷郴州忠源謂後路進剿愈急前路攻陷愈多請仍申合剿之議當事不省賊益張徑犯長沙忠源偕總兵和春馳援至則賊已踞城南窟穴民屢攻城甚急忠源望見天心閣地勢高賊榻其上釐日賊據此長沙危矣率死士爭之賊敗退趨移壘逼賊共汲一井擊柝相聞忠源弟忠濟自郴州尾賊至約夾擊為伏賊所傷縋入城商方略因語衆曰官軍四面集惟河西一路空虛賊奪民舟渡江掠食盡將他竄宜重兵扼迴龍塘巡撫張亮基慰之而諸將遂巡莫前時賽尚阿能徐廣縉代之未至城內外巡撫二

提督二總兵十莫相統攝忠源赴湘潭請於廣縉不省賊卒由迴龍塘竄陷岳

州遂破武昌忠源痛謀不見用不欲東張亮基奏留守湖南勦平巴陵土匪調赴瀏陽勦徵義堂會匪周國虞斬賊七百解散萬人瀏陽平擢道員三年正月授湖北按察使張亮基署總督兵事悉倚之勦平通城崇陽嘉魚蒲圻諸匪禽其渠劉立簡陳百斗熊開宇等文宗知忠源忠勇可恃命率所部赴向榮軍尋命幫辦江南軍務瀕行上疏切論軍事略曰粵寇之亂用兵數年糜餉二千萬人無固志地罕堅城臣出入鋒鏑於今三年隨策其大端惟聖明裁察一曰嚴軍法將不行法是謂無將兵不用法是為無兵全州以失援陷而左次相仍道州以棄城陷而潰逃踵接岳州設防而不能為且夕之守九江列艦而不能遏水陸之衝豈有他哉畏賊之念中之也賊嘗致死於我而我不能致死於賊賊之戰也驅新附於前以故黨乘其後卻則擊殺故賊退必死而進乃生我退必生而進則死不待戰陣而勝負分焉已誠欲反怯為強莫若易寬為猛皇上執法以取將帥帥執法以取偏裨偏裨執法以取兵士避寇者誅不援者誅未

令而退者誅法令既嚴軍聲自壯此討賊之大端也一曰撤提鎮承平既久宿將凋亡提鎮大臣積資可待位尊則意為趨避偏裨不敢與爭權重則法難驟加督撫不能擅決人情當齒壯官卑之日輒思發奮為雄位高則進取念衰必不能踴躍以赴時會且軍興數載餉饋滋艱提鎮所需較副參懸絕裁一提鎮養精兵二百而有餘奚取以有限脂膏奉此無益之提鎮誠擇一深明將略者統制其間餘則悉歸休致副將以下量擢其才此整軍之要道也一曰汰冗兵選兵膽氣為上堅樸次之技藝又次之實耐苦之人令進則進令退則退其身聽命於將而不知它浮怯之徒無事則趨踰觀美臨陣則退縮旁徨論功則鑽刺以圖美官遇敗則推諉以逃各戾宜汰者一也征調頻煩或顧老備籍坐耗資糧或部曲散亡驚魂甫定當此餉精匱絀豈容更益虛糜宜汰者二也誠救各營將領討部曲而嚴察之氣充膽壯者備攻勦樸實苦者備屯防舍此二端盡歸釐汰此致強之急務也一曰明賞罰勝有賞敗有罰且古不變之常經也顧勝有賞而賞非勝則不如無賞敗有罰而罰非敗則不如無罰無賞無

罰人猶冀賞罰之時實非其功罰非其罪則懲勸之用乖怨讒之聲作而軍事不可為矣今戰勝有功固當賞錄左右侍從獎敘尤多且未嘗行一失律之誅按一縱寇之罪勝敗本兵家之常主兵者每言勝而諱敗功過本無妨互見主兵者輒匿過而言功治承平天下且不可况危亂之世哉夫軍中賞罰未可一概論勝固當賞或旅進取斬級以冒功或追擊貪貨財而得小則當罰敗固當罰或過勇先驅後援不繼或大軍已卻一將獨前則當賞今大帥據營將之言營將侍左右之口功罪之實非探訪所可知好惡之心因毀譽而多舛求是非治乎人心難矣自非親歷行陣開誠布公何以慰軍士之心而振波靡之習此風氣不可不急為振拔者也一曰戒浪戰用兵之道能守而後能戰能制人而後不制於人能避賊之長而後可用吾之短臣自廣西以來深觀賊勢結營則因地築壘環以深濠置陣則正兵敵前奇兵旁襲止則徧購徒黨伺吾虛實行則遙壯聲威乘吾張皇故嘗以為賊止則當扼要以斷其饋濟賊兵以截其奔逃賊行則當逆擊以遏其鋒設伏以撓其勢乃我之圍賊不嚴守而攻堅追賊

清史稿

列傳一百九十四

三

不截歸而尾擊小有挫失士氣先類此兵法不可不變計者也一曰察地勢勢者非圖史所載山川一定之險也視賊出入之途先為之防察賊分合之機遙為之制則漸車之滄數仞之岡苟形勢在所必爭即事機不容或失全州葦衣渡之戰寇焰已摧宜速壁河東斷其右臂道州之役寇鋒已挫宜分屯七里橋扼其東趨長沙將解圍則宜堅壁迴龍潭土橋頭使賊不得西犯它若道州蓮花池蓮濤灣死地六十里而縱之使生湘陰臨資口岳州城陵磯皆必爭之區而縱之使遁禍機在咫尺之間流毒遂在千里之外此敗敵之不可不深鑒者也一曰嚴約束殺賊所以安民安民乃可殺賊粵寇慘虐不可勝言然擇肥而噬窮簷不暇搜求或偽結民心多償市直兵則攫取姦汚窮戶且難倖免故於賊且有恕詞於兵能無怨毒且長夫估客游蕩無常託偽管裝恣行淫掠鄉民畏懼莫敢誰何應敕諸營首嚴防制備冊時稽犯則軍法按行絕其芽孽此結民心後患之要圖也一曰寬脅從粵寇徒黨喪亡實多煨燼之餘類多附脅平昔會徒盜賊寬典相蒙監禁軍流乘時放逸命為前導尤所甘心凡此法無

可這自爾獲焉必殺至若良民驅迫骨肉羈縻此中進退維谷之忱艱苦顛連之狀每一念及輒用隱傷宜救各營刊示射達臨陣建免死之旗令其倒戈以赴曲賜保全既可探賊情復以携賊黨此尤好生盛德討賊機宜之大權也行此八者破格以攬奇才便宜以畀賢帥擇良吏以固根本嚴綜嚴以裕餉源如此而盜賊不滅盛治不興願斬臣首以謝天下疏入上嘉納之行至九江聞南昌被圍方有旨促援鳳陽疏請先援江西率兵千三百人三晝夜馳抵南昌巡撫張芾舉王命旗牌授忠源戰守事悉聽指揮忠源火城外廬廬斬逃者謂章江門最受敵自當之日登城督戰賊穴地轟城崩數十丈刃斃先登賊囊土填缺數突門出戰夜遣死士縋下焚賊營詔嘉獎被珍寶尋湖南援師至分軍扼樟樹鎮遣羅澤南剿平泰和萬安安福土匪守南昌九十餘日至八月屢破賊壘沈賊船乘風縱火賊乃遁詔嘉其功加二品頂戴賊退據九江分擾湖北興國巡犯田家鎮忠源赴援部兵二千途阻不能遽達先挈親兵數十人抵田家鎮甫一日賊舟乘風大至道員徐豐玉等死之忠源自劾詔原之降四級留

清史稿

列傳一百九十四

四

任尋撫安徽巡撫賊已陷黃州漢陽武昌沿江擊賊敗之武昌解嚴疏請增兵萬人當淮南一路而湖北留其兵不盡遣僅率兵二千冒雨行將士疲頓忠源亦遘疾至六安賊已陷桐城舒城吏民遮留不可留千人守六安昇疾抵廬州部署未定賊已大至城中合援兵團勇僅三千人忠源力疾守陴迭挫撲城之賊地道轟城屢圯皆奮擊却之詔嘉忠源力保危城躬馳戰陣賜號霍隆武巴圖魯時陝甘總督舒興阿兵萬餘畏葸不進忠源弟忠濬偕劉長佑來援駐城外五里墩阻不得前被圍月餘廬州知府胡元煒陰通賊賊知城中食乏軍火將盡攻益急水西門圯且戰且修築賊突自南門緣梯入忠源掣刀自刎左右持之一僕負之行忠源奮脫轉戰至水閣橋身受七創投古塘死之布政使劉裕鈺池州知府陳源堯同知鄒漢勳胡子雖縣丞興福艾延輝副將松安參將馬良戴文淵同時殉難胡元煒竟降賊忠濬募人求其屍後八日部卒周昌迹得之負出面如生事聞文宗震悼贈總督子騎都尉兼雲騎尉世職入祀昭忠祠諡忠烈同治初江南平追念前功予三等輕車都尉世職湖南江西並建

專祠湖北省城與羅澤南合祀三忠祠忠源歿逾年湖南有寇警弟忠淑奉檄募勇助勦母陳出私財助餉並懸重賞以勸衆事定巡撫駱秉章以聞特旨予忠源父母三代一品封典忠源弟三人忠濟忠淑族弟忠義忠信皆自忠源初起即從軍中忠濟忠義自有傳忠濟從守長沙城懷堵缺口殺登城賊數十以勇名三年忠源赴湖北以舊部千人付忠濟留長沙忠源勦賊通城兵單不利忠濟倍道赴援戰於桂口斬賊首陳申子於陣又破何田俊等焚其巢及援南昌兩塞城缺斬賊之先登者巡撫張荊疏稱其精敏勇敢軍中畏服累功擢候選知府江西解嚴後忠濟回籍侍母忠源既歿有旨仍用忠濟及忠濟率兵剿賊忠濟方赴援廬州從和春攻勦忠濟爲駱秉章調赴藍山甯遠勦土匪連破賊圍擢道員五年駐防岳州胡林翼攻武昌未下賊勾結崇陽通城土匪忠濟遣兵復通城遂留駐六年春江西賊由義甯竄至忠濟進擊連破賊壘而悍黨集數萬爲所圍力戰三日營陷死之贈按察使銜子騎都尉世職設壯節忠信少折弛不職年十六從忠源赴廣西軍犯軍令忠源將斬之衆爲乞免

清史稿

列傳一百九十四

五

及遇賊馳赴戰常爲軍鋒累加擢千總聞忠源被圍廬州從忠濟赴援比至壁西門外五里墩不得進忠信夜率壯士十餘人潛越賊營縋入城告以援至留城中屢完城缺縋出攻賊壘殺賊擢守備賜花翎及城陷忠源揮之去五年從忠濟復廬州功多擢游擊賜號毅勇巴圖魯忠濟假歸代統其衆六年從和春克三河巢縣擢副將從秦定三規桐城建議出奇兵夾擊連破賊營十有六進逼城下賊大出迎擊進至東門外躍馬越濠禽賊將礮丸中左腋隕於陣子雲騎尉世職設忠節忠信並附祀忠源專祠

羅澤南字仲嶽湖南湘鄉人諸生講學鄉里從游甚衆咸豐元年舉孝廉方正二年粵匪犯長沙澤南在籍倡辦團練三年以勞敘訓導曾國藩奉命督鄉兵檄勦平桂東土匪擢知縣江忠源援江西乞師於國藩乃令澤南率以往所部多起書生初臨行陣戰南昌城下爭奮搏死者數人國藩聞之喜曰湘軍果可用及圍解勦安福土匪以三百人破賊數千擢同知直隸州歸湖南勦平永興土匪所部增至千人屯衡州與國藩簡軍實更營制教練歷半載四年六月借

塔齊布進攻岳州以大橋爲賊所必爭堅扼不動伺便突出擊之三戰皆捷賊賊千圍七月破高橋賊壘九賊退踞城陵磯借塔齊布乘勝進擊連破賊營賊遂遁走擢知府賜花翎自是湘軍名始播以澤南與塔齊布並稱轉戰而東復崇陽擊走咸甯賊再敗之金牛進駐紫坊曾國藩會諸將於金口議攻武昌澤南繪圖獻方略謂由紫坊出武昌有二道請以塔齊布扼洪山而自攻花園賊萬餘踞花園築堅壘一枕大江一瀕青林湖一跨長隄深溝重柵時江東岸與蝦蟆磯對壘列巨礮向江內外分阻水陸兩路澤南率隊直趨花園賊悉木城發礮士卒蛇行而進三三起已逼賊壘分兵奪賊舟舟賊退營賊亦亂三壘同下朔日又破鮎魚套賊營其竄洪山者爲塔齊布所扼賊夜棄城走武昌漢陽皆復距會議僅七日捷聞以道員記名尋授浙江甯紹台道國藩請仍留軍賊據興國分陷大冶澤南馳克興國塔齊布亦克武昌大冶乃規取田家鎮賊以鐵鎖截水師而踞半壁山爲犄角夾江而守澤南進駐馬嶺坳距半壁山三里許賊數千突來犯而由田鎮渡江來援者近萬人澤南兵僅二千令堅伏度

清史稿

列傳一百九十四

六

賊懈奮擊賊大潰後路爲我軍所阻墜崖死者數千遂奪半壁山水師斷橫江鐵鎖燔賊舟克田家鎮賜號普銳額巴圖魯加按察使銜時議水陸軍分三路進勦總督楊需督江北岸軍澤南借塔齊布攻其南曾國藩督水師循江下甯不能軍賊復北趨乃借塔齊布改北渡江復廣濟黃梅賊退踞孔隴驛小池口澤南約諸軍會攻渡江未半賊來犯軍少卻澤南傷臂仍指揮衝突分兵破街口賊壘賊會羅大綱引去是役也五千人破賊二萬賊乃盡撤沿江諸營併守九江塔齊布圍攻之澤南別剿盩山遏湖口援賊會水師入鄱陽湖爲賊所襲輜重皆失國藩馳入澤南營而水師阻湖口不得出五年湖北官軍屢敗武昌復陷澤南從國藩入南昌赴援饒州戰於陳家山大破賊復弋陽又援廣信破賊於城西烏石山復之連復興安德興浮梁進剿義甯敗賊於梁口繼嶺復義甯加布政使銜澤南見江西軍事不得要領上書國藩略曰九江逼近江南兼牽制武昌故賊以全力爭之犯弋陽援廣信從信水下彭蠡抄我師之右據義甯守梅嶺從修水下彭蠡抄我師之左今兩處平定九江門戶漸固惟

湖北通城等處羣盜如毛江西之義甯武甯湖南之平江巴陵終無安枕之日欲制九江之命宜從武昌而下如解武昌之圍宜從崇通而入為今之計當以湖口水師九江陸師截賊船之上下更選勁旅掃崇通以進武昌由武昌以規九江東南全局庶有轉機國藩據以上聞遂命澤南移師湖北會剿以塔齊布舊將彭三元普承堯所部寶勇隸之凡五千人九月至通城賊號數萬皆烏合一戰而潰進奪桂口要隘克崇陽駐軍羊樓司悍賊章俊石達開合黨二萬餘自蒲圻來犯截擊走之胡林翼來勞師合攻蒲圻復其城乘霧進克咸甯自是武昌以南無賊蹤十一月師抵紫坊與林翼議進取次第澤南屯洪山林翼屯城南隄上水師駐金口賊於城外築堅壘十三與城埒初戰賊二萬出十字街林翼與交綏數卻數進澤南與李續賓分兩路潛抄賊壘破十字街營盡毀城東南諸壘八步街口為我軍通江要路塘角為賊糧運所出先後攻破之焚其船廠環西北賊壘亦盡賊又由望山門外蒼石壘二揮軍塌平之又迭於窯灣塘角逐賊殲戮數千賊遂閉城不出石達開自崇陽敗後竄入江西勢復張曾

清史稿

列傳一百九十四

七

國藩檄澤南回援澤南以武漢為南北樞紐若湘勇驟撤胡林翼一軍不能獨立見在賊糧將盡功在垂成舍之非計其父年八十貽書軍中勗以忠義林翼以聞六年二月詔特予澤南祖父母父母二品封典以示旌異三月賊開門出撲澤南親督戰援賊大隊繼至我軍自洪山馳下奮擊追逐直抵城下飛礮中澤南左額血流被而駐馬一時許歸洪山猶危坐營外指畫戰狀朔日卒於軍文宗震悼詔依巡撫例議卹賜其父嘉日頭品頂戴子兆作兆升皆舉人子駒都尉世職入祀昭忠祠本籍湖北江西建立專祠設忠節及江南平穆宗追念前勞加一雲騎尉世職澤南所著有小學韻語西銘講義周易附說人極衍義姚江學辨方輿要覽諸書體用兼備一宗程朱學者稱羅山先生嘗論兵略謂大學首章知止數語盡之左傳再衰三竭之言其注脚也弟子從軍多成名將最著者李續賓李續宜王鑫劉騰鴻蔣益澧皆自有傳其早死兵事名未顯者有鍾近衡少事澤南以克己自勵日記言動有過立起自責澤南語劉蓉曰吾門為己之學鍾生其庶幾乎從平郡桂土匪叙從九品咸豐四年粵匪由江甯

上竄犯岳州借弟近濂各將五百人從王鑫破賊於靖港追至蒲圻羊樓司戰失利死之王鑫退保岳州賊又大至近濂亦戰歿易良幹謝邦翰並戰死南昌城下邦翰死後李續賓代領其眾所稱湘右營者是也諸人皆湘鄉人後並附祀澤南專祠

論曰湖南勇勇出境勦賊自江忠源始曾國藩立湘軍則維澤南實左右之樞誠勇敢之風皆一人所提倡也忠源受知於文宗已大用而遽殞澤南定力爭上游之策功未竟而身殲天下惜之忠源言兵事一疏澤南籌援鄂一書為大局成敗所關並列之以存龜鑑此大將風規不第為楚材之弁冕已

清史稿

列傳一百九十四

八

清史稿

列傳一百九十五

李續賓

李續宜

王鑫

劉騰鴻

蔣益澧

李續賓字迪庵湖南湘鄉人諸生膂力過人善騎射羅澤南講學里中折節受書咸豐初澤南募鄉勇殺賊續賓奉父命往佐之從平桂東土匪三年援江西令將右營澤南每戰續賓皆從歸湖南屯衡州復永興四年夏從澤南規岳州湘軍僅千人戰於大橋續賓率數騎駐山岡賊至不動俟兵漸集親搏戰賊斬賊目奪其旗追北十餘里次日塔齊布至戰地服其勇由是知名連旬與賊戰續賓曰賊不得擄掠今且盡可乘機薄其壘塔齊布從之會風雨奮擊連破賊壘賊乃棄岳州而遁論功累擢知縣從澤南克崇陽咸甯規武昌大戰於花園及破鮎魚套賊營功皆最武漢復擢直隸州知州賜花翎進攻田家鎮賊水陸數萬塔齊布阻於富池口湘軍合寶勇僅二千六百人咸色沮續賓手刃逃者

清史稿

列傳一百九十五

三人軍心始固大戰於牛壁山殺賊數千焚其巢遂平田家鎮擢知府賜號擊勇巴圖魯尋授安慶知府於是從羅澤南塔齊布連復廣濟黃梅破賊於霍港孔巖每戰率為軍鋒進規九江九江城堅賊所聚合攻不能下議分兵剿湖口梅家洲從澤南屯盃山十二月水師失利入彭蠡湖為賊所扼續賓憤甚請於曾國藩自率千人渡江攻小池口塔齊布率二十人偕行塔齊布與續賓皆恃勇每合戰逼賊席地坐槍彈如雨不顧忽躍起突陣橫厲無前習以為常至是衆寡懸絕戰竟日不能克暮收隊而塔齊布失蹤欲再渡江入賊壘覓之塔齊布旋自返五年春粵匪由江寧大股上犯武昌再陷曾國藩領兵江西續賓偕澤南從之尋分赴贛東攻剿連復弋陽廣信德興義甯記名以道員用是年秋回援湖北克通城崇陽分兵趨羊樓司賊遠遁赴援利速戰堅守俟之明日賊至相持至暮賊其怠突擊之大潰藩圻咸甯相繼復加鹽運使銜十一月進攻武昌破塘角賊壘又敗賊於嘉灣屢戰皆捷闕平城外賊壘六年二月羅澤南以礮傷卒於軍軍中新失帥人情洶洶賊復增壘抗拒巡撫胡林翼奏以續

寶代領其衆軍勢復振盡繕平城外新壘連於賽湖隄小龜山雙鳳山破城中

出軍之賊七月石達開糾江南江西各路賊七八萬來援城賊將應之續賓禦之魯家港旬日內大小二十餘戰解散脅從萬餘破賊二十餘壘加布政使銜賊閉城不出乃開壕引江水灌入為長圍困之十一月克武昌記名以按察使用渡江克黃州連復大冶興國直隸九江城下九江賊首林啟榮堅守苦戰續寶復川攻武昌法濬長壕三十里七年三月城成湖口安慶賊迭來援皆擊走之六月賊犯蕪州黃梅續寶渡江迎擊於廣濟童司牌大破之合水師進攻小池口毀其城策九江賊恃湖口為犄角不抜湖口九江不可得九月令弟續宜攻梅家洲自率師揚言往宿松潛伏湖口後山水師並至分攻賊方悉銳以拒續寶率士卒攀蘿至山椒破空下賊大駭蕪其衆立克湖口縣城梅家洲賊亦遁乘勝克彭澤及小姑伏捷聞授浙江布政使於是賊援遂絕八年四月以地雷轟城百餘丈梯而登殲賊萬餘禽林啟榮及李興隆等磔之九江平加巡撫銜賜黃馬褂許專摺奏事續寶既下九江請假省親抵湖北陳玉成陷麻城

清史稿

列傳一百九十五

黃安移兵擊走之時續寶威望冠諸軍浙人官京師者合疏請飭援浙江胡林翼議大舉進規安徽詔將軍都興阿總兵鮑超由宿松趨安慶續寶由英山趨太湖續寶乃留弟續宜屯武昌自率八千人行會起曾國藩視師續寶復分所部千人與之至太湖而署巡撫李孟羣師潰廬州改道赴援八月至九月克楓香舖小池驛梅心驛復太湖潛山桐城舒城賊望風潰走軍無留行進規廬州賊於三河築城外列九壘憑河設險我軍非得三河不能進續寶克桐城舒城後各留守兵所率臨敵僅五千人十月分三路攻賊九壘皆下殺賊七千餘我軍傷亡亦逾千人越後軍未至而陳玉成李世寶糾合捻匪來援衆十萬連營十餘里諸將譏退守桐城續寶不可夜半部勒各營且日迎擊至樊家渡天大霧賊分隊包抄我軍驚潰副將劉祐山參將彭友勝游擊胡廷槐鄒玉堂杜廷光皆戰死續寶衝圍苦戰賊集愈多營壘皆破或勦突圍出圍再振續寶曰軍興十年皆以退走損國威吾前後數百戰出隊即不望生還今日必死不願從者自為計諸將士曰皆願從公死日暮上馬開壘擊殺數百人總兵李續燕

副將彭祥瑞越壘衝出賊踞其壘決河隄斷去路續寶具衣冠望闕叩首取所奉廷旨及批摺焚之曰不可使宸翰汚賊手躍馬馳入賊陣死之同知曾國華知府何忠駿知州王揆一同知董容方知縣楊德蘭從九品李續莪張溥萬皆殉焉道員係守信運同丁銳義猶守中右營越三日營陷同死之是役文武官弁死者數百人士卒數千人時方有旨命曾辦安徽軍務及死事上聞文宗流涕手敕曰惜我良將不克令終尙冀忠靈不昧他年生申甫以佐子也贈總督入祀昭忠祠立功德建專祠諡忠武賜其父一品封典子光久光令並賜舉人子騎都尉世職續寶既歿曾國藩疏上其生平戰績略曰續寶隨羅澤南征剿循循不自表異岳州之戰所將白旗號為無敵田家鎮以少勝衆九江之敗士卒多逃獨所部依依不去衆稱其能得士心軍中人人以氣節相高獨默然深藏然忠果之色見於眉宇遠近上下皆信其大節不苟臣所立湘勇營制行之既久各營時有變更獨續寶守法始終不變歷年節省餉項及廉俸不寄家自肥概留備軍中非常之需量力濟人不忍他軍飢而已軍獨飽取極寬而弁

清史稿

列傳一百九十五

三

勇有罪往往揮淚手刃之至於臨陣專以救敗為勝遇賊則讓入禦其弱者自當其悍者分兵則以強者予人而弱者自隨弱者漸強又易新營軍中每言肯攜帶弱兵肯臨陣救人者前惟塔齊布後惟續寶三河之敗亦由分兵所致此軍民所由感泣不忘者也於是特詔嘉其有古名將風以國藩疏宣付史館用示褒異泊江南平軫念前勞加二等輕車都尉併為男爵子光久襲丁銳義字伯冕長沙人治鄉團有聲咸豐四年從胡林翼援湖北募壯士百人後增至千人號義字營戰武漢以勇聞六年羅澤南傷殞賊酋古隆賢率衆犯官軍後路諸將以新失帥皆主堅守銳義曰我軍頓城下六閱月求戰不得今賊來乘我出其不意可一鼓滅林翼壯之令與唐訓方蔣益澧孫守信等夜出掩擊大破賊於豹子海又戰葛店華容奪樊口賊舟克武昌縣圍黃州會大水退軍屯青山武漢復撤知縣駐防蘄黃間屢與鄉團却敵八年破黃泥坂青天畝賊壘擢同知又破賊於南陽河阿彌鎮擢運同遂從李續寶進剿安徽破石牌賊壘連下數縣將進攻三河銳義諫曰孤軍深入留兵四城分力之半死傷復多士

罷將驕賊援將集而貪進不已此所謂強弩之末也使賊斷絕我餉道舒桐潛大兵少見勝則意見敗必潰四城將并覆乃令退師桐城休息待援僅可不敗耳續寶不聽銳義乃馳書湖北請援續寶讓之曰君嘗以千人破賊數萬乃何怯耶及續寶軍敗銳義率所部急教身被數創續寶突圍戰死銳義借孫守信堅守其壘三日壘破死之銳義耳聾喜論兵戰每孤軍勇進獨三河之役主持重而說不見用郵贈鹽運使加太常寺卿騎都尉世職孫守信亦長沙人由內閣供事叙從九品官湖北從軍積功累擢道員未嘗獨將與銳義為友臨危不去同及於難贈按察使加太常寺卿騎都尉世職曾國華字溫甫國藩弟咸豐五年國藩兵困於江西國華請於父赴湖北乞師胡林翼令劉騰鴻吳坤修普承堯率五千人往援以國華領其軍攻克咸甯蒲圻通城新昌上高以達瑞州騰鴻戰城南國華偕承堯戰城西北屢破賊國藩至乃合圍掘壘周三十里斷賊接濟會丁父憂借國藩奔喪去軍與李續寶姻家招佐軍事當連克四縣軍勢銳甚國華以常勝軍家所忌時與續寶深語並書告國藩及軍敗從續寶力

清史稿

列傳一百九十五

四

戰死贈道銜子騎都尉世職諡烈李續宜字希庵續寶弟同事羅澤南以文童從軍援江西湖北積功累擢同知賜花翎武昌漢陽復胡林翼疏陳續宜功多為續寶所掩詔以知府選用從續寶攻九江賊由安徽上犯蕪黃以率我師咸豐七年續宜率兵千七百人回援湖北戰於黃州嶺崎山分三路進毀賊壘次蕪水黃岡界上馬家河火石港榔柳灣賊壘林立頓巢出撲續宜伏兵山下驟起突擊賊大亂謀乘之破壘四十移屯蕪水遇援賊於月山誘至山角發礮擊之潰直搗其巢焚屯寨數十處破偽城五會克小池口以道員用賜號伊勒達巴圖魯由是續宜之名與其兄相頡頏回軍江西會攻梅家洲克湖口十月賊酋章俊率衆二萬復犯湖口續宜駐蟻蚌山分兵三路一出馬影橋一出流淞橋一扼勞家渡賊來擊卻之而賊由西洋橋排龍口二賢寺直趨蟻蚌山續宜麾諸路奮擊斬獲千餘馳抵磨盤山設伏破泰坪關援賊乃遁八年九江既克陳玉成由安徽蕪蕪黃陷黃安續宜馳援不利續寶繼至合擊續宜攻北門破其壘賊夜遁復黃安進至麻城

賊不戰引去續寶出師規安徵胡林翼疏請留續宜固楚疆泊三河師續寶戰歿續宜在黃州收輯殘部思鄉者遣歸願留者歸伍差汰罪將簡用其良申倣訓練經歲軍氣始復振九年授荆宜施道石達開由江西竄入湖南衆號三十萬圍寶慶府城胡林翼檄續宜率兵五千馳援諸援軍悉歸統屬時援軍三萬餘城被圍兩月賊衆食且盡野掠無所得聞續宜至攻愈急續宜渡資江而軍與劉長佑軍當賊衝四戰而圍解賊竄廣西境詔嘉續宜赴援迅速加布政使銜十年遷安徽按察使曾國荃方圍安慶多隆阿攻桐城續宜率萬人屯青草壩在安慶桐城之間陳玉成以十萬衆來援續宜與多隆阿夾擊於桂軍河盡破棠梨山尊上庵香舖街望鶴墩賊壘斬賊無算追奔二十餘里玉成走廬江捷聞賜二品頂戴十一年擢安徽巡撫疏言陳玉成圍解安慶之圍悉銳西竄以攻我之所必救湖北爲衆軍根本臣宜提師回援不能遽任皖撫之事比抵武昌賊已陷黃州德安兩府五縣乃會彭玉慶水師夾攻孝感乘夜縱火復其城進攻德安穴地道克之武昌通城咸甯蒲圻諸縣相繼皆下賜黃馬褂胡

清史稿

列傳一百九十五

五

林翼病歿詔授續宜湖北巡撫駐黃州督師擒匪犯光化穀城均州及襄陽襄陽皆擊走之調安徽巡撫同治元年命幫辦欽差大臣勝保軍務時苗沛霖叛服無常勝保袒之詔密詢續宜剿撫機宜覆疏謂苗沛霖官至道員公犯不避圍撫臣於壽州陷其城屠其衆乃復詭言求撫此豈足信不過假稱反正號召近縣養成羽翼若正彼叛逆之名人人得而誅之寬其黨羽使爲我用彼勢孤終成禽耳上慰之續宜駐臨淮令提督成大吉總兵蕭慶衍渡淮援穎州破擒匪張洛行於大橋集穎州圍解又令將擬學克霍邱撫級各圩解散逆黨沛霖備湘軍兵威請討捻自贖而勝保終欲養沛霖以自重轉嫉湘軍勢不相下會袁甲三以病請去命續宜代爲欽差大臣督辦安徽全省軍務續宜旋丁母憂奪情留軍三疏陳謝舉唐訓方自代允假百日回籍病咯血六次詔促起視師不能赴二年十一月卒於家詔加恩依總督軍營病故例賜卹立功地方及原籍建專祠諡勇毅賜其父人凌四兩地方官以時存問子光英子官直隸州知州續宜治軍嚴整與兄續寶同負重名曾國藩嘗論其昆弟爲人續寶好蓋

覆人過續宜則嫉惡稍嚴續寶戰必身先驍果續宜則規畫大計不較一戰之利及其成功一也

王鑫字璞山湖南湘鄉人諸生從羅澤南學任俠好奇咸豐二年粵匪犯長沙上書縣令朱孫詒請練鄉兵從澤南教練屯馬坵埔以團防勞叙縣丞剿桂東土匪有功廣東邊境匪犯與甯率死士百人馳擊殲賊甚多累擢同知直隸州三年羅澤南援江西初戰多死傷鑫請於曾國藩增募三千人將往援會南昌圍解國藩議裁汰其軍巡撫駱秉章見所募勇可用留二千四百人防湖南鑫精於訓練令士卒縛鐵瓦習超距自以意爲陣法進退變動異於諸軍四年粵匪踞岳州鑫由湘陰進攻敗賊於杉木橋乘勝克岳州曾國藩率水陸軍並至鑫出境進剿遇賊羊樓崗失利賊踞其後岳州復陷鑫所部死者千人坐輕進奪職留營効力既而羅澤南從國藩東征鑫收集散衆留未遣駱秉章令率五百人徇郴州時兩廣交界土匪蠢起朱連英胡有祿最強各擁萬人稱王號時擾湖南邊境鑫與參將周雲耀協防江華數擊走之援道州解其圍賊必

清史稿

列傳一百九十五

六

乘虛襲江華日馳百餘里先至待賊至迎擊大破之進擢桃川出龍虎關破恭城賊於栗木街回軍解甯遠藍山圍別賊掠零陵周雲耀困於隘鑫率數十人馳進令曰寇衆退且死據險夾擊逐北數十里轉戰深入九疑山賊氛漸清復原官賜花翎五年土匪何賤苟勾結朱連英陷富川江華進犯永明鑫借周雲耀往剿迭敗之連州匪自龍虎關來犯勢甚張疾趨迎擊殲賊二千擢知府除賊走陷灌陽復由全州襲陷東安鑫會廣西軍克灌陽馳至東安城下環攻兩月始克之賊竄出合胡有祿將入四明山分路抄襲禽有祿焚山中賊巢餘黨悉盡時別賊何祿踞郴州陳義和踞桂陽分擾永興茶陵未陽窺衡州鑫增募至千五百人分兵守耒陽自率千人攻桂陽再戰克之賊聚糧於瓦壩坪火其屯出奇兵攻郴州賊遁走尙萬餘合鄉團邀擊於黃沙堡追至兩廣城賊方食縱擊殲之乘勝破永明江華踞賊窮追至連州朱連英僅以身跳免六年春又破賊於陽山賊遁英德駱秉章上其功迭詔嘉獎予四品封典以道員即選鑫專辦南防凡二年湘粵間諸匪殊殄幾盡軍士死亡亦多請假將還會羅澤南

卒於武昌李續賓代將其軍粵匪石達開自江西窺湖北續賓招金助剿遂進屯岳州轉戰崇陽通城通山蒲圻復四縣殲賊首張康忠陳華玉等與國大治匪衆亦解散武昌尋克復加按察使銜以湖北道員記名簡放仍駐軍岳州七年調援江西五月抵吉安先是官軍水陸合圍吉安其攻臨江者亦掘長壕困賊賊渠胡壽階何秉權率衆數萬來援據水東與賊夾江相望金沿贛江而南自三曲灘濟結營水東東南山上賊鼓噪乘之金登望樓令士卒築壘不輟毋許仰視賊疑不進俄山後一軍出賊背鼓聲起築壘者投奔大呼馳擊左右伏起陣斬秉權賊衆於水餘走水東軍中方具餐金曰不克水東不違食揮軍擣賊壘都司易普照勇士也先登中礮殞衆憤爭入壘殺賊數千壽階遁金渡江壁藤田壽階自甯都沙溪挾援衆不犯金分兵擊其左自率百人擣其右賊崩潰燧之瑤嶺禽壽階斬賊數千是役悍賊俘斬殆盡閏月援賊復自甯都出永豐金以千二百人迎擊之追至甯都之釣峯賊背水以拒既敗盡沒於水斬賊首蕭復勝等拔難民萬餘六月再破新城賊於東山塢斬賊首張宗相等

清史稿

列傳一百九十五

七

時悍賊楊輔清憤屢敗糾衆十萬踞廣昌頭破誓決死戰金笑曰賊衆此可一鼓殲也勒兵大戰先馳馬陷陣衆從之賊大潰逐北六十里斬賊無算捷聞詔嘉獎稱其以寡敵衆殲除鉅寇賜號給什蘭巴圖魯方拔樂安進規撫建兩郡會周鳳山兵潰吉安乞援金令鄒團張已轉趨建昌而潛返藤田規吉水楊輔清聞金去以七萬衆圍樂安金夜入城誘賊至城下痛殲之輔清屯林頭金進擊賊以馬隊數千突陣令火箭射之藤牌兵俛首砍馬足劉松山易開俊左右合擊自率精銳貫賊陣斬級數千獲馬三百匹俘八百人輔清遁走金感疾返樂安九月卒於軍年僅三十有三詔嘉金紀律嚴明身經數百戰前後殺賊十餘萬克復城池二十餘處厥功甚偉贈布政使銜依二品從優議卹予騎都尉世職江西湖南建專祠設壯武金貌不逾中人膽力沈鷲用兵好出奇制勝取衆服而有恩所著有練勇芻言陣法新編皆出心得劉松山爲湘軍後起名將舊隸部下後其軍皆用金法金既歿所部歸其弟開化及張運蘭分統之開化年十七從金軍中南防剿匪功最多累擢知縣及援江西甯都釣峯之戰率伏

兵潛襲賊營遂大捷無戰不與駱秉章疏陳其功擢知府遂令分統金軍偕張運蘭攻吉安連戰皆捷八年克樂安宜黃崇仁南豐建昌擢道員加按察使銜病歸里十年左宗棠初出治軍開化從之戰鄱陽樂平皆有功及宗棠大破李世賢於樂平開化與劉典各當一路是役官軍不及萬破賊十萬稱奇捷加布政使銜江西既平從宗棠援皖南十一年卒於軍開化在軍先後八年勇毅亞於其兄詔優卹予騎都尉世職諡貞介

清史稿

列傳一百九十五

八

增募五百人當前敵騰鴻遂帥事澤南列弟子籍攻克十字街塘角賊壘毀其船廠進據小龜山賊七八千由塘角沿湖而下澤南自率中營出洪山西令騰鴻出洪山東夾擊賊無算蕩平賊壘胡林翼奏騰鴻身先陷陣七戰皆在諸軍前超擢知縣六年春賊踞賽湖以阻官軍騰鴻與戰於隄上追及長虹橋遇伏賊七倍我奮擊殺賊五六百羅澤南欲扼塞灣賊出爭大戰於小龜山斬級六百遂偕李續賓同駐其地騰鴻所將號湘後營樹黑幟賊望見輒走會江西軍事棘胡林翼令騰鴻率所部千人從曾國華赴援瑞州道爲賊梗轉戰而前連捷於羊樓崗分水坳禽斬僞總制三十餘人克上高新昌七月進攻瑞州郡治有南北二城中貫一河聯以長橋先拔南城賊曾章輝自臨江來援軍容甚盛騰鴻曰是羊質虎皮不久見鄂宜乘其敵攻之相持旬日賊氣衰乃從北岸渡兵抄其後與南城兵夾擊大敗之僞指揮黃姓來援列陣山岡兩軍對峙別賊馳截我後路圖夾攻俟其近發勢山礮擊之再至皆擊退追奔三十里石達開適自九江來勦賊復還築五壘於東北騰鴻曰不急破之壘成則難制矣

令楚軍防賊江軍進剿自率死士三百督戰賊見兵少先犯之三百人植立無聲伺近乃發礮凡衝突六次不為動賊氣沮諸營併力猛攻賊大敗盡平其壘捷聞擢直隸州知州歸江西補用賜號衝勇巴圖魯自克南城後賊萃於北城騰鴻欲斷其接濟取南城磚石築壘造橋賊來爭且戰且築又於北岸石封嶺築新城以逼之七年春會國藩巡視瑞州用騰鴻議為長濠三十里絕賊餉道國藩尋以喪返湖南騰鴻主南路軍事先後遇賊於馬鞍嶺陰岡嶺戰皆捷於是會諸軍克袁州分宜上高新喻劉長佑與賊戰於羅防不利騰鴻往援擊敗之七月回攻瑞州時李續賓進兵九江胡林翼疏調騰鴻回湖北騰鴻以功在垂成先分兵應之而攻城益力奪南門礮臺復撲東門毀其城樓身自督戰中槍子五臥不能起次日裹創昇往城垂克忽中礮洞穿左脅移時殞諸弟騰鶴曰城不下無飲我一軍皆泣冒礮火登城斬殺悍賊過半即夕克瑞州迎騰鴻尸入城治喪事聞卹典加等依道員例予騎都尉世職於瑞州建專祠予其父母正四品封典洎江南平會國藩追諭前功詔嘉其忠勇邁倫加恩予諡

清史稿

列傳一百九十五

九

武烈弟騰鶴隨軍將中營先數月因攻城傷左臂創甚騰鴻命歸不可及騰鴻殞於陣騰鶴號泣督戰克竟厥功遂代將其軍進援臨江復峽江會攻吉安當西南路掘長濠久困之八年秋賊乘江漲突圍出兩次皆擊退尋拔其城率所部窮追斬賊過半調防九江屯彭澤九年二月戰牯牛嶺進攻建德風雲嶺賊巢破其二壘賊大至被圍力戰死之年二十有八官候選知府詔依道員例賜卹予騎都尉世職附祀兄祠

將益澧字蕪泉湖南湘鄉人少不羈不諧於鄉里客游四方湖南軍事起從王鑫攻岳州以功叙從九品復隸羅澤南部下勇敢常先人澤南異之許列弟子籍從克黃梅擢縣丞進剿九江連敗賊於白水港小池口咸豐五年進攻廣信大軍駐城西烏石山益澧屯山右賊觀其壘未成來攻益澧堅壁不動伺懈縱擊斬賊首於陣進逼城下諸軍蟻附而登復其城進攻義甯澤南潛師進嶺嶺令益澧分駐乾坑賊來爭分數千人抄官軍後益澧曰今以數百人當大敵不死戰將殞揮兵直薄之當者披靡遂會師嶺乘勝復義甯擢知縣從澤南回

援武昌在軍與李續賓論事不相下及澤南歿續賓代將益澧屯魯港賊攻之急請援續賓置之益澧大恚誓死守賊旋引去益澧遂告歸不待報而行嗣武漢克復仍論前功擢知府賜花翎益澧家居恒悒不得志會廣西匪熾乞援於湖南湖南宿將盡出征駱秉章顧左右無可屬者益澧請行乃令率千六百人赴之七年五月連破賊於寶珠嶺唐家市復與安靈川艇匪擊平樂二塘墟沙子街進破之焚賊艇薄平樂克之擢道員賜號額哲爾克巴圖魯加按察使銜巡撫勞崇光疏請留於廣西補用八年入屯桂林時廣西兵食並絀率藉招撫取盜兵賊相蹂橫行無忌疆吏不能制益澧至乘兵威悉按誅桀黠者易置守軍人心始定駱秉章奏助益澧軍月餉二萬造船六十艘募水師以益其軍省城既固進規右江賊踞柳州連結洞峒恃水師不能至益澧具舟修仁令軍士舁舢板陸行九十里置落青水中載礮而下遇賊洛垢城火賊舟次日賊水陸並集力戰斬賊數千進鷓鴣山攻柳州克之加布政使銜借右江道張凱嵩會剿慶遠掘長濠斷賊出入賊渡河竄邕擊敗之慶遠平以按察使記名九年

清史稿

列傳一百九十五

十

石達開竄湖南前隊掠全州益澧分兵守柳州自回援省城授按察使尋遷布政使出剿恭城土匪扼平樂粵匪石國宗由全州興安窺桂林勢甚張學政李載熙劾益澧失機及冒餉忌功等事詔念益澧前勞降道員留廣西並下疆臣察奏會湖南遣劉長佑蕭啓江率師來援益澧與合剿解桂林圍駱秉章曹澍鍾並為疏辨得白十年賀縣匪分擾昭平平樂益澧擊走之進破賊首陳金剛於大灣嶺焚沙田賊寨復布政使原銜又會廣東援師破賊於竹洞嶺十一年復授廣西按察使進駐平南借總兵李揚陞復潯州復布政使原官益澧年少愍念曾國藩胡林翼素不滿之而左宗棠特器重至是宗棠規浙江疏請以益澧為助同治元年調浙江布政使自湖南增募八千人道廣東總督勞崇光資以餉械九月至衢州分兵復壽昌賊曾李世賢屯裘家堰按察使劉典兵先進益澧繼之降賊李世詳為內應襲破之悉毀賊壘三年克湯溪被珍寶優敘宗棠進屯嚴州規富陽援賊屠至益澧渡江築壘新橋分三路迎擊大敗之會游擊徐文秀等攻鷓鴣山益澧自督戰盡破十餘壘八月克富陽自杭州至餘杭

賊管連數十里益澄沿江下逼清波瓜山兩門據十里街六和塔萬松嶺俯瞰城中自駐東嶽廟賊屢出犯皆擊退分兵會道員楊昌濬總兵黃少春攻餘杭敗賊城下不出又破鳳山門清泰門賊壁由錢江入西湖奪賊舟平湖乍浦海鹽皆下海甯守賊蔡元吉桐鄉守賊何紹章先後投誠効用三年令紹章扼烏鎮元吉會蘇師復嘉興賊勢日蹙二月饒頭山地雷發壞城垣諸軍擁入戰竟日悍賊多斃餘夜遁遂復杭州餘杭亦下詔嘉其功賜黃馬褂予雲騎尉世職分軍克德清石門進攻湖州蔡元吉深入為賊所圍益澄自往援之轉戰而前距元吉營隔一河未達時僞幼王洪福瑣遁入湖州悍酋黃汝金眾尚十餘萬七月作浮橋通元吉營出湖跌漾賊後降賊譚侍友出太湖攻袁家匯賊棄城走邀擊之解散數萬人浙境肅清管騎都尉世職左宗棠追賊赴福建益澄護理巡撫疏陳善後事宜籌餉浚湖以築海塘捕槍匪又覈減漕糧酌裁關稅商農相率來歸增書院膏火建經生講舍設義學興善堂百廢具舉東南諸省善後之政以浙江為最逾歲乃回本任五年擢廣東巡撫奏裁太平關稅

清史稿

列傳一百九十五

十一

陋規四萬兩斥革丁胥改由巡撫委員徵收五坑客匪投誠分別安插高廣各府另編客籍設學額並如議行六年以病乞休尋為總督瑞麟疏劾下閩浙總督吳棠按奏坐任性不依例案部議降四級改降二級以按察使候補命赴左宗棠軍營差委尋授廣西按察使以病回籍十三年日本窺臺灣召至京未及任用病卒太常寺卿周瑞清疏陳益澄廣西政績詔復原官依巡撫例賜卹浙江巡撫楊昌濬梅啟照先後疏言平浙功尤鉅詔允建祠設果敏論曰李續賓果毅仁廉治軍一守羅澤南遺法戡定武昌九江戰績為一時之冠李續宜獨以持重稱殆鑒於其兄之銳進不終而然耶王鑫劉騰鴻皆出奇制勝駿利無敵惜早殞未竟其功將益澄經挫折而奮起平浙治浙並著顯績信乎能自樹立諸人並湘軍之傑不以名位論高下也

清史稿

塔齊布

多隆阿

列傳一百九十六

鮑超

劉松山

塔齊布字智亭陶佳氏滿洲鎮黃旗人由火器營鳥槍護軍擢三等侍衛咸豐初揀發湖南以都司用著撫標左營守備以長沙守城功擢游擊署中軍參將侍郎曾國藩在籍治鄉兵月調官兵會操每校閱塔齊布從侍國藩與語奇之試所轄兵特精整為副將清德所忌嫉提督鮑超豹將加摧辱國藩勦能清德薦塔齊布忠勇可大用如將來出戰不力甘與同罪加副將銜兼領練軍巡撫張亮基亦特薦之以副將用三年剿平茶陵安化土匪賜花翎四年率部進剿粵匪至湖北通城崇陽賊由岳州上犯奉檄援寧鄉未至湘潭亦陷賊勢甚張遂改援湘潭長驅至高嶺猝遇賊塔齊布手持大旗陷陣麾軍縱擊斬其酋數人逐北數里至城下明日賊大出塔齊布伏兵山左右賊近礮聲百餘人伏起來擊僱仆枕藉城外賊柵皆盡水師會戰焚賊舟浮屍蔽江賊棄城走六

清史稿

列傳一百九十六

一

日而湘潭平時曾國藩師控於靖港長沙震動賴此一戰破賊人心始定捷聞加總兵銜賜號略屯巴圖魯詔斥鮑超豹畏葸不出戰罷之即超擢塔齊布署提督尋寶授初所部長勇與標兵私鬪有覺鮑超豹頻輸之至是代其位偏賞提標兵示無修怨意標兵大譁眾見其由都司不三年立功驟膺專閫莫不驚服軍氣頓振賊自湘潭敗後退走岳州分黨陷常澧塔齊布馳抵新牆為援進與羅澤南合軍會水師攻岳州七月克其城賊退泊城陵磯勢猶盛水陸夾擊屢挫之曾國藩親率新募水師至戰失利越日賊由城陵磯舍舟登陸踞險三路夾撲塔齊布分路迎擊匹馬陷陣士卒皆猛進破其中路賊復包鈔愈戰愈奮賊敗走追至擂鼓臺斬敵八百落水者無數迭借羅澤南合力攻賊旬日三捷水師乘隙進剿賊勢始衰岳州危而不失閏七月併羅澤南李續賓進高橋賊出二萬人抗拒塔齊布首先衝入諸軍繼之會大雨賊礮不然踰溝入壘連破賊營十三座殲斃及逃散者數千水師亦分路剿殺賊遁走追擊二百餘里破之於羊樓崗又破之於崇陽克其城咸寧亦復曾國藩師抵金口令羅澤

南攻花園塔齊布趨洪山八月武昌賊遁走塔齊布預設伏賊至要擊左右夾
湖無去路殲戮溺斃八九千人武漢同時克復進攻大冶克之十月與羅澤南
會攻田家鎮澤南攻半壁山塔齊布屯富池口中隔小河作浮橋以通兩軍之
路賊以萬人來爭澤南率李續賓奮戰塔齊布隔港對擊浮橋成賊復由田家
鎮渡江撲富池口營壘迎擊敗之遂與水師約大舉楊岳斌彭玉鑾分隊毀其
橫江鐵鎖陸師從半壁山擁下鏖戰一晝夜鐵鎖盡燬賊舟盡焚賊棄壘而遁
克田家鎮蕪州亦復賜黃馬褂予騎都尉世職借羅澤南渡江至蓮花橋遇伏
前隊少卻塔齊布手刃賊目追奔五十里遂克廣濟悍酋秦日綱陳玉成羅大
綱併力守黃梅以數萬賊布小池口孔壘驛而大河埔龍頭寨皆立堅壘軍抵
雙城驛賊突來襲堅持不動旋突起高下擊斬其渠賊奔大河埔糾黨返關
連擊敗之殲三千餘進攻黃梅肉薄而登塔齊布被石擊流血被面督戰益力
克其城賊腦聚孔壘驛三面築土城塔齊布從西南進累肩為梯卓矛而躍大
破之賊悉竄小池口分黨奔湖口與九江之賊相犄角曾國藩率水師抵九江

清史稿

列傳一百九十六

二

塔齊布借羅澤南渡江會攻詔嘉諸將轉戰直前同心勦力特頒珍寶十二月
攻九江西南門不克驍將童添元死之會水師為賊所襲喪失輜重羅澤南攻
小池口塔齊布親率勇士二十人往督戰衆寡不敵且戰且退匹馬衝突為諸
營打蔽有黃衣賊曾三來犯塔齊布以套馬竿圍一曾斬之奪其馬餘賊皆靡
俟大隊沿江上始單騎渡江回營已除夕三鼓五年正月城賊出犯斬獲二百
餘又伏地雷誘賊來撲斃之戰屢捷而城不下三月總督楊需師潰武昌復陷
塔齊布分兵遣將回援時水師半頓鄱陽湖半回湖北陸師留攻九江力甚單
賊益堅拒六月與曾國藩會於青山讓軍事國藩謂宜移師東渡剿湖口東流
建德塔齊布誓攻九江七月方傳令薄城遽氣脫卒於軍年三十有九事聞文
宗震悼詔依將軍例賜卹湖南省城建專祠設忠武同治三年江南平加三等
輕車都尉世職入祀昭忠祠塔齊布忠勇絕倫自擢提督渥忠報國四字於
左臂每戰匹馬當先不使士卒出己前他軍被圍輒馳救背負槍挾弓矢二卒
持長矛套馬竿從皆精絕無虛發每逼賊壘規形勢瀕危輒免賊驚為神而從

容謙退未嘗自伐其能在岳州率四騎規捕賊肅忽有悍酋悍悍目持梨來
犯健卒黃明魁矛刺曾墜馬塔齊布手刃殲之獲其旗知為偽丞相曾天養驍
桀稱最羣賊奪氣尋皆引去先是水師燬天養坐船已報殲斃塔齊布不欲爭
功終不上聞軍中與下卒同甘苦嘗共中夜絮語家事念及老母泣下其卒也
軍民皆慟湘潭岳州兩捷關係湘軍大局曾國藩尤痛惜焉畢金科字應侯雲
南臨沅人以征開化苗功敘外委從王國才赴湖北破賊荊州龍會橋天門丁
司橋梁擢都司曾國藩奇其才令從攻九江改隸塔齊布部下及塔齊布歿石
達開撥江西金科每戰陷陣驍勇為諸軍冠五年冬破賊樟樹嶺而周鳳山軍
敗尋失之六年破賊章田渡未幾饒州陷又失之金科憤為他部所累募死士
攻取饒州誓曰今日上岸不破賊吾不復歸舟一鼓克其城賜號呼察爾巴圖
魯補臨沅鎮都司以游擊升用名大振而忌者眾軍食不繼金科鬱鬱思立奇
功江西大吏責其破景德鎮始給餉七年正月驟往攻之入古不見一人率十
卒搜捕賊蜂起傷其七亡其三隻身縱橫擊刺踐血而出賊以噴筒環攻於王

清史稿

列傳一百九十六

三

家洲殞焉曾國藩為勒碑紀事稱其勇與塔齊布相埒泊江南平疏請優卹贈
總兵銜設剛毅立祠景德鎮
多隆阿字禮堂呼爾拉特氏滿洲正白旗人黑龍江駐防由前鋒補驍騎校咸
豐三年從勝保剿粵匪解懷慶圍及賊擾畿輔格林沁督師徵兵黑龍江多
隆阿率二起馬隊從克連鎮馮官屯擢佐領五年調援湖北隸將軍都興阿部
下破賊黃州新洲從克廣濟六年克武昌漢陽加副都統銜補協領充行營翼
長進剿蕪州敗賊於曹家河復廣濟次孔壘賊復來犯廣濟擊走之時湘軍圍
攻九江賊於對岸小池口築土城環以堅壘附近數十里內段崇楓樹獨山
鎮等處賊壘凡數十七年三月都興阿與鮑超攻小池口令多隆阿趨段鎮市
至賊數千來拒一戰破之毀其壘揚言攻獨山鎮而暗襲楓家坳賊三路分拒
分擊之別遣隊繞山南襲賊營賊陣亂紛竄進殲三千餘乘勝疾趨獨山鎮四
鼓至月明如晝見賊壘深壕木柵竹籬環之不易攻以輕騎誘賊出散隊設
伏伺賊至以勁騎衝突又分隊潛越壕縱火賊大奔追殺至曉斃賊五千生禽

數百自是賊畏其軍見旗輒走陳玉成率悍黨踞黃梅連營百里官軍屢挫六月多隆阿借鮑超赴援戰於黃梅十里鋪分兵潛攻西路德生寺賊壘賊出不意駭奔而十里鋪之賊亦大敗水師進毀童司牌賊壘湘軍自九江來援合擊大破賊於黃蠟山平賊壘凡百餘逐北至宿松城下遂克黃梅以副都統記名賊尋棄宿松而去多隆阿率馬隊駐守鮑超以步隊屯二郎河九月賊陷太湖分路來犯借鮑超合擊於涼亭河破之又合擊於楓香驛賊死抗慶戰逾時盡破其壘乃遁太湖八年春賊由渡船口等處上犯將總官軍以緩九江之攻多隆阿伺其初至急擊走之四月九江克復多隆阿從都興阿進規安慶石牌為要衝賊據山阻水為堅壘水陸重兵守之多隆阿攻上石牌鮑超攻下石牌同時並下餘壘驚竄馬步截殺及落水溺斃者六千餘人其酋以數十騎逃入安慶遂進軍逼安慶破城外九壘賊屢出戰皆擊敗之會李續賓戰歿三河桐舒濟太諸縣皆不守安慶圍師牽動多隆阿退保宿松次日賊屬至值大霧多隆阿驅勁騎陷陣敢死士隨之斫殺無算鮑超軍夾擊呼聲震天賊驚潰自相

清史稿 列傳一百九十六

四

踐踏陳玉成精銳損失過半自三河失利後得此捷軍聲復震是年冬都興阿以病離營奏多隆阿素當前敵請所部悉令統帶詔責成督率將士就近聽胡林翼調度九年春進逼太湖諸將猶謂賊銳宜稍避多隆阿曰不入虎穴焉得虎子賊憑城出鬪力戰挫之營壘乃就胡林翼遣唐訓方會攻而石牌復為賊踞攻太湖城連月不克多隆阿謂必先取石牌而後太湖可下乃選精銳自茶婆嶺進兵用火攻因之賊由潛山安慶兩路來援分馬隊擊卻之九月復猛攻焚其壘賊會霍天燕石廷玉等遂克石牌令部將雷正綰駐守之時湘軍圍安慶陳玉成糾合捻匪眾十餘萬來援太湖當其衝胡林翼調集諸將為備多隆阿已授福州副都統戰威望最著遂令前敵諸軍並受節制歲將盡賊分三路至鮑超屯小池驛將疑學屯龍家涼亭多隆阿自以馬步各隊駐新倉朱品隆與唐訓方合軍仍圍太湖初戰中賊伏頗有傷亡賊勢專趨小池驛鮑軍為所困多隆阿慮牽動局勢僅分隊為護餉道會金國琛等軍出潛山高橫嶺仰天庵密約夾攻十年正月賊移營羅山衝白沙畝與賊互應多隆阿定計

以大圍包裹援賊以伏兵橫截城賊令步隊誘敵馬隊驟起圍擊唐訓方鈔其後朱品隆扼其右鮑超遏其前自率馬步衝突陷陣賊大敗次日分軍三路鮑超等東出小池驛朱品隆等西趨羅山衝多隆阿自居中路見賊屯委廣二十餘里陳玉成踞羅山衝尤為悍賊所聚列隊進攻為賊陣所壓遂督中西兩路併力攻山奮呼直上賊始敗竄鮑超亦由小池驛連破四路之賊合隊迫奔同攻賊壘乘風縱火賊柵館頃刻延燒大小營壘百餘一律平毀金國琛等沿山兜擊賊前後受敵奪路狂竄連夜追剿禽斬無算賊聞敗宵遁伏兵四起截殺未逸者盡數殲之即日克復太湖乘勝追賊至潛山城下亦克之是役時稱奇捷推多隆阿首功詔加頭品頂戴賊既收回踞桐城增壘為固七月多隆阿率軍進逼城西晝夜環攻其西北山岡曰毛狗洞賊壘最據形勢攻下之俯瞰全城掘墜道盡之未克陳玉成復糾捻匪自舒城來援十月於挂車河隔河而陣連戰敗之復與李續宜約期合攻襄賊於中戰酣以馬隊鈔擊賊大敗殲寇近萬解散會從萬餘賊棄壘夜遁賜黃馬褂陳玉成屢為多隆阿所挫知不

清史稿 列傳一百九十六

五

敵乃謀犯湖北是年冬又糾眾繞英霍陷淞水掠黃州德安十一年春折回趨安慶經挂車河糧兵而過多隆阿曰此示假道不欲戰也設伏山隘令賊過呼噪勿擊而以輕騎躡之斬敵甚眾玉成入安慶築壘集賢關多隆阿進駐高路埔桐城蘆江諸賊二萬餘將與玉成聯合多隆阿分五路進擊迭敗之於練潭橫山堡金神墩新安渡餘賊遁回桐城未幾悍賊黃汝金糾眾二萬餘踞天林莊擊走之陳玉成留悍黨守集賢關自率馬步五六千竄馬踏石欲與桐城諸賊會合多隆阿要擊於河岸卻之四月玉成復率諸酋合粵捻三萬餘人圍上犯以解安慶之圍多隆阿分路設伏扼之於挂車河左右往來衝擊伏發四面夾攻殲斃八九千追剿五戰皆捷賊仍退桐城安慶之援遂絕官文胡林翼疏陳多隆阿樸誠忠勇智略冠軍為眾所悅服於是奉幫辦軍務之命八月安慶克復急令穆圖善攻桐城即日克之數日中連克宿松黃梅而舒城賊亦棄城走廬州子雲騎尉世職擢正紅旗蒙古都統又擢荊州將軍進規廬州同治元年春連破賊絕其運道賊黨相率投誠散遣千餘人四月大破援賊陳玉成戰

敗不敢入城竄走遂克廬州令穆圖善雷正箱追玉成玉成奔壽州爲練總苗沛霖禽獻勝保管誅之捷聞優詔褒嘉加予騎都尉世職尋命督辦陝西軍務率所部西征時粵匪陳德才合捻匪姜台凌張洛行衆二十萬三路窺陝多隆阿令雷正箱陶茂林率三千人前驅大軍繼之七月抵商南陳德才躡後路圖截餉道乃率穆圖善回軍掩擊大破賊於荆子關賊夜遁令馬隊追賊步隊休息自携數十人入商南姜台凌大隊突薄城下調衛隊四營猶未至陽示鎮靜設伏城外親率百餘人開城衝出伏兵齊應賊不知衆寡倉皇退竄次日復出城誘戰正與相持總兵朱希廣率四營由間道來援連日力戰禽斬二千餘賊乃西竄檄溫德勒克西馬隊要截王萬年步隊追金順守荆子關陶茂林退武關自率親軍於捉馬溝築壘賊夜來襲俟其近排槍擊之穆圖善自外夾攻斃賊無算至曉見賊蟻聚互數十里令降俘指認賊旗居中之紅邊白旗爲姜台凌先集攻之戰方酣自率穆圖善從山側繞擊賊敗如山倒斫殺萬計追至三角池截其尾隊姜台凌僅以身免張洛行聞風亦遁詔嘉其旬日內剿除

清史稿

列傳一百九十六

六

巨寇頒賜黃馬褂及江綢刀劍以示優異時勝保入陝督師移多隆阿赴南陽防剿連敗賊於樊城唐縣尋復命赴陝十一月入潼關勝保以罪逮詔授多隆阿欽差大臣督辦軍務回匪方熾備擾東西北三路陝南則爲粵捻川匪所出沒多隆阿令雷正箱任西路自剿東路克韓村背坡諸賊營同州解圍二年春督軍併攻王閣村羌白鎮破之回匪自倡亂至是始被痛創遂進攻倉頭鎮多隆阿積勞致病將士亦多染疲遣將分攻廳谷雷化喬千孝義諸鎮皆克惟倉頭爲老巢負嵎未下四月移營進逼揮軍縱擊破其土城賊大奔追殺無算東路肅清令曹克忠一軍赴西安護運道自率穆圖善等攻高陵分路夾擊八月克之掃蕩附近賊巢關輔略定而漢南諸賊紛擾川匪藍朝柱近踞盤屋二年春親督兵力攻城小而固多隆阿憤甚臨高指揮督戰城已垂破忽中槍傷頭目將士攻城益力旋克之事聞溫詔慰勞賜上方藥遣其子馳驛省視尋命督辦陝甘兩省軍務四月創甚卒於軍贈太子太保子一等輕車都尉世職入祀京師昭忠祠立功德建專祠諡忠勇未幾江寧復加一雲騎尉併爲一等男爵

子雙全雙官頭等侍衛孫壽長光緒中官滿洲正黃旗副都統統奉天仁字軍因事革職二十六年俄兵入邊壽長力請戰召回京未行爲俄人所執不屈死鮑超字春霆四川奉節人咸豐初以行伍從提督向榮廣西剿匪尋入湖南協標四年會國藩治水師調充哨長勇銳過人每以單騎衝賊隊嘗者辟易從克岳州武昌漢陽破賊田家鎮武穴積功擢守備賜花翎五年武昌復陷赴援胡林翼拔充營官擊賊於漢陽小河口鮎魚套屯沌口破宗關賊壘擢都司會金口陸軍潰賊聚攻胡林翼於高廟超飛棹往救力戰卻之德安應城之賊復由涇口來犯火其舟拔林翼於重圍進擢賊營右助中礮裏創而戰復金口論功最擢游擊賜號壯勇巴圖魯六年林翼疏薦超勇敢冠軍曉暢兵略以水師總兵記名夏會攻漢陽扼沙口斷賊往來江而肅清擢參將武昌既復林翼令赴長沙募勇三千創立霆字五營改領陸軍七年補陝西宜君營參將攻小池口破賊於孔壠援黃梅時總兵王國才戰歿灌港賊甚張衆議水陸暫扼守超不可主速戰多隆阿贊之以騎兵助攻億生寺賊壘戰一日夜傷左膝右臂不退

清史稿

列傳一百九十六

七

遂破黃蠟山賊巢生擒賊渠斬馘五千有奇擢副將加總兵銜乘勝焚黃梅後山進屯宿松二郡河平涼亭祝家塆賊壘陳玉成擁衆數萬踞楓香驛連破之奪其十三壘八年援麻城克黃安倍多隆阿進規太湖超攻北門燒賊火藥庫破雷公埠石牌賊營斬馘萬餘授湖南綏靖鎮總兵進攻安慶省城而三河軍敗陳玉成糾捻衆上犯都興阿令超退守二河河退賊衝超借多隆阿大破賊於宿松東北花涼亭斬馘成天侯章廣新以下渠目三百餘殲賊八千散會從數萬捷聞優叙九年會諸軍圍太湖陳玉成糾衆十餘萬來援多隆阿總統諸軍撤圍分屯備大戰超壁小池驛十二月賊至壓超軍而疊凡百餘座超破其十餘壘賊悉銳更番環逼晝夜力禦棚帳皆爲礮裂士卒傷痍相道將斷超志氣彌奮相持二十餘日十年正月援軍自潛山天堂出諸軍乃約期夾擊超空壁而出賊圍之數重爲方陣拒戰四路賊皆破合諸軍盡焚賊壘斬馘無算遂克太湖官文等奏捷謂非超勇爲堅強以二千人獨禦前敵血戰兼旬則援應各師必有緩不濟急之勢詔加提督銜超與多隆阿不相下爲胡林翼故勉屈

聽節制臨危多隆阿復不力救雖成功頗缺望林翼慰解之遂乞假省親去軍曾國藩方規皖南奏令超增募萬人以從未至悍賊黃文金由浙入贛李秀成亦由蕪湖上犯取包圍遠勢詔促超赴軍而甯國陷甯勇號責圖克復賊已直犯祁門大營國藩兵單誓死守超至休甯聞警日馳百餘里連戰皆捷驅賊出嶺國藩亦不意超軍遽至也詔嘉其神速賜號博通額巴圖魯進授江西景德鎮與左宗棠會剿因雨遲至宗棠假軍旗幟賊見之卻走復回踞洋塘謝家灘十一年正月超至大戰破之黃文金負創遁追敗之黃麥鋪復建德曾國藩奏請以超軍為江皖游擊之師陳玉成與安慶賊夾攻官軍頗為所困超渡江援之大破賊於赤岡嶺生禽悍黨劉瑄琳既而李秀成犯江西連陷二十餘城超破之於樟樹嶺斬賊萬餘被珍寶又進解撫州圍調援江北至南昌聞安慶已克復回軍戰於貴溪雙港湖坊河口大破賊遂克鉛山解廣信圍李秀成遁走命超提督缺出儘先題奏規取青陽敗賊盡毀城外賊壘同治元年詔推恩諸將嘉超屢著戰功賜黃馬褂授浙江提督時賊聚皖南東連蘇浙西瀕

清史稿

列傳一百九十六

八

江上自建德東流下至銅陵蕪湖超東西策應解銅陵圍克青陽石埭太平涇縣大破楊輔清於甯國復其城予雲騎尉世職賊首洪容海張遇春先後投誠受降編其眾為啓化營春字營從戰皆有功是年冬丁母憂請終制詔奪情留軍二年戰涇縣賊設伏來誘超亦潛伏山坳以伺斷賊後路夾擊大破之遂克西河灣計黃文金竄鄱陽方欲赴援李秀成又陷江浦浦口超馳救破賊青溪鎮連克巢縣含山和州江浦浦口北岸肅清遂會水師克九洲洲而青陽又被圍馳至賊遁追破之於曹塘進攻東壩賊巢克之賊酋先後率眾降者數萬建平溧水皆復曾國藩奏以東壩為重隘令超駐守以備游擊三年春克句容金壇時蘇浙敗賊聚於江西命超馳援破賊於豐城會江甯克復論功予一等輕車都尉世職七月破許灣賊巢連克崇仁宜黃東鄉壑南豐賊曾陳炳之以六萬人降受之追賊贛南解甯都圍殲賊萬計賜雙眼花翎賊曾汪海洋遣黨詐降整軍以待驟擊之潰入瑞金城下屍積為阜城賊亦遁追至福建境洪秀全幼子福瑣為贛軍所禽詔錫封超一等子爵先是超請回籍葬親賜銀五百

兩命俟江皖肅清後予假是年冬申前請允之復命假滿率舊部出關援新疆所部多南人畏遠征疆臣多以為言請留剿粵匪餘擊曾國藩亦請先留甘肅內地超已令部將宋國永率八千人先發四年春至湖北金口軍潰詔急起超於家免其出關改赴福建命沿途招撫潰勇潰勇多降眾仍由江西趨粵與匪合超由贛州進剿時粵匪餘黨聚踞嘉應州汪海洋已為閩軍所殲賊中推譚體元為首十二月戰於平成鋪賊踞嶺而陣超合閩粵諸軍大破之追至城下宵遁預設伏於黃沙障及北溪白沙壩五路兜擊譚體元中槍墜崖死諸酋禽斬無漏網者獲叛勇歐陽輝黃矮子等磔之粵匪蕩平加一雲騎尉世職五年仍授浙江提督命移師剿捻追逐於湖北河南陝西界上賊望風輒走疆臣爭欲得其兵為助以西安戒嚴詔飭赴陝六年正月抵樊城聞捻匪至與淮軍將劉銘傳約期於安陸永隆河夾擊銘傳先至為賊所敗夷傷頗重超至擊賊背大破之任柱賴文光遁走俘其妻孥奪回所失軍裝超久為名將銘傳後起與之埒是役超自以轉敗為勝有功而銘傳咎其後至李鴻章右銘傳起大憤稱

清史稿

列傳一百九十六

九

病迭詔慰勉曾國藩及鴻章馳書相繼超終乞罷去軍所部三十營令部將宋國永唐仁廉分領詔妻雲慶代將皆慮其軍難制遣散過半焉超既歸屢敕問病狀十三年召來京因病未復仍續假光緒六年起授湖南提督募軍駐樂亭防俄羅斯事定回任八年復以病請解職十一年法越戰起命率師駐雲南馬白關外和議成撤防回籍十二年卒贈太子少保賜銀三千兩治喪立功地建專祠諡忠壯子祖齡襲爵官浙江金衢嚴道超治軍信實必罰不事苛細得士卒死力進戰疾如風兩賊望而披靡棄械跪馬前即不殺以此服其威信所部多驍將宋國永妻雲慶最為所倚譚勝達唐仁廉亦並至專閩國永四川人由軍功補千總初從鮑超隸水師以戰金口功擢守備破賊童司牌黃蠟山克麻城黃安累擢參將建軍初立為營官咸豐十年曾國藩調建軍赴皖南鮑超方假歸國永暫統其軍及超至從攻休甯分兵復黟縣連破賊於羊樓嶺盧村洋塘黃麥鋪功皆最超擢以總兵記名十一年補廣西梧州協副將從援江西破賊樟樹嶺加提督銜克鉛山解撫州廣信圍以提督記名同治元年克青陽

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

國授直隸宣化鎮總兵時楊輔清仍踞寧國附近圖返攻國永屯老祖山迭破
來犯之賊二年進克西河灣止賜黃馬褂三年江南平鮑超回籍國永與婁雲
慶分領其軍調赴福建未行四年鮑超將赴新疆國永率所部由江西先發軍
中索餉鼓噪撫定之道經湖北復譚潰於金口坐不能約束視職留營從克嘉
應州復原官從剿捻匪自永隆河破賊後鮑超乞病軍中事一倚國永及超去
軍國永先請散遣已所部衆餘付婁雲慶統之八年授雲南鶴慶鎮總兵李鴻
章疏陳國永戰績稱爲膽賊兼優不可多得之才留於兩江委用駐防鎮江光
緒初調赴福建四年卒詔念前功允祀四川湖北靈軍昭忠祠雲慶湖南長沙
人初入水師累功至都司尋充霆軍管官十年小池驛之戰功最擢參將從戰
皖南會鮑超赴援江西留雲慶率四營扼漁亭賊聞大軍遠出突來犯擊走之
追至岩廳斃賊酋黃世瑚等復擊收上溪口賊十一年會克休寧既而攻徽州
諸軍失利雲慶仍挫賊全軍而退尋會張連蘭戰盧村遂克徽州以總兵記名
從鮑超轉戰江西數破賊功最授直隸正定鎮總兵同治元年從克青陽乘勝

清史稿

列傳一百九十六

十

攻石埭雲慶率士卒負板衝城蟻附而登克之時霆軍威名益著營隊日增曾
國藩令雲慶與宋國永爲其軍分統克寧國以提督記名賜黃馬褂二年分兵
克金壇及江甯既下調授江西既而鮑超奉命西征分兵令宋國永赴陝甘雲
慶率萬人援福建國永軍再譚潰雲慶軍不遠役又得餉未爲搖動尋從鮑超
滅賊於嘉應始赴正定鎮本任六年鮑超病歸衆慮霆軍難制甘國藩薦雲慶
才能應變詔飭接統遂裁撤全軍改募五千人號曰霆峻營駐防湖北明年檢
平雲慶請歸養光緒初復起授正定鎮總兵十七年擢湖南提督三十年以老
乞歸卒於家勝達湖南長沙人咸豐中投効霆軍無役不從石牌羊棧嶺洋塘
赤岡嶺諸戰功皆最累擢至副將從戰雙港克鉛山賜號協勇巴圖魯同治元
年赴援銅陵戰橫塘斬賊酋於陣進攻城外賊壘勝達借唐仁廉冒敵烟踰濠
奪其一壘餘壘皆下賊夜遁復銅陵以總兵記名又戰於寒亭勝達橫衝賊隊
截爲四不能成伍大破之復寧國加提督銜二年分兵解涇縣圍連奪西河灣
並要隘詔遇總兵缺先行簡放三年克句容以提督記名鮑超以東壩爲重隘

令勝達守之賊至蔽山谷勝達陷陣刺殺其酋賊大潰屍屍追擊斃數千尋
赴援江西克新城解寧都圍四年建軍以索餉毆傷糧道段起勝達坐視賊尋
復之及嘉應殄滅粵匪賜黃馬褂授直隸正定鎮總兵八年始赴任練軍捕盜
潯河修隄頗著勞勩光緒元年卒於官賜卹設功愨唐仁廉湖南東安人初隸
楊岳斌部下粵匪韋志俊以池州降仁廉從彭玉榮往受之賊黨忽變仁廉手
刃其悍者數人岳斌嘉其勇令選降衆立仁字營咸豐十年改隸霆軍從戰太
平石埭間擢守備克彰縣建德擢游擊賜號壯勇巴圖魯破安慶援賊於赤岡
嶺戰豐城克鉛山累擢副將同治元年克青陽以總兵記名三年克金壇以提
督記名四年戰嘉應粵匪蕩平賜黃馬褂五年從剿捻匪率馬隊逐賊於鄂豫
之交六年大破賊於永隆河連敗之於鍾祥池河棗陽平林店鮑超解軍事仁
廉分統其衆從李鴻章剿匪東捻平論功遇提督儘先簡放西捻張總愚犯畿
輔仁廉追賊於直隸河南三省之間連敗之潯縣大伍山海豐郝家寨商河李
家坊又借郭松林合擊於沙河總愚中槍遁再敗之於高唐盧寨西捻平以一

清史稿

列傳一百九十六

十一

等軍功議敘九年從李鴻章援陝西平北山土匪尋調防畿輔駐青縣馬廠十
三年授通永鎮總兵光緒十年擢廣東水師提督二十年皇太后萬壽恩詔加
尙書銜日本犯遼東時以唐仁廉爲建軍舊將召至京仁廉奮發陳方略請募
二十營當敵尤之及成軍出關和議旋定遂還二十一年卒賜卹
劉松山字壽卿湖南湘鄉人初應募入湘營隸王鑫部下從平永州郴桂諸匪
以功擢千總咸豐七年克崇陽通山擢守備始領一營從援江西克廣昌樂安
擢都司王鑫卒張連蘭分領其軍松山從戰克建昌擢游擊賊由福建回甌江
西陷安仁松山從破賊於青山鋪進攻安仁擊堞先登克之擢參將會剿廣東
連州踞賊禽其酋折回江西九年轉戰至徽州屯祁門賊自盧村來犯突擊敗
之會諸軍克景德鎮追至浮梁爭渡橋賊返闕城賊出助松山據橋血戰軍賴
以全遂克浮梁擢副將十年追敘連州功加總兵銜賜號志勇巴圖魯十一年
克建德縣進攻徽州賊夜劫營諸營潰松山列隊月下不少動賊不敢逼
遮諸將曰我第四旗劉松山也戒勿奔衆始定甘國藩自是待之以國士賊再

入彭縣再克之毀檣嶺盧村賊壘徽州通進克休寧以總兵記名楊輔清復糾黨圍徽州松山四戰皆捷援軍至會擊於巖市賊引去同治元年克旌德張運蘭以病歸松山與總兵易開俊分領其衆守寧國大疫士卒多病松山加意撫循力疾戰守二年援軍破賊於金村李村而賊乘虛襲寧國松山馳還設伏敬亭山伺賊至分三路鼓噪而進伏起夾擊伏屍塞途餘賊水濱多死三年大軍克江寧松山收降潰賊四千人皖境肅清署皖南鎮總兵四年授甘肅肅州鎮總兵仍調皖南鎮督師剿捻匪奏以松山獨統湘軍從征屯臨淮時湘將久役思歸又不習北方水土皆不願從惟松山投袂而起立率所部渡江有譁餉者誅數人而定五年敗捻首張總愚牛洛紅於湖團又敗之於徐州西追剿入河南張總愚踞西華洛紅踞上蔡設伏萬金寨團鈔襲官軍松山與總兵李祥和擊破之進攻雙廟大破之又敗之鄆城南陽新野總愚挾衆竄陝西自此與任柱等分不復合號為西捻時議遣援剿之師因陝境殘破諸將皆觀望惟松山毅然自任率師西行曾國藩尤重之六年擢廣東陸路提

清史稿

列傳一百九十六

十二

督張總愚與回匪合踞鄆縣進擊走之轉戰扶風岐山間於涇陽要擊竄賊殲斃數千追至富平破其壘而陝軍戰滿橋失利賊犯同州朝邑松山疾趨及賊於管成堡姜彥村張兩翼擊之賊敗走追至許家莊復返關血戰四時大破之同朝圍解被珍寶賊勢猶張渡渭犯西安松山會戰於城南斬賊數千解散萬人六月左宗棠莅陝督師張總愚復結回匪窺同州朝邑分黨踞流曲鎮王寮鎮以阻師松山連拔二鎮繞北山趨朝邑截賊前賊走高陵復渡涇而東松山據涇濬濠築壘而守賊挺走入北山陷綏德州十一月松山偕郭寶山擊敗之賊棄綏德城踐冰渡河入山西陷吉州鄉寧松山偕郭寶山追剿克二城解河津稷山之圍又追敗之洪洞賊由垣曲入河南境七年正月逕犯畿輔松山間道踰太行冒雪日行百數十里先諸軍抵保定特詔嘉獎優叙敗賊於獻縣商家林又敗之深州博野偕郭寶山張曜宋慶合擊於深澤大破之賊渡漳汴南竄畿輔解嚴管號達桑阿巴圖魯迭追擊於河南延津封邱山東海豐直隸長垣慶雲滄州吳橋大小數十戰與淮楚諸軍長圍困賊六月張總愚赴水死

匪平賜黃馬褂子三等輕車都尉世職從左宗棠還陝剿回松山在軍十餘年僅因勇一歸里聘婦二十年未娶至是歸家待於洛陽成禮旬日即行冬抵陝議先平土匪乃可專力剿回次綏德分軍攻懷遠大理川回巢自督攻小理川店子寺周家窰悉拔之破定邊回會馬萬得馬赫子衆數萬八年部卒合會匪叛踞綏德松山馳捕首逆百餘人而定自請重處革職留任進剿西北路諸堡收降董福祥等衆凡十七萬人檢延綏鄜四郡皆肅清秋度隴規靈州破李旺堡黑城子回寨數百克靈州開復處分敗匪乞撫察其詐擊之平大小堡寨數十進攻金積堡堡酋馬化澂悍狡為諸回之最黨衆糧足負隅已久官軍屢為所挫松山先籌糧運敗其黨援大舉穩進西寧河州臨洮靖遠諸回皆震其威不敢來救先平堡北諸莊寨九年正月賊在秦渠南踞石家莊及馬五馬七馬八諸寨負隅抗拒松山先破石家莊督攻馬五寨破其援賊毀外卡縱火焚寨門垂克破中左乳墜馬諸將來視叱令整隊進攻母亂行列遂破馬五寨松山創甚願諸將曰我受國恩未報即死母遽歸我屍當為厲鬼殺賊遂卒年三

清史稿

列傳一百九十六

十三

十有八事聞詔嘉其謀勇兼優無愧名將贈太子少保加騎都尉兼一雲騎尉入祀京師昭忠祠立功地建專祠諡忠壯松山既歿兄子錦棠代領其衆留其柩未歸以繫軍心次年克金積堡特詔賜祭一壇十二年甘回悉平追論前功加一等輕車都尉併世職為二等子爵嗣子肅襲官至山西按察使論曰曾國藩湘軍初起賴塔齊布為助及規江寧清江皖後路則鮑超之力為多胡林翼由鄂規皖悉倚多隆阿鮑超二人塔齊布不幸早歿多隆阿才略冠時朝廷倚以剿回中道而殞未竟其用鮑超攻戰無敵動招衆忌功成身退亦以保全之劉松山後起忠誠獨著左宗棠平捻平回胥資其力使獲永年其建樹未可量也

清史稿

列傳一百九十七

彭玉慶

楊岳斌

王

山

湖

廣

西

湖

廣

東

湖

嘉

道

敗

賊

彭玉慶字雪琴湖南衡陽人父嘯九官安徽合肥梁園巡檢玉慶年十六父卒族人奪其田產避居郡城為協標書識以養母知府高人鑑見其文奇之招入署讀書為附生新寧匪亂從協標剿捕叙功大吏誤以為武生拔補臨武營外委不就至耒陽佐富商理事粵匪至營所有資助縣令募勇籌防賊知有備不來攻城獲全玉慶不願叙功但乞償所假錢以是知名咸豐三年曾國藩治水師成十管辟領一營其九營多武員白事悉倚玉慶隱主全軍草創規制多所贊畫四年初出師規岳州不利退長沙玉慶借楊岳斌援湘潭會塔齊布陸師夾攻賊舟連檣十里分三隊合擊同時縱火焚其輜重皆盡賊棄城走復湘潭叙功以知縣選用六月再進岳州賊據南津以拒玉慶伏君山岳斌伏雷公湖遣小舟挑戰賊舟爭出兩翼鈔之燬百餘艘賊來迭敗之進攻播鼓臺賊舟多於官軍十倍玉慶偕岳斌各乘舢板冒礮烟衝入燒其坐船賊還救陣亂大破

清史稿 列傳一百九十七

之玉慶傷指血染襟袖軍中推二人勇略為冠既而總兵陳輝龍至率新軍出戰軍容甚盛玉慶偕諸營從觀戰托苦膠淺為賊所乘急往救水急風利陷賊屯中遂大敗輝龍等戰歿玉慶單舸退自是水師專任彭楊時陸軍累捷賊退走水師並進八月屯沌口規武昌玉慶與諸軍議請渡江先破城外賊屯賊自塘角至青山綠岸列礮丸發如雨將士皆露立舢板權船徐進無一俯側避礮者賊望見奪氣沿江賊屯盡潰悉燒屯壘及其舟武昌漢陽同日皆復論功擢同知羣賊屠聚田家鎮夾江為五屯依半壁山連舟斷江纜以鐵索布竹木為大筏施大礮筏外護以舟後列輜重望之如大城武昌既克水師欲下攻而為蕪州江岸賊所撓玉慶掠江直下十月進逼田家鎮與楊岳斌議分四隊約陸師同時合擊頭隊皆小船具鐵鑪椎斧融炭以待順流急趨至筏下斷纜獲得隙擠而過後者從之大呼曰鐵鎖開矣賊驚噪爭走相踐墮水玉慶率二隊順流而下岳斌率二隊乘風而上風起火烈燒毀賊舟四千餘艘奪獲五百餘艘玉慶慮軍士互爭盡焚之捷入以知府記名詔采其戰法頒下江南北諸水軍

清史稿

列傳一百九十七

一

遂會諸軍進攻九江連破賊於小池口湖口賊於九江夜襲水師大營帥舟被燬曾國藩移駐陸軍玉慶部將蕭捷三追賊入鄱陽湖賊斷湖口玉慶往救不利乃還新隄籌濟師五年武漢復陷玉慶更募士造船立新軍合三千人與楊岳斌分統之胡林翼約同攻漢口玉慶自金口進敗賊鮎魚套北岸陸軍為賊所挫玉慶率眾登岸截擊破之攻塘角焚賊船二百餘艘浙江金華知府七月自沌口進拔蔡店及南北兩岸石城五顯廟者賊堅巢也阻湖而屯玉慶攻之不下曰已入虎穴非血戰不能成功張兩翼急乘而進衝賊船尾摧其卡奪其船復督隊徑越賊船循兩岸包鈔出襄河口斷鐵鎖浮橋毀北岸火藥庫仍入襄河乘夜撲漢陽禽賊曾蕭朝富吳會元陸軍攻拔五顯廟毀晴川關木城又破之葉家洲燒賊船二百餘初由沙口移軍沌口過經賊壘礮如雨下所乘船桅折覆水玉慶援橫枚漂江中流楊岳斌舟掠過掉舢板拯之還胡林翼疏陳稱其忠勇冠軍贈諡沈毅詔以道員記名時曾國藩在江西水軍頻挫迭召往助玉慶乞假回長沙急赴之袁瑞兩郡並陷賊水陸道絕易衣裝為買客徒步

清史稿 列傳一百九十七

數百里達南昌重整內湖水師為十管船六百艘六年擢廣東惠潮嘉道敗賊樟樹嶺又連破之於臨江吳城涂家埠克南康七年國藩還籍治父喪玉慶與楊岳斌同領其軍其秋武漢再克水陸並下圍九江玉慶約岳斌夾攻湖口賊扼石鐘山梅花洲力遏內湖軍不得出玉慶分軍為三以進賊穴山腹置巨礮直船衝舢板先出前鋒中礮後船繼進傷十餘艘玉慶憤曰此險不破萬不令將士獨死亦不使怯者獨生鼓棹急赴賊礮忽裂船銜尾下與外江水師合歡聲雷動陸軍由城背山下應之賊大奔乘勝奪小孤山加按察使銜八年連破樅陽大通銅陵峽口賊屯合圍九江克之首布政使銜楊岳斌進軍黃石磯自九江至武昌置十二屯十二年玉慶移營與合屯賊復上犯彭澤湖口分兵赴授克郡昌十一年授廣東按察使賊犯蕪黃德安玉慶會陸軍克孝感天門應城黃州德安擢安徽巡撫命幫辦袁甲三軍務補壽各軍悉歸調遣累疏固辭謂久居戰艦草衣短笠日與水勇舵工馳逐於巨風惡浪之中一日身膺重寄進退百倂問錢穀不知問刑名不知勉強負荷貽誤國家又謂從軍八年專帶

水師乘舟而陸無一旅一將供其指揮倉猝召募必致債事詔嘉其不欺以李續宜代之改職水師提督同治元年授兵部右侍郎節制鎮將軍中重文輕武玉璽與楊岳斌威望久埒一日名位超越而相處終始無閒論者謂其苦心協和不可及別立太湖水師十營併歸統轄曾國荃由安慶進規江甯水師助之克銅城關復巢縣含山和州襲破雍家鎮裕溪口奪東西梁山進攻采石又克金柱關諸將衝鋒玉璽每乘小船督戰以紅旗為識或前或後將士皆備備盡力問入陸軍察戰狀往來飄忽無定蹤所經行軍民莫敢為奸宄二年與楊岳斌合兵攻九洑洲賊於洲築壘數十外作大城衆舟環之與江甯相犄角而擱江磯草鞋峽七里洲燕子磯中關下關皆賊屯玉璽列舟上流南隊向下關北隊向草鞋峽岳斌攻燕子磯破之陸軍亦分三隊掘洲埂攻中關船板環洲而陣賊以槍礮相持不能進玉璽督諸軍更番夜攻下令曰洲不破不收隊選死士從火叢登岸噪曰洲破矣諸軍歡呼騰蹕而上立破洲邊屯舟賊爭潰走自田家鎮以來是戰為最烈於是賊黨由江西犯池州謀撓官軍玉璽還救青陽

清史稿

列傳一百九十七

三

解其圍復高涪克東埔併論九洑洲功賜黃馬褂會楊岳斌赴江西督師自是玉璽專統水師三年江甯復論功以創立水師為首加太子少保予一等輕車都尉世職四年命署漕運總督再疏辭允之命籌商水師善後事宜七年會同曾國藩奏定長江水師管制自荊州至崇明五千餘里設提督一員總兵五員以六標分汛管哨官七百九十八員兵丁一萬二千人歲餉六十餘萬兩以長江釐稅供支不煩戶部初軍事未定軍餉奇絀而准鹽積滯玉璽議定捐鹽自賣供水師月餉及江路大通會國藩設三省督銷局招商領票水師鹽票大小數百至是軍餉有額支的款餘銀及票本巨萬玉璽一不私取以五之一取息助水師公費且備外患倉猝之需餘分解雲貴助餉二十萬甘肅助餉二十萬以十萬廣本縣學額而以鹽票稿諸將有大功者事既竣疏請回籍補行終制略曰臣墨經從戎創立水師治軍十餘年未嘗一官一瓦之覆一畝之殖受傷積勞未嘗請一日之假終年風濤矢石之中未嘗移居岸上求一日之安誠以親服未終而出從戎旅既難免不孝之罪豈敢復為身家之圖乎臣嘗聞士大夫

山處進退關繫風俗之盛衰臣之從戎志在滅賊賊已滅而不歸近於貪位長江既設提鎮臣猶在軍近於戀權改易初心貪戀權位則前此辭官疑是作偽三年之制賢愚所同軍事已終仍不補行終制久留於外涉於忘親四者有一皆足以傷風敗俗夫天下之亂不徒在盜賊之未平而在士大夫之進無禮退無義伏惟皇上中興大業正宜扶樹名教整肅紀綱以振起人心況人之才力聰明用久則竭若不善藏其短必致轉失所長古來臣子往往初年頗有建樹而晚節末路隕越錯謬固由才庸亦其精氣竭也臣每讀史至此竊歎其不能善藏其短又惜當日朝廷不知善全其長知進而不知退聖人於易深戒之固有由矣臣本無經濟之學而性情褊躁思慮憂傷月積年累怔忡胸臆精力日衰心氣日耗若再不調理必致貽誤國事懇請天恩開臣兵部侍郎本缺回籍補行終制報國之日正長斷不敢永圖安逸也優詔從之八年春還衡陽作草樓三重布衣青鞋時往母墓廬居三年不出自設長江水師東南無事將士漸耽安逸事多廢弛十一年詔起玉璽簡閱疏陳整頓事宜諷提督黃翼升自

清史稿

列傳一百九十七

四

退薦李成謀彭楚漢二人即以成謀代之効能管哨官百數十人入覲命署兵部侍郎復陳請開缺仍命巡閱長江專摺奏事別飭兩江湖廣為籌經費玉璽力辭不受自築別業於杭州西湖曰退省庵每巡閱下游事畢居之自是水師皆整肅沿江盜蹤斂輯安堵者數十年朝廷有大政及疆吏重案輒諮詢命按治光緒七年命署兩江總督再疏力辭乃以左宗棠代之留督江海防如故言者議長江提督宜駐吳淞口外玉璽疏言江南提督責在海防請多界兵輪使立一軍於海上長江提督責在江防請仍由臣督同巡閱改駐吳淞會操兵輪以通江海九年擢兵部尚書以衰病辭會法越構兵命赴廣東會籌防務玉璽募四千人從行駐大黃灣遣部將王之春黃得勝等防瓊州欽州靈山雲慶慶王永章等駐沙角大角與粵軍聯合增兵設壘編沙戶漁舟分守內沙港汊法兵竟不至十一年春粵軍大捷於鎮南關進攻諒山和議旋成停戰撤兵玉璽疏請嚴備戰守以愆後患陳海防善後六事是秋以病乞休溫詔慰留十四年扶病巡閱至安慶巡撫陳彝見其病篤以聞詔允開缺回籍仍留巡閱差使十

六年卒年七十五贈太子太保依例賜卹建專祠立功德設剛直玉璽剛介絕俗素厭文法治事輒得法外意不通權貴而坦易直亮無傾軋倨傲之心歷奉命按重臣置吏被劾者於左宗棠劉坤一涂宗瀛張樹聲等皆主持公道務存大體亦不為苛刻每出巡偵官吏不法輒劾懲甚者以軍法斬之然後聞故所至官吏皆危慄民有枉往往盼彭公來朝廷傾心聽之不居位而京察屢加褒敘倚畀蓋過於置吏生平奏牘皆手裁每出為世傳誦好畫梅詩書皆超俗文采風流亦不沫云

楊岳斌原名載福字厚庵湖南善化人原籍乾州祖勝德乾隆末從剿苗戰歿水綏父秀貴以廕官至直隸獨石口副將岳斌幼嫻騎射補湘陰外委從剿新寧匪咸豐二年守湘陰有功擢宜章營千總二年曾國藩創立水師拔為營官戰岳州水陸皆潰獨岳斌一營力拒不敗四年戰湘潭焚賊舟數百復其城擢守備賜花翎國藩重整水師進規岳州岳斌與彭玉璽為前鋒伏船雷公湖誘賊舟至夾擊連戰皆捷賊再至沿東岸斜擊之手挺矛刺殺賊曾汪得勝奪其

清史稿

列傳一百九十七

五

舟賊無還者擢都司賜號彪勇巴圖魯進戰播鼓轟乘舢板衝賊屯縱火賊陣亂大破之克岳州擢游擊總兵陳輝龍率後隊至狃前勝欲乘風攻城陵磯岳斌曰順風難收隊不可行也不從遇賊伏竟敗輝龍及知府褚汝航同知夏鑾游擊沙鎮邦皆戰死岳斌軍獨完既而賊為陸師所敗將遁要擊之平兩岸礮臺搜螺山倒口賊舟尋夜襲嘉魚黃蓋湖岳斌先入被火傷舟覆落水躍上別船大呼陷陣焚賊舟數十遂會湖北軍進屯金口破漢陽關賊營攻塘角至青山焚其壘賊遁焚其輜重武昌漢陽皆復擢參將授湖南常德營副將諸軍進規田家鎮岳斌由中路先發克黃州及武昌縣破援賊於蕪州逼田家鎮借彭玉璽分隊燬橫江鐵鎖焚賊船四千餘皆盡漂屍數萬遂拔田家鎮蕪州賊亦遁去岳斌晝夜進戰積勞嘔血詔嘉其勞動最著加總兵銜五年水陸會攻九江岳斌以疾留武穴尋假歸水師恃勝銳進前隊舢板入鄱陽湖賊樹柵湖口扼之不得出而留九江者亦屢為賊所襲岳斌聞敗馳救不及賊復上犯武漢再陷曾國藩分水師回援令岳斌回岳州增募為十營會屯金口屢敗賊秋退

屯新隄修船汰疲卒十之三簡練以圖大舉自武漢為賊踞長江商旅皆絕及水師駐新隄流亡歸之市廛始興漸為重鎮授鄖陽鎮總兵兼署湖北提督六年進屯沙口距武昌三十里岳斌念賊舟往來長江停則依壘行皆乘風恆避戰難得大創乃謀襲燒之募壯士芻千石大船實硝磺蒞施火機約曰近賊而發急登舢板退應募者三百人懸重賞夜逼賊舟於南岸噴縱火於是賊舟能戰者多燼前軍直至黃州旬日間轉戰數百里擊燬賊舟六百餘奪其資糧火藥哨船掠巴河蕪州糧兵九江城下而還武漢水路援絕乃益困十一月與李續賓陸師合攻值大風揚沙波濤湧湧水師上下環擊賊大潰敗走二城同日克復捷聞加提督銜進規九江曾國藩以變歸薦岳斌接統其軍彭玉璽副之分兵扼蕪州破援賊秋會陸軍克小池口密與彭玉璽約期會攻湖口克之於是內湖外江水師始復合乘勝奪小孤山克彭澤留軍屯之自率前鋒至望

清史稿

列傳一百九十七

六

江南師船會詔嘉其轉戰千里謀略過人尋授福建陸路提督許專摺奏事八年四月與李續賓會攻九江岳斌當北門臨江地雷發奮呼齊登禽賊首林啓榮逸出之賊盡為水師所殲賜黃馬褂詔促東下疏言楚境肅清後始能會師遂移屯黃石磯連攻安慶樅陽大通奪其壘分兵復建德調福建水師提督九月會都興阿克集賢關賊自池州來援迎擊於樅陽破之時李續賓三河師潰賊復謀上犯湖北岳斌遣兵分扼龍坪邱穴田家鎮九年督剿南北兩岸援賊時出隊薄安慶城以牽賊勢十二月賊會章志俊以池州降令攻蕪湖其部下有叛者還陷池州岳斌察志俊無異志分別遣留得精銳二千五百人令率以助戰陳玉成李侍賢率眾分竄楚皖水師移屯觀音洲以備之十年四月大破賊於螺磯令章志俊拔股家進攻池州毀城外石壘潛襲樅陽拔其城秋遣將攻池州奪青溪關李秀成循江岸上竄連敗之三山光穴子橋白茅街運漕鎮分兵入內湖攻神廟山鎮山斷松林口浮橋冬由魯港潛行百里解南陵圍拔出總兵陳大富一軍及難民十餘萬被珍資十一年合攻安慶借陸軍破赤岡嶺援賊無為州神塘河平其壘焚賊船剋菱湖兩岸賊屯集攻安慶東門

乘勝拔城北諸壘城賊窮蹙八月克安慶遣總兵王明山黃翼升克池州桐城
 子雲騎尉世職岳斌屢乞假省親至是始歸同治元年以母病請展假不允五
 月至軍移屯烏江進攻金柱關戰龍山橋殲賊萬餘賊尋復來犯陣斬賊酋陳
 緒寶破獲駕墩石境賊壘自是江寧大營後路始固二年春從會國藩赴前敵
 大勝關兩花臺察視與曾國荃定合圍之策三月克黃池悉收內河三里埂伏
 龍橋花津護駕墩諸隘以通甯國蕪湖之路五月克巢縣含山和州及江浦浦
 口破下關草鞋峽燕子磯趨九洲洲力戰拔之自是長江無賊舟十月克高淳
 甯國建平溧水奪東壩要隘江甯遂合圍岳斌因親病請歸養詔賜其父母人
 俸四兩慰留之三年命督辦江西皖南軍務授軍悉歸節制尋授陝甘總督命
 俟江皖賊氛淨盡後赴任江甯平加太子少保予一等輕車都尉世職六月岳
 斌抵南昌遣諸將克崇仁東鄉金谿宜黃南豐解甯都圍秋赴贛州克清溪新
 城雲都先後收降賊十餘萬防境肅清復疏陳傷病親老請開缺不允乃回籍
 募兵四年率彭楚漢等新軍十營從行抵西安會僧格林沁戰歿曹州詔岳斌
 清 史 稿 列傳一百九十七 七

獎擢至提鎮者不可勝數實膺專閫者亦數十人王明山湘潭人初隸岳斌營
 積功至守備彭玉燾調領一營戰鄂州登陸破賊攻金口先登累擢游擊咸
 豐六年補乾州協都司攻漢陽焚東南門賊船連破賊於黃州樊口富池口戰
 武穴伏蘆洲伺賊登岸突擊殲之回擊武昌援賊果捷擢參將戰蕪州焚賊舟
 七十餘登岸誘敵賊聚攻別隊乘虛襲城克之擢副將賜號拔勇巴圖魯進克
 黃州會攻九江八年授浙江金華協副將克東流薄安慶燬城外賊壘以總兵
 記名九年乞假回籍會石達開犯湖南率隊自衡州趨祁陽要擊之破賊於毛
 家埠十年授安徽壽春鎮總兵破賊蕪湖蠟磯義橋十一年破賊練潭鎮斬其
 渠魁天福復會陸師克赤岡嶺遂下安慶揚岳斌假歸令明山代統其軍連復
 池州銅陵破泥汊口神塘河諸壘克無為州別遣將馮巢湖口克運漕鎮進拔
 東關同治元年擢福建陸路提督克銅城福復和州含山巢縣殲逆賊於木橋
 沙洲又破之江心洲西梁山尋以傷病乞假歸明山在軍十餘年屢當大敵江
 南平遂不出光緒中國功臣像於紫光閣明山與焉十六年卒於家賜卹保昌
 清 史 稿 列傳一百九十七 八

移兵入衛京畿自請開缺專任剿匪不許仍命速赴甘肅六月履任時甘回方
 熾通省糜爛雷正綰曹克忠新敗於金積堡都興阿穆圖善攻寧夏未下且奉
 命將出關本省兵皆疲弱疏調各省援兵無一至者僅自率新募之數千人又
 因兵荒耕作久廢饋運道塞庫空如洗岳斌迭疏乞協餉僅川陝鄰省稍稍接
 濟無以徧給議進軍先擄靈州繼規河狄未幾陶茂林雷正綰兩軍相繼潰變
 五年春岳斌親赴涇州慶陽視師蘭州標兵遽變圍署戕官逼迫布政使林之
 望上疏言糧餉獨厚楚軍衆心不服岳斌聞警先令曹克忠移師鎮撫尋自回
 省城按誅首犯百餘人餘不問以在途拆閱林之望奏摺自請議處革職留任
 降三品頂戴迭疏請罷詔以左宗棠代之未至六年春復陳病劇乃命穆圖善
 暫署總督許岳斌回籍光緒元年命偕彭玉燾巡閱長江整頓水師屢以親病
 請罷五年始允之九年法越戰事起詔岳斌會辦福建軍務未至復命赴江南
 幫辦軍務十一年率十二營赴援臺灣和議成仍乞養歸十六年卒於家贈太
 子太保照總督例賜卹建專祠諡勇毅岳斌與玉燾始終長江軍事所部以功

凱清泉入水師積功擢千總昌凱舊業鐵工田家鎮之戰領小舟為頭隊冒
 槍礮鼓輪斷鐵鎖開大呼猛進夜上賊濱走後隊縱火賊舟盡焚功最擢守
 備五年破賊漢口擢都司六年從攻武昌焚賊舟授廣東陸路提督游擊七年
 從平蕪黃賊巢克小池口湖口擢參將克九江加副將銜補兩廣督標參將九
 年回授湖南防祁陽衡州擢惠州協副將以母病乞養開缺光緒中彭玉燾疏
 薦昌凱誠實篤毅果善戰授浙江海門鎮總兵丁母憂改署任留襄海防事
 定請終制後仍補原官調署處州鎮二十一年卒賜卹附祀彭玉燾祠揚明海
 長沙人入水師游擢守備咸豐十年戰柃陽股家瀝池州殲賊迭破賊擢都司
 十一年克南陵擢游擊克安慶擢副將同治元年從攻東梁山金柱關奏創血
 戰功最以總兵記名賜號拔勇巴圖魯二年大捷於九洲洲以提督記名戰江
 甯小沙口先登陷陣礮子穿右股率哨船渡江從陸軍進剿蘇州授山東兗州
 鎮總兵蘇州復遂留防三年揚岳斌赴甘肅調明海偕彭楚漢率所募兵從行
 破回匪於金縣夏官營晉號格洪額巴圖魯軍食久乏明海奉檄治糧運八年

赴兗州鎮本任光緒元年母憂去官七年授狼山鎮總兵十一年卒賜卹謝滂
奮原名得勝長沙人充水師哨長進攻武昌滂奮自請為前鋒突圍賊壘薄
鷓鴣洲與陸師夾擊克武漢戰蕪州田家鎮累功擢守備克九江擢都司破賊
赤岡嶺擢游擊同治元年從彭玉慶克太平及金柱關東梁山秣陵關九洑洲
諸要隘擢副將江甯平以總兵記名授提標中軍副將光緒十八年擢瓜州鎮
總兵兼署水師提督調署漢陽鎮二十七年卒於官賜卹附祀彭玉慶祠
論曰彭玉慶楊岳斌佐曾國藩創立水師為滅賊根本兩人助績頗相並岳
斌後為朝旨強促西征用違其才債事損望玉慶終身不任官職巡閱長江為
國家紓東顧之憂其疏論古人晚節之失由於不能自藏其短且惜朝廷不善
全其長洵至言也後盛昱劾其辭尚書之命乃謂抗詔鳴高殆淺之乎測玉慶
矣

清史稿

列傳一百九十七

九

清史稿

李鴻章

列傳一百九十八

李鴻章字少荃安徽合肥人父文安刑部郎中其先本許姓鴻章道光二十七
年進士改庶吉士授編修從曾國藩游講求經世之學洪秀全據金陵侍郎呂
賢基為安徽團練大臣奏鴻章自助咸豐三年廬州陷鴻章建議先取含山巢
縣圍規復巡撫福濟授以兵連克二縣逾年復廬州累功用道員賞花翎久之
以將兵准甸遺業忌無所就乃棄去從國藩於江西授福建延建邵道仍留軍
十一年國藩既克安慶謀大舉東伐會江蘇閩帥奏薦鴻章可大用江浙士紳
亦來乞師同治元年遂命鴻章召募淮勇七千人率舊部將劉銘傳周盛波張
樹聲吳長慶會軍將程學啟湘軍將郭松林楚軍將楊鼎勳以行又奏調舉人
潘鼎新編修劉秉璋檄弟鶴章總全軍營務時沿江賊屯林立乃賃西國汽舟
八穿賊道二千餘里抵上海特起一軍是為淮軍外國人見其衣裝樸陋輒笑
之鴻章曰軍貴能戰非徒飾觀美迨吾一試笑未晚也旋詔署江蘇巡撫是時

清史稿

列傳一百九十八

上海有英法二國軍美國華爾募洋兵數千攻克松江嘉定青浦奉賢號南路
軍學啟等將湘淮人攻南匯號北路軍四月賊悉眾戰敗南路軍嘉定奉賢再
陷華爾棄青浦走保松江學啟將千五百人屯新橋賊圍之數十重獲尸進學
啟開壁突擊賊駭卻鴻章親督軍來援賊大奔乘勝攻泗涇解松江圍外國軍
見其戰皆驚歎自此湘淮軍威始振詔促移師鎮江鴻章請先圖滬而後出江
既定浦東廳縣偽蘇王譚紹洸來援敗之北新涇賊走嘉定九月進克其城譚
紹洸率數十萬眾連營江口犯黃渡諸將分攻簡精卒踰濠伏而前斃數人賊
陣動學啟乘之裹創喋而進賊大潰捷入授江蘇巡撫初美人華爾所將兵名
常勝軍慈谿之役歿於陣其副白齊文懷異志閉松江城索餉鴻章裁其軍易
以英將戈登常勝軍始復聽節制命出海攻福山不克而還二年正月兼署五
口通商大臣初常熟守賊駱國忠董正勳舉城降福山諸海口俱下偽忠王李
秀成悉眾圍常熟江陰援賊復陷福山鴻章謀諭國忠固守待援而檄鼎新銘
傳攻福山奪石城國忠知援至開城猛擊俘斬殆盡遂解常熟圍進復太倉崑

山因疏陳賊情地勢建三路進軍之策學啟由崑山攻蘇州鶴章銘傳由江陰進無錫淮揚水軍輔之太湖水軍將李朝斌由吳江進太湖鼎新等分屯松江常勝軍屯崑山為前軍援李秀成糾合偽納王都雲官等水陸十萬偏大橋角而營鶴章擊之敗走九月復集連營互進鶴章立八營於大橋角與之持鴻章以賊腦集西路志在保無錫援蘇州乃令鶴章銘傳守後路抽銳卒會學啟合破賊屯蘇錫之賊皆大因賊陷江南蘇杭為三大窟而蘇則其存節也故李秀成百計援之諱紹沈尤凶狡誓死守附城築長牆石壘堅不可猝拔十月鴻章親視師以礮毀之城賊爭權相猜謀反正刺殺譚紹沈開門納軍時降酋八人皆擁重兵號十萬歃血誓共生死要顯秩學啟言不殺八人後必為患鴻章意難之學啟拂衣出鴻章笑語為解明日八人出城受賞留飲即坐上數其罪斬之學啟入城諭定其衆搜殺悍黨二千餘人捷聞賞太子太保銜黃馬褂十一月鶴章等復無錫進攻常州以應江南圍軍學啟出太湖圖嘉興以應浙軍鼎新等軍先入浙收平湖海鹽賊爭應官軍所至輒下三年二月學啟急攻嘉興

清史稿

列傳一百九十八

二

親搏戰登城克之中彈死四月克常州禽斬偽護王陳坤書賞騎都尉世職常勝軍愆無功戈登辭歸國乃撤其軍廷議江寧久未下促鴻章會攻鴻章以金陵破在旦夕託辭延師六月會軍克江寧捷書至鴻章遂分軍令銘傳盛波由東塘取廣德鼎新乘璋由松江攻湖州松林鼎勳由滬航海援閩賊平封一等肅毅伯賞戴雙眼花翎四年四月科爾沁親王僧格林沁戰歿曹州以曾國藩為欽差大臣督其軍鴻章署兩江總督命率所部馳防豫西兼備勦京東馬賊甘肅回匪鴻章言兵勢不能遠分且籌餉造械臣離江南皆無可委託為今日計必先圖捻而後圖回赴豫之師必須多練馬隊廣置車驟非可猝辦詔寢其行時曾國藩督軍勦捻久無功命回兩江而以鴻章署欽差代之敗東捻任柱賴文洸於湖北六年正月授湖廣總督賊竄河南渡運河濟南戒嚴初曾國藩議馮河築牆遏賊奔竄鴻章守其策而注重運西飭豫軍提督宋慶張曜及周盛波劉秉璋分守山東東平以上自靳口至濟寧楊鼎助分守趙村石佛至南陽湖李昭慶分守攤上黃林莊至韓莊八牌皖軍黃秉鈞等分守宿遷運河上

下游互為策應使賊不得出運六月抵濟寧賊由濰縣趨竄登萊鴻章復議偪入海隅聚殲之乃創膠萊河防策令銘傳鼎新築長牆二百八十餘里會合豫軍東軍分汛設守時賊集萊陽即墨間屢撲堤牆不得出七月賊由海神廟潛渡濰河山東守將王心安不及禦膠萊防潰朝旨切責將能防鴻章抗疏言運河東南北三面賊氛蹂躪其受害者不過數府州縣若驅過運西則江皖東豫楚數省之地流毒無窮乃堅持前議嚴扼運防令銘傳松林鼎勳三軍往來蹙擊十月追至賴檢降曾潘貴升斃任柱於陣捻勢漸衰賴文洸挈眾竄山東戰屢敗遁入海濱官軍圍擊之斬獲三萬賴文洸走死揚州東捻平賞加一騎都尉世職七年正月西捻張總愚由山右渡河北竄定州京師大震詔奪職鴻章督軍入直疏言勦辦流寇以堅壁清野為上策東捻流竄豫東淮北所至民築圩寨深溝高壘以禦之賊往往不得一飽故其畏圩寨甚於畏兵河北平原千里無險可守截此則竄彼迎左則趨右縱橫馳突無處不流且自渡黃入晉沿途擄獲騾馬愈眾步賊多改為騎趨避捷肆擾尤易自古辦賊必以彼此強弱

清史稿

列傳一百九十八

三

飢飽為定衡賊未必強於官軍但彼騎多而我騎少今欲絕賊糧斷賊騎惟有嚴諭紳民堅築圩寨一間警信即收糧草牲畜老弱壯丁於內賊至無所掠食兵至轉可買食賊雖流而其計漸窮或可剋期撲滅也二月鴻章督軍進德州敗賊安平饒陽三月賊竄曹州渡滹沱河南入豫復折竄直隸撲山東東昌四月趨在平德不出德州西奔吳橋東光偏天津下部議處命總統北路軍務限一月殄滅鴻章以捻騎久成流寇非就地圍圍終不足制賊之命三口通商大臣崇厚及左宗棠皆以為言而直隸地平曠無可圍圍欲就東海南河形勢必先扼西北運河尤以東北至津沽西南至東昌張秋為鎖鑰乃掘倉州運南捷地塹洩運水入滅河河東築長牆斷賊竄津之路東昌運防則淮軍自城南守至張秋東皖諸軍自城北守至臨清並集民團協防閏四月以勦賊逾限予嚴議時賊為官軍所偪奔突不常以北路軍勢重銳意南行迴翔陵縣臨邑間旁擾在平德平犯臨清運防鴻章慮久晴河涸民團不可恃且晝夜追奔疲士卒議乘黃河伏汛縮地紮圍以運河為外圍以馬頰河為裏圍其時官軍大敗賊

於德州揚丁莊又追敗之商河張總愚率悍黨通濟陽沿河北出德州犯運防上竄鹽山滄州官軍扼截之不得出轉趨博平清平適黃運暨徒駭交漲東昌臨清張秋臨河水深不可越河西北岸長塘縣互賊竄地迫狹勢益困鴻章增調劉銘傳軍期會前敵分屯在平之桃橋南鎮至博平東昌圍賊徒駭黃運之內而令馬隊週迴兜逐賊無一生者張總愚投水死西校平詔復原官加太子太保銜以湖廣總督協辦大學士八月入覲賜紫禁城內騎馬八年二月兼署湖北巡撫十二月詔授給未行改授陝九年七月勅平北山土匪值天津教堂滋事命移軍北上案結調直隸總督兼北洋通商事務大臣十月日本請通商授全權大臣與定約十二年五月授大學士仍留總督任六月授武英殿大學士十三年調文華殿大學士國家舊制相權在樞府鴻章與國藩為相皆總督兼官非真相然中外繫望聲出政府上政府亦倚以為重其所經畫皆防海交鄰大計思以西國新法導中國以求自強先急兵備尤加意育才初與國藩合疏選幼童送往美國就學歲百二十人期以二十年學成歲歸為國效用乃未

清史稿

列傳一百九十八

四

及終學而中輟鴻章爭之不能得隨分遣生徒至英德法諸國留學及建海軍將校盡取才諸生中初在上海奏設外國學館及蒞天津奏設武備海陸軍又各立學堂是為中國講求兵學之始嘗議製造輪船疏言西人專恃其礮輪之精利橫行中土於此而日攘夷固虛妄之論即欲保和局守疆土亦非無具而能保守之也士大夫固於章句之學苟安目前遂有停止輪船之議臣愚以為國家諸費皆可省惟養兵設防練習礮製造兵輪之費萬不可省求省費則必屏除一切國無與立終無自強之一日矣光緒元年兼辦海軍王大臣奏籌善後海防六策鴻章議曰歷代備邊多在西北其強弱之事主客之形皆適相埒且猶有中外界限今則東南海疆萬餘里各國通商傳教往來自如陽託和好陰懷吞噬一國生事諸國構煽實為數千年來未有之變局輪船電報瞬息千里軍火機器工力百倍又為數千年來未有之強敵而環顧當世餉力人才實有未逮雖欲振奮而莫由易曰窮則變變則通蓋不變則戰守皆不足恃而和亦不可久也近時拘謹之儒多以交涉洋務為恥巧者又以引避自便若

非朝廷力開風氣破拘攣之故習求制勝之實際天下危局終不可支日後之才且有甚於今日者以中國之大而無自強自立之時非惟可憂抑亦可恥鴻章持國事力排眾議在畿疆三十年晏然無事獨究討外國政學法制兵備財用工商藝業開歐美出一新器必百方營購以備不虞嘗設廣方言館機器製造局輪船招商局開磁州開平煤鐵礦漢河金礦廣建鐵路電綫及織布局醫學堂購鐵甲兵艦築大沽旅順威海船塢漸學武弁送德國學水陸軍械技藝通商日本派員往駐創設公司船赴英貿易凡所營造皆前此所未有也初鴻章辦海防政府歲給四百萬其後不能照撥而戶部又奏立限制不令購船械鴻章雖屢言而事權不屬蓋終不能竟厥功焉三年晉豫旱災鴻章力籌賑濟時直隸亦患水永定河居五大河之一累年漫決害尤甚鴻章修復金門橋及南上北三灰壩蘆溝橋以下二百餘里改河築堤緩其溜勢別潴大清河滹沱河北運河減河以資宣洩自是水患稍紓五年命題穆宗毅皇帝孝哲毅皇后神主賞加太子太傅銜六年巴西通商以全權大臣定約八年丁母憂諭

清史稿

列傳一百九十八

五

俟百日後以大學士署理直隸總督鴻章累辭始開缺仍駐天津督練各軍並署通商大臣朝鮮內亂鴻章時在籍趣赴天津代督張樹聲飭提督吳長慶率淮軍定其亂鴻章策定朝鮮善後事宜九年復命署總督累乞終制不允十年法越構兵雲貴總督岑毓英督師援越法乃自請購解鴻章與法總兵福祿諾議訂條款既竣而法人伺隙陷越諒山游嶺南關兵艦馳入南洋分擾閩浙臺灣邊事大棘北洋口岸南始烟臺北迄山海關延袤幾三千里而旅順口實為首衝乃檄提督宋慶水師統領提督丁汝昌守旅順副將羅榮光守大沽提督唐仁廉守北塘提督曹克忠總兵葉志超守山海關內外總兵全祖凱守煙臺首尾聯絡海疆屹然十一年法大敗於諒山計窮復尋成授全權大臣與法使巴德納增減前約事平下部議敘是年朝鮮亂黨入王宮戕執政大臣六人提督吳兆有以兵入護誅亂黨傷及日本兵日人要索議統將罪鴻章嚴拒之而尤以撤兵寢其事九月命會同醇親王辦理海軍十二年以全權大臣定法國通商滇粵邊界章程十三年會訂葡荷牙通商約十四年海軍成船二十八艘

飭海軍提督丁汝昌統率全隊周歷南北印度各海面習風濤練陣技歲率為常十五年太后歸政賞用紫綬十七年平熱河教匪議敘十九年正月鴻章年七十兩宮賜壽二十年賞戴三眼花翎而日朝變起初鴻章籌海防十餘年練軍簡器外人震其名謂非用師逾十萬不能攻旅順取天津威海故俄法之警皆知有備而退至是中興諸臣及湘淮軍名將皆老死鮮有存者鴻章深知將士多不可恃器械缺乏不應用方設謀解紛難而國人以為北洋海軍信可恃爭起言戰廷議遂銳意用兵初敗於牙山繼敗於平壤日本乘勝內侵連陷九連鳳凰諸城大連旅順相繼失復據威海衛劉公島奪我兵艦海軍覆喪殆盡於是議者交各鴻章視其職以王文韶代督直隸命鴻章往日本議和二十一年二月抵馬關與日本全權大臣伊藤博文陸奧宗光議多要挾鴻章遇刺傷面創甚而言論自若氣不少衰日皇遣使慰問謝罪卒以此結約解兵會訂條款十二割臺灣界之日本悉交還侵地七月回京入閣辦事十二月俄皇加冕充專使致賀兼聘德法英美諸國二十二年正月陛辭上念垂老遠行命其子

清史稿

列傳一百九十八

六

經方經述侍行人夙仰鴻章威望所至禮遇逾等至稱為東方畢士馬克與俄議新約由俄使經總署訂定世傳中俄密約七閱月回京復命兩宮召見慰勞有加命直總理各國事務衙門二十三年充武英殿總裁二十四年命往山東查勘黃河工程疏稱遷民築堤成工匪易惟擇要加修兩岸隄埝疏通海口尾閘為救急治標之策下其奏核議施行十月出督兩廣二十六年賞用方龍補服拳匪肇亂八國聯軍入京兩宮西狩詔鴻章入朝充議和全權大臣兼督直隸有此行為安危存亡所係勉為其難之語鴻章聞警兼程進先以兵勦畿甸匪子身入京左右前後皆敵軍日與其使臣將帥爭盟約卒定和約十二款二十七年七月講成相率退軍大亂之後公私蕩然鴻章奏陳善後諸務開市肆通有無施粥散米中外帖然並奉詔行新政設政務處充督辦大臣旋署總理外務部事務積勞嘔血薨年七十有九事聞兩宮震悼賜祭葬贈太傅晉封一等侯諡文忠入祀賢良祠安徽浙江江蘇上海江甯天津各建祠以祀並命於京師特建專祠漢臣祀京師蓋異數也鴻章長軀疏髯性恢廓處榮悴顯晦及

事之成敗不易常度時以談笑解紛難尤善外交陰陽開闔風采凜然外國與共事者皆一時偉人及八國定盟其使臣大將多後進視鴻章皆丈人行也故兵雖勝未敢輕中國聞其薨咸集弔唁曰公所定約不敢渝其任事持大體不為小廉曲謹自壯至老未嘗一日言退嘗以曾國藩晚年求退為無益之請受國大任死而後已馬關定約還論者未已或勸之歸鴻章則言於國實有不能忽然之誼今事敗求退更誰賴乎其忠勤皆類此居恆好整以暇案上置宋揭閣亭日臨摹百字飲食起居皆有恆習長於奏牘時以曾李並稱云鴻章初以兄子經方為子後生子經述賞四品京堂襲侯爵經述侍郎論曰中興名臣與兵事相終始其勳業往往為武功所掩鴻章既平大難獨主國事數十年內政外交常以一身當其衝國家倚為重輕名滿全球中外震仰近世所未有也生平以天下為己任忍辱負重庶不愧社稷之臣惟才氣自喜好以利祿騙眾志節之士多不樂為用緩急莫恃卒致敗誤疑謗之起抑豈無因哉

清史稿

列傳一百九十八

七

左宗棠

左宗棠字季高湖南湘陰人父觀瀾廩生有學行宗棠道光十二年舉人三試禮部不第遂絕意仕進究心輿地兵法喜為壯語聲名在公卿間嘗以諸葛亮自比人目其狂也胡林翼亟稱之謂橫覽九州更無才出其右者年且四十顧謂所親曰非夢卜豈求殆無幸矣咸豐初廣西盜起張亮基巡撫湖南禮辟不就林翼敦勸之乃出叙守長沙功由知縣擢同知直隸州亮基移撫山東宗棠歸隱梓木洞駱秉章至湖南復以計劫之出佐軍幕倚之如左右手僚屬白事輒問季高先生云何由是忌者日衆謗議四起而名日聞同里郭嵩燾官編修一日文宗召問若識舉人左宗棠乎何久不出也年幾何矣過此精力已衰汝可為書諭吾意當及時出為吾辦賊林翼聞而喜曰夢卜豈求時至矣六年曾國藩克武昌奏陳宗棠濟師濟餉功詔以兵部郎中用俄加四品卿銜會乘章勳能總兵樊燮構於總督官文為蜚語上聞召宗棠對簿武昌秉章疏爭

清史稿

列傳一百九十九

之不得林翼國藩皆言宗棠無罪且薦其才可用詹事潘祖蔭亦誦言總督惑於浮辭故得不逮俄而朝旨下命以四品京堂從國藩治軍初國藩創立湘軍諸軍遵其管制獨王鑫不用宗棠券五千人參用鑫法號曰楚軍十年八月宗棠既成軍而東僞翼王石達開竄四川詔移師討蜀國藩林翼以江皖事急合疏留之時國藩進兵皖南駐祁門僞侍王李世賢忠王李秀成糾眾數十萬圍祁門宗棠率楚軍道江西轉戰而前遂克德興婺源賊趨浮梁景德鎮斷祁門餉道宗棠還師擊之大戰於樂平鄱陽僵尸十餘萬世賢易服逃而徽州賊亦遁浙江自是江皖軍勢始振十一年詔授太常寺卿襄辦江南軍務乃率楚軍八千人東援浙朝命國藩節制浙江國藩薦宗棠足任浙事宗棠部將名者劉典王開來王文瑞王沐數軍單薄不足資戰守乃奏調蔣益澧於廣西劉培元魏喻義於湖南皆未至而宗棠以數千人策應七百餘里指揮若定國藩服其整暇已而杭州陷復疏薦之遂授浙江巡撫時浙地唯湖衢二州未陷賊國藩與宗棠計以保徽州固饒廣為根本奏以三府屬縣賦供其軍設婺源景德

清史稿

列傳一百九十九

河口三稅局神之三府防軍悉隸宗棠賊大舉犯婺源親督軍敗之同治元年正月詔促自衛規浙宗棠奏言行軍之法必避長圍防後路臣軍入衛則徽婺疎虞又成糧糈援絕之勢今由婺源攻開化分軍扼華埠收遂安使饒廣相庇以安然後可以制賊而不為賊制二月克遂安世賢自金華犯衢州連擊敗之而皖南賊復陷寧國遣文瑞往援克績溪十一月喻義克嚴州二年正月益澧及高連陞熊建益王德榜余佩玉等克金華紹興浙東諸郡縣皆定杭州賊震怖悉眾拒富陽時諸軍爭議乘勝取杭城宗棠不喜攻堅謂皖南賊勢猶盛治寇以殄滅為期勿貪近功乃自金華進軍嚴州令劉典將八千人會文瑞防徽州以培元德榜駐淳安開化而益澧攻富陽勳罷道府及失守將吏十七人舉浙士吳觀禮等振荒招墾足裕軍食四月授浙閩總督兼巡撫事劉典軍既至皖南遂留屯益澧攻富陽軍僅萬餘人皆病疫宗棠亦患瘧困德富陽圍久不下乃簡練舊浙軍兼募外國軍助之攻七月李鴻章江蘇軍入浙攻嘉善嘉興寇北援於是水陸大舉攻富陽克之益澧等長驅擣杭州魏喻義康國器攻餘杭宗棠以杭賊恃餘杭為犄角非先下餘杭收海甯不能斷嘉湖援濟躬至餘杭視師是時皖賊古隆賢反正官軍連下建平高淳諸邑金陵賊呼秀成入謀他竄獨世賢踞溧陽與廣德賊比中樞官軍鴻章既克嘉善上言當益軍攻嘉興會浙師取常州而廣德賊已由甯國竄浙宗棠慮賊分擾江西福建乃檄張運蘭率所部趨福建召劉典防江西海甯賊蔡元隆以城降更名元吉後遂為驍將三年二月元吉會江蘇軍克嘉興杭州賊陳炳文勢蹙約降猶慮計中變乘兩急攻之夜啟門遁杭州復餘杭賊汪海洋亦東走捷聞加太子少保銜賜黃馬褂移駐省城中軍禁招商開市停杭關稅減杭嘉湖稅三之一益澧為布政使亦輕財致士一時翕然稱之羣賊聚湖州乃移軍合圍先攻菱湖三月江蘇軍克常州賊敗竄徽婺趨江西世賢踞崇仁海洋踞東鄉宗棠以賊入江西為腹心患奏請楊岳斌督江西皖南軍以劉典副從之六月會國荃克江甯洪秀全子福瑊奔湖州復潰走歙於南昌七月克湖州盡定浙地論功封一等恪靖伯餘賊散走徽甯江西廣東折入汀州福建大震乃奏請之總督任以益

禮護巡撫增調德榜軍至閏四年三月江蘇軍郭松林來會師賊棄漳州出大埔五月進攻永定世賢海洋既屢敗傷精銳過半歸誠者三萬宗棠進屯漳州逼賊武平於是賊竄廣東之鎮平而福建亦定乃檄康國器關鎮平兩軍入粵王開琳一軍入贛防江西劉典軍趨南安防湖南留高連陞黃少春軍武平伺賊進退六月賊大舉犯武平力戰卻之世賢投海洋為所戕賊黨益猜貳詔以宗棠節制三省諸軍十月賊陷嘉應宗棠移屯和平瑄溪德榜肅帥屯孤懸自請當中路劉典德榜軍趨前亦引軍疾進猝遇賊敗追典掠德榜屯而過槍環擊之輒反走是夜降者逾四萬言海洋中賊死矣士氣愈奮時鮑超軍亦至賊出拒又大敗之合閩浙江粵軍圍嘉應十二月賊開城遁扼諸屯不得走跪乞免者六萬餘俘斬賊將七百三十四首級可計數者萬六千詔錫雙眼花翎五年正月凱旋宗棠以粵寇既平首議減兵併餉加給練兵又以海禁開非製備船械不能圖自強乃創船廠馬尾山下薦起沈葆楨主其事會王師征西陲回亂久無功詔宗棠移督陝甘十月簡所部三千人西發令劉典別募二千

清史稿

列傳一百九十九

三

人期會漢口中途以西捻張總愚竄陝西命先入秦剿賊陝甘回衆數至百萬與捻合宗棠行次武昌上奏曰臣維東南戰事利在舟西北戰事利在馬捻回馬隊馳騁平原官軍以步隊當之必無幸矣以馬力言西產不若北產之健捻馬多北產故捻之戰悍於回臣軍止六千今擬購口北良馬習練馬隊兼製雙輪礮車由襄鄧出紫荆關徑商州以赴陝西經營屯田為久遠之規是故進兵陝西必先清關外之賊進兵甘肅必先清陝西之賊駐兵蘭州必先清各路之賊然後餽餉常通師行無阻至於進止久速隨機赴勢伏乞假臣便宜寬其歲月俾得從容規畫以要其成六年春提兵萬二千以西議以礮車制賊馬而以馬隊當步賊捻倏見礮車皆不戰狂奔時陝西巡撫劉蓉已解任總督楊岳斌請歸益急詔寄夏將軍穆圖善署總督宗棠以欽差大臣督軍務分軍三道入關而皖南鎮總兵劉松山率老湘軍九千人援陝山西按察使陳湜主河防其軍皆屬焉松山既屢敗捻又合蜀軍將黃鼎皖軍將郭寶昌大破之富平捻掠三原沿渭北東趨回則分黨西犯屬集北山宗棠以捻強於回當先制捻檄諸

軍憑河結營期暨而緩之涇洛間捻乘軍未集又折而西渡涇渭窺豫鄂已而大軍進逼勢不復能南乃趨白水乘大風雨挺走入北山宗棠防捻回台勢且北山荒瘠師行糧不繼因急扼耀州十月捻敗走宜川別黨果竄耀州合回匪攻同官留防軍不能禦典連陞軍馳救大破之諸軍將雖屢敗捻終牽於回師行滯而捻大眾在宜川者益北擾延長掠綏德趨葭州回亦自延安出陷綏德宗棠自以延綏迭失上書請罪部議革職時北山及扶岐汧隴邠鳳諸回所在響應捻自南而北千有餘里回自西而東亦千有餘里陝西主客軍能戰者不及五萬然回富之輒敗松山等克綏德回走米脂捻復分道南竄於是劉厚基出東北追回松山等循西岸要捻師抵宜川回大出遮官軍留戰一日破之而捻遂取間道逾山至壺口乘冰橋渡河宗棠奉朝旨山右毗連畿輔令自率五千入赴援以劉典代督陝甘軍六年十二月捻自垣曲入河南益北趨定州游騎犯保定京師戒嚴詔切責督兵大臣自宗棠鴻章及河南巡撫李鶴年直隸總督官文皆奪職宗棠至保定松山等連破賊深祁饒首當是時捻馳騁數百

清史稿

列傳一百九十九

四

里間由直隸竄河南山東已復渡運越吳橋犯天津鴻章議築長圍制賊宗棠謂當且防且剿西岸固守必東路有迫勦之師乃可掣其狂奔之勢上兩從其議於是勦王師大集宗棠駐軍吳橋捻徘徊陝甘濟陽合淮豫軍迭敗之總愚走河濱以死西捻平入覲天語褒嘉且詢西陲師期宗棠對以五年後卒如其言焉七年十月率師還陝抵西安時東北土寇董福祥等衆十餘萬擾延安綏德西南陝回白彥虎等號二十萬踞甘肅董志原松山至破土寇降福祥而回益四出勦掠其西南竄出者並力擾秦川黃鼎破之宗棠進軍乾州環報回巢將徙金積堡分軍擊之遂下董志原連復鎮原慶陽回死者至二萬督丁壯耕作教以區田代田法擇嶮荒地發帑金巨萬悉取所收饑民及降衆十七萬居焉遂以八年五月進駐涇州甘回最著者西曰馬朵三踞西寧南曰馬占鰲距河州北曰馬化隆踞甯夏靈州化隆以金積堡為老巢堡當秦漢兩渠間扼黃河之險擅鹽馬茶大利環堡五百餘寨黨衆嘯聚掠取漢民產業子女陝回時時與通市相為首尾化隆以新教煽回民購馬造軍械而陽輸誠給糧圖善董

志原既平陝回竄靈州化隆上書為陝回乞撫宗棠察其詐備三月糧先攻金積堡以為收功全隴之基及松山追陝回至靈州扼永靈洞化隆懼仍代陝回乞撫謀緩兵穆圖善信之日言撫綏遠城將軍至勁松山濫殺激變然化隆實無意降也密召諸回並出劫軍餉十一月宗棠進駐平涼九年松山陣歿以其兄子錦棠代之戰屢捷而中路南路軍亦所向有功陝回受撫者數千人及奪秦壩關化隆益窘詣軍門乞降誅之夷其城堡遷甘回固原平涼陝回化平而編管鈴束之甯靈悉定奏言進規河湟而是時有伊犁之變詔宗棠分兵屯肅州乃遣徐占彪將六千人往十年七月自率大軍由平涼移駐靜寧八月至安定寇聚河州其東山必繞洮河三甲集集西太子寺再西大東鄉皆險要諸將分擊悉破平之時回曾朵三已死占彪見官軍深入西寄回已歸順去路絕遂亦受撫河州平十一年七月移駐蘭州占彪前以伊犁之變率師而西也於時肅州阻亂回曾馬文祿先已就撫聞關外兵事急復據城叛及占彪軍至乃嬰城固守而乞援西寄陝回白彥虎禹得彥亦潛應文祿會錦棠率軍至西寄土

清史稿

列傳一百九十九

五

回及陝回俱變推馬本源為元帥西南東北阻湟水兩山對峙古所稱湟中也賊據險而屯俄敗走遺棄馬騾滿山谷窺巴燕戎格大通都司馬壽復嶺向陽堡回殺漢民以叛十二年正月錦棠攻向陽堡奪門入斬馬壽遂破大通掃燕巴戎格誅本源河東西諸回皆降文祿踞肅州詭詞求撫益招致邊外回助城守連攻未能下八月宗棠來視師文祿登城見帥旗奪氣請出關討賊自效不許金順錦棠軍大集文祿窮蹙出降磔之白彥虎竄遁關外肅州平以陝甘總督協辦大學士加一等輕車都尉奏請甘肅分關設學政十二年首東閣大學士留治所自咸豐初天下大亂粵盜最劇次者捻逆次者回宗棠既手戡定之至是陝甘悉靖而塞外平回朝廷尤矜寵焉塞外回曾曰帕夏本安集延部之和碩克伯也安集延故屬教罕教罕為俄羅斯所滅安集延獨存帕夏畏俄逼關入邊據喀什噶爾稍蠶食南八城又攻烏魯木齊所踞回安明安明者西寄回也初以新教游關外同治初乘陝甘漢回構變倡亂據烏城帕夏既攻收安明降之遂併有北路伊犁諸城收其賦入安明旋被逐走死而白彥

虎竄處烏城仍隸帕夏帕夏能屬役回衆通使結援英俄購兵械自備英人陰助之欲令別立為國用捍蔽俄當是時俄以回數擾其邊境遽引兵逐回取伊犁且言將代取烏魯木齊光緒元年宗棠既平關隴將出關而海防議起論者多言自高宗定新疆歲糜數百萬此漏卮也今至竭天下力贖西軍無以待不虞尤失計宜徇英人議許帕夏自立為國稱藩罷西征專力海防鴻章言之尤力宗棠曰關隴新平不及時規還國家舊所沒地而割棄使別為國此坐自遺患萬一帕夏不能有不西為英併即北折而入俄耳吾地坐縮邊要盡失防邊兵不可減糜餉自若無益海防而挫國威且長亂此必不可軍機大臣文祥獨善宗棠議遂決策出塞不能兵授宗棠欽差大臣督軍事金順副之二年三月次肅州五月錦棠北逾天山會金順軍先攻烏魯木齊克之白彥虎遁走托克遜九月克瑪納斯南城北路平乃規南路令曰回部為安會驅迫厭亂久矣大軍所至勿淫掠勿殘殺王者之師如時雨此其時也二年三月錦棠攻克達坂城悉釋所禽繼回縱之歸南路恂懼翼日收托克遜城而占彪及孫金彪兩軍

清史稿

列傳一百九十九

六

亦連破諸城隘合羅長祐等軍收吐魯番降繼回萬餘帕夏飲藥死其子伯克胡里戎其弟走喀什噶爾白彥虎走開都河宗棠欲逐禽之奏未上適庫倫大臣上言西事宜畫定疆界而廷臣亦謂西征費鉅今烏城吐魯番既得可休兵宗棠歎曰今時有可乘乃為畫地縮守之策乎抗疏爭之上以為然時俄方與土耳其戰金順請乘虛襲伊犁宗棠曰不可師不以正彼有辭矣八月錦棠會師由大道向開都河為正兵余虎恩等奇兵出庫爾白彥虎走庫車趨阿克蘇錦棠遮擊之轉道喀什噶爾大軍還定烏什遂收南疆東四城何步雲以喀什漢城降伯克胡里既納白彥虎乃并力攻漢城大軍至復遁走俄西四城相繼下宗棠露布以聞詔晉二等侯布魯特十四部爭內附十四年正月條上新疆建行省事宜并請與俄議還伊犁交叛人二事詔遣全權大臣崇厚使俄俄以通商分界償款三端相要崇厚遠定約為朝士所糾議久不決宗棠奏曰自俄踞伊犁食不已新疆乃有日蹙百里之勢俄視伊犁為外府及我索地則索償盧布五百萬元是俄還伊犁於俄無損我得伊犁僅一荒郊今崇厚

又議界俄陔爾果斯河及帖爾斯河是劃伊犁西南之地歸俄也武事不競之秋有割地求和者矣茲一矢未加遠捐要地此界務之不可許者也俄商志在貿易其政府即廣設領事欲藉通商深入腹地此商務之不可許者也臣維俄人包藏禍心妄付吾國或厭用兵遂以全權之使臣牽制疆臣為今之計當先之以議論委婉而用機次決之以戰陳堅忍而求勝臣雖衰憊無似敢不勉旃上壯其言嘉許之崇厚得罪去命曾紀澤使俄更前約於是宗棠乃自請出屯哈密規復伊犁以金順出精河為東路張曜沿特克斯河為中路錦棠經布魯特游牧為西路而分遣譚上連等分屯喀什噶爾阿克蘇哈密為後路聲援合馬步卒四萬餘人六年四月宗棠與俄發肅州五月抵哈密俄聞王師大出增兵守伊犁納林河別以兵船翔海上川震撼京師同時天津奉天山東皆警七月詔宗棠入都備顧問以錦棠代之而俄亦懾我兵威恐事遂決裂明年正月和議成交還伊犁防海軍皆罷宗棠用兵善審機不常其方略籌西事尤以節兵裕餉為本謀始西征慮各行省協助餉不時至請一借貸外國沈葆楨尼其

清一史 稿

列傳一百九十九

七

議成再引疾乞退七月卒於福州年七十三贈太傅設文襄祀京師昭忠祠賢良祠並建專祠於湖南及立功諸省宗棠為人多智略內行其篤剛峻自天性穆宗嘗戒其褊衷始未出與國藩林翼交氣陵二人出其上中興諸將帥大率國藩所薦起雖貴皆尊事國藩宗棠獨與抗行不少屈越舍時合時不合國藩以學問自歛抑讓外交常持和節宗棠鋒穎廉厲向敵矣士論以此益附之然好自矜伐故出其門者成德達材不及國藩之盛云子四人孝威舉人以廢為主事先卒旌表孝行孝寬郎中孝助兵部主事孝同江蘇提法使孫念謙襲侯爵通政司副使

論曰宗棠事功著矣其志行忠介亦有過人廉不言貧動不言勞待將士以誠信相感善於治民每克一地招徠撫綏衆至如歸論者謂宗棠有霸才而治民則以王道行之信哉宗棠初出治軍胡林翼為書告湖南曰左公不顧家請歲籌三百六十金以贖其私曾國藩見其所居幕廡小為別製二幕貽之其廉儉若此初與國藩論事不洽及聞其薨乃曰謀國之忠知人之明自愧不如志益遠矣

清一史 稿

列傳一百九十九

八

曾國荃

沈葆楨

劉坤一

曾國荃字沅甫湖南湘鄉人大學士國藩之弟也少負奇氣從國藩受學京師咸豐二年舉優貢六年粵匪石達開犯江西國藩兵不利國荃欲赴兄急與新授吉安知府黃冕議請於湖南巡撫駱秉章使募勇三千人別以周鳳山一軍合六千人同授江西十一月克安福連破賊於大汾河千金坡進攻吉安下旁數縣七年春丁父憂回籍夏賊屠聚吉安周鳳山軍敗潰時王鑫劉騰鴻皆喪亡士氣衰沮江西巡撫耆齡奏起國荃統吉安諸軍軍復振冬敗石達開於三曲灘吉安圍始合八年春克吉水萬安八月督水師毀白鷺洲賊船破城外堅壘遂克吉安禽賊首李雅鳳以功累擢知府撤軍還長沙九年復赴江西率朱品隆等軍五千餘人援剿景德鎮時諸軍與賊相持數月莫肯先進國荃至乃合力收援賊於浮梁南三戰皆捷火鎮市追殲賊及半克浮梁擢道員江西肅

清史稿

列傳二百

清國藩出九江至黃州與胡林翼議分路圍皖國荃留軍巴河自還湖南增募為萬人多隆阿鮑超等既大破賊於太湖潛山十年閏二月國荃乃進軍集賢關規攻安慶陳玉成來援擊走之十一年陳玉成復糾捻衆至於菱湖兩岸築堅壘與賊更番來犯國荃調水師入湖令弟貞幹築壘湖東以禦之會陳玉成在桐城為多隆阿所敗還趨集賢關迎擊破之玉成由馬踏石遁走仍留黨踞赤岡嶺與菱湖賊壘犄角國荃因以長濠鮑超來台攻悉破其壘禽斬萬餘進破安慶城外賊營燬東門月城惟北門三石壘堅不可下令降將程學啟選死士緣礮穴入拔之陳玉成屢為多隆阿所創收餘衆糾合捻匪復屯集賢關毀官軍後路城賊葉芸來亦傾巢出撲國荃憑濠而戰屢擊卻仍復進增築新壘遣貞幹合水師扼菱湖絕賊糧路八月以地雷轟城克之殲賊萬餘俘數千扯開以按察使記名加布政使銜賜黃馬褂尋以追殲餘賊賜號偉勇巴圖魯於是國藩進駐安慶國荃率師東下規江甯克無為州破運漕鎮拔東關加頭品頂戴分兵守諸隘自回湖南增募勇營同治元年授浙江按察使遷江蘇布

政使詔以軍務緊要毋庸與兄國藩迴避同省三月率新募六千人至軍自循江北岸令弟貞幹循南岸彭玉燾等率水師同進拔銅城廬雍家鎮諸隘復集縣舍山和州克裕溪口西梁山渡江會攻金柱關乘間襲太平克之回克金柱關貞幹亦克蕪湖令彭毓麟截敗賊於薛鎮渡口大破之五月連奪秣陵關大勝關要隘水師進扼江甯護城河口陸師巡抵城南雨花臺駐屯賊來爭皆擊卻之國藩猶以孤軍深入為慮國荃謂舍老巢勿攻浪戰無益逼城足以致敵雖危事有可為會秋疫大作士卒病者半賊酋李秀成自蘇州糾衆數十萬來援結二百餘壘國荃於要隘增壘輔以水師先固糧道賊環攻六晝夜彭毓麟等乘其乏出擊破賊營四賊悉向東路填濠而進前仆後繼國荃督軍抵禦傷頗重創力戰賊始退李世賢又自浙江率十萬衆至與秀成合攻屢掘地道來襲毀營壘百計攻襲皆未得逞蕪湖守將王可陞率援師至國荃簡精銳分出焚賊數壘餘衆走進擊大破之先後殲賊數萬圍乃解秀成世賢引去是役以病餘之卒苦戰四十餘日卒保危局詔嘉獎頒珍寶議者欲令乘勝退保

清史稿

列傳二百

蕪湖國荃以賊難衆烏合不足畏不肯退二年春國藩親至視師見圍屯堅定始決止退軍之議詔擢浙江巡撫仍統前敵之軍規取江甯四月攻雨花臺及衆寶門外石壘克之九洲洲為江甯犄角賊衆守最堅國荃偕彭玉燾楊岳斌往規形勢合水陸軍血戰克之江面遂清連克上方橋江東橋近城之中和橋雙橋門七壘橋稍遠之方山土山上門高橋門秣陵關博望城諸賊壘以次並下國荃初至合各路兵僅二萬至是募團師至五萬人十月分軍扼孝陵衛李鴻章克蘇州李秀成率敗衆分布丹陽句容自入江甯勸洪秀全同走不聽遂留同城守三年春克鍾山天保城圍始合賊糧匱城中種麥濟饑國荃迭令掘地道數十處賊築月圍以拒士卒多傷亡會詔李鴻章移師會攻諸將以城計日可破恥借助力於人攻益力鴻章亦不至國荃慮師老生變督李臣典等當賊礮密處開地道既成懸重賞募死士李臣典朱洪章伍維壽武明良譚國泰劉連捷沈鴻賓張詩日羅雨春等先登者九人六月十六日日加午地道火發城崩二十餘丈李臣典朱洪章等蟻附爭登賊傾火藥轟燒彭毓麟蕭孚泗

手刃退卒數人遂擁入朱洪章沈鴻賓羅兩春攻中路向偽天王府劉連捷張
 詩日譚國泰攻右路趨神策門朱南桂等梯城入合取儀鳳門其左路彭毓楨
 由內城至通濟門蕭孚泗等奪朝陽洪武門羅達元等從聚寶門入李金洲從
 通濟門入陳提易良虎從旱西水西門入於是江甯九門皆破守陣賊誅殺殆
 盡猶保子城夜半自縱火焚偽王府突圍走要斬數百人追及湖熟俘斬亦
 數百洪秀全已前一月死獲其屍於偽宮其子洪福瑱年十五六訛言已自焚
 死餘黨挾之走廣德國荃令閉城救火搜殺餘賊獲秀全兄洪仁達及李秀成
 伏誅凡偽王主將大小曾目二千餘皆死亂兵斃賊十餘萬拔難民數十萬捷
 聞詔嘉國荃堅忍成功加太子少保封一等伯爵錫名威毅賜雙眼花翎國荃
 功高多謗初奏洪福瑱已斃既而奔竄浙江江西仍為諸賊所擁言者以為口
 實遂引疾求退遣撤部下諸軍溫詔慰留再疏始允開缺回籍四年起授山西
 巡撫辭不就調湖北巡撫命幫辦軍務調舊部剿捻匪五年抵任汰湖北冗軍
 增湘軍六千以彭毓楨郭松林分統之時捻匪往來鄂豫之交國荃檄鮑超由

清史稿

列傳二百

三

張陽越浙川內鄉防西路郭松林由桐柏唐縣出東路劉維楨向新野為擊援
 賊折而北竄詔郭松林越境會剿是年冬敗賊於信陽孝感賊竄雲夢應城德
 安郭松林擊走之克應城雲夢又敗之皂河楊澤松林追賊白口中伏受重傷
 其弟芳鈺戰死彭毓楨破賊於沙口又敗之安陸國荃以賊多騎難與追逐欲
 困之山地毓楨借劉維楨履戰不能大創賊竄去總督官文與不協國荃疏劾
 其貪庸驕蹇詔解官文總督任六年春賊復犯德安為劉銘傳鮑超所敗遁入
 河南境尋復回竄彭毓楨恃勇輕進遇賊蕪州戰歿於六神港五月捻匪長驅
 經河南擾及山東詔斥諸疆吏防剿日久無功國荃摘頂下部議處尋以病請
 開缺允之光緒九年授陝西巡撫遼河東河道總督二年復調山西巡撫比
 年大旱災連數省國荃力行賑卹官帑之外告貸諸行省勸捐協濟分別災情
 輕重賑期久暫先後賑銀一千三百萬兩米二百萬石活饑民六百萬善後獨
 循役歲省民錢鉅萬同時荒政山西為各省之冠民德之為立生祠六年以疾
 乞罷慰留尋召來京七年授陝甘總督命赴山海關治防復乞病歸八年署兩

廣總督九年內召十年署禮部尚書調署兩江總督兼通商大臣尋授時法
 關西兵犯沿海中朝和戰兩議相持國荃修江海防務知上海關繫諸國商務
 法兵不能驟至取以鎮靜詔遣文臣分赴海疆會辦福建疆吏遂不能主兵國
 荃言權不可分朝廷亦以其老於軍事專倚之命遣兵輪援臺灣原議五寶遺
 其二坐下部議革職留任兵輪終不得達其二折至浙洋助戰鎮海有功和議
 尋定十一年京察以國荃夙著勳勳開復處分十五年皇太后歸政推恩加太
 子太保國荃治兩江凡六年總獲宏綱不苛細故軍民相安十六年卒於官贈
 太傅賜金治喪命江甯將軍致祭特設忠襄入祀昭忠祠賢良祠建專祠孫廣
 漢襲伯爵官至左副都御史國荃弟貞幹原名國葆諸生從兄國藩嗣平常德
 甯鄉土匪時楊岳斌為把總彭玉慶為諸生貞幹亟稱於國藩謂二人英毅非
 常同辟領水師初敗於岳州貞幹自引咎言諸將無罪國藩東征貞幹家居未
 從及其兄國華戰歿三河貞幹督殺賊復仇胡林翼使領千人自黃州轉戰潛
 山太湖從國荃攻安慶設計招降賊將程學啟克城之功學啟為多同治元年

清史稿

列傳二百

四

與國荃分路沿江進師破魯港克繁昌南陵蕪湖會軍雨花臺尋染疫將假歸
 援賊至被圍強起任戰守圍解而病劇卒於軍初以功敘訓導加國子監學正
 銜賜號迅勇巴圖魯既破援賊權知府命下而貞幹已歿事聞贈按察使李鴻
 章為陳戰績詔依二品議卹贈內閣學士予騎都尉世職建專祠設塔
 沈葆楨字幼丹福建侯官人道光二十七年進士選庶吉士授編修遷御史數
 上疏論兵事為文宗所知咸豐五年出為江西九江知府九江已陷賊從曾國
 藩莞營務六年署廣信府賊曾楊輔清連陷貴溪弋陽將逼廣信葆楨方赴河
 口籌餉聞警馳回郡官吏軍民多避走妻林先刺血書乞援於浙軍總兵饒廷
 選會大雨賊滯興安廷選先入城賊至七戰皆捷解圍去曾國藩上其城守狀
 詔嘉獎以道員用七年擢廣饒九南道留廣信防務數假客軍擊走竄賊平
 弋陽土匪誅安仁抗糧奸民加按察使銜以伉直忤大吏乞養親去官十年起
 授吉贛南道以親老辭未出命留原籍治團練曾國藩屢薦其才十一年詔赴
 安慶大營委用未幾起擢江西巡撫論曰朕久聞沈葆楨德望冠時才堪應變

以其家有老親擇江西近省授以福寄便其迎養且為曾經仕宦之區將來樹建殊勳光榮門戶足承親歡如此體恤如此委任諒不再以養親請葆積奉詔感泣赴官時浙江淪陷左宗棠由江西進軍規復賊曾楊輔清李世賢合擾江西冀斷皖浙餉道同治元年葆積親赴廣信籌防令士民築堡自衛堅壁清野倚用湘將王德榜段起及席寶田江忠義諸人客軍並聽指揮賊至輒擊退二年破黃文金於小路口又破之於祁門會浙軍克黟縣賊由太平石埭建德擾江西督軍進擊走之是年秋因病請假初曾國藩軍餉多倚江西葆積以本省軍事方殷奏留自給江寧前敵需餉亟而江西協解不至國藩疏爭御史華祝三亦疏言兩人齟齬慮誤大局詔兩解之命各分其半別以江海關撥款濟江南軍三年大軍圍江甯急賊聚擾江西圖牽後路詔楊岳斌移師督剿命葆積會商機宜既而江甯杭州相繼復黃文金擁洪福瑱由浙皖竄江西為入粵計葆積令席寶田追剿至石城大破之陣禽洪仁玕洪仁政黃文英等搜獲洪福瑱於荒谷中皆伏誅以禽首逆功予一等輕車都尉世職加頭品頂戴葆積

清史稿

列傳二百

五

推功諸將疏辭詔嘉其開誠布公將士用命且江西吏治民風日有起色宜膺殊賞不允所請尋乞歸養溫詔慰留四年以親病請假省視因防務急未行丁母憂命治喪百日假滿仍回任堅請終制乃允之六年命為總理船政大臣初左宗棠創議於福州馬尾山麓瀕江設船廠未及興工宗棠調陝甘疏言非葆積莫能任葆積釋服始出任事造船及機器諸廠聘洋員日意格德克碑為監督月由海關撥經費五萬兩期以五年告成附設藝童學堂預募水勇習練駕駛事皆創立船材來自外國煤炭亦購諸南洋採辦尤易侵漁葆積堅明約束一無瞻徇布政使周開錫為提調延平知府李慶霖佐局事皆為總督所不喜齟齬欲去之葆積疏爭得留藩署吏玩抗以軍法斬之眾咸驚服九年丁父憂仍請終制暫解事服闋始出當其居憂內閣學士宋晉疏請暫停船工詔下酌議葆積上疏略謂自強之道與好大喜功不同不可以浮言搖動且洋員合同不能廢機廠經營不可棄不特不能即時裁撤五年期滿亦不可停推論利害切至詔嘉納之十一年再莅事先後造成兵艦二十艘分布各海口尋以匠

徒藝成議酌改船式督令自造不用洋員監督疏陳善後事宜並如議行十三年日本因商船避風泊臺灣又為生番所戕藉詞調兵覬覦番社地詔葆積巡視兼辦各國通商事務日兵已登岸結營葆積據理詰之曉諭番族遵約束修城築壘為戰備提督唐定奎亦率准軍至日人如約撤兵乃議善後事宜疏陳福建巡撫宜移駐臺灣吏治軍政方能整頓詔如所請甫內渡獅頭社番戕官滋事光緒元年復往督唐定奎等伐山開道攻破內外獅頭等社燬其巢窟從者次第就撫中路北路亦分軍深入諸番皆聽約束先於琅玕增設恒春縣至是奏設臺北府淡水新竹宜蘭三縣隸之噶瑪蘭通判移駐雞籠山臺灣府同知移駐卑南鹿港同知移駐水沙連疏陳管伍積弊請歸巡撫節制購機器開臺北煤礦為明道臣鄭成功請子諡建祠以作臺民忠義之氣並報可遂撤軍內渡事竣擢兩江總督兼通商大臣江南自軍事定後已踰十年疆吏習為寬大葆積精覈吏事治尚嚴肅屬吏懷懍奉職宿將驕蹇者繩以法不稍假借尤嚴治盜在任三月誅戮近百人莠民屏迹皖南教案華教士誣良民重罪親訊

清史稿

列傳二百

六

得其受枉狀反坐教士立誅之然後奏聞洋人亦屈伏淮南引地以次歸復濬河積穀捕蝗禁種罌粟諸政並實力施行數以病乞退五年入覲皇太后溫諭勉以共濟時艱毋萌退志自此遂不言病是年十一月卒於位贈太子太保祀賢良祠立功各省建專祠諡文肅子璋慶賜舉人襲一等輕車都尉世職諭慶恩廢主事官至貴州巡撫劉坤一字峴莊湖南新寧人廩生成豐五年領團練從官軍克茶陵郴州桂陽宜章敘功以教諭即選六年略乘章遣劉長佑率師援江西坤一為長佑族叔而年少師事之從軍中自領一營長佑既克萍鄉令進戰蘆溪宣風鎮連破賊逼袁州招降賊目李能通於是降者相繼守城賊何益發夜啓西門坤一先入復袁州累擢直隸州知州賜花翎七年克臨江擢知府八年長佑以病歸坤一代將其軍備肅清江渡贛江規撫州克崇仁啓江在上頓渡為賊所困往援大破賊遂復撫州連克建昌擢道員九年石達開犯湖南坤一回援解永州新寧之圍加鹽運使銜賊竄廣西從劉長佑追蹙復柳州長佑擢撫廣西令坤一駐

柳州清餘匪悉平之加布政使銜進攻潯州十一年七月拔其城以按察使記名石達開回趨川楚坤一扼之融縣掩擊敗之賊潰走入黔授廣東按察使同治元年遷廣西布政使劉長佑赴兩廣總督任命坤一接統其軍赴潯州進剿貴縣匪首黃鼎鳳在諸匪中最狡悍屢議剿撫不能下二年坤一破之於登龍橋遂駐守之鼎鳳老巢曰平天寨倚山險樹重柵守以巨礮單墟相距十餘里為犄角坤一陽謀擒撤軍回貴縣潛師夜襲單墟遂圍平天寨復橫州鼎鳳勢蹙三年四月禽鼎鳳及其黨誅之潯州平賜號碩勇巴圖魯四年剿平思恩南寧土匪復永瀾瀾江西巡撫令席寶田黃少春會剿粵匪餘黨於閩邊五年聚殲於廣東嘉應州加頭品頂戴軍事既定坤一治尚安靜因整頓丁漕不便於紳戶十一年左都御史胡家玉疏劾之坤一奏家玉積欠漕糧又屢貽書干預地方事詔兩斥之家玉獲譴坤一亦坐先不上聞部議降三級調用加恩改革職留任降三品頂戴尋復之命署兩江總督光緒元年擢兩廣總督廣東號為富積庫儲實空出入不能相抵議者請加鹽釐及洋藥稅坤一以加鹽釐則官

清史稿

列傳二百

七

引愈滯但假相私販以暢銷路又援成案籌款收買餘鹽發商交運官民交便藥釐抽收各地輕重不同改歸一律無加稅之名歲增鉅萬吏治重在久任令實缺各歸本任不輕更調禁賭以絕盜源水陸緝捕各營分定地段以專責成盜發輒獲二年調授兩江總督六年俄羅斯以交還伊犁藉端要挾詔籌防務坤一上疏略謂東三省無久經戰陣之宿將勁旅急宜綢繆西北既戒嚴東南不可復生波折日本琉球之事宜早結束勿使與俄人合以謀我英德諸國與俄猜忌日深應如何結為聲援以伺俄人之後凡此皆賴廟謨廣運神而明之九年法越構邊事戒嚴坤一疏請由廣東廣西邊派明幹大員統勁旅出關駐紮諒山等處以助剿土匪為名密與越南共籌防禦並令越南招太原宣光黑旗賊眾免為法人誘用雲南據險設奇以資犄角法人知我有備其謀自沮雲南方擬加重越南貨稅決不可行重稅能施之越人不能施之法人越人倘因此轉嫉法人入滇通商得以依託假冒如沿海奸商故智不可不慮越南如果與法別立新約中國縱不能禁亦應使其慎重或即指示機宜免致再誤越

南積弱若不早為扶持覆亡立待演粵藩離盡失逼處堪虞與其補救於後曷若慎防於先此不可不明目張膽以提挈者也疏入多被採納十二年丁繼母憂十六年仍授兩江總督十七年命幫辦海軍事務二十年皇太后萬壽賜雙眼花翎日本犯遼東九連城鳳凰城金州旅順悉陷北洋海陸軍皆失利召坤一至京命為欽差大臣督關內外防剿諸軍坤一謂兵未集械未備不能輕試詔促之出關時已遣使議和坤一以兩宮意見未洽為憂瀕行語師傳翁同龢曰公調和之責比余軍事為重也二十一年春前敵宋慶吳大澂等復屢敗新募諸軍實不能任戰日本議和要挾彌甚下坤一與直隸總督王文韶決和戰之策坤一以身任軍事仍主戰而不堅執未幾和議成回任坤一素多病臥治江南事持大體言者論其左右用事詔誠其不可偏信振刷精神以任艱鉅坤一屢疏陳情乞退不許二十五年立溥儀為穆宗嗣子朝野洶洶謂將有廢立事坤一致書大學士榮祿曰君臣之分久定中外之口宜防坤一所以報國在此所以報公亦在此二十六年值德宗萬壽加太子太保拳匪亂起坤一借李

清史稿

列傳二百

八

鴻章張之洞創議會東南疆吏與各國領事訂約互為保護人心始定車駕西幸議者或請遷都西安坤一復借各督撫力陳其不可斷請回鑾二十七年借張之洞會議請變法以興學為首務中法之應整頓變通者十二事西法之應兼采並用者十一事聯銜分三疏上之詔下政務處議行是為實行變法之始洎回鑾施恩疆吏加太子太保二十八年卒優詔賜卹嘉其秉性公忠才猷宏遠保障東南厥功尤著追封一等男爵贈太傅賜金治喪命江甯將軍致祭特設忠誠祀賢良祠原籍立功省建專祠賜其子能紀四品京堂諸孫並予官張之洞疏陳坤一居官廉靜寬厚不求赫赫之名而身際艱危維持大局毅然擔當從不推諉其忠定明決能斷大事有古名臣風世以所言為允論曰曾國荃當蘇浙未復孤軍直擣金陵在兵事為危機其成功由於堅忍鏖其本根則枝蔓自絕信不世之助也屢退復起朝廷倚為保障以功名終沈葆楨清望冠時力任艱鉅兵略吏治並卓然其手創船政精果一時無耦後來不能充拓且聽廢棄豈非因任事之難其人哉劉坤一起家軍旅謀國獨見其大

晚年助望幾軼同儕房杜謀斷之功不與褒鄂並論矣

清史稿

列傳一百

九

清史稿 卷四二〇

清史稿

李臣典

朱洪章

彭毓橘

蕭孚泗

劉連捷

張詩日

列傳一百一

李臣典字祥雲湖南邵陽人年十八從軍初隸王鑫部下後從曾國荃援江西隸吉字營咸豐八年戰吉安南門外國荃受重創臣典大呼挺矛進追殺至永豐新淦國荃奇其勇超擢寶慶管守備克景德鎮復浮梁皆為軍鋒十年從戰小池驛晉都司賜花翎進規安慶戰凌湖逼賊屯阨其北國荃傷股墜馬臣典馳救以歸借張勝祿張詩日戰樞陽破援賊水師得以進屯十一年攻安慶西門賊壘陳玉成糾楊輔清數萬人圍官軍數重戰至日中未決馳告諸將曰事急矣成敗在此舉臣典橫槊前驅與諸管合力決盪賊大奔斬首數千級遂拔安慶擢參將賜號剛勇巴圖魯同治元年從國荃乘勝下沿江各城隘進軍江甯臣典會取丹陽鎮奪秣陵關以總兵記名軍中疫作李秀成大舉來援逼壘

清史稿

列傳一百一

十

慶戰國荃督陣礮傷頰臣典與副將倪桂節力衛之桂節陣亡賊方攻西路急臣典曰此虛聲也請備東路既而賊果萃東路參將劉玉春死之礮彈穿壁牆如雨注臣典死守卒不能入圍解加提督銜二年借趙三元夜襲雨花臺石城東草壩壕緣梯將上賊驚覺礮轟擊軍少卻臣典率旗大呼躍而上諸軍繼之擲火彈毀敵樓城立拔以提督記名尋授河南歸德鎮總兵借蕭孚泗張詩日等攻奪紫金山又敗諸校場連克近城諸壘三年克天保城江甯之圍始合五月克地保城六月諸軍番休進攻賊死拒殺傷相當臣典偵知賊糧未盡諸軍苦戰力漸疲謂國荃曰師老矣不急克日久且生變請於龍膊子重掘地道願獨任之遂率副將吳宗國等日夜穴城十五日地道成臣典與九將同列誓狀翼地雷發臣典等蟻附入城諸軍畢入下令見長髮者新羅髮者皆殺於是殺賊十餘萬人臣典違病恃壯不休息未幾卒於軍年二十七捷上列臣典功第一錫封一等子爵賜黃馬褂雙眼花翎命未至而臣典已歿詔加贈太子少保諡忠壯吉安安慶江甯各建專祠

五五一

蕭孚泗湖南湘鄉人咸豐三年入湘軍從羅澤南轉戰江西湖北游攔守備六年從曾國荃援江西克安福吉水萬安諸縣七年克峽江擢游擊賜花翎八年從攻吉安賊出撲孚泗營開壁奮擊斃悍賊多名旋克吉安擢參將九年江西肅清擢副將會攻太湖十年春大戰小池驛復太湖孚泗功多賜號勇巴圖魯進攻安慶戰凌湖孚泗於東路橫濠倚水築新營會擊屢破賊分道攻安慶城外諸壘賊援迭至與城賊相應更番撲官軍營壘孚泗等且戰且築壘賊不得逼又借水師副將蔡國祥截獲賊糧八月以地雷壞城復安慶以總兵配名加提督銜授河南歸德鎮總兵同治元年國荃循江東下孚泗為前鋒攻拔西梁山會水師克太平蕪湖破金柱關東梁山進克秣陵關江心洲乘勝逼江甯以提督記名李秀成來援分黨趨江心洲截運道孚泗等逆擊敗之賊攻孚泗後營礮臺相持十餘日賊以地雷毀營壘孚泗以火藥數十桶擲賊不得入伺賊疲孚泗與彭毓橘突出夾擊踏平賊壘數十賜黃馬褂二年借總兵李臣典與克兩花翎石城追至上方橋斬賊數千又破秣陵關賊卡夜襲上方橋結

清史稿

列傳一百一

十一

復渡河扼雙橋門連破賊隘倍彭毓橘縱火焚其橋賊屯擢福建陸軍提督三年既克天保城孚泗出鍾山北於太平門築三壘守之絕賊糧道六月進占龍膊子山石城孚泗與李臣典築礮臺山上距城僅十餘丈積沙草高與城齊作偽攻狀潛於其下鑿地道賊宵攻毀礮臺副將陳萬勝戰死明日會師逼城下總兵郭鵬程王紹義復中礮死及地道成火發城圯將士爭登賊擲火藥抵拒死仆相繼孚泗手刃退者數人土氣乃奮盡從缺口入李秀成匿民舍孚泗索獲之並禽洪仁達論功賜封一等男爵賜雙眼花翎尋丁父憂歸光緒十年卒於家優卹諡壯肅

朱洪章字煥之貴州黎平人咸豐初應募為鄉勇從黎平知府胡林翼剿新甯竄匪又剿黃平榔匪禽匪首劉瞎麼以功獎外委四年從林翼援湖北會克岳州從塔齊布攻武昌破賊洪山遂隸塔齊布軍戰大冶半壁山田家嶺孔壠小池口攻九江無役不從以勇名塔齊布卒從周鳳山鳳山敗隸畢金科六年克饒州擢千總金科戰歿代領其軍江西不給餉張芾倚蔽皖南賈之軍始不散

又以會攻四十里街他將敗績被劾降把總九年從曾國荃復景德鎮復官以守備補用遂從曾國荃部下戰績始著十年從攻太湖解小池驛之圍晉都司進攻安慶爭濠奪壘斬刈甚多十一年克安慶超擢參將賜號勇巴圖魯從國荃由皖東下連奪沿江要隘擢副將進屯兩花臺江甯城賊出撲屢擊破之及援賊至大營被圍迭以地雷毀營牆悍賊擁入口衝利刃匍匐而進洪章督隊發槍礮擲火焚燒斃賊無算傷亡士卒甚多久之始解洪章先以迭克城隘以總兵記名至是加提督銜同治三年攻江甯久不拔及開地道於龍膊子山麓告成議推前鋒國荃召諸將署名具軍令狀洪章署第一武明良第二劉連捷第三其他以次署畢共得九人發火城崩洪章率所部長勝煥字三營千五百人從倒口首先衝入賊倉猝從城頭擲火藥傾盆下士卒死四百餘人洪章入城後結圍陣與賊排擊諸將畢入乃分軍為三洪章趨中路直攻天王府之北短兵巷戰一日夜搜斬逆酋尤衆賜黃馬褂予騎都尉世職無論提鎮缺出僅先題奏初敘入城功李臣典以決策居第一洪章列第二眾為不平洪章曰

清史稿

列傳一百一

三

吾一介武夫由行伍擢至總鎮今幸東南底定百戰餘生荷天寵錫已叨非分又何求焉四年授湖南永州鎮總兵光緒二年調雲南鶴麗鎮署昭通臨安陸越諸鎮鶴麗地卑下水潦常沒民田有新河洩水通塞無常洪章在鎮躬率士卒開濬數次水患為紓民感之十四年因病乞開缺病痊曾國荃調留兩江洪章憑弔龍膊子山祭死士塚所國荃為樹碑紀事十五年署狼山鎮總兵二十年張之洞檄募十營防金沙衛二十一年卒於軍之洞疏陳戰績稱其收復江甯功實第一詔宣付史館從優議卹諡武慎附祀曾國藩國荃胡林翼專祠

劉連捷字南雲湖南湘鄉人以外委隸同族劉騰鴻湘後管轄湖北羅澤南薦諸巡撫胡林翼檄領副後管擢千總咸豐六年從騰鴻援江西戰瑞州騰鴻中礮殞連捷率所部攻城拔之為曾國藩所重薦改文職以知縣留江西補用從曾國荃克吉安擢同知赴安徽助剿十年大捷於小池驛擢知府由集賢關攻安慶破賊城十一年復破賊於集賢關克安慶擢道員賜號果勇巴圖魯同治元年攻巢縣東關賊立石牆於羅星山連捷率死士夜渡河縱火燒賊營

進克西梁山滿須口渡江克太平府金柱關蕪湖乘勝進軍江甯連捷軍屯顏行李秀成李世賢糾大眾來攻以炸礮破營壁連捷築橫牆拒之常乘賊懈夜出破賊壘及賊退以按察使記名加布政使銜大營侍無爲州通餉道連捷率三千人往守營城外石洞阜二年李秀成困以長圍軍糧垂盡彭玉慶勸突圍出連捷誓死守彭毓楠來援合擊賊走之再復巢縣含山和州賜黃馬褂借水師進攻九洲洲下關三年龍勝子山地道成借諸軍衝入城江甯平以布政使記名加頭品頂戴子駒都尉世職湘軍凱撤曾國藩留連捷軍三千人駐守舒城桐城防捻匪會選營叛卒擾江西連捷督軍追剿駐防吉安贛州會剿粵匪餘黨於廣東嘉應州盡殲之連捷以傷病歸家居十載光緒中曾國荃撫山西奏起連捷練軍包頭從國荃移屯山海關又從至江南治江防十三年卒賜卹贈內閣學士建專祠諡勇介

彭毓楠字杏南湖南湘鄉人從曾國荃援江西積功敘縣丞及進安徽小池驛菱湖諸戰皆有功又屢破援賊累功擢知府會諸軍下沿江諸要隘渡江克太平府金柱關蕪湖擢道員賜號毅勇巴圖魯大軍逼江南毓楠與諸將分路取

清史稿

列傳二百一

四

丹陽鎮秣陵關諸要隘夷賊屢數十進攻兩花臺石城賊死拒未下李秀成率衆來援大營被圍毓楠方染疫力疾禦戰伺懈出擊破賊壘解圍後毓楠與劉連捷援江北合水師連復江浦和州含山巢縣四城江北大定削平江南附近諸賊壘毓楠功爲多龍勝子地道火發督軍衝入手刃退者論功最以布政使記名予一等輕車都尉世職尋授福建汀漳龍兵備道未之任曾國荃疏調毓楠統湘軍赴湖北捻匪竄擾黃州安陸毓楠進剿戰比有功同治六年師次蕪水毓楠率小隊數百周覽地勢至麒麟凹賊大至被圍搏戰死傷略盡毓楠馬陷泥淖被執罵賊被害事聞詔視布政使陣亡例議卹建專祠贈內閣學士諡忠壯加騎都尉世職併爲三等男爵

張詩日湖南湘鄉人咸豐五年以外委隨羅澤南戰江西克義甯六年改隸曾國荃軍克安福戰吉安八年復萬安吉水超擢守備九年以克吉安及景德鎮浮梁累擢游擊十年援小池驛復太湖潛山曾參將從攻安慶率二營破援賊

於樅陽十一年克安慶擢副將加總兵銜賜號幹勇巴圖魯同治元年從克沿江要隘及抵江甯力守大營破援賊累擢以提督記名二年屢破江甯城外賊壘賜黃馬褂三年克天保地保兩城方開掘龍勝子地道李秀成夜自太平門突出來犯又詐爲官軍別從朝陽門東隅出偪營縱火詩日借諸將力戰卻之地道火發城崩詩日率士卒登龍廣山奪太平門復循神策門轉戰至獅子山奪儀鳳門論功最予一等輕車都尉世職四年授直隸宣化鎮總兵五年從曾國藩勦捻破張總愚牛洛紅於西平又敗之萬金寨進攻雙廟賊巢賊以馬隊襲官軍後詩日分軍回擊追敗之洪河又敗之鄆城召陵因傷發回籍六年卒曾國藩疏陳詩日克復江甯當西北一路論功在李臣典劉連捷蕭孚泗之次優卹諡勤武伍維壽湖南長沙人從曾國荃援江西攻安慶克沿江要隘擢副將奪兩花臺聚寶門外石壘累擢記名總兵賜號毅勇巴圖魯借朱南桂破神策門入城率馬隊追逸賊至湖熟鎮禽斬賊酋李萬材等以提督記名賜黃馬褂子駒都尉世職六年授陝西漢中鎮總兵調甘肅夏鎮光緒元年卒朱南

清史稿

列傳二百一

五

桂湖南長沙人羅澤南舊部轉戰兩湖積功至副將賜號勇巴圖魯同治元年解金柱關圍二年克薛鎮博望鎮以總兵記名及克江甯南桂先破神策門月城梯而入賜黃馬褂子雲騎尉世職尋授河南歸德鎮總兵五年卒賜卹諡勇羅達元湖南湘潭人由武生入伍從剿廣西曾國藩治水師充管官轉戰湖北江西累擢副將繼從曾國荃克安慶以總兵記名賜號展勇巴圖魯進克沿江要隘抵江甯還守太平屯金柱關賊酋陳坤書大舉來犯達元堅守屢戰以少擊衆禽斬逾萬以提督記名及克江甯由南門舊陷口梯登賜黃馬褂子雲騎尉世職以傷發假歸光緒四年卒賜卹李祥和湖南湘鄉人初從羅澤南積功至游擊嗣從曾國荃克吉安復安慶累擢副將賜號著勇巴圖魯同治元年從大軍進江甯力守大營破援賊以提督記名二年攻克地保城先登築礮臺俯擊城中地道始成論功賜黃馬褂子雲騎尉世職四年授安徽壽春鎮總兵從劉松山赴陝西剿捻匪六年戰洛川大賢村中礮陣亡賜卹諡武壯肅慶衍湖南湘鄉人應募入湘軍右營轉戰江西湖北積功至副將克太湖潛山以

總兵記名賜號剛勇巴圖魯同治二年授江浦復含山巢縣和州加頭品頂戴三年渡江會攻江甯克上方橋進鍾山築三壘太平門外城破於缺口衝入奪朝陽洪武二門賜黃馬褂子雲騎尉世職吳宗國湖南長沙人以勇目從勦湖北累擢守備同治元年從曾國荃沿江東下迭克要隘功多累擢參將賜號資勇巴圖魯二年破聚寶門外上方橋江東橋各賊壘會水師破九洲洲印子山賊巢擢副將從李臣典重開地道城賊防益嚴礮彈兩下宗國手簾牌持長繩冒礮彈阻行而前抵城下測丈而返始興工開掘大功克成以提督記名予一品封典五年借提督郭松林剿捻德安戰羅家集中伏歿於陣依提督例賜卹予騎都尉世職

論曰洪秀全踞江甯十有餘年曾國荃於蘇浙未定之先孤軍直搗城大授衆事勢甚難及援賊既破因獸之鬪人人致死歷兩年之久竟成大功固由指揮素定而在事諸將同心勦力奮不顧身其勇毅之烈紀太常而光榮閣無愧色焉撥其尤者著於篇

清史稿

列傳二百一

六

清史稿

列傳二百一

黃翼升

李成謀

李朝斌

劉培元

黃翼升字昌岐湖南長沙人少孤育於鄧氏冒其姓入長沙協標充隊長咸豐初從征廣西曾國藩創水師調為哨長四年從楊岳斌下岳州敘千總戰於城陵磯賊以十餘舟來誘翼升知其詐追至擂鼓臺荆阿臘伏賊突出翼升駕舢板奮擊後隊繼之賊大敗轉戰至金口值賊下游被圍力戰卻之積功擢守備克武漢後進攻蕪州翼升自蒜花埠出戰敗賊焚其舟擢都司復蕪州拔充管官攻湖口燬賊船十餘艘衝入內湖賊塞隘口不得退泊姑塘迭戰於都昌縣河雞公湖焚賊舟時水師在內湖者無大船既與外江阻絕曾國藩令添造並撥江西長龍快蟹諸船以翼升及蕭捷三分領之各為一軍五年屢會諸軍攻湖口未克蕭捷三戰死翼升大憤衝入賊卡盡燬下鐘巖賊船夜出奇兵數賊賊不出仍駐軍姑塘六年賊犯撫州南昌戒嚴翼升奉檄泊吳城鎮衛省城

清史稿

列傳二百一

湖口之賊尾至結土匪窺吳城翼升分兵由前河包鈔自赴後河擊陸路之賊走之會彭玉燾至軍令翼升專攻陸路敗賊於涂家埠毀浮橋二船百餘賊復冒民船來犯翼升合軍圍擊敗之追至德河口遂會攻南康直薄城下火賊船城賊遁走七年授直隸提標左營游擊楊岳斌師至九江彭玉燾與約夾攻湖口軍分六隊翼升率內湖右營當其衝轉鬪而前礮丸冒船過他營失利賊逐之翼升待其還縱擊斬殺過當賊復乘夜劫營滅炬待之殲賊無算燬梅花洲賊船東岸諸軍亦斷湖口鐵鎖遂克湖口內外水師復合越日進奪彭澤賊舟破小孤山擢副將九年池州守城章志俊投誠彭玉燾令翼升往受降賊會古隆賢楊輔清等來爭擊卻之旋有奸人內應池州復陷十年曾國藩規江南奏設淮陽水師薦翼升領之即授淮陽鎮總兵十一年破賊於黃盆鎮又敗之方村進攻銅陵決城東北隄從決口入據之又進攻無為州毀泥汊口神塘河賊壘無為銅陵同復賜號剛勇巴圖魯借王明山循沿江郡縣克池州銅陵亦失而復得漕運鎮濱江通湖賊踪之以通接濟翼升進擊諸軍乘之焚賊舟賊

通銅城廂又借陳從政東關克之加提督銜同治元年追賊入巢湖賊聚湖口以退歸路翼升掘隄岸引船出反撫賊背夾擊大敗之城賊遁進克舍山和州四月會攻金柱關李朝斌臨上游翼升等退下游賊牽於水師不暇內顧曾國荃襲克太平並趨金柱關合攻翼升夜督隊險縱火焚西門賊突出揮士卒登岸短兵接立克金柱關襲東梁山一鼓下之移師攻蕪湖賊棄城走又擊賊清水河俘賊千計以提督記名五月克秣陵關江心洲諸隘血戰奪九洲軍聲大振時李鴻章至上海規蘇常翼升移師會剿詔署江南水師提督松江上海諸水軍悉歸節制翼升所部十營分二營駐浦口四營駐揚州親率四營六月抵松江就上海增造船板飛划諸船移守青浦賊曾譚紹洸合嘉湖蘇崑諸賊圍犯上海屢撲青浦翼升與陸軍合擊走之賊繞犯北新涇大營又走吳淞翼升駛往相持至夜燬賊營七賊犯嘉定及青浦張堰分隊往援且戰且進至白鶴江毀橋而還翼升兵少調揚州駐營來會剿鴻章約合攻黃渡翼升由趙屯橋截擊追至三江口盡平沿岸橋壘十月破賊蘆墟尤家莊汾湖三官塘進

清史稿

列傳二百二

距蘇州三十里常熟守賊駱國忠以城降譚紹洸來爭陷福山翼升赴援進攻河西白茅徐六涇諸口二年正月翼升會常勝軍克福山駱國忠見西山火起突圍出圍乃解楊舍汛為沿江衝要賊守之以蔽江陰翼升沿江兜剿迭破賊賊克之乃會攻江陰迭破蠡口陳市賊曾陳坤書來援翼升扼江干誘賊出戰與郭松林劉銘傳合擊大破之克江陰賜黃馬褂九月由無錫進攻蘇州詔翼升赴臨淮會剿苗沛霖鴻章疏留勿遣諸軍合圍蘇州薄城下當齊門閭門之間截賊竄路賊乞降予雲騎尉世職是年冬再克無錫率五營赴臨淮苗沛霖尋走死餘黨瓦解翼升仍回江蘇二年陳坤書犯常熟借郭松林等合擊賊敗走遣部將王東華等助攻常州克之被優敘詔授江南水師提督曾國藩奏江南額設提督一員兼轄水陸翼升所授當是新設請敕部鑄頒新印從之會楊岳斌督師江西翼升接統外江水師江寧復加一等輕車都尉世職四年詔翼升赴清江浦防捻匪至則賊已敗竄山東進駐邳宿之間會僧格林沁戰殲捻氛益熾犯雒河翼升駛援賊又走五年回駐江寧六年調守清江東捻賴文

沈敗竄淮安翼升督諸軍追擊文沈為道員吳毓蘭所禽東捻平論功被珍寶七年西捻張總愚竄畿輔諸軍為長圍困之鴻章調翼升率師船入運河設防六月乘伏汛入張秋口至德州張總愚奔至冒官軍喚渡翼升部將徐道奎察其偽轟擊之大軍環集總愚溺水死西捻平加雲騎尉世職合併為三等男爵長江水師營制定仍以翼升為提督彭玉慶終制回籍長江事宜悉付翼升主之十一年詔起玉慶巡閱勦不職將弁百餘人翼升以傷病請代奏乞退詔斥取軍不嚴濫收候補將弁二百餘人之多念前功從寬免議許其開缺回籍養病光緒十五年皇太后歸政以翼升舊勳予議敘給像紫光閣十八年復授長江水師提督入覲賜紫禁城騎馬二十年皇太后萬壽慶典加尚書銜日本兵事起翼升由岳州赴江甯籌江防卒於軍賜卹設武靖立功地建專祠子宗炎襲男爵官廣西桂平梧鹽法道丁義方湖南益陽人入水師隸彭玉慶部下積功至守備咸豐八年克九江擢都司十年克建德賜花翎尋建德復陷賊數萬上犯湖口勢甚張義方收建德潰兵簡精壯五百人分布守禦自率水師駐西

清史稿

列傳二百二

北門賊乘銳攻城義方登陣躬自搏戰會副將成發翔來援賊引去曾國藩疏言義方膽識過人部署迅速詔超擢參將加副將銜十一年駐防小池口賊自興國來犯擊卻之馳援都昌解其圍同治元年從彭玉慶迭克沿江諸隘擢副將二年要擊都昌敗賊毀其舟尋解青陽圍以總兵記名賜號壯勇巴圖魯七年授湖口鎮總兵光緒十九年卒官王吉湖南衡陽人由馬兵累擢守備咸豐九年入水師隸彭玉慶部下從屯黃石磯擊蕪湖賊戰殲股家匯樅陽皆有功擢都司十一年從克孝威戰最力擢游擊賜號猛勇巴圖魯克德安黃州果擢副將同治元年金柱關之戰吉率隊蛇行而進躍上隄破賊壘以總兵記名尋賊復由太平來犯多方窺伺吉駕飛划入湖迎擊又登岸馳逐經月餘賊蹤始淨援無為州率水勇登陸會諸軍夾擊賊破銅城廂水卡結小划船為橋以濟陸師復破陶家甯大甲村岷山岡賊壘二年曾國藩彭玉慶合疏薦吉勇敢誠樸堪勝總兵之任授狼山鎮總兵從克江浦浦口奪下關草鞋峽燕子磯諸隘進拔九洲洲以提督記名八年水師凱撤乞假修墓乃赴狼山鎮任光

緒七年卒賜卹吳家榜湖南益陽人入水師初隸楊岳斌營咸豐十年從黃翼升破賊殷家匯樅陽遂歸其部下菱湖銅陵泥汊口運漕鎮東關諸戰皆有功累擢守備同治元年從攻金柱關東梁山蕪湖擢都司從黃翼升援上海迭破賊北新涇四江口收援賊於江陰賜號敢勇巴圖魯領淮陽水師前營克無錫擢副將三年江甯復錄功以總兵記名四年追敘克宜與荆溪溧陽功以提督記名七年從黃翼升赴直隸防運河捻匪平晉號訥恩登額巴圖魯授瓜州鎮總兵光緒二年兼署長江水師提督十八年卒附祀彭玉慶祠

李成謀字與吾湖南芷江人咸豐四年投効水師充哨長從楊岳斌克湘潭岳州敘千總轉戰湖北敗賊於倒口拔沿江木柵燬鹽關賊船克武漢擢守備從克田家鎮成謀追賊上至武穴下至龍坪往來擊賊殲其眾擢都司五年從戰塘角焚賊舟二百餘乘風夜抵武昌城下破擊賊船擢游擊攻金口循北岸進拔賊壘又連破賊於壇角鮎魚套擢參將賜號銳勇巴圖魯成謀身長八尺力能一手豎大桅素為胡林翼所器重至是薦其每戰衝鋒廉明愛士堪勝水

清史稿

列傳二百一

四

陸方鎮之任詔記名俟軍事稍閒送部引見六年扼沙口斷賊糧道破賊小河口青山燔其樞重轉戰蕪州黃州廣濟武穴下至九江燬賊舟數百獲糧械以資軍用武漢復擢副將七年會攻九江追賊至湖口前隊銳進失利成謀突入陣中奪回所失四艘尋授江蘇太湖協副將既克湖口從楊岳斌順流而下登陸克望江東流疾趨安慶復銅陵會江南水師於峽口紅單船方攻泥汊賊壘不能下岳斌令成謀急擣薄壘擲火焚其火藥庫賊遁走獲其糧械船艦胡林翼奏肅清江而成謀之功為最平日事親孝特給二品封典八年擢福建漳州鎮總兵十年進攻池州拔殷家匯毀城外賊壘破樅陽偽城加提督銜十一年陳玉成圍樅陽擊卻之同治元年會陸師拔巢縣雍家鎮薄西梁山斷橫江鐵鎖奪回要隘以提督記名破賊於魯港采石磯克金柱關蕪湖黃馬褂三年援湖北破捻匪於羅田五年署福建水師提督尋授時軍事漸定整頓營制會奏裁金門鎮總兵改為水師副將裁左營游擊移右營駐涓州歸提標統轄徙前營游擊駐涇口後營游擊駐錦門變通巡哨章程十一年彭玉慶整頓長

江水師能提督黃翼升薦成謀樸誠堪膺重任即以代之光緒二年丁母憂奉情留任兩江總督曾國荃奏請江南兵輪悉歸成謀統轄十六年萬壽推恩加太子少保十八年以病乞歸尋卒詔嘉其在任十餘年取軍有法江面又安賜卹建專祠賜勇恪

李朝斌字質堂湖南善化人由行伍隸長沙協標咸豐四年曾國藩調充水師中營哨官從楊岳斌克武昌田家鎮各城隘累功擢至參將六年會內湖水師攻克湖口及梅家洲從楊岳斌乘勝循下游掃蕩江面擢副將八年會攻九江朝斌以水師登陸助戰克之復從楊岳斌進攻安慶拔樅陽銅陵賊壘賜號固勇巴圖魯十年冬間道援南陵回軍攻克東流十一年下荻荅洲白茅甯賊壘會陸軍克無為州以總兵記名再復銅陵迭克泥汊神塘河運漕鎮東關加提督銜授湖北竹山協副將同治元年擢浙江處州鎮總兵彭玉慶督水師會陸軍進規沿江要隘令朝斌率所部游奕上下游兜剿環攻連克金柱關蕪湖東梁山以提督記名曾國藩奏設太湖水師以朝斌將令赴湖南造船募勇二年

清史稿

列傳二百一

五

成軍東下會諸軍克江浦浦口連破草鞋嶼燕子磯賊屯戰九洲功最賜黃馬褂朝斌一師原為規復江浙而設九洲既克會黃翼升淮揚水師同援上海由長江直下與總兵程學啟會師夾浦督水師百艘攻沿湖賊壘下之進破澹臺湖賊壘直逼蘇州破盤門外賊壘賊會李秀成率眾七八萬奪寶帶橋朝斌會陸師合擊血戰挫之賊始退破援賊於葉澤湖截竄賊於寬渡橋會克五龍橋賊壘分攻封門門晝夜轟擊李秀成先逸餘黨以城降李鴻章奏捷言朝斌迭次苦戰謀勇兼優予雲騎尉世職是年冬會陸師剿賊江浙之交克平望鎮又破賊九里橋署江南提督二年偕程學啟會攻嘉興朝斌水師由官塘進破其七壘湖州援賊圍竄盛澤以奉國師為朝斌所扼不得逞遂克嘉興實授江南提督進規湖州由夾浦逼長興賊眾數萬依山築壘楊鼎勳劉士奇等與之相持朝斌督水師登陸襲賊後夾擊之盡燬西北沿水賊壘乘勝克長興復湖州被珍寶五年移駐蘇州軍事甫平江浙湖蕩盜多出沒捕著匪卜小二誅之轄境晏然八年請設經制水師著為例移駐松江光緒四年兩江總督

沈葆楨疏請以外洋兵輪統歸朝斌節制允之十二年以病乞歸二十年卒於家賜卹建專祠朝斌本姓王氏父正儒生子四朝斌最幼襁褓育於李氏朝斌官江南提督時牒請歸宗曾國藩引金史張詩事謂朝斌所處相同定例出嗣之子亦視所繼父母有無子嗣爲斷今若準歸宗王氏不過於三子外又增一子李氏竟至斬焉不祀參考古禮今律朝斌應於李氏別立一宗於王氏不通婚姻一以報顧後之恩一以別族屬之義王氏本生父母由朝斌奉養殘年庶爲兩全之道詔如議行江福山湖南清泉人咸豐五年應募入水師積功敘把總十一克赤岡嶺菱湖賊壘安慶復崇摺游擊同治元年改隸太湖水師從李朝斌回籍造船領前營浦口下關草鞋峽燕子磯九洲諸戰皆有功擢參將從援上海破賊於楓涇島涇塘蘇州復擢副將賜號強勇巴圖魯二年從攻嘉興破穿左臂裹創而進克郡城禽賊酋以總兵記名攻太湖夾浦鎮破斷左手指奮擊破之進攻湖州久不下郡東晟舍賊壘最堅請以偏師往攻使賊互救然後大軍乘之福山首先躍濠而入諸軍繼進悉燬賊壘援賊大至福山摧鋒

清史稿

列傳二百一

六

直前中礮洞腹歿於陣事聞詔視提督例賜卹死事地建專祠入祀京師昭忠祠子齡都尉兼雲騎尉世職設武烈

劉培元湖南長沙人咸豐初以武生入水師從克湘潭岳州敘千總戰金口沈賊船登岸縱擊斬賊酋一人克嘉魚蒲圻擢守備戰田家鎮培元率十舟窮追四十餘里燬賊船擢都司會攻湖口斧斷鎖筏燬湖口賊船五年回援武漢擊賊鮑魚套又會鮑超攻小河口毀賊舟二百有奇六年改陸軍領長字營從劉長佑援江西由瀏陽攻萬載破賊荆樹舖栗樹坳駐大橋賊潛來襲培元出奇兵擊之斬級八百又破援賊於高城竹埠克萬載營西門外賊數路來爭多於官軍數倍培元開壁大戰斬級千計擢游擊進攻袁州破南門嶺上賊壘會蕭啓江破吉安臨江援賊城賊遁走克袁州以參將留湖南補用七年會攻吉安借曾國荃迎擊援賊於三曲灘追至朱山槽賊援復集夾擊破之擢副將八年水陸合攻吉安賊結大筏衝官軍浮橋培元督師船截擊破傷胸裹創血戰盡毀其筏尋克吉安以總兵記名是年冬軍中大疫培元病回籍九年石達開犯

湖南培元率千人扼桂陽衆寡不敵桂陽遂陷尋率師船溯資水進援寶慶會諸軍扼河而戰數破賊寶慶圍解授浙江處州鎮總兵仍留湖南領水師十一年左宗棠進規浙江立衢州水師疏薦培元熟諳水陸軍事請以署衢州鎮募勇三千赴浙同治元年培元率安武水陸全軍駐常山控衢州北路進江山破大洲賊營賊竄龍游會攻之賊酋李侍賢大股來援培元與諸軍合擊賊敗走二年克陽溪龍游斃賊酋陳廷秀加提督銜賜號銳勇巴圖魯迭克桐廬富陽會攻杭州破賊於萬松嶺攻清泰門外觀音堂平其壘城賊出戰敗之昇舳舨入西湖破擊杭城左宗棠以衢州後路要衝令培元返鎮其所部水師留攻杭州三年杭州復培元丁母憂歸遂不出光緒十七年卒湖南巡撫陳寶箴疏陳培元戰蹟賜卹

清史稿

列傳二百一

七

部戰績可稱用並列之

清史稿

列傳二百三

程學啟

劉銘傳

張樹珊

周盛波

周盛傳

潘鼎新

吳長慶

程學啟字方忠安徽桐城人初陷賊中陳玉成奇其勇使佐葉芸來守安慶咸豐十一年率三百人自拔來歸曾國荃使領一營戰輒請先安慶北門石壘三最堅學啟力攻拔之絕賊糧道未幾遂克安慶學啟功最擢游擊賜花翎從國荃克無為銅陵諸城擢參將同治元年李鴻章率淮軍規江蘇請於曾國藩以學啟隸麾下瀕行國藩勉之曰江南人張國樑不去汝好為之亦一國樑也三月抵上海立開字營凡千人最為勁旅屯虹橋賊猝至敗之次日又至擊退追至七里堡大破之會諸軍克南鎮橋五月從鴻章援松江軍於泗涇賊曾陳炳文糾悍黨突營分股繞攻上海學啟營被圍力禦斃賊無算仍不退學啟

清史稿

列傳二百三

一

開壁衝突賊披靡與諸軍夾攻乃大潰松江圍解擢副將賜號勇巴圖魯進破賊於青浦東北復其城八月賊曾諱紹洸由蘇州來犯敗之七寶鎮進戰北新涇平其學數十以總兵記名九月紹洸復大舉窺上海圍水陸各營於四江口學啟會諸軍進擊賊扼橋布陣學啟陷陣截斷賊隊胸受礮傷創疾嗣賊卻走未渡河者悉殲之三路圍擊殲斃落水者數萬盡毀賊營以總兵記名加提督銜授江西南贛鎮總兵自虹橋泗涇四江口三捷皆以少擊衆於是增軍至三千人二年進規蘇州借鴻章弟鶴章及英將戈登克太倉賊曾蔡元濬詐降擊殲之鴻章令學啟總統諸軍學啟曰崑山三面阻水一面陸路達蘇州先斷其陸乃可克借郭松林破蘇州援賊於正義鎮遂克崑山以提督記名予一品封典連拔花涇同里吳江賊憑太湖結寨學啟扼飛虹橋殲其酋徐尙友乘勝破湖賊悉平洞庭東山諸壘七月直抵蘇州婁門外永定橋駐軍蘇州城大四面阻水寶帶橋為太湖鎖鑰賊死力爭拒合水陸軍大破之平其壘親督軍扼守李秀成自江甯率衆來援大戰竟日擊走之城賊數萬復來爭亦擊退

進破五龍橋賊壘留營駐守分兵破嘉湖援賊於百龍橋八圩逐北至平望十月李秀成糾李侍賢同踞無錫以為援為劉銘傳李鶴章所縶學啟督戰益急連破賊於蠡口黃埭攻破滄墅關及十里亭虎邱賊壘於是蘇州之圍遂合賊自盤門至婁門連壘十餘里號曰長城亦悉破秀成知不可為又江甯被圍急遂以城守付其黨譚紹洸自出走賊曾都雲官與副將鄭國魁舊識密介通款學啟與國魁及戈登單舸見雲官於洋澄湖令斬紹洸為信秀成行三日紹洸會諸會議事雲官即座上殺之開齊門降明日學啟入城賊酋列名者八人雲官外曰伍貴文汪安均周文佳范啓發張大洲汪懷武汪有為皆敵血為誓然未幾髮乞總兵副將官職署其衆為二十營劃半城為屯學啟伴許密請李鴻章誅之鴻章謂殺降不祥且堅他賊死拒心未決學啟曰今賊衆尚不下二十萬多吾軍數倍徒以戰敗畏死乞降心故未服分城而處變在肘腋何以善其後鴻章乃許之次日諸酋出城謁鴻章留宴軍中酒半健卒百餘挺矛入刺八人皆死學啟嚴陣入城以雲官等首示衆曰八人反側已伏誅矣賊黨驚擾殺

清史稿

列傳二百三

二

其悍者數百人餘不問分別遺留皆帖服蘇州平乘勝借李朝斌水師克平望復嘉善三年春進規嘉興薄城下破西門北門賊壘七分兵克秋涇吳涇合歡橋諸賊壘逼賊築礮臺賊自盛澤新塍來援皆擊走之圍攻而月毀賊礮臺二十餘發地雷裂城百丈揮軍肉薄而登忽中槍貫腦踣而復起部將劉士奇繼之遂克嘉興捷聞詔嘉其身受重傷攻拔堅城命安心醫治頒賞珍品尋以創重卒於軍李鴻章疏陳其兩年之間復江浙名城十數克蘇州為東南第一戰功優詔賜卹稱其謀勇兼優贈太子太保特遣員賜祭一壇安慶蘇州嘉興建專祠諡忠烈子騎都尉兼雲騎尉世職又加恩予三等輕車都尉世職併為三等男爵初學啟投誠時妻子皆為賊殺以弟子建勳嗣襲爵何安泰安徽舒城人少為傭陷賊從學啟來歸轉戰無役不從積功至記名總兵加提督銜從攻嘉興履冰薄城躍登中槍死之贈太子少保子騎都尉世職嘉興人哀之為祠以祀鄭國魁安徽合肥人咸豐十年兩江總督何桂清令募勇屯無錫高橋桂清棄軍走國魁從提督曾秉忠於上海初李鴻章督師江蘇檄領親兵水師後

營四江口崑山資帶橋諸戰功皆最累擢至副將蘇州既合圍部雲官與譚紹
洸不協國魁道人說之降從程學啟會雲官許雲官等二品武職折箭誓不殺
降雲官如約獻城國魁先往宣諭次日大軍始入既而雲官等駢誅國魁涕泣
不食自謂負約辭不居功仍以總兵記名賜號勃勇巴圖魯從克嘉興江陰常
州予一品封典同治五年從勦東捻駐防山東驛縣捻平以提督記名光緒中
署天津鎮總兵卒附祀學啟專祠蘇州士民思其功建祠祀之

劉銘傳字省三安徽合肥人少有大志咸豐四年粵匪陷廬州鄉團築堡自衛
其父惠世爲他堡豪者所辱銘傳年十八追數里殺之自是爲諸團所推重從
官軍克六安援壽州獎敘千總同治元年李鴻章募淮軍援江蘇銘傳率練勇
從至上海號銘字營招撫南漕降賊吳建瀛劉玉林衆四千人簡精銳隸其軍
賊由川沙來犯擊敗之連克奉賢金山衛累功擢參將賜號驍勇巴圖魯又破
賊野雞墩四江口擢副將常熟守賊以城降被圍二年春銘傳會諸軍克福山
大破賊解常熟圍以總兵記名進規江陰楊厘爲沿江要衝悍賊堅守銘傳會

清史稿

列傳二百三

三

黃翼升水師進攻賊山無錫江陰兩路來援迭受創退李秀成糾衆十餘萬分
水陸復來援銘傳力戰敗之七月乘勝攻江陰禽斬二萬其城以提督記名
尋復無錫加頭品頂戴是年冬進攻常州敗賊於奔牛鎮賊目邵小雙降令扼
丹陽援賊以輪舟至犯奔牛以掣圍城之師奮擊破三十餘壘毀其舟三年春
合圍破圍而入禽斬賊首陳坤書克常州賜黃馬褂進屯句容江甯尋下餘黨
擁洪福瑣踞廣德會諸軍擊走之四年會國藩督師剿捻匪主用淮軍淮軍自
程學啟歿後銘傳爲諸將冠調駐濟寧尋分重兵爲四鎮銘傳移駐周家口迭
破賊瓦店南頓扶溝改爲移擊之師擢直隸提督援湖北克黃陂追賊至穎州
大敗之銘傳建議平原追賊不能制其死命乃築長隄自河南至山東連河臨
賊沙河以南燈之工甫竣豫軍防地爲賊所破乃分軍追勦破之於鉅野捻酋
張總愚竄陝西任柱賴文光留山東自此分爲東西李鴻章代國藩督師銘傳
專剿東捻東至鄆城西至京山大小數十戰六年春賊走尹隆河與鮑超約期
會擊銘傳先期至戰失利部將唐殿魁死之休屯信陽整軍復進追賊至山東

復議自運河至膠萊長圍困賊杜其西趨時兵賊俱疲朝命督戰益急鴻章專
倚銘傳八月解沐陽圍戰輸糧降賊內應槍斃任柱於陣賊大潰遂擊濰縣
壽光薄之洋河瀾河之間殲賊幾盡賴文光走揚州就禽東捻遂平國藩鴻章
奏捷論銘傳爲首功予三等輕車都尉世職以積勞致疾乞假去軍七年春張
總愚突犯畿輔急起銘傳赴援以遲緩被譴責及至東昌會諸軍進剿鹽山滄
州德平仍用長圍策蹙之運河東縱橫合擊殲賊殆盡總愚走任平陷水死西
捻平錫封一等男爵詔屯張秋九月命督辦陝西軍務唐定奎陳學義黃桂
蘭等搜剿北山回匪疏陳大勢引病乞罷歸里光緒六年俄羅斯議還伊犁有
違言急備邊召銘傳至京疏陳兵事略謂練兵造器固宜次第舉行其機括則
在鐵路鐵路之利不可殫述於用兵尤爲急不可緩中國幅員遼闊防不勝防
鐵路一開南北東西呼吸相通無微調倉皇之慮無轉輸艱阻之虞從此裁兵
節餉併成勁旅一兵可得十兵之用權操自上不爲疆臣所牽制立自強之基
礎杜外人之覬覦胥在於此疏上雖格未行中國鐵路之興實自銘傳發之十

清史稿

列傳二百三

四

一年法蘭西兵擾粵閩詔起銘傳加巡撫銜督辦臺灣軍務條上海防武備十事
多被採行抵臺灣未一月法兵至燬基隆礮臺銘傳以無兵艦不能海戰伺登
陸戰於山後殲敵百餘人斃其三酋復基隆而終不能守扼滬尾調江南兵艦
阻不得達敵三犯滬尾又犯月眉山皆擊退殲敵千餘相持八閱月十一年和
議成法兵始退初授福建巡撫尋改臺灣爲行省改臺灣巡撫增改郡廳州縣
改澎湖協爲鎮檄將吏入山剿撫南中北三路前後山生番薙髮歸化丈田清
賦溢舊額三十六萬兩有奇增茶鹽金煤林木諸稅始至歲入九十餘萬後增
至三百萬築礮臺興造鐵路電綫防務差具加太子少保十六年加兵部尚書
銜命幫辦海軍事務屢因病陳請乞罷久始允之二十一年朝鮮兵事起屢召
以病未出尋卒詔念前功贈太子太保賜卹建專祠設壯廬
張樹珊字海柯安徽合肥人咸豐三年粵匪入安徽樹珊與兄樹聲練鄉兵自
衛准軍之興自張氏始五年擊賊巢湖率壯士數十人敗賊禽斬賊目五人進
破巢縣賊營敘外委六年復來安隨官軍克無爲州擢千總又克潛山至太湖

遇賊數萬樹珊僅五百人軍糧火藥皆盡賊屯隄上樹珊選死士緣隄下蛇行入賊中大呼擊殺賊驚潰七年敗擒首張洛行於官亭粵匪方與檢相旬結皖北幾無完區獨合肥西鄉以團練築堡安時出境從剿賊九年克霍山十年兩解六安圍十一年赴援壽州克三河擄都司賜花翎同治元年從李鴻章赴上海名其軍曰樹字營李秀成犯上海會諸軍夾擊走之七年會克青浦賊圍北新涇樹珊借程學敏力戰旬餘賊始遁擄游擊進克嘉定賊大舉圍四江口樹珊偪賊而營會諸軍奮擊連破二十餘壘遂解圍擄參將賜號悍勇巴圖魯是年冬常熟及福山賊以城降而福山賊復叛圍常熟二年正月樹珊率軍航海抵福山西洋港風潮作飄舟近賊巢湖退不得行樹珊曰兵法危地則戰登岸結壘未就賊大至樹珊疾擣中堅槍傷左肘不少卻拔出諸營之被圍者進解常熟之圍擄副將會諸軍進攻江陰樹珊扼南門斷賊去路城復賊無得脫者以總兵記名進攻無錫悍曾陳坤書李世賢方以十萬眾圍大橋角樹珊助剿火賊輪船二艘船十艘斃甚眾解其圍李秀成復率眾數萬至連營數十里

清史稿

列傳二百三

五

樹珊與諸軍夾擊賊大潰會蘇州已下秀成率死黨入太湖結常州賊水陸分進援無錫時銘傳專擊外援賊樹珊與諸軍合圍十一月拔之以提督記名借兄樹聲及劉銘傳進攻常州三年四月克之予一品封典授廣西右江鎮總兵四年曾國藩督師勦捻駐徐州以樹珊所部為親軍令援山東破賊於魚臺議設四鎮陳州之周家口為最要初以劉銘傳駐之既改銘傳為游擊之師乃令樹珊移駐五年三月擊賊沙河賊竄撲周家口回軍夾擊敗之五月又敗賊於沙河東樹珊以賊騎飄忽靡常恥株守請改為游擊之師九月馳解許州之圍十月逐賊山東境連敗之豐南定陶曹縣十一月回軍周家口賊竄湖北借總兵周盛波追剿會郭松林敗績於白口賊燄愈熾樹珊自黃岡追至甯陽賊竄黃州德安樹珊馳援諸將皆言賊悍且眾宜持重樹珊率親軍二百人窮追抵新家廬賊橫走抄官軍後樹珊力戰陷陣至夜半馬立積屍中不能行下馬鬪而死後隊據鄉莊發槍擊拒賊賊亦尋退全軍未敗事聞詔惜其忠勇從優議卹子騎都尉兼一雲騎尉世職建專祠諡勇烈七年拾平加贈太子少保弟樹

屏從諸兄治團練積勞至千總從樹珊至江蘇轉戰松江蘇州常州屢有功累擢副將從剿捻匪迭破賊於豐縣沛縣魚臺及樹珊戰歿德安樹屏分領樹字三營駐周家口東拾平論功以提督記名賜號額勝額巴圖魯同治六年山西巡撫李宗義奏調令募新軍六營分駐大齊吉州壺口防回匪十二年兼統水陸駐天津分防歸化包頭光緒二年甘肅流賊犯河套後山督軍追擊連敗之禽其渠曹洪照事平加頭品頂戴四年授太原鎮總兵值旱災樹屏捐運賑糧出軍食之餘平糶濟饑民六年移防包頭九年調大同鎮十三年因傷病乞罷十七年卒以前勞賜卹

周盛波字海齡安徽合肥人咸豐三年粵匪陷安慶皖北土匪紛起盛波兄弟六人團練鄉勇保衛鄉里屢出殺賊兄盛華及弟三人皆死事惟存盛波與弟盛傳以勇名陳玉成陳得才等屢擾境盛波等以練丁二千隨方迎敵相持數年遂越境出剿近縣餉械皆所自備累獎守備同治元年李鴻章募淮軍授江蘇令盛波就所部選募成軍曰盛字營從至上海破賊於北新涇擄游擊又大

清史稿

列傳二百三

六

破賊於四江口賜號卓勇巴圖魯二年克太倉進崑山扼雙鳳橋復縣破破麥市橋賊壘擄副將進攻江陰擊敗援賊會克縣城以總兵記名會攻無錫燬賊船百餘破惠山石卡禽賊曾黃子澁以提督記名予一品封典二年合圍常州盛波由小南門攻入賊首就禽以總兵儘先題奏時江甯已復餘黨黃文英走踞廣德盛波追之至橫山文英遁走城賊拒戰敗之復廣德進至甯國境而還賜黃馬褂四年從曾國藩剿捻匪張總憲圍雒河集盛波赴援循渦河岸破賊英翰軍突圍夾擊圍始解授甘肅涼州鎮總兵敗擒匪於甯陵五年拔潯澤游莊寨方埠賊巢被珍資牛洛紅竄亳州截擊於白龍王廟大破之是年冬追賊雲夢連敗之於兩河口沙河胡家店六年躡追任柱至信陽與弟盛傳分路蹙敗之九月破沈陽程寨賊又敗之於石榴寨高家寨追至海州阿胡鎮燬悍黨趙天幅東捻尋平七年西捻張總憲竄輔盛波追至陵縣土橋馬步合擊賊潰走五月盛波駐毛家莊賊由吳橋來犯設伏痛擊斬級數千襲賊於楊丁莊

陣斬總愚之姪張三彪六月會擊於在平總愚走死西捻平晉號福齡阿巴圖魯軍事定以母老陳請回籍終養尋以前年所部攻破河南唐縣民妻慘斃多命為巡撫李鶴年所劾職交李鴻章按治以盛波身在前敵免其科罪九年鴻章疏陳盛波功多復原官十年命在淮北選募精壯十營赴天津備防責司訓練丁母憂奏許弟盛傳回籍治喪盛波仍留營盛傳尋卒所遺湖南提督即以盛波代署疏辭不允服闋實授十四年卒李鴻章疏陳戰績謂其治軍嚴而不苛人樂為用善察地勢審賊情部曲經其指授輒有家法防海以來所部為淮軍最大之軍諸軍助望無出其右詔優卹建專祠諡剛敏

周盛傳字新如盛波之弟盛傳借諸兄集丁壯團練咸豐三年粵匪擾合肥率百餘人擊敗之禽賊目馬千祿五年兄盛華陣亡盛傳與盛波分領團衆防戰數有功獎敘把總十一年赴援壽州擢千總同治元年盛波從李鴻章援江蘇盛傳充親兵管哨官從克嘉定及戰四江口累擢游擊三年回籍增募勇丁會攻太倉賊曾蔡元濠詐降設伏狙擊官軍盛傳獨殿備不為所挫越數日借諸

清史稿

列傳二百三

七

軍一鼓克之駐軍雙鳳嶺為賊所圍連戰三晝夜破之克崑山賜號勳勇巴圖魯攻江陰毀東門賊營城復摧參將迭戰東亭鎮興隆橋鴨城橋西倉遂克無錫功尤多超擢以總兵記名進攻常州三年進逼郡城南門賊突出拒盛傳且戰且築營賊屢抄後路皆擊退登石橋督戰橋斷墮水又受礮傷絕而復甦越數日裹創會攻擊城先登克常州詔以總兵遇缺先行題奏加提督銜以撫標親兵三營改為傳字營盛傳始獨領一軍移防溧陽尋會銘軍克廣德州四年調剿捻匪借兄盛波援雒河集自睢甯宿州轉戰而前將至捻酋任柱以馬隊突犯盛傳堅陣不動出奇兵抄賊後賊始卻會諸軍夾擊賊潰走以提督記名移防歸德五年春迭敗賊於考城鉅野城武荷澤詔嘉盛傳兄弟苦戰同被珍賚五月偕盛波破牛洛紅於亳州洛紅被創夜遁道死追賊扶溝鄆陵許州扼防周家口時以長圍困賊盛傳築買魯河長墻檄調為游擊之師解柘城羅山圍六年授廣西右江鎮總兵借盛波暨賊信陽譚富河斬賊逾萬追賊入山東至江北海州捻匪大衰是年冬任杜賴文光均就殲七年春偕盛波渡河會剿

張總愚敗賊於山東直隸之間守運河長墻盛傳伏炸礮於吳橋毛家莊合馬步逼賊入伏礮發賊屍蔽野既而在平台圍總愚走死賜黃馬褂盛波乞假養親盛傳代統全軍從李鴻章移師湖北九年從鴻章赴陝西剿回匪賊踞宜川山中督軍進剿破之於河兒川孔巖寨分兵於宜洛鄜延之間以遠勢兜圍先後禽賊酋馬志龍戴得勝北山悉平是年秋鴻章移督直隸疏調盛傳率所部屯衛畿輔十年移屯青縣馬廠十二年興修大沽北塘礮臺築內外土城各一大礮臺三環置小礮七十有一兵房藥庫倉廩義塾及城外溝河橋樑悉備以所部任其役捐盛軍欠餉以濟工費十三年九月工竣詔遇提督缺出先行簡放時鴻章奉敕興復京畿水利盛傳任事津沽屯田事履勘天津東南縱橫百餘里沮洳蕪廢議疏浚溶河渠引淡海鹹以變斥鹵光緒二年調天津鎮移屯興工開南運減河自新官屯抵大沽海口減河兩岸各開支河一橫河六溝洽河渠悉如法建橋樑五十餘處備蓄洩使淡水鹹水不相滲混成稻田六萬餘畝濱河斥鹵地沾水利可墾以億計至六年工竣八年擢湖南提督仍留鎮訓

清史稿

列傳二百三

八

練士卒悉用西法著操槍章程十二篇軍中以為法式十年丁母憂命改署理予假回籍治喪盛傳事親孝未幾以哀毀傷發卒詔優卹諡武壯建專祠潘鼎新字琴軒安徽廬江人道光二十九年舉人議敘知縣咸豐七年投効安徽軍營從克霍山擢同知十一年父璞領鄉團助剿被執不屈死鼎新督殺賊復仇請分兵攻三河鎮克之負父骸歸曾國藩聞而壯之時方創准軍令募勇立鼎新營同治元年從李鴻章援上海連克奉賢川沙南匯以知府用克金山又破賊虹橋擢道員二年攻福山鎮鼎新以開花礮炸賊壘克之解常熟圍授江蘇常鎮通海道以父喪未除改署任連破賊於楓涇及嘉善西塘加按察使銜克平湖乍浦海鹽獲賊銀三十餘萬兩充餉破賊於瑛城沈蕩新豐二年會克嘉興戰吳淞南潯會攻湖州賊拒守晟舍攻兩晝夜傷脅破昇山九壘奪三里橋直抵城下克湖州加布政使銜賜號敢勇巴圖魯蘇浙既定賜黃馬褂駐屯松江四年僧格林沁戰歿捻匪益熾機輔震勳詔徵勁旅入衛李鴻章遣鼎新率礮隊航海赴天津尋命所部十一營移駐濟甯擢山東按察使擊敗捻首

賴文光於豐縣陳家莊又追敗之於沛縣魚臺定陶五年敗賊於鉅野解鄆城圍築運河沿岸長墻開黑風口淤河引泗水灌之賊屢敗於西華太康寧至油坊岡鼎新夾擊殲其酋又追賊鄆城荷澤曹縣東明竄入河南境追擊於杞縣柿園嘉祥臥龍山六年遷山東布政使築新河濰河長墻會諸軍守之賊由東軍汛地偷渡濰河衝出南竄都司董金勝率馬隊尾追敗之莒州沭陽鼎新追至海州石榴橋據山下擊時賊尚五六萬連戰於馬陵山臥龍寨賊兩翼來犯鼎新為圓陣賊不能撼伺懈突擊斬敵甚衆追敗之剡城柴戶店海州上莊斬級千餘殲賊目楊天燕陳天福其酋李宗世等乞降加頭品頂戴捻首任柱賴文光先後就殲禽七年馳援畿輔鼎新至饒陽賊趨保定繞其前迎擊敗之尋破賊於滄州郭橋柳橋殲其酋羅六又戰高唐吳橋於捷地開滅河築長墻抵東昌迭殲賊於德平陽信商河與諸軍合擊西捻平子雲騎尉世職晉一等輕車都尉尋命從左宗棠剿回匪鼎新請開缺省親九年丁母憂服闋李鴻章奏留辦天津海防十三年授雲南布政使光緒二年就擢巡撫與總督劉長佑

清史稿

列傳二百三

九

不合二年命來京另候簡用乞假歸五年召天津隨辦防務七年回籍十年法越兵事起起署湖南巡撫調授廣西巡撫時徐延旭出關兵挫故以鼎新代之命按治提督黃桂蘭等失律罪讞擬經縱嚴旨斥責命督軍進諒山扼屯梅谷松堅牢請隘鼎新奏請諸軍歸雲貴總督岑毓英節制自為之副不允又私謂終歸和局以節餉為主不得士心初戰船頭紙作社奏捷十二月法兵大舉來犯諒山陷師退自請治罪詔帶罪立功十一年正月鎮南關失守總兵楊玉科戰死喪提督劉恩河以次十餘員鼎新傷肘墜馬倉皇失措退至龍州詔奪職法兵由甯封窺龍州賴馮子材蘇元春王德榜諸軍力戰大破之復鎮南關追躡連捷克諒山和議旋成鼎新乃解任回籍十四年卒於家李鴻章疏陳前功乞恩復原官

吳長慶字筱軒安徽廬江人父廷香在籍治團練咸豐四年殉寇難卹子雲騎尉世職見忠義傳長慶襲世職繼父領鄉團先後從官軍克廬江舒城擢守備十一年會攻克三河淮軍始創領五百人曰慶字營同治元年從李鴻章至上

海破賊於虹橋克奉賢南漣川沙又破寶山竄賊超擢游擊二年回籍募勇會李秀成糾眾圍廬江長慶登陴固守出擊賊走之事定率新募五營赴上海進攻楓涇西塘克之毀千竄賊巢摧副將規嘉善破張涇漣賊壘三年會攻嘉興左臂中槍督士卒緣城上克之以總兵記名賜號力勇巴圖魯自是分兵接浙閩迭克郡縣五年追叙以提督總兵儘先題奏七年從李鴻章剿捻匪轉戰河南內黃滑濬山東臨邑德州直隸寧津捻平賜黃馬褂晉號瑚敦巴圖魯調防江北駐軍徐州八年鼎軍譚雙長慶扼截斬其倡亂者眾懼服分別資遣數千人旬日而定事聞予議叙九年移駐揚州丁母憂予百日假仍留軍濬鹽河興水利尋復移屯江浦江陰十三年增募四營築江陰江甯礮臺光緒元年授直隸正定鎮總兵仍留防江南六合鄭民因漕重聚眾譁署長慶馳至諭散為請奏減漕額寧國教民白台清不法激變燬教堂搆訟建平人何洛被枉長慶往按得實為白於總督沈葆楨平反之率士卒濬江浦黑水河四泉河玉帶河兩年始畢工六年擢浙江提督尋調廣東水師提督未之任會法越軍事起命幫辦山東軍務四鎮皆歸節制率所部屯登州八年朝鮮內亂禁軍犯王宮殺大臣王妃失蹤燔日本使館日本且發兵命長慶率兵艦三往按治先日兵至廉知事山朝鮮王父大院君李是應所主至則是應尙踞王宮來謁留語及暮遣隊擁赴海口令兵艦致之天津次日擊散亂黨迎復王妃日本初欲藉故多所要挾見事已定氣為之沮詔嘉其功予三等輕車都尉世職遂留鎮漢城長慶在朝鮮兩年修治道塗救災卹民示以恩信國人感之十年命移防金州尋卒詔優卹建專祠諡壯武子其次子保初主事保初後官刑部上書言時政辭職歸長慶好讀書愛士時稱儒將保初亦文雅有父風

清史稿

列傳二百三

十

論曰李鴻章創立淮軍一時人材蔚起程學啟實為之魁功成身殞開軍遂微銘軍最稱勁旅樹軍盛軍鼎軍亦各駘新粵寇平而捻匪熾會國藩欲全湘軍末路主專用淮軍平捻多賴其力其後北洋籌防全倚淮軍而以盛軍為之中堅劉銘傳才氣無雙不居人下故易退難進守臺治臺自有建樹二張二周治軍皆有家法潘鼎新防邊失律不保令名吳長慶戰績雖亞諸人朝鮮定亂能

弭大變及甲午邊釁起宿將彭壽衛汝貴葉志超等庸才債事爲全軍之玷後起僅一聶自成庚子殉難淮軍遂燬四十年中盛衰得失於此見焉

清史稿

列傳二百三

十一

清史稿

列傳二百四

都興阿

富明阿

舒保

伊興額

關保

都興阿字直夫郭爾貝氏滿洲正白旗人內大臣阿那保孫父博多歡正黃旗蒙古都統都興阿由慶生授三等侍衛晉一等威豐三年從僧格林沁赴天津剿粵匪破之於杜家嘴擢頭等侍衛四年克獨流追賊阜城破連河濱賊壘五年克連鎮賊首林鳳祥就禽加副都統銜乾清門行走尋授京口副都統弟西凌阿督師湖北都興阿率馬隊往助勦復德安從總督官文進規武漢時官文軍北岸趨漢陽巡撫胡林翼軍南岸攻武昌都興阿率騎兵護水師敗賊沙口游漢陽西門六年賊由金鋪山上竄都興阿揮步隊迎擊分馬隊抄其後斬賊甚衆焚團風鎮屯糧斬其酋林翼燔漢陽城外賊艇賊登岸遁都興阿以馬隊遮殲之擢江甯將軍襲樊土匪方燧都興阿馳援襄陽解其圍進圍武昌賊糧

清史稿

列傳二百四

一

帶援絕棄城遁復武昌漢陽乘勝克黃州與國大治蕪水蕪州廣濟黃梅諸城賜號霍欽巴圖魯大軍進規九江南路李續賓主之北路都興阿主之七年賊由太湖竄窺黃梅都興阿空城誘之盡殲騎賊千餘其由獨山鎮來襲者馬步合擊禽斬數千進攻小池口令多隆阿等破段嶺楓樹坳獨山鎮賊巢陳玉成大舉屠至都興阿令多隆阿出黃梅鮑超屯孔曉自督馬步攻渡河橋平二十餘壘俘斬數千會合楊岳斌李續賓水陸軍攻童司牌壘平賊壘進克黃蠟山先後殲賊萬餘玉成遁走詔都興阿幫辦官文軍務攻小池口燔其城遂會克湖口破賊彭澤下望江東流八年會克九江被優叙復黃安麻城分軍破賊彌陀鎮南陽河復太湖借李續賓軍會攻石牌克之授荊州將軍會水師進規安慶奪集賢關薄安慶北門破賊壘環攻而李續賓戰歿三河桐城舒城再失都興阿率軍退保宿松多隆阿偕鮑超大破賊於花涼亭楚師復振九年會國藩奏請於安徽上游北岸添馬步三萬人以都興阿領其軍會病足薦多隆阿自代詔赴荊州本任十年江南大營潰上命都興阿帥馬步援江北而以曾國藩

總督兩江時英聯軍犯京師都興阿備北援馳抵壽州和議成命赴揚州督辦江北軍務十一年令總兵吳全美率師船攻和州江下關毀賊壘破內江口賊船都興阿樂川楚軍胡林翼分其軍以界關藩揚州兵單留徐州鎮總兵詹啟綸從剿令提督黃開榜焚三河賊船賊由儀徵犯揚州都興阿遣總兵士萬清防湖西自率三百騎出規賊賊衆萬餘列陣待都興阿令騎皆下自席地坐賊疑有伏不敢過後軍至奮擊破之賊又糾蘇州句容悍黨分犯瓜州鎮江都興阿乘其壘未成令營總杜嘎爾率馬步軍衝擊自督隊繼之賊大潰解收輪乘勢踰毀甘泉山賊壘鎮江圍解調江甯將軍仍駐揚州督江北軍文武悉聽調度令副都統海全等破後石橋賊營賊由常州窺鎮江總兵黃彬統水師擊敗之都興阿馳抵天長城下平其壘卡賊酋魁長春遁走沿途殺賊黃彬等破賊船小河口太平港平瓜埠賊巢會江南提督李世忠收降六合天長二城同治元年江浦浦口復陷賊進犯揚州北營甘泉山南互棧樹灣都興阿親督諸軍連擊敗走之時上游諸軍連克沿江要隘進薄江甯都興阿令總兵李

清史稿

列傳二百四

二

起高駝至浦口襲攻觀音門燕子磯為聲援會國荃大營為援賊所圍遣副將楊心純率二千五百人赴援入濠助守又令黃彬率水師援九洲洲二年賊謀入裏下河都興阿過之不得逞別遣副將梁正源會江南軍焚中關下關賊舟李起高會收江陰三年江甯合圍江北無警而陝甘回亂益熾都興阿赴綏遠城督防時甘肅甯夏漢城陷於賊滿城待援召都興阿入覲關西安將軍督辦甘肅軍務陝甘總督江甯克復論功予騎都尉世職六月都興阿至定邊奏言回會馬化澂起雲州金積堡占踞城堡蔓延千里定邊距離尙遠宜進兵花馬池三路合攻方期得力令杜嘎爾等由草地繞石嘴山渡河攻克麥家村紅柳溝賊巢追至寶豐賊三路出撲擊敗之復寶豐解平羅圍軍進渠公堡都興阿慮深入無繼奏調荆州將軍穆圖善會勦賊首馬叱咤踞通成傑突出戰為杜嘎爾等所敗退踞清水堡都興阿移營進逼絕其糧道攻克之進金貴堡王格莊去甯夏城二十里敗西路援賊城抄官軍後都興阿督諸軍迎擊賊大潰四年列陣城東誘賊出擊敗之拔南路賊圩鹽池固原窺匪蹊安化元城

鎮窺竊條梁糧路都興阿遣軍分防花馬池定邊寧條梁而靖遠南山賊焚堡據塢修堰將決渠困官軍乃移屯城南賊又踞隄築壘斷水道並擊退不得逞都興阿親督隊敗賊於金貴堡分軍屯定邊花馬池賊由固原趨平羅寶豐截擊於金貴堡敗之杜嘎爾擊賊於磴口斃其酋馬生顏花馬池定邊兩路同捷賊首孫義和甯夏賊勢漸蹙詭辭乞撫計殺兵而潛決西河水灌官軍都興阿拒其降益修戰備進解滿城圍克城東賊圩敗之西門橋分軍擊走大水坑吳中堡踞賊斬回會馬有富軍威頗振會奉天馬賊猖獗調都興阿盛京將軍移勦而以穆圖善代之穆圖善主撫甯夏賊尋降納械縛渠以獻五年穆圖善劾都興阿受降入城仍戮回會章保立部下殺掠詔斥都興阿勦撫無定見下議褫職改留任都興阿至奉天馬賊漸平奏定緝捕章程搜勦餘匪尋定七年西捻張總愚竄畿輔李鴻章左宗棠率兵入衛賊流竄直隸河南山東數月未定詔召都興阿入京管理神機營授欽差大臣以副都統春壽提督張曜宋慶侍衛陳國瑞四軍隸之列名在鴻章宗棠上視師天津捻匪尋蕩平仍回

清史稿

列傳二百四

三

本任光緒元年卒於官賜卹贈太子太保諡清愍奉天士民請與大學士文祥將軍崇實合建三賢祠揚州亦請與將軍富明阿合祠西凌阿都興阿弟由拜唐阿授侍衛道光中從揚威將軍奕經援浙江迭管頭等侍衛累擢察哈爾都統咸豐三年率黑龍江騎兵從琦善防浦口因不能阻粵匪北竄褫職留營責令追賊借將軍托明阿等馳解開封圍又敗之汜水賊渡河圍懷慶援軍會集西凌阿戰最力圍解復原官追賊迭戰王屋邵原平陽洪洞由山西入直隸命幫辦勝保軍務至靜海賊蹤始定會軍圍攻四年春賊走阜城西凌阿追至後康莊破之從僧格林沁連破城外賊屯賊走踞東光連鎮攻戰數月西凌阿常為軍鋒五年正月克之禽賊首林鳳祥予二等輕車都尉世職賜號伊精阿巴圖魯又從僧格林沁克馮官屯俘李開芳錫封三等男爵授欽差大臣督辦湖北軍務初至隨州戰不利命其兄都興阿往助尋褫職以官文代督師從復德安府城復原官留駐以固北防六年僧格林沁薦之率馬隊赴河南剿捻匪七年復以屢挫褫職留任破張洛行白龍王廟老巢復之八年命駐防山海關十

年授鎮藍旗蒙古都統從僧格林沁赴山東勦擒匪尋命督辦軍務十一年戰
荷澤失利下部嚴議破賊於東昌焚賊巢克七級鎮進克張秋又破曹州紅川
口匪圩進敗賊於劉家橋大張寺同治元年以疾回京授鎮藍旗漢軍都統
五年卒賜卹諡勇毅福興穆爾察氏滿洲正白旗人都統穆克登布曾孫以一
品廕生授三等侍衛山爲直隸懷安路都司累擢督標中軍副將咸豐元年擢
廣東高州鎮總兵二年平羅鏡匪凌十八及鬱林博白土匪賜號剛安巴圖魯
擢廣西提督命授湖南借向榮分路追賊湖北以邊延奪職留營三年從授江
甯屯朝陽門外屢擊賊予三品頂戴充翼長借提督鄧紹良破賊東埔復高淳
會克太平回軍江甯迭擊賊於高橋門上方橋通濟門兩花臺皆一品頂戴署
江甯將軍母憂奪情留軍六年授西安將軍幫辦向榮軍務借張國樑援鎮江
敗賊丁卯橋江甯大營潰向榮退保丹陽上切責諸將福興革職留任榮病卒
命借張國樑同任防勦上聞福興與國樑不和諭怡良察之遂命福興赴江西
會辦軍務七年復樂平攻東鄉金谿石達開自安慶竄浮梁樂平圍貴溪八年

清史稿

列傳二百四

四

正月福興至弋陽賊來犯福興兵少多爲疑兵賊不敢逼擊走之竄浙江福興
進屯衢州東關賊迭來撲皆擊退回駐玉山防賊復竄廣信尋又赴衢州攻東
關賊營福興右股受傷尋以傷重乞假召回京十一年署鎮紅旗漢軍都統同
治四年從尙書文祥會勦奉天馬賊戰大凌河北井子禽斬甚衆進援吉林迭
破賊於張登望城岡署盛京將軍五年禽賊首馬復仔於黃旗堡陟之事平凱
旋授察哈爾都統調綏遠城將軍六年以舊傷發乞休光緒四年卒賜卹諡莊
愨
富明阿字治安袁氏漢軍正白旗人明兵部尙書崇煥裔孫崇煥宛死家流寓
汝甯有子文弼從軍有功編入甯古塔漢軍五傳至富明阿以馬甲從征喀什
噶爾授驍騎校洊升參領咸豐三年從欽差大臣琦善軍揚州戰於洞清鋪受
槍傷裹創奮鬪斬敵數十擢協領特賜玉釵四年破賊瓜洲賜花翎管帶甯古
塔兵五年戰虹橋戒所部距賊二十步始發矢射斃賊酋分兩翼搜伏賊賊潰
走加副都統銜六年授甯古塔副都統迭敗賊於徐家集硯臺山攻瓜洲又率

隊及六合練勇攻江浦敗賊於十里橋賜號車齊博巴圖魯又敗賊於樸樹灣
土橋五新橋七年會攻瓜洲連敗賊富家井白廟以副都統記名是年冬克瓜
洲詔以副都統儘先題奏充江北軍翼長進攻江浦八年春迭破賊復其城
進屯六合攻滁州克來安加頭品頂戴八月德興阿兵敗浦口富明阿馳援失
利傷亡幾半退儀徵收集散卒復成軍扼萬福橋破賊於運河東授甯古塔副
都統借張國樑克揚州儀徵又破賊於冶鋪橋九年德興阿以失律罷黜江北
軍不置統帥命歸和春節制別選謀勇可當一面者和春以富明阿薦劾辦
和春軍務時六合浦口皆未復富明阿督軍進攻迭戰百龍廟李家營及六合
城外既而賊數萬撲營分股繞襲後路遂大挫富明阿身被十二創詔許開缺
回旗醫治傷已成殘命以原品休致食全俸十一年召至京命訓練京營同治
元年授正紅旗漢軍都統管理神機營尋命赴揚州幫辦都興阿軍務江北裏
下河十餘縣未被賊擾鹽場之利如故借都興阿疏請運鹽濟餉軍用得給長
江下游南北岸要口四十餘處排槽駐船分撥水師扼要駐防疏陳部署情形

清史稿

列傳二百四

五

詔特嘉其諳悉地勢賊屢糾擒匪窺伺江北迭擊走之分軍渡江助馮子材守
鎮江是年秋親率精銳援臨淮會僧格林沁勦苗沛霖詔幫辦軍務令部將詹
啓綸克蒙額會陳國瑞等進攻連破賊沛霖伏誅傷發請假就醫准疏陳皖
北圩練之弊詔下僧格林沁會國藩議加整頓三年春都興阿赴陝甘勦回詔
促富明阿回揚州坐鎮署江甯將軍尋實授遣詹啓綸率兵渡江助勦克丹陽
賜黃馬褂江甯克復予騎都尉世職仍督所部水陸諸軍留防江北於是裁撤
紅單船由提督吳全美率回廣東酌裁陸軍數千疏言江甯駐防亂後僅存男
婦六百餘人現設官二十七員兵二百五十八名稍存營制京口駐防尚存四
千餘人官兵挑補足額俸餉不能全支房屋均已焚毀請飭撥餉修葺房屋使
有依歸從之四年因骸傷未痊請開缺予假赴京醫治許坐肩輿至京仍命管
理神機營傷病久不愈詔允回旗五年起授吉林將軍督勦馬賊力疾進搜山
險遣將分捕數月肅清招撫金匪開闢開田至數萬頃不及十年遂開建郡縣
焉在任四年復以傷病陳情乞罷允之仍在家食全俸光緒八年卒優卹諡威

勤吉林揚州請建祠子壽山官至黑龍江將軍光緒中俄羅斯犯邊殉難永山官三等侍衛亦於鳳皇城拒日本力戰死事皆有傳

舒保字輔廷舒穆魯氏滿洲正黃旗人由護軍累擢護軍參領咸豐四年從僧

格林沁勦粵匪攻圍連鎮賊乘大風出窺舒保截殲之五年竄踞馮官屯引水

灌之功最賊渠俘獲加副都統銜荆州將軍綿洵奏調赴湖北率馬隊破賊德

安六年迭破黃州李先集團風賊壘胡林翼之圍武昌也官文令舒保率馬隊

三百渡江助戰賊援賊分八路來犯舒保以勁騎馳突賊大奔平魯家港賊

壘又敗之沙子嶺小龜山雙鳳山旬日之間大小二十八戰胡林翼奏稱舒保

馬隊之力特多賜號倭什洪額巴圖魯借知府唐訓方合勦襄陽土匪迭敗之

黃龍橋余山店解襄陽圍克樊城老河口賊巢復光化房竹山三城雪夜禽匪

首高二張家集誅之襄陽平餘匪遁入河南境陷內鄉七年舒保躡至會豫軍

殲之八年授鎮黃旗漢軍副都統舒保方駐防商城而賊由六安進犯湖北陷

麻城急回軍趨黃州南勇敗於望天畝為賊追逼舒保迎擊戰一晝夜賊始退

清史稿 列傳二百四 六

又借李續宜破諸蘄水時欽差大臣勝保援固始兵未利而商城又告警勝保

嚴檄舒保助勦胡林翼疏言舒保樸訥忠勇在楚有年洪山之戰襄陽之役蘄

黃之捷實能為人所難為從無就易避難之意今以特簡二品大員勝保乃嚴

札驅迫加以苛辭師克在和古有明訓束縛馳驟必誤戎機挾權任術馭不肯

之將或可取快一時若忠良之士不煩督率而自奮也臣謂舒保一軍應審楚

豫各路賊勢相機進剿毋庸強歸鄰省節制調遣上命舒保仍回羅田麻城勦

賊固始圍解陳玉成復犯湖北舒保借續宜破之麻城李續宜既克九江會師

攻黃安下之既而續寶戰歿三河楚邊大震舒保以所部四百騎自武昌東下

林翼次黃州增舒保軍千人以新補西丹游牧斬水上巴河而令率舊部赴太

湖為多隆阿聲援會別賊又陷德安黃州孝威請府縣將軍都興阿檄調舒保

未至奏劾其觀望下部議十一年借道員金國琛會攻德安先克孝威復會水

陸軍圍攻德安克之加都統銜同治元年授護軍統領粵捻諸匪分兩路竄湖

北總兵穆正春擊其西路舒保擊其東路連敗之於黃陂廣濟應山賊竄回豫

境賜黃馬褂賊復回應山撲孝威城舒保啓南門奮擊賊已卻突別賊數千潛

由北城入副都統德克登額署知縣韓體震等死之舒保還戰城中賊復敗逸

追殺三十餘里二年賊由應城圍襲漢口為官軍所卻轉撲孝感舒保迭戰李

家灣倉子埠陣斬老捻千餘遂引去被珍寶三年擊捻匪於德安西追抵壽山

日暮層岡深澗不利騎戰賊來登衆舒保陷重圍中越坎落馬力竭陣亡贈太

子少保子騎都尉兼雲騎尉世職入祀昭忠祠湖北建專祠設貞恪

伊興額原名伊清阿字松坪何圖哩氏蒙古正白旗人吉林駐防從征喀什噶

爾除騎校授侍衛入京召對宣宗以原名不合清語命改名伊興額道光

十九年擢三等侍衛改隸滿洲咸豐二年自請從軍發揚州大營琦善令授江

浦初至示弱不戰斫賊營大敗之柳樹壩破九洲洲果擡頭等侍衛賊圍和州

急伊興額不待令督軍進擊解其圍駐江浦三年六年勦捻匪夏白任仲勉於

滄河北岸殲賊二千餘仲勉斃於陣夏白糾雉河賊黨圍宿州伊興額率千騎

往援四戰皆捷解其圍分軍防徐州宿州張洛行來犯偕總兵傅振邦擊走之

清史稿 列傳二百四 七

時額老蒙宿諸捻蜂起徐宿百里內宴然耕獲不輟賊首王廣愛梁振貴眾數

萬眾張七家樓圍北竄伊興額選精銳數百疾馳掩入賊壘禽王梁二賊賊黨

來援擊走之以副都統記名賜花翎七年招降王家城捻黨陳保元五千人斬

其渠李月賜號額圖渾巴圖魯因病回徐州勝保劾其不遵調度報捷不實視

翎頂尋率馬隊攻喬家廟禽斬捻首梁思住夜進攻鄭家城殲賊渠劉大淵偕

總兵史榮椿破賊趙家屯過河兩岸肅清復翎頂八年授正紅旗蒙古副都統

破捻匪於紀家莊解蒙城圍攻薛家湖賊巢傷股裹創力戰毀其城加頭品

頂戴尋捻首劉添祥由六安北竄眾號數萬伊興額以孤軍無援退屯蕭縣賊

陷豐縣坐奪職九年春起佐傅振邦勦捻接統袁甲三所部兵詔復職督辦河

南軍事伊興額率騎千三百赴援賊商水老湖坡賊眾數倍列車陣拒戰潛

分兵繞賊後夾擊之賊潰走窮追三晝夜歷沈邱項城至太和孫家圩先後斃

賊二萬餘被旨嘉獎時總兵邱聯恩戰歿舞陽去商水二百里及戰勝舞

陽賊聞風遁勝保復奏劾伊興額性情乖僻商水之役僅擊退別股並未迎剿

舞陽賊衆僅六千而疏報輒稱二萬三千詔奪頭品頂戴交勝保差遣所請獎
老湖坡戰勝員弁下署漕督袁甲三察奏伊興額遂謝病回徐州距復起僅三
月尋詔飭赴甲三營剿賊稱疾不赴蕭縣民鄭立本等以伊興額去賊復熾叩
閩請還鎮德榜復代奏徐州紳民以伊興額在徐養病請飭就近治軍先後
諭詢伊興額病狀伊興額固以篤疾辭上怒視職勅令回旗都察院奏上安徽
監生張鴻文呈言伊興額前功懇令總辦討賊事宜不報十年僧格林沁疏薦
予六品頂戴尋加三品敕辦徐宿團練伊興額再起其舊部多不隸麾下所將
五百騎未及訓練以賊竄曹州僧格林沁趨援十一年春偕徐州鎮總兵滕家
勝率騎二千馳往擊賊於東平汶上累捷追至臥虎岡風糧忽作急退楊柳集
伏起家勝馬蹶歿於陣伊興額揮百餘騎衝入賊中索之不得突圍出從騎僅
隨者十餘人賊圍之數日力竭死之詔復原官予騎都尉世職壯愍建祠徐
州汶上宿州永城滕家勝湖南乾州廳人由行伍從江忠源剿賊湖北累擢游
擊繼從袁甲三剿捻於皖豫之間擢參將賜號伊博格巴圖魯勝保薦其少年

清史稿

列傳二百四

八

勇敢超授四川北鎮總兵調徐州鎮幫辦徐宿軍務家勝舊隸伊興額部下
至是同戰歿贈提督予騎都尉並雲騎尉世職諡武烈
關保烏扎拉氏滿洲正黃旗人吉林駐防道光初從征喀什噶爾有功洊升三
姓佐領咸豐三年隨侍郎恩華剿粵匪解懷慶圍追敗之平陽屯正定勝保檄
充營總勦賊於深州靜海攻獨流鎮協領四年從僧格林沁戰阜城三里莊
槍傷額奮擊破賊賜號年昌阿巴圖魯從勝保援臨清追賊至豐縣殲之以總
管升用五年從僧格林沁克馮官屯從西凌阿赴湖北尋調河南又調安徽從
和春克廬州加二品銜六年偕副都統麟瑞破賊五河斃黃衣賊目二人殲賊
千餘敗邳州援賊解濟州圍擊賊嶺上五戰皆捷所部馬隊各省爭欲得之助
勦尋隸河南巡撫英桂軍敗賊馬村橋進亳州雙溝遇賊姬橋殲之又連敗賊
三丈口舊縣集安徽巡撫福濟疏調赴蒙城英桂仍請留河南詔令和衷商榷
先赴所急其冬率軍趨懷遠越境敗捻匪於徐州漕運總督邵燦疏請留徐州
報允七年偕總兵史榮椿攻永城岳家集擒首李月先遁焚其巢尋以病歸八

年命率吉林黑龍江察哈爾兵千八百赴袁甲三徐州營九年會攻滄北擒首
曹金斗破其圩乘勝擊擒首張寶全破之張洛行陷泗州踞草溝民寨關保率
民團奪圩外礮臺燬其寨賊分竄自相踐踏餘賊竄五河雙渡口奪船爭渡追
殲過半禽賊目張起等以副都統記名命幫辦傅振邦三省勦匪事斬擒首張
添福進擢任乾舉圩圩民內應斬餘黨盡殲接統伊興額軍命督辦河南防
務佐振邦勦匪三省如故授黑龍江副都統破亳州竄匪擒首孫葵心聚黨永
城圍分竄詔勿令攔入山東邊境飭關保截賊西路逼之歸巢已而賊衆二萬
分撥商邱柘城圍睢州開封戒嚴上命由鹿邑赴援賊趨蘭儀分擾通許尉氏
關保馳抵陳留合諸軍夾擊賊南走馳援許州遣副將王鳳翔率騎兵敗賊洪
河北岸又敗之臨潁城下陣禽葵心親屬孫奎夜簡精騎劫賊營斬賊無算拔
離民千餘賊東奔偵別賊竄扶溝太康要擊之王隆集沿途搜捕豫境肅清十
年命勝保督辦河南軍務關保仍副之賊擾虞夏邑鹿邑遣將擊走之俄又大
至逼近省垣詔詰責尋轉戰汝寧確山皆捷分兵破賊鹿邑劉集解邱集團賊

清史稿

列傳二百四

九

復糾黨來攻擊走之傷發子假調理同治元年赴黑龍江任八年卒
論曰都興阿雅量寬閔知兵容衆胡林翼稱其有豐鎬故家遺風當時滿洲諸
名將牛出部下舒保亦以樸勇爲林翼所倚重及林翼歿無人善用倉卒殞寇
世咸惜之富明阿始終江北軍事其助勞出托明阿德興阿之上晚膺邊寄亦
稱賢帥伊興額勦捻盡瘁最得民心爲驕帥騎斃未竟其用關保善將騎軍帥
爭相引重其遭際爲獨幸焉

清史稿

列傳二百五

袁甲三 毛昶熙

袁甲三字午橋河南項城人道光十五年進士授禮部主事充軍機章京累遷
 郎中三十年遷御史給事中疏劾廣西巡撫鄭祖琛慈柔釀亂又劾江西巡撫
 陳阡賄賂交通皆罷之戶部復捐例疏請收回成命咸豐元年粵匪起兩河豐
 北決口上疏極論時事皆切中利弊二年粵匪竄湖南疏言總督程晉采為守
 土之臣責無旁貸若復令賽尚阿持節移軍誠恐誤過爭功互相掣肘請命賽
 尚阿回京專責程晉采便宜行事如有疎虞按律定罪並言湖北巡撫龔裕聞
 賊入境託疾乞休尤宜嚴懲以昭炯戒又列欵奏劾定郡王載銓寶弄權勢擅
 作威福及刑部侍郎曹元貪鄙險詐詔事載銓狀詔載銓所收門生寶據疏
 請飭呈出所給息肩圖事皆得實載銓坐削王俸奪領侍衛大臣兼官書元及
 尚書恒春降調題圖者降謫罰俸有差於是直聲震中外三年命赴安徽佐侍
 郎呂賢基軍務粵匪陷鳳陽府踞明淮關煽動土匪連陷蒙城懷遠甲三至軍

清史稿 列傳二百五

一

疏言賊勢未遽北犯請飭諸臣勿涉張皇急圖制賊命權盧鳳道洪回相圍
 穎州遣兵解散誅首亂事即定會漕運總督周天爵卒於亳州命代領其軍時
 土匪合五十八捻為一勢甚張甲三至王市集收散勇整民團擊賊高公廟破
 之加三品卿銜命署布政使疏辭不赴請專治兵事允之命專勦捻匪破賊標
 里舖禽其渠鄧大俊鄉團先後禽獻者二千餘悉置之法十月粵匪由安慶竄
 踞桐城尋陷舒城呂賢基死之上命移軍桐城甲三疏言捻首張茂匪懷蒙間
 窺廬郡請先赴蒙毫為諸郡聲援時捻匪屠蒙雉河集甲三令縣丞徐曉峯擊
 破之禽賊渠孫重倫分兵擊敗臨湖鋪竄匪禽賊渠官步雲馬九並其日數十
 人令遊擊錢朝舉知縣米鎮攻懷遠大破之張茂負傷遁十二月賊陷廬州巡
 撫江忠源戰歿甲三劾陝甘總督舒興阿擁兵坐視視其職並請撥兵防壽州
 六安以杜旁擾四年二月粵匪陷六安竄蒙城甲三進據蒙城賊走水城甲三
 恐其趨宿徐阻糧道急躡之賊已濟河不及而還賊尋復南竄連敗之颍州正
 陽關餘賊退六安還軍蒙毫剿捻匪擒臨湖鋪進偏雉河集賊空巢誘官軍甲

三偵知盡泊船南岸令知州張家駒陣河干參將朱連泰李成虎敗賊馬家樓

追之渦河殲賊殆盡遂破義門集捻首張捷三遁去甲三移屯臨淮地數被兵
 比戶凋敝既至討軍實撫殘黎眾皆樂為之用超擢左副都御史疏言皖軍以
 克復廬州為急宜出偏師赴南路斷賊接濟尋以賊陷和州窺江浦將北竄分
 遣將扼關山赴滁河鳩團練為聲援十月北路捻匪復熾令張家駒朱連泰率
 軍破之於寺覺集粵匪踞烏江令盧鳳道張吉第擊敗之賊夜結五壘於駐馬
 河乘其初至薄之殲禽甚眾令參將劉玉豹舉人臧紆青規桐城連奪大小關
 擊走廬江援賊紆青戰甚銳進攻桐城西門賊山安慶潛山來援城賊出應之
 紆青戰死玉豹收餘眾退保六安五年疏陳軍事略曰北路以臨淮為要正陽
 次之臣駐臨淮牛鑑扼正陽以防賊北渡廬州為中路和春福濟師老力疲久
 攻不下西路蕪黃無處非賊兵力過單東路沿江鉞魚帶西梁山賊船賊學來
 去無常張光第等分軍進攻然無水師夾擊終難收效目下悍賊力爭江路羣
 衆上游廬州有機可乘請益厚兵力分扼廬城東南或增兵並勦舒巢俾其應

清史稿 列傳二百五

二

接不暇庶可一鼓而下時准北官吏甲三欲有更調和春福濟意不合甲三專
 奏詔仍飭會銜於是和春福濟疏劾甲三堅執已見並劾其株守臨淮粉飾軍
 情擅裁餉銀冒銷肥己召回京部議褫職甲三呈訴被誣下兩江總督按治事
 得白甲三在淮北得軍民心其去也軍民泣留者塞道未幾捻首張洛行勾結
 皖豫諸捻勢益熾懷遠民胡文忠雲子女徒步京師控都察院求以甲三回鎮
 格不達懷狀自縊言官孫觀曹登庸宗稷辰先後疏請起用疆臣怡良吉爾杭
 阿何桂清亦交章論薦六年二月命隨同英桂勦捻河南甲三赴歸德招集舊
 部三戰三捷進解亳州之圍毀白龍王廟若破燕家小樓賊數萬直搗雉阿集
 禽蘇天幅洛行僅身免特詔嘉獎命以三品京堂候補洛行尋復糾黨犯穎州
 擊走之又踞雉河集七年平王鄧宋姚諸圩誅捻渠李寅等百餘人授太僕寺
 卿賜花翎勝保督師攻張洛行於正陽關久不下奏請甲三合剿令部將朱連
 泰史榮椿攻韓圩克之八年偕勝保解固始之圍復六安史榮椿破捻匪於銅
 山斬其渠孫大旺移軍宿州襲賊王家圩誅賊首王紹堂等乘勝復七圩七月

命代勝保督辦三省剿匪事宜張洛行方踞陳家莊擊走之分兵復豐縣未幾
蒙老諸擒入歸德窺周家口甲三令子保恒借總兵傅振邦馳援賊遠趨西北
偪開封振邦追賊及之太和李興集保恆集團勇扼橋口馬步合擊大破之殲
斃數千遂賊出河南境賜號伊勒圖巴圖魯疏言兵分則勢孤合則勢盛擒匪
踞地千餘里臣兵不過數千不能制賊死命請敕各督撫合力大舉為掃穴禽
渠之計九年正月擊張洛行於草溝破其巢追至沱河多溺水死復擊之雙渡
口洛行泗水免勝保與甲三意不合屢疏詆之詔斥甲三督剿牛載但防徐宿
不掃賊巢日久無效召回京入覲而陳軍事四月命署漕運總督尋勝保以母
憂歸命署欽差大臣督辦安徽軍務實授漕運總督進攻臨淮關南岸斷其
糧道降捻內應斬關而入生禽賊首顧大剛等遂克之十年進規鳳陽屢戰皆
捷鄧正明以府城乞降張元隆猶據縣城誘出誅之並誅悍賊三百餘人未匝
月拔兩城詔嘉調度有方賜黃馬褂命其子保恆赴軍差遣擒匪陷清江浦窺
淮安令道員張學醇擊走之乘勝復全椒粵匪陳玉成來援分擾滁州令李世

清史稿

列傳二百五

三

忠夾擊走之是時江北無統帥揚州叛將薛成良擁眾剽掠亟發舟師扼高寶
諸湖成良走依李世忠甲三責以大義即縛獻成良斬之以徇令保恒合總兵
張得勝副都統花尙阿各軍圍定遠陳玉成糾眾來援會合捻匪撲鳳陽據九
華諸山連營數十里城中食且盡甲三令參將黃國瑞潛率銳卒四百夜薄九
華山躍入壘城上發礮應之賊大亂棄營走圍乃解是年秋英法聯軍入京師
車駕幸熱河甲三請率兵入衛詔以臨淮為南北筦鑰止勿行和議定條上四
事曰慎采納節糜費精訓練選將才下所司議行復疏請還京泰西諸國欲助
兵討賊甲三力陳非策皆報聞十一年張洛行屯聚過河北令李世忠擊走之
練總苗沛霖者鳳臺諸生健猾為閭里雄以團練功累擢川北道加布政使銜
然不冠服令其下稱先生所平賊圩輒置長收其田租緣道設關墜斷公私
過河沿河之間跋扈自恣甲三屢驅糜之用以牽制捻匪勝保尤信用沛霖沛
霖亦深與結納內懷反側憚威不敢猝發至是藉口其練勇被害懷遠圍壽
州巡撫翁同書為所劫持殺壽州團練徐立壯囚孫家泰亦自盡而壽州之圍

清史稿 卷四二四

仍不撤道其黨荷懷開犯河南受粵匪封職令練眾蓄髮四出搜掠於是詔
沛霖職命甲三會諸軍進剿同書罷去賈燾代署巡撫復於穎州被圍會張洛
行大舉渡淮甲三移軍擊之洛行敗走甲三屯長淮衛解散沛霖屬圩二百餘
處十一月保恒借總兵張得勝等克定遠粵匪遁走進拔六合天長同治元年
會克江浦浦口移軍會多隆阿軍攻廬州克之陳玉成走壽州投苗沛霖執送
勝保軍誅之於是勝保為沛霖乞恩免罪責剿捻自効伴奉命而備佩如故甲
三策沛霖終為患疏陳大勢先剿羣捻次沛霖苗李續宜撫皖而自移師會僧
格林沁軍擊捻匪上報可尋以病劇乞罷允之前因壽州失陷部議革職特詔
寬免既受代行至歸德疏陳四事請崇聖學議政親臣專心國事用人宜審聽
言宜斷上嘉納之復奏苗練終難就撫二年春沛霖復叛圍蒙城羣捻助之詔
甲三在籍會籌防剿臨淮軍苦飢乏甲三奉命急籌接濟乃倡捐募敢死士出
間道運至蒙城捻匪兩犯陳州甲三病已亟擢前授將吏方略擊走之尋卒優
詔賜卹諡端敏擢其子保恒侍講學士保齡內閣中書陳州臨淮淮安并建專

清史稿

列傳二百五

四

嗣後淮安請祀名宦河南請祀鄉賢子保恒字小午道光三十年進士選庶吉
士授編修從父軍中咸豐五年詔允留軍差遣七年從解亳州圍拔白龍王廟
寺兒集雉河集賊壘進攻三圩戰最力勝保以聞加侍講銜賜花翎八年會攻
懷遠擒首李大濤奪其糧重又大破孫葵心劉狗於太和賜號伊勒圖巴圖魯
九年甲三罷軍事保恒回京供職十年復命保恒赴甲三軍破賊定遠辦軍
務穆騰阿上其功甲三力辭上諭甲三不必引嫌十一年破苗沛霖為張士端
於懷遠會克定遠同治元年連擢侍講侍讀庶子甲三以病解職命保恒仍留
軍尋丁繼母憂歸二年從甲三督治陝州團防甲三尋卒卹典推恩命保恒以
侍講學士即補淮北初平保恒疏陳善後八策請以逆產絕產募民屯墾整頓
兩淮鹽務以濟屯田經費又密陳李世忠驕恣難制請加裁抑三年保恒以屯
田議未即行請詣京與廷臣面議詔斥不諳體制下部議降一級以鴻臚寺少
卿候補服闋赴京廷臣交薦其才七年擒匪犯畿輔保恒自請効力戎行命赴
李鴻章軍委用捻平加三品銜授侍講學士從陝甘總督左宗棠赴陝西八年

五六九

命完西征糧盡許專摺奏事十一年遂詹事肅州克復加頭品頂戴十三年連
 擢內閣學士戶部侍郎保恒督餉凡五載諸軍欠餉糾葛靡無缺及大軍出
 關詔襄辦左宗棠轉餉事進駐肅州保恆請入覲未許光緒元年召回京兼署
 吏部侍郎二年調刑部侍郎保恆久歷兵間審於世變屢上疏論時事請辨人
 材厲士氣收人心言甚切直又言歷觀各國情形惟俄為最強最狡往往不動
 聲色布局於十數年以前肆毒於十數年以後履霜有象桑土宜先伏願特簡
 久經戰陣熟習韜略之治兵重臣專辦東三省練兵事務凡屬兵馬餉糈邊防
 之事悉以屬之重以事權寬以歲月無事則可消覬覦之萌有事則可為撻伐
 之助用以拱衛神京懾服他族根本至計未可委之一二不相統轄之武臣謂
 可威強鄰而彌外患也福建之臺灣僻處海濱物產豐饒民番逼處非專駐大
 臣鎮以重兵爭以威信舉民風吏治管制鄉團軍事實力整頓未易為功若以
 福建巡撫每歲半載駐臺恐閩中全省之政務道路懸隔而轉就拋荒臺灣甫
 定之規模去住無常而終為具文請改福建巡撫為臺灣巡撫駐臺而以總

清史稿

列傳一百五

五

督辦福建全省專責成疏入下部議行三年河南大旱命保恆襄辦賑務
 既至疏陳沿途流民狀先令州縣停徵四年奏請截留江南漕糧九萬石不許
 請借直隸平糶餘米三萬石許之又請借用江蘇義倉積穀及臺灣捐修鐵路
 洋銀五十萬圓下部議令歸還之法保恆請緩禁川鹽行楚加抽鹽釐備抵
 賑需為兩全之計疏入仍下部議保恆查賑所至屏絕供張服食粗糲刊賑章
 二十二則頒行就孔道設粥廠就食省城者凡十餘萬人極息得所時親視察
 感疫病卒優詔賜卹設文誠河南省城建專祠附祀陳州臨淮甲三祠
 毛昶熙字旭初河南武陟人父樹棠官至戶部侍郎昶熙道光二十五年進士
 選庶吉士授檢討咸豐五年遷御史轉給事中屢上疏論軍事吏治勅步軍統
 領聯順徇私廢法罷之甚負清望八年授順天府丞胡林翼密疏薦之十年加
 左副都御史銜命督辦河南團練至則規畫全局定條規十二事築堡塞扼要
 隘擇首事選團丁籌公費互教授定約束申號令公賞罰詰奸宄旌忠義而終
 之以實力奉行并疏陳調練民勇苦累之弊亟宜改辦鄉團以紓民力尋命督

辦勦匪事宜駐軍歸德亳州擒匪犯鹿邑督練勇擊走之分路馳勦九戰皆捷
 十一年疏言擒逾萬官軍馬隊過單院像交界之區皆平原曠野步隊無以
 制賊死命今豫境修築寨堡已有成效應責令寨長各選壯丁一名馬一匹投
 效來營歸陳兩屬約可得馬隊三四百名上命推廣其法行之擒匪偏省城圍
 通許昶熙檄軍援之圍立解因疏言軍令不一將士無所適從宜會合撫臣以
 一事權上命巡撫嚴樹森督辦河南勦匪事宜昶熙副之仍兼辦團練三月克
 唐縣擒匪趙國良犯兗州陳大喜犯汝陽并擊走之尋以誤用逃犯李占標降
 三級調用暫免開缺大河以南府廳州縣團練皆成立屢敗賊詔開復處分連
 擢順天府尹太僕寺卿內閣學士仍留軍穆宗即位昶熙請謁文宗梓宮面陳
 機要未許命以軍事密疏入告疏上制擒要策略曰年來勦擒未得要領其誤
 有二一在專言防堵預徐歸陳平原千里無險可扼擒賊路同發分而愈多官
 軍分堵則兵單合堵則力疏猶之院無牆垣徒守門戶不能遏盜也一在無成
 算而輕戰賊眾數倍於我馬則十倍過之我無必勝之術僥倖一戰一日敗潰

清史稿

列傳一百五

六

賊賊愈張至會師擣老巢實為平賊要策皖擒雖以張洛行為主而陳宋穎壽
 淮徐方數百里無處非賊巢即無處無賊首官軍即能次第掃除勢難刻期淨
 盡若繞過小捻徑擣大捻老巢舍近攻遠而近賊襲我於後我必不支此會擣
 老巢之難遠奏效也然捻匪與粵匪不同粵匪蟻屯蠅聚其勢合擒匪散處各
 圩其勢分其出竄也必須裝旗糾合各圩賊目約期會舉常十餘日始得出其
 竄山東者每會於保安山龍山竄汴梁者會於小奈集大寺集竄陳州者會於
 南十字河張倍溜地皆偏近亳州亳州者賊之吭也計莫若擇重臣素有威望
 者統步隊數萬馬隊數千屯軍於此用伍員多方誤楚之法分所部為數起此
 歸彼出此出彼歸循環馳突於各捻賊圩之間使大捻無從旬結小捻聲息不
 通端端焉日防官兵之至自不能裝旗出竄四出打糧俟其飢困然後以重兵
 次第圍勦賊無外援則小股膽落大股易平招撫兼施立可解散不必盡煩兵
 力矣夫防賊於既出之後何如遏賊於未出之先勦賊於既聚之餘何如燬賊
 以難聚之勢而又無勞師襲遠之危輕進損威之失所謂不戰而屈人之兵者

是也今日大計以衛畿輔固根本為先豫東者畿輔之門戶也亳州者豫東之賊源也亳州之賊不除則豫東之匪難絕即畿輔之地不安重兵駐豫不能兼顧東省駐東亦不能兼顧豫防惟毫為諸捻匪處之區拔本塞源實在於此且蒙亳百姓祇以信處賊巢呼訴無門不得不苟全性命非盡甘心為逆也若官軍聲勢一振隨撫隨勦不但忠義良民同心殺賊即附賊之堡寨亦相率就撫輔助官兵彼久經兵革之地人習戰爭附賊則為悍賊反正則為勁兵奪賊餉而益軍威計無便於此者前勝保袁甲三累獲大勝皆由屯駐亳州扼其要害并賴關保德楊額馬隊之力是以所向有功前事不遠可為券證奏入上覽之時粵捻合擾潁州命和熙出境會勦和熙兵僅五千且無馬隊疏請調總兵李續燾等募精壯六千來豫以厚兵力如所請行上復敕西安將軍托明阿選西安馬隊一千赴豫同治元年春毫捻劉大淵糾黨趨河南和熙在省聞警馳至杞縣賊已圍城會僧格林沁軍自山東進至敗賊許岡和熙會所部合擊之克復所占民圩斬賊逾萬餘賊引去檄諸路團勇截殺之還駐歸德扼賊歸路四

清史稿

列傳二百五

七

月會同僧軍合擊金樓教匪楊玉聰盡殲其衆授禮部侍郎仍命督團勦賊歸僧格林沁節制赴汝甯督兵團勦陳大喜諸匪克正陽收寨圩多處二年誅賊首張鳳林張福林克那集尙店賊巢陳大喜竄湖北汝甯陳州所屬蹂躪賊除殆盡調吏部毫捻犯陳州為官軍所扼擊四竄和熙屯鹿邑盡平毫北賊寨是年冬苗沛霖伏誅淮北肅清詔和熙部勇原助兵力所不足今兵力足數應用飭散遣歸農命和熙回京供職會陳大喜勾結苗練餘黨趨汝南陷正陽信陽新蔡息縣各民寨乃暫留勦賊三年進屯息縣禽誅捻首趙國良徐文田十餘名盡復諸寨十一月僧格林沁敗陳大喜張總愚於光山賊西竄偏南陽和熙調張曜回屯唐縣知府湯聘珍扼宛南四年僧格林沁戰歿曹州諸軍并被譴坐革職留任詔回京六年調戶部七年擢左都御史兼署工部尙書時捻匪戡定疏陳軍務漸平宜益思寅畏略曰功成而喜者常人之同情功成而懼者聖人之遠慮今日巨寇甫平兵戈未息演黔秦隴烽火驚心皖豫直東瘡痍滿目戡亂安民一一尙煩宸慮敬肆之機間不容髮萬一大捷之餘偶忘乾惕則思

機之萌恐有伏於無形者今之所急一在勤聖學皇上春秋鼎盛學日新但恐親師講學為時無多還宮之後左右近習或以功業日盛間進諛詞意氣漸盈懋修或懈昔宋莊獻皇后臨朝仁宗聽內侍之言欲觀寶玩莊獻太后為言祖宗創業之艱臣亦伏願皇太后於皇上還宮之餘股股以時事艱難勤加啟迪至於近侍尤宜擇老成有識之人服事起居將見養正之功日臻堅定矣一在崇節儉今寇亂雖平而流離之民未盡歸農荒蕪之田尙多未墾非力加撙節不足以廣積儲而備緩急臣前管三庫事務見內務府借撥部庫銀兩逐歲加增竊恐中原底定踵事增華財源未開財流不節度支告匱為患匪輕伏願皇太后皇上崇尙節儉為天下先一切不急之務可能則罷之可緩則緩之庶國用可充而風俗亦漸歸質厚矣一在飭吏治髮捻之禍實由不肖州縣所激而成正供之外百計誅求私派私罰自營囊橐以致民氣不伸釀成巨患用兵以來此風尤甚即如釐金一項奉行不善百弊叢生病商病民莫此為甚今日之封疆大吏以地方多事喜用精明強幹之員而不求愷悌循良之吏斯民元氣剝削愈甚其禍遂不可勝言今東南初定畿甸甫清兵燹遺黎不堪再擾應令各省督撫慎選良吏與民休息以復富庶之舊一在固根本陝西回逆土匪廣聚北山見聞大軍乘勝西征恐至窮而思竄其或由省撲河或由草地北擾宜大機輔兵單地廣在在須防直隸提督劉銘傳勇兼優應令迅回本任並帶所部萬人留直屯守以壯聲威並將綠營兵丁練成勁旅庶諸賊不敢萌心北擾而諸將亦得專意西征矣疏入上嘉其言剴切優詔答之八年授工部尙書命在總理各國事務衙門行走九年天津民教構釁命偕直隸總督曾國藩按治暫署三口通商大臣事定回京請裁歸總督兼理從之十一年調吏部十二年上謁東陵命留京辦事十三年兼翰林院掌院學士光緒四年丁母憂服闋命仍在總理各國事務衙門行走兼翰林院掌院學士八年授兵部尙書尋卒優詔賜卹贈太子少保設文達祀熙慶堂文衡兩典會試凡朝殿考試閱卷歷二十餘次士論歸之

清史稿

列傳二百五

八

論曰袁甲三毛和熙並以春諤著聲出膺軍寄甲三孤軍支柱淮堦與捻事相

終始驕帥傾排狡寇反覆卒能保障嚴疆其堅毅不可及也祀熙事權未專同
時疆吏非辦賊才補苴之功亦不可沒所陳平按方略具得要領賊平之後懃
懃以寅畏納諫老成謀國於斯見之保恒濟美戎行立朝侃侃家英國幹鬱有
風規已

清史稿

列傳二百五

九

清史稿

劉長佑

岑毓英

劉獻昭

列傳二百六

劉長佑字印渠湖南新甯人道光二十九年拔貢與同縣江忠源友咸豐二年
忠源率鄉勇赴廣西助剿長佑從粵匪自桂林走湖南忠源破之於蓑衣渡長
佑有贊畫功獎叙教諭又從破瀏陽徵義堂會匪擢知縣三年平衡山土匪擢
同知直隸州忠源援湖北遇賊崇通間長佑自長沙馳援戰於通城大破之自
是獨領一軍忠源守南昌長佑借羅澤南赴援解吉安圍分兵克泰和擢知府
忠源殉廬州長佑借忠源弟忠濬率千人馳援弗及大憤誓滅賊五年江忠淑
勦東安賊不利賂乘章以長佑兼統其衆所部始盛克東安追破之新甯六年
復彬州擢道員江西賊方熾乘章奏以長佑率蕭啟江等諸軍赴援克萍鄉加
按察使銜遣啟江復萬載進圍袁州屢擊敗賊十一月降賊李能通爲內應
克袁州七年二月進屯太平城賊由吉安大舉來襲列陣二十餘里以驍騎衝

清史稿

列傳二百六

十

突將士多死亡全軍敗潰長佑下馬引佩刀欲自殺營務處劉坤一擁之上馬
退保分宜近縣士民爭運糧械濟之潰卒皆來歸軍勢復振進規臨江八月石
達開自撫州率二十萬衆來援總兵普承堯戰峽江不利賊薄太平城長佑乘
其營壘未定約蕭啟江田興恕合戰江忠義李明惠先陷陣盧秀峰繞其後縱
擊大破之遂圍郡城捷聞詔嘉其奮勇賜號齊普巴圖魯十二月克臨江殲賊
曾張發紀加布政使銜八年長佑病歸以劉坤一代統其衆蕭啟江自爲一軍
合克新淦崇仁進克撫州是年夏長佑復至軍屯建昌迭敗賊於新城金谿賊
入福建界江西邊境肅清記名遇江西道員缺簡放九年回軍湖南剿郴桂賊
解永州圍記名以按察使題奏石達開圍寶慶長佑與李續宜分扼東西兩路
賊敗走長佑追破之九鞏橋白楊埔大臨橋盧洪司遂竄廣西陷興安靈州直
撲桂林長佑倍道赴援賊不虞其驟至走慶遠追擊之所向皆捷授廣西按察
使逾月擢布政使攻柳州拔之十年擢廣西巡撫四月克慶遠破達開於思恩
又破之興安乃遁竄時廣西土匪猶蔓延大者踞郡縣小者千百爲羣倏兵候

賊長佑莅任整飭吏治興練水師匪氛漸輯商貨流通稅釐增倍軍事餉事差能自固不盡仰資鄰省十一年遣劉坤一剿柳州土匪斬其渠伍聲揚餘黨就撫調水陸軍剿潯州艇匪克府城斬其渠陳開貴州匪首黃金義投誠復叛禽斬之同治元年長佑親赴潯州督防分軍進剿迭克要隘尋擢兩廣總督以所部楚軍付劉坤一接統留勦廣西諸匪未幾調直隸總督時降捻張錫珠宋景詩先後叛幾輔騷動二年春長佑航海至天津即赴衡水督師三月破賊束鹿殲張錫珠命督辦直隸山東河南三省交界匪事宜宋景詩踞劉貫寨甘官屯合山東軍攻之以遲延降級留任九月破賊張秋鎮殲賊目楊殿一景詩逸走乃罷軍四年僧格林沁戰歿曹州捻匪益熾畿南戒嚴長佑遣兵自開州至張秋扼河防奉天馬賊入喜峰口坐疏防議處八月捻匪竄山東濮范南岸長佑馳赴大名擊走之疏請直隸分練六軍議定營制加練二軍下部議行六年滄州梟匪張六等劫慶雲鹽山甯津南皮四縣鹽場山東教匪應之保定天津河間三府屬皆騷動長佑檄前藩司唐訓方屯齊河臬司張樹聲屯張秋防捻

清史稿

列傳二百六

二

自率兵剿捕鹽梟賊乘虛北走過滹沱河衆增至千餘竄擾涿州固安永清霸州逼近京師詔褫長祐職以大學士官文代之命下數日而梟匪平予三品頂戴率所部回籍尋東捻平詔念前勞晉二品頂戴十年起授廣東巡撫尋調廣西初奸民出關劫掠越南官兵不能制悍酋吳終伏誅而蘇國漢復起九年廣西提督馮子材進軍龍州國漢旋乞撫於兩廣總督瑞麟仍招納亡命匪首鄧建新曾亞日分路肆擾至是總兵劉玉成禽亞日於上林社誅之復會廣東軍攻克舊街乘勝抵海甯匪多散亡國漢奔東興亦就禽長佑奏言論越南大局則宜直搗河陽一勞永逸然河陽距關二千餘里窮兵勞費討捕爲難今擬芟蕩海陽太原卽回師列成以固藩籬庶可分助越之衆協剿黔苗抽出關之兵先清土莽十月副將陳得貴遊擊李揚才克越南從化府遂會劉玉成克通化白通破瓊山北山匪巢十一年正月復敗匪於三星山禽其酋何三等餘黨悉平長佑檄劉玉成暫屯鎮撫咨越南國王遣兵換防久之不至又以營弁滋事暴兵非計七月乃撤入關內搜捕沿邊伏匪時匪酋黃崇英猶踞越南河陽結

白苗攻保樂擾我鎮安邊十二年春長佑檄關內外軍擊走之密奏越南貧弱版章日蹙法國蠶食於濱海黎裔虎視於橫山桶岡則白苗跳梁則黃酋雄踞近聞其國君臣輸款法人黃崇英受職黎裔雖係道聽之言亦係意中之事臣竊謂黎裔爲患越南受之法國爲患不僮越南受之今欲拯彼扶衰必須大舉深入若合兩粵之力寬以數年之期步步設防節節進剿庶交夷可期復振而他族不至生心否則惟有慎固邊防嚴杜勾結而已是時防越諸軍尙八千人長佑檄劉玉成引軍北還以六營屯關外諸隘四營屯歸順龍州令覃遠璣八營分駐關內十月法人攻陷河內黃崇英等乘機襲太原潛與之通山西奸民響應北甯戒嚴越南乞援乃令劉玉成統十營進太原爲左軍道員趙沃統十營分部鎮安爲右軍法人尋與越南議和黃崇英爲越將劉永福所敗潛伏河陽遣黨陳亞水攻保樂十月長佑閱兵甯甯令趙沃劉玉成進軍光緒元年二月趙沃右軍由龍關渡河克同文白苗棄巢通沃撫之爲助遂攻底定襲安皆克之劉玉成左軍敗賊白通陣斬鄧志雄崇英聞師至喉周建新拒左軍

清史稿

列傳二百六

三

陳亞水守猛法自當右軍憑險拒守五月沃軍克險台直薄河陽崇英敗走右軍復敗陸之平援衆進攻猛法陳亞水惶懼乞爲內應河陽安邊同日降崇英遁走捕獲誅之劉玉成左軍亦克通化白通斬周建新合攻者嚴克之陸之平通宜光金沙江上下肅清凱撤入關擢雲貴總督二年抵任先是滇邊野番殺英人馬加理爲交涉鉅案及議定允於雲南設埠通商詔下其議長佑疏言雲南山川深阻種人犷悍成性剽掠行旅本地紳紳恃衆橫行挾制官長上下猜忌法令不行萬一防護不及致有同於前案或更甚於前案其有害於雲南一隅猶小其有撓於中夏全局甚大且洋人知前案難辦有免其既往之議知後患難防有保其將來之議臣恐滇省官民於已往者不以爲倖免而以爲得計將來者不引爲前鑒或敢於效尤洋人通商意在圖利亦斷無不思遠害之理應俟二五年內外官民稍稍安定遣員商辦長佑以滇事漸定屢疏引病乞罷優詔慰留四年騰越微外土目耿榮高等攻陷耿馬長佑遣將討之榮高降又剿平臨安開化廣南土匪初騰越蘇關先之亂其黨劉寶玉逃之野山野山在

滇緬之交其夷自為君長不隸屬劉寶玉糾野實十三種及蓋達羅夷伏羅坤山時出劫掠會緝甸遣官詣騰越持圖說約由野山通道列成長佑檄照昭鏡赴騰越召諸土司野實申禁約誘誘寶玉於千崖諸野夷皆解散七年法兵窺越南東京詔演粵備邊長佑疏言法人自據嘉定以來越南四境皆有商埠教堂會其君臣漁其財力取越與否非有甚異其所以處心積慮乃在通商雲南與其既失越境為守邊之計不若乘其始動為弭釁之謀滇粵三省與越接壤東西幾二千里要害與共勞費殊甚若自三江口以至海陽東西僅數百里以中國兵力為之禦敵兵衆而力省以視防守滇粵邊境勞逸懸殊請以廣西兵二萬為中路廣東雲南各以萬人相犄角廣東之兵自欽連而入雲南之兵出洗江而東別以輪船守廣東順化港口斷其首尾法人必無自全之理又力言劉永福可禦敵請密諭越王給其兵食疏入詔下廷議八年法兵陷東京越匪紛起廣西援兵至太原長佑檄道員沈壽榕率軍出關與為聲援長佑屢以病乞罷慰留未許八月入覲予假兩月九年乃許開缺回籍尋坐雲南報銷失

清史稿

列傳二百六

四

察降三級十三年卒於家詔念前功嘉其端謹老成開復處分仍依總督例議卹設武慎廣西雲南湖南並立專祠

劉嶽昭字善臣湖南湘鄉人以文章投効湘軍咸豐六年從蕭啟江授江西轉戰積功累擢以知縣用啟江器其才使領果後營七年破賊高安營哥嶺連拔彭家村賊巢進攻臨江擊敗援賊於太平墟尋克臨江府城擢同知八年從勦撫州賊大捷於何家村香溪諸處崇仁賊踞白陂城又破之由上頓渡進逼撫州賊開東門逸復其城擢知府賜花翎九年授南康克新城進擢池江前軍潰嶽昭殿後斃賊甚衆克南安授信豐解其圍加道員銜石達開由江西擁衆犯湖南嶽昭移軍茶陵備之而賊已趨寶慶奉檄馳援至柳家橋遇東路賊六萬餘撲營嶽昭借副將余星元楊恒升等鏖戰三日斃賊數千援軍大集賊解圍而遁是役嶽昭戰最力名始顯十年屯江華賊會陳金剛踞廣西賀縣阻山為固嶽昭招降其黨進拔蓮塘縣破河東街賊屯合蔣登澄軍克縣城以道員記名加按察使銜是年冬連破竄匪於道州宜章湘境肅清賜號鼓勇巴圖魯

十一年略乘章赴四川督師疏請嶽昭率所部從行中途聞粵匪陳玉成犯湖北陷隨州乘章令嶽昭回軍赴援會諸軍克之以按察使記名石達開由龍山犯宜恩窺伺施南嶽昭迎擊走之而黔匪陷來鳳同治元年春嶽昭進軍克其城分軍截剿迭捷於散毛河白關場兩河口抵黑洞斬賊尤多石達開竄四川圍涪州嶽昭會知府唐燭剛將唐有耕破之仰天窩渡江重慶截擊解涪州圍賊敗踞長甯攻克之復追敗之先市寨得用場丁子場賊尋踞叙州雙龍場約降賊郭集益內應破其營嶽昭近二萬貴州巡撫張亮基疏薦其才請擢用二年授雲南按察使三年遷布政使皆未之任留四川治軍略乘章奏遣援黔九月克仁懷連敗馬躍灘匪四年克正安追賊至清溪河斬其渠五年擢雲南巡撫進規綏陽天台山最為城北險隘列陣縱其前從山後攻入平其壘投誠者三百餘寨綏陽城賊吳元彪乞降黔西北路始通由溫水進勦平蔡竹山老巢收降鐵匠坪九倉場及被脅嚴洞二十餘處六年破沙窩賊解大定圍拔大屯朵場賊巢會派軍平豬拱符苗又拔平遠牛場地苗巢黔西肅清七年疏

清史稿

列傳二百六

五

陳雲南軍軍命赴本任尋擢雲貴總督駐軍曲靖進攻尋甸破七星橋木城扼文筆山法鼓山要衝剽平附近村莊賊壘收復果馬疊捷於塘子張徐灣諸處援賊大至圍攻果馬各營皆陷革職留任八年解馬龍圍進尋甸賊首馬天順李芳圍乞撫遂復其城雲南捻亂已久各軍惟布政使岑毓英所部最強而毓英素尚意氣嶽昭開誠專任調發進止悉聽之毓英尋擢巡撫和衷無牽制軍事日有起色九年克麗江復威遠姚州復永北鶴慶鎮南鄧川浪穹拔鳳羽白米莊賊巢平彌勒縣竹園踞匪十年平永善蠻匪拔寶州賊巢平香爐山積匪連克河西之大東清小東清及臨安之五山夷寨十一年復貴州興義新城先後克永平雲南及趙州蒙化廳各城攻大理上下兩關復大理府城誅大酋杜文秀昭復原職十二年滇省肅清賜黃馬褂疏請陸見光緒元年以入覲還延御史李廷簾劾其規避下部議職九年卒署湖南巡撫歷際雲疏陳嶽昭統兵十餘年建功之地貽屬為多任事之艱雲南為最請復原官詔允之嶽昭之規尋甸也杜文秀遺黨萬餘戰不利從弟嶽峻請嶽昭還尋甸以固根本

續修四庫全書 史部 正史類

賊果分黨往襲以有備不得逞嶽峻守馬龍賊圍之伺懈出擊走之固守數月練兵得三千人會攻尋旬破七星橋要隘賊乞降嶽峻反側嶽峻率三十人入城示以坦白人心始定次日統英兵亦至服其賂嶽峻先以積功擢至道員嶽昭至滇後專任統英滇軍其舊部多遣去云

岑毓英字彥卿廣西西林人諸生治鄉團擊土匪以功敘縣丞咸豐六年率勇赴雲南迤西助勦回匪九年克宜良權縣事十年克路南署州事擢同知直隸州進攻激江兼署知府十一年克激江賊壘破昆陽海口賊迤西回匪連陷楚雄廣通祿豐省城戒嚴毓英赴援同治元年破賊大樹營時總督張亮基引疾去巡撫徐之銘主撫回曾馬如龍通款毓英往諭順逆如龍獻所踞新興等八城之銘奏以毓英攝布政使尋以安撫功加按察使銜賜花翎二年回弁馬榮叛我總督潘鐸毓英率所部勇一千與弟毓寶等守藩署之銘微服詣毓英司道皆集分兵守東南門密召馬如龍入援如龍至隊亂馬榮跳走南甯合馬聯陞臨曲靖八屬詔嘉毓英守城功擢道員率師西勦復富民安甯羅次高

清史稿

列傳二百六

六

明祿豐武定祿勸廣通陸涼南安諸城及黑元永三鹽井進擢楚雄會東路有警之銘檄回省分兵克階益平赴楚雄督攻克其城進復大姚雲南趙州寶川鄧川浪穹鶴慶分道進規大理上下關三年克定遠圍攻鎮南大破賊於普棚馬聯陞復陷落益犯馬龍回軍破之於天生關進攻曲靖復馬龍落益進克尋甸禽馬榮馬興才克曲靖禽馬聯陞並誅之尙書趙光疏呈滇紳公啟言毓英所向有功特詔嘉勉下總督勞崇光據實保奏四年肅清迤東加布政使銜賜號勉勇巴圖魯西路自毓英軍移去所克諸城多復陷僅存楚雄未失毓英駐軍曲靖護省城運道五年命署布政使勞崇光至是始至滇受事奏以提督馬如龍專辦西路令毓英督剿豬拱箐苗豬拱箐貴州威寧州與海馬姑相犄角山溪阻深苗酋陶新春陶三春分據之糾眾苗教諸匪及粵匪石連開餘黨凡十數萬人迭擾滇之鎮雄彝良大關陷通黔之大定黔西威寧畢節且及川疆三省會勦久無功毓英上書略乘章請權不一則軍不用命願率滇軍獨任期百二十日覆其巢授迤西道署布政使如故六年擢布政使二月師抵

豬拱箐令張保和林守懷領二千人由大溜口出二龍關後掩襲吳家屯自督三千人攻關賊傾巢出戰關後賊發賊回救毓英揮軍夾擊三隘皆下遂奪吳家屯禽斬數千賊自海馬姑來援截擊之斬其酋餘賊反奔令蔡標劉重慶分軍圍勦海馬姑克紅巖尖山賊援乃斷遂逼豬拱箐老巢賊以巨石自山顛墜下驅牛馬突營將士多傷亡毓英督軍搏戰斬悍酋賊始卻於營前掘深坎賊所發石盡陷坎內誘降標人得賊虛實選敢死士二千填濠以進連破木城二直擄其巢縱火焚之斬賊一萬禽陶新春及其死黨磔之拔出男婦四萬餘人乘勝合攻海馬姑伏兵山前後進毀賊壘三十餘以噴筒環燒陶三春及悍酋二百餘人皆斬之賊悉平計自進兵至是僅逾期四日加頭品頂戴馬如龍勦迤西屢失利勞崇光病歿杜文秀大舉東犯連陷二十餘城省垣告急是年冬毓英自豬拱箐凱旋曲靖先遣弟毓寶助省防七年春揚言師出陸涼而取道宜涼七旬連破大小石壩小板橋古庭庵金馬寺賊壘進屯大樹營馬如龍來會人心始定昆陽匪首楊震鵬夜渡昆明池襲省城毓英擊敗之震鵬負創

清史稿

列傳二百六

七

遁進攻楊林毓英鼻受槍傷回軍省城連破石虎關賊壘禽賊渠李洪勦擄授巡撫附省賊壘猶繁與之相持總督劉嶽昭初至滇由馬龍進勦尋旬失利賊勢復熾毓英疏陳軍事餉事略曰杜文秀竊踞迤西十有三載根深蒂固今擬三路進兵一出迤南牽賊勢一出三姚永北斷賊援大軍由楚雄鎮南直擄中堅使賊面而受敵不能兼顧臣選精銳六萬更番戰守既無停兵之時亦免師老之患兵勇無須外募以本省兵勦本省賊既習地利復熟賊情見在滇省兵勇鄉團已調集八萬有奇機快附省逆壘肅清認真裁汰選定精銳以資得力滇省綠營額設馬步兵三萬七千數百名承平日久訓練多疏將不知兵兵不知戰倉卒有事則募勇以代兵餉需支絀不能不後兵而先勇於是兵丁愈困營務益弛通省營兵所存不及十一臣擬卽此六萬人中擇補管領目前仍令隨征事竣再飭歸伍既有常業自有恒心責以成功收效必速滇省近年用兵多藉鄉勇之力擬按州縣之大小定徵調之多寡共編鄉勇四十營分兩班隨營征討餉銀仍由各地籌捐兩年之內迤西肅清即可裁撤歸農滇省兵勇向

於餉銀之外每名月支米三斗見擬用兵六萬每年共需米二十餘萬石為數甚鉅歷年皆按成熟田畝酌抽釐穀約十分取其一二資助軍食與川之津貼貽之義穀名異實同今請照舊抽收並將近年可徵地丁抽糧全數改徵糧米如不敷用再行籌價採買接濟一俟軍事肅清分別裁止滇省綠營官兵俸餉有閏之年需銀七十萬兩有奇無閏需銀六十四萬數千兩見既勇為兵則餉銀較勇糧稍厚倘因籌餉維艱每月先給半餉加以賞需軍火各費約共需銀八萬兩鹽課地丁釐稅之外每月所短不過三四萬兩應由外省協撥較之向例協餉有減無增若發全餉則每月應由外省撥銀六萬較常例所增亦屬無幾見在部臣指撥各省協濟軍餉如浙江廣東江西距滇較遠籌撥起解往返經年緩難濟急請飭改作京餉另由川楚等省應解京餉改撥濟滇兩無窒礙至於選任領將宜不拘資格不惜情面凡有能將三千兵以上才當一而者雖其名位尚卑亦宜委署要職其謀勇平常僅止熟習營務縱係實缺另予差遣勿使倖位疏入下部如所議行八年春賊酋楊榮率眾數萬踞楊林長坡分

清史稿 列傳二百六

八

黨踞小偏橋十里鋪羊芳凹牛街興福寺省城大震毓英督諸軍分勦奪回小偏橋諸處復連敗之於蕭家山鸚鵡山禽斬逾萬剷除省東賊壘百餘西北兩方賊仍負隅拒守毓英令副將楊玉科總兵李維述等規進西與騰越義兵約期並進於是副將張保和等克富民昆陽總兵馬忠等克呈貢晉寧易門激江祿豐玉科等克武定祿勸元謀羅次定遠大姚維述等克廣通楚雄南安及黑琅元水諸井凡悍酋匪禽斬殆盡省城解嚴被詔嘉獎九年激江回復叛賊府城毓英率軍往勦圍其鄂十年二月克之並拔竹園江那諸賊巢迤西軍亦克麗江劍川永北鶴慶賓川姚州鎮南諸城疏言滇省前事之誤東南未定遽議西征屢致喪師失地今通籌全局必先掃蕩東南兩迤然後全軍西上方無後顧之憂十一年進東迤西兩路悉平西軍亦先後克復永昌鄧川浪穹趙州雲南永平蒙化及上下兩關而大理賊猶堅守恃騰越順寧互為應援十一月毓英親往督戰先斷賊援直薄城下掘隧道陷城垣數十丈奪東南兩門入賊守內城晝夜環攻守陣賊多死杜文秀窮蹙服毒其黨昇之出城詐降斬首傳

示勒繳軍械賊黨猶請緩期毓英令楊玉科率壯士二百入城受降布重兵城外夾擊之斬首三百餘名生禽楊榮蔡廷棟馬仲山磔於市大理肅清賜黃馬褂予騎都尉世職十二年順甯雲州騰越皆下全滇底定加太子少保晉一等輕車都尉世職十三年兼署雲貴總督光緒二年丁繼母憂二年服闋授貴州巡撫加兵部尚書銜七年調福建督辦臺灣防務開山撫番潘大甲溪築臺北城八年署雲貴總督九年實授法越兵事起自請出關赴前敵屯興化十年命節制關外粵楚各軍會廣西軍潰於北甯太原毓英全師退屯保勝以未奉命降二級留任七月命進軍決戰連復越南館司鎮安清波夏和諸縣屯館司關規取河內諸省令丁槐何秀林攻宣光以地雷毀其城禽斬甚眾十一年京察開復降級處分令厚修綱攻克緬旺清水清山法兵援宣光掘地營延袤十餘里扼之破法兵於臨洮府奪梅枝關連克不拔廣威永祥進擣山西河內廣西軍亦收復諒山越南與安甯平南定興化太原各省聞風響應會和議成詔班師五月回駐邊關十二年會勘邊界兼署巡撫十三年剿順甯黑夷匪張

清史稿 列傳二百六

九

登發平之十四年京察議敘十五年皇太后歸政晉太子太保尋卒贈太子太傅入祀賢良祠雲南貴州建專祠設襄勳子春煊官至四川總督弟毓實從毓英轉戰雲南功最著累擢道員賜號額圖輝巴圖魯光緒十年出關援勦宣光臨洮旋克廣威府不拔縣梅枝關賜黃馬褂十四年授福建鹽法道擢雲南按察使權布政使護巡撫兼護總督二十一年調貴州布政使未行復調雲南毓實勇於戰陣不諳文法御史溥松勅其護總督時任用私人政刑失當坐奪職卒於家雲貴總督崧蕃疏陳毓實戰功詔復原官論曰劉長佑樸誠廉毅老於軍事時病其失之慈柔自言於是非邪正不自欺以欺人非飾辭也滇粵籌邊尤有遠見劉嶽昭治滇能屈己以聽岑毓英毓英與滇事相終始跋扈新才竟成戡定偉績信乎識時之傑能自樹立者已

清史稿

韓超

韓超

田興恕

席寶田

列傳二百七

韓超字南溪直隸昌黎人道光十四年副貢二十二年天津治海防超詣軍門獻策事平獎敘州判尋以府經歷揀發貴州歷署三角屯州同獨山知州獨山多盜賊難治超募勇訓練用土民為鄉導禽其渠胡林翼守黎平深倚重之言之巡撫蔣蔚遠超由是知名咸豐元年烏沙苗倡亂超從林翼進剿賊風雪中先後斬獲數百人餘黨悉平論功以知縣用二年署清江通判知縣將亂捐俸募勇士八十人練成勁卒四年獨山土匪結粵匪內犯超率兵練迎擊分軍出賊後攻其不備禽賊首楊元保復深入廣西南丹州境擊諸匪平之加同知銜賜花翎桐梓匪楊鳳竄永甯合黔西匪王三扎巴連陷數城圍遵義超馳至敗賊南關陣斬王三扎巴立解城圍復追敗諸葛章司河禽楊鳳斬之餘黨盡殲擢知府五年苗亂蔓延超馳援台拱解黃平平越圍轉戰至施秉鎮遠賊壘山

清史稿

列傳二百七

一

斷道以阻官軍超以孤軍馳突其間大小數十戰補石阡知府超性剛直有膽略每與上官爭執是非上官責以勦賊而斬其餉餉師轉戰往往求協助於鄰省四川總督駱秉章湖北巡撫胡林翼交章論薦侍郎王茂蔭亦疏薦之詔下巡撫問狀以道員記名九年授貴州糧儲道時苗教各匪連陷諸郡縣駐軍印水汛扼其中使苗教不得合且遏其下竄湖南之路賊出全力撲之超約楚軍夾擊賊大潰勦思州響鼓坪施秉土地坪鎮遠金鼎圭鋒嚴重唐家營聖諸賊巢禽賊目張東山歐光義等鎮遠所屬皆平民團舊以十戶養一莊丁超因其意稍變通之官募士而民輸糧又籍叛產分授降眾流人以田代餉行之二年得兵三千人自軍興協餉不至地方官吏爭抽取釐金以為補助超建議釐金統一抽之後不復再抽商無滯累餉用差給十年命幫辦貴州勦匪事十一年署按察使提督田興恕疏陳超前後戰功加布政使銜賜號武勇巴圖魯詔予二品頂戴署貴州巡撫田興恕方以欽差大臣督辦軍務超久在行間亦以肅清全黔為己任同治元年田興恕罷乃命超辦理防勦事宜時尙大坪玉華

山兩處為賊巢遵義安順思南大定銅仁石阡諸府所在皆賊五月回匪陷興義雲南叛回潰勇擾境粵匪亦由川竄至正陽廟堂並桐梓松坎諸地超令總兵吳安康進勦用內應夜縱火攻破賊巢禽匪首倪老帽斬之出難民二千餘人六月閩家場踞賊糾集苗教諸黨偏江口天柱匪首亦糾合土匪攻陷縣城分股竄湖南晃州廳高寨陷印水青谿兩城謀截楚軍糧道超令總兵羅孝連道員趙國澍進攻安順神匪夷其壘禽斬賊酋章登鳳等尙大坪賊復約苗教分掠江內超令孝連斷其歸路國澍等馳軍迎擊復令副將趙德元出冷水河梯子嚴進襲尙大坪立破之印水汛城同時克復進平玉華山賊巢攻拔瓦寨復天柱縣城特詔嘉獎道員鄧爾巽總兵李有恆破王家苗寨夾馬洞諸賊巢獲其酋李玉榮等黃白號教匪竄遵義知府李德我擊破之於三臺山奪五里坎諸隘口副將周宏順進攻石阡毀老王寨賊巢諸軍就撫石阡桐仁苗匪攻毀鎮遠營壘印水成軍亦潰遂南掠松桃北攻天柱湖南援師至賊始引去詔斥超專恃援軍有負疆寄雲南方議撫回巡撫徐之銘咨會停剿而回匪益恣

清史稿

列傳二百七

二

竄陷安南興義分擾郎岱永甯歸化詔原其誤信撫議免議處石達開自川回竄分三路一走遵義一走黔西一走桐梓遣沈宏富李有恆余祖凱擊之田興恕以教案獲譴去官黔軍益單二年乞病回籍光緒四年卒於家年七十有九詔念前功賜卹諡果靖貴州請建專祠並附祀胡林翼祠田興恕字忠普湖南鎮寧人年十六充行伍隸鎮寧鎮標咸豐二年從守長沙賊屯湘西岸軍中募敢死士夜驚賊營興恕請行夜浮小舟往潛燬賊營賊騎數百追之泗水免巡撫駱秉章奇之委充哨官五年從克郴州六年領五百人號虎威營從蕭啓江援江西克萬載袁州七年戰上高英岡嶺深入被圍左手受創亡馬步戰他將馳救救得免是役以少擊衆斃賊千數進攻臨江掘地道轟城先登再被創賊死拒未下援賊大至啟江議暫退興恕不可曰兵在精不在多願為前鋒率所部直貫賊陣賊張左右翼圍之後軍望見興恕旗指東麾西賊皆披靡夾擊賊大敗竄走遂復臨江八年克崇仁樂安宜黃南豐積功至副將加總兵銜賜號尙勇擊勇兩巴圖魯貴州苗教匪熾黎平府被圍久興

恕奉檄赴援至即攻破賊營連戰三日而圍解進克古州永從署古州鎮總兵九年石達開圍實慶與恕率四千五百人赴援扼九壩橋無日不戰歷月餘糧藥將罄選死士欲以一戰決勝負會李續宜援軍至內外夾擊賊附城營三連日攻下勢如破竹達開竄廣西遂移軍靖州防黔邊命署貴州提督督辦貴州軍務增軍盈二萬十年道銅仁取印江分軍略思南石阡進克貓貓山賊巢石達開由廣西入貴州連陷數縣省城大震巡撫劉源灝赴援與恕奏言黔省上游道路分岐賊若以一軍擾黔一軍入蜀道遠兵單斷難兼顧已檄韓超防鎮遠沈宏富守涪潭劉義方進松桃桃石阡居中調度賊如上竄則親會川軍以攻之窺楚即馳還靖州時與恕已實授提督詔授欽差大臣命援省城師至部署省防督軍赴定番迎剿賊棄城而走十一年兼署巡撫時回神苗教諸匪分擾上下游幾無完土與恕分兵援勦戰屢捷招撫匪首唐天佑賈幅保陳大六柳天成等克復歸化荔波定番廣順獨山諸城疏通驛路軍威漸振與恕年甫二十有四驟膺寄侍功而職又不諳文法左右用事屢被論劾乃罷兼

清史稿 列傳二百七

三

職以韓超代之同治元年罷欽差大臣會法國教士文乃爾傳教入黔因事齟齬與恕惡其偏強殺之坐視職赴四川聽候查辦經遵義汪超值雲貴總督勞崇光為賊所困與恕驟馬衝入大呼田某在此賊驚潰翼崇光出尋論罪遣戍新疆行至甘肅總督左宗棠奏請留防秦州十二年釋歸光緒三年卒於家曾璧光字樞垣四川洪雅人道光三十年進士選庶吉士授編修記名御史入直上書房授恭親王奕訢醇郡王奕譞讀咸豐九年出為貴州鎮遠知府同治元年署貴東道二年剿平銅仁賊蕭文魁賜花翎雲貴總督勞崇光薦其才迭署糧道按察使布政使六年予二品頂戴著貴州巡撫七年實授貴州地瘠亂久北境接四川東境接湖南軍事悉倚鄰援本省餉既艱將多驕蹇總兵林自清効罷後戕與義縣令率所部萬人擾川境八年璧光密遣提督陳希祥擒斬之令吳宗蘭勦青山餘匪克普安安南時席寶田軍已由東路進規台拱省城附近諸匪蹂躪出沒無常九年周達武調任貴州提督率川軍至貴陽漸次勘定自軍興鄉試久停至是年始補行人心益定與達武議增兵扼要駐守

令道員蹇開破遵義賊擒其酋吳三令提督劉士奇克都勻殲其酋吳章十年令提督鍾有恩等進剿上游克永寧威寧下游諸軍擒悍賊潘得洪收復八寨等城又收復上江下江三脚各城平上游鎮寧歸化賊巢殲永城匪侯大五斬鄧岱金家嗣踞賊金大七盤江北岸肅清又破畢節威寧諸匪清八寨三角餘賊毀其巢令總兵何世華擊斬安南賊曾潘玄進克貞豐西路悉平十一年周達武率所部會楚軍定苗疆詔嘉調度有方予優叙十二年會滇軍克新城老巢全省肅清加太子少保頭品頂戴子雲騎尉世職尋新城防軍索餉譁變匪首何玉亨攻新城遣其黨黎正關攻興義分軍馳剿捕誅其渠事旋定光緒元年卒於官追贈太子太保依總督例賜卹諡文誠四川貴州請建專祠席寶田字研齋湖南東安人諸生咸豐二年率鄉團殺賊復縣城獎敘訓導六年劉長佑援江西招參軍事遂從轉戰積功累擢同知直隸州九年石達開由廣西犯湖南寶田從解實慶圍擢知府十年略秉章令募千人號精毅營防湖南邊廣東賊犯郴州桂陽擊走之同治元年石達開復由廣西入境連敗之於

清史稿 列傳二百七

四

黔陽克來鳳以道員記名加按察使銜二年粵匪黃文金大舉犯江西命提督江忠義赴援寶田副之戰饒州桃溪渡大破之又迭破之於湖口洋塘石門青山橋賊引去趨池州圍青陽寶田襲石嶺破賊卡分軍遮其前合水陸夾擊文金遁走遂解青陽圍累功賜號業鏗額巴圖魯加布政使銜江忠義卒於軍寶田代領其眾留防江西三年李世賢黃文金復合犯江西將以進擊江寧之師寶田逆擊白沙關奪棧橋要隘鏖擊於大濟關泥嶺關賊竄山谷復金谿以按察使記各授雲南按察使時楊岳斌初至江西督辦軍務檄寶田援南豐坐遷延被劾降知府留軍會大軍克江甯羣賊擁洪秀金子福瑣逸出由開化犯玉山走瀘溪寶田邀擊於新城進至石城楊家牌禽洪仁玕洪仁政黃文英等福瑣匿山谷中捕得之檻送南昌伏誅詔復寶田原官予雲騎尉世職賜黃馬褂授貴州按察使時餘賊汪海洋等走廣東四年寶田自平遠邀擊降萬餘人又扼鐵石嶺降者二萬諸軍合擊於嘉應州全數蕩平論功江西軍以寶田為第一詔以布政使記名遇缺題奏軍事既定請回籍終養允之貴州苗教諸匪構

亂十有餘年東路素倚湖南援軍自粵匪平後議大舉勦平先是授兆琛為貴州布政使借總兵周洪印率師往積歲無功李元度圍刺竹園亦久不下巡撫李瀚章劉峴先後劾罷兆琛洪印元度亦鑄級薦起寶田招集舊部萬人入貴州總統東路諸軍六年冬進軍石阡竹園為教匪老巢寶田審視地勢高峻匪營環列惟北面平夷可掩入七年元日進攻部將黃元果先登諸將肉薄壘下一日平十八營克刺竹園禽斬匪首蕭桂盛何瑞堂其旁二十六營相繼攻下捷聞被珍寶夏進規寨頭寨頭為苗疆門戶諸苗孥賄資糧所萃連拔東西三屯陣斬苗酋桂金保破援賊張吳迷攻下台笠丁把塘諸營遂克寨頭分軍克天柱斬其酋陳大六會丁繼母憂回籍治喪提督榮維善暫領其衆尋詔奪情趨赴軍進攻台拱台拱苗最強踞清江鎮遠二城為犄角寶田請增兵萬人按察使黃潤昌道員鄧子垣領之出晃州為北路寶田自富南路令榮維善用鳴勦法轉戰山谷間破諸苗營漸近鎮遠潤昌子垣由思州進攻鎮遠府城克之八年二月維善連破董教公鵝兩隘遂克清江廳城兩軍合趨黃飄山地狹

峻人行頂趾相接遇伏維善軍疾行先出險潤昌軍誤以為陷伏中爭道相擠為賊所乘潤昌子垣皆戰歿維善聞變率二百人馳救被圍為苗所禽遇害於是苗氛復熾張秀眉犯巴治寶田親督軍擊走之進克糯米令饒繼昌蘇元春破苗寨擊走張吳迷等分軍守鎮遠施秉時以寶田軍苦戰年餘尚未深入議罷其軍劉峴仍主專任復增兵萬人分三路進九年會攻施洞克之苗走九股河白洗苗來援擊敗之進攻台拱破革夷諸苗薄台拱城下苗棄城走克之加頭品頂戴進軍九股河分別勦撫凡平黑苗苗二百餘所難講丹江苗皆請歸化十年進攻凱里一鼓而下苗潰走雷公山屠衆六七萬人黃茅嶺雷口坪九眼塘燕子窩諸寨皆絕險寶田督諸軍冒暑入山合擊張吳迷斬敵三萬燔其廬舍勦洗一空駐軍施洞口寶田遽病風痺乞假醫療命部將饒繼昌蘇元春唐本有謝蘭階分統其軍軍事進止機宜仍稟命於寶田十一年三路進兵凱北以北悉定合攻烏雅坡諸苗皆在長圍困之迭戰斬九大白巖大五於陣先後降者數萬四月禽張秀眉楊大六金大五等檻送長沙伏誅張吳迷先逸

捕得戮之諸酋或降或斬無脫者苗疆平詔晉寶田騎都尉世職家居養病光緒十二年詔以寶田前禽洪福頊功命曾國荃繪其像以進十五年卒贈太子少保優卹原籍及江西貴州建專祠

論曰貴州之匪總名有六曰苗匪教匪曰黃號白號其小者曰橫匪狎匪其他濫竽游勇逆回悍夷揭竿踵起不可悉數始於咸豐四年無兵無餉不能制也韓超有辦賊之才久屈下僚事權不屬田興恕入黔兵威始振超亦驟起未久相繼去張亮基治黔數年亦僅補苴中原大定曾國藩乃議以湖南兵力餉力為平黔根平而略秉章亦令劉嶽昭勦黔北以保川邊後專倚席寶田敲定苗疆自周達武以川兵川餉濟黔之不及曾豐光賴之以竟全功蓋閱二十年而後大定古云蠻夷之人先叛後服蓋以地勢使然使若韓超者早膺寄其延禍或不致如是之甚強亂之道在得其人用人之道必盡其才固古今不爽者爾

清史稿

列傳二百八

沈兆霖

曹毓瑛

許乃普

趙光

朱嶠

李函

張祥河

羅惇衍

鄭敦謹

龐鍾璐

沈兆霖字朗亭浙江錢塘人道光十六年進士選庶吉士授編修十九年大考二等二十五年遷司業二十六年遷侍講入直上書房授博學鴻詞二十九年遷侍講學士直南書房歷詹事內閣學士咸豐二年擢吏部侍郎督江西學政三年粵匪自武昌下九江兆霖請速援南昌上詔以軍事兆霖奏言江西會城雖暫可無慮賊擾外府省兵不能兼顧外府各有團練如肯齊心協力何藉分兵即如撫州鄒團不下數萬皆留保本村官兵祇三百已調赴會城如團練不能合力賊至何以禦之其故皆因堅壁清野舊議祇守本村並不出戰不知事

清史稿

列傳二百八

與嘉慶間川楚教匪不同川楚教匪劫掠村莊自以堅守堡寨為是今賊專攻省會郡縣城池既破鄉勇亦相與解散矣撫州如此各省各府亦必皆然乞飭直省當於練勇中精選十之二三聯為鄉兵統以練達有位望之人遇本縣有警互相救援其外府外縣仍不得調往以免擾累得旨允行尋以病乞罷五年病痊署吏部侍郎仍直南書房兆霖疏言安徽各郡江北安慶和江南池太皆為賊踞巡撫駐廬州東北徽甯廣三屬幾為巡撫號令所不及事急則向浙江請餉事平則漕查如前不加整飭旋收旋失糜餉殃民臣察徽甯二府山川險固地皆可守民亦健奮敢休甯一縣尤多富民宜於皖南設大員專轄四府一州庶以飭吏治固民心度險設防皖撫得專心於江北浙撫亦不至牽制於皖南疏下廷議改池太道為皖南道得專摺奏事如福建臺灣道例從之尋兼署工兵二部六年授吏部侍郎調工部復調戶部八年命往通州察賑通濟庫奏請如戶部三庫例以倉場侍郎兼管佩印鑰著為令九年擢左都御史十年署戶部尚書七月英吉利法蘭西兵內犯兆霖疏請專講守禦勿汲汲言撫九

月授兵部尚書議既定上猶駐熱河兆霖與諸大臣奏請回鑾上命待明年兆霖復奏請明年春融即啟蹕還京尋調戶部十一年穆宗迺鑾即位命充軍機大臣甘肅西甯撤回為亂總督樂斌遣提督成瑞率兵討之返境不進樂斌用西甯辦事大臣多慧議招撫亂久未定上命兆霖偕尚書麟魁往按查發樂斌等贖徇貽誤狀樂斌戍新疆成瑞多慧逮京治罪同治元年命兆霖署陝甘總督親督兵自碾伯進擊撤回屢敗之撤回乞降七月師還次平番二道嶺清雨雹山水驟發兆霖及從行兵役並沒水退得兆霖尸猶端坐輿中布政使恩麟以聞上深惜之賜卹贈太子太保諡文忠

清史稿

列傳二百八

謂都興阿由豫境以達江北程途紆遠非兩月不能到浙江自蕭翰慶陣亡江長貴自平望退守銳氣盡消以屢潰之虜兵禦剛悍之勦賊待至八月松太杭嘉湖諸郡勢將瓦解蔓延愈廣規復愈難為今計者都興阿宜自英霍取道臨鳳以抵江北不過旬日即由通泰渡江直抵江陰進攻常州無錫為一路而以周沐潤所募沙勇副之鎮江見有兵萬餘已棟阿馮子材向奎迺規丹陽為一路薛煥在上海增募勇丁萬人由嘉定太倉崑山進攻蘇州為一路而命張玉良出嘉興平望以副之曾國藩率楚師由甯國取道廣德進抵嘉湖為一路策應諸軍而令米興朝攻宜興溧陽周天受攻高淳東壩曾秉忠督長龍船入太湖以副之攻賊之所必救據賊之所必爭俟曾國藩新募勇至然後分路進剿庶於事有濟英法兩國合兵犯京師上幸熱河軍書旁午樞臣未全從上命擇章京資深才優者佐諸大臣辦事毓瑛在直久諸大臣欲舉以應固辭遂越次用焦祐瀛十一年穆宗即位諸大臣皆譴能乃命毓瑛在軍機大臣上學習行走遷順天府丞同治元年遷大理寺卿授軍機大臣二年擢工部侍郎調兵部

三年江南平加頭品頂戴賜花翎署兵部尚書四年擢左都御史尋授兵部尚書五年卒贈太子少保諡恭愍方端華肅順擅政毓瑛獨不附及佐樞政廉慎勿懈每謂軍旅大事患在信任不專事權不一古來良將率以掣肘不能成功時以為名言云

許乃普字漢生浙江錢塘人拔貢考授七品小京官充軍機章京嘉慶二十五年成二甲二名進士授編修道光三年直南書房四年大考二等擢洗馬五年督貴州學政任滿回京仍直南書房累遷侍讀十三年復以大考二等擢侍講學士督江西學政三遷內閣學士十八年擢刑部侍郎能直南書房專治部事調吏部又調戶部二十一年擢兵部尚書二十五年坐事鑄五級補太常寺少卿遷光祿寺卿三十年文宗御極命仍直南書房詔求言乃普疏言方今先務莫急於正君心培聖德請勅館臣合列朝聖訓依類分門排日進呈庶政奉以為宗恩詔各省保舉孝廉方正請敕下各直省學政考覈學官學官得人所舉庶幾可恃刑部於致死胞伯叔及胞兄之案以事關服制往往夾籤聲明並非

清史稿

列傳二百八

三

有心干犯巧為開脫請敕下刑部擬情酌理俾無枉縱各省綠營弁兵平時宜加意訓練武職到京兵部驗看時當令兼演火器疏上得旨下所司議奏復申諭刑部及各督撫服制案罪名務得實情咸豐二年授內閣學士乃普疏論軍營奏報欺飾得旨令各路統兵大臣及各督撫力除積習嚴為稽察其蒙混掩飾者據實嚴參擢兵部侍郎三年粵匪陷九江擾皖北觀觀北嚮而廬鳳守禦單弱乃普疏請調黑龍江兵道山東江南徑赴安徽遠可張蘇浙之聲援近可固廬鳳之門戶調刑部尋擢工部尚書調刑部國子監司業崇福奏請豫徵山西咸豐四年錢糧軍機大臣等會議推及陝西四川兩省乃普借侍郎何彤雲奏言各省情形不一應由各督撫體察情形山西被賊各州縣及陝西之延安榆林綏德興安四川之甯遠各府地瘠民貧均請免其借徵至崎零小戶有田數畝或數十畝僅足餬口仍令照常例完納庶民力不至重困又奏言時直嚴寒用兵尤宜撫卹出通水鎮兵四百名去賊最近而強半尚衣秋衣重以行營所在百物昂貴無錢者往往須取於民以致負販裹足兵士轉不免於饑寒請

飭統兵大臣悉心籌度從之又言江南大營老師糜餉皆由琦善等意見不和舒興阿自陝赴皖所在稽留沿途需索今命與江忠源會剿不獨難以和衷且恐因之掣肘又方今餉需艱難軍務一日未竣即度支一日不敷惟在大師刻日奏功以紓天下之困請皇上嚴加督責信賞必罰以振暮氣疏上嘉納之四年刑部主事王式言坐承審命案聽授請託失入絞罪事聞上命裕誠等按治乃普以式言本門生奏請迴避弗許既而裕誠等謝式言僕受昧上責乃普迴護降補內閣學士罷直南書房尋遷禮部侍郎擢左都御史六年遷工部尚書八年命督五城剛防九年調吏部十年文宗三旬慶辰加太子太保九月以病乞罷同治五年卒諡文恪子彭壽字仁山道光二十七年進士選庶吉士授編修累遷少詹事咸豐十一年文宗崩命議郊配禮彭壽偕大理寺少卿潘祖蔭奏言臣讀大行皇帝聖製甲寅孟夏齋宮即事詩末句以後無須再變更注云天壇祀享三祖五宗為定永不增配位恐後代無知故違則儀文太繁臣等仰瞻聖藻躬懸齋宮言法行則非博謙讓虛名已劍未寒不忍頓生異議禮遂定

時肅順等獲罪彭壽請察治黨援旨令指實奏言侍郎成琦太僕寺卿德克津泰候補京堂富積侍郎劉岷黃宗漢得旨糾彈諸事朕早有聞特懲一儆百力挽頹靡此後不咎既往諸臣亦毋以黨援陳奏致啟許陷于是乎恩等謹黜有差彭壽又以載垣等隨事刻深戶部五字官錢案請再清釐從之同治初再遷內閣學士署禮部左侍郎五年卒

清史稿

列傳二百八

四

趙光字晉舫雲南昆明人嘉慶二十五年進士選庶吉士授編修遷御史給事中轉光祿寺少卿五遷內閣學士擢兵部侍郎調戶部文宗即位奏陳時務略言安民先察吏州縣為親民之官秩卑責重捐例屢開仕途益雜幕友招搖書役播弄賄屬情託靡所不至正供則那移侵虧訟案則株連擱壓偶或參劾輒籌抵制大吏慮其噬臍曲予寬容同僚相率效尤成為習慣應請飭令督撫司道嚴行舉錯以肅官方國家糜餉養兵冀收實用近日營伍將弁虛文操演所役士卒養尊處優空名漁利器械不修槍礮無準而水師尤為窳敝往往居岸自適風沙水綫都未研習洋面不靖盜劫頻聞前者海疆有事船遠距而彈施

敵近前而藥弩束手無策粟體先逃凡諸軍備轉為寇肅甚至執律盡隨沿途坐索長官乞哀乃始進行軍威不肅一至於此夫練兵必先練將材藝遇衆忠勇無前如昔時楊遇春輩渺不可得緩急何恃應請飭令將軍督撫提鎮整齊營伍鼓勵人才以修武備詰姦除暴莫如保甲近來直隸山東盜賊日衆至河南之檢匪四川之囑匪廣東之土匪貴州之苗匪雲南之回匪肆意強橫目無法紀邪教充斥名目紛繁煽誘既衆蹂躪多地方文武恐滋事端惟務姑息胥差既衆賊縱容兵弁復得規拘隱幹吏嚴拘則警息潛通奪犯戕官釀成巨患其愚懦者但期文過諱盜爲竊避重就輕以至匪徒益無忌憚禍不勝言應請飭令各直省督撫認真整頓奉行保甲緝捕動能據實獎勵疲玩者撤參重處以輯盜風直省倉庫錢糧各有定額州縣官如果釐數徵解交代清晰何至虧空盈千累萬其致此之由厥有數端或執紼而登仕版習尚奢華或庸曠而昵親隨開銷浮濫或負累已深官項償其私債或交游太廣正款供其應酬寅支卯糧東挪西掩有清者藉口于帮丁之需索解庫者歸咎于糧價之增昂道

清史稿

列傳二百八

五

府察知往往碍于情面曲意彌縫後任招重怨而不敢發上司恐與大獄而不敢參即使查抄終歸無著是以州縣交代有歷數任而未算結者有合數十州縣而未盤查者前者欽差大臣會同各督撫清查整理嚴定章程虧短各案業已分別攤賠第恐舊虧未完新虧已續應請飭令各直省督撫督同司道各官詳細查覈交代未清者停其委署升補虧那者嚴參以清積弊疏入優詔嘉納三年撤工部尚書調刑部八年命借尚書周祖培等督五城團防事宜歷兼署工部兵部戶部吏部尚書四年卒諡文恪

朱嶠字致堂雲南通海人嘉慶二十四年進士選庶吉士授檢討遷御史道光十二年歲輔災廣東副貢生潘仕成捐貲助賑賜舉人有按察以請者嶠疏言仕成本副貢去舉人一間賜以舉人於破格之中仍寓量才之意厥後葉元埜黃立誠次第接請若因此遂成定例生富人傲倖阻寒士進修於事不便應請旨飭各督撫水旱偏災捐輸應獎不得援引前案上嘉納之五遷至內閣學士十七年擢兵部侍郎選兼署吏戶二部坐事鑊五秩二十六年補內閣侍讀學

土御史劉良駒條奏銀錢盡一上命各省督撫議奏嶠疏言泉布之寶國專其利故定賦以粟而平貨以錢物賤由平錢少則重重則加鑄而散之使輕物貴由平錢多多則輕輕則作法而斂之使重一輕一重張弛在官而權操於上今出納以銀錢幾置諸無用雖國寶流通然流於下而不轉於上於是富商市僧得乘其乏操其贏而任意以爲輕重若使官爲定價且必格而不行要在因其便使人易從通其變使人不怨行其權使人不疑方今鹽務疲敝皆以銀貴錢賤爲詞以鹽賣錢而不賣銀也賣錢即解錢人必樂從長蘆鹽價可解京充餉請於東西城建庫藏錢以戶工左右侍郎掌之按時價搭放各旗就近赴庫請領以免其轉運并嚴禁尅扣短陌攪雜諸弊兩淮鹽價解備河工歲修准上全工水路皆通轉運較易工次雇夫購料俱係用錢此兩便之道也農民以錢輸賦天下十居七八地方官收錢解銀每致賠累江西撫臣吳文鎔前奏本省坐支之項收錢放錢解部候撥之款徵銀解銀兵餉役食請照時價改折其言不爲無見惟全行收錢往返般運倍增勞費通省絕無銀幣亦未免偏枯擬請

清史稿

列傳二百八

六

州縣徵收向來徵銀解銀者置無論但照見在收錢者量錢糧多少視附近地方兵役衆寡酌減應解銀數以紓其困除易銀解司之外即以錢抵銀每銀一兩折錢若干酌定數目按照時價支放兵餉役食應有耗羨平餘仍行提出解司而本管同城之官俸本州縣之書工役食祭祀驛站本地方分汛之兵餉俱准坐支餘則視道路之遠近解存道府藩各庫以放兵餉時價則視省垣爲準以開徵前十日爲定由藩司通飭遵照半年一更餉銀每兩折錢多不過千七百少不過千二百取爲定則不得再減至文武官廉俸無可坐支者兵丁屯駐之區附近州縣無收錢者皆發銀如故官局錢搭放向有成例者亦如故如是則雖變而實因不至糾紛窒礙至如百姓出粟米麻絲易錢輸賦久已習爲故常向收若干今折若干凡自封投糧者不遽改折是於民無擾也兵丁領銀仍須易錢然後適用每至兵領餉時不准舖戶抑價今照定價放給滿錢此於兵無虧也先時銀多則官以收錢漁利今時錢賤則官以易錢賠累多用錢則少解銀即累亦因而減迨銀價平時又復可獲羨餘此於官有益也或謂錢收于

上則庫市一空恐致錢荒不知兵役領錢仍行於市地方官除存庫外尙有大半必須易銀解司則其錢亦行於市且今日之弊不在錢荒而在錢濫欲救其弊莫利於收錢尤莫利於停鑄當此錢賤之時暫停鼓鑄以工本之銀發出易錢實收上庫薄小者汰之則私鑄難行而官錢日多錢價可平而制錢一千准銀一兩之例可得而行矣是知停鑄者用錢之轉關平價者絕私之微權也將欲平價非使銀錢相埒不可爲平價而暫停鑄造價平而復開爐所謂欲贏先縮一張一弛之道也夫損上必期益下今錢值日賤物價日貴泉府費兩錢而成一錢官兵領一錢則僅當半錢無益於民有損於國孰得孰失必有能辨之者總之可用錢則用錢必須用銀則仍用銀附近則用錢致遠則用銀子母相權贏縮有制補偏救弊無踰于此惟各省情形不一因地制宜隨時變通當責各督撫體察酌議盡善疏入上命軍機大臣會同戶部議行歷通政副使內閣學士二十九年授倉場侍郎咸豐四年病乞罷五年病痊復授戶部侍郎六年擢左都御史迭署兵禮二部尙書十一年又以病乞罷同治元年卒諡文端

清史稿

列傳二百八

七

李函字豐垣順天寶坻人道光二年進士選庶吉士授編修再遷侍講大考二等擢侍講學士二十一年遷少詹事督安徽學政累遷通政使二十五年擢左副都御史咸豐元年署禮部侍郎應詔上疏請戒飭諸臣一曰振因循積習相仍中外一轍用兵無可退之理乃引疾歸田抽身保位則因循在軍旅矣治水爲難緩之功乃自冬徂夏漫口未合則因循在河防矣雍沙番案琦善以總督大員猶復語多狡飾以至往返鞠訊則因循在刑法矣順天武清縣逃犯竟敢窩藏匪徒浙江奉化縣刁民並敢迫脅官長則因循又在郡縣矣伏願皇上乾綱獨振力挽頹風聞嘉謨則立見施行觀弊政則悉除支蔓惰者責之勇者獎之勤者進之昏者黜之庶庸庸熙熙百廢俱修矣一曰除欺飾粵西逆匪萌孽在十數年之前使撫臣早爲奏聞何難根株立絕乃養癰成患諱莫如深比及有人指陳勢已不可撲滅年來勞師糜餉迄無成功禍首罪魁實由欺始夫欺可替否宰相之責也拾遺補闕諫官之職也伏望皇上開誠布公虛懷善納導之使言言之使盡執兩用中歸於至當至科道職司言責尤朝廷耳目之官風

聞偶誤小過可容庶曠直得效其愚妻菲莫行其罔而宸聰四達矣一曰屏偏私人之氣質不能無偏意見少有參差議論遂多齟齬相持不下教令紛更屬員既無所適從宵小遂從而譏構嫌隙日深乖氣致戾刑部越獄一事非其明驗乎夫師克在和不在衆兩粵會勦湖南防堵將帥不應有諉罪爭功之見督撫不可存此疆爾界之私同德同心羣策羣力苟無隙之可乘定膚功之克奏河漕本屬一體未有河不治而漕治者從前督臣漕臣曾因參劾屬員各執己見見在漫口不能合龍漕船何由利濟億萬姓饑民待賑數百萬帑項虛糜正大臣憂患與共之時此卽屏除嫌怨共秉公忠猶恐難以濟時屯而紆民患倘仍芥蒂未化籌畫分歧不和政體各將誰執伏讀仁宗御製和同論諄諄以臣下偏私爲戒願皇上一德交孚與百僚共襄上理焉一曰防玩法見今軍務河工貽誤諸臣厥咎匪細仰蒙寬與僅予薄懲恕其既往之愆責其將來之報而且失伍之將弁准其帶罪立功潰防之河員許其留工効力恢宏大度格外矜全天下皆曉然於聖人不得已之苦心與夫通變權宜之計該大臣等久蒙倚

清史稿

列傳二百八

八

任渥荷優容自無不激厲圖功竭忠矢志第恐奔走禦侮難得賢員倖澤恃恩復萌故智始猶懼罪之不可道一旦獲宥遂謂罪有可原矣初猶慮法之不能逃幸而苟免遂謂法止于是矣伏願皇上奮天錫之勇掃神武之風寬大之詔能發而即能收希冀之恩可一而不可再則德威惟畏玩縱之萌不敢自止矣以上四條皆臣道之防實切時之弊而其本由於得人進英銳則因循者退矣取誠篤則欺飾者鮮矣惟在皇上任賢勿疑用材器使俾朝無倖位莫不圖易思艱庶可挽天災民變之窮而上副引咎納言之至意疏入上嘉納之二年授兵部侍郎署倉場侍郎廉得好人把持倉務實於法十年調工部復調吏部同治元年擢工部尙書二年卒諡文恪

張祥河字詩舫江蘇婁縣人嘉慶二十五年進士授內閣中書充軍機章京遷戶部主事累轉郎中十一年出爲山東督糧道十七年擢河南按察使以父憂去官服除仍授河南按察使署布政使二十二年祥符決口合龍賜花翎詔以河南迭被水災始終克勤其事予優叙二十四年遷廣西布政使擢陝西巡撫

西安同州有刀匪擾害閭閻祥河飭嚴捕百餘人置諸法詔嘉之三十年文宗即位應詔陳言諸述祖德守成法勸官方蠲民欠疏入報聞祥河優於文事治尚安靜不擾民言者劾其性耽詩酒咸豐二年東南軍事日棘祥河奏言陝西興安等地毗連楚境應舉行團練擇要防堵惟鄉勇良莠不齊易聚難散不如力行保甲為緝奸良法三年召還京四年授內閣學士尋遷吏部侍郎督順天學政六年以病罷病痊仍授吏部侍郎八年擢左都御史遷工部尚書十年加太子太保十一年以病乞罷同治元年卒諡溫

羅惇衍字椒生廣東順德人道光十五年進士選庶吉士授編修十七年督四川學政召對上以惇衍年少語多士音留不遣二十三年大考一等擢侍講累遷侍讀學士轉通政副使太僕寺卿二十六年督安徽學政遷通政使三十年文宗即位應詔陳言略言古帝王治天下根源祇在一心要在寬載籍勸省察居敬窮理以檢攝此心聖祖仁皇帝御纂性理精義於存養省察致知力行以及人倫性命皆有程途階級其論君道尤極詳備惟在皇上講習討論身體力行世宗憲皇帝殊批諭旨於臣工奏摺指示不得失明見萬里皇上幾暇日閱一二事凡督撫陳奏如能深謀遠慮措置得宜即予以褒答若有飾詐懷私亦為之指示庶大吏皆知警戒他若御纂資政要覽庭訓格言諸書皆本心出治一以貫之伏願皇上法祖以修己推而人安民皆得其道又請諭部院大臣各舉所知備京卿及講讀之任敕直省督撫提鎮學政皆得犯顏直諫指陳利弊無所忌諱藩臬亦許密封由督撫代為呈奏疏入上嘉納之咸豐元年疏陳風俗侈靡民生日困請崇儉禁奢以畜物力二年署吏部侍郎授左副都御史三年擢刑部侍郎仍兼權吏部時軍需孔亟戶部令京師商民以賃舍金一月納公家惇衍以為非政體疏乞明定限制又疏荐廣東在籍給事中蘇廷魁等任籌軍餉江甯既陷寇氛復溯江上犯惇衍疏請勅曾國藩練楚勇自湖南移駐武昌杜賊窺伺荆襄蘇廷魁募勇援江西袁甲三回河南防捻匪並會同已革兩廣總督徐廣縉募新兵堵禦鳳嶺遏賊北竄諸路多被採納命隨同惠親王巡防京師調戶部五年以父憂歸七年英吉利兵攻陷廣州八年正月命惇

清史稿

列傳二百八

九

行世宗憲皇帝殊批諭旨於臣工奏摺指示不得失明見萬里皇上幾暇日閱一二事凡督撫陳奏如能深謀遠慮措置得宜即予以褒答若有飾詐懷私亦為之指示庶大吏皆知警戒他若御纂資政要覽庭訓格言諸書皆本心出治一以貫之伏願皇上法祖以修己推而人安民皆得其道又請諭部院大臣各舉所知備京卿及講讀之任敕直省督撫提鎮學政皆得犯顏直諫指陳利弊無所忌諱藩臬亦許密封由督撫代為呈奏疏入上嘉納之咸豐元年疏陳風俗侈靡民生日困請崇儉禁奢以畜物力二年署吏部侍郎授左副都御史三年擢刑部侍郎仍兼權吏部時軍需孔亟戶部令京師商民以賃舍金一月納公家惇衍以為非政體疏乞明定限制又疏荐廣東在籍給事中蘇廷魁等任籌軍餉江甯既陷寇氛復溯江上犯惇衍疏請勅曾國藩練楚勇自湖南移駐武昌杜賊窺伺荆襄蘇廷魁募勇援江西袁甲三回河南防捻匪並會同已革兩廣總督徐廣縉募新兵堵禦鳳嶺遏賊北竄諸路多被採納命隨同惠親王巡防京師調戶部五年以父憂歸七年英吉利兵攻陷廣州八年正月命惇

衍及在籍太常寺卿龍元信給事中蘇廷魁為團練大臣十年款議定十一年召來京擢左都御史同治元年兩廣總督勞崇光被劾任用非人調度乖方命惇衍偕廣州將軍穆克德訥按治崇光坐罷遷戶部尚書疏言吏治日壞當獎廉懲貪四川總督駱秉章湖北巡撫嚴樹森山西布政使鄭敦謹山東按察使吳廷棟清操較著請獎之以勸其餘又疏言皇上求賢若渴應詔者寥寥即有登諸薦牘者或由他省督撫保舉必待本省給咨始能赴部非所以示虛懷延攬之道且但令封疆大吏保舉而未及京卿恐馴致外重內輕不可不防其漸內閣六部九卿等朝廷重臣素所親信必俾其各舉所知衆正盈廷然後可反危為安轉亂為治請不必限以時日拘以人數但有操守廉潔才猷卓越者即許隨時疏薦倘所舉之人將來或犯貪污罪其舉主二年兼署左都御史四年兼管三庫署翰林院掌院學士伊犛參贊大臣聯捷御史陳廷經先後論劾陝西布政使林壽圖沉湎於酒巡撫劉蓉未諳公事舉劾悉聽壽圖及蓉疏奏失體漏洩密保命借協辦大學士瑞常赴陝西按治惇衍等為疏辨僅以微過議

清史稿

列傳二百八

十

處吏議壽圖遷調蓉革職留任尋蓉復以他事罷陝民為蓉壽圖訟冤總督楊岳斌以聞惇衍等已回京復命覆奏遂合疏言劉蓉秉性樸直辦理甘肅潰勇不動聲色悉臻妥善甘肅亂回竄擾遣兵分布要隘陝民以安林壽圖身任勞怨勤奮有為惟參劾屬員間有輕重失當致誘毀紛興而其廉潔之操究不能稍加賞議詔蓉仍署巡撫壽圖來京候簡用六年兼署工部八年以母憂歸十三年卒諡文恪惇衍學宗宋儒立朝正色抗論時事章凡數十上無所顧避著有集義編百法百戒庸言孔子集語等書鄭敦謹字小山湖南長沙人道光十五年進士選庶吉士散館授刑部主事再遷郎中出為山東登州知府擢河南南汝光道咸豐元年泌陽土匪喬建德踞角子山敦謹與南陽鎮總兵圖塔布督兵捕獲之被議叙署布政使二年授廣東布政使仍留署任粵匪入湖北命赴信陽會南陽鎮總兵柏山扼要設防三年命河南巡撫陸應穀統兵駐南陽會城及信陽有事許敦謹專摺奏欽差大臣琦善督師授安徽徽郡總領信陽糧臺及師屯江北糧臺移設徐州仍

令敦謹往任其事尋調授河南布政使留堯糧臺如故四年光州陳州捻匪起巡撫英桂出駐汝陽詔敦謹赴本任省城戒嚴敦謹督率官紳倡捐經費與團練皖捻犯永城夏邑增調兵勇防黃河各渡口斷寇北竄尋命暫署巡撫五年坐欠解甘肅兩年協餉降調召還京以四品京堂候補授太常寺少卿八年督山東學政累遷大理寺卿同治元年署戶部侍郎復出爲山西布政使調署陝西布政使調授直隸布政使擢河東河道總督四年授湖北巡撫尋召授戶部侍郎五年調刑部六年擢左都御史捻匪渡河入山西境巡撫趙長齡按察使陳澧疏防被劾詔敦謹往按長齡並坐罷即命敦謹署山西巡撫七年出省治防移軍駐澤州欄車鎮爲各路策應授工部尚書仍留署巡撫回匪入河套近邊震動敦謹移駐甯武督防別遣兵守榆林保德下游各隘增募礮勇補葺河曲邊牆回匪窺包頭鎮沿河堵禦會綏遠將軍定安遣隊迎勦總兵張曜自河曲截擊破走之八年調兵部尚書回京九年調刑部兩江總督馬新貽被刺獲凶犯張汶祥江甯將軍魁玉漕運總督張之萬會職言汶祥爲洪秀全餘黨

清史稿

列傳二百八

十一

其戕新貽別無主謀者命敦謹往會鞠仍以初職上諭極刑十年春敦謹還京至清江浦上疏以病乞罷光緒十一年卒諡恪慎

龐鍾璐字寶生江蘇常熟人道光二十七年一甲三名進士授編修咸豐二年大考一等擢庶子遷侍講學士署祭酒明年授光祿寺卿八年擢內閣學士署工部侍郎以父憂歸十年江南大營潰蘇常淪陷督團勇防禦上命鍾璐陳奏軍事鍾璐疏言常昭三面皆賊惟恃民團抵禦器械不精紀律不明若大兵不速至恐裹脅愈多愈難措手請飭督臣曾國藩迅由祁門統帥南下常昭庫欸無存惟賴捐輸充餉軍需浩穰捐戶摺括無遺並請飭督臣於就近完善之區籌資接濟又奏江北惟通州最完善與常昭有唇齒之依在籍布政使徐宗幹廉能素著請飭令督辦通泰一路捐輸並會籌常昭防勦從之尋命督辦江南團練賊由江陰東竄信常熟鍾璐率團勇數戰亡其精銳奏請江北諸軍速援上以水陸各軍勢難兼顧溫詔慰勉八月賊陷常熟鍾璐奏自劾並請飭荊州將軍都興阿統楚師兼程進駐通州防北竄上責令規復鍾璐自崇明赴上海

設局勸捐集團守禦薦上海知縣劉邵齊循聲卓著爲江蘇州縣之冠報聞又以軍需匱乏奏請令失守地方官辭職免治罪諭有捐輸巨款募勇殺賊隨官兵克復城池者得據實聲明請旨尋奏言賊所脅之衆數百萬人何一非皇上赤子若非設法解散窮無所歸必鋌而走險請明降諭旨予以自新釋兵歸降者勿殺燧髮投順者勿殺又陷賊州縣多設立偽官迫索錢米以減輕田賦搖動人心歷來被兵州縣錢糧均奉恩旨蠲免此次蘇省被賊戶口散亡收復之後無從徵收不如施恩於未復之先使愚民不爲所惑詔如所請十一年春賊自平湖乍浦窺金山鍾璐督團勇進擊斬賊甚衆新墟賊擾大泖港楓涇賊窺角鈎灣復會官兵破之是年冬以蘇常淪陷吳民待援有逾飢渴復疏請勅旨國藩分兵急取蘇常與江蘇諸紳士紳書國藩言上海餉源重地請以奇兵萬人一勇將統之倍道而來可當十萬之用國藩乃遣李鴻章率師浮江而東俄法兩國請助兵討寇鍾璐奏言中國平內亂原無待藉手外人而值賊勢蔓延兵力單薄不能不爲從權之計惟外人助攻爲通商而起必先自有把握方裨

清史稿

列傳二百八

十二

大局諭江蘇巡撫薛煥安籌酌行尋裁各省團練大臣召還京再授內閣學士同治元年遷禮部侍郎迭署工吏諸部督順天學政四年呈所纂文廟祀典考六年夏畿輔亢旱疏陳荒政十事下部議行命偕大學士賈禎等督五城團防歷戶兵吏諸部九年擢左都御史署工部尚書十年授刑部尚書丁母憂歸光緒二年卒諡文恪子鴻文光緒二年進士鴻書光緒六年進士同官翰林院編修鴻文至通政司副使鴻書至貴州巡撫

論曰同治初政沈兆霖曹毓瑛入贊樞府兆霖暫領陝督督師定西甯以死勦事毓瑛密練達克副簡拔許乃普等皆以清謹負時望鄭敦謹尤數歷有名績江甯之獄論者多謂未盡得其情敦謹未覆命遽解官以去其亦有所未慊於衷歟

清史稿

列傳二百九

王茂蔭 宋竹
 袁希祖 文瑞
 徐繼畬 王發桂
 廉兆綸 雷以誠
 陶傑 吳存義
 殷兆鏞

王茂蔭字椿年安徽歙縣人道光十二年進士授戶部主事升員外郎咸豐元年遷御史疏請振獎人才鄉會事務覈實殿試朝考重文義造就宗室八旗人才以有裨實用為貴戶部議開捐納舉人生員例茂蔭疏爭且言籌餉之法不徒在開源而在於善用委諸盜賊之手靡諸老弱之兵銷諸不肖之員弁雖日言推廣捐輸何濟又極論銀票虧商銀號虧國經國謀猷下同商賈體至變而利實至微初時虧不能日及虧折已甚雖重治其罪亦復奚補其言皆驗二年

清史稿

列傳二百九

粵匪自長沙趨岳州茂蔭疏言安徽防務以宿松為要衝小孤山為鎖鑰設險非難得人為難請起前署廣西巡撫周天爵幫辦防堵扼要駐守陸路令府縣勸諭紳民團練守助用明金聲禦流賊保鄉里之法最為簡易武昌既陷茂蔭又疏言賊勢猖獗宜急收人心籌儲積講訓練求人才三年戶部奏試行鈔法上命左都御史花沙納與茂蔭會議奏行簡要章程並繪鈔式以進疏言皖北蒙老捻匪蠶起萬一粵賊勾結更為心腹巨患夫欲平盜賊尤在守令得人廬鳳穎諸郡守令貪鄙者實繁有徒請嚴飭大吏從嚴劾汰以治賊之源又曰兩湖江皖處處言防而處處不守請嚴飭各督撫專主勦辦一處賊平則他處之賊不敢復起鄰省賊滅則本省之賊無自而來是不言防而防自固也三月揚州陷茂蔭疏言寇氛將偪山東巡撫以勦賊出省藩臬漫無布置城內團丁不滿七百乞特簡重臣防守以固畿南屏蔽又言陝西設防兵為民害請諭飭按治茂蔭屢上疏言事侃侃文宗頗稱用擢太常寺卿遷太僕寺卿粵匪犯畿輔參贊大臣科爾沁親王僧格林沁駐師涿州諸軍咸觀望不肯前茂蔭疏言賊

既渡滹沱而北迴翔於深晉之郊而不遽北犯者懼吾兵出而遷延不進賊有以知我之勇怯矣臣竊謂賊自桂林北竄諸帥喪師左次皆為一守字所誤賊屯一日可資休息我屯一日銳氣日隳賊所過劫掠行不裹糧我軍坐食縣官日需鉅餉相持數月餉絕兵匱不待交綏而勝負已判請密飭王大臣等明發號令按兵拒守而陰選健將率死士數千潛師出彼不意麾兵急擊一鼓可殲如此則大河以南諸賊心怵膽落不敢復圖北犯矣尋命會辦京城團防保甲權戶部侍郎兼管錢法堂戶部奏鑄當十當五十大錢王大臣又請增鑄當百當千謂之四項大錢當千者以二兩為率餘遞減茂蔭上疏爭之曰大錢之鑄意在節省由漢訖明行之屢矣不久即廢未能有經久者今行大錢頗見便利蓋喜新厭故人情一概及不旋踵棄如敝屣稽諸往事莫非如定錢法過繁市肆必擾折當過重廢能必速此人事物理之自然論者謂國家此制當十則十當千則千孰敢有違不知官能定錢直而不能定物直錢當千民不敢以為百物直百民不難以為千自來大錢之廢多由私鑄繁興物價騰踊宋

清史稿

列傳二百九

沈疇之言曰當十錢鑄召禍導奸游手之徒爭先私鑄無故而有數倍之息雖日斬之勢不可遏張方平之議曰奸人盜鑄大錢之用日輕比年以來虛高物估增直於下取價於上有折當之虛名罹虧損之實害大觀錢鑄自蔡京而其子條作國史補叙始之得息流通繼之盜鑄多弊終之改當折閱事皆目睹尤為詳盡古所不能行而謂可通行於今乎信者國之寶大錢鈔票皆屬權宜之計全在持之以信庶可冀數年之利今大錢輕重程式甫經頒行未及數月忽盡更變商民惶恐羣疑朝廷為不可信此非細故也或慮銅短停鑄故須及時變通願變通欲其能行不行則亦與不鑄等逆賊一平不忠無銅若賊不能平銅不能連雖儘見有之銅悉鑄當千恐亦無濟可慮者不僅停鑄而已上命王大臣及戶部秉公定議王大臣終執原議四年戶部會奏推廣大錢辦法茂蔭復疏爭曰臣疏陳大錢利弊未奉諭旨臣職司錢法夙夜思維實難行當百以上大錢與原行當五十者無甚分別此何以貴彼何以賤難一以易市物則難分折以易制錢莫與兌換難二大錢雖準交官項然準交五成者已有實鈔

官票大錢何能並搭難三此猶其小者耳最大之患莫如私鑄奸人以銅四兩鑄大錢兩枚即抵交官銀一兩是病國也蓋行制錢每千重百二十兩鎔之可得六十兩以鑄當十錢可得三十千設奸人日銷制錢以鑄大錢民間將無制錢可用是病民也寶鈔官票其省遠過大錢果能推行盡利裨益亦非淺鈔大錢之行似可已也疏入仍不報其後大錢終廢如茂蔭言又疏論鈔法利病略曰上年初用銀鈔雖未暢行亦未滋累及臘月行錢鈔至今已發百數十萬為累頗多向來鈔法唐宋之飛錢交子會子皆有實以運之元廢銀錢不用而專用鈔上下通行為能以虛運實明專以虛責民以實歸上勢遂不行臣元年所奏皆以實運虛之法今時勢所迫前法不行議者雖專於收鈔時設法然京師放多收少軍營有放無收直省州縣有收無放非有商人運於其間則皆不行非與商人以可運之方能運之利亦仍不能行因擬上四事務在通商情利轉運奏入上斥其為商人指使不關心於國是命恭親王奕訢定郡王載銓嚴議議上謂茂蔭所論窒礙難行嚴旨切責尋調兵部學匪踞池州太平皖南隔絕

清史稿 列傳二百九

三

茂蔭奏請以徽州暫歸浙江統轄上命浙江巡撫黃宗漢體察酌行初茂蔭疏言賊脅良民驅為前鋒請特降諭旨自拔來歸均從寬貸殺賊來獻均加爵賞京師久不雨上命清釐庶獄減免情節可矜者茂蔭又疏言可矜者莫如賊中逃出之難民各處捕獲難民指為形迹可疑嚴訊楚毒此輩於法不為無罪於情實有可矜請救暫緩定擬皇上御極以來屢詔求言言或無當奉旨明斥斥其無當非禁使不言也然言者即因以見少即如諸路慎軍失地之將帥未敗之始其措置乖方人言藉藉而無敢為皇上言者或慮無實據也或雖有實據而慮查辦時化為子虛也或慮不用而徒招怨也或謂聖心自有權衡也是以皆不敢言至用人進退之際臣子每不敢盡言淺者懼干聖怒而見斥深者懼激上意而難回皇上披覽奏章纖悉必邀批示勳亦至矣臣以為精神貴於不紛願務其遠者大者舍其近者小者明主勞於求賢而逸於任人今天下人才不足此誠可憂雖然非無才也如羅澤南人無不知為將材矣初不過一貢生耳湖南一省既有江忠源兄弟又有羅澤南諸人則他省可知惟賢知賢惟才

愛才是在聖心之誠求耳方今武昌未下江西又復危急兩省之民向也與賊為仇今乃竟有從逆者此中轉移之故宜深思也列聖仁漸德被人心斷不能忘然此時不亟維繫使賊得徐出假仁假義以為市恐民心將為所搖而難挽矣奏入上嘉納之八年病免十一年穆宗即位以茂蔭忠直命俟病痊聽候簡用同治元年上疏陳時政言天象示警宜厲修省議政王責任重大宜專心機務餘事綜其大綱言官宜加優容順天府事繁府尹石贊清不宜兼部各國通商事務衙門司員甫及一年即得優保恐各衙門人員皆以營求保送為得計宜防其漸著左副都御史命借兵部尚書愛仁往山西按察授工部侍郎二年調吏部丁繼母憂歸四年卒於家

清史稿 列傳二百九

四

親詣壇位及奠帛後諸儀節更加酌定奏請允行旋以遺親王恭代而止惟詳稽典禮祀天鉅典尤為慎重偶遇服色不宜與居未適有遺代無議減見值祈年大祀伏願皇上飭停新議仍遵成憲五年遷宗人府丞六年疏言自江甯失陷上自九江下及鎮江瓜洲寇勢水陸相援見聞向榮兵力不支情形危急今即分路赴援仍恐緩不濟事請飭江督浙撫履用輪船載兵由圖山關入江焚攻金焦賊船再由儀徵溯浦口與六合諸軍相為犄角則江甯鎮江對岸之賊節節防我必不敢離巢東竄是不特解江南之急即江北亦愈甯謐又聞廣東新至紅單船二十餘艘請飭德興阿向榮將紅單船并歸一處力扼蕪湖江面如能克復蕪湖則附賊之背甯國不攻自下薦道員繆梓楊裕深金安清通達治體洞悉夷情請以履船籌費諸事責成辦理疏上諭兩江總督怡良與向榮德興阿酌行宣宗實錄告成叙勞擢內閣學士迭署戶工二部侍郎八年授工部侍郎文宗顯皇帝抱病未能親行祀典十年晉疏言近年郊壇大祀聖躬以步履失常偶緩親行而於遺恭代外仍先期躬詣皇乾殿拈香仰見寅畏深衷惟

每屆大祀皇上於前一日辰巳間躬詣拈香即在齋宮祇宿今則先期即如臨事請於前一日寅卯間先行詣殿拈香然後還宮辦事臣尤願慎攝聖躬養元氣節岐代之味復健行之常於下屆郊祀大典照常親行上嘉納之十一年疏言江甯失陷已將十載總督曾國藩經營防剿與官文胡林翼會合攻復安慶惟所部不足二萬人若合四川湖北湖南江西安徽五省歲入養兵勇十三萬人以七萬分駐防剿六萬大舉東征餉足兵增庶可一舉集事又言江西首當賊衝巡撫毓科布政使慶善皆失人望請以太常寺卿左宗棠簡署巡撫而於督糧道李桓前廣饒道沈葆楨浙江道員史致諤二人中簡擇權授藩司又請以曾國藩總統四川湖北湖南江西安徽五省督辦東征軍務上以所籌不為無見下官文國藩等議奏又疏言蕞陵規制儉約樸實萬世可法定陵工程請仿行勿改格於部議不行同治元年調倉場侍郎南漕初改海運歲額三百萬石自天津運京倉偷漏飛灑歲損米茶鉅道軍興江浙郡邑淪陷南漕起運纒二十餘萬石而偷漏飛灑如故十年以來侍郎及監督官凡數易皆受事深悉

清史稿

列傳二百九

五

其弊因循未奏舉六年事發左邊內閣學士償米二萬石十二年遷戶部侍郎十三年卒

袁希祖字笱陔湖北漢陽人原籍浙江上虞道光二十七年進士選庶吉士授編修咸豐二年大考二等摺侍講三遷侍講學士八年超擢內閣學士迭署禮工刑諸部侍郎九年疏言咸豐初以道梗銅少改鑄大錢未幾當百當五皆不行惟當十行之始直制錢三五近則以十當一銀直增貴百物騰踊民間重困旗餉月三兩改折錢十五千致無以自活向日制錢重一錢二分大錢重四錢八分以之當十贏五錢四分今以十當一是反以四錢八分銅作一錢二分用也民間私鑄改鑄百弊叢生今天下皆用制錢獨京師一隅用大錢事不盡一請悉復舊規俾小民易於得食盜源亦以稍弭十年疏言軍事略謂數年以來地方軍事所謂失守無所為守也但聽其失即坐以罪僅革職留營而已所謂收復不見其收自然而復俟賊自去即虛報克捷上狀列保以樹植私人似此用兵安有成功之一日臣愚以為今雖收裂機尙可轉賊寇蘇常久一旦得之

子女玉帛其意已屢不特金陵老賊全股爭趨即天長六合之賊亦涎其利宜乘彼勢方散緩請特選重臣駐清淮要地統籌全局頃諭旨令曾國藩赴兩江署任規復蘇常自甯國進兵前後受敵非萬全之計莫如令胡林翼自江北進攻牽制安慶令楊載福以水師直下大江互相策應令李若珠力攻天長六合以出江浦迤立聲援密飭國藩潛引銳兵倍道以取金陵方為上策今日勇師糜餉勢無窮已兼各路統帥散而無紀其賢者往往深入援絕血戰隕身其不肯者坐擁厚兵遇敵輒避必得重臣領兵統馭積弊既除精神乃奮此轉移之機也尋署戶部侍郎時各直省行團練分遣大臣督辦希祖疏言團者一時可集練非經久不能即云團練非五六千人不可計口授食費已不貲即使練成而此五六千人制敵不足騷動有餘坐食資餉終虞譁潰且邊往大臣萬一與有司齟齬必至互為水火轉貽大局之憂請頒明諭使知團練乃以自衛鄉間並不以此科歛亦不必日給口糧坐守困耗否則用多費溢正供無可挹注不得不取諸民輕則聚眾重則返戈大可慮也英法俄美四國合軍內犯天津不

清史稿

列傳二百九

六

守希祖請暫就和議遷延旬日俾部署得以周詳曾格林沁獲英官巴夏里希祖疏請殺之未幾敵軍深入上巡幸熱河希祖屢疏諫不報屢北望痛哭遂得疾已而和議成兼署兵部侍郎尋卒

文瑞字叔安烏蘇氏滿洲鎮紅旗人道光二十一年進士選庶吉士授編修摺侍講五遷至左副都御史文宗即位求言文瑞疏陳四事請選賢才明賞罰廣聽納謹調攝並錄乾隆元年左都御史孫家淦三習一弊疏以進上嘉之咸豐三年粵匪陷武昌東下疏請於上海鎮江雇廣東紅單船擇員統帶以防江面並密察京師流言以消逆萌靖畿輔上命諸大臣集議增兵籌餉文瑞疏言兵餉為國家大政選旨會議乃大學士等絕無一語及公言笑晏晏不知內閣何地不詢會議何事臣臆舉摺持之策尙書孫瑞珍竟閱辭支吾自述家私形同市井大臣如此深堪悼嘆又言二月朔為領俸定期戶部欺紕早應籌畫乃於是日清晨請旨冀以停俸上諉朝廷又議行鈔法並徵鋪稅商民驚懼請發帑三十萬支放春俸暫可流通俾商民安業鈔法鋪稅暫從緩議從之又疏言

鈔法之弊放多收少半為廢紙放少收多民間鈔無從得若收放必均是與之甲而取之乙徒擾無益非易銀鈔為錢票不可擬就道光年間所設官號錢鋪五處分儲戶工兩局別錢京師俸餉照公費發票之案按數支給以錢代銀並具條目六事疏入議行尋兼署大理寺卿以天變奏請修省上嘉納之刑部罪人劉秋貴死於獄文瑞奏秋貴無病一夕而死刑部後四日入奏改易日期塗飾操縱請嚴飭根究山西崞縣民婦王劉氏拒姦死罪人從輕比刑部題駁文瑞復奏原擬知州失出請飭山西巡撫嚴劾上並從之粵匪入山西境陷平陽等處文瑞奏請飭督兵大臣嚴防入直隸要路尋自臨洛關竄過天津命文瑞率兵駐通州奏言通州城垣樓櫓損壞請集款建復諭此守土之責統兵大臣不必兼轄刑部右侍郎四年以病乞罷先是文瑞偕克勤郡王慶惠請捐銅鑄四項大錢濟兵饑上從其請及還京病痊命仍與惠慶董其事設局開爐上命尙書阿靈阿御史范承典往銅廠查驗文瑞奏劾阿靈阿等擅開爐房恐有偷漏上斥其負氣任性降二級調用同治元年卒毓祿字曉山舒穆魯氏滿洲

清史稿

列傳二百九

七

正白旗人道光二十一年進士授刑部主事累升郎中遷御史軍興安徽江蘇山東諸省皆暫停秋審毓祿奏言寇蹤所至每先釋獄囚脫其死而置之生自必願為賊用雖有投首減罪之例而愚頑類多不知大義聞直隸近因賊擾將秋審諸囚酌覈情罪其謀故凶盜拒捕殺人重囚立即正法其情有可矜及例應緩決諸囚即予減等發配誠為權宜變通之道見有軍務省分應令一體遵辦京師行用大錢當百當五十二種壅滯不行毓祿疏請商民應納旗租地丁關稅於例定收鈔五成數內專收當百當五十大錢二成部收捐項應交錢票亦一律納大錢七年擢工科給事中歷內閣侍讀學士太僕寺少卿通政司副使內閣學士同治三年擢工侍郎兼管錢法堂五年奏言寶源局鑄當十錢向係演省解銅以銅七鉛三配鑄近因演銅久未解局市銅低雜致錢文輕小例定每錢應重三錢二分請每屆收錢以三錢為率不及者即飭改鑄上斥寶泉寶源二局不職之兩侍郎監督並下吏議

徐繼畬字松龕山西五臺人道光六年進士選庶吉士授編修遷御史迭疏劾

忻州知州史夢蛟保德知州林樹雲營求升遷登州知府英文諱災催徵榮河知縣武履中藉事科歛又疏請除大臣迴護調停積習又疏陳政體宜崇簡要略謂皇上廣開言路諸臣條奏苟有可取無不通行訓諭惟是積習疲玩已久煌煌聖諭漠不經意輕藐甚矣臣以為諸臣條奏或非大體所關或非時務所急原不必悉見明文若事關切要聖慮折中期於必行者即降諭旨宜重考成度其事之難易限年興革如仍前玩視於本案外重治以違旨之罪此教令之宜簡也六部則例日增律不足求之例例不足求之案陳陳相因禁亂如絲論者謂六部之權全歸書吏非書吏之有權條例之煩多使然也臣以為當就現行事例精審詳定取切於事理者事省十之五文省十之七名曰簡明事例使當事各官得以知其梗概庶不至聽命於書吏此則例之宜簡也考功職方議功議過使百僚知勸懲也現行之條苦於太繁太密不得大體嘗見各直省州縣有莅任不及一年而罰俸至數年十數年者左牽右掣動輒得咎且議處愈增愈密規避亦愈出愈奇彼此相通上下相詭非所以清治道也臣以為各官

清史稿

列傳二百九

八

處分凡關於國計民生官箴品行不妨從重從嚴其事涉細微無關治禮與夫苛責太深情勢所難者當準情酌理大加刪削此處分之宜簡也疏入上嘉納旋召入對論時事至為流涕十六年出為廣西潯州知府擢福建延邵道調署汀漳龍道海疆事起敵艦聚廈門與漳州隔一水居民日數驚繼畬處以鎮定民賴以安二十二年遷兩廣鹽運使旬日擢廣東按察使二十三年遷福建布政使二十六年授廣西巡撫未赴官調福建閩浙總督劉鈞以病乞假繼畬暫兼署總督福州初通商英吉利人僑居會城烏石山神光寺士民大譁言路以入告上命鈞珂繼畬令其遷徙久之乃移居道山觀士民以繼畬初不力拒終不懌言者屢論劾繼畬初入覲宣宗詢各國風土形勢奏對甚悉退遂編次為書曰瀛寰志略未進呈而宣宗崩言者抨擊及之咸豐元年文宗召繼畬還京召對稱其樸實尋授太僕寺少卿詔求言繼畬上疏略謂國家崇尚儉樸大內宮殿一仍明舊惟圓明園為三時聽政之地避暑山莊為秋獵駐蹕之地兩處規模至乾隆間而備宣宗皇帝暫停秋獵熱河工程一切報罷惟自正月至

十月恒駐圓明園然三十年中未嘗增一堵一椽游觀不及諸坐落或報應修輒令撤去以故內帑發出外庫前後凡千數百萬數年以來園亭久曠或謂先朝堂構不應坐聽彫殘方今軍務未完河工未畢亦料無暇及此將來兩事告成內庫稍充保無以營繕之說嘗試者伏望皇上堅持苟非萬不得已之工程一切停罷至於裝修陳設珍奇玩好可省則省無取鋪張此土木之漸宜防也孔子刪詩以關雎為首義取摯而有別匡衡之說有曰情欲之感無介於容儀宴安之私不形於動靜其言有別可謂深切著明第以事涉宮闈絕於聽視非臣子之所敢言雖有折檻之忠牽裾之直止能言得失於殿廷豈能爭是非於宮壺故聖明王即以是為修省最切之地皇上至剛無慾過者釋服禮成將備周官九御之制衍大雅百男之祥竊以為聖德日新肇基於此此晏安之漸宜防也自古聖賢之患由於言路不通然亦有言路既通而聖德轉生於不覺者皇上御極之初即以開言路為務自倭仁一疏手詔褒嘉言事者紛紛而起邇因天旱求言又復諄諄獎誘譽空言塞責受人指揮激直沽名三弊為戒臣

清史稿

列傳百九

九

庶大半中材臣以為空言塞責事出庸憊一覽擲之無關輕重激直沽名由於器小皇上予以優容適足以見聖度至受人指揮事涉營私果其確有可懲必當明正其罪總之羣言淆亂衷諸聖人亦在皇上權衡酌量而已臣竊計在京言事者約分三等以章奏陳者曰九卿科道以章奏陳兼得面陳者曰部院大臣不以章奏陳而時得面陳者曰內廷王公此三者各有所優亦各有所蔽九卿科道爵秩未崇少迴翔之意聞見較廣多採訪之途以風節相磨以彈劾為職此其所優也其所蔽則前之三弊是也部院大臣久在朝列受恩効忠明習時事此其所優也然階級既崇天顏日接顧忌矜慎胸臆所存莫能傾吐其一此則其所蔽也內廷王公國家肺腑外無私交黨援之患內無希倖爵賞之心此其所優也然法制嚴峻例不與外人交接廷評輿論所不盡聞此則其所蔽也皇上明目達聰幽隱畢照而臣乃鯁鯁過慮者誠恐言事者限於才識未能仰副淵衷致皇上察納虛懷不免悵然而思返此聖蔽之漸宜防也昔唐臣魏徵有十漸之疏太宗嘉納千古以為美談夫漸者已然之詞也正之於已然

何如防之於未然臣謹師其意衍為三防之說極知迂陋無補高深伏冀幾餘採納上優詔報之咸豐二年吏部追論繼會在巡撫任遠送罪人遲誤請議處乃罷歸尋丁母憂粵匪北犯攻懷慶山西巡撫哈芬檄太原總兵烏勒欣泰率兵防澤州遷延未即赴賊渡河陷垣曲哈芬出駐陽城布政使郭夢齡疏乞授繼會亦具疏借布政使印馳奏上為罷哈芬巡撫以王慶雲代之繼會條舉防守諸事以告尋奏請令繼會督辦防堵事定居數年回捻交亂又命督率官紳總辦各府州團防繼會駐潞安年餘親歷潞州上黨陽城諸要隘措置詳備署巡撫沈桂芬甚重之同治二年召詣京師命在總理各國事務衙門行走尋授太僕寺卿加二品頂戴五年以老疾乞歸繼會父潤第治陸王之學繼會承其教務博覽通時事在閩粵久熟外情務持重以恩信約束在官廉謹罷歸主平遙書院以自給尋卒

清史稿

列傳百九

十

王發桂字笑山直隸清苑人道光十六年進士授禮部主事充軍機章京累遷郎中咸豐三年上疏言軍事被嘉納尋遷御史洪秀全既踞江南分兵北犯發桂疏言順德正定地當衝要請屯兵扼隘並條列六事曰謹偵報嚴催偵查勦明曉諭廣撫郵籌協濟又疏薦貴州道員胡林翼知兵能勝重任請超擢俾任軍旅上命林翼留湖北襄軍事迭疏請令各省汰舊伍練新兵設鄉團值有事則新軍進戰鄉團設防以明威繼光紀效新書練兵實紀訓練將士賊渡河逼近畿輔疏請蒐簡軍實選精銳為後備並獨貧民房稅撫流亡以安人心下所司議行疏言軍興以來大臣獲罪多以從軍自效位崇性驕不可任使坐耗糧精無裨軍政且主將曲庇輒請起用有罪幾同無罪圖功適以冒功頃副都統達洪阿退縮失律致知縣謝子澄副都統修鑑同時死寇欽差大臣勝保賜以神雀刀原令便宜行事乃自入直境未戮一人而於獲戾大臣多所論薦以私廢公抑阻士氣請按治達洪阿以下行軍法紀律既嚴軍威自振並被採納累遷給事中鴻臚寺卿八年復疏論時事言宜上廉恥重訓練以求將帥之才李續賓唐訓方起自末僚能自張一軍轉戰千里敦樸廉潔勇往任事之人隨地而有請飭督撫採訪奏聞物力艱窘莫甚於湖南軍餉糜費莫甚於江蘇自

湖南得左宗棠江蘇得王有齡而餉源日裕夫與利莫如去歲今司計者日言捐餉而鹽漕糧稅凡國家自然之利一任廢弛請下所司議整飭兩廣總督黃宗漢赴粵遷延六月遲不之官城淪於敵巡撫柏貴莫知爲計城東居民殺敵數百柏貴輒爲懸賞緝殺人者貴州巡撫蔣蔚遠當叛苗教匪日久鷓張未聞有所措施此皆才力不逮遂使一方塗炭聖主恩威並用尤所仰望歷太僕寺卿通政使左副都御史同治二年署工部侍郎疏薦戶部郎中王正誼守潔才優以忤肅順得罪請復其官報可授禮部侍郎調刑部又調工部五年以疾乞免九年卒

廉兆綸初名師敏字葆醇順天甯河人道光二十年進士選庶吉士授編修宣宗知其賢將擢用以父憂歸遺命諸臣可大用者兆綸與焉咸豐元年服除二

清史稿

列傳二百九

十一

兆綸奏言江西通省募勇計一萬五六千人各不相統屬地方有警勝則互訐以競功敗則爭潰而不相救甚且擾民冒饗乘便營私其弊不勝枚舉今賊勢日張瑞州臨江相繼失守設有倉卒以此散而無紀者當之何恃不恐惟有將所募之勇裁去一切名號併爲三四軍每軍得四五百人統以監司方面素有威望者庶可責成功六年三月兆綸按試廣信賊陷吉安撫州進據安仁兆綸上疏請援並以練勇千守貴溪賊竄德興陷建昌廣信勢益孤兆綸督諸生集鄉團與廣信知府沈葆楨上饒知縣楊昇籌防禦遣上饒諸生郭守謙率鄉勇三百夜襲金谿諸生曾守誠奮勇先入城賊不虞兵至奪西南門逸克其城乘勝會攻建昌而饒州又陷官軍敗績廣信益危兆綸與國藩等合疏請截留閩兵一千六百專攻建昌分撤守謙與在籍道員石景芬防剿六月國藩遣督司畢金科復饒州兆綸飭景芬守謙等馳攻撫州會賊連陷廣昌南豐新城瀘溪四縣八月守謙軍撫州張家橋三接皆捷窮追遇伏力戰死時兆綸方赴鉛山道梗咨衢州鎮總兵饒廷選乞援廷選率兵二千一百至兆綸冒雨穿敵壘

復入廣信共謀守禦寇屢攻不下凡七戰捕斬其渠六斬六千餘級廷選與游擊穆隆阿都司賴高翔等又屢擊破之賊走玉山廣信始解嚴兆綸防守危城盡出俸銀餉軍貧困至不能自給尋以病告歸七年病痊仍直南書房署工部侍郎八年授戶部侍郎調倉場侍郎時軍事方急兆綸疏請責成督撫辦賊略曰今於督撫外另設統兵大員其本省督撫雖有會剿之名其實專爲籌餉之事統兵者往往以呼應不靈餉精不給漸至遷延而督撫又往往以事權不一供億不資各生意見及至城池失守統兵者無地方之責或邀寬大之恩而未帶兵之督撫轉受其咎名實不符事多掣肘賊氛之熾職此之由臣惟督撫大吏類皆朝廷簡拔之人設其人未盡知兵不妨擇統兵大員畀以督撫之任使之各清各省而責其成功方今川黔閩廣並未另派統兵大員而本境漸就肅清湖南北之專任督撫討賊者轉有餘力助勦鄰境至於江蘇一省統兵者不一而足而潰敗糜爛至今平心而論統兵大員中豈乏公忠體國之臣所以然者抑其所處之地不同用情亦異此其故不可不深長思也清淮一帶實爲

清史稿

列傳二百九

十二

南北要衝漕運總督不兼管地方宜此時權設江北巡撫抑或將漕運總督權改斯缺所有江北各路軍務悉歸統制庶可控扼江淮聲援汝穎不惟江南羣逆絕其覬覦之心即豫東會捻各匪出沒之區亦可斷其一臂矣疏上不報九年英吉利兵北犯疏請以戰爲和十年英兵掠豐登倉兆綸疏自劾上寬之又疏言軍興以來各省兵不足因招募鄉勇比來兵日少勇日增不可不預爲之計此後勇丁如有技藝精嫻戰陳得力者請令統兵督撫大臣即於存管缺額挑選充補軍事既定願歸農者遣散願效力者分隸各標序補額兵上題之兆綸以交河糧商囤積穀稅遣勇目捕治糧商訴勇目索詐辭連兆綸事上聞命刑部逮問同治元年京察休致二年諭責兆綸在任用人不當奪職銜兆綸職知遇遇事敢言以是多難能官歸讓產諸弟主問津書院以修脯自給六年卒

質二年復授太常寺少卿屢上疏陳軍事三年遷左副都御史會同河道總督楊以增巡視黃河口岸迭疏請撫卹在平東平東阿汶上饑民撤山東防河兵省各渡口冗費皆報可粵匪陷揚州以誠自請討賊募勇屯萬福橋扼揚州東南賊窺裏下河以誠屢擊走之通泰十餘城賴以保全授刑部侍郎辦軍務與琦善陳金綬會攻揚州以誠分兵駐守要隘焚浦口賊舟屢會諸軍擊賊而揚州久攻不能下諸將以總兵霍騰龍最勇敢足恃詔命授安徽以誠疏言臨陣易將兵家所忌琦善亦以為言乃留勿遣其冬賊陷儀徵偪連河西岸官軍屢擊走之以誠與浙閩總督慧成合駐軍灣頭六橋未幾賊援至鄉勇潰散琦善奏劾奪官留軍自劾嗣琦善請移灣頭大營以誠與慧成力爭琦善復劾以誠諱飾上責琦善誘過飭以誠仍守灣頭及萬福橋諸隘賊既自揚州退瓜洲時來攻以誠與陳金綬合擊敗之加三品頂戴尋授江蘇布政使屢督礮船渡江會勦攻北固山破其土城乘勝逐至金山敗之六年托明阿兵潰瓜洲揚州復陷詔責以誠等擁兵不援又疏辨冒功為德興阿所劾職戍新疆以誠

清史稿

列傳二百九

十三

在戍所呈請將軍扎拉芬代表奏言江北軍事尋赦還賜四品頂戴授陝西按察使遷布政使入為光祿寺卿同治元年京察休致光緒五年以重宴鹿鳴還原銜八年又以重宴恩榮加頭品頂戴十年卒年七十九以誠在江北用幕客錢江策創收釐捐錢江者浙江長興諸生嘗以策干揚威將軍奕經不能用林則徐戍伊犁從之出關以是知名謁以誠於邵伯留佐幕餉紉江獻策遣官吏分駐水陸要衝設局卡行商經過視貨值高下定稅率千取其一名曰釐捐亦並徵坐賈歲得錢數千萬縉江與同幕五人赴下河督勸不從者曾以兵民間目為五虎江自以為功累保獎至道員氣矜益盛以誠不能堪會飲江使酒罵坐以誠執而殺之以拔扈狂肆謀不軌聞後各省皆倣其例以濟軍需為歲入大宗焉

陶傑字鳧鄉江蘇長洲人嘉慶十三年進士選庶吉士授編修纂修皇清文頌十九年林清之變逆黨闖入禁城傑方在館修書其僕駱昇聞警匿傑於書櫥自當戶立賊刃之仆越日事定傑出救之甦仁宗回鑾聞之召傑問狀曰義僕

也賜之金二十一年以知府發直隸補永平調正定道光四年擢清河道署按察使新城縣失過境餉鞘歸罪外委白勳速訊死於刑上遣尚書松筠侍郎白鎔按治察其枉傑坐降四級捐復知府留直隸十二年補大名知府十八年遷湖北荆宜施道萬城隄決傑復坐降調捐復二十二年補湖南糧儲道調湖北漢黃德道二十八年遷甘肅按察使調山西二十九年遷江西布政使入覲授太常寺卿文宗即位傑疏言宣宗成皇帝天錫智勇嘉慶十九年八月之變當時但傳發槍斃賊不知首逆林清姓名地址亦山宮中訊得立時遣捕故渠魁不致遠颺餘孽不致滋蔓請勅載入實錄以揚聖武上從之咸豐二年擢內閣學士四年遷禮部侍郎六年以病乞罷七年卒年八十六傑早有文名曾從侍郎王昶助其纂述歷官所至提倡風雅質接才俊輯載輔傳行世晚登朝右時值軍興舊舊凋落其猶見乾嘉文物之盛者惟大學士祁寯藻與傑二人為士林所歸仰云

清史稿

列傳二百九

十四

雲南學政邊徵士風敦樸存義力為提倡文風改觀回民煽亂存義按試永昌竟出郭數里城中火起待學使去而始發也二十八年丁母憂歸會江北大水洧饑存義議振躬詣富室勸捐多感其誠出資購米穀存義權小舟散給饑民全活甚衆服闋直南書房擢侍講咸豐五年典試雲南復留督學政士益親之回亂益棘圍會城城中兵闕掠官署民居獨未入學政解民間婦孺匿考院避難者千人存義在雲南久習知民情比復命奏對陳變亂始末甚詳累遷侍讀學士署順天府丞十年英法聯軍入京師上幸熱河京朝官多挈家出走存義屬疾語家人毋隨人妄動事定敘城守勞將入存義名存義聞之力疾起署禮部日府丞吳存義抱病家居干摺詰姦皆無與今病未愈不敢冒受賞未幾擢太僕寺卿遷通政使署禮部侍郎存義以文廟從祀位次多外奏請審定繪圖頒行又以諸儒增祀既繁漸失世用其書垂諸國冑之義奏飭中外臣工不得濫請署刑部侍郎同治二年署工部侍郎選署禮戶二部出督浙江學政軍事甫定人士離散初歸存義寬大拊循歲考既周秀良者始奮於學乃導以經史小

學文風復興三年調吏部留學政任六年任滿以病乞歸七年卒

殷兆鏞字譜經江蘇吳江人道光二十年進士選庶吉士授編修咸豐四年遷侍講直上書房授惠親王子奕詳等讀摺侍講學士命授孚郡王奕詒讀累遷大理寺少卿八年英吉利兵犯天津兆鏞力主戰疏請黜邪謀決大計詆斥主和諸臣甚力擢詹事九年署兵部侍郎詔江蘇諸省治團練兆鏞疏言其弊舉四害言其切上海欲借英法人助戰兆鏞亦以爲不可十一年丁本生母憂同治元年服除仍直上書房疏言江皖軍威既震大局漸有轉機臣來自災區敢就見聞真切關繫重大者爲皇上陳之一宜飭戎行上海兵勇號稱四萬皆不堪用何以今年經英法人管帶便成勁旅華爾親兵六百盡中國人戰無不勝無他挑選慎約束嚴器械精實副信耳請將帥講求武備漸事安攘提鎮中如曾秉忠水師通賊焚掠馬德昭掠蘇州上海李定泰掠湖州嘉興向奎每戰輒敗敗輒行劫馮日坤部兵掠婦女李恒嵩兵不行劫已共推良將竊謂行師首禁焚掠克城先謀戍守否則旋得旋失民間無子遺矣一宜澄吏治上海諸

清史稿

列傳二百九

十五

官吏惟劉鄩齊得民心已蒙特簡薛煥統馭無能吳煦精心計在上海設銀號繳捐者非所出銀票不收新授糧儲道楊坊由洋行撥水夫致巨富爲洋人所鄙浙江布政使林福祥杭州破後降賊送王有齡張錫庚樞至上海臣意此等悖員宜分別懲創稍申憲典一宜清釐餉款上海左近官卡賊卡槍船卡林立卡稅之外釐捐月捐船捐捐房捐日增月益臣聞官吏紳商皆云日可收銀二萬月得六十萬兵勇四萬人日餉三錢月止三十六萬而當局猶入不敷出請勅曾國藩李鴻章嚴密清釐蘇松嘉湖賦額甲天下近三十年年額緩官民交欠賦成虛額見經大亂田荒戶絕可否俟軍務大定敕督撫嚴計酌留商稅核減農賦以羨補不足勿踰定則一宜撫卹遺民江浙交界界務民設槍船所至焚掠此輩視官兵盛衰以爲向背克復時必爲內應請敕督撫從宜處置或令歸農或籍爲兵勿貽後患至失守郡縣陷賊士民商賈苟非出自甘心僅止偷生畏死可否援會從罔治之義乞恩原有一宜防維外人上海孤城克保不得謂非外人之自力自經助勦所向無前或云實出義舉或云欲通商販或云日

後侍功素債臣俱不敢逆億各處通商奉外人太過猶幸我國新政清明未萌覬覦日久相習利權盡歸人情益附而謂狼子必無野心實難深信撫御得體尤在博知外情請敕各口通商衙門譯述各國新聞有關時事者書記大則奏聞藉資豫備上以所陳不爲無見下國藩鴻章等籌畫並將福祥等察劾按治尋授詹事遷內閣學士迭署兵禮諸部侍郎四年編修蔡壽祺疏劾恭親王命大學士倭仁等察奏兆鏞與左都御史潘祖蔭疏言恭親王輔政以來功過久蒙睿照重臣進退關繫安危尙祈持平用中熟思審處察其悔過予以轉圜庶無紊黜陟大綱滋天下後世之感上納其言六年督安徽學政七年授禮部侍郎任滿仍直上書房迭署兵工二部侍郎尋授吏部侍郎調戶部再調禮部七年以病乞罷九年卒

論曰咸豐中四方多故文宗旭恒恒抱疾京師用不足大錢鈔票法立弊滋王茂蔭屢進諫言均中利害清直爲一時之最宋曾亦其次也袁希祖文瑞皆有論列而徐繼畲直箴君德所舉三防陳義尤高發桂言軍事亦有識廉兆綸

清史稿

列傳二百九

十六

助守江西雷以誠分防江北並著事功陶樾爲文學老宿吳存義殷兆鏞並侍從清望存義視學浙浙能得士心兆鏞慨慷論事於鄉邦疾苦冀有補苴何言之深也

清史稿

宗稷辰

王拯

游百川

尹耕雲

穆緝香阿

列傳二百十

宗稷辰字滌甫浙江會稽人道光元年舉人授內閣中書充軍機章京遷起居注主事再遷戶部員外郎咸豐元年遷御史疏請飭各省實行保甲略言州縣宜久任時日宜寬假填寫門牌當詳細核對董事胥役毋派費累民酌用丞簿以爲襄助先編巨族以爲聯屬並可申明讀法之典兼收團練社會之益詔下直省督撫各就地體察參酌行之又疏言通籌出入宜崇實去偽舉清查報效生息三端又疏請酌改經徵處分令州縣裁罪賤催並下戶部嚴議五年間上將謁陵未有旨戒行稷辰疏言畿南州縣被水連歲用兵民氣甫行休息願請展緩一年上諭曰每歲謁陵事同典禮如果畿輔民力未逮亦必權衡時勢暫緩舉行今茲並未降旨何日謁陵宗稷辰揣度陳奏徒博諫之名而無其實

清史稿

列傳二百十

此風不可長下部議處尋又奏言自粵匪竄據長江數年以來文臣武將能戰者希如烏蘭泰塔齊布江忠源皆難得之將而多不盡其用以死且殉如勝保張亮基袁甲三皆勇於任事而亦未盡其用以罪罷去近日支持兩湖賴有二書生如胡林翼羅澤南能以練膽爲士卒先此二人者實曾國藩有以開之此時若開文武兼資一科誠足濟當時之急而臣工多不敢薦舉者一恐其才疏而得過一恐其遇蹇而罔功處愁眉焚頂之時守踏常習故之轍見有敗劾動以饑饉爲辭饑固不可不籌試思用兵乏人雖飲金百萬棄如土苴終歸無用臣聞見隘隘非能盡識天下之才所知湖南有左宗棠通權達變爲疆吏所倚重若使獨當一面必不下於林翼澤南其屢經論薦難進易退肝膽經術實可取材者有若湖州之姚承與其策議深沈才識過人者有若常州之周騰虎管晏桂林之唐啟華皆關心時務今尙鬱鬱伏處田間誠能破格招賢連茹並進則得一人可以平數州得數人可以清一路長江雖阻當不難分道建功日平定伏乞皇上命內外臣工各舉所知無論已仕未仕果能文武兼資皆許

徵起必可網羅而盡得之疏入下各督撫命以宗棠等加考送部引見宗棠自此廣簡拔論者謂其知人遷給事中時京師行大錢商民苦之稷辰上疏請復用制錢號曰祖錢而大錢改純用鐵鑄兼行並用下部議格不行又以畿輔水患疏請急振從之尋授山東運河道拾匪入境於濟甯牛頭河濱築戰牆北岸六千三百丈南岸八千六百丈賴以守禦以功加鹽運使銜同治六年引疾歸尋卒稷辰父需正官湖南陵等知縣廉餘資稷辰事母孝爲學宗王守仁劉宗周能官後主餘姚龍山書院山陰戴山書院官京朝請祀總兵葛雲飛本籍官山東請修方孝孺祠並刻正學集其振勸風教多類此

尹耕雲字杏農江蘇桃源人道光三十年進士授禮部主事再遷郎中咸豐五年粵匪犯畿輔惠親王綿愉爲大將軍僧格林沁參贊軍務辟耕雲佐幕府上書論防務爲文宗所知八年授湖廣道監察御史署戶科給事中時方多事封章月數上直隸總督訥爾經額坐貽誤封疆罷復起耕雲疏言訥爾經額之罪天下共聞共見未喻其復行起用之故方今江淮楚豫軍務未靖乘銀之臣星

清史稿

列傳二百十

羅棋布所以奮不顧身必欲滅此朝食者固由篤於忠義亦以國家信賞必罰有以畏服其心萬一效尤解體患何可言昔宣宗起用琦善以陳慶鏞之言而罷伏願紹述心傳收回成命時粵匪復窺武漢耕雲疏言武漢地踞上游北窺關陝南脅湖湘東撼吳越西制巴蜀自古南北用兵皆出死力爭之今賊窺伺楚北分擾廣濟黃岡逼近省城撫臣胡林翼兵勇數千衆寡懸絕江路懸遠首尾不能兼顧侍郎曾國藩忠勇樸誠應請授爲欽差大臣率其所部援湖北較諸他臣事半功倍粵匪陷定遠耕雲疏言定遠失守粵捻新合必謀北窺恃山東爲之屏蔽撫臣崇恩幸其不戕官據城於賊退後虛報勝仗內則巧爲彌縫掩一人耳目外則恣其賤削竭萬姓脂膏惟懇俯念藩籬地立予罷斥簡大員往代於洪湖多募水師兼飭傅振邦全軍移駐固鎮靈壁冀收皖北以固山東及廬州失守又疏言昔人建省安慶與九江江甯爲犄角控扼長江上年徒治廬州已失形勝茲並廬州亦不能守胡林翼等自武漢進逼九江而安徽之賊或自英霍走湖北奉我上游或自徽歙擾浙西窺我腹地我軍分道救援罷

於奔命賊有四達之路我無三面之圍雖日克一城何益撫臣福濟屢挫損威候補京堂袁甲三素得民心如以爲巡撫必奮身圖報及國藩進師疏言軍興以來征調半天下糜餉數千萬卒未能掃穴擒渠則以屢後時而數失機也今曾國藩蓄養精銳所向克捷陳玉成張洛行率悍賊數十萬齊向潛山太湖抗拒衆寡之數十倍於我一有疏虞關繫甚重此時應鳳六合賊勢必單騎袁甲三張國傑刻期擣其巢穴逼令反顧或令間道爲楚師聲援亦足視其狂魄別疏劾河道總督庚長請以甲三兼攝又論雲南回匪不宜專意主撫又陳京師本計平糶探買賙恤蓄積諸事宜並舉又言錢法積弊諸疏多見採納英法合軍犯天津耕雲專疏者七會疏者二力主決戰上命王大臣集議與鄭親王端華等議不合耕雲抗辨痛哭而罷耕雲初在禮部肅順頗重之及是爲所憎九年科場獄起以科道失糾下吏議而耕雲以充內監試讀獨重鑄二級調用十年京師戒嚴上將幸熱河耕雲代團防大臣草疏諫阻復自以書抵肅順卒不聽侍郎文祥提督九門遇耕雲東城相持哭因爲規畫留守諸事胡林翼疏薦

清史稿

列傳一百一十

三

耕雲胸有權略請起用會副都御史毛昶熙治河南團練疏調從軍同治元年率部卒五千從僧格林沁平金樓寨教匪又借提督張曜克張岡捻巢以道員記名賜花翎三年署河陝汝道西征軍購糧陝州市斛小責屬縣償其不足凡數百萬斤耕雲悉請罷之客軍有不法者斬以徇境多刀匪請得節制河陝兵饋餉以時兵咸用命四年張總愚犯畿輔耕雲從巡撫李鶴年進軍磁州建策築長剛斷賊歸路兩署糧儲鹽法道佐治善後事濬惠濟河塞河決叙勞加布政使銜十三年補河陝汝道河陝徭役重亞於常賦耕雲立定制嚴稽覈民困稍甦光緒三年大旱條上救荒七事未及行卒於官耕雲在言路著直聲出任監司巡撫張之萬李鶴年皆倚重之軍事多所贊畫卒後巡撫李慶翔以災荒被劾牽及冒領兵餉事辭連耕雲後終得白云

王拯初名錫振字定甫廣西馬平人道光二十一年進士授戶部主事充軍機章京大學士賽尚阿視師廣西以拯從拯感時多難慷慨思有所建白咸豐間自郎中累遷大理寺少卿同治二年降捻宋景詩由陝西還擾直隸山東拯奏

言景詩岡屯軋圩儼然嶼固自陝逸回其黨不過數百崇厚等一再養難裏脅逾萬近復於昌邑莘縣城臨清四州縣令村莊將所獲麥與佃戶平分連延岡屯是其名爲降伏心迹轉益凶悖請密敕直隸督臣劉長佑計調來營暴其罪而誅之若抗違不至直隸官軍猶能越境近剿景詩既除如楊蓬嶺程順書等首惡皆可駢誅以除巨慝以安畿輔疏入未行其後景詩卒以叛誅軍事未定曾國藩議於廣東籌餉勞崇光創辦釐金諸弊盡起拯疏言兩粵爲策亂之區岑溪容縣數載皆爲賊踞信宜陳金缸尤爲巨魁羣賊相爲一氣滋蔓難圖勞崇光舉辦釐金率令紳商包充墊繳然眉剝肉事何可常及崇光去任徵收減少近乃有釐務委員或爲衆所毆傷或爲民間枷號雖民情頌穰而官吏惡劣亦可概見以積年久亂之地有負隅固視之賊當一切利孔百方搜剔之時臣竊恐利未十而害已百萬一兩粵復糜爛更不知何所措手足豈惟釐金不能辦而已因薦廣東道員唐啟蔭兩淮運使郭嵩燾浙江運使成孫詒旋用嵩燾督廣東釐金自拯疏發之也三年遷太常寺卿署左副都御史疏論總理各國

清史稿

列傳一百一十

四

事務大臣侍郎崇綸恆祺董恂薛煥委瑣醒通國皆知竊恐外邦輕侮以爲中朝卿貳之班大都不過如若曹等未免爲中朝恥辱就令人材難得或於總理衙門位置爲宜上應量爲裁抑或處以散職或畀以虛銜庶外邦服我旌別之嚴四方聞之亦釋然於朝廷有納羣倫羈縻彼族之意尋邊通政使仍署左副都御史疏言近日蘇杭迭克直東肅清臣觀從來將興之業垂成之功未有不矢以小心而始能底定者金陵賊窟雖計於三四月間可拔而丹陽與常州犄角百戰悍賊如李秀成等聚集死守杭嘉既克餘黨歸併湖州其自皖南竄越江西之賊蔓延玉山鉛山金谿建昌二三百里衆號八九萬並有闖入福建境者又聞李世賢自率巨股由淳安遂安接踵而至曾國藩左宗棠等用兵日久前此屢陳不亟求功且夕同一老謀深計獨於皖浙毗境豫作防維之策則國藩意在微審各飭所部分防宗棠以爲不若併力取廣德扼賊竄路兩議未及定賊已由皖竄贛賊又草竊已久人數太衆勢多不能聚殲而弗使一賊他遁臣則以此賊人多勢劇一意奔突前股未痛勦後股又踵接萬一深入江西

腹地燼餘復熾又至燎原且由贛踰閩可以直走汀湖為數年來竄匪熟路黃文金由此而來石達開由此而去前事可為深鑒豐稔諭旨曾國藩左宗棠李鴻章沈葆楨及閩粵各督撫諄諄戒備當此大功將竟惟當併力一心互籌戰守務將分竄諸賊前截後追必使所至創夷日就衰殘零落不得喘息以成巨患臣尤有請者皖浙諸軍與賊相持不為不久所需餉項國藩宗棠等各於江楚等省自為籌畫國藩奏於江省設立總臺以一省捐釐之數為皖軍十萬養命之源浙軍固不能分撥即國藩所部月餉傳聞亦祇放數成不得已而籌及廣東釐捐乃又不能遽辦夫民之不能見遠而各為其私者情也廣東有之江西豈獨不然日前沈葆楨奏請將江西茶稅牙釐等款歸本省任收旋用部議允留其半在國藩等斷不至缺望惟軍前將卒當枕戈喋血切望成功之時忽聞軍餉來源將減衆心或生疑懼何以得飽騰而資鼓舞擬請飭贛皖楚粵各疆臣值此事機至緊無論如何變通為難總當殫竭血誠同心共濟甘肅回氛未戢中州餘寇尙存汝南陳大喜等竄逸湖北自隨棗襄樊張總愚自南台

清史稿

列傳二百十

五

山中出竄內浙時虞合併漢中之賊全竄陝商州一路聞將會齊襄樊回援金陵誠亦未可輕忽日前陝省軍務政出多門李雲麟追賊商於忽捲旆而西其在興安未能遏賊竄逸其在漢陰遇賊避匿縱勇淫掠宜量加裁抑劉蓉素嘗學問懷負非常漢中之賊本所專辦而竄擾四出尤當誓志盡除方為不負多隆阿聲望最優衆口爭傳為第一名將乃近日聲望漸損宜申聖諭訓飭雷正綰所向克捷諒足當一面之寄顧全甘官吏未有一二正人之持其間現聞蘭州與慶陽隔絕恩麟權督印不過使令便辟之材職見陋劣熙麟坐守慶陽寧夏一區又為慶昫種種紕繆所誤臣愚以為亟宜選簡公正有為之大臣鎮撫整飭今之天下何易遽言率土奠安而南北軍務漸定西事再能就緒亦即為大致之澄清朝廷者天下之本宮府清明嚴肅與疆場奮迅振拔之氣相感而自通天下大勢日轉而亦正多難鉅之事或遽以為時局清明事機暢遂若已治已安者然人情大抵喜新狃常畏難而務獲獨有當幾至誠君子為能深察而切戒之昔諸葛亮為三代下一人史獨稱之以謹慎朱子進戒宋孝宗曰

使宴安耽毒之害日滋而日長將臥薪嘗膽之志日遠而日忘臣不勝私憂過計冒昧瀝陳疏入報聞尋告歸卒

穆緝香阿字居南滿洲鎮紅旗人由工部主事再遷郎中同治四年授山東道監察御史疏請慎擇宦寺略言皇上沖齡御極聖學日新知識日開左右侍從之輩宜豫加慎選勿使將來盡感聖聰溯自漢末及前明朝政之失半由宦寺蓋宦寺出身之始每以小忠小信便捷逢迎無非售其固寵邀恩之計及黨與已成則驕肆專橫而箝制其上雖英明之主竟有百計不能除之者當時臣民切齒痛恨終歸無可如何我朝列聖相承遠邁前代不但不準此輩干預政事雖應對進退間亦不假以辭色使無由譏諂面諛浸潤膺受是以二百餘年從不為患雖然如此嚴防尙有防不勝防之慮嘉慶癸酉之變猶有通賊者此輩反覆已有明徵也今皇太后垂簾聽政洞悉其弊杜漸防微有鑑於前不使宵小蒙蔽所以知人善任朝政肅清即數年後皇上親政亦斷不致寵任此輩貽誤事機何待臣下鯁鯁過慮然獻曝之忱有不能已者當此之時正聖學擴

清史稿

列傳二百十

六

充之際雖臣工皆能盡心輔佐而宦寺尤宜加意斟酌臣以為宦寺之設無非效奔走供指使而已萬不可使年輕敏捷之人常侍左右請皇太后選忠正老成者為我皇上朝夕侍從庶將來親政必不致受其欺蒙盡感而無疆之聖德基於此矣五年疏論大學士曾國藩督師討捻日久無功請量加譴責上以國藩迭疏引咎特命回任專辦餉糈雖未歲全功非貽誤軍情者可比斥所奏過當置不議出為山西蒲州知府尋卒穆緝香阿通知國故家藏邸報自國初以來幾備

游百川字匯東山東濱州人同治元年進士選庶吉士授編修六年遷御史巡西城宗室寬和等所行多不法奏劾懲治一時貴近斂跡七年捻匪自山東竄直隸百川奏請飭統兵大臣迅速剿辦又請嚴禁各省栽種罌粟上皆採納疏論內外官署胥吏積弊詔通飭嚴禁復言除吏弊在肅官方尤在揚士氣請飭部院堂官於每司中擇賢戔數員付以事權專其責任察有胥吏舞弊據實上陳仍以勤惰定功過賞罰既明人才自奮至外省地方官本有懲治胥吏之權

嚴飭各督撫為地擇人毋以人試地舉賢効不肖再簡廉正大員以時巡察遇有貪官盡吏列狀奏聞黃河北徙山東郡邑屢被水百川疏請賑卹河督文彬巡撫丁寶楨請仍挽復准徐故道命廷臣集議百川疏言黃水宜南宜北必將折衷一是如議挽復故道論工程論經費引黃濟運有未可遽定者三端如即以大清河為黃水經流舊道斷不能容河面必須加寬民間田廬如何移徙如何安置則度地宜審也且即河面加寬仍恐萬難容納別開支河勢不容已徒駁馬類鉤盤兩津猶可指名可否開行有無貽害則分水宜權也黃水北行其事為創萬一不善料理人情騷動物議沸騰則相機宜慎也請特派大臣履行上下游詳勘然後定策十二年前親政命查治圓明園奉皇太后駐蹕御史沈淮疏請暫緩修理上特諭宣示孝養兩宮之意專修安佑宮供奉列聖御容暨皇太后駐蹕之所治事之地量從節儉不事華靡此外均不必興修百川繼疏申諫上召入詰責百川侃侃正言無所撓上為動容一時敢諫之名動朝野尋以憂歸服除補官遷給事中光緒五年出為湖南衡永郴桂道遷四川按察使

清史稿

列傳二百十

七

擢順天府尹遷倉場侍郎九年山東河決被災者數十州縣命百川往會巡撫陳士杰治工賑百川輕騎周歷河南北岸上下游先散賑賑會奏請築兩岸遙隄復於其內築總隄使黃水不致泛溢又奏請濬小清河分黃水入海如議行還京以倉廩被火罷歸居數年卒准字東川浙江鄞縣人道光二十九年舉人授內閣中書充軍機章京咸豐十年文宗符熱河准不及從慟哭欲投井家人守之不得死遷刑部主事進員外郎授陝西道監察御史疏劾戶部主事楊鴻典攬權納賄下刑部逮治僅以小過議鑄級及閣敬銘為尚書始奏劾譴黜園工興淮疏首上當時與百川齊名光緒元年充順天鄉試監試力疾從事出閣旋卒家固中人產官京師斥賣殆盡人尤服其清節論曰用兵之際事機千變京朝官以傳聞有所論列往往不能切中宗稷辰歸重得人尹耕雲論諸將帥罪王拯請調和疆吏一意辦賊為能見其大拯所言尤詳盡蓋直樞廷見軍報較得諸傳聞者異矣穆穆香阿請慎選宦寺游百川等阻修圓明園譽譽負直諫名良不虛也

清史稿

列傳二百十一

吳振斌

張亮基

毛鴻賓

張凱嵩

吳振斌字仲雲浙江錢塘人嘉慶十九年進士選庶吉士授編修道光二年出為雲南大理知府歷山東登州沂州濟南安徽鳳陽知府山東登萊青道貴州糧儲道貴州按察使山西四川布政使咸豐二年擢雲南巡撫尋甸東川回匪蠢動粵匪由廣西闖入開化廣南境借總督吳文鎔先後遣將擊平之四年調陝西巡撫未行署雲貴總督貴州興義普安匪起檄安義鎮總兵金剛保等勦之遵義亦被匪圍合演黔兵力迭戰獲勝禽匪首楊鳳先於石阡葛莊司五年秋始抵陝西任匪首陳通明受粵匪指揮於潼關糾眾謀響應以計禽之並獲其黨張順羅吉祥等置諸法被詔嘉獎離職歸地丁數倍於昔奏請改行招販先課後鹽民便之未幾擢四川總督七年調雲貴總督雲南漢回積仇自中原兵事亟協餉不至回亂愈恣團練跋扈動相殺掠省城戒嚴前任總督恒春

清史稿

列傳二百十一

一

不能制夫婦同縊巡撫舒興阿亦以病求去惟布政使榮春榮困守危城文宗知振斌熟悉滇省情形故以代之命選川兵三千携餉五萬馳往調前山東巡撫張亮基幫辦軍務以副之振斌至先駐宣威進次曲靖疏言先勦後撫勢順而易不待智者而知兵盛餉足必應如是前督臣林則徐勦永昌回匪兵練萬餘本省有餉可籌彌渡獲勝匪旋受撫其地祇迤西一隅中之一隅此次匪徧三迤情形迥不相同非數千之兵十數萬之餉所能蕩事如率意進行徒損國威於事無補臣初到滇於漢回兩無嫌怨惟恐藉兵威結以恩信有所申訴慮以公平省城為根本重地省回解散此外漸次籌辦其負隅抗拒者仍當力勦匪勢漸孤較易得手否則不自量度而急乘之更無轉圜地步禍更烈矣見在兵無可調餉無可籌宵旰焦勞事非一省臣為雲南一省計並當為天下全局計豈容再有貽誤致令徵調無休故未言勦先言撫有萬不得已之苦衷雖成敗利鈍難以逆料舍此亦別無良策也又奏在籍侍郎黃琮御史寶璠總兵周鳳岐奉命團練設總局於省城周鳳岐意見不合引嫌不肯與聞黃琮寶璠聯

衝出示專主痛勦民間紛紛集練回衆疑忌日深地方官苦心解散漢民往往
閔堂塞著逼官殺回故團練在他省爲要務在滇省竟爲大患黃琮等每言省
團可得六十萬人無虞寇警回匪初至城外不及千人團丁招之不來來即奔
潰近日省練一萬餘人月需餉數萬經費不敷練頭自行管帶不盡官派回衆
有求撫之意極議者忽用練往勦安殺邀功致可撫者終不能撫黃琮寶壙係
特派人員非臣力所能制請旨定奪臣已咨桑春榮嚴嚴守城之練裁汰冗濫
以節糜費練歸官統如不奉調派自行出隊即按軍法從事庶一事權而免掣
肘疏入詔視黃琮寶壙職許回民悔悟自新其負固不服者痛加勦辦漢民借
團練爲名肆行殺掠者以軍法從事於是振械遺漢回委員赴省城曉諭漢回
解釋猜嫌分畫所居街道撥抵難民遺產議定章程遣散歸業先後勦平露登
回匪殲滅寇土匪李廣沅八年四月撫局粗定入駐省城借張亮基籌辦迤西
勦撫事宜臨安回匪攻府城遣兵擊走之又敗之於阿迷州解河西縣之圍是
年冬以病乞罷因于春杰官雁平道就養山西同治元年命會同巡撫英桂防

清史稿

列傳一百一十一

二

河尋命赴陝西會辦軍務十年卒詔依例賜卹
張亮基字石卿江蘇銅山人道光十四年舉人入資爲內閣中書從大學士王
鼎赴河南治河督築四壩工竣賜花翎擢侍讀二十六年出爲雲南臨安知府
總督林則徐曾與共事河工知其才密薦可大用調署永昌邊夷滋擾亮基用
土弁左大雄禽匪首事乃定超擢雲南按察使就遷布政使二十年擢雲南巡
撫兼署雲貴總督粵匪漸熾密疏論軍事文宗顯之咸豐二年調湖南巡撫
在途聞賊團長沙統帥駐守常德詔趨進解省城之圍至則梯城而入屢出隊
與城外援軍夾擊賊解圍去破岳州入湖北漢陽武昌相繼陷湖廣總督徐廣
縉以罪罷命亮基代之規進勦亮基疏言宜防賊回竄意在專顧湖南詔趨速
進三年春賊棄武漢東下亮基抵湖北籌辦收復撫郵事宜通城崇陽嘉魚廣
濟土匪起平之賊自下游分竄江西亮基督師扼道土祿黃石港分兵赴援秋
賊之分竄河南者由羅山入湖北黃安麻城境水陸夾擊殲之調山東巡撫未
行江西賊由九江來犯令道員徐豐玉禦之於田家鎮戰失利豐玉陣亡亮基

坐降四級留任時粵匪李開芳等犯畿輔踞靜海亮基至山東奉命扼德州防
其南逸南路賊欲由淮徐窺伺北犯爲應援令按察使厲恩官率兵駐宿遷之
北以防之四年賊入山東境亮基馳扼濟寧杜其北竄尋陷鄆城擾范縣壽張
東平繞出賊前截擊敗之於臨清黑家莊既奏捷幫辦軍務大臣勝保勦其取
巧冒功詔斥亮基欺罔並追論初赴湖南不急趨長沙及去湖北時但求自全
居心狡詐視職遺戍軍臺逾年給事中毛鴻賓言臨清之役勝保安劾御史宗
稷辰亦言亮基能任事未盡其用乃釋回發東河差遣尋命往安徽隨辦軍務
七年予五品頂戴命赴雲南幫辦勦匪事宜湖南回匪方熾團練橫行省會總
督吳振斌初至駐曲靖裁抑練勇招撫回衆露登回最悍集衆犯宜威亮基督
按察使徐之銘等率兵擊走之八年春又敗之於袁家屯殲賊其衆餘黨就撫
詔嘉之授雲南巡撫既而振械乞罷擢雲貴總督亮基督徐之銘代爲巡撫臨
安回匪攻城擾及阿迷勦平之九年省回就撫後踞碧雞關劫奪近郊分勦乃
散又勦平彝安寧緬甸楚雄諸匪武定羅次富民祿豐勸諸州縣先後克復

清史稿

列傳一百一十一

三

然回練互相猜忌亂機時起徐之銘既爲巡撫貪縱險狠與亮基陰不相能時
構煽其間十年秋回人掌教馬德新徐元吉武生馬現率各屬回民來省乞撫
住城外江右館亮基約之銘同詣撫諭之銘陰嗾已散練丁擁至督署阻撓諭
之不可殺通海知縣雷焱於門遂逼殺招撫委員紳士馬椿齡孫鈞亮基爲所
脅持不敢入告以病乞罷命劉源灝代之源灝久不至亮基逕去十一年至湖
北乃疏陳滇事勦之銘不法會布政使鄧爾恒升任陝西巡撫去滇之銘嗾匪
狀於路於是罷源灝以潘鐸署總督命亮基赴滇查辦督師則亮基疏請發
部照募捐充餉募勇千人然後行與潘鐸先後至四川欲資其餉力兵力四川
兵事未定無以濟之林自清者亮基之舊部方署雲南提督與之銘及馬如龍
等皆不協回人仇之聞亮基在四川擅率所部號萬人入川求効用阻之不聽
詔亮基撫諭解散而之銘嗾馬如龍等聲言拒亮基不使入境相持久之同治
元年潘鐸先抵任請暫留之銘以畢撫局遂改命亮基以總督銜署貴州巡撫
未幾之銘復陰嗾回衆爲變鐸被戕而雲南之亂愈亟矣二年亮基至貴州黃

號白號苗教諸匪並熾上下游徧地皆賊亮基令總兵沈宏富等攻遵義螺螄
堰破之殲餘匪於上稽場令總兵劉義方等勦思南教匪復普安南又連破
苗匪於桐梓鼎城及水城廳馬龍騎禽匪首何潤科等於黔西降萬人三年尙
大坪匪犯省城督沈宏富等戰於郊殲賊千計復修文總兵林自清趙德昌克
龍里又復興義解清鎮之圍收復定番廣順長寨諸城破龍泉涇潭黃白號匪
老巢克滇西衛城四年克黔西石阡永寧荔波貴州地瘠財匱饑軍索餉時虞
譁噪亮基撫防勦僅得粗安而所部諸將多驕蹇輿論不協爲侍讀學士景
其溶論劾亮基乃劾總兵林自清劉有勳副將池有連等劫掠扣餉不聽調度
請嚴治詔布政使嚴樹森奏亮基復具疏自陳言樹森規避貴州安坐隣省
不親至於是亮基樹森並視職十年卒湖南巡撫王文韶貴州巡撫曾璧光先
後請復原銜各建專祠光緒三十四年湖南貴州京官合詞臚陳功德在民追
設惠廟

清史稿

列傳二百一十一

四

毛鴻寶字翊雲山東歷城人道光十八年進士選庶吉士授編修遷御史給事中
中數上封事論軍務咸豐二年以尙書孫瑞珍薦命回籍治團練四年勦幫辦
軍務大臣勝保罪狀請嚴旨查辦五年授湖北荆宜施道調安襄鄖荆道歷安
徽按察使江蘇布政使十一年署湖南巡撫尋授疏言湖南地居僻遠向非
富強自前撫臣張亮基駱秉章等於吏治民風實力講求用能削平寇盜屹爲
上游重鎮川人之效有明徵矣臣以爲名將不過收戰陣之功得賢督撫斯能
造封疆之福如左宗棠識略過人其才力不在曾國藩胡林翼之下今但使之
帶勇殊不足以盡其長倘畀以封疆重任必能保境安民兼顧大局前任雲貴
總督張亮基果決有爲雲南壤接邊陲餉糈不給漢回仇釁相尋即令經營盡
善亦僅有益一隅似不若任以要地俾展所長但使東南日有轉機則雲貴游
氛無難迅掃此輕重之機宜審者也時湘軍所至有功各省多往召募鴻寶疏
陳招勇流弊請慎選將領以收實效並被嘉納石達開竄湖北鴻寶遣知府席
寶田副將周達武總兵趙福元分路進擊解會同黔陽之圍同治元年進復來
鳳貴州提督田興恕兼署巡撫軍報不實信用左右鴻寶疏劾之遣兵越境勦

貴州竄匪復天柱縣城又勦銅仁張家寨匪首蕭文魁率衆降克大小青兩堡
江藍廳同知椿齡指團紳爲土匪鴻寶廉知椿齡有酷刑逼借事勦罷之椿齡
京控許鴻寶借貸不遂鴻寶自請查辦下總督官文詢訊得白擢兩廣總督英
德土匪起令按察使張運蘭勦平之借巡撫郭嵩燾奏定變通緝捕章程獲大
盜者予優擢允之三年江南既復浙贛餘氛未靖鴻寶疏言江西南路之防猶
有未備閩粵交界均無防兵慮賊上竄以粵東爲尾閭江西當四衝之地宜合
數省兵力乘大勝餘威衆而殲之已咨曾國藩調撥助旅繞越寧都石城一帶
扼賊南竄之路臣派一軍於閩粵交界會同進剿並請敕曾國藩嚴守南贛俾
毋竄越四年坐前在湖南道員胡鏞請咨引見繳回咨文委署道缺降一級調
用回籍七年卒宣統初山東巡撫袁樹勛疏陳鴻寶功績復原官祀鄉賢祠
張凱嵩字雲卿湖北江夏人道光二十五年進士廣西即用知縣歷宣化懷集
臨桂知縣李星沅勞崇光並薦其能咸豐五年擢慶遠知府勦平土匪王得勝
等擄左江道調署右江道慶遠失守革職留任八年借按察使蔣益澧破賊克

清史稿

列傳二百一十一

五

慶遠復原官署按察使尋授遷布政使同治元年巡撫劉長佑赴潯州籌勦
撫留凱嵩經畫後路荔浦張皋友陷陽朔遣兵敗賊於鷓鴣巖復其城就擢巡
撫諸匪中黃鼎鳳張皋友最猖獗分陷貴縣陽朔屬集大鹿灘馬瀨檄總兵李
明惠提督江忠義先勦馬瀨進規貴縣破之於桂嶺殲禽賊首張皋友陳士養
二年檄布政使劉坤一攻黃鼎鳳於登龍橋賊走覃塘進圍之信都賊陳金剛
等來援道員蔣澤春逆擊敗之進克容縣坤一克覃塘三年克天平寨禽黃鼎
鳳貴縣平加頭品頂戴疏陳左右江積匪未清議三路進兵以劉坤一統七營
留防潯州易元泰統十一營由賓州遷江達思恩李士恩統水陸八營由橫州
達南甯節節進勦四年坤一攻克大廟江口平埤斬賊首梁安邦南甯河道始
通元泰勦上林平之坤一擢江西巡撫去以同知劉培一代領其軍將親赴南
甯督戰會僞康王汪海洋竄粵將入廣西詔凱嵩駐防潯州五年凱嵩至南甯
進攻山澤督諸軍穴地轟城奪山入禽僞平章蘇仲熙等孫仁廣單騎走旺隴
追斬之山澤爲賊所踞十餘年至此悉平六年擢雲貴總督自潘鐸被戕演事

登紛行至巴東稱病三疏請罷坐規避職光緒六年以五品京堂起用授通政使參議邊內閣侍讀學士署順天府尹授貴州巡撫十年調雲南請於省城設開採五金總局以興礦利借內閣學士周德潤勸越南界務十二年卒於官廣西巡撫李秉衡疏陳凱嵩政績請建專祠廣西京官論其不當罷之子仲忻光緒三年進士由翰林御史官至通政司參議政言有聲

論曰雲南地居邊遠回漢積仇中原多故之秋幾為王靈所不及吳振械兼籌勦撫實體中朝措置之難張亮基才足有為誤用徐之銘受其排擠遂至不可收拾自潘鐸被戕之後無人敢任其艱危毛鴻賓疏言內地寇平邊方自靖誠為確論張凱嵩因規避黜後仍以舊勞起用朝廷固鑒其情已

清史稿

六

清史稿

列傳二百十二

李德

吳棠

英翰

劉蓉

喬松年

錢鼎銘

吳元炳

李德字惠人陝西華陰人道光二年進士直隸即用知縣補撫甯調青縣舉卓異歷涪州深州擢大名知府調保定擢大順廣道遂按察使二十一年擢順天府尹二十三年南河決命偕侍郎成剛馳往督工二十六年出為江蘇布政使以病歸三十年起授甘肅布政使咸豐元年擢河南巡撫長蘆鹽政疲敝言官請變通懸岸德偕直隸總督訥爾經額議改直隸懸岸分別官辦商販二年調山東粵匪由武昌東下趨江甯德遣精兵二千馳援親赴兗沂曹諸府察形勢分兵扼隘防守履行河隄令黃河渡船悉歸曹縣劉家口單縣董家口斷他口私渡檄候補道慶凱等駐兵要隘搜捕捻匪三年江甯陷徐州捻梟諸匪盡起

清史稿

列傳二百十二

德再赴兗沂曹諸府督防未幾揚州陷德令防軍分三路遊擊王鳳祥等駐邳縣紅花埠為東南路總兵百勝等駐嶧縣韓莊及陰平為中路總兵三星保巡劉家董家二口遏賊北竄為西南路德駐宿遷迤北與百勝等犄角四月賊自浦口北竄安徽陷滁州逼鳳陽臨淮關德進駐宿遷慮徐州守兵弱請移山西陝西綏遠諸路援兵策應五月賊自亳州經米家集竄河南陷歸德擾劉家口德命防軍進擊民團繼之燬北岸船賊不得渡有由曹河駛入者乘半渡擊沈之賊敗退尋自河南汜水北渡溫縣西路告警德自曹州分兵馳援督師繼之比賊圍懷慶德會諸軍力戰解其圍捻匪擾歸德境毗連曹單德留陝甘兵九百會剿自引師回防東路自粵匪起所至各行省皆瓦解疆吏能禦賊不使入境且出境勦賊者惟德一人文宗深嘉之屢欲擢任總督以山東為畿輔屏蔽倚德為重故未果尋卒於官優詔悼惜贈總督太子少保諡恭毅子啓詔署湖南桂陽州殉難贈道銜

吳棠字仲宣安徽盱眙人道光十五年舉人大挑知縣分南河補桃源調清河

署邳州山東捻匪入境率團勇擊走之還清河咸豐三年粵匪陷揚州時圖北
竄棠招集鄉勇分設七十二局合數萬人聯絡鄰近十餘縣合力防禦有聲江
淮間丁母憂士民攀留河道總督楊以增疏請令治喪百日後仍署清河太常
寺少卿王茂蔭疏薦詔詢以增亦以治績上特命以同知直隸州即補賜花翎
六年丁父憂仍留江蘇以勳匪功累擢以道員即補十年補准徐道命幫辦江
北團練皖北捻匪出入以徐宿爲孔道山東土匪時相勾結一歲數擾棠督軍
屢擊走之十一年擢江甯布政使署漕運總督督辦江北糧臺轄江北鎮道以
下令總兵張耀倫等破賊於阜甯山陽解安東圍漕督舊駐淮安府城棠以清
江浦地當衝要築土城駐之捻匪大舉來撲督軍力戰擊退賊踞衆興集相持
令驍將陳國瑞進攻戰十日大破之賊遁泗州督屬縣築圩寨壁清野收撫
海州賴檢土匪先後遣將擊捻匪禽李麻子於曹八集斬何申元於洞裏莊殲
卜里於半截樓又破山東幅匪於郟城徐家圩鎰陽集長城等處二年實授漕
運總督令陳國瑞進剿沂州迭獲渠魁國瑞遂隸僧格林沁軍苗沛霖叛陷壽

清史稿

列傳一百一十二

二

州棠令總兵姚慶武黃開榜水陸赴援疏言欲拯臨淮之急必須一軍由宿蒙
直擣懷遠使苗逆急於回顧臨淮始可保全削平之策尤須數道進兵方能制
其死命又密陳皖北隱患准北鹽務疲敝悉由李世忠盤剝把持其勇隊在懷
壽一方盤踞六年焚掠甚於盜賊苗平而准北粗安李存而淮南仍困請早爲
之計詔下僧格林沁等籌辦三年加頭品頂戴署江蘇巡撫四年調署兩廣總
督棠疏陳江境尚未全平請收回成命專辦清淮防勦詔嘉其不避難就易仍
留漕督任軍事初定即籌復河運署兩江總督未幾回任五年調閩浙總督六
年調四川總督時蜀中軍事久定養兵尙多而協濟秦隴演黔餉不貲棠令
道員唐炯剿貴州龍井苗匪復麻哈州道員張文玉等克黃平州疏請遣周達
武一軍入黔助剿即調達武貴州提督餉仍由四川任之平苗之役賴其力焉
八年雲貴總督劉嶽昭劾棠赴川時僕從需索屬員饋送言官亦劾道員鍾岐
等包攬招搖命湖廣總督李鴻章往按鴻章覆奏川省習尙鑽營棠遇事整頓
猾吏造言騰謗詔責棠力加整飭勿稍瞻顧斥嶽昭率奏失實惟坐失察鍾岐

等薄譴十年署成都將軍奏撥捐輸銀二十萬兩賑饑民十三年雲南貴州軍
事先後肅清以協餉功被優敘灌縣山匪作亂令提督李有恆勦平之斬其渠
余其蔭疏言部章新班遇缺先人員補官較易服官川省者報捐不惜重利借
貸其中即有可用之才夙累既重心有所分官債雖清民生必困請救部另議
變通俾試用甄別年滿歷練較久諸員得有敘補之期實於吏治有益光緒元
年勦敘水廳匪及雷波叛蠻平之以病乞罷二年卒詔優卹設勳惠
英翰字西林薩爾圖氏滿洲正紅旗人道光二十九年舉人咸豐四年揀發安
徽以知縣用九年署合肥粵匪擾皖北督鄉團擊敗之又破賊華子岡小河灣
擢同知十一年署宿州同治元年捻匪來犯英翰借總兵田在田克高黃山寨
進破湖溝擢知府賜花翎二年捻首張洛行爲僧格林沁大軍所敗回老巢英
翰擊敗之於青疇會攻克雉河集英翰授策降人擒洛行送僧格林沁大營誅
之授宿州知府巡撫唐訓方及袁甲三交章薦英翰沈勇有謀剿治北匪圩功
多苗沛霖復叛攻蒙城壽州英翰督兵攻克蒙城附近賊圩又擊敗沛霖所遣

清史稿

列傳一百一十二

三

攻壽州兵會總兵姚廣武破韓村賊寨攻狼山城棄學道蒙城糧道始通署廬
鳳道擢按察使復督兵援蒙城攻蔡家圩斷賊糧道遣參將程文炳等四出截
擊夷賊壘數十僧格林沁富明阿諸軍先後至大破賊沛霖就殲附沛霖諸圩
盡克賜號格洪額巴圖魯二年粵匪合捻匪由陝南竄湖北將進爲江甯營援
其鋒甚銳僧格林沁調英翰赴援賊方圍麻城襲破柏子塔城屯賊渠陳得才
等自白臬走閩家河英翰督軍迎戰破之尋以請獎冒濫奪勇號降五級留任
賊自松子關竄皖境巡撫喬松年奏調英翰回援克金家寨賊竄六安青山會
諸軍擊走之羣賊崩聚英山霍山連破之於樂兒嶺土門黑石渡時江甯已下
僧格林沁大軍進逼賊皆携貳陳得才仰藥死馬融和有衆數萬英翰令郭寶
招致之賊首藍成春亦降餘小頭目紛紛求撫僧格林沁以成春乃粵中老賊
斬之以徇未至者遂散走而張總憲牛洛江任柱賴文光等勾結復熾論功英
翰復賜號銜額巴圖魯擢安徽布政使四年捻匪自河南竄山東僧格林沁
戰歿遂大舉犯安徽覲復踞蒙宿舊巢英翰屯雉河集爲賊所圍道員史念祖

佐英翰且戰且守凡四十五日援軍至突圍夾擊大破之賊乃解圍引去晉號
達春巴圖魯五年就擢巡撫前撫喬松年調陝西剿西捻張總愚以皖軍郭寶
昌從行其餉仍由英翰籌供東捻由固始犯皖境皖軍扼之復竄麻城英翰率
軍防六安六年賊復由楚豫入山東方讓就運河築長圍圍賊英翰分撥皖軍
令黃秉鈞扼宿遷張得勝扼龜兒窩灘程文炳以騎兵備游擊余承先率水師
由洪湖入運河捻勢漸蹙英翰丁父憂予假一月治喪改署任是年冬捻首任
柱為淮軍所殲餘黨散撲運河皖軍截擊收降數千人賴文光走揚州就禽東
捻平論功予三等輕車都尉世職再疏請終制報可而西捻渡河北犯七年春
畿輔戒嚴英翰率軍馳援命駐河南英翰奏以所部交河南巡撫李鶴年調遣
請回旗守制詔慰留之遂會諸軍圍賊於運河東捻衆聚殲加太子少保辭不
許八年回旗營請留京予假兩月期滿仍回任十年於亳州捕叛捻宋景詩
誅之十三年擢兩廣總督粵匪悍酋楊輔清敗逸後猶潛匿福建晉江令降將
馬融和等往捕至是始就擒奏請誅之光緒元年入覲晉二等輕車都尉世職

清史稿

列傳一百一十一

四

廣東閩姓奉旨嚴禁英翰奏請弛禁助餉又因隨員招搖為廣州將軍長善等
所劾召還京被議職未幾命還世職以二品頂戴署烏魯木齊都統二年實
授尋卒贈太子太保復勇號賜卹設果敏安徽省城及鳳陽壽州宿州阜陽蒙
城渦陽並立專祠賜其母銀二千兩人獲六兩無嗣弟英壽襲世職
劉蓉字霞仙湖南湘鄉人諸生少有志節與曾國藩羅澤南講學軍事起佐澤
南治團練咸豐四年從國藩軍中既克武昌轉戰江西五年澤南由江西回援
湖北蓉從之領左營弟蕃戰歿於蒲圻蓉送其喪歸遂辭軍事尋丁父憂胡林
翼奏徵之不出十一年略乘章督師四川聘參軍事疏薦其才詔以知府加三
品頂戴署四川布政使尋實授乘章於軍事吏治悉倚蓉贊助亦時出視師藍
李諸匪以次削平事詳乘章傳同治元年石達開由滇黔邊境入四川預調諸
軍羅布以待乘章令蓉赴前敵督戰達開不得逞徘徊於土司地窮蹙就禽蓉
親往受俘檻送成都誅之被旨嘉獎時粵捻諸匪藍成春陳德才等竄擾陝南
踞漢中城固等城川匪餘孽亦入陝蔓延勢方熾多隆阿督師關中注重北路

回匪於南路未能兼顧官文疏薦蓉堪當一面於是命督辦陝南軍務擢陝
西巡撫兼璋分兵四千授蓉總兵蕭慶高何勝必兩軍先赴援亦隸之又遣將
赴湖南增募萬人蓉於十月進屯廣元三年春漢中粵捻諸匪因江甯被圍急
促其回援遂自退趨湖北蓉入漢中部署屯防清餘匪多隆阿圍整屋久未下
聞蓉將至督攻益急克之而多隆阿受重傷三月蓉抵省城多隆阿尋卒於軍
其所部雷正綰陶茂林諸軍剿西路回匪入甘肅穆圖善一軍隨令赴援湖北
五月川匪合舉由鎮安孝義突犯省城蓉集諸軍擊之於陰鄂盤屋之間尋
偕穆圖善會擊於郿縣賊西走略陽入甘肅陷階州令何勝必等會川軍周達
武攻之四年克階州川匪餘孽悉平雷正綰軍譁變其部將胡士貴率叛兵回
擾涇州蓉遣軍扼隘散其脅從誅士貴會編修蔡壽祺疏劾恭親王奕訢牽及
蓉指為黃緣詔詰蓉令自陳蓉奏辨自言薦舉本末並許壽祺前在四川招搖
擅募兵勇為蓉所阻挾嫌構陷復為內閣侍讀學士陳廷經所劾命大學士瑞
常尚書羅惇衍按究坐漏洩密摺降調革任陝甘總督楊岳斌疏言陝西士民

清史稿

列傳一百一十二

五

為所枉乞留詔蓉仍署巡撫五年奏薦賢能收令龔衡齡等請予升階下部議
駁蓉疏言近來登進之途多出於從軍而究心民瘼者仍潦倒於下吏陝西瘡
痍未起急應旌舉賢能以為之勸上特允之先是蓉任鳳邵道黃輔辰經理回
民叛產設法禦治歲獲穀數百萬斛成效甚著因奏陝西兵後荒蕪以招徠開
墾為急務應視兵災輕重荒地多少以招墾成數為州官吏勸懲報可尋以病
乞開缺上允其請以喬松年代之仍留陝西治軍捻匪張總愚入陝逼省城蓉
與松年議不合所部楚軍三十營統將無專主士無戰心屯瀾橋為賊所乘大
潰詔斥蓉貽誤奪職回籍十二年卒湖南巡撫王文韶疏聞命復官陝西請祀
名宦祠

喬松年字鶴嶺山西徐溝人道光十五年進士授工部主事再遷郎中咸豐二
年以知府發江蘇除松江調蘇州會匪劉麗川據上海省城湖勇潛與通松年
偵知之自上官誅其為首者丁父憂總督怡良奏留從克上海授常鎮通海道
擢道員賜花翎六年從怡良駐常州署兩淮鹽運使八年丁本生父憂總督何

桂清復奏留九年授兩淮鹽運使兼辦江北糧臺十年奏劾南河河道總督庚長擅提准北存鹽變價充餉又截留山西解江北糧臺餉銀復劾庚長在清江聞警猶演劇設宴迨寇急倉皇退守命侍郎文俊往按得實庚長視職違問又疏論用勇不如用兵請發京師護軍營暨北五省綠營赴江北防剿英吉利法蘭西兵入犯京師戒嚴松年請赴畿輔督兵禦敵諭止之十一年設江南北兩糧臺仍命松年辦理叙勞以按察使記名同治二年擢江甯布政使仍留辦糧臺擢安徽巡撫三年抵任駐防臨淮時苗匪已平李世忠亦解兵柄擒匪竄河南湖北松年增募勇千人就穎宿間設防請雒河集地處交衝當建縣設官從之又奏苗沛霖餘黨自非積惡請予寬貸李世忠散遣勇丁恐流為盜飭州縣整頓捕務粵捻諸匪自湖北麻城羅田東竄入皖境松年移軍壽州急調英翰自湖北回援令朱淮森屯正陽關將擬舉迎擊於英山克金家寨英翰等敗賊於陶家河黑石渡僧格林沁大軍追至合擊諸賊窮蹙紛紛乞降先後凡十餘萬賊首陳德才後至為蔣凝學擊敗服毒死獲其屍上飭英翰等移軍進剿

清史稿

列傳二百十一

六

松年請留英翰防皖境郭寶昌援河南將擬舉赴湖北四年僧格林沁戰歿上命曾國藩督師山東松年奏國藩久治軍務氣體較遜於前李鴻章才識亞於國藩而年力正強如以代國藩督師山東必能迅奏蕩平疏上報聞時捻匪大舉犯皖北圍英翰於雒河集國藩遣援軍至乃擊走之五年調陝西巡撫前任巡撫劉蓉奉命留陝辦理軍務時捻匪張總愚竄入陝境松年初至與蓉意見不合奏劾蓉軍政壞壞留陝無益蓉亦劾松年掣肘貪利徇私十二月賊逼省城蓉軍潰於灤橋六年正月提督劉松山援軍至破賊兩花寨連戰皆捷省城始安迭奏請師鮑超軍援陝迄不至皖軍郭寶昌應調來援借劉松山轉戰涇渭之間屢捷總愚竄同州欲渡河未得過趨陝北六月總督左宗棠至陝軍事始有統轄松山寶昌等連破賊於北路至冬總愚由垣曲沁河循太行東趨松山寶昌尾追七年春宗棠率師入衛畿輔陝西自捻匪出境西路回氛仍未靖松年以病乞假歸九年病痊授倉場侍郎十年授河東河道總督奏言今日言治河不外兩策一則堵銅瓦廂決口復歸清江浦故道一則就黃水見到處築

隄束之俾不至橫流至利津入海權衡輕重以就東境築堤東黃為順水之性事半功倍前數年大溜全趨張秋後又決胡壇洪川口霍家橋新興屯諸地黃流穿運節節梗阻惟有盡堵旁洩之路自張秋西南沙河迤北就舊堤修補為黃河北堤又自張志門起至沈家口馬山頭築新隄一百八十餘里為黃河南堤俾仍全趨張秋借以濟運下廷臣議行十二年奏請裁東河總督以巡撫兼領河工下部議格不行光緒元年卒諡勤恪

錢鼎銘字調甫江蘇太倉人父寶琛湖北巡撫鼎銘道光二十六年舉人從寶琛治團練會匪劉麗川據上海青浦周立春起應之陷嘉定鼎銘與嘉定舉人吳林募勇從官軍復其城授職檢訓導入資為戶部主事丁父憂歸江南大營再潰諸郡縣淪陷巡撫薛煥退保上海一隅曾國藩既克安慶團練大臣麗鍾璐等議乞援道路梗阻鼎銘奮然請行乘洋商輪船溯江上至安慶謁國藩陳吳中百姓阽危上海中外互市權稅所入足餉兵數萬不宜棄之資賊策畫數千言繼以痛哭國藩遂決策濟師時薛煥遣將至湖商募勇萬二千國藩知所

清史稿

列傳二百十一

七

募皆各軍汰遺不可用令鼎銘往解散遇諸漢口鼎銘簡留精壯九百人餘悉罷歸無譁者還上海籌餉十八萬租船五隻復率赴安慶迎師於是國藩奏令廷建邵道李鴻章率准勇五千人赴之同治元年三月至上海鴻章尋署江蘇巡撫奏請以鼎銘參軍事多所贊畫積功擢道員賜花翎加布政使銜五年鴻章代國藩督師勦捻匪令鼎銘駐清江浦主轉運糧餉軍仗訖捻匪滅始終無紕誤鴻章與漕運總督張之萬累疏薦國藩移督直隸奏調以從八年授大順廣道就遷按察使又遷布政使十年擢河南巡撫十一年擒匪餘孽奏勦鼎銘令總兵崔廷桂剿平之用直接練軍制就河南三鎮領兵簡其精壯抽練馬步各三營重其額餉擇駐衝要地訓練期年成軍修水利鑿賈魯河故道南自周家口北至朱仙鎮又西北至鄭州京水塞疏積沙補殘隄俾上游無水滂下游通舟楫復濬勺金河丈八溝餘濟河永豐渠以資灌溉令諸州縣勸民按畝出穀就鄉分倉擇公正紳耆董其事母假手胥吏通省積穀九十餘萬石提督張曜一軍出關剿回全軍餉由河南供給無缺光緒元年卒賜卹諡敏肅

吳元炳字子建河南固始人咸豐十年進士選庶吉士從團練大臣毛昶熙回籍治團練從解固始圍擊退息縣賊匪擒擒首陳得一十一年汝寧擒首陳大喜竄居霍莊竄元炳借道員張曜攻克之同治元年巡撫嚴樹森奏元炳馳捷善戰所向有功軍中最得力請散館後仍令回河南命免散館授檢討仍留河南委用大喜負固平與其黨踞李旗屯元炳借張曜先平伊莊陳莊劉樓賊壘乘勝下李旗屯進攻楊樓破之旋克平輿殲擒首張鳳林二年克張岡賊巢汝南肅清擢侍講尋攻息縣鮑家寨克之三年拔譚家圩附近賊寨次第削平丁母憂回籍巡撫張之萬奏起赴軍四年以汝光諸地稍定請終制允之六年補原官九年超擢侍講學士十年命署湖南布政使十二年擢湖北巡撫調安徽再調江蘇光緒二年疏陳銀捐新例新班遇缺先及遇缺兩項得缺最速流弊亦多於政體大有關係不可不嚴防其弊請明定章程變通辦理下部議行山東安徽比歲飢民流及淮揚元炳截漕撫恤並疏高寶河鹽運河以工代賑署兩江總督者三兼署江蘇學政者一七年丁本生母憂去官十年入覲命察山東河工海防授漕運總督十一年調安徽巡撫十二年卒賜卹河南巡撫倪文蔚疏陳元炳戰功遺愛在民請於汝寧建專祠

論曰李德守山東吳棠保江淮當時皆負時望英翰剿擒戰績最多及任皖疆甚得民心劉蓉抱負非常佐駱秉章平蜀優於謀略而短於專將治陝不竟其功喬松年在皖倚用英翰而奏績在陝不能與劉蓉和衷徒促債事錢鼎銘慷慨乞師為平吳之引導治豫亦有聲吳元炳以詞林事軍旅其際遇特異焉

清史稿

列傳二百一十一

八

清史稿

列傳二百一十三

王慶雲 譚廷襄
馬新貽 李宗義
徐宗幹 王凱泰
郭柏蔭

王慶雲字雁江福建閩縣人道光九年進士選庶吉士授編修二十七年大攷一等擢侍讀學士遷通政副使慶雲通知時事尤究心財政窮其利病稽其出入文宗即位求言慶雲疏請通言路省例案寬民力重國計其言重國計略謂今歲入四千四百萬歲出在四千萬以下田賦實徵近止二千八百萬夫早潦事出偶然而歲歲輪流請緩鹽課歲額七百四十餘萬實徵不及五百萬生齒日增而銷鹽日絀南河經費嘉慶時止百餘萬邇來遞增至三百五六十萬入少出多置之不問思為一切苟且之計何如取自有之財詳細講求地丁何以歲歲請緩鹽課何以處處絀銷河工何以年年報險必得弊之所在而革

清史稿

列傳二百一十三

一

除之奏入上深聽焉時命中外大臣保薦人材禮部侍郎曾國藩舉慶雲以應詔擢詹事署順天府尹咸豐元年授戶部侍郎仍署府尹內務府議令莊頭增租佃戶不應則勒限退地慶雲借直隸總督訥爾經額撥乾隆間停設莊頭嘉慶間奏禁增租每佃兩案奏請赦內務府不得任意加租戶部請改河東鹽政章程並清查山西州縣虧空命慶雲借浙江布政使聯英往按尋奏定清查虧空章程並會山西巡撫那蘇圖奏言晉商賠累一在鹽本鉅一在浮費多一在運脚重官鹽既貴私販遂乘間蔓延從前鹽價每石三五兩自坐商囤積居奇畦地錠票租典靡常一業數主人人牟利一石之鹽貴百三四十兩運商安得不困河東鹽行三省酬應繁多總商分派者號為廳攤散商自送者歲有常例統計二十六萬餘兩幾達歲課之半加以石鹽脚費多至百兩因其定價難增遂至相率為偽換沙短秤民食愈艱臣等公同商酌輕鹽本必先定池價革浮費必先行票法減運脚必先分口岸將緝私之法并寓其中蓋鹽有專商票無定販大要在留商招販先課後鹽而後引目不致虛懸課額無虞短絀向來

坐商昂價總以缺產為詞臣覽池面寬廣涵氣醴厚即兩陽不齊製多益寡足數五千六百餘石之額鹽貴不在缺產而在售私擬定白鹽一石貴止六十兩青鹽遞減坐商工本外有贏餘令各商立法互稽但使鹽不旁流商鹽自富錠票銷價亦復刪芟畦地租典先儘運商總期減輕成本禁衛課官吏浮費別籌公用每票徵銀七分有奇隨課收發此外需索坐贖科罪其領票招販掣鹽截角諸事悉做兩准成例徵為變通以歸簡易河東鹽行河南引地自嘉慶二十四年改為商運民銷以會興鎮為發鹽口岸商民稱便擬將陝西山西會興鎮分為三路不許換越鹽到發販隨銷亦聽商人自運兼防夾私力杜作偽統計河東全綱比較昔價裁浮改岸年省七十餘萬得人守法商力不疲即問有歇業或運商歸併坐或商承充永絕舉商保商諸弊下部議行慶雲既明習計政主部事先後奏請清釐江甯蘇州安徽三布政司例應入撥延未造報各款自道光三年至咸豐元年凡九百九十九款九百二十六萬兩又奏言江南賦甲他省額徵五百二十九萬道光十六年額欠五百六十餘萬計十年額一年之額

清史稿

列傳二百十三

二

二十六年額欠一千餘萬計十年額兩年及咸豐二年額欠一千三百餘萬十年幾額三年請飭江蘇督撫熱田未完不得混入次年緩徵又奏覆閩浙總督李芝昌等以閩越疲累請展緩勻代額課言閩越所以疲累病在私鹽充斥浮費繁重芝昌等議停勻代課六萬餘派認額課二萬餘五年之後勻代起徵例課仍納朝三暮四恐無此辦法又言芝昌等但陳料理之難未籌補救之法或就場徵課或按包抽稅應令擇一可行之策另議具奏又奏覆江西巡撫張芾請撥粵鹽濟銷言江西借撥粵鹽前明總制陳南金巡撫王守仁嘗行之所謂不加賦而財足不擾民而事辦其法至善應令速籌邊辦又奏派解運銅鉛道遠阻兵應令於提鎮駐紮重兵之處籌鑄制錢並於附近水次兼鑄大錢運四川兩湖易銀並派民間交納地丁稅課又奏新舊南北兩路駐兵四萬歲需經費一百三四十萬垂及百年為數萬萬請停陝省官兵換防喀什噶爾等八城即由伊犁烏魯木齊滿綠營飭撥五年更換可歲省數十萬又奏請裁東河河督南河河庫道並兩河廳員修防經費南河不得過百萬東河不得過七

八十萬並裁漕督歸南河總督兼管各疏多如所議行尋授陝西巡撫四年粵匪擾河南慶雲赴潼關與提督豐紳將軍扎拉芬芝籌防禦又自潼關赴商南徧慰各隘上命豐紳率兵駐襄陽粵匪陷武昌慶雲請以湖北會城暫移襄陽山西四川協籌軍餉保全大局尋調山西巡撫五年奏言潞鹽行銷山西陝西河南三省陝患鹽多苦值貴擬將陝引勻銷省省三百七十石管引則就地遠近公平定價惟河南官運已覺暢行擬兼行民運以廣招徠禁止吉蘭泰花馬池鹽侵銷又言陝省課歸地丁輸納不前請做河南招販民運於河東河西擇地設局稽查又奏言軍興以來各軍管領出納易錢買糧歲豐銀裕何便如之今用兵之地賦稅不全仰給鄰省完善之區正供不足佐以捐輸當此穀貴錢荒以銀易錢以錢易糧耗折大半往往時兵飢得銀可飽恐此後以銀亦不可飽况銀且不可常繼擬令州縣碾動倉穀解餉兼用制錢舟楫可通宜無不便均如所請又奏山西前明逼近三邊郡縣率民築堡自衛一縣十餘堡至數百十堡星羅棋布今惟雲中代朔堡寨相連省南各屬則多殘闕當令繕完定

清史稿

列傳二百十三

三

社規立義學化導少壯惰游合祭賽以聯其情相守望以齊其力有事則衆守無事則散居於無形中厲壁清野之法又以河南南陽諸地旱蝗請飭發倉籌賑俾災民不為土匪勾脅以救災即以弭患捻匪擾南陽慶雲密陳省南分三路遣兵巡防擢四川總督貴州思南教匪為亂慶雲遣兵防西陽秀山請飭總兵將玉龍自鎮遠規復思南尋奏四川舊有囑匪盜案多於他省飭各屬行保甲立限捕盜又奏於西陽設屯田設屯分兵駐防城鄉要隘又奏川省差役捕盜傳證起讞輒糾多人持械搜掠名曰掃通者此與強盜無異請照強盜律不分首從皆斬兵丁有犯同之均下部議行尋以黔匪焚掠漸近禁南遣兵出境攻層巒山飛梯嚴諸隘又破胡家坪賊巢九年兼署成都將軍調兩廣總督行次漢陽以病乞罷許之旋召詣京師病未即行十一年穆宗即位授左都御史擢工部尚書同治元年三月慶雲將力疾赴召前一日病劇卒諡文勤係仁堪循吏有傳

選郎中出為直隸永平知府調保定遷順天府尹擢刑部侍郎咸豐六年出為陝西巡撫直省採米運京倉廷襄疏言陝西產米少轉輸不便請改折解款由部召補費節而事集七年署直隸總督是時英法俄美四國合軍陷廣東省城廷襄疏請封貨閉關恩威並用上以海運在途激之生變慮聲無實益不允八年四月英兵北犯占大沽礮臺窺內河大沽口外積沙海舟不能直入敵舟至數以小汽船探測時方議款不為備不虞其驟發欽差大臣僧格林沁劾廷襄奪官戍軍臺九年以三品頂戴署陝西巡撫上命直省禁習天主教廷襄疏言天主教流行中國二百餘年到處窮搜轉滋騷擾惟有密飭官吏稽查保甲列册登記乘機啟導時款議未定或請西巡借總督樂斌疏陳三便三難議乃寢十一年授山東巡撫頻歲軍興山東諸郡縣羣盜蠢起皖捻入境勾結土匪滋擾幾徧僧格林沁大軍駐山東督勦廷襄率兵出省協助並督各郡縣團練防剿兼施具詳僧格林沁傳同治元年兼署河東河道總督三年入為刑部侍郎調工部又調戶部五年湖北巡撫曾國荃疏劾總督官文貪庸驕蹇並以公使

清史稿 列傳二百十三 四

錢餽四川考官胡家玉張晉裕等上命尚書蘇森及廷襄往按並詰家玉家玉言自四川還京道湖北官文等餽驢以道梗改水程無州縣支應乃受以充費廷襄等至湖北疏言丁漕鹽釐關稅捐輸實用實支並無浮濫惟漢陽竹木捐零星不請獎敘者凡因公動用不報銷之項由此動支官文饒家玉等事實上為能官文即令廷襄督署總督家玉等並下吏議御史佛爾圖春劾國荃言國荃亦以竹木稅治公廉嚴責廷襄蒙蔽廷襄等復疏陳國荃上官未久無以竹木稅治公廉事因言湖北三次陷賊百端草創不循例案諸廢具舉隨事設施今以動用官款加以處分亦足示警若更罪及所受之人路遠給費親喪承嗣皆案吏議王道本人情瑣屑煩苛似非政體於是請受餽者皆置不問六年上用前事奪官文總督是冬國荃亦以病乞罷廷襄還京署吏部侍郎遷左都御史再遷刑部尚書兼署吏部九年卒贈太子少保諡端恪

馬新貽字毅山山東荷澤人道光二十七年進士安徽即川知縣除建平署合肥以勤明稱咸豐三年粵匪擾安徽淮南北羣盜並起新貽常在兵間五年從

攻廬州巢湖新貽擊敗援賊迭破賊壘家橋三河鎮柘皋諸賊屯奪克廬州積功累擢知府賜花翎補廬州七年捻匪粵匪合陷桃嶺分擾上下派河新貽破賊舒城記名以道員用八年署按察使賊犯廬州新貽率練勇出城迎擊賊間道入城新貽軍潰失印下吏議革職留任九年丁母憂巡撫翁同書奏請留署十年欽差大臣袁甲三為奏請復官十一年同書復奏請命以道員候補丁父憂甲三復奏請留軍同治元年從克廬州收賊壽州吳山廟加按察使銜署布政使苗沛霖叛從署巡撫唐訓方守蒙城屢破賊二年授按察使尋遷布政使三年擢浙江巡撫浙江新定民困未蘇新貽至奏請通賦四年復奏減杭嘉湖金衢嚴處七府浮收錢漕又請能漕運諸無名之費上從之命勒石永禁築海客石塘紹興東塘濬三江口岐海為盜賊窟穴遣兵捕治禽其魁厚於待士會城諸書院皆興復士羣至肄業新貽皆視若子弟優以資用獎勵之嚴州紹興被水獨賑賑災不為害台州民悍輒羣聚械鬥新貽奏地方官俾吏議順消弭請嗣後有諱匿不報者參處僅止失察皆寬貸仍責令捕治下部議行象

清史稿 列傳二百十三 五

山南海有禁界地曰南田方數百里瓊海土寇邱財青等處窟其中遣兵捕得財青置之法南田乃安黃巖總兵剛安泰出海捕盜為所戕檄副將張其光等擊殺盜五十餘上以新貽未能豫防下吏議嘉興湖州北與蘇州界皆水鄉方亂時民自衛置槍於船謂之槍船久之衆博行劫為民害新貽會江蘇巡撫郭柏蔭督兵擒斬其渠及悍黨數十槍船害始除擢閩浙總督七年調兩江總督兼通商大臣奏言標兵虛弱無以壯根本請選各營兵二千五百人屯江寧親加訓練編為五營令總兵劉啟發督率緝捕盜為衰止宿遷設水旱兩關准關於蔣壩設分關並為商民擾累新貽奏蔣壩為安徽鳳陽關轄境准關遠隔洪澤湖不應設為子口當令准關監督申明舊例嚴禁需索宿遷早關非舊例徵數徵請裁撤專收水關從之幅匪高歸等在山東江蘇交界佔民圩行劫新貽捕誅其渠九年七月新貽赴署西徧循道問射事畢步還署甫及門有張汝祥者突出偽若陳狀抽刀擊新貽傷腦次日卒將軍魁玉以聞上震悼賜卹贈太子太保子騎都尉兼雲騎尉世職諡端愍命魁玉署總督嚴勦汝祥詞反覆屢

變給事中王書瑞奏請根究主使命漕運總督張之萬會訊之萬等以獄辭上略言汶祥嘗從粵匪復通海盜新貽撫浙江捕殺南田海盜其黨多被戮妻爲人所略新貽閱兵至寧波呈訴不准以是挾仇無他人指使請以大逆定罪復命刑部尙書鄭敦謹馳往會總督曾國藩覆訊仍如原讞汶祥極刑并戮其子上從之新貽官安徽浙江皆得民心治兩江繼曾國藩後長於綜覈鎮定不擾江寧安慶杭州海塘並建專祠

李宗義字雨亭四川開縣人道光二十七年進士安徽即用知縣歷英山婺源太平咸豐三年粵匪陷安慶宗義奉檄詣廬州軍督糧械積功累擢知府八年曾國藩進規安徽調充營務處九年署安慶知府以疾去官同治元年河南巡撫嚴樹森疏薦命送部引見樹森旋撫湖北又疏調從軍三年曾國藩督兩江調赴兩江甯江北釐金總局裁定沿江釐捐科則江甯克復以道員歸兩江補用四年署兩淮鹽運使自軍興淮南鹽艘改道泰興宗義於瓜州東別濬新河避長江風濤之險商民便之遷安徽按察使再遷江甯布政使五年清水潭決

清史稿

列傳二百十三

六

被災者七州縣宗義工賑並行活民甚衆定招墾荒田酌緩升科限制章程及江甯七屬民衛丁漕折徵等次民皆稱便八年擢山西巡撫勅布政使胡大任廢弛因循能之令按察使李慶翱等率兵分地駐防陝回乘河冰來犯三戰皆捷屢自延川韓城東窺並擊走之丁母憂去官十二年服闋擢兩江總督日本方構釁宗義治江防築沿江烏龍山江陰都天廟象山焦山下關礮臺又於吳淞口及江陰北岸濶開沙烏龍山北岸沙洲圩次第添築使江海相犄角時詔修圓明園宗義疏言外侮內患天時人事皆有可慮請省營繕減服御十三年又疏言星變屢見外患方熾上年御史沈淮奏請停止園工臣亦冒冒愚忱茲復有不能已於言者時局艱難度支短絀特一端耳今外人入處肘腋圓明園距京城數十里既無堅城管鑰之固復少大枝護衛之兵頻年以來每遇民教爭鬪外人動挾兵船要求天津朝警則海淀夕驚皇上奉皇太后於此此臣所萬分不安者也如蒙皇上乾綱立斷速諭停工天下臣民知皇上有臥薪嘗膽之思必共振敵愾同仇之氣人主居崇高之位持威福之柄苟無敬畏之念

則驕肆之心生苟無忠諤之臣則讒諂之人至近日大學士文祥引疾侍郎桂清外調道路頗有惜詞臣竊謂老成憂國者宜留之左右以輔成聖德忠直敢諫者宜誘之使言以恢張聖聽疏入上嘉納之總理各國事務衙門籌議海防六事下各督撫詳議宗義上疏曰萬事根本以用人爲要而就海防言尤以求將才爲要宋臣楊萬里有言相不厭舊將不厭新蓋言用兵最難氣宜年壯氣銳素有遠志未建大功之人至宿將勳臣帝心簡在固無俟臣下之論列也古有海防無海戰今練兵仍以水陸兼練爲主水師戰艦不及輪船輪船不及鐵甲而船之得力與否仍視乎駕駛之人今戰艦即不能一時盡易應就弁兵中挑赴輪船學習仍歸水師提督節制更招集沿海熟習沙線能耐勞苦之人參用西法加以訓練然沿海地廣勢不能遍設輪船若敵乘無備舍舟登陸則我船廠皆無所用故不可不急練陸兵同治十年曾國藩議沿海奉天直隸山東江蘇浙江福建廣東七省練陸兵九萬沿江安徽江西湖北三省練陸兵三萬合成十二萬以陸兵爲禦敵之資以輪船爲調兵之用海道雖極遠遠血脈

清史稿

列傳二百十三

七

皆可貫通今誠踵其議而力行之各省分定數目各專責成貴精不貴多宜衆不宜散從前缺額之兵不必再補見在已募之勇更加精練是在平時之實力講求矣西洋火器日新月異疊出不窮今日所謂巧即後日所謂拙論中國自強之策決非專恃火器所能制勝然風會所趨有不能不隨轉移者各國新出之礮見在上海機器局已能如式製造惟火器不難於用而難於不用有事試演尙可經久無事閑置立形鏽壞以後購造槍礮應於操演之後時時磨洗不許鏽壞違者罪之是珍惜巨帑之要義臣聞自古規國勢者在人材之盛衰不在財用之贏絀在政事之得失不在兵力之強弱未聞以器械爲重輕也且西人之所以強者其心志和而齊其法制簡而嚴其取人必課實用其任事者無欺誑侵漁之習其選兵甚精故臨陣勇敢而不畏死不察其所以強而徒效其器械豈足恃哉自福建創設機器局上海繼之江甯天津又繼之皆由槍礮而推及輪船臣愚以爲大沽吳淞直東閩廣等口如能各得鐵甲一二蚊子船三四佐以兵輪安配重大擊遠之礮與礮臺相輔亦足屹成重鎮稍戢戎心惟

泰西各國輪船以百數十計鐵甲船以數十計小鐵甲船以數千計即使中國歲籌巨款多方製造亦必不能如彼之多且精也臣謂船廠當量力徐圖而仍以修政事造人材為本使各國驚風慕義或外侮可以稍紓近年勦捐收釐津貼無法不備民力竭矣煤鐵乃中國自然之利若一一開採不獨造船造廠取之裕如且可以致富強見在磁州業已奏明試辦而湖南福建江西山西等省已成之煤鐵廠擴而行之果能有何必舍近求遠取給外國為目前權宜計將各口洋稅通提六成專供海防之用五年為限當可集事若夫節流之法更非難行節之必自朝廷始誠能土木之工省傳辦之費減宮中之用則一歲所省何啻百萬各省督撫盡裁不急之費錢漕稅釐實力稽察勿使乾沒則一歲所增何啻百萬請敕下戶部統籌全局分別出入於綜覈各項之外指定籌防專款應用若干俾中外上下曉然於經費之有限財用之有制力求樽節不必言利而度支可裕矣以上皆就原奏四事推廣言之要必得人而後可以言持久臣周諮博採事之可行者尚有三端沿海各島大都土瘠產薄惟

清史稿

列傳百十三

八

臺灣形勢雄勝與廈門相犄角東南俯瞰噶囉巴呂宋西南遙制越南暹羅緬甸新加坡實為中國第一門戶其地產有山木可採以成舟航有煤鐵可開以資製造其客民多漳泉湖嘉剛猛耐苦之人足備水師之選如得幹略大員假以便宜俾之輯和民番兼用西人機器以取煤鐵山木之利數年後可開製造局練海師為沿海各省聲援絕東西各國窺伺此中國防海之要略事之可行者一也海外新嘉坡檳榔嶼舊金山新金山各埠均有閩廣人在彼貿易每歲不下數萬人其為首領者必有幹濟之才足以提倡全埠如派領事出洋物色人才不論官階文武大小有能任此事者給以虛銜令前往各埠結納首領婉轉勸導由各省督撫奏給職官派為練首令其團練壯丁隨時操演約計經費有限而獲益無窮事之可行者二也見在通商各口外人星羅棋布中國情事無一不周知而彼都情形中國則皆未深悉自斌椿志剛孫家毅出使後至今無續往之人切謂宜選有才略而明大體者隨時遣使設有交涉可辨論者與之辨論可豫防者密為設防且於彼國有用之人才新造之精器均可隨時採

訪以為招致購買之地事之可行者三也尋乞病罷歸光緒四年東鄉民亂命宗義按諭宗義以知縣孫定揚浮收激變冒昧請兵提督李有恒妄殺平民千餘據實入告獄獲平反六年召詣京師以病未愈疏請乞緩行十年卒賜祭葬子方本舉人兵部郎中有幹濟總督鹿傳霖錫良先後令董商務學務川東旱災治賑被疾卒贈太僕寺卿

徐宗幹字樹人江蘇通州人嘉慶二十五年進士山東即用知縣除武城調泰安在任十年有政聲遷高唐知州道光十七年濰縣教匪馬剛等作亂從巡撫經領布剿擒之議解省下獄候命宗幹請於巡撫即其地誅之衆心以定遷濟甯直隸州金鄉民濬彭河下游諸屯民衆衆沮之嚴官傷皆役勢洵宗幹馳往諭使解散屯民出自首大吏欲置重典宗幹以為民畏水患非與官敵衆衆本沮工嚴官非本意力爭成爲首者七人署兗州知府修滋陽河隄二十二年擢四川保寧知府兼署川北道擢福建汀漳龍道屬縣有械鬪案久不結宗幹率壯勇數十人直入其村集兩造剖其曲直令同酒食以解之令獻犯懲治事

清史稿

列傳百十三

九

遂解一時梟悍皆斂跡總督劉韻珂密薦二十五年丁母憂去官服闋起授福建臺灣道咸豐二年臺灣匪洪恭等陷臺灣鳳山兩縣復援噶囉囉蘭宗幹督兵平之四年擢按察使爲巡撫王懿德所劾解任旋召來京命赴河南幫辦剿匪六年復命赴安徽七年授浙江按察使遷布政使以短解甘餉降調十年江蘇團練大臣龐鍾璐請以宗幹辦理通泰諸州縣團練同治元年擢福建巡撫三年粵匪李世賢汪海洋等由廣東入閩境逼漳州龍巖雲霄武平永定南靖平和相繼陷宗幹偕閩浙總督左宗棠以次剿平五年卒宗棠偕將軍英桂奏宗幹循良著聞居官廉惠得民所至有聲優詔褒卹設清惠祀福建名宦王凱泰初名敦敏字補帆江蘇寶應人道光三十年進士選庶吉士授編修十年以母喪歸粵匪分犯江北上命大理寺卿晏端書治江北團練大學士彭蘊章薦凱泰使佐理敘勞累加四品卿銜同治二年從巡撫李鴻章軍幕四年浙江巡撫馬新貽薦調命以道員發浙江署糧道曾國藩李鴻章馬新貽交章薦舉五年擢浙江按察使紹興三江開洩山陰會稽蕭山三縣水入江歲久沙積

三縣民請浚治凱泰履勘浚治復舊利六年遷廣東布政使裁陋規省差徭嚴
釐捐丈沙田濬城中六脈渠增建應元書院七年擢福建巡撫課吏興學禁械
鬥火葬溺女淫祀舊俗奏請撥釐金糶米二十萬石實常平倉充鄉試監臨奏
請整飭科場積弊臺灣獄訟淹滯奏請勒限清釐十二年應詔陳言略謂宜變
通者六事一停捐例自捐奉減折百餘金得佐雜千餘金得正印即道府亦不
過三二千金家非素豐人思躁進以本求利其弊何可勝言今日應以停捐爲
急務以江西湖南北四川廣東福建六省釐捐年提數萬又於海關洋稅關撥
數萬似可彌京銅局捐項至外省籌捐雖難周知而福建自十年至今收銀不
過數萬他省可以類推以涓滴之微而害吏治得不償失請下部嚴議一次冗
員捐納軍功兩途入官者衆部寺額外司員少者數十多則數百補缺無期徒
耗旅食各省候補人員較京中倍徙按例各省試用佐貳雜職視各項缺數多
寡酌留十之二請援照大挑知縣名次在後暫令回籍候咨之例辦理一限保
舉軍興後保案層疊名器極濫捷徑良多請下部嚴議此後保舉只准得應升

清史稿

列傳一百三十三

十

之階及應升之銜其餘班次概予刪除至一品封典二三品加銜皆不得濫請
一復廉俸自成豐間軍用浩繁京外俸廉分別減成京員困苦知縣疲累早荷
聖明鑒及今欲砥礪廉隅似廉俸復額亦其一端福建文職廉額年支十三四
萬兩計見年徵起錢糧羨耗支抵尙屬有贏道府以下各員似可照額全支請
中外俸廉改復舊額或加成分放一重學額近年鼓勵捐輸有加廣中額學額
之制中額三年一試無慮濫卒至一州一縣士風本有不齊乃以文理淺陋者
濫廁其間甫得一矜包攬詞訟武斷鄉曲流弊不堪指數請嗣後各省捐輸只
加中額不加學額並教各省學臣酌駁如有不能足額奏明立案俟文風日上
再行如額取進一立練營管兵皆招自本籍月餉不足贍八口勢必另習手藝
兼營負販每逢操演不過奉行故事設有征調兼旬累月始克成行兵與將不
相習兵與兵亦不相識人各一心安能制勝近年削平禍亂全賴湘淮各勇國
家養兵糜帑歲數千百萬竟不得其用其弊實由於此往年江甯克復臣函商
曾國藩備言江甯綠營應稍變通以見存得勝之勇改充額兵設營分部一洗

舊習國藩未及議行旋調直隸即設練軍蓋亦采用臣說左宗棠在閩浙任內
奏准減兵加餉就餉練兵洵爲救時良策請敕下各省督撫照減兵加餉之說
而以所減之餉加於戰兵按湘楚營制五百人爲一營擇地分紮隨時互調俾
卒伍皆離原籍不致散處市廛餉不另增兵有實用庶化兵爲勇而武備可恃
疏入命下部議十三年入覲行至蘇州疾作乞罷予假治疾日本窺臺灣命凱
泰力疾回任光緒元年移駐臺灣病劇還福州卒贈太子少保諡文勤
郭柏蔭字遠堂福建侯官人道光十二年進士選庶吉士授編修遷御史給事
中出爲甘肅甘涼道二十三年戶部銀庫虧帑事發柏蔭爲御史稽察未糾發
奪官分償旋授主事咸豐二年會辦本省團練以克復門防延平功擢郎中同
治元年引見交欽差大臣曾國藩差委二年授江蘇糧道擢按察使遷布政使
護理巡撫六年擢廣西巡撫調湖北仍留署江蘇巡撫方亂時江浙交界槍船
羣衆爲匪柏蔭與浙江會捕獲其首卜小二實之法禁槍船設牌甲稽查約束
六年赴湖北任署湖廣總督各省遣散營勇會匪肅清約黨分布黃梅武穴

清史稿

列傳一百三十三

十一

龍坪各水次阻截散勇偏令從爲亂柏蔭遣兵往捕其黨殺朝者以降諸縣教
匪京山吳世英斬水馮和義沔陽劉維義次第擒誅七年奏言漢口鎮華洋雜
處散勇游匪廁其間每遇撤營散佈謠言句結入會疊經懲辦在武漢襄樊地
方分設遣勇局凡有在鄂散勇均令赴局報名履船押送回籍酌給川資庶無
業之徒可歸鄉里不至流而爲匪又奏言淮南鹽引楚岸爲大宗自長江被擾
運道梗阻改用准北票私暫濟民食淮南銷路遂滯請復淮南引地禁准北票
私停北鹽抽課襄陽德二府前此兼銷潯鹽亦一律禁止八年多雨大水柏蔭
遣吏分道治賑九年再署湖廣總督十年湖南會匪陷益陽龍陽柏蔭分兵防
守進剿獲其渠十二年以病乞罷光緒十年卒子式昌舉人從軍積功以知府
發浙江巡撫蔣益澧調赴廣東署肇慶登壇罷式昌還浙江補台州刺盜黃金
滿以官吏貪酷煽亂式昌扼要隘令民自守以嚴法緝盜吏獨斥苛欵金滿乃
詣彭玉璽請降光緒二十六年衢州民殺教士戕西安知縣吳德瀛擢式昌金
衢嚴道諭士民安堵得亂首誅之三十一年署按察使卒式昌子曾忻官至禮

部侍郎

論曰王慶雲諱廷襲並別歷中外慶雲綜覈精密治防井井尤為可稱馬新貽李宗義皆以循吏贊畫軍事擢任大藩治績卓著宗義諫園工籌海防建言遠大徐宗幹王凱泰清節惠政皆有時望郭柏蔭久任醫圻澤施於後焉

清史稿

列傳二百十三

十二

清史稿

列傳二百十四

王懿德

曾望顏

覺羅耆齡

福濟

翁同書

嚴樹森

王懿德字紹甫河南祥符人道光三年進士授禮部主事再遷郎中出為湖北襄陽知府擢山東兗沂曹濟道歷山東鹽運使浙江按察使調山東三十年擢陝西布政使咸豐元年護巡撫奏請豁免積年民欠常平倉糧八萬餘石權福建巡撫二年奏言漢患錢乏造幣贖國未有交引錢引交鈔元明制鈔法或直千文五百不等我朝準歲入為出因民利而利帑項夙充奚庸慮慮自海防多事銷費漸增粵西軍務河工撥款不下千數百萬目前已艱善後何術捐輸難殷僅同勺水督催稍迫且礙閭閻與其籌畫多銀不若改行鈔引歷考畿輔山左以及關東多用錢票即福建各屬銀錢番票參互行使便於携取視同見金商民亦操紙幣信用况天下之主國庫之重飭造寶鈔尤易流轉惟鈔式宜簡

清史稿

列傳二百十四

一

一兩為率頒發藩庫通諭四民准完丁糧關稅自無窒滯或疑庫銀溢出悉成鈔引銀日以少鈔日以賤豈知朝廷不蓄為寶以天下之財供天下之用能收能發自能左右逢原也疏入諭軍機大臣同戶部議行兼署閩浙總督三年奏福建匪徒糾結滋擾請寬地方官失察處分俾獲盜自贖允之時會匪四起突入海澄縣劫獄戕官又掠同安安溪遣兵會剿漳州猝為匪陷鎮道皆遇害游擊饒廷選方率兵他出聞警回援近城鄉民及城中紳士密約啟廷選入禽匪首謝厚等殲匪數百復其城延平亦被匪攻副將李壽春擊走之大田德化有匪闖入紳士率鄉團殺賊數百永春為匪所踞游擊恩需等會勇破賊禽其渠餘黨遁走被詔嘉獎臺灣南路亦有匪擾懿德奏陳防剿情形諭曰福建紳練素諸大義前同安縣義民殺賊泉州在籍副將呂大陸等自願募勇渡臺是其明驗務當激揚士氣滅此羣醜尋以海澄同安廈門安溪仙游相繼陷疏請治罪下吏議令參將李煌都司顧飛熊破賊尤溪縣城失而旋復水師提督施得高金門鎮總兵孫鼎鼐擊賊於金門破之廈門仙游皆復四年上游以次定賊

首林俊尙焚斃實授閩浙總督戶部議限制行鈔奏言鈔之能行不在於發而在於收內自部庫以及各關稅務外則丁耗錢糧鹽典契紙各稅果能悉收鈔票不限成數且示以非鈔不用則百姓爭相買鈔有銀之家以鈔輕而易藏納課之氓以率定而無損買遷之商以利運而省費部臣見未及此惟恐解鈔而不解銀故限以成數夫以爲無用則鈔銀均非可食可衣以爲有用則鈔銀不能崎輕崎重今於領鈔之時區以一省山部知照方能行用已不自信人豈可強徒開藉端漁利之門請飭部臣及各省督撫以此發卽以此收無論各項度支示天下非鈔不用新收買鈔銀兩積於部庫藩庫以爲母金行鈔不分畛域則銀日豐而本源厚疏入下部職格不行五年因病請改京職不許七年粵匪自江西竄入境陷光澤汀州尋先後克復遣總兵饒廷選進援浙江江西八年京察詔以懿德攘外安內布置咸宜予職叙粵匪復自江西竄陷浦城松溪政和等縣邵武光澤連城亦被賊擾周天培軍赴援賊復回竄江西諸城皆復十年以病乞罷十一年卒諡靖毅

清史稿

列傳一百十四

二

曾望顏字際孔廣東香山人道光二年進士選庶吉士授編修遷御史十五年條奏整飭科場凡十四事皆如所請行遷給事中再遷光祿寺少卿上以望顏遇事敢言褒勉之轉太常寺少卿十六年擢順天府尹二十年出爲福建布政使二十三年戶部銀庫虧帑事發望顏嘗以御史察庫未糾發坐奪官分償旋授主事咸豐二年命以五品京堂候補通政司參議六年復授順天府尹擢陝西巡撫七年粵匪自湖北竹山擾陝西平利望顏遣游擊常有等會湖北軍克竹山賊竄均州武當山又遣總兵龍澤厚會湖北軍進剿殲賊殆盡八年粵匪入難頭關侵商南道兵擊走之九年署四川總督粵匪入四川攻叙州尋引去滇匪藍朝柱李永和倡亂與叙州土匪勾結肆擾望顏遣兵進攻斬賊目李祖資等十年遣提督孔廣順等攻大巖尖山賊寨獲其渠王帶周演匪攻健爲自箭板場竄至河口將縛後以渡提督卓陞督兵水陸夾擊走之望顏又慮賊渡河犯嘉定遣總兵占泰等截擊賊據觀音場師自黃關寺進攻戰於羅城舖敗之賊竄踞貢井天池寺諸地爲壘數十飭占泰等剿之黔匪李志高等據長

阡壩諸寨遣兵攻燧長阡壩總兵虎嵩林自程家場進攻貢井又遣兵攻濯水賊獲其渠賀世愚等諸路雖有斬獲而滇匪勢日熾藍朝柱擾青神邛州李永和攻嘉定省城戒嚴詔斥望顏不能制賊下吏議給事中李培祐疏劾任性妄爲濫保浮銷縱子干預命陝甘總督樂斌借署巡撫譚廷襄按治覆奏望顏尙無賊私惟舉劾屬吏多粗率謬誤不能約束子弟僕隸部議職命暫留署任復爲知府翁祖烈所訐下將軍崇實按治辭復連子捷魁及其僕乃命解任仍留四川十一年命回籍同治元年召詣京師以四品京堂候補五年補內閣侍讀學士九年卒

清史稿

列傳一百十四

三

卽合攻破賊復之奉檄移軍南昌侍郎曾國藩奏耆齡在饒州聯絡鄉團屏障東北今九江重兵已盡赴省城耆齡宜仍駐饒州毋庸移調時江西司道多統軍曾國藩及學政廉兆綸皆以耆齡爲善而嘗議巡撫文俊七年詔罷文俊耆齡爲巡撫江西郡縣半淪於賊存者惟南昌廣信饒州數郡戰事多倚湘軍未幾曾國藩偕弟國荃以奔喪歸湖南國吉安久不下國荃去後軍無所統益疲耆齡奏起國荃仍督吉安軍乃復振七月劉騰鴻克瑞州十二月劉長銘克臨江八年四月李續賓克九江蕭啟江劉坤一克撫州八月曾國荃克吉安詔起曾國藩督師規浙江於九月至南昌國藩前於五年初至江西兵餉俱困地方官吏狎侮擊肘事多艱阻至是耆齡奉令惟謹主客大和軍事日有起色九年三月克南安六月克景德鎮江西全境暫告肅清九月調廣東巡撫粵匪霍明開自南雄攻江西安遠耆齡遣兵越境解圍十一年賊自安遠敗竄平遠入福建陷武平耆齡分兵收復同治元年命督軍入福建援浙江擢閩浙總督粵匪陷處州耆齡遣總兵秦如虎等分道進攻直逼城下賊竄縉雲遂克處

州進收籍雲再進復奉化二年進復克湯溪永康武義龍游蘭谿諸縣及金華府城浙東略定調福州將軍尋卒賜卹諡恪慎

福濟字元修必祿氏滿洲鎮白旗人道光十三年進士選庶吉士授編修擢侍

講四遷少詹事大考二等復三遷兵部侍郎兼鑲黃旗蒙古副都統總管內務

府大臣調工部復調吏部兼右翼總兵二十八年命借右庶子駱秉章往河南

江蘇山東按事歸德知府胡希周貪劣鞠實論如律河南賈魯河工糜費虛報

工竣河復於巡撫鄂順安以下皆坐譴蘇州知府鍾殿選等濫刑諱盜鞠實論

如律又按山東鹽運使章德成許巡撫崇恩勒令開缺請交刑部速治復調戶

部二十九年授正白旗護軍統領命借刑部侍郎陳孚恩按山西巡撫王兆琛

賊汚兆琛坐譴二十年轉左翼總兵醫士薛執中坐妖言得罪事奉福濟尋官

尋子四品頂戴署山西按察使授山東按察使咸豐二年授奉天府尹擢南河

河道總督三年調漕運總督命暫行督辦准北鹽務時粵匪踞江寧擾江北福

濟會琦善敗賊揚州授安徽巡撫福濟調漕河標兵六百自臨淮關赴廬州疏

清史稿

列傳二百十四

四

請飭琦善撥精兵二千扼關山澗溪防賊北竄又請仍兼督准北鹽課藉濟安

徽軍餉皆允之四年至廬州土匪陷六安下部議處福濟奏言抵廬後統計調

兵約二萬餘月餉不下十五六萬請飭浙魯秦晉各撫臣協濟復請以前江南

河道總督潘錫恩安徽學政孫銘恩會辦徽州甯國廣德三府州防勦俱從之

提督和春以欽差大臣督辦軍務福濟與會師克六安收英山霍山五年十月

克廬州加太子少保頭品頂戴於是廬江巢縣無為相繼克復被優叙賜御用

棉袍翎管撥指荷包十一月移軍桐城七年無為廬州附近各縣復為賊陷桐

城被圍屢擊却之二月賊大至福濟率兵潰圍出還駐廬州詔斥調度無方下

部議處未幾六安復陷福濟因病請開巡撫缺專辦軍務不許時安徽本省無

兵軍務實主於和春賊踞安慶皖南數郡懸隔遙轄於浙江淮北捻匪蔓延袁

甲三任之巡撫號令所及僅十餘縣兵後荒蕪賦稅無出餉絀兵譁遺失巡撫

關防自請嚴議上原之薄譴而已會江南大營潰和春移赴督師惟總兵秦定

三鄭魁士兩軍仍留倚以戰守粵匪大股由湖北入皖捻匪縱橫於皖豫之交

省爭調定三魁士二人奏上皆報可福濟依違無可否定三久攻桐城未下魁

士亦奉命而至兩軍爭餉生嫌賊乘隙撲營遂致大潰八年滁州來安鳳陽懷

遠相繼失陷福濟以病乞假詔斥日久無功視官銜頭品頂戴命來京尋授內

閣學士子副都統銜充西甯辦事大臣九年以安插投誠野番功還頭品頂戴

十年授工部侍郎署陝甘總督兼正黃旗漢軍都統十一年授成都將軍調雲

貴總督文宗崩福濟奏請謁梓宮不許詔斥規避演習軍務視職子四品頂戴

仍赴雲南交署總督潘鐸差遣同治元年子副都統銜赴西藏查辦事件道梗

未往四年還京六年授科布多幫辦大臣調布倫托海辦事大臣八年授烏里

雅蘇台將軍九年回匪陷烏里雅蘇台視職十二年捐銀助賑直隸總督李鴻

章為陳在安徽前勞還原銜光緒元年卒依巡撫例賜卹

翁同書字蔚房江蘇常熟人大學士心存子道光二十年進士選庶吉士授編

修大考屢列二等擢中允咸豐元年應詔陳四事請撫恤失業良民察舉潔已

愛民守令興修江浙湖廣水利訓練嶺海水師三年命赴江南佐欽差大臣琦

清史稿

列傳二百十四

五

善軍事擢侍講學士轉侍讀學士遷少詹事六年自軍中奏言安民先足兵足

兵先理財雲南運銅道梗請於滇中設局鼓鑄運錢至荆州充軍需及河工之

用沿江戒嚴淮南鹽引不行請以浙鹽行江西而以蘇常鎮太四府州改食淮

鹽江浙漕米改由海運數不及全漕之半請分米雇民船仍由運河行轉般之

法馬政廢弛請令營馬量減數成牧馬除借營用令變價解庫各省營兵應調

赴戰請飭將傷病撤回空糧關伍實力整頓軍興各省州縣倉穀或遭蹂躪或

備供億實存棊少請令地方官勸富民納粟入倉量予獎勵又疏陳江防五事

曰扼要津聯陸路斷岸奸讓火攻增小船並下部議行琦善卒托明阿為欽差

大臣同書仍留佐軍事粵匪再陷揚州托明阿坐罷德興阿代之詔同書幫辦

軍務德興阿連復揚州浦口進規瓜州鎮江軍事日有起色多出同書贊克

瓜洲命以侍郎候補賜黃馬褂八年六月授安徽巡撫時廬州再陷粵匪捻匪

相勾結准南北蹂躪殆遍上命同書幫辦欽差大臣勝保軍務安徽境各軍均

歸節制同書移軍定遠賊自天長犯三河集擊破之復天長捻匪擾定遠粵匪

亦來犯同書督兵擊卻之九年擒匪大舉陷六安攻定遠同書與勝保夾擊大破之復六安擒匪復合粵匪數萬人來犯定遠陷同書移軍壽州下吏議革職留任同書奏近來可用之兵莫如楚師謀聞楚師順江而下已破石牌倘別遣勁旅問道急趨英霍徐圖懷定此上策也如楚師轉戰未能深入用苗沛霖輔以官軍先拔懷遠此中策也若二者皆不能行則以勝保攻明光李世忠踰清流關以保東路臣守壽州與傅振邦關保相應援制孫葵心劉添幅二巨擒以保西路此下策也葵心攻穎州同書遣兵擊之敗走復霍山十年遣兵攻鐘橋笑賊壘進擊舒城援賊破王家海賊圩勝保議招葵心上詣同書同書言師方攻程家圩賊巢不必曲意招撫俄拔程家圩英法聯軍犯京師勝保請召苗沛霖練勇入援命同書傳旨同書亦自請開巡撫缺率之同行尋併諭止之粵匪陳玉成攻壽州同書力禦尋退苗沛霖本懷反側見時方多故益猖恣因與壽州團練徐立壯係家泰等有嫌會其所部數人為立壯所殺遂圍攻壽州同書密疏陳沛霖跋扈詔飭會袁甲三查辦沛霖抗不聽命圍攻益急縱兵四擾立

清史稿

列傳一百十四

六

壯所部多舊捻素騷擾為民怨十一年坐其通捻殺之又下孫家泰於獄家泰自殺以蒙時中付沛霖沛霖仍不息兵召同書還京以賈臻代署巡撫同書令署布政使張學勳勸沛霖始撤圍奏言沛霖過猶知改請量加撫慰資剿捻贖罪俾袁甲三賈臻籌辦善後事宜同治元年會國藩奏劾同書於定遠失守時棄城走壽州復不能妥辦致紳練有警殺之事迨壽州城陷奏報情形前後矛盾命視職速問王大臣會鞫擬大辟父心存病篤暫釋待湯榮心存卒復命持服百日仍入獄二年改戍新疆三年都興阿請留甘肅軍營效力以花馬池戰捷獲賊渠孫義保賜四品頂戴尋卒復原官贈右都御史諡文勤嚴樹森初名樹森字渭春四川新繁人原籍陝西渭南道光二十年舉人入貢為內閣中書改知縣銓授湖北東湖捐升同知以防剿功晉秩知府署武昌府巡撫胡林翼薦之八年擢荆宜施道遷按察使十年遷布政使擢河南巡撫時皖捻縱橫於河南境內又有汝甯土匪陳大喜金樓教匪邵永清皆猖獗十一年正月捻匪姜台凌自歸德犯省城援軍集遂南趨陷唐縣攻南陽府城圍鄧

州裕州三月始回巢孫葵心犯光州陳州亦至三月始出境苗沛霖黨勾結陳大喜等擾陳州汝寧邊境五月雷彥等圍鹿邑經月始回巢七月劉狗大股分黑白花二旗擾歸德結金樓教匪攻馬牧寨樹森出駐陳州督剿八月劉狗竄朱仙鎮犯省城樹森率兵回援賊竄汜水鞏縣掠黑石關回竄鄭州仍由歸德回巢姜台凌亦犯沈邱裕州越樊城復入荆子關擾南汝兩郡由柘城鹿邑回巢十月劉狗復大舉援金樓寨為官軍所阻未得過時苗沛霖復叛結張洛行與汝甯正陽息縣諸匪連絡將犯河南樹森借團練大臣毛昶熙合疏請調宜昌鎮總兵李續焄及鮑超部將陳由立各募楚勇三千赴豫又調吉林馬隊一千以資防剿請增兵之後山西陝西月協銀各二萬兩尤之樹森老於吏事在湖北從胡林翼治兵久堅憤自是與毛昶熙不合事相掣肘治河南年餘禦賊雖有禽斬軍事不得要領迄無起色調湖北巡撫同治元年粵匪陳德才自南陽趨陝邊捻匪竄永甯延及維南樹森疏言當今賊勢不患其併力南趨特慮其潛窺陝境西同鳳三府為全陝菁華所萃宜急驅出關會合夾擊以保完善

清史稿

列傳一百十四

七

之區五月賊犯鄆西令總兵何紹彩收之何家店會道員金國琛赴鄆策應令周鳳山分兵剿正陽羅山破賊巢克邢家集龍井陡溝明港粵捻諸匪合陷隨州陳大喜陷京山馬融和陷德安令舒保擊敗德安賊穆正春復京山應城襄北稍定因星變奏劾欽差大臣勝保又奏言藩臬任重不得以軍功擅請記名標兵缺額請以戰勇充補陣亡卹賞欠發許作子孫捐項叙給官階職銜貢監京官五品以下官俸實發不折下部分別議行二年擒匪竄麻城樹森赴黃州視師督舒保穆正春等擊走之三年粵捻諸匪由陝南合趨湖北詔總督官文出省督師樹森留防省城官文奏劾樹森把持兵柄營營悉改隸撫標上斥其任意妄為降道員四年授廣西按察使貴州巡撫張亮基被劫玩兵侵餉縱暴殃民諸款命樹森馳往查奏五年授貴州布政使樹森返道不進未至即奏覆參案六年疏請開缺詔斥其規避取巧視職發往雲南差遣委用十一年予四品頂戴署廣西按察使光緒元年遷布政使就擢巡撫二年卒賜卹論曰王懿德治閩悍寇未深入鎮輯佳符尚能保境曾望顏在言路有聲治兵

無術獨亂遂成耑輪湘軍因人成事安徽兵餉俱絕四郊多壘福濟固一籌莫展翁同書亦憾疾終凶嚴樹森恃才器小效胡林翼而適得其反者也

清史稿

列傳二百十四

清史稿

列傳二百十五

秦定三

鄭魁士

傅振邦

邱聯恩

黃開榜

陳國瑞

郭寶昌

秦定三字竹坡湖北興國人道光六年武進士授二等侍衛出為廣西桂林營游擊游擢貴州鎮遠鎮總兵三十年平湖南李沅發之亂賜號愨勇巴圖魯咸豐元年率貴州雲南兵赴廣西剿匪克武宣三里城賊營進剿象州以賊竄逸坐視花翎降二級留任尋連破賊馬鞍山竹園村復之借副都統烏蘭泰破賊新城又奪雙髻山豬仔峽要隘被嘉獎又擊賊於永安州力戰受傷二年破水竇賊壘賊棄永安潰圍走禽賊首洪大泉賊趨桂林定三倍烏蘭泰追之急不暇結營而戰定三止之勿聽烏蘭泰以傷歿定三代將其軍克花橋桂林尋解圍以保守省城被優叙追賊入湖南破賊於道州桃花井五里亭龍安橋進援

清史稿

列傳二百十五

長沙總兵和春營妙高峰為賊所圍定三分兵襲賊營得解尋賊竄岳州定三坐不能退賊革職留任進援武昌戰於洪山三年賊浮江東下向榮率大軍由陸路追之令和春及定三為前鋒甫至九江而江寧已陷除月大軍始至迭戰城下賊堅壁以拒四年賊分黨陷廬州和春疏調定三及鄭魁士率所部往助剿時廬州久為賊踞旁縣並陷定三連戰破賊復六安屯三角井會江寧賊分黨入安徽圍北犯以援畿南賊匪道經舒城賊首羅大綱石達開胡以晄秦日昌等合衆數萬四路來撲定三所部僅二千堅守十餘日陣斬羅大綱賊始挫引去定三集團勇攻舒城悉破城外賊壘又伺賊出截擊連破之圍之數月六年賊營火藥自焚乘其亂薄城奮攻梯而登遂復舒城殲賊四千餘予騎都尉世職進屯軍鋪賊自廬江桐城分路來犯定三往來馳擊大破之復五河廬江二縣進規桐城奪小關下關白河嶺諸隘屯陳家鋪是年冬賊由安慶來援定三血戰十八日賊乃退又破賊於桐城北門外燬其城樓擒匪擾河南詔定三赴蒙城亳州會剿以鄭魁士代任桐城軍事巡撫福濟疏言定三圍攻方得手

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

留之改以魁士援北路而魁士軍已至定三初與魁士同列及和春赴江南督師魁士會辦安徽軍務權位出定三上又因爭餉定三心不平上疏劾之福濟所恃惟兩軍難左右袒軍飢且渙七年春賊又陷廬江進犯桐城官軍爲所圍不戰而潰坐視翎頂文宗知定三類年苦戰收非其罪原之故薄譴命赴江南大營隸和春軍屯句容大軍方攻鎮江令移駐溧水以遏援賊尋卒於軍詔念前勞依例賜卹設恭武郝光甲直隸任邱人道光十八年一甲一名武進士授頭等侍衛出爲山東撫標中軍參將巡撫李德勳之超擢陝安鎮總兵咸豐三年率陝甘兵援山東從解懷慶圍追賊至山西破之於平陽賊入畿輔光甲從勝保追勦陝甘總督舒興阿勦賊河南互相爭調光甲以擅自移營視職尋隨舒興阿援安徽其軍改隸秦定三戰舒城迭破賊詔予三品頂戴著陝安鎮總兵從克廬州復舒城復總兵頂戴賜花翎尋調赴河南勦捻誤往徐州被劾革職留營擊頑州捻匪於江集禽捻首王鳳林復以調赴蒙城遲延降二級七年援桐城兵敗歿於陣詔復原官依總兵賜卹予騎都尉世職設武節

清史稿

列傳二百十五

二

鄭魁士直隸萬全人由行伍洊擢湖南提標守備道光三十年平李沅發之亂擢鎮軍鎮標都司從提督向榮赴廣西勦匪屢捷賜花翎擢湖南九船營游擊以參將升用咸豐二年守桂林援長沙擢副將賜號沙拉瑪巴圖魯援武昌遂從向榮追賊沿江東下以違軍令被劾職留營尋戰江寧有功給都司翎頂四年提督和春調率所部赴廬州進攻屢捷復其職尋署安徽壽春鎮總兵廬州數縣皆陷府城賊衆糧足殊死守和春一軍倚魁士及秦定三二人定三分兵攻舒城而廬州軍事專恃魁士圍攻歷年餘安慶江寧援賊屢來援皆擊走至五年冬攻愈急魁士潛至城下以雲梯登城克之被優叙加提督銜六年春追賊至三河焚其巢而擒匪日熾魁士率兵赴宿州擊破之乃分路軍入河南境巡撫英桂疏請魁士赴援永城和春方倚辦皖賊疏留令往來策應於是迭擊擒匪於懷遠茅塘集河溜等處禽其酋補澂等四十餘人又破之於蒙城焚其積聚駐守懷遠賊分隊來犯魁士被圍力戰身被二十餘創卒破賊解圍去詔嘉其勇賜黃馬褂又督團練敗賊於太和會和春督師江南詔安徽軍務以

魁士繼任會同巡撫福濟督辦實授壽春鎮總兵迭克舒城廬江無爲下部優敘頒賜御用衣服及珍物又以魁士躬冒鋒鏑被創甚劇特詔嘉獎賜藥調治先後分兵復和州潛山先是秦定三攻桐城賊堅守不下魁士往會剿迭戰並擊退援賊時悍賊石達開往來桐城安慶勢甚張又勾通捻匪蔓延皖豫之間詔秦定三移兵蒙城勦捻尋又留攻桐城以魁士代之會同河南巡撫英桂節制三省剿捻之兵而桐城兵事方棘福濟復疏留不遣值歲荒餉匱定三軍原取給地方捐給魁士兵至悉取轉供定三疏爭福濟一無措置兩軍遂成水火詔促魁士速赴蒙城亦迄未行七年春廬江潛山連陷賊由安慶大舉來犯城賊突出官軍飢疲不相顧不戰潰圍而走於是詔視魁士翎頂罷其剿捻會辦歸福濟節制退保廬州粵捻各匪會合來犯魁士迎擊挫之復翎頂尋克桃嶺派河進扼全椒滁州以杜北竄八年調赴江南大營授浙江提督督辦海國軍務九年克灣止進剿貴池南陵尋命駐防高潛東埔十年以傷病乞假詔斥屢次退却以總兵降補從漕運總督袁甲三剿賊授甘肅寧夏鎮總兵十一年以

清史稿

列傳二百十五

三

病能尋召來京候簡同治五年擒匪北犯命赴直隸東路協剿六年署直隸提督八年乞病歸十二年卒大學士李鴻章疏陳魁士久於軍事堅苦剛毅受重傷詔依例賜卹設忠烈傳振邦山東昌邑人道光十六年武進士授三等侍衛二十三年出爲湖南長沙協中軍都司署鎮軍游擊三十年從平新寧土匪李沅發受槍傷賜花翎賞授游擊咸豐二年赴援桂林三年從向榮追賊抵江南擢湖南撫標中軍參將以圍攻江寧功賜號紳克托巴圖魯四年擢貴州定廣協副將署江蘇徐州鎮總兵賊由蕪湖犯東埔陷高潛向榮令迎擊敗之復其城又偕鄧紹良克太平府偏秣陵關破賊於采石磯六年莅徐州署任擒曾張洛行夏白任乾圍宿州振邦敗之夾溝符離解城圍再敗張洛行於瓦子口毀其巢擊退蒙城賊於灘口又偕伊興額破捻酋紀學中王得六於永城鐵佛寺毀柳集臨渙集賊巢禽紀學中實授徐州鎮總兵會江南大營失利命振邦馳援借總兵明安秦秦如虎破賊東埔進攻溧水七年克之又破賊湖墅追至龍都借張國樞克句容加

提督銜八年授客國拔灣止黃池郡城解嚴四月回軍徐州命幫辦袁甲三軍務時拉匪繼起振邦馳逐江北皖豫之間禽石得珍於山套覆李大喜於符離暨孫葵心於茨河歸德陳州均肅清以提督記名九年命代袁甲三督辦三省勦匪事副都統伊興額副之尋復命幫辦欽差大臣勝保軍仍留督辦三省勦匪事治北垵渠劉添福糾眾三萬圍練苗沛霖營振邦馳救賊壘二十四乘勝攻治南陣斬賊酋任乾夷其圩授雲南提督蒙城王家圩諸圩聞任乾死俱乞降獨澠南板橋集賊陸連科負隅久抗振邦設計招降黃家圩李華東為內應禽陸連科誅之澠南北六十餘圩悉就撫六月賊陷定遠振邦馳援破賊於宿州賊竄固鎮破之於方家坎渡口孫葵心竄唐家寨獲濟甯截擊之賊退走十年詔袁甲三代勝保為欽差大臣振邦專任徐宿剿匪事擒匪屢窺徐宿其老巢袁徐兩圩跨澠南河北振邦進剿連破其衝要臨渙韓村趙家海張圩餘多自拔就撫遂渡澠河攻袁圩擒劉添福自豫回窺擊敗之再破之褚莊邱家圩檳城五戰皆捷殲賊六千有奇禽其曾任護任大牛東路擒匪屢獲宿遷

清史稿 列傳一百十五

四

十三年出為直隸通州協副將調河間協咸豐四年從勝保剿粵匪於靜海李家莊擊敗之又破梁頭孫家莊賊營擢南陽鎮總兵剿光州擒匪禽其渠丁心田賜花翎五年擒首李世林敗死其黨易添富糾汝陽息縣諸匪戕烏龍集州判陷息縣據光山縣恩督兵圍攻賊背遁追擊大破之斃賊千餘禽斬王黨黃五雷等六年皖捻首張洛行襲瞎子等獲歸德縣恩間道赴援甫至賊三路來撲擊走之尋以進勦遲延革職留營連破賊於穀熟集界溝集殲賊甚衆進剿亳州五馬溝大破之殲賊千餘禽賊目三十餘人復原官其冬襄樊土匪起入河南陷鄧州內鄉縣恩馳擊復其城殲賊渠朱中立等轄境得安七年春張洛行擁眾掠光州固始分據洪河南北勝保大軍扼北岸縣恩率兵千餘擊南岸進攻方家集賊巢五月諸軍合擊縣恩直搗賊壘破圩而入乘勝追殺焚洪河橋兩岸賊皆潰殲斃三千餘是役功最賜號圖薩爾巴圖魯九月剿角子山擒匪都統德楞阿敗賊確山縣恩乘勝殲賊竄沁陽嵩縣諸山中搜捕數月賊氛始清八年回軍援固始圍尋解粵匪犯湖北陷麻城縣恩扼沙窩坊虎頭關

清史稿 列傳一百十五

五

睢寧振邦戰於苗村大破之閏三月借田在田克闊圩禽任虎鄧三摩等誅之復破援賊禽李大喜四月連克澠南解溝五溝任圩賊巢斬賊目李四喜任友得三十餘名收撫重亭藕池四十二圩五月會攻袁圩擒劉添祥等大舉來援分軍擊之而永城擒萬餘直趨重亭窺孫瞳大營振邦令副將魏耀倫擊敗其眾禽擒首趙學煥等七月拔蒙城西洋集賊圩十四類牽擒首姜台凌等北窺澠南扼險截擊禽賊目百餘尋因傷發請假回籍醫治尤之十一年命督練民團防堵登萊青三府振邦病未已疏辭防堵請專任團練報可是年冬命來京候簡同治元年勝保奏調振邦幫辦皖豫軍為山東所留不果行二年僧格林沁調統前軍從攻淄川白蓮池援蒙城三年從破捻曾張總愚為湖北隨州四年以疾告歸未幾疾愈留督軍青萊移扼張秋河防六年會剿直隸梟匪賊降復叛視翎頂尋破賊夏津復之五年西捻平補直隸提督光緒六年調湖北九年以傷發回籍未幾卒於家賜卹卹剛勇

防光山商城一路十月擒首孫葵心竄周家口縣恩破之槐店九年春張洛行襲瞎子復擾歸德縣恩馳援連破之追至五溝營賊分為二其東窺者分兵擊潰於商水南而自竄其西孤軍獨進巡撫恒福勦其追賊遲延革職留營賊犯西華進擊解其圍追至舞陽北舞渡日已暮人馬皆未食遇賊奮戰進至殺虎橋賊騎四面兜圍縣恩身被重創馬仆步戰手殺十餘賊力竭死之詔復原官依提督陣亡例優卹予騎都尉並一雲騎尉世職設武烈南陽同安並建專祠無子以族子嗣炳忠襲男爵炳義襲世職

黃開榜湖北施南人初入湘軍從塔齊布戰武漢斬黃間果擢至都司咸豐七年從勝保剿捻匪克正陽關擢游擊八年借副都統穆騰阿戰馬頭開榜失利視翎頂復六安加副將銜九年正月會豫軍毀穎上南照集賊巢率水師攻蚌埠長淮衛戰七晝夜獲賊船百餘斃賊千餘又焚賊舟糧破懷遠水路諸卡毀文昌閣賊壘殺賊甚眾賜號勳勇巴圖魯合諸軍擊退援賊直抵懷遠城下先登復懷遠擢副將十年袁甲三圍鳳陽開榜會攻爐橋擒首張洛行來援會諸

軍夾擊破之賊曾鄧正明潛乞降規府城虛實開榜請衆師城外示以兵威總兵張得勝誘禽賊首張隆令縛獻賊曾悍黨十四人磔於市開榜張隆首示城賊衆縛獻其曾乞降誅悍者三百餘人餘遣散歸業功最以總兵記名借總兵田在田等破賊王家營復清江浦遂駐防江寧大營潰降賊薛成良叛入邵伯湖開榜借副將劉成元等燬賊船三百餘艘賊殆盡成良赴水死加提督銜授江西九江鎮總兵十一年攻天長豐平賊學同治元年擒匪竄寶應開榜督礮船擊走之又敗賊於山陽汶河借道員張富年破賊宿州觀音寺仁和集禽賊曾王春玉於邳州拔貓兒窩賊柵僧格林沁勅開榜飾詞冒功下漕運總督吳棠按究得白肅統徐宿軍兼節制水師二年攻長城賊堡克之收撫附近諸城破部家花園孫疇賊巢以提督記名粵匪渡江北犯開榜扼高郵賊掠船渡湖犯天長開榜往援焚賊復軍於隄上賊列陣以拒開榜令副將龔雲福由陸路迎擊參將陳浚家率礮划潛出小河口轉戰而前與長城兵夾擊破賊於三汊河天長圍解提督楊岳斌復江浦浦口開榜破七里洲賊壘焚船六十餘

清史稿

列傳一百十五

六

艘助攻九洲洲拔之開榜奉調赴臨淮借總兵普承堯平七里河岸賊壘二年率所部師船防通州江寧平四年赴九江鎮任十年卒諡剛愨陳國瑞字慶雲湖北應城人年十餘歲陷賊中出投總兵黃開榜收爲義子冒姓黃氏在軍每戰衝鋒咸豐九年從攻懷遠率七人夜渡河擊燬先登擲火燔譙樓斬悍賊十餘人師畢登遂克懷遠自是以勇聞欽差大臣袁甲三進圍定遠擒首李光等來援國瑞陷陣曾中槍裏創力戰賊辟易乘勝破二圩賜號技勇巴圖魯奉檄援壽州中途聞賊犯鳳陽回軍夜往連破賊壘立解圍超擢游擊十一年江皖賊合衆窺揚州國瑞馳勦湖西屢破賊加副將銜同治元年春擒匪犯淮安國瑞率五百人繞出賊後與總兵龔耀倫夾擊賊驚潰馬賊悉遁步賊萬餘回拒國瑞借總兵王萬清合戰破之再破賊黨李城於版廬賊由衆興集撲清江浦擊走之以礮船三十遏運河夜襲桃源北岸破賊圩四直取衆興拔十餘壘擢副將三月率步卒八百敗賊於涇河轉戰至新河賊逼隄而陣國瑞麾隊猛進手然礮聲執旗賊目斬級千餘以總兵記名進勦泗州擒首韓

老萬敗之四月戰於邳州新村槍衆亘三十里國瑞分三路迎擊斬賊渠王春玉擲其首賊陣中賊駭亂夜冒雨襲破其三營別賊趨教昏暗不辨自相殺乘勢燬之殲數千擒勢遂衰時山東棍棍各匪騰集郟城漕運總督吳棠檄國瑞進剿連克數圩斃悍曾孫化詳餘黨多就撫五月會攻兗州鳳凰山約副將郭寶昌參將康錦文分路設伏躬率小隊抵白蓮池誘賊出伏發截賊隊爲二禽悍匪劉雙印綠匪先登諸軍繼之克鳳凰山戮逆首宋維鵬等賜黃馬褂頭品頂戴國瑞呈請歸宗復陳姓會苗沛霖叛僧格林沁移剿檄國瑞先發漕運總督吳棠奏請國瑞幫辦軍務國瑞至蒙城先襲破紅里賊圩以通糧道繼克王圩越重濠進逼賊巢皖軍總兵宋慶會攻國瑞以賊壘連屬不易下密令郭寶昌自全家集梟水支浮橋宋慶守之親引軍渡河焚賊糧屯連破數壘沛霖夜遁爲人所殺淮甸平以提督記名三年授浙江處州鎮總兵屯正陽關僧格林沁剿擒湖北不利檄國瑞赴援坐遷延降三級調用奪所部隸郭寶昌國瑞歎望人言其將反八月國瑞率千餘人謁僧格林沁於光山請爲前鋒借翼長成

清史稿

列傳一百十五

七

保等勦柳林大小諸寨深入失利國瑞力戰兩晝夜始突圍出追賊斬水蘄州羅田廣濟屢捷賊竄英山霍山合諸軍戰於土漢河殲斃數千生禽數百時羣賊因江甯已克降散過半敘功復原官四年正月翼長恆齡追賊至魯山遇伏與副都統舒倫保等同日陣亡國瑞力扼橋口餘衆得還賊犯襄城國瑞乘夜大雪出賊不意火其壘賊潰走時賊被剿急來往飄忽僧格林沁率騎軍窮追國瑞部隊從其後三月遇賊於確山與諸軍合擊大破之賊僅餘馬隊由遂平西平直走睢州過魯黃河入山東境僧格林沁以國瑞與郭寶昌戰最力奏賞所部軍士各銀五千兩又請獎寶昌遇提督簡放詔謂國瑞確山之戰最出力命酌量保奏賊從臺莊渡運河遂趨江北國瑞踞之屯沭陽四月賊復折入山東僧格林沁戰於曹州兵挫遇害詔罪諸將不能救護國瑞以受傷免議素恃功桀驁自僧格林沁外罕聽節制曾國藩奉命督師諭戒其切飭赴援歸德至濟甯與劉銘傳交惡發兵爭鬪殺傷甚多踞長清相持不下詔嚴斥之亦未加之罪國藩疏論曹州之役國瑞與郭寶昌分統左右兩翼寶昌革職等問國瑞

不應倖免遂撤去辦軍務黃馬褂暫留處州鎮嚴罪立功尋養病淮安登
縱恣不法欲殺養子振邦漕運總督吳棠劾其病癩職押送回籍收其鹽本
田產充公存銀二萬五千兩儲湖北官庫分年付資生計母令失所俟其病痊
奏聞既而病痊置吏張之萬諫廷襲等交章論薦召至京予頭等侍衛六年春
擒匪張總愚猝犯畿南命率師迎擊國瑞兩晝夜馳抵保定詔嘉之數敗賊追
至河南境行軍輒自由不聽節制所部尤無紀律屢被彈劾擊賊於濟陽德平
皆捷洎擒平悉復原職黃馬褂勇號予雲騎尉世職以傷發乞假居揚州李世
忠與有嫌相閔世忠縛諸舟將斃之曾國藩勸世忠革職國瑞降都司勒令回
籍國瑞復潛至揚州因總兵詹啟綸毆斃胡士禮獄牽連論罪成黑龍江逾數
年朝廷猶念舊功以詢大學士李鴻章鴻章謂其情性未改精力已衰遂不復
用光緒八年歿於成所給事中鄧承修山東巡撫福潤安徽巡撫沈秉成湖廣
總督張之洞先後疏陳職績詔允復官並於立功諸省建專祠

清史稿

列傳二百十五

八

十一年國瑞擊擒匪於高郵資應寶昌率驍健十八人為前鋒陷陣得捷又率
兵三百破賊於天長龍崗據守備賜花翎同治元年正月擒酋李成任柱等犯
清江浦楚勝軍禦之戰車橋鎮賊分衆劫淮關寶昌追殺奪還所劫稅銀數萬
兩賊奔還衆與集寶昌潛師夜襲連破二十餘壘賊引去推游擊賜號卓勇巴
圖魯擒劉添福等糾餘匪援泗州山東棍匪亦響應寶昌連破之汶河沙浦
莊匪勢漸衰二年匪首孫化祥就禽積功洊擢副將楚勝軍名益著格林沁
調令助剿白蓮池鳳凰山從陳國瑞迭出奇兵力戰生禽賊首劉雙印斬其黨
劉金春等於陣任柱糾棍匪教匪諸黨來援並擊走之白蓮池平論功以總兵
記名移軍剿苗沛霖寶昌偕陳國瑞先至攻破王家圩渡河築三壘與賊對峙
斷其餽運賊悉銳來爭擊卻之賊氣奪大軍至諸圩以次下沛霖走死加提督
銜三年調援湖北與陳國瑞分軍名曰卓勝營始獨當一面八月粵捻諸匪由
湖北入安徽至英山東北寶昌合諸軍敗之黑石渡賊首馬融和擁衆十萬議
投誠未決寶昌單騎入其營曉譬禍福融和即日降事聞賜黃馬褂四年從僧

清史稿

列傳二百十五

九

格林沁轉戰楚豫之交功多特奏保提督記名尋以曹州之敗詔斥不能教護
主將革職遣戍新疆五年曾國藩喬松年奏請免發遣留營效力六年從喬松
年赴陝西偕提督劉松山剿回匪於臨平克之擒魁張總愚率衆萬餘犯富平
寶昌縱間伺隙出奇襲之令部將宋朝儒等設伏村墟自率親軍挑戰伏起來
擊斬敵數千又敗賊於大荔大漆復原官勇號進復綏德州授安徽壽春鎮總
兵七年春擒匪由山西河南直犯畿輔寶昌馳援日行百餘里抄出賊前抵保
定賊至見官軍盛引去晉號法凌阿巴圖魯躡賊入河南敗之封邱黃河套張
總愚匿村舍中寶昌單騎獨出突遇賊受傷墮馬部將宋朝儒翼之出事聞予
假兩月調理賜尚方珍藥未幾擒匪平復黃馬褂以提督簡放子騎都尉世職
命從左宗棠赴陝西剿回匪八年傷愈西行破賊於宜川平綏德州叛卒回匪
東趨命赴山西防河九年河西土匪起寶昌渡河擊破其衆率撤搜捕北山土
匪悉平十年赴壽春鎮任十一年霍邱蔡家集土匪李六倡亂率輕騎百人往
勦踰渠魁而還事定加頭品頂戴光緒二年平永城渦陽土匪被優敘寶昌勦
擒功最多鎮壽春先後三十年淮北特為保障調廣東南韶鎮未任尋還故官
俄羅斯法蘭西日本三次開兵疊調防南北事定仍回本任二十六年卒於官
賜卹

論曰秦定三鄭魁士並向榮得力之將和春克廬州悉賴二人遂與皖事終始
桐城之潰由於爭餉不和亦其臣無調度之方以致之傅振邦老於軍事持重
無失邱聯恩名將之子在豫軍中最號忠勇陳國瑞勇足冠軍剽悍不受繩尺
不能以功名終郭寶昌戰績亦與並稱材武不及而器量差勝焉

清史稿

列傳二百十六

江忠義

周寬世

石清吉

余際昌

林文察

趙德光

張文德

江忠義字味根湖南新甯人忠源從弟咸豐二年忠源率楚勇援長沙忠義年十八從軍轉戰湖北江西忠源殉難廬州遂分將其軍五年從提督和春復廬州擢知縣七年劉長佑援江西攻臨江不利時忠義在籍巡撫駱秉章檄率新練勇千人往助之至則破石達開於平城臨江既克擢知府賞花翎八年克崇仁進攻新城五戰皆捷加道銜江西肅清凱歸九年石達開犯永州忠義赴援連戰破之擢道員又敗賊新寧摩阿嶺扼武岡賊圍寶慶忠義進援會諸軍迭戰解圍賜號額爾德木巴圖魯十年駐守綏靖母病歸賊遂陷綏靖城步圍武岡忠義聞警分軍守新甯自援武岡破其寨新甯之賊走踞東安一戰克之加

清史稿

列傳二百十六

按察使銜又破賊於甯遠四廣橋十一年春連破賊於全州白芒營宜章栗源堡還軍屯新甯遣參將江忠朝扼全州賊目余成義斬其酋以降加二品頂戴特擢署貴州巡撫石達開復自粵竄楚衆數十萬忠義以三千人扼會同大破之賊糾湖北來鳳賊黨肆擾擊走之遂克來鳳連開走入四川十二月丁母憂請終制詔允開著缺仍在湖南剿賊同治元年移師援黔克天柱改授貴州提督調援廣西克修仁殲賊渠張高友皖南賊熾曾國藩疏調援皖廣西巡撫劉長佑請留不遣命署廣西提督二年江西廣東皆調援先後報可忠義以廣東兵有餘糧他將足辦賊江西饑饉兵單賊數十萬萬一不支東南全局瓦解乃奏請力援江西檄道員席寶田率前部先發會剿陶家渡自將攻湖口逼賊營屢出奇兵抄擊斷文橋攻太平關賊酋黃文金受重創遁去賜黃馬褂進授青陽分三路進戰破賊壘圍解太平石埭甯國諸城賊次第出降詔嘉獎予優叙會疾作返就醫南昌未至卒於吳城年甫三十優詔悼惜依總督例賜卹贈尚書銜設誠恪立功德建專祠光緒十一年加贈太子少保從弟忠珀配名提督

同治八年剿貴州苗攻克鎮遠府衛二城中賊亡寇武愨

周寬世字厚齋湖南湘鄉人咸豐初從湘軍李續賓部下戰城陵磯花園半壁山皆有功擢千總從援江西攻廣信戰烏石山寬世出左路突陣為諸軍先復其城擢守備破賊義寧都司回援武漢戰通城寬世馳斬馬賊三生禽七以遊擊補用從攻武昌六年李續賓夜出偵賊邊之雙鳳山突戰寬世潛繞山趾橫擊之賊敗奔又戰鷹嘴受礮傷假歸果功擢參將賜花翎既而羅澤南卒於軍續賓代將召寬世回營迭破賊於雙鳳山魯家港小龜山克武漢復大冶興國擢副將七年從攻九江破賊於童司輝毀其壘賜號義勇巴圖魯破小池口賊屯會克湖口復彭澤賊由臨江犯興國寬世率千六百人擊走之八年回援湖北戰麻城西南斗坡山賊設伏以馬隊誘戰寬世待其近突擊之遂破其伏軍進克黃安而麻城亦下大軍克九江論功以總兵記名從李續賓進軍安徽戰楓香鋪小池驛克太湖潛山搗舒城寬世皆為軍鋒十月進攻三河續寶戰沒寬世飲餘衆守二日彈丸俱盡夜率親卒突圍受重傷是年冬授湖南

清史稿

列傳二百十六

永州鎮總兵九年石達開犯湖南巡撫駱秉章令寬世募新軍二千援祁陽破賊長慶橋又敗之長葉嶺進援寶慶屯城東連敗賊長沖口五里牌李續宜援師至會諸軍內外夾擊賊解圍走回剿永州土匪平之十一年擢湖南提督同治元年赴安徽助勦駐守桐城二年擒匪馬融和犯桐城擊走之移防六安皖北漸定調守安慶三年赴援江西克東鄉四年破蕪軍叛勇追賊入廣東會諸軍殲賊於嘉應五年回湖南提督任傷發乞休光緒十三年卒

石清吉字祥瑞直隸沙河人道光二十一年武進士官三等侍衛咸豐初出為湖北郎陽鎮守備從剿黃陂崇陽應城果擢參將克安陸京山皆有功以勇稱所統曰飛虎軍尋轉將軍都與阿軍常從多隆阿轉戰七年援蘄州拔太湖攻安慶八年由安慶退保宿松大戰破賊九年攻太湖十年大戰小池克太湖功皆最十一年安慶既下會諸軍克桐城同治元年從攻廬州清吉屯城西北破賊壘禽斬數千進毀賊柵樹雲梯攻城賊方死拒而陳玉成兵敗遁去遂由西門攻入克廬州清吉累以戰功賜號幹勇巴圖魯擢總兵加提督銜多隆阿督

師赴陝西以清吉統五千人留守廬州二年苗沛霖復叛廬壽開土匪蜂起清吉悉剿平之與諸匪合擾豫楚之交清吉赴援湖北屯孝威黃岡拔難民近萬三年九月匪酋陳得才馬融和合犯蕪水圍副都統富森保於關口清吉率軍馳援會大霧賊馬步數萬圍集清吉進至樂山賊渡河抄後路圍數重截其四營為二自辰至午血戰被九創隕於陣從戰死者副將江星南谷明發游擊曾占彪段會元事聞詔視提督陣亡例賜卹入祀京師昭忠祠予騎都尉世職諡威毅建專祠

余際昌湖北穀城人咸豐初入伍勦匪積功至守備署撫標右營遊擊為巡撫胡林翼所識拔七年從戰黃梅廣濟八年陳玉成自太湖竄蕪州際昌奉檄防皖楚之交敗賊南陽河毀賊壘三十餘餘賊日賊走英山追蹙之復其城擄遊擊又破賊彌陀寺首參將李續賓軍覆三河潛山太湖復陷際昌屯英山因潛太之衝九年進拔天堂賊大舉來爭際昌敗諸王婆劫追至雞冠嶺而還再敗賊槎水販斬賊千餘時大軍圍太湖急陳玉成糾黨十餘萬相持小池驛十年

清史稿 列傳二百十六

三

正月際昌借金國琛由間道出高嶺嶺與諸軍夾擊大破之遂復太湖乘勝會攻克潛山擄副將署湖北督標中軍副將陳玉成自六安回援安慶霍山復陷際昌偕總兵成大吉擊破之復霍山加總兵銜十一年陳玉成入霍山自黑石渡撲樂兒嶺際昌軍潰賊上竄黃州革職留營尋從克黃州率新募昌勝五營援河南同治元年屯陳留捻匪屠集杞縣際昌馳擊大破之進拔焦趙二寨復原官賜號偉勇巴圖魯十月攻捻於汝甯破平與秦生禽賊曾陳文昭以總兵記名僧格林沁嘉其勇令充翼長從勦濁河斬賊渠楊興太等二年春追破陳大喜於阜陽吳老莊捻首張總愚竄侯集際昌會張曜夜襲之禽其黨獨角虎周馬授河北鎮總兵夏遂賊楚豫間敗之麻城踞至方家寨中伏力戰受二十餘創死之贈提督子騎都尉世職諡威毅

林文察字子明福建臺灣人咸豐八年從剿臺灣淡水土匪捐餉助軍以遊擊留福建補用十年九壘山匪郭萬淙掠建甯邵武間汀州龍巖匪胡熊樓南洋永安文察隨軍進剿禽其黨百餘人郭萬淙遁據邵武上山坊文察合軍蹙之

降其衆復破胡熊於東板土寨禽之擄參將賜號固勇巴圖魯十一年援浙克江山督副將曾毓昌訥思齊巴圖魯汀州連城相繼陷文察回援破賊金雞嶺設伏敗之江防遂拔連城乘勝克汀州以總兵記名冬杭州既陷調援浙文察領臺勇二千人駐衢州同治元年破處州賊屯而遂昌陷文察進軍逼之李世賢自江山來援文察設伏大柘大廟及石練山之前後賊至擊走之夜賊來劫營復為伏兵所敗復遂昌進克松陽會總兵秦如虎攻處州賊棄城遁並克稽雲授福甯鎮總兵尋擢福建提督二年臺灣不靖總督左宗棠令渡臺號召舊部統領諸軍文察分軍攻彰化及斗六克之諭降諸莊賊渠戴萬生林慧辰遁走三年破樵溪口賊莊斬其酋林傳毀張厝莊四塊厝賊巢戴萬生林慧辰並伏誅粵匪李世賢汪海洋合陷漳州文察倉猝率二百人內渡遇賊萬松關歿於陣贈太子少保子騎都尉世職諡剛愨本籍及漳州建專祠子朝棟光緒中法兵犯臺灣陷基隆朝棟率家兵助戰有功捐鉅資賜四品京堂有聲於時

清史稿 列傳二百十六

四

氏拔補千總擢都司咸豐十年自領一軍戰獨山屢敗賊擄遊擊十一年賊窺省城德光擊走之又敗之羊場平寨設伏於主戎山龍燈賊無算擄參將賜號豪勇巴圖魯教匪踞玉華尚大坪以王下為屏蔽德光率所部攻破楊義司郭家莊馬籠口賊營斷其援又破腰蘿溪新寨嚴要隘進逼王下德光先登賊大潰救出男婦數千人擄副將同治二年場芒匪首潘明杰由龍里窺伺省城德光迎擊三江橋賊敗走進攻甲秀開賊巢遂克龍里舊縣補都勻協副將以總兵記名三年尙大坪匪撲省城德光與布政使龔自閔等固守賊尋退加提督銜署古州鎮總兵旋解清鎮圍克龍里廣順定番長寨以提督記名四年匪首何二久踞開州尙大坪擾近省州縣無甯歲德光選精銳過清水江勦之賊糾集苗匪教匪沿江以拒乘間過江攻開州德光固守十餘日殺賊八九百人乘勝追擊克沿江獅子地鎮江地三龍營賊屯進克濱江賊巢斬賊二千餘何二棄尙大坪而遁被優叙署安義鎮總兵五年署貴州提督攻克永甯解安順圍六年授定番乘雷兩破賊斬賊首許八十等平花山城屯拔底季賊巢首號博

奇巴圖魯尋剿賊安平蘆荻哨深入賊伏中鎗陣亡詔依提督陣亡賜卹贈太子太保子騎都尉兼一雲騎尉世職設廟節建專祠遺腹生子秉鈞襲世職復姓張氏

張文德湖南鳳凰廳人幼育於文氏從姓文名龍德入行伍隸鎮軍營咸豐初從剿江甯甯州叙把總六年從提督和春攻三河賊壘不下文德請獨身持檄諭賊降投誠者相繼至遂克三河七年從復鎮江擢都司八年從援福建下浦城松溪政和崇安賜花翎九年敘授浙江功首遊擊十年從張國樞解鎮江圍援賊復至文德扼水柵七晝夜賊引去擢副將自是從將軍巴林阿提督馮子材守鎮江十一年補廣東羅定協副將同治元年賊屢攻鎮江皆擊退馮子材奏言文德力挫賊鋒重圍疊解實為特出之材授貴州鎮遠鎮總兵賜號翼勇巴圖魯文德以生父年七十無子養父文氏有二子陳請復姓更名文德二年連破賊牧馬口薛村克柏林村賊壘加提督銜賊由東路來犯文德禦諸駭溪諫壁腹中礮腸出裹創而戰援軍至賊乃退又破之博洛村攻丹陽毀賊壘禽

清史稿

列傳二百十六

五

賊目三年克白塊鎮及寶堰賊黨紛紛來降會鮑超攻丹陽招賊酋蔣鑑為內應克其城斬賊酋陳時永禽賴桂芳以提督記名江南平子一品封典命赴鎮遠鎮本任四年總督勞崇光令募楚勇規荔波獨山丁父憂解職六年署貴州提督七年克開州破鼎照山城若克龍里貴定斬賊酋潘名榮餘賊多降被珍寶進攻平越禽金大五連克麻哈都勻賜黃馬褂曾號達桑阿巴圖魯請假歸葬親文德既去賊復熾八年回貴州以糧匪軍潰都勻復陷昭原之免議署古州鎮十年授威甯鎮總兵督軍剿古州苗由九甲五臺山扁擔山及古州丹江分路雕剿年餘苗渠先後伏誅十三年全黔肅清子雲騎尉世職光緒元年加頭品頂帶擢貴州提督剿平黎平洞匪七年卒賜卹貴陽建專祠

論曰江忠源諸弟並從治軍忠義最為傑出將大用而早沒時論惜之周寬世為李續賓所倚無役不從及自將亦未著奇績石清吉余際昌陳大富林文察趙德光等皆久歷行間以死勤事張文德佐馮子材守鎮江功最著底定黔疆與有勞焉

清史稿

列傳二百十七

雷正綰

陶茂林

曹克忠

胡中和

周達武

李輝武

唐友耕

雷正綰字偉堂四川中江人由把總從軍湖北積功至游擊賜號直勇巴圖魯咸豐八年從多隆阿援安徽石牌潛山太湖桐城諸戰皆功最累擢副將以總記兵名十一年敗黃文金於蔣家山項家河江家河麻子嶺一月五捷授陝安鎮總兵同治元年克廬州以提督記名從多隆阿援陝西詔正綰先赴本任未至擢陝西提督辦軍務駐西安二年多隆阿既克東路令正綰規三原屢破賊會解鳳翔圍進援甘肅連戰靈臺鎮原皆捷三年破賊崇仁新城進逼平原會多隆阿卒於軍都與阿繼督師甘肅正綰仍奉命為副克平涼斬賊首鐵西羽輕林賜黃馬褂於是固原踞賊悉竄龍山鎮追擊敗之賊回竄又陷固原正

清史稿

列傳二百十七

一

綰疾趨蓮花城欲襲其巢穴遇伏受矛傷部下亡千餘人襲創攻蓮花城克之詔嘉其勇四年春克固原進攻黑城子斬賊首黑虎克官橋李旺二堡禽賊首木棍等乘勝薄預望城破下馬關牛角城賊壘進規靈州分兵解安定圍七月借曹克忠攻金積堡軍餉不繼為賊所圍饑潰正綰自劾獲勇號黃馬褂勦賊辦歸總督楊岳斌節制正綰弟總兵雷恒及副將李高啓等以主將失職煽亂犯涇州正綰不能制止憤欲自殺詔念前功不加罪責令整軍剿賊自贖命巡撫趙長齡會楊岳斌按訊正綰縛送雷恒等置之法當事變初起謠言紛紛詔斥劉蓉張皇妄奏許正綰專摺奏事以慰之所部招集增募僅三千人五年蘭州兵變回匪窺伺正綰支拄於平涼固原之間破賊於橫河川克平涼復黃馬褂勇號六年左宗棠入陝督師正綰率軍助剿援慶陽七年兩破賊於長武克黃家堡八年會攻董志原克之曾號達春巴圖魯又破白彥虎於李旺堡會攻金積堡當西路屢克要隘合圍及馬化澂伏誅被優敘光緒十年法越兵事起命率甘軍駐鳳凰城固邊防事定回任兩遇萬壽慶典加太子少保尚書銜

二十一年循化撤回倡亂督剿無功革職留任二十三年罷卒於家仍以前勞賜卹

陶茂林湖南長沙人以武童入湘軍轉戰湖北江西積功至游擊咸豐八年胡林翼調為楚軍營官扼黃州破賊霍山舒城克建德擢參將十年從多隆阿破賊於桐城挂車河擢副將十一年破賊施家山禽其渠及克安慶賜號鎮勇巴圖魯克盧州先登以總兵記名遂從多隆阿西征破賊於武關從剿回匪解同州圍克羌白鎮王閣村賊巢功皆最授漢中鎮總兵鳳翔被圍久茂林率三千人往援連戰解圍擢甘肅提督粵匪出寶雞山口擾郿縣益壓茂林要擊兩門鎮二嶺關迭敗之進克汧陽隴州遂正統分道規平涼斬賊首木仲沅訥三等克之賜黃馬褂進拔張家川賊巢破龍山鎮蓮花城援賊解安定圍克金縣破賊惠城禽其渠黑牙古四年克黑城賊巢解靖遠圍進攻會審所部索餉譁潰五營賊乘之六營皆陷茂林調後路四營來援突圍山退駐安定巡撫劉蓉疏陳甘軍積弊論茂林不識茂林亦以兵潰自劾詔斥廢法營私以致兵潰而叛遂罷職歸十年貴州巡撫曾燾光調茂林赴黔協剿復新城克安順賊巢平古州丹仁苗復原官光緒二年收復下江永從各城破六崗賊巢加頭品頂戴曾號愛星阿巴圖魯十六年署古州鎮總兵卒於官

清史稿

列傳百十七

二

曹克忠直隸天津人初投効湘軍嗣從多隆阿積功至都司咸豐十年令募五百人為忠字營大破援賊於潛山太湖游擢參將賜號悍勇巴圖魯挂車河之捷擢副將克桐城宿松諸城以總兵記名同治元年克廬州後從多隆阿西征武關同州諸戰皆從二年攻羌白鎮克忠單騎往諭賊請降察其詐潛師會攻下之乘勝奪王閣村予一品封典尋率烏拉馬隊及楚勇七營屯長安鄂縣之間光泰廟為入省要衝賊踞之以扼糧路克忠擊走之分隊消西路餘匪省城始安以提督記名授河州鎮總兵渡渭連破賊於白起營馬家埠白吉原分州平陝回西趨三年平麟遊諸匪會援甘肅連破賊於西河口黑水峪赴河州本任克秦安解秦州圍賜黃馬褂四年攻肅何城及馬定晴將董隆德諸堡悉平克海城回匪併竄李旺堡同心城攻下之借雷正統規取金積堡屯強家沙

窩數有斬獲輕進為賊所包鈔正統軍先潰克忠亦退因前功免罪授甘肅提督時陶茂林雷正統軍相繼譚雙回氛登城自楊岳斌楚軍外僅克忠一軍與之相持克忠援鞏昌賊敗走又毀董家堡賊巢五年援洮州次李岐山回目馬芳乞降誅其酋丁重選等而還蘭州標兵變楊岳斌令克忠移軍鎮備克忠至人心稍定然糧餉俱竭乞病回籍十年詔起赴陝接統淮軍專防肅州十一年所部有結會匪者甘軍馬世俊騎兵亦變降捻多叛應克忠遣兵平之復乞病解軍事十一年署甘肅提督尋解職歸光緒九年命募六營防山海關十年授廣東水師提督十一年病罷食全俸二十年命治天津團練統津勝軍二十二年卒賜卹

胡中和字元廷湖南湘鄉人咸豐初從湘軍勦粵匪積功擢把總六年從蕭啟江援江西復袁州超擢都司賜花翎七年從克臨安中破傷以游擊留湖南補用八年破賊上屯渡乘勝復撫州擢參將九年復南安擢副將石達開由貴慶竄廣西陷興安遣黨攻桂林自率悍賊屯大溶江中和從蕭啟江往援大破賊於大溶江賊竄貴州境加總兵銜賜號伊德克勒巴圖魯十年蕭啟江率軍援四川中和從之啓江卒於軍中和偕何勝必蕭慶高等分領其眾剿滇匪李永和於井研連戰皆捷賊解圍遁以總兵記名尋授四川建昌鎮總兵十一年永和竄富順牛腹渡兩岸築壘背水而陣中和選銳卒沿河設伏自率願師誘之賊大出伏發截其歸路俘斬無算賊壘盡夷進解大邑之圍予二品封典駱秉章督師在蜀檄中和偕緒軍援緜州滇匪藍朝柱在諸賊中最狡悍圍緜州日久軍至連破之圍始解又敗之西山觀朝柱竄丹校與李永和合攻眉州中和馳援賊分路來撲中和突陣矛傷額血殷衣不顧奮擊破之解眉州圍進攻丹校朝柱遁走復其城以提督記名同治元年擢雲南提督李永和自眉州敗後竄匿青神諸軍進剿數敗之永和遁健為龍乳場負隅死抗中和圍之壘石牆編木柵外浚深濠密布梅花格賊知必死突攻蕭慶高營中和截擊敗退連戰七日賊伏不出乃使降賊譚仁曲持書約降期會於猪市坡預伏兵賊巢旁永和與其黨卯得與數十騎來會伏起分攻焚其巢永和得與駭奔追禽之

清史稿

列傳百十七

三

降其衆五千詔嘉中和運籌決勝生擒渠魁賜黃馬褂石達開獲獨邊中和借
蕭慶高何勝必合擊於橫江走之二年春達開復分路犯獨自率大隊數萬由
米糧壩渡金沙江中和督軍扼化林坪瀘定橋擊破之賊走叩部土司山中達
開旋就禽調四川提督三年破演匪於敘永廳初李永和既誅餘黨竄陝西至
是入甘肅陷階州四年中和借總兵周達武往剿毀龍王廟三官殿賊壘逼階
州城下掘地道轟城克之斬賊酋蔡昌齡盡殲其黨階州平被珍資冬勦苗匪
於建武腰中彈傷力戰敗之五年剿屏山賊解馬邊廳圍誅賊酋宋任杰等餘
匪悉平十三年調雲南提督光緒二年抵任三年平騰越夷匪七年丁母憂歸
里九年卒賜卹何勝必湖南湘鄉人咸豐中勝必應募入湘軍從蕭啟江轉戰
江西廣西積功至副將從入蜀分統湘果右軍破李永和於井研又破之於資
州陣斬賊酋王二官賜號禦勇巴圖魯十一年會破演匪藍朝柱於西山觀又
敗諸青衣埔解眉州圍追至青神禽斬甚衆授甘肅肅州鎮總兵同治元年會
諸軍克青神追賊宜賓禽賊目周廷光借胡中和誘禽李永和於健爲龍乳場

清史稿

列傳二百十七

四

二年借蕭慶高援漢中戰油坊街不利漢中城固相繼陷革職留軍三年會攻
法慈院賊壘再敗之牟家壩乘勝薄漢中城下捻渠陳得才遁走克漢中復原
官又破陳得才於上元觀克城固進規階州四年卒於軍賜卹威愨蕭慶高
湖南湘鄉人隸楚軍積功至副將蕭啟江援蜀調從軍以井研之捷賜號果勇
巴圖魯破李永和於資州以總兵記名會剿藍朝柱解州圍同治二年借何
勝必援漢中油坊街之戰勝必先敗慶高赴援不及同革職留軍三年克漢中
同復官追賊至城固梯城而入賊潰走四年進攻洋縣遣死士入城爲內應克
之賊酋曹燦章走踞八里坪夾攻破之燦章就禽授漢中鎮總兵五年卒設武
毅楊復東湖南瀏陽人咸豐十年從胡中和援蜀十一年戰富順牛腹渡解大
邑圍擢守備敗藍朝柱於絲州擢都司又破湖柱於崇慶燬石羊場焚賊巢擢
游擊同治元年復丹枝擢參將克青神平鐵山賊壘禽李永和擢副將五年總
督駱秉章疏陳復東歷年防勦演說諸賊功多以總兵記名七年授四川北
鎮總兵光緒二年調雲南開化鎮六年卒

周達武字夢熊湖南甯鄉人咸豐四年應募入李續賓營從克岳州武昌累功
擢守備戰湖口晉都司達武每戰陷陣手大旗邊決續賓異之使領百人曰信
字營常爲軍鋒八年克黃安擢游擊賜花翎從續賓攻舒城達武率死士先登
左耳受槍傷克城後留守俄續賓覆軍三河舒城守軍亦潰達武以創重回湖
南九年石達開圍寶慶巡撫駱秉章令達武募五百人號曰章武軍從知府劉
嶽昭援寶慶守東關屢拒戰破賊圍解擢參將十年援廣西克富川平古城連
塘賊壘復賀縣擢副將加總兵銜石達開分黨犯永明柘牌連戰破之擢總兵
十一年會諸軍克會同賊走湖北陷來鳳同治元年春從劉嶽昭攻克之予二
品封典駱秉章督師四川調達武從剿抵涪州會賊酋周紹勇由大甯竄陝西
達武扼之率子口地富兩山間令部將李輝武踰險而入賊潰走追至大竹安
吉場禽紹勇及其黨吳崇禮等檻送成都斬之賜號寶勇巴圖魯又破郭刀刀
於儀隴大儀寨陣斬其弟占彪及悍黨馬玉音追奔至巴州鼎山鋪禽刀刀餘
黨皆降紹勇與刀刀並爲蜀中劇賊至是悉平授四川建昌鎮總兵加提督銜

清史稿

列傳二百十七

五

二年護理提督粵匪陳得才圍漢中衆號十萬石達開亦由高縣走甯遠全蜀
大震達武增募軍四千人往來遊擊三年得才之黨梁福成合川匪蔡昌齡由
漢中竄甘肅階州達武議以剿爲防率師越境攻克江東水嚴家灣賊壘進攻
階州自將台山穴地達城根地雷發城崩選鋒四百人先入大軍繼之遂克階
州斬福成昌齡以提督記名並頒珍寶尋平松潘叛番授貴州提督仍留防重
慶備演邊三年剿平馬邊廳教匪斬匪首宋仕傑熊文才六年捻匪竄陝西左
宗棠咨調會剿令部將李輝武率三千赴陝七年破越嶲探夷於普雄進克西
昌交脚夷巢斬級數千諸夷悉降賜黃馬褂晉號博奇巴圖魯九年詔赴貴州
提督任率所部六千人行沿途平苗苗先是貴州剿寇仰客軍出省城百里即
莫能制馭達武與巡撫議增募至三萬人分任戰守由龍里進凱渡截上下游
賊爲二復都勻分軍破賊永甯威甯十年遣鍾開蘭攻克麻哈州之高水塘等
地數十營遣何世華破粵賊李文彩苗酋李高脚於都勻獨山收復八寨三脚
諸城並克鎮寧歸化及吳秀河班竹園諸苗苗皆復清平黃平二城始與楚軍席

寶田合十一年會席軍敗苗酋張臭迷之黨於茶牛坡斬賊甚衆降者數萬追至冷水溝生禽賊酋餘黨李高脚李文彩竄荆蓬坎分三路追擊盡殄之旋破羣苗於清平香爐山寶田禽張臭迷苗疆平予騎都尉世職光緒元年乞病歸三年授甘肅提督十年肅州妖民王林倡亂高臺討平之斬王林十九年萬壽慶典加尙書銜二十年卒官賜卹建專祠弟康祿從達武剿賊廣西湖南歷保知縣同治元年從赴蜀破周紹勇擢知州四年從克階州擢知府從至貴州總理營務十一年下游肅清擢道員駐軍普安新城招撫流亡十二年會匪煽亂康祿督親軍百人往討衆寡不敵死之贈內閣學士予騎都尉世職諡壯節李輝武湖南衡山人周達武部將咸豐中從剿粵匪游擊十一年從入四川剿涪川鶴遊坪匪賊禽賊酋周紹勇郭刀刀輝武功爲多擢副將賜號武勇巴圖魯同治三年從援階州輝武由伍家坪進軍扼州城外北山條竹埡四年攻破橋頭里賊壘又破賊於孟家莊殲城外賊殆盡穴地破城輝武先登禽賊目蔡四巡部以總兵記名從討松潘叛番拔其巢尋攻黑河番焚芝蔴第五寨

清 史 稿 列傳二百十七 六

餘寨皆降乘勝連破大松樹及竹自三寨以提督記名六年擒匪竄陝西輝武率步隊五營赴援剿破汧陽隴州寶鷄諸賊西路肅清八年剿董志原匪斃賊目王明章晉號福波阿巴圖魯授漢中鎮總兵九年偕提督劉端冕分擊北山回匪破雀三禹得產於縣頭鎮陳村十一年擢甘肅提督仍留防漢中光緒四年卒賜卹輝武在漢中久軍民相安疏濬府城東河道達漢川旁引溝渠以資灌溉民食其利又修復斜棧道商旅便焉沒後士民籲請建祠從之唐友耕雲南大關廳人咸豐中滇匪起陷賊至四川敘州自拔來歸從戰有功授千總署通江營守備賊擾鹽井屢從戰擊走之擢守備十年戰峨眉索橋受傷破賊雙福場進平天全茅山賊壘擢都司賜號額勒莫克依巴圖魯十一年援潼川破賊解圍擢副將略乘章督師至蜀檄友耕會諸軍援縣州令自石橋鋪進攻友耕觀望不前被劾職留營既而會援眉州友耕軍先至戰比有功圍解復原官戰青神斬賊目張興身被二傷裹創力戰賊大敗同治元年破石達開黨賴裕新於邛州三月達開圍涪州友耕馳援解其圍授四川重慶鎮

總兵會諸軍復長寧賊引去是年冬達開屯敘州雙龍場分黨屯橫江友耕攻破江岸賊壘二年春賊由橫江竄新灘溪與屏山隔一水友耕慮賊乘間偷渡乃濟江設伏誘賊深入敗之六月達開謀渡金沙江官軍扼之不得進改趨天全土司地友耕擊沈賊復達開奔老鴉遊復爲土兵所遏遂就禽友耕擢雲南提督留屯川南四年丁母憂詔改署提督友耕請終制許之七年服闋署四川總督崇實奏緩陛見令募勇防川北八年調赴雲南招降回寇李本忠等賜黃馬褂光緒六年署四川提督八年卒

論曰雷正綰陶茂林曹克忠皆多隆阿部下戰將多隆阿歿後甘肅軍事實倚三人以餉匪兵變遂難成功克忠較有謀略其軍獨全終以病引退後猶稱爲宿將胡中和周達武等皆以楚軍平獨寇唐友耕以蜀軍頡頏其間並躋專閫達武晚任貴州軍事與席寶田同定苗疆建樹較閔達焉

清史稿

列傳二百十八

郭松林

李長樂

楊鼎勳

唐殿魁

唐定奎

滕嗣武

駱國忠

郭松林字子美湖南湘潭人咸豐六年隸甘肅軍從援江西克安福從勦永新太和萬安蓮花廳龍泉發獎把總進圍吉安府城七年石達開率悍黨來援邀擊於吉水三曲灘松林首陷陣多斬獲收復新喻峽江吉水八年隨克吉安擢守備九年克景德浮梁賜花翎十年圍安慶會勦陳玉成於小池驛進壁集賢關每戰皆捷十一年克安慶擢遊擊賜號奮勇巴圖魯克廬江無為運漕鎮下沿江要隘擢參將同治元年李鴻章率淮軍八千赴上海松林從與偽忠王李秀成偽羣王譚紹洸破賊滬西會攻太倉礮擊城墮士卒爭進浮橋斷賊乘之死數百人松林力禦始得收軍二年克太倉松林敗賊西涇支塘會克崑山

清史稿

列傳二百十八

新陽以總兵川李秀成合水陸數十萬援江陰犯常熟劉銘傳謀乘賊未定擊之賊北自北湖南至張涇橋東自陳市西至長壽縱橫六七十里築壘馮河勢大熾銘傳進北湖攻其左松林進南湖攻其右周盛波等進麥市橋為中路黃翼升以水師助之松林敗賊陳市越南湖趨張涇揮刀盪決血染衣盡赤賊大潰走銘傳盛波等同破賊自顧山以西皆盡以總兵記名尋克江陰以提督記名又破賊嶽山梅村麻塘橋松林受矛傷既而蘇州無錫皆復加頭品頂戴三年克宜興荆溪敗賊建渚毀賊壘收溧陽解常熟圍授福山鎮總兵大破三河口賊營賊爭道六浮橋盡斷尸塞河水為不流克常州進剿浙西克長興復湖州功皆最賊走廣德徽州合江寧杭州賊自江西竄閩四年李鴻章檄松林率五千人航海赴援克漳州漳浦雲霄詔安賊竄廣東嘉應遂破滅五年會國荃調松林率新募湘軍剿捻匪於德安克應城雲夢復敗之皂河楊澤追至白口中伏松林傷足臥地不能起將卒不見松林復闖入陣負而出之弟芳鈔戰死松林以創重假歸六年創愈李鴻章令統萬人號武毅軍時東捻任柱已斃餘

黨走壽光松林要擊破之杞城賊沿海南走阻濶河捻酋牛喜子麾白旗賊犯

劉銘傳軍賴文光麾藍旗賊犯松林軍兩軍縱擊賊大潰壽光民圩皆出助殺賊赴濶河死浮尸二萬餘俘萬餘人奪獲馬二萬匹賊酋徐昌先范汝增任定皆伏誅賴文光舟水南奔松林疾馳六百里追至清江文光死奔至揚州瓦窰鋪為吳毓蘭所禽東捻平七年春西捻犯畿輔松林敗之安平再破之在平自臨邑築長圍至馬頰河松林借潘鼎新王心安守之敗賊於海豐追至德州歷十六晝夜斬捕過半六月松林會潘鼎新大破之沙河俘斬四千捻走黃運徒馭河間松林與銘傳縱橫要擊張總愚赴水死西捻平賜黃馬褂子輕車都尉世職授湖北提督調直隸光緒六年卒於官優卹建專祠設武壯

李長樂字漢春安徽盱眙人同治元年以外委從郭松林隸淮軍充管官克柘林奉賢南匯川沙金山解松江圍復青浦擢千總戰四江口松林軍方泰鎮長樂率所部深入近賊壘夜半趨軍士起曰今陷賊中且明賊覺無得脫者盡出奇計劫之遂投火賊幕鼓角乘之賊驚擾長樂奮呼進大破之又設伏黃渡擊

清史稿

列傳二百十八

之牛濟又敗之吳淞江南四江口圍解擢都司賜花翎二年進屯常熟王莊援賊踞陳市阻官軍進路從松林自南湖攻賊右連破賊營直趨長溧長樂陷陣傷脛裹創力戰敗賊擢參將賜號侃勇巴圖魯尋克江陰規無錫出新塘橋賊憑壘鳴礮俯擊長樂滿繫裹身越溝進敗之遂奔至亭子橋刺賊酋黃子隆中肩又設伏兵敗援賊李秀成圍大橋角營從松林往援奪其舟賊退走盡平梅村諸壘會諸軍圍攻無錫率輕騎掩至梯城入黃子隆就禽長樂獲其子德懋尋坐失察部勇礙職留軍進規常州援總兵唐殿魁於奔牛解其圍二年敗賊上湖橋克宜興復官移軍溧陽金壇戰皆捷回援常熟解其圍連破賊於楊舍華墅周莊三河口會攻常州四月合圍長樂先登賊會陳坤書黃和錦就禽復常州擢副將賜號尚勇巴圖魯從松林進克浙江長興以總兵記名進湖州破呂山賊攻賊會黃文金於尹隆橋官軍不利長樂率二營別屯李家港保糧道賊傾巢來爭長樂借易用剛夾擊之斬賊酋黃十四破尹隆橋遂復湖州四年春從松林援福建戰於海澄赤嶺松林分兵為八隊長樂居中當賊首李世賢

破走之竄潭州長樂進屯古田據山東形勝賊悉銳力爭擊卻之復潭浦雲霄南趨韶安破之梅村復其城加提督銜福建平旋師江蘇屯鎮江督國藩督師勦捻匪松林已歸長樂代將其衆以從兼統忠樸三營爲遊擊之師轉戰河南山東間六年李鴻章代國藩督師松林復至軍增松林軍至二十餘營武毅軍長樂所部曰武毅軍前軍破任柱於贛檢要賴文光於維縣長樂等併力奮擊賊兇水東走躡至余家寨賊受創甚鉅復要之壽光南北洋河巨瀾河間禽斬三萬文光竄揚州被禽賜黃馬鞋七年從勦西捻戰安平馬軍失利長樂等以步卒馳援賊大潰追至饒陽楊家村又要之深州李家村破其馬隊斬獲無算三月收賊大坏山接提督陳振邦於大河村解其圍追挫之在平滄州援副都統春壽於海豐郝家寨六月追至樂陵禽總愚子正江弟得華戰商河槍傷總愚西捻平以提督總兵遇缺題奏曾博奇巴圖魯十年署湖北提督尋實授光緒五年調湖南六年調直隸近畿海防重要奏令長樂駐蘆臺扼大沽北塘門戶十五年卒官優卹諡勤勇

清史稿

列傳二百八十八

三

楊鼎勳字少銘四川華陽人咸豐二年應募從軍初隸湖北按察使李孟羣克漢陽擢把總七年隸提督鮑超軍八年戰湖口擢千總十年鮑超與陳玉成大戰小池驛鼎勳見玉成立陣中指揮獨從壯士十數人突前擊之玉成駭走復太湖潛山兩城敘功賜花翎李秀成踞縣鼎勳擊賊城下奪門入大軍繼之復其城十一年復建德擢都司破安慶赤岡嶺賊壘擢遊擊初小池驛之戰鮑超嘉其功令將五百人所向有功諸將嫉之請於超同治元年李鴻章督師上海遂去超從淮軍虹橋四江口諸戰有功累擢副將募准勇千人號勳字軍屯金山張堰扼平湖乍浦要衝習西洋槍隊每戰輒爲軍鋒二年破新昌賊壘連克楓涇斬賊四千生禽五百再戰西塘裏創奮擊大敗之擢總兵賜號鋒勇巴圖魯從程學啟規蘇州鼎勳攻下城外壘蘇州復加提督銜三年會克宜興荆溪溧陽解常熟無錫圍攻常州賊因蘇州之殺降惟死守鼎勳以蜀人將淮勇懼請將輕己每戰輒先晝夜環攻盡毀城外賊壘血戰三日造浮橋率死士先登城破彈洞胸達背左右扶之絕而復蘇遂克常州以提督記名簡放創愈

進克浦口復長興招降湖州賊黨會克其城追賊至皖境克廣德四年偕郭松林援福建攻烏頭門賊壘復漳州授江蘇蘇松鎮總兵五年調赴河南勦捻匪敗賊朱仙鎮躡擊至定陶睢寧六年破賊於黃陂孝威擢浙江提督調湖南十月破賊於山東濰縣追至夏灣賊酋陳懷忠乞降分軍出周家寨襲賊大破之追擊於諸城膠州東捻平論功子騎都尉世職七年馳援畿輔破捻匪於安平追至楊家村降賊曾張志清偕郭松林擊賊濰縣大邳山又敗之術輝陣斬賊曾王建瀛八禽悍賊何士喜周久於龍王廟賊軍山東自德州趨天津鼎勳守運河修繕浚濼賊來犯輒擊走之會舊傷發遽卒數日而西捻平李鴻章疏聞贈太子少保諡忠勤建專祠

清史稿

列傳二百八十八

四

以總兵記名從劉銘傳攻常州銘傳受重傷令殿魁偕副將黃桂蘭督兵進甬至奔牛鎮而常州丹陽兩路賊虜至圍之殿魁據石營依河岸壁壘悉爲賊轟毀堅守二十餘日銘傳奏創往救殿魁從內夾擊苦戰數日圍始解三年克常州生禽賊首陳坤書以提督記名四年增募所部至三千人從劉銘傳渡淮勦捻匪破張寨賊壘五年授浙江衢州鎮總兵追賊至湖北克黃陂擒匪自山東回竄銘傳督兵追至烏官屯殿魁繼進殺賊五百餘六年調廣西右江鎮擒首張總愚竄安陸銘傳與鮑超約會戰於永漚河銘傳欲先出殿魁請少待不從超未至銘軍先遇賊部將田履安李錫增戰沒殿魁戰小挫受重傷及聞建軍大捷復裹創力戰遂殞於陣贈太子少保子騎都尉兼雲騎尉世職設忠壯建專祠

唐定奎字俊侯殿魁弟偕兄轉戰江蘇從劉銘傳勦捻於山東河南安徽湖北積功累擢副將賜花翎同治六年殿魁戰歿永漚河定奎方省母回里奔赴軍督殺賊復督遂代領兄舊部轉戰河南山東六年殄任柱於贛檢破賴文光於

壽光所部殺賊最多東拉平以提督記名七年從勦西拉於直隸山東賜號呼
敦巴圖魯銘軍凱旋告歸終養九年丁母憂劉銘傳赴陝西剿匪調定奎接
統銘武軍定奎請終制命俟陝西軍事平回籍終制十年定奎回防徐州十三
年日本擾臺灣生番滋事船政大臣沈葆楨奏請授師李鴻章薦定奎率所部
往七月至臺灣駐鳳山嶺險分屯龜紋番社引日兵與刺桐脚莊民尋仇相鬪
定奎示以兵威日人引去時疫流行士卒先後死千餘人定奎附循周至兵氣
不衰賜黃馬褂楓港嶺頭諸社番屢出戕害良民光緒元年遊擊王開俊進勦
中伏死內外番社結黨劫殺各社就撫皆懷觀望定奎分遣七營屯東港南勢
湖白率四營當其衝葆楨檄諸軍並聽節制定奎上書陳兵事略曰逆番蠢伏
莽中夜燬山頂精於標槍伺間輒發專恃深林密嶺阻擊我帥我進彼隱我退
彼見今欲掃其巢穴必先斷其荆棘宜增募土勇導引兵丁隨山刊木務絕根
株然後分道進兵草薙禽獮其有奸民接濟鹽米火藥者按軍法庶幾一舉可
以成功葆楨據以入告於是開山進兵攻克萃山竹坑本武諸社嶺頭社猶負

清史稿

列傳二百十八

五

險抗拒定奎令諸將得險即守自勦嶺頭兩社別遣師扼斷外援遂攻下之移
營駐守被脅十餘社皆歸命給衣履酒食譯示朝廷威德咸受約束設招撫局
示約七條曰遵維髮編戶口賦囚逆禁警殺立總目壘番地設番塾以種教番
酋充諸社總目教其脅從臺南大定詔褒獎命內渡休養士卒授直隸正定鎮
總兵尋擢福建陸路提督沈葆楨調兩江總督奏統所部駐防江陰九年傷發
乞休不允法越用兵事起海防戒嚴詔促力疾赴防十一年和議定病請開缺
允之十三年卒優卹諡果介

陳嗣武湖南麻陽人咸豐初從軍湖北十年小池驛之戰功多超擢都司從攻
安慶嗣武率所部扼要築壘壘未成賊突出萬餘來爭嗣武力擊破之十一
年克安慶敘功擢參將同治元年改隸淮軍從李鴻章至上海解松江圍賜號
偉勇巴圖魯屯北幹山扼賊衝賊犯寶山與諸軍夾擊破之進拔南匯以總兵
配名二年借程學啟規蘇州敗賊於正義鎮地當要衝以嗣武守之輔以水師
分軍伏橋口伺賊崑山賊勢蹙敗西門遁伏起水師以巨礮環擊賊大潰立復

其城移軍會攻江陰賊自無錫來援連營數十柵壘若布軍分三路進嗣武率
八營當中路攻麥市橋以輕兵伏河隄燃礮毀賊壘賊潰走追及之三巴橋燬
礮殆盡進次無錫城下賊首李世賢以全軍拒戰嗣武身先士卒怒馬突陣敗
之謝家橋又敗之蕩口賊退據朱王橋堅守嗣武出奇兵襲擊禽斬千餘加提
督銜既而克無錫以提督記名三年會攻常州破援賊於奔牛鎮攻下宜興荆
溪嗣武傷右股四月會圍常州嗣武當南門礮毀城垣克之七年從李鴻章勦
捻畿輔事平八年授湖北鄂陽鎮總兵十一年卒賜卹諡武慎

清史稿

列傳二百十八

六

所部出與國忠合國孝越重濠毀賊壘興隆等分兵盡拔許浦白茅徐涇諸壘
賊將錢壽仁亦自太倉率所部二千詣鴻章降總兵鞠耀乾率師船泊徐涇千
總袁光政入城助守十二月李秀成等以衆數萬自蘇州來攻連營十餘里國
忠乞濟師常勝軍五百人自海道往援而賊由江陰再陷福山警援隔絕鴻章
令潘鼎新劉銘傳張樹珊以三千人趨福山與黃翼升水師並進福山城小而
堅攻之不下常熱被圍愈亟國忠斂兵入城興隆屯城西虞山相特角爲死守
計同治二年賊以礮壞城東垣國忠力拒不得入樹雲梯緣城亦擊卻之賊增
壘掘隧數道並進城危甚會鼎新銘傳諸軍急攻福山賊分兵赴援留者僅數
千國忠乃開城出戰毀賊壘禽其渠朱衣點福山既克諸軍來會城圍始解捷
聞優詔嘉獎擢授國忠副將加總兵銜編降衆爲忠字八營會攻江陰戰甚力
既克賜號勁勇巴圖魯署京口水師副將留守江陰二年破丹陽援賊以總兵
記名尋克常州以積勞傷發乞假歸五年從劉銘傳剿捻匪轉戰湖北河南山
東所備有功六年東拉平以提督記名賜黃馬褂九年銘傳督辦陝西軍務調

國忠從行十二年卒於乾州軍中賜卹設勇廟
論曰郭松林李長樂楊鼎勳陳嗣武皆由湘楚舊部改隸淮軍平吳平捻卓著
聲績唐殿魁淮軍驍將惜未竟功定奎席兄餘光名位轉出其上固有幸有不
幸哉駱國忠智勇堅毅識時為傑當時名滿江南成績可紀也

清史稿

列傳二百十八

七

清史稿

列傳二百十九

蕭啟江 張運蘭
唐訓方 蔣凝學
陳湜 李元度

蕭啟江字濬川湖南湘鄉人少買於蜀後始折節讀書咸豐三年入塔齊布軍
四年從平岳州克武昌漢陽興國大冶蕪州敘縣丞晉秩州同五年廣東賊犯
湖南湘撫駱秉章檄啟江募兵協剿曰果字營自是獨將一軍攻茶陵匪率
壯士數十人薄南門賊自民屢躍出攢矛環刺啟江手禽數賊賊莫敢逼尋會
克其城賊走江西陷弋陽興安啟江偕羅澤南復兩城進收廣信賜花翎擢同
知六年劉長佑援江西總統諸軍啟江屬焉駐師瀏陽賊陷萬載啟江大破之
櫛樹潭大橋竹阜遂復萬載而崇通賊復犯瀏陽援賊大至撲營啟江鏖戰敗
之躡至八角亭毀其壘會國華馳至偕由洪塘新昌上高擣瑞州前軍至登
龍橋擊退袁州賊進攻新昌上高拔之擢知府進攻袁州啟江與長佑分地扼

清史稿

列傳二百十九

一

賊長佑攻西南啟江攻東北盡平城外賊屯城惶懼啟江策臨吉賊必來援
設伏敗之盡奪其輜重尋破賊合山克分宜加道銜進攻臨江七年正月大捷
陰岡嶺斬其酋賊勢以孤乃潛約撫建新淦援賊趨太平城犯長佑營長佑戰
失利營陷賊乘勢回犯陰岡嶺部將田興恕楊恒升突陣斬悍酋數人師從之
賊崩潰夷其壘四十七城賊窮蹙乞降而賊首仍負隅死拒乃誘其出戰啟江
揮軍疾進薄城而登遂克之擢道員加按察使銜長佑尋以病歸劉坤一代之
啟江與進攻撫州連下宜黃崇仁撫州賊屯樟樹鎮將伺官軍渡贛襲臨江啟
江與坤一回擊大破之進次上頓距撫州十五里築壘甬畢賊至迎擊敗之進
攻高橋賊棄城遁追斬千七百有奇撫州復加布政使銜九年賊陷南安糾眾
數萬犯贛州踞新城墟及池江諸地時曾國藩督浙軍啟江率所部從檄援
贛州啟江遣田勇三千誘賊賊爭出赴利啟江摧鋒直進斬級數千田勇者江
西募農夫防賊貪兩獲倚湘軍無所畏集者四萬啟江曰眾而不整必敗禁之
不可遇伏果潰湘軍為少邵部將胡中和力戰斷後復進敗之平新城墟池江

小溪鳳凰城諸賊退入南安南安故有二城夾水賊分屯相持軍至皆棄而走啓江進屯城外青隴黃隴結壘自固令曰入城者斬有頃賊果還南城攻之敗走啓江曰賊狡而弱吾直驅之耳擊堞以登賊奪西門走追殺數十里賜號額斯圖巴圖魯進信豐會總兵邁克敦布攻吳家嶺啟江率中營進賊萬餘來撲擊敗之破先溪橋賊壘城兵出而夾擊立解其圍時江西郡縣皆復石達開由崇義竄湖南郴州所屬皆告警啟江馳防賊已由永州竄圍寶慶啟江自臨藍趨永州扼東安屯白牙市劉長佑李續宜解寶慶圍追至白牙啟江會軍夾擊禽其酋楊家廷馬繼昌於陣賊竄入廣西陷興安盡集悍黨大溶江退追師遣別賊直犯桂林啟江由全州趨興安復其城攻大溶江大捷解桂林圍以按察使記名移軍回湖南四川軍事急命啟江率師往援十年春甫至以疾卒於軍詔贈巡撫從優賜卹諡壯果湖南江西並建專祠其所部留四川駱秉章用以平賊焉

清史稿

列傳一百十九

二

張運蘭字凱章湖南湘鄉人咸豐初從王鑫轉戰衡永郴桂積功擢同知六年戰通城運蘭設三伏管前斬賊曾張庸忠禽魯三元克通城又大破賊于崇陽白蜆橋賜花翎七年從王鑫援江西迭捷於臨江吉安樂安新城廣昌功皆最王鑫卒于軍運蘭與王開化分領其衆吉安賊窺永豐運蘭屢敗之擢知府又破賊於峽江橋阜灘獅子山移軍吉水扼賊三曲灘相持數日血戰十數次斬賊渠黃錫崑渡贛江破石達開於朱山橋達開焚屯而遁遂解永豐圍擢道員八年略定樂安宜黃逼建昌敗賊于厚坪破水南賊巢分勦南源裏塔城劉家坑直擣謝坑毀賊壘斬其酋廖雄高等復南豐建昌之圍始合五月克之加按察使銜賊復犯南豐擊走之追及新城杭山降賊衆數千時詔起曾國藩督師規浙江國藩行次江西賊已入閩疏調運蘭及蕭啟江率所部從會賊陷安仁別將失利運蘭進擊大破之殲賊數千克安仁賜號克圖格爾依巴圖魯由杉關進勦破賊順昌回援景德鎮戰於李村斬賊二千餘解散千計九年援饒州敗賊于栗樹山克浮梁加布政使銜是年秋粵匪犯湖南寶慶運蘭回援疊破賊於宜章星子市禾洞追至廣東連州破九陂石塘白虎墟賊巢殲賊逾萬授

開歸陳許道十年曾國藩軍祁門連蘭借餉超破賊夥款十一年克休甯擢福建按察使再復夥縣蕞夷賊壘時連蘭統五千人防徽州尋移防甯國值大疫悍賊膺集與寇軍力拒之同治元年拔旌德二年命援廣東擣陽山石竺賊巢降其衆三千禽巨酋李復猷于連州三年赴福建按察使任時江浙逸賊衆猶十餘萬由江西入閩蹂汀漳二郡連蘭率五百人趨武平遇賊衆寡不敵總兵賀世楨王明高副將雷照雄皆戰歿連蘭被執罵賊支解之事聞贈巡撫子騎都尉世職設忠毅武平及湖南廣東建專祠

清史稿

列傳一百十九

三

鳴山下督隊先登賊營潰乘勝拔其城從澤南援武漢克蒲圻進攻武昌累擢知府賜花翎六年正月率三百人夜出鮎魚套至藕塘奪二壘又破援賊於豹子海會襄陽土匪高二信亂圍府城巡撫胡林翼令訓方偕舒保馬隊往剿破賊於峪山援賊至又敗之進克樊城追至呂堰驛斬女賊宋氏援宜昌破賊於南漳權襄陽知府七年二月川匪劉尙義犯宜城揚言趨荆門而使南漳賊襲府城訓方備之急扼武安堰賊奔據武安城進攻之會都統巴揚阿來招降訓方進勦高二於璩灣乘雪夜進攻禽之而巴揚阿所撫賊復叛掠房保山竹山竹谿保康興山訓方會陝西軍連破之武當山金頂斬其渠餘賊降襄郡悉定先以克武漢論功以道員記名至是加按察使銜授湖北督糧道陳玉成合捻匪犯蕪黃訓方自襄陽赴援連戰敗賊進屯張家塆胡林翼令於蕪州境內建礮卡訓方以二千人守之賊迭來攻皆擊退賜號奇齊葉勒特依巴圖魯調援臨淮尋以李續宜軍覆三河回防湖北屯陳德園九年會攻太湖賊圍鮑超於小池驛多隆阿不能救令訓方移軍近鮑營爲接應甫至築壘未就爲賊所

乘乃退屯新倉十年解軍事赴糧道任未幾連擢湖北布政使十一年胡林翼駐軍英山病甚賊上犯黃州抵漢口武昌震動詭言繁興訓方處以鎮靜誅亂民數人人心始定漢口賊亦擊退同治元年安徽巡撫李續宜因母喪奪情請假回籍舉訓方自代命暫行署理苗沛霖反側久遂叛安徽諸軍皆不能制二年僧格林沁大軍至始平之撫循降圩收其兵械奏移鳳臺治下蔡雉河集增立渦陽縣都統富明阿奏劾訓方降調三年署湖北按察使尋署巡撫授直隸布政使兼統練軍出省防剿七年西捻平請開缺省墓光緒三年卒于家湖北請祀名宦祠

蔣凝學字之純湖南湘鄉人咸豐初正籍治鄉團五年從羅澤南克武昌樊國子監典簿六年率湘左兩營從巡撫胡林翼攻武昌屯賽湖堤引江水入湖合長圍進薄城下平賊壘十餘武昌復論功擢知縣從克黃州大冶與國逼九江七年分統三營屯北岸陸家坊攻小池口屢戰皆捷都與阿檄攻童司籛童司籛背江據湖通黃梅要隘賊五六萬踞之至則賊數擄戰凝學堅持不退尋陳

清史稿

列傳二百九

四

玉成來援衆議退兵凝學曰童司籛不克水師往來失所據九江之師亦掣肘勢所必爭請增兵千人宵濟合水師連日鏖戰破之平賊壘數十進克黃梅擄同知八年會攻九江府城凝學穴地道進東而南地雷發城垣百餘丈從缺口入殲賊甚衆擄知府賜花翎連復麻城黃安擢道員十月李續賓三河軍覆官文檄凝學問道過剿會多隆阿鮑超擊賊於宿松花亭子破之賊退太湖潛山凝學駐防荆橋九年移屯黃州羅田會攻太湖十二月陳玉成大舉來援凝學移軍龍家涼亭與鮑超小池驛之軍爲犄角留四營退太湖東門賊出擊退之十年正月鮑營被圍急凝學進援甫拔營賊大隊來抄凝學揮軍截擊多隆阿率馬隊應之戰竟日禽斬二千餘乘勝攻羅山衝賊壘諸軍合擊賊大潰加鹽運使銜十一年陳玉成復犯湖北凝學回援武昌縣賊赤壁山下復其城會總兵成大吉等攻黃州數月不下招降賊目劉維楨復蕪州選出衆五百人爲忠義營使維楨詐稱援軍誘城賊出擊之遂克黃州以道員記名加布政使銜苗沛霖叛陷壽州凝學進屯六安克霍邱增募水陸軍苗黨姚有志潘增

清史稿

列傳二百九

五

等乞降各圩多反正授甘肅安肅道同治元年移屯潁州二年粵匪李世賢北竄凝學移軍舒城擊敗之又追敗之六安賊引去苗沛霖復圍壽州凝學回援破賊於牛尾岡壽州尋陷凝學坐教授不力褫布政使銜仍駐防潁州會僧格林沁督師剿沛霖凝學克霍邱各圩水師分駐三河尖臨淮關進破黃梁集克穎上收附近城各圩斬賊黨苗呆和苗呆花復懷遠沛霖勢日蹙遂走死三年粵匪陳得才等糾衆三十萬自陝西回竄圍救江甯凝學屯英山遇賊金家鋪敗之賊復自麻城犯霍山凝學退石家街與按察使英翰相犄角伺賊過狙擊殲千餘人拔出難民數千英山解嚴復布政使銜進援湖北收復羅田蕪水麻城三縣解蔡家河圍賊復竄安徽凝學躡追沿途襲擊繞出賊前遇之霍山長嶺庵路險賊不虞兵猝至多墜澗死降者三四萬賊首陳得才仰藥死簡降衆爲步隊五營馬隊三營餘悉遣散是年冬陝甘總督楊岳斌奏調凝學赴甘肅行次樊城會憲軍譚變凝學所部亦以欠餉不靖請於巡撫鄭敦謹借款資遣湘左八營留忠義營於湖北自請回籍養病命兩月假滿仍赴甘肅五年募湘勇二千號安字營至西安巡撫劉蓉奏請凝學屯涇州兼顧關隴六月敗回匪於華亭與提督雷正綰總兵張在山等約夾擊深入被圍士卒死傷七百餘人總兵周太和周清貴副將黃德太等均歿於陣凝學潰圍出屯平涼轉戰而前至省城署蘭州道六年八月回匪犯蘭州守城兵僅凝學所部千餘人登陴固守屢出奇兵焚賊壘賊尋退以按察使記名八年署按察使九年復署蘭州道擢山西按察使光緒元年遷陝西布政使四年以病解官未行而卒賜卹贈內閣學士

陳湜字舫仙湖南湘鄉人咸豐六年曾國荃赴援江西招湜襄軍事從克安福萬安七年進圍吉安國荃奔喪去軍湜代領其衆尋以父憂歸八年從蔣益澧援廣西克平樂賊趨桂林湜率四營遏之於大灣車埠敗之乘勝刻蘇橋壘從攻柳州克潯州九年石達開圍寶慶湜募千人出祁陽赴援與李續宜夾擊破之十年曾國荃圍安慶使湜總軍事湜規地形請楊陽口蓄水阻援賊力扼集賢關從之賊會陳玉成來援阻水趨集賢關擊破之十一年克安慶自是獨

領一軍循江而東會克諸城隘累擢至道員同治元年從國荃攻江甯建議先併力九洲斷江北接濟先後會諸軍擊走李秀成李世賢授崇二年城圍合浚當西路克江東橋七幾橋紫金山諸隘賜號著勇巴圖魯三年六月克江甯浚入早西門遇李秀成率死黨出走逆擊反奔尋爲他軍所禽以按察使記名四年授陝西按察使調山西捻匪方熾陳籌防五策建水師於龍門砥柱間五年檢會張總愚謀渡渭湫令水師焚三河口浮橋督民團備渭北賊不得逞六年命浚駐汾州節制文武總愚乘河冰合竄入山西七年春犯絳輔浚以疏防被職譴戍新疆巡撫鄭敦謹疏請留防冬陝回將乘隙渡河屢擊走之詔免發遣左宗棠西征檄浚率五營出固原斷漢伯堡賊南趨河州之道屢余彥祿餘黨於羅家嶮九年金積堡平復原官十年進規河州宗棠令浚盡護諸將渡洮進攻連克陳家山楊家山董家山諸回堡逼攻太子寺老巢破其外濠十一年提督傅先宗等戰歿賊乘勝來攻浚陽置酒高會密令總兵沈玉遂急擣之馬占魁窮蹙乞降縛悍酋狗齒牙子等以獻河州平十二年叛酋馬桂源馬本

清史稿

列傳二百十九

六

源踞巴燕戎格浚率軍進討二會敗遁浚善視其孥遂因占魁來降數其罪誅之並斬馬五麻諸悍目賜號奇車伯巴圖魯四月逾河收循化循化撤拉回素獷悍恃險擾邊浚深入其阻羣回縛悍目馬十八沈五十七等二十餘人獻軍前繳械受約束浚規地勢修城設官分營扼駐與西甯張伯河州聲息相通焉尋謝軍事回籍光緒八年兩江總督曾國荃奏調統水陸諸軍兼治海防駐軍吳淞以私行游燕被劾歸十二年復出統南洋兵輪總辦湘淮諸軍營務授江蘇按察使二十年遼東兵事起詔集舊部防山海關移屯關外鞍山站二十一年春進駐大高嶺遣將援遼陽和議成擢江西布政使命剿甘肅叛回未行復駐山海關二十二年卒贈太子少保浚從曾國荃最久後屢擢仕久不進世稱爲宿將光緒中命繪中興功臣於紫光閣徵集諸將之像浚與焉李元度字次青湖南平江人以舉人官黔陽教諭曾國藩在籍治團練元度上書數千言言兵事國藩壯之招入幕五年國藩移軍江西令元度募勇三千屯湖口六年移屯撫州借江軍林源恩合防與賊相持久之餉絀分軍克宜黃崇

仁而賊自景德來援撫州賊出攻江軍營林源恩死之元度突圍出移屯貴溪防廣信七年賊二萬來襲玉山守卒僅七百人元度迎戰斷賊浮梁賊以步隊緩軍騎賊趨上游跳水渡乃回城拒守被攻兩晝夜元度立埤堦間彈中左頰賊忽能攻鉅饒維作知其穴地道乃掘濠以防伺其穿墜及濠墮之賊技窮引去伏兵邀擊安仁弋陽廣信皆平元度先已累擢知府以道員記名至是加按察使銜賜號色爾楞巴圖魯八年率所部平江軍援浙江敗賊玉山子午口會克常山江山授浙江溫處道十年曾國藩督師皖南調元度安徽甯池太道防徽州至甫三日賊由旌德糾合土匪散軍入績溪叢山關遣同知童梅華都司單綬福率千人往援敗挫賊趨郡城元度退走國藩奏劾職遠治會浙江巡撫王有齡奏調援浙元度不待命回籍募勇八千號安越軍將行粵匪犯湖南王有齡死詔左宗棠代之元度率軍入浙與李定太守衢州授浙江鹽運使署布政使國藩以元度罪未定不聽勸遽回籍復勅革職交左宗棠差遣言官再

清史稿

列傳二百十九

七

論勅命國藩宗棠按治國藩奏徽州之失元度甫至情有可原宗棠疏言杭州失陷非因其逗留所致惟落職後求去索餉不顧大局論遣戍沈葆楨李鴻章彭玉麟鮑超等交章薦其才代繳臺費免罪歸同治初貴州巡撫張亮基奏起剿教匪以功復原官擢雲南按察使光緒八年丁母憂服闋補貴州按察使遷布政使十三年卒于官元度擅文章好言兵然自將屢債事所著先正事略天岳山館文集並行世論曰蕭啟江張運蘭功在江西在湘軍中資勞最深中道而殞故卹典特隆唐訓方將擬學轉戰功多舊部散亡再出遂不競陳浚李元度皆蹟而復起元度文學之士所行不逮其言軍中猶以宿望推之爾

清史稿

列傳二百二十

金國琛

黃淳熙

吳坤修

康國器

李鶴章

吳毓蘭

金國琛字逸亭江蘇江陰人咸豐中以諸生調羅澤南於江西使參軍事每出戰部伍嚴整倉猝犯之屹然不亂轉戰弋陽廣信武昌黃州累功擢知縣七年李續賓代澤南使總理營務率師會襲湖口克之進復彭澤小姑洲泰坪關擊退援賊晉秩同知直隸州八年從克九江窺安徽下太湖潛山桐城續賓戰歿三河國琛與其弟續宜招集散亡勞徠撫慰重申紀律軍勢復振九年秋石達開犯湖南圍寶慶國琛從續宜赴援粵山家渡賊壘又敗賊賀家均斬悍賊胡德孝賊走廣西擢知府其冬胡林翼會同潘規皖精兵猛將萃於潛山太湖陳玉成糾眾數十萬結捻匪魏瞎子圍鮑超於小池驛救兵迭失利先是林翼以國琛行軍善規地勢令率十四營冒雪趨天堂備援至事急乃出高橫嶺屯仰

清史稿

列傳二百二十

一

天庵俯視賊營皆在目中賊驟見旗幟大驚十年正月賊乘霧登山來犯國琛揮軍突起躡之台山下軍奮擊斬馘逾萬乘勝克潛山太湖林翼疏陳非鮑軍之堅忍不能久持非國琛之出奇制勝不能轉危為安論功擢道員十一年粵匪復犯湖北國琛馳援武昌連復孝感咸雲夢進攻德安賊曾馬融和死嗣卒以長圍克之加布政銜尋授湖北安襄鄖荆道仍兼治軍樊城地衝要商賈所集督軍士築土城不煩民力賴為保障時捻匪西擾關中命國琛率師赴援以鄖西戒嚴留未行同治元年馬融和以眾六萬圍南陽國琛越境往援力戰解城圍救出難民數萬巡撫嚴樹森忌之効其不遵調度以同知降補二年曾國藩調統義從營擊賊徽州屢捷於豹嶺佛嶺黃備口小溪皖南肅清復原官補甘肅鞏秦階道以母老假歸光緒元年起復廣東督糧道擢按察使五年卒于官國琛以儒生治軍十餘年堅苦踴厲號為名將居官亦有政聲
黃淳熙字子春江西鄱陽人道光二十七年進士湖南即用知縣歷署綏甯會同剛直為時所忌引疾閒居咸豐二年巡撫駱秉章廉知其賢使強起之咸豐

七年署湘鄉有異政尋丁父憂鄱陽方陷賊移家於湘鄉曾國藩方起督浙江軍辟參軍事不就九年石達開犯湖南秉章檄淳熙募勇千六百人防省城時出勦賊達開由寶慶竄踞嶺東分黨犯江華淳熙破之於挂勾嶺遂夜襲嶺東賊營逼至江藍殲殪甚眾進勦賊黨賴裕新乘霧敗之破杉木根黃馬寨而還十年達開黨眾四出淳熙轉戰於水道綏靖諸州復宜章桂陽前後三十餘戰皆捷累擢知府以道員記名所部曰果毅營增至三千人駱秉章奉命赴四川督師湘軍名將勁兵多從曾國藩胡林翼劉蓉薦淳熙兵精善戰秉章遂以淳熙與劉嶽昭從行至荊州嶽昭復留淳熙以所部當軍鋒分道派峽上次萬縣聞順慶被圍率師赴援五月至賊走定遠追之距定遠二十里望賊屯城西南連十餘里城東北江水環繞賊方造浮橋渡水淳熙分三路進遇賊即前搏之擲火焚其屯賊大亂爭走二十餘里悉潰禽斬數千殲首賊何國傑解散脅從萬餘人賊黨彭紹福率眾千餘屯東岸收集潰賊竄二郎場淳熙銳進欲一戰平之二郎場在山中羊腸曲逕通甯甯兩路均為涪江阻別賊朱甲眾數千

清史稿

列傳二百二十

二

由青岡壩至四路設伏淳熙遺偵不見賊五鼓師行選賊燕子窠擊走之逼二郎場賊分兩路趨山麓上淳熙知有伏令諸營左右搜捕自率中軍策應兵分伏賊起偏布山岡官軍走田隆泥深輒陷淳熙率親卒拒戰被圍策馬突陣陷淖中棄馬手刃十餘賊中矛仆擁至場支解燔之賊傷其軍勇猛不復追餘部整隊還賊亦遁走淳熙雖戰歿湘軍之威因之頓振詔贈布政使賜卹加贈內閣學士諡忠壯
吳坤修字竹莊江西新建人捐納從九分發湖南道光二十九年振湘陰水災勤於事從勦李沅發以府經歷縣丞補用咸豐二年粵匪犯長沙以守城功擢知縣曾國藩創立水師坤修司軍械四年水師攻九江入鄱陽湖為賊所阻不得出令坤修單騎往南康導往吳城南昌五年率舟師防瑞豐以父憂歸既而武昌復陷坤修從羅澤南援湖北復咸甯蒲圻崇陽通城累擢同知賜花翎進規武昌六年江西軍事不利胡林翼令坤修領新募軍曰彪字營會湘軍援江西復新昌上高由新昌取道羅坊攻奉新梯城而登賊死守不能拔乃先下安

義靖安後萃軍奉新時江西餉坤修頓家資并勸族里富人出銀米餉軍又籌銀四萬兩解省垣收集平江潰勇七年春克奉新累擢道員尋授廣東南韶連道仍留軍克瑞州是年冬東鄉師潰被劫視職九年駐師撫州江西巡撫耆齡檄督辦撫建甯三屬團練始立團防營駐貴溪移德興出援徽州十年克建德秋徵防軍潰坤修方假歸其弟修數攝軍事守嶺外郭郵調回江西曾國藩令守湖口而巡撫毓科檄援建昌賊由金谿竄東鄉坤修自撫州迎擊於鄧家埠大破之賊復出貴溪竄安仁遏之不得渡河乃竄德興萬年將擾景德鎮坤修由饒州馳援景德以固祁門大軍後路會賊山建德上犯國藩令援湖口坤修且戰且進先賊至城恃以完加驛運使銜同治元年李秀成自蘇州援江甯分犯蕪湖會軍擊卻之又會克金保圩高淳溧水及溧陽東壩各要隘遣散降衆數萬三年加布政使銜江甯克復以按察使記名四年署徽甯池太廣道授安徽按察使五年署布政使六年巡撫英翰駐潁州出境勦捻坤修轉輸餉餉未嘗遲乏七年署巡撫實授布政使東捻平請假回籍補終父母喪九年回任

清史稿

列傳二百二十

三

十一年卒巡撫英翰疏陳其戰功政績賜卹贈內閣學士

康國器初名以泰字交修廣東南海人少爲吏員道光末從軍以勞授江西贛縣桂源司巡檢咸豐初粵匪犯江西土寇繼起國器募死士三百贛南道周玉衡檄擊賊烏兜良口克萬安造船三十艘習水戰六年從克饒州累擢知縣署南城石達開陷瑞撫臨吉四郡國器從克樟樹嶺連戰瑞州臨江鉛山安仁攔同知十一年廣東巡撫耆齡檄勦陽山賊賊匪藍山地阻絕負隅十餘年國器緣崖歷礮出賊後破石柵九奪礮臺毀其老巢遣子熊飛單騎說降賊練四虎其魁梁柱走豬頭寨穴山攻獲之進軍赫巖賊渠周裕等藍山平擢知府同治元年授浙從將益澧圍湯溪明年春克之擢道員二年克餘杭功最多授福建延建邵道始專統一軍粵匪汪海洋犯閩陷武平永平李世賢踞漳州龍巖與之合旁郡縣多沒於賊左宗棠議三路進兵國器自請當龍巖進軍雁石令熊飛壁鐵石洋三戰薄城下破其衆數萬並敗古田援賊四年正月遂克龍巖賊走永定分踞苦竹洋勢猶熾國器進擊苦竹乘夜大霧火賊營破二十

餘壘海洋以悍黨來接收之於東阮又敗之大溪乃竄廣東大浦境未幾海洋復犯永定國器馳燬羅橋橋賊分七路來撲海洋自陣獅龍嶺所部皆死黨旗幟備嚴谷國器曰賊精銳盡萃於此若摧之餘衆必奔乃堅壁深溝伺息出擊先破其伏分道猛進斬賊數千盡獲其軍資海洋跳而免時漳州亦下李世賢西遁遇國器於塔下縱兵擊之降其衆二萬人海洋走廣東踞鎮平國器進壁鎮平東南高思塘分軍扼程官埠賊數來犯却之國器知海洋將襲高思而虛攻程官埠乃戒程官軍勿爲動設伏兩山間海洋果率悍黨來撲誘人伏突起槍斃其衆汪大力黃十四海洋傷腕陣斃及墮巖礮死者無數胡瞎子攻程官亦敗走尋克鎮平十二月會諸軍擊賊嘉應海洋伏誅餘孽悉平五年擢按察使七年遷廣西布政使十年護理巡撫十一年內召以疾歸光緒十年卒左宗棠疏陳戰績請卹格於吏議特詔允之國器治軍能以少擊衆常傷足而跛軍中號康拐子悍賊皆畏之子熊飛積功至浙江候補道勇而有謀常爲軍鋒國器數獲奇捷實資其力云

清史稿

列傳二百二十

四

李鶴章字季荃安徽合肥人大學士鴻章弟諸生從父兄治本籍團練屢出戰有功以州同用咸豐十一年從克菱湖賊屢復安慶擢知縣賜花翎同治元年從鴻章援江蘇常率親兵佐督戰北新涇四江口諸役功皆最又攻枝福山許浦海口賊壘招降常熟踞賊錢森仁鴻章引嫌奏捷不敘其勞特旨詢問命一體議敘以知州用加四品銜二年會克太倉規蘇州分諸軍爲兩路其進崑山一路以程學啟爲總統由常熟進江陰者鶴章督之迭戰於常熟之王莊江陰之南湖北瀾顧山毀賊壘破援賊會克江陰擢知府進攻無錫踞賊黃子澹死守李秀成屢來援及蘇州既克潰賊亦腐衆鶴章督水陸諸軍力戰克之以道員記名簡放詔嘉鶴章能與兄同心戮力爲國宣勤此次未行破格之獎爲鴻章功不自私俾得報勞將士鼓舞衆心指日常州金陵次第奏捷克成全功更當與郭松林劉銘傳等同膺懋賞鶴章進趨常州與劉銘傳會攻破援賊解奔牛之圍三年四月克常州賜黃馬褂授甘肅甘涼道是年冬會國藩調其軍赴湖北四年以甘肅回亂棘命赴本任鶴章以傷發未行尋疾甚國藩爲奏請開

缺留襄營務未久乞病歸遂不出以捐助山西賑金加二品銜光緒六年卒於家曾國荃疏陳李鴻章平江蘇鶴章與程學啟各分統一路請將戰績宣付史館於立功地建專祠允之子經義官至雲貴總督弟昭慶初從曾國藩軍淮軍既立國藩留五營令昭慶領之駐防無為廬江同治元年從鴻章至上海解常熟圍克嘉興常州皆在事有功四年國藩督師勦捻匪昭慶總理營務統武毅忠樸等軍及鴻章代國藩令赴前敵擊賊馳逐鄂皖東豫之間累擢至記名鹽運使檢匪平留防江淮十二年卒贈太常寺卿

吳毓蘭安徽合肥人咸豐十年粵捻合擾皖北毓蘭以從九品借兄毓芬集團練助勦鳳穎間從解壽州圍擢縣丞同治元年李鴻章率師援上海毓蘭從軍東下克柘林奉賢南匯川沙青浦金山皆與有功擢知縣二年克嘉定解北新涇四江口之圍加同知銜領華字副營擊賊吳江八斤牛尾墩同里等處進克平望黎里調守嘉善三年率所部從總兵程學啟攻嘉興戰於合歡橋毓蘭率槍船冒險渡河先破賊卡繞出賊營後立拔之進抵城下賊以巨礮拒河口學

清史稿

列傳二百二十

五

啟被傷毓蘭率先鋒攻益厲掘河口架橋濟師晝夜環攻轟陷城垣百餘丈賊死抗不下賊酋黃文金自湖州來援力擊走之遂克嘉興毓蘭緣梯先登擢直隸州知州賜花翎調守溧陽降賊屯城中勢岌岌突有金壇賊至毓蘭與兄毓芬議乘賊初至破之設伏以誘賊敗走烏鴉嶺毓蘭與毓芬兩路夾擊禽斬無算窮追至建平境陣斬賊目林得英黃有才禽黃金龍溧陽既定調守長興時大軍已破湖州毓蘭偵賊將竄泗安鎮與毓芬夜率健卒八百冒雨疾走潛渡觀音橋賊不意兵至棄糧械而走追至泗安降者數千敘功擢知府四年調守揚州移廬州五年回屯揚州追諭平浙西功以道員選用六年捻匪賴文光敗竄至揚州為毓蘭所獲以道員記名簡放七年尋加布政使銜十年李鴻章調充海防營務處堯天津機器局光緒六年授天津河間兵備道濱海多盜毓蘭按名捕置諸法修南運河子牙河隄及千里隄灣靜海軍糧城河道興水利八年卒優卹附祀曾國藩天津專祠揚州建專祠

論曰金國琛為羅李舊部黃淳熙後起獨立一幟雖非楚籍並為湘軍名將淳

熙戰勝隕身國琛遺忌綴羽皆未盡其才吳坤修康國器起於令尉功施燭然李鶴章才積出眾堪膺大用後竟不出吳毓蘭以禽獲巨寇顯功名之際遭際固難測哉

清史稿

列傳二百二十

六

清史稿

列傳二百二十一

沈棟輝

鄧仁堃

余炳燾

栗耀

朱孫貽

史致諤

劉鈞齋

朱善張

黃輔辰

沈棟輝字奏旒浙江歸安人少游淮上為河督麟慶司章奏道光中納資為廣東通判補廣州永寧通判擢黃岡同知以功晉知府補韶州咸豐二年調署廉州時嶺嶠羣盜並起李士奎顏品瑞黃春晚等分踞欽州之那彭靈山之林墟眾數十萬棟輝至出賊不意率兵二千掩入那彭靈之急分千人趨林墟賊空壁出關棟輝已由間道入其巢遂連克旁近諸賊壘博白賊劉八伺隙襲廉州馳還遇賊五里亭令列陣以待賊疑有伏稍引去呼噪乘之賊大潰休兵十日而進又殲賊靈山早禾浦追至廣西橫州斬劉八廉州平總督徐廣楨駐梧州

清史稿

列傳二百二十一

勦艇匪檄棟輝出鬱林援潯州賊舟數百圍城攻甚急遣卒梯而入約期會戰伏兵兩岸縱火焚賊舟與城兵夾擊大破之督諸軍窮追梧州水師邀擊沈賊舟無脫者論功加按察使銜時廣西賊竄湖南徐廣楨督師移剿棟輝隨參軍事廣楨罷葉名琛督兩廣調棟輝回廣東治軍需先已授廣西左江道至是調肇羅道四年署廣東鹽運使陳開者廣州匪首倡亂踞佛山羣賊何子海豆皮春李文茂等應之踞石門金官窩為犄角連陷數十州縣環省皆賊壘賊渠陳沈沈沈屯河南岸何博奮海艇千餘踞省河道路梗塞外援皆絕名琛悉以軍事付棟輝選精銳四千人以二千駐流橋西山廟為兩翼以千人伏城中出小西門分布要害多張旗幟為疑兵賊四面薄城城內發礮中賊陣亂縱兵擊之斬級千賊自是不敢近城至十一月圍未解棟輝謀於眾曰今外無援兵內無積儲聞賊中因爭食內携急擊不可失乃自將千人出攻小港橋賊壘日晡未下忽見賊營火起大呼曰賊破矣士卒皆奮克之乘勝進攻佛山值大霧賊不虞其至連戰皆捷遂復佛山聞東莞水賊由石門犯省城還軍救之至黃竹岐賊

船數千官軍僅數百艘又居下風勢甚危棟輝禱於南海神俄而反風令裨將

何高漢駕燄燄衝入賊陣碎其乘舟大破之殺賊萬餘俘數千溺死者無算危

城獲全又分兵殲賊曾黃福於譚州五年復順德清遠英德賊圍韶州城已年

餘至是聞援兵至遁南北路悉平擢按察使六年擢貴州布政使未之任卒賜

卹贈內閣學士棟輝以文史治軍明賞罰均甘苦尤能知人劉劉八時招撫馮

子材後立大功為名將何高漢乃賊何博奮之弟推誠馭之賴以成省河之功

廉州潯州廣州三戰皆履險犯難卒得大捷尤為時稱云

鄧仁堃字厚甫湖南武岡人道光五年拔貢以知縣用發四川歷署梁山江油

洪雅補茶江調富順薦卓異以憂歸服闋入資為知府補江西南安調署廣信

所至皆有政聲署督糧道咸豐二年粵匪趨湖南仁堃請修省城籌守禦二年

春賊由武漢蔽江下九江不守巡撫出防民爭遷徙仁堃諭令安堵上守江議

請增兵扼湖口又條上城守事宜實授督糧道五月賊犯江西會江忠源師抵

九江仁堃請巡撫疏調且遣使迎其師忠源至入任城守與仁堃語合巡撫張

清史稿

列傳二百二十一

二

肅傾心倚任曰戰問江君守問鄧君地雷屢發壞城皆以力戰獲完仁堃欲出奇計焚賊舟以鄧陽知縣沈衍慶忠果有謀令率所部千人備草船藏火藥約期襲賊議阻未果仁堃改糧船數十艘為礮艇募卒扼守進賢門以保饒道自夏徂秋乃引去仁堃曰賊未受大創去禍未已也亟請大修城以備乃督工建礮城礮臺城上官房營棚軍器庫礮庫瞭望樓皆備浚環城濠深廣各三丈築臨濠礮臺礮石為隄開用銀十四萬有奇守禦之具可恃五年賊自湖北犯義寧仁堃令道勇五百人往援會贛州知府率勇二千至仁堃請令駐義甯巡撫陳其邁令防饒州仁堃曰義甯扼三省要衝官民頻年固守團防為江省最若棄不救後將不能責官以守城責民以團練力請改援不許僅以二百五十人往助守中道遇賊潰義甯陷未幾羅澤南師至仁堃固請往攻義甯為措饒十萬濟之澤南尋克其城十月賊陷瑞州臨江團吉安下游賊復萃九江湖口南昌大震仁堃添募捍衛保衛軍城備益嚴曾國藩令副將周鳳山率三千五百人規臨江瑞州戰勝樟樹鎮時按察使周玉衡孤軍守吉安仁堃請檄

鳳山乘勝援吉安衆議倚鳳山蔽省城仁堃爭曰賊知城高池深難卒攻必爲
 剽劫及本之計先擾郡縣使會城孤立然後大舉而攻之若懸賞二萬金周軍
 必買勇以解吉安圍瑞臨皆可復吉安失則撫建必相繼不保馴至全省糜爛
 會垣且坐困矣終不聽六年正月吉安陷周玉衡死之鳳山軍潰於樟樹鎮撫
 州建昌亦陷南昌屬縣並爲賊踞仁堃兼署按察使布政使子輔輪借同知林
 源恩同率平江勇三千餘人益以寶勇志同軍進規撫州復進賢國藩亦檄李
 元度率勇四千自湖口移師會之復東鄉兩軍合破賊河東灣攻撫州久不下
 援賊驟至營陷林源恩死之學政廉兆翰劾輔輪臬司子不應與兵事並劾仁
 堃辦城工不實事下國藩及巡撫文俊按治坐修城時未先請勘估降五級調
 用國藩疏言仁堃所承修爲南數省第一名城七郡並陷省垣終保不爲無功
 仁堃既歸輪穀三千石助軍十年協守武岡以功議敘同治五年卒

余炳燾字吟香浙江會稽人道光元年舉人充景山官學教習期滿以知縣用
 分發陝西補清澗調監屋又調渭南回人馬得全等謀不軌親入其巢捕之實
 清 史 稿 列傳二百二十一 三

諸法推河南懷慶知府咸豐三年粵匪北犯窺開封遂渡河圍懷慶時郡城兵
 僅二百炳燾選團勇三千人登陴固守募敢死士縋城下砍賊營又潛毒城外
 汲道使自斃賊以地雷墮城者三皆擊退一日雷雨中賊火蟻集危甚天忽反
 風賊燔死者衆勢頓沮賊於近城樹木柵以斷內外爲久困計山東巡撫李德
 先赴援既而援軍四集詔大學士訥爾經額督師圍久城中糧漸不支炳燾素
 得民心激以忠義括糧節食人心不渙屢詔促戰都統勝保將軍托明阿等迭
 敗賊賊始入山西竄凡被圍五十八日乃解特詔褒獎賜花翎以道員用擢陝
 西鳳邠道尋改授河南南汝光道未幾就遷按察使大河南北以防匪倡聯莊
 會遇警相救及賊去衆而不散秀民恃衆抗官四年禹州鄭州密縣登巖雙園
 城焚署縱囚掠紳民巡撫英桂出防信陽咸請兩司奏聞待命炳燾曰賊雖衆
 皆烏合志在剽掠無紀律速臨以兵必驚潰解散其黨不久魁渠可縛也若請
 朝命遲將蔓延遂親率兵七百勇五百馳往勦撫兼施事即定尋署布政使捻
 首張落刑獲歸德命炳燾往勦攻雒河集解亳州圍又潛入永城擊走之既而

歸德又有警炳燾馳救而他軍遽退賊遂東逸炳燾染病特旨予假治理不開
 缺七年卒懷慶請祀名宦祠

栗耀字仲然山西渾源人東河總督毓美子道光十五年舉人以父卹蔭特賜
 進士咸豐三年授湖北漢陽知府至則漢陽再陷行省未復督撫皆寄治軍中
 委耀綜理營務四年從大軍復武漢未幾賊大至城復陷六年始復叙功晉秩
 道員耀以廉幹爲巡撫胡林翼所器令筦釐稅糧臺八年署荆宜施道尋加按
 察使銜授武昌道仍留署任兼督鈔關軍餉皆仰資鹽權耀綜核嚴密稅入羨
 餘悉籍入公修戰艦增軍屯水陸戰守皆有備十一年賊逼施南耀請重兵復
 集民圍守山險賊合川匪分掠宜成諸縣施南協副將禦之遇伏一軍盡沒會
 劉嶽昭軍至與郡兵夾擊賊大創竄歸松滋人馬鈺者挾左道惑人衆至數千
 密通賊官軍禽斬之耀料賊不知鈺死必復至集水陸軍密爲備賊果趨夔州
 遇官軍輒敗及知馬鈺已誅遂大潰水陸合擊俘斬萬餘自是川匪無敢犯楚
 境會大雨荆江暴漲蓄攻萬城隄耀督兵民備奮掘儲土石立泥淖間躬視板
 清 史 稿 列傳二百二十一 四

築信宿隄上事定乃還在荆州四年政教大行署按察使兼攝布政使甫踰月
 授湖北按察使耀以其父毓美曾任是職乃顏其堂曰誦芬同治元年擢布政
 使未任卒

朱孫貽字石翹江西清江人入資爲刑部主事改知縣發湖南歷署寧鄉長沙
 皆有聲三十年署湘鄉清務積弊屢釀巨獄孫貽莅任鄉民方屬集環謀孫貽
 令曰新清限迫驟改章弗及來年當爲若別股削弊敢煽動浮言者罪之會匪
 切近災也亟縛獻衆唯唯散撥捕盜魁陳勝祥劉福田等實之法稔知邑士之
 賢者舉羅澤南孝廉方正縣試拔劉啓冠其曹廷王龔襄幕於康景暉李續賓
 續宜皆獎島之廣西匪熾孫貽集衆曰賊勢未易殄北竄湖南當其衝欲衛閭
 里非團練鄉兵不可王龔等曰謹奉令總督程番采防衛州孫貽以策于之不
 省會匪驟起借劉啓康景暉往捕孫貽中彈襄創戰於湖洞擒賊目王祥二熊
 聽一王龔復捕賊百餘檻致總督行營前後七百餘人咸豐二年洪秀全連陷
 道州江華永明桂陽郴州孫貽集團丁分三營以羅澤南領中營易良幹副之

王鑫領左營楊虎臣王開化張運蘭魏為康景輝領右營羅信南綜糧精謝邦翰治兵械推古人陣法制為起伏分合湘軍紀律自此始長沙圍未解王鑫康景輝趙煥聯分駐要隘羅澤南易良幹防縣城伏莽蠢動即時捕滅縣境肅然三年巡撫張亮基聞湘鄉團丁名調防省城孫貽令王鑫羅澤南羅信南劉蓉率之往四年孫貽率團破安化藍田賊據郴州直隸州江忠源奉辦軍務之命與曾國藩讓授江西令孫貽率湘軍赴之羅澤南領中營易良幹領前營謝邦翰領右營康景輝領左營楊虎臣領後營羅信南領親兵營共三千人至南昌戰永定門外大破賊謝邦翰易良幹羅信南東窮迫被殺孫貽哭之慟以李續寶代領右營羅信南兼領前營吉安土匪鄒恩澂應賊孫貽扼樟樹嶺分軍令澤南續寶及劉長佑勦平之南昌圍解凱旋加知府銜擢寶慶知府才俊殿保甲懲積匪一如治湘鄉時捐寺觀產製旗械軍火募戰士千人發義倉常平儲穀充餉親歷各鄉訓練捕新寧山門匪誅之五年粵匪陷東安率千人偕副將聯勝馳扼五峯鋪賊不敢犯衡陽土匪起出境平之六年駱秉章疏薦

清史稿

列傳二百二十一

五

人才記名以湖南道員簡放尋以治防功被優敘八年勞崇光調赴廣西假滿未出降一級調用仍治湘寶團防十年會劉長佑克廣西柳州開復處分賜花翎加按察使銜駱秉章赴四川督師奏調孫貽總理營務同治元年擢授浙江鹽運使秉章奏治川省團練孫貽與秉章左右議不合引疾請罷命力疾赴陝西佐理多隆阿營務以病辭終不復出光緒五年卒

史致聘字士良順天宛平人原籍江蘇溧陽道光十八年進士選庶吉士授編修道光末出為江西廣信知府咸豐元年署南昌三年粵匪犯江南九江戒嚴南昌訛言四起城門晝閉致聘請開城以安人心尋回廣信任賊陷饒州致聘募勇號信新軍因險設防與浙軍為犄角四年調南昌江西諸郡行准鹽惟廣信行浙鹽軍興准鹽不至致聘議借銷浙引以餘息充餉名曰餉鹽從之即以致聘襄其事年餘銷引逾常額江楚及浙皆利之賊陷武寧致聘率信新軍赴剿迭挫賊於紫鹿嶺中口火爐坪若田復武寧是年冬南昌戒嚴援師大集主客軍不相下致聘協和將吏客軍二卒持刀擾質庫立斬以徇五年兼署鹽法

道尋以母憂去官留襄軍事九年服闋命赴浙江巡撫王有齡差遣同治元年署甯紹台道甯波自前歲陷於賊資洋兵之力復城方謀畫曹娥江而守尋以法總兵馬壽思所部與賊勇互鬪廣勇潰賊乘間竄慈谿奉化致聘至慈谿已陷激厲民團登陴固守與英總兵哇樂克稅務司法人日意格推誠相結以美兵官華爾志勇可用介以相見令攻慈谿以駐餘姚之洋兵及同知謝采璋團勇應之慈谿賊分擾鄞縣境及半浦而嵎縣新昌賊復大舉犯陳公嶺華爾克慈谿中破歿於軍陳公嶺不守奉化復陷郡城又警致聘乞餉於上海令都司楊應龍募忠勇軍紳士李聘招大嵐山義勇又以廣勇潰散慮為賊用招之回令洋將布與有布良舉守備張其光分統之部署甯甯定賊由間道犯郡城天兩陰籠勒兵以待伺賊懈出擊之分兵兜剿連捷於橫溪石橋進薄奉化楊應龍率死士以梯登城下之時致聘已實授甯紹台道奉化賊復勾結上虞賊分道犯慈谿餘姚致聘以賊衆兵寡分援則力弱職直擢上虞賊必還救因出師漸遠郡城餉事不能兼顧乃請巡撫疏免前署道張景渠罪責其專任兵事

清史稿

列傳二百二十一

六

連復上虞縣縣新昌增軍萬人進規紹興二年復之進克蕭山與大軍會於錢塘江浙東以平巡撫左宗棠奏減杭嘉湖三府漕賦致聘上書言獨賦惠政減正額尤富革浮收各縣情形各異當擇大者奏咨餘並著為省例以盡通變之宜三年以籌餉功加按察使銜賜花翎先以衰老乞歸未允至是原品休致卒於家

劉郵膏字松巖河南太康人道光二十七年進士江蘇即用知縣咸豐元年署婁縣有政聲二年粵匪陷江寧揚州鎮江相繼失守會匪劉麗川倡亂踞上海附近川沙南匯嘉定寶山青浦諸縣縣並陷巡撫吉爾杭阿檄郵膏隨營剿賊郵膏率漕勇二百復嘉定權知縣事選丁壯嚴守望稽保甲籍游民民心大定敘功加同知銜賜花翎補青浦八年調上海租界華洋雜處數構釁郵膏爭執是非不為撓屈有招工誘逼出洋者親登舟搜獲並追回已去者民感之洋人亦帖服蘇杭既陷上海孤懸賊中郵膏練民兵四鄉設二十局以資保衛賊首李秀成陷松江進犯上海登陴堅守十餘日賊不得逞而去時大吏萃居上海

或議他徙郭壽曰涇城據海口為饑源所自出異日規復全省必自此始奈何舍而去之十一年冬賊復陷浦東諸縣縣大吏檄郭壽往援郭壽曰賊勢張甚宜守不宜戰弗聽率練勇鄉團出戰果敗乃專職守治行上聞加道銜以知府用擢海防同知超署按察使尋實授命署布政使異數也李鴻章督師至命總理營務餉銀無缺兼協濟江寧大營兩軍月餉二十萬悉取給於上海滄吳淞江以通運道招集流亡通商惠工善後諸事次第舉行尋命護理巡撫丁母憂同治五年卒贈右都御史上海建專祠祀蘇州名宦

朱善張字子弓浙江平湖人諸生授桃南通判升襄河同知咸豐九年擢淮徐揚梅海道粵匪掠時擾江北姦民乘時蠶起善張常在行間剿幅匪於海州沈陽殲其渠魁花翎加鹽運使銜擢首張隆據浮山令水師伏臨淮焚其舟又卻之小溪粵匪陷天長樓蔣瑞善張馳援殲其酋賜號庫木勳濟特依巴圖魯善張方駐揚州陳玉成來犯攻城發巨礮擊之賊結壘為久困計授師集敗之七里店追越儀徵以西揚州獲安尋賊復歸至連營至司徒廟善張晝夜守

清史稿

列傳二百二十一

七

陣時出殺賊賊卒不得逞引去十年捻匪陷清江浦率師克之築圩寨為善後計同治元年調徐州道兼築糧臺用堅壁清野法防捻匪從僧格林沁攻保陳老巢破之東溝二年苗沛霖叛陷壽州圍蒙城善張知蒙城饒絕糧粟助之苗沛霖伏誅湖團之亂起湖團者始議招流民開徵山湖自沛霖至魚臺戶數萬爭利亡命遷跡其中三年新團奮匪殺掠沛縣劉民寨圩善張會兵剿之未竟疽發背卒贈右都御史賜卹子之榛以廣授官補蘇州府總捕同知歷以海運敘勞晉秩道員官江蘇凡四十年莞釐務最久精於綜覈以別除中飽為職志地方利病無不洞悉署督糧道歷署按察使十二次布政使二次大吏倚之忌者眾屢被彈劾按治皆得白光緒二十五年清釐田賦歲增漕糧十五萬石丁銀二十萬兩二十六年海防戒嚴省城獄囚謀變之榛方署臬篆出情實者駢誅之事乃定宣統元年授准揚道未任卒

黃輔辰字琴陽貴州貴筑人原籍湖南醴陵道光十五年進士授吏部主事累遷郎中遇事侃侃持正論屢忤上官不少屆時稱硬黃咸豐初以知府分山西

會貴州亂作遠籌倡團練修碉堡積穀省城二萬餘石撫清水江諸苗平巴香亂以功晉道員尋赴山西署實寧道餉地議加釐捐補長謂晉人皆買於外山多地瘠非他行省比不宜病民爭之不得則請獨苛細取大宗及不切民生日用者戶部設實泉分局於平定州就鑄鐵錢滯不行則令分銷諸郡縣歲收息銀三萬解部輔辰謂京師用鐵錢以濟銅幣之乏山西勿便也今行各縣議令交納錢糧以三萬之數利妨數百萬之正供利一而害百即專行平定一州日積日滯其患滋大議上遂罷之九年調赴直隸軍營察海口形勢請以重兵扼北塘當事迂其言不用尋乞假去至四川依總督駱秉章陝西自回亂地多荒蕪巡撫劉蓉議興管田輔辰書陳方略采官私書為管田輯要三卷大旨在用民而不用兵與民興利不與民牟利蓉疏薦之五年授陝西鳳州鹽法道任以西安同州鳳翔延安乾州邠州鄜州七屬管田事輔辰建議謂關中土曠人少非招徠客民事未由濟然耕牛籽種農具棚舍官不能給民不樂趨也莫若即以地界之薄收其租畝二斗為差六年後給券使世其業慮田無限制賦無定

清史稿

列傳二百二十一

八

則吏得以意高下為民患當先正經界略如古井田法量地百畝為區編列次第書賦額於券視土肥瘠別等則上下授之凡領墾者以先後為次十區為甲十甲為里置長焉里長總十甲租課歲輸之官凡移徙更替事皆責之別授田六畝俾食其入為庶人在官者之祿而官總其成令下民皆便之復定考課舉劾法策奉行不力者每年凡墾田十八萬餘畝時事急賴所入租麥以餉之又撥產給書院義學養濟院育嬰堂種痘局及湖岸隄工渠工諸廢皆舉尋卒祀名宦子彭年字子壽舉道光二十五年會試逾兩年改庶吉士授編修咸豐初隨父在籍治團練後入略秉章四川戎幕數有贊畫功不受保薦同治初劉蓉延主關中書院久之李鴻章聘修畿輔通志兼主蓮池書院當光緒中法俄邊事迭起侍從近臣多慷慨建言彭年雖不在朝負時望中外大臣密薦之八年擢授湖北襄陽道按察使屏餽遺禁胥吏需索年餘結京控案四十餘起平反大獄十數調陝西署布政使十一年遷江蘇布政使連歲水旱米踊貴屬縣請加漕折巡撫欲許之彭年謂定例漕糧一石隨徵水脚錢一千所費僅

數百獨不可以有餘補不足耶今增漕折民間多出二十萬緡與國計無關盡歸中飽持不可十五年護理巡撫請以賑餘三十萬緡濬吳淞江白茆河蘇蘇浜工朱及墨十六年調湖北布政使總督張之洞尤倚重之然守正不阿遇事款出入斷斷以爭雖忤其意勿顧也未幾卒彭年廉明剛毅博學多通所至以陶成士類爲國儲才爲己任主講蓮池及在吳時設學古堂成就尤衆著有陶樓詩文集三省邊防考略金沙江考略歷代關隘津梁考存銅運考略子國瑾光緒二年進士官編修嗜學能文甚有時譽父喪以毀卒

論曰軍興以來監司賢者保障一方其功與疆吏等軍政財政各行省多有專任之人沈棟輝平廣匪余炳燾守懷慶其最著也鄧仁堃殫心籌防不盡見用朱孫貽提倡團練振興人材實爲湘軍肇基劉鄩膏主守上海以待援軍皆以一縣令有裨大局史致聘用外兵定甯波朱善張保障淮揚功皆可紀栗耀堯湖北稅釐黃輔辰與陝西管田並爲兵食根本黃彭年名父之子久負時望晚逮未盡其用時論惜之

清史稿

列傳二百二十一

九

清史稿

列傳二百二十一

華爾

戈登

日意格

赫德

華爾美國紐約人嘗爲其國將并以罪廢來上海國人欲執之會粵匪陷蘇州上海籌防謀練精兵蘇松太道吳煦識其才言於美領事獲免以是德之願效力俾領印度兵既撤自陳願隸中國咸豐十年粵匪陷松江煦令募西兵數十爲前驅華人數百半西服半常裝從其後華爾誠曰有進無止者斬賊迎戰槍礮雨下令伏無一傷者俄突起轟擊之百二十槍齊發凡三發斃賊數百賊敗入城嶺之同入巷戰斬黃衣賊數人賊遁走遂復松江華爾亦被創先是煦與華爾約城克警賊所有以予至是入賊館空無所得以五千金酬之令守松江又募練洋槍隊五百服裝器械步伐皆效西人同治元年賊又犯松江富林塘橋衆數萬直逼城下華爾以五百人禦之被圍過分其衆爲數圍陳陳五重人四圍最內者平立以次遞俯槍皆外指華爾居中吹角一響衆應三發死賊

清史稿

列傳二百二十一

一

數百逐北辰山再被創力疾與戰賊始退遂會諸軍搗敵營殺守門者爭先入毀之是役也以寡敵衆稱奇捷時浦東賊據高橋偪上海華爾約英法兵守海濱而自率所部進擊賊大敗加四品翎頂會李鴻章帥師至滬迺練戲下令立常勝軍益募兵三千俾教練參將李恒嵩副之餉倍發賊據王家寺與英提督何伯等合攻華爾勇先入大斬虜首進偪南翔賊亦悉衆轟拒何伯負傷華爾冒烟直進立毀其營生獲八百餘人遂復嘉定規取青浦華爾略東門城潰英法兵自西入華爾爲承賊奔爭赴水死攻奉賢法提督卜羅德遇害詔賞貂皮綵緞卹其家時恒嵩扼趙屯港四江口屢失利嘉青復危華爾方議直搗金山衝聞敗還守青浦而富林泗涇又相繼失迺棄青浦簡壯士五百襲天馬山破之入城擊守軍出併力守松江登陣轟擊兩晝夜不絕賊宵遁圍解官軍圍青浦華爾攻南門駕輪船入濠燬城十餘丈塵衆登堞賊聞且走追敗之白鶴江黃渡復其城督副將銜降救獲賞俄僞慕王譚紹洸復來犯蘇西門與總兵黃翼升各軍擊之賊潰奔北岸華爾毀其七營陰月會西兵再復嘉定其秋賊

十萬復犯上海華爾自松江倍道應赴與諸軍擊卻之時甯波戒嚴巡道史致
 譚乞援鴻章遣華爾借往值廣艇與法兵構衅引賊寇新城從姚北紆道犯慈
 谿華爾約西兵駕輪船三一泊漣浦一泊赭山一自丈亭駛入太平橋餘姚四
 門鎮而自率軍數百至半浦平日薄城方以遠鏡偵敵忽槍丸洞胸遠塔地昇
 回舟餘眾悉力奮攻賊敵北門走華爾至郡城猶能叱其下恤軍事越二日始
 卒以中國章服飲從其志也鴻章請於朝優卹之子甯波松江建祠初喪歸煦
 檢其篋得金陵城圖賊所居處及城垣丈尺方位纖悉畢具論者頗稱其機密
 云勒伯勒東德加理尼阿爾伯依都額爾法國加爾機多人初為本國水師參
 將咸豐十一年來上海時寇據甯波西人惡之益兵戍守遣勒伯勒東乘輪泊
 三江口同治元年從官軍克府城募壯丁千五百為洋槍隊自陳原隸明年權
 授浙江總兵受巡撫甯波道節度時上虞賊犯泗門馬洛勒伯勒東軍餘姚以
 待尋與同知銜謝采輝直搗賊屯賊赴水死者千餘乘銳毀其卡薄城先登擊
 殺守陣悍賊餘宵遁城克赴煙浦略紹興以賊遺土礮往巡道張景渠止之不
 清 史 稿 列傳二百二十二

聽未幾礮果裂負傷而死賜優卹以法參將法爾第福為江蘇副將領其軍退
 守百官法爾第福又名買武勒頗諳華書後攻紹興焚西郭門次日復戰潰十
 餘丈麾眾登城賊殊死鬪別有黑種人數十助之遂遇害優卹之
 戈登英國人同治二年李鴻章檄領常勝軍二千攻常州福山營別遣呂宋兵
 乘小舟薄賊壘支木橋伏死士城墻下日中港東西賊營皆破緣墻入痛殲之
 遂奪福山石城圍解權授江蘇總兵進攻太倉毀南門賊卡戈登轟潰二石壘
 官軍繼進克之規取崑山與總兵程學啟度地勢以環崑多水惟西南通進義
 策先斷其歸路遂與駕輪船以備師繞而西賊不虞其至也即時敗奔奪其四
 壘譚紹洸構悍賊來爭與諸軍大破之薄崑城借李恆嵩夾擊賊酋偽朝將先
 期逸去諭月學啟攻東城戈登白果浦河奄至扼守西路分道疾攻賊奪西門
 走阻水殲焉遂留駐崑城策應各路移師攻花澄港知賊必不誠率眾擊北門
 毀城外賊壘次日賊降收吳江震澤而還以事謁鴻章於上海先是白齊文閉
 松城索餼既撤潛通賊領二百人入蘇州戈登詢知之亟返崑山為備旋攻蘇

城率軍三千與學啟俱力爭要害稍剪城外賊壘偽忠王李秀成聞警赴援屢
 敗而紹洸所部每戰猶致死自偽納王郅雲官以下皆萌貳志詣營乞降迺與
 學啟乘單舸會雲官等於洋澄湖令斬秀成紹洸以獻學啟與營戈登證之未
 幾秀成遁雲官殺紹洸開齊門迎降賞頭等功牌銀幣並犒其軍助攻宜興溧
 陽並擊退楊舍賊進規常州轟破南門合諸軍掘濠築墻以敗之叙功賞黃馬
 褂花翎賜提督品級章服初戈登與學啟為昆弟交每戰必偕及誅降酋頗不
 直其所為捧雲官首而哭誓不與見嗣聞學啟卒悲不自勝乞其戰時大旗二
 攜歸國為遺念戈登歸後埃及亂督師討之遇害朝廷遣使往弔焉戈登嘗言
 中國人民耐勞易使果能教練可轉弱為強又曰中國海軍利於守船礮之制
 大不如小當時稱其將略云
 日意格法國人嘗為其國參將駐防上海同治元年改調稅務司徒甯波復郡
 城與有功官軍攻慈谿遺法兵馳往策應會餘姚四門鎮陷遂與前護提督陳
 世章勒兵往討諭月直搗上虞賊緣道築卡樹柵悉奪毀之薄城併力轟擊賊
 清 史 稿 列傳二百二十二

殊死戰買勇直前被創眾軍繼進斬級千賊始渡曹娥江去進攻奉化與諸軍
 克之攻安吉思溪雙福橋駕小輪船赴荻港燬袁家匯賊壘浙平左宗棠令與
 德克碑討湖西邦製造仿造小輪船試行五年宗棠親州船政局尤正監督
 度地募工殫心所事復籌設給事院小鐵廠七年加提督銜賞花翎十三年以
 船政教導勞賞銀幣光緒卒德克碑法參將初助攻奉化有功旋奉其公使
 檄將受代歸謁左宗棠宗棠撫諭之德克碑感服願易服色受節度令駐守蕭
 山蔣益澧攻杭城檄助戰游擊何文秀攻雞籠山德克碑從寶塔嶺登岸攻倚
 城賊壘會天大霧賊構嘉興援賊自萬松嶺偃都司張志公營勢張甚德克碑
 率眾助擊敗之益澧督水陸軍並進連破九壘令總兵高連陞據其五德克碑
 據其二屯饒頭山轟潰城數丈燬鳳山門官軍為承城遂復賊潰奔湖州攻安
 吉思溪德克碑率所部助之轟擊雙福橋不克駕小舟泊河汶火八角亭支木
 橋以濟賊阻兵中流不得進德克碑買勇偏岸所部遇伏卻走改趨荻港越濠
 入克三壘事寧撤兵還上海五年充船政局副監督七年馬尾設船廠督役興

工賞花翎九年宗棠平回亂檄調甘肅隸麾下十二年錄經始船政勞膺獎賞後卒

赫德字篤賓英國倍爾發司人咸豐四年來中國充波領事署繙譯官調廣州又充香港督署書記官九年改任粵海關副稅務司十一年總稅務司李泰國奉令購戰艦以赫德權代之赴長江新開各口岸置新關同治二年李泰國去職赫德實授徒駐上海三年置台灣南北新關還駐京加按察使銜八年晉布政使銜赴綠海各地度置鐘樓塔表光緒二年佐定烟台條約十年赴金陵與法使議越南案會巡船置鐘樓台灣洋為法虜迺遣駐英稅務司金登幹赴巴黎申理乘機與議停戰草約還未幾其國授為清韓駐使不就踰年賞花翎雙龍一等第一寶星十二年赴香港澳門條議洋藥稅釐併征並置關九龍拱北十三年葡使來華與訂澳門草約十五年藏兵寇哲孟雄英兵乘勢闖入赫德遣其弟稅務司赫政馳往與駐藏大臣會籌劃界諸事十九年賞三代一品封典二十五年與德使籌置膠海新關明年各國聯軍入京贊襄和議晉太子

清史稿

列傳二百二十二

四

少保二十八年召入覲賜福字三十一年與德使史麟慶關章程改行無稅區地法尋與日使籌置大連灣新關征權一如膠海三十三年東三省度地置關踰年謝病歸詔許之加尙書銜赫德官中國垂五十年頗與士大夫往還嘗教其子習制藝文擬應試未許總署管擬請授總海防司道員薛福成以其陰薦專利常內西人而外中國上書鴻章力爭之議始寢辛亥後病卒賜優卹帛黎法國人同治八年來中國充福州船政學校教員十二年賞五品銜子雙龍獎牌明年調充江海關稅務幫辦歷鎮江北海關海臨海粵海諸關光緒十九年晉三品銜調北京遷稅務司二十二年朝議行郵政以赫德兼領其事帛黎實參治之凡都會省城通商口岸漸次置局命曰大清郵政尋徙拱北二十六年還京明年遷郵政總辦晉二品銜置代辦局於蕪湖二十九年河南山東山西貴州復置副總局自是內地城鄉村鎮街郵偏設時尚未入萬國郵政公會即已與日本及英屬印度香港聯約試行三十年賞雙龍二等第一寶星與法德及英屬那達商定聯郵章程先後成郵政六百餘局代辦四千二百餘所宣統

三年改隸郵傳部設總局尙書盛宣懷疏薦之遂被命為總辦郵局置官自此始越二年乞病歸未幾卒

論曰華爾戈登先後領常勝軍立功江浙世稱洋將時傳其戰略日意格初亦參防戰繼以船政著勞赫德久總稅務兼司郵政頗與聞交涉號曰客卿皆能不負所事茲數人者受官職易冠服或願隸國籍食其祿者忠其事實有足多故並著於篇

清史稿

列傳二百二十二

五

清史稿

列傳二百二十三

沈桂芬

李鴻藻

翁同龢

孫毓汶

沈桂芬字經筵順天宛平人本籍江蘇吳江道光二十七年進士選庶吉士授編修咸豐二年大考一等擢庶子累遷內閣學士先後典浙江廣東鄉試督陝甘學政充會試副總裁八年丁父憂服闋補原官督禮部左侍郎同治二年出署山西巡撫明年實授連上移屯練兵諸疏並稱旨桂芬以山西民食不敷自洋藥弛禁裁種粟糧價踴增於是刊發條約飭屬嚴禁疏陳見辦情形上慰之頒行各省著為令旋丁母憂六年起禮部右侍郎充經筵講官命為軍機大臣歷戶部吏部擢都察院左都御史兼總理各國事務大臣遷兵部尚書加太子少保光緒元年以本官協辦大學士京畿旱編修何金壽授漢代天災策免三公為言請責斥樞臣諭交部議桂芬坐革職特旨改為革職留任旋復原官充翰林院掌院學士晉太子太保桂芬遇事持重自文祥逝後以諳究外情稱

清史稿

列傳二百二十三

一

日本之滅琉球也廷論多主戰桂芬獨言勞師海上易損國威力持不可及與俄人議還伊犁崇厚擅訂約朝議紛然桂芬委曲斡旋易使往議改約始定而言者猶激論不已桂芬久臥病六年卒年六十有四贈太子太傅諡文定桂芬躬行謹飭為軍機大臣十餘年自奉若寒素所處極湫隘而未嘗以清節自矜人以為難云

李鴻藻字蘭孫直隸高陽人咸豐二年進士選庶吉士授編修典山西鄉試督河南學政十年上擢儒臣為皇子師大學士彭蘊章以鴻藻應召來京明年特詔授大阿哥讀經宗登極皇太后懿旨命直弘德殿同治元年擢侍講累遷內閣學士署戶部左侍郎四年命直軍機五年授禮部右侍郎遭母憂皇太后懿旨授雍正乾隆年大臣孫嘉淦等故事命鴻藻開缺守孝百日後仍授讀兼參機務並諭移孝作忠勿以守禮固辭鴻藻懇終制不允倭仁等亦代為陳請仍命恭親王傳諭慰勉鴻藻連疏稱疾遂得賜告卒終制始出七年授提督疆鴻藻方里居以各路統兵大員事權不一疏請特派親王為大將軍坐鎮京師以

固北路左宗棠李鴻章為參贊大臣分紮保定河間東西兩路各率所部兵勇相機勦辦陳國瑞為幫辦軍務專統一軍為游擊之師直隸總督官文專顧省城籌備諸軍餉需以資接濟丁寶楨駐紮直東交界防賊東甯李鶴年駐紮直

豫交界防賊南甯直督交界由左宗棠等分撥勦旅扼要駐紮並請敕下各該大臣和衷商辦迅奏膚功奏入上遂命各路統兵大臣均歸恭親王節制旋起禮部左侍郎仍直弘德殿及軍機如故十年擢都察院左都御史加太子少保時有修葺圓明園之旨朝臣同起力爭鴻藻亦言粵捻初平回氛方熾宜培養元氣以固根本不應虛糜帑帑為此不急之務乃止十三年上有疾命代批答章奏旋崩自劾輔導無狀能弘德殿行走光緒二年命兼總理各國事務衙門尋丁本生母憂服闋起故官以兵部尚書協辦大學士調吏部時崇厚與俄擅定伊犁約鴻藻堅持不可爭於廷卒治崇厚罪議改約及法越啟釁言路愈奮發劾罷樞臣鴻藻請遷內閣學士後復累遷禮部尚書十三年河決鄭州上命鴻藻馳往督辦先是河道總督李鶴年河南巡撫倪文蔚議於西場興工鴻藻

清史稿

列傳二百二十三

二

至仍之又續興東場工疊遇奇險皆力為守固會伏秋汛至西場失事請暫停工上以鴻藻督率無方革職留任並奪李鶴年河道總督命鴻藻暫行署理尋回京復以禮部具奏典禮漏繕擬改日期再議革職上特寬免大婚禮成復原官二十年日韓事棘命鴻藻商辦軍務再授軍機大臣與翁同龢皆主戰並爭和約卒不能阻旋以禮部尚書協辦大學士調吏部歷蒙頒賞書畫及諸上方珍物充鄉試會試殿試等閱卷大臣二十三年以病乞假疾篤賞給藥餌命御醫往視卒年七十有八遺疏入上震悼予諡文正贈太子太傅子焜焜煜焜均賞給郎中鴻藻性至孝為學守程朱務實踐持躬儉約傳穆宗十餘年盡心啟沃一日穆宗學書故為戲筆鴻藻立前捧上手曰皇上心不靜請少息穆宗改容謝之其在樞府獨守正持大體御史王鵬運諫止修頤和園幾獲重譴鴻藻力解之得免德宗間日一往頤和園侍起居時留駐蹕言官有言其不便者太后大怒欲黜之鴻藻謂如此必失天下臣民之望乃止所薦引多端士朝列有清望者率倚以為重然亦不免被劫持云

翁同龢字叔平江蘇常熟人大學士心存子咸豐六年一甲一名進士授修撰八年典試陝甘旋授陝西學政乞病回京同治元年擢贊善典山西試父憂歸服闋轉中允命在弘德殿行走五日一進講於簾前說治平寶鑑兩宮皇太后嘉之累遷內閣學士母憂服闋起故官同龢居講席每以憂勤惕厲啟沃聖心當八年武英殿之災也恭錄康熙嘉慶兩次遇災修省聖訓進御疏言變不虛生遇災而懼宜停不急之工惜無名之費開直臣忠諫之路杜小人倖進之門上覽奏動容又聞明園方興工商人李光昭陳報木價爲李鴻章所劾論罪廷臣多執此入諫恭親王等尤力諍上不憚同龢面陳江南輿論中外人心惶惑請聖意先定待時興修乃議定停園工並有停工工程能浮費求直言之諭先緒元年署刑部右侍郎明年四月上典學毓慶宮命授讀再辭不允旋遷戶部充經筵講官督都察院左都御史遷刑部尙書調工部六年廷臣爭俄約久不決懿旨派醇親王醇親王及同龢與潘祖蔭每日在南書房看摺件電報擬片進呈取進止至俄約改定始止八年命充軍機大臣十年法越事起同龢主一面

清史稿

列傳二百二十三

三

進兵一面與續廬有所備又言劉永福不足恃非增重兵出關不可旋與軍機王大臣同罷仍直毓慶宮前後充會試總裁順天鄉試攷官兩蒙賜壽加太子太保賜雙眼花翎紫綬管請假修墓傳旨海上風險命馳驛回京恩眷甚篤二十年再授軍機大臣懿旨命撤講上請如故同龢善伺上意得遇事進言上親政久英爽非復常度剖決精當每事必問同龢眷倚尤重時日轉起贊同龢與李鴻章主戰孫毓汶徐用儀主和會海陸軍皆敗懿旨命赴天津傳諭李鴻章詰責之同龢並言太后意決不即和歸薦唐仁廉忠赤可用請設巡防處籌辦國防於是命恭親王督辦軍務同龢鴻藻等會商辦理上嘗問諸臣時事至此和戰皆無可恃言及宗社孽淚並發及和議起同龢與鴻藻力爭改約稿並陳帝增賠款必不可割地上曰臺灣去則人心皆去朕何以爲天下主統汝以前敵屢敗對上責以賞罰不嚴故至于此諸臣皆引咎上以和約事徘徊不能決天顏憔悴同龢以俄英德三國謀阻割地請展期換約以待轉圜與毓汶等執爭終不可挽和約遂定明年兼總理各國事務大臣二十三年以戶部尙書協

辦大學士二十四年上初召用主事康有爲議行新政四月殊諭協辦大學士翁同龢近來辦事多不允協以致衆論不服屢經有人參奏且每於召對時諮詢事件任意可否喜怒見於詞色漸露攬權狂悖情狀斷難勝樞機之任本應查明究辦予以重懲姑念其在毓慶宮行走有年不忍遽加嚴譴翁同龢著即開缺回籍以示保全八月政變作太后復訓政十月又奉殊諭翁同龢授讀以來輔導無方往往巧藉事端刺探朕意至甲午年中東之役信口侈陳任意恣憑辦理諸務種種乖謬以致不可收拾今春力陳變法濫保非人罪無可追事後追維深堪痛恨前令其開缺回籍實不足以蔽辜翁同龢著革職永不叙用交地方官嚴加管束三十年卒於家年七十有五宣統元年昭復原官後追諡文恭同龢久侍講翰參機務遇事專斷與左右時有爭執羣責怙權晚遭譴沮幾獲不測遂斥逐以終著有瓶廬詩稿八卷文稿二十卷其書法自成一派尤爲世所宗云

清史稿

列傳二百二十三

四

孫毓汶字萊山山東濟甯州人尙書瑞珍子咸豐六年以一甲二名進士授編修八年丁父憂十年以在籍辦團抗捐被劾革職遣戍恭親王以毓汶世受國恩首抗捐餉深惡之同治元年以輪餉復原官五年大考一等一名擢侍講學士先後典四川鄉試督福建學政光緒元年丁母憂服闋起故官尋遷詹事視學安徽擢內閣學士授工部左侍郎十年命赴江南等省按事時法越事起毓汶以習於醇親王漸與聞機要適奉硃諭盡罷軍機王大臣毓汶還遂命入直軍機兼總理各國事務大臣時當國益厭言路紛囂出張佩倫等會辦南北洋閩海軍務餘亦因事先後去之風氣爲之一變十五年擢刑部尙書尋調兵部加太子少保歷典會試順天鄉試賞黃馬褂雙眼花翎紫綬二十年中日講和李鴻章遣人齎約至廷臣章奏凡百上皆斥和非計翁同龢李鴻章主緩俄法德三國亦請毋遽換約毓汶素與鴻章相結納力言戰不可恃亟請著上爲流涕書之和約遂成明年稱疾乞休二十五年卒予諡文恪毓汶權奇饒智略直軍機逾十年初醇親王以尊親參機密不常入直疏讀日送邸聞謂之過府論旨陳奏皆毓汶爲傳達同列或不得預聞故其權特重云

論曰光緒初元復逢訓政勵精圖治宰輔多賢頗有振興之象首輔文祥既逝沈桂芬等承其遺風以忠懇結主知遇事能持之以正雖無老成尙有典型及甲申法越甲午日韓外患內憂國家多故慈聖倦勤經營園囿稍事游幸而政紀亦漸弛矣鴻藻久參樞密眷遇獨隆桂芬以持重見賞同蘇以專斷致嫌毓汶奔走其間勤勞亦著大體彌縫賴以無事然以政見異同門戶之爭牽及朝局至數十年而未已賢者之責亦不能免焉

清史稿

稿

列傳二百二十三

五

清史稿

榮祿

張之洞

王文韶

瞿鴻禨

列傳二百二十四

榮祿字仲華瓜爾佳氏滿洲正白旗人祖喀什噶爾幫辦大臣塔斯塔父總兵長壽均見忠義傳榮祿以廕生實主事隸工部晉員外郎出爲直隸候補道同治初設神機營賞五品京堂充翼長兼專操大臣再遷左翼總兵用大學士文祥薦改工部侍郎調戶部兼總管內務府大臣穆宗崩德宗嗣統榮祿言於恭親王乃請頒詔俟嗣皇帝有子承繼穆宗其後始定以紹統者爲嗣光緒元年兼步軍統領遷左都御史擢工部尙書慈禧皇太后嘗欲自選宮監榮祿奏非祖制忤旨會學士寶廷奏言滿大臣兼差多乃解尙書及內務府差又以被劾納賄降二級旋開復出爲西安將軍二十年祝嘏留京再授步軍統領日本構釁恭親王慶親王督辦軍務榮祿參其事和議成疏薦溫處道袁世凱練新軍是日新建陸軍授兵部尙書協辦大學士疏請益練新軍而調甘肅提督董福

清史稿

稿

列傳二百二十四

祥軍入衛京師二十四年晉大學士命爲直隸總督是時上擢用主事康有爲及知府譚嗣同等參預新政議變法斥舊臣召直隸按察使袁世凱入覲超授侍郎統練兵榮祿不自安御史楊崇伊奏請太后再垂簾於是太后復臨朝訓政召榮祿爲軍機大臣以世凱代之命查拿康有爲斬譚嗣同等六人於市以上有疾詔徵醫復命榮祿管兵部仍節制北洋海陸各軍榮祿乃奏設武衛軍以聶士成駐蘆臺爲前軍董福祥駐薊州爲後軍宋慶駐山海關爲左軍世凱駐小站爲右軍而自募萬人爲中軍駐南苑時太后議廢帝立端王載漪子溥儀爲穆宗嗣患外人爲梗用榮祿言改稱大阿哥二十六年拳匪亂作載漪等稱其術太后信之欲倚以排外人福祥率甘軍攻使館月餘不下榮祿不能阻載漪等益橫京師大亂駢戮忠諫大臣榮祿踴躍入言太后厲色斥之聯軍入京兩宮西幸駐蹕太原榮祿請赴行在不許命爲留京辦事大臣已而詔詣西安既至寵禮有加賞黃馬褂賜雙眼花翎紫纓隨扈還京加太子太保轉文華殿大學士二十九年卒贈太傅諡文忠晉一等男爵榮祿久直內廷得太后信

仗眷顧之隆一時無比事無鉅細常待一言決焉

王文韶字夢石浙江仁和人咸豐二年進士銜戶部主事累遷郎中出爲湖北安襄鄖荆道左宗棠李鴻章皆薦其才擢按察使遷湖南布政使同治十年署巡撫黔苗亂熾桂東淪寇域文韶條上援黔防境機宜以兵事屬按察使席寶田督其部將蘇元春龔繼甯等進勦斬首逆張秀眉烏鴉坡黔境平文韶繪苗疆要塞圖上之朝十一年除眞甯遠秀民倡亂未陽朱鴻英復妄稱明裔擄衆先後檄道員陳寶箴討平之光緒元年遣總兵謝晉鈞平新化衡永土匪撫湘六年內治稱靜謐焉入權兵部侍郎直軍機會議早各省顛災中旨罪己文韶亦自陳無狀詔革職留任旋除禮部侍郎兼總理衙門行走八年御史洪良品鄧承修劾雲南軍需案文韶坐失察奪二級乞養歸終母喪還前除十五年授雲貴總督武定會匪陷富民祿勳人心恟懼文韶斬獲叛將三日而定無何鎮邊夷亂起檄進南道劉春霖分道進攻拓地三百里徙建廳城於猛朗勇屯聖改臨安猛丁歸流移府經歷駐其地其餘寇亂及土族叛服不常皆隨時殄

清史稿

列傳二百二十四

滅初英法并編越後西南緣邊防務益棘文韶綏靖各路土司自爲守會日韓政豐詔入都詢方略既至奉勅辦北洋之命鴻章赴日議和文韶權直隸總督北洋大臣和議成實授時關內外主客軍四百餘營酌留湘淮豫二十營餘悉散遣士卒帖然建議籌修旅大礮臺謂旅順舊臺密於防前疏於防後敵自大連灣入遂失所庇大連舊臺專顧防海未及防陸敵自金州登岸遂不能支今重整海防必彌其罅隙又請加意水師武備各學堂以儲將才嫻武幹俟財力稍足徐圖擴充又陳河運漕糧積弊請蘇漕統歸海運他若勸吉林三姓金礦磁州煤礦踵鴻章後次第成之而京漢鐵路亦興築於是時矣又奏設北洋大學堂鐵路學堂育才館俄文館造就甚衆二十四年入贊軍機以戶部尙書協辦大學士二十六年拳匪仇教文韶力言外衅不可啟不見納官軍既出三日始追及懷來自聯軍犯京事急兩宮召軍機惟文韶一人入見諭必待行至是立召對泣慰之遂隨扈自晉入秦晉體仁閣大學士明年改外務部會辦大臣旋賞黃馬褂著全權大臣命先還京佐辦中俄條約交還東三省及關外鐵

路事甯賞雙眼花翎充政務處大臣督辦路礦總局轉文淵閣晉武英殿三十二年免直軍機明年稱疾乞休文韶歷官中外詳練吏職究識大體然更事久明於趨避亦往往被口語三十四年鄉舉重逢賜太子太保其冬卒年七十九晉贈太保諡文勤

張之洞字香濤直隸南皮人少有大略務博覽爲詞章記誦絕人年十六舉鄉試第一同治二年成進士廷對策不循常式用一甲三名授編修六年充浙江鄉試副考官旋督湖北學政十二年典試四川就授學政所取士多雋才游其門者皆私自喜得爲學塗徑光緒初擢司業再遷洗馬之洞以文儒致清要遇事敢爲大言俄人議歸伊犁與使俄大臣崇厚訂新約十八條之洞論奏其失請斬崇厚毀俄約疏上乃褫崇厚職治罪以待郎曾紀澤爲使俄大臣議改約六年授侍講再遷庶子復論紀澤定約執成見但論界務不爭商務並附陳設防練兵之策疏凡七八上往者詞臣率雍容養望自之洞喜言事同時實廷陳寶琛張佩綸輩鋒起糾彈時政號爲清流七年由侍講學士擢閣學俄授山西

清史稿

列傳二百二十四

巡撫當大禮後首劾布政使葆亨冀甯道王定安等贖貨舉廉明吏五人條上治督要務未及行移督兩廣八年法越事起建議當速遣師赴援示以戰意乃可居開調解因薦唐炯徐旭張曜材任將帥十年春入覲四月兩廣總督張樹聲解任專治軍遂以之洞代當是時雲貴總督岑毓英廣西巡撫潘鼎新皆出督師尙書彭玉燾治兵廣東越將劉永福者故中國人素驍勇與法抗法攻越未能下復分兵攻臺灣其後遂據基隆朝議和戰久不決之洞至言戰事氣自倍以玉燾夙著威望虛已聽從之奏請主事唐景崧募健卒出關與永福相犄角朝旨因就加永福提督景崧五品卿銜炯旭亦皆已至巡撫當敵被勦得罪去並坐舉者之洞獨以籌餉械勞免議廣西軍既敗於越朝旨免鼎新以提督蘇元春統其軍而之洞復奏遣提督馮子材總兵王孝祺等皆宿將於是演越兩軍合扼鎮南關殊死戰遂克諒山會法提督孤拔攻閩浙礮毀其坐船孤拔墮而我軍不知法願停戰廷議許焉授李鴻章全權大臣定約以北圻爲界欽克諒山功賞花翎之洞恥言和則陰自圖強設廣東水陸師學堂創槍

廠開礦務局疏請大治水師歲提專款購兵艦復立廣雅書院武備文事並
 舉十二年兼署巡撫於兩粵邊防控制之宜輒多更置著沿海險要圖說上之
 在粵六年調補兩湖會海軍衙門奏請修京通鐵路籌謀爭陳鐵路之害請停
 辦翁同龢等請試修邊地便用兵徐會澧請改修德州濟甯路利漕運之詞職
 曰修路之利以通土貨厚民生為最大徵兵轉餉次之今宜自京外廣濶橋起
 經河南以達湖北漢口鎮此幹路樞紐中國大利所萃也河北路成則三省之
 轍接於井陘關隴之驛交於洛口自河以南則東引淮吳南通湘蜀萬里聲息
 刻期可通其便利有數端內處腹地無慮引敵利一原野廣漠墳廬易避利二
 廠盛站多役夫買客可舍舊圖新利三以一路控八九省之衝人貨輻輳足裕
 餉源利四近畿有事准楚精兵崇朝可集利五太原旺煤鐵運行便則開採必
 多利六海上用兵漕運無梗利七有此七利分段分年成之北路責之直隸總
 督南路責之湖廣總督副以河南巡撫得旨報可遂有移楚之命大冶產鐵江
 西萍鄉產煤之洞乃奏開鍊銅廠漢陽大別山下資路川兼設槍礮藥專廠

清史稿

列傳二百二十四

四

又以荆襄宜桑棉麻桌而饒皮革設織布紡紗織絲製麻革諸局佐之堤工通
 之以幣政由是湖北財賦稱饒土木工作亦日興矣二十一年中東事棘代劉
 坤一督兩江至則巡閱江防購新出後膛礮改築西式礮臺設專將專兵領之
 募德人教練名曰江南自強軍采東西規制廣立武備農工商鐵路方言軍醫
 諸學堂尋還任湖北時國威新挫朝士日議變法廢時文改試策論之洞言廢
 時文非廢五經四書也故文體必正命題之意必嚴否則國家重教之旨不顯
 必致不讀經文背道忘本非細故也今宜首場試史論及本朝政法二場試時
 務三場以經義終焉各隨場去留而層遞取之庶少流弊又言武科宜罷騎射
 刀石專試火器欲挽重文輕武之習必使兵皆識字勵行伍以科舉二十四年
 政變作之洞先著勸學篇以見意得免議二十六年京師拳亂時坤一督兩江
 鴻章督兩廣袁世凱撫山東要請之洞同與外國領事定保護東南之約及聯
 軍內犯兩宮西幸而東南幸無事明年和議成兩宮回鑾論功加太子太保以
 兵事粗定乃與坤一合上變法三疏其論中國積弱不振之故宜變通者十二

事宜采西法者十一事於是停捐納去書吏考差役值利獄籌八旂生計裁屯
 衛汰綠營定礦律商律路律交涉律行銀圓取印花稅擴郵政其尤要者則設
 學堂停科舉獎游學皆次第行焉二十八年充督辦商務大臣再署兩江總督
 有道員私獻商人金二十萬為壽請開礦海州立勸罷之考鹽法利弊設兵輪
 緝私歲有贏課明年入覲充經濟特科閱卷大臣釐定大學堂章程仍命還
 任陛辭奏對請化除滿漢畛域以彰聖德遏亂萌上為動容旋裁巡撫以之洞
 兼之三十二年督辦辦大學士未幾內召擢體仁閣大學士授軍機大臣兼筦
 學部三十四年督辦粵漢鐵路德宗賢慈禧皇太后相繼崩醇親王載灃監國
 攝政之洞以願命重臣督太子太保逾年親貴濫用事通私謁議立海軍之洞
 言海軍費絀可緩立爭之不得移疾遂卒年七十三朝野震悼贈太保諡文襄
 之洞短身巨髯風儀峻整莅官所至必有興作務宏大不問費多寡愛才好客
 名流文士爭趨之任疆寄數十年及卒家不增一畝云

清史稿

列傳二百二十四

五

講學士久乃遷詹事督內閣學士先後典福建廣西鄉試督河南浙江四川學
 政所行皆本功令律下尤嚴朝鮮戰事起我師出平壤鴻禩上四路進兵之策
 請兼募沿海漁人蟹戶編為舟師使敵備多力分庶可制勝及和議成鴻禩方
 自獨還復奏言秦中地形險要請豫建陪都日本增兵遼東鴻禩以敵情叵測
 請敕劉坤一王文韶簡練勁旅不可專任淮軍適坤一奏劾山西將賀星明侵
 餉革職鴻禩言刑賞治天下之大柄軍紀廢弛已久宜嚴懲以儆其餘又葉志
 超襲照嶼等敗軍辱國罪當死和約既定勢不能與勾宜籍其財產或令巨款
 相贖然後貸其一死皆不報旋遊禮部侍郎出督江蘇學政請罷武科兩宮西
 狩鴻禩差竣詣行在道授左都御使督工部尚書仍以西安陪都為言既至命
 直軍機兼充政務處大臣請以策論試士開經濟特科汰書吏悉允行改總理
 各國事務衙門為外務部班六部上以鴻禩為尚書時方與各國議和鴻禩治
 事明敏諳究外交承旨擬諭語中竅要頗當上意焉扈蹕回鑾賞黃馬褂加太
 子太保自新政議起興學通商勸工諸政有司多借端巧取鴻禩請降旨禁革

苛派任民間自辦又請旨以戶部正雜諸款供地方正用官中歲費遵先朝定例量入爲出不便自戶部增撥裁汰內務府冗員用節糜費充中日議約全權大臣是時中外咸以立憲爲請朝廷下詔豫備憲政始基勗天下以忠君尊孔尙公尙武尙實用鴻禧言也三十二年協辦大學士特旨派議改官制大臣鴻禧以樞廷事冗辭旋命與大學士孫家鼐復核頗有裁正焉鴻禧持躬清刻以儒臣驟登政地銳於任事素善善岑春煊春煊入朝留長郵傳部密疏勸慶親王奕劻奕劻惡春煊遂及鴻禧會鴻禧因直言忤太后旨侍講學士俾毓鼎劾以攬權恣縱遂罷斥歸里辛亥湘變起流寓上海旋卒後追諡文慎

論曰德宗親政憤於外侮思變法自強乃以輔導無人戊戌黨禍庚子匪亂遂相繼而作太后再出垂簾初堅復舊繼免圖新宣統改元議行憲政政體既變國本遂搖而大勢不可問矣榮祿屢參大變文詔久達世務鴻禧後起參議立憲終以失寵太后不免放斥唯之洞一時稱賢而監國攝政親貴用事欲挽救而未遂遂以憂死人之云亡邦國殄瘁尙何言哉

清史稿

列傳二百二十四

六

清史稿

閻敬銘

鹿傳霖

張之萬

林紹年

列傳二百二十五

閻敬銘字丹初陝西朝邑人道光二十五年進士選庶吉士散館改戶部主事咸豐九年湖北巡撫胡林翼奏調赴鄂總司糧臺營務累遷郎中擢四品京堂林翼請病復疏薦敬銘才授湖北按察使同治元年嚴樹森繼爲巡撫亦推敬銘湖北賢能第一署布政使以丁本生父憂歸命治喪畢赴軍未行詔署山東鹽運使擢署巡撫疏乞終制不許時山東教匪入新泰捻幅各匪犯鄒曲阜降衆竄陽穀聊城敬銘既受任檄總兵保德等進勦而自督軍規淄川克之已革參將宋景詩引降衆屯東昌復叛飭按察使丁寶楨討之景詩竄莘敬銘檄軍防運河令之曰使一匪潛渡者殺無赦而自移軍博平已而保德寶楨連敗賊唐邑馬橋克王家海別軍克甘官屯賊遁開州事平再請終制仍不許二年服除寶楨奏言抽調綠營兵練騎隊朝旨允行令即遣散募勇敬銘言東省變故

清史稿

列傳二百二十五

類仍亂甫定降衆未必革心綠營廢弛已久驟裁勇易啓戎心臣不敢爲節高帑項浮詞遺後患又言兵之能強端恃將領將領之材亦資汲引如胡林翼曾國藩左宗棠倡率鄉里楚將之名遂著前者僧格林沁奏稱不宜專用南勇啓輕視朝廷之漸老成謀國瞻言百里自古名將北人爲多臣北人也恥不知兵以在軍久見諸軍之成敗利鈍必求其所以然之故深知不求將而言兵有兵與無兵等今北方雖所在募勇皆烏合耳爲將者貪婪欺飾不知尊君親上爲何事使握兵符民變兵譁後患滋大故欲強兵必先儲將北人之智勇兼備者推多隆阿請飭多隆阿募北方將士教之戰陣擇其忠勇者補授提鎮參游俾綠營均成勁旅何必更募勇丁時捻患熾臺臣議行團練敬銘言飲鄉里之財以爲餽集耕種之民以爲兵於事有害無益不如力行堅壁清野之法事遂寢四年僧格林沁戰歿曹州賊勢張益趨張秋南將犯省城敬銘督師東昌還軍禦之增設礮划防河賊折而東移軍兗州賊竄豐沛乃檄總兵楊飛熊問道趨滕防賊還竄賊果入湖濱以飛熊扼運河不得逞竄徐州明年賊入鉅野游擊

王心安失利敬銘方臥疾強起視師東平竟沂曹濟道文彬督團勇擊賊賊引去敬銘赴濟寧會曾國藩商定分扼黃運之議賊復大股趨鉅野金鄉分擾運西遣知府王成謙等要擊而自督軍巡河審宿四晝夜賊連敗始西遁有張積中者結寨肥城黃崖集衆自保以不受撫夷之六年移疾歸居久之以工部侍郎召不起光緒三年山西大飢奉命察視賑務奏劾侵帑知州段鼎燾實之法請裁減山陝諸省差徭並追彈尙書恩承童華前奉使四川過境擾累狀均下吏議八年起戶部尙書甫視事以廣東布政使姚覲元判宜施道董儁漢賄結前任司員欽法威効能之兼署兵部疏陳興辦新疆屯田明年充軍機大臣總理衙門行走曾協辦大學士十一年授東閣大學士仍兼戶部賜黃馬褂自陳衰老辭軍機大臣時上意將修圓明園而敬銘論治以節用爲本會廷議錢法失太后旨因革職留任十三年復職遂乞休章四上乃得請十八年卒贈太子少保諡文介敬銘質樸以潔廉自矯厲雖貴望之若老儒善理財在鄂治軍需足食足兵佐平大雉及長戶部精校財賦立科條令出期必行初直樞廷太后

清史稿

列傳二百二十五

二

頗信仗之終以懸直早退云

張之萬字子青直隸南皮人道光二十七年以一甲一名進士授修撰咸豐二年出督河南學政粵賊破歸德近偪開封之萬條上防勦事宜多允行俄召還授鍾郡王讀由侍讀累遷內閣學士同治元年擢禮部侍郎兼署工部嘗被詔偕太常寺卿許彭壽等彙輯前代帝王及垂簾事蹟可法戒者上之錫名治平寶鑑會河南州縣以苛派擅殺爲御史劉毓楠奏劾命之萬往按得實巡撫鄭元善以下降黜有差即以之萬著巡撫事疏陳軍興財匱請仿湖北變通漕折言汴漕一石舊折銀四兩今請令州縣留辦公費七錢實解司庫三兩三錢以二兩購米實倉餘一兩充汴餉其三錢爲通省公費允行檢會陳大喜犯南陽之萬親赴汝州督師大喜竄阜陽勾結皖捻一由岳城趨楊莊偪雷堰一入張岡總兵張曜馳擊破之團練大臣毛昶熙諸軍相繼至連戰皆捷斬逆酋張鳳舞汝南肅清之萬駐軍許州既分遣諸將設防自引軍還省而老捻乘虛襲許陷兩寨坐降二級留任西捻張總愚竄鄧州藍大順走西坪謀與合張曜既敗

總愚重陽店乘勝襲西坪大順亦敗走之萬復進汝州三年移屯南陽賊犯開封還軍擊走之四年遷河道總督曾格林沁戰歿曹州督兵大臣皆獲咎之萬亦革職留任以助防省城功給二品頂戴五年移督漕運檢入徐州之萬以裏下河爲財賦所出嚴防清淮及六塘河諸要地六年准軍獲賴文光於揚州東檢平捷聞賜之萬花翎頭品頂戴七年會勦西捻總愚溺死東南大定之萬疏陳江北善後事宜九年調江蘇巡撫遷浙閩總督以母老乞養歸光緒八年起兵部尙書調刑部十年入軍機兼署吏部充上書房總師傅協辦大學士十五年授體仁閣大學士轉東閣賜雙眼花翎紫綬二十年免直軍機之萬入直凡十年領樞密者爲禮親王世鐸治尙安靜故得無事及日韓事棘之萬乃先罷退又二年以病致仕卒年八十七贈太傅諡文達

清史稿

列傳二百二十五

三

葬時年甫二十由是知名以舉人從欽差大臣勝保征捻授同知同治元年成進士選庶吉士散館改廣西知縣以督勦柳維土匪功賜孔雀翎擢桂林知府光緒四年調廉州時李揚才將叛擾越南急捕之立散其黨旋升惠潮嘉道擢福建按察使調四川遷布政使九年授河南巡撫清釐州縣積弊歲增三十餘萬十一年調陝西引疾歸十五年再出撫陝值黃河西嚙將與洛通傳霖增築石壩三十餘座得無患中日構衅遣兵入衛命兼攝西安將軍二十一年擢四川總督蜀故多盜特立一軍捕治之變萬大飢發上游積穀又採湖北糧米平糶是時英俄交窺西藏番侍俄援梗英畫界英嗾廓爾喀與藏構兵而瞻對土民苦藏官苛虐思內附傳霖以瞻對爲蜀門戶瞻不化服無以威藏番藏番不聽命則界無時定而英之忌俄者益急圖藏藏亡瞻必隨亡行且及於蜀會朱窩章谷土司爭襲事起傳霖檄知府羅以禮知縣穆秉文往諭以提督周萬順統防邊各軍進駐打箭爐瞻曾仔仲則忠札剏以兵侵章谷抗我軍傳霖乘機進發迭克諸要害各土司暫服率兵聽調渡雅龍江抵瞻巢斬賊過當

盡收三瞻地乃請歸流改漢條陳善後之策疏十數上會成都將軍恭壽駐藏辦事大臣文海交章言其不便達賴復疏請於朝廷議中變傳謀解職去二十四年召授廣東巡撫旋移江蘇攝兩江總督二十六年拳匪亂作傳霖募三營入衛奔及乘輿於大同至太原授兩廣總督旋命入直軍機從幸長安擢左都御史遼禮部尚書兼署工部明年回蹕兼督辦政務大臣凡疏陳加賦括財損民以益上者傳霖率擯勿用而務汰冗費去中飽並奏能不急之工均報可有詔自後宮內供需皆取給內務府戶部專掌軍國大計實傳霖發之也三十年轉吏部三十二年新官制成乃退直專治部事尋仍入直解部務以尙書協辦大學士命查辦歸化城懇務大臣哈毅論遣戍參劾不職者數十人宣統嗣立與攝政醇親王同受遺詔加太子少保曾太子太保歷拜體仁閣東閣大學士兼經筵講官二年春疾作章四上皆溫諭慰留七月卒年七十五贈太保諡文端傳霖起外吏知民疾苦所至廉約率下尤惡貪吏雖貴勢不稍貴其在軍機凡事不苟同喜扶持善類晚病重聽屢乞休不獲居恒鬱鬱云

清史稿

列傳二百二十五

四

林紹年字贊虞福建閩縣人同治十三年進士以編修歷充鄉會試同考官光緒十四年改御史時議修頤和園先是疆吏籌設海軍經費輸存北洋及園工興陰移其費以助工號爲進獻紹年極陳生人疲敝當以儉化天下使督撫愛養百姓若誅求進獻未足以言忠請即下詔停輸還所進奉得旨嚴飭會以憂去服除補山西監察御史疏嚴門禁杜官寺交通之漸十九年陝西考官丁維禔資內監得試差復疏論之俄授雲南昭通府知府邊瘠難治土目祿爾泰橫暴睚眦殺人莫敢訴猝捕戮之衆擲而定期年効罷文武吏不職者五人調攝雲南府甫受事安甯州盜劫貨戕人於塗州牧以總督崧蕃怒緝捕不力妄繫平民二十餘紹年覆按疑其枉謁總督廷爭卒獲正犯出二十餘人者於死崧蕃愧謝密疏薦紹年可大用擢迤南道未之任擢貴州按察使二十六年遷雲南布政使就撫巡撫兼署雲貴總督廣西游匪侵滇邊遣將擊卻之招撫八達河村民之陷匪者以斷賊接濟益大山兵合勦滇境既清乃以全力赴援廣西而蒙自土匪乘閒復發連陷臨安石屏紹年會商總督丁振鐸檄按察使劉春

霖扼通海廣南軍蹙其後不兩月事平疏言督撫同城任事非便自請裁缺從之移撫貴州而湖北廣東兩巡撫旋亦議裁印江團首呂志禮楊鑫不相能積十餘載相殘殺紹年以至兵脅之降仍擁衆不散遂案誅之紹年默察大勢非立憲不足以救亡請預定政體以繫人心不報三十一年移廣西明年內召以侍郎充軍機大臣兼署郵傳部尙書授度支部侍郎時黑龍江新設行省驟擢道員段芝貴爲巡撫紹年言芝貴望輕不稱邊帥任御史趙啓霖劾芝貴因及慶親王奕劻子載振納賄漁色事命大臣按驗所劾稱無證左禩啟霖職而芝貴亦由是罷紹年言御史風聞言事啟霖無罪爭之不得遂稱疾出爲河南巡撫以州縣吏幣資遠宦人地不習無益於杜弊請援漢唐故事免避本籍部議自縣丞以下如所請行益飭吏治得朝貴請託書輒焚之兩疏糾彈百餘人調倉場侍郎宣統元年徙民政部侍郎時奕劻握政柄陝西巡撫恩壽與有連總督升允劾其職私不報俄解計允職紹年召對論其事以爲賞罰不當則是非不明退復具疏言之不省二年充經筵講官署學部侍郎改西德院顧問大臣

清史稿

列傳二百二十五

五

以病請告卒年六十八諡文直論曰同光以後世稱軍機權重然特領班王大臣主其事耳次者僅乃得參機務光宣之際政既失馭權乃益紛雖當國無以爲治焉敬銘質樸之萬練達傳霖廉約紹年勁直其任封疆治軍旅多有績而立朝不復有所建樹敬銘初欲得君專國政爲勢所限終不能行其志世尤惜之

清史稿

列傳二百二十六

景廉

額勒和布

許庚身

錢應溥

廖壽恒

榮慶

那桐

戴鴻慈

景廉字秋坪顏札氏隸滿洲正黃旗父彥德官綏遠城將軍景廉咸豐二年進士山編修五遷至內閣學士典福建鄉試擢工部侍郎賜奠朝鮮八年授伊犁參贊大臣故事哈薩克貿易訖即行後以貨滯豐許二三人守以度歲漸成聚落周二里許景廉謂禍伏肘腋毀之便將軍憚不敢發會將軍卒景廉攝任疏陳利害請以便宜從事卒毀之詔下如所請塔爾巴哈臺參贊大臣英秀阿克蘇辦事大臣綿性葉爾羌參贊大臣英蘊先後以貪暴被劾皆命景廉往鞫得實降革有差十一年調葉爾羌參贊大臣其城為南路八城之首漢回雜處安集延常擾邊俄人復於西南徼往來窺伺哈薩克各部多貳於俄景廉籌餉

清史稿

列傳二百二十六

一

練兵持以鎮靜八城以安嚴禁綠營兵以重利侵奪回民資產人心大悅同治二年坐事落職男婦數千哭於札爾瑪札爾瑪者回部棲神之所意欲禱神阻其行也景廉既去官遣往寧夏軍營効力將軍都興阿檄參戎幕適安徵巡撫翁同書卒於軍復檄景廉代領其衆防勦後路五年授頭等侍衛充哈密幫辦大臣募勇千餘騎不滿百糧乏冰雪中僱仆相屬景廉勉以忠義夜支單帳然馬矢席地坐時出撫循以是兵心固結肅州賊沿南山西竄景廉遣總兵張玉春收之黃花營賊擾安西州又大敗之景廉以安西玉門為新疆門戶巴里坤雖天險可守然力單不足恃統請駐安西布置防務轉運得旨報可賊撲敦煌景廉陽令副將蔣富山邀擊南乾溝而伏勁旅橋灣三水梁賊果取道三水梁南戈壁伏起追擊敗之捷聞得旨嘉獎賊復撲安西景廉戒守將堅壁毋浪戰伺其懈擊之而設伏要其歸路賊大創遁景廉謂敦煌重鎮當守以重兵因移鎮敦煌留兵安西玉門相犄角建堅壁清野之計完城浚濠擇要區築空心墩竄守具畢備復以商團民練輔翼官兵隱寓保甲之法賊擄掠之計遂沮招徠

土著二千六百餘戶勸募雜糧二萬餘石立轉運局馬蓮井官民咸稱便焉時烏魯木齊回曾安得漢勾結漢回龜頭萬八千餘東犯潛約哈密回子郡王為內應王素駭其母福晉邁哩巴紐賢明有才略以逆書呈官軍警衆力守景廉遣使獎慰復令富山率兵會辦事大臣文麟神將孔才擊賊連戰六晝夜大敗之論功升擢有差旋授烏魯木齊都統時古牧地偽元帥馬明屢詐言降復假貿易分布逆黨於濟木薩木壘河景廉偵知密檄孔才金永清等一夕殲之俄人挾蒙古哈薩克入境求通商景廉言地方未靖不任保護以兵衛之出自是終景廉任俄人不言通商事穆宗親政景廉以為政治在乎始基上崇正學開言路慎牧令簡軍實重農桑弭異端六事移軍古城疏請以副都統吉爾洪額領隊大臣沙克都林札布任軍事陝回白彥虎糾西寧回萬餘將奔烏魯木齊賊勢梟悍破哈密回城游騎越天山擾巴里坤兩城告急會安得麟死安集延酋帕夏合烏魯木齊古牧地等漢回撲沙山子遙應白彥虎景廉急檄孔才嚴備齊木薩各要隘黑龍江管總依勒和布授沙山子吉爾洪額等援哈密而景

清史稿

列傳二百二十六

二

廉坐鎮古城飲酒習射若無事然依勒和布與遊擊徐學功率騎五百敗賊沙爾圖禽斬無算帕夏遁歸吐魯番遂解沙山子之圍吉爾洪額等抵巴里坤連戰皆捷遂度天山敗賊哈密泥基頭城中聞援軍至大呼突出賊敗巴里坤肅清是役也論者謂新疆治亂一大關鍵也白彥虎竄唐朝渠將入瑪納斯學功偵得賊口號選精騎四百偽為瑪納斯人迎之襲家擁握手慰勞賊不之疑益前進前臨大河官軍從後起賊大驚白彥虎引四十餘騎逸去餘盡殲焉學功者烏魯木齊農家子沈勇多智略軍興集鄉勇自衛或離合於安得麟帕夏之間為以賊攻賊之計景廉招之來推誠待之遂願効死至是果得其力奏請破格錄用報可景廉以憂動致疾再乞解職溫旨慰留十三年授欽差大臣督辦新疆軍務於是景廉奏請通籌全局命伊犁將軍金順取道古牧地提督張曜由天山南取吐魯番領隊大臣沙克都林札布錫綸由沙山子取瑪納斯三路齊舉使賊不相顧奇台古城為哈密巴里坤屏蔽命副都統額爾慶額率順福珠哩駐西朔防賊逸入北路烏魯木齊之南俗呼搭板城者實通吐魯番要路

賊以重兵守之宜潛師攻擾以搯其吭并請飭陝甘總督左宗棠總司後路糧
臺移甘肅民千戶實奇台古城屯田購蒙古駝數千隻借撥部款六十萬兩疏
上悉蒙嘉納而忌者尼之未竟所施改正白旗漢軍都統俄召回京遷左都御
史光緒二年命入軍機兼總理各國大臣授工部尚書調戶部坐事降二級仍
留軍機補內閣學士再遷兵部尚書時言路尚激烈或不平景廉曰政府如射
之有的言者期其中耳於我輩何憾且詆政府者率無罪未必非大臣之福也
人服其量新編勘定將軍金順上言景廉前勞請獎勵景廉謂邊帥推功極臣
恐開迎合之漸請勿許時論與之十年殊論景廉循分供職經濟非所長降二
級調用明年補內閣學士八月卒於官年六十二子治麟國子監司業見孝友
傳

額勒和布字筱山覺爾察氏滿洲鑲藍旗人咸豐二年繙譯進士改庶吉士用
戶部主事累遷理藩院侍郎同治三年熱河土默特貝勒族老頭滋事額勒和
布奉命查辦得實請將貝勒議處其佐領章京等降革有差事遂定由蒙古副

清史稿

列傳二百二十六

三

都統調補滿洲旋授盛京戶部侍郎兼奉天府尹直隸總督劉長佑率師防
剿熱河及奉天馬賊額勒和布籌給軍食賊酋周榮糾黨回竄擾及昌圖所在
告警額勒和布遣將率馬隊迎擊開原而以步隊扼其後賊遂潰散六年請酌
抽鹽釐充練兵經費增設海防同知駐營口均議行於賑務尤盡力捐募署盛
京將軍調察哈爾都統新用兵額勒和布經紀糧運並調八旗官兵助剿擢
烏里雅蘇臺將軍屢御倭賊光緒三年因病乞休六年起領白旗漢軍都統調
蒙古歷熱河都統理藩院尚書戶部尚書內務府大臣十年命直軍機協辦大
學士奏請允開演越邊界礦務又奏光緒四年以前直省錢漕積欠者請予蠲
免司業潘衍桐建言特開藝學科以額勒和布持不可寢其議十一年授體仁
閣大學士轉武英殿歷充閱卷大臣等差二十一年免直軍機二十二年致仕逾
四年卒於家諡文恭額勒和布木訥寡言時同列漸攬權納賄獨廉潔自守時
頗稱之

許庚身字星叔浙江仁和人咸豐初由舉人考取內閣中書嘗代同官夜直一

夕票二百籤署名積背文宗閱本心識之以詢侍郎許乃普乃普為其諸父行
也遂命充軍機章京故事大臣子弟不得入直是命蓋異數云十年車駕獨木
闌召赴行在是時肅順方怙權勢數侵軍機事高坐直廬有所撰擬輒趣章京
往屬草庚身以非制不許使者十數至卒弗應肅順慙且歎欲中以危法未得
問穆宗續業特賜金以旌其風節命隨大臣入直同治元年成進士自請就本
官補侍讀累遷鴻臚寺少卿母憂歸服竟遷內閣侍讀學士入直如故進春秋
屬辭被嘉獎補光祿寺卿典試貴州督江西學政頗以天算輿地諸學試士光
緒四年授太常寺卿擢禮部侍郎調戶部刑部十年法越事起充軍機大臣兼
總理各國事務管頭品服時樞府係毓汝最被盼遇庚身以應對敏練太后亦
信仗之十四年晉兵部尚書十九年卒諡恭慎庚身自郎曹至尚侍直樞垣垂
三十年與兵事相終始為最久云

錢應溥字子密浙江嘉興人拔貢生朝考一等用七品小京官分吏部直軍機
咸豐十年粵寇連陷浙東西郡縣應溥父海甯州學訓導泰吉質行樸學老儒

清史稿

列傳二百二十六

四

也時已罷官州人留主講書院應溥聞警亟請歸奉親轉徙經年鬚髮為白曾
國藩治兵安慶招入幕工為文敏捷如夙構國藩屢欲特薦皆力辭同治三
年奏加五品卿銜大軍征捻駐周家口捻宵至守卒僅千人衆駭懼應溥鎮靜
若無事然於是國藩堅臥不起捻卒不敢犯晉四品卿銜國藩深倚重之其督
兩江有大興革上奏辭皆屬應溥具草光緒初養親事畢乃入都重直軍機擢
員外郎恭忠親王醇賢親王相繼秉政皆嘉其諳練每承旨繕詔頃刻千言曲
當上意累遷禮部侍郎借尚書崑岡按事河南自巡撫裕寬以下降黜有差朝
鮮事起廷議主戰應溥造膝數陳多人所不敢言旋任軍機大臣再遷工部尚
書謝病歸二十八年卒諡恭勤子駿祥翰林院侍讀
廖壽恆字仲山江蘇嘉定人同治二年進士授編修出督湖南學政光緒二年
再擢侍講近畿旱災壽恆應詔陳言以為吏治壞則民情鬱以其愁苦之氣薄
陰陽之和而災稔生應天以實不以文願皇上審敬怠明是非嚴功罪信賞罰
勿徒視為具文語甚切至尋以內務府開支失實請嚴飭以為浮濫者戒再督

河南學政累遷內閣學士仍留視學坐疏察生員欠考下部議處九年法人侵據越南安定壽恆疏言法以傳教為事今乃思開商務取徑越南越固我藩屬萬無棄而不顧之理臣愚以謂今日有必戰之勢而後有可和之局李鴻章威望最隆北洋勁旅非他人所能統御宜飭鴻章仍回北洋大臣本任坐鎮天津以衛畿輔而飭署督張樹聲還督兩廣樹聲忠勇宿將必能相機進討以伸保護屬國之義兩督臣各還本任事屬尋常可不啟外人之疑而進戰退守能發能收彼若悔禍自可轉圜若必併吞越南則是兵端自彼而開不得謂為不修鄰好法越和議成壽恆復上疏言風聞法使至天津稱越南既議款因以分界撤兵事要約李鴻章鴻章拒不允擬即來都磋商譯署論者謂富虛與委蛇不知法據越南去我之屬國逐黑旗撤我之藩籬通紅江奪我滇江之大利先機已失不可不圖挽回為今之計直宜以欺陵小弱之罪布告列邦折以公法令改創所立條約河內安定一律讓還然後緩議法越通商之約見聞津海防務已飭備嚴整軍容改觀臣謂仍當選派知兵大員率兵輪駛赴越都以觀動靜

清史稿

列傳二百二十六

五

又飛檄廣西防軍援助劉永福增兵製械迅拔河內以扼敵衝河內既下北圻乃安蓋我不與法構兵永福不能不為越守土故邇來陰助黑旗屢戰皆捷法人不得已乃託言保護永福忿激填胸苟奉詔書無不一以當百如此則滇粵之邊患稍紓越法之兵端可戢壽恆又以根本之計責在宸躬跬步不離正人乃可薰陶德性擬請皇太后皇上御前太監務取厚重樸實之人其有年紀太輕性情浮動者屏勿使近並請懿旨時加訓飭凡一切淺俗委瑣之言勿許達於宸聽庶幾深宮居息無往非崇德之端或可補毓慶宮課程所不及至於宮廷土木之工內府傳辦之件事屬尋常最易導引侈念伏願皇太后崇儉黜奢時以民生為念俾皇上知稼穡之艱難目染耳濡聖功自懋如是則慈闈教育更勝於典樂命夔疏入上為之動容十年行走總理衙門遷兵部侍郎調禮部戶部吏部侍郎屢典試事借都御史裕德查辦四川鹽務劾罷鹽茶道蔡逢年遣戍二十三年遷左都御史入軍機明年調禮部尚書太后訓政命出軍機以疾乞休二十九年卒

榮慶字華卿鄂爾氏蒙古正黃旗人光緒九年會試中式十二年成進士以編修充鑲藍旗管學官累遷至內閣學士蒙古學士遷轉遲滯榮慶當引見或風以乞假謝曰窮達命也欺君可乎居二年擢鴻臚卿轉通政副使簡山東學政丁母憂二十七年擢大理卿署倉場侍郎以剝船盜米改由火車運運併倉廩增經費杜領米弊端裁稽查倉務御史皆如所請行和議成奉命會辦善後事宜兼政務處提調二十八年授刑部尚書大學堂之創立也命榮慶副張百熙為管學大臣百熙一意更新榮慶時以舊學調濟之尋充會試副考官經濟特科閱卷大臣調禮部尚書復調戶部拜軍機大臣政務大臣榮慶既入政地尤汲汲於厲人才厚風俗營疏陳國家取才滿漢並重請飭下閣部將所屬滿員嚴加考試設館課之一掌故之學二吏治之學三時務之學尤以御製勸善要言人臣做心錄性理精義上諭八旗諸書為居官立身之大本均令分門學習創記大綱以規其才識疏入報聞三十一年協辦大學士是冬改學部尚書明年充修訂官制大臣尋罷軍機專理部務德宗上賓充恭辦喪禮大臣宣統元年以疾乞休溫旨慰留禮部尚書孝欽后奉安充隨入地宮大臣恭點神牌晉太子少保三年裁禮部改為弼德院副院長旋充顧問大臣德宗實錄館總裁國變後避居天津卒年五十八諡文恪榮慶持躬謹慎故事軍機大臣無公費率取給餽贖榮慶始入直深以為病語同列合辭上請乃得支養廉銀二千而御前諸臣亦援例增給有差

清史稿

列傳二百二十六

六

那桐字琴軒葉赫那拉氏內務府滿洲鑲黃旗人光緒十一年舉人由戶部主事歷保四品京堂授鴻臚寺卿遷內閣學士二十六年兼直總理各國事務衙門管理藩院侍郎拳匪變後各國聯兵來犯令赴豐台禦之外兵入京誤以東城為匪窟欲屠之力解乃免兩宮西巡命充留京辦事大臣隨李鴻章議和約成專使日本謝罪又派赴日觀博覽會二十九年擢戶部尚書調外務部兼步軍統領管工巡局事創警務總路政平反王維勳冤獄商民頌之三十一年晉大學士仍充外務部會辦大臣歷兼釐訂官制參預政務變通旗制著民政部尚書宣統元年命為軍機大臣丁母憂請終制不許出署直隸總督請撥部款

修鳳河尋還直三年改官制授內閣協理大臣旋辭充弼德院顧問大臣國變後久臥病卒年六十有九

戴鴻慈字少懷廣東南海人光緒二年進士改庶吉士以編修督學山東父憂歸服除督學雲南後復充雲南鄉試正考官二十一年大考一等擢庶子日韓啟釁我軍屢挫鴻慈連疏劾李鴻章調遣乖方遷延貽誤始終倚任丁汝昌請予嚴懲並責令速解汝昌到部治罪以肅軍紀均不報和議成鴻慈奏善後十二策一審敵情以固邦交二增陪都三設軍屯以實邊備四築鐵道以省漕運五開煤鐵以收利權六稅煙酒以佐度支七行抽練以簡軍實八廣鑄造以精器械九簡使才以備折衝十重牧令以資治理十一召對羣僚以勵交修十二變通考試以求實用遷侍講學士督學福建再遷內閣學士學政報滿假歸省墓擢刑部侍郎赴西安行在在陳治本疏又請建兩都分六鎮以總督兼經略大臣得辟幕僚巡撫以下咸受節制是年冬隨扈還京轉戶部侍郎時各省教案滋多鴻慈請設宣諭化導使以學政兼充編輯外交成案頒發宣

清史稿

列傳二百二十六

七

講又請就翰林院創立報局各省遵設官報議格不行時設會議政務處有奉旨交議事件三品京堂以上與議鴻慈請推行閣部九卿翰林科道皆得各抒所見屬官則呈堂代遞可以收羣策勳人才下政務處探擇三十一年命五大臣出使各國考求政治鴻慈與焉將發黨人挾炸藥登車狙擊從者或被創人情惶懼鴻慈從容詣宮門取進止兩宮慰諭至泣下遂行歷十五邦凡八閱月歸國與載澤端方尙其亨李盛鐸等稟輯列國政要百三十三卷歐美政治要義十八章會同進呈並奏言各國治理大略以爲觀其政體美爲合衆而專重民權德本聯邦而實爲君主與匈同盟仍各用其制度法義同族不免偏於集權唯英人循秩序而不好激進其憲法出於自然之發達行之百年而無弊反乎此者有憲法不聯合之國如瑞典挪威則分離矣有憲法不完全之國如土耳其埃及則衰弱矣有憲法不平允之國如俄羅斯則擾亂無已時矣種因既殊結果亦異故有雖革改而適以召亂者此政體之不同也規其國力陸軍之強莫如德海軍之強莫如英國民之富莫如美此國力之不同也窺其政略則

俄法同盟德奧義同盟既互相倚助以求國勢之穩固德法摩洛哥之會議英俄東亞之協商其對於中國者德美海軍之擴張美法屯軍之增額又各審利害以爲商業之競爭蓋列強對峙之中無有一國孤立可以圖存者勢使然也況人民生殖日繁智識日開內力亦愈以澎漲故各國政策或因殖民而造西伯利亞之鐵路或因商務而開巴拿馬之運河或因國富而投資本於世界均有深意存焉此政略之不同也驗其民氣俄民志偉大而少秩序其國失之無教法民好美術而流晏逸其國失之過奢德民性倔強而尚武勇其國失之太驕美民喜自由而多放任其國失之複雜義民尚功利而近貪詐其國失之困貧惟英人富於自治自營之精神有獨立不羈之氣象人格之高風俗之厚爲各國所不及此民氣之不同也臣等觀於各國之大勢既如此又參綜比較窮其得失之源實不外君臣一心上下相維然後可收舉國一致之益否則名實相懸有可以斷其無效者約有三端一曰無開誠之心者國必危西班牙苛待殖民致有斐律賓古巴之敗英鑒於美民反抗而於澳洲坎拿大兩域予人民

清史稿

列傳二百二十六

八

以自治之權致有今日之強盛開誠故也俄滅波蘭而用嚴法以禁其語言今揭竿而起要求權利者即波蘭人也又於興學練兵皆以專制爲目的今滿洲之役不戰先潰莫斯科聖彼得堡之暴動即出於軍人與學生也防之愈密而禍即伏於所防之中患更發於所防之外不開誠故也二曰無慮遠之識者國必弱俄以交通之不便而用中央集權故其地方之自治日以不整美以疆域之大而用地方分權故其中央與地方之機關同時進步治大國與治小國固不侔也德以日爾曼法系趨於地方分權雖爲君主之國而人民有參與政治之資格法以羅馬法系趨於中央集權雖爲民主之國而政務操之官吏之手人民反無自治之能力兩相比較法弱於德有由來矣三曰無同化之力者國必擾美以共和政體重視人民權利雖人種複雜而同化力甚強故能上下相安於無事土耳其一國之中分十數種族語言宗教各不相同又無統一之機關致有今日之衰弱俄則種族尤雜不下百數語言亦分四十餘種其政府又多歧視之意見致有今日之紛亂與匈兩國雖同戴一君主而兩族之容貌習

尚語言性情迥殊故時起事端將來恐不免分離之患蓋法制不一畛域不化顯然標其名爲兩種族之國未有能享和平臻富強者矣此考察各國所得之實在情形也竊惟學問以相摩而益善國勢以相競而益強中國地處亞東又爲數千年文化之古國不免挾尊己卑人之見未嘗取世界列國之變遷而比較之甲午以前南北洋海陸軍製造各廠同時而興聲勢一振例之各省差占優勝矣然未嘗取列國之情狀而比較之也故比較對於內則滿盈自阻之心日長比較對於外則爭存進取之志益堅然則謀國者亦善用其比較而已又奏臣等曠觀世界大勢深察中國近情非定國是無以安大計國是之要約有六事一曰舉國臣民立於同等法制之下以破除一切畛域二曰國是探決於公論三曰集中外之所長以謀國家與人民之安全發達四曰明官府之體制五曰定中央與地方之權限六曰公布國用及諸政務以上六事擬請明降諭旨宣天下以定國是約於十五年或二十年頒布憲法召集國會實行一切立憲制度又奏實行立憲既請明定期限則此十數年間苟不先籌預備轉瞬屆

清史稿

列傳二百一十

九

期必至茫無所措今欲廓清積弊明定責成必先從官制入手擬請參酌中外統籌大局改定全國官制爲立憲之預備約奉俞旨採納遂定立憲之議先是鴻慈奉使在途已摺禮部尙書及還充釐定官制大臣轉法部尙書充經筵講官參預政務大臣時法部初設與大理院畫分權責往復爭議又改併部中職掌於是京外各級審判廳次第設矣又採英美制創立京師模範監獄三十四年疾作乞解職溫旨慰留兩宮升選力疾視事宣統元年賞一等第三寶星充報聘俄國專使大臣禮成返國奏言道經東三省目擊日俄二國之經營殖民地不遺餘力非急籌抵制無以固邊圉非振興實業曠其自然之利無以圖富強請速辦墾殖森林二端俟財力稍裕再籌興學路礦兵屯各事以資捍衛臚陳辦法得旨下所司議行是年八月命入軍機晉協辦大學士二年卒加太子少保諡文誠

論曰樞臣入對序次有定後列者非特詢不得越言晚近領以尊親勢尤禁隔旅進旅退而已景廉多戰績額勒和布有清操庚身應溥通達諳練壽恒有責

難之言鴻慈負知新之譽榮慶謹慎持躬那桐和敏解事皆庶幾大臣之選者歟

清史稿

列傳二百一十六

十

清史稿

列傳二百二十七

英桂

宗室載齡

恩承

宗室福錕

崇禮

裕德

英桂字香巖赫舍哩氏滿洲正藍旗人道光元年舉人以中書充軍機章京晉侍讀授山東青州知府遷登萊青道擢山西按察使調山東署布政使咸豐三年擢河南巡撫粵匪擾湖北英桂抵南陽籌防匪踞安徽六安州馳防汝寧捻首張洛行竄踞雒河集命英桂督三省軍務疊收賊於三河尖穎上捕獲教匪陳汰安王庭貞遼山西巡撫同治元年欽差勝保被逮多隆阿代領其軍多所裁撤部將宋景詩復叛英桂奏言勝保舊部雖多烏合降衆久經戰陣多隆阿到營旬日遣歸七起未免操之過急窮無所歸乘機走險應遵前諭如能隨同立功仍准一體保奏以安衆心報聞遼福州將軍七年署閩浙總督奏言前督左宗棠議減兵者爲增餉也議增餉者爲練兵也應就地勢情形以定經久之

清史稿

列傳二百二十七

一

制浙省依山阻海馬步水陸額兵三萬七千五百九十九名而駐於杭嘉湖甯溫紹台海濱七府者三萬餘名分駐湖金衢嚴處五府者七千餘名海疆偏重形勢瞭然加餉爲人情所願減兵又爲人情所難各屬形勢不同參以變通庶臻妥善今擬分別減兵增餉以本省應裁之餉加本省應存之兵至練兵擬照楚湘兵制整器械精技藝庶兵氣可揚水師戰船寬籌經費期復舊濠又言輪船之設利於巨洋駕駛之法迥異長江並擬定外海戰艇章程十二條上均嘉納召爲內大臣十一年授兵部尚書兼總管內務府大臣調吏部兼步軍統領光緒元年協辦大學士三年授體仁閣大學士四年以病乞休五年卒贈太子太保諡文勤

宗室載齡字鶴峯隸藍旗誠隱郡王允祉五世孫道光二十一年進士改庶吉士授檢討遷洗馬累至內閣學士以題定郡王載銓息肩圖稱門生違例鐫三級除光祿寺卿咸豐三年擢都察院副都御史授工部左侍郎粵匪北竄踞河間阜城命載齡督防固安匪南竄撤防會川督裕瑞被劾命載齡往勘因疏

陳山西陝西四川捐輸欵項侵蝕溢銷諸弊請敕各督撫嚴查參辦並條上章程五則議行時黔匪逼近蜀境詔載齡嚴飭地方勸諭鄉團助擊尋署陝西巡撫調刑部侍郎仍留陝五年疏言前撫臣王慶雲請准遣戍新疆官犯捐輸改發內地捐數無多何裨國計此端一開行險徼倖之徒將肆意妄爲絕無忌憚所得小而所失大請停止以儆官邪上覽之尋詔回京授泰寧鎮總兵兼總管內務府大臣以病乞休病痊署禮部侍郎授刑部調吏部同治元年擢都察院左都御史遷兵部尚書九年丁父憂賜輔國公光緒三年調吏部協辦大學士明年授體仁閣大學士六年因病屢疏乞休允之九年卒贈太子太保諡文恪

恩承字露園隸赫那拉氏滿洲正白旗人以筆帖式歷禮部郎中隨僧格林沁勦賊賞四品京堂授侍讀學士仍留營充翼長解山東滕縣陶克沙溝營臨城驛破賊曹州又敗之臨胸縣南晉三品京堂授太常寺卿同治二年拾首張洛行伏誅賞黃馬挂擢內閣學士授鎮紅旗蒙古副都統以僧格林沁遇害坐革

清史稿

列傳二百二十七

二

職旋以勦奉天馬賊復原官授理藩院侍郎七年捻匪張總愚北竄恩承總統神機營馬步兵往雄霸扼防捻平還京歷調工部禮部刑部吏部光緒元年兼總管內務大臣擢都察院左都御史正藍旗漢軍都統遷禮部尚書命與侍郎章華往四川查辦總督丁寶楨等被劾案復奏實楨交部議恩承言從古言利之臣咸以不加賦而財用足爲勦人聽聞之具溯自軍興以來川省釐捐兩項協撥餉需以千百萬計苟非國家深仁厚澤何以人樂輸將方今軍務肅清民氣未復乃川省設立官運局所徵正欵已暗寓加釐所收雜欵更巧爲攤派下與小民爭利而司道兩庫懸欠百萬有奇正欵反形支絀似於國計民生兩無裨益疏入敕部覆復命赴雲南查辦事件以侍郎閻敬銘勦恩承入川時失察家人需索部議革職留任回京授步軍統領十年遷刑部尚書調吏部協辦大學士明年授體仁閣大學士十三年命赴廣西湖南河南按察十五年轉東閣十八年卒諡文恪

宗室福錕字箴庭隸藍旗理密親王允弼六世孫咸豐九年進士授吏部主

事晉員外郎光緒四年授右庶子遷侍讀學士擢太僕寺卿六年賞副都統充西甯辦事大臣八年召授兵部侍郎歷調刑部戶部十年擢工部尚書兼步軍統領命在總理各國事務衙門行走兼管內務府大臣調戶部協辦大學士以部駁機器鼓鑄福銀議革職改留任旋復官十五年加太子太保詹事府右庶子崇文疏劾大學士張之萬交納外官命福銀借尚書潘祖蔭勸之奏言之萬住居湫隘門無雜賓樞臣接見外僚藉以考覈人才不得以因公謁見謂為接納營私惟僧靜洲以方外浮屠往來仕宦之家易招物議請驅逐回籍報可十七年授體仁閣大學士二十年皇太后萬壽賞雙眼花翎時京師盜風甚熾福銀初禁步軍訊盜用嚴刑盜益肆至是奏請變通緝捕章程允之二十一年疏請乞休卒諡文慎

崇禮字受之姜氏內務府漢軍正白旗人咸豐年以拜唐阿為清漪園苑丞文宗巡幸嘗詢以事奏對稱旨嘉獎之由員外郎歷內務府卿加內務府大臣光緒元年授山海關副都統乞病歸五年歷遷內閣學士命在總理各國事務衙

清史稿

列傳二百二十七

三

門行走補禮部右侍郎坐事議革職改降三級九年授光祿寺卿歷理藩院侍郎轉兵部戶部二十年加太子少保賞黃馬褂旋擢理藩院尚書出為熱河都統再乞病二十四年授刑部尚書兼步軍統領崇禮勤於職事太后念先帝誠拔頗推恩遇及政變起太后復訓政參預新政楊銳等獲罪崇禮以案情重大請欽派大學士軍機大臣會同審訊始命軍機會刑部都察院嚴審已又傳旨即行正法二十六年調戶部協辦大學士二十九年授東閣大學士轉文淵閣三十一年以病乞罷又二年卒諡文恪

裕德字壽田喜塔臘氏滿洲正白旗人湖北巡撫崇綸子光緒二年進士改庶吉士授編修累遷侍讀八年充咸安宮總裁借詹事府少詹事寶昌等疏請整頓咸安宮官學凡六事下部議行五轉至內閣學士督山東學政十六年擢工部侍郎調刑部二十年授都察院左都御史命偕侍郎廖壽恒赴四川按事二十四年遷理藩院尚書調兵部二十八年赴哲里木盟查辦事件因條上領荒招墾事宜如所議行二十九年協辦大學士授體仁閣大學士三十年充會試

總裁明年改東閣卒諡文慎裕德持躬謙謹禮賢下士有一得之長譽之不容口時皆稱之

論曰大學士滿漢並重非有資望不輕予大拜內閣不兼軍機者不參機務相業無聞焉英桂諸人或起軍功或承世蔭或嫻文學或優政事雖未能顯有名績而舊德老成雍容台鼎亦不愧宰相之器者歟

清史稿

列傳二百二十七

四

清史稿

列傳二百二十八

潘祖蔭

李文田

孫詒經

夏同善

張家驊

張英麟

張仁黼

張亨嘉

潘祖蔭字伯寅江蘇吳縣人大學士世恩孫咸豐二年一甲三名進士授編修遷侍讀入直南書房充日講起居注官累遷侍讀學士除大理寺少卿左宗棠被劾召對簿罪不測祖蔭上疏營救且密薦其能獄解乃起獨領一軍十一年詔求直言祖蔭念車駕還都首斥奸佞綱紀一新為上勸聖學求人才整軍務裕倉儲四事並請免賦以蘇民困汰釐以紓民力嚴軍律以拯民生廣中額以收民心繕疆數千言稱旨遷光祿寺卿與修治平寶鑑書成被賞賚先後糾彈官吏不職狀書凡數上文若欽差勝保直隸總督文煜陝西巡撫英榮布政使毛震壽甘肅布政使恩麟道員田在田諸人武若提督孔廣順總兵閻丕敘副

清史稿

列傳二百二十八

一

將張維義諸人蘇是直聲震朝端同治三年授左副都御史坐會議何桂清罪未列銜銜吏議明年恭親王奕訢獲譴下羣臣議祖蔭念重臣進退關繫安危疏請持平用中酌予轉圜祛世人惑補工部侍郎七年調戶部充經筵講官坐失部印職職留任典順天鄉試再坐中式舉人徐景春文理荒謬鑄二級十二年特旨賞編修仍入直錄輸餉功釋處分光緒改元授大理寺卿補禮部右侍郎數遷工部尚書加太子少保五年主事吳可灝以死請為穆宗立嗣祖蔭被命集議與徐桐等請申不建儲紳訓疏存毓慶宮明年借悼親王奕詝等辦中俄交涉約既成籌善後條列練兵簡器開鑛備餉四事進命入直軍機父憂歸服闋起權兵部尚書調補工部兼管順天府尹事大婚禮成晉太子太保十六年卒贈太子太傅諡文勤寶坻士紳感其救災勤勞願建專祠報可祖蔭嗜學通經史好收藏儲金石甚富先後數掌文衡典會試二鄉試三所得多真士時與翁同龢並稱翁潘云

李文田字芍農廣東順德人咸豐九年一甲三名進士授編修入直南書房充

日講起居注官同治五年大考晉中允九年督江西學政累遷侍讀學士秩滿其母年已七十有七矣將乞終養會聞朝廷議修圓鏡遂入都覆命既至謁軍機大臣寶鋆告以東南事可危李光昭姦狠無行責其不能匡救寶鋆曰居南齋亦可言奚必責樞府文田曰正為是來耳疏上不報諭歲上停止園工封事略言巴夏禮等焚毀圓明園其人尚存昔既焚之而不懼安能禁其後之不復為常人之家偶被盜劫猶必固其門墻慎其管鑰未聞有揮金誇富於盜前者今彗星見天象譴告而猶忍而出此必內府諸臣及左右儉人導皇上以腹削窮民之舉使腹削而果無他患則唐至元明將至今存大清何以有天下乎皇上亦思圓明園之所以興乎其時高宗西北拓地數千里東西諸國嚮暉天威府庫充盈物力豐盛園工取之內帑而民不知故皆樂園之成今皆反是聖明在上此不待思而決者矣疏入上為動容俄乞假歸光緒八年遭母憂服竟起故官入直如故數遷至禮部侍郎充經筵講官領閣事二十年疏請起用恭親王奕訢及前布政使游智開依行明年卒郵如制設文誠文田學識淹通述

清史稿

列傳二百二十八

二

作有體尤諳究西北輿地屢典試事類能談拔績學士皆稱之孫詒經字子授浙江錢塘人咸豐十年進士選庶吉士聞杭州城陷乞假歸奉親辟居定海參甯紹台道張景渠軍平浙東有功還授檢討以倭仁薦入直南書房同治四年擢司業上言弭災在恤刑治獄先平法本律盜案不分首從聖祖世宗加以區別自頃盜風充斥繁用重典行十餘年案不減少則知弭盜之術不在用法之嚴請敕刑部改例復祖制議行會上將侍太后幸悼親王府既與夏同善諫能未幾復將詣恭親王府祀神詒經再上疏言聖學方新宸修宜懋經帷屢曠則神志難專法駕時動則見聞易惑一日行幸一日已荒念典之功今日行禮異日或啟遊觀之漸士論歸之遭父憂去服除仍原官入直如故十年遷侍講五月朔日食詒經以天道感應本諸人事於是是遇災修省之請十三年夏彗星見越數日太白經天人心惶駭詒經復有廣開言路及罷圓明園工程之請遷侍讀學士德宗續業大考一等擢詹事召對命直抒所見述上澄吏治慎海防機宜甚悉光緒六年俄衅啟東山海陸邊防亟詒經言能戰

然後能和兵力專顧海口北塘覆轍可鑒請調勁旅守東路並津水舉辦民團
再遷刑部侍郎明年調戶部會左宗棠請修畿輔水利迺疏張之洞張佩綸
資治理並以山東河患河員專治河隄不講修導建議購泰西機船及時修濬
十一年入直毓慶宮山東河工領部銀百萬詒經廉得書吏史恩溥苛索狀嚴
責繳還將懲治章未上而御史王廣榮等劾劾以輕縱上令明白回奏覆奏入
卒陷吏議並罷直有勸引退者詒讓曰吾被恩遇久皇取佚吾身邪於是專治
部事佐度支凡十年時議設銀行造鐵路慮利權外溢斷持異議詒讓持躬
清正思以儒術救時敵不阿權要為同列所忌卒不得行其志先後數司文柄
深惡末學飲積習積之惟恐不皇所得多知名士生平論學不分漢宋謂經
學即理學又曰學所以厲行也博學而薄行學奚足尚一時為學者所宗十六
年卒優詔賜卹諡文愨

清史稿

列傳二百二十八

三

僧格林沁軍退頤通州柱良再就議欵同善建言敵情叵測宜專任僧格林沁
備戰守救並依行父憂歸服闋起故官同治六年遷少詹事其時傳言車駕將
幸惇親王府召集梨園同善聞之與孫詒經合疏諫止略言皇上冲齡敬天未
至南郊游幸先臨府第未安者一聖學端資養正耳目玩好偶有所娛恐疏而
不密未安者二近頃軍事未寧遊觀之事傳播四方易以慰臣民望未安者三
英俄人士雜處京畿稍示以懈何能帖伏未安者四夫孝以禮為歸禮以時為
大非時不舉古有明箴乞罷止以彰聖德出督江蘇學政遭繼母喪去職起膺
事十年遷兵部右侍郎秋忠塞兩奉其狀以上乞申虔禱實行敦節儉廣賑濟
開言路清庶獄諸政語至剴切十三年借尚書廣壽詣四川按事奏請撤永川
等兵差局綿竹等夫馬局光緒元年命直毓慶宮授讀固辭不獲益屏家事勿
問退唯默坐觀書思所以為獻納地先後累言盜案刑例宜復舊制分首從嚴
輔早請鑿井灌田蘇之晉豫飢請移海防關稅經費恤之四年復命視學江蘇
陛辭日力陳捐納有礙民生無裨國用稱旨明年被命巡視山東黃河條上治

下游三事曰濬海口曰直河灣曰通支河請移機器局經費治之其秋閱緣江
敵事又歷陳三不可恃請合數省力助守江口已築者毋廢未築者毋增上然
其言嘗割俸濬江陰城河植松五萬餘於君山民德之六年卒德宗聞之遽泣
其忠誠荷主知如此遺疏入賜卹如例諡文愨子庚復主事敦復御史
張家驥字子騰浙江鄞縣人同治元年進士選庶吉士授編修督山東學政調
山西遭父憂解職服除起故官遷侍講入直南書房光緒元年轉侍讀充日講
起居注官五年命直毓慶宮遷侍講學士明年劉銘傳奉召入都疏請籌造清
江浦鐵路下李鴻章等議家驥念典學方新講求上理萬一言利之臣隨聲附
和一言債事關繫匪輕迺力陳三弊阻止之疏入仍令鴻章覆覆鴻章力主銘
傳策然自是御史洪良品陳五害侍講張楷陳九不利並隨家驥而上諫書矣
事竟寢數遷內閣學士充經筵講官九年授工部右侍郎調吏部家驥純謹好
學一謝時趨莅官端慎授帝讀朝夕納誨頗能盡心所職十年卒上悼惜賜祭
葬如制諡文莊

清史稿

列傳二百二十八

四

張英麟字振卿山東懋城人同治四年進士選庶吉士授編修十三年命借檢
討王慶祺在弘德殿行走英麟甫入直即乞假歸省未幾穆宗崩慶祺以有罪
褫職衆皆稱其志節歷典福建雲南鄉試累遷祭酒充經筵講官光緒十七年
以詹事授奉天府丞兼學政奉省士民樸素隨船所至力加獎勵學風興起晉
內閣學士簡順天學政擢吏部侍郎二十六年通州試竣回京兩宮西狩官吏
遷避英麟獨守學政關防待交替明年召赴行在應詔上疏請力崇節儉乘輿
回鑾變法英麟言祖宗法制可整飭不可遽更張二十九年充會試副總裁
借開河南改試策論經義英麟嚴衡校多取績學會改官制英麟以侍郎遷副
都統漢員授旂官自此始旋晉都統三十四年授都御史時議行憲政許士民
上書英麟必詳審為代達御史江春霖直劾親貴斥回原衙門英麟率全臺合
疏留之宣統改元攝政監國復舉輪講之典英麟撰資治通鑑講章以進皆發
明精義比附近情實以誠意相感動章上但循故事留覽而已三年武昌變起
內閣改制飭都察院及凡有言責者皆停奏事英麟歎息以為奇變遜位詔下

遂乞罷歸德宗永遠奉安猶奔赴崇陵謁送重宴瓊林加太子太保乙丑冬卒年八十有八

張仁黼字劭予河南固始人光緒二年進士選庶吉士授編修入直上書房出督湖北學政以朱子小學近思錄訓士累遷洗馬充日講起居注官補侍講二十年日本衅起樞臣被劾適與李文田等請起用恭親王奕訢補旨遷鴻臚寺卿典試四川除奉天府府丞父憂未之官二十六年卒亂作奉命在籍治團練服闋赴行在時財匱議加丁口稅仁黼謂今日國勢極危而人心未去者良由世祖除明季三餉聖祖詔丁口以五十年為率嗣後滋生永不加賦深仁厚澤民不能忘今議加丁稅違祖制拂民情必不可事遂寢還京擢順天府府尹再遷兵部侍郎典試江西歷學部法部三十三年補大理院正卿奏請救部院大臣會訂法律略言法律主要在乎組織立法機關而所以成之者有三曰定律律宗旨辨法律性質編法律成典中國數千年來禮陶樂淑人人皆知尊君親上此迺國粹所在必宜保存用各國之法以補其不足尤須造就法律人才治

清史稿

列傳二百二十八

五

法治人相因為用然後可收實效又言立法之要規模不可不嚴推行必宜有漸否則未當於人心而貿然以試誠恐外國屬人主義勢力日益擴張而吾國屬地主義處理愈形糾紛有司奉行不善反使外人得以藉口為患甚大疏入多議行俄授吏部侍郎充經筵講官三十四年丁母憂未幾卒仁黼內行修不自標異嘗被命治河卻例饋節省金同官懼謂將與大獄仁黼忽索取金衆始安然頗怪其失操已而河南巡撫上言紳士助學校金不受獎敘數與之同朝士益服其清不絕物云

張亨嘉字燮鈞福建侯官人光緒九年進士選庶吉士授編修十四年視學湖南念儒官為士模範不激濁揚清曷以勵風教疏薦文行交修者數人土習為一變二十三年入直南書房越二年除司業類轉太常寺少卿一歲五遷殊數也二十六年夏親貴大臣信拳氏有神術能攘外飾詞入告上疑之命亨嘉察視亨嘉知其不可恃條上強費機宜甚悉疏甫入而亂作西狩還獨先賜用徙大理寺卿明年出督浙江學政頗採西國政教命題試士多得通材尚書張百

熙榮慶既為學務大臣別置大學總監督亨嘉遂被命任校事仍不離內廷職大學中更冠亂肄業生不盈百迺闢學舍廣集高材生類別學科禮聘儒宿及東西邦學人專門教授書籍儀器粲然具備兼攝進士館監督進士習法政自此始懋光祿寺卿左副都御史兵部侍郎逾歲疏辭校職轉禮部侍郎充經筵講官亨嘉為人敦實嗜古精鑒賞事母孝母黃氏壽百歲同列奏麻瑞中興後命婦享高耄者與詹事袁葆葆祖母郭氏二人而已上聞之歎異加恩賜予三十四年遭喪去終服仍入直宣統二年卒賜祭葬諡文厚

論曰同光典學內直諸臣每兼授體制較隆而文學侍從亦多選績學時備顧問稱榮幸焉祖蔭好賢勤事文田學識淹雅同以通博稱詒經重實學同善崇聖德家驥盡心誨納英麟早勵風節並無愧師儒仁黼亨嘉尤惓惓於明法修學後先相望其風采皆隱然可見焉

清史稿

列傳二百二十八

六

清史稿

列傳二百二十九

徐樹銘

薛允升

宗室延煦

汪鳴鑾

周家楨

周德潤

胡煥榮

張蔭桓

徐樹銘字壽衡湖南長沙人道光二十七年進士選庶吉士授編修典四川鄉試咸豐二年遷中允簡山東學政累遷內閣學士授兵部右侍郎督學福建按試興泉適莆田同安呂黃二氏械鬪勢洶洶樹銘諭以大義手書勸諭文付二氏躬祭鬪死者而哀之二氏愧悔復為立型仁購讓二塾訓其子弟二氏愈益和秩滿乞歸養同治五年起署禮部左侍郎明年督學浙江以薦舉人才中列已罷編修俞樾嚴旨付吏議謫遷太常寺少卿光緒初除鴻臚寺卿遭父憂終喪起授通政司副使十年督太常寺卿永定河決詔樹銘往勘既至奏罷罷工酌用民力及折價交土章程民德之法越事急念海道梗阻迺疏請漕糧改歸

清史稿

列傳二百二十九

一

河運敕直隸總督治南運全河十二年補左副都御史時議廢當十錢復制錢民心惶惑樹銘言於戶部尚書閻敬銘請發倉庫俾民以當十錢購粟糶平而錢不廢民迺安十五年授工部右侍郎歷充順天浙江鄉試正副考官會試總裁二十年中東構樹銘數十封事皆不報旋遷左都御史充經筵講官疏請行憲政敕督撫令有司管辦以從違為舉劾上嘉納下其疏各省二十五年拜工部尚書旋病卒予優卹樹銘幼穎異問學於何桂珍曾國藩倭仁唐鑑諸人生平無私蓄惟嗜鐘鼎書畫藏書數十萬卷雖老猶勤學不倦云薛允升字雲階陝西長安人咸豐六年進士授刑部主事累遷郎中出知江西饒州府光緒三年授四川成縣龍茂道調署建昌明年遷山西按察使值大校治振綜駁出入民獲甦又明年晉山東布政使權漕運總督准上惠劇盜久未獲允升謂得其巢遣吏士往捕歲除夕盜方飲酒未誠備悉執六年召為刑部侍郎歷禮兵工三部而佐兵部為久念國家養兵勇糜餼精因條列練兵裁勇機宜上嘉納十九年授刑部尚書初允升觀政刑曹以刑名關民命窮年討

測律例遇滯義筆諸册久之有所得或以律書求解輒為開導而其為用豈歸廉平凡所定讞案法隨科人莫能增損一字長官信仗之有大獄輒以相屬其鞫囚如與家人語務使隱情畢達枉則為之平反始以治王宏爵獄顯名蓋民有墮水死者團防局勇已不勝榜掠承允升覆訊事白厥後江甯民周五殺朱彪逆參將胡金傳欲邀功捕僧紹宗曲學如論死侍讀學士陳寶琛糾彈之上命允升往按廉得實承審官皆懲辦如律二十二年太監李茂材張受山構衆擊殺捕者嚴旨付部議允升擬援光棍例治之而總管太監李蓮英為乞恩太后以例有傷人致死按律問擬一語赦再議允升言李茂材等一案既非謀故鬪殺不得援此語為附合且我朝家法嚴官寺倍治罪此次從嚴懲治不能仰體哀矜之意已愧於心倘復遷就定讞並置初奉諭旨於不顧則負疚益深夫立法本以懲惡而法外亦可施仁皇上果欲肅清輦轂抑奄宦則仍依原奏辦理若以為過嚴或誅首而有從自在皇上權衡至當非臣等所敢定擬也疏上仍敕部議罪其時蓮英徧屬要人求未減允升不為動復奏請處斬張受

清史稿

列傳二百二十九

二

山至李茂材傷人未死量減為斬監候從之二十三年其從子濟關說通賄御史張仲忻給事中蔣式芬先後論劾允升坐不遠嫌鵠三級貶授宗人府府丞次年謝病歸二十六年奉命作兩宮幸西安允升赴行在復起用刑部侍郎尋授尚書以老辭不允二十七年回鑾從駕至河南病卒卹如制著有漢律輯存六卷漢律決事比四卷唐明律合編四十卷服制備攷四卷讀例存疑五十四卷子浚光緒六年進士官禮部郎中宗室延煦字樹南隸正藍旗直隸總督慶祺子以任子官禮部主事咸豐六年成進士選庶吉士授編修十三年車駕北狩錄城防功擢四品京堂明年授贊善累遷內閣學士除盛京兵部侍郎同治六年調戶部數勘辦展邊墾地十一年移督倉場與漢侍郎畢道遠疏請漕糧起運本色濟兵食議行光緒二年出為熱河都統以圍場曠莽易蕞奸宄請增置管汛資守禦有土寇王致岡者搆衆擾平泉赤峰建昌諸處積為民患官軍莫能捕至是遣守備松恩勦平之尋移疾去九年授左都御史念會典事例自嘉慶間續修中更六十餘年典章制

度視昔彌劇及今不修恐文獻無徵難免舛漏疏請敕廷臣集議開館限年修明憲典得旨報可十年督理藩院尙書調禮部萬壽聖節大學士左宗棠未隨班叩祝延煦上疏論劾略謂左宗棠職居首列鴻臚引班時竟步出乾清門不勝誠託國家優禮大臣宗棠被恩尤重縱捐頂踵未報萬一迺躬履尊嚴之地絕無誠敬之心如曰遊疾曷弗請假而必故亂班聯害禮負恩莫或斯等疏上下宗棠吏議以延煦語過當詔革職留任會山東民決口言者劾巡撫陳士杰誤工狀命延煦偕祁世長往按白其誣而言其失計又以遵旨巡察海防具圖說以上謂煙臺旅順對峙海面至此一東兩岸同心扼守要隘津沽得有鎖鑰防守之法應如何測淺深審沙穢備船廠設水師籌諸海戰之人必有制勝之策上覽其議特宣示還京再移疾不允十二年兩宮祇謁東陵詣孝貞顯皇后陵寢慈禧皇太后不欲行拜跪禮延煦持不可而爭數四方是時太后怒甚禮部長官咸失色延煦從容無少變太后卒無以難不得已跪拜如儀延煦起家貴介以文詞受主知而立朝大節侃侃無所撓士論偉之明年卒子會章光

清史稿 列傳二百二十九 三

緒二年進士歷官理藩院侍郎戊戌改變漢京朝官權法網者衆會章獨奏論刑獄貴持其平不當以滿漢分畛域言人所不敢言論者謂其伉直有父風汪鳴鑾字柳門浙江錢塘人少幼學同治四年成進士選庶吉士授編修遷司業益覃研經學謂聖道垂諸六經經學非訓詁不明訓詁非文字不著治經當從許書入手嘗疏請以許慎從祀文廟歷督陝甘江西山東廣東學政典河南江西山東鄉試顯重實學號得士光緒三年父憂歸服闋起故官歷遷內閣學士督工部侍郎兼筦戶部三庫十六年赴吉林按察與尙書敬信俱二十年主禮部試時日韓衅起朝議紛囂詔行走總理各國事務衙門充五城團防大臣調吏部右侍郎兼貳刑部除年和議成日人堅索臺灣鳴鑾力陳不可稱上意時上久親政數召見朝臣鳴鑾奏對尤切直忌者遠之太后故抑揚其語太后信之上不自安其冬遂下詔曰朕侍奉皇太后仰蒙慈訓大而軍國機宜小而起居服御體恤朕躬無微不至迺有不學無術之徒妄事揣摩輒於召對時語氣抑揚罔知輕重如侍郎汪鳴鑾長麟上年屢次召見信口妄言迹近離間本

欲即行治罪因軍務方棘隱忍未發今特曉諭諸臣知所做傷汪鳴鑾長麟並革職永不叙用嗣後內外大小臣工有敢巧言嘗試者朕必治以重罪既罷歸主講杭州詒經精舍數文書院三十二年卒長麟滿洲鎮藍旗人光緒六年繙譯進士授編修累至戶部右侍郎

周家楣字小棠江蘇宜興人咸豐九年進士選庶吉士散館改禮部主事充總理各國事務衙門章京其時教既棘四川總督駱秉章夙持正外人以將軍崇實易與遇事輒就決之數與大獄至殺平民二百人勿之問家楣上書執政極言其害請教案歸總督裁決卒如所言各國相繼換約交涉益劇枋事者多依違家楣苦心經營凡議親禮遣使臣護僑民皆委曲歷久而后定泊日本關臺灣海防亟亟爲策先謀足以制日者於是大學士文祥舉立海軍造船艦築礮臺製槍械采煤鐵招僑商及用人籌餉諸端折衷衆說屬草議上之累遷郎中擢五品京堂光緒改元除太僕寺少卿典四川鄉試越二載遷順天府府尹兼總理各國事務大臣遭憂去服闋署左副都御史直總署如故八年再授順天府府尹時吏治日弛家楣自初蒞即奏增經費勸汚吏練捕盜營親決獄訟設通州良鄉官車局近畿教養義塾善堂留養局增貢院號舍擴金臺書院製孔廟祭器樂器及再任益有興革郡中一切皆治辦九年陞兩河滄州邑額舊亟疏請帑復募集銀百餘萬會關東大熱勸募雜糧亦獲數萬石郵飢因明年春大舉工賑濬京南鳳河京東北運河武清寶坻兩減河宛平廳谷莊百二十村溝漕通州涿州霸州保定堤壩決口分助直魯工賑皆鉅萬會謂京畿隳荒之政爲百年所未有云家楣方負時望累署禮戶兵三部侍郎上意駁擢用既而恭親王奕訢能政朝局一變法越事起朝士激昂多主戰家楣以法強盛不可輕敵迺自具疏略謂法人肆擾海疆臺灣亟於戰禦械阻絕敵以兵船十數游弋海口伺隙抵轍各國且潛濟之臺灣雖勝與內地隔越南得手得一地留一師亦恐分兵致弱今調停之說發之自彼權之在我不得不別具深謀欲禽先縱至中國實能自強轉無戰之可言此大局之樞紐也疏上自知其言不協時曰吾終不以附和設國給事中孔憲毅劾張蔭桓洩漏機密語連家楣及

清史稿 列傳二百二十九 四

汪鳴鑾字柳門浙江錢塘人少幼學同治四年成進士選庶吉士授編修遷司業益覃研經學謂聖道垂諸六經經學非訓詁不明訓詁非文字不著治經當從許書入手嘗疏請以許慎從祀文廟歷督陝甘江西山東廣東學政典河南江西山東鄉試顯重實學號得士光緒三年父憂歸服闋起故官歷遷內閣學士督工部侍郎兼筦戶部三庫十六年赴吉林按察與尙書敬信俱二十年主禮部試時日韓衅起朝議紛囂詔行走總理各國事務衙門充五城團防大臣調吏部右侍郎兼貳刑部除年和議成日人堅索臺灣鳴鑾力陳不可稱上意時上久親政數召見朝臣鳴鑾奏對尤切直忌者遠之太后故抑揚其語太后信之上不自安其冬遂下詔曰朕侍奉皇太后仰蒙慈訓大而軍國機宜小而起居服御體恤朕躬無微不至迺有不學無術之徒妄事揣摩輒於召對時語氣抑揚罔知輕重如侍郎汪鳴鑾長麟上年屢次召見信口妄言迹近離間本

吳廷芬等乃能直總署轉通政使十三年卒順天士民感其遺惠請建通州專祠詔允之

周德潤字生霖廣西臨桂人同治六年進士選庶吉士授編修遷司業歷侍讀學士充日講起居注官光緒八年除少詹事星變陳言上修理政刑六事再遷內閣學士十年大學士左宗棠稱疾請解職德潤力言宗棠不宜去位請旨責其引退之非示以致身之義稱旨當是時言路發達德潤先後劾巡撫李文敏倪文蔚不職狀有直學法越構兵倡教越讓數請力保藩封速定戰計條列五務十端可危者八不可和者五宜用兵者七又以防務不可歲月計復請亟籌強邊積穀以老敵師操勝算疏凡十條上上數召見嘉其諳邊情命行走總理各國事務衙門兩次請教廷臣集議未幾和議起法人勒退兵益索償費議者欲與之德潤持不可謂苟傷國體即一介不可與請定志毋退縮已議款事棘德潤獨具疏略言藩封可棄狹謂非域中也邊界可分猶謂非腹地也商可通兵可微猶謂守約非背約也五條外橫生枝節若猶遷就其何能國請嚴拒之

清史稿

列傳二百二十九

五

並陳和戰機宜甚悉上以單銜入告乖和衷詎能直總署及明詔與法宜戰德潤遵旨覆陳戰計力駁德瑞琳盛宣懷所擬和約條列救臺復越六策力主先戰後和復上安徽釐稅梧州關稅積弊狀先後命大臣廉得實設法整飭之歲課贏數十萬明年和議將成德潤離粵九事進曰習勤苦責疆吏清內充募銳卒杜中飽會辦北洋大臣宜分駐奉天海口南北宜聯一氣滇粵宜籌善後雲南宜設機器局上嘉焉時法使浦理斐等赴越朝命德潤詣滇治界務德潤率道員葉廷眷等出關勸都奄南丹古林等緣南溪河至河口保勝蠻耗十二年與法使狄隆等論界綫以緣邊二千餘里議分五段執志乘與爭更正沒入越地三十餘里險要地四十里復大賭呢河外苗塘子諸地數百里險峻還除刑部侍郎督順天學政十八年卒予優卹

胡燏燾字芸榭安徽泗州人本籍浙江蕭山同治十二年進士選庶吉士散館改知廣西靈川縣未上納質為道員銓直隸總督李鴻章俾充北洋軍械補天津道光緒十四年鴻章將出閱海軍有巨擘說為變流言督動各國領事詰鴻

章鴻章以其事屬燏燾越三月捕治之民適定海舟應福自奉天運米豆輸天津充戶長者歲出金三萬往往破家燏燾廉得狀上鴻章奏罷之十六年大水民數萬止城上燏燾擴北倉西沽粥廠徙居之鴻章用其言募集銀三百數十萬復督塞南北運河諸溢流凡八十餘處民猶及種麥十七年遷廣西按察使賜頭品服逾歲到官多所平反兩權布政使建通業堂教士下臨桂知縣督諸囚習藝二十年入覲會中東事起命治精臺師挫鴻章東渡行成諸軍西入關燏燾疏請賞遺之蔣希夷軍幾潰燏燾單騎宣諭卒解遺無敢譁者朝廷恫喪師知勇兵不足恃命燏燾主練兵成十營顧小站號定武軍小站練兵自此始燏燾上疏言變法自強條列十事曰開鐵路自漢口至京為幹路其分支南自光山固始出六安自應城京山安陸出荆門當陽西自懷慶出軹關運蒲解達關隴東自開封歸德過宿泗抵清江曰造鈔幣銀幣母使各國鑄市利曰製機器國家用槍礮船械令民廠自造可塞漏卮曰開礦產築路需煤鐵鑄幣需金銀銅製機器需五金擇良吏主其事曰折南漕官祿軍精並易以銀仍就津市

清史稿

列傳二百二十九

六

米儲通州備緩急曰減兵額汰老弱簡精壯化無用為有用曰創郵政取其貨佐度支驛站提塘皆可廢曰練陸軍將知學問械求畫一兵取良家厚將領月精嚴戒侵蝕曰整海軍軍置帥總領綠海七省隸中樞不受疆吏節度曰設學堂農商工礦醫有額家水師陸軍女子百啞有教法朝廷為定制甄而用之又言停武科練旗兵器械營制鑲章並從西式次第皆採用是歲定議造鐵路自蘆溝至津命燏燾充督辦尋授順天府尹疏請展京西支路首蘆溝訖門頭溝便煤運已充總理各國事務大臣時董福祥軍駐南苑斫傷鐵路西國工程師各公使訴於朝請罷董燏燾力爭始留駐近畿然卒以此罷直總署燏燾夙以談洋務著稱次年拳匪入京指為通敵欲殺之逸而免膺會辦關內外鐵路之命路為聯軍占歲餘始與英使訂約接收復歸於我遷刑部右侍郎二十二年轉禮部尋轉郵傳部卒郵如制予天津建祠

張蔭桓字樵野廣東南海人性通悅納質為知縣銓山東巡撫閣敬銘丁寶楨先後器異之數薦至道員光緒二年權登萊青道時英國請開煙臺租界讓倡

馬頭捐以飲厚賞蔭桓持不可又義菊一區爲人盜售有司已鈐契矣復與力爭卒返其地七年授安徽徽甯池太廣道扶藁湖關廂稅驟進會久墜兩江流行溢州邑顛蕩出俸錢振之明年遷按察使徵還賞三品京堂命直總理各國事務衙門十年除太常寺少卿蔭桓精敏號知外務驟躋巍官務攬權爲同列所忌給事中孔憲毅據其致蘇松太道邵友濂私函爲洩朝旨劾之詔出總署又以語連同官並罷周家楣等朝列登銜之左遷直隸大順廣道十一年命充出使美日秘三國大臣除歲赴美舟抵金山稅司黑假索觀國書蔭桓謂非關吏所得預岐拒之電話美外部黑假踰階謝至伊士頓地近洛士丙冷華民簞食相迎初華民之傭其地也爲美工燬殺數至二百餘人前使鄭藻如索償所毀財產久不得直至是皆待命蔭桓蔭桓既達美都即與其外部辨論凡償墨西哥銀十四萬七千有奇金山華民故好械鬪嘗爲文風諭之未幾美設苛例欲禁過華工蔭桓曰與其禁命它族毋寧勿與通也於是倡自禁華工議繼迺衆請不果行其它烏盧公司澳路非奴姑阿路美的欽巴新舊槐花

清史稿

列傳二百二十九

七

園諸案亦多所幹旋又與日廷爭論小呂宋設官事卒如所議是歲除太常寺卿轉通政司副使十三年奏設古巴學堂並籌建金山學堂醫院後二年還國仍直總署歷遷戶部左侍郎二十年中日議和命偕友濂爲全權大臣東渡日人弗納次年復命與日使林董廣議商約蔭桓力爭優待利益徵收稅則二事成通商行船二十九款語具邦交志二十三年奉使賀英上以其領度支熟知外情命就彼國兼議加稅堅拒免釐蔭桓歷英美法德俄而還條具聞見累疏以陳大指謂宜屏外援籌固圉爲籌畫起廢策二十四年京師設礦務鐵路總局被命主其事數言修內政以戢民志治國練以裕兵力敕並依行先是變法議起主事康有爲與往還甚密有爲獲譴遂視蔭桓職謫成新疆越二年拳亂作用事者矯詔僇異已蔭桓論斬成所二十七年復故官

論曰光緒朝部院大臣多負物望其兼直總署者時方重交涉權比樞廷樹銘允升通經明律家桐潤議約論戰熾爰熱時務蔭桓諸外交皆各有建白一時理亂實隱繫之鳴鑾以妄言罷斥論者疑非其罪延煦爭謁陵拜跪勸朝賀

亂班侃侃尤無愧禮臣云

清史稿

列傳二百二十九

八

清史稿

列傳二百三十

孫家鼎

張百熙

唐景崇

于式枚

沈家本

孫家鼎字燮臣安徽壽州人咸豐九年一甲一名進士授修撰歷侍讀入直上書房光緒四年命在毓慶宮行走與尚書翁同龢授上讀累遷內閣學士擢工部侍郎江西學政陳寶琛疏請以先儒黃宗羲顧炎武從祀文廟議者多以爲未可家鼎與潘祖蔭翁同龢孫詒經等再請始議准十六年授都察院左都御史工部尚書兼順天府尹二十年中日事起朝議主戰家鼎力言釁不可啟二十四年以吏部尚書協辦大學士命爲督學大臣時方議變法廢科舉興學校設報編書皆特交核覆家鼎一裁以正營疏謂國家廣集卿士以資議政聽言固不厭求詳然執兩用中精擇密處尤賴聖知其所建議類能持大體及議廢立家鼎獨持不可旋以病乞罷二十六年乘輿西狩召赴行在起禮部尚書還

清史稿

列傳二百三十

一

京拜體仁閣大學士歷轉東閣文淵閣晉武英殿充學務大臣裁度規章折衷中外嚴定宗旨一以敦行實學爲主學風爲之一靖議改官制命與慶親王奕劻軍機大臣瞿鴻禨總司核定御史趙啟霖劾奕劻及其子貝子載振受賄納優命醇親王載灃與家鼎往案敘錄坐汚職親貴職而載振等亦乞罷兼官資政院立命貝子溥倫及家鼎爲總裁一持正議不阿時詔請臣輪班進講家鼎撰尚書四子書講義以進二十四年二月以鄉舉重賞太子太傅歷蒙賜壽頒賞御書及諸珍品賜紫纁紫禁城內坐二人暖輪恩遇優渥宣統元年再疏乞病溫詔慰留尋卒年八十有二贈太傅諡文正家鼎簡約飲退生平無疾言遽色雖貴與諸生鈞禮閉門齋居雜賓遠跡推避權勢若怯嘗督湖北學政典山西試再典順天試總裁會試屢充閱卷大臣獨無所私嘗拔一卷廁二甲同列意不可即屏退之其讓不喜競類此器量尤廣庚子外人請懲禍首戮大臣編修劉廷琛謂失國體責幸輔不能爭家鼎揖而引過其後詔舉御史家鼎獨保廷琛謂以大義見責知忠鯁必不負國世皆稱之

張百熙字楚秋長沙人同治十三年進士授編修督山東學政典試四川命直南書房再遷侍讀光緒二十年朝鮮釁起朝議多主戰百熙疏劾李鴻章陽作戰備陰贊主和左寶貴葛士成皆勇敢善戰之將以餽械不繼遂致敗績咎在鴻章又劾禮親王世鐸筭樞務招納權賄戰事起一倚鴻章貽誤兵機皆不報時值太后萬壽承辦典禮者猶競尙華飾百熙奏罷之復借侍講學士陸寶忠等合彈樞臣朋比誤國十大罪未幾孫毓汶引疾歸恭親王奕訢復入軍機而百熙亦出督廣東學政累遷內閣學士二十四年坐濫舉康有爲革職留任二十六年授禮部侍郎擢左都御史充頭等專使大臣拳匪亂定下詔求言百熙抗疏陳大計請改官制理財政變科舉建學堂設報館明年遷工部尚書調刑部充督學大臣京師之有大學堂也始於中日戰後侍郎李端棻奏請立學中旨報可而樞府厭言新政請緩行迄戊戌乃奉嚴旨促擬學章命孫家鼎爲督學大臣及政變惟大學以萌芽早得不廢許景澄繼管學坐論義和團被誅兩宮西幸百熙詣行在以人望被斯任於是海內欣然望興學矣百熙奏加冀州

清史稿

列傳二百三十

二

知州吳汝綸五品卿銜總教大學汝綸辭不應百熙具衣冠拜之汝綸請赴日本察視學務大學教職員皆自聘又薪金優厚忌嫉者衆蜚語浸聞汝綸返國未至京卒而百熙所倚以辦學者門人沈兆祉亦受譏構大學既負時謗言官奏稱本朝定制部官大率滿漢相維請更設滿大臣主教事乃增命榮慶爲督學大臣旋別設學務處以張亨嘉爲大學總監督百熙權益分始議分建七科大學又選派諸生游學東西洋榮慶意不謂可而百熙持之堅親至站送諸生登車各省之派官費生自此始值張之洞入覲命改定學章及還鎮復命家鼎爲督學大臣凡三管學百熙位第三矣百熙擬建分科大學以紓於資而止惟創醫學及譯學館實業館遞謝學務賞黃馬褂紫禁城騎馬後歷禮部戶部郵傳部尚書政務學務編纂官制諸大臣卒贈太子少保設文達唐景崇字春卿廣西灌陽人父懋功舉人有學行景崇同治十年進士授編修由侍讀四遷至內閣學士二十年典試廣東明年主會試歷兵部禮部侍郎樞左都御史出督浙江學政母憂歸卒禍起命督辦廣西團練二十九年以上部

侍郎典試浙江督江蘇學政三十一年詔罷科歲試學政專司考校學務景崇條上十事明年罷學政還京供職疏陳立意大要四事時兩廣疆臣建議廣西省會移治南甯京朝官皆持異議景崇奏陳遷省之議以越南逼近龍州法人時蓄狡謀桂林距離遠聲氣難通不若改建南甯之便臣謂不然今我兵力尙不能經營邕州扼北海水陸衝要徒虛張聲勢招外人疑忌何爲且遷徙締造之費桂林善後之費練兵設防之費皆非巨款不辦方今俄居西陲英窺南徼蒙藏川滇勢均岌岌非獨一法人之可畏以大局論決不能竭全力事廣西之一隅以廣西論亦不能竭全力事南甯之一隅明矣故爲今之計誠能簡重臣駐龍州於對汛邊地二千里相度土宜興辦樹藝屯墾畜牧開礦諸端俟地利漸興人齒漸繁再以兵法部勒此上策也至目前應變之方莫如迅設龍州電綫移提督駐南甯增募十營暫停廣西應解賠款飭各省欠解廣西協饒分年攤解用抵賠款一轉移間饑足則兵強可紓朝廷南顧之憂若遷省之舉勞民費財無益於治事得廢調吏部侍郎充經筵講官景崇以輯學端品受主知屢

清史稿

列傳二百三十一

三

司文柄道科舉罷廷試游學畢業生皆倚景崇校閱宣統元年戴鴻慈卒遺疏薦景崇堪大用二年擢學部尙書明年詔設內閣改學務大臣是時學說紛歧景崇力謀溝通新舊慎擇教科書兼任弼德院顧問大臣武昌變起袁世凱總理內閣仍命掌學務引疾去越三年卒諡文簡景崇博覽羣書通天文算術尤喜治史自爲編修時取新唐書爲注大例有三曰糾繆曰補闕曰疏解甄采書逾數百種家故貧得秘籍精本輒典質購之殫精畢世唯缺地理志內疆廣州及藝文志餘均脫稿

于式枚字晦若賀縣人博聞強記善屬文光緒六年進士以庶吉士散館用兵部主事李鴻章疏調北洋差遺歷十餘年奏牘多出其手性不樂爲外吏又格於例不得保升京秩久之不遷二十二年鴻章賀俄皇加冕因歷聘德法英美諸國式枚充隨員俄選授禮部主事由員外郎授御史遷給事中贊辛丑和約賞五品京堂充政務處幫提調大學堂總辦譯學館監督三十一年以鴻臚寺少卿督廣東學政改提學使疏辭命總理廣西鐵路二十三年擢郵傳部侍郎

當是時政潮激烈有詔預備立憲舉朝競言西法無敢持異議者於是式枚奉命出使德國充考察憲政大臣瀕行疏言憲政必以本國爲根據採取他國以輔益之在求其實不徒震其名我朝道監百王科條詳備行政皆守部章風聞亦許言事刑賞予奪曾不自私有大政事大興革內則集廷臣之議外或待疆吏之章勤求民隱博采公論與立憲之制無不符合上有教誡無約誓下有遵守無要求至日久官吏失職或有奉行之不善海國開通又有事例之所無自可因時損益並非變法更張惟人心趣向各異告以堯舜周孔之道則以爲不足法告以英德法美之制度而日本所模倣者則心悅誠服以爲當行攷日本維新之初卽宣言立意之意後十四年始發布開設國會之敕諭二十年乃頒行憲法蓋預備詳密遲慎如此今橫議者自謂國民衆衆者輒云團體數年之中內治外交用人行政皆有干預之想動以立意爲詞紛馳電函上厲宸慮蓋以立意爲新奇可喜不知吾國所自有其關於學術者固貽譏荒陋以立意爲即可施行不審東洋之近事關於政術者尤有害治安惟在朝廷本一定之指

清史稿

列傳二百三十一

四

歸齊萬衆之心志循序漸近先設京師議院以定從違舉辦地方自治以植根本尤要在廣興教育儲備人才凡與憲政相輔而行者均當先事綢繆者也臣前隨李鴻章至柏林略觀大概今承特簡謹當參合中西同異歸極於皇朝典章庶言皆有本而事屬可行是臣區區之至願明年調禮部侍郎時新黨要求實行立憲召集國會日亟式枚上言臣備考東西歷史參校同異大抵中法皆定自上而下奉行西法則定自下而上遵守惟日本憲法則纂自日臣伊藤博文雖西國之名詞仍東洋之性質其採取則普魯士爲多其本原則德君臣所定名爲欽定憲法夫國所以立曰政政所以行曰權權所歸卽利所在定於一則無非分之想散於衆則有競進之心行之而善則爲日本之維新行之不善則爲法國之革命法國當屢世苛虐之後民困已深欲以立憲救亡而適促其亂日本當尊王傾幕之時本由民力故以立意爲報而猶緩其期中國名義最重政治最寬國體尊嚴人情安習既無法國之怨毒又非日本之改造皇上俯順輿情迭降諭旨分定期自宜互相奮勉靜待推行豈容欲速等於取償求



治同於論價至敢言監督朝廷推倒政府背動浮言幾同亂黨欲圖補救之策
 惟在朝廷舉錯一乘至公不稍予以指摘之端自無從為煽惑之計至東南各
 省疆吏當慎擇有風力知大體者鎮撫之當十年預備之期為大局安危所繫
 日皇所謂組織權限為朕親裁德相所謂法定於君非民可解故必正名定分
 然後措正施行臣濫膺考察斷不敢附會時趨貽誤國家得罪名教章下所司
 尋調吏部侍郎上海政聞社法部主事陳景仁等電請定三年內開國會體式
 枚謝天下嚴旨申飭福景仁職式枚復奏言德皇接受國書答言憲政紛繁慮
 未必合中國用選舉法尤未易行又昔英儒斯賓塞爾亦甚言憲法流弊謂美
 國憲法本人民平等行之久而治權握於政黨平民不勝其苦蓋歐人言憲法
 其難其慎如此今橫議徧於國中上則詆政府固權下則罵國民失職專以爭
 競相勸導此正斯賓塞爾所云政黨者流與平民固無與也伊藤博文論君臣
 相與先道德而後科條君民何獨不然果能誠信相接則普與日本以欽定憲
 法行之至今如其不然則法蘭西國民約憲法何以革命者再三改法者數十

清史稿

列傳二百三十

五

而猶未定臣愚以為中國立憲應以日本仿照普魯士之例為權衡以畢士麥
 由君主用人民意見制定及伊藤博文先道德後科條之言為標準則憲法大
 綱立矣章下所司又以各省諮議局章程與普國地方議會制度不符大指謂
 改革未定之時中央政權唯恐少統一堅強之力而國民職政體知法意者極
 少驟以此龐大政權之地方議會橫巨政府與國民之間縱使被選者不皆營
 私武斷而一國政權落於最少數人之手劫持中外大臣後患何可勝言因證
 以普制逐條駁議先後譯奏普魯士憲法全文官制位號等級暨兩議院新舊
 選舉法式枚以三十三年冬行宣統元年六月返國以疾乞假張之洞遺疏薦
 式枚堪大用轉吏部侍郎改學部侍郎總理禮學館事修訂法律大臣國史館
 副總裁國變後僑居崑崙未幾卒年六十三諡文和式枚生而隱宮精力絕人
 夜倚枕坐如枯僧內介而外和易論事善諤頗有聲公卿間云
 沈家本字子博浙江歸安人少讀書好深湛之思於周官多創獲初授例以郎
 中分刑部博稽掌故多所纂述光緒九年成進士仍留部補官後充主稿兼秋

審處自此遂專心法律之學為尚書潘祖蔭所稱實十九年出知天津府治尚
 寬大姦民易之眾眾聞於市即擒斬四人無敢復犯者調刺保定甘軍毀法國
 教堂當路備於外勢價五萬金以道署舊址建新堂使及府署東偏家本據府
 志力爭得直拳匪亂作家本已擢通永道山西按察使未及行兩宮西幸聯軍
 入保定教士銜前隙誣以助拳匪卒無左驗而解因馳赴行在授光祿卿擢刑
 部侍郎自各國互市以來內地許傳教而中外用律輕重懸殊民教日齟齬官
 畏事則務抑民不能堪則激而一逞往往焚毀成巨禍家本以謂治今日之
 民當令官吏普通法律然中律不變而欲收回領事審判權終不可得會變法
 議起袁世凱奏設修訂法律館命家本偕伍廷芳總其事別設法律學堂畢業
 者近千人一時稱盛補大理卿旋改法部侍郎充修訂法律大臣宣統元年兼
 資政院副總裁仍日與館員商訂諸法草案先後告成未嘗以事繁自解其所
 著書有讀律校勘記秋賦須知刑案匯覽刺字集律例偶變歷代刑官考歷代
 刑法考漢律摭遺明大誥較令考明律目變他所著非刑律者又二十餘種都

清史稿

列傳二百三十

六

二百餘卷卒年七十四
 論曰自變法議興凡新政特設大臣領之百熙管學務家本修法律並遊時譽
 景崇之主教育謀溝通新舊式枚之論憲政務因時損益而大勢所趨已莫能
 挽救家本儒厚廉謹常以資望領新政每參大計獨持正不阿實哉不愧古大
 臣矣